





HENRICI ALTING
S. Theol. Doct. & Profess.
SCRIPTORVM
THEOLOGICORUM
HEIDELBERGENSIVM

Tomus Primus,

continens

LOCOS COMMUNES
cum Didacticis, tum Elencticis.



AMSTELODAMI,
Apud JOANNEM JANSONIUM.
CLC DC XLVI. J. C. Cauberg D.

HENRICI ALTING
S. Theol. Doct. & Prof. ff.
SCRIPTORIUM
THEOLOGICORUM
HEIDELBERGENSIVM
Tomus Primus

CONTINENS
LOCOS COMMUNES
cum Disquisitionibus et Illustrationibus



AMSTELÆDAMI
Apud JOHANNEM JANSZONIVM
Librarium & Bibliopolem
P. 1772

SERENISSIMO PRINCIPI

ac Celsissimo Domino,

CAROLO LUDOVICO,
Comiti Palatino ad Rhenum, S.

Rom. Imperii Electori, Duci Bavarix, &c.

Domino nostro Clementissimo.

SERENISSIME PRINCEPS,



Tfi vulgo, qui commentationes hoc
genus Scholasticas Vobis Principibus
inscribunt, parum attendere viden-
tur, quid aularum ingeniis & illustri
illi fastigio conveniat: hæc tamen Parentis no-
stri Heidelbergensia Scripta, vel ipso tituli elo-
gio Tibi debita, nisi ad Celsitudinis Tuæ pa-
trocinium confugere non possunt. Nam cum
auspiciis olim Serenissimi Patris Tui solenniter
consecrata, & in avita Academia Vestra publice
sint proposita; cum simplicis illius ac solidæ
Theologiæ, quæ in ditionibus Palatinatus Tui
sonuit, quandam velut effigiem represen-
tent; cum denique ad institutionem juven-
tutis Palatinæ peculiariter conformata sint, &
in spem Ecclesiarum Tuarum adhuc desti-

DEDICATIO.

nentur , cui potius competerent , quàm Tibi , cui fors nascendi & immotæ successionis jura, rerum divinarum & humanarum arbitrium ac tutelam delatam voluere. Quod si inter eximia Domus Vestræ decora , spectatum semper fuit excellens quoddam purioris Reformationis ac doctrinæ studium; quam, fremente licet toto Imperio, Majores Tui Illustrissimi Fridericus II. & Otto Henricus Electores , in Palatinatum introduxere , & pro qua asserenda ille heroicæ pietatis & constantiæ Princeps Fridericus Tertius, abavus Tuus, vitam fortunæque suas summo discrimini objicere non dubitavit : ne nobis quidem dubium esse debet, quin Parentis nostri qualiscunq; opera, in eadem doctrina illustranda, & ab adversariorum cavillis vindicanda, Tuæ Celsⁿⁱ. grata sit futura. Quippe sic à teneris, unà cum Illustrissimis Fratribus es informatus , ut non infima educationis Vestræ palma & cura in vera religione instillanda videatur fuisse posita : iis porro ingenii & optimarum artium subsidiis es instructus , ut de singulis Fidei controversiis non modò luculenter differere, sed etiam solidè judicare possis: denique, quam semel agnovisti
verita-

D E D I C A T I O.

veritatem, vita pariter ac confessione sic retines, ut inter plurimos qui restitutioni Vestræ ponuntur obices, vel ejus rei potissimam invidiam etiam nunc sustinere credaris. His igitur de causis cum præsidium nominis Tui merito implorare debuerint Theologici isti tractatus; mirandum non est, si nonnihil etiam audacius hanc vitam affectent, subnixa fiducia quadam & prope consuetudine ejus gratiæ, quam auctori eorum, dum viveret, apud Cels^{sem}. Tuam esse voluisti. Publice enim constat, nec sine veneratione hoc agnoscimus & profiteamur, immensis quibusdam ac pene infinitis beneficiis toti Sereniss^{mæ} Domui Electorali Parentem nostrum fuisse obstrictum: quod ab ipsa propemodum adolescentia in aulam Palatinam sit adscitus, ibidemque benigne semper & clementer habitus: quod institutioni Serenissimi Regis, Patris Tui, adhibitus, ejus Majestati fidem ac diligentiam suam ita probarit, ut Ephoriam Tuæ Cels^{it^{nis}} cæteræque Regiæ Sobolis ipsi specialiter demandatam voluerit: quod denique non vulgaris favoris indicia à Tua quoque Cels^{it^{ne}} sit expertus, & benevolę admissiois gratiam apud utrumq;

DEDICATIO.

trunq;retinuerit. Cujus sanè inusitatae Clemen-
tię Vestrae, & grati vicissim animi paterni, cum
jamdudum deberet aliquod exstare monumen-
tum, à nemine profectò id justius excitari pote-
rat, quam à nobis, genuinis ejus filiis: ad quos
non solum istorum beneficiorum omnium rediit
fructus, sed quos ipsosmet jam inde à pueritia
non levibus benevolentiae Tuæ stricturis impar-
tiri dignatus fuisti. Quod si hanc qualemcunq;
humillimi officii nostri testificationem, benignè
suscipere volueris, non modo cæteræ pater-
nae gratië id imputabimus, sed novam exinde
fiduciam capiemus, constantem Electoralis Tuę
Celsit^{nis} favorem & clementiam, in nos quoque
velut hereditaria successione continuatum iri.
Datum Amstelodami, Nonis Quintil. Anno
Christi CIO. IDC. XLVI.

Serenissimæ Celsitudinis Tuæ

Humillimi Clientes

MENSO & IACOBVS ALTINGII.

Præ-

P R Æ F A T I O

A D L E C T O R E M.



*S*olent ferè, qui aliquid operis in lucem emittunt, in præfatione causas exponere, qua re potissimum adducti hoc faciunt. Nobis è diverso reddenda ratio potius videtur, quare non dudum à Parente nostrop. m. edita sint, quæ nunc publici juris facere instituimus. Nam cum ab annis viginti, & quod excedit, frequenti amicorum hortatu, & tacitis multorum desiderijs, ad publicanda scripta sua urgeretur; adduci tamen hactenus non potuit, ut voluntati eorum obsequendum putaret. Videbat enim passim laborari mole & copiâ variorum in hoc genere commentariorum: novis editionibus non modò ancipitem reddi eorum delectum, sed meliores etiam, id est, veteres illos ac probatos autores, è manibus studiosorum paulatim excuti. Et cum plurumque vanâ curiositate, recentia magis quàm optima querantur; inde fieri, ut mox, ubi novitatis gratia perierit, hæc ipsa rursus repudientur. Neque existimabat continuò à docentibus requiri, ut, si quid forte aut methodo concinnum, aut inventione non absurdum, intra parietes Academicos placuisset, id illico prælis divulgandum committerent: cum præter officium non præstiterit, qui in statione Professoriâ laborem suum quam maximè ad utilitatem discipulorum comparârit. Adhuc nonnihil cum avertebant fastidiosa hujus sæculi ingenia, quæ cum ad simplicitatem veteris Theologiæ nauseare cæperint, quicquid spinosis Scholasticorum argutiis non fuerit intertextum, aut exoticarum disciplinarum emblematis mirificè incrustatum, id faciliè adspernantur. Magis etiam de-
terre-

P R Æ F A T I O.

terrebant iniqua quorundam iudicia, quibus aliorum optimè dicta & cogitata sequius accipiuntur, & si quid forte à capto ipsorum ac sententiâ discrepat, in argumentum dissensionis arripitur: unde non raro etiam doctissimis Viris contigisse videbat, ut tempus & ocium, Dei munere ad maiora exsequenda concessum, in minutis quibusdam controversiis infelicitè consumerent. Haec sane causa, cum Parentem nostrum, dum viveret, à scribendo quodammodo alienârint, valerent etiamnum ad sufflaminandum hujus editionis impetum, nisi honesta quaedam vis, ac prope necessitas, nobis aliud suasissent. Præterquam enim, quod eadem amicorum postulata etiam acrius instarent; communi quodam præjudicio hominum tenebamur constricti, fore, ut post obitum auctoris, quando primum viva ejus vox conticuisset, scripta deinceps illius vice fungerentur: nec ulterius intra privata scrinia asservatum iri, quod publicis usibus inservire posset. Audiebantur aliorum non obscura voces, significantium, alicubi terrarum vel inconsultis nobis & invitis excudi hæc scripta posse, si ultra tergiversari vellemus. Nec id impedire in nostra potestate erat, postquam sedulitate describentium in centena aliquot exemplaria divulgata, & in varias Orbis reformati regiones, unâ cum studiosis dispersa fuerant. Quid quod ne à plagiarii quidem manu licebat esse securis? verissimile quippe erat, ausurum aliquem, talium rerum satagentem, jam facilius post mortem Patris, cum eo vivo ac superstite nonnemo compendium Historiæ ejus Profanæ, in usus duntaxat privatos Juniorum Principum concinnatum, sub proprio etiam nomine, in lucem exponere non sit veritus. Huic igitur malo ut obviam iremus; maximè vero ut justis plurimorum desideriis mos aliquando gereretur, quantum in nobis fuit, etiam maturandum duximus. Et in antecessum quidem, visum est typis dare tres vulgatiores Theologiæ, Heidebergæ tradita, partes, totidem Tomis distinctas: tum quia complurium manibus & usu jam terebantur, tum quia hæcenus

P R A E F A T I O.

ab autore perfecta erant, ut lucem adspicere auderent. De instituto, ordine, ac tractatione singularum partium, nihil hic peculiariter dicemus; cum Parentis nostri consilium ex Oratione ejus Inaugurali, (quam eâ gratiâ subjungendam censuimus) satis elucescat; partim etiam in præmiis sequentium tomorum indicetur. Nec in commendationem operis aliud afferemus, quàm quod attentus & benevolus Lector per se deprehendet; nimirum, concinna dispositione Locorum; cujusque Loci ac thematis artificiali & methodica tractatione; soliditate doctrinæ; perpetua illius confirmatione è dictis Scripturæ petita, eorundemque dictorum, ubi opus foret, explicatione accurata; brevitate denique perspicua & nervosa, id affecutum autorem videri, ut post aliorum in hoc genere labores, non prorsus supervacaneam, nec inutilem discantibus operam præstitisse agnoscatur. Si quis tamen forsitan in hoc commentario requirat, quòd materias quasdam, in Topicis vulgo proponi solitas, inprimis controversias nostris temporibus propiores, vel præterierit vel parcius attigerit: quòd item tractatio singularum Locorum ac questionum non perinde diffusa, & in fine cujusque partis nonnihil succinctior appareat; hunc de utroque præmonitum volumus. Quantum ad posterius quidem, id fermè accidisse, quòd Parens, auditorum suorum, & maximè exterorum, studiis consulens; ut illi integrum potius tractatum, quàm particulam aliquam Theologiæ perciperent, absolvendo cuique penso certum, idque non magnum, temporis spacium statuerit: cujus terminum nè temerè excederet, maluerit extrema potius coarctare. Sic tamen, ut & thematum sedes, & palmaria argumenta, & solutionum fontes, ubique indicaret. Prius verò quod attinet, sciendum est, controversias illas, quæ nostro tempore Ecclesias infestârunt; aliquantò post demum in Palatinatu publicè innotuisse, quam Systema hoc Locorum Communium Heidelbergæ tradetur. Alia capita certo consilio fuisse omissa, quòd eorum uberior tractatio huc non magnoperè pertineret, ac aliunde peti à proVectioribus posset. Atque alteri quidem defectui supplendo

* *

jam

P R Æ F A T I O.

jam succenturiantur ex parte, qua in Catecheticis contra Novatores ex professo sunt disputata: utrinque autem plenè meretur repetita ab autore, vel potius de integro suscepta Theologia tractatio in Academiâ Groningana. Cujus lineamenta qualiacunque libellus, sub titulo Methodi Theologia Didactica nuper editus, Lectori cupido exhibet: ipsum verò opus, volente Deo, cum tempore sequetur, ubi hos primum Parentis nostri labores, publico utiles ac gratos fuisse intelligemus.



HENRI-

HENRICI ALTING ORATIO INAUGURALIS

DE

*Natura, Ortu, Vsu, Ordine, sive Methodo
Locorum Communium Theologico-
rum,*

*Habita Heidelbergæ in auditorio Philoso-
phorum*

*Anno Christi M.DC. XIII. die XVI. Augusti, Natalibus
Sereniss. Electoris Friderici V. sacra.*

*Serenissimi Potentissimiq; Principes, Domini Clementissi-
mi; Nobilissimi atque Amplissimi Curie Augustæ Pro-
ceres; Magnifice Domine Rector; Illustres ac Gene-
rosi Domini Comites; Reverendi, Clarissimi, Doctis-
simique Domini Professores; Hospites omnium Ord-
inum Lectissimi, Studiosi Ornatissimi:*



St hoc in Inclytæ hujus Academiæ more positum,
ut qui Theologiæ in ea professionem aggressuri
sunt publicam, hoc ex loco de argumento profes-
sioni suæ conveniente verba faciant. Me verò ius-
su Superiorum id agere conantem, nescio magisne incitæ ad
docendum, an imperitiæ ad dicendum perturbet conscientia.
Nam quæ res post pietatem in Professore Theologo requi-
runtur maximè, scientia in divinis exacta, judicium ac-

HENRICI ALTING

curatum, dexteritas in docendo, soliditas in disputando, in agendo gravitas, iis me distitutum sentio propè universis. Sive enim ætatem spectem; nihil equidem ab hac annorum immaturitate proficisci expectarive eximium potest: sive vitæ anteaactæ rationes expendam, parum illæ acquirendis dotibus adeò illustribus fuere accommodatæ. Octavus mihi hesterno die lapsus est annus, ex quo relictis Academiis, quæ eas ad artes formare juniorum ingenia solent, in aulam affectus sum. Ubi inter continuatas operas, quid ad studiorum graviorum, aut meditationem temporis, aut exercitationem occasionis esse potuerit, etiam me tacente intelligitis. Quid ergo? Nisi me Vocationis divinæ necessitas, & eorum, quibus in me jus est, auctoritas commoverent, non possem non subterfugere arduam hanc, meisque viribus multis parafangis superiorem provinciam. Iis verò revocatus, atque insuper promissionis divinæ, tam sanctæ vocationi annexæ, certitudine animatus; periculum faciam tenuitatis meæ; & in quam me cathedram venerabilis Ordinis Theologici nominatio, amplissimi Senatus Academici approbatio, Serenissimi ac Clementissimi Principis & Patroni nostri electio confirmatioque provexit, eam ego, si minus ornare possim, dedecorare tamen modis omnibus cavebo. Morem etiam præfandi in Academiâ receptum quomodocunque sequar. Et quia Theologia Topica ordinariis prælectionibus explicanda erit, neque præfationi convenientius, neque juventuti Theologicæ utilius succurrit argumentum, quàm quod est de *Naturâ, Ortu, Usu, Ordine sive Methodo, Locorum Communium Theologorum*. De quibus omnibus dum ego, non pro ipsorum amplitudine aut dignitate, sed pro modulo meo dissero, ut me gratiosè, benevolè, attentèque audiat, etiam atque etiam oro. Frequens est & protrita quotidianis literatorum sermonibus *Locorum Communium* appellatio. Quæ vox à Physicis accepta,

O R A T I O I N A U G U R A L I S .

accepta, non hîc spacia corporum, sed varios variarum rerum titulos, classes, capita designat. Communes porro loci dicuntur, tanquam communes thematum sedes, ad quas, quæ singulis congenera sunt, apto dispositionis ordinerevocantur. Sunt illi non uni alicui disciplinæ artive proprii, sed ita omnibus communes, ut quot disciplinarum, titidem Locorum communium genera numerentur. Ita suos Grammatica, suos Rhetorica, suos Logica, suos Physica & Ethica, suos superiores, quas vocant, facultates Jurisprudentia & Medicina, Locos sibi vendicant. Non mirum ergo, si ars artium, si disciplinarum omnium regina Theologia, suis etiam peculiaribus Locis gaudeat. Quantò enim latius patent ejus, quàm artium cæterarum fines, tanto plures uberioresque locos possidere eam necessum est. Quo res Theologicæ augustiores, hoc ipsorum sedes locorum dignior habetur. Hujus generis loci sunt, de Deo Uno ac Trino, de Christo Jesu Θεανθρώπῳ, de Prædestinatione, Providentiâ, Lege, Evangelio, Ecclesiâ, aliisque religionis Christianæ capitibus. De his quicquid dictorum sonat Scriptura, quicquid Exemplorum, Similium prodit, distinctarum lege *εμορφενείας* classium ambitu, Loci complectuntur. Nec confusè illud, sed eo ordine faciunt, ut à nominis explicatione ad Genus, Formam, Efficientem, Finem, Effecta, Subjecta, Adjuncta, Divisionem, Cognata, Pugnancia descendant, ac singula singulorum thematum membra certis notionum Logicarum arculis includant. Hanc methodicam, & continuâ partiû conjunctarum serie constantem capitum Religionis explicationē, Locos Communes Theologicos dicimus. Hæc est illa *ὑποτύπωσις ὑγιαίνοντων λόγων*, τύπος illa *διδιαχῆς*, illa *ὡδὸς κατατήκη*, quarum in suis ad Timotheum & Romanos epistolis Apostolus meminit. Hic est thesaurus ille, ex quo, Christo teste, Scribæ in regno cælorum edocti, nova & vètera proferre nôrunt.

HENRICI ALTING

Hic est hortus spiritualis, in quo artificiosissimis areolis
 dissitas distinctasque cernere licet floridissimas doctrinæ
 cælestis herbas. Hoc apiarium Theologicum, in quo
 certis favis & velut cubilibus reconditum mel cæleste re-
 peritur. Tenetis, ut puto, Auditores, Locorum Com-
 muniū Theologicorum *Naturam*. Jam *Ortum* illorum
 indagemus, atque edisseramus. Est ille non aliū, quā ip-
 sius Theologiæ. Cujus materiæ, cum per se ac natura di-
 stincta sint, sedes quoque Locorum distinctas postulant:
 ut cum ipsis Ecclesiæ incunabilis in eam subiisse, nulli
 possit esse dubium. Ante diluvium de Semine contrituro
 caput serpentis, de Sacrificio Christi, typico illo Abelis
 adumbrato, de universali judicio ab Enoch prædicato,
 celebratissima oracula sunt. Josephus *lib. 1. antiquitatum cap.*
3. duarum columnarum ab Adamo excitatarum meminit,
 quibus summa artium omnium lineamenta insculpta fue-
 rint. Quod si ita est, nil sanè impedit, quominus loco-
 rum etiam sacrorum rudimenta iisdem inscripta fuisse di-
 camus. Sed exploratior omnino est illorum post diluvium
 in Ecclesia usus. Ut enim mittam Patriarchas Abraha-
 mum, Isaacum, Jacobum, quibuscum Gratiæ fœdus Deus
 icit, ictum renovavit; vix aliud documenti genus potest
 esse illustrius, quā quod ipse Deus, varias ac late paten-
 tes nostri erga se proximumque officii partes, brevissimè
 contraxit, ac decem duarum tabularum præceptis illiga-
 vit. Ex quo tempore, cum Levitis non modò cura sacrorum,
 sed etiam instituendi per XLVIII. urbes populi munus in-
 cumberet, eandem ipsos institutionis rationem observasse,
 adeoque doctrinæ Legis, altera & Euangelii, piè pruden-
 terque annexuisse certo certius est. Sanè filii Prophetarum,
 qui à Prophetis Ecclesiastici in spem ministerii edu-
 cabantur, non aliis, quā his ipsis Religionis Judaicæ prin-
 cipiis imbui aut potuerunt, aut debuerunt. De periodo
 Ecclesiæ, quæ populi è captivitate Babylonicâ reditum
 exce-

O R A T I O I N A U G U R A L I S.

exceptit, non minus res liquet. Tum siquidem sive Ezras, sive alius quispiam, Pentateuchum Mosis, Legis titulo inclutum, in sectiones LIII. distribuit: quarum singulæ singulis Sabbathis cum Scripturarum propheticarum additamento in Synagogis legerentur. Hasidæi postea Leges omnes Morales, Cæremoniales, Judiciales in capita Iocxiii. digessere; quæ postera ætas luculentâ Traditionum adjectione haud parum auxit. In Novo Testamento prodromus Christi Servatoris, Johannes Baptista, Resipiscentiâ ac Remissione peccatorum rem totam complexus est. Ipse Christus eadem capita tum pari brevitate repetiit, Resipiscendum dicitans ac credendum; tum fusius paulò declaravit, Legem totam duobus præceptis comprehendens, ac summam Euangelii in aureolo illo: *Sic Deus dilexit mundum*, scitè proponens. Apostoli, quæ doctrinæ rudimenta Catechumenis suis instillârint, *ad Heb. 6.* docetur; nimirum, de Resipiscentiâ, Fide, Sacramentis, manuum Impositione, Resurrectione mortuorum, & iudicio æterno. Ab horum excessu, cum invalescentibus hæresibus laborare vehementer doctrinæ puritas inciperet, Symbola illustriora quatuor, Apostolicum, Nicenum, Ephesinum, Chalcedonense, ceu fidei Catholicæ brevicula, condita sunt. Patres quoque Græci & Latini, asserendæ zelo veritatis excitati, alii certos quosdam locos diligenter & ex usu Ecclesiæ pertractârunt: alii universos continuâ serie explicarunt. Ex his Clemens Alexandrinus, Scholæ illius Theologicæ princeps, libros *σπωμάτων* octo scripsit. Origenes circa annum Christi CCXXX. libros quatuor *πεὶ δεχάων* edidit. Non multo post Lactantius Institutionum divinarum libros septem concinnavit. Gregorius quoque Nazianzenus cum libros quinque de Theologiâ, tum alios locos communes magnâ industriâ elaboratos evulgavit. Hunc sequitur Patrum ille Coryphæus Augustinus, qui in hoc genere scriptorū suos de doctrina Christiana libros, nec
non

H E N R I C I A L T I N E

non aureum illud Enchiridion, Laurentio inscriptum, nobis reliquit. Ruffinus expositionem Symboli, Theodoretus *θείων dogμάτων ἑρμηνεύων* dedit. His jure adjungitur sententiarum Prosperi libellus, sexagesimo post Augustinum anno ex variis ejus monumentis confarcinatus. Circa quod tempus etiam Johannes Damascenus libros quatuor *περὶ τῶν ὁρθόδοξων πίστεως* in Ecclesiæ lucem emisit. Subiit deinde novum genus Theologorum, qui communes Theologiæ Locos philosophicè magis quàm Theologicè tradendo, phraseologiam Theologicam variis novorum terminorum portentis obscurârunt, doctrinam verò ipsam spinosarum & inutilium Quæstionum quisquiliis depravarunt, eoque Theologiam illam, quam vulgò *Scholasticam* vocant, procuderunt. Hos inter Petrus Lombardus Parisiensis familiam ducit, qui famosos illos quatuor Sententiarum libros Veterum Theologorum sententiis compilavit. In quo novis subinde commentariis illustrando mirè sudatum est. Albertus Magnus, Thomas, Scotus, Bonaventura, Richardus de Media villa, Durandus, Gregorius de Arimino, Thomas de Argentina, Johannes Sapræolus, Dionysius Carthusianus, Gabriel Biel, Thomas Cajetanus, ab hâc potissimum commentationis arbore laureas suas ac adoreas decerpere voluerunt. Alii ejusdem farinæ, Alexander de Hales, Henricus de Gandavo, Antonius Episcopus Florentinus, peculiare fidei Theologiæque summas condiderunt. Denique ultimâ hâc Ecclesiæ à tenebris Papatus assertæ periodo, summi in re Theologica viri, Melanchthon, Zuinglius, Calvinus, Bullingerus, Musculus, Aretius, Martyr, Hemmingus, Ursinus, Zanchius, purioris Theologiæ Locos magna soliditatis, perspicuitatis ac methodi laude elaborârunt. Nec desunt, qui etiamnum in hoc genus studii omnes ingenii sui vires nervosque intendunt. Ex illis autem, ut *ἐν πρόδῳ* hoc moneam, Melanchthoni, Calvino, ac Martyri primas judiciosissimus Theologus Zacharias Ursinus deferebat, hujusque

O R A T I O I N A U G U R A L I S.

quæ Triados auspiciis Theologiæ Topicæ curriculum absolvi posse statuebat; aliis de methodo studiorum Theologicorum sollicitè percunctantibus ita de se respondens: *Philippus ocreas mihi induit, Calvinus me equo imposuit, Martyr calcaria addidit.* Est ergo Locorum Communium in Scholis Theologicis enarratio, non recentis, sed, veteris; non abrupti sed semper in iis continuati instituti. Quod ipsum insignem illorum *Vsum*, de quo tertio loco mihi dicendum est, arguit manifestissimè. Nec enim putandum est, hanc institutionis rationem vel Deum Opt. Max. suo exemplo sancitum fuisse, vel Prophetas, Christum ipsum, Apostolos, aliosque eximios Ecclesiæ Doctores continuâ succedentium seculorum observatione comprobaturos, nisi multiplicem ejus utilitatem perspexissent. Illa ipsa verò haud aliunde clariùs, quàm ex judicii circa res Theologicas informatione, memoriæque in iis confirmatione elucescit. *Judicium* Loci Theologici omnem in partem plenè informant; ad intelligentiam Scripturarum, ad dijudicationem controversiarum, ad applicationem doctrinarum. Scripturas, qui Locorum Communium cognitione destituitur, haud faciliè intelligit. Clausa sunt absque hac clave earum penetralia; usque adeò, ut quo de capite doctrinæ agatur, attentus lector etiam sagaci indagine sæpenumero non assequatur. Planè sicut Eunuchus illè, de quo est *Act. 8.* etsi non Prophetiam, sed, ut eam vocavit Hieronymus, passionis Dominicæ historiam *Esa. 53.* descriptam perlegeret, tamen de seipsone, an de alio loqueretur Propheta, dubius hærebat. Eam ob causam Apostoli, ceu prudentes mysteriorum divinorum œconomi, in colligendis constituendisque per Orbem universum Ecclesiis, non à Prophetarum difficiliorum enarratione, sed à Locorum Communium Catecheticâ, & ad captum rudiorum populariter accommodatâ explicatione cœperunt. Quid? quod absque horum locorum adminiculo apparen-

tes,

HENRICI ALTING

tes Scripturæ ἀντιλογίας καὶ ἐπερωτίας conciliare non modò difficile, sed & ἀδύνατον videtur. Etenim conciliatio omnis à distinctione manat: Distinctionem dissentaneorum consideratio suppeditat. Ut igitur, quid in singulis Theologiæ partibus consentaneum dissentaneumve sit, Locorum beneficio cognoscitur, ita iisdem distinctionis pariter ac conciliationis gratia debetur. Verùm exemplo quod dixi illustratum clarius evadet. Pharisei *Matth.* 22. de Messia persona à Servatore interrogati ipsum Filium simul & Dominum Davidis fore ex Scripturis agnoverunt: Conciliationem verò utriusque nec mente concipere, neque explicare sermone valuerunt, quod duorum in una Messia personâ naturarum mysterium non didicissent, nec secundum eas pugnantia in speciem oracula interpretari possent. Sic Rabbini quia mundani splendoris magnificentiaque fascino occæcati, in Veteris Testamenti lectione gloriosam quidem, at non etiam humilem Messia conditionem observat, bone Deus, quam miserè se in Scripturis torquent? quàm impiè dicta etiam apertissima detorquent! Sunt qui illa à Christo ad Ecclesiam Judaicam, ab illius exinanitione ad afflictum hujus sub Chaldæis statum transferunt. Alii eò delabuntur insanix, ut duplicem sibi Messiam comminiscantur, unum primum, secundarium alterum; illum Davidis, istum Josephi filium, illum magnificum & gloriosum, hunc contemptum & ulcerosum. Cæteri etiam magis insulsis deliriis tum hic, tum alibi se produnt, exemploque docent, quàm infelici manu sacra versent volumina, qui ad ea Locorum Communium principia non afferunt. Jam in Controversiarum dijudicatione, quantum illorum cognitio momenti habet? Fons omnium in Ecclesiâ controversiarum unus, verus, perpetuus, doctrinarum est confusio. Quæ sit, quum rerum divinarum, prout canone sacro perscriptæ exstant, natura non rectè attenditur; quum falsa veris attexuntur; heterogenea cum

O R A T I O I N A U G U R A L I S .

cum homogeneis confunduntur Contra hæc quod majus præsentiusve remedium, quàm quod à Locis Communibus proficiscitur? Illi dogmatis cujusque naturam non mancā mutilamve, sed omnibus numeris absolutam exhibent. Illi à causis, Effectis, Subjectis, Adjunctis exactè eam describunt. Illi falsitatem à veritate, ἐπερογενείαν ab ὁμογενείᾳ seclusam exterminant. Proinde cujus animus horum rivis non dicam largiter irrigatus, sed vel mediocriter tinctus est, is quæstionibus controversis propositis quid verum, falsum, ambiguum, etiam primo mentis obtutu cernit, affirmando, negando, distinguendo de iis pronunciat; adeoque secundum Apostolorum αἰσθητήρια habet γεγυμνασμένα ad discretionem boni & mali. Quod ne quis ita à me dici putet, eat per omnes ætates ordinesque Theologorum; re ipsa comperiet, quo quis Locorum Communium scientior, hoc eum in dijudicandis controversiis dexteriores accuratiorisque fuisse, quò verò fuit eorum ignorantior, hoc quoque tum in judicando hebetiorem, tum ad aberrandum proniorem exstitisse. E multis prodeat hîc Phœnix ille Germaniæ reformatæ, Philippus Melancthon. Hoc vivo neminem novimus illius temporis in disputationibus cum Pontificiis felicius versatum; non alium etiam inventum qui errorum fontes solertiùs aperire, firmamenta solidiùs convellere, atque ita veritatem cœlestem fortiùs asserere potuerit. Id certè non aliunde consecutus est, quàm quod dextrum benèque formatum à Locis Theologicis iudicium ad controversiarum Theologicarum cognitionem afferret. Andreas contra Osiander, quem affectatus novæ sectæ principatus nobilitavit, quia ἀντιδιδάκτω nulliusque Scholæ discipulus, communes Theologiæ Locos non aliter tenebat, quàm sibi eos præfidentis ingenii vanitate ipsemet finxerat, quantum hic altero inferior fuit? quàm crassè in ipsa ὀρθοδοξίας fundamenta impigit? quibus turbarum motibus jam ante plus

fatis distractas Germaniæ Ecclesias implicuit? Idem in Anabaptistis, Libertinis, Fanaticis, ac plerisque etiam Neophytis videre est; qui quandoquidem tam necessariâ cognitione destituuntur, in controversiarum Theologicarum disceptatione quasi scotomate percussi caligant, eoque augendis exasperandisque, quàm minuendis aut mitigandis libus aptiores sunt. Ex hisde ipsa Locorum *wörter* & applicatione iudicium fieri potest. Nunquam summam integræ doctrinæ ordine ac perspicuè aliis proponet, qui ipse eâ non didicit. Nunquam de singulis Religionis capitibus differet absque erroris periculo, qui capita ipsa sigillatim non rectè comprehendit. Nunquam etiam dextrè ad Ecclesiæ in fide ad vita ædificationem applicabit, qui ipsos applicationū fontes non habet quam exploratissimos. Nam, ut rectè Servator, cæcus cæco dux viæ esse nequit: *Quodque parum novit nemo docere potest.* Sic ergo hujus tam necessarij studij neglectu fructus omnis ministerii Ecclesiastici perit, exstinguitur in animis hominum vera veri Dei notitia; affectus pietatis elanguescit; succrescit barbaries, ex eaque lata omnium vitiorum seges pullulat. Quod quidem Majores nostri in densâ Papismi nocte magno suo malo experti sunt; Nos, ne unquam deinceps experiamur, assiduâ studij hujus culturâ cavere debemus. Sed de *Memoriâ* jam mecum cognoscite, quam horum Locorum præsidio juvari unicè dixi & firmari. Scripturæ sunt rerum præstantissimarum immensum quasi pelagus & profundissima abyssus. Sunt materialium, ad spirituales architectionem variè inter se mixtarum, ingens acervus. Non hîc propriæ quædâ doctrinarum arculæ, non redargationum theculæ, nō correctionū cellulæ, non promptuariâ institutionū, non myrotheciæ cōsolationū. Omnia hæc sparsim per singulos Scripturarū Codices, per singula earū capita, quinimo per singulas sæpe versuū sectiones inveniuntur. *Memoriæ* verò humanæ quanta ad hæc angustia? quæ imbecillitas? quomodo intra fines ejus modicos

O R A T I O I N A U G U R A L I S.

modicos sanè , ipsa redigitur immensitas ? aut semel redacta ita continetur, ut ad quosvis usus, sive tota, sive secundum partes, in parato, in numerato sit ? Hoc verò est quod divino Locorum Communium beneficio acceptum ferimus. Illi immensam materiarum Theologicarum vim in certa capita digerunt, capita iterum singula in sua quasi membra dividunt; membris ipsis testimonia, exempla, similia, ex omnibus Scripturæ angulis conquisita, subjiciunt, aut quomodo subjici possint ostendunt; denique ipsa capita, ipsa membra, ipsas etiam membrorum particulas & articulos aptâ antecedentium, consequentium, transitionum connexionione conjungunt. Hic quæ memoriæ in suscipiendâ, retinendâ, multiplici etiam rerum varietate, superare potest difficultas ? imo quæ non adest in reddenda facultas & promptitudo ? maximè si vel in Ecclesia ad populum, vel in Schola ad juventutem de themate aliquo Theologico differendum sit. Novi ego non postremæ notæ Theologos, qui hoc nixi subsidio etiam ex tempore summo cum omnium applausu dixerunt : nimirum quia præpetis ingenii ala Locorum suorum domicilia percurrentes, eam rerum vim congestam ante atque repositam invenère, ut docentes verba citiùs quàm res destituerent. Præter hos sunt & alii Locorum Communium non contemnendi usus ; quos ne patientiam vestram singulorum enumeratione potius quàm enarratione fatigem, tacitus prætereo. Superest quartum caput de *Ordine* sive *Methodo*, in Locorum Theologicorum explicatione observanda. De qua rogatus Methodorum concinnator non ignobilis, quot capita tot methodos esse scitè respondit. Atque ita verè est. Etsi enim penè innumerabiles sunt, qui in hac studii Theologici parte perpolianda temporis multum & laboris posuerunt ; vix tamen duos reperias, qui vel in Locis universis disponendis, ac inter se coordinandis, vel in singulis deducendis ac declarandis per omnia consentiant. Non

H E N R I C I A L T I N G

quod parum sibi consent Methodi leges, quæ fixæ, firmæ, immobiles sunt; sed quod in Systematis Theologici adoratione quisque ad sui magis judicii trutinam, quàm ad veræ Methodi normam Locos exigat. Ego nullius sanctos labores improbo; de nullo mihi judicium sumo; ab omnibus adjutum me & juvari indies ingenuè profiteor. Id tantum dico, quod ante me Magnus ille Ursinus dixit, vix ullam methodum convenientiorem Historicâ videri, hoc est tali, quæ historiæ seriem sequuta, à Deo ad opera ejus, ab æternis ad ea quæ in tempore fiunt & facta sunt, à prioribus ad posteriora progreditur; adeoque ab ipsa æternitate orsa, per mediana temporalium in ipsam quasi circulatim redit. Hujus ego vestigia quomodocunque legens, posita Theologiæ definitione, principiisque expositis, primò de Deo; inde de decretis ejus; post de Creatione, Providentia, peccato ejusque pœna, Lege, Euangelio, Persona & Officio Christi, Ecclesia; spiritualibus ejus bonis, horumque applicatione agam; atque ab iis per mortuorum resurrectionem ad vitam æternam assurgens, eo in loco συνθεσιν finiam. Quæ quidem generalis omnium locorum structura Methodum vobis συνεπιπλήν exhibitura est: ἀναλυτικῶν porrò specialis locorum singulorum habebit explicatio. In quibus id mihi curæ erit, ut proposita plenâ & (quoad ejus fieri potest) succinctâ cujusque definitione, eam subjunctâ secundum locos dialecticos exegesi declarem; declarationem non ex turbidis humanarum argutiarum lacunis, sed ex limpidissimis Divinarum Scripturarum fontibus petam. Hic verò de duobus monendi sunt Theologiæ studiosi. *Primum* est, non fore intermixtam huic Locorum didascalix controversiarum Theologicarum explicacionem, sed eam in postremum locum, sub peculiari Theologiæ Elenchticæ titulo tractandam reservari. *Alterum* est, ipsam διδασκαλίαν non in nuda θεωρίᾳ substitutam, sed ad πρᾶξιν quoque atque applicationem, ab Ecclesiasticâ tamen

O R A T I O I N A U G U R A L I S.

men tractationis forma distinctam, progressuram esse; scilicet ut ex singulis locis plenè ante declaratis, applicationes, ceu porismata quædam eliciantur, ad *διδασκαλίαν*, *παιδείαν*, *ἐπ' ἀνόρθωσιν*, & *ὁρθάκλεισιν*; hæc iterum illustribus, Scripturæ dictis confirmentur, declarentur. Utriusque gravem mihi causam esse existimo. Primum siquidem huc facit, ut præposterum seculi nostri studium corrigatur, quod prius est contra falsitatem quàm pro veritate; prius circa *ἀνασκευὴν* falsi, quàm *κατασκευὴν* veri occupatur. Nimirum nos juvenes ea ingeniorum laboramus malaciâ, eo receptæ in Ecclesiis Scholisque doctrinæ fastidio, ut nihil nisi *καινόδοξον*, ac vanæ cujusdam subtilitatis larvâ commendatum nobis placeat; utque subinde blandis impostorum captionibus demulceri, quàm à sinceris Theologis doceri malimus. Ex quo fit, ut alii justo Dei judicio deserti hæreticorum laqueis intricentur; alii orthodoxam veritatem, quam ut simplicem nimis fastidierunt, nunquam rectè intelligere discant, dumque cum Thalete Milesio sublimia sectantur, in scrobem pedibus expositum incidant, id est, in principia Religionis, ipsis etiam alphabetariis nota, turpiter impingant; alii denique etsi ab utroque sibi cavent, litigandi tamen insanabile cacoëthes ex scriptis cristicis, imbibant, coque totam Theologiam in *ἐριδόν* quoddam pomum convertant: quod iis, qui Lutheri se nomine jactitant, evenisse res docet; eventurum esse ipsi Luthero suo hîc genio plus nimio indulgenti, Zuinglius prædixit. Quanto prudentius Persarum fuit institutum, qui per distinctas ætatum classes juventutem suam manu ducentes, non ante eam militiæ tyrocinia facere, aut in hostem ire permiserunt, quàm moribus patriis imbuta, & ad virtutem, patientiam, labores instituta esset. Ad eundem modum nec juventutem Theologicam illi controversiarum id est, bellorum Theologicorum studio immergendam censuerim, nisi ante, non dico præcipuorum sanæ doctrinæ

trinae capitum rudimentis, sed solidis omnium ac singu-
 lorum fundamentis firmamentisque praeunita fuerit.
 Hoc igitur consilio Theologiam Elencticam à Didacti-
 cā sejungo, eique ordine tractationis subjungo. In eam
 verò non omnes horum etiam temporum, sed illae duntaxat
 conjicientur controversiae, quae tum nostras, tum eorum,
 qui discendae causa Theologiae ad nos veniunt, Ecclesias in-
 festant. Hae cum vel à Pontificiis, vel à Lutheranis, vel
 à Samosatēnianis, vel ab Anabaptistis moveri soleant, qua-
 tuor distinctae Controversiarum classes nascuntur. Quae
 proinde seorsim explicandae erunt, non alia methodo,
 quam quā Loci Communes ante traditi fuere, ne varietas
 aut iudicium turbet auditorum, aut gravet memoriam.
 Sed tamen priores, quae cum Pontificiis atque Lutheranis
 nobis intercedunt, tanquam domesticas fusiùs persequemur;
 cæterarum si summa fastigia percurramus, si evidentes
 piisq; omnibus abominabiles blasphemias ostendamus,
 si præcipua aliquot sophismata dissolvamus, id tam ad mu-
 neris nostri conscientiam, quam ad aliorum institutionem
 sat erit. Hæc de primo monuisse oportuit. *Alterum* de
 πρῶτον doctrinarum cum ipsa Theoria conjungendā hoc fi-
 ne suscipitur, ut quia major pars eorum qui Theologiae o-
 peram navant, Ecclesiarum suo tempore deservitura est
 ministerio, ad usum transferre didascalias assuescat; de
 singulis Theologiae locis peculiarem quasi insigniorum di-
 ctorum exemplorumque sylvulam colligat, sicque ad om-
 nes futuri muneris partes instructa vocantem Dominum
 expectet. Quumque ex Apostoli Petri monito, Pastorem
 gregis sui exemplar esse oporteat, quoties thesin ad hypo-
 thesin applicari audiemus, toties velut tacito vellicatu
 perstricti, de nobis ipsis in huiusmodi exemplaria magis ma-
 gisque efformandis seriò cogitabimus. Atque hoc quale
 quale Theologiae Didacticæ pariter ac Elencticæ curricu-
 lum, intra sesquianni, aut ad summum bienni spacium de-
 curre-

O R A T I O I N A U G U R A L I S.

curremus, modò Deus Opt. Max. in cuius id nomine ingredimur, vitam viresque largiri, cœptisque adeò nostris propitii favoris aurâ constanter adspirare dignetur. Hæc sunt, Auditores, quæ tum de Communibus S. Theologiæ Locis, tum de meo in illorum enarratione instituto differere ad vos volui. In quo equidem, quam ego fidem Deo, Ecclesiæ, Academia vobis debeo, eam præstare pro virili annitar. Vestrum, Studiosi Theologiæ Ornatissimi, erit vestris me precibus juvare, diligentiam excitare, benevolentiam sublevare. Vobis feritur, vobis metitur, vobis pariet iste lætitiæ labor. Omnes quidem, quotquot Christo nomen dedere, in Sacri hujusce studii societatem, mandata Dei, exempla Sanctorum, hujus & futuræ vitæ promissiones vocant: At vestra propria quædam ac peculiaris ratio est. Vos non parentes, non amici, non patroni, sed, qui omnibus superior est, Deus huc destinavit, ut præsit aliquando Ecclesiæ filii sui, ut pastores agatis gregis Dominici, eumque verbi salutaris pabulo pascatis. Agite ergo ad tam arduum sanctumque munus vos dignis modis præparate. Discite sacras literas, quæ vos auditoresque vestros ad salutem sapientes reddant: discite fidelem illum sermonem qui ad doctrinam facit, ut & exhortari doctrinam sanam & contradicentes refellere possitis. Non semper erit discendi occasio. Et quis novit quamdiu futura sit? Est hæc communis omnium temporum querimonia, ab ipso etiam Christo usurpata, *messem multam esse, operarios paucos*. Videtis verò penè quotidie pauciores reddi. Quot fideles operarios intra annos non ita multos mors abstulit? quot proximis hisce mensibus in Palatinatu, cæterisque Germaniæ provinciis pestifera lues absumsit? deinceps majori etiam strage grassatura, posteaquam ex insidiis se in apertum latrocinium conjecit. Viduatæ doctoribus suis Ecclesiæ, errabundi sine pastoribus ovium greges vestram optant, sperant, expectant opem. Extra hoc,

totius

HENRICI ALTING

totius militantis in terrâ Ecclesiæ (in cujus solatium partim adolevistis jam, partim feliciter adolescitis.) quàm misera miserandaque passim facies est? Quid non in ejus exitium clam palam, arte marte machinatur Satanas? quæ non hæresium zizania, dissidiorum semina, offendiculorum saxa ferit? Ipsa interea non dolore modò præsentium, sed & metu futurorum miserum in modum torquetur, ac internis angorum acta concussibus in alta suspiria, profundos gemitus erumpit. Non ea mihi vocis queribundæ vis, ut exprimere dignè valeam vel dolentis affectum, vel singultientis impetum. Ipsammet perditas propemodum res deplorantem paulisper quæso audite: Ah me miseram! ah calamitosam senectam meam, in quam tantus malorum cumulus undique aggestus insurgit! Pectus mihi lancinat, quod florentibus non multo antè membris succum salvificæ doctrinæ subtrahi video vitalem; quod *επιποδοξίας* veneno infecta alia flaccescunt, alia putrescunt, alia decidunt; quod turbatâ harmoniâ in se mutuo, quasi facta conspiratione, ruunt; quod etiam in hoc ipso sinu incompositi, inordinati, auctores scandalorum securè conquiescunt. Vah quàm parum sani per omnes hujusce corporis artus conspicitur? Quocunque verto oculos, tristis rerum aspectus caligantibus etiâ luminibus sese offert. Germania concutitur Gallia fatiscit, nutat Belgium. Ab Oriente novus Arius, ab Occidente novus aliquis Antichristus exsurgit: quid dico exsurgit? imo in media jam viscera truculentus incumbit. Fuga adornanda est, deserta repetenda, sylvæ, cryptæ, speculuncæ subeundæ. Adeone nemo pro mea salute excubat? Vos filii, quos hoc utero gestavi, conceptos ex semine non corruptibili sed incorruptibili, succurre, ferte opem, obiectu laterum vestrorum vim omnem hostilem propulsate, scandala, dissidia, hæreses avertite. Tu HEIDELBERGA, præsidium & dulce decus meum, quæ tot jam annos domicilium veritatis, receptaculum professorum ejus, Christianæ

O R A T I O I N A U G U R A L I S.

stianæ unionis vinculum exstitisti, priscam strenuè tuere laudem, retine avitam fidem, avitam concordiam, avitam morum intemeratorum gravitatem; serva te castam virginem; uni marito Christo brevi aptandam; hos denique filios meos, alumnos tuos, fidei tuæ concreditos ita instrue, ut fructu illorum percepto semper gaudeam, intercepto defraudata nunquam doleam. Ita de se & pro se mater Ecclesia, cujus vox nullius tam ferreum pectus, quod non penetret, nullius tam alieni affectus, quos non in commiserationem, complorationem, juvandique studium rapiat. Vos saltem, Optimi Domini, hac ejus *μεγα- Φωνίᾳ* ita scio animatos, excitatos, inflammatos, ut sicut trophæa Miltiadis Themistocli; ita vobis pia pro Ecclesiæ malo averruncando, bono ejus procurando sollicitudo, somni etiam quietem deinceps sit ademtura. Vos estis filii Prophetarum, regale sacerdotium, gens sancta, peculium Dei nostri, clerus Domini, lux mundi, sal terræ, urbs in monte. Digna vestrâ personâ, digna vocatione, munere, capeßite; non terrestria sed cœlestia curate, adeoque heroicis motibus supra communem plebejorum animorum impulsu assurgentes, vos non terræ sed cœli filios, non ex carne & sanguine genitos, sed ex aqua & Spiritu regenitos luculenter demonstret. En me vobis hâc in palæstrâ non ducem, sed comitem & commilitonem adjungo; hosque lacertos, quos firmos, valentes, virentes ad Academiam afferro, studiorum vestrorum usibus in solidum consecro: Illud insuper de me professus, nihil tam volupe fore in vitâ, quàm si eos, in hoc plus quàm præcipiti ætatis humanæ decursu, vestro commodo languescere, consenescere, contabescere, emori conspexero. Hujus animi mei testes vos appello Auditores.

Lator etiam Serenissimos ac Clementissimos Principes nostros publicam hanc debiti officii testificationem

2

beni-

H E N R I C I A L T I N G

benignissimis auribus accipere voluisse. Pro qua insolita fanè & nunquam satis prædicandâ clementiâ quod humilissimi obsequii genus reponam non habeo. Nisi forte Celsissimo Principi ac Domino, Domino FRIDERICO, Electori Septemviro, Domino meo gratiosissimo, demissam animi devotissimi, hoc Celsitudinis Suæ natali octavum decimum nunc latâ recordatione repetito, congratulationem, pro summo suo in me favore, suscipere lubeat. Equidem non possum non ceu boni ominis augurium ducere, quod qui dies Celsitudini Tuæ vitæ, idem mihi sacrae professionis est initium. Inde namque in spem erigor certissimam, fore ut eam, méque indignum ejus administrum, constanti favoris Electoralis patrocínio ad extremum usque vitæ halitum tueatur; quo ita, cujus propitiâ aurâ vivere cœpit, eadem porro afflante vivere pergat. Quod sicut de C. T. mihi spondeo, ita humili affectu voveo, liceat nobis recurrentes annuatim C. T. natales, cum solenni Academiæ gratulatione, cum fausta totius Palatinatus acclamatione, per quinquennalia, decennalia, vicennalia, tricennalia, ea-que quoties vitæ etiam longissimæ & beatissimæ fert conditio, iterata concelebrare. De Octavio Augusto Imp. legimus, cum annum quartum supra quinquagesimum inchoaret, ipsummet sibi exoptâsse fortitudinem Scipionis, benevolentiam Pompeii, & fortunam Cæsaris; quam quidem rerum maximarum dicebat esse victricem. Ego verò, si quid C. T. his anni duodeviginti feliciter exorientis initiis precandum sit, (uti quidem vetus ac pia jubet consuetudo,) potiores excellentiorum Heroum virtutes precabor, fortitudinem Davidis, benevolentiam Salomonis, Josiæ pietatem, quam longè rectiùs rerum maximarum victricem appellavero; siquidem fides, caput ejus, mundi victoria est: vel si ne hæc quidem satis sint, quod ille fortitudinem adulterio, iste benevolentiam apostasia, hic pietatem temeritate contaminavit; fortitudinem, benevolentiam,

O R A T I O I N A U G U R A L I S.

lentiam, pietatem unius Christi Servatoris, qui speculum exemplumque harum ac cæterarum omnium virtutum, cum aliis, tum Regibus Principibusque se proponit absolutissimum, easque etiam in suis gratiosâ Spiritus sui communicatione inchoat atque consummat. Annue, annue, O Christe, Rex regum, Domine dominorum, ac in vota nostra veni. Quod quidem hoc tam frequenti confesso solennibus ab ipso precibus flagitare non pigebit. Vos me voce præcuntem, ac cum salute Principum Ecclesiæ Academicæque salutem conjungentem tacitis cordium vestrorum suspiriis subsequimini.

Iesu Christe, Fili Dei, qui idem verus es ac æternus cum Patre & Spiritu S. Deus, gratias tibi agimus, quod pro inenarrabili misericordiâ tuâ, ex Generis Humani corruptione Ecclesiam tibi colligis per Verbum & Spiritum, te rectè agnoscentem & sincerè colentem; quod etiam nos ad beatam illius communionem vocâsti, sedem ejus in hâc urbe, regione fixisti, seminarium in hâc Academiâ aperuisti. Non assequitur mens nostra horum beneficiorum tuorum amplitudinem; non capit ea cor nostrum; linguæ eloquium infra eorum magnitudinem subsidit. Benignissime Servator, quia tantâ gratiâ nos semel complexus es, dignaberis eam porro nobis non continuare modò sed & amplificare. Illumina magis magisque pectora nostra in salutarem tui cognitionem; flecte voluntates in tui obsequium; affectus etiam nostros intra mandatorum tuorum orbitas contine. Conserva Ecclesias & Scholas nostras ab omni spirituali ac corporali contagione immunes, benedic earum nutritiis, Serenissimis ac Clementissimis Principibus nostris, horum conjugibus

HENRICI ALTING

illustrissimis Familiis inclytis, Consiliariis spectatis. Et quia Celsissimum Electorem, FRIDERICUM V. novâ recurrentis auctique natalis letitiâ exhilarare voluisti, dignaberis quoque C. S. dona tua augere, ut non minus de pietate in pietatem; quàm de ætate in ætatem procedens, quotidiano augeat incrementum, corpori mystico conveniente, ad sui ipsius exstructionem per charitatem. Denique pro illustri hac Academiâ, ut pro pupillâ oculi tui excuba, efficeque ut docentium & discipulorum labores tibi gloriosi, ipsis salutare, aliis, adeoque etiam posteris, utiles esse possint. Hoc abs te contendimus, dulcissime Iesu, per te ipsum & propter plenissimum meritum tuum. Tibi, Patri tuo, & Spiritui Sancto, Deo uni ac trino, sit laus, honor & gloria in secula seculorum. Amen.



Henrici

I N D E X

Henrici Alting
LOCORUM THEOLOGICORUM

Pars Prior,

THEOLOGIAM DIDACTICAM

κατασκευαστικῶς

exhibens.

I N D E X

Locorum Theologia Didactica.

<i>Locus</i> I.	De Theologiæ Natura.	pag. 1.
II.	De Theologiæ Principio Verbo Dei.	7.
III.	De Deo.	25.
IV.	De Decretis Dei, eoque in primis, quod <i>Prædestinationis</i> vulgo dicitur.	52.
V.	De Creatione.	77.
VI.	De Providentia.	88.
VII.	De Lege Dei.	100.
VIII.	De Peccato in genere & specie, deque Libero Arbitrio.	114.
IX.	De Pœna Peccati.	135.
X.	De Persona & officio Christi.	141.
XI.	De Ecclesia.	178.
XII.	De Vocatione per Verbum & Sacramen- ta.	188.
XIII.	De Vocatione Interna, & Fide Justifi- cante.	210.
XIV.	De Justificatione.	231.
XV.	De Sanctificatione.	245.
XVI.	De Glorificatione.	251.

THEOLOGIAE DIDACTICAE

LOCUS PRIMUS

De

THEOLOGIAE NATURA.

*THEOLOGIA est doctrina rerum divinarum, à Deo ad
suam gloriam, & Hominum salutem revelata.*

EXEGESIS.



Theologia vox Græca est, composita ex Θεός ^{*Theologia*} & λόγος: quæ duo ejus principia, alterum ^{*Etymologia.*} essentia, alterum cognitionis vulgò dicuntur. Ea in Codicis sacri contextu nuspiam legitur usurpata. Theologi, à quâ derivatur appellatio, in Inscriptione Apocalypsis reperitur. Prima ejus origo ab Ethnicis est: qui, teste Lactantio, ut Theologos dixerunt, qui de Diis agebant, ita illorum scientiam Theologiam ^{*Homonymia.*} appellarunt; eamque ex vario usu in μυθικῶν, φυσικῶν, καὶ πολιτικῶν distinxerunt. Ab his Sancti Patres postmodum eam mutuati, scientiæ verè divinæ, non minus quàm alteram Θεοσοφίας, designandæ adhibuerunt. Etsi verò suâ naturâ tam sermonem Dei, quàm de Deo notat: atque ex Scholarum usurpatione varias significationes suscipit: ut quæ Theologiam in αρχέτυπον & ἐκτυπῶν dividunt; hancque iterum in Vnionis, Visionis & Revelationis, naturalis & supernaturalis subdividunt: hîc tamen non nisi posteriore sensu, in utroque ordine accipitur, videlicet pro sermone de Deo, quatenus is hominibus in hac vitâ revelatus in- ^{*Synonymia.*} notescit. Scholæ *Theologiam Viæ* sive viatorum, itemq; *Inspiratam*

& *Revelationis* vocant. Scripturæ convenientioribus Synonymiis declarant. Dicitur siquidem *ῥητόματα*, *sanorum sermonum* 2. *Tim.* 1.v. 13. *Τὸ πνεῦμα διδάσκει* *Rom.* 6.v. 17. *λόγια τῆς θείας*. *Rom.* 3.v. 2. *Hebr.* 5.v. 12. *1.Petr.* 4.v. 11. *παρρησιασθήκη* sive *depositum* 1. *Tit.* 6.v. 20. *Solidus* *cibus adultorum*, qui à *lacte infantum* distinguitur *Heb.* 5.v. 12. 13. 14.

Genus,

Nec habitus
Theoricus,
nec practi-
cus,

Sed Commu-
nius Doctri-
na.

Genus Theologiæ alii ex habitibus Theoricis, alii ex practicis arcessunt: prout eam Theoricam vel Practicam disciplinam faciunt. Mihi altioris ordinis esse videtur. Cum enim infinita sit & supernaturalis disciplina, negari non potest, infinitatis suæ ratione, eminenter, unitè tamen, continere quicquid in Theoricis & practicis, seorsim & inferiore modo habetur. Ita certè docet Verbum Dei, dum utrumque, *agnitionem veri* & *actionem boni* nobis præscribit, & à nobis ad salutem exigit. *Ioh.* 17.v. 3. *Esa.* 53.v. 11. *Matth.* 7.v. 21. *Rom.* 1.v. 21. *1.Tim.* 1.v. 5. *Iac.* 1.v. 22. *Apocal.* 22.v. 14. Adhæc quia Theologia intellectum hominis cœcitate, voluntatem atque affectus ejus pravitate liberat *Af.* 26.v. 18. *1.Cor.* 1.v. 30. & sapientiæ, & prudentiæ, id est, habitus simul theorici & practici effectus ostendit. Sicut etiam utroque nomine distinctè notatur *Deut.* 4.v. 6. Proinde Genus ei altius communiusque assigno, *Doctrinam* videlicet, idque ex Testamento utriusque consensu. Etenim in Testamento Veteri vox *תורה* *thorah*, quæ universam salutis doctrinam, tam *Euangelium* *Psal.* 19.v. 8. *Esa.* 2.v. 3. *Ierem.* 31.v. 33. quàm *Legem* complectitur, hoc ipsum designat. Et in Novo Testamento frequentissima est, *διδασκῆς* & *διδασκαλία*, *Doctrina*, eo significato appellatio. *Ioh.* 7.v. 16. 17. *Mea doctrina non est mea, sed ejus qui misit me.* *1.Tim.* 4.v. 6. *Innutritus in sermonibus præclara doctrina.* *Rom.* 6.v. 17. dicitur *τὸ πνεῦμα διδάσκει* sive *expressa forma doctrina.* *1.Tim.* 6.v. 3. *doctrina secundum pietatem*, &c. Naturam quoque Theologiæ hoc ejus Genus commodè declarat. Si enim cæteræ artes sive scientiæ omnes, quia docent, hoc nomine communiter censentur, huic certè tantò majori cum *ὑποσχῆς* id conveniet, quantò ea nobilius objectum docendum, & quidem sola, fortitur. Interim non nego, Scripturam aliis etiam nominibus *σοφιστικῶς* idem exprimere, *Scientiam*, esse dicit *Esa.* 11.v. 9. *Malach.* 2.v. 7. *2.Pet.* 1.v. 5. *Sapientiam.* *1.Cor.* 2.v. 6 7. *Eph.* 3.v. 10. *Prudentiam.* *Deut.*

Dent. 4. v. 6. Eph. 1. v. 8. quæ tria, aliaque, ut synonyma, Prov. 1. à v. 2. ad 7. cap. 2. v. 5. seqq. c. 3. v. 13. conjungit.

Formam Theologiæ ab Objecto, eoque adæquato, describo. Il- Objectum res
divinæ.
 lud sunt *Res Divina*, hoc est, tum ipse Deus, tum quæ sunt à Deo,
 & ad ipsum ordinantur: sed analogicè. Deus primario, à quo
 etiam solo denominationem suscipit. Cætera, id est, opera Dei
 secundario, propter quandam cum ipso similitudinem. Eaque
 quo propius ad Deum accedunt, hoc altiore in rerum divina-
 rum ordine locum obtinent. Sunt igitur rerum objecti hujus Quarum gra-
du tres.
 complexu contentarum, ad meliorem ejus cognitionem, certi
 quidam constituendi gradus. Hujusmodi ego tres facio. In *primo* Deus:
 summoque *Deum* Optimum Maximum loco; qui non modo
 princeps est rerum Divinarum, sed etiam ipsa divinitas *Rom. 1. v.*
20. ipsa deitas Coloss. 2. v. 9. qui lucem habitat inaccessam. 1. Tim. 6.
v. 16. quem nemo vidit unquam. Ioh. 1. v. 18. nec videre potest 1. Tim.
6. v. 16. Is hic consideratur tam καὶ ὑποστάσις, quam κατ' ἐσιν;
 sed prout utræque, pro capacitatis nostræ modulo, in Scripturâ
 proponuntur: non modo ut recte nobis agnoscendus, sed etiam
 ut sincere à nobis colendus. *Alterum* ab eo gradum *Opera Redem-* II. Redem-
tionis opera
tionis sibi vendicant: partim quod in his clarissimè lucent Dei *Sa-*
piencia & Potentia 1. Cor. 1. v. 24. Iustitia Rom. 3. v. 25. Charitas
Ioh. 3. v. 16. Rom. 5. v. 8. & φιλαγάπη Tit. 3. v. 4. partim quod
 illorum sapientia in mysterio est abscondita *1. Cor. 2. v. 7.* quam
 Angeli etiam cognoscere desiderant *1. Pet. 1. v. 12.* & non nisi per
 Ecclesiam cognoscunt. *Eph. 3. v. 10. Tertio, eoque ultimo loco,*
Opera Creationis & Conservationis consistunt. In quibus etsi invisibi-
 lia Dei, æterna ejus tum potentia tum divinitas, conspicienda sunt,
Rom. 1. v. 20. etsi Deus vicinum se, imo palpandum cuique præbet,
Act. 17. v. 27. 28. Cæli quoque gloriam ejus enarrant *Psal. 19. v. 2.*
 fit tamen illud longè, quam in priore operum genere obscurius.
1. Cor. 1. v. 21. & 24. Insuper horum cognitio, ex inferiore etiam
 Naturæ *Ioh. 1. v. 9.* non ex solo superiore Gratia lumine assul-
 get *Heb. 11. v. 3.* Atque hic operum divinorum, sub objecti notio-
 nem cadentium ordo, dignitatis est, non temporis. Dignitate,
 inquam, Redemptio creationem, naturam gratia anteit; Tempo-
 re posterior est. Quod autem *peccatum* attinet, de eo variè qui- peccatum
qui conside-
retur,
 dem, at non aliter agit Theologia, quàm de venenis Medicina.
 Et licet non sit opus vel Creationis, vel Conservationis, vel Re-

Res Divinæ
objectum
propriū, ra-
tione gradus

Primi,

Secundi,

Tertiū.

Efficiens,

Ordo Revela-
tionis.

demtionis, ad singula tamen horum est revocandum. Ad optis creationis, quatenus est imaginis Dei, seu justitię in eā acceptę privatio *Gen. 5.v.3.* ad conservationis, quia permissionis Divinę est consequens *Act. 14.v.16.* Ad redemptionis etiam, quia Justificatio per sanguinem Christi, circa reatum ejus tollendum, Sanctificatio per Christi Spiritum, circa pravitatem abolendam occupatur. *1. Cor. 6. v. 11.* Eo ipso vero quod adæquatum hoc Objectum etiam *eiūtor* sive *propriū* diximus: ut nulla alia disciplina, aliquam ejus partem gradumve, jure sibi possit arrogare. In Metaphysicā quidem vulgò de Deo agi solet; sed magis Veterum Philosophorum imitatione, quam ex artis hujusce natura: quę cum universalissima sit, ac generalissima, objectum specialissimum & maxime singulare, nescio an admittat. Opera Redemptionis, ut non alio trahuntur, ita nec trahi possunt. Caro & Sanguis artes docent, Christum non docent. *Matth. 16.v.17.* Sunt inutilitia Philosophis *1. Cor. 1. v. 22. 23.* eorumque præcones non nisi *σκιμαλόγοι* *Act. 17. v. 18.* Creationis autem opera, etsi re considerata, ut loquuntur, aliis etiam conveniunt disciplinis, modo tamen considerandi, qui formam largitur, non conveniunt. Est ille alibi absolutus in causis internis, materia & forma, tum etiam externis sed proximis consistens: hic relatus ad Deum ut efficientem primum, & finem ultimum, *Prov. 16.v.4. Rom. 11.v.36.* alibi in statu essentiali & naturali, hic in statu accidentali ac præter naturali spectatur, nisi forte à comparatis ducatur argumentum. Tum siquidem causarum etiam proximarum, sive internarum, sive externarum respectum admittit. Exempla vide de genitura hominis, *Ezech. 16. v. 4. & seqq.* de semine *Marc. 4. v. 27. 28. 29.* de grano sinapis *Matth. 13.v.31. 32.* de corporibus celestibus *1. Cor. 15. v. 40. 41.*

Efficiens Theologiæ est *Deus*, res divinas revelans, sive ejus revelatio. Cum enim lucem habitat inaccessam *1. Tim. 6. v. 16.* ad quam nemo potest ascendere *Ioh. 3. v. 13. Deut. 30. v. 12.* nunquam sane cognitus fuisset, nisi ex eā prodiens gratiosè se patefecisset. Idem de Redemptionis, Creationisque operibus judicium est. Nec enim vel illa, absque luce supernaturali *1. Cor. 2. v. 8. 9.* quæ in Electis est fides, Dei donum *Eph. 2.v.8.* vel ista, absque luce naturali rationis, quā *Lux illa vera illuminat omnem hominem venientem in mundum* *Ioh. 1. v. 9.* innotescunt. Fit autem revelati-

LOCOR. COMMUN. PARS I.

revelatio illa certo ordine: *Pater* à se revelat *Matth.* 11. v. 25. 26. *cap.* 16. v. 17. *Roman.* 16. v. 25. 26. *Filius* à Patre, *Iohan.* 1. v. 18. *cap.* 7. v. 16. *Matth.* 11. v. 26. *Spiritus Sanctus* tum à Patre *1. Corinth.* 2. v. 10. tum à Filio *Iohan.* 16. v. 14. 15. per se ipsum *1. Corinth.* 2. v. 10: ut qui ducit nos in omnem veritatem *Ioh.* 16. v. 13. De mediis gradibusque hujus revelationis, alibi dicitur.

Restat *Finis Theologiæ*, isque duplex. *Primarius*, est Dei Gloria. Ideò enim se nobis revelavit, ut à nobis agnitus celebretur, *Prov.* 16. v. 4. *Rom.* 11. v. 36. *cap.* 1. v. 21. ut tribuamus essentia ejus adorandam Majestatem *Esa.* 6. v. 1. 2. *seqq.* actionibus ejus impervestigabilem sapientia Justitiaque profunditatem *Rom.* 11. v. 33. *seqq.* Dicamus de opere creationis & conservationis; *Iehova Domine noster, quàm magnificum est nomen tuum in universa terra Psal.* 8. v. 2. *Cæli enarrant gloriam tuam Psal.* 19. v. 2. de opere Redemptionis: *Dignus es qui accipias potestatem, & divitias, & sapientiam, & vires, & honorem, & gloriam, & benedictionem, Apoc.* 5. v. 12. *quoniam redemisti nos Deo, per sanguinem tuum ex omni tribu, & lingua, & populo, & natione. v. 9. Et qui insidet throno, & agno, benedictio & honor, & gloria, & robur in secula seculorum. v. 13.* De universis denique ejus operibus concinamus, *Benè omnia fecit. Marc.* 7. v. 37. *Finis Secundarius*, est Hominum Salus, sive æterna eorum beatitudo, in Unione cum Deo, & in gaudii gloriaque communione posita: *Ioh.* 17. v. 3. *cap.* 14. v. 23. *1. Ioh.* 1. v. 3. *Colloss.* 3. v. 4. Quam in rerum divinarum revelatione Deum insuper spectasse evidentissima Scripturæ testimonia arguunt *Deut.* 4. v. 1. *Ioh.* 20. v. 31. *Rom.* 1. v. 16. 2. *Tim.* 3. v. 15. Quinimo priori fini hic posterior subordinatur, & medium est ad illum. Ex eo quippe est, quod electi, prædestinati, adoptati dicimur ad laudem gloriosæ gratiæ Dei *Eph.* 1. v. 4. 5. 6. Itemque vasa ad gloriam præparata, hoc est, in quibus ipse gloriæ suæ divitias ostendat *Rom.* 9. v. 23. Porro de Hominum salute tantum, non etiam de Angelorum, aut creaturarum rationalium universè loquor. Quia ut solis hominibus, non Angelis lapsis spes salutis in Christo proposita est, *Heb.* 2. v. 16. *1. Tim.* 2. v. 5. ita illis, non his doctrina salutis traditur. Interim nè isti quidem omnes eam assequuntur, sed Electi *Rom.* 11. v. 7. Ceteri velut mortis odore delibuti 2. *Cor.* 2. v. 15. 16. indurantur *Rom.* 11. v. 7. inexcusabiles redduntur *Rom.* 1.

Finis
Primarius,
Gloria Dei

Secundarius,
Salus Homi-
num.

Non Angelo-
rum.

v. 20. *Ioh.* 9. v. 41. tandemque gravius damnantur. *Luc.* 12. v. 47. Hæc Primi Loci Theoria est.

Praxin sive Usum deinceps videamus.

I. *Facit ad Διδασκαλίαν. Theologia est disciplinarum omnium nobilissima, ex Objecto, Efficiente, Fine. Hinc dicitur Lex Regia Jac.* 2. v. 8. *Scripta habere magnalia legis Hof.* 8. v. 12. *Comparatur pretiosissima margarita Matth.* 13. v. 46. *Est deinde etiam certissima, ab autore mentiri nescio Tit.* 1. v. 2. 2. *Sam.* 15. v. 29. *Denique longè utilissima ex Fine, qui est salus animarum 2. Tim.* 3. v. 15. 16. *Joh.* 20. v. 31.

II. *Ad παδείαν: ut magnificiamus, & gratà mente agnoscamus Dei in Theologia revelatione beneficium. Deut.* 4. v. 6. *Psal.* 147. v. 19. 20. *Rom.* 3. v. 2. & cap. 9. v. 4. *Exemplo Christi, Matth.* 11. v. 25 & *Pauli, Phil.* 3. v. 8. 9. 10. *In ejus cognitionem totà mente incumbamus Psal.* 1. v. 2. & 19. passim. *Exemplo Davidis, Psal.* 119. *Maria, Luc.* 10. v. 39. 40. 42. *Timothei, 2. Tim.* 3. v. 15. *Sed mente humili & religiosa, Psal.* 25. v. 14. *Exemplo Samuelis, 1. Sam.* 3. v. 10. & *Elia, 1. Reg.* 19. v. 13. *De eà latemur & gloriemur Jerem.* 9. v. 24. 1. *Cor.* 1. v. 31. *Exemplo Davidis, Psal.* 119. v. 99. & 111. & *Pauli, Phil.* 3. v. 8. 9. 10.

III. *Ad ἰσχυρότητα: nè de rebus divinis aliunde, quàm ex Theologià sapiamus, loquamur. 1. Corint.* 4. v. 6. *Rom.* 12. vers. 3. 1. *Pet.* 4. v. 11. *nè humana divinis, vana solidis, falsa veris misceamus Coloss.* 2. v. 8. 1. *Cor.* 3. v. 12. & seqq. *nec illis præ his nos jaletitemus Jerem.* 9. v. 23. 1. *Cor.* 3. v. 21. *Phil.* 2. v. 3. *Exemplo Philosophorum, 1. Cor.* 1. vers. 20. *Corinthiorum, 1. Cor.* 1. & 3. capp. & 2. *Cor.* 11. cap. *Pseudapostolorum, 1. Cor.* 10. & 11. capp. *Tit.* 1. v. 10.

LOCUS SECUNDUS

De

THEOLOGIAE PRINCIPIO,

VERBO DEI.

Revelatio illa facta est Verbo Dei.

Est autem VERBUM DEI, quo Deus tùm per se, tùm per alios res Divinas enunciauit.

Hoc substantiâ unicum, modo revelationis duplex est, ἀγγελος & ἑγγραφος.

**Ἀγγελος est, quod vivâ ipsius Dei & aliorum voce prolatum, vel etiam visionibus, somniis, Vrim & Thummim declaratum fuit.*

**Ἐγγραφος est, quod Deus per Moſen, Prophetas & Apostolos in Veteri & Novo Testamento, libris consignari voluit, ut ex suâ mente intellectum perpetua esset Ecclesia fidei vitæque regula.*

EXEGESIS.



Uecunque est in creaturis rationalibus rerum Divinarum cognitio, ea ex solâ Dei revelatione pendet, Revelavit autem se Deus non necessitate naturæ sed libertate voluntatis *Matth. II. v. 27.* non uno modo, sed vario *Heb. I. v. I.* non unâ, sed multis vicibus, *ibidem:* prout ad suam gloriam, suorumque salutem judicavit expedire. *Prima* revelatio facta est in creatione *Prov. 8. v. 22.* cum hominem ad imaginem suam, id est, sapientem *Col. 3. v. 10.* condidit, eoque ἡγινῶς ἐκείνου, seu προλήψεως, id est, communes notiones Theoricas & practicas *Rom. I. v. 32. & 2. v. 15.* de naturâ suâ, voluntate, ac cultu ipsi indidit.

Alter in ipsis creationis operibus proposita fuit, quibus Deus notas Divinitatis suæ *Rom. I. v. 20.* sapientiæ *I. Cor. I. v. 21.* potentia

Revelationis
media & gra-
dus.

Primus in
Creatione.

Alter per
Creationis
Opera.

Uterque pro-
pter lapsum
insufficiens.

Prior.

Alter.

Tertius per
Verbum.

Verbi Dei va-
rii significa-
tus.

tentiæ *Rom.* 1. v. 20. bonitatis *Gen.* 1. v. 31. & gloriæ *Psal.* 19. v. 2. alibi illustriores, alibi minus illustres, ubique tamen evidentes, impressit: ut homo circa illorum contemplationem occupatus, præter Naturalem creatoris sui cognitionem, alteram quoque, quam Experimentalem vocant, ex iis sibi acquireret *Rom.* 1. v. 19. 20. utraque autem sufficienter instructus creatorem suum ad salutem coleret. Verum quia non diu post editam utramque revelationem à Creatore descivit sicut cæteras dotes ad præsentis & futuræ vitæ felicitatem pertinentes, ita utriusque hujus revelationis integram, claram ac salutarem lucem perdidit. Prior quippe ita obscurata est, ut paucæ admodum de Deo, ejusque cultu; nec multæ de honesti turpisque discrimine notiitiæ, manserint reliquæ. *Act.* 17. v. 30. *Ephes.* 5. v. 8. Et illæ tamen non modo in se corruptæ sint *Eph.* 4. v. 17. 18. sed etiam tum inscitiam, tum malitiam hominum magis corrumpantur, & tantum non penitus extinguantur *Rom.* 1. v. 18. 21. 22. 25. 28. Sicque non in veram religionem sed in vanam superstitionem *Rom.* 1. v. 21. 22. 23. *Act.* 17. v. 22. & seqq. nec in ipsorum salutem, sed in justissimum, sine excusatione *Rom.* 1. v. 20. exitium v. 32. abeant. Alteri quoque Revelationi per Dei maledictionem *Gen.* 3. v. 17. 18. non parum decessit. Nam vanitati & corruptioni mundus hic conditus subiectus *Rom.* 8. v. 20. 21. etsi in visibilibus etiamnum conditorem suum invisibilem ostendit, *Psal.* 8. v. 2. 4. & 19. v. 2. *Act.* 14. v. 17. *Rom.* 1. v. 19. 20. non tamen cum in speculo æque lucido spectandum nobis proponit, nec in veram ac salutarem ejus cognitionem nos deducere potis est *1. Cor.* 1. v. 21. *Act.* 14. v. 16. 17. Opus igitur fuit alia revelatione: quâ non modo utraque restitueretur, sed nova insuper propter peccatum antegressum adjiceretur. Talem Verbo suo gratiosè Deus exhibuit, *Gen.* 3. v. 15. *Ioh.* 4. v. 12. *Psal.* 19. v. 8. 9. & 65. v. 6. & 98. v. 2. & alibi passim. *Matth.* 11. v. 27. *Rom.* 16. v. 25. 26. *Ephes.* 3. v. 9. 10. non tamen æque quàm priores, universalem, multo minus omnibus naturalem, *Deut.* 4. v. 6. 8. *Psal.* 147. v. 19. 20. *Matth.* 13. vers. 11. *Iob.* 17. v. 6. De quâ, quia eximia est & latè patens, plenè distinctèque in sequentibus agitur.

VERBUM DEI, ex usu Scripturæ varias significationes habet. Metonymicè accipitur pro vivificâ vi, quâ res creatæ conservantur *Deut.* 8. v. 3. *Matth.* 4. v. 4. tum etiam pro eventu Verbo denun-

denunciato 2. Reg. 9. v. 36. *Metaphoricè* vel pro *Filio Dei Ioh. 1. v. 1.* qui verbum *ἐμφορῶν* sive *ἐνδιὰθεν* dicitur; vel pro *interno Spiritus Sancti afflatu*, nos testificando quasi alloquentis, *Iesa. 59. v. 21. Rom. 8. v. 15. 16.* quod etiam *ἐνδιὰθεν* vocant. *Synecdochicè* denique pro *jussu* sive *mandato Dei Num. 9. v. 18.* item pro ejus *promissione* vel *communicatione Psal. 119. v. 25. 1. Reg. 2. v. 27.* sicut etiam pro *Doctrinâ Euangelii. Rom. 10. v. 8.* Nulla harum significationum hic quadrat. *Intelligitur enim sensu non tropico, sed proprio*, de *Doctrinâ Legis & Euangelii*, quam Deus post lapsum hominis verbo externo *ἐκφορῶν*, sive per se, sive per alios promulgavit, *Psal. 119. v. 43. & 105. Luc. 11. v. 28.* *Efficiens* igitur ejus Deus est *Ministri*, creaturæ, quarum operâ meditatè loquens est usus. *Objectum* sunt res divinæ in *Lege & Euangelio* revelatæ. *Forma* in externo revelationis modo consistit. Quod *Objectum* attinet, id *substantiâ unum semper idemque* fuit *Matt. 22. v. 37. & seqq. Hebr. 13. v. 8.* Est siquidem Deus naturâ immutabilis, *Iac. 1. v. 17.* voluntate constans, *Mal. 3. v. 6.* sermone verax & ipsa veritas *Ioh. 17. v. 17.* Et admirabilis ille Testamenti utriusque consensus, nullam prorsus rerum in ipsâ substantiâ dissensionem admittit. In *circumstantiis* vero *modoque Revelationis discrepantia* est evidens. Nam ut de posteriore tantum dicam, *initio* Deus in revelando Verbo, vivâ voce, suâ & aliorum usus est: *Inde* scriptionem cum vivâ voce conjunxit: *postremò*, vivâ voce conticescere jussâ, solam scripturam adhibuit. Quod quidem sapientissimo, & ad captus nostri infirmitatem accommodatissimo factum est consilio. Ut enim in œconomiâ naturali, parentes educationis institutionisque rationem, cum crescente liberorum ætate prudenter variant: ad eundem modum in œconomiâ spirituali, Pater ille cœlestis facit: qui proinde erudiisse populum suum dicitur, *ut quis erudit filium suum Deut. 8. v. 5.* *Primâ* igitur Ecclesiæ *Ætate*, id est, in ejus *Infantiâ*, quam Apostolus *Gal. 4. v. 1. 23.* ad Christi usque adventum certo respectu extendit, Prophetæ Abrahami Moysiæ temporibus terminant, *Ezech. 16 v. 7. 8. Jerem. 2. v. 2. 3.* Deus cum cā quasi balbutiens, ut minimam revelationis mensuram, sic unum, eumque simplicissimum revelationis modum, vivam vocem usurpavit. *Alterâ* ætate, quam Adolescentiam appellamus, argumento dictorum locorum *Jerem. 2. v. 2. 3. Ezech. 16. v. 7. seqq.* à Mose ad Christum ejusque Apostolos, tum majorem revelationis mensuram

Proprius h. l.

Objectum
Verbi sub-
stantiâ idem.

Modo Reve-
lationis di-
versum, juxta
arates Eccle-
sia.

Primam.

Secundam.

Tertiam.

Verbum Dei
ἀγγεῶν
vel ἑγγε-
φον.Verbum
ἀγγεῶν.Efficiens il-
lius.Principalis.
tota Trinitas.Instrumenta-
lus.

suram concessit, tum pro simplici duplicem revelationis modum tradidit, vivam vocem & scriptionem: illam quidem propter reliquam ex infantia imbecillitatem, istam propter majorem ætatis provectionis capacitatem. Tertiâ ætate à Christi Apostolorumque excessu ad finem usque seculi, (quam, non futuri in cœlis, *Eph.* 4. v. 13. sed præteriti in terris temporis ratione, adultam & virilem dicimus, *Gal.* 4. v. 2. 3. 4. *inter se collatis*, *Ioh.* 4. v. 35. 38.) sicut plenissimam revelationis mensuram gratiosè indulsit, ita perfectissimum pro illa ætate, revelationis per solam Scripturam modum observavit, & etiamnum observat. Atque ex hac revelationis diversitate est, quod Verbum Dei in ἀγγεῶν καὶ ἑγγεφον, in vivâ voce, & scriptione revelatum distinguimus. Quam tamen distinctionem totidem penè verbis ponit Apostolus, 2. *Thess.* 2. v. 15. *Retinete traditam doctrinam, quam edocti estis, & per sermonem, & per epistolam nostram.*

Dicitur itaque Verbum Dei ἀγγεῶν σερητικῶς, quasi non scriptum: non quod nè deinceps quidem scriptum, sed quod scriptione non fuit primitus revelatum. Hebræi *Cabalan* vocant. Græci ὁρῶντες *Matth.* 15. v. 2. 3. 6. *1. Cor.* 11. v. 23. ut *Traditionem* Latini: quæ tamen voces. etiam pro Verbo scripto sumuntur, 2. *Thess.* 2. v. 15. *Act.* 6. v. 14. *Efficiens* Verbi ἀγγεῶν est Deus, cujus Verbum passim dicitur; & ad quem revocatur, quoties decantata illa principia, *Dominus dixit, Os Domini locutum est*, inculantur. Tribuitur autem Deo, non modo communiter secundum essentiam, sed etiam secundum personas singulariter. Etenim Deus *Pater*, in Veteri Testamento πολυμερῶς καὶ πολυτρόπως *Hebr.* 1. v. 1. cum Patriarchis & Prophetis, tum populo Israëlítico in monte Sina, *Exod.* 20. ejusque Duci Moysi, *Exod.* 33. v. 11. *Num.* 12. v. 8. *Deut.* 34. v. 10. & in Novo Testamento cœlitus clarâ voce est locutus, *Matth.* 3. v. 17. & 17. v. 5. *Ioh.* 12. v. 28. Sic & *Filius* vivâ voce usus est: in Veteri quidem Testamento jam hominis, *Gen.* 18. v. 1. 17. 25. *cap.* 32. v. 24. *Ios.* 6. v. 1. 2. modo Angelis, *Gen.* 48. v. 16. *Jud.* 6. v. 11. *seqq.* formâ tectus; in Novo autem, naturâ humanâ, in personæ suæ unitatem assumptâ, vestitus: in quâ ultra triennium in terrâ, semel è cœlo, *Act.* 9. v. 4. 5. 6. prædicavit. Denique *Spiritus Sanctus*, mediatè in utroque Testamento ideim peregit: intus aliis inspirans, quæ ipsi enunciarent foras, 2. *Sam.* 23. v. 2. 2. *Pet.* 1. v. 21. Porro illi quorum usus fuit ministerio,

sterio, aut Angeli, aut Homines; hique iterum vel Viri, vel Fœminæ fuerunt. In Veteri Testamento per *Angelos* legitur locutus, *In V. Test.*
Gen. 19. Iud. 13. & alibi. Per *Viros*, ut Patriarchas, Enochum, *Iud. v. 14. 15.* Noachum, *Gen. 6. & 9.* Abrahamum, &c: & Prophetas, eosque tum veros, ut Moſen, Davidem, Eſaiam; tum falſos, ut Bileamum, *Num. 23. & 24. capp.* Per *Fœminas* etiam, ut Deborah, *Iud. 4. & 5.* & Huldā, *2. Reg. 22.* In Novo Testamento jussus impulsuque ejus locuti sunt *Angeli*, *Luc. 1. & 2. Matth. 28. Act. 1. Viri*, Joannes Baptista, *Luc. 3. v. 2.* Apostoli, *Act. 2. Prophetæ*, ut Agabus, *Act. 11. v. 28. & 21. v. 10. 11.* Euangelistæ, ut Philippus, *Act. 8. v. 26. & 21. v. 8.* Fœmina denique, ut quatuor Philippi filia, *Act. 21. v. 9.* E quibus omnibus, Euangelistæ Joannis vox postrema sonuit in Ecclesiâ, & huic revelationis modo, à creatione ad illa usque tempora fere continuato, finem attulit. Ferè dico; nam continuationem silentium Prophetarum non semel interruptit. Cujus exempla notantur tempore Tharæ, *Ios. 24. v. 2.* Servitutis Ægyptiacæ, *Ezech. 20. v. 7. 8.* Captivitatis Babylonice, *Pſal. 74. v. 9.* & post Malachiæ Prophetæ excessum, *Malach. 3. v. 22. 23. 24.* vel ut alii distinguunt *cap. 4. v. 4. 5. 6.* *Materia* sive *Objectum* Verbi ἀγγελία sunt res Divinæ: uti antè monuimus. *Forma* est singularis ille revelationis modus per vivam vocem: non talem, qualem quotidie à ministerio ordinario audit, & ad finem usque mundi auditura est Ecclesia. *Ephes. 4. v. 11. 12. 13.* id est, erroris discrimini obnoxiam; sed ἱερωδουσις à ministerio extra ordinario, ex peculiari Spiritus Sancti dictamine, profectam, eoque extra omnem erroris aleam positam. Nam *Acti à Spiritu Sancto locuti sunt Sancti Dei homines*, *2. Petr. 1. v. 21.* Et qui in Novo Testamento in omnem veritatem duxit Apostolos, *Ioh. 16. v. 13.* idem Prophetis, aliisque immediatè vocatis eandem veritatem inspiravit, *1. Petr. 1. v. 11.* Nec tamen ex eo pejus habet horum temporum Ecclesia. Quia quæ vox olim ex ore, nunc ex scriptis Prophetarum Apostolorumque percipitur, *Luc. 16. v. 29. 31.* Priore verò modo percipi non est opus: cum, postquam Deus locutus est nobis in Filio, *Hebr. 1. v. 1.* nihil restet clarius in hac vitâ revelandum: ad quod vox illa ἱερωδουσις requireretur. *Finis* Verbi ἀγγελία fuit Ecclesiæ infantis & adolescentis in rebus Divinis, clarius subinde revelandis, institutio: *primò* communiter & indiscriminatim ante Legem considerata: *deinde*

particulariter Judaicæ, ex unâ gente collectæ, *Deut. 7. v. 6. 7. Psal. 147. v. 19. 20.* Nisi quod extrâ ordinem alienigenis etiam, ut Gibeonitis, *Ios. 9.* Ninevitis, *Ion. 3.* Babylonis, *Dan. 2. 3. 4. & seqq.* convertendis, vel emendandis revelatum fuit. *Postremo* hic usus ex mandato Christi *Matth. 28. v. 19.* illudque subsecuto Apostolorum præconio, ad omnes se gentes diffudit.

Revelationis
modali.

Ad Verbum hoc ἀγγαφον illos quoque revelationum modos referimus, qui per visiones, somnia, Urim & Thummim olim fiebant: partim, quod verbo ἰγγράφω non minus, quàm viva vox opponuntur; partim quia vivæ voci fuerunt subordinati: ita docente ipso Deo *Num. 12. v. 6. Si est Propheta ex vobis, per visionem meipsum Jehovah notum facio ei, aut per somnium alloquor eum. 1. Sam. 28. v. 6.* Tertius etiam modus adjungitur: *Non respondebat Jehovah Sauli, nec per somnia, nec per Urimos, nec per Prophetas.* De singulis seorsim dicemus.

Visiones
quæ.

Visiones de somniis quoque usurpantur *Iob. 7. v. 13. 14. cap. 33. v. 15.* generaliore significatione. Specialiter & oppositè ad ea, ut *Num. 12. v. 6.* Sunt *Imagines* vigilantibus oblata, quibus voluntatem suam Deus in Veteri Novoque Testamento declaravit. Obiciebantur illæ aliquando foris externo adspectui, sicque oculis corporeis percipiebantur *Gen. 32. v. 1. 2. Exod. 3. v. 2. & seqq. 2. Reg. 6. v. 17. Matth. 17. v. 2. & seqq.* aliquando intus menti, sed in ἑκστασι raptæ, ejusque lumine perspiciebantur *Zach. 1. v. 8. cap. 3. v. 1. Act. 10. v. 10. 11. Apocal. 1. v. 10. & alibi:* rursum, vel rerum futurarum veritatem simpliciter, *Ezech. 40. 41. 42. capp.* vel sub animalium aliarumque rerum figurâ, *Ezech. 1. & 10. Dan. 7. 8. & passim in Apocalypsi,* proponebant. Prior

ὁπτασία.

ἢ ὁράμα.

Moses qui-
modo Deum
viderit.

species visionis externæ propriè ὁπτασία dicitur; posterior visionis internæ ὁράμα: quamvis illud nomen pro hoc usurpatum inveniamus. *Matth. 17. v. 9. Act. 10. v. 3.* Ab utraque specie Prophetæ *Videntes* antiquitus appellati sunt. *1. Sam. 9. v. 9.* Mosis etiam si aliquantum diversa fuisse videtur ratio, argumento loci *Num. 12. v. 6. 7. 8.* ubi non per visionem & somnia, aut ænigmata institutus, sed ipsam Jehovah speciem similitudinemque intuitus fuisse scribitur: Id tamen non de novâ aliquâ visionis specie, sed de excellentiore utriusque speciei, ὁπτασίας ἢ ὁράματ' gradu, ex variorum in Exodo locorum collatione intelligimus. *Somnia*, quæ cum adjectione *ὁπνιδία*, & *ὁπνιδία* vocant, exhibebantur dormientibus piis *Genes. 15. & 28. 1. Reg. 3. & impiis Gen. 20.*

Somnia divi.
να.

✠ 41. *Dan. 2.* sæpe non absque magno somniantium horrore
Job. 33. v. 15. 16. Dan. 2. v. 1. semper autem cum magna, ab iis non
 intellectis, evigilantium sollicitudine *Gen. 40. v. 6. 7. cap. 41. v. 8.*
Dan. 2. v. 3. & seqq. Suntque duorum generum: *Primum* est, Duplicia.
 quo Deus monit de rebus nonnullis faciendis vel omittendis, abs-
 que figuris; ut Abimelechum, nè tangeret Saram, *Gen. 20.*
 Josephum, ut fugeret in Ægyptum. *Matth. 2.* Idque Oraculum
 vocant. *Alicum* est, cum futura, adhibitis figurarum involu-
 cris, repræsentavit, ut annos fœcunditatis & sterilitatis per vaccas,
 Pharaoni, *Gen. 41.* imperia successive surrectura, Nebucadnezari
 per statuam. *Dan. 2.* Hoc dicitur somnium κατ' ἑξοχην, & non-
 nisi Spiritu Sancto interprete intelligitur. *Gen. 41. v. 16. Dan. 2.*
v. 22. 28.

Vrim & Thummim variè meminit Veteris Testamenti Scriptu- De Vrim &
Thummim.
 ra. *Exod. 28. v. 30. Lev. 8. v. 8. Num. 27. v. 21. 1. Sam. 28. v. 6. Esr.*
2. v. 63. Nehem. 7. v. 65. Septuaginta διπλασι καὶ ἀλειθιαν, Vulgatus
 Doctrinam & veritatem, alii lucem & integritatem reddunt. *Materia*
 videntur fuisse duodecim illæ, pro tribuum numero gemmæ,
Exod. 28. v. 17. seqq. quæ *cap. 25. v. 7.* dicuntur lapides plenitudi-
 num; forte quod iis impleretur pectorale. *Forma* dictæ materiæ
 respondens describitur *Exod. 28. v. 17. & seqq.* Sunt qui isti gem-
 marum ordini, subjunctam volunt Scripturam nominis tetra-
 grammi. *Efficientem* alii Deum, alii Mosen, alii artifices faciunt.
 Mosen inseruisse pectorali liquet ex *Lev. 8. v. 8.* *Finis* fuit, ut o-
 racula inde peterentur in rebus obscuris & incognitis. Quod
 quidem ipso effectu præstitum *1. Sam. 30. v. 7. seqq. & cap. 28. v. 6.*
 insolitione gemmarum splendore; an alio modo, incertum est.
 Præter hunc usum, typicum etiam adferunt; significatum vide-
 licet fuisse, & lucem fidei, & integritatem vitæ, à summo sacer-
 dote Christo, qui factus est nobis à Patre sapientia. *1. Cor. 1. v. 30.*
 Ecclesiamque intrà suum quasi pectus gestat, expectandam.
Subiectum erat ipsum pectorale, intrà cujus duplicitatem refedisse
 volunt; ex eoque pectorale duplicatum, ut intus repositi lapi-
 des ab utraque parte laterent. De durationis *adjuncto* variant.
 Probabile est, non minus quam cætera ornamenta, in primi tem-
 pli direptione incendioque periisse. *Nehemias cap. 7. v. 65.* eo-
 rum quidem meminit, sed ita, ut sacerdotem nondum cum iis
 extitisse affirmet. Josephus cessasse ait 200. annis antequam

conscriberet suam ἀρχαιολογίαν, id est, centum & paulò amplius annis ante natum Christum.

Verbi ἡ-
γεγέρφει Sy-
nonymia.

Haftenus de Verbo ἡγεγέρφει. Ἐγγράφει suprà definitum, aliis atque aliis nominibus notatur. Dicitur siquidem *Scriptura*, *Ioh.* 10. v. 35. 2. *Tim.* 3. v. 16. & numero plurali *Scriptura*, *Ioh.* 5. v. 39. item cum epitheto, *Scriptura Sancta*, *Rom.* 1. v. 2. item *Sacra Li-tera*, 2. *Tim.* 3. v. 15. Notæ etiam sunt *Bibliorum*, κατ' ἐξοχὴν sum-
tâ voce, & *Librorum Veteris ac novi Fæderis*, sive *Testamenti* ab-
pellationes.

Efficiens ejus
Deus.

Efficiens Verbi ἡγεγέρφει est *Deus*. Totum namque θεῶν λόγος est, à Deo inspiratum, 2. *Tim.* 3. v. 16. totum *Dei verbum*, *Dei Testimo-nium* audit. *Psal.* 119. *passim*. *Esa.* 8. v. 20. 1. *Ioh.* 5. v. 9. Movit ipsum ad Verbum suum hoc revelationis modo prodendum, amor *Ecclesiæ*, *Deut.* 7. v. 8. & *Psal.* 147. v. 19. 20. inter se collatis, sive gratuita in eam benevolentia, *Eph.* 1. v. 9. Movit quoque ip-sius *Ecclesiæ* conditio. Cum enim, quæ est ejus hic militantis infirmitas, Verbum Dei solâ traditione incorruptum conservare & propagare non posset: uti variarum corruptelarum ante *Gen.* 4. 5. 6. *capp.* & post diluvium. *Ios.* 24. v. 2. *Ezech.* 20. v. 7. 8. te-
stantur exempla; & absque hoc, illud pro majore ejus amplitu-
dine, ætateque maturiore plenius planiusque revelandum esset: vi-
sum Deo *Ecclesiæ* suæ necessitati, utrobique scriptionis subsi-
dio succurrere. Eâ occasione *Scriptura* nata est. Cujus quidem

Deus triplici-
ter auctor
Scripturæ.

non unâ, sed triplici ratione autor est Deus; exemplo scriptionis, mandato scriptionis, & rerum scribendarum inspiratione. *Ex-emplo*, immediatè. Siquidem ut auctoritatem conciliaret novæ revelationi, primus Legem suis digitis duabus tabulis lapideis inscripsit, *Exod.* 24. v. 12. *cap.* 31. v. 18. quæ proinde *Dei opus*, & *Dei scriptura* appellatur, *cap.* 32. v. 16. *Mandato* verò atque *inspi-ratione* mediâtè, id est, per Sanctos illos Homines, 2. *Petr.* 1. v. 21. quibus ceu amanuensibus suis in Veteri Novoque Testamento est usus. Etenim his disertè præcepit ut scriberent: in V. T. *Exod.* 34. v. 27. *Esa.* 8. v. 1. *Ierem.* 30. v. 2. *cap.* 36. v. 2. & 28. *Hab.* 2. v. 2. & c. in N. Test. *Apoc.* 1. v. 11. *cap.* 14. v. 13. *Actor.* 15. v. 28. *Matth.* 28. v. 19. ex quo id sibi necessum fuisse ipsimet profiten-
tur. *Iud.* v. 3. Deinde etiam scribenda inspiravit: quia acti à Spi-
ritu Sancto non minus scripserunt, 2. *Tim.* 3. v. 16. quàm locuti
sunt. 2. *Petr.* 1. v. 21. sancti Dei Homines. Ante tamen locuti,

Inspiratione.

quàm

quam scripserunt; atque etiam plura & pluribus locuti sunt. *Ioh.* 20. v. 30. & 21. v. 25. Cum constet, Prophetas inprimis, con-
 ciones suas scribendo contrahere, publiceque affixas populi le-
 ctioni subijcere solitos. *Hab.* 2. v. 2. & *alibi*. At non alia locuti
 sunt, quàm scripserunt, quoad ipsam doctrinæ substantiam :
 Quia Evangelium non est aliud, *Gal.* 1. v. 7. nec alia lex moralis,
Deut. 6. v. 5. *Levit.* 19. v. 18. *Matth.* 22. v. 37. & *seqq.* Scripse- Instrumen-
talis.
 runt in Veteri Testamento Moses & Prophetæ, *Luc.* 16. v. 29. 2.
Petr. 1. v. 19. in Novo Testamento Euangelistæ, & Apostoli 2.
Pet. 3. v. 15. 16. *Iud.* v. 3. ultimusque omnium Joannes : in quo
 ut viva vox, ita scriptio quoque *ἵππος* & desiit. Christum i- Cur Christus
in N. T. nihil
scripserit.
 ipsum Novi Testamenti Scripturam exemplo consecrare non fuit
 opus : partim quod abunde jam confirmatus esset in Ecclesia
 hic revelationis modus ; partim quod doctrinam suam non atra-
 mento, sed Spiritu Dei vivi, non in lapideis, sed in carneis ta-
 bulis cordis scriberet, 2. *Corinth.* 3. v. 3. Sic ergò Scriptura vere Autoritas
Scripturæ
divina.
Divina est : & ab authore vere *Divina* ejus *Autoritas*. Hæc auto-
 ritas nihil est aliud quam *ἀσφαλεία* ejus, sive *ἀξιοπιστία*, *infallibilis*
veritas in verbis & sensibus, ob quam omnes fidem ei & obedi-
 entiam debent : nec tantum infallibilis, sed & *prima veritas*, *Ioh.*
 17. v. 17. ut quæ sacræ omnis veritatis sola ac unica norma : Canonica.
 Ex quo autoritas Scripturæ non modo divina, sed etiam *Canonica*.
ca, *Gal.* 6. v. 16. *Phil.* 3. v. 16. dicitur. Utraque agnoscitur à no- Confirmatur
testimonio.
 bis, & nobis persuadetur testimonio triplici : Spiritus Sancti, vi-
 delicet, ipsius Scripturæ, & Hominum. *Testimonium* Spiritus non
 illud dicimus, quod suus cuique animus aut phantasia suggerit,
 sed *Spiritus Sancti* in omnem veritatem ducentis, *Ioh.* 16. v. 13. de
 veritate Scripturæ, ex eâ & secundum eam, testificationem in
 cordibus hominum. Etenim *Spiritus est, qui testificatur spiritum*,
 id est, Doctrinam Evangelii, *esse veritatem* 1. *Ioh.* 5. v. 6. Spiritus
 Sanctus *est unctio illa docens nos omnia*, cap. 2. v. 27. & ipso in nobis
 agente, excipimus acceptum de Deo sermonem, non ut sermonem homi-
 num, sed (sicut verè est) ut Dei sermonem 1. *Theß.* 2. v. 13. Peragit Qui testifica-
tur?
 hanc apud nos testificationem, illuminatione mentium in agnitio-
 nem veritatis, *Rom.* 12. v. 2. ut simus *ὁδοδείκται*, *Ioh.* 6. v. 45. in-
 scriptione legis in cordibus, *Heb.* 8. v. 10. ut fiamus novæ creatu-
 ræ, *Galar.* 6. v. 15. & promissionum ob signatione, ut ipso velut
 arrhabone ob signemur in diem redemptionis, 2. *Cor.* 1. v. 22. *Eph.* 3.
 v. 13.

II Scripturæ
ipsas, cujus
Criteria.

Doctrinæ ge-
nus divinum.

Styli divina
Majestas.

Doctrinæ di-
vinus consen-
sus,

Divina do-
ctrinæ effi-
cacia,

III. Homi-
num.

Ecclesiæ testi-
monium de
Scriptura
quale;

Concursus
horum Testi-
moniorum.

Non perpe-
tuus.

v. 13. 14. *Testimonium ipsius scriptura* de se, consistit in criteriis illis sive notis, quas ei notificandæ impressit Deus. Cujusmodi sunt, *Doctrina genus Divinum*, in puritate & integritate Legis *Matth. 22. v. 37. & capp. 5. 6. 7. per totum*; ac Mysteriorum Euangelicorum aliorumque sublimitate *Ephes. 3. v. 8. 9. 18. 19. 1. Cor. 2. v. 7. 9. & seqq. Rom. 11. v. 33. & seqq. Styli Divina Majestas*, non minus ex simplicitate, quàm gravitate dictionis elucens; atque etiam eo se ostendens, quod omnibus promiscuè, summis juxtà & imis, imperat, *Deut. 17. v. 15. 16. Psal. 2. & alibi Doctrinæ divinus consensus*, non modo in utroque Testamento, prædictio- num typorumque eventu, sed etiam singulis Testamenti utrius- que libris; tanto magis suspiciendus, quanto illorum scriptores fuerunt tum plures numero, tum temporum locorumque spatiis, per quæ fieri scribendorum collatio nequivit, distractiores. Et denique *Divina ejusdem Doctrinæ efficacia*, per demonstrationem spiritus & potentia, *1. Cor. 2. v. 4. Rom. 1. v. 16. quæ tanta est*, ut penetrantior quovis gladio ancipiti, ad ipsam animam pertingat; *Heb. 4. v. 12. Fidem auditoribus suis, Rom. 10. v. 14. & seqq. invictam constantiam confessoribus Act. 6. v. 10. & cap. 7. in- generet; semperque victrix, regnum Satanæ falsasque ejus reli- giones destruat, Zachar. 13. v. 2. Act. 16. v. 16. & alibi: cum tamen à paucis Mundo contemtis administrata, ab hostibus ve- rò potentissimis astutissimisque pertinaciter oppugnata fuerit. Tertium Testimonium Hominum esse dicimus; sive singulorum, ut Samaritanæ *Ioh. 4. eorumque vel professorum, vel hostium; si- ve totius Ecclesiæ, collectivæ & repræsentativæ, Catholicæ & particularis. Hæc siquidem ut custos Scripturæ, divinum hunc Thesaurum summâ fide, tabellionis instar, asservat, Rom. 3. v. 2. 1. Tim. 3. v. 15. ut vindex, duce Spiritu Sancto, à scriptis adulterinis eam secernit, Hebr. 5. v. 14. ut prætor, proponit & promulgat, Matth. 28. v. 19. ut interpres, verum ejus sensum reddit, Rom. 12. v. 6. Ephes. 4. v. 11. atque ita suo ministerio, plerosque omnes adultos ad fidem Scripturæ adducit, Iohan. 4. v. 39. & 42. Et si verò triplex hoc testimonium, ad effectus ejusdem productio- nem concurrat: non tamen semper concurrat, nec eodem or- dine, effectivè concurrat. Non semper: quia certitudo illa sæpe est, à testificatione externâ vel Scripture, vel Ecclesiæ vel utrius- que, absque internâ aliquâ Spiritus Sancti illuminatione: vel**

si hæc

si hæc quoque accedat, jam ab eâ quæ communis est reprobis, *Heb. 6.v. 4.* modo ab alterâ quæ Electis propria dicitur *Ephes. 1. v. 17. 18.* procedit. *Non eodem ordine:* nam ordine dignitatis Nec eodem ordine. prior est testificatio Spiritus Sancti; ordine operationis prima communiter testificatio Ecclesiæ. Illa quippe præconii sui auctoritate vel occasione ad assensum permovet. *Ioh. 4. v. 39. 42.* Scriptura deinde lecta, expensa amplius persuadet, *Act. 17. v. 11.* tandemque Spiritus Sanctus plenissimè confirmat, & quasi sigillo cordi impresso obsignat. *Ephes. 1.v. 13. 14.* *Nec eodem effectu:* quia aliquando neque Ecclesiæ, neque Scripturæ testimonium quicquam prodest: *Ioh. 12. v. 37.* aliquando sive solum, sive cum internâ Spiritus Sancti illuminatione conjunctum, ad mentis tantum ἀσφάλειαν prodest; voluntate ei aut malitiosè repugnante *Matth. 12. v. 31.* aut non repugnante; aliquando denique ad mentis ἀσφάλειαν cordisque πληροφορίαν sive πεποίθησιν simul in Electis adultis; quæ demum vera est ac salvifica certitudo Fidei Electorum *Tit. 1. v. 1.* Insuper testimonium Ecclesiæ & Scripturæ, quia externum tùm nobis, tùm aliis: testimonium verò Spiritus Sancti quia internum, tantùm nobis confirmandis facit.

Materia sive *Objectum* Verbi ἡ γράφειν sunt res *Divina*, *Veteris* Materia, Librorum *Novique Testamenti* libris comprehensa. *Libri Vet. Test.* numerantur V. T. Numerus. xxxix, quos Judæi pluribus in unum compactis *Act. 7. v. 42.* ad xxxv. nonnunquam etiam pro numero literarum Alphabeti sui ad xxxii revocant. Is numerus, licet numero numerante in Verbo ipso non exprimatur, attamen in re numeratâ, quæ numerantis est fundamentum, expressus reperitur. Scripti sunt omnes initio, atque etiamnùm exstant linguâ *Hebraicâ*; paucis Lingua. capitibus exceptis, nempe in *Jeremiâ cap. 10. v. 11.* in *Daniele capp. 2, 3, 4, 5, 6, 7.* in *Esdrâ capp. 4, 5, 6.* quæ *Chaldaica.* Collectio. *Collectio* concionum diversis temporibus habitarum (quæ res connexionem earum abrumpit quandoque, vel obscurat) in libros, ipsis Prophetis: librorum verò in unum codicem, *Esdræ* vulgò tribuitur. Asservabantur in lateribus arcæ, tanquam in archivis sacris *Dent. 31. v. 26.* *Esa. 30. v. 8.* Christus universos distribuit in *Mosen, Prophetas & Psalmos Luc. 24. v. 44.* vel etiam, idque communius, in *Mosen & Prophetas Matth. 7. v. 12. cap. 11. v. 13. cap. 22. v. 40. Luc. 16. v. 29. 31.* quod omnes post *Mosen* Distributio. scri-

scriptores *ἡρώωνες* ejus egerunt interpretes. Cum quâ distributione planè concordat vetus illa Hebræorum, in *תורה* *Thorah*, *נביאים* *Nebhiim*, & *כתובים* *Cethubhiim*. *תורה* *Lex* habet *Πεντάτευχος* *Mosis*; *נביאים* *Prophetæ*, sunt vel *priores*, ut liber *Josue*, *Judicum*, duo libri *Samuelis*, & totidem *Regum*: vel *posteriores*, iique *Majores tres*, *Minores duodecim*: *כתובים*, *ἀναγνώστου* *Græcis*, continent libros duos *Chroni-*
corum, *Psalms*, *Proverbia*, *Job*, *Ruth*, *Ecclesiasten*, *Threnos*, *Canticum*, *Danielem*, *Eltheram*, *Esdram* & *Nehemiam*.
Libri N. Test. recensentur xxvii, scripti omnes linguâ *Græcâ*, maximè tùm communi: ut deinceps non soli *Judaicæ*, sed toti *Catholicæ Ecclesiæ* servirent. *Matth.* 28. v. 19. *Authoritate* pares sunt *V. T.* libris *Ephes.* 2. v. 20. *2. Tim.* 3. v. 16. *2. Petr.* 3. v. 16. claritatis verò luce superiores. *Matth.* 11. v. 11. Distingui possunt in *Historias*, quales sunt quatuor *Euangelia* & *Acta Apostolorum*; in *Apostolorum Epistolas*, ut *Pauli*, *Jacobi*, *Petri*, *Joannes*, *Judæ*; & in *Prophetiam*, cujus generis est *Apocalypsis Joannis*.

Forma.

Forma ejus, verbo *ἀγνώστου* opposita est *scriptio*, sive quæ per *scriptionem* facta est *revelatio*. In se verò spectata, est *Verbi scripti* significatio, seu verus ac genuinus ejus *sensus* ex mente *Dei auctoris*: absque quo *Verbum Dei*, non est *Verbum Dei*, sed

Sensus S. Scripturæ unicus.

verborum tantum strepitus, aërisque sonus. *Sensus* ille non multiplex, sed *unicus* est, ut *forma scripturæ unica*; estque is quem *Literalem*, *Grammaticum*, *Historicum* vulgò vocant. Eruitur è verbis & phrasibus tùm propriis, tum figuratis. Sed ex illis immediatè & per se, ut quæ *objectum suum* primò designant: ex istis autem mediatè, quatenus ad propria reducuntur. Præter hunc qui *sensus Scripturæ* dicuntur *καταχρηστικῶς*, *allegoricus*, *anagogicus*, *tropologicus*; diversæ tantum sunt unius *sensus literalis* applicationes. Si enim transferatur ad significandas res cœlestes, *ἀναγωγῇ* dicitur; ut cum *Jerosolyma* significat *cælum* *Apor.* 21. v. 2. Si verò transferatur ad designandam *fidem*, vel *rem* aliquam *spiritualem* *Novi Testamenti*, est *allegoria*: cujus exempla sunt *1. Petr.* 3. v. 21. *Gal.* 4. v. 24. *Ephes.* 5. v. 32. Quod si etiam ad *vitam* *moresque* formandos applicetur, ut *1. Cor.* 9. v. 9.

ἀναγωγῇ

ἀλληγορίᾳ.

Cap. 10. v. 1. seqq. *τροπολογία* erit, usus Scripturæ practicos, *τροπολογία*
συνιέναι τὴν ἐκτίθεσθαι sub se comprehendens. Ideoque ut cer-
 tior, sic frequentior & utilior esse potest. Ceteræ duæ rariores
 sunt, & tūc demum de mente Scripturæ, ubi ipsa Scriptura eas
 indicat. Hujus loci est *Interpretatio Scripturæ*, cum libri ejus, aut
 partes librorum declarantur ad Institutionem Ecclesiæ. Quæ *Interpretatio*
 cum vel circā Verba, vel circā Res occupari soleat, una *Verbo-*
rum, altera *Rerum* appellatur. In illā excellunt *Versiones Scripturæ*, *Verborum in*
 hoc est, ejus ex editionibus authenticis Hebræâ & Græcâ, in alias *Versio-*
 linguas translationes; ut à singulis linguâ vernaculâ legi & intel-
 ligi possint: Tales fuerunt, in V. T. *Versio Græca LXX inter-*
pretum, & *Targum Babylonicum sive Paraphrasis Chaldaica Ionatha*
Vtzselis. In N. T. *Targum Onkelos* profelyti, & *Targum Hierosoly-*
mitanum, & *Versiones Græca Theodotionis, Aquila, Symmachi*, in
 Veteris, *Versio Syriaca* in Novi, & aliquot *versiones Latina* in u-
 triusque Testamenti libros: è quibus illa, quæ *Vetus translatio*, &
vulgata editio dicitur, superest. Nostrâ etiam ætate novæ aliquot *Horum auto-*
 versiones adornatę fuerunt. Illæ tamen omnes, quales quales *ritas.*
 sint, non nisi sensus auctoritatem habent, si is fideliter expressus
 fuerit; verborum non habent: ut proinde à versionibus etiam
 optimis ad editiones authenticas provocare jus fasque sit. Altera
Interpretatio Rerum, Prophetia Rom. 12. v. 6. itemque ἐπιλυσις 2. Pet. 1. v. 20. *Rerum in*
 vocatur. Ea non ex privato cujusque judicio petenda *Commenta-*
 2. *Petr. 1. v. 20.* sed ex ipsâ Scripturâ instituenda, est, *Neh. 8. v. 9.* *riis.*
 Ad quod post ardentes ad Deum preces, *Psal. 119.* medio tri-
 plici est opus. *Primum est Analysis; Grammatica*, quæ proprias; *Fir triplici*
Rhetorica, quæ tropicas dictiones excutit; & *Logica*, quæ sco- *medios quæ*
 pum, quæ antecedentium & consequentium seriem, probatio- *sunt.*
 numque vim indicat. *Secundum est aliorum Scriptura locorum Col-* *1. Analysis.*
latio Actor. 9. v. 22. obscuriorum cum apertioribus, *Gen. 11. v.* *2. Collatio*
35. cum Gal. 3. v. 16. similium cum similibus, *1. Cor. 11. v. 24. &* *locorum.*
Exod. 12. dissimilium cum dissimilibus *Ioh. 6. v. 53. & Deut. 5.*
v. 23. *Tertium est analogia fidei Rom. 12. v. 6.* cui omnes exposi- *3. Analogia*
 tiones conformes esse debent: nè quid Articulis fidei, Decalo- *fidei.*
 give præceptis dissonum statuatur. Quâ de causâ *ἀντιτύπωσις* il-
 lam sanorum sermonum in fide & charitate, tanquam normam
 interpretationis, omnibus Scripturę interpretibus Apostolus
 commendat 2. *Tim. 1. v. 13.*

Finis,

Finis Verbi *ὑπεράφω* est, ut sit *Fidei vitæque regula*, hoc est, præscribat, quid credendum vel non credendum, quid faciendum vel omittendum sit. Unde non modo nomen *Canonis Gal. 6. v. 16. Ph. 3. v. 16.* sed etiam usus effectusque ei tribuitur. *Deut. 5. v. 32. Esa. 8. v. 20. Ezech. 20. v. 18. 19. Luc. 16. v. 29. Joh. 20. v. 31. Gal. 1. v. 9. & 2. Tim. 3. v. 16.* ubi Apostolus quatuor usus Scripturæ huc facientes conjungit. Ex quo porro sequitur, Verbum *ὑπεράφω* *supremum* quoque esse *controversiarum religionis Indicem*; sive, ut propriè loquamur, supremam Legem supremi Judicis Spiritus Sancti, ex quâ ille de omnibus religionis controversiis definitivè pronunciat. Est enim propria ac essentialis normæ regulæve ratio, non minus obliquum curvumque, quàm rectum indicare. Et vera Ecclesia ad illud dogmata omnia exigens, conformia ei approbat, difformia reprobant. *2. Thess. 5. v. 21.*

Scriptura est
Judex supre-
mus contro-
versiarum re-
ligionis.

Ex quo porro sequitur, Verbum *ὑπεράφω* *supremum* quoque esse *controversiarum religionis Indicem*; sive, ut propriè loquamur, supremam Legem supremi Judicis Spiritus Sancti, ex quâ ille de omnibus religionis controversiis definitivè pronunciat. Est enim propria ac essentialis normæ regulæve ratio, non minus obliquum curvumque, quàm rectum indicare. Et vera Ecclesia ad illud dogmata omnia exigens, conformia ei approbat, difformia reprobant. *2. Thess. 5. v. 21.*

Effecta.
Communia.

Effecta hujus Verbi *Electis & Reprobis communia*, sunt Effectio eorum, quæ vult Deus, *Esa. 55. v. 11.* patefactio beneficiorum & judiciorum ejus, nec non cogitationum cordis *Heb. 4. v. 12. Propria Electis*, ut illuminatio, vivificatio, conversio, consolatio, glorificatio &c. describuntur *Psal. 119. & alibi passim. Propria Reprobis* censentur: ipsorum induratio *2. Cor. 3. v. 15.* & damnatio ultimo illo die *Ioh. 12. v. 48.*

Subjectum.

De *subjecto dictum*, utriusque Testamenti libris, actum est in Materiâ. At *subjectum* 3, id est, cui Verbum Dei revelatum, sunt primò *Judei*, quibus credita sunt eloquia Dei. *Rom. 3. v. 2. Deut. 4. v. 6. 7. 8.* Deinde tota *Ecclesia Christiana*: quæ inde columna & stabilimentum veritatis dici meretur. *1. Tim. 3. v. 15.*

1. Judæi.
2. Ecclesia
Christiana.

Adjuncta.

Adjuncta ei tria damus, *Æternitatem, Sufficienciam & Perspicuitatem*. *Æternitas* asseritur *Psal. 119. v. 89. Esa. 40. v. 8. Matt. 5. v. 18. 1. Petr. 1. v. 25.* Non simpliciter, quoad scriptionem: nam & *ὑπόγραφα* Legis, Prophetarum, & Apostolorum jam perierunt & cum coram cernemus, non opus erit Scripturæ speculo, *1. Cor. 13. v. 12.* sed ratione objecti sui & effectus. Quia & Deus æternus est, *Gen. 21. v. 33.* & æterna est ac immutabilis rerum divinarum, promissionum & comminationum, veritas *Matth. 5. v. 18.* & denique vitam æternam, incorruptibile illud, & internum manens Verbum in nobis producit *1. Pet. 1. v. 23. Sufficiencia* ejus, sive *perfectio* docetur *Deut. 4. v. 2. Psal. 19. v. 8. & 119. passim. Gal. 1. v. 8. 2. Tim. 3. v. 15. 16. 17.* Est illa non omnium

2. Sufficien-
tia.

mnium, quæ unquam in Ecclesiâ dicta factave fuerunt, *Ioh. 20. v. 30. & 31. v. ult.* sed illorum plena perfectaque comprehensio, quæ nobis ad fidem & vitam rectè instituendam, *2. Tim. 3. v. 16.* atque ita ad salutem æternam obtinendam *Ioh. 20. v. 31.* sunt necessaria: ut Traditionibus, aut Verbo *ἀγγελία* jam non sit opus *Gal. 1. v. 8.* Hanc demonstrant partes ejus tum essentielles in materiâ & formâ; tum integrales in Doctrinâ Legis & Evangelii: quæ non modo in universis Testamenti utriusque libris, sed etiam in solo *Παλαιόθεν* Moysi; item in libris Prophetarum, absque N. Test. auctario, deprehenduntur; utpote quo Verbum *ἡγήσασθε* clarius, non perfectius est redditum. At deprehenduntur diversimodè: alia *καὶ τὸ ῥητὸν*, sive: *ἀντολιγίζει*: alia *καὶ ἰσχυροῦνται*; alia *καὶ συναρμολογῶσι* sed apertam & evidentem, expressa. *Perspicuitatem* denique verbo huic sequentia loca vendicant: *Deut. 30. v. 11. Psal. 19. v. 9. & 119. v. 105. 2. Cor. 4. v. 3. 4. 2. Petr. 1. v. 19.* Definatur dogmatum necessariorum, si non ubique saltem alicubi, tam clara ac distincta explicatio, ut à quovis illa, rationis per naturam vel ætatem compote cognosci, atque ita ipsum verbum fructuosè legi possit. Alioquin non diffitemur, multa etiam Obscura tamen multa obscura intellectuque difficilia in eo occurrere *2. Petr. 3. v. 16.* *Verbi respectu*, quia *Verbi* res nonnullæ, quas tradit, vel naturâ suâ captum humanum excedunt, ut, mysterium Trinitatis, Unionis personalis &c. Vel cum adhuc eventuræ sint, non nisi imperfectè & obscurè intelligi possunt. Insuper ipsa dictio, priscis magis, quam nostri temporibus accomodato, aliquid obscuritatis parit. Utramque obscuritatem in verbo suo reliquit Deus, nè nimîâ facilitate nobis vilescat, sed ut ejus intelligentiam assiduis precibus ab ipso petere, atque etiam assiduâ lectione, auditione, meditatione, ipsimet quærere discamus. *Nostri* verò *respectu*: quia ob naturæ nostræ pravitatem, rerum divinarum vel prorsus capaces non sumus, quamdiu nimirum *ψυχῆς* sumus *1. Corint. 2. v. 14.* velex parte tantum, cum per Dei Spiritum mente renovamur, *Rom. 12. v. 2.* ubi in tantum eas capimus, in quantum renovati sumus *1. Cor. 13. v. 9. & seqq.*

Verbum hoc *ἡγήσασθε*, prout hætenus à nobis explicatum fuit, solum est ac unicum Theologiæ principium. Quæcunque enim habentur dogmata, sive conclusiones Theologicæ, primò ex

Scriptura
Theologiæ
principium.

Theologia &
Verbum Dei
differunt.

Ratio huma-
na non est
principium
Theologiæ.

Rationes in
Theologia
usus.

solo illo exstruuntur, & ultimò in illud resolvuntur. Nihil prius eo, nihil notius, nihil certius esse potest. Ex quo duo colligimus. I. *Rationem humanam non rectè nec propriè dici principium Theologiæ.* I I. *Discrimen esse inter Theologiam & Verbum Dei.* Et posterius quidem evidentissimum est. Nam Theologia nascitur ex Verbo Dei; illiusque conclusiones sive determinationes, veluti rivi quidam ex hujus fontibus manant. In verbo Dei verba, res, & methodus, omnis erroris sunt expertia: in Theologiâ, quæ hominis elaboratur industriâ, semper & verba convenientiora, & methodus aptior adhiberi, & circâ res error duplex incidere potest; ut vel non verè satis, vel non plenè satis proponantur. In Verbo Dei, quæ ad unum aliquod doctrinæ caput pertinent, sparsim traduntur: in Theologiâ in unum locum contrahuntur. Prius verò etsi à quibusdam negatur, qui alterum Theologiæ principium Rationem faciunt, est tamen ipsum quoque certæ veritatis. Etenim si Ratio Theologiæ principium esset; rebus Theologicis prior, notior, certior foret: conciliaret iis auctoritatem: atque nos iis propter ipsam crederemus. Id verò affirmare, quid esset aliud, quàm omnem Theologiæ certitudinem labefactare, eamque in hostium ludibrium adducere? Longè aliter Apostolus; qui ea etiam, quæ ex Rationis principio deduci volunt, Fidei apertè tribuit. *Heb. 11. v. 3.* Allegat quidem *novâs civitat* *Rom. 2. v. 14. 15.* Corinthiosque ad ipsam naturam revocat, *1. Cor. 11. v. 14. 15.* at neutrum Theologiæ principium statuit. Verum sicut Theologia princeps est ac domina disciplinarum inferiorum, ita iis earumque principiis suo jure utitur. Alioquin Philosophi & Poëtæ, qui non minus citantur *Act. 17. v. 28. 1. Cor. 15. v. 33. Tit. 1. v. 12.* eâdem conditione censeri possent. Interim de Ratione, non quatenus pro mentis illâ, quæ post lapsum est, vanitate ac stultitiâ, *2. Cor. 10. v. 4. 5. Col. 2. v. 8.* sed pro vi ac luce cognoscendi & dijudicandi, divinitus menti inditâ *Ioh. 1. v. 9.* accipitur, hæc breviter tenemus. I. Non esse eam Theologiæ contrariam: Quia bonum bono non est contrarium: nec natura gratiæ. Multa quidem suprâ eam sunt: at non contrâ eam. II. Esse necessarium ad Theologiam cognoscendam & dijudicandam instrumentum. Illa enim in naturam rationalem, non brutam cadunt. III. Ejus de rebus Theologicis judicium non ex principiis naturalibus, sed ex Verbo

bo Dei & secundum hujus normam, prævia Spiritus Sancti luce, adhibitisque bonæ & necessariæ consequentiæ regulis, instituendum esse. Quod suprâ abundè confirmatum fuit.

Ita etiam de Principio Theologia, Verbo Dei: ex quo Usus nobis fuit multiplex.

I. Ad Διδασκαλίαν Verbum Dei est verissimum ac certissimum Psal. 119. v. 86. 89. 90. 138. 142. amplissimum & præstantissimum, Psal. 19. v. 8. seqq. ad. v. 13. pluris faciendum quam revelationes Angelorum Gal. 1. v. 8. aut mortuorum Luc. 16. v. 31. Immutabile, cum nec voluntate mutetur Deus, nec mutet cultus sui normam. Mal. 3. v. 6. Gal. 1. v. 6. Deut. 6. v. 5. Matth. 22. v. 37. Vera sapientia, Psal. 119. v. 98. 99. 100. omnisque consolationis, ibidem v. 25. 28. 37. 40. 50. & sequent. Rom. 15. v. 4. fons ac scaturigo. Denique nulli non ætati ordinique utile Psal. 1. v. 2. Rom. 1. v. 16. pueris & senibus, Deut. 6. v. 7. 2. Tim. 3. v. 15. Psal. 119. v. 9. 100. sapientibus & insipientibus, Rom. 1. v. 14. Pastoribus & auditoribus, 2. Tim. 3. v. 17. 1. Tim. 4. v. 16. Regibus & subditis, Deut. 17. 18. 19. 1. Sam. 12. v. 15. & seqq..

II. Ad Παιδείαν: Agnoscamus bonitatem Dei in Verbo suo variis modis revelando; sapientiam ejus in revelationibus nostro captui accommodandis; misericordiam quoque in nobis gentibus ad earum lucem vocandis: hasque Dei nostri virtutes grati celebremus & prædicemus, Psal. 147. v. 19. 20. Rom. 3. v. 2. cap. 9. v. 4. Matt. 4. v. 15. 16. Actor. 26. v. 17. 18. Exemplo Christi, Matth. 11. v. 25. Pauli Phil. 3. v. 8. 9. 10. & Iudeorum Actor. 11. v. 18. In Verbi auditionem, meditationem & lectionem summo studio incumbamus, eoque unice delectemur: Psal. 119. per totum, Psal. 1. v. 2. Deut. 6. v. 7. 8. 9. Coloss. 3. v. 16. exemplo Davidis, Psal. 119. Prophetarum, 1. Petr. 1. v. 10. 11. Maria, Luc. 10. v. 39. & seqq. Timothei, 2. Tim. 3. v. 15. Mentium illuminationem ad salutarem ejus cognitionem supplices petamus Psal. 119. passim: Exemplo Pauli, Eph. 3. v. 14. & seqq. ad finem Adeò reverenter ac attente illud excipiamus, ac si ipse Deus referato ore suo cælitus nos alloqueretur: exemplo Israëlitarum Exod. 19. & 20. v. 18. & seqq. Samuelis, 1. Sam. 3. v. 10. Elie, 1. Reg. 19. v. 13. Apostolorum, Matt. 17. v. 5. 6. Fidem ei in omnibus, atque ita laudem veritatis Deo tribuamus. Joh. 3. v. 33. exemplo Abraha, Rom. 4. v. 18. & seqq. Heb. 11. v. 11.

12. & seqq. *Israëliitarum*, Exod. 24. v. ult. *Davidis*, Psal. 119. v. 66. *Pedo ejus, id est gubernationi nos subiciamus* Psal. 23. v. 4. & 110. v. 2. *Fidem & vitam nostram secundum illud componamus*, Psal. 119. v. 1. 5. 9. 105. Esa. 8. v. 20. Ezech. 20. v. 18. 19. Gal. 1. v. 9. atque aliorum etiam, in reformationibus, exigamus: exemplo *Iosia*, 2. Reg. 23. *Nehe-mia*, cap. 10. *Christi*, Luc. 19. v. 46. In controversis religionis ejus judicio stemus 1. Thess. 5. v. 21. Interpretationes non aliunde, quam ex ipso Verbo petamus 1. Pet. 1. v. 20: exemplo *Iudaorum* redu-cum, Neh. 8. v. 9. *Christi*, Luc. 24. v. 44. & *Pauli*, Actor. 9. v. 22. cap. 26. v. 22. Postremò in iis constantes perseveremus, qua ex Verbo Dei didicimus scientes à quo didicerimus. 2. Tim. 3. v. 14. exemplo *Aposto-lorum* Joh. 6. v. 68.

III Ad *ἡμῶν*: Nè Verbum Dei contemnamus Psal. 119. v. 21. 118. 119. 155. exemplo *Iudaorum* Actor. 7. v. 39. 51. nè illud vel ipsi corrumpamus, vel nostrâ negligentia corrumpi sinamus: exemplo *Diaboli* Matt. 4. v. 6. *Thara* Jos. 24. v. 2. *Israëliitarum in Egypto* Ezech. 20. v. 7. 8. *hæreticorum*, 2. Tim. 2. v. 18. 2 Pet. 3. v. 16. ne ullis libris literisve tantum temporis & studii, atque huic impenda-mus, Psal. 1. v. 2. Deut. 6. v. 7. 8. 9. neque etiam Ecclesiæ aut homi-num autoritatem pari loco habeamus, vel pluris faciamus. Ezech. 20. v. 18. 19. exemplo *Pharisaorum* Matt. 5. & 15. capp. Nè extra Ver-bum ullas revelationes speremus aut expectemus, Luc. 16. v. 31. Gal. 1. v. 8. 9. nè suprâ illud sapiamus 1. Cor. 4. v. 6. Rom. 12. v. 3. aut contra illud ratiocinia, vanamve Philosophiam audiamus 2. Cor. 10. v. 5. Coloss. 2. v. 8. exemplo *Philosophorum* 1. Cor. 1. *Atheniense* A-ctor. 17. v. 32. & *Corinthiorum* nonnullorum. 1. Cor. 15.

IV. Ad *παράκλησιν*: ubi certi sumus de sententiâ ex Verbo Dei hau-stâ, nè moremur aliorum de nobis judicia, censuras, damnationes: exemplo *Micha*, 1. Reg. 22. v. 18. 24. & seqq. *Christi*, Joh. 7. v. 45. & seqq. cap. 9. v. 28. & seqq. *Apostolorum*, Actor. 5. v. 28. 29. Solemur etiam nos contrâ paucitatem amplectentium & sequentium revelatam in Ver-bo veritatem: exemplo *Elia*, 1. Reg. 18. v. 22. & *Christi*, Matt. 11. v. 25. collato cum cap. 20. v. 16. Ubique verò erigamus nos voce Patris in Verbo nobis tanquam filiis loquentis Heb. 12. v. 5. & per Spiritum San-ctum ex Verbo testimonium perhibentis Spiritui nostro, nos esse Filios Dei. Rom. 8. v. 16.

LOCUS TERTIUS

De

D E O.

PARTES Theologia duae sunt: Una de Deo, altera de ejus operibus.

Deus est Spiritus increatus, trium Personarum.

Consideraturque tum absolutè, tum relatè.

Absolutè in Unitate essentiae, quae est ipsa Deitas, sive natura Dei, simplex, immutabilis, aeternâ, immensa, sapiens, verax, bona, omnipotens, tribus in eâ personis communis.

Relatè autem spectatur in Trinitate Personarum, quae sunt τρεῖς ὑπόστασις, modi essentiae divinae, quibus ipsae ad se invicem relatæ proprietate incommunicabili distinguuntur.

Personae illae sunt Pater, Filius, & Spiritus Sanctus.

Pater est, qui genuit Filium.

Filius genitus est à Patre.

Spiritus Sanctus à Patre & Filio procedit.

EXEGESIS.

Theologia variè omninò dividitur: in doctrinam de Fide, Theologiae divisiones variae
 & fidei Actionibus, quae sunt bona opera: in Legem & Evangelium: in Fædus Naturæ & Gratiæ: in Fidem, Spem, & Charitatem: in Veram & Falsam Religionem: in Παθολογικὴν ἢ Θεραπευτικὴν: in promissa & praecepta. E quibus divisionibus præcipua facilè est prima; quandoquidem non modo partes omnes pietatis aptè & adæquatè complectitur, sed etiam in ipsâ Scripturâ apertè traditur. Act. 24. v. 14. 15. 16. Tit. 3. v. 8. Gal. 5. v. 6. 2. Tim. 1. v. 13. Huic tamen eam quæ de Deo est, ejusque Operibus, tanquam instituto nostro magis accommodam, præferimus.

D

rimus

rimus. Estque illa non minus fundata in Scripturâ. *Exod. 34. v. 6.* 7. *Ioh. 17. v. 3.* *Hebr. 11. v. 6.* Siquidem omnia Scripturæ axiomata ad duohæc capita redeunt, vel saltem redigi possunt. Insuper cum regulis legitimæ divisionis probè convenit. Nam & adæquata suo diviso divisio est, & partium cum toto summa consensus, inter se autem summa dissensio est. Etenim quicquid Theologia docet, est de Deo, vel Dei operibus: & quicquid de Deo vel Dei operibus docetur, scilicet ad salutem, est præceptum Theologicum. Sic nullum præceptum de Deo, absolute nimirum, & in se considerato, est præceptum de Dei operibus, & vicissim. Intelligimus autem per *Opera Dei*, non quæ *ad intra* dicuntur, ut generare & generari, spirare & spirari: (taliam enim cum sint proprietates personales, sive actus interni, non nisi *κατὰ τὸν ἑαυτοῦ* hoc nomine censentur, atque sub primo, non verò sub secundo divisionis huiusce membro continentur:) sed ea quæ *ad extrâ* ergâ creaturas, hoc est, in eis, ad eas, & per eas exercentur. Atque hæc præsupponunt Dei decernentis & exsequentis actionem; juncta verò sibi habent varia accidentia, quantitatem, locum, tempus, qualitates bonas, motum, relationes, ex ipsorum operum naturâ vel peculiari Dei ordinatione resultantes: denique peccatum quoque certis respectibus ad ea referendum esse, suprâ monuimus.

Opera Dei
sunt non quæ
ad intra.

Sed quæ ad
extrâ dicen-
tur.

Doctrina de
Deo prima
Theologiæ
pars.

P R I M A & nobilissima Theologiæ pars est *doctrina de Deo*. Deus namque est causa Efficiens omnium operum suorum: est infinitus, æternus; opera finita, temporaria: ipse per se absque operibus, opera autem non absque ipso esse aut consistere possunt. Existentiâ ejus operosè hic ut demonstramus, non est opus. Neque enim cum gentilibus, sed cum Christianis nobis res est. Naturam verò ex Scripturâ religiosè declarabimus, à nomine orsi.

Homonymia
Vocis Deus.

Vox *Deus*, quæ est à Græco *Θεός, ὁμονύμως* usurpatur. *Proprie* de eo, qui essentia Deus est, *Esa. 42. v. 8.* *1. Cor. 8. v. 6.* & quidem vel *ἑνὸς*, communiter, sine certæ personæ determinatione *Ioh. 4. v. 24.* vel *ἑνὸς αὐτοῦ*, singulariter, de unâ aliquâ Personâ, per Synecdochen: quod aliquando ex unius Personæ relatione ad alteram, *Ioh. 3. v. 16.* aliquando ex proprio unius effectu colligitur *Act. 20. v. 28.* *1. Tim. 3. v. 16.* *Improprie* de iis, qui natura non sunt Dii, *1. Cor. 8. v. 5.* *Gal. 4. v. 8.* hisque id nomen tribui-

tur.

tur, *vel* ex Dei ordinatione, propter officii dignitatem atque excellentiam, ut Angelis, *Psal.* 8.v. 6. Magistratibus, *Psal.* 82.v. 6. Moſi, *Exod.* 4. v. 16. *vel* ex propria, ſed injuſtâ uſurpatione, ut Diabolo, qui dicitur *Deus huius ſeculi*, 2.*Cor.* 4.v. 4. & *Princeps Mundi*, *Ioh.* 12.v. 31. *vel* ex erronea hominum perſuaſione, ut idolis 1.*Cor.* 8.v. 4. 5.

Alia Nomina Dei propria.

Cæterum in primo proprioque ſignificatu, vox Deus tam variis nominibus in Authenticâ Teſtamenti utriuſque editione exprimitur, ut certæ nominum claſſes conſtitui ſoleant.

Quæ res Dei ſimplicitati nihil derogat : conceptus verò noſtri infirmitatem multum juvat, qui infinitam Dei perfectionem ſub diverſis formis rectius pleniusque capimus. Ideòque nec nomina illa multa pro Synonymis habemus. Nam Synonyma non modo idem ſignificant, ſed & ſecundum eandem rationem:

non ſynonyma ſunt.

Hic verò ratio ſignificationis pro mentis noſtræ conceptu variat. Quod etiam à vilibus creaturis quandoque petuntur, id Deo probroſum non eſt. Nam omnes creaturæ ſunt Dei ſimiles, quatenus aliquà virtute eum referunt: Diſſimiles autem, quia imperfectè. Quod imperfectionis eſt, removetur à Deo. Quod perfectionis, ei tribuitur, etſi creaturis commune, non univoce, nec æquivocè, ſed analogicè, certâ proportionem: ipſi formaliter, divino modo; creaturis per ſimilitudinem: ipſi prius, his poſterius. Unde eſt, quod boni, miſericordes, ſancti, eſſe jubemur, quia Deus talis ſit *Levit.* 11.v. 44. *Matth.* 5. v. 48. *In V.T.*

Denominatio unde petita.

uſitatiora ſunt tria hæc nomina, יהוה, אלהים, & אדני יהוה יהוה.

Jehova eſt ab יהוה vel יהוה & ſignificat (ut Græci Patres non quid.

incommodè dixerunt) εἰς αὐτὸν ὡς πατήρ, καὶ τοῖς πατέρι εἰς αὐτὸν υἱόλογον hoc eſt, cum *qui fuit, eſt, & erit*, ex interpretatione Joannis, *Apo-cal.* 1. v. 4. & *cap.* 16.v. 5. & à quo ſunt omnia *Altior.* 17. v. 28. *Rom.* 11.v. 36. qui denique immutabilis eſt & verax complemento promiſſionum: argumento loci *Exod.* 6. v. 2. Quæ cum ſoli

Soli Deo proprium.

Deo conveniant *Eſa.* 42.v. 36. 37. 38. non quoque horum ſibi uni vindicat. *Ibid.* v. 8. *Amos* 5.v. 8. Ara verò *Exod.* 17. v. 15. & *Jeroſolyma Ezech.* 48.v. 35. non dicuntur *Jehova*, caſu recto, ſed *Jehovæ*, obliquo, Genitivo vel Dativo; item non ſimpliciter, ſed cum adjectione. Cognata eſt appellationi *Jehovæ* altera יהוה *Iah*,

Cognata huic

ejusdem Radicis, in compoſitionibus, *Hallelujah*, *Pſal.* 148. 149.

יהוה

150. *folium Iah*, *Exod.* 17. v. 17. item *flamma Iah*, *Cant.* 7. v. 10. & aliis frequens. Simplex autem legitur *Psal.* 68. v. 5. *Exod.* 15. v. 2.

Et אֱלֹהִים & alibi. Sic & tertia אֱלֹהִים *Exod.* 3. v. 13. 13. ab eadem Radice

descendit, & Essentia promissionumque divinarum immutabilitatem notat. Hinc redditur: *Ero qui eram*, id est, ero factis, qui eram promissis. אֱלֹהִים *Elohim*, est nomen potentia & fortitudinis.

אֱלֹהִים

quid,

Singulare אֱלֹהִים *Eloah* rarius invenitur, *Hab.* 3. v. 3. *Ioh.* 12. v.

4. Plurale autem frequentissimè legitur usurpatum; non tantum ut potentia illius, quam in creatione inprimis Deus exseruit magnitudo, sed etiam ut Personarum divinarum pluralitas indicetur. Quod tamen perpetuum non est: siquidem Synecdochicè etiam de una persona, ut *Gen.* 1. v. 26. *Hof.* 12. v. 4. accipitur. אֱלֹהִים *El*,

idem significat quod אֱלֹהִים. Unde Aquila *ἰσχυρὸν*, Nostri

Synonymum

huic אֱלֹהִים

Deum fortem reddiderunt. אֲדֹנָי *Adonai*, est *Dominus* vel *Domina-*

אֲדֹנָי quid

Θεὸς unde, & quid significet.

Κύριος

quid,

Dei nec verum genus datur, nec vera differentia

tor: quod etiam numero plurali de Deo enunciatur. *Mal.* 1. v. 6. *In N. Test.* duo potissimum obtinent, nominibus Hebræis respondentia, Θεὸς καὶ κύριος. Θεὸς est vel à *τίω* quod Deus per omnia discurrit, vel à *τίωμαι*, quod omnia contemplatur: vel ab antiquo *τίω* pono, facio, ut Deus sit *ὁτίς*, qui omnia fecit. Κύριος autem dicitur à dominio & autoritate κατ' ἐξουσίαν, quasi *ἀντικύριος*. Sicque perpetuo accipitur cum articulo præpositivo.

Satis de nominine. *Descriptio Dei* (nam definitionem non admittit infinitus) quasi genere, & quasi differentiâ constat. Verum genus non habet: quia nihil ipso superius est: nec veram differentiam, quia simplicissimus. Proinde quod κατ' ἀναλογίαν quandam ipsi cum creaturis nobilioribus commune est, generis; quod autem omninò proprium, differentia loco constituimus. *Præ* illud est, quod dicitur *Spiritus*. Est enim Deus naturæ Spiritualis: ita docente Christo *Ioh.* 4. v. 24. *Deus est Spiritus*. Ex quo sequitur, esse substantiam incorpoream, intelligentem, volentem, & agendi potentiâ præditam. Nam *Spiritus carnem & ossa non habet* *Luc.* 24. v. 39. *Spiritus* vivit modo perfectissimo, id est, vitâ intelligente. *Posterior* hoc est, quod dicitur *increatedus*, & *trium Personarum*. Eo namque à cæteris Spiritibus distin-

Genus analogice,

Differentia analogice,

distinguitur: ab Angelis, qui creati sunt, *Psal.* 104. v. 4. *Hebr.* 1. v. 7. ab animabus hominum, quæ itidem creatæ, *Genes.* 2. v. 7. *Eccles.* 12. v. 9. Deinde nulla essentia spiritualis creata, siquidem singularis sit, una numero ac individuo, potest esse tribus personis communis: uti est essentia Spiritualis increata 1. *Ioh.* 5. v. 7. Quæ omnia ut plenè distinctèque intelligantur, duplicem de Deo theoriam instituemus, absolutam & relatam. *Absoluta* essentiam spectabit absque relationibus, hoc est, id omne, quod tribus personis commune est. *Relata* autem eam considerabit, certis relationibus modificatam, seu quid incommunicabile, personæ cuique proprium sit, declarabit.

Essentia, *יְהוָה*, *Thuschya* Hebræis, Græcis *οὐσία* dicitur. Sed *Essentia Dei* cit.

illa vox *ὁυσις* reperitur in Testamento Veteri, *Iob.* 12. v. 16. *Prov.* 8. v. 14. *Esa.* 28. v. 29. ista in Novo per derivationem & *συωνυμίαν* tantum. Nam *ὁυς*, à quo est *οὐσία*, *Apoc.* 1. v. 4. & *φύσις* καὶ *μορφή* Synonyma, *Gal.* 4. v. 8. *Phil.* 2. v. 6. habentur. Patres *οὐσίαν* *κατερούσιον*, Apostolus *Coloss.* 2. v. 9. *θεότητι* convenientissimè nuncupat. Est enim essentia Dei ipsa *Deitas*, per quam Deus est Deus, & ab omnibus aliis rebus distinguitur. Hæc essentia non est ab aliâ, sed à se ipsâ, id est, à seipsâ existit. Utenim Deus *αὐτοθεός* est, sic *οὐσία* ejus *αὐτοοὐσία*. Alioquin ab aliâ productam esse oporteret: contra illud, *Ego sum A & Ω*, *primus & ultimus*. *Apoc.* 1. v. 8. Est deinde *absoluta*, tribus in cā personis æqualiter communis. Quia quicquid ejus est, de tribus personis communiter & æqualiter prædicatur: ut infra ostendemus. Denique *una numero & individuo*, hoc est modo unitatis perfectissimo. Quod ipsum Verbum Dei apertissimè adstruit.

Ipsa Deitas.

Absoluta.

Una. *Ω*

I. Cum Jehovah Deum unum esse docet. *Deut.* 6. v. 4. *Marc.* 12. v. 29. *Rom.* 3. v. 30. *Galat.* 3. v. 20. *Ephes.* 4. v. 6. 1. *Tim.* 2. v. 5. II. Deum præter hunc Unum Deum plures esse, aut reperiri posse negat. *Exod.* 20. v. 3. *Deut.* 4. v. 25. 39. *cap.* 32. v. 12. 39. *Psal.* 86. v. 10. *Esa.* 37. v. 16. 1. *Cor.* 8. v. 6. III. Dum numero singulari passim de Deo loquitur, eumque dicit esse Jehovah: quæ vox numeri tantum singularis est, & essentiam notat. Et si verò Una est & singularis essentia, à nobis tamen, quorum intellectus est compositus, non intelligitur nisi per distinctas proprietates. Has Latini attributa, nomina Dei, Græci *ιδιότης*, *ιδιώματα* *εἰσώδη*,

Cognoscitur à nobis per Proprietates quæ

**αἰδιόλογα* vocant. *Stricte* ea significant; quæ soli Deo, omnibus in essentiâ divinâ personis, & semper conveniunt. *Latiore* verò significatione, tum propria Dei effecta, tum quæ naturam ejus consequuntur, ut est cultus religiosus *Esa.* 42. v. 8. & adoratio, *Matt.* 4. v. 10. complectuntur. De illis, quæ strictè ita dicuntur, sequentes regulas tradimus. Prima: *Proprietates neque ab essentiâ, neque inter se, sed nostro tantum conceptu distinguuntur. Non ab essentiâ:* quia sunt ipsa essentia, ipsa Deitas. *Non inter se:* quia essentia summè una ac simplex est: item quia una proprietas essentialiter prædicatur de alterâ: simplicitas, immutabilitas, æternitas, immensitas, de sapientiâ, veracitate, bonitate, potentiâ Dei. *Nostro verò conceptu,* quia is finitus cum sit objecto infinito haud proportionatus, instituta ad ea, quæ in rebus creatis & finitis differunt comparatione, differentes etiam de Dei essentiâ ac proprietatibus conceptiones & definitiones format: imprimis cum distincti harum proprietatum effectus, in ipsis creaturis appareant. Unde eas distinctione rationis non purâ, sed eminenti seu virtuali differre asserimus. Secunda: *Omnes Dei proprietates sunt infinitæ, æternæ, &c.* Ratio: quia talis est essentia, à quâ non differunt. Hinc Dei potentia dicitur Omnipotentia, *Gen.* 17. v. 1. Dei benignitas, æterna benignitas *Pf.* 103. v. 17. Sic cæteræ. Nam una proprietas ad alteram revocanda, & per eam explicanda est. Tertia: *Nullæ Dei proprietates sunt creaturis communicabiles, Esa.* 42. v. 6. *Matth.* 18. v. 17. 1. *Tim.* 1. v. 17. Nam nec omnes communicari possunt; quia multiplicaretur essentia, quæ summè una est: item essent plura infinita, omnipotentia: nec aliquæ, quia divideretur, aut seipsâ distraheretur. Quod autem vulgò in *Communicabiles & Incommunicabiles* distinguuntur, non ipsarum proprietatum in se, sed effectuum duntaxat respectu sit. Quomodo intelligendum est, quod Dei progenies, *Act.* 17. v. 28. & divinæ consortes naturæ dicimur 2. *Petr.* 1. v. 4. Sensus quippe est, aliis Dei proprietatibus simile quid in creaturis reperiri: idque manifestè, per Dei nimirum Creatoris, vel Redemptoris effectiorem; ut intellectui, voluntati, potentiæ, sapientiæ, bonitati: alii non, ut simplicitati, immutabilitati, immensitati.

I. Neque ab essentiâ, neque inter se distinguuntur.

II. Omnes sunt infinitæ, æternæ, &c.

III. Nullæ sunt communicabiles creaturis,

Proprietates Dei quomodo dicantur communicabiles vel incommunicabiles.

Proprietates Dei sunt.

Porro variæ illæ, prout nobis proponuntur in Verbo *Exod.* 34. v. 6. 7. *Psal.* 103. v. 8. & seqq. & 145. v. 7. 8. 9. *Jerem.* 32. v. 17. 18. 19. 1. *Tim.* 1. v. 17. cap. 6. v. 15. 16. proprietates, ita concipi & enunciari

ciari de Deo possunt, quod aliæ negent omnem imperfectionem aliæ autem summam perfectionem de ipso affirmant. Cujus distinctionis fundamentum est, quod Scriptura aliquando ἀποφατικῶς De Deo loquitur; ut cum eum dicit ἀθάνατον I. Tim. I. v. 17. ἀόρατον, ibidem. ἀφθαρτον, Rom. I. v. 23. ἀτρέπτων, Iac. I. v. 17. ἀψύχων, Tit. I. v. 2. ἀπροσσωπόληπτον, Actor. 10. v. 34. aliquando verò καταφατικῶς; ut cum dicit sapientem, I. Tim. I. v. 17. bonum, Matth. 19. v. 17. omnipotentem, Gen. 17. v. 1.

Primi ordinis proprietates sunt: *Simplicitas*, *Immutabilitas*, *Æternitas* & *Immensitas*. *Simplicitas* negat omnem de Deo compositionem: tum Physicam ex partibus integrantibus, ex materiâ & formâ, & ex genere & differentiâ: tum Metaphysicam, ex esse & essentiâ: tum mixtam utriusque generis, ex substantiâ & accidente, & ex essentiâ & subsistentia. Est enim Deus *Spiritus Ioh. 4. v. 24.* Est *Iehova, Exod. 33. v. 19. Eheje Exod. 3. v. 14. 15. ὁ ὢν, Apoc. I. v. 4. summè perfectus, Genes. 17. v. 1. summèque unus, Deut. 6. v. 4.* quæ appellationes omnem prorsus compositionem respuunt. *Immutabilitas* negat omnem mutationem, atque etiam potentiam passivam illius radicem. Quippe Deus nec respectu substantiæ oritur aut interit: neque ratione quantitatis augetur vel minuitur: neque in qualitatibus alteratur ullo modo. In quam sententiam accipienda sunt hæc loca: *Psal. 102. v. 27. 28. Rom. I. v. 23. I. Tim. I. v. 17. Iac. I. v. 17.* Ratio est, quia Deus non dependet ab alio, ut efficiente & fine suo: item, quia purissimus est & simplicissimus actus. *Æternitas*, quæ hîc absoluta, negat omnem circumscriptionem temporis, id est, initium, successionem & finem. Est enim Deus ὁ ὢν, ὁ ἦν, καὶ ὁ ἐρχόμενος, *Apocal. I. v. 4. Heri, & hodie idem, & in secula Hebr. 13. v. 8.* Eoque sensu æternus passim dicitur, *Gen. 21. v. 33. Esa. 41. v. 4. Rom. 16. v. 26. antiquus dierum, Dan. 7. v. 13. Rex seculorum, I. Tim. I. v. 17. conditor omnium temporum Hebr. I. v. 2.* Hanc æternitatem è principiis naturæ etiam corruptæ cognitam fuisse, testatur Apostolus *Rom. I. v. 20.* *Immensitas* negat omnem dimensionem loci tum Physici, quo corpora circumscribuntur; tum Metaphysici, quo spiritus creati definiuntur. Ea Deo asseritur ex eo. I. Quod ubique in mundo esse, & omnibus singulisque creaturis præsentissimus adesse docetur, *Psal. 139. v. 7. 8. 9. 10. Esa. 66. v. 1. Jerem. 23. v. 23. 24. Actor. 17. v. 27. 28.* II. Quod dicitur Mundum hunc, omnesque locos creatos quàm logissimè

exce-

I. Negative
quatuor.

I. Simplicitas.

2. Immutabilitas.

3. Æternitas.

4. Immensitas.

Quomodo
Deus immen-
sus.

excedere. *Iob.* 11. v. 8. 9. *1. Reg.* 8. v. 27. *Actor.* 7. v. 48. *Esa.* 40. v. 12. III. Quod immensa infinitaque virtutes ei tribuitur, *Matt.* 19. v. 26. cujus capax non est subjectum finitum. Est verò immensus nō per essentiam multiplicationem, extensionem aut divisionem, sed per infinitatem ejus simplicissimam; secundum quam tota & una est in seipsa, tota & una in omnibus & singulis rebus: tota intrā omnia, tota item extrā omnia, non alternis temporibus, sed utrumque simul & semper: nusquam inclusa, nusquam exclusa; omnia continens, à nullo contenta. Deinde immensus est proprietate sive necessitate naturæ suæ, non libertate voluntatis, quasi etiam esse possit non immensus. Proinde, quæ de variis præsentiae divinæ circa creaturas gradibus docentur, non de hac immensitate naturali, sed de variâ liberâque ejus in rebus creatis manifestatione, intelligere necessum est.

II. Affir-
mativa.
utidem 4.

1. Vita Dei.

2. Intellectus

Objectum in-
tellectus
Deus, & om-
nis extra
eum.

Secundi Ordinis proprietates sunt: Vita Dei; Intellectus sive Sapientia ejus; Voluntas, quæ pro objectorum varietate jam Veracitas, modo Bonitas, alias etiam Iustitia dicitur; & Potentia agendi, sive Omnipotentia. Vita Dei est, quâ Deus vivit à se & in se, perpetuâ sui contemplatione & fruitione, omnibusque extrâ se esse & vitam largitur. De hac Scriptura *Iob.* 1. v. 4. *Deut.* 32. v. 40. *Ezech.* 33. v. 11. *Actor.* 17. v. 28. Denominaturq; ab eâ Vivens passim. *Deut.* 5. v. 32. *1. Sam.* 17. v. 36. *Ier.* 10. v. 10. *Matt.* 16. v. 16. *Actor.* 14. v. 15. Et quia nullo fine terminabilis est, *divinitas, immortalitatem* inde solus habet *1. Tim.* 6. v. 16. Vita illa tribus facultatibus actuosa est, intellectu, voluntate & potentiâ. Intellectus Dei est, quo tūc se ipsum intelligit; tūc ea quæ sunt extrâ se, esse possunt, vel non possunt. Aliàs *mens Domini*, *Rom.* 11. v. 34. *intelligentia ejus*, *Psal.* 147. v. 5. *notitia*, *1. Sam.* 2. v. 3. *cognitio*, *Rom.* 11. v. 33. *scientia*, *Iob.* 21. v. 22. *sapientia*, *Iob.* 11. v. 7. 8. 9. appellatur. Posterior tamen appellatio speciatim sapientem, prorsusque admirabilem operum divinorum dispositionem notat. *Psal.* 104. v. 24. *Ierem.* 10. v. 12. *1. Cor.* 1. v. 21. 24. *Eph.* 3. v. 10. Objectum Intellectus Dei est omne intelligibile, id est, quicquid sciri aut intelligi potest: ex illo Joannis, *1. Epist.* 3. v. 20. *Deus novit omnia.* Primo namque se novit, ut primum & infinitum objectum *Matth.* 11 v. 27. *1. Cor.* 2. v. 10. Deinde ea quæ sunt extrâ se, *Heb.* 4. v. 13. *Iob.* 21. v. 17. substantias & accidentia, *Gen.* 1. v. 31. universalalia & singularia, *Psal.* 33. v. 13 14. *Iob.* 1. & 2. capp. magna & parva, *Matth.* 6. v. 25. & seqq. cap. 10.

v. 29. & seqq. bona & mala, *Pf.* 33. v. 15. *Gen.* 6. v. 5. interna & externa, *Mat.* 6. v. 4. tam præterita, *Esa.* 38. v. 3. & futura *cap.* 41. v. 23. quæ præsentia: possibilia deniq; *1. Sam.* 23. v. 11. & impossibilia *Tit.* 1. v. 2. *Modus* verò intelligendi est non per species intelligibiles, sed per ipsam essentiam, argumento loci *Act.* 15. v. 18. non successiva ratio-
Modus intel- ligendi per ipsam essen- tiam.
 cinatione, *Iac.* 1. v. 17. sed uno simplici actu: cum omnia intimè pateant oculis ipsius, *Heb.* 4. v. 13. *Voluntas* Dei est appetitus intelli-
3. Voluntas.
 gens, quo Deus se vult necessariò, alia extra se liberè. Hanc Deo vendicat spiritualis natura *Ioh.* 4. v. 24. & tribuit scriptura: *Pf.* 115. v. 3. *Rom.* 9. v. 18. Et quia appetitus intelligens est, *ἀλογος* esse aut dici nullo modo potest. *Objectum* ejus est Deus, summum bonum, *Objectum ve-*
luntatis Deus & ea quæ vult facere vel permitte- re.
Mat. 19. v. 17. summusque finis omnium *Prov.* 16. v. 4. *Rom.* 11. v. 36. Tum ea quoque, quæ Deus vult & facit extrâ se, *Pf.* 115. v. 3. vult facere
 Quin & mala, tam culpæ, *Act.* 2. v. 23. *cap.* 4. v. 28. quàm pœnæ, *Amos.* 3. v. 6. certo respectu sub eam cadunt.

Modus volendi pro varietate objectorum varius à nobis concipi-
 pitur. *Primò*: Deus se vult necessariò, necessitate naturæ, etsi absque
Modus vo- lendi varius. Vult quippe: 1. Se necessa- rio, alia libe- rè.
 coactione: quia non potest nolle gloriam suam, *Esa.* 42. v. 8. aut se- ipsum abnegare; 2. *Tim.* 2. v. 13. alia autem extrâ se liberè, ut etiam possit ea nolle, aut velle opposita: cum sit *ἀντιθέσις* liberæque
 potestatis *Rom.* 9. v. 15. & seq. *Mat.* 20. v. 15. *Secundò*: Bona vult, id est, amat, probat, atque etiam facit per se: Mala verò non ita vult,
Pf. 5. v. 5. *Ezech.* 33. v. 11. sed per accidens tantum & secundum quid: pœnæ quidem, non quatenus creaturam destruunt, sed quatenus
2. Bonâ per se mala per accidens.
 justitiam creatoris declarant: culpæ autem, quatenus volens ea permittit, permissaque ad bonum dirigit. *Tertiò*: alia absolutè
3. Alia abso- lute, alia con- ditionaliter.
 vult, citrà ullam conditionem in nobis, *Rom.* 9. v. 18. 19. alia condi- tionaliter, ut est *Ioh.* 6. v. 39. 40. *Denique*, ex duobus quæ vult, unum
 plus, alterum minus vult: Iuxta illud, *Misericordiam volo, & non sa-*
4. Ex duobus vult unum plus altero.
crificium. *Hos.* 6. v. 6. Hęc voluntas cum aliis, tum veracitatis, bonita-
Attributa voluntatis.
 tis & justitię attributis plenius nobis declaratur. *Vera citas* est, quâ Deus naturâ verus, sermonē verax, à mēdacio, fraude, simulatione
a. Veracitas.
 est alienissimus. Ex quo *Deus verus*, *Ier.* 10. v. 10. *Ioh.* 17. v. 3. *verax*,
Ioh. 3. v. 33. *Rom.* 3. v. 4. *ἀψευδής* *Tit.* 1. v. 2. *Heb.* 6. v. 18. nominatur. *Bonitas* est, qua Deus naturâ bonus, creaturis suis bene facit *Mat.* 19.
 v. 17. *Pf.* 73. v. 1. Ea relata ad creaturas. *Benignitas* dicitur, *Pf.* 103. v. b. *Bonitas.*
 11. 17. & quatenus miseriis illarū succurrit, *Misericordia*, *Rom.* 9. v. 18. 2. *Cor.* 1. v. 3. quatenus verò ex gratuito Dei amore, citrà ullū e-
 arum

- arum meritum proficiscitur, *Gratia Rom. 11. v. 6.* appellatur. Sicque ut arbitraria, *Matt. 20. v. 15.* ita inæqualis est. Unde in *generalis*, quam omnibus promiscuè præstat Deus, *Psal. 145. v. 9. Matt. 5. v. 45.* & *specialem*, quæ solis Electis & credentibus contingit, *Pf. 73. 1. Ioh. 1. 16.* distingui solet. *Iustitia* est, per quam Deus in se, & erga alios justus, rectus, & æquus esse intelligitur. *Pf. 36. v. 6. 7. Den. 32. v. 4. Psal. 119. v. 137. Ezech. 18. v. 25.* Atque illa quidem *justitia universalis* est: non ex legibus humanis, imò nec ex Dei actionibus simpliciter, sed ex natura ejus ac voluntate adæquatè estimanda. *Particularis* verò dicitur, qua non modo pœnas impiis, *Rom. 1. v. 32.* sed præmia quoque piis decernit 2. *Tim. 4. v. 8.* Vulgò *Iustitiam Distributivam* vocant, *Commutativæ* contradistinctam: quam, quia imperfectionem habet, non minus quam alias justitiæ humanæ species, à Deo removemus. *Quis enim prior dedit ei, ut reddatur ei? Rom. 11. v. 35. Odium, Pf. 5. v. 6. & Ira Dei, Ioh. 3. v. 18. 36. Rom. 1. v. 18.* ad alteram partem Iustitiæ distributivæ, quæ est vindicatrix, referenda, & absq; omni passione aut affectu humano intelligenda sunt. Superest ex hujus ordinis proprietatibus *Potentia* Dei, qua ex se & in se, naturâ; extrâ se autem liberâ voluntate agit, omniaque possibilia, id est, naturæ suæ convenientia, agere potest. *Luc. 1. v. 37. Matt. 19. v. 26.* Ab hac ipse *omnipotens Gen. 17. v. 1.* & potentia ejus *omnipotentia* dicitur. Ut verò *Objectum* potentia duplex, est Deus & quod est extra Deum, actu vel *δυνάμει*: ita ipsa quoque duplex constituitur, Interna & Externa. *Interna* est, qua Deus in seipso semper agit intellectu & voluntate, ut purus actus. *Externa* autem, qua alia extra se producit, vel saltem producere potest. Nec enim quicquid potest, facit. *Mat. 3. v. 9. Luc. 19. v. 40. Mat. 26. v. 53. Rom. 9. v. 18.* Hinc Externa potentia in *absolutam* & *actualem* subdistinguitur: quarum *illa* est possibilitium simpliciter, per naturam Dei: *ista* verò futurorum ex decreto *Psal. 115. v. 3.*
- Hæc de theoriâ absolutâ Essentiæ divinæ. *Relata Personarum* altioris est ordinis: quam neque capit ratio, neque demonstrat exemplum, sed sola revelationis divinæ autoritas fide suscipiendam, pietate suspiciendam proponit. *Personam* Græci *ὑπόστασις*, quæ vox *Heb. 1. v. 3.* reperitur, *ὑφίσταμενον, πρόπον ὑπάρξεως*, atque etiam imitatione Latinorum *ὑπόστασις* dixerunt. Nam *ὑπόστασις* non quamvis *ὑπόστασις*, sed intelligentem tantum notat. Et licet removeatur à Deo, quatenus imperfectionem habet, *Act. 10. v. 34. Rom. 2. v. 11.* nihil

nihil tamen impedit, quominus perfectionis suæ respectu, in sacris etiam usurpatum 2. Cor. I. v. II. ipsi tribuatur. Eam definimus *subsistentiam in essentia Dei, quâ ad alias relata proprietate incommunicabili distinguuntur. Subsistentia* propria est substantiis primis & individuis. Essentia verò Dei et si & ipsa talis est, (nam singularem esse docuimus, unam numero, itemque perfectissimam) eo tamen, quod suis personis communis est, communium non singularium substantiarum notione analogicè designatur. Patres pro subsistentia, *τρόπον υπάρξεως*, modum subsistendi dixerunt. Essentia namque Divina, una quidem totaque in omnibus & singulis personis, at non uno modo subsistit, verum diversimodè: in aliâ à nullo, *ἀγεννήτως*; in aliâ *γεννήτως* ab uno: in aliâ *ἐκ πορευτῶς* à duobus. Est enim persona ipsissima essentia, non simpliciter, sed modificata, id est, cum modo subsistendi considerata: qui modus distinctionem adfert essentiae in suâ illâ communitate, compositionem non adfert: siquidem relationes, quales sunt illi modi, distinguere, non componere, extra controversiam est. Ex his *confectaria* nascuntur de Personis Divinis

I. Esse eas substantias singulares, non qualitates, species, aut certi officii respectus. II. Esse ipsam essentiam divinam, non aliquid ab ea separatum aut divisum. III. Et quidem totam Essentiam singulas, non partem quandam ejus. IV. Distingui verò ab eâ, ut modi à re cui insunt. Ideoque ut modus rei est, & in re; sic personæ in essentia esse, item unius essentiae esse, quàm propriissimè & convenientissimè dicuntur. Hic verò modus est *proprietas illa incommunicabilis*: sicut à Patribus appellatur *ιδιότης χαρακτηριστικῆς, γνωριστικῆς, ἀκριβοῦς, ὑποστατικῆς; ἰδίωμα ἀφοριστικὸν ὑποστατικόν*. Non enim communis ut essentia, sed suus cuique personæ proprius est. Sic *ἀγεννησία & πατρὸς* proprio est uni personæ: *γέννησις* sive *υἱότης* uni: & uni *ἐκ πορεύσεως*: nec per naturam Dei unquam proprietates istæ personales, communicari aut inter se commutari possunt. Est etiam *relatio*; quæ in singulis personis singularis est, secundum subsistentiæ modum. Quippe per modum subsistentiæ mutuus est inter personas respectus, eæque ad se invicem perpetuo referuntur: gignens ad genitam, spirantes ad spiratam: & vice versa. Sed relatio illa substantialis est, non accidentalis: quia est Deo naturalis, de necessitate naturæ ejus. Nam æquè necessarium est, in Deo esse tres personas, quàm esse, unam esse essentiam: atque ita æquè substantiale est unum atque alterum. Hoc *τρόπον υπάρξεως*, hac proprietate in-

Definitio.

Personæ divinæ sunt
1. Substantiæ singulares.
2. ipsa essentia divina.
3. tota essentia singulari.
4. distinguuntur ab essentia ut modus à re cui insunt. Proprietas incommunicabilis quid.

Relatio Personarum quid & qualis.

Personarum communicativarum ab

essentia, & à
se invicem
distinctio.

Personarum
Divinarum
Trinitas,
probatur
re numerat³,
numero nu-
merante.

Ex V. T.
I, quod p³ u.
ses sint.

communicabili, hâc relatione ut personæ ab essentiâ, tanquam proprium à communi, relatum ab absoluto, sic à se invicem quoq; distinguuntur. Etenim unicuique personæ peculiaris est subsistentia, peculiaris proprietas, peculiaris relatio. Distinctio verò omnis secundum propria sive peculiaria, non secundum communia fit. Hinc regula Theologorum; *Distinctio in Deo nascitur ex relationibus.* Quæ omnia de Personis Divinis in genere dicta, ad singulas in specie applicabimus, & ex Scriptura demonstrabimus. Igitur *Persona* in Essentia divinâ tres sunt: *Pater, Filius & Spiritus Sanctus.* Primo, enim tot Personæ, renumerata distinctæ, in unitate Essentiæ Dei nobis proponuntur: *Deinde totidem numero numerante* exprimuntur, 1. *Ioh. 5. v. 7. Tres sunt qui testificantur in cælo.* A quo concreto est abstractum *Trinitas*, Græcè *Τριάς*. Sed primum, esse nimirum in una essentia Dei tres personas, vere distinctas, quantum ad *τὸ ὄν*, demonstrandum est è Scriptura. *Τὸ διότι* ut *ἀπὸ τοῦ*, ita ipsis quoque angelis est *ἀκατάληπτον*. In Scriptura V. T. duæ occurrunt probationum classes: quarum prior plures una in Deitate personas, posterior tres subsistere docet. Ad primam pertinent: 1. Ea loca, ubi Deus de se in prima persona loquitur, numero plurali: ut cum se dicit **אֱלֹהִים אֲנִי** Exod. 20. v. 2. *Ego sum אֱלֹהִים יְהוָה tuus, & alibi.*

11. Illa, quibus attributa numero plurali de Deo propriè enunciantur, *Ios. 24. v. 29. Nō potestis colere Iehovam, quia אֱלֹהִים sancti est.*

Iob. 35. v. 10. ubi est Deus factores mei, Ier. 10. v. 10. Iehova dū veritatis, Dū viventis. 111. Illa, quibus actiones suas numero plurali sibi tribuit, *Gen. 1. v. 26. Dixit אֱלֹהִים faciamus hominem ad imaginem*

nostram, cap. 3. v. 22. Dixit אֱלֹהִים יְהוָה: Ecce homo est sicut unus ex nobis, cap. 1. v. 7. dixit יְהוָה age dū descendamus & confundamus sermo-

11, quod tres *nem. Secunda classis hæc sunt, Gen. 1. v. 2. Spiritus אֱלֹהִים id est, Pa-*

tris & Filii, incubabat superficiem aquarum, Ps. 33. v. 6. Verbo Iehova facti sunt cæli, & spiritu oris ejus omnis exercitus eorū, 2. Sam. 23. v. 2. Spiritus Iehova locutus est in me, & sermo ejus per linguā meā, Es. 48. v. 16. Dominus יְהוָה mittit me, & Spiritus ejus. Hag. 2. v. 4. 5. Confirmare & c.

dictum Iehova: cū Verbo, quo pepigerā vobiscū, exeuntibus vobis ex Ægypto, & spiritu meo stante in vobis, ne timeatis. In scriptura N. T. clarius hæc

Ex N. T.

hæc doctrina proponitur, personæque tum disertius exprimuntur, tum frequentius conjunguntur. Loca præcipua sunt: *Matt.* 3. v. 16. 17. de Baptismo Christi: sic *Ioh.* 1. v. 32. 33. 34. *Matt.* 28. v. 19. *Baptizate in nomen Patris, Filii, & Spiritus Sancti.* 1. *Ioh.* 5. v. 7. *Tres sunt, qui testificantur in cælo, Pater, Sermo, & Spiritus Sanctus.* *Ioh.* 15. v. 26. *Cum venerit consolator ille, quem ego mittam vobis à Patre, Spiritus ille veritatis, qui à Patre emanat, ille testabitur de me.* 2. *Cor.* 13. v. 13. *Gratia Domini Iesu Christi, & Charitas Dei, & communicatio Spiritus Sancti sit cum omnibus vobis.* Inspiciantur & alia: *Ioh.* 14. v. 16. 26. 1. *Cor.* 12. v. 3. item. v. 4. 5. 6. *Gal.* 4. v. 6. *Eph.* 2. v. 18. *Ti.* 3. v. 4. 5. 6. *Apoc.* 1. v. 4. 5. His Veteris Novæque Scripturæ Testimoniis, nititur Doctrinæ de Trinitate personarum Divinarum veritas. Quæ quidem similitudinibus quibusdam à rebus creatis, puta à mente humanâ, à radiis & lumine solis, à fonte, rivo & fluvio, aliisque adumbrari, non autem dignè potest declarari: adeoque valent omnia similia, ad qualemcunque tantum illustrationem apud domesticos fidei, non verò ad ullam demonstrationem aut probationem apud extraneos. Ordo inter tres personas Deitatis ^{Ordo Personarum.} deprehenditur duplex: naturalis & arbitrius. *Naturalis* est à ^{Naturalis,} modo subsistendi, *Matth.* 28. v. 19. 1. *Ioh.* 5. v. 7. expressus. Eoque *Pater* est prima persona, quia habet modum illum à se; *Filius* secunda, quia habet eum à Patre; *Spiritus Sanctus* tertia, quia habet eum à Patre & Filio. *Arbitrius* est, quo scriptores ^{ἡρόωνδο- arbitrius,} *σοι* Personas pro instituto suo enumerant. Sic Patri jam Filius præponitur. 2. *Cor.* 13. v. 13. *Gal.* 1. v. 1. jam Spiritus Sanctus *Ephes.* 2. v. 18. Item, Spiritus Sanctus aliquando præponitur Filio, *Apoc.* 1. v. 4. 5. aliquando Patri & Filio 1. *Cor.* 12. v. 4. 5. 6. Qui ordo, ut naturalem in subsistendo non abolet, ita naturalis æqualitatem & coeternitatem personarum non labefactat. Nos in explicatione ordinem naturalem sequamur.

Pater est prima Deitatis persona, qui à nullo existens genuit Filium. *Pater.* *Pater* hoc loco dicitur, non respectu creationis, ex qua omnes sumus ejus progenies, *Act.* 17. v. 28. aut adoptionis in Christo, *Ephes.* 1. v. 5. secundum quam credentes ejus filii sunt: *Iohan.* 1. v. 12. *sed.* respectu singularis illius rationis, quam habet ad Filium *ἰδιον*, *Rom.* 8. v. 32. *ὡς μονογενῆς* *Iohan.* 1. v. 14. Communiter de ipso prædicatur, quod sit persona Deitatis. Est enim *ὑποστασις*, *Heb.* 1. v. 3. est *ὑποστασις* ^{Persona Dei-} ^{tatis,} intelligens, quam vocant *ὕψιστος* *ῥοσεν*, *Rom.* 11. v. 23. est

Deus, *Ioh.* 17. v. 3. denique proprietate incommunicabili distinguitur *Psal.* 2. v. 7. Singulariter verò, quod sit prima persona à nullo existens, & gignens Filium. Et ideò quidem prima, quia *ἀρχή*, *ἀρχή*; quia à nullo substantiæ suæ principium habet, sed à se subsistit. Quod constat I. ex subsistendi ordine, in quo Pater primus est, *Matth.* 28. v. 19. I. *Ioh.* 5. v. 7. quia à nullo est *Iohan.* 5. v. 26. II. Quia omnia ab ipso, tanquam primo principio personali, esse dicuntur per Filium I. *Cor.* 8. v. 6. III. Quia omnia ad ipsum, ut primum principium personale referuntur, etiam à Filio *Ioh.* 5. v. 19. IV. Quia nomen Deitatis ipsi tribuitur *καὶ ἐξ ὧν*, *Ioh.* 1. v. 1. 2. *Matth.* 16. v. 16. & passim in utroque Testamento: unde Patres Orthodoxi ipsum vocant *originem ac fontem totius Deitatis principiumque Filii & Spiritus Sancti*. Hæc igitur differentiâ ab utroque, Filio & Spiritu Sancto, distinguitur, quorum neuter est à se ipso. A Filio verò alterâ particulariter, quâ ipsum genuisse dicitur. Hujusque respectu, Pater *προγεννητός* appellatur. Genuisse autem Filium apertè de se testatur *Psal.* 2. v. 7. *Filius meus es, ego hoïe genui te*. Quin etiam hominibus illud testatum fecit; dum hunc Filium suum in orbem introduxit, *Heb.* 1. v. 5. 6. dum eum Filii elogio cœlitus editâ voce ornavit, *Matth.* 3. v. ult. cap. 17. v. 5. 2. *Petr.* 1. v. 17. dum opera miraculosa ipsi patranda dedit, *Ioh.* 5. v. 36. dum denique eum à mortuis resuscitavit *Actor.* 13. v. 32. 33. *Rom.* 1. v. 4. Idem docent voces Patris & Filii: quarum illam de se ut gignente, istam de Filio ut genito ipse usurpat 2. *Sam.* 7. v. 14. *Hebr.* 1. v. 5. *Ego ero ei Pater, & ipse erit mihi Filius.* *Psal.* 2. v. 7. *Filius meus es.* *Matth.* 3. v. 17. cap. 17. v. 5. *Hic est Filius ille meus.* Modus verò generationis, quo Filium genuit, non physicus est, non metaphysicus, sed *hyperphysicus*, prorsusque Divinus; eoque nobis incomprehensibilis. Eum Christus aliquatenus declarat *Iohan.* 5. v. 26. ubi dicit, *sicut Pater habet Vitam in seipso, sic dedit & Filio habere Vitam in seipso*. Ut gignere nihil sit aliud, quàm dare Vitam substantem: quæ vita, ut in Patre à nullo est, sic in Filio à Patre est. In Scholis ajunt, Patrem *communicasse* Filio *essentiam suam*: quia dedit eam communicatione, non alienatione: Fit enim propriè generatio, per communicationem naturæ ejus, qui gignit. Pater gignit non quâ Deus absolute, sed qua Pater relatè: nam actiones sunt suppositorum. Ergò essentiam suam communicat. Pater

Prima.

Rationes.

1.

2.

3.

4.

Gignens Filium.

Modus generationis.

Hyperphysicus.

Facta est enim

Per communicationem essentia.

ter igitur est principium quod gignit. Natura principium quo generatio peragitur. Unde persona gignere & gigni dicitur: natura neque gignere, neque gigni, sed communicari. Facit quoque ad declarandum generationis modum, quòd solus *Pater*, e- A solo Patre.
jus principium est. Dicit enim numero singulari , אֲנִי יְלֵדָהּ

Ego genui te Psal. 2. v. 7. Idque enunciat Conjugatione non tertiâ, quâ Pater apud Hebræos dicitur liberos gignere; sed Primâ, quâ vulgò matres partus suos edere significantur: ut Filium à Patre, hoc est, ex ipso & in ipso genitum intelligamus. Insuper genuit Filium non libertate voluntatis, quasi cum potuerit non gignere; sed *proprietate ac perfectione naturæ suæ*. Nam ut mens rationem, sol radios de se gignit naturaliter: sic pater Filium. *Ioh. 1. v. 1. Hebr. 1. v. 3.* Denique genuit ipsum *ab æterno*, sive æternâ generatione. Non minus enim ab æterno Pater est, quàm Deus est: nec minus æterna hæc Personalis ejus proprietas, quàm ipsa essentia. Alioquin mutationem aliquam passus fuisset in suâ naturâ. De quo intrâ pluribus. Etsi verò, quia æterna generatio est, omnis principii, successionis & finis expers est, (unde per omnes temporum differentias rebus Divinis convenienter exprimi solet) Scriptura tamen de eâ ut præteritâ loquitur *Psal. 2. v. 7. Proverb. 8. v. 24. Iohan. 1. v. 14. 18. & alibi*: nimirum ut perfectionem ejus, tanquam jam factæ, pro nostro captu nobis declararet.

Filius est secunda Deitatis Persona, à Patre genita. Filius dicitur, non creatione, Luc. 3. v. 38. quia omnia per ipsum creata sunt, *Ioh. 1. v. 3.* non adoptione, *1. Ioh. 3. v. 2.* quia per ipsum facta adoptio, *Ephes. 1. v. 5.* non aliqua dignitatis supra creaturas inferiores eminentiâ, quomodo Angeli Filii Dei dicuntur, *Ioh. 1. v. 6.* nam id disertè negat Apostolus, *Hebr. 1. v. 4. 5.* non etiam unione personali: ut patefactus in Carne dicitur Filius Hominis, *Ioh. 3. v. 13.* sed æternâ generatione à Patre; secundum quam *quos idem*, *Rom. 8. v. 32.* *ὁ υἱος τοῦ πατρὸς* *Ioh. 1. v. 14.* appellatur. Communiter de ipso prædicatur, quod sit *Persona Deitatis*. Est enim *ὁ υἱος τοῦ πατρὸς*, *Ioh. 1. v. 12.* & seqq. est *ὁ υἱος τοῦ πατρὸς* intelligens, *Ioh. 1. v. 18.* est Deus, *1. Iohan. 5. v. 20.* & proprietate incommunicabili distinguitur; quia *μονογενὴς* *Ioh. 1. v. 14.* Singulariter verò, quod sit *secunda Persona à Patre genita*. Quâ differentiâ non minus à Spiritu Sancto, quàm à Patre.

Proprietate ac perfectione naturæ suæ.

Ab æterno.

Scriptura cur de generatione ut præteritâ loquatur.

Filius Dei quoruplitter dicatur.

Persona Deitatis.

Secunda.

A Patre.

Per genera-
tionem.Similitudi-
nes genera-
tionem ad-
umbrantes.Generatio
non est acti-
va & passiva.

Patre distinguitur. Etenim Spiritus Sanctus est à duobus, Patre & Filio: Filius ab uno Patre; ille per spirationem, hic per generationem subsistit. Cæterum esse Filium à Patre probatur: I. Quia habet vitam subsistentem à Patre, *Ioh. 5. v. 26. II. Quia* mittitur à Patre, & missus prodit *Ioh. 5. v. 36. 37. 43. & cap 6. v. 28. III. Quia* operatur à Patre *Ioh. 5. v. 19. 20. & 30. IV. Quia* ad Patrem omnia refert, *ibidem*. Esse verò à Patre per generationem, hoc est, ab ipso genitum, itidem probatur: I. Cum dicitur unigenitus à Patre, *Ioh. 1. v. 14. Sapientia* à Jehovâ genita *Proverb. 8. v. 22. 23. 24. 25. II. Cum* dicitur *Filius*; in Vet. Test. simpliciter; *Psal. 2. v. 7. Proverb. 30. v. 4.* in Novo cum adjectione, *Unigenitus, Ioh. 3. v. 16. Proprius Rom. 8. v. 32.* Atque hæc generatio aliquot similitudinibus, utrobique adumbrata proponitur. In V. Test. similitudine sapientiæ: *Proverb. 8. v. 12. & seqq.* Nam ut à mente sapientia: sic Filius à patre gignitur. In Nov. Test. similitudine Imaginis, *Coloss. 1. v. 15.* effulgentiæ & characteris, *Hebr. 1. v. 3.* sermonisque interni in mente humanâ *Ioh. 1. v. 1.* Ut enim imago non qualiscunque similitudo, sed expressa ejus effigies est, cujus est imago: sic Filius essentiâ, essentialibusque proprietatibus tam expressa Patris effigies est, ut qui ipsum videt, videat Patrem *Ioh. 14. v. 9.* Ut à sole est splendor radiorum: ita à Patre Filius, tanquam lumen de lumine, tanquam gloriosæ ipsius naturæ æquè gloriosa Imago. Ut Character exactè refert matricem, ex quâ expressus est: sic Filius patrem exactè refert, à quo genitus est. Ut λόγος concipitur à mente humanâ & in eâ manet: ita Filius genitus est à Patre, & in ipso manet. Postremò, ut Sapientia, Imago, Effulgentia, Character λόγος, ab alio sunt, & alius sunt, (nam sapientiâ & λόγον præcedit mens, à quâ & in quâ sunt; imaginem præcedit persona repræsentata imagine; effulgentiam corpus fulgidum; characterem matrix) sic Filius à Patre est, & Patris est: non ut essentia ab essentia, sed ut ὑπόστασις ab ὑποστάσει, ut persona à personâ: quia χαρακτήρ est τῆς ὑποστάσεως πατρὸς *Hebr. 1. vers. 3.* Sed illa omnia in rebus creatis accidentalia sunt in Filio, autem, qui in se & per se, etsi à Patre subsistit, essentialia. Ex his è Scripturâ ita declaratis clarum est, verè distinguere in Divinis personam gignentem & genitam & generantem & generatam. At ipsam generationem in activam & passivam distinguendam esse nuspiam docetur. Neque id stante ejus æternitate

tate doceri potest : siquidem nihil simpliciter æternum , dici potest fuisse in potentiâ. Porro sicut Filius à solo Patre genitus est, non etiam à matre, tanquam altero generationis principio : ita patrem quidem habere, at ἀμὴτωρ esse, dicitur *Hebr. 7. v. 3.* Ut solus à solo Patre genitus est : ita etiam *μονογενὴς, Ioh. 1. v. 14. 18.* & proprius Dei Filius, *Rom. 8. v. 32.* appellatur. Postremò quemadmodum Pater ab æterno genuit Filium, sic Filius ab æterno genitus est à Patre. Nam exortus ejus est à principio, à diebus seculi, *Mich. 5. v. 2.* ante colles genitus fuit, *Proverb. 8. v. 22.* & seqq. Erat jam in principio, *Ioh. 1. v. 1.* quia Α & Ω, *Apoc. 1. v. 8.* æternaque fruebatur gloriâ apud Patrem, *Ioh. 17. v. 5.* utpote primogenitus omnis creaturæ, *Coloss. 1. v. 15.* phrasi Hebræâ, hoc est, ante omnes creaturas genitus.

Filius genitus est à solo Patre,

Solus,

Ab æterno.

Spiritus Sanctus est tertia Deitatis persona, à Patre & Filio procedens. Spiritus Sanctus dicitur, non ut creaturæ, sive inanimatæ, ut venti *Iohan. 3. v. 8.* sive animatæ & intelligentes, ut Angeli, *Hebr. 1. v. 14.* & anima humana, *cap. 12. v. 9.* non ut accidentia creaturarum, id est, qualitates & motus à Spiritu sancto effecti, *Ioh. 3. v. 6. cap. 7. v. 39.* I *Thessal. 5. v. 19.* nec ut doctrina Evangelii, I *Iohan. 4. v. 2. & cap. 5. v. 6.* neque etiam ut Deus *Ioh. 4. v. 24.* Spiritus appellatur & ὁ ὢν; sed modo singulari, huic personæ proprio, qui est ab ejus per spirationem subsistentiâ. Sancti verò epitheton adjungitur, *Esa. 63. v. 10.* I *Cor. 12. v. 3.* metonymicè, ab immediato ejus effectui, qui est Sanctificatio Electorum I *Cor. 6. v. 11.* Communiter de ipso prædicatur quod sit persona Deitatis. Nam ὁ ὢν est, *Matth. 3. v. 16.* est ὁ ὢν intelligens, I *Corinth. 2. v. 10. 11.* est Deus *Act. 5. v. 3. 4.* & proprietate incommunicabili distinguitur. *Ioh. 25. v. 26.* Singulariter autem, quod sit tertia persona à Patre & Filio procedens. Quâ differentiâ tùm origo subsistentiæ ejus, tùm etiam modus exprimitur. Origo, cum à Patre & Filio esse dicitur. Et à Patre quidem esse, inde constat, quod ab ipso procedere sive emanare disertè docet Scriptura, *Ioh. 15. v. 26.* eumque Spiritum Patris, *Matth. 10. v. 20.* Spiritum Dei Patris, argumento loci, *Rom. 8. v. 11. 14.* Spiritum Dei, I *Cor. 12. v. 3.* Spiritum Iehovæ, *Esa. 61. v. 1. & 63. v. 14.* nuncupat. A Filio verò esse probatur. I. Quia est ejus Spiritus *Rom. 8. v. 9.* *Gal. 4. v. 6.* II. Quia ab ipso mittitur & datur *Ioh. 15. v. 26. cap. 16. v. 7. cap. 20. v. 22.* III. Quia quicquid revelat Ecclesiæ, à Filio accipit *Iohan. 16. v. 13. 14.*

Spiritus Sanctus.

Spiritus quotupliciter dicitur.

Persona Deitatis.

Tertia.

A Patre.

Et Filio.

IV. Quia Filium glorificat, *Iohan. 16. v. 14.* non minus quàm Filius Patrem *Iohann. 17. v. 4.* V. Quia quæcunque Pater habet, eadem etiam Filius habet, *Iohann. 16. v. 15. cap. 17. v. 10.* exceptis tantum iis, in quibus ei opponitur. Cum igitur non opponatur Patri quoad Spiritum Sanctum; consequens est, Spiritum Sanctum non minus à Filio, quàm à Patre vitam subsistentem habere. *Modus* quoque exprimitur voce *ἐκπορεύσεως*, processionis sive emanationis. Nam Spiritum Sanctum *ἐκπορεύσθαι*, id est, *procedere* sive *emanare* à Patre testatur Christus, *Iohan. 15. v. 16.* non exclusivè, à solo Patre; quia non minus Filii, quàm Patris Spiritus est, *Rom. 8. v. 9.* sed quoad relationum personalium originem, quæ in personarum comparatione rectissimè Patri tribuitur. Quid verò sit hæc *Processio*, quidque à generatione Filii differat, parum in Verbo Dei explicatum est. *Generatum* constat, non esse eam mutationem à non esse ad esse; non progressum ab imperfecto ad perfectum: non migrationem de loco in locum: illa enim imperfectionis sunt omnia; sed esse essentiae Divinae communicationem à Patre & Filio factam. Ut enim Pater Filio, *Ioh. 5. v. 26.* sic Pater & Filius Spiritui Sancto dederunt vitam subsistentem: non alienatione, quasi eam semet privarint, sed communicatione, ut tribus Deitatis Personis communis sit. Unde quicquid est essentiae & denominationis ab eâ, non minus de Spiritu Sancto, quàm de Patre & Filio enuntiatur. *Deinde* constat, Processionem, prout hic accipitur, non esse generationem. Nam Pater non habet ad Spiritum Sanctum relationem generantis, sed spirantis: non Patris, sed principii sive originis, sicuti Græci ipsum *ἀρχὴν καὶ αἶνον* Spiritus Sancti dixerunt. Insuper Filius appellatur *μονογενής*, *Ioh. 1. v. 14.* fratrem sive consortem generationis non admittens. Alioquin non negamus τὸ ἐξελθεῖν, quod sæpe usurpatur de Filio, idem sonare, quod τὸ ἐκπορεύεσθαι. Veteres adumbrarunt processionem Spiritus Sancti variis *similitudinibus*, charitatis, virtutis, bonitatis; voluntatis quoque & caloris ex *Iohan. 1. v. 1.* & *Hebr. 1. v. 3.* Nam ut à mente est sermo, à mente & sermone voluntas; ita à Patre est Filius, à Patre & Filio Spiritus Sanctus. Ut à luce est lumen, à luce & lumine calor; ita à Patre est Filius, à Patre & Filio Spiritus Sanctus: non ut accidens sive qualitas, sed ut hypostasis & Persona. Quod autem de Filii generatione diximus esse eam

Procedens.

Processio
Spiritus S.
quid sit.

Similia pro-
cessionem
adumbrantia.

eam naturalem & aternam, id de Spiritus Sancti processione etiam intelligendum est. Ea quippe non minus est de proprietate & perfectione naturæ Dei, quàm generatio: non minus actus personalis internus, quàm ipsa. Cumque Spiritus Sanctus non voluntate alterius, sed naturâ Deus sit, argumento loci *Gal. 4. v. 8.* naturâ, non voluntate procedere oportet: Ex quo processionis hujus æternitas infertur necessario. Quicquid enim Deo naturale est, æternum est. Processio Spiritus S. naturalis est.
Et æterna.

Tribus his Deitatis Personis, *Patri, Filio & Spiritui Sancto*, tota ac integra Deitas sive *Essentia Dei aequaliter est communis*. Cujus rei fides, ut nobis constet indubitata, veritatem ejus quatuor probationum classibus, videlicet à Nominibus, Proprietatibus, Propriis Effectis, proprioque cultu Dei, de singulis Personis seorsim edisseremus. Igitur *Patrem Deum esse*, sive Essentiam Dei cum Filio & Spiritu Sancto communem habere, demonstratur. I. *A Nominibus Dei*, quia dicitur Jehova, *Exod. 20. v. 2. Elohim, Gen. 1. v. 26.* Verus ille Deus *Iohan. 17. v. 3.* II. *A Proprietatibus Dei*: quæ sunt, Simplicitas, *Deut. 6. v. 4.* Immutabilitas, *Psal. 102. v. 27. 28. Iac. 1. v. 17.* Æternitas, *Gen. 21. v. 33. Apoc. 1. v. 4.* Immensitas, *1. Reg. 8. v. 27. Psal. 139. v. 8. 9.* Vita, *Ioh. 6. v. 57.* Intellectus sive sapientia, *Rom. 16. v. 27. 1. Tim. 1. v. 17.* Voluntas, *Ioh. 6. v. 39.* Veracitas, *Ioh. 3. v. 33. Tit. 1. v. 2.* Bonitas, *Matth. 19. v. 17. Psalm. 103. v. 11. 17.* Justitia, *Psal. 36. v. 6. 7. & 119. v. 137.* Omnipotentia, *Gen. 17. v. 1. Matth. 6. v. 13.* III. *A propriis Dei Effectis*; quæ sunt opera ipsius: ut opus creationis, *Esa. 44. v. 19. Actor. 4. v. 24. 25. 26. 27.* Conservationis, *Ioh. 5. v. 17. Actor. 17. v. 26. 28.* Redemptionis per Filium, *Esa. 45. v. 15. 17. 21. Rom. 3. v. 24. 25.* Remissionis peccatorum, *Esa. 44. v. 17. Marc. 2. v. 7.* Sanctificationis *Ioh. 17. v. 17.* IV. *A proprio Dei Cultu*, qui est religiosa adoratio, *Matth. 4. v. 10.* Fides, *Iohan. 3. v. 33.* Baptismus, *Matt. 28. v. 19. &c.* *Filium Deum esse*, sive Essentiam Dei cum Patre & Spiritu Sancto communem habere, probatur. I. *A nominibus Dei*, quia *Deus* appellatur, non modo attributivè, *Ioh. 1. v. 1. Rom. 9. v. 5.* sed etiam subjectivè, *1. Tim. 3. v. 16.* cum articulo præpositivo, *Ioh. 20. v. 28. Hebr. 1. v. 9.* adeoque nomen *Jehovæ*, uni Deo proprium, *Esa. 42. v. 8.* absolutè & definitivè Filio tribuitur: ut tùm ex locis simplicibus, *Hos. 1. v. 7. Esa. 25. v. 9. Jerem. 23. v. 6.* tùm ex parallelis hisce liquet: *Num. 21. v. 6. & 1. Cor. 10.*

Essentia Dei aequaliter communis est.

Patri:

1. A Nominibus Dei

2. A Proprietatibus Dei.

3. A propriis Dei Effectis.

4. A proprio Dei Cultu.

Filio:

1. A Nominibus Dei.

- v.9. *Esa.* 6.v.5. & *Ioh.* 12.v.21. *Jerem.* 17.v.10. & *Apoc.* 2.v.23. *Esa.* 45.v.23. & *Rom.* 14.v.11. *Esa.* 8.v.13.14. & *Luc.* 2.v.34. *Rom.* 9.v.32. *Joel* 2.v.27.28. & *Actor.* 2.v.17. & 23. II. *A proprietatibus Dei*, quæ sunt, Simplicitas, *Hebr.* 9.v.14. *Rom.* 1.v.14. Immutabilitas, *Hebr.* 1.v.1. 2. *Matth.* 24.v.35. 2 *Cor.* 1.v.20. Æternitas, *Esa.* 9.v.6. *Hebr.* 9.v.14. *Iohan.* 1.v.1.2. *Apoc.* 1.v.11. Immensitas, *Matth.* 18.v.20. cap. 28.v.20. *Ioh.* 3.v.13. Vita, *Ioh.* 5.v.26. cap. 6.v.57. Intellectus sive omniscientia, *Ioh.* 16.v.30. cap. 21.v.17. cap. 2.v.24. *Matth.* 11.v.27. Voluntas, *Matth.* 11.v.27. Veracitas, *Ioh.* 8.v.14. cap. 4.v.6. *Matth.* 24.v.35. 2 *Cor.* 1.v.20. Bonitas, *Tit.* 1.v.4. *Ephes.* 5.v.2. Justitia, 2 *Tim.* 4.v.8. *Actor.* 17.v.31. Omnipotentia *Iohan.* 5.v.19. *Apoc.* 1.v.8. *Hebr.* 1.v.3 III. *A propriis Dei effectis*: quæ generatim Filio tribuuntur, *Iohan.* 1.v.19. speciatim verò creatio, *Iohan.* 1.v.3. *Coloss.* 1.v.16. Conservatio, *Hebr.* 1.v.3. *Ioh.* 5.v.17. *Coloss.* 1.v.27. patratio miraculorum, tum per se, *Ioh.* 5.v.36. cap. 10.v.37.38. *Matt.* 11.v.5. & passim in *Euangelio*; tum per alios, *Marc.* 16.v.20. *Actor.* 3.v.6. & alibi. Redemptio, *Hos.* 1.v.7. *Actor.* 20.v.28. Remissio peccatorum, *Esa.* 53 v.11. *Matth.* 9.v.6. *Actor.* 7.v.60. Sanctificatio, *Eph.* 5.v.26. *Tit.* 2.v.14. *Ioh.* 1.v.33. Institutio ministerii, *Matth.* 28.v.18. & seqq. *Iohan.* 20.v.21. Missio ministrorum donis necessariis instructorum, *Ephes.* 4.v.10.11. & seqq. Collectio & defensio Ecclesiæ *Iohan.* 10.v.11. 14. 16. 26. 27. 28. 29. *Matth.* 16.v.18. *Psal.* 110.v.1. & seqq. IV. *A proprio Dei cultu*, *Iohan.* 5.v.23. *Psal.* 2.v.11.12. qui est religiosa adoratio, *Phil.* 2.v.10. *Hebr.* 1.v.6. *Actor.* 7.v.60. Fides, *Iohan.* 3.v.16.18. cap. 4.v.1. *Psal.* 2.v.12. Spiritui Sancto: Baptismus, *Matth.* 28.v.19. *Actor.* 2.v.38. & c. *Spiritum Sanctum Deum esse*, sive essentiam Dei cum Patre & Filio communem habere, probatur. I. *A Nominibus Dei*; ut sunt Jehova, *Esa.* 6.v.9. & *Actor.* 28.v.25. *Num.* 12.v.6. *Jerem.* 1.v.4. & 1 *Petr.* 1.v.11. 2 *Petr.* 1.v.21. *Jerem.* 31.v.31. & *Heb.* 10.v.15. *Psal.* 95.v.6. & seqq. & *Hebr.* 3.v.7. Deus, *Actor.* 5.v.3.4. 1 *Cor.* 3.v.26. II. *A proprietatibus*, quæ sunt Simplicitas, *Iohan.* 4.v.24. Immutabilitas, *Actor.* 1.v.16. Æternitas, *Genes.* 1.v.2. Immensitas, *Psal.* 139.v.7. 1 *Cor.* 6.v.19. *Rom.* 8.v.9. Vita, *Genes.* 1.v.2. *Rom.* 8.v.11. Intellectus, 1 *Cor.* 2.v.10.11. *Esa.* 11.v.2. cap. 40.v.13.14. Voluntas, 1 *Cor.* 12.v.11. Veracitas, *Iohan.* 16.v.13. 1 *Iohan.* 5.v.6. Bonitas, *Psal.* 143.v.10. *Rom.* 5.v.5. cap. 8.v.26. Justitia, *Esa.* 63.v.10.

V. 10. *Ioh. 16. v. 8.* Omnipotentia, *Esa. 11. v. 2.* *Mich. 3. v. 8.* *Luc. 1. v. 35.* III. *A propriis Dei effectis* : quæ sunt creatio; *Iob. 26. v. 13. cap. 33. v. 4.* *Psal. 33. v. 6.* Conservatio, *Genes. 1. v. 2.* Miraculorum patratio, *Matth. 12. v. 28.* *1 Corinth. 12. v. 4.* Vocatio Doctorum Ecclesiæ, eorumque institutio, *Esa. 48. v. 16.* *Act. 13. v. 2. cap. 20. v. 28.* *Luc. 12. v. 12.* *1 Cor. 12. v. 7.* *2 Pet. 1. v. 21.* Collectio Ecclesiæ, *Ephes. 2. v. 22.* *1 Cor. 12. v. 13.* Sanctificatio ejus & regeneratio *Iohan. 3. v. 6.* *1 Corinth. 6. v. 11.* *Tit. 3. v. 5.* IV. *A proprio Dei cultu* ceu est adoratio religiosa, *Psal. 95. v. 6.* & *seqq. collato cum Hebr. 3. v. 7.* *Esa. 6. v. 3.* collato cum *Act. 28. v. 26.* *2 Cor. 13. v. 13.* Fides, *Iohan. 14. v. 16. 17.* Baptismus *Matth. 28. v. 19.* *Act. 19. v. 2.* & *seqq.* Ita demonstratum est, Deitatem siue essentiam Dei tribus in eâ personis, Patri, Filio & Spiritui Sancto communem esse. Est verò communis, non ut genus speciebus, aut species individuis; quia universalium communitas ut potentiam sic imperfectionem includit: deinde genus & species non agunt, aut subsistunt per se; Deus autem subsistit, agit per se. Nec etiam communis est ut accidens suis subjectis: quia Deus omnis compositionis expers est. Nec ut causa communis effectibus, quia illa differunt essentialiter. Nec ut totum partibus, aut continens contentis, quia Deus ἀμέεστος est & infinitus: personæque non compositione, sed συνάρξει in essentiâ subsistunt. Dicitur autem communis, ut res suis modis siue subsistentiis: quia tres personæ subsistunt in Unitate essentiæ: & tota essentia est in qualibet Deitatis personâ secundum perfectionem suam. Ideoque nomen essentiæ de singulis personis prædicatur; non autem nomen personæ absolutè de essentiâ; nam illud latius, hoc angustius est. His ita positis ultrò sequitur trium Deitatis personarum ὁμοῦσία ἢ ἰσότης. Quibus enim eadem numero essentia est ac nomina essentialia, quibus eadem numero proprietates essentialia, iidem numero effectus proprii, denique eadem numero propria consequentia: ii sunt consubstantiales siue coessentialia, & æquales. Patri, Filio & Spiritui Sancto est eadem numero essentia, &c. Ergò. De hac ὁμοῦσίᾳ intelligenda sunt dicta, *1 Ioh. 1. v. 7.* Tres sunt, qui testificantur in cælo, Pater, Sermo & Spiritus Sanctus, & hi tres unum sunt. *Iohan. 10. v. 30.* Ego & Pater unum sumus, *cap. 17. v. 22.* ut sint unum, sic & nos unum sumus: Quæ ὁμοῦσία, perpetua & naturalis, non potest esse nisi ab ὁμοῦσίᾳ. De ἰσότητι

3. A propriis Dei Effectis.

4. A proprio Dei cultu.

Quomodo Essentia communis sit personis.

Personarum Divinarum.

ὁμοῦσία.

ἰσότης.

autem hæc loquuntur: *Ioh. 5. v. 19. Quacunque Pater facit, hæc etiam Filius pariter facit, &c. v. 23. ut omnes honorent Filium, prout honorant Patrem. Matth. 28. v. 19. Baptizate eos in nomen Patris, Filii, & Spiritus Sancti &c.* Præterea sequitur, Trium Personarum, prout appellârunt Veteres, *ᾠελχώρησις ἐν ἀλλήλοις*, sive *Ἐμπελχώρησις ἐν ἀλλήλοις*, quæ unio est Personarum, qua singulæ in singulis sunt & manent, seseque mutuò possident, amant, glorificant *Iohan. 14. v. 10. 11. cap. 1. v. 1. cap. 5. v. 19. cap. 17. v. 1. 5. 21. Proverb. 8. v. 22.* Cum enim in unâ numero essentiâ subsistant omnes Personæ, eamque totam possideant singulæ; necessum est, unam perpetuò & inseparabiliter esse in alterâ, eamque complecti & permeare. Etsi igitur distincta sint in essentiâ; sunt tamen per hanc *ᾠελχώρησιν* prorsus inseparabiles: ut rectè Christus *Ioh. 14. v. 23. Ego & Pater veniemus, & apud eum habitabimus*: unâ cum Spiritu Sancto cohabitante *1. Cor. 3. v. 16.* Denique ex jam dictis, colligitur *discrimen inter Personas divinas increatas, & creatas*, quales sunt angelicæ & humanæ. Personæ creatæ non solum distinctæ sunt, ut una non sit altera, sed etiam separatæ, ut una sit extrâ aliam. *Divinæ* distinctæ quidem sunt, ut dicatur, at non separatæ: quia una est in aliâ *Ioh. 14. v. 10.* Personæ creatæ tantum *ὁμοιόσιοι* sunt, non *ὁμοόσιοι*: at *divinæ* *ὁμοόσιοι* *1. Ioh. 5. v. 7.* Utriusque differentię ratio est, quod essentia creata finita est, & circumscripta; divina verò infinita & incircumscrip̃ta. Quamobrem illa personis separatim & per partes, ista singulis tota & indivisa inest.

Discrimen à
Personis cre-
atis.

Personæ di-
stinguuntur.

Ab Essentiâ
ratione.

Jam *distinctionem* quoque *Personarum* videamus. Ea duplex est: alia ab essentiâ, alia inter se. *Ab essentiâ* non realiter, sed ratione distinguuntur Personæ: quia respectu essentiæ unum dicuntur. *1. Ioh. 5. v. 7. Ioh. 10. v. 30.* non aliud atque aliud. *Inter se* autem realiter, quia non sunt unus, sed alius atque alius: alius Pater, *Ioh. 5. v. 32.* alius Filius, *Ioh. 1. v. 14. 18.* alius Spiritus Sanct. *Ioh. 14. v. 16.* Est igitur *inter essentiam & Personas distinctio rationis*: non pura, ex mentis tantum operatione dependens; sed *eminens*, quæ etiam citrà illam est in Deo, idque ab æterno. Nam ab æterno essentia Dei absoluta fuit; Persona relata: essentia communis, Persona propria: essentia expers originis, Persona Filii & Spiritus Sancti cum origine: essentia neque gignens neque genita, neque spirans, neque spirata; at Persona Patris gignens, per-

Persona Filii genita : Personæ Patris & Filii spirantes , Persona Spiritus Sancti spirata. *Inter personas verò realis distinctio est*, eó-^{Inter se realiter,} que priore major. Quod vel hinc patet : quia una Persona non prædicatur de altera ; sicut una illa essentia prædicatur de omnibus personis , & omnes singulæque personæ unam illam essentiam totam & integram possident. *Realiter* autem differre , non^{Et quomodo.} est hîc differre essentialiter & separabiliter ; quippe essentiâ non differunt personæ , nec separari vel ab essentiâ , vel à se invicem possunt : Sed differre τῶ ἐναι personali , differre ῥέπω πᾶρξως , differre relationibus sive proprietatibus personalibus. Atque^{Distinctio deprehenditur.} hæc differentia distinctioque secundum differentiam primò intus in ipsis personis , *deinde* foris in earum operibus deprehenditur. *In ipsis personis*, quia Pater ἀρρησία à Filio ; Filius ῥονήσῃ à Patre ; Spiritus Sanctus ἐκπορεύσῃ ab utroque differt. *In Operibus Personarum* : quia licet opera indivisa sint , & communia respectu principii & συνεκτικῆς communis : (Unde axioma Theologicum ; *Opera ad extrâ sunt indivisa*) ordine tamen operationum terminisque distinguuntur. Etenim *ordo operandi* sequitur ordinem existendi. Ut ergò in existendo Pater à nullo est ; sic operatur à nullo , sed à se : Filius à Patre est , ita operatur à Patre , & Pater per ipsum : Spiritus Sanctus à Patre & Filio est , ita operatur ab utroque , & uterque per ipsum. Quod ipsum docent hæ phrasæ Scripturæ : 1 Cor. 8. v. 6. *A Deo Patre sunt omnia* : Ioh. 5. v. 19. *Non potest Filius à semet ipso operari, id est, nisi viderit Patrem operantem* : Hebr. 1. v. 2. *Per Filium Deus mundum condidit* : & Ioh. 1. v. 3. Coloss. 1. v. 16. *Omnia per ipsum facta sunt* : Ioh. 15. v. 26. *Filius mittit Spiritum Sanctum à Patre : & Spiritus Sanctus à Patre emanat*. *Terminis* insuper distinguuntur , quoties operatio Divina^{Terminos operationis.} in , vel ad Personam aliquam Deitatis terminatur. Sic vox illa Patris de Filio , *Matth. 3. v. 17. cap. 17. v. 5.* terminabatur ad Personam Patris : *Incarnatio Filii* , 1 Tim. 3. v. 16. *acquisitioque Ecclesiæ per proprium sanguinem* , *Actor. 20. v. 28.* ad Personam Filii : *apparitio Spiritus Sancti sub specie columbæ* , *Matth. 3. v. 16.* ad Spiritus Sancti personam.

Ita utramque de Deo theoriam, absolutam essentia unius, relatam trium in eâ Personarum expedi vimus. Superest Usus ex utrâque quadruplex.

I. Ad Διασκαλίαν. Deus alius est à creaturis. Psal. 102. v. 27. 28. Job. 38. 39. 40. capp. Esa. 55. v. 8. 9. Deus noster est verus Deus: quia vivus, Johan. 3. v. 10. Psal. 115. v. 5. 6. & seqq. Jerem. 10. v. 9. 10. 1 Thessal. 1. v. 9. quia solus sapiens, Rom. 16. v. 27. 1 Timoth. 1. v. 17. solus bonus, Matth. 19. v. 17. misericors, gratiofus, Exod. 34. v. 6. 7. ipsa charitas, 1 Johan. 4. v. 8. quia omnipotens, Psal. 91. v. 1. 2. Dan. 4. v. 34. & seqq. quia denique Iehova Elohim, Exod. 20. v. 2. Deus est perfectissimus, beatissimus, sibi ad omnia sufficientissimus Genes. 17. v. 1. Job. 37. v. 15. Matth. 5. v. ult. Deus est fons omnis boni, omnis virtutis, omnisque vitæ naturalis & supernaturalis, in creaturis, Jacob. 1. v. 17. Psal. 136. per totum. Deut. 30. v. 20. Actor. 17. v. 28. Psal. 36. v. 10. 1 Petr. 1. v. 23. est summum hominis bonum: Genes. 15. v. 1. Psal. 16. v. 5. & 33. v. 12. & 73. v. 25. Sic tamen, ut nemini obligatus se suaque quam liberrime communicet. Rom. 11. v. 35. Jerem. 18. v. 6. Matth. 20. v. 15. Rom. 9. v. 18. Postremo nostra religio, qua hunc Deum rectè agnoscendum & sincerè colendum proponit, est vera religio. Johan. 17. v. 3. 1 Thess. 1. v. 9. Psal. 4. v. 11. 12.

II. Ad Παιδείαν. Deum Spiritu & veritate colamus Johan. 4. v. 23. 24. Circà ipsum unum colendum summâ curâ occupemur: Matth. 4. v. 10. & cap. 22. v. 37. 38. exemplo Davidis, Psal. 27. v. 4. & Mariæ Luc. 10. v. 41. 42. In ipso tanquam perfectissimo acquiescamus: Psal. 16. v. 5. Vera simplicitati & sinceritati studeamus Matth. 10. v. 16. Ephes. 6. v. 5. Exemplo Iobi cap. 1. v. 1. & Pauli 2 Corinth. 1. v. 12. Deum suprâ omnia timeamus, quia omnibus superior est, 1 Reg. 8. v. 23. ei suprâ omnes obediamus, exemplo Apostolorum, Actor. 5. v. 29. ipsum immutabili constantiâ in bono imitemur, 2 Timoth. 3. v. 12. exemplo Baptista Matth. 11. v. 7. Deo aeterno, eoque nunquam desituro fidamus, Psal. 102. v. 25. & seqq. 1 Timoth. 6. v. 16. ab eo vitæ nostræ prorogationem petamus, Psal. 102. v. 25. exemplo Ezechia, Jesa. 38. v. 3. & Christi pro Lazaro: Joh. 11. v. 41. & seqq. Vbiuis locorum piè & religiose vivamus, quia ubiq; nobis præsens est Gen. 17. v. 1. Vbiuis ipsum invocemus. Ioh. 4. v. 21, 1 Tim. 2. v. 8. ac in nomine ipsius congregati de gratiosâ præsentiâ certifi-

certissimus Mat. 18. v. 20. cap. 28. v. 20. *Metuamus à conspectu Dei viventis, exemplo Darii, Dan 6. v. 26. Deoque vivo adoratione, Heb. 9. v. 14. 15. Apoc. 4. v. 9. spe, 1. Tim. 6. v. 17. jurejurando in ipsius nomine concepto, Jerem. 4. v. 2. serviamus. In oculis ipsius inculpate degamus, quia videt & observat omnia, dicta, facta, & cogitata nostra 2. Chron. 16. v. 9. Ps. 139. v. 1. & seqq. Luc. 16. v. 15. Heb. 4. v. 13. 1. Thess. 2. v. 4. 5. 6. Ab ipso in rebus dubiis & desperatis consilium petamus, Psal. 143. v. 10. Jes. 9. v. 6. sapientiam quoque dari nobis rogemus, Jac. 1. v. 5. exemplo Salomonis 1. Reg. 3. v. 9. Gratias Deo agamus, quod liberâ voluntate innumera in nos contulit beneficia, quæ aliis denegavit Rom. 9. v. 18. 1. Cor. 12. v. 11. Eph. 1. v. 4. Jac. 1. v. 17. 18. Acquiescamus in hac voluntate: quæ etsi sæpe imperscrutabilis, nunquam tamen ἀλογος est, Rom. 11. v. 33. Matt. 11. v. 26. eique nos tam in patiendi quàm in agendo conformemur, Matt. 6. v. 10. exemplo Eli, 1. Sam. 3. v. 18. Davidis, 2. Sam. 15. v. 25. 26. Christi, Matt. 26. v. 39. 42. Pauli Act. 21. v. 14. Deum bonum, gratiosum, misericordem amemus, Matt. 22. v. 37. 1. Joh. 4. v. 19. invocemus exemplo Davidis, Ps. 86. v. 14. 15. 16. cum fiduciâ exauditionis, Ps. 25. v. 6. 7. ab ipso omnia bona petamus, atque etiam ipsi accepta feramus Ps. 36. v. 11. & 51. v. 3. & 119. v. 68. Humiliemus nos, quos omni gratiâ indignos ex merâ misericordiâ servat, & non in nobis sed in ipso gloriamur Jer. 9. v. 23. 24. Eph. 2. v. 1. & seqq. Tit. 3. v. 3 Patientiam in adversis præstemus: cum bonus & misericors graviora viribus non imponat, Thren. 3. v. 22. & seqq. Mich. 7. v. 9. 18. 19. 1. Cor. 10. v. 13. Jac. 5. v. 11. atque hac de causâ in ipsius quàm hominum manus incidere malimus, exemplo Davidis 2. Sam. 23. v. 14. Hac benignitate mori convertamus nos à peccatis, Joel. 2. v. 13. Rom. 2. v. 4. eam ergà proximos imitemur, Luc. 6. v. 36. 1. Joh. 4. v. 11. Eph. 4. v. 32. Coloss. 3. v. 12. 13. etiam inimicos, Matt. 5. v. 44. exemplo Patris cælestis, v. 45. & seqq. Christi, Luc. 23. v. 34. & Stephani Act. 7. v. 60. Fidem Deo in omnibus tribuamus, qui verax est, Joh. 3. v. 33. & verus ille Deus; cap. 17. v. 3. proindeque firma promissionum fiduciâ compellemus, Ps. 40. v. 12. ac professionem spei minime vacillantem retineamus Heb. 10. v. 23. Vitam nostram sincere & seriò emendemus: quia Deus pro justitiâ suâ non parcat peccatoribus, etsi subinde pœnam differat. Exod. 23. v. 7. Ps. 5. v. 5. & 11. v. 5. Rom. 2. v. 2. & seqq. 1. Pet. 1. v. 17. Ab eadem justitia punitionem hostium, nostrique liberationem patienter expectemus, Psal. 9. v. 13. & 10. v. 14. 1. Pet. 2. v. 19. 20. Heb. 6. v. 10. c. 10. v. 36. idque tantò magis, quia omnipotens est, Ps. 89. v. 10. 11. 12. 13. & hac omnipotentia liberationem præstitit à Pharaone,*

Senacheribo, aliisque hostibus. Credamus etiam promissionibus ipsius, etiamsi impossibiles, Matt. 19. v. 26 ac contraria rationi videantur: Exemplo Abrahæ, Rom. 4. v. 20. 21. Maria; Luc. 1. v. 38. Tantoque alacrius ipsi obediamus, exemplo Abrahæ Heb. 11. v. 19. Contra ipsum peccatis nostris irritare caveamus, quia potest certissime perdere, omniaque in nostrum exitium armare, Deut. 32. v. 39. & seqq. Jerem. 5. v. 22. Jac. 4. v. 12. exemplo Pharaonis, Exod. 7. & seqq. & aliorum. Denique; prædicemus has aliasque Dei nostri virtutes 1. Pet. 2. v. 9. Eas in unitate essentia Deo Patri, Filio, & Spiritui sancto tribuamus, argumento locorum suprâ de singulis allegatorum. Quod fide tenere debemus, etsi ratione capere non possimus: ut per hanc fidem salvi fiamus Joh. 17. v. 3. 1. Joh. 2. v. 3. Rom. 8. v. 9.

III. Ad Ἐταυροῦ θωον: Quum sit Deus, nè putemus nobis potestatem datam pro libitu vivendi Ezech. 20. v. 18. 19. 20. Cum unus sit, nulli alii vel particulam honoris ejus deferamus Esa. 42. v. 8. Exod. 20. v. 3. Cum spiritus: Nè terrenum quid aut carnale de ipso cogitemus. Joh. 4. v. 24. Esa. 55. v. 89. Nè nomina profana aut idolorum ipsi tribuamus, Hof. 2. v. 16. 17. aut ipsius nomina idolis adscribamus Esa. 42. v. 8. Nè simus duplices corde, fallaces, dissimulatores: tales namque Deo simplicissimo exosi sunt, Psal. 5. v. 7. Jerem. 9. v. 3. 4. 5. 8. Jac. 1. v. 8. exemplo Iobi, 2. Sam. 20. v. 9. 10. & Iuda Matt. 26. v. 48. & seqq. Nè brevem vitæ hujus caducæ felicitatem Deo aeterno aeternisque bonis anteponamus aut æquemus, Psal. 102. v. 25. & seqq. & 103. v. 15. & seqq. Matt. 16. v. 26. exemplo Divitis Luc. 12. v. 19. 20. Ne loci ullius, etiam abditissimi, occasione peccato frena laxemus: quia Deus ubique præsens est Psal. 139. v. 7. & seqq. Jerem. 23. v. 23. v. 24. Neque etiam vel mala cogitemus, Jerem. 17. v. 9. 10. Rom. 2. v. 16. exemplo scribarum, Matt. 9. v. 3. 4. & Phariseorum Matt. 22. v. 18. Caveamus mutabilitatem in bono: quàm immutabilis ille Deus punit gravissime: exemplo Protoplastorum, Genes. 3. v. 16. & seqq. ad finem, Israelitarum, sub iudicibus: Ierosolymitanorum, Esa. 1. v. 21. 22. Galatarum Gal. 3. v. 1. 2. 3. Insuper caveamus per peccata in Dei viventis manus incidere Heb. 10. 31. Apoc. 15. v. 7. Ne persuadeamus nobis, Deum peccata clandestina non videre, Job. 9. v. 3. 4. cap. 11. v. 11. exemplo impiorum Psal. 11. v. 11. Nè dubitemus de eventu promissionum ejus, cum constans sit ejus voluntas, nec à quoquam mutari possit Esa. 14. v. 27. Rom. 8. v. 31. Joh. 10. v. 29. Nè desperemus, cum in nos sit tam benevolus, Nehem. 9. cap. nec in calamitatibus adversus ipsum murmuremus, exemplo Iobi, cap. 3. per totum. Nè

Nè ingrati simus pro tanta ejus ergà nos bonitate & misericordia, Deut. 32.6. & seqq. exemplo Judaorum, Esa. 1.v.2. Mal. 1.v.6. nec eà abutamur ad lasciviam peccandi Matt. 22. v. 1. & seqq. Rom. 2. v. 4. 5. cap. 6. v. 1. & seqq. Judæ v. 4. & seqq. Non etiam bonis aliorum invidiamus Matt. 20. v. 15. Nè putemus Deum approbare scelera impiorum, eò quod aliquandiu florent, Zeph. 3. v. 5. Psal. 50. v. 16. nec propterea cum ipso litigemus Jerem. 12. v. 1. Nè dubitemus de veritate promissionum Dei, Psalm. 89. v. 34. 35. exemplo irrisorum 2. Pet. 3. v. 3. & seqq. Nec alii aliis mentiamur, Exod. 20. v. 16. cap. 23. v. 1. exemplo Anania Act. 5. v. 3. 4. Ne Deum omnipotentem peccatis nostris provocemus, Matt. 10. v. 28. nec desperemus de ullius salute. Rom. 11. v. 23. & cap. 14. v. 4. multò minus de salute totius Ecclesiæ, cum hostes in eam undique insurgunt. Matt. 16. v. 18. Psal. 2. v. 1. & seqq. Act. 4. 25. & seqq.

IV. ad Παράκλησιν Cum unus tantum sit Deus, bono animo simus; nam ubi hunc unum propitium habuerimus, non est quod alios extimescamus: quod fieret, si aut essent plures, aut esse falsò crederentur Matt. 10. v. 28. *Vt Deus simplex est, sic nos in altera vita verè simplices, id est, ab omnibus fraudibus fallacisque alienos reddet, argumento loci 2. Cor. 3. v. 18. Cum immutabilis, certò nobis promissam salutem conferet Num. 23. v. 23. 2. Tim. 4. v. 8. Vt aternus, sic aternam nostri curam geret Heb. 1. v. 12. 14. Joh. 13. v. 1. Vt immensus, ita ubique nobis præsentissimus aderit in solitudinibus, periculis, carceribus, mortibus Jos. 2. v. 9. Esa. 43. v. 1. 2. al. 42. v. 26. 27. Psal. 23. v. 4. & 118. v. 6. 7. Vt vivus, ita nos vivificabit etiam mortuos Job. 19. v. 25. 26. 27. Joh. 14. v. 19. Cum omniscius, novit innocentiam nostram, eamque à sinistris hominum judiciis asferet, Psal. 7. v. 4. 5. 6. & 17. v. 3. & 37. v. 6. 1. Cor. 4. v. 5. novit etiam calamitates nostras, & ex iis nos eripiet Exod. 3. v. 7. Esa. 40. v. 10. & seqq. Nah. 1. v. 7. Matt. 6. v. 31. 32. Cum bonus, nunquàm nos derelicturus est, Heb. 13. v. 5. sed stabiliturus 1. Pet. 5. v. 10. Misericordia ipsius major est omnibus nostris peccatis, Deut. 4. v. 31. Psal. 78. v. 38. Rom. 5. v. 20. Iustitia vindicabit nos, Psal. 31. v. 2. & 71. v. 2. Dan. 9. v. 16. Veritas cor firmabit nos, 1. Cor. 1. v. 8. 9. Potentia autem ipsius nostrosque hostes contundet Psal. 2. v. 9. & 110. v. 1. 5. 6. 1. Cor. 15. v. 24. 25.*

LOCUS QUARTUS

De

DECRETIS DEI, eoque inprimis,
quod PRÆDESTINATIONIS
vulgò dicitur.

FIT Prima pars Theologiæ in doctrinâ de Deo. Altera de
ejus Operibus succedit.

Sunt autem Opera Dei, quæ Deus facit extrâ se, ad suam glo-
riam.

Ea spectantur primò in antecedente Decreto: deinde in sub-
sequente Executione.

DECRETVM Dei est consilium ejus, de rebus extrâ ipsum
futuris.

Estque vel Providentiæ, vel Prædestinationis.
Decretum Providentiæ est, de rerum omnium Creatione,
conservatione & gubernatione.

Decretum Prædestinationis est, de creaturarum rationali-
um statu aeterno.

Distinguiturque in Prædestinationem Angelorum, & Ho-
minum.

Prædestinatio Angelorum est, quâ Deus alios præservare
à lapsu, & in bono ad salutem confirmare; alios contrâ
non præservare, sed lapsui permisso, in eoque relictos,
citâ spem veniæ damnare decrevit.

Prædestinatio Hominum est, quâ Deus apud se decrevit,
quid de Hominibus lapsis, quoad æternam ipsorum salu-
tem, vel exitium, fieri vellet.

Hujus species sunt Electio & Reprobatio.

Electio est, quâ decrevit quorundam misereri ex gratiâ, eos-
que à peccatis per Filium liberatos salvos facere.

Repro-

Reprobatio est, quâ decrevit quorundam non misereri, sed in peccatis relictos, propter ea æternum damnare.

E X E G E S I S.

A Deo ad Opera ejus, ex methodi nostrę instituto, rectissime Doctrina de Operibus Dei. altera Theologia Pars. Opera Dei quæ. progredimur. Dicuntur autem hîc Opera Dei non actus Personales interni, quos Opera ad intra vocant Scholæ: nec quæ ipsi probata, Ioh. 6. v. 28. 29. aut ab ipso imperata, Ioh. 4. v. 34. I. Cor. 15. v. 58. hoc nomine censentur: sed ut habet definitio, quæ ipse facit extra se ad suam gloriam. Genus operum nullū traditur, quia sunt genus generalissimum. Describuntur autem Efficiente, Objecto, & Fine. Efficiens operum, est Deus ἐνεργῶν operans: diciturque principium Quod. Principium quo operatur, est δύναμις, potentia ejus sive Omnipotentia. Ab eâ est ἐνεργεια, operatio: ad quam sequitur ἐνέργημα, sive ὄντος τέλος, quod est τὸ ἔργον, ipsum opus, Dei operantis operatione productum: prout hæc ad captum nostrum distinguuntur Eph. 1. v. 19. Operatur autem à se, non ab alio, Rom. 11. v. 36. Esa. 66. v. 2. citrà ullam sui mutationem: quæ in opere est, cum à non esse ad esse producitur, vel aliàs mutatur, non in operante, qui immutabilis est, Iac. 1. v. 17. citraque ullam sui defatigationem. Esa. 40. v. 28. & quidem jam immediate, ut in creatione: jam mediate, ut in conservatione, gubernatione, liberatione: ubi variorum usus est, & etiamnum utitur ministerio: non ex defectu aliquo potentia, sed propter abundantiam bonitatis. Objectum est, τὸ extra ipsum, hoc est, res aliqua externa, quæ ipsius operatione aut producitur, aut producta jam aliter afficitur. Finis verò ipsius gloria, quam operum productione intendit, & per eam assequitur Prov. 16. v. 4. Rom. 11. v. 36. Apoc. 4. v. 11. Ideoque distinguenda est ab illâ gloriâ, quâ Deus ab æterno habuit in unitate essentia, Esa. 42. v. 8. Exod. 33. v. 18. & trinitate Personarum Ioh. 17. v. 5. Hæc siquidem ad naturæ ejus perfectionem pertinet: Ista verò tantum extrinsecus, propter excellentiam naturæ, ad ipsum refertur à creaturis intelligentibus: easque, non ipsum, hoc est glorificantes, non glorificatum perficit. Affectiones operum duplices constituimus. Nam quatenus à Deo producta sunt, sapientissima, justissima, optima sunt: quatenus extra ipsum existunt, libere producta, mutabilia & finita

eorum.

Efficiens.

Deus quomodo operetur.

Objectum.

Finis.

Affectiones.

dicuntur. Ratio *prioris* est, quia quicquid Deus agit, agit θεογενῶς naturæ suæ convenienter; contrā quam non magis agere, quā se ipsum potest abnegare 2. *Tim.* 2. v. 13. Ut hinc omnia ejus opera, naturæ ipsius sint indices, *Rom.* 1. v. 19. 20. eoque sapientissima, justissima, optima *Gen.* 1. v. 3 1. *Marc.* 7. v. 37. Ratio autem *posterioris*, quia quæ extrā se agit, non ex necessitate naturæ, sed ex libertate voluntatis, *Psal.* 115. v. 3. *Rom.* 9. v. 18. 1. *Cor.* 12. v. 11. *Iacob.* 1. v. 18, sive, ut loquitur Apostolus *Eph.* 1. v. 11. *ex consilio voluntatis suæ agit*: ut opera agentis respectu possint esse, vel non esse; esse talia, vel alia. Cumque ab eo, ut efficiente primo & fine ultimo, dependeant universa, in essendo, existendo, operando, *Act.* 17. v. 28. loco item temporeque finiantur, *Genes.* 1. *per totum*: non possunt non esse mutabilia & finita.

Opera Dei
consideranda
1. in Decreto.
2. in executione.

Dari Decreta
liquet.
1. ex S. Scripturā.

11. ex Dei
Natura.

Decreti syno-
nyma.

Opera Dei ita accepta, *primò* consideranda dicimus in antecedente *Decreto*: *post* in subsequente *Executione*: ut decretum nec opus Dei sit; prout illud suprà disjunctivimus, nec operis execution. Decretum quippe in Deo est; Opus extrā Deum: Decretum æternum est; at nec opus aliquod Dei æternum est, nec operis ullius execution. *Esse* autem *Decreta Dei*, ex *Scripturā* ejus & *Naturā* ostenditur. *Illa* siquidem docet, *Christum præcognitum à Deo ante jacta mundi fundamenta* 1. *Pet.* 1. v. 20. *Nos in ipso Electos esse ante jactum mundi fundamentum* *Eph.* 1. v. 4. *Gratiam ex Dei proposito nobis in Christo datam ante tempora seculorum* 2. *Tim.* 1. v. 9. Videantur & alia loca 1. *Cor.* 2. v. 7. *Eph.* 3. v. 11. *Tit.* 1. v. 2. *Apoc.* 13. v. 8. Ad hæc cum pronunciet, *nota fuisse Deo ab omni ævo omnia opera sua*, *Act.* 15. v. 18. consequens est, ab omni ævo etiam decreta ab ipso fuisse. *Natura* verò *Dei* perfectissima cum sit, nulli mutationi obnoxia, *Iac.* 1. v. 17. statuendum est, non ut in tempore agit, sic etiam in tempore demum agere decrevisse, sed omnia jam ab æterno apud se præfinita habuisse *Esa.* 46. v. 9. 10. Ita iisdem prorsus argumentis, decretorum existentia & æternitas adstruitur.

Definimus *Decretum*, *consilium Dei*, de rebus extrā ipsum futuris. *Decretum*, Græcè *ψήφισμα*, de Deo acceptum, aliis atq; aliis appellationibus designat Scriptura. Jam *βελὴν τῆ Θεῆ* *consilium Dei*, *Act.* 4. v. 28. jam *ἐπισμένην βελὴν*, *definitum consilium*, c. 2. v. 23. modo *ἐνδοξίαν*, *Matth.* 11. v. 26. *ἐνδοξίαν τῆ Θεῆ*, *Eph.* 1. v. 9. *ἐνδοξίαν τῆ θελήματος αὐτῆς*, v. 5. aliquando *πρόθεσιν*, *propositum* *Rom.* 9. v. 11. 2. *Tim.* 1. v. 9. *πρόγνωσιν*, *præcognitionem* *Rom.* 8. v. 29. *ὅ* 11. v. 2. &

& προορισμὸν *prædestinationem*, *Actor. 4. v. 27. 28. Rom. 8. v. 29. 1. Cor. 2. v. 7.* nonnunquam etiam ejus *voluntatem* *Psal. 115. v. 3. Rom. 9. v. 18.* vocat. Recepta in Scholas vox videri posset ex Versione Latinâ, quæ eam usurpat *3. Reg. 8. v. 61. Ephes. 2. v. 15. Coloss. 2. v. 14.* retentaque, quod utrumque, *judicium mentis*, & *propositum voluntatis* complectitur. Quæ etiam Deo pro conceptus nostri ratione tribuimus. Ratiocinationem verò, deliberationem, & collectionem, quæ humana decreta antecedere solent, quàm longissimè ab ipso removemus. *Genus decreti esse dicimus consilium*, sed, prout suprà declaratum est, *æternum*. Quale Deo in Scripturâ frequentissimè tribuitur *Iob. 12. vers. 13. Psal. 33. vers. 11. Esa. 46. v. 10. 11. Actor. 2. v. 23. cap. 4. v. 28. Ephes. 1. vers. 11. Hebr. 6. v. 17.* Nam quatenus idem nomen consilii æterni declarationem, ut *Esa. 5. vers. 19. cap. 19. v. 17.* aut aliquod Dei verbum præceptumve, ut *Psal. 106. v. 13. & 107. v. 11. Proverb. 1. v. 25. 30.* significat, aliò pertinet. *Forma* desumitur à proprio *Objecto*: quod sunt *Res futura*, μέλλουσαι, videlicet ex Dei vel operatione, si bonæ, vel permissione, si malæ: Ut decretum sit non τὸ δυνατὸν ἀπλῶς, *possibulum simpliciter*, sed τὸ μελλόντων, *futurorum*. Quorum respectu duplicis etiam causæ notionem induit, *Efficientis*, & *Exemplaris*. *Efficientis*: quia quæcunque facta aut futura, ideò facta futuræ sunt, quod Deus decrevit. Nec dari potest alia prior aut superior causa operum ejus. Ideoque ad hanc, tanquam primam & summam causam, illa passim revocantur. *Genes. 45. vers. 8. cap. 50. v. 20. Psal. 115. v. 3. Esa. 14. vers. 24. Matth. 11. vers. 25. 26. Actor. 2. v. 23. cap. 4. v. 28. Rom. 9. v. 18.* *Exemplaris* autem, quia decretum Dei est omnium extrâ ipsum operum quasi idea, ad quam ceu ὑπέτυπον, ipsa veluti ἐκτυπη exprimuntur. Ex quo est, quod index decreti dicitur *Executio*, & Deus eo modo & ordine decrevisse ab æterno, quo exsequitur in tempore. Decretum, ita consideratum pro modo nostri conceptus, sequitur *Præscientia*, ut effectum suam causam: non indefinita illa, sive *simplicis intelligentia*, quæ essentialis Dei scientia est, & ad omnia scibilia, possibilia & impossibilia se extendit; sed *definita & intuitiva*, quæ est rerum futurarum certa & infallibilis notitia *Actor. 15. vers. 18. Iob. 28. v. 24. Hebr. 4. v. 13. Psal. 139. v. 2. & 12. 2. Tim. 2. v. 19.* Cum enim in Deum nullius rei cadat oblivio, quæ decreto præfinivit, certâ quoque præ-

Genus.

Forma.

Decretum habet rationem
1. Efficientis.

2. Exemplaris.

Effectum decreti Præscientia definita & intuitiva.

Præscientia
unde sit in
Deo.

Rerum futu-
rarum duplex
necessitas.

Decreta quo-
modo sint in
Deo.

Decreti di-
stinctiones
varia.

præscientiâ tenet. Hæc igitur non est in Deo à rebus futuris, sed à determinante futura decreto. Eorumque efficiens dici potest; non sola & per se, sed cum proposito voluntatis conjuncta: quam *Præscientiam* πρὸ γινώσκω Scholæ indignant. Cum verò universa Dei decreta immutabilia sint, teste Scripturâ Num. 23. v. 23. 1. Sam. 15. v. 29. Psal. 33. v. 11. Esa. 14. v. 24. 27. Malach. 3. v. 6. Hebr. 6. v. 17. utpote ab eo facta, qui sapientissimusest ac potentissimus: *Præscientia* autem immutabili decreto innixa, *infallibilis*: duplex inde rerum futurarum emergit *necessitas*, sed hypothetica utraque, altera *immutabilitatis*, quoad decretum, altera *infallibilitatis*, quoad Præscientiam. Quam quidem etiam tradit Scriptura Luc. 24. v. 26. 27. 44. 46. 1. Cor. 11. v. 19. & alibi. Sed utramque non nisi primi agentis respectu fortiuntur. In se autem, & agentium secundorum ratione, nihilominus contingentes & liberae manent. Cæterum difficilioris explicationis est, *quomodo* hæc decreta Deo insint. Etsi verò τὸ ὄν ex Scripturâ tenere, Eph. 1. v. 9. piis mentibus sufficiat; id tamen intelligimus, accidentia Dei dicenda non esse. *Sunt* enim ipsa *Dei essentia*: non simpliciter; sed cum ἡ ἐξουσία ad extrâ spectata, id est, essentia volens, decernens, sciens res extrâ se futuras, producendas per potentiam suam. *Sunt* ipsa *Dei voluntas*, quæ una ac eadem est, sive feratur in ipsum Deum naturaliter, sive in alia extrâ ipsum liberè. Duplex verò unius ejusdemque voluntatis modus, naturalis & arbitrius, qui in inferioribus distinctus est realiter; in Deo unitur formaliter & eminenter, multò magis quàm vis calefaciendi & vis exsiccandi in sole, tametsi ea sint distincta in igne. Proinde nec compositionem inferre potest: cui tùm demum locus esset, si τὸ naturale, & τὸ liberum distinctæ essent in Deo potentia. Illud insuper liquet, decreta rectè dici *Deo coæterna*. Sunt enim facta ante omne tempus; cujus initium ac successionem ignorat æternitas, originem & causationem rerum non negat. Ipsi etiam Deo cum insint immutabiliter, fieri aliter non potest, quin eidem coæterna sint.

Distinguitur Decretum in *Providentia*, & *Prædestinationis*. Quæ voces omni decreto significando idoneæ sunt: *posterior* quoad præfinitionem finis, *prior* quoad præscientiam ex præfinitione. Hic verò specialiter intelliguntur per Synecdochen, & species faciunt oppositas sub uno genere. Alii alias decreti divisiones tradunt:

dunt: in *præfinitionem Finis*, & *præordinationem mediorum*: in *affir-*
mans & *negans*: in *commune* & *proprium*: in *universale* & *particula-*
re: in *absolutum* & *conditionatum*. De quibus omnibus nihil di-
 cam, si id tantum monuero, nullum decretum ita esse conditio-
 natum, ut pendeat ab aliquâ conditione rerum futurarum ex-
 trâ Deum, eoque in ipso Deo indeterminatum sit: sic enim Deus
 non esset suprema causa omnium operum suorum: sic vel nova
 quotidie decreta conderet, vel conditio temporaria æterni in ipso
 decreti causa esset. Interim potest aliquod decretum conditio-
 natum dici oppositè ad id, quod absolutum est ab omnibus mediis,
 quod nulla sibi media habet subordinata. Verùm cum non minus
 ab æterno media præordinata, quàm finis præfinitus sit divinitus,
 hoc respectu quidem à posteriori, propter subordinationem medi-
 orum conditionatum dici potest, à priori tamen, hoc est, ab æternâ
 Dei præordinatione, unamque in partem determinatione, absolu-
 tum manet. Distinctio Voluntatis Dei in *signi* & *beneplaciti*, altero
 tantum membro ad decretum Dei, primo ad eorundem exse-
 cutionem pertinet. Est enim *voluntas signi* nihil aliud, quàm Dei
 præceptum vel interdictum; quo tanquàm signo declarat, quid
 facere nos, quid item non facere; sed omittere velit. *Voluntas*
 autem *beneplaciti*, est ipsius ex *iusdictione* decretum, quo statuit quid
 ipse aut facere velit, aut permittere: quò ita tandem eveniat,
 quod ipsi placitum est. Hoc verò consilium suum de rerum even-
 tibus, quia sibi ferè ut arcanum retinuit, nobis autem non reve-
 lavit, hinc voluntas beneplaciti etiam *arcana* voluntas dici so-
 let. Utraque expressè docetur in Scripturâ *Deut.* 29. v. 29. *Iob.* 28.
 v. 23. & *seqq. ad finem*. Proinde nulla inter eas fingenda est con-
 trarietas, aut pugnantia *2. Cor.* 2. v. 20. Nec etiam potest, cum
 non sint sibi verè oppositæ. Nam voluntate signi ostendit quid
 nos velit facere: voluntate beneplaciti statuit, quid ipse velit
 facere. Illâ partem consilii sui revelat; hâc partem occultat. Ex
 quo sequitur; utut multa fiant contrâ voluntatem signi, nihil
 tamen fieri, aut posse fieri contrâ voluntatem beneplaciti, quia
 Deus à nullo potest impediri. *Esa.* 14. v. 24. 26. 27. Quæ hæc-
 tenus recensuimus decreta, etsi varia sunt, ac diversa in mente
 nostrâ, qui uno conceptu comprehendere nequimus universa:
 non tamen ita se habent in Deo, id est, non sunt multi actus vo-
 luntatis Divinæ, quorum uno decrevit creare, altero conserva-

Decretum
quatenus di-
ci possit con-
ditionatum.

Voluntas si-
gni.

Voluntas be-
neplaciti.

Sibi non con-
trariantur.

Decreta in
Deo non mul-
ti, sed unus
voluntatis ac-
tus.

re & gubernare, tertio redimere ; sed sunt unus , simplex , ac indivisus actus, quem pro objectorum multitudine multiplicat intellectus noster finitus & compositus : prout quæ unita aut unum sunt in superioribus , dividuntur & multiplicantur in inferioribus.

Decretum
Providen-
tiæ.

Decretum Providentiæ est, rerum omnium creatione, con-
servatione & gubernatione. *Providentiæ* Græcis dicitur *πρόνοια*
sive *προνομις*, *Actor.* 2. v. 23. mentisque futura providentis a-
ctum propriè notat. Per Synecdochen membri, etiam curam
prospiciendi, atque ita voluntatis quendam actum significat,
Act. 24. v. 3. sicque huic decreto peculiariter aptatur. Philosophi,

Fatum quid

horumque imitatione nonnulli Christiani , *Fatum* appellarunt:
quæ vox, etsi toleretur, rejectis Stoicorum, Chaldæorum, alio-
rumque erroribus, non tamen æquipollet alteri, sed eâ angu-
stior est: ut quæ causarum tantum secundarum seriem, non etiam
Dei immediatè ex decreto agentis actionem complectitur.

Objectum.

Describitur decretum Providentiæ à proprio *objecto*, hoc est, à
rerum futurarum creatione, conservatione & gubernatione: ut
sit rerum creandarum, conservandarum, & gubernandarum
in Deo præfinitio : *argumento locorum* *Esa.* 42. v. 5. 6. *cap.* 45. v.
12. *Ioh.* 1. v. 2. 3. 4. *Apoc.* 4. v. 11. Ideoque non tantum respicit
bona, cujusmodi est quicquid creavit Deus, *Genes.* 1. v. 31. sed
etiam mala, sive peccata, quæ creaturarum intelligentium culpâ
exstiterunt. *Vide Actor.* 2. v. 23. *cap.* 4. v. 28. *Luc.* 22. v. 22. 1. *Pet.*
3. v. 17. *cap.* 4. v. 19. & *alia loca*. Non tamen ad utraque eodem
modo se habet. Nam ratione *bonorum* est decretum efficiens, o-
perans: quia Deus ut efficit, sic decrevit efficere operari, agere
omne bonum, sine quo est nullum bonum *Iacob.* 1. v. 17. Ra-
tione *malorum* verò est decretum non efficiens, sed permittens:
Quia Deus, ut non efficit mala, *Psal.* 5. v. 5. sed permittit, *Actor.*

Peccata quo-
modo decre-
to subsint.

14. v. 16. sic etiam non efficere, sed permittere decrevit. Quia
tamen temporaria peccati permissio, non est otiosa, & à pecca-
ti gubernatione, hoc est, determinatione & directione vacua ;
uti suo loco ostendetur : Nec decretum permittens otiosum fin-
gendum est, sed cum altero decreto, quod est de gubernando
peccato permissio, conjungendum *Actor.* 2. v. 23. *cap.* 4. v. 28.
Luc. 22. v. 22. Atque hoc sensu decretum Dei, etiam respectu
peccati nonnunquam dicitur *ἐνεργητικὸς*, *efficax*, *potens*; decre-
tum

tum etiam permittens, operans, non ἀπλῶς simpliciter, ratione regiminis & electionis, sed κατὰ τὴν, aliquatenus, ratione regiminis solum.

Decretum Prædestinationis est de creaturarum rationalium statu æterno. *Prædestinatio*, Græcè προορισμός, est à prædestinare προορίζω; quod est, de rebus antequam fiant, aliquid præfinire, easque ad certum finem dirigere. Hanc vocem *Patres* jam pro Providentia, jam pro parte illâ Providentiæ, quæ creaturas intelligentes concernit, accipiunt. Ex usu *Scripturæ* communissimè sumitur pro Electione, quam *Prædestinationem Sanctorum* vocant *Rom.* 8. v. 29. 30. *Ephes.* 1. v. 5. & 11. *Scholarum* vero usu receptum est, ut præter Electionem etiam Reprobationem complectatur, atque ita utrumque Dei consilium exprimat: prout à nobis quoque generatim definitur. Illud autem *Scripturæ* non repugnat, quæ ipsa hanc vocem de malis quoque expressè usurpat *Actor.* 4. v. 28. Multo minus huic acceptioni adversatur, quod prædestinatio est destinatio ad finem; qualem esse negant quidam exitium reproborum, utpote malum. Etsi enim malum quid est respectu reproborum, qui damnantur: non tamen malum est, respectu Dei reprobantis, qui illorum exitium, ceu finem optimum, justitiæ nimirum suæ potentiæque declarationem intendit, *Proverb.* 16. v. 4. *Rom.* 9. v. 17. 21. 22. *Definitio* Prædestinationis in genere partim ex *objecto* ejus, partim ex *fine* petitur: quâ duplici differentia à providentia distinguitur. *Objectum* ejus non sunt creatura universæ, sed intelligentes tantum, quæ ut virtutis & vitii, sic salutis & exitii, capaces sunt. Unde has, non etiam inanimatas aut brutas, prædestinatas dicimus. *Per accidens* tamen istæ quoque ordinem prædestinationis quandoque ingrediuntur: quatenus vel Electis recreandis juvandisque deserviunt, vel reprobis puniendis adhibentur. Sicut enim omnia illis ad salutem, *Rom.* 6. v. 28. ita his ad exitium cooperari necessum est *Tit.* 1. v. 15. *Finis* est, status illarum non naturalis, sed *supernaturalis*, non temporalis, sed æternus: ad quem prædestinatio creaturas intelligentes per varia media dirigit ac deducit. Is vero non omnibus communis, sed cuique prædestinatorum ordini singularis est; beatus vel miser, salutis vel exitii, gloriæ vel ignominix. *Esa.* 65. v. 13. 14. & seqq. *Matth.* 25. v. 34. 41. *Rom.* 9. vers. 21. 22. 23. 2. *Tim.* 2. v. 20. Hinc est, quod Prædestinatio singu-

Decretum
Prædestinationis.

Definitum.

Etiam Re
probationem
complectitur

Definitio.

Objectum,
creaturæ in-
telligentes
tantum.

Per accidens
etiam alia.

Finis, status
earum æter-
nus.

lariter & variè illustrare dicitur gloriam prædestinantis. *Singulariter* quidem, quatenus distinctius eam perfectiusque quam Providentia declarat. *Variè* autem, quatenus ab hac potissimum ἡ σωτηρία τοῦ Θεοῦ resplendet Eph. 3. v. 10.

Prædestinati-
onis divisio.

Porro cum creaturæ rationales sive intelligentes, aut *Angeli* sint, aut *Homines*, inde *aliam* Prædestinationem Angelorum, *aliam* Hominum facimus. De priore perpauca tradit Scriptura.

Prædestina-
tio Angelo-
rum.

Illa tamen hâc definitione breviter enuntiamus: *Prædestinatio Angelorum est, quâ Deus alios præservare à lapsu & in bono ad salutem confirmare; alios contra non præservare, sed lapsui permisos in eo-que relictos citrà spem veniæ damnare decrevit.* Angelorum Prædestinationem docet Scriptura, dum alios electos esse testatur, 1. *Tim.* 5. v. 21. & ad vitam æternam, non minus quàm electos homines, à jacto mundi fundamento destinatos, argumento loci *Matth.* 25. v. 34. collati cum v. 41. & cap. 22. v. 30. Inde verò ex naturâ relationis cæterorum sequitur reprobatio: quam itidem tradit Scriptura *Matth.* 25. v. 41. collato cum v. 34. *Iud.* v. 6. 2. *Petr.* 2. v. 4.

Electio eo-
rundem.

Ioh. 8. v. 44. *Electio* ipsorum duobus constat actibus, *præservatione à lapsu, & confirmatione in bono ad salutem*: quorum uterque ex eventu, decreti indice, certissimus est. Cum enim alii non peccarint, 2. *Petr.* 2. vers. 4. sed originem suam, id est, originariam ex creatione conditionem servarint, *Iud.* v. 6. inque illâ jam confirmati sint: *argumento locorum Matth.* 18. v. 10. cap. 6. v. 10. & *Psal.* 103. v. 20. 21. *Iob.* 1. v. 6. collato cum *Rom.* 8. v. 17. & 11. v. 29. id ex Electionis decreto esse, eoque prædefinitum fuisse oportet. Ut enim *Electio* hominum fons est omnium *Spiritualium* beneficiorum, quæ in ipsos jam actu existentes, conferuntur: *Rom.* 8. v. 28. 29. 30. *Ephes.* 1. v. 3. & *seqq.* eundem etiam in modum, quo ad angelos Electos 1. *Tim.* 5. v. 21. se res habet. Naturæ certè tribui hi effectus nequeunt, quæ omnibus ex creatione fuit communis: Nec viribus naturalibus finem supernaturalem assequi datur. An verò etiam in Christo *Electi* dicen-

An in Christo
facti.

di sint, ambigitur. Certum est, in Christo, ut redemptore, mediatore, electos non esse. Sunt enim *Sancti Angeli*, peccati omnis expertes, *Matth.* 25. v. 31. etsi Sanctitate Deo æquales non sint *Iob.* 4. v. 10. Proinde nec Redemptoris indigni. Et Christus non Angelus Angelorum, sed Homo Hominum Mediator appellatur 1. *Tim.* 2. v. 5. Nihil tamen vetat, quò minus alio modo *electi*

Et in Christo dicantur, quatenus ipse perennis omnis gratiæ fons est, *Iohann.* 1. vers. 14. 16. absque quo nihil possumus: *Iohann.* 15. vers. 5. quatenus medium est quo creatura infinitum distans à creatore, cum ipso coniungitur: *Ephes.* 1. vers. 10. quatenus item caput est totius Ecclesiæ, *Ephes.* 1. vers. 22. *Coloss.* 1. v. 18. ex Angelico non minus *Hebr.* 12. v. 22. 23. quàm humano genere coadunata. Quem in sensum etiam capiuntur à multis loca *Ephes.* 1. v. 10. & *Coloss.* 1. v. 20. quibus affirmatur, Deum summam recollegisse in Christo, sibi per ipsum reconciliasse omnia, tum quæ in cælis, tum quæ in terrâ: ut ita, sicut Angeli per Christum conditi sunt, *Coloss.* 1. v. 16. sic etiam per ipsum servatos confirmatosque esse rectè statuamus. Jam cæterorum quoque angelorum reprobatio actibus duobus continetur; *negatione confirmationis*, eoque lapsus permissione; & *Reprobatio Angelorum.* deinde *lapporum damnatione*. Quod ipsum similiter ex eventu, de quo loca sunt *Iud.* v. 6. 2. *Petr.* 2. v. 4. *Ioh.* 8. v. 44. nec non ex verbis Christi, de igne æterno, diabolo ejusque angelis parato, *Matth.* 25. v. 41. idque à jacto mundi fundamento *ex v. 34. antithesi*, colligitur. Huic exitio destinatos dicimus, citrà spem gratiæ. Illa siquidem in solo Christo proposita est, *Act.* 4. v. 12. qui non angelos sed semen Abraham assumpsit, *Hebr.* 2. v. 16. inque ejus nomine solis hominibus offertur *Luc.* 2. vers. 10. 11. 14. 2. *Cor.* 5. v. 18. 20. Unde factum, ut relicta per spontaneam defectionem origine, etiam domicilium relinquere coacti sint *Iud.* v. 6. 2. *Petr.* 2. v. 4. De causâ tum Electionis, tum Reprobationis Angelorum, nihil speciatim scriptum reperitur. Ex his tamen Scripturæ enuntiatis *Eph.* 1. v. 11. *Omnia agit ex consilio voluntatis suæ*; *Dan.* 4. v. 35. *facit pro voluntate suâ in exercitu cæli, & habitatoribus terræ*; aliisque, indubiè pronunciamus, supremam decreti utriusque causam esse *εὐδοκίαν*, beneplacitum Dei: etsi negari non possit, respectu secundi actus in decreto reprobationis, peccati quoque rationem intervenire: dicente Petro, *Deum angelis non pepercisse sed in damnationem tradidisse, qui peccarunt*, hoc est, quia peccarunt 2. *Epist.* 2. v. 4.

Prædestinatio Hominum est, quâ Deus apud se decrevit, quid de Hominibus lapsis, quoad æternam ipsorum salutem; vel exitium, fieri vellet. *Prædestinatio Hominum.* De hac Prædestinationis specie, ut plenius & ex professo infinitis locis agit Testamenti utriusque Scriptura, ita ea fusius nobis edisserenda

Definitum,

Synonyma.

Genus.

Efficiens,
Deus.*αἰγιόχοιο*
ἐυδοκία ejus.

renda venit. *Definitum*, hoc est, vocem *Prædestinationis*, definitioni ex receptâ Scholarum consuetudine adæquatum esse ante monuimus. Scriptura verò tam generali sensu quoque usurpat vocabula *αἰγιόχοιο*, *προγνώσις*, & *ἐυδοκίας*. Etsi enim priora duo *Rom.* 8. vers. 28. 29. posterius autem *Ephes.* 1. vers. 5. per Synecdochen generis de solâ Electione; alibi tamen de genere tùm hujus, tùm etiam Reprobationis intelliguntur: *αἰγιόχοιο* *Rom.* 9. v. 11. ut omnes loci illius circumstantiæ evincunt: *ἐυδοκία* *Matth.* 11. v. 26. & *προγνώσις* *Actor.* 2. v. 23. Solet quidem inter hæc aliquid fingi discriminis: at illud magis ex conceptu nostro, quàm ex naturâ rei aut Scripturâ oritur. *Genus proximum* est *Prædestinatio*: *remotius* decretum Dei. *Efficiens Deus*, qui prædestinavit, *Rom.* 8. v. 29. qui decretum fecit *cap.* 9. v. 11. Ejus quippe est de omnibus creaturis suis, maximè rationalibus, constituere, singulasque ad fines suos dirigere ac deducere. *Rom.* 9. v. 22. 23. *Act.* 1. v. 25. *Proverb.* 16. v. 4. *Causa movens*, *αἰγιόχοιο*, est *ἐυδοκία* five *beneplacitum* Prædestinantis, *Matth.* 11. v. 25. 26. *Ephes.* 1. v. 9. *ἐυδοκία* voluntatis ejus, *Ephes.* 1. v. 5. liberrima ejus voluntas, *Rom.* 9. v. 18. *Matth.* 20. v. 15. consilium voluntatis ejus, *Eph.* 1. v. 11. à nullâ causâ superiore aut externâ dependens. *Rom.* 9. v. 11. 16. *Matth.* 20. vers. 15. *Iac.* 1. v. 17. 18. Quibus phrasium Synonymiis decreti hujus natura, quoad efficientem, graphicè nobis depingitur. Si enim Dei voluntas est, *liberrimum* esse necessum est: *Rom.* 9. v. 18. & *seqq.* *Matth.* 20. v. 15. si consilium voluntatis *sapientissimum* quoque, ac minimè *ἄλογοι*; etsi ratio ejus nobis non constet, aut constare possit: *Rom.* 11. v. 33. 34. si denique *beneplacitum* ejus, *beneplacitum* voluntatis ejus, *justissimum* insuper atque *optimum*, ex quo summam ipse voluptatem capiat: *argumenti locorum* *Esa.* 42. v. 1. *Matth.* 12. v. 18. utpote qui nullâ prorsus injustitiâ, *Psal.* 5. v. 5. 6. 7. omni autem justitiâ *Psal.* 45. v. 8. ac bonitate, *Psal.* 51. vers. 20. delectatur. Ideoque ex hac Dei *ἐυδοκία* non minus justitia ejus in reprobando, quàm benevolentia, misericordia in eligendo colligitur *Matth.* 11. v. 25. 26. Apostolus certè, quò operosius eam Deo vindicat, hoc laboriosius omnem ab ipso injustitiam removet *Rom.* 9. v. 14. & *seqq.* Suprà hanc aliam Prædestinationis causam aut dari posse, aut querere fas esse, negamus. Ratione *Finis* quidem causa Prædestinationis in genere rectè dicitur, patefactio misericordiæ & justitiae

justitiæ Dei ad illustrationem gloriæ ipsius : qui finis, quatenus Efficientem movet, ordinem quoque ejus ingreditur. At quia externa hæc patefactio est, non excluditur ab *indignitate*, sed ei includitur : docente Apostolo, nos electos, prædestinatos, adoptatos pro beneplacito voluntatis ad laudem gloriosæ gratiæ ipsius Eph.

1. v. 4. 5. 6. *Materia* sive *objectum* Prædestinationis sunt *Homines*, *considerati* in mente Prædestinantis, cui omnia præsentia, non modo ut conditi, sed etiam *ut lapsi*, & per lapsum *in peccatis mortui*. Etenim elegit nos Deus *e Mundo*, hoc est, ex communi corruptione, *Ioh. 15. v. 19.* idque *pro misericordiâ suâ*, *Rom. 9. v. 15. 16. 18. 23.* quæ corruptorum miseriam præsupponit : prædestinavit homines *ad declarationem misericordiæ juxta & justitiâ*, *Rom. 9. v. 22. 23.* Ephes. 1. v. 6. 12. qualis esse nequit absque peccato : *Electos* verò peculiariter prædestinavit, *ut sunt sancti & inculpati in conspectu suo* Ephes. 1. v. 4. In executione quoque Prædestinationis lapsorum alios recipi, alios relinqui videmus. *Media* denique Electionis, vocatio efficax, Justificatio & Sanctificatio : contrariaque Reprobationis, ceu gratiæ efficacis privatio, reatus continuatio, justaque excecatio & induratio, lapsus & peccati conditionem præexigunt. *Forma* est *destinatio Hominum ad statum æternum*.

Materia, Homines considerati ut lapsi

Non enim ad mortalem aliquam, ut cætera animantia, sed ad immortalem conditionem ordinati sunt : nec ad hanc modo, sed etiam ad media illa, per quæ ad eam pervenitur. Ut Prædestinatio destinatio sit non modo ad *finem*, verum etiam ad *media*. De *sine* loquitur Apostolus 1. Thess. 5. v. 9. *Non constituit nos Deus ad iram, sed ad salutem obtinendam.* De *mediis* ipse Servator, Matth. 11. v. 25. 26. *Occultas mysteria sapientibus, detegis infantibus.* cap. 13. v. 11. *Vobis datum est, nosse mysteria, illis non est datum.* Est verò destinatio hæc tùm universorum communiter, tùm singulorum particulariter : adeoque non modo speciem, homines; sed etiam individua complectitur. Quod ipsum singularia Prædestinatorum exempla sufficienter demonstrant : Christi, Esâ.

Forma destinatio ad statum æternum

42. vers. 1. 1. Petr. 1. v. 20. Jacobi & Esavi, Genes. 25. v. 23. Mal. 1. v. 2. 3. Rom. 9. v. 10. 11. 12. Mosis, Exod. 32. v. 32. 33. Judæ, Act. 1. v. 25. Pauli, Act. 9. v. 15. Gal. 1. v. 15. & aliorum. Proinde hæc Prædestinationis particularitas sive singularitas, non ab ipsorum individuatorum determinatione, (*Quis enim te ab aliis discrevit*, inquit Apostolus 1. Corinth. 4. v. 7.) sed à solâ Dei desti-

Singulorum hominum.

natione

Finis supremus,

natione proficiscitur. *Finis* Prædestinationis in genere est declaratio gloriæ Dei, per patefactionem misericordiæ & justitiæ. *Rom.* 9. v. 22. 23. *cap.* 11. v. 36. *Ephes.* 1. v. 6. 12. *Proverb.* 16. v. 4. Qui quidem *supremus* ejus finis est. *Subordinatus* autem status hominum æternus, sive beatus, sive damnatus, *Matt.* 25. v. 34. 41. utpote ex quo misericordiæ justitiæque Divinæ gloria patefcit. *Rom.* 9. v. 22. 23. *Prov.* 16. v. 4.

Subordinatus.

Prædestinationis Hom. divisio.

Omnes vel Electi vel Re-probi.

1.

2.

3.

4.

Hæc Hominum Prædestinatio in *Electionem & Reprobationem* distinguitur: quas alii species ejus, alii partes vocant. Est autem divisio illa diviso suo adæquata. Nam quotquot omnino Prædestinati, aut Electi aut Reprobati sunt: nec præter duos hosce ordines tertius aliquis neutrorum, sive mediorum datur. Patet id I. quia docetur, esse vasa misericordiæ & iræ, ad decus & ad dedecus *Rom.* 9. v. 22. 23. 2. *Tim.* 2. vers. 19. 20. Sic esse pios & impios, credentes & incredulos, benedictos & maledictos *Psal.* 1. *Marc.* 16. v. 16. *Matth.* 25. v. 34. 41. Medios inter hos esse non docetur. II. Quia docetur, alios in amore, alios in odio Dei esse, *Rom.* 9. v. 13. *Ioh.* 3. v. 16. ipsum quorundam misereri, quorundam non misereri, *Rom.* 9. v. 18. illis benedicere, istis maledicere *Matth.* 25. v. 34. 41. III. Quia duplex tantum via est, Electorum angusta, Reprobatorum lata *Matth.* 7. v. 13. 14. IV. Quia etiam duplex tantum post hanc vitam status, ad quem ducit Prædestinatio, describitur; salutis nimirum & exitii *Matth.* 29. v. 34. 41. 46.

Electio.

ejus.
Homonymia.

Electio est, quæ decrevit Deus, quorundam misereri ex gratiâ, eosque à peccatis per Filium liberatos salvos facere. Electio, εκλογη, non hîc objectum Electionis, id est, ipsos Electos, Rom. 11. v. 7. sed *Dei eligentis actionem* notat. Quæ actio pro finium diversitate diversa est. Ideoque Electio jam *vocationem ad ministerium* aliquod, sive *Ecclesiasticum* *Luc.* 6. v. 13. *Ioh.* 6. v. 70. sive *Politicum*, 1. *Sam.* 1. vers. 24. jam *Vocationem generalem ad participationem fœderis*, *Deuteronom.* 4. vers. 37. *cap.* 7. vers. 6. 7. 8. jam denique *segregationem ac destinationem ad salutem* *Eph.* 1. v. 4. 2. *Thess.* 2. v. 13. significat. Quæ postrema significatio iterum variat. Etsi enim vox Electionis propriè refertur *ad homines jam conditos, peccatoque corruptos*: uti videre est *Ioh.* 15. v. 19. 1. *Petr.* 1. v. 1. 2. Metonymicè tamen *aternum eligendi decretum* designat *Eph.* 1. v. 4. Atque ita hujus loci est: Diciturque *Θεου εκλογη, Rom.* 8. vers. 28. *περὶ υἱου*

Synonyma.

ἡμεῖς v. 29. 1. Petr. 1. v. 2. *ἁδοκία*, Ephes. 1. v. 5. *ἡθελοῦς καὶ ἐκλογῇ* Rom. 9. v. 11. Aliquando etiam *liber vita*: de quo loca sunt: Exod. 32. v. 32. Dan. 12. v. 1. Luc. 10. v. 20. Phil. 4. v. 3. Apoc. 3. v. 5. cap. 20. v. 12. & 21. v. 27. *Efficiens Electionis Deus* ^{Efficiens, Deus.} est. Is enim elegit nos in Christo, Ephes. 1. v. 4. elegit ad salutem, 2. Thessal. 2. v. 13. ut Electi non immeritò *Electi Dei* appellentur Rom. 8. v. 33. Nec modo Deus Pater, Eph. 1. v. 4. sed etiam Deus Filius Ioh. 13. v. 18. cap. 15. v. 16. 19. itemque Deus Spiritus Sanctus, argumento locorum Ioh. 3. v. 5. 1. Corinth. 12. v. 3. Ephes. 4. v. 4. ^{Duplici actu.} Eligendo autem *primò* proposuit misereri quorundam ad salutem Rom. 9. v. 16. 18. hoc est, ex misericordiâ suâ eos servare è corruptione peccati, Tit. 3. v. 5. & 3. Deinde autem proposuit hanc ad salutem per certa media eos deducere Ephes. 1. v. 4. 2. Thessal. 2. v. 13. Rom. 6. v. 28. 29. 30. Qui actus ita distinguuntur ad conceptus humani modum. In Deo alioquin non nisi unicus ac simplex actus est. *Causa προνοίας* quæ efficientem Deum ad ^{ἡεὐεμερίαν} ^{beneficentiam} quosdam eligendos movit, non est conditio aut qualitas externa ^{beneficentiam Dei.} in eligendis prævisa. Rom. 9. v. 11. 16. sed merum ejus *beneficentiam*: ita testante de eâ Scripturâ Ephes. 1. v. 4. 5. 11. Rom. 9. v. 16. 18. Luc. 12. v. 32. Unde ipsa Electio *gratuita* appellatur Rom. 11. v. 5. 6. idque secundum utrumque suum actum. Quoad *primum* quia electio est misereantis Dei, Rom. 9. v. 16. miseretur autem cujus vult, v. 18. Quoad *secundum*: quia gratiâ servati sumus per Fidem, Dei donum: & ipsa bona opera præparavit Deus, ut in eis ambulemus, Ephes. 2. v. 8. 9. 10. item quia media salutis pro *ἡεὐεμερίαν* suâ largitur Matth. 11. v. 25. 26. cap. 13. v. 11. Proinde in Electionis negotio, respectu utriusque actus *ἡαὐτοκρατορία*. *absoluta, liberrimaque potestatis Dominus*, meritissimè vocatur. *Quis enim prior dedit ei, ut reddatur ei?* Rom. 11. v. 35. aut, *annon licet ei, quod vult, facere in rebus suis?* Matth. 20. v. 15. Interim quia in actu *secundo*, hoc est, in mediis salutis, Dei promissio, & fidei operumque bonorum ex eâ gratiosa compensatio, etiam censendæ veniunt: inde fit, quod Deus hujus actus ratione non tantum pro *ἡαὐτοκρατορία* potestate, sed etiam pro justitiâ suâ agere, ad eoque justii judicis personam sustinere docetur 2. Timoth. 4. v. 8. 2. Thess. 1. v. 5. 6. 7. Hebr. 6. v. 10. *materia circa quam, sive Objectum Electionis*, non sunt universi & singuli homines: (Nam e- ^{Materia non omnes sed aliqui.} ligere non est omnes capere, sed aliquot ex omnibus legere: ^{Deut.}

Deut. 7. v. 6. *Ioh.* 15. v. 19. unum accipere, alterum relinquere
Matt. 24. v. 40. 41. sed ii tantum quorum voluit Deus misereri
Rom. 9. v. 18. quos præscivit, prædestinavit: *cap.* 8. v. 29. Ho-
 rum autem definitus est apud ipsum numerus. Novit quippe eos, qui
 sunt sui, *2. Tim.* 2. v. 19. novit oves suas, *Ioh.* 10. v. 27. scit quos elegerit
Iohan. 13. v. 18. lique in se spectati multi sunt, *Matth.* 8. v. 11. *Rom.*
 5. v. 19. *Apoc.* 7. v. 9. cum reprobis autem comparati non nisi
 pauci. Unde Christus paucos Electos dicit, *Matth.* 20. v. 16. pau-
 cos vivam angustam salutis ingredi docet, *Matth.* 7. v. 14. gregem
 quoque Electorum parvum gregem vocat, *Luc.* 12. v. 32. Forma
 Electionis est illa certorum segregatio à numero reliquorum, *Ioh.*
 15. v. 19. *cap.* 17. v. 2. & tum ad salutem, tum ad media salutis
 destinatio in mente Dei: ut ab eâ prædestinatio sit non minus ad
 gratiam, quam ad gloriam. De destinatione ad salutem clara sunt
 hæc verba Apostoli 1. *Theß.* 5. v. 9. Constituit nos Deus ad salutem
 obtinendam. De destinatione ad media illa *Rom.* 8. v. 29. 30. Quos
 prædestinavit, hos vocavit, justificavit, glorificavit. De utrâque ista 2.
Theß. 2. v. 13. 14. Elegit vos Deus ab initio ad salutem, per Sanctifica-
 tionem Spiritus & fidem habitam veritati: Quò vocavit vos per Euân-
 gelium nostrum, ad acquirendam gloriam Domini nostri Iesu Christi. De-
 stinatio tamen ad salutem, ea, quæ est ad media, ordine prior est,
 uti ex loco jam allegato 2. *Theß.* 2. v. 13. & altero *Act.* 13. v. 48.
 nec non ex ipsâ ratione liquet quia media ut media non appetun-
 tur, nisi propter finem. Primo igitur in eligendo finem illum ap-
 pud se præstituit Deus; post media subordinavit ac præparavit:
 Atque hæc est gratia data nobis ante tempora secularia, id est,
 præparata 2. *Tim.* 1. v. 9. Nam ab æterno gratiam salutis & me-
 diorum ad salutem præparavit, quam in tempore applicat: Ut
 ita totum Electionis negotium tribus hisce absolvatur; constitutione
 Finis, præparatione mediorum, eorundemque applicatione. Primum verò
 summumque mediorum omnium ad salutem præparatorum est
 Christus; non ut Deus absolutè: sic enim ipse quoque elegit, *Ioh.*
 15. v. 16. 19. nec ut purus homo; nam talis tanti muneris tan-
 tæque dignitatis capax non est: sed ut Mediator *ὁ ἀνδρῶν*; in
 quo elegit nos Deus ante jactum mundi fundamentum, *Ephes.* 1. v. 4. in
 quo data nobis gratia est tempora secularia 2. *Tim.* 1. v. 9. Id au-
 tem nihil aliud est, quàm quod Deus nos dedit Christo, ut per i-
 psum redempti ad salutem adduceremur: ex ipsiusmet Christi in-
 terpre-

Definito nu-
 mero.

Forma segre-
 gatio. & de-
 stinatio ad sa-
 lutem.

Christus quo-
 modo ingre-
 diatur decre-
 tum Electio-
 nis.

interpretatione *Ioh.* 10. v. 28. & 27. cap. 17. v. 2. 24. Sumus igitur Electi in Christo, ut Mediatore Dei & Hominum, 1. *Tim.* 2. v. 5. ut servatore à peccatis, *Matt.* 1. v. 21. ut capite, *Ephes.* 1. v. 22. cuius satisfactione interveniente fieret reconciliatio inter Deum & Homines, eorumque inter se unio *Ephes.* 1. v. 10. *Coloss.* 1. v. 20. *Ioh.* 17. v. 21. Sed & ipse quoque, ut Mediator, electus fuit. Dicitur siquidem *servus ille quem Deus elegit*, *Esa.* 42. v. 1. *Matth.* 12. v. 18. *præcognitus à Deo, ante jacta mundi fundamenta* 1. *Petr.* 1. v. 20. Præter primum hoc medium *alia media* electione præordinata, Media Electi sunt; vocatio efficax, justificatio, & glorificatio inchoata, *Rom.* 8. v. 29. 30. sive Sanctificatio Spiritus, Fides habita veritati, & vocatio per Euangelium, prout 2. *Thess.* 2. v. 13. 14. recensentur. Quæ totidem Christi Mediatoris sunt beneficia: ut ex ipsius plenitudine verè accipiant Electi gratiam pro gratiâ *Iohann.* 1. v. 16. *Finis Summus.* *Finis* Electiones duplex est: Summus & Subalternus. *Summus* est Dei eligentis gloria, *Rom.* 11. v. 35. 36. 1. *Petr.* 2. vers. 9. & quidem gloria misericordiæ ejus in salute Electorum, *Rom.* 9. v. 23. *Ephes.* 1. v. 5. 6. gloria Justitiæ in morte Filii demonstratæ, *Rom.* 3. v. 25. gloria item liberrimæ potestatis *Rom.* 6. v. 15. 18. *Matt.* 20. v. 15. *Subalternus* est partim ipsorum Electorum Sanctificatio, *Ephes.* 1. v. 4. cap. 2. v. 10. *Ioh.* 15. v. 16. partim æterna eorundem glorificatio 1. *Thessal.* 5. v. 9. 2. *Thessal.* 2. v. 13. 14. *Matth.* 25. v. 34. *Effecta* Electionis sunt: Christus incarnatus, crucifixus, mortuus, resuscitatus, & ad dexteram Patris exaltatus *Gal.* 4. v. 4. 1. *Petr.* 1. v. 20. *Luc.* 24. v. 26. *Philip.* 2. v. 6. & seqq. Vocatio secundum propositum, *Rom.* 8. v. 28. cap. 9. v. 23. 24. quæ vulgo efficax, in Scripturâ *quædam* *Ephes.* 1. v. 5. & regeneratio 1. *Petr.* 1. v. 23. appellatur. Justificatio, *Rom.* 8. v. 30. sive Remissio peccatorum cap. 4. v. 7. Sanctificatio, quæ Justificationem sequitur, *Rom.* 6. & 7. capp. diciturque Glorificatio inchoata *Rom.* 8. v. 30. 2. *Cor.* 3. v. 18. Quæ omnia ut Effecta Electionis, sic *causæ* sunt ipsius salutis: & antecedens quodque causâ sui consequentis. Ipsa verò salus Electorum, quæ est glorificatio consummata, *Rom.* 8. v. 30. effectum commune *tum* Electionis, ut causæ Primæ, *tum* intermediarum, ut causarum secundarum habetur. Ex intermediis illis pendet *certitudo Electorum de sui Electione*. Cum enim à *certitudo Electorum de sui electione* priori haberi nequeat, quod nemo cognovit mentem Domini, *Rom.* 11. v. 34. nec Vitæ librum sigillo clausum inspexit; 2. *Tim.* 2. v. 19.

- v. 19. à posteriori, hoc est ab effectis, omnino eruenda est. Fit illud vivâ triplici, per *Euangelium*, *Spiritus Sancti testimonium*, *seriumque operum bonorum studium*. *Euangelii* quippe vox est, omnes credentes esse electos: cum non omnium quidem hominum, 2. *Thess.* 3. v. 2. attamen omnium Electorum sit fides, *Tit.* 1. v. 1. *Actor.* 13. v. 48. de quâ ipsis certò constat. 2. *Cor.* 13. v. 5. 2. *Timoth.* 1. v. 12. *Spiritus Sanctus*, qui scrutatur profunditates Dei, revelat nobis, quæ Deus nobis gratificatus sit 1. *Cor.* 2. v. 10. 11. 12. testatur Spiritui nostro, nos esse Filios Dei *Rom.* 8. v. 16. *Studium* denique *operum bonorum* illud est, quo vocationem & electionem nostram firmum efficimus 2. *Petr.* 1. v. 10. De *subjecto* Electionis suprâ diximus. *Adjuncta* ejus sunt: *æternitas*, *immutabilitas*, *summaque libertas*. *Æternam* esse, hoc est, ab æterno factam, constat, quia electi sumus in Christo ante jactum mundi fundamentum, *Ephes.* 1. v. 4. gratia data nobis in eodem ante tempora secularia 2. *Tim.* 1. v. 9. *Immutabilem* etiam, quia solidum stat ejus fundamentum, 2. *Tim.* 2. v. 19. quia dona Dei ἀμεταμέλητα *Rom.* 11. v. 26. Unde Electos seduci in exitium, *Matth.* 24. v. 24. aut è Christo Patrisve manibus rapi, ἀδύνατος pronuntiatur *Iohan.* 10. v. 21. 29. *Liberrimam* denique, quia Deus nemini quicquam debet, *Rom.* 11. v. 35. de suo quod lubet facit, *Matth.* 20. v. 15. indeque miseretur cujus vult, facit vas ad decus quem vult *Rom.* 9. v. 16. 18. 23.
- Reprobatio*. *Reprobatio* est, quâ decrevit Deus quorundam non miseri, sed in peccatis relictos propter ea æternum damnare. *Reprobatio*, *rejectionis*, *repudiationis*, *præteritio*, *decretum* seu *prædestinatio* ad mortem pro Synonymis usurpantur. In Scripturâ Metonymicè odium appellatur, *Rom.* 9. vers. 13. itemque ἀποδομις & οὐκ subintellige ἡγὰρ ἀπὸ δόξης, v. 11. nec non ἀγνοίας. *Actor.* 2. v. 23. & ἐνδοξία ipsius *Matt.* 11. v. 25. 26. Reprobi autem vasa coagmentata ad interitum, *Rom.* 9. v. 22. Homines jam olim ad iudicium descripti *Iud.* v. 4. ad contumaciam constituti, 1. *Pet.* 2. v. 8. ad iram positi, 1. *Thess.* 5. v. 9. ad diem malum facti, *Proverb.* 16. v. 4. dicuntur. Quæ omnia Efficientem Reprobationis Deum arguunt. Hunc namque testatur Scriptura, impium ad diem mali fecisse, *Proverb.* 16. v. 4. vasa quædam ad dedecus, ad interitum coagmentasse, *Rom.* 9. v. 21. 22. nonnullos ad iram constituisse, 1. *Thess.* 5. v. 9. hædisque non minus, quàm Diabolo & angelis ejus ignem æternum parasse *Matth.* 25. v. 41. Adhæc cum ex relationis naturâ, electio unius sit alterius reprobatio;

batio; dum unum elegit Deus, id est, ad salutem assumere decrevit, alium contrà reprobavit, id est, decrevit præterire, relinquere *Matth. 24. v. 40. 41.* Atque ita tam reprobationis, quam electionis causa est. Reprobando autem *primò* decrevit Deus non misereri ad salutem, sed destinare ad exitium: *Deinde* media fini huic subordinavit. Cujus ordinis ratio exposita est in antecedentibus: atque inde etiam confirmatur, quod *τὸ* misereri, ad salutem scil. *Rom. 9. v. 18.* non modo contradictoriè opponitur non misereri, sed etiam contrariè, destinare ad exitium, *ex collatione v. 21. 22.* atque ita destinare ad medium exitii, indurationem: cujus in antithesi *v. 18.* meminit. Quod nisi ita esset, Deum nihil certò de maximâ hominum parte definiisse, verùm incerto eventui eam reliquisse dicendum esset. *Communiter*, non observatâ per omnia finis mediorumque distinctione, actus Dei reprobantis distinguuntur, in *negativum sive privativum*, de non dandâ salute, de non conferendis salutis mediis: & *affirmativum sive positivum*, de inferendâ damnatione, excecatione, induratione. Utroque quippe modo doctrinam Reprobationis Scriptura proponit. Negative: *Matth. 7. v. 23. cap. 25. v. 12. Non novi vos. Ioh. 10. v. 26. Vos non estis ex ovibus meis. cap. 17. v. 9. Non pro mundo rogo. Mat. 13. v. 11. Illis non est datum, nosse mysteria Regni cælorum.* Affirmative: *Rom. 9. v. 13. Esavum odio habui. v. 21. 22. vasa ira coagmentata ad interitum, ad dedecus v. 18. quem vult indurat. Ioh. 12. v. 39. 40. Non poterant credere; quia excecavit oculos eorum, & obduravit corda eorum.* *αὐτοὶ οὐκ ᾔδεισαν* Causa porrò *αὐτοὶ οὐκ ᾔδεισαν* Reprobationis, quæ Deum ad reprobandum movit, est *partim* *ἰσχυρία* ejus, *partim* peccatum reproborum: utrumque enim tanquam causam allegat Scriptura. *ἰσχυρία*, voluntatem, propositum Dei, his locis: *Matt. 11. v. 25. 26. Occultasti mysteria sapientibus, Pater, quia ita placuit tibi. Mat. 20. v. 15. Annon licet mihi quod volo, facere de rebus meis. Rom. 9. v. 11. Nondum natis pueris, cum nihil fecissent boni vel mali, ut propositum Dei firmum maneret & c. v. 18. quem vult indurat. v. 21. annon habet potestatem figulus in lutum, ut ex eadem massâ faciat aliud vas ad decus, aliud ad dedecus.* Peccata autem reproborum istis: *Matt. 25. v. 41. 42. Abite à me maledicti in ignem æternum, qui paratus est, (à jacto scil. mundi fundamento, ex v. 34.) Diabolo & angelis ejus. Esurivi enim, & non dedistis mihi cibum & c. Rom. 9. v. 22. Volens ostendere iram, & notam facere potentiam, pertulit multâ lenitate, de quâ est cap. 2. v. 4. vasa*

Dei reprobantis actus.

αὐτοὶ οὐκ ᾔδεισαν

ἰσχυρία Dei.

&

Peccata reproborum.

ira. Rom 6. v. 23. *Stipendium peccati mors est* Ezech. 18. v. 4. *Anima qua peccaverit, ea morietur.* Ephes. 5. v. 6. *Propter hac venit ira Dei super filios contumaciae.* Ratio etiam utriusque evidens est. Cum enim quæritur, quamobrem Deus, postquam prævidit omnes ex æquo peccatores iræ filios futuros, hos tamen, præ aliis, Electis scilicet, reprobavit, sive hos magis quam ceteros misericordiâ suâ præterire voluerit; nulla alia causâ dari potest, quam beneplacitum ipsius. Sin autem quærat, cur iisdem non conferat salutem, sed inferat damnationem; hîc causâ redditur, ipsorum peccatum: dicente Christo Matt. 25. v. 41. 42. *Abite à me maledicti in ignem æternum &c.* Esuri enim, nec dedistis mihi cibum: pronuunciant Apostolo, *stipendium peccati mors est* Rom. 6. v. 23. Habet igitur se Deus in negotio reprobationis, partim ut αὐτοκράτωρ, partim ut justus iudex. Vt αὐτοκράτωρ, quatenus pro puro puto arbitrio suo, etiam de iis disponit, qui ab hac ejus dispositione reprobi dicuntur. Vt justus iudex, quatenus damnationem nulli reprobatorum irrogat, præterquam ob peccatum. Primo modo agit pro absolutâ potestate ac libertate suâ, Matt. 20. v. 15. secundum quam nemini quicquam debet Rom. 11. v. 35. Altero vero modo agit pro justitiâ suâ: quæ non absoluta, sed respectiva Dei virtus est, peccatum ejus, quem punit, præsupponens: ut est Rom. 1. v. 32. 2. Thessal. 1. v. 6. *Materia circâ quam, sive Objectum* Reprobationis, sunt illi Homines, quos odit Deus; quorum noluit misereri, sed quos voluit indurare Rom. 9. v. 13. 18. Horum autem non minus ipsi definitus est numerus, quam Electorum. Etsi enim non novit eos quoad affectum amoris Matth. 7. v. 23. tanquam suos, 2. Tim. 2. v. 19. novit tamen eos ut creator creaturas, ut dominus subditos, ut iudex captivos & reos: numerumque ipsorum, & singula in eo individua exactè tenet Heb. 4. v. 13. Rom. 9. v. 11. 12. 13. Joh. 10. v. 26. Matt. 25. v. 32. & seqq. Numerum quoque illum eatenus nobis revelavit, quatenus ex Verbo scimus, plures reprobos quam electos esse Matt. 20. v. 16. cap. 7. v. 13. 14. *Forma Reprobationis* est reprobatorum rectio in aliorum electione, Rom. 11. v. 12. hoc est, tum præterito in gloriæ gratiæque præparatione, tum destinatio ad exitum, per subordinata media in tempore inferendum. Quæ omnia sigillatim ex Scripturâ confirmanda sunt Primò: præteruisse Deum certos homines in præparatione gloriæ, testatur Christus Matt. 25. v. 34. regnum

cœlorum benedictis Patris tantum, à jacto mundi fundamento paratum docens. Præterisse etiam in *preparatione gratiæ* alibi testatur, cum dicit non omnes sibi datos à Patre, *Ioh. 17. v. 9.* non dari omnibus ut credant, *Matt. 13. v. 11.* idque ex Patris sui *Voluntate* cap. 11. v. 26. Deinde eosdem ad exitum destinasse, constat; quia ab ipso ad interitum coagmentati, *Rom. 9. v. 22.* ad iudicium sive damnationem præscripti, *Iud. v. 4.* ad diem malum facti, *Proverb. 16. v. 4.* dicuntur. Tertiò: media quoque fini huic subordinasse, id argumento est, quod sicut Electos in tempore vocat efficaciter, ita reprobos in peccatis relinquit, *Tit. 1. v. 16.* sicut illos justificat; ita hos in conscientia condemnat, *Iohan. 3. v. 18.* sive reatum eis continuat ac retinet, *Iohan. 9. v. 41. cap. 20. v. 23.* sicut illos sanctificat; ita hos excæcat, indurat. *Rom. 9. v. 18. Ioh. 12. v. 39. 40.* Proinde quemadmodum Electos ad Vocationem, Justificationem, & Sanctificationem, tanquam media salutis; ita reprobos ad *rejectionem* sive *desertionem* in peccatis, *retentionem reatus*, *excæcationem* & *indurationem*, ceu media exitii destinasse asserimus: non tanquam ad peccata: neminem enim ad peccatum quâ tale prædestinavit Deus: Sed quatenus ut gratiæ indebitæ privationes, justæque peccatorum antecedentium poenæ considerantur. De quali mediorum ad finem destinatione, hæc dicta apertè loquuntur: *Mat. 11. v. 25. 26. Occultas mysteria sapientil us, Pater, quia ita placuit tibi Psal. 81. v. 13. Permisit eos ambulare ex sententiâ animi sui, in consiliis pravis. Luc. 2. v. 34. Christus positus est à Deo in casum & resurrectionem multorum in Israël, & signum cui contradicitur. 1. Petr. 2. v. 7. 8. Christus est petra offendiculi, iis qui impingunt ad sermonem, non assentientes, ad quod etiam constituti sunt, scil: à Deo. Ioh. 12. v. 40. Excæcavit oculos eorum, & obduravit corda eorum nè videant oculis, & sint intelligentes corde, & sese convertant, & sanem eos. 2. Thess. 2. v. 11. 12. Ideò mittit Deus efficaciam erroris, ut credant mendacio: ut damnentur omnes, qui non crediderint veritati, sed acquieverint in injustitiâ. Finis Reprobationis non minus quàm Electionis, est summus vel subalternus. Summus est Dei reprobantis gloria *Proverb. 16. v. 4. Rom. 11. v. 35. 36.* Gloria, inquam, tum iræ sive justitiæ in damnatione reproborum propter peccata, *Rom. 9. v. 22.* tum potentiæ in eorundem destructione, *Rom. 9. v. 17. 22.* tum etiam liberrimæ potestatis in eorum præteritione sive relictione *Rom. 9. v. 18. 20. 21.* Subalternus consideratur distinctè*

Tum gratiæ.

II. Destinatio ad exitum.

III. Mediorum subordinatio.

Media reprobationis.

Finis reprobationis. Summus.

Subalternus respectu.

Electorum.

respectu Electorum & Reproborum. Respectu *Electorum*; ut ex severitate in alios, benignitatem Dei ergà se tantò rectius agnoscant, *Rom.* 9. v. 22. 23. & *cap.* 11. v. 22. & *seqq.* illam revereantur, istam prædicent, *1. Petr.* 2. v. 9. adeòque cum timore & tremore salutem suam operentur *Phil.* 2. v. 22. *Rom.* 11. v. 20. & *seqq.*

Reproborum

Respectu *Reproborum* finis Reprobationis est; iusta ipsorum damnatio propter peccata. Quem multis locis indicat Scriptura: ut cum Impios factos dicit ad diem malum, *Proverb.* 16. v. 4. vasa iræ ad dedecus, ad interitum coagmentata, *Rom.* 9. v. 21. 22. homines ad iram constitutos, *1. Thessal.* 5. v. 9. ad damnationem præscriptos, *Jud.* v. 4. ignemque æternum eis ab æterno paratum *Matth.* 25. v. 41. Inde siquidem Justitiæ Divinæ, spectata in Reprobatione gloria, refulget *Rom.* 9. v. 23. Idèòque etsi non delectetur Deus morte peccatoris, quatenus creaturæ suæ destructio est, *Ezech.* 18. v. 33. quatenus tamen justitiæ suæ, quæ omnibus creaturis potior meritò habetur, est declaratio; usque adeo eà delectatur, ut etiam summam se ex eà voluptatem capere profiteatur *Esa.* 1. v. 24. *Proverb.* 1. v. 26. *Effecta* Reprobationis alii *consequentia* ejus dicere malunt. Sunt autem illa ipsa quæ appellatione mediorum supra indigitavimus: relictio five desertio in peccatis: retentio reatus: excœcatio five induratio.

Effecta reprobationis,

Prius consequens reprobationis dici commodè videtur: quia *desertio* illa à reprobatione est, ut causâ deficiente, non efficiente. Sic enim Christus *Matt.* 13. v. 11. *Illis non est datum.* *cap.* 11. v. 25. *Occultas, Pater, mysteria sapientibus.* Inspiciantur & alia loca: *Rom.* 16. v. 25. 26. *Psal.* 147. v. 19. 20. *Actor.* 14. v. 16. *Posteriora* duo verò effecta sunt propriè dicta. *Retentio* quidem *reatus*, quia à justitiâ judicis proficiscitur, peccatorem citrà satisfactionem non absolventis *Exod.* 23. v. 7. Nam *maledictus omnis, qui non manserit in omnibus, quæ scripta sunt in libro legis Deut.* 27. v. 26. *Excœcatio* autem & *induratio* ab eadem justitiâ procedunt, peccata antecedentia subsequenti cœcitatibus & duritiæ pœnâ vindicante, tam in *Non vocatis* externâ vocatione, ad communionem gratiæ, *Rom.* 1. v. 24. 26. quàm in *Vocatis Iohan.* 12. v. 39. 40. 2. *Thessal.* 2. v. 11. 12.

Retentio reatus,

Excœcatio & induratio.

Aliquando tamen ad Dei *voluntatem* & voluntatem referuntur: ut *Rom.* 9. v. 18. *indurat quem vult.* Neutrum verò obstat, quò minus Diaboli, reprobos *2. Cor.* 4. v. 4. & reproborum, se ipsos excœcantium & indurantium, *Hebr.* 3. v. 7. 8. *Exod.* 8. v. 19. respectu peccata

peccata sint, eoque consequentia potius, quàm effecta reprobationis appellentur. Eundem in modum de incredulitate contumaci judicamus: quæ effectum reprobationis, quâ pœna, *Ioh. 12. v. 39. 40. 2. Theſſal. 2. v. 11. 12.* consequens autem ejus, quâ culpa. Denique damnatio reproborum propter peccata, commune sive consequens, sive effectum est, tum reprobationis, tum mediõrum ejus: Ex illo Christi: *Matth. 25. v. 41. 42. Abite à me maledicti in ignem æternum, qui paratus est Diabolo & angelis ejus. Esurivi enim, nec dedistis mihi cibum.* Ex hñce Reprobationis mediis de æternâ vel sui, vel aliorum reprobatione nihil certis statuendum est ante vitæ finem: sed de aliis benè sperandum ex charitate, *1. Cor. 13. v. 7.* de nobis autem laborandum, ut operum bonorum studio vocationem nostram, atque ita electionem firmam efficiamus *2. Petr. 1. v. 10.* Cujus rei ratio est; quod desertio in peccatis, retentio reatus, excoecatio etiam non omnis, sed finalis demum, reprobationis sunt *αἰσθητὰ*. Nam Deus, ut non eadem omnes horâ vocat, *Matth. 20.* sed alios primâ, ut Jeremiam & Johannem Baptistam; alios *tertiâ*, ut Samuelem, Josiam; alios *sextâ*, ut Paulum; alios *nonâ*, ut Menassem; alios *undecimâ*, & suæ vitæ finem, ut latronem in cruce: ita nec eadem horâ omnes eripit è peccatis, deque illorum remissione certos reddit: ut ita ante vitæ exitum nec de sui, neque de aliorum reprobatione certi quid statui aut possit, aut debeat. Excipimus tamen peccantes in Spiritum Sanct. quorum peccatum, quia in Electos non cadit, quisquis ejus sibi conscius est, infallibile reprobationis sui testimonium in pectore gerit. De Subjeto Reprobationis actum est in materiâ. Adjuncta ejus eadem sunt, quæ Electionis: Æternitas, Immutabilitas, summaque Libertas. Æternam esse, hoc est, ab æterno factam, patet, quia Ignis æternus, ante jacta mundi fundamenta paratus Diabolo, Angelis ejus, & hædis, *Matth. 25. v. 34. & 41. inter se collatis*: quia reprobi constituti ad iram, *1. Theſſ. 5. v. 9.* ad damnationem præscripti sunt, *Ind. v. 4.* scil. ab æterno: in quam cum abeunt, abeunt in locum suum, *Actor. 1. v. 25.* hoc est, sibi ab æterno divinitus destinatum. Nam quicquid in tempore agit Deus, id ab æterno apud se decrevit *Actor. 15. v. 18.* Deinde immutabilem esse constat, quia propositum Dei, etiam *κατ' ἀπόλογον*, firmum manet, *Rom. 9. v. 11.* nec ullum ejus consilium mutatur *Esa. 14. v. 27. cap. 46. v. 10. Psal. 33. v. 11.* Ex quâ Immutabilitate duplex re-

De reprobatione nihil certi statui potest ante mortem.

Adjuncta reprobationis

Æternitas.

Immutabilitas.

Libertas.

probos insequitur *necessitas*, una *manendi in peccatis*, altera *pereundi*. Quandoquidem enim relinquuntur in peccatis, in quæ semetipsos præcipitarunt, nunquam convertuntur ad Deum: imò ne converti quidem seriò constanterque expetunt: contra verò cupiditatibus suis fræna laxant, eoque maiorem menti cœcitatem, duritiem cordi attrahunt *Rom. 11. v. 7. 10. Iohann. 3. v. 6. Matth. 7. vers. 17. 18.* Ad quæ tandem, pro Dei iustitiâ, damnationis iudicium consequitur *Roman. 1. vers. 32. cap. 6. vers. 23.* Denique *liberrimam* esse docet verba Apostoli *Roman. 9. vers. 18. indurat quem vult. v. 21. Annon habet potestatem figulus in lutum &c.?* docent verba Christi *Matth. 20. vers. 15. Annon licet mihi quod volo facere de rebus meis?* item illa *cap. 11. vers. 25. 26.* quibus occultationem mysteriorum Patris sui beneplacito tribuit.

Atque hac de Decretis Dei in genere, illoque quod Prædestinationis vocant, in specie prolixius. Usum paucis nunc subjiciamus. Est ille

I. Ad *Διδοxασίας*: Deus est primum liberrimum ac nobilissimum agens *Roman. 11. vers. 36. Esa. 40. vers. 28. Psalm. 115. v. 3. & alibi. In omnibus gloriam suam ut ultimum finem intendit, Proverb. 16. v. 4. Habac. 1. v. 12. Roman. 9. vers. 22. 23. cap. 11. v. 36. nec tamen sui glorificatione ipse glorificatus, sed creatura glorificans beator redditur Roman. 11. vers. 35. 1. Samuel. 2. vers. 30. Decretum ejus prima causa est omnium extra ipsum operum Ephes. 1. v. 11. Psalm. 115. v. 3. In consiliis alia sunt via Dei, quam via nostra; alia cogitationes Dei, quam cogitationes nostra Esa. 55. vers. 8. 9. Genes. 50. v. 20. Actor. 3. v. 13. & seqq. Iudicia ejus saepe occulta, nunquam injusta sunt Deuteroni. 29. vers. 29. Psalm. 36. vers. 7. Rom. 11. v. 33. 34. Doctrina Prædestinationis speculum est lucidissimum, æternitatis, immutabilitatis, sapientia, misericordia, iustitia, liberrimaque potestatis Dei Roman. 8. 9. 10. 11. capp. Ephes. 1. 2. Timoth. 2. vers. 19. 20. Matth. 11. v. 25. 26. & alibi. Ea ex solâ Scripturâ discenda & edisserenda est: exemplo Apostoli, Roman. 9. 10. 11. capp. nec in Scholis tantum, verum etiam in Ecclesia proponenda, mandato Christi, Matth. 28. vers. 19. Marci 16. vers. 15. & exemplo Esaia, cap. 6. Christi, Matth. 11. 13. 20. 22. 24. 25. capp.*

Pauli,

Pauli, Rom. 9. Ephes. 1. Petri, 1. Epistol. 1. v. 19. 20. & 2. Epist. 1. v. 10. & Iudæ, v. 4. adhibito tamen prudentia modo: exemplo Apostoli, in Epistolâ ad Romanos.

II. Ad Paulin: *Proficiamus quotidie in cognitione Dei, tanquam sapientissimi, benignissimi, iustissimi, liberrimi, Exod. 34. v. 6. 7. collato cum Johann. 17. v. 3. exemplo Davidis, Psalm. 119. & Timothei, 2. Timoth. 3. v. 15. & 1. Epist. 4. v. 13. Ad ejus gloriam omnia referamus, 1. Corinth. 10. v. 31. inprimis autem salutem nostram gloriosa ipsius gratia acceptam feramus Ephes. 1. v. 6. cap. 2. v. 8. 9. In prædestinatione admiremur incomprehensibilem Dei sapientiam, iustitiamque judiciorum ejus imperscrutabilem: exemplo Apostoli, Roman. 11. vers. 33. 34. ac in prædestinantis voluntate cum Christo acquiescamus Matth. 11. v. 25. 26. Exerceamus verò nos ad veram humilitatem, qui gratiam Electionis & vocationis non ex merito aut dignitate aliquâ nostrâ, sed ex solâ Dei misericordia consecuti sumus, Roman. 11. v. 32. Ephes. 2. v. 8. 9. Philipp. 1. vers. 6. cap. 2. v. 12. 13. 1. Corinth. 4. v. 7. exemplo Davidis, Psalm. 51. vers. 6. Danielis, cap. 9. vers. 8. 9. ad filialem Dei timorem, qui in alios præcisam severitatem, in nos paternam benignitatem jam ab æterno ostendit; Roman. 11. v. 20. & seqq. Philipp. 2. vers. 12. ad veram gratitudinem per bona opera, cum non modo ad finem, salutem ipsam, sed etiam ad media salutis, bona opera, prædestinati simus; Ephes. 1. vers. 4. cap. 2. vers. 10. inprimis ad misericordiam ergâ proximum, ut ita Dei ergâ nos misericordiam imitemur; Luc. 6. v. 36. ad patientiam denique in cruce, cum ad hujus etiam ignominiam cum Christo perferendam electi simus, Roman. 8. vers. 17. 18. 28. 29. 2. Timoth. 2. vers. 11. 12. cap. 3. vers. 12. sicque agendo dignè militemus illi Imperatori, qui vita libro nomina nostra inscripsit, 1. Timoth. 1. vers. 18. 19. Luc. 10. v. 20. simul autem vocationem & electionem nostram firmam efficiamus 2. Pet. 1. v. 10.*

III. Ad Iudeos: *Nè curiosè inquiramus in occulta Dei judicia, Deuteron. 29. vers. 29. Roman. 12. vers. 33. 34. ne disputemus cum Deo, aut contrâ ipsum murmuremus, quod maximam hominum partem gratiâ Electionis præterit, Roman. 9. neque hoc ejus iudicium stultitiâ iniustitiæ nomine criminemur. ibidem & 1. Cor. 1. Nè offendamur hoc capite doctrinâ Evangelicâ, aut offensi ab Evangelio deficiamus: Exemplo Capernaitarum, Johan. 6. v. 66. Iudeorum ac Philosophorum, 1. Corinth. 1. vers. 18. 23. neque etiam eò ad despera-*

tionem abutamur 2. Petr. 3. v. 16. Rom. 15. v. 4. 2. Timoth. 3. v. 16. Gratiam verò Electionis nostri caveamus transferre ad carnis lasciviam, Jud. v. 4. aut ad securitatem Rom. 11. v. 20. & seqq. Phil. 2. v. 12. Caveamus item ullam partem salutis nostra nobis arrogare, Rom. 9. v. 16. 1. Corinth. 4. v. 7. Ephes. 2. v. 8. 9. aut nobis gloriari 1. Cor. 1. v. 29. Ephes. 1. v. 9.

VI. Ad παραλυσιν: Muniamus nos hac doctrinâ adversus tentationes ira Dei, peccatorum, & indignitatis nostra. Quia agit nobiscum Deus non secundum peccata nostra; sed secundum suam misericordiam, Roman. 9. v. 16. 18. Psalm. 103. v. 8. 9. 10. que ut aterna est, v. 17. sic in aeternum nos ea prosequitur Psal. 23. v. 6. Firmemus nos eadem adversus lapsus periculum: cum impossibile sit seduci electos in errores exitiales, Matth. 24. v. 24. aut e Christi manibus rapi Johann. 10. v. 28. Has namque labentibus supponit, Psalm. 37. v. 24. sicque eos virtutis suæ presidio ad salutem custodit 1. Petr. 1. v. 5. Sustineamus etiam nos adversus scandalum crucis; quia omnia eveniunt prout Pater ille cœlestis desinovit, Luc. 22. v. 22. utpote absque cuius voluntate ne pilus quidem de nostro capite cadit Matth. 10. v. 30. Omnia verò nobis cooperantur in bonum Roman. 8. v. 28. Postremo salutis aeternæ certitudinem hinc concipiamus, conceptam retineamus: exemplo Davidis. Psal. 23. vers. 4. 6. & Pauli Roman. 8. vers. 38. 39. 2. Timoth. 1. vers. 12.

LOCUS

LOCUS QUINTUS

De

CREATIONE.

Speclavimus Opera Dei in Antecedente Decrèto. Videamus etiam ut se habeant in subsequente Exsecutione.

Secundum eam in Opera Naturæ & Gratix vulgò distinguuntur.

Opera Naturæ vocant, quæ Deus communi quâdam operatione edit in Naturâ.

Suntque vel Creationis, vel Conservationis & Gubernationis.

Opera Creationis sunt, quæ Deus primâ creatione produxit: quam Creationem definimus, primam rerum omnium ex nihilo productionem, intra sex primos dies factam.

EXEGESIS.

DEcreto æterno respondet temporaria *Exsecutio*. Quum enim nec mutet Deus consilium, nec impediri à quocumque possit: quicquid ab æterno apud se decrevit, in tempore extrâ se exsequitur. Ab hujus exsecutionis varietate operum Dei discrimen nascitur. Etenim quia alia exsequitur operatione generali & communi in Naturâ, alia actione particulari & propriâ in Ecclesiâ; hinc opera in *Natura & Gratia* distinguuntur. Non verò dicuntur *Natura opera*, quasi illa Deus naturâ operetur: siquidem extrâ se non Naturæ necessitate, sed voluntatis suæ libertate agit *Psal. 115. v. 3. Ephes. I. v. 11.* Sunt autem opera Naturæ, opera Creationis, Conservationis & Gubernationis. Ea quippe ab actione Dei communi procedunt.

*Exsecutio
Decretorum
Dei, & ex eâ
operum Dei
distinctio.*

Opera Natura.

dunt, *Gen. 1. per totum Matt. 5. v. 45. Act. 17. v. 24. & seq. occupantur* in natura communi: communiaque rerum naturalium principia constituunt. Quæ causa est, quod ordine explicationis operibus gratiæ præmittuntur.

Creatio.

Primum opus Naturæ est **CREATIO**: tam cognitione, quam appellatione Ecclesiæ propria. *Cognitione* quidem, quia eam Fidei Apostolus tribuit, *Heb. 11. vers. 3. appellatione* verò, quia scholarum Theologicarum usus, vocem creationis contraxit ad significandam primam rerum omnium ex nihilo productionem: quo ita plenè exprimat vim verbi Hebræi **נָצַר**. A qua, *primâ & propriissimâ* si-

Vocis homonymia,

gnificatione aliâ, itidem in scriptura usurpatæ, dependent: ut cum accipitur de productione ea, quæ fit per *generationem*, *Psalm. 104. v. 30. Esa. 42. v. 26. 32. de regeneratione*, quæ secunda quasi creatio est, *Psalm. 51. v. 12. Ephes. 2. v. 10. itemque de eventuum certorum ordinatione & effectione* *Ier. 31. v. 22. Esa. 45. v. 7. cap. 46. v. 11.*

Efficiens Deus.

Efficiens Creationis est **Deus**: Nam *Deus creavit cælum & terram Gen. 1. v. 1. Verbo Iehova creati sunt cæli; & spiritu oris ejus totus exercitus eorum Psalm. 33. v. 6. Hinc Jeremias cap. 32. v. 17. Domine Iehova; tu fecisti cælos & terram virtute tuâ maximâ. Et Ecclesia Apostolica Act. 4. v. 24. Domine, tu es ille, qui fecisti cælum, & terram, mare & omnia quæ in eis sunt. Atq; ab hac creatione terra Iehova esse dicitur, Psalm. 24. v. 1. ipseque cæli & terræ Dominus celebratur. Matt. 11. v. 25. Act. 17. v. 24. Est autem Deus creator, solus, nullos hoc in opere socios agnoscens Esa. 44. v. 19. Job. 9. v. 8. Cujus rei ratio est, quod creatio est infinitæ virtutis Divinæ opus, Ier. 32. v. 17. quam ut solus possidet sic solus quoque creare potest: ut rectè pronunciet Jeremias c. 10. v. 10. 11. 12. *Dii isti, qui non fecerunt cælos & terram, perituri sunt è terra. At Iehova Deus verus est, Deus vivens, & Rex sempiternus, qui fecit terram virtute sua & c.* Eo tamè non personæ ullæ Deitatis, sed tantum creaturæ fictitiæ numina à creatione excluduntur. Personæ namque singulæ sunt solus ille, verus, vivens, ac sempiternus Deus, & illarum respectu non minus hoc, quam cætera opera externa, indivisum sive commune censetur. Quod ipsum historia creationis apertè testatur, dum plures personas cōsultantes & creantes introducit *Gen. 1. v. 26. & 2. Testatur alibi scriptura, ubi de uno Deo creatore nomine opificum, Esa. 54. v. 5. factorum, Job. 35. v. 10. numero plurali loquitur. Insuper opus creationis non minus Filio, Ioh. 1. v. 3. Coloss. 1. v. 16. Heb. 1. v. 2. & Spiritui Sancto. Gen. 1. v.**

Secundum tres personas Deitatis.

2. *Iob.* 26. v. 13. *cap.* 33. v. 4. *Pf.* 104. v. 30. quam *Patri dixi p pndm* vendicat. Quod verò Pater *xar', iēx'lw'* aliquando creator, ac cœli terræque Dominus appellatur, *Act.* 4. v. 24. *Matt.* 11. v. 25. id omne est ab ordine modoque operationis in creatione. Creavit enim non ab alio, sed à se: utpote fons deitatis & operationum divinarum. Filius autem, & Spiritus S. non à se, sed à Patre creantur, & Pater per ipsos *1. Cor.* 8. v. 6. *Rom.* 11. v. 36. *Causa movens* Deum ad creandum non fuit necessitas aliqua aut indigentia: nec enim ullius est indigus, *Act.* 17. v. 25. sed liberrima ejus voluntas, *Pf.* 115. v. 3. qua voluit se communicare & patefacere creaturis, *Gen.* 1. v. 27. & 31. Impulsiva. eoque ab ipsis glorificari *Pf.* 8. v. 1. & 19. v. 1. De modo creationis, quatenus is quidem ad efficientem pertinet, tenendum est, Deum Modus creationis. non semper creasse: alioquin creatura coæterna esset creatori: sed in principio temporis creare cœpisse: uti loquitur Moyses, *Gen.* 1. v. 1. in principio & ex Mose Joannes c. 1. v. 1. à quo principio creatio principium via *Iehova* nominatur *Pr.* 8. v. 22. Et dum cœpit, non ab otio ad negotium, à potentia ad actum transiit: sed creatura; quæ erat in potentia, eaque negativa tantum, in actum deducta fuit actuque existit. Hoc vero Deus non difficili molimine, adhibitivæ more opificum instrumentis au machinamentis, sed solo verbo, hoc est, jussu ac virtute omnipotente effectum dedit. Tale quippe est illud, DIXIT, ad singula creationis opera repetitum: Cujus vim solo verbo. non effectus modo consequentia *Gen.* 1. *per totum*, sed & verba Davidis, *Psal.* 33. v. 9. declarant: *Ipse dixit, & facta sunt: ipse mandavit, & existit.* Ex quo sequitur I. Rerum singularum creationem Dei creatoris respectu instanti, ut loquuntur, sive temporis momento factam: quia in creando verbum omnipotens adhibuit. II. Perfectam absq; omni difficultate, molestia, ac defatigatione creatoris. *Dixit enim & facta sunt, Ps.* 33. v. 9. *nec defatigatur Creator extremitatum terræ Esa.* 40. v. 28. Consultatio illa, quam hominis creationi præmisit, *Gen.* 1. v. 26. non difficultatem aliquam hujus operis, sed dignitatem ejus, quam cæterorum majorem, arguit.

Materia Creationis nulla fuit. In principio siquidem creavit *Materia nulla* Deus cœlum & terram, *Gen.* 1. v. 1. mare & omnia quæ in eis sunt, *Act.* 4. v. 24. cum ante nihil horum existeret. Et vox *ברא* creavit primâ ac propriâ significatione *productionem rei ex nihilo* designat. *Productio ex* Ubi *nihilum* non aliâ, quàm termini à quo, sive merè negationis notatione-
tio-

tionem habet; recteque exponitur, per *post nihilum*, cum nihil ante fuisset. Nam τὸ *ex*, neque materiæ, neque efficientis, sed termini tantum ordinisve est nota; qui est inter nihil & rem, secundum modum intelligendi nostrum. An vero omnia aut pleraque ex nihilo immediate producta, non immerito dubitatur. Certè corpus Adæ ex pulvere terræ, Evæ ex costâ viri formatum legimus *Gen. 2. v. 7. & 21.* Animantia quoque terrestria ac volatilia è terra producta, v. 19. *eiusdem capitis* docetur: ut nihil nunc dicam de aliis. Proinde rectè faciunt, qui ratione materiæ creationem in *primam & secundam* sive in *Immediatam & Mediatam* distinguunt: quarum *illa* est ex nihilo; *ista* ex materia, sed indisposita. Quod si τὸ *nihil* latè sumatur, non modo *negative* quoad materiam, sed etiam *privative* quoad formam; etiam posterior creationis species ex nihilo esse non incommode dicitur.

Creationis
distincta,

Forma, re-
rum prima
productio
per,

Κτίσις.
Ποίησις.
Πλάσις.

Finis Sum-
mus Dei glo-
ria Subalter-
nus commu-
nicatio boni-
tatis,

Patefactio
sapientiæ,
potentiæ,

Æternitatis,

Effecta Cre-
ationis opera

Forma Creationis est *prima rerum omnium productio*, non per successivam, sed per momentaneam emanationem à causâ primâ. Cujus quidem modus triplex in *πρωτοκτισία* deprehenditur *κτίσις, ποίησις, & πλάσις* *Gen. 2. v. 4. & 7.* *Κτίσις*, creatio, est productio re ex nihilo simpliciter: qualis fuit materiæ primæ, cœli supremi, Angelorum, & animarum humanarum. *Ποίησις* est effectio rei ex materiâ præexistente jam, sed inhabili, ut piscium, avium, animalium. *Πλάσις* fictio sive figuratio, est & illa quidem productio ex materiâ sed artificiosa: qualis figuli esse solet: fuitque tum Adæ ex pulvere terræ, tum Evæ ex costâ ejus.

Finis creationis duplex est, summus & subalternus. *Summus* est Dei creatoris gloria: *Prov. 16. v. 4. Ps. 8. v. 1. & 19. v. 1. & 145. v. 10. Rom. 11. v. 36.* *Subalternus*, communicatio & patefactio ejusdem. Etenim in operibus creationis Deus & *bonitatem suam communicavit*: quia omnia fecit valdè bona, *Gen. 1. v. 31.* Hominem verò peculiariter condidit ad imaginem suam, v. 26. 27. & *Sapientiam, Potentiam, ac Æternitatem suam patefecit.* *Sapientiam* in varietate, ordine ac usu omnium rerum. *Potentiam* in productione rerum, non minus magnarū, quam parvarum, ex nihilo per solum verbum *Ier. 32. v. 17. Rom. 1. v. 20.* *Æternitatem* in conditu seculorum, *Heb. 1. v. 2.* quæ cuncta antegreditur *Ps. 102. v. 25. 26.* *Effecta* creationis sunt ipsa *creationis opera*: substantiæ per se, accidentia in & cū substantiis, Distingui possunt in *visibilia & Invisibilia*, ex Apostolo *Col. 1. v. 16.* in *corporalia spiritualia, & mixta*: in constitutionem partiū principalium,

ceum sunt cœlum, terra, & aqua, & earundem Exornationem: denique
 secundum sex dierum interstitia ex Mose Gen. 1. quam operum distin-
 ctionem, tanquam instituto nostro maximè accommodam, hîc se-
 quemur. Igitur *primi diei* opera sunt, cœlum supremum cum An-
 gelis: chaos ex terrâ & aquâ: & Lux. Hæc enim tria diei primo Mo-
 ses tribuit. *Primum* opus est cœlum supremum cum incolis ejus Ange-
 lis Gen. 1. v. 1. ubi cœli nomine id intelligi, quod aliàs cœlum calo-
 rum, 1. Reg. 8. v. 27. & tertium cœlum, 2. Cor. 12. v. 2. metaphoricè ve-
 rò *Paradisus* Luc. 23. v. 43. vocatur, apparet partim ex collatione
 y. 6. 7. 8. partim ex Job. 38. v. 4. 5. 6. 7. ubi angeli ipso die primo, in
 creatione terræ Deo cecinisse dicuntur. Quod equidem facere ne-
 quiverunt, nisi jam creati. Si autem creati fuerunt, domicilium
 quoq; ipsorum cœlum, Mat. 6. v. 10. & cap. 18. v. 10. creatum fuisse
 oportuit. Cœlum ergò inter opera Creationis primo loco meritif-
 simè recensetur: cujus artificem & conditorem Deum celebrat A-
 postolus Heb. 11. v. 10. *Materia* ex qua productum sit, nulla fuit. Il-
 la verò ex qua jam constat, (nec enim dicendum immateriale) sub-
 stantia est corporea. Erit namq; & ex parte jam est, locus ordina-
 rius corporum glorificatorum Job. 14. v. 2. 3. cap. 17. v. 24. Apertum
 fuit visibiliter, Mat. 3. v. 16. Act. 7. v. 56. & à Christo adscendente
 pertransitum, Ephes. 4. v. 10. suam etiam quantitatem habet Job. 14.
 v. 2. 3. Interim substantiam hanc subtilissimam, lucidissimam, nulli-
 q; corruptioni obnoxiam esse, sustinemus argumento locorum 1.
 Tim. 6. v. 16. Apoc. 21. & 22. *Situs* cœli hujus supernus est, & exti-
 mus, suprâ omnes cœlos adspectabiles: Deut. 4. v. 39. Luc. 2. v. 14.
 Eph. 4. v. 10. *ambitus* verò capacissimus Job. 14. v. 2. 3. *Angelos*, qui
 à ministerio id nominis sortiuntur, Heb. 1. v. ult. unâ cum cœlo su-
 premo creatos esse paulò antè ostendimus. Nonnulli hinc *Angelos*
cœlorum dici autumant Mat. 24. v. 36. De creatione ipsorum loca
 exstant illustria Ps. 104. v. 4. Heb. 1. v. 7. Col. 1. v. 16. Moles, qui rei ũ
 visibilium creationem ad captum rudis populi perstringit, illorum
 expressè non meminit. Implicita mentio Gen. 1. v. 1. cap. 2. v. 1. col-
 lato cum Luc. 2. v. 13. reperitur. Sunt omnes ex creatione naturę spi-
 ritualis, Heb. 1. v. ult. Mat. 10. v. 1. eoque intelligentes & volentes:
 liberi à corporibus, quia tantum spiritus, quales carnem & ossa non
 habent, Luc. 24. v. 39. (nam in quibus apparuerunt olim Gen. 18. v.
 2. ea extra ordinem adsumserunt:) insigniti imagine Dei, cujus Fi-
 lli dicuntur, Job. 1. v. 6. idque perfectiore, quàm homines, modo Ps.

quæ sunt

Primi diei

I. Cœlum
supremum
cum Angelis.

Cœlum.

Angeli.

quales.

II. Chaos ex
terra & aquâ.

quale.

III. Lix,
qualis.

8.v.6. *Dotes* ipforum variis nominibus declarantur, figurisque ad-
umbrantur. Dignitas voce *Deorum*: Potentia nomine *Principatu-*
um, *Dominatum*, *Potestatum*: *Eph.* 1.v.21. *Coloss.* 1.v.16. Splendor
stellarum lucidarum appellatione *Iob.* 38.v.7. Sic celeritas ipforum
& alacritas in exsequendis Dei mandatis formâ Cherubim, *Exod.*
25.v.18. *seqq.* & Seraphim *Esa.* 6. alatorum: aliæ Virtutes aliis item
rerum imaginibus repræsentatæ fuerunt. Numerus maximus est,
Dan. 7.v.10. *Matt.* 26.v.53. *Luc.* 8.v.30. *Apoc.* 5.v.11. veruntamen
in Scripturâ non definitus. *Habitatio* autem cælum supremum: uti
suprà ostensum. *Alterum* primi diei opus est, rudis illa & indigesta
moles ex terrâ & aquâ, quam *Chaos* vocant. Moses *Gen.* 1.v.1. no-
mine terræ eam indigitat, sed materialiter. Nam formam, quam
nunc obtinet, tertio demum die, in sui ab aqua segregatione, acce-
pit. Quæ causâ est, quod descriptionem ejus, prout tunc existit, v.
2. subnectit. *Terra*, inquit, *erat res informis & inanis: tenebraeque erant*
in superficie abyssi. Ubi *informem* dicit terram, non quod omnis formæ
expers esset: siquidem quicquid actu existit, per suam formam ex-
sistit: sed quod forma eleganti & exacta, qualem postea adepta est,
adhuc careret. *Inanem* etiam, quod nec plantas, nec fructus ullos
produceret, *Tenebricosam* denique, ob lucis privationem: quæ ta-
men eodem statim die accessit. Erat igitur Chaos *substantiâ* partim
terreum, partim aqueum: utpote ex terra & aqua, inter se com-
mixtis, constans: *quantitate* ingens, & ceu sine fundo moles, quia a-
byssus: *qualitate* de forme, & tenebricosum: *effectû* inane, inefficax.
Atque hæc est *materia prima* omnium corporum opacorum: *princi-*
pium constitutionis rerum naturalium, cum formâ illâ, quam se-
cundum partes diversas diversam suscepit: *principium transmutatio-*
nis, cum privatione, quæ ei concreata fuit. Sic enim creata est, ut
etsi informis in se, formarum tamen omnium capax esset: *Gen.* 1. *per-*
totum. Unde *subjectum* *indixis* merito appellatur. Nec periit post
creationem, sed etiamnum superest. Nam quicquid objectum sen-
sibus videmus, id ipsum est materia illa prima sub multifariis for-
mis adspectabilis. *Tertium* diei primi opus est *Lux*, *Gen.* 1.v.3. hoc
est, corpus quoddam lucidum, in quo lux ut qualitas hærebat. Hoc
corpus non fuit nubes: nam illæ die sequenti demum creatæ sunt:
sed pars aequè subtilior, in qua ceu medio diaphano, lux splendebat,
Materia lucis nulla fuit: nec splenduit ex tenebris, tanquam ex ma-
terija, 2. *Co.* 4.v.6. sed post tenebras in mundum iussa subiit. *Forma*
verò

Verò corporis lucidi an globosa fuerit, non satis liquet. Probabiliter tamen aliquid hujus colligitur ex fine ejus & usu, qui fuit, diei noctisque vices tam diu describere, donec Sol & Luna cum cæteris stellis crearentur. Motum igitur fuit in orbem motu circulari; ut cum esset in superiori parte hæmisphærii, diis esset, cum in inferiore, nox: Ad quem motum figura globosa maximè est idonea. Opera *secundi diei* fuerunt expansum, & Aquarum divisio. *Expansum* nihil est aliud, quàm ipsum *cælum*, ex declaratione v. 8. *cælum*, inquam, tùm *aëreum* v. 30. tribus regionibus distinctum, in quibus meteora, aërea, aqua, & ignea generantur: tùm *æthereum* v. 14. quod inde à Luna ad cælum usque supremum patet, orbisque septem Planetarum, & spheram octavam ac nonam complectitur. *Materia* ejus sunt aquæ: quia per aquarum expansionem, id est, attenuationem atque extensionem cælum est effectum: Quem modum Scriptura non uno loco nobis proponit *Iob. 9. v. 8. Psal. 104. v. 2. 3. Esa. 40. v. 22. cap. 42. v. 5.* *Aquarum* verò *divisio*, secundum *secundi diei* opus, est distinctio superiorum aquarum ab inferioribus. Aquæ *superiores* sunt, quæ suprà expansum, id est, infimam ejus partem, in mediam aëris regionem elevatæ, nubes efficiunt. Hæ quippe sunt & dicuntur aquæ *Psal. 104. v. 3. & 148. v. 4.* *Inferiores* sunt, quæ infra expansum, terræ circumfusæ atque etiam in tertium diem ei permixtæ manserunt. Opera *tertii diei* fuerunt. I. *Collectio aquarum inferiorum in peculiares alveos* sive conceptacula: quæ Oceanum, maria, & flumina dicimus. II. *Terræ* circà mundi centrum consolidatæ *arefactio*: à qua *Arida* appellatur. III. *Ejusdem germinatio*. Produxit enim jussu à creatore, plantas, id est, herbas, frutices, & arbores; non steriles, fructibusve vacuas, sed vegetas, seminificas & fructificantes v. 11. & 12. Opus *quarti diei* fuit creatio *luminarium* in expanso v. 14. id est, in ea expansi parte, quam æthera, sive cælum & æthereum nuncupant. Idque non ex nihilo, sed *ex primæva luce*. Hæc enim cum redacta in nihilum non sit: nam certo ac constanti fine cuncta condidit creator: verisimile est in luminaria distributam fuisse. *Vfus* luminarium v. 14. & *seqq.* indicatur triplex: *primus* est in distinctione lucis à tenebris, sive diei artificialis à nocte. *Alter* in notandis ac determinandis vicibus ac tempestatibus anni. *Tertius* in communicatione virium suarum, quibus hæc inferiora ab ipsis imbuta variè afficiuntur. Ab his tamen excipimus mentes ac voluntates humanas; utpote quæ in suis operationibus luminari-

Secundi diei.
1. Expansum.

2. Aquarum.
divisio.

Tertii diei.
1. Collectio
aquarum.
2. Terræ sic-
catio.
3. Terræ ger-
minatio.

Quarti diei.
Luminaria.

eorum usus.

Morus,

Distributio

Quinti diei
Pisces & A-
res.Sexti diei.
Animantia
terrestria.

Homo.

ejus Sexus.

corpus.

anima.

qualis.

um influxui minimè subsunt. *Motus* eorum non est ab animâ ipsis *ὑποστατικῶς* unitâ nec ab intelligentiâ motrice, sed ab inditâ divinitus virtute, quâ statim vicibus circumaguntur. *Distributio* est in luminaria magna & parva. Luminaria *Magna* vocantur Sol & Luna, v. 16. quorum ille diei, ista nocti præsidet. *Parva* autem sunt stellæ: non quantitate substantiæ: nam Mathematici demonstrant alia luminaria, quæ sunt in Sphæra octava, istis majora esse; sed opinione communi & effectu. Opus *quinti diei* est creatio tum *piscium* ex aquis, v. 20. tum *avium* ex terra: ut expressè docetur *cap. 2. v. 19.* Utrisque potentiam naturalem ad fecunditatem, benedictione suâ Deus indidit v. 22. Opus *sexti diei* est creatio cum animantium terrestrium, tum Hominis. *Animantia* è terra producta dicuntur v. 24. eorumque tria recensentur genera: *pecunium* sive mansuetum, ut sunt boves & oves; *reptile*, ut serpentes; *ferum* sive sylvestre: ut leones, ursi. *Homo* verò ut ultimum sic præstantissimum creatoris in naturâ inferiore est opus; ac quoddam universitatis quasi compendium, *μικροκόσμος* inde, *ὡς κόσμος τῆς κτίσεως*, *Marc. 16. v. 15.* titulo decoratus. Is *sexu* duplex creatus est *Mas* & *Fæmina*. *Maris corpus* è pulvere terræ ficturâ quasi singulari formatum est, *Gen. 2. v. 7.* ut ortus sui ad humilitatem memor esset: *argumento locorum. Rom. 9. v. 21. Esa. 45. v. 9. Gen. 18. v. 27.* *Fæmina* autem *corpus* è costa viri dormientis structû, *Gen. 2. v. 21. 22.* quo & ipsa nosset subesse viro tanquâ capiti, *1. Cor. 11. v. 3.* & ille eam ceu carnem de carne suâ, ac os de ossibus suis complexam foveret *Gen. 2. v. 23.* *Nullus enim unquam suam ipsius carnem odit Eph. 5. v. 29.* *Anima* per quam uterq; Homo fuit, non è potentiâ corporis eductâ, sed ex nihilo à Deo creata, corpori indita, & cû eo personaliter unita fuit. Inspiravit quippe Deus corpori spiritum vitæ, id est, animam, *Gen. 2. v. 7.* sicque homo anima vivens factus est: *ibidem*, & *1. Cor. 15. v. 45.* Proinde anima hominis spiritualis est naturæ, sicut passim *Spiritus* appellatur, *Pf. 31. v. 6. Ecc. 12. v. 7. Zach. 12. v. 1. Luc. 23. v. 46. A. 7. v. 59.* est immortalis, quæ occidi non potest. *Matt. 10. v. 28.* sed post fata superstes manet, *Matt. 22. v. 32. Phil. 1. v. 23. Luc. 16. v. 22. 23. & seqq.* intelligendi quoq; ac volendi facultate prædita. Peculiare est, quod Homo conditus fuisse dicitur ad *Imaginē ac similitudinem Dei Gen. 1. v. 26. 27.* quæ duo etsi ita distinguunt nonnulli, ut prius ad substantiam, posterius ad qualitates referant, certum tamen est in Scripturâ usurpari pro synonymis, *ex collatione v. 26. & 27. item cap. 5. v. 1. & cap.*

9.v.6. Est autem *Imago Dei* in homine similitudo illa, quâ in statu creationis, creatoris sui naturam partim animâ, partim corpore, partim utroque, propter utriusque unionem, referebat. *Animâ*, ratione *substantia*, spiritualitate, simplicitate, immortalitate; ratione *potentiarum*, intelligendi facultate, ac volendi nolendive libertate; ratione *qualitatum*, perfectâ sapientiâ, justitiâ, ac sanctitate, *Col. 3.v.10. Ephes. 4.v.24. Corpore*: beatâ immortalitate, *Gen. 2.v.17.* ac dispositione perfectioneque membrorum, quibus Dei perfectiones repræsentabat. *Vtroque*: dominio in cæteras animantes, *Gen. 1.v.26.28. cap. 2.v.19.* cui externa ejus majestas serviebat. His omnibus adumbrabat humo perfectionem creatoris sui: sed pro naturæ suæ modulo, id est, conditionem Dei substantiâ, potentiâ, actu infinitam, conditione substantiâ, potentiâ, actu finitâ. *Substantiâ*, quia loco temporeque finitur. *Potentiâ*, quia ea mutabilis est, utpote aliunde dependens. *Actu*, quia successivè actiones, passiones, cæterasque affectiones obit. *Iustitia* quæ vulgò *Originalis* dicitur, pars est hujus Imaginis, constitque in illa naturæ humanæ rectitudine, qua affectus voluntati, voluntas rationi, ratio Deo parebat. Ea, quandoquidem in ipsa creatione primo homini fuit indita, *Gen. 1.v.26.27.31. cap. 2.v.25. Ephes. 4.v.24.* rectè *naturalis* appellatur. Per hanc habuit homo *liberum Arbitrium* ad bonum: sed mutabiliter. Nam Deo ipsum non servante, potuit objecta fallaci specie deficere ad malum: ut paulò post eventus docuit. Ad statum externum primi hominis præter ea, de quibus dictum est, sub Imagine Dei, conjugium quoque & habitatio pertinent. *Conjugium* sanxit Deus inter marem & fœminam, ut hæc illi esset auxilio in officiis pietatis, in procreatione & educatione sobolis, & individua vitæ societate *Gen. 2.v.18. & seqq. Habitationem* verò utrique assignavit in Paradiso, amœnissimo terræ amœnissimæ horto, *Gen. 2.v.8.* ut eum colerent & custodirent, *v. 15.* concessio in cibum omnium arborum fructu; etiam illius, quæ à sacramentali significatione, *Gen. 3.v.22.* vel à singulari vegetandi virtute, *Prov. 15.v.4. Apoc. 22.v.2.* *arbor vitæ* dicebatur: Unicâ tantum, quæ in horti medio erat *Gen. 3.v.3.* & *arbor scientiæ* sive experientiæ boni & mali vocatur, *cap. 2.v.17.* exceptâ. Ita absolutis sex dierum operibus, finem creationi Deus imposuit, novas creaturarum species non produciens, sed in productis acquiescens. In cujus rei memoriam diem septimum peculiari sanctificatione diem *Sabbati*, quietus esse iussit *Gen. 2.v.2.3.*

Imago Dei
qua Homo
Deum referebat
animâ.

corpore.

utroque.

finite tamen.

Iustitia Originalis.

Liberum arbitrium.

Conjugium.

Habitatio.

Sabbatum.

Subjectum
circa
quod &
in quo

Subjectum circa quod creationis fuerunt creaturæ, producendæ per Dei potentiam, Subjectum verò in quo, initio nullum fuit, quia non existente ulla creatura, non exstabat quoque aliquis locus. Post autem cum creaturâ locus cœpit: communis quidem omnium creaturarum, Mundus, proprius autem certarum. Cœlum, aqua, terra Gen. 1. v. 11. 14. 20. 24.

1. Bonitas
Adjuncta
Creatura-
rum.

Adjuncta creationis in efficiente quadantenus attigimus. Creaturarum Adjuncta sunt, Bonitas, Finitudo, & Mutabilitas. De bonitate testatur Moses Gen. 1. v. 31. Omnia erant valde bona: videlicet tùm absolute in essentia & qualitatibus suis: tùm relate ad alios; ad Deum, cujus gloriam testantur, Ps. 19. v. 1. ad Hominem, quem ministerii & honoris officio prosequuntur, Gen. 1. v. 28. 29. Ps. 8. v. 7. & ad alias res creatas, quas singulæ suo ordine & modulo respiciunt. Finitudo est in loco & tempore. In loco: quia creaturæ omnes, utpote finitæ essentiâ, spatium aliquod, sive corporeum, sive spirituale, pro naturæ suæ conditione, occupant Gen. 1. per totum. In tempore: quia & cœperunt in tempore, Gen. 1. v. 1. & quoad existunt, eidem subjectæ sunt. Mutabilitas denique creaturarum est, quod universæ, propter dependentiam à creatore, mutabiles sunt, ipso solo simpliciter immutabili, Psal. 102. v. 27. 28. quæ tamen mutabilitas non semper deducitur in actum: uti videre est in Angelis beatis, cœlo beatorum, & aliis.

2. Finitudo
in loco.

tempore.

3. Mutabilitas

Iam Usum quoque hujus Loci subjiciamus.

I Ad Διδασκαλίαν. Opera Dei in Ecclesia demum recte agnoscuntur Heb. 11. v. 3. Ps. 147. v. 19. 20. Varietas illorum à Dei operantis est libertate Ps. 115. v. 3. Eph. 1. v. 11. Creatio operum omnium principium est, Prov. 8. v. 22. ac vera veri Dei nota Jer. 10. v. 10. 11. 12. Declarat invisibilia ejus Rom. 1. v. 20. hoc est, sapientiam, Sap. 11. v. 21. Potentiam, Ps. 33. v. 9. Bonitatem Gen. 1. v. 31. Videantur de his Ps. 104. per totum, & Jobi capp. 38. 39. 40. 41. Declarat agendi modum, qui est progressus ab imperfectis ad perfecta Gen. 1. per totum. Docet rerum omnium origines, sive ex nihilo, sive ex materia, ibidem: docet earundem ex creatione distinctionem. Ab hac Dominus audit universitatis, Mat. 11. v. 25. Ps. 24. v. 1. & universa voluntati ipsius humiliter deserviunt: Angeli; Gen. 19. 82. capp. & 2. Reg. 9. Homines: Abraham, Gen. 12. & 22. David, alique sancti; Animantia, Lev. 26. v. 22. Exod. 3. Ios. 24. v. 12. 2. Reg. 17. v. 25. Res inanima Psal. 148. v. 8.

II. Ad

I I Ad *Παιδείαν*. Agnoscamus ac celebremus Dei creatoris virtutes, exemplo Davidis Psal. 8. 19. 104. & alibi. Revereamur potentiam ipsius Ierem. 5. v. 22. *Φιλανθρωπίας* admiremur, Pl. 8. quā adductus multis modis Hominem creaturis ceteris anteposuit, imò has usibus ipsius destinavit Gen. 1. Complectamur nos mutuo amore, tanquam unam carnem, Esa. 58. v. 7. unumque sanguinem Act. 17. 26. Maneamus in modestiā, ortus nostri ex terrā memores: Syrac. 10. v. 8. Rom. 9. v. 20. Esa. 45. v. 9. exemplo Abrahæ Gen. 18. v. 27. Laboremus quoque strenue in suā singuli vocatione; cum non ad ignavum otium, sed ad honestum laborem nos conditos sciamus Gen. 2. v. 15. 2. Thess. 3. v. 10. 11.

III. Ad *Ἐπαύρθεωσιν*: Ne agnitionem Dei creatoris exstinguamus: exemplo gentium Rom. 1. Ne creationis gloriā ipsum spoliemus, statuentes Mundum aut à seipso exstitisse, aut ab aeterno fuisse. Ne in terrenorum opificum ordinem Deum redigamus, qui ex nihilo nihil produciunt. Nullum operum ipsius, quantumvis exiguum, vilis pendamus; nec ullius mali ipsum autorem faciamus Gen. 1. v. 31. Causis secundis nē nimium tribuamus, Gen. 1. v. 11. & cap. 2. v. 5. 6. nec eis confidamus: exemplo Ase 2. Chron. 16. v. 12.

I V. Ad *Παράκλησιν*: Confidamus verò ope Dei in quocunque casu: quia & potest nos juvare, ut qui verbo anima condidit, Gen. 1. & vult juvare quia paternè erga hominem affectus est: utpote cui de omnibus, non ad necessitatem modo, sed & ad delectationem, etiam antequàm esset prospexit. Retineamus hanc de ipso fiduciam, quantumvis media juvandi non adsint Gen. 2. v. 5. 6. Denique confirmemus nos in spe beata resurrectionis, intuitu tūm Solis & Luna, Dan. 12. 1. Cor. 15. Phil. 3. tūm etiam corporum nostrorum: quæ æque facile resuscitare ex pulvere, quam ex eodem illa potuit creare.

LOCUS SEXTUS

De.

PROVIDENTIA.

Opera Conservationis & Gubernationis sunt, quæ conser-
vando & gubernando Deus edit.

Communitè opera Providentiæ dicuntur; quam Provi-
dentiam definimus, Omnium universim rerum, sive à
Deo, sive à solâ creaturâ sint, conservationem, guberna-
tionem, & ad fines divinitus præstitutos ordinationem.

EXEGESIS.

Providentia

VOcem Providentia, quæ Græcis *Πρόνοια* dicitur, non accipi-
mus hic, ut supra, pro decreto; sed pro decreti exsecutio-
ne: quæ Providentia Actualis appellatur. In quâ signifi-
catione per Synecdochen modò pro hac, modò pro illa patre, à bo-
nis autoribus usurpatur.

Efficiens,
Deus.

Causa Efficiens Providentiæ eadem est, quæ Creationis: nimi-
rum Deus Pater, Filius & Spiritus Sanctus. Non enim ut architectus
absoluto ædificio, sic ipse perfectæ Creationis opere curam ejus
deposuit, aliorum illud arbitrio deinceps permittens: sed ab illo
tempore usque adhuc, continuo actu, idem opus potentiâ suâ su-

Pater, Filius,
& Spiritus S.
juxta

stinet, & consilio gubernat. Pater meus, inquit Christus, operatur us-
que adhuc Ioh. 5. v. 17. Filius sustinet omnia Verbo illo suo potente. Heb.
1. v. 3. Sanctusque Spiritus virtute suâ cunctâ tuetur ac fovet Gen. 1. v.

Scripturam,

2. Ps. 134. v. 30. Esa. 40. v. 12. 13. Præter quæ multa alia scripturæ te-
stimonia, rerum omnium administrationem Deo vendicant, Ps. 33.
v. 13. 14. 15. & 36. v. 7. & 104. v. 27. & seqq. & 113. v. 5. & seqq. Mat.

Rationes.

6. v. 26. cap. 10. v. 29. 30. Act. 14. v. 15. seq. Suppetunt quoque eam
in partem rationes evidentissimæ ac firmissimæ: à naturâ Dei; ab
ordine in naturâ creatâ divinitus sancito; à Lege Naturæ; ab Exe-
cutione hujus Legis in præmiis virtutum, & pœnis vitiorum; à con-
stitu-

stitutione ac mutatione Imperiorum: & quæ sunt hujus generis alia: ut monstra hominum, non homines habendi sint, qui in tantâ naturæ Scripturæque luce, Deo Providentiam suam detrahere non erubescunt.

Materia Providentiæ in objecto ejus cernitur. Sunt illud *primum* omnes omnino res & eventa rerum generatim considerata: *deinde* singula in specie & individuo. Unde in Scholis distinctio Providentiæ in generalem & specialem nata est. *Generalis* est, quâ omnia in hoc mundo, uno quasi & communi actu sustentat & gubernat. De hac dicta sunt: *Act. 17. v. 25. 28. Ipse dat omnibus vitam, & halitum, & omnia: nam in ipso vivimus, movemur, & sumus Heb. 1. v. 3. Sustinet omnia verbo illo suo potente. Nehem. 9. v. 6. Tu ille Iehova solus es: tu fecisti cælos, cælos cælorum, & omnem exercitum eorum, terram, & quicquid est in eis: & tu conservas hac omnia. Ephes. 1. v. 11. Omnia agit ex consilio voluntatis suæ. Specialis* est, quæ singulas rerum species & individua sigillatim sua curâ complectitur, horumque eventa sigillatim moderatur. Hanc alii in *particularem* & *singularem* subdividunt: Alii Providentiam *Peculiarem*, quæ circa Ecclesiam ejusque membra peculiariter occupatur, ab eâ distinguunt. Nos una hac specie cæteras inferiores omnes complectimur. Quæ proinde tantò latius patet, quantò major est tùm specierum varietas; tùm individuorum numerus. Id verò ut clarius appareat, aliquot rerum classes speciei huic declarandæ & confirmandæ ex scripturis subjiciamus. *Prima* classis continet distinctionem rerum *secundum substantiam*, in Intelligentes, & Non-intelligentes. *Intelligentes* sunt Angeli & Homines. Et *Angeli* partim Boni: partim Mali. Utrosque Providentiæ speciali subesse testatur Scriptura: bonos, *Heb. 1. v. 14. Ps. 91. v. 11. & 104. v. 4. Dan. 4. v. 10. al. 13. malos Job. 1. v. 12. c. 2. v. 6. 7. 1. Reg. 22. v. 21. 22. Matt. 8. v. 31. 32. Jam Homines* ejusdæ œconomix subjacere demonstratur, primò in genere, *Psal. 36. v. 7. 1. Tim. 4. v. 10. Act. 17. v. 26. deinde in specie ex formatione eorum in utero, Job. 10. v. 9. seq. vivificatione Zach. 12. v. 1. Psal. 94. v. 9. nativitate, Job. 10. v. 18. Psal. 22. v. 10. & 71. v. 6. infantia & pueritia, Psal. 8. v. 3. & 71. v. 5. 6. 17. Matt. 18. v. 10. ex toto vitæ statu & decursu, 1. Sam. 2. v. 6. Psalm. 75. v. 7. 8. & 113. v. 5. 6. & 139. v. 2. 3. Prov. 22. v. 2. Dan. 2. v. 21. Matt. 6. v. 25. 1. Tim. 6. v. 17. ex senectâ, Ps. 71. v. 9. 18. Esa. 46. v. 4. & morte Job. 14. v. 6. Mat. 10. v. 30. Heb. 9. v. 27. Circâ quæ tam in impiis quàm in piis occupatur Dei Providentia: *Act. 17. v. 25. & seq. cap. 14. v. 17.**

Materia res omnes & singular. Providentia Generalis.

Specialis.

hujus Objectum spectatur in diversis classibus, quæ distinguuntur. 1. secundum substantiam.

Matt. 5. v. 45. ita tamen, ut semper peculiaris pro his ejus cura, nobis insinuetur *1. Tim. 4. v. 10. Psal. 33. v. 18. 2. Chron. 16. v. 9. Deut. 32. v. 8. 9. Ps. 91. v. 11.* Quod creaturas *Non intelligentes* attinet, sunt illarum in ordine, *tum* animate, *sive* anima sensitivâ, ut animantia terræ, pisces & aves; *sive* vegetativâ tantum, ut herbæ, frutices & arbores: *tum* inanimæ, ut res cœlestes, quales sunt luminaria, & meteora; item terrestres & aquæ. Harum nulla Dei Providentiam effugit, sed singulæ species singulaque specierum individua eidem subiecta sint. Animantia terræ, *Gen. 1. v. 30. Iob. 39. v. 4. Ps. 104. passim & 147. v. 9.* Pisces, *Ps. 104. v. 25. & seq. Iob. 41. Luc. 5. 6. Iob. 21. v. 6. Matt. 17. v. 27.* Aves, *Iob. 39. v. 3. Ps. 104. passim, & 148. v. 10. Mat. 6. v. 26. c. 10. v. 29.* Herbæ, frutices, arbores, *Ps. 104. v. 16. 17. Matt. 6. v. 28. 1. Cor. 15. v. 38.* Luminaria, *Ps. 104. v. 19. & seqq. Ier. 31. v. 35. Ios. 10. v. 13.* Meteora, ut Nubes, *Iob. 26. v. 8. 9. Ps. 104. v. 13. & seq. & 148. v. 4. 5.* Pluviæ, *Iob. 5. v. 10. Ps. 134. v. 13. & seqq. Matt. 5. v. 45. Act. 14. v. 17.* Fulgur, *Psal. 18. v. 13. & seqq. & 50. v. 3.* Tonitru, *Psal. 29. v. 3. & seq. 1. Sam. 7. v. 9.* Venti, *Psal. 135. v. 7. Ier. 51. v. 16. Matt. 8. v. 27. & c.* Terrestres: ut metalla, *Ezech. 16. v. 17. Joel. 3. v. 5. Hag. 2. v. 8.* Fossilia, *Psal. 111. v. 6. Ezech. 38. v. 22. Gen. 14. v. 3.* Aquæ, ut Fluctus, *Iob. 38. v. 10. & c. Ps. 104. v. 9. Mat. 8. v. 27. & c.* Altera classis distinguit res *secundum quantitatem*, in parvas & magnas. Et si enim illæ Dei Providentiâ indignæ videri queant; non minus tamen eidem, quàm cæteræ subjiuntur: ita docente Scripturâ, *Mat. 6. v. 26. 28. & seqq. & cap. 10. v. 29. 30.* & dictante ratione, probro solum Deo haud esse id curare, quod gloriosum fuit creare.

2. Secundum
quantitatem.

3. Secundum
qualitates &
actiones.

Mala culpæ
subiungunt Pro-
videntiæ Dei.

Tertia classis eas distinguit *secundum qualitates & actiones*: à quibus bonæ vel malæ dicuntur. Et de *bonis* quidem, quin non modo regantur, sed & efficiantur à Deo, nulli potest esse dubium *Iacob 1. v. 17. Phil. 2. v. 13. 2. Cor. 3. v. 5.* De *malis* vero, non pœnæ, quæ passionibus sunt iustissimæ *Prov. 16. v. 4. Esa. 45. v. 6. 7. Amos. 3. v. 6.* sed *culpæ*, quæ legis transgressionibus sunt iniquissimæ, quod ab hac Providentiâ nullatenus eximantur, clarissimis scripturæ testimoniis pariter & exemplis ostenditur. *Testimonia* sunt: *Ps. 105. v. 25. Esa. 19. v. 14. cap. 63. v. 17. Ez. 14. v. 9. c. 24. v. 21. 2. Thess. 2. v. 11. 1. Pet. 3. v. 17. cap. 4. v. 19.* *Exempla* verò proponuntur, in Venditione Josephi, *Gen. 45. v. 8. & 50. v. 20.* in induratione Pharaonis, *Exod. 4. v. 21. & 9. v. 12. & Egyptiorum, cap. 14. v. 17.* In afflictione Jacobi, *cap. 1. & 2.* in desertione Saulis, *1. Sam. 16. v. 15.* in castigatione Davidis, *2. Sam.*

12.v.11.12.cap.16.v.10. in deceptione Achabi, 1.Reg.22.v.23. in excœcatione Judœorum, Esa.6.v.10. in crucifixione Christi, Act. 2. v.23.24.cap.4.v.27.28.nec non in sapientum Ethnicorum, veritatem in injustitiâ detinentium, punitione Rom.1.v.24.26. *Quarta* ^{4.Secundum eventus.} classis easdem distinguit *secundum eventus*: qui vel necessarii vel contingentes, vel fortuiti dicuntur. Universos quippe eadem hæc dirigit Providentia. De *necessariis* sive ab immutabili Dei consilio, sive ^{necessarios,} ab ordine naturæ divinitus instituto pendeant, loca sunt: Luc.24.v.46. Matt.18.v.7.cap.24.v.24.1.Cor.11.v.19. Hos.2.v.21.22. Job.38.v.27. Ps.104.v.13.14. De *contingentibus* ista: Prov.16.v.19. cap.21. ^{contingentes,} v.1. Ps.33.v.10. Ier.10.v.23. Denique de *fortuitis* hæc: Exod.21.v. ^{fortuitos.} 12.13. Deut.19.v.4. Ps.107.v.23.24.28.29.30. Prov.16.v.33. Matt.10.v.29. Hæc sunt, quæ Objecti sui ambitu Providentia complectitur: ex æquo quidem omnia, sed non gradu modove æquali. Quod enim propius quid est primo principio, hoc potiore in Providentiæ ordine locum obtinet. Deinde alia horum proveniunt ex Providentia tanquam causa, alia non ex eâ, sed secundum eam fiunt. Quæ cum ad formam Providentiæ propriè pertineant, ad eam nunc commodè progredimur.

Formam Providentiæ actibus duobus, *Conservatione* & *Gubernatione* expressimus: posteriorem verò *Ordinatione ad fines* divinitus præstitutos declaravimus; sive illi medii sint, sive ultimus. Ad eos siquidem gubernatio omnis dirigitur: utpote à causâ intelligente, eâque sapientissimâ, instituta. *Conservatio est*, quâ ^{Conservatio-} creaturas omnes in statu suo ordinariè conservat. ^{ne.} De hac dicta sunt: *Nehem.9.vers.6. Tu Deus servas omnia. Hebr.1.v.3. Filius sustinet omnia Verbo illo suo potente. Psal.36.vers.7. Homines & jumenta servas, Iehova.* Fit verò illud, *conservatione essentia* in speciebus, *existentia* in individuis, & *virtutis* ad operationes. Quæ tria scitè conjungit Apostolus *Actor.17.v.28. In Deo vivere nos, moveri, & esse* pronuncians. Et priora quidem duo animatis & inanimatis pariter communia sunt: posterius autem animatorum est proprium, ad actiones vitales, animales, & rationales edendas ipsis necessarium. Sic *conservatio essentia* in speciebus continua est, vi benedictionis, primis speciei individuis addita in creatione, ad sui propagationem *Genes.1.* *Conservatio verò existentia* individuis non est continua, sed finitur voluntate Dei, qui ut singulis hominibus, *Iob.14.v.6. ita singulis quoque animan-*

tibus, & aliarum specierum individuis certam existentia durat-
tionem præscripsit. Hinc jam patescit, quæ sit causarum secun-
darum dependentia à prima: quomodo item causa prima cum
secundis concurrat: de quo postea distinctius. Loquimur vero
hic de eo, quod ordinariè Deus facit: dum in statu naturali
creaturas conservat. Nam quod alias quandoque in conditio-
nem meliorem evexit, ut cum aquas in vinum, *Iohan. 2.* bacu-
lum in serpentem *Exod. 7.* convertit, quæ βελτίωσις est: alias con-
tra in statum deteriorem, ut Nebucadnetzarem in sortem
brutorum *Dan. 4.* ficum viridem in aridam *Matth. 21.* redegit,

Gubernatio-
ne.

quæ ἐλάττωσις dicitur, id omne extraordinariæ ac miraculosæ
Dei operationi meritissimè adseribitur. Gubernatio est, quæ Deus
universa & singula gubernat, & ad fines à se præstitutos dirigit ac deducit.
De hac dicta sunt: *Ephes. 1. v. 11.* Omnia agit ex consilio voluntatis
sua. *Daniel. 4. v. 35.* Pro voluntate suâ facit in exercitu cæli & habi-
tatoribus terra: neque est qui prohibeat manum ejus, aut dicat ei, quid fa-
cis? *Rom. 11. vers. 36.* Ex eo, per eum, & in ipsum sunt omnia. Mo-
dus ejus duplex est: unus κατ' ἀδολύειαν, alter κατ' οὐκὸν ὁμοίωσιν: nam

Quæ est.

quod tertium, κατ' οἰκονομίαν, addunt alii, sive is ad naturæ
peccantis sustentationem, sive ad miraculorum patratiōem re-
feratur, utroque significatu modi primi species manet. Gubernatio

κατ' ἀδολύειαν
κατ' οἰκονομίαν

rerum est per se bonarum, quas Deus vult, efficit, &
ad bonos fines efficaciter perducit. Sunt quippe tales conformes
naturæ ipsius, *Iacob. 1. v. 17.* proinde sicut iis delectatur, *Psal. 45. v.*

Atque vel

8. ita etiam in iisdem efficiendis occupatur. Vulgò in *Mediatam* &
Immediatam, sive in *Ordinariam* & *Extraordinariam* subdistingui-
tur: quarum illa bonitatem Dei, ista potentiam; utraque multifariam

Mediata.

ejus sapientiam singulariter testatur. *Mediata* est, cum Deus caus-
arum secundarum ministerio in gubernatione utitur. Atque ita
agere dicitur κατ' ὅρον secundum ordinem à se in naturâ consti-
tutum; sive secundum naturam causarum secundarum *Hof. 2.*

Concursus
causæ primæ
cum secundis
cur fiat.

v. 21. 22. Genes. 8. vers. 22. Quod quidem facit, non ex aliquo vir-
tutis defectu, aut quod quieti suæ hoc pacto consultum eat; sed
partim ut suam in creaturas potestatem, ac regiam dignitatem,
omnium creaturarum satellitio quasi stipatam, nobis ostendat:
partim ut nos commonefaciat, ne divinâ freti Providentiâ ordi-
nata Divinitus media negligamus. *Matth. 4. vers. 6. 7. Actor. 27. v.*
24. & 31. In hac autem Gubernatione, causæ secundæ non tan-
tum

tym.

tum passivè, sed etiam activè se habent: nec agit in iis Deus sub-
 jectivè (sic enim omnis vis creaturis divinitus indita elideretur, <sup>Quomodo-
 illæque frustra conditæ essent, ipso omnia in omnibus immediatè causâ secun-
 operante) sed effectivè, tanquam causâ primâ: à quâ omnem da hic se ha-
 causandi vim acceperunt secundâ, cujusque concursu ad caus-
 sandum tum excitantur, tum applicantur. Præterea *concursum* <sup>Qualis sit
 illum, sive influxum, ipsarum naturæ ita attemperat, ut qualis concursus,</sup>
 ea est, talis quoque sequatur effectus: qui proinde necessarius
 vel contingens habetur, prout causâ Proxima necessario vel con-
 tingenter egit. Porro causâ illâ secundâ, quas Deus ut media <sup>Causæ secun-
 Providentiæ suæ adhibet, vel Inanimatæ sunt, vel Animatæ; hæ- da sunt.</sup>
 que iterum vel Intelligentes, vel Non-intelligentes. *Inanimatæ* ^{Inanimatæ.}
 sunt, quæ moventur ad finem suum naturali quâdam inclina-
 tione, citrà ullam ejus apprehensionem: quemadmodum lapis,
 deorsum fertur interno naturæ suæ principio. *Non-intelligentes* <sup>Non-intelli-
 sunt, quæ movetur instinctu naturali, ad particularem suum fi- gentes,</sup>
 nem, præviâ cognitione sensus singulari: ut bruta. *Intelligentes* ^{Intelligentes.}
 sunt, quæ moventur ad suum finem, non particularem modo, sed
 etiam universalem, principio voluntatis intelligentis, sive vo-
 luntate intellectivâ: qualis est in angelis & hominibus. Harum <sup>Concursus,
 singulæ ut principiis internis diversæ sunt, sic diversimodè in eis Dei cum</sup>
 & per eas agit Deus. In *Inanimatis* citrà ullam cognitionem, i- <sup>Inanimatis
 pforumque in operando determinationem. In *Brutis* cum aliquâ Brutis.</sup>
 quidem cognitione, sed valdè imperfectâ, utpote merè sensuali:
 itemque cum aliquâ ipforummet determinatione, sed quæ à sen-
 sus tantum judicio nascitur. In *Intelligentibus* denique Angelis & <sup>Intelligenti-
 Hominibus agit præcedente cognitione mentis, & subsequente bus.</sup>
 determinatione voluntatis ipforum. Quorum omnium exempla
 sparsim per universam Scripturam reperiuntur. Sed difficilioris
 explicationis est, concursus Providentiæ cum creaturis Intelli-
 gentibus. Ad cujus rationem assequendam id tenendum est quod
 suprâ monuimus. Deum cum causis secundis concurrere, natu-
 ræ ipsarum convenienter. *Concurrit igitur cum creaturis Intelligenti-
 bus secundum ipsarum quoque naturam,* id est, ita, nè tollat liberta-
 tem ipsarum in agendo; Quod fit, dum sic eas determinat, ut
 tamen sese determinent ipsæmet per suam voluntatem. *Deus* eas
determinat, tum *objectivè* proponendo eis aliquod objectum: tum <sup>Quomodo
 Ethicè, movendo earum voluntatem, ut quod à mente cognitum determinen-
 tur à Deo</sup></sup>

A semetipsis atque monstratum est, amplectantur. *Ipsemet verò se quoque determinant*, dum quod mente cognoverunt ut bonum, accipiunt voluntate, suo ac proprio motu, absque coactione. Hinc præceptis & interdictis, promissis & minis, suasionibus & dissuasionibus, non externis modo, Verbi, sed & internis, Spiritus, cum hominibus agitur: uti videre est 2. *Corinth.* 5. vers. 18. 19. 20. & in *Actis* passim. Talis verò actio causæ primæ determinantis secundas intelligentes, nullatenus pugnat cum libertate ipsarum. Siquidem *libertas* illa non est absoluta, ut per eam nulli subjiciantur, à nullo in agendo dependeant: sic enim æquarentur Deo, qui ut solus independens, ita solus verè est *αυτεξούσιος*: sed necessariam ac inseparabilem creaturæ à creatore dependentiam inclusam habet, eoque tantum facit, ut tum à necessitate absolutâ & coactionis eximatur, tum ab agente naturali distinguatur. Idcircoque tali agenti rectè illa opponitur; Deo autem rectè & verè subordinatur; cui subesse, servire, vera demum libertas est. *Immediata* gubernatio est, cum Deus vel causis secundis non utitur, vel suprâ, præter, aut etiam contrâ ipsarum naturam agit. Idque facit, partim ut se causis secundis minimè alligatum esse ostendat, *Genes.* 2. vers. 5. 6. partim, nè illis deficientibus de Providentiâ ipsius & potentiâ dubitemus, aut desperemus *Iohann.* 6. v. 5. & seqq. Ad hanc itaque Gubernationis speciem referenda sunt: I. quæ operatur Deus *absque omnibus mediis*, ut cum terram fecundavit absque pluviâ & culturâ *Genes.* 2. vers. 5. 6. Ita non solo pane, sed Verbo Dei vivere dicitur homo, *Matth.* 4. v. 4. ut vixerunt Moyses, *Exod.* 34. vers. 28. & Elias 1. *Reg.* 19. v. 8. II. quæ operatur *præter aut supra mediorum naturam*, quod est τὸ ἀπὸ τοῦ ὑπὲρ φύσιν: ut cum aquam convertit in vinum, *Ioh.* 2. paucis panibus aliquot millia cibavit *cap.* 6. III. quæ operatur *contrâ mediorum naturam*, τὸ ἀντὶ φύσεως: ut cum aquas maris rubri, *Exod.* 14. v. 16. & Jordanis, *Ios.* 3. v. 16. itemque solem stare fecit, *cap.* 10. v. 13. dum eundem decem gradibus, quos jam paragrarat, revocavit, 2. *Reg.* 20. v. 11. dum socios Danielis in fornace ignea illæsos, *Dan.* 3. v. 29. ipsum in foveâ leonem incolumem servavit *cap.* 6. v. 23. 24. Quæ omnia fecit contrâ particularem mediorum illorum naturam, Contrâ naturam universalem verò, hoc est, totius universitatis ordinem, nihil unquam fecit aut facit. Ex quibus omnibus clarum

A semetipsis

Dei terminatio non tollit libertatem creaturarum intelligentium.

immediata.

cur fiat.

Agitur à Deo

1. Absque mediis.

2. Præter eorum naturam

3. Contra mediorum naturam.

Huc Perri-
nent.

rum

rum est, præcipuè huc pertinere operationes *miraculosas*: quæ quia vim totius naturæ creatæ excedunt, à virtute autem omnipotente procedunt, immediatæ Dei Gubernationi rectissimè subjiuntur. Et huic non repugnat, quod Deus in Veteri Novoque Testamento circà patratiōem Miraculorum, aliorum legitur adhibuisse ministeria. Nam nulli eorum communicavit virtutem infinitam sive Omnipotentiam suam, sed quædam duntaxat externa loqui & agere voluit: circà quæ ipse omnipotenter fuit efficax. Sequitur alter Gubernationis modus *κατὰ συλχέησιν*, quæ rerum est malarum, hoc est, peccatorum, cujusmodi Deus neque vult, neque approbat, sed permittit, permissaque ordinat. *Non enim est Deus, qui delectetur improbitate, nec commoraturum est apud ipsum malum: odit omnes qui operam dant iniquitati; abominatur, perdit eos* Psal. 5. v. 5. 6. 7. Permittit tamen iniquitatem, Actor. 14. v. 16. & ita ordinat, ut tandem, contrà intentionem peccantis, in bonum exeat Genes. 50. v. 20. Quo respectu ipsa *permissio ἐνεργητικὴ*, efficiens, operans nonnunquam dicitur. Cæterum quia in explicandâ peccati Gubernatione variè, & olim, & nunc erratum fuit, in excessu & in defectu: modum ejus planè & distinctè ex Scripturis definiemus. Id autem ante omnia tenendum est, non agi hîc de peccato *concretivè*, ratione materialis, quod est inclinatio & actio, aut ratione adjuncti consequentis, quod est reatus: sic enim Deo passim adscribitur: Gen. 50. vers. 20. 2. Sam. 24. v. 1. & cap. 12. v. 11. 12. sed agi de eo *abstractivè*, ratione formæ, quæ est ἀνομία, 1. Ioh. 3. v. 4. quo sensu quàm longissimè ab ipso removetur Psal. 5. vers. 5. 6. 7. & 45. vers. 8. 1. Chron. 21. vers. 1. Sicque acceptum sub Gubernationem Dei cadit tripliciter; quoad Initium, Progressum, & Finem. *Quoad Initium* I. *permittit peccatum*: non illud indifferens relinquendo, ut repudium permittit Moses, Matth. 19. vers. 8. sed non impediendo: argumento loci Gen. 20. vers. 6. De quâ permissione dicta sunt: Psal. 81. v. 13. *Permisi eos ambulare ex sententiâ animi sui*. Actor. 14. v. 16. *Deus in præteritis atatibus sivit omnes gentes suis ipsarum viis ingredi*. Permittit autem non incius, nec invitus, aut negligens, sed consultò & volens: partim quia permissio voluntatis est actio: partim quia Deus sapientissimus ac potentissimus nihil imprudenter, nihil incuriâ, aut invitus agit. Nec tamen peccat permittendo, id est, non impediendo: quia nullâ lege ad id obligatur, utpote legibus

Miracu a.

Instrumenta
qui se habebant in patratiōe miraculorum

II. κατὰ συλχέησιν

Peccatum cadit sub Providentiam Dei permittentem abstractivè, quâ ἀνομία & quidem quoad.

1. Initium permittendo peccatum.

Subtrahendo
gratiam.

Offerendo
bonas occa-
siones

In quibus ju-
stitia Dei est.

Manifesta,

Occulta,

2. Progreſſum

determina-
tione.

Interna

Externa

3. Finem.

Finis.

legibus omnibus superior, & insuper majus bonum ex peccato producit. II. *Subtrahit gratiam peccato adversantem*: tum *Internam*, quâ mens luce & judicio recto destituitur, & cupiditatibus fræna laxantur: *Exod. 4. v. 21. & cap. 9. v. 12. Esa. 9. v. 9. 10. Rom. 1. v. 24. 26.* tum *Externam*, quâ mortales Satanæ mundique injuriis variè exponuntur *Iohann. 1. v. 12. 1. Reg. 22. v. 22. Matth. 8. v. 31.* III. *bonas offert occasiones*, quibus ad peccandum impii perperam abutuntur. Quales sunt, intus bonæ cogitationes; foris, dicta, facta, aliæ in sensus incurrentia: ut Pharaonis, *Exod. 5. v. 2.* Judæorum, *Iohan. 19. v. 5. 6.* & aliorum exempla docent. Atque in hac subtractione gratiæ, occasionumque bonarum oblatione jam manifesta, jam contra occulta est *Dei justitia*. *Manifesta* est in plurimis peccatis ortis; ut induratione Pharaonis: utpote, quam ille sua ergà Israelitas tyrannide meruerat: item in sceleribus sapientum Ethnicorum, in quæ prolapsi, Deo in sensum reprobum ipsos tradente *Rom. 1. v. 24. 26.* *Occulta* vero est in peccato primo, & in quibusdam ortis. In primo, quia Adamus nondum meruerat sui in tentatione desertionem. In quibusdam *Ortis*: ut in adulterio Davidis, qui vir erat secundum cor Dei: ac proinde pignus videbatur, qui non ita ab ipso deferetur. *Quoad progressum* determinat, Deus peccatum, hoc est, certis limitibus circumſcribit, ne vel longius latiusque serpat, vel diutius duret; ac proinde magis noceat, aut peccatori, si resipiscat, aut aliis, quam ipsi visum. Estque illa determinatio interna & externa. *Interna*, dum vel mentem illuminat ut turpitudinem mali, pœnarumque illud subsequendum magnitudinem perspiciat; vel cupiditates nocendique studium frænât ac cohibet. *Externa* est, dum Satanæ mundique furores reprimat; ampliores nocendi occasiones præſcindit, mandatis etiam minisque à malefaciendo abducit. Quorum omnium exempla luculentissima in Labane, Esauo, Bileamo, Achabo, Sennacheribo; item in Jobi Christi que historia occurrunt. *Quoad finem* Deus peccatum, præter ejus naturam, pro sua sapientia ad bonum dirigit ac deducit. *Genes. 50. v. 20. Vos cogitaveratis contra me malum. Deus autem cogitavit illud in bonum convertere.* Alia exempla, sunt *Iob. 1. v. 11. 12. 22. cap. 2. v. 9. 10. Esa. 10. v. 5. 6. 7. Act. 3. v. 14. 15. 18. & alibi.*

Finis Providentiæ est, tum gloria sapientiæ, bonitatis, justitiæ,

stitiæ, ac potentiæ Dei: *Rom. 9. v. 17. Prov. 16. v. 4.* tùm Electorum salus *Rom. 8. v. 28.*

Effecta sunt res conservatæ in speciebus suis, in individuis, & ^{Effecta.} in operationibus, deinde etiam quocunque modo gubernatæ. Quæ quidem *respectu* caussarum secundarum necessaria, contingentes, vel fortuitæ dicuntur. Dei verò *respectu* necessaria sunt ^{Necessitas} universæ; *necessitate ex hypothesi*, sive consequentiæ: quam, ab ^{immutabilitatis & infallibilitatis.} immutabili decreto, *immutabilitatis*, & à præscientiâ infallibili, *infallibilitatis*, Scholæ vocant. Nam nec decretum Dei immutari potest, nec falli præscientia. Exempla videantur *Deuter. 19. vers. 4. Psal. 107. v. 23. 24. & seqq. Proverb. 16. v. 33. Matth. 10. v. 29. 30. cap. 18. v. 7. Luc. 22. v. 22.* Inter effecta Providentiæ extraordinaria excellunt *Miracula*, quæ opera sunt totius naturæ ^{Miracula.} creatæ vim excedentia. Proinde solus Deus ea edere potest, *Exod. 8. v. 19. Psal. 72. v. 18. Iohan. 3. v. 2.* Diabolo verò ^{Diabolo impossibilia.} simpliciter sunt impossibilia, *Iohan. 10. vers. 21.* qui præstigiis, sensus fascinando, aut caussas naturales, quarum virtutem homines ignorant, adhibendo, mira facit, non miracula: sicut signa ac prodigia mendacia appellantur 2. *Thess. 2. v. 9.* *Subjectum* miraculorum varium omnino est; prout variè edita in cælo, terrâ, mari; animatis & inanimatis. At nullum unquam subjectum ita redactum fuit in nihilum, ut penitus esse desierit. Nec unquam observatum, quod actu aliquid fuerit, idemque simul, & eodem tempore non fuerit. Aqua cum in vinum verteretur, desuit formaliter, mansit materialiter: nec simul actu fuit aqua & vinum. A modo distinguuntur miracula in *pura*, quæ sine omnibus caussis secundis fiunt; & *mixta*, cum illas Deus assumit: itemque in *positiva* & *privativa*. *Positiva* sunt, cum novum quid- ^{Positiva.} dam efficitur, in rerum conversionibus, *Exod. 4. v. 3. cap. 7. v. 23. Iohan. 2. v. 8. 9. 10. 11.* procreationibus, *Matth. 1. v. 18. Exod. 16. v. 16.* & multiplicationibus *Genes. 7. v. 18. 19. 20.* *Privativa* ^{Privativa.} sunt, quibus cursus naturæ inhibetur, ac velut interrumpitur: ut cum stetit Sol, *Ios. 10. vers. 13.* natavit ferrum, 2. *Reg. 6. vers. 6.* ignis non ussit *Dan. 3. vers. 24. 25. 26.* Quæ aliaque, quia externa fuere omnia, sensibus externis exposita, sicut finis ipsorum, confirmatio veritatis, hanc conditionem exigit; exterior evidentia, communis miraculorum affectio non immeritò censetur.

Adjuncta.

De *Subjecto Providentiæ* dictum est in materiâ. *Adjuncta* sunt, quæ in operibus Providentiæ deprehenduntur ἐνεργητικῶς, Dei virtutes; *Sapientia*, *Bonitas*, *Iustitia* & *Potentia*; alibi magis, alibi minus conspicuæ. Ubi tenenda regula Theologorum: *Providentia Dei aliquando occulta, nunquam injusta est.*

Restat hujus quoque Loci Usus.

I. Ad Διδασκαλίαν: Dei bonitas cuncta conservat, sapientia gubernat, operatur potentia: Vide supra, *Subsunt ei omnia, etiam Satan cum omnibus furis suis* Job. 1. & 2. cap. 1. Reg. 22. v. 21. 22. Matth. 8. v. 31. 32. *Non est alligatus uni modo, sed agit prout vult;* Psal. 115. v. 3. Dan. 4. v. 35. Ephes. 1. v. 11. utpote immensa sapientiæ, liberrimæ voluntatis, absolutissimæque potestatis Dominus Job. 13. v. 7. Rom. 9. v. 10. & seqq. Peccata etiam sanctè regit, Gen. 50. v. 20. Joh. 1. v. 21. Actor. 2. v. 23. cap. 4. v. 27. 28. hominumque maleficia iusta sæpe sunt ipsius iudicia 2. Sam. 12. v. 11. 12. cap. 16. v. 10. cap. 24. v. 1. 1. Reg. 12. v. 24.

II. Ad Παύλειαν: Dei imperium in omnia, justissimum ac optimum, debitâ subiectione agnoscamus, exempli Iobi cap. 1. v. 41. Timeamus ipsum, in cujus manu sunt omnes creaturæ, quique eas adversus nos armare potest: Exod. 7. & seqq. capp. ipsum amemus, ut qui peculiarem pro nobis curam gerit, Psal. 55. v. 23. 1. Petr. 5. v. 7. necessaria omnia ab ipso petamus, & gratias pro iis agamus; Psal. 107. v. 8. & 145. v. 15. 1. Timoth. 6. v. 17. exemplo servi Abrahæ, Gen. 24. v. 12. & 27. Davidis, in omnibus Psalmis Eucharisticis. In adversis non ad causas secundas, sed ad primam, Deum, oculos nostros attolamus, exemplo Iobi, cap. 1. v. 21. & 2. v. 10. Davidis, 2. Sam. 16. v. 10. Peccata nostra agnoscamus & emendemus: exemplo Fratrum Iosephi Genes. 45. v. 5. & cap. 50. v. 17. Denique exemplo Dei à mundi administratione nunquam recedentis, Johann. 5. v. 17. muneri nostro diligenter incumbamus.

III. Ad Επαινεύειν; Ne unquam in dubium vocemus, aut tanquam injustam criminemur Dei gubernationem, etiam cum adfligit pios: exemplo Eliphassi, Job. 4. 5. 15. Bildadi, cap. 8. & 18. Tzopharis; cap. 11. & 20. aut impius momentaneam felicitatem indulget Job. 21. v. 2. & seqq. Psal. 73. v. 1. Jerem. 12. v. 1. Ne in ulla periculo casive desperemus, etiamsi causæ omnes secundæ deficient Eisa.

43. v. 1. & seqq. al. 42. v. 26. & seqq. *Nè caussis secundis nimium tribuamus: exemplo Asa* 2. Chron. 16. v. 12. *Nec tamen illas negligamus* Actor. 27. v. 31.

IV. Ad Παράκλησιν, *Patientes simus in adversis, quia ea justè pater-
ternoque animo immittit Deus, idemque non in malum, sed in bonum no-
strum: Hebr. 12. v. 5. & seqq. Rom. 8. v. 28. v. 28. Psal. 119. v.
71. exemplo Iosephi, Genes. 50. v. 19. 20. 21. Iobi, cap. 1. v. 21. Da-
vidis, 2. Sam. 16. v. 10. 11. Christi Matth. 26. v. 39. Bene de hoc
Deo nostro in futurum speremus, quia semper facturus est Patris officium
in bonis conferendis, malis autem avertendis: exemplo Davidis, 1. Sam.
17. v. 37. Psal. 23. v. 1. 4. 6. & Pauli, 2. Timoth. 4. v. 17. 18.
inque hac spe & fiduciâ nos confirmemus promissione ejus, Hebr. 13. v. 5.
vitæ anteactæ experienciâ, Psalm. 22. v. 11. & rerum viliorum curâ,
Matth. 6. v. 25. & seqq. capp. 10. v. 29. 30. 31. atque ita in Dei
Providentia secure acquiescentes, usurpemus illud Genes. 22. vers. 8.
Dominus providebit.*

LOCUS SEPTIMUS

De

LEGE DEI.

Fit verò Gubernatio Hominum peculiariter per Legem Dei; Quæ faciendorum & omittendorum est regula.

Hujus tres vulgò recensentur species, Moralis, Ceremonialis, ac Judicialis.

Lex Moralis, est de Officiis perpetuis ergà Deum & Proximum.

Lex Ceremonialis, est de ritibus circà cultum Dei externum observandis.

Lex Judicialis, est de gubernatione civili populi Dei, in Testamento Veteri.

EXEGESIS.

Vocabuli *Lex*
in Homonymia.

LEx, Hebræis תּוֹרָה, Græcis Νέμω, dicitur à legendo: & in genere *quavis doctrinam*, ipsius etiam Evangelii, *Psal.* 19. v. 8. *Esā.* 2. v. 3. *Ierem.* 31. v. 33. in specie autem, jam totum *Vetus Testamentum*, *Ioh.* 15. v. 25. *Rom.* 3. v. 19. jam aliquam ejus partem, ut *Pentateuchum* Moſis, *Luc.* 24. v. 44. *Rom.* 3. v. 21. jam *faciendorum & omittendorum regulam* propriissime designat *Rom.* 3. v. 28. Synecdochicè quoque accipitur pro *unâ alterâve Legis specie*, *Iohan.* 1. v. 17. & metonymicè pro *dominio & impulsa*, *Rom.* 7. vers. 23. *cap.* 8. v. 2. denique κατωχενικῶς de ordine *naturæ* divinitus sancito intelligitur. Spectatur hîc, non ut hominum mentibus impressa est, quæ *Lex naturæ* & *naturalis* vulgò: *Rom.* 2. v. 14. opus legis scriptum in cordibus appellatur, sed ut sermone Dei *θεσφοεικῶ* enuntiata, posteaque scripto fuit comprehensa. *Efficiens* igitur Legis est Deus, qui eam in monte Sinai, voce signisque terribilibus promulgavit *Exod.* 19. 20. & seqq.

Efficiens.

seqq. capp. Hujus quippe est, ut non intelligentibus ordinem, sic intelligentibus vitæ & actionum regulam præscribere *Ezech. 20. v. 19. 20.* Unde *Legislator* vocatur: & quidem unus sive solus *Jac. 4. v. 12.* Promulgavit verò eam Pater per Filium, *Actor. 7. v. 38.* cujus vox tunc concussit terram, *Hebr. 12. v. 26.* ministris primùm Angelis, *Actor. 7. vers. 53. Galat. 3. v. 19.* deinde Mose, *Exod. 19. v. 3. 20.* quo internuncio populo Israëlítico est tradita *Exod. 32. v. 15. & 34. v. 29. Iohan. 1. v. 17.* *Materia* ejus sunt res *Materia.* & actiones, quibus certa juris ratio præscribitur. *Forma* est bonorum præceptio, malorum interdictio, & permissio indifferen- *Forma.* tium, secundum sanctitatis ac liberrimæ voluntatis Divinæ modum. *Finis* respectu *Dei*, est patefactio voluntatis ipsius, *Psal. 147. v. 19.* respectu *Hominum* verò, partim ipsorum gubernatio, *Deut. 4. v. 2. & seqq. cap. 29. v. 29.* partim aliorum ab aliis segregatio *Psal. 147. v. 19. 20. Deut. 7. v. 6. 7.* *Effecta* varia sunt: De *Effecta.* quibus infrà distinctè agetur. *Subjectum*, sive *Objectum*, in V. T. *Subjectum.* erat populus Judaicus; cui jura sua, sive eloquia peculiari beneficio Deus concedidit, *Psal. 147. v. 19. Rom. 3. v. 2. cap. 9. v. 4.* non aliquâ ipsius dignitate, sed gratiosâ suâ voluntate inductus *Deut. 7. v. 6. 7.* In N. Test. autem, quatenus suum vigorem retinet, eatenus non unum aliquem populum, sed omnes, quibus prædicatur, Gentes concernit. *Adjuncta* sunt: Sanctitas & *Adjuncta.* Sanctio. Est namque Lex *Sancta*; & mandatum sanctum, justum, ac bonum *Rom. 7. v. 12.* insuper promissionibus comminationibusque dignè sancita est. Illarum summa proponitur *Levit. 18. v. 5. Gal. 3. vers. 12. Qui fecerit ea, vivet per ea.* Harum summa reperitur *Deuteron. 27. vers. 26. Galat. 3. vers. 10. Maledictus omnis, qui non manserit in omnibus quæ scripta sunt in libro Legis, ut faciat ea.*

Hæc Dei Lex, quæ una in genere ac simplex est, juxtà Obje- *Distinctio* *Legis.* cti, hoc est, Operum faciendorum vel omittendorum varietatem in species tres distinguitur: quarum una ἠθική, sive *Moralis*; altera ἑεργική, sive *Ceremonialis*; tertia Πολιτική, *forensis* sive *Judicialis* dicitur.

Lex Moralis est de officiis perpetuis ergà Deum & proximum. Cui *Lex moralis.* proinde *primus* deferitur in explicatione locus: quia finis est *Prima.* Legum cæterarum; itemque non externa tantum, ut istæ; sed vel maximè interna pietatis probitatisque officia, eaque non tempo-

Ejus declara-
tio per uni-
versam Scri-
pturam.

In Decalogo.

rariora, sed perpetua flagitat. Ea non uno aliquo Scripturæ loco, sed sparsim per omnes Testamenti utriusque libros explicata est, citrà omnem mutilationem aut defectum. Ex quo apparet, à Lege Naturæ, qualis quidem est post lapsum, diversam esse: utpote quæ in naturâ; non in Scripturâ; non integra, sed manca ac mutila reperitur. κατ' ἐπιτομὴν tamen Lex Moralis proponitur in *Decalogo*: cujus præcepta Deus ipse eloquutus est, digitoque suo tabulis lapideis insculpsit, *Exod. 20. v. 1. & seqq. cap. 31. v. 18. & 34. v. 1. 28.* ut pauca variarum conclusionum existerent principia, ad captus humani infirmitatem. Quod ipsum indicatur Synecdochicâ *decem verborum* appellatione *Exod. 34. v. 28. Deut. 4. v. 13. & cap. 10. v. 4.* Communiter esse dicitur *Decalogus, Immota Iustitiæ Divinæ regula*. Nimirum, quia nulli hominum fas est regulam hanc mutare, aut ab eâ exorbitare. Alioquin *Dei respectu* non ita simpliciter, sed in iis demum immota est præceptis, quæ absolutè pendent à Dei naturâ, ut contraria eis velle aut præcipere ἀδύνατον sit: cujus generis sunt præcepta, I. II. III. VII. IX. In cæteris verò, quæ non à naturâ, sed à liberâ Dei voluntate fluunt, uti sunt præcepta, IV. V. VI. VIII, & ex parte X. regula est mutabilis pro eadem voluntate: sicut exempla docent: *Matth. 12. v. 3. 4. 10. Actor. 4. v. 19. cap. 5. v. 29. Genes. 22. v. 2. Exod. 11. v. 2. 3.* Ideòque hic locum habet regula Theologorum, *Lex generalis cedit speciali: antecedens consequenti*. Et quod Decalogum officia perpetua imperare diximus, quoad secundi ordinis præcepta, de officiis ordinariis in Utroque Testamento intelligendum est.

Decalopus
distinguitur
in duas tabu-
las.

Vbi notanda
Regulæ.

Distinctio Decalogi duplex traditur in Scripturâ: una in duas tabulas, altera in decem præcepta. Prior est ex Fine, ratione diverforum præceptorum. Nam finis mandati est charitas, ex mundo corde, & conscientia bonâ, & fide minimè simulatâ I *Timoth. 1. v. 5.* Confirmaturque non eo modo, quod Deus in duabus tabulis omnia præcepta proposuit, *Exod. 31. v. 18. cap. 34. v. 4. 28.* sed eo quoque, quod Christus *Matth. 22. v. 37. & seqq.* duarum illarum tabularum sententiam præceptis duobus expressit: quorum alterum ab ordine *primum*, à dignitate objecti, cultusque excellentiâ *maximum*; alterum ab ordine *secundum*, à genere cultus moralis *primo simile* vocat. Atque huc *regula* faciunt: I. Tabula secunda cedit primæ: *Actor. 4. v. 19. cap. 5. v. 29. Ephes. 6. v. 1.*
II. Præ-

II. Præceptum tabulæ primæ ceremoniale, cedit præcepto morali tabulæ secundæ *Hof. 6. v. 6. Matth. 12. v. 3. 4. 10. cap. 15. v. 3. 4. 5. 6.* Posterior est ex mediis ad Finem, Dei scilicet proximique dilectionem. Nam sicut qui sex posteriora præcepta observat, secundam Decalogi tabulam, *Rom. 13. vers. 8. 9. 10.* ita qui quatuor prima observat, primam implet. *Fundamentum distinctionis* est non tantum decem Verborum mentio, *Exod. 34. v. 28.* decemque præceptorum recitatio, *Exod. 20. Deuter. 5.* sed etiam sententiarum tot præceptis enuntiatarum diversitas. Aliæ siquidem de *Officiis erga Deum*, aliæ de *Officiis erga proximum* agunt. *Officia erga Deum* aut communia sunt, aut certi temporis propria. *Communia* sunt interna vel externa. *Interna* mandantur sententiâ præcepti Primi. *Externa* aut spectant gestus, aut verba, *Illa* Secundum, *ista* Tertium præceptum declarat. *Propria* verò certi temporis officia præcepti Quarti sententia exhibet. Jam officia erga Proximum sententiis aliquot specialibus, unâque generali comprehenduntur. *Speciales* sunt circa Personas & res. Et circa *Personas* quidem respectu ordinum vitæ humanæ, præcepto V; aut extra eos ordines, quoad vitam, præcepto VI. quoad castitatem, præcepto VII; Circà *Res*, ut bona externa vitæ nutriendæ destinata, præcepti VIII, & Famam, præcepto IX. Sententia denique generalis, specialium interpret, est Decimum. *Regula* ad hujus distinctionis, & ipsorum sigillatim præceptorum intelligentiam facientes, tres sunt: I. Quæ generaliter in præceptis Decalogi docentur, per partes explicanda sunt. II. Omnia Decalogi præcepta enunciantur per Synecdochen speciei & membri; idque Metonymicè: nempe ut cum causâ intelligatur effectus, cum antecedente consequens, cum affirmato negatum, cum relato correlatum. III. Præceptum Nonum peculiariter exponendum per synecdochen generis, de falso testimonio contra famam proximi. Cæterum omnibus Decalogi præceptis *Præfatio* præmittitur: *Ego sum Jehova, Deus tuus, qui eduxi te ex Ægypto, domo servitutis.* Quâ præfatione hoc agit Deus, ut illorum obedientiam populo suo suadeat; & argumenta suasionis adfert: quod ipse legislator sit Jehova, à se ab æterno existens, omnibusque extra se esse dans & conservans: Quod ex federe gratiæ. *Ierem. 31. v. 33.* populi sui Deus: Quod etiam eundem miraculosè liberârit à servitute corporali Ægypti, & suo tempore liberaturus sit à servitute.

In decem
præcepta.

Distributio
eorundem.

Regula hæc
observandæ.

Decalogi
Præfatio.

Præcepta
Primum.

tute spirituali peccati & mortis: sicut fecit deinceps per Filium. Tum ipsorum *præceptorum recitatio* subjicitur. Verba *Primi Præcepti* negativa sunt: *Non habebis Deos alios.* Dii alii, qui & extranei dicuntur *Psal.* 81. v. 10. sunt, qui cum naturâ non Dii, *Gal.* 4. v. 8. sed creaturæ sint, *Rom.* 1. vers. 25. ab hominibus tamen Dii esse finguntur *1. Corinth.* 8. vers. 4. 5. 6. *2. Cor.* 4. v. 4. *Philipp.* 3. v. 19. Eos habere est eos tanquam Deos colere in animo suo, argumento loci *Iohann.* 4. v. 24. ac fiduciam in eis collocare. Quod dum interdicitur simul præcipitur, ut solus Jehova, qui se in Verbo suo patefecit, agnoscat & colatur pro Deo. Sanctio est, ab adjuncto periculo. Cum enim etiam is, qui alios in corde suo habet Deos, ante faciem Dei *καρδιογνώστis* versetur; futurum innuit, ut non magis ei parcat, quam maritus parcere solet uxori,

Secundum.

in præsentia suâ amori alterius operam danti. Verba *Præcepti secundi* etiam negativa sunt: *Non facies tibi sculptile &c.* Quibus duo vetat: I. Nè faciat populus ullam imaginem ad repræsentandum Deum, *Deut.* 4. v. 12. & seqq. aut alioquin ad usus religiosos: sive Imagines sint rerum cœlestium, puta Solis, Lunæ, Stellarum, avium; sive terrestrium, ut hominum, animantium; sive aquatiliū, ut piscium *Deut.* 4. vers. 16. 17. 18. II. Nè imagines, aut Deum per eas, *Exod.* 32. vers. 5. & seqq. incurvatione, sacrificiis, fartis, tripudiis, aut aliâ aliquâ ratione colat. Contra verò præcipit, ut in externo Dei cultu contentus sit ritibus sive ceremoniis à se præscriptis: cujusmodi tunc erant Sacrificia, Lotiones, &c. Sanctio proponitur tum in comminatione pœnæ adversus inobedientes, in tertiam & quartam usque generationem, sed nocuam, exercendæ: tum in promissione misericordiæ, obedientibus, horumque posteritati in millesimam usque generationem continuandæ.

Tertium.

Utramque autem præstare se ipso opere posse ostendit, quia sit Jehova, Deus fortis, Zelotes. Verba *præcepti tertii* iterum sunt negativa: *Non sumes nomen Jehova &c.* Nomen Jehova est, à quocunque Jehova denominatur; ut à naturâ Deus; à proprietatibus sapiens, bonus; ab operibus creator, redemptor; *Psal.* 8. v. 1. & 115. v. 1. atque ita denominatus cognoscitur *Astor.* 9. v. 15. Sumere nomen, est illud sumere in os, sive sermone usurpare *Psal.* 50. vers. 16. *Ioh.* 4. v. 2. Vetat igitur, nè quis nomen suumumat in vanum, hoc est, de Deo, rebusque Divinis leviter, falsò, aut blasphemè loquatur; præcipit verò, ut sanctum consideratum,

deratum, ac majestati Dei, filiisque convenientem sermonem cuncti instituant. *Sanctio* est à pœnâ, quam ipse legis hujus transgressori certò sit irrogaturus. Verba *præcepti Quarti* affirmativa sunt: *Memento ut diem Sabbati sanctifices &c: Dies Sabbati* est dies quietis. *Sanctificare* diem Sabbati, est eum Sanctum habere, Deique cultui singulariter impendere. Præcipit igitur ut populus suus diem Sabbati, qui tùm septimus erat hebdomadis, sanctis operibus, moralibus ac ceremonialibus traducat. Vetat contrà fieri opera servilia & mechanica, publicum Dei cultum impediencia: quæ alioquin cæteris sex diebus permiffa erant. Atque hoc interdicatur omnibus personis œconomicis, tùm *superioribus*, ut Patri & Matri familiâs: tùm *inferioribus*, Filiis & Filiabus, Servis & Ancillis: Insuper etiam *Peregrinis* & extraneis, in populo habitantibus, aut cum eo versantibus *Neh. 13. v. 19. & seqq.* Denique etiam *Iumentis*, quæ sine ductu operariorum opus facere nequeunt, nec absque respiratione laboribus secuturis sufficere. *Ratio* huic Præcepto additur ab exemplo Dei, qui post primam rerum omnium creationem quievit; novas Creaturarum species producere desinens *Genes. 2. v. 2, 3.* Verba *Præcepti Quinti* similiter sunt affirmativa: *Honora Patrem & Matrem &c.* quibus præcipit liberis, & sub horum nomine inferioribus omnibus in quocunque vitæ statu, ut parentibus, adeoque superioribus universè, omne genus honoris non tantùm gestu sermone, opere externo deferant; sed etiam interno mentis judicio, cordisque affectu habeant. Quæ verò his ullatenus contraria sunt interdicat. *Sanctio* est à promissione speciali longævitæ & felicitatis *Ephes. 6. v. 2, 3.* Verba *Sexti præcepti* sunt negativa: *Non occides.* Quibus vetatur homicidium, ac omnino omnis læsio vitæ proximi, sive animalis, sive spiritualis: contrà defensio ac conservatio utriusque imperatur. Verba *Septimi præcepti* etiam sunt negativa: *Non committes adulterium:* quibus non modo adulterium, sed quævis omninò libidinosa corporis pollutio interdicatur: contraque castitas & temperantia præcipitur. Verba *Octavi præcepti* negativa, furtum omneque damnum bonis proximi injustè allatum vetant: defensionem verò, conservationem, & aucionem bonorum ejus imperant. Sic *præcepto Nono* negativo, vetatur falsum testimonium contrà proximum; fama autem ejus existimatioque vindicanda commendatur. Denique

Quartum.

Quintum.

Sextum.

Septimum.

Octavum.

Novum.

Decimum.

nique *Decimo præcepto* negativo, interdicitur omnis generis prava concupiscentia adversus proximum : & contr sinceritas sanctitasque omnium facultatem atque affectuum ergà eundem præcipitur. Quâ de causâ cœterorum secundæ tabulæ præceptorum interpretationem hinc petendam esse monuimus : sicut partim ex subjectis huic præcepto exemplis, partim ex ipsius Christi declaratione, *Matt. 5. v. 22. 28.* colligitur.

Lex Ceremonialis
quæ versatur
circâ.
I. Res sacras,
Donaria,

Lex Ceremonialis est de ritibus circa cultum Dei externum observandis. Generatim occupatur circa Res & Personas sacras. *Rex sacra* dicuntur, quæ Verbo Dei ad usus sacros sanctificantur : Suntque vel Donaria, vel Sacrificia. *Donaria* sunt oblationes rerum vitæ expertium : & quidem tum frugum, tum pecuniæ. *Frugum*, ut Primitiarum, Decimarum, Libaminum : offerebanturque jam crudæ, jam paratæ : sive in fumo coctæ essent, sive in sartagine frixæ, sive igne tostæ. *Pecunia* : quæ solvebatur in redempturam vitæ à maribus annum vicefimum superantibus. Ea tamen capitatio non perpetua sed temporaria fuit, ad exstructionem tabernaculi singulariter imperata. *Sacrificia* sunt victimæ rerum animatarum : quæ vel de *avimentis*, ut bos, vitulus; vel de *grege* ut aries, caper, hircus; vel de *avibus*, ut turtures, pulli columbarum, passerres, jugulabantur. Distinguuntur in Hilastica & Eucharistica. *Hilastica*, propitiatoria erant, quibus expiabatur vel peccatum, vel delictum. *Peccatum*, quod ab imprudentibus admissum erat : puta à Sacerdote, aut Principe, aut populo, sive toto, sive uno è vulgo. *Delictum*, quod admissum erat à prudentibus, contra scientiam aut conscientiam. *Eucharistica* sive pacifica, pro beneficiis acceptis, vel etiam promissis, speratisque offerebantur : ac in *Gratulatoria*, *Votiva*, ac *Voluntaria* distinguebantur. Porro accidunt rebus sacris locus & tempus. *Locus* ex Dei ordinatione tabernaculum fuit ; in quo ut coli se Deus præcepit ; ita præsentiam suam signis adspectabilibus exhibuit. In eodem quoque Arca federis, Altare holocausti & suffitus, Mensa cum panibus propositionis, aliaque cultus ceremonialis instrumenta adservabantur. Illud tamen cum primùm ambulatorium in deserto ac Cananæ; deinde autem in Siloh, Gibeah, monteque Sione statarium fuisset, in Templum mutatum fuit. Ad *tempus* præter iuge sacrificium, quotidie manè & vesperi offerri solitum, *Festa* pertinent, triplicis generis : hebdomadaria, menstrua, & annua. *Hebdomadarium* erat, diei septimi festivitas, sabbatum dictum. *Festa Menstrua*,

Tempus, quo
refer festa

Hebdomada-
rium,
menstrua,

Neo-

Neomeniæ vocabantur, singulorumque mensum Calendis celebrabantur, sine ullâ tamen operum externorum intermissione. *Annua* ^{annua.} erant, tum anniversaria, tum post annorum certorum interval- lum recurrentia. *Anniversaria* erant festa *Paschatis*, in liberationis à servitute Ægyptiacâ, *Pentecostes*, in acceptæ Legis, & *Tabernaculo- rum*, in tuguriorum deserti, memoriam instituta. Postremum men- se septimo, qui Octobri nostro respondet, peragebatur, in eumque Festa etiam alia, *Tubarum*, *Expiationis*, *Collectæ* incidebant. Ex his *primum* de anni civilis initio; sive partis ab hoste victoriis, *alterum* de condonatione idololatriæ, circa aurei vituli cultum, *tertium* de vectigalibus sacris persolvendis, commonebat. *Post certorum anno- rum intervallum recurrentia* festa fuerunt *Annus Sabbatarius* & *Iubi- laus*: quorum *ille* septimo, *hic* quinquagesimo quoque anno inter- missionem culturæ; *posterior* insuper manumissionem servorum, re- missionem debitorum, bonorum venditorum ad dominos reditio- nem imperabat. Sic de Rebus sacris. *Persona sacra* erant, quæ ex vo- ^{II. Personas} ^{sacras.} catione & consecratione peculiari, ministerio sacro vacabant. *Ha-* rum duo genera fuerunt, *Extraordinariæ* & *ordinariæ*. *Extraordina-* ^{Extraordina-} ^{rias.} *ria* erant *Propheta* quos immediatè excitabat Deus, ut vel cõstitue- rent Ecclesiam, vel collapsam restituerent; futura quoque certissi- mè prædicerent. Proinde per visiones, somnia, aut internum Sancti Spiritus afflatum ad prophetandum instruebantur. *Ordinaria* erant, ^{Ordinarias.} quæ mediatè vocatæ ordinem in Ecclesiâ semel constitutum cura- bant ac tuebantur. Tales erant *Sacerdotes* & *Levitæ*. *E sacerdotibus* ^{Sacerdotes,} ^{summum,} unus summus, qui & *Pontifex Maximus*, alii Inferiores dicebantur. *Summi Sacerdotis* singularis consecratio, singularis habitus, singula- re munus fuit: quò pertinet, quod semel quotannis, festo Expiatio- num, sanctum sanctorum ingrediebatur, pro se populoque sacrifi- cans, & orans. *Inferiores* etiam sacra faciebant, odores adolebant, ma- ^{inferiores.} nus populo cū benedictione imponebant. Atque hi unâ cum sum- mo sacerdote, perpetuâ successionis serie, ex Familiâ Aaronis per Filios ipsius Eleazarum & Ithamarum descendebant, in classes qua- tuor & viginti postea distincti: quarum singulæ per vices hebdo- madū sacris operabantur. *Levitæ* dicti sunt speciatim; qui loco pri- ^{Levitas.} mogenitorum sacris adhibiti, in vasorum sacrorum emundatione, mactatione & ablutione pecudum, appositione panum, aliisque, sacerdotibus serviebant. Qui quidem aucti numero, diversa sortiti sunt munia: ab iisque *Doctores sive Interpretes Legis*, *Musici*, *Ianitores*.

*Theſaurarii, Indices Eccleſiaſtici, Politici*que appellati ſunt. Præter admi-
niſtros ſacrorum, perſonis ſacris annumerantur *Nazarai*; quo-
rum alii *votivi*, alii *nati ſive divinitus* erant imperati. Hi ab omni po-
tu inebriante abſtinebant, capillum non tondabant, peculiarem-
que ſanctimoniam, ſive ad certum, ſive ad totum vitæ tem-
pus præſtabant.

Lex judicialis.
ejus objectum
I. Perſonæ
Magiſtratus.
ejus qualita-
tes.
ſpecies.

Lex judicialis, eſt de gubernatione civili populi Dei in Teſtamento Vete-
ri. Commune hujus *Objectum* ſunt Perſonæ & Res. *Perſonarum* duo
conſtitui poſſunt genera, Magiſtratus & Subditorum. *Primi gene-*
ris ſive Magiſtratus ſpectantur, I. Qualitates, II. Species. *Quali-*
tates vel animi ſunt, quæ *Exod. 18. v. 21. & alibi* recensentur; vel *corp-*
oris, ut thoro legitimo ſit natus: non ſpurius, eunuchus, Moabita
vel Ammonita. *Species ſunt,* quod alii temporarii, alii perpetui fue-
runt. *Temporarii* circumactâ certi temporis periodo in totum defe-
cerunt: *Indices* in Samuele, *Reges* ſtirpis Davidicæ in Zedechiâ. Ho-
rum inaugurationio ſolenni unctione paragebatur. Jus deſcribitur
Deut. 17. *Perpetui* non defecerunt, quamdiu Politia Moſaica ſtetit.
Horumq; alii ſuperiores, alii inferiores fuere. *Superiores* erant *Lxx*
Seniores, qui ex omnibus tribubus in ſupremum populi ſenatum
allegebantur. *Inferiores* fuerunt Principes, I. Tribuum, II. Familia-
rum, III. Civitatum; in Chiliarchos, Centuriones, Pentecontar-
chos, & Decuriones ſubdiſtincti. *Miniſtri* erant Scribæ, qui Nota-
riorum inſtar acta Magiſtratuum in ſcripta referebant; ab iis, qui
Legis in Templo ac ſynagogis agebant interpretes, nec non qui
Regibus à Secretis erant, diverſi. *Secundi generis perſonæ ſunt Sub-*
diti, tam *Eccleſiaſtici*; quàm *Politici* ordinis. Nam non minus illos
quàm iſtos Moſi ac Magiſtratui civili ſubjecit Deus. Vtrorumque
verò negotia, in *judiciis* tractabantur, quæ in portis civitatem com-
muniter inſtituebantur. Hic ſux partes *actori*, ſux *reo*, ſux *Judici*
præſcribuntur: eique ſingulariter interdicitur, nè perſonam accipi-
at, aut munus, nève innocentem pro nocente plectendum ſubſtitu-
at: præcipitur verò ſingulariter, ut cauſas viduarum, orphanorum,
peregrinorum ſibi commendatas habeat. *Pæna* quæ decerneban-
tur in Iudiciis, erant vel *Capitales*, ut *Lapidatio* Inceſtuoſorum, So-
domitarum: *combuſtio* filix ſacerdotis ſcortantis: *Decollatio* homici-
darum: *ſtrangulatio ſive crucifixio* blaſphemorum, Idololatrarum, A-
dulterorum: vel non *Capitales*; ut *membri alicujus amputatio*, *quadru-*
pla vel quintupla reſtitutio, *venditio*, & *exilium* in caſu homicidii invo-
lun-

Subditi.

Iudicia qua-
ſia.

& quæ Poe-
næ.

luntarii. *Mulctam* & *fustuarium* Iudex pro re natâ definiebat : sic tamen, ut in hoc numerum plagarum quadraginta non posset excedere. *Executio* non per unum aliquem carnificem, sed per totum populum fiebat: ut odium scelerum, studiumque justitiæ universi ostenderent. Testes autem in plectendis damnatis manu primi applicabant. Distinguitur *Judicium* in *supremum* & *subalternum*. Illud erat Seniorum septuaginta tribunal, *Consistorium* תִּיבָא, *Synedrium* סֵנְדְרִיּוֹן Synedrium magnum.

magnum, itemque *Sanhedrim* appellatum. *Sedes* ejus Regni Metropolis fuit, primo quidem Siloh, tribus Ephraim; inde Hierosolyma, tribus Judæ. Cogebat illud aut Rex, aut Dux populi, aut Pontifex: prout res regionis aut religionis agebatur. *Judicium Subalternum* fuit, tum *Triumvirorum*, qui pecuniarum & injuriarum causas; tum *Viginti trium*, qui res capitales cognoscebant. Hucusque de Personis. Res succedunt triplicis generis, *Ecclesiastica*, *Oeconomica*, & *Politica*. I. Res Ecclesiastica. Leges de rebus *Ecclesiasticis* aut ipsam religionem, aut bona *Ecclesiastica* spectant. *Primi* ordinis sunt, quæ omnia cultus Divini impedimenta amoveri, omniaque idololatriæ instrumenta, ceu Imagines, altaria, excelsa, aboleri volunt. *Secundi* ordinis sunt, quæ Sacerdotibus Levitisque sanctam rectam bonorum suorum possessionem ac fruitionem sanciant; quæ vel in urbibus, vel in certis redditibus consistebant. *Urbes* quadraginta octo cum earum suburbiis, agrisque, ad bis mille cubitos, divinitus ipsis fuerunt assignatæ. *Reditus* erant primitiæ, decimæ, pectus armusque dexter ex sacrificiis, panes propositionis, pecuniæ pro redimendis hominum primogenitis, ipsaque primogenita jumentorum. Leges de rebus *Oeconomicis* occupantur potissimum circa conjugia, hereditates, & usuras. In *conjugiis* requirunt I. Personarum contrahentium pubertatem. II. Reverentiam sanguinis in gradibus prohibitis, consanguinitatis vel affinitatis, excepto tamen leviratus officio. III. Veræ religionis unitatem. Permittunt autem libellum repudii: suspectæque pudicitiae mulieri potum Zelotypiæ imperant. Quoad *Hereditates*, vetant eas transire de tribu in tribum. Inter filios autem ita dividi volunt, ut primogenito duæ, cæteris una portio cedat. In horum deficientium locum filias, & post eas proximos consanguineos surrogant. *Usuras* denique accipere ab extraneis Hereditatibus. Oeconomica ubi de Conjugiis. Usuris. permittunt, a Fratribus egenis exigere prohibent. Leges de rebus *Politicalis* tum *Pacis* sunt, tum *Belli*. De illis dictum jam bonâ ex parte III. Politica.

rationes belli
gerendi.

te. *Modus* belli suscipiendi, gerendi, & finiendi rationem præscribunt. In bello *suscipiendo* milites legi volunt, non timidos, neogamos, aut ædium novarum habitatores; sed robustos, animosos, justæque ætatis: præmitti exploratores, transitum peti per fines fratrum; hostibusque extraneis, non Cananæis, pacem ante offerri, quàm inferri bellum. Deinde in bello *gerendo* jubent, ut Sacerdotes fiduciâ Jehovæ exercitum animent, & pro victoriâ vota faciant; Duces primos se in acie offerant, exemploque præeant; milites arbores frugiferas non excindant: Universi autem ab omni injustitia caveant, nec sordibus castra polluant. Denique præcipiunt, ut *finis* bello in partes æquales duas dividatur præda; quarum una militibus, altera domi relictis cedat.

Vsus Legis
I. Moralis in
statu integri-
tatis,
corruptionis,

Jam *Vsum* singularum specierum Legis videamus. *Vsus legis Moralis* in statu *Integritatis* erat, ut homo justificaretur, & justificatus viveret per eam. Nam qui Legem præstat, justificatur, *Rom. 2. v. 13.* & qui facit eam, vivit in eâ *Levit. 18. v. 5.* In statu *corruptionis*, sive peccati, usus ejus est. I. Ut contineat hominem comminatione poenarum, & promissione præmiorum in disciplinâ externâ *Rom. 1. v. 14. 1 Tim. 1. v. 9. 10.* II. Ut accuset, convincat eum peccati, & propter illud damnet *Rom. 3. v. 19. 20.* III. Per accidens etiam incendit peccandi desiderium, peccatumque auget: *Rom. 7. v. 5. 8.* non suo aliquo, sed naturæ corruptæ vitio *v. 12. 13.*

regeneratio-
nis.

In statu denique *Regenerationis* sive Gratiae. *Vsus* ejus est. I. Ut ipsum agnitione peccati & iræ Dei, ad Christum desiderandum ac quærendum compellat *Gal. 3. v. 21. 24. Abt. 2. v. 37.* II. Ut eidem cultus Divini, vitæque secundum Deum instituendæ regula sit *Psal. 119. v. 105. Jer. 31. v. 33. Rom. 8. v. 3. 4.* *Vsus legis Ceremonialis* fuit. I. Ut populum veterem, tanquam pædagogus, ad Christum deducet, *Gal. 3. v. 24.* inque bonorum promissorum expectatione contineret *Heb. 10. v. 1.* II. Ut eundem ab aliis populis distingueret *Eph. 2. v. 14. 15.* III. Ut etiam tam operoso cultu ab idololatriâ omni, & superstitione, in quam naturâ & exemplis vicinorum propensissimus erat, *Deut. 12. & 31. c. & alibi*, ipsum avocaret. *Vsus legis judicialis* fuit: I. Ut populus Judaicus certâ juris publici normâ regeretur, essetque civitas, nervis legum aptè coagmentata & cohærens *Psal. 122. v. 3.* II. Ut idem populus hæc etiam ratione ab aliis populis discriminaretur *Psal. 147. v. 19. 20. Deut. 4. v. 6. 7. 8.* III. Ut eidem regnum Christi, ac spiritualis ejus

II. Ceremoni-
alis.

III. Judicialis.

admi-

administratio hac formâ regiminis adumbraretur, *Pſalm. 2. v. 6. Ezech. 34. v. 33. 34.* Ex his de singularum specierum Legis abrogatione vel duratione judicari potest. Lex *Moralis* abrogata est quoad *Justificationem, respectu omnium.* Nam ex operibus Legi non *justificatur* nulla caro *Rom. 3. v. 20.* Estque illud post lapsum Legi impossibile; quod viribus per carnem est destituta *cap. 8. v. 3.* Quoad *maledictionem & coactionem* verò, *respectu solorum credentium.* Christus enim liberavit nos à maledictione Legi dum factus est pro nobis maledictio. *Gal. 3. v. 13.* ut nulla amplius sit condemnatio, *is, qui sunt in Christo Iesu Rom. 8. v. 1.* Deinde non cogit amplius credentes quasi peccati dominio adhuc subjectos: idque comminatione pœnarum æternarum, *Deut. 27. v. 26.* ita enim iusto positam esse legem, negat Apostolus *1. Timoth. 1. v. 9.* sed agit ac ducit eos per Spiritum adoptionis. *Rom. 8. v. 14. 15.* ut qui sub gratiâ sunt, & non sub Lege, *Rom. 6. v. 14.* eoque voluntarius populus *Pſal. 110. v. 3.* Non autem abrogata est Lex *Moralis*, vel *incredulis*, quoad maledictionem, coactionem, & irritationem; vel *credentibus*, quoad agnitionem peccati, & cultus vitæque regulam. Venit enim Christus, non ut dissolvat, sed ut impleat Legem: *Matth. 5. v. 17.* etiam in credentibus, *Rom. 6. v. 6.* utpote qui non secundum carnem ambulant, sed secundum Spiritum *cap. 8. v. 4.* Lex *Ceremonialis* in totum est per Christum abrogata. Ipse enim deletum, quod adversum nos erat, rituum chirographum, cruci affixum è medio sustulit *Coloss. 2. v. 14.* & seqq. Ipse parietis intergerini septum solvit, & ex duobus fecit unum; Inimicitias, id est, Lege præceptorum, quæ in ritibus posita est, per carnem suam abolitis *Ephes. 2. v. 14. 15.* Cumque non nisi umbræ fuerint bonorum futurorum, *Coloss. 2. v. 17. Hebr. 10. v. 1.* ipsâ veritate, *Iohan. 1. v. 17.* atque expressâ rerum formâ, *Hebr. 10. v. 1.* in Christo exhibita, non minus cessare debuerunt, quàm cessat usus candelæ post exortum Solis. Interim illarum abrogatio non uno, sed duplici gradu perfecta est. Primo enim ceremoniæ Veteres abrogatæ de jure, per passionem ac mortem Christi, *Iohan. 19. v. 30. Coloss. 2. v. 14.* eoque ex vivis mortuæ, ex necessariis factæ sunt indifferentes. Hinc Apostoli data occasione adscenderunt in templum, *Act. 3. v. 1.* Paulus Timotheum circumcidit, *Act. 16. v. 3.* Titum non circumcidit, *Gal. 2. v. 3* & Synodus Apostolica, propter Fratrum nonnullorum infirmitatem sanxit, ut Ecclesiâ ad tempus à rebus suffocatis & sanguine

Lex Moralis
quatenus ab-
rogata.

Quatenus
non.

Lex Ceremo-
nialis in to-
um abrogata

De jure.

ne

Ipso facto.

Lex Iudicialis
abrogata.Præter id
quod est Iu-
ris commu-
nis.

ne abstineret *Actor.* 15. v. 20. *Deinde autem facto ipso* sunt aboli-
tæ; & quidem *partim* per promulgationem Euangelii de typo-
rum omnium complemento in Christo; *partim* per destructio-
nem urbis templique Hierosolymitani, ubi sacrorum omnium
sedes erat. A quo tempore ex mortuis mortiferæ; ex indifferen-
tibus simpliciter illicitæ evaserunt; nullo unquam tempore in
usum Ecclesiæ revocandæ. Lex *Judicialis simpliciter abrogata* est,
quoad distinctionem Judæorum à Gentibus, *Ephes.* 2. v. 14. 15.
& typicam regni Christi significationem *Coloss.* 2. v. 17. *Hebr.*
10. v. 1. *Secundum* quid verò, quantum attinet formam guberna-
tionis civilis. Nam quod juris in eâ fuit *particularis*, Judæos pe-
culiariter concernens, qualis fuit lex de officio Leviratus; item
alia de hæreditatibus de tribu in tribum non transferendis, id o-
mne cessavit. Quod autem Juris fuit *communis*, secundam Le-
gem Naturæ omnibus communem sancitum, cujusmodi sunt
Leges de pœniscelerum, aliæque; id totum manet. *Ratio* est,
quia ingreditur ordinem Legis Moralis ac perpetuæ: præscri-
ptumque est Judæis, non quâ Judæi, sive populus peculiariter
in foedus adscitus, sed quâ homines, naturæ legi, ut aliæ Gen-
tes, subjecti. *Cognoscitur* autem Juris communis ratio, si idem
ab aliis quoque legislatoribus, ex luce naturæ conclusum ac san-
citur fuisse; vel ad tuendam Præceptorum Decalogi obedi-
tiam facere comperiatur.

Reliquum est ut Praxin hujus loci ostendamus. Est illa

I. Ad *Διδασκαλίαν*: *Deus supremus est Legislator*, Jac. 4. v. 12.
Exod. 20. v. 1. & seqq. *Ezech.* 20. v. 19. 20. & *Universalis*, ut
nullus à Legibus ipsius exemptus sit *Psal.* 103. v. 19. *Matth.* 11. v. 25.
Præscribit omnes officii partes, *Exod.* 20. & seqq. *Matth.* 22. v. 37.
& *interna æquè ac externa moderatur* *Exod.* 20. *Matth.* 5. v. 22. 28.
Rom. 7. v. 14. *Obligat immediatè & per se in conscientiâ*, *Jacob.* 4.
v. 12. & *obedientes præmiis, inobedientes pœnis afficit*, *Exod.* 20. &
alibi.

II. Ad *Παιδείαν*: *Agnoscamus sapientiam Dei circa æconomiam*
Legis: prædicemus bonitatem ipsius in revelatione voluntatis, *Psal.* 147.
v. 19. 20. *gratias agamus pro illius jugi ablatione, quod neque patres*
nostri, neque nos portare valuimus *Actor.* 15. v. 20. *Contemplemur*

nos in speculo Legis ad agitionem peccatorum, Rom. 3. v. 20. cap. 7. v. 7. exemplo Davidis Psal. 119. Recognoscamus inde primam naturam nostram integritatem; eamque in Christo desideremus Ephes. 4. v. 24. Vitam quoque, & actiones omnes nostras ad Legis præscriptum magis magisque componamus, Deut. 4. v. 2. ac summam eam in re voluptatem ponamus. Psal. 19. v. 11.

III. Επειροθεωσιν: Nè ullam Legi injustitiam affingamus Rom. 7. v. 12. Nè exleges nos putemus, exemplo Pharaonis, Exod. 5. v. 2. aut ullum vel minimum Dei præceptum solvamus Matth. 5. vers. 19. Nè etiam aliam vitam normam expectemus, Luc. 16. v. 29. 31. nève ignorantia prætextu ab eâ deviemus Deuteron. 30. v. 14. Nè opinemur nos hic Legem Dei perfectè implere posse, 1 Johan. 1. v. 8. 9. aut externam tantum obedientiam implere, exemplo Pharisaorum Matt. 5. 6. 7. 23. cap. Nè impunitatem nobis polliceamur in Legis hujus transgressionibus, Exod. 20. v. 7. nec Dei minas rideamus 2 Petr. 3. v. 3. & seqq. Denique nè quid etiam debita mercedis ex Legis observatione qualicunque nobis arrogemus. Luc. 17. v. 10.

IV. Ad Παράκλησιν: Bono animo simus in quocunque negotio: quia Lucerna pedi nostro Lex Iehova, & lux itineri nostro Psal. 119. v. 105. Nè amplius formidemus fulmina maledictionum, Christus enim, factus pro nobis maledictio, ab omni Legis maledictione nos liberavit Gal. 3. v. 13. Nec etiam desperemus de ejus possibilitate per Christi gratiam: quia digito Spiritus sui, carneis cordium nostrorum tabulis eam deinceps inscribit Jerem. 31. v. 33. Speremus verò præmia nova hujus obedientia longe amplissima: nam in Legis observatione magnum est emolumentum Psal. 19. v. 12.

LOCUS OCTAVUS

De

PECCATO in genere & specie,

Deque

LIBERO ARBITRIO.

Contra hanc Dei Legem admittitur Peccatum: unde definitur, quod sit discrepantia à Lege Dei.

Peccatum aliud est Diaboli, aliud Hominum.

Peccatum Diaboli, est ejus à Deo, primâque origine defectio: ex quâ mali immutabilis habitum, malitiæque insatiabilis studium contraxit.

Peccatum Hominum aut Primum est, aut à Primo Ortum.

Primum est Inobedientia primorum Parentum, Adami & Evæ in Paradiso, quâ Legem Dei, de fructu arboris scientiæ boni & mali non comedendo, transgressi sunt.

Ortum Peccatum est aut Originale, aut Actuale.

Originale est illa Primorum Parentum inobedientia, omnibus naturalibus ipsorum posteris imputata, & inde secuta naturæ corruptio, singulis ab origine conceptionis inherens. Ex quâ porro est Servitus Peccati, Liberique Arbitrii ad bonum Spirituale privatio.

Actuale est actionum omnium, tum internarum in mente & voluntate, tum externarum in gestibus, verbis, ac factis irrectitudo.

EXEGESIS.

PECCATUM Latinis dicitur à *peccare*, quod Cicerone interprete, est *transilire lineas*, vel extrà ordinem *pecudum instar errare*. Græci ἀμαρτίαν & ἀμαρτημα; Hebraei חטאת, quasi *aberrationem à scopo* vocant. Sumi-

Peccati Ety-
mologia.

Homonymia.

tur quidem etiam improprie in Scriptura, ut per Metonymiam Efficientis pro *pœnâ*, Genes. 19. vers. 15. item per Metonymiam Subjecti pro *sacrificio peccati expiatorio*, Exod. 29. v. 14. 36. 2 Cor. 5. v. 21. interim usitatissime *discrepantiam à Lege* significat. In quâ significatione voces Synonymæ sunt apud Latinos, *Culpa*, *malum culpæ*, *malum morale*, *vitium*. Apud Græcos, κακία, πονηρία, ἀνομία. Est autem *Peccatum* nomen concretivum; cuius abstractivo Latini carent. Ideoque etiam à multis *sensu concretivo definitur*; quod sit *inclinatio vel actio, pugnans cum Lege*. Id tamen non impedit, quò minus *abstractivè* concipiatur & enunciatur; secundum illud 1 Ioh. 3. v. 4. Ἀμαρτία ἐστὶν ἡ ἀνομία. Imò hæc definitio potior videtur priore: *partim* quod accidens rectius definitur per suum genus, quàm per suum subjectum: *partim* etiam quia inclinatio & actio res sunt positivæ, à Deo creatæ, eoque bonæ, non malæ, ut peccatum.

Peccatum ab-
stractivè su-
mendum.

Causam *Efficientem* Peccati alii *deficientem* dicere malunt. Nec malè: siquidem *Efficiens* ad effectus bonos restringatur. Cæterum cum *Efficiens* in genere definiatur, causa à quâ res est; si-ve à quâ dependet effectus; potest sanè latiore hæc acceptione etiam tribui peccato. Est igitur *Efficiens Peccati communiter creatura rationalis*, mutabili suâ voluntate abutens ad malum. *Particulariter* verò *Efficientium* aliæ *internæ* sunt, aliæ *externæ*: inter quas hoc interest; quod *istæ* occasiones sunt & incitamenta peccati; *illæ* sufficientes ac propriæ ejus causæ. *Internæ* sunt I. Mentis cæcitas; 1 Cor. 2. v. 14. 1 Tim. 1. v. 13. II. Voluntatis pravit-
tas, Genes. 6. v. 5. cap. 8. v. 21. III. Affectuum, sive facultatum inferiorum rebellio. Galat. 5. v. 17. *Externæ* sunt I. Satanæ ad peccandum sollicitatio, Genes. 3. v. 1. & seqq. II. Hominum seductio, sive consilio ea, sive exemplo fiat, Genes. 3. v. 6. 1 Cor. 15. v. 33. III. Objecta, quæ rationem, vel appetitum movent.

Efficiens
peccati, an re-
dè dicatur.

Communiter
creatura ra-
tionalis,
Particulari-
ter.

Internæ.

Externæ.

Peccatum
quomodo
peccati alte-
rius causa.

Rom. 7. v. 7, 8. *Genes.* 3. v. 6. Unum etiam peccatum causa esse potest peccati alterius; idque vel ratione *coherentia*, cum scilicet: ita inter se connexa sunt peccata, ut unum patrari nequeat absque altero, *1 Timoth.* 6. v. 10. *Iacob.* 2. v. 10. vel ratione *consequentia*, quatenus ex uno alterum sequitur; ut ex ebrietate libido, *Gen.* 19. v. 33. vel ratione *finis*, cum propter unum peccatum etiam admittitur alterum, *Ioh.* 12. v. 6. vel denique ratione *impulsionis*; ut cum hominum malitiâ movetur Deus, ut eos in sensum reprobum tradat *Rom.* 1. v. 26. 2 *Thess.* 2. v. 11.

Materia seu
Objectum,
Lex Dei.

Materia circa quam sive *Objectum* peccati est *Lex Dei*. Quod Joannes docet, dum Peccatum *ἀνομία* vocat *1 Iohan.* 3. v. 4. *Ratio* quoque idem clarissimè evincit. Etenim id rei alicujus objectum est, circa quod ea versatur. Atqui peccatum versatur circa Legem. Nam sicut lex est faciendorum præceptio, omittendorum interdictio, permissio indifferentium; ita peccatum est faciendorum omissio, omittendorum commissio, & indifferentium abusus. Objectum hoc *latius* est, vel *angustius*, pro temporum ac personarum diversitate. Sic *latius* fuit in V. Test. respectu Legis Ceremonialis, & Judicialis, quarum utraque plenè tunc vigeat. *Angustius* autem est in N. Test. postquam altera earum in totum, altera ex parte est abrogata. Ita respectu *personarum latius* vel *angustius* censetur, prout aliæ *generalibus*, quâ homines; aliæ *specialibus*, quâ Christiani; aliæ insuper *specialissimis*, quatenus in hoc vel illo munere constituti sunt, legibus tenentur.

Objectum
hoc latius vel
angustius,

Forma,
ἀρετή

Forma Peccati consistit in *ἀνομία*, *1 Ioh.* 3. v. 4. hoc est, in discrepantiâ à Lege; sive illa naturæ sit, sive actionis. Privat enim utramque conformitate cum Lege, atque ita ab eâ discrepare facit. Unde Formalis sui ratione, *Privatio* vulgò appellatur. Est tamen *non pura* puta privatio, sicut mors est privatio vitæ, verum etiam *prava qualitas* in naturâ: justitiæque non *privativè* modo, sed & *contrariè* opponitur. Nam quatenus est carentia justitiæ inesse debitæ, dicitur *Privatio*: quatenus autem ægritudo est, sive putredo, permeans ac corrumpens facultates omnes creaturarum rationalium, superiores ac inferiores, *prava qualitas* vocatur. Atque hoc respectu sunt qui peccato esse aliquod *positivum* tribuunt; non *absolutè*, quasi sit subsistens aliquid, à Deo conditum: sed *oppositè* ad id simpliciter privativum, itemque ad nihil meræ privationis.

Privatio est
& prava qua-
litas.

Finis

Finis peccati propriè & *per se* nullus datur. Quia omnis *finis per se* bonus est, *peccatum* malum; *Finis per se* positivus simpliciter, *peccatum* non item: *Finis per se* causa ordinis, *peccatum* iusti ordinis perturbatio. *Per accidens* verò datur *finis* peccati, tum primæ, tum secundarum causarum respectu. *Primæ causæ respectu*, *finis* peccati est Dei gloria, *Prov.* 16. v. 4. quæ præter ipsius peccati naturam, peccantisque intentionem, per peccatum illustratur. *Genes.* 50. v. 20. Deo ex malis bona, ex tenebris lucem, ex confusis ordinem per sapientiam suam, bonitatem, ac potentiam, mirabiliter eliciente. *Causarum* verò *secundarum respectu*, peccati *finis* est apparens aliquod bonum, hoc est, tale, quod cum malum sit in se, cœcæ tamen ac depravatæ rationi bonum videtur *Ioh.* 16. v. 2. *1 Tim.* 1. v. 13.

Finis per se nullus.

Per accidens respectu causarum, Primæ, Dei gloria.

Secundarum, apparens bonum

Effecta Peccati sunt *Pœnæ*; tum *simplices*, quæ tantum pœnæ sunt; ut diluvium, conflagratio Sodomæ: tum *mixta*, quæ ita sunt pœnæ, ut simul etiam sint culpa. Huiusmodi censentur induratio, excæcatio, traditio in sensum reprobum *Iohan.* 12. v. 39, 40. *Rom.* 1. v. 24. 26. 2 *Thessal.* 2. v. 11. 12. Utræque mortis appellatione designantur, *Genes.* 2. v. 17. *Rom.* 6. v. 23. & infra distinctè explicabuntur.

Effecta Pœnæ.

Subiectum Peccati *ὑποκείμενον* & adæquatum, est *creatura intelligens*, mente ac voluntate prædita. Hæc quippe sola, Lege potest obligari, sola etiam eandem voluntariè transgredi. Est autem *Subiectum* ejus, *ratione facultatum* non modo superiorum, sed etiam inferiorum; siquidem earum sit capax. Facultates *Superiores* sunt Intellectus & Voluntas. In *Intellectu* incipit Peccatum, dum de rebus apprehensis non rectè judicat. Et peccat tum respectu sui objecti, cum nimirum verum negat, falsum affirmat; bonum improbat: malum probat: tum respectu Voluntatis, cui falsum pro vero, malum pro bono amandum proponit; & verum pro falso, bonum pro malo odio habendum; tum denique respectu sensuum, quorum appetitus rationis imperio non moderatur. *Voluntas* duplici modo peccati subiectum statuitur. Nam non solum falsum amat, & verum odit; in malo acquiescit, & de bono dolet; sed etiam appetitui sensuum frena laxat, patiturque ut malum appetitum potentia loco motrix exsequatur. Facultates *Inferiores* sunt *Affectus*, sive *Sensus*; homini quidem cum brutis communes, sex ex conjunctione cum animâ rationali *ὑποκειμένω* Affectuum seu Sensuum.

Subiectum Creatura intelligens ratione facultatum.

Superiorum intellectus.

Voluntatis.

Inferiorum Affectuum seu Sensuum.

Corpus Ho-
minis subje-
ctum Peccati
immediatum.

quandam obtinentes, eoque peccati capaces. In hos cadit peccatum, quatenus aliunde moti, intellectum & voluntatem, excussio eorum imperio, abripiunt, & potentiâ locomotrice ad mala quævis patranda abutuntur. Horum respectu *Corpus Hominis* (Theologicè, non Philosophicè loquendo) rectè dicitur proprium & *immediatum* peccati subjectum: Non simpliciter, quâ corpus, sed quâ corpus Hominis corrupti, facultate vegetante & sentiente, quarum utraque suo ordine modoque subest animæ rationali, præditum. Quia enim corporea est sensualitas, è potentiâ corporis, tanquàm materiæ educta; cujus illa, ejusdem hoc est subjectum. Jam constat ex Apostolo *Rom. 7.* concupiscentiam, quam *peccati* nomine toties indigitat, etiam propriè & immediatè residere in sensualitate. Legem enim effecisse in se conqueritur omnem cupiditatem, v. 8. Sequitur ergò, quod eadem propriè & immediatè resideat in hominis corpore; atque ita, quod peccatum eidem propriè & immediatè insit. *Mediatum* verò peccati subjectum est Corpus, quod Intellectum & Voluntatem attinet. His siquidem in malis exsequendis tanquàm instrumentum subservit. A quo membra ipsius serva impuritatis & iniquitati ad patrandam iniquitatem dicuntur *Romanor. 6. vers. 19.*

Mediatum.

Adjunctum
reatus.

Adjunctum Peccati est *Reatus*, sive peccantis ad pœnam obligatio, ex ordine justitiæ Divinæ. Est namque jus Dei, ut qui faciunt contrà Legem, digni sint morte *Rom. 1. v. 32.* Hunc Reatum *alii* effectum peccati, *alii* ejus formale vocant. Sed rectius adjunctum necessariò adhærens peccato, sive illud necessariò consequens appellatur. Ideoque reatus naturâ & per se inseparabilis est à peccato. Fit autem separabilis per gratiam Dei in Christo, peccata Electis ad damnationem non imputantis *Rom. 8. v. 1, 2, 3, 4.*

Peccati distinctionio.

Peccatum Angelorum.

Quale illud fuerit.

Distinguitur Peccatum è Subjectis, in *Angelorum*, qui per illud evaserunt Diaboli, & *Hominum*. Sunt enim creaturæ rationales vel Angeli, vel Homines. Et *Angelorum* quidem Peccatum præponitur, quia Diabolus peccat à principio, 1 *Ioh. 3. v. 8.* & ab initio homicida est *Ioh. 8. v. 44.* Quale verò fuerit primum illorum peccatum, disertè non indicat Scriptura. In *Genere* Christus docet, non stetisse eos in veritate, *Iohan. 8. v. 44.* & Judas v. 6. non servasse originem suam, sed reliquisse domicilium. Ex quibus

quibus nihil de certâ aliquâ peccati specie, sed id duntaxat colligitur, quod ab originariâ suâ integritate, quæ in sapientiâ, justitiâ, ac sanctitate consistebat, desciverint, ac propterea è cœlo tertio, domicilio suo, in tartarum detrusi sint. Nam in cœlo peccâsse certum est ex 2 Petr. 2. v. 4. Iud. v. 6. Qui primus autor fuit defectionis κατ' ἐξοχὴν dicitur Diabolus, Matt. 25. v. 41. Satan, Job. 1. v. 6. Beelzebub, Matth. 12. v. 24. Deus hujus sæculi 2 Cor. 4. v. 4. Cæteri ejusdem defectionis imitatores, angeli ipsius nominantur, Matth. 25. v. 41. 2 Corinth. 12. v. 7. horumque utut magnus, Luc. 8. v. 30. nuspiam tamen definitus reperitur numerus. Porro ex primâ illâ defectione peccati habitum contraxerunt. Justo namque Dei judicio factum est, ut una actio totam infecerit naturam, eamque tum Justitiæ habitu privârit, tum habitu contrario injustitiæ depravârit. Quem habitum immutabilem dicimus; quia Angeli lapsi fieri nequeunt novæ in Christo creaturæ: utpote qui non Angelos, sed semen Abrahamæ adsumpsit, Heb. 2. v. 16. nec Angelorum, sed hominum est Mediator 1 Tim. 2. v. 5. Hinc jam fluit insatiabile illud peccandi studium, ut Diabolus inde ab initio in continuo peccandi actu versetur. 1 Ioh. 3. v. 8. circumeat ut leo rugiens, quærens quem devoret, 1 Petr. 5. vers. 8. accusetque fratres nostros in conspectu Dei, interdiu ac noctu Apocal. 12. v. 10. Quæ omnia summâ cum voluptate peragit 1 Ioh. 3. v. 8. Ioh. 8. v. 44.

Contraxerunt
eo Habitum
peccati immutabilem.

Studium peccandi insatiabile.

Peccatum Hominum subdistinguitur in Primum, & à Primo Ortum. Primum fons est & scaturigo omnis peccati in naturâ humanâ: utpote per quod peccatum in mundum introiit, & reatus venit in omnes homines ad condemnationem Rom. 5. v. 12. 18. Nimis angustè vocem accipiunt, qui eam de primo impulsu quo hominem in peccatum Diabolus abripuit, interpretantur. Complectitur siquidem non unum aliquem, sed omnes illos actus, tum internos, tum externos, quibus Homo Dei mandatum est transgressus. Eoque sensu ab Apostolo ἀρχαίος, ἀρχήν, ἀρχὴν nominatur Rom. 5. cap.

Peccatum Hominum.
Primum.

Causa Efficiens Peccati Primi, dicitur propriè vel impropriè. Propriè dicta alia Externa est, alia Interna: quarum illa irritans tantum fuit, ista movens: illa adjuvans, hæc principalis. Externa causa fuit Diabolus, qui Deo gloriam, hominibusque felicitatem invidens, protoplastos ad apostasiam instigavit Gen. 3. v. 1. & seqq.

Efficiens
propriè.

Externa Diabolus.

2 Cor.

Administro
Serpente.

Interna ho-
minum mens
& voluntas.

Homo hic
spectandus
ceu stirps
Generis hu-
mani.

Efficiens im-
proprie.

Desertio ho-
minis.

2 Cor. 11. v. 3. Iohan. 8. v. 44. Quo in opere administro usus est *serpente*; quod sciret hoc animal & cautius esse reliquis, & corporis tenuitate ac simplicitate peculiarem quandam præ se ferre innocentiam: ab eoque denominationem *Serpentis antiqui* postmodum accepit *Apoc.* 12. v. 9. Ita verò rem instituit, ut ipse in serpente latens, & instrumenta illa, quæ ad vitæ usum concessa sunt serpenti, adhibens, sermonem cum homine conferret, argumentis variis fructus vetiti esum ipsi suaderet, tandemque persuaderet. Unde quæcunque in historiâ lapsus Serpenti tribuuntur actiones, conjunctim de utroque, Diabolo & Serpente, intelligendæ sunt: sed de illo principaliter, de hoc instrumentaliter. Causa *Interna* peccati Primi fuit *Hominum protoplastorum mens & voluntas*, quibus mendaciis calumniisque Diaboli crediderunt, & sponte absque omni coactione se à Deo averterunt. Et primò quidem femina tanquàm imbecillior, 1 *Pet.* 3. v. 7. Diaboli callidate seducta peccavit, *Genes.* 3. v. 6. 12. 2 *Cor.* 11. v. 3. quæ deinde maritum Adamum, expositâ ei antè Diaboli promissione, in idem peccatum induxit *Genes.* 3. v. 12. 17. 22. Cujus ordinis respectu non Adam, sed Eva causa fuisse dicitur transgressionis 1 *Tim.* 2. *vers.* 14. Quod autem peccatum per *unum* hominem in mundum intrasse docet Apostolus, *Rom.* 5. *vers.* 12. de uno *ειδώς* specie sive naturâ intelligendum est: Ex ipsius Dei Phræseologiâ *Genes.* 1. v. 26. Cæterum unus ille Homo spectandus nobis est, non tantum ut persona aliqua *singulariis*, ratione sui, verùm etiam ut persona *communis*, respectu posterorum. Fuit enim principium totius generis humani, *Actor.* 17. v. 26. de cujus naturâ est, virtute in se continere omnia principiata. Fuit princeps ac caput omnium hominum. Proinde sicut, quod Princeps civitatis, quâ talis, facit, tota facere putatur civitas, & quæ caput agit, agere censentur omnia membra: ita quæ primus Homo peccando patravit, ab omnibus hominibus patrata existimantur. Atque hoc est, quod dicit Apostolus, *Romanor.* 5. v. 12. *in uno omnes peccasse*: item v. 19. *per unius inobedientiam peccatores constitutos esse multos*. Causa *improprie* dicta, vel potius adjunctum antecedens peccatum Primum, est Hominis à Deo desertio, peccatique permissio. *Desertio* est, quod Deus non contulit homini, præter primam creationis gratiam, gratiam secundam confirmationis: ut quemadmodum illâ poterat, ita hâc vellet perseverare in bono.

Per-

Permissio est, quod neque Diabolum neque hominem impedit, quo minus vel ille ad defectionem hunc sollicitaret, vel hic illius sollicitationi obsequeretur, inque peccatum rueret. *Utraque* à liberrimâ Dei voluntate profecta est: qui nemini quicquam debet: nemini obligatus est, sive ad boni confirmationem, sive ad mali impeditionem: *Neutra* vero ipsum ullo modo Peccati hujus autorem facere potest. Non *prima*, quia nec Iustitiæ, subtractio, nec Injustitiæ fuit infusio, sed tantum novæ gratiæ dilatio; ut homo ageret secundum naturâ suam, liberè utens donis in creatione sibi concessis: planè secundum illud *Eccles. cap. 15. v. 14. Deus creavit hominem, & permisit ipsum consilio ipsius dicens: si voles, custodies mandata.* In quo non peccatum, sed explorationem hominis intendit: ut patefactâ ipsius infirmitate veritas dicto fieret: *Absque me nihil potestis facere Joh. 15. v. 5.* Non etiam *secunda*: Nam qui permittit, non agit ipse, sed alium agere finit, non impediendo actionem ejus. Dum igitur permisit Deus primi Hominis peccatû, non ipse peccavit, sed hominē peccare finit, nō impediendo peccatû ipsius. Quod tum demum in vitio est, si quis ad illud lege superioris obligetur.

Permissio
Peccati.

Aliberrima
Dei voluntate.

Deus non est
autor peccati
prima.

Materia circa quam, sive *objectum* Peccati Primi, est Lex illa specialis, de non attingendo & comedendo fructu certæ arboris, *Gen. 2. v. 16. 17. cap. 3. v. 3.* quæ indefinitè *arbor in medio horti cap. 3. v. 3.* definitè *arbor scientiæ boni & mali c. 2. v. 17.* appellatur. Fructus qualis fuerit, pomumne, an pyrum, an alius quis ignoratur. Eum Deus exceperat ab usu hominis; non quod divinæ alicujus esset præstantiæ: uti somniant, qui formaliter vel effectivè sciētificū fuisse ajunt: sed ut obedientiâ hominis in re observatu haud difficili probaret.

Materia seu
Objectum
Lex de fructu
vetito.

Formam Peccati hujus declarat Apostolus nomenclaturâ generali Παράπτωμα, Παρεβάσις, Παράγκη Rom. 5. vers. 14. 15. 19. Etenim propriè consistit in eo, quod Homo lapsus est sive defecit à Deo suo; quod creatura inobediens fuit creatori; quod subditus legem supremi Regis sui transgressus est: legem, inquam, non tantum *specialem* directè, sed etiam *generalem*, mēti ipsius in creatione inditam, indirectè. Nam incredulitate, superbiâ, contemptu Dei, nominisque divini profanatione *primam* tabulam, *secundam* ἀγαπῆ, homicidio, illicito amore, furto, pravaque concupiscentia violavit. Ut tam multiplicis in utramq; legem ἀνομιὰς respectu. peccatum sit longè gravissimum; Respectu vero Legis *specialis* rectè nominetur lapsus sive defectio: nō particularis aliquis, sicut in multis labimur

Forma, inobedientia.

Contra Legem specialem & generalem.

omnes, *Jacob. 3. v. 2.* sed generalis. Quisquis enim signo generali vocationis suæ renunciat, idem vocationi renunciat rebellione generali. Primus homo renunciavit signo generali vocationis suæ: quia reliquit arborem vitæ, signum generalis vocationis ad vitam; contraque ad arborem scientiæ boni & mali, quæ signum generalis renunciationis erat, se contulit. Ergo. Inter varios autem *actus peccati primi, quis primus* fuerit, non convenit inter omnes. Certum est, non quærendum peccati primi initium *in actu aliquo externo*, ceu sunt contrectatio, comestio fructus vetiti. Ratio est, quia Actus externi dependent ab internis; & facultates externæ internarum subsunt imperio. Neque etiam quærendum est initium *in actibus internis appetitus*, sive sensitivi, sive rationalis. Ratio est, quia uterque una cum actibus suis in statu integro, menti tanquam τὴν ἡγεμονικὴν parebat. Restat igitur, ut *in actibus mentis* investigetur; utpote ex quorum erroribus vitia facultatum inferiorum nascuntur. Et si vero actus primus Mentis peccantis vulgò statuitur *Incredulitas*, quod non credidit Homo Verbo Dei, *Morte moriemini*, sed credidit verbo Diaboli, *non moriemini*: Videtur tamen dari prior alius, *suspicio scil. invidia*. Hanc enim homini injecit Diabolus, ne pergeret, uti faciebat initio, *Genes. 3. v. 2. 3.* fidem Deo adhibere, ejusque verba tueri *v. 4. 5.* Nec Homo fidem derogavit Deo, nisi tam sinistrâ suspicione jam ante imbutus: ut inde prior incredulitate videri possit; sicut causâ prior est effectu, vel saltem antecedens suo consequente. Incredulitatem deinde superbia, superbiam actus alii, tum interni, tum externi, secuti sunt. Sed *quæ* hic solet, *quomodo tot pravi actus cadere potuerint in naturam integram*, nec dum ullâ vel mentis cœcitate, vel voluntatis pravitate, vel affectuum perversitate laborantem? Ad quod *respondere* non est difficile, si naturæ integræ attendatur mutabilitas. Erat sanè *natura hominis integra*, vitii omnis expers; sed simul erat *mutabilis*, pro conditione creaturæ, ac voluntate Dei. Licet igitur, quâ *integra*, mens approbaret bonum, improbaret malum; voluntas eligeret bonum, repudiaret malum, affectus etiam menti & voluntati obtemperarent: quatenus tamen *mutabilis* erat, poterat mens approbare malum, improbare bonum; & voluntas, mentis judicium sequens, eligere malum, repudiare bonum: affectus denique rationis & voluntatis jugum excutere. Quæ mutabilitatis potentia

Primus actus
peccati primi
quis,

Suspicio in-
vidiæ.

Peccatum ca-
dere poruit in
naturam inte-
gram, propter
ejus mutabi-
litatem.

potentiâ dum transiit ad actum, natura mutabiliter integra vitium suscepit, imò tota corrupta fuit.

Finis Peccati Primi quoad *Deum* fuit patefactio infirmitatis, *Finis* quoad etiam in creaturâ principe, & misericordiæ ergà electos, justitiæ *Deum*. verò ergà reprobos exercendę occasio *Rom. 11. v. 32. cap. 9. v. 22. 23.* Quoad *Diabolum*, finis fuit hominis peccantis temporale & æternum exitium *Iohann. 8. v. 44.* Quoad *Hominem* denique finis fuit, scientiæ boni & mali, & per eam, æqualitatis cum Deo acquisitio *Genes. 3. v. 6. 22.*

Effecta Peccati Primi sunt omnia peccata Orta; *Reatus*; & *Pœna* temporales ac æternæ: de quibus est *Romanor. 5. vers. 12.* & *seqq.*

Subiectum fuit actio Primi Hominis, tum interna facultatum superiorum & inferiorum, tum externa. Nam peccatum ipsius fuit transgressio Actualis, non labes Originalis: quę tamen, excussâ originali Iustitiâ, totam ipsius naturam corrumpit. Atque hoc vult Apostolus *Rom. 5. v. 14.* ubi infantes peccasse negat ad similitudinem transgressionis Adæ: quia non peccarunt propriâ actuali transgressione, sicut Adam peccavit. *Subiectum loci* fuit Paradisus, in quo ante lapsum constitutus erat, *Genes. 2. v. 15.* & ex quo post lapsum ejectus est *cap. 3. v. 23. 24.*

Adjunctum Peccati Primi dicimus *Vniversalitatem*, hoc est, quod non primi hominis proprium, sed omnibus naturalibus ipsius hæredibus cum ipso fuit commune: uti docetur *Rom. 5. v. 12.* & *seqq. 1. Cor. 15. v. 22.* Huc etiam pertinet *circumstantia temporis*, quo peccatum primum à primo homine fuit patratum. De quo etsi nihil expressè definit Scriptura; probabiliter tamen, *partim* ex dicto Christi, *Iohann. 8. v. 44.* *partim* ex historiâ lapsus, *Genes. 3.* *partim* ex insatiabili Diaboli malitiâ, *1. Petr. 5. v. 8.* colligimus, haud longo intervallo hoc peccatum creationem hominis secutum fuisse, adeoque ipsum hominem vix unum alterumve diem in statu creationis perstitisse.

Peccata Orta sunt *Originale* & *Actuale*: quorum illud immediate, hoc mediatè ex primo oritur: illud actus primi, hoc secundi rationem habet: dicente Christo: *Ex corde cogitationes improbas, cades, adulteria.* &c. *Matth. 15. vers. 19.* Peccatum Originale illo quidem termino technologico non legitur expressum in Scripturâ. Sunt enim aliæ Scripturæ appellationes. Christus *Ioh. 3. v. 6.* *Carnem*

Synonymia. vocat. Paulus *Rom. 6. v. 6.* nominat *veterem hominem, & corpus peccati: cap. 7. v. 8.* peccatum absolute: *v. 20.* peccatum inhabitans: *v. 21.* malum adjacens: *v. 23.* legem membrorum: *v. 24.* corpus mortis: *Hebr. 12. v. 1.* peccatum undique circumstans. Iacobus denique *concupiscentia* vocabulo Synecdochicè indigitat *cap. 1. v. 14. 15.* Sed Augustinus *Originale* appellandum censuit contrà Pelagianos, qui illud per naturam propagari, & à primâ origine, homini inhærere negarunt. Quæ appellatio Scripturæ prorsus est consentanea: utpote quæ expressè docet, hominem concipi in peccato, & formari in iniquitate, *Psal. 51. v. 7.* esseque transgressorem inde ab utero *Esa. 48. v. 8.* Quia etiam filii iræ sumus natura, *Ephes. 2. v. 3.* peccatum hoc tam rectè dicitur Originale, quàm verè est naturale.

Efficiens. Causa *Efficiens* Peccati Originalis alia propinqua est, alia remota. *Propinqua* est primum illud Primi hominis peccatum. Et enim *per unum hominem peccatum in mundum introiit, Rom. 5. v. 12. per unius inobedientiam peccatores constituti sunt multi; v. 19. In uno Adamo omnes mortui sunt 1. Corinth. 15. v. 22.* Remota est Lex Iustitiæ & Veritatis Divinæ: quarum illa dignos morte pronunciat, qui talia faciunt, *Rom. 1. v. 32.* ista comminationi mortis, *Genes. 2. v. 17.* & quidem triplicis, spiritualis, *Eph. 2. v. 1.* temporalis, & æternæ, *Rom. 6. v. 23.* satisfieri vult. *Modus efficiendi* in genere dici potest transmissio sive *derivatio peccati* ab uno in omnes, ab Adamo in naturales ipsius posteros. In *specie* vero respectu causæ remotæ dicitur *Imputatio*: respectu causæ propinquæ, hoc est, primi hominis, qui Peccatum Primum, causam peccati Originalis patravit, *Generatio*: A quo duplici efficiendi modo, Peccatum Originale nonnunquam in *imputatum & inhærens* distinguitur. *Imputatio* est, quod Deus omnibus naturalibus Adami hæredibus, imputat primam illam actualement ipsius transgressionem *Rom. 5. v. 19.* Quæ ideo imputari dicitur, quia actu transit, nec nobis ut Adamo inhæsit. Et meritissimè imputatur, quia omnes in ipso tanquam in stirpe & radice peccarunt. *Rom. 5. v. 12. Heb. 7. v. 10.* *Generatio* est, quod Adamus corruptionem naturæ ex peccato primo contractam, in posteros suos generando propagat. Qualem *generationem* docet Scriptura, *Genes. 5. v. 3. Iob. 14. v. 4. Psalm 51. v. 7. Iob. 3. v. 6.* & evincit *ἀνάθεσις* regenerationis Spiritualis ex semine incorrupto Verbi Dei *1. Petr. 1. v. 23. Iacob. 1. v. 18.*

v. 18. *Fundamentum* ejus est Lex generationis divinitus sancita. Sicut enim in naturâ integrâ Iustitiam Originalem propagari volebat Deus, in præmium obedientiæ: ita in naturâ corruptâ Peccatum Originale propagari vult, in inobedientiæ pœnam *Rom. 5. v. 19.* Hinc, quemadmodum *physicè* non modo homo generat hominem, sed etiam morbidus morbidum, leprosus leprosum: sic *Theologicè*, corruptus corruptum, peccator peccatorem gignit. *Modus propagationis* hujus intellectu explicatuq; perdifficilis est; inde maximè, quod animæ humanæ, principale Peccati Originalis Subjectum, non propagantur in & cum semine, à parentibus: sed secundum Scripturam, *Eccles. 12. v. 9. Zach. 12. v. 1. Hebr. 12. v. 9.* à Deo creantur. Interim certæ quædam hypothesès è Scripturâ exstructæ, eum nobis ex parte declarant. *Prima*: Peccatum Originale propriè nec in animam, nec in corpus, sensim sumpta, sed in hominem propagatur *Iob. 14. v. 4. Psal. 51. v. 7.* *Ratio* est, quia nec anima, nec corpus, seorsim sumpta, sed homo, sive homines in Adamo peccarunt, *Rom. 5. v. 12.* prout nimirum *ἀνθρώποι* in ipso fuerunt, *corpore*, ratione substantiæ, *anima*, ratione primæ subsistentiæ. Ideoque non antè sunt actu peccatores, quàm actu sint homines. *Secunda*: Quia verò generatio hominis incipit à corpore, dicimus, in semine ex quo illud formatur & formatum constat, exsistere, etiam ante conjunctionem cum animâ, non quidem peccatum formaliter sic dictum; id enim hominis est; sed principium, dispositionem, ac fomitem quendam peccati, ex quo illud necessario sequatur. *Ratio* est, quia idem est ordo propagationis naturæ humanæ & peccati humani, subjecti & accidentis: cumque semen ab immundis decidatur, *Iob. 14. v. 4. Psal. 51. v. 7. Iohan. 3. v. 6.* ipsum mundum esse non potest. *Tertia*: Simulac autem anima creatur à Deo in corpore, & ei unitur in *ἐνώσει*, humanam, peccatum formaliter sic dictum primo exsistit in corpore, deinde in animâ. In corpore & animâ exsistit; quia utrumque jam pars est hominis essentialis, eoque peccati primi particeps *Rom. 5. v. 12.* In illo vero ante exsistit, quam in istâ, ordine naturæ: quia corpus ex semine immundo concipitur, *Iob. 14. v. 4.* anima pura à Deo creatur; & sic creata demum in primæ transgressionis pœnam, tum puritate suâ privatur, tum corporis contagione infecta corrumpitur. Quo duplici modo *Peccatum Originale in animam derivari* statuimus.

Modus propagationis.

Declarant hypothesès. Prima.

Secunda.

Tertia.

Peccatum Originale derivatur in animam.

Nam Deus postquam creavit animam in corpore, statim pro justo judicio suo deferit eam, privat puritate originariâ, corpori-que corrupto corrumpendam tradit. Hoc post eâ ipsam deorsum trahit, ac vitiositate suâ afficit & inficit: quemadmodum purus liquor inficitur ab impuro vase. Etsi autem ea corporis in spiritum, ignobilioris in nobilius actio videri possit absurda, absurda tamen non est. Nam *Christus* testatur gravari corda nostra crapulâ & ebrietate: *Luc. 21. v. 34.* testatur *Sapiens*, infestum corruptioni corpus aggravare animam, & deprimere terrenam habitationem mentem, multis curis plenam *cap. 9. vers. 15.* Quin & *Philosophi* docent, animi affectiones naturaliter sequi temperaturam corporis; mutuamque inter animam & corpus *συμπληρωμα* agnoscunt. Quæ exempla si maximè non essent: esset tamen ratio omni exceptione major in justâ Dei ordinatione, quâ constitutum est, ut si animam homo appetitui carnis semel subjiceret, in perpetuum deinceps ejusdem seductioni & corruptioni subjaceret *Genes. 2. v. 17.* & argumento locorum, *Roman. 7. v. 17.* & *seqq. Gal. 5. v. 16. 17.*

Materia speculanda in Objecto.

Subjecto quod sunt homines omnes.

Toti.

Materia Peccati Originalis partim in *Objecto* ejus, partim in *Subjecto* cernitur. *Objectum* ejus, quia *avopula* est, hoc est naturæ sive qualitatum à Lege discrepantia, non potest aliud esse, quam *Lex Dei*. Illa namque facultatem etiam ac virium omnium rectitudinem, præcepto primo decimoque flagitat. *Subjectum* sunt omnes homines, *Rom. 5. v. 12. 1. Cor. 15. v. 22.* quotquot nimirum ab Adamo, non tantum ut Principio materiali; (sic enim *Christus* quoque ab ipso descendit, *Luc. 3.* qui tamen expers est omnis peccati, *1. Petr. 1. v. 19.*) sed etiam ut principio activo, seu geniturâ communi per seminalem rationem ortum habent. Nam nê unus quidem est, qui mundo ex immundo edat, *Iob. 14. v. 4.* Nec modo omnes, sed & *toti homines*, quanti quanti sunt, peccati hujus subjectum sunt: & quoad animam, & quoad corpus. Etenim toti sunt veteres homines, *Rom. 6. v. 6.* toti regenerationis indigi, *Iohann. 3. v. 5. 6.* ut novæ fiant creaturæ, *Galat. 6. v. 15.* Cumque privatio & habitus eidem insint subjecto; sicut Imago Dei in toto fuit composito, *Genes. 1. v. 26. 27.* ita imaginem hominis corrupti, quæ est peccatum Originale, *Genes. 5. v. 3.* toti composito inesse oportet. Porro de animâ peccati hujus subjecto dicta sunt: *Genes. 6. v. 5. cap. 8. v. 21. Eph. 2. v. 3.* De corpore ista

ista: Rom. 6. v. 12. 13. Matth. 5. v. 28. 29. 30. nec non alia, quibus hoc malum caro, lex membrorum, corpus peccati, & mortis vocatur.

Forma peccati Originalis pro duabus ejus partibus, duplex est *transgressio Adæ* imputata posteris, & *natura corruptio* in ipsos propagata, eoque ipsis inhærens. De illâ dictum ante ex Rom. 5. v. 12. & seqq. 1. Cor. 15. v. 22. Ista, natura scilicet: corruptio, quæ ex alterâ sequitur, *partim* in Iustitiæ Originalis privatione, *partim* in Injustitiæ Originalis habitu consistit. *Privatio Iustitiæ Originalis* est defectus sapientiæ in mente; justitiæ & sanctitatis in voluntate, & rectitudinis in sensualitate; quam illa Scripturæ testimonia evincunt, quæ de peccato negativè, seu privativè, loquuntur: uti sunt Roman. 3. v. 23. cap. 7. v. 18. cap. 8. v. 7. 1. Cor. 2. v. 14. 2. Cor. 5. v. 3. Ephes. 4. v. 18. *Habitus Injustitiæ Originalis* est cæcitas & stultitia in mente, malitia in voluntate, perversitas sive rebellio in sensualitate. Hunc probant illa Scripturæ testimonia, quæ de peccato loquuntur affirmativè, & quasi positivè: ceu sunt Genes. 6. v. 5. cap. 8. v. 21. Rom. 7. v. 7. 25. Ephes. 2. v. 3. Gal. 1. v. 17. Ex utroque est, quod animalis homo non est capax eorum, quæ sunt Spiritus Dei: sunt enim ei stultitia, nec potest ea cognoscere, 1. Corinth. 2. v. 14. quod sensus carnis inimicitia est adversus Deum: Legi enim Dei non subicitur: nam ne potest quidem Rom. 8. v. 7.

Finis Peccati Originalis, Hominis respectu, non datur. Dei vero respectu, finis est, demonstratio tum justitiæ ipsius, in peccati hujus propagatione, Romanor. 5. v. 12. & seqq. cap. 1. v. 32. tum gratiæ exuberantis, in ejusdem per Christum abolitione. cap. 5. v. 15. & seqq.

Effecta sunt Peccata Actualia, in adultis, Matth. 15. v. 19. Effecta. Jacob. 1. v. 14. 15. Gal. 5. v. 17. 19. & seqq. pœnæque temporales & æternæ, tum in illis, tum etiam in infantibus Rom. 5. v. 14. De subjecto egimus in Materia.

Adjunctum ejus est *æqualitas*, hoc est, quod in omnes naturales Adami hæredes propagatur, atque ita, quamdiu manent filii iræ, Eph. 2. v. 3. existit æqualiter; non in alio magis, in alio minus. Ratio est, quia omnes, ut fuerunt, ita peccarunt in Adamo æqualiter, Rom. 5. v. 12. ac proinde æqualem corruptionis pœnam secundum Dei justitiam ab ipso trahunt.

Peccatum Originale privativè opponitur *Libro Arbitrio* quod Liberum Arbitrium.

quod definimus, *Facultatem in naturâ intelligente, eligendi vel repudiandi objectum ab intellectu monstratum, suo proprio motu, absque coactione*. Apparet igitur intellectui & voluntati esse verè commune. Nam *Arbitrium* dicitur ratione intellectus, cujus est arbitrari, hoc est, judicare, judicataque voluntati monstrare. *Liberum* autem, ratione voluntatis, quæ suapte sponte, sive proprio ac spontaneo motu, objecta sibi monstrata eligit vel repudiat. Atque ita agunt homines ex *Libero Arbitrio* *ἐκ τῆς ἐλευθερίας*: sicut *τὸ ἐκ τῆς ἐλευθερίας* ipsis tribuit Scriptura, in bonis, 1. *Petr.* 5. v. 2. *Philipp.* v. 14. & malis *Hebr.* 10. v. 26. Eodem sensu rectè docetur, ad liberum arbitrium triplicem requiri *libertatem*: *unam in subjecto*, quæ in intellectu est, secundum radicem sive causam, in voluntate secundum formam: *alteram objectum*, sive illud multiplex sit, ubi est libertas contrarietatis & specificationis; sive unicum, ubi libertas contradictionis atque exercitii locum habet: & *tertiam ab impedimento*, sive à coactione. Non verò requiritur *libertas juris*, sive dependentiæ, neque etiã talis, quæ sit *ad omne objectum*, bonum & malum. Alioquin creaturæ intelligentes solvendæ essent legibus creatoris; nec amplius in essendo & operando ab eo penderent. Deo etiam Angelisque beatis detrahendum esset liberum arbitrium, quod nec ipse potest velle, nec isti volunt malum. Sicut autem non requirit omnimodam libertatem, ita nec excludit omnem *necessitatem*; verum eam quæ *coactionis* dicitur, & in Scripturâ ei opponitur *Philem.* v. 14. 1. *Petr.* 5. v. 2.

Triplicem requirit libertatem,

Excludit necessitatem coactionis.

Lib. Arbitrium absolute consideratum,

Efficiens Liberi Arbitrii est *Deus*, qui hanc facultatem indidit animæ rationali, atque etiam concursu suo in actum deducit. Tum ipsa hominis *anima*, actuum inde elicitorum respectu. *Materia* circa quam, sive *Objectum*, est quicquid sub volitionem cadit, sive sit finis, qui liberè intenditur, sive media, quæ liberè eliguntur; sive præsens sive futurum. Interim nihil eligit, nisi sub ratione boni, nihil rejicit, nisi sub ratione mali. *Forma* est facultatis, atque ex eâ actionis libertas. *Finis* est Dei gloria in justitiâ & misericordiâ, & hominis salus vel *ἀναπολόγησις*. Ita se habet *Liberrum Arbitrium absolute*.

Lib. Arbitrium ad quadruplicem statum hominis.

Relatè consideratur quadrupliciter, secundum quadruplicem hominis *statum*, qui est, *creationis sive integritatis, peccati, gratiæ sive regenerationis, & glorificationis*. In statu primo diximus habuisse *Hominem liberum arbitrium actu ad bonum*, sed mutabiliter, hoc

hoc est, ita ut posset velle malum, deficere ad malum. In *secundo* est liberum arbitrium actu ad malum tantum; idque immutabiliter per naturam. In *tertio* partim ad bonum, partim ad malum, actu. In *quarto* denique, actu tantum ad bonum; & quidem immutabiliter, per gratiam. Ut verò quod de *statu secundo*; qui hujus Loci est, enunciavimus, rectè intelligatur, res circa quas versatur Liberum Arbitrium, in naturales, civiles, & spirituales sive supernaturales distinguimus. *Naturales* sunt hominibus cum brutis communes, ut edere, bibere, dormire. *Civiles* sunt, quæ ad vitæ civilis rationem pertinent, ut artes exercere, honestatem externam servare, officia civilia obire, &c: *Spirituales* sunt, Fides in Christum, charitas, spes, patientia, &c. In *primo* rerum genere integer est homini liberi arbitrii usus. In *secundo* habet quoque liberum arbitrium, sed non ita integrum; quia & in illis mens multis modis cæcutit, & voluntas ex lapsu corrupta in eligendo & repudiando variè peccat. In *tertio* genere non habet liberum arbitrium, vel actu, vel potentiâ, quæ proxima dicitur. Non actu, quia Fides non est omnium, 2 *Thessal.* 3. v. 2. quia opera Carnis sunt adulterium, idololatria, lites, invidiæ, cædes, &c. *Gal.* 5. v. 19. & *seqq.* Non potentiâ, quia non potest credere, *Ioh.* 12. v. 39. non potest cognoscere spiritualia, 1 *Cor.* 2. v. 14. aut subicere se Legi Dei *Rom.* 8. v. 7. Nam mente planè cæcus est, *Actor.* 26. v. 18. 1 *Cor.* 2. v. 14. & voluntate ita depravatus, ut omni tempore, inde à pueritiâ, tantum ad malum feratur *Genes.* 6. v. 8. *cap.* v. 21. Est igitur in Spiritualibus hominis arbitrium tantum ad malum, idque immutabiliter, quia non magis hanc naturam suam, quàm Æthiops pellem, aut pardus maculas mutare potest *Ierem.* 13. v. 23.

Lib. Arbitrium in statu peccati circa res.

Naturales, Civiles,

Spirituales.

Superest Peccatum *Actuale*, quod diximus esse actum secundum respectu Peccati Originalis, & definivimus, actionum omnium, tum internarum in mente & voluntate, tum externarum in gestibus, verbis, & factis irrectitudinem. Hujus *Efficiens principalis* est mens & voluntas corrupta, nec non appetitus sensuum. *Instrumentalis*, corpus, singulaque corporis membra. *Materia* circa quam, sive objectum in genere Lex: in specie ii, in quos peccatur. *Forma* est, tum *ὁμοιωσις* actualis, tum etiam ejusdem modus, qui in interdictorum commissione, præceptorumque omissione consistit. *Fini* aliquando nullus est, ut in peccatis casualibus,

2. Actuale.

bus, *Numer.* 35. v. 23. & iis, quæ nobismet ipsis occulta sunt, *Psal.* 19. v. 13. aliquando est apparens aliquod bonum *Ioh.* 16. v. 2. *Effecta* sunt, peccata consequentia, pœnæ temporales & æternæ, itemque damnum, quod in alios inde redundat. *Subiectum* sunt actiones animæ & corporis. *Adjuncta* enumerari possunt varia: nam est occultum, & cognitum: regnans, & non regnans, remissibile & irremissibile.

Divisiones
peccati Actua-
lis respectu.

1. Efficientis.

1.

2.

2. Materiæ.

3. Formæ.

1.

2.

Ex topicâ hâc Peccati Actualis descriptione, diversæ ejusdem divisiones, in Scripturis traditæ, emergunt. Etenim respectu *Efficientis* distinguitur primò in illud, quod *sola animâ*, ut pravæ cogitationes, *Matth.* 15. v. 19. & concupiscentiæ, *cap.* 5. v. 28. & illud, quod *animâ & corpore simul* admittitur; qualia sunt, quæ inquinamenta carnis & Spiritus dicuntur, 2 *Corinth.* 7. v. 1. cædes, adulteria, furta. *Deinde*, in peccatum *ignorantiæ*, quod ex ignorantia admittitur, sive *Iuris*, & voluntatis Divinæ, *Luc.* 12. v. 48. uti fuit peccatum Pauli nondum conversi, 1 *Tim.* 1. v. 13. sive *facti*; *Psal.* 19. vers. 13. & peccatum *scientiæ*, patratum vel contra *scientiam* à scientibus, ut abnegatio Petri, *Matt.* 26. v. 70. & *seqq.* vel insuper contra *conscientiam*, à scientibus & volentibus: ut adulterium Davidis 2 *Sam.* 11. Respectu *Materiæ*, seu Objecti, aliud committitur in *Deum*, ut Idololatria Aaronis & populi, *Exod.* 32. blasphemia Filii Israëlitis, *Levit.* 24. & quicquid omninò fit contra primam Legis tabulam: aliud in *proximum*; ut Fratricidium Cajini, *Genes.* 4. rebellio Absolomi, 2 *Sam.* 15. maledicta Simei: *cap.* 15. aliud in *nos ipsos*, ut scortatio omnis, teste Apostolo, 1 *Cor.* 6. v. 18. *ἀνομιὰ* Saulis 1 *Sam.* ult. Respectu *Formæ* peccatum Actuale dicitur per se, vel per accidens. *Per se*, quicquid Lege Dei prohibetur *Exod.* 20. *per totum*. *Per accidens*, quod Lege quidem præceptum, eoque bonum est; interim aliqua boni circumstantiâ deficit; vel in *Efficiente*, quoties non procedit ex fide, *Rom.* 14. v. 23. ut bonæ actiones Ethnicorum, *Rom.* 2. v. 14. 15. & eorum, qui Libertatem Christianam non intelligebant, *cap.* 14. vel in *modo*, cum fit absque internâ cordis obedientiâ, ut justitia illa Pharisaica, de quâ est *Matth.* 5. vel etiam in *sine*, cum non refertur ad Dei gloriam, 1 *Cor.* 10. v. 31. sicut Pharisei Eleemosynam dabant in plateis, ut gloriam consequerentur ab hominibus *Matth.* 6. v. 2. *Secundò* peccatum Actuale à Formâ est *Commissionis* vel *Omissionis*, cum committitur malum,

&c

& omittitur bonum, *Rom. 3. v. 10. & seqq.* contrà dictum *Psal. 34. v. 15. Desiste à malo, & fac bonum.* Illud patratum adversus interdicta Legis, hoc adversus ejus præcepta. Illud actuale dicitur directè & per se, istud reductivè, & analogicè. Respectu *Finis* aliud est *casuale* ac fortuitum: de quo vide, *Num. 35. v. 21.* aliud *destinatum*, quoties ex proposito peccatur: ut peccavit Absolon, *2 Sam. 15.* Achitophel, *cap. 17. v. 23.* Judas *Marc. 14. v. 10.* Respectu *Effecti*, peccatum *levius* vel *gravius* habetur, pro damni dati levitate aut gravitate. Hùc pertinet Seductio Bileami, *Num. 25.* Numeratio populi à Davide instituta, *2 Sam. 24.* cultus vitulorum, à Jeroboamo introductus *1 Reg. 12.* Respectu *Subjecti*, aliud Spirituale est, aliud carnale *2 Cor. 7. v. 1.* Spirituale; hæresis, superbia: carnale, ebrietas, scortatio: quod carnale dicitur κατ' ἐξοχλήν, quia in eo bruta carnis voluptas spectatur. Sic aliud est in mente, *Matth. 9. v. 4.* aliud in voluntate, *cap. 5. v. 28.* aliud in sensualitate, *ibidem*; aliud in gestibus, *v. 29. 30.* aliud in dictis *v. 22.* aliud denique in factis *vers. 32.* Respectu *Adjuncti*, I. distinguitur in Occultum & Cognitum. Occultum est, quod latet tùm agentem, tùm alios, *Psal. 12. v. 13.* aut alios quidem, non tamen agentem, *Ios. 7. v. 19. Act. 5. v. 2. 1 Tim. 5. v. 24.* Cognitum item, vel agenti tantùm, *Ios. 7. v. 19.* vel agenti simul & aliis *Matth. 18. v. 8.* notum est. II. Distinguitur in regnans, & non regnans, ex Apostolo *Rom. 6. v. 12.* Regnans est, quod dominatur in homine, & cui servit ipse absque resistentiâ *Luc. 11. v. 31.* Hoc qui facit, dicitur facere peccatum, id est datâ operâ, & cum voluptate peccare, *1 Ioh. 3. v. 8.* eoque peccati servus esse *Ioh. 8. v. 34.* Non regnans est, cui resistitur per gratiam Spiritus Sancti vel saltem cui non servitur ab iis, qui in illud incidunt. Talia sunt peccata & lapsus renatorum, quamdiu in carne militant: quos proinde Joannes negat peccare, nempe peccato regnante *1 Ioh. 3. v. 9.* III. distinguitur in Remissibile & Irremissibile. Remissibile est, cui contingit remissio propter satisfactionem Christi fide apprehensam *Act. 26. v. 18.* Hinc nulla est condemnatio iis, qui sunt in Christo Iesu *Rom. 8. v. 1.* Irremissibile est, cui non contingit remissio. Et hoc rursus duplex est; Commune, in quo reprobi omnes promiscuè pereunt: & singulare illud, quod Christus blasphemiam in Spiritum S. *Matth. 12. v. 32. Marc. 3. v. 29.* Paulus voluntariam apostasiam, *Heb. 6. v. 4. & seqq. cap. 10. v. 26. & seqq.* Joannes

Peccatum in
Spiritu S.

Irremissibile
est.

Distinctio
Peccati in
veniale &
mortale qua-
lis.

Peccata actu-
alia inæqualia

nes *peccatum ad mortem*, 1. Epist. 5. v. 16. nuncupat. Ex quorum lo-
corum collatione intelligitur, *peccatum in Sp. S.* esse veritatis Eu-
angelicæ, de quâ quis in conscientia suâ convictus est, totalem
abnegationem, detestationem, & oppugnationem; non ex com-
muni infirmitate humanâ, sed ex singulari malitiâ, & odio ejus-
dem prorsus diabolico profectam. *Objectum* igitur Peccati hujus
non est Lex, sed Euangelium *Hebr. 10. v. 28. 29.* agnitum, & in
conscientiâ per Spiritum Sanctum confirmatum, siue accesserit
externa confessio oris, *Hebr. 6. & 10.* siue non *Matth. 12.* Atque
hæc causa est, quod peculiariter in Sp. S. admitti dicitur: Nam
fit contra propriam ipsius operationem, quæ est illuminatio men-
tium in agnitionem Euangelii. *Irremissibile* autem vocatur, quia
Christo teste, non remittitur in æternum, *Marc. 3. v. 29.* neque in
hoc, neque in futuro seculo *Matth. 12. v. 32.* Est enim illud im-
possibile, *Heb. 6. v. 4.* tum Dei, tum Mediatoris Christi, tum ipso-
rummet peccantium respectu. Nam *Deus*, quia is est, qui se non
patitur irrideri, *Gal. 6. v. 7.* finali cæcitate & impœnitentiâ iusto
judicio eos punit. Et *Christus*, quem semel malitiosè conculcâ-
runt, aliam pro peccatis hostiam non habet *Hebr. 10. v. 26.* *Ipsi*
autem, quandoquidem oderunt & averfantur Euangelium, per-
cipere nequeunt salutarem ejus virtutem. Rectè ergò monet Jo-
hannes, nè remissio hujus peccati à Deo petatur, 1. Epist. 5. v. 16.
utpote quæ petitio contraria futura esset voluntati ipsius, v. 14,
& peccatum ad mortem emphaticè vocat: quia in eam certissi-
mè absque ullâ spe veniæ incidit, quisquis in illud incidit. Ad di-
stinctionem peccati in remissibile & irremissibile, revocari sano
sensu potest altera pervulgata, in *veniale & mortale*: nimirum, si
veniale dicatur ab eventu id, cujus veniam peccator consequitur:
mortale itidem ab eventu, cujus veniam peccator non consequi-
tur. Secus si accipiatur de peccato, quod naturâ suâ dignum pœ-
nâ vel indignum sit, contradicit Scripturæ, omnia universim pec-
cata qualia qualia sint, mortalia pronuncianti, *Deut. 27. v. 26.*
Rom. 6. v. 23. *Matt. 5. v. 19.* eoque necessariò falsa est. Ex his tam
variis peccati Actualis divisionibus liquet, non esse illud *æquale*, sed
gradibus distinctum, pro objecti, agentis, & actionis ipsius condi-
tione. Quod & Christus expressè docet, *Iohau. 19. v. 11.* & pœ-
narum inæqualitas, *Luc. 12. v. 47. 48.* *Matth. 10. v. 15. cap. 11. v.*
22. cap. 23. v. 14. liquidò evincit.

Sequi-

Sequitur Locī hujus de Peccato Usus.

I. Ad Διασκαλίαν : Peccatum res est iniquissima; quia ipsa ἀνομία 1. Johann. 3. v. 4. & injustitia : fœdissima, utpote totum hominem, naturam & actiones ejus, polluens, Romanor. 3. v. 10. & seqq. Deumque ab ipso avertens, Esa. 59. v. 2. maxime etiam exitialis, quæ hominem reddit execrabilem, Deut. 27. v. 26. ac ira filium Eph. 2. v. 3. Nullum leve putandum est, cum etiam in minimo totius Legisprehendatur transgressio Jacob. 2. v. 10. Nullum veniale per se censendum, quia omne habet reatum mortis Rom. IV. 32. cap. 6. v. 23. Sunt ei subiecti omnes homines, Roman. 3. v. 10. & seqq. infantes & adulti, Rom. 5. v. 14. inde à pueritiâ, Genes. 8. v. 21. ab utero, Esa. 48. v. 8. imò in utero Psal. 51. v. 7. Ex quo est illa ad bonum cogitandum & patrandum ἀδυναμία, 2. Cor. 3. v. 5. ac mors in peccatis Eph. 2. v. 1. Coloss. 2. v. 13.

I I. Ad Παιδείαν : Agnoscamus igitur externam fœditatem & miseriam nostram, nosque coram Deo humiliemus, exemplo Davidis, 2. Sam. 12. v. 13. Danielis, cap. 9. v. 5. & seqq. Publicani Luc. 11. vers. 13. Ipsius gratiam in Christo desideremus, exemplo eorundem. Vide Psal. 51. v. 8. & seqq. Inprimis verò petamus Spiritum Sanct. ut qui ex carne carnales, per Spiritum fiamus Spirituales Johann. 3. v. 5. 6. Mortificemus hujus virtute veterem illum hominem, Rom. 6. v. 4. 5. 6. Coloss. 3. v. 5. 6. & seqq. resistamus cupiditatibus ejus, nè in nobis regnent, Rom. 6. v. 12. exemplo Pauli cap. 7. Caveamus incredulitatem & superbiam, tanquam omnis mali fontes, Genes. 3. denique quanto plus imperfectionis in nobis ex peccato sentimus reliquum, tanto diligentius ad amissa, sed cum auctario recuperanda, perfectionis metam contendamus, exemplo Apostoli Romanor. 7. 1. Corinth. 9. Philip. 3. vers. 14.

I I I. Ad Ἐπαγρύθωσιν : Nè in Deum, aliosve, peccati culpam transferamus, cujus ipsimet rei sumus, Jacob. 1. v. 13. exemplo Protoplastarum Genes. 3. v. 12. &c. Nè judicia Dei criminemur, cum peccata peccatis punit, 2. Sam. 12. v. 11. & seqq. Rom. 1. v. 24. 26. 28. 2. Thess. 2. v. 11. 12. quæ etiam tunc justissima sunt, ibidem. Nè nos aliis ducamus meliores, exemplo Pharisei, Luc. 18. v. 11. cum equaliter simus per peccatum corrupti, Roman. 5. v. 12. filii iræ, sicut ceteri.

Ephes. 2. v. 3. *Nec integritati nostræ, sed Dei gratia adscribamus, quod non sumus rapaces, inusti, mæchi* Luc. 8. v. 11. *Peccatum Originale nè negemus contra Scripturam*, Rom. 5. v. 12. & seqq. *etsi modum propagationis per omnia non capimus*, argumento locorum Rom. 11. v. 37. 1 Cor. 15. *Nec extenuemus corruptionem ejus, quasi reliqua sint per eam vires ad bonum, quæ nullæ sunt*. Genes. 6. vers. 5. cap. 8. v. 21. Roman. 3. vers. 23. cap. 8. vers. 7. 1 Corinth. 2. vers. 14. 2 Cor. 3. v. 5.

IV. Ad Παράκλησιν: *Sicut circa propagationem peccati & mortis, comminationum; ita circa communicationem justitiæ & vitæ, promissionum Divinarum certa est & immota veritas Romanor. 5. v. 15. & seqq. Peccatum etiam non amplius nobis mortale, sed veniale est; quia nulla est condemnatio iis, qui sunt in Christo* Rom. 8. v. 1. *Idque per gratiam Dei, quæ præteritis Angelis nos complexus est* Heb. 2. v. 16. Luc. 2. v. 14. *Quod si etiam peccamus, advocatum habemus apud Patrem, Iesum Christum* 1 Joh. 2. v. 1.

LOCUS NONUS

De

P O E N A P E C C A T I.

Peccatum excipit Pœna, quæ est passio ex ordine Iustitiæ Divinæ peccatori inflicta.

Estque vel Diabolorum, vel Hominum.

Pœna Diabolorum est, quod domicilio ac felicitate cœlesti exclusi, catenis caliginis in tartaro detinentur, ibique immensis cruciatibus torquentur.

Pœna Hominum, in Temporalem & Æternam subdistinguitur.

Temporalis est, quam in hac vitâ homines perpetiuntur, circa animæ, corporis, & fortune bona.

Æterna est, quæ post hanc vitam in inferno ipsis parata est; ubi vermis eorum nunquam moritur, nec ignis exstinguitur.

E X E G E S I S.



Pœna Peccati in Scripturâ Mors, Genes. 2. v. 17. Rom. 6. 23. & malum, absque additione; Amos. 3. v. 6. Esa. 45. v. 7. in communi usu Malum Pœna vocatur. Mors quidem, quia peccantis est destructio. Malum autem, quia pœna mala, id est, molesta est patienti: cum in se,

suoque genere bona sit, tanquam proprium effectum iustitiæ Divinæ. Unde liquet, cum malum in Culpæ & Pœnæ distinguitur, esse tantum distinctionem vocabuli æquivoci in sua æquivocata; non autem generis univoci in suas species. Malum enim non univocè, sed æquivocè de turpi & molesto dicitur.

Efficiens Pœnæ est Deus, justus ille iudex, 2 Tim. 4. v. 8. qui peccatoribus pro peccatis retribuit Rom. 2. v. 8. & seqq. 2 Thess.

I. v. 6.

1. v. 6. & seqq. Cujus jus est, ut qui faciunt peccata digni sint morte, *Rom. 1. v. 32.* adeoque qui vindictam peccatorum sibi ut propriam vindicat *Rom. 12. v. 19.* *Impulsiva* est ipsum peccatum, primum; ortum; Originale, actuale *Genes. 2. v. 17. cap. 3. v. 16. 17.* Causæ instrumentales sunt omnes creaturæ, quæ Deo in executione Judiciorum, ut exercitus suo Imperatori parent *Exod. 7. & seqq. capp. Matth. 8. v. 8. 9.*

Materia.

Materia, sive Subjectum, sunt primò creaturæ rationales, peccati reæ: *Ezech. 18. v. 4.* deinde ea, quæ ad illarum usum ac famulitium spectant *Genes. 3. 17. & seqq.*

Forma.

Forma consistit in passione, quæ actioni, id est punitioni respondet secundum subjecti modum; sive illa sit subtractio boni, sive inflictio mali.

Finis.

Finis est declaratio Justitiæ Dei, 2 *Thess. 1. v. 6. & seqq. Prov. 16. v. 4.* quæ certè non appareret, si ipse peccatum impunitum relinqueret.

Pœnæ Diabolorum.

Pœnam Peccati è Subjectis distinguimus in *Diabolorum & Hominum*. De Pœna *Diabolorum* hæc ferè tradit Scriptura: I. Quod exclusi sint domicilio cœlesti, eoque felicitate, quâ isthic fruebantur, privati. Ita enim justo Dei judicio factum testatur Judas, v. 6. ut qui originem suam reliquerant, domicilium quoque relinquere cogerentur. II. Quod in tartarum, hoc est, in locum damnatorum detrusi sint, 2 *Petr. v. 4.* quem locum alibi Scriptura *gehennam*, *Matt. 5. v. 29. gehennam ignis, v. 22. tenebras exteriores, c. 8. v. 12. ignem aeternum, cap. 25. v. 41. abyssum, Luc. 8. 31. infernum, Luc. 16. v. 23. locum tormenti, v. 28. stagnum ignis & sulphuris, Apoc. 20. v. 10.* nuncupat. De situ verò ejus definitè nihil, sed id tantum docet, quod à cœlo beatorum remotissimus sit *Luc. 16. v. 23. 26.* III. Quod illo in loco horrendis sempiternisque cruciatibus torqueantur *Apoc. 20. v. 10. 14. Matth. 25. v. 41.* Interim à judicio magni illius diei cruciatus opperiantur graviore. *Iud. v. 6. 2 Petr. 2. v. 4.* atque etiam nunc horrescunt: argumento loci *Matth. 8. v. 21.* Et gehenna, quæ nunc carcer est, *Apoc. 20. v. 7. 1. Petr. 3. v. 19.* ex quo dimittuntur per intervalla, *Apoc. 20. v. 3.* ut in aëre, *Eph. 2. v. 2. cap. 6. v. 12. Luc. 10. v. 18.* vel in terrâ, *Iob. 1. v. 7. 1 Petr. 5. v. 8. Marc. 5. v. 10. Luc. 11. v. 24.* vagentur ad nocendum hominibus, *Iob. 1.* sive ad eos seducendos: 1. *Petr. 5. v. 8.* tunc erit stagnum ignis & sulphuris, ex quò nunquam emittantur, sed

sed ubi torqueantur die ac nocte in secula seculorum *Apocal. 20.*
vers. 10.

Pœnam Hominum distinximus in *temporalem* & *aternam*. Quæ <sup>Pœna Homi-
num.</sup> distinctio æquipollet alteri Mortis, in primam & secundam
Apoc. 2. v. 11. cap. 20. v. 14. Ne duplex pœna est, sed unica:
quæ in hâc vitâ secundum initium, in alterâ secundum comple-
mentum irrogatur. Complectitur igitur *Pœna temporalis* ^{I. Temporalis,} omnem
illam miseriam, cui homines propter peccatum in hâc vitâ sunt
subjecti. Estque in *animâ*, mors spiritualis peccati, *Ephes. 2. v. 1.*
Coloss. 2. v. 13. & qui eam sequuntur conscientia angores, *Esa. 57.*
v. 24. 25. Rom. 2. v. 15. In *corpore*, defectus & vitia membrorum;
morbi, siti's, fames &c. In *externis*, infamia, paupertas. In *viris*
peculiariter, molestia & labor cum sudore, non tantum in terrâ
sterili colendâ, sed in quovis vitæ genere exercendo *Genes. 3. v.*
19. In *fœminis*, dolores partus *v. 16. Ioh. 16. v. 21.* Denique *mors*
prima, quâ anima à corpore horrificâ divulsione separatur, ipsum-
que compositum destruitur *Rom. 6. v. 23.*

Pœna siue *Mors aterna*, quam *mortem secundam* vocat Scriptura ^{II. Aterna.}
Apoc. 20. v. 14. incipit secundum *animam*, simulac ex hâc vitâ dis-
cessum est, *Luc. 16. v. 23.* secundum *corpus*, & *totum hominem*, in
resurrectione mortuorum, *Iohann. 5. v. 29.* tribusque partibus
continetur. *Prima* est, perpetua separatio à gratiosa Dei præsen-
tiâ *Matth. 25. v. 41. cap. 7. v. 23.* *Discedite à me maledicti, qui o-*
peramini à vobis iniquitati. cap. 8. v. 11. 12. *Ejicientur in tenebras exteriores,*
et regno cœlorum &c. *Altera* est, detrusio in infernum, *Matth. 25.*
v. 41. *Discedite in ignem aeternum. cap. 8. v. 12.* *Ejicientur in tenebras*
exteriores. Apocal. 20. v. 14. *Conjicientur in stagnum ignis & sulphuris.*
Tertia est, perpeffio infinitorum cruciatuum, ex pleno sensu iræ
Dei adversus peccata. Atqui hi cruciatus adumbrantur typis,
ignis aeterni, *Matth. 25. v. 41.* inextinguibilis, *Marc. 9. vers. 44.*
vermis nunquam morientis, *ibidem*; tenebrarum exteriorum, ubi
est fletus & stridor dentium, *Matth. 8. vers. 12.* flammæ & sitis
Luc. 16. v. 24. Etsi autem in *animâ* futuri sunt principaliter; *cor-*
pus tamen illorum expers non erit: *partim*, quia animæ in patran-
dâ iniquitate fuit instrumentum, *Romanor. 6. v. 12.* *partim* quia
suppositi, quod peccavit, pars est essentialis. An verò igne aliquo
materiali ustulandum sit, cum Scriptura disertè non affirmet, nos
quoque id in medio relinquimus.

Afflictiones
piorum.

Non habent
requisita pœ-
næ propriæ
dictæ.

Neque sunt
satisfactoriæ.

Piorum Mors
qualis.

Τιμωρία.

δοκιμασία.

Hæc de Pœnâ Peccati propriè dictâ hæctenus. Ad eam verò referri solet ἀναλόγως *Crux piorum*, quæ specialiter quidem ex usu Scripturæ persecutionem ob confessionem Euangelii, at generaliter omnes ipsorum afflictiones notat. Hanc quò minus Pœnis propriè dictis annumeremus, faciunt propria ejus requisita: qualia sunt: quod proficiscitur à Judice irato. II. quod in satisfactio- nem pro peccato, & ipsius peccatoris exitium cedit. Neutrum siquidem de eâ verè potest enunciari. Non primum: quia Crux non à Judice, sed à Patre immittitur. *Quis enim est filius, quem non castiget pater?* Heb. 12. v. 7. eòque non irato, sed placato, utpote cui per mortem Filii unigeniti reconciliati sumus Rom. 5. v. 10. Non secundum: quia nulla condemnatio, atque ita satisfactio, incumbit iis, qui sunt Christo Jesu Roman. 8. vers. 1. Omnia verò ipsis cooperantur in bonum, v. 28. ut qui etiam castigantur à Domino, nè cum mundo pereant 1 Cor. 11. v. 32. Et si esset satisfactio, aut duplicem Deum exigeret; quod est contrà ipsius justitiam: aut satisfactio Christi imperfecta esset: quod est contrà veritatem in Scripturâ revelatam Heb. 10. v. 14. 1 Ioh. 1. v. 7. Atque hoc etiam de morte temporali Piorum intellectum volumus; quam cum beatam Scriptura, Apoc. 14. v. 13. & preciosam in oculis Iehova, Ps. 116. v. 15. prædicet singulariter; nulla equidem ratio patitur, ut pœnalis habeatur. Distinguitur Crux Piorum in Τιμωρίαν quam alii Παιδείαν appellare malunt, δοκιμασίαν, & Μαρτύριον. Τιμωρία est paterna vitiorum castigatio: de quâ loquitur Apostolus, Hebr. 12. v. 6. & seqq. & ipse Deus, 2. Samuel. 7. v. 14. 15. his verbis: *si perverse egerit, corripiam eum virgâ hominum, & plagis humanis: at benignitas mea non amovebitur ab eo.* Finis est, ut piragnoscant, deplorent peccata sua, & ab iis resipiscant: doment carnem effrenem: & in agnitione sancti illius ac benigni Patris amplius proficiant. *Exempla* sunt in Mose, Num. 20. v. 12. Aarone, ibidem; Davide, 2. Sam. 13. 15. 16. 24. capp. & aliis. δοκιμασία est pietatis ipsorum exploratio: sicut dicitur Psalm. 111. vers. 5. *Iehova iustum explorat:* & persecutiones inde tentationes, fideique explorationes vocantur Iacob. 1. v. 2. 3. 1 Petr. 1. v. 6, 7. *Finis* est, ut proficiant in pietate: confirmen- tur de perseverantiâ in fide, & salute: exempla præbeant aliis fidelibus imitationis, materiamque consolationis: reprobos de- nique de Exitii futuri gravitate convincant. *Exempla* sunt, in A-
brahamo,

brahamo, Genes. 22. Jobo, cap. 1. 2 & aliis. Μαγνέσιον est doctrinæ cœlestis per proprium sanguinem obsignatio. Hujus finis est, ut confirmetur veritas doctrinæ: demonstraretur consolatio, quæ in mediâ morte inde hauritur: alii quoque vel convertantur, vel inexcusabiles reddantur. *Exempla* sunt, in Abele, Genes. 4. Stephano, Actor. 7. Paulo, 2. Timoth. 4. & animabus eorum, qui mactati dicuntur propter Dei Verbum Apocalyps. 6. vers. 9.

Ufus hujus Loci est

I Ad Διδασκαλίαν: Mors non fuit ab initio, sed per peccatum ingressa est in Mundum Romanor. 5. vers. 12. & seqq. cap. 6. v. 23. Deus vere irascitur peccatis, quia odit ea, Psalm. 45. vers. 8. prohibet, Exod. 20. punit, Deuteronom. 27. vers. 26. Psalm. 5. vers. 5. 6. pœnis temporalibus & aeternis Deuter. 27. & 28. capp. Matt. 25. v. 41. In pœnarum irrogatione non est Θεωπολήτης, utpote qui nè angelis quidem pepercit 2. Petr. 2. vers. 4. Declarat per eas justitiam suam, Romanor. 1. vers. 32. 2. Thessal. 1. v. 6. 7. ut totus mundus accinat judici suo; Justus es, Domine, & justa judicia tua Psal. 119. v. 137.

I I. Ad Παιδείαν: Agnoscamus & deploremus miseriam nostram, in quam per peccatum incidimus: exemplo Apostoli, Roman. 7. humiliemus nos coram Deo, exemplo Davidis, Psalm. 51. & Publicani Luc. 18. vers. 13. Vitemus consortium impiorum; nè post hanc vitam redigamur in consortium Diaboli, in igne illo infernali Matth. 25. vers. 41. Gratus Deo agamus, qui exitialem pœnam nobis, filiis suis, vertit in salutarem crucem Romanor. 8. v. 1. Johann. 11. vers. 25. Denique in cruce perpetuò cogitemus, vocari nos ad pœnitentiam, Mich. 7. vers. 9. Psalm. 89. vers. 33. excitari ad renunciandum Diabolo, mundo, & carni, Ephes. 6. vers. 12. 1. Johann. 2. vers. 15. 1. Petr. 4. vers. 17. in fide, spe, patientiâ, invocatione, exerceri Psalm. 11. 9. v. 71. Esa. 26. vers. 16.

I I I. Ad Ἐπενόησιν: Nè spe veniæ peccemus, aut in peccato perseveremus Judic. vers. 4. Galat. 6. vers. 7. Nè Deum gravius quam pro merito in peccatores animadvertere criminemur: An judex totius terræ non exerceret jus? Genes. 18. vers. 25. Nè contra ipsum murmuremus, exemplo Cajini, Genes. 4. sed laudem justitiæ ipsi tri-

buamus: exemplo Danielis cap. 9. vers. 7. Nè etiam tempus gratia in hac vitâ securè aut fastidiosè transmittamus, cum in alterâ futurum sciamus tempus ira aeterna Luc. 16. v. 23. & seqq.

I V. Ad Παράκλησιν: Erigamus nos in omnibus afflictionibus, quod paterna Dei manus nos ferit, Heb. 12. vers. 6. & sequentib. 2 Samuel. 7. vers. 14. 15. qua vulnerare novit, & sanare, Hos. 6. vers. 1. quod in iis presentissimus nobis adest. Esai. 49. vers. 15, Johann. 14. vers. 16. Vt latemur etiam in adversitatibus, & de us gloriemur, Romanor. 5. vers. 3. exemplo Apostolorum, Actor. 5. vers. 41. cap. 16. vers. 25. quod etiam eadem salutem nostram promoveant; Romanor. 8. vers. 28. 1 Corinth. 11. vers. 32. Certi- que simus, quò plura patimur propter iustitiam, hoc nos magis conformes reddi Imagini Filii Dei, Romanor. 8. vers. 29. & assimilari principi salutis nostrae, qui per perpeffiones consummatus est Hebr. 2. vers. 10.

LOCUS

LOCUS DECIMUS

De

PERSONA & OFFICIO
CHRISTI.

Fuerunt Opera Naturæ. Opera Gratiæ sunt, quæ Deus operatione singulari edit in Ecclesiâ.

Horum alia in Acquisitione, alia in Applicatione consistunt.

Acquisitio facta est per Christum Iesum, in quo accepimus gratiam pro gratiâ.

In eo distinctè considerantur Persona & Munus.

Persona una est & singularis, duabus constans naturis, Divinâ Filii Dei, & Humanâ ex Mariâ Virgine assumptâ.

Munus Christi est Mediatio inter Deum & Homines: ad quam peragendam missus à Patre in Mundum, & per Spiritum Sanctum unctus fuit.

Destinguitur in Propheticum, Sacerdotale, & Regium.

Munus Propheticum est, quod mysterium redemptionis Ecclesiæ suæ plenè revelavit in Euangelio; Legem etiam à variis corruptelis repurgavit.

Munus Sacerdotale est, quod passione ac morte suâ satisfacit pro peccatis Electorum, atque etiamnum pro eis apud Patrem intercedit.

Munus Regium est, quod gubernat Ecclesiam suam Verbo & Spiritu, eamque contra omnes hostes tuetur & conservat.

EXEGESIS.

Opera Gratia



Pera Gratia Phrasi Scripturæ, χάρισμα, Rom. 11. v. 29.

Gratia homonymia.

cap. 6. v. 23. δωρεὰ ἐν χάριτι, Rom. 5. v. 15. δωρεήματα, v. 16. propriè : impropriè per Metonymiam Efficientis, χάρις, gratia, Iohan. 1. v. 16. 17. Actor. 13. v. 43. Hebr. 12. v. 15. dicuntur. Eaque vox jam unum aliquod & singulare gratia opus, Rom. 5. v. 17. modo totum illorum complexum, Ioh. 1. v. 14. 16. 17. designat. Quo sensu non amplius sumus sub Lege, sed sub gratiâ Rom. 6. v. 14. Afflictiones etiam propter Christum toleratæ hoc nomine afficiuntur Phil. 1. v. 7. 29.

Efficiens.

Causa efficiens horum Operum est Deus; Deus gratiofus, Exod. 34. v. 6. Nehem. 9. v. 17. Deus omnis gratia, 1. Petr. 5. v. 10. qui dives est misericordiâ Ephes. 2. v. 4. & miserationum pater 2. Cor. 1. v. 3. Προνουσὺν ἐστὶν χάρις, gratia ipsius, hoc est, gratuita illa benevolentia quâ indignos nos complectitur: Rom. 3. v. 24. cap. 11. v. 6. Ephes. 2. v. 8. Tit. 2. vers. 11. à quâ, tanquàm primâ suâ & principali causâ, opera hæc denominantur, atque etiam ut effecta apertis verbis distinguuntur Rom. 5. v. 15. 16. cap. 16. v. 6.

Impulsiva interna.

Externa.

Psal. 51. v. 3. 4. Προκαταρκτην ἐστὶν Christus, quem proposuit Deus placamentum per fidem in sanguine ipsius Rom. 3. v. 24. 25. Unde donatio per gratiam esse dicitur, unius hominis Jesu Christi, Rom. 5. v. 15. idemque adedò plenus esse gratia, ut ex plenitudine ipsius omnes accipiamus gratiam pro gratiâ Ioh. 1. v. 14. 16. Instrumentum est doctrina Evangelii: potentia Dei ad salutem omni credenti, Rom. 1. v. 16. semen illud incorruptibile, ex quo regimur 1. Petr. 1. vers.

Instrumentum.

Administri.

23. Administri sunt, Evangelii huius pracones, qui legatione fungentes pro Christo, habent sermonem gratiosæ reconciliationis, 2. Cor. 5. v. 19. dispensant varia Dei mysteria, 1. Corinth. 4. v. 1. ejusque gratiam in alios per se agentem, 1. Corinth. 15. v. 10. cap. 3. v. 5. experiuntur.

Materia seu Objectum.

Materia circa quam, sive Objectum Operum Gratia, est varia & Catholica Christi Ecclesia; vinculo Spiritus, fidei, & charitatis, capiti suo adunata. Christus enim corporis sui servator est, Eph. 5. v. 23. quod est Ecclesia, cap. 1. vers. 23. cui proinde adjungit quoscumque salvos facere vult Actor. 2. v. 47.

Forma

Forma generalis, sive communis horum operum, dari vera non potest. Specifica singulorum infra explicabitur. Forma

Finis eorum supremus, est laus gloriosæ gratiæ Dei. Ephes. 1. v. 6. Psal. 111. v. 1. 4. & 149. v. 3. 4. sive præconium virtutum illius, qui nos vocavit è tenebris in admirabilem suam lucem 1 Petr. 2. v. 9. Subalternus est salus Electorum, qui hanc gratiâ servantur Eph. 2. v. 8. Ioh. 3. v. 16. Finis.

Effecta varia sunt, sed subordinata. Nam quos præscivit Deus, hos prædestinavit: Quos prædestinavit: hos vocavit, quos vocavit, hos iustificavit: quos iustificavit, hos glorificavit Rom. 8. v. 29, 30. Inspiciantur & alia loca, Rom. 9. v. 24. & seqq. Galat. 5. v. 22. 2 Petr. 1. v. 5. & seqq. Effecta.

De *Subjecto* distinctè agetur in singulis Operibus. *Adjuncta* Operum Gratiæ censemus: I. Quod *indebita* sunt universa. *Quis* enim prior dedit Deo, ut ei reddatur? Rom. 11. v. 35. Et, si ex gratiâ, jam non ex operibus, alioquin gratia non est gratia v. 6. II. Quod *redundantissima*. Sunt enim non modo gratia, sed etiam gratiæ *redundantia*, Rom. 5. v. 17. Sanguis Iesu Christi mundat nos ab omni peccato, 1. Ioh. 1. v. 7. est propitiatio pro totius mundi peccatis, cap. 2. v. 2. ejusque Spiritus dux viæ in omnem veritatem, Ioh. 16. v. 13. effunditur in omnem carnem, Act. 2. v. 17. ut omnia nunc valeant fideles per eum, qui ipsos corroborat, Philip. 4. v. 13. III. Quod deinde *immutabilia*. Nam χάρισματὰ Dei ἀμεταμέλητα sunt; Rom. 11. v. 29. & ipse, ut naturâ sic etiam voluntate est immutabilis Malach. 3. v. 6. Adjuncta, quod sunt. Indebita. Redundantissima. Immutabilia.

Hæc generalis est Operum Gratiæ theoria: quæ speciatim considerata, in *Acquisitione* & *Applicatione* consistunt: prout variis Scripturæ locis distinguuntur Iohan. 3. v. 16. Rom. 3. v. 24, 25, 26. 2 Cor. 5. v. 19.

Acquisitionem factam dicimus per Christum. Is enim *acquisivit* Ecclesiam proprio sanguine Act. 20. v. 28. Is redemit nos, non auro, nec argento, sed pretioso sanguine suo, 1 Petr. 1. v. 18, 19. ut non sit in alio quoquam salus; nec aliud nomen sub cælo, quod datum sit inter homines, per quod oporteat nos servari Act. 4. v. 12. Modus autem Acquisitionis distinctè in *Persona* ipsius, & *Munere* cernitur. Acquisitio operum Gratiæ per Christum. Cujus consideranda.

Persona Christi una est & singularis. *Vnus* siquidem est *Mediator* Dei & Hominum, Homo Iesus Christus; 1 Tim. 2. v. 5. *unum*, non multiplex, semen illud Abrahæ Gal. 3. v. 16. Quam unitatem poscebat ratio muneris. Nam qui Deum & homines uniret in federe, esse debuit

In duabus natura-
turis.

Dux naturæ
quomodo se
habeant ad u-
nam Perso-
nam.

Cur Christum
oportuerit
esse
1. Deum.

2. Filium Dei.

3. Hominem.

debut Deus & Homo in unâ Personâ. Consistit verò una illa Persona in duabus naturis, Divinâ Filii Dei, & Humanâ ex Mariâ Virgine assumptâ. Est enim Christus *Immanuel*, Θεάνθρωπος: Deus-Homo, *Esa.* 7. v. 14. *Matth.* 1. v. 28. est *Deus manifestatus in carne*, 1. *Tim.* 3. v. 16. est *Filius Dei factus ex muliere*, *Gal.* 4. v. 4. est *Verbum illud, quod factum est caro Iohan.* 1. v. 14. Quâ de causâ Filium Mariæ Angelus appellat Filium Dei *Luc.* 1. v. 35. Cumque etiam hæc Christi Persona secundum duas illas naturas, tanquàm duo diversa principia, distinguatur, *Rom.* 1. v. 3. 4. *cap.* 9. v. 5. 1. *Tim.* 3. v. 16. 1. *Petr.* 3. v. 18. tam verè eas in se continet, quam verè dici Divinum inesse requirit. Certum igitur & fixum manet, Unam Christi Personam duabus constare naturis: non ut partibus propriè dictis, quæ incompletæ sunt respectu totius, (id enim si maximè de Humanâ, de Divinâ tamen natura non rectè dicitur;) sed ut principis numero diversis: sicut ὁσίων Christi σύνθετον, numeri potius, quàm partium respectu, vocârunt Veteres: vel si partes appellare libeat, extraordinariæ dicendæ sunt: Quemadmodum Christus Persona est extraordinaria. Ex quibus jam porro sequitur, Deum & Hominem non esse disparata in Persona Christi; qualia non sunt unus idemque, nec de se invicem possunt prædicari, sed habere se ut principia unam certam hypostasim constituentia, sive instar partium toti homogenearum. Cur verò Christum Deum esse oportuerit, & Filium Dei; item Hominem, ratio redditur in Scripturâ. Primò, Deum esse oportuit, ut satisfactio ipsius esset debito analoga, hoc est, sufficiens & dignum λύτρον pro nostris peccatis, *Actor.* 20. v. 28. *Hebr.* 9. v. 14. 1. *Ioh.* 1. v. 7. ut qui est in sinu Dei, gratiosam ejus ergà nos voluntatem plenè nobis revelaret, *Ioh.* 1. v. 18. ut etiam Spiritum Sanct. nobis mittere posset à Patre, *Iohan.* 15. v. 26. cujus virtute, meriti ipsius fieremus participes. Deinde oportuit eundem esse Filium Dei; quia placuit Patri per Filium efficere nos novas creaturas, 2. *Cor.* 5. v. 17. *Gal.* 6. v. 15. sicut initio per eundem nos fecit creaturas, *Ioh.* 1. v. 3. *Coloss.* 1. v. 16. quia voluit summam suam erga nos declarare dilectionem, eo, quod proprio Filio non pepercit, sed pro nobis omnibus tradidit eum, *Rom.* 8. v. 3 2. & quia jus ac nomen Filiorum Dei, quod nobis conferre, *Ioh.* 1. v. 12. *Ioh.* 3. v. 1. ipsemet quoque debuit habere. Denique, Hominem esse oportuit; partim propter Justitiam Dei, quæ postulat,

stulat, ut quæ peccavit natura, luat etiam pro peccatis; *Ezech.* 18. v. 20. *partim*, propter ejus veritatem, in comminatione mortis, *Genes.* 2. vers. 17. quam à Mediatore Homine certò obeundam, variis Vet. Test. sacrificiis prænunciârat: *partim* etiam, propter nostram consolationem, ut sciamus talem nobis obtigisse Mediatorem, qui sit frater noster, *Hebr.* 2. v. 11. ejusdem nobiscum carnis sanguinisque particeps, v. 14. tentatus in omnibus similiter, *cap.* 4. v. 15. idque hoc fine, ut infirmitatum nostrarum sensu affici possit: *ibidem*.

Cæterum de *Divinâ Christi Naturâ* actum jam est suprâ. Est *Divina Natura*. illa ipsa Filii Θεότης, sive πᾶν τὸ πλῆρωμα τῆς Θεότητος, *Coloss.* 2. v. 9. *μορφὴ* illa Θεῶ, *Philip.* 2. v. 6. in quâ exstitit inde ab æterno, *Ioh.* 17. v. 5. sive, loquendo propriissimè, ipsa hypostasis Filii Dei, ab hypostasi Patris, & Spiritus Sancti distincta: quandoquidem nec Pater, nec Spiritus Sanctus, sed solus Filius incarnatus dicitur *Ioh.* 1. v. 14. *Gal.* 4. v. 4. *Humana* verò *Natura* est *Humana Natura*. *μορφὴ* illa servi, quam accepit, *Phil.* 2. v. 7. semen illud Abrahamæ, quod adsumpsit, *Hebr.* 2. v. 16. Caro & sanguis, cujus factus est particeps v. 14. *Veritatem* hujus Naturæ ostendunt, I. *Partes* ejus *essentiales*, anima & corpus. Nam & verâ anima præditus est Christus: utpote quâ tristatus fuit usque ad mortem, *Matth.* 25. v. 38. quâque moriens Patri commendavit, *Luc.* 23. v. 46. & vero corpore; quia carnem habuit & ossa etiam post resurrectionem, *Luc.* 24. v. 39. corporis quoque Phantasmatici opinionem longissimè à se removit: *ibidem*, & *Matt.* 14. v. 26. 27. II. *Partis utriusque proprietates*, tum *essentiales*, tum *naturales*; quæ Christo tribuuntur. *Essentiales*: quia anima ipsius Spiritualis est, & immortalis, *Luc.* 23. v. 46. intelligendi, *cap.* 2. v. 52. & volendi facultate *Matth.* 26. v. 39. pollens. *Corpus*, quantum, visibile, palpabile, partes extrâ partes constitutas habens, *Luc.* 24. v. 39. *Ioh.* 20. v. 27. I. *Ioh.* 1. v. 1. *Naturales*, à subjecto separabiles: Nam qui nunc non proficit amplius sapientiâ, profecit olim, *Luc.* 2. v. 52. qui nunc agilitate & gloriâ corporis fruitur, ante iisdem caruit: *argumento locorum* *Matth.* 14. v. 26. 27. *cap.* 17. v. 2. III. *Infirmitates & defectus*; non hujus vel illius individui; ut lepra, *Matth.* 8. v. 2. cæcitas, *Ioh.* 9. v. 1. sed totius naturæ, ex ejusdem per peccatum corruptione suscepti. Etenim in animâ Christi fuit tristitia, *Matth.* 26. v. 38. dolor, *Ioh.* 11. 33. timor,

In duabus na-
turis.

Dux naturæ
quomodo se
habeant ad u-
nam Perso-
nam.

Cur Christum
oportuerit
esse
1. Deum.

2. Filium Dei.

3. Hominem.

debuìt Deus & Homo in unâ Personâ. Consistit verò una illa Persona in duabus naturis, Divinâ Filii Dei, & Humanâ ex Mariâ Virgine assumptâ. Est enim Christus *Immanuel*, Θεάνθρωπος: Deus-Homo, *Esa.* 7. v. 14. *Matth.* 1. v. 28. est *Deus manifestatus* in carne, 1. *Tim.* 3. v. 16. est *Filius Dei factus ex muliere*, *Gal.* 4. v. 4. est *Verbum illud, quod factum est caro Iohan.* 1. v. 14. Quâ de causâ Filium Mariæ Angelus appellat Filium Dei *Luc.* 1. v. 35. Cumque etiam hæc Christi Persona secundum duas illas naturas, tantum duo diversa principia, distinguatur, *Rom.* 1. v. 3. 4. *cap.* 9. v. 5. 1. *Tim.* 3. v. 16. 1. *Petr.* 3. v. 18. tam verè eas in se continet, quam verè dici Divinum inesse requirit. Certum igitur & fixum manet, Unam Christi Personam duabus constare naturis: non ut partibus propriè dictis, quæ incompletæ sunt respectu totius, (id enim si maximè de Humanâ, de Divinâ tamen natura non rectè dicitur;) sed ut principis numero diversis: sicut ἑωσέσθιν Christi σύνθετον, numeri potius, quam partium respectu, vocârunt Veteres: vel si partes appellare libeat, extraordinariæ dicendæ sunt: Quemadmodum Christus Persona est extraordinaria. Ex quibus jam porro sequitur, Deum & Hominem non esse disparata in Persona Christi; qualia non sunt unus idemque, nec de se invicem possunt prædicari, sed habere se ut principia unam certam hypostasim constituentia, sive instar partium toti homogenearum. Cur verò Christum Deum esse oportuerit, & Filium Dei; item Hominem, ratio redditur in Scripturâ. Primò, Deum esse oportuit, ut satisfactio ipsius esset debito analoga, hoc est, sufficiens & dignum λύτρον pro nostris peccatis, *Act.* 20. v. 28. *Hebr.* 9. v. 14. 1. *Ioh.* 1. v. 7. ut qui est in sinu Dei, gratiosam ejus ergà nos voluntatem plenè nobis revelaret, *Ioh.* 1. v. 18. ut etiam Spiritum Sanct. nobis mittere posset à Patre, *Iohan.* 15. v. 26. cujus virtute, meriti ipsius fieremus participes. Deinde oportuit eundem esse Filium Dei; quia placuit Patri per Filium efficere nos novas creaturas, 2. *Cor.* 5. v. 17. *Gal.* 6. v. 15. sicut initio per eundem nos fecit creaturas, *Ioh.* 1. v. 3. *Coloss.* 1. v. 16. quia voluit summam suam erga nos declarare dilectionem, eo, quod proprio Filio non pepercit, sed pro nobis omnibus tradidit eum, *Rom.* 8. v. 3 2. & quia jus ac nomen Filiorum Dei, quod nobis conferre, *Ioh.* 1. v. 12. *Ioh.* 3. v. 1. ipsemet quoque debuit habere. Denique, Hominem esse oportuit; partim propter Justitiam Dei, quæ pos-
stulat,

Atulat, ut quæ peccavit natura, luat etiam pro peccatis; *Ezech.* 18. v. 20. *partim*, propter ejus veritatem, in comminatione mortis, *Genes.* 2. vers. 17. quam à Mediatore Homine certò obeundam, variis Vet. Test. sacrificiis prænunciârat: *partim* etiam, propter nostram consolationem, ut sciamus talem nobis obtigisse Mediatorem, qui sit frater noster, *Hebr.* 2. v. 11. ejusdem nobiscum carnis sanguinisque particeps, v. 14. tentatus in omnibus similiter, *cap.* 4. v. 15. idque hoc fine, ut infirmitatum nostrarum sensu affici possit: *ibidem*.

Cæterum de *Divinâ Christi Naturâ* actum jam est suprâ. Est *Divina Natura* illa ipsa Filii Θεότης, sive πᾶν τὸ ἀληθινὸν τῆς Θεότητος, *Coloss.* 2. v. 9. μορφὴ illa Θεῶ, *Philip.* 2. v. 6. in quâ exstitit inde ab æterno, *Ioh.* 17. v. 5. sive, loquendo propriissimè, ipsa hypostasis Filii Dei, ab hypostasi Patris, & Spiritus Sancti distincta: quandoquidem nec Pater, nec Spiritus Sanctus, sed solus Filius incarnatus dicitur *Ioh.* 1. v. 14. *Gal.* 4. v. 4. *Humana* verò *Natura* est *Humana Natura* μορφὴ illa servi, quam accepit, *Phil.* 2. v. 7. semen illud Abraham, quod adsumpsit, *Hebr.* 2. v. 16. Caro & sanguis, cujus factus est particeps v. 14. *Veritatem* hujus Naturæ ostendunt, I. *Partes ejus veritas*, *essentiales*, anima & corpus. Nam & verâ anima præditus est Christus: utpote quâ tristatus fuit usque ad mortem, *Matth.* 26. v. 38. quàmque moriens Patri commendavit, *Luc.* 23. v. 46. & vero corpore; quia carnem habuit & ossa etiam post resurrectionem, *Luc.* 24. v. 39. corporis quoque Phantasmatici opinionem longissimè à se removit: *ibidem*, & *Matt.* 14. v. 26. 27. II. *Partis utriusque proprietates*, tùm *essentiales*, tùm *naturales*; quæ Christo tribuuntur. *Essentiales*: quia anima ipsius Spiritualis est, & immortalis, *Luc.* 23. v. 46. intelligendi, *cap.* 2. v. 52. & volendi facultate *Matth.* 26. v. 39. pollens. *Corpus*, quantum, visibile, palpabile, partes extrâ partes constitutas habens, *Luc.* 24. v. 39. *Ioh.* 20. v. 27. I. *Ioh.* 1. v. 1. *Naturales*, à subjecto separabiles: Nam qui nunc non proficit amplius sapientiâ, profecit olim, *Luc.* 2. v. 52. qui nunc agilitate & gloriâ corporis fruitur, ante iisdem caruit: *argumento locorum* *Matth.* 14. v. 26. 27. *cap.* 17. v. 2. III. *Infirmitates & defectus*; non hujus vel illius individui; ut lepra, *Matth.* 8. v. 2. cæcitas, *Ioh.* 9. v. 1. sed totius naturæ, ex ejusdem per peccatum corruptione suscepti. Etenim in animâ Christi fuit tristitia, *Matth.* 26. v. 38. dolor, *Ioh.* 11. 33. timor,

Et eum nostrā
natura con-
venientiā.

Ejusdem à
nostrā naturā
discrepantiā,
quoad

I. Efficientem.
Spiritus S.

Immediatā
Operatione.

Unde tamen
Pater Christi
dici nequit.

II. Materiam.

tantum ex
Muliere.

Et quare.

*Marc. 14. v. 33. ira, Ioh. 2. v. 14. & seqq. In corpore, lassitudo ex itinere, Ioh. 4. v. 6. sudor, Luc. 22. v. 44. lachrymæ Ioh. 11. v. 35. Luc. 19. v. 41. Ex quibus omnibus id conficitur; sicut Christus secundum Naturam Divinam ὁμοῖος est Patri; ita secundum Naturam Humanam esse ὁμοῖον nobis. Factus est, inquit Apostolus, similis fratribus per omnia, Heb. 2. v. 17. tum substantia, ut qui particeps est carnis & sanguinis ipsorum, v. 14. tum quantitate, ut qualitate, actionibus, quia habitu ut homo est inventus *Phil. 2. v. 8.* Edque Homo, *1 Tim. 2. v. 5. Rom. 5. v. 15. Filius Hominis, Ioh. 3. v. 13. Filius Davidis, Matth. 22. vers. 42.* passim appellatur. Eadem tamen Natura Humana differentiā triplici ab aliis hominibus distinguitur; *Efficiente* nimirum, *Materia & Proprietatibus.* Quoad *Efficientem*, genita est, non ex voluntate carnis, aut viti, prout alii homines gignuntur naturaliter, *Iohann. 1. v. 13.* sed ex *Spiritu Sancto* sive virtute ipsius: secundum anunciationem Angeli; *Spiritus Sanct. superveniet in te, & virtus Altissimi obumbrabit te, Luc. 1. v. 35. & eventus ipsius veritatem: de quo ita Mattheus: Maria comperta est gravida ē Spiritu Sancto, cap. 1. v. 18. & v. 20. quod in ea genitum est, ex Spiritu Sancto est.* Cooperati quidem sunt in Naturæ huius formatione Pater & Filius: sunt quippe omnia à Patre, *1 Cor. 8. v. 6.* qui etiam Filium misit in carnem, *Gal. 4. v. 4.* & Filius is est, per quem omnia facta sunt, & absque quo factum est nihil quod factum est, *Iohan. 1. v. 3.* at Spiritus Sanct. *immediata operatione* eam produxit, & ad summam dignitatem provexit: ut *Efficiens* ipsius prædicetur quādam cum *ἑρπετοχ.* Nec tamen inde Pater Christi secundum Humanam Naturam dicitur: quia non genuit ipsum ex suā substantiā, aut sibi naturā similem; sicut Adamus genuit Sethum ad imaginem & similitudinem suam *Genes. 5. v. 3.* Et Apostolus Christum ἀνθρώπου vocat, *Hebr. 7. v. 3.* non modò, quod genitus non sit ex voluntate viri, *Ioh. 1. v. 13.* sed etiam quia non genitus à Spiritu Sancto, tantquam Patre propriè dicto. Quoad *Materiam* formata est, non ex Viro & muliere simul, qui materiam conferunt in generatione communi, producendis corporibus, quibus infundatur anima: sed *tantum ex Muliere.* Quo sensu Christum *ex muliere factum*, docet Apostolus, *Gal. 4. v. 4.* & eundem *semen Mulieris, Genes. 3. v. 15. fructum ventris ipsius, Luc. 1. v. 42.* Scriptura nuncupat. Et sanè eo modo ipsum concipi fuit necessum: Modus siquidem ordi-*

ordinarius non fit absque peccato, *Ioh. 1. v. 13.* servit propagationi ejus, *Iohan. 3. v. 6.* Christus autem esse debuit expers omnis peccati *Hebr. 7. v. 26.* Illo quotquot generantur, ut matrem, sic Patrem ortus sui principium habent. At Christus ἀπαύτως esse debuit secundum hanc Naturam, sicut ἀμύτως est secundum alteram Divinam, *Hebr. 7. v. 3.* quod inconueniens esset, unius numero Personæ plures uno esse & recenferi Patres. Denique, Personam planè extraordinariam, quæ Deus sit & Homo, non alii quàm extraordinariâ geniturâ edi oportuit.

Porro *Mulier illa* esse debuit Gente & Tribu Judæa; Familiâ, ^{Mater Christi fuit.} Davide ortâ; Statu Virgo, sed desponsa. *Gente Iudæa*: Nam ^{Gente }} *ex Iudæis est Salus, Ioh. 4. v. 22. horum sunt promissiones & Patres; ex quibus est Christus, quod ad carnem attinet, Rom. 9. v. 4. 5. Tribu iussu-* ^{Tribu }} *per; ex vaticinio Jacobi, Genes. 49. v. 10. quo Messias futurus dicitur Schiloh, filius Judæ. Familia, Davide orta;* ^{Familiâ Da-} *quia Davidi* ^{vide orta.} *facta promissio, proditurum è visceribus ipsius semen, cujus regnum stabiliturus sit Deus, usque in seculum 2 Sam. 7. v. 12. & seqq. Eaque toties iterata est per Prophetas, ut Christus inde non modo semen, germen Davidis, sed etiam David appelletur, Ierem. 30. v. 9. Ezech. 34. v. 24. cap. 37. vers. 24. Statu sive conditione Virgo;* ^{Statu Virgo,} *quandoquidem prædixit Esaias, Virginem concepturam, & parituram Filium, cujus nomen vocetur Immanuel cap. 7. v. 14. Talis tamen, quæ desponsa jam esset Viro: nè aut Filius, tanquàm* ^{Sed desponsa.} *spurius, in muneris sui administratione impediretur, Deut. 23. v. 2. aut ipsi velut adulteræ, crimen capitale intentaretur Levit. 20. v. 10. Quæ omnia in Mariam, Matrem Christi, exactè quadrant testimonio Euangelistarum, Matthæi, cap. 1. v. 16. 18. & seqq. Luca, cap. 1. v. 27. & seqq. cap. 2. v. 4. 5. Hanc præ aliis ejusdem Gentis, Tribus, Familiæ, Status, mulieribus delegit Deus; quod gratiâ suâ eam complecteretur. Unde Angelus nunciat, esse ipsam in gratiâ apud Deum, v. 30. ab eâque* ^{Conceptio Christi quo ordine facta.} *την κεκοιμημένην* denominat v. 28. Illam ipsam Virginem Spiritus S. ex decreto Dei, post denunciationem Angeli fide acceptam, v. 38. inumbravit Nazarethæ, v. 26. inumbrandoque ita fœcundavit, ut ex suo sanguine, sive semine, Christum conciperet. Quod quidem certo ordine effectum dedit. Nam primò præparavit semen ipsius, sanctificando illud, & in uterum, locum conceptionis, derivando. Postea successivâ formatione ex semine illo carnem

Succesſive
producta.

III. Proprie-
tates.

Sanctitatem.

Semine à la-
be inhærente
repurgato.

eduxit, carni ſpeciei humanæ lineamenta impreſſit, ſicque diſpoſitam animâ ex nihilo creata animavit, circa quadrageſimum ſecundum, plus minus, à conceptione diem. Etſi verò ſententia illa, de *ſucceſſiva Naturæ Humanæ productione*, multis improbat, qui omnia illa momento facta fuiſſe volunt: Scripturæ tamen maximè videtur conſentanea. Etenim, ſi Chriſtus, teſte Apoſtolo, in Naturæ humanæ adſumptione factus eſt nobis ſimilis, per omnia, excepto peccato; quidni in ordine aſſumptionis? Si tempus geſtationis ordinarium fuit: quidni ordinarium quoque cenſeatur tempus formationis? Si etiam corpus, in & extra Virginis uterum, certis incrementi gradibus provectum perfectumque fuit: quod & Scriptura docet, *Luc. 2. v. 6. 40. & 52.* & omnes agnoſcunt: quorſum fingamus diverſum accidiſſe in formatione, aut gradus ejus aboleamus? Nec enim miraculoſa conceptionis ratio in momentaneâ naturæ humanæ ſecundum omnes partes productione, ſed in eo conſiſtit; quod Virgo concepit abſque viro; peccatrix abſque peccato; Homo Deum. Neque etiam inde perſonalitatem quis naturæ Humanæ jure vindicaverit. Quia ut ante conjunctionem cum animâ, corpus eſſe nequivit Perſona, quæ eſt *ὑφ'ἑαυτὸν νοερόν*: ita poſt eam tùm demum cum animâ Perſonam conſtituiſſet, ſi vel ad momentum ſeorſim ſubſtituiſſet, non autem ſtatim à *λόγῳ* aſſumptum fuiſſet. Quoad *Proprietates*, id Humanæ Chriſti naturæ fuiſſe dicimus peculiare, quod Sancta fuit inde ab utero atque *ἀνυπόκωτος*. De *Sanctitate* loquitur Angelus *Luc. 1. v. 35.* *Quod ex te naſcetur, Sanctum erit, quia Spiritus Sanctus ſuperveniet in te.* Et Petrus, *1. Epistol. 1. verſ. 19.* dùm Chriſtum agnum inculpatum & incontaminatum nominat. *Talis namque decebat nos Pontifex, Sanctus, impollutus, ſegregatus à peccatoribus: cui non opus eſſet victimas offerre pro peccatis propriis, Hebr. 7. verſ. 26. 27.* & in quo complacitum eſſet Patri, *Matth. 3. verſ. 17.* ut valere poſſet ejus victimæ pro peccatis populi. *Semen* quidem illud, ex quo corpus Chriſti formatum eſt, ut à Peccatrice deciſum, ſic peccato, ſaltem quoad diſpoſitionem, fuit infectum. At Spiritus Sanctus præparando illud repurgavit ab omni labe inhærente; atque etiam principia infirmitatum, toti ſpeciei communium, quæ manſerunt in ſemine, ab *ἀνομιᾷ καὶ ἀτιμίᾳ* ita ſecrevit; ut quæ in aliis ortu, objecto, & modo, tandem fiunt *ἀλλοιωται*, in ipſo ordi-

nem

nem defectuum ἀδιαβλήτων nunquàm egrediantur. *Imputatio* Et Imputa-
verò Peccati Adæ, quæ prior & potior Peccati Originalis pars te. tione cessan-
est, circà Christum meritò cessavit. Etsi enim fuit in Adamo non
minus quàm cæteri: Nam & qui sanctificat, & qui sanctificantur ex
uno sunt, *Hebr. 2. v. 11.* scil. Adamo, *Luc. 3.* ex cujus unius san-
guine conditum est totum genus humanum, *Actor. 17. vers. 26.*
non tamen peccavit in Adamo, sicut cæteri omnes, *Rom. 5. v. 12.*
neque etiam ut filius naturalis per carnalem generationem ab eo
descendit *Luc. 1. v. 34. 35.* Ut ita Adamus, qui aliorum respectu
principium materiale est & activum, à quo, & per quem unà cum
naturâ corruptio propagatur in posteros; respectu Christi, prin-
cipii tantum Materialis, naturam communicantis, rationem ha-
beat. Quod ipsum non magis mirum nobis videri debet, quàm
alterum quod asserit Apostolus *Hebr. 7. v. 9. 10.* Levi in lumbis
Abrahæ decimatum, Christo non decimato: qui ipse tamen in
iis latebat, ut semen ejus *Gal. 3. v. 16.* Jam quod eadem Natu-
ra humana ἀνυπόστατος sit, non per se, seorsim sive separatim ἀνυπόστατον
λόγω, sed in eò subsistens, & ab eo sustentata, ex ante dictis
clarum est. Etenim cum unus tantum sit Christus, *Gal. 3. v. 16.*
unus Mediator, *1 Tim. 2. v. 5.* unus Dominus *Ephes. 4. v. 5.* cum
in Christo per gratiam unionis Deus sit Homo, & Homo Deus:
eum etiam de Christo Homine prædicentur quæ sunt Dei, & vi-
cissim: non potest certè Natura Humana esse ὑπόστασις, Persona;
verum necesse est, ut in se ἀνυπόστατος, ἐκυπόστατος autem sit
in λόγῳ, qui accepit formam servi, *Phil. 2. vers. 7.* semenque A-
brahæ in Personæ suæ unitatem adsumpsit *Hebr. 2. v. 16.* Eo ta-
men nihil decessit Naturæ Humanæ perfectioni: quia mansit sub-
stantia, mansit partibus suis & proprietatibus integra, mansit
etiam individualis. Imò tantò plus accessit, quantò majus est
subsistere in Personâ Creatoris, quàm subsistentia creaturæ.

Ita se habent duæ Christi naturæ seorsim consideratæ; qua-
rum deinceps inter se Unio explicanda est. Solet verò illa aliis at-
que aliis exprimi nominibus. In Scripturâ ἐπίληψις adsumptio, *Hebr. 2. v. 16.* κοινωνία σαρκὸς ἢ αἱματός, communio carnis & san-
guinis, *v. 14.* λαβὴ τῆς μορφῆς δούλου, acceptio formæ servi, *Phil. 2.*
vers. 7. à Patribus, ἐνώσις, σάρκωσις, sive ἐνσάρκωσις, ἐνανθεώπο-
σις, παρὰ ἑωρώσις appellatur. Definimus eam, quod sit duarum
naturarum, Divinæ & Humanæ, conjunctio in unâ Persona. Unde

Adamus prin-
cipium Chri-
sti materiale
tantum, non
etiam acti-
vum.

Citra ullam
imperfectio-
nem.

Unio duarum
naturarum.
Ejus Synony-
ma.

Definitio.

& καθ' ἑωσέων facta, & ἑωσέων sive personalis esse, proprio termino dicitur.

Efficiens, tota
Trinitas;

Efficiens Unionis est *Deus Pater, Filius, & Spiritus Sanctus*. Est enim *Unio*, ad quam secuta est Unio, opus ad extrà, tribus Personis commune, non minus quàm ipsa Naturæ Humanæ formatio. Nam *Pater* aptavit Filio corpus *Hebr. 10. v. 5. Spiritus S.* Naturam Humanam à se formatam & sanctificatam eidem univit; *argumento loci Luc. 1. v. 35.* ipse denique *Filius* univit eam sibi, factus caro *Ioh. 1. v. 14.* Verùm sicut circà formationem Naturæ Humanæ peculiaris fuit Spiritus Sancti operatio, ob quam ea non Patri, non Filio, sed ipsi tribuitur: eundem in modum circà Unionem se res habet. Hæc siquidem *Filio* tri-

Peculiariter
Filius.

buitur *peculiariter*: quandoquidem nec *Pater*, neque *Spiritus Sanctus*, sed *Filius Solus* accepit formam servi, *Philip. 2. v. 7.* Semenque *Abrahæ*, adsumpsit, *Hebr. 2. v. 16.* in Personæ suæ Unitatem. Quod nihil est aliud, quàm quod is, qui ab æterno est hypostasis secunda essentiae Divinæ, in tempore Naturæ Humanæ per se ἐνυπόστατος factus est ἑωσέων, eam tanquàm animam & corpus suum sustentans, vivificans, ac in eâ, & cum eâ opera nostræ salutis perficiens. Ita igitur, quæ inchoatione communis fuit unio, terminatione facta est Filio propria: utpote,

Humanæ natura commu-
nicata Didicæ
subsistentia.

in cuius Personâ terminum accepit. Insuper patet, *Filium Dei*, assumendo Naturam Humanam, non dedisse ei suam ἑωσέων sive personalitatem, abstractivè: sic enim ipsa quoque esset Persona; esset ab æterno genita: sed eatenus communem effecisse, quatenus, quæ persona ante subsistebat in unâ tantùm naturâ Divinâ, per hanc assumptionem subsistere cœpit in duabus, Divinâ & Humanâ: quarum prior adsumens, ἑωσέων est per se, posterior assumpta, non ἑωσέων, sed ἐνυπόστατος, seu ὁργανον ἐνυπόστατον:

Divina Natura
per assumptionem
humanam non completa
fuit.

ut loquebantur Veteres. Ex quo id porro intelligitur, ἑωσέων Filii completam fuisse in se, ante Naturæ Humanæ assumptionem; nec adsumptam hanc naturam, ut eam compleret, sed tantùm, ut salutis negotium, ad quod requirebatur Persona Θεάνθρωπος, cum ipsâ perficeret.

Materia, duæ
naturæ Christi.

Materia circà quam, sive *Objectum* Unionis, sunt *duæ Christi Naturæ*, sive duæ Formæ, *Dei & Servi Phil. 2. v. 6. 7.* Unio enim plurium est, citrà controversiam. At non hypostaseων, sive Personarum in Christo; alioquin plures constituerentur Personæ. Ergò Naturarum.

Formæ

Forma est conjunctio earundem in unâ Persona. In *Persona* dico, ^{Forma, conjunctio earundem in una Persona.} quia facta est, non in naturâ seu essentiâ Dei : Nam ita Natura Humana Deus foret *συνωλόως*; nec in naturâ aliquâ tertiâ, in quam coaluerint; prout in hominibus usu venit; sed in *συνείκετες* Filii Dei, tanquàm communi supposito, & subjecto conjunctionis. Licet verò duæ illæ naturæ inter se sint *inaequales*; una infinita, altera finita, quarum nulla est proportio; id tamen conjunctionem ipfarum minimè impedit, aut dirimit. *Ratio*; quia non consistit illa in earundem inter se exæquatione, ut sibi sint ^{Salvis & distinctis manentibus} proportionatæ; sed in Naturæ finitæ in Infinitâ, Humanæ in Divinâ, exsistentiâ indivisâ : Salvis & distinctis manentibus ipsis Naturis, earum Proprietatibus & Operationibus. *Naturis*; ut ^{Naturis.} quæ etiam post Unionem sive conjunctionem distinguuntur in Personâ: *Rom. 1. v. 3. 4. Filius Dei factus ex semine Davidis secundum carnem; & declaratus potenter secundum Spiritum Sanctificationis. 1. Pet. 3. v. 18. Morte quidem affectus carne, vivificatus autem Spiritu. Proprietatibus*; quæ cum enuncientur contrariè de uno eodemque ^{Proprietatibus.} supposito, *κατ' ἄλλο καὶ ἄλλο*, secundum aliam atque aliam ejus naturam intelligendæ sunt; qui Verbum Dei esse non potest Etiam & Non *2. Cor. 1. v. 19.* Ut cum Filius Hominis in terrâ loquens cum Nicodemo, dicitur esse in cœlis *Ioh. 3. v. 13.* Non esse nobiscum, *Matth. 26. v. 11.* & esse nobiscum, *cap. 28. v. 20.* esse Filius, *Matth. 1. Luc. 3.* semen *Gal. 3. v. 16.* Abrahamæ; & tamen ante ipsum fuisse *Ioh. 8. v. 58.* *Operationibus*; quia cibum ^{Operationibus.} appetere, *Matth. 4. v. 2.* edere, bibere *cap. 11. v. 19.* dormire, *cap. 8. vers. 24.* *Humana* est *ἐνεργείας*; videre cogitationes cordis, *cap. 9. v. 4.* absentem Verbo sanare, *cap. 8. v. 13.* *Divina.* Hoc ipsum Patres Concilii Chalcedonensis asseruerunt contrâ Hæreticos, conjunctionis hujusce modum quatuor illis celebratis Adverbiis declarantes, *ἀσυνχύτως*, *inconfuse*, *ἀτρέκτως*, *inconvertibiliter*, *ἀδιάκετως*, *indivise*, *ἀχωρίτως*, *inseparabiliter*. Facta namque est, *Inconfuse*, absque commixtione duarum Naturarum, ad constituendam unam tertiam : *Inconvertibiliter*, citrà conversionem vel naturæ Divinæ in Humanam, vel Humanæ in Divinam : *Indivise*, absque divisione Naturarum, in duas separatim subsistentes Personas : & *Inseparabiliter*, ut quarum inseparabilis est conjunctio, nè ipsâ quidem morte soluta.

Finis Unionis est unio nostri cum Deo, 1. Tim. 2. v. 5. Ephes. 2. ^{Finis.}

v. 14. & seqq. & quæ eam sequitur communio in gaudio & gloriâ
1. Ioh. 1. v. 3. & seqq.

Effecta unionis quoad

I. Naturam humanam.
Gratiæ Eminentia.

Gratiæ habituales sunt.

Donâ creatâ.

Distincta à donis aliorum.
Subjecti dignitate;

Graduum partiumque perfectione.

Gradibus paulatim in Christo auctâ.

II. Personam.

Communicatio Proprietatum cum Personâ.

Effecta Unionis duplicia sunt : *alia* Humanam Christi naturam, *alia* Personam ejus in Utrâque Naturâ subsistentem concernentia. *Primi generis* censentur Gratiæ Eminentia, & Gratiæ Habituales. *Gratiæ Eminentia* est dignitas naturæ Humanæ suprâ omnes creaturas, orta ex ejusdem cum naturâ Divinâ unionem, per quam propria Filii Dei caro est : *argumento locorum*, Rom. 8. v. 32. Act. 20. v. 28. Quod de nullâ alia creaturâ dici potest : cum alii nulli subsistentiam in suâ *consocietate* largiatur. *Gratiæ habituales* sunt excellentes illæ dotes, quas natura Divina contulit in humanam, & ei quasi implantavit ; insignis scientia, sapientia, sanctitas, potentia, &c : & *Habituales* appellantur, quod per modum habitus existant in animâ ipsius. Hæ etsi summæ omninò sunt, nec Physicæ modo, sed & Hyperphysicæ : tamen donorum creatorum ordinem, atque ita creaturarum conditionem non excedunt. Distinguuntur autem à donis aliorum, sive Angelorum, sive Hominum, quantumvis præcellentibus, *tum* subjecti dignitate, *tum* partium graduumque perfectione. *Illâ* quidem, quia non minus dotes carnis, quàm ipsa caro sunt Filii Dei : dicente Johanne : *Patrem non admetiri Spiritum Filio, quem misit Iohan. 3. v. 34. 35.* *Istâ* verò ; quia quæ in aliis sejunctæ, in Christo sunt conjunctæ : quæ in aliis imperfectæ, in ipso perfectæ reperiuntur. Nam accepit donâ Spiritus Sancti absque mensurâ, Ioh. 3. v. 34. & suprâ consortes Hebr. 1. v. 6. Ubi tamen id tenendum est, dotes illas non ab ipso statim unionis primordio partibus omnibus gradibusque perfectas fuisse : profecit enim Christus, ut sapientiâ ; Luc. 2. v. 40. 52. sic aliis virtutibus : sed paulatim, & maximè post resurrectionem, summam perfectionem esse adeptas. Contrâ quàm se res habet in gratiâ priorē *Eminentia*, quæ perfecta statim fuit cum ipsâ Unionem ; atque etiam à Filio singulariter, non verò ut gratiæ Habituales, Psal. 45. v. 8. Iohann. 3. vers. 34. Luc. 4. vers. 18. à tribus Personis communiter, manat. *Secundi generis* Effecta sunt, *communicatio proprietatum* utriusque Naturæ cum Personâ ; & *communio officii*, & qui ex eo est, *honoris* inter Naturas. *Communicatio Proprietatum cum Personâ* est, quod per Unionem, Naturæ utriusque proprietates, Personæ sunt factæ communes : Hanc & Scriptura confirmat, & Ratio. *Illâ*, quod

ties de uno Christo prædicat, quæ sunt Dei & Hominis. *Ista*, quia ex naturâ toties & partium fluit, quam Persona Christi, & in eâ naturæ, suscipiunt Analogicè : ut tam vera sit ac realis; quàm verè ac realiter in duabus Naturis Persona subsistit. *Communio officii & honoris* est, quod Christus secundum utramque naturam Mediator est inter Deum & Homines, 1 Tim. 2. v. 5. is qui *παῶν* obtinet ἐξουσίαν in cælo & in terrâ, Matth. 28. v. 18. ad- eoque iudex est universorum, Ioh. 5. v. 27. & quod *qui se exina- nivit assumptâ formâ servi, in summam elatus est dignitatem, & nomine donatus suprâ omne nomen: ut ad nomen Iesu omne genu se flectat, cæle- stium, terrestrium, subterraneorum: omnisque lingua confiteatur Iesum Christum esse Dominum* Philipp. 2. vers. 9. 10. 11. Quam quidem communionem evincunt *ὑποτάξεις* Officii, ab utrâque Natu- râ, ac utriusque operationibus dependentia : ut cum sanguis Filii Dei nos dicitur purgare ab omni peccato, 1 Ioh. 1. v. 7. & Deus acquisivisse Ecclesiam proprio sanguine Act. 20. v. 28. Nec non *unitas cultus* sive adorationis, quæ propter officium Mediatorium ad Christum Θεάνθρωπον dirigitur Act. 7. v. 59. 60. & alibi. Posterius hoc genus effectorum vehementer illustrat *Phrasiologia* de Christo, in Scripturâ usurpata : quæ *propria* est, *Phrasiologia de Christo.* vel *tropica* : Utraque Personam ipsius & Munus distinctè con- cernens. *Propria* est, quâ de Christo Deo Divina, de homine *Propria.* humana enunciantur : ut, *Filius Dei est verus ille Deus*, 1 Ioh. 5. v. 20. *conditor seculorum*, Hebr. 1. v. 3. *Filius hominis ascendit in cælum* Ioh. 3. v. 13. *Item*, cum voce utramque Naturam complectente enunciantur quæ sunt muneris ipsius : ut, *Christus collatus est ad dextram Dei*, Ephes. 1. v. 20. *est advocatus noster* 1 Iohann. 2. v. 1. *Tropica de Persona Christi* est : primò, cum de voce utramque Chri- *Tropica de Personâ.* sti naturam denotante dicuntur propria alterutrius, per Synecdo- chen totius : ut, *Christus est Filius Dei viventis*, Matth. 16. vers. 16. *mortuus, resuscitatus est*; Rom. 8. v. 33. *secundò*, cum Personæ ab u- nâ naturâ denominatæ, alterius naturæ propria tribuuntur, per Synecdochen partis : ut, *Filius Dei factus est ex muliere*, Gal. 4. v. 4. *Dominus gloria crucifixus est*, 1 Cor. 2. v. 8. *Filius Hominis descendit de cælo* : & *in terra loquens est in cælis* Ioh. 3. v. 13. Quam Synecdo- chen indicat Scriptura restrictione prædicati ad propriam subje- cti partem : ut, Rom. 1. v. 3. *Filius Dei factus est ex semine Davidis se- cundum carnem.* In hoc prædicandi modo *subjectum* semper est vox

Quæ
Communica-
tio idioma-
tum dicitur.

Tropica de
Munere.

Subiectum.

Adjuncta.

Manifestatio
unionis.

II. Munus
Christi.

Efficiens
communiter
Trinitas.

concreta significans personam: ut, *Deus, Filius Dei, Λόγος, Homo, Filius Hominis*: nunquam abstracta, quæ solam naturam designat: ut *Deitas, Divina Natura; Humanitas, Humana Natura*. Communiter in Scholis Theologorum *ἡ κοινωνία ἰδιωμάτων*, *communicatio idiomatum*, à Patribus *ἡ κοινωνία ὀνομάτων*, *communio nominum*, & *ἡ κοινὴ ἀντιλόσις*, *modus predicationis mutue* appellatur. Tropica de Munere Christi est, cum personæ ab alterâ naturâ denominatæ tribuuntur nomina aut effecta officii secundum utramque naturam Christo competentis: ut, *Filius Dei est Pontifex: Heb. 7. v. 28. Homo Christus est Mediator, 1 Timot. 2. v. 5. Deus redemit Ecclesiam proprio sanguine, Actor. 20. v. 28. Per unum hominem iusti constituuntur multi, Romanor. 5. v. 19.* Atque hæc de Effectis Unionis.

Subiectum ejus est *ἡ κοινωνία* Filii Dei, in quâ duæ Naturæ conjunctæ sunt. *Subiectum loci* fuit uterus Virginis Mariæ.

Adjuncta in Formâ Unionis explicavimus. *Adjunctum temporis*, quoad *inchoationem*, fuit momentum illud quo perfecta fuit Natura Humana ex unione animæ & corporis, prout suprâ ostensum: quoad *durationem* verò perpetua est & inseparabilis. Cæterùm unionis hujusce *manifestatio* facta est in Nativitate, cum Virgo Maria, expleto mensium ordinariorum spatio, Christum Filium suum Bethlehem in lucem edidit. Nam peperit eum, quem Esaias *Immanuelem*, Θεάνθρωπον, cap. 7. v. 14. Angelus *Filium Altissimi*, Luc. 1. v. 35. Apostolus *Filium Dei*, Gal. 4. v. 4. nominat. Ipsa quoque Θεοτόκος inde in Ecclesiâ primitivâ nominata fuit. *Tempus* partus ordinarium fuisse testatur Lucas, cap. 2. v. 6. uti etiam pariendi modum: quia docet observatam circa infantem Legem de primogenitis, uterum matris primò aperiens v. 22. 23. 24. Proinde probabile est nec peperisse absque dolore. Id tamen extraordinarium fuit, quod ut concepit, ita peperit Virgo Esa. 7. v. 14. *Locus* Nativitatis fuit urbs Bethlehem, ex prædictione Prophetæ Michæ, cap. 5. v. 2. 4. & narratione Evangelistarum Matth. 2. v. 5. 6. Luc. 2. v. 4. Satis de Personâ Christi.

Munus ejus est, *Mediatio inter Deum & Homines*: ad quam peragendam missus à Patre in mundum, & per Spiritum Sanctum unctus fuit.

Efficiens igitur hujus muneris licet communiter sit tota Trinitas, tan-

tanquam operis externi; *singulariter* tamen sunt Singulæ Deitatis ^{Singulariter.}
 Personæ, *Pater missione, Spiritus Sanctus unctione, Filius susceptione* ^{Pater missio-}
 & *exsecutione.* Etenim Deus Pater Filium suum misit in mundum, ^{ne.}
Ioh. 3. v. 34. cap. 7. v. 28. Gal. 4. v. 4. missum editâ cœlitus vo-
 ce consecravit, *Matth. 3. v. 17. cap. 17. v. 5.* atque etiam solen-
 ni juramento confirmavit, *Psal. 110. v. 4. Hebr. 7. v. 17.* ut non
 immerito Christus vocationem suam ubique ad Patrem referat
Ioh. 5. v. 36. cap. 10. v. 25. & alibi. Deus *Spiritus Sanctus* qui ve- ^{Spiritus S. un-}
 rum est lætitiæ oleum, sicut absque mensurâ in Christum fuit ef- ^{ctione.}
 fusus, *Ioh. 3. v. 34.* ita unxit ipsum suprà consortes, *Psal. 45. v.*
8. Hebr. 1. v. 9. factus in Humanâ ejus Naturâ Spiritus sapientiæ
 & intelligentiæ, Spiritus consilii & potentiæ, Spiritus scientiæ
 & reverentiæ Jehovæ, *Esa. 11. v. 2.* aliorumque effector dono-
 rum, ad muneris hujus administrationem necessariorum. Verun-
 tamen & ipse ad hoc à Patre ordinatus fuit. Quæ causâ est quod
unctio Patri quoque tribuitur, *Psal. 45. v. 8. Hebr. 1. v. 9.* nec do-
 norum tantum collationem, sed etiam Filii missionem sive ad
 munus designationem, quæ propriè est Patris, in Scripturâ si-
 gnificat *Esa. 61. v. 1. Luc. 4. v. 18.* At Deus *Filius* hoc munus ex- ^{Filius susce-}
 sequendum suscepit & exsecutus est in suâ Personâ, de quo ita A- ^{ptione & ex-}
 postolus *Hebr. 10. v. 5. 7. Sacrificium & oblationem noluisti, corpus*
autem adaptâsti mihi. Ecce adsum, ut faciam, Deus, voluntatem tuam.
 Et *Philip. 2. v. 7. 8. Ipse sese exinanivit, acceptâ forma servi; & se sub-* ^{Qui causâ}
misit, factus Patri obediens usque ad mortem, mortem autem crucis. Eo-
 que in ordine Efficientium proxima causâ habetur: nec proxima ^{Proxima,}
 tantum, sed etiam *solitaria*: quia unus est Mediator, *1 Timoth. 2.* ^{Et solitaria,}
v. 5. qui torcular calcavit solus, *Esa. 63. vers. 3.* & extrâ quem
 non est salus *Act. 4. v. 12.* Ut verò post Incarnationem duæ
 sunt in Filio naturæ, duo in uno supposito agendi principia; sic
 muneris hujus efficientia sive exsecutio *ad utramque ejus naturam* ^{Secundum u-}
 pertinet. Quod ipsum suprà confirmatum fuit à necessitate Me- ^{tramque na-}
 diatoris Θεωδεωτης: & amplius confirmari potest ab operationi-
 bus ipsi propriis. Si enim secundum alteram tantum Naturam
 ejus esset exsecutor; in exsecutione unius tantum naturæ depre-
 henderentur operationes. Jam verò naturæ utriusque operatio-
 nes in eâ ostendit Scriptura, iisque producta αποτελεισµατα ad u-
 tramque naturam refert. Nam annunciari voluntatem Dei, o-
 rare, pati, mori, humana est operationis & passionis: contrâ,

eandem voluntatem immediatè revelare, *Iohann.* 1. v. 18. vitæ mortisque arbitrium habere, *cap.* 10. v. 18. per Spiritum æternum se Deo offerre, *Hebr.* 9. v. 14. virtute suâ cælos penetrare, *Hebr.* 4. v. 14. omnium istic preces, gemitus audire, *Apoc.* 8. v. 3. potentiâ suâ Ecclesiam tueri, *Ioh.* 10. v. 28. *Matth.* 16. v. 18. *Divina*: & acquisitio Ecclesiæ per αἵματος sanguinis, *Actor.* 20. v. 28. *Matth.* 20. v. 28. reconciliatio, *Rom.* 5. v. 10. 11. *Col.* 1. v. 21. 22. mundatio à peccatis, 1 *Ioh.* 1. v. 7. personæ secundum utramque naturam adscribuntur. Ergò.

Materia Deus
& homines.

Christus &
pars offensa,
& Mediator.

Christus non
est Mediator
Angelorum.

Materia circa quam, sive *Objectum* hujus muneris sunt *Deus & Homines*, disjuncti per peccatum, *Esa.* 59. v. 2. & per Christum iterum conjungendi: Unde ipse *Mediator inter Deum & Homines* appellatur 1 *Tim.* 2. v. 5. *Deus* est pars offensa: *Homines*, sunt pars offendens: *Christus* pars offensa quâ Deus absolutè; persona partes, offensam & offendentem, reconcilians, quâ Mediator œconomicè. Qui duplex respectus absurdus videri in unâ personâ minimè debet. Talem enim se nobis Christus proponit in parabolâ illâ quæ est *Matt.* 21. v. 37. Talem etiam mediationis actum à suis observandum apertis verbis sancit, *cap.* 18. v. 15. Et exempla in Scripturis habentur manifestissima, ut de praxi vitæ communis nihil dicam, ubi reconciliationem offensus instituit apud offendentes: Deus apud primos parentes, *Genes.* 3. & per ministros suos apud omnes vocatos, 2 *Cor.* 5. v. 19. 20. Israëlita apud Benjaminitas, *Jud.* 20. David apud rebelles subditos 2 *Sam.* 19. v. 12. & seqq. Igitur Christus quâ Mediator reconcilians satisfacit pro peccatoribus; qua Deus offensus accipit satisfactionem: qua Mediator intercedit apud Patrem propriè, apud se analogicè; qua Deus ratam habet intercessionem, & effectam dat. Quod verò Angelos bonos in statu suo jam confirmatos attingit; quandoquidem extremis non continentur, nec parti offensæ, neque offendenti affines: objecto quoque muneris Mediatorii non comprehenduntur. Hinc Christus *Mediator Hominum* dicitur, 1 *Tim.* 2. v. 5. non Angelorum; & semen Abraham adsumpsisse, non Angelos *Heb.* 2. v. 16. Interim subsunt Christo ut Domino & capiti, *Matth.* 28. vers. 18. *Ephes.* 1. vers. 21. 22. *Philipp.* 2. vers. 9. 10. & per ipsum uniuntur tum Deo, *Ephes.* 1. v. 10. tum nobis in unum Ecclesiæ triumphantis corpus *Heb.* 12. vers. 22. 23.

Forma muneris est ipsa *mediatio*, sive partium reconciliatio: cu-
jus quidem diversi sunt gradus, *Primus* est discretio & dijudicatio
causarum inter partes dissidentes: *secundus* pactorum & conditionum
expositio: *tertius* intercessio pro offendentibus; *quartus* satisfactio
pro iisdem: *quintus* satisfactionis applicatio: *sextus* reconcilia-
torum conservatio & gubernatio. Ex quibus *alia* apud Deum,
alia apud Homines Christus peregit & peragit: ut verè sit Me-
diator inter Deum & Homines: 1 Tim. 2. v. 5. Mediator, inquam,
non ut Moses, famulus in domo Dei, Gal. 3. v. 19. Hebr. 3. v. 5.
secundum aliquot, sed, ut filius familiars, Hebr. 3. v. 6. secundum
omnes mediationis gradus: cujusmodi *unus* tantum est, sicut
Deus unus 1 Tim. 2. v. 5. Ephes. 4. v. 5. 6. Eodem sensu Jesus,
sive *Servator* appellatur, Matth. 1. vers. 21. merito & efficaciam
2 Cor. 5. v. 19. 20. *Merito*, quatenus acquisivit salutem Act. 20.
v. 28. *Efficacia*, quatenus confert eam & conservat Iohan.
10. v. 28.

Finis supremus muneris Mediatorii est gloria Dei, Ioh. 17. v. 1. 4. *Finis*.
in misericordiarum justitiarumque declaratione, Rom. 3. v. 24. 25. *Subal-*
ternus, nostra salus Matth. 1. v. 21.

Effecta ejus recenset Apostolus 1 Cor. 1. v. 30. *Christus Iesus*
factus est nobis sapientia à Deo, justitia, sanctificatio, & redemptio. Alii
ea ponunt in *expiatione peccatorum* per sanguinem Christi, Matth.
26. v. 28. Hebr. 9. v. 22. 26. 28. 1 Ioh. 1. v. 7. in *regeneratione* per
Spiritus ejus, Gal. 3. v. 13. 14. Hebr. 9. v. 14. & in *vita aeterna do-*
natione Ioh. 6. v. 51. cap. 12. v. 32. cap. 17. v. 24. Alii *redemptionis*
beneficio universa complectuntur: quæ duplex est ex declaratio-
ne Scripturæ: *una* à potestate Diaboli, Coloss. 1. v. 14. 1 Petr. 1.
v. 18. 19. *altera* ab injuriâ hominum, omnique miseria Luc. 21. v.
28. Rom. 8. v. 23. 1 Cor. 1. v. 30. Est & *consequens* quoddam hu-
jus muneris ipsum *Mediatorem spectans*, videlicet *summa illa gloria*,
ad quam post exinanitionis ignominiam fuit evehctus. De quâ ita
Apostolus Philipp. 2. v. 8. & seqq. *Factus est Patri obediens usque ad*
mortem, mortem autem crucis. Quapropter etiam Deus extulit ipsum in
summam sublimitatem, &c. Consulantur & alia loca ejusdem o-
mninò sensus Luc. 24. v. 26. Ioh. 17. v. 4. 5. Hebr. 1. v. 3. cap. 10.
v. 12. Apoc. 5. v. 9.

De *Subjecto* egimus in *Efficiente* & *Materia*. *Adjuncta* mune-
ris hujus sunt: quod *commune* est omni statui Christi Mediatori-

1. Commune
omni,
Statui Christi

Ante Incar-
nationem.

Post eam in
Exinanitione.

In Exaltatio-
ne.

ris, & deinde administratione finitum. Status Christi Mediatoris alius ante, alius post Incarnationem est. *Ante incarnationem* in formâ Dei. *Post eam* in formâ Dei & servi, id est, in Personâ Θεανθρώπου primùm exinanita, inde exaltata; *Philip. 2. v. 6. & seqq.* ex quo status posterior Mediatoris incarnati in *Exinanitionem & Exaltationem* subdistinguitur. *Triplici huic statui commune* est munus Christi Mediatorium. *Primo*: quia etiam in V. T. fuit Christus Jesus, qui *heri & hodie idem est, & in secula*; *Hebr. 13. v. 8.* quia in V. T. *Servator* fuit merito futuro, tanquam *agnus mactatus a jacto mundi fundamento*, *Apoc. 13. v. 8.* & efficaciam semper-præsenti: utpote per quam Patres quoque servati dicuntur, *Actor. 15. v. 11.* etiam minus, quàm nunc, largâ, *Ioël. 2. v. 28.* aut evidenti; *Heb. 10. v. 1.* & quia *nemo unquam venit ad Patrem, nisi per Ipsum, qui via est, veritas, & vita*, *Ioh. 14. v. 6.* & in cuius solius nomine salus exposita est *Actor. 4. v. 12.* *Secundo*: quia *misit Deus Filium suum, factum ex muliere, factum Legi subjectum: ut eos qui Legi subjecti erant redimeret* *Gal. 4. v. 45.* Et Filius missus venit, *Hebr. 10. v. 7.* posuit animam suam ὡς θύον pro multis, *Matth. 20. v. 28.* effudit sanguinem suum in remissionem peccatorum pro multis, *cap. 26. 28.* Ecclesiamque proprio illo sanguine suo acquisivit *Actor. 20. v. 28.* Sic factus est *Servator merito præsenti.* Simul etiam servavit efficaciam: nam Filius hominis auctoritatem habuit in terrâ remittendi peccata, *Matth. 9. v. 6.* remisit ea, *v. 2.* *Luc. 7. v. 48.* baptizavit Spiritu Sancto, *Matth. 3. v. 11.* & vitam æternam donavit; *Luc. 23. v. 43.* sed & illa efficacia parciore fuit & obscurior. Quo respectu Christo nondum glorificato fuisse negatur Spiritus Sanctus, *Ioh. 7. v. 39.* eumque ad Patrem abiens discipulis, alioquin jam Spiritu donatis, *Luc. 9. v. 55.* promisit *Actor. 1. vers. 5. 8.* *Tertio* quoque: nam *dextrâ Dei sursum sublatu*, *constitutus est princeps ac Servator, ut det respicientiam Israël, & remissionem peccatorum*, *Actor. 5. v. 31.* & ex quo *ascendit supra omnes cælos, implet omnia gratiâ & donis*, *Eph. 4. v. 10.* & *seqq.* sedens ibi ad dexteram Patris, *cap. 1. v. 20.* donec veniat iudicatum vivos & mortuos. Et sic *Servator* est merito præterito: nam Christus semel mortuus non amplius moritur, *Rom. 6. v. 9. 10.* *Efficaciâ* autem *plenissima & evidentissima*, quam testatus est effusione Spiritus Sancti in omnem carnem, *Actor. 2. v. 16. 17. 33.* missione omnis generis Doctorum, *Ephes. 4. v. 11. 12.* prædicatione Euangelii per totum orbem, ac multorum mil-

lium

lium conversione *Matth. 28. v. 18. Marc. 16. v. 19. 20. Actor. 2. v. 37. cap. 4. v. 4. & alibi.*

Alterum muneris Mediatorii adjunctum est *finita tempore admini-*
nistratio. Ut enim Christus inde à suâ resurrectione administrare
illud cessavit secundum primum, secundum, & quartum media-
tionis actum : ita post ultimum iudicium cessabit ab administra-
tione ejus quoad actus reliquos. In quam sententiam accipien-
da sunt, quæ de traditione regni, quod *Gratiæ & æconomicum*
vocant Scholæ, Spiritu planè Prophetico differit Apostolus,
1 Cor. 15. v. 24. & seqq. & ante ipsum disseruit David *Psal. 110. vers. 1.* Etenim hostibus omnibus in pedum scabellum positis,
ibidem, Ecclesiæque perfectè regeneratâ, *Ephes. 5. vers. 27.* ac in
domum Patris introductâ, *Iohan. 14. v. 2.* non opus erit vel de-
fensione illâ, vel intercessione, vel etiam per verbum gubernatione,
sed Deus erit omnia in omnibus *1 Cor. 15. v. 28.* Nec
tamen Christi gloriæ quicquam decedet. Nam quâ *Deus,* cum
Patre & Spiritu Sancto commune obtinebit regnum, quod *Natu-*
rale vulgò vocant: quia *regni ipsius non erit finis,* *Luc. 1. v. 33.* quâ
Mediator, manebit Dominus & caput Ecclesiæ, *Apocal. 20. & 21. capp.*
æternòque peractæ in suâ personâ redemptionis potietur
honore; non secus quàm belli Duci, positis armis, partæ victo-
riæ gloria permanet.

I. I. Admini-
stratione fini-
tum.

Sine imminu-
tione Gloriæ
Christi.

Distinguitur munus Christi Mediatorium in partes tres : qua-
rum prima dicitur *Prophetia* : altera *Sacerdotium* : tertia *Regnum.*
Hæ siquidem actus Mediationis complectuntur adæquatè : hæ in
miseriæ hominis corrupti medentur perfectè : totidem quoque
præfiguratæ fuerunt in Prophetis, Sacerdotibus, & Regibus V. T.
qui ceu typi Christi, unctione sacri olei ad munus suum con-
secrabantur. Vide de Elisæo Prophetâ, *1 Reg. 19. v. 16.* de Sa-
cerdotibus, *Exod. 29. v. 29.* de Regibus *1 Sam. 9. v. 16. cap. 16. v. 13. 1 Reg. 1. v. 34. & alibi.*

Muneris
Christi di-
stinctio,

Prophetia sive *Propheticum Christi munus* est, quod mysterium
redemptionis Ecclesiæ suæ plenè revelavit in Euangelio; Legem
etiam à variis corruptelis repurgavit. Unde ipse *Propheta,* *Dent. 18. v. 15. 18. Matth. 13. v. 57. Ioh. 6. 14. Actor. 3. v. 22. 23.* Do-
ctor sive Magister, *Matth. 8. vers. 19. cap. 22. vers. 16.* quem Hebraicè
רַבִּי Rabbi, *Matth. 29. v. 25. Marc. 9. v. 5. item רַבּוֹנִי Rabboni,* *Ioh. 20.*

Propheticum.

v. 16. dixerunt, & *Apostolus* professionis nostræ *Heb. 3. v. 1.* appellatur.

Efficiens

- Efficiens**
Christus me-
diatè in V. T.
immediatè in
N. T.
- Vocatus in-
ternè.**
- Externè.**
- Materia, po-
pulus Israëli-
ticus.**
- Forma in**
- Prædicatione
Euangelii.**
- Explicatione
& vindicatio-
ne Legis.**
- Efficiens* hujus Prophetiæ est *Christus* : in Veteri quidem Testa-
mento *mediatè* per ministros suos, sive ordinarios, sive extraor-
dinarios ; cujusmodi fuerunt Sacerdotes & Prophetæ : in N. T.
autem *immediatè* per seipsum ex Dei Patris vocatione. Quam Vo-
cationem Pater testatam fecit luculentissimè, intus & foris. *Intus*
partim per corroborationem Spiritus, *Luc. 2. v. 40.* Christique
inde à pueritiâ ad studium sacrum inclinationem, cujus specimen
prælustre in templo edidit duodecennis, *v. 46. 47.* partim per
pleniorum Spiritus Sancti effusionem in baptismo *Matth. 3. v.*
16. 17. *Foris* voce suâ coelitus demissâ, Sanctique Spiritus præ-
sentia in specie columbæ, quæ super illum requievit : *ibidem.* An-
tecessit quoque functionem muneris Prophetici, Christi Prophe-
tæ *preparatio*, factâ meditatione quadraginta dierum continuo-
rum in deserto, & subsecutâ tentatione à Diabolo, *Matth. 4. Luc. 4.*
ut Propheta præstantissimus esse intelligeretur. Eamque præ-
stantiam id etiam arguit ; quod Deus excidium comminatus fuit
audire ipsum recusantibus, *Deuter. 18. v. 19.* quod præcurso-
rem misit Joannem Baptistam, qui viam ipsi pararet, *Matth. 3.*
vers. 1. & seqq. Iohann. 1. v. 6. & seqq. Imò quod eundem missu-
rum se longè ante prædixit *Esa. 40. v. 3. Malach. 3. v. 1.*
- Materia* circa quam, sive *Objectum* hujus muneris fuit populus
Israëliticus. Ad hunc enim in suâ Personâ docendum se missum
profitetur, *Matth. 15. v. 24.* utpote cui singulariter promissus e-
rat *Rom. 9. v. 4. 5. Gal. 3. v. 16.* Unde & *Minister circumcisionis*,
hoc est, circumcisorum vocatur *Romanor. 15. vers. 8.* Interim
Samaritanos, *Iohann. 4. v. 26.* & Cananæos, *Matth. 15. v. 22.*
non omnimodè neglexit : ut præludium exhiberet vocationis
gentium, quarum lux salusque futurus erat *Esa. 49. v. 6.*
- Formam* Prophetiæ ponimus in *prædicatione Euangelii*, *Matth. 4.*
v. 17. & expositione sive vindicatione Legis cap. 5. vers. 17. & seqq. In
prædicando Euangelio docuit, se Personâ non solum Filium homi-
nis, *Matth. 8. v. 20. cap. 9. v. 6.* sed etiam Filium Dei esse, *Ioh. 3.*
v. 16. cap. 5. v. 19. & alibi : Munere autem esse Christum illum,
Matth. 16. v. 16. & seqq. cap. 26. v. 63. 64. Prophetam, *Ioh. 10.*
v. 11. 14. Sacerdotem, *v. 15. & cap. 17.* & Regem Ecclesiæ suæ
Ioh. 18. v. 36. 37. In *Lege* verò *exponenda & vindicanda* rejecit tra-
ditiones Seniorum, ut inutiles & exosas Deo *Matth. 15. v. 3. &*
seqq. cap. 23. Legem Ceremonialem morali, cultum illius cultui
hujus,

hujus, tanquam potiori subjecit *Matth. 12. v. 1. & seqq. & alibi.* Sensum quoque Legis moralis spiritualem in internâ cordis obedientiâ, contra corruptelas Phariseorum asseruit *Matth. 5. 6. 7. capp.* Quæ omnia peregit singulari cum autoritate, *Matth. 7. v. 28. 29. Iohan. 7. v. 46.* atque etiam, ad illuminationem mentium & conversionem cordium, efficaciâ *Luc. 24. v. 45. Ioh. 5. v. 25. cap. 6. v. 68.* Miraculis denique propria virtute editis *Luc. 6. v. 19.* confirmavit; quo inde saltem fides doctrinæ esset *Iohan. 5. v. 36. cap. 10. v. 38.*

Finis summus est glorificatio Patris *Iohann. 17. v. 4. Subalternus, Finis.* Institutio Ecclesiæ, *Ioh. 1. v. 18.* antegressarumque de ipso prophetiarum complementum: ut ipse dicit *Luc. 4. v. 21.*

Effecta sunt admiratio & stupor auditorum, *Matt. 7. v. 28. 29. Effecta.* *Iohan. 7. v. 46.* quorundam conversio, *Ioh. 1. 2. 4. & aliis capp.* sed qui numero pauci, *Luc. 12. v. 32.* conditione viles & contemti fuerunt, *Matth. 9. v. 10. cap. 11. v. 25. 28.* aliorum vero, sed contumacium, induratio & excœcatio *Iohann. 9. v. 39. cap. 12. v. 39. 40.* De *Objecto* diximus.

Subiectum loci fuit Iudæa, Samaria, & Galilæa; *Matt. 19. v. 1. Subjectum.* *Luc. 23. v. 5. Ioh. 4. v. 3. 4. 5.* Terra & Mare, *Luc. 5. v. 1. & seqq.* Vrbes & vici, *Iohan. 2. 4. 11. capp. & alibi.* Templum & ædes privatae *Luc. 19. Matth. 9.*

Adjunctum Temporis est triennium illud, quod in munere Pro-Adjunctum, phetico exegit.

Sacerdotium sive *Sacerdotale Christi munus* est, quod passione ac *Sacerdotale* morte sua satisfecit pro peccatis Electorum, atque etiamnum pro eis apud Patrem intercedit. A quo ipse *Sacerdos, Psalm. 110. v. 4. Hebr. 8. vers. 4. Pontifex, v. 1. Advocatus, 1. Iohann. 2. vers. 1.* appellatur.

Efficiens hujus muneris est *Christus*, ad functionem ejus à *Patre* *Efficiens* constitutus *Hebr. 3. vers. 2. Non enim ipse sibi tribuit honorem, ut fieret Christus.* *Pontifex, sed is qui dixit ei, Filius meus es, ego hodie genui te: item, Tu es Constitutus* *Sacerdos in æternum secundum ordinem Melchisedek cap. 5. v. 5. 6. a Patre* Id-
eoque mandatum de eo Patris allegat, *Ioh. 10. v. 18. cap. 14. v. 31.* non commune Mosaicum: nec enim aliis imperatur oblatio sui in victimam: sed *singulare* sibi proprium: cujus hanc summam ex *Psalm. 40. v. 7.* refert Apostolus *Hebr. 10. v. 5. & seqq.* Quapropter ingrediens *Christus* mundum dicit, *Sacrificium & oblationem noluiſti,*

Secundum
ordinem Mel-
chisedek.

Excellentia
Sacerdotii
Melchisede-
ciani supra
Leviticum.

Materia o-
mnes & soli
Electi.

corpus autem adaptaſti mihi: Ecce adſum, ut faciam, Deus, voluntatem tuam &c. Conſtitutus autem eſt à Patre Sacerdos ſecundum ordinem Melchisedek, ut eſt, *Pſal.* 110. v. 4 non ſecundum ordinem Levi. Etſi enim typicus fuit uterque, verum illum ac unicum N. T. Sacerdotem designans, *Heb.* 7. v. 3. cap. 10. v. 1. magna tamen eſt illius ſuprà hunc excellentia; ſive perſona utriuſque, ſive munus, ſive etiam honos ſpectetur. Nam perſonà proponitur Melchisedek ut æternus: nec initium dierum habens, quia ἀπαρχὴ ἀμήτηρ, ἀβυσσὸς ἀλόγητος, neq; finem, eo quod manet Sacerdos in perpetuum *Heb.* 7. v. 3. Levi contrà ut temporalis, mortalis. Munere proponitur Melchisedek ut Sacerdos & Rex, & quidem Rex Juſtitiz & Pacis v. 1. 2. Levi autem ut Sacerdos tantum. Honore etiam major fuit Levi: utpote cui proavus Levi Abraham, pater omnium credentium, decimas ſolvit v. 2. Proinde ſicut Sacerdotium Melchisedecianum Sacerdotium Chriſti clarius perfectiusque adumbravit, altero Levitico: ita illius potius quàm hujus ritum moremve tenere dicitur.

Materia circum quam ſive Objectum muneris Sacerdotalis ſunt, quotquot per Chriſti ſatisfactionem & interceſſionem reconciliantur Deo, id eſt, omnes & ſoli Electi. Quod ipſum docent Apoſtoli: Paulus *Rom.* 8. v. 33. 34. Quis intentabit crimina adverſus Electos Dei? Deus eſt qui juſtificat: Chriſtus eſt, qui mortuus eſt: qui interpellat pro nobis: & Ioannes, 1. *Epist.* 2. v. 1. 2. Advocatum habemus apud Patrem, Jeſum Chriſtum Juſtum: qui eſt propitiatio pro peccatis noſtris: nec pro noſtris ſolum, ſed etiam pro totius mundi peccatu, id eſt, uti declarat in Euangelio, cap. 12. v. 52. pro peccatis Filiorum Dei, diſperſorum per totum mundum. Docet Chriſtus dum pro ſolis datis ſibi à Patre ſe tum animam ponere, *Ioh.* 10. v. 15. 26. 29. tum orare, cap. 17. verſ. 9. teſtatur. Cumque Sacerdotium Chriſti principale ſit conſequendæ ſalutis medium; qui ad eam ordinati non ſunt, ad eos quoque hoc munus non pertinet. Conſtat verò non omnes, ſed eos tantum, qui Electi dicuntur, ad vitam æternam eſſe ordinatos *Matth.* 25. v. 34. *Ephes.* 1. v. 4. & ſeqq. Conſequens igitur eſt, non ad omnes homines, ſed ad omnes & ſolos Electos illud pertinere. Atque hoc de cæterarum etiam muneris Mediatorii partium ſalutari adminiſtratione intellectum volumus. Nam omnes ejusdem finis gratiâ inſtitutz ſunt: omnes ad eundem finem perfectè dicunt. Ideòque non quotquot vel Chriſtum

Christum vel Ministros ipsius audiverunt, proprium sunt muneris Prophetici Objectum : sed qui audiverunt ad apertionem mentium, *Luc. 24. v. 32. cordiumque Actor. 16. v. 14.* Nec qui subsunt dominio ipsius, subsunt etiam Salvificæ gubernationi per Verbum & Spiritum: *dominatur* namque in medio inimicorum, *Psal. 110. v. 2.* sed qui subsunt, ut populus ipsius *Psal. 110. v. 3. Matth. 1. v. 21.*

Forma muneris Sacerdotalis duobus actibus continetur, Satisfactione pro peccatis & Intercessione pro peccatoribus: secundum Forma con-
stat.
Apostolum *Hebr. 5. v. 1. cap. 7. v. 25.* Prior actus transiens est : posterior permanens : ille meritorius, hic applicans : ille ad Exinanitionem, hic maximâ parte ad Exaltationem pertinens. *Satisfactio pro peccatis* est eorundem expiatio per λόγον Sanguinis Christi, Filii Dei. Et in Scripturâ *redemptio. Rom. 3. v. 24. reconciliatio, cap. 5. v. 11. acquisitio, Actor. 20. v. 28. propitiatio. 1. Ioh. 2. v. 2.* dicitur. Ea ad procurandam salutem Electorum fuit necessaria; non absolutè: siquidem deesse nequivit Deo sapientissimo alius servandi modus: sed ex hypothesi beneplaciti Dei : de quo ita Apostolus: *Placuit Patri, ut pace per sanguinem crucis ejus factâ, per eum sibi reconciliaret omnia Coloss. 1. v. 20.* Idque partim propter justitiam ipsius, quâ peccatores digni sunt morte, *Rom. 1. v. 32. partim* propter veritatem comminationis, quâ mortem peccatoribus fuerat minatus *Genes. 2. v. 17.* Est verò hæc Christi Est a.
Sacerdotis satisfactio tum vera ac propria, tum etiam perfecta, justitiæque Divinæ adæquata. *Veram & propriam* esse dicimus : Vera & propria.
Est enim *Satisfaciens* Christus, qui factus est execratio, *Gal. 3. vers. 13. 14.* propitiatio, *1. Ioh. 2. v. 2.* placamentum, *Rom. 3. v. 25.* qui dedit animam suam λόγον, *Matth. 20. v. 28. ἀνταποδοῖν 1. Tim. 2. vers. 6.* Est cui *satisfecit*, Deus: nam per Spiritum æternum se ipsum obtulit Deo, *Hebr. 9. v. 14.* hujus fecit voluntatem, offerendo ipsi non hostias pecudum, quas nolebat, sed corpus suum. quod volebat, *cap. 10. v. 5. & seqq.* & per mortem suam nos ipsi reconciliavit, *Rom. 5. v. 10.* utpote cui soli peccaveramus *Psal. 51. v. 6.* Sunt pro quibus *satisfecit*; Homines impii, *Rom. 5. v. 6.* peccatores, *v. 8.* inimici, *v. 10.* injusti, *1. Petr. 3. v. 18.* & ita quidem ut non fructum modo illius satisfactionis percipiant. *Rom. 4. v. 25.* sed ipsi quoque *satisfecisse* censeantur: *Gal. 3. v. 13. Christus nos redemit ab execratione Legis, dum factus est pro nobis execratio. 2. Cor. 5. v. 15.*

perfecta &
adæquata ju-
stitiæ Dei.

I. Dignitas
Personæ.

Si unus pro omnibus mortuus est, nempe isti omnes fuerunt mortui. Est denique λύτρον sive pretium satisfactionis, mors, Matth. 20. vers. 28. Rom. 5. v. 10. sanguis, Rom. 3. v. 25. Actor. 20. v. 28. Ephes. 1. v. 7. Collos. 1. v. 14. pretiosus sanguis Christi, 1. Petr. 1. v. 18. 19. Filii Dei, 1. Iohann. 1. v. 7. sive obedientia ipsius, Rom. 5. v. 19. qua factus est Patri obediens usque ad mortem: mortem autem crucis Phil. 2. v. 8. Esse etiam perfectam satisfactionem, adequatam iustitiæ Dei in Verbo revelatæ, ostendimus à dignitate Personæ, à gravitate pœna, & à Dei Patris approbatione: quæ tria ad λύτρον sufficientis constitutionem ut requisita fuerunt, ita concurrerunt. Dignitas Personæ est, quod is qui satisfecit est Deus, Actor. 20. vers. 28. Deus acquisivit Ecclesiam proprio sanguine: est Deus gloriosus, 1. Cor. 2. v. 8. Dominum gloria crucifixerunt: Est Filius Dei, 1. Iohan. 1. v. 7. Sanguis Iesu Christi Filii Dei, mundat nos ab omni peccato: Filius Unigenitus, Iohan. 3. v. 16. sic Deus dilexit mundum, ut Filium suum unigenitum daret: Filius Proprius, Rom. 8. vers. 32. Qui proprio Filio non pepercit, sed pro nobis omnibus tradidit eum: Quod idem innocens est & impollutus, Hebr. 7. vers. 26. Iustus, Esa. 53. vers. 11. Actor. 7. v. 52. cap. 22. v. 14. 1. Iohan. 2. v. 1. Sanctus, Actor. 3. v. 14. cap. 4. v. 27. qui non fecit peccatum, & in cujus ore non fuit dolus, Esa. 53. v. 9. 1. Petr. 2. v. 22. ut ita offerre se potuerit inculpatum Deo, Hebr. 9. vers. 14. nosque pretioso sanguine suo, tanquam agni inculpati & incontaminati, redimere 1. Petr. 1. vers. 18. 19. Quod etiam satisfactionem illam præstitit voluntarius, sive voluntariâ obedientiâ: de qua ita ipse in Personâ Davidis ad Patrem; Psalm. 4. vers. 7. & seqq. Hebr. 10. vers. 5. & seqq. Sacrificium & oblationem noluisti, corpus autem adaptisti mihi: Tunc dixi: Ecce adsum, ut faciam, Deus, voluntatem tuam: Facere voluntatem tuam, Deus mi, delector. Et in Personâ suâ ad eundem Patrem; Matth. 26. vers. 39. Pater, si possibile est, abeat à me poculum istud: veruntamen non ut ego volo, sed ut tu: & v. 42. Pater mi, si non potest hoc poculum abire à me, quin bibam ipsum, fiat voluntas tua. Item ad discipulos: Matth. 20. vers. 28. Filius hominis non venit ut sibi ministrari sinat, sed ut ministret, detque animam suam redemptionis pretium pro multis: Et rursus ad Iudæos, Iohann. 10. v. 17. 18. Ego pono animam meam. Nemo tollit eam à me, scil. invito; sed ego pono eam à me ipso. Potestatem habeo ponendi eam, & potestatem habeo resumendi eam. Hoc præceptum accepi à Patre meo. Atque hac voluntate sanctificati sumus, inquit Apostolus. Hebr. 10.

v. 10. *per oblationem corporis Iesu Christi, semel factam.* Iam *Gravitas* II, Gravitas
pœna in passione ipsius, crucifixione, mortè, sepultura, & descen- Pœna quam
 su ad Inferos spectanda est. *Passio* Christi, temporis respectu, in ostendit.
 primam & secundam distinguitur. Sub *Primâ* comprehendimus Passio.
 quicquid perpeffus est malorum inde à nativitate, usque ad duos Prima.
 postremos ante mortem dies. Hujus generis fuerunt; *intus*, ten-
 tationes Diaboli, *Matth.* 4. v. 1. & *seqq.* *Luc.* 4. v. 13. tristitia,
 dolor, perturbatio, *Ioh.* 11. v. 33. & *alibi*: *Foris*, paupertas, *Matt.*
 8. v. 20. ignominia, *Esa.* 53. *Matt.* 12. *Philip.* 2. & *passim*: per-
 secutio ab omnis generis hostibus, *Matth.* 2. *Iohan.* 8. 10. 11. &
alibi: fatigatio, *Ioh.* 4. v. 6. fames, *Matth.* 4. v. 2. *cap.* 25. v. 18.
 sitis, *Ioh.* 4. v. 7. lacrymæ *Ioh.* 11. v. 35. *Luc.* 19. v. 41. Quæ o-
 mnia in pœnæ rationem venire ipse Christus testatur *Matth.* 20.
 v. 28. *Filius hominis venit, non ut sibi ministrari sinat, sed ut ministret:*
 & Apostolus *Philipp.* 2. v. 8. *Factus Patri obediens usque ad mortem,*
mortem autem crucis: rursus 2. *Corint.* 8. v. 9. *Novis Christum Iesum*
propter nos pauperem factum esse, cum esset dives, ut nos ipsius paupertate
ditesceremus. *Secunda* continet quæ sub vitæ extremum ad crucifi- Secunda.
 xionem usque Christo accidere: perturbationem animæ ipsius
 ob imminentem passionem: mœstitiam ex præensione crucia-
 tuum perferendorum: sudorem sanguineum: proditionem: ca-
 ptivitatem: accusationem & damnationem in concilio Sacer-
 dotum: contumeliam verborum & verberum: abnegationem
 Petri: accusationem calumniosam apud Pilatum de affectato
 regno, suasâ rebellionē, & dictâ blasphemîâ: Illusionem ab
 Herode & Herodianis factam: comparisonem cum Barrabâ
 latrone; cui à populo suo fuit postpositus: flagellationem: pro-
 brosam coronationem: damnationem, & ad supplicium edu-
 ctionem, ipsomet crucem portante. Quæ aliaque describuntur,
Matth. 26. 27. *Marc.* 14. 15. *Luc.* 22. 23. *Ioh.* 13. 18. 19. *capp.* Ad
 pœnam vero referuntur à Davide, *Psal.* 22. & 69. ab *Esaia*, *cap.*
 53. à Christo. *Luc.* 24. v. 26. & denique à Petro, dicente 1. *Epist.*
 2. v. 21. *Christum passum esse pro nobis: cap.* 3. v. 18. *passum esse pro*
peccatis nostris, justum pro injustis. *Crucifixio* Christi est, quod cruci Crucifixio.
 affixus, & suspensus fuit, medius inter duos latrones, tanquàm o-
 mnium nequissimus; quodque in eâ non injurias tantum multi-
 plices ab omnis generis hostibus pertulit, verum etiam gravissi-
 mam Dei iram sensit adversus peccata Electorum. De qua parte

Mors.

Sepultura.

Descensus ad
inferos.Mors Christi
æterna.

pœnæ ita Christus *Ioh. 3. v. 14. 15.* Prout *Moses* extulit serpentem in deserto, ita exaltari oportet Filium hominis: ut quisquis credit in eum, non pereat, sed habeat vitam æternam. Et Paulus *Gal. 3. v. 13.* Christus nos liberavit ab exsecratione Legis, dum factus est pro nobis exsecratio: Scriptum est enim: Exsecrabilis est, quisquis pendet è ligno. Mors est separatio animæ à corpore in cruce facta: cum inclinato capite redderet Spiritum: *Matth. 27. v. 50. Ioh. 19. v. 30. 33.* Quam ut pœnam peccati nobis proponit Scriptura; ubi Christum pro peccatis. *Gal. 1. v. 4.* pro peccatoribus mortuum esse, *Rom. 5. v. 6. 8.* mortemque pro eis gustasse docet *Hebr. 2. v. 9.* Sepultura est, qua corpus mortuum, demtum de cruce, in sepulchro novo fuit conditum *Matth. 27. v. 60. & alibi.* Descensus verò ad Inferos, est vel gravissimorum sensus cruciatuum, ex *Psal. 116. v. 3. 1. Sam. 2. v. 6.* vel status ignominiosus Christi in tertium usque diem sub mortis imperio in sepulchro detenti: ex *Psal. 16. v. 9. 10. Act. 2. v. 24. & seqq.* planè ac si jam actum de ipso esset *Luc. 24. vers. 21.* Qui duo postremi gradus quia cum evidenti Christi ignominia conjuncti fuerunt, passionibus ipsius ac pœnæ meritò accensentur *Ephes. 4. vers. 9. Philipp. 2. v. 9. Hebr. 12. v. 2.* Ex quibus omnibus clarum est, pœnam illam quam Christus pro nobis subivit & sustinuit, fuisse modis omnibus gravissimam: mortemque ipsius temporalem quidem respectu durationis, (nam in tertium tantum diem ipsi continuata fuit: quod impossibile esset, ut ab ea detineretur. *Actor. 2. v. 24.*) at respectu infinitorum angorum & cruciatuum Internalium verè æternam fuisse & dicendam esse. Cujus sententiæ veritas, quam nobis necessaria est, ad solidam in vitâ ac morte consolationem, tam luculentur in Scripturis Sacris confirmata reperitur. Sive enim Prophetica de passione ac morte Christi vaticinia, sive complementum eorundem historicum apud Evangelistas intueamur; annon majus quid est atque atrocius omni corporali communive cruciatu, quod Christum propter transgressionem & iniquitates nostras plagâ affectum à Deo, percussus, afflictus, vulneratus testatur *Esaïas, cap. 53. v. 4. 5.* quod iniquitatum nostrarum omnium pœnam, atque ita ipsum Deum punientem, hostiliter in ipsum dicit incurrisse, ipsique ut sponsori luendam eam fuisse, *v. 6. 7.* quod sublatum esse docet ex angustia sive anxietate animæ, propter sensum iræ Dei, qua laborabat, *v. 8. 11.* itemque ex judicio, id est, æterna damnatione; quod deprecantur

cantur fides, *Psal.* 143. v. 2. & in quod nunquam venturi sunt, *Ioh.* 5. v. 24. quandoquidem Christus in illud venit *Esa.* 53. v. 8. An alia aliqua mors, quantumvis aspera aut violenta, esse ea potuit, in quâ adeundâ & perpetiendâ ipse Filius Dei in Personâ Davidis conquestus fuit, *desertum se esse à Deo: Deum longinquum à salute suâ recessisse, se verba rugitus sonare; Ps.* 12. v. 2. non exaudiri, v. 3. *extremè anxium, omnique succo, ipso etiam radicali, exhausto, languidum in pulvere lethali jacere, v.* 12. 15. 16. ad quam in suâ personâ hortum ingressus contristari cœpit & angustissimè, *Mat.* 26. v. 37. 38. sanguinem sudavit, *Luc.* 22. v. 44. quam tertio deprecatus est, *Mat.* 26. v. 39. 42. 44. in quâ angelo eguit consolatore, *Luc.* 22. v. 43. validè & miserabiliter ejulavit, desertum se vociferans à Deo, *Matth.* 27. v. 46. *Marc.* 15. v. 34. ut liberari à metu necesse habuerit, *Hebr.* 5. v. 7. & quamvis esset Filius Dei, ex illis tamen omnibus experiundo discere, quam res sit difficilis ita Deo obedire v. 8. His accedit, quod *Christus*, teste Apostolo, *Gal.* 3. v. 13. *factus est pro nobis maledictio, execratio*, id est, maledictus, execrabilis: sicut confirmat illud à signo, videlicet suspensione ipsius in cruce: *Scriptum est enim; Execrabilis, quisquis pendet è ligno Deut.* 21. v. 23. At maledictio illa, quia facta est peccatoribus, *Deut.* 27. v. 26. *Gal.* 3. v. 10. mortem temporalem simul & æternam complectitur. Ideoque non hîc solum ei opponitur *benedictio Abrahæ*, id est, vitæ æternæ Abrahæ, promissa sed etiam, *Matth.* 25. v. 41. ad eam mors æterna refertur. Insuper accedit, quod Christus patiendò moriendoque gustasse mortem dicitur pro omnibus *Heb.* 2. v. 9. *Gustare autem mortem*, est sentire iram Dei, indeque manantes cruciatus infernales: ex verbis Christi *Ioh.* 8. v. 52. *Si quis sermonem meum servaverit, non gustabit mortem in æternum*, id est, nunquam: Quod de aliâ quam de æterna morte intelligi non potest, *Ioh.* 5. v. 24. nam mortem corporis etiâ fideles experiuntur. Denique idem evincitur ex fine passionis & mortis Filii Dei qui fuit *evidens, demonstratio justitiæ*, sive justæ iræ Dei adversus peccata, *Rom.* 3. v. 25. 26. non communis aliqua, qualem quotidie revelat è cœlo Deus, adversus omnem impietatem & injustitiam hominum, *cap.* 1. v. 18. sed *singularis* prorsusque extraordinaria: qua opus fuit *propter peccata quæ antecesserant, nec dignè vindicata erant, ut dissimulasse ea Deus posset videri*. Nulla verò insignis fuisset, aut singularis justitiæ Divinæ demonstratio,

stratio, si Filius Dei præter mortem corporis, aut communes animæ dolores, non sensisset iram Dei vindicatricem peccatorum, eoque cruciatus infernales. Omninoque qui illud asserunt, in duo hæc ἀπορίαι, summèque perniciofa dogmata incurrunt: *Nec* Deum ita graviter succensere peccatis nostris, uti succensere se testatur in Verbo: *Neque* Christum reipsâ tam dura passum esse ut Evangelistæ memorant: quod olim Docetarum delirium fuit. *Etsi* vero cum cruciatibus infernalibus aliorum damnatorum conjuncta sunt inseparabiliter, tum *fremitus* adversus Deum, tum *desperatio*; in Christo tamen neutrum locum habere potuit.

Sed citra *Non fremitus*: oritur siquidem is ex odio Dei, & impatientiâ pœnæ, tanquam non justè inflictæ. Christus autem non odit, sed dilexit Deum in mediâ pœnâ: quinimo merâ Dei dilectione inductus lubens volensque eam adiit & subiit: sicut dicit *Ioh. 14. v. 31. ut nôrit mundus Patrem à me diligere, & prout præcepit mihi Pater ita facere: Surgite, abeamus.* *Non desperatio*: quia sciebat Deum esse Patrem suum, esse Deum suum, etsi rigidè secum ageret, tanquam judex & vindex peccatorum cum sponse pro peccatoribus *Esa. 53. v. 3 & seqq. 2. Cor. 5. v. 21. Gal. 3. v. 13. Hebr. 7. v. 22.* Hinc à quo Iudice deferi se vociferatur *Sponsor*, cum in horto Patrem suum, *Matth. 26. vers. 39. in cruce Deum suum, cap. 27. v. 46.* compellat *Filius*. Præterea sciebat, impossibile esse, ut à morte retineretur, *Actor. 2. v. 24.* partim, quod peccatum merito mortis suæ plenè esset expiaturus; partim etiam quod virtute Deitatis suæ mortem esset superaturus, & ab eâ resurrecturus: ut passim se solatur *Ioh. 2. v. 19. Matth. 20. v. 18. 19.* Vbi autem certa est liberatio, ibi locum non invenit desperatio.

III. Appro- *Supere*st in constituendâ perfectâ Satisfactione *Approbatio Dei*
batio Dei *Patris*, quâ approbavit tum *Personam* Christi Sacerdotis, tum *sacrificium* ejus: quæ nisi intervenisset, nec Persona eam præstandam
Personæ, suscepisset, nec ipsa pœna sufficiens fuisset. *Approbatio Persona*
facta est partim destinatione ejus in Sacerdotem, *Heb. 3. v. 2.* pro beneplacito Patris, *1. Petr. 1. v. 18. 19. 20. Coloss. 1. v. 19. 20. partim* Inauguratione ejus ad munus, cum cœlitus clamaret Pater: *Hic est Filius ille meus dilectus ille, in quo acquiesco, Matth. 3. vers. 17.*
Sacrificiis. *partim* etiam miraculorum patratiōe: ex qua ipsum virum à Deo approbatum fuisse demonstrat Petrus *Actor. 2. vers. 22.* De *Sacrificii* autem *approbatione* inde constat, quod Pater illud imperavit pro

pro peccatis nostris, *Heb. 10. v. 5. & seqq. quod* sibi per Spiritum æternum oblatum à Filio acceptavit, ad æternam redemptionem & consummationem eorum qui sanctificantur, *Heb. 9. v. 12. 14. cap. 10. v. 14. quod* denique eundem Filium suum à mortuis resuscitavit *Act. 2. v. 24.* Hæc de actu primo. Actus secundus Sacerdotis est *Intercessio* sive *Interpellatio Christi* Sacerdotis apud Patrem pro nobis in cœlis. Intercessit quidem etiam pro nobis in terrâ, cum aliis, tum iis precibus, quas sub oblationem sui, *Ioh. 17.* atque ipso oblationis tempore in cruce effudit *Heb. 5. v. 7.* At hæc alius prorsus est generis. Nunc enim nec procumbit amplius in genua, nec supplicatione utitur deprecatoriâ apud Patrem iratum cum clamore valido & lacrymis; prout fecisse dicitur in diebus carnis suæ, *Heb. 5. v. 7.* sed præsentat sive sistit se Patri in cœlo, quod est *ἐμφανισθῆναι*, *comparere* pro nobis, in Dei conspectu, *Heb. 9. v. 24.* cum proprio sanguine, *v. 12. 25. 26.* & interpellat pro nobis, quod est *ἐντυγχάνειν*, *cap. 7. v. 25. Rom. 8. v. 34.* rogando scil. seu volendo, ut in gratiam recipiamur, receptique conservemur: quemadmodum advocatus interpellat pro reis, *1 Ioh. 2. v. 1.* idque eodem cum sanguine, qui potiora loquitur quàm sanguis Abel, *Heb. 12. v. 24.* non vindictam poscens, sed veniam petens. Atque hæc Intercessio semper rata est: quia *Pater Filium semper exaudit Ioh. 11. v. 42.* Unde basis omnis consolationis contrâ peccatum, *1 Iohan. 2. v. 1.* contrâ accusationes & damnationes hostium, *Romanor. 8. v. 33. 34.* omnisque nostræ *ἀληγοφρογίας* fundamentum *Romanor. 5. v. 10. Heb. 7. v. 25.* statuitur.

Finis muneris Sacerdotalis *summus* est Gloria Dei, in misericordia justitiæque demonstratione; *Rom. 11. v. 34. cap. 5. v. 8. cap. 3. v. 25. 26.* Subalternus nostra salus, *Matt. 1. v. 21. 1 Cor. 1. v. 30.* atque etiam complementum Sacerdotii typici tum Levitici, tum Melchisedeciani: à quo in ipso veritas existitisse, *Ioh. 1. v. 17.* imò ipsa veritas esse dicitur *cap. 14. v. 6.*

Effecta à *Satisfactione* dependentia sunt: Reconciliatio nostri cum Deo *2 Cor. 5. v. 19. Rom. 5. vers. 10.* Impetratio remissionis peccatorum, *Rom. 3. v. 24. 25.* Spiritus Sancti regenerantis, *Gal. 3. v. 14.* & vitæ æternæ *Ioh. 6. v. 51. Rom. 5. v. 18.* Ab *Intercessione* dependent Conservatio reconciliationis & remissionis peccatorum, *Rom. 5. v. 9.* & precum nostrarum, totiusque

Vniufque.

adèd cultus noſtri rationalis, oblatio *Apoc.* 8. v. 3. 4. Ab *utraque* verò dependet, abrogatio cultus ceremonialis Legis Moſaicae, de Jure : *Gal.* 3. v. 24. 25. *Ephes.* 2. v. 14. 15. 16. *Coloſſ.* 2. v. 14. 16. 17. *Heb.* 10. v. 1. De *Objecto* dictum eſt in *Materia*.

Subiectum
loci.

Subiectum loci, eſt Terra & Cælum, pro actuum Sacerdotium diuerſitate. In *terra* ſiquidem paſſus eſt pro nobis, in *cælo* intercedit pro nobis *Heb.* 9. v. 24. Quod adèd certum eſt, ut neget Apoſtolus fore ipſum noſtrum Sacerdotem, ſi adhuc eſſet in terrâ *Heb.* 8. v. 4.

Adjuncta Sa-
tisfactionis.

Adjuncta Satisfactionis ſunt, quod *perfecta & unica* dicitur in Scripturâ. *Vnica* enim oblatione conſummarvit in perpetuum eos, qui ſanctificantur *Heb.* 10. v. 14. Et idèd quidem *Unica* eſt, quia *perfecta* eſt. Nam ſicut iteratio Sacrificiorum Leviticorum imperfectionem eorum; ita oblatio Sacrificii Chriſti nunquàm iterata, aut iterabilis, ejusdem perfectionem præſupponit *cap.* 10. v. 1. & ſeqq. *Rom.* 6. v. 9. 10. *Adjunctum Interceſſionis* eſt continuatio ejus, uno quaſi continuo actu. Vnde & ſervare perfectè poteſt eos, qui per ipſum accedunt ad Deum, ſemper vivens, ut interpellat pro eis, inquit Apoſtolus *Heb.* 7. v. 25.

Regium.

Munus Chriſti regium eſt, quod gubernat Eccleſiam ſuam Verbo & Spiritu, eamque contrâ omnes hoſtes tuetur & conſervat. Ab hoc ipſe *Rex*, *Ierem.* 23. v. 5. *Matt.* 21. v. 5. *Princeps*, *Ezech.* 37. v. 25. *Pæſtor*, *Ioh.* 10. v. 11. *Princeps Regum terra*, *Apocal.* 1. v. 5. *Rex Regum*, & *Dominus Dominantium*, *cap.* 19. v. 16. denominatur.

Efficiens
Chriſtus.

Efficiens hujus muneris eſt *Chriſtus*: ſecundum vaticinium *Jeremiæ*, *cap.* 23. v. 5. *Suſcitabit Davidi germen juſtum*, & regnabit *Rex*: prædictionem Angeli *Luc.* 1. v. 33. *Regnabit ſuper domum Iacobi in æternum*, & *Regni ejus non erit ſinis*: & eventus ipſius veritatem; cum reſuſcitatus à mortuis factus eſt *Dominus & Chriſtus*, *Act.* 2. v. 36. non affectatâ uſurpatione, ſed Dei Patris ac Spiritus Sancti unctione. Etenim Deus *Pater* unxit ipſum in Regem ſuper montem *Sion*, *Pſal.* 2. v. 6. dedit ipſi omnem poteſtatem in cælo & terrâ, *Matth.* 28. v. 18. & *Spiritus Sanct.* ſuper ipſo quieſcit, *Spiritus conſilii & potentia* *Eſa.* 11. v. 2. *Judicia ei ſua & juſtitiam communicans*, *Pſal.* 72. v. 2. *brachiumque ejus fortificans* *Pſal.* 89. v. 22. Ideoque non tantum *Rex* eſt, ſed etiam primogenitus Regum, & excellus ſuper Reges terræ *Pſal.* 89. v. 28.

Vnctione Pa-
tris.

Et Spiritus S.

Imò

Imò Regum omnium Dominus, quem ipsi osculantur, *Psal.* 2. v. 12. cui se incurvant, ferentes munera *Psal.* 72. v. 9. 10. Rex Regum, & Dominus dominantium *Apoc.* 19. v. 16. *Ministri* Regis hujus, munerisque regii sunt, tum *Angeli*, *Hebr.* 1. v. 6. tum *homines*, Apostoli, Prophetæ, Euangelistæ, Pastores, Doctores, *Ephes.* 4. vers. 11. qui legatione pro ipso fungi dicuntur *2 Cor.* 5. v. 19.

Ministri.

Materia circa quam, sive *Objectum* hujus muneris est populus *ipsum*: genus electum, regale Sacerdotium: gens Sancta, populus quem sibi Deus ut proprium vindicat *1 Petr.* 2. v. 9. Isque in *Vet. Test.* mons sanctus Sion, *Psal.* 2. v. 6. tentorium Davidis, *Esa.* 16. vers. 14. Israël, Juda, *Ierem.* 23. v. 5. 6. domus Jacob; *Luc.* 1. v. 33. In *Nov. Test.* Ecclesia, *Actor.* 20. v. 28. *Ephes.* 1. v. 22. corpus, v. 23, grex Christi, *Iohann.* 10. v. 16. appellatur. Quia etiam in medio hostium suorum dominatur, *Psal.* 110. vers. 2. etsi sceptrum fereat, *Psal.* 2. vers. 9. nè illi quidem Objecti hujus ambitu excludendi sunt.

Materia, populus ipse.

Forma est gubernatio populi sui, ejusdemque defensio contra omnes hostes. Quæ duæ partes *Sessione Christi ad dexteram Patris* continentur; ex declaratione Davidis, *Psal.* 110. v. 1. 2. 5. 6. & Pauli, *1 Corinth.* 15. v. 25. 26. Gubernatio populi fit externè per Verbum Legis & Evangelii, internè per Spiritus Sancti efficaciam, *Psal.* 110. v. 2. *Esa.* 59. v. 21. *Marc.* 16. v. 19. 20. Nam Verbo proponit ipsi voluntatem suam, & resipiscentiam, fidem, novamque obedientiam imperat *Marc.* 1. v. 15. Spiritu declarat eam voluntatem per illuminationem mentium in agnitionem veritatis, *Ioh.* 6. v. 45, cap. 16. v. 13. & resipiscentiam, fidem, novamque obedientiam donat, *Actor.* 5. v. 31. inscribendo legem cordibus ipsius *Ierem.* 31. v. 33. Quæ causa est, quod utroque modo gubernari se petit David. Priore; *Psal.* 119. v. 33. 133. *Rege me, Domine, secundum Verbum tuum.* Posteriore: *Psal.* 143. v. 10. *Spiritu tuo bono deduc me per terram planam.* Defensio populi est, quæ eum tuetur & conservat contra omnes hostes, ut nè portæ quidem inferorum ei possint prævalere *Matth.* 16. v. 18. Sunt verò hostes illi, Satanæ, Mundus, Caro, & Mors, qui partim tentationibus suis eum sollicitant, partim violentiâ infestant. Contra tentationes Satanæ, mundi, & carnis, populum suum tuetur Verbo, *Ephes.* 6. v. 17. promissionis & comminationis, *Matt.* 10.

Forma habet.

Gubernationem, quæ fit

Externè, Verbo. Internè, Spiritu.

Defensionem

Contra tentationes.

Contra vio-
lentiam.

v. 32. 33. tuetur etiam *Spiritu*, conservante fidem, nè planè defi-
ciat, *Luc. 22. v. 32.* confirmante timorem Domini in cordibus,
nè recedant ab ipso, *Ierem. 32. v. 40.* & veterem illum hominem,
qui concupiscit adversus Spiritum, *Gal. 5. v. 17.* mortificante,
Rom. 7. v. 4. Contrà *violentiam* Satanæ, mundi, & mortis eum
tuetur, *partim* turbando ipsorum consilia, ut irrata fiant, *Psal.*
33. v. 10. *partim* frangendo potentiam, nè quantum cupiunt, no-
ceant, *Psal. 110. v. 5. 6.* *Actor. 9. v. 4. 5.* *partim* eosdem prorsus
abolendo in consummatione seculorum: ubi & Satanam suis suo-
rumque pedibus subjiciet, *Roman. 16. v. 20.* & mundum sive ini-
micos in pedum suorum scabellum ponet, *Psal. 110. v. 1.* &
ipsam mortem, hostem ultimum, in victoriam absorbebit *1 Cor.*
15. v. 26. 54.

Finis.

Finis est Gloria Dei, *Philipp. 2. v. 9. 10. 11.* Salus Ecclesiæ,
Ephes. 4. v. 8. & *seqq.* & Hostium interitus *Psal. 110. v. 1.* *1 Cor.*
15. v. 25.

Effecta circa
Populum
subditum.

Effecta muneris Regii duplicia sunt, alia *Populum subditum*, a-
lia *Hostes* spectantia. *Primi* generis sunt: resipiscentia, fides,
nova obedientia, quæ à gubernatione, *Actor. 5. v. 31.* *Ephes. 4. v. 8.*
& *seqq.* & perseverantia usque ad finem, *Ioh. 10. v. 28.* gloria-
tio in persecutionibus, *Rom. 8. v. 31.* & *seqq.* & totalis liberatio,
1 Cor. 15. v. 25. 26. quæ à *defensione* manant. *Secundi* generis effe-
cta sunt: Excecatio hostium, *Ioh. 9. v. 39. cap. 12. v. 39. 40.* In-
duratio, *Rom. 11. vers. 7. 8.* fractio, *Psal. 2. vers. 9.* & *110. v.*
5. 6. totalisque interitus: *Ibidem.* De *Subjecto* antè diximus.

Hostes.

Adjuncta,
quod cœleste

Spirituale,

Gloriosum,

Adjuncta muneris Regii, regnique Christi plura occurrunt.
Primò, est *cœleste*, uti dicitur, *2 Tim. 4. v. 18.* quia non est de
hoc mundo, *Ioh. 18. v. 36.* neque in hoc, sed in altero demum
mundo plenè Electis patefit *Matth. 8. v. 11.* Deinde est *spirituale*,
quod intus, in gubernando Spiritu occupatur, *Luc. 17. vers. 21.*
quodque non in cibo & potu, sed in iustitiâ, pace, & gaudio per
Spiritus Sanctum, rebus planè Spiritualibus, consistit *Rom. 14.*
v. 17. Tertiò est *gloriosum*, ex quo Christi Regis gloria elucescit.
Hanc gloriam ita describit Apostolus *Ephes. 1. v. 20.* & *seqq.* Col-
locavit eum ad dexteram suam in cœlis, longè suprâ omne imperium ac
potestatem, & potentiam & dominatum; & omne nomen, quod nomi-
natur non solum in hoc seculo, verum etiam in futuro: & omnia subjecit
eius pedibus, eumque constituit caput super omnia ipsi Ecclesiæ. Denique
idem

idem Regnum *modo administrationis*, prout est in hac vitâ, *finitum* Modo administrationis finitum. est : tradetur enim Patri, ut is sit omnia in omnibus; ex sententiâ oraculi Apostolici 1 Cor. 15. v. 24. & seqq. Cæteroquin *infinitum & æternum*, quod consistit in secula, Dan. 2. v. 44. cuius nullus erit finis Luc. 1. v. 33. Nam & Rex *æternus* est, qui semper vivit, Heb. 7. v. 25. nec mori amplius potest : Rom. 6. v. 9. 10. & *populus æternus*, quem nemo rapiet ex manibus ipsius, Joh. 10. v. 28. nemo à Charitate Dei separabit : Rom. 8. v. 35. & seqq. & *æternum* etiam populi hujus *regimen*, per immediatam & immutabilem Dei operationem : De quâ est 1 Cor. 15. v. 28. Apoc. 21. v. 22. & seqq. Inse autem æternum.

Accedimus jam ad hujus quoque Loci Usus : qui est

I. Ad Διασφαλίαν : Gratia Dei in Iesu Christo Θεανθρώπων fons est omnis nostræ salutis, Joh. 3. v. 16. Rom. 3. v. 24. 25. confessione totius Ecclesiæ Apostolicæ Act. 15. v. 11. Iesus Nazarenus est Christus, ille mundi Servator Matth. 16. v. 16. Johan. 6. v. 69. In hoc omnes Dei promissiones, omnia vaticinia sunt Etiam, Amen, & Veritas 2 Cor. 1. v. 20. Joh. 1. v. 17. In ipso se Deus ostendit & perfecte justum, qui proprio Filio, sponsori nostro, Hebr. 7. v. 22. non pepercit, Rom. 8. v. 32. & summè misericordem, qui sic dilexit mundum, ut Filium suum unigenitum daret, Joh. 3. v. 16. summè denique sapientem, qui declaranda justitia pariter, & misericordia viam invenit Ephes. 3. v. 10. Ostendit quàm res tetra sit, sibi que abominabilis peccatum Rom. 3. v. 25. 26. Ostendit etiam agendi modum per contraria, dùm ex paupertate divitias, 2 Cor. 8. v. 9. ex dolore gaudium, ex ignominia gloriam, ex morte vitam produxit, Gal. 3. v. 13. 14. Philipp. 2. v. 6. & seqq. Sicut Christus particeps factus est carnis & sanguinis nostri, Heb. 2. v. 14. ita nos consortes reddimur Divinæ ipsius naturæ, 2 Pet. 1. v. 4. ut ipse factus est Filius hominis ad nostram salutem, Joh. 3. v. 13. Gal. 4. v. 4. ita nos per ipsum fimus Filii Dei ad Dei gloriam Joh. 1. v. 12. Ephes. 1. v. 5. 6. Vt humana ejus natura ex unione communionem habet cum Divina : sic nos propter unionem cum ipso communionem habemus cum Deo 1 Joh. 1. v. 3. 7. Ipse solus Mediator est inter Deum & Homines, 1 Timoth. 2. v. 5. solus Dominus Ecclesiæ suæ, Ephes. 4. v. 5. ejusque in utroque Testamento Servator unicus Joh. 14. v. 6. Act. 4. v. 12. Hebr. 13. v. 8.

I I. Ad Παράκλησιν : Cum Deus nobis dederit Servatorem, agnoscamus nos perditos fuisse in nostris peccatis Matth. 15. v. 24. Agnoscamus summam illorum sceleratam, & ex iis miseriam nostram, utpote à quâ non nisi sanguine Filii Dei mundari & liberari potuimus 1 Joh. 1. v. 7. Pudore & dolore ob peccata nostra afficiamur, sicque nos coram Deo humiliemus, exemplo Davidis, Psal. 51. Danielis, cap. 9. v. 7. Publicani Luc. 18. vers. 13. Gratos nos ergà Deum pro tanto ejus dono Joh. 4. v. 10. præstemus; celebratione hujus beneficii, exemplo Maria, Luc. 1. v. 46. Zacharia, v. 68. Angelorum, cap. 2. v. 14. & aliorum, ibidem; invocatione Dei in nomine Christi; Joh. 16. v. 23. 24. novæque obedientiæ studio 1 Pet. 4. v. 12. Oremus, ut quemadmodum Christus virtute Spiritus Sancti conceptus & formatus est ex semine incorrupto: sic nos ejusdem virtute concipiamur, formemur, Gal. 4. v. 19. ex semine incorruptibili Verbi Dei 1 Pet. 1. v. 23. Sicut ipse sanctificatus est, Luc. 1. v. 33. & sanctificavit se pro nobis, Joh. 17. v. 19. ita nos sanctificemur magis magisque in veritate, ibidem, v. 17. & sanctissimi 1 Pet. 1. v. 16. Audiamus hunc Prophetam, quem audiri vult Pater, Matth. 17. v. 5. quique vitæ æternæ verba habet Joh. 6. v. 68. Suscipiamus hunc Sacerdotem, Joh. 1. v. 12. qui purificat conscientias nostras ab operibus mortuis, Hebr. 8. v. 14. qui mundat nos ab omni peccato, 1 Joh. 1. v. 7. qui unicâ oblatione consummavit in perpetuum eos qui sanctificantur, Heb. 10. v. 14. qui etiam semper vivit, ut interpellet pro nobis cap. 7. v. 25. Subjiciamus nos huic Regi, ut populus voluntarius, Psal. 110. v. 3. cujus dulce est jugum, & onus leve Matth. 11. v. 30. Virtutes quoque ejus jussi imitemur, Matt. 11. v. 29. Joh. 13. v. 15. obedientiam ergà Deum, Hebr. 10. v. 5. & seqq. Phil. 2. v. 9. humilitatem, ibidem, & Johan. 13. v. 14. 15. innocentiam, Joh. 8. v. 46. 1 Pet. 2. v. 22. charitatem, Joh. 13. v. 1. mansuetudinem, Matth. 11. v. 29. Luc. 9. v. 55. patientiam, Esa. 53. v. 7. 1 Pet. 2. vers. 23. diligentiam in munere, passim, & quæ sunt alia. Cumque nos ejusdem secum unctionis, etsi gradu dispari, voluerit esse participes, Heb. 1. v. 9. ab eaque Christianos appellari, Actor. 11. vers. 26. utpote quos ipse fecit Deo suo Prophetas, Sacerdotes & Reges: Apoc. 1. v. 6. hujus nostræ dignitatis memores, quâ Prophetæ incumbamus omni studio in agnitionem Dei. Deut. 6. v. 6. 7. & seqq. Col. 3. v. 16. in ea nos mutuò confirmemus, Esa. 2. v. 3. Luc. 22. vers. 32. Deumque in Christo agnitum liberè & constanter confiteamur, Matth. 10. v. 32. 1 Pet. 3. v. 15. exemplo Apostolorum Actor. 2. v. 5. & seqq.

& seqq. capp. *Quâ* Sacerdotes *sistamus animas & corpora nostra hostiam vivam, sanctam, placentem Deo*, Roman. 12. v. 1. *offeramus ei hostias Spirituales, animum fractum & contritum*, Psal. 51. v. 19. *veram cordis fiduciam*, Psal. 4. v. 6. *obedientiam Evangelii*, Rom. 15. v. 16. *preces*, Psal. 141. v. 2. *laudem & gratiarum actionem*, Heb. 13. v. 15. Apoc. 5. v. 9. 10. *Eleemosynas*, Heb. 13. v. 16. Act. 10. v. 4. *patientiam in cruce & afflictionibus*, Philipp. 2. v. 17. 2 Tim. 4. v. 6. *Alii quoque pro aliis precemur* Jacob. 5. v. 16. *Quâ* Reges moderemur affectus nostros Spiritu Dei, crucifigendo carnem cum desideriis & cupiditatibus suis, Gal. 5. v. 24. *exuendo veterem hominem, & induendo novum*, Ephes. 4. v. 22. & seqq. *Pugnemus contra Satanam & mundum armatura Dei*, Ephes. 6. v. 11. & seqq. *eosque per fidem superemus*; *quæ mundi est victoria* 1 Joh. 5. v. 4.

III. Ad Ἐπαρόχῳσιον : *Nè peccatum vilipendamus, aut leviter patremus, ob quod proprium & Unigenitum Dei Filium, Dominum gloria mori oportuit* Rom. 8. v. 32. Joh. 3. v. 16. 1 Corinth. 2. v. 8. *Nè ei deinceps indulgeamus*, Romanor. 6. per totum. *nec gratia Servatoris Iesu ad lasciviam abutamur* Jud. vers. 4. *Nè in alio quàm in Christo salutem quæramus*, Actor. 4. v. 12. 1 Cor. 3. v. 11. *neque alii præter ipsum ullam satisfactionis pro peccatis præstitæ, intercessionisve partem tribuamus*; ibidem. Esa. 63. v. 3. 1 Timoth. 2. v. 5. *Nè ingeramus nos in ullum munus, sicut Christus ipse sibi hunc sumpsit honorem ut fieret Pontifex* Hebr. 5. v. 5. *Nec aures obturemus huic Propheta: futurum est enim, ut id facientes Deus excindat* Deuter. 18. v. 19. Actor. 3. v. 22. 23. *Nè spernamus aut conculcemus hostiam huius Sacerdotis, præter quam non alia reliqua est pro peccatis* Hebr. 10. v. 26. *Nè rebellemus adversus illum Regem, qui exclusos æterna requie*, Psalm. 95. v. 11. *sceptro ferreo in ira sua confringit*, Psalm. 2. v. 9. *ponitque in scabellum pedum suorum* Psalm. 110. v. 1. *Nè etiam in munere Christianismi nostri, per participationem Vnctionis Christi nobis commisso, negligentes simus: Nam maledictus, qui facit opus Iehovæ fraudulenter* Jerem. 48. v. 10.

IV. Ad Παράκλησιν, *contra Peccatum, Satanam, Mundum, misérias huius vitæ, mortemque corporis, & iudicium Dei, sive æternam damnationem. Contra Peccatum: A Satisfactione Christi, qua omnia nostra peccata expiavit, 1 Joh. 1. v. 7. ut nulla sit amplius in nobis damnatio* Rom. 8. v. 1. *Ab Innocentiâ ejus: quia enim iustus fuit ipse, consequens est, non pro se, pro nobis injustis passum esse,*

esse, 1 Petr. 3. v. 18. Heb. 7. v. 27. atque etiam passionem ejus Deo ratam ac gratam fuisse 1 Petr. 1. v. 19. 20. *Ab Intercessione* : Si peccamus, advocatum habemus apud Patrem, Iesum Christum Iustum, 1 Joh. 2. v. 1. Et si cum inimici essemus, reconciliati fuimus Deo per mortem Filii ejus: quanto magis nunc reconciliati servabimur per vitam ipsius, Rom. 5. v. 10. id est, cum ipse vivat interpellans pro nobis Heb. 7. v. 25. *A Gubernatione*: quia Pastor noster antegreditur nos, vocat nos nominatim, educit nos, Joh. 10. v. 3. 4. & seqq. per orbitas justitiæ; Virga ejus & pedum nos consolantur, Psalm. 23. v. 3. 4. *A defensione*: quia nihil, atque ita nec peccatum, rapiet nos ex manibus ipsius, Joh. 10. v. 28. 29. aut ab ipsius charitate separabit Roman. 8. v. 35. & seqq. *Contrà Satanam* : *A Satisfactione*, quā contrivit caput Serpentis, Genes. 3. v. 15. & destruxit eum, penes quem est mortis robur, id est, Diabolum Heb. 2. v. 14. *Ab Intercessione*, quā impetrat ut conservemur ab impio illo, Joh. 17. v. 15. nè deficiamus à fide, etsi appetat Satanæ ventilare nos sicut triticum, Luc. 22. v. 31. 32. quāque os obstruit calumniatori, Apoc. 12. v. 10. nè intentare ausit crimina adversus Electos Dei Rom. 8. v. 33. 34. *A defensione*, quā impedit Leonem illum rugientem, nè nos devoret, 1 Petr. 5. v. 8. 10. atque ipsum tandem sub pedibus nostris conterit, Rom. 16. v. 20. nostrā quoque sententiā damnatum 1 Cor. 6. v. 3. *Contrà Mundum* : *Ab intercessione Christi*, quā conservamur à mundi seductionibus & injuriis Joh. 17. v. 12. & seqq. *A defensione*, quā facit, ut sicut ipse vicit mundum, Joh. 16. v. 33. ita nos quoque eum vincamus per fidem, 1 Joh. 5. v. 4. 5. & quā facturum est, ut sicut ipse, Matt. 25. v. 31. ita & nos mundum omnesque hostes nostros, 1 Cor. 6. v. 2. sedentes in Thronis, Matth. 19. v. 28. judicemus. *Contrà miseras hujus vitæ, mortemque corporis*: *Ab Incarnatione Christi*, per quam factus est nobis per omnia similis, excepto peccato: ut misericors esset & fidelis Pontifex, qui afficeretur sensu infirmitatum nostrarum, Hebr. 2. v. 17. cap. 4. v. 15. per quam factus est frater noster, Heb. 2. v. 11. & אֱלֹהִים, nobis agnatus, qui proinde resuscitabit nos etiam è pulvere terræ Job. 19. v. 25. *A Satisfactione ejus*, quā id effectum dedit, ut omnia nobis cooperentur in bonum, Rom. 8. v. 28. ut mors nostrā aculeo peccati destituta, 1 Cor. 15. v. 55. non sit amplius maledicta, sed beata, Apoc. 14. v. 13. pretiosa in oculis Iehovæ, Psalm. 116. v. 15. nec piis solum, Phil. 1. v. 23. sed etiam impiis desiderabilis, ut liquet exemplo Bileami, Num. 23. v. 14. *Ab Intercessione*, quā impetrat mitigationem & liberationem,

ut misericors Pontifex Heb. 2. v. 17. *A* gubernatione, cum conso-
latur nos Verbo, Psal. 119. v. 50. 92. & Spiritu: Iohan. 16. v. 7. &
seqq. Rom. 8. v. 26. & à defensione, quâ prohibet, ne nos si parent
à charitate Dei. Rom. 8. v. 33. & seqq. tandemque plenè à nobis de-
pellit, abolendo mortem, hostem ultimum, 1. Cor. 15. v. 26. absor-
bendoque in victoriam, v. 54. & omnem lacrymam à nobis abstergendo
Apoc. 7. v. 17. Denique contrà iudicium Dei, sive æternam da-
mnationem exposita est nobis consolatio in Satisfactione Christi; qui
venit pro nobis in iudicium, tum terrenum Pilati, Matth. 27. per to-
tum; tum cæleste Dei irati; Ela. 53. v. 8. ut nos, qui credimus, nun-
quam in illud venturi simus; Johann. 5. v. 24. qui gustavit mortem pro
nobis, Heb. 2. v. 9. ut ipsimet eam nunquam simus gustaturi; Ioh. 8.
v. 52. qui mortuus est pro nobis, ut ipsi censeamur mortui, 2. Cor. 5.
v. 15. eoque etiam à metu mortis simus immunes; Hebr. 2. v. 15. qui
factus est pro nobis maledictio, ut benedictio Abraha in nobis existeret
Gal. 3. v. 13. 14. In Intercessione ejus, per quam conservat reconci-
liatos sanguine suo ab ira illâ Rom. 5. v. 9. 10. Postremò etiam in gu-
bernatione & defensione ejus, quâ abolet magis ac magis corpus pec-
cati, Rom. 6. v. 6. cujus stipendium est mors, v. 23. nosque custodit ne
ex suis Patrisve manibus rapiamur Ioh. 10. v. 28. 29.

LOCUS UNDECIMUS

De

E C C L E S I A.

Satis de Acquisitione Operum Gratiae. Sequitur Applicatio, quae Subjecto ejus, & Modo continetur.

Subjectum Applicationis est Ecclesia, sive hominum Electorum Cætus, quos Deus per Verbum & Spiritum vocat è statu peccati in statum gratiae, ad aeternam gloriam.

E X E G E S I S.

Applicationis
subjectum est

Subjectum Applicationis, hoc est, ii quibus Opera Gratiae applicantur, non sunt universi & singuli homines, sed ex hominibus tantum illi, qui dicuntur Ecclesia Dei.

Ecclesia Dei. Quemadmodum enim Christus dilexit Ecclesiam, & exposuit se pro eâ, Ephes. 5. v. 25. acquisivit Ecclesiam proprio suo sanguine: Act. 20. v. 28. sic ei ut caput corpori salutem dat, Ephes. 5. vers. 23. Sanctificat purificatam lavacro aquae per verbum, ut tandem sistat eam sibi gloriosam, absque maculâ & rugâ, sanctam & inculpata, v. 26. 27. atq; etiam ita conservat, ut ne porta quidem inferorum adversus ipsam possint prevalere Matth. 16. v. 18. Porro vox Ecclesia origine Græca est, respondens Hebrææ **קָהָל** & Latinæ, Concio: dicta **ἐκκλησία**

Fjus Etymo-
logia.

ἐκκλησίαν, ab evocando: & significat tum separationem, vi particulæ **ἐκ**: tum collectionem sive congregationem, emphasi verbi **καλέω**. Quo sensu etiam συναγωγή, Iac. 2. v. 2. ἐπισυναγωγή, 2. Thessal. 2. v. 1. Hebr. 10. v. 25. item παρήγωγες, Hebr. 12. v. 23. appellatur. Etsi verò aliquando pro cætu profano usurpata reperitur, sive confuso illo ac tumultuario, Act. 19. v. 32. 40. sive certo consilio coacto, Psal. 26. v. 5. & 2. v. 1. 2. inter se collatis: communissime tamen in Vet. Test. secundum versionem LXX,

Synonymia.

Homonymia.

Dent.

Deut. 23. v. 1. 2. 3. *Iud.* 20. v. 2. 1. *Reg.* 8. v. 14. *Psal.* 22. v. 23. & in N. Test. secundum editionem authenticam Evangelistarum & Apostolorum, passim *cætum sacrum* notat: propriè quidem omnium *Electorum & Vocatorum*, sive Pastores sint, sive oves *Matth.* 16. v. 18. *Ephes.* 1. v. 22. *cap.* 5. v. 23. 24. 25. impropriè autem per Synecdochen congregationem alterutrorum, sive *Pastorum*, *Matth.* 18. v. 17. quæ est Ecclesia *representativa*, sive *ovium*, *Actor.* 20. v. 28. quæ Ecclesia *collectiva* dici solet. In primo proprioque significato definimus Ecclesiam *cætum hominum Electorum*, quos Deus per Verbum & Spiritum vocat è statu peccati in statum Gratia, ad æternam gloriam.

Hujus *Efficiens* communiter est Deus Pater, in Filio, per Spiritum Sanctum. 1. *Petr.* 5. v. 10. Deus omnis gratia autor vocavit vos ad æternam gloriam suam in Christo Iesu, & 1. *Cor.* 1. v. 9. Fidelis est Deus, per quem vocati estis in communionem Filii ipsius. Singulariter vero Filius Dei, Dominus noster Iesus Christus, qui acquisivit Ecclesiam proprio sanguine, *Actor.* 20. v. 28. eamque purificat ac salute æternâ donat *Ephes.* 5. v. 23. & seqq. Est enim caput super omnia ipsi Ecclesie, quæ est corpus ipsius, *cap.* 1. v. 22. *Coloss.* 2. v. 19. Idèoque quæ in capite Physico spectari solent, dignitas ordinis, perfectio sensuum, movendique virtus: & quæ in capite mystico insuper requiritur, durationis perpetuitas: illa in capite Ecclesie Christo reperiuntur universa.

Dignitas ordinis: est namque primogenitus inter multos fratres, *Rom.* 8. v. 29. primogenitus omnis rei condita, *Coloss.* 1. v. 15. principium & primogenitus ex mortuis, qui inter omnes primas tenet v. 18. *perfectionum omnium amplitudo*: ut pote in quo habitat omnis plenitudo Deitatis corporaliter, *Coloss.* 2. vers. 9. in quo absconditi sunt omnes Thesauri sapientiæ & cognitionis, v. 2. & cui Spiritum Sanctum dedit Deus absque mensurâ *Ioh.* 3. v. 34. *Movendi vivificandique virtus*: quia vivificat quos vult *Ioh.* 5. v. 21. Is est, qui salutem dat corpori, *Ephes.* 5. v. 23. & ex ipsius vi intus agente, singula membra incrementum capiunt corpori conveniens *cap.* 4. v. 16. *Coloss.* 2. v. 19. *Durationis denique perpetuitas*: Nam semel mortuus non amplius moritur, *Rom.* 6. v. 9. 10. sed est heri & hodie idem, in secula, *Heb.* 13. vers. 8. sempervivens, *cap.* 7. vers. 25. & præsens Ecclesie suæ usque ad consummationem seculi *Matth.* 28. v. 20. Nec modò caput est

Efficiens Ecclesie communiter, Deus

Singulariter, Filius Dei.

Christus Ecclesie Caput, cujus est

1. Dignitas ordinis.

2. Perfectio-num omnium amplitudo.

3. Movendi vivificandi-que virtus.

4. Durationis perpetuitas.

Et quidem
Solut caput
est.

Administri.

Instrumentum.

Materia, cœtus
hominum
electorum &
vocatorum.

Ecclesiæ, sed etiam *Solut* ejus caput est. Etenim sicut Ecclesia unum tantum corpus dicitur, *Ephes.* 4. v. 4. ita non nisi unum caput habere potest. v. 5. Sicut corpus vocatur congruentur coagmentatum & compactum, vers. 16. ita alia capita præter unum Christum, quocunque etiam nomine insignita, respuit: ut quæ congruentiam illam turbant ac tollunt necessariò. *Administri* Ecclesiæ fuerunt, in Vet. Testam. ordinariè Sacerdotes & Levitæ, *Exod.* 13. v. 2. *Num.* 8. v. 6. 16. *Malach.* 2. v. 7. extra ordinem Prophetæ, *Psal.* 74. v. 9. *Heb.* 1. v. 1. In N. T. temporarii, Apostoli, Prophetæ, qui interpretabantur Scripturas per subitanæ revelationem, & Evangelistæ, comites Apostolorum in plantandis Ecclesiis; *perpetui*, Pastores & Doctores: Quos dedit, & dat Ecclesiæ suæ ad compactionem Sanctorum & ipsius ædificationem *Ephes.* 4. v. 11. 12. 1. *Cor.* 12. v. 28. Proinde nec imperium habent in Ecclesiam, 1. *Petr.* 5. v. 3. sed ministerium in eâ exercent, 1. *Cor.* 3. v. 5. 9. & legationem apud eam obeunt pro Christo, 2. *Cor.* 5. v. 20. tradentes non quælibet, sed illa tantum, quæ Christus observari præcepit, *Matth.* 28. v. 20. quæque ipsi à Domino acceperunt 1. *Cor.* 11. v. 23. *Instrumentum* est Verbum Dei; quia vocat Deus per Evangelium, 2. *Thess.* 2. vers. 14. quod est potentia ipsius ad salutem, *Rom.* 1. v. 16. quod est semen illud incorruptibile, ex quo Ecclesia gignitur *Iacob.* 1. v. 18. 1. *Petr.* 1. v. 23.

Materia Ecclesiæ est Hominum Electorum & vocatorum cœtus. Ita enim eam nobis describunt Apostoli, 1. *Petr.* 1. v. 1. 2. 1. *Cor.* 1. v. 2. 1. *Thess.* 1. v. 1. 2. 3. 4. & brevissimè Paulus, *Rom.* 8. v. 28. ubi *vocatorum secundum propositum Dei* expressè meminit. Si verò cœtus est Ecclesia, jam non consistit ea, aut consistere potest in uno: uti olim opinabatur Elias 1. *Reg.* 19. v. 10. Nam unus non est populus Dei, grex, multitudo credentium, gens sancta, civitas Dei, corpus Christi, congregatio Iustorum; prout ea passim nominatur. 1. *Petr.* 2. v. 9. cap. 5. v. 2. 3. *Ephes.* 2. v. 19. *Afor.* 4. v. 32. Si *Hominum cœtus*; utique ad eam non pertinent Angeli, qui nec homines sunt, nec electi aut vocati sunt ut homines. Si *hominum Electorum cœtus*, sicut dicitur 1. *Petr.* 1. v. 2. *Rom.* 8. v. 28. 29. 30. equidem membra ejus esse nequeunt reprobi: quos Christus negat esse oves suas, *Ioh.* 10. v. 26. negat à se cognosci *Matth.* 7. v. 23. Postremò si *cœtus hominum Electorum &*

vocatorum;

vocatorum, consequens est, ad constituendum membrum Ecclesiæ non sufficere solam Electionem, sed præter Electionem etiam requiri vocationem. Per *Electionem* destinatione tantum membra sunt, per *vocationem* autem fiunt membra actu. Ita Paulus *destinatione* erat membrum Ecclesiæ, etiam in Pharisaismo, cum persequeretur Ecclesiam, *Gal. 1. v. 15. actu* verò factus est membrum per gratiam vocationis: *ibidem*. E contrâ, cum *excommunicati & Catechumeni* nondum baptizati, possint esse Electi & Vocati: ut constat exemplo excommunicatorum ab Ecclesiâ Iudaicâ, *Ioh. 9. v. 22.* & Catechumenorum; Latronis *Luc. 23. v. 43.* Cornelii, *Actor. 10. v. 2. 34.* possunt quoque iidem esse membra Ecclesiæ, & sunt reverâ, quotquot vera fide præditi sunt. *Infantes & amentes* accensendos Ecclesiæ statuimus *foris*, ex nativitatis conditione; à quâ Sancti dicuntur, qui ex parente fidei, sive utroque, sive alterutro, nati sunt, *1. Cor. 7. v. 14. intus* autem ex vocationis internæ dono, *Rom. 11. v. 29.* per quod novit Dominus eos qui sunt sui *2. Tim. 2. v. 19. Surdorum* alia paulo videtur esse ratio. Hi enim non modo participes fieri possunt vocationis internæ, verum etiam externæ: Non quidem per auditum, sed per visum, quoties Christus crucifixus corâ depingitur fidelibus in Euangelio & Sacramentis: ut est *Gal. 3. v. 1.*

An ad Ecclesiam pertineant.
Excommunicati & Catechumeni?

Infantes & amentes;

Surdi;

Forma Ecclesiæ est *Vocatio* ejus, per Verbum & Spiritum Dei, è statu peccati in statum gratiæ. Hanc formam indicat, *tum* notatio nominis, de quâ antè: *tum* definitio rei, prout passim traditur in Epistolis Apostolicis; *tum* singulorum membrorum constitutio. Etenim singula membra Ecclesiæ constituuntur & sunt membra per vocationem: Abraham per vocationem ex Ure Chaldæorum: Paulus per vocationem ex Pharisaismo: alii per vocationem aliunde: omnes per vocationem è statu peccati in statum gratiæ. Quæ autem forma est membrorum integrantium conjunctim, & divisim, ea ipsius integri est forma. Cæterum *vocatio* illa duplex est; *Externa* per *Verbum*, quâ vocantur etiam illi, qui electi non sunt, atque ita nec membra Ecclesiæ; *Matth. 20. v. 16. cap. 42. v. 14.* & *Interna* per *Spiritum*, quæ fit secundum propositum Dei, *Rom. 8. v. 28.* sive secundum propositum Electionis, *cap. 9. v. 11.* & tantum est Electorum *Rom. 11. v. 29. 2. Petr. 1. v. 10.* Utraque terminum habet, à quo,

Forma, Vocatio.

per Verbum

per Spiritum

Termini Vo-
cationis
à quo,
ad quem,

Ecclesia Vifi-
bilis vel In-
visibilis.

Notæ Eccle-
siæ Vifibilis,

Invisibilis.

& ad quem. *Terminus à quo* sunt tenebræ, 1. *Petr.* 2. v. 9. pote-
stas Satanæ, *Aët.* 26. v. 18. mundus *Ioh.* 17. v. 6. *Terminus ad*
quem, resipiscencia, *Matth.* 9. v. 13. regnum Dei, *Matth.* 3. v. 2.
vita æterna 1. *Tim.* 6. vers. 12. *Prioris termini respectu* dicuntur
peccatores: *Matth.* 9. v. 13. *Veni vocatum peccatores ad resipiscen-*
tiam: *Posterioris respectu* appellantur dilecti Dei, & vocati San-
cti *Rom.* 1. v. 7. & alibi. Ab utroque verò exsurgit illa Sanctorum
secundum status diversos comparatio: cujus exempla illustria
sunt 1. *Cor.* 6. v. 9. 10. 11. *Ephes.* 2. v. 2. & seqq. *Tit.* 3. v. 3. 4. 5.
1. *Petr.* 2. y. 10. A duplici hâc vocatione duplicem Ecclesia fortit-
tur appellationem, duplicisque generis notas. Appellatur enim
Vifibilis, ratione vocationis externæ per verbum, quæ in sensus
incurrit. *Invisibilis* quoque respectu Vocationis Internæ, quæ non
cadit sub sensus, sed tùm vocanti nota est; 2. *Tim.* 2. v. 19. *Novit*
Dominus eos, qui sunt sui: tùm vocatis; *Nam nemo novit novum illud*
nomien in novo calculo scriptum, nisi qui accepit Apoc. 2. v. 17. Ideò-
que docet Christus, regnum Dei non venire cum observatione, sed
intus esse, *Luc.* 17. v. 20. 21. id est, in occulto, *Psal.* 45. v. 14. in
Spiritu; non literâ, *Rom.* 2. v. 29. ut & profiteamur in Symbolo
nos credere Ecclesiam. Fides autem invisibilium esse dicitur,
Hebr. 11. v. 1. Porro Ecclesia quatenus *Vifibilis* est, *notam* habet
purè Divinam; *Verbum Dei*. Id enim infallibiter & sensibilibiter no-
tat Ecclesiam. *Infallibiter*; quia Ecclesia est cœtus amplectens
Verbum Dei; & omnis cœtus amplectens Verbum Dei est Ec-
clesia: juxtâ pronunciata Christi *Iohan.* 8. v. 47. *Qui ex Deo est,*
Verba Dei audit: propterea vos non auditis, quia ex Deo non estis. v. 31.
Si manseritis in sermone meo, vere discipuli mei eritis. cap. 10. v. 27. *O-*
ves meæ vocem meam audiunt: Vocem alienorum non audiunt v. 5. *Sen-*
sibiliter, quia Verbum Dei oculis videtur, legitur; auribus auditur,
atque ita sensibus percipitur. Ab hâc notâ, quæ prima est & pri-
maria, fluunt aliæ; quæ sic Divinæ sunt, ut tamen humana ope-
ra interveniat in illarum dispensatione: à qua plus minusve in-
corruptæ sunt, prout causæ dispensatrices sunt plus minusve in-
corruptæ. Hujusmodi censentur prædicatio & professio Verbi:
administratio & usurpatio Sacramentorum, & disciplinæ Eccle-
siasticæ exercitio: de quibus agitur *Matth.* 28. v. 18. 19. *Marc.*
16. v. 15. 16. *Aët.* 2. v. 24. & alibi. Quatenus verò eadem Ec-
clesia est *Invisibilis*, pro notis habet, *Fidem*, *Spem*, & *Charitatem*
per

per vocationem efficacem inditas : ex quibus quisque certus est de interna sui vocatione , 2. *Petr.* 1. v. 10. & per quas aliis eam, saltem probabiliter certam reddit *Matth.* 5. v. 16. *Iacob.* 2. v. 18. & *seqq.* Quâ de causâ 1. *Theff.* 1. v. 3. *fides efficax, charitas laboriosa, & spes* sive *expectatio patiens* vocatur. Ex quibus omnibus id liquere potest, cum distinguitur Ecclesia in Visibilem & Invisibilem , non esse divisionem generis in species , (eadem enim numero Ecclesia visibilis est, & invisibilis, ut idem numero homo visibilis & invisibilis , *ὁ αὐτὸς ὁ ὁρατὸς καὶ ὁ ἀόρατος*) sed tantum distinctionem , & ex eâ limitationem subjecti, secundum alium atque alium ejus modum.

Finis Ecclesiæ *supremus* est gloria Dei, *Ephes.* 1. vers. 6. & *seqq.* *Finis summus.* ex prædicatione virtutum illius, qui vocavit nos è tenebris in admirabilem suam lucem 1. *Petr.* 2. v. 9. *Subordinatus* est ipsius *Subordinatus* Ecclesiæ redemptio & purificatio, *Tit.* 2. v. 14. æternaque glorificatio *Ephes.* 5. v. 27.

Effecta sunt agnitio Dei *Psal.* 76. v. 2. *Iohann.* 10. v. 4. cultus *Effecta.* Dei, *Luc.* 1. v. 75. 1. *Petr.* 1. v. 15. aliorumque conversio *Luc.* 22. v. 31. 1. *Petr.* 3. v. 1.

Subjectum ejus, in V. T. fuit terra Iudæ & Israelis, ex *Psal.* 76. *Subjectum.* v. 2. *Nobilis est in Iudâ Deus, In Israël magnum nomen ejus.* In N. T. verò orbis universus, ex præcepto Christi, *Marc.* 16. v. 15. *Profecti in mundum universum, prædicate Evangelium omni orbi condito: & obedientia discipulorum, quorum sonus exiit in omnem terram, & quorum verba ad ultima orbis terrarum pertigerunt Romanor.* 10. vers. 18.

Adjuncta Ecclesiæ vulgatis illis Epithetis exprimantur: quod *Adjuncta.* sit Vna, Sancta, Catholica, & Militans. *Vna est,* quia unum *quod Vna.* tantum est mysticum Christi corpus : cui proinde aggregantur quotquot salvi futuri sunt *Actor.* 2. v. 47. Dicitur etiam una auctore Deo, capite Christo, vinculo Spiritus, Fide, Spe, & Sacramentis: quos unitatis modos tradit Apostolus, *Ephes.* 4. v. 4. 5. 6. his verbis: *Vnum est corpus, & unus Spiritus: sicut & vocati estis in unam spem vocationis vestra. Vnus Dominus, una Fides, unum Baptisma: unus Deus & Pater omnium.* Deinde *Sancta* appellatur, tum *imputatione* *Sancta,* quia sanctificata est per oblationem corporis Iesu Christi semel factam, *Hebr.* 10. v. 10. tum *inchoatione*, per renovationem Spiritus Sancti eam regenerantis, *Tit.* 3. v. 5. & quotidiana

Imperfectè
tamen.

Catholica

Absolutè,

Oppositè

Discrimen
Ecclesiæ Iu-
daicæ & Chri-
stianæ,

num in pietate profectum, *Philipp.* 3. v. 12. 13. 14. tum *separat-
tione*, utpote quæ est populus ille peculiaris, *Tit* 2. v. 14. genus
electum, regale Sacerdotium, gens Sancta, populus quem sibi
Deus ut proprium vendicat *1. Petr.* 2. v. 9. Sic igitur Sancta est
quoad Sanctitatem inhærentem, ut expertis tamen non sit *vel* i-
gnorantiæ & erroris in mente, quia expertè tantum cognoscit,
1. Cor. 13. v. 9. *vel* defectus vitivæ in voluntate; cum in multis
impingant omnia ejus membra, *Iacob.* 3. vers. 2. carne adversus
Spiritus concupiscente, *Gal.* 5. v. 17. & lege membrorum bel-
ligerante adversus legem mentis, *Rom.* 7. v. 23. eoque remissio-
nem peccatorum suorum à Deo quotidie petant *Matth.* 6. v. 12.
Interim nec error, nec peccatum ullum exitiale in eam cadit: cu-
stoditur enim virtutis Divinæ præsidio, *1. Petr.* 1. v. 5. nè por-
tæ inferorum adversus ipsam prævaleant, *Matth.* 16. vers. 18. &
quia semen Dei in ipsâ manet, non modo non peccat datâ ope-
râ, ad exitum, sed nè peccare quidem eo pacto potest, ex te-
stimonio Ioannis *1. Epist.* 3. v. 9. Tertiò vocatur *Catholica*: Quæ
vox dupliciter Ecclesiæ tribuitur, absolutè & oppositè. *Absolutè*
Catholica est; quia amplectitur doctrinam de Christo Salvatore
Θεωλογίαν, cui testimonium dant omnes *Propheta*, remissionem peccato-
rum accipere per nomen ejus quem vis, qui credit in eum, *Actor.* 10. v. 43.
& per cujus gratiam æquè servati sunt Veteris Testamenti Patres,
atque nos *cap.* 15. v. 11. *Oppositè* *Catholica* est Ecclesia N. Test.
partim ad Ecclesiam V. T. angustis Iudææ finibus inclusam, *partim*
ad conventicula hæreticorum. *Priore* modò *Catholica* est respec-
tu locorum, personarum, & temporum. *Locorum*: quia disper-
sa est per mundum universum, per totum orbem conditum,
Marc. 16. v. 15. Quo sensu ei opponuntur Ecclesiæ *particulares*, tum
κτ πόλιν, *Rom.* 1. v. 7. *1. Cor.* 1. v. 2. & alibi. tum *κτ' εἰς* *Rom.*
16. v. 3. 5. *1. Cor.* 16. v. 19. *Personarum*: quia absque discrimine
ex quovis hominum genere, ordine, & statu legitur. Non enim
est distinctio vel Iudæi, vel Græci, *Rom.* 10. v. 12. sed in quavis
gente acceptus est ei quisvis *Actor.* 10. v. 35. Unde agno canunt
Seniores *Apoc.* 5. v. 9. *Redemisti nos Deo per sanguinem tuum ex omni*
tribu, & lingua, & natione, & populo. *Temporum*: quia in hoc mun-
do ante secundum Christi adventum nunquam cessabit. Est enim
nobiscum Christus usque ad consummationem seculi, *Matth.* 28.
vers. 20. & Cœnam suam celebrari à nobis vult usque dum ve-
niat

niat 1. Cor. 11. v. 26. Ex quibus totidem colliguntur Ecclesiæ Judaicæ & Christianæ discrimina: alia verò quæ in obscuritate & claritate doctrinæ, in ceremoniarum multitudine & paucitate, in signorum quoque sacramentalium diversitate consistunt, alibi traduntur. *Posteriore* modo Catholica dicta fuit, quod teneret & tueretur doctrinam Catholicam; contrà quam faciebant hæretici & novatores. Ita enim Vincentius *contrà Hæreses cap. 3. In ipsâ*, inquit, *Catholicâ Ecclesiâ magnoperè curandum est, ut id teneamus, quod ubique, quod semper, quod ab omnibus creditum: hoc est enim verè proprièque Catholicum, quod ipsa vis nominis ratioque declarat, quæ omnia verè universaliter comprehendit.* Quamobrem etiam Ecclesiæ particulares *Catholica* dici consueverunt, & earum Episcopi, Episcopi Ecclesiæ Catholicæ, ut hoc titulo distinguerentur à cæteris Hæreticorum & Schismaticorum. Docet id lex Theodosiana apud Sozom. lib. 7. cap. 4. quâ sanxit, ut illorum duntaxat Ecclesia diceretur Catholica, qui Trinitatem Divinam æquali honore colerent; qui diversum sentirent, hæretici appellarentur, & ignominia notarentur. Postremò dicitur quoque Ecclesia *Militans*: militat namque in terris duce Christo, contrà Satanam. Mundum, & Carnem suam, armis Spiritualibus, *Ephes. 6. v. 11. & seqq. 1. Pet. 5. v. 8. 9. ac præclarum decertat certamen. 2. Timor. 4. vers. 7.* Sicque aliquando illustis est, ampla, conspicua omnibus, prout fuit temporibus Apostolorum, quorum sonus exivit in omnem terram, *Rom. 10. v. 18.* & deinceps ante stabilitam & post revelatam Hierarchiæ Romanæ tyrannidem. *Aliquando* verò est obscura, ad paucissimos redacta, oculos hominum fugiens: qualis fuit sub persecutionibus Impp. Ethnicorum & Paparum *2. Thess. 2. v. 1. & seqq. Apoc. 12. v. 14.* Opponitur Ecclesiæ Militanti, status respectu, *Ecclesia Triumphans*, quæ est comprehensum, *Philipp. 3. vers. 12. & seqq.* live Justorum consummatorum, *Hebr. 12. v. 23.* quam jam stetit sibi Christus gloriosam, non habentem maculam aut rugam, aut quicquam ejusmodi *Ephes. 5. v. 27.* Ideòque nec vocatur amplius, sicut ista: quia metam apprehendit, *Philipp. 3. vers. 12.* nec regeneratur: quia consummata est, rugæ maculæve expers, *Hebr. 12. v. 23. Ephes. 5. v. 27.* nec obscuratur ab hostibus, aut tristatur: quia gloriosa est, habens Satanam hostesque suos sub pedibus, *Rom. 16. v. 20. 1. Cor. 15. & gaudet in Deo suo, qui omnes ipsi lacry-*

Discrimen
Ecclesiæ à
cæteris hæ-
reticorum &
schismatico-
rum.

Militans.

Ecclesia Tri-
umphans.

mas absterfit, *Apocalyp.* 7. vers. 17. denique non in terrâ, sed in cœlo, in domo Patris *Iohann.* 14. vers. 2, 3. degit, glorificans eum in secula seculorum.

Supereſt Loci de Eccleſiâ Uſus. Eſt ille,

I. Ad Διδαſκαλίαν : *Semper fuit, eſt, & erit Deo ſua in terris Eccleſia* *Ephes.* 1, 2, 4 & 5. capp. *Matth.* 16. vers. 18. cap. 28. v. 20. *Ea ut non eſt ab hominibus, ſed à Deo, ita nec regitur conſiliis, nec defenditur auxiliis humanis, ſed divinis* *Ephes.* 1. v. 22. cap. 4. v. 10. & ſeqq. *Iohann.* 10. vers. 28. *Pſal.* 110. per totum. *Foris ignobilis, obſcura, contempta : intus nobiliſſima eſt & ſplendidiſſima* *Luc.* 17. v. 20, 21. *1. Cor.* 1. v. 26. *Pſal.* 45. v. 14. *Summa ejus eſt prærogativa : ut quæ eſt domus Dei viventis, columna & ſtabilitamentum veritatis,* *1. Timoth.* 3. v. 15. *In quâ gratia ſua Theſaurus depoſuit, & extrâ quam non eſt ſalus* *Actor.* 2. v. 47 *Ephes.* 5. v. 23. & ſeqq. *Eſt in eâ communio cum Deo, Chriſto, & omnibus Sanctis.* *1. Johan.* 1. vers. 3. & ſeqq. *1. Cor.* 1. v. 9. cap. 10. v. 17.

II. Παιδείαν : *Gratias agamus Deo, qui nos ab æterno elegit, & in tempore vocavit ad Eccleſiæ ſuæ communionem,* *1. Petr.* 2. v. 9. *exemplo Pauli,* *1. Corint.* 1. vers. 4. & ſeqq. & *Seniorum* *Apoc.* 5. v. 9. *Sequamur Deum vocantem : exemplo Abrahæ,* *Genes.* 12. *Apoſtolorum,* *Matth.* 19. v. 27. *Pauli* *Actor.* 26. vers. 19. *Obſequamur capiti noſtro Chriſto & Spiritui ejus,* *Matth.* 17. vers. 5. *Hebr.* 8. v. 9. *Ministris denique Eccleſiæ, legatis Chriſti,* *2. Corint.* 5. v. 20. & *ductoribus noſtris obſecundemus* *Hebr.* 13. v. 17. *Matth.* 18. v. 17. *Hauriamus ex Chriſto aquam vitæ,* *Johann.* 4. v. 14. cap. 7. vers. 37, 38. & *augeſcamus ut membra ejus augmento Dei,* *Coloſſ.* 2. v. 19. *quò paulatim adoleſcamus in virum adultum, ad menſuram plenæ ſtaturæ Chriſti* *Ephes.* 4. vers. 12. & ſeqq. *Et quia vocati ſumus à peccato,* *Matth.* 9. v. 13. *1. Petr.* 1. v. 9. *caveamus deinceps illud ſedulo,* *Romanor.* 6. per totum : *quia vocati ſumus ad juſtitiam & vitam, contendamus inoffenſo pede ad ſcopum & præmiũ ſupernæ vocationis* *Philipp.* 3. v. 12. & ſeqq. *Vnum ſimus, ſicut Deus & caput noſtrum unum ſunt* *Johann.* 17. v. 22. *Sancti ſimus, ſicut Deus noſter Sanctus eſt,* *1. Petr.* 1. v. 16. *ſicque agendo vocationem & electionem firmam nobis faciamus* *2. Petr.* 1. vers. 10. *Miletemus quoque bonam illam militiam, retinentes fidem & bonam conſcientiam,* *1. Timot.* 1. vers. 18.

vers. 18. 19. Ephes. 6. vers. 11. & seqq. exemplo Apostoli 2. Tim. 4. vers. 7.

III. Ad Ἐπινόησιν : *Nè gratiam Dei in Christo ponamus extra Ecclesiam Ephes. 5. v. 23. & seqq. Nè prater Christum aliud Ecclesia caput agnoscamus Ephes. 4. v. 4. 5. 6. 1. Cor. 3. v. 11. Nè satis esse putemus, si simus in externo cœtu Ecclesia, virtutibus interim ejus careamus Matth. 7. v. 21. cap. 22. v. 11. Nè solo Ecclesia titulo superbiamus, exemplo Iudæorum Jerem. 7. v. 4. Nè communionem cum impiis, ab Ecclesiâ alienis, colamus 1. Cor. 10. v. 20. 21. Nè desperemus de Ecclesiâ, cum in desertum expellitur, obscuratur Matth. 24. v. 16. & seqq. Apoc. 12. v. 6. Nec aggregationem nostri mutuam deferamus Hebr. 10. v. 25.*

IV. Ad Παράκλησιν : *Deus nunquam deferet Ecclesiam suam, aut membra ejus, Matth. 16. v. 18. cap. 28. v. 20. Joh. 10. v. 28. ex promissione, Non omitam te, nec unquam Te deferam Hebr. 13. v. 5. Christus eam vegetat & vivificat, Ephes. 4. v. 12. & seqq. Spiritus S. docet, ducit, & solatur Joh. 14. 15. 16. capp. Hinc insultat omnibus hostibus suis, etiam militans Rom. 8. v. 31. & seqq. Novit, non coronari, qui non legitimè certaverit, 2. Tim. 2. v. 5. In certamine non tentari se supra vires, 1. Cor. 10. v. 13. nec prevalitur adversum se portas inferorum, Matth. 16. v. 18. sed fidem suam mundi esse victoriam 1. Joh. 5. v. 4. Postremò, sibi post tam præclarum certamen incorruptibilem, incontaminabilem, & immarcescibilem justitia coronam impositum iri 2. Tim. 4. v. 8. 1. Pet. 1. v. 4.*

LOCUS DUODECIMUS

De

Vocatione per V E R B U M

E T

S A C R A M E N T A.

Modus Applicationis *duplex est* : Externus & Internus.
 Externus *fit per Verbum* , & *Sacramenta*.

Per Verbum , quatenus Deus concione Legis præparat suos
 ad accipiendam gratiam , concione verò Euangelii eam
 offert & confert.

Per Sacramenta , quatenus eandem gratiam eis declarat &
 obsignat. Vnde signa & sigilla gratiæ Dei in Christo esse
 definiuntur.

Talia Sacramenta in V. T. erant Circumcisio, & Agnus
 Paschalis ; in N. Test. autem sunt Baptismus &
 Cœna.

Baptismus est primum Sacramentum N. Test. per externam
 aquæ adspersionem & ablutionem, declarans & obsignans
 fidelibus internam ipsorum ablutionem , per sanguinem
 & Spiritum Christi.

Cœna est alterum Sacramentum N. Test. per panis fracti
 & vini effusi distributionem & perceptionem , declarans
 & obsignans fidelibus communionem corporis Christi pro
 ipsis fracti in cruce, & sanguinis pro ipsis effusi ad vitam
 æternam.

E X E G E S I S.



Subjecto Applicationis transimus ad ejus *Modum*, Modus Applicationis Externus & internus. qui duplex est, prout vocatio Ecclesiæ est duplex: *Externus* per Verbum, *Internus* per Spiritum. Horum modorum *συζυγία* in verâ ac catholicâ Christi Ecclesiâ cernitur, 1. *Cor.* 3. vers. 6. utpote cujus

membra sunt vocati illi *ἡ πρὸς θεὸν ἔστι Θεὸς Rom.* 1. v. 28. Prior vere sic est in Ecclesiâ, ut tamen ad illos quoque pertingat, qui sunt extrâ Ecclesiam: quemadmodum Christus multos vocatos, paucos electos pronunciat *Math.* 20. v. 16. *cap.* 22. v. 14. Quia enim degit in mundo, *Iohan.* 17. v. 11. colligitur è mundo, *cap.* 15. v. 19. neque inde tollenda est, *cap.* 17. v. 15. fit, ut ad utrosque mixtim externa illa vocatio perveniat. Sed in *illis* est potentia Dei ad salutem. *Rom.* 1. v. 16. hoc est, efficax & potens organum ad conversionem: In *ceteris* organum est, non ad conversionem, sed ad *ἀναπολόγιον*, ut reddantur inexcusabiles, *Rom.* 1. v. 20. *Ioh.* 15. v. 22. vel quia rejecerunt Euangelium, ut Judæi, *Act.* 13. v. 46. & tergiversatores illi, de quibus est *Luc.* 14. v. 18. vel quia indignè eo se gesserunt, *Math.* 22. v. 11. vel quia ab eo desciverunt: ut apostatæ 1. *Ioh.* 2. vers. 19.

Externus mixtim pervenit ad electos & vocatos tantum.

Modus Externus Applicationis fit per *Verbum* & *Sacramenta*: Modus externus fit quæ duo etsi subordinata sunt: etsi efficiente principali & instrumentalî, sine sive usu, atque etiam objecto conveniunt: differunt tamen essentiâ, subjecto applicationis, modo, & ordine applicationis, necessitate, & duratione: ut proinde de utroque distinctè agendum sit. Et de *Verbo* quidem, quatenus principium est omnium dogmatum Christianorum, suprà egimus prolixè. Hic verò spectatur peculiariter, *ut organum Divinæ vocationis*: utpote cui inter homines instituendæ servit, secundum utramque partem integram, Legem & Euangelium. Quod ipsum docet Scriptura infinitis locis. Confirmat quoque praxis continua Prophetarum, Joannis Baptistæ, Christi, & Apostolorum, in V. ac N. T. Ecclesiâ observata. Etenim Prophetæ taxarunt & damnarunt peccata populi, hortati sunt eum ad resipiscentiam ante, quàm consolarentur, aut erigerent promissionibus gratiæ, *Esa.* 1. & *passim*. Joannes predicavit Baptismum resipiscentiæ ad remissionem pec-

1. Per Verbum

*catorum Marc. 1. vers. 3. Christi docentis vox fuit; Resipiscite, & credite Evangelio, v. 15. Petri: Resipiscite, & baptizetur unusquisque vestrum in nomen Iesu Christi, in remissionem peccatorum Act. 2. v. 38. Sic Paulus in Apostolatu suo duo illa sedulo & perpetuo urit; opponens Legem Operum & Legem Fidei, Roman. 3. v. 27. Iustitiam quæ est ex lege, & quæ est ex fide, cap. 10. v. 5. 6. ministerium literæ, mortis, ac condemnationis; & ministerium Spiritus ac iustitiæ. 2. Corim. 3. v. 6. 7. Legis primæ hîc sunt partes. Illa siquidem primum deducit in agnitionem peccati, Rom. 3. v. 20. cap. 7. v. 7. ostendens nobis defectus & pravitatem naturæ, multiplicemque in actionibus nostris *ἀσυνία*: deinde autem proponit maledictionem Legis ob peccata, tam originale quàm actualia, nobis incumbentem, feriens nos fulmine illo Maledictionis, Deuter. 27. v. 26. Gal. 3. v. 10. ex quo anxietas, metus, trepidatio concipitur, & dolor ille qui est secundum mundum 2. Cor. 7. v. 10. Viroque verò actu præparat nos ad gratiam Evangelii dignè accipiendam: ntpote quæ peccatoribus destinata est, Matth. 9. v. 13. 1. Tim. 1. v. 13, & laborantibus oneratis, Matth. 11. v. 28. pauperibus contritis Spiritu, trepidantibus ad Verbum Dei, Esa. 66. v. 2. confertur.*

Alteræ & succedaneæ partes sunt Evangelii: quod primò offert peccatoribus, sensu peccatorum suorum & iræ Dei contritis, gratiam Dei in Christo, revelans eam quæ tacita fuit à temporibus secularibus, Rom. 16. v. 15. declarans, quæ est incomprehensibilis, & vel stultitia, vel offendiculum rationi, 1. Cor. 1. & 2. capp. ostendens quoque ejus participandæ modum per fidem: Romanor. 10. v. 9. 10. Deinde etiam operatur fidem, ut efficax & potens organum, Rom. 1. v. 16. quia illa ex prædicato & audito Verbo esse dicitur cap. 10. v. 17. Atque ita applicat gratiam credenti, ex Christi promissione: Ioh. 5. v. 24. Amen. amen dico vobis: qui sermonem meum audit, & credit in eum, qui misit me, habet vitam æternam, & in condemnationem non veniet. sed transivit à morte ad vitam. Ex quo porrò nascitur Gaudium, & Dolor. Gaudium, quia Iustificati fide pacem habemus, lætitiâ, & gloriationem in Deo Rom. 5. v. 1. & seqq. Dolor, quia cognitâ ex Evangelio tantâ Dei Patris ergâ nos misericordiâ, dolore & pudore propter ipsum peccatis nostris offensum afficimur. Qui dolor non est prior ille secundum mundum, sed alius, quem vocat Apostolus secundum Deum 2. Cor. 7. v. 10. Ad quem sequitur vera *μετανοία*, sive mutatio

in mente, voluntate, affectibus, & omnibus actionibus, *ibidem*, à malo ad bonum *Psal.* 34. v. 15. Atque hinc iterum Euangelio subservit *Lex*: Quum enim mutatio illa non pro cuiusque libitu, sed ex Legis Divinæ præscripto facienda sit: *Esa.* 8. v. 20. *Ezech.* 20. v. 18. 19. *Matth.* 15. v. 8. 9. *Coloss.* 2. vers. 8. 18. offert se ea nobis, ut novæ vitæ regula, & placentis Deo gratitudinis norma. *Psalms.* 119. v. 105. *Ierem.* 31. v. 33. *Romanor.* 6. per totum, & alibi.

Legis, seu
regulæ vitæ.

Sequitur alter Modus applicationis Externus per *Sacramenta*. Vox *Sacramenti* est à sacrando, & significat apud autores profanos *pecuniam* loco sacro à litigantibus depositam: item *militem* mediante juramento militiæ sacratum: denique ipsum *Iuramentum*, quo Imperatori suo obstringebatur. Hinc eam prisca Patres in Ecclesiâ Latinâ, ad designandum rituum *Sacrorum* usum traduxerunt: sicut Patribus Ecclesiæ Græcæ appellatio *Mysterii* in usu fuit. Neutra verò propria est, sed tropica utraque, illa *Metaphorica*, ista *Synecdochica*. Proinde convenientiores omnino censendæ sunt appellationes Scripturæ, in quâ *Sacramenta* *σφραγίδες*, *Rom.* 4. v. 11. *ἀντίτυπα*, 1. *Petr.* 3. v. 21. *ἱεροδείγματα* *Hebr.* 8. v. 5. *cap.* 9. v. 23. dicuntur. Quia tamen prior illa longo jam usu recepta est, nec à nobis rejicienda, sed ut æquivoca in significationes æquivocatas distinguenda est. Sunt illæ tres potissimum. *Primò* accipitur pro signis sive ritibus externis: *secundò* accipitur pro re signatâ internâ: & *tertiò*, pro utriusque rei, externæ & internæ, signi & signati, complexu. In quo significato definiuntur *Sacramenta*, *signa* & *sigilla* gratiæ Dei in Christo.

II. Per Sa-
cramenta.
Vocis ho-
monymia.

Efficiens eorum est *Deus*, *Pater*, *Filius*, & *Spiritus Sanctus*. Is enim semper instituit *Sacramenta* in Ecclesiâ suâ: utpote cui proprium est, non minus obsignare, quàm dare gratiam. Cumque pars sint cultus Divini, sanè ab alio, quàm ab ipso Deo proficisci nequiverunt *Ezech.* 20. v. 18, 19, 20. *Matth.* 15. v. 19. Instituit verò ea non mediatè per alios, Angelos & Homines, sed *immediatè* per se: adhibito Verbi sui instrumento, quod *Verbum* est partim *mandati*, administrationem & usurpationem *Sacramentorum* definiens: partim *promissionis*, usum eorum efficaciamque declarans. *Dispensationem* interim hominibus, suis in Ecclesiâ ministris & œconomis, commisit 1. *Cor.* 4. v. 1.

Efficiens,
Deus.

Institutione
immediatâ.

Materia

- Materia Externa, signa & sigilla.** *Materia Sacramentorum alia externa est, alia interna. Externa sunt signa & sigilla: quorum distincta mentio est Roman. 4. v. 11. Signa dicuntur, quia aliquid signant sive significant; & Sigilla, quia aliquid obsignant & confirmant. Utramque habent Sacramenta non ex se, aut à naturâ suâ, ut signa naturalia: neque ex ordinatione humanâ, ut signa humana: sed ex institutione Divinâ; non communi, ut iris, Genes. 9. v. 12. 13. sed singulari; ut quæ gratiæ singularis erga Ecclesiam sunt testimonia. Materia interna est gratia Dei in Christo: qui factus est nobis sapientia à Deo, justitia, Sanctificatio & redemptio 1. Cor. 1. v. 30. Ut verò Christus heri & hodiè idem est, & in secula, Heb. 13. v. 8. ita eandem semper gratiam Ecclesiæ suæ declaravit & obsignavit per Sacramenta. Quæ causa est, quod materiæ internæ respectu, Apostolus fidelibus V. T. tribuit Sacramenta N. T. 1. Cor. 10. v. 1. 2. 3. 4. Ephes. 4. v. 6. & vicissim fidelibus N. T. tribuit Sacramenta Test. Veteris Coloss. 2. v. 11. 1. Cor. 5. v. 7.*
- Interna, gratia Dei in Christo.** *Forma Sacramentorum consistit in relatione materiæ externæ ad internam, hoc est, tum in declaratione rei signatæ per signum; tum in obsignatione sive confirmatione ejusdem per sigillum. Quæ duæ partes; Unionis, itemque Analogia Sacramentalis terminis vulgò exprimuntur. Declaratio pendet ex similitudine illâ, quæ materiæ externæ cum internâ, signo cum signato intercedit: quemadmodum in omnibus Sacramentis hujusmodi signa Deus adhibuit, quæ similitudinem aliquam cum rebus signatis obtinent. Obsignatio autem pendet ex promissionis Divinæ veritate; quæ cum constans sit & infallibilis, inde fit, ut nomina signorum & signatorum inter se permutentur in Scripturâ, & unum dicatur esse alterum. Ex quo est, quod Phrasiologia Sacramentalis duplex in Scripturâ reperitur: propria & tropica. Propria est, cum quod signi est signo; quod signati, signato tribuitur: ut, Circumcisio est signum fœderis, Gen. 17. v. 11. sigillum justitiæ, Rom. 4. v. 11. Sanguis Christi mundat nos ab omni peccato 1. Joh. 1. v. 7. Impropria est, cum quod signi est signato, & quod signati est signo tribuitur. Scholæ Metonymiam Sacramentalem vocant: quæ duplex inde constituitur: alia ad Metonymiam subjecti, alia ad Metonymiam adjuncti perti- nens. Ad Metonymiam subjecti, cum signo tribuitur nomen, effectum, vel adjunctum signati: ut, Circumcisio est fœdus, Gen. 17. v. 10. Agnus Paschalis est transitus, Exod. 12. v. 21. Panis est corpus Christi, Matth.*
- Forma consistit in**
- declaratione rei signatæ per signum.**
- Obsignatione ejusdem per sigillum.**
- Phrasiologia Sacramentalis.**
- Propria.**
- Impropria, per metonymiam.**
- Subjecti.**

Matth. 26. v. 26. Baptismus est ablutio peccatorum, Actor. 22. v. 16. Ad Metonymiam adjuncti, cum quod signi est, signato tribuitur: ut, Christus est Pascha, 1. Cor. 5. v. 7. Christus est agnus mactatus ab origine mundi Apoc. 13. vers. 8. Corpus Christi in Cœnâ frangitur: sanguis ejus in Cœnâ funditur. Licet autem Phrasæ figuratæ reducendæ sint & resolvendæ in proprias, nè quid latentis Evangelii affingatur Sacramentis, ipsaque ex opere operato conferre gratiam putentur; Scriptura tamen ob declarationis evidentiam, ob signationisque certitudinem, quæ est in legitimo usu, illis magis, quam his utitur.

Adjuncti.

Finis Sacramentorum supremus est gloria Dei. Subordinatus est partim significatio & ob signatio gratiæ Dei, partim testificatio officii nostri erga Deum & proximum, publica fidei professio, tandemque æterna salus: ut est, Gen. 17. 1. Cor. 10. & 11. capp. Eph. 4. v. 5. 1. Petr. 3. v. 21.

Finis summus & subalternus.

Effecta patescunt ex Fine: ad quæ referendæ per accidens, tum castigationes fidelium Sacramenta non conveniente religione accipientium, 1. Cor. 11. v. 27. 29. tum pœnæ infidelium accipientium ea absque fide, ibidem: vel etiam pedibus conculcantium sanguinem fœderis, per quem sanctificati erant Hebr. 10. vers. 29.

Effecta.

Objectum sive Materia circa quam in materiâ internâ & externâ, sive in signo & signato consistit.

Subjectum cui, est Ecclesia, sive cœtus fidelium, quibus ut promittit Deus gratiam suam in Verbo, ita ob signat per Sacramenta. Infidelibus ut nihil promittit, sic nihil ob signat. Relinquitur ergo, esse ipsis Sacramenta nuda tantum signa: circumcisionem non fuisse Judæis infidelibus circumcisionem, sed præputium Rom. 2. v. 25. Baptismum esse infidelibus Christianis tantum abluitionem sordium corporis, non verò abluitionem sordium animæ, sive peccatorum, quam sequitur stipulatio bonæ conscientiae apud Deum 1. Petr. 3. v. 21. Non facit quidem Sacramentum fides nostra; neque illud destruit infidelitas nostra: tale quippe est ex institutione Dei, per materiam suam & formam: interim fides est conditio illa, quæ ad ob signationem requiritur ex parte recipientis: infidelitas est conditionis illius defectus, quâ manente ob signatio fieri aut recipi non potest: ut ita quod in se & instituentis respectu Sacramentum est, possit esse vel non esse Sa-

Subjectum fideles,

Non infideles.

Fides necessitas in Sacramenti usu.

cramentum respectu utentis, prout nimirum adest vel abest conditio, ad recipiendam obfignationem in usu Sacramenti divinitus requisita.

Adjuncta,
quod sensibilia.

Ordinaria.

Adjuncta Sacramentorum, quoad materiam externam, duodamus. *Primo* enim *sensibilia* sunt, ut quæ non modò visu, sed etiam tactu, nonnulla insuper gustu & olfactu percipiuntur. Quo humano, nobis convenienti, modo Deus pro *φιλανθρωπίας* sua fidei nostræ infirmitati consulere voluit, ut certissimum nobis esset, quod auditui nostro in Verbo, visui sensibusque cæteris in Sacramentis proponitur. *Deinde* etiam signa sunt *ordinaria*, non extraordinaria, ut miracula, *Iohan. 2. v. 11. cap. 20. v. 31.* quia usus sunt ordinarii in Ecclesiâ, *Genes. 17. Matth. 28. 1. Corin. 11.* quæ *partim* durarunt ad primum usque Christi adventum, *Rom. 10. v. 4. Galat. 4. vers. 1. & seqq. partim* usque ad adventum secundum duratura sunt *Matth. 28. vers. 19. 20. 1. Corin. 11. vers. 26.*

Sacramentorum V. & N. T. convenientia & differentia.

Distinguuntur Sacramenta in ea quæ *Veteris*, & alia quæ *Novi Testamenti* sunt. Quorum *convenientia* est in efficiente Deo; materiâ internâ, quæ est gratia ipsius in Christo; formâ communi, & fine: *differentia* autem in materiâ, externâ, sive signis Sacramentalibus; in materiâ internâ, quoad ejus modum, qui est Christus venturus & exhibitus; in efficacîâ; in subjecti amplitudine; & claritatis & obscuritatis, difficultatis & facilitatis, & denique durationis adjunctis spectatur. Etsi autem alia aliis successerunt, Baptismus Circumcisioni, *Coloss. 2. v. 11. 12.* Cæna Dominica Paschati, *Luc. 22. v. 15.* non tamen successerunt ut corpus umbræ, signatum signo: sed ut ritus novi, ritibus veteribus; ut figuræ clariore de re præteritâ, figuris obscurioribus de eâdem adhuc futurâ *1. Petr. 3. v. 21.* Alioquin Sacramenta V. Test. non fœderis, sed Sacramentorum N. Test. sigilla fuissent: Et Sacramenta Nov. Test. *αἰών* duplicem sustinerent, alteram signi ad Christum, alteram signati ad Vet. Test. Sacramenta: quod est contra Scripturam *Genes. 17. v. 11. 1. Cor. 5. v. 7. cap. 10. v. 16. cap. 11. v. 24. 25.*

Sacramenta V. T. extraordinaria.

Cæterum *Sacramenta V. Test.* alia Extraordinaria, alia Ordinaria fuerunt: *Extraordinaria*, Diluvium, *1. Petr. 3. v. 20. 21.* transitus per mare rubrum, & commoratio sub nube, *1. Cor. 10. v. 1. 2.* quæ Baptismo; & Man cœlitus, aqua è petrà, data,

1. Cor.

1. Cor. 10. vers. 3. 4. quæ Cœnæ aliquâ similitudine respondent. Ordinaria autem, Circumcisio, Genes. 17. v. 10. 11. & Pascha, Ordinaria. Exod. 12. 13. capp. quibus tamen alii Sacrificia, Levit. 1. 3. 4. 6. capp. & Purificationes, cap. 14. annumerant. Sed Purificationes non nisi in significatu latiore dici possunt Sacramenta. Sacrificia verò eo potissimum distinguuntur à Sacramentis, quod in illis Deo offerebantur res; in hisce contra Deus hominibus offert & confert sua dona.

Circumcisio est primum V.T. Sacramentum, per amputationem præputii declarans & obsignans amputationem peccatorum. Ejus causa Efficiens est Deus immediate & per se Circumcisionem instituens Genes. 17. v. 10. & seqq. Causa administra, ut videtur, fuit quisque Paterfamilias in domo suâ. Nam & Abraham se suosque, Genes. 17. v. 23. & seqq. cap. 21. v. 4. & Zacharias filium Joannem circumcidit Luc. 1. v. 59. Quod verò etiam Materfamilias Zippora eam legitur administrasse, Exod. 4. v. 24. 25. id præter, imò contra ordinem divinitus sancitum factum esse statuimus. Instrumentum erat culter acutus Exod. 4. v. 25. Ios. 5. v. 2. Materia externa fuit amputatio præputii, in membro genitali masculorum: Genes. 17. v. 10. 11. utpote qui sunt principium activum corruptæ generationis Genes. 5. v. 3. Ioh. 3. v. 6. Ea- que circumcisio, dicitur circumcisio in propatulo, in carne, in literâ, Rom. 2. v. 28. 29. & qui ita tantum circumcisi sunt, incircumcisi corde & auribus vocantur Actor. 7. v. 51. Interna autem, amputatio peccatorum per gratiam Justificationis, Rom. 4. v. 11. & Sanctificationis, Deut. 30. v. 6. quæ est circumcisio cordis, in occulto, in Spiritu, Rom. 2. v. 29. & sine manibus peragitur Coloss. 2. vers. 11. Forma erat amputationis sive circumcisionis internæ tum declaratio per similitudinem amputationis externæ, tum obsignatio per applicationem ejusdem ad singula individua sexus masculini: ita, ut fœdus Dei esset in singulorum carne Genes. 17. v. 13. Quâ de causâ externa illa amputatio jam signum fœderis Genes. 17. v. 11. & sigillum justitiæ fide recepta, Rom. 4. v. 11. propriè; modò ipsum fœdus, Genes. 17. v. 10. impropriè & sacramentaliter appellatur. Fines & Effecta fuerunt obsignatio gratiæ, Abrahæ ejusque semini promissæ, Genes. 17. Rom. 7. v. 11. obligatio populi Israëliti ad servandam totam Legem, Gal. 5. v. 3. distinctio ejus ab aliis populis: unde Metonymicè Circumcisio vocatur, Tit. 1. vers. 20.

Subjectum.

Fœminæ fœderi accensabantur.

Christus eum circumciscus.

Adjuncta, Circumstantia temporis.

Sanctio.

Rom. 15. v. 8. & denique testificatio obedientiæ hujus populi erga Deum *Genes.* 17. *Subjectum* ejus erant *mares* omnes populi Israëliti *Genes.* 17. v. 10. & *seqq.* *Ios.* 5. Nam *faminiæ* Sacramenti hujus capaces esse nequiverunt per sexum. Interim censabantur in fœdere ex promissione, *Ero Deus tuus & seminis tui post te, Genes.* 17. v. 7. atque etiam ex Circumcisione *tum* parentum, in-nuptæ, *tum* maritorum, nuptæ: sicut liberos in parentibus fidelibus, uxores in maritis fidelibus sanctificari docet Apostolus *1. Cor.* 7. v. 14. *Mares* autem illi erant, *tum* *infantes*, ordinariè, *Genes.* 17. vers. 12. *tum* *adulti*, extraordinariè, ut Abraham & servi ejus, *Genes.* 17. v. 23. & *seqq.* Israëliti illi qui in Gilgal circumcisi sunt, *Ios.* 5. *cap.* & proselyti, qui ad religionem Judæam convertebantur *Matth.* 23. v. 14. *Actor.* 2. v. 10. *Christum* quod attinet, etsi ei circumcisione opus non fuit, suscipere tamen eam voluit, *Luc.* 2. v. 21. ut testaretur, esse se semen illud Abrahæ, *Gal.* 3. v. 16. populique circumcisi membrum, *Rom.* 1. & 9. fieri nostro nomine debitorem Legis, *Gal.* 5. v. 3. *cap.* 4. vers. 4. 5. & in carne suâ expiare, expiandoque quasi amputare nostra peccata *Ioh.* 1. v. 29. Ad *Subjectum* quoque pertinet *Locus*: qui publicus non fuit, sed privatus in ædibus privatis, *Luc.* 1. v. 59. ubi vulnere ex circumcisione sine morâ adferri poterat remedium. *Adjuncta* fuerunt ex institutione Divinâ *circumstantia temporis*, & *Sacramenti hujus Sanctio*. Illa est determinatio ejus ad diem octavum *Genes.* 17. v. 12. Nam ante illum diem noluit Deus circumcidi infantes, ut tenellæ ætati parceret, & quod per septiduum ex sanguine matris immundi essent *Exod.* 22. v. 30. *Levit.* 12. v. 2. 3. Nec etiam ultra illum diem voluit differri, propter Sacramenti ipsius reverentiam, & parentum consolationem, quâ persuasi erant hoc Symbolo initiatos liberos suos esse in fœdere Dei. *Ista* proponitur in comminatione excidii, *Genes.* 17. v. 14. adversus Sacramenti hujus contemtores: utpote qui profano repudio *tum* signi, *tum* promissionis fœderalis, ipsum fœdus irritum reddebant. Præter hæc ad Circumcisionis adjuncta meritò referuntur *nomina*, quæ liberis eo tempore à parentibus indebantur, *Genes.* 21. vers. 3. *Luc.* 1. vers. 59. *cap.* 2. vers. 22. ut illis quoque de circumcisione suâ monerentur: itemque *testes*, qui ad hoc infitionis Sacramentum adhibebantur *Esa.* 8. vers. 2. *Luc.* 1. vers. 59.

Pascha est alterum V. T. Sacramentum, per agni ma-^{Pascha.}ctationem, assationem, & manducationem declarans & ob-
signans liberationem populi Dei, ex Ægypto corporali & spiritali per
Christum. Hujus *Efficiens* est Deus: ut docetur *Exod.* 12. *Ad-*^{Efficiens.}
ministri fuerunt aliquando Patres familiâs, *Exod.* 12. v. 6. & *alibi*:
aliquando *Levitæ* 2. *Chron.* 35. vers. 3. 6. *Deuter.* 16. vers. 5. 6.
Materia Externa fuit agnus perfectus, masculus, anniculus, ma-^{Materia ex-}
ctandus, igni assandus, cum panibus azymis & herbis amaris,^{terna.}
lumbis accinctis, calceis indutis, baculis in manus sumtis come-
dendus: postibus quoque & superliminari sanguine ejus ad-
spersis *Exod.* 12. Quæ tamen posteriora in anniversarii Paschæ ce-
lebratione non repetuntur *Exod.* 12. v. 14. *Num.* 9. v. 2: & *seqq.*
Materia interna fuit, partim transitio Angeli exterminatoris, edu-^{Interna.}
ctioque ex Ægypto: *Exod.* 12. v. 12. & *seqq.* partim Christus, ut
agnus venturus, & in cruce maectandus, 1. *Cor.* 5. v. 7. *Ioh.* 19.
v. 36. qui tamen, efficaciz respectu, jam tùm erat agnus maectat-
us à jacto mundi fundamento *Apoc.* 13. v. 8. *Forma* fuit decla-^{Forma.}
ratio & obsignatio tùm liberationis & educationis, tanquàm benefi-
ciorum primò præsentium, inde præteritorum: tùm Christi, tan-
quàm doni futuri: idque partim per *similitudinem*, quâ agnus ty-
picus repræsentabat agnum illum Dei, *Ioh.* 1. v. 29. perfectus,
immaculatum & inculpatum, 1. *Perr.* 1. v. 19. maectatus absque
ossium fracturâ, maectandum in cruce, *Apoc.* 13. v. 8. absque
fracturâ ossium, *Ioh.* 19. v. 36. igni assatus, carnem ipsis datam
pro mundi vitâ *cap.* 6. v. 51. Partim per *applicationem*, quatenus
de agno illo comedebant singuli, *Exod.* 12. v. 3, 4. cum panibus
azymis, in signum expurgandi veteris fermenti, 1. *Cor.* 5. v. 8. &
herbis amaris, in signum afflictionum Christi causâ toleranda-
rum *Actor.* 14. v. 22. 2. *Tim.* 3. v. 12. & c. Ex quo est, quod pro-
priè agnus signum memoriale transitus, *Exod.* 12. v. 13, 14. im-
propriè & Sacramentaliter Agnus Pascha, v. 21. & Christus Pa-
scha nostrum pro nobis immolatum vocatur 1. *Cor.* 5. vers. 7.
Finis & Effecta fuerunt Recordatio liberationis corporalis à servi-^{Fines & Ef-}
tate Ægypti, *Exod.* 12. v. 17. *Deut.* 16. v. 1. confirmatio Chri-^{fecta.}
sti venturi, præstandæque per ipsum liberationis Spirituales, 1. *Cor.*
5. v. 7. *Iohan.* 19. v. 36. congregatio populi, *Exod.* 12. vers. 16.
ejusdemque ab alienigenis distinctio v. 43. 48. *Subjctum* fuerunt ^{Subjctum.}
Israëlitz, quibus Deus Pascha instituit, omnesque aded circum-

cisi, five servi pecuniâ emti, five peregrini v.44. & seqq. Subjectum *Loci*, in Ægypto, erant privatorum domus *Exod.* 12.v. 3.4. In Cananâ liberâ atque integrâ Republicâ Templum: ibi enim à Levitis maçtabatur, 2.*Chron.* 35.v.3.6. ex lege *Deut.* 16.v.5.6. in privatis autem ædibus, agitatis per contubernia convivii manducabatur. At perturbatâ Republ. cum propter Regum tyrannidem cultus publicus abrumperetur, & templum clauderetur, Deus clementer tulit cultum illum inter privatos parietes, ut in Ægypto, peragi. *Adjuncta* fuerunt ex institutione Divinâ, primò *circumstantia temporis*: nam quotannis, primi mensis, qui Israëlitis erat Nisan, five Abib, die decimo separare agnum jubebantur, die decimo quarto autem inter duas vespervas eum maçtare & manducare, & inde porrò usque ad diem vicissimum primum azymis vesci *Exod.* 12. v.6.15. & seqq. Deinde *Sanctio*, quâ excidium comminatus est iis, qui interea fermentato uterentur v.19.15.

Adjuncta,
Circumstan-
tia temporis.

Sanctio.

Sacramenta
N. T.
Baptismus.

Ejus homoe-
nyma.

Efficiens,
Deus.

Administri
prædicatores
Euangelii.

Satis de Sacramentis V. T. *Sacramenta* N. T. esse diximus duo, *Baptismum* & *Cœnam*. Vox βαπτισμα & βαπτισμα est à βαπτίζω five βάπτειν: & propriè, *mersionem*, impropriè, per Metonymiam finis, *lotionem*, *Marc.* 7. v.4. per Metonymiam adjuncti, *doctrinam* illo ritu confirmatam, *Actor.* 18.v.25. per Metaphoram, *afflictiones* & martyria piorum, *Matth.* 20.v.22.23. itemque *effusionem donorum Spiritus Sancti*, *Actor.* 1.v.5. per Synecdochen denique, *primum N. Test. Sacramentum*, lavacrum illud aquæ & regenerationis, *Ephes.* 5.v.26. *Ti.* 3. vers. 5. significat. Ita definimus *Baptismum*, *primum Sacramentum* N. T. per *externam aqua adspersionem* & *ablutionem*, *declarans* & *obsignans fidelibus internam ipsorum ablutionem*, per *sanguinem* & *Spiritum Christi*.

Causa Efficiens Baptismi est *Deus*. Etenim è cælo, id est, à Deo esse dicitur, non ab hominibus, *Matth.* 21.v.25. & qui primus baptizavit, eum ad baptizandum misit Deus, *Ioh.* 1.v.33. sed cum initio institutus esset pro solis Judæis, *Matth.* 3. *Iohan.* 1. Christus iteratâ institutione usum ejus ad omnes gentes, prædicatione Euangelii convertendas, extendit *Matth.* 28. vers. 19. Ipse tamen non baptizavit, *Ioh.* 4.v.2. ut qui baptizaturus erat Spiritu Sancto & igne *Matth.* 3.v.11. *Administri* Baptismi sunt *prædicatores Euangelii*, five ordinarii, five extraordinarii: & ii quidem soli. Christus enim prædicationem Euangelii & admini-

nistrationem Baptismi nexu insolubili conjunxit, *Matt.* 28. v. 19. & qui autoritate legationis suæ, *2. Cor.* 5. vers. 20. soli offerunt gratiam Euangelii; soli quoque eam possunt obsignare. Horum administratorum primus fuit Joannes Baptista, *Ioh.* 1. v. 33. qui baptizavit in resipiscentiam & fidem Jesu Christi venturi, *Actor.* 19. v. 4. & in remissionem peccatorum *Marc.* 1. v. 4. Post eum fuerunt Apostoli, tum ante passionem & resurrectionem Christi, *Ioh.* 4. v. 2. tum post *Actor.* 2. v. 41. *cap.* 16. v. 33. *cap.* 18. v. 8. *1. Cor.* 1. v. 14. 16. Inde Euangelistæ, *Actor.* 8. v. 12. *cap.* 9. v. 18. *cap.* 10. v. 48. & Pastores, *Ephes.* 4. v. 11. successerunt. *Instru-* Instrumen-
mentum est Verbum Dei, quod conjungitur cum Baptismo, ut sit tum Verbum
lavacrum aquæ per Verbum, *Ephes.* 5. v. 26. Formula ejus extat, *Matth.* 28. v. 19. *Baptizantes in nomen Patris, Filii, & Spiritus San-*
cti: & brevior, ubi Apostoli *in nomen Domini Jesu*, *Actor.* 19. vers.
5. five *in nomine Jesu Christi*, *cap.* 2. vers. 38. baptizasse dicun-
tur.

Materia Externa Baptismi est aqua, *Ioh.* 1. v. 26. *Act.* 10. v. 47. Materia Ex-
& ablutio, quæ fit per aquam, *Ephes.* 5. v. 26. *1. Petr.* 3. vers. 21. terna.
Hæc ablutio olim locis calidioribus peragebatur *immersione* in a-
quam, *morâ* sub aquâ, & *emergione* ex aquâ: ut docet praxis Jo-
annis Baptistæ, *Matth.* 3. v. 6. 16. *Iohan.* 3. v. 23. Apostolorum
Christi, *Ioh.* 3. v. 22. *cap.* 4. v. 1. 2. & Philippi, *Actor.* 8. v. 38.
atque etiam rituum horum significatio *Rom.* 6. v. 4. Nunc verò,
locis præsertim frigidioribus, fit ea per solam *adsperсионem*, alibi
unam, ad denotandam essentia Divinæ unitatem, alibi *trinam*,
ad personarum in eâ Trinitatem designandam. Quod ipsum ut Adpersio
institutioni Christi minimè repugnat, ita exemplis Ecclesiæ Apo- aquæ legiti-
stolicæ, & primitivæ eam secutæ, confirmari potest. Etenim ma.
Verbum βαπτίζω Phrasi Scripturæ non tantum significat im-
mergere, *Matth.* 3. v. 16. *Actor.* 8. v. 38. sed etiam adspargere
Marc. 7. v. 4. *Luc.* 11. v. 38. Et Apostoli, qui uno non integro die
ter mille baptizarunt, *Actor.* 2. v. 41. immergendo certè bapti-
zare singulos nequiverunt. Ut nihil nunc dicam de Baptismo do-
matim ab ipsis administrato, ubi semper adfuisse necessariam ad
immersiōem æquæ copiam, probabile non est, maximè si ex ino-
pinato res gereretur, ut *Actor.* 16. v. 27. & seqq. Postremò cum
in Ecclesia primitivâ Clinici multi legantur baptizati, nemo tam
rerum est imperitus, qui non agnoscat pro immersiōe adsper-
sionem

Interna.

fionem circâ ipsos usurpatam fuisse. Materia *Interna* est *ablutio per sanguinem & Spiritum Christi*: de quâ duplici ablutione est *1. Cor. 6. v. 11. Prior* est ablutio à peccatis, *Act. 22. v. 16.* per sanguinem Christi, *1. Iohan. 1. v. 7.* sive remissio peccatorum, *Act. 2. v. 38.* propter illum sanguinem *Matth. 26. v. 28.* Altera est regeneratio per Spiritum Sanctum, *Tit. 3. v. 5.* ad vitæ novitatem, *Rom. 6. v. 4.* ex quâ Unio cum Christo fluit; cuius respectu baptizati Christum induisse dicuntur *Gal. 3. v. 27.*

Forma.

Forma Baptismi consistit in declaratione & obfignatione materiæ internæ per externam, signati per signum. *Primò* declarat materia externa internam similitudine illâ, quam cum ipsâ habet. *Ut* aqua abluit sordes corporis, *1. Petr. 3. v. 21.* ita sanguis & Spiritus Christi abluunt sordes animæ *1. Cor. 6. v. 11. 1. Iob. 1. v. 7. Tit. 3. v. 5.* *Sicut* olim baptizandi immergebantur in aquam, morabantur sub aquâ, & emergebat ex aquâ, *Matth. 3. vers. 16. Act. 8. v. 38.* ita moriebatur & sepeliebatur in ipsis vetus homo, resurgebatq; novus *Rom. 6. v. 4. Col. 2. v. 12.* *Ut* nunc baptizandi adsparguntur aquâ, ita adsparguntur sanguine & Spiritu Christi ad ablutionem peccatorum *Act. 22. v. 16. Eph. 5. v. 25, 26. Heb. 9. v. 14.* Deinde etiam eam obfignat applicatione sigilli huius Divini ad singulos, qui baptizantur. Quod docet Petrus *Act. 2. v. 38. Respiscite, & baptizetur unusquisque vestrum in nomine Iesu Christi, in remissionem peccatorum,* id est, ut unusquisque vestrum habeat in corpore suo sigillum Divinum remissionis peccatorum: sicut Circumcisio eò usque fuerat sigillum fœderis Dei in carne singulorum *Genes. 17. v. 13.* Atque huius declarationis evidentia, obfignationisque certitudo, quæ est in legitimo usu, caussa est Phrafiologiæ Sacramentalis de Baptismo: *Baptismus est ablutio peccatorum, Act. 22. v. 16. est lavacrum regenerationis, Tit. 3. v. 5. Baptismus nos servat 1. Petr. 3. v. 21.* Quæ locutiones quod propriæ non sint, ipse Petrus additâ limitatione declarat: *Baptismus nos servat; non depositio sordium carnis, sed stipulatio bonæ conscientia,* id est, depositio sordium animæ, quam sequitur bona conscientia. Sunt igitur, ut figuratæ omnes, resolvendæ in proprias pro naturâ Sacramentorum: Baptismus est signum & sigillum ablutionis peccatorum & regenerationis: Baptismus servat, quatenus per eum efficax est Spiritus Sanctus ad fidem in nobis confirmandam.

Phrafiologia
Sacramentalis.

Fines

Fines & Effecta Baptismi sunt, partim *confirmatio fidei nostræ* de remissione peccatorum, *Actor. 2. v. 38. cap. 22. v. 16.* de regeneratione per Spiritum Sanctum, *Tu. 3. v. 5. Rom. 6. v. 4.* deque nostri cum Christo Unione, *Gal. 3. v. 27.* partim *obligatio nostræ* ad colendum verum Deum, qui est Pater, Filius, & Spiritus Sanctus, *Matth. 28. v. 19.* & ad diligendum proximum : cum omnes uno Baptismo, per unum Spiritum, in unum corpus baptizati simus *Ephes. 4. v. 4. 5. 1. Cor. 12. v. 13.*

Subjectum Baptismi est populus fidelis, siue verè sit, siue censeatur talis ob externam fidei professionem, & cum fidelibus communionem, absque omni gentis, sexus, & ætatis distinctione. *Gentis*; quia cum initio solis Judæis administraretur, *Matth. 3. Joh. 1. 3. & alibi*, Christi mandato cœptus est administrari omnibus gentibus *Matth. 28. v. 19.* *Sexus*; quia utrique sexui est communis: sicut Philippus baptizavit viros & mulieres, *Actor. 8. v. 12.* & Paulus Lydiam, *cap. 16. v. 25.* Stephanam, *1. Cor. 1. v. 16.* aliasque. *Ætatis*; quia adulti pariter & infantes baptizandi sunt: eâ tamen conditione, ut adulti confiteantur ante peccata, fidemque in Christum profiteantur: *Matth. 3. vers. 6. Actor. 2. v. 41. cap. 8. v. 12. 37.* Infantes verò, parente fideli, siue utroque siue alterutro, nati sint *Actor. 2. v. 38. 39. 1. Cor. 7. v. 14.* Quod posterius multis modis asserit Scriptura, utpote quæ testatur Sanctos esse infantes, *1. Cor. 7. v. 14.* participes promissionis gratiæ, *Actor. 2. v. 39.* regniq; cœlorum hæredes: *Matth. 19. v. 14.* quæ docet Circumcisioni surrogatum esse Baptismum, *Coloss. 2. v. 11. 12.* à quo proinde non magis excludendi sint infantes, quàm olim exclusi fuerunt à Circumcisione; imò tantò minus excludendi, quantò major est gratia posterior N.T. prioris Testamenti Veteris. Quæ denique Pædo baptismum nusquam prohibet; exempla verò commemorat integrarum familiarum, quarum infantes membra sunt, ab Apostolis baptizatarum *Actor. 16. v. 15. 33. 1. Cor. 1. v. 16.*

Adjuncta Baptismi dicimus, quod ordine primum est N.T. Sacramentum, genere autem numeroque unum. *Primum* esse constat; quia est Sacramentum initiationis siue receptionis in Ecclesiam Visibilem, ut est *Actor. 2. v. 41. cap. 8. v. 12. 36.* *Vnum* genere, quia unum est omnium fidelium baptisma, *Ephes. 4. v. 5.* qui omnis baptizantur in unum corpus, & Judæi & Græci, &

Unum numero.

servi & liberi 1. Cor. 12. v. 13. *Unum* etiam numero, respectu singulorum fidelium, ut qui semel tantum tinguntur, & tingendi sunt, non sæpius. Idque *partim*, quod sanguis Christi mundet eos ab omni peccato, 1. Iohann. 1. v. 7. *partem*, quod Spiritus ejus inchoatum regenerationis opus in ipsis consummet Philip. 1. vers. 6.

Cœna.

Cœna est alterum Sacramentum N. T. per panis fracti & vini effusi distributionem & perceptionem, declarans & obfignans fidelibus communionem corporis Christi pro ipsis fracti in cruce, & sanguinis pro ipsis effusi ad vitam æternam. Sacramentum Cœnæ aliis atque aliis nominibus notatur à Christo, Apostolis, & Patribus. Christus apud Euangelistas vocat illud corpus & sanguinem suum, Matth. 26. v. 26. 28. & alibi; itemque Novum illud Testamentum per suum sanguinem Luc. 22. v. 20. Apostoli vocarunt, Cœnam Dominicam, 1. Cor. 11. v. 20 à circumstantiâ temporis & autore: fractionem panis, Actor. 2. v. 42. cap. 20. v. 7. à præcipuo ritu: communionem corporis & sanguinis Christi, 1. Cor. 10. v. 16. mensam Domini, v. 21. à subjectione: Panem & poculum Domini cap. 11. vers. 27. Patres Græci dixerunt σύναξις διακείαν, ἀγάπην, πρεσφορὴν, λειτουργίαν: Latini autem, Sacramentum corporis ac sanguinis Domini: memoriam Domini: sacrificium five immolationem memorialem: oblationem symbolorum, quæ communicantibus, & Eleemosynarum, quæ pauperibus fiebat; & tandem Missam appellarunt.

Efficiens Christus.

Efficiens Cœnæ est Dominus noster Iesus Christus, Matth. 26. v. 26. & alibi: qui instituit eam illâ ipsâ nocte quâ proditus est, 1. Cor. 11. v. 23. simul quoque fuit primus ejus administer; qui exemplo prævit Apostolis suis, aliisque Ecclesiæ ministris deinceps futuris, quod imitarentur in dispensatione ejus Luc. 22. v. 19. 1. Cor. 11. v. 23. Instrumentum sunt Verba tûm διλογίας, Matth. 26. v. 26. five διακείας, 1. Cor. 11. v. 24. benedictionis & gratiarum actionis, quibus consecrantur Symbola in usum sacrum: sicut Christus aliàs per gratiarum actionem sanctificavit panes ad usum naturalem, Luc. 9. v. 16. & Paulus omnem cibum & potum sanctificari jubet precibus & gratiarum actione, 1. Tim. 4. v. 4. 5. tûm etiam promissionis; qualia sunt ex institutione Christi: Hoc est corpus meum, quod pro vobis datur: Hoc est sanguis meus novi fœderis, qui pro multis effunditur in remissionem peccatorum Matth. 26. v. 26. 28.

Instrumentum Verbum

Ex

Ex interpretatione Apostoli, *Panis, quem frangimus, est communio corporis Christi: Poculum gratiarum actionis, quo gratias agimus, est communio sanguinis Christi* 1. Cor. 10. v. 16.

Materia Cœnæ externa sunt Panis & Vinum, nec non tractatio utriusque à Christo observata, & aliis imperata. Panis Cœnæ non est intinctus, sed siccus: utpote quem Christus facto ipso separavit à vino. Azymus verò fuit in Cœnâ primâ per accidens, propter festum Paschatis, Marc. 14. v. 1. quo nec uti, nec habere alium fas erat per legem Exod. 12. v. 19. Aliàs semper erat fermentatus, tam in Judæâ, quoties extrâ illud tempus celebrabatur Cœna, Actor. 2. v. 42. quàm apud gentes incircumcisas, Actor. 20. v. 7. 1. Corinth. 10. v. 16. 17. cap. 11. v. 20. & deinceps, quæ azymis non utebantur. Vinum quoque commune fuit, colore indifferens, aquâ non dilutum: quia simpliciter genimen sive fructus vitis appellatur Matth. 26. v. 29. Marc. 14. v. 25. Tractatio circa utrumque Symbolum observata & imperata consistit in certis actionibus, tum Christi, ut pastoris; tum discipulorum tanquàm ovium. Actiones Christi sunt: fractio panis, effusio vini in poculum, & utriusque distributio. Discipulorum verò, acceptio panis & vini in poculo, illius comestio, hujus bibitio. Quæ omnia proponuntur apud Evangelistas & Paulum, partim in factis Christi; fregit panem, dedit eum discipulis; accepit poculum, dedit id discipulis: partim in dictis ejus; accipite, edite, bibite ex eo omnes, hoc facite: partim in discipulorum obedientiâ, de quâ ita Marcus, cap. 14. v. 23. & biberunt ex eo omnes. Idedque nec confundendæ sunt inter se illæ actiones, nec ulla earum est intermittenda. Inprimis autem confundi non debet fractio cum distributione: utpote quæ & apud Evangelistas à se invicem distinguuntur, & ipso Christi facto distinctæ sunt, primùm fragentis panem integrum, in frustra minutiora, post discipulis eum distribuentis. Deinde omitti quoque non debet ipsius panis fractio. Est enim ritus prorsus necessarius & essentialis: non modò quia Christi, Matth. 26. v. 26. & Apostolorum exemplis nititur, Actor. 2. v. 42. cap. 20. v. 7. 1. Cor. 10. v. 16. sed etiam quia ad materiam Cœnæ, formamque pertinet. Ad materiam, quia integrat eam, tanquàm pars, Matth. 26. v. 26. ad formam, quia crucifixionem Christi nobis repræsentat 1. Cor. 11. v. 24. Materia interna est corpus & sanguis Christi: non quâ corpus & sanguis simpliciter: nam ita

Materia externa Panis,

Vinum.

Tractatio eorundem

actionibus Christi,

Discipulorum.

Fractio non confundenda cum distributione.

Fractio panis necessaria.

Interna corpus & sanguis Christi,

non

Una cum
virtute mor-
tis, commu-
nionequē
beneficio-
rum ejus.

Percipiuntur
autem fide.

non profunt quicquam, *Ioh. 6. v. 63.* sed corpus quatenus datum est pro nobis in mortem, *Luc. 22. v. 19.* & in cruce fractum, *1. Cor. 11. v. 24.* sanguis quatenus effusus est pro nobis in remissionem peccatorum *Matth. 26. v. 28.* Nam ita demum facta sunt nobis cibus & potus vitæ: Juxtà illud Christi: *Panis quem ego dabo caro mea est; quam ego dabo pro mundi vitâ Iohan. 6. v. 51.* Ex quâ materiæ internæ limitatione facilè est colligere, in Cœna nec corpus & sanguinem Christi proponi, absque virtute mortis ejus & communione beneficiorum, nec virtutem mortis communionemque beneficiorum absque corpore & sanguine, sed utrumque simul: propriam causam cum proprio effectû, proprium effectum cum propriâ causâ. Deinde id etiam colligitur, eundem esse utrobique *perceptionis modum*; nec aliter percipi corpus & sanguinem Christi in Cœnâ, quàm percipiuntur ejusdem beneficia. Beneficia verò percipiuntur fide: nam qui credit habet remissionem peccatorum, *Act. 26. v. 18.* vitam æternam *Ioh. 3. v. 16.* Ergò eodem modo percipiuntur corpus & sanguis Christi. Quod ipsum clarissimis verbis docet Christus, *Ioh. 6. edere & bibere* exponens per *credere*, *v. 35.* & *manducationi* carnis suæ *fideique* eisdem tribuens effectus, gloriosam resurrectionem, & vitam æternam, *v. 40. & 54. item 47. & 54. inter se collatis.* Ratio quoque idem ostendit. Etenim cum corpus Christi percipiatur in Cœnâ ut mortuum; sanguis ejus ut effusus pro nobis in cruce, teste ipsomet, *Matth. 26. v. 28. Luc. 22. v. 19. 20.* & totâ Scripturâ, quæ in utroque taliter considerato ponit causam meritoriam remissionis peccatorum, vitæque æternæ, *Rom. 4. v. 25. 2. Cor. 5. v. 15. Coloss. 1. v. 13. & seqq. Hebr. 9. v. 14. & seqq. 1. Petr. 1. v. 18. 1. Ioh. 1. v. 7.* & verò Christus semel mortuus non amplius moriatur: *Rom. 6. v. 9. 10.* consequens est, aliter quàm fide percipi non posse: cui fidei omnia sunt præsentia, quæ non sunt, tanquàm sint *Romanor. 4. v. 17. Futura*: quia eâ Abraham percepit Christum, *Ioh. 8. v. 56.* (nam & videre est credere *Ioh. 6. v. 40.*) agnum illum mactatum à jacto mundi fundamento *Apoc. 13. v. 8. Præterita*: quia eâdem fide Christum pro se traditum percepit Paulus: *Gal. 2. v. 20.* & percipiunt omnes fideles *Rom. 4. v. 25.* Adeoque sicut objectum fidei *Christus est heri, & hodie idem, & in secula, Hebr. 13. v. 8.* ita fides hypostasis rerum quæ sperantur, & demonstratio eorum quæ non cernuntur esse dicitur *Heb. 11. v. 1.*

Forma Cœnæ posita est in declaratione & obfignatione materiæ internæ per externam, signati per signum. *Primò declarat* materia externa internam similitudine illâ quam cum ipsâ habet : *Sicut* panis & vinum sufficientissima sunt & efficacissima vitæ corporalis sustentandæ, & conservandæ, media: ita corpus & sanguis Christi media sunt sufficientissima & efficacissima inchoandæ, conservandæ & consummandæ in nobis vitæ spiritualis *Iohann. 6. & passim.* *Sicut* panis & vinum separantur in Cœnâ: ita corpus & sanguis Christi separata sunt in cruce *Ioh. 19.v.34.* *Sicut* panis frangitur, vinum effunditur: ita corpus Christi fractum est in cruce, *1. Cor. 11.v.24.* cum manus & pedes ejus clavis, latus lanceâ transfoderetur, *Ioh. 19.v.34.* sanguis quoque ejus inibi est effusus *Matt. 26.v.28.* *Sicut* Panis & vinum non nutriunt, nisi oraliter percipiantur: ita corpus & sanguis Christi non nutriunt ad vitam æternam, nisi percipiantur spiritualiter per fidem *Ioh. 6.v.35.* Et *sicut* communicantes participes fiunt unius panis: ita participes fiunt unius Christi, & cum eo, & inter se invicem coalescunt in unum corpus per fidem & charitatem *1. Cor. 10.v.16,17.* Deinde eam obfignat applicatione sigilli hujus Divini ad communicantes singulos: quemadmodum Christus panem edendum, vinum bibendum discipulis suis dedit sigillatim, *Mar. 14.v.22.23.* quò haberent singuli testimonium Divinum remissionis peccatorum suorum, crucifixione corporis & effusione sanguinis Christi acquisitæ, Atq; hoc volunt verba promissionis, de Pane; *Hoc est corpus meum, quod pro vobis frangitur, 1. Cor. 11.v.24.* de poculo: *Hoc est sanguis meus, qui pro multis effunditur in remissionem peccatorum Matt. 26.verf. 28.* In quibus, explicationis causâ breviter distinguimus, *Subjectum, Prædicatum, & modum prædicationis,* quem facit copula *E s T.* *Subjectum* utrobique, in verbis de pane & poculo est pronomen demonstrativum *HOC*, illic *panem*, hîc *poculum* primò, inde autem, per Metonymiam Subjecti, *vinum in poculo* norans. Patet illud *partim* ex verbis Institutionis; *accepit panem, fregit, dedit, & dixit, edite, hoc est corpus:* item *accepit poculum, dedit, & dixit; bibite, Hoc est sanguis;* five, ut est apud Lucam, *cap: 22.v.20. Hoc poculum, &c.* *Partim etiam* ex loco Apostoli *1. Cor. 10.v.16. Panis quem frangimus est communio corporis Christi; poculum gratiarum actionis, quo gratias agimus, est communio sanguinis Christi.* Porro per poculum, vinum in poculo intelligendum esse docet Verbum

Forma habet declarationem.

Obfignatio, nem.

Phrasiologia Sacramentalis explicata per partes.

Subjectum.

Bibite, *Math. 26. v. 27.* nec non potus bibendi descriptio, qui
 Predicatum. *v. 29.* genimen sive *fructus vitis* appellatur. *Pradicatum*, in verbis
 de *pane*, est *corpus Christi fractum*; in verbis de *poculo*, *sanguis ejus*
effusus in remissionem peccatorum. Ex quibus liquidò constat, de ve-
 ro ac naturali corpore, de vero item ac naturali sanguine sermonem
 esse. *Modus pradicationis*, quem indicat copula, non est *proprius* &
 Modus. p. &
 dicationis. *substantialis*: quia panis & vinum propriè non sunt corpus & san-
 guis Christi: nec substantia corporis & sanguinis Christi est sub-
 stantia panis & vini. Sic nec *Synecdochicus* est, quasi corpus in pane,
 sanguis in vino contineatur: non enim docet Christus, ubi sit suum
 corpus aut sanguis, quibusve receptaculis contineantur ambo,
 sed cujus usus officiique sint panis & vinum in Cœnâ. *Est* verò
 Qui Sacra-
 mentalis &
 Metonymi-
 cus. *modus ille Sacramentalis & Metonymicus*, in omnibus Sacramen-
 tis usitatus, atque etiam à nobis explicatus, quo nomen rei signa-
 tæ prædicatur de signo. Quamobrem verba illa Metonymicare-
 solvimus in hæc propria; *Panis & vinum sunt signa & sigilla corporis*
& sanguinis Christi: Eamque analyfin comprobamus autoritate
 duplici, Christi & Pauli. *Christi*: quia verbis illis subjicit exe-
 geticè ista: *Hoc facite ad mei commemorationem*, *Luc. 22. vers. 19.*
1. Cor. 11. v. 24. 25. sunt igitur panis & vinum *μνημόσυνα*, signa
 memorialia, corporis & sanguinis Christi. Deinde, ita panis est
 corpus Christi, ut poculum est Novum Testamentum *Luc. 22.*
v. 19, 20. 1. Cor. 11. v. 25. 26. Poculum autem est Novum Te-
 stamentum Metonymicè. Eodem ergò modo panis est Christi
 corpus. *Pauli*; quia Verba Christi aliis æquipollentibus decla-
 rat, *Panem* vocans *communionem corporis Christi*, *poculum commu-
 nionem sanguinis ejus. 1. Cor. 10. v. 16.* At panis propriè non est
 communio corporis, aut vinum communio sanguinis: sunt e-
 nim disparata toto genere: Panis & vinum in prædicamento
 substantiæ, communio in prædicamento Relationis. Ergò nec
 panis propriè est Christi corpus, nec vinum propriè ejus san-
 guis.

Fines & Ef-
 fecta.

Finis Cœnæ principalis est commemoratio mortis Christi *Luc.*
22. v. 19. 1. Cor. 11. vers. 24. 25. 26. *Secundarius* est confirmatio
 fidei nostræ de remissione peccatorum, *Math. 26. v. 28.* publi-
 ca ejusdem professio, *1. Cor. 11. v. 25. 26.* & conjunctio fidelium,
 tum cum Christo capite, tum inter sese *1. Cor. 10. v. 16. 17.* Quæ
 ipsa quoque ejus *Effecta* censentur.

Subiectum

Subiectum Cœnæ sunt fideles adulti, five Judæi, five Græci, ^{Subiectum,}
five viri, five fœminæ. *Gal. 3. v. 28. 1. Cor. 12. v. 13.* E quibus ^{fideles adul-}
quotquot indignè edunt & bibunt, iudicium sibi edunt & bi-
bunt, non discernentes corpus Domini *1. Corinth. 11. v. 29.* ^{ti,}
Infantes Sacramenti huius capaces non sunt: partim ratione ^{non infan-}
quia mortem Christi cum gratiarum actione nequeunt celebra-
re, *v. 25. 26.* partim ratione *conditionis*, omnibus communi-
cantibus imperatæ, ipsis verò itidem impossibilis, quæ est, ut
probet quisque se ipsum, & ita edat de pane, bibat de poculo Do-
mini *v. 28.* ^{tes.}

Adjuncta Cœnæ sunt; quod Sacramentum est Nov. Test. ^{Adjuncta,}
ordine secundum, usu frequenti, cum præviâ probatione, ite-
randum. *Secundum* dicitur respectu Baptismi. Est enim baptiza-
tis Symbolum continuandæ regenerationis, & fidei nutriendæ
& confirmandæ instrumentum. Edque nemo ad eam admitten-
dus est, nisi baptizatus, *Actor. 2. v. 41. 42.* sicut nemo olim ad-
mittebatur ad Pascha, nisi circumcissus *Exod. 12. v. 48.* Dein-
de *iterandum* etiam est, quia docet Apostolus, frequentum ejus ^{Iterandum.}
esse debere in Ecclesia usum, *1. Cor. 11. v. 26.* qualis fuit in Ec-
clesiâ Apostolicâ, quæ perduravit in Doctrinâ Apostolorum,
& communicatione, & fractione panis, & precibus *Actor. 2.*
v. 42. Sed usum illum antecedit oportet, ex ejusdem Apostoli ^{Præviâ Pro-}
monito, *1. Cor. 11. v. 28.* seria ac diligens *probatio* five exploratio ^{batione.}
unius cujusque fidelis, qua se ipsum examinet; num esuriat aut
ficiat justiciam ex injustitiæ suæ sensu? *Matth. 5. v. 6.* num sit in
fide Christi Jesu? *2. Cor. 13. v. 5.* an denique incedat secundum
Spiritus, & non secundum carnem? *Romanor. 8. v. 1.* crucifi-
gens carnem cum desideriis & cupiditatibus, *Galat. 5. vers. 24.*
desistens à malo & faciens bonum *Psal. 34. v. 15.*

Nunc ad Loci hujus Praxin descendimus.

I. Ad *Διδασκαλίαν*: In conversione hominum efficiendâ con-
jungendum est Verbum Legis & Evangelii: exemplo Esaia, cap. 1. per
totum, Ioannis Baptista, Marc. 1. v. 3. Christi, vers. 15. & Petri
Actor. 2. vers. 38. Sacramenta eundem cum Verbo scopum habent,
Romanor. 6. v. 2. Galat. 3. vers. 27. & quod in illo est audibile,
Romanor. 10. v. 17. in istis redditur visibile: Galat. 3. v. 1. In utro-
que

que Deus captui & atati Ecclesia se gratosè accommodat, argumento loci, Galat. 4. v. 1. & seqq. Johann. 3. v. 12. Romanor. 6. vers. 19. Verax est non minus in Sacramentis, quàm in Verbo Tit. 1. v. 2. Gen. 17. v. 4. & seqq. collato cum Hebr. 6. v. 17. 18. Vsurpanda sunt Sacramenta secundum Dei præscriptum, ab iis, qui ejus sunt fœderati, & ad illum finem quem ipse ordinavit Genes. 17. Exod. 12. Matth. 28. 1. Corinth. 11. Extrà legitimum usum non sunt Sacramenta Romanor. 2. v. 25. 1. Corinth. 11. v. 29. Vna est in Vet. & N. Test. salutis via; quia in utriusque Testamenti Sacramentis una eademque est res signata 1. Corinth. 10. v. 1. & seqq. cap. 12. v. 13. Ephes. 4. v. 5. Coloss. 2. v. 11. 12.

II. *Ad Παύλειαν: Utamur etiam atque etiam Lege & Evangelio: illâ contrâ securitatem, isto contrâ desperationem: juxta illud Marc. 1. v. 15. Resipiscite & credite: Concipiamus inde dolorem, & diu ac fugam peccati; sed dolorem secundum Deum, qui efficit resipiscientiam 2. Corinth. 7. v. 10. precemur Deum, ut efficaciam utrique Verbo largiatur ad veram conversionem: exemplo Apostoli Ephes. 3. vers. 14. Gratias ei agamus, quod Verbo adjunxit Sacramenta nostri causâ; ac usu illorum infirmitatem nostram subleuemus & corrigamus; contemplando in imaginibus istis Dei ergâ nos benignitatem, Pl. 27. 4. Gal. 3. v. 1. deplorando circâ eas prauitatem nostram & aduersus Deum ingratitudinem, 1. Corint. 6. v. 11. Actor. 7. v. 51. confirmando fidem nostram promissione nobis obsignatâ in propriâ carne Genes. 17. v. 13. Romanor. 4. v. 11. excitando denique nos ad ambulandum corâ ipso integrè in vita novitate Genes. 17. v. 1. Romanor. 8. v. 1. Rogemus Deum ut per hæc organa sua omnia illa efficaciter in nobis operetur Actor. 2. v. 42. Et sicut his ceremoniis segregamus nos ab omnibus infidelibus, Genes. 17. Exod. 12. Matth. 28. 1. Cor. 11. ita quoque ab iisdem nos segregemus vera pietatis actionibus Eph. 2. v. 11. & seqq. 1. Cor. 6. v. 10. 11. Postremo, cum hûc tendant omnia, ut perpetua sit inter nos Christi Servatoris recordatio & celebratio, Actor. 2. vers. 38. 1. Cor. 11. v. 26. semper & ubique circumferamus memoriam eius, glorificemus nomen, prædicemus opera; nihil statuentes scire, nisi Iesum Christum crucifixum 1. Cor. 2. v. 2.*

III. *Ad Ἐπαρόρθωσιν: Nè contemnamus Verbum Legis & Evangelii, Matth. 22. v. 3. & seqq. nec alterum ab altero diuellamus. Nè parvis faciamus Sacramenta, Genes. 17. v. 14. 1. Cor. 11. v. 23. ullatenus mutemus, Deut. 4. v. 2. 1. Cor. 11. aut indigne usurpemus*

v.29. Nè in externo opere fiduciam collocemus; exemplo hypocritarum, *Cajini*, Genes.4.v.5. *Saulis*, 1.Sam.13.v.9. *Iudeorum*, Esa.1.v.11. *Phariseorum*, Matth.23. per totum: Nec absque fide res signatas nobis polliceamur Matth.3.v.7. & seqq. Actor.8. vers.37. Denique, nè misceamus nos cum infidelibus, neque sacris ipsorum ullo modo communicemus. Non enim possumus poculum Domini bibere, & poculum demoniorum, nec simul mensa hujus & illorum esse participes 1. Cor. 10. v. 21.

IV. Ad Παράκλησιν: Bonus est erga nos Dominus; cujus gratiam oculis nostris videmus, auribus audimus, manibus palpamus, naribus olfacimus, oribus gustamus, manducamus, & bibimus. Est nobis Deus & nos sumus ipsi populus, Genes.17.v.7.10. Actor.2.v.38.39. qui sedus ipsius in carne nostrâ gestamus: ibidem. Is in cujus nomen baptizati sumus, est Pater noster, & nos ejus Filii: est Redemptor noster, & nos peculium ipsius: est Sanctificator noster, & nos gens illa Sancta Matth.28.v.19. 1.Petr. 2. v. 9. Is cujus carne cibamur, sanguine potamur, est proprius Dei Filius; quicum omnia nobis Deus gratificatur Romanor.8.v.32. Hoc ipso erigimus nos in omnibus periculis, exemplo Davidis, 1.Sam.17. v.26. sustentamus in tentationibus, 1.Petr.3. v.20.21. perseveramus in persecutionibus: ut qui plus quàm victores sumus, per eum qui sic nos dilexit, ut corpus suum dederit pro nobis in mortem, & sanguinem suum pro nobis effuderit in remissionem peccatorum Rom. 8. v.37. Matth.26. v. 26, 27, 28.

2 1 2 0 9

LOCUS

LOCUS DECIMUS TERTIUS

De

VOCATIONE INTERNA

ET

FIDE JUSTIFICANTE.

Alter Modus Applicationis Internus est, certis quibusdam gradibus distinctus: quorum primus in Vocatione Internâ & Fide: secundus in Iustificatione: tertius in Sanctificatione: quartus & ultimus in Glorificatione consistit.

VOCATIO Interna est, quâ Deus secundum æternum propositum vocat Electos suos per Spiritum Sanctum, ac fidem in Christum ipsis donat.

Est autem Fides illa, cognitio gratiæ Dei in Christo Redemptore, ejusdemque fiducialis apprehensio; quâ quisque fidelis sibi illam singulariter applicat.

E X E G E S I S.

Modi Applicationis Interni necessitas.



Upere est *Modus Applicationis Internus*; cujus tanta est necessitas, ut absque eo media externa omnia non inutilia modo, sed etiam noxia sint. Nam & *prædicatio Verbi*, sive Legis, sive Evangelii, nihil prodest, nisi Deus aperiat cor, *Actor.* 16. v. 14. & oculos ad videntium, aures ad audiendum largiatur, *Deut.* 29. v. 4. *Matth.* 13. v. 11. & *Sacramenta* absque interjori Spiritus Sancti efficacia nihil proficiunt. Circumcisio absque occultâ circumcissione cordis præputium est, *Rom.* 2. v. 25. Pascha absque Paschate Christo nullum: *argumento loci* 1. *Cor.* 5. v. 7. Baptismus sine altero, qui sit Spiritus Sancto

Sancto & igne, *Math.* 3. v. 11. tantum est depositio sordium carnis, teste Petro 1. *Epist.* 3. v. 21. Cœna absque manducatione carnis & bibitione sanguinis Christi, non vitæ, sed iudicii cibibus & potus 1. *Cor.* 11. v. 29. Totum denique ministerium Verbi & Sacramentorum se junctum à Spiritu, literæ tantum est, mortis, & condemnationis 2. *Cor.* 3. v. 6. 7. & *seqq.* Sunt igitur in applicatione modi externi nonnisi secundariæ & ministeriales partes: Principales & primariæ à modo interno dependent: quem, secuti Apostolum *Rom.* 8. v. 30. 1. *Cor.* 1. v. 30. 2. *Thess.* 2. v. 13, 14. quatuor gradibus distinximus, *Vocatione & Fide, Iustificatione, Sanctificatione, & Glorificatione.* Ex his locus primus datur atque etiam debetur *Vocationi Internæ* per Spiritum Sanctum, ut quæ primum est effectum æternæ Electionis nostri ad vitam, *Rom.* 8. v. 28, 29, 30. *cap.* 9. v. 23, 24. causâ verò partim immediata, partim mediata graduum sive beneficiorum cæterorum, *ibidem.* In Scripturâ dicitur *vocatio* καλέσθαι, *Rom.* 8. v. 28. *vocatio ἀπεταμένη*, *cap.* 11. v. 29. *vocatio Electorum*, *Math.* 20. v. 16. κλησία, *Ephes.* 1. v. 5. *Regeneratio*, *Ioh.* 3. v. 3. generaliter considerata: In Scholis communiter *Vocatio Interna*, efficax; item *gratia prima*, scil. gratis data, *præueniens, operans, appellatur.*

Ejus gradus quatuor.

Vocatio interna.

Ejus Synonyma.

Causâ *Efficiens* hujus *Vocationis* est *Deus* communiter, qui vocat ea quæ non sunt, tanquàm sint, *Rom.* 4. v. 17. qui vocavit nos in communionem Filii sui, 1. *Cor.* 1. v. 9. è tenebris in admirabilem suam lucem 1. *Petr.* 2. v. 9. *Spiritus Sanctus* autem singulariter: cujus proprium est, illuminare mentes, *Ephes.* 1. v. 17, 18. 1. *Cor.* 2. v. 10. regenerare corda, *Ioh.* 3. v. 3. fidem ingenerare 2. *Cor.* 4. v. 13. 1. *Cor.* 12. v. 3. Causâ *Impulsiva interna* est benevolus affectus voluntatis Dei, quo prædestinavit nos, quos adoptaret in filios, *Ephes.* 1. v. 5. *Adonla* ipsius, quâ revelat mysteria cœlestia infantibus, *Math.* 11. v. 26. misericordia ipsius omnes actus nostros antevergens. *Rom.* 9. v. 16. *Non est volentis, neque currentis, sed miserentis:* & *cap.* 10. v. 20. ex *Esa.* 65. v. 1. *Inventus sum ab iis, qui me non querebant, manifestus factus sum iis, qui de me non interrogabant.* *Externa* est *Satisfactio & Intercessio* Christi Servatoris Θεωρεωπια *Gal.* 3. v. 13, 14. *Ioh.* 16. v. 7. De causis *ministris & Instrumentalibus* egimus *Loco* antecedente.

Efficiens Deus communiter.

Spiritus S. singulariter.

Impulsiva interna.

Externa.

Materia, Ho-
mines.

Mortui in
peccatis.

Contemti-
les coram
mundo.

Electi.

Forma, Ope-
ratio Spiri-
tus Sancti.

Materia circa quam, sive Objectum hujus Vocationis sunt Ho-
mines; quoad *qualitates internas*, corrupti peccatis, inque iis mor-
tui: quoad *qualitates externas*, infantes, & maximâ parte stulti, in-
firmi, ignobiles, sed coràm mundo: quoad *gratiam verò Dei a-*
ternam & externam Electi. Quæ tres conditiones ad objectum e-
jus adæquatè constituendum concurrunt. *Prima*: nam qui ita vo-
cantur, naturâ sunt Filii iræ, mortui in peccatis, sicut & cæteri,
Ephes. 2. v. 3. Coloss. 2. v. 13. cæci & obtenebrati mente, Ephes. 4.
v. 18. non capaces eorum quæ sunt Spiritus Dei, & nè capere
quidem ea valentes, 1. Corinsh. 2. v. 14. duri & lapidei corde,
Ezech. 11. v. 19. proni tantum ad malum omni tempore, inde à
pueritiâ, Gen. 6. v. 5. cap. 8. v. 21. absque Deo, Eph. 2. v. 12. inimici
ejus, legique subijci nescii, Rom. 8. v. 7. amentes, rebelles, erran-
tes, servientes voluptatibus & cupiditatibus variis, Tit. 3. v. 3.
1. Cor. 6. v. 11. adeoque impotentes ad bonum, ut non magis bo-
nas, Legique conformes actiones edere possint, quàm mortui
edere potest actiones vitæ, Ephes. 2. v. 1. Coloss. 2. v. 13. arbor
mala bonos fructus ferre, Matth. 7. v. 18. Ethiops pellem, par-
dus maculas mutare Jerem. 13. v. 23. Relinquitur ergò objecto,
qualitatis hujus respectu, potentia tantum passiva, quæ impoten-
tia passivæ, sive naturali incapacitati ad aliquid recipiendum op-
ponitur: non autem convenit potentia activa, sive intellectus, sive
voluntatis, sive sensualitatis respectu; nedum habitus, Secunda:
Ita enim Apostolus 1. Cor. 1. v. 26. 27. 28. Cernitis vocationem
vestram, fratres; vos videlicet non esse multos sapientes secundum car-
nem, non multos potentes, non multos nobiles: sed quæ stulta, infirma,
ignobilia sunt, elegit Deus &c. & Christus Matth. 11. v. 25. Gra-
tias tibi ago, Pater, quod hæc occultâris sapientibus & intelligentibus,
& revelâris infantibus. Tertia: Quia vocatio illa tantum est electo-
rum: Fit enim secundum propositum Dei, Rom. 8. v. 28. quod
*est, secundum ipsius electionem, cap. 9. v. 11. nec minus ap-
tuit & est, cap. 11. v. 29. quàm ipsum propositum 2. Tim. 2.*
v. 19. Ideoque conjungitur in Scripturâ cum electione, 1. Cor. 1.
vers. 26. 27. & ex eâ tanquàm proprium effectum ex propriâ
causâ deducitur Romanor. 8. vers. 28. 29. 30. Ephes. 1.
vers. 5.

Forma Vocationis Internæ est operatio Spiritus Sancti superna-
turalis, ineffabilis, efficacissima, quâ homines electos, mortuos
in

in peccatis, vivificat, cæcos illuminat, duros emollit, pravos & perversos convertit, & ad Christum trahit, atque ita patientibus tantum, non etiam agentibus aut cooperantibus, indit novas qualitates, & novas facit creaturas, sicut primâ creatione fecit creaturas. Quæ phrasæ sunt ipsius Scripturæ de hoc ipso argumento differentis. *Coloss. 2. v. 13. Ephes. 2. v. 1. vivificavit nos mortuos in lapsibus & peccatis, Ephes. 1. v. 18. illuminatis oculis mentis. 1. Cor. 2. v. 14. 10. Animalis homo non est capax &c: Nobis autem ea revelavit per Spiritum suum. Ezech. 11. v. 19. cap. 36. v. 26. Amovens cor lapideum à carne eorum indam eis cor carneum. Ierem. 31. v. 18. Convertite me, Domine, & convertar: quia tu es Iehova Deus noster. Ioh. 6. v. 44. Nemo potest venire ad me, nisi Pater qui misit me traxerit eum. Ioh. 3. v. 7. Oportet vos renasci. Nam nisi quis regeneritus sit ex aquâ & Spiritu, non potest introire in regnum Dei v. 3. 5. Ephes. 2. v. 10. Ipsius sumus opus, conditi in Christo Iesu ad opera bona. 2. Cor. 5. v. 17. Si quis est in Christo, nova res condita est: vetera praterierunt, ecce nova facta sunt omnia. Gal. 6. v. 15. In Christo valet nova creatura. Quæ sanè actiones supernaturales sunt; ^{Supernaturalis.} excedunt enim vires totius naturæ creatæ, & revelant profunditates Dei ^{Ineffabilis,} 1. Cor. 2. v. 10. Ineffabiles; quia talia nec oculus vidit, nec auris audivit, nec in mentem hominis venerunt, vers. 9. & humano more proposita non tamen capiuntur ab homine animali, v. 14. Ioh. 3. vers. 12. Efficacissima etiam, quia sunt supereminens magnitudo potentiæ Dei, efficacitas roboris virium ipsius, in nobis, qui credimus; ^{Efficacissima.} Ephes. 1 v. 19. illa ipsa efficacia, quâ Filium resuscitavit Pater à morte corporali, & nos suo tempore mortuos resuscitaturus est. Inspiciantur loca Ephes. 1. v. 19, 20. Coloss. 2. v. 13. Iohan. 5. v. 25. Ex quibus omnibus concludimus, eventum Vocationis huius planè esse infallibilem; & ^{Eventus Vocationis internæ est infallibilis.} qui eâ vocantur irrefragabiliter respondere, utpote qui ex mortuis vivi, ex nolentibus volentes, ex inimicis amici redduntur. Nam quicquid dat Christo Pater, ad ipsum venit, Ioh. 6. v. 37. & quos convertit Dominus, ii convertuntur Ierem. 31. v. 18. ^{Finis & Effecta.} Finis & Effecta Vocationis sunt, Patefactio & donia Dei, *Math. 11. v. 26. & æternæ Electionis. 1. Cor. 1. v. 26, 27, 28. Hominum conversio & salus Roman. 8. v. 29. 30. 1. Cor. 1. v. 30. 1. Petr. 2. v. 9.**

De Subiecto dictum est suprâ. Adjuncta sunt: quod Vocatio ^{Adjuncta, quod} hæc

Invisibilis. hæc est *invisibilis*, quæ intus fit, *Luc.* 17. v. 21. per illuminationem mentis & innovationem cordis, eoque tanquàm occulta firma reddenda per bona opera, *2. Petr.* 1. v. 10. & aliis demonstranda *Matth.* 5. v. 16. Est *immutabilis*: nam *dona Dei & vocatio ejusmodi sunt, ut illorum non possit pœnitere Rom.* 11. v. 29. *Tempore autem varians* in individuïs, quæ Deus non eâdem horâ vocat, *Matth.* 20. vers. 1. & seqq. sed quando ipsi videtur: ut qui tempora sive oportunitates in suâ ipsius autoritate statuit *Actor.* 1. vers. 7.

Fides. Sequitur *Fides*, quâ *Vocationi Dei* fidelis respondet: cujus exempla multis locis proponit Scriptura: *Pf.* 27. v. 8: *Tuum illud, Requirit faciem meam, cogitat animus meus; faciem tuam, Iehova, requiro. Ierem.* 3. v. 17. *Revertimini filii adversantes, curabo aversiones vestras: ecce nos accedimus te, quia tu es Iehova Deus noster Hof.* 2. vers. 23. *Zach.* 13. v. 9. *Dicam, Populus meus es: & ipse dicet, Iehova, Deus mi.* Quinimò singuli fideles exempla sunt. Etenim promissionem gratiæ *Deus vocans* credenti proponit. *Homo respondens*, promissionem illam fide accipit; sicque gratiam promissam sibi applicat: ut itâ Dei vocantis & Hominis respondentis partes, in hoc Syllogismo aptè connectantur: *Quisquis crediderit, justificabitur & servabitur. Ego credo. Ergo ego justificabor & servabor.*

Ejus homonymia. Antequàm verò Fidei hujus naturam plenè edisseramus, omninò removenda est *homonymia*, quæ in voce *Fidei* latet. Accipitur enim juxtâ receptam distinctionem Augustini, tùm pro *Fide*, quæ creditur; tùm pro eâ, quâ creditur. *Primò* modo est dictorum factorumque constantia & veritas, *Psal.* 33. v. 4. *Ies.* 11. v. 5. *Rom.* 3. v. 3. 4. & respondet voci Hebrææ אֱמוּנָה *emunah*, quæ est ab אָמֵן *amen*, id est, *firmitate & stabilitate*. Ita fides dicitur *doctrina Evangelii, Actor.* 6. v. 7. *Rom.* 3. v. 31. *Gal.* 1. v. 23. *1. Tim.* 4. v. 1. vel partes quædam ejus; ut capita catechetica, *Hebr.* 6. v. 1. 2. item typorum vaticiniorumque complementa *Gal.* 3. v. 25. *Secundo* modo est persuasio de alicujus constantiâ & veritate: & respondet voci Græcæ πίστις, quæ est ἀπειθοῦσιν, *persuadeor, credo*. In quâ significatione jam fidem *historicam, Actor.* 26. v. 27. *Iacob.* 2. v. 19. modò *temporariam, Matth.* 13. v. 21. *Luc.* 8. v. 13. aliquando eam, quæ *miraculorum* dicitur, *Matth.* 17. v. 20.

1. *Cor.* 13. vers. 2. communiter fidem *justificantem & salvificam* *Rom.* 3. v. 28. *Marc.* 16. v. 16. in Scripturis notat. Quæ species verè & realiter distinctæ sunt, ut quæ à se invicem separabiles sunt. Nam in dæmoniis multisque infidelibus est fides historica, *Jacob.* 2. v. 19. qui tamen fide temporariâ & justificante carent, cum contremiscant: & alterâ quoque miraculorum, quæ patrare non possunt *Actor.* 19. v. 13. & *seqq.* In aliis est fides temporaria, in quibus tamen nec Justificans, *Luc.* 8. v. 13. nec miraculorum, *Actor.* 8. v. 19. reperitur. In quibusdam est fides miraculorum absque Justificante, ut in Judâ & illis, de quibus est *Matt.* 7. v. 22. In infinitis est fides justificans absque fide miraculorum: uti videre est, *Matth.* 17. v. 19. 20. & *passim*, in exemplis Patriarcharum, Regum, Prophetarum quorundam, & Joannis Baptistæ. Interim fides Justificans & Miraculorum sæpe concurrerunt in uno subjecto, ut *Matth.* 10. v. 1. *Hebr.* 11. v. 29. 30. & *seqq.* docetur. Et aliæ duæ species, quia nonnulla cum fide Justificante communia habent, puta notitiam, assensum, gustum: gradus quidam ejus esse dicuntur.

De tribus prioribus fidei speciebus non multa dicemus. *Historica* constat notitiâ & assensu eorum, quæ Deus in Verbo suo revelavit. *Objectum* igitur ejus est totum Verbum Dei, non sola verbi illius historia. *Subjectum* est mens agnoscens veritatem Verbi, & ei assentiens, partim lumine naturæ, partim operatione Spiritus Sancti, etsi generali. *Effectum* boni operis nullum est. Quo respectu mortua dicitur, *Jacob.* 2. v. 17. operum, quæ vitæ indicia sunt, expers.

Temporaria est, quæ ad tempus durat: & constat notitiâ, assensu, gaudio, & fructibus. Hujus *Objectum* est doctrina Evangelii *Matth.* 13. v. 20. 21. *Hebr.* 6. v. 4. 5. *Subjectum*, non modò mens cognoscens eam, & approbans, sed etiam voluntas eâ lætans & exultans: ut de Judæis testatur Christus, *Iohann.* 5. v. 35. & amplius declarat in parabolâ seminis. *Luc.* 8. v. 13. quod Paulus vocat *gustare bonum Dei Verbum*, & *seculi futuri virtutes* *Hebr.* 6. v. 5. At gustus ille gaudiumque non ex fiduciali Christi apprehensione; sed ex doctrinæ vel novitate, ut *Ioh.* 5. v. 35. vel suavitate, quæ in justificatione fidei absque operibus, & libertate Christianâ posita est, vel etiam utilitate ad opes & honores proficiscitur. Hinc Christus dicit, *radicem non habere*. *Matt.* 13. v. 21.

id est, soliditatem, quæ est veræ fidei, *Coloss. 2. v. 5.* eoque nec stabilitatem & durationem, ut quæ tempore tentationis deficit *Luc. 8. v. 13.* Quod tamen hæc fide præditi ignorare possunt tantisper, donec ipso eventu de ejus instabilitate convincantur *Ioh. 2. v. 23. & seqq.* Tanta ac tam profunda est cordis humani hypocrisis *Jerem. 17. v. 9. 10.* Efficiens hujus fidei est Spiritus S. cujus participes facti, & per quem illuminati esse dicuntur, *Hebr. 6. v. 4.* verum non nisi actione electis & reprobis communi. Effectum spectatur non modò in externâ professione, *Judæ, Matt. 10. v. 4.* Simeonis Magi, *Act. 8. v. 13.* & aliorum, sed etiam in operum bonorum patratiōe; qualis fuisse videtur Herodis, qui libenter audiebat Joannem, auditoque eo multa faciebat, *Marc. 6. v. 20.* & de qualibus loquitur Apostolus *1. Cor. 13. v. 3.* *Si infumam alendis egenis omnia, quæ mihi suppetunt, & si tradam corpus meum, ut comburam, charitatem autem (quæ ex verâ fide est, 1. Timoth. 1. vers. 5.) non habeam, hoc nihil mihi prodest.*

Miraculo-
rum.

Fides Miraculorum est, per quam eduntur miracula. Eius Objectum est promissio aut revelatio aliqua specialis; cujusmodi facta est Gideoni *Jud. 6. v. 14.* In virtute illâ tuâ, & servabis Israël e manu Midianitarum: itemque Apostolis, tum ante, *Matt. 10. v. 1.* tum post Christi resurrectionem *Marc. 16. v. 17. & seqq.* Nam verbum generale ad id nullatenus sufficit: alioquin de facultate istâ ære parandâ, non laborasset Simon Magus *Act. 8. v. 19.* Subjectum est mens intelligens promissionem, & voluntas eandem amplectens *Matt. 14. v. 31. cap. 17. v. 20.* Efficiens est Spiritus S. *1. Cor. 12. v. 9. Act. 8. v. 18. 19.* dono speciali & extraordinario: quod ipsum tamen reprobis est cum electis commune *Matt. 10. v. 1. & seqq. cap. 7. v. 22.* Effecta sunt miracula: quæ ut jam pridem desierunt in Ecclesiâ, ita eorum quoque fides, prout hic consideratur, desit.

Iustificans.

De Fide Iustificante pluribus agendum est. Quæ in Scripturâ vel absolutè Fides dicitur; ut, *Iustus ex fide vivet, Rom. 1. v. 17. Iustificati fide, cap. 5. v. 1.* vel cum additione; *Fides operans per Charitatem, Gal. 5. v. 6. fides efficax, 1. Thess. 1. v. 3. fides ævumneat & non simulata, 1. Tim. 1. v. 5. fides electorum, Tit. 1. v. 1.* In Scholis, fides vera, viva, iustificans, salvifica, appellatur: eique ceu proprius actus tribuitur, credere in Deum, in Christum, *Ioh. 14. v. 1. in nomen Christi cap. 1. v. 12.* Quod etsi communiter verum est, non-

Synonyma.

nunquam

namquam tamen eadem phrasis de aliis fidei speciebus usurpatur :
Exod. 14. v. ult. Ioh. 2. v. 23. cap. 12. v. 42. Sicut vicissim, *credere*
Deo & Deum, Christo & Christum, quod illarum est, de fide Justi-
 ficante emuntur. *Rom. 4. v. 3. Credidit Abraham Deo, & impu-*
tatum est ei ad iustitiam. Actor. 8. v. 37. Credo Iesum Christum esse
illum Filium Dei. Hæc fides definitur ab Apostolo *Hebr. 11. v. 1.*

Definitio Fi-
 dei, quæ est
 Hebr. 11. v. 1.

Hypostasis rerum quæ sperantur, & demonstratio rerum, quæ non cer-
nuntur. Cujus definitionis sensus est, quod Fides res futuras, quæ
 sperantur ex infallibili Dei promissione, præsentis faciat cre-
 denti, tum in mente per notitiam ac assensum, tum in voluntate per
 apprehensionem, eoque *ᾠρασις*, quæ rerum est præsentium, ipsis
 largiatur : item, quod res invisibiles, sive illæ præteritæ, sive præ-
 sentes, nec sensu, nec naturæ lumine perceptibiles, sive futuræ
 sint ; ejusdem promissionis evidentiam ac veritatem tam clarè pro-
 ponat, tam certò demonstret, tam firmiter persuadeat, ut visi-
 biles reddi, & coram quasi oculis cerni videantur. Ita, quia *ᾠρα-*
σις est fides, jam servati dicimur, sed spe ; *Rom. 8. v. 24. quia*
ἐλεγχθη, spectare ea quæ non cernuntur æterna *2. Cor. 4. v. 18.*
 Quanquam verò fides Justificans ita definitur, sicut tam connexio
 antecedentium, *cap. 10. v. 38. 39.* quàm series consequen-
 tium, *cap. 11.* & inprimis aurea illa *ῥῶμη*, quæ est *v. 6.* clarè
 docet : Est tamen definitio illa ita generalis, ut aliis quoque fidei
 speciebus, Historicæ & Miraculorum, conveniat, easque com-
 plectatur. Quod ipsum haud obscurè colligitur, *partim* ex obje-
 ctis ejus : quæ sunt opera creationis, *v. 3.* per assensum, non
 fiduciam, credenda : omnis generis promissiones, *in exemplis*
passim : atque etiam comminationes ; *v. 7. partim* ex effectis, quæ
 sunt opera miraculosa, *v. 33. 34.* ex peculiaris promissionis fide
 facta. Proinde ex aliis ejusdem Apostoli locis, maximè *Coloss. 1.*
v. 9. cap. 2. v. 2. Actor. 26. v. 18. Rom. 4. v. 18. & seqq. Gal. 2. v. 20.
 definitionem specificam & reciprocam elicimus : *Fides est cognitio*
gratiæ Dei in Christo Redemptore. ejusdemque fiducialis apprehensio :
quâ quisque fidelis sibi illam singulariter applicat.

Definitio
 Specifica.

Efficiens,
 Deus ;

Hujus causa Efficiens est Deus. Fides enim *Dei donum* dicitur,
Ephes. 2. v. 8. qui gratis dat non solum credere in Christum, sed
 etiam pro eo pati *Philipp. 1. v. 29.* Unde Christus : *Hoc est illud*
opus Dei, ut credatis in eum, quem ille misit Ioh. 6. v. 29. Operatur
 autem fidem in nobis per *Spiritum Sanctum*, qui fidei Spiritus est,

Per Spiritum
 Sanct.

Actione particulari.

2. Cor. 4. v. 13. & absque quo Jesum Dominum dicere nemo potest, 1. Cor. 12. v. 3. sed actione non generali in omnibus, sed particulari in electis. *Vobis datum est*, inquit Christus, *Matth. 13. v. 11. nosse mysteria regni cælorum, illis non est datum*: & pater ille cælestis revelat se infantibus, occultat sapientibus *cap. 11. v. 25.* De causis Instrumentalibus procreantibus, Lege, *Gal. 3. v. 24.* & Evangelio, *Rom. 1. v. 16. cap. 10. v. 8. 17. 1. Petr. 1. vers. 23.* & cum iisdem conservantibus, Sacramentis, *Rom. 4. v. 11.* alibi dictum est.

Materia seu Genus,

Notitia,

Comprehendens Assensum.

Materia, ex quâ fit Fides, nulla datur. Interim, quia genus Symbolum est materiæ, ob communem & indeterminatam suam naturam, hujus loco in definitione ponitur *Notitia*: Quam Fidei infinitis locis tribuit Scriptura: *Col. 1. v. 9. Ut impleamini agnitione voluntatis ejus cum omni sapientiâ & intelligentiâ spirituali. Eps. 53. v. 11. Servus meus Iustus cognitione sui justificabit multos. Ioh. 17. v. 3. Hæc est vita æterna, ut te cognoscant solum illum verum Deum, & quem misisti Jesum Christum. Sici. Cor. 1. v. 21. 24. 30. cap. 2. v. 2. Ephes. 3. v. 3. Coloss. 2. v. 2. & alibi.* *Noticia* illa habet non tantum cognitionem, verum etiam assensum eam consequentem. Etsi enim assensus non fiat propter rationes & demonstrationes, prout fit in scientiâ, sed propter autoritatem loquentis Dei; cognitionem tamen rei, quæ credenda est, si non omnimodam, saltem aliquam, requirit: cum loquatur Deus non brutis, sed rationalibus, *Psal. 32. v. 9.* & sua etiam eloquia à Ministris suis proposita probari velit *1. Thess. 5. v. 21. 1. Ioh. 4. v. 1.* Hic *Assensus* est Judicium de promissionis tum veritate, tum bonitate. *Veritatem* dijudicat intellectus theoreticus, assensum ei præbens, tanquam veræ. *Bonitatem* practicus, ut bonam approbans, & voluntati amplectendam judicans. De *priore* dicta sunt: *Ioh. 3. v. 33. Qui recipit ejus testimonium, is obsignavit, quod Deus verax sit. 1. Tim. 1. v. 15. Fidus est hic sermo, & modis omnibus dignus quem amplectamur.* De *posteriore*: *1. Cor. 1. v. 18 Sermo de cruce, nobis, qui servamur, potentia Dei est. vers. 24. Predicamus Christum, vocatis, Dei potentiam, ac Dei sapientiam: & alia.* At *Materiam* circa quam, & in quâ, sive *Objectum* & *Subjectum*, ut vocant Scholæ, Fides omnino habet. *Objectum* ejus generatim & ad æquatè consideratum, est totum Verbum Dei, & quicquid eo continetur. Nam *fides est ex auditu*, id est, ex Verbo Dei audito, & auditus per Verbum; scilicet, prædicatum *Rom. 10. v. 17.* Utque primo

Objectum generatim, totum Verbum Dei.

primò oritur, sic ultimò resolvitur in hoc principium, Dominus dixit: Nec suprà id, quod scriptum est, ullatenus sapit 1. Cor. 4. v. 6. Sed *specificè* & propriè consideratum Objectum est *Euangelium*, potentia Dei ad salutem, omni credenti, Rom. 1. vers. 16. cui credere jubemur, Marc. 1. v. 15. & quod inde *fides* Metonymicè vocatur Rom. 3. v. 31. Cujus distinctionis fundamentum est diversa fidei ad suum objectum *ratio* atque affectio. *Alia* quippe credit per assensum tantum; *alia* per assensum & fiduciam simul. Per *solum assensum* credit, quicquid legale, historicum, passim proponitur: utpote quod verissimum esse firmiter statuit. Per *assensum & fiduciam simul* credit promissiones Evangelicas, quas non modò ut veras & bonas approbat, sed etiam ut credenti factas fiducialiter acceptat. Atque huc facit distinctio phrasum vulgò recepta, *Credere Deo, Deum, & in Deum*: de quâ suprà. *Proprium* itaque *Fidei Iustificantis Objectum* est Objectum Evangelii, hoc est, *gratia Dei in Christo Redemptore*, sive Christus Redemptor; prout in Evangelio & Sacramentis tanquàm speculis offertur, ob oculos nobis depingitur, & à nobis cernitur 2. Cor. 3. v. 18. Gal. 3. v. 1. *Cernimus enim per speculum & anigma*. 1. Cor. 13. v. 12. *qui per fidem, non per adspèctum incedimus* 2. Cor. 5. v. 7. Quod objectum idem est in utroque Testamento. Est enim *Christus heri & hodie i-dem, & in secula* Hebr. 13. v. 8. Est *agnus ille mactatus jam inde à jacto mundi fundamento* Apoc. 13. v. 8. Ratio etiam evidens est: quia *nemo venit ad Patrem, nisi per Christum*, Ioh. 14. v. 6. *nec est in alio quocquam salus, neque aliud nomen est sub cælo, quod datum sit inter homines, per quod oporteat nos servari* Act. 4. v. 12. Ex quo de utriusque Testamenti populo pronuntiat Petrus, *per gratiam Domini Iesu Christi credimus nos servatum iri, quemadmodum & illos, scilicet, Patres nostros*, Act. 15. v. 10. 11. & Paulus, Rom. 3. v. 30. *Deus unus est, qui justificat circumcisionem ex fide, & preputium per fidem in Christum, traditum in mortem propter lapsus nostros, & resuscitatum ad nostri justificationem* cap. 4. v. 23. 24. 25. Cæterum objectum illud unum substantiâ, aliis atque aliis vestitum circumstantiis proponitur: Unde clârrior vel obscurior, distinctior vel confusior ejus exstitit cognitio. In V. T. proponebatur ut *futurum*, in promissionibus de semine mulieris contrituro caput serpentis, Genes. 3. v. 15. de semine Abraham benedicturo omnibus gentibus terræ, cap. 22. v. 18. de Filio Davidis regnatura in æternum, 2. Sam. 7.

*Specificè
Euangelium.*

*Proprium,
gratia Dei
in Christo.*

*In utroque
Test. unum
idemque
substantiâ;*

*Diversum
circumstan-
tiis.*

*In V. T. ut
futurum:*

Initio N. T.
ut præsens.

Tandem
Christo fuf-
citato ple-
niffime &
planiffime re-
velatum.

Offeritur defi-
nite fingulis.

v. 12. & feqq. de Immanuele ex Virgine nafciture *Efa. 7. v. 14. &c.*
Quæ promiffiones variè pro ætate Ecclefie repetitæ, plures sub-
inde & evidentiores Objecti circumftantias revelarunt. Deinde
diverfis perfonarum ac rerum figuris ut futurum adumbrabatur,
plus minusvè intellectis, pro ipfarum promiffionum, atque etiam
minifterii publici conditione. *Initio N. T.* ex futuro quidem fa-
ctum eft *præsens*: ut nunciarent Angeli; *Vobis natus eft Servator,*
Luc. 2. v. 11. qui fervabit populum suum à peccatis ipsius, Mat. 1. v. 21
testaretur Joannes; *Hic eft agnus ille Dei, qui tollit peccatum mundi,*
Ioh. 1. v. 19. cœlitus clamaret Pater; *Hic eft Filius ille meus, dilectus*
ille, in quo acquiesco, Mat. 3. v. 17. ipse Christus prædicaret; *se esse*
promiffum illum Messiam, Ioh. 4. v. 26. Interim circumftantiæ mul-
tæ de Personâ ipsius ac munere prædictæ & præfiguratæ, ut non
protinus impletæ, fic nec statim revelatæ, & ab aliis cognitæ & cre-
ditæ fuerunt. Samaritanorum certè hæc tantum fides erat; *Iesum*
esse verè Servatorem illum mundi Christum, Ioh. 4. v. 42. Nathanaëlis,
Christum esse Filium Dei, & Regem Israël, cap. 1. v. 50. Aposto-
lorum; *Christum esse agnum Dei tollentem peccatum mundi, v. 36.*
37. Messiam, v. 42. Filium illum Dei viventis Matth. 16. v. 16.
Circumftantias autem hujus objecti, five redemptionis modum per
meritum mortis & efficaciam resurrectionis, *Rom. 4. v. 25.* ipsi
etiam Apostoli ignorarunt *Matth. 16. v. 22.* Quin & Christus,
ut alia multa, *Ioh. 16. v. 4. 12.* ita hunc modum ipsis à principio
non tradidit, quod portare non possent: sicut his verbis testa-
tur Matthæus: *cap. 16. v. 21. Ex eo tempore cœpit Iesus indicare di-*
scipulis, oportere se abire Hierosolysmam, pati, occidi, & suscitari. At
postea, Christo jam à mortuis fuscitato, & ad dextram Patris collo-
cato; tùm objectum Christus, tùm omnes objecti, id est, Personæ
& Muneris ejus, circumstantiæ pleniffimè & planiffimè Aposto-
lis per Spiritum Sanctum, nobis per Apostolos revelatæ sunt, &
credendæ offeruntur: uti in Symbolo Apostolico κατ' Ἀποστόλους
videre est. Postremò illud quoque ad objecti cognitionem perti-
net, quod Christus, seu promiffio gratiæ propter ipsum, non tan-
tum generaliter & indefinitè quibufvis, sed etiam specialiter &
definitè fingulis credentibus offeratur. Docet id praxis Christi,
qui promiffionem illam ita proposuit in genere, Ioh. 3. vers. 16.
Matth. 11. v. 28. 29. Marc. 16. v. 16. ut etiam applicarit in spe-
cie: Paralytico, *Matth. 9. vers. 2.* peccatrici, *Luc. 7. vers. 48.*
Zacchæo

Zacchæo, *cap. 19. v. 9. 10.* latroni *cap. 23. v. 43.* Confirmat praxis Apostolorum, qui ex muneris sui autoritate, *Ioh. 20. v. 23. 2. Cor. 5. v. 20.* idem fecerunt, & faciendum esse docuerunt *Act. 2. v. 38. 39. 1. Tim. 1. v. 15. 16. Gal. 2. v. 16. 20. Rom. 3. v. 23. 24.* Sacramenta fidei iustitiam unicuique sigillatim obsignant *Genes. 17. v. 13. Act. 2. v. 38. Rom. 4. v. 11. Spiritus adoptionis testatur Spiritui nostro, nos esse Filios Dei, Rom. 8. v. 16. & revelat, quæ Deus nobis gratificatus est 1. Cor. 2. v. 10. 12.* Quorum utrumque cum ex Verbo fiat, & secundum ejus veritatem; promissionem gratiæ in illo specialiter offerri necessum est. Hactenus de Ob-
jecto.

Subiectum Fidei commune est, vel proprium. *Commune* est totus Homo, animâ & corpore constans, sed peccator, & in Christo electus ad vitam æternam. Etenim peccatori opus est fide ad accipiendam peccatorum suorum remissionem, *Act. 26. v. 18. Rom. 3. v. 25.* quæ tamen non omnibus, sed iis tantum datur, qui ad vitam æternam ordinati sunt. *Act. 13. v. 48.* Unde fides negatur esse omnium, *2. Thess. 3. v. 2.* affirmatur verò esse Electorum, *Ti. 1. v. 1.* scilicet adultorum. *Infantes* fidelium et si ipsi quoque habeantur pro Electis, expromissione fœderali, *Genes. 17. v. 7. Act. 2. v. 39.* & multi ipsorum sint tales, *Rom. 9. v. 11.* soli Deo noti, *2. Tim. 2. v. 19.* quin etiam ex regeneratione, *Iohann. 3. v. 3. 5.* aliquod fidei principium & quasi semen hauriant; quod cujusmodi sit, ignorare nos ingenuè fatemur: tamen cum per ætatem nec auditus, ex quo est fides, *Rom. 10. v. 17.* nec notitiæ, neq; fiducialis apprehensionis capaces sint, *Subiectum* *δεσπνὸν* fidei Iustificantis esse nequeunt. *Proprium* subiectum est partim Intellectus hominis, partim voluntas. De *Intellectu* inde constat; quod cum fidem infundit Spiritus Sanct. mentum homini aperit, *Luc. 24. v. 45.* eamque renovat, *Ephes. 4. v. 23.* item quod fides sic infusa, *notitia, Esa. 53. v. 11. cognitio, Ioh. 17. v. 3. agnitio, Coloss. 1. v. 9. 10. plenè certiorata intelligentia, cap. 2. v. 2.* appellatur. *Voluntati* verò itidem inesse, ab operatione Spiritus Sancti, actu, atque objecto fidei ostenditur. Ab *operatione Spiritus Sancti*: quia is cor nobis aperit, ut credamus, *Act. 16. v. 14.* & habitat per fidem in cordibus nostris *Ephes. 3. v. 17.* Ab *actu fidei*; qui est corde credere ad iustitiam, *Rom. 10. v. 10.* in corde suo credere, *v. 9.* toto corde credere, *Act. 8. v. 37.* acci-

Subiectum
Commune,
Homo pec-
cator,

electus

Infantes non
sunt fidei
subiectum
δεσπνὸν.

Proprium.

Intellectus.

Voluntas.

pere remissionem peccatorum, cap. 26. v. 18. bonam partem eligere, Luc. 10. v. 42. quod sanè voluntatis est. Ab *Objecto* denique: nam cum promissio gratiæ offeratur in Verbo, non modo cognoscenda, & approbanda ut vera, sed etiam amplectenda ut bona; menti simul & voluntati offerri, & tam hâc accipi, quàm illâ approbari certum est. Nec obstat veritati huic Theologicæ axioma Philosophicum: Quod, videlicet, nullum accidens singulare esse possit in duobus subjectis: quia id de accidentibus naturalibus, prout ea intellexerunt & explicarunt Philosophi; non de accidenti hoc divino & supernaturali, ipsis prorsus incognito, loquitur.

Forma est

Forma Fidei Justificantis est *fiducialis gratia apprehensio*. Siquidem formalis ejus actus est, Christum hujusque beneficia in promissione Evangelii apprehendere fiducialiter, sive cum fiducia. Utrumque evidentibus Scripturæ testimoniis confirmari potest. *Prius* de apprehensione; Ioh. 1. v. 12. *Quotquot eum receperunt, dedit eis hoc jus, ut filii Dei sint facti, nempe iis qui credunt in nomen ejus.* Act. 26. v. 18. *Vt remissionem peccatorum accipiant per fidem.* Rom. 5. v. 11. *Per ipsum (Christum) reconciliationem accepimus.* v. 17. *Donum justitiæ recipiunt.* Galat. 3. v. 14. *Vt promissionem Spiritus accipiamus per fidem.* Philipp. 3. v. 12. *Persequor experiens, an quoque apprehendam.* 1. Tim. 1. v. 15. *Certus est hic sermo, & dignus modis omnibus qui recipiatur, Christum Iesum venisse in mundum, ut peccatores servaret, quorum primus sum ego.* In quibus omnibus relationis vi etiam consideranda est. *Promissio* Evangelii offert, exhibet: *fides*, correlatum ejus, accipit. Ut igitur illa dat Christum, qui est donum Dei, Iohan. 4. v. 10. dat vitam æternam, quæ est donum Dei, Rom. 6. v. 23. ita *fides* in promissione Christum ejusque beneficia accipit. *Posterius*, de fiducia: Psal. 78. v. 22. *Non credebant in Deum, nec ponebant fiduciam in auxilio ejus.* Iohan. 39. v. 14. 15. *An confides ei? an credes ei? &c.* Mich. 7. v. 5. *Nè creditore amico, nè confiditote duci.* Luc. 16. v. 11. *Si in fallaci mammonâ fideles non fuistis, vera bona quis crederet vobis?* Ioh. 2. v. 24. *Iesus non credebat se ipsis.* Et in exemplis, Matth. 9. v. 22. *Fides tua te servavit.* Quæ fides hæmorrhoiæ sic describitur, v. 21. *dicebat apud se, si solum tetigero vestimentum ejus, sanabor.* Sic Luc. 5. v. 20. *Christus visâ fide bajulorum & Paralytici, ait ei: Homo, remissa tibi sunt peccata tua.* Act. 14. v. 9. *Paulus cum vidisset, quod fidem haberet claudus, se liberatum iri.* Iohann. 16. v. 33. *Confi-*

Confidite, ego vici mundum : cum quo conferatur locus 1. *Ioh. 5. v. 4.* *Hac est victoria qua vici mundum, nempe fides nostra.* Sic *Matt. 15. v. 28.* *O mulier, magna est fides tua ! Fiat tibi ut vis, &c.* Opponitur etiam fidei *diffidentia, hesitatio, pusillanimitas, timor, metus, Matt. 14. v. 31. cap. 21. v. 21. Luc. 8. v. 24. 25. cap. 12. v. 29. Rom. 4. v. 20. & alibi* : quæ fiduciam esse clarè ostendunt. *Postremò idem colligitur ex ratione objecti.* Etenim Christus ita accipitur fide, ut offertur in promissione. At in promissione offertur speciatim, ut meus, tuus Servator. Ergò ita quoque fide accipitur : sicut accepit ipsum Thomas, dicendo : *Domine mi, & Deus mi*, edque credidit ; ipsius Christi testimonio *Ioh. 20. v. 29.* Si verò Christus ita accipitur, equidem fiducialiter accipitur. Ut enim amicum meum verè non voco, de cuius amico ergà me animo non sum persuasus : sic neque verè nomino Servatorem meum, quem persuasione cordis pro eo non habeo. Est igitur fides formaliter fiducialis Christi apprehensio, quâ quisque fidelis sibi eum speciatim applicat. Quæ *specialis applicatio* in voluntate est, ex speciali adjudicatione in mente. Nam *primò* judico vera esse de me, bona esse mihi, quæ proponuntur in Euangelio : *inde* ut bona apprehendo. Docet hoc Apostolus exemplo suo *1. Tim. 1. v. 15. 16.* *Certus est hic sermo, & dignus modis omnibus qui recipiatur, Christum Iesum venisse in mundum, ut peccatores servaret : quorum primus sum ego.* Verùm ideò *misertus est mei, ut in me primò ostenderet omnem iræ suæ cohibitionem.* Et *Gal. 2. v. 20.* *Vivo per fidem illam Filii Dei, qui dilexit me, & tradidit semetipsum pro me.* Hinc alii fidem definiunt *πληροφορία* in mente, & *πεπίθισιν* in voluntate. Nam *πληροφορία* πληροφορία
&
πεπίθισιν
quid. menti tribuitur, *Rom. 14. v. 5.* fides *πληροφορία* τῆς σωτέως, plenè certiorata intelligentia vocatur. *Coloss. 2. v. 2.* Sic *πεπίθισιν* Voluntati non obscurè vendicatur. *2. Cor. 3. v. 4. cap. 10. v. 2.* Quamvis hoc discrimen non sit perpetuum : ut inter cætera videre est *Hebr. 6. v. 11.* ubi *πληροφορία* voluntati, & *Rom. 14. v. 14. Phil. 1. v. 25.* ubi *πεπίθισιν* menti adscribitur : sicut utraque vox latius quoque pro quâvis certioratione & persuasione sive fiduciâ accipitur *Rom. 14. v. 5. 14. 2. Cor. 10. v. 2. 2. Timoth. 4. v. 5.* Licet verò *πληροφορία* & *πεπίθισιν* in multis Scripturæ locis atque exemplis plenam certiorationem & firmam persuasionem notent : inde tamen non efficitur, quod qui utramque eo modo graduve non habent, verâ fide careant. Præterquam enim quod fides ibi describitur.

scribitur, qualis est *vel* in suâ perfectione, ad quam contendendum est, *vel* in illustrioribus exemplis, quæ nobis sunt imitanda: *Rom. 4. v. 12. Hebr. 13. v. 7.* verbum *πληροφορέωμαι*, & substantivum *πληροφορία*, non certiorationem sive persuasionem simpliciter, sed cum modo, plenam certiorationem, certam persuasionem designant. Quod constat, *partim* ex nativâ vocis significatione: nam *πληροφορέωμαι* est plenâ fiduciâ, tanquàm plenis velis ferri: *partim* ex constructione, ubi naturam induit adjectivi: *πληροφορία τῆς ἐλπίδος*, certiorata spes, *Hebr. 6. v. 11. πληροφορία πίστεως*, certiorata fides, *cap. 10. v. 22. partim* ex optimorum interpretum Versionibus, quæ hæc voces ita reddunt: *Plenam fidem facere, Luc. 1. v. 1. 2. Tim. 4. v. 5. plenè persuasum habere, Rom. 4. v. 21. plenè certum esse, cap. 14. v. 5. plenam persuasionem, 1. Thess. 1. v. 5. certam persuasionem Hebr. 6. v. 11.* Attamen, quicumque verè credit, *πληροφορεύει* habet: cum fides absque persuasionem & certiorationem esse nullo modo possit. Sed qui fide firmâ credit, ut Abraham, *Rom. 4.* Paulus, *cap. 8.* habet persuasionem illam cum gradu, id est, plenam persuasionem: qui infirmâ, non simpliciter sed secundum quid, id est, persuasionem absque illo gradu. Sic *Πειπίθωσις* tantum persuasionem notat, & non mutatâ significatione ab eâdem, quâ *πίσις*, radice descendit, quæ est Verbum *Πείθομαι*. At *πίσις* fide infirmis rectè tribuitur: qui *ἐλιγόπιστοι* dicuntur, *Matt. 8. v. 26.* & ita credunt, ut Dominum incredulitati suæ velint succurrere *Marc. 9. v. 24.* Ergo iisdem rectè tribuitur *πειπίθωσις*. Adde, quod Verbum *Πείθω*, & *πείθομαι* apud autores sacros & profanos de quâvis persuasionem, etiam probabili, infirmâ, fallaci, non infrequenter usurpatur.

In quavis
verâ fide re-
periuntur.

Finis sum-
mus.

Subalternus.

Effecta

1. Confiden-
tia.

Finis Fidei supremus est Gloria Dei, inprimis laus veracitatis ejus: nam qui recipit testimonium ejus, is obsignavit Deum veracem, esse *Iohann. 3. v. 33.* Subalternus est salus animarum, quam vocat Petrus fidei nostræ mercedem, *1. Epist. 1. v. 9.* & ad quam credere dicimur *Hebr. 10. v. 39.*

Effecta varia sunt. Primum est *Confidentia*, quæ *Ephes. 3. v. 12* *Πειπίθωσις* appellatur; quâ acquiescimus in Dei erga nos gratiâ, & pacem coram ipso obtinemus *Rom. 5. v. 1.* Quia enim de hac gratiâ *πληροφορία πίστεως*, certioratâ fide persuasi sumus, *Hebr. 10. vers. 22.* non possumus non confidere ei, tam gratiosè erga nos affecto,

affectō, adeoque totos nos ipsi committere. Alterum est *Spes*, 2. *Spes*.
Rom. 5. v. 2. 5. *cap.* 8. v. 23. 24. 25. quā patienter expectamus
 quā à Deo promissa fide accepimus. Ideoque continet & con-
 firmat fidem, nè Deo promissionum complementum differente,
 aut præcipitet se festinando, aut vacillet dubitando. *Objectum* A fide quid
 cum fide idem habet. Nam fides est *πίστις τῶν ἐλπιζομένων*, & differat.
 utraque fertur in bona, quæ oculis corporeis non cernuntur
Hebr. 11. v. 1. *Rom.* 8. v. 24. 25. Quā de causā fides pro spe, &
 contrā, ponitur 1. *Cor.* 13. v. 19. *Hebr.* 10. v. 23. 1. *Petr.* 1. v. 13.
cap. 3. v. 15. 1. *Iohann.* 3. v. 3. Differunt verò objecti percipiendi
 modo: quod *fides* præsens quasi facit, & applicat credenti, ut eo
 tanquā præsenti fruatur, *Hebr.* 11. v. 1. *Spes* autem ut futurum
 tantum illud intuetur, nec ullā ratione in præsentia fertur *Rom.*
 8. v. 23. 24. Tertium est *Charitas*, quæ ex fide non fictā profici- 3. *Charitas*.
 tur, 1. *Tim.* 1. v. 5. per quam operatur fides, *Gal.* 5. v. 6. & à
 quā efficax, 1. *Thess.* 1. v. 3. & viva, *Iacob.* 2. v. 17. denomina-
 tur. Estque à fide prorsus inseparabilis. Cum enim Deum ut no-
 stri amantissimum fideli corde apprehendimus, qui proprio Fi-
 lio non pepercit, sed pro nobis omnibus tradidit eum, *Rom.* 8.
 v. 32. statim ex eodem corde sincerus ergā ipsum amor erumpit,
 & propter ipsum erga alios, proximos nostros. Alia effecta sunt,
Invocatio, *Rom.* 10. v. 14. *Confessio*, *cap.* 10. v. 9. 10. 2. *Cor.* 4.
 v. 13. *Unio cum Christo*, *Iohann.* 15. v. 4. 5. *Ephes.* 3. v. 17. *cap.* 5.
 v. 30. & *Communio in bonis ipsius* *Rom.* 6. v. 4. 5. *cap.* 8. v. 1. De
Subjecto abundè dictum est.

Adjunctorum tres classes facimus. Est enim fides Una, *ἰσότης* Adjuncta,
μῶς, *ἁπλοῦς*: est Gradibus diversa, sempertamen Imper- quod
 fecta: est Constans & durabilis in hāc vitā, destituta in alterā.
 Primò, una est fides, *Eph.* 4. v. 5. quia unius speciei est in omni- Primò: Una,
 bus credentibus, neque aliā fide veteres servati sunt, quā nos
Actor. 15. v. 11. Est *ἰσότης* æquè pretiosa in omnibus, 2. *Petr.* 1. *ἰσότης*
 v. 1. nam omnium fides fertur in unum Deum, *Ephes.* 4. v. 6.
 qui justificat circumcisionem ex fide, & præputium per fidem; *Rom.* 3.
 v. 30. in unum Dominum, *Ephes.* 4. v. 5. traditum in mortem pro-
 pter lapsus nostros, & resuscitatum ad nostri justificationem *Rom.* 4. v.
 25. Eoque etiam omnibus quocunque gradu suo ad salutem suffi-
 cit. Est *ἁπλοῦς*, non ficta, non simulata, 1. *Tim.* 1. v. 5. sed ve- *ἁπλοῦς*
 ra & sincera, radicem habens, *Luc.* 8. v. 13. & 15. inter se collatis

& soliditatem, *Coloss.* 2.v.5. ut quæ omnia facit propter Deum, propter Christum in Euangelio oblatum, propter Spiritualia eius beneficia, iustitiam & vitam; & cum Abrahamo gloriam Deo tribuit *Roman.* 4.v.20. Deinde *gradibus variat*: quia Deus certam fidei mensuram cuique admetitur: *Rom.* 12.v.3. *Deus cuique partitur mensuram fidei.* 1.*Cor.* 12.v.11. *Spiritus distribuit dona privatim singulis prout vult.* *Ephes.* 4.v.7. *Unicuique vestrum data est gratia pro mensurâ doni Christi.* Hinc aliorum magna fides celebratur; *Matth.* 8.v.10. *Nè in Israël quidem tantam fidem reperi;* *cap.* 15.v.28. *O mulier, magna est fides tua!* Aliorum contrâ parva fides culpatur: *Matth.* 8.v.26. *Quid formidolosi estis, ô exiguâ fidei pradii.* *cap.* 14.v.31. *Exiguâ fidei pradiæ, quid dubitasti?* Semper tamen imperfecta est, 1.*Cor.* 13.v.12. quia neque cognitio perfecta, v.9. neque fiducia ita firma, quin in tentationibus aliquando vacillet. Unde orarunt Apostoli, *Domine adauge nobis fidem, Luc.* 17.v.5. & Paulus ad profectum in eâ faciendum Ephesios hortatur, *cap.* 4.v.13.14. qui etiam perfectæ fidei ideam, ad quam connitantur, auditoribus suis multis locis præscribit. Atque inde nascitur diversa fidei in Scripturis consideratio. Spectatur enim vel abstractivè, vel concretivè. *Abstractivè*, cum docetur, qualis sit in se, & qualis esse debeat in nobis *Coloss.* 2.v.2. *Heb.* 6.v.11. *cap.* 10.v.22.23. & alibi. *Concretivè*, modificata in subiecto, id est, exemplis. Et illa vel cum perfectione aliquâ, vel cum defectu proponuntur. Cum perfectione aliquâ in Abrahamo, *Rom.* 4. in Paulo *Romanor.* 8. in Sanctis, quorum catalogus textitur, *Hebr.* 11. in ductoribus Hebræorum, quorum fidem imitari jubemur *cap.* 13.v.7. Cum defectu tùm notitiæ, tùm fiduciæ, in Apostolis ante Christi resurrectionem, *Matth.* 16.v.22. *Ioh.* 16.v.17. *Matth.* 8.v.26. *cap.* 17.v.20. in Samaritanis, *Iohann.* 4.v.39.42. in patre illo, *Marc.* 9.v.24. & in iis, qui minimo fidei gradu donati esuriunt & sitiunt, id est, desiderant iustitiam, *Matth.* 5.v.6. vocatique venire ad Christum expetunt, *Matt.* 11.v.28. *Ioh.* 6.v.37. similes arundini quassatæ, quæ non confringitur, & lino fumiganti, quod non exstinguitur *Esa.* 42.v.3. *Matth.* 12.v.20. Institutâque comparatione, fides in N. Test. generatim perfectior est, quàm in Veteri, respectu noticiæ *Matth.* 11.v.11. *cap.* 13.v.17. At respectu apprehensionis, in V. Test. sæpe perfectior fuit, quàm in Novo: ut exempla Abrahæ,

Deinde: gradibus varia.

Semper imperfecta.

hami, Patris credentium, Davidis, & fidelium multorum, de quibus est *Heb. 11.* docent. Imò in uno eodemque subjecto perfectior est vel imperfectior, prout variè accrescit vel decrescit homo interior, 2. *Cor. 4.* vers. 16. perfectior in Davide stante, quam in lapso: sicut qui fide stat, cavere jubetur, nè cadat 1. *Cor. 10.* v. 12. *Rom. 11.* v. 20. Imperfectissima autem, partim initio, cum fidei semen primùm concipitur, *Iohan. 1.* v. 35. & seqq. cap. 4. v. 39, 42. partim in peccatis contrà conscientiam, 2. *Sam. 11.* & 12. partim in Spiritualibus tentationibus *Psal. 42.* 74. & alibi. Tertio, constans est in hac vitâ fides, & ad finem usque durabilis; quia ἀπαξ ὁδοῦσιν, *Iud. 3.* nunquàm penitus deficit, *Luc. 22.* v. 32. propter Christi intercessionem, *Iob. 17.* & virtutem Dei, quâ ad salutem custodimur per fidem 1. *Pet. 1.* v. 5. Post hanc vitam autem mutata in adsp̄ctum. 2. *Cor. 5.* v. 7. desinet. Qui ipse adsp̄ctus etiam quidem erit Christi Servatoris cognitio & apprehensio; sed longè clarior & perfectior; quia non posteriora, sed faciem ejus intuebimur; ipsumque non in imagine, sed coràm videbimus, sicuti est 1. *Iob. 3.* v. 2. Ita nos docet Apostolus: 1. *Cor. 13.* v. 9. 10. 12. Ex parte cognoscimus, & ex parte prophetamus. Postquam autem advenerit quod perfectum est, tunc quod est aliquatenus, ut inutile tolletur. Cernimus nunc per speculum & per enigina: tunc autem coràm cernemus. Nunc novi aliquatenus; tunc verò amplius cognoscam, prout amplius edoctus fuero.

Tertio: Constans in hac vitâ.

Desitura in alterâ.

Adsp̄ctus quid.

Progredimur ad hujus quoque Loci Usum: qui est

I. Ad Διδασκαλίαν: Externa salutis media nihil profunt, absque internâ Spiritus Sancti gratiâ, *Deut. 29.* v. 4. *Matth. 13.* v. 11. & seqq. exemplo Antiochenorum, *Act. 13.* v. 48. & Philippen-
sum cap. 16. v. 13. 14. In Vocatione Deus ex aeterno Electionis decreto ad nos descendit *Rom. 8.* v. 28. 29. Est illa prorsus gratuita, omnes hominis actus antevertens, *Rom. 9.* v. 16. cap. 10. v. 20. exemplo Pauli *Act. 9.* Est liberrima *Matth. 20.* v. 1. & seqq. Est à morte ad vitam, à communionem Satana ad communionem Christi, 1. *Cor. 1.* v. 9. è tenebris in admirabilem Dei lucem transitus 1. *Petr. 2.* v. 9. Est electorum propria *Rom. 8.* v. 28. 29. 1. *Corinth. 1.* v. 26. 27. 28. 2. *Petr. 1.* v. 10. Per vocationem fidem nobis indit Deus, exemplo Lydia, *Act. 16.* v. 14. quâ vocanti respondeamus & vocationi *Psal.*

27. v. 8. Jerem. 3. v. 17. Zach. 13. v. 9. *Eandem quoque in nobis confirmat & conservat, tandemque perficit*, Phil. 1. v. 6. *ne deficiat; exemplo Petri*, Luc. 22. v. 32. *sed ut Christus Iesus, dux ejus & consummator audiat* Heb. 12. v. 2. *Quamvis autem non sit omnium hominum*, 2. Theff. 3. v. 2. *est tamen omnium Electorum*, Tit. 1. v. 1. Actor. 13. v. 48. *tam V. quam N.T.* Rom. 4. Heb. 11. Actor. 15. v. 11. *Vna specie in omnibus*, Ephes. 4. vers. 5. *& aequè pretiosa in omnibus* 2. Petr. 1. v. 1. *nihil sciens, nisi Iesum Christum, eumque crucifixum* 1. Cor. 2. v. 2.

II. Ad Παίδεϊαν: *Agnoscamus tam gratiosæ vocationis autorem Deum* 1. Cor. 1. v. 9. *Prædicemus misericordiam ejus & virtutes* 1. Pet. 2. v. 9. *Admiremur supereminentem magnitudinem potentie, efficacitatem roboris virium ipsius, in nobis, qui credimus* Ephes. 2. v. 19. 20. *Rogemus ut aperiat nobis oculos ad videndum* Actor. 26. v. 18. *mentem ad intelligendum*, Luc. 24. v. 45. *cor ad obediendum* Actor. 16. v. 14. *Obediētemus vocationi ipsius, exemplo Apostolorum*, Joh. 1. Pauli. Actor. 9. cap. 26. v. 19. *dicentes cum Samuele singuli*; *Loquere Jehova; quia audit servus tuus*, 1. Sam. 3. v. 10. *& Eam firmam nobis faciamus* 2. Pet. 1. v. 10. *Sic fidem quoque efficacem reddamus per charitatem*, Gal. 5. v. 6. 1. Theff. 1. v. 3. *bonis operibus conspicuam*, Jacob. 2. v. 18. *& ad gloriam Dei Patris lucidam* Matth. 5. v. 16. *Cumque ea varia sit, exploremus, an simus in verâ fide*, 2. Cor. 13. v. 5. *quæ ævângeat & est* 1. Tim. 1. v. 5. *& soliditatem habet* Coloss. 2. v. 5. *Quod ita consequemur; si gloriam Deo tribuemus, exemplo Abrahami*, Rom. 4. v. 20. *& charitatem laboriosam exercebimus* 1. Tim. 1. v. 5. 1. Theff. 1. v. 3. *Incumbamus omni studio in cognitionem Dei & promissionum ejus, quæ sunt Iustitia & Vita*; Esa. 53. v. 11. Johann. 17. v. 3. *nihil statuentes scire, quam Christum Iesum eumque crucifixum*, 1. Cor. 2. v. 2. *toto corde iisdem promissionibus confidamus & nitamur, ut quæ omnes Etiam sunt & Amen in Christo*. 2. Cor. 1. v. 20. *Et huic fideli conditori commendemus animas nostras*, 1. Petr. 4. v. 19. *exemplo Davidis*, Psal. 31. v. 6. Stephani Actor. 7. v. 59. *Qui novimus cui crediderimus, & quibus persuasum est, illum posse depositum nostrum custodire* 2. Tim. 1. v. 12. *Proficiamus etiam magis magisque in fide*, Ephes. 4. v. 13. *& seqq. de fide infirmâ in fidem firmam*, Rom. 1. v. 17. *Liberè eam constanterque profiteamur*, 1. Petr. 3. vers. 15. *exemplo Apostolorum* Actor. 2. 3. 4. 5. capp. *ut nos Christus vicissim confiteatur coram*

Patre suo Matth. 10. v. 32. *Deploremus naturalem nostram ἀμισίαν*, exemplo *Patris illius*, de quo est Marc. 9. v. 24. *Cum eâ pugnemus*, exemplo *Davidis* Psal. 42. v. 12. *Indefinenterque oremus*; Domine, succurre incredulitati nostræ Marc. 9. v. 24. Domine, adauge nobis fidem Luc. 17. vers. 5. *Quò ita radicati, & superstructi in eo*, ac confirmati fide, Coloss. 2. vers. 7. non modò perseveranter credamus, ad animarum salutem, Hebr. 10. vers. 39. sed etiam pati pro ipso parati sumus Philipp. 1. vers. 29.

III. *Ad Ἐπαρόθυον*: Nè aures obturemus *Vocationi Dei*, exemplo *Israëliitarum* Psal. 95. v. 8. & seqq. Hebr. 3. vers. 7. 15. Nè rejiciamus eam, exemplo *Antiochenorum*, Actor. 13. v. 46. & *Judeorum communiter*, Matth. 22. v. 1. & seqq. aut ullos contrà eam prætexus queramus Luc. 14. v. 18. 19. 20. Nè *vocatorum paucitate, & contemptâ sorte offendamur* 1. Cor. 1. v. 26. & seqq. Nec de ullius *vocatione desperemus*, cum serò etiam vocet Deus operarios quosdam, horâ undecimâ Matth. 20. v. 6. & seqq. *Latronem in cruce* Luc. 23. v. 43. Nè *increduli simus*, exemplo *Israëliitarum*, Psal. 78. v. 22, 32. Hebr. 3. v. 19. *Judeorum*, Joh. 12. v. 37. *Thomæ*, cap. 20. v. 25. Nè *fidem sensuum judicio metiamur*, exemplo *Thomæ* Johann. 20. v. 25. 29. cum *invisibilem sit* Hebr. 11. v. 1. Nè *quicquam ejus nobis vendicemus, & quasi ex nobis esset*, de eâ gloriemur Ephes. 2. v. 8. 9. 1. Cor. 4. v. 7. Nè *dubitemus de veritate promissionum*, Jacob. 1. v. 6. exemplo *Petri*, Matth. 14. v. 30. & *Apostolorum* cap. 17. vers. 20. Nec *dilatione complementi segnescamus* Hebr. 10. v. 36, 37. 2. Pet. 3. v. 4. & seqq. Nè *tanquam firmi fide securi simus* Roman. 11. v. 18. & seqq. 1. Cor. 10. v. 12. Neque *infirmos contemnamos*, Rom. 14. v. 1. & seqq. ut qui *aquè pretiosam fidem nobiscum sortiti sunt* 2. Petr. 1. vers. 1.

IV. *Ad Παράκλησιν*: Christus venit *vocatum*, non *justos*, sed *peccatores ad respicientiam* Matth. 9. v. 13. Veniamus ergò ad ipsum quotquot *laboramus & onerati sumus*; ipse reficiet nos, cap. 11. v. 28. veniamus *serio cordis desiderio, & non ejiciemur foràs*. Johann. 6. vers. 37. Bonus est *Iehova*, qui pro fide *desiderium mansuetorum accipiat*, Psalm. 10. vers. 17. qui *esurientes & sitientes iustitiam saturat* Matth. 5. vers. 6. & *famelicos implet bonis suis* Luc. 1. vers. 53. Qui *arundinem quassatam non confringit, & linum fumigans non exstinguit*, Esa. 42. vers. 3. Matth. 12. vers. 20. Si *infirmâ est fides*, Spiritus *subleuat ejus infirmitatam* Rom. 8. vers. 26. Dominus succurrit

incredulitati, quâ cum permixta est Marc. 9. vers. 24. *Est enim fide-*
lis qui vocavit nos, 1. Corinth. 1. vers. 9. & *qui cœpit in nobis bonum*
opus, perficit illud usque ad diem Iesu Christi Philipp. 1. vers. 6. *Si*
Satanas nos tentat, fides ignita ejus jacula exstinguit, Ephes. 6.
 vers. 16. *Si mundus oppugnat: fides vincit, quæ mundi victoria est,*
 1. Johan. 5. vers. 5. *Si adversa ingruunt, per eam plusquam victo-*
res sumus, Rom. 8. vers. 37. & *gloriamur de afflictionibus;* cap. 5. v.
 3. *Gaudentes cum Apostolis, quod digni habiti simus, qui pro nomi-*
ne Iesu contumeliâ afficiamur Actor. 5. vers. 41. *Si propter eam*
displicemus omnibus, atqui per eam placemus Deo, Hebr. 11. vers.
 6. *exemplo aliorum fidelium:* ibidem. *Hanc igitur anima nostra*
anchoram habentes tutam ac firmam, Hebr. 6. v. 19. *accedamus*
cum vero corde per certioratam fidem, ad spersionem purgatis cordibus
à conscientia malâ: & abluto corpore aquâ mundâ, retineamus profes-
sionem spei non vacillantem; cap. 10. vers. 22. 23. *Scientes cui cre-*
diderimus, 2. Timoth. 1. vers. 12. *certoque persuasi, nihil nos se-*
parare posse à charitate Dei, quæ est in Christo Iesu Roma-
 nor. 8. vers. 38. 39.

LOCUS DECIMUS QUARTUS

De

JUSTIFICATIONE.

JUSTIFICATIO est gratuita remissio omnium peccatorum, propter Satisfactionem Christi fide apprehensam.

E X E G E S I S.

IUSTIFICARE Hebræis dicitur הִצְדִּיק, Græcis ^{Iustificare quam varie accipiat.} Δικαιῶν : ac varias in Scripturâ significationes habet. Communissimè est *absolvere*, & *justum* pronunciare, *Exod. 23. v. 7. Dent. 25. v. 1. Esa. 5. v. 23. Luc. 18. v. 14. Act. 13. v. 39. Rom. 3. 4. 5. capp. passim.* Quo sensu multis locis opponuntur *Iustificare* & *Condemnare* *Prov. 17. v. 15. Esa. 50. v. 8, 9. Rom. 8. v. 33. & alibi.* Aliàs est *justum* facere, per *justitiæ imputationem* *Rom. 4. v. 5. cap. 5. v. 19.* Accipitur etiam pro *justum*, aliquem celebrare, *Luc. 7. v. 29.* item ad *justitiâ instruere*, *Dan. 12. v. 3.* item *se justum*, aut verbo *jactitare*, *Luc. 16. v. 15.* aut *opere demonstrare*, *Iacob. 2. v. 21.* vel etiam in *justitiâ perseverare* *Apoc. 22. v. 11.* Semel *Iustificari* per *Synecdochen* speciei sumitur *pro liberari* *Rom. 6. v. 7.* Nunquam *justitiæ inherenti infusione* notant. Et si enim apud Latinos, voces compositæ ex nomine adjectivo, & Verbo Facio, effectiorem in subjecto designent, ut calefacio, vivifico, sanctifico : id tamen perpetuum non est, cum Deum magnificemus & glorificemus, non ex parvo magnum, ex inglorio gloriosum faciendo, sed talem ipsum celebrando : Et in verbo *Iustifico* eò minus valet, quod vox illa, Barbara alioquin, excogitata à Theologis, & Latinitate donata est, tantum ut emphasin vocis Hebrææ & Græcæ in versione exprimat : quarum neutra cum hujusmodi significationem admittat, nec ipsi ullâ ratione ea affingi potest. Dux priores

- priores significationes hujus sunt loci : quæ ita inter se cohærent, ut posterior causa sit prioris. Quum enim Dei judicium sit secundum veritatem, *Rom. 2. v. 2.* in statu peccati neminem pronunciat justum, quem non ante remittendo ei peccata fecerit justum. Ex quo *primò* apparet, vocabulum Justificationis judicarium esse & *forense*. Nam remittere peccata, reum absolvere, & justum pronunciare, judicis est jus è tribunali dicentis : quomodo Deum introducit David : *Psal. 143. v. 2.* *Nè ingrediari in judicium cum servo tuo : nam non est justus coràm te ullus vivens :* & *Jobus cap. 9. v. 2. 3.* *Non est justus mortalis comparatus cum Deo : si volet litigare cum eo, non poterit respondere ei ad unum ex mille :* Nec non Paulus *Rom. 3. v. 19. 20. 24. 25. 26.* & *alibi.* *Secundo* apparet, agi hîc non de justitiâ legali, quæ est universalis conformitas cum lege, justificando inhærens, sed de justitiâ Evangelicâ, quæ credenti ad justificationem imputatur. Etenim *ex operibus Legis non justificatur ulla caro Rom. 3. v. 20.* Imò justificare Legi est impossibile, eò quod viribus per carnem est destituta, *cap. 8. v. 3.* Justificamur autem gratiâ Dei, per redemptionem factam in Christo Jesu *cap. 3. v. 24.* Qui modus cum absque Lege manifestus sit factus, *Rom. 3. v. 21.* in Evangelio, *cap. 1. v. 16. 17.* Justitia & Justificatio Evangelica appellatur. Denique apparet, Justificationem considerari hîc propriè, prout *Dei justificantis est actio :* cui tamen ex naturâ relatorum passio justificandi, quæ justificatio dicitur Metonymicè, responderet.
- Causa *Efficiens* Justificationis est *Deus*, Judex totius terræ, *Genes. 18. v. 25.* Judex ille universorum *Hebr. 12. v. 23.* Cui soli peccatur, *Psal. 51. vers. 6.* & qui remittere peccata solus potest *Marc. 2. v. 7.* Sic enim ille de se : *Ego, ego deleo defectiones vestras propter me, & peccatorum vestrorum non recordor amplius Esa. 43. v. 12.* Et Paulus de ipso : *Deus is est, qui justificat, Rom. 8. v. 33.* *Deum imputat justitiam absque operibus cap. 4. v. 6.* Quod pro naturâ operum ad extrâ ita tribus Deitatis personis commune est, ut tamen *Patre & Filio* peculiari quâdam ratione adscribatur ; illi quoad causam *αἰνεσιμῶν*, isti quoad causam *ἀποκαταστάσεως* & meritoriam. Causa *αἰνεσιμῶν* est Dei Patris gratia, mundum sibi in Christo reconcilians : *Rom. 3. v. 24* *Justificantur gratis, ejus gratiâ. cap. 4. v. 16.* *Ex fide est hæreditas, ut sit per gratiam. Ephes. 2. v. 8.* *Gratiâ servati estis per fidem.* Quæ gratia non est qualitas nobis

Justificatio.

Est vocabulum forense.

Agit de Justitiâ Evangelicâ.

Est actio Dei justificantis.

Efficiens, Deus.

αἰνεσιμῶν
gratia Dei Patris.

nobis infusa, sed benevolus ille affectus, quo motus Deus Pater, cum Filium nobis ordinavit Servatorem, cum beneficia ejus donavit. De quo ita Apostolus Ephes. 1. v. 5. 6. 7. *Prædestinavit nos, quos adoptaret in Filios, per Jesum Christum, in sese, secundum beneplacitum voluntatis suæ; ad laudem gloria gratiæ suæ, quâ nos gratiosos effecit in illo dilecto: in quo habemus redemptionem per sanguinem ipsius.* Et Synonyma sunt; dilectio, Ioh. 3. v. 16. benignitas, & erga homines amor Dei Servatoris: misericordia & gratia ipsius Tit. 3. v. 4. 5. 7. Atqui illa notant gratuitum favorem in Deo, non effectum ejus in nobis. Ergo & istud. Nec prætereundum est dictum Apostolicum 2. Tim. 1. v. 9. 10. *Servavi nos, non ex operibus nostris, sed ex suo proposito & gratiâ, quæ data est nobis in Christo Iesu ante tempora secularia: sed facta nunc est manifesta &c:* Ubi non modò gratiam cum æterno Dei proposito conjungit, sed etiam illam in Christo ab æterno paratam esse, & in tempore exhiberi docet. Opponuntur Gratia Justificanti opera eorumque merita, quibuscum confistere nullo modo potest. Siquidem ex operibus legis nulla caro justificatur. *Iustificamur autem gratis: ejus gratiâ, Rom. 3. v. 20. 24. & cap. 11. v. 6. Si per gratiam, jam non ex operibus, alioquin gratia jam non est gratia. Sin ex operibus, jam non ex gratiâ, alioquin opus jam non est opus.* Sic Ephes. 2. v. 8. 9. 2. Tim. 1. v. 9. Tit. 3. v. 5. & alibi passim. Causa *παρακλητική*, sive Impulsiva externa est Obedientia, Satisfactio, ac Meritum Jesu Christi Mediatoris, ac Redemptoris Θεωρίαν, Rom. 3. v. 25. cap. 5. v. 19. 2. Cor. 5. vers. 21. quam alii causam meritoriam, alii materialem Justificationis nuncupant, sensu eodem. Meritoriam quidem, quia est illud ipsum, quo nobis, propriè loquendo, meruit sive acquisivit Remissionem Peccatorum, Regenerationem Spiritus, & Vitam æternam Matth. 20. v. 28. Act. 20. v. 28. 1. Petr. 1. v. 18. 19. Materialem etiam, quia est res illa, quæ nobis applicatur ac donatur in Justificatione, sive quæ remissis peccatis ad justitiam nobis imputatur Rom. 3. v. 25. cap. 5. v. 19. 2. Cor. 5. vers. 21. De hac Scriptura bifariam serè loqui amat, concretivè & abstractivè. Illo modo, cum totum Christum proponit tanquam causam impulsivam, meritoriam, ac materialem nostræ justificationis: Esai. 53. v. 11. Jerem. 23. v. 6. Act. 4. v. 12. Rom. 8. v. 3. 1. Cor. 1. v. 30. 2. Cor. 5. v. 21. 1. Petr. 3. v. 18. Illo modo, quando meritum ac materiam nostræ justitiæ & justificationis ostendit in ipsius obe-

Id est gratuitus ejus favor.

Oppositus meritis.

παρακλητική.
Obedientia & meritum Christi.

Enunciatur concretivè.

Abstractivè.

Obedientia
Christi uni-
ca est.

Gradu distin-
cta, quorum
1. usque ad
mortem,

2. In passione
& morte.

Qui præci-
pius.

dientiâ, *Rom. 5. v. 19.* paupertate, 2. *Cor. 8. v. 9.* vibicibus & livore, *Esa. 53. v. 5.* sanguine, 1. *Petr. 1. v. 19.* 1. *Iohan. 1. v. 7.* crucifixione, *Gal. 3. v. 13.* *Coloss. 1. v. 20.* morte *Romanor. 5. v. 8. 10.* *Hebr. 2. v. 14.* Quæ phraseologia verbis sive modo explicandi diversa, rei explicatæ veritate pulchrè consentit. Utrâque siquidem significatur integra ac indivisa totius humiliationis *Christi obedientia*; quam cum ipsâ nativitate cœpit: quia natus ex muliere factus est legi obnoxius, *Gal. 4. v. 4.* totâ vitâ continuavit: quia fuit Patri obediens usque ad mortem, *Phil. 2. v. 8.* tandemque morte consummavit, pro nobis: quia dixit, *consummatum est Iohann. 19. v. 30.* Descriptio ejus haud aliunde rectius, quàm ex collatione locorum *Romanor. 5. v. 19.* & *Phil. 2. v. 7. 8.* deducitur. Non proponit Apostolus duplicem, nedùm multiplicem genere vel specie obedientiam, sed unam simplicem duntaxat nobis commendat. *Factus inquit, Patri obediens mêxet θανάτου usque ad mortem*: quæ continuationis est particula. Signanter quoque uno communi *Exinanitionis* sive *Humiliationis* nomine eam indigitat; eidemque *Exaltationem* ipsius diserte opponit. Cæterum unam illam ac simplicem obedientiam duplici gradu distinguit. Prior est obedientia ipsius *ante mortem*; *μέxet θανάτου usque ad mortem*. Præcessit igitur pars sive gradus alius obedientiæ; is nempe, cujus hic meminit Apostolus *v. 7. 8.* & quem alibi declarat, *Gal. 4. v. 4.* *Factus legi obnoxius*, scilicet, statim à nativitate. Et est Obedientia Legis, quam implevit pro nobis *Rom. 5. v. 19. cap. 8. v. 3. & 10. v. 4.* Posterior est Obedientia Christi *in passione & morte*: quæ proinde passionis ac mortis non incommodè dicitur *Philipp. 2. v. 8.* *Hebr. 5. v. 7. 8.* Atque hic gradus, ordine licet posterior, potior tamen & præcipuus meritò censetur in toto obedientiæ Christi curriculo. Docet id Apostolus, hîc & alibi: *Philipp. 2. v. 7. 8.* *Ipsè sese exinanivit, formâ servi acceptâ, similis hominibus factus: Et habitu inventus ut homo, ipse se submitit, factus (Patri) obediens usque ad mortem, mortem autem crucis. 1. Cor. 1. v. 23.* *Prædicamus Christum crucifixum. cap. 2. v. 2.* *Non statui quicquam scire inter vos, nisi Iesum Christum, eumque crucifixum. Gal. 6. v. 14.* *A me absit gloriari, nisi in cruce Domini nostri Iesu Christi. Coloss. 1. v. 20.* *Libuit Patri, ut pace per sanguinem crucis ejus factâ, per eum reconciliaret omnia sibi.* Tum & ratio ejus certissimè demonstrat. Etenim complectitur cruciatus non modo

modò externos corporis, sed etiam internos animæ, ortos ex sensu infinitæ iræ Dei adversus peccata nostra, nec non ex metu abjectionis æternæ à gratosâ facie ipsius, *Psal. 22.v.2. Hebr. 5.v.7.* quos ipse ultro subivit ac sustinuit pro nobis *Hebr. 10.v.5. & seqq.* Quæ causâ est, quod Scriptura Vet. & N. Test. magno consensu, ad passionem ac mortem Christi nos deducit, in hac meritum ac materiam justitiæ & vitæ nobis commonstrat. Inspiciantur loca: Vet. Test. *Genes. 3.v.15. Psal. 22.40.69. Esa. 53. Dan. 9. Zachar. 9.* itemque Nov. Test. *Matth. 20.v.28. & 26.v.28. Iohann. 6.v.51. cap. 10.v.11.15.28. Act. 20.v.28. Rom. 3.v.24.25. cap. 5.v.9.10. cap. 8.v.3.4. 2. Cor. 5.v.21. Gal. 3.v.13.14. 1. Tim. 2.v.6. Tit. 2.v.14. Hebr. 2.v.14.15. cap. 9.v.12.14.22. cap. 10.v.5. & seqq. 1. Petr. 1.v.19. cap. 3.v.18. 1. Ioh. 1.v.7.* Omnibus hisce locis præcipuum Satisfactionis ac Meriti momentum ponitur in sanguine, passione, ac morte Christi: ita tamen, ut antecedens humiliationis obedientia non excludatur ab eâ, sed per Synecdochen membri pro integro ei includatur; adeoque comprehenditur sub eâ *Philipp. 2.v.7.8. Gal. 4.v.4.* Ita habet causâ Impulsivâ Externâ: quæ Internæ (Gratiæ ac misericordiæ Dei) immediatè substernitur; ut doceatur, licet misericordia Dei, quoad causas antecedentes, sit merè absoluta & gratuita, *Rom. 9.v.18.* tamen conditionatam esse, quoad media ei subordinata, inprimis autem meritum & Satisfactionem Christi, quem Deus proposuit placamentum in sanguine ipsius, *Romanor. 3. vers. 24.25.* prout alibi docuimus. Causæ Instrumentales Justificationis Externæ plures sunt: Verbum Evangelii, *Rom. 10.v.17. cap. 1.v.16.17.* Sacramenta, *1. Pet. 3.v.21. Rom. 4.v.11. & Verbi Sacramentorumque administri, Dan. 12.v.3. Ioh. 20.v.23. 1. Tim. 4.v.16.* de quibus alibi dictum. Interna una, quæ est intrâ justificatum, scil. Fides. Huic Justificatio apertissimè tribuitur: *Rom. 3.v.28. Concludimus igitur, fide, nîs, justificari hominem, absque operibus legis. vers. 30. Deus unus est, qui justificabit circumcissionem ex fide, & nîs, & præputium per fidem, & nîs nîs, cap. 5.v.1. Iustificati fide pacem habemus. Ephes. 2.v.8. Gratiâ servati estis per fidem.* Tribui verò ut causæ instrumentali, patet; quia proprius fidei actus est accipere remissionem peccatorum, *Act. 26.vers. 18.* accipere donum justitiæ, *Rom. 5.v.17.* Christum in promissione recipere,

Scriptura in passione & morte Christi meritum ac materiam justitiæ nostræ ponit.

Instrumentales Externæ,

Interna, Fides.

Fides non
justificat ut
habitus bo-
nus, vel di-
spositio ad
eum.

Fides quo-
modo sola
justificet.

Iob. 1. v. 12. ceu donum Patris *cap. 4. v. 10.* Quo modo Justificatio fidei tribuitur *proprie*. *Improprie* autem per Metonymiam, cum fides ad justitiam imputari dicitur; *Rom. 4. v. 5.* intelligitur siquidem Justitia imputari per fidem, ut est *v. 6. & cap. 3. v. 22.* Atque hoc est, quod ajunt Scholæ, *Fidem justificare* organicè & correlativè: *Organicè* actus sui, *Correlativè* objecti sui respectu. At *nusquam* fidei tribuitur Justificatio, tanquam *habitus bono*, vel *dispositioni* ad talem habitum. *Ratio*, quia habitus ille, sive dispositio sub lege operum continebitur necessariò. Justificatio autem fidei est absque lege, absque operibus legis *Rom. 3. v. 21. 28.* Habitus ille, sive dispositio, non poterit subordinari gratiæ Dei: nam si ex gratiâ, jam non ex operibus & contra *Rom. 11. v. 6.* Fides verò subordinatur gratiæ Dei, *Rom. 3. v. 24. 25. Eph. 2. v. 8.* Habitui illi merces debetur, atque etiam dabitur ex debito: At fides credenti ad justitiam imputatur *Rom. 4. v. 4. 5.* Justificatio per illum habitum non erit remissio peccatorum: Justificatio autem per fidem est remissio peccatorum *Rom. 4. v. 5. & seqq.* Idèdque nec dicit Apostolus, Justificari nos *Ἀπὸ τῆς πίστεως*, propter fidem, sed *Ἀπὸ τῆς πίστεως, ἐν ἡμῖν*, *πίστει*: ut suprâ vidimus. In Scholis Theologorum recepta phrasis est, quod fides *sola* justificet. Ubi particula exclusiva non opponitur gratiæ Dei, aut merito Christi, aut Verbo Evangelii: illis namque omnibus subordinatur, *Rom. 3. v. 24. 25. cap. 1. v. 16. 17.* sed opponitur universis hominis justificati operibus: & quidem non *ἄπλως*, ut opera; quasi solitaria, ab iis separata justificet: (nam fides absque operibus mortua est, *Jacob. 2. v. 17.* inefficax est, *1. Thess. 1. v. 3.* hypocritica est, *1. Tim. 1. v. 5.*) sed quatenus illa opera finguntur esse meritoria, aut causæ organica Justificationis. Sensus igitur est, Fidem esse solum & unicum organum accipiendæ Justitiæ, *Rom. 5. v. 17.* ut particula *Sola* ad determinandum non subjectum, sed prædicatum propositionis referatur: sicut oculus solus videt, auris sola audit, quia ille unicum videndi, ista unicum audiendi est instrumentum: non autem, quasi istos actus etiam separata à capite, reliquoque corpore exercent: cum destructis subjectis, simul destruantur eorundem actus. Atque ita in ipsâ Scripturâ non obscurè exprimitur: *Gal. 2. v. 16. Sciens, hominem non justificari operibus Legis, nisi per fidem Jesu Christi:* quæ sententia prorsus æquipollet exclusivæ hinc, *Homi-*

nem

nem justificari non operibus, sed solâ fide: ut constat ex aliis locis, ubi particulæ ἐὰν μὴ, sive εἰ μὴ, non tantum exclusivè intelliguntur, confessione omnium, ut *Apoc. 21. v. 27.* sed etiam per exclusivam redduntur: cujusmodi est *Marc. 13. v. 32.* *Nemo novit, εἰ μὴ ὁ Πᾶτερ, nisi Pater*: Quod *Matt. 24. v. 36.* sic effertur: *Nemo novit, nisi solus Pater.* Idem Apostolus *Rom. 3. v. 28.* *Concludimus, fide justificari hominem absque operibus Legis.* Quod nihil aliud est, quàm justificari hominem solâ fide. Nam duo illa cùm hic, tùm alibi, passim immediatè opponuntur. In immediatè autem oppositis uno negato solum alterum affirmatur.

Materia circâ quàm, sive Objectum Justificationis est Homo Electus. Nam quos justificat Deus, eos ante præscivit & prædestinavit *Rom. 8. v. 29. 30.* Unde Apostolus: *Quis intentabit crimina adversus Electos Dei? Deus est, qui justificat, scilicet, Electos. Quis est, qui eos condemnet? v. 33. 34.* Consideratur autem homo Electus bifariam: nimirum, prout est *in se* & naturâ suâ, & prout est *in Christo* satisfaciente. *Priore modo Deus justificat impium, Rom. 4. v. 5.* Christus pro impiis, *cap. 5. v. 6.* pro peccatoribus, *v. 8.* mortuus est. *Posteriore, justificat eum, qui est ex fide Jesu, Rom. 3. v. 26.* ac fidem ei ad justitiam imputat *cap. 4. v. 5.* *Illud facit pro suâ ergâ nos gratiâ & misericordiâ: istud facit pro justitiâ suâ, quâ Satisfactionem à Christo acceptam credentibus imputat. Justificamur ergo gratiâ & merito. Gratiâ respectu nostri, qui Justificationem nullatenus sumus meriti, Romanor. 3. v. 24. 25. Ephes. 2. vers. 8. 9. Merito autem respectu Christi, qui sanguine suo eam nobis acquisivit Romanor. 3. vers. 25. 1. Petr. 1. vers. 18. 19.*

Forma Justificationis succedit, per quam peccator, in Christum credens, absolvitur à peccatis & justus pronunciatur in judicio Dei: Rom. 4. v. 5. 6. 7. Dan. 9. v. 24. Consistit igitur in remissione peccatorum, & imputatione justitiæ: quas alii ut partes realiter differentes, alii ut actus terminorum respectu distinctos considerant. *Remissio peccatorum non est qualitatis vitiosæ abolitio, sed peccati gratuita condonatio, sive peccatoris absolutio à culpâ & pœnâ peccati Psal. 32. v. 1. Math. 9. v. 2. Rom. 4. v. 8. 2. Cor. 5. v. 19. Remittere peccata phrasis est Metaphorica à creditoribus & debitoribus sumpta, qui moti misericordiâ debitum ab hisce,*

Materia. Homo Electus.

Consideratus.

In se,

In Christo;

Adeoque justificatur,

Gratiâ,

Merito,

Forma consistit in

I. Remissione peccatorum.

Remittere peccata quid.

quod solvendo non sint, non exigentes, sed condonantes, remittere dicuntur. Ideoque remissionem peccatorum Christus parabolâ Regis creditoris & servorum debitorum, *Matt.* 18. v. 27. 32. alterius cujusdam creditoris & duorum debitorum, *Luc.* 7. v. 41. & à contrario, similitudine debitoris in carcerem coniecti, & usque ad solutionem ultimi quadrantis inibi detenti, *Math.* 5. v. 25. 26. declarat; & eo quoque confirmat, quod nos peccatorum tanquam debitorum remissionem à Deo quotidie petere jubet *Math.* 6. v. 12. Sunt enim peccata verè debita: utpote quorum pœnam Deo debemus. *Remittit* igitur Deus peccata, dum non exigit à nobis illorum pœnam, sed eam nobis condonat. Idem aliis phrasium Synonymiis declarat Scriptura: ut cum dicit, *obtegi peccata*, nè in Dei Judicis conspectum veniant, *Psal.* 32. v. 1. *non imputari à Domino*, ut scil. propter ea, quem admodum meriti sumus, puniamur, v. 2. *non observari*, ut damnemur propter ea, *Psal.* 130. v. 3. *tolli item, deleri, auferri, non videri, projici post tergum, faciem à peccatis averti, demergi in profundum maris*: quæ formulæ in Scripturâ V. T. frequentes sunt inprimis, loquunturque *non de abolitione vitiositatis*, quæ in Sanctificatione fit, *sed de ablatione reatus*, sive de liberatione à damnatione, quæ est Justificationis, *Rom.* 8. v. 1. sicut peccatum, quâ *qualitas* est, ad Sanctificationem; quâ *relatio*, sive obligatio ad pœnam, ad Justificationem refertur. Alioquin si remissio peccatorum esset quoque vitiositatis inhaerentis abolitio; ut illa perfecta est, sic hæc quoque perfecta foret: quod est contra Scripturam, *Math.* 6. v. 12. *Iacob.* 3. v. 2. *1. Iohan.* 1. v. 8. 9. & omnium justificationum exempla, in quibus, quoad vixerunt, perpetua fuit inter carnem & Spiritum lucta *Rom.* 7. *Galat.* 5. Hæc remissio quia fit ex *gratiâ* creditoris ergà debitorum, Deus remittens peccata dicitur ea *χαρίζεσθαι*, condonare *Luc.* 7. v. 42. *Ephes.* 1. v. 6. 7. Quia etiam fit salvâ Dei creditoris *justitiâ*, Christus tanquam sponsor noster, *Hebr.* 7. v. 22. intervenit, & quod non rapuit, exsolvit *Psal.* 69. v. 5. Quo respectu subordinat Apostolus gratuitam creditoris remissionem, & perfectam sponsoris satisfactionem *Rom.* 3. v. 24. 25. *Imputatio justitiæ* est *gratuita Justitiæ Christi donatio*, adjudicatio, & applicatio, ac si à nobis ipsis præstita esset, *Rom.* 4. v. 6. *cap.* 5. v. 18. 19. *2. Cor.* 5. v. 21. Phrasis *Imputare*, *λογίζεσθαι*, propriè est eum qui aliquid non

Phrases Synonymz.

II. Imputatione justitiæ.

Imputare quid propriè.

non fecit, habere ac si fecisset: sicut è contrario, *non imputare*, est eum, qui aliquid fecit, habere ac si non fecisset. Ita Paulus petit imputari sibi culpam Onesimi, quam ipse non admiserat, *ad Philem. v. 18.* & culpam desertoribus suis non imputari, quam ipsi admiserant *2. Tim. 4. v. 16.* Persecutores imputant Christianis impietatem, dùm reputant eos tanquàm oves dignas occisione, ut ex *Psal. 44. v. 23.* exprimitur verbo λογίζεσθαι *Rom. 8. v. 36.* cujus tamen impietatis rei non sunt: & Simeï orat, nè imputetur sibi iniquitas; quam tamen patrârat *2. Sam. 19. v. 20.* Improprie,
Hæc *propria* vocis significatio est. *Improprie* sumitur, cum id quod fecit aliquis vel habet, ei imputari dicitur, respectu finis quatenus præmium ejus aut pœnam fert. Sic judicium in scortantes exercitum, Phineæ imputatum est ad justitiam in generationem & generationem, *Psal. 106. v. 31.* nimirum, quia, ut *Num. 25. v. 13.* explicatur, cessit ipsi in laudem sanctæ zelotypiæ, & perpetui sacerdotii pactum: vicissim peccatum imputatur impiis, *argumento locorum 2. Sam. 19. v. 20. 2. Tim. 4. v. 16.* quatenus merces injustitiæ eis decernitur *2. Petr. 2. v. 13.* Pro quâ duplici significatione distingui potest *imputatio* in illam, quæ est κατὰ χάριν, Hic proprius significatus obtinet.
secundum gratiam, & alteram, quæ est κατὰ τὸ ὀφείλημα, *ex debito Rom. 4. v. 4.* In *priori* significatu hîc accipitur. Nam ita imputatur nobis justitia, ut Christo imputatum est peccatum: sicut expressè docetur *2. Corinth. 5. v. 21.* At Christo imputatum fuit peccatum, quatenus habuit ipsum Deus pro eo, qui istud admisisset: *2. Cor. 5. v. 21. Fecit Deus eum, qui non novit peccatum, pro nobis peccatum. Esai. 53. v. 6. Fecit Iehova, ut incurrat in eum omnium nostrum iniquitas.* Et illud Dei judicium, quo reputavit Christum pro peccatore, secundum veritatem fuisse, inde constat, quod tanquàm sponzor noster, *Hebr. 7. v. 22.* peccata nostra in se suscepit, & sua fecerat: sicut testatur de se in personâ Davidis *Psal. 69. v. 6. O Deus, tu novisti stultitiam meam, & reatus mei non sunt celati tibi.* Concludimus igitur, nobis, qui credimus, imputari justitiam, quatenus habet nos Deus pro iis, qui justitiam præstiterimus. Quomodo phrasin hanc; *Imputare justitiam, Rom. 4. v. 6.* ipse Apostolus exponit *2. Cor. 5. v. 15.* dicens; *Si unus pro omnibus mortuus est, illi omnes censentur mortui, singuli videlicet pro peccatis suis, sicque expiatis peccatis, justï esse: ut qui eo ipso effecti sunt justitia Dei, id est, justï corâm Deo, ut est v. 21.* Porro
justitia

Iustitia quæ
imputatur
dicitur.
Iustitia Dei,

Iustitia Christi.

iustitia illa, quæ imputari dicitur, Iustitia Dei, iustitia Christi, & iustitia Fidei appellatur diverso sensu. *Iustitia Dei* vocatur, *Rom. 3. v. 22.* non quod Deo sit essentialis; sed quia donatur à Deo, & valet in conspectu ipsius, *v. 20.* justificantis per eam, qui est ex fide *Jesu v. 26.* Deinde vocatur *iustitia Christi* (qui factus est nobis à Deo Iustitia, *1. Cor. 1. v. 30.* & est Jehova Iustitia nostra, *Jerem. 23. v. 6.*) non subjectivè, quasi insit ei tanquàm subjecto, sed effectivè, quod ad ipso sit tanquàm efficiente. Etenim *iusti constituimur*, (quod est effectum) *per unius Christi obedientiam* (quæ est causa efficiens,) *Roman. 5. v. 19.* *Efficimur iustitia Dei*, id est, iusti coràm Deo, *in Christo*, id est, per & propter ipsum, *2. Cor. 5. v. 21.* ut qui iustitiam sempiternam nobis adduxit *Dan. 9. v. 24.* Constat quoque, non immanere, aut inhærere subjecto, quod ipso actu transit. Obedientia, Satisfactio, Ἀποδοτέωσις Christi, quibus iustificamur, sive concipiantur ut actiones, sive ut passiones, actu transierunt cum obediret, satisfaceret, redimeret in terrâ. Ergo immanere ei aut inhærere ut subjecto non possunt. Dicitur igitur iustitia imputata Christi iustitia, quia obedientiâ ipsius ac morte est acquisita. Dicitur quoque iustitia Christi nobis imputari (quæ tamen phrasis in Scripturâ non reperitur) quia iustitia imputatur nobis, sive quia iusti reputamur propter satisfactionem ipsius. Denique vocatur *iustitia fidei*, *Rom. 4. v. 13.* *ex fide*, *Rom. 10. v. 6.* *per fidem*, *Rom. 3. v. 22.* *Philipp. 3. v. 9.* quoniam eam fides in promissione Evangelii amplectitur. Fides verò ipsa imputari dicitur ad iustitiam *Rom. 4. v. 5.* Metonymicè, eò quod iustitia imputatur, *v. 6.* per fidem, *cap. 3. v. 22.* propriè.

Iustitia fidei.

Finis supremus,

Subordinatus.

Effecta.

Finis Iustificationis *supremus* est Gloria Dei, ut qui gloriatur, in Domino gloriatur: *1. Cor. 1. v. 31.* & quidem partim in satisfactione misericordiæ, quâ iustificat impium, *Rom. 3. v. 24.* *cap. 4. v. 5.* *Tit. 3. v. 4. 5. 7.* partim in demonstratione Iustitiæ, quatenus Christum Filium proposuit, ut esset placamentum pro nobis *Rom. 3. v. 24. 25. 26.* *Finis subordinatus* est salus Electorum, *Ephes. 2. v. 8.* *Tit. 3. v. 4. 5. 7.* ac eorundem firma in vitâ & morte consolatio *Romanor. 5. vers. 1. cap. 8. vers. 32. 33. cap. 5. vers. 21.*

Effecta Iustificationis sunt; *Adoptio*, quâ Electi absoluti à peccatis, actu ipso consequuntur jus Filiorum Dei, *Rom. 8. v. 1.* *Ephes.*

Ephes. 1. vers. 5. & hæredes Dei, cohæredes autem Christi fiunt, Rom. 8. v. 17. Pax & Tranquillitas conscientia, utpote quam fide iustificati habent Rom. 5. v. 1. Postquam enim fides accepit remissionem peccatorum, Actor. 26. v. 18. cessat accusatio Legis & conscientia, definit metus condemnationis, & fidelis incipit esse pacatus: Quæ pax deinde per Spiritum Adoptionis confirmatur & obsignatur Rom. 8. v. 15. 16. Item, Fiducia de exauditione precum nostrarum: de quâ est 1. Joh. 5. v. 14. 15. Tolerantia & Patientia in cruce. Gloriatio de eâ: Roman. 5. v. 2. & seqq. & quæ sunt hujus generis alia.

De *Subjecto* diximus. *Adjuncta* Justificationis censemus, *Adjuncta. quod Vna specie in omnibus.* primò, quod sit *Vna specie in omnibus*: Quia Deus omnes credentes uno eodemque modo iustificat, videlicet gratiâ suâ, & merito Christi per fidem. Etenim *Deus unus est, qui iustificat circumcissionem ex fide, & praprium per fidem*, ait Paulus *Rom. 3. v. 30.* ut qui tam Judæos, quàm Gentes iustificat nonnisi fide; cum omnes peccato, v. 9. & condemnationi sint obnoxii, v. 19. & deficientur gloriâ Dei, v. 23. Similiter testatur Petrus, per gratiam Domini Jesu Christi servari utrosque, quotquot credunt *Actor. 15. v. 11. Exempli* quoque idem confirmant. Abraham, Pater credentium, fide iustificatus est, *Rom. 4. v. 2. 3.* David fide iustificatus est, v. 6. 7. 8. Sancti illi qui commemorantur, *Hebr. 11.* per fidem placuerunt Deo, v. 6. per fidem obtinuerunt testimonium justitiæ, v. 4. & ejus, quæ ex fide est, justitiæ facti sunt hæredes, v. 7. neque vel in V. vel in N. T. dari potest exemplum dissimile hominis aliter iustificati. Ergò nec est alia Justificatio, quàm per fidem. *Deinde eadem Justificatio est una numero in singulis*, ut quæ actus est indivisus, perfectam omnium peccatorum remissionem credenti simul adferens, & nullo unquam tempore revocatur. Nam sanguis Christi applicatus à Deo, & fide apprehensus, purgat nos ab omni peccato, 1 Joh. 1 v. 7. nihil in nobis condemnationis relinquit, *Rom. 8. v. 1.* Deo nos plenè reconciliat: *Rom. 5. v. 9. 10.* eoque pacem & tranquillitatem conscientia nobis adfert, *Rom. 5. v. 1.* quæ adesse nequit, si vel unicum peccatum retineatur, utpote cujus stipendium est maledictio, *Deut. 27. v. 26.* & mors *Rom. 6. vers. 23.* Et sicut David beatos prædicat, quorum remissæ sunt iniquitates, *Psal. 32. v. 1.* ita Christus fide servatos pronuntiavit, quibus peccata

Quia omnes fide iustificantur.

Vna numero in singulis.

Quia perfectam remissionem peccatorum totum adfert.

Quia nun-
quam revo-
catur.

remiserat, *Matth.* 9. v. 2. *Luc.* 7. v. 48. 50. Præterea, Deus remissionem peccatorum semel datam nunquam revocat, propter gratiæ suæ, justitiæ, & promissionis juramento sancitæ *Hebr.* 6. v. 17. 18. immutabilitatem. Nam dona Dei, quæ Electis singulariter conferuntur, & Vocatio ejus *αἰματιμέλητα* sunt & sine pœnitentiâ *Rom.* 11. v. 29. Remissio peccatorum, sive Justificatio est donum Justitiæ, *Rom.* 5. vers. 17. electis proprium *cap.* 8. v. 32. 33. Est ergo *αἰματιμέλητα* & sine pœnitentiâ. Quod etiam innuit phrasæologia prophetica de hac ipsâ re: *Esai.* 44. v. 17. *Deleo ut densam nubem defectioes tuas.* & velut nubem peccata tua, *cap.* 38. v. 17. *Abjecisti post tergum tuum omnia peccata mea.* *Mich.* 7. v. 19. *Abjecturus es in profundissimum maris omnia peccata istorum.* Interim *sensus Justificationis* in nobis, sive acceptio remissionis peccatorum, per fidem, actus est non indivisus, sed divisus; non perfectus, sed imperfectus. *Divisus* quidem: quia in peccatis gravioribus contrâ conscientiam; in tentationibus item difficilioribus, aliquando non sentitur gratia Dei propitii: quæ tamen postmodum iterum sentitur: ut ex Sanctorum exemplis abunde constat. *Imperfectus* verò: nam cum *sensus* ille sit ex fide, fides autem sit imperfecta, in aliis magis, in aliis minus, prout certam ejus mensuram singulis Deus admetitur, *Rom.* 12. v. 3. fit, ut ipse quoque *sensus* sit plus minusve imperfectus, usque adeo ut nullus unquam fuerit fidelis, nè Abrahamo quidem, *Gen.* 17. v. 17. aut Davide, *Psal.* 42. v. 6. 12. exceptis; cui non cum dubitationibus de gratiæ promissione fuerit luctandum. Atque hoc est, quod credentes, fide jam justificati, quales sanè fuerunt Apostoli, peccatorum suorum, tum præteritorum, *Psal.* 25. v. 7. tum præsentium, *Matth.* 6. v. 12. remissionem quotidie petere jubentur, in Oratione Dominicâ: nimirum, ut magis ac magis per Spiritum adoptionis, qui testatur Spiritui nostro, nos esse Filios Dei, *Rom.* 8. v. 16. confirmentur de illorum remissione, & pacatâ contrâ criminationes Satanae conscientiam frui possint. *Postremo*, Justificatio *hujus vite* beneficium est. Nam Deus in se impios, in Christo credentes, justificat, *Rom.* 4. v. 5. 6. quales sunt Electi in hac tantum vitâ. Justificat per prædicationem Evangelii, *Rom.* 1. v. 16. 17. *Ioh.* 20. v. 23. quæ hujus vitæ est: omnesque suos ad finem Glorificationis per medium Justificationis deducit *Rom.* 8. v. 29. 30. *1. Cor.* 1. v. 30. In alterâ autem vitâ

Sensus Justificationis est actus divisus.

Imperfectus.

Hujus vitæ Beneficium est.

nos publicæ absolutionis testimonio, Filii Judicis voce prolato, Justificatos pronuntiabit *Matth. 25. v. 34.* Ita quidem, ut nunquam deinceps justificemur; qui nunquam in peccata, à quibus est Justificatio, relabemur: Verùm justī simus in nobis ipsis per consummatam Sanctificationem, Christi merito acquisitam, *Gal. 3. v. 14.* qui factus est nobis à Patre Sanctificatio *1. Cor. 1. vers. 30.*

Nunc Praxin hujus Locī paucis attexamus :

I. Ad Διαδοχαλίαν: Homini peccatori sed credenti omnium peccatorum venia in Dei gratiā & Christi merito est proposita *Rom. 3. 4. 5. capp. Gal. 2. 3. capp. Offeritur Venia illa per Dei legatos, 2. Cor. 5. v. 19. in Verbo Evangelii Rom. 1. v. 16, 17. Dispensatur in Ecclesiā, Esa. 33. v. 24. solā fide accipiunt, Rom. 3. v. 28. Gal. 2. v. 16. & semel accepta nunquam amittitur Roman. 11. v. 29. cap. 8. v. 32. & seqq.*

II. Ad Παιδείαν: Veniamus ergo, & accipiamus donum justitiæ gratis oblatum, *2. Cor. 5. v. 19. Matth. 22. v. 4. Humiliemus nos coram Deo nostro peccatores, Rom. 3. v. 10. exemplo Publicani, Luc. 18. v. 13. quia humilibus dat gratiam 1. Pet. 5. v. 5. Sistamus nos coram ipso, de nobis diffisi; exemplo Iobi, cap. 9. vers. 2. 3. Davidis, Psal. 130. v. 3. & 143. v. 3. Pauli, Phil. 3. v. 7. 8. 9. & accedamus ad Thronum gratiæ per fidem Christi, ut consequamur misericordiam Heb. 4. v. 16. Confiteamur ipsi peccata nostra, quia & fidelis est, & justus, ut ea nobis remittat, 1. Joh. 1. v. 9. exemplo Davidis, 2. Sam. 12. v. 13. Psal. 51. Daniëlis, cap. 9. & Publicani Luc. 18. v. 13. Petamus illorum remissionem, sicut Christus nos docuit petere, Matth. 6. v. 12. & accipiemus Matth. 7. v. 7, 8. Eam unice sectemur, exemplo Davidis, Psal. 51. & negotiatoris, de quo est in parabola Matth. 13. v. 45. Quia absque illā nequicquam possunt etiam totius mundi divitiæ Matt. 16. v. 26. Eā letemur & gloriemur, 1. Cor. 1. v. 31. exemplo Davidis, Psal. 32. & Pauli Rom. 8. v. 33. & seqq. Firmam quoque nobis efficiamus per bona opera Rom. 6. v. 1. & seqq. 2. Petr. 1. v. 10. Inprimis per remissionem ergā proximum Matt. 18. v. 21. & seqq. Omnem vero beneficii hujus gloriam Deo in solidum ascribamus, ex quo, & per quem, & in quem sunt omnia Rom. 11. v. 36.*

III. Ad Ἐπαγόθωσιν: Nè in peccatis nostris desperemus: ex-

emplo Cajini, Gen. 4. v. 13. & Iuda Matth. 27. v. 4. Nè in operibus nostris, aut aliorum, spem ullam collocemus: nam ex operibus Legis non iustificabitur ulla caro Rom. 3. v. 20. Nè in iis nobis placeamus, & de iis gloriemur, exemplo Phariseorum, Matth. 5. 6. & 23. capp. & illius, de quo est Luc. 18. Nè ab alio, quàm à solo Deo Remissionem Peccatorum petamus Psalm. 51. v. 6. Nè aliter quàm fide eam accipere studeamus Actor. 26. v. 18. Neque quod est gratia Christi, dignitati fidei adscribamus. Nè denique implacabiles simus, exemplo Gentium, Rom. 1. v. 31. & servi mali, Matth. 18. v. 28. sed alii aliis libenter & ex animo condonemus v. 22. 35.

IV. Ad Παράκλησιν: Bono animo simus, si peccatorum conscientiam contristemur & consternemur: Nam tales quærit & vocat Christus, Matth. 9. v. 13. cap. 11. v. 28. & famelicos implet bonis suis Luc. 1. v. 52. 53. Nihil ad nos fulmen legalis maledictionis, quia Christus nos ab eo liberavit Gal. 3. v. 13. Nihil in nos habet mundi Princeps, quia robur ejus Christus destruxit Heb. 2. v. 14. Accusationes & damnationes ejus securè contemnimus. Quis enim accusabit aut damnabit nos, Deo justificante? Rom. 8. v. 32. 33. Nulla condemnatio superest iis, qui sunt in Christo Iesu v. 1. Hic est Iustitia nostra, 1. Cor. 1. v. 30. Jerem. 23. v. 6. Pax nostra, Ephes. 2. v. 14. Vita nostra 1. Joh. 5. v. 20. Ipso tanquam veste induti, Gal. 3. v. 27. accedimus cum loquendi libertate ad thronum gratiae: & misericordiam, Heb. 4. v. 16. ac benedictionem Abrahae, Gal. 3. v. 14. obtinemus.

LOCUS DECIMUS QUINTUS

De

SANCTIFICATIONE.

SANCTIFICATIO est naturæ hominis corruptæ instauratio ad Imaginem Dei.

E X E G E S I S.

Iustificacionem immediatè sequitur Sanctificatio : quæ in aureâ salutis catenâ, *Romanor. 8. vers. 29. 30. Glorificationis* nomine continetur : est enim inchoata Glorificatio : at *1. Corinth. 1. vers. 30.* distinctè post Justificationem recensetur, & *Romanor. 6. vers. 1.* ex eâ deducitur. In Scripturâ varias appellationes habet, sed Synonymas : ut cum dicitur *Regeneratio, Creatio, Vivificatio, Renovatio, Conversio, Resurrectio prima, Resipiscencia,* (cujus initium est *Pœnitentia*, Græcis μεταμέλεια) & nova obedientia. Sanctificatio.

Causa Efficiens Sanctificationis, communiter est *Deus*, qui convertit, *Ierem. 31. vers. 18.* & resipiscenciam largitur ad vitam, *Actor. 11. vers. 18.* singulariter verò *Spiritus Sanctus*, qui ab hoc apotelesmate *Sanctus*, & *Renovationis Spiritus* cognominatur *Tit. 3. vers. 5.* Nisi enim quis regegnitus sit ex aquâ & Spiritu, non potest introire in regnum cælorum, *Iohann. 3. vers. 5.* Impulsivæ sunt, gratia Dei, *Tit. 3. vers. 5.* & meritum Christi *Gal. 3. v. 14.* Instrumentalis interna est *Fides*, corda purificans *Actor. 15. v. 9.* De externis alibi vidimus. Efficiens communiter Deus.

Materia circâ quam, sive *Objectum* Sanctificationis est corrupta hominis natura : non cuiusvis, sed electi & iustificati, *Romanor. 4. vers. 5.* idque secundum utramque partem essentialem, & omnes partis utriusque facultates. Etenim *Mens* ejus cœca est, *1. Corinth. 2. vers. 14.* *Voluntas* prava, *Genes. 8. vers. 21.* Materia, corrupta natura hominis iustificati.

8. vers. 21. *Affectus* rebelles, *Romanor.* 7. vers. 14. & seqq. *Corpus* cupiditatum dominantium mancipium, *cap.* 6. vers. 12. omniaque ejus *membra* serva impuritatis & iniquitati ad patranda iniquitatem, vers. 19. ut totali renovatione opus habeat.

Forma. Instaurationis ad imaginem Dei constans.

Mortificatione veteris & vivificatione novi hominis.

Imperfecta tamen est.

Vnde perpetua pugna in regenitis.

Forma ejus est *Instauratio hominis ad Imaginem Dei*, quæ *Coloss.* 3. vers. 1. *Ephes.* 4. vers. 24. vocatur *renovatio in agnitionem, justitiam, & sanctimoniam, congruentem imagini ejus, qui ipsum condidit.* Instaurationis illa respectu terminorum à quo & ad quem, est conversio à tenebris ad lucem, & à potestate Satanæ ad Deum, *Actor.* 26. vers. 18. edque κατ' ἀρσιν, *remotione mali*, κατ' ἀρσιν, *restitutione boni*, tanquam partibus quibusdam, constituitur *Romanor.* 6. vers. 4. & seqq. *Ephes.* 4. vers. 22. & seqq. *Coloss.* 3. vers. 5. 6. & seqq. *Esai.* 1. vers. 16. 17. *Psalms.* 34. vers. 15. Illa est vitiosarum qualitatum abolitio, sive, ut loquamur cum Scripturâ, *crucifixio, depositio, mortificatio Veteris hominis*; Ista est qualitatum bonarum infusio; *resurrectio & vivificatio novi hominis* appellata. *Utraque* circa omnes materiæ sive *Objecti partes* occupatur. Nam in *mente* est nativæ cœcitatæ & ignorantæ discussio, & illuminatio, in salutarem Dei Christique Servatoris cognitionem *Actor.* 26. vers. 18. *Ephes.* 5. vers. 8. *Coloss.* 3. vers. 10. In *voluntate* est nativæ pravitatis & inobedientiæ remotio, & justitiæ, sanctitatis, novæque obedientiæ restitutio *Ephes.* 4. vers. 22, 23, 24. *Romanor.* 6. vers. 4. & seqq. In *Affectibus* est pravatum cupiditatum reformatio, & conformatio ad facultates superiores, inprimis autem ad Legem Dei *Galat.* 5. vers. 24. In *Corpore* ejusque *membris* ejusmodi mutatio est, ut ex mortuis viva, ex armis injustitiæ, arma justitiæ, ex servis impuritatis & iniquitatis ad patranda iniquitatem, serva justitiæ ad Sanctimoniam fiant *Romanor.* 6. vers. 13, 19. *Neutra* tamen perfecta est *1. Corinth.* 13. vers. 9. & seqq. *1. Johann.* 1. v. 8. Ut ita Sanctificatus ex duobus constet principiis, ex carne & Spiritu, *Galat.* 5. vers. 16, 17. & in duos quasi homines distinguatur, in *Veterem & Novum*, *Ephes.* 4. vers. 22, 24. in *Internum & Externum* *2. Corinth.* 4. vers. 16. Et quia principiorum contraria ratio est, perpetua est inter ea pugna; ut caro concupiscat adversus Spiritum, Spiritus autem adversus carnem, *Galat.* 5. vers. 17. adedque pugnet homo ipse secum: prout illud in suâ personâ graphicè

phicè depingit Apostolus *Romanor.* 7. Hinc *mixta* sunt actiones, quæ à talibus principiis procedunt, partim *bona*, partim *male*, non ex consensu quodam, sed ex conflictu: quatenus non quicquid vult caro, permittit Spiritus, sed ei ut oppositus resistit *Galat.* 5. vers. 17. *Romanor.* 7. vers. 15. & *segg.* Interim, qui *sanctus est sanctificatur adhuc*, *Apocal.* 22. vers. 11. *corrumpitur externus homo, renovatur internus de die in diem*, 2. *Cor.* 4. vers. 16. usque dum adveniens perfectum aboleat imperfectum, 1. *Corinth.* 13. vers. 10. & perfecti sumus, sicut Pater noster perfectus est *Matth.* 5. vers. 48.

Finis Sanctificationis est Gloria Dei, *Matth.* 5. v. 16. *salus* *Finis.* nostra, *Hebr.* 12. v. 14. & proximi ædificatio *Luc.* 22. vers. 32. *Rom.* 14. vers. 19.

Effectum immediatum est nova creatura, *Galat.* 6. vers. 15. *Effectum.* *mediatum* ambulatio in novâ vitâ, *Romanor.* 6. vers. 4. five ambulatio non secundum carnem, sed secundum Spiritum *Romanor.* 8. vers. 1. De *Subiecto* & *Adjunctis* jam antè monuimus.

Cæterum *Ambulatio in novâ vitâ*, studio *Bonorum Operum* declaratur: quorum etsi ad Justificationem, five promerendam, five accipiendam nulla sit necessitas: est tamen alia multiplex, prout multiplex est illorum finis. Definimus *Bona Opera*, *actiones sanctificatorum*, quæ ex verâ fide secundum Legem Dei, ad ejus gloriam fiunt. *Bona Opera.*

Efficiens illorum *principalis* est Spiritus Sanctus, *Romanor.* 6. vers. 4. 13. *Efficiens* *principalis.* *cujus fructus sunt charitas, gaudium, pax, ira cohibitio, bonitas, fides, &c.* *Galat.* 5. vers. 22. Quâ de causâ studium Sanctitatis, *Legem Spiritus* vocat Apostolus, *Romanor.* 8. vers. 2. eò quod à Spiritu Sancto profectum, sanctas actiones, Legis instar, imperet: & qui sanctè vivunt, hos *ambulare* dicit *secundum Spiritum*, id est, ejus impulsu sanctis operibus studere vers. 1. 4. Causæ *Instrumentales* sunt, ipsi sanctificati, *conditi in Christo Iesu ad opera bona, quæ preparavit Deus, ut in eis ambulant.* *Ephes.* 2. v. 10. nominatim verò fides ipsorum, quæ mater charitatis, 1. *Timoth.* 1. vers. 5. & per eam operosa est, *Galat.* 5. vers. 6. absque quâ impossibile est, hominem aut ejus opera Deo placere *Hebr.* 11. v. 6. *Instrumentales.*

Materia circa quam, five *Objectum* bonorum operum est *Lex Dei.* *Materia.*

Dei, *Deuteron.* 4. vers. 2. *Esa.* 8. vers. 20. *Ezech.* 20. vers. 19. 20. Nam frustra colitur Deus præceptis hominum, *Matth.* 15. vers. 9. & talia à manibus nostris non requirit *Esa.* 1. v. 12.

Forma.

Forma est congruentia illorum cum Lege, *Deuter.* 27. v. 26. *Matth.* 22. v. 37. & seqq. non tantum externa in effectibus, verum etiam, & quidem præcipue, interna in affectibus. Lex enim, ut Spiritualis est, sic obedientiam spirituales exigit, *Romanor.* 7. vers. 14. Iatorque ejus Deus non quod ob oculos, sed quod in animo est, spectat. 1. *Samuel* 16. vers. 8. *Opera* igitur *irregeneratorum*, licet externà specie videantur; tamen *ovæ* & verè bona non sunt, sed peccata: utpote quæ arboris putridæ fructus vocantur *Matth.* 7. vers. 17. *cap.* 12. vers. 33. *Luc.* 6. vers. 43.

Opera ir-
genitorum
omnia sunt
peccata.

Finis.

Finis est primò Gloria Dei, *Matth.* 5. vers. 16. & gratitudo pro infinitis beneficiis ipsi debita *Luc.* 17. vers. 10. Deinde Conversio, 1. *Petr.* 3. vers. 1. & confirmatio proximi nostri *Luc.* 22. vers. 32. Tertiò confirmatio nostrum ipsorum de gratiâ Electionis & Vocationis, 2. *Petr.* 1. vers. 10. & æterna salus, ad quam per bona opera tanquàm vias, ab ipso Deo præparatas contendimus *Ephes.* 2. vers. 10. Hæc de bonis operibus in genere.

Precatio.

In specie variæ sunt illorum classes, ad varia Decalogi præcepta accommodatæ: in quibus præ cæteris excellit fidelis *Precatio*, *Psal.* 50. vers. 15. per Spiritum precum, *Zach.* 12. v. 10. ad Deum, *Matth.* 4. vers. 10. in nomine Christi, *Iohann.* 10. vers. 33. concepta: Quâ sanctificati bona spiritualia & corporalia petunt; mala contraria deprecantur; & pro beneficiis acceptis ac promissis gratias agunt: prout ex finibus precationem distinguit Apostolus 1. *Timoth.* 2. vers. 1. Hujus perfectissimam & absolutissimam formam nobis præscripsit Christus, *Matth.* 6. vers. 9. & seqq. *Luc.* 11. vers. 2. & seqq. quæ tribus partibus absolvitur, Præfatione, Oratione & Confirmatione. *Præfatio* est; *Pater noster*, qui es in Cælis: quâ tùm nominamus eum, quem invocamus, scil. Deum Patrem, atque etiam Filium & Spiritum Sanctum, per Synecdochen Scripturæ usitatam, *Iohan.* 4. vers. 23. 24. tùm fiduciam de eò nostram profiteamur: quod sit & noster Pater in Christo, *Ephes.* 1. vers. 5. eoque velit, *Luc.* 11. v. 43. & Cælestis Pater, sicque possit nos exaudire, tanquàm omnipotens,

Orationis
Domicæ
Præfatio.

potens, *Pſalm.* 115. verſ. 3. omniſcius, *Pſalm.* 113. verſ. 5. 6. & rerum omnium curam gerens *Pſal.* 2.v. 4. & 14.v. 2. *Oratio* ipſa ſex petitiones habet. *Primâ* petimus, ut *Sanctificetur nomen Dei*, id eſt, ut ſanctis actionibus Deum glorificemus in corpore noſtro, & in Spiritu noſtro, quæ ſunt Dei 1. *Corinth.* 6.v. 20. 1. *Petr.* 3. verſ. 15. *Secundâ* petimus, ut *Veniat regnum Dei*, tûm *gratia*, ut in illud recipiamur, aut recepti conſervemur, *Marc.* 1.v. 15. tûm *glorie*, ut in illud transferamur: dicentes, *Etiâ veni Domine Ieſu Apoc.* 22.v. 20. *Tertiâ* petimus, ut *Fiat voluntas Dei*, ſive ut obſerventur mandata ejus, ſicut in cælo à ſanctis Angelis, *Pſal.* 103.v. 20. 21. ita etiam in terrâ à nobis hominibus; obſequiî nimirum promittitudine & alacritate ad ipſorum exemplum comparatâ *Pſalm.* 110.v. 3. *Quartâ* petimus, ut *panem*, & omnia ad vitam hanc temporalem neceſſaria largiatur nobis; & hodiè, ſive hoc die quo vivimus, & quotidie, quamdiu victuri ſumus *Matth.* 6.v. 24. & ſeqq. *Quintâ* petimus, ut *de remiſſione peccatorum noſtrorum*, quorum ipſi pœnam debuimus, nos iam certos reddat in conſcientiis noſtris, quàm certa nobis eſt remiſſio vindictæ adverſus eos, qui nos offenderunt *Matth.* 6.v. 14. *Sextâ* petimus, ut tueatur nos contrâ tentationes Satana, quibus ad deſperationem aut ſecuritatem nos ſollicitat. *Matth.* 4. verſ. 3. & ſeqq. tandemque ab iis liberatos, victores efficiat per fidem, 1. *Ioh.* 5.v. 4. & per eum, qui dilexit nos *Romanor.* 8.v. 37. *Confirmatio* eſt: *Quia tuum eſt regnum*, id eſt, quia tu paraſti nobis regnum, *Matth.* 25.v. 34. tibi placuit illud nobis dare *Luc.* 12.v. 32. *Tua eſt potentia*, id eſt, quia tu potes illud dare: *Tua eſt gloria*, id eſt, tu inde glorificaberis, 1. *Cor.* 10.v. 31. in ſecula ſeculorum. Quibus ſubjicitur vocula Hebræa, *Amen*; votum ac fiduciam precantis ſignificans *Pſal.* 41.v. 14.

Oratio. petitionibus ſex.
Prima,

Secunda,

Tertia,

Quarta,

Quinta,

Sexta.

Confirmatio.

Uſus hujus Loci eſt

I. Ad Διδαſκαλίαν: Dei voluntas eſt Sanctificatio noſtra; ut poſſideamus vaſa noſtra ſinguli in ſanctificatione & honore, 1. *Theſſ.* 4. verſ. 3. & ut Vocationem noſtram & electionem firmam faciamus, 2. *Petr.* 1.v. 10. per bona opera: ſicque glorificemus Patrem noſtrum in cælis *Matth.* 5.v. 16.

II. Ad Παυδείαν: Sanctificemus igitur Dominum Deum in cordibus

cordibus nostris 1. Petr. 3. v. 15. *Sistamus ei corpora nostra, hostiam vivam, sanctam, & placentem* Rom. 12. v. 1. *Invocemus ipsum in die tribulationis*, Psal. 50. v. 15. & *qui sanctus est, sanctificetur adhuc* Apoc. 22. v. 11.

III. Ad Ἐπινόρθωσιν: *Nè permaneamus in peccato, ut gratia auctior fiat: sumus enim mortui peccato*, Roman. 6. vers. 1. & seqq. & *absque sanctimoniâ nemo Deum videbit* Hebr. 12. vers. 14. *Beneficentiâ & communicationis nè obliviscamur* Hebr. 13. vers. 16. *Neque in precibus aut operum bonorum studio segnescamus* Luc. 18. v. 1. & seqq. 1. Thess. 5. v. 17.

IV. Ad Παράκλησιν: *Dei potentia per infirmitatem consummatur. Sufficiat igitur nobis ejus gratia* 2. Corinth. 12. vers. 9. *in hisce Spiritus Sanctificantis primitiis* Romanor. 8. vers. 23. *Gratia Deo per Iesum Christum: nempe, mente servimus Legi Dei, etsi carne adhuc Legi peccati* Romanor. 7. v. 25. *sed caro crucifigitur cum desideriis & cupiditatibus suis* Galat. 5. vers. 24. *Externus homo corrumpitur, internus autem renovatur de die in diem* 2. Corinth. 4. vers. 6.

LOCUS DECIMUS SEXTUS

ET

ULTIMUS

DE

GLORIFICATIONE.

GLORIFICATIO est Iustificatorum & Sanctificatorum perfecta beatificatio : in gloriosâ ipsorum resurrectione, vitâque æternâ consistens.

EXEGESIS.



*V*ltimus gradus beneficiorum Christi, siue eorundem complementum est Iustificatorum & Sanctificatorum Glorificatio, Romanor. 8. vers. 30. siue redemptio, 1. Cor. 1. vers. 30. quæ ut in resurrectione à morte corporali, & vitâ æternâ posita est : ita per eandem nobis declaranda est. Resurrectio igitur est Sanctorum demortuorum resuscitatio gloriosa ad vitam æternam. Suscitabuntur quidem etiam impii, & infideles, Dan. 12. vers. 2. Iohann. 5. vers. 29. ut reportent pœnas malorum, quæ in hac vitâ patrarunt, 2. Thessal. 1. vers. 6. 8. 9. 2. Corinth. 5. vers. 10. & resurgent virtute & potentiâ Christi iudicis, cui Pater dedit omne Iudicium, Iohann. 5. vers. 22. 29. Actor. 17. vers. 31. sed quia resurrectio illa erit ad mortem & condemnationem, Iohann. 5. vers. 29. inter Christi beneficia recenseri non potest. De alterâ verò, quæ esse dicitur ad vitam, Dan. 12. v. 2. Iohann. 5. v. 29. hîc agimus.

Glorificatio
consistit in

Resurrectione
Sanctorum.
Qualis sit
impiorum
resurrectio.

Ejus Efficiens est Deus Pater, Roman. 4. v. 17. Filius, Iob. 5. v. 22. & Spiritus Sanctus Rom. 8. v. 11. Efficiens.

Materia circâ quàm, est caro illa, quam in hac vitâ singuli gestarunt Iob. 9. v. 25. 2. Cor. 5. v. 10. 1. Cor. 15. cap. Materia.

Forma, mortuorum re-
stitutio in
vitam.

Vivorum
transmutatio

In animâ.

In corpore.

In utroque.

Forma est, mortuorum in vitam restitutio: Pro quâ, *transmutatio* in momento continget iis, quos ultimus Domini adventus superstitēs deprehendet 1. *Corinth.* 15. vers. 51. 52. 1. *Thessal.* 4. vers. 15. & *seqq.* Utrique autem, tam resuscitati, quàm transmutati, qualitates novas accipient; partim *communes* cum reprobis, incorruptibilitatem & immortalitatem, 1. *Corinth.* 15. vers. 53. 54. partim *proprias*, in animâ, in corpore, & in utroque simul. In animâ, perfectam sapientiam, iustitiam ac sanctitatem *Iohann.* 17. vers. 3. *Luc.* 20. vers. 35. 36. *Ephes.* 5. v. 27. In corpore, Spiritualitatem, & cum glorioso Christi corpore conformitatem: *Philipp.* 3. vers. 21. Sicut corpora ipsorum futura dicuntur spiritualia, 1. *Corinth.* 15. vers. 43. & *seqq.* non essentiali, sed conditione, qualitate, & donorum Spiritus Sancti participatione. In utroque claritatem & gloriam, 1. *Corinth.* 15. vers. 40. quâ tamen à se invicem non minus, quàm luminaria cœlestia different v. 41. & *Dan.* 12. v. 3.

Finis Resurrectionis, respectu Dei, est potentia ejus, veritatis, & misericordiae gloria: ut hâc ratione sit omnia in omnibus: 1. *Corinth.* 15. vers. 28. respectu Nostri, est vita nostra ac felicitas æterna: à qua resurrectio ad vitam denominatur *Ioh.* 5. vers. 29.

Vita Æterna.

Superest ipsa *Vita Æterna*: de quâ ut pauca intelligimus (*non enim vel oculus vidit, vel auris audivit, vel in mentem hominis venerunt, quæ paravit Deus iis, qui ipsum diligunt.* 1. *Corinth.* 2. vers. 9.) sic pauca quoque dicemus. Est verò *Vita Æterna gaudium illud & gloria illa, quibus omnes electi post resurrectionem suam in cœlo perpetuum fruuntur.*

Efficiens.

Ejus *Efficiens* est Deus Pater, *Iohann.* 5. vers. 21. Filius, *ibidem*; & Spiritus Sanctus, *Roman.* 8. v. 11. utpote cujus donum esse dicitur *Rom.* 6. v. 23.

Materia.

Materia circâ quam sunt, Electi, *Matt.* 25. vers. 34. Vocati, Iustificati, Sanctificati, & in resurrectione glorificati *Rom.* 8. vers. 29. 30. Nam cœlum nihil ingreditur impurum *Apocal.* 21. vers. 27.

Forma.

Forma est gaudium sine dolore, *Apocal.* 21. vers. 4. & gloria sine ignominia, *Ephes.* 5. vers. 27. est bonorum omnium sufficientia, 1. *Corinth.* 15. vers. 28. *Apocal.* 21. vers. 22. 23. est satietas gaudiorum in conspectu Dei, *Psal.* 16. vers. 11. quem videbimus

debimus de facie ad faciem, sicuti est. 1. *Iohan.* 3. vers. 2. Quorum omnium modus est *Aeternitas*: à quâ vita hæc *Aeterna* appellatur, *Iohann.* 3. vers. 16. *Romanor.* 6. vers. 23. Nam gaudium nostrum nemo tollet à nobis, *Iohann.* 16. v. 22. & gloriam nemo auferet, *Dan.* 12. v. 3. *Matth.* 13. vers. 43. aut obscurabit *Apocal.* 21. v. 23.

Finis est perpetua Glorificatio Dei & Agni *Apocal.* 5. v. 9. 10. *Finis.*
12. 13. & alibi.

Ufus Loci de Glorificatione est

I. Ad Διδασκαλίαν: Qui incepit in nobis bonum opus, perficiet illud usque ad diem Iesu Christi *Philipp.* 1. vers. 6. Certus est adventus diei ipsius 2. *Petr.* 3. per totum. Certa resurrectio mortuorum, ut quæ Dei potentiâ nititur, & Scripturarum veritate *Matth.* 22. vers. 29. Eaque transitus nobis erit ad vitam æternam *Iohann.* 5. vers. 29.

II. Ad Παιδείαν: Benedicamus Deo & Patri, qui ex multâ suâ misericordiâ regennuit nos in spem vivam hereditatis incorruptibilis & immarcescibilis 1. *Petr.* 1. vers. 3. 4. Contendamus ad eam per angustam portam, *Matth.* 7. vers. 13. 14. spretis præ illa totius mundi opibus, cap. 16. vers. 26. & nos ipsos in charitate Dei conservemus, expectantes misericordiam Domini nostri Iesu Christi in vitam æternam *Jud.* vers. 21.

III. Ad Ἐπαγέθωσιν: Nè dubitemus de futurâ resurrectione 1. *Corinth.* 15. v. 12. Aut eam carnali iudicio æstimemus vers. 35. Nè rideamus pollicitationem adventus ejus, nec ex morâ aliquâ animis concidamus 2. *Petr.* 3. per totum. Nè in mundanis, sive facultatibus, sive voluptatibus, felicitatem nostram collocemus; exemplo Divitis, *Luc.* 12. vers. 16. & epulonis cap. 16. Neque terrena cælestibus potiora ducamus: exemplo *Esavi*, *Hebr.* 12. v. 16. & illorum, de quibus est *Luc.* 14. v. 18. 19. 20.

IV. Ad Πάρεξιλησιν: Vita æterna erit nobis dies refrigerationis & restitutionis omnium, *Actor.* 3. vers. 19. 21. quo absterget Deus omnem lacrymam ab oculis nostris, *Apocalyp.* 21. vers. 4. & ipsam mortem in victoriam absorbebit 1. *Corinth.* 15. vers. 54. Accumbeamus in eâ cum *Abrahamo*, *Isaaco*, & *Iacobo*, *Matth.* 6. vers. 11. Imò cum ipso Christo, edentes & bibentes in mensâ ipsius *Luc.* 22. v. 30.

Perfruemur satietate gaudiorum ad dexteram ipsius in aeternum Psal.
16. vers. 11. *Induemur stolis albis, Reges & Sacerdotes facti Deo*
nostro Apocalyp. 1. vers. 6. *Perpetua agitabimus Sabbata*, Esa. 66.
vers. 23. & *Cantico novo celebrabimus Deum & Agnum, in secula*
seculorum. Apocal. 5. vers. 9. & seqq.

Cæterùm ei, qui potest nos custodire à lapsu im-
munes, & statuere in conspectu gloriae suæ inculpa-
tos, cum exultatione; soli sapienti Deo, Servatori
nostro, gloria sit, & magnificentia, robur &
authoritas, & nunc, & in
omnia secula,

A M E N.

Henrici Alting

LOCORUM THEOLOGICORUM

Pars Posterior,

THEOLOGIAM ELENCHTICAM

ἀνασκηδασκῶς

exhibens.

Indicem Locorum Theologiæ Elencticæ, & Contro-
versiarum ad unumquemque Locum pertinen-
tium, vide ad calcem libri.

THEOLOGICÆ ELENCHTICÆ

LOCUS PRIMUS

De

THEOLOGIA ELENCHTICA in genere.

*Absolvimus per Dei gratiam Theologiam Didacticam :
ELENCHTICA ex methodi nostræ instituto suc-
cedit, quæ Controversias circa doctrinam supra tra-
ditam motas exponit.*

*Hæ uti olim, ita nunc quoque variæ sunt, & varias in par-
tes orbem Christianum distrahunt : sic tamen ut ad qua-
tuor genera, partim ab auctoribus suis, partim à
materiâ denominata, non incommodè revocentur. Aliæ
namque Samosatenianorum, aliæ Anabaptistarum,
aliæ Pontificiorum, aliæ denique Lutheranorum di-
cuntur.*

E X E G E S I S.



Ost Theologiam *Didacticam*, quæ est ad
διδασκαλίαν veri, alteram quæ *ἐλεγχον*
sive *redargutionem* falsi habet, 2. *Tim.* 3.
v. 16. indeque *Elenchtica* & Controver-
siarum vocatur, explicandam aggredi-
mur; non tam receptâ Scholarum con-
suetudine, quàm præcepti Divini necessi-
tate; de quo ita Apostolus *Tit.* 1. v. 9. *Opor-*
ter *Episcopum* *tenacem* *esse* *fidelis* *illius* *ser-*
monis

Theologiæ
Elenchtica
necessitas.

monis qui ad doctrinam faciunt possit & ex hortari doctrinâ sanâ, & contradicentes convincere. Causam addit v. 10. 11. sunt enim multi subijci nescii, & vaniloqui, & mentium seductores: qui totas domos subvertunt, docentes quæ non oportet, quibus os obturandum est. Quales sicut tunc fuisse graviter conqueritur, ita ultimis temporibus magno numero futuros prædicit, 1. Tim. 4. v. 1. & seqq. 2. Tim. 3. v. 1. & seqq. & ante ipsum prædixit Christus, Mat. 24. v. 24. qui in signum contradictionis propositus est Luc. 2. v. 34. Et nos, in quos fines seculorum inciderunt, prædictionum illarum veritatem, plus quam dici aut deplorari potest experimur. Quamobrem nostri muneris esse intelligimus, non modò ad doctrinam veri, sed etiam ad redargutionem falsi nos comparare; quò pro voluntate Dei ad Episcopatus, sive in Ecclesiâ, sive in Scholâ ob-eundos vocati, ex præscripto Apostolico & exhortari doctrinâ sanâ & contradicentes convincere possimus. Est quidem verum sui pariter & falsi index, ut rectum seipsum & obliquum demonstrat; At non omnes illud eo usque assequuntur, sed ii qui propter habitum sensus habent exercitatos ad discretionem boni & mali, Heb. 5. v. 14. Cæteri sive infantes sive novitii, falsum sub veri specie facile arripiunt; maximè si ex principiis sive elementis eloquiorum Dei, ipsis cognitis, falsæ conclusiones per Sophisticas consequentias deducantur. Horum infirmitati ut pro Vocationis nostræ modo, viriumque modulo succurramus, Theologiæ Didacticæ Elenchicam οὐν Θεω subijcere constituimus. Quod priusquam fiat, Proœmii vice de Controversiis religionis in genere, & illis, quæ nostræ ætatis Ecclesias infestant & divexant in specie, aliquid dicendum est.

Controversiæ Religio-nis quid.

Synonyma.

Causa Per-mittens Deus.

CONTROVERSIAE Religionis sunt lites de religione, Satana hominumque corruptorum malitiâ excitata in Ecclesiâ Dei. Earum diversa in Scripturis nomenclatura reperitur; prout nimirum diversæ sunt conditionis ex Efficiente suo, Objecto, & gradibus. Christus *zizania*, Mat. 13. v. 38. 41. *traditiones, doctrinas, præcepta hominum* cap. 15. v. 3. 9. nominat. Paulus vocat *schismata, lites*, 1. Cor. 1. v. 10. 11. *ligna, fœnum, stipulas*, cap. 3. v. 12. *hereses*, 1. Cor. 11. v. 19. Gal. 5. v. 20. *aliud Evangelium*, Gal. 1. v. 6. *doctrinam diversam*, 1. Tim. 6. v. 3. *doctrinas demoniorum* cap. 4. v. 1. 2. Alii aliter nuncupant.

Causa exoriri eas & evenire Permittens est Deus, qui præteritis ætatibus

acatibus permisit omnes gentes, suis ipsarum viis incedere Actor. 14. v. 16. Idem tamen tanquam justus Judex quandoque illas hominibus immittit in pœnam, ut *ἀντιστάτω* erroris sui in sese recipiant, Rom. 1. v. 27. quemadmodum dicitur mittere efficaciam erroris, 2. Theff. 2. v. 11. tradere in mentem omnis judicii expertem, Rom. 1. v. 28. indere Spiritum mendacii oribus pseudoprophetarum 1. Reg. 22. v. 23. Quo respectu Efficiens illarum non immeritò appellatur: Efficiens, inquam, non quâ sunt peccata creaturarum rationalium, sed quâ judicia Creatoris adversus eos, qui veritatem in injustitia detinent, Rom. 1. v. 18. sive qui non crediderunt veritati, sed acquieverunt in injustitia 2. Theff. 2. v. 12. Utrumque verò cum ex immutabili consilio voluntatis suæ agat, Ephes. 1. v. 11. pronunciamus cum Apostolo; Oportere esse hæreses, 1. Cor. 11. v. 19. cum Christo, Necesse esse ut veniant scandala, Matth. 18. v. 7. eoquè omnes de religione controversias quoad Deum, non fortuitò aut contingenter, sed definito ejus consilio fieri.

At Efficiens controversiarum propriè & in se consideratarum est malitia tum Satana, tum hominum corruptorum; prout illæ doctrinae demoniorum à Paulo, 1. Tim. 4. v. 1. hominum à Christo Matth. 15. v. 9. dicuntur. Primò Satanæ pater ille mendacii, non nisi mendacia loquitur, Ioh. 8. v. 44. ferit zizania in agro Dominico, Matth. 13. v. 28. 39. malitiosè invidens Deo Veritatis gloriam, homini fructum ejus, Vitam æternam, tanquam mendax & homicida inde à principio Ioh. 8. v. 44. Deinde homines corrupti, instinctu naturæ suæ, malitiæ ipsius subserviunt. Hos Christus in cæcos & cæcorum duces, Matth. 15. v. 14. Paulus in seductores & seductos, 2. Tim. 3. v. 13. Augustinus lib. de utilitate credendi, cap. 1. in hæreticos & credentes hæreticis distinguit. In utrisque causas controversiarum communes & proprias Scriptura ostendit. Communes sunt cæcitas mentis & rebellio voluntatis Eph. 2. v. 1. & seqq. Tit. 3. v. 3. Unde fit, ut animalis homo non capiat, nec possit capere, quæ sunt Spiritus Dei, 1. Cor. 2. v. 14. & sensus carnis inimicitia sit adversus Deum Rom. 8. v. 7. Propria Seductorum sunt ambitio & avaritia. Etenim in excitandis propagandisque controversiis, aut gloriam suam, aut quæstum quærunt: Gloriam, qui Legis doctores videri volunt, 1. Tim. 1. v. 7. Doctores, Patres salutari, Matth. 23. v. 7. & seqq. & peculiare Christianorum familias ducere 1. Cor. 1. v. 12. cap. 3. v. 45. Quæstum, qui

Efficiens propriè & in se.

Satanas,

Homines corrupti; seductores & seducti.

In quibus causæ

Communes;

Propria seductorum.

1. Ambitio,

2. Avaritia.

quæstui habent pietatem, 1. *Tim.* 6. v. 5. instar Simonis Magi, *Act.* 8. v. 18. 19. & Phariseorum, *Matth.* 23. v. 14. docentes quæ non oportet turpis lucri gratia, *Tu.* 1. v. 11. quorum Deus est venter *Phil.* 3. v. 19. Hoc est quod Christus dicit *Iob.* 7. v. 18. *Qui ex se ipso loquitur, gloriam propriam querit. cap.* 10. v. 10. *Fur non venit, nisi ut furetur mactet, & perdat oves;* Et Paulus 2. *Tim.* 3. v. 2. *Erunt homines sui amantes, avari, gloriosi, superbi.* 1. *Tim.* 6. v. 3. 4. *Si quis diversam docet doctrinam, is inflatus est nihil sciens, sed insaniens circa questiones ac pugnas de verbis: & v. 10. radix omnium malorum est amor pecunia, quam quidam dum appetunt, aberrarunt à fide.* In *Seductis* vero causæ sunt *Somnolentia* & *Curiositas*. Nam alii non probant *Spiritus*, utrum ex Deo sint, 1. *Iob.* 4. v. 1. non probant dogmata, 1. *Thess.* 5. v. 21. sed omnia, bona ac mala, promiscuè retinent; apud quos, juxta disciplinam Pythagoræ, valet præjudicata Doctoris opinio, non ponderatur doctrinæ ratio; atque ita cæci cum ducibus cæcis in erroris foveam cadunt *Matt.* 18. v. 14. *Alii* receptæ doctrinæ fastidio novitates attendunt & subtilitates, 1. *Tim.* 1. v. 4. 2. *Tim.* 2. v. 16. & seqq. *Tu.* 1. v. 14. & peritorum instar quovis doctrinæ vento circumferuntur *Ephes.* 4. v. 14. De priore loquitur Christus *Matt.* 13. v. 25. *Dormientibus hominibus venit inimicus, & serit zizania inter triticum.* De posteriore vaticinatur Paulus 2. *Tim.* 4. v. 3. 4. *Erit tempus quum sanam doctrinam non sufferent; sed auribus prurientes ipsi sibi secundum suas illas peculiare cupiditates (quas cap. 2. v. 22. juveniles appellavit) coacervabunt Doctores; & à veritate quidem aures avertent, ad fabulas vero divertent.* Causæ *Instrumentales* Controversiarum, *Coloss.* 2. v. 8. recensentur *Philosophia*, traditio hominum, & elementa mundi; quas corruptelarum species ad detorquendas & depravandas Scripturas, cum veteratoriâ ad artificiosè fallendum versutiâ, *Ephes.* 4. vers. 14. seductores adhibent. *Philosophia* non est vera illa sapientia, ex naturæ lumine in nobis reliqua, quæ finibus suis contenta & Theologiæ famulans magnum usum habet: sed inanis deceptio, *Coloss.* 2. vers. 8. sive falsò nominata scientia, 1. *Tim.* 6. v. 20. quorundam Philosophorum, questionum subtilium & inutilium speculationibus sicut olim, ita hodie sese oblectantium, eoque sapientiam suam ac vim ingenii superbè ostentantium; contra quam Apostolus Paulus tribus epistolis, duabus ad *Timotheum*, unâ ad *Tuum*, graviter & ex professo

Propriæ in
seductis;
Somnolen-
tia,

Curiositas.

Instrumen-
tales.

1. Philo-
sophia.

professo differit. *Traditiones* sunt variae hominum superstitiones, quæ pravâ consuetudine, fictis enthusiasmis, falsisque miraculis nituntur. Cujusmodi fuerunt Judæorum ex libris Enochi, commentariis Seniorum & Rabbiorum, *Fabula Judaica* à Paulo appellatæ, 1. *Tim.* 1. v. 4. *Tu.* 1. v. 14. & nunc sunt Traditiones non scriptæ Pontificiorum. Denique *Elementa mundi* sunt ceremoniæ legales in Veteris mundi Ecclesiâ usitatæ, quæ ex quo impletæ per Christum & abrogatæ fuerunt, licet infirma & egena elementa facta sint, *Gal.* 4. v. 9. tamen à multis retinentur & cum Euangelio conjunguntur. Cujus corruptelæ vestigia in Epistolis Paulinis, ubi contra Pseud-apostolos disputat, & praxi hodiernâ Pontificiorum innumera existant.

2. Traditiones.

3. Elementa mundi.

Materia in quâ, Ecclesia,

Circâ quam: in genere, Christus.

In specie, Doctrina,

Cerimoniz.

Forma, aberratio.

1. A Doctrinâ Error, qui est.

Infundamento.

Materia Controversiarum in quâ, est Ecclesia; nam ex eâ prodeunt seductores, *Act.* 20. v. 30. 1. *Ioh.* 2. v. 19. in eâ sedet Princeps seductorum Antichristus, 2. *Thess.* 2. v. 4. & in agro ejus Satanas zizania ferit *Matth.* 13. v. 25. At materia circa quam in genere est Christus, finis legis, *Rom.* 10. v. 4. & fundamentum Euangelii, 1. *Cor.* 3. vers. 11. qui positus est in signum contradictionis, *Luc.* 2. v. 34. & super quo alii aurum, argentum; alii fœnum & stipulas ædificant 1. *Cor.* 3. v. 12. In specie autem sunt Doctrina & Cerimoniz. Et Doctrina quidem partim Legis, ut *Matth.* 5. 6. 7. capp. partim. Euangelii *Rom.* 3. 4. capp. *Gal.* 2. 3. & alibi. Ceremonia verò tum V. T. ut *Act.* 15. *Rom.* 14. tum Nov. Test. ut 1. *Cor.* 11. & aliis capp.

Forma Controversiarum est illarum à veritate Scripturarum aberratio. *Matt.* 22. v. 29. *Erratis nescientes Scripturas.* 1. *Timoth.* 6. v. 10. quidam aberrarunt à fide; & v. 21. circa fidem aberrant à scopo. 2. *Tim.* 2. v. 18. circa veritatem aberrarunt à scopo. Aberratio illa fit aut à doctrina, aut à ritibus. Prior latè error, strictè hæresis; posterior communiter schisma vocatur. Quæ duo distinguit Apostolus tanquam majus & minus, 1. *Cor.* 11. v. 18. 19. ut docet particula καὶ comparationis nota; alioquin utrumque opus carnis nominat, *Gal.* 5. v. 19. 20. 1. *Cor.* 3. v. 4. & tanta est illorum inter se affinitas, ut facillimus sit ab uno ad alterum transitus.

Error in doctrina ex objecto dividitur in eum, qui in fundamento, circa fundamentum, & præter fundamentum admittitur. Error in fundamento est, qui doctrinam fundamentalem Legis & Euangelii evertit & tollit; idque vel ex parte, & est hæresis,

- Gal. 5. v. 20.* exitialis hæresis, *2. Petr. 2. v. 1.* vel in totum, & apostasia est universalis, qualis fuit Juliani Imp. Hoc genus erroris vocat Paulus *aliud Evangelium*, *Gal. 1. v. 6. aliud fundamentum*, *1. Cor. 3. v. 11.* quod est non Petra, Christus; sed arena
- Circa fundamentum. *Matth. 7. v. 24. 26.* Error circa fundamentum est, qui doctrinam fundamentalem attingit quidem, atque ex eâ, non observatâ ἀναλογία τῆς πίστεως, *Rom. 12. v. 6.* falsas conclusiones, falsa dogmata deducit: interim ipsam non tollit sed retinet. Quomodo errant, qui ex nonnullis Scripturæ locis perperam intellectis falsas colligunt & tuentur sententias, de præcipuis fidei capitibus rectè sentientes & docentes. Error præter fundamentum consistit in curiosis & inutilibus quæstionibus, quæ cum vel falsæ vel incertæ sint, & ad doctrinam fundamentalem non pertineant, tamen vanæ ostentationis gratiâ à Doctoribus ei admiscuntur. Hæ sunt ligna, fœnum, stipulæ fundamento superstructæ, *1. Cor. 3. v. 12.* quas dies manifestat, & ignis sive veritatis, sive calamitatis probat, *v. 13.* absque dispendio tamen salutis æternæ *v. 15.*
- Præter fundamentum. Jam Schisma, quod altera est aberrationis species, dicitur, cum à ritu, vel in Scriptura tradito, vel ex analogiâ ejus ordinis causa constituto, contentionis studio disceditur. Cujus exempla proponuntur in Corinthiis, & iis qui de cerimoniis Ecclesiasticis & disciplina odiosas lites movent. Contra quos facit illud Apostoli *1. Corinth. 11. vers. 16.* Si quis videtur contentiosus esse, nos ejusmodi consuetudinem non habemus, neque Ecclesia Dei.
2. à ritibus, Schisma.
- Finis, quoad Deum. Finis Controversiarum quoad Deum est tentatio sive probatio piorum, & probatorum manifestatio, *Deut. 13. v. 3.* *1. Cor. 11. v. 19.* impiorum verò excæcatio & obduratio *2. Thess. 2. v. 11.*
- Diabolum, *Rom. 1. v. 28.* *1. Reg. 22. v. 23.* Quoad Diabolum veritatis cælestis obscuratio, hominumque in exitium æternum seductio *Iob. 8. v. 44.* *1. Petr. 5. v. 8.* Quoad homines verò vanæ ambitionis, *Iob. 7. v. 18.* turpis avaritiæ, *Tit. 1. v. 11.* & cupiditatum juveniliū, *2. Tim. 4. v. 3. 4.* expletio.
- Homines.
- Controversiæ. Hæc de Controversiis religionis generatim dicta sufficiant, Speciatim persequi, aut etiam enumerare singulas, quæ Ecclesiam Dei inde ab initio turbaverunt, nimis longum foret, & ab instituto nostro alienum. In Ecclesia Veteris Testamenti fuerunt Idololatra, passim; Samaritani, *2. Reg. 17.* Scribae, Pharisei, Sadducei & Herodiani, quorum frequens apud Evangelistas mentio est.
- In V. T.

est. In Ecclesiâ *Novi Testamenti*, post ascensionem Christi, superstitibus adhuc ejus Apostolis exstiterunt *Simoniani* à Simone In N. T.

Mago denominati *Aëtior. 8. Pseudapostoli sive Pharisaizantes, Aëtior. 15. Gal. 2. 3. 4. capp. Angelolatra, Coloss. 2. v. 18. Philetiani, 2. Tim. 2. v. 17. 18. Nicolaitæ Apoc. 2. v. 6. 15.* Successerunt deinde alii magno numero, & longo ordine, quorum catalogum & hæreses *Eusebius, Epiphanius & Augustinus* descripserunt. *Nostro tempore* Christi Ecclesiam maximè distrahunt ii, quos supra recensuimus, *Samosatēniani, Anabaptistæ & Pontificii* hæretici; *Lutherani* quoque erronei & Schismatici, quorum controversiæ non tam novæ, quàm innovatæ sive interpolatæ sunt dicendæ: sicut serpens ille antiquus eandem semper agit errorum fabulam, mutatis personis. Quod ne cui dubium esse possit, de originibus singularum & incrementis paucula historicè referemus.

Nostro tempore.

SAMOSATENIANI sunt, qui *Pauli Samosatēni*, Episcopi Antiocheni blasphemam de Christo sententiam tenent, nimirum fuisse ipsum *ψιλὸν ἄνθρωπον*, primumque cœpisse cum nasceretur ex Virgine. Quod ipsum repetiit postea *Photinus*, Syrmii Episcopus, à quo iidem *Photiniani* appellantur. Quia verò negatâ Christi divinitate, facilè convellitur ipsius pro peccatis nostris satisfactio: (ut quæ nudi hominis esse nequit,) multò post, & quidem circa annum Christi MCX. quo *Bernhardus* clauit, *Petrus Abailhardus* in Galliâ docere cœpit, mortem Christi non fuisse *λύτρον*, quo redempti simus à peccatis, sed exemplum virtutis quod imitemur, & incentivum dilectionis, quâ ipsum pro virtute tam gravia passum complectamur. Quæ duo perniciosissima dogmata variè damnata, superiore seculo resuscitarunt, & aliis multis ex Pelagii gurgustio cumularunt, novi hujus hæreseos Magistri, *Michaël Servetus* Hispanus, & *Faustus Socinus* Senensis: horumque discipuli miris fallaciis & astutiis eadem latius quotidie propagant.

Samosatēniani.

ANABAPTISTÆ sunt, qui baptismum à suis non administratum iterant; pædo-baptismum autem in totum damnant, unde & *Catabaptistæ* nominantur. In hoc sequuntur *A-*

Anabaptistæ.

grippinianos, Eunomianos, & Donatistas, veteres sive hæreticos, sive schismaticos. In aliis alios. Nam cum *Severianis & Manichæis* Veteris Testamenti auctoritatem elevant; cum *Sabellianis* Trinitatem personarum, saltem aliqui ipsorum, negant; cum *Pelagianis*

lagianis peccatum originis in infantibus non agnoscunt; cum *Valentinianis* Humanam Christi Naturam non ex Mariâ Virgine assumptam, sed cœlitus delatam, & per ipsam tanquam canalem traductam asserunt; cum *Carpocratianis* bonorum communionem urgent; In cæteris ad *Novatianos*, *Donatistas*, & *Catharos* accedunt, ut qui à dignitate ministerii vim & efficaciam Sacramentorum suspendunt; sibi solis titulum Ecclesiæ vendicant, perfectionem angelicam jactitant; excommunicationis censurâ etiam levissima delicta corripiunt; adeoque in multis scilli sectas mirè fluctuant, & dubiè ad modum de dogmatibus suis interrogati respondent, similes omnino iis, quos *Ephes. 4. v. 14.* Apostolus describit.

Pontificii.

PONTIFICII sunt, qui *Pontificem Romanum*, Hominem illum peccati, Filium perditionis, Antichristum, pro capite totius Ecclesiæ visibilis, & supremo Christi in terris vicario agnoscunt, ejusdemque regimini ceu filii spirituales subsunt. Hujus impia tyrannis & in Ecclesiam dominatus impotens, jam serpere cœpit in iniquitatis mysterio tempore Apostolorum, *2. Thessal. 2. v. 7.* pauloque post se prodere in *Victore*, Episcopo Romano, qui Episcopos Orientales excommunicare veritus non fuit, quod Romanæ Ecclesiæ morem in celebrando Paschate non observarent. Deinde aucta fuit tyrannis illa, cum decreto Synodi Nicenæ, sedi Romanæ primus inter sedes Patriarchales locus confirmaretur. Tandem etiam consummata est, cum parricida *Phocas*, toti Orienti invisus, ut favorem aliquem in Occidente retineret, Ecclesiam Romanam caput omnium Ecclesiarum, & Episcopum ejus, cum Constantinopolitano de primatu jam pridem altercantem, Episcopum Oecumenicum sive Universalem declararet circa annum Christi **DCVL** Doctrina Pontificiorum *Concilio Tridentino* postremum sancita, & à Bellarmino quatuor Controversiarum tomis asserta, farrago est exitialium hæresium, ex veterum hæresium erroribus conflata. Etenim cum *primis & antiquissimis hereticis* Traditiones jactant & in Scripturarum accusationem vertuntur, ut loquitur Irenæus; cum *Pseudapostolis* Legem & Evangelium confundunt; cum *Ebionitis* ceremonias legales ad salutem necessarias statunt; cum *Nepotianis* limbos fingunt; cum *Armenis*, *Gnosticis*, *Carpocratianis* imagines Christi & Sanctorum colunt; cum *Encratis* discri-

discrimen ciborum faciunt; cum *Saturnianis*, *Marcionitis*, *Gnosticis* matrimonium interdiciunt; cum *Simonianis* Sacra venalia habent; cum *Pelagianis* de morte etiam ante peccatum naturali, de Peccato Originis & Concupiscentia, de salute infantum, de libero arbitrio, gratiâ Dei, meritis operum, hominisque in hac vitâ perfectione, maximâ parte consentiunt; &, ut in summam cetera conferam, doctrinam Christianam opinionibus, cultum superstitionibus tum Gentilium tum Judæorum depravarunt, usque adeo ut nullus, totaliter & finaliter hâc in hæresi perseverans, servari possit.

LUTHERANI *Martinum Lutherum* Schismatis sui auctorem jactitant, qui occasione recepti Carolstadii cum *Helvetiis* *Zuinglio*que de corporali Christi præsentia in Cœnâ disputare cœpit, & ut eam commodius tueretur Ubiquitatem corporis Christi asseruit: illud quidem ex inveterato Pontificiorum de corporali præsentia errore; istud autem ex malè intellectâ Scholasticorum distinctione de modis præsentia; sed tamen posterius suapte sponte missum fecit, dissentiens in solo priore. At Sectatores quidam ejus, maximè *Ioannes Brentius* & *Jacobus Andrea*, post obitum præceptoris, non modò Ubiquitatem revocarunt, & proprietatum divinarum in Humanam Christi Naturam effusionem docuerunt, sed insuper novas de Prædestinatione, Gratia, Baptismo controversias moverunt. Quo ipso quantum discesserunt à Magistro suo, cujus Orthodoxa hîc sententia est, cum aliis tum aureo illo de *Servo Arbitrio* libello explicata, in tantum accesserunt ad damnatas olim *Eutychianorum* & *Pelagianorum* hæreses, quas imprudenter interpolari ab ipsis, omnes rerum periti intelligunt. Deplorandum verò est, quod obstinati in erroribus, nec veritatis lucem, nec charitatis Unionem admittunt, & quibuscum unum Deum, unum Christum, unam fidem, unam spem vocationis habent, eos ut seductores, hæreticos, Diaboli martyres damnant & excommunicant. Nos contra qui aliter Christum didicimus, memores cujus Spiritus Filii simus, cum omni animi submissione, lenitate, & iræ cohibitione sufferamus eos per charitatem, oremus pro eis, ipsorumque ab illis tenebrarum reliquiis conversionem modis omnibus procuremus usque dum dies illucescat, & lucifer exoriatur in cordibus ipsorum, per Jesum Christum Dominum nostrum.

Lutherani.

LOCUS SECUNDUS

De

THEOLOGIÆ PRINCIPIO,
VERBO DEI.

Anabaptistarum & Pontificiorum graves sunt de Verbo
Dei, sive Scriptura Sacra Controversiæ.

Illorum quidem de Materia ejus: An nimirum Scriptura
V. T. Christianis sit & esse debeat Canonica?

Istorum autem de Efficiente, Materiâ, Formâ, Fine, Sub-
jecto & Adjunctis.

De Efficiente :

- I. An Scriptura Prophetica & Apostolica fortuitis oc-
casionibus absque jussu divino sit exarata?
- II. An auctoritas ejus, quoad nos, ab Ecclesiæ testimo-
nio dependeat?

De Materia :

- I. An libri Tobias, Judith, Baruch, Sapientia, Ecclesia-
sticus, duo priores Maccabæorum, Additiones quæ-
dam ad Estheram & Danielelem sint verè Canoni-
ci?

- II. An Traditiones non scriptæ sint Verbum Dei?

De Forma :

- I. An quadruplex sit genuinus Scripturæ sensus, literalis,
allegoricus, anagogicus & tropologicus?
- II. An supremus & infallibilis Scripturæ interpret sit
Ecclesia, Concilium, aut Pontifex Rom. in cathedra docens?
- III. An Interpretatio ejus in Versionibus, nec necessa-
ria, nec utilis sit?

4. An

IV. An Vulgata Versio Latina sit Authentica?

De Fine:

I. An Scriptura tantum sit aliquod fidei vitæque com-
monitorium, non verò ejus Canon?

II. An etiam ad fidem & vitam sit admodum necessaria?

De Subjecto: An lectio Scripturæ omnibus promiscuè
sit permittenda?

De Adjunctis:

I. An Scriptura sit perfecta, omnia ad fidem & vitam
necessaria continens?

II. An etiam sit perspicua, ut cum fructu legi, & do-
gmata necessaria ex eâ cognosci possint?

E X E G E S I S.

EXplicationem Controversiarum religionis ordimur ab
iis, quæ circa principium ejus, *Verbum Dei*, moveri
solent. Cum enim causâ, sit Conclusionum Theolo-
gicarum, quæ variè exinde deducuntur; ipsius, quan-
tum fieri potest, ante asserenda est auctoritas, quàm ad vindic-
cias Conclusionum deveniatur; nisi petitione principii subinde
peccare; & actum agere velimus. Quamobrem Bellarminus
quoque suos *Controversiarum* tomos à controversiâ, quæ est de *Ver-
bo Dei*, inchoat: licet quod nobis modo revelationis unicum est,
ipse distinguat in duo, Scriptum & Non-scriptum. Ab eodem
igitur hæc Theologiæ *Elenctica* tractatio meritò procedit.

Distribuimus autem Controversias de Verbo Dei secundum
locos Inventionis: ut quo ordine veritas, eodem etiam falsitas
ei opposita cognoscatur & redargatur.

Controversia itaque de *Efficiente* Verbi Dei sive Scripturæ Sa-
cræ duplex est; *Vna* de causâ ejus instrumentali, *Altera* de au-
thoritate.

PRIMA sic habet: *Sitne Scriptura Prophetica & Apo-
stolica fortuitis occasionibus absq; jussu divino exarata?*
Pontificii affirmant, *Bellarmin. lib. 4. de Verb. Dei cap. 4.*
Nos negamus.

Controver-
sia de Verbo
Dei.

Prima.
Pontificio-
rum.
Sitne Scriptu-
ra fortuitis oc-
casionibus exar-
ata?

Rationes
Negantes
Orthodoxæ.

Rationes nostræ.

Ex natura Subjecti :

Quia Scri-
ptores servi
Dei fideles.

I. Servi, legati fideles in ministerio legationis suæ, nihil agunt absque Domini sui mandato. Prophetæ & Apostoli fuerunt servi, legati fideles Dei. Ergo. *Minor* extra controversiam est. *Major* etiam per se clara cum de aliis, tum de Dei servis, qui quicquid faciunt absque vel præter Dei mandatum, faciunt contra mandatum, eoque fideles esse desinunt.

Quia munus
divinum ip-
sis scriptio-
nem impe-
ravit.

II. Quibus scriptionem doctrinæ muneris divini condicio imperavit; ii non scripserunt absque Dei mandato. Apostolis, indefinitè spectatis, scriptionem doctrinæ suæ muneris divini condicio imperavit. Ergo. *Minor* probatur. Qui universales Ecclesiæ doctores ratione locorum, personarum, & temporum à Christo dati fuerunt, his scriptionem doctrinæ muneris divini condicio imperavit. *Ratio*; quia alio modo muneri huic satisfacere nequiverunt, cum iidem nec ubique & apud omnes esse, nec vivere perpetuè potuerint. Apostoli universales Ecclesiæ doctores à Christo dati fuerunt, tum ratione locorum & personarum; quia iussi docere omnes gentes, *Matth.* 28. v. 19. *predicare Evangelium omni creatura*, *Marc.* 16. v. 15. Christique testes esse usque ad ultimas terras, *Actor.* 1. vers. 8. tum ratione temporum; quia cum ipsis se omnibus diebus usque ad consummationem sæculi futurum promisit *Matth.* 28. v. 20. Ergo.

Ex natura Predicati :

Quia man-
dato & in-
spiratione
Dei scripse-
runt.

I. Qui Dei mandato & inspiratione scripserunt, non scripserunt fortuitis occasionibus absq; mandato. Prophetæ & Apostoli Dei mandato & inspiratione scripserunt. Ergo. *Minor* probatur secundum utramque partem: *Mandato* Dei scripserunt in V.T. Moyses, *Exod.* 17. v. 14. *cap.* 34. v. 27. *Deut.* 31. v. 9. & passim. Esaias, *cap.* 8. v. 1. Jeremias, *cap.* 30. v. 2. & 36. v. 2. 28. Habacuc; *cap.* 2. v. 2. In N.T. Johannes, *Apoc.* 1. v. 11. quod undecies deinceps repetitur. *Inspiratione* etiam; quia acti à Spiritu Sancto loquuti sunt sancti Dei homines, voce & scripto, 2. *Petr.* 1. v. 21. *collato cum*, v. 19. 20. *Romanor.* 1. v. 2. quorum omnis scriptura θεόπνευστος, divinius inspirata esse dicitur 2. *Timoth.* 3. vers. 16.

II. Quod

II. Quod necessarium fuit Apostolis; id fortuitis occasio-
nibus absque Dei mandato, adducti non fecerunt. Ut scriberent
doctrinam suam fuit ipsis necessarium. Ergo. *Minor* est Apostoli
Juda v. 3. Neceſſum habui ſcribere ad vos hortandos. Majoris conſe-
quentia pateſcit ex oppoſitione Neceſſitatis & Contingentiæ Nam
quod neceſſarium eſt ex præcepto, non eſt contingens absque
præcepto. Quod neceſſarium fuit Apostolis in fungendo Apoſto-
latu, ex Chriſti præcepto neceſſarium fuit; quo tum Apoſtolatus,
tum modus ejus fuit imperatus *Matt. 28. v. 18. 19. 20. & alibi.* Ergo.

Quia neceſ-
ſarium fuit
ipsis ut ſcri-
berent.

Rationes Pontificiorum.

Ex natura Subjecti :

Rationes
Affirmantes
Heterodoxæ.

I. Qui doctrinam religionis ex proſeſſo literis conſignare
volunt, Catechiſmum aut ſimilem librum conſciunt. Apoſtoli
non conſecerunt Catechiſmum aut ſimilem librum; ſed vel hiſto-
riam ſcripſerunt vel epiſtolas, ubi diſputationes de dogmatibus
obiter tantum tractantur. Ergo. *Reſp. Major* aperta
laborat. *Minor* autem falſa eſt utroque membro. *Negante :*
quia conſecerunt Catechiſmum Apoſtoli, tum magnum in in-
tegris Epiſtolis *ad Romanos, Ephesios, &c.* tum parvum in recen-
ſendis ſummis ejus capitibus; quæ ſunt Reſiſcentia & Fides,
Marc. 1. v. 15. Fides & Charitas, 2. Tim. 1. v. 13. Tit. 3. v. 8. Reſiſ-
ſiſcentia, Fides, Sacramenta, Reſurrexio & Judicium Heb.
6. v. 1. 2. Affirmante : quia in hiſtoria & exemplis diſputationes
de dogmatibus non obiter ſed ex proſeſſo explicantur, ut in *Eu-*
angelio Iohannis, in epiſtolis Pauli *ad Romanos, Galatas, Hebraeos,*
aliſque videre eſt.

Quia non
ſcripſerunt
ſummam re-
ligionis.

II. Quod neque omnes Apoſtoli conjunctim, neque ſinguli
ſejunctim fecerunt, id muneris ipſorum non fuit. At neque omnes
conjunctim ſcripſerunt communem doctrinæ formulam, neque
ſinguli ſejunctim doctrinam Euangelicam ſcriptam ediderunt,
cum tamen curam alicujus provinciæ ſinguli habuerint. Ergo.
Reſp. I. Negatur conſequentia *Majoris.* Ratio eſt; quia quod
muneris erat Apoſtolicum ex Chriſti inſtitutione, id tamen pro Dei
voluntate, quam vel ex revelatione Spiritus, vel ex opportuni-
tate occaſionum cognoscebant Apoſtoli, ipsis adminiſtrandum
fuit, tam in prædicando, quam in ſcribendo? Hac itaque alii
prædi-

Quia nec o-
mnes Apo-
ſtoli conjun-
ctim, neque
ſinguli ſe-
junctim,
ſcripſerunt.

prædicarunt tantum; alii prædicarunt simul & scripserunt, utri-
que autem muneri suo satisfecerunt. **II. Minor** falsa veris miscet
in utroque membro. In *primo*; quia Apostolos communem do-
ctrinæ formulam ante sui dispersionem non scripsisse, verum est:
At nihil omnino scripsisse, falsum: cum constet exaratam ab ipsis
fuisse epistolam synodicam, quæ est *Actor. 15.* In *secundo*; quod
singuli doctrinam Evangelicam scriptam non ediderint, ite-
rum verum est: Nam ex apostolis septem non scripserunt. Quod
vero curam certæ alicujus provinciæ habuerint singuli, falsum:
cum constituti sint à Christo doctores universales *Matth. 28.*
vers. 19. 20.

Ex Natura Prædicati:

Quia scriptio
Apostolis
non sit im-
perata.

**I. Quod nec Christus præcepit Apostolis, nec ipsi ex man-
dato ejus fecisse se testantur; id absque mandato ejus fecerunt.**
Ut scriberent verbum Dei, nec Christus præcepit Apostolis, nec
ipsi testantur fecisse se ex ejus mandato. Ergo. *Resp.* Falsitas *Mi-
noris* ex ante dictis manifesta est. Præcepit hoc eis partim *verbo*
suo & quidem *tum* generatim, jubens eos *Ἀδελφάσκειν* *Matth. 28. v.*
19. quovis modo, pro re natâ, sive voce, sive scripto; *tum* speciatim
Iohanni denunciâns, ut in libro scribat visiones suas, *Apoc. 1. v. 11.*
partim *inpiratione*, quâ ad scribendum eos instruxit & excitavit.
Ipsi quoque testantur fecisse se illud ex Dei mandato, Iudas *v. 3.*
Paulus *1. Cor. 9. v. 16.* Iohannes *Apoc. 22. v. 18. 19.*

Quia ex ob-
lata occa-
sionis neces-
sitate scri-
pserint.

**II. Qui ex oblata occasione, illiusq; necessitate scripserunt, non
scripserunt sponte sua & ex instituto; quod videlicet hujus rei
mandatum haberent. Apostoli ex oblata occasione, ejusq; neces-
sitate scripserunt, ut de quatuor Evangelistis testatur Eusebius. Ergo.**
Resp. *Major* inconsequens & falsa est ex oppositione subordinato-
rum. Imo scripserunt Apostoli & mandato Christi, tanquam causâ
impulsivâ principali, & occasione oblata tanquam causâ impulsivâ
secundariâ & minus principali: quâ occasione uti sciverunt ad glo-
riam Dei & proximi ædificationem; planè sicut Christus & Apo-
stoli ex mandato simul & occasione prædicarunt, quod non negat
sed affirmat Eusebius *lib. 3. hist. cap. 21.* causam scriptiõis ex Lucâ
edisserens historiæ Evangelicæ *ἀσφάλειαν* *Luc. 1. v. 4.*

SECUNDA sic habet: *An auctoritas Scripturæ quoad nos dependeat à testimonio Ecclesiæ? Pontificii affirmant Bell. lib. 2. de conciliis cap. 12. Nos negamus.*

Secundus: Pontificiorum. Scriptura auctoritas quoad nos dependeat ab Ecclesiæ testimonio? Status Controversiæ.

Hujus Controversiæ statum Pontificii vetustiores in hunc modum proposuerunt: *An auctoritas Scripturæ dependeat à testimonio Ecclesiæ? & An major sit Ecclesiæ quàm Scripturæ auctoritas?* atque etiam sententiam affirmantem simpliciter defenderunt. *Eckius in Enchiridio cap. 1. Pighius lib. 1. de Hierarchia Ecclesiastica cap. 2. Hosius lib. 2. de auctoritate Scripturæ pag. 197.* Quod crudè nimis crasseque dictum animadvertentes recentiores, adhibitâ distinctione ita mentem suam declarant, ut Scripturam absolutè & in se etiam sine Ecclesiæ testimonio divinam esse concedant; relatè autem & quoad nos velint non alio quam folius Ecclesiæ testimonio ut divinam nobis innotescere, & à nobis agnosci ac fuscipi. Vide *Bellarmin. lib. 2. de conciliis cap. 12. & Stapletonum de auctoritate Ecclesiæ lib. 2. cap. 11. & lib. 3. cap. 19. item lib. 9. Doctrinalium principiorum cap. 1.* Ecclesiæ vero illa ipsis non est universitas credentium, sed cœtus præsulum, non eorum modo qui, coætanei Apostolis αὐτοῖς ἐκφά ipforum apud se deposita viderunt, sed etiam sequentium, & qui in hunc usque diem vivunt, *Stapletonus lib. 9. Doctrin. principior. c. 12. 13.* imo Pontifex Rom. solus, ex sententiâ *Bellarmini lib. 2. de Conciliis cap. 17.*

Rationes nostræ.

Ex natura Subjecti:

Rationes Negantes Orthodoxæ.

I. Auctoritas Scripturæ quoad nos dependet ab ejus auctore. Ecclesiæ non est auctor Scripturæ. Ergo. *Minor* patet ex dicto Apostoli *2. Tim. 3. v. 16. Major* ex notatione vocis; & sic insuper confirmatur: **I.** Omne testimonium auctoritatem suam habet apud nos ab auctore. Scriptura est testimonium auctoris Dei. *Esā. 8. v. 20. Ioh. 5. v. 39.* Ergo. **II.** A quo dependit auctoritas Verbi Dei voce prolata, ab eodem dependet auctoritas ejusdem verbi scriptis consignati, id est, Scripturæ sacræ. Atqui auctoritas Verbi voce prolata dependit ab auctore Deo. Ergo. *Minor* per se manifesta est; quia Dei olim cum patribus αὐτοῖς loquentis ver-

Quia Scripturæ auctoritas dependet ab ejus auctore.

ver-

verbum non aliâ, quam ipsis auctoritate commendatum & receptum fuit. Manifesta quoque *Majoris* consequentia; quia verbum Dei non est aliud atque aliud, *Gal. 1. v. 7.* sed unum & idem quocunque etiam modo reveletur; nec scriptio de auctoritate ejus quicquam detraxit *Iob. 1. v. 39. 47. 2. Pet. 1. v. 19. 20.* III. A quo nobis persuadetur & obfirmatur Scripturæ veritas, ab eodem auctoritas Scripturæ quoad nos dependet. Ab auctore ejus Spiritu Sancto, *2. Pet. 1. v. 20. 21.* nobis persuadetur & obfirmatur Scripturæ veritas *Iohan. 16. v. 13. 1. Iob. 2. v. 20. cap. 5. v. 6. 2. Cor. 1. v. 22. Ephes. 1. v. 13.* Ergo.

Quia Scriptura auctoritatem ex se habet sufficientem.

II. Quod apud nos Scriptura sufficienter ex se habet; id ab Ecclesiæ testimonio minimè dependet. Auctoritatem divinam Scriptura sufficienter ex se habet. Ergo. *Minor* probatur. I. In genere: Verbum Dei auctoritatem divinam apud nos sufficienter ex se habet. Scriptura est verbū Dei. Ergo. *Minorem* recte asserit *Bellarminus* contra fanaticos *lib. 1. de Verb. Dei cap. 2.* *Majorem* his testimoniis Nos asserimus: *Heb. 4. v. 12. Verbum Dei vivum, efficax penetrans &c.* *1. Cor. 2. v. 4.* adjunctam sibi habens *demonstrationem spiritus & potentia* *1. Thes. 2. v. 13. Efficaciter in hominibus agens;* usq; adeo, ut infidelis etiam aut idiota, illud audiens, *procidens in faciem, auctorem illius Deum agnoscat* *1. Cor. 14. v. 24. 25.* II. In specie: Quod continet in se doctrinæ genus divinum, styli divinam majestatem, doctrinæ divinum consensum; id auctoritatem divinam apud nos sufficienter ex se habet. Scriptura continet in se doctrinæ genus divinum, styli divinam majestatem, doctrinæ divinum consensum. Ergo. *Minor* alibi declarata est. *Maior* procedit à propriis adjunctis ad proprium subiectum, à notis infallibilibus sive criteriis ad rem notatam.

Quia Scriptura auctoritatem omnem Ecclesiæ conciliat.

III. Quod auctoritatem omnem Ecclesiæ apud nos conciliat, ejus auctoritas à testimonio Ecclesiæ quoad nos minimè dependet. Scriptura auctoritatem omnem Ecclesiæ apud nos conciliat. Ergo. *Maior* certa est; quia auctoritas probans, non dependet ab auctoritate probandâ vel probatâ; nec causa à suo effecto. *Minor* sic ostenditur: Quod Ecclesiæ essendi & cognoscendi principium est, id auctoritatem omnem Ecclesiæ apud nos conciliat. Scriptura est Ecclesiæ essendi & cognoscendi principium. Ergo. Principium essendi; quia ex ea gignitur Ecclesia, *Luc. 8. v. 11. Jac. 1. v. 18. 1. Pet. 1. v. 23.* cognoscendi; quia per eam naturam suam, proprietates, & privilegia demonstrat; atque ex ea

ex eâ solâ Pontificii, quam tribuunt Ecclesiæ suæ infallibilitatem accerfunt *Matth. 18. v. 17. Ioh. 16. v. 13. 1. Tim. 3. v. 15.*

Ex natura *Prædicati*:

I. Auctoritas Scripturæ quoad nos non dependet à testimonio fallibili, vario, humano, & ipsâ multis modis inferiore. Testimonium Ecclesiæ est fallibile, varium, humanum, ac ipsa Scriptura multis modis inferius. Ergo. Consequentia *Majoris* evidens ac firma est. Nam alioquin nunquam certa apud nos erit Scripturæ auctoritas; fides Scripturæ fundata erit super arenam, non super petram, *Matth. 7. v. 24. 26.* cum effectus nobilior esse causa sua nequeat. *Minor* confirmatur per partes; *Fallibile* est testimonium Ecclesiæ; quia non necessaria sed contingentis est veritatis *Rom. 3. v. 4. Varium*; quia Ecclesia tum de integris Scripturæ libris, tum de particularibus ejus locis variè & dubitanter olim pronuntiavit, atque etiam nunc pronuntiat: quod infinitorum exemplorum inductione docere haud est difficile. *Humanum*; quia præfulum Ecclesiasticorum testimonium humanum est. Testimonium Ecclesiæ est præfulum Ecclesiasticorum testimonium. Ergo. *Minor* est Pontificiorum. *Major* sic probatur: Testimonium hominum à Deo immediatè ipsis non inspiratum, humanum est: patet; quia testimonium divinum, propriè dictum, id tantum est quod à Deo inspiratum est. Testimonium præfulum Ecclesiasticorum non est ipsis immediatè à Deo inspiratum: fatente *Bellarmin. lib. 2. de Concil. cap. 12.* Ergo. Denique ipsâ Scripturâ multo inferius est: Probatur. I. *Hominum testimonium multo inferius est testimonio Dei* *1. Ioh. 5. v. 9.* Testimonium Scripturæ Dei, Ecclesiæ hominum est testimonium. Ergo. II. Iohannis testimonium inferius est testimonio Scripturæ ex assertionem Christi *Ioh. 5. v. 36.* Ergo multo magis testimonium Ecclesiæ.

Quia Ecclesiæ testimonium fallibile varium, humanum est, & Scriptura inferius.

II. In quod fides nostra non resolvitur: ab eo auctoritas Scripturæ quoad nos minimè dependet. In testimonium Ecclesiæ fides nostra non resolvitur. Ergo. *Major* patet; quia fides nostra resolvitur in Scripturam; Si igitur ea aliunde dependet, in id magis resolvetur; juxta illud: propter quod unumquodque tale est, illud magis tale est. *Minor* probatur: I. Quod non est fidei nostræ principium, in id fides nostra non resolvitur. Testimonium

Quia fides nostra non resolvitur in testimonium Ecclesiæ.

Ecclesiæ non est fidei nostræ principium. Ergo. Utraque propositio certa est, ex naturâ principii; quod immediate & immutabiliter verum est, à quo primum incipit fides nostra, & in quod postremum terminatur. **I I.** In quod fides Præsulum sive Clericorum resolvi non potest, in id etiam non resolvitur fides Laicorum; nisi alia sit istorum, quàm horum fides. In testimonium Ecclesiæ fides præsulum resolvi non potest, Ratio; quia ipsi sunt Ecclesia: testimonium Ecclesiæ est testimonium ipsorum, fides autem resolvi nequit in testimonium proprium. Ergo.

Quia testimonium Ecclesiæ ministeriale est.

I I I. Cujus testimonium ministeriale tantum est Scripturæ, ab eo non dependet Scripturæ auctoritas. Testimonium Ecclesiæ tantum est Scripturæ ministeriale. Ergo. *Major* in confesso est. *Minor* ita demonstratur: **I.** Præsulum testimonium Scripturæ tantum est ministeriale **1.** *Cor.* 3.v.5.2. *Cor.* 5.v.18.19.20. **1.** *Pet.* 5.v.3. Testimonium Ecclesiæ est præsulum testimonium, ex sententiâ Pontificiorum. Ergo. **II.** Qui tantum custodit, discernit & promulgat Scripturam, eamque per seipsam interpretatur; ejus de Scripturâ testimonium tantum est ministeriale. Ecclesia tantum custodit, *Rom.* 3.v.2.1. *Tim.* 3.v.15. discernit, *Heb.* 5.v.14. & promulgat Scripturam, *Matt.* 28.v.19. eamque per se ipsam interpretatur *Rom.* 12.v.6.2. *Pet.* 1.v.20. *Nehem.* 8.v.9. Ergo.

Affirmantes.
Heterodoxa.

Rationes Pontificiorum: *Bellarm.*
lib.4. de verbo Dei cap.4. *Stapleton* l.9. Do-
ctrin. princip.c.4. & seqq. ac aliorum.

Ex natura Subjecti:

Quia auctori-
tas Scripturæ
per ipsam
met probari
nequeat.

I. Quod per Scripturam probari nequit, id à Scripturâ non dependet. Auctoritas Scripturæ per Scripturam probari nequit. Ergo. *Minorem* negatam à nobis ita confirmant: *Primò.* Idem per se ipsum probari nequit. Ratio; quia probatio omnis est ex notioribus. Scriptura est eadem, homogenea. Ergo. *Resp.* *Major* non est vera universaliter. Saltem vera non est de Deo, qui ex luce illâ inaccessâ optimus de se testis est **1.** *Tim.* 6.v.16. *Ioh.* 1.v.18. Vnde Christus *Ioh.* 8.v.14. *Etiamsi ego testor de meipso, tamen verum est testimonium meum.* Vera quoque non est de verbo Dei in Scripturâ tradito, quod & ipsum optime de se testatur, tanquam prima & infallibilis veritas. Alioquin Sacerdotes & Levitæ, *Neh.* 8.v.9. Christus,

stus, *Luc. 4. v. 17. & seqq.* Apostoli, *Act. 2. 3. 4. capp.* verbum Dei per Scripturam declarantes peccarunt Elencho petitionis principii. Nec excusari ab eo potest Bellarminus, qui *lib. 1. de verbo Dei cap. 2.* divinam & canonicam Scripturæ auctoritatem per Scripturam contra fanaticos demonstrat. *Ratio Majoris* ambigua est. Notius aliquid dicitur *φύσις καὶ ἡμῶν*. Natura five in se, & Nobis. *Naturâ* nihil Scriptura notius, nihil certius est; ut quæ fidei nostræ principium est. *Nobis* autem aut pars aliqua Scripturæ ignota, incerta est, aut Scriptura tota. Si *pars*, probatur ea ex partibus jam ante notis & certis, cum partes omnes sint homogeneæ, ab eodem spiritu quoad res & verba profectæ, *2. Tim. 3. v. 16.* atque ita probatio est ex notioribus. Sin *tota*, jam quia Scriptura principium esse definit, probationes quoque inde non petuntur, verum aliunde adducuntur. *Secundò.* Epistolarum Paulinarum auctoritas per Scripturam probari non potest. Epistolæ Paulinæ sunt Scriptura. Ergo. *Resp. Major* falsa est; probatur illarum auctoritas, tum ex aliâ Scripturâ, quæ est *Pet. 2. epistol. 3. v. 16.* eas reliquis Scripturis disertè æquantis, tum ex ipsismet. Nam quia criteria ostendunt Scripturæ Canonicæ, Canonicæ sunt; quia titulum, stylum, *signaculum 2. Thess. 3. v. 17.* Pauli habent, Paulinæ.

II. Quod nihil valet ad ostendendam Scripturæ auctoritatem, ab eo auctoritas Scripturæ non dependet. Criteria Scripturæ nihil valent ad ostendendam ejus auctoritatem; I. quia Turca in Alcorano, Judæus in Cabala, gentilis in Jamblichio non minus majestatis, invenire se existimat in verbis, quàm Christianus in Bibliis; & plenior majestate stylus, resque graviore esse videntur in libro Sapientiæ, quam in libro Ruthæ. 11. quia sola Ecclesia de criteriis potest judicare. Ergo. *Resp. Minor* falsa est. Si enim criteria Scripturæ profanæ, puta Demosthenis aut Ciceronis, auctores suos ostendunt, quidni suum ostendat scriptura *θεόπνευστος* eoque auctoritatem sibi conciliet? *Ratio Minoris* utraque nihil valet. Non *prima* 1. quia non ex uno aliquo criterio se junctim, sed ex omnibus conjunctim Canonicam Scripturæ auctoritatem asserimus. 11. quia procedit ab ipsâ re ad opinionem hominum; ab internis essentialibus ad externa accidentalibus. Videri ita potest homini *ψυχικῶν* quemadmodum cæco ipsa lux meridiana caligo videtur: at minime est, neque videtur etiam spiritali, qui sensus habet exercitatos ad discretionem majestatis divinæ in sermone, &

Quia Criteria Scripturæ nihil valeant ad ostendendam ejus auctoritatem.

eloquentiæ humanæ. Liber *Ruthæ* Hebraicè scriptus, & in N. T. confirmatus est *Matt.* 1. v. 5. Liber *Sapientiæ* neque Hebraicè scriptus, neque in N. T. confirmatus est: insuper falsa quædam continet. Ille igitur, non hic, ad V. T. canonem pertinet. Non *secunda* propter ambiguitatem vocis Ecclesiæ. Nam si accipitur repræsentativè ex mente Pontificiorum, de solis præsulibus, falsa est: cum laicis etiam discretionis iudicium tribuant Scripturæ dicta, *1. Cor.* 12. v. 9. *Cap.* 10. v. 15. *Ioh.* 10. v. 4. 5. *1. Ioh.* 4. v. 1. & exempla, *Act.* 17. v. 11. Si autem collectivè pro pastoribus & ovibus, jam disceditur à statu controversiæ; & ne sic quidem propositum concluditur.

Quia de Scripturæ auctoritate non omnes consentiant.

III. De quo constat ex Spiritus S. testimonio, de eo omnes spiritum illum habentes consentiunt. De auctoritate Scripturæ non omnes consentiunt: Nam Calvinistæ omnes libros N. T. habent pro divinis, Lutherani non habent, qui tamen Spiritu S. præditi esse volunt videri. Ergo. *Resp.* I. Negatur connexio *Majoris*, Quia Spiritus Sanctus ut non datur omnibus æquali mensura, *1. Cor.* 12. v. 11. *Eph.* 4. v. 7. ita nec omnes æquali cognitionis luce, tam quoad principium religionis, quam quoad ejus dogmata perfundit, nec æquali efficacia ad assensum permovet. II. Ad *Minorem*: Lutherani *secundam Petri*, *secundam & tertiam Iohannis*, *epistolam ad Hebræos*, *Iacobi*, *Iuda*, *Apocalypsin Iohannis*, vocant quidem Ecclesiasticas & dubiæ originis esse censent; interim eandem fere cum Scripturis Canonicis auctoritatem ipsis tribuunt, saltem plerique. Sed ex *Majori* aliter subsuamur: De auctoritate Scripturæ cum alli præfules Rom. tum maxime duo cardinales *Cajetanus* & *Bellarminus*, non consentiunt; nam ille libros Apocryphos cum Hieronymo extra Canonem ponit, hic in Canonem recipit. Et stabit conclusio contra ipsos.

Ex natura Prædicati:

Quia solius Scripturæ testimonio Deus Scripturæ & Alcorani Deus dignoscatur.

I. Quo solo dignosci potest Deus Scripturæ & Deus Alcorani, ab eo solo pendet auctoritas Scripturæ. Solius Ecclesiæ testimonio dignosci potest Deus Scripturæ & Deus Alcorani. Ergo. *Resp.* *Minor* non modo falsa, verum etiam blasphemum est. Falsa quidem: Nam testimonium Ecclesiæ neque solum est, quia in & extra Scripturam multa habentur alia; neque principale, quia Deus

Deus Scripturæ in ipsa Scripturâ & in cordibus fidelium longè certius id testatur; sed tantum ministeriale & secundarium; apud infideles quidem, ut credere incipiant, apud fideles autem ut porro credant *Ioh. 4. v. 39. 41.* Blasphema autem, quia quoad nos nihilo plus divinitatis tribuit Scripturæ Sacræ, quam impio Alcorano; nec plus fidei haberi vult Deo in Scriptura loquenti, quàm Mahometi Deum in Alcorano loqui mentienti. *Instantia Bellarmini*: Etsi Scriptura hoc dicat, scil. Deum loqui, non tamen certò id credam, nisi prius credidero hanc Scripturam esse divinam. *Resp.* Atqui & hoc de Scriptura testatur Deus, eam vocans *θεοπνευστον 2. Tim. 3. v. 16.* Annon divinum quod *θεοπνευστον*? quod tam apertis Scripturæ divinæ criteriis insignitum? Sed seipsum abundè refellit Bellarminus *lib. 1. de Verb. Dei cap. 2.* pro Scriptura contra fanaticos ita concludens: Si veræ fuerunt prædictiones rerum futurarum, ut eventus postea comprobavit, cur vera non sint rerum præsentium testimonia? Verum igitur quod ait David: *Spiritus Domini loquutus est per me, & sermo ejus per linguam meam 2. Sam. 23. v. 2.* Verum quod ait Petrus, *Spiritu S. inspirati loquuti sunt, Sancti Dei homines. 2. Pet. 1. v. 21.* & Paulus, *omnis Scriptura divinitus inspirata 2. Tim. 3. v. 16.* Verum denique id quod omnes Prophetæ identidem repetunt, *Hac dicit Dominus.* Quem vertiginis & contradictionis spiritum notasse est refutasse.

Inst.

II. Cujus judicio Canon Scripturæ constitutus est, ab eo auctoritas Scripturæ dependet. Judicio Ecclesiæ Canon Scripturæ constitutus est. Ergo. *Minorum* negatam probant. *In genere* sic: Certissimo Judicio Canon Scripturæ constitutus est. Ecclesiæ judicium est certissimum judicium; quia per eam & non aliter nos docet Deus. Ergo. *Resp.* Falsa est tum *Minor*, tum *ratio* ejus. *Illa*, quia certius omnino est Judicium Dei in Scriptura loquentis, *1. Ioh. 5. v. 9. Ioham. 5. v. 36. & seqq.* atque ita ipsius Scripturæ, ut quæ immediatè ab ipso inspirata est *2. Tim. 3. v. 16.* *Ista*, quia docet nos quidem Deus per Ecclesiam *Marth. 28. v. 19. 20.* eamque audiri vult, *cap. 18. v. 17.* sed non tantum, verum insuper per Scripturam, *Rom. 15. v. 4. 2. Timoth. 3. v. 16. & Spiritum Sanctum, Ioh. 14. v. 26.* qui est, *unctio illa docens omnia 1. Ioh. 2. v. 27.* In specie sic: Judicio Ecclesiæ libri Prophetarum alii Canonici sunt, alii non Canonici; item Libri Apocryphi primi generis recepti sunt in Canonem, secundi generis

Quia Ecclesia constituit Canonem Scripturæ.

non recepti. Hoc verò est Canonem Scripturæ constituere. Ergo. *Resp.* Falsa *Major* secundum utrumque membrum. Ecclesiæ ministerium in custodiendis, discernendis, promulgandis, & explicandis libris Canonicis agnoscimus: Dominium in iis mutandis, augendis, minuendis non agnoscimus. *Ratio* est, quia non potest illa jure ullo mutare voluntatem Dei, aut normam cultus in Scriptura revelatam. Proinde Canonici sunt libri Prophetarum, non Ecclesiæ Judicio, sed Dei testimonio; non aliqui, sed omnes, quotquot Scripturæ Propheticae criteria habent. Libri verò Apocryphi primi generis non magis sunt Canonici, quàm qui secundi generis esse dicuntur, ut infra ostendetur. Et quod Concilium Tridentinum eos recepit in Canonem, facti id est Antichristiani, non juris Christiani.

Quia Ecclesia sit Scripturæ antiquior.

III. Quod antiquius est Scriptura, ab ejus testimonio auctoritas Scripturæ dependet. Ecclesiæ antiquior est Scriptura; quia illa fuit inde ab initio, hæc demum cum Mose cœpit. Ergo. *Resp.* *Major* nec universaliter, nec necessariò vera est; cum non semper recentius dependeat ab eo quod est antiquius. Christus recentior fuit Johanne Baptista ortu, *Luc.* 1. v. 26. & ministerio, *Matth.* 3. & 4. nec tamen ab eo dependit *Ioh.* 5. v. 36. *Minor* partim vera, partim falsa est. *Vera*; si consideretur secundum accidentalem revelationis modum per scriptionem: quo recentior est non omnium, sed illius duntaxat temporis Ecclesia, quæ ante Mosen fuit; ut ne sic quidem pro hodiernâ Ecclesiâ quicquam valeat. *Falsa*, si spectetur ipsa Verbi per scriptionem revelati substantia, quâ recentiore Ecclesia dicere, est plantam semine, sobolem matre, effectum causâ suâ antiquiorem statuere *Luc.* 8. v. 11. *Iac.* 1. v. 28. *1. Petr.* 1. v. 23.

Controversiæ de *Materia* Scripturæ Sacræ tres sunt, prima *Anabaptistarum*: secunda & tertia *Pontificiorum*.

PRIMA: An Scriptura V. T. Christianis sit & esse debeat Canonica, hoc est, non minus fidei vitæque regula, quàm Scriptura N. T. Anabaptistæ id negant, articulo primo Colloquii Frankothalensis. Nos affirmamus.

Tertia: Anabaptistarum. An Scriptura V. T. Christianis sit Canonica?

Rationes nostræ.

Rationes Affirmantes Orthodoxæ.

Ex naturâ Subjecti:

I. Quæ Scriptura omne Dei consilium de nostrâ salute tam gentibus quàm Judæis verbis divinis exponit, ea Christianis est Canonica. Scriptura V. T. omne Dei consilium de nostrâ salute tam gentibus quàm Judæis verbis divinis exponit. Nam Paulus qui omne Dei consilium annuntiavit Ephesiis & aliis, *Actor. 20. v. 27. nihil dixisse se profitetur extra ea, quæ Moses & Propheta futura prædixerant cap. 26. v. 22. Idem testatur per Scripturas Propheticas notificatum esse gentibus Euangelium Rom. 16. v. 27. Ergo.*

Quia V. T. consilium Dei de nostrâ salute exponit.

II. Quæ Scriptura fidei Christianæ objectum est, ea ipsis Christianis Canonica est *Rom. 10. v. 17. Scriptura V. T. est fidei Christianæ objectum est, ut docetur, Ioh. 5. v. 39. 46. 47. Luc. 16. v. 29. 2. Petr. 1. v. 19. & exemplo suo docet Paulus, Actor. 24. v. 14. credens omnibus, quæ in Lege & Prophetis scripta sunt: & cum ipso omnes fideles superstructi sunt super fundamentum Prophetarum & Apostolorum Ephes. 2. v. 10. Ergo.*

Quia V. T. fidei Christianæ est objectum.

Ex naturâ Prædicati:

Quæ Scriptura Christianis fidei vitæque regula est, illa ipsis Canonica est. Scriptura V. T. Christianis fidei vitæque regula est. Ergo. *Major firma est ex naturâ Conjugatorum. Minor probatur. In genere sic: Quæ Scriptura divinitus est inspirata ad doctrinam, redargutionem, correctionem, institutionem, consolationem, perfectionem dinique hominis ad salutem per fidem quæ est in Christo Jesu, ea fidei vitæque regula est. Atqui hæc omnia de Scriptura V. T. affirmat Apostolus 2. Tim. 3. v. 16. 17. Rom. 15. v. 4. Ergo. In specie sic: I. Ex quâ Scripturâ Christus & Apostoli doctrinam suam, sive Legis, sive Evangelii, confirmarunt, & primi Christiani eam examina-*

Quia V. T. Christianis est fidei vitæque regula.

runt,

runt, ea Christianis fidei vitæque regula est. Ex Scripturâ V. T. Christus & Apostoli doctrinam suam, sive Legis sive Evangelii, confirmarunt; ut passim videre est in Evangeliiis & Actis: & primi Christiani inde eam examinarunt *Actor. 17. vers. 11.* Ergo. II. Ad quam Scripturam in N. T. à Christo & Petro remittimur, ea Christianis fidei vitæque regula est. Remittimur autem ad Scripturam V. T. à Christo, *Ioh. 5. v. 39. Luc. 16. v. 29.* & Petro, 2. *Epistol. 1. v. 19.* Ergo.

Negantes Heterodoxæ.

Rationes Anabaptistarum:

Ex naturâ Subjecti:

Quia V. Test. Novo contrarium sit.

I. Scriptura Novo Testam. contraria, Canonica non est. Scriptura V. Test. est N. Test. contraria in doctrinâ de gladio, cæde, talione, jurejurando, *Matth. 5.* divortio *Matth. 19.* Ergo. *Resp.* Falsa Minor; quia *Verbum Dei non est Etiam & Non.* 2. *Cor. 1. v. 18. 19. 20.* & Spiritus Sanctus qui æquè locutus est in Prophetis, quam in Apostolis, 1. *Petr. 1. v. 10 11.* non magis sibi contradicere, quàm mentiri potest *Tit. 1. v. 2.* Exempla ex Matthæo impertinentia sunt. *Cap. 5.* Christus corruptelas Pharisaicas impugnat, non Legem Moïsis, ut qui venisse se dicit, *non ut dissolvat Legem aut Prophetas, sed ut impleat v. 17. Cap. 19.* autem prohibendo divortium non Legem Dei, sed temporarium Moïsis indultum tollit. Sed de his infra in loco de Lege agetur.

Quia servorum, Moïsis &c. auctoritas exolet præsentate Domino Christo.

II. Servi audiendi non sunt præsentate Domino. Moïses & Prophetæ fuerunt servi, Christus Dominus & filius familias *Hebr. 3. v. 5. 6.* Ergo. *Resp.* Si vera Major, jam non magis audiendi Apostoli, quàm Moïses & Prophetæ, cum utrique servi fuerint in domo Dei. Non audiendi servi præsentate Domino, si testentur aut injussu ejus, aut contra eum; nam jussi docere debent *qua ipsi præcepit Matth. 28. v. 19.* At audiendi, si ex mandato ejus testentur de ipso. Quod non minus fecerunt Moïses, *Iohan. 5. v. 46.* & Prophetæ, *Actor. 10. v. 43.* quam Apostoli, *Mar. c. 16. v. 15. 20.* Instantia Prima: Christus solus audiendus mandato Patris, *Matth. 17. v. 5.* tanquam magnus ille Propheta *Deut. 18. v. 15. 16.* *Resp.* Datur: quia solus est magnus ille Propheta, *Act. 3. v. 22.* & filius in domo Dei *Heb. 3. v. 6.* Sed & servi, jubente ipso, audiendi sunt ut servi: quos qui audit, ipsum audit *Luc. 10. v. 16.* Jussit verò ut eos audiamus *Luc. 16. v. 29.* *Habent Moïsem &*

Inst. 1.

Pro-

Prophetas, audiant eos. Instantia Secunda. Hoc est à Christo ad *Inf. 2.*
Mosen retrogredi. *Resp.* Imo est à Mose ad Christum progre-
di, qui *pedagogus est ad Christum, Gal. 3. v. 24.* ejusque testimo-
nio in fide Christi confirmari; cum ipse sit qui testatur de eo
Ioh. 5. v. 46.

Ex naturâ *Prædicati:*

I. Quod abrogatum est, non est Canonicum & obligato- *Quia V. T. sit*
rium. Scriptura V. Test. abrogata est. Ergo. *Minorem nega-*
tam probant. *Primo:* Velamen Mosis per Christum tollitur. 2 *Cgr. 1.*
3. v. 14. Ergo & lex Mosis. *Resp.* Negatur sequela: quia
aliud Lex Mosis, aliud velamen cordi Judæorum impositum;
quod non Mosis ex Ecclesiâ exturbatione, sed ipsorum illumi-
natione & ad Christum conversione tolli dicitur v. 16. *Secundo:* 2.
Finis legis est Christus *Rom. 10. v. 4.* Ergo illa jam finem suum
habet. *Resp.* Habet sanè quoad typos & ceremonias, quarum
ipse *corpus* est, *Coloss. 2. v. 17.* & *veritas, Iohan. 1. v. 17.* minimè
verò quantum ad doctrinam & obedientiam moralem *Matth. 5.*
v. 20. *Tertiò: Lex & Prophetæ usque ad Iohannem prophetârunt Matt.*
11. v. 13. Ergo ab eo tempore jam exoleverunt. *Resp.* Pro-
phetârunt usque ad Johannem de Christo venturo, ut prænun-
cii; Johannes autem præsentem digito ostendit, dicens: *Hic*
est agnus ille Dei Ioh. 1. v. 29. Quid verò hinc? Nihil aliud, quàm
non exstitisse novas de Christo venturo Prophetias, aut etiam
figuras, sed complementum antecedentium secutum esse.

I I. Quod nec necessarium, neque perfectum est, id Ca- *Quia V. T.*
nonicum non est. Scriptura V. T. nec necessaria est; quia N. T. *nec necessa-*
sufficit: neque etiam perfecta; quia perfectio ejus cœpit demum *rium sit, nec*
cum Christo. Ergo. *Resp. Minor falsa est utroque membro.* *perfectum.*
Ratio prioris inconsequens; quia dedit Deus Scripturas plures non
modò ad salutis sufficientiam, sed etiam ad majorem fidei ἀσφα-
λειαν *Phil. 3. v. 1.* I *Ioh. 1. v. 4.* Posterioris ambigua; quia etsi
perfecta demum cum Christo complemento typorum & vaticini-
orum, partibus tamen doctrinæ necessariæ inde ab initio per-
fecta fuit *Deut. 4. v. 2. cap. 12. v. 32. Psal. 19. v. 8.*

Quarta:
Pontificiorū.
An libri, quos
Apocryphos di-
cimus, sint ve-
rè Canonici?

SECUNDA: An Libri, Tobias, Judith, Sapientia, Ecclesiasticus, duo priores Maccabæorum, Baruch, additiones ad Estheram, & Danielelem, sint verè Canonici? Pontificii affirmant, *Bellarmin. lib. 1. de Verbo Dei à cap. 7. ad 16.* Nos Negamus, eosque universos ac singulos Apocryphos esse pronunciamus.

Rationes Ne-
gantes Ortho-
doxa.

Rationes Nostræ.

Ex naturâ Subjecti:

Quia falsa, superstitiosa, impia continent.

Qui libri falsa, superstitiosa, impia continent, Canonici non sunt. Libri supradicti falsa, superstitiosa, impia continent, Ergo. Major certæ est veritatis ex illo Apostoli: *Tota Scriptura divinitus est inspirata 2 Tim. 3. v. 16.* Minor demonstratur de singulis libris. In libro *Tobia* mendacium Angelò tribuitur, qui *cap. 5. v. 15.* se dicit Azariam Ananiæ filium; *Cap. 12. v. 15.* autem Raphaëlem, angelum Domini ex septem. *Cap. 6. v. 9. & 8. v. 2.* eidem tribuitur consilium Magicum de fugando dæmone fumo piscini epatis, quo fugari possit omne genus dæmoniorum, contra illud Christi: *Hoc genus dæmoniorum non egreditur nisi preceatione & jejunio Matth. 17. v. 21.* Idem sibi vendicat oblationem precum, uni Christo propriam *cap. 12. v. 12. 15.* Liber *Judith* nulli tempori satis convenit. Non ante captivitatem ætati Menassis aut Josiæ; quia populus Judaicus ignotus fuisse dicitur Holoferni Assyrio, *cap. 5. v. 3.* templum solo æquatum, *v. 21.* & diuturna pax cædem Holofernus sequuta esse *cap. 16. v. 30.* Quorum nihil recensetur in libro Regum & Chronicorum, sed omnia contraria. Non post captivitatem, quia inter Reges Persarum nullus fuit Nebucadnezar; nec Ninive sed Babylon Imperii Persici sedes erat. Deinde pugnat cum *Genes. 49. v. 5. 6.* dum facinus Simeonis & Levi laudat *cap. 9. v. 2.* Sicut etiam perjuria, obtestationes, simulationes Judithæ, quibus tamen benedici petit à Deo, ab omni pietate & honestate alienæ sunt Liber *Sapientia* de tyrannide hostium conqueritur, *cap. 15. v. 14.* quam non expertus est populus sub Salomone: & falsa narrat de μετεμψυχώσει Pharisaicâ, *cap. 8. v. 20.* de origine Idolorum, *cap.*

cap. 14. v. 15. 16. de cæcitare Sodomitarum cap. 19. vers. 16. Liber *Ecclesiastici* falsa narrat de Samuele post mortem Prophe- tante, cap. 46. v. 23. de Elia corporaliter reversuro cap. 48. v. 10. Et auctor ejus *Siracides* hallucinationes suas in prologo excusat. Libri *Maccabæorum* pugnant & cum libris Canonicis, & inter se. Cum illis in Eleazari & Raziæ ἀντοχουσία laudata, lib. 1. cap. 6. lib. 2. cap. 14. in narrationibus de sacro igne, arca, taberna- culo in monte à Jeremia absconditis lib. 2. cap. 2. Item de sacrificio pro mortuis curato lib. 2. cap. 12. Inter se, quia con- traria referuntur de morte Antiochi, lib. 1. cap. 6. v. 16. & lib. 2. cap. 1. v. 16. & cap. 5. v. 5. & cap. 9. v. 5. 28. de morte Judæ, lib. 1. cap. 9. v. 3. 18. & lib. 2. cap. 1. v. 10. de purgatione tem- pli, lib. 1. cap. 4. v. 36. & lib. 2. cap. 10. vers. 3. *Additiones* ejus- dem generis sunt. Baruch non est scriba Jeremiæ, cujus mentio, *Jerem.* 36. vers. 4. sed Græculus, contra Jeremiam septuaginta annos exponens per septem generationes cap. 6. v. 2. Septem capita *Estheræ* historiam priorem ita repetunt, ut apertissimè ei contradicant, de somnio Mardochæi, cap. 2. v. 16. & 11. v. 5. de causa odii Hamanis in Mardochæum, cap. 3. v. 5. & 12. v. 6. & de Hamanæ Agageo sive Amalecita, cap. 3. v. 1. & Macedone cap. 16. v. 10. Sic quod de Ptolomæo & Cleopatra dicitur, cap. 11. vers. 1. longe post demum evenit. *Danielis* cap. 13. & 14. item additamentum ad cap. 3. dramata habent & fabulas, Belis & Draconis: judicia capitalia in Babylone Judæis falsò, attri- buunt; pugnant haud obscurè cum libro Canonico in occasio- ne qua Daniel innotuit, cap. 2. in ætate & conditione ejus sub Dario Rege cap. 6. v. 3. & 13. v. 45. & alius.

Ex naturâ *Prædicati*:

Libri Canonici V. T. scripti fuerunt à Prophetis, sermone Prophetico Hebræo; in Mosen, Prophetas, & Psalmos distri- buti; ab Ecclesia Judaica recepti, & à Christo ejusque Apo- stolis in confirmationem doctrinæ citati. Libri supradicti non sunt scripti à Prophetis, sermone Prophetico Hebræo; ad Mo- sen, Prophetas & Psalmos non pertinent; nec recepti fuerunt ab Ecclesia Judaica, aut à Christo ejusque Apostolis in confirma- tionem doctrinæ citati sunt. Ergo. Utraque propositio pro-

Quia non scripti à Pro- phetis He- braicè, non cum reliquis libris distri- buti, non à Judæis rece- pti, non in N. T. citati.

batur per partes. *Major*. Libri Canonici V. T. *primò* scripti sunt à Prophetis, quia sunt *Scriptura Prophetica*, *Rom.* 16. v. 26. *sermo Propheticus*, 2 *Petr.* 1. v. 19. 20. *Deinde* scripti sunt sermone Prophetico Hebræo, ut constat partim inductione omnium librorum citra controversiam Canonicorum, partim ex fine scriptio-
nis, qui fuit populi Hebræi institutio : *Tertio* distributi sunt in *Mosen*, *Prophetas* & *Psalmos*; vel ipsius Christi testimonio, *Luc.* 24. v. 44. quo cum planè concordat vetus illa Hebræorum distributio in תורה נביאים וכתובים, in Legem, Prophetas & Hagiographa: *Quartò* recepti fuerunt ab Ecclesia Judaica; huic namque concredita *eloquia Dei*, *Roman.* 3. vers. 2. in Scripturis Sanctis, *cap.* 1. v. 2. quæ si non universa acceperunt, nunquam aut Christus aut Apostoli tantum scelus tacuissent : *Denique* à Christo & Apostolis in confirmationem citati sunt. In genere omnes, *Ioh.* 5. v. 39. *cap.* 10. v. 35. *Rom.* 16. v. 26. *Luc.* 16. v. 29. 31. *cap.* 24. v. 25. 27. 44. In specie plerique omnes : *Genesis*, *Matth.* 19. v. 4. 5. 6. *Exodus*, *Matth.* 5. v. 21. 27. 33. 38. *Leviticus*, *Gal.* 3. v. 12. *Numeri*, *Iohann.* 3. v. 14. *Deuteronomium*, *Actor.* 3. v. 22. *Josua*, *Heb.* 11. v. 30. 31. *Judicum liber*, *Heb.* 11. v. 32. *Ruth*, *Matth.* 1. v. 3. *liber primus Samuelis*, *Matt.* 12. v. 3. *liber secundus Samuelis*, *Hebr.* 1. vers. 5. *liber primus Regum*, *Matt.* 12. v. 42. *secundus Regum*, *Luc.* 4. v. 27. *primus Chronicorum*, *Matth.* 1. v. 3. 7. 10. 13. *secundus Chronicorum*, *Act.* 7. v. 48. *Ezras*, *Matt.* 1. v. 12. 13. *Jobus*, 1 *Corinth.* 3. v. 19. *Psalmi*, *Actor.* 4. v. 25. *Proverbia*, *Hebr.* 12. v. 5. 6. 7. *Esaïas*, *Matth.* 1. v. 23. *Jeremias*, *Hebr.* 10. v. 16. 17. *Ezechiel*, *Matth.* 25. v. 35. *Daniel*, *Matth.* 24. v. 15. *Minores Prophetæ omnes*, *Actor.* 7. v. 42. *cap.* 15. v. 15. 16. *Hoseas*, *Matth.* 12. v. 7. *Joël*, *Actor.* 2. v. 12. *Amos*, *Actor.* 15. v. 16. *Jonas*, *Matth.* 12. v. 40. 41. *Michæas*, *Matth.* 10. v. 35. *Nahum*, *Rom.* 10. v. 15. *Habacuc*, *Roman.* 1. v. 17. *Haggæus*, *Hebr.* 12. v. 26. *Zacharias*, *Matth.* 21. v. 5. *Malachias*, *Luc.* 1. v. 16. 17. *Minor. Primò* : Libri illi non sunt scripti à Prophetis. Nam scripti sunt post Malachiam, qui non obscure testatur esse se Prophetarum ultimum, *Malach.* 3. v. 22. 23. 24. *vel ut alii distinguunt cap.* 4. v. 4. 5. 6. Et scriptores Prophetas non fuisse constat saltem de plerisque. *Auctor Iudithæ* fuit Iudæus superstitiosus *cap.* 8. vers. 6. *Sapientia Philo Iudæus*, teste Hieronymo ; *Ecclesiastica* Siracides, qui hallu-

hallucinationes suas in prologo excusat. *Macchabæorum* Epitomator quidam Iasonis Cyrenæi, Hieronymus Iosephum esse putat; qui non sine magno labore epitomen illam confecit *lib. 2. cap. 2. vers. 24.* *Additiones ad Danielelem* LXX. non Danieli Prophetæ, sed alteri Habdæ, sacerdotis filio tribuunt. *Additiones ad Estheram* longè recentiores esse historiâ Canonicâ, patet ex *cap. 11. v. 1.* ubi Ptolomæi & Clopatræ mentio fit. Ac rectè omnino sentiunt, qui Judæos Hellenistas, per varias regiones extra Judæam dispersos, libros hosce pio studio conscripisse, & præter Græcam Bibliorum versionem privatim usurpasse affirmant. *Deinde* : scripti non sunt sermone Prophetico Hebræo, sed Græco : ut apud omnes in confessio est, & dictio Græcanica docet, quæ alicubi etiam Gentilismum redolet, ut *Indith. 16. vers. 8.* & alibi. *Tertiò* : Ad Mosen, Prophetas, & Psalmos non pertinent; quia non fuerunt in Canone Hebræo, qui in hos libros dividitur. Quicquid autem sub nullo membrorum dividendum continetur, ad divisum quoque non pertinet. *Quartò* : Recepti non fuerunt ab Ecclesiâ Judaicâ. Illa siquidem eos tantum libros recepit, qui erant in Canone Hebræo. At hi libri non fuerunt in Canone Hebræo. Ergo. Quod ajunt, non receptos quidem, attamen nec rejectos vanum est. Nam qui Verbum Dei non recipit, illud rejicit. *Qui non est mecum*, inquit Christus, *Luc. 1. v. 23. contra me est.* *Postremò* etiam à Christo ejusque Apostolis in confirmationem doctrinæ citati non sunt : ut notum est. *Exceptio* : Si ideo Canonici non sunt, quia non citantur. Ergo. Nachum & Sophonias, qui non citantur, Canonici non sunt; Aratus contrà, Menander, & Epimenides profani Poëtæ, Canonici; qui citantur *Act. 17. 1 Cor. 15. Tit. 1. capp. Resp.* Consequentia negatur in utramque partem. *Negantem*; quia non ideo tantum Canonici non sunt quod non citantur, sed præcipuè quod Scripturæ Canonicæ *κατὰ μέτρα* non habent; nam verè citari ut Canonicum præsupponit esse Canonicum. Illa autem *κατὰ μέτρα* habent Nachum & Sophonias Prophetæ, qui etiam implicitè citantur mentione libri Prophetarum, *Act. 7. v. 41. & cap. 15. v. 15. 16.* facta. *Affirmantem*; quia non citantur Poëtæ illi ut Canonici, aut per se, sed tantum propter auditores, quibus se accommodavit Apostolus, quod auctoritatem ipsorum magni facerent.

Rationes Pontificiorum.

*Affirmantes
Heterodoxa.*

Ex naturâ *Prædicati*:

*Quia à Con-
ciliis recepti
sunt.*

I. Qui libri à Conciliis recepti sunt in Canonem, sunt Canonici. Hi libri à Conciliis Carthagenensi III. Florentino, Tridentino recepti sunt in Canonem. Ergo. *Resp.* In *Majore* est fallacia causæ. Nam ut liber aliquis sit Canonicus, id non dependet à Conciliis, sed ex ipsius libri natura & qualitate. Deinde ex particulari, nihil concluditur. *Minor* autem vera quidem est de Conciliis Florentino & Tridentino, quorum utrumque Antichristianum fuit; at falsa de Carthagenensi III. propter ambiguitatem vocis de qua postea.

*Quia à Patri-
bus vocantur
Sacri & Ca-
nonici.*

I I. Qui libri à Patribus Sacri, Divini, Canonici vocantur, illi sunt Canonici. Libri supradicti à Patribus Sacri, Divini, Canonici vocantur. Ergo. *Resp.* *Major* nec perpetuo vera est, cum à dici ad esse non semper valeat consequentia: neque etiam universaliter vera de omnibus. *Minor* ambiguitate vocum fallit. Sacri, divini, Canonici vocantur non univocè & absolutè, ut V. & N. T. libri, sed æquivocè & κατά π, propter quandam cum eis similitudinem. Unde factum ut receperit eos Ecclesia ad ædificationem plebis, non ad probationem fidei, ut in *Prologo Galeato* & alibi loquitur Hieronymus, & ex ipso Cardinalis Cajetanus; qui etiam ad hanc limam reduci vult tam verba Conciliorum, inprimis Carthagenensis III. quam Doctorum.

*Quia lecti o-
lim fuerint in
Ecclesiâ.*

I I I. Qui libri lecti olim fuerunt in Ecclesiâ, ii sunt Canonici. Libri supradicti lecti olim fuerunt in Ecclesiâ. Ergo. *Resp.* *Major* falsa est. Quia legit olim Ecclesia non modò libros Canonicos ad confirmandam dogmatum Ecclesiasticorum auctoritatem, sed etiam Apocryphos ad ædificationem populi, ut Ruffinus, Hieronymus, alii testantur. Discrimen verò illorum eò abundè declaravit, quod hos de gradu lectorum à lectoribus, istos de gradu Episcoporum ab Episcopis & presbyteris populo recitari voluit. Non ergo quicquid olim fuit in Canone lectionis Ecclesiasticæ; etiam fuit in Canone Scripturæ; nec quicquid lectum, Canonicum.

TERTIA: *An Traditiones non scriptæ sint Verbum Dei? sive An extra Scripturam dentur Traditiones quædam Christi & Apostolorum, quæ & ipsæ sint Verbum Dei parremque cum Verbo scripto auctoritatem obtineant?* Pontificii affirmant, Bell. lib. 4. de Verb. Dei cap. 2. & seqq. Nos negamus.

Quinta: Pontificiorum. An traditiones non scriptæ sint Verbum Dei?

Rationes nostræ.

Rationes Negantes Orthodoxæ.

Ex natura Subjecti:

I. Doctrina hominum non est Verbum Dei. Traditio quæ præter Scripturam ad salutem fingitur esse necessaria, est doctrina hominum. Ergo. *Major* certa est. *Minor* probatur *Tesimonio* Christi *Matth. 15. v. 9. Frustra me colunt docentes doctrinas quæ sunt mandata hominum.* Doctrinæ autem illæ erant traditiones Seniorum, quæ præter Verbum Dei scriptum tanquam necessariæ à Phariseis observabantur, ex v. 2. 2. 3. Deinde hoc *argumento*: Quod omnia ad salutem necessaria ex Dei revelatione continet, præter id nihil necessarium tradi potest ab hominibus, quod non sit doctrina hominum. Atque Scriptura omnia ad salutem necessaria ex Dei revelatione continet. *Nam divinitus inspirata utilis est ad doctrinam, redargutionem, correctionem, institutionem 2 Tim. 3. v. 16.* Et Paulus qui omne Dei consilium de nostra salute annuntiavit, *Act. 20. v. 27.* nihil dixit extra scripturam *Mosis & Prophetarum cap. 26. v. 22.* Ergo.

Quia Traditiones sunt doctrinæ hominum.

I I. Quod non est, verbum Dei esse aut dici nequit. Traditiones Christi & Apostolorum extra Scripturam nullæ sunt. Ergo. *Major* patet; quia non entis nulla sunt accidentia. *Minor* sic ostenditur: Quarum Traditionum extra Scripturam nulla dari possunt exempla, eæ extra Scripturam nullæ sunt. Traditionum Christi & Apostolorum, quas divinas & Apostolicas vocat Bellarminus, nulla dari possunt extra Scripturam exempla. Nam quæ afferuntur vulgò de materiâ & formâ Sacramentorum, de Patris & Filii *quædam*, de pædobaptismo, de perpetuâ virginitate Mariæ, de jejunio quadragesimæ & quatuor temporum aliisque, illa aut habentur in Scripturâ sive expressè sive per consequentiam; aut Apostolicæ esse institutionis, testimoniis orthodoxæ antiquitatis doceri non potest. Ergo.

Quia Traditiones Christi & Apostolorum extra Scripturam nulla sunt.

III. Tra-

Quia vel subordinantur verbo scripto neque contradistingi possunt.

vel cum eo pugnant.

III. Traditiones non scriptæ aut subordinantur verbo scripto aut cum eo pugnant. *Si subordinantur*, habent se ad illud ut conclusiones ad suum principium, eoque contradistingi illi non possunt, cum principium conclusiones omnes virtute in se contineat. *Si pugnant*, jam verbum Dei esse nequeunt. *Ratio*. Quia *verbum Dei non est Etiam & Non*, 2 Cor. I. v. 19. nec Christi *Evangelium aliud* atque aliud Gal. I. v. 7. At quæ pugnant, habent se ut Etiam & Non, ut aliud & aliud. Ergo.

Ex natura *Prædicati*:

Quia Traditiones non sunt certæ & sibi consentientis veritatis.

I. Verbum Dei certæ est & sibi per omnia consentientis veritatis. Traditiones non sunt certæ & sibi per omnia consentientis veritatis. Ergo. *Non certæ veritatis*: quia unam eandemque Traditionem alii ex Veteribus affirmant, alii negant esse Apostolicam. *Non etiam consentientis*: quia plurimæ non consentiunt cum veritate verbo scripto revelatâ, plurimæ etiam fabulosæ & ridiculæ sunt.

Quia sunt variæ & mutabiles.

I. Verbum Dei non est varium aut mutabile, ut quod *in æternum* manere Petrus ait 1 *Epist.* I. v. 23. 25. Traditiones sunt variæ & mutabiles. Nam sunt infinitæ, ut quæ & quot recensentur, certis argumentis constare non possit. Variè quoque mutata fuerunt pro temporum, locorum & personarum circumstantiis. Ergo.

Quia ad eas non remittimur.

III. Ad quod in rebus fidei Christus ejusque Apostoli nos remittunt, id est verbum Dei. Atqui remittunt nos non ad Traditiones non scriptas, sed ad Scripturas sacras *Luc.* 16. v. 29. *Ioh.* 5. v. 39. 1 *Tim.* 4. v. 13. 2 *Tim.* 3. v. 15. 16, 1 *Pet.* 1. v. 25. 2 *Pet.* 1. v. 19. 20. Ergo.

Affirmantes Heterodoxæ.

Rationes Pontificiorum.

Ex natura *Subjecti*:

Quia Traditiones sint de consuetudine omnium gentium.

I. Quod est de gentium omnium consuetudine, id etiam est de consuetudine Ecclesiæ. Traditiones non scriptæ sunt de gentium omnium consuetudine. Ergo. *Resp.* Major falsa est; quia ut peculiaris populus est Ecclesia, *Exod.* 19. v. 6. 1 *Pet.* 2. v. 9. ita peculiare consuetudines habet *Deut.* 4. v. 8. *Psal.* 147. v. 19. *Ratio* etiam

etiam diffimilitudinis quoad Traditiones exinde patet, quod leges gentium imperfectæ sunt, lex Ecclesiæ perfecta *Psal.* 19. v. 8. 9. Illæ additionem & subtractionem sæpe requirunt, hæc respuit *Deut.* 4. v. 2. Quas verò Judæi extra Scripturam habuere Traditiones, eas Christus refellit, *Matt.* 5. & 6. capp. & damnat *cap.* 15.

I. Quod dignitas tum ipsius Ecclesiæ, tum mysteriorum fidei nostræ requirit, de eo Ecclesiæ suæ Deus prospexit. Traditiones non scriptas dignitas tum ipsius Ecclesiæ, tum mysteriorum fidei nostræ requirit. *Illius*, quia absque traditionibus nullum est Ecclesiæ privilegium præ hæreticis, qui Scripturas non minus novērunt quàm fideles; *Horum* autem, quia multa reticenda sunt & apud perfectos tantum proferenda, exemplo Christi, *Luc.* 8. v. 10. & Pauli *1 Cor.* 2. v. 6. Ergo. *Resp.* Negatur *Minor* de utroque Subjecti membro; nec probatio utriusque quicquam valet. Non *Prima*; quia privilegium Ecclesiæ præ hæreticis non consistit in cognitione literali Scripturarum, quæ etiam in Diabolos cadit, *Iac.* 2. v. 19. *Matt.* 4. v. 6. sed in cognitione spirituali, *2 Cor.* 3. *Rom.* 2. v. 29. quæ est per fidem. Non *Secunda*; quia mysteria fidei non reticenda, sed revelanda sunt: ut docet mandatum Christi, *Matth.* 10. v. 26. 27. & revelationis finis, qui est notitia ipsorum, *Rom.* 16. v. 25. 26. adhibitis tamen sobrietatis circa subjectum, & prudentiæ circa modum, necessariis regulis *Rom.* 12. v. 3. *1 Cor.* 4. v. 6. *Heb.* 6. v. 1. 2. *Rom.* 6. v. 19. Christus quidem discipulis suis parabolas seorsim explicavit, sed propter longè aliam causam, nimirum ut cæteri *videntes non viderent, & audientes non intelligerent* *Luc.* 8. v. 10. *Matt.* 13. v. 11. & seq. Paulus verò *sapientiam* loquutus est *inter perfectos*, *1 Cor.* 2. v. 6. quatenus talem doctrinam proposuit quæ à spiritualibus, v. 15. cognitione perfectioribus, *Eph.* 4. v. 13. pro sapientia agnoscitur. Illa autem est doctrina Euangelii de Christo crucifixo.

Quia Traditiones requirant tum dignitas Ecclesiæ, tum mysteriorum fidei.

Ex naturâ *Prædicati*:

I. Quo Deus ad salutem necessaria nobis revelavit, id est verbum Dei. At revelavit tam traditionibus non scriptis quàm Scripturis; cum hæ non omnia necessaria contineant. Ergo. *Resp.* Falsa est *Minor* & ratio ejus. Imo revelavit nobis necessaria tantum in Scripturis: quæ etiam illa omnia perfectè continent, ut suo loco ostendetur.

Quia Traditionibus quædam ad salutem necessaria revelata sunt.

Quia scriptura doceat esse traditiones, & ad observationem earum obliget.

Traditio
quorumque
dicitur.

Vindicatio
dictorum:
Ioh. 16. v. 12.

I I. Quod esse docet Scriptura, & ad cuius observationem fideles obligat, id est verbum Dei. Traditiones non scriptas esse docet Scriptura, & ad observationem earum fideles obligat. Ergo. *Minorem* negatam distinctè probant scripturæ testimoniis. *Primo*: esse traditiones non scriptas: *Ioh. 16. v. 12. Adhuc multa habeo, quæ vobis dicam, sed non potestis portare nunc. Cap. 21. v. 25. Sunt & alia multa quæ fecit Iesus, quæ si scribantur, nec ipsum arbitror mundum capere posse eos, qui scribendi sunt libros. Act. 1. v. 3. Christus post resurrectionem per dies quadraginta conspectus est à discipulis, dicens quæ ad regnū Lei spectant: Demde, ad observationem earum obligari fideles: 1 Cor. 11. v. 2. Laudo vos, quod omnia mea meministis, & sicut tradidi vobis traditiones retinetis v. 23. Accepi à Domino, quod tradidi vobis v. 34. Cetera, cum venero, disponam. 2 Thess. 2. v. 15. Tenete traditiones quas edocti estis, sive per sermonem sive per Epistolam nostram. 1 Tim. 6. v. 20. Depositum custodi. 2 Tim. 1. v. 13, 14. Formam habe sanorum sermonum & c. c. 2. v. 2. Quæ audisti à me per multos testes, hæc commenda fidelibus hominibus 2. Ioh. v. 12, 3. Ioh. v. 13. Multa habens scribere vobis, nolui per chartam & atramentum, Resp. dupliciter, in genere & specie: In genere, Testimonia allata non concludunt propositum. Etsi enim omnia scripta non sunt κατὰ μέγεθος & quoad dicta factave singula; cum singularium nec numerus sit, nec scientia, scripta tamen sunt κατ' εἶδος & quoad ipsam doctrinæ necessariam substantiam. Licet etiam non omnia necessaria hoc vel illo tempore, in hac vel illa epistola seorsim accepta, explicata sint; alias tamen tradita fuerunt, & in toto Scripturæ Canone scripta reperiuntur. Insuper vox Traditionis homonyma est, doctrinam tam scriptam, Act. 6. v. 14. 1 Cor. 15. v. 3. 2 Thess. 2. v. 15. quàm non scriptam, 2 Thess. 2. v. 15. Luc. 1. v. 2. significans. Non ergo ubi Traditionis fit mentio, statim concludendum est de Non scripta; cum à genere ad speciem affirmando non procedat consequentia. Et ut maxime quibusdam locis de eâ accipiatur, hoc tamen causam Pontificiorum nihil juvat; partim quia Apostoli doctrinam & ritus necessarios initio viva voce, post scriptis tradiderunt, 1 Cor. 11. vers. 3. 1. Thess. 4. v. 2. 2 Thess. 2. v. 15. ritus autem indifferentes communi aliqua ratione circumscripserunt; 1 Cor. 14. v. 40. partim quia non magis quàm veteres hæretici traditiones suas his locis designari possunt edocere. In specie ad singula Ioh. 16. v. 12. Multa illa, quæ non poterant tunc portare Apostoli, mœrore impediti, non fuerunt diversa à prioribus, sed eadem plenius declaranda & firmius per-*

sua-

suadenda, per Spiritum Sanctum veritatis omnis necessariæ Do-
 ctorum, v. 13. sicut ipse Christus exponit *cap. 14. v. 26. Ille docebit*
vos omnia, & suggeret vobis omnia quæ dixi vobis. Ioh. 21. v. 25. *Ioh. 21. v. 25.* affirma-
 tur quidē omnia Christi facta scripta non esse; at id nihil pro Tra-
 ditionibus, cum scriptum de iis sit, quicquid ad fidem & vitam ne-
 cessarium fuit, *cap. 20. v. 31. Act. 1. v. 3* quæ Christus docuisse dicitur *Act. 1. v. 3.*
 ad regnum Dei spectantia, ea κατ' ἐπιτομὴν describuntur, *Matt. 28.*
Marc. 16. Luc. 24. Ioh. 20. & 21. illisque comprehenduntur, etiam
 quæ ad Sacramentorum verè & propriè sic dictorum institutio-
 nem pertinent. *1 Cor. 11.* agitur de doctrina, v. 23. & seq. & de riti- *1 Cor. 11. v. 23.*
 bus v. 2. & seq. Illa verbis Christi descripta subijcitur. Hi verbis
 Apostoli, & quidem tum speciatim, quatenus declarat quid circa
 Orationem & Cœnam Dominicam observari velit: tum genera-
 tim quatenus in Ecclesia, quæ Dei est domus, omnia decenter &
 ordine fieri jubet *cap. 14. v. 40.* Nec enim ritus omnes sigillatim
 præscribere fuit necesse, ut qui pro locorum, temporum, & perso-
 narum circumstantiis variant. Atque hujus generis fuisse, quæ
 præsentem se dispositurum pollicetur, & phrasis Apostoli, & res
 ipsa docet. Non intelligi verò dogmata de Sacramento altaris, de
 materia & forma aliorum Sacramentorum, inde patet, quia id tra-
 didit Corinthiis quod à Domino acceperat. Nihil horum à Domi-
 no accepit. Ergo. Item, quia testatur Cœnam Dominicam
 mensæ esse sacramentum, non altaris sacrificium *1 Cor. 10. vers. 21.*
 Ergò. *2 Thess. 2. v. 15.* Traditiones significant doctrinam tradi- *2 Thess. 2.*
 tam quovis modo, sive sermone sive scripto; in quâ Thessalonicen- *v. 15.*
 ses jubet perseverare. Quia verò doctrina salutis non est alia, *Gal.*
1. v. 7. non sanè aliam sermone, quam etiam scripto, tradidit; sicut
 eandem institutionem Cœnæ Dominicæ sermone & scripto Co-
 rinthiis proposuit *1 Cor. 11. v. 23. & seq.* Proinde particula disjun-
 ctiva *καί*, quæ tamen etiam copulativè accipitur, *Rom. 14. v. 8. 1. Cor.*
13. v. 8. & 15. v. 11. Coloss. 1. v. 20. diversitatem notat non rei, sed mo-
 di; qui alius atque alius esse potest *Heb. 1. v. 1.* Quod ajunt, sermone
 tradidisse Thessalonicensibus totam doctrinam Evangelii, scripto
 non tradidisse totam, ac proinde non eandem doctrinam, incon-
 sequens est. Nam tota doctrina Evangelii est homogenea,
 quam tamen secundum omnes partes in omnibus epistolis non
 declaravit; quod aut non ferret occasio, aut non postulare necesse- *1 Tim. 6. v.*
 tas, cum alibi jam sufficienter scriptæ haberentur. *1 Tim. 6. v. 13. 14.* *20. 2. Tim. 1.*

20. 2 *Tim.* 1. v. 13. 14. *Cap.* 2. v. 2. loquitur Apostolus de doctrina Evangelii integra & incorrupta, quam tradiderat Timotheo, & pro excellentia donorum ab ipso dispensari volebat, eamque disertè ponit in fide & charitate 2 *Epist.* 1. v. 13. Hæc autem scripta esse quis neget? *Cap.* 2. v. 2. dicit quidem audita commendanda esse fidelibus hominibus, sed illa jam scripta erant in sacris literis, quas à puero didicerat Timotheus, 2 *Epist.* 3. v. 15. & à Paulo secundum scripturas tradita 1 *Cor.* 15. v. 3. 4. acceperat. 2. *Ioh.* v. 12. & 3. *Ioh.* v. 13. multa illa si de dogmatis necessariis accipiuntur, uti quidem sequentia innuunt, etsi in brevibus illis epistolis Johannis non reperiuntur, alibi tamen descripta exstant; sin de ritibus aut singularibus quibusdam factis, ad substantiam doctrinæ nihil attinent.

Sexta Pontificiorum.

Controversiæ de *Formâ* Scripturæ Sacræ quatuor sunt.

An quadruplex sit genuinus sensus Scripturæ?

PRIMA: An quadruplex sit genuinus Scripturæ sensus, literalis, allegoricus, anagogicus & tropologicus? Pontificiæ affirman, *Bell. lib. 3. de Verbo Dei c. 3.* Nos negamus.

Rationes
Negantes
Orthodoxæ.

Rationes nostræ.

Ex Natura Subjecti :

Quia Scriptura vera & firma est.

I. Quod verum, certum, firmum, ab omnibus verborum ambiguitatibus & captionibus liberum est; id non quadruplicem sed unicum sensum habet. Scriptura sacra est vera, certa, firma, ab omnibus verborum ambiguitatibus & captionibus libera. Ergo. *Major* patet; quia unum & verum convertuntur, cum plus uno verum esse non possit. Item: Quod in se & per se ambiguum est, varios sensus habet. Ergo quod in se & per se non est ambiguum, non nisi unum. *Minoris* veritas asseritur testimoniis Scripturæ *Psal.* 12. v. 7. *Dicta Iehova dicta pura sunt, argentum purgatum in lectissimo catino terra, purgatum septies & 119. v. 140. purgatus est sermo tuus valde Prov. 30. v. 5. Totus sermo Dei purgatissimus.*

Quia solus sensus literalis est Spiritus S. in Scripturâ loquentis;

I. Qui sensus est Spiritus Sancti in Scriptura loquentis, idem est ipsius Scripturæ. Solus sensus literalis est Spiritus Sancti in Scriptura loquentis. Ergo. *Major* certa est. Nam *rota Scriptura divinitus est inspirata, 2 Tim. 3. v. 16. & quo spiritu dictata est, eodem*

eodem etiam intelligenda est 2 Pet. I. v. 20. 21. *Minor* probatur: Is solus Spiritus Sancti sensus est, qui ex verbis immediatè colligitur. Solus sensus literalis ex verbis immediatè colligitur. Ergo. Utraque præmissarum est Bellarmini : Conclusio nostra.

I I I. Sensus genuinus Scripturæ ubique invenitur, & ex eo firmæ probationes dogmatum peti possunt. Solus sensus literalis ubique invenitur, & ex eo solo firmæ dogmatum probationes peti possunt. Ergo. *Major* per se manifesta est, cum nusquam esse possit Scriptura sine genuino suo sensu, & in illo sensu dogmatum Christianorum indubitatum sit principium. *Minorem* habemus ex concessione ipsius Bellarmini, qui ait sensum literalem inveniri in omni sententia V. & N. T. sensus cæteros non inveniri; ex solo sensu literalis peti debere argumenta efficacia, ex sensibus mysticis & spiritualibus non item, quod varii sint, nec semper constet, an à Spiritu Sancto intenti sint.

Ex naturâ *Prædicati*:

Quot sunt genuini Scripturæ sensus, tot sunt ejus formæ. At forma Scripturæ non potest esse quadruplex. Ergo. Utramque propositionem probō. *Majorem*: sensus & significatio verborum & phrasium Scripturæ ex mente Spiritus Sancti est earum forma; utpote per quam notæ sunt rerum divinarum, & à vocibus inarticulatis, aut etiam articulatis creaturarum distinguuntur. Ergo pro numero sensuum & significationum, numerus formarum multiplicatur. *Minorem*: Unius rei non est nisi una forma; quia unitas rei ab unitate formæ, quæ individuationis est principium, dependet. Scriptura non est quadruplex, sed unica, ab uno Spiritu Sancto profecta, & Veteris Novique Testamenti libris comprehensa. Ergo.

Rationes Pontificiorum.

Affirmantes
Heterodoxæ.

Ex natura *Subjecti*:

I. Sensus genuinus Scripturæ est, quem ipsa Scriptura tradit. Atque tradit sensum genuinum quadruplicem. Ergo. *Minorem* negatam probant. I. Scriptura tradit sensum literalem, & Spiritualem sive mysticum. Nam 1 Cor. 10. v. 11. testatur Aposto-

Quia Scriptura quadruplicem sui sensum tradat.

lus, omnia *typicè* evenisse Judæis *ad nostri correctionem*, & quæ ad literam de ipsis referuntur, spiritualiter Christianis accommodat. Sic *Ezech. 2. v. 10. Apoc. 5. v. 1.* mentio fit libri scripti à fronte & à tergo, intus & foris. Atqui sensus spiritualis allegoricum, anagogicum & tropologicum sub se complectitur. Ergo. II. Sensus quadruplicis apertissima exempla reperiuntur in utriusque Testamenti Scriptura: *Allegorici* ex Veteri Testamento de duabus uxoribus duobusque filiis Abrahæ, *Gal. 4.* ex Novo Testamento de capturâ piscium, quando rete scindebatur *Luc. 5.* *Anagogici* ex Veteri Testamento, de requie, in quam propter incredulitatem Israelitæ ingredi nequiverunt *Heb. 3. & 4. capp.* ex Novo Testamento, de captura piscium, quando rete non scindebatur *Ioh. 21.* *Tropologici* ex Veteri Testamento, de bove triturante, *1 Cor. 9. v. 9.* ex Novo Testamento, de humilitate Christi pedes discipulorum lavantis *Ioh. 13.* Ergo. *Resp.* Probatio utraque inconsequens est. Nam distincta confundit, sensum Scripturæ & ejus applicationes. *Sensus* scripturæ unicus est, sive *simplex* in historiis, dogmatis & prophetiis nudè propositis; sive *compositus* in typicis; sive *proprius* verbis propriis; sive *figuratus* verbis figuratis enunciatus. *Applicatio* autem diversa esse potest ad διδασκαλίαν, ἐλεγχον, ἐπαινόθεωσιν, παιδείαν, ὁρμαίνην *2 Tim. 3. v. 16. Rom. 15. v. 4.* quæ usus sunt Scripturæ Theorici & Practici. Ita *Allegoria* & *Anagoge*, quæ tamen species oppositæ non sunt, habent applicationē sensus Literalis ad διδασκαλίαν *Gal. 4. Heb. 3. & 4. Luc. 5.* *Tropologia* sensus Literalis applicationem ad ἐπαινόθεωσιν, *1 Cor. 10. ad παιδείαν 1 Cor. 9. Ioh. 13.* Sed applicatio in *Allegoriis* & *Anagogis* rarior est, nec de mente Scripturæ, nisi ubi ipsa Scriptura eam indicat; ideoque quæ extra Scripturam è scriptis Patrum petuntur exempla, ea facilitate rejiciuntur quâ asseruntur. Altera verò in *Tropologiis* frequentior est & certior, adeoque indubie auctoritatis, quoties secundum analogiam fidei evidenter instituitur. Quod verò duo loca attinet, *Ezech. 2. v. 10. Apoc. 5. v. 1.* non significatur iis duplex unius Scripturæ sensus, sed multitudo eorum, quæ utrobique scripta erant; istic plagarum Judæis infligendarum, hîc decretorum Dei.

Quia eadem
ratio Scriptu-
ræ sit, & Ver-
bi essentialis.

I I. Quæ est ratio Verbi essentialis ἐνδιάθετος, eadem est ratio verbi accidentalis προφορεῖς. At illud habet naturam Divinam invisibilem, & humanam visibilem. Ergo & hoc sensum internum Spiritualem, qui est Allegoricus, Anagogicus & Tropologicus, & exter-

externum Literalem. *Resp.* Major nimis est generalis, nec procedit ex regulis vel Logicatorum; nam simile non est idem, vel Scholasticorum; nam Theologia Symbolica non est argumentativa. Minor vera tantum est per communicationem idiomatum non simpliciter, cum λόγος essentialis in principio, *Ioh.* 1. v. 1. & ab æterno, *Ioh.* 17. v. 5. substituerit absque Naturâ Humanâ utpote quam in tempore demum assumsit factus caro, *Ioh.* 1. v. 14. Sed Christus filius Dei qui secundum Naturam Divinam est λόγος essentialis ἐνδιὰ τοῦ, officii respectu est λόγος περὶ τοῦ orator ille, qui è sinu Patris egressus ipsum nobis revelavit, *Ioh.* 1. v. 18.

SECUNDA: An supremus & infallibilis Scripturæ interpres, sive Controversiarum judex, sit Ecclesia, Concilium, aut Pontifex Roman. in cathedra docens? Pontificii affirmant, Bellarm. lib. 3. de Verbo Dei cap. 3. 4. & seq. Nos negamus.

Septima Pontificiorum. An Ecclesia, Concilium, vel Pontifex Rom. sit summus & infallibilis judex controversiarum?

Rationes Nostræ.

Rationes Negantes Orthodoxa.

Ex naturâ Subjecti:

I. Homo non potest esse supremus & infallibilis Scripturæ interpres, sive Controversiarum judex. Ecclesia, Concilium, Pontifex sunt homines. Ergo. Minor in confesso est. Major probatur: A quo non pendet sensus & sententia Scripturæ; qui eam auctoritate sua interpretari & religionis controversias dirimere nequit, in quem fides nostra non resolvitur; is supremus & infallibilis Scripturæ interpres & controversiarum judex esse non potest. Atqui à nullo homine pendet sensus & sententia Scripturæ; quia à nullo homine pendet ejus forma utpote quæ tota est θεοπνεῦμα, 2 *Tim.* 3. v. 16. nullus eam auctoritate suâ interpretari & controversias religionis dirimere potest; quia nulla prophetia Scripturæ est propriæ interpretationis, 2 *Pet.* 1. v. 10. fides denique nostra in hominem sive in hominum judicium non resolvitur; quia fides nostra non consistit in sapientiâ humanâ, sed in potentia Dei, 1 *Cor.* 2. v. 5. neque ædificata est super arenam, sed super petram *Matth.* 7. v. 24. 26. Ergo.

Quia Ecclesia, Concilium, Pontifex R. sunt homines.

II. Cu-

Quia Ecclesiæ
&c. iudicium
varium est,
erroneum, &
ad aliud exa-
minandum.

I. Cujus interpretatio siue iudicium varium, erroneum, & ad aliud examinandum est; is supremus & infallibilis Scripturæ interpret siue controversiarum iudex esse nequit. Interpretatio siue iudicium Ecclesiæ, Concilii & Pontificis varium, erroneum, & ad aliud, Scripturam scilicet, examinandum est. Ergo. *Major* sua luce claret, *Minor* probatur per partes, *Varium esse & erroneum*. Nam I. Prisci Patres, quos Ecclesiæ nomine frequenter intelligunt, miris modis dissident in expositione Scripturæ, non solum alii ab aliis, sed iidem à se ipsis; sæpe discedunt à vero ejus sensu; conquerruntur etiam multa se non intelligere. II. Concilia generalia etiam errârunt, ne primo quidem Niceno excepto; dissentiunt à se invicem in locorum infinitorum expositione; ex Scriptura de controversiis fidei, quotquot orthodoxa sunt, pronunciant. III. Pontifices multas ineptas, falsas & contradictorias Scripturæ expositiones tradiderunt, teste jure Canonico; multi etiam scriptorum Pontificorum testimonio hæretici evaserunt. *Ad aliud etiam examinandum est*; quia Non cuivis spiritui credendum, se probandi spiritus an ex Deo sint, 1 *Ioh.* 4. v. 1. omnia probanda, & quod bonum est retinendum 1 *Thess.* 5. v. 21. Probatio verò illa instituitur ex Scriptura, *Esa.* 8. v. 20. *Ioh.* 5. v. 39. *Gal.* 6. v. 16. sicut Pauli doctrinam ex ea probârunt Beroënses *Act.* 17. v. 11.

Ex Natura *Prædicati*:

Quia solus
Spiritus S.
in Scriptura
loquens nun-
quam in judi-
cando errat,
nullo partium
studio duci-
tur, nullum-
que provoca-
tioni locum
relinquit.

I. Supremus & infallibilis Scripturæ interpret & Controversiarum iudex est, qui in iudicando nunquam errat, nullo partium studio ducitur, provocationi locum non relinquit. Hæc verò non Ecclesiæ, Concilio aut Pontifici, sed soli Spiritui Sancto in Scriptura loquenti, atque ita ipsi Scripturæ, conveniunt. Ergo. *Majoris* firma est consequentia. Nam qui errat aut errare potest; item qui partium studio ducitur, quod mentem excæcat, non est infallibilis; & qui provocationi locum relinquit, superiorem habet eoque supremus esse nequit. *Minor* probatur: Ecclesia, Concilium, Pontifex possunt in iudicando errare & errant gravissimè, *Hos.* 2. v. 1. & *seq.* *Rom.* 3. v. 4. 10. 11. & *seq.* 2 *Thess.* 2. v. 3. 8. 9. 10. 1 *Tim.* 4. v. 1. 2. 3. & in *Apocalypsi* passim; partiū studio ducuntur, ut qui nunc sunt pars rea, accusati tanquam falsarii & depravatores Scripturæ; provocationem relinquunt ad superius iudicium, Scripturæ 1 *Ioh.* 4. v. 1. *Act.*

Act. 17. v. 11. & Christi, cujus tribunali omnes sistendi *Rom. 14. v. 10. 12.* Spiritus Sanctus contra in Scriptura loquens, atque ita ipsa Scriptura, non potest in iudicando errare, quia ipsa veritas; partium studio non ducitur, quia *ἀπερωποληπία*; provocationi etiam locum non relinquit, quia non habet superiorem, ipse A & Ω, primus & ultimus. Ergo illa omnia Spiritui Sancto & Scripturæ conveniunt; Ecclesiæ, Concilio, Pontifici non conveniunt.

I I. Qui est auctor Scripturæ, & summus legislator ac doctor Ecclesiæ, idem est supremus & infallibilis Scripturæ interpres ac Controversiarum iudex. Solus Deus est auctor Scripturæ & summus legislator ac doctor Ecclesiæ. Ergo. *Major* patet, quia quisque est optimus interpres verborum suorum; & legislator sensum legis optimè edisserit. *Minor* apertis Scripturæ testimoniis nititur: *2. Tim. 3. v. 16. Tota Scriptura θεόπνευστος*. *Iac. 4 v. 12. Unus est legislator, qui potest servare & perdere.* *Matt. 23. v. 8. 10. Unus est doctor vester, nempe Christus.* *cap. 17. vers. 5. Hic est filius ille meus, dilectus ille, hunc audite.*

Quia solus Deus est auctor Scripturæ summus legislator & doctor Ecclesiæ.

I I I. Ad quem iudicem Deus in Veteri & Novo Testamento nos absolutè remittit, is est iudex supremus Controversiarum, & interpres Scripturæ infallibilis. Ad Scripturam ipsam, sive ad Spiritum Sanctum in ealloquentem, Deus in Veteri & Novo Testamento nos absolutè remittit. Ergo. *Major* certa est; quia ad iudices inferiores omnes nos remittit cum conditione, si nimirum doceant, quæ ipsis præcepit. Ergo ad quem absolutè sine conditione omni nos remittit, is iudex est supremus & infallibilis. *Minoris* veritas dictis & exemplis Scripturæ asseritur. *Dicta sunt Deut. 17. v. 10. & seq. Facies juxta legem quam docuerit te.* *v. 18. Rex describet sibi librum legis, & leget in eo omnibus diebus vita sua: quod repetitur Ios. 1. v. 8. & seq. Esa. 8. v. 20. Ad legem & testimonium.* *Mal. 3. v. 22. al. cap. 4. v. 4. Recordamini legis Moysis, servi mei.* *Luc. 16. v. 29. Habent Moysen & Prophetas, audiant eos.* *Ioh. 5. v. 39. Scrutamini Scripturas.* *2. Pet. 1. v. 19. Habemus firmissimum sermonem Propheticum &c.* *Exempla* sunt in Veteri Testamento David, Salomon, Josaphat, Ezechias, Josias, qui laudantur quod in constituendo aut restituendo cultu Dei sententiam Scripturæ sequuti fuerunt. Jeroboam contra, Achab, Manasses, & alii multi culpantur, quod ab hac normâ discesserunt. Sic in Novo Testamento laudantur Beroënses, *Act. 17. vers. 11.* Timotheus, *2 Timoth. 3. vers. 15.* &

Quia Deus in V. & N. T. ad Scripturam absolutè nos remittit.

alii fideles, 2 *Pet.* 1. v. 19. qui attenderunt Scripturis; Pharisei autem & Sadducæi, qui ab iis recesserunt, damnantur *Matth.* 15. & 22. & *alibi*. Nec prætereundum hîc exemplum Christi & Apostolorum, qui in controversiis fidei ad Scripturas provocarunt, *Matth.* 4. & 22. *Iohan.* 5. & 10. *Actor.* 17. 18. 26. nihilque dixerunt extra Mosen, Prophetas, & Psalmos *Luc.* 24. v. 44. *Act.* 26. v. 22.

*Affirmantes
Heterodoxa.*

Rationes Pontificiorum.

Ex natura *Subjecti*:

Quia Pontifex
R. sit Moses
& Aaron suc-
cessionem.

I. Moses & Aaron fuerunt supremi & infallibiles iudices controversiarum fidei. Pontifex Romanus est Moses & Aaron; successione videlicet in judiciariam ipsorum auctoritatem. Ergo. *Majorem* confirmant testimoniis Scripturæ Veteris Testamenti *Exod.* 18. v. 26. *Deut.* 17. v. 8. & *seqq.* *Eccles.* 12. v. 13. *Hagg.* 2. v. 11. *Mal.* 2. v. 7. 2 *Chron.* 19. v. 11. *Resp.* Et Major & Minor falsa est. *Major*; quia uterque fuit iudex ministerialis; ille extraordinarius, hic ordinarius; ille propheta & princeps populi, hic summus sacerdos. Neuter controversias decedit auctoritate sua, sed Moses ut internuncius retulit ad Deum, & inde ad populum *Exod.* 18. 19. & *seq. capp.* Aaron ex lege & secundum eam respondere iussus est *Deut.* 17. v. 11. *Lev.* 19. v. 15. *Deut.* 27. v. 19. & *alibi*. Quin etiam cum iudex supremus esse possit non nisi unus, saltem ex Pontificiorum hypothese; si Moses iudex ille fuit in Ecclesia Israëlita, jam non fuit Aaron. Nec valet distinctio inter ordinarium & extraordinarium. Nam à quo est provocatio, is non est iudex supremus. A iudice ordinario ad extraordinarium est provocatio, ut fuit ab Aarone ad Mosen. Ergo. *Minor*; quia Pontifex Romanus nec Mosi nec Aaroni successit. Non *Mosi*; quia extraordinarius fuit, cui non succeditur; Pontifex ordinarius. Ille constituto Aarone desiit esse summus Sacerdos; hic se summum sacerdotem jactitat. Ille vocationem habuit immediatam à Deo: quam multis miraculis confirmavit, non hic. Non *Aaroni*, quia vocatus à Deo sumit sibi honorem, *Heb.* 5. versu 4. Pontifex sumit non vocatus. Ecclesia vetus habuit summum sacerdotem typicum; Nova habet summum sacerdotem verum. Vocatur quidem sacerdos Moses cum Aarone *Pf.* 99. v. 6. quia

quia orare solitus fuit pro populo, *Jerem.* 15. v. 1. & alias partes sacerdotum obire, docendo, consecrando, sacrificando, *Exod.* 28. 29. sicut postea Samuel, 1 *Sam.* 16. v. 2. 13. interim summus sacerdos cum ipso non fuit ut qui uno tempore non nisi unus esse potuit, propter unitatem veri sacerdotis Christi *Heb.* 7. cap. Quæ ad confirmationem Majoris adducuntur testimonia eam non probant. *Exod.* 18. v. 26. narratur negocia minora & facilia à iudicibus inferioribus expedita esse; majora & difficiliora ad Moysen relata. At quid inde? Moysen fuisse iudicem illis superiorem, non autem supremum absolutè. Nam v. 18. ait se iudicando nota facere populo statuta Dei, & leges ejus. v. 20. consulit Jethro ut ipse referat ea ad Deum; quod fecit, v. 24. & *seqq. capp.* usque adè ut etiam in blasphemum, *Lev.* 24. & profanatorem Sabbathi, *Num.* 15. animadvertere noluerit, nisi cognitâ ante Dei sententiâ; tanquam servus fidelis in totâ domo Dei *Hebr.* 3. v. 5. *Deut.* 17. v. 8. & *seqq.* agitur non tantum de summo sacerdote, sed de aliis etiam iudicibus; quorum sententia standum erat, si ex legis præstituto pronunciaretur v. 11. Quod si absolutè standum fuit, certè Jeremias *cap.* 26. v. 11. 15. Christus, *Iohan.* 9. Apostoli, *Actor.* 5. & 23. crimen capitale admiserunt, qui ab ea recesserunt. *Eccles.* 12. v. 13. sermo est non de sacerdote typico V. T. sed de vero sacerdote N. Test. Christo Jesu, qui est bonus ille pastor populi sui, *Ezech.* 34. v. 23. *Cap.* 37. v. 24. *Ioh.* 10. v. 11. à quo omnium sapientum verba profecta sunt, quia acti ejus Spiritu loquuti sunt Sancti Dei homines 2 *Petr.* 1. v. 21. *Hagg.* 2. v. 11. non unus aliquis sacerdos, verum indefinitè sacerdotes interrogari jubentur, interrogatique respondere de lege. Idem apertius præcipitur *Malach.* 2. v. 7. & sacerdos angelus sive nuncius Iehovæ exercituum appellatur, quia hujus voluntatem ex lege requirentibus annunciare tenebatur. Quod tamen non semper fecisse, v. *seq.* 8. testatur Malachias, & alibi alii prophetæ: Esaias *cap.* 28. v. 7. Ezechiel *cap.* 7. v. 26. & 22. v. 26. Denique 2 *Chron.* 19. v. 11. distinguitur tantum officium Amariæ Sacerdotis ab officio Zebadiæ Præsidis regii; iudicium verò controversiarum religionis supremum, infallibile, haudquaquam ipsi tribuitur.

Vindicantur
dicta.
Exod. 18. v. 26.

Deut. 17. v. 8.
& *seqq.*

Eccles. 12. v.
13.

Hagg. 2. v. 11.

Mal. 2. v. 7.

2 *Chor.* 19.
v. 11.

I I. Petrus fuit supremus & infallibilis Judex controversiarum. Quia Pontifex R. sit superior Petri.

rum fidei. Pontifex Rom. est Petrus successione in munus ejus. Ergo. *Majorem* probant dictis aliquot Novi Testamenti *Matth.* 16. v. 19. *Ioh.* 21. v. 16. *Luc.* 22. v. 32. *Actor.* 15. v. 7. *Gal.* 2. v. 9. *Resp.* Iterum negamus *Majorem* & *Minorem*. Nam Petrus quia servus, 2. *Epistol.* 1. v. 1. & minister fuit in Ecclesia Dei, 1. *Cor.* 3. v. 5. & 22. supremum in ea judicium habere nequivit. Pontifex verò si successor Petri dicendus esset, omnino successisset ei in vocatione aut speciali ad Apostolatam, aut generali ad munus Pastoris. At *primo* modo non successit, quia munus Apostolatus extraordinarium fuit & personale. Tali autem non succeditur. Neque etiam *secundo*; quia non competit ei Pastoris, qualem Petrus esse vult, descriptio, 1. *Petr.* 5. v. 1. 2. 3. 4. Pastor non debet se efferre supra alios; non affectare turpe lucrum, non dominari cleris: sed gregem fideliter pascere, inspectioni vacare, exemplum esse gregis. Pontifex contraria omnia facit. Ergò. Ad dicta Scripturæ Majori confirmandæ subiecta sigillatim respondemus. *Matth.* 16. v. 19. claves regni cælorum non sunt legum dispensatio, pœnarum relaxatio, controversiarum fidei prætoria decisio, sed solvendi & ligandi potestas, ut exgeticè subjicitur hoc ipso versu & *cap.* 18. v. 18. sive potestas remittendi & retinendi peccata, ut est *Ioh.* 20. v. 23. Ideoque pronomen impersonale *quodcumque*, resolvendum est in personale *quemcumque* *Ioh.* 20. v. 23. Nec enim quodcumque Petrus pro arbitrio suo statuere potuit, ut cui non minus quam cæteris dictum fuit: *Docete observare eos quæ ego vobis præcepi* *Matth.* 28. v. 20. Præterea claves illæ non minus hic promittuntur, & *Iohan.* 20. v. 23. conferuntur reliquis Apostolis quam Petro; ut qui reliquorum omnium nomine responderat v. 15. Nullam ergo judicii supremi prærogativam Petro vendicant. *Iohan.* 21. v. 16. *pascere* omnino est pascere sanâ doctrinâ *Ierem.* 3. v. 10. *Actor.* 20. v. 28. & *seqq.* At id non soli Petro, sed omnibus Apostolis mandatum est, *Matth.* 28. v. 19. & præter illos Pastoribus & Doctoribus ordinariis. *Actor.* 20. v. 28. 1. *Petr.* 5. v. 2. 1. *Cor.* 9. v. 7. hoc tamen discrimine, quod illi, sicut & Petrus, jussi sunt pascere oves indefinitè, per orbem universum, *Matth.* 28. v. 19. *Actor.* 1. v. 8. *Cap.* 22. v. 15. hi verò definitè, certo aliquo loco *Actor.* 20. v. 28. 1. *Petr.* 5. v. 2. Proinde quod commune fuit omnibus Apostolis, ad unum Petrum trahendum non est; neque quod ipsi persona-

Vindicantur
dicta

Matth. 16. v.
19.

Ioh. 23. v. 16.

le ad

le ad successores transferendum. Sanè ovis Christi non est, quæ Petri doctrinâ pasci non vult; nam ejus doctrina est Christi doctrina, cujus vocem oves agnoscunt & audiunt, *Ioh. 10. v. 3. 4.* sed sive illa Petri, sive Pauli, sive aliorum Apostolorum præconio accipiatur parum interest; cum ministri sint omnes per quos credidimus *1. Cor. 3. v. 5. Luc. 22. v. 32.* non defert Christus Petro supremum de fidei controversiis judicium, sed perseverantiam in fide ipsi pollicetur intercessionis suæ virtute, quâ futurum sit, ut nunquam totaliter deficiat in corde ejus. *Act. 15. cap.* controversia de ritibus Mosais proposita non uni Petro, sed universo Apostolorum ac presbyterorum collegio, *v. 2. 4. 6.* in quo post longam disceptationem demum Petrus dixit sententiam *vers. 7.* neque in ipsius, sed in Iacobi verba decretum factum *v. 19. 22.* Ergo Petrus nec primus dixit, nec Concilii præses fuit, ut Bellarminus contendit. *Gal. 2. v. 9.* de Jacobo, Petro & Johanne communiter, non de Petro singulariter affirmatur, quod Paulus Evangelium, in gentibus à se prædicatum, consensus testandi causa, ipsis exposuerit. Atque hoc etiam confirmarunt, non supremâ auctoritate ut principes sed communi suffragio ut collegæ *v. 9.*

Ex natura Prædicati:

I. Cujus ultimum est de fidei controversiis judicium, is judex est controversiarum fidei supremus & infallibilis. Ecclesiæ repræsentativæ ultimum est de fidei controversiis judicium. Ergo *Minor* est *Matth. 18. v. 17.* & insuper confirmatur argumento à minori: Cathedræ Mosis fuit ultimum judicium *Matth. 23. v. 2.* Ergo multo magis cathedræ Petri. *Resp.* Datur *Major* de judicio simpliciter ultimo intellecta; quod non nisi à supremâ & infallibili auctoritate proficisci potest. Sed eo significato *Minor* falsa est. Nam Ecclesiæ repræsentativæ, quantumvis veræ, judicium non est simpliciter ultimum, utpote quod è Scriptura examinandum est, *Act. 17. v. 11. 1. Thessal. 5. v. 21.* neque à supremâ & infallibili auctoritate proficiscitur, quia talem Ecclesia ex se & per se non habet. Quod si judicium ejus ultimum dicatur κατὰ τὴν, aut quod in ordine judiciorum ministerialium inferiorum tale sit, aut quod propter auctoritatem Scripturæ Sacræ,

Vindicatur
dictum.

Matth. 18. v.
17.

ex quâ pronunciat, tale habeatur, à quæstione disceditur, & nihil ad rem concluditur. Locus *Matth.* 18. v. 17. propriè agit de offensis privatis aliorum adversus alios, à simili tamen ad fidei controversias trahi potest. Si enim ex præscripto Apostoli, hæreticus post unam aut alteram admonitionem rejiciendus est, *Ti.* 3. v. 10. habendus etiam velut Ethnicus & Publicanus, si Ecclesiam non audiat. Sed sicut Ecclesiam audire jubemur non absolutè, (sic enim solus Christus audiendus *Matth.* 17. v. 5.) sed quum docet quæ Christus præcepit, *Matth.* 28. v. 20. ut valeat illud: *Qui vos audit, me audit*; ita nec absolutum aut ultimum de scandalis & hæresibus judicium habet; alioquin quos clavium traditione Christus fecit Oeconomos in domo sua, *Matth.* 18. v. 18. *1 Cor.* 4. v. 1. etiam fecisset dominos: quod diserte negatur *Matth.* 20. v. 26. *1 Petr.* 5. v. 3. Argumentum à Minori ex *Matth.* 23. vers. 2. deductum non procedit. I. Quia Christus non jubet simpliciter audiri Scribas ac Phariseos in cathedrâ Mosis sedentes, sed quando docent ex Mose. Quæ limitatio additur, tum *hic*, quatenus vetat facere secundum opera ipsorum, quæ sunt doctrina & vita; *argumento locorum*, *Gal.* 5. v. 19. 20. *Matth.* 7. v. 23. tum *Matth.* 16. v. 6. ubi cavere jubet fermentum Scribarum & Phariseorum, quod etiam *Matth.* 5. 6. 7. capp. & alibi prolixè refellit. II. Quia non magis cathedra Petri, quàm Mosis absolutum de fidei controversiis judicium sibi potest arrogare, cum uterque Moses, *Hebr.* 3. v. 5. Petrus *2 Epist.* 1. v. 1. servus fuerit in domo Dei.

Quia Deus
Pontificem
R. dederit Ec-
clesiæ suæ
Principem.

I. I. Judex supremus controversiarum fidei is est, quem Deus dedit Ecclesiæ suæ: ut qui propter controversias exoritur eas absque iudice non reliquit. At is iudex neque est Scriptura, neque Spiritus revelans privatus, neque Princeps secularis. Ergo est Princeps Ecclesiasticus vel solus, vel certè cum consilio Coëpiscoporum, quia alius præter illos non datur. Minor confirmatur per partes. *Non Scriptura* I. Quia varios sensus recipit, qui neque ex collatione locorum, neque ex fontium inspectione dignosci possunt. II. Quia in omni Republ. bene ordinatâ distincta sunt lex & Judex. III. Quia de ipsâ Scripturâ quæstio est. *Non Spiritus revelans privatus*. I. Quia neque videtur, neque auditur à litigantibus, quod necessarium est. II. Quia in Republ. non permittitur legis interpretatio privato iudicio, cum tamen

tamen singuli valeant lumine rationis, unde lex exstructa est. Ergo multò minus in Ecclesia. III. Judex debet habere auctoritatem coactivam, quæ non est apud privatum. IV. Quia multi adeo sunt imperiti, ut non possint judicare. Non est igitur necesse ut omnes judicent. V. Quia sic non possunt converti hæretici, aut controversiæ decidi; cum nemo sit qui spiritum suum non jactitet. & alii anteponat. *Nec denique Princeps secularis.* I. Quia habet virtutem sive auctoritatem non divinam, sed humanam, respectu Efficientis & Finis. Nihil autem ultra virtutem à causis suis acceptam agere potest. II. Quia Reges & Principes esse possunt absque Ecclesia, & hæc absque illis. *Resp.* I. Negatur *consequentia* ob insufficientem partium enumerationem. Nam præter illos, prout à *Bellarmino* enumerantur & accipiuntur, datur alius, qui verè & propriè est supremus & infallibilis Judex controversiarum fidei, nimirum *Deus*, Judex ille totius terræ, *Gen.* 18. v. 25. & legislator supremus, servare valens & perdere *Iac.* 4. v. 12. *Christus* Filius Dei, cui *dedit* Pater omne judicium *Iac.* 4. v. 22. *Spiritus S.* Doctor omnis veritatis, *Ioh.* 16. v. 13. qui arguit mundum de peccato, & de justitia, & de judicio v. 8. II. *Minor* partim falsa, partim ambigua, Sophistica, aliena est. Quod ut distinctè appareat, singula ejus membra, singulorumque rationes breviter percurramus. *Primum* quod attinet, Scriptura propriè judex non est, ut quæ persona non est. At Deus in Scriptura loquens est judex, & quidem supremus. Scriptura est suprema lex, ex qua judex ille pronuntiat, ut qui ultimo die judicaturus dicitur de latebris hominum ex Euangelio *Rom.* 2. v. 16. Unde fit ut propter communes cum ipso effectus, ceu sunt dicere, *Ioh.* 7. v. 38. clamare, *Rom.* 9. v. 27. accusare, *Iohan.* 5. v. 45. damnare, *cap.* 12. v. 48. nomen etiam commune quandoque fortiaur. Quo ipso corrui ratio *secunda*. Distincta enim sunt in Ecclesiâ Scriptura & Judex supremus. At judex ille non est Ecclesia, sed Deus. Ecclesia verò est judex inferior ministerialis, Scripturæ ad amussim alligatur. *Dua alia* rationes jam ante refutata sunt; ostensum namque Scripturam unicum tantum sensum habere, videlicet literalem, eamque per seipsam optimè explicari, ut exemplo suo comprobaverunt Christus & Apostoli. Quod verò interpretes etiam inspectis fontibus & dictis Scripturæ inter se collatis dissentiunt, per accidens ipsorum vitio,

Deus est supremus judex controversiarum.

Scriptura non est judex, sed lex judicis.

Spiritus pri-
vatus filio-
rum Dei est
iudex sum-
mus.

vitio, non aliqua Scripturæ culpâ accidit. *Membrum secundum* ambiguitate ludit & fallit. Nam *Spiritus privatus* revelans aut est Spiritus *Enthusiastarum*, fictas revelationes jactantium & in controversiis fidei ad eas provocantium, aut Spiritus *Filiorum Dei*, docens ipsos omnia, 1 *Iohann.* 2. v. 27. retegens eis quæ Deus gratificatus est, 1 *Cor.* 2. v. 10. & seqq. adeoque testificans spiritui ipsorum quod sint Filii Dei *Rom.* 8. v. 16. *Priore* significatu iudex non est, nedum supremus iudex. *Posteriore* autem est iudex supremus, publicus & privatus; quia unus est Spiritus, qui de controversiis fidei & publicè in Scriptura, & privatim in cordibus fidelium pronunciat, distribuens singulis prout vult 1 *Cor.* 12. v. 11. Ratio *prima* universaliter accepta falsa est. Nam Deus est Iudex totius terræ, *Gen.* 18. v. 25. qui tamen nec videri potest, 2 *Tim.* 6. v. 16. nec audiri. Christo dedit Pater omne iudicium, *Ioh.* 5. v. 22. nec ipse videtur amplius aut auditur. Imperator, sicut & Pontifex, de controversiis absentibus respondent. Particularis nihil concludit. *Secunda* aliena est, quia in Ecclesia non permittitur interpretatio Scripturæ privato iudicio, ut quisque eam interpretetur pro libitu suo, (nam Scriptura non magis est privatae interpretationis quàm libitu hominum allata est, 2 *Petr.* 1. v. 20. 21.) sed pendet à Spiritu Sancto, tanquam optimo verborum suorum interprete; & ex ipsa Scriptura, tanquam supremâ normâ interpretationis, eruitur *Nehem.* 8. v. 9. *Actor.* 9. v. 22. Hic verò quia ministerialis pastorum & doctorum opera intervenit, qui falli possunt & fallere: duplex adhibendum est iudicium, sed ministeriale utrumque: commune à singulis Christi ovibus, quæ nōrunt vocem pastoris sui, alienam non nōrunt, *Ioh.* 10. v. 3. 4. proprium ab ipsis-met pastoribus; quemadmodum Spiritus Prophetarum Prophetis subijci jubentur 1 *Cor.* 14. v. 32. *Tertia* ambigua est, & falsa si de Spiritu Sancto publicè & privatim, eo quo dictum est modo judicante, intelligatur. Habet enim ille potestatem coactivam tum internam *καταγενηκώς* sic dictam, aperiendi mentes hominum & ad assensum permovendi, *Deut.* 29. v. 4. *Actor.* 16. v. 14. tum externam compescendi & perdendi hæreticos veritati celestis malitiosè obsistentes, ut Cerinthi, Arrii, & aliorum exitus testatur. *Posteriore* in hac vita rarò utitur. Nam oportet esse hæreses inter nos, ut illi, qui probati sunt manifesti fiant, 1 *Cor.* 11.

v. 19. & propter incredulitatem hominum mittit Deus efficaciam erroris 2 *Theff.* 2. v. 11. 12. Præterea regnum Dei non corporali coactione, sed spirituali demonstratione promovetur 1 *Cor.* 2. v. 4. Priore verò utitur in conversione hominum, eamque certo modo ac gradu cum Euangelio & ministerio Evangelii communicavit. Unde *ministerium Spiritus*, *gloria*, *justitia* vocatur, 2 *Cor.* 3. v. 8. 9. & cap. 10. v. 4, 5, 6. *arma militia nostra dicuntur non carnalia, sed divinitus valida, ad destructionem munitionum, ratiocinia evertendo, omnemque sublimitatem quæ sese extollit adversus cognitionem Dei, & in captivitatem redigendo omnem cogitationem ad obediendum Christo, & paratum habendo, quo omnis vindicetur contumacia.* Quarta impertinens est nihil concludens ad rem. Nec enim iudicii publici auctoritatem singulis, verum iis tantum tribuimus, qui publicâ vocatione huiusque donis instructi sunt; privatorum privatum est iudicium. Quinta contra Spiritum Enthusiatarum, non contra Spiritum Filiorum Dei militat; qui iudicio externo Scripturæ Sacræ, interno Spiritus S. nituntur. Atque illud quidem adhibent ad conversionem aliorum; hoc verò utuntur ad confirmationem propriam. *Membrum tertium* alienum est. Non quæritur hic de quovis, sed de supremo iudice; qui certè non est Rex, aut Princeps secularis. Interim in iudiciis inferioribus & ministerialibus, si fidelis sit, suum etiam locum habet; non absolutè quâ Rex, aut Princeps, sed limitatè quâ Rex fidelis, Princeps, Christianus, nutritius Ecclesiæ.

Princeps secularis non est iudex supremus.

TERTIA: *An interpretatio Scripturæ Sacræ in versionibus vernaculis necessaria sit & utilis?* Pontificii negant, Bellarminus lib. 2. de Verbo Dei cap. 15. 16. Nos affirmamus.

Offava: Pontificiorum, An versiones Scripturæ sint necessariae.

Status huius controversiæ ab omnibus Pontificiis non eodem modo formatur. Petrus Afoto, Hardingus & alii multi versiones simpliciter rejiciunt, ut noxias & hæreticas; quemadmodum Pontifex Roman. eos proscribere non dubitavit, qui Scripturam in linguas vernaculas traduxerant. Alii non quidem eas simpliciter damnant, sed tamen nec necessarias nec utiles esse putant, quin etiam non tolerandas si absque

Status Controversiæ.

auctoritate & approbatione Pontificis Rom. instituta fuerint. Quomodo sententiam suam declarat *Bellarminus*. Ideoque *Pius IV.* lege vetuit, ne qua versio ab auctore Catholico non profecta aut edita legatur, eamque solenni decreto repetitam confirmavit *Synodus Tridentina*, ut de mente Pontificiorum abundè constet.

Rationes Affirmantes Orthodoxæ.

Rationes nostræ.

Ex natura Subjecti.

Quia Scripturæ lectio & cognitio omnium linguarum hominibus necessaria.

I. Cujus lectio, meditatio, & cognitio omnium linguarum hominibus necessaria est; ejus interpretatio quoque in versionibus vernaculis est necessaria. Scripturæ Sacræ lectio, meditatio & cognitio, omnium linguarum hominibus necessaria est. Ergo. *Majoris* evidens est consequentia, cum diversæ sint hominum linguæ inde ab ipsorum dispersione, *Genes. 11.* nec vel unus reperiatur qui universas calleat. *Minorem* probo: Quod Deus præcepto perpetuo imperavit Ecclesiæ suæ, id ei necessarium est. Atqui imperavit Ecclesiæ suæ, quæ in N. T. ex omnium linguarum hominibus adunata est, *Matth. 28. v. 19.* lectionem, meditationem & cognitionem Scripturæ Sacræ, *Deut. 31. v. 11. 12. Jerem. 36. v. 6. 7. Ioh. 5. v. 39. Col. 3. v. 16. 2. Tim. 3. v. 15. 16. 2. Petr. 1. v. 19.* & quidem præcepto perpetuo. I. quia imperavit illud in utroque Testamento. II. quia finis hujus præcepti est perpetuus, reverentia Jehovæ & observatio mandatorum ejus *Deut. 31. v. 11. 12.* Ergo.

Quia Apostoli prædicaverunt Scripturam in omnibus linguis.

II. Quod Apostoli in omnibus linguis prædicarunt, id in omnes linguas vertendum est. Atqui prædicarunt Scripturam seu Verbum Dei in omnibus linguis. Ergo. *Minor* est *Athor. 2. v. 6. & seqq.* ubi omnibus externis nationibus loquuti dicuntur ipsarum linguâ de magnificis Dei factis, sicut donum linguarum hoc ipso fine eis datum fuit. *Major* confirmatur hoc modo: Si quæ Apostoli omnibus linguis prædicarunt, in omnes linguas vertenda non sunt; id aut ideo fit, quia Deus interdixit, aut quia versiones vernaculæ res divinas contaminant, aut quia nulla inde utilitas proficiscitur. Atqui nihil horum dici potest. *Non primum*, quia interdicti hujus neque vola, neque vestigium uspiam occurrit. *Non secundum*, quia linguæ vernaculæ ore pronuntiatæ

nunciatae eas non contaminant. Ergo nec calamo scriptae : Item quia linguarum discrimen omne, non minus quam populorum, in N. Test. sublatum est *Actor. 2.* Ergo una altera sanctior non est. *Non tertium*, quia tota Scriptura divinitus inspirata utilis est ad doctrinam, redargutionem, correctionem, institutionem, consolationem in editionibus authenticis *2 Tim. 3. v. 16. Rom. 15. v. 4.* Ergo etiam in versionibus vernaculis probis, ut quae Verbi scripti substantiam non mutant. Quod autem Apostoli Graece tantum scripserunt, inde factum, quod Doctores Universales Ecclesiae dati erant, quos non aliam quam universali sive communissimâ & vulgatissimâ linguâ scribere decuit.

Ex naturâ *Pradicati* :

Sine quo finis ministerii Ecclesiastici obtineri nequit, id necessarium est, ac utile ad illum finem. Sine interpretatione Scripturae in versionibus vernaculis, finis ministerii Ecclesiastici obtineri nequit. Ergo. *Minor* probatur. Aedificatio Ecclesiae sine interpretatione Scripturae in versionibus vernaculis obtineri nequit. Aedificatio Ecclesiae est finis ministerii Ecclesiastici. Ergo. *Minor* per se patet. *Majorem* tradit Apostolus *1 Cor. 14. v. 6.* Si veniam ad vos linguis loquens, quid vobis prodero? *v. 9.* Nisi per linguam edideritis bene significantem sermonem, quomodo cognoscetur quod dicitur? *v. 11.* Nisi sciero vim vocis, ero ei qui loquitur barbarus, & qui loquitur apud me barbarus fuerit; & *v. 19.* malim in Ecclesia quinque verba loqui ex intelligentiâ meâ, ut alios instituam, quam decem millia verborum linguâ sc. incognita. Exceptio Bellarmini quod non delectione Scripturarum, aut divinis officiis, sed de exhortatione spiritali loquatur Apostolus, partim falsa est. Nam Prophetarum proprium erat, ut interpretari Scripturas, *1 Cor. 14. v. 1. 3.* sic eas populo intelligenter prælegere, ex Synagogæ Judaicæ consuetudine, *Luc. 4. v. 16. & seqq. Actor. 13. v. 15. & seqq.* partim inepta, subordinata inter se opponens; siquidem exhortatio; consolatio, ædificatio, *1 Corinth. 14. v. 3.* instituenda ex Scriptura, *2 Tim. 3. v. 16. Rom. 15. v. 4.* atque etiam ex ea dijudicanda fuit, non tantum à Prophetis, *1 Cor. 14. v. 29. 32.* sed etiam à cæteris fidelibus *1 Ioh. 4. v. 1. Actor. 17. v. 11.*

Quia sine versionibus Scripturae finis ministerii obtineri nequit.

Negantes
Heterodoxa.

Rationes Pontificiorum.

Ex naturâ Subjecti:

Quia versio-
nes vernacu-
læ non fue-
runt necessa-
riæ in V. aut
N. Test.

I Quæ Interpretatio non fuit in Vet. aut N. Test. illa ne nunc quidem requiritur. Interpretatio Scripturæ in versionibus vernaculis in V. aut N. T. non fuit. Ergo. *Minorem* probant. I. quia non fuit ab Ezra ad Christum; quo toto tempore Judæi, loquuti sunt Chaldaicè, aut Syriacè, Hebræi sermonis ignari. II. non fuit tempore Christi; nam tum quoque Syriacè loquebantur. III. non fuit primis 400. post Christum annis. IV. & ne nunc quidem recepta est in Synagoga Judæorum. Ergo. *Ref.* Probatio *Minoris* negatæ Insufficiens, falsâ, aliena est. *Insufficiens*, quia tempus V. T. ab ipso orbis conditu, non demum ab Ezra inchoatur. Et à Mose ad Ezram vernaculum Judæis fuisse Scripturæ idioma, ne Bellarminus quidem ausit negare. *Falsâ*; quia etsi primò ex captivitate Babylonicâ, post ex vicissitudinibus rerum sub Syriæ Regibus, corruptus fuerit sermo Hebræus, in communi usu; incorruptum tamen in codicibus sacris populus intellexit, tempore Ezræ & Christi. *Illius*; nam prælegit Ezras populo legem per dies septem, à mane usque ad meridiem. *Neh.* 8. v. 19. idque explanatè & distinctè, v. 9. multitudo autem virorum & mulierum diligenter attendit, & intelligenter audit quæ legebantur, v. 3. 4. sicut istud fletu, v. 10. & lætitia, v. 13. testatum fecit. Quamobrem etiam Haggæus, Zacharias, Malachias Prophetæ non alio quàm Hebræo idiomate Prophetias suas consignârunt. *Hujus*; quia Moses & Prophetæ Hebraicè scripti prælegebantur populo in Synagogis, *Luc.* 4. v. 16. & seqq. *Actor.* 13. v. 15. & seqq. & 15. v. 21. 2 *Cor.* 3. v. 15. & adlectionem illorum Christus, *Iohann.* 5. v. 39. & Apostoli, 2 *Petr.* 1. v. 19. eundem hortabantur. Ita titulum crucis Christi Hebraicè scripsit Pilatus, *Iohann.* 19. v. 20. & Christus Paulum, *Actor.* 26. v. 14. Paulus turbam, *Actor.* 21. v. 40. & 22. v. 2. Hebraicè alloquutus est. Insuper falsum primis 400. post Christum annis nullas fuisse versiones vernaculas in Ecclesiâ. Nam Patres *Theodoretus*, *Augustinus*, *Chrysostomus*, alii, nec non ipsæ versiones *Chaldaica*, *Syriaca*, *Arabica*, *Aegyptiaca*, *Aethiopica* testantur contrarium, quæ ab illa ætate ad nos pervenerunt, *Aliena* denique

denique quia exemplum Synagogæ hodiernæ malum atque illaudatum, malè objicitur pro regula.

I I. In quibus linguis non scripserunt Apostoli; in illis Interpretatio Scripturæ necessaria non est. Atqui non scripserunt in quibusvis linguis, sed tantum in Hebræa, Græca & Latina. Ergo.

Quia Apostoli non scripserunt in quibusvis linguis.

Resp. Major inconsequens, Minor ex parte falsa est. Neque enim eadem ratio est primæ scriptionis & succedaneæ interpretationis siue versionis, nec eadem ætas nunc & tunc. Apostoli scripserunt Græcè, quod lingua illa tunc esset communissima, nota non modò Gentibus quæ generatim Græci appellantur, Rom. 2. v. 9. 10. & 3. v. 9. & 29. sed etiam Judæis. Nunc communissima non est, imo nulli genti eo modo amplius vernacula est, ut versionibus omnino opus sit. Præterea nihil Apostoli Hebræicè aut Latine, sed omnia Græcè scripserunt, tam quæ Hebræis, quam quæ Latinis peculiariter inscripserunt, ut epistolæ Paulinæ ad Romanos & Hebræos documento sunt.

I I I. Interpretatio & Usus Scripturæ esse debet in lingua communissima; ut conservari Ecclesiæ unitas & convocari concilia possint: Lingua vernaculæ non sunt communissimæ. Ergo,

Quia linguæ vernaculæ non sint communissimæ.

Resp. Major falsa est. Nam interpretatio & Usus Scripturæ debet facere ad ædificationem Ecclesiæ, 1 Cor. 14. v. 3. 4. eoque linguâ Ecclesiæ nota institui, siue illa uni populo propria, siue cum aliis sit communis. Nec enim linguæ, sed doctrinæ unitate conservatur unitas Ecclesiæ, Eph. 4. v. 3. & seqq. & prima concilia non obstante linguarum diversitate legitime coacta, & fructuosè celebrata sunt.

Ex natura *Prædicati*:

I. Quod servari in Ecclesia non potest, non est ei necessarium. Versiones vernaculæ servari in Ecclesia non possunt; cum linguæ vulgares singulis sæculis mutantur. Ergo. *Resp.* Est fallacia à dicto secundum quid, & non causæ. Nam si maximè servari non possent integræ omnibus partibus, possunt tamen: levi partium quarundam mutatione à fidei interpretibus facta: Item si maximè singulis sæculis mutandæ essent, eo tamen necessariæ esse non desinerent. Falsum verò est linguas vulgares singulis sæculis mutari.

Quia linguæ vernaculæ sint mutabiles.

Quia vernacula lingua minuant majestatem divinatorum officiorum.

I. Quod minuit majestatem divinatorum officiorum, id utile non est. Interpretatio Scripturæ in versionibus vernaculis minuit majestatem divinatorum officiorum; sicut augent eam editiones Hebræa, Græca, & Latina, quæ cum vulgares non sint, hoc ipso graviore, & magis reverendæ sunt. Ergo. *Resp. Minor falsa est.* Si verò tres illæ linguæ augent majestatem, sit illud per accidens ex superstitione imperitæ plebeculæ, non per se. Verum ex hac hypothefi lingua Hebræa, Græca & Latina graviore non sunt, quàm aliæ linguæ exoticæ; ut quarum multæ similiter vulgares non sunt.

Non Pontificiorum.

An vulgata versio Latina sit authentica.

QUARTA: An vulgata versio Latina sit authentica? Pontificii affirmant, *Bellarminus lib. 2. de Verbo Dei cap. 10.* Nos negamus.

Rationes

Negantes

Orthodoxæ.

Rationes nostræ.

Ex natura Subjecti:

Quia humana industria elaborata, ab authentica editione discrepans & ad eam revocanda est.

Quæ versio humanâ industria elaborata est, ab editione authentica innumeris locis recedit, & ad eam ut turbidus rivus ad limpidum fontem subinde revocanda est, illa authentica non est. Atqui vulgata versio Latina talis est. Ergo. *Major* manifestæ est veritatis & consequentiæ. *Minor* confirmatur per partes. I. *Elaborata est humanâ industria*, quia *Hieronymo* à Pontificiis ascribitur, qui in versione Bibliorum adornanda diu multumque laboravit. II. *Ab editione authentica innumeris locis recedit*, ut longa inductione, ostendi potest. Quo nomine non à nostris solum sed etiam à patribus, adeoque ipso *Hieronymo* castigata fuit, & variè mutata. III. *Ad eam subinde revocanda est*, quod faciendum dicat ratio; (humana namque ad divina exigenda sunt) & suadet auctoritas, tum antiquorum Patrum *Augustini*, *Hieronymi*, tum etiam ipsius *Bellarmini*, qui in quatuor casibus hujusmodi examen admittit; si nimirum in codicibus Latinis deprehendatur aut error librorum, aut varia lectio, aut ambiguitas, aut etiam energia & proprietates verborum expressa non sit *lib. 2. cap. 11.* Cur verò in aliis idem faciendum non sit, rationem nec reddit, nec reddere potest.

Ex natura *Prædicati*:

I. Quod divinitus inspiratum & Ecclesiæ à Deo traditum est, id authenticum est. Vulgata versio Latina nec divinitus inspirata neque Ecclesiæ à Deo est tradita. Ergo. *Minoris* veritas patet ex antecedentibus. *Major* procedit à propria causâ ad proprium effectum; confirmaturque testimoniis Apostolicis 2 *Tim.* 3. v. 16. *Tota Scriptura divinitus est inspirata.* 2 *Pet.* 1. v. 21, *acti à Spiritu Sancto loquuti sunt Sancti Dei homines.*

Quia nec divinitus inspirata nec Ecclesiæ à Deo tradita est.

II. Quod authenticum est, illi nihil addi, nihil detrahi, adeoque in eo nihil mutari debet *Deut.* 4. v. 2. At superioribus seculis multi eruditi, ex ipsis etiam Pontificiis, quædam addiderunt & detraxerunt vulgatæ versioni Latinæ, sicque eam in quibusdam mutârunt. Ergo.

Quia subinde mutatus fuit.

Rationes Pontificiorum.

Affirmantes
Heterodoxa.

Ex natura *Subjecti*:

I. Quod habuit Ecclesia Hebræa & Græca, idem habet Latina. Ecclesia Hebræa habuit editionem authenticam Hebræam, & Græca Græcam tum Veteris Testamenti ex interpretatione LXX. tum Novi ipsorum Apostolorum. Ergo Latina Latinam. *Resp.* *Major* non universè, sed de iis tantum vera est, quæ Deus Ecclesiis suis, cujuscunque linguæ, æqualiter dedit. Non verò dedit Ecclesiæ Latinæ editionem authenticam Latinam, ut Hebrææ Hebræam Veteris Testamenti & Græcæ Græcam Novi Testamenti. Nam quod dicitur in *Minore* editionem LXX. authenticam fuisse falsum est.

Quia Ecclesia Latina habeat editionem authenticam.

II. Quod necessitas Ecclesiæ requirit, hoc ei Deus concessit. Vulgatam versionem Latinam, quæ sit authentica, necessitas Ecclesiæ requirit. *Ratio*; quia etiam in Conciliis generalibus sæpe paucissimi reperiuntur linguarum Hebrææ & Græcæ periti. Ergo. *Resp.* *Minor* falsa est. Requirit illa, ut exstet editio aliqua authentica, qualis est Hebræa Veteris Testamenti & Græca Novi, non autem ut Latina sit talis. *Probatio* ejus inconsequens est ob fallaciam accidentis. Quin potius ex præcepto Apostoli, 1 *Thess.* 5. 19. 20. excitandi

Quia versio Latina authentica Ecclesiæ sit necessaria.

citandi Spiritus, fovendæ prophetiæ, ut reperiantur multi sicut alii qui semper reperti fuerunt.

Ex natura *Prædicati*:

Quia à Patri-
bus laudata,
ab Ecclesia
recepta, & à
Concilio Tri-
dentino con-
firmata sit.

Quæ versio ab antiquis Patribus laudata, multorum seculo-
rum usu in Ecclesia recepta & à Concilio Tridentino confirmata
est, illa authentica est. Atqui versio vulgata Latina talis est. Ergo.
Resp. in *Majore* est fallacia non causæ. Vera ac propria causa au-
thenticæ editionis est divina inspiratio, non laudatio Patrum, pra-
xis Ecclesiæ, confirmatio concilii. Et *Bellarmino* fatente *lib. 1. cap.*
10. Ecclesia non facit libros authenticos, verum tales esse declarat.
Quæ igitur versio in se authentica non est, eam declarare talem
Ecclesia non potest. Deinde *Minor* ex parte falsa est. Nam vulgata
versio Latina, neque Hieronymi est, aut Itala, quam laudant *Augu-*
stinus & alii Partes; neque à tota Ecclesia Latina recepta est, ut
quæ varias omnino versiones usurpavit.

Controversiæ de *Fine* Scripturæ Sacræ duæ sunt:

Decima: Pon-
tificiorum.
An Scriptura
sit perfectus fi-
dei vitæque
canon?

PRIMA: *An Scriptura tantum sit aliquod fidei vitæque*
commonitorium; insuper perfectus utriusque canon sive
regula? Pontificii prius; *Bellarminus lib. 4. de Verbo*
Dei cap. 12. Nos posterius asserimus.

Rationes
Affirmantes
Orthodoxæ.

Rationes nostræ.

Ex natura *Subjecti*;

Quia Scriptu-
ra hoc fine in-
spirata est, ad
eam Ecclesia
remittitur, &
sub pœna a-
nathematis
adstringitur.

Quæ Scriptura est divinitus inspirata, ut componat ac dirigat
fidem, vitam, ac vocationem nostram; ad quam ipse Deus Ecclesi-
am suam remittit, & sub pœna anathematis adstringit, ea non tam
commonitorium, quàm canon est fidei, vitæ, ac vocationis nostræ,
At Scriptura sacra est hoc fine inspirata, ad eam Deus Ecclesiam
suam remittit, & sub pœna anathematis adstringit. Ergo. *Minorem*
probant apertissima Scripturæ testimonia secundum omnes par-
tes, *Ioh. 20. v. 31. Hæc scripta sunt, ut credatis. Rom. 15. v. 4. Quæcumque*
ante

ante scripta sunt ad nostram doctrinam scripta sunt. 2 Tim. 3. v. 16. 17. Omnis Scriptura divinitus inspirata utilis est ad doctrinam, reargutionem, correctionem, institutionem quæ est in iustitia, ut perfectus sit homo Dei ad omne opus bonum perfecte instructus. 1 Tim. 3. v. 14. 15. Hac tibi scribo ut nôris quomodo oporteat versari in domo Dei. Ioh. 5. v. 39. Scrutamini Scripturas. Luc. 16. v. 29. Habent Moſen & Prophetas, audiant eos. Eſa. 8. v. 20. Ad legem & testimonium. Gal. 1. v. 8. Si nos, aut angelus e cælo euangelizet vobis præter id quod vobis euangelizavimus, anathema esto.

Ex natura Prædicati :

Cui nomen, proprietates, & officium Canonis five regulæ fidei ac vitæ conveniunt; id fidei vitæque regula est. Scripturæ sacræ conveniunt. Ergo. Probatur *Minor*. *Nomen*: Gal. 6. v. 16. *Quicumque incedent secundum canonem hunc* (præscriptum scilicet tum in epistola ad Galatas, tum in aliis Scripturis) *pax erit super eos, & misericordia & super Israellem Dei*. Phil. 3. v. 16. *In eo ad quod pervenimus, eodem incedamus canone*. *Proprietates*: Omnis regula prior est suo regulato, est partibus omnibus perfecta, & denique certa. Scriptura sacræ prior est fide ac vita, ut quæ ex eâ oriuntur, Rom. 10. v. 17. est partibus omnibus perfecta, tum essentialibus, quæ sunt materia ejus & forma; tum integralibus, quæ sunt Lex & Euangelium: certa denique, ut quæ Dei mentiri nescii est verbum. Ergo. *Officium*: Regula est regere five dirigere suum regulatum, ut norma dirigit lineas. Scriptura dirigit fidem ac vitam nostram, usque adeo ut si vel minimum ab ea recedant, errent cum offensione Dei Ezech. 20. v. 19. Matth. 22. v. 29. 1 Ioh. 3. v. 4. Gal. 1. v. 8. 9. Ergo.

Quia Scripturæ nomen, proprietates & officium canonis conveniunt.

Rationes Pontificiorum.

Negantes Heterodoxa.

Ex natura Subjecti :

Cujus Scripturæ proprius ac præcipuus finis fuit, ut esset commonitorium servandæ doctrinæ, non regula fidei; ea commonitorium est, non regula. Scripturæ sacræ is fuit proprius ac præcipuus finis. Ergo. *Minore* probant. I. *Testimonii* Scripturæ: Rom. 15. 4. 2 Per. 1. v. 13. & 3. v. 1. II. *Ratione*; quia Scriptura variis documentis, exemplis, adhortationibus, terrendo, instruendo, consolando

Quia Scripturæ finis sit, ut esset commonitorium.

R r

adjuvat

adjuvat. nos in hac peregrinatione. *Resp.* Minor falsa est. Nam fine non *commonitoria*, sed *Canonica* denominatur *Gal.* 6. v. 16. *Phil.* 3. v. 16. Denominatio autem à potiori sive principali fit, quod tamen *commonitorium*, tanquam minus principale, completur; ut *commonitorium Canonicum* dici possit. *Testimonia* duo *Petri* aliena sunt, quia de *commonefactione* indefinitè loquuntur, non verò statuunt eam finem *Scripturæ* solitarium vel principalem. Prius *Pauli* asserit etiam contrarium. Si enim quæcunque ante scripta sunt, ad nostram doctrinam scripta sunt, utique non tantum ad *commonefactionem*. Nam *commonefactio* eorum est quæ ante novimus, doctrina eorum etiam quæ ignoravimus. *Ratio* nihil concludit propter oppositionem subordinatorum. Utrumque præstat *Scriptura*. Adjuvat nos in hac peregrinatione ut adiutorium, dirigit ut Canon. *Psal.* 119. v. 9. *Quomodo purificabit puer semitam suam? observando eam secundum verbum tuum.* & v. 105. *Lucerna pedi meo verbum tuum, & lux itineri meo.*

Ex natura Prædicati :

Quia non sit
regula adæ-
quata.

I. Regula fidei debet esse adæquata suo regulato, id est omnia & sola illa continere quæ ad fidem pertinent. *Scriptura* sacra non est fidei adæquata; quia nec omnia creditu necessaria continet, nec sola, ut apparet ex multis Testamenti utriusque historiis, nec non ex *Pauli* salutationibus. Ergo. *Resp.* Negatur Minor. Nam *Scriptura* fidei est prorsus adæquata, non deficiens necessariis, nec excedens superfluis; nec fidei tantum, verum etiam vitæ. Si enim *Paulus* omne Dei consilium de nostra salute annunciavit ex *Mosè* & *Prophetis*, *A. 7.* 20. v. 27. & 26. v. 22. continetur quoque iis. Si quæcunque ante scripta sunt, ad nostram doctrinam, institutionem scripta sunt, *Rom.* 15. v. 4. 2 *Tim.* 3. v. 16. nihil eorum tanquam superfluum redundat. *Historiæ* ergo, salutationes, & si quæ alia minoris momenti possent videri, regulæ hujus ambitu comprehenduntur; ut quæ variè ad captus humani modulum in *Scriptura* proponitur absolutè & limitatè, in thesi & hypothesi, in theoria præceptorum & praxi exemplorum.

Quia non sit
opus conti-
nuum.

II. Regula est opus continuum. *Scriptura* non est opus continuum; quia varia opera, historias, conciones, vaticinia, carmina, epistolas continet. Ergo. *Resp.* Est fallacia quatuor ter-
mino.

minorum. Nam *Major* loquitur, de regulâ Architectonicâ, propriè dicta. *Minor* de eâ quæ per Metaphoram sic appellatur, *Gal. 6. v. 16.* quemadmodum eâdem Metaphorâ Ecclesia dicitur *domus Dei* *1 Tim. 3. v. 16. edificium*, *1 Cor. 3. v. 9.* Christus *fundamentum* *v. 11. pastores architecti*, *v. 10. fideles lapides vivi* *1 Pet. 2. v. 5.* Hoc tamen sensu Metaphorico etiam Scriptura *opus continuum* dici potest, quoad doctrinæ substantiam, quæ eadem est sibi que conformis per omnia, non quoad applicationis modum, qui varius.

SECUNDA: An ex ordinatione Dei Scriptura sacra sine Traditionibus nobis ad fidem ac vitam sit summè necessaria?
Pontificii negant, *Bellarminus lib. 4. de Verbo Dei cap. 4.* Nos affirmamus.

Vndecima Pontificiorum. An ex ordinatione Dei Scriptura sine Traditionibus sit summè necessaria. Status Controversiæ.

Statum hujus *Controversiæ* studio pervertit *Bellarminus*. Quæ enim dicuntur à nobis de necessitate hypothetica Scripturarum ex ordinatione Dei, ipse ad necessitatem absolutam ac simplicem trahit. Tempora quoque necessitatis Sophisticè confundit: illud, quod cum Mose primum necessarium esse cœpit ratione originis & existentia, ita ex mente nostra proponens, ac si inde ab initio necessarium fuisset. Proinde reformato statu secundum veritatem, sententiam nostram confirmamus.

Rationes nostræ.

Rationes Affirmantes Orthodoxæ.

Ex natura Subjecti:

I. Quod secundum omnia causarum genera nobis necessarium est, id est summè necessarium. Scriptura sacra absque Traditionibus secundum omnia causarum genera nobis necessaria est. Ergo. *Minor* probatur inductione causarum. Secundum *Efficientem*, *Iud. v. 3. Neceffe habui vobis scribere, ad vos hortandos. Materiam*; quia doctrinam necessariam continet *Legis, Matt. 22. v. 37 & seq. & Evangelii Ioh. 3. v. 16. Formam*; quia necessaria est vera ejus intelligentia, utpote sine qua erramus, nescientes Scripturas *Matt. 22. v. 29.*

Quia Scriptura necessaria secundum omnia causarum genera.

Finem; qui est informatio ad salutem, *Ioh. 20. v. 31. 2 Tim. 3. v. 16.* fideique nostræ ἀσφάλεια, *Luc. 1. v. 4. Phil. 3. v. 1.*

Quia Deus ad
Scripturam
solum nos
remittit.

I I. Ad quod Deus in Verbo suo tanquam fidei vitæque regulam nos remittit, id nobis est summè necessarium. At qui remittit nos ad Scripturam absque Traditionibus, *Esaia 8. v. 20. Ezech. 20. v. 19. Luc. 16. v. 29. & 24. v. 26. 27. Iohann. 5. v. 39. 2 Pet. 1. v. 19.* Quod etiam inde amplius confirmatur, quia nos à Traditionibus ad Scripturam revocat *Ezech. 20. v. 18. 19. Matth. 15. v. 9.* Ergo.

Ex natura *Prædicati*:

Quia Scriptu-
ra dat esse
Ecclesiæ.

Quod dat esse Ecclesiæ, id ei summè necessarium est. Scriptura dat esse Ecclesiæ, tum quoad substantiam, tum etiam quoad revelationis modum. Ergo. *Minor* probatur: *Quoad substantiam*; quia causa Esse dat suo Effecto. Scriptura sive verbum Dei est Causa Ecclesiæ *Iac. 1. v. 18. 1 Pet. 1. v. 23.* Ergo. *Quoad revelationis modum* quia quod docet, instituit, perficit Ecclesiam ad omne opus bonum, id ei esse dat. Verbum Dei scriptum, quod Scripturam vocamus, docet, instituit, perficit Ecclesiam ad omne opus bonum *2 Timoth. 3. vers. 16. 17.* Ergo.

Negantes
Heterodoxæ.

Rationes Pontificiorum.

Ex natura *Subiecti*:

Quia Ecclesia
potuerit esse
sine Scriptu-
ra.

I. Sine quo esse potuit Ecclesia, id ei admodum necessarium non est. Sine Scripturâ esse potuit Ecclesia, uti fuit ante Moysen per bis mille annos, quibus solâ Traditione servata fuit religio; item post Christum per multos annos. Ergo. *Respond.* I. Datur *consequentia* de necessitate absolutâ. De hypotheticâ, quam hîc asserimus, negatur propter diversas Ecclesiæ ætates, quibus eam Deus diversimodè gubernavit, *Hebr. 1. vers. 1.* I I. In *Minore* confunduntur falsa cum veris. Ante Moysen per bis mille annos fuit sanè Ecclesia absque Scriptura; verum religio incorrupta servata non fuit, ne

ne inter paucissimos quidem. Unde toties novis oraculis restitui, tandemque scriptis consignari oportuit. Post Christum aliquandiu fuit absque Scriptura N. T. nunquam absque Scriptura T. Veteris.

I. Cujus major usus fuit inter Judæos, illius quoque major fuit necessitas. Traditionum major usus fuit inter Judæos quam exstaret Scriptura, quam ipsius Scripturæ; argumento locorum *Exod. 13. Deut. 32. Jud. 6. Psalm. 77. &c.* Ergo. Respond. I. Major non est universaliter vera, neque à facto ad jus sive ad necessitatem juris valet consequentia. Multa longo usu recepta fuerunt apud Judæos, quæ tamen nec necessaria, nec licita fuerunt, de quibus est *Esaia 29. v. 13. Ezech. 20. v. 18. 19. & alibi.* II. Minor falsa est, si ex locis subjectis intelligatur. Nam agunt illa de narratione operum Dei apud posteròs instituendâ, quam ex Scriptura petitam fuisse, vel unus psalmorum liber testis est locuples.

Quia Traditionum major fuerit quam Scripturæ usus apud Judæos.

Controversia de Subjecto Scripturæ sacre est :

Duodecima : Pontificiorum.

AN lectio Scripturæ omnibus promiscuè, id est, tam Laicis quam Clericis permittenda sit? Pontificii negant, Bellarminus lib. 2. de Verbo Dei cap. 15. Nos affirmamus.

An lectio Scripturæ quibusvis etiam Laicis promiscuè sit permittenda?

Rationes nostræ.

Rationes : Affirmantes Orthodoxæ.

Ex Natura Subjecti:

I. Quod ad omnium utilitatem proditum est, id ab omnibus promiscuè legi debet. Scriptura sacra ad omnium utilitatem prodita est. Ergo. Minorem adstruunt dicta 2 Tim. 3. vers. 16. *Tota Scriptura divinitus inspirata utilis est ad doctrinam, reargutionem, correctionem, institutionem, Rom. 15. v. 4. Quacunque ante scripta sunt, ad nostram doctrinam scripta sunt. Iohan. 20. vers. 31. Hac scripta sunt, ut credatis. 2. Pet. 1. v. 19. Habemus firmissimum sermonem Propheticum, quem bene facitis quod attenditis, &c.* Hinc David beatos prædicat, qui interdiu ac noctu meditantur in Lege Dei, *Psalm. 1. & 119.*

Quia ad omnium utilitatem prodita est.

Rr 3

II. Quod:

Quia omni-
bus arma mi-
nistrat contra
hostes spiri-
tuales.

I. Quod omnibus arma ministrat contra Satanam, mundum, & carnem; ejus lectio omnibus promiscuè permittenda est. *Ratio*; quia sunt illi communes hostes omnium, ut qui omnium exitium quarunt. Scriptura Sacra omnibus arma ministrat. Est enim armatura Dei *Eph.* 6. v. 13. gladius, v. 17. *Heb.* 4. v. 12. & quidem contra *Satanam*; quia exstinguit omnia ignita illius jacula, *Ephes.* 6. v. 16. quod Christus exemplo ostendit, *Matth.* 4. contra *Mundum*; ut quem vincere docet, 1 *Ioh.* 5. v. 4. 5. & in eo hæreticos quoque, *Matth.* 22. v. 24. & *seqq.* *Actor.* 15. v. 17. 18. 24. *capp.* contra *Carnem*; quam crucifigit, mortificat, sepe- lit, regnans nos ad vitæ novitatem 1 *Petr.* 1. vers. 21. Ergo.

Ex naturâ Prædicati:

Quia omni-
bus promi-
scuè lectio
Scripturæ
imperata est.

Quod omnibus promiscuè imperatum est, omnibus promiscuè permittendum est. Lectio Scripturæ Sacræ omnibus promiscuè à Deo imperata est. Ergo. Minorem confirmant verba præcepti *Deut.* 6. v. 6. 7. 8. *Erunt verba ista, qua ego præcipio tibi hodie, in corde tuo; eaque acutè ingeres filiis tuis, ac loqueris de eis quum sedes domi tuæ, & quum ambulas per viam, quum cubas & surreas &c.* *cap.* 31. 11. 12. *Legito legem hanc coram toto Israël, viris, feminis & parvulis, ut timeant Iehovam, & observent præcepta ejus Iohan.* 5. v. 39. *Scrutamini Scripturas.* 1 *Thessal.* 5. v. 27. *Adjuro vos per Dominum, ut recitetur hæc epistola omnibus sanctis fratribus.* *Coloss.* 3. v. 16. *Sermo Christi copiose inter vos habet.*

Negantes
Hæreticæ.

Rationes Pontificiorum.

Ex naturâ Subjecti:

Quia à popu-
lo non intel-
ligatur.

I. Quod non intelligitur à populo, nec legi ab eo debet. Scriptura non intelligitur à populo; quia ne eruditi quidem eam intelligunt absque expositionibus. Ergo. *Resp.* Peccatur fallacia à dicto secundum quid, adeoque Major inconsequens, (nam quod non intelligitur, legi debet, ut intelligatur.) Minor falsa est. Quisquis è populo cū Dei timore & reverentia in lectione Scripturæ versatur, magis ac magis eam intelligit, nec sine profectu intelligentiæ ab eâ discedit, secundum promissionem: *Verbum meum non reverteretur ad me vacuum Esa.* 55. v. 11. *Qui quatit invenit Matth.* 7. v. 8. *Si quis voluerit,*

voluerit, quod ille vult, facere, cognoscat de doctrina mea Iohan. 7. v. 17. Ratio de eruditis nihil probat, quia loquitur vel de perfectione scientiæ Theologicæ, non de dogmatum necessariorum cognitione; vel de eruditis quales olim erant Pharisei, Rom. 2. v. 18. 19. 20. Mat. 5. 6. 7. 23. & Ioh. 3. capp. & nunc sunt multi Monachi ac Jesuitæ.

II. Ex quo plus incommodi, quàm commodi percipit populus, quodque ei occasio est errandi tum in doctrinâ fidei, tum in præceptis morum; id ipsi permittendum non est. Ex lectione Scripturæ Sacræ plus incommodi, quàm commodi percipit populus, eaque ipsi errandi occasio est. Ergo. *Minor* probatur, I. quia ex Scriptura non intellecta natæ sunt omnes hæreses. II. quia in Scriptura multa dicuntur & laudantur, velut concubitus Patriarcharum cum ancillis, incestus Thamaræ, adulterium Davidis, & similia quæ populum vel ad imitationem, vel ad contemptum Patriarcharum possent movere. *Resp.* Argumentum inconsequens est ob fallaciam accidentis. Quoties fit, per accidens fit, quemadmodum ipsum Euangelium est odor mortis per accidens, 2 Cor. 2. v. 16. & multi Dei nostri gratiam per accidens transferunt ad lasciviam Iud. v. 4. *Ratio prima* verum dicit; Sed Scriptura malè intellecta, non est Scriptura. *Secunda* partim heterogenea ponit pro homogenis, polygamiam Patriarcharum copulans cum incestu Thamaræ & adulterio Davidis; partim falsa pro veris, quia narrantur illa in Scripturâ, non laudantur; posterius etiam apertè damnatur. Scripta autem sunt ad nostri correctionem, institutionem, consolationem, 2 Tim. 3. v. 16. Rom. 15. v. 11. sive admonitionem, in quos fines seculorum inciderunt 1 Cor. 10. v. 11.

Quia populo errandi occasio in præbeatur.

Controversiæ de Adjunctis Scripturæ Sacræ duæ sunt :

PRIMA:

Decimate-
ria: Pontifi-
ciorum.

An Scriptura
perfecta sit,
contineas do-
gmata omnia
ad fidem ac
vitam neces-
saria?

Rationes
firmantes Or-
thodoxa.

Quia Scriptu-
ra nihil ad-
dendum, vel
detrahenda-
dum.

Quia Scriptu-
ra omne Dei
consilium de
nostra salute
exponit.

Quia nos
perfectos
reddit ad
salutem.

PRIMA: Sitne Scriptura ita perfecta, ut omnia dogmata ad fidem ac vitam necessaria contineat? Pontificii negant, Bellarminus lib. 4. de Verbo Dei cap. 4. Nos affirmamus.

Rationes Nostræ.

Ex naturâ Subjecti:

I. Cui sub pœnâ anathematis nihil addendum, nihil detrahendum est, id perfectum est. Scripturæ Sacræ nihil addendum, nihil detrahendum est Deut. 4. v. 2. *Ne addite ad verbum illud, quod ego præcipio vobis, neque detrahite de eo; & quidem sub pœna anathematis Galat. 1. v. 8. Si nos, aut Angelus e cælo evangelizet vobis, præter id quod evangelizavimus vobis, anathema esto.* Ergo. Quod verò postea addiderunt multa Prophetæ & Apostoli, id omne jussu Dei factum fuit; additioque illa non fuit novæ doctrinæ revelatio, sed revelatæ plenior explicatio.

II. Quod omne Dei consilium de nostrâ salute exponit, id omnia dogmata ad fidem ac vitam necessaria continet. Scriptura Sacra omne Dei consilium de nostrâ salute exponit. Nam Paulus qui omne Dei consilium annunciavit Ephesiis, Act. 20. v. 27. nihil dixisse se testatur extra scripta Mosis & Prophetarum Act. 26. v. 22. Ergo.

III. Quod perfectos nos reddit ad salutem, id perfectam salutis doctrinam continet. Scriptura Sacra perfectos nos reddit ad salutem. Ergo. Major nititur veritate axiomatis Logici: Nullus effectus excedit perfectionem suæ causæ; item: Impossibile est causam esse deteriolem suo effectui. Minor auctoritate dicti Apostolici sapius jam allegati 2 Tim. 3. v. 15. 16. 17. Ex quo propositum non uno modo concluditur. I. Sacræ literæ possunt nos sapientes reddere ad salutem. Ergo totam salutis doctrinam continent. II. Scriptura docere potest omnem veritatem necessariam, redarguere errores, corrigere vitia, instituere in justitiâ. Ergo ad salutem est sufficiens. III. Scriptura sufficit ad perfectos reddendos homines Dei, id est, Prophetas, Apostolos, Pastores in omni opere bono. Ergo etiam ad ipsorum auditores.

Ex

Ex naturâ Prædicati:

Cui definitum & definitio perfecti convenit, id tale est. ^{Quia Scripturæ & definitum & definitio perfecti convenit.} Scripturæ convenit. *Definitum: Psal. 19. v. 8. Lex fœhova integra sive perfecta est. 2 Timoth. 3. v. 16. Tota Scriptura divinitus inspirata.* Totum autem & perfectum convertuntur. *Definitio: Quod nullâ parte deficit, id perfectum est. Scriptura nulla parte deficit. Non essentiali, habet enim materiam suam & formam. Non integrali, quia perfectam Legis & Evangelii doctrinam completur. Ergo.*

Rationes Pontificiorum.

Negantes Heterodoxa.

Ex natura Subjecti:

Quæ Scriptura multa, quæ ignorari non possunt, non continet; ea perfecta non est. Scriptura Sacra multa, quæ ignorari non possunt, non continet. Ergo. *Minor* probatur Inductione: Scriptura non continet quod remedium fuerit fœminis in V. Test. contra peccatum originis, quod masculis ante octavum diem morientibus; quomodo gentiles nonnulli in V. Test. servati sint; non docet exstare libros divinos, & qui sint illi, tum in generali, tum in particulari; denique nihil tradit de perpetuâ virginitate Mariæ, de Paschate die dominico celebrando, de pædobaptismo &c. Atqui omnia illa ignorari non possunt. Ergo. *Resp.* Inductio hæc fallaciam habet plurium interrogationum, ejusque tum *Major* tum *Minor* ex parta falsa est. Quod *Majorem* attinet. I. ostendit Scriptura *remedium peccati Originis* in sanguine Christi, qui tam in Vet. quam in N. Test. purgavit utrumque sexum ab omni peccato, *Esa. 53. v. 5. & seqq. Ephes. 2. v. 16. Hebr. 13. v. 8. 1 Iohan. 1. v. 7. Apoc. 13. v. 8.* Circumcisio sigillum tantum fuit hujus remedii, *Genes. 17. v. 11. Rom. 4. v. 11.* quod apponebatur quidem solis masculis, utpote capacibus; interim utilitate & veritate etiam fœminas concernebat, argumento loci *1 Cor. 7. v. 14.* Unde incircumcisis non minus fœminæ, quàm viri Israëlita opponebantur *Genes. 34. v. 14. Luc. 13. v. 16.* Idem dicimus de *Gentilibus*, qui non aliter, quàm fide in Christum venturum, servati fuerunt. Nam *nemo venit ad Patrem nisi*

si

nisi

nisi per Christum, *Johan.* 14. v. 6. & absque fide impossibile est Deo placere *Heb.* 11. v. 6. Exempla Profelytorum, Raabæ, Naamanis idem confirmant. II. docet Scriptura esse se Verbum Dei, & Canonem fidei; librosque suos iis signat criteriis, ut pro divinis agnosci & suscipi possint. III. Mariam virginem peperisse, *Esa.* 7. v. 14. *Matth.* 1. v. 23. & infantes baptizandos esse, *Actor.* 2. v. 39. & alibi, quod etiam ex Scriptura ipsi Pontificii demonstrant. De Paschatis autem die nihil docet. Jam ad *Minorem*. Non esse ullum peccati remedium, aut gratiæ donum extra Christum, ignorari non potest. Scripturam esse Verbum Dei ignorari non debet. At qui libri in specie sint Canonici; item, An Maria manserit virgo post partum; & quo die Pascha celebrandum sit; id omne absque salutis dispendio ignorari potest.

Ex naturâ Prædicati:

Quia neque secundum se totam, neque secundum partes suas perfecta sit & sufficiens.

Quod neque secundum se totum, neque secundum partes suas perfectum est & sufficiens; id nullo modo perfectum est & sufficiens. Scriptura Sacra neque secundum se totam, neque secundum partes suas perfecta est & sufficiens. Ergo. *Minor* probatur. *Non primo modo*; quia multi libri verè Canonici perierunt, tum è V. Test. ut libri *Nathanis* & *Gadi*, 1 *Chron.* 29. v. 29. *Alia* & *Iddonis*, 2 *Chron.* 9. v. 29. & ipsius *Salomonis*, qui tria millia parabolarum eloquutus est, & carminum quinque millia, 1 *Reg.* 4. v. 32. quæ non exstant, tum è Nov. Test. ut epistola ad *Laodicenses*, *Coloss.* 4. v. 16. & una ad *Corinthios* 1 *Cor.* 5. v. 9. *Non secundo*; quia unus liber non continet omnia, aut si continet, quid opus fuit tot libris? *Resp.* *Minorem* disjunctivam vertimus in copulativam. Nam Scriptura Sacra & secundum se totam perfecta est, perfectione essentiali, totius; & secundum singulas partes, perfectione integrali, partium; quemadmodum toti homini sua est perfectio essentialis, & singulis corporis membris sua perfectio integralis in corpore, relata ad totum. *Probatio primi membri falsa* est. Nullus liber Canonicus periit, quia non periit jota unum aut apex unus ex *Lege*, *Matth.* 5. v. 18. & quæcunque ante scripta sunt, ad nostram doctrinam scripta sunt *Rom.* 15. v. 4. Nec libros Canonicos magis abolet Deus, quàm ipsam fidei vitæque regulam Ecclesiæ suæ semel traditam mutat. *Libri Prophetarum Nathanis, Gadi,*

An libri quidam Canonici perierint?

Gadi, &c. in historiis Samuelis & Regum habentur; nomina autem isthic omiffa in Chronicis Ezras expressit. *Salomonis Parabola & Carmina* non magis Canonica fuerunt omnia, quàm authentica sunt omnia quæ scribit Notarius. Illud Canonicum fuit, quod impulsu Spiritus Sancti scriptum in Thesaurum Ecclesiæ relatum est. *Coloss.* 4. v. 16. epistola scripta dicitur, non *πρὸς Λαοδικεῖς*, sed *ἐν Λαοδικείᾳ* ex Loadicea, dubio procul ad Paulum. *1 Cor.* 5. v. 9. autem loquitur Apostolus de illa ipsa prima Epistola ad Corinthios, ut articulus Præpositivus τῇ, antecedentiumque collatio docent. Quod si verò detur periisse illos libros, ne sic tamen imperfectionem Canonis evicerint, nisi ante demonstrent, quæ illic prodita sunt, alibi repetita & perscripta haud exstare. *Probatio membri secundi* partim falsa est, quia multi libri omnia dogmata necessaria sigillatim completuntur, etsi non eo modo, quo Canon universus; partim inconsequens, quia exarata est Scriptura non modò ad salutis sufficientiam, sed etiam ad majorem fidei ἀσφάλειαν *Phil.* 3. v. 1. *1 Joh.* 1. v. 4.

SECUNDA: *An Scriptura Sacra ita sit perspicua, ut absque commentariis etiam à populo cum fructu legi, & dogmata necessaria ex eâ cognosci possint?* Pontificii negant, *Bellarminus lib. 3. de Verbo Dei cap. 1. 2.* Nos affirmamus.

Decima quarta Pontificiorum. An Scriptura S. ita perspicua sit ut absque commentariis à populo legi & intelligi possit? Status Controversiæ.

Controversiam hanc his verbis proponit *Bellarminus*: *Sintne Scriptura Sacra per se facillima atque apertissima, an verò Interpretatione indigeant?* & sententiam affirmantem nobis tribuit. At ea non magis nostra est, quàm Pontificiorum: Fatemur namque multa esse in Scriptura difficilia & obscura, eamque Interpretatione opus habere; sicut hanc ob causam Deus Prophetiæ donum Ecclesiæ suæ gratiosè contulit. Hæc verò nostra sententia est. I. Scripturam in dogmatis necessariis perspicuam esse, quatenus nimirum doctrinam fidei ac morum clarè & distinctè tradit, non quidem omnibus, attamen multis locis. II. Eam in Ecclesia Dei tam à populo, quàm à Pastoribus, cum fructu legi posse.

III. Nihilominus interpretatione egere, ut in iis quæ clara sunt, perfectius; quæ obscura, aliquatenus saltem intelligatur. Interim hanc interpretationem aliunde, quàm ex ipsâ Scripturâ, petendam esse negamus, ut quam ἰδιῶς ὁπλύτως esse negat Petrus 2 *Epistol.* 1. v. 20. Quâ sententiæ nostræ declaratione præmissâ, eam deinceps confirmabimus, ac vindicabimus.

Rationes Affirmantes Orthodoxæ.

Rationes nostræ.

Ex natura Subjecti:

Quia Scriptura de suâ perspicuitate testatur.

I. Quod ipsa Scriptura de se testatur, id verum est. Atqui testatur se esse perspicuam. Ergo. *Major* certa est. Nam est Dei ipsius testimonium, *Esa.* 8. v. 20. 1 *Ioh.* 5. v. 9. quod Etiam esse dicitur 2 *Cor.* 1. v. 19. *Minor* his dictis adstruitur: *Deut.* 30. v. 11. & seqq. *Præceptum hoc*, quod ego præcipio tibi hodie, occultum non est à te, neque longinquum & c. sed propinquum est tibi verbum hoc valde, in ore tuo, & in animo tuo ad faciendum illud. *Psal.* 19. v. 8. 9. *Lex Domini sapientiam præbet parvulis, illuminat oculos.* & 119. v. 105. *Lucerna pedî meo verbum tuum, & lux itineri meo.* v. 130. *aditus verborum tuorum illuminat, prudentia instruit simplices.* 2 *Corint.* 4. v. 3. 4. *Si opertum est Evangelium nostrum, iis qui pereunt opertum est; quorum mentes Deus huius sæculi excacavit, nempe infidelium; ne irradiet eos illustratio Evangelii Christi.* 2 *Pet.* 1. v. 19. *Sermo Propheticus est lucerna splendens in obscuro loco.*

Excipit Bellarminus, *Deuter.* 30. agi de facilitate præstandi legem; *Psal.* 19. & 119. 2 *Petr.* 1. non de totâ Scripturâ, sed vel de præceptis Dominicis, vel de effectu Scripturarum, quum intelliguntur; 2 *Corinth.* 4. de cognitione & fide in Christum. *Resp.* Locum *Deuter.* 30. Paulus *Roman.* 10. v. 6. & seqq. exponit de doctrina Evangelii, quam plenè & perspicuè nobis patefactam ac per gratiam Dei præstitum facilem esse inibi testatur. Tria alia loca de universis Scripturis indefinitè, non de solis præceptis Dominicis definitè loquuntur quæ lucerna, lux appellantur, quia illuminant nos in agnitionem Dei & Christi, efficiuntque ut intelligamus, ut est *Psal.* 119. v. 91. 104. 130. Denique 2 *Cor.* 4. sermo est de ipso Evangelio, ex quo cognitio Christi & fides in ipsum hauritur; unde & potentia Dei ad salutem vocatur *Rom.* 1. vers. 16.

II. Quod

II. Quod in doctrina Legis & Euangelii perspicuum est, id in dogmatis necessariis est perspicuum. Scriptura in doctrina Legis & Euangelii est perspicua. Ergo. *Major* patet; quia dogmata necessaria duobus his capitibus continentur. *Minor* ex summa utriusque colligitur, quæ est *Matth. 22. vers. 37. & seqq. Joh. 3. v. 16. & alibi.*

Quia Scriptura in doctrina Legis & Euangelii est perspicua.

III. Quod Spiritus Sanctus in exarandâ Scripturâ intendit, id est assecutus: *Ratio*; quia *Deus noster in cælis est, quicquid voluit fecit Psalm. 115. v. 3.* Atqui Spiritus Sanctus intendit perspicuitatem: *Ratio*; quia intendit doctrinam nostram, & institutionem in fide ac vita *Rom. 15. v. 4. 2 Tim. 3. v. 16. 17. Ergo.*

Quia Scriptura S. intendit Scripturæ perspicuitatem.

Ex naturâ Prædicati:

Quæ Scriptura formaliter simul & effectivè lucida & luminosa est, ea perspicua est. Scriptura Sacra est talis. Ergo. *Minor* probatur. *Formaliter*; quia est *lucerna, lux Psalm. 119. v. 105. Prov. 6. v. 23. 2 Petr. 1. v. 19. Effective*; quia *illuminat oculos, Psalm. 10. v. 8. 9. reddit sapientes, Psalm. 119. v. 98. 2 Tim. 3. v. 15. prudentiâ instruit simplices, Psalm. 119. v. 130. & splendet in obscuro loco 2 Pet. 1. vers. 19.*

Quia Scriptura S. formaliter & effectivè lucida est.

Rationes Pontificiorum.

Ex naturâ Subjecti;

Negantes Heterodoxa.

I. De ejus difficultate atque obscuritate Scriptura testimonium perhibet, id difficile est & obscurum. Atqui de suâ difficultate & obscuritate testimonium perhibet. Ergo. *Minor* probatur, partim dicto Petri, 2 *Epist. 3. v. 16.* in Epistolis Pauli esse quædam *difficilia intellectu*; partim *exemplis* Davidis petentis se *illuminari* in intellectum verbi, *Psalm. 119.* Apostolorum Christi, quibus ipse Scripturam interpretatus est, *Luc. 24. v. 27. 45.* & Eunuchi, absque interprete *Esaiæ caput 53.* intelligere haud valentis. *Resp. Major* ex mente Pontificiorum falsa est, Probationes alienæ. Etenim *Petrus* non omnia, sed quædam, *πῶς*, ait esse intellectu difficilia, quod non negamus. Eaque difficultas magis ex rebus ipsis, quàm ex earum in Exemplis Paulinis explanatione oritur. *Exempla* non tam de obscuritate Scripturæ, quàm

Quia Scriptura testatur de sua difficultate.

de Davidis, Apostolorum Christi, & Eunuchi cæcitate testantur. Nec pugnant cum perspicuitate Scripturæ vel interna mentis illuminatio, vel externa Scripturæ interpretatio; cum per ista media lucem illius capiamus. Unde Petrus 2 *Epist.* I. v. 19. 20. *Habemus firmissimum illum sermonem Propheticum, cui recte facitis quod attenditis, velut lucernæ splendenti in obscuro loco, usque dum dies illucescat, & lucifer exoriatur in cordibus vestris. Si illud primum noveneritis, nullam prophetiam esse propria interpretationis.*

Quia Scriptura & rebus & modo dicendi obscura sit.

II. Quod & rebus, & dicendi modo obscurum est & difficile, id in se tale est. Scriptura Sacra & rebus, & dicendi modo obscura est & difficilis. Ergo. *Minor* probatur: de *Rebus*. I. quia habet ardua mysteria de Trinitate, Incarnatione τὸ Ἀβ-γ-γ, Prædestinatione, &c. II. quia magna ejus pars vaticinia de rebus futuris complectitur. De *Modo dicendi*. I. quia sunt in Scripturis plurima, quæ prima fronte videntur contraria, ut *Exod.* 20. v. 5. & *Ezech.* 18. v. 20. II. sunt verba & orationes ambiguarum, ut illud *Ioh.* 8. v. 25. III. sunt orationes imperfectæ, ut *Rom.* 5. v. 12. ubi in tota periodo non est verbum principale. IV. sunt orationes præposteræ, ut *Gen.* 10. v. 31. *cap.* 11. v. 1. V. sunt phrasæ propriæ Hebræorum in utroque Testamento passim. VI. sunt orationes figuratæ plurimæ &c. *Resp.* Admittitur fallacia à dicto secundum quid. Quod ubique & omnibus obscurum est & difficile, id simpliciter tale est; quod verò alicubi & in quibusdam tantum, id secundum illa difficile & obscurum mentò censetur. Priore sensu *Minor* falsa est. Posteriore non concluditur quæstio. *Probationes Minoris* vitiosæ sunt in utroque membro, ut quæ procedunt ex puris particularibus: Quædam mysteria & vaticinia obscura sunt. Ergo omnia in Scriptura obscura sunt. Item: Quædam dicendi formulæ obscuræ sunt. Ergo tota dictio Scripturæ obscura est. Sanè mysteria illa obscura sunt, si in se spectentur; ut quæ majestate suâ ac sublimitate capi non possunt, vel ab animali; sunt enim ei stultitia, 1 *Cor.* 2. v. 14. vel à spirituali; cernit enim hic in enigmate tantum & speculo 1 *Cor.* 13. v. 12. Si verò spectentur prout in verbo nobis revelata sunt; eatenus certè obscura non sunt, cum de iis perspicuè ad captum nostrum Deus loquatur; quemadmodum multi perspicuè de rebus aliquin obscurissimis disserere nōrunt. Ita obscuritas vaticiniorum pendet ex futuro illorum eventu, & defuit jam, quoad maximam illo-

illorum partem, ut quæ eventu ipso in N. Test. completa sunt. Reliqua de conversione Judæorum, Antichristo, fine seculi hujus, & conditione alterius, intelligimus quantum ad salutem satis est: plenius intellecturi, ubi ipsorum quoque complementum accesserit. De *Modis dicendi* distinctè respondemus I. *Antilogias* in Scriptura occurrere non veras, nam *Verbum Dei non est Etiam & Non*, 2 Cor. I. v. 19. sed apparentes. Talis est *Exod.* 20. & *Ezech.* 18. Nam illic agitur de filio nocente, hîc de innocente. II. *Orationes ambiguas* dici non Dei, sed nostri respectu, qui scopum & mentem ipsius non ubique assequimur. *Joh.* 8. v. 25. ambiguitas est ex traiectione verborum, & ellipsi. Integra sententia ita sonat: εἰμι ὁ, πρὸς λαλῶ ὑμῶν κατὰ τὴν ἀρχήν. Sum id, quod dico vobis à principio. III. *Orationes imperfectas* videri hyperbaticas aut ellipticas, sed non esse, ut *Rom.* 5. v. 12. & alibi. IV. *Hysteroses* in anticipationibus & recapitulationibus non minus in profanis, quàm Saceris historiis usitatas esse, nec præposterè fieri, ubi post factum narratur causâ, ut *Gen.* 10. & 11. capp. V. *Hebraismos* frequenti & attentâ lectione Scripturæ facilè observari. VI. *Tropos* adhiberi non ad obscurandas res divinas, sed ad eas tum significantius exprimendas, tum efficacius persuadendas.

Ex natura Prædicati:

Quod perspicuum est, commentariis multis haud eget. Scriptura Sacra eget multis commentariis; Nam alioqui non tot scriberent Lutherani. Ergo. *Resp.* Minor falsa est. Non eget commentariis illis Scriptura, sed cæcitas atque imbecillitas nostra. Sed tamen etiam absque commentariis Scripturam fructuosè legimus; eorumque multitudo sæpe obscurat magis Scripturam, quàm illustrat.

Quia eget
commentariis.

LOCUS TERTIUS

De

D E O.

*Tres omninò sunt de hoc loco controversiæ Samosatreniano-
rum longè gravissima.*

- I. An in una Essentia divina tres sint distinctæ personæ,
Pater, Filius, & Spiritus Sanctus?
- II. An Filius sit verus ac æternus Deus, Patri coëssen-
tialis & coæqualis?
- III. An Spiritus Sanctus sit verus ac æternus Deus,
coëssentialis & coæqualis Patri & Filio?

E X E G E S I S.

Anabaptistæ
Trinitatem
agnoscunt.



N hoc capite doctrinæ consensus nobis est cum *Ana-
baptistis, Pontificiis & Lutheranis*. Etsi enim illi de ter-
minis quibusdam Theologicis dubiè respondent, nec
vocabula *Personæ, Subsistentiæ, Trinitatis* faciliè usur-
pant; tamen nobiscum fatentur & docent Deum u-
num esse, & unum illum Deum esse Patrem, Filium & Spiritum
Sanctum, distinctos à se invicem, non divisos, ut videre est *Colloquii
Francothalensis Articulo II. & Emdani Articulo I.* Reliqui similiter
consentiunt, si absit calumnia, quam tamen *Lutherani* mirum quam
studiosè sectantur; nec ipsi modò, verum etiam *Pontificii*. Exem-
plo sit unus *Bellarminus*, qui *præfatione* illâ, quam *controversia de
Christo* præmisit, Doctores nostros tanquam *Arrianorum & Samo-
satenianorum* Patres traducit, & *lib. 2. de Christo cap. 19.* Calvinum
exagitat, quod Filium Dei *αὐτὸθεὸν* esse contra *Valentinum* Gen-
tilem asserat. Quæ calumnia cum ab aliis quoque repetatur,
sententia *Calvini* paucis declaranda & confirmanda est. Vox
αὐτὸθεός, quàm Patres Græci usurpant, accipi potest vel *pro-*
prie

Calumnia
Bellarmini
in Calvinum
refellitur.

Αὐτὸθεός
quid.

πρὶν ἢ γενέσθαι, ut notet Deum à seipso productum; vel *impropiè* κατ' ἀρσιν ἢ ἀναίρεσιν, ut sit esse à nullo productum, seu esse ἀναίρετον. Primo modo Filius αὐτοθεός non est, sicut nec Pater. Ratio; quia Deus non est causa sui ipsius. Secundo modo αὐτοθεός rectè dicitur, non quā Filius relatè, sed quā Deus absolutè, cuius Filius Dei rectè dicitur αὐτοθεός. proprium est à nullo esse. Rationes sunt. I. quia Filius Deus est per essentiam, à se ipsa existentem, omnisque principii expertem. Ergo αὐτοθεός est respectu essentiae. II. quia Filius ratione essentiae non distinguitur à Patre, ut quam cum ipso communem habet. Ergo ratione essentiae tam est αὐτοθεός, quàm ipse Pater. III. quia Essentia Dei est absolutè & simpliciter una. Ergo non est simul ἀναίρετον & ἄν; qualis erit omnino, si Deus Pater dicatur esse αὐτοθεός, Filius non dicatur. Atque hoc sensu Calvinus Filium αὐτοθεόν esse asseruit. Quod & verba ejus restantur lib. 1. Instit. cap. 13. Sect. 19. *Quum de Filio sine Patris respectu simpliciter loquimur, bene & proprie ipsum à se esse asserimus;* & Bellarminus ex scopo ipsius agnoscit, qui erat refellere Gentilem soli Patri αὐτοθεόν, veramque Deitatem deferentem. Sana igitur Calvini sententia est, sana etiam Phraseologia. Nam quam rectè ex Scripturâ affirmamus, Jehovah absolutè esse à nullo, esse primum & ultimum; tam rectè Deum Filium absolutè spectatum αὐτοθεόν esse pronunciamus. Quod verò Iohann. 5. vers. 26. legimus, *Patrem dedisse Filio habere vitam in semet ipso,* relativè de Filiatione ipsius accipiendum est. Quomodo etiam in Symbolo Niceno esse dicitur *Deus de Deo, & lumen de lumine,* ὡς ἐκ φωτός scilicet, non ὡς ἐκ φωτός, sicut nomen Dei jam illo, jam isto significato in Scripturâ usurpatur.

His præmissis explicationem Controversiarum hujus loci ordine aggredimur. Controversiæ de Deo.

PRIMA: *An in una essentia Divina tres sint distinctæ personæ; Pater, Filius, & Spiritus Sanctus?* Prima Samosatrenianorum Samosatreniani negant, Ostorodius cap. 4. Institutionum Religionis Christiana. Nos affirmamus.

Rationes Af-
firmantes Or-
thodoxæ.

Rationes Nostræ.

Ex natura Subjecti:

Quia in unâ
Essentiâ divi-
nâ est Pater
gignens, Fi-
lius genitus,
Spiritus S.
procedens.

I. In quâ essentiâ est Pater gignens, Filius genitus, & Spiritus Sanctus procedens; in ea sunt tres distinctæ personæ. In unâ essentiâ divinâ est Pater gignens, Filius genitus, & Spiritus Sanctus procedens. Ergo. Major certæ est & apertæ veritatis. Nam *Pater, Filius, & Spiritus Sanctus*, quum propriè accipiuntur, personas notant; Et *gignere, gigni, procedere*, qui actus sunt personales, essentiæ communicationem significantes, à personis proficiscuntur, & ad eas terminantur. Insuper genitum à gignente, procedens ab iis à quibus procedit, tam necessario distinguitur, quàm principiatum distinguitur à suo principio; id quod esse aliunde habet, ab eo à quo habet, cum idem à se ipso produci sit impossibile. Minor confirmatur auctoritate Scripturæ Sacræ; quæ cum Unum tantum Deum nobis proponat in Veteri, *Deut. 6. v. 4. cap. 32. v. 39. Esa. 44. vers. 1. & Novo Testamento, 1 Cor. 8. v. 6. Ephes. 4. v. 6. 1 Tim. 2. v. 5.* eum tamen esse testatur Patrem gignentem, Filium genitum, & Spiritum Sanctum procedentem. de *Patre gignente* testimonia sunt: *Psalm. 2. v. 7. Hebr. 1. v. 5. Filius meus es, ego hodie genuite. Ioh. 3. v. 26. Pater dedit Filio habere vitam in seipso. 2 Sam. 7. v. 14. Hebr. 1. v. 5. Ego ero ei Pater, & ipse erit mihi Filius. Matth. 3. v. 17. Cap. 17. vers. 5. Hic est Filius ille meus, dilectus ille, in quo acquiesco. De Filio genito* testimonia sunt: *Ioh. 1. v. 14. 18. Filius est unigenitus à Patre, in sinu Patris. Rom. 8. v. 32. Christus est proprius Dei filius. Heb. 1. v. 3. Filius est effulgentia gloria & character persona Patris. Coloss. 1. v. 15. Filius ille dilectus est primogenitus omnis Creaturæ: Cujus exortus est inde à principio, à diebus seculi Mich. 5. v. 2. Quem possidebat Iehova principio via sua ante opera sua, ante ullum tempus Prov. 8. v. 22. De Spiritu Sancto procedente à Patre & Filio* testimonia sunt: *Ioh. 15. v. 26. Quum venerit Advocatus ille, quem ego mittam vobis à Patre, Spiritus ille veritatis, qui à Patre procedit, ille testabitur de me. Matth. 10. v. 20. Spiritus Patris vestri est, qui loquitur in vobis. Rom. 8. v. 9. Qui Spiritum Christi non habet, non est ejus. Gal. 4. v. 6. Emisit Deus Spiritum Filii sui in corda vestra.*

Exc-

Excipiunt Samosatreniani.

Primò: Etiam alios dici filios Dei; Angelos, *Iob. 1. v. 6.* Magistratus, *Psal. 82. v. 6.* & omnes fideles, *1 Ioh. 3. v. 2. Ioh. 1. v. 12.* ut pote ex Deo genitos v. 13. nec tamen unius esse cum Deo Patre essentia. *Resp.* Nimirum, quia filii Dei dicuntur communi quadam ratione. *Angeli* propter creationem & familiarem cum Deo conversationem *Iob. 1. v. 6. & 2. v. 1. Matt. 18. v. 10.* Magistratus propter dignitatem officii, in quo Dei sunt administri *Rom. 13. v. 4.* Fideles, propter gratiam adoptionis, quâ facti sunt dilecti in dilecto illo, *Eph. 1. v. 5. 6.* & virtute Spiritus Dei regeniti *1 Pet. 1. v. 3. 23.* At *Christus* filius Dei appellatur singulari ratione, quod ex Deo, id est, Dei Patris essentia genitus, eoque ipsi æqualis est *Ioh. 5. v. 26. 19. & seq.* Probatur. I. Quia dicitur filius Dei Unigenitus, *Ioh. 1. v. 14.* Proprius, *Rom. 8. v. 32.* Æternus *Prov. 8. v. 22. Mich. 5. v. 2.* II. Quia *Heb. 1. v. 5.* negat Apostolus cuiquam angelorum nomen filii à Deo tributum; Ergo nec cuiquam hominum tributum, quos fecit Deus angelis suis inferiores. *Psal. 8. v. 6.* Christo igitur propter æternam à Patre generationem proprium est.

Secundò: Christum vocari filium Dei triplici de causa. I. Quia conceptus ex Spiritu Sancto *Luc. 1. v. 35.* II. Quia sanctificatus à Patre & in mundum missus *Ioh. 10. v. 36.* III. Quia à mortuis resuscitatus, *Act. 13. v. 33.* quemadmodum *Luc. 20. v. 36.* filii Dei dicuntur filii Resurrectionis. *Resp.* Est fallacia non causæ. Nulla harum vera causa est, cur Christus dicatur filius Dei. Ratio evidens est. Nam quod Christus ante sui conceptionem, missionem, & resuscitationem jam fuit, id per eas primum factus non est. Atqui ante sui conceptionem, missionem, & resuscitationem jam fuit filius Dei. Nam *emisit Deus Filium suum factum ex muliere Gal. 4. v. 4.* In principio erat Verbum, & erat Deus; post factum est caro, & viderunt discipuli gloriam ejus ut Unigeniti à Patre *Ioh. 1. v. 1. 14.* Ergo. Testimonia quæ ad probandos diversos filiationis modos afferuntur, nihil probant. *Luc. 1. v. 35.* dicitur is, qui ex virgine Mariâ, Spiritus Sancti virtute; nasciturus erat, *Filius Dei*; quia secundum promissionem Dei, *Esa. 7. v. 14. Matt. 1. v. 22. 23.* futurus erat Immanuel, *ἱεὺς & ὠν*, filius Dei & filius hominis in unâ personâ. *Ioh. 10. v. 36.* causam filiationis suæ Christus non exponit; sed quod

blasphemus non sit, Deum se vocando unum cum Patre, ostendit *argumento* à Minori ad majus: Magistratus civiles, absque blasphemia, Dii vocantur; Ergo multò magis Ego. *Antecedens* confirmat auctoritate Scripturæ *Psal.* 82. v. 6. *Consequentiam* comparatione imparium. Illi per sermonem, sive mandatum Dei facti sunt tantum Magistratus civiles; Ego verò Filius Dei unigenitus sanctificatus sum à Patre, & in mundum missus Mediator Dei & hominum, atque id operibus meis satis superque vobis testatum facio, *Act.* 13. v. 33. æternam Christi generationem comprobat. Apostolus testimonio irrefragabili resurrectionis, per quam declaratus est Christus Filius Dei *Rom.* 1. v. 3. Pater itaque resuscitando genuit Filium, id est, genuisse se declaravit; sicut phrasi Scripturæ nonnunquam tum res aliqua dicitur fieri, quando solet patet fieri, *Ioh.* 15. v. 8. *Rom.* 3. v. 26. & alibi. Eundem in modum *filii* beatæ resurrectionis vocantur *filii Dei* *Luc.* 20. v. 36. quia per resurrectionis gloriam perfecta ipsorum *ipsorum* manifestatur *Rom.* 8. v. 19. 23. 1 *Ioh.* 3. v. 2.

Psal. 2. v. 7. &
2 *Sam.* 7. v. 14.

Tertio. *Psal.* 2. v. 7. de Davide, 2. *Sam.* 7. v. 14. de Salomone sermonem esse. *Resp.* Atqui Apostolus utrumque dictum de Christo disertè exponit, *Heb.* 1. v. 5. agit ergo de illo; *Primo* quidem de solo Christo, *Posterius* de Christo & Salomone simul, pro natura propositionum, quæ *typica composita* appellantur; sed de illo principaliter, de isto minus principaliter.

Prov. 8. v. 22.

Quarto: *Prov.* 8. v. 22. per *Sapientiam* non intelligi filium Dei, sed virtutem illam quâ homines sapienter agunt; I. *Quia* per illam Reges regnant, & judices decernunt justitiam v. 15. 16. II. *Quia* sapientia hæc æterna est. At Christus est facta sapientia 1 *Cor.* 1. v. 30. *Resp.* Id per *sapientiam* intelligitur quod genitum est ante omne tempus *ex* v. 22. & *seqq.* Solus Filius genitus est ante omne tempus *Mich.* 5. v. 2. Ergo. Item: Id per sapientiam intelligitur, quod ante omnia opera fuit apud Deum; & per quod facta sunt, quæcunq; facta sunt, *ex* *isdem* *versibus* & *seq.* Filius fuit ante omnia opera apud Deum, *Ioh.* 1. v. 1. per eum facta sunt quæcunque facta sunt v. 3. *Coloß.* 1. v. 16. *Heb.* 1. v. 2. Ergo. Si verò intelligitur *Filius Dei*, jam non intelligitur *virtus aliqua*, quæ sit habitus sapietie. Nam *Filius* est sapientia increata, *virtus* illa sapientia creata; *Filius* sapientia personalis, *virtus* illa accidentalis; *Filius* sapietia per se subsistens, *virtus* illa habitus alteri inhærens. *Rationes* duæ se mutuo evertunt.

Etenim

Etenim si sapientia illa æterna est; jam per illam, ut habitum infusum, Reges non regnant & contra. *Ratio*; quia subjectum finitum non est capax adjuncti infiniti. Utraque verò Scripturam pervertit. *Prima* quoad sensum. Nam v. 15. 16. Salomon describit Sapientiam non ex se, verum ex effectis, quæ in Regibus, Principibus, judicibus cernuntur: Sicut enim quicquid in hominibus lucis est, manat à verâ illa luce, quæ illuminat omnem hominem venientem in mundum, *Ioh.* 1. v. 9 ita quicquid in Regibus, Principibus, judicibus est sapientiæ, & ab illis sapienter fit, id omne à personali hac sapientia proficiscitur. *Secunda* quoad sensum & verba: Etenim non ait Paulus Christum esse factam sapientiam, sed esse factum sapientiam; idque non absolutè, sed relatè, Nobis; tum *Objectivè*, quia in ipso absconditi sunt thesauri omnes sapientiæ, *Coloss.* 2. v. 3. tum *Effectivè*, quia per interiorum mentis illuminationem nos verè sapientes reddit *Matt.* 11. v. 27. *Ioh.* 1. v. 18.

Quinto. Spiritum Sanctum non personam, sed motum esse sanctum, aut qualitatem. *Resp.* Metonymicè ita accipi vocem verum est. At propriè personam notat. In quo significato non tantum à motibus & qualitativibus, ut auctor eorum, distinguitur *1 Cor.* 12. v. 8. & *seq.* sed etiam apparitiones, operationes, & alia personarum ἀποπελευμαται ei tribuuntur, de quibus infra.

Spir. S. non est
motus sanctus
aut qualitas.

Sexto. Procedere Spiritum Sanctum à Patre, ut accidens à suo subjecto; aut effectum à suâ causa. *Resp.* Si ut accidens procedit à subjecto, ut effectum à causâ; aut egreditur subjectum à quo procedit, aut non. Si *egreditur*, jam cum Patre & Filio non est unum essentia; jam non est intimus Deo; solus sciens, quæ sunt Dei. *Ratio*; quia essentia Dei est numero una, & Deus numero unus, secundum essentiam. Insuper datur migratio accidentis de subjecto in subjectum. Consequens est contra Scripturam, *1 Ioh.* 5. v. 7. *1 Cor.* 2. v. 10. 11. & rectam rationem. Ergo. Si *non egreditur*, jam ponitur in Deo accidens, & compositio ex subjecto & accidente; causa item & causatum; quorum *illud* est contra naturæ infinitæ simplicitatem, *istud* contra absolutam ejusdem unitatem.

Neque à Patre procedit
ut à subjecto
accidens, aut
à causa effectum.

I. In quâ essentiâ alius est Pater, alius Filius, alius Spiritus Sanctus, in eâ sunt tres distinctæ personæ. In una essentia divina alius est Pater, alius Filius, alius Spiritus Sanctus. Ergo. Major parte patet, quia vox *alius* notat diversitatem personæ, ut *aliud* essentia.

Quia in essentia
à divinâ alius
est Pater,
alius Filius,
alius Spir. S.

Minor traditur in Scriptura partim ἀνταρθεῖ partim ἑ συναρθεῖ-
 θησιν. *Primo modo*; quia Pater alius esse dicitur à Filio; *Iohan.* 5.
 v. 32. *alius est qui testatur de me*, scilicet Pater v. 30. 36. 37. Spi-
 ritus Sanctus item alius à Filio; *Ioh.* 14. v. 16. 17. *Ego rogabo*
Patrem, & alium advocatum dabit vobis, Spiritum illum veritatis. Se-
cundo modo. I. Filius est Patris *1 Cor.* 3. v. 23. Spiritus Sanctus
 Patris, *Matth.* 10. v. 20. & Filii, *Gal.* 4. v. 6. Ergo. Filius alius
 à Patre & Spiritus Sanctus alius à Patre & Filio. II. Filius est a-
 pud Patrem in sinu Patris, *Ioh.* 1. v. 1. 18. cum Patre, *Prov.* 8.
 v. 22. & seq. Pater in Filio & Filius in Patre, *Ioh.* 14. v. 10. 11.
 Spiritus Sanctus à Patre, *Ioh.* 15. v. 26. ex Deo, *1 Cor.* 2. v. 12.
 scilicet Patre & Filio. Ergo. III. Pater mittit Filium, *Gal.* 4. v.
 4. Filius mittit Spiritum Sanctum à Patre, *Ioh.* 15. v. 26. Er-
 go. IV. Omnia sunt à Patre per Filium, *1 Cor.* 8. v. 6. *Ioh.* 1. 3.
Cap. 5. v. 19. & per Spiritum Sanctum *Gen.* 1. v. 2. *1 Cor.* 12. v.
 13. *Eph.* 2. vers. 18. Ergo.

Excipiunt.

Hinc non minus Essentia, quàm personarum distinctionem
 inferri posse. *Resp.* Negatur. Qui enim respectu personarum ali-
 us atque aliùs, respectu Essentia unum idemque esse dicuntur. Pa-
 ter & Filius, *Ioh.* 10. v. 30. *Ego & Pater unum sumus.* Pater Filius &
 Spiritus Sanctus *1 Ioh.* 5. v. 7. *Tres sunt qui testificantur in celo, Pater,*
Sermo, & Spiritus Sanctus & hi tres unum sunt.

Ex naturâ Predicati:

Quia tres
 Personæ pro-
 ponuntur re
 numerata &
 numero nu-
 merante.

Trinitas re
 numerata
 confirmatur.
 Ex Vet. Test.

Quot personæ Deitatis in Scripturâ re numeratâ proponun-
 tur, & numero numerante exprimuntur; tot omnino sunt in unâ
 essentiâ divina. Atque tres personæ Deitatis in Scripturâ re nume-
 ratâ proponuntur, & numero numerante exprimuntur, quæ sunt
 Pater, Filius & Spiritus Sanctus. Ergo. *Minor* probatur de utro-
 que modo. De *Re numeratâ* distinctè ex Veteri & Novo Testa-
 mento. *Ex Veteri Testamento* probationes ducuntur obscuriores,
partim propter infantilem Ecclesiæ Israëlitiæ ætatem, *Gal.* 4. v. 1.
 cui revelatio contigit obscurior; *partim* quod plenior mysterii huius
 cognitio reservata fuit illi temporum plenitudini, in quâ Deus e-
 misit Filium suum factum ex muliere, v. 4. in quâ postremum nobis
 loquu-

loquutus est in Filio, *Heb. 1.v.1.* qui Filius Deum nunquam visum, tum in personâ sua, tum in operibus, tam clarè nobis revelavit, *Ioh. 1.v.18. Matt. 11.v.27.* ut qui ipsum videt, videat & Patrem, *Ioh. 14.v.9.* interim mysterium hoc ex Vet. Test. sufficièter probari potest, non modò si ejus cum N. Test. fiat collatio, (quod utut contra Judæos nihil, contra Samosatenianos tamen multum valet;) verum etiam si absolutè, & in se spectetur. Unde *Petrus Galatinus* in opere suo de arcanis Catholica veritatis lib. 2. cap. 1. Trinitatis doctrinam Judæis ante Christum natum cognitam fuisse, ex ipsorummet scriptis demonstrat. *Caterum ex T.V. tres Probationum classes constituimus.*

Prima est, ubi Deus in primâ personâ numeri pluralis de se loquens inducitur: *Gen. 1.v.26. Dixit Deus; Faciamus hominem ad imaginem nostrâ. Cap. 3.v.22. Dixit Iehova Deus, Ecce homo est sicut unus ex nobis.*

1. cum Deus de se loquitur in prima persona plurali.

Cap. 11.v.7. Venite, descendamus & confundamus sermonem eorum. Secunda est, ubi vel ipse Deus de Deo, tanquam de aliâ personâ, vel alii in Scripturâ de Deo, ut de diversis personis loquuntur. Primi generis sunt *Hos. 1.v.4.7. Edixit Iehova, servabo eos per Iehovam Deum ipsorum. Hagg. 2.v.5. Ait Iehova cum Verbo quo pepigeram vobiscum ex-*

2. cum Deus de Deo tanquam alio loquitur.

untibus vobis ex Aegypto, & Spiritu meo stante in vobis, ne timeatis. Zach. 3.v.2. Dicebat Iehova Satana, increpet Iehova te, ô Satana. Secundi generis sunt, Gen. 1.v.2. Spiritus Elohim (id est Patris Matth. 10.v.20. & Filii Gal. 4.v.6.) incubabat superfici ei aquarum. Cap. 19.v.24. Iehova demisit pluviam sulphuris & ignis à Iehova, id est, Filius à Patre, utpote cui dedit Pater omne iudicium, Ioh. 5.v.22. 2 Sam. 23.v.2. Spiritus Iehovæ loquutus est in me, & Sermo ejus per linguâ meam, quod de Spiritu Sancto accipit Petrus 2 Epist. 1.v.21. Psal. 33.v.6. Verbo Iehovæ facti sunt cæli, & Spiritu oris ejus totus exercitus eorum. Psal. 45.v.8. Vnxit te, ô Deus, Deus tuus oleo latitiæ supra consortes. Psal. 110.v.1. Dixit Iehova Domino meo, Sede ad dexteram meam. Esa. 63.v.9. 10. In omni angustia eorum &c. Ubi Pater dicitur Iehova per synecdochen, Filius angelus faciei Iehovæ, Exod. 23.v.20. Spiritus Sanctus Spiritus sanctitatis Iehovæ. Tertia est ubi de Deo loquentes numero ternario utuntur. Esa.

3. cum de Deo loquentes ternario numero utuntur.

6.v.3. Sanctus, Sanctus, Sanctus est Iehova exercituum, quod de Filio interpretatur Johannes cap. 12.v.41. de Spiritu Sancto Paulus, Act. 28.v.25. Sic Exod. 3.v.6. 15. Deus Abrahami, Deus Isaaci, Deus Iacobi &c.

Ex Nov Test. idem variis modis evinci potest. Sed sufficiunt testimonia illustriora *Matt. 3.v.16. 17.* ubi Filius baptizatur, Spiritus Sanctus apparet in forma columbæ, Pater cælitus clamat:

Hic

Hic est Filius ille meus; dilectus ille, in quo acquiesco. *Matt.* 28. v. 19. Baptizate in nomen Patris, Filii & Spiritus Sancti. *Ioh.* 14. v. 16. Ego rogabo Patrem, & alium advocatum dabit vobis, qui maneat vobiscum in aeternum. *Cap.* 15. v. 26. Quum venerit advocatus ille quem ego mittam vobis à Patre; Spiritus, inquam, ille veritatis, qui à Patre emanat, ille testabitur de me. *1 Cor.* 12. v. 3. Nullus per Spiritum Dei loquens, dicit Iesum Anathema; & nemo potest dicere Iesum Dominum, nisi per Spiritum Sanctum. Item v. 4. 5. 6. Distinctiones donorum sunt, sed idem Spiritus: & distinctiones ministeriorum sunt, sed idem Dominus: & distinctiones actionum, sed idem Deus. *2 Cor.* 13. v. 13. Gratia Domini Iesu Christi, & caritas Dei, & communicatio Spiritus Sancti sit cum omnibus vobis. *Gal.* 4. v. 6. Emisit Deus Spiritum Filii sui in corda vestra. *Eph.* 2. v. 11. per ipsum habemus aditum per unum Spiritum ad Patrem. Porro de Numero numerante testimonium est apertissimum Johannis Apostoli *1 Epist.* 3. v. 7. Tres sunt qui testificantur in caelo, Pater, Sermo, & Spiritus Sanctus, & hi tres Vnum sunt.

Trinitas numero numerante exprimitur.

Exceptiones Samofatenianorum.

Ad Testimonia Veter. Testam.

Prima classis.

Primò: Deum honoris causâ de se loqui numero plurali, per Enallagen; ut Laban, *Gen.* 29. v. 27. David, *1 Reg.* 1. v. 33. Daniel, *cap.* 2. v. 36. Christus, *Ioh.* 3. v. 11. & Reges principesque hodie omnes. *Resp.* Patitur quidem sermo Hebræus ut altera persona, sive secunda, sive tertia, honorificè numero plurali appelletur; at ut prima persona ita de se loquatur, id vero ab usu ejus prorsus est alienum, sicut observârunt cum alii, tū *Rab. Aben-Ezra* in *cap.* 29. *Gen. Exempla* quæ contra afferuntur ex Scripturâ impertinentia sunt; quia non de unâ, sed de duabus pluribusve personis agunt. Nam Laban de se, & amicis præsentibus; David de se, & Salomone quem Regem instituerat; Daniel de se tribusque sociis; Christus de se, Johanne Baptista & discipulis loquitur. Quæ verò ex Regum principumque consuetudine petuntur, illa præterquam quod novi exempli, & synecdochica sunt, repugnant consuetudini Scripturæ, in qua Reges etiam ambiciosissimi numero singulari de se solis loquentes introducuntur, ut in Pharaone, *Exod.* 5. & seq. Nebucadnetzare, *Dan.* 2. & 3. Balthasare, *Dan.* 5. & aliis omnibus videre est.

Prima Persona pluralis apud Hebræos non usurpatur de uno.

Secundò. Hinc etiam *πλὴν* Ethnicorum elici posse; vel certe

certè non magis elici Trinitatem, quàm multitudinem personarum divinarum. *Resp.* Negatur *sequela*. Quia enim plures illi unum sunt, ut docet singulare à Mose *Gen. 1. v. 27.* & Christo *Matth. 19. v. 4.* usurpatum, corrumpit *πλῆθὺς* Ethnicorum. Cum etiam numerus pluralis indefinitè propositus ad ternarium à Christo *Matth. 28. v. 19.* & Johanne 1 *Epist. 5. v. 7.* restringatur, cadit multitudo personarum.

Tertiò: *Gen. 1.* Apostrophen esse ad creaturas, cujusmodi & *Vindicatio*
Esa. 1. v. 2. occurrit; vel, tum isthic, tum *cap. 3.* & *II.* recitari com-
dictorum
pellationem angelorum, quibuscum etiam aliàs consultavit Deus *Gen. 1. v. 26.*
Iob. 1. & 2. 1 Reg. 22. Resp. *Apostrophe*, qualis est *Esa. 1.* hic locum
& *3. v. 22.*
non habet; sed Platonicas de creatione fabulas redolet. Nam aliud est
& *11. v. 7.*
testem aliquem appellare, aliud in creationis societatem vocare. Ne-
que etiam *compellatio Angelorum* ulli dictorum istorum convenit. *Non*
primo; quia quos compellat Deus, illi in opere creationis fuere so-
cii. Angeli non fuerunt socii. Ergo. *item*: Quos compellat Deus, ad
eorum imaginem homo creatus est. Ad angelorum imaginem non
est homo creatus. Ergo. *Non secundo*: quia Quos alloquitur Deus
sunt ei pares; ait enim, Homo factus est sicut unus ex nobis. Ange-
li non sunt ei pares: Ergo. *item*: Quos alloquitur Deus eorum
similitudinem homo ex promissione serpentis affectavit. Similitu-
dinem cum angelis non affectavit. Ergo. *Non tertio*: quia illos al-
loquitur Deus, quorum opus est confusio linguarum. Id autem
non est opus angelorum, sed solius Dei. Ergo. *Exempla* consultatio-
nis cum Angelis, quæ *Iob. 1. & 2. 1 Reg. 22.* narrantur *ἀνθρῶπινα*
θῶς, hic minimè quadrant. *Ratio* duplex est *Prima*; quia angeli ist-
hic expresse commemorantur nomine filiorum Dei, & exercitus
cæli; hic non commemorantur. *Secunda*: quia in consultationibus
illis Deus non conjungit secum angelos in primâ personâ plu-
rali, tanquam ejusdem operis socios, prout his locis facit.

Secunda classis.

Primò: *Gen. 1. v. 2.* per *Spiritum Dei* intelligendum esse, aut *Vindicatio*
ventum, aut quandam Dei vim & efficaciam; Personam verò Deita-
Loci Gen.
tis intelligi non posse I. quia Spiritus ille non dicitur Deus, sed Dei.
II. Quia opus incubationis est omnium personarum, juxta illud: *Opera*
ad extra sunt indivisa, non unius Sp. Sancti. *Resp.* Glossa utraque
textui repugnat. Illa de vento. I. Quia is nondum erat, nondum crea-

to aëre sine expanso v. 6. & seqq. II. Quia Spiritus ille incubando fovit aquas; Venti autem non foveant, sed dissipant & siccando consumunt aquas. Altera de vi & efficacia; quia I. Efficacia illa, quæ metaphoricè *incubatio* dicitur, distinguitur à Spiritu Dei, ut effectum à suâ causâ. Ergo non est ipse Spiritus Dei. II. Actiones sunt suppositorum. Incubatio est actio. Ergo est suppositi. Spiritus Dei igitur non vis aut efficacia, sed suppositum est divinum; materiam primam virtute suâ omnipotente fovens & conservans; sicut opus creationis, eidem Spiritui aliis locis apertissimè tribuitur *Psal.* 33.v.6. *Psal.* 104.v.30. *Iob.* 26.v.13. *Esa.* 40.v.12.13. Quod *Rationes* oppositas attinet: *Prima* planè inconsequens est; Dicitur Spiritus Dei. Ergo non est Deus. Imò quia dicitur Spiritus Dei, coessentialis Patri & Filio, est Deus; quemadmodum Christus Homo est, quia filius hominis vocatur. *Secunda*, fallaciam habet à dicto secundum quid. Opera ad Extra sunt indivisa sive communia: an omnimodè? haudquaquam, verùm ita, ut, ordo personarum, qui est in existendo, etiam servetur in agendo; cujus respectu fit, ut opus externum, tribus personis commune, uni earum singulariter tribuatur. Ita Incubatio non exclusivè, sed singulariter tribuitur Spiritui Dei, quia immediatè & per se, etsi à Patre & Filio, eam peregit.

Secundo: Unus tantùm Jehova est *Deut.* 6.v. 4. Dum igitur Jehova pluit à Jehova *Gen.* 19. v. 24. pluit à se ipso. *Resp.* Unus tantùm Jehova est, essentialiter acceptâ voce. At personaliter, per Synecdochén, nomen hoc de Patre, Filio, & Spiritu Sancto in Scripturâ sigillatim usurpatur. Pluit igitur Jehova à Jehova, id est, Filius à Patre; prout etiam repetito hoc ipso nomine distinguuntur *Hos.* 1.v.7. *Zach.* 3.v.2. I. *Quia* ille Jehova pluit, qui *cap.* 18. vers. 20. 21. consilium suum de delenda Sodoma Abrahæ revelavit. Is autem fuit Filius Dei. II. *Quia* Pater dedit Filio omne judicium *Ioh.* 5. vers. 22.

Tertiæ Classis.

Iteratio illa *Esa.* 6. v. 3. notat sanctitatis divinæ excellentiam, non personarum divinarum Trinitatem. *Resp.* Ita videri potest non rectè inspicienti textum; vel alia loca. *Textus* Trinitatem Personarum clarè satis insinuat vers. 3. & 8. ex quorum colla-

collatione tale nascitur argumentum : A quo missus est Esaïas : Ei acclamant angeli Sanctus, Sanctus, Sanctus. Atqui missus est à Patre, Filio & Spiritu Sancto. *Ratio* ; quia vers. 8. Pater dicit Filio, & Spiritui Sancto *quis iturus est nobis* ? Ergo. *Alia* verò loca, N. Test. inprimis, *Ioh.* 12. v. 41. & *Actor.* 28. v. 25. hæc de Filio & Spiritu Sancto exponunt. Dicta igitur sunt ad illos quoque.

Ad Testimonia in Nov. Testam.

Vindicantur
dicta N. Test
Matt. 28. v.

Matth. 28. v. 19. Nullo modo confirmari Trinitatem personarum divinarum. I. *Quia* etiam in Mosen baptizatum, *1 Cor.* 10. v. 2. qui tamen Deus non fuit. II. *Quia* in aliquem baptizari, est ipsum agnoscere doctorem *1 Cor.* 1. vers. 12. III. *Quia* alioquin non recte baptizaretur in nomen Jesu, qui non est Pater, Filius, & Spiritus Sanctus, quod tamen ab Apostolis affectum legimus *Actor.* 2. vers. 38. & alibi. *Resp.* Trinitas personarum divinarum ex institutione *Baptismi* multis modis confirmari potest. I. Ad cujus obedientiam & cultum obligamur, is est verus Deus *Matth.* 4. v. 10. Atqui in cujus nomen baptizamur, ad ejus obedientiam & cultum obligamur *1 Cor.* 1. v. 13. Ergo. II. In quem credimus & baptizamur, is est verus Deus, argumento loci, *Ephes.* 4. v. 4. 5. Atqui credimus & baptizamur in nomen Patris, & Filii, & Spiritus Sancti. Ergo. III. Qui instituit Baptismum, ac signatum ejus nobis confert ; est verus Deus. Pater, Filius, & Spiritus Sanctus instituerunt Baptismum, ac signatum ejus nobis conferunt. *Ratio* ; quia in illorum nomine administratur. Ergo. IV. Qui in eodem auctoritatis & honoris gradu cum Deo Patre locantur, sunt verus cum ipso Deus. Atqui Filius & Spiritus Sanctus in eodem auctoritatis & honoris gradu locantur. Ergo. Jam *Rationes* oppositas examinemus. *Prima* peccat fallacia pharæcos. In Mosen baptizari idiotismo Hebræorum est per Mosen baptizari, Mose duce atque administro ; & *Baptizari* non est in aquam mergi, vel eâ tingi, sed sub nube esse, & per mare transire *ex* vers. 1. Quæ profectio sub nube, & per mare *baptismus* vocatur metonymicè, quia baptismi nostri typus fuit, hîc autem utriusque anti-typus *1 Petr.* 3. v. 91. *Secunda* peccat eâdem fallaciâ. Nam *Baptizari in alicujus nomen* propriè est baptizari in alicujus cultum, ut

Baptismus
probat Tri-
nitatem.

In Mosen
Baptizari
quid.

Baptizari in
alicujus no-
men quid.

Baptizari in
nomen Je-
su syneco-
dochicè dici-
tur.

ei fide ac obedientiâ adhæreamus; sicut patet ex sententia Apostoli *1 Cor. 1. v. 13.* Interim non diffitemur cultus hujusce partem esse, agnoscere Patrem, Filium, & Spiritum Sanctum Doctorem veritatis, à cujus ore pendere debeamus; sed Doctorem non inferiorem, verum summum illum, de quo Christus, *Unus est Doctor vester Matth. 23. v. 10.* Locus *1 Cor. 1. v. 12.* testatur Corinthios denominasse se à suis doctoribus, non autem causam hanc reddit, quod in nomen ipsorum baptizati fuerint. Tertia inconsequens est; quia in nomen Patris, Filii & Spiritus Sancti baptizari dicimur propriè, in nomen Jesu synecdochicè; cujus solius mentio fit *Actor. 2. v. 38.* & alibi, non ut Pater & Spiritus Sanctus excludantur; (quomodo alioquin satisfecissent Apostoli mandato Christi *Matth. 28. v. 19?*) sed quia beneficia, quæ per Baptismum obsignantur, Remissio peccatorum, & Donum Spiritus Sancti, à merito Jesu Christi immediatè dependent.

1 Cor. 12. v. 4. 5. 6.

1 Cor. 12. v. 4. 5. 6. Nominari quidem Spiritum, Dominum, & Deum, at non dici esse unum Deum. Subordinari ergo Spiritum, & Dominum Deo, ut causæ inferiores superiori, minus principales principali subordinari solent. *Resp.* Non dicitur id *ὁ θεὸς ὁ κύριος*, sed per consequentiam. Nam *ἀποπέσματα* divina præsupponunt supposita divina. Distinctiones donorum, & distinctiones ministeriorum in Ecclesia per effectiorem eorundem, sunt *ἀποπέσματα* divina. I. Quia hoc loco in eodem gradu ponuntur, cum distinctione operationum, quæ dicitur esse *ἀποπέσμα* Dei scil. Patris v. 6. II. Quia passim in utriusque Testamenti Scripturâ ad Deum tanquam unicum auctorem referuntur. Ergo. Subordinationis autem speciem, quam fingunt Hæretici, tollit non modò ordo æqualium effectorum v. 4. 5. 6. propositus, sed etiam sententia, v. 11. antecedenti, v. 6. respondens: *Omnia hæc agit Unus ille & idem Spiritus, distribuens privatim illa singulis sicut vult &c.*

1 Joh. 5. v. 7.

1 Joh. 5. v. 7. Primò non exstare versum illum in editione Syra, neque etiam in multis exemplaribus Græcis. Secundò Unitatem essentiae in Patre, Sermone, & Spiritu Sancto, non magis inde probari posse, quàm probari potest esse eam in Spiritu, aquâ, & sanguine v. 8. *Resp.* Primò, Editio Syra authentica non est: Græca exemplaria etsi non omnia habeant hunc locum,

Defectus
hujus versus
in quibus-
dem codd.
unde.

locum, plurima tamen habent eaque antiquissima. *Cyprianus* adducit eum in tractatu de unitate Ecclesie, *Athanasius* in disputatione illa quam cum Arrio Niceæ instituit, adversario nihil quicquam contra excipiente. Postea, & ut verisimile est sub Constantio & Valente Imp. in multis codicibus ab Arrianis deletus fuit, quod nimis manifestum esset Trinitatis testimonium, ut docet *Hieronymus*. Quin etiam particula copulativa καὶ testiumque cœlestium & terrestrium pari numero oppositio, eum planè genuinum esse ostendunt. Quibus consonat ipsius Christi auctoritas *Iohann.* 8. v. 17. 18. In Lege vestrà scriptum est duorum hominum testimonium firmum esse; Ego is sum qui testor de me ipso, & testatur de me, qui misit me Pater. Hic duos testes cœlestes nobis proponit. Deinde *cap.* 15. v. 26. tertium addit; Spiritus ille Veritatis testabitur de me. Secundo admittitur Elenchus parium. Nam *vers.* 7. dicitur οἱ τεῖς ἐν εἰσι: *vers.* 8. autem οἱ τεῖς εἰς τὸ ἐν εἰσιν; de trium testimonium essentialis ἐμοβελή. quæ loquendi formulæ dispares sunt, posterior tantum sententia sive finis non etiam essentialis, prior & essentialis & sententia unitatem designans. Illud per se liquet. Hoc confirmatur, non modo verbis textus v. 7. Tres testificantur, & hi tres Unum sunt; verum etiam unitate consensus & voluntatis, quam ipsi adversarii hoc loco agnoscunt. I. Quibus est ἐμοβελή essentialis, necessaria, perpetua, iisdem est ὁμοσσία; atque ita essentialis & sententia Unitas. Patri, Filio & Spiritui Sancto est ἐμοβελή essentialis, necessaria, perpetua. Ergo. Major in confessio est. Nam ὁμοσσία fundamentum est τῆς ἐμοβελῆς, quæ essentialis, necessaria, perpetua dici meretur. Minor probatur: Quorum testimonia sunt pariter & per se divina, inter eos est ἐμοβελή essentialis, necessaria, perpetua. Ratio; quia Dei secum consensus talis est. Patris Filii & Spiritus Sancti testimonia pariter sunt & per se divina. Ergo. Minorem sic ostendo: Qui in eodem ordine ac gradu testium collocantur, eorum unius quum per se divinum est testimonium, cæterorum sunt pariter divina. Atqui Pater, Filius & Spiritus Sanctus in eodem ordine ac gradu testium collocantur: Pater partim ex *vers.* 7. ubi hi tres esse dicuntur testes cœlestes, partim ex *vers.* 8. per antithesin: Spiritus, aqua, & sanguis; sive Verbum & Sacramenta Baptismi & Cœnæ; sunt ejusdem ordinis gradusque testes terrestres. Ergo Pater, Filius & Spiritus Sanctus, sunt ejusdem ordinis gradusque testes cœlestes.

Earundem-
que Unitas
potentia ef-
fentialis.

partim etiam ex aliis locis, ubi tres illi tanquam ejusdem aucto-
ritatis testes conjunguntur *Matth.* 3. v. 16. 17. *Iohan.* 8. v. 17. 18.
& 15. v. 26. Ergo. Jam verò Patris testimonium per se divinum
est humano omni majus; ut affirmatur v. 9. Ergo Filii & Sp. S.
testimonia sunt pariter divina. II. Potentiæ & voluntatis divinæ
ad essentiam divinam par ratio est. Atqui potentiæ divinæ ad ef-
fentiam ea ratio est, ut qui unum est cum Deo potentiâ, unum quo-
que sit essentia. Ergo etiam qui unum est cum ipso voluntate, unum
quoque sit essentia; & per consequens cum Filius & Spiritus Sanctus
Unum sint cum Patre voluntate, unum quoque sunt essentiâ. Ma-
jor certa est, quia neutra differt in Deo ab essentia ejus. Minorem
probo Christi testimonio *Iohann.* 10. v. 30. *Ego & Pater Unum su-
mus*; quod de Unitate tum potentiæ, tum essentiæ accipien-
dum esse, textus clarè docet. De illâ quidem; Nam ita colli-
git Christus. Nemo rapiet oves meas è manu vel meâ, vel Pa-
tris; quia Pater major est omnibus vers. 29. Ego autem & Pater
Unum sumus vers. 30. Ergo & Ego sum major omnibus. De istâ
verò I. *Quia* Judæi propterea Christum lapidare voluerunt,
quasi blasphemum; dicentes: *Tu homo cum sis, facis te ipsum Deum*
vers. 31. 33. II. *Quia* Christus dictum illud suum, quod sit Deus
& Dei Filius, auctoritate Scripturæ & operum suorum defendit
v. 34. & seqq.

Negantes
Heterodoxæ.

Rationes Samosatzenianorum.

Ex natura Subjecti:

Quia in una
essentia non
sit Pater in-
genitus &
gignens Fi-
lius genitus,
& Spiritus
S. proce-
dens

Ingenitum
& genitum
quomodo
differant.

I. In quâ essentiâ non est Pater Ingenitus & Gignens, Fi-
lius Genitus, & Spiritus Sanctus Procedens; in eâ non sunt tres
Personæ talibus notionibus distinctæ. In Unâ essentiâ Divinâ
non est Pater Ingenitus & Gignens, Filius Genitus & Sp. S. proce-
dens. Ergo. Minor probatur dupliciter, in genere de universis,
& in specie de singulis. In genere. I. Qui non sunt unus Deus,
non sunt in unâ essentiâ Divinâ. Pater Ingenitus, Filius Geni-
tus, &c. non sunt unus Deus. Ratio; quia ingenitum & geni-
tum plus quàm genere differunt. Ergo. Resp. Falsa est Minor &
probatio ejus, quia corruptibile & incorruptibile plusquàm ge-
nere differre dicuntur. Ingenitum verò & Genitum in divinis, ubi
generatio fit sine motu & mutatione, *Iac.* 1. v. 17. modo tantum
diffe-

differunt. In creaturis autem intelligentibus differunt aut specie, ut Angeli & Homines: aut individuo sive natura individuali, ut Protoplasti, qui non geniti sed creati fuerunt & liberi ipsorum qui geniti. II. In Deo nihil est nisi Essentia & relatio. At Essentia nec gignit nec gignitur nec procedit, ut est in confesso; Nec Relatio, quia est accidens. Ergo. *Resp.* Est insufficiens partium enumeratio in *Majore*. Præter Essentiam & Relationem seorsim sumpta, est Persona ex utraque constans, non tanquam ex partibus componentibus, sed tanquam ex re & modo ejus. Ea aut gignit, aut gignitur, aut procedit. Essentia generando vel spirando communicatur. Relatio gignens à genito & procedente distinguit. Deinde falsum, relationem esse accidens in Deo. Est notio substantialis, Essentiam modificans. III. Independens & Dependens non sunt in unâ numero essentiâ. Pater est independens, quia inginitus; Filius & Spiritus Sanctus dependentes, quia ille genitus à Patre, iste procedit à Patre & Filio. Ergo. *Resp.* Vel *Major* negari potest de personis distinctis intellecta: vel *Minor*; quia dependentia in Esse propriè dicitur de creaturis, quarum finita est essentia. IV. Quæ unum sunt in Deo personas distinctas non constituunt. Intellectus & Voluntas, intellectio & volitio, Sapientia & Amor unum sunt in Deo. Ergo. *Resp.* Unum sunt illa omnia *absolute*, & in communitate essentiæ spectata. *Relatè* autem in proprietate Personæ considerata, distinctos subsistendi modos faciunt; sicut sapientia, amor, virtus, & quæ alia hujus generis, jam *absolute* & essentialiter, modò *relatè* & personaliter in Sacris usurpantur. Præterea etsi modum generationis & processionis ita declarent multi, atque ex naturâ Intellectus & Voluntatis creatæ mysterium Trinitatis edisserant; tutius tamen est hîc se continere intra metas verbi revelati, neque supra id quod scriptum est sapere. *In specie*. De PATRE. I. Spiritui non convenit gignere. Deus Pater est Spiritus. Ergo. *Resp.* Limitando *Majorem*. Non convenit gignere modo Physico; est enim altioris ordinis: at convenit modo vel Metaphysico, si Spiritus sit creatus; vel Hyperphysico, si increatus. *Physicè* homo gignit hominem, substantia substantiam, à se Efficienter, ex se Materialiter, extra se terminativè. *Metaphysicè* mens gignit rationem, substantia accidens, à se efficienter;

Gignere quomodo Spiritui conveniat.

ter, & in se subjectivè. *Hyperphysicè* in divinis Pater gignit Filium, persona personam à se, quia Filius est à Patre, *Iohann.* 1. vers. 14. & in se, quia est in Patre, *cap.* 14. vers. 10. 11. propter communem essentiam; sed neque efficientur propriè, quia Pater non est causa Efficiens Filii; neque subjectivè, quia ei non substat vel ut substantia accidenti, vel ut *ὑποστάσις τῷ ἐκνοούμῳ*. Hoc posteriori modo, qui Spiritui Increato generationem personaliter convenire negant, Scripturam negant, testificantem de Patre, quod genuerit Filium, *Psal.* 2. v. 7. *Hebr.* 1. v. 5. de Filio, quod sit Unigenitus à Patre *Iohann.* 1. vers. 14. & 3. v. 16. II. Pater neque volens neque nolens gignit. Ergo planè non

Pater gignit
naturā Fi-
lium.

Generatio
æterna est
& perfectis-
sima.

gignit. *Resp.* Est insufficiens enumeratio. Pater gignit non voluntate, sed naturā; non illius decreto, sed huius proprietate. Potest tamen dici volens gignere aut genuisse, quatenus ut gigneret coactus non fuit. III. Pater aut semper gignit, aut aliquando desinit gignere: Si semper gignit, Filius semper est suppositum imperfectum; si desinit gignere, mutatio est in Deo à gignente ad non gignentem. *Resp.* Pater gignit Filium naturæ suæ convenienter. Natura autem ejus æterna est. Ergo & modo æterno ipsum gignit. Æternum verò temporum differentiis, quas utrumque dilemmatis membrum includit, non subjacet. Præterea negatur *consequentia* membri prioris. Nam Actus generationis semper est perfectissimus, omnis motus, mutationis atque ita successionis expers. Ergo & terminus ejus semper est perfectissimus. Filius verò est terminus generationis Patris, quia ea ad hypostasim ipsius terminatur. Ergo Filius semper est suppositum perfectum. IV. Gignens gignit alium sibi similem. Deus Pater non gignit alium Deum similem; quia Deus unus est. Ergo. *Resp.* ad *Minorem*. Deus Pater gignit Deum Filium, non alium Deum absolute, sed aliam in Deitate Personam, quæ similis est Patri, quia character est *τῆς ὑποστάσεως αὐτοῦ* *Hebr.* 1. vers. 3. De FILIO. I. Genitum simile est gignenti. Filius non est similis gignenti. Ergo. *Minor* probatur. *primo*: Qui ipse non gignit, gignenti similis non est. Filius ipse non gignit. Ergo. *Resp.* *Minor* universaliter falsa est & contra Scripturam, quæ utrumque docet, non gignere Filium, & tamen ipsum gignenti similem esse. Limitanda igitur: Qui ipse non gignit gignenti similis non est, scil. in relatione generationis. At similis est in natura,

Filius Patri
similis est,
etiam si non
gignat.

turâ, per generationem communicatâ, & proprietatibus ejus. Ita Filius non est similis Patri in relatione gignentis; nam per eam Pater à Filio distinguitur, est alius à Filio: sed in essentia & proprietatibus essentialibus ipsi à Patre per generationem communicatis, quibus ut imago lucidissima, *Col. I. v. 15.* adeò eum refert, ut qui ipsum videt, videat & Patrem *Iohann. 14. vers. 9.* Secundo: Λόγος sive Verbum simile est non intelligenti, sed objecto. Filius est Λόγος *Iohann. 1. v. 1.* Ergo. *Resp. Major* non est universalis. Nam quum intelligens seipsum contemplatur, ut contemplationis sui objectum fit, ita Verbum ipsi est simile. *Adhuc* alia ratio est Verbi sive interni sive externi accidentalisis, alia personalis. Illud præter intelligentem innumera alia objecta habet quæ repræsentat. Hoc nec repræsentat, nec habet quem repræsentet alium, quàm Patrem, *Ioh. 14. v. 9. & seqq. Coloss. 1. v. 15. Hebr. 1. v. 3.* utpote ad quem solum relationem originis obtinet. II. Quod gignitur, à non esse ad esse producit. Filius æternus non producit. Ergo. *Resp. Major* vera est de Physicâ generatione, quæ est motus à non esse ad esse; De Hyperphysicâ Divinâ falsa; quia hæc non productione à non esse ad esse, sed essentiæ divinæ, quæ actus est simplicissimus, communicatione; non motu qui fit in tempore, sed æternitate in Scripturis definitur. III. Si Filius genitus est à Patre, vel actu præfuit in ipso, vel potentiâ. Si actu, Ergo fuit antequam gigneretur. Si potentiâ, Ergo in Deo est potentia passiva. *Resp.* Non præfuit in Patre vel actu vel potentia; quia ab æterno simul fuit cum Patre, ut æternus æterni Patris Filius. Relata, quâ talia simul sunt, non priora vel posteriora. Pater & Filius sunt relata; Deus Pater & Deus Filius relata æterna. Ergo. Fundamentum quidem relationis hujus concipitur ut prius, ut præexistens; at id fit modo intelligendi nostro, qui objectum infinitum non nisi finitis & divisis conceptibus percipimus. De SPIRITU SANCTO sic: Spiritus Sanctus aut procedit similis Deo Patri, aut dissimilis. Si similis, est Filius Patris, atque ita Λόγος non est Filius unigenitus. Si dissimilis, non est Deus. *Resp. I.* Spiritus S. quatenus Patri similis fit, & quatenus dissimilis. Procedit similis & dissimilis. Similis, quoad essentiam quam ineffabili processione accipit à Patre, *Iohan. 15. v. 26.* sed non à Patre tantum, verum etiam à Filio, *1 Cor. 2. v. 12. Rom. 8. v. 9.* cui perinde similis est. Dissimilis, quoad relationem originis,

quâ ab utroque distinguitur. II. Negatur *sequela* utriusque membri. *Primi*; quia similis dicitur Patri, non quatenus Pater est. Nam relationem Paternitatis habet ad solum Filium, qui Unigenitus est; sed quatenus spirans est cum Filio, atque ita relationem Spirantis habet. At quâ tamen non denominatur, ne multiplicatio personarum divinarum induci videatur. *Secundi*; quia dissimilitudo relationis dissimilitudinem essentiae haudquaquam infert.

Quia in unâ
essentiâ divi-
nâ solus Pa-
ter fit Deus.

I. I. In quâ essentiâ Solus Pater est Deus, in eâ non sunt tres distinctæ personæ. In unâ essentiâ divinâ solus Pater est Deus. Ergo. *Minor* confirmatur cum aliis tum his Scripturæ testimoniis. *Ioh. 17. v. 3. Hac est vita aterna, ut te, Patrem, cognoscant illum solum verum Deum, & quem misisti Iesum Christum*; ubi particula exclusiva evidenter cohæret cum subjecto *Te*. *1 Corinth. 8. v. 5. 6. Nam etiam si sint, qui dicantur Dii, & in cælo & in terrâ; sicut sunt dii multi & domini multi; Nobis tamen unus est Deus, Pater ille, à quo omnia & nos in ipso; & unus Dominus, Iesus Christus, per quem omnia & nos per ipsum.* Hic Deus & Dominus distinguuntur, & opponitur Deo Christus, non ut Deus falsus, sed ut Deus factus. *1 Tim. 2. v. 5. Unus est Deus, unus mediator Dei & hominum, Homo Iesus Christus.* Hinc concludunt. I. Mediator distinguitur ab uno Deo. Ergo Deus non est. II. Mediator est Dei sive apud Deum. Ergo non est ipse Deus, quia alioquin mediator esset sui ipsius. III. Homo non est Deus. Mediator est homo. Ergo. *Resp. Ad Majorem*: In quâ essentiâ Pater solus est Deus, sc. oppositè ad Filium & Spiritum Sanctum, & non ad creaturas, numinave fictitia tantum; in eâ non sunt tres distinctæ personæ. Hoc sensu, qui Samosatēnianorum est, *Minorem* falsam esse, nec testimoniis subjectis confirmari, contendimus. *Iohann. 17. v. 3. particula exclusiva, solum, non cohæret cum subjecto Te, sed cum prædicato Verum Deum*; opponiturque non Filio, aut Spiritui Sancto; sed creaturis, ac fictitiis numinibus. *Prius ostendit structura Grammatica, ut cognoscant Te, illum solum verum Deum, non autem ut cognoscant solum te, illum verum Deum, prout dicendum fuisset, si exclusiva cum Pronomine Te cohæreret; ostendit structura Logica.* Nam de Patre conjunctim prædicatur, quod sit ille solus verus Deus, id est, ille Deus, præter quem non est alius verus Deus. Et ad quam partem propositionis pertinet vox

Vindicatio di-
storum.
Ioh. 17. v. 3.

verum,

verum, ad eandem etiam altera *solum*. At illa dubio procul pertinet ad prædicatum; Non enim sensus est, Verus Pater est Deus, sed Pater est verus Deus. Ergo. *Ostendit* denique locorum aliorum collatio: 1 Cor. 9. v. 6. *An solus ego & Barnabas non habemus facultatem non operandi?* hîc *solus* non excludit Barnabam, sed includit. 1. Cor. 8. v. 6. *Vnus Dominus Iesus Christus*; & tamen Pater frequentissimè *Dominus* appellatur. *Matth.* 23. v. 10. *Vnus Doctor vester est, Christus*; cum tamen etiam Spiritus Sanctus *Doctor veritatis* vocetur *Ioh.* 14. v. 26. & 16. v. 13. *Posterius* hoc argumento evincitur: Illos particula *solum* excludit à verâ Deitate, quibus opponitur. At opponitur idolis 1 *Thess.* 1. v. 9. *Annunciant, quomodo converteritis vos ad Deum relictis idolis, ut serviretis Deo vivo & vero*; opponitur Diis fictis *Ier.* 10. v. 11. & 10. *Dii isti qui cælum & terram non fecerunt, perituri sunt è terra. At Iehova Deus verus est, Deus vivens, & Rex sempiternus.* Filio verò nullo modo opponitur. I. *Quia* est verus ille Deus 1 *Iohann.* 5. v. 20. II. *Quia* conjungitur cum vero Deo, v. 3. tanquam gloriâ æternâ præditus v. 5. III. *Quia* non minus in ipsius, quàm in Patris cognitione consistit vita æterna, & ab eâ proficiscitur v. 3. IV. *Quia* in ejus cognitione gloriari licet, *Phil.* 3. v. 3. 1 *Cor.* 1. & 2. cap. cum tamen in solius Jehovæ cognitione gloriandum sit *Ierem.* 9. v. 24. Ergo Filium non excludit. De Spiritu Sancto eadem ratio est. 1 *Cor.* 8. v. 5. 6. *Vnus Deus dicitur Pater*, non 1 *Cor.* 8. v. 5. 6. relatè ad Filium, aut Spiritum Sanctum, sed ad idola. Probatur I. ex antithesi duplici, una v. 4. *Idolum nihil est in mundo, & nullus est Deus alius nisi unus*; altera v. 5. 6. *Etiam si sint qui dicantur Dii in cælo & in terrâ, Nobis tamen Vnus est Deus.* Illi igitur excluduntur, qui uni vero Deo opponuntur. Idola opponuntur. Ergo. II. Qui æquivocè, opinione hominum Deus est, opponitur uni Deo v. 5. 6. sive, ut alibi loquitur Apostolus, qui naturâ non sunt Dii, opponuntur uni Deo *Gal.* 4. v. 8. Filius non est Deus æquivocè opinione hominum; quia est verus ille Deus, 1 *Ioh.* 5. v. 20. non est ex numero eorum, qui natura non sunt Dii; quia unum est cum Patre. *Ioh.* 10. v. 30. Patri æqualis cap. 4. v. 19. & seqq. Ergo. III. *Vnus Dominus* non excludit à dominio Patrem, qui *Dominus Dominorum* vocatur 1 *Timoth.* 6. v. 15. Ergo. nec Unus Deus Pater à Deitate excludit Filium, qui dicitur verus ille Deus. *Ratio* consequentiæ est in paritate geminâ. Nam

vox *Vnus* tam est exclusiva in posteriori sententiâ, quàm in prior-
 re; & unus Dominus æquè opponitur multis Dominis, verſ. 5.
 quàm unus Deus multis Diis, *ibidem*. Distinguuntur quidem
 inter ſe *Vnus Deus Pater ille*, & *Vnus Dominus Ieſus Chriſtus*, at non
essentialiter, quâ Unus Deus, Unus Dominus, ſed *personaliter*,
 quâ Pater, quâ Ieſus Chriſtus Filius Patris: Nam Pater & Filius
 duæ ſunt diſtinctæ perſonæ. Essentialiter verò diſtinguuntur U-
 nus Deus & multi Dii, Unus Dominus & multi Domini; quia
 illi eſſentia eſt verè divina, iſtis eſt eſſentia divina putativa ſive
 imaginaria, id eſt, nulla v. 4. Quod *ajunt* Chriſtum oppo-
 neri Deo non ut falſum, ſed ut factum, inſuſum eſt. Etenim
 factum non opponitur verò, ſed non facto. Imò omne factum
 eſt verum, quia omne ens eſt verum. Filium autem non eſſe Deum
 factum patet; quia omnia per ipſum facta ſunt (puta viſibilia &
 inviſibilia, *Col. 1. v. 16.*) & abſque eo factum eſt nihil quod factum
 eſt *Ioh. 1. v. 3.* Aut ergo à ſe ipſo factus eſt aut non. Si *factus* à ſeipſo,
 eſt cauſa ſui ipſius. At nihil eſt cauſa ſui ipſius; quia nihil eſt ſeipſo
 prius & poſterius. Si *non factus*; falſa eſt utraque Univerſalis Apo-
 ſtoli: Affirmativa, *Omnia per ipſum facta ſunt*. Negativa, *Abſque eo*
factum nihil, quod factum ſit. Adhæc: Quicquid factum, in tem-
 pore factum; quia in principio creavit Deus cælum & terram
Genef. 1. v. 1. Filius non eſt factus in tempore; quia in princi-
 pio jam erat *Iohann. 1. v. 2.* Jehova poſſidebat ipſum principio
 viæ ſuæ, ante opera ſua, ante ullum tempus *Prov. 8. v. 22.* Ergo,
 2 *Tim. 2. v. 5.* Ad locum 1 *Tim. 2. v. 5.* Reſp. Ad Primum arg. Unus mediator di-
 ſtinguitur ab uno Deo, non naturâ divinâ, ſed officio. Nam qui
 exiſtebat in formâ Dei, æqualis Deo, acceptâ formâ ſervi ſulce-
 pit ac geſſit officium mediatorium in utrâque formâ *Phil. 2. v. 6. 7.*
 Sic diſtinguitur à verò Deo, ut tamen ipſe ſit & appelletur Deus
Act. 20. v. 21. & verus Deus 1 *Iohann. 5. v. 20.* Ad Secundum:
 Valet conſequentia de Mediatore, qui internuncius tantum ſit,
 & famulus in domo Dei, ut Moſes *Galat. 3. v. 19.* *Hebr. 3. v. 5.*
 De Chriſto, qui redemit Eccleſiam proprio ſanguine, 1 *Petr. 1.*
v. 19. ac ut filius domui præeſt, *Hebr. 3. v. 6.* negatur. Nam
 quia eſt Mediator redimens, rectè colligimus eſſe Deum, cum
 αὐτὸν non potuerit eſſe dignum & ſufficiens, niſi Dei, *Act. 20.*
v. 28. Filii Dei 1 *Ioh. 1. v. 7.* Ratio ab abſurdo abſurditatis ni-
 hil habet. Eſt Mediator ſui ipſius, non quaſi vel ut tertia aliqua
 perſona

persona interveniat inter se & homines, ita enim Mediator est Dei Patris, Spiritus Sancti & hominum, à quibus distincta est persona; sed quia actum mediationis, à quo mediator vocatur, id est, reconciliationem hominum offendentium cum Deo offenso peragit, non modò apud Patrem & Spiritum Sanctum, reconcilians eos Patri & Spiritui Sancto, sed etiam apud seipsum, reconcilians eos sibi. Quod ipsum declarat parabola illa, quæ est, *Matth. 21. v. 33.* & nobis quoque faciendum docet, sive offensi simus, *Cap. 18. v. 15.* sive offendentes, *Cap. 5. v. 23. & seqq.* Ad Tertium: Homo non est Deus, Physicè; quia disparata sunt plus quàm genere differentia: hyperphysicè Homo Jesus Christus est Deus. Ratio est, quia per gratiam Unionis Filius Mariæ est Filius Altissimi *Luc. 1. v. 31. 32.* Is qui ex Patribus oriundus quod ad carnem, Deus benedictus in secula *Rom. 9. v. 5.*

Ex natura Prædicati:

I. Unus non est trinus. Deus est Unus *Deuteron. 6. v. 4.* Quia unus non sit trinus. *1 Cor. 8. v. 4. 6. Ephes. 4. v. 6.* Ergo. *Resp.* Major particularis est, de Deo falsa; de quo ita Johannes *1 Epist. 5. v. 7.* *Hi tres unum sunt*, sc. essentia; sive Hi tres sunt unus ille Deus. *Majorem probant*: I. Quæ implicant contradictionem, de eodem affirmari non possunt. Unum & Trinum implicant contradictionem. Ergo. *Resp.* ad *Majorem*: Non possunt affirmari de eodem, si ei tribuantur secundum idem, ad idem, & eodem tempore; quæ ut omnis legitimæ oppositionis, ita quoque contradictionis leges sunt. At verò Unum esse, & Trinum esse, affirmatur de Deo non secundum idem, sed secundum diversa. Non enim dicitur esse Unus essentia & Trinus essentia, Unus persona & Trinus persona; sed Unus essentia & Trinus personis; Unus absolutè & Trinus relatè. *Excipiunt*: Nullam esse distinctionem inter essentiam & personam hoc modo: Quæ unum idemque sunt, eorum distinctione non tollitur contradictio. Essentia & persona sunt unum idemque in Deo. Ratio; quia persona nihil est, quàm essentia intellectu prædita. Ergo. *Resp.* Minor falsa est. *Probatio deficit* ob Differentia Essentia & Persona. Elenchum definitionis; quæ si vera est & adæquata, omnes Angeli, omnesque homines, qui Unum sunt essentia intellectu prædita, Unum etiam sunt personæ. X x 3 Persona.

persona. Nam *Essentia* est communis, *persona* singularis; *Essentia* absoluta, *persona* relata; *persona* est id quod subsistit, *Essentia* est id in quo persona subsistit. Proin & distinctio essentiae ac personae in Deo immota consistit. II. Una numero essentia, non est trium personarum; quia personae multiplicantur secundum essentias individuales. Ergo nec unus essentia individua, Trinus personis. *Resp. Antecedens* ejusque probatio de essentia finitâ vera, de infinitâ falsa est. Illa enim, quia composita & divisibilis est, pluribus personis inesse nequit. Hæc verò, quia simplex est & indivisibilis, pluribus personis integra, sine ullâ divisione, inesse potest. III. Quod rationi repugnat & cujus exemplum dari nequit, id credendum nobis non est. Unum esse Trinum rationi repugnat, hujusque exemplum dari nequit. Ergo. *Resp.* Major falsa est. 1. *Quia* non ratio humana, sed revelatio divina fidei nostrae principium est. Nec hyperphysica revocanda ad regulas physicas. I I. *Quia* illud singulare est, Deo adeò proprium, ut exemplum flagitare sit alium Deum postulare. *Quis autem par Iehovæ Deo nostro? qui altissimè habitat Psalm. 113. v. 5.* Tenemus Unitatem in Trinitate, Trinitatem in Unitate non ratione neque exemplo, sed auctoritate Dei, ita testificantis de se in Verbo.

Quia in Deo
sit quaterni-
tas.

Distinctio
Personarum
ab essentia &
inter se.

Essentia à
Personis non
differt reali-
ter.

I I. Quaternitas non est Trinitas. In Deo, ex vestra sententiâ, est Quaternitas. Ergo. *Minorem* negatam sic probant: Quatuor realiter inter se distincta efficiunt Quaternitatem. In Deo sunt quatuor realiter inter se distincta, ex sententiâ vestrâ; quia & una essentia à tribus personis, & tres personae à se invicem realiter distinguuntur. Ergo. *Resp.* Iterum negatur *Minor*. *Probatio* ejus priore membro falsa est. Non enim ea distinctio Essentiae & Personarum, quæ est ipsarum personarum inter se. *Persona* distinguuntur à se invicem realiter; quia una de altera prædicari nequit; sicut alius dicitur Pater, alius Filius, alius Spiritus Sanctus *Ioh. 5. v. 32. cap. 14. v. 16.* *Essentia* verò distinguitur à Personis non realiter sed ratione; quia illa de omnibus personis prædicatur propriè, de singulis Synecdochicè, & vice versa. Quod si realiter distingui est distingui essentialiter & separabiliter; tum nullam omnino distinctionem realem in Deo agnoscimus, quia personae respectu Essentiae unum sunt, *Ioh. 10. v. 30. I Ioh. 5. v. 7.* inter se autem inseparabiles, Filius in Patre, in Filio, *Ioh. 14. v. 10. I I. Adversari* contra pro-

probant differre realiter. I. Essentia non est Pater, Filius, & Spiritus Sanctus quia illa nec gignit nec gignitur, nec procedit, sicut Pater gignit, Filius gignitur, Spiritus Sanctus procedit. Ergo Essentia realiter à Patre, Filio & Spiritu Sancto distinguitur. *Resp.*

I. *Antecedens* accipitur sensu conjuncto vel diviso. *Conjuncto* falsum est. Nam Pater, Filius & Spiritus S. sunt Unus ille ac verus Deus, eoque etiam Essentia divina, *Diviso* neque Pater, neque Filius, neque Spiritus S. est Essentia absolutè & in communitate suâ considerata: at respectivè Essentia cum relatione gignentis est Pater, cum relatione geniti est Filius, cum relatione procedentis est Spiritus Sanctus prout persona ex essentiâ & relatione constat.

II. *Negatur consequentia.* Et si enim Essentia non gignit, neque gignitur; persona autem gignit & gignitur, tamen non magis realiter differunt, quàm in humanis realiter differunt homo qui gignit & gignitur, & Natura humana quæ neque gignit neque gignitur. *Ratio*; quia persona non est separatim quid ab Essentiâ, sed in eâ subsistit, & ex eâ gignit.

III. *Principium* realiter differt à suo principiato, Essentia est principium, personæ sunt principiata.

Ergo. *Resp.* Ad *Minorem.* Essentia non est principium personarum, sed commune subjectum (ut ita dicam) in quo Personæ subsistunt. Pater autem est principium Filii, & cum Filio principium Spiritus S. Filius verò principiatur Patris, & Spiritus S. principiatur Patris & Filii.

III. Prius & posterius realiter differunt. Essentia est prius quid, utpote absoluta; persona autem posterius, quia relata. Ergo. *Resp.* *Major* non est universalis. *Minor* autem vera est modo concipiendi nostro quo commune & singulare, absolutum & relatam tanquam prius & posterius apprehendimus, atque etiam de Deo enunciamus.

SECUNDA: An Filius sit verus ac æternus Deus, Patri cœsentialis & coequalis? Samosatreniani negant, *Ostrodus Instit. Relig. Christiana cap. 6. 7. & aliquot sequentibus.* Nos affirmamus.

Rationes
Affirmantes
Orthodoxæ.

Rationes nostræ.

Ex natura Subjecti:

Quia proprie
& univocè est
Dei Patris
filius.

Qui propriè ac univocè Dei Patris Filius est, is Deo Patri est coessentialis & coequalis. Deus Filius Dei Patris Filius est propriè ac univocè. Ergo. *Major* confirmatur ex definitione. *Filius* propriè est, qui ex essentiâ Patris genitus ei naturâ ac proprietatibus similis est. Sic filius hominis est, qui ex hominis essentia genitus ei naturâ ac proprietatibus humanis similis est &c. *Minor* probatur his argumentis. I. Cui Deus Pater generando, communicavit Essentiam divinam, quiq; per hanc generationem Dei Patris imago est; is propriè ac univocè Dei Patris Filius est. Atqui Filio communicavit; Filius Patris imago est. Ergo. *Minor* probatur manifestè ex Scripturâ, quæ utrumque ejus membrum tradit. *Primò*, quia Pater genuit Filium, *Psal.* 2. v. 7. *Ioh.* 3. v. 16. & gignendo dedit ei vitam habere in seipso, quemadmodum ipsemet habet eam in se, *Ioh.* 5. v. 26. ut ita verè dicatur Filius ille Dei viventis, *Matt.* 16. v. 16. quia Filius Deus est, 1 *Ioh.* 5. v. 20. par Deo Patri, *Ioh.* 5. v. 18. & unum cum eo *cap.* 10. v. 30. Si Filius Deus est, Ergo Dei Patris Filius, Deus de Deo. Si par Deo, Ergo ei coequalis. Si unum cum Deo, Ergo etiam coessentialis. *Posterius*, quia est imago Dei invisibilis, *Col.* 1. v. 15. character hypostaseos Patris, *Heb.* 1. v. 3. & quidem adeò insignis, ut qui ipsum videt, videat & Patrem, *Ioh.* 14. v. 9. sicut viderunt discipuli ejus gloriam, gloriam ut unigeniti à Patre *cap.* 1. v. 14. II. Qui verus, proprius, ac unigenitus Dei Filius est, is propriè ac univocè est ejus Filius. Filius est verus, proprius, ac unigenitus Dei Filius. Verus, 1 *Ioh.* 5. v. 20. *Summus in vero illo, in ejus filio Iesu Christo*; Proprius, *Rom.* 8. v. 32. *proprio filio non peperit*; Unigenitus, *Ioh.* 3. v. 16. *Sic Deus dilexit mundum, ut filium suum Unigenitum daret.* Ergo. III. Qui quatenus est Filius Dei, habet Spiritum sanctificationis, spiritum æternum, formam Deo æqualem, atque etiam æternam gloriam, is propriè ac univocè Dei filius est. Atqui Christus quatenus est Filius Dei, habet illa omnia. Ergo. *Majoris* firma est consequentia. Nam habere spiritum sanctificationis, spiritum æternum, &c. est habere essentiam divinam quæ est spiritus, *Ioh.* 4. v. 24. habere ut Filium, est habere essentiam illam sibi per generationem communicatam. *Minor* confirmatur hic dictis,

Rom. I. v. 4. Christus declaratus est Filius Dei potenter secundum Spiritum sanctificationis. Heb. 9. v. 14. Per Spiritum aeternum seipsum obtulit inculpatum Deo, se ipsum autem per se ipsum obtulit cap. I. v. 3. Phil. 2. v. 6. Christus cum esset in formâ Dei, non duxit rapinam æqualem esse cum Deo. Ioh. 17. v. 1. 5. Pater glorifica me Filium tuum eâ gloriâ, quam habui apud te, priusquam mundus esset. IV. Filius Dei aut per naturam, aut per gratiam filius est. Si per naturam, est filius naturalis, eoque proprie ac univoce Filius; quod volumus. Sin per gratiam, est illa aut Creationis & Providentiæ, aut Redemptionis sive Regenerationis, aut denique miraculosæ conceptionis. Non prima; ut Angeli, Ioh. I. v. 6. homines, Luc. 3. v. 38. Act. 17. v. 28. 29. Magistratus, Psal. 82. v. 6. vocantur Filii Dei. Nam cui horum unquam dixit, Filius meus es, ego hodie genui te? Heb. I. v. 5. Quomodo etiam esset Filius Unigenitus? Ioh. I. v. 14. Non secunda, ut credentes, I Ioh. 3. v. 1. 2. quia per ipsum adoptantur illi in filios Ioh. I. v. 12. Eph. I. v. 5. & ne sic quidem esset Filius Dei unigenitus, cum multos ipse filios in gloriam adducat Heb. 2. v. 10. Non tertia, quia ante miraculosam conceptionem jam erat Deus, & Filius Dei, Ioh. I. v. 1. 14. Gal. 4. vers. 4. item quia Filius non Spiritus S. filius, sed contra Spiritus Sanctus Filius Spiritus vocatur Rom. 8. v. 9. Gal. 4. v. 6. & alibi.

Exceptiones Samosatzenianorum.

*Exceptiones
Samosatzenianorum.*

Prima: Si ratio Majoris firma est, sequitur Deum Patrem eodem modo genuisse Filium, quo homo gignit hominem. *Resp.* Negatur *sequela*; quia homo gignit hominem generatione physica, Deus Pater autem Filium, generatione hyperphysica. Interim καὶ ἀναλογία in utraque generatione fit communicatio essentiæ, illic specificæ, hinc numericæ.

Secunda: Christus Filius Dei vocatur, quod conceptus sit ex Spiritu Sancto, Luc. I. v. 35. cum quâ conceptione quia communia multa habent Christiani, fratres ejus appellantur Heb. 2. v. 11. *Resp.* I. Contrarium supra ostendimus, neque afferri potest vel unus Scripturæ locus, ubi Filius Spiritus S. filius vocetur, alioqui enim ἀπ' αὐτοῦ non esset Heb. 7. v. 3. II. Fratres Christi dicimur, quia & qui sanctificat & qui sanctificantur ex uno sunt, v. 11. ejusdem carnalis ac sanguinis participes v. 14. Fit ergo illud Humanæ naturæ respectu, secundum quam ut carnem & ossa, Luc. 24. v. 39. sic

*Fratres
Christi cur
dicamur.*

Rationes nostræ.

Rationes
Affirmantes
Orthodoxæ.

Ex natura *Subiecti*:

Quia proprie
& univocè est
Dei Patris
filius.

Qui propriè ac univocè Dei Patris Filius est, is Deo Patri est coessentialis & coequalis. Deus Filius Dei Patris Filius est propriè ac univocè. Ergo. *Major* confirmatur ex definitione. *Filius* propriè est, qui ex essentiâ Patris genitus ei naturâ ac proprietatibus similis est. Sic filius hominis est, qui ex hominis essentiâ genitus ei naturâ ac proprietatibus humanis similis est &c. *Minor* probatur his argumentis. I. Cui Deus Pater generando, communicavit Essentiam divinam, quique per hanc generationem Dei Patris imago est; is propriè ac univocè Dei Patris Filius est. Atqui Filio communicavit; Filius Patris imago est. Ergo. *Minor* probatur manifestè ex Scripturâ, quæ utrumque ejus membrum tradit. *Primus*, quia Pater genuit Filium, *Psal.* 2. v. 7. *Ioh.* 3. v. 16. & gignendo dedit ei vitam habere in seipso, quemadmodum ipsemet habet eam in se, *Ioh.* 5. v. 26. ut ita verè dicatur Filius ille Dei viventis, *Matt.* 16. v. 16. quia Filius Deus est, 1 *Ioh.* 5. v. 20. par Deo Patri, *Ioh.* 5. v. 18. & unum cum eo *cap.* 10. v. 30. Si Filius Deus est, Ergo Dei Patris Filius, Deus de Deo. Si par Deo, Ergo ei coequalis. Si unum cum Deo, Ergo etiam coessentialis. *Posterius*, quia est imago Dei invisibilis, *Col.* 1. v. 15. character hypostaseos Patris, *Heb.* 1. v. 3. & quidem adeò insignis, ut qui ipsum videt, videat & Patrem, *Ioh.* 14. v. 9. sicut viderunt discipuli ejus gloriam, gloriam ut unigeniti à Patre *cap.* 1. v. 14. II. Qui verus, proprius, ac unigenitus Dei Filius est, is propriè ac univocè est ejus Filius. Filius est verus, proprius, ac unigenitus Dei Filius. Verus, 1 *Ioh.* 5. v. 20. *Sumus in vero illo, in ejus filio Iesu Christo*; Proprius, *Rom.* 8. v. 32. *proprio filio non peperit*; Unigenitus, *Ioh.* 3. v. 16. *Sic Deus dilexit mundum, ut filium suum Unigenitum daret.* Ergo. III. Qui quatenus est Filius Dei, habet Spiritum sanctificationis, spiritum æternum, formam Deo æqualem, atque etiam æternam gloriam, is propriè ac univocè Dei filius est. Atqui Christus quatenus est Filius Dei, habet illa omnia. Ergo. *Majoris* firma est consequentia. Nam habere spiritum sanctificationis, spiritum æternum, &c. est habere essentiam divinam quæ est spiritus, *Ioh.* 4. v. 24. habere ut Filium, est habere essentiam illam sibi per generationem communicatam. *Minor* confirmatur hic dictis,

Rom. 1.

Rom. I. v. 4. Christus declaratus est Filius Dei potenter secundum Spiritum sanctificationis. Heb. 9. v. 14. Per Spiritum aeternum seipsum obtulit inculpatum Deo, se ipsum autem per se ipsum obtulit cap. I. v. 3. Phil. 2. v. 6. Christus cum esset in formâ Dei, non duxit rapinam æqualem esse cum Deo. Ioh. 17. v. 1. 5. Pater glorifica me Filium tuum eâ gloriâ, quam habui apud te, priusquam mundus esset. IV. Filius Dei aut per naturam, aut per gratiam filius est. Si per naturam, est filius naturalis, eoque proprie ac univoce Filius; quod volumus. Sin per gratiam, est illa aut Creationis & Providentiæ, aut Redemtionis sive Regenerationis, aut denique miraculosæ conceptionis. Non prima; ut Angeli, Ioh. I. v. 6. homines, Luc. 3. v. 38. Act. 17. v. 28. 29. Magistratus, Psal. 82. v. 6. vocantur Filii Dei. Nam cui horum unquam dixit, Filius meus es, ego hodie genui te? Heb. I. v. 5. Quomodo etiam esset Filius Unigenitus? Ioh. I. v. 14. Non secunda, ut credentes, I Ioh. 3. v. 1. 2. quia per ipsum adoptantur illi in filios Ioh. I. v. 12. Eph. I. v. 5. & ne sic quidem esset Filius Dei unigenitus, cum multos ipse filios in gloriam adducat Heb. 2. v. 10. Non tertia, quia ante miraculosam conceptionem jam erat Deus, & Filius Dei, Ioh. I. v. 1. 14. Gal. 4. vers. 4. item quia Filius non Spiritus S. filius, sed contra Spiritus Sanctus Filius spiritus vocatur Rom. 8. v. 9. Gal. 4. v. 6. & alibi.

Exceptiones Samosatēnianorum.

Exceptiones
Samosatē-
nianorum.

Prima: Si ratio Majoris firma est, sequitur Deum Patrem eodem modo genuisse Filium, quo homo gignit hominem. *Resp.* Negatur *sequela*; quia homo gignit hominem generatione physica, Deus Pater autem Filium, generatione hyperphysica. Interim κατ' ἀναλογίαν in utraque generatione fit communicatio essentiæ, illic specificæ, hîc numericæ.

Secunda: Christus Filius Dei vocatur, quod conceptus sit ex Spiritu Sancto, Luc. I. v. 35. cum quâ conceptione quia communia multa habent Christiani, fratres ejus appellantur Heb. 2. v. 11. *Resp.* I. Contrarium supra ostendimus, neque afferri potest vel unus Scripturæ locus, ubi Filius Spiritus S. filius vocetur, alioqui enim ἀπαιτῶς non esset Heb. 7. v. 3. II. Fratres Christi dicimur, quia & qui sanctificat & qui sanctificantur ex uno sunt, v. 11. ejusdem carnis ac sanguinis participes v. 14. Fit ergo illud Humanæ naturæ respectu, secundum quam ut carnem & ossa, Luc. 24. v. 39. sic

Fratres
Christi cur
dicamur.

fratres habet: non autem respectu Naturæ Divinæ, secundum quam est Unigenitus illa à Patre *Joh. 1. v. 14.*

Tertia: *Joh. 5. v. 18.* narratur non Christi assertio, sed Judæorum opinio. *Resp.* Non fuit illa opinio Judæorum, sed certa veritas, ex verbis Christi *v. 17.* exstructa; quam etiam in sequentibus prolixè tuetur.

Christus quomodo imago Patris.

Quarta: Christus est imago Patris, sed creata. *Resp.* Imo est imago increata & essentialis. I. Quia est effulgentia gloriæ & character personæ Patris, *Heb. 1. v. 3.* hoc est expressissima & perfectissima ejus effigies. II. Qui ipsum videt, videt & Patrem *Joh. 14. v. 9.* quantum ad salutem satis est. Quod de creatâ imagine dici nequit.

Vindicatio loci *Rom. 8. v. 32.*

Quinta: *Rom. 8. v. 32.* dicitur proprius filius, ut alibi Ecclesia proprius populus, quia nimirum factus sit à Deo. *Resp.* Ecclesia quidem dicitur proprius populus, *1 Pet. 2. v. 9.* quia effecit eam Deus populum suum, gregem pastus sui, *Psal. 100. v. 3.* sive quia elegit eam præ aliis populis in genus electum, regale sacerdotium, gentem sanctam *Exod. 12. v. 5. 6. 1 Pet. 2. v. 9.* At Christus proprius Dei filius vocatur, quia est Unigenitus ille à Patre *Joh. 1. v. 14.* non autem quod factus sit, sive adoptatus à Patre. Ratio est; quia proprius distinguitur ab adoptivis, pro quibus traditus est, quos in ipso Deus effecit dilectos *Eph. 1. v. 6.* cum naturâ essent filii iræ *cap. 2. v. 3.* Ergo eorum numero ac ordine non continetur.

Ex naturâ *Prædicati*:

Quia Dei solius propria Filio conveniunt,

I. Cui nomina, proprietates, effectus, & cultus Dei tribuuntur; is verus est ac æternus Deus, Patri coessentialis, & coæqualis. Atqui Filio tribuuntur. Ergo. Major probatur. Quæ soli Deo conveniunt, illa cuicumque tribuuntur, is verus est ac æternus Deus. Atqui nomina Dei absolute sumpta, proprietates, effectus, & cultus soli Deo conveniunt, teste Scriptura *Esai. 41. v. 8.* Ego sum *Jehova*, illud est nomen meum, & gloria meam alteri non dabo. *1 Tim. 1. v. 17.* Regi æterno incorruptibili, invisibili, soli sapienti Deo. *Cap. 6. v. 13.* 16. Quem ostendit ille beatus & solus princeps, qui solus habet immortalitatem. *Matt. 4. v. 10.* Dominum Deum tuum adorabis, & illum solum colles. Ergo. Ad hæc: Dici Deum absolute ab ipso Deo, præsupponit esse divinum absolute: Proprietates divinæ non modo inle-

para-

parabiles sunt ab essentia, verum etiam sunt ipsa essentia divina : Effectus dependent à proprietatibus, quæ ut agendi principia spectantur, intellectu, voluntate, & potentiâ : Cultus denique proprietates & effectus consequitur. Ergo cuicumque nomina, proprietates, effectus & cultus Dei tribuuntur, is est verus ac æternus Deus.

Minor distinctè secundum distinctas partes confirmanda est : *Primo* ^{I. Nomina Dei.} tribuuntur Filio Nomina Dei. Dicitur namque *Jehova*, ut patet

partim ex locis Simplicibus *Esa. 25. v. 9. Ecce Deus noster hic est, expectamus eum & servat nos; hic est Jehova quem expectamus, exultabimus, & letabimur de salute ejus, nimirum quia absorbebit mortem in victoriam, & absterget lacrymas ab omnibus faciebus v. 8. Jer. 23. v. 5. 6. Excitabo David germen justum, &c. & hoc nomen ejus est, quo vocabit eum Israel, O Jehova justitia nostra. Hos. 1. v. 7. Servabo eos per Jehovam Deum ipsorum.* Partim ex locis comparatis, ubi quæ in Vet. Test. de Jehova, in Novo Testam. de Christo enunciantur, ceu sunt *Num. 21. v. 5. 6. & 1 Cor. 10. v. 9. Esa. 6. v. 5. & Ioh. 12. v. 41. Esa. 8. v. 14. & Luc. 2. v. 34. Esa. 45. v. 23. & Rom. 14. v. 11. Jer. 17. v. 10. & Ap. 2. v. 23. Ioel. 2. v. 28. & Act. 2. v. 17. 33.* Partim ex voce יהוה *ehjeh*, quæ significatione eadem est cum voce Jehova, & de Filio usurpatur *Ap. 4. v. 8. Cap. 11. v. 17.* Dicitur præterea *Deus*, non modò attributivè *Ioh. 1. v. 1. Erat Sermo ille Deus, 1 Ioh. 5. v. 20. Hic est verus ille Deus, sed etiam subjectivè Act. 20. v. 28. Deus acquisivit Ecclesiâ. 1 Tim. 3. v. 16. Deus manifestus factus est in carne; itè cum articulo præpositivo, Ioh. 20. v. 28. ὁ θεός μὴ καὶ ὁ θεός μὴ Domine mi, & Deus mi. Heb. 1. v. 9. Vnxit te, ô Deus, Deus tuus oleo lætitiæ supra consortes. Dicitur Deus nō tatum simpliciter, verum etiam cum adjectione, *Deus verus, 1 Ioh. 5. v. 20. Deus fortis, Es. 9. v. 7. Deus magnus, Tit. 2. v. 13. Ap. 19. v. 17. Deus altissimus, Luc. 1. v. 76. Deus supra omnes benedictus in secula Rom. 9. v. 5. Dicitur Dominus gloria, 1 Cor. 2. v. 8. Solus ille herus Deus ac Dominus noster, Iud. v. 4. Rex Regum & Dominus Dominatum, Ap. 17. v. 14. Cap. 19. v. 16. & quæ sunt hujus generis alia. Secundo: tribuuntur Filio Proprietates Dei.**

^{II. Proprietates Dei.}

Simplicitas; est enim *Spiritus sanctificationis, Rom. 1. v. 4. Spiritus æternus Heb. 9. v. 14. Immutabilitas, Heb. 1. v. 12. Tu idem es, & anni tui non deficient. Matt. 24. v. 35. Cælum & Terra præteribunt, sermones autè mei nequaquam præteribunt. Æternitas; Prov. 1. v. 22. Jehova possidebat me à principio viæ suæ, ante opera sua, ante ullum tempus. Mich. 5. v. 2. Exortus ejus sunt à principio, à diebus seculi. Ioh. 1. v. 1. In principio erat Ver-*

bum; Cap. 8. v. 58. Priusquam Abraham esset, ego sum. Immenſitas. Ioh. 3. v. 33. Nullus adſcendit in cælum, niſi qui deſcendit è cælo, filius hominis qui eſt in cælo. Matt. 18. v. 20. Ubi duo vel tres congregati in nomine meo, illic ſum in medio eorum. Cap. 28. v. 20. Ecce ego vobiſcum ſum uſque ad conſummationem ſæculi. Vita Dei; Ioh. 5. v. 26. Sicut Pater habet vitam in ſe ipſo, ſic dedit & filio habere vitam in ſe ipſo. Omniſcientia; Ioh. 2. 1. v. 17. Domine, tu omnia noſti. cap. 16. v. 30. Scimus, quod ſcias omnia. Luc. 6. v. 8. Ipſe nōrat cogitationes eorum, tanquam ſcrutator renū & cordium Apoc. 2. v. 23. Veracitas; Ioh. 8. v. 14. Etiaſi ego teſter de me ipſo; firmum tamen eſt teſtimonium meum & c. nimir. quia fidelis eſt & verax Apoc. 19. v. 11. Cap. 3. v. 7. Bonitas, Ioh. 10. v. 11. Ego ſum bonus ille paſtor. Eph. 5. v. 2. Chriſtus dilexit nos, & tradidit ſemetipſum pro nobis. Juſtitia; Act. 3. v. 14. Sanctum illum ac juſtum abnegāſtis; 2 Tim. 4. v. 8. Dominus, juſtus ille iudex. Omnipotentia; quia eſt ille omnipotens. Apoc. 1. v. 8. Dominus Deus omnipotens, cap. 11. v. 17. Nam quacunque Pater facit, hac etiam Filius pariter facit Ioh. 5. v. 19. Tertiō tribuuntur Filio Effectus Dei Creatio, Heb. 1. v. 10. Tu in initio Domine terram fundāſti; & opera manuum tuarum ſunt cæli. Ioh. 1. v. 3. Omnia per ipſum facta ſunt, & abſque eo factum eſt nihil, quod factum ſit. Col. 1. v. 16. Per eum condita ſunt omnia, qua in cælis ſunt & qua in terra. Conſervatio & Gubernatio; Heb. 1. v. 3. Suſtinet omnia verbo illo ſuo potente, Col. 1. v. 17. Omnia per eum conſiſtunt. Ioh. 5. v. 17. Pater meus operatur uſque adhuc, & ego operor. Scruatio; Matt. 1. v. 21. Servabit populum ſuum ex peccatis ipſius, ut Immanuel, v. 23. ut Iehova. Hoſ. 1. v. 7. Act. 20. v. 28. Deus acquiſivit Eccleſiam proprio ſanguine. Remiſſio peccatorum; Matth. 9. v. 2. Conſide fili, remiſſa ſunt tibi peccata tua. v. 6. Auctoritatem habet filius hominis in terrā, remittendi peccata. Donatio Spiritus Sancti; Ioh. 15. v. 26. Mittam vobis ſpiritum illum veritatis à Patre. cap. 20. v. 22. Accipite Spiritum Sanctum. Patratio miraculorum; Ioh. 5. v. 36. Opera, qua ego facio, teſtantur de me, quod Pater miſerit me. Matt. 11. v. 5. Cæci viſum recipiunt, claudi ambulant, leproſi mundantur, ſurdi audiunt, mortui ſuſcitantur. & c. Quartō tribuitur Filio Cultus Dei, Fides, Ioh. 14. v. 1. Creditis in Deum, etiam in me credite. Spes; Rom. 15. v. 12. In ipſo Gentes ſperabunt. Charitas ſupra omnia Matt. 10. v. 37. Qui amat patrem, matrem, filium, filiam ſupra me, non eſt me dignus. Adoratio; Heb. 1. v. 6. Adorent cum omnes angeli. Act. 7. v. 52. Domine Ieſu, recipe ſpiritum meum. Gratiarum actio; 1 Timoth. 1. verſ. 12. Gratiā illi habeo, qui corroboravit me.

III. Effectus
Dei.

IV. Cultus
Dei.

Bapti-

Baptismus; *Matth.* 28. v. 19. *Baptizate in nomen Patris, Filii & Spiritus Sancti &c.*

Exceptiones Samofatenianorum.

Exceptio Samofatenianorum.

Ad Majorem:

Consequentiam ejus nullam esse. Etenim Angelum dici Jehovah, *Exod.* 3. v. 2. 4. Moſen Deum, *cap.* 4. v. 16. Magistratus Deos. *Pſal.* 82. v. 6. quorum tamen nullus ſit verus ac æternus Deus. *Proprietates* divinas ex ſententiâ Lutheranorum Humanæ Naturæ Chriſti communicatas eſſe, nec tamen eam Deum factum. *Miracula*, quæ ſunt effectus divini, etiam Prophetis & Apoſtoliſ fuiſſe communia. *Denique* nuſpiam ſcriptum eſſe, ſolum Deum adorandum; contra fidei ac adorationis cultum hominibus etiam tributum, ſicut Iſraëlitæ crediderunt in Moſen, *Exod.* 14. v. 31. & juſſi ſunt credere in Prophetas 2 *Chron.* 20. v. 20. &c. *Reſp. Conſequentia* firmitas duobus argumentis ante aſſerta, tam frivolis exceptionibus nullatenus infirmatur. *Primo*, non argumentamur nudè à nominibus Dei ad eſſentiam divinam, ſed à nominibus Dei propriè & abſolutè ſumtis, iſſque determinatis circumſtantiis, quæ in nullum rem creatam cadere poſſunt. Moſes verò & Magiſtratus nec propriè nec abſolutè dicuntur Dii, ſed Moſes Deus Aaronis per metaphoram, præcepta ei daturus inſtar Dei; Magiſtratus Dii per Metonymiam, propter officium divinum, quod inter homines gerunt *Pſal.* 82. v. 1. 2 *Chron.* 19. v. 6. 7. Quod attinet locum *Exod.*

3. Angelus quidem *Iehova* vocatur, ut alibi quoque. *Gen.* 16. v. 7. *Angelus Exod.* 3. v. 2. 9. 10. 13. *Cap.* 22. v. 11. 12. 15. & ſeq. *Iof.* 6. v. 2. 5. *Hof.* 12. v. 4. 5. 6. 4. qualis fuerit, at non angelus aliquis creatus, verùm increatus, quem Malachias *cap.* 3. v. 1. ſimul *Angelum federis & Dominum* nuncupat, quique verus eſt ac æternus Deus. Id probatum cum ex aliis, tum ex his textus circumſtantiis. I. Deus Abrahami, Iſaaci & Jacobi eſt verus ille ac æternus Deus *Matt.* 22. v. 32. Adgelus iſ eſt, ut ipſe ait v. 6. Ergo. II. Qui potentiâ ſuâ eduxit populum ex Ægypto, eſt verus ille ac æternus Deus *Exod.* 20. v. 2. Angelus iſ eſt verſ. 7. 8. Ergo. III. Qui Moſen miſit eſt verus Deus *Exod.* 5. v. 1. 2. Idem Angelus Moſen miſit v. 10. Ergo. *Secundo*, Erronea Lutheranorum de communicatione proprietatum doctrina vim argumenti noſtri

Miracula
quomodo
ediderint
Propheta &
Apostoli.

Soli Deo
competit ad-
oratio reli-
giosa.

non infringit. Respondeant ipsi pro se, qui communicationem talem propugnant, & tamen à proprietatibus Dei ad Essentiam Divinam apodicticè concludere volunt. Nobis quemadmodum proprietates divinæ incommunicabiles & inseparabiles sunt secundum Scripturam, ita evidentem *ἀπόδειξις* suppeditant. *Tertio*, Propheta & Apostoli ediderunt miracula, at non propria virtute, verum aliena Dei, *Exod.* 8. v. 19. & Christi, *Act.* 3. v. 5. 12. 13. proinde Effectus divini vocantur, non respectu ipsorum, qui ut instrumenta externas tantum obiverunt actiones, sed respectu Dei, qui virtute sua illa fuit operatus. Causa namque effectui suo deterior esse non potest. *Quarto*, Falsum est nusquam scriptum haberi, solum Deum esse adorandum, adoratione scilicet religiosa. Quid ergo illud est, quod ex *Deut.* 6. v. 13. Christus allegat *Matt.* 4. v. 10. *Dominum Deum tuum adorabis, & illum solum coles?* Nam ita colligit Christus; solus Deus est adorandus. Ergo non tu Diabolus; sed apage &c. Adoratio autem civilis promiscuè personis honorationibus sive Ecclesiasticis, sive politicis exhibita fuit. Quod de fide in Mosen, in prophetas afferunt alienum est. Nam phrasi Hebræa *credere in aliquem*, jam est fiduciam in eo collocare, modo verbis ejus fidem adhibere, pro subjecti scilicet natura. Posteriori significato in Mosen credidisse Israëlitas David testis est *Psal.* 109. v. 12. *Tum crediderunt verbis ejus.* Atque ita hortatur populum Josaphat, ut credant in prophetas, id est, ut credant verbis eorum, & promissionibus, Dei nomine factis, confidant.

Ad *Minorem*, & Testimonia ei firmandæ subiecta.

Vindicatio
dictorum.

Prima classis.

Ier. 23. v. 6.

Ierem. 23. v. 6. non intelligi Christum Filium Dei, sed Judam Israëllem, Hierosolymam ex collatione locorum *Ier.* 33. v. 16. *Ezech.* 48. v. 35. *Resp.* Is intelligitur nomine *Jehova*, qui est Justitia nostra. Atqui non Israël, Juda, aut Hierosolyma, sed Christus filius Dei est justitia nostra; quia factus est nobis justitia à Deo, *1 Cor.* 1. v. 30. adduxit nobis justitiam æternam, *Dan.* 9. v. 24. & non fimus justitia Dei in ipso *2 Cor.* 5. v. 21. Ergo. Adhæc Si Juda aut Israel dicitur Jehova justitia nostra, seipsum ita compellat, ô Jehova justitia nostra.

nostra. Consequens absurdum. Ergo & antecedens. Eodem modo Jehova vocatur justitia nostra *cap. 33. v. 16.* Discrimen tantum est in antecedentibus. Nam *cap. 23.* declaratur nomen, quo Servatorem suum compellatura est ac celebratura Ecclesia; *Cap. 33.* autem exponitur cum, qui Judam ad promissam salutem vocaturus est, fore Jehovam justitiam nostram. *Ezech. 48. v. 35.* *Ezech. 48. v. 35.* non dicit Propheta Hierosolymam appellatum iri Jehovam, sed prædicaturos alios, Jehovam ibi sc. esse seu habitare, ut in templo suo.

Joh. 1. v. 1. Sermo dicitur Deus non primario, sed secundario; non ratione essentiae, sed ratione dignitatis & auctoritatis. *Resp.* Sermo Deus est Filius Deus *v. 14.* Filius autem est Deus Patri par, *Joh. 5. v. 18.* & *seqq.* est æqualis Deo sc. Patri *Phil. 2. v. 6.* Quomodo igitur Deus secundario? Adhæc; Sermo dicitur Deus, & Pater dicitur Deus, *eodem versu.* At ergo Pater & Filius sunt unus Deus, aut non. Si *non sunt*, nec Pater & Filius unum sunt, contra quam testatur Christus *Joh. 10. v. 30.* Item: Pater erit natura Deus, Filius non natura Deus. At, qui non est natura Deus est idolum; quia idololatræ censentur, qui tali serviunt *Gal. 4. v. 8.* Si verò *sunt* Unus Deus, Pater non est Deus primario, Filius secundario. Item: Sermo non dignitatis, sed essentiae respectu Deus vocatur. Quod ipsum confirmant omnes loci hujus circumstantiæ de Proprietatibus ac operationibus τῷ Λόγῳ quæ in sequentibus à corruptelis adversariorum vindicabuntur.

1 Tim. 3. v. 16. Nomen *Dei* non reperiri in omnibus exemplaribus; quin imo in vulgata versione Latina planè omissum esse. *Resp.* Versio vulgata ut alibi, ita hîc quoque vitiosa est. Exemplaria Græca subjectum *θεός* constanter exprimunt; & diversi generis prædicata illud necessario requirunt, partim quia alii subjecto non conveniunt, partim quia aliis locis de hoc ipso subjecto enuntiantur *1 Joh. 3. vers. 8.* *1 Petr. 3. vers. 18.* *Luc. 24. vers. 51.* & c.

Johann. 20. v. 28. Verba esse non compellantis Christum, sed admirantis, & rei novitate obstupefacti. *Resp.* Contra tam manifestam corruptelam facit. I. quod Thomas respondit Jesu, & dixit, *Domine mi,* & c. Ergo Jesum compellavit. II. quod notam admirationis ὦ non adhibet, sed articulum præpositivum

vum d. III. edidit verbis illis fidei suæ confessionem ; Nam subjicit Christus, *credidisti* v. 29. At non edidit confessionem de Patre, sed de Filio; dicitur enim, *quia vidisti me, Thoma, credidisti*. Ergo.

Hebr. 1. v. 9.

Hebr. 1. v. 9. Filium Deum dici improprie, ut qui unctus est, qui Deum habet & consortes. *Resp.* Propriissime sic vocatur, quia absolute, & cum articulo præpositivo. *Unctus* verò est non quâ Deus absolute, sed quâ Mediator æconomicè. *Deum habet* respectu Naturæ Divinæ relatè seu *ὑποσπικῶς* id est, Patrem; respectu Naturæ Humanæ absolute, id est, creatorem. Postremò etiam *consortes habet* quoad Naturam Humanam, quos non erubescit fratres appellare, quod ex uno cum ipsis sanguine genitus sit *Hebr. 2. v. 11.*

1 Joh. 5. v. 20.

1 Joh. 5. v. 20. Filius est *verus ille Deus*, sed temporalis, qui veram Deitatem à Patre in tempore accepit *Apo. 5. v. 12.* *Resp.* Filius dicitur *verus ille Deus* oppositè ad Idola, ut patet ex *versu sequente* : Idola autem sunt falsi Dii, quia natura non sunt Dii, *Galat. 4. v. 8.* *1 Cor. 8. v. 4. 5. 6.* Ergo Filius est verus Deus, quia natura Deus. Talis verò non est Deus temporalis, sed æternus. Deinde dicitur *verus ille Deus*, & *vita illa aeterna*, id est, auctor vitæ æternæ, qui vitam habet in seipso, & vivificat quos vult, *Johann. 5. v. 21. 26.* Pater æternitatis, *Esa. 9. v. 6.* quem certè oportet esse æternum. *Apocal. 5. vers. 12.* nihil legitur de Deitate Filio in cœlis datâ; etenim jam in terrâ habitabat in ipso tota plenitudo Deitatis corporaliter, *Coloss. 2. vers. 9.* sed gloriâ Mediatoris in regno suo exaltati, quâ omnibus modis dignus prædicatur.

Tit. 2. v. 13.

Tit. 2. v. 13. *Magnus ille Deus* est Pater, Filius verò distinctè *Servator* appellatur. *Resp.* *Magnus Deus* & *Servator* uni articulo subjiciuntur, & eandem notant personam, quæ est Jesus Christus. Insuper *Επιφάνεια* & *Δόξης* non Patri, sed Filio in Novo Testamento tribuitur, quia in gloria venturus est ad iudicium *Matth. 25. v. 31.* *1 Thessal. 4. vers. 16.* Attribuitur Magno Deo. Ergo.

Rom. 9. v. 5.

Rom. 9. v. 5. ajunt esse apostrophendον *δοξολογικῶν* ad Deum Patrem; vel si de Filio accipiatur, non probari tamen esse eum summum illum Deum, ut qui non supra omnia, sed supra omnes est, excellentia donorum; & quidem non natura sed ex gratia. *Resp. 1. Apostrophend*

strophem hîc nec res poscit, nec verborum nexus ullo pacto admittit. Nam articulus cum participio ὁ ὢν relativus est, non novam sententiam inchoans, sed inchoatam continuans; & tantundem valet quàm ὅς ἐστ. II. De Patre quominus accipiatur locus, *obstant* verba relativa, eum spectantia qui antecessit; Atqui Christus antecessit, non Pater. *Obstat* limitatio τὸ ἕξ ὁρίσκει; cujus rationem indicat, dum Christum etiam Deum benedictum prædicat. *Obstat* quoque scopus, qui est prærogativas populi Judaici cum in aliis, tum in Christo *Ἰεωδεδωπῶ* ostendere. III. De Filio igitur necessariò intelligendus est, quem summum illum Deum esse hoc argumento evincit; Deus benedictus supra omnia in secula, est summus ille Deus. Christus est Deus benedictus supra omnia in secula, quod & alibi testatur Scriptura *Matth. 21. vers. 9. Apoc. 5. vers. 13.* Ergo. Est verò non supra Patres tantum, ut volunt hæretici; sed super omnia, utpote per quem sunt omnia, *1 Corinth. 8. vers. 6. Coloss. 1. vers. 16. 17.* non donorum excellentia, sed ut creator omnium, & Deus benedictus; non ex gratia, verum natura tanquam proprius Dei filius, *Rom. 8 v. 32. & Unigenitus à Patre Joh. 1. vers. 14.*

Secunda Classis.

Rom. 1. v. 4. Spiritus Sanctificationis est Spiritus Sanctus, qui etiam est Spiritus ille æternus, per quem se Christus obtulit *Heb. 9. v. 14. Resp.* Spiritus Sanctus nuspiam dicitur Spiritus Sanctificationis; & ut maximè diceretur, hîc tamen intelligi non posset. Nam Christus Filius Dei vocatur secundum Spiritum Sanctificationis. At non est Filius Dei secundum Spiritum Sanctum, sed secundum eam naturam, qua est Unigenitus à Patre *Johann. 1. vers. 14.* Ergo. Dicitur igitur Spiritus propter spirituales simplicesque naturam, quo spiritu videt etiam ratocinia coirdium *Marc. 2. vers. 8. Sanctificationis* autem, quia seipsum & nos sanctificat *Joh. 17. v. 19. Hebr. 10. v. 10.* Altero loco, *Hebr. 9. v. 14.* eadem Natura Divina intelligitur; tum quia alibi docet Scriptura Deum Filium acquisivisse Ecclesiam proprio sanguine, *Act. 20. v. 28.* Dominum gloriæ crucifixum esse, *1 Corinth. 2. vers. 8.* tum quia redemptio æterna proximum effectum est Spiritus æterni, ut est *vers. 12.* Atqui est proximum effectum Christi *Ephes. 1. vers. 7. Col. 1. vers. 14.* Filii Dei. *1 Joh. 1. vers. 7.* Ergo.

Mich. 5. v. 2.

Mich. 5. v. 2. Exortus Christi fuisse dicitur à principio, à diebus seculi; quia est ex Adamo, Abrahamo, Davide *Luc. 3.* Quid verò hoc ad æternitatem? *Resp.* Micheas duplicis meminit exortus: futuri, de quo ita; *Ex te mihi prodibit futurus dominator*: præteriti seu potius æterni, his verbis; *Cujus exortus inde à principio, à diebus seculi.* Secundum illum est Christus ex Adamo, Abrahamo, Davide, Patribus *Matth. 1. Luc. 3. Romanor. 9. vers. 5.* Secundum istum est à Deo Patre, ut Unigenitus ille egressus à Patre *Joh. 1. vers. 14.* Secus dicendum, Christum fuisse simul potentiâ & actu, futurum & præteritum; quod maximè absurdum iis, qui non nisi Naturam Humanam ex Mariâ virgine assumptam in ipso agnoscunt. Hinc verò æternitas ejus apertè colligitur. I. Quod est à principio, à diebus seculi, non per creationem, sed per æternam subsistentiam, id æternum est. Filius Dei est à principio, à diebus seculi, v. 2. non per creationem sed per æternam subsistentiam *Prov. 8. vers. 22. Joh. 1. vers. 1. 2. 3.* Ergo. II. Cujus exortus est à Deo Patre per æternam nativitatem, is est æternus. Exortus Filii est à Deo Patre; quia non à se sed à Patre est, *Johann. 1. v. 14.* idque per æternam nativitatem: nam verbum *NS* quod

de utraque exortu sive egressu usurpatur, hîc nativitatem significat, *Matth. 2. vers. 4. 6.* & quia nativitas illa jam fuit à principio à diebus seculi, est æterna nativitas, *Proverb. 8. vers. 22, & seqq.* quemadmodum Patre est æternus Pater. Ergo.

Joh. 1. v. 1.

Johann. 1. vers. 1. *Principium* intelligitur non Creationis, ut *Genes. 1. vers. 1.* sed Evangelii, quo facta est secunda creatio, sive mundi conditi renovatio, ex Marco *cap. 1. vers. 1.* dicente: *principium Evangelii Jesu Christi.* *Resp.* *Principium* Johanni idem est quod Mosi, initium sc. rerum omnium. Ut enim hic: *In principio creavit Deus cælum & terram*, ita iste; *In principio erat Sermo: Omnia per hunc Sermonem facta sunt, & absque eo factum est nihil, quod factum sit* *vers. 1. 2. 3.* item *mundus per ipsum factus est*, *vers. 10. & c.* de quibus postea pluribus. Et certè sensum hunc, non alterum poscit tum scopus Evangelistæ, tum ipsa dictio. *Scopus* est describere Personam Christi, partim ab eo quod fuit ante Incarnationem, inde à principio, sicut utitur verbo, *ñv* *vers. 1. & seqq.* partim ab eo quod per incarnationem factus est, ubi utitur verbo *ἐγένετο*, *vers. 14.* quo ante quoque de rebus creatis usus fuit *vers. 3. 10.* *Dictio*: Nam cui verisimile est Johannem dicere voluisse Sermonem, id est, Chri-

Christum Oratorem Patris fuisse jam principio Evangelii, id est, cum Evangelium ipse inciperet prædicare. Tam inepta spiritui hæreticorum conveniunt, non spiritui Apostolorum. Marco *principium Evangelii* est principium historiæ Evangelicæ de Christo, cujus descriptionem orditur à ministerio Johannis Baptistæ. Tantum ergo differt ab altero principio, quantum mundus tum à primo suo ortu distabat.

I *Iohann.* 8. vers. 58. Sensus est, antequam Abraham fiat, scil. *Ioh. 8. v. 58.*
Pater multarum gentium, *Genes.* 17. vers. 5. per prædicationem Evangelii, ego sum Messias & Lux Mundi v. 12. *Resp.* Tam audax corruptela solius scopi evidentiâ abundè refellitur. Etenim his verbis probat Christus, se Abrahamum vidisse, ejusque tempore fuisse; quod negabant Judæi. Aut ergo rectè probat, aut non. Si *rectè*, habemus quod volumus, Christum fuisse ante Abrahamum, non ut hominem: nam ita ex ipso ortum ducit, sed ut Deum: eoque æternum esse. Sin *minus*, sapientia divina ab humanâ blasphemè redarguitur.

Iohann. 3. vers. 13. Nihil docetur, quàm Filium hominis descendisse è cælo, & in cælo fuisse. *Resp.* Imo dicitur descendisse & esse. Sic enim verba habent: *filius hominis qui est in cælo*, ὁ υἱὸς τοῦ θεοῦ ἐστὶν ἐν οὐρανῷ. Est ergo verè ubique. Nam simul in cælo & in terra esse, non est nisi ejus, qui implet cælum & terram. *Ioh. 3. v. 13.*

Iohann. 5. vers. 26. *Pater dedit Filio habere vitam in seipso.* Ergo Filius non est Deus; beatius siquidem est dare, quàm accipere *Act.* 20. vers. 35. *Resp.* Dare quàm accipere stipendia, eleemosynas, beatius sanè est, quia illud copiæ, istud inopiæ est. Non verò ita aut Pater dedit, aut Filius accepit vitam subsistentem. Filius *accepit* vitam à Patre, ut tamen semper fuerit vivens cum Patre; *accepit* eandem numero quam habet Pater; *accepit* denique non ex gratiâ, sed naturâ tanquam proprius ejus Filius. *Ioh. 5. v. 26.*

Tertiæ Classis.

Hebr. 1. vers. 10. Apostrophæ institui ad Deum Patrem; de Filio explicari verba non posse, tum quòd Pater Filium non vocet Dominum suum, tum quia creatio soli Patri tribuatur, *Matth.* 11. vers. 25. & in Symbolo; qui etiam per Filium mundum condiderit *Hebr.* 1. vers. 2. *Resp.* Atqui speciem omnem Apostrophes *Hebr. 1. v. 10.*
Zz 2 phes

phes tollit antithesis Angelorum, v. 7. & Filii v. 8. & *seqq.* Neque enim ad alium diriguntur verba, v. 10. 11. quam v. 8. ut docet particula copulativa *et*. De Filio igitur rectè ea accipimus cujus etiam mentio minimè obscura occurrit *Psal.* 102. v. 13. 14. & *seqq.* *Rationes* in contrarium facilè solvuntur: I. Si verba illa sumuntur ut Patris ad Filium, vocat eum Dominum absolutè, non Dominum suum, ut textus ostendit. Sin ut Ecclesiæ ad Deum, prout recitantur, *Psal.* 102. v. 25. 26. rectè utroque modo *Dominus* appellatur. II. Filio opus Creationis non convenire est contra totam Scripturam. Confitemur quidem in Symbolo Patrem Creatorem cœli & terræ, ut & Christus confitetur *Matth.* 11. v. 25. An verò exclusivè? Non magis quàm Filium Redemptorem nostrum confitemur exclusivè. Nec valet consequentia: Pater condidit mundum per Filium. Ergo Filius non condidit. Sed contrà, quia condidit per Filium, etiam ipse Filius condidit. *Ratio* est; quia non condidit per Filium, ut Instrumentum: sed ut per causam sociam, sicut modo existendi, ita ordine causandi à se distinctam. Quæcunque enim Pater facit, hæc Filius pariter facit *Ioh.* 5. v. 19.

Ioh. 1. v. 3.

Ioh. 1. v. 3. loqui Evangelistam de secundâ creatione mundi, quæ est regeneratio Ecclesiæ: quemadmodum & Paulus 2 *Cor.* 5. v. 17. proinde de primâ creatione perperam allegari. *Resp.* Locus posterior de secunda Creatione apertè agit. Quod verò etiam prior, falsissimum est. Nam ut cætera mittam, quæ ex scopo, antecedentibus, & circumstantiis aliis peti possunt; Quicquid omnino factum est, per ipsum factum esse dicitur; ut declarant notæ universales affirmans *Omnia*, negans *Nihil*, & Paulus docet distinctâ particularium, quæ universalem efficiunt, enumeratione *Coloss.* 1. v. 16. At non creatione secunda, quæ universalis non est. Ergo prima. *Adhuc*: Ille mundus hîc factus dicitur per Christum, qui ipsum non cognovit v. 10. Mundus renovatus cognovit & cognoscit Christum, ut cui mentis novitas contigit. Ergo mundus renovatus hîc non intelligitur, sed alter prima illa creatione productus.

Coloss. 1. v. 16.

Coloss. 1. v. 16. Itidem sermonem esse de secunda creatione; eoque non dici cœlum & terram per ipsum creata, sed ea quæ in cœlis sunt & quæ in terra. *Resp.* De ea creatione sermo est, qua conditi sunt Angeli, *codem versu.* Illi autem conditi sunt non

non secunda, sed prima creatione. Ergo. Adhæc creationem secundam à prima apertè distinguit v. 18. Ergo eam v. 16. non intelligit. Meminit tamen etiam Apostolus ipsius cœli & terræ, partim explicitè per notam universalem, v. 16. 17. partim implicitè per metonymiam adjuncti.

Hebr. 1. vers. 3. Sustinere Christum omnia, quatenus pro data sibi *Heb. 1. v. 3.* potestate omnia gubernat *Matth. 28. vers. 18. Resp. Sustinet omnia non ut Mediator, sed ut Creator. Ut enim verbo suo potente mundum condidit, v. 2. ita eodem verbo eum sustentat, ne ad nihilum recadat. Atque hoc est quod ait Joh. 5. v. 17. Pater meus operatur usque adhuc, & ego operor.*

Matth. 1. v. 21. Servatocem quidem rectè dici, sed missum & constitutum à Deo Patre i *Johann. 4. v. 14. Actor. 13. v. 23. Resp. Datur. At quid inde? Ergo Deus non est? Minimè verò, quia ab affirmatione œconomix salutis ad negationem essentix divinæ non valet consequentia. Nam emisit Deus Filium suum factum ex muliere, Galat. 4. v. 4. & qui acquisivit Ecclesiam proprio sanguine est Deus Actor. 20. v. 28.* *Matt. 1. v. 21.*

Joh. 5. v. 36. Matth. 11. v. 5. Edidisse sanè Christum miracula, at non ex virtute quam ex se habuerit; ut ipse de se testatur, *Joh. 5. vers. 19. 30. & Petrus de ipso Actor. 2. vers. 22. Resp. Ut à se ipso non est, qua Filius; est enim Unigenitus ille à Patre, Joh. 1. v. 14. ita nec miracula patravit virtute quam habuerit à se; Nam quæ ratio existentix, eadem & operationis. Hoc etiam volunt allegata testimonia. Inde verò non magis inferre licet Deum non esse, quàm in humanis filium non esse hominem, quòd actiones humanas virtute à se non accepta edat.* *Joh. 5. v. 36. & Matth. 11. v. 5.*

Quarta Classis.

Johann. 14. v. 1. Qui credit in Deum, etiam credit in Christum, quem ille misit: at non ut Deum, alioquin fides in ipsum tanquam ultimum finem recumberet, quod fieri ipse negat *Johann. 12. v. 44.* *Qui credit in me, non credit in me, sed in eum qui misit me. Resp. Qui credit in Deum, etiam credere tenetur in Christum, qui est Deus in carne manifestatus 1 Tim. 3. v. 16. Ratio consequentix patescit, tum ex scopo, qui est hortari discipulos, ut non minus in se, quàm in Patre suo verà cordis fi-* *Joh. 14. v. 1.*

duciâ conquiescant; tum ex locis similibus. *Iohann. 14. v. 7. Si nōsetis me, Patrem etiam meum nōsetis. v. 9. Qui vidit me, vidit Patrem. 1 Iohann. 2. vers. 23. Quisquis negat Filium, nec Patrem habet; qui agnoscit Filium, etiam Patrem habet.* Nimirum quia Pater & Filius unum sunt *Ioh. 10. vers. 30. Quod opponitur ex Cap. 12. vers. 44. dictum id à Christo ex falsâ opinione Judæorum, qui ipsum nudum hominem esse, & absque mandato Dei docere persuasi erant. Vide cap. 7. vers. 16.*

Hebr. 1. vers. 6. Adorent eum omnes Angeli, nimirum quia id Deus præcepit, in quem etiam redundat hic honos *Iohann. 5. vers. 22. 23. Resp.* Imo quia Deus est. Non quem *Psal. 97. vers. 7.* adorare jubentur, Jehova vocatur *vers. 1. & seqq.* Is autem est Christus, Filius Dei teste Apostolo *Hebr. 1. vers. 6.* Item sicut *eodem vers. 7.* Jehova opponitur idolis, ut Deus naturâ, *Galat. 4. vers. 8.* ita Filius iisdem opponitur ut Deus naturâ. Jussit equidem Pater ipsum adorari, sed & se jussit adorari *Deuteronom. 6. vers. 6.* Honos Filii redundat in Patrem, non tanquam superiorem; sic enim æqualis non esset, *Iohann. 5. vers. 23.* sed tanquam primam Deitatis personam, à qua secunda genita est *Iohann. 1. v. 14.*

Matth. 28. v. 19. *Matth. 28. vers. 19.* Ex Baptismo nihil conditur pro Deitate Filii, cum etiam in homines baptizatum fuerit *1 Corinth. 10. v. 2.* *Resp.* Contrarium supra probatum est, dictumque Apostoli ex mente ipsius explicatum.

Quia unum cum Patre & ei par est. I. Qui essentiâ Unum est cum Patre, qui ei par est & æqualis, ille rectè dicitur Patri coessentialis & coæqualis. Filius essentiâ Unum est cum Patre *Iohann. 10. v. 30. Ego & Pater unum sumus; est ei par Iohann. 5. vers. 18. Deum dixit Patrem suum, parem se faciens Deo: quam illationem Christus non confutavit, sed multis argumentis confirmavit; est æqualis Phil. 2. vers. 6. cum esset in forma Dei, non duxit rapinam æqualem esse cum Deo. Ergo.*

Excipiunt: Galat. 3. vers. 28. fideles omnes cujuscunque gentis, status, aut sexus unus dicuntur; non per essentiam, sed per fidem. Ergo multo minus Christus, qui non unus, sed Unum dicitur cum Patre, ejusdem est cum ipso essentiæ. *Resp.* Negatur sequela ob Elenchum comparatorum. I. Fideles improprie, mysticè dicuntur Unus, quia sunt unus Christus mysticus, *1 Corinth. 12. vers. 12.* unum corpus *Ephes. 4. vers. 4.* Christus autem proprie, ut ante ostendimus. II. Illi non tantum dicuntur Unus in Scriptu-

ra, sed & *Unum Iohann. 17. vers. 11. 21.* Eodem significatu *Christus*, & Pater unum, *Ioh. 10. vers. 30. 1 Iohann. 5. vers. 7.* non unus, nisi implicite hoc sensu; *Christus & Pater sunt unus ille verus Deus. Ratio*; quia Personâ non unus, sed duo sunt. *Iohann. 8. vers. 17. 18.* *In lege vestra scriptum est, duorum hominum testimonium firmum esse. Ego is sum qui testor de me ipso, & testatur de me, qui misit me Pater.*

Rationes Samosatzenianorum.

Negantes Heterodoxa.

Ex natura Subjecti:

Verus Dei Filius, non est verus Deus. *Christus est verus Dei Filius. Ergo. Major probatur: Qui constituitur hæres omnium, non est verus Deus. Verus Dei Filius constituitur hæres omnium, ut est Hebr. 1. vers. 2. Ergo. Resp. Majorem primam invertimus: Verus Dei Filius est verus Deus, quemadmodum verus hominis filius est verus homo; Nam gignens generat sibi simile. Alteram limitamus: Qui hæres constituitur dono gratiæ, non proprietate naturæ, non est verus Deus. At ita Filius hæres non est, qui proprius Dei filius est, Rom. 8. v. 32. qui non Filius, quia hæres, sed qui hæres quia filius Hebr. 1. vers. 1. 2. Præterea Hæredem esse hîc significat dominum esse per metaphoram Galat. 4. vers. 1. 2. At dominus essentiali dominio est; non dono gratiæ, sed proprietate naturæ; quia per ipsum sunt omnia 1 Corinth. 8. vers. 6. Ergo.*

Quia Christus sit verus Dei Filius.

Ex naturâ

I. Cui non conveniunt Nomina, Proprietates, Effectus, & Cultus Dei, is non est verus ille Deus. Filio non conveniunt. Ergo. Minor probatur: Non Nomina. I. quia Homo & filius hominis passim vocatur. II. quia est Dominus factus Act. 2. vers. 36. III. quia Deum & Patrem habet, perinde ut nos Iohann. 20. vers. 17. Non Proprietates, ut Immutabilitas, quia passus & mortuus; Æternitas, quia factus ex muliere in plenitudine temporis Gal. 4. vers. 4. sive ultimis hisce temporibus Hebr. 1. vers. 1. Immensitas, quia non ubique Iohann. 11. vers. 15. Omniscientia, quia ignorat diem iudicii Marc. 13. vers. 32. Voluntas, quia non suam sed Patris volun-

Quia Filio Nomina, Proprietates, Effectus & Cultus Dei non conveniunt.

Act. 2. v. 36.
explicatur.

voluntatem fieri petiit *Matth. 26. v. 39.* *Bonitas*, quia non ipse, sed unus Deus bonus dicendus *Matth. 19. v. 17.* *Potentia*, quia non semper facere potuit miracula. *Marc. 6. v. 5.* Non *Effectus*, quia nuppiam dicitur *Creator*; item quia non est ipsius elargiri honorem sessionis ad dexteram vel sinistram in regno Dei *Matth. 20. v. 23.* Non denique *Cultus*, quia & ipse Deum Patrem invocare solitus est *Matth. 26. Joh. 11. & alibi. Resp. Minoris negatæ Probationes* secundum quatuor distinctas classes examinandæ sunt. Quod *Nomina* attinet, dicitur sanè *Homo & Hominis Filius*, sed non absolutè verùm limitatè *ὁ υἱος* *Rom. 1. v. 3. cap. 9. v. 5.* Filius Dei autem & Deus *ὁ πρῶτος ἀγνώστους* *ibid.* Factus est post resurrectoinem à mortuis *Dominus*, *Act. 2. v. 36.* non dominio *essentiali*; de quo, *1 Cor. 8. v. 6.* quod in omnia habuit inde ab orbis conditu, ut conditor omnium, *Heb. 1. v. 2. Coloss. 1. v. 16.* in dominio *personali mediatorio*; & quidem non simpliciter; nam longè ante & David ipsum appellavit Dominum, *Psal. 110. v. 1. & Daniel cap. 9. vers. 17.* sed κατὰ π quatenus tum ut mediator *ἱεὺς & ἄνθρωπος* in regno suo exaltatus, & ad dexteram Patris collocatus fuit *Ephes. 1. v. 20. & seqq. Philip. 2. v. 9. & seqq.* Postremò *Deum & Patrem habet* ut nos, *Joh. 20. v. 17.* sed non eodem modo: Quod indicat repetitione nominum cum distinctione in distinctis pronomiibus *Meum, Vestrum.* Quoad *Proprietates*, Non est Immutabilis, Æternus, Immensus, Omniscius secundum eam naturam, qua passus, mortuus, ex muliere factus, non ubique præsens, ultimi dici ignarus fuisse dicitur. Nam passus est carne *1 Petr. 4. v. 1. cap. 3. v. 18.* Ortus est ex Patribus atque ita etiam ex muliere, secundum carnem *Rom. 9. v. 5. cap. 1. v. 3.* Non fuit Bethaniæ secundum eam naturam, quâ factus est nobis similis per omnia *Heb. 2. v. 17.* Ignoravit diem iudicii secundum illam naturam, quâ profecit sapientia *Luc. 2. vers. 40. 52.* At secundum Spiritum, *Marc. 2. vers. 8.* qui æternus, *Hebr. 9. vers. 14.* & Sanctificationis vocatur, *Rom. 1. vers. 3.* sive secundum naturam divinam illa omnia ipsi conveniunt, prout ante demonstratum est. Similis ratio est quum dicit, *fuit non mea voluntas, sed tua.* Nam ut verus homo habuit voluntatem humanam, quâ mortem horruit, & deprecatus est. *Matth. 19. v. 17.* redarguit adolescentem, qui ipsum bonum vocabat, cum tamen pro Deo non haberet. *Nemo bonus est*, inquit, scilicet

verè

verè & perfectè, *nisi Deus*. Tu non habes me pro Deo. Quid ergo me bonum nuncupas? *Marc. 6. v. 5.* memorat quidem Euangelista non potuisse Christum Nazarethæ edere ullam virtutem; an verò propter defectum potentia? Minimè; subjicitur enim eodem versu, *nisi quod, cum paucis agrotis imposuisset manus, sanavit eos; & v. 6. mirabatur propter incredulitatem eorum*. Verùm ideo non potuit, quod propter incredulitatem indignos censeret, quibus sanationum suarum *χρῆσται* exhiberet; apertè testatur Matthæus *cap. 13. vers. 58. Non edidit illic virtutes multas, propter incredulitatem ipsorum*. Jam quoad *Effectus*, cum Filio opus Creationis multis Scripturæ locis tribuatur, ut aliquoties vidimus; quo jure titulo Creatoris spoliari poterit, si vel maximè *ὁ θεὸς* eo non insigniatur. Nam cui unum conjugatorum convenit verè, eidem convenit & alterum, ut habet Canon Logicorum. Sed tamen & Creator nominatur. Nam qui *Esā. 45. v. 23.* dicit, *Mihi se flectet omne genu*, is se Jehovah, Creatorem cælorum, formatorem terræ, & opificem ejus nominat *v. 18.* Atqui is est Christus, Filius Dei *Romanor. 14. v. 11.* Ergo. Quod autem Christus ait, *Matth. 20. v. 23. Sedere ad dextram aut sinistram non esse suum dare*, intelligendum est de conditione servili, quâ tum in terra degebat *v. 28.* Alioquin honorem illum pollicitus fuit discipulis, *cap. antecedentis v. 28.* & reapse conferet omnibus ovibus suis, *Matth. 25. v. 33.* tanquam Justus Judex *2. Tim. 4. v. 8.* Denique quod *Cultum* attinet, invocatur Christus Deus & exauditur à Deo, ut Homo; invocatur autem à nobis, & exaudit nos, ut Deus unâ cum Patre & Spiritu Sancto *Hebr. 1. v. 6. 1. Cor. 1. v. 2.*

Explicatur
locus
Marc. 6. v. 5.

II. Qui ex substantiâ Virginis Mariæ genitus, & Deo Patre minor est; non rectè dicitur ei coessentialis & coequalis. Christus Filius Dei ex substantiâ Virginis Mariæ genitus est; quia factus est ex muliere, *Gul. 4. v. 4.* est fructus uteri Mariæ, *Luc. 1. v. 42.* est etiam minor Patre; nam sic ait *Ioh. 14. v. 28. Pater major me est*. Ergo. *Resp.* Per limitationem *Majoris*. Non est ei coessentialis aut coequalis, qui tantum genitus est ex virgine, qui tantum eo minor est; vel secundum eam naturam, quâ genitus est ex Virgine; secundum eum statum, quo ipso minor esse dicitur. Christus autem non tantum genitus est ex virgine in tempore, sed etiam à Deo Patre ab æterno, *Proverb. 8. vers. 22.*

Quia ex substantiâ virginis genitus, & Patre minor sit.

Mich. 5. v. 2. Ioh. 1. v. 1. 14. non tantum est minor Patre ratione voluntariæ exinanitionis & assumptæ carnis, verum etiam par eirespectu æternæ Deitatis, ineffabili generatione ab ipso communicatæ *Ioh. 5. v. 18. Phil. 2. v. 6.* Unde consequitur coessentialiam, coæqualem esse Deo Patri, secundum Deitatem; coessentialiam, coæqualem virgini Mariæ & nobis, secundum humanitatem.

Tertia: Samofatenianorum. An Spiritus S. sit verus Deus?

TERTIA: An Spiritus Sanctus sit verus ac æternus Deus, Patri & Filio coessentialis & coequalis? Samofateniani negant, *Ostrodinus Instit. relig. Christian. cap. 4.* Nos affirmamus.

Rationes: Affirmantes Orthodoxa.

Rationes nostræ.

Ex Natura Subjecti:

Quia est persona Deitatis, à Patre & Filio procedens.

Qui est persona Deitatis, à Patre & Filio procedens, idem verus est ac æternus Deus, Patri & Filio coessentialis & coequalis. Spiritus Sanctus est persona Deitatis, à Patre & Filio procedens. Ergo. *Major* probationis non eget. Nam *esse Personam Deitatis* proprie ac univoce, est esse verum ac æternum Deum: *Ratio*, quia talis persona est natura Deus *Gal. 4. v. 8.* Qui autem est natura Deus, est verus ac æternus Deus. Deinde *procedere à Patre & Filio* ut personam a personis, est utrique esse coessentialiam & coequaliam. Etenim huiusmodi processio fieri nequit, nisi essentia ipsius communicatione. Vbi verò est communicatio essentia, ibi est *quæritas* & coequalitas. *Minor* trimembris est, quod scilicet Spiritus Sanctus sit *Persona*; quod sit persona *Deitatis*; quod sit persona *Deitatis à Patre & Filio procedens*. Singula membra argumentis singulis confirmanda sunt. *Primum:* Qui est *ὁ θεὸς ὁ πατὴρ*, est persona. Spiritus Sanctus est *ὁ θεὸς ὁ πατὴρ*. Ergo. *Minor* probatur. Est *ὁ θεὸς ὁ πατὴρ*; quia assumit corpoream ac visibilem speciem, in qua apparuit, columbæ; *Luc. 3. v. 22.* ignis, *Act. 2. vers. 3.* quia mittitur à Patre & Filio, *Ioh. 15. v. 26.* docet, ducit, regit, consolatur *Ioh. 14. v. 26. cap. 16. v. 13. & alibi*; quia varia dona confert hominibus, à quibus aperte distinguitur, ut auctor eorum *1. Cor. 12. v. 4. 11.* *Νοσσοῖ*; quia scrutatur profunditates Dei, & solus novit quæ sunt Dei *1. Cor. 2. v. 10. 11.* quia est spiritus sapientiæ, intelligentiæ, consilii & scien-

& scientiæ, *Esa.* 11. v. 2. distribuitque hæc dona sua prout vult
1. Cor. 12. v. 11. *Secundum*: Quæ persona est Dei, ex Deo, Deus;
 est persona Deitatis. Spiritus Sanctus est persona, quæ est Dei:
 quia Spiritus Elohim, *Gen.* 1. v. 2. Spiritus Iehovæ, *Esa.* 11. v. 2.
 Spiritus Dei *1. Cor.* 2. v. 11. vocatur: quæ est ex Deo, *1. Cor.* 2.
 v. 12. *Nos accepimus Spiritum qui est ex Deo*: quæ est Deus,
Act. 5. v. 4. *Non es mentitus hominibus sed Deo*, mentitus autem
 erat Spiritui Sancto v. 3. Ergo. *Tertium*: Quæ persona Deitatis
 est à Patre & Filio per processionem; ea à Patre & Filio procedit.
 Spiritus Sanctus est persona Deitatis à Patre & Filio; quia est Spi-
 ritus ex Deo, *1. Cor.* 2. v. 12. quia est Spiritus Elohim, *Gen.* 1. v. 2.
 Patris scilicet, *Matth.* 10. v. 20. & Filii, *Rom.* 8. v. 9. *Gal.* 4. v. 6. id-
 que per processionem; quio procedere dicitur *Ioh.* 15. v. 26. Ergo.

Ex natura Prædicati:

I. Cui nomina, proprietates, effectus, & cultus Dei tribuun-
 tur; is verus est ac æternus Deus, Patri & Filio coëssentialis &
 coæqualis. Atqui Spiritui Sancto tribuuntur. Ergo. *Major* contro-
 versia antecedente abunde confirmata est. *Minor* probatur per
 partes. *Primo* tribuuntur Spiritui Sancto *Nomina* Dei. Nam dicitur
 Iehova, *Act.* 28. v. 25. 26. *Bene Spiritus Sanctus loquutus est per*
Esaïam patribus nostris, dicens. Vade &c. Atqui id dixit Iehova ex-
 ercituum, sanctus ille *Esa.* 6. v. 3. 9. Inspiciantur & alia loca paral-
 lela *Num.* 12. v. 6. *Ier.* 1. v. 4. & *1. Pet.* 1. v. 11. 2. *Pet.* 1. v. 21. *Ier.* 31.
 v. 31. & *Heb.* 10. v. 15. *Psal.* 95. v. 6. & *seqq.* & *Heb.* 3. v. 7. Dicitur
 Deus Israel, *2 Sam.* 23. v. 2. *Spiritus Iehova loquutus est per me &c.*
 & v. 3. *Dixit Deus Israël, mihi loquuta est rupes Israël.* Dicitur
 Deus, *1. Cor.* 3. v. 16. *An nescitis vos esse templum Dei, & Spiritum*
Dei habitare in vobis? *Act.* 5. v. 3. 4. *Cur implevit Satan cor tuum*
ut mentireris Spiritui Sancto? *Non es mentitus hominibus sed Deo*,
 ubi Deus vocatur non modo absolute, sed etiam opposite ad crea-
 turas. Dicitur Deus vivens, *2. Cor.* 6. v. 16. *Vos templum estis Dei vi-*
ventis. Templum verò sunt fideles non simulachrorum v. 15. 16.
 id est, eorum, qui naturâ non sunt dii *Gal.* 4. v. 8. sed Spiritus San-
 cti *1. Cor.* 6. v. 19. *Secundo* tribuuntur Spiritui Sancto *Proprieta-*
tes Dei: ut Simplicitas; quia Spiritus increatus *Gen.* 1. v. 2. Im-
 mutabilitas; quia quicquid prædixit impleri oportet, *Act.* 1. v.

Quia Spiritui
 S. conveni-
 unt solius
 Dei propria:

Nomina Dei.

Proprietates
 Dei.

16. *Æternitas*; quia erat jam in principio creationis, *Gen.* 1. v. 2. ut virtus altissimi & digitus Dei *Luc.* 1. v. 35. *cap.* 11. v. 20. *Immen-*
sitas; *Psal.* 139. v. 7. *Quo irem a Spiritu tuo &c.* Sic habitat in
 omni-*bus* sanctis ut in templo suo *1. Cor.* 6. v. 19. *Vita*; quia vivi-
 ficat mortalia corpora nostra *Rom.* 8. v. 11. *Omniscientia*; quia
 omnia scrutatur, etiam profunditates Dei, omnia Dei novit *1. Cor.*
 2. v. 10. 11. *Veracitas*; quia veritas est, *1. Ioh.* 5. v. 6. & *Spiritus*
 veritatis *Ioh.* 16. v. 13. *Bonitas*; *Psal.* 143. v. 10. *Spiritu tuo*
bono deduc me per terram planam. *Omnipotentia*; quia virtus Al-
 tissimi vocatur *Luc.* 1. v. 35. *Tertio* tribuuntur Spiritui Sancto
 Effectus Dei. *Effectus Dei*: ut *Creatio*; *Psal.* 33. v. 6. *Verbo* Iehova creati sunt
 cœli, & *Spiritu* oris ejus omnis exercitus eorum. *Ioh.* 26. v. 13. *Spi-*
ritu suo celos ornavit. *Conservatio & Gubernatio*; *Gen.* 1. v. 2. *Spi-*
ritus Elohim incubabat superficiem aquarum. *Psal.* 104. v. 30. *Te*
emittente Spiritum tuum recreantur, denique renovas faciem terræ,
Patrati Miraculorum; *Matth.* 12. v. 28. *Ego in Spiritu Dei* ejicio
daemonia. *1. Cor.* 12. v. 4. *Divisiones operationum* sunt, sed idem *Spi-*
ritus. *Remissio peccatorum & Regeneratio*; *1. Cor.* 6. v. 11. *Ab-*
luti estis, justificati estis, sanctificati estis in nomine Domini Iesu, &
per Spiritum Dei nostri. *Ioh.* 3. v. 5. *Nisi quis* rege-*nitus* sit ex aqua
 & *Spiritu.* Item *Gubernatio Ecclesiæ* absolutâ potestate; *Act.* 10.
 v. 19. *Cap.* 13. v. 2. *Cap.* 15. v. 28. *Cap.* 20. v. 28. *Collatio do-*
norum; *Luc.* 12. v. 12. *1. Cor.* 12. v. 7. *Prædictio futurorum*;
Ioh. 16. v. 13. *Act.* 11. v. 28. *1. Tim.* 4. v. 1. &c. *Quarto* tri-
 buitur Spiritui Sancto *cultus Dei*, ut *Fides*, *Ioh.* 14. v. 17. *Spi-*
ritum veritatis mundus non potest recipere, quia non conspicit eum, nec
 novit eum: *Vos autem* nostis eum &c. *Spes*; *Rom.* 5. v. 5. *Spes* non
 pudefacit, quia *charitas Dei* effusa est in cordibus nostris per *Spi-*
ritum, Sanctum. *Charitas*; *Eph.* 4. v. 30. *Ne* tristate *Spiritum illum*
Sanctum &c. *Adoratio*; *2. Cor.* 13. vers. 13. *Communicatio Spi-*
ritus Sancti sit cum omnibus vobis. *Baptismus*; *Matth.* 28. v.
 19. *Baptizate in nomen Patris, Filii, & Spiritus Sancti.*

II. Qui essentiâ unum est cum Patre & Filio, rectè dicitur
 Patri & Filio coessentialis & coequalis. *Spiritus Sanctus* essen-
 tiâ unum est cum Patre & Filio *1. Ioh.* 5. v. 7. *Tres sunt qui testi-*
fificantur in cœlo, Pater, Sermo, & Spiritus Sanctus, & hi tres unum
sunt; quod dictum de *Unitate essentiæ* supra fuscè explicatum
 fuit. Ergo.

Quia essen-
 tia unum est
 cum Patre
 & Filio.

Ratio-

Rationes Samofatenianorum.

Ex natura Subjecti :

Negantes
Heterodoxæ.

Qui non est persona Deitatis, non rectè dicitur verus ille æternus Deus. Spiritus Sanctus non est persona Deitatis. Ergo. *Minorem* probant : *Primò* : Motus in hominibus divinitus excitatus non est persona Deitatis. Spiritus Sanctus est motus in hominibus divinitus excitatus ; *Iud. 6. v. 34. Spiritus Iehovæ induit Gideonem. Cap. 14. v. 7. Spiritus Iehovæ incessit Simsonem. Luc. 1. v. 15. Spiritu Sancto implebitur etiam ab utero matris sue.* Ergo. *Resp.* Mutato genere prædicationis non valet consequentia. Spiritus Sanctus est motus *Metonymicè*, persona Deitatis *proprie* ; sicut utriusque huius significatus exempla innumera in sacris occurrunt. *Iudic. 6. & 14.* à motibus hisce aperte distinguitur, ut auctor eorum. *Secundo* : Virtus Altissimi non est persona Deitatis. Spiritus Sanctus est Virtus Altissimi, *Luc. 1. v. 35.* Virtus ex alto *cap. 24. v. 49.* Ergo. *Resp.* Negatur consequentia ob ambiguitatem Majoris & Minoris. In *Majori Virtus Altissimi* aut accipitur *essentialiter*, aut *personaliter*, aut *effectivè*. De primo & tertio modo datur. De secundo negatur ; quia ut Sapientia Dei personaliter est Filius Dei : sic Virtus Dei personaliter est Spiritus Sanctus, pro ordine existentiae personarum divinarum. In *Minore* virtus personaliter sumitur, *Luc. 1. v. 35.* ut omnes loci illius circumstantiae docent : *effectivè* autem *cap. 24. v. 49.* id est, pro roboe illo, quo induti ex alto Apostoli per Spiritum Sanctum, sicut dicitur *Act. 1. v. 8. Recipietis virtutem Spiritus Sancti, postquam supervenerit in vos.* *Tertiò* : Donum Dei non est persona. Spiritus Sanctus est donum Dei. Ergo. *Resp.* Major non est universalis. Christus se vocat donum Dei *Ioh. 4. v. 10.* Liberi dicuntur dona Dei *Gen. 33. v. 5. cap. 48. v. 9.* An propterea nec ille, neque isti personæ ? Ita Spiritus Sanctus utrumque est : donum Dei ; quia donatur nobis à Deo, ut Spiritus fidei, *2. Cor. 4. v. 13.* renovationis *Tu. 3. v. 5.* Persona autem ; quia virtute suâ illa in nobis operatur.

Quia Spiritus S. non sit Deitatis persona sed tantum Motus divinitus excitatus.

Virtus Dei.

Donum Dei.

Ex naturâ Prædicati :

I. Verus Deus in Scriptura appellatur nominibus Dei. Spiritus Sanctus non appellatur nominibus Dei ; 1. quia usitatè tan-

Quia non appellatur nominibus Dei.

tum Spiritus Dei vocatur. II. quia denominatur ab hominibus, Moſe, *Num.* 11. v. 17. Elia, 2. *Reg.* 2. v. 9. Paulo 1. *Cor.* 5. v. 4. III. quia 1. *Cor.* 3. v. 16. *Act.* 5. v. 4. non Spiritus Sanctus, ſed Pater intelligitur, qui per Spiritum, ut virtutem ſuam, habitat in fidelibus, & cui mentitus eſt Ananias, cum per eundem Spiritum in Petro loqueretur. Ergo. *Reſp.* Falſitatem *Minoris* ſupra non ex uno, ſed ex multis Scripturæ locis oſtendimus, ut rationum tantum examine ſit opus. *Prima* inconſequens eſt; vocatur Spiritus Dei, Ergo non Deus. Imo quum Spiritus Dei, qui ex Deo, & in Deo eſt; etiam Deus vocatur. Sed & *Antecedens* falſum eſt propter excluſivam; quia non illo modo, verum etiam aliis multis nominibus appellatur. *Secunda* peccat fallacia phraſeos. Etenim Spiritus Moſis, Eliæ ſunt dona Moſis & Eliæ per Spiritum Sanctum in ipsis effecta, ut eſt *Luc.* 1. v. 17. *Ipſe præcedet in conſpectu eius cum ſpiritu & virtute Eliæ.* Spiritus autem Pauli animum eius atque voluntatem ſignificat. Sed demus, cum effectu cauſam, cum donis datorem eorum Spiritum notari; nihilo tamen rectius inferunt Spiritum Sanctum non eſſe Deum, quàm Patrem non eſſe Deum, qui ſe Deum Abrahami, Iſaaci & Iacobi nominat. Ut enim hic id nomen habet ex federe cum Patriarchis initio, ita ille alterum ab excellentibus donis in Moſen atque Eliam collatis. Quod ad *Tertiam*, non excludimus quidem Patrem, vel ab inhabitatione, 1. *Cor.* 3. v. 16. vel ab eo cui Ananias mentitus eſſe dicitur, *Act.* 5. v. 4. interim utrobique perſonam Spiritus Sancti immediate intelligi aſſerimus. Nam, qui habitat in ſanctis ut in templo ſuo eſt Deus; *Ratio*, quia ab eo templum Dei vocantur. Spiritus Sanctus iſ eſt qui habitat in ſanctis ut in templo ſuo. Ergo. *Item*: Cui mentitus eſt Ananias iſ eſt Deus; *Ratio*, quia non hominibus ſed Deo mentitus eſſe dicitur *Act.* 5. v. 4. Atque mentitus eſt Spiritui Sancto v. 3. Ergo.

Quia nec ab æterno ſit, neque à ſe habeat omnia.

II. Verus Deus ab æterno eſt, & à ſe ipſo habet omnia. Spiritus Sanctus non eſt ab æterno; quia non erat ante glorificationem Chriſti, *Ioh.* 7. v. 39. & à Filio omnia accipit *cap.* 16. v. 13. 14. 15. Ergo. *Reſp.* Negatur *conſequentia* ob fallaciam à dicto ſecundum quid in *Majore*, & æquivocationis in *Minore*. Verus Deus ab æterno eſt, ſive eſſentialiter, ſive personaliter conſideretur; At à ſe ipſo habet omnia eſſentialiter quidem, non autem personaliter quoad Filium & Spiritum

ritum Sanctum; quorum ille à Patre est, iste à Patre & Filio. *Explicatur dictum Ioh. 7. v. 39.*
 Deinde *Spiritus Sanctus nondum erat ante Christi glorificationem*, non κατ' ὡσείων, sed κατ' ἐνέργειαν sive effectiōem excellentium illorum donorum, quæ postea in Apostolos aliosque fideles magnâ copiâ effudit. Patet partim ex antecedente; *Hoc dixit de Spiritu illo, quem accepturi erant credentes*, partim ex consequente; *Quia Iesus non dum erat glorificatus*, id est, nondum mortuus, nondum resuscitatus & exaltatus; eoque nec acquisiverat eis Spiritum Sanctum merito mortis, Gal. 3. v. 14. nec efficaci virtute contulerat Actor. 2. Ephes. 4. & alibi. *Quia ab alio mittatur.*

III. Verus Deus mitti ab alio non potest, ut qui superiorem non habet. Spiritus Sanctus mittitur à Patre & Filio Ioh. 15. v. 26. Ergo. *Resp. ad Majorem*; Mitti non potest ut à superiore per modum Imperii; potest tamen ut à priore ordine existendi, per consensum voluntatis. *Ratio*; quia Deo absolutè superior non est. Deo Filio autem prior est ordine existendi Deus Pater; Deo Spiritu Sancto priores Pater & Filius. Atque hoc modo Spiritum Sanctum ab utroque missum dicimus,

LOCUS

LOCUS QUARTUS

De

PRÆDESTINATIONE

Controversiæ de Prædestinatione sunt tum Samosatenianorum, tum Lutheranorum.

Samosatenianorum duæ :

- I. An Deus ab æterno apud se statuerit, quid de singulorum salute aut exitio fieri velit ?
- II. An eorundem, ac aliarum rerum omnium certa ei sit ac infallibilis præscientia ?

Lutheranorum quatuor ;

- I. An Prædestinatio complectatur aliquod æternum Dei consilium de omnium universim hominum salute ?
- II. An decretum Electionis sit absolutum ?
- III. An decretum Reprobationis sit absolutum ?
- IV. An certus sit ac Immutabilis Electorum & Reprobatorum numerus ?

EXEGESIS.

IN doctrinâ de *Prædestinatione* etsi non omnes Pontifici idem sentiunt, quemadmodum Bellarmini & Stapletoni contrariæ de *Prædestinatione* ad gloriam disputationes docent : plerique tamen in rei summa nobiscum consentiunt. *Anabaptistæ* verò hoc caput in colloquiis suis hætenus intactum reliquerunt ; ut cum *Samosatenianis* & *Lutheranis* tantum certamen super sit. Vtrorumque quæ ζητήματα sint, modo indicatum est, & declarabitur infra pluribus.

Lutherani insuper de voce *Prædestinationis* litem movent. Negant quippe Reprobationem, quæ altera pars *Prædestinationis* vulgo

vulgo dicitur. eâ contineri aut contineri posse. Quamvis autem de
 Terminis Theologicis non sit litigandum, qui ex Scripturæ &
 Scholarum consuetudine variè usurpantur; contendimus tamen
 rectè & Scripturis convenienter etiam de Reprobatione accipi. E-
 tenim verbum *ἀπορίσκειν*, à quo est *ἀπορίσκειν*, *Act. 4. v. 28.* dicitur
 de Herode & Pilato, qui certè ad vitam prædestinati non fuerunt.
 Nec refert, quod ibi ad mortem Christi, & generis humani redem-
 tionem revocari possit. Nam, qui mortem, redemptionem præde-
 stinavit ut finem; Herodem, Pilatum prædestinavit ut mortis infe-
 rendæ media. Et ut mors Christo illata medium est redemptionis
 nostræ, sic eadem mors injustè ab ipsis illata medium est damnati-
 onis ipsorum *Ioh. 19. v. 11. 37.* Præterea idem evincitur ab æquipol-
 lentiâ aliorum verborum ac phrasium. *Ante constituere ad salutem,*
prescribere, ponere, parare ad gloriam, idem sunt, quod ad salutem,
 ad gloriam prædestinare. Ergo & ante constituere, præscribere
 ad aliquid, idem est quod prædestinare ad aliquid. Atqui illa rectè
 dicuntur de Reprobatione: *1. Thes. 5. v. 9. Non constituit nos Deus ad*
iram, sed ad salutem obtinendam. Iud. v. 4. jam olim prescripti ad hanc
damnationem. 1. Pet. 2. v. 8. Impingunt ad sermonem, non assentientes,
ad quod etiam positi erant; ut Christus positus est non solum in resur-
 rectionem, sed etiam in casum multorum in Israel *Luc. 2. v. 34.* Sic
Rom. 9. v. 22. Vasa ira coagmentata ad interitum, hoc est parata; sicuti
ignis æternus ipsis paratus esse dicitur Matt. 25. v. 41. Ergo & hoc.
 Postremo: Cui definitio convenit; eidem & definitum. Reproba-
 tionem convenit definitio Prædestinationis. Ergo. Minor probatur.
 Prædestinatio est destinatio rei ad finem aliquem antequam sit. Re-
 probatio est destinatio reproborum ad finem aliquem; ad interitum,
Rom. 9. v. 22. iram, 1. Thes. 5. v. 9. dedecus, 2. Tim. 2. v. 20. ignomi-
niam, Iud. v. 4. & quidem antequam sint Rom. 9. v. 11. Iud. v. 4.
 Ergo. Quod ajunt: *Interitum, dedecus,* finem hominis non esse
 sed extremum, ambiguitatem habet. Illa enim considerantur vel
 respectu Reprobantis, vel respectu reprobatis; Posteriori modo
 non finis sunt, quem intendat: sed extremum, in quod incurrit.
 Priore, finis rectissimè dicitur; quia omnes operatus est Iehova pro-
 pter se ipsum, etiamque improbum ad diem mali *Prov. 16. v. 4. &*
Ex eo, per eum, ac in ipsum sunt omnia Rom. 11. v. 36. Falsum
 verò est quod Prædestinatio Electorum & Reprobatorum sint pu-
 gnantia genere. Nam formis specificis tantum distinguuntur, gene-

Vox Prædesti-
 nationis etiam
 rectè de Re-
 probatione
 accipitur.

re planè conveniunt; quod est Prædestinatio utrorumque ad statum æternum.

Hæc de voce *Prædestinationis*. Iam *Controversia* ipsæ suo ordine succedunt.

Samofatenianorum.

Prima: Samofatenianorum. An Deus ab æterno apud se statuerit, quid de singulorum salute vel exitio fieri velit? Status Controversiæ.

PRIMA: *An Deus ab æterno apud se statuerit, quid de singulorum salute aut exitio fieri velit?* Samofateniani negant. *Ostorodius Instit. Relig. Christ. cap. 35.* Nos affirmamus.

Sententia Samofatenianorum de Prædestinatione plenius concepta sic habet: Deum statuisse apud se ab æternò omnes sibi obediētes fervare, omnes non obediētes damnare: atque hoc suum propositum in Novo Testamento per Christum tam Gentibus quam Iudæis clarè patefecisse. Qui verò obediētes aut inobediētes futuri sint, de eo nihil præfinivisse, aut præfinire potuisse: propterea quod totum illud arbitrii sit humani, ex cuius absolutâ libertate possint homines viam salutis monstratam in Evangelio ingredi, vel non ingredi; & ubi ingressi fuerint progredi in eâ, vel ab eâ regredi. Proinde Prædestinationem, de quâ loquitur Scriptura, tum Conditionatam, tum indefinitam esse. *Conditionatam* quidem, eò quod prædestinarit Deus ad vitam sub conditione obediētiæ, ad mortem sub conditione inobediētiæ. *Indefinitam* verò, quod de iis, qui vel illam vel istam conditionem impleturi sint, aut jam impleverint, nihil omnino præfiniverit, aut præfinire potuerit. *Vide Praelectiones Socini Academiæ Heidelbergensi inscriptas.*

*Rationes
Affirmantes
Orthodoxæ.*

Rationes Nostræ.

Ex naturâ Subjecti:

*Quia omnia
ad fines suos
præordinat.*

Cujus est universa & singula ad fines suos sive naturales, sive supernaturales præordinare, ejusdem est singulos hominum ad salutem aut exitium prædestinare. Prius Dei est. Ergo & posterius.

us. *Majoris* consequentia evidens est. Nam homines universitate rerum continentur, ut præcipua quædam ejus membra; & salus atque exitium duo sunt fines contrarii, quos Deus circa alios ac alios prædestinando intendit *Rom. 9. v. 22. 23. 1. Thess. 5. v. 9. 2. Tim. 2. v. 19. 20. Minor* probatur ex *Naturâ Dei & Scripturâ*. Ex illâ sic; **I.** Sapientissimi est quæcunque facit præordinare ad suos fines: *Ratio*; quia horum gratia operatur & operari instituit. Deus est sapientissimus *1. Tim. 1. v. 17*. Ergo. **II.** Qui univerforum & singulorum Dominus est, dominio plenissimo & perfectissimo; is universa & singula ad fines suos præordinat: *Ratio*; quia in præordinatione ac ordinatione ad fines potior pars domini consistit. Deus est univerforum & singulorum Dominus, *Matt. 11. vers. 25. dominio plenissimo & perfectissimo Dan. 4. v. 35*. Ergo. *Existâ*: *Eph. 1. v. 11. Omnia agit ex consilio voluntatis suæ*. Igitur & ex præordinatione. *Rom. 11. v. 36. Ex eo, per eum, & in ipsum sunt omnia. Prov. 16. v. 4. Omnes operatus est Iehova propter se ipsum, etiamque improbum ad diem mali*. Ergo omnia ad fines suos præordinavit &c.

Ex naturâ *Prædicati*:

I. Qui non modo viam salutis assequendæ, exitii effugiendi, apud se ab æterno præfinivit, sed etiam alios ad salutem, alios ad exitium ab æterno prædestinavit; is ab æterno apud se statuit, quid de salute vel exitio singulorum fieri velit. Atqui Deus non modo viam salutis assequendæ, exitii effugiendi, apud se præfinivit; quod Samosateniani fatentur: sed etiam alios ad salutem, alios ad exitium ab æterno prædestinavit; quod insuper docet Scriptura. De salute: *Ioh. 13. v. 18. Ego scio, quos elegerim. Rom. 8. v. 29. Quos præcognovit, etiam prædestinavit. Cap. 9. v. 23. Ut notas faceret divitias gloriæ suæ erga vasa misericordiæ, quæ præparavit ad gloriâ. Ephes. 1. v. 4. 5. Elegit nos in ipso ante jactum mundi fundamentum: prædestinavit nos, &c. 1. Thess. 5. v. 9. Non constituit nos Deus ad iram, sed ad salutem obtinendam. 2. Tim. 1. v. 9. Servavit nos ex suo proposito & gratiâ, quæ data est nobis in Christo Iesu ante tempora seculorum*. Unde & credidisse dicuntur, quotquot ad Vitam æternam ordinati erant *Act. 13. v. 48. De exitio: Rom. 9. v. 22. Vasa iræ coagmentata ad interitum. Iud. v. 4. jam olim præscripti ad hanc damnationem. Rom. 11. v. 7. 8. Electi assequuti sunt, reliqui occallu-*

Quia alios
ad salutem
alios ad exitium
prædestinavit.

erunt; Nam dedit eis Deus spiritum soporis &c. *Math.* 7. v. 23. *Namquam novi vos, discedite à me, &c.* Ergo.

Quia de individuis quibusdam ali-
quid apud
se statuit.

II. Quæ ratio est Iacobi, Moſis, Undecim Apoſtolorum, Pauli; item Eſavi, Pharaonis, Iudæ, & aliorum individuorum in genere humano ad Prædeſtinationem Dei: eadem ratio eſt cæterorum omnium. Atqui Iacobi, Moſis, Undecim Apoſtolorum, Pauli; item Eſavi, Pharaonis, Iudæ & aliorum hæc ratio eſt, ut Deus ab æterno apud ſe ſtatuerit, quod de ſingulorum ſalute vel exitio fieri voluit. Ergo. *Minor* nititur apertis Scripturæ testimoniis *Rom.* 9. v. 10. 11. 12. *Exod.* 32. v. 32. *Luc.* 10. v. 20. *Iob.* 13. v. 18. *Act.* 9. v. 15. *Rom.* 11. v. 1. 2. *Cap.* 9. v. 17. *Act.* 1. v. 25. *Major* probatur. **I.** Quod de Prædeſtinatione Iacobi ad ſalutem, Eſavi ad exitium dicitur in hypothefi, ad alios itidem prædeſtinatos transfertur in theſi *Rom.* 9. v. 10. 11. & ſeqq. Ergo ratio prædeſtinationis utrorumque eadem eſt. **II.** Paulus paſſim ſe prædeſtinatis ad ſalutem annumerat *Rom.* 11. v. 1. 2. *Eph.* 1. v. 4. 5. 11. 1. *Theſ.* 5. v. 9. 2. *Tim.* 1. v. 9. Ergo non alia prædeſtinatio ipſius, quàm cæterorum. **III.** Vnum eſt corpus, una fides, unus Spiritus, unus Dominus, unus Deus *Eph.* 4. verſ. 4. 5. 6. Ergo & una Prædeſtinatio Electorum. Quod ſi Electorum una eſt prædeſtinatio, prædeſtinatio Reproborum ſimiliter una eſt, ex naturâ contrariorum, &c.

*Regantes
Heterodoxæ.*

Rationes Samofatenianorum.

Ex naturâ Subjecti:

Quia doctrina de Prædeſtinatione tribuat Deo.

Iniquitatem.

Simulationem cum deceptione conjunctam.

Quicquid Deo iniquitatem, ſimulationem cum deceptione conjunctam, inſcitiam & pravitatem tribuit, id naturæ ejus non convenit, neque dici de ipſo abſque gravi blaſphemia poteſt. Atqui ſententia illa, quod Deus ab æterno apud ſe ſtatuerit, quid de ſingulorum ſalute vel exitio fieri velit, tribuit Deo iniquitatem, ſimulationem cum deceptione conjunctam, inſcitiam & pravitatem. Ergo. *Minorum* probant per partes. *Primo* de *Iniquitate*: Qui ideo aliquem punit quod ea non facit, quæ facere nullo modo potuit, & ne faceret ipſe conſtituit, iſ eſt iniquiſſimus. Atqui Deus ex illâ de Prædeſtinatione ſententiâ id facit. Ergo. *Secundo*, de *Simulatione cum deceptione conjunctâ*: Qui decrevit ut major pars hominum, quibus prædicatur Euangelium, non ſervetur; & tamen omnibus hominibus prædicatione Euangelii ſalutem offert, iſ verè ſimulat & eos decipit. Atque Deus ex illa de Prædeſtinatione ſententiâ

tentiâ id facit. Ergo. *Tertiò. de Inscitiâ* : Qui eos vocat, ac perducere conatur ad salutem, quos ipse novit vi immutabilis decreti fervari non posse; is imperitè, imprudenter, & stultè agit. Atqui Deus ex illa de Prædestinatione sentienciâ id facit. Ergo. *Quartò. de Pravitate* : Qui decrevit non modò qui condemnari, sed etiam qui peccare debeant; is pravus est, & pravitatis auctor. Atqui Deus ex illâ de Prædestinatione sentienciâ id facit. Ergo. *Resp. Minor* argumenti principalis quot membra tot blasphemias habet contra orthodoxam de Prædestinatione doctrinam, apertissimis Scripturæ testimoniis atque exemplis supra assertam; quibus nihil opponit præterquam cæcæ, Deoque inimicæ rationis impia ratiocinia, ac Sophisticas consequentias. Ad quæ etsi abundè respondeatur per formulam rejectionis Apostolicæ *absit*, & gravem increpationem, *O homo tu quis es, qui ex adverso respondas Deo?* quibus modis ad blasphemias consimiles Apostolus respondet, *Rom. 9. v. 14, 20. Cap. 3. v. 4, 6.* tamen quò vis veritatis, à quibusvis etiam speciosissimis Sophisticationibus triumphantis, elucescat clarius, singulorum membrorum probationes distinctè examinabimus. *Prima* de Iniquitate, propositione *Majore* ambigua, *Minore* falsa est; eoque illa limitationem, ista confutationem postulat. Qui ideo aliquem punit, quod ea non fecit, quæ facere nullo modo potuit; videlicet *vel* per subtractionem virium injustè factam; *vel* per impedimentum actionum externarum, manente nihilominus inclinatione ad illas? item: qui ne posset, alterutro mediorum istorum præordinato constituit: Is sanè est iniquissimus. An verò Deus propterea punit peccatores ex sententia nostra? Imo anathema dicimus id affirmanti. Hoc *docemus*; Deum in tempore punire peccatores, quod non fecerunt quæ facere debuerunt, *Rom. 6. v. 23.* ac initio etiam potuerunt, *Genes. 1. v. 26. 31.* postea autem ut non potuerunt propriâ culpâ amplius, *Rom. 5. v. 12. & seqq.* ita nec voluerunt per propriam malitiam *Matth. 23. v. 37.* Ab æterno verò hoc ipsum ita constitutum esse, id est, decrevisse Deum majorem partem eorum, qui initio potuerunt facere quæ debuerunt; postea autem suâ culpâ nec potuerunt amplius neque etiam voluerunt, in impotentiâ illa ac pravitate relinquere: an hæc iniquitas est, & injustitia? Imo summa æquitas ac justitia est, siue Deum siue ipsum peccatorum spectemus. Etenim Deus,

Inscitiam.

Pravitatem.

Deus prædestinans
Non Iniquus
est.

*Non Simulat
aut decipit.*

qui liberrimæ potestatis Dominus est, nullâ juris specie tenetur vires ad faciendum quod debet restituere ei, qui vires illas propriâ voluntate prostituit & perdidit; nullâ item juris specie *per-
cator* quod debet Deo potest denegare, cum debitum non magis cesset post amissionem virium, quàm debitum pecuniarium cessat post dilapidationem bonorum. Ut ergo creditor debitorem hujusmodi carcere justè punit, ita alterum Deus justè punit gehenna ignis *Matth. 5. v. 25. 26. Cap. 18. v. 34. Secunda* probationis, de Simulatione cum deceptione conjunctâ, *Major* propositio apertâ inconsequentia, *Minor* apertâ falsitate laborat. Etiam si enim decreverit Deus, ut major pars hominum, quibus prædicatur Evangelium non servetur, *Matth. 20. v. 16. & salu-
tem* hominibus indefinitè offerat in Evangelio, non tamen simulat, aut decipit. *Ratio*; quia offert eam non absolutè, sed cum conditione fidei ac resipiscentiæ, *Marc. 1. v. 15. Rom. 10. v. 9.* hoc est, ostendit hominibus in Evangelio viam ac modum consequendæ salutis, per veram fidem in Christum ac seriam resipiscentiam; & iis quidem, qui viam illam ingrediuntur, confert salutem; cæteros autem, qui nec ingrediuntur, nec ingredi possunt aut volunt, *Matth. 23. v. 37.* convincit propriæ contumaciæ, eisque prætextum omnem adimit *Ioh. 15. v. 22.* Quid hic sive simulationis, sive deceptionis intervenit? Tum simulet, si ipsos ex corde resipiscentes, toto corde credentes, vel saltem resipiscere & credere ex animo cupientes, tamen à salute excluderet, propter decretum damnationis ante factum. Tum deciperet, si aliam salutis viam monstraret ipsis in Evangelio, quàm quæ ad salutem ducit. Deinde in *Minore* falsum est Deum omnibus hominibus offerre salutem per prædicationem Evangelii. Reclamat *Scriptura* Vet. & Nov. Testamenti, quæ testatur Deum statuta sua ac jura olim nota fecisse Israël, non ulli aliæ genti, *Psal. 147. v. 19. 20.* Deum præteritis ætatibus, quæ fuerunt tempora ignorantia, sivilisse omnes gentes suis ipsarum viis incedere, *Act. 14. v. 16. Cap. 17. v. 30.* multos non omnes vocari *Matth. 20. v. 16.* Reclamat *Experientia*, quæ docet multis nunquam prædicatum fuisse Evangelium; aliis quibus non prædicatum nunc prædicari, & quibus olim prædicatum non amplius prædicari. Indefinitè ergo prædicatur quibusvis, non universaliter omnibus. *Tertia* probationis de Inscitia, *Minor* propositio

*Non inscitia
laborat.*

fitio falsa est. Non vocat Deus reprobos ita, ut, aut velit ex beneplacito voluntatis suæ, aut conetur efficaci suâ virtute ipsos ad salutem perducere; cæteroquin ad salutem dubio procul pervenirent, cum quod voluit semper effecerit, *Psal.* 115. v. 3. *Rom.* 9. vers. 19. & omnes qui trahuntur à Patre ad Christum veniant *Ioh.* 6. v. 44. Sed vocat *partim* declarando voluntatem suam verbo Legis & Evangelii, *partim* obedientiam sibi multis nominibus debitam ab ipsis exigendo; idque non eo fine, quod putet obedientiam illam præstituros esse, aut præstare posse ac velle: verum ut tum ipsi in conscientia suis, tum alii re ipsâ agnoscant justam esse Dei vindictam adversus eos servos, qui cum Domini sui voluntatem scirent, & facere deberent, tamen nec fecerunt, nec facere voluerunt *Luc.* 12. v. 47. Et quia caput hoc de *Vocatione Externâ*, quæ ad reprobos etiam pertingit, adversarii tanquam Sophisticationibus suis peropportunitate arripiunt, paucis axiomatis Scripturæ de eo sententia explicanda est. I. Non omnes sed *aliqui Reprobi* Vocationis Externæ participes fiunt, *Matth.* 20. v. 16. *Rom.* 9. v. 6. 7. 8. *Cap.* 11. v. 7. 8. qui tamen numerum Electorum longè excedunt *Matth.* 7. v. 13. 14. *Cap.* 3. v. 19. & *seqq.* *Cap.* 20. v. 16. II. *Participatio* illa ex eo est, non quod ipsorum causâ institutum sit ministerium Evangelii, *Ephes.* 4. v. 11. & *seqq.* *Rom.* 10. v. 14. 15. sed quia *vel* degunt inter Electos, soli Deo notos, 2. *Timoth.* 2. v. 19. utpote quos Deus elegit ex mundo, *Ioh.* 15. v. 19. neque ex mundo ante vitæ finem tollit, *Iohan.* 17. v. 15. *vel* horum cætibus se ingerunt, instar illius qui absque veste nuptiali in nuptias regias se ingessit *Matth.* 22. v. 11. 12. III. *Modus participationis* est, quod prædicatur ipsis idem verbum, offertur eadem gratia salutis quæ etiam Electis: quia verò non absolute, sed cum conditione fidei ac resipiscentiæ offertur, *Marc.* 16. v. 16. *Rom.* 10. v. 9. nec Deus, nec ministri ejus ipsos fallere aut decipere dicendi sunt, quod nihil conferunt; cum conditionem illam ipsi præstare nec possint, *Ioh.* 12. v. 39. nec velint *Matth.* 23. v. 37. IV. Hoc ipsum verò *nullatenus pugnat cum decreto* vel Electionis, vel Reprobationis; quia illo credentes & pœnitentes servare, isto incredulos & impœnitentes damnare Deus constituit *Marc.* 16. v. 16. Et decretum Reprobationis non excludit ab auditu Evangelii, 1. *Petr.* 2. v. 7. 8. est enim etiam odor mortis ad mortem, 2. *Cor.* 2. v. 16. sed à bonis

Vocationis
externæ cir-
ca reprobos
quæ ratio.

Subiectum
aliqui Re-
probi.

Participatio
per accidens,
quia inter
electos vi-
vunt.

Modus par-
ticipationis.

Non pugnat
cum decreto
prædestina-
tionis.

Finis partici-
pationis.

Effectus par-
ticipationis.

Non Prævus
est.

Quia doctri-
nâ de Præde-
stinatione om-
nem reli-
gionem
tollat

nis ejus. V. *Finis participationis* distinctè spectatur in Electis, & ipsismet Reprobis. Quoad *Electos* finis hic est, ut gratia Vocatio-
nis tanto magis eis commendetur, de quo vide *Matth.* 13. v. 11. & *seqq.* Quoad *Reprobos* autem 1. ut detegatur pravitas cordium
ipsorum, *Luc.* 2. v. 35. 11. ut reddantur inexcusabiles, *Rom.* 1.
v. 20. de quo ita Christus *Iobann.* 15. v. 22. *Si non venissem, &
loquutus essem eis, peccatum non haberent: nunc autem non habem,
quod prætexas peccato suo: & Petrus 2. Epist.* 2. v. 21. *Melius
fuisset eis, non cognovisse viam justitiæ, quam cognitâ eâ regredi à san-
cto præcepto sibi tradito: nimirum quia servus sciens voluntatem Do-
mini, nec faciens, multis plagis cadetur* *Luc.* 12. v. 47. VI. *Effectus
participationis* aut nullus est, quum non admittitur vocatio, *Luc.*
14. v. 18. *Actor.* 17. v. 32. 33. aut aliquis; & quidem vel ad
excacationem, quoties malitiosè ac contumaciter ei resistitur,
Ioh. 12. v. 39. 40. *Actor.* 28. v. 26. *Rom.* 11. v. 8. vel ad aliquem
fidei gradum; ut in iis qui fide historicâ, aut temporariâ donantur,
Matth. 13. v. 20. 21. 22. *Luc.* 8. vers. 12. 13. ubi tamen operatio
interior Spiritus Sancti mentem illuminantis cum externâ voca-
tione concurrit *Hebr.* 6. v. 4. 5. 6. *Quarta* probationis de Prævita-
te, *Major* ambigua est; unde vel ejus *Inconsequentia* vel *Minoris*
falsitas patefcet. Qui decrevit non modò qui condemnari, sed et-
iam qui peccare debeant, scil. aut imperando peccatum, aut
instillando illud ac operando, aut etiam ad id cogendo; is prævus
est ac pravitatis auctor. Nullo verò horum modorum Deus decre-
vit peccatum, qui odit illud, vetat, punit, ac facere per na-
turam suam non potest *Psal.* 5. v. 5. *Psal.* 45. v. 8. *Iac.* 1. v. 13.
Tu. 1. v. 2. Quid ergo? Decrevit non modò qui condemnari
debeant, ut qui improbum, vasa iræ ad interitum coagmen-
tavit, *Prov.* 16. v. 4. *Rom.* 9. v. 22. sed etiam quibus velit hæc a-
liæ peccata permittere, quos item in peccatis suis ad conde-
mnationem relinquere *Actor.* 14. v. 16. *Rom.* 11. v. 7. 8. & alibi.
Quò sensu consequentia *Majoris* directè contradicit Scripturæ,
affirmanti de Deo Antecedens, neganti Consequens *Rom.* 9.
v. 14. & *seqq.*

Ex natura Prædicati:

Quæ sententia omnem religionem funditus tollit, ea vera
non

non est. Atqui sententia illa, quæ affirmat Deum ab æterno apud se statuisse, quid de singulorum salute vel exitio fieri velit, omnem religionem funditus tollit. Ergo. *Minor* probatur. Ex quâ sententiâ manifestè sequitur, omnia quæ ad pietatem pertinent ex necessitate fieri, ea omnem religionem funditus tollit: *Ratio*; quia tollit studium omne pietatis, quod frustraneum est, ubi omnia necessariò eveniunt. Atqui ex illâ de Prædestinatione sententiâ hoc manifestè sequitur. Ergo. *Resp. Minor* falsissima est. *Probatio* ejus ambiguitate ludit in voce necessitatis. *Alia* est necessitas absoluta, Physica, coactionis; alia hypothetica, immutabilitatis & infallibilitatis. De *Priore* dari potest consequentia; De *Posteriore*, quam hîc adstruimus, prorsus negatur. *Ratio* est; quia necessitas illa non tollit contingentiam ac libertatem, quæ est in creaturis. Cum enim causa prima concurrat cum secundis, non abolendo aut mutando, sed stabiliendo ac conservando naturam earum; & verò plurimæ ad effectus suos indefinitè, contingenter, ac liberè se habeant: consequens est illum causandi modum, ut non Providentiæ, ita nec Prædestinationis sive æterno decreto, sive temporariâ executione everti. Et si igitur quæ ad pietatem pertinent, eventu ipso necessaria sunt ex *parte Dei*, cujus nec voluntas mutari, nec præscientia falli, nec potentia impediri potest; sunt tamen eadem contingentia & libera ex *parte hominis*, qui ad illa indifferenter se habet per naturam suam absolutè, quin etiam aversatur illa per eandem naturam relatè, id est, in statu corruptionis considerata: Proinde opus est ei studio, conatu, labore, quo in operibus pietatis proficere indies ac perseverare possit. Atque hæc media sicut ab æterno præordinavit Deus ad illum finem, *Eph. 1. v. 4.* ita in tempore foris per verbum, intus per Spiritum ea in suis operatur *1. Thess. 4. v. 7.* Unde populus ille peculiaris ex gratiâ Electionis & Vocationis, esse dicitur populus accensus studio bonorum operum, *Tit. 2. v. 14.* quæ præparavit Deus ut in iis ambularet, *Ephes. 2. vers. 10.* & illo ipso studio Vocationem & Electionem suam sibi firmam efficeret *2. Petr. 1. vers. 10.*

Opera pietatis necessaria.

Contingentia libera.

Secunda: Samofatenianorum.

An Deus omnia antequam fiunt ab aeterno præsciit?

SECUNDA: *An omnium universim rerum antequam fiant certa sit apud Deum ac infallibilis præscientia? sive: An Deus omnia, antequam fiant, jam inde ab aeterno præsciit? Samofateniani negant, Socinus Prædictio- num Theologic. cap. 8. Nos affirmamus.*

Rationes Affirmantes Orthodoxæ.

Rationes nostræ.

Ex natura Subjecti:

Quia Deus omniscius, immutabilis, omnium rerum principium primum.

Qui omniscius, immutabilis, ac omnium quæ fiunt primum est principium sive efficiens, sive permittens; is omnium antequam fiant præsciit. Atqui Deus ex constanti sententiâ Scripturæ est omniscius, immutabilis, ac omnium quæ fiunt primum principium sive efficiens, sive permittens. Ergo. *Major* confirmatur per partes. 1. A cujus scientia nihil excluditur, sive præsens, sive præteritum, sive futurum; is omnium antequam fiant præsciit. A scientiâ Omniscii nihil excluditur sive præsens, sive præteritum, sive futurum; alioqui enim omniscientia non esset. Nam quod ajunt futura contingentia scibilia, non esse, apertè falsum est de Deo, cui talium scientiam Scriptura passim tribuit. Ergo. 11. Cujus scientiæ nihil potest accedere, eum aut futurorum contingentium præsciit, aut ubi jam facta sunt, illorum ignarum esse oportet. At qui naturâ, in intellectu, scienti immutabilis est, ejus scientiæ nihil potest accedere. Ergo. Jam verò non potest esse horum ignarus; id enim imperfectionis esset. Est igitur illorum præsciit. 111. A quo omnia tam mala quam bona præordinantur, ab eodém etiam præcognoscuntur: *Ratio*; quia præordinatio illa fieri nequit nisi à causâ intelligente, qualis omnino præcognoscit, quæ præordinavit. Atqui à primo principio omnia tam mala quam bona præordinantur *Actor. 2. vers. 23. Cap. 4. vers. 28. Ephes. 1. vers. 11. &c.* Ergo.

Quia Scriptura Deo præscientiam tribuit.

Ex naturâ Prædicati:

I. Scriptura Deo omnium universim rerum præscientiam tribuit.

tribuit. Ergo ei verè convenit. *Antecedens* his dictis adstruitur : *Actor*. 15. v. 18. *Nota sunt Deo ab omni aeo omnia opera sua.* *Ephes.* 1. v. 11. *Omnia agit ex consilio voluntatis sua.* *Hebr.* 4. v. 13. *Omnia nuda & aperta sunt oculis ejus,* *Iob.* 28. v. 24. *Ipsè fines mundi intuetur, & omnia quæ sub cælo sunt.* *Psal.* 139. v. 2. *Intelligis cogitationes meas è longinquo.* *Proverb.* 19. v. 21. *Multa cogitationes insunt animo cujusque, sed consilium Iehovæ ipsum stabit.* *Ierem.* 1. v. 5. *Cum nondum formavissem te in utero jam cognovi te &c.* Contra quæ non nisi frivolas exceptiones adversarii afferunt.

II. A quo est futurorum contingentium certa ac infallibilis prædictio, apud illum est eorundem certa ac infallibilis præscientia : *Ratio* ; quia præscientia causa est prædictionis. A Deo futurorum contingentium certa est ac infallibilis prædictio, *Esa.* 41. v. 23. sicut exemplis innumeris probari potest. Nec refert quod non omnia prædixit ; id enim non est à defectu præscientiæ aut præfinitionis, sed ab arbitrio voluntatis, quo alia revelat, alia non. Ergo.

Quia à Deo est prædictio futurorum contingentium.

Rationes Samosatēnianorum.

Ex natura Subjecti :

Negant
Heterodoxæ.

Qui contristatur, experimento cognoscit alicujus obedientiam, expectat aliquid, & expectatione sua frustratur, jurat se aliquid facturum, quod tamen postmodum propter populi sui inobedientiam non facit ; is omnium antequam fiant præsciis non est. Atqui Deus contristatur peccatis hominum, *Gen.* 6. v. 6. 7. cognoscit experimento obedientiam Abrahæ, *cap.* 22. v. 12. expectat uvæ à vinea sua & frustratur, *Esa.* 5. v. 4. 7. quin jurat se populum introducturum in terram Chanaan, & tamen non facit propter ejus inobedientiam *Num.* 14. vers. 12. & seqq. Ergo. *Resp.* Negatur *Consequentia* ob mutatum genus prædicationis. Dicuntur illa de Deo non propriè sed ἀνὰ ἡμετέραν ἀνάγκην ; secus in ordinem creaturarum redigeretur. *Tristitia* ipsius displicentiam notat, & ex eâ pœnam ; *Cognitio* rei alicujus manifestationem ; *Expectatio* invitationem ad aliquid, pœnæque dilationem. *Juramentum* asseverationem Dei per verbum, sed hîc cum tacitâ conditione factam.

Quia experimento cognoscit, expectatione frustratur Deus.

Ex natura Prædicati :

Quia futura
contingen-
tia in se ipsis
incerta sunt.

Quæ in se ipsis antequam fiunt incerta sunt, de illis certa ac infallibilis præscientia haberi nequit. Futura contingentia in se ipsis antequam fiunt incerta sunt. Ergo. *Resp. Major* de creaturis vera, de creatore falsa est. Hic enim futura contingentia non tantum novit in ipsismet, sed vel maximè in sese, tanquam causâ primâ Efficiente bona, permittente mala, utraque ad fines à se præstitutos præordinante; & notitiam illorum, ejusque certitudinem non habet vel ex causis proximis futurorum contingentium, vel ex ipsis futuris contingentibus, verum ex suo decreto. Quia enim omnia quæ fiunt, decrevit vel facere vel permittere, præscit quoque ea: Quia immutabiliter decrevit, ut sapientissimus ac potentissimus; præscit infallibiliter. Præscit igitur, quia futura sunt; & futura sunt, quia facere decrevit aut permittere. Ex quo non magis auctor peccati constituitur; quàm ex ipsâ permissione & ordinatione peccati, quæ fit in tempore.

Lutheranorum :

*Tertia: Lutheranorum.
An Prædestinatio sit decretum de omnium hominum salute?*

PRIMA: An Prædestinatio complectatur aliquod æternum Dei consilium de omnium universim hominum salute? Lutheranis affirmant. Eckardus fasciculi Controv. cap. 15. Quest. 2. Nos negamus.

Sententia
Lutherano-
rum.

Statum Controversiæ Primæ de Prædestinatione, vix ullus è Lutheranis planius aut distinctius explicat, quàm Matthias Hasenrefferus, Theologus Tubingensis, cujus verba ex Locis editis huc transcribi operæ precium erit. Prædestinatio seu Electio, inquit, est voluntas, consilium, seu beneplacitum Dei æternum, de hominibus per Christum fide apprehendendum salvandis. Voluntas illa distinguitur in Antecedentem & Consequentem, sive quod idem est, in Universalem & Particularem. Voluntas Antecedens est consilium, beneplacitum & decretum Dei æternum, de omnibus in universum hominibus peccato perditis per Christum Salvatorem fide apprehendendum salvandis. Ea fundamentis tribus innititur;

Inf-

Infinita & Vniuersali Dei misericordia; Vniuersali Christi merito; Vniuersali verbi ministerio. Voluntas Consequens est consilium seu decretum Dei aeternum, de saluandis credentibus, & damnandis incredulis. In quâ voluntate caussa particularitatis non oritur ex Deo, qui serio, constanter, & ardentem vult ut omnes homines credant, & per fidem in Christum saluentur; sed homines ipsi in caussa sunt, qui benigno Dei & vniuersali beneplacito non obsequuntur, nec credunt. Sola enim infidelitas caussa est particularitatis & damnationis. Nec obstat quod fides non omnium sed Dei donum esse dicitur. Est quippe ex auditu Verbi Dei, Rom. 10. v. 17. fides igitur non est omnium, quia non omnes audiunt verbum Dei; & qui audiunt, multis de caussis proprio vitio, diuini seminis fructificationem sibi ipsis impediunt, quod Christus in parabola docet Matth. 13. Certum enim est, quod Spiritus Sanctus in omnibus qui verbum audiunt efficax esse, ac fidem & conversionem ipsis largiri velit; sed multi Spiritui Sancto resistunt, & media vel contemnunt, vel impediunt, vel rursus deficiunt. Haecenus ille. Quibus omnibus si non Pelagianismus, at Semipelagianismus Lutheranorum ipso meridiano Sole clariùs proditur, tum ex parte Dei, tum ex parte hominis. Ex parte Dei; quia omnes per voluntatem Antecedentem in æquali gratiâ esse statuunt apud Deum; utpote cuius Vniuersalis sit Electio, Vniuersalis misericordia, Vniuersalis Redemptio, Vniuersalis Vocatio, Vniuersalis quoque efficacia per illam vocationem. Ex parte hominis; quia quod alii obsequuntur Dei decreto & consilio, alii non obsequuntur; quod alii credunt, alii non credunt; atque ita alii ab aliis particulariter distinguuntur in voluntate Consequente, id omne esse ajunt non à Deo, sed ab ipsis hominibus; quorum alii nec contemnunt, nec impediunt media salutis, neque rursus deficiunt; alii contra contemnunt, impediunt, deficiunt.

Semipelagianismus Lutheranorum.

Cæterum quia fundamentum sententiæ suæ ponunt in distinctione *Voluntatis Dei in Antecedentem & Consequentem*, ea ante omnia nobis consideranda est. Reperitur verò non in Scripturis Sacris, sed in scriptis Patrum, *Chrysostomi* maximè *Sermone 2. ad Ephesios*, & *Damasceni lib. 2. fidei Orthodoxæ cap. 29. de Providentiâ*; à quibus Scholastici alique eam mutuati sunt. Sed ne

Distinctio voluntatis Dei in Antecedentem & Consequentem.

Orthodoxi quidem in sensu Scripturæ conveniente eam rejiciunt. Etenim voluntas Dei modò accipitur *pro decreto sive proposito ipsius*, modò *pro præceptis, promissis ac minis*. Primi significatus exempla sunt: *Esa. 46. v. 10. Consilium meum stabit, & omnis voluntas mea fiet. Psal. 115. v. 3. Deus noster in cælis est, quicquid voluit, fecit. Rom. 9. v. 19. Voluntati ejus quis resistet? Ephes. 1. v. 11. Omnia agit ex consilio voluntatis suæ.* Secundi exempla sunt: *Psal. 143. v. 10. Doce me facere voluntatem tuam. Matth. 6. v. 10. Fiat voluntas tua. Rom. 2. v. 18. Nosti ejus voluntatem. 1. Thess. 4. v. 3. Voluntas Dei est sanctificatio vestri.* Hæc voluntas in Antecedentem & Consequentem rectè distinguitur. Est enim *Antecedens* in præceptis; fac hoc, crede: *Consequens* in promissis, vel minis; vives, servaberis; non vives, damnaberis. Illa declarat hominis officium, quid facere aut omittere debeat; Ista Dei vel beneficium, si faciat; vel iudicium, si omittat; eoque voluntas *consequens* tam diu semper suspensa est & incerta, donec voluntas *antecedens* vel facta vel omissa fuerit. At prior, quæ decretum notat, quo statuit Deus de omnibus, & ex quo omnia agit, *Ephes. 1. v. 11.* non rectè ita distinguitur. Nam nullum est in Deo *antecedens* decretum conditionale, in certum, ab eventu dubio pendulum. Nullum item decretum *consequens* distinctum & particulare ex arbitrio humano: Proinde distinctionem sive divisionem illam ut Pelagianam, aut Semipelagianam meritò rejicimus. Etenim

Quatenus
orthodòxè
sumatur.

Decretum
ita distingui
nequit.

Quia mem-
bra hæc cum
diviso suo
pugnant.

I. Quæ membra cum diviso suo apertè pugnant; illud non dividunt. Hæc membra cum diviso suo apertè pugnant. Ergo. *Major* est axioma Logicum. *Minor* probatur: Quod certum, fixum, immutabile est, finemque suum semper assequitur; id incertum, dubium, mutabile, fine suo ut plurimum excidens, dici nequit. Omnis voluntas Dei, pro decreto accepta, est certa, fixa, immutabilis, finemque suum semper assequitur: *Esa. 46. v. 10. consilium meum stabit, & omnis voluntas mea fiet. Cap. 14. v. 27. Iehova exercituum ineunte consilium, ecquis irritum faciet? Psal. 115. v. 3. Deus noster in cælis est, quicquid voluit, fecit. Rom. 9. v. 19. voluntati ejus quis resistit. Cap. 11. v. 7. Electio assequuta est, reliqui occalluerunt.* Unde consilium ipsius in Scriptura *ὡς ἐσµένον*, *Actor. 2. v. 23.* & *ἀμετάθετον*, *Hebr. 6. v. 17.* appellatur; sicut dona, quæ inde proficiscuntur, *ἀμεταμέλητα Rom. 11. v. 29.* Ergo. Quod verò distinctione Voluntatis æternæ

in

in absolutam & ordinatam, Universalitatem *Majoris* infringere adlaborant, id omne in vanum est. Nam Voluntas quæ ordinata dicitur à mediis subordinatis, non incerta & dubia, sed certa ac firma est, tum in Electionis, tum in Reprobationis decreto. *Ratio*; quia utrumque decretum non tantum de fine est, sed etiam de mediis ad illum finem: id est, non tantum certo ac immutabiliter apud se constituit Deus, quibus velit salutem dare, vel non dare, sed etiam quibus velit fidem dare, vel non dare. Unde *crediderunt quotquot ordinati erant ad vitam æternam*, *Actor.* 13. v. 48. *cæteri non crediderunt, ad quod etiam positi fuerunt*, 1. Pet. 2. v. 7. 8. *Electi assequuti sunt, reliqui occalluerunt* *Rom.* 11. v. 7. Imò non potuerunt credere; quia dedit eis Deus Spiritum sôporis, v. 8. *excacavit eos* *Iohann.* 12. v. 39. 40. Atque hoc est, quod ait Christus *Matth.* 13. v. 11. *Vobis datum est nosse mysteria regni cælorum, illis non est datum*; nam aliis occultantur, aliis revelantur ex beneplacito Patris, *cap.* 11. v. 25. 26. *quo misereatur, cuius vult; & indurat quem vult* *Rom.* 9. v. 18. Si igitur certa est ac ordinata Dei voluntas, tam quoad media, quàm quoad finem; & verò omnibus quibus finem, salutem, etiam media destinavit, ut voluntatis *antecedentis* declaratio testatur: irrefragabiliter sequitur aut omnes universim homines salvari, aut media salutis insufficientia esse, aut denique decretum tale nullum esse.

II. Pugnancia non sunt sub uno genere proximo. Voluntas Antecedens & Consequens, prout ante definitæ fuerunt, sunt pugnancia. Ergò. *Minor* confirmatur argumento duplici. *Primum*: Quorum unum vult omnes salvari, alterum non vult omnes salvari, ea sunt pugnancia. Atqui ex sententia Lutheranorum Voluntas Dei Antecedens vult omnes salvari, Voluntas Consequens non vult. Ergò. *Respondet Hasenrefferus*, esse voluntates non contradictorias, sed subordinatas. Vult Deus omnes homines credere & per fidem salvari. Quia verò multi suo proprio vitio non credunt, ideo consequente Dei voluntate damnantur, credentes autem salvantur. *Respondemus Nos*: Esse ergo fidem humani arbitrii opus. Etenim: Qui voluntate Antecedente omnium misereatur, omnes redimit; qui seridò, constanter, & ardentè vult, ut omnes credant, ita quidem, ut per Spiritum Sanctum in omnibus, qui verbum audiunt, efficax esse, ac fidem & conversionem ipsis largiri velit; is fidem aut
in

Quia voluntas Antecedens & Consequens sunt pugnancia.

in omnibus producit, aut eam hominis arbitrio relinquit: ex quo fiat postmodum ut alii velint credere, alii non velint: alii velint recipere fidem à Deo ardentem eam largiri & efficaciter operari volente, alii non velint. Tertium præter ista non datur. Atqui Deus voluntate Antecedente vult ista omnia; ut habent verba *Hasenrefferi*. Ergo aut fidem in omnibus producit, aut eam hominis arbitrio relinquit. Sed utrumque consequens est contra Scripturam. Prius; 2. *Thess.* 3. v. 2. *fides non est omnium*, *Ti.* 1. v. 1. *fides Electorum Dei*. Posterius; *Ephes.* 2. v. 8. 9. *Gratia servati estis per fidem, & hoc non est ex vobis, Dei donum est, non ex operibus, ne quis gloriatur*. Est igitur contra Scripturam etiam Antecedens; atque ita *Exceptio Hasenrefferi* inanis. Verum quidem est multos proprio vitio non credere; nam culpa incredulitatis in homine residet: Sed & hoc verum est, quod nolit Deus fidem dare omnibus; quia miseretur cuius vult, & indurat quem vult, *Rom.* 9. vers. 18. aliis dat cognitionem mysteriorum cœlestium, aliis non dat, *Math.* 13. v. 11. sed occultat *cap.* 11. v. 25. Proinde Causa Incredulitatis latius patet, quàm ejus culpa. Causa est partim in Deo reprobante & excæcante, *Roman.* 11. v. 7. 8. *Iohan.* 12. v. 39. 40. partim in homine, *Math.* 13. v. 19. & seqq. Culpa in solo homine *Matt.* 23. v. 37. *Deus causa est circa culpam*; quis enim dedit ei ut reddatur ei? *Rom.* 11. v. 35. aut annon licet ei facere de rebus suis quod vult? *Math.* 20. v. 15. *Homo causa est cum culpa*; quia resipiscere & credere iussus, *Marc.* 1. v. 15. sicque sciens voluntatem Domini, tamen eam non fecit *Luc.* 12. v. 47. *Secundum*. Quorum unum affirmat, alterum negat vocationem esse universalem; illa sunt pugnancia. Atqui ex doctrinâ Lutheranorum Voluntas Antecedens affirmat, Consequens verò negat vocationem esse universalem. Ergo. *Minorem* habemus in verbis *Hasenrefferi* supra traditis. Nam fundamentum tertium voluntatis Antecedentis ponit in universali verbi ministerio, quo Christus toti mundo offertur; & seriò vult Deus, ut omnes eum per fidem accipiant. Quod vero non omnes accipiunt, id in voluntate Consequente esse ait ex eo, quia non omnes audiunt verbum Dei; & qui audiunt, divini seminis fructificationem sibi ipsis impediunt, resistendo nimirum Spiritui Sancto, & media vel contemnendo vel impediendo, vel rursus deficiendo. Unde sic infero: Quod non omnes audiunt id neque omnibus prædicatur;

Incredulitatis
causâ &
culpa.

catur; quomodo enim audient absque prædicante? *Roman. 10. v. 14.* Verbum Dei non omnes audiunt. Ergo nec prædicatur omnibus; sicque ministerium verbi universale non est. Alia argumenta contra eandem distinctionem omittimus; & nunc ad sententiæ nostræ confirmationem accedimus.

Rationes Nostræ.

Ex natura Subjecti.

I. Quod particulare est, sive quorundam tantum, id non est universale. Prædestinatio ad salutem particularis est, sive quorundam tantum. Ergo. *Minoris* veritas demonstratur testimoniis Scripturæ. *Rom. 8. v. 29. 30.* Quos præcognovit, etiam prædestinavit conformandos imagini filii sui, ut is sit primogenitus inter multos fratres. Quos vero prædestinavit, eos etiam vocavit. *Cap. 11. v. 2.* Non abiecit Deus populum illum suum, quem præcognovit. *2. Tim. 2. v. 19.* Solidum stat Dei fundamentum habens sigillum hoc; Novit Dominus eos, qui sunt sui. *Matth. 20. v. 21. 23.* Sedere ad dextram & sinistram meam in regno meo, dabitur quibus paratum est à Patre meo. *Luc. 12. v. 32.* Ne metue parve grex: nam libuit Patri vestro dare vobis regnum. *Act. 13. v. 48.* Crediderunt quotquot ad vitam æternam ordinati erant. *Cap. 18. v. 10.* Populus est mihi multus in urbe hac.

Rationes
Affirmat-
tes Ortho-
doxæ.

Quia prædestinatio ad salutem est particularis.

II. Electio ad salutem non est universalis. Prædestinatio est Electio ad salutem. Ergo. *Minor* patet ex horum terminorum æquipollentia apud Lutheranos; quam etiam *Hafenrefferus* docet. *Major* confirmatur partim ex etymologia vocis: nam eligere est ex pluribus legere, unum alteri præferre, sive uno accepto alterum repudiare; juxta illud *Vnus recipietur, alter relinquetur*, *Matth. 24. v. 40.* partim ex sententia Scripturæ: *Matth. 20. v. 16.* *Cap. 22. v. 14.* Multi vocati, pauci electi. *Ioh. 13. v. 18.* Scio quos elegerim. *Cap. 15. v. 19.* Ego elegi vos ex mundo. *Rom. 11. v. 7.* Electi affecti sunt, reliqui occalluerunt. *1. Cor. 1. v. 27. 28.* Quæ stulta sunt mundo elegit Deus, ut pudefaciat sapientes; & quæ sunt infirma mundi elegit Deus, ut pudefaciat valida.

Quia Electio ad salutem non est Universalis.

Ex natura Prædicati.

Quod consilium Dei de aliorum salute, aliorum contra

D d d

exitio

Quia completur consilium Dei de aliquorum salute & aliorum exitio.

exitio complectitur; id non complectitur consilium de omnium universim hominum salute. Atqui Prædestinatio divina complectitur consilium Dei de aliorum salute, aliorum contrà exitio: Ergo. *Major* certa est: quia in Deo ut non contrarię voluntates, ita nec contraria sunt consilia, neque est Etiam & Non de iisdem

Quod liquet

Ex decreto:

2. Cor. I. v. 19. *Minor* confirmatur ex Scripturâ dupliciter à priorē & posteriore, ex decreto & eventu. *Apriorē* hoc modo: Qui Prædestinatione suâ alios ad vitam, alios ad mortem præordinavit; ejus Prædestinatio consilium de aliorum salute, aliorum contrà exitio complectitur. Atqui Deus Prædestinatione suâ alios ad vitam, alios ad mortem præordinavit, juxta dicta Roman. 9. v. 11. 12. 13. *Nondum natis pueris, cum nihil fecissent boni vel mali, ut propositum ipsius, quod est secundum ipsius Electionem, non ex operibus sed ex vocante firmum maneret, dictum est er. Major serviet minori; sicut scriptum est: Iacobum dilexi, Esavum odio habui. v. 18. Cujus vult miseretur, quem vult indurat. v. 21. 22. 23. An non habet potestatem figulus in lutum, ut ex eadem massa faciat aliud quidem vas ad decus, aliud ad dedecus? Quid si vero volens ostendere iram suam & notam facere potentiam pertulit multâ lenitate vasa ira coagmentata ad interitum; & ut notas faceret divitias glorię suę erga vasa misericordię, quę preparavit ad glorię. Cap. 11. v. 2. Non abiecit Deus populum illum suum, quem præcognovit. v. 7. Electi assequuti sunt, reliqui occalluerunt. 1. Thess. 5. v. 9. Non constituit nos Deus ad iram (sicut alios constituit quos ad damnationem præscripsit, vers. 4.) sed ad salutem obrinendam. Matth. 25. v. 34. Possidete regnum paratum vobis à jacto mundi fundamento. v. 41. Abite in ignem æternum, qui paratus est Diabolo & angelis ejus scil. à jacto mundi fundamento. Ergò. *Apriorē* sic: Quorum aliis media salutis obtingunt, aliis non obtingunt; quorum alii salutem assequuntur, alii non assequuntur; idq; ex æternâ Prædestinatione: de illorum tum salute tum exitio consilium Dei ipsa prædestinatio complectitur. Atqui hominum aliis media salutis obtingunt, aliis non obtingunt; eorum alii salutem assequuntur, alii non assequuntur, & quidem ex æternâ Prædestinatione. Nam ita Christus de utrisque Matth. 11. v. 25. 26. Glorię tibi tribuo Pater Domine cęli & terrę, quod hac occultaveris sapientibus & intelligentibus, ac revelaveris infantibus. Etiam Pater, quia ita libuit tibi. Cap. 13. v. 11. Vobis datum est nosce mysteria regni cęlorum, illis non est datum. Cap. 25. v. 34. Venite bene-*

Ex eventu

benedicti Patris mei possidete regnum paratum vobis à jacto mundi fundamento. & v. 41. Abite à me maledicti in ignem aeternum, qui paratus est Diabolo & angelis ejus. Ergo.

Exceptiones Lutheranorum ad testimonia ex capite 9. Epistola ad Roman.

Primò: Exempla Jacobi & Esavi non ἀγαπῶντες, sed ^{Vindicatio} ^{loci ad Rom. 9.} ^{cap.} ἀποκῶς adducuntur; & odisse est certo modo posthabere; contra diligere in certâ aliquâ re præferre. *Resp.* adducuntur utroque modo. Illo; quia adducuntur ut exempla distinctionis Apostolicæ de filiis carnis & filiis promissionis, v. 6. 7. ut docet connexio v. 10. *Neque hic solum* &c. Ut igitur exempla priora Ismaëlis & Isaaci adducuntur ἀγαπῶντες, ita & posteriora. Isto; quia quod in hypothesi dicitur de duobus illis, in thesi affirmatur de aliis omnibus, Electis & reprobis, v. 15. 16. & seqq. quod ipsum etiam fit in exemplis prioribus, v. 7. 8. 9. Quinimo quia paradigmaticè adducuntur, typicè adducuntur. Nam de similibus idem est judicium. Et ut Israelitæ, quia prostrati à Deo, ἀγαπῶντες iræ ejus facti sunt ἵπποι vocantur nostri respectu, 1. Cor. 10. v. 6. 11. eundem in modum hîc se res habet. Est tamen hoc loco & alia typi ratio respectu ipsorum. Nam jus primogenituræ & terræ promissæ hæreditas, quæ Esavo negata, Jacobo autem fuere collata, typi sunt gratiæ Dei ad salutem negatæ aut collatæ. Quos typos in utriusque Personâ impletos fuisse hîc mystica explicatione ostenditur. Quod alterum attinet de amore & odio, libenter admittimus, odisse esse certo modo posthabere, & diligere esse in re aliquâ certâ præferre. At quomodo posthabitus Esavus? aut quâ in re Jacobus ei prælatus fuit? Utrumque docet Apostolus. *Esavus* posthabitus est Jacobo, ut filius carnis; *Jacobus* contrâ prælatus Esavo in promissione, ut filius promissionis v. 6. 7. *Esavus* posthabitus fuit Jacobo, ut propositum καὶ ἀπόδοξιν ἔχει firmum maneret. *Jacobus* verò prælatus Esavo, ut propositum καὶ ἐκλογὴν ἔχει firmum maneret v. 11. Jam verò in promissione posthaberi aut præferri, est in vitæ æterna posthaberi aut præferri; & ad alterutrum prædestinatum esse, est ad vitam aut mortem prædestinatum esse.

Secundò: dicta Genes. 25. v. 23. *Malach.* 1. v. 3. non agunt

Ddd 2

De dictis i-
bid v. 12. 13.
de citati

de absolutâ aliquâ rejectione, aut electione, sed de externâ prærogativa primogenituræ & huic annexa promissione terræ Canaan. Nam I. agunt non tam de Patriarchis, quam de ipsorum posteris. Si igitur æternam electionem vel rejectionem docent, sequitur Jacobum omnesque ejus posteros electos. Esavum contra omnesque ejus posteros rejectos fuisse. II. *Gen. 27. v. 40.* dicitur Esavum aliquando jugum servitutis excussurum; Fatale autem & absolutum reprobationis decretum everti nequit. III. Paulus *vers. 13.* vaticinium Malachiæ de externâ prærogativâ dominii explicat. IV. Esavus ex parte factus est particeps benedictionis Jacobo factæ, *Gen. 27. v. 39. 40.* sequitur ergo partim electum, partim reprobum fuisse. V. Nec ipse Isaacus aut Rebecca de æternâ reprobatione intellexerunt. *Resp.* Omnia illa dicuntur non contra nos, sed contra Apostolum quasi testimonia Mosis & Malachiæ non recte intellexerit, eoque nec convenienter allegarit: quod quantum absit à blasphemiâ, ipsi harum exceptionem auctores viderint. De quo agat Apostolus propositio ejus ostendit *v. 6.* *Non excidit*, inquit, *sermo* sive promissio Dei facta Abraham. etiamsi major Judæorum, posterorum ejus, pars rejiciatur. *Rationem* affert; quia posterii illi non sunt ejusdem generis, sed alii *filii carnis*, quos non spectat promissio; alii *filii promissionis*, in quibus rata est. Hoc declarat exëplo gemino, uno *Ismaelis & Isaaci*, altero *Esavi & Jacobi*. Et quia in exëplo posteriore paritas summa est fratrû ex uno Patre, una Matre, uno conceptu genitorum *v. 11.* causâ exponit discriminis inter ipsos; ex quo Esavus factus est filius carnis, Jacobus filius promissionis. Eâ vero proponit non in operibus bonis vel malis, præcedentibus vel prævisis, sed in eterno Dei proposito, Jacobum ex gratia eligentis & vocantis, Esavum nec eligentis nec vocantis atque ita reprobantis; & insuper testimonio Mosis & Malachiæ confirmat *v. 12. 13.* Cum autê illud rectè ex iis cõfirmarit, utpote inspiratione Dei, *2. Tim. 3. 16.* dubiû non est, quin utrumq; dictû de æterna Electione & rejectione certa, firma, immutabili, eoq; significatu absoluta, mysticè saltè loquatur, nō excluso interim respectu ad beneficia aut judicia externa, per sensû historicum. *Rationes* quę contrarium probare videntur, non magni momenti sunt. *Ad I. respondemus:* *Gen. 25. Mal. 2.* ita agi de posteris, ut ipsi Patres, Esavus & Jacobus non excludantur, sed includantur. Apostolus autem dicta illa citat non posterorum sed Patrum respectu, ut videre est *v. 10. 11.* Malè ergo

ergo ex illo antecedente inferitur hoc consequens : Omnes Jacobi posteros electos, omnes Esavi posteros reprobatos fuisse: subji-
tur enim *Miseretur cuius vult & indurat quem vult*, etiam ex utrius-
q; posteris v. 18. In II. idem vitium *διουκονισίας* recurrit : Quasi verò
par ratio sit eorum, quæ in oraculis historicè ac mysticè enuncian-
tur. *Historicè* Esavus jugum servitutis, nec subiit, nec excussit; etsi
posterii Idumæi utrumque fecerint. *Mysticè* subiit, sed nunquam
excussit; quod videlicet firmum maneret Dei propositum, vers. 11.
quod propositum non est fatum Stoicum sed decretum immuta-
bile. In III. est petitio principii. Dictum Malachiæ applicat A-
postolus ad suum Icopum. Ergo non tam externam dominii, quàm
internam Electionis & Vocationis prærogativam intelligit. In IV.
est fallacia à dicto secundum quid. Esavus factus quidem est par-
ticeps benedictionis Jacobo dictæ; sed externæ, impiis cum piis
communis, non autem internæ & fœderalis, quæ ex gratia Electio-
nis & vocationis manat. Non igitur partim Electus, partim repro-
batus, sed tantum reprobatus fuit, ut qui à benedictione postero-
re in totum fuit exclusus. Ad V. dicimus, parum referre sive intel-
lexerint, sive non intellexerint oraculum Isaacus & Rebecca. Suf-
ficit nobis Apostolum illud tum rectè intellexisse, tum conveni-
enter allegasse.

Tertio: Non eum sensum comparisonis esse quem volumus.
I. quia Deus opera sua diligit & approbat. At vasis iræ irascitur
& indignatur. Ergo non sunt opus Dei. II. Tolerantia non est
eorum quæ ipsi scientes volentes facimus. At Deus vasa iræ mul-
tâ *κακουργεῖν* tolerat. Ergo non facit. III. De vasis misericor-
diæ dicit Apostolus, quod Deus ea præpararit activè; vasa autem
iræ dicuntur *κατὰ τὴν ὀργήν* passivè, nimirum aliunde à Diabolo. *Sensum*
vero *hunc esse*: Si figulus ex una & æquali materia, vasa quædam ad
decus, quædam ad dedecus præparans, reprehensionem non incur-
rit; multo minus Deum reprehendi posse, si ille quorundam, ob-
latam gratiam recipientium, milereatur; quosdam autem, (quos
substantiæ quidem ratione aptavit, non autem ad contumaciam)
si per incredulitatem & contumaciam adversus opificem insur-
gant refractarii & rebelles, indurari à Satana permittat; *Resp.* Sen-
sus comparisonis Apostolicæ manifestissimus est v. 20. 21. 22. 23.
Quemadmodum figulus habet potestatem in lutum, ut ex eadem
massa faciat aliud vas ad decus, aliud ad dedecus; ita Deus potesta-

De compara-
tione cum fi-
gulo *ib.* v. 20.
seqq.

Interpretatio
Lutherana.

tem habet in homines, ut ex aliis faciat vasa misericordiæ ad gloriam, ex aliis vasa iræ ad interitum. Quem verò ipsi sensum fingunt, iis est contra Apostolum. I. Quia Apostolus docet Deum misereri cuius vult & indurare quem vult, ex proposito suo, citra omnem operum sive præcedentium, sive prævisorum respectum, quo ad miserendum posset commoveri v. 11. 18. Ergo non misetur quorundam oblatam gratiam recipientium. II. Non tantum aptavit vasa iræ quoad substantiam, sed eadem quoque ad interitum destinavit, *Prov. 16. v. 4. Iud. v. 4.* sicque à salute & salutis assequendæ mediis exclusit *Rom. 9. v. 18. Matt. 11. v. 25. 26. Cap. 13. v. 11.* III. Indurat etiam vasa iræ, non tantum Satane id permittendo, 2. *Cor. 4. v. 4.* verum etiam iusto iudicio maiorem duritiem ipsis infligendo *Ioh. 12. v. 39. 40. Rom. 11. v. 8. Exod. 4. & seq. capp.* Sed & Rationes, ipforum inspiciamus, quæ omnes habent fallaciam à dicto secundum quid. Prima: Nam Deus opera sua diligit, approbat quæ opera; iisdem vero irascitur, quatenus propria culpâ per seductionem Satane corrupta sunt, & in corruptione illa abusu lenitatis Dei perseverant. Etenim in vasis iræ, quod à Deo habent accuratè distinguendum est ab eo, quod ab ipsismet, atque etiam à Diabolo procedit. A Deo habent. I. quod sunt vasa, per creationem. II. quod sunt vasa iræ destinata ad interitum, per prædestinationem. Ab ipsismet atque etiam à Diabolo est, quod sunt vasa iræ, digna irâ propter peccatum, in quod impulsu Diaboli se præcipitarunt. Sunt igitur vasa iræ opus Dei, & non sunt respectu diverso. Secunda: quia tolerat Deus multa *μᾶλλον ὀκνην* vasa iræ quoad peccatum & pravitatem ipforum; non tolerat sed officit ea, partim absolute quæ vasa, partim relatè quæ vasa ad interitum coagmentata. Tertia: quia dicuntur *καὶ ἐν ὁδοῖς* passivè, non quod à solo Diabolo aut à se ipsis tantum; verum quia à Diabolo & semetipsis per peccatum, à Deo autem per creationem coagmentata, per prædestinationem ad interitum coagmentata sunt. Quod posterius confirmatur I. ex protasi comparationis. Figulus facit vas aliud ad decus, aliud ad dedecus. Ergo & Deus. II. Deus operatus est impium propter seipsum ad diem mali, *Prov. 16. v. 4.* ad damnationem præscripsit *Iud. v. 4.* Ergo eundem ad interitum coagmentavit. III. Deus Electis præparavit gloriam. Ergo Reprobis ignominia. Ratio est? quia illis regnum cælorum, istis ignem inferorum à jacto mundi fundamento paravit *Matth. 35. v. 34. 41.* Quod verò de illis activè loqui-

loquitur Apostolus, utens verbo *ἐν τῷ μυστηρίῳ*, inde est quod non partim à Deo partim à se ipsis, sed à solo Deo ad gloriam præparati fuerunt.

Rationes Lutheranorum.

Affirmante heterodoxe.

Ex naturâ Subjecti.

I. Voluntas misericordiæ est voluntas salvandi. Voluntas misericordiæ est universalis. Ergo etiam voluntas salvandi est universalis; atque ita Prædestinatio ad salutem, quæ nihil est quam salvandi voluntas. *Minor* est Apostoli Rom. 11. v. 32. *Conclufit Deus omnes sub peccatum, ut omnium misereretur.* Resp. *Majore* citra ambiguitatē acceptâ de voluntate misericordiæ specialis ad salutē, falsa est *Minor*, nec dicto Apostoli confirmari potest. Etenim *nota universales* in utroque membro non *significat* collectivè universos & singulos, sed *distributivè* *Judæos & Gentes*, atq; hoc vult Apostolus, Deum omnes qui servâtur, sive sint Judæi sive sint Gentes, conclusisse sub peccatum, ut omnium miseretur; hoc est, ut omnes illi ex misericordia ipsius servarentur, non vero gentes peculiariter ex ipsius misericordia, Judæi iterum peculiariter operum propriorum meritis. Hanc *expositionem* probant. I. Nexus sententiæ hujus cum priore v. 30. 31. per causalem *Enim*. *Vobis*, inquit, *quamvis olim in fidelibus contigit misericordia occasione contumacia ipsorum* Ergo & *ipsis nunc infidelibus obtingere potest misericordia, occasione misericordiæ vobis divinitus præstita.* Hoc v. 32. ostendit ex fine Dei in permittendâ utrorumque contumacia, qui est omnes, quotquot servantur ex utrisq; servare ex misericordia. II. Articulus præpositivus utrique membro additus, quo ad eos restringitur vox *omnis*, quorum in præcedentibus facta mentio est. Mentio verò facta eorum quos Deus ex Judæis & Gentibus servare constituit. III. Collatio cap. 9. cui Apostolus hic non contradicit. Istic verò misericordiam Dei universalem esse apertissimis verbis negavit.

Quia voluntas misericordiæ sit universalis

Explicatur dictum Rom. 11. v. 32.

I I. Dilectio Dei, quâ filium suum dedit pro nobis est voluntas salvandi. Dilectio illa Dei est universalis. Ergo etiam voluntas salvandi & per consequens prædestinatio ad salutem. *Majore* extra controversiam est. *Minor* ponitur ab ipso Christo Ioh. 3. v. 16. *Sic Deus dilexit mundum &c.* Resp. ad *Minorem*: Dilectio illa universalis est respectu Electorum & credentium, juxta illud Apo-

Quia dilectio Dei sit universalis.

Vindicatio dicti Ioh. 3. v. 16.

stoli.

stoli *Rom. 3. v. 22. iustitia Dei per fidem Iesu Christi in omnes & super omnes qui credunt: non enim est distinctio.* Particularis vero respectu univerſorum ac ſingulorum, ſicut dicitur *Rom. 9. v. 13. Iacobum dilexi, Eſavum odio habui, & v. 18. miſeretur cujus vult, & induit quem vult.* Nec aliam univerſalitatem Chriſtus *Ioh. 3. verſ. 16.* proponit. Etenim *mundi* vocabulo per metonymiam ſubjecti homines in mundo degentes, per ſynecdochen integri Electos & credentes per totum mundum diſperſos tacitâ ad Judæos antitheſi diſignat. Quod patet I. ex ipſa Chriſti declaratione; nam mundum per omnes credentes exponit. II. ex natura dilectionis Dei. Quos diligit Deus, diligit dilectione æterna. *Ier. 31. v. 3. diligit uſque ad finem Ioh. 13. v. 1.* At non omnes dilexit dilectione æterna; quia quosdam odit, *Rom. 9. v. 11. & ſeq.* nunquam novit pro ſuis, *Matt. 7. v. 23.* nec diligit uſque ad finem, ut ultimi iudicii proceſſus teſtatur *Matt. 25. v. 41.* Ergo.

Mundus notat Electos,

Exceptiones adverſariæ,

refutantur,

Excipiunt contra. I. Vocabulum mundi nuſpiam in Scriptura ſignificare ſolos Electos. II. v. 18. diſtingui mundum in credentes & non credentes. III. Reprobos damnari quod non credunt in Chriſtum *ibid.* Ergo ad ipſos pertinet ejus miſſio. IV. I. *Ioh. 4. v. 9. 11.* peti hinc argumentum dilectionis mutue. V. I. *Ioh. 2. v. 2.* addi particulam collectivam *totus.* Reſp. Singula ſuo ordine breviter conſiderabimus. *Primum* falſum eſt. Exempla ſignificatus iſtius apertiffima ſunt: 2. *Cor. 5. v. 19. Deus erat in Chriſto mundum reconcilians ſibi, non imputando eis offeſas eorum;* quales juſtificati & beati ſunt ſententia Davidis *Pſal. 32.* & Pauli, *Rom. 4.* Sic *Rom. 4. v. 13. per juſtitiam fidei ceſſit Abræe promiſſio, ut hæres eſſet mundi,* id eſt, pater omnium credentium circumciſorum & incircumciſorum v. 12. 13. Similia loca ſunt *Ioh. 3. v. 11. Cap. 6. v. 33. 51. Cap. 12. v. 47.* & alia. Cauſam verò, cur *fideles N. T. Mundus* dicantur, Johannes & Paulus, qui voce illâ maximè utuntur, ediſerunt. Ille, dum ait, filios Dei non tantum in Judæis, ſed etiam in gentibus diſperſos eſſe, *cap. 11. v. 51, 52.* eoſq; redemptos per ſanguinē Chriſti ex omni tribu, & lingua, & populo, & natione *Apoc. 5. v. 9.* Iſte, dum vocationē gentium opulentiam mundi, *Rom. 11. v. 12.* reconciliationem mundi v. 15. nominat. *Secundum* ſimiliter falſū eſt. Nā v. 18. tantum diſtinguuntur credentes & increduli, non damnandi & damnandi. Mundus vero, cujus non condemnandi ſed ſervandi gratia Chriſtus veniſſe dicitur v. 17. eſt mundus credentium, ut collatio docet,

Ter-

Tertium inconsequens est. Damnantur quod non credunt in nomen unigeniti filii Dei, id est, quod illum rejiciunt, contemnunt. Ergo ad ipsos pertinet ejus missio. Contrarium verum est. Non enim rejiciunt eum aut contemnunt, nisi quibus positus est in casum & non in resurrectionem *Luc. 2. v. 34. 1. Pet. 2. v. 8.* *Quartum* ejusdem est valoris. Quasi verò missio filii non possit esse argumentum mutux dilectionis, nisi communis sit omnibus? Imo tanto majus est & efficacius argumentum apud Electos, quod aliis numero pluribus odio habitis, ipsos singulariter ita dilexit. *Quintum* peccat fallacia phraseos. *Est*, inquit Iohannes 1. *Epist. 2. vers. 2. propitiatio pro nostris peccatis*, id est meis & vestris, qui credimus; *nec pro nostris solum, sed pro totius mundi peccatis*, hoc est, pro peccatis omnium Electorum five filiorum Dei, disperforum per totum mundum, uti declarat Evangelii sui *cap. 11. v. 51. 52.* Ita Paulus *Rom. 11. v. 26.* dicit totum Israël em servatum iri, cum tamen Israëlitarum plenitudinem, five plurimos ex ipsis, tantum intelligat *v. 12.*

Ex naturâ *Prædicati*:

Quod complectitur voluntatem Dei de omnium universim hominum salute, complectitur eadem de re ipsius consilium. Prædestinatio complectitur voluntatem Dei de omnium universim hominum salute. Ergo. *Minor* probatur testimoniis Scripturæ & Rationibus. Testimonia sunt: *Ezech. 33. v. 11. Nolo mortem peccatoris, sed ut convertatur, & vivat. 1. Tim. 2. v. 4. Deus vult omnes homines servari, & ad agnitionem veritatis pervenire. 2. Pet. 3. v. 9. Deus patiens est erga quosvis, nolens ullos perire, sed omnes ad respicientiam tendere.* Rationes sunt: I. Quos Deus creavit ad imaginem suam, illos vult salvos fieri. Omnes homines in Adamo creavit ad imaginem suam. Ergo. II. Quos Deus invitat & vocat ad pœnitentiam, & filius Dei vult ad se venire, aggregari; eos omnes vult salvos fieri. Atqui Deus invitat & vocat omnes ad pœnitentiam, *Act. 17. v. 30. filius Dei ad se omnes venire vult, Matt. 11. v. 28. eosque sub alas suas congregare Matt. 23. v. 37.* Ergo. *Resp.* Remota ambiguitate terminorum in *Majore* syllogismi principalis, falsa est *Minor*: nec eam vel Testimonia, vel Rationes confirmant. *Ezech. 33. v. 11.* sermo est non de quovis peccatore, sed de *peccatore respiciente*, cujus mortem non vult. Non respicientis mortem verò non modò vult, ut dicitur de filiis

Quia complectatur voluntatem Dei de omnium universim hominum salutem.

Vindicatio dictorum

Ezech. 33. v. 11.

Eli, *Iehova volebat eos morte afficere* 1. *Sam.* 2. v. 25. sed etiam voluntatem ex eâ capit *Prov.* 1. v. 26. 1. *Tim.* 2. v. 4. per omnes homines non singula generum, sed genera singulorû, id est omnis ordinis homines tam in eminenti constitutos, quàm plebejos, Apostolus intelligit; quemadmodum ex ipso scopo evidenter colligitur. Alioquin & pro omnibus universim absque ullo discrimine orandum esset ex v. 1. quod tamen negat Iohannes 1. *Epist.* 5. v. 16. & Christus facere noluit, non rogans pro mundo *Ioh.* 17. v. 9. 2. *Pet.* 3. v. 9. loquitur Apostolus de Electis, non de universis ac singulis. *Patiens est*, inquit, *erga nos Deus*, videlicet quos per Evangelium vocavit, & etiamnum vocat; *nolens ullos*, ex nobis scilicet, *perire, sed omnes ad resipiscentiam tendere*. Atque ea de causa adventum suum ad iudicium, quem rident homines profani, differt. Quod *Rationes* attinet, ad *Primam* dicimus, falsam esse ejus *Majorem*: Si enim quoscunque creavit Deus ad imaginem suam, seu potius in imagine sua secundum similitudinem suam, id est, in imagine sibi simili; eodem etiam decrevisset salvos facere, (quomodo verbum velle accipi oportet) utique aut creasset omnes immutabiles, ut salvi fierent, aut sine suo circa omnes in creatione excidisset. Sed aliud est Apostoli hâc de re iudicium, omnia conclusisse Deum sub peccatum testificantis, ut omnium misereretur *Rom.* 11. v. 32. *Secunda* fallaciâ *ἐμψυχίας* laborat, eoque limiranda est: Quos Deus invitat & vocat ad pœnitentiam, foris per verbum, intus per Spiritum S. eos omnes vult, id est, decrevit salvos facere. Hoc sensu vera est Major, non alio. Sed ita *Minor* falsa existit: Ratio; quia Deus ne omnes quidem vocat per verbum, ut supra ostendimus; & quos ita vocat, eorum tamen paucos vocat per Spiritum, sicut dicitur *Matt.* 20. v. 16. *Multi sunt vocati, pauci Electi.* *Act.* 17. v. 30. ait Apostolus, omnibus ubique hominibus, nimirum quibus prædicatur Evangelium, denunciari ut resipiscant. Quid inde? Ergo omnes debent resipiscere, non verò Ergo decrevit Deus omnibus resipiscentiam largiri. *Matt.* 11. v. 28. invitat Christus omnes onus itæ Dei ex peccatis suis sentientes eoque gratiam ejus sitientes: Quod & hic & alibi docet. Unde illud contra Pharisæos *Matt.* 9. v. 13. *Non veni vocatum justos, sed peccatores ad resipiscentiam.* Denique *Matt.* 23. v. 37. loquitur ut minister circumcisionis, quatenus toto ministerii sui tempore, Hierosolymitanos ad fidem adducere studuit. Quod vel ipso loquendi modo, *quoties volui* significat.

SECUNDA: *An decretum Electionis sit absolutum, ex solâ Dei eligentis eudoniâ & misericordiâ ut causa pendens? Lutherani negant, Eckardus fasciculi controuers. cap. 15. quæst: 12. & tribus antecedentibus. Nos affirmamus.*

Quarta: Lutheranorum An Decretum Electionis sit absolutum, & solâ eudoniâ Dei dependent.

Statum controversiæ Lutherani tum variè, tum ambiguè proponunt. Nam quæri ajunt; *an decretum Electionis sit absolutum? an ingrediatur illud respectus fidei? item, an intuitu meriti Christi factum sit?* Disputant etiam inter se, *num Fides impulsiva, an vero Instrumentalis causa rationem habeat?* Quod posterius ut plane negamus, ita priora omnia distinguimus & explicamus. Etenim *non est absolutum Electionis decretum* ratione finis & mediorum; quia præparavit Deus vasa misericordiæ ad gloriam, *Rom. 9. v. 23.* & præparavit bona opera, ut in iis ambulent *Ephes. 2. v. 10.* *Fides ingreditur decretum Electionis* ut medium ad salutem præordinatum, ut causa instrumentalis Iustificationis; sicut fides Electorum vocatur *Tu. 1. v. 1.* Ita *ingreditur idem decretum Meritum Christi*, quod Deus ad redemptionem Electorum præordinavit, *1. Pet. 1. v. 19. 20.* quo non minus justitiæ, quam misericordiæ eo in opere suum decus constaret *Rom. 9. v. 25. 26.* *Est vero absolutum etiam decretum Electionis*, quatenus ex sola Dei eligentis eudoniâ & misericordiâ, non vero ex ullâ conditione extra Deum, ut causa pendet; eoque *nec Fides nec Meritum Christi, decretum illud*, ut causæ vel impulsivæ vel instrumentales, *ingrediuntur.* Quod breviter contra adversarios demonstrandum est.

Status Controversiæ.

Rationes nostræ.
Ex natura Subjecti:

Rationes: Affirmantes Orthodoxæ.

Quod ex sola Dei eligentis eudoniâ & misericordiâ ut causa pendet; id absolutum est ab aliis causis extra Deum. Decretum Electionis ex solâ Dei eligentis eudoniâ ut causa pendet. Ergo. Minor probatur. I. quia nullam aliam causam docet Scriptura. *Eph. 1. v. 5. Prædestinavit nos pro bene volo affectu voluntatis suæ. v. 11. Prædestinati*

Quia Electionis causa sola Dei eudoniâ.

secundum propositum ejus, qui omnia agit ex consilio voluntatis suæ. Matth. 11. v. 25. 26. Gloriam tibi tribuo Pater, quod hæc revelâris infantibus; etiam Pater, quia ita libuit tibi. Luc. 12. v. 32. Libuit Patri vestro dare vobis regnum. Rom. 9. v. 18. Miseretur cujus vult. II. Quia etiam quicquid est in homine prævisæ fidei, dignitatis aut operum, excludit. Rom. 9. v. 11. Nondum natis pueris, cum nihil fecissent boni vel mali, ut propositum Dei, quod est secundum ipsius Electionem non ex operibus, sed ex vocante firmum maneret. Cap. 11. v. 32. Concluserit Deus omnia sub contumaciam, ut omnium miseretur. Inspiciantur & alia loca cap. 9. v. 16. & seqq. Cap. 11. v. 5. 6. Ephes. 2. v. 8. 9.

Ex natura Prædicati:

Quia Electio
non pendet
à merito
Christi &
fide, ceu
causis.

Quod à merito Christi & fide ut causis suis non dependet; id ab ipsis ut causis absolutum rectè dicitur. Decretum Electionis à merito Christi & fide ut causis suis non dependet. Ergo. Probat. *Minor. I. Quod meriti Christi & fidei causa est; id ab ipsis ut causis suis non dependet. Decretum Electionis causa est meriti Christi & fidei: Illius; quia præordinatus fuit ab æterno propter nos, teste Petro 1. Epist. 1. v. 19. 20. Hujus; quia credunt quotquot ad vitam æternam præordinati sunt Act. 13. v. 48. Ergo. II. Media, decreto Electionis exsequendo subordinata, non sunt ejus causæ. Meritum Christi & fides sunt media exsequendo Electionis decreto subordinata Rom. 8. v. 29. 30. Eph. 1. v. 5. 6. 7. 1. Pet. 1. v. 19. 20. Ergo.*

*Regantes
Heterodoxæ.*

Rationes Lutheranorum.

Ex naturâ Subjecti:

Quia propositum sal-
vandi non
est absolutum.

I. Si propositum salvandi absolutum non est, nec ipsa Electio esse potest; utpote quæ secundum propositum facta est Eph. 1. v. 11. Atqui propositum salvandi non est absolutum, teste Christo Joh. 6. v. 39. 40. Ergo. *Resp. ad Minorem*, non est absolutum eo modo, quem Christus loco allegato proponit, in fine, qui est vita æterna, & mediis, qualia sunt Christus, & fides in ipsum. At alio modo absolutum esse docet v. 37. *Quicquid dat mihi Pater, ad me venit*: dat enim ex gratuitâ misericordiâ pro beneplacito Ephes. 1. v. 4. 5.

II. Quia

II. Quale est beneplacitum Dei, talis etiam est Electio ex illo beneplacito dependens. Atqui beneplacitum Dei non est absolutum, sed in Christo, *Matth. 3. v. 17.* & in fide *Heb. 11. v. 6.* Ergo. *Resp.* Est eadem fallacia. Non est absolutum respectu mediorum subordinatorum; est verò, quia non pendet ab aliqua conditione extra Deum. *In Christo est beneplacitum Patris,* tum quia est filius ille dilectus, tum quia placuit Patri in ipso reconciliare sibi omnia *Col. 1. v. 19. 20.* Absque fide impossibile est Deo placere, scilicet præsente; ut ex descriptione ejus & subiectis exemplis colligitur. Deus autem non eligit nos jam placentes, sed hostes, filios iræ, peccatores, *Eph. 2. Rom. 5.* ut credentes, sancti, inculpati fieremus *Act. 13. Ephes. 1.*

III. Quod decretum factum est *τῇ προγνωστικῇ*; non est factum absolutè. Decretum Electionis factum est *τῇ προγνωστικῇ*. Ergo. *Minorem* probant 1. Testimoniis *Rom. 8. v. 29. 1. Pet. 1. v. 1. 2.*

II. Ratione: quia destinatio voluntatis notitiam mentis præsupponit. *Resp.* Major datur de *προγνωστικῇ*, hoc est præscientia sive prævisione futuræ fidei Pelagianâ. Eam verò ignorat Scriptura, imo clarissimè refutat. Nam sic ait: *Nondum natis pueris, cum nihil fecissent boni vel mali, ut propositum Dei, quod est secundum ipsius Electionem, non ex operibus sed ex vocante firmum maneret Rom. 9. v. 11.* Neque etiam locis allegatis sensum illum vox *προγνωστικῆς* patitur. Nam *Rom. 8. προγνωστικῆς* idem est v. 29. quod *προφητικῆς* v. 28. sicut cohærentia sententiarum ostendit. Atqui ista est ipsissimum Electionis decretum. Ergo & illa. *1. Pet. 1. v. 1. 2. προγνωστικῆς* similiter notat decretum Electionis; & secundum eam electi dicuntur, qui in tempore electi erant ex mundo per sanctificationem spiritus ad obedientiam *Ioh. 15. v. 19.* Rationem de destinatione voluntatis, notitiam sive judicium mentis præsupponente, admittimus. Inde verò nihil præsidii pro adversariis. Etenim, talis est notitia Dei qualis ejus est destinatio; unde *consilium voluntatis* appellatur *Eph. 1. v. 11.* Atqui destinatio Dei talis est, quod decrevit quosdam ad vitam eligere non ex prævisione fidei, sed ex gratuitâ misericordiâ. Ergo talis quoque fuit notitia sive judicium mentis, quo judicavit id bonum esse ad suam gloriam. Aliter si accipiat vox *notitia*, videlicet de præscientia fidei futuræ, quam definitam vocant Scholæ, rationem illam non admittimus. Hæc enim, quia decretum sequitur, tanquam cognitio rei decretæ,

Act. 15. v. 18. illud quoque ut ordine naturæ antecedens præsupponit. Nec prævidere Deus potuit fidem in quoquam, nisi postquam eam quibusdam donare decrevit; quia non arbitrii humani effectum, sed ipſus est donum *Eph. 2. v. 8.*

Ex natura Prædicati:

Quia decretum Electionis factum sit in Christo & fide.

Quomodo dicamur electi in Christo.

Quomodo electi per fidem.

Explicatio dicti 2. *Thess. 2. v. 13.*

Absolutum est, quod non est factum in alio. Decretum Electionis factum est in alio, Christo scilicet & Fide. Ergo. *Minor* probatur de utroque: De *Christo*. I. Quia Deus elegit nos in Christo *Eph. 1. vers. 2.* II. Quia elegit nos placatus per Christum. III. Quia propter Christum nos justificat & salvat in tempore. Ergo & elegit. De *Fide*. I. Quia per fidem sumus in Christo. Ergo etiam sic electi. II. Quia 2. *Thess. 2. v. 13.* electi dicimur per fidem. III. Quia nos Deus in tempore per fidem servat. *Resp.* Negatur *Minor*, si sensus sit qui esse debet ad concludendam controversiam; Decretum Electionis factum esse in *Christo*, id est, propter ipsius meritum, & in *fide*, id est, per eam tanquam causam instrumentalem. *Rationes* certè pro utroque membro allatæ id non evincunt. *Non illa de Christo*. I. Quia electi sumus in Christo, ut medio subordinato per quod nos Deus ad salutem adducere constituit. II. Quia elegit nos Deus non placatus; nam elegit filios iræ, *Eph. 2.* peccatores, inimicos suos *Rom. 5.* sed misericors hoc est, pro gratuitâ misericordiâ suâ, placandus tamen per Christum, quem in placamentum ad iustitiæ suæ demonstrationem præstituit *Rom. 3. v. 25. 26.* III. Quia pluris causæ sunt justificationis & salutis, quàm Electionis. In causâ supremâ, quæ est gratuita Dei misericordia, conveniunt. In inferioribus non conveniunt; ut quæ causæ quidem sunt Justificationis & salutis, at effecta Electionis. *Vide Rom. 8. v. 29. 30.* *Non altera Fide*. I. Quia per fidem sumus in Christo, non tanquam per causam Electionis, sed ut per medium ad Electos Christo inferendos præordinatum, & ex æterno Electionis decreto dependens. II. Quia 2. *Thess. 2. v. 13.* verba illa *per fidem* non cum verbo *elegit*, sed cum his *ad salutem* proxime cohærent: quasi dicat, elegit nos ad salutem per fidem obtinendam, ut loquitur Apostolus *v. 14. sequente*; alioquin etiam per sanctificationem electi dicemur, cum vox illa non modo conjungatur cum fide, sed etiam ei præponatur. III. Quia servat nos Deus

Deus in tempore per fidem ut causam non Electionis, sed salutis;
medium verò Electione ad salutem præordinatum *Aët. 13. v. 48.*

TERTIA: *An decretum Reprobationis sit absolutum ex Dei Reprobationis & dōxiā, ut causā, pendens?* Lutherani negant, *Eckardus fasc. Contr. cap. 15. quæst. 13.* Nos affirmamus.

Quinta: Lutheranorum. An decretum Reprobationis sit absolutum?

Ut de Sententiā nostrā plenius constet, in Reprobatione distinetè consideramus *Præteritionem* quorundam in præparatione gratiæ & gloriæ; juxta illud *Matth. 24. v. 40. 41. Vnus assumetur, & alter relinquetur, & Præordinationem* ad pœnam, quam alii *Prædamnationem* vocant. *Posterioris* causam esse peccatum libenter fatemur. Nam ex ordine justitiæ divinæ quæ non absoluta, sed respectiva virtus est, pœna propter peccatum tantum infligitur, neque ullus ad eam præordinatur nisi ob peccatum, aut admissum jam, aut saltem prævisum. *Prioris* verò non alia causa est quam *& dōxiā* sive beneplacitum Dei; cujus respectu ipsum Reprobationis decretum absolutum dicimus.

Status Controversiæ.

Rationes nostræ.

Ex natura Subjecti:

Rationes Affirmantes Orthodoxæ.

Quod ex solâ Dei Reprobantis *& dōxiā* ut causa pendet, id absolutum est ab aliis causis extra Deum. Decretum Reprobationis, sive præteritionis in præparatione gratiæ & gloriæ, ex solâ Dei Reprobantis *& dōxiā* ut causa pendet. Ergo. *Minor confirmatur dictis Scripturæ Rom. 9. v. 11. Nondum natis pueris cum nihil fecissent boni vel mali, ut propositum Dei firmum maneret. v. 18. Quem vult indurat. v. 21. An non habet potestatem figulus in lutum, ut ex eadem massâ faciat aliud quidem vas ad decus, aliud ad dedecus? Matt. 11. v. 25. 26. Gloriam tibi tribuo Pater, quod hac occultaveris sapientibus. Etiam Pater, quia ita libuit tibi. Cap. 20. vers. 15. Annon licet mihi quod volo facere in rebus meis. Ephes. 1. v. 11. Omnia agit ex consilio voluntatis suæ.*

Quia ex solâ Dei & dōxiā dependet.

Ex

Ex Natura Pradicati :

Quia non
dependet à
peccato seu
causâ.

Quod à peccato , ut causâ sua , non dependet ; id à peccato , ut causâ , recte absolutum dicitur. Decretum Reprobationis sive Præteritionis à peccato , ut causâ suâ , non dependet. Ergo. *Minor* probatur : Si peccatum causa esset decreti Reprobationis , à quâ illud penderet , tum omnes universim homines reprobati essent : *Ratio* ; quia omnes universim homines sunt peccatores , *Rom.* 3. v. 23. & iræ filii *Ephes.* 2. v. 3. Consequens absurdum. Ergo & antecedens. *Excipiunt.* I. Non omne peccatum , sed illud quod admittitur adversus Euangelium , incredulitatis , causam esse Reprobationis. II. Et ne hoc quidem simpliciter , sed tum demum si finale sit. *Resp.* Ad *Prims.* Si id verum est , tum is qui infidelis contumax adversus Euangelium non est , reprobus quoque non est. Atqui nullus eorum , quos Deus præteritis ætatibus sivit suis ipsorum viis ingredi , *Actor.* 14. v. 16. nullus item eorum , quibus tempore Novi Testamenti nunquam prædicatum fuit Euangelium , infidelis contumax fuit adversus Euangelium. Ergo nullus quoque eorum reprobus fuit. Sed falsum hoc Consequens. Ergo & istud Antecedens. Ad *Posterius.* Quod infidelitas in aliis finalis est , in aliis non finalis , id aut ab Homine est , aut à Deo. Si ab *Homine* ; fides per quam pellitur infidelitas est ex nobis , homo fidelis seipsum discernit ab infideli , quod est contra Apostolum. *Ephes.* 2. v. 8. I. *Cor.* 4. v. 7. Si à Deo , ut docet Christus *Math.* 13. v. 11. *Vobis datum est , illis non est datum* ; quæritur quid causæ sit quod alios Deus in finali infidelitate relinquat , alios data ipsis fide non relinquat ? Hic certè responderi aliter non potest , quam Christus respondet *Math.* 11. v. 26. *Etiam Pater , quia ita libuit tibi* ; arque ita ad beneplacitum Dei ut causam primam necessariò reditur.

Negantes He-
terodoxæ.

Rationes Lutheranorum.

Ex natura Subjecti :

Quia factum
sit secun-
dum prævi-
sionem in-
credulitatis.

I. Quod factum est secundum incredulitatis prævisionem ; id absolutum non est. Decretum Reprobationis factum est secundum incredulitatis prævisionem : *Ratio* , quia Electio facta est

est secundum fidei prævisionem. Ergo. *Resp.* Minor ejusque probatio falsa est & contra Apostolum: *Nondum natis pueris cum nihil fecissent boni vel mali, ut propositum Dei firmum maneret Romanor. 9. vers. 11.*

II. Propter quod actu quis reprobatur in tempore; propter id quoque reprobandi ab æterno factum est decretum. Propter incredulitatem Judæi in tempore actu reprobantur *Rom. 11. v. 20. 21. 23.* Ergo. *Resp.* Conceditur totum de decreto Reprobationis, quatenus præordinatio est ad pœnam, tum hujus vitæ, qualis est exclusio è populo Dei, tum vitæ futuræ, quæ est abjectio in gehennam ignis. De Præteritione verò in præparatione gratiæ ejusque collatione Minor falsa est. Nam indurat quem vult, *Rom. 9. v. 18.* non reteggit mysteria salutis sapientibus, quia ita lubet, *Matth. 11. v. 25. 26.* atque ita quatuor termini existunt. Nam in Majore Reprobatio accipitur pro utroque actu; in Minore pro actu posteriore, qui cum propter alia, tum propter incredulitatem exercetur. Quod exemplo Judæorum Apostolus comprobat.

Quia propter incredulitatem actu reprobentur in tempore.

QUARTA: An certus sit apud Deum ac immutabilis Electorum & Reprobatorum numerus? Lutherani negant, Eckardus fasc. Contr. cap. 15. quæst. 14. Nos affirmamus.

Sexta: Lutheranorum. An certus sit apud Deum Electorum & Reprobatorum numerus?

Rationes nostræ.

Ex natura Subjecti:

Qui alios novit pro Electis, alios non novit; alios novit pro suis, alios non novit; alios præcognovit, alios non præcognovit, & quidem immutabiliter: apud eum certus est ac immutabilis Electorum & reprobatorum numerus. Atqui Deus ita novit: *Iohann. 13. v. 18.* Ego scio quos elegerim. *2. Tim. 2. v. 19.* Dominus novit qui sunt sui. *Matth. 7. v. 23.* Nunquam novi vos, discite à me. *Rom. 8. v. 29.* Quos præcognovit, hos prædestinavit, vocavit, justificavit, glorificavit. *Cap. 11. v. 2.* Non abiecit Deus populum illum suum, quem præcognovit. *v. 29.* Dona illa & vocatio Dei ejusmodi sunt, ut eorum ipsum pœnitere non possit &c. Ergo.

Rationes Affirmantes Orthodoxæ.

Quia Deus omnes distinctè novit.

Ex naturâ Prædicati :

Quia immu-
tabili Dei
decreto ad
vitam vel
mortem
prædestinati
sunt.

Qui certo ac immutabili decreto Dei, singulariter prædestinati sunt ad vitam vel mortem; illorum certus est ac immutabilis apud Deum numerus. Atqui omnes Electi & Reprobi certo ac immutabili decreto Dei, singulariter prædestinati sunt illi ad vitam, isti ad mortem. Ergo. *Minoris* veritas ostenditur testimoniis Scripturæ *Rom. 9. v. 11. Nondum natis pueris, cum nihil fecissent boni vel mali, ut propositum Dei firmum maneret. Cap. 11. v. 12. Num abiecit Deus populum suum? Absit. nam & ego Israëlita sum? Num abiecit Deus populum illum suum, quem præcognovit. v. 7. Electi assequuti sunt, reliqui occalluerunt. 2 Tim. 2. v. 19. Solidum stat Dei fundamentum, habens sigillum hoc, novit Dominus eos qui sunt sui. Act. 1. v. 25. Ab Apostolatu aberravit Iudas, ut abiret in locum suum. Ioh. 10. v. 14. 3. Agnosco oves meas; voco eas nominatim. Luc. 10. v. 20. Gaudete quod nomina vestra scripta sunt in cælis. Cap. 12. v. 7. Capilli capitis vestri omnes numerati sunt, ne igitur timeatis.*

Negantes
Hæretodoxæ.

Rationes Lutheranorum.

Ex naturâ Prædicati :

Quia Deus
velit omnes
homines sal-
vos fieri.

I. Qui vult omnes homines salvos fieri; apud eum non est certus ac immutabilis Electorum & Reproborum numerus. Deus vult omnes homines salvos fieri *1. Tim. 2. v. 4. Ergo. Resp. Admittitur Elenchus quatuor terminorum. In Majore* intelliguntur singula generum, ex mente adversariorum. In *Minore* genera singulorum, ex mente Apostoli, ut ante ostendimus.

Quia Electi
queant fieri
Reprobi, &
vicissim.

II. Ubi Electi possunt fieri Reprobi, & Reprobi Electi; ibi non est certus ac immutabilis Electorum & Reproborum numerus. Atqui apud Deum Electi possunt fieri reprobi; ut de se testatur Paulus, *1. Cor. 9. v. 27. & vicissim Reprobi Electi; ut Christus testatur de Tyriis & Sidoniis, Matth. 11. v. 21. & Paulus de Judæis Rom. 11. v. 23. Ergo. Resp. Minor falsa est. 1. Cor. 9. v. 27. ἀδόκιμα & reprobis non opponitur Electo ad vitam æternam, sed τῷ δόκιμῳ puro, inculpato, irreprehensibili, qui quod alios docet ipse facit; quomodo Apostolus declarat dicens, ne cum aliis prædicarim &c. Matth. 11. vers. 21. loquitur Chri-*

Vindicantur
dicta *1. Cor. 9.
v. 27.*

Mat. 11. v. 21

Christus de mediis conversionis externis, puta concionibus suis & miraculis; ad quæ majorem fuisse conqueritur pervicaciam Galilæorum; quàm fuisset Tyriorum aut Sidoniorum. Quid verò hoc ad Electionem? *Multi sunt vocati, pauci Electi Matth. 20. v. 16. Roman. 11. v. 23.* testatur Apostolus, Judæos si non permanferint in infidelitate, posse iterum inferi oleæ, id est, Ecclesiæ, imo tandem inferendos esse v. 25. 26. An verò qui inferentur, non tantum quoad externam, verum inprimis quoad internam communionem, unquam fuerint reprobi? Contrarium docet Apostolus, in sitionem illam ex æterna Dei electione deducens. *Quod ad Euangelium attinet, ait v. 28. sunt inimici propter vos, quoad Electionem autem dilecti propter Patres.*

Fff 2

LOCUS

LOCUS QUINTUS

De

CREATIONE.

*Controversiæ de Creatione sunt vel Samosatēnianorum,
vel Pontificiorum.*

Samosatēnianorum duæ :

- I. An Adamus integer habuerit justitiam aliquam Originalem?
- II. An idem naturâ fuerit mortalis?

Pontificiorum una :

Anjustitia Originalis & Immortalitas primi hominis fuerint dona non naturalia, sed supernaturalia?

EXEGESIS.



Controversiæ hujus loci præcipuæ facillè sunt, quas in theorematis proposuimus. Quæ etsi à diversis procedunt, sententiisque contrariæ videri possunt; in principiis tamen & rationibus ita conveniunt, ut re vera subordinatæ sint non contrariæ; sicut ex earundem explicatione liquebit.

LOCUS

Samosatēnianorum est:

Prima: Samosatēnianorum An Adamus integer habuerit justitiam originalem?

PRIMA: *An Adamus integer habuerit justitiam aliquam Originalem?* Samosatēniani negant, *Ostendit Institution. Religion. Christian. cap. 33.* Nos affirmamus.

Rationes

Rationes nostræ.

Rationes
Affirmantes
Orthodoxæ.

Ex Natura Subjecti:

Qui integer & valde bonus creatus fuit, eum iustitiam aliquam Originalem habuisse necessum est. Adamus integer & valde bonus creatus fuit. Ergo. *Major* per se patet; quia integritas & perfecta bonitas homini conveniens absque iustitia esse nequit; & quod ex creatione ipsi inest, id inest ab origine, eoque Originale est. *Minor* probatur. I. Testimoniis Scripturæ: *Eccles. 7. v. 29. Deus fecit hominem rectum. Genes. 1. v. 31. Deus vidit ea que fecit, & erant omnia valde bona. Cap. 2. v. 25. Erant illi ambo nudi, Adam & Eva, & non erubescabant.* II. Ratione, à fine Creationis: Quem condidit Deus ut creatorem suum rectè agnosceret & coleret; & cui id lege Naturæ imperavit; ei quoque sapientiam & iustitiam ad id præstandum in creatione contulit: *Ratio*; quia omnes res creatas viribus idoneis ad edendas operationes suas instruxit. Atqui Adamum eo fine Deus condidit. Ergo.

Quia Adamus integer valde bonus fuit creatus.

Ex natura Prædicati:

Qui habuit ex creatione Imaginem Dei, in sapientiâ, iustitiâ, ac sanctitate consistentem; idem habuit iustitiam Originalem. Adamus integer habuit ex creatione talem Dei imaginem. Ergo. *Minor* probatur secundum utrumque membrum. Habuit *Imaginem Dei*; quia Deus creavit hominem ad imaginem suam, sive in imagine suâ secundum similitudinem suam *Genes. 1. v. 26. 27. cap. 5. v. 1.* Habuit imaginem *in sapientia, iustitia & sanctitate consistentem*; quia quam Dei Imaginem Christus in nobis reparat & renovat, in ea Adamus creatus fuit *Coloss. 3. v. 10.* Atqui reparat & renovat in nobis Imaginem Dei, quæ in sapientiâ, iustitiâ & sanctitate consistit *Ephes. 4. v. 24. Coloss. 3. v. 10. 1. Cor. 1. v. 30. 2. Cor. 3. v. 18.* Ergo.

Quia ex creatione habuit imaginem Dei.

Rationes Samosatensianorum.

Ex naturâ Subjecti:

Qui peccare & mori potest, is conditus non est ad imaginem

Negantes Hæretodoxæ.

Quia potuerit peccare & mori.

nem Dei in iustitia & immortalitate. Ratio, quia Deus neutrum potest. Adamus integer peccare & mori potuit, ut docuit eventus. Ergo. *Resp.* *Major* falsa est. *Ratio* nihil probat; quia Imago Dei, quum creaturis tribuitur, non est æqualitas cum Deo, ex communicatione essentiae (quo modo unigenitus ille filius est imago Patris,) sed quædam cum ipso similitudo, per communicationem effectuum; sicut *similitudinis* voce declaratur à Mose, *Genes.* 1. v. 26. *cap.* 5. v. 1. eaque consistit in analogiâ & relatione creaturæ ad creatorem, effectus ad suam causam, quâ ipsam suo modo refert. Ut ergo simile non est idem, ita nec propter imaginem Dei creatura immortalis, impeccabilis est simpliciter, quia creator talis est.

Ex naturâ Prædicati:

Quia iustitia
Orig. non fu-
erit impo-
tentia pec-
candi, neque
non peccare
antequam
peccasset.

I. Si Originalem iustitiam habuit Adamus integer; ea fuit aut impotentia peccandi, qualis est angelorum; aut fuit Adamum non peccare antequam peccasset. Non *illud*; quia peccavit. Nec *istud*; quia ridiculum aliquem non peccare antequam peccasset. Ergo. *Resp.* 1. Est insufficiens enumeratio in propositione. Tertium addimus; aut fuit potentia non peccandi ex concreto habitu, quem habitum iustitiam originalem dicimus. 11. Posterius falsum est. Neque enim nisi hæreticis est ridiculum, Adamum ante delictum primum non peccasse.

Quia iustitia
Adæ fuerit
actualis.

II. Iustitia actualis non est Originalis. Iustitia Adæ integri fuit actualis. Ergo. *Resp.* Si tantum actualis fuisse dicatur, *Minor* falsa est. Nam actus Iustitiæ, quos exercuit integer, ex Iustitia Originali concreatâ processerunt.

Quia imago
Dei non
constat in
iustitia Orig.

III. Quod primò ac præcipuè consistit in dominio in creaturas, deinde verò in ratione, sine cuius usu nemo rebus creatis dominari potest, non autem in iustitia originali; ex eo Adamus integer iustitiam Originalem habere nequivit. Atqui Imago Dei in illis tantum, non etiam in iustitia originali consistit. Ergo. *Minorem* probant. 1. Dicto *Genes.* 1. v. 26. 11. Ratione. In illis consistit imago Dei, quæ homo etiam post lapsum habet. *Ratio*; quia post lapsum etiam factus dicitur ad imaginem Dei *Genes.* 9. v. 6. *Iacob.* 3. v. 9. Atqui post lapsum non habet iustitiam Originalem, sed tantum dominium in creaturas &

& rationis usum. Ergo. *Resp.* Minor syllogismi principalis contradicit Apostolo *Coloss.* 3. v. 10. *Ephes.* 4. v. 24. Nam *tum* in dominio, & rationis usu, *tum* in iustitia originali posita erat, non in illis absque hac. *Genes.* 1. v. 26. exclusiva non reperitur. Et ad legitimum ac salutare dominii illius exercitium, omnino opus fuit moderamine sapientiæ & iustitiæ. In *ratione* quam subjungunt est fallacia à dicto secundum quid. Ex parte in illis consistit, quæ post lapsum homini reliqua sunt, non in totum. Ideoque post lapsum ex parte homo Dei imago est, ex parte non est.

SECUNDA: *An Adamus integer fuerit naturâ mortalis; certò moriturus, propter naturæ suæ conditionem, etiamsi nunquam peccasset?* Samofateniani affirmant, *Ostorodius Instit. Relig. Christ. cap. 33.* Nos Negamus.

Secunda: Samofatenianorum. An Adamus integer fuerit natura mortalis?

Rationes nostræ.

Ex natura Subjecti:

Rationis Negantes Orthodoxæ.

Quod Adamus ex peccato suo demum contraxit, id ei in naturâ integrâ naturale non fuit. Atqui mortem tam temporalem, quam æternam ex peccato suo demum contraxit. Ergo. *Minor* his argumentis confirmari potest: **I.** Quod Deus homini integro in pœnam peccati comminatus est, id ipse ex peccato suo demum contraxit. Atqui mortem non æternam modò, verùm etiam temporalem ipsi fuit comminatus; ut tum historia testatur, tum phraseologia Dei, *morte morieris*; quæ de quavis morte tam temporali, *Genes.* 26. v. 11. *Exod.* 21. v. 16. 2. *Sam.* 12. v. 14. quàm æterna in Scripturâ usurpatur. Ergo. **II.** Quam pœnam Deus Adamo post peccatum jam admissum, & propter illud sententiâ judiciali denunciavit; ea certe fuit peccati ipsius pœna. Atqui mortem temporalem ei denunciavit *Genes.* 3. v. 19. *Pulvis es, & in pulverem reverteris.* Ergo. **III.** Quam mortem Scriptura ut stipendium peccati proponit, ea est peccati pœna. Atque mortem, etiam temporalem, ut stipendium peccati proponit, *Romanor.* 6. vers. 23. & infinitis alijs locis, illud-que

Quia Adamus mortem peccato contraxit.

que exemplo infantum confirmat, *Romanor. 5. vers. 12, 13, 14.*
Ergo.

Ex natura *Pradicati*:

Quia mors
temporalis
est contra
hominis na-
turam.

Quod non secundum, sed contra, hominis naturam est; eamque destruit, non verò ornat aut perficit; id ei propriè & per se naturale non est. Atqui mors temporalis non secundum, sed contra hominis naturam est; utpote à quâ ipse maxime abhorret; eandemque naturam destruit, non ornat, aut perficit; quia tum animam à corpore separat, tum ipsum corpus in cineres redigit. Ergo.

*Affirmantes
Heterodoxa.*

Rationes Samosatzenianorum.

Ex natura *Subjecti*:

Quia Ada-
mus integer
fuerit morti
obnoxius.

Cui Adamus etiam integer obnoxius fuit, id naturâ habuit. Morti temporali etiam integer obnoxius fuit. Ergo. *Minor* probatur: Quod non est pœna peccati, ei Adamus etiam integer obnoxius fuit. Mors temporalis non est pœna peccati. I. Quia eam mortem admissio peccato non statim inflixit Deus, prout de morte, quæ peccati pœna est fecit secundum veritatem comminationis suæ *Genes. 2. v. 17.* II. Quia à morte illâ Christus fideles suos non liberat, cum tamen liberet eos ab omni pœnâ peccati. Ergo. *Resp. Minor* negatur tum Prosyllogismi, tum Episylogismi; cujus etiam ambæ probationes deficiunt. *Prima*; quia etsi post nongentos demum annos mortuus fuit Adamus, eodem tamen die, quo peccavit, mortis factus est reus, imposita ei moriendi necessitas, atque etiam initia mortis temporalis inflicta. *Comminatio Genes. 2. v. 17.* indefinitè loquitur de omnis generis mortibus, quas suo ordine Deus, juxta consilium voluntatis suæ, peccatori irrogavit. Consilium verò illud fuit, propagare ante per ipsum Genus Humanum, quàm morte tolleretur. *Secunda*; quia liberat Christus fideles suos etiam à morte temporali, quatenus illa pœnæ rationem habet. Etenim mors fidelium non est amplius maledicta, sicut maledictio est omnis pœna peccati, *Deut. 27. & 28. capp.* sed beata, *Apoc. 14. v. 13.* preciosa in oculis Jehovæ, *Psal. 116. v. 15.* cujus dies melior est hominì quàm dies

Explicatur
dictum *Gen.*
2. v. 17.

Quomodo
Christus fi-
deles liberet
à morte
temporali.

dies ortus *Ecclesiæ*. 7. vers. 1. Et quemadmodum aliæ vitæ hujus calamitates, quæ infidelibus pœnæ, fidelibus probationes sunt, vel castigationes, ne cum mundo damnentur, *1. Corint.* 11. vers. 32. ita mors temporalis, quæ infidelibus pœna, fidelibus est abolitio peccati, & transitus in Vitam Æternam, ut *Catechesis* nostra loquitur. Unde non modo Paulus fidelis dissolvi desiderat, & cum Christo esse, *Philip.* 1. vers. 23. sed etiam infidelis Bileamus mori exoptat morte iustorum, *Num.* 23. v. 14. nunquam id factururus, si pœnam peccati, maledictionem Dei, in eâ spectasset.

Ex naturâ *Prædicati.*

Qui gignit liberos, utitur cibus, corpus habet animale & pulvereum; is naturâ suâ mortalis est: cum immortalis nihil horum conveniat *Luc* 20. v. 35. 36. *1. Cor.* 6. v. 13. 14. *1. Cor.* 15. v. 44. & seq. At qui Adamus integer geniturus fuisset liberos, *Gen.* 1. v. 28. u. fus est cibus, v. 29. corpus habuit animale & pulvereum *1. Cor.* 15. v. 45. 47. 48. Ergo *Resp.* Peccatur ignorance Elenchi, & quidem duplici. I. Quia non de mortalitate hominis integri simpliciter, sed id quæritur, an moriturus fuisset etiam si non peccasset? II. Quia immortalitas non corpori in se, sed toti composito, adeoque corpori propter animam immortalem, sanctam, justam tribuitur. Patet ergo ambiguum esse prædicatum *Majoris*. Si naturâ mortalem esse significat posse mori, datur. Sin autem esse certo moriturum, negatur de naturâ integra. Atqui, *ajunt*, immortalis nihil istorum quæ in Subiecto enumerantur, convenit. Agnoscimus equidem si *immortalitas vitæ futuræ* attendatur, de quâ agunt allegata Scripturæ testimonia. Hic verò *immortalitatem* intelligimus *status primi*. Illa erit impotentia moriendi; ista fuit potentia non moriendi. Illa potentiam simul & actum moriendi abolebit; ista actum quidem impedivit, at potentiam non sustulit.

Quia Adamus, integer liber geniturus, cibus usurus fuerit, corpus animale habuerit.

Pontificiorum est:

Tertia: Pon-
tificiorum.

An iustitia
Originalis &
Immortalitas
fuerint dona
supernatura-
lia

An iustitia Originalis & Immortalitas primi hominis fuerint dona non naturalia, sed supernaturalia? Pontificii affirmant, Bellarm. Tomi IV. *controversia 1 generalis de gratia primi hominis capp. 5 6. 7. 9.* Nos negamus, rectè explicatis terminis, ut *Naturale* sit, quod primus homo cum ipsa natura in creatione accepit; *Supernaturale* autem, quod est supra naturam integram, ejusque conditionem.

Rationes Nostræ.

Rationes

Negantes
Orthodoxæ.

Quia iustitia
Orig. cum ip-
sa natura pri-
mo homini
fuit commu-
nicata

Ex natura Subjecti:

I. Quod cum ipsa naturâ primo homini communicatum fuit, ita quidem ut non ante naturam, quàm istud habuerit; id naturale non supernaturale fuit. Atqui iustitia Originalis cum ipsâ naturâ primo homini communicata fuit, ita quidem ut non ante naturam, quam ipsam habuerit. Ergo. *Major* per se claret: Nam quod supernaturale est, cum natura non communicatur, sed supra conditionem ejus ad ipsam accedit. *Minor* probatur. I. Qui in imagine Dei creatus fuit; ei cum ipsa natura iustitia Originalis communicata est. Ratio; quia iustitia Originalis pars fuit illius imaginis *Eph. 4. v. 24. Coloss. 3. v. 10.* Primus homo in imagine Dei creatus fuit *Gen. 1. v. 26. 27.* Ergo. II. Quem Deus fecit rectum & valde bonum, ei cum ipsa naturâ iustitiam originalem communicavit. Ratio; quia rectitudo illa & bonitas, qua moralis, sunt ipsissima Originalis iustitia. Atqui Deus primum hominem fecit rectum, *Eccles. 7. v. 29.* & valde bonum *Gen. 1. v. 31.* Ergo.

Quia immor-
talitas ex in-
trinssecis na-
ture princi-
piis fluxit.

I I. Quod ex intrinssecis, naturæ integræ principiis fluxit, primumque hominem perfecit & ornavit; id ei naturale non supernaturale fuit. Immortalitas ex intrinssecis naturæ integræ principiis fluxit; quia anima, quæ vitæ spiritus est, naturaliter iusta, sancta,

sancta, bona, vivificavit corpus, ac salutarem humorum & spirituum harmoniam in eâ conservavit; insuper primum hominem perfecit & ornavit, ut est in confesso apud omnes. Ergo.

III. Supernaturalia à parentibus in liberos non propagantur. Justitia Originalis & Immortalitas à primis parentibus in liberos propagata fuissent, nisi peccassent. Ergo. De Majoris veritate constat *partim* ex etymologia vocis. Nam supernaturale est, quod est supra conditionem naturæ; *partim* ex illis donis supernaturalibus, quæ in statu regenerationis divinitus conferuntur. Minor probatur. I. Adamus integer eam naturam propagare debuit, quam habuit; secundum illud *Gen. 1. v. 27. 28.* Atqui habuit naturam ex creatione justam & immortalem. Ergo. II. Corruptus propagavit naturam injustam & mortalem, *Gen. 5. v. 3. Rom. 5. v. 12. & seq. 1. Cor. 15. v. 22.* Ergo integer propagasset naturam justam & immortalem.

Quia justitia orig. & immortalitas fuisset propaganda in liberos.

Rationes Pontificiorum.

Affirmantes Heterodoxæ.

Ex natura Subjecti.

I. Homo primus pulvis fuit *Gen. 3. v. 19.* Ergo non justus & immortalis naturaliter. *Resp.* Negatur sequela; quia pulvis fuit secundum corpus; justus secundum animam; immortalis secundum utrumque, etiam secundum corpus: non propter pulveream corporis naturam, sed propter hypostaticam ejus unionem cum anima naturaliter justa.

Quia primus homo fuerit pulvis.

I I. Per quod primi parentes naturali pugnâ carnis & spiritus caruerunt; id fuit supernaturale donum. Atqui per justitiam Originalem primi parentes naturali pugnâ carnis & Spiritus caruerunt. Ergo. *Resp.* Minor falsa est ob falsam hypothesein; quâ statuitur in primis parentibus integris fuisse pugnam & rebellionem carnis adversus Spiritum, quæ fræno justitiæ originalis sit coercita. Condidit Deus naturam humanam integram absque rebellionem, fecit hominem rectum; & cupiditas carnis non est à Patre *1. Ioh. 2. v. 16.* Propensiones verò carnis & spiritus, quæ nunc

Quia per justitiam Orig. naturali pugnâ carnis & Spiritus caruerit.

contrariæ sunt, tunc diversæ tantum fuerunt, & illæ his subordi-
natae.

III. Per quod corpus mortale, ex contrariis elementis & humoribus naturaliter constans, à corruptione vindicatum fuit; id fuit supernaturale. Atqui per immortalitatem id factum fuit. Ergo. *Resp.* negando *Majorem*. Nam factum illud per animam naturaliter justam ex creatione; qualis non magis supernaturalis fuit homini integro, quam supernaturalis est homini corrupto anima injusta ex peccato.

LOCUS

LOCUS SEXTUS.

De

PROVIDENTIA.


De hoc capite doctrina Controversia unica est, sed generalis, per calumniam Ecclesiis nostris à Samosatēniis, Pontificiis, & Lutheranis mota; nimirum.

AN ex nostrā de Providentiā doctrina bona ac necessaria consequentia deduci possit, Deum esse auctore peccati? *Illi omnes affirmant; Samosatēniani, Ostorod. Inst. Relig. Christ. cap 35. Pontificii, Bellarm. tomo IV controvers. gener. II de amissione gratiæ & statu peccati lib. 2. cap. 2. & multis seq. Lutherani, Eckardus fasciculi controvers. cap. 10. quæst. 2. Nos Negamus.*

E X E G E S I S.

Rationes Nostræ.

Ex natura Subjecti:

UÆ doctrina circa gubernationem peccati id Deo tribuit quod ipse sibi in Scriptura vendicat, ea ipsum peccati auctorem non facit. Atqui nostra doctrina circa gubernationem peccati id Deo tribuit, quod ipse sibi in Scriptura vendicat. Ergo. Major extra controversiam est. Minorem explicavimus & confirmavimus in didactica loci hujus tractatione. Quod verò ex truncatis, & ab ipsorum mente calumniosè detortis nostrorum dictis, adversarii contrarium probare nituntur, id quantum valeat, omnes non apertè iniqui controversiarum judices norunt. Quamvis si quid forte duriusculè dictum uni aut alteri excidit, ne

Rationes
Negantes
Orthodoxæ.

Quia Deo circa gubernationem peccati idem tribuit, quod Scriptura.

illud quidem Ecclesiarum nostrarum orthodoxiæ præjudicare potest, ut quæ non in ullius hominis sed in solius Dei verba jarunt.

Ex natura *Predicati*:

Quia Deus
Peccatum nec
facit, nec præ-
cipit, nec ad
id impellit.

Qui actor est peccati; is aut facit peccatum aut præcipit illud, aut infundit, aut deniq; ad id impellit. Atqui Deus secundum nostram doctrinam peccatum, qua peccatum, nec facit, quia odit; nec præcipit aut infundit, quia vetat & punit; nec denique ad id impellit, quia neminem tentat ad malum. Ergo Deus secundum nostram doctrinam peccati autor non est. Motus quidem inclinationis & actionis, quæ materiale sunt peccati, itemque judicii, quod sæpe per accidens cum peccato cohæret, auctor rectè dicitur; *admi-* as vero nullo modo ut quæ à solâ creatura peccante proficiscitur.

Rationes Adversariorum.

Affirman-
tis Hetero-
doxæ.

Quia Deus
vult fieri
peccata.

Ex natura *Subjecti*:

I. Qui non solum permittit, sed etiam vult fieri quæcunque fiunt ab hominibus peccata; is auctor est peccati. Atqui Deus ex doctrina Calvinistarum hoc facit. Ergo. *Resp.* Major vera est de eo, qui non solum permittit non impediendo, sed etiam fieri vult efficiendo & approbando; falsa de eo, qui vult fieri permittendo & ordinando, quæ nostra sententia est.

Quia ab eter-
no decrevit
ut fierent
peccata.

I I. Qui ab omni æternitate decrevit ut fierent quæcunque fiunt ab hominibus peccata, idque non prævisa determinatione voluntatis humanæ; is auctor est peccati. Atqui Deus ex sententia Calvinistarum sic decrevit. Ergo. *Resp.* Datur Major de decto approbante aut efficiente; de permittente aut ordinante falsa est. Similiter falsum in *Minore*, Deum ex sententiâ nostrâ tale quid decrevisse non prævisa determinatione voluntatis humanæ. Nam determinationem voluntatum decrevit ut efficere in bonis, ita permittere in malis. Alioquin incertum foret, & per determinationem voluntas humanæ mutabile ipsius decretum.

Quia impios
ad peccata
inclinat &
cogat.

I I I. Qui Satanæ & hominibus improbis imperat ut concipiant maleficia, eosque ad hoc inclinât, impellit, & cogit; is auctor est peccati. Atqui Deus ex sententia Calvinistarum ita agit. Ergo. *Resp.* Iterum conceditur Major de maleficiis culpæ & sceleris, item de incitatione & impulsione propriè dicta. At de maleficiis pœnæ & al-

& afflictionis; de impulsione item, qua voluntates, sponte ad malum ruentes, iusto Dei iudicio efficaciter moventur, negatur. Exemplum vide. 2. *Sam.* 24. v. 1. alia aliis locis.

IV. Qui ipse operatur in mentibus hominum impiorum, & per eos, ut per sua organa ac instrumenta, ipse tanquam causa prima facit ea omnia, quæ respectu hominum dicuntur & sunt verè peccata, is auctor est peccati. Atqui Deus ex sententia Calvinistarum ita operatur. Ergo. *Resp.* Major falsa est, si per causam primam intelligatur causa rerum, ut nostri volunt; non scelerum, ut volunt adversarii. Etenim docet Scriptura, Deum operari in mentibus impiorum, *Exod.* 4. v. 21. 1. *Reg.* 22. v. 23. impios esse Dei instrumenta *Esa.* 10. v. 5. 15. & quæ illi agunt ipsum tanquam causam primam facere, quatenus scilicet vel motus sunt & actiones, *Act.* 17. v. 28. vel iusta iudicia, *Gen.* 45. v. 7. *Cap.* 50. v. 20. 2. *Sam.* 12. v. 11. & tamen ipsum causam peccati esse apertissimè negat *Psal.* 5. v. 5. 6. *Psal.* 45. v. 8. Nulla ergo est Majoris consequentia.

Quia operetur in mentibus hominum, quæ eorum respectu sunt peccata.

LOCUS

LOCUS SEPTIMUS

De

L E G E.

Controversie de Lege sunt, vel Samosatenianorum & Anabaptistarum communiter, vel Samosatenianorum & Pontificiorum singulariter.

Communiter illorum hæc est:

An Legem Moralem à Mose latam Christus non modo ut imperfectam compleverit, sed etiam ut doctrinæ suæ contrariam correxerit?

Singulariter,

Samosatenianorum de Lege Cerimoniali:

An sacrificia propitiatoria V. T. adumbrarint unicum illud Christi sacrificiū pro peccatis nostris oblatū.

Pontificiorum de Lege Morali,

I. An creaturarum, atq; etiam Dei & Sacrosanctæ Trinitatis imagines religionis ergo facere, locis sacris collocare, cultuque religioso afficere jus fas sit?

II. An angeli sanctique defuncti sint invocandi?

III. An vota, quæ vocant Monastica, perpetuæ continentiae, voluntariæ paupertatis, & obedientiae regularis licita sint?

E X E G E S I S.

Cum Lutheranis quæ controversa sint.

De distinctione Decalogi

IN Elencho controversiarum hujus loci omittimus controversias, quæ nobis cum *Lutheranis* intercedunt, & ab *Eckardo falsiculi controuv. c. XI.* explicantur, de distributione nimirum *Decalogi*, nec non de *factura imaginum locis sacris collocandarum*. Etenim *Prior* non ita magni momenti est, modo præce-

præceptum secundum, quod ipsi conjungunt cum primo, non expungatur, sicque idololatriæ in Ecclesiis Euangelicas reducendæ occasio præbeatur. *Posterior* verò cum controversiâ primâ Pontificiorum coincidit; è quorum corruptelis odio primum Carolstadii, inde Orthodoxorum, imagines in templis Lutheranorum, etsi non omnium, relictæ sunt. Proinde quæ contra illos quoad facturam imaginum, etiam contra hos valebunt. Verùm antè controversias *Samofatenianorum & Anabaptistarum* cognoscamus.

de factura
imaginum.

PRIMA. *An Legem Moralem à Mose latam Christus non modò ut imperfectam compleverit, sed etiam ut doctrinæ suæ contrariam correxerit?* Samofateniani & Anabaptistæ affirmant; Illi, *Ostrododius Inst. relig. Christ. cap. 22. 23. & aliquot sequentibus. Isti, colloq. Francothal. articulo 1. 10. 11. & Emdani artic. 11. 12. 13.* Nos negamus.

Prima: Samofatenianorum, & Anabaptistarum.
Ab Christus Legem Moralem compleverit, & correxerit?

Rationes nostræ.

Rationes
Negantes
Orthodoxæ.

Ex natura Subjecti :

I. Qui non venit ut dissolveret, sed ut præstaret Legem Moralem à Mose latam; is eam ut doctrinæ suæ contrariam non correxit. Christus venit non ut dissolveret, sed ut præstaret Legem Moralem à Mose latam. Ergo. *Major* suâ luce claret. Nam quid est corrigere Legem, quàm aliquâ parte, quâ minus bene habet, eam dissolvere? De *Minore* constat ipsius Christi testimonio *Matt. 5. v. 17. Non veni, ut dissolvam Legem aut Prophetas, sed ut impleam;* ubi *implere* non est aut imperfectum complere, aut contrarium corrigere, sed, phrasi Hebræa, id quod præceptum est præstare ac facere; sicut colligitur ex *v. 19. & aliis locis.*

Quia Christus non venit, ut dissolveret legem.

Explicatur dictum *Matt. 5. v. 17.*

II. Qui in N. T. est. summam perfectionem à suis exigit, nec tamen aliam ejus normam aut regulam præscribit, quàm Legem in V. T. à Mose latam; is Legem illam neque ut imperfectam complet, neque ut doctrinæ suæ contrariam corrigit. Atqui Christus in N. T. summam perfectionem à suis exigit; quia perfectos esse vult sicut pater cælestis perfectus est, *Matt. 5. v. 48. & orare jubet, ut fiat voluntas Dei in terra, sicut in cælo fit à sanctis angelis, cap. 6.*

Quia Legem seu summam perfectionis normam suis, præscribit.

v. 10. nec tamen aliam ejus normam aut regulam præscribit, quàm Legem in V. T. à Mose latam; utpote cujus summam ipse Mosis verbis *Deut. 6. v. 5. Lev. 19. v. 18. repetit, & inculcat Matt. 22. v. 37. & seq. Luc. 10. v. 27. Ergo.*

Ex natura *Prædicati*:

Quia Lex
Moralis om-
nimodè per-
fecta est.

I. Quod omnimodè perfectum est, id ullâ ratione imper-
fectum dici, aut, ut tale, compleri nequit. Lex Moralis, prout in V.
T. à Mose lata est, omnimodè perfecta est. Ergo. *Minor* probatur
I. Quod omnibus partibus gradibusque perfectum est, id omni-
modè perfectum est. Lex Moralis à Mose lata ita perfecta est. Er-
gò. *Omnibus partibus*, tum *essentialibus*; quia materiam suam habet
in verbis divinis, formam in sententiis divinis, justis, sanctis & bo-
nis, *Rom. 7. v. 12. tum integralibus*; quia decem præceptis constat,
quæ officia Deo ac proximo debita adæquatè complectuntur. *Om-
nibus etiam gradibus*; quia dilectionem Dei ex toto corde, ex totâ
animâ, ex omnibus viribus; dilectionem insuper proximi perfe-
ctissimam requirit *Matt. 22. v. 37. & seq. II. Cui nihil addi, nihil
detrahi potest, id perfectum est omnimodè. Legi Morali à Mose
latæ nihil addi, nihil detrahi potest Deut. 4. v. 1. 2. Cap. 12. v. 32. Er-
gò. III. Quod in utroque Testamento vitæ regula est æqualiter, id
in utroque Testamento æqualiter est perfectum. Lex Moralis in
utroque Testamento vitæ regula est æqualiter; sicut clarissima u-
triusq; testimonia evincunt *Esa. 8. v. 20. Ezech. 20. v. 19. 20. Mat.
5. v. 17. Luc. 16. v. 29. Ergò. Atque hæc omnia suffragio suo com-
probat Apostolus Jacobus, eam Legem perfectam libertatis nuncu-
pans cap. 1. v. 25.**

Quia Lex
una eadem-
que in V. &
N. T.

II. Quæ Lex una ac eadem est in utroque Testamento, ea non
est sibi contraria. Lex Moralis Mosis in Veteri, & Christi in No-
vo Testamento una ac eadem est. Ergo. Probatur *Minor. I. Lex
Moralis vetus & nova eadem est, ex sententia Scripturæ. Atqui
Lex Moralis Mosis vetus, Christi nova est. Ergo. De Majore
constat testimonio Johannis 1. Epist. 2. v. 7, 8. qui præceptum obe-
dientiæ ac charitatis erga Deum & proximum, vetus simul ac no-
vum appellat. De Minore constat ex testimonio Christi *Ioh. 13. v.
34. Mandatum novum do vobis, ut alii alios diligatis. II. Cujus Le-
gis eadem præcepta sunt, eadem quoque summa est in utroque Te-
stamen-**

stamento; illa utrobique una ac eadem est. Atqui Legis Moralis Mosis in Vetere, & Christi in Novo Testamento *eadem præcepta sunt*; quia Paulus Legis Christi *Galar. 6. v. 2.* non alia præcepta recenset *Rom. 13. v. 9.* quàm quæ in Lege Mosis habentur *Exod. 20. Deut. 5.* Deinde *eadem* quoque *summa* est, ut antè ostendimus ex *Deut. 6. v. 5. Lev. 19. v. 18.* collatis cum *Matth. 22. v. 37. & seqq.* quo loco testatur Christus, à duobus mandatis totam Legem & Prophetas pendere. Ergo.

Rationes Samosatensianorum, & Anabaptistarum.

*Affirmantes
Heterodoxæ.*

Ex natura *Prædicati*:

I. Quæ Lex doctrinæ Christi opponitur, ei contraria est. Lex Moralis Mosis doctrinæ Christi opponitur. Ergo. *Minor* probatur ipsius Christi verbis *Matth. 5. v. 21. 27. 31. 33. 38. 43.* *Audistis dictum fuisse antiquis &c. Ego verò dico vobis*: ubi antithesis manifestissima est inter Mosen & Christum, inter doctrinam illius & doctrinam hujus. *Resp.* Admittitur Elenchus oppositorum ex ambiguitate phraseos. Etenim dicta sua non opponit Christus dictis aut scriptis Mosis, sed dictis scribarum & Phariseorum, prout se illa ab antiquis Doctoribus accepisse jactitabant, eoque nomine populo commendabant. Docent hoc varix hujus loci circumstantiæ. I. Propositio Christi v. 20. *Nisi abundaverit justitia vestra plus quàm Scribarum ac Phariseorum*; Ergo contra justitiam Pharisaicam, non contra justitiam Lege Mosis imperatam, disserere instituit. II. Phraseologia. Non ait: Scriptum in Lege Mosis, aut Moses dixit vobis, sed *audistis*, ex Scribis sc. & Phariseis, *dictum fuisse ab antiquis*. Proinde traditiones seniorum *Matt. 15. v. 2. 3.* non Legem Mosis refellit. III. Exemplum v. 43. propositum: A quibus dictum, *Diliges proximum tuum & odio habebis inimicum tuum*, iis dicta sua Christus opponit. Id verò non dictum à Mose, qui etiam contrarium præcipit, *Lev. 19. v. 18. Ex. 23. v. 4. 5.* & ex ipso Salomo, *Prov. 25. v. 21. 22.* sed ab antiquis & majoribus Phariseorum. Ergo. IV. Factum Christi: Quorum dictis dicta sua Christus opponit, illorum dicta corrigit aut rejicit. Dicta Mosis moralia non corrigit aut rejicit; quia venisse se testatur non ut solvat Mosen & Prophetas, sed ut impleat, v. 17. Ergo.

Quia Lex
moralis Mo-
sis oppona-
tur doctrinæ
Christi.

Vindicantur
dicta *Matth.*
5. v. 21. 27.
31. 33. 38. 43.

Quia Lex
Christi per-
fectiorem
exigat Cha-
ritatem.

II. Lex perfectiorem exigens charitatem, perfectior est. Lex

Christi perfectiorem exigit charitatem quàm Lex Moſis. Ergo. *Minor* probatur ex objecto & modo exercendæ charitatis. Ex *Objecto* ſic: Quæ Lex charitatem exigit erga cujuſvis ordinis aut conditionis homines, etiam inimicos, perfectior eſt eâ, quæ odium inimicorum imperat. Lex Chriſti prius exigit, Moſis poſterius imperat, ut eſt *Matt.* 5. v. 43. Nam etſi verba illa, *odio habebis inimicum tuum*, nunc non reperiuntur in Lege, tamen dubio procul olim exiterunt; ſicut & illa *Matth.* 2. v. 23. *Nazarenus vocabitur*. Salomo verò *Prov.* 25. v. 21. 22. de cibando inimico non mandatum ſed hortamentum proponit. Ergo. Ex *modo* ſic: Quæ Lex proximum diligere vult *primo* univerſaliter non reſtrictivè, *deinde* plus etiam quam nos ipſos; omnino perfectior eſt illa, quæ ipſum diligere vult 1. reſtrictivè, 2. ut nos ipſos. Atqui Lex Chriſti proximum diligere vult, *primo* univerſaliter; quia dilectionem proximi nuſquam reſtringit, *deinde* plus quam nos ipſos; quia vult nos animam pro ipſo lubentes ponere *Ioh.* 15. v. 13. Contra Lex Moſis ipſum diligere vult 1. reſtrictivè, quia nihilominus oculum pro oculo, dentem pro dente poſtulat. 2. ut nos ipſos, ſicut verba *Lev.* 19. v. 18. ſonant, nec uſpiam de vita pro ipſo ponenda præceptum habet. Ergo. *Reſp.* *Minor* falſa eſt, quia tam Moſes quàm Chriſtus dilectionem præcipit ex toto corde, ex tota anima, ex tota cogitatione, ex omnibus viribus. Probationes ab *Objecto* ejus & *Modo* ductæ, quibus diſtingui ajunt charitatem Legalem & Euangelicam, nihil plus veritatis habent. In *Primâ* negamus *Minorem*. Vt additamentum illud nunc non exſtat in Lege, ita nec fuit olim: Ratio: quia contrarium ejus Lex imperat *Lev.* 19. v. 18. *Exod.* 23. v. 4. 5. Exemplum, *Matth.* 2. v. 23. diſſimile eſt, tum quia nihil ei contrarium reperitur in Prophetis, tum quia ab ipſis, licet obſcurius & metaphoricè prædictum, *Eſa.* 11. v. 1. *Cap.* 60. v. 21. *Zach.* 6. v. 12. reque ipſa in N. T. completum fuit. *Salomonis* illud de cibando inimico ſi hortamentum eſſe detur, contradicere tamen haud poſteſt præcepto Legis: cum verbum Dei non ſit Etiam & Non 2. *Cor.* 1. v. 19. Sed mandatum eſſe ex textu apparet & allegatione ejus *Rom.* 12. v. 20. In *Secundâ* ſimiliter negamus *Minorem*. Etenim præceptum dilectionis non minus univerſale eſt in Veteri quam in Novo Teſtamento. Vt à Moſe dictum *diliges proximum tuum ſicut te ipſum*, *Lev.* 19. v. 18. ſic idem dicitur à Chriſto *Matth.* 22. v. 38. Nec reſtringi putandum eſt per pœnam talionis.

Matt. 2. v. 23.
ubi exſtat
in V. T.

Prov. 25. v. 21.
22. explicatur.

Dilectio proximi qualis,
& quo uſque
ſe extendat.

lionis. Ea siquidem Magistratus cum sit, tam ex Mosis quam Christi doctrina, dilectionis privatæ officiis nihil derogat. Præterea præceptum de vitâ ponendâ pro proximo, novum dilectionis non mandatum, sed exemplum est. Declarat Christus quænam vera sit ac sincera charitas; illa nimirum quæ mortem etiam non detrectat pro proximo. Ubi verò docet eam Lege Mosis non requiri? Quod Ethnicis dictavit Lex naturæ obscura, imperfecta, idne ex Lege Mosis clarâ, perfectâ, Israëlita ignorassent? Quid ergo Moses exitio suo redimere voluit populi salutem? *Exod. 33.* Quid pro Absalone David, *2. Sam. 19.* pro Davide tres heroes mori *cap. 23*? At, *inquiunt*, Lex id tantum flagitat, ut diligamus proximum sicut nos ipsos, non supra nos, quod fit cum vita ponitur pro ipso. *Resp.* Nota Comparationis *Sicut*, non regulam exhibet dilectionis proximi, sed exemplum, *Matth. 7. v. 12.* quod ex nobis petitur; quia ad nos ipsos diligendos naturâ sumus propensi. *Nemo enim odit carnem suam Ephes. 5. v. 29.* Alioquin omnia dilectionis officia complectitur, *Matth. 22. v. 38.* quæ inter istud quoque à Christo censetur *Ioh. 15. v. 13.*

III. Quæ Lex præceptis quibusdam corrigitur, imperfecta est. Lex Moralis Mosis præceptis quibusdam corrigitur à Christo. Ergo. *Minor* ostenditur Inductione. *Primò* corrigitur præcepto *Tertio*: Nam Moses etiam præcepit juramenta; at Christus ea simpliciter vetat *Matth. 5. v. 33. 34.* Moses prohibuit mendaciter & falsò jurare; *Exod. 23. v. 1. Deut. 5. v. 20.* Christus insuper prohibet temere & sine causa jurare. *Deinde* corrigitur præcepto *Sexto*: Quia Moses privatam tantum vindictam interdixit; Christus eam quoque quæ à Magistratu exercetur, *Matth. 5. v. 38. & seqq.* & Paulus lites omnes seculares coram Magistratu Politico institutas *1. Cor. 6. v. 1. & seqq.* Denique corrigitur præcepto *Septimo*: I. Quia nusquam Moses aspectum uxoris alienæ adulterii nomine damnat; Christus damnat *Matt. 5. v. 28.* II. Quia Moses permittit divortium; Christus non permittit nisi ob scortationem *v. 22.* III. Moses præter uxorem, legitimam etiam concubinas concedit; id enim nusquam prohibet, quin & exempla refert, qui habuerunt nec tamen propterea puniti fuerunt; Christus non concedit *1. Cor. 7. v. 2. 4.* IV. Moses permisit polygamiam; Christus non permittit. *Resp.* *Minor* falsa est. Ad exempla correctionum à

Quia Lex
moralis cor-
rigatur
quo ad præ-
ceptum
Tertium.

Sextum.

Septimum.

Explicatio
præcepti
Tertii.

Christo factarum supra diximus generatim, dirigi illa non adversus Moſen, ſed adverſus Scribas ac Phariſæos, qui verba Moſis tum additamentis, tum glosſematis ab antiquis acceptis depravabant. Id nunc ſigillatim in tribus illis, quæ adducta fuerunt, exemplis demonſtrandum eſt. *Primò: Tertium præceptum* reſtringebant ad perjurium illius, qui juraret per nomen Dei, *Falsò* jurare, dummodo non per nomen Dei, ſed per nomen alicujus creaturæ; itemque *Temere* & leviter jurare, nullam nominis divini profanationem ducebant. Utrumque Chriſtus acriter redarguit v. 34. & ſeqq. oſtendens, & illo offendi Deum, utpote quod nihilominus in ipſius ignominiam redundet; & iſto cum juramenta hujusmodi temeraria ſint à Diabolo; & velit Deus nos in vita familiari ſimplici rerum verarum affirmatione, falſarum negatione contentos eſſe. Quibus omnibus nihil equidem doctrinæ Moſis adverſum traditur. Etenim *Exod. 20. v. 7. Dent. 5. v. 11.* nomen Dei ſumi vetat *לשון שקר* ſecundum vanitatem, id eſt, vane, leviter; & *Levit. 19. v. 12.* vetat jurare per nomen Dei (intellige quocunque modo, directè vel obliquè) *לשון שקר*

Quonſque
Chriſtus in-
terdicat ju-
ramentis.

ſecundum falſitatem, id eſt falſo. Quod verò Chriſtus inſuper dicit; *ὅλως* jurandum non eſſe, de juramenti formâ ac modo, non de ejus ſubſtantiâ intelligendum eſt; Non quaſi ſimpliciter jurandum non ſit, (nam & ipſe hoc capite jurat, v. 18. prout non venit ad ſolvendum Moſen, v. 17. & juravit Paulus, 2. *Cor. 1. v. 23.* eſtque juſjurandum ad confirmationem adhibitum inter homines omnis controverſiæ terminus, *Hebr. 6. verſ. 16.*) ſed quod jurandum non ſit temerè, fallaciter, & per ullam rem creatam, quemadmodum ſubjectâ exegeſi declarat. *Deinde* quod *Sextum* præceptum attinet, falſum eſt Chriſtum omnem vindictam abolere, nolle ut malo ullatenus reſiſtatur. Nam ipſe quâ Deus, ordinavit Magiſtratum, eumque gladio armavit ad terrorem ac pœnam malorum, *Rom. 13. cap.* ipſe percuffus in maxillam unam, non præbuit alteram, ſed malo reſtitit innocentiam ſuam tuendo, & injuſtitiam adverſariorum redarguendo *Iohann. 18. v. 23.* Quod & Paulum imitatum legimus *Actor. 23. v. 3.* Quid ergo? Refellit gloſſam Phariſæorum, quâ quod de vindictâ publicâ Magiſtratus Lege Moſis ſtatutum erat, ad vindictam privatam trahebant. Ab hâc tam longè ſuos abeſſe vult,

Qualem vin-
dictam veter
Chriſtus.

ut malle debeant duplicari sibi injurias, quàm ipsimet eas vindicare. Moſis non alia mens eſt, *Lev. 19. v. 18.* his verbis evidenter expreſſa: *Ne ulciſcitor, neque iram aſſervato in populares tuos, ſed diliges proximum tuum ſicut teipſum*, nimirum quia Domini ultio & retributio eſt, ut alibi *Deut. 32. v. 35.* loquitur. Jam. 1. *Cor. 6. v. 1. & ſeqq.* damnat Paulus lites ſeculares, quod ſub Magiſtratu infideli inſtituerentur adverſus fratres fideles; idque de cauſis levioribus, non ſine maximo probro Euangelii. Damnatur igitur κατὰ π, non ſimpliciter. Subjicit enim v. 5. *Itane non eſt inter vos ſapiens, ne unus quidem qui poſſit dijudicare inter fratres ſuos?* Quæ verba etſi de arbitriis domeſticis, non de judiciis forenſibus accipienda ſint, illud tamen quod intendimus evidenter evincunt. Sicut eò quoque facit quod cauſam ſuam ipſemet egit adverſus Judæos ſub Felice Feſtoque præſidibus, & ab iis ad Cæſarem provocavit, *Actor. 24. 25. capp.* Denique nec præcepto *Septimo* emendationis aut mutationis quicquam accidit. Moſes *aſpectum impudicum* uxoris alienæ non vocat quidem adulterium, interim adulterii nomine designari per ſynecdochen metonymicam docet præcepto decimo, *Non concupiſces uxorem proximi tui.* Nam concupiſcentia cordis accenditur, alitur, & exercetur etiam per aſpectum oculorum. *Divortium* permiſit Lege non Morali quæ immutabilis, ſed judiciali, quæ mutabilis eſt; non abſolutè & ſimpliciter, ſed καὶ ἐπὶ ῥησιν propter τὴν σκληροκαρδίαν Judæorum, Chriſto Interprete *Matth. 19. v. 8. 9.* Nihil ergo ad quæſtionem facit, quæ tota eſt de Lege Morali. Et dum conjugium Chriſtus ad primævam inſtitutionem in Paradifo factam revocat, quid quæſo novum à Moſe non ante traditum ſancit? *Concubinatum* vero & *Polygamiam* licet non reprehendat, aut puniſſe oſtendat in Patribus, non tamen propterea approbat aut concedit; quia aliud eſt factum narrare, aliud jus ejus exponere. Ita narrat inceſtum concubitum Lothi cum filiabus, *Gen. 19.* inceſtas nuptias Jacobi cum duabus ſororibus Lea & Ra-chele, *cap. 29.* quorum tamen neutrum approbaſſe aut conceſſiſſe certo certius eſt.

1. *Cor. 6. v. 1,*
ſeqq. vindi-
catur.

Explicatio
præcepti ſe-
ptimi.

Divortium
quatenus in
V.T. permiſ-
ſum.

Quatenus
item Polyga-
mia.

Secunda: Samofatenianorum.

An sacrificia propitiatoria V. T. fuerint typi sacrificii Christi.

Rationes

Affirmantes Orthodoxæ.

SECUNDA: *An sacrificia propitiatoria Veteris Testamenti, adumbrarint unicum illud Christi sacrificium pro peccatis nostris oblatum? Samofateniani negant, Socinus lib. 2. de Servatore cap. 10. 11. Nos affirmamus.*

Rationes nostræ.

Ex natura Subjecti:

Quia ea Christus ut umbras sui sacrificii in N. T. abrogavit.

Quæ Christus ut umbras Sacrificii sui in Novo Testamento abrogavit, illa ipsius Sacrificium in Veteri Testamento adumbrarunt. Sacrificia propitiatoria Veteris Testamenti, ut umbras sui sacrificii in Novo Testamento Christus abrogavit. Ergo. *Major* per se patet. *Minorem* operosè confirmat Apostolus capp. 8. 9. 10. ad Hebræos, quibus de abrogatione Cerimoniarum Legis, ut umbrarum, disserit; eamque ex adventu Christi, qui veri illius tabernaculi minister est, potissimum concludit. Quæ ejus collectio aut nulla aut infirma est, nisi habeant se sacrificia legalia ad sacrificium Christi, ut umbræ ad corpus; quandoquidem illæ per hoc necessario tolluntur: imperfectius autem sacrificium per id, quod perfectius est, tolli non fuit necesse, quod in diversis sacerdotiis simul stare possent.

Ex naturâ Prædicati:

Quia fuerunt umbræ, typi sacrificii Christi.

Umbræ, typi rerum ipsas res adumbrant. Sacrificia propitiatoria Veteris Testamenti fuerunt umbræ, typi sacrificii Christi. Ergo. De *Majore* constat ex notatione. *Minor* probatur. I. Totus cultus legalis fuit umbra. Ergo ipsa quoque sacrificia propitiatoria. *Consequentia* evidens est. *Antecedentis* veritas apertis Scripturæ testimoniis nititur: Coloss. 2. v. 17. *Quæ sunt umbra rerum futurarum* Hebr. 10. v. 1. *Lex umbram obtinens futurorum bonorum.* Cap. 8. v. 5. *Ut qui exemplari & umbra deserviunt rerum celestium.* Cap. 9. v. 9. *Quod erat exemplar pro tempore præsentis & vers. 24. quod sit exemplar vero sacrario respondens.* II. Christus est veritas typis Moisaicis respondens, Iohanni. 1. v. 17. Cap. 14. v. 6. est veri illius tabernaculi minister, Hebr. 8. v. 2. est corpus umbrarum Coloss.

Coloss. 2. vers. 17. Ergo ex naturâ relatorum, per illa fuit adumbratus.

Rationes Samofatenianorum.

Negantes
Heterodoxæ

Ex naturâ Subjecti.

Quæ verè, & re ipsa expiarunt peccata secundum ordinationem Dei, Sacrificium Christi expiatorium non adumbrarunt. Quia sacrificia V. T. vere expiarunt peccata. Sacrificia propitiatoria Veteris Testamenti, verè & re ipsa expiarunt peccata, secundum ordinationem Dei; sicut passim in Levitico eis expiatio tribuitur. Ergo. *Resp. Minor* contradicit Scripturæ, quæ I. negat sacrificia illa expiandorum peccatorum vim habuisse: *Hebr. 10. vers. 4. Non potest sanguis taurorum & hircorum auferre peccata. Cap. 9. v. 9. Sacrificia non possunt in conscientia consummare cultorem.* II. affirmat umbras, typos, exemplaria fuisse sacrificii Christi tanquam corporis, veritatis, archetypi *Hebr. 8. vers. 5. Cap. 9. vers. 9. Cap. 10. vers. 1.* Vnde conficitur, expiationem illis tribui non propriè, sed impropriè, per metonymiam subjecti, quâ quod signati est de signo enunciatur.

Ex naturâ Predicati:

Inter quæ nulla est analogia, eorum unum non est adumbratio alterius. Inter Sacrificia propitiatoria Veteris Testamenti & Sacrificium Christi nulla est analogia. Quia inter ea & sacrificium Christi nulla sit analogia. Ergo. *Minor* probatur I. quia ex vestrà sententiâ, *inquiunt*, in Sacrificiis illis nulla fuit satisfactio; in Christi sacrificio est satisfactio. II. quia sacrificia V. T. pro ignorantibus solum & peccatis levioribus instituta fuerunt, *Hebr. 9. v. 7.* Christi verò sacrificium secundum vos valet pro omnibus peccatis. *Resp. Minor* falsa est cum utrâque sui probatione. Etsi enim in sacrificiis illis non fuit satisfactio vera, realis; fuit tamen ceremonialis & sacramentalis, *Levit. 1. v. 4. Cap. 4. v. 26. Cap. 17. v. 11.* quâ ipsâ satisfactionem Christi adumbrarunt. Præterea non minus pro gravibus, quàm pro levibus peccatis instituta fuerunt, *Lev. 5. v. 20. & seqq.* adeoque ab omnibus peccatis suis populum expiarunt. *cap. 16. v. 16. 21. Hebr. 9. v. 7.* ἁγιογράφων quidem meminit Apostolus verum non exclusivè; &

tam latè patet ea vox, quàm altera *Augustinus* cap. 7. v. 27. ut collatio docet.

Controversiæ Pontificiorum:

*Tertis: Pontificiorum,
An imagines Dei &
creaturarum
facere ac religiose colere
liceat?*

PRIMA: *An creaturarum, atque etiam Dei & SS. Trinitatis imagines religionis ergò facere, locis Sacris collocare, cultuque religioso afficere jus fas sit?* Pontificii affirmant, Bellarm. Tom. II. Controv. generali IV. lib. 2. de reliquiis & imaginibus Sanctorum à cap. 5. usque ad finem. Nos negamus.

In Subjecto quæstionis controversæ conjunguntur Imagines creaturarum & creatoris Dei, qui est Pater, Filius, & Spiritus Sanctus; non quod absolutè & simpliciter par sit utrarumque ratio, (nam Imagines creaturarum in vitâ civili per se licitæ sunt & sæpe utiles, Creatoris per se illicitæ & semper noxiæ;) verum quia religionis causâ non magis illas quam istas facere, Deumque nec per illas nec per istas colere fas est ex sententia Orthodoxorum, quam nunc confirmatum imus.

Rationes nostræ.

Rationes

*Negantes
Orthodoxæ.*

Ex naturâ Subjecti:

Quia Dei nulla est repræsentatio.

Cujus nulla est repræsentatio, ejusdem nulla imago. Dei nulla est repræsentatio. Ergo. Major patet; quia Imago est repræsentatio sui prototypi. Minor probatur. I. Cujus imaginem nullus vidit, ejus nulla est repræsentatio. Dei imaginem nullus vidit. Ergo. *Utraque* Propositio Moïsi est Deuter. 4. cap. Minor v. 12. 16. *Non animadvertistis ullam similitudinem, quo die loquutus est vobis Iehova.* Major v. 15. & seqq. *Quamobrem cavebitis vobis valde, ut non faciatis vobis sculptrile, similitudinem ullius simulacri, &c.* II. Qui immensus & infinitus est, ejus nulla est repræsentatio. Deus immensus est, & infinitus. Ergo. *Premissarum utramque* tradit Esaias, cap. 40. ubi assertâ infinitâ Dei majestate sic infert v. 18. *Cui ergò assimilabitis Deum & quam similitudinem comparabitis ei?*

III. Cu-

III. Cujus representatio omnis per imagines & sculptilia nihil est nisi ignominiosa mutatio, ejus representatio nulla est. Dei representatio omnis per imagines & sculptilia nihil est nisi ignominiosa mutatio. Ergo, *Major* certa est; quia imago mutans suum prototypum, ipsum non refert, adeoque æquivocè tantum imago dicitur. *Minor* est Apostoli *Roman. 1. v. 23. Mutarunt* (scil: Idololatræ) *gloriam incorruptibilis Dei in efformatam imaginem corruptibilis hominis.* Atque hinc Imagines illę mendacia & falsitates, *Esa. 44. v. 18 & seqq. eruditio vanitatum, Jerem. 10. v. 8. Doctores falsi, Habac. 2. v. 18. & denique nihil, 1. Corinth. 8. vers. 4. vocantur.*

*Excipiunt Pontificii. I. Pingi Deum, ad naturam ejus non perfecte, sed aliquā similitudine exprimendam; nec non ad referendas ejus historias. II. Esa. 40. Non agi de imagine Dei, sed de simulacris Deorum. III. Idola Ethnicorum esse Doctores mendaciū; quia videri volunt dii, cum non sint. At imagines Christianorum esse Doctores veritatis. Resp. ad Primum: Hoc non minus vetitum. Est namque Vniversale interdictum. Non facietis ullam similitudinem; quia nullam vidistis Deuter. 4. An verò prius etiam non faciant, qui Deum formā viri tricorporis aut tricipitis; item formā senis & juvenis cum columbā supervolante depingunt, ipsi viderint. Ad Secundum: Esa. 40. Verba Prophetæ evidentiora sunt, quàm ut corruptelam hujusmodi ullatenus admittant. Et discrimen, quod fingitur inter Imaginem & simulacrum sive idolum, inter verum Deum & falsos deos, idololatriæ culpa ipsos non liberat. Non prius; quia nominale est, à Scriptoribus Sacris & profanis, etiam Pontificiis, ut *Cajetano, Fonseca, Valentiano, Pererio*, repudiatum, neque in versione Latinā, quæ tamen ipsis authentica est, observatum. Non posterius; quia etsi gravior idololatria est, quum falsi dii coluntur per imagines, quàm quum verus Deus, ut constat exemplo Achabi, *1. Reg. 16. v. 32. 33. & ratione; quia illa peccat in Objecto & modo simul, hæc in modo tantum; attamen & posterius idololatria est, Lege vetita, Deut. 4. v. 12. & seqq. & in populo Dei severè punita Exod. 32. 1. Reg. 12. & seqq. capp.* Ad Tertium: Enunciata illa Prophetarum universalia sunt. Ergo non minus de Christianorum quam Ethnicorum imaginibus vera. *Ad hæc: Qui falsum docet, doctor falsi meritò dicitur. Imagines**

Exceptiones
Adversariæ
consultantur

vane sunt distinctiones
inter

1. Imaginem
& simulacrum

2. Cultum Dei
veri & falsorum per imagines.

An imagines
doctores sint,
& quales.

gines omnes ad Deum repræsentandum adhibitæ falsum de Deo docent, prout ante ostendimus. Ergo. *Postremo*: Doctores veritatis in Ecclesia divinitus ordinatos esse oportet; ut de Christo testatur Nicodemus, *Iohann. 3.* de aliis Paulus: *Rom. 10. Eph. 4.* Imagines non sunt divinitus ordinati Doctores; quia Deus Ecclesiam suam non mutis simulacris, sed vivâ prædicatione verbi sui vult erudiri *Rom. 1. v. 16. 2. Pet. 1. v. 19.* Ergo.

Ex naturâ *Prædicati*:

Quia imagines istiusmodi Deus vetuit.

I. Quod Deus expressè vetuit, nefas est. Imagines creaturarum aut Creatoris, religionis ergo facere, cultuque religioso afficere, Deus expressè vetuit. Ergo. *Minor* traditur præcepto secundo decalogi, *Exod. 20. v. 4. 5. 6. Deut. 5. v. 7. 8. 9.* quod recepto glossæmate ad fallorum deorum imagines restringi non potest. I. quia dicitur; *non facies tibi sculptile aut ullam imaginem*, scil. religionis, causâ. II. quia de Deo non repræsentando per ipsum Moysen luculenter exponitur *Deutr. 4. v. 12. & seqq.* III. quia Israelitæ, Deum imagine vituli repræsentantes, graviter reprehensi & puniti fuerunt *Exod. 32.* IV. quia pii Reges & magistratus, non minus Iudæorum, quàm Ethnicorum, idola sustulerunt, sicut populo suo utrumque præcepit Deus; ut & altaria Cananæorum demoliretur, statuas frangeret, *Exod. 34. v. 13.* & ipse sibi deos fusiles non faceret *v. 17.*

Quia non pertinent ad Dei cultum, sunt periculosæ & offensionis.

II. Quod ad cultum Dei non pertinet, & cum idololatriæ periculo, iustoque aliorum offendiculo conjunctum est; id à locis Sacris abesse debet. *Ratio*; quia loca sacra publici cultus causâ constituta sunt; & quia dictum, *Non tentabis Dominum Deum tuum Matth. 4. v. 7.* item, *ut homini per quem offendiculum evenit cap. 18. v. 7.* Atqui Imagines creaturarum ac Creatoris Dei in locis Sacris. I. *ad cultum Dei non pertinent*; quia Deus à sui cultu eas Lege submovit, sicut nec verbi, nec Sacramentorum, nec Precum, nec hymnorum pars sunt. II. *cum idololatria periculo conjunctæ sunt*; quia homines, maximè plebji, ad superstitionem naturâ proni, ad cultum earum, ipsâ loci reverentia moventur, experientiâ teste. III. *conjunctæ insuper sunt cum iusto offendiculo aliorum*; quia multi Christiani infirmi, ut & lu-
dæi

dzi ac Mahumetani , nostro ministerio convertendi, templa imaginibus instructa, ut idolæ, adversantur. Ergo.

III. Idololatria omnis illicita est, & idololatræ omnes exosi Deo. Omnis cultus religiosus imaginum, etiam quibus verus Deus repræsentatur, est idololatria; & omnes earum cultores idololatræ. Ergo. De *Majore* constat sententiâ Legis *Exod.* 20. item ex pronunciato Apostoli *1. Corint.* 6. v. 10. *Nullum idololatram hereditatem regni Dei possessurum.* Minor bimestris est. Prius de cultu *Imaginum* sic ostenditur: I. Incurvatio, adoratio, & omnis generis veneratio sculptilibus & simulacris præstita, idololatria est. Cultus *Imaginum* est incurvatio, adoratio, & omnis generis veneratio sculptilibus & simulacris præstita. Ergo. *Major* procedit à definitione ad definitum, & Legis auctoritate nititur *Exod.* 20. *Minor* patet ex praxi Pontificiorum, qui cultum *Imaginum* his quasi partibus absolvunt. II. Cultus Divinus rei, quæ non est Deus, idololatria est. Cultus religiosus imaginum est cultus divinus rei, quæ non est Deus. Ergo. *Majorem* habemus ex sententiâ præcepti primi: *Non habebis Deos alienos in conspectu meo.* *Minor* confirmatur. I. ex *Doctrinâ Pontificiorum*, quæ est, imagines religiose colendas esse, tum *improprie* propter aliud, ipsum scil. prototypum, tum *proprie* & *per se* propter sacram illam significationem, quæ ipsis inhæret; & *prior* quidem respectu deberi ipsis eundem cum prototypis cultum, puta *Imaginibus Dei & Christi* cultum *λατρείας*, *Sanctorum* *δουλείας*: *Posteriore* autem deberi cultum inferiorem, nimirum *δουλείας*, qui tamen analogicè & reductivè pertineat ad eam cultus speciem, quæ prototypi est. II. Ex *Praxi Pontificiorum*; quia adorant imagines etiam *proprie* & in se; venerantur eas sacrificiis, suffitibus, cereis, tripudiis; tribuunt eis affectus gratiæ, iræ, exauditionem, patræationem miraculorum & alia, quæ uni Deo ex præscripto verbi debentur. *Posterior* de cultoribus *Imaginum* demonstramus ab exemplis: Iudæi & Gentes nonnullæ, quæ verum Deum per imagines repræsentarunt & coluerunt, fuerunt idololatræ. Ergo omnes earum cultores sunt idololatræ. *Antecedens* probatur. De *Iudæis*: I. ex cultu aurei Vituli, *Exod.* 32. v. 4. 5. de quo dicitur: *Hi sunt dii tui Israël, qui te eduxerunt ex Aegypto*; & de quo, structo altari, proclamavit Aaron, *Festum Iehova cras esto.* II. ex cultu duorum aureorum.

Quia cultus religiosus imaginum est Idololatria; & earum cultores idololatrae.

Qualem cultum Pontificii imaginibus deferant.

Vitulorum à Ieroboamo erectorum in Dan & Bethel, 1. *Reg.* 12. v. 28. de quibus eadem verba usurpantur; Nam cultum falsorum deorum per imagines Achabus postmodum introduxit, 1. *Reg.* 16. v. 32. 33. III. ex cultu Idoli Michæ, quod Iehovæ fuit sanctificatum, *Iudic.* 17 v. 3. & cuius sacerdos describitur ut sacerdos Iehovæ *cap.* 17. & 18. De *Gentibus nonnullis*, iis maximè, quæ prudentiores fuerunt, 1. quia imagines habebant tantum pro signis deorum, ut *Cicero* desertè loquitur. II. quia *Dio*, *Maximus Tyrius*, alii asseverant summum primum & maximum Deum, creatorem omnium & conservatorem, à se in simulacris, ex auro, argento & ebore factis, coli; & *Severus*, *Imp.* imaginem Christi cum aliis idolis coluit. III. Idem testantur *Lactantius*, *Arnobius*, *Clemens Alexandrinus*, *Augustinus* in *Psal.* 113. qui tamen hunc Gentilium cultum ut Idololatriam damnant.

Rationes Pontificiorum.

Affirmantes Heterodoxæ.

Ex natura Subjecti:

Quia Deus visus fueret specie corporea.

I. Qui visus est specie corporea, & tali specie nobis describitur in Scripturâ; is potest repræsentari per imagines. Deus visus est specie corporeâ, Adæ in Paradiso ambulans, *Genes.* 3. Iacobo scalæ innitens *cap.* 28. Mosi quoad posteriora, *Exod.* 33. Michæ in folio: 1. *Reg.* 22. Danieli in throno *cap.* 7. sedens, præterea tali specie nobis describitur in Scripturâ, ut quæ membra, situm, actiones humanas ipsi tribuit. Ergo. *Resp.* Major non est vera universaliter, adeoque de Deo inconsequens dupliciter. I. Quia species illæ corporeæ visiones fuerunt, non essentiam Dei aut personas, sed opera, externamve gloriam aliquatenus adumbrantes; & quidem extraordinariæ, non ordinariæ; temporariæ, non perpetuæ; non palàm propositæ, sed huic vel illi, maximè in spiritu, oblatae. Nihil ergo cum Imaginibus commune habent. II. Quia aliud est metaphoricè loqui de Deo ad captus nostri modulum, aliud speciem ejus visibilem, quasi veram & propriam pingere aut fingere, ac omnium oculis publicè subjicere.

Quia Angeli incorporei pingi possunt.

II. Angeli, quantumvis incorporei & invisibiles, pingi possunt; virtutes etiam ut scæminæ pingi solent. Ergo potest & Deus.

Deus. *Resp.* I. Nulla est *consequentia* à finito ad infinitum, à creaturis ad creatorem. II. *Antecedens* falsum est; quia Angeli in naturâ suâ spirituali depingi non possunt, licet possint ex revelationibus & operibus. In picturis Virtutum licentiam pictoriam omnes agnoscunt.

Ex natura *Predicati*:

I. Quod ipse Deus fecit, nobis illicitum non est. Atqui ipse Deus repræsentavit se per imagines, ut modo ostensum Quia Deus se repræsentavit per imagines.
Ergo. *Resp.* Vtraque propositio falsa est. *Major*; quia Deus est absolutæ potestatis Dominus, faciens quicquid vult; Nos potestati ejus subjecti, facere debentes quæ nobis mandat, omittere quæ vetat. *Minor*; quia nunquam se repræsentavit per sculptile aliquod aut simulacrum: quo significatu nisi accipiat vox Imaginis, aliud est in Conclusionem quàm in Præmissis.

II. Quod Dei jussu in templo Salomonis constitutum fuit, & templorum conditioni maximè convenit; nefas non est. Imagines Cherubinarum in templo Salomonis Dei jussu constitutæ fuerunt, & conditioni templorum maximè conveniunt, cum sint signa sacra ac ornamenta, & hominum mentes contineant ne vagentur. Ergo. *Resp.* Per limitationem *Majoris*: Non est nefas si I. idem sit mandatum. II. & conditioni templorum conveniat ex institutione Dei. Iam *Cherubinarum* quidem imagines in templo Salomonis constitutæ fuerunt Dei mandato, idque in Sancto Sanctorum extra populi conspectum: ubi vero in Novo Test. nobis simile quid mandavit Deus de statu suis & Sanctorum faciendis, publiceque ad cultum proponendis? Deinde negamus imagines templorum conditioni convenire ex institutione Dei, aut etiam proprii finis respectu. Sacra signa non sunt Imagines sed sacramenta? ornamenta templorum Verbi pura prædicatio, Sacramentorum legitima administratio, & sanctitas disciplinæ; media denique mentium in attentione retinendarum, ipsius Dei præsentia, ac mysteriorum divinarum majestas, difficultas atque utilitas. Quia Dei jussu imagines in templo fuerint collocatæ; & alias templorum conditioni conveniant.

III. Quod Dei mandato & probatis Sanctorum exemplis nititur, licitum est. Cultus Imaginum nititur Dei mandato, Quia imaginum cultus nitatur Dei mandato, & sanctorum exemplo,
Psal. 99. v. 5. adore scabellum pedum ejus; & probatis Sancto-

Vindicatio
dictorum
Psal. 99. v. 5.

rum exemplis ; quia in Veteri testamento adorarunt Cherubinos . *Exod.* 25. coluerunt serpentem æneum, *Num.* 21. tanquam eximium Christi typum *Ioh.* 3. Ergo. *Resp.* Minor falsa est, *Psal.* 99. v. 5. jubentur fideles Vet. Test. *incurvare se ad scabellum pedum ejus*, id est, arcam versus, non autem ipsum scabellum adorare, non magis certe quam ipsum templum, versus quod se etiam incurvabant *Psal.* 5. v. 8. *Dan.* 6. v. 11. Inde verò ne incurvatio quidem ad statuas recte concluditur ; quia nec mandatum habemus, nec promissionem gratiosæ præsentiae Dei, prout veteres illi habuerunt. *Exod.* 25. v. 22. pollicetur Deus responsum se Mosi è medio Cherubinatorum, ut eos adoret non præcipit. *Serpens aneus* tantum abest ut religiose coli debuerit, ut etiam dejectus sit ab Ezechia Rege, cum facere illud Iudei inciperent 2. *Reg.* 18. v. 4. Prisci illi Israelitæ sanati fuerunt non cultu religioso hujus serpentis, sed ejusdem aspectu secundum Dei voluntatem facto.

Quarta: Pontificiorum.
An Angeli
Sanctique defuncti sint
invocandi?

SECUNDA: An Angeli, sanctique defuncti sint invocandi? Pontificii affirmant, *Bellarm.* tom. II. *contro: gen.* IV. lib. I. *de beatitudine Sanctorum* cap. II. & seqq. Nos Negamus.

Status Controversiæ.

Quibus tribuant Invocationem.

Et qualem.

Quò Status Controversiæ rectius intelligatur, termini ejus breviter explicandi sunt. Subjectum sunt Angeli, sanctique defuncti. Et Angeli quidem non omnes, sed boni & beati ; nec Sancti omnes, etiam ii, qui in hac vita sanctificantur sanguine & Spiritu Christi (nam his nomen illud contra stylium Scripturæ plerique Pontificiorum detrahunt,) verum defuncti, quos ipsi ex Canonizatione Pontificis æstimant, usque adeo ut non Canonizatos publicè coli non permittant ; nos æstimamus ex perseverantia in fide & charitate usque ad finem. Prædicatum est *Invocandi*, scil. ut Mediatores & Intercessores nostri apud Deum. Vbi Invocatio universum eorum cultum designat, qui consistit *intus* partim in *judicio de ipsis*, quod necessitates nostras norint, nobisque possint opitulari, partim in *fiducia in ipsis*, quod etiam velint opitulari ; *foris* autem in sacrificiis, incurvationibus, &c.

&c. Nos quidem Sanctos defunctos suo modo honorandos esse non negamus, conservando honorificam ipsorum memoriam, *Luc. 1. v. 48. Marc. 14. v. 9.* virtutesque imitando, *Rom. 4. v. 12. Hebr. 12. v. 1.* at invocandos aut religiose colendos esse pernegamus.

Rationes nostræ.

Rationes
Negantes
Orthodoxæ.

Ex natura Subjecti :

I. Qui non est omniscius & omnipotens, non est obiectum invocationis nostræ religiosæ. Angeli Sanctique defuncti non sunt omniscii, aut omnipotentes. Ergo. *Major* traditur in numeris Scripturæ locis, *Esa. 55. v. 6. Psal. 145. v. 10. 11. Psal. 4. v. 2. Psal. 30. v. 8.* ipsaque ratione. Nam omnium ubique necessitates nosse nemo potest nisi omniscius, nec succurrere iis nisi omnipotens. Qui ergo talis non est, ad eum frustra instituitur in vocatio, ut olim ad Baalem, *1. Reg. 18. v. 28.* is non est obiectum *deum* adorationis religiosæ. De *Minore* inde constat, quod omniscientia & omnipotentia sunt proprietates Dei creaturis incommunicabiles, *Esa. 42. v. 8.* item quod omniscientiam Scriptura utrisque apertè derogat : Angelis, *Ephes. 3. v. 10.* *ut nota nunc fiat per Ecclesiam imperiis & potestatibus, quæ in cælis sunt, multiformis illa sapientia Dei. 1. Petr. 1. v. 12. In qua cupiunt Angeli introspicere. Sanctis defunctis : Esa. 63. v. 16. Etiam si Abraham nesciat nos, Israel, ignoret nos tu tamen Iehova Pater noster. Eccl. 9. v. 7. Mortui nihil sciunt. 2. Reg. 22. v. 20. Ponitur in sepulchro suo in pace, ne videat malum; quod Deus facturus est Ierusalem.* Quæ autem de speculo cælesti fabulantur adversarii, in quo videant omnia, item de revelatione Dei aut relatione Angelorum, ex quâ preces nostras cognoscant, in iis ne sibi ipsis quidem constant, tantum abest ut certum aliquod sententiæ suæ fundamentum asferre possint.

Quia Angeli
& Sancti
non sunt
omniscii,
nec omni-
potentes.

Speculum
cæleste fa-
bulosum est.

II. Quem honorum Angeli & Sancti vivi non admiserunt, is Angelis Sanctisque defunctis deferendus non est. Honorem religiosæ invocationis Angeli, sanctique vivi non admiserunt. Non Angeli; quia Johanni adoraturo, dicit unus, *Ne facias, conservus enim tuus sum, Deum adora Apoc. 19. v. 10. Cap. 22. v. 9.*

Quia Ange-
li & sancti
vivi respue-
runt invoca-
tionem.

Non *Sancti vivi*; quia & Petrus Cornelio, *Actor.* 10. v. 25. 26. & Paulus Lystrensis, *cap.* 14. vers. 12. & *seqq.* idem interdixit. Ergo.

Quia non
sunt media-
tores nostri
apud Deum.

III. Qui non sunt Mediatores & Intercessores nostri apud Deum; eo quoque nomine invocandi non sunt. Angeli Sanctique defuncti non sunt Mediatores & Intercessores nostri apud Deum. Ergo. Major nititur veritate axiomatis Logici: Sublata causa tollitur effectus. Minor probatur. I. Qui solum Christum Mediatorem habent, alios præter ipsum non habent. Nos solum Christum Mediatorem habemus 1. *Tim.* 2. v. 5. *Vnus Mediator Dei & hominum, homo Christus Iesus.* Ergo. II. Qui non est mortuus pro nobis, nec factus est propitiatio pro nostris peccatis, is Mediator noster apud Deum non est; teste Paulo, *Rom.* 8. v. 34. & Johanne, 1. *Epist.* 2. v. 1. 2. Angeli Sanctique defuncti non sunt mortui pro nobis, non facti sunt propitiatio pro peccatis nostris 1. *Cor.* 1. v. 13. *Num Paulus crucifixus est pro vobis?* Ergo. Quo ipso funditus convellitur futilis illa distinctio inter *Mediatorum redemptionis* Christum, & *Mediatores intercessionis* Sanctos; quam tamen ipsimet imprudentes evertunt, dum suos non minus meritis, quam precibus Sanctorum juvari asserunt.

Distinctio
Mediatorum
Redemptio-
nis & Inter-
cessionis.

Ex naturâ Prædicati:

Quia horum
invocatio
non nititur
Dei manda-
to vel pio-
rum exem-
plo.

I. Omnis vera ac religiosa Invocatio nititur expresso Dei mandato, promissione, & probatis piorum exemplis. Invocatio religiosa Angelorum & Sanctorum defunctorum non nititur expresso Dei mandato, promissione, aut exemplis piorum. Ergo. Minoris membra priora duo habemus ex confessione Bellarmini, qui *cap.* 20. *lib.* 1. *de beatitudine Sanctorum*, cum reliquis Pontificis fatetur: Nullum mandatum requiri quando necessitas nos impellat, & promissionem minimè desiderari, cum innumerabilia signa ac prodigia ad Invocationem Sanctorum facta testentur Deum audire. De posteriore infra videbitur.

Quia eam
invocatio-
nem Scrip-
tura dam-
nat.

II. Quam invocationem Scriptura damnat; ea non religiosa, sed superstitiosa est. Invocationem Angelorum Sanctorumque defunctorum Scriptura damnat: *Coloss.* 2. v. 18. *Nemo adversum vos rectoris partes ultro sibi sumat in submissione animi & religio-*

so cultu Angelorum. Esa. 8. v. 19. Nonne populus Deum suum consulitur est? pro viventibus mortuos consulit. Ergo.

III. Religiosa invocatio soli Deo convenit. Juxta illud: *Domine Deum tuum adorabis, & ipsi soli servies. Deuter. 6. v. 13. Matth. 4. v. 10.* Angeli Sanctique defuncti non sunt Deus. Ergo. Hic quidem ad commentitiam distinctionem inter *λατρεία* & *δουλεία* confugiunt, quarum illam soli Deo, istam Sanctis deberi contendunt: Verum tueri eam nullâ veritatis specie possunt. Etenim *λατρεία* & *δουλεία*, *λατρεῖν* & *δουλέν* promiscuè usurpantur in Novo Test. *Matth. 4. v. 10. Cap. 6. v. 24. Rom. 1. v. 9. Actor. 20. v. 19. Galat. 4. v. 8. Coloss. 3. v. 22. 1. Thessal. 1. v. 9.* Et verbum Hebræum *עָבַד* nunc per *δουλέν*, *Exod. 23.*

Quia religiosa invocatio soli Deo convenit.

Distinctio inter *λατρεία* & *δουλεία* nulla est.

v. 33. Iud. 2. v. 7. modò per *λατρεῖν*, *Exod. 20. v. 5.* reddiderunt LXX. Quod si ex ipsis vocibus per se eruendum aliquod discrimen esset, jam creatura honore extolleretur supra creatorem; quia *δουλέν* est esse alterius, eique se totum mancipare, *λατρεῖν* verò propriè est signo externo reverentiam exhibere.

Rationes Pontificiorum.

Affirmantes
Heterodoxa.

Ex natura Subjecti:

I. Propter quos Deus populo suo propitius est, ii sunt invocandi. Propter Abrahamum, Isaacum, Jacobum, Davidem defunctos, Deus fuit populo suo propitius; ut est *Exod. 32. 1. Reg. 15. 2. Reg. 19.* Ergo. *Resp.* Major non est universalis. De meritis datur; de precibus, ut causâ antecedente secundum voluntatem Dei, negatur. Minor verò falsa est. Neque propter merita ut vult, *Bellarminus cap. 19.* neque propter preces patrum illorum defunctorum, sed propter gratuitam misericordiam suam in Christo ipsis ac semini eorum federaliter promissam fuit Deus populo propitius. Præterea Patrum illorum, & aliorum omnium ex Veteri Test. exempla impertinentia sunt. Nam qui ipsi, ex sententiâ Pontificiorum, in limbo erant, statumque posterorum suorum ignorabant, quomodo intercedere pro eis apud Deum potuerunt?

Quia propter defunctos Deus populo suo sit propitius.

II. Qui orant pro nobis invocandi sunt. Angeli Sanctique defuncti orant pro nobis. Ergo. *Resp.* In *Majore* est fallacia

Quia Angeli & Sancti defuncti pro nobis orant.

non causæ. Oratio pro altero non est iusta causa religiosæ invocationis. Romani etiam orare iubentur pro Paulo, *cap. 15.* sicut & alii. An verò propterea ipsos adoravit? Deinde in *Minore* est fallacia tum plurium Interrogationum, tum Homonymiz. Nam alia ratio Angelorum in cælo, qui ministerii causa subinde emittuntur, propter eos qui hæredes salutis futuri sunt, *Hebr. 1. v. 14.* alia animarum, quæ non emittuntur. Ex quo sequitur, quod illi quidem, quoties ita emittuntur, necessitates nostras distinctè cognoscere, & pro nobis orare possint, isti non possint; etsi aliquin vota generalia pro salute Ecclesiæ in terrâ militantis concipiant *Apoc. 6. v. 9. 10.*

Quia Sanctos
vivos liceat
invocare.

III. Sanctos viventes invocare licet, prout amici Jobum vocarunt, ut pro ipsis deprecaretur Deum, *Iob. 42.* & Israëlitz Samuëlem 1. *Sam. 7.* Ergo etiam defunctos. *Resp. I.* falsum est *Antecedens*, voce *Invocationis* de cultu religioso, prout ante declarata est, acceptâ. Amici illi Jobum, Israëlitz Samuëlem rogarunt, ut fratres, conservos, prophetas, non invocarent ut Mediatore.

II. negatur *Consequentia*. Prius mandato & promissione Dei, laudatis Sanctorum Veteris Novique T. exemplis nititur, posterior non. Inter vivos mutua est officiorum communio, inter vivos & mortuos nulla *Eccl. 9. v. 6. 7. Esa. 63. v. 16.* Sed consequentiam statumina Bellarminus argumento hoc, quod ait nos nunquam solvere posse: Si nunc non licet invocare sanctos, id fit vel I. quia nolunt invocari, vel II. quia non possunt, vel III. quia non sciunt quid oremus, vel IV. quia id cum Dei Christique injuria conjunctum foret. Non *primum*; quia nunc sunt majore charitate præditi quàm ante, de suâ immortalitate securi, de nostrâ incolumitate solliciti. Non *secundum*; quia si poterant peregrini, multo magis nunc in patriâ. Non *tertium*; quia unde conversionem peccatorum angeli, *Luc. 15.* inde & sancti sciunt. Non *quartum*; quia sic ne viventes quidem invocare liceret. Ergo. *Resp. Assumptum* petitionem principii habet in omnibus membris, & nullo negotio retorquetur in suum auctorem. Nam *primo* quia majore Dei proximique charitate præditi sunt, invocari nolunt; multo minus certè quàm in hac vitâ id permiserunt, *Astor. 10. & 14. capp.* ut qui longè nunc perfectus didicerunt honorem illum uni Deo deberi. Deinde peregrini à patriâ cælesti, compellari à nobis poterant sive voce, sive epistolâ; quia inquilini nobiscum erant

Instantia
Bellarm.

Refellitur.

erant in patriâ terrenâ ; nunc inquilini illius compellari non possunt , quia ab ista longissimis spatiis distant. *Tertio* de angelis disertè affirmatur , quod speciatim gaudeant hujus, illius peccatoris conversione , de sanctis non affirmatur : Angeli subinde emittuntur ad eos, Sancti non emittuntur. *Quarto*; quia viventes religiosè invocare non licet, nec fieri potest absque summa Dei injuria, qui dixit, *Dominum Deum tuum adorabis, & ipsi soli servies Matt. 4. v. 10.*

Ex naturâ Prædicati :

Invocatio religiosa , probatis sanctorum exemplis confirmata licita est. Invocatio religiosa Angelorum , sanctorumque defunctorum, probatis sanctorum exemplis est confirmata: Iacobi, *Gen. 48.* qui invocavit Angelum, & prædixit se olim à posteris invocatum iri : deinde amicorum Iobi, consulentium ipsi, ut aliquem ex sanctis defunctis invocet *cap. 5.* quorum consilio obsequutus videtur, sic inclamans *cap. 19. Miseremini mei, ô amici mei.* Ergo. *Resp.* Negatur *Minor. Gen. 48.* Angelus non est spiritus creatus, sed increatus, Christus videlicet, angelus ille federis, prout appellatur, *Mal. 3. v. 1.* Nec prædicit Iacobus se à posteris suis invocatum iri, sed filios Iosephi Ephraimum & Menassem, à se & majoribus suis denominandos, non minùs quàm filios suos. *Iob. 5. vers. 1.* non sancti defuncti, sed viventes intelliguntur, ut antithesis docet, & contextus series. *Cap. 19. v. 21.* autem amicos sibi præsentibus Iobus compellat, utpote quos *v. 22.* conqueritur convitiis & injuriis adversus innocuum satiari non posse.

Quia istæ invocatio confirmetur exemplis Sanctorum.

Vindiciæ loci *Gen. 48. v. 16.*

Iob. 5. v. 1.

Cap. 19. v. 21.

TERTIA: *An vota, quæ vocant Monastica, perpetuæ continentie, voluntariæ paupertatis, & obedientie regularis licita sint?* Pontificii affirmant, *Bellarminus tom. II. controvers. general. II. lib. 2. de Monachis cap. 20. & seqq.* Nos negamus.

Quinta: Pontificiorum. *An vota, quæ vocant Monastica, sint licita?*

Rationes
Negantes Or-
thodoxas.

Rationes nostræ.

Ex natura Subjecti & Prædicati simul :

Quia non
sunt confor-
mia volun-
tati Dei.

I. Votum legitimum conforme esse debet voluntati Dei. Vo-
ta illa Monastica non sunt conformia voluntati Dei. Ergo. *Ma-*
noris veritas ostenditur de singulis. Non votum *perpetua continen-*
tia ; quia testatur Christus donum illud non esse cuiusvis, *Matth.*
19. v. 11. eoque per Apostolum præcipit, ut qui se non continet,
matrimonium contrahat, quod melius sit nubere quàm uri *1. Cor.*
7. v. 9. Nec *voluntaria paupertatis* ; quia nemo sine speciali voca-
tione aut necessitate facultates suas debet abjicere, *Matth. 19.*
v. 21. 28. ne tentet Deum, *Matth. 4. v. 7.* aut charitatem er-
ga proximum negligere cogatur, *Eph. 4. v. 28.* item : quia sum-
ma cum hypocrisis conjunctum est, cum plus acquirant ita voven-
tes, quàm perdant : atque etiam otiosi ferè vitam transigant, con-
tra præceptum Apostoli *2. Thess. 3. v. 10.* Nec denique *obedien-*
tia regularis ; quia repugnat libertati in qua nos Christus consti-
tuit, *Gal. 5. v. 1.* & ἡ δουλεία verbo Dei gravissimè damna-
tas, *Matth. 15. Coloss. 2.* in Ecclesiam introducit.

Quia quæ in
iis videntur
non sunt in
potestate vo-
ventis.

II. Res quæ videntur esse debent in potestate videntis. *Per-*
petua continentia non est in potestate videntium ; quia est donum
Dei speciale, *Matth. 19. v. 11.* & sæpe quidem temporale tan-
tum, non perpetuum. Vnde Apostolus non nisi viduas sexagena-
rias ad Diaconissarum collegium admitti vult *1. Tim. 5. v. 9.* Sic
obedientiam regularem vovere non est in potestate liberorum pa-
rentibus subditorum ex Lege, & tamen invitis parentibus hos ad
votum illud nuncupandum sæpe numero inducunt. Ergo.

Quia præ-
stantur pecu-
liaris cultus
& meriti
opinione.

III. Quæ vota peculiaris alicujus cultus & meriti opinione
præstantur, illegitima sunt : Ratio ; quia in N. T. non sunt pars
aliqua cultus per se, & neque in Veteri, neque in Novo T. fue-
runt meritoria. Quod cum de omnibus, tum de iis, quæ circa
τὴν βίωσιν nuncupantur, verum est. Nam *corporalis exercitatio ad*
parva utilis est, *1. Tim. 4. v. 8.* & *regnum Dei non consistit in cibo*
& *potu* *Rom. 14. v. 17.* Jam verò supra dicta vota universa ac singu-
la præstantur peculiaris alicujus cultus, & meriti opinione, quem-
admodum ipsi Pontificii rotundis & clavis verbis fatentur. Ergo.

Rationes

Rationes Pontificiores uno syllogismo generali comprehensa:

Affirmantes
Heterodoxæ.

Quæ vota à Christo imperata, & à Sanctis nuncupata fuerunt, legitima sunt. Vota Monastica à Christo imperata & à Sanctis nuncupata fuerunt. Ergo Minor probatur per partes. *Primo* votum perpetua continentia imperatum est à Christo *Mat. 19. v. 12.* *Qui potest capere capiat; à Paulo 1. Cor. 7. v. 7. Velim omnes esse; ut & ipse sum*, id est, cælibes; nuncupatum à Maria, *Luc. 1. v. 34. Quomodo fiet istud, cum virum non cognoscam*, id est, cognitura non sim ex voto. *Deinde*: Votum voluntaria paupertatis est imperatum à Christo *Matth. 19. v. 21. Si vis perfectus esse, abi, vende quæ habes, & da pauperibus; & cap. 5. v. 3. beatos prædicat pauperes spiritu*, id est, qui propter regnum Dei paupertatem eligunt; nuncupatum à primis illis Christianis *Act. 4. 5. capp. Denique* Votum obedientie regularis imperatum est à Christo *Matth. 16. v. 24. Si quis vult meus esse discipulus, abneget se ipsum; à Paulo Heb. 13. v. 17. Obedite præpositis vestris*; nuncupatum à Rechabitis *Ierem. 35. Resp. Minorem* non probant allegata testimonia aut exempla, ob perpetuos Elenchos petitionis principii, ambiguitatis, ignorationis & alios. Ad singula tamen aliquid dicemus. *Primo*: Votum continentia perpetua non præcepit Christus, *Matth. 19.* sed tantum monet, ut qui capere potest castrationem sui propter regnum cælorum, id est, cælibatum voluntarium ex dono continentia sibi divinitus concessio, *v. 11. capiat*, id est, cælebs maneat. Quod etiam optat Paulus *1. Cor. 7.* nimirum; quia vita cælebs inde à lapsu expeditior est ad promovendum regnum Dei, & afflictiones propter illud tolerandus. Maria *Luc. 1.* nullius voti meminit, sed, cum verba Angeli in præsentia acciperet, quærit; quomodo concipiam filium cum virum non cognoscam? Nam alioquin norat se viro jam desponsam esse *Luc. 1. v. 27.* *Deinde*: Paupertatem, non votum aliquod ejus præcepit Christus juveni illi speciatim; non tanquam singularem aliquem cultum, sed ut hypocrisin ejus detegeret, ac gloriationem impletæ Legis ipsi adimeret. Id verò cum voto paupertatis Monastico quid quæso commune habet? *Matth. 5. v. 3. beatos prædicat pauperes*, non absolute, sed spiritu, quæ limitatio paupertatem non corporalem,

quia à Christo imperata & Sanctis nuncupata fuerint.

Vindicantur dicta.
Matth. 19. v. 22.

1. Cor. 7. v. 7.

Luc. 1. v. 34.

Matth. 19. v. 21.

Matth. 5. v. 3.

ralem, verum spiritualem, in agnitione & deploratione peccati consistentem, insinuat. Nec voto sed libera voluntate bona sua in medium contulisse primos Christianos testis est Petrus Apostolus. 5. vers. 4. Denique *abnegatio sui* aut *obedientia* erga prepositos non est obedientia regularis Monachorum, sed *illa* quidem mortificatio veteris & vivificatio novi hominis: *ista* obsequium & honorum ministerio Ecclesiastico secundum Dei verbum debitus. Re-chabitarum verò exemplum nihil facit pro Monachis, ut quorum diversissima instituta, mores fines fuerunt.

Matth. 16.

v. 24.

Heb. 13. v. 17.

LOCUS

LOCUS OCTAVUS

De

PECCATO & LIBERO
ARBITRIO.

Controversiæ de Peccato, Liberoque Arbitrio in statu peccati, aliæ Samofatenianorum sunt, aliæ Pontificiorum.

De Peccato Originali

Samofatenianorum:

An sit peccatum Originale, sive an Natura humana lapsu Adæ corrupta ac vitiata sit?

Pontificiorum:

An concupiscentia prava, inprimis quæ in justificatis remanet, pars sit peccati Originalis, aut etiam peccatum propriè dictum?

De Peccato Actuali

Pontificiorum:

An quædam peccata per se ac suâ naturâ venialia sint?

De Libero arbitrio

Samofatenianorum:

An in homine non regenito reliquæ sint vires ad bonum, quæ ope Dei excitandæ tantum & confirmandæ, non restaurandæ aut renovandæ?

Pontificiorum:

I. An homo non renatus in civilibus particularibus

arbitrium habeat à speciali Dei motione, & à servitute peccati liberum?

I I. An idem solis naturæ viribus, sine speciali Dei auxilio, bonum morale absque peccato præstare possit?

E X E G E S I S.

*Anabaptistarum
dissentius
quoad
peccatum
Originis.*

IN recensione Controversiarum hujus loci, *Anabaptistarum* aut *Lutheranorum* nulla mentio fit. Etenim hi, si absit cavillandi aut calumniandi studium, nobiscum sentiunt. De illorum sententia quoad peccatum Originale non satis constat. *Hutterani* in Moraviâ id agnoscunt & confitentur. Idem fecere, qui *Colloquio Emdano* interfuerunt *Anabaptistæ*. Contrà alii, & nominatim *Collocutores Francothalenses* negarunt, asserentes quicquid per Adamum primum injectum fuit peccati damna- bilis, id omne per secundum sublatum esse, eoque infantes ab omni contagio exitiali nunc esse immunes. Videatur *Colloquium Francothalense articulo* 14. Horum tamen errorem seorsum referre nolimus; quòd magnâ parte coincidit cum controversia *Samosatzenianorum*, discrimine manente in eo, quod isti ab Adamo nunquam propagatum, ipsi verò à Christo sublatum fuisse contendunt. promissione in Veteri, re ipsa in Novo Testamento. Ceterum nec *Samosatzenianorum* aut *Pontificiorum* Quæstiones omnes hic proposuimus; quia *alia* pertinent ad Locum de Vocatione Interna, ordine Decimum tertium; *alia* leviores sunt, ut in transitu quasi à nobis expediri possint; *nonnulla* etiam per calumniam Ecclesiis nostris affinguntur. De Primo genere infra agendum erit. *Secundi* generis sunt: Cæperitne peccatum primum ab infidelitate. an verò à superbia? An animas singulorum immediatè creari à Deo, non generando propagari, sit dogma certum, Catholicum, nobis necessariò credendum? An Virgo Maria absque peccato Originali concepta sit, nec peccatum ullum Actuale unquam admiserit? An liberum arbitrium in statu corruptionis rectè dicatur servum? Tertiæ generis sunt: An omnia peccata Predestinatorum venialia, Reproborum mortalia sint? An Filii Sanctorum nascantur absque peccato Originis? An arbitrium humanum à sola coactionis necessitate sit liberum?

Ad hæc quæstiones, quæ à Pontificiis moventur omnes, ordine, sed breviter, respondebimus.

Prima nec necessaria est, cum Scriptura peccatum Adæ terminis generalibus *transgressionis, delicti, inobedientia* exprimat, *Rom. 5.* neque utilis. Ex serie tamen historiæ, ipsâque ratione, colligere est, Infidelitatem Superbiâ priorem fuisse. Nam ante sollicitavit mulierem Satanas ad contemtum mandati Dei, quam ad affectationem Deitatis; & nisi Deo fidem derogasset, Satanæ habuisset, nunquam eò Superbiæ processisset.

Infidelitas
Superbiâ
prior fuit in
peccato pri-
mo.

Secunda Physica magis est, quàm Theologica, de quâ in utramque partem probabiliter disputatur ex Scripturâ & ratione. Etsi verò probabilior sit sententia de immediatâ animarum creatione; tamen non est ita certæ veritatis, ut inde dogma Catholicum, nobis necessariò credendum, ullo pacto exstrui possit.

De Origine
animarum
non est dog-
ma Catho-
licum.

Tertia affirmatio falsa, negatio vera est, & Scripturæ consentanea. Docet quippe illa, solum Christum eximi à labe Originali, *Hebr. 2. 4. 7. capp.* cæteros omnes, quales quales sint, sine discrimine eidem esse obnoxios *Roman. 5. v. 12. Cap. 3. v. 10. & seqq. 1. Cor. 15. v. 22. Iob. 14. vers. 4.* Commemorat insuper peccata quædam *Maria actualia*; negligentiam ipsius, *Luc. 2. v. 43.* importunitatem ac imprudentiam, *Iohan. 2. v. 4.* ob quam etiam à Christo reprehensa fuit. Et *Bellarminus* non modò opinionem hanc incertam, inexploratam esse, sed & illud fatetur, ipsam Christi sanguine redemptam fuisse: cujus certè redemptionis indigi non sunt, nisi originaliter vel actualiter peccatores.

Maria Virgo
fuit pecca-
trix origina-
liter &
actualiter.

Quartam comprobamus evidente asseveratione ipsius Scripturæ *Iohan. 8. v. 34. Quisquis operam dat peccato, servus est peccati. Rom. 6. v. 20. Quum servi eratis peccati, liberi eratis iustitiæ*; nec non consequentiâ Apostolicâ: Ubi non est Spiritus Domini, illic nec libertas est, sed turpis servitus, *2. Cor. 3. v. 17.* In non renatis non est Spiritus Domini; quia mundus non potest eum recipere, *Iob. 14. v. 17.* Ergo.

Liberum Ar-
bitrium in
statu peccati
est servum.

Ad *Quintam* dicimus, omnia peccata per se & suâ naturâ esse mortalia, sive ab Electis, sive à Reprobis; sive à piis, sive ab impiis patrentur. Nam *stipendium peccati mors est, Rom. 6. v. 23. qui faciunt illud, digni sunt morte, cap. 1. v. 32.* & naturâ sumus filii

Omnia pec-
cata per se
sunt mortalia: Electo-
rum venialia
ex eventu.

ira, sicut & ceteri. Ephes. 2. v. 3. Electorum tamen peccata quæ liacunque venialia dici possunt ab evenru; quia veniam consequuntur, & nulla est condemnatio iis, qui sunt in Christo Roman. 8. vers. 1.

Liberi Sanctorum Sancti sunt non naturâ, sed ex federe.

Sextam simpliciter negamus. *Quis enim dabit mundum de immundo? Job. 14. v. 4.* Eo tamen non obstante, Sanctos pronunciamus cum Apostolo 1. Cor. 7. v. 14. fidelium liberos; quia nascuntur in federe.

Arbitrium humanum liberum est à necessitate coactionis & Physicâ.

Septimam itidem negamus. Etenim voluntati humanæ, absolute & in se considerata, tribuimus non solam libertatem à necessitate coactionis, verum alteram insuper à necessitate Physicâ; quæ à brutis homo distinguitur tanquam agens *en teleocephalus*. His ita expeditis ad ipsarum Controversiarum explicationem progredimur.

DE PECCATO ORIGINALI.

Prima: Samofatenianorum.
An sit Peccatum Originale.

PRIMA: An sit peccatum Originale, sive, An Natura Humana lapsu Adæ corrupta ac vitata sit? Samofateniani negant, *Ostorrodus cap. 33. Instit. religion. Christ.* Nos affirmamus.

Sententia Samofatenianorum.

Præf. Theol. cap. 4.

Cum de nostrâ circa controversiam primam sententiâ abundè constet ex *Theologia Didactica*, sententiam Samofatenianorum verbis Socini, à quo sua omnia mutuatus est *Ostorrodus*, breviter subijciam. *In homine, inquit, dum nascitur, propter lapsum Adæ nulla sive culpa sive pœna locum habere potest. Est quidem in omnibus ad peccandum possibilitas; quia nimirum Deus voluntatem liberam & ad bonum & ad malum deducit; est etiam in plerisque mala cupiditas, & ad peccandum pronitas; verum hac non ex peccato illo primi parentis manat, sed ex eo, quod Genus Humanum frequentibus peccatorum actibus habitum peccandi contraxit, & se ipsum corrumpit; quæ corruptio per propagationem in posteros transfunditur. Concludimus igitur nullum, improprie etiam loquendo, peccatum Originale esse. Ex quibus omnibus Sole meridiano clarius apparet, quod peccatum Originale secundum partem utramque negent.* Nam *primò*

primò negant transgressionem posterorum Adæ in lumbis ejus. *Deinde* negant corruptionem naturæ inde sequutam, & cum ipsa natura in omnes universim, solo Christo excepto, carnali generatione propagatam. Proinde utraque in quæstione An sit, distinctè nobis confirmanda incumbit.

Rationes nostræ.

Rationes Affirmantes Orthodoxæ.

Pro Primâ parte :

I. Qui peccarunt in Adamo, Legem in ipso transgressi fuerunt; quia peccatum est Legis transgressio. Omnes universim homines præter Christum peccarunt in Adamo. *Rom. 5. v. 12. In quo omnes peccarunt.* Ergo. *Samosateniani* quidem illud $\epsilon\phi\omega$, quo utitur Apostolus, significare ajunt non *In quo*, sed *eo quod* vel *quatenus*; verùm id sententiam nostram adeo non debilitat, ut etiam confirmet. Nam sic caussa redditur, cur mors in omnes homines, ipsos etiam infantes v. 14. pervaserit, nimirum, quia omnes peccarunt, peccato scil. illo quod per unum hominem introiit in mundum. Jam non peccarunt peccato illo in suâ personâ, quia non exstiterunt. Ergo. peccarunt in Adamo, quemadmodum Levi decimatus fuit in Abrahamo *Hebr. 7. vers. 9. 10.*

Quia omnes in Adamo peccarunt. *Rom. 5. v. 12* explicatur.

II. Qui per inobedientiam Adæ peccatores constituti sunt, transgressionem ejus participant. Omnes homines præter Christum per inobedientiam Adæ peccatores constituti sunt. *Rom. 5. v. 19. Per inobedientiam unius hominis peccatores constituti sunt multi,* & v. 18. *per unius lapsum reatus venit in omnes homines ad condemnationem.* Ergo.

Quia omnes per inobedientiam Adæ peccatores constituti sunt.

III. Qui mortui sunt in Adamo, peccarunt in Adamo: *Ratio;* quia stipendium peccati mors est. Omnes homines, præter Christum, mortui sunt in Adamo *1. Cor. 15. v. 22. In Adamo omnes moriuntur.* Ergo.

Quia omnes in Adamo sunt mortui.

Pro secunda parte; cujus tria membra sunt.

I. Corruptionem naturæ esse ex peccato Adæ. II. Corruptionem illam per ipsum carnali generatione esse propagatam. III. Corruptionem illam in omnes universim homines præter Christum esse propagatam. Singula singulis rationibus astruentur.

Quia à transgressionem
Adæ omnium hominum peccatum fluit.

I. A quo omnium hominum peccatum fluit, ab eo est naturæ humanæ corruptio. A transgressionem Adæ omnium hominum peccatum fluit. Ergo. *Major* per se patet; quia peccatum illud est corruptio naturæ; non Physica, generationi opposita, sed Theologica. *Minor* perspicuè traditur ab Apostolo, *Rom. 5. v. 12. & seqq.* nec potest ex universâ Scripturâ alia ejus causa dari.

Quia Adamus corruptus genuit corruptum.

II. Qui corruptus genuit sibi similem, id est, corruptum; is corruptionem carnali generatione propagavit. Adamus corruptus genuit sibi similem, id est, corruptum. Ergo. *Minor* probatur ex Scripturâ & Ratione. Ex illâ: I. In hypothesi: *Adamus genuit filium in imagine suâ, secundum similitudinem suam Gen. 5. v. 3.* At imago, similitudo ejus post lapsum corrupta erat. 1. quia opponitur imagini Dei, v. 1. ad quam post lapsum renouamur *Ephes. 4. v. 24* II. quia mente stultus, voluntate pravus factus est *Genes. 3.* Ergo. II. In Thesi hoc modo: Nullus corruptus gignit aut gignere potest integrum *Iob. 14. v. 4. Iob. 3. v. 6. Matth. 7. v. 18.* Ergo nec Adamus corruptus integrum gignere potuit. Ex istâ: Omne gignens generat sibi simile: *Ratio*; quia generatio est communicatio non modò essentia, verum etiam accidentium speciei priorum. Atqui Adamus post lapsum corruptus genuit. Ergo corruptum genuit.

Quia omnes naturâ sunt filii iræ, transgressores, &c.

III. Qui naturâ sunt filii iræ, concepti in peccato, transgressores ab utero, proni ad malum omni tempore inde à pueritia; in eos corruptio generatione carnali propagata est. Atqui omnes universim homines, præter Christum, naturâ tales sunt, nec quisquam præterea excipitur. Ergo. *Majoris* evidens est consequentia. *Minorem* confirmant testimonia Scripturæ: *Ephes. 2. v. 3. Eramus naturâ filii iræ, ut etiam reliqui. Psal. 51. v. 7. In iniquitate conceptus sum, & in peccato fovit me mater mea. Esa. 48. v. 8. Transgressorem ab utero vocavi te. Genes. 6. v. 5. Figmentum ac cogitationes cordis humani tantummodò malum sunt, omni tempore. Cap. 8. v. 21. Figmentum cordis humani malum est à pueritia ipsius Iob. 14. v. 4. Quis edat mundum ex immundo? ne unus quidem. Rom. 3. v. 10. Non est Iustus, ne unus quidem. v. 12. Omnes deflexerunt, simul inutiles facti sunt, non est qui faciat quod bonum est, non est usque ad unum.*

Excipiunt contra hæc Adversarii :

Vindiciæ di-
ctorum.

Primò : Ephes. 2. v. 3. dici nos *filios iræ*, quod geniti simus ex Adamo, cum jam filius iræ propter peccatum suum factus esset.

Ephes. 2. v. 3.

Resp. Imo sic appellamur; quia peccatores sumus natura, inde à nativitate, ut est *vers. 1. 2. 3.* Nam peccatum iræ illius causa est.

Secundò : Psal. 51. v. 7. sermonem esse figuratum hyperbolicum; & Davidem ita de se, non de aliis loqui. *Resp.* Sermo Davidis proprius est, non hyperbolicus, cum plus justo neque exaggeret, neque extenuet peccata sua, verum ea ingenuè confiteatur; tam *Originale* in quo conceptus erat, quàm *Actualia* quæ patrarat. Deinde quod hîc testatur de se, alibi testatur Scriptura de omnibus: *Summus naturâ filius iræ, ut etiam reliqui. Ephes. 2. v. 3.* Quinimo si David, vir secundum cor Dei, in peccato conceptus, natus fuit, quantò magis alii.

Psal. 51. v. 7.

Tertiò : Genes. 8. v. 21. non agi de peccato Originali, sed Actuali; quod sic probant; De illo peccato agitur, quod moverat Deum ad genus humanum diluvio perdendum. Istud verò non Originale, sed actuale fuit; quia I. vocatur figmentum cordis, *Genes. 6. v. 5.* II. opponitur ei actualis Justitia Noachi *v. 9.* Ergo. *Resp.* Minor falsa est. Utrumque movit Deum ad immittendum diluvium. Nam peccatum Originale regnabat per peccata Actualia *Rom. 6. v. 12. & seqq.* Ex eo pravæ cogitationes, figmenta, veluti ex impuro fonte, secundum doctrinam Christi *Matth. 15. v. 19.* manabant. Noachus cum suâ Justitiâ opponitur injustis illis, non quod à labe Originali jam tum fuisset prorsus immunis, sed quod justus esset, partim *justitiâ imputatâ* fidei, *Hebr. 11. v. 7.* partim *justitiâ inhærente* inchoatâ regenerationis, *Genes. 6. v. 9.* quarum illa damnationem, ista dominium culpæ Originali adimit.

Gen. 8. v. 21.

Rationes Samosatēnianorum.

*Negantes
Hærodææ.
Quia nulla
datur causa
corruptæ na-
turæ ob
transgres-
sionem Adæ.
Resp.*

I. Cujus nulla causa afferri potest, id nobis credendum non est. Atqui quod propter transgressionem Adæ tota Natura humana corrumpi debuerit, ejus nulla causa afferri potest. Ergo.

Resp.

Resp. Utraque propositio falsa est. *Major* ; quia in rebus divinis credimus , non propter rationes aut exempla , sed propter Dei , mentiri nescii , testificationem. *Minor* ; quia causam habemus tum in Justitiâ Dei , abusum donorum suorum sic jure merito punientis , tum in veritate , quia dixerat , *Quocunque die comederis , morte morieris Genes. 2. v. 17.*

Quia unus actus non inducat habitum.

II. Unus actus non inducit habitum. Transgressio Adæ fuit unus actus. Ergo habitum corruptionis sive injustitiæ non induxit. *Resp.* per limitationem *Majoris*. Unus actus non inducit habitum effectu , aut productione , & quidem secundum consuetudinem naturæ ordinem ; potest verò inducere habitum merito , secundum peculiarem judicii divini dispositionem ; prout hîc factum agnoscimus.

Quia hanc pœnam Deus non sit minatus.

III. Quam pœnam Deus primis parentibus comminatus non est , nec eam ipsis propter transgressionem irrogavit. Corruptionem naturæ ipsis comminatus non est. Ergo. *Resp.* *Minor* falsa est. Nam comminatus fuit quicquid mortis nomine in Scriptura designatur. Id verò præ cæteris est corruptio naturæ , à quâ in peccatis nostris mortui dicimur *Ephes. 2. v. 1.*

Secunda : Pontificiorum. An Concupiscentia prava in justificatis sit pars Peccati Orig. aut etiam peccatum ?

SECUNDA : An concupiscentia prava , in primis quæ in justificatis remanet , pars sit peccati Originalis , aut etiam peccatum propriè dictum ? Pontificii negant , Bellarminus Tom. IV. *Controv. gener. II. de amiss. gratiæ & statu peccati lib. 5. cap. 5. & seqq. usque ad 15.* Nos affirmamus.

Status Controversiæ.

Statum hujus *Controversiæ* Sophisticè proponit Bellarminus : Sine Concupiscentia in justificatis manens propriè peccatum Originis ? Nos propriè peccatum esse agnoscimus ; peccatum Originis esse negamus. Nam aliquando Concupiscentia actum notat inordinatum , cujus gradus sunt suggestio , delectatio , consensus ; & ad peccatum actuale pertinet ; aliquando verò notat potentiam seu facultatem inordinatam , & ita non totum peccatum originale , sed quædam duntaxat ejus pars est. Quo sensu sententiam affirmantem ut veram , orthodoxam. propugnabimus.

Concupiscentia notat actum

vel facultatem.

Rationes

Rationes nostræ.

Rationes
Affirmantes
Orthodoxæ.

Ex natura Subjecti :

I. Quod peccatum in iustificatis manet, peccati nomen retinet, ipsos peccare facit, eoque ab ipsis edomandum est; id propriè peccatum est, & ad Originale pertinet. *Ratio prioris* per se patet: *Posterioris* est; quia inordinatio est ipsarum facultatum, à quâ actus inordinati procedunt. Atqui Concupiscentia prava in iustificatis manet: *Rom. 7. v. 17. Peccatum quod in me manet, habitat. v. 23. Sentio aliam legem in membris meis.* Peccati nomen retinet: *Rom. 7. v. 7. Nam etiam concupiscentiam non novissem esse peccatum, nisi Lex dixisset: Non concupisces; & v. 13. 18. 19 & seqq. peccatum peccans, manens, habitans, malum adjacens, lex membrorum appellatur.* Ipsos peccare facit: *Rom. 7. v. 17. Peccatum, quod in me habitat, malum perpetratur. Gal. 5. v. 17. Caro concupiscit adversus Spiritum. Iac. 1. v. 14. Unusquisque à propriâ concupiscentiâ abstrahitur.* Eoque ab ipsis edomanda est: *Rom. 6. v. 12. Ne regnato peccatum in mortali vestro corpore, ut serviat ei in cupiditatibus corporis, Ergo.*

Quia ea in iustificatis manet, nomen peccati habet & eos peccare facit.

Excipiunt

Vindiciæ doctorum.
Rom. 7. v. 7. & seqq.

Primò: Rom. 7. v. 7. & seqq. Concupiscentia non accipitur pro fomite, sed pro actu voluntario contra Legem. Resp. Prius datur; quia fomitem à Sophistis excogitatum non agnoscimus. Posterius exclusivè sumtum non datur: Nam Apostolus non solos actus voluntarios aut involuntarios, ex v. 19. sed ipsum etiam Concupiscentiæ habitum intelligit. Nam vers. 8. hunc ab istis aperte distinguit, dicens, peccatum genuit in me omnem cupiditatem, & vers. 13. hoc peccatum summe peccans esse testatur.

Secundò: Galat. 5. v. 17. Concupiscentia non est propriè peccatum; quia in carne residet, quæ sedes peccati non est. Resp. Est propriissimè peccatum; quia spiritui, id est, parti regeneratæ contraria est, ejusque opera sunt scortatio, adulterium, &c. Caro verò hîc non solam sensualitatem, sed veterem hominem, sive corruptionem in Sanctis reliquam designat Joh.

Gal. 5. v. 17.

3. v. 6. Præterea falsum est in sensualitate non esse peccatum, ut alibi ostendimus.

Rom. 6. v. 12.

Tertio: Rom. 6. v. 12. ut etiam cap. 7. Concupiscentia dicitur peccatum metonymicè. *Resp.* Negatur. Nam idem peccatum vocat Apostolus, *Veterem hominem crucifixum cum Christo*, v. 6. *injustitiam*, v. 13. *peccatum ad mortem*, v. 16. *cujus stipendium mors est*, v. 23. Quæ epitheta non nisi peccato propriè dicto conveniunt.

Quia non à
Deo sed à
Diabolo est.

II. Quod non à Deo, sed à Diabolo est; id, in quibuscunque etiam sit, peccatum est. Concupiscentia prava non est à Deo, sed à Diabolo: 1. *Iohan. 2. vers. 16. Cupiditas carnis, libido oculorum, & fastus vita non est ex Patre, sed ex mundo. Iohann. 8. vers. 44. Vos ex Patre Diabolo estis, & cupiditates Patris vestri vultis explorare.* Ergo. Jam verò Concupiscentia prava est in justificatis, adversariorum etiam confessione. Ergo in ipsis quoque peccatum est.

Ex natura Prædicati:

Quia est *avopía*.

Omnis *avopía* peccatum est 1. *Iohann. 3. vers. 4. Omnis prava concupiscentia est avopía.* Ergo. Minor probatur: Quicquid Lege Dei vetatur, *avopía* est. Omnis prava Concupiscentia Lege Dei vetatur. I. Quia præcepto decimo, *Non concupisces*, vetatur universaliter, & absolutè *Exod. 20. vers. 17. Deuter. 5. vers. 27.* II. Quia Concupiscentia prava, Originalis & Actualis Voluntaria & Involuntaria vetatur. Ergo omnis prava Concupiscentia vetatur. De *Originali* testatur Paulus *Roman. 7. vers. 7. 8. quod peccatum Concupiscentiæ gignat omnem cupiditatem, sit peccatum summè peccans vers. 13. De Actuali Involuntaria* idem ait: *Non quod volo hoc ago, sed quod odi hoc facio vers. 15. Non facio bonum quod volo, sed malum quod nolo, hoc ago v. 19. De Voluntaria Pontificii consentiunt. Ergo.*

Negantes
Heterodoxæ.

Rationes Pontificiorum.

Ex naturâ Subjecti:

Quia gignat
peccatum
nec tamen
peccatum
vocetur.

I. Quod gignit peccatum, nec peccatum vocatur, peccatum non est: Concupiscentia prava gignit peccatum, nec peccatum vocatur: *Iac. 1. v. 14. 15. Vnusquisque tentatur, dum à propria cupiditate*

ate abstrahitur & inescatur; deinde cupiditas postquam concepit, parit peccatum, peccatum verò per actum gignit mortem. Ergo. Resp. ad *Maiores*. Quod gignit peccatum non per se, sed per accidens, nec ullibi in Scripturâ peccatum vocatur, aut ut tale damnatur; id peccatum non est. Verum sic *Minor* falsa est. Nam Concupiscentia prava per se & formaliter gignit peccatum: *Rom.* 7. v. 8. peccatum, scilicet concupiscentiæ ex v. 7. genuit in me omnem cupiditatem. *Matth.* 15. v. 19. Ex corde egrediuntur male cogitationes, cades, adulteria, &c. In Scripturâ vocatur peccatum, *Rom.* 7. v. 7. 8. 13. & seqq. ac ut tale damnatur *Exod.* 20. v. 17. Non concupisces. Locus *Iacobi* I. universaliter loquitur de omnibus; v. 13. Nemo quum tentatur, v. 14. Vnusquisque tentatur, non de solis iustificatis. Si ergo concupiscentia peccatum non est, in nullo peccatum est. II. distinguit peccatum gignens à genito, concupiscentia, inquit, parit peccatum, scilicet actuale, peccatum esse non negat, imo apertè significat, dum eam tentatricem ad malum, genitricem peccati, nominat.

Iac. 2. v. 14.
15. vindicatur.

II. Primi motus concupiscentiæ, quibus mens resistit, peccatum non sunt. Ergo multo minus ipsa concupiscibilitas. Resp. Negatur *Antecedens*: habent enim *ἀνάγκη* Lege damnatam; Et Apostolus *Rom.* 7. etiam hos motus peccati nomine complectitur.

Quia primi motus non sint peccatum.

III. In quibus nulla est damnatio, in iis concupiscentia prava non est peccatum propriè dictum damnabile. In iustificatis nulla est damnatio, teste Apostolo *Rom.* 8. v. 1. Ergo. Resp. *Major* datur de iis, in quibus nulla est damnatio per se. At in iustificatis, de quibus agit *Minor*, non est per se, sed per gratiam remissionis. Præterea in prædicato *Majoris* latius patet peccatum propriè dictum, quam damnabile; quia non omne peccatum propriè dictum est damnabile, sed quoddam non damnabile per gratiam. Potest ergo concupiscentia prava in aliquo esse peccatum propriè dictum, in quo tamen damnabilis non sit. Quæ verò hic *Bellarminus* contra reatum peccati formale, ejusque à peccato separationem disserit, alibi explicata sunt.

Quia in iustificatis nulla sit damnatio.

Ex natura Prædicati:

Pœna & Effectus peccati Originalis, non est ipsum peccatum Originale. Concupiscentia prava est pœna & effectus peccati O-

Quia sit pœna & effectus peccati Originalis.

riginalis. Ergo. *Minorem* probant: Mors est pœna & effectus peccati Originalis *Rom. 5. v. 12.* Ergo & Concupiscentia; quia in his corruptio naturæ consistit. *Resp.* Non concluditur quæstio. Nec enim dicimus, concupiscentiam esse peccatum Originale, sed partem quandam ejus. Deinde *Minor* ambigua est. *Vera*, sed præter rem, de concupiscentia actuali; *Falsa* de Originali; hæc siquidem pars est peccati Originalis, effectum autem peccati primi Adæ. In probatione *Minoris* ambigua sunt Antecedens, & ratio consequentiæ. Mors est pœna & effectus peccati Originalis, sed secundariò, *Rom. 6. v. 23.* primariò verò est pœna & effectus peccati primi, utpote per quod, secundum Apostolum. *Rom. 5. v. 12.* intravit in mundum. Præterea Mors & Concupiscentia duæ partes sunt corruptionis Physicæ, non Moralis, ut quæ naturam corruptam non modò deficere, sed etiam Legi Dei repugnare facit.

DE PECCATO ACTVALI.

*Tertia: Pontificiorum.
An quædam
peccata sint per
se venialia.*

AN quædam peccata per se ac suâ naturâ venialia sint?
Pontificii affirmant, *Bellarminus Tom. IV. contror. general. II. de amiss. grat. & statu peccati lib. 1. capp. 3. 9. 10. & seqq.* Nos negamus.

*Peccatum
veniale tri-
plex Ponti-
ficis.*

Bellarminus triplex facit peccatum veniale, à Causâ, ab Eventu, ex Natura & Ratione peccati, *A causâ*; quod ex ignorantia & infirmitate admittitur. *Ab eventu*; quod per pœnitentiam expiatur. *Ex naturâ suâ*; quod non est contrarium charitati Dei & proximi, & hoc in varias species distinguit. Nos peccata venialia ab *eventu* agnoscimus, quibus veniam Deus clementer indulget, non propter pœnitentiam peccatoris, sed propter satisfactionem & intercessionem Christi Mediatoris. At à *causâ* & ex *natura sua* nulla peccata venialia agnoscimus in judicio Dei; etsi comparatè peccata ignorantia, & infirmitatis, minus sint mortalia, quam quæ contra scientiam & conscientiam fiunt. Quia verò de posteriore tantum genere *Bellarminus* disputat; contra illa & Nos argumenta nostra dirigemus.

Ratio

Rationes nostræ.

Rationes
Negantes Or-
thodoxa.

Ex natura Subjecti :

I. Quod hominem totius Legis transgressorem facit, dici veniale non potest. Quodvis peccatum hominem totius Legis transgressorem facit. *Iac. 2. v. 10. Quisquis totam Legem servaverit, impleverit autem in uno; reus factus est omnium.* Vbi non de solis criminibus, sed de peccatis indefinitè loqui Apostolum, testantur verba ejus, *quisquis impleverit in uno; nec non πρὸς ὅλην ψυχάν,* quod adducit, exemplum. Ergo.

Quia quod-
vis peccatum
facit trans-
gressorem
totius Legis,

II. Nulla Dei dedecoratio venialis est: utpote cujus infinita est ac sacrosancta majestas. Omnis Legis transgressio, quantumvis parva, est Dei dedecoratio. *Rom. 2. v. 23. Per Legis transgressionem Deum dedecoras.* Ergo.

Quia quod-
vis est dede-
coratio Dei.

Ex naturâ Prædicati :

Quod exclusionem à cælo, maledictionem, ac mortis temporalis & æternæ reatum meretur, veniale non est. Omne peccatum, etiam minimum, meretur exclusionem à cælo, maledictionem, ac mortis temporalis & æternæ reatum. Ergo. *Minorem habemus apertissimis Scripturæ testimoniis confirmatam: Matth. 5. v. 19. Quisquis solverit unum ex mandatis hæc minimis, id est, quæ talia videri possint, minimus vocabitur in regno celorum, id est, nullus erit. Deut. 27. v. 26. Maledictus, qui non manserit in omnibus quæ scripta sunt in libro Legis. Ezech. 18. v. 20. Anima, quæ peccaverit, morietur. Rom. 6. v. 23. Stipendium peccati mors est.*

Quia quod-
vis meretur
mortem
temporalem
& æternam.

Excipiunt

Primò: *Matth. 5. v. 19.* sermo est de falsâ Legis interpretatione. *Resp.* Ita est; sed ut illâ solvitur Lex, sic etiam vitâ quoquo modo exorbitante solvitur. Nam *implere & solvere* Legem opponuntur, v. 17. At implere est non modò doctrinâ, verum vitâ quoque implere, ut exemplo Christi, & aliis Scripturæ locis constat. Ergo & solvere. Vt igitur qui doctrinâ solvit; dignus est qui excludatur; ita etiam qui vitâ.

Vindiciæ
dictorum
*Matth. 5.
v. 19.*

Deut. 27. v.

26.

Ezech. 18. v.

20.

Secundo : Deut. 27. v. 26. Ezech. 18. v. 20. agitur tantum de peccatis gravioribus, eoque mortalibus. *Resp.* Priore loco particula universalis omnia complectitur; & pronomen *hujus* referendum est ad Legem totius Decalogi, ut patet partim ex v. 8. partim ex allegatione Apostoli Gal. 3. v. 10. *Posteriore* autem atrociora quidem recensentur in descriptione iusti & iniusti, sic tamen ut leviora nullatenus excludantur. Iudæi quoque de peccatis majorum suorum indefinitè querebantur.

Rom. 6. v. 23.

Tertio : Rom. 6. v. 23. Apostolus disserit de peccato pugnante cum gratiâ, & cum iustitiâ non consistente. *Resp.* Est petitio principii. Disserit de quovis peccato, etiam de reliquiis peccatorum in regeneratis, ut exemplo suo comprobat cap. 7. exclamans sub finem : *Miser ego homo, quis me eripiet ex isto corpore mortis.*

Affirmantes

Heterodoxæ.

Rationes Pontificiorum.

Ex naturâ Subjecti :

Quia peccata multa neque gratiam Dei, neque charitatem exstinguunt.

I. Quod neque gratiam Dei, neque charitatem exstinguit, veniale est. Multa peccata iustorum, qui septies in die cadunt, & resurgunt, non exstinguunt gratiam Dei, aut charitatem. Ergo. *Resp.* Sunt quatuor termini ex paralogismo accidentis. *Major* loquitur de eo, quod per se non exstinguit, cæteroquin falsa est. *Minor* de eo, quod non exstinguit per accidens, propter succedaneam remissionis gratiam. Si verò propterea peccata verè iustorum mortalia esse desinunt, jam nulla ipsorum peccata mortalia sunt, ut quorum nulla gratiam totaliter & finaliter exstinguunt.

Quia peccata venialia sint imperfectè peccata.

II. Quod non perfectè, sed imperfectè peccatum est; ei pena perfecta, hoc est, æterna non debetur. Peccata venialia non sunt perfectè, sed imperfectè peccata. Ergo. *Minor* probatur : Quod in formali ratione peccati deficit, ut non sit vel perfectè *ἐν σεί*, vel perfectè *ἀνομιον*; id non est perfectè peccatum. Peccata venialia non sunt vel perfectè *ἐν σεί*, vel perfectè *ἀνομιον*. Ergo. *Minor* constat ex diversis speciebus peccatorum venialium. Nam alia æstimantur ex *subreptione*, ut desiderium rei illicitæ non deliberatum; alia ex *parvitate materie*, ut furtum oboli; alia ex *suo genere*, ut verbum otiosum. *Resp.* Syllogismi principalis utraque propositio falsa est. *Major*; quia Scriptura omnibus omnino peccatis maledictio

tionem comminatur *Deut. 27. v. 26. Minor*; quia nulla peccata suâ naturâ venialia sunt; omnia verò quia ἀνομιὰν habent, eo ipso perfectè peccata sunt, etsi gradibus multum inter se differentia. Quod usque adeo verum est, ut affirmet Iacobus, in uno peccato transgressionem esse totius Legis *cap. 2. v. 10. In probatione Minoris* iterum laborat *Major*, asserens τὸ ἐνέχον tam esse de formali ratione peccati, quam est τὸ ἀνομιον. Atqui Apostolus istud apertè redarguit, peccatum suum appellans, quod nolebat, oderat *Rom. 7. vers. 15. 19. Malum quod nolo, inquit, hoc ago. Insuper deficit ratio Minoris* à diversis peccatorum venialium speciebus ducta. Etenim negato genere negantur omnes ejus species. Iam verò genus ipsum peccati venialis negat Scriptura, ut ostendimus. Ergo & omnes ejus species negat. Sic negat *primam* speciem; quia dicit, *Non concupisces*. Negat *secundam*; quia dicit, *Non concupisces quicquam qua sunt proximi tui*. Negat *terciam*; quia dicit, *de unoquoque verbo otioso reddendam esse rationem*.

τὸ ἐνέχον
non est de
formali rati-
one peccati.

Ex natura Prædicati:

Peccata non merentia gehennam ignis, non generantia mortem, non excludentia è regnò cælorum, venialia sunt. Quædam peccata non merentur gehennam ignis, non generant mortem, non excludunt è regnò cælorum. Ergo *Minoris* veritas ostenditur testimoniis Scripturæ. *Matt. 5. v. 22. Qui irascitur &c.* ubi tribus iracundiæ speciebus propositis, tertia adjudicatur gehennæ ignis. *Iac. 1. v. 14. Concupiscentia parit peccatum, peccatum verò per actum gignit mortem*; hic mors peccato, non concupiscentiæ tribuitur. *Eph. 5. v. 4. 5. Fornicatio, & omnis immundities &c.* quibus verbis docet Apostolus, tria vitia excludere è regnò cælorum, *Fornicationem, Immundiciem, Avaritiam*; tria non excludere, etsi alioquin à sanctis esse debeant aliena, *Turpitudinem, Sultiloquium, Scurrilitatem*; quæ proinde venialia sunt. *Resp.* Majore missa, propositionem *Minorem* falsam esse, nec testimoniis allegatis confirmari contendimus. *Matt. 5. v. 22. inæqualitas tum peccatorum, tum pœnarum* exponitur allusione ad pœnas civiles, easque inæquales, quarum ratio Iudæis nota erat. Gehenna ignis adjudicatur quidem iracundiæ cum convitio, quæ tertia ejus species est, sed non exclusivè; non quasi species reliquæ mortales non sint coram Deo (sunt enim

Quia quæ-
dam peccata
non merean-
tur mortem
æternam.

Vindicantur
dicta.
Matt. 5. v. 22.

toti-

Iac. 1. v. 14.

toridem homicidia in ejus judicio) verum quia illa ut culpâ peccatis gravior fuit, ita poenâ quoque suo tempore futura est. Iac. 1. v.

Eph. 5. v. 4. 5.

14. Mors tribuitur peccato peracto, non exclusivè, verum ut causæ proximæ; at concupiscentiæ convenit ut causæ remotæ. Sicut ergo quod est causa causæ, est causa causati; ita quia concupiscentia peccati actualis mortem generantis, causa est, ipsius etiam mortis causa meritò habetur. Eph. 5. v. 4. 5. non disjungit Apollonius vitia priora tria, tanquam mortalia à posterioribus quasi venialibus, sed potius omnia, ut homogenea, particulâ copulativâ conjungit, quæ etiam ab eodem verbo in constructione dependent. Nam ad universa pertinet quod dicitur v. 6. *propter hæc venit ira Dei in filios contumaciæ*; universa memorantur inter opera carnis Gal. 5. v. 19. Quod verò v. 5. tantum tria priora ut excludenda nominantur, inde est, quod cæteris illa graviora sunt.

DE LIBERO ARBITRIO.

Quarta: Samosatēniano-
rum. An
in homine non
regēito reli-
quæ sint vires
ad bonum?

PRIMA: *An in homine non regēito reliquæ sint vires ad bonum; quæ ope Dei excitandæ tantum & confirmandæ, non restaurandæ aut renovandæ?* Samosatēniani affirmant, Ostorrodii Instit. relig. Christ. cap. 34. Nos negamus.

Sententia
Samosatē-
niano-
rum.
Præf. Theo-
log. cap. 5.

Sententiam Samosatēniano-
rum, quam verbis Ostorrodii concepimus, Socinus paulo luculentius declarat. Concedimus, inquit, in
plerisque hominibus, non quidem propter peccatum primis paren-
tis, sed propterea quia homines paulatim degenerarunt, & seipsos
corruerunt, innatam quodammodo esse magnam ad peccandum
proclivitatem, & pravitatem quandam. Idcirco dicimus in ple-
risque hominibus naturaliter exiguas esse vires ad ea præstanda,
quæ Dei lex jubet; ea autem præstandi voluntatem in omnibus na-
turâ esse posse, atque adeo in plerisque esse, nisi peccandi assuetudine
factum sit, ut quis ipso peccato atque iniquitate delectetur. Por-
ro vires non ita exiguae sunt, ut homo Dei ope accedente (quod in
promissis, minisque divinis, positum esse docet) si sibi ipsi vim
facere velit, Legi divinæ parere non possit. Opem autem suam
nemini eorum denegat Deus, quibus Legem tulit, &c. Quæ o-

omnia

omnia nihil aliud, quàm purum putum Pelagianismum produnt.

Rationes nostræ.

Rationes
Negantes
Orthodoxæ

Ex natura Subjecti :

I. Qui mortuus est in peccatis suis, alienatus à Deo ac vitâ ejus, filius iræ naturâ, hostis ac inimicus Dei; in eo nullæ vires ad bonum, morale scilicet & Spirituale, reliquæ sunt. Homo non regeneritus mortuus est in peccatis suis, alienatus à Deo ac vitâ ejus, filius iræ naturâ, hostis ac inimicus Deo. Ergo. Majoris necessaria est consequentia. Nam mors spiritualis est totalis vitæ spiritualis, viriumque in quibus ea consistit, privatio; alioquin non mors, sed morbus, ægritudo dicenda. Sic alienatum esse à vitâ Dei, esse ei inimicum, esse filium iræ naturâ, quid aliud est, quàm hujusmodi viribus carere, eoque iræ ipsius obnoxium esse? Minor confirmatur auctoritate Scripturarum: Eph. 2. v. 1. Mortui in offensis & peccatis. Col. 2. v. 13. Vos mortuos in peccatis vivificavit. Ioh. 5. v. 25. Mortui audient vocem filii Dei Eph. 4. v. 17. 18. Alienati à vitâ Dei cap. 2. v. 12. Vos illo tempore fuistis absque Christo, alieni à republ. Israelis, & extranei à pactis promissionis, spem non habentes & Dei expertes in mundo Col. 1. v. 21. Vos quondam ab alienatos & hostes reconciliavit. Eph. 2. v. 3. sumus naturâ filii iræ, sicut & reliqui Rom. 5. v. 10. Cum inimici essemus, reconciliati fuimus Deo.

Quia non re-
genitus mor-
tuus est in
peccatis, &c.

II. Qui prorsus mente cæcus, voluntate pravus, affectibus rebellis, corpore etiam, omnibusque ejus membris servus est peccati; is nullas ad bonum vires habet. Homo non regeneritus talis est. Ergo. Major patet. Nam vires ad bonum morale & spirituale contrariis illorum subjectorum qualitatibus consistunt. Minor probatur per partes. Est mente cæcus: Eph. 5. v. 8. Eratis olim tenebræ. Ioh. 1. v. 5. Lux in tenebris lucet, & tenebra eam non comprehenderunt. 1. Cor. 2. v. 14. Animalis homo non est capax eorum quæ sunt Spiritus Dei, sunt enim ei stultitia, nec potest ea cognoscere. 2. Cor. 3. v. 5. Non sumus idonei ad cogitandum quicquam velut ex nobis ipsis, sed quod idonei sumus, id ex Deo est. Voluntate pravus: Jer. 17. v. 9. Fraudulentum est cor ipsum supra omnia, & mortiferum Genes. 6. v. 5. Capit. 1. vers. 21. Figmentum cordis humani tantum modo ad malum est omni tempore, inde à pueritia Actor. 7. v. 51. Duri cervicæ & incircumcisi corde. Matt. 15. v. 19. Ex corde egrediuntur & c. Affectibus

Quia idem
mente cæ-
cus est, vo-
luntate pra-
vus, &c.

rebellis Tit. 3. v. 3. *Eramus quondam & nos rebelles, servientes cupiditatibus ac voluptatibus variis. Rom. 7. v. 5. Cum essemus in carne, affectus peccatorum vigeant in membris nostris ad fructum ferendum mori. Corpore etiam omnibusque ejus membris servus peccati. Rom. 6. v. 12. Ne regnato peccatum in mortali vestro corpore, ut obediat ei cupiditatibus corporis v. 19. Stitistis membra vestra serva impuritati & iniquitati; ad patranda iniquitatem; item v. 20. Quum servieratis peccati, liberi eratis justitia. Atque horum omnium universos reos peragit Apostolus Rom. 3. v. 9. 10. & seq.*

Ex natura Prædicati:

Quia in sui
conversione
vivificatur
&c.

I. Qui vivificatur, resuscitatur, regeneratur, & de novo creatur; is nullas ad bonum morale & spirituale vires habet: eoque non excitatione aut confirmatione, sed restauratione & renovatione eget. Homo non regeneratus in sui conversione vivificatur, resuscitatur, & de novo creatur. Ergo. Major suâ luce claret. Minorem astruimus testimoniis Scripturæ: Col. 2. v. 13. Eph. 3. v. 15. *Vos mortuos in peccatis vivificavit. Joh. 5. v. 25. Mortui audient vocem filii Dei, & qui audient vivent. Cap. 3. v. 3. 5. 7. Oportet vos renasci. Nam nisi quis regeneratus sit ex aqua & spiritu, non potest introire in regnum Dei. Eph. 2. v. 10. Ipsius sumus opus, conditi in Christo Iesu ad bona opera. 2. Cor. 5. v. 16. Si quis est in Christo, novæ res condita est: est nova creatura Gal 6. v. 15.*

Quia tunc il-
luminatur,
renovatur
&c.

II. Qui illuminatur & renovatur mente, convertitur, circumciditur, mutatur corde & affectibus, adeoque fit planè novus homo; is nullas ad bonum vires habet, nec excitari tantum, aut confirmari dicendus est. Atqui homo non regeneratus in sui conversione sic se habet. Ergo. Minor iterum confirmatur testimoniis Scripturæ: Ephes. 1. v. 17. 18. *Illuminatis oculis mentis vestra. &c. Rom. 16. v. 2. Transformate vos per renovationem mentis vestra. Eph. 4. v. 23. Renovamini spiritu mentis vestra. Jerem. 31. v. 6. Convertite me ut convertar. Deut. 30. v. 6. Circumcidet Iehova animum tuum ad diligendum Iehovam Deum tuum Ezech. 36. v. 26. 27. Dabo vobis cor novum, & spiritum novum, & amovens cor lapideum, indam vobis cor carneum. 2. Cor. 5. v. 17. Nova facta sunt omnia Ephes. 4. v. 24. Induite novum illum hominem &c.*

Ratio.

Rationes Samofatenianorum.

*Affirma-
tes Hetero-
doxa,*

Ex natura Subjecti:

Quod arbitrium ante lapsum habuit Adamus, illud ipsum homo etiamnum habet: *Ratio*; quia nulla causa est cur propter lapsum eo privari debuerit, cum nec rei ipsius natura id postulet, nec Dei iustitia patiatur. Atqui ante lapsum habuit Adamus liberum arbitrium ad bonum. Ergo. *Resp.* Major falsa est, unà cum ratione sua: siquidem argumentis invictis ostensum ante, lapsum Adæ universam Naturam Humanam corruptam esse, sicque liberum ad bonum morale & spirituale arbitrium deperditum. Quod etiam postulabat tum lapsus ipsius natura: quia erat infinite majestatis divinæ universalis quædam offensio: tum Dei iustitia ex qua digni sunt morte qui talia faciunt, Rom. 1. v. 32. Adamus verò peculiariter dignus tali morte, ut quam ipsi Deus peculiariter comminatus erat Gen. 2. v. 17.

Ex naturâ Prædicati:

Vires ad vitam assequendam sufficientes sunt etiam sufficientes ad præstandum bonum, absque quo vitam assequi nemo potest: juxta illud, *Fac hoc & vires.* In homine post lapsum sunt vires ad vitam assequendam sufficientes: *Ratio*; quia post lapsum Lex ei ad vitam data est Rom. 7. v. 10. Ergo. *Resp.* Minoris falsitatem jam in controversiæ hujus redarguimus. *Ratio* ejus similiter falsa est. Nam docet Apostolus introiisse Legem ut augetetur peccati agnitio, Rom. 5. v. 20. ut esset nobis pædagogus ad Christum, Gal. 3. v. 24. qui ejus finis dicitur Rom. 10. v. 4. Si etiam eo fine data fuisset, data fuisset ad impossibile, Rom. 8. v. 3. ad irritam faciendam promissionem Evangelii: quod diserte negatur Rom. 4. v. 13. 14. Gal. 3. v. 17. 21. 22. Apostolus verò Rom. 7. v. 10. legem ad vitam esse affirmans, non finem Dei, decalogum in monte Sinai repetentis, sed Legis ipsius vim & naturam respicit, quæ vitam sub conditione perfectæ obedientiæ monstrat ac pollicetur.

Quinta: Pontificiorum.
An homo non
renatus in civili-
bus habeat
arbitrium à
speciali Dei
motione et
servitute pecca-
ti liberum.

SECUNDA: An homo non renatus, in civilibus particularibus arbitrium habeat à speciali Dei motione, & à servitute peccati liberum? Pontificii ajunt, Bellarminus Tom. IV. *controv. gen. III. de Grat. & lib. arbit. lib. 4. cap. 7. & seq.* Nos negamus.

Tota hæc controversia est de actionibus civilibus: quæ in genere suo indifferentes, in particulari bonæ vel malæ sunt, prout electione & intentione agentis ad hanc vel illam speciem determinantur. Quod ipsum ad statum intelligendum satis est.

Rationes
Negantes

Rationes Nostræ.

Orthodoxæ. **Ex natura Prædicati:**

Quia Scriptura
subjicit
liber. Arb.
speciali Dei
motioni.

I. Cui Scriptura sacra hominis arbitrium in civilibus particularibus subjicit, ab eo liberum non est. Atqui subjicit speciali Dei motioni sive auxilio. Ergo. Minor Dictis simul & Exemplis astruitur. Dicta sunt Prov. 2. I. V. I. *Cor regis in manu Domini ut rivus aquarum, quocunque vult inclinat illud. Cap. 20. v. 24. A Domino diriguntur gressus viri; quis autem hominum potest intelligere viam suam? Cap. 16. v. 9. Cor hominis cogitat viam suam, at Dominus dirigit gressus ejus. Jer. 10. v. 23. Scio Domine, quod non est hominis via ejus, nec viri ut dirigat gressus suos. Exempla sunt: Jacobi, Gen. 43. v. 14. Israelitarum, Exod. 12. v. 36. Ps. 106. v. 46. filiorum Heli, 1. Sam. 2. v. 25. exercitus Saulis, 1. Sam. 10. v. 26. Absolomi, 2. Sam. 17. v. 14. Roboami, 1. Reg. 12. v. 15. & aliorum. Exceptiones Bellarmini contra hæc, quia vel frivolæ sunt, vel opinioni ipsius contrariæ, studio brevitatis omittimus.*

Quia ibidem
servituti
peccati est
obnoxias.

II. Qui in civilibus particularibus servituti peccati obnoxius est, is arbitrium ab ea liberum non habet. Homo non regnatus in civilibus particularibus servituti peccati obnoxius est, testis Scriptura cum aliis, tum his locis: Rom. 1. v. 29. 30. 31. Jerem. 9. v. 2. 3. & seqq. Esa. 5. v. 8. 9. & seqq. Ergo.

Quia generali
tantum auxilium
nihil magis in ho-
minibus
quam in brutis
efficitur.

III. Qui in civilibus particularibus tantum ab auxilio Dei generali pendent; circa illorum actiones civiles nihil magis operatur Deus, quam circa actiones naturales brutorum: Ratio; quia

quia sic ad utraque idem concurrat Dei auxilium, quo vivunt, moventur, & ut omnia: quod omnibus dat vitam, halitum & omnia *Actor.* 17. v. 25. 28. Atqui posterius est contra Scripturam, & particularem providentiam inde exstructam. Ergo & prius.

Rationes Pontificiorum.

Affirmantes Heterodoxe.

Ex natura *Subjecti*:

I. Cui libera est rerum diversarum electio; & qui potest facere, quæ non facit; contra non facere, quæ facit; is arbitrium habet à speciali Dei motione, & à servitute peccati liberum. Homini non renato libera est rerum diversarum electio, &c. Juxta dicta *Num.* 30. v. 14. *Ios.* 24. v. 15. 2. *Sam.* 24. v. 12. 1. *Reg.* 3. v. 5. 11. *Actor.* 5. v. 4. 1. *Cor.* 9. v. 1. Ergo. *Resp.* Limitando *Majorem*: Cui libera est electio scil. universaliter, rerum diversarum cujuscunque generis; itemque absolute ab omni necessitate; ejus arbitrium eo modo liberum recte dicitur. Verum sic falsa *Minor*. Est quidem homini non renato libera electio & actio; Verum nec in omnibus, quia civilia particularia, moralia, spiritualia excipiuntur; nec ab omni necessitate, etiam dependentiæ & corruptionis, sed coactionis & naturæ tantum. Contrarium quoque allata Scripturæ testimonia non evincunt; quorum tamen quædam de moralibus loquuntur, sicque impertinentia sunt.

Quia homini libera sic electio.

II. Sine libertate arbitrii nemo peccat; quia nemo peccat in eo quod necessitare facit. At homines peccate evidens est. Ergo. *Resp.* De libertate à necessitate coactionis & naturæ, datur totum; De libertate à dependentia & servitute peccati, Major una cum sua ratione falsa est.

Quia sine lib. Arb. nemo peccet.

III. Qui in alia fertur necessario, in alia contingenter; habet libertatem arbitrii. Homo etiam non renatus in alia fertur necessario, puta in finem & media, cum eo necessario connexa; in alia contingenter. Ergo. *Resp.* Nihil probat ratio, quàm arbitrium esse à coactionis & naturæ necessitate liberum; id quod nemo negat.

Quia in alia necessario in alia contingenter servatur.

Sexta: Pontificiorum,

An homo naturalis bonum morale perfectum

sine speciali Dei auxilio queat præstare?

Opus Morale quale hic intelligatur,

TERTIA: *An homo non renatus solis natura viribus, sine speciali Dei auxilio, bonum morale absque peccato præstare possit?* Pontificii affirmant, *Bellarminus tom. IV. Controv. gener. III. de Gratia & lib. arbitr. lib. 5. cap. 4. 9. & seqq.* Nos negamus.

Opus Morale, de quo quæritur, non est opus aliquod externum absolute consideratum, ut abstinentia ab alienis bonis, obedientia erga magistratum, (tale quippe viribus naturæ sine speciali Dei auxilio, citra excellentiam tamen, à non renatis præstari posse fatemur:) verum est opus morale perfectum, peccati omnis expers, eoque simpliciter bonum. Hoc Nos negamus: Pontificii affirmant eo, quod dictum modo, ab ipso præstari posse. *Bellarminus* limitationem quidem adjicit, si nulla tentatio urgeat. Sed id frustra est; nam tentatio Diaboli, mundi & maximè carnis nunquam non urget. Aut ergo non renatus bonum Morale absque peccato nunquam potest præstare, aut etiam cum tentatione præstare.

Rationes Nostræ.

Ex Naturâ Subjecti.

Rationes

Negantes

Orthodoxæ

Quia ad tale opus nullæ homini sunt vires,

Cui ad præstandum opus Morale perfectè bonum nullæ vires sunt, ab eo istud viribus naturæ præstari nequit. Homini non renato ad præstandum opus Morale perfectè bonum nullæ vires sunt. Ergo. *Minor* probatur. I. Qui mortuus est in peccatis; ei nullæ vires sunt ad præstandum opus Morale perfectè bonum. Homo non renatus mortuus est in peccatis *Ephes. 2. v. 1. 5. Coloss. 2. v. 13.* Ergo. II. Cujus facultates omnes interiores & exteriores peccato originali prorsus sunt corruptæ, quoad bonum verè morale & spirituale; ei nullæ vires ad opus morale perfectè bonum supersunt. Hominis nondum renati facultates omnes interiores & exteriores ita corruptæ sunt, prout ante demonstravimus. Ergo.

Ex Natura Prædicati :

I. Quod in boni operis Moralis tum essentiâ tum conditionibus essentialibus deficit ; id opus Morale perfectè bonum non est. Omne bonum opus Morale hominis non renati, tum in essentia deficit; quia formam, quæ est interna cordis purificati obedientia, non habet, *Tit. 1. v. 15. Matth. 15. v. 8.* tum in conditionibus essentialibus; quales sunt respectu Efficientis fides, *Rom. 14. v. 22. 1. Tim. 1. v. 5. Hebr. 11. v. 6.* respectu Finis gloria Dei *1. Cor. 10. v. 31. Matth. 5. v. 16.* Ergo.

Quia de f. circ. tum in essentia, tum in conditionibus essentialibus boni moralis.

II. Quod opus Scriptura viribus hominis non renati adimit ; & speciali Dei auxilio tribuit ; id ipse solis naturæ suæ viribus absque speciali Dei auxilio perficere nequit. Opus morale bonum Scriptura viribus hominis non renati adimit : *Ierem. 13. v. 23. Si potest Æthiops mutare pellem suam, aut pardus maculas suas, etiam vos potestis benefacere, cum sitis mali. Matth. 7. v. 18. Cap. 11. v. 33. Non potest arbor mala bonos fructus ferre. Rom. 3. v. 12. Non est qui faciat quod bonum est, non est usque ad unum.* Contra id speciali Dei auxilio tribuit: *2. Corinth. 3. v. 5. Quod idonei sumus ex Deo est. Ephes. 2. v. 9. 10. Non ex nobis &c. Ipsius opus sumus, conditi in Christo Iesu ad bona opera.* Ergo.

Quia Scriptura id viribus hominis adimit.

Rationes Pontificiorum.

Ex Natura Subjecti:

I. Quod Scriptura de non renatis testatur, id verum est. Atqui testatur ipsos aliqua bona opera facere posse: *Matth. 5. v. 47. Si complexi fueritis fratres vestros &c. Rom. 2. v. 14. Gentes, quæ legem non habent, naturâ quæ Legis sunt faciunt.* Ergo. Resp. Non concluditur quæstio de opere Morali perfectè bono. Nam *Matth. 5. v. 5.* salutationis officium in publicanis laudatum, externum opus est. Sic *Rom. 2.* nihil aliud vult Apostolus quàm Gentes quædam Lege imperata fecisse, puta externo honestatis actu, ut ex scopo, circumstantiis textus, & disputationis totius conclusionem colligere est, *Cap. 3. v. 9. 10. & seq. ubi sic ait: Non est, qui faciat quod bonum est, non est usque ad unum.*

Quia Scriptura testatur homines hæc præstare posse.

Matth. 5. v. 47. Rom. 2. v. 14.

II. Si nullum opus bonum facere potest non renatus, melius

Quia sic melius ab omni bono opere abstineret.

melius ei esset opera bona non facere; quia faciendo peccat, non faciendo non peccaret. Consequens est absurdum. Ergo & Antecedens. *Resp.* Negatur *Consequentia* ob fallaciam accidentis. Quod faciendo bonum opus peccat, per accidens fit; quia cum defectu facit, propter quem ipsum opus non omittendum, sed corrigendum est. Non faciendo autem peccaret per se; quia peccatum omissionis est peccatum per se.

Ex natura *Predicati*;

Quia Deus remuneratur bona opera.

I. Quæ opera Deus remuneratur, bonâ opera sunt, non peccata. Opera non renatorum Deus remuneratur: Obtesticum, *Exod.* 1.v.21. Nebucadnezaris, *Ezech.* 29. vers. 18. cui propterea auctor est Daniel, ut peccata sua eleemosynis redimat. *cap.* 4.v.24. Ergo. *Resp.* I. Limitamus *Majorem*: Quæ opera remuneratur Deus sunt bona, nempe per se & suo genere, etsi peccata esse possint per accidens. Universaliter accepta falsa est. II. In *Minore* admittitur Elenchus parium. Nam obtestrices illæ, quia à timore Jehovæ laudantur, fideles fuisse videntur. Nebucadnezar autem infidelis quod bellum gessit, opus non Morale, sed Civile præstitit. Nec legitur dedisse eleemosynas, etsi Daniel ad id ipsum fuerit hortatus. Verum demus omnia illa opera fuisse non renatorum, fuisse Moralia, fuisse bona; necdum tamen id conficitur, quod in questione est, bona fuisse simpliciter absque omni peccato.

Quia nul'a causa cur debeant esse peccata.

II. Si opera facta sine fide & speciali Dei auxilio semper essent peccata, id accideret, vel quia deest illis circumstantia finis, vel quia fiunt à peccatore, vel quia proportionem non habent cum naturæ nostræ viribus, vel quia nimis difficilia sunt ob carnis rebellionem, Dæmonisque tyrannidem. Atqui non *primum*; quia etiam Ethnici agnoscunt Deum & Providentiam. non *secundum*; quia opera illa procedunt ex bono naturæ, non ex adjunctâ malitiâ. non *tertium*; quia licet natura sit facta deterior per peccatum, non tamen infirmior est quàm si fuisset in puris naturalibus, non *quartum*; quia hîc non agitur nisi de rebus facilibus, & naturæ valde consentaneis. Ergo. *Resp.* In hoc argumento peccatur tripliciter. I. *Ignoracione Elenchi*. Probandum erat opera non renatorum esse nullo modo peccata; Adversarius

versarius verò probat non semper esse peccata. II. *Insufficiente enumeratione*. Nam est & alia causa, ob quam peccata sunt, nimirum quia absque fide fiunt *Roman. 14. v. 23.* III. *Falsitate secundum omnia membra*. Nam primò etsi agnoverunt Deum Ethnici, tamen ut Deum non glorificaverunt, neque gratias ei egerunt *Rom. 1. v. 21.* Secundò; quia procedunt à bono naturæ corrupto, sicque à causâ suâ inquinantur *Tit. 1. v. 15.* Tertio; quia nulla proportio est inter vires hominis non renati, & opus bonum, quod sit absque peccato; quia tale opus vires requirit ab omni vitio liberas. Quod de puris naturalibus dicitur commentitium est. Quartò; quia bona opera absque peccato facere, non renato non tantum difficile, sed etiam impossibile est. *Non potest arbor mala bonos fructus ferre Matth. 7. v. 18. Non potestis bene facere, cum sitis mali, Ierem. 13. v. 23.* & id naturæ corruptæ non consentaneum, sed prorsus adversum est & inimicum *Roman. 8. vers. 7.*

LOCVS NONVS

De

P O E N A P E C C A T I.

Controversia de Pœna peccati sunt tum Samosatenianorum, tum Pontificiorum.

Samosatenianorum:

An Mors corporalis sit pœna peccati? Hanc supra Loco V. de Creatione expediimus,

Pontificiorum:

Pontificio-
rum.

*An Infantes
fidelium sine
Baptismo de-
cedentes, in pe-
culiari limbo
damnentur.*

*AN Infantes fidelium sine Baptismo decedentes mor-
tem æternam necessariò subeant; & tamen in pe-
culiari limbo damni, non sensus, vel saltem exi-
gui sensus, pœnam experiantur? Pontificii affir-
mant, Bellarminus tom. IV. Controv. gener. II. de
amissione gratiæ & statu peccati lib. 6. cap. 2. & seqq.
Nos negamus.*


E X E G E S I S.

Rationes
Negantes Or-
thodoxa.

Rationes nostræ.

Ex natura Subjecti:

*Quia ad eos
pertinet pro-
missio gratiæ.*

I.  *D quos pertinet promissio gratiæ, quique sancti
sunt ab utero, non damnantur. Ad infantes fide-
lium pertinet promissio gratiæ, Genes. 17. vers. 7.
Actor. 2. vers. 39. & illi sancti sunt ab utero Rom. II.
v. 16. I. Cor. 7. v. 14. Ergo.*

*Quia à Bapti-
smo non de-
pendet salus.*

II. *A quo salus non dependet, ejus privatio non damnat.
A Baptismo salus non dependet; quia quidam servati sunt abs-
que Baptismo, ut Latro, Luc. 23. quidam damnati cum Bapti-
smo, ut Simon Magus Actor. 8. Ergo.*

III. *In-*

III. Infantes fidelium Veteris Testamenti non damnantur, si ante circumcisionem, die demum octavo ex Lege ministrandam, decederent. Ergo nec damnantur infantes fidelium Nov. Testamenti, siquidem ante perceptionem Baptismi decedant. *Consequentia* probatur; quia amplior est gratia Novi Test. quam Veteris.

Quia infantes Vet. Test. ante octavum diem decedentes non damnabantur.

IV. Si infantes damnantur propter privationem Baptismi, damnantur propter culpam simpliciter alienam. Consequens est contra Scripturam *Ezech. 18. v. 20.* Ergo & Antecedens.

Quia sic damnarentur propter culpam simpliciter alienam.

Ex naturâ *Predicati*:

I. Non entis nulla sunt accidentia. Limbus puerorum non est: *Ratio*; quia Scriptura duo tantum animarum separatuum receptacula commemorat, cælum & infernum, *Luc. 16. v. 22. 23. & seqq.* & duplicem tantum post hanc vitam hominum statum in alterutro *Matth. 25. v. 34. & seqq.* Ergo.

Quia nullus ejusmodi Limbus est.

II. Quæ Scriptura inseparabiliter conjungit, divellenda non sunt. Damnum & sensum in morte æternâ inseparabiliter conjungit *Esa. 66. v. 24. Matth. 7. v. 23. cap. 8. v. 12. Cap. 25. v. 41.* Ergo divellenda non sunt damnum & sensus: & per consequens, aut utrumque experiuntur infantes fidelium non Baptizati, quod negant Pontificii; aut neutrum, quæ nostra sententia est.

Quia Scriptura damnum & sensum in morte æternâ conjungit.

Rationes Pontificiorum.

Affirmantes Heterodoxæ.

Ex natura *Subjecti*:

I. Qui non regenerantur, damnantur. Infantes fidelium, qui sine Baptismo decedunt, non regenerantur: *Ratio*; quia in Baptismo peragitur regeneratio *Ioh. 3. v. 5.* Ergo. *Resp. Minor* falsa est. *Ioh. 3. aqua* non Sacramentum Baptismi, sed virtutem Spiritus Sancti designat. Et si maximè illud, declarandum tamen esset ex altero Christi *Marc. 16. v. 16.*

Quia Infantes illi non regenerentur.

II. Qui sine perceptâ Christi gratiâ decedunt, sub potestate Satanæ manent, eoque damnantur. Infantes fidelium qui sine Baptismo decedunt, sine perceptâ Christi gratiâ decedunt. Ergo. *Resp.* Iterum falsa est *Minor*. Percipiunt Christi gratiam,

Quia decedunt non perceptâ Christi gratiâ.

non quidem internâ cordis apprehensione, aut externâ Baptismi obfignatione, sed ineffabili Spiritus Sancti applicatione; secundum promissionem ipsis ac parentibus in federe factam *Genes. 17. vers. 7.*

Ex natura *Prædicati*:

Quia non fuerint in deliciis.

I. Qui non fuerunt in deliciis, non debent sentire tormentum *Apoç. 18. v. 7.* Infantes sine Baptismo decedentes non fuerunt in deliciis. Ergo. *Resp.* Hinc rectè inferas, nullâ prorsus pœnâ afficiendos esse. Sed *Ratio* est planè impertinens; quia dicitur illud non de infantibus, sed de Meretrice Babylonicâ; nec de futuræ, sed de præsentis vitæ pœnis.

Quia peccatû Orig. tollat tantum ordinem supernaturalem ad Deum.

II. Quod non tollit in homine ordinem naturalem ad Deum, sed supernaturalem tantum; pœnam damni non sensus meretur. Peccatum Originale, quocum decedunt infantes non Baptizati, non tollit in homine ordinem naturalem ad Deum, sed supernaturalem tantum. Ergo. *Resp.* Utraque Propositio falsa est. *Major*; quia *stipendium peccati morsest Rom. 6. v. 23. Minor*; quia peccatum Originale, ut naturæ integræ destructio, sic ordinis naturalis ad Deum turbatio ac sublatio est,

LOCVS DECIMVS

De

PERSONA & OFFICIO
CHRISTI.

Controversia de Christo partim ejus Personam, partim Officium concernunt.

DE PERSONA *Controversia sunt*

Samosatensianorum :

An Filius Dei Naturam Humanam assumerit in Personæ suæ Unitatem, ut sic Christus Deus & Homo sit in una Persona?

Anabaptistarum :

An Christus carnem & sanguinem ex substantiâ virginis Mariæ assumerit?

Pontificiorum :

An anima Christi ab ipsâ sui creatione ita repleta fuerit scientiâ & gratiâ, ut nihil unquam didicerit, neque ullam tristitiam, aut perturbationem senserit?

Lutheranorum :

An Naturæ Humanæ Christi per unionem personalem communicatæ sint essentielles Dei proprietates, Omnipræsentia, Omniscientia, Omnipotentia, & Vis vivificandi?

DE OFFICIO *Controversia sunt*

Samosatensianorum :

I. An Christus propter officium Propheticum & Regium dicatur Deus, Filius Dei, & Servator noster?

- II. An Christus passionibus, sanguine, ac morte sua Deo Patri pro peccatis nostris satisfecerit, remissionem illorum nobis acquisiverit, sicque *longe* sui interventu nos verè ac propriè redemerit?

Pontificiorum:

- I. An Christus secundum utramque naturam sit noster Mediator?
- II. An Christus in cruce mortuus secundum animam suam ad loca infernalìa, limbum Patrum, limbum infantum, purgatorium & gehennam, verè, propriè ac re ipsà descenderit?
- III. An idem Patres omnes Vet. Testamenti ex limbo, alios nonnullos etiam ex purgatorio, infantes verò ac damnatos nullos ex limbo & gehennà liberarit?

Lutheranorum:

An satisfactio Christi sit universalis?

EXEGESIS.

Hoc caput Doctrinæ, quod luculentissimum, totiusque Christianismi fundamentum est, in controversiam vocatur ab omnibus nostris adversariis: *Samosatenianis, Anabaptistis, Pontificiis, & Lutheranis*. Quos inter etiam primi gravissimè errant, cæterorum tamen non leves sunt aut contemnendi errores; ut contra universos præmuniendi sint animi, ne ipsorum fallacijs à veri tramite abducti deficiant. Recensuimus verò in Elencho controversias non omnes, sed principales, rejectis tum iis quæ apertam calumniam habent, tum alijs quæ principalibus subordinatæ sunt. Reperiuntur etiam, quæ ad alia loca pertinent. An præter Christum Angeli, Sanctique defuncti sint mediatores Intercessionis apud Deum? An præter eundem in Novo Test. sint alij propriè dicti, sed secundarii Sacerdotes? An caro Christi quicquam proficit? Et quæ sunt hujus generis plures.

Christus sibi
nihil meritis
est propriè,

Quæstionem: An Christus sibi aliquid mernerit? quam post Scholasticos renovavit Bellarminus, ut ambiguum distinguimus. De

De merito propriè dicto omnino neganda est. Nam quâ *Deus* quid opus ut sibi aliquid mereretur? aut quæ Deitati per meritum fieri potuit accessio? quâ *Homo*, quid mereri potuit creatura de creatore? *Luc.* 17. vers. 10. quomodo etiam mereri is, qui confessione Pontificiorum his in terris non viator, sed comprehensor erat? De *Premio* autem, Passiones ipsius secundum œconomiam decreti divini consequuto, & ab ipso Christo in peragendo redemptionis negotio, non primariò, *Matth.* 20. vers. 28. *Galat.* 4. v. 4. 5. sed secundariò, *Ioh.* 17. v. 1. 5. spectato affirmatur, & testimoniis Scripturarum, *Philip.* 2. v. 8. & seqq. *Luc.* 24. v. 26. *Apoc.* 5. v. 9. confirmatur.

Sunt etiam quæstiones quædã *Lutheranorum* huc pertinentes, similiter ambiguæ, quas verbo attigisse, explicasse haud abs re fuerit.

Prima: An in Christo sit duplex unio hypostatica? Resp. Duplex quidem unio est, animæ & corporis in naturâ, & naturæ Divinæ ac Humanæ in personâ; at non duplex sed unica unio hypostatica, quemadmodum una tantum est Christi Persona. Nec aliud Nostri sentiunt aut docent.

In Christo unica tantum est unio hypostatica.

Secunda: An λόγος sit extra carnem assumptam? Resp. Si extra carnem esse, est separatum existere à carne, negatur. Sin, non esse commensuratum aut inclusum carni, affirmatur. Atque hoc vult *Catechesis* dum ait; *Divinitatem quæ comprehendi nequit, & omni loco præsens est, esse etiam extra naturam Humanam, & nihilominus ei personaliter unitam permanere.*

λόγος extra carnem etiam citra separationem.

Tertia: An communicatio Idiomatum sit verbalis? sit tropus? Resp. Communicatio Idiomatum aliquando accipitur pro *communione proprietatum* in Persona Christi; aliquando pro *Phrasologia Scripturæ*, quâ communionem illam nobis declarat: quam veteres *κοινωνίαν ὀνομάτων* communionem nominum, *ῥεῖον ἀντιστάσεως* modum mutue Prædicationis propriè; Scholastici, maximè recentiores *κοινωνίαν ἰδιωμάτων* communicationem idiomatum, impropriè & *καταχρηστικῶς* dixerunt. Prior verè realis est, ex ipsarum naturarum unione, adeoque totius & partium conditione fluens. Posterior verbalis est, sed in rei veritate fundata, sicut dici de aliquo requirit inesse. Prior tropica non est; quia tropus est schema *ἀέξεως*, communis illa affectio rei, id est, naturarum personaliter unitarum. Posterior autem est tropus, quia est *Synecdoche* ad naturam totius vel partis pertinens.

Quatenus communicatio Idiomatum sit verbalis vel realis: tropus vel non.

Quarta:

Communica-
tionis idioma-
tum stricte
est genus u-
num:

Latè genera
plura.

Quarta: An sint distincta genera communicationis Idiomatum?
Resp. Stricte & cum Veteribus loquendo unum tantum genus est
communicationis idiomatum, sive communionis nominum;
quo Personæ, ab unâ naturâ voce concretâ denominatæ, tri-
buuntur proprietates alterius naturæ propter unitatem Personæ.
ut Ioh. 3. v. 13. *Filius hominis descendit de cælo; Filius hominis,*
in terra loquens, est in cælis. Galat. 4. v. 4. *Filius Dei factus est ex*
muliere. Latè verò acceptâ voce, plura ejus genera dari possunt.
I. Quum proprietates alterius naturæ, prædicantur de Personâ
denominatâ ab utrâque naturâ; ut Matth. 16. v. 16. *Iesus Christus*
est Filius Dei viventis. Philipp. 2. v. 5. 6. *Christus Iesus est in forma Dei.*
Roman. 8. v. 33. *Christus est mortuus, resuscitatus.* II. Quum Per-
sonæ ab alterâ naturâ denominatæ, tribuitur *σποτέλεσμα* utriusque
naturæ; ut Actor. 20. v. 28. *Deus redemit Ecclesiam proprio sanguine.*
Rom. 5. v. 19. *Per unum hominem iusti constituentur multi.* III. Quum
σποτέλεσμα ab utriusque naturæ operationibus dependens, tribui-
tur Naturæ Humanæ; ut 1. Ioh. 1. v. 7. *Sanguis Iesu Christi mun-*
dat nos ab omni peccato. De quibus attributionis modis alibi dictum.

Qualis sit
prædicatio in
propositioni-
bus Deus est
Homo, &c.

Quinta: An sit prædicatio Synonymica aut Tropica in Propositioni-
bus, Deus est Homo, Homo est Deus? *Resp.* Consideratione
Logicâ, est Prædicatio Synonymica vel Paronymica; *Rhetoricâ*
verò, prædicatio Tropica. *Synonymica;* quum subjectum & præ-
dicatum sumuntur concretivè propter unitatem Personæ, ut
sensus sit: Persona, quæ Deus, etiam Homo est; sic enim spe-
cies infima prædicatur de individuo extraordinario & singulari,
Paronymica; quum subjectum quidem concretivè, at prædica-
tum abstractivè sive partialiter sumitur, ut sensus sit: Persona,
quæ Deus, habet humanitatem. nam ita pars prædicatur de to-
to. *Tropica* denique; quia subjectum & prædicatum eandem
quidem designant Personam, verum κατ' ἄλλο καὶ ἄλλο, illud
quoad Deitatem, istud quoad Humanitatem & vicissim; ubi
Synecdoche totius pro parte, eoque tropica prædicatio, negari
nequit. Verum quidem est, neutram naturam esse de alterius es-
sentiâ, eoque nec prædicari de alterâ in quæstione quid sit; in-
terim utraque est de substantiâ Personæ θεανθρώπου, & prædica-
tur de Christo in quæstione quid sit. Sic, etsi Deus non habet ra-
tionem generis aut speciei propriè, habet tamen Analogicè;
nec disparatum est ad hominem Christum, sed unum personale
cum

cum eo. Tropica Prædicatio Deus est Homo, & Homo est Deus non resolvitur in hanc propriam, Deitas est Deus, Humanitas est Homo; verum in istam: Christus Deus secundum Deitatem, est Homo secundum Humanitatem; & vicissim. Quomodo etiam quoad subjectum alteram resolvimus, Deus est passus, id est Christus, qui Deus est secundum Deitatem, passus est, at non Deitate, verum carne, ut Petrus docet 1. Epist. 4. v. 1. Atque has prædicationes propter materiã, sive subjectum, Inusitatas dicendas, non modò ultrò concedimus, verum etiam ipsi urgemus. Est namque illud inusitatum, extraordinarium, singulariter admirabile, & admirabiliter singulare, cujus non est aliud exemplum in totâ rerum naturâ, ut Melancthon loquitur. Interim forma sive modus attributionis tam est usitatus quàm usitatum est speciem de individuo, partem de toto enunciari. Hæc *περὶ ἐξομολογῶς*. Nunc ad rem.

Controversia de PERSONA Christi.

De Persona :

Samosatēnianorum :

AN Filius Dei Naturam Humanam assumerit in Personæ suæ unitatem; ut sic Christus Deus & Homo sit in unâ Persona? Samosatēniani negant, Ostorodius Institut. Relig. Christ. cap. 17. Nos affirmamus.

Prima: Samosatēnianorum.
An Filius N. Humanam assumerit in unitatem Personæ?

Non quæritur hoc loco, de veritate Naturæ Humanæ; ea siquidem utrinque in confesso est, nec etiam de veritate naturæ aut hypostasew Filii Dei; quia Controversia illa Loco IIII. de Deo prolixè explicata est: Verum agitur de Incarnatione Filii Dei, de duabus in Christo naturis, deque Naturæ Humanæ subsistentia; nimirum, An Filius Dei sit incarnatus? An in Christo sint duæ naturæ? An Natura ejus Humana sit ἀνυπόστατος in se, ἐνυπόστατος in λόγῳ? Quæ tria capita unica hæc controversia complectitur. Nos sicut sententiam affirmantem de singulis tenemus, ita sigillatim confirmabimus.

Rationes *Af-*
firmantes Or-
thodoxa.

Rationes nostræ.

Ex natura *Subjecti & Prædicati:*

I, Pro *Primo membro.*

Quod Filius
Dei sit incar-
natus.

Qui assumpsit semen Abrahamæ, particeps factus carnis & sanguinis, similis factus hominibus per omnia excepto peccato, qui existens in forma Dei accepit formam servi, factus est caro, manifestatus est in carne, & in eâ cum omni Deitatis suæ plenitudine personaliter habitat, is incarnatus est; sive, is Naturam Humanam assumpsit, sibi que personaliter univit. Atqui Filius Dei assumpsit semen Abrahamæ &c. Ergo. Majoris evidens est ac necessaria consequentia. Minorem probant apertissima Scripturæ testimonia. Hebr. 2. v. 16. *Non Angelos, sed semen Abrahæ assumpsit.* v. 14. *Quoniam pueri participes sunt carnis & sanguinis, ipse quoque consimiliter particeps factus est eorundem.* v. 17. *Debit per omnia fratribus similis fieri excepto peccato,* cap. 4. v. 15. Phil. 2. v. 6. 7. 8. *Christus quum esset in formâ Dei, ipse se exinanivit, acceptâ formâ servi, similis hominibus factus, & habitu inventus ut Homo.* Iohann. 1. v. 14. *Verbum caro factum est.* 1. Tim. 3. v. 16. *Deus manifestus factus est in carne.* Coloss. 2. v. 9. *In Christo habitat omnis plenitudo Deitatis corporaliter, id est, substantialiter sive personaliter.*

Exceptiones Samosatensianorum.

Dictum Hebr.
2. v. 16.
depravatum

Hebr. 2. v. 16. Verbum *Ἐκλαμβάνοντος* hoc loco assumptionem non in unitatem Personæ, sed in curam ac patrocinium significat; Ratio prioris est; quia alioquin Filius Dei totum semen Abrahamæ assumpsisset, cum vox illa collectiva sit, & multitudinis nota, ut antithesis docet. Ratio posterioris est, quia per semen Abrahamæ intelliguntur credentes, Rom. 4. v. 16. Gal. 3. v. 29. quos in cælum receptus curâ singulari complectitur. Resp. *Ἐκλαμβάνοντος* semen Abrahamæ, est participem fieri carnis & sanguinis, ex v. 14. est fieri fratribus in naturâ & affectionibus, excepto peccato, per omnia similem ex v. 17. Semen Abrahamæ dicitur quidem nonnunquam *collectivè*, sive de fidelibus & infidelibus, i. e. filius carnis & promissionis simul, Gen. 12 v. 7. Rom. 9. v. 7. sive de fidelibus

Explicatur:

Semen Abrahamæ hic individuum notat.

fidelibus tantum *Rom. 4. v. 16. Gal. 3. v. 29.* At non semper. Nam etiam *singulariter* de uno aliquo individuo usurpatur; de Jismaële, *Gen. 21. v. 13.* de Christo, *cap. 22. v. 18. cap. 26. v. 4.* collatis cum *Act. 3. v. 25. Gal. 3. v. 16.* Hoc significatu vocem accipit Apostolus *Hebr. 2. v. 16.* Etenim doctrinam de Incarnatione & fine ejus confirmat auctoritate Scripturæ, passim testificantis, Christum secundum promissiones Naturam Humanam ex semine i. e. posteris Abraham, ac nominatim ex Mariâ virgine assumpsisse. Nec enim Naturam Humanam assumpsit *ἐν τῷ ἑαυτοῦ*, verum *ἐν αἱματι*; cum non illo, sed isto modo factus sit particeps carnis & sanguinis. Dum igitur negatur assumpsisse Angelos, vi oppositionis negatur assumpsisse Naturam Angelicam, quæ est in Angelis, & quam assumpturus fuisset *ἐν αἱματι*, siquidem in suâ Personâ redimere Angelos debuisset. Ita vindicata est orthodoxa loci hujus expositio. *Hæretica depravatio* de assumptione in curam non uno modo refellitur. I. Verbum *ἡμεῖς* eo sensu nec reperitur uspiam, nec ad rem facit. II. A curâ illâ excluduntur Angeli, antithesi disparatorum. A curâ Christi capitis, in munere suo exaltati, Angeli boni non excluduntur; ut qui Ecclesiæ triumphantis membra sunt *Hebr. 12. v. 22.* Ergo. III. Christus semen Abraham assumpsit in terris, ut antecedentium & consequentium collatio docet. Ergo non demum in cælis; ut habet sententia Samosatrenianorum.

Vindicatur.

Phil. 2. vers. 6. 7. 8. *Primò*: Non loquitur Apostolus de Incarnatione, quæ vulgo Mysterium habetur, sed de humilitate Christi nobis imitanda, ut est *v. 5.* *Secundò*: *Forma Dei* non denotat essentiam divinam, sed figuram, speciem, apparentiam. I. Quia Apostolus non usus est vocabulo illo Philosophicè. II. Quia in antithesi, *v. 7. 8. & Marc. 16. v. 12.* sic usurpatur. III. Quia forma illa declaratur per æqualitatem, sive similitudinem cum Deo, non absolutam sed qualemunque, positam *tum* in potentiâ ac virtute divinâ, quâ præsens absens miracula patrauit, universis cum effectu imperavit; *tum* in honore, quod propter illam potentiam ubique aliquos habuit, qui ad ipsum confugerent, ipsum supplices adorarent, colerent. IV. Quia de Deo nulla ratione dici potest, quod divinam suam naturam sive essentiam non sit rapinam arbitratus. *Tertiò*: *Forma servi* ser-

Dictum *Phil.*
2. v. 6. & seqq.
depravatum.

Explicatur.

Forma Dei
quid.Forma servi
quid.

vilem & abjectissimam Christi condicionem, non Humanam ejus Naturam significat. I. quia acceptâ formâ servi factus dicitur *sicut homo*, non autem factus homo. II. quia dicitur *habitu compertus ut homo*; quod non de interiore formâ, sed de exteriore vitæ actionumque figurâ intelligendum est. *Resp.* Antequam his textus Apostolici corruptelis respondeatur, quid sit *forma Dei*, quid *forma servi*, necessariò declarandum & demonstrandum est. *Forma Dei*, $\mu\omicron\rho\phi\eta\ \tau\tilde{\varsigma}\ \theta\epsilon\tilde{\omicron}\varsigma$, est natura sive essentia Dei, non nuda, verum proprietatibus suis ac gloria quasi vestita. *Forma servi*, $\mu\omicron\rho\phi\eta\ \delta\iota\omicron\upsilon\alpha\varsigma$, est natura sive essentia humana, non nuda, sed partim cum proprietatibus suis essentialibus & naturalibus, partim cum servili & abjectâ conditione conjuncta. Vtraque expositio non aliunde, quam ex ipsis loci hujus circumstantiis eruitur. *Prior de forma Dei.* I. Christus jam substitit in formâ Dei, cum acciperet formam servi, hominibus similis fieret, & habitu ut homo competiretur. Ergo forma Dei non est species sive apparentia Humanæ Naturæ gloriosa, sed essentia Divina. II. Christus subsistens in forma Dei, aut substitit in formâ substantiali aut accidentali. Non in accidentali: quia nemo subsistit in suis accidentibus, ut quæ per inhærentiam insunt. Ergo in substantiali. Sed forma Dei substantialis est ipsa Dei essentia, ut quæ ex materia & forma composita non est. III. Per quod Christus est par Deo; id ipsa Dei essentia est, non aliquod accidens. Per formam Dei Christus est par Deo. Ergo. IV. Forma accidentalis Humanæ in Christo naturæ, nec est $\psi\omicron\varsigma\iota\sigma\tau\acute{\omicron}\mu\epsilon\nu\omicron\nu$, nec sola agit: *Ratio*; quia actiones sunt suppositorum. Atqui Christus in formâ Dei est $\psi\omicron\varsigma\iota\sigma\tau\acute{\omicron}\mu\epsilon\nu\omicron\nu$, & solus agit, ut de quo dicitur *ipse se exinanivit acceptâ formâ servi*. Ergo. Rectè igitur concludimus formam Dei esse essentiam Dei. Eam tamen non nudè, sed cum proprietatibus suis ac gloriâ concipimus. Est siquidem perfecta cum Deo æqualitas, quæ opponitur formæ servi; Et exinanitio in forma servi præsupponit summam gloriâ in forma Dei. *Posterior de formâ servi.* I. Forma Dei notat essentiam divinam cum gloriâ, ut demonstratum est. Ergo forma servi, in quâ similis hominibus factus est, notat essentiam humanam cum ignominia. Consequentia vis est in antithesi & exinanitione Christi. II. Nemo nisi substantialis formæ ratione dici potest $\epsilon\nu\ \delta\iota\omicron\mu\iota\omega\mu\alpha\tau\iota\ \alpha\nu\theta\rho\acute{\omega}\pi\omega\nu\ \gamma\epsilon\nu\acute{\omicron}\mu\epsilon\nu\omicron\varsigma$: *Ratio*; quia similitudo illa ipsam Naturæ Humanæ conformationem & veritatem notat *Gen.* 5. v. 3. Atqui

Atqui Christus acceptâ forma servi ita factus est, ut tum hîc, tum
Rom. 8. v. 3. Heb. 2. v. 11. 14. 16. 17. docetur. Ergo. **III.** Cui-
 cunque tribuuntur propria, & conditiones soli Naturæ Humanæ
 propriæ; eidem & naturæ veritas tribuitur. Atqui formæ servi in
 Christo tribuuntur: Habitu enim compertus est ut homo. Ergo.
 go. Hæc ad κατὰ σκευὴν veri sufficiunt. Superest ἀνασκεινὴ falsi vindicatur.
 in censurâ exceptionum. *Prima* inconsequens est: Agit Aposto-
 lus de humilitate Christi nobis imitandâ. Ergo non de incarna-
 tionis mysterio. Etenim argumentum hortationis petit ab exem-
 plo Christi, qui cum esset in forma Dei, æqualis Deo, ramen pro-
 pter nostram salutem se sponte exinanivit, acceptâ formâ servi.
 Sensus est: Si in Christo talis affectus fuit, multo magis in nobis
 esse debet. *Secunda* multiplici principii petitione, falsitate, &
 ambiguitate laborat. I. Sensus ille vocis μορφῆς, quem dedimus,
 hîc philosophicus non est. Et ut maximè esset, quid tum? An non
 aliis etiam philosophorum terminis Scriptura de Deo utitur? φύ-
 σις, *Gal. 4. v. 8. ὑποσέως, Heb. 1. v. 3. τὸ ὄντι & Apoc. 1. v. 4.* vel, An non
 æquè philosophicum est per μορφῶν intelligere τὸ εἶδος, figuram
 seu speciem externam? **II.** *Phil. 2. v. 7. μορφῇ δούλου* est Natura
 Humana, non species aut figura. *Marc. 16. v. 12.* quidem accipitur
 pro specie verâ, ut alibi derivatum μὶμορφωσις pro specie fictâ, *Rom. 2.*
v. 20. 2. Tim. 3. v. 5. sed à particulari ad universale non valet conse-
 quentia. **III.** *Forma Dei* declaratur sanè per æqualitatem cum
 Deo, sed per æqualitatem essentia, per similitudinem non acciden-
 talem, quæ in Deum non cadit, sed essentialem: per æqualitatem
 absolutam & naturalem, non restrictam & voluntariam. Etenim
 in forma Dei Christus dicitur esse, par Deo sine restrictione, *Phil. 2.*
v. 6. & paritas illa ad proprietates, opera, & honorem refertur *Ioh.*
5. v. 18. & seq. Cap. 10. v. 28. 29. 30. Qui verò par Deo est proprie-
 tatibus, operibus, & honore, eidem absolutè & simpliciter par est.
 Aliter si esset, Christum parem Deo dicere blasphemum foret. *Quis*
 enim *par Iehova Deo nostro?* *Psal. 113. v. 5. Quis Deus par tibi?* *Mich. 7.*
v. 18. Excellentia potentia & honoris Christi, ex nostrâ quidem
 doctrinâ, argumentum est invictum æqualitatis ejus cum Patre,
 prout ipsemet Christus testatum reliquit, *Ioh. 5. & 10. capp.* verum ex
 sententiâ adversariorum cum merè accidentaliter sit, quâ fronte ἰσότης
 Christi cum Patre in cā collocatur? An ergo Apostoli quoque
 pares fuerunt Deo, substituerunt in formâ Dei, quia multa stupenda

miracula patrarunt ? Apagete blasphemiam. Quod verò hunc Deum pro voluntatis suæ arbitrio posse sibi parem facere, etsi imperfectè, id simpliciter negamus, abominamur. Etenim paritas illa, vel in *essentiâ* & proprietatibus essentialibus, vel in *operationibus*, vel in *honore*, tanquam tertio, in quo comparantur extrema, consistet. At nullo horum modorum Deus sibi parem facere potest. Non *primo* modo; quia non potest negare se ipsum, quod sit *verus*, & quod non sit alius præter se 2. *Tim.* 2. v. 13. *Deut.* 6. v. 4. *Cap.* 4. v. 35. Non *secundo*; quia facit mirabilia solus, *Psal.* 72. v. 18. & ad operationes divinas requiritur potentia divinâ, quæ ab *essentiâ* simplicissimâ, ejusque proprietatibus inseparabilis est. Non *tertio*; quia gloriam suam alteri non dat *Esa.* 42. v. 8. Ergo. IV. Quod affirmat de Deo Apostolus, dici de eo potest. Divinam Naturam non arbitrari rapinam, de Deo affirmat Apostolus; quia de Christo subsistente in formâ Dei, pari cum Deo, id affirmat. Ergo. Diversa quidem horum verborum explicatio est. Verum *sive* intelligantur Christum, etsi sciverit non se per rapinam sed per naturam esse æqualem Deo, eoque gloria Deitatis suæ fruendo nulli facere injuriam; nihilominus tamen jure suo cessisse, acceptâ forma servi: *sive* alio modo, nimirum Christum, quamvis esset in formâ Dei æqualis Deo, non tamen ostentasse æqualitatem illam, sicut rapinæ, spolia, in triumphis ostentare solent victores, sed occultasse in formâ servi; utrovis, inquam, modo intelligantur, nihil asserunt, quod naturæ Christi, & scopo ac dictioni Apostoli consentaneum non sit. Tertia Exceptio conjungenda disjungit, Naturam Humanam, & servilem ejus conditionem. *Prima* ejus ratio peccat phrasi. *Ἐν ὁμοιωματι εἰς ὁμοιωσιν γενόμενος* in similitudinem hominum factus, est similem hominibus factum esse tam naturæ veritate, quam status conditione. Sicut veritatem Naturæ Humanæ id porro comprobatur, quod habitu ut homo compertus fuit: Et *Heb.* 2. similitudo hæc ad Naturam ipsam, proprietates ejus essentielles & naturales, adeoque etiam infirmitates, sine peccato tamen, extenditur. In *altera*, habitus quidem non est forma interior: at omne id quo agnitus & compertus fuit verus homo. Hoc verò non est sola figura vitæ & actionum, sed etiam figura sive forma externa corporis verè humani.

Ioh. 1. v. 14. *Primo*: Verbum *ἵνα* reddendum per *erat* vel *fuit*, non per *factus* est. I. Quia alibi eo sensu usurpatum reperitur, *Ioh.* 1. v. 6. *Mat.* 1. v. 6. *Luc.* 1. v. 5. II. Quia id requirunt antecedentia,

Quid per rapinam intelligatur *Phil.* 2. v. 6.

Dictum *Ioh.* 1. v. 14. depravaturn,

cedentia, in quibus jam affirmatum est Christum esse hominem. *Præterea:* Caro hic non simpliciter hominem, sed hominem vilem, abjectum, infirmum significat. Quæ causa fuit, ut à populo suo non reciperetur. Denique: si admittatur versio recepta, *Sermo factus est caro*; nihil tamen aliud sequitur, quàm eum, qui potens erat sermonibus & operibus, *Luc. 24. v. 19.* & propter potentiam miracula patrandi Deo quasi par, *Phil. 2. v. 6.* aliis hominibus, etiam peccatoribus, similem factum esse, eo quod se omnibus calamitatibus ipsique crucis morti subjecit, *argumento locorum Gal. 3. v. 13. Rom. 8. v. 3. 2. Cor. 5. v. 21.* Resp. *Prima exceptio* glossa est textui contraria. E- Vindicatur. *tenim* Iohannes aperte distinguit esse τὸ λόγος, ab esse carnis; id quod erat Christus ab æterno, ab eo quod in tempore factus fuit. Prius significat verbo ἦν, sine omni principii ortusve notatione; quia jam in principio erat sermo, erat apud Deum, erat Deus *Ioh. 1. v. 1.* Posterius significat verbo ἐγένετο, quod principii ac ortus connotationem habet; quia in plenitudine temporis emisit Deus filium suum *Gal. 4. v. 4.* Ex quo est, quod participialiter dicitur γενόμενος ἐκ πνεύματος Δαβὶδ, *Rom. 1. v. 3.* γινόμενος ἐκ γυναικὸς *Gal. 4. v. 4.* Quod alibi sensu diverso usurpetur, non negamus: Nec enim una vox in eodem semper accipitur significatu. Sed & hujus significationis varia exempla occurrunt, *Ioh. 2. v. 9. Rom. 7. v. 13. 1. Cor. 1. v. 30. Gal. 3. v. 13.* & aliis locis; ubi verbum γίνομαι pone sequitur nomen substantivum. Ratio ab Antecedentibus ducta nulla est. In illis siquidem Humanæ Christi Naturæ aut nulla mentio est, aut implicita mentio; quæ post explicitè distincteque proponitur v. 14. Et si esset, tamen quæ sequuntur de incarnatione τὸ λόγος, per ὑπερολογίαν in Scripturis usitatissimam, commodè subjicerentur. Ad secundam dicimus, omnino carnis vocabulo denotari Naturam Humanam cum infirmitatibus summaque abjectione, *Esai. 40. v. 6. Act. 2. v. 31. 1. Pet. 4. v. 1.* Sermonemque, dum factus est caro, hominem vilem, abjectum, miserum factum esse. Verum ita essentia denotatur cū suis accidentibus, quæ λόγος simul assum sit, quod est contra ipsos. Vel si per carnem sola accidentia intelligunt, elenchum admittunt oppositorum, & positis accidentibus ad tollendam substantiam vitiosissimè argumentantur. Dum etiam carnem illam prædicant de λόγῳ, ipsum infirmitatum & miseriorum illarum subiectum faciunt: id quod contra simplicem, immutabilem, ac immortalem ejus naturam est, ut alibi ostendimus. *Tertia, Exceptio*
pura

pura puta principii petitio est, indeque refellitur apertissime, quod λόγος factus dicitur caro ante illos sermones, opera, & potentia demonstrationem, ut connexio docet. Loca allegata tanquam impertinentia, & sententia adversariorum nihil patrocinantia mitimus.

II. Pro Secundo membro:

Quia in
Christo sunt
duæ naturæ.

Cui tribuuntur in Scriptura Nomina, Attributa, & Opera Divina ac Humana, adeoque ea quæ contradictoria videntur, in persona verò ejus ad Divinam vel Humanam Naturam restringuntur; in illo sunt duæ Naturæ, Divina & Humana: is est Deus & Homo, in unâ personâ. Atqui Christo tribuuntur in Scriptura &c. Ergo. Major probationem non requirit. Minor demonstratur per partes. I. Tribuuntur Christo Nomina Divina & Humana; quia dicitur Immanuel, id est, *Ἰεσὺς ὁ Θεὸς μετ' ἡμῶν*, Matth. 1. v. 23. Deus, 1. Tim. 3. v. 16. Actor. 20. v. 28. Filius Dei, Luc. 1. v. 35. Matth. 16. v. 16. Homo, 1. Tim. 2. v. 5. Filius Hominis, Ioh. 3. v. 13. Filius Abrahe, Davidis, Matth. 1. v. 1. Cap. 22. v. 42. Maria, Marc. 6. v. 3. II. Attributa Divina; ut Æternitas, Iohann. 1. vers. 1. Omnipræsentia, Matt. 18. v. 20. Cap. 28. v. 20. Omniscientia, Ioh. 16. v. 30. cap. 21. v. 17. Omnipotentia Ioh. 5. v. 19. Apoc. 1. v. 8. Humana; ut finitio in loco, Matth. 28. v. 6. Ioh. 11. v. 15. in tempore, Luc. 2. v. 42. Cap. 3. vers. 23. corporea quantitas, Luc. 24. v. 39. I. Ioh. 1. v. 1. figura, Philipp. 2. v. 8. III. Opera Divina, ut remissio peccatorum, Matth. 9. v. 2. patratio miraculorum, cap. 11. v. 5. resuscitatio mortuorum Ioh. 5. v. 28. 29. Humana, ut profectus in sapientia & statura, Luc. 2. v. 52. comestio & bibitio, Matth. 11. v. 19. lacrymæ, Iohann. 11. v. 35. Luc. 19. v. 41. delassatio ex itinere Iohann. 4. vers. 6. IV. Quæ Contradictoria videntur, ut esse filium Abrahe, & tamen ante eum fuisse, Ioh. 8. v. 58. esse filium & dominum Davidis, Matth. 22. v. 42. 43. esse in cœlo & in terra, Ioh. 3. v. 13. habere gloriam priusquam mundus esset, & glorificationem petere, Ioh. 17. v. 5. scire omnia, & non scire diem judicii Iohann. 16. v. 30. Marc. 13. vers. 32. V. In Personâ Christi ad Divinam vel Humanam Naturam restringuntur: Marc. 2. v. 8. Iesus cognovit cogitationes spirituum. Rom. 1. v. 3. 4. Ortus ex semine Davidis secundum carnem, declaravit

ius filius Dei potenter secundum spiritum sanctificationis. Cap. 9. vers. 5. Christus est ex Patribus, quod ad carnem attinet, qui est supra omnes Deus benedictus in secula. 1. Petr. 3. v. 18. Morte quidem affectus carne, vivificatus autem spiritu. Cap. 4. vers. 1. Christus passus est pro nobis carne.

Contra hæc quæ excipiunt Samosateniani Divinam Christi Naturam concernentia, jam ante refutata sunt.

III. Pro tertio membro duplex est:

Prima: Qui παρχων existens in forma Dei, accepit formam servi, similis hominibus factus; accepit semen Abrahamæ similis factus fratribus per omnia excepto peccato; in eo Natura Humana per se ανυπαστ est. Atqui Christus παρχων in forma Dei &c. Ergo. Minor traditur Philip. 2. v. 6. 7. Hebr. 2. v. 16. 17. Major probatur; quia accipiens formam servi, assumens semen Abrahamæ jam erat Persona; ut qui υπαρξεν suam habuit in formâ Dei, & operationes suppositorum proprias exercuit: acceptum verò sive assumptum non persona, sed natura; sicut appellatur non homo, sed caro, Ioh. 1. v. 14. non servus, sed forma servi, Phil. 2. v. 7. semen Abrahamæ Hebr. 2. v. 16. Secunda: Cum una sit Christi personalitas, sicut unus Christus est, 1. Tim. 2. v. 5. Eph. 4. v. 5. illa vel à Naturâ Divinâ, vel à Naturâ Humanâ, vel ab utrâque dependet. Atqui non dependet à Naturâ Humanâ. I. quia λογος jam erat in principio, Ioh. 1. v. 1. Christus exsistebat in forma Dei antequam carnem assumeret Phil. 2. v. 6. 7. II. quia Ignobilis, inferius, non est substantia nobilioris & superioris. Natura Humana inferior, ignobilior est Divinâ. Ergo. Non etiam dependet ab utrâque. I. quia sic imperfecta fuisset personalitas τὸ λογος ante Incarnationem. II. quia Natura Divina & Humana coivissent in tertiam aliquam personalitatem, prout in hominibus fit, quorum anima & corpus in naturam simul & personam uniuntur. At hoc non fit. I. quia λογος non venit in compositionem propriè dictam. II. quia caro non in personam, sed in personâ λογος unita fuit, secundum receptam sententiam. Sequitur ergo personalitatem, à Naturâ Divinâ, quæ persona simul & natura est, dependere: Humanam Naturam verò propriâ personalitate destitutam, & in λογος substantentem, rectè sui respectu ανυπαστατον, τὸ λογος autem

Quod Humana N. Christi sit ανυπαστατον in se, ενυπαστατον autem in λογος.

consideratione, in quo subsistit, *ἐνυπόστατον*, inexistentem dici.

*Negantes
Heterodoxæ.*

Rationes Samosatzenianorum.

Ex naturâ Subjecti:

*Quia Christus
est unus.*

I. Deus & Homo non sunt unus. Christus est unus. Ergo Christus non est Deus & Homo. *Minor* est Scripturæ 1. Tim. 2. v. 5. *Ephes.* 4. v. 5. *Major* patet; quia Deus & Homo sunt disparata. Disparata autem non sunt unum numero. Nec valet exceptio de Christo: Is enim verus ac perfectus homo cum sit, personalitate humanâ carere nequit. *Resp.* *Major* ut & *probatio* ejus absolute & Physicè vera; restrictè & Theologicè in supposito illo extraordinario falsa est. Nec verò carentia propriæ personalitatis, Humanæ Naturæ Christi sive *veritati*, sive *perfectioni* quicquam derogat. Non *illi*; quia veritatem Naturæ Humanæ ex materia, forma, & proprietatibus, non ex personalitate metimur; quod usque adeo verum est, ut alia sit Naturæ, alia Personalitatis definitio. Non *isti*; quia Personalitas non pars sed terminus quasi naturæ est; quem quia in subsistentiâ non creatâ, verum increatâ sortitur, eo ipso longè perfectior est, quàm si à λογῷ separata per se subsisteret.

*Quia à Patre
unctus, & Spi-
ritu S. inde
ab utero re-
pletus fuerit.*

II. Qui unctus à Patre, & Spiritu Sancto inde ab utero repletus fuit; is Deus & Homo in unâ Personâ non est. Atqui Christus à Patre unctus, & Spiritu Sancto inde ab utero repletus fuit. Ergo. *Minoris* veritas, nititur testimoniis Scripturæ. *Consequentia Majoris* hâc ratione; quod qui ipse Deus est, unctione & donis alterius minimè eger. *Resp.* *Consequentia Majoris*, quæ nulla est, subjectâ ratione haudquaquam firmatur: I. quia alter ille, sive Deus Pater, sive Deus Spiritus Sanctus non essentiâ divinâ, sed solâ *ὑποστάσει* à Deo Filio diversus est, eoquè quicquid ita facit, id Filius, pro naturâ operationum ad extra, similiter facit. II. quia non eget unctione illâ absolute, sed relate, quoad munus mediatorium secundum dispositionem consilii divini; neque donis Spiritus Sancti eger in Naturâ Divinâ, verum in solâ Humanâ.

Ex natura *Pradicari*:

I. Qui ut Deus & Homo nec promissus in Veteri, nec in Novo Testamento exhibitus est; is talis non est. Atqui Christus ut Deus & Homo nec promissus in Veteri, nec in Novo Testamento exhibitus est. Ergo. *Minor* probatur: *Non promissus in Veteri Test.* quia promissiones non de Deo, sed de semine mulieris, *Genes.* 3. v. 15. de semine Abrahæ, *cap.* 22. v. 18. de Propheta, *Deut.* 18. v. 18. de filio virginis, *Esa.* 7. v. 14. germine Davidis, *Ierem.* 23. vers. 5. loquuntur. *Non exhibitus in Novo Testamento*; I. quia nihil de conceptione ejus, qui Deus & Homo futurus esset, Mariæ aut Josepho nunciavit Angelus. II. quia Evangelistæ in describendâ Christi nativitate hujus non meminerunt. III. quia Christus nuspiam se Deum vocat. IV. quia Apostoli Christum hominem tantum esse docuerunt *Actor.* 2. 3. 4. 5. & *seqq. capp. Resp.* *Minor* falsa est utroque membro. *Probatio prioris* ex Scripturâ Veteris Testamenti deducta, inconsequentia multiplici laborat; 1. quia procedit à particulari ad universale: Illis locis expressa mentio Deitatis non habetur. Ergo nec aliis. Atqui a- libi idem Christus *Iehova*, *Hof.* 1. v. 7. *Iehova justitia nostra*, *Ier.* 23. v. 6. *Deus*, *Psal.* 45. v. 8. *Deus fortis*, *Esa.* 9. v. 6. *Dominus*, *Psal.* 110. v. 1. appellatur. II. conjuncta divellit: Nam qui, *Esa.* 7. v. 14. dicitur *filius virginis*, etiam *Immanuel* vocatur; qui *Ierem.* 23. v. 5. *germen Davidis*, etiam *Iehova justitia nostra*. III. *Αποτέλεσμα* quæ Semini mulieris, Abrahæ, quæ Prophetæ illi tribuuntur, Divinæ ejus Naturæ documenta sunt. *Probatio posterioris* ex Scripturâ Novi Testamenti, quot partes tot mendacia habet; nam I. Cujus conceptionem & nativitatem initio Mariæ, inde Josepho nunciat Angelus, eundem *Filium Dei* vocat *Luc.* 1. vers. 35. II. Evangelistæ in describendâ Christi nativitate hujus disertè meminerunt: *Mattheus*, qui Christum *Immanuelem*, id est, *θεάνθρωπον* nominat *cap.* 1. v. 23. *Marcus*, qui historiam Evangelicam sic orditur *Principium Evangelii Iesu Christi Filii Dei* *cap.* 1. v. 1. *Lucas*, qui nasciturum ex Maria similiter vocat *Filium Dei*, *cap.* 1. v. 35. *Altissimum*, v. 76. *Dominum*, *ibid.* *Iohannes*, qui λόγον carnem factum esse testatur *cap.* 1. v. 14. III. Christus se quoque *Deum* appellavit; quia multoties professus est, esse se

Quia ut Deus
& Homo nec
in V. T. pro-
missus, nec in
N. exhibitus
fuerit.

Filium Dei unigenitum, unum cum Deo, parem ei proprietatibus, operibus, honore, gloriâ jam ante conditum mundum habitâ. *Iohann. 3. v. 16. Matth. 16. v. 16. 17. Cap. 26. v. 64. Ioh. 5. v. 18. 19. & seqq. Cap. 10. v. 28. 29. 30. Cap. 17. v. 5.* Quod verò non semper id fecit, inde est, quod gloriam Deitatis suæ per exinanitionem occultavit in formâ servi, factus Patri obediens usque ad mortem *Phil. 2. v. 7. 8.* I V. Quia Apostoli Christum Jesum ut Deum & Hominem, ut Deum manifestatum in carne, ut eum qui ortus est ex Patribus secundum carnem, declaratus Filius Dei secundum Spiritum Sanctificationis; non autem ut nudum hominem prædicarunt: quod tam acta ipsorum, quam epistole testantur.

Quia propter gloriam exaltationis Deus vocetur.

II. Qui propter Naturam Humanam Homo, propter gloriam exaltationis verò Deus vocatur; is Deus & Homo non est in unâ Personâ. Atqui Christus propter Naturam Humanam Homo, propter gloriam exaltationis Deus vocatur *Act. 2. v. 36. Phil. 2. v. 9. 10.* Ergò. *Resp.* Minor altero membro Prædicati falsa est: Nam Deus vocatur; quia Pater ipsi Naturam Divinam generando communicavit, ut alibi docuimus. Propter exaltationis verò gloriam dicitur Dominus, Princeps; Servator, sc. in munere mediatorio exaltatus *Act. 5. v. 31.* & alibi *Act. 2. & Phil. 2.* nomen Dei ipsi non tribuitur, sed priore loco nomen Domini & Christi; posteriore nomen supra omne nomen, id est, summa gloria.

Anabaptistarum.

Secunda: Anabaptistarum.
An Christus carnem & sanguinem ex substantia virginis Mariae assumerit?

An Christus carnem & sanguinem ex substantia virginis Mariae assumerit? Anabaptistæ negant, *Collaqui Francothal. artic. 3. & Emdani artic. 4.* Nos affirmamus.

Status Controversiæ.

Anabaptistarum inter se dissensus.

In sententiâ negativâ, Quod Christus carnem & sanguinem non assumerit ex substantia Mariæ virginis, prout nos affirmamus, nec ex substantia Spiritus Sancti, neque etiam per Mariam tanquam per canalem transierit, Anabaptistæ Germani & Belgæ probè consentiunt: In affirmativâ verò, unde igitur

igitur assumeret, dissentiunt. Etenim Germani id se igitur
re, nihilque de eo certi habere fatentur, ut qui simplici-
ter acquiescant in articulo I. I. Symboli Apostolici, *conceptus
ex Spiritu Sancto, natus ex Maria virgine*; Mennonitarum etiam
ea de re sententiam apertis verbis rejiciunt & damnant.
Belga autem etsi & ipsi circa affirmativam non parum tergiver-
santur; tamen scriptis Doctorum suorum testimoniis
convicti profitentur, carnem Christi esse ex sermone vitæ,
ex sermone æterno, ex semine Patris: quod semen sit ver-
bum Dei, sicut declaratur *Luc. 8. v. 11. I. Petr. 1. v. 23.*
Quæ cum ita sint, de utrâque Anabaptistarum sententia
distinctè nobis agendum est, & negatæ quidem veritas, af-
firmatæ autem falsitas solidè demonstranda.

Rationes nostræ.

Ex naturâ Prædicati.

Rationes
Affirmantes
Orthodoxæ.

Contra sententiam Negatam:

I. Quam carnis Christi originem ostendit nobis Scriptura
in promissione Veteris, & complemento Novi Testamenti; ea
& non alia ejus origo est; inde, non aliunde carnem & sangui-
nem Christus assumpsit. Atqui ostendit nobis originem carnis
Christi ex semine mulieris, Abrahami, Judæ, Davidis per vir-
ginem, quæ vera Christi mater sit. Ergo. Minoris veritas confir-
matur per partes: I. Ex semine mulieris. Promissio; *Gen 3. v. 15.*
Semen mulieris concubabit caput serpentis. Complementum; *Heb. 2.*
v. 14. *Particeps factus est carnis & sanguinis, ut per mortem aboleret*
eum, qui mortis habet imperium, id est, Diabolus. II. Ex semine A-
brahami. Promissio; *Genes. 12. v. 3.* *Cap. 22. v. 18.* *Benedicta e-*
runt in te, id est, semine tuo omnes gentes terra. Complementum;
Matth. 1. v. 1. *Iesus Christus filius Abrahami.* *Actor. 3. vers. 25.* ubi
iisdem verbis de Christo exponitur, sicut etiam *Galat. 3. v. 16.*
Hebr. 2. v. 16. *Non Angelos sed semen Abraha assumpsit.* III. Ex semine
Iuda. Promissio; *Genes. 49. v. 10.* *Non deficiet tribus à Iuda, neque*
Legislator è medio pedum ejus, usque dum venerit filius ejus; *Heb. 7.*
secundæ ejus, id est Christus, secundis Virginis de tribu Iuda con-
tinendus, per metonymiam adjuncti. Complementum; *Heb. 7.*

Quia eam O-
riginem Car-
nis Christi o-
stendit Scri-
ptura.

v. 14. Palam est è Iudæa exortum esse Dominum nostrum. Apoc. 5. v. 5. Vicit Leo ille ex tribu Iudæ. IV. Ex semine Davidis. Promissio; 2. Sam. 7. v. 12. 13. 14. Excitaturus sum semen post te, quod prodibit è visceribus tuis, & stabiliturus sum regnum ejus, & stabiliam solium regni ejus usque in seculum. Ego ero ei Pater, & ipse erit mihi filius. Psal. 89. v. 37. Semen Davidis in seculum erit. Psal. 132. v. 11. Juravit Iehova Davidi, dicens: De fructu ventris tui ponam in solio tuo. Esa. 11. v. 1. Prodigit virgula è trunco succiso Isai, & surculus è radicibus ejus efflorescet. Ierem. 23. v. 5. Excitabo Davidi germen justum, quod non modò v. 6. Iehova Iustitia nostra, verùm etiam Ezech. 37. v. 24. David appellatur. Complementum; Matth. 1. v. 1. Iesus Christus filius Davidis. Luc. 1. vers. 32. Dabit ei Dominus Deus sedem Davidis Patris ipsius. Act. 2. v. 30. David Prophetam cum esset, & sciret Deum jurejurando sibi jurasse, fore ut ex fructu lumbi ipsius, quod ad carnem attinet, Christum illum suscicaret &c. Cap. 13. v. 23. E semine Davidis secundum promissionem excitavit Israël servatorem Iesum &c. Rom. 1. v. 3. Filius Dei factus ex semine Davidis secundum carnem. V. Per Virginem, quæ vera Christi mater est. Promissio; Esa. 7. v. 14. Ecce Virgo concipiet & pariet filium. Complementum; Matth. 1. v. 22. 23. Totum hoc factum est, ut impleretur, quod ait Dominus per Prophetam, Ecce Virgo &c. Luc. 1. v. 31. concipies in utero, & paries filium: v. 42. Benedictus fructus uteri tui. Gal. 4. v. 4. In plenitudine temporis emisit Deus filium suum factum ex muliere.

Vindiciæ locorum.

Exceptiones Anabaptistarum.

Gen. 3. v. 15.

Genes. 3. v. 15. Sermo est non de naturali semine mulieris, sed de spirituali semine promissionis. Utrumque probant. Prius I. quia alioquin omnes Evæ posterius usque ad Christum fuissent semen illud promissum. II. quia sic omnes ex ipsâ geniti Christi fratres forent. Posterius; quia ut Serpens alius externus fuit, alius internus & spiritualis, Apoc. 12. v. 9. semen quoque serpentis aliud externum, aliud internum, Iohann. 8. v. 44. sic Mulier alia externa Eva, alia interna Ecclesia, Apoc. 12. v. 1. & seqq. & Semen ejus aliud externum, Filii Adæ, aliud internum, Christus Resp. Glossa opponit subordinata. Nam semen mulieris, quod materiæ respectu naturale dicimus, est semen promissionis. Patet; quia verba illa, v. 15. sunt promissionis; semen quoque non

non naturæ, sed promissionis vi in utero virginis conceptum fuit
Esa. 7. v. 14. Matth. 1. v. 23. Luc. 1. v. 31. Absurdum *primum*
 nos non ferit: Nec enim omnes, qui semen Evæ fuerunt usque
 ad Christum, etiam fuerunt semen singularis hujus promissionis,
 à singulari apotelesmate descriptum. *Alterum* absurdum non est:
 Nam inter quos naturæ communio est inde ab uno parente, in-
 ter eos rectè statuitur fraternitas. Inter omnes ex Evæ genitos, at-
 que ita inter Christum (cujus etiam ortus eò reducitur, *Luc. 3.*)
 & alios est hujusmodi naturæ communio *Hebr. 2. v. 14.* Ergo.
 Interim Scriptura duplices potissimum fratres Christo tribuit;
 alios *carnales*, ex propiore sanguinis conjunctione, quos inde
 cognatos appellamus, *Matth. 13. v. 55. Marc. 6. v. 3.* alios *spiri-*
tuales, per gratiam adoptionis ipsi unigenito ac primogenito à
 Patre adjunctos, *Rom. 8. v. 29. Heb. 2. v. 11. & seqq.* è quorum
 numero infideles, etsi filios Abrahami secundum carnem eoque
 fratres suos, Christus excludit *Ioh. 8. v. 37. & seqq.* Allegoria
 pro semine spirituali ex muliere spirituali, hoc est, Ecclesiâ, pugnat.
 I. cum ipso textu, qui articulo demonstrativo non aliam quàm
 Evam, & pronomine relativo non aliud quam ipsius semen de-
 signat. II. cum aliis locis, quæ semen mulieris vocant semen
 Abrahami, Davidis; item fructum lumborum ejus, ut modò
 ostendetur. III. cum seminis spiritualis & Ecclesiæ, prout
 nobis in Scripturâ describuntur, conditione. Etenim *Semen spi-*
rituale, aut est *Verbum Dei* metaphoricè, *Luc. 8. v. 11. 1. Petr. 1.*
v. 23. aut *populus fidelis*, per metonymiam metaphoricam *Rom.*
4. v. 16. Cap. 9. v. 8. Si primo modo Christus dicitur Semen, est
 secundum Naturam Humanam verbum Dei externum, *μεσσο-*
εαγν, quod prædicatur, *1. Petr. 1. v. 25.* est accidens, non sub-
 stantia. Sin altero, est re-genitus, teste Petro, est semen spirituale
 ut nos. Adhæc: Si Eva mulierem externam & internam adum-
 brat, sicut externa mater est seminis naturalis & illud ejus filius;
 ita interna, id est, Ecclesia mater erit seminis spiritualis Christi,
 illeque vicissim Filius hujus. Consequens est contra Scripturam.
 I. quia solam Mariam vocat matrem Christi. At illa Ecclesia
 non est. II. quia Christum vocat filium hominis, filium Ma-
 riæ, non filium Ecclesiæ. III. quia Christum esse docet caput,
 fundamentum Ecclesiæ, *1. Cor. 3. Ephes. 1. 2. 4.* cui ipsa gigni-
 tur per prædicationem Evangelii *Psal. 110. v. 3. 1. Cor. 4. v. 15.*

Ergo

Ergo mater Christi non est. Quod verò *Matth. 12. v. 49.* mater Christi dicuntur, qui præstant voluntatem Patris; id non magis Ecclesiam quam singulos fideles matres facit. Christus autem nihil aliud significat, quam tales sibi matris, fratrum instar charos futuros. Sic *Esa. 9. v. 6.* tantum dicitur Filius datus Ecclesiæ, non etiam ex ea genitus fuisse. Locus *apoc. 12.* describit quidem Ecclesiam typo mulieris, sed quæ de partu ejus proprie sumto memorat, accipienda sunt non absolute, sed limitate secundum membrum quoddam ejus, videlicet Mariam virginem; quum aliàs cum veritate historiæ Euangelicæ conciliari non possit. Hæc ergo est mulier illa benedicta, ex qua Filius Dei factus est homo. *Luc. 1. v. 28. Gal. 4. v. 4.*

Heb. 2. v. 14.

Heb. 2. v. 14. Dictum illud non est complementum promissionis, *Genes. 3. v. 15.* & exponitur per alia dicta *Ioh. 1. v. 14. Heb. 2. v. 17. Cap. 4. v. 15. Resp. Primum* falsum est, ut ex promissionis subiecto pariter & prædicato ostenditur. Ex *Subiecto*; quia phrasi in Scripturis usitata, quam hîc valere demonstravimus, esse hominis semen est participem esse carnis & sanguinis ejus. Ex *Prædicato*; quia conculcare caput serpentis est abolere Diabolum. Cui igitur tribuitur *σποτέλεσμα* semini mulieris proprium, is est semen illud mulieris. Christo participi facto carnis & sanguinis tribuitur. Ergo. *Alterum* pro nobis facit: Si enim carnis & sanguinis ita factus est particeps, ut factus sit caro; factus sit similis fratribus per omnia excepto peccato; equidem Naturam Humanam ex semine spirituali matris spiritualis assumere nequivit.

Gen. 12. v. 3. & Cap. 22. v. 18.

Genes. 12. v. 3. Cap. 22. v. 18. quæ literaliter dicuntur de Abrahamo & Isaaco, jam tum in ipsis impleta fuerunt: & allegoricè intelligenda sunt de Deo Patre, qui est Abrahamus spiritualis, & de filio ejus Christo, qui est Isaacus spiritualis. Id probant. I. ex *Gal. 4. v. 22. 23. 24.* ubi testatur Apostolus, aliud per filios illos, eorumque matres adumbratum fuisse. II. ex *Esa. 51. v. 1. 2.* Quem vocat Propheta rupem, Patrem Israëlitarum, & cujus ipsos filios facit, eundem vocat Abrahamum. Atqui non Abrahamum naturalem, sed Deum Patrem ita vocat; I. quia non Abrahamus, sed Deus rupes est, *cap. 26. v. 4. Iehova rupes seculorum*: II. quia non Abrahamus sed Deus est Pater Israëlitarum, *cap. 63. v. 16. Quamvis Abraham nesciat nos, tu tamen Iehova*

hova Paternoster. III. quia filii Abrahæ dicuntur filii Dei *Luc.* 19. v. 9. *Rom.* 9. v. 7. 8. Ergo Deum Patrem vocat Abrahamum. *Resp.* Exceptionis ut duæ distinctæ partes sunt, una de complemento promissionum jam tum præstito, altera de allegoricâ expositione; ita distinctè de iis est agendum. Prior hoc argumento refellitur: Cujus promissionis complementum in tempus usque Novi Testamenti dilatum fuit, id præstitum non est in Testamento Veteri. Complementum promissionis de Semine benedicto in tempus usque Novi Testamenti dilatum fuit; I quia ita testatur Scriptura Novi Testamenti, *Luc.* 1. v. 55. 73. *Actor.* 3. v. 25. *Cap.* 13. v. 32. *Galat.* 3. vers. 14. 16. quibus locis docet Christum esse semen illud promissum Abrahæ, id est, ex ipso secundum carnem ortum. II. quia eadem testatur fideles omnes Veteris Testamenti, atque ita Abrahamum quoque, promissum non obrinuisse *Hebr.* 11. v. 39. Unde factum; ut, quamvis nato Isaaco, promissio tamen eadem Abrahamo, *Gen.* 22. v. 18. Isaaco, *Cap.* 26. v. 4. Jacobo, *cap.* 28. v. 14. Judæ, *cap.* 49. v. 10. aliis repeteretur. Ergo id præstitum non est in T. Veteri. *Posterior* de allegoria multis cum absurditatibus conflictatur. Etenim, si Deus est Abrahamus figuratus per alterum naturalem; sibi ipsi dixit promissiones, secum fœdus icit, sibi juravit, se patrem constituit multarum gentium: & in repetitione ejusdem promissionis ad Isaacum fuit Isaac; ad Jacobum Jacob; ad Judam Juda; quæ omnia absurdissima sunt: denique uno saltem non controverso Scripturæ loco Abraham vocatur. Frustra verò tam vanæ allegoriæ fundamentum locis citatis quaeritur. Etenim *Galat.* 4. Apostolus allegoricè inducit non Abrahamum & Isaacum ad adumbrandum Deum Patrem & Filium, sed Isaacum & Ismaëlem, uti etiam utriusque matrem Saram & Hagaram, idque ad adumbrandam naturam fœderis Legalis & Evangelici; nec non ad repræsentandam conditionem illorum, qui sub alterutro constituti sunt. *Esa.* 51. v. 1. de Abrahamo literaliter per Prophetam loquitur Deus, non mysticè de se; utpote cui uxorem adjungit Saram, quem vocasse se, multiplicasse, benedictione sua ornasse ait v. 2. Nec verò quia Deus a libi *rupes*, *Pater Israëlitarum* vocatur, & ipsi ejus filii esse dicuntur, Abrahamus hîc nomine rupis, item Patris appellari nequit. Id namque significatu diversissimo fit: *Deus* passim *rupes* vocatur

Gal. 4. v. 22. *seqq.* explicatur.

Esa. 51. v. 1. explicatur.

tur ob immortam suam subsistentiam, & firmissimum quod piis præstat præsidium; *Abrahamus* hîc rupes propter emortuum ad generationem corpus *Rom. 4. v. 19. Deus, Pater* Israëlitarum per creationem, conservationem, & redemptionem; *Abrahamus*, Pater per generationem aliorum secundum carnem, aliorum secundum promissionem; quorum, quotquot in tertis versabantur, conditionem, etsi ignoraret in cœlis, tamen propterea Pater ipsorum esse non desit *Luc. 16. v. 24.* Ita pro naturâ relatorum etiam filii diversimodè ab utroque denominantur. Nunquam verò filii Abrahami dicuntur Filii Dei, quasi *Abrahamus* sit Deus; sed quia à Deo ex gratia adoptati sunt in filios, idque secundum promissionem Abrahamæ divinitus factam.

Heb. 2. v. 16.

Heb. 2. v. 16. Non assumpsit Angelos, sed semen Abrahamæ, id est, credentes, *Galat. 3. v. 29.* & quidem non in unitatem personæ, sed in patrocinium, quibus succurrat, opituletur, ex declaratione Apostoli, *Rom. 15. v. 7.* præcipientis, ut Christi exemplo etiam nos alii alios assumamus. *Resp.* Locum hunc vindicavimus ab iisdem corruptelis controversiâ superiore contra *Samosatenianos*. Nunc unum addimus; malè tanquam locos parallelos coniungi, *Roman. 15.* *Heb. 2.* qui phrasi & sententiâ dissimilimi sunt. Etenim *illic* Christus nos dicitur assumere in gloriam; *istic* assumere semen Abrahamæ: *illic* assumere est nos participes facere gloriæ cœlestis; *istic* per assumptionem feminis Abrahamæ participem fieri carnis & sanguinis, fieri fratribus similem per omnia: *illic* de imitando assumptionis exemplo; *istic* de admirando assumptionis mysterio differitur. Inspiciatur etiam *cap. 14. v. 1. 3. ad Rom.* ex quo phrasis *cap. 15. v. 7.* amplius declaratur.

2. Sam. 7. v. 12 seq.

2. Sam. 7. v. 12, 13, 14. Quæ promissa Davidi, in Salomone filio ejus impleta fuerunt *2. Chron. 6. v. 9, 10.* Sed Salomon typus fuit Christi, & David typus Dei Patris, super cuius solio sessurus dicitur, *Isa. 9. v. 7.* non autem super solio Davidis terreni, quod jam tum corruerat, & terrenum fuerat. *Resp.* Hic vera falsis miscentur. Promissionem illam in Salomone impletam fuisse, itemque ipsum typum Christi gessisse, *verum* est. At in solo Salomone sive omnimode in ipso impletam fuisse, ac ut Salomon Christi, ita Davidem Dei Patris, typum gessisse *falsum* est. *Primo* enim promissio illa est ex genere vaticiniorum, quæ *typica composita* appellantur, & de typo & antitypo simul, etiam non

non semper in omnibus, loquuntur; eoque duplex complementum habet, *Historicum* in typo, *Mysticum* in antitypo. Nam & de *Salomone* sermo est, utpote cujus nomen exprimitur, *1. Chron.* 22. vers. 12. 13. ac conditio, in corruptione peccati virgâ patris corrigendâ; & de *Christo*; ut constât ex allegatione Apostoli, *Hebr.* 1. v. 5. ex conditione regni æterni, & ejusdem promissionis repetitione diu post obitum Salomonis per Prophetas factâ. Quæ etiam in promissione dicuntur de pace, de ædificatione domus, de filio excitando è semine Davidis, cui Deus sit Pater futurus, *utrique*, etsi modo diverso, conveniunt; ut de Salomone testatur historia ejus, de Christo aliâ Scripturæ *Esa.* 9. v. 6. 7. *Hebr.* 3. v. 3. 4. 6. *Matth.* 1. v. 1. *Rom.* 1. v. 3. *Hebr.* 1. v. 5. Deinde nulpiam aut David inducitur, ut typus Dei Patris, aut Deus Pater David appellatur. Contrâ David passim inducitur, & ut Pater sive progenitor Christi secundum Humanam Naturam, & ut typus ejus, ratione officii; Prophetici quidem & Regii propter Prophetiam & Regnum, Sacerdotalis verò non propter sacerdotium aliquod externum (id enim tribus Levi erat,) sed propter varias actiones & passiones, quibus Christi Sacerdotis conditio adumbrabatur. A quo progenitore & typo suo Christus, *germen Davidis* & antitypum, etiam in Veteri Testamento *David*, appellatus fuit *Ezech.* 34. v. 23. *Cap.* 37. v. 24. *Esaia* Prophetæ *cap.* 9. v. 7. non melior interpret est, quam Angelus apud Lucam, *cap.* 1. v. 32. 33. qui dum ait, Dominum Deum Christo daturum solium Patris Davidis, ut æternum regnet in domo Jacobi; equidem Deum Patrem à Davide apertissimè distinguit. Non ergo David Deus Pater esse potest. Sanè solium David terrenum fuit, jam tum collapsum; sed quod regnum cœleste & spirituale Christi præfiguravit: atque hoc quia Deus Christo contulit, regnum Davidis, id est, Davidi Patri ipsius in hoc filio promissum, terrenoque ejusdem regno in populum Dei adumbratum, ei contulisse dicitur.

Esa. 11. v. 1. qui esse dicitur *de radice Isai*, v. 10. & *Rom.* 15. *Esa.* 11. v. 1. v. 12. *radix Isai* sive Jesse, *Apoc.* 5. vers. 5. *radix Davidis* vocatur. Nihil ergo hinc ad rem concluditur. *Resp.* negatur. Nam qui est de radice, esse dicitur ipsa radix per metonymiam metaphoricam; ut qui est ex semine Davidis secundum carnem, *Rom.* 1. v. 3. David vocatur *Ezech.* 34. vers. 23. Mutato itaque genere
prædi-

prædicationis non valet consequentia; & argumentum nostrum invictum stat: Virga trunco, furculus radici consubstantialis est. Atqui Christus secundum carnem est virga de trunco, furculus de radice Davidis, filii Isai. Ergo.

Matth. 2. v. 30.

Act. 2. v. 30. Fructus lumborum Davidis literaliter non Christus sed Salomon est, secundum promissionem, 2. Sam. 7. & circumstantias ejus. Quod si Christus est ex lumbis Davidis sensu literali, etiam sedebit super solio ipsius sensu literali. Consequens est contra Scripturam. Ergo & Antecedens. *Resp.* Atqui Petrus promissionem illam de Christo secundum carnem differtè interpretatur. Est ergo fructus lumborum Davidis non mysticè, sed literaliter. Nec tamen sequitur sensu literali etiam sedere super solio Davidis; quia quod ad carnem attinet David non typus sed Pater Christi fuit, ex cujus semine ipse ortus esse dicitur, *Roman. 1. v. 3.* quod ad regnum verò typus non Pater; prout modò declaravimus.

Esa. 7. v. 14.

Esa. 7. v. 14. Virgo concepit non ex se sive suum semen, sed ex Spiritu Sancto, testibus Euangelistis *Matth. 1. Luc. 1. Resp.* Imo concepit suum semen, sive concepit Filium quoad carnem ex suo semine, etsi virtute miraculosâ Spiritus Sancti, *Luc. 1. v. 35.* quia Filius Dei dicitur factus ex muliere, *Gal. 4. v. 4.* ortus ex semine Davidis secundum carnem *Rom. 1. v. 3.*

Luc. 1. v. 42.

Luc. 1. v. 42. appellatur fructus uteri Mariæ, non quasi fuerit ex substantiâ sive semine ejus, verum quia in utero Mariæ conceptus fuit. *Id probant. I. testimoniis; Matth. 1. v. 20. Quod in eâ genitum est, ex Spiritu Sancto est. Luc. 2. v. 21. Nomen vocatum fuerat ab Angelo, priusquam in utero matris conciperetur. II. quia Elizabeth nominat eum, quem gestabat Mariæ, Dominum. Ergo ex substantia Mariæ non erat: nam Deus gloriam suam alteri non dat Esa. 42. III. Qui est super omnia & per quem sunt omnia, is secundum carnem originem suam ex substantia creaturæ non habet. Christus est super omnia & per ipsum omnia creata sunt Ioh. 1. 3. capp. & c. Ergo. Resp. Fructus est de substantia fructificantis, ut furculus de substantia radicis, virga de substantia trunci. Christus secundum carnem fructus est uteri Mariæ. Ergo est de substantia ejus. Non igitur sic dicitur, quod in utero tantum conceptus, gestatus fuit. Quod si verum esset, nihil utique haberet ex Mariâ, ob quod fructus uteri ejus vocaretur. Rectè etiam dicere-*

tur

tur per Mariam ut canalem transiisse, quod tamen negare videri volunt. Dicta illa, *Matth. 1. Luc. 2.* non tantum locum conceptus generationis, sed etiam materiam insinuant, prout declarantur *Galat. 4. v. 4. Rom. 1. v. 3.* Sicut alterum ex Spiritu Sancto, apud Matthæum causam Efficientem notat, quæ opponitur Efficienti falsæ, qualem sibi Iosephus mysterii huius ignarus fingeat. Et quæ ratio consecutionis: Fructus, sive Filius Mariæ appellatur Dominus; est supra omnia, & per eum sunt omnia. Ergo non est de substantia sive semine Mariæ? Quasi verò Filius Mariæ non sit etiam Filius Dei, *Luc. 1. v. 35.* Dominus è cælo, *1. Corint. 15. v. 47. λόγος* ille æternus per quem facta sunt omnia *Iohan. 1. v. 3.* Aut quasi, qui Mediator est secundum utramque naturam, etiam non sit Dominus secundum utramque naturam?

II. Qui ex hominibus ducit originem; qui factus est ex muliere, factus homo, similis aliis hominibus per omnia excepto peccato; is carnem & sanguinem ex substantia hominis mulieris assumit. Christus secundum carnem ducit originem ex hominibus; quia genealogiam ipsius inde ab Adamo, Abrahamo, Davide Euangelistæ describunt; *Matth. 1. Luc. 3.* factus est ex muliere, *Galat. 4. v. 4.* factus est homo, *Iohann. 1. v. 14. Philipp. 2. v. 7.* similis aliis hominibus per omnia, excepto peccato *Hebr. 2. v. 17. Cap. 4. v. 15. Philipp. 2. v. 7. 8. Rom. 8. v. 3.* Ergo.

Quia ex hominibus, ex muliere est, &c.

Excipiunt: *Matth. 1. v. 1. Luc. 3. v. 31. 34.* Christum vocari Filium Abrahami & Davidis, quod ipsis promissus, non quod ex ipsis genitus fuerit. Probant hoc modo: Ita dicitur filius Abrahami, Davidis, ut Iosephi. At Iosephi filius non dicitur propter generationem ex ipso; quia testatur Euangelista, tantum opinione aliorum habitum fuisse pro filio. Ergo. Resp. Imo *Matt. 1. v. 1.* singulariter vocatur filius Abrahami, Davidis, quod tum ipsis promissus, tum ex ipsis genitus fuit. Nam promissio sonat de Christo ex semine Abrahamæ, ex fructu lumborum Davidis excitando *Actor. 3. v. 25. Cap. 2. v. 30.* Probationis quam contra afferunt, Major propositio falsa est. Etenim Christus dicitur filius Abrahami, Davidis, propriè & univocè, ut qui ex Patribus, ex semine Davidis secundum carnem ortus fuit *Roman. 9. vers. 5. Cap. 1. v. 3.* Filius verò Iosephi æquivocè; quia opinione aliorum

Matt. 1. v. 7. Luc. 3. v. 31. 34. vindicatur.

& improprie, *partim* ratione matris, ¹ cuius maritus erat Iosephus, *partim* ratione educationis, in qua Patris officium Christum præstabat. Atque hoc aperte indicat Lucas dum ait: *Iesus filius (ut existimabatur) Iosephi.*

Contra sententiam Affirmatam:

Quia Scriptura non docet ex semine Patris carnem Christi esse ortam.

I. Quam carnis Christi originem non docet Scriptura, ea nobis credenda non est. Atqui non docet originem carnis Christi vel ex semine Patris, vel ex Sermone illo æterno. Ergo.

Quia non est ex semine Patris tantum materia.

II. In his propositionibus: *esse ex semine Patris, esse ex Sermone æterno*; particula *Ex* aut causam *Efficientem*, aut *Materialem* notat. Si *illam*, ut cum dicitur esse ex Spiritu Sancto, *Matth. 1. v. 18. 20.* sensus quidem sanus est, carnem Christi potente verbo Patris & Filii creatam esse; verum I. non solvitur quaestio, unde siue ex qua materia creata sit? II. nec Phrasi Scripturae efficientia carnis declaratur. Si *istam*; Semen Patris, Sermo æternus sunt materia corporea, vel incorporea. Non *corporea*; quis enim id affirmabit de Spiritu *Iohann. 4. v. 24.* Non *incorporea*; quis enim affirmabit corpus materiatum ex materia incorporea productum esse? Redarguetur certe ab ipso Christo, *Luc. 24. v. 39.* dicente: *Spiritus carnem & ossa non habet, sicut me conspicitis habere.* Ergo.

Quia neque ex externo neque ex interno sermone orta est.

III. Semen Dei vel *externum* est, verbum sc. prædicatum, *Luc. 8. v. 11. 1. Petr. 2. vers. 23. 25.* vel *internum*, Spiritus Sanctus *1. Iohann. 3. v. 9.* Ex neutro, tanquam ex materia, caro Christi esse potest. Non ex *priore*; quia est accidens, quod substantia corporeæ materia esse nequit: Non ex *posteriore*; quia caro Christi non est ex Spiritu Sancto tanquam materia, quod ipsi fatentur. Ergo.

Quia plura absurda inde sequuntur.

IV. Si caro Christi est ex Sermone illo æterno; I. Sermo non factus est caro, sed ex Sermone facta est caro. II. Sermo fuit in potentiâ, ac mutationem passus est. III. Caro Christi, ex Sermone illo decisa, Deus est; cum materiatum referat naturam suæ materiæ. Consequens est contra universam Scripturam, & omnem rationem. Ergo & Antecedens.

Ratio-

Rationes Anabaptistarum.

Negantes
Heterodoxa.

Ex natura *Subjecti* :

I. Qui est è cœlo, descendit de cœlo, venit superne, non est ex hoc mundo ; is carnem & sanguinem ex substantiâ virginis Mariæ non assumpsit. Atqui Christus est è cœlo, descendit de cœlo, venit superne, non est ex hoc mundo, juxta dicta *Ioh. 3. v. 13. 31. Cap. 6. v. 33. Cap. 8. v. 23. 1. Cor. 15. v. 47. Eph. 4. v. 9. 10.* Ergo. *Resp.* per limitationem *Majoris* : Qui è cœlo descendit, scilicet carnem inde secum ferens, non assumpsit carnem ex Maria. Ita datur *Major*. Sed negatur *Minor*. Nam Christus descendendo non carnem inde secum attulit, verum in carne se manifestavit, ex muliere factus caro; prout declaratur ejus descensus *1. Tim. 3. v. 16. Gal. 4. v. 4. Ioh. 1. v. 14.* Nec descendit secundum Naturam Humanam, verum secundum Naturam Divinam, secundum quam etiam Dominus è cœlo vocatur *1. Cor. 15. v. 47.* In hanc sententiam accipienda sunt dicta in *Minore* allegata. *Antithesis*, quæ *Ioh. 3. v. 31. Cap. 8. v. 23.* reperitur, nudos homines tantum è terra oriundos Christo opponit. *Ioh. 6. v. 33.* panis qui è cœlo descendit, per Manna olim adumbratus, non significat Naturam Humanam in abstracto, sed personam in concreto, prout *v. 33. 35. 38. 39. 40. 48. 50. 51.* videre est.

I I. Filius Dei viventis non est ex Maria. Christus est Filius Dei viventis *Matt. 16. v. 16.* Ergo. *Resp.* *Major* falsa est, contraria asseverationi Angelicæ ad Mariam: *Quod ex te nascetur sanctum, vocabitur Filius Dei Luc. 1. v. 35.* Non est quidem ex Mariâ secundum id, quo est Filius Dei; interim quia Naturam Humanam ex eâ assumpsit in unitatem personæ suæ, rectè & verè filius Dei viventis ex Mariâ esse affirmatur.

Quia sit Filius Dei viventis.

I I I. Qui nunquam proficitur nomen Adæ sed Patris cœlestis, quin etiam Adamo opponitur; ex ipso per Mariam ortus non est. Atqui Christus &c. *1. Cor. 15. v. 47. Rom. 5. v. 14. & seq.* Ergo. *Resp.* *Major* vera est, si secundum Naturam Humanam proficitur nomen Patris cœlestis, tanquam ex ipso genitus; opponatur etiam Adamo, ut homini absolute. At sic *Minor* falsa est. Nam secundum Naturam Humanam passim se proficitur non filium Dei, sed filium hominis, eoque filium Adæ, ut ex quo uno omnes homines conditi dicuntur *Act. 17. v. 26.* Et Lucas *cap 3.* genus Christi ad ipsum

Quia non proficitur nomē Adæ.

ipsum Adamum refert. Opponitur quoque Adamo, verum ut Dominus è cælo, homini nudo animali; ut auctor iustitiæ & vitæ, auctori peccati & mortis.

Ex naturâ *Prædicati*:

Quia non sit
semen Davi-
dis naturale.

I. Qui non est semen naturale Davidis, ille ex semine Davidis per Mariam ortus non est. Christus non est semen naturale Davidis *Matt. 22. v. 42. 43.* Ergo. *Resp.* Minor non traditur *Matt. 22.* Neque enim ibi negat Christus, quod Pharisei confessi fuerant; verum porro quærit, quomodo simul filius & Dominus Davidis esse possit? quo ita qui capere Christum in sermone studebant, proditiâ crassissimâ ignorantia confunderentur. Responso autem expedita est ex Paulo *Rom. 1. v. 3. 4.* esse *filium Davidis secundum carnem, Dominum secundum Spiritum sanctificationis.*

Quia non sit
conceptus in
peccato.

I I. Si ex sanguine Mariæ genitus est Christus, in peccato conceptus est. Consequens falsum. Ergo. *Resp.* negando *consequentiam*: quia sanguis Mariæ sanctificatus est per Spiritum Sanctum, unde quod ex ipsa genitum est *sanctum* dicitur *Luc. 1. v. 35.*

Pontificiorum:

Tertia: Ponti-
ficiorum.

An anima
Christi ita per-
fecta fuerit, ut
nunquam sci-
entia profecerit
aut perturbati-
onem senserit?

An anima Christi ab ipsâ sui creatione ita repleta fuerit scientiâ & gratiâ, ut nihil unquam didicerit, neque ullam tristitiam aut perturbationem senserit? Pontificii affirmant, *Bellarm. tomo I. controu. gener. II. de Christo lib. 4. de anima ipsius cap. 1. 2. 3. 4. 5.* Nos negamus.

Status Con-
troverfiæ.

Quæritur hoc loco non modò de scientiâ *acquisitâ sive experimental;* An Christus experiundo aliquid didicerit quod ante ignora-
bat? verum etiam de scientiâ *infusâ*; An illa statim ab ipsâ Christi conceptione partibus omnibus gradibusque perfecta fuerit? Sic etiam non quæritur de *tristitia* simpliciter, sed de tali tristitia & *perturbatione*, ex quâ factum ut Christus se ipsum quasi represserit, & ante dicta revocarit quodammodo atque correxerit? Ex quibus de sententiâ nostra & Pontificiorum plenius constare potest.

Rationes Nostræ.

Ex natura Subjecti:

Rationes
Negantes
Orthodoxæ.

Qui nobis similis est per omnia, tam in infirmitatibus naturæ, quàm in naturâ ipsa & proprietatibus ejus, solo peccato excepto; is secundum animam ignorantia, tristitia, perturbationi, perinde ut nos fuit obnoxius. Atqui Christus secundum Naturam Humanam ita nobis factus est similis. Ergo. *Minorem* tradit Apostolus *Heb. 2. v. 14. 16. 17. Cap. 4. v. 15.* Majoris consequentia firma ac evidens est. Nam infirmitates naturæ sunt toti speciei communes: & dum solum peccatum excipitur, ignorantia simplex, quam & negativam vocant, itemque tristitia & perturbatio, quæ peccata non sunt, etiam confessione Bellarmini, non excipiuntur. Verum *regerit*: Si per omnia nobis debuit similis fieri, solo peccato excepto; non debuit concipi ex Spiritu Sancto, nasci ex virgine &c. contra debuit laborare rebellione partis inferioris, febris, podagra, &c. Atqui hoc absurdum. Ergo & illud; & per consequens apparet illud, *per omnia*, restringendum *tum* ad perfectionem naturæ, *tum* ad eas infirmitates, quæ ad redemptionem conducunt, quales non sunt ignorantia, perturbatio, &c. *Resp.* Per omnia intelligimus ex declaratione Apostoli *Heb. 2. v. 14. 15. 16. 17.* naturam, proprietates & infirmitates naturales; *non* peccatum, ut est rebellio partis inferioris adversus superiorem; *non* miraculosam conceptionem ex virgine, quæ causam Efficientem Naturæ Humanæ spectat; *non* febrim, podagram, quæ sunt infirmitates personales à causis particularibus protectæ. *Restrictio* illa adversatur scopo & verbis Apostoli, ac falsa nititur hypothese, quasi in nobis sit aliquid ad redemptionem conducens, in quo Christum nobis assimilari oportuerit.

Quia Christus etiam in infirmitatibus nobis similis factus est.

Heb. 2. v. 4. seq. Cap. 4. v. 15. explicatur.

Ex naturâ Prædicati:

I. Qui crescit, corroboratur spiritu, impletur sapientiâ, ea que unâ cum ætate ac staturâ proficit; is majorem indies sapientiam ac gratiam consequitur. Atqui Christus crevit, corroboratus fuit, &c. juxta testimonium Lucæ *cap. 2. v. 40. 52.* Ergo.

Quia crevit sapientiâ.

Excipit Bellarminus: Luc. 2. v. 40. ὡς ἐξέμεινεν idem est quod ὡς

Luc. 2. v. 40. & 52. vincit. 675 CALUX.

passive; vel si passivè accipiat, replebatur magis magisque in organo corporis ad patranda excellentia opera. Dicit quoque potest repletum esse scientiâ experimentalis, quâ quæ sciebat theoreticè, cognovit practicè. *Resp.* participium *πληρέμενος* omnino accipiendum est *passive*, secundum regulas Grammaticas & circumstantias textus. Passivè autem repletus fuit non in corpore, quod scientiæ subiectum non est, sed in animâ; ut qui spiritu fuit corroboratus, non effectivè (et si effectus sequuti sint) sed habitualiter. Si vero de scientia experimentalis explicatur, jam unâ parte dantur manus. Nam qui scientiâ experimentalis augetur, utique scientia augetur. Sed de infusâ quoque scientiâ intelligendum esse, tum phrasis Evangelistæ, tum effectus cum suâ causa connexio evincit. Præterea *excipit* vers. 42. profecisse sapientiâ, scilicet opinione hominum, quibus magis aperiebat sapientiam. *Resp.* Contra est. I. Quod profecit sapientia ac statura: hac in corpore, illâ in anima. At staturâ non profecit opinione. Ergo. II. Profecit sapientiâ, & gratiâ apud Deum & homines: nam tria illa dependent ab uno verbo. At apud Deum non profecit opinione, nec apud homines staturâ profecit opinione. Ergo. Absurdum verò non est, Christum in Natura Humana profecisse sapientiâ apud Deum. Nam simili phrasi ait Apostolus *sapientiam mundi stultitiam esse apud Deum* 1. Cor. 3. v. 19.

Quia aliqua
ignoravit.

I I. Qui ignoravit an ficus essent in arbore, ignoravit diem iudicii; in eo fuit ignorantia. Christus secundum Humanam Naturam ignoravit an ficus essent in arbore, *Marc.* 11. v. 13. ignoravit diem iudicii *cap.* 13. v. 32. Ubi non valet *glossa Bellarmini*. Non sciebat ad dicendum aliis, & quia eos nescientes faciebat. Nam ita nec Pater scivit, ut qui aliis etiam non revelavit *Act.* 1. v. 7. Sed aliud indicat Marcus, qui uno verbo huius rei notitiam hominibus, angelis, atque ipsi Filio derogat. Ergo.

Quia aliqua
didicit.

I I I. Qui docetur & discit, qui de rebus non satis cognitis seriò inquirat, & cognitâs admiratur; is non novit omnia, sed scientiâ proficit. Christus secundum Naturam Humanam doctus est à Patre, *Ioh.* 8. v. 28. *prout me docuit Pater, ita loquor*; didicit, *Heb.* 5. v. 8. *Ex iis quæ passus est didicit obedientiam*; seriò inquisivit de sanato dæmoniaco, *Marc.* 9. v. 21. de numero panum, *Marc.* 6. v. 38. de loco sepulturæ Lazari, *Ioh.* 11. v. 34. ita admiratur *μεγαλυνει* centurionis gentilis *Matth.* 8. v. 10. Ergo.

IV. Quæ infirmitatum humanarum exempla in Christo secundum Naturam Humanam nobis poponit Scriptura; ea deneganda de ipso non sunt. Atqui proponit exempla tristitiæ; *Matt. 26. v. 38. Tristis est anima mea usque ad mortem. Marc. 14. v. 33. Cæpit expavescere & gravissimè ang.* Perturbationis; *Ioh. 11. v. 38. Iesus infremuit Spiritu & turbavit se ipsum. Cap. 12. v. 27. Nunc anima mea turbata est.* Correctionis; *Ioh. 12. v. 27. Pater libera me ab hac hora: sed propterea veni in horam hanc. Matt. 26. v. 39. Pater, si possibile, transeat à me poculum istud, veruntamen non ut ego volo, sed ut tu vis. Ergo.*

Quia ejusmodi infirmitatum exempla Scriptura proponit.

Rationes Pontificiorum.

Affirmantes Heterodoxæ.

Ex Natura Subjecti:

I. Cujus anima ab ipsâ creatione sapientia fuit plenissima, in eâ, non fuit ulla ignorantia. Atqui Christi anima &c. testimonio *Esa. 11. v. 2. Ergo. Resp. 1. Major* datur de ignorantia privativâ earum rerum, quas ex officio quis scire debet, atque etiam potest; non autem de ignorantia negativâ simpliciter. *11. Minor* ambigua est; falsa, si ita plena fuisse statuatur scientia infusa, nihil ut postmodum profecerit *Luc. 2. v. 40. 52. Dictum Esaia* non definit tempus unctionis, sed personam tum ungendam, tum ungentem. Allegatio verò ejus in N. Testamento *Luc. 4. v. 18. illud de Christo* adulto, munusque suum jam auspicante exponit: super quo etiam Spiritus Sanctus forma columbæ quievit *Matt. 3. v. 16. Interim* minimè negamus in conceptione quoque suo modo per effusionem donorum Spiritus Sancti unctum fuisse.

Quia anima Christi fuerit ab ipsâ creatione plenissima sapientia.

II. Qui in ipsa conceptione accepit Spiritum sapientiæ sine mensurâ, & in quo omnes thesauri sapientiæ reconditi sunt, in eo ignorantia non est. Christus secundum Naturam Humanam in ipsa conceptione accepit Spiritum sine mensurâ, prout dicitur *Ioh. 3. v. 34. in ipso* reconditi sunt omnes thesauri sapientiæ *Col. 2. v. 3. Ergo. Resp.* Admittitur fallacia à dicto secundum quid. Christus unctus est sine mensurâ supra consortes, tum in ipsa conceptione, tum post ætate crescens, idque pro muneris sui conditione, non verò in conceptione tantum. Contrarium ex testimonio *Iohannis* non elicitur. Locus *Col. 2. v. 3. huc* non facit, ut paulo post ostendatur.

Quia in conceptione Spiritum S. sine mensurâ accepit.

Quia in incarnatione
λόγος sit
factus homo

III. In incarnatione λόγος factus est homo. Ergo statim in Naturam Humanam dona omnia, quorum capax erat, effudit; atque ita in animam sapientiam perfectissimam: *Ratio*; quia alioqui anima Dei aliquando fuisset insipiens. *Resp.* negatur *consequentia*, cum ea ratio non sit gratiarum habitualium, quæ *gratia Eminentia*, ut vocant. Nec tamen sequitur animam aliquando insipientem fuisse; nam insipientia est ab ignorantia privativa, non negativa.

Quia sapientia Christo
fuerit naturalis.

IV. Sapientia sive scientia Christo naturalis fuit, fluens ex intrinseco principio per modum naturæ. Ergo non post incarnationem demum eam accepit. *Resp.* I. Non dicimus in incarnatione simpliciter non fuisse, sed non fuisse secundum omnes partes ac gradus. II. Fuit naturalis Christo secundum Humanam Naturam quatenus in illo jam cum ipsa animâ exsistere cæpit; fluxit quoque ex intrinseco principio non Naturæ Humanæ, sed Naturæ Divinæ τὸ λόγῳ, ei personaliter unitæ.

Quia Christus in incarnatione
cepit esse hæres Dei.

V. Christus homo in incarnatione cæpit esse filius & hæres Dei. Ergo tunc omnibus donis repleti debuit. *Resp.* negando *Consequentiam*. Alioquin etiam debuisset statim subvehî in cælum ubi Dei sedes est, introire in gloriam Patris. Debit sanè repleti omnibus donis ad muneris mediatorii administrationem necessariis, verum suo ordine ac gradu secundum œconomiam voluntatis Divinæ.

Quia tum factus sit caput
Angelorum & hominum.

V I. Christus in incarnatione factus est caput Angelorum & hominum. Ergo statim repleti debuit perfectissimâ scientiâ, ne minus sapiens esset quàm sunt membra. *Resp.* Factus est caput destinatione non re ipsâ sive reali usurpatione. Nam id post resurrectionem factum fuisse testatur Apostolus. *Ephes.* I. vers. 20. 2 I. 22.

Quia Adamus primus fuerit
conditus sapientissimus.

V I I. Adamus primus sapientissimus creatus fuit. Ergo etiam secundus. *Resp.* Conditus etiam fuit corpore perfectissimo & quale est hominis adulti. An ergo & Christus? Non igitur firma consequentia à creatione primi Adami ad conceptionem secundi. Sed concedimus totum rectè intellectum. Adamus primus sapientissimus creatus fuit, non simpliciter; quia & ipse tanquam viator proficere potuit atque etiam debuit, verum absque ignorantia privativa sive insipientiâ. Ita Christus, Adamus secundus

duſ, ſapientiffimus fuit abſque omni defectu vitioſo : ſic tamen ut proficere amplius potuerit, atque etiam profecerit.

Lutheranorum.

An Humane Naturæ Chriſti per unionem perſonalem communicata ſint eſſentiales Dei Proprietatis, Omnipreſentia, Omniſcientia, Omnipotentia, & vis vivificandi? Lutheranī affirmant, *Eckardus fascic. controuv. cap. 6. de communicatione Idiomatum quaſt. 9. & multis ſequentibus.* Nos Negamus.

Quarta: Lutheranorum.
An Humane Naturæ Chriſti communicata ſint eſſentiales Dei proprietates poſſe manere quatuor?

Ex ſtatu quaſtionis prout ipſorum Lutheranorum verbis formatus proponitur liquido apparet, controverſiam eſſe non de *communicatione proprietatum* in concreto, ſed in *abſtracto*; non in perſona, ſed in *natura*. Etenim per unionem perſonalem Naturæ Divinæ & Humanæ, earum proprietates perſonæ verè & realiter communicatas eſſe agnoſcimus & profiteamur. At proprietates Naturæ Divinæ communicatas, id eſt, tributas, impertitas, inditas fuiſſe Naturæ Humanæ per eandem unionem, id vero eſt quod diſſitemur. Proinde novam hanc ſpeciem communicationis idiomatum, quam ipſi *natura ad naturam*, idemque *Majeſtatis* appellare conſueverunt, ut commentitiam & Scripturis ſacris contrariam rejiciamus. De qua tamen *Lutheranis* modernis cum antecelloribus ſuis ac præceptoribus non per omnia convenit. Nam *Brentius* & *Smidlinus*, ille pater, iſte Apoſtolus Ubiquitatis in hac proprietatum eſſentialium communicatione formam unionis perſonalis ſtatuerunt. *Ipsi* contra formam eſſe negant; effectum verò ſive conſequens eſſe affirmant, conſtanterque propugnant. Atque hæc ſententia deinceps nobis examinanda & refutanda eſt.

Status Controversia.

Lutheranorum diſſenſus à ſe invicem.

Rationes
Negantes
Orthodoxæ

Rationes Nostræ in Genere.

Contra Communicationem proprietatum Dei.

Ex naturâ Subjecti:

Quia propri-
etates Dei
essentiales
sunt solius
Dei propriæ.

I. Quod est solius Dei, oppositè ad omnes creaturas, id nul-
li creaturæ est communicabile. Proprietates essentielles Divinæ
sunt solius Dei, oppositè ad omnes creaturas. Ergo nulli creaturæ
sunt communicabiles. *Minoris* veritas confirmatur cum aliis, tum
iis testimoniis, quibus proprietates illæ Deo tribuuntur exclusi-
vè. *Rom. 16. v. 27. Soli sapienti Deo gloria. 1. Tim. 1. v. 17. Regi aeterno,*
incorruptibili, invisibili, soli sapienti Deo honor Cap. 6. v. 15. 19. Ille bea-
tus & solus Princeps, Rex ille regum & Dominus dominorum, qui solus
habet Immortalitatem & c. Iud. v. 25. Soli sapienti Deo servatori nostro
gloria. Matt. 19. v. 17. Nemo bonus est nisi unus, nempe Deus. Esa. 42.
v. 8. Gloriam meam alteri non dabo. Et quemadmodum quum dici-
tur Deus esse solus Deus, Deut. 32. v. 39. Ioh. 17. v. 3. à Deitate exclu-
duntur omnes creaturæ: ita quum dicitur solus Omnipræsens, so-
lus Omniscius, solus Omnipotens, ab omnipræsencia, omniscien-
tiâ, omnipotentiâ similiter excluduntur.

Excipiunt. I. Naturæ Humanæ Christi diversam rationem ef-
se, quàm aliarum creaturarum, ut quarum nulla unam personam
constituat cum λόγῳ. II. Proprietates illas nihilominus esse
solius Dei, cum soli ipsi convenient per naturam, Humanæ Natu-
ræ verò per gratiam tantum. *Resp.* Utraque exceptio principium
petit. Hæc ζήτησις sunt: An Humana Natura Christi propieta-
tibus Dei essentialibus ipsi communicatis distinguatur ab aliis cre-
aturis? An proprietates illæ per gratiam ei communicatæ sint? As-
sumptione in λόγον, excellentiâ donorum, dignitate muneris ab aliis
distinguitur, non communicatione proprietatum Dei. Et cum
quæstio, An sit, necessario præcedat alteram. Quid, vel Quomodo
sit; primò ostendant nobis talem communicationem verè factam
esse, & post de communicationis modo facilè conveniet.

Quia essentia
Dei nequit
communica-
ri creaturæ.

II. Essentia Divina rei creatæ communicari nequit: Ratio;
quia res creata non potest fieri increata, nec natura humana natu-
ra Divina. Proprietates Dei essentielles sunt essentia Divina; utpo-
te à quâ ratione tantū & nostro concipiendi modo differunt. Ergo.

Luthe-

Lutherani negant *Majorem* 1. quia hypostasis τῆ λόγῃ est essentia divina relatè considerata. Ea tamen rei creatæ N. Humanæ communicata est. 11. In regeneratione communicatur nobis Spiritus Sanctus, qui est essentia Divina 2. *Cor.* 13. v. 13. 111. Nisi Deitas sive essentia Divina sese communicasset Naturæ Humanæ, quomodo veræ esse possent propositiones: Verbum caro factum est, Homo est Deus, Deus est Homo. *Resp.* *Major* instantiis illis non infringitur aut læditur; ut quæ nec de unionem, nec de effectus alicujus productione, sed de ipsius essentiæ Divinæ participatione loquitur. Nam 1. Subsistentia τῆ λόγῃ communicata est Humanæ Naturæ assumptione carnis in personam, non transfusione subsistentiæ in carnem. De quo argumento, tanquam palmario ipsorum, infra ex professo. 11. In regeneratione communicatur nobis Spiritus Sanctus subsistens in essentia Divina. At non secundum essentiam, verum secundum gratiam; alioquin qui ex Spiritu, ex Deo gignuntur, *Ioh.* 3. v. 5. 6. *Cap.* 1. v. 13. ex essentia Spiritus & Dei gignerentur, quod ὑποπον, ἀπεόλογον. 111. Veræ sunt propositiones illæ, non propter communicationem proprietatum in abstracto, sed propter unionem personalem duarum naturarum, ex quâ Christus Deus & Homo est in unâ personâ.

III. Aut omnes, aut aliquæ, aut nullæ proprietates Dei Humanæ Naturæ Christi communicatæ sunt. *Non omnes*; nam sic esset spiritualis, simplex, æterna, immortalis. *Non aliquæ*; quia proprietates tum ab essentiâ, tum à se invicem inseparabiles sunt. Ergo nullæ.

Quia nec omnes, nec aliquæ proprietates communicantur.

Lutherani ajunt, & aliquas, & omnes proprietates communicatas esse; eoque non esse verum disjunctum: *Aliquas* quoniam 1. communicatio idiomatum non est physica quædam transfusio, sed libera ἰσοδοκία, Divinæ dispensatio. 11. Attendenda hîc non ratio sed Scriptura, quæ differentiam inter idiomata Divina ostendit, & quorundam communicationem expressè docet. 111. Unio & communicatio facta est propter officium mediatorium; ad quod cum æqualis non sit omnium idiomatum respectus, est etiam in communicatione differentia. 111. Idiomata intra essentiam divinam considerata sunt ἀδιαίρετοι; distincta tamen eorum consideratio doctrina & enunciatione, distinctæ etiam eorum ἐνεργίαι. 111. Ipsorum quoque ingens differentia est, cum alia sint ἐνεργητικά quæ peculiaribus operationibus ad extra se proferunt, quæ-

quædam non. De diversis autem non idem iudicium. vi. Anima corpori vitam communicat, nec tamen immaterialitatem aut immortalitatem; ignis ferro calorem & lucem, nec tamen levitatem. Ergo. *Omnes*; quia Natura Humana per unionem venit in totius hypostaseos divinæ *κοινωνίας*. Ergo etiam in *κοινωνίας* omnium ac singulorum idiomatum. Atque hoc est quod ait Apostolus Col. 2. v. 9. *In Christo habitat tota plenitudo Deitatis corporaliter.* Resp. Disiunctum verissimum est. Habet siquidem tum sufficientem partium enumerationem, tum justam earundem oppositionem; ut in quo opponuntur universalis affirmans & particularis affirmans, universalis affirmans & universalis negans, particularis affirmans & universalis negans. *Lutheranorum* verò Exceptio asserit contradictoria: Non omnes sed aliquas proprietates communicatas esse, & iterum, omnes esse communicatas. Quæ cum simul vera esse non possint, vel prior vel posterior exceptionis pars ex hypothese ipsorum falsa est. Utramque tamen breviter considerabimus. *Prior* sex rationibus confirmatur. *Prima* petit principium, controversum præsupponens pro concessio. Unio naturarum facta est secundum *ἰσχυρίαν* Dei; communicatio etiam gratiarum habitualium hyperphysica Col. 1. v. 19. At communicatio proprietatum essentialium in abstracto quia nulla est, neque per transfusionem, neque per dispensationem facta verè dicitur: nam, nonentis nulla sunt accidentia, nulli modi. *Secunda* eodem vitio laborat. Ostendit sanè scriptura differentiam inter idioma Dei; sed nostri respectu, non in se. Minimè verò ostendit talem differentiam, per quam unum communicari possit absque altero, neque etiam quorundam communicationem Naturæ Humanæ factam esse docet. *Tertia* nititur falsâ hypothese, talem communicationem non minus quàm ipsarum Naturarum unionem propter officium factam esse. Nos negamus. Officium mediatorum requirebat personam *μεσάζοντος* non illam *κοινωνίας*; quæ si fuisset, patiendo, moriendo peragi nequivisset. Quod etiam idiomatum inæqualis sit ad illud respectus quoad nos verum, quoad idioma in se considerata falsum est, teste Apostolo Col. 2. v. 9. *Quarta* nihil ad rem. Nec enim idioma in doctrinâ, aut enunciatione, aut operationibus considerantur, cum Naturæ Humanæ communicata esse dicuntur. *Quinta* idem repetit. *ἰσχυρίαν* dicuntur alia, alia non, respectu effectorum & nostri, non in se; ut inter quæ nulla est talis differe-

differentia, propter summam essentia simplicitatem. *Sexta* impertinens est, tum quia comparantur dissimilia tanquam similia; tum quia vita & sensus in composito, anime rationalis, calor & lux in ferro, ignis effecta sunt, non proprietates. Proinde communicatio hic pro effectione, sensu à quaestione alieno, sumitur. *Posterior* affirmat quidem (quod ex sententia Lutheranorum sequitur necessario) omnes proprietates Dei Naturæ Humanæ communicatas esse; verum ad objectum non respondet, quomodo ergo non sit spiritualis, simplex, æterna, immortalis, quemadmodum esse ajunt omnipræsentem, omnisciam, omnipotentem. Hic Rhodus, hic salus. Apostolus Col. 2. v. 9. nihil hujus, solummodo autem personale Naturæ Humanæ cum tota Deitatis plenitudine unionem docet. De quo loco infra pluribus.

I V. Propria non communicantur subjecto realiter diverso. Proprietates Dei essentielles sunt ejus propria. Ergo subjecto realiter diverso, videlicet Naturæ Humanæ, non communicantur. *Major* probatur: I. Quod tollit naturam proprii non convenit proprio. Communicatio sive communitas tollit naturam proprii: *Ratio*; quia illud facit non proprium, id est, commune. Ergo.

Quia propria
subjecto rea-
liter distincto
communicari
nequeunt.

II. Quorum non est communis essentia, illorum etiam propria communia non sunt: *Ratio*; quia propria ab essentia, ut causa proxima, necessario procedunt, nec eam unquam egrediuntur. Subjectorum realiter diversorum non est communis essentia. Ergo.

III. Quo subjecta realiter diversa distinguuntur, id eis commune non est. Atqui propriis distinguuntur. Ergo.

Concedunt argumentum *Lutherani* de subjectis *ἀσυνδυάσις*, non de *συνδεδυασμένοις*; item de modo communicationis qui fit per *μετέκβαζιν*, non qui fit per *συνδύαζιν*. Ita enim anima proprietates atque operationes suas corpori, ignis ferro propter mutuam *περιχώρησιν* et *συνδύαζιν* communicat, nec tamen vel anima vel ignis proprietatum suarum *ἐκπτώσιν* ullam patitur. Sic *ὑπόστασις τῆς λόγου* Naturæ Humanæ communicata, nihilominus ei propria manet. Tum demum ergo proprium Naturam suam amittit, non si quocunque modo communicetur, sed si è proprio suo subjecto excidit, & in aliud transmovetur. *Resp.* 1. De subjectis *συνδεδυασμένοις*, id est, copulatis sive unitis non minus verum est, siquidem fiat unio salvæ & distinctis manentibus ipsis naturis earumque proprietatibus. II. In modo communicationis

per *κατάβασιν* sive *μετάβασιν*, proprietates non modo non propriæ, sed nec communes quidem manent: Quod enim subjectum suum egreditur, deserit, quomodo manet in eo? Verum *ἀφ' ὧν*, migrationem statuere unius proprii de subjecto in subjectum, utpote quod ab ipso subjecto denominationem accipit. Quod etiam modus communicationis per *συνάφασιν* Lutheranam non tollat proprium, pura puta principii petitio est. **III.** Ad exempla de animâ & igne ante responsum est. Hypostasibus *λόγους* communicatur Naturæ Humanæ, sic ut assumpta in eis subsistat, non autem ut in abstractio subsistentiam habeat, aut subsistens dici possit.

Ex natura *Pradicati*:

Quia Humana N. non est Divina,

I. Quæ natura Divina non est, divinas quoque proprietates non habet. Humana Christi natura non est Divina. Ergo.

Quia proprietatum divinarum Humana N. non est capax,

II. Quarum rerum Humana Christi Natura capax non est, eæ ipsi communicatæ non sunt. Proprietatum Dei essentialium non est capax. Ergo. *Minor* probatur: Creatæ finitæque essentia non est capax essentia increatæ & infinitæ. Humana Christi N. est creatæ finitæque essentia; proprietates Dei essentielles essentia increata & infinita. Ergo.

Lutherani negant *Minorem* datâ *ἐνσάφει*, quod in Natura Humana habitet tota plenitudo Deitatis; quodque proinde illius capax sit. *Resp.* Ab unione personali ad communicationem Lutheranam non valet consequentia. *Habitat corporaliter*, id est, personaliter unita est Naturæ Humanæ tota plenitudo Deitatis; non autem transfundit in eam suas proprietates, neque illa per essentia suæ finitudinem esse potest subjectum earum *ὑπεκτάς*.

Quia tum proprietates contrariæ in idem subjectum cadere,

III. Proprietates contrariæ, impossibiles; in unum idemque subjectum non cadunt. Proprietates Divinæ & Humanæ, ceu esse creatum, & increatum, simplex & compositum, finitum & infinitum, ubique & non ubique &c. sunt proprietates contrariæ, & impossibiles. Ergo in unum idemque subjectum, N. Humanam, non cadunt.

Ex natura *Subiecti* & *Prædicati* simul :

Quia unio facta est salvis naturis & earum proprietatibus.

Quæ unio facta est salvis & distinctis manentibus naturis ipsis, earumque proprietatibus; in eâ facta non est communicatio proprietatum. Unio personalis duarum in Christo naturarum, facta est salvis & distinctis manentibus ipsis naturis, earumque proprietatibus. Ergo. *Majoris* consequentia evidens est. Nam quod communicatur, non servatur, aut salvum est uni; quod commune fit, non manet proprium. *Minor* probatur partim ab Immutabilitate Naturæ Divinæ, partim à conditione Personæ post unionem hoc modo: Quæ Persona distinguitur seu limitatur secundum naturas in eâ unitas ac proprietates earum; in illa unio salvis & distinctis manentibus ipsis naturis, earumque proprietatibus facta est. Persona Christi ita distinguitur seu limitatur, &c. ut patet ex omnibus locis restrictivis. Ergo.

Lutherani Negant *Majorem*. Nam per communicationem, inquiunt, *salva* manent proprietates, ut quæ conveniunt Naturæ Humanæ non in sese, neque ex sese & naturæ suæ proprietate, sed in hypostasi τῆς ὁλῆς, in quam assumpta, & in Dextrâ Dei, ad quam evecta est. Manent etiam *distincta*; quia Divinæ Naturæ *idiæ* & per naturam conveniunt, Humanæ per Gratiâ. *Resp.* Si in sese non conveniunt Naturæ Humanæ: ergo in concreto Personæ conveniunt. Nulla igitur est communicatio in abstracto. Non etiam Humana Natura rectè dicitur omnipræfens, omniscia, omnipotens. Cætera habent apertam principii petitionem; & ex parte supra refutata sunt.

Rationes nostræ in Specie.

H.N. non est omnipræfens

Contra *Omnipræsentiam*.

I. Quod Humanæ Naturæ Christi neque in statu Exinationis, neque in statu Exaltationis communicatum est: id ei non est communicatum. Omnipræsentia neque in statu Exinationis, neque in statu Exaltationis Humanæ Naturæ Christi communicata est. Ergo. *Major* per se patet; quia status Personæ Christi non esse plures tum asseveratione Apostolicâ, *Philipp. 2.* tum Theologorum consensu constat. *Minor* confirmatur per

Quia id illi non convenit vel in exinationis, vel exaltationis statu.

partes. *Non in statu Exinanitionis*; quia jam alicubi fuit, jam non fuit; item de loco in locum se variè transportavit. Testimonia sunt: *Ioh. 6. v. 24. Cum videret turba Iesum illic non esse. Cap. 11. v. 15. Gaudeo me illic non fuisse. Marc. 6. v. 6. Circubabat vicos in orbem. v. 56. Quocunque introisset in vicos, aut urbes, aut agros. Act. 10. v. 38. Iesus obambulavit. &c. Neque etiam in statu Exaltationis*; quia si tum communicata fuit Naturæ Humanæ, communicata aut ambulanti in hac terra, aut supra eam erectæ. *Non primum*, juxta dicta: *Matth. 28. v. 5. 6. Scio vos Iesum crucifixum querere; non est hic: resurrexit enim; adeste videte locum, ubi jacebat Dominus. Luc. 24. v. 39. 40. Videte manus meas & pedes meos, ego ipse sum: contrectate & videte me. Nam spiritus carnem & ossa non habet, sicut conspiciatis me habere. Act. 1. v. 3. Per dies quadraginta conspectus est ab eis. Non secundum. I. quia prædixit se ex hoc mundo migraturum, atque ita non amplius corpore suo fore præsentem. Dicta sunt: *Matth. 26. v. 11. Pauperes semper vobiscum habebitis, me verò non semper habebitis. Ioh. 16. v. 28. Prodi à Patre, & veni in mundum; iterum relinquo mundum, & proficiscor ad Patrem. Iohann. 17. vers. 11. Non amplius sum, id est, paulò post ero in mundo, sed isti sunt in mundo; ego ad te venio. II. quia re verà ex hoc mundo migravit. Luc. 24. v. 51. Factum est dum ipse benediceret eis, ut disjunctus ab eis sursum ferretur in cælum. Sic Act. 1. & alibi. III. quia nunc in cælo degit. Act. 3. v. 21. Quem oportet cæli suscipiant usque ad tempora restitutionis omnium. Hebr. 8. v. 4. Si esset in terrâ, ne sacerdos quidem esset. v. 1. Talem habemus pontificem qui confedit ad dextram throni majestatis in cælis. IV. quia novissimo die è cælo est rediturus. *Matth. 24. v. 30. Videbunt filium hominis venientem in nubibus cæli. 1. Thessal. 4. v. 16. 17. Dominus cum voce Archangeli descendet è cælo. Sic Phil. 3. v. 20. dicimur expectare Christum è cælo: & 2. Cor. 5. v. 7. 8. peregrè ab eo abesse.***

Vindiciæ lo-
corum

Ioh. 11. v. 15.

Exceptiones Lutheranorum.

Iohann. 11. v. 15. loquitur Christus. I. Adhuc constitutus in statu voluntariæ exinanitionis. II. & de præsentia Physicâ locali, pro ratione illius status sibi consuetâ atque ordinatâ. III. non tamen omnimodè abfuisse patet ex *vers. 11. Resp.* Loquitur sanè quoad statum exinanitus, interim quoad Naturam Humanam

nam finitus & circumscriptus. *Modus* quoque *præsentia* localis non arbitrarius sed naturalis fuit; non ad statum illum peculiariter ordinatus, sed ipsi naturæ inseparabiliter proportionatus. *Versu* II. quæ innuitur præsentia personæ est secundum Deitatem, non secundum Humanitatem.

Matth. 28. v. 6. I. Loquitur Angelus ad sensum mulierum *Matth. 28. v. 6.* de hujusmodi præsentia, qualem illæ corpus mortuum in sepulchro quærentes cogitabant. II. & nondum Christus ad dextram Patris exaltatus erat. *Resp.* Angelus loquitur ad rei ipsius veritatem, non ad mulierum sensum. Nam resurrexisse Christum inde probat, quod non amplius esset illic, id est, in sepulchro. Imo loquitur contra illarum sensum, ut quæ persuasæ erant Christum adhuc in sepulchro detineri, cujus contrarium argumento à loco, ejusque oculari inspectione asserit. Præterea, cum Omnipræsentia secundum Lutheranos consequens sit Unionis Personalis, quomodo non fuit omnipræsens etiam ante exaltationem? Si Omnipræsentem fuisse dicant in Exinanitione *actu primo*, in Exaltatione *actu secundo* (qui mos ipsorum,) præterquam quod principium petunt, & periculosè actus cum potentia conjunctos de Deo enunciant, nihil ad rem suam afferunt: Etenim Qui alicubi suo modo præsens est, ejus præsentia non negatur absolute sed restrictè. Angelus autem absolute negat corpus Christi esse in sepulchro, sicut Christus absolute negat de Natura Humana, quod secundum eam fuerit Bethaniæ cum moretetur Lazarus. Ergo.

Matth. 26. v. 11. I. accipiendum *κατά π* de miserâ & egenâ specie, ut à nobis ungatur & beneficiis afficiatur. II. aliud est præsentem esse, aliud præsentem habere. *Resp.* Glossa est contraria textui. Christus ita concludit: Me non semper habebitis præsentem, ut pauperes habituri estis. Ergo nunc mihi præ illis benefacite. Proinde dictum non tantum de miserâ & egenâ specie, verum etiam de corporali præsentia, paulo post desitura, accipiendum est. Distinctio inter præsentem esse & præsentem habere hic non quadrat; quia illa hoc loco prorsus æquipollent. Et cum diverso sunt, alio longe significato sumuntur.

Iohann. 16. vers. 28. I. Reliquit mundum quoad visibilem *Ioh. 16. v. 28.* hujus mundi, & familiarem suorum conversationem, nec non

Quomodo
Christus
mundum re-
liquerit,

servilem conditionem. II. realem vero & substantialem præsentiam inde non everti manifestum evadit; I. Ex opposito, quod est exire à Patre & venire in mundum. Filius autem exiens à Patre cum non reliquit, sed cum illo mansit. Ergo. II. Ex phrasibus, *Luc. 24. v. 44. Ioh. 17. v. 11.* quæ de familiari conversatione ab ipsismet adversariis explicantur. *Resp.* Utroque modo Christus mundum reliquit, tum reali sive substantiali corporis præsentia, tum visibili hujus mundi & familiari suorum conversatione, nec non servili conditione. Et *visibilis* quidem *conversatio* desit, quia substantialis corporis sive Naturæ Humanæ præsentia desuit. *Act. 1. Familiaris* verò *conversatio* etsi cum eâ similiter desuit; jam inde tamen à resurrectione desinere cœpit, ut apparitiones Christi docent, *Ioh. 20. 21. & Lucas cap. 24. v. 44. Servilis* autem *conditio* statim cessavit cum resurrectione, etiam tum cum adhuc visibiliter versaretur in terris. Hoc loco primò & principaliter de *priore* relictione Christus agit: sicut colligere est *partim* ex antithesi terminorum à quo & ad quem: *Relinquo*, inquit, *mundum*, id est, terram, & *proficiscor ad Patrem*, id est, ascendo in cœlum; *partim* ex antithesi adventus & abitus: *Prodii à Patre*, emissus scil. in plenitudine temporis; & *veni in mundum*, factus ibi ex muliere caro, *Ioh. 1. v. 14. Gal. 4. v. 4.* sive manifestatus in carne, *1. Timot. 3. v. 16. iterum relinquo mundum*, quoad carnem scil. *Ioh. 6. v. 62. 63. & proficiscor ad Patrem.* In oppositione *Lutherana* est Elenchus similium. Non sunt loquutiones similes: exire à Patre, relinquere Patrem, (quod tamen hic non legitur) & exire è mundo, relinquere mundum. Nam *prius* metaphoricè dicitur de *λόγῳ*, non minus quàm eum Deus *Genes. 11. v. 7.* aut filius hominis *Iohan. 3. v. 13.* dicitur descendisse è cœlo: *posterius* de Natura Humana propriè, juxta historiæ Euangelicæ declarationem *Marc. 16. Luc. 24. Act. 1.* Dictum *Ioh. 17. v. 11.* seipsum declarat his verbis, *Ego ad te venio.* Antecedentia igitur, *Non sum amplius in mundo*, intelligenda sunt per enallagen præsentis pro futuro, paulo post non ero. Alterum *Luc. 24. v. 44.* de familiari ac ordinariâ Christi cum discipulis præsentia, quæ jam tum definebat, ita loquitur, ut alteram corporalem in terrâ non diu post desituram esse indicet, quin & istius causam statuatur.

Act. 3. v. 21.

Act. 3. v. 21. In expositione hujus dicti. I. pervertitur ordo

do constructionis, & prædicatum transponitur in locum Subj-
cti. II. Vox *ὁυρανός* hic non angelum, basin, aut circumferen-
tiam, sed regnum & gloriam cœlestem significat. III. Voca-
bulum *ἐξουδαι* non intelligendum de locali inclusione contenti
in continentē, sed de regia, potenti & gloriosâ regni Christi
occupatione. *Resp.* I. Ordo constructionis non pervertitur, sed
à transpositione quadam, Petro alibi quoque usitata, 1. *Epist.*
3. v. 21. 2. *Epist.* 1. v. 19. ex scopo & verbis ipsius in ordinem
revocatur. Sic nec transponitur Prædicatum in locum Subj-
cti; sed quod in enunciatione Logicâ subjectum sit, nullo alioquin
articulo hic indigitatum, è Grammaticâ verborum dispositio-
ne cognoscitur. Quamvis si verbum *ἐξουδαι* explicetur cum
Nazianzeno passivè per *ἐξουδαισθαι ὑπὸ τοῦ θεοῦ*, id quod ipsi Sub-
jectum esse volunt, videlicet Christum, manet. II. Vox *ὁυρανός*
Paradisum cœlestem, cœlum tertium, cœlum beatorum, ubi
Christus sedens ad dextram Patris gloriosè regnat, secundum
alia Scripturæ loca & hujus quoque circumstantias significat.
Ergo locum rei locatæ spaciū significat: quomodo & Christus
vocat *Ioh.* 14. vers. 3. III. Verbum *ἐξουδαι* omnino notat loca-
lem inclusionem, non qualis est captivi in carcere, sed qualis
locati in loco; non exclusâ interim regni administratione, quam
è cœlo Christus gloriosè exercet. Etenim tum nativa verbi hujus
significatio, tum sequentia, *Vsq̃ue ad tempora restitutionis omnium*,
expositionem hanc apertè confirmant; pulcherrimeque conve-
nit cum articulo de reditu Christi è cœlo ad judicium.

Hebr. 8. v. 4. *ἐν τῷ θῆ* hic non *in*, sed *de terra* significat; quasi *Heb.* 8. v. 4.
dicat: Christus non est terrenus sive Leviticus Sacerdos. I. quia
alias sacerdos noster non fuisset, adhuc in terra existens. II. ab
æquipollentibus *Ioh.* 17. v. 14. *Cap.* 15. v. 19. *Resp.* Verum qui-
dem est, Christum non esse terrenum sive Leviticum sacerdo-
tem; verum etiam *ἐν τῷ θῆ* idem quandoque esse quod *ἐν τῷ γένει*, ut
constat ex collatione *Coloss.* 3. v. 2. & *Phil.* 3. v. 19. At hic aliud
significatur, Nam 1. *ἐν τῷ θῆ* vers. 4. opponitur alteri, *ἐν τοῖς οὐρα-
νοῖς* vers. 1. At hoc locum notat. Ergo & illud, 11. Idem ex sco-
po colligitur, qui est demonstrare excellentiam sacerdotii Chri-
sti supra Leviticum, quod pro sanctuario, tabernaculo, habet
non terram sed cœlum. 111. Etiam ex consequentibus; Si ad-
huc in terrâ esset, non esset sacerdos. Cur? quia Sacerdotes Le-
viti

Vitici manerent; utpote quorum sacerdotium abrogari nequivit, nisi Christo in Sanctuarium cœleste evector, sacerdotioque suo Plenè fungente. *Ratio* exponitur à fine, v. 5. quia umbræ rerum cœlestium durant ex institutione Dei, usquedum ipsæ exhibeantur. Quæ vero contra objiciunt, jam dicta non attingunt. Nam I. Etsi in terrâ non fuit sacerdos quantum ad *ἱμφανισμὸν* apud Patrem, *Hebr.* 9. v. 24. interpellando pro nobis, *Rom.* 8. v. 34. *Hebr.* 7. v. 25. vigore sacrificii peracti, *Hebr.* 10. v. 12. 14. fuit tamen sacerdos quantum ad *ἱλασμὸν*, I. *Ioh.* 2. vers. 2. sive *ἀποφύλακτον*, *Hebr.* 10. v. 14. II. Equipollentia non sunt *κατὰ χάριν*, *Ioh.* 17. v. 14. *Cap.* 15. v. 19. & *ἐπὶ γῆς*, *Hebr.* 8. v. 4. Nec mundus illis locis terram, sed turbam impiorum designat.

Quia evertit
aliquot fidei
articulos

II. Quæ doctrina fidei articulos de Christo evertit, dubio procul erronea est. Doctrina Lutheranorum de Humanæ Naturæ, sive carnis Christi omnipræsentia, fidei articulos de Christo evertit. Ergo. *Minor* probatur inductione articulorum *Tertii*, *Quarti*, *Quinti*, *Sexti*, *Septimi*; hoc modo: Si corpus Christi omnipræsens est vi unionis personalis; Non potuit *Concipi* vel gestari in utero Mariæ virginis, utpote quod per omnipræsentiam suam aliarum etiam mulierum, adeoque virorum uteris gestabatur: Non *Nasci*; quia jam ante extra uterum omnipræsens erat, & editum in lucem in utero tamen manebat: Non *Pati* Hierosolymis sub Pontio Pilato; quia aliis orbis locis non patiebatur: Non *Mori*; quia anima non potuit separi à corpore localiter: Non *Sepeliri*; quia jam in sepulchro erat: Non *Resurgere*; quia etiam extra sepulchrum degebat: Non *Ascendere in cælum*; quia jam ibi erat: Non *Sedere ad dextram Patris in cælo*; quia extra cælum: Non *Descendere è cælo ad judicium*; utpote etiam ante in terris præsens. Atqui hæc articulos fidei de Christo manifestissimè evertunt. Ergo doctrina Lutheranorum de omnipræsentia carnis Christi, articulos fidei de Christo manifestissimè evertit.

Tertium.

Exceptiones Lutheranorum, negantium ullum fidei articulum per carnis Omnipræsentiam everti. Non *Tertium* de *Incarnatione*: I. quia in statu exinanitionis communicatum sibi Majestatem caro Christi non exseruit, sed localitati aliisque conditionibus hujus seculi se subjecit. II. Aliud est extra uterum Mariæ esse, aliud verò extra uterum Mariæ concipi & gestari. *Resp. Primus*
petit

petit principium. Ostendant nobis illam Majestatis, five Omnipræsentia communicationem, quam volunt non exseruisse. Ostendant etiam, quod sicut Christus se aliis vitæ hujus conditionibus, ita etiam localitati ad tempus voluntariè subjecerit. Omnipræsentem esse, actum notat non potentiam: Omnipræsentia exseri vel inhiberi, dilatari vel coarctari nequit: Localitas etiam ex necessitate Naturæ Humanæ, non ex libertate voluntatis dependet. *Posterius* ridiculum est, & absurdum. Etenim dum caro Christi in utero Mariæ concipiebatur & gestabatur, inibi formabatur & ad maturitatem partui convenientem perducebatur. Erat ergo in fieri, ut loquuntur Scholæ. Extra uterum verò si tum fuit, aut etiam fuit in fieri, aut in factum esse. Si illo modo; concipiebatur, gestabatur etiam extra uterum, ac proinde discrimen illud nullum est. Sin isto; non fuit eadem numero caro in utero & extra uterum; quandoquidem eadem caro utroque statu & conditione simul esse nequit. Non *Quartum* de Morte. I. propter extremum Exinanitionis gradum, in quo tempore mortis caro Christi constituta erat. II. quia duplex unio, animæ & corporis in naturâ humanâ, & Naturæ Humanæ ac Divinæ in Personâ. Ideoque etsi anima à carne naturaliter separata; utraque tamen personaliter cum λόγῳ colligata permanfit. *Resp.* Primum est crambe recocta, aliquoties jam à nobis rejecta. Alterum nodum non attingit, multo minus solvit: Nec enim quæritur, An Natura Humana per mortem separata fuerit à λόγῳ; sed, An Natura Humana, Omnipræsens secundum Lutheranos, mori potuerit, id est, anima separari à corpore? Nos negamus stante illâ hypothesi. Nam, quorum utrumque ubique, omnipræsens est; illorum unum ab altero separari nequit. At secundum Lutheranos tum anima, tum caro Christi est ubique, omnipræsens; quia tota Humana Natura est omnipræsens. Ergo. Non *Quintum* de Ascensione; quia per eam familiaris tantum convictus & terrena conversatio, nequam realis & invisibilis præsentia sublata est, quam nobis confirmat. 1. solennis Christi promissio, 11. ascensionem immediatè subsequuta ad omnipræsentem Dei Patris dextram confessio. *Resp.* Imo per ascensionem tam realis corporis in terra præsentia, quam familiaris conversatio sublata est. Nam ascendit in cælum terræ oppositum *Psal.* 115. vers. 16. *Esa.* 66. v. 1. *Matth.* 5.

Matth. 5. v. 34. 35. Ergo terram corpore suo reliquit: prout se mundum relinquere ait *Iohan. 16. v. 28.* Et ascensionis historia non à convictus aut conversationis intermissione, verum à corporis è terra in cælum, ex loco inferiore in superiore translatione nobis describitur *Marc. 16. Luc. 24. Actor. 1. capp.* Invisibilem corporis præsentiam visibili successuram, nec Christus promisit, nec sessio ejus ad dexteram Patris confirmat, prout suo loco dicitur. Non *Sextum* de *Sessione*; quia dextra Dei, ad quam Christus confedit, totam rerum universitatem, id est, mundum tum superiorem tum inferiorem comprehendit. Ergo per hanc homo Christus ab hoc mundo inferiore non excluditur. *Resp.* negando *consequentiam*. Nam docet Scriptura Christum non ubique, in mundo inferiore & superiore simul, verum in cælis, *Ephes. 1. v. 20. Hebr. 8. v. 1, in excelsis, Hebr. 1. v. 3.* sedere ad dexteram Dei. Præterea per sessionem hanc in cælis non excluditur à mundo inferiore Homo Christus, sed Humana hominis Christi natura. Non *Septimum* de *Reditu*; quia visibilis reditus invisibilis præsentia promissionem non evertit, *Resp.* At promissio talis nulla est, sed gratia, virtutis, secundum Naturam Divinam Omnipræsentem exserendæ. Ergo etiam invisibilis corporis præsentia nulla.

Sextum.

Septimum.

Quia corpus Christi retinet in unione corporis humani naturam.

III. Corpus Christi aut retinet in ipsa Uuione corporis humani naturam, aut non. *Si non*; nec amplius erit corpus humanum, neque Unio sine omni naturarum mutatione aut confusione facta dicitur. *Sin retinet*; nullo modo potest esse omnipræsens. *Probat*ur, I. Quod circumscriptum est suis dimensionibus, longitudine, latitudine, & profunditate; id non potest esse omnipræsens. Opponuntur siquidem dimensum & immensum. Atqui corpus Christi his dimensionibus est circumscriptum *Luc. 2. v. 52. Iesus proficiebat statura. Cap. 24. v. 39. Spiritus carnem & ossa non habet, sicut conspiciatis me habere.* Ergo. II. Quicquid partes habet extra partes, id locale est, non omnipræsens. Corpus Christi habet partes extra partes. *Luc. 24. v. 39. Videte manus meas & pedes meos. Iohann. 20. v. 27. Infer digitum tuum huc, & vide manus meas, & profer manum tuam, & immitte in latus meum.* Ergo. III. Quod per se visibile ac palpabile est, id non est omnipræsens. Corpus Christi per se visibile ac palpabile est: *Luc. 24. v. 39. Contrectate me, & videte, nam ego ipse sum. 1. Ioh. 1. v. 1.*

Quod

Quod vidimus oculis nostris, quod spectavimus, & manus nostra contrahunt. Ergo.

Exceptiones Lutheranorum.

Primo: Dantur argumenta de corporibus merè Physicis, & qua Physica sunt, ac potestate Physicâ aliquid habent. Corpus Christi autem non est corpus merè Physicum, sed in Persona τῆς λόγῃ super naturæ leges exaltatum, & multis prærogativis hyperphysicis donatum; non nudi hominis sed Dei corpus, qui est Dominus naturæ. &c. *Deinde:* Omnipræsens non est Physicè potestate Physica naturali, & modo naturæ cognito, sed modo hyperphysico & inscrutabili. Alioquin si talia argumenta procederent, quidni ita argumentariliceret? Nullum corpus Physicum, quantum, & dimensum potest intrare clausis foribus, penetrare conclave aut sepulchrum obseratum, ambulare super aquas, concipi sine virili semine, jejunare quadraginta dies, sedere ad dextram Dei & fieri invisibile. At corpus Christi est corpus Physicum, quantum, & dimensum. Ergo. *Resp.* Multum loquentiæ, sapientiæ nihil in tam vanis principii petitionibus. I. Corpus Christi est merè Physicum ratione materiæ, formæ & proprietatum. Habet verò & hyperphysica multa, respectu unionis personalis cum λόγῳ: sed illa naturam corporis Physici non mutant, nec proprietates ejus abolent. Unio non tollit naturam unitorum. II. *Omnipræsens* non est modo sive Physico sive hyperphysico, quia simpliciter non est omnipræsens. Modus ergo frustra objicitur, ubi res non agnoscitur. III. Instantia peccat fallaciâ triplici, plurium interrogationum, petitionis principii, & ambiguitatis. *Illâ:* quia diversissima sunt, quæ in Majore conjunguntur; & alia verè negantur de omni corpore Physico, alia falso. *Verè,* ingressus per fores clausas, sepulchri obserati penetratio, & invisibilitas sensu Lutherano accepta; ut quæ nulli corpori conveniunt. *Falsò,* conceptus sine virili semine, ambulatio super aquas, jejunium quadraginta dierum, sessio ad dextram Dei; quæ alicui conveniunt. *Istâ:* quia tacitè per deductionem ad absurdum tanquam διδόμενον præsupponit, quod in quæstione est, Christum nimirum corpore suo per fores clausas, per sepulchrum obseratum, sine ulla utriusque cessio-

ne penetrasse: corpore quoque invisibilem factum esse. *Hæc* denique: quia attributa illa conceptus, ambulationis, jejunii, sessionis considerantur vel ut attributa ordinaria & communia; & rectè negantur de omni corpore Physico: vel ut attributa extraordinaria & singularia; & rectè affirmantur de aliquo corpore Physico.

Secundò: Localitas non est proprium corporis quarto modo. Ergo ex illius affirmatione non inferenda negatio Omnipræsentiae in corpore Christi. Probatur *Antecedens*: Proprium quarto modo est, quod omni, soli, & semper convenit. At Localitas non convenit omni corpori, quia non convenit cælo, quod loco non circumscribitur: nec corpori Christi, quod existens in λόγῳ existit in non loco. Ergo. *Resp.* Minor probatio falsa est. Nam cælum supremum, etsi non est in loco eo modo, quo alia ei subiecta, quæ corpore extrinsecus ambiente circumscribuntur: est tamen in loco, quatenus certum spacium locale occupat, & est locus, quatenus aliis locatis spacium præbet, sicut disertè vocatur à Christo *Ioh.* 14. v. 3. Sic & corpus Christi in loco est, non quatenus existit in λόγῳ, qui loci rationem non habet; sed quatenus olim terræ aut maris, nunc verò cæli certam aliquam partem tenet, quantitati corporis respondentem.

Tertiò: Corpus Christi sæpe factum est ἀφανεν, ἀόρατον etiam in statu Exinanitionis *Marc.* 16. v. 12. *Luc.* 24. v. 31. *Cap.* 4. v. 30. *Ioh.* 8. v. 59. Ergo visibilitas separabilis est à corpore, & omnipræsentiam non impedit. *Resp.* negatur *Consequentia* ob fallaciam à dicto secundum quid. Factum est tale non per separationem visibilitatis à corpore, sed partim per miraculosam evasione[m] sive subductionem, quemadmodum etiam Elias suis, *1. Reg.* 18. v. 12. *2. Reg.* 2. v. 16. & Philippus Eunuchò subductus fuit, *Actor.* 8 v. 39. partim per retentionem oculorum ne agnoscere-tur, ut docet Lucas, *cap.* 24. v. 16. quâ retentione opus non fuisset, siquidem Christus formam à nativâ diversam suscepisset. Ita nec Syri Elifæum aut Samariam, *2. Reg.* 6. v. 18. 19. nec Sodomitæ domum Lothi, *Genes.* 19. agnoverunt; non quod aliquid illorum factum esset invisibile, sed quod oculi ipsorum scotomate percussi ea non cernerent.

Contra Omniscientiam.

H. N. non est
omniscia.

I. In quem cadit ignorantia, inquisitio, cognitio, admiratio rerum; is omniscius non est. Atqui in Christum cecidit secundum Naturam Humanam, ut contra Pontificios ostendimus. Ergo.

Quia in eam
cadit igno-
rantia.

I I. Quæ scientia certis gradibus præfecta perfectaque fuit; ea non est omniscientia per unionem personalem communicata, Scientia Christi secundum Naturam Humanam certis gradibus præfecta perfectaque fuit, ut ostendimus. Ergo.

Quia scientia
ejus paulatim
aucta est.

I I I. Quod destruit intellectus humani naturam, non est tribuendum Christo secundum Humanam Naturam. Omniscientia Dei Humanæ Naturæ Christi indita atque infusa destruit intellectus humani naturam in Christo. Ergo. Probatur *Minor*.

Quia Omni-
scientia de-
struit naturam
intellectus
humani.

I. Finitum non est capax infiniti citra sui destructionem. Intellectus humanus finitus est, Omniscientia Dei infinita. Ergo.

II. Quod tollit discursum intellectus humani ab uno ad aliud, à noto ad ignotum; id ejus naturam destruit. Omniscientia tollit discursum intellectus humani &c. qui enim Omniscius est scientia Dei, ei omnia æque nota sunt, nihil is cognoscit successive &c. Ergo.

Exciunt hic Lutherani præter ea quæ cum Pontificiis communia habent; Si causa omniscientiæ semper est in actu, scientia quoque ipsa, maxime in statu Exaltationis, semper in actu sit oportet: & si illa successionis intervalla non admittit, hæc quoque distinctis & successivis actibus obnoxia non erit. *Resp.* Quæ verò causa omniscientiæ? Communicatio, inquiunt, & revelatio τῆς λόγῃς. At revelatio illa non est proprietas Dei essentialis. Ergo etiam scientia Christo secundum Humanam Naturam communicata non est proprietas Dei essentialis. Iterum: Si causa omniscientiæ semper est causa in actu, non potest esse causa illa assumptio carnis in λόγῳ; ut quæ semel tantum facta est, & ex quo facta semper manet. Item. Si causa omniscientiæ semper est & fuit in actu; ipsa quoque omniscientia semper fuit in actu. Ergo non minus in statu Exinanitionis quàm exaltationis, tam actu secundo in illo, quàm in hoc. Vbi igitur manet distinctio proprietatum respectu duplicis status? *Alium* de successionis intervallis, ex iis quæ dicta sunt corrui. Nullum effectum Dei, propriè dictum, est ipsi æqua-

le. Scientia Christi secundum Humanam Naturam est effectum Dei revelantis. Ergo ipsi Deo, quoad simplicem & indivisum sciendum, æqualis non est. *Item*: Quæ causa successivè & per intervalla operatur; ejus effectum successivis actibus obnoxium est. At revelatio Dei, quæ est opus ad Extra, Humanæ Christi Naturæ facta causa est, quæ ejus scientiam successivè & per intervalla operata fuit *Matth. 3. v. 16. collat. cum Esa. 11. v. 2. Luc. 2. v. 40. 52. Apoc. 5. & 6. capp.* Ergo.

H. N. non est
Omnipotens.

Contra Omnipotentiam:

Quia Christus
secundum
eam alium
potentior
agnoscit.

I. Qui alium agnoscit se potentior, is omnipotens non est. Christus secundum Humanam Naturam alium agnoscit se potentior. Ergo. Probatur *Minor*. I. quia petiit sustentari se in passione, patrique multis modis se commendavit *Psal. 16. & 22. Ioh. 12. & 17. Matth. 26. Luc. 23. Heb. 5. v. 7.* II. Quia miracula editurus invocavit Patrem *Ioh. 11. v. 41.* & alibi, quem etiam dixit se majorem esse. III. Quia humillimè semper agnovit, agnoscitque se sustentari à *λόγω*, nec per se subsistere posse. Ergo eo ipso agnovit, agnoscitque se non esse omnipotentem.

Exciunt. Fecit illa Christus non *ἀπλῶς*, ex necessitate aut indigentia, quod propriæ auxiliandi facultatis inops esset; sed *κατ' οἰκονομίαν*, certo quodam respectu, quod nimirum missus à Patre in mundum exinanivisset se in forma servi, sub schemate servili potentiam suam occultaret, & ad instar aliorum hominum se gereret. *Resp.* Fecit illa Christus non *ἀπλῶς* quoad utramque naturam, verum quoad alteram, Humanam: Nam secundum illam simpliciter eguit auxilio, sustentatione Dei; pro conservatione sui oravit &c. Secundum Naturam Divinam verò, idem Christus propter exinanitionem occultavit potentiam suam & gloriam; quievit ut caro assumpta mori posset, idque *κατ' οἰκονομίαν* consilii divini. Qua de re locus est insignis *Phil. 2. cap.* Admittitur etiam ignoratio Elenchi. Nam argumentum nostrum, de Humanâ Natura Christi *abstractivè*, Exceptio adversariorum de Christo *concretivè* loquitur.

Quia in eam
cadit potentia
passiva.

I I. In quem cadit potentia passiva; in eum cadere nequit omnipotentia Dei. In Humanam Christi Naturam cadit potentia passiva. Ergo. Vtriusque propositionis veritas evidens est; *Major;*

joris; quia Omnipotentia Dei summam arguit perfect'onem, ac proinde omnem imperfectionem, siue patiendi aliquid aut recipiendi facultatem, cuiusmodi est potentia passiva, excludit. *Minoris*; quia Humana Natura Christi creatura est; multis infirmitatibus subiecta, multa passa fuit, dotes quoque innumeras Vnionis beneficio accepit. Quæ omnia certissima potentia passivæ indicia & argumenta. Brevius sic: Qui Omnipotens, idem impassibilis est & immortalis. Humana Christi Natura post unionem non fuit impassibilis & immortalis. Ergo.

Lutherani ajunt esse impassibilem, immortalem, si potentiam illam infinitam exserat atque usurpet. Quod quo minus fecerit Christus tempore passionis & mortis, in causa erat status exinanitionis & finis missionis. *Resp.* Imo qui Omnipotens est Omnipotentia Dei simpliciter est impassibilis & immortalis: opponuntur enim Omnipotens, & passibilitate, mortalitate impotens. Divina quidem Natura infinitam potentiam non exseruit, ut caro mori posset, sicque Mediator finem missionis sui assequeretur; non autem Natura Humana, ut quæ eam potentiam nunquam habuit.

I I I. Si Omnipotentia Dei Humanæ Naturæ Christi communicata est; aut ipsissima Dei, aut alia ab ea diversa communicata est. Si *alia*; duæ erunt Omnipotentia, duo Omnipotētes. Sin *ipsa Dei*. 1. Natura Hæst principium formale operationum divinarum: *Ratio*; quia Omnipotentia Dei est illatum principium. Consequens absurdum. Ergo. 11. Est etiam Deus: Quisquis enim eadem potentia operatur qua Pater, Deus est, ex doctrina Christi *Ioh. 5.* Humana Natura Christi non est Deus. Ergo.

Quia nec Dei.
nec alia o-
mnipotentia:
ei est com-
municata.

Exceptio. Effet Deus, scilicet si Omnipotens esset ex se, & naturæ suæ proprietate essentiali. *Resp.* Reditur ergo ad petitionem principii, quod Deitas Christi Omnipotens sit ex se & proprietate naturæ, Humanitas verò per gratiam Vnionis. Nos contra asserimus Deum esse quicumque verè & propriè Omnipotens est, siue talis ex se esse dicatur, siue aliunde. *Etenim* Nullus in Scriptura Omnipotens vocatur, nisi solus Deus: quisquis igitur Omnipotens est secundum Scripturam, Deus est secundum Scripturam. Omnipotentia est ipsa Dei essentia: ut ergo qui essentia divinâ præditus est, Deus est; ita etiam qui Omnipotentia. Et, an non passim apud Prophetas Deus ab iis, qui naturâ non sunt Dii, se hoc argumento.

mento distinguit, quod Omnipotentia suâ creavit, sustentat universa? *Postremo*: In Novo T. ubi persona Christi secundum naturas in ea unitas distinguitur, Omnipotentia N. Divinæ oppositè ad Humanam tribuitur: *Rom. I. v. 4. Declaratus filius Dei ἐν δυνάμει, in potentia*, id est, Omnipotentia secundum spiritum sanctificationis. *1. Pet. 3. v. 18. Mortificatus carne, vivificatus autem Spiritu*, id est, virtute Omnipotentis Deitatis suæ.

H. N. non habet vim Vivificandi.

Contra Vim Vivificandi live *Vitam Dei*, quâ statuitur Natura Christi Humana prædita esse, coque etiam nos efficaci divinâ virtute vivificare.

Quia non est Deus.

I. Quisquis vitam, sive illam vivificandi vim in se ipso habet, Deus est. Humana Christi Natura non est Deus. Ergo. Probat: *Major.* **I.** testimonio Christi *Ioh. 5. v. 26. Sicut Pater habet vitam in se ipso, sic dedit & Filio habere vitam in se ipso.* item *v. 21. Sicut Pater vivificat, ita & Filius quos vult vivificat*: ubi habere vitam in se ipso, vivificare, est Deum esse per se viventem & vivificantem. **II.** ratione: Vita Dei est ipsa viva & actuosa ejus essentia. Ergo cui illa communicatur, eidem communicatur essentia Dei sive ipsa Deitas.

Quia est effectum Dei illa vita.

I I. Nullum Dei effectum est ejus proprietas. Vita supernaturalis, per quam vivifica sit Humana Christi Natura, est effectum Dei. Ergo. *Minor* confirmatur: **I.** Quæ natura vivificatur à Deitate, ejus vita Deitatis vivificantis effectum est. Humana Christi Natura vivificatur à Deitate, tanquam à principio interno sibi personaliter unito: *ratio*; quia illa est *fons vitæ Psal. 36. v. 10.* ex quo quicquid est vitæ & virtutis vivificæ, naturalis aut supernaturalis, in creaturas manat. Item; *Spiritus est id quod vivificat Ioh. 6. v. 63.* quod analogicè etiam ad Deitatem Christi, quæ *sanctificationis Spiritus* dicitur *Rom. I. v. 4.* humanam naturam personaliter sibi unitam vivificantem, referri potest. Ergo. **II.** *A Simili*: Vita quâ vivit corpus, vitæ animæ effectum est, non vero ipsa animæ vita. Ergo vita qua vivit Humana Christi Natura, effectum est Deitatis, non autem vita ipsius Deitatis. *Consequentia* valet etiam ex hypothese Lutheranorum, qui Deitatem cum animâ, Humanitatem cum corpore eo usque comparant.

III. Si

I I I. Si Natura Humana vitam illam & vivificandi vim in se habet, aut mortua est revera, aut non. *Si non;* historia passionis, mortis ad *δόξαν* Marcioniticam trahitur. *Si mortua;* aut extincta una cum Natura Humana vita illa, aut ante mortis tempus ab eâ fuit separata. Non *Primum;* quia ut Deus semper vivit, nunquam moritur vel exstinguitur; ita nec vita illa, qua vivit, exstinguitur. Non *secundum;* quia soluta non fuit unio personalis duarum Naturarum, per quam eam Naturæ Humanæ communicatam fuisse ajunt. Concludimus ergo Naturam Humanam vitam illam & vivificandi vim nunquam in se habuisse.

Quia presente illâ vitâ mori nequisset.

Exceptiones Lutheranorum.

Primò: Vita Christi naturalis per mortem extincta est, non supernaturalis & hyperphysica, quæ ab unione personali dependet. *Resp.* Sic ergo Natura Humana Christi (de qua agitur, non de Christo absolute) mortua fuit, quoad vitam naturalem, non mortua quoad vitam supernaturalem, hyperphysicam, composito ex anima & corpore communem. Corpus in cruce pendens, in sepulchro jacens, mortuum propter vitæ naturalis privationem, vivum nihilominus propter vitæ supernaturalis communicationem; atque ita simul mortuum & non mortuum, vivum & non vivum. Quas contradictiones sibi habeant.

Secundò: In morte facta est actus secundi vitæ hujus libera & voluntaria abdicatio. *Resp.* Atqui vita Dei est viva & actiosa Dei essentia; purus actus, non potentia actui permixta. *Λόγος* quidem inhibuit potentiam suam & vim divinam effective, ut caro mori posset: juxta dictum *Irenæi*, at non etiam Natura Humana, ut quæ talem potentiam nunquam habuit.

Rationes Lutheranorum in Genere.

Pro Communicatione Proprietatum Dei.

Affirmantes Hæretici.

I. Cui communicatur hypostasis divina & infinita, eidem idiomata etiam divina & dona infinita communicantur. Humanæ Christi Naturæ communicatur hypostasis divina & infinita. Ergo. *Assumptio* probatur: Humana Christi Natura aut est *ἀνθρώπινος* aut *ἱερουργήσας*, hoc est, subsistit hypostasi vel propria

Quia Humanæ Naturæ communicata fuerit hypostasis divina.

priâ, vel à λόγῳ communicatâ. Non propria; sic enim persona assumisset personam. Ergo. *Resp.* Si communicatio accipitur pro Unione, ut sensus sit: Qui unitur λόγῳ in hypostasi Divinâ & infinita, ei uniuntur etiam idomata Divina, datur totum. Secus Minor falsa est. Etenim non aliter λόγος communicavit carni suam hypostasim, quam accepit sive assumpsit carnem in suam hypostasim. Atqui accepit sive assumpsit carnem in suam hypostasim, uniendo eam sibi in hypostasi. Ergo sic quoque hypostasim ei communicavit, Proinde caro Christi est ἐτερουπόσματος vel potius ἐνυπόσματος; quia personalitate humanâ carens, assumpta est in hypostasim τοῦ λόγου, & in ea subsistit. Cæterum cum argumentum hoc adversarii semper ferè jactabundi in ore habeant, & velut clypeum Ajacis Homericus ubique objectent, est nobis differendum de eo paulò fufius. Phrasis, *communicare hypostasim*, non Scripturæ est, sed Scholasticorum ac Patrum quorundam. Nam Scriptura aliis verborum formulis mysterium Unionis declarat; ut quum ait: λόγος factum esse carnem. *Ioh. 1. v. 14. factum ex muliere, Gal. 4. v. 4. factū participem carnis & sanguinis, Heb. 2. v. 14. accepisse formam servi, Phil. 2. v. 7. assumpsisse semen Abrahae, Heb. 2. v. 16.* Est etiâ vox *communicationis* significatu ambigua, sensu generalis. *Ambigua;* quia usu communis accipitur vel pro effectione rei diversæ, vel pro reali traditione rei ejusdem quæ subjectis diversis fit, ex quâ communis ejus possessio sive participatio est. Usu *singulari* verò Theologorum accipitur pro Unione personali duarum in Christo naturarum. *Generalis;* quia cum varii sint communicationis modi, communicatio peculiaris termino quoque peculiari & specifico explicanda est, qualem in hoc mysterio nobis suggerit Scriptura, dum modum unionis per λαβὼν τὸ σῶμα φῶς, *Phil. 2. v. 7.* per ἐπίληψιν πνεύματος Αβραάμ, *Heb. 2. v. 16.* declarat. Igitur pro triplici verbi *communicandi* significatu, triplex esse potest phræsis sensus; nimirum quod λόγος carni communicarit hypostasim vel efficiendo in eâ aliam numero hypostasim, vel suam hypostasim in carnem transfundendo, vel carnem in hypostasi sibi uniendo. *Primo modo* phrasis est ἐτεροδόξα & Nestoriana. Nam si effecit λόγος aliam numero hypostasim in carne, duæ sunt hypostases, duæ personæ, una increata altera creata; atque ita non unus Mediator, non unus Dominus, non unus Christus, *1. Tim. 2. v. 5. Eph. 4. v. 4. 1. Cor. 8. v. 5. 6. Gal. 3. v. 16.* *Secundo modo* similiter hæretica est: *partim* propter dualitatem personarum; quia caro

Communicare hypostasim quid

Vocis *Communicationis* ambiguitas.

Triplici modo dicitur communicari hypostasis.

caro non minus persona esset quàm λόγος: *partim* propter ὑποστάσιως
 five personalitatis τῆς λόγου conditionem. Etenim personalitas ejus
 est æterna ejus generatio à Patre, per quam habet τὸ εἶναι personale,
 & distinctam à Patre & Spiritu Sancto subsistentiam. Proprietates
 personales sunt simpliciter incommunicabiles, non modò rebus
 creatis, sed ipsis etiam personis Deitatis. Ergo hypostasim five per-
 sonalitatem τῆς λόγου carni communicatam dicere, est incommuni-
 cabile absolutè facere communicabile; est carnem ab æterno geni-
 tam, ex Patre per divinæ essentia communicationem genitam pro-
 nunciare. *Tertio modo* phrasis est Orthodoxa, sed generalis, decla-
 randa per phraleologiam specialiore Schripturæ, quod λόγος
 communicavit suam hypostasim carni, accipiendo five assumendo
 eam in hypostaseos suæ unitatem, ut ita caro ejus sit non hyposta-
 sis, sed ἐνυπάρχων; non seperatim existens, sed in λόγῳ existens, tan-
 quam instrumentum ei personaliter conjunctum ad peragendum
 opus redemptionis nostræ. Hinc autem *pro* communicatione idio-
 matum in abstracto nihil concluditur. Nam ita λόγος communica-
 vit carni Idiomata, ut communicavit hypostasim. Atqui istam com-
 municavit uniendo. Ergo & illa communicavit uniendo. *Contra*
 communicationem idiomatum verò sic concluditur: Si commu-
 nicata est carni hypostasis Divina, ut communicata esse ajunt idi-
 omata divina; sequitur quod sicut propter communicationem idi-
 omatum secundum ipsos rectè dicitur, caro est Omnipræsens, Om-
 niscia, Omnipotens; caro habet Omnipræsentiam, Omniscientiam,
 Omnipotentiam: ita propter communicationem hypostaseos
 rectè dicatur, caro est hypostasis, caro habet hypostasim five per-
 sonalitatem. Consequens falsum est. Ergo & Antecedens. *Præterea*
 illud quoque inde conficitur quod communicatio Idiomatum non
 sit effectum Unionis personalis, prout tamen sentire videri volunt.
 Etenim Forma Unionis non potest esse ejus effectum; quia nihil
 potest se ipso esse prius & posterius. Communicatio Idiomatum,
 stante illa sententia de communicatione hypostaseos, est forma
 Unionis Personalis. Ergo. Probatur *Minor*: Si hypostasis τῆς λόγου
 nihil est aliud, quàm essentia divina cum peculiari subsistendi mo-
 do, quo in communitate sua restringitur, & ab aliis personis incō-
 municabiliter distinguitur; necessario sequitur, quod communica-
 tio subsistentiæ Divinæ sit communicatio proprietatum divinarum
 sic modificatarum: & cujus forma est communicatio subsistentiæ,

Orthodoxus
 sensus.

eiusdem forma sit communicatio proprietatum modificatarum per subsistentiam: Verum Antecedens; ipsorummet etiam confessione. Ergo.

Quia Humane
Naturæ Deita-
tis plenitudo
sit communi-
cata.

Col. 2 v. 9. ex-
plicatur.

Habitare cor-
poraliter
quid.

Communica-
re realiter
quid.

Quia gloria
H. Naturæ sit
eadem cum
eâ quam ante
creationem
Christus ha-
buit.

II. Cui se communicavit tota Deitatis plenitudo; ille non accepit gratiam duntaxat particularem & finitam, sed universam & infinitam. Humanæ Christi Naturæ sese communicavit tota Deitatis plenitudo, *Coloss. 2. v. 9. & in eo habitat omnis plenitudo Deitatis corporaliter*. Ergò. *Resp. Minor.* falsa est. Nam Apostolus non ait in Naturâ Humanâ, sed in Christo habitare totam Deitatis plenitudinem, ut qui personam ejus nobis describit, & ab aliis distinguit. Phrasis itaque metaphorica ad propriam revocata hunc sensum habet: Christus est verus Deus & verus homo. Deinde si maximè ita loqueretur de Natura Humana, tanquam templo Deitatis, *Ioh. 2. v. 19.* aliud tamen est *habitare* sensu Apostolico, aliud *communicare* sensu Lutherano. *Habitare corporaliter* Apostolo significat, totam Deitatis plenitudinem unitam esse Naturæ Humanæ, non umbraticè, effectivè, & separabiliter, ut in typis Veteris Testamenti, prophetis, sacerdotibus &c. verum *personaliter*; quemadmodum corpus umbræ opponitur, v. 17. & Veteres *ὁμοῦ καὶ ὁμοῦ* sive personam *ὁμοῦ καὶ ὁμοῦ* dixerunt, propter veram & substantialem naturæ singularis existentiam. *Communicare autem realiter* Lutheranis significat, dare, indere Humanitati totam Deitatis plenitudinem. Quod ipsum planè diversum est à priori; nec in personali, sed in ea unione fit, ubi per conversionem aut commixtionem partes coeunt in unum. Alioquin & anima rationalis totam essentiam suam plenitudinem communicaret corpori in quo personaliter habitat. Sed vertamus dictum Apostolicum in ipsos ejus depravatores: Cui tota Deitatis plenitudo communicata est, ei ipsa Deitas, ipsa essentia Divina communicata est. Humanæ Naturæ Christi tota Deitatis plenitudo communicata est. Ergo & ipsa Deitas, & per consequens Humana Natura est ipsa Deitas, ipsa Divina essentia. *Item:* Cui omnis Deitatis plenitudo communicata est; ei æternitas, simplicitas, immutabilitas, immortalitas quoque communicatæ sunt. *Ratio*; quia plenitudine illa citra controversiam continentur. Humanæ Naturæ Christi communicata est, &c. Ergo.

III. Gloria quam habuit Christus apud Patrem, priusquam mundus hic fieret, est gloria divina, æterna, increata & infinita. Gloria

Gloria quâ Christus secundum Humanam Naturam glorificatus est in tempore, est eadem illa gloria quam habuit &c. *Ioh. 17. v. 5.* Ergò. *Resp.* Minor falsa est. Nam eâ gloriâ glorificatus est non secundum Naturam Humanam, verùm Divinam. Secundum Naturam Humanam autem glorificatus est gloriâ creatâ ; præordinatâ quidem ante conditum mundum, at in tempore per resurrectionem, ascensionem, sessionem ad dextram Patris ei collatâ. Est igitur duplex Christi glorificatio, & duplex gloria. Utramque in peccatione suâ conjungit. Quod si gloriam illam beneficio unionis jam inde ab utro obtinuisset in Natura Humana, nihil certè causæ fuisset, ut mortem adiens eam peteret à Patre. Sed *instant* : Natura Divina non potest glorificari, ut quæ semper æquè gloriosa est. Ergo nec petiit ejus glorificationem. *Resp.* Non potest glorificari accessione, potest verò manifestatione gloriæ in forma servi ad tempus occultatæ *Phil. 2. v. 5. 6. & seqq.* Quomodo & Pater filium, *Ioh. 12. v. 28. & Filius seipsum, Ioh. 2. v. 11.* item Filius Patrem, *cap. 17. v. 4. 6.* & nos Patrem glorificare dicimur *Matth. 5. v. 16.*

Rationes Lutheranorum in Specie.

Naturam Humanam esse
Omnipresentem.

Pro Omnipresentia.

I. Si caro Christi ita λόγῳ unita est, ut totus λόγῳ in illa habitet, & caro in infinita & indivisa ejus hypostasi subsistat, ac inter λόγον & carnem nullum χώρισμα aut ἀφίστημα intercedat; necessario sequitur, ut ubicunq; est λόγῳ, ibi præsentem sibi habeat carnem. Verum Primum. Ergo & Secundum. *Resp.* Consequens ambiguum est. Si hoc sensu capitur, quod λόγῳ ubique sibi habeat carnem personaliter unitam, datur totum. Sin alio, quod quibus locis præsens est λόγῳ, iisdem locis etiam caro sit præsens, ad cavendum sc. χώρισμα aut ἀφίστημα, negatur consequentia. Ratio evidens est; quia ad illud cavendum satis est, quod caro alicubi simul est cum λόγῳ, & quod λόγῳ per essentiae suæ infinitatem & simplicitatem nunquam deserit carnem, aut discedit ab eâ. Alii sic proponunt: Quodcunque in eo toto est, quod totum ubique est; illud etiam ubique sit necessum est. Humana Natura est in toto λόγῳ, qui ubique est. Ergo. *Resp.* Iterum negatur sequela. Valet de eo

Quia totus
λόγῳ in eâ
habitet

quod est in toto Omnipræsente per exæquationem; siue de tali unione, quæ est rerum pariter infinitarum: non autem ubi natura finita unitur infinitæ, retentia sua finitudine. Et si caro, quia subsistit in Omnipræsente, est omnipræsens; quidni æterna, simplex, immortalis sit, cum in tali non minus subsistat? *Item*: Extra quod, is qui ubique est, nullibi est; id ubique sit necesse est. At λόγος, qui ubique est, extra carnem nullibi est. Ergo. *Resp.* Est fallacia quatuor terminorum ex ambiguitate præpositionis. *Extra.* Nam in *Majore* negativè notat inclusionem, in *Minore* separationem. Est ergo λόγος & non extra carnem; quia non est separatus à carne: & extra carnem; quia non est inclusus carni. Verum *Lutherani* probant, λόγον simpliciter non esse extra carnem, vel si sit, non manere ei personaliter unitum. *Prims* ostendunt his argumentis: I. Si λόγος est extra carnem; aut totus, aut ex parte. *Non ex parte*; quia ὅλος. *Nec totus*; quia solveretur unio, per quam totus habitat in carne, *Coloss.* 2. v. 9. Ergo. *Resp.* negatur membrum *posterius assumti*; quod totus non sit extra carnem. Nec tamen solvitur Unio; quia qui totus est in carne, etsi non inclusus carni, totus etiam est extra carnem, sed non separatus ab ea; idque propter essentialitatem suam infinitatem & simplicitatem. II. Si λόγος alicubi est extra Humanitatem, alicubi non erit Homo. At λόγος nuspiam non est homo. Ergo. *Resp.* limitando *Majorum*: Non erit homo alicubi, si alicubi ab humanitate sua separetur. At nuspiam separatur. III. Si λόγος aliquibus in locis est extra carnem; habebimus duplicem λόγον, ἑνσαρκον & ἄσαρκον: sunt enim contraria in carne esse & extra carnem esse, 2. *Cor.* 12. v. 3. At non habemus nisi unum λόγον semper & ubique ἑνσαρκον. Ergo. *Resp.* Recurrit eadem fallacia. Esset duplex λόγος: si alicubi separatus esset à carne. Id verò constanter negamus. In *Probatione* est Elenchus Parium: Non enim si paulus finitus esse simul nequevit in carne & extra carnem, etiam λόγος Infinitus esse nequit: Alioquin nec simul esse posset in cælo & in terrâ, quia Paulus utrobique simul esse nequit. Sed produnt hic πρώτων ψόλοι suum, quod perpetuò comparant finitum & infinitum, compositum & simplex, creaturam & creatorem, tanquam paria, quæ maxime sunt disparia. IV. Quod semper & ubique in carne σωματικῶς habitat, illud extra carnem nunquam & nuspiam est. λόγος semper & ubique in carne

ne *σωματικῶς* habitat. Ergo. *Resp.* Per limitationem *Majoris*. Quod semper & ubique in carne *σωματικῶς* habitat, id est, ei personaliter unitum est; illud non est extra carnem, sive separat-um à carne. Ita *Major* vera est, & conceditur totum. Aliter si accipiatur prædicatum *Majoris*, ut sensus sit: illud est inclusum carni, seu non patet latius quam caro, negatur *Consequentia* ob rationem ante dictam. *Posterius* adstruunt ex loco Apostoli *Col.* 2. v. 9. totidem argumentis: I. Qui versatur extra *δαίμον*; ille quatenus versatur extra, non habitat *ἐν δαίμονι* λόγῳ quatenus in hâc terrâ versatur secundum Calvinistas, versatur extra *δαίμον* suum. Ergo. *Resp.* *Minor*. non universaliter de omnibus in habitantibus, sed de iis tantum loquitur, qui sunt finitæ & divi- sibilis essentia. II. *Minor* falsa est, quod secundum nos λόγῳ ita versetur extra *δαίμον* suum, Humanam Naturam, ut non maneat ei personaliter unitus. Contrarium *Cathechesis* nostra apertis & rotundis verbis testatur. III. Qui extra κατοικίαν suam agit, ille non actu κατοικεῖ. Λόγῳ in hâc terrâ extra κατοικίαν suam agit. Ergo. *Resp.* Datur *Major*. de eo qui agit separatus; non autem qui agit unitus, etsi non inclusus. IIII. Ubicunque λόγῳ ex- tra carnem est, ibi non est *πάντῃ πᾶσι* λόγῳ in carne. λόγῳ in hâc terrâ extra carnem. Ergo. *Responsio* eadem est cum priore. IV. Ubicunque λόγῳ tantum est *θεικῶς*, ibi non est *σωματικῶς*. At λόγῳ in terra tantum est *θεικῶς*. Ergo ibi non est *σωματικῶς*. Porro: ubi λόγῳ non est *σωματικῶς*, ibi cessat unio; quia cessat *συνάτωσις*: Uniri enim & *συνάτωσις*, ἢ *συνάτωσις* κατοικεῖν, æqui- pollent. In terra λόγῳ non est *σωματικῶς*. Ergo in terra cessat unio. *Resp.* In *Major* est Elenchus oppositorum. *θεικῶς* & *σω- ματικῶς* non opponitur respectu unius ejusdemque, sed respectu diverforum. Proinde falsa est *Major*: ubicunque λόγῳ tantum est *θεικῶς*, scil. Præsens aliis per essentiam aut gratiam; ibi non est *σωματικῶς*, scil. inhabitans carnem suam tanquam templum. Sin autem oppositio fiat ad idem, conceditur totum; quia in quo λόγῳ tantum habitu *θεικῶς*, per essentiam aut gratiam, in eo non habitat *σωματικῶς* per unionem personalem. Atqui ita in terrâ in nullo habitat *σωματικῶς*; quia nulli in terra existenti *σω- ματικῶς* est unitus. Ex his *Porisma Lutheranorum* suapte sponte cor- ruit: Ubi λόγῳ non est *σωματικῶς*, scil. habitans in carne sua, ibi cessat unio scil. cum carne. *Hoc sensu* vera est propositio. Nam

Explicatio &
Vindicatio
dicti Col. 2. v. 9

Adver-

adverbium illud verbo κατοικῆν junctum, *Coloss.* 2. v. 9. peculiarem inhabitationis in Christo modum designat. *Altero sensu*, quem poscit illatio: Ubi λόγος non est σωματικῶς, aliis scil. inibi existenti unitus; ibi cessat unio; aperte inconsequens & falsa est.

Quia Ecclesiæ
suz ubi-
que præsen-
tiam suam
promiserit, &
præstet.

II. Qui singulis fidelium cœtibus ubicunque congregatis præsentiam suam promisit; verè & præsentissimè Ecclesiæ suæ in terris congregatæ adest. Christus Homo singulis fidelium cœtibus ubicunque congregatis præsentiam suam promisit. Ergo. *Minorem* probant verbis promissionis, *Matth.* 18. v. 20. *Cap.* 28. v. 20. ubi pronomen *Ego*, significare ajunt personam secundum utramque naturam; I. quia Christus homo visus est ambulare in medio Ecclesiarum. *Apoc.* 1. v. 13. *Cap.* 2. v. 1. astitit Paulo in castris confirmans eum, *Actor.* 23. v. 11. atque ita complevit promissionem. II. quia secundum utramque naturam in Ecclesiâ operatur; per operationem autem præsentia declaratur *Marc.* 16. v. 20. III. quia præsentia in Ecclesia est apotelesma officii utrique naturæ communis. IV. quia nulla est causâ, quæ in dulcissima hac promissione Naturam Humanam à Divina nos cogat separare. V. quia totus Christus in terris præsens est. VI. quia secundum utramque naturam est caput Ecclesiæ in terrâ militantis, à quâ tanquam à corpore suo, citra vitæ, quam ex ipso haurit, jacturam abesse nequit. *Resp.* In *Minore* non sunt termini æquipollentes; Christus homo, & Christus secundum Humanam Naturam. Nam *prior* dividit personam, *Posterior* limitat eam secundum alteram naturam. Quod si & *prior* sensu non distributivo, sed limitativo sumatur, fit tamen illud κατωχρησικῶς. Verùm *Minor*, prout à Lutheranis de carnis sive Humanæ Naturæ præsentia declaratur, falsissima est. Nuspiam talem præsentiam pollicetur Christus, quin contra testatur eam nobis non expedire, *Ioh.* 16. v. 7. Loca *Matth.* 18. & 28. agunt de præsentia non corporis, verùm gratiæ & spiritus. Quippe solatur presbyteros, Apostolos, eorumque successores adversus molestias vocationis; argumento gratiosæ præsentia, quam etiam ipsis veraciter præstitit, Marco teste *cap.* 16. v. 20. Sanè præsentia gratiæ Christi præsentiam personæ ejus præsupponit: verum secundum eam naturam cujus propria est omnipræsentia. Proinde pronomen *Ego*, quod personam notat, ad Naturam Divinam

vinam omnipræsentem restringimus: planè sicut restringendum est ad eandem naturam in dicto Christi; *Antequam Abraham esset, Ego sum Ioh. 1. v. 58.* Ubi non valet effugium sermonem esse de Personâ Christi simplice, *deus dixit*, qualis ante incarnationem erat. Nam is designatur pronomine *Ego*, qui differabat cum Judæis Christus incarnatus differabat cum Judæis. Ergo. *Præterea*: Ostendit dicto illo non hominem tantum, prout opinabantur Judæi, sed & Deum esse. Ergo de Personâ suâ loquitur, prout erat post incarnationem. *Denique*: Is notatur pronomine illo, cujus diem videre gestivit Abraham. Christi incarnati, tanquam seminis sibi promissi, diem videre gestivit Abraham *Luc. 10. vers. 24.* Ergo. Nunc *Rationes* adversariorum ordine inspiciamus: I. *Apoc. 1. v. 13. Cap. 2. v. 1.* vidit Johannes Filium hominis ambulante inter septem candelabra, non visione oculari in terrâ, sed visione mentali, sive in Spiritu, *cap. 1. v. 10.* id est in ecstasi, *Act. 10. v. 10.* quomodo & Paulus sibi adstantem conspexit *Act. 23. v. 11.* II. Operatur Christus secundum utramque naturam, dona conferens in Ecclesiam, sed ita ut virtus omnipotens procedat à Naturâ Divinâ omnipræsentem. Ad quas operationes satis est personam esse omnipræsentem, licet non secundum utramque naturam. III. Præsentia gratiæ est apolesma officii, non fictitia præsentia corporis: quæ si esset, certè ab unione non esset. IV. In promissione non separamus Naturam Humanam à Divinâ, sed naturas distinguimus in Personâ: à qua promissionis complementum est. V. Totus Christus in terris præsens est, sed non absolute secundum utramque naturam, verum limitatè secundum alteram, Divinam. VI. Etsi caput, Christus videlicet, corpore abest ab Ecclesiâ in terris militante, tamen non abest simpliciter, quia ei ut corpori mystico, vinculo spiritus conjunctissimum manet.

III. Qui ascendit longè supra omnes cœlos, & implet omnia; ille transcendit omnem locum, est omnipræsens, nupiam excluditur. Christus homo longè ascendit supra omnes cœlos, implet omnia, teste Apostolo *Ephes. 4. vers. 10.* Ergo. Atque hoc dictum, non de Deitate, sed Humanitate accipiendum esse contextus ostendit; *Ascendit, ut impleret omnia.* Quid enim absurdius quam dicere quod Humanitas ascenderit, ut Deitati impletio omnium impetraretur? quasi verò Humanitas Dei-

Quia omnia implet.

Eph 4. v. 10.
vindicaretur.

tati aliquid consequatur, aut Deitas non ante omnia impleverit; *Resp.* Aut est fallacia quatuor terminorum, aut si verba *ascendit & implet* eodem modo sumuntur in Majore & Minore juxta mentem Apostoli, Major simpliciter, Minor secundum quid falsa est. *Major*; quia *ascendere supra omnes cælos*, non est transcendere omnem locum, sed ascendere supra omnes cælos aspectabiles, & in cælum supremum ut locum supremum, *Joh. 14. v. 3.* transferri. Nam ita dicitur *ascendisse supra omnes cælos*, *Eph. 4. v. 10.* ut nihilominus esse dicatur in cælo *cap. 1. v. 20.* Sic, *implere omnia* non est corpore omnipræsente loca omni replere, sed membra omnia Ecclesiæ implere donis Spiritus Sancti. Etenim implere illud, *vers. 8.* *antecedente* vocat dona dare hominibus; in sequentibus verò modum ejus declarat per donationem Apostolorum, Prophetarum, Pastorum &c. ad ædificationem corporis Christi *v. 11. 12. 13.* *Minor*; quia secundum solam Naturam Humanam ascendit quidem in cælum; at secundum eam solam non implet omnia donis: Nam impletio est apotelesma officii utrique naturæ communis. Absurdum necit adversarius ex suo cerebro, non ex nostrâ doctrinâ. Non dicimus Humanitatem ascendisse, ut Deitati aliquid impetraret, sed ut cum Deitate suâ, quamvis modo diverso, exaltatâ & glorificatâ daret dona hominibus, effuso cœlitus in eos Spiritu Sancto. Quod si Humanitas ascendit ut corpore impleret omnia, quomodo inde à conceptu per unionem personalem dicitur fuisse omnipræsens?

Quia sedeat
ad totam Dei
dextram.

I V. Quod ad totam Dei dextram sedet; cum eâ ubivis præsto est. Humanitas Christi ad totam Dei dextram sedet; quia dextra Dei non est in partes dividua. Ergo. *Resp.* I. negatur consequentia *Majoris* universaliter sumtæ, idque duplici de causâ. *Prima* est; quia sessio ad dextram Dei est dignitas officii, quod Christus cœlitus exercet, gloriosè dominando in medio inimicorum suorum: Apostolo *1. Cor. 15. v. 25.* ita verba illa ex *Psal. 110. v. 1.* interpretante. Ubiquitas autem est essentialis Dei proprietatis, ipsa Dei essentia Omnipræsens. *Altera* est, quod docet Scriptura, Christum non ubique, sed in cœlis sedere ad dextram Dei, *Ephes. 1. v. 20. Hebr. 8. v. 1.* atque hujus rei gratia etiam in cælum ascendisse. Ubi certè phrasis illa (*in cœlis*), determinatio loci, non gloriæ cœlestis significatio est propriè; siquidem Chri-

Christus *locum*, *Iohann.* 14.v. 3. *ubi*, *cap.* 17.v.14. vocat; promittit Spiritum ex alto, *Luc.* 24.v. 49. & gloria ipsa præcedente Sessionis vocabulo significanter exprimitur. II. *Minor* sensu Lutherano falsa est, nimirum solam humanitatem, sive Christum secundum solam Humanam Naturam sedere ad dextram Dei; cum tamen personæ sit secundum utramque naturam, tanquam officium Mediatoris exaltati, in gubernatione & defensione Ecclesiæ occupatum. Quod qui negat non modo innumeris Scripturæ locis *Psal.* 110. *Luc.* 22. 1.*Cor.* 15. &c. contradicit; verum etiam Deitatem Christi à muneris mediatorii administratione cum Pontificiis in totum excludit: quandoquidem hoc Christi statu munus illud extra Sessionem ad dextram nullum est.

Naturam Humanam esse Omniscientem.

Pro Omniscientia.

I. Qui unctus est Spiritu sapientiæ & scientiæ ultra confortes, non ad mensuram, ita ut ex ejus plenitudine omnes participemus; ille præditus est scientia infinita. Christus secundum Naturam Humanam ita unctus est *Esa.* 11.v.2. *Psal.* 45.v. 8. *Iohan.* 3.v. 34. *Cap.* 1.v. 16. Ergo. *Resp.* negatur consequentia *Majoris*; quia Spiritus sapientiæ & scientiæ est donum sapientiæ & scientiæ à Spiritu Sancto effectum. Quod donum esse nequit infinita & essentialis scientia Dei. *Præterea* non dat Deus Spiritum Christo ad mensuram; quia sine numero & gradu dona Spiritus ipsi largitur: ita quidem ut quæ in aliis disjuncta sunt, in ipso reperiantur conjuncta; quæ in aliis imperfecta, in ipso sint perfectissima; alii quoque ex redundante ipsius plenitudine dona sua accipiant. Propterea tamen dona illa creata esse non desinunt; dicunturque *non ad mensuram data*, non absolute, quasi simpliciter immensa sint, ut simpliciter immensa est sapientia, scientia Dei; verum comparatè quoad nos, & omnia Christi membra, quæ ex ejus tanquam capitis sui plenitudine accipiunt gratiam pro gratia; quam comparisonem Scriptura *Iohann.* 3. vers. 34. implicite; *Psal.* 45. vers. 8. *Hebr.* 1. vers. 9. explicitè proponit.

Quia Spiritu Sancto unctus sit abundantissime.

I I. In quo reconditi sunt omnes Thesauri sapientiæ; ille universali, plenâ, & perfectâ præditus est scientia. In Christi hu-

manitate
Quia in eâ reconditi sunt omnes thesauri sapientiæ.

manitate reconditi sunt omnis Thesauri sapientiæ *Coloss. 2. v. 3.*
 Ergo. *Resp. I.* ad *Maiores*: Aliud est universalis, plena, & perfecta sapientia, aliud omniscientia essentialis Dei. Potest & talis sapientia esse sapientia creata. *I. I.* In *Minore* duplex Phrascos fallacia admittitur. *Vna*, quod illud *In quo*, exponitur de humanitate Christi, cum tamen vel de mysterio Evangelii, vel de Christo concretivè ex mente Apostoli accipiendum sit. *Altera*, quia thesauri sapientiæ & cognitionis non significant omniscientiam Humanæ Naturæ Christi communicatam, sed salutarem Dei Patris cognitionem in Christo, quâ sapientes redimur ad salutem.

Quia fit
*καρδιογνώ-
 ςης*, iudex
 mundi.

III. Qui est *καρδιογνώςης*, & iudex futurus totius mundi; is præditus est omniscientia essentiali Dei. Christus secundum Humanam Naturam est *καρδιογνώςης*, *Iohann. 2. v. 24. 25. Marc. 2. v. 8. Matth. 9. v. 2.* &c. est Iudex futurus totius mundi; quia dedit ipsi Pater auctoritatem iudicium exercendi, quatenus Filius hominis est *Ioh. 5. v. 27.* Ergo. *Resp. I.* In Subjecto *Majoris* non eadem ratio *καρδιογνώςης*, & Iudicii, ad omniscientiam. Illa immediate eam arguit, non hoc. *II.* *Minor* partim vera partim falsa est. *Vera*, quod Christus secundum Naturam Humanam sit futurus iudex. *Falsa* *I.* quod secundum Naturam Humanam sit *καρδιογνώςης* verè scil. & propriè, ut Deus. Nam *Marc. 2. v. 8.* ad Deitatem ejus id apertè refertur, quæ revelavit Naturæ Humanæ, quoties arcana cordium cognovit. *II.* quod Christus secundum solam Naturam Humanam sit futurus iudex totius mundi. Nam Iudicium Universale est Apotelesma officii secundum utramque naturam, non secundum alteram tantum. Distinctæ ergo operationes utriusque naturæ ad illud concurrunt; Divinæ per omniscientiam & omnipotentiam, Humanæ per reditum ad iudicium, & actus iudicii visibiles *Matt. 25.* descriptos. *Iohann. 5. v. 27.* particula *ὅτι* aut limitativa est, aut causalis. Si limitativa, significans *quatenus*, docet Christum non tantum quatenus Deus, sed etiam quatenus homo, iudicii exercendi auctoritatem accepisse à Patre, ut ex sententiarum cohærentia, vers. 26. 27. colligitur. Sin causalis, *quia* significans, causam ostendit collatæ Filio hujus auctoritatis; nimirum quod existens in formâ Dei se exinanivit acceptâ formâ servi, factus filius hominis, prout illud *Phil. 2. v. 6. 7. 8. 9.* Apostolus declarat.

Ioh. 5. v. 27.
 explicatur.

IV. Qui

IV. Qui adoratur, omniscius est. Humanitas Christi adoratur in persona ejus. Ergo. *Resp.* I. ad *Majorem*: Qui adoratur adoratione religiosâ, per se scil. & suâ naturâ, is est omniscius; simpliciter vera non est. II. ad *Minorem*. Adoratio Personæ est non Humanitatis. Scriptura docet Christum esse adorandum, nusquam dicit Humanitatem sive carnem ejus esse adorandam, quam tamen ab orationis objecto non excludimus, quia Dei caro est, τῷ λόγῳ personaliter unita.

Pro Omnipotentia.

Humanam
Naturam esse
Omnipotentem.
Quia ipsi data sit omnis potestas.

I. Cui data est omnis potestas in cœlo & in terrâ, ei data est Omnipotentia Divina & infinita. Christo secundum Humanam Naturam data est omnis potestas in cœlo & in terra: quemadmodum ipse positetur *Matth.* 28. v. 18. Ergo. Utramque propositionem probant: *Majorem*; quia ἡ ἐξουσία ἐστὶν θύναμις, ut quæ per θύναμιν, καὶ ἐστὶν &c. explicatur, *Apoc.* 5. vers. 12. 13. & tum istic tum alibi, *Luc.* 4. v. 36. *Cap.* 9. v. 1. vocabula illa promiscuè usurpantur. πᾶσι ἡ ἐξουσία verò est πᾶσι θύναμις, omnipotentia Divina & infinita; quod constat. I. Ex additâ notatione, in cœlo & in terra, *Matth.* 28. vers. 18. quæ potestatis infinitatem notat *Psal.* 135. v. 6. II. ex epithetis Scripturæ, quod sit potestas æterna, *Dan.* 7. v. 14. absque fine *Luc.* 1. v. 33. III. ex objectis; quia est potestas omnis carnis, *Iohann.* 17. v. 2. omnis populi, tribus, & linguæ, *Dan.* 7. omnis creaturæ, *Apoc.* 5. terminorum terræ, *Psal.* 2. omnium operum Dei, *Psal.* 8. inimicorum etiam, Diaboli, mortis & inferni *Psal.* 110. & *1. Corinth.* 15. IV. ex descriptionibus, quod sit dominatio in medio inimicorum, subjectio rerum omnium sub pedes, exaltatio supra omnem principatum &c. V. ex effectis, quæ sunt mundatio à peccatis, vivificatio, resuscitatio &c. *Minorem*. I. quia data ei naturæ, cui aliquid dari potest, quæ eam ante non habuit: II. quia data dicitur filio hominis, *Dan.* 7. v. 14. agno occiso *Apoc.* 5. vers. 12. *Resp.* Argumentum hoc non concludit quæstionem. Quæritur an Omnipotentia Dei communicata sit Naturæ Humanæ à λόγῳ in unione personali? Argumentum ostendit non quid Humanæ Naturæ à λόγῳ, sed quid Christo à Deo Patre datum sit: non in unione, sed post resurrectionem. Etenim Pater

dedit filio potestatem in omnem carnem, *Iohann. 17. v. 2.* potestatem iudicium exercendi, *cap. 5. v. 27.* & filius omnia sibi à Patre tradita esse fatetur *Matth. 11. v. 27.* Sic potestas illa, saltem quoad Naturam Humanam, data est Christo non in unione, sed demum post resurrectionem, ut *Philip. 2. v. 7. 8. 9.* Apostolus docet. Quia tamen adversarii multum in eo præsidii positum putant, breviter utramque ejus propositionem, cum annexis rationibus considerabimus. *Major*, quæ ex loco *Matth. 28.* extrahitur, falsa est: Nam ut *ἐξουσία* non est *δύναμις*, ita nec *πᾶσα ἐξουσία* est *πᾶσα δύναμις*, hoc est, ut ipsi interpretantur, Divina & infinita potentia, sive omnipotentia essentialis Dei. *Ratio* in promptu est; quia *ἐξουσία* est rei alicujus faciendæ jus, potestas, auctoritas; *δύναμις* illius faciendæ facultas & potentia, quæ duo non modo distincta sunt, verum quandoque ita disjuncta, ut qui *ἐξουσίαν* habet; careat *δύναμει*, & contra. *Ἐξουσία* igitur non est *δύναμις* absolutè. Neque etiam hoc loco esse potest. I. quia est auctoritas mandandi & judicandi. Si enim infert Christus: *Data est mihi πᾶσα ἐξουσία*: *Euntes ergo &c.* hoc est, mando igitur vobis ut Euangelium, ante non prædicatum, nunc prædicetis omnibus gentibus. *Data est mihi πᾶσα ἐξουσία*, quisquis igitur crediderit &c. id est, Ergo salutem credentibus Euangelio, damnationem incredulis adjudicabo *Marc. 16. vers. 16.* At mandandi, judicandi auctoritas est illa agendi jus atque potestas. II. quia locis similibus de potestate, auctoritate citra controversiam accipitur, cujusmodi sunt *Ioh. 17. v. 2. Cap. 5. v. 27. Matth. 7. v. 29. Marc. 1. v. 27. Objiciunt* contra alia loca *Apoc. 5. v. 12. 13. Luc. 4. v. 36. cap. 9. v. 1.* Sed primo ne vox quidem *ἐξουσίας* reperitur, verum Agno, id est, Christo exaltato laus virtutis, divitiarum, sapientiæ, fortitudinis &c. tribuitur. *Secundo & tertio* reperitur quidem juncta voci *δυναμεις*: ad non ad ostendendam earum synonymiam, verum ad significandum in Christo & Apostolis tum jus & auctoritatem edendorum miraculorum, tum etiam virtutem ac potentiam fuisse. Diversa igitur sunt. Præter hanc est & alia causa inconsequentia in *Majore*. *πᾶσα ἐξουσία* est apotelesma personale mediatoris, *Act. 2. v. 36. 1. Cor. 15. vers. 25. πᾶσα δύναμις* sive omnipotentia proprietas essentialis Dei. Illa potestati superioris Dei subordinata est, *1. Cor. 15. v. 27.* qui Jesum fecit Dominum & Christum *Act. 2. v. 36. Cap. 5. v. 31. Hoc nullius poten-*

ἐξουσία & δύναμις
quid differant.

Mat. 28. v. 18.
vinducatur.

potentiæ subordinatur. *Illa* finem habitura est, cum tradet Christus regnum Patri, 1. *Cor.* 15. v. 24. ut is solus sine Mediatore sit omnia in omnibus v. 28. *Hæc* ut principii sic finis omnis expers est; Quia duplici responsione *Major* infirmata corrui, *rationibus* adjunctis haud quicquam eam suffulcientibus. Nam *Prima, Tertia & Quarta*, quæ ab objecto hujus potestatis ducuntur, petunt principium, ita concludentes: Christo Mediatori data est omnis potestas tum in Angelos cœli, tum in homines terræ. Ergo data ei omnipotentia essentialis Dei. *Secunda* fallaciam habet à dicto secundum quid. Est potestas æterna & sine fine; quia duratura est usque ad consummationem sæculi, antequam non erit ejus finis. At post erit finis, quum tradet regnum Patri, ut Apostolus loquitur 1. *Cor.* 15. v. 24. De *Quinta* mox dicetur ad controversiam sequentem. Succedit *Minor*, quæ cum exclusivè intelligatur ab adversariis de sola Humanitate, similiter falsa est. Nam Pronomen *Mihi*, non in abstracto Naturam Humanam, sed in concreto Personam designat. Et quia potestas illa officii regii pars est, vel etiam ipsum officium regium, tam verè Christo secundum utramque naturam convenit, quàm vere rex noster est secundum utramque naturam. Deitati quidem nihil dari potest ratione essentialis, at potest ratione officii, ut illud de voluntate Patris suspiciat atque exsequatur. Habuit jam ante omnem potestatem: sed ut gloriam Deitatis occultatam in forma servi glorificata à Patre recepit, *Ioh.* 17. ita & potestatem restitutam quasi recepit. Filius hominis etiam dicitur qui de cœlo descendit, *Ioh.* 3. v. 13. & agnus occisus tollens peccata mundi *Iohann.* 1. v. 29. Deus sanguine suo acquirens Ecclesiam, *Actor.* 20. v. 28. Dominus gloriæ crucifixus, 1. *Cor.* 2. vers. 8. appellatur. Unde patet utrumque Personæ non alterius naturæ nomen esse.

II. Ratio ducitur à totâ Deitatis plenitudine, quæ in Christo habitat. Et III. à Sessione ad dextram Dei Patris Omnipotentis. De quibus cum ante sat dictum, hic illorum repetitione meritò superfedemus.

Naturam
Humanam
habere vim
vivificandi.

Pro Virtute Vivificandi.

Quia λόγος
omnia vivifi-
canti perso-
naliter unita
sit &c.

I. Si caro Christi τὸς λόγος omnia vivificanti personaliter unita est, & hic se ipsum totum carni assumptæ communicavit, ut in vitæ & salutis nostræ negocio perficiendo eam sibi haberet cooperatricem; non potest assumptæ carni facultas vivificandi deesse. Verum prius. Ergo & posterius. *Resp.* Si Consequens intelligitur de virtute vivificandi omnipotente, sive de vita Dei; ut intelligi necesse est ad concludendam quæstionem, negatur *consequentia*. Ratio est; quia caro unita est λόγος omnia vivificantis, salvâ naturâ suâ & proprietatibus; λόγος etiam se totum carni communicavit, non per transfusionem proprietatum suarum in carnem, sed per unionem cum carne in suâ persona; & quidem hoc fine, ut in vitæ & salutis nostræ negocio perficiendo eam sibi haberet cooperatricem: verum operante carne quæ Humanitatis sunt, & λόγος quæ Deitatis, conjunctim quidem propter apotelesmata *πανδραμῶν*, attamen distinctè.

Quia nos ci-
bet & potat
de vitam æ-
ternam.

I I. Quicquid nos cibet & potat ad Vitam Æternam, illud verè & *ἐνεργητικῶς* est vivificum. Caro Christi nos cibet, & sanguis ejus potat ad Vitam Æternam *Iohan. 6. v. 56. 57. & seqq.* Ergo. *Resp.* Duplex admittitur fallacia. *Ignorationis Elenchi* & *dicto secundum quid*; quarum utraque nascitur ex divisione componendorum. *Illa*; quia non quæritur, An caro Christi sit vivifica, id enim ipsi docemus, confirmamus ex v. 51. ubi danda dicitur pro mundi vita; sed, An vivifica sit per communicatam sibi vitam Dei in unionem personali, quam deinceps in vivificatione nostri omnipotenter exferat? *Ista*; quia caro nos cibet, sanguis nos potat non simpliciter, sed quatenus manducatur, bibitur, hoc est, fide percipitur, ut multoties ibidem inculcatur. Unde sic concludimus: Quicquid nos cibet & potat ad Vitam Æternam, illud verè & *ἐνεργητικῶς* est vivificum. Caro Christi data pro mundi vita & fide manducata nos cibet, sanguis ejus effusus in Remissionem peccatorum fide perceptus nos potat ad Vitam Æternam. Ergo sic verè & *ἐνεργητικῶς* vivifica sunt. Sed quid hoc pro Lutheranis?

Quia sanguis
Christi emun-
det ab omni
peccato.

I I I. Quod emundat ab omni peccato, purgat conscientias ab operibus mortuis, quis acquisita est Ecclesia; id prædictum

tum est virtute vivificandi. Sanguis Christi emundat ab omni peccato, 1. *Joh.* 1. v. 7. purgat conscientias ab operibus mortuis, *Heb.* 9. v. 14. & est id quo acquisita est Ecclesia *Act.* 20. v. 28. Ergo. *Resp.* 1. ad *Majorem*: quod emundat, purgat virtute vivificâ Dei; illud præditum est eâ virtute. Quod emundat purgat merito suo & applicatione fidei; id illis modis vivificum censetur. 11. ad *Minorem* Sanguis Christi mundat purgat, an virtute vivificâ Dei, carni in unione communicatâ; Minimè verò sed facit illud *partim* merito; quia effusus est in remissionem peccatorum, id est, ad eam nobis acquirendam, *Matt.* 26. v. 28. *partim* sui applicatione per fidem, quâ corda purgantur *Act.* 15. v. 9. *Præterea* & hoc tenendum est, locutiones illas esse synecdochicas, quibus apotelesmata personæ secundum utramque naturam, tribuuntur sanguini per synecdochen partis. Quam tamen loca ipsa manifestè indignant & declarant. Nam 1. *Joh.* 1. v. 7. dicitur sanguis filii Dei. *Heb.* 9. v. 14. sanguis ejus qui per Spiritum æternum se ipsum obtulit inculpatum Deo: & *Act.* 20. vers. 28. acquisitio Ecclesiæ per sanguinem hunc facta Deo ascribitur.

Controversia de OFFICIO Christi

De officio.

Samosataniarum.

Prima: Samosataniarum.

PRIMA: An Christus propter officium Propheticum & Regium dicatur Deus, filius Dei, & Servator noster? Samosatani affirmant, *Ostorodius Inst. Rel. Christi. cap.* 20. 37. 40. Nos propter utrumque officium Deum aut Filium Dei dici, vel etiam propter utrumque tantum Servatorem appellari negamus.

An Christus propter officium Propheticum & Regium dicatur Deus, Servator,

Succedunt ex ordine *Controversia de Officio Christi*, quod nos triplex, *Samosatani* duplex esse asserunt, *Propheticum & Regium*; illud in manifestatione voluntatis Divinæ, istud in administratione sive executione ejusdem voluntatis positum. *Sacerdotale*, quod loco intermedio consistit, & officium ipsum triplex facit, non agnoscunt tanquam partem peculiarem muneris mediatorii, verum esse

Socinianis *Sacerdotium* Christi est officii Regii administratio.

Cor. futantur

ajunt ipsam officii regii administrationem, quæ figuratè Sacerdotium dicitur, ut hâc ratione significetur Christum non tantum ut potentè Dominum credentibus in ipsum in omnibus miseriis succurrere posse, sed etiam ut misericordem, & similiter absq; peccato tamen tentatum, succurrere velle. Hoc ipsorum commentum tali argumento refellimus: Cui convenit definitum, & definitio sacerdotis propriè dicti; is est sacerdos propriè dictus, & officium sacerdotale propriè dictum gerit. At Christo convenit definitum & definitio sacerdotis propriè dicti. Ergo. Definitum *Pf. 110. v. 4. Juravit Iehova & non pœnitebit eum, tu es sacerdos in aeternum secundum ordinem Melchisedech. Heb. 5. v. 5. 6. Christus non sibi tribuit hunc honorem ut Pontifex fieret, sed is qui dixit ei, filius meus es, Ego hodie genui te; sicut & in alio psalmo dicit, tu es sacerdos in aeternum secundum ordinem Melchisedech.* quæ Christi appellatio *cap. 7. 8. 9. 10.* frequenter recurrit. Definitio; quia Sacerdos est qui offert victimas pro peccatis, & interpellat pro peccatoribus; definiente Apostolo *Heb. 5. v. 1. Cap. 7. v. 25. Christus utrumq; prestitit: Heb. 10. v. 12. Hic scilicet Sacerdos una pro peccatis oblata victima in perpetuum sedet ad dextram Dei. Cap. 7. v. 25. semper vivens ut interpellat & c. Rom. 8. v. 34. Christus is est, qui mortuus est, qui interpellat pro nobis. 1. Ioh. 2. v. 1. 2. Advocatum habemus apud Patrem Iesum Christum justum; Et ipse est propitiatio pro nostris peccatis & c. Samosateniani sententiæ hujus suæ has Rationes afferunt: I. Quod factus sit demum sacerdos postquam resuscitatus à mortuis ascendit in cœlum. II. Quod illius sacerdotii rara mentio sit in N. T. exceptâ Epistola ad Hebræos. III. Quod regni Christi & Sacerdotii eadem ratio sit, idemque modus & effectus. Nam purgatio à peccatis, est liberatio à morte & æumnis; interpellatio est potestas liberationis, quæ apud Patrem fieri dicitur, quandoquidem illam à Patre dono acceptam obtinet. *Resp. 1.* Apertè falsa est, & Scripturæ contraria, quæ docet Christum oblatâ in terris victimâ, *Heb. 10. v. 12. purgatione peccatorum per se ipsum factâ, cap. 1. v. 3. sedisse ad dextram Dei; adeoque jam in ara crucis redemptionis negocium consummasse Ioh. 19. v. 30. In cœlis quidem factus est sacerdos quoad ἱεραρισμὸν, Heb. 9. v. 24. sed in terris jam fuerat quoad λαομὸν 1. Ioh. 2. v. 2. Rom. 3. v. 25. Est etiam consequens; quia in cœlo degit & ut sacerdos interpellando pro nobis, *Heb. 7. v. 25. & ut rex dominando in medio inimicorum suorum 1. Cor. 15. v. 25. 1. 1.* Iterum inconsequens est: Rara mentio fit sacerdotii. Ergo**

acci-

accipitur pro regno. Antecedente insuper falsa, quia historia Evangelica & epistolæ Apostolorum actuum & functionum sacerdotii Christi, etsi non iisdem nominibus, frequentissimè meminerunt. 111. Similiter falsa est. Nam sacerdotium consistit in oblatione & interpellatione; Regnum in gubernatione & defensione: illud antecedens est, hoc consequens. *Purgatio à peccatis, Heb. 1. v. 3.* est eorundem expiatio, quam liberatio à morte & ærumnis sequitur 1. Cor. 15. v. 54. *Rom. 8. v. 23.* *Interpellatio*, non est potestas liberationis proprie, sed apparitio coram Patre, *Heb. 9. v. 24* cum passione & morte, propter quam vult nos recipi in gratiam, & in ea conservari, &c.

His ita præmissis, de *controverfia* ipsâ agendum est, Prædicata tria sunt: dici Deum, dici Filium Dei, dici servatorem. De Primo & Secundo vidimus jam loco tertio de Deo, ostendimusque Christum non propter officium mediatorium, verum propter essentiam Divinam Deum: propter communicationem essentia, in æternâ illâ generatione à Patre factam, Filium Dei vocari. Tertium de Servatore hic in disquisitionem venit. *Samosateniani* Christum triplici modo & esse, & dici ajunt nostrum Servatorem: Annunciatione, Confirmatione, & Communicatione. *Annunciatione*; quia, inquit, annuntiavit nobis arcanam voluntatem Dei, quod is supplicium Mortis Æternæ nobis pro ineffabili suâ bonitate, nullâ prorsus interveniente satisfactione, condonare, ejusque loco præmium Vitæ Æternæ donare velit; dummodo resipiscamus, & abnegata omni impietate vitæ innocentie ac sanctimonie deinceps studeamus. *Confirmatione*; quia id omne confirmavit vitæ inculpata exemplo, patratiōe miraculorum, passionibus, sanguinisque effusione, tandem etiam resurrectione à mortuis. *Communicatione*; quia omnibus id credentibus pro datâ sibi potestate Vitam Æternam confert atque communicat. Nos vero, Christum triplici illo modo servatorem nostrum dici posse non negamus quidem; interrim negamus triplici illo modo tantum esse aut dici nostrum Servatorem, contendimusque vel maximè isthoc nomine appellari propter Satisfactionem mortisque meritum, nimirum quod pro peccatis nostris Deo satisfecit, nobisque Remissionem peccatorum, justitiam, & Vitam Æternam acquisivit.

Status Controversia.

Cur Christus dicatur Servator ex sententia Sociinianorum.

Vera causa istius appellationis.

Rationes nostræ.

Rationes
Negantes
Orthodoxæ.
Quia prop-
terea Jesus di-
ctus, quod
servaturus
esset suos à
peccatis.

I. Propter quod Deus Christo nomen *Iesu*, hoc est, servato-
ris per Angelum indi iussit; propter id noster Servator est. Atqui
indi iussit propterea, quod servaturus esset populum suum à peccatis i-
psius, *Matt. 1. v. 21.* merito & efficacia. Merito; dando nimirum ani-
mam suam in redemptionis pretium pro multis, *Matt. 20. v. 28.* ef-
fundendo sanguinem suum in remissionem peccatorum pro mul-
tis, *Cap. 26. v. 28.* tollendo peccata mundi, *Ioh. 1. v. 29.* purgatio-
nem peccatorum per se ipsum faciendo, *Heb. 1. v. 3.* sicque Eccle-
siam proprio suo sanguine acquirendo; *Act. 20. v. 28.* Efficacia dan-
do resipiscentiam & remissionem peccatorum, *Act. 5. v. 31.* effun-
dendo Spiritum Sanctum, *cap. 2. v. 33.* donando salutem corpori,
Eph. 5. v. 23. vitam æternam omnibus suis *Ioh. 10. v. 28. 29.* Merito,
ut sacerdos *Heb. 10. v. 12.* Efficacia, ut Rex *Act. 2. v. 36.* *Cap. 5. v.*
31. Ergo.

Exceptiones adversariorum ad dicta quædam Controversiâ
sequente refutabuntur.

Quia inde
Servator di-
ctus, quo So-
lus servator
est.

II. Eo modo Christus propriè noster servator est, quo
modo solus noster servator est. Annunciatione, Confirmatione,
non est solus noster servator, verum satisfactione, merito &c.
Ergo. Major patet, quia non est in alio quoquam salus, nec aliud no-
men est sub cælo, quod datum sit inter homines, per quod oporteat nos ser-
vari *Act. 4. vers. 12.* Mediator etiam inter Deum & homines, &
Dominus Ecclesiæ non nisi unus est *1. Tim. 2. vers. 5. 6.* *Eph. 4. v. 5.*
1. Cor. 8. vers. 5. 6. Minor probatur: Annunciatione & Confirmatio-
ne non est solus servator, quia Prophetæ in Veteri & Apostoli in
Novo Testamento eandem cum Christo salutis viam annuncia-
runt, *Ioh. 5. v. 39. 46.* *Act. 10. vers. 43.* *Cap. 16. v. 17.* confirmarunt
eam vitæ sanctitate, in quâ etiam imitatores ipsorum esse jube-
mur, *Heb. 13. v. 7. 1. Cor. 11. v. 1. 1. Thess. 1. v. 6.* patratiōe miraculo-
rum, *Exod. 7. 8. 9. capp. 1. Reg. 18. v. 38. 2. Reg. 2. 3. 4. capp. Act. 3. v. 6.*
Cap. 5. v. 12. & seq. passionibus & morte *Heb. 11. v. 36.* & seq. *2. Cor.*
1. vers. 5. 6. Col. 1. v. 24. 2. Tim. 2. vers. 10. Satisfactione autem &
Merito est solus Servator. Nam torcular calcavit solus *Esa. 63. v. 3.*
Unus pro omnibus mortuus est, *2. Cor. 5. v. 15.* per Unius obedi-

enti-

entiam (quâ factus est patri obediens usque ad mortem crucis, *Phil. 2. v. 8.*) iusti constituuntur multi *Rom. 5. v. 19.*

Excipiunt.

Primò: Prophetæ tantum prædixerunt Christum venturum esse *1. Pet. 1. v. 10. 11.* idque obscure sub typis. Ergo viam salutis per ipsum non annunciarunt. *Ratio;* quia annunciatio est rei præsentis ad eam pertinentis cui annunciat. *Resp.* negatur *Consequentia.* Nam annunciando prædixerunt & prædicendo annunciarunt, *Psal. 40. v. 10. & 147. v. 19. Esa. 52. v. 7.* & aliis locis. *Ratio* ejus nititur falsâ hypothesi geminâ. 1. Quod annunciatio sit rei tantum præsentis. Atqui Jacobus filiis annunciasse dicitur ventura, *Gen. 49. v. 1.* Deus indicare futura, *Esa. 44. v. 2.* Spiritus Sanctus ventura renunciare *Ioh. 16. v. 13.* 11. Quod prophetia de Christo ad Patres V. Testamenti nihil pertinuerit. Contrarium dicta Prophetarum, *Esa. 53. Psal. 32.* & exempla Patrum, *Rom. 4. Heb. 11.* atque etiam Apostolorum testimonia *Act. 10. v. 43. Cap. 15. v. 10. 11.* ostendunt.

Annunciatio
communis
Christo cum
Prophetis &
Apostolis,

Secundo: Apostoli annunciarunt quidem eandem cum Christo salutis viam, sed improprie, ut qui non primi eam annunciarunt: & secundo, delecti scilicet ad id à Christo, & nomine ac vice illius annunciantes. Ergo licet suo modo servarunt alios, propterea tamen servatores non dicuntur, sed solus Christus. *Resp.* Falsum est *Antecedens.* Nam Apostoli quamvis missi à Christo, & legatione pro ipso functi sint, proprie tamen nuncii fuerunt, proprie viam salutis annunciarunt; nec distinguuntur à Christo ut nuncii secundarii à primario, sed ut servi à Domino, ut nuncii salutis ab ejus auctore *1. Cor. 3. v. 5. Cap. 4. v. 1.* Præterea si valet illatio contra Apostolos, valebit quoque contra ipsum Christum, qui non venit à se ipso, sed missus à Patre, *Ioh. 7. v. 28. 29.* qui non loquutus est à se ipso, *Ioh. 14. v. 10.* sed à Patre, & Pater per ipsum, *Heb. 1. v. 1.* qui in annuncianda salutis doctrina fuit servus Patris *Esa. 42. v. 1.* eoque doctrinam illam non suam sed Patris esse professus est *Ioh. 7. v. 16.*

III. Ita Christus noster servator est, ut est mediator. Atqui Mediator est Deum offensum & homines offendentes reducendo in novum fœdus, & istos illi reconciliando sanguine ac mor-

Quia media-
tor est satis-
factione.

te suâ, tanquam placamento & redemptionis precio. Ergo. *Major* plana est. Nam *Mediatio* totum Christi Servatoris officium complectitur; ut à servando solus dicitur servator, *Act.* 4. v. 12. ita à mediatione solus mediator *1. Tim.* 2. v. 5. *Minoris* veritas his dictis nititur: *1. Tim.* 2. v. 5. 6. *Vnus mediator Dei & hominum, homo Christus Iesus qui se ipsum dedit redemptionis principium pro quibusvis.* *Heb.* 9. v. 15. Itaque ob id novi pacti mediator est, ut morte intercedente ad redemptionem &c. *Rom.* 5. v. 10. *Cum inimici essemus, reconciliati sumus Deo per mortem filii ejus &c. Quem proposuit, placamentum per fidem in sanguine ipsius cap.* 3. v. 25. *Qui est propitiatio pro nostris peccatis.* *1. Joh.* 2. v. 2. Videantur etiam de reconciliatione loca *2. Cor.* 5. v. 18. & seq. *Eph.* 2. v. 16. *Col.* 1. v. 20. &c.

Exceptiones Samofatenianorum.

Primò: Mediator est internuncius, interpres, ut Moses *Gal.* 3. v. 19. 20. non satisfactor aut reconciliator. *Resp.* Ex particulari malè concluditur universale: illic est, Ergo ubique est. Atqui aliis locis, pro satisfactore, reconciliatore aperte sumitur. *1. Tim.* 2. v. 5. 6. dicitur, quod ut Mediator dederit se in ἀντίδοτον pro quibusvis; Ἀντίδοτον precium est quo satisfit pro debito. *Heb.* 8. v. 6. Christus Mediator vacatur pacti melioris, illis videlicet, quod est in sanguine ipsius in Remissionem peccatorum effuso, *Luc.* 22. v. 20. *Matt.* 26. v. 28. cujus etiam sponzor factus erat *Heb.* 7. v. 22. Eadem nominis ratio *cap.* 9. v. 15. *cap.* 12. v. 24. ut ex circumstantiis planum est; quicquid etiam in speciem ogganniant Hæretici.

Secundò: Christus nos reconciliavit Deo, non Deum iratum nobis placando, sed significando esse ipsum nobis propitium, remittere peccata, modo resipiscamus. *Ratio* est; quia nusquam docet Scriptura, quod Christus reconciliarit nobis Deum, sed quod nos reconciliarit Deo, sive quod Deus nos sibi reconciliarit in Christo. Nec opus fuit eum nobis reconciliari per Christum, qui nos jam ante Christum dilexit, & dilectione illa inductus Christum nobis donavit. *Resp.* Exceptio disertè contrariatur Scripturæ, affirmanti Christum esse placamentum, id est, placatorem *Rom.* 3. v. 25. esse propitiationem, id est, propitiatorem *1. Joh.* 2. v. 2. Apud quem vero? Certè non apud nos, sed apud Deum, qui irascitur omni iniquitati *Psal.* 5. v. 6. 7. *Psal.* 11. v. 5. 6. *Prov.* 11. v. 20. cujus ira

Quomodo
Christus nos
Deo reconciliarit,

ira se ostendit e cœlo adversus omnem impietatem & injustitiam hominum, *Rom. 1. v. 18.* cujus iræ omnes naturâ obnoxii sunt, *Eph. 2. v. 3. Rom. 3. 19.* à cujus ira per Christum servamur *Rom. 5. v. 9. 1. Theß. 1. v. 10.* Idem ex officio Christi Mediatorio colligere est. Christus Mediator est inter Deum & homines *1. Tim. 2. v. 5.* Cur? qui Deus & homo dissidebant propter peccatum, quo homo Deum offenderat, Deus ab homine offensus erat. *Iniquitates*, inquit *Esaïas cap. 59. v. 2.* *dissimulant inter vos & Deum vestrum; & peccata vestra faciunt, ut occultet faciem à vobis, ne exaudiat.* Christus ergo medians Deum offensum placat, dando se ἀντίδοτον, redemptionis, satisfactionis precium *1. Tim. 2. v. 6.* atque ita hominem offendentem Deo offenso reconciliat. At, *inquiunt*, non dicit Scriptura, quod Christus nobis Deum reconciliarit. Nimirum, quia offendens reconciliatur offenso, reducitur apud ipsum in gratiam; Homo autem offendens est non Deus. Interim quia factum id est per ἱλαστήριον in sanguine Christi, *Rom. 3. v. 25.* per ἱλασμεν, *1. Ioh. 2. v. 2.* quæ Deum placandum, propitiandum, eoque iratum præsupponunt; alterum quod Christus nobis reconciliarit Deum, phrasi illâ, ut & aliâ quod Deus nos sibi reconciliarit in Christo, tanquam placamento, ut quem fecit pro nobis peccatum, *2. Cor. 5. v. 21.* haud obscure continetur. Quam reconciliationem non evertit Dei erga nos dilectio; quia non diligit nos simpliciter ut sanctos angelos qui nunquam peccarunt, sed ut electos in Christo Redemptore & Satisfactore, qui pro peccatis nostris, propter quæ filii iræ vocamur. *Eph. 2. v. 3.* & Deo exossi sumus *Psal. 5. v. 6.* satisfecit. Diligit ergo cum conditione satisfactionis, non diligit quoad peccata.

I V. Qui servationis modus externus tantum est, per se absque conversione interna (quam Samosatreniani negant) inutilis & inefficax; illo Christus propriè Servator noster non est. Modus servationis per annunciationem & confirmationem externus tantum est, per se absque conversione interna inutilis & efficax. Ergo. Utraque propositio certa est. *Major*; quia Christus non est frustra mortuus, *Gal. 2. v. 21.* est servator, salutem dans corpori *Eph. 5. v. 23.* *Minor*; quia annuntiatio & confirmatio illa externa tantum sunt salutis media; item quia homo totus corruptus est, mortuus in peccatis, cœcus, incredulus, voluntati Dei subijci nescius. At tali inutiliter & sine fructu ostenditur ac confirmatur via salutis, Doctrina Legis homini corrupto ad salutē inutilis, inefficax est

Quia Christus non est servator modo tantum externus, inefficax.

Rom.

Rom. 8. vers. 3. quia ostendit tantum & confirmat viam salutis per merita operum, vires ingrediendi eam non confert. Ergo & hic servandi modus inutilis & inefficax, ut qui etiam ostendit tantum & confirmat viam, vires autem ingrediendi nullas largitur.

Rationes Samosatzenianorum.

*Affirman-
tes Hetero-
doxa.*

Quia Scri-
ptura tripli-
cem illum
modum pro-
ponat.

I. Quem servationis Christi modum nobis proponit Scriptura, eo ipse noster Servator est. Atqui talem modum proponit, qui in *Annunciatione*, *Confirmatione*, *Communicatione* consistit. Ergo. *Minor* demonstratur per partes: consistit in *Annunciatione*. I. Si Apostoli aliique annuntiando viam salutis servare dicuntur, Rom. 11. v. 14. 1. Tim. 4. v. 16. multo magis Christus eo modo servator est. II. Christus mortem abolevit, vitam & incorruptibilitatem produxit per Evangelium 2. Tim. 1. v. 9. 10. Ergo. III. Christus manifestavit nomen Patris hominibus, dedit ipsis sermonem ejus Joh. 17. v. 6. 8. 14. *Confirmatione*; I. Quia in mundum se venisse ait ut testimonium det veritati, Joh. 18. v. 37. tanquam fidus testis, Apoc. 1. v. 5. Cap. 3. v. 14. & testimonium illud suis temporibus 1. Tim. 2. v. 6. 11. Edidit varia miracula huc facientia, de quibus Joh. 5. v. 36. 111. Sanguinem suum effudit, qui inde sanguis æterni fœderis, Heb. 13. v. 20. novi fœderis, Marc. 14. v. 24. vocatur. IV. Quin etiam à mortuis resurrexit, ne quid de viâ salutis ab ipso ostensâ dubitaremus. Quæ causa est, quod Apostoli toties resurrectionis ejus meminerunt. *Communicatione*; Quia tandem nobis vitam Æternam daturus est, sicut utrique in confesso. *Resp. Minor* negatur, ut quæ duplici nomine falsa est. I. quia modos illos accipiunt exclusive, nimirum quod Christus tantum *Annunciatione*, *confirmatione*, & *communicatione* noster servator sit: cum tamen Scriptura præter modos illos rectè intellectos alium, eumque principalem, proponat in *satisfactione* Christi. Tit. 2. v. 13. 14. *Exspectantes illustrem adventum magni illius Dei & Servatoris, qui dedit semetipsum pro nobis, ut redimeret nos ab omni iniquitate &c.* Mat. 1. v. 21. *Ipse servabit populum suum à peccatis ipsius.* II. quia eosdem modos accipiunt oppositè ad *Satisfactionem*; cum tamè Christus annunciarit viâ salutis, quæ est per ipsū ut mediatorē, redemptorem, satisfactorem; eam & non aliam viam confirmarit testimonio suo, miraculis, sanguine, resurrectione, sed non tantū, vel præcipuè confir-

ma-

marit, verum inprimis sanguine, passione, morte salutem ipsam acquisiverit, resurrectione autem demonstrarit & applicarit; denique etiam communicet nobis Vitam Æternam: non quam Deus citra satisfactionem donat, sed quam Christus satisfactione ac morte suâ nobis promeruit, ut est *Ioh. 6. v. 51*. Ex quibus ea, quæ ad partium singularum probationem afferuntur, dijudicanda & explicanda sunt.

II. Qui vitâ & morte exemplaris tantum servator, est is servator non est per modum satisfactionis, aut meriti. Atqui Christus vita & morte exemplaris tantum servator fuit. Ergo. *Minorum* probant dicto Petri *1. Epist. 2. v. 21*. *Christus passus est pro nobis, relinquens nobis exemplar, ut subsequeremini vestigia ejus*: nec non illis locis, quibus imitari Christum jubemur: *Resp.* Nec dictum *Petri*, nec alia loca habent exclusivam. Christus passus est etiam illo fine, sed non tantum; quia alii fines indicantur: neque etiam principaliter; quia satisfactio pro peccatis nostris, eorumque expiatio, & per eam reconciliatio nostri cum Deo, ut finis principalior in Scriptura proponitur. Quod de *Imitatione Christi* ajunt, illa *propria* est in virtutibus moralibus utriusque tabulæ decalogi, *analogica* in actibus mediationis triplicis Christi muneris; sicut offerre dicimur hostias spirituales *1. Pet. 2. v. 5*. sacrificium laudis, *Hebr. 13. v. 15*. siltere corpora nostra hostiam vivam, sanctam, *Rom. 12. v. 1*. &c: nulla denique in miraculis. Sed neque illa, neque ista causa est meritoria salutis, verum utraque causa sine quâ non, sive, ut loquitur Apostolus, via quam præparavit Deus, ut in eâ ambulemus *Ephes. 2. vers. 10*.

Quia vita & morte exemplaris tantum sit servator.

Imitatio Christi qualis.

SECUNDA: *An Christus passionibus, sanguine ac morte suâ Deo Patri pro peccatis nostris satisfecerit, Remissionem illorum nobis acquisiverit, sicque λύτης sui interventu nos verè ac propriè redemerit?* Samofatiani negant, *Ostorodius Instit. Relig. Christ. cap. 37*. Nos affirmamus.

Secunda: Samofatiani negant. An Christus morte sua pro peccatis nostris satisfecerit, nosque verè redemerit?

Prædicata quæstionis à nobis affirmate tria sunt: *Quod Christus satisfecerit pro peccatis nostris. Quod Remissionem peccatorum nobis*

acquisiverit. Quod λόγος sui interventu nos verè ac propriè rede-
merit. Quæ etli coherent necessario, immo suo modo coinci-
dunt, majoris tamen perspicuitatis gratiâ figillatim & distin-
ctè in καταβολῇ & ἀναβολῇ consideranda sunt.

Rationes
Affirmantes
Orthodoxæ.

Rationes nostræ.

Quia iustus,
innocens
pro peccato-
ribus mor-
tuus est.

Pro Christi Satisfactione:

I. Qui iustus pro injustis, innocens pro peccatoribus passus ac
mortuus fuit, ut eos ab injustitiæ ac peccatorum pœnâ liberaret; is
patiendi moriendo pro ipsis satisfecit. Atqui Christus &c. Ergo.
Majoris consequentia evidens est. Nam ita pati & mori pro alio, est
ejus loco ac vice pati & mori; eoque quod ipse nocens debebat in-
nocentem solvere. Hoc verò quid aliud est, quàm innocentem sol-
vere pro nocente? Item: Omnis pœna propriè dicta est satisfactio
pro peccato; pro alio igitur pati pœnam, est pro ipso satisfacere,
Minor confirmatur testimoniis Scripturarum: 1. Pet. 3. v. 18. *Chri-
stus semel pro peccatis passus fuit, iustus pro injustis, ut nos ad Deum
adduceret. Rom. 5. v. 6. 9. Christus pro impiis, pro peccatoribus mor-
tuus fuit. 2. Cor. 5. v. 15. Si unus pro omnibus mortuus fuit, nempe isti
omnes fuerunt mortui. v. 21. Fecit eum, qui non novit peccatum pro no-
bis peccatum, ut nos efficeremur iustitia Dei in eo. Gal. 3. v. 13. Christus
nos redemit ab execratione Legis, dum pro nobis factus est execratio;
Factus Legi subjectus, ut eos qui legi subjecti erant, redimeret Gal.
4. v. 4. 5. Tit. 2. v. 14. Dedit semetipsum pro nobis, ut redimeret
vos ab omni iniquitate. Heb. 2. v. 9. pro omnibus mortem gusta-
vit. Similia loca sunt Joh. 10. v. 11. 15. Cap. 11. v. 50. 51. 1. Cor.
15. v. 3. Gal. 1. v. 4. Cap. 2. v. 20. Eph. 5. v. 2. 1. Pet. 4. v. 1.*

Pro aliquo
Mori.

Excipiunt: Pro nobis mori non est loco & vice nostra mori, sed
propter nos, nostro bono. Rationes sunt. I. Quia etiam pro peccatis
Christus mortuus dicitur, 1. Cor. 15. v. 3. Gal. 1. v. 4. nec tamen mor-
tuus est loco, sed causâ, occasione peccatorum, sive propter ea. 11.
Quia nos similiter mori iubemur pro fratribus, 1. Joh. 3. 16. quem-
admodum & Paulus passus est pro Colossensibus, cap. 1. v. 24.
nec tamen loco ipsorum iustitiæ Dei satisfacere quimus, sicut nec
Paulus quivit. 111. Si Christus loco, vice nostrâ mortuus est; cur
ergo

ergo & nos morimur, & non minus quam ipse Christus ad animam nostram effundendam parati esse debemus? *Luc. 9. vers. 24. Resp.* Phrasis hæc, *Mori pro aliquo*, licet non ubique aut semper, locis tamen supra allegatis utrumque connotat. Nam & nostro loco mortuus est Christus; quia unus pro omnibus mortuus est, 2. *Cor. 5. v. 15.* & nostro bono; quia nos mortui censemur in ipso, ut nobis moriendum non sit, *ibidem*. Unde & explicitè conjunguntur *Ioh. 11. v. 50. 51. 2. Cor. 5. v. 21. Gal. 3. v. 13. Tit. 2. v. 14.* Alia verò ratio est, quum Christus mortuus dicitur *pro peccatis*. Nam peccata non moriuntur, non patiuntur pœnas; sed peccatores moriuntur, patiuntur pœnas: Proinde *pro peccatis* mori tantum est propter peccata mori, ut loquitur Apostolus, *Rom. 4. v. 25. pro peccatoribus* autem mori, sic videlicet ne illi mori necessum habeant, est non tantum propter ipsos, verum etiam ipsorum loco mori. *Pro peccatis* mortuus est Christus ut ea expiaret tolleretur; *pro peccatoribus* mortuus est ut eos à morte redimeret ac servaret. Nos verò *pro Fratribus mori* jubemur, sicut ipse, *1. Ioh. 3. v. 16.* non simpliciter, verum ita ut non dubitemus vitam nostram ipsorum bono vel etiam loco profundere; quemadmodum Christus non recusavit animam suam dare redemptionis precium pro multis, *Matth. 20. v. 28.* quod ipsi soli proprium, *1. Tim. 2. v. 5. 6.* nostrum nullus potest. Paulus igitur passus est pro Colossensibus non redimendis, sed ædificandis tantum; nec etiam loco, sed bono ipsorum. Denique *fideles* non moriuntur morte maledicta execrabili, quâ Christus pro ipsis mortuus est, *Gal. 3. v. 13.* nec parati esse debent ad illam mortem verum ad eam, quæ martyrismum est doctrinæ Evangelicæ, ac beatus transitus in Vitam Æternam.

Quid significet.

Mors fidelium qualis.

II. Cui sponsionis jure omnia peccata Electorum imposita fuerunt, & qui ut sponsor illa portavit, bajulavit, pertulit, propter illa percussus, afflicus, vulneratus fuit; is pro peccatis Electorum satisfecit. Atqui Christo sponsionis jure imposita fuerunt, ipse ut sponsor ea pertulit. Ergo. *Majoris* ratio duplex est: *Prima*; quia omnis sponsor subit in locum debitoris, & pro ipso satisfacit, vel saltem satisfacere tenetur *Proverb. 6. v. 1. 2. Cap. 11. v. 15.* *Secunda*; quia portare, ferre peccata alterius, phrasi Scripturæ, *Ezech. 18. v. 20. Thren. 3. v. 7.* est pœnas peccatis illius debitas persolvere. Pœnas verò tales persolve-

Quia sponsionis jure omnia fidelium peccata ipsi fuerunt imposita.

re est satisfacere pro peccatis per pœnas. *Minor* demonstratur per partes. I. Christus sponsor est pro Electis; quia est sponsor melioris pacti, *Heb.* 7. v. 22. sive novi pacti ad redemptionem transgressionum per mortem suam, *cap.* 9. v. 15. quia voluntariè spondit pro ipsis, *cap.* 10. v. 5. 6. 7. eâque sponsoris sui voluntate sanctificari dicuntur per oblationem corporis ejus semel factam. v. 10. Et cum, quæ non rapuit, rependere teneatur est *Pf.* 69. v. 5. aut jure tenetur aut injuriâ. Si *injuriâ*; certè non de voluntate Patris, quod tamen ipse passim testatur. Sin *jure*, non alio sanè quàm sponsonis jure, quandoquidem non rapuisse se apertè profitetur. II. Hoc sponsonis jure omnia peccata Electorum ipsi imposita fuerunt. *Esa.* 53. v. 10. *Iehova delectatus contere ipsam morbo affecit, quandoquidem exponebat se ipse sacrificium pro reatu.* v. 6. *Iehova facit ut incurrat in eum iniquitas omnium nostrum.* v. 5. *Exigitur pœna, & ipse affligitur, dolore afficitur propter defectiones nostras, attrititur propter iniquitates nostras, castigatio pacis nostra imponitur ei* &c. 2. *Cor.* 5. vers. 21. *Fecit Deus eum qui non novit peccatum pro nobis peccatum.* *Heb.* 10. v. 5. 6. *Sacrificium & holocausta pro peccato noluit, corpus autem aptasti mihi,* &c. III. Eodem jure peccata Electorum portavit bajulavit. *Esa.* 53. v. 4. *Morbos nostros ipse pertulit, & dolores nostros ipse bajulavit; plagâ affectus, percussus, afflictus à Deo, & quæ aliquot versibus sequuntur.* 1. *Petr.* 2. v. 24. *Peccata nostra ipsemet pertulit in corpore suo super lignum,* *Iohann.* 1. v. 29. *Agnus ille Dei qui tollit peccatum mundi.* *Rom.* 4. v. 25. *Traditus in mortem propter lapsus nostros.* 1. *Cor.* 15. vers. 3. *Christus mortuus est pro peccatis secundum Scripturas.* 1. *Iohann.* 2. v. 2. *Est propitiatio pro nostris peccatis,* &c.

Excipiunt: Ferre, portare peccata est ea auferre per sublationem pœnæ, non per ejus perpeffionem; ut locum *Esaia* declarat *Matthæus cap.* 8. v. 17. *Resp.* Alicubi est, non ubique; Hic certè non est; prout ex *Subjecto*, *Causâ*, & *Modo* evidentissimè colligitur. Etenim *Subjectum* est ipse Christus, qui morbos nostros pertulit, qui percussus, afflictus fuit, qui pertulit in corpore suo, 1. *Petr.* 2. v. 24. qui passus est carne *cap.* 4. v. 1. *Causa* fuit, quod Deus coniecit in ipsum iniquitates omnium nostrum. *Esa.* 53. v. 6. *fecit ipsum pro nobis peccatum,* 2. *Cor.* 5. v. 21. *Modus* denique, quod propter iniquitates illas dolore affectus, percussus, attritus, atque è terrâ viventium excisus fuit. v. 4. 5. 8.

Sustu-

Sustulit igitur pœnas nostras, dum eas pertulit, perpeffus est. Loccus *Matthæi* errori ipsorum nihil patrocinator : Nam docet quomodo morbos, effecta peccatorum, tulerit Christus; non quomodo causas ipsas, peccata. Deus coniecit in Christum iniquitates omnium nostrum, *Esa. 53. v. 6.* fecit ipsum peccatum, *2. Cor. 5. v. 21.* maledictionem, *Galat. 3. v. 13.* morbos corporales in ipsum non coniecit, nec fecit ipsum cæcum, mutum, dæmoniacum. Non ergo morbos nostros eo modo, quo peccata tulit.

III. Quale sacrificium Christi sacrificia propitiatoria Veteris Testamenti præfigurant; tale esse ipsum necesse est. Atqui præfigurant illud ut verè satisfactorium, ut tale quod veram habet satisfactionem pro peccatis. Ergo. *Majoris* Ratio est; quia sacrificium Christi est sacrificiorum illorum typicorum veritas, *Ioh. 1. v. 17. cap. 14. v. 6.* umbratilius corpus *Col. 2. v. 17. Hebr. 10. v. 1.* Minor probatur I. ex analogiâ typi & antitypi: Quæ ipsa, ut typi, satisfactionem cerimonialem habuerunt ex institutione Dei; ea satisfactionem veram in antitypo præfigurant. Sacrificia propitiatoria Veteris Testamenti satisfactionem cerimonialem, ut typi habuerunt ex institutione Dei; ut ex *Exodo & Levitico* constat. Ergo. II. Quicquid in antitypo cum typis suis collato esse ostenditur, id in ipso per typos præfiguratum fuit. Atqui in antitypo, sacrificio Christi, collato cum typis, hoc est sacrificiis propitiatoriis Veteris Testamenti, esse ostenditur vera & propria satisfactio pro peccatis, quemadmodum in ipsis fuit satisfactio cerimonialis. Ergo. *Minoris* veritatem asserimus ex Epistola ad Hebræos, quæ eam prolixè explicat atque confirmat, & varias adversariorum exceptiones, quas hîc præterimus, clarissimè refellit.

Quia satisfactio-
nem ejus
sacrificia V.
T. adumbra-
runt.

Pro remissionis peccatorum Acquisitione.

I. Quod Christus sanguine, passione, ac morte suâ promeruit; illud ipsum iis acquisivit. Remissionem peccatorum sanguine, passione, ac morte suâ promeruit. Ergo. *Major* firma est ex æquipolentiâ phrasium. *Minor* confirmatur Scripturæ testimoniis: *Matth. 26. v. 28.* Sanguis qui pro multis effunditur in remissionem peccatorum. *Iohann. 6. v. 51.* Caro quam ego dabo pro mundi vita; item: *Qui edit carnem meam, & bibit sanguinem meum, non esuriet*

Quia R. P.
sanguine, &
morte suâ
promeruit.

unquam, hoc est habebit remissionem peccatorum suorum. Roman. 3. v. 25. Quem proposuit Deus placamentum in sanguine. Cap. 5. v. 9. Iustificati sanguine ejus. Ephes. 1. v. 7. Coloss. 1. v. 14. In quo habemus redemptionem per sanguinem ejus, id est, remissionem peccatorum. Hebr. 9. v. 22. Absque sanguinis effusione non fit remissio. 1. Petr. 1. v. 19. Redempti precioso sanguine &c.

Quia sanguine Christi lavamur a peccatis.

II. Quo lavamur, purgamur, mundamur à peccatis nostris, tanquam causâ meritoria illius lotionis & purgationis; eo ipso illorum remissio nobis acquisita est. Atqui sanguine Christi lavamur, purgamur. Ergo. *Major suâ luce claret. Minor his dictis adstruitur: 1. Ioh. 1. v. 7. Sanguis Iesu Christi mundat nos ab omni peccato. Apoc. 1. v. 5. Lavit nos a peccatis per sanguinem suum. Hebr. 1. v. 3. Purgationem peccatorum per se ipsum fecit. 1. Cor. 6. v. 11. Abluti estis, justificati estis in nomine Iesu.*

Excipiunt: Purgationem sanguini tribui, non quod arcana quædam vis purgandi lateat in sanguine, sed quia effusio sanguinis causa est potestatis illius, per quam nos purgat à peccatis, id est, liberat à morte æterna. Præterea ajunt verba purgare, mundare, non semper significare rem, sive purgationem ipsam, sed quandam ejus declarationem & demonstrationem. Igitur sanguis Christi nos purgat, quatenus promissam remissionem peccatorum nobis declarat & obsignat. Resp. Nec nos purgationem sanguini tribuimus per se, sive propter arcanam quandam vim in ipso latentem, sed ideo quia est preciosus sanguis. I. Ipsius Dei, Act. 20. v. 28. Filii Dei, 1. Iohann. 1. v. 7. II. Agni inculpati & incontaminati 1. Petr. 1. v. 19. III. Ejus qui se voluntariè ad effusionem illam obtulit Hebr. 10. v. 10. Quam verò ipsi causam afferunt non est vera causa. Nam purgatione peccatorum jam factâ per se ipsum consedit ad dextram Dei, Hebr. 1. v. 3. potestatem summam adeptus Phil. 2. v. 9. Purgatio igitur potestatem illam antecessit. Altera Exceptio procedit ex puris particularibus, & phrasi fallit. Etenim purgat nos sanguis Christi, quatenus juxta declarationem Matthæi, cap. 26. v. 28. effusus est pro nobis in remissionem peccatorum, hoc est, ad impetrandam nobis remissionem peccatorum; cujus promissio quia Novi Testamenti, sive novi fœderis est, Jerem. 31. v. 31. & seqq. Hebr. 8. v. 8. & seqq. inde sanguis Novi Fœderis illud confirmans, ad differentiam sanguinis pecuini Veteris Fœderis, de quo est Exod. 24. appellatur.

Pro verâ ac propriâ Redemtionē.

I. Redimere aliquem propriè, est captivum è manibus illius, à quo detinetur, soluto precio liberare. Christus nos captivos, reos iræ Dei propter peccata, & Satanæ mancipatos, soluto precio liberavit. Ergo. *Majorem* concedunt ipsi adversarii. *Minorem* tradit Scriptura. *Matth. 20. v. 28. Filius hominis venit, ut daret animam suam redemptionis precium pro multis.* *1. Tim. 2. v. 6. Dedit seipsum ἀντίλυτρον, redemptionis precium pro quibusvis.* *1. Pet. 1. v. 19. Redempti estis precioso sanguine Christi, tanquam precio* *1. Cor. 6. v. 20. Nam precium vocatur confessione adversariorum, quicquid omnino pro captivo solvitur.*

Quia Christus nos Satanæ mancipatos soluto pretio liberavit.

II. Ubi sunt omnia & singula veræ ac propriè dictæ Redemtionis criteria; ibidem vera ac propriè dicta redemptio est. In redemtionē per Christum factâ sunt omnia & singula vera & propriè dictæ Redemtionis criteria. Ergo. *Major* probationis non eget. *Minor* confirmatur enumeratione ac demonstratione omnium & singulorum criteriorum utrinque requisitorum: In quâ redemtionē est *Redimens*, sunt *Redimendi*, est *Precium Redemtionis*, & *Is qui precium accipit*; illa vera ac propriè dicta redemptio est. In Redemtionē Christi, five quam ipse præstitit est *Redimens*: *Galat. 3. v. 13. Christus nos redimit.* *Tit. 2. v. 14. Dedit semetipsum pro nobis, ut redimeret*; sunt *Redimendi* homines: *impii*, *Rom. 5. v. 6. peccatores*, *v. 8. inimici*, *v. 10. qui redempti & emti dicuntur.* *1. Petr. 1. v. 18. Redempti estis non auro nec argento* *1. Corint. 6. v. 20. Emti estis precio*; est *Precium redemtionis*: *Matth. 20. v. 28. Dedit animam suam λύτρον.* *1. Tim. 2. v. 6. Dedit se ipsum ἀντίλυτρον.* *1. Pet. 1. v. 19. Redempti estis precioso sanguine*; est denique quî precium illud accipit *Deus*: *Apoc. 5. vers. 9. Redemisti nos Deo per sanguinem tuum* *Hebr. 9. v. 14. Per Spiritum æternum seipsum obtulit inculpatum Deo.* *Roman. 5. vers. 10. Reconciliati fuimus Deo per mortem filii ejus.* *Hebr. 10. v. 5. & seqq. Sacrificium & holocaustomata pro peccato nolui*, *corpus autem aptasti mihi, &c. Ergo.*

Quia in redemtionē Christi omnia veræ Redemtionis criteria adfuerunt.

Rationes Samofatenianorum.

*Negantes.
Heterodoxa.*

Contra *Christi Satisfactionem*:

Quia Satisfactionis
nulla mentio fiat in
Scriptura.

I. Cujus doctrinæ nulla mentio fit in Scripturâ, illa credenda nobis non est. Doctrinæ de Satisfactione Christi nulla mentio fit in Scripturâ. Ergo. *Resp.* Non est credendum id, cujus nulla mentio fit in Scripturâ simpliciter: *Satisfactionis* verò etſi ἀντι-λεξεί, vocabulo illo forenſi non meminit; meminit tamen tum per æquipollentiam in aliis vocibus, ceu ſunt λύτρεον, ἀντίλυτρεον, λύτρωσις, ἀπολύτρωσις, tum per evidentiffimas & firmiſſimas conſequentias; cujuſmodi aliquot in κατοιονδῆ attulimus.

Quia Deus
citra ſatis-
factionem
peccata re-
mittere &
potuerit,
& voluerit.

II. Quibus Deus & potuit, & voluit remittere peccata, ſine ullâ Satisfactione; pro iis nullam veram ſatisfactionem accepit. Atqui nobis & potuit & voluit ita remittere. Ergo. *Minor* probatur; *Potuit*. I. Abſolutæ poteſtatis Dominus de jure ſuo quantum vult remittere poteſt. Deus eſt abſolutæ poteſtatis Dominus. Ergo. II. Creditor remittere poteſt debita debitori. Deus eſt creditor, homo dibitor, cujus peccata debita nominantur. Ergo. III. In quo non reſidet ulla Juſtitia Satisfactionem requirens; is remittere peccata ſine ſatisfactione poteſt. In Deo non reſidet ulla juſtitia ſatisfactionem requirens. Ergo. *Minor* probant; quia juſtitia puniens, & miſericordia parcens ei op- poſita, eſt effectum voluntatis Dei. *Voluit*. I. quia in Veteri Teſtamento remiſit peccata citra ſatisfactionem. Quod conſtat *partim* exemplis Abelis, Enochi, primi Mundi, (cui parſurus fuiſſet Deus modò reſipuiſſet 1. *Perr.* 3. v. 20.) Ezechiz, Ninevitarum &c. *partim* dictis, quibus Deus miſericordiam & delictorum veniam populo pollicetur *Deut.* 4. & 30. *Ezech.* 18. & 33. *Jerem.* 18. *Pſalm.* 32. II. quia etiam in Novo Teſtamento citra ſatisfactionem remiſit. probatur. I. A *comparatis*: Si in Veteri Teſtamento ſic remiſit, multo magis in Novo Teſtamento. *Ratio*; quia hoc tempus gratiæ, illud iræ. II. Ex *promiſſione fœderali*, *Jerem.* 31. *Hebr.* 8. quâ pollicetur ſe fore nobis propitium, & in quâ inſcriptio Legis in cordibus remiſſionem peccatorum antecedit. III. Ex *nuncio Angelico*, quo divinam benevolentiam abſolutè celebrant. IV. Ex *prædicatione Iohannis*, qui prædi-

cavit

cavit Baptismum resipiscentiæ in remissionem peccatorum, nullius Satisfactionis interventu obtinendam. *Resp. Minor* argumenti hujus altero membro redundat. Si enim evincatur ex Scriptura, voluisse Deum absque Christi Satisfactione nobis remittere peccata, nemo erit qui id potuisse negaturus sit. Nam *Deus noster in cælis est, quicquid voluit, fecit Psal. 115. v. 3.* Sed alterum altitè præmittunt adversarii, quod argumento potentix Dei fucum se imperitis facere posse putent. Nos negamus membrum *Posterius*, voluisse citra satisfactionem remittere peccata: Etenim testatur Scriptura, quod *placuerit Patri, ut pace per sanguinem crucis Christi factâ per eum sibi reconciliaret omnia, Coloss. 1. v. 20. 21.* quod *sacrificium & holocausta pro peccato noluerit, oblationem verò corporis Christi voluerit Hebr. 10. v. 5. & seqq. Causas* quoque hujusce voluntatis ostendit, *tum in Justitia Dei, quâ digni sunt morte peccatores, Rom. 1. v. 32. tum in veritate, quâ ipsis mortis poenam comminatus est Genes. 2. v. 17.* De *Potentia Dei* nihil dicimus in præsentia; de quâ tamen id nobis persuasissimum est, quod se ipsam non neget: *2. Tim. 2. v. 13.* Justitiam Dei, quâ omne peccatum odit exsecratur naturaliter, *Psal. 5. v. 5. 6. 7. & .11. v. 5. & .45. v. 8. Proverb. 17. v. 15.* non aboleat, nec majestatem ipsius irrideri patiatur *Gal. 6. v. 7.* Videamus ergo quid pro astruendâ hâc *Dei voluntate* afferant. Ex *Veteri Testamento* exempla promunt & dicta. In utrisque licet non ita expressâ Christi mentio sit; est tamen implicita pro temporis illius conditione. Nam per gratiam Jesu Christi non minus ipsi quam nos servati dicuntur *Actor. 15. v. 10. 11. Heb. 9. v. 15.* Per Christum omnes reconciliantur Deo, *Coloss. 1. v. 20.* nemo venit ad Patrem, nisi per ipsum, *Ioh. 14. v. 6.* denique in ipso omnes promissiones sunt Etiam & Amen *2. Cor. 1. v. 29.* De Abele, Enocho contrarium colligimus ex *Heb. 11.* De Ezechia ex *Luc. 10. Illi* siquidem ut exempla fidelium Justificatorum per fidem Jesu subjiciuntur axiomati Prophetico simul & Apostolico, justus ex fide vivet. *Heb. 10. v. 38.* Non minus quàm Abraham Pater ille credentium *Roman. 4. Iste* ex Regibus est, qui diem Christi videre desiderarunt. Hinc jam corrui argumentum *primum* pro Novo Testamento, quia eadem est gratia salutis in Testamento utroque *Actor. 15. v. 11. Hebr. 13. v. 8.* Tempus autem Veteris Testamenti, *iræ* vocatur alia de causa, videlicet tum propter latam legem, *Gal. 3. 4.* tum propter gentium

An Deus
voluerit re-
mittere pec-
cata citra
satisfactio-
nem.

à republ. Israël seclusionem *Ephes. 2. Alterum* pro nobis facit quia promissio fœderalis in sanguine Christi, quo peccata transgressorum omnium, etiam sub priore fœdere, expiantur, fundata est *Hebr. 8. v. 6. & seqq. Cap. 9. v. 15. Matth. 26. v. 28.* Et inscriptio Legis in cordibus antecedit remissionem peccatorum, non simpliciter. *Rom. 8. v. 29. 30.* verum in progressu ab effectu ad causam, Scripturis perquam usitato, ut connexio docet. *Tertium* de Angelis falsum est; quia *διδόξαν* Dei celebrant, vel in Christo nato Servatore, *Luc. 2. v. 11.* vel in hominibus *διδόξαν*, quos pro *διδόξῃ* sua in Christo elegit *Ephes. 1. v. 4. 5.* Similiter falsum & *Quantum* de Baptista. Is siquidem baptizavit in fidem Jesu Christi venturi, *Actor. 19. v. 4.* quinimo digito monstravit agnum Dei tollentem peccatum mundi *Ioh. 1. v. 29.*

Quia Satisfactio pro peccatis nostris sit simpliciter impossibilis.

III. Quod simpliciter impossibile est, à nullo præstari potest. Satisfactio pro nostris peccatis simpliciter est impossibilis. Ergo *Minorem* probant. I. Quia pœna capitalis non potest transferri ab uno alterum; neque id Lege ullâ aut consuetudine receptum est. II. Quia Deus, *Ezech. 18.* disertè testatur non puniendum se unum pro altero, innocentem pro nocente. III. Quia unius morte vita omnium redimi nequit. IV. Quia pœna peccati est mors æterna; quam Christus pro nobis non subivit; 1. quia tertio die resurrexit à mortuis. 11. quia non desperavit, nec fremitu adversus Deum. *Resp. Minor* falsa est, contraria asseverationi Apostolicæ *Rom. 8. v. 3. Quod Legi erat impossibile, id Deus fecit in filio suo, condemnato peccato in carne.* *Rationes* partim falsæ, partim alienæ. *Primò* enim etsi lege aut consuetudine communi non transferatur pœna capitalis ab uno in alterum, potest tamen transferri, ut exempla docent: vel *jure*, interveniente vadimonio cum assensu judicis, vel *injuria*, per tyrannidem. In Christum verò pœna nostra translata est mandato speciali Patris, & voluntariâ sponcione Filii ei obsequentis *Iohan. 10. v. 18. Cap. 14. v. 31. Phil. 2. v. 7. 8. Hebr. 10. v. 5. 6.* Quod ipsum non Natura, non Lex, sed Evangelium nobis revelat, *Roman. 3. v. 21.* *Secundo* dictum *Ezechielis* ostendit, quid faciat Deus secundum Legem sive ordinariè, quid item nos facere velit; non verò quid in negotio redemptionis secundum Evangelium facere constituerit. *Tertio*, Effatum hoc *Unius morte redimi non posse vitam omnium aut multorum*, ne Politicè quidem verum est (nam pro uno captivo

ptivo Duce aut Rege omnes sæpe captivi dimittuntur) multo minus Theologicè. Quid ergo ait Apostolus? *Si Vnus pro omnibus mortuus est, illi omnes censentur mortui.* 2. Cor. 5. v. 15. vel an non mors Dei, *Actor.* 20. v. 28. Domini gloriæ, 1. Cor. 2. v. 8. *λύτρον* sufficiens esset pro vita omnium? *Quar*io pœna peccati est mors æterna, quoad *immensitatem* angorum & cruciatuum simpliciter, quos etiam Christum sustinuisse alibi luculenter ostendimus, quoad *durationem* in omnem æternitatem tum demum, quum non vincitur. Christus autem vicit eam, quod impossibile esset, ut ab eâ detineretur is, qui plenè jam satisfecerat atque etiam omnipotens erat *Actor.* 2. v. 24. *Fremitus & desperatio* cum pœnâ hâc non cohærent ratione *Efficientis* sive Judicis Dei, irrogantis pœnam; *verum* ratione *Subjecti corrupti*, quod odio Dei, impatientiâ laborans fremit adversus ipsum, & exitum non cernens desperat. Quorum nihil in Christo fuit, qui etiam in cruce amavit Patrem, pœnam patientissimè tulit, & de glorioso exitu persuasissimus fuit.

Contra Acquisitionem Remissionis peccatorum.

Quibus Remissio peccatorum ex mera gratia obtingit; iis nullo satisfactionis aut passionis merito acquiritur. Nobis obtingit Remissio peccatorum ex merâ gratia. Ergo. *Minorem* probant. I. Quia *χαρίζεσθαι* est gratificari, sive gratis donare sine Satisfactione; exemplo Regis *Matth.* 18. II. Quia *si ex gratia, jam non ex operibus*, alioquin gratia jam non est gratia *Rom.* 11. v. 6. III. Remissio duas partes habet. 1. quod debitor per eam obligatione solvitur. 11. quod creditor sive satisfieri non vult. Utraque harum partium desit remissio nulla est. *Resp.* Ambiguitas est in termino *mera gratia*, quæ tamen cum non nostræ modò, verum etiam ipsius Christi Satisfactioni opponatur, negamus *Minorem*. Paulus enim cum aliis locis, tum *Rom.* 3. v. 24. 25. gratiæ Dei justificantis subordinat Christum placatorem per sanguinem, idque ad *ἐνδεξιὴν* justitiæ propter dissimulationem sive tolerantiam peccatorum antecessorum. Quomodo verò subordinatur gratiæ, sic excluditur, evertitur à gratia? aut quæ in justificatione est *ἐνδεξιὴς* justitiæ, si etiam quoad Christum merè gratuita est? *Probationes* Minorem quo sensu negata est non fir-

Quia R. P. ex
merâ gratiâ
obtingat.

mant. Non *Prima*; quia Deus Justificans quoad nos dicitur *ἐξέσθαι*, *Luc.* 7. v. 42. *Ephes.* 1 v. 6. 7. (quod etiam parabola docet, *Matth.* 18. & ad mutuam remissionem exercendam satis est:) quoad *Christum*, justificare nos ipsius sanguine, *Rom.* 5. v. 9. justos nos constituere ipsius obedientiâ v. 19. Non *Secunda*; quia *Rom.* 11. *gratia* & *opus* opponuntur nostri respectu, ut disputationes Paulinæ *Rom.* 3. 4. 5. *Galat.* 2. 3. docent: non vero etiam respectu Christi, quomodo subordinantur. Non *Tertia*; quia duæ illæ partes tantum in sunt remissioni absolutæ; non autem conditionatæ, in quâ Creditor misericordiam simul & justitiam demonstrare volens, debitorem obligatione solvit ex misericordia, satisfieri verò sibi vult à sponsore ejus ex justitiâ: quem tamen sponsorem Deus nobis ipsemet dedit.

Contra *Redemptionem propriè dictam.*

Quia redemptio Christi sit metaphorica.

Redemptio metaphorica non est redemptio propriè dicta. Redemptio Christi est redemptio Metaphorica. Ergo. *Minorem* probant. I. Quia verbum *redimere* sæpe & plerumque apud auctores sacros accipitur pro liberare, quomodo Deus redimit populum suum ex *Ægypto*, *Exod.* 15. v. 13. per Moysen redemptorem; *Act.* 7. v. 35. & ipse Christus à Deo redemptus est *Pf.* 31. v. 6. II. Quia redempti dicimur non à Deo, sed ab execratione Legis, *Gal.* 3. v. 13. ab iniquitatibus nostris *Ti.* 2. v. 14. Quibus ipsis tamen precium nullum fuit persolutum. *Resp.* negando *Minorem*. Ratio prima concludit ex puris particularibus: Alicubi fanè est simpliciter liberare, ut *Ex.* 15. *Pf.* 31. quatenus de Christo loquitur; at non ubique, neque etiam illis locis, quæ de Christi *ἀπλυτῶσαι* agunt, ut quæ *λυτῶν* ipsum simul indicant. *Secunda* ambiguitate fallit. Non redempti sumus à Deo per alienationem, sed redempti sumus Deo, *Apoc.* 5. v. 9. per reconciliationem *Rom.* 5. v. 9. Redempti autem ab execratione Legis tanquam pœna; ab iniquitatibus tanquam laqueis, quibus constricti eramus à Deo iudice, ut principaliter detinente. Quapropter non illis, sed huic precium solvendum fuit.

Pontificiorum.

PRIMA: An Christus secundum utramque Naturam sit noster Mediator? Pontificii negant, Bellarminus tom.

I. Controv. gener. II. de Christo Lib. 5. de Mediatore cap. 3. & seqq. usque ad 9. Nos affirmamus.

Tertia: Pontificiorum. An Christus secundum utramque naturam sit noster Mediator?

Rationes nostræ.

Ex Natura Subjecti:

Rationes Affirmantes Orthodoxæ.

I. Quæ Christi ὑποτέλειματι θεανδρικὰ sunt; ab utrâque ejus naturâ ut principio formali procedunt, non ab alterâ, Humanâ, tantum. ὑποτέλειματι Christi Mediatoris sunt θεανδρικὰ. Ergo. Major patet; quia Principiata referunt naturam suorum principiorum; & Nullius operationis divinæ principium formale potest esse Natura Humana; nullus enim effectus esse potest toto genere melior suâ causâ. Minorem probamus inductione ὑποτελεισμάτων, quæ Christo Mediatori Bellarminus tribuit lib. 5. cap. 1. Arbitrum esse inter Deum homines, discernendo & dijudicando causam; internuncium agere, referendo pacta & conditiones; orare & supplicare uni parti pro alterâ; satisfacere denique uni pro alterâ; ὑποτέλειματι sunt Mediatoris. Atqui sunt ὑποτέλειματι θεανδρικὰ. Primum; quia arbitrium illud sive judicium, quo statuit Mediator posse fieri pacem, si Deus homini reconciliaretur, homo offendere Deum deinceps caveret, supra humanitatem est; ut in quo ἡ πολυποίκιλος σοφία τῆς θεῆς posita est Ephes. 3. v. 10. Secundum; quia Internuncii partes principaliter unigenito illi filio, qui est in sinu Patris, transcribuntur Iohann. 1. v. 18. Cap. 3. v. 13. Tertium; justè & sufficienter intercedere actio est, ad quam Natura Christi Divina requiritur necessariò; utpote secundum quam mentem Patris penitissimè novit, eique charissimus est. Quartum; quia Satisfactio illa Deo, Actor. 20. v. 28. Domino gloriæ, 1. Cor. 2. v. 8. Filio Dei, 1. Ioh. 1. v. 7. tribuitur. Ergò.

Quia ὑποτέλειματι Christi Mediatoris sunt θεανδρικὰ.

II. Divina Natura in opere Mediationis aut aliquid agit, aut nihil. Si nihil; quid opus ut Filius Dei assumeret Naturam

Quia Divina N. in opere Mediationis aliquid agit,

Humanam? ut Mediator inter Deum & Homines esset *ἡμεῖς*? cur etiam Christum Mediatorem secundum utramque Naturam ut principium operans nominant? Si *aliquid* agit; quo modo non est Mediator secundum utramque naturam ut principium formale? cum omne operans operetur per suam formam, ex qua operationes fluunt.

Ex naturâ Prædicati:

Quia Christus secundum utramque N. partes dissidentes reconciliat.

I. A definitione: Mediator est qui inter partes dissidentes medius, eas reconciliat. Christus secundum utramque naturam medius est inter partes dissidentes, easque reconciliat. Ergo. *Minor* probatur; quia Naturam Divinam cum Deo, Humanam cum hominibus communem habens, à Deo differt per exinanitionem & œconomiam voluntariam, *Phil. 2.v.6.7. & seqq.* ab hominibus differt per gratiam unionis cum λόγῳ, *Ioh. 1.v.14. & immunitatem à peccato 1.Perr. 2.v.22.* Deinde etiam eosdem reconciliavit, *Rom. 5.v.10. Ephes. 1.v.18. & seqq. Col. 1.v.20.* quibus locis reconciliatio per Christum facta, facta dicitur per mortem Filii Dei, per eum in quo habitat tota plenitudo Deitatis, id est, qui Deus est.

Quia Christus secundum utramque N. est Propheta, Sacerdos, ac Rex noster.

II. A distributione: Secundum quam Naturam Christus est Propheta, Sacerdos, ac Rex noster; secundum eandem noster mediator est. Atqui secundum utramque Naturam est Propheta, Sacerdos, ac Rex noster. Ergo. *Minor* inde confirmatur, quod munus Propheticum, Sacerdotale, & Regium Christo non modò secundum Naturam humanam, verum etiam secundum Naturam Divinam tribuuntur. Propheticum: *Math. 11.v.27. Patrem nemo novit nisi Filius, & cui Filius voluerit revelare. Ioh. 1.v.18. Filius ille unigenitus, qui est in sinu Patris, ipse nobis revelavit. Sic Ioh. 3.v.13. Hebr. 1.v.1.* Sacerdotale: *Hebr. 9.verf. 14. Per Spiritum Aeternum se ipsum obtulit in culpatum Deo. Act. 20.verf. 28. Deus acquisivit Ecclesiam proprio sanguine. Sic Ioh. 10.v.17.18. Rom. 5.v.10. &c.* Regium: *Ioh. 3.v.35. Pater diligit filium, & omnia dedit ei in manus. Luc. 1.v.32.33. Filius altissimi vocabitur, regnabitque in domo Iacobi in aeternum & regni ejus non erit finis. Sic Ephes. 1.v.20. Phil. 2.v.9. &c.*

Rationes Pontificiorum.

Negantes
Heterodoxa.

Ex naturâ Subjecti :

I. Qui tantum ut homo Mediator est, is secundum solam Naturam Humanam Mediator est. Christus tantum ut homo Mediator est. Ergo. *Minorem* probant dicto Apostoli 1. Tim. 2. v. 5. *Vnus est Deus, & unus Mediator Dei & hominum, homo Iesus Christus*; ubi *homo* tantum notat Naturam Humanam, quia eâ solâ à Deo distinguitur. *Resp.* *Minor* non confirmatur dicto Apostoli: Nam vox *homo* concretiva est, non abstractiva; personam notans, non Naturam Humanam. Quod manifestum fit ex Logicâ hujus sententiæ dispositione: Homo Iesus Christus est mediator Dei & hominum. Ubi prius, *Homo*, non potest esse restrictivum; quia est nomen speciei, sed posterius, *Iesus Christus*, quia individuale etiam restrictivum est. Nec enim quis homo, verum ille mediator est, qui ab Angelo Iesus nominatur. *Adhuc* falsum est Christum solâ Naturâ Humanâ distingui à Deo; Etenim œconomiâ officii similiter distinguitur, ut tum ex hoc loco, tum ex aliis, 1. Cor. 8. v. 5. 6. *Ephes.* 4. v. 4. 5. planum est.

Quia tantum
ut Homo sit
Mediator.

II. Qui neque secundum utramque naturam conjunctim, neque secundum utramque seorsim acceptas Mediator est; ille secundum utramque Naturam non est mediator. Atqui Christus &c. Ergo. *Minorem* probant per partes: *Non secundum utramque Naturam conjunctim*; quia ita distat quidem ab aliis hominibus, atque etiam à Deo Patre & Spiritu Sancto, at non distat à Deo Filio, nec personâ nec naturâ: à quo tamen distare debet ut pars offensâ, ad cujus placationem Mediatore opus. *Nec secundum utramque seorsim*; quia non secundum Naturam Divinam seorsim, cum illa sit pars offensâ, & nihil distet à Deo. Ergo secundum solam Naturam Humanam. *Resp.* Negamus prius, Christum videlicet secundum utramque naturam conjunctim non esse Mediatorem. Negamus quoque non distare Deum Filium Mediatorem à Deo Filio: Et si enim non distat ab eo vel personâ vel naturâ in se & absolute spectatis, distat tamen *ὁμοφυῶς* & relatione muneris mediatorii. Nam aliud est Deum Filium esse, aliud Mediatorem

Quia secundum
utramque
N. nec
conjunctim.
nec seorsim
fit mediator.

torem esse; aliud offensum esse ut Deum, aliud Mediatorem ageret ut Θεάνθρωπον. Nec absurdum Mediatorem esse sui ipsius; quia quod apud alios agit ut persona ab ipsis diversa, id apud se agit modo & relatione muneris à se diversus. Cujusmodi mediationis exempla alibi proposuimus.

Quia sic omnes Deitatis personæ forent Mediatores.

III. Si Christus Mediator est secundum Naturam Divinam, omnes Deitatis Personæ Mediatores sunt: *Ratio*; quia Natura Divina omnibus est communis. Consequens absurdum. Ergo. *Resp.* Si hoc argumentum valet ad mediationem communem efficiendam, etiam valebit ad Incarnationem. Sed ludit ambiguitate vocum. Nam Natura Divina in propositione significat Naturam Divinam singulariter in Personâ Filii Dei; in probatione Naturam Divinam communiter in essentia Dei.

Ex naturâ Prædicati:

Quia Sacrificare, interpellare, &c. Christo secundum Humanam Naturam tantum conveniant.

Sacrificare & sacrificando satisfacere, interpellare pro nobis, advocatum nostrum esse, dare semetipsum redemptionem pro nobis, conveniunt Christo tantum secundum Naturam Humanam, & non secundum Divinam. At illa sunt propria officia Christi Mediatoris. Ergo. *Majorem* probant hac ratione; quod Divinitatem Filii facere Sacerdotem apertissimus sit Arrianismus, cum omnis sacerdos minor sit eo, cujus est sacerdos. *Resp. Majorem*, quam negamus, abundè confutavimus in antecedentibus illis Scripturæ locis, quæ opera ista Christo etiam secundum Naturam Divinam vendicant *Actor. 20. v. 28. Rom. 5. v. 10. 1. Cor. 2. v. 8. Hebr. 9. v. 14. 1. Joh. 1. v. 7. Ratio* ejus tum *impertinens* est; quia non Deitatem Christi in abstracto, sed Christum secundum utramque Naturam conjunctim facimus Sacerdotem: tum *falsa*; quia non quovis modo filium facere minorem Patre Arrianum est, sed facere minorem naturâ, Deitate. Nos minorem facimus in formâ servi, in quâ se ad tempus exinanivit, *Phil. 2. juxta illud Joh. 14. v. 28. Pater major me est.*

SECUNDA: *An Christus in cruce mortuus secundum animam suam ad loca infernaliam, limbum Patrum, limbum infantum, purgatorium & gehennam verè propriè & re ipsâ descenderit?* Pontificii affirmant, Bellarminus Tom. I. Controv. gener. II. de Christo lib. 4. de anima ipsius cap. 12. & seqq. Nos negamus.

Quarta: Pontificiorum. An Christus in cruce mortuus verè & propriè ad loca infernaliam descenderit?

Rationes nostræ.

Rationes
Negantes
Orthodoxæ.

Ex naturâ Subjecti:

Qui secundum animam suam statim à morte receptus est in cœlum, secundum eam non descendit in loca infernaliam. Christus secundum animam suam statim à morte receptus est in cœlum. Ergò. Major patet; quia cœlum & loca infernaliam sibi diametraliter opposita sunt; ascendere etiam & descendere motus contrarii. De Minore constat ex dictis Christi pendentis in cruce, & jam morituri: Luc. 23. v. 43. Amen dico tibi, hodie mecum eris in Paradiso. vers. 46. Pater in manus tuas depono Spiritum meum.

Quia secundum animam statim à morte receptus est in cœlum.

Ex natura Prædicati:

I. Quod non est; ad id nullus datur descensus: Ratio; quia non-entis nulla sunt accidentia. Loca tria infernaliam, quæ præter gehennam recensentur, non sunt, ut alibi ostendimus. Ergo.

Quia loca illa infernaliam tria non sunt.

II. Si secundum animam Christus verè & propriè ad inferos descendit, aut descendit ut aliquid ibi pateretur, aut ut Patres liberaret, aut ut victoriam suam triumphans ostentaret. Non primum; quia in cruce consummavit omnia Iohan. 19. v. 30. Vnicâ illâ oblatione consummavit in perpetuum eos qui sanctificantur Heb. 10. v. 14. Non secundum; quia jam in cœlo degebant, ut controverfiâ sequente demonstrabitur. Non tertium; quia descensum ad inferos passim nobis describit Scriptura, ut infimum exinanitionis gradum exaltationi oppositum Act. 2. Roman. 10. Ephes. 4. Ergo.

Quia descensus illius nulla fuit causa.

*Affirmantes
Heterodoxæ.*

Rationes Pontificiorum.

Ex natura *Subjecti* & *Prædicati* simul :

Quia secundum animam fuerit in corde terræ.

I. Qui fuit in corde terræ, fuit in locis infernalibus, adeoque ad illa descendit. Anima Christi à corpore separata fuit in corde terræ *Matth. 12. v. 40.* Ergo. *Resp. I.* negatur consequentia, *Majoris* ob fallaciam phræseos. *Cor terra* phrasi Hebræa nihil significat, quàm quod intra terram est; & *in corde terræ esse* nihil, quàm intra terram esse; sive illud superficiei ejus propius, sive remotius sit. II. *Minor* falsa est. Nam *Matth. 12.* Filius hominis dicitur futurus in corde terræ, non sanè secundum animam, sed secundum corpus; utpote quo in sepulchro, quod intra terram erat, *Marc. 16. Joh. 20.* in tertium usque diem requievit.

Quia id affirmatur *Act. 2. v. 27.*

II. *Act. 2. v. 27.* docetur, quod Christus ut corpore in sepulchro, sic animâ in inferno fuerit. Nam *ψυχή* animam, & quidem solam, ut quâ à carne distinguitur; *αἰδης infernum* propriè significat, nec pro sepulchro uspiam accipitur. Ergo secundum animam ad inferos descendit. *Resp.* Antecedens peccat fallacia divisionis, & dictionis: *Illâ*; quia sententias æquipollentes, *Non relinques animam meam in Inferno, nec fines Sanctum tuum videre corruptionem*, distrahit tanquam sensu diversas. *Istâ*; Nam *ψυχή* per Synecdochen membri Hebraicam ipsum Christum, & iterum per Synecdochen integri corpus ejus designat: Quomodo etiam vox Hebræa *שׁוּב* pro cadavere, *Levit. 21. v. 11.* &

Græca *ψυχή* pro corpore *Luc. 6. v. 9.* sumitur. Probatur. 1. Ex connexionione: *Caro*, inquit, *mea commorabitur* scil. in sepulchro *sub spe*, quoniam non derelinques &c. 11. Ex Epexegefi: *Non fines Sanctum tuum*, id est me, *videre corruptionem*, scil. in corpore, quam alioquin istud in sepulchro relictum sentiret. Sic alterum *αἰδης* respondens voci *שׁוּב* secundum interpretationem *LXX.* non semper *infernum* propriè, sed sæpe etiam *sepulchrum* notat. 1. *Reg. 2. v. 6. Job. 14. v. 13. Cap. 17. v. 13. Psal. 6. v. 5. Esa. 38. v. 10.* Quo significatu hîc accipi, v. 31. & *cap. 13. v. 34. 35.* collatio evincit.

III. Qui

III. Qui descendit in abyssum, in inferiores partes terræ; Quia descendit in abyssum. is descendit in loca infernalìa. Christus descendit in abyssum, *Rom. 10. v. 7.* in inferiores partes terræ *Ephes. 4. v. 9.* Ergo. *Resp.* Iterum peccatur ambiguitate phraseos. *Rom. 10.* non dicitur Christus descendisse in abyssum; sed verba cordis dubitantis de redemptione Christi per mimesin recitantur. *Ephes. 4.* autem descensus in inferiores partes terræ non est motus localis, sed exinanitio & patefactio Christi in carne, quam in terrâ assumpsit. Et partes inferiores dicuntur respectu partium superiorum, non terræ, sed mundi, id est, cœlorum: ut sensus sit, descendit in terram; quæ inferior mundi pars est.

TERTIA: *An Christus descensu illo Patres omnes Veteris Testamenti ex limbo, alios nonnullos etiam ex purgatorio; Infantes verò ac damnatos nullos ex limbo & gehennâ liberarit? Pontificii affirmant, Bellarminus tom. 1. Contr. gener. 11. de Christo, lib. 4. de anima ejus cap. 11. 15. 16. Nos negamus.* Quintus: Pontificiorum. An Christus suo descensu Patres V. T. ex limbo, alias ex purgatorio liberarit?

Rationes nostræ.

Rationes
Negantes
Orthodoxæ.

Ex natura Prædicati:

I. Qui statim à morte recepti fuerunt in cœlum, non detrufi sunt in limbum aliquem infernalem; eoque nec descensu animæ Christi postmodum inde liberati. Patres Veteris Testamenti in fide mortui, secundum animam statim recepti fuerunt in cœlum, *Eccles. 12. v. 7. Luc. 16. v. 22. & seqq. Hebr. 11. per totum; Enochus & Elias etiam secundum corpus Genes. 5. v. 24. 2. Reg. 2. v. 5. 9. 11. Ergo.* Quia Patres V. Test. post mortem statim recepti sunt in cœlum.

II. Idem est fidelium post mortem status in utroque Testamento: *Ratio*; quia eadem utrobique mortis Christi efficacia, *Hebr. 13. v. 8. Apoc. 13. v. 8.* eadem fides & via salutis, *Ephes. 4. v. 5. Rom. 4. v. 5. 11. 16. Actor. 15. vers. 11.* Atqui fideles Novi Testamenti statim à morte recipiuntur in cœlum; quod de universis docet Scriptura, & *Bellarminus* de iis, qui sine peccato veniali decedunt, confitetur. Ergo.

Quia idem fidelium status est in V. & N. T.

Quia nec ob
originale
peccatum
detenti, nec
cælum ipsis
clausum
fuit.

III. Si Patres in limbo illo infernali ad Christi usque descensum detenti fuerunt; aut ideo detenti, quod reatu peccati originalis adhuc tenerentur; aut quod cælum eo usque ipsis clausum esset. Non *illud*; quia sanguis Christi tam ipsos, quàm nos mundavit ab omni peccato, 1. *Ioh.* 1. v. 7. *Tu.* 2. v. 14. tanquam sanguis agni mactati à jacto mundi fundamento *Apoc.* 13. v. 8. Nec *istud*; quia non fuit clausum Abrahamo & Lazaro, *Luc.* 16. qui cum in loco quietis, gaudii, solatii fuerint, in cælo certè, non in limbo fuerunt, ut qui secundum Pontificios, pœnæ damni locus est. Ergo.

De *Infantibus* eorumque post hanc vitam conditione alibi dictum.

Affirmantes
Heterodoxæ.

Rationes Pontificiorum.

Ex natura *Subjecti*:

Quia Patrum animas
eduxerit ex
lacu.

Christus animas Patrum sanguine Testamenti eduxit è lacu, in quo non erat aqua, *Zach.* 9. v. 11. Ergo ex limbo eas liberavit. *Resp.* *Antecedens Zach.* 2. non habetur; quia ibi non de animabus Patrum defunctorum, sed de Ecclesia Israëlita in terris degente; nec de liberatione ex limbo, sed liberatione ex captivitate Babylonica in quâ nihil erat solatii, agitur, ut textus docet.

Ex naturâ *Prædicati*:

Quia anima
Patrum fuerint in inferno.

Vindiciæ
Locorum.
Gen. 37. v. 35.
Luc. 16. v. 26.

1. *Petr.* 3. v. 19.

Animæ Patrum ante Christi ascensionem non fuerunt in cælo; quia fuerunt in inferno, *Genes.* 37. v. 35. in eâdem cum damnatis voragine, hiatu tantum interjecto, *Luc.* 16. v. 26. in carcere, 1. *Petr.* 3. v. 19. quod patefacta nondum esset via ad sacrarium priore tabernaculo adhuc consistente *Hebr.* 9. v. 8. Ergo descensu animæ Christi inde liberatæ, atque ita demum in cælum traductæ fuerunt. *Resp.* Falsum est *Antecedens* unâ cum probationibus, *Genes.* 37. descendere ad inferos est mori. *Luc.* 16. non dicitur Lazarum & Epulonem in eâdem fuisse voragine, sed potius contrarium, non fuisse; quandoquidem hiatus ingens interjectus ipsos determinavit. 1. *Petr.* 3. Per *Spiritus in carcere* non intelliguntur animæ Patrum in fide mortuorum, verum ex declaratione v. 20. animæ immorigerorum illorum, qui ad prædicationem Noachi non resipuerunt, ac proinde inobedientiam suam in carcere, id est, inferno, *Apoc.* 20. v. 7. nunc luunt.

Deni-

Denique *Hebr.* 9. patefieri non est referari, aperiri, sed manifesta-
ri, palam annunciari, prædicari, ut docet verbum Græcum *πεφα-*
νησθαι. Patefacta igitur veteribus non fuit via ad sacrarium,
quatenus non fuit ipsis annunciata, prædicata, ut nobis in Novo
Testamento *1. Tim.* 3. v. 16.

Heb. 9. v. 8.

Lutheranorum.

Sexta; Lu-
therano-
rum.

An Satisfactio Christi sit Vniversalis ? sive : *An Christus pro*
hominibus universis ac singulis, quotquot unquam fue-
runt, sunt, & erunt nemine excepto, mortuus sit ; eos
omnes sanguine suo redemerit, reconciliarit Deo ; adeo-
que ipsis remissionem peccatorum, justitiam, & Vitam
Æternam acquisiverit ? Lutherani affirmant, *Ec-*
kardus fasciculi controversiarum cap. 15. de Prædesti-
natione questione 6. Nos negamus.

An Satisfac-
tio Christi sit
universalis ?

Rationes nostræ:

Ex natura Subjecti & Prædicati simul :

Rationes
Negantes
Orthodoxæ.

I. Qui mortuus est pro populo suo, pro Ecclesia, pro ovibus ;
ille non est mortuus pro omnibus & singulis. Christus mortuus est
pro populo suo, pro Ecclesia, pro ovibus. Ergo. Major firma
est: Nam populus Dei ipsi proprius & peculiaris est. *1. Pet.* 2. v. 9.
Tit. 2. v. 14. è multis selectus, ut canunt Seniores *Apoc.* 5. v. 9.
Redemisti nos Deo per sanguinem tuum, ex omni tribui lingua ; &
natione &c. Ecclesia non omnium sed vocatorum est cætus, &
quidem vocatorum secundum propositum Dei *Rom.* 8. v. 28. O-
ves etiam, non universi & singuli (nam Christus ait, *vos non estis ex*
ovibus meis Ioh. 10. v. 26.) sed quotquot ei à Patre dati fuere *Ioh.*
10. v. 29. Minoris veritas demonstratur per partes. Pro populo :
Matth. 1. v. 21. *Ipse servabit populum suum à peccatis ipsis. Luc.* 1.
v. 68. 69. Invisit & redemit populum suum, & erexit cornu salutis
in domo Davidis. Cap. 2. v. 10. Euangelizo vobis gaudium magnum
quod erit toti populo. Tit. 2. v. 14. *Dedit semetipsum pro nobis, ut re-*
dimeret nos ab omni iniquitate, & purificaret sibi peculiarem popu-
lum, accensum studio bonorum operum. Pro Ecclesia : *Ephes.* 5. v. 23.

Quia Chri-
stus mor-
tuus est pro
populo suo
&c.

Christus est caput Ecclesie, & is qui salutem dat corpori: v. 25. Dilexit Ecclesiam, & semetipsum exposuit pro ea. Act. 20. v. 28. Deus acquisivit Ecclesiam proprio sanguine &c. Pro ovibus: Ioh. 10. v. 11. Bonus pastor animam suam ponit pro ovibus. v. 15. Ego animam meam deponeo pro ovibus, Cap. 11. v. 51. 52. Prophetavit fore ut Iesus moreretur pro gente: nec tantum pro ea gente, sed ut etiam filios Dei dispersos congregaret in unum.

Quia mortuus est pro omnibus restrictivè & indefinite sumtis.

II. Qui mortuus est pro omnibus, restrictivè & indefinite sumtis; ille non est mortuus pro omnibus simpliciter & absolute. Christus mortuus est pro omnibus restrictivè & indefinite sumtis. Ergo. Minor probatur dupliciter. **I.** Quia dicitur mortuus pro omnibus credentibus, obedientibus, convertendis; pro omnibus membris Ecclesie; pro cuiusvis ordinis ac conditionis hominibus. Ergo restrictivè & indefinite pro omnibus dicitur mortuus. Pro omnibus credentibus: *Rom. 3. v. 22. Iustitia Dei per fidem Iesu Christi, in omnes & super omnes qui credunt.* Sic *Ioh. 3. v. 15. 16. & alibi.* Pro omnibus Obedientibus: *Heb. 5. v. 9. Factus est auctor salutis eterne omnibus qui ei obediunt.* Pro omnibus Convertendis: *Ioh. 12. v. 32. Sublatus est terra, omnes traham ad me.* Pro omnibus Membris Ecclesie: *Rom. 8. v. 31. 32. Si Deus pro nobis, quis contra nos? Is quidem qui proprio filio non pepercit, sed pro nobis omnibus tradidit eum.* Pro cuiusvis ordinis ac conditionis hominibus, *Act. 10. v. 34. 35. Verè deprehendo Deum non respicere ad personam; sed in quavis gente acceptum ei esse quemvis, qui eum timeat, &c.* **II.** Quia sic mortuus est pro omnibus, ut etiam mortuus dicatur pro multis. *Esai. 53. v. 11. Servus meus iustus cognitione sui justificabit multos, quorum iniquitates ipse bajulavit, v. 12. ipse peccatum multorum pertulit.* *Matt. 20. v. 28. Filius hominis venit, ut det animam suam pro multis, Cap. 26. v. 28. Sanguis, qui pro multis effunditur in remissionem peccatorum, Heb. 9. v. 28. Christus semel oblatus, ut tolleret peccata multorum.* Proinde universalitas illa non absoluta, sed restrictiva est; non omnium simpliciter, sed omnium illius ordinis ac multitudinis.

Excipiunt Lutherani.

Ioh. 12. v. 32. explicatur.

Primò: Ioh. 12. v. 32. Christus sine restrictione loquitur. Resp. Hoc falsum est. Ad eos restringit sermonem quos se tracturum esse per

per conversionem & fidem promittit, & ex veraci promissione trahit. At non omnes absolute, sed omnes convertendos, electos trahit, ex Judæis & gentibus; quemadmodum nec Pater omnes absolute, sed omnes Electos ad Christum trahit *Ioh. 6.v.44.* Ergo.

Secundo: Vox *multi* totam sæpe Vniversitatem significat, ac omnes & singulos notat *Dan. 12.v.2. Rom. 5.v.19. Resp.* Proceditur ex puris particularibus. Alicubi ejusdem significationis est. Ergo. hic. Locus etiam *Rom. 5.* impertinens est, de universalitate restrictivâ Electorum & credentium agens, pro quibus omnibus dum mortuus est Christus, equidem pro multis est mortuus; quia illi in se spectati verè multi sunt, *Matth. 8.v.11. Hebr. 2.v.10.* Ab Oriente & Occidente, ex omni natione & linguâ per totum mundum collecti *Matt. 8.v.11. Cap. 28.v.19. Apoc. 5.v.9. Ioh. 11.v.52.* licet pauci omnino, reproborum & incredulorum respectu *Matt. 7.v.14. Cap. 20.16. Luc. 12.32.*

Multi quomodo accipiat.

Tertio: Hoc modo universalitas illa, quam passim inculcat Scriptura, enervatur & in particularitem convertitur. *Resp.* negamus. Nam restringitur tantum secundum Scripturam ad eam speciem, cujus propria est; eoque universalitas quædam specialis credentium, alteri incredulorum opposita, constituitur: sicut τὰ καθόλου tam speciei convenit respectu individuorum, quam generi respectu specierum. Et Ecclesia quam Deus proprio sanguine acquisivit, *Act. 20.v.28.* rectè *Catholicæ* universalis vocatur, etiam si genera tantum singulorum, non singula generum complectatur.

Universalitas Scripturæ consentanea.

III. Pro quibus Christus oblaturus se ipsum non oravit, neque etiamnum intercedit apud Patrem in cœlis; pro iis quoque mortuus non est. Pro universis & singulis neque oblaturus se ipsum oravit, neque etiamnum intercedit. Ergo. *Majoris* Consequentia patet *partim* ex eo, quod duo illa Summi Sacerdotis officia, offerre & orare pro populo, individuo nexu coherent in typo, *Lev. 16.* & antitypo *Heb. 5.8.9.10. capp. Rom. 8.v.34. 1. Ioh. 2.v.1.2. partim*; quia minus est orare pro aliquo, quam mori: *partim* etiam quia adversaretur sibi, si pro quibus mori decreverat, orare nollet. *Minor* bimembris est. *Primi* confirmatur dicto Christi *Ioh. 17.v.9.* *Pro iis rogo, non pro mundo rogo, sed pro iis quos dedisti mihi, quia tui sunt.* *Posterius* dictis Apostolicis: *Rom. 8.v.34. Christus est qui mortuus est, qui interpellat pro nobis, scilicet Electis Dei ex v. 33. quos nihil potest separare ab ejus charitate v. 35. & seq. Heb. 7.v.24.25.*

Quia pro universis & singulis non oravit.

Pro-

Propterea quod in aeternum manet perpetuum habet sacerdotium: Unde & perfecte servare potest eos, qui per ipsum accedunt ad Deum, semper vivens, ut interpellat pro eis; accedentibus scilicet per ipsum ad Deum. 1. Ioh. 2. v. 1. 2. Filioli, si quis peccaverit, advocatum habemus apud Patrem, Iesum Christum justum. Et ipse est propitiatio, &c.

Quomodo
Christus pro
inimicis suis
oraverit.

Excipiunt: Christus oravit etiam pro inimicis transgressoribus Luc. 23. v. 34. Esa. 53. v. 12. Apud Iohannem verò loquitur non de generali istâ, sed speciali precatione, quâ Electos sibi tanquam in peculium à Patre datos peculiariter æterno Patri commendat. Resp. Sic etiam pro inimicis transgressoribus mortuus est Rom. 5. v. 6. 8. 9. An pro omnibus promiscuè? Minimè verò, sed pro Electis ex mundo & convertendis. Eundem ergo in modum pro inimicis convertendis oravit Ioh. 17. v. 20. Loca Luc. 23. Esa. 53. agunt de militibus qui Christum crucifixerant, non odio, quo Scribarum & Phariseorum multi ipsum tradiderant, & ad mortem depoposcerant, sed ignorantia. Pro iis igitur orat Christus indefinitè, quia nonnullos ex ipsis convertendos esse norat: quod ipsum eventum mox cum probatum fuit in centurione, Luc. 23. v. 47. & milite Ioh. 19. v. 34. 35. Similiter & Stephanus pro lapidantibus se oravit indefinitè, Act. 7. v. 60. futurum sperans, ut aliqui saltem ex ipsis converterentur, atque ita ex charitatis lege eos pro Electis habens. In expositione loci Ioh. 17. primò contradicunt gregalibus suis, qui Reprobos voce mundi non simpliciter, verum eatenus excludi ajunt, quatenus ignorant Deum, & Electos ejus oderunt, Deinde. Si peculiariter, sive singulari modo oravit pro Electis: peculiariter etiam pro ipsis est mortuus: Ratio, quia non pro mundo sed pro datis sibi à Patre seipsum sanctificavit, id est, obtulit in sanctam victimam, v. 9. Heb. 10. v. 10. Quis verò modus ille mortem Christi in se modificans? aut quo pacto modus hic peculiaris cum absolutâ Redemtionis Universalitate consistet?

Quia beneficia
mortis
Christi non
redeunt ad
singulos.

IV. Ad quos non redeunt beneficia mortis Christi; ad eos quoque ejus satisfactio non pertinet. Atqui non redeunt ad universos & singulos. Ergo. Vtræque propositio probatur. Major: quia beneficiorum illorum acquirendorum, & quibus acquisita sunt, conferendorum gratiâ, satisfactio à Christo præstita fuit. Act. 20. v. 28. Cap. 5. v. 31. Gal. 3. v. 13. 14. Eph. 4. v. 9. 10. & seq. Cap. 5. v. 23. 25. 26. 27. Minor inductione: Remissio peccatorum non est universorum & singulorum, Rom. 3. v. 22. Act. 10. 43. nec Spiritus Sanctus.

Ioh.

Iob. 14. v. 16. 17. nec Fides 2. Theff. 3. v. 2. Tit. 1. v. 1. nec Regeneratio, Act. 5. v. 31. nec denique Vita Æterna Matt. 25. v. 34.

Excipiunt: Negando consequentiam *Majoris*; quod duplex sit beneficiorum Christi consideratio, nimirum *vel* ut habentur in Christo acquisita, *vel* ut ab homine possidentur & tenentur applicata. Priorem esse posse absque posteriore probant dictis, *Rom. 5. vers. 18. 2. Cor. 5. vers. 19. 20. & exemplo Pauli, qui morte quidem Christi redemptus fuit, nec ramen, quamdiu persecutor Ecclesiæ, absolutus à peccatis, & Deo actû reconciliatus fuit. Resp. Distinctio illa consequentiam Majoris non infringit aut solvit. Omnino differt applicatio beneficiorum Christi ab eorundem acquisitione. Illa effectum est, hac causa; illa omnium temporum in Veteri & Novo Test. hac unius; illa per Spiritum Sanctum, fidem, verbum & sacramenta quotidie fit, hac per sanguinem Christi semel facta est Act. 20. v. 28. Hinc vero nondum conficitur ita differre, ut cui à Christo acquisita sunt beneficia, ei nunquam applicentur: Nec hoc vel dicta (de quibus postea) volunt, vel Pauli exemplum evincit. Annon Paulo tandem converso applicata sunt? Quam certum est Christum traditum in mortem propter lapsus nostros & resuscitatum ad nostri justificationem, Rom. 4. v. 25. exaltatum esse ad dexteram Dei, ut daret Israël resipiscen-
tiam & remissionem peccatorum, Act. 5. v. 31. intercedere pro iis pro quibus mortuus est, Rom. 8. v. 34. & salutem dare Ecclesiæ pro quâ se exposuit, Eph. 5. v. 23. 25. tam certum est beneficia ejus quibus acquisita sunt, iisdem etiam applicari, etsi diversis temporum intervallis, pro diversis vocationis momentis Matt. 20.*

Rationes Lutheranorum.

*Affirmantes
Heterodoxæ.*

I. Quod omnibus, & pro omnibus præstitum est; id verè est & dici debet Vniversale. Satisfactio Christi omnibus, & pro omnibus præstita est. Ergo. *Minorem* probant dictis, *Rom. 5. v. 18. 1. Cor. 15. v. 22.* ubi antithesin urgent Adami primi & secundi; & illud, quod beneficium Christi non contractius, sed abundantius sit mæficio Adæ, & aliis locis *1. Tim. 2. 6. 2. Cor. 5. 15. Heb. 2. v. 9. Resp.* Admittitur Elenchus quatuor terminorū. Nam *Major* de Vniversalitate absolutâ secundum Lutheranos, *Minor* de Vniversalitate restrictivâ secundum Scripturas loquitur. Nec enim ubicunq; no-

Quia Satisfactio Christi omniaibus & pro omnibus præstita sit.

ta est *universalis*, semper *universalitas absoluta* notatur, sed talis qualem subjectæ materiæ natura fert; alioquin Deus absolute esset omnia in omnibus; absolute citra exceptionem operaretur omnia in omnibus; omnia nova facta essent; omnes absolute quæ sua sunt quærerent: quod nemo sanus affirmabit. Sed *universalitatem restrictivam* illam in testimoniis citatis ostendamus. *Rom. 5. v. 18.*

Vindicantur
dicta *Rom. 5.*
v. 18.

Omnes homines in quos redundasse dicitur beneficium Christi, non sunt omnes homines absolute, sed omnes ad ipsum pertinentes, id est, Electi & fideles. Etenim confert Christum Apostolus cum Adamo, tanquam stirpem cum stirpe; ostenditque sicut hic, Adamus primus, omnibus suis communicavit peccatum & mortem, ita istum, secundum Adamum, suis omnibus communicasse justitiam & vitam: Ideoque *v. 19.* eandem sententiam repetens. illud *omnes* per *multos*, & quidem addito articulo, qui vim habet ἀναφορικῶν, declarat. Aliter si esset, doctrinam de justificatione solorum credentium, *capp. 3. & 4.* propositam ipsemet refelleret, sibi que apertè contradiceret. Nihil ergo præsidii adversaris in antithesi. Nec plus in eâ, quæ prædicatur, *gratiæ Christi* supra peccatum *exuberantiâ*. Hæc siquidem non in numero, per quem tantum foret æqualitas, sed in præstantiâ effectus, itemque efficacia illâ, quâ tum peccatum Adæ, tum omnia inde orta peccata delentur, consistit. *1. Cor. 15. vers. 22.* sermo est de vivificatione, id est, de resurrectione ad vitam æternam; quæ cum non omnium simpliciter, sed omnium credentium sit, *Iohann. 5. 6. capp.* absoluta Redemptionis Universalitas nullâ rationis specie inde deducitur. Locum *1. Timoth. 2.* alibi vindicavimus. *2. Corinth. 5. vers. 15.* docet. Apostolus *unum* Christum *mortuum esse pro omnibus*: quibus omnibus? iis, 1. quibus imputatur ejus mors, hoc est, qui propter mortem Christi, quam pro ipsis subiit, ipsi censentur mortui. 11. qui resipiscunt, id est, cum ante indulgerent cupiditatibus carnis, jam iisdem renunciant, atque ex voluntate Christi, inque ejus honorem vitam instituunt. Vtrumque de solis Electis & credentibus verum est, *Heb. 2. v. 9.* Pro omnibus gustare mortem, est gustare eam pro omnibus Electis & credentibus. Etenim hi *omnes*, *v. 10.* filii multi in gloriam adducendi, *v. 11.* sanctificati, *v. 11. 12.* fratres Christi, *v. 13.* pueri à Deo ipsi dati vocantur. Quæ totidem verè fidelium elogia sunt.

Quia reconciliatio ad totum mundum se diffundat.

II. Quod ad mundum, & quidem totum se diffundit; ad fidelium paucitatem contrahi non debet. Reconciliatio & propitiatio

tiatio per Christum facta ad mundum, & quidem totum se diffundit 2. Cor. 5. v. 19. 1. Iob. 2. v. 2. Ergo. *Resp.* Est fallacia quatuor terminorum ex ambiguitate vocis *Mundi*, quæ in *Majore* fidelium & infidelium, in *Minore* solum fidelium mundum significat. 2. Cor. 5. v. 19. illi vocabulo *mundi* intelliguntur, qui reconciliantur Deo per Christum, quibus Deus non imputat, sed remittit peccata, qui iustitia Dei in Christo, eoque beati sunt: *Ratio*; quia illo modo mundus describitur 2. Cor. 5. v. 19. 21. & descriptionis membra declarantur Rom. 4. 5. 6. 7. 8. capp. Hujusmodi verò sunt soli credentes. Ergo. Alter locus 1. Iob. 2. v. 2. haud rectius explicantur, quam ex *Evangelio Iohannis* cap. 11. v. 51. 52. ubi ait, Christum non tantum moriturum pro gente, sed etiam ut filios Dei dispersos congregaret in unum. Mundus ergo sunt filii Dei per totum mundum dispersi. Idem ex scopo colligere est. Etenim vers. 1. 2. consolationem proponit quâ se erigant filii Dei tam ex gentibus, quàm ex Iudæis adversus conscientiam peccati, ab Intercessione & Satisfactione Christi. Consolatio autem non ex iis quæ credentibus & incredulis communia, verum quæ his, servandis, propria sunt, ducitur. Nec emphasis aliqua latet in voce vel *mundi*, vel *totius*, ad probandam universalitatem absolutam; quemadmodum adversariis persuasum est. Nam & *Mundus* Christum dicitur secutus, Iohann. 12. vers. 19: cum tamen non universi, & singuli; verum multi sequuti fuerunt. Sic *totum* mundum, ait Iohannes 1. Epist. 5. v. 19. jacere in malo; *totam* terram sequi bestiam Apoc. 13. v. 3. nec tamen id de universis simpliciter, sed de quam plurimis, de parte majori, intelligitur.

Mundus aliquando solum fidelium est.
2. Cor. 5. v. 19. vindicatur.

1. Iob. 2. v. 3. vindicatur.

III. Christus etiam pro iis mortuus est qui pereunt 1. Cor. 8. vers. 11. Rom. 14. vers. 15. 2. Petr. 2. vers. 1. 2. 3. At illi qui pereunt non sunt Electi, sed Reprobi. Ergo Christus non tantum pro Electis, sed etiam pro Reprobis mortuus est, *Resp.* Loci qui in *Majore* adducuntur dissimiles sunt. 1. Cor. 8. Rom. 14. non dicitur perire infirmos illos pro quibus Christus est mortuus, sed quo minus pereant non stare per eos qui ipsis scandala præbent. 2. Petr. 2. autem Pseudoprophetas legimus abnegare Dominum, qui ipsos mercatus erat; scilicet quoad externæ professionis gloriationem, Matt. 7. v. 22. atque etiam aliorum opinionem, qui ipsos, quamdiu inter fideles precioso sanguine redemptos, 1. Pet. 1. v. 19. acquisitos, Act. 20. v. 28. versabantur pro talibus habebant.

Quia Christus etiam mortuus sit pro iis qui pereunt.

LOCUS UNDECIMUS

De

ECCLESIA.

*Controversiæ de ECCLESIA quatuor numero sunt,
Pontificiorum omnes :*

- I. An præter Electos vocatos, etiam Reprobi infideles, sive occulti sive manifesti peccatores, veræ Christi Ecclesiæ membra sint?
- II. An vera Christi Ecclesia sit & rectè dicatur invisibilis?
- III. An eadem Ecclesia errare possit in fide?
- IV. An Notæ externæ hujus Ecclesiæ sint verbum Dei, & Sacramenta; an verò Nomen Catholicum, Antiquitas, Duratio continua, Amplitudo sive varia multitudo credentium, Successio Episcoporum, Conspiratio in doctrina cum Ecclesiâ antiquâ, Unio membrorum inter se & cum capite, Sanctitas doctrina, ejusdem Efficacia, vitæ sanctimonia, Gloria miraculorum, Lumen Propheticum, Confessio adversariorum, infelix exitus persecutorum Ecclesiæ, & contra eorum, qui ipsam defenderunt, temporaria felicitas?

EXEGESIS.



Nihil hic controversum nobis est cum *Lutheranis*; nihil etiam cum *Samosatenianis* & *Anabaptistis*, quod quidem hujus propriè loci sit. Nam quæ de *Infantibus*, deque *Veteris & Novæ Ecclesiæ diversitate* quoad doctrinam

nam

nam disputant, alio pertinent. Cum solis Pontificiis certamen superest, quorum sententiam libris duobus explicavit & propugnavit Bellarminus: ita tamen ut neque vocabulum Ecclesiæ homonymum distinxerit, neque definitionem definito suo adæquatam tradiderit, utpote quo partim latior, partim angustior est. Utrumque studio sophistices factum. Nos non de alia, quam de verâ Christi Ecclesiâ, in terris militante, loquimur, quæ foris per Verbum, intus per Spiritum vocatur ad salutis æternæ participationem; eoque significato quæstionibus omnibus controverfis vocem accipimus.

Ecclesia vocabulum quomodo h.l. accipiat.

PRIMA: An præter Electos vocatos etiam Reprobi, Infideles, sive occulti sive manifesti peccatores, veræ Christi Ecclesiæ membra sint? Pontificii affirmant, Bellarmin. tom. II. controuv. gener. I. Lib. 3. de Ecclesiâ militante, c. 2. 7. 9. 10. Nos negamus.

Prima: Pontificiorum. An etiam reprobi, infideles sint veræ Ecclesiæ membra?

Rationes nostræ.

Ex natura Subjecti:

Rationes Negantes Orthodoxæ.

I. Qui nec Spiritum Sanctum, nec fidem habent; veræ Christi Ecclesiæ membra non sunt: Ratio; quia illa per unum Spiritum, per unam fidem, in unum corpus conjunguntur 1. Cor. 12. v. 13. Eph. 4. v. 4. 5. Reprobi, infideles nec Spiritum Sanctum habent, quem mundus non potest percipere Ioh. 14. v. 16. 17. neque fidem, quæ Electorum est Tit. 1. v. 1. Act. 13. v. 48. Ergo.

Quia reprobi nec Sp. S. nec fidem habent.

II. Qui non sunt ex, sive de Ecclesiâ; non sunt veræ ejus membra: Ratio; quia membrum est pars totius, eoque de toto. Reprobi, infideles non sunt ex, sive de verâ Ecclesiâ 1. Ioh. 2. v. 19. Egrediuntur ex nobis, scilicet quoad externam professionem, sed non erant ex nobis; nam si fuissent ex nobis, mansissent utique nobiscum, &c. Ergo.

Quia non sunt ex, vel de Ecclesiâ.

III. Qui sunt membra Diaboli, non sunt membra veræ Ecclesiæ: Ratio; quia nulla communio luci cum tenebris, Christo cum Belial, fideli cum infideli 2. Cor. 6. v. 14. 15. 16. 1. Ioh. 1. v. 5. 7. 6. Reprobi, infideles sunt membra Diaboli. Iohann. 8. vers. 44.

Quia sunt membra Diaboli.

Vos ex Patre Diabolo estis & cupiditatis Patris vestri vultis implere, &c. Ergo.

Ex naturâ Prædicati :

Quia non
vocantur se-
cundum
propositum
Dei.

I. Omnia membra veræ Ecclesiæ vocantur secundum propositum Dei : *Ratio* ; quia vera Ecclesia est cætus vocatorum secundum propositum Dei, *Rom. 8. vers. 28. cætus Electorum* sive vocatorum secundum præcognitionem ejus *1. Pet. 1. v. 2. Reprobi, Infideles* non ita vocantur quia ex eorum numero sunt, de quibus dicitur, *Multi vocati, &c. Matt. 20. v. 16. Ergo.*

Quia non
sunt mem-
bra Christi

II. Omnia membra veræ Ecclesiæ, sunt membra Christi : *Ratio* ; quia Ecclesia est ipsius corpus, ipse ejus caput *Ephes. 5. v. 23. Col. 1. v. 18. Reprobi non sunt membra Christi ; quia Spiritum ejus non habent. Qui verò Spiritum Christi non habet, non est ejus Rom. 8. v. 9. Ergo.*

Quia non
sunt oves
Christi.

III. Omnia membra veræ Ecclesiæ sunt oves Christi, agnoscunt, audiunt, sequuntur ipsum ; & vicissim ab ipso agnoscuntur, ducuntur, beantur. Hæc descriptio existat *Ioh. 10. Reprobi, Infideles non sunt oves Christi : Ioh. 10. v. 26. Vos non estis ex ovibus meis ; non agnoscunt, audiunt, sequuntur ipsum : Ioh. 8. v. 47. Vos non auditis. Cap. 10. v. 26. non creditis ; neque etiam à Christo agnoscuntur, ducuntur, beantur : Matth. 7. v. 23. Nunquam novi vos. Cap. 25. v. 32. 33. 41. Discedite à me hodiè maledicti in ignem æternum, &c. Ergo.*

Affirantes
Heterodoxæ.

Rationes Pontificiorum.

Ex naturâ Prædicati :

Quia Eccle-
sia sit area,
sagena.

I. Quæ ratio est areæ, sagenæ, convivii nuptialis, magnæ domus ; ea quoque ratio est Ecclesiæ, ut quæ cum illis omnibus comparatur *Matth. 3. 13. 22. capp. 2. Tim. 2. Atqui talis ratio est, ut in areâ tam palea, quam triticum ; in sagenâ tam mali, quam boni pisces ; in convivio nuptiali convivæ tam absque quam cum veste nuptiali reperiantur ; in magnâ quoque domo tam sint vasa fictilia ac lignea ad ignominiam, quam aurea ac argentea ad gloriam. Ergo Ecclesiæ quoque ea ratio est, ut reperiantur in eâ tam mali quam boni, tam Reprobi quam Electi. Resp. Datur totum*

tum. Sunt in Ecclesiâ, sive in cætu Electorum vocatorum, quamdiu hîc malis permixtus degit, Reprobi, Infideles; sed an etiam de istâ Ecclesiâ, sive vera ejus membra sunt? Negat Christus *Job. 10. v. 26. Vos non estis ex ovibus meis.* Negat Johannes 1. *Epist. 2. v. 19. Egressi sunt ex nobis, sed non erant ex nobis.* Et sicut non omnes qui ex Israël, sunt Israël, teste Apostolo, *Rom. 9. v. 6.* ita nec omnes qui sunt in Ecclesiâ, sunt ex, sive de Ecclesiâ. Proinde aberrat argumentum ignoratione Elenchi, & propositum non concludit.

II. Omnes baptizati veræ Ecclesiæ membra sunt: *Ratio*; quia baptizantur omnes in unum corpus, *1. Cor. 12. v. 13.* Christumque in baptismo induunt *Gal. 3. v. 27.* Reprobi, Infideles. quotquot versantur in Ecclesiâ, sunt baptizati. Ergo. *Resp.* Est fallacia quatuor terminorum ex ambiguitate vocis *Baptismi*, quæ in *Majore* baptismum fidelium, qui est depositio sordium carnis & animæ, *1. Pet. 3. v. 21.* in *Minore* baptismum infidelium, qui sordium carnis tantum est depositio, eoque non salvat, designat. Pro fidelibus autem ex charitatis lege habentur, quotquot omnino baptismum fuscipiunt, nec se infideles declarant.

Quia omnes baptizati sint veræ Ecclesiæ membra.

III. Qui Ecclesiæ Apostolicæ membra fuerunt; ii etiamnum sunt membra veræ Ecclesiæ. Reprobi, Infideles, manifesti peccatores, fuerunt membra Ecclesiæ Apostolicæ; quemadmodum ex Apostolorum Epistolis constat. Ergo. *Resp.* *Ecclesia Apostolica* dicitur ambigüe, aut ratione vocationis externæ seorsim, aut ratione vocationis externæ & internæ conjunctim. *Primo* modo Reprobi, Infideles fidem professi, fuerunt membra Ecclesiæ Apostolicæ; sed id ad quæstionem non facit. *Altero* modo non fuerunt membra etsi versarentur inter membra. Et sic *Minor* falsa est.

Quia reprobi fuerint membra Ecclesiæ Apostolicæ.

IV. Veræ Ecclesiæ membra non facit sola Prædestinatio sive Electio. Ergo etiam Reprobi, & non soli Electi, veræ Ecclesiæ membra sunt. *Antecedens* probant ab absurdo duplici: I. quia alioquin Judæi, Mahumedani, Hæretici, modo Prædestinati, essent membra Ecclesiæ. II. quia omnia incerta forent, nec Pastor oves, nec oves Pastorem, non etiam frater fratrem nosset. *Resp.* negatur *Consequentia*. Etsi membra non facit sola Electio, tamen soli Electi membra sunt. Nam vocatio efficax, per quam formaliter actu ipso membra constituuntur, ex Electione est. Electorum

Quia non sola Electio faciat membra Ecclesiæ.

lectorum propria est *Rom.* 8. v. 28. 1. *Cor.* 1. v. 26. 27. *Ephes.* 1. v. 5. Hinc corrui absurdum *primum*. Non sunt membra actu, quamdiu non vocantur efficaciter, licet destinatione membra dici possint, quomodo gentes nondum vocatas, *oves*, *Ioh.* 10. v. 16. & *Dei Filios*, cap. 12. vers. 52. Scriptura nominat. *Alterum* negatur; quia etsi non agnoscunt se invicem à priori, ut Deus, 2. *Tim.* 2. v. 19. noverunt tamen ex fructibus fidei & charitatis à posteriore *Ioh.* 13. v. 35. 1. *Epist.* 3. v. 9. 10. 1. *Theff.* 1. v. 2. 3. Deinde aliud est agnoscere aliquem Pastorem, aliud agnoscere prædestinatum; aliud agnoscere ovem communiter, aliud prædestinatam singulariter.

Secunda:
Pontificio-
rum.
An vera Ec-
clesia Christi
sit Invisibilis?

SECUNDA: *An vera Christi Ecclesia sit & rectè dicatur Invisibilis?* Pontificii negant, *Bellarmin.* tom. II. *Controv. gener. I. Lib. 3. de Ecclesiâ militante cap. 12.* Nos affirmamus; sic tamen ut simul etiam visibilem esse, ratione materiæ, formæque externæ asseramus.

Rationes
Affirmantes
Orthodoxæ.

Rationes nostræ.

Ex naturâ Subjecti:

Quia est cor-
pus mysti-
cum domus
spiritualis.

I. Quod est corpus mysticum per Spiritum & fidem coadunatum, domus item spiritualis; id est & rectè dicitur Invisibile. Vera Ecclesia est corpus mysticum, *Ephes.* 5. v. 23. 32. per spiritum & fidem coadunatum, 1. *Cor.* 12. v. 13. *Eph.* 4. v. 4. 5. domus item Spiritualis 1. *Petr.* 2. v. 5. Ergo.

Quia omnia
eius membra
sunt invisibi-
lia.

II. Cujus membra omnia sunt invisibilia; id ipsum est invisibile. Veræ Christi Ecclesiæ, hinc in terra militantis, membra omnia sunt invisibilia. *Ratio*, I. quia Electio & Vocatio & *conservatio* sub sensu non cadunt 2. *Tim.* 2. v. 19. 1. *Cor.* 2. v. 11. II. quia sunt milites spirituales, militiam spiritualem exercentes *Ephes.* 6. v. 12. Ergo.

Quia à for-
ma interna
potius, quam
ab externâ
subjectum
denominan-
dum.

III. In quo Subjecto duæ sunt formæ, una externa, altera interna; illud tam invisibile dicendum ratione formæ internæ, quam visibile ratione externæ, imo potius ab illâ quàm ab hac denominandum est. Hæc Major est *Bellarmini* contra imputationem

tionem justitiæ lib. 2. de justificatione cap. 7. Atqui in vera Ecclesia, tanquam subiecto, duæ sunt formæ; una externa, *Vocatio per Verbum*; altera interna, *Vocatio per Spiritum*, ut alibi ostensum. Ergo.

Ex natura *Prædicati*:

I. Quod internum & in corde est, invisibile est. Vera Ecclesia ratione formæ est interna: *Luc. 17. v. 20. 21. Regnum Dei non venit cum observatione: sed intus habetis. Psal. 45. v. 14. Tota pulchritudo filia Regis est intus*, nimirum; quia lex cordi ejus inscribitur *Ier. 31. v. 33.* Ergo.

Quia interna & in corde est.

II. Quæ creduntur, videri nequeunt sed invisibilia sunt, teste Apostolo *Heb. 11. v. 1.* Ecclesia Catholica creditur in Symbolo. Ergo.

Quia Ecclesia creditur.

Rationes Pontificiorum.

Ex natura *Subiecti*:

Negantes
Heterodoxæ.

I. Nomen Ecclesiæ ubique in Scriptura Congregationem visibilem, nusquam invisibilem, significat. Ergo ipsa visibilis est, non invisibilis. *Resp. Antecedens* cum aliis, tum his exemplis infringitur: *Matt. 16. v. 18. Ephes. 5. v. 23. 32. Hebr. 12. v. 23.* Quæ excipit *Bellarminus* contra locum *Matthæi*, apertam principii petitionem habent.

Quia nomen Ecclesiæ nunquam invisibilem congregationem notet.

II. Ecclesia describitur ut cætus visibilis, omnium hominum sensibus expositus, *Psal. 19. v. 5. Esa. 2. v. 1. & seqq. Mich. 4. v. 1. & seqq. Dan. 2. v. 35. Matth. 5. v. 15.* & alibi in parabolis. Ergo est visibilis. *Resp.* Et quis negat? Ipsi visibilem esse asserimus, cum materiæ tum formæ externæ respectu. An verò tantum visibilis, & non etiam invisibilis ratione formæ internæ? Loca allegata certè id minimè evincunt; quorum alia ne agunt quidem de Ecclesia; alia sic agunt, ut invisibilitatem connotent, vel saltem non negent.

Quia describatur ut cætus visibilis.

III. Ab ortu & progressu Ecclesiæ in utroque Testamento. Ecclesia in Veteri & Novo Testamento conspicuâ quâdam ratione cœpit & propagata est, ut historia sacra testatur. Ergo etiam visibilis est. *Respondetur* id quod prius. Ortus verò ejus at-

Quia perspicuâ ratione cœperit & propagata sit

lectorum propria est *Rom.* 8. v. 28. *1. Cor.* 1. v. 26. 27. *Ephes.* 1. v. 5. Hinc corrui absurdum *primum*. Non sunt membra actus, quamdiu non vocantur efficaciter, licet destinatione membra dici possint, quomodo gentes nondum vocatas, *oves*, *Ioh.* 10. v. 16. & *Dei Filios*, *cap.* 12. vers. 52. Scriptura nominat. *Alterum* negatur; quia etsi non agnoscunt se invicem à priori, ut Deus, *2. Tim.* 2. v. 19. noverunt tamen ex fructibus fidei & charitatis à posteriore *Ioh.* 13. v. 35. *1. Epist.* 3. v. 9. 10. *1. Theff.* 1. v. 2. 3. Deinde aliud est agnoscere aliquem Pastorem, aliud agnoscere prædestinatum; aliud agnoscere ovem communiter, aliud prædestinatam singulariter.

Secunda:
Pontificiorum.

An vera Ecclesia Christi sit Invisibilis?

SECUNDA: *An vera Christi Ecclesia sit & rectè dicatur Invisibilis?* Pontificii negant, *Bellarmin.* tom. II. *Contr. gener. I. Lib. 3. de Ecclesiâ militante cap. 12.* Nos affirmamus; sic tamen ut simul etiam visibilem esse, ratione materiæ, formæque externæ asseramus.

Rationes
Affirmantes
Orthodoxæ.

Rationes nostræ.

Ex naturâ Subjecti:

Quia est corpus mysticum domus spiritualis.

I. Quod est corpus mysticum per Spiritum & fidem coadunatum, domus item spiritualis; id est & rectè dicitur Invisibile. Vera Ecclesia est corpus mysticum, *Ephes.* 5. v. 23. 32. per Spiritum & fidem coadunatum, *1. Cor.* 12. v. 13. *Eph.* 4. v. 4. 5. domus item spiritualis *1. Petr.* 2. v. 5. Ergo.

Quia omnia ejus membra sunt invisibilia.

II. Cujus membra omnia sunt invisibilia; id ipsum est invisibile. Veræ Christi Ecclesiæ, hinc in terra militantis, membra omnia sunt invisibilia. *Ratio*, I. quia Electio & Vocatio & cetera sub sensu non cadunt *2. Tim.* 2. v. 19. *1. Cor.* 2. v. 11. II. quia sunt milites spirituales, militiam spiritualement exercentes *Ephes.* 6. v. 12. Ergo.

Quia à forma interna potius, quam ab externâ subjectum denominandum.

III. In quo Subjecto duæ sunt formæ, una externa, altera interna; illud tam invisibile dicendum ratione formæ internæ, quàm visibile ratione externæ, imo potius ab illâ quàm ab hac denominandum est. Hæc Major est *Bellarmini* contra imputationem

tionem justitiæ lib. 2. de justificatione cap. 7. Atqui in vera Ecclesia, tanquam subiecto, duæ sunt formæ; una externa, *Vocatio per Verbum*; altera interna, *Vocatio per Spiritum*, ut alibi ostensum. Ergo.

Ex natura Prædicati:

I. Quod internum & in corde est, invisibile est. Vera Ecclesia ratione formæ est interna: *Luc. 17. v. 20. 21. Regnum Dei non venit cum observatione: sed intus habetis. Psal. 45. v. 14. Tota pulchritudo filia Regis est intus*, nimirum; quia lex cordi ejus inscribitur *Jer. 31. v. 33.* Ergo.

Quia interna & in corde est.

II. Quæ creduntur, videri nequeunt sed invisibilia sunt, teste Apostolo *Heb. 11. v. 1.* Ecclesia Catholica creditur in Symbolo. Ergo.

Quia Ecclesia creditur.

Rationes Pontificiorum.

Ex natura Subjecti:

Negantes Heterodoxæ.

I. Nomen Ecclesiæ ubique in Scriptura Congregationem visibilem, nuspiam invisibilem, significat. Ergo ipsa visibilis est, non invisibilis. *Resp. Antecedens* cum aliis, tum his exemplis infringitur: *Matt. 16. v. 18. Ephes. 5. v. 23. 32. Hebr. 12. v. 23.* Quæ excipit Bellarminus contra locum *Matthæi*, apertam principii petitionem habent.

Quia nomen Ecclesiæ nunquam invisibilem congregationem notet.

II. Ecclesia describitur ut cætus visibilis, omnium hominum sensibus expositus, *Psal. 19. v. 5. Esa. 2. v. 1. & seqq. Mich. 4. v. 1. & seqq. Dan. 2. v. 35. Matth. 5. v. 15.* & alibi in parabolis. Ergo est visibilis. *Resp.* Et quis negat? Ipsi visibilem esse asserimus, cum materiæ tum formæ externæ respectu. An verò tantum visibilis, & non etiam invisibilis ratione formæ internæ? Loca allegata certè id minimè evincunt; quorum alia ne agunt quidem de Ecclesia; alia sic agunt, ut invisibilitatem connotent, vel saltem non negent.

Quia describatur ut cætus visibilis.

III. Ab ortu & progressu Ecclesiæ in utroque Testamento. Ecclesia in Veteri & Novo Testamento conspicuâ quâdam ratione cœpit & propagata est, ut historia sacra testatur. Ergo etiam visibilis est. *Respondetur* id quod prius. Ortus verò ejus at-

Quia perspicuâ ratione cœperit & propagata sit

que progressus secundum conditionem internam cuiusmodi sit, docet Christus *Luc. 17. v. 20. 21.*

Quia omnis
Societas in
visibilibus si-
gnis consi-
stat.

IV. Societas hominum in externis & visibilibus signis consistit, ex quibus se mutuo socii agnoscunt, eoque etiam visibilis est. Ecclesia est societas hominum, non Angelorum. Ergo. *Resp.* Major exclusivè accepta non est universalis. Datur de societate naturali, Ecclesiastica; de Spirituali verè credentium falsa est, quæ cum tam in internis, invisibilibus, quàm in externis visibilibus consistat, æque invisibilis quàm visibilis est.

Quia sub pe-
riculo æter-
næ mortis
nos veræ Ec-
clesiæ adjun-
gere teneamur.

V. Cui Ecclesiæ sub æternæ mortis periculo nos adungere tenemur, eam visibilem esse oportet. Veræ Ecclesiæ sub æternæ mortis periculo nos adungere tenemur. Ergo. *Resp.* I. Concedimus totum. II. Distinguiamus *Minorem*. Tenemur adungere nos veræ Ecclesiæ sub æternæ mortis periculo, sed quoad internam communionem simpliciter; quia Christus corporis tantum sui Servator est, *Ephes. 5. v. 23.* quoad communionem verò externam secundum quid, quatenus nimirum per temporis, aliarumque circumstantiarum rationem id fieri potest.

Tertia: Pon-
tificiorum.
An vera Ec-
clesia possit er-
rare in fide?

TERTIA: *An vera Christi Ecclesia errare possit in fide?*
Pontificii negant, *Bellarminus Tom. II. Controv. gener. I. Lib. 3. de Ecclesiâ militante cap. 14.* Nos affirmamus.

Pontificii veram Christi Ecclesiam in fide errare posse simpliciter negant, sive, inquit, proponat quæ habentur in Scripturis, sive dogmata extra Scripturam. Nos verò etsi negamus errare posse exitialiter, affirmamus tamen, quamdiu hic militat, errori esse obnoxiam: Ecclesias autem *particulares*, quæ communionis internæ expertes, externam solum professionem habent, dicimus etiam exitialiter errare, totaliterque ab agnitâ veritate deficere posse. De quibus tamen in præsentia non agemus.

Rationes nostræ.

Ex Natura Subjecti :

Rationes
Affirmantes
Orthodoxæ.

I. Cujus scientia est imperfecta, is potest errare. Scientia veræ Ecclesiæ, quamdiu hic militat, est imperfecta : 1. *Cor.* 13. v. 9. *Ex parte cognoscimus, ex parte Prophetamus. Psalm.* 19. v. 13. *Errores quis intelligit ?* Et Christus nobis ignorantibus & errantibus succurrere dicitur, *Hebr.* 5. v. 2. Ergo.

Quia ejus
scientia est
imperfecta.

II. Qui peccare potest, atque etiam solet ; idem potest errare. Vera Ecclesia militans peccare potest, atque etiam solet. Ergo. *Minor* certa est ; quia in multis labimur omnes, *Jac.* 3. v. 2. nec est Justus in terrâ qui non peccet, *Eccles.* 7. v. 20. 1. *Reg.* 8. v. 46. Unde peccatorum suorum remissionem quotidie universi petere jubentur *Matth.* 6. v. 12. *Majoris* quoque veritas evidens est ; *partim* quia gravius est peccare voluntate, quam errare sive hallucinari mente ; *partim* quia tam imperfecta est illuminatio mentis, quam renovatio voluntatis.

Quia potest
peccare.

III. Ex *hypothesi Pontificiorum* : Ecclesia quæ potest constare ex infidelibus, sceleratis, reprobis, quæ carere potest omnibus virtutibus internis, Fide, Spe, & Charitate ; eadem potest errare. Ecclesia vera, prout eam describit *Bellarminus*, potest ex talibus constare, potest etiam omnibus illis virtutibus internis carere. Ergo. *Major* luce meridiana clarius est. *Minor* est *Bellarmini* lib. 3. de Ecclesiâ cap. 2. Sect. Atque hoc interest. Ubi non juvat ipsum, quod ait credere se omnes virtutes inveniri in Ecclesiâ ; quia simul, de necessitate ejus non esse, desertis verbis proficitur.

Quia Ponti-
ficii ejus
membra fa-
ciunt re-
probos.

Ex natura Prædicati :

Vera Ecclesia, quæ fuit ante Legem, sub Lege, & sub Evangelio, erravit. Ergo potuit errare. *Consequentia* firma est ab actu ad potentiam. *Antecedens* probatur. *Ante Legem* : exemplis primorum parentum *Genes.* 3. Tharæ, Abrahæ, *Ios.* 24. *Genes.* 15. 17. Israëlitarum in Ægypto *Ezech.* 20. *Sub Lege* : exemplis Israëlitarum in deserto & Chananæa, Judicum, Ducum, & Regum suorum tempore. *Sub Evangelio* : exemplis Apostolorum Christi,

Quia erravit
ea quæ ante
Legem, sub
Lege, & sub
Evangelio
fuit.

maximè ante effusionem Spiritus Sancti, *Matt. 16. Luc. 18. Act. 1.* nec non Conciliorum quorundam Christianorum, tam generalium, quàm particularium.

*Negantes
Orthodoxæ.*

Rationes Pontificiorum.

Ex naturâ Subjecti:

Quia Ecclesia sit columna & firmamentum veritatis.

I. Ecclesia est columna & firmamentum veritatis *1. Tim. 3. v. 15.* Ergo errare nequit. *Resp.* negatur *Consequentia*. Nam *columna, firmamentum* vocatur non simpliciter, ratione infallibilitatis inhærentis; verùm *secundum quid*, officii inhærentis respectu, quod in custodiendâ, discernendâ, promulgandâ & interpretandâ veritate Scripturarum positum est; quodque ita obit, ut non nunquam tamen etiam à veritate deviet. Exemplo esto Ecclesia Ephesina, quam hocce elogio Apostolus exornat.

Quia regatur à Christo, & sp. s.

II. Ecclesia quæ gubernatur à Christo tanquam capite & sponso, & à Spiritu Sancto tanquam ab animâ, errare non potest. Vera Ecclesia ita gubernatur *Ephes. 1. 4. 5. capp. Iohann. 16. v. 13.* Ergo ipsa non potest errare; vel si errat, error iste Christo aut Spiritui Sancto tribuetur, *Resp.* limitando *Majorem*: Ecclesiæ quæ gubernatur à Christo, à Spiritu Sancto; non errat, scil. si tantum, si semper gubernetur. At Ecclesia militans gubernatur etiam à carne, quæ concupiscit adversus Spiritum *Galat. 5. v. 17.* Nec semper gubernatur à Spiritu Sancto, utpote qui inhihet quandoque efficacem virtutem, ut infirmitatem suam penitus cognoscat Ecclesia, & ardentius oret.

Quia vocatur Sancta.

III. Ecclesia à professione dogmatum propriè Sancta vocatur. Ergo nihil nisi Sanctum continet, id est, verum quoad doctrinam fidei, & justum quoad præcepta morum; adeoque infallibilis est. *Resp.* I. negatur *consequentia*; quia Sancta dicitur Sanctitate inhærente inchoatâ, non perfecta aut consummatâ. II. Falsum quoque *Antecedens*: Nam ita vocatur propriè, vel saltem præcipuè à Sanctitate imputatâ & inhærente, quod sanctificata est sanguine & Spiritu Christi *1. Cor. 6. v. 11.*

Ex naturâ Prædicati :

Cui in omnibus sub pœnâ anathematis credere obligamur, is non potest errare. Ecclesiæ in omnibus sub pœna anathematis credere obligamur, *Matt. 18. vers. 17.* Ergo. *Resp. Minor* juxta declarationem *Pontificiorum*, quod absolute Ecclesiæ credere obligemur, falsa est. Etenim ut Christus pastoribus præcepit docere, quæ ipse mandavit, *Matth. 28. vers. 20.* sic ovibus eadem præcepit credere, non alia. Quod tam est certum, ut non dubitet Paulus anathema denunciare aliud Evangelium prædicanti *Galat. 1. vers. 19.* In illis igitur omnibus credere obligamur Ecclesiæ sub pœnâ anathematis, non in omnibus simpliciter.

Quia Ecclesiæ in omnibus sub pœnâ anathematis credere teneamur.

QVARTA : *An Notæ externæ veræ Ecclesiæ sint Verbum Dei & Sacramenta ; an verò Nomen Catholicum , Antiquitas , Duratio continua , Amplitudo sive varia multitudo credentium , successio Episcoporum , Conspiratio in doctrina cum Ecclesiâ antiquâ, unio membrorum inter se & cum capite , Sanctitas doctrinæ , ejusdem Efficacia , Vitæ sanctimonia , Gloria miraculorum , Lumen Propheticum , Confessio adversariorum , infelix exitus persecutorum Ecclesiæ , & contra eorum qui ipsam defenderunt temporaria Felicitas ?* Posteriores Pontificii ajunt esse notas, *Bellarminus tom. II. contrav. gener. I. lib. 4. de notis Ecclesiæ , per totum.* Priores esse, nos asseveramus.

Quarta: Pontificiorum. An Verbum Dei & Sacramenta sint veræ Ecclesiæ notæ externæ an vero quindecim illa à Bellarm. laudata ?

Rationes nostræ.

Ex natura Subjecti & Prædicati :

- I. Per quod Ecclesia visibilis agnoscitur & habetur Ecclesia; id

Rationes pro Prioribus Orthodoxa ? Quia per eas Ecclesiæ visibilis agnoscitur.

sia; id vera ac propria ejus nota est. Per Verbum Dei rectè prædicatum & agnitum, per Sacramenta item legitime administrata & usurpata, agnoscitur & habetur Ecclesia. Quid enim formæ eternæ respectu aliud est, quàm cœtus fidelium, veram Christi fidem ipsis prædicatam profitentium, ac Sacramentis legitime administratis utentium? Ergo.

Quia soli
Ecclesiæ
conveniunt
& visibiles
sunt.

II. Quod soli Ecclesiæ convenit, ac sensibus percipi potest; vera propriaque ejus nota est. Verbum & Sacramenta soli Ecclesiæ conveniunt, sensibusque percipi possunt; quia sola Ecclesia est domus Dei, columna & stabilimentum veritatis, 1. *Tim.* 3. v. 15. sola Christo à Prophetis & Apostolis superstructa est, *Eph.* 2. v. 19. 20. sola habet sigilla federis, *Gen.* 17. *Matt.* 26. 28. *Act.* 2. v. 42. & utrorumque, id est, Verbi ac Sacramentorum dispensatio divinitus ordinata in sensus incurrit. Ergo.

Quia sunt
notæ singu-
lorum fide-
lium.

III. Quæ singulorum fidelium notæ sunt, notæ quoque sunt totius Ecclesiæ ex iis adunatæ. Verbum & Sacramenta singulorum fidelium notæ sunt: testimonio Davidis, *Psal.* 1. v. 1. 2. 3. Christi, *Ioh.* 8. v. 47. 31. *Cap.* 10. v. 27. *Matt.* 28. v. 19. 20. Petri, *Act.* 2. v. 39. 40. & seqq. Ergo.

Pro Posterio-
ribus Hetero-
doxis?

Rationes Pontificiorum.

Ex naturâ Prædicati:

Quia notæ
debeant esse
proprie.

I. Notæ debent esse propriæ non communes. Vestræ, inquiunt, sunt communes, utpote quas omnes hæretici sibi tribuunt: Nostræ contrà propriæ, necessariæ, ut sigillatim demonstrari potest. Ergo. *Resp.* negando *Minorem*. Nostræ notæ propriæ sunt, non communes; ut quæ rem notatam infallibiliter & sensibilibiter designant. Nec refert quod hæretici quoque suis conventiculis eas arrogant; nam id facti est, non juris. Ostendant habere se ex verbo Dei, & vel ipsi hæretici esse desinent, vel notæ nostræ propriæ notæ. Sed in *Notas Pontificiorum* inquiramus, an propriæ, necessariæ, sensibiles sint? Non est hujusmodi nota *Nomen Catholicum*, 1. quia nihil valet sine re, sine Catholica doctrina; & magis sæpe opinione vulgi quàm certâ ratione tribuitur. II. quia nec cœpit cum Ecclesia, quæ initio universalis non fuit; nec ei proprium est,

Nota Ponti-
ficiorum
non sunt no-
tæ, prima.

cum

cum & olim, & nunc etiam in Oriente, illud usurpent hæretici. *Nec Antiquitas*. I. quia Ecclesia nascens non fuit antiqua. II. non est nunc sola; cum antiqua etiam sit antiqui illius serpentis synagoga. III. Consuetudo sine veritate vetustas erroris est. *Nec Duratio continua*; quia cum priore coincidit. *Nec Amplitudo*, I. quia in principio ampla non fuit, nec erit in fine *Luc.* I 8. v. 8. II. quia major semper infidelium numerus, quibuscum collata parvus grex vocatur *cap.* I 2. v. 32. *Nec successio Episcoporum* I. quia fuit absque eâ Ecclesia in Veteri & Novo Test. Et Christus ejusque Apostoli nulli successerunt. II. etiam in Synagoga Satanæ reperitur. III. nulla prorsus est absq; successionem doctrinæ & fidei. *Conspiratio in doctrinâ cum Ecclesiâ antiquâ* si intelligitur de consensu Verbi Divini, vera quidem sed nostra nota est; Ecclesiæ Pontificiæ non conveniens. Non *unio cum capite & inter se*. I. quia non incurrit in sensus, fit enim mediante Spiritu & fide; & Ecclesiæ, quâ invisibilis, non qua visibilis, nota est. II. quia est separabilis; nam possunt Ecclesiæ in nonnullis dissidere *Act.* I 1. v. 2. III. quia impiorum major sæpe unio est, quàm piorum; ut Israëlitarum in defectione, Baalitarum, Iudæorum in conspiratione contra Christum; ac proinde nulla est extra veritatem doctrinæ. *Sanctitas doctrinæ*, uti quoque *ejusdem efficacia* cum notâ Sextâ coincidit. Non *Vita Sanctimonia in primis auctoribus* I. quia nota est non Ecclesiæ, sed personarum singularium. II. nec hodie Ecclesiam notat. Non *gloria Miraculorum*. I. quia illa nec omni Ecclesiæ, nec semper conveniunt. II. quia veritas eorum ex doctrina æstimanda est. III. etiam Synagoga Antichristi sua habet miracula 2. *Thess.* 2. *Nec Lumen Propheticum* iisdem de causis. Non denique vel *Confessio adversariorum*, vel *Infelix exitus persecutorum*, vel *temporaria Felicitas defensorum Ecclesiæ*. I. quia contingentes incertæ. II. quia piis & impiis communes. III. quia temporaria felicitas ut plurimum Ecclesiæ adversatur, cujus conditio crux.

II. Notæ debent esse notiores eâ re cujus sunt: alioqui non sunt notæ sed ignotæ. Verbum Dei & Sacramenta non sunt notiora Ecclesiâ; ut quæ per ipsam cognoscuntur. Ergo. *Resp. Minor* falsa est. Cum enim ex verbo nascatur, I. *Pet.* I. v. 23. & cognoscatur *Ioh.* 8. v. 47. 31. Ecclesia: equidem ea notius est, si non semper tempore, saltem ordine naturæ. Interim tamen & Ecclesia verbum notificat, sicut effectus causam suam manifestat.

III. No-

secunda.

tertia.
quarta.

quinta.

sexta.

septima.

octava &
nona.
decima.

undecima.

duodecima.
decima ter-
tia, decima
quarta, &
decima
quinta.

Quia de-
beant esse
notiores re
notificandâ

quia debant
esse insepa-
rabiles. "

III. Notæ debent esse inseparabiles ab Ecclesia. Sincera Verbi prædicatio est separabilis, ut Paulus de Ecclesiis Corinthiorum, Galatarum conqueritur. Ergo. *Resp.* negatur *Minor.* Nam adeo est inseparabilis, ut cum eâ oriatur, aut occidat, integra aut corrupta habeatur Ecclesia, quemadmodum Ecclesiarum particularium exempla docent. Sunt tamen etiam *gradus sinceritatis & puritatis*; nec statim cessat Ecclesia, ubi secundum gradus aliquot cessat puritas, modò non in totum cesset.

LOCUS

LOCUS DUODECIMUS

De

SACRAMENTIS.

Controversiæ de SACRAMENTIS aliæ Generales sunt, aliæ Speciales.

Generales de Sacramentis in genere.

Pontificiorum & Lutheranorum communiter :

- I. An Sacramenta Novi Testamenti tantum signa sint ac sigilla gratiæ; an verò eam reipsa in se continent, & hominibus Sacramenta usurpantibus verè conferant?
- II. An differentia Sacramentorum Veteris & Novi Testamenti in eo consistat, quod illa adumbrarint gratiam, hæc contineant; illa figuram, hæc ipsum corpus habeant?

Pontificiorum singulariter:

An duo tantum sint Novi Testamenti Sacramenta, Baptismus & Cœna? an verò præter illa quinque alia: Confirmatio, Pœnitentia, Extrema unctio, Ordinatio Matrimonium?

Speciales de BAPTISMO:

Pontificiorum & Lutheranorum,

Sitne aquæ Baptismus ad salutem simpliciter necessarius?

Anabaptistarum,

An Infantes fidelium sint baptizandi?

De COENA DOMINICA:

Pontificiorum :

Ffff

I. An

- I. An panis & vinum vi verborum consecrationis (*Hoc est enim corpus meum; Hic est enim calix sanguinis mei Novi Testamenti*) in ipsum corpus & sanguinem Christi verè transubstantientur, externis tantum speciebus panis & vini remanentibus?
- II. An communio sub utraque specie Laicis non modo non necessaria, sed etiam illicita sit?
- III. An in Cœnâ peragatur verum, externum, & reale sacrificium (*Missæ* vulgo:) quo Christus sub speciebus panis & vini, modo incruento, offertur Deo Patri in victimam pro peccatis viventium & mortuorum?

Lutheranorum.

An in, cum, sub pane & vino corporaliter adsint & exhibeantur corpus & sanguis Christi; atque ab omnibus communicantibus, fidelibus & infidelibus, oraliter percipiantur?

E X E G E S I S.



Mittimus hoc loco controversias de *Vocatione Externa per Verbum Dei*, partim quia secundariæ sunt, aliis quæstionibus subordinatæ, partim quia loco *Quarto de prædestinatione*, aliquatenus saltem, fuerunt explicatæ. In *Controversiis* verò de *Sacramentis* brevitatis studio præterimus. I. Omnes eas quæ de cerimoniis agunt. II. Nonnullas quæ capita doctrinæ hujus minus principalia complectuntur. *Samosatenianorum* etiam nulla peculiaris mentio fit, quia ab Anabaptistis nihil hic diversum tenent.

Controversia de SACRAMENTIS in genere.

Pontificiorum & Lutheranorum.

De SACRAMENTIS. Prima: Pontif. & Luther. An Sacramenta N. T. tantum sint signa & sigilla gratiae, non autem eam reapse in se contineant.

PRIMA; An Sacramenta Novi Test. tantum sint signa ac sigilla gratiae; an verò eam reipsa in se contineant & hominibus Sacramenta usurpantibus verè conferant? Posterius volunt Pontificii & Lutherani; illi, Bellarminus tom. III. contr. gener. I. de Sacramentis in genere lib. 1. cap. 9. & seqq. & lib. 2. cap. 1. 2. 3. & seqq. Ilti, Eckardus fasciculi controversiarum cap. 18. de Sacramentis; Quaestione 3. Prius Nos asserimus.

Rationes nostrae.

Ex natura Subjecti:

Rationes: Affirmantes Orthodoxae.

I. Quod tantum declarat & obsignat gratiam, id eam in se non continet, neque in se sibi vi communicat. Omnia sacramenta tam Novi quam Veteris Testam. tantum declarant & obsignant gratiam. Ergo. Major plana est. Minor probatur. I. quia sacramenta nusquam vehicula aut receptacula gratiae, passim verò signa ejus ac sigilla appellantur. Circumcisio, Gen. 17. v. 10. 11. Rom. 4. v. 11. Agnus Paschalis. Ex. 13. v. 9. 16. Sacrificia, Lev. 4. v. 14. Heb. 10. v. 1. 4. Baptismus, 1. Pet. 3. v. 21. Coena Domini Luc. 22. v. 19. 1. Cor. 11. v. 23. 24. 25. II. Sigilla federis conditiones & beneficia federalia non continent, nec operantur, sed tantum obsignant. Omnia Sacramenta tam Novi quam Veteris Test. sunt sigilla federis Gen. 17. v. 10. 11. Matt. 26. v. 28. Luc. 22. vers. 20. 1. Pet. 3. v. 21. Ergo. III. De similibus idem est judicium. Atqui alia signa sacra Sacramentis analogam vim tantum obsignandi habent, non operandi aut conferendi gratiam. Iris, Gen. 9. Vellus Gideonis, Jud. 6. horologium Ezechiae 2. Reg. 20. Ergo.

Quia tantum declarant & obsignant gratiam.

II. Quicquid Sacramenta secundum institutionem Dei, & exempla sanctorum in subiecto praesupponunt, aut praexigunt; id in eo non operantur, nec ei in se sibi vi conferunt. Atqui gratiam justificantem in subiecto praesupponunt aut praexigunt se-

Quia gratiam in subiecto praesupponunt.

cundum institutionem Dei & exempla sanctorum. Etenim *Deum* Sacramenta non adultis promiscuè, sed iis qui antè instituti credunt, & per fidem participes sunt gratiæ; nec infantibus promiscuè sed infantibus fidelium, 1. *Cor.* 7. v. 14. conferri vult *Matt.* 28. v. 19. 20. *Marc.* 16. v. 16. *Act.* 2. v. 39. 40. 41. *Sanctis* etiam in Veteri & N. T. confirmarunt & obsignarunt gratiam Sacramenta, quam fide jam ante perceperant. Abrahamus *signum accepit circumcissionis, sigillum iustitiæ fide recepta in præputio Rom.* 4. v. 11. Eunuchus, *Act.* 8. v. 37. 38. Paulus, *cap.* 9. v. 11. 17. 18. Cornelius, *cap.* 10. v. 34. 35. 47. alii cum jam credidissent, & per fidem remissionem peccatorum accepissent, *Act.* 26. vers. 18. baptizati sunt in remissionem peccatorum, hoc est, ut divinum ejus testimonium consequerentur *Actor.* 2. v. 38. Ergo.

Quia verbum visibile non confert gratiam.

III. Quod in se non continet, neque insitâ vi confert verbum audibile; id etiam non continet, nec insita vi confert verbum visibile, Sacramentum. Gratiam justificantem in se non continet, neque insitâ vi confert verbum audibile. Ergo. Vtraque Propositio probatur: *Major*; quia Sacramentum per verbum mandati & promissionis constituitur, juxta Apostolum, *Eph.* 5. v. 26. & tritum illud Augustini; *Accedit verbum ad elementum, & fit Sacramentum. Minor*; quia non prodest sermo auditus, nisi fide contemperetur *Heb.* 4. vers. 2. Evangelium est potentia Dei ad salutem omni credenti, *Rom.* 1. v. 16. non credenti autem odor mortis ad mortem 2. *Cor.* 2. vers. 16.

Ex naturâ Prædicati:

Quia gratia iis alligata non est.

Quod gratiam in se continet ac insitâ virtute confert, ei ipsa alligata est. Sacramentis non est alligata gratia. Ergo. *Minor* his rationibus ostenditur. I. Deus est agens liberrimum. Ergo se suamque gratiam non alligat sacramentis. II. Quod Dei proprium est, creaturis non communicatur. Conferre gratiam justificantem insitâ virtute, Dei proprium est. Ergo. III. Sine gratiâ justificante nullus potest servari, vel cum eâ damnari. Sine sacramentis etiam N. T. est. potest quispiam servari, ut Latro in cruce, *Luc.* 23. & cum iis potest quispiam damnari ut Judas, *Act.* 1. Simon Magus c. 8. Ergo. IV. Quod separatum est à Sacramentis, id eis alligatum non est. Gratia justificans separata est à Sacramentis, quoties nimirum

mirum verâ fide non accipiuntur, quum circumcisio redditur præputium, *Rom. 2. v. 25.* Baptismus non stipulatio bonæ conscientiae, sed tantum fordium carnis depositio est. *1. Pet. 3. v. 21.* Ergo.

Rationes Pontificiorum & Lutheranorum.

*Negantes
Heterodoxæ.*

Ex natura *Subjecti*:

I. Scriptura ubique describit Sacramenta, ut instrumenta & causas efficientes justificationis; non ut sigilla ejus ac testimonia. Ergo. *Resp.* negando *Antecedens*. Contrarium supra probatum est. Et quæ de causalitate eorum prædicantur metonymicè, de justificatione, ob signatione explicanda sunt propriè.

Quia Scriptura ea describat ut instrumenta & efficientes causas justificationis. Quia efficaciora debeant esse verbo.

II. Signum & sigillum promissionis gratiæ, ipso promissionis verbo notius & efficacius esse oportet. Sacramenta non sunt notiora & efficaciora verbo promissionis, utpote ex quo cognoscuntur & probantur. Ergo. *Resp.* Aliud est notius, efficacius in se; aliud nobis. Verbum etsi absolutè & in se notius est Sacramentis, nobis tamen notius non est, qui spiritualia sub rerum terrenarum symbolis rectius percipimus quàm si nudè proponantur, Christo teste *Ioh. 3. v. 12.* Eadem plane efficaciarum ratio est. Magis nos confirmat promissio sigillo roborata, quam verbis tantum prolata. Unde præter symbola etiam juramenta promissionibus suis Deus adhibuit, non quod certior illis quam his insit veritas, sed quia nobis inesse videtur *Heb. 6. v. 17. 18.*

III. Sacramenta à Deo instituta sunt, & à Christi passione dependent. Ergo gratiam salutis continent. *Resp.* I. Argumentum inconsequens est; quia Deus non instituit ea, ut vehicula gratiæ justificantis, quam ipsis non indidit, sed ut signa ejus ac sigilla *Rom. 4. v. 11.* II. Sacramenta pendent à morte Christi, non propriè tanquam à causâ, verum ut ab objecto, cum mortem ejus nobis repræsentent & obfignent *Gal. 3. v. 1. Matt. 26. v. 26. 27. 28.*

Quia à Deo sint instituta. &c.

Ex natura *Prædicati*:

I. Quod remittit peccata, quod nos regenerat ac servat; id gratiam salutis in se continet & verè confert. Sacramenta Novi Test. &c. juxta scripturam, *Act. 2. v. 38. Cap. 22. v. 16. Eph. 5. v. 26. Tit. 3. v. 5.* & alibi Ergo. *Resp.* Major datur de eo quod propriâ ac internâ

Quia remittant peccata, nos regenerent.

vi remittit peccata, regenerat, servat. At sic *Minor* falsa est, vel existunt quatuor termini. Baptismo tribuuntur beneficia illa non propriè, sed impropriè & sacramentaliter; quia instrumentum est visibile, quo ea Deus animis credentium tum declarat, tum obfignat. Aliter si esset, jam ablutio sordium carnis esset stipulatio bonæ conscientiae, & quicumque baptizaretur: servaretur; contra quàm Petrus 1. *Epist.* 3. vers. 21. *Act.* 8. vers. 20. 21. & experientia testatur.

Quia etiam
infantibus,
furiosis, &c.
conferantur.

II. Sacramenta etiam infantibus, amentibus, furiosis, hypocritis conferuntur. Ergo gratiam justificantem iis communicant, non obfignant: *Ratio*; quia tales actu non credunt. *Resp.* I. Admittitur fallacia plurium interrogationum in *Antecedente*. *Alia* ratio est infantum atque etiam hypocritarum (qui quamdiu latent pro fidelibus habentur;) *alia* amentium & furiosorum. Hos quàm rectè baptizent Pontificii, ipsi viderint **II.** negatur *consequentia*. *Infantibus* obfignatur promissio gratiae, quæ dicta ipsis in federe, *Gen.* 17. v. 7. non quæ fide ab ipsis accepta *Rom.* 4. v. 11. *Hypocritis* ut nihil communicatur, (nec enim ea Sacramentorum efficientia est;) ita nihil obfignatur, cum obsignatio fiat sub conditione fidei.

Secunda;
Pontif. &
Luth. An
Sacramenta
N. T. conti-
neant gratiam,
nam Sacra-
menta V. T.
adumbrarint?

SECUNDA: *An differentia Sacramentorum & Veteris & N. Testamenti in eo consistat, quod illa adumbrarint gratiam, hæc contineant; illa figuram, hæc ipsum corpus habeant; sive, An sacramenta Veteris & Novi Testamenti re signata & effectu differant?* Pontificii & Lutherani affirmant; Illi, *Bellarminus tom. III. controuv. gener. I. de sacramentis in genere lib. 2. cap. 12. & seqq.* Isti, *Eckardus fasciculi controversiarum cap. 18. de Sacramentis questione 4.* Nos negamus, & utraque significasse & obsignasse gratiam docemus, etli quoad signa & circumstantias diversimode; de quâ diversitate alibi dictum.

Ratio-

Rationes nostræ.

Ex natura *Prædicati*;

I. Quæ re signatâ & effectu conveniunt, iis non distinguuntur; quia distinctio secundum propria fit, non secundum communia. Sacramenta Veteris & Novi Testamenti re signatâ & effectu conveniunt. Ergo. *Minor* probatur auctoritate Apostoli, 1. *Cor.* 10. v. 1. 2. 3. 4. qui veteribus Baptismum & Cœnam nostram suo modo tribuit, docetque ipsis id significasse nubem, & transitum per mare, quod nobis Baptismus, item, id Mannam, & aquam Petræ, quod nobis S. Cœna. *Bellarminus* quidem variis exceptionibus torquet locum in alium sensum, sed ita ut partim ex scopo Apostoli, partim dictione ejus manifestè refellatur. *Præterea* Sacramenta tam Veteris, *Rom.* 4. v. 11. quam N. Testamenti, *Act.* 2. v. 38. principaliter obsignarunt justitiam fidei. Ergo effectu principali utraque conveniunt.

II. Scriptura fidelibus Veteris Testam. tribuit Sacramenta Novi Test. 1. *Cor.* 10. v. 1. 2. 3. 4. *Eph.* 4. v. 5. & vicissim fidelibus Novi Test. tribuit Sacramenta Veteris Test. *Col.* 2. v. 11. 1. *Cor.* 5. v. 7. Id fit aut ratione signi, aut signati. Non ratione signi; quia signa diversa sunt; unde circumcisio dicitur *ἀρχαῖον* *Col.* 2. v. 11. Ergo signati: Et per consequens re signatâ conveniunt.

III. Quæ Sacramenta verbo promissionis conveniunt; re signatâ conveniunt. Sacramenta Veteris ac Novi Test. verbo promissionis conveniunt *Gen.* 17. v. 7. *Act.* 2. v. 38. 39. *Rom.* 4. v. 10. 11. 23. *Gal.* 3. v. 29. Ergo.

Rationes
Negantes Or-
thodoxa.

Quia re sig-
natâ & effe-
ctu conveni-
ant.

Quia Scriptu-
ra fidelibus
V. T. tribuit
Sacramenta
N. T. & vi-
cissim.

Quia conve-
niunt verbo
promissionis

Rationes Pontificiorum & Lutheranorum.

Ex natura *Prædicati*:

I. Sacramenta Novi Testamenti expiant peccata *Act.* 2. v. 38. *Cap.* 22. 16. Sacramenta Veteris Test. non expiunt peccata *Psal.* 40. 50. *Esai.* 1. *Heb.* 9. 10. Ergo effectu principali differunt. *Resp.* Est fallacia quatuor terminorum. Nam *Major* de expiatione sacramentali, *Minor* de expiatione propriâ loquitur. Alioquin expiationem sacramentalem etiam habuere Sacramenta Veteris Test.

Lev.

Affirmantes
Heterodoxa.

Quia Sacra-
menta N. T.
expiant pec-
cata, non
quæ N. T.

Lev. 1. v. 4. Cap. 4. v. 26. Cap. 17. v. 11. Et expiationem propriam non magis habent Sacramenta Novi Test. quam Veteris, ut est *1. Pet. 3. v. 21. 1. Ioh. 1. v. 7.*

Quia Sacram. V. T. dicantur nihil esse.

II. Sacramenta Veteris Test. dicuntur nihil esse, *1. Cor. 7. v. 19.* nihil valere, *Gal. 6. v. 15.* esse infirma & egena elementa mundi *cap. 4. v. 9.* Ergo à Sacramentis Novi Testamenti re signata differunt. *Resp.* negatur consequentia ob fallaciam à dicto secundum quid. Ita appellantur, partim quod per Christum jam abrogata essent, partim quod Pseudapostoli errore exitiali gratiam ipsis affingerent.

Quia Sacram. V. T. fuerint umbra, Novi sint corpus.

III. Umbra & corpus differunt essentiâ. Sacramenta Veteris Test. fuerunt umbra; Sacramenta Novi Testam. sunt corpus *Col. 2. v. 17. Heb. 10. v. 1.* Ergo. *Resp.* Minor membro posteriore falsa est. Non enim Sacramenta Novi Test. sunt corpus, sed Christus, qui veritas, *Ioh. 1. v. 17. Cap. 14. v. 6.* etiam corpus est. Proinde peccatur Elencho comparatorum, quatenus pro Christo ejusque sacrificio, Novi Test. Sacramenta ponuntur. Petrus *1. Epist. 3. v. 21.* Sacramenta nova appellat antitypa veterum, nimirum quia typi sunt illis respondentes, atque etiam surrogati. Typus autem non est ipsum corpus, nec signum ipsum signatum.

Tertia: Pontificiorum.

An Sacramenta N. T. duo tantum sint, non vero septem?

Pontificiorum:

AN duo tantum sint Novi Testamenti Sacramenta, Baptismus & Cœna; an verò præter illa quinque alia: Confirmatio, Pœnitentia, Extrema Unctio, Ordinatio, & Matrimonium? Nos duo priora tantum, Pontificii insuper quinque posteriora, atque ita septem numero Sacramenta agnoscunt, Bellarminus tom. III. controuv. gener. I. Lib. 2. de effectu Sacramentorum cap. 24. & seq.

Rationes Affirmantes Orthodoxæ. Quia duobus solummodo convenit Sacramenti definitio.

Rationes nostræ.

Pro numero Binario:

I. Quibus solis in Novo Test. convenit definitio Sacramenti; iisdem solis etiam definitum convenit. Baptismo & Cœnæ, solis in

lis in Novo Test. convenit definitio Sacramenti : *Ratio* ; quia sola illa declarant & obfignant nobis iustitiam fidei ex institutione Christi. Ergo.

I I. Quorum Sacramentorum Apostolus tantum in eorum enumeratione meminit ; illa sola Novi Test. Sacramenta sunt. Atqui tantum meminit Baptismi & Cœnæ 1. *Cor.* 10. v. 1. 2. 3. *Cap.* 12. v. 13. Ergo.

Quia Duo tantum enumerat Apostolus.

III. Omnium Sacramentorum Novi Test. Christus confors factus est : *Ratio* ; quia omnia in suâ personâ sanctificare debuit ; ut communionem suam cum populo Novi Testamenti profiteretur. Quinque illorum falsò dictorum Sacramentorum non est factus confors, sed duorum tantum Baptismi, *Matt.* 3. & Cœnæ *cap.* 26. Ergo.

Quia Christus duorum tantum factus est particeps.

Rationes Pontificiorum.

Negantes
Heterodoxæ.

Pro numero *Septenario* ;

I. Quicquid habet requisita omnia Sacramenti propriè dicti ; id est Sacramentum propriè dictum. Septem illa supra enumerata Sacramenta habent requisita omnia Sacramenti propriè dicti. Ergò. *Minorem* probant inductione ; Baptismus habet. *Matt.* 28. *Marc.* 16. Cœna, *Matt.* 26. 1. *Cor.* 11. Confirmatio, *Act.* 8. v. 15. *Cap.* 19. v. 6. Pœnitentia, *Ioh.* 20. v. 23. Extrema Unctio, *Iac.* 5. v. 14. Ordinatio, 2. *Tim.* 1. v. 6. Matrimonium *Eph.* 5. v. 32. *Resp.* de Baptismo & Cœna datur *Minor*, de aliis quinque negatur : Nec enim illa vel requisita omnia veri Sacramenti, vel conditiones obtinent. Non *Confirmatio* 1. quia caret institutione 11. caret ritu illo quo hodie utuntur Pontificii in oleo, balsamo, Chrismate. 111. caret promissione gratiæ. 1v. fuit etiam impositio illa manuum miraculosa & extraordinaria, non ordinaria ut est omne Sacramentum. Non *Pœnitentia*. 1. quia absolutio à peccatis est gratiæ divinæ communicatio, eoque ipsa Evangelii promissio, quæ cum signo externo confundenda non est. 11. signum divinitus institutum nullum habet. Non *extrema Unctio*. 1. quia ordinatione divina in Sacramentum destituitur. 11. quia fuit *χάρις* Quæ miraculosum & temporarium Ecclesiæ primitivæ singulariter concessum. Non *Ordinatio*. 1. quia deest institutio divina de

Quia septem illa habeant omnia requisita Sacramentorum.

qua *Eph. 4.* nihil habetur. *II.* de sunt ritus qui per patinam, baculum pastorem, unctionem, rasuram, solenniumque verborum pronuntiationem usitatè exercentur. *III.* significatio nuda effi aliqua sit; non tamen ea quæ in Sacramentis requiritur, *IV.* communis etiam omnibus fidelibus non est. Non *Matrimonium*, *I.* quia institutione Sacramenti caret, cum ante lapsum non obfignandæ justitiæ fidei, sed generi humano propagando institutum sit, *Gen. 1.* *II.* nec signum habet, neque signatum. *III.* *Eph. 5.* mystica quædam adumbratio, non Sacramentalis significatio aut obfignatio in eo ostenditur. *IV.* Gentibus denique Lege naturæ commune est, cum tamen omnia Sacramenta Ecclesiæ propria sint.

Quia id rationi congruum sit.

II. Rationi congruum omnino est tot esse sacramenta, quot sunt necessaria vitæ spiritualis adminicula; quot sunt morbi spirituales; quot item virtutes morales Cardinales recensentur. Atqui in his omnibus septem species inveniuntur. Ergo. *Resp. Majoris* nulla est consequentia; quia numerus Sacramentorum non ex congruentia rationis sed ex institutione Dei pendet. Et si congruentia illa quicquam valeret, certè pro numero binario sacramentorum valeret, ut qui omnia, quæ ad vitam spiritualem necessaria sunt, in generatione & perpetua nutritione, sufficienter completitur & perfectè adumbrat.

De Baptismo.

Speciales de BAPTISMO.

Pontificiorum & Lutheranorum:

Prima: Pontif. & Luther. *Sine Baptismus aqua ad salutem simpliciter necessarius?*

Sitne aqua Baptismus ad salutem simpliciter necessarius? Pontificii & Lutherani affirmant? Illi, *Bellarminus tom. III. contrav. gener. II. de Baptismo lib. 1. cap. 4. 5.* Isti, *Eckardus fasciculi controversiarum cap. 19. de Baptismo quest. 14.* Nos negamus.

Status Controversiæ.

Distinguant Scholæ inter necessitatem præcepti & Medii. *Præcepti* eorum est, quorum usus nobis necessarius propter mandatum & ordinationem Dei. *Medii* eorum, quorum insuper efficax ad salutem operatio est; cujuscumque sunt respectu servandorum

dorum universè justificatio & sanctificatio, respectu adultorum fides & nova obedientia. *Hac* ad salutem necessaria dicuntur absolute, præcisè, simpliciter, eorumque sola privatio damnat. *Ista* verò secundum quid ac ratione mandati divini, eorumque non privatio sed contemptus damnat. Utrâque necessitate, ad salutem Baptismum requiri ajunt *Pontificii & Lutherani*; alterâ Præcepti *Nos*. Sed *Pontificii* sententiam suam duplici limitatione restringunt, dum nimirum non semper, sed demum post mortem Christi, inde à die Pentecostes eam necessitatem fuisse; & aquæ Baptismum per martyrium in parvulis & adultis, per pœnitentiam autem in solis adultis suppleri posse contendunt: quarum prior unitate Baptismi Christi ante & post ejus passionem, posterior absolutâ baptismi aquæ necessitate refellitur.

Rationes nostræ.

Ex naturâ Subjecti:

I. Nullum Sacramentum ad salutem simpliciter est necessarium. Baptismus aquæ est Sacramentum. Ergo. *Major* probatur: Quod gratiam salutis non operatur aut confert inritâ sibi vi, sed tantum eam declarat & obsignat; id ad salutem simpliciter necessarium non est. Nullum Sacramentum gratiam salutis operatur aut confert inritâ sibi vi; prout supra ostensum. Ergo.

II. Cujus sine fide, vel internâ Spiritus Sancti operatione, nulla est ad salutem efficacia; id ad salutem simpliciter necessarium non est. Baptismi aquæ, sine fide vel interna Spiritus Sancti operatione, nulla est ad salutem efficacia. Ergò. *Major* suâ luce claret. *Minor* nititur dicto Christi, *Marc. 16. v. 16. Qui crediderit & baptizatus fuerit servabitur; qui verò non crediderit, damnabitur*: & altero Petri 1. *Epist. 3. v. 21. Baptismus nos servat, non depositio sordium carnis, sed stipulatio sive interrogatio bonæ conscientie apud Deum*. Confirmatur etiam ab analogia Circumcisionis cui successit, *Col. 2. v. 11. 12. Circumcisionis sine observatione Legis nulla fuit efficacia, Roman. 2. v. 25. 26. Ergo nec Baptismi aquæ sine fide & Spiritu Sancto.*

Rationes
Negantes
Orthodoxæ.

Quia nullum Sacramentum ad salutem simpliciter necessarium.

Quia Baptismi sine fide & Sp. S. operatione nulla est efficacia.

Ex naturâ *Prædicati*;

Quia aliqui
sine baptis-
mo servati,
cum eo
damnati
fuerunt.

I. Sine quo potest aliquis servari, & quocum damnari; id ad salutem simpliciter necessarium non est. Sine Baptismo aquæ potest aliquis servari, & cum eo damnari. Ergo. *Major* iterum plana est. *Minor* ostenditur exemplis eorum qui sub Novo Testamento ita servati, vel damnati fuerunt. *Primi* Ordinis sunt Zacharias, Elizabetha, Simeon, Anna, Latro in cruce. *Secundi* Judas, Simon Magus, apostatæ & seductores multi, de quibus passim.

Quia sic
omnes in-
fantes sine
eo deceden-
tes damna-
rentur.

II. Si Baptismus aquæ ad salutem simpliciter necessarius est; omnes infantes quotquot sine eo decedunt, salute excidunt. Consequens absurdum. I. quia sic exciderent propter culpam eorum, à quibus baptismo oblati non fuerunt. II. quia major quoque esset baptismi quàm fœderis efficacia, quo pollicetur Deus propitium se fore non parentibus modo fidelibus, sed & semini ipsorum in millesimam generationem *Genes. 17. Exod. 20. Act. 2.* Ergo & absurdum Antecedens.

Rationes Pontificiorum & Lutheranorum.

Affirmantes
Heterodoxæ.

Ex naturâ *Subiecti*:

Quia Baptis-
mus tollit
reatum pec-
cati Orig.

I. Quod tollit reatum peccati Originalis, ad salutem simpliciter est necessarium. Baptismus aquæ tollit. Ergo. *Resp.* Est Elenchus quatuor terminorum. *Major* de verâ, reali, *Minor* de Sacramentali ablutione sonat: secus falsa est. *Præterea* Baptismus omnium universim peccatorum, non solius peccati Originalis reatum tollit; sicut baptizari dicimur in remissionem peccatorum absolutè, non in remissionem peccati Originalis *Act. 2. vers. 38.*

Quia Circumcisio
fuerit abso-
lute necessa-
ria.

II. Sacramentum Circumcisionis in Veteri Testamento, ita fuit necessarium, ut cuius masculi caro non præcideretur, anima ejus de populo & Ecclesia Dei exstirparetur, fœderisque exfors censeretur *Genes. 17. vers. 14.* Ergo Sacramentum baptismi itidem est necessarium. *Resp.* I. Nihil concluditur ad rem. Ipsi fatemur ita necessarium, ut absque dispendio salutis negligi aut contemni non possit, de quo contemptu etiam agitur *Genes. 17.*

At

At alia longè ratio est involuntariæ privationis ac carentiæ. II. negatur *Consequentia* ob dissimillimam gubernationem populi Veteris & Novi. Contemptus Circumcisionis pœnâ capitali in illo vindicabatur ex Lege; an hodie etiam contemptus Baptismi in nobis?

III. Si fides necessaria est ad salutem; etiam Baptismus. Atqui fides necessaria est ad salutem. Ergo. *Consequentia* patet. I. quia Christus in ordinatione mediorum ad salutem, fidem & Baptismum conjungit *Marc. 16.* II. quia sese mutuo habent ut relata, quorum posito uno necessariò ponitur alterum. Fidei enim objectum est promissio gratiæ, quam Deus in Baptismo ut medio offerente quærere vult & apprehendi. *Resp.* negatur *Consequentia Majoris* de pari necessitatis gradu intellectæ. Certè *Marc. 16.* fidem & Baptismum non ita conjungit Christus, ut vel sola antithesis ostendit. *Ratio* à naturâ relatorum tripliciter deficit. I. quia quæ se mutuo habent ut relata, non ejusdem semper necessitatis sunt. II. Baptismus & Fides propriè relata non sunt, sed baptismus aquæ ut signum, & verbum promissionis ut signatum. III. Quærenda est promissio gratiæ in Baptismo quoad oblationem, *Act. 2. v. 38.* non quoad inclusionem aut collationem, inquit aquæ virtute faciendam.

Quia fides
sit necessaria
ad salutem.

Ex natura *Prædicati*:

Sine quo nullo modo introitus patet in regnum cælorum; id ad salutem simpliciter necessarium est. Sine Baptismo aquæ nullo modo introitus patet in regnum cælorum. Ergo. *Minor* traditur ab ipso Christo, *Ioh. 3. v. 5.* *Amen, amen dico vobis, nisi quis re-genitus fuerit ex aqua & Spiritu, non potest introire in regnum cælorum.* Ubi aqua non Spiritum Sanctum ejusve effectum, sed Baptismum notat. I. Quia Spiritus Sanctus nudè & simpliciter non vocatur aqua. II. Sic ubique liceret per aquam Spiritum Sanctum intelligere, atque ita Baptismum abolere. III. Aqua præponitur Spiritui. Ergo ejus effectum non declarat: Nam absurdum declarationem anteponi rei declarandæ. IV. Si aqua effectum Spiritus Sancti declarat, malè conjungitur cum verbo renascendi; quia aqua non gignit, sed lavat, refrigerat. *Resp. Minor* falsa est, nec *Iohann. 3.* habetur, si vel maximè vox aqua de

Quia sine eo
non pateat
ingressus in
regnum cæ-
lorum.

Ioh. 3. v. 5. ex-
plicatur &
vindicitur.

Baptismo accipiat: Explicat enim ipse Christus necessitatis disparitatem *Marc.* 16. v. 16. Et si, quæ tanquam media ad unum finem conjunguntur, ejusdem semper necessitatis sunt; etiam si des & confessio æque fuerint necessaria, quæ & ipsæ sic conjunguntur, *Rom.* 10. v. 9. 10. Sed *Baptismum* non intelligi verum Spiritus Sancti regenerantis virtutem, tum ipsa *versus* 5. sententia, tum consequentium collatio, in quibus solius Spiritus absque aqua mentio occurrit, tum etiam locorum aliorum & exemplorum comparatio evincit. *Rationes* contrariæ parum roboris habent. *Prima* refellitur dicto Christi, *Iohann.* 4. v. 14. & *Esaiæ*, *cap.* 43. v. 18. *Secunda* inconsequens est; quia hic expositionem illam exigunt loci circumstantiæ, alibi non exigunt aut admittunt. *Tertia* itidem inconsequens. Quid usitatus quàm ex effectu arguere causam? quàm ex illo istam declarare ac demonstrare? Declarationem verò rei declarandæ per anticipationem anteponi, nec absurdum est, nec novum in Scriptura. Hic tamen ei postponitur uti quoque *Iohann.* 7. v. 37. 38. 39. Nam Spiritus est aqua illa ex quâ renasci oportet omnes servandos. *Quarta* iterum inconsequens, & *Ratio* ejus falsa est, sive in thesi accipiat, quod nulla aqua gignat; sive in hypothesi, quod aqua illa, quæ est Spiritus Sanctus, non gignat. Gignit quippe lavando, purgando nos à peccatis, non ut materia materiatur, sed ut Efficiens effectum suum producit.

Secunda:
Anabaptistarum.
An Infantes
fidelium sint
baptizandi?

Anabaptistarum.

An Infantes fidelium baptizandi sint? Anabaptistæ negant, *Colloq. Francothalensis articulo* 12. & *Emdani articulo* 9. Nos affirmamus.

Rationes
Affirmantes
Orthodoxæ.

Rationes nostræ.

Ex naturâ Subjecti:

Quia sunt in
fœdere, in
Ecclesiâ.

I. Qui sunt in fœdere Dei, in Ecclesiâ, baptizandi sunt. Infantes fidelium sunt in fœdere Dei, in Ecclesiâ. Ergo. Utraque Propositio probatur. *Major*; quia Deus fœderatos suos signo fœderis ab aliis discerni vult, *Genes.* 17. v. 10. quod signum

in

in Novo Testamento est Baptismus, circumcissioni surrogatus *Coloss. 2. v. 11. 12.* Item; quia Baptismus toti Ecclesiæ datus est, *Matth. 28. v. 19. 20.* quo omnia ejus membra baptizantur in unum corpus *1. Cor. 12. v. 13.* Minor quoad *Prims* membrum; quia Deus non minus infantum, quàm parentum Deus est, *Genes. 17. v. 7.* Quoad *Posterius*. I. Quia Infantum est regnum cælorum, *Matth. 19. v. 14.* Ergo Ecclesiæ membra sunt. II. Christus corporis tantum sui Servator est *Ephes. 5. v. 23.* Atqui est Servator Infantum *Matth. 19. v. 14. Actor. 4. v. 12.* Ergo. III. Qui fuerunt in Ecclesiâ Veteri, etiam sunt in Nova: Ratio; quia confessione Anabaptistarum, utraque Ecclesia una est, & amplior hujus quàm illius conditio, gratia. Infantes fidelium fuerunt in Ecclesiâ Veteri *Joel. 2. vers. 15. 16. 2. Chron. 20. vers. 3. 4. 13.* Ergo.

II. Quibus facta est promissio, iisdem Sacramento Baptismi obsignanda est. Infantibus fidelium facta est promissio. Ergo. *Major*em proponit Petrus, *Actor. 2. v. 38. 39.* his verbis: *Baptizetur unusquisque vestrum in nomen Iesu Christi. Vobis enim facta est promissio & liberis vestris, & omnibus longè post futuris. Minorem* iisdem verbis tradit.

Quia ip sis
facta promissio.

III. Ad quos pertinent beneficia remissionis peccatorum, regenerationis, Spiritus Sancti, & Vitæ æternæ; ad eosdem etiam Baptismus pertinet. Atqui pertinent ad infantes fidelium. Ergo. Consequentia *Majoris* nititur dicto modo allegato, *Actor. 2. v. 38. 39.* & altero ejusdem Apostoli *cap. 10. v. 47.* *Num quis potest aquam prohibere, quo minus baptizentur isti, qui Spiritum Sanctum acceperunt, sicut & nos?* Probatur etiam evidenti ratione: Quibus enim debentur res significatæ, iis etiam symbolum debetur, nisi aliqua obstet conditio in Persona vel usu. De *Minore* constat testimoniis Scripturæ, quæ Infantibus fidelium remissionem peccatorum, *Actor. 2. v. 38. 39.* regenerationem, *Eph. 5. v. 25. 26. 27.* Spiritum Sanctum, *1. Cor. 7. v. 14.* & vitam æternam, *Matth. 19. v. 14.* tribuunt.

Quia ad ipsos pertinet
R. P. regeneratio. Sp. S. & V. Æ.

Ex naturâ Prædicati:

I. In quibus est nomen Patris, Filii, & Spiritus Sancti; si baptizandi sunt: Ratio; quia Baptismus in horum nomen ad-

Quia in ip sis
est nomen
Patris, Filii
& Sp. S.

mini-

ministratur. In infantibus fidelium est nomen Patris, Filii & Spiritus Sancti. Patris; quia est Deus ipsorum *Genes.* 17. v. 7. *Act.* 2. v. 39. Filii; quia est Servator, *Ephef.* 5. v. 23. & *Matth.* 19. v. 14. collato cum *Act.* 4. v. 12. Spiritus Sancti; quia est Sanctificator *Ioh.* 3. v. 5. 6. *Ephef.* 5. v. 26. 27. Ergo.

Quia circumcidebantur in V. T.

II. Qui in Veteri Testamento circumcidebantur, in Novo Baptizandi sunt. Infantes fidelium in Veteri Testamento circumcidebantur. Ergo. De *Minore* constat ex *Genes.* 17. *Major* probatur. **I.** Quia Baptismus circumcisioni succellit, ut Sacramentum novum Sacramento Veteri, quemadmodum testatur Apostolus; *Coloss.* 2. v. 11. 12. & Sacramenti utriusque fines, sive usus ostendunt. Nam sicut olim circumcidebantur, ut obsignaretur ipsis receptio in fœdus, *Genes.* 17. v. 14. remissio peccatorum, *Rom.* 4. v. 11. & regeneratio, *Deuter.* 10. v. 16. *Cap.* 30. v. 6. ita nunc de causis hodie baptizamur *1. Cor.* 12. v. 13. *Act.* 2. v. 38. *Ti.* 3. v. 5. **II.** Ab absurdo consequente; quia alioquin angustior esset gratia Novi Testamenti, gratiâ Testamenti Veteris: saltem quoad declarationem & obsignationem, cum tamen & hoc modo latiore esse vel solo mulierum baptismo constet *Act.* 8. & 16. *capp.* 1. *Cor.* 1.

Negant
Heterodoxæ.

Rationes Anabaptistarum.

Ex natura Subjecti:

Quia non resipiscant, nec credant.

I. Qui non resipiscunt, nec credunt; baptizandi quoque non sunt. Infantes fidelium nec resipiscunt, nec credunt. Ergo. *Major* patet; quia Baptismus est Sacramentum resipiscentiæ ad remissionem peccatorum, *Marc.* 1. v. 4. & qui crediderit ac baptizatus fuerit servabitur *cap.* 16. v. 16. De *Minore* etiam constat; quia fides est ex auditu *Rom.* 10. v. 17. *Resp.* *Major* vera est de adultis; in his resipiscencia ac fides, vel saltem utriusque professio præcedere debet Baptismum. De infantibus negatur, quibus satis est si ex parentibus fidelibus nati sint *1. Cor.* 7. v. 14. Quemadmodum in Veteri Testamento Profelyti quidem ante circumcisionem profitebantur fidem Judaicam at infantes ipsorum absque præcedanea professione circumcidebantur.

Quia nihil intelligant.

II. Signum nihil significat nisi intelligenti. Infantes nihil intelligunt *Dent.* 1. vers. 39. *Ion.* 4. v. 11. Ergo; & per consequens

quens, frustra iis signum Baptismi tribuitur. *Resp.* Si hæc valet illatio, frustra olim in Veteri Testamento tributum infantibus signum circumcisionis, quod non magis intellexerunt. *Major* ergo universaliter accepta falsa est. Signum Baptismi significat, obsignat gratiam Dei non intelligentibus & intelligentibus: Illis datam tantum, his insuper fide acceptam *Rom. 4.v.11.*

Ex natura *Predicati*:

I. Cujus nec mandatum, nec exemplum in Sacris Literis reperitur; id vel illicitum, vel saltem non necessarium est. Baptismi infantum nec mandatum, nec exemplum in Sacris Literis reperitur. Ergo. *Resp.* negatur *Minor*. Nam & *mandatum* exstat de omnibus Ecclesiæ membris baptizandis. *Math. 28. vers. 19. & exempla* inveniuntur integrarum familiarum baptizatarum, à quibus infantes excludi nequeunt *Actor. 16.v.15.33. 1. Cor. 1.v.16.* Petunt quidem ipsi mandatum speciale, & generali illo infantes contineri negant, ut qui doceri non possunt; At utrumque contra rationem faciunt. Nam qui generale proponit, speciale complectitur: Et quod perpetui juris est in Ecclesiâ semel sancitum, nimirum ut fœdus Dei in fœderatis obsignetur, nihil opus fuit repeti de certo aliquo fœderatorum ordine. Mandatum docendi baptizandos accommodatum est Ecclesiæ primitivæ, quæ ex gentibus adultis colligebatur; circa tales certè id observandum. Infantum verò, qui conditionem parentum sequuntur, alia ratio.

Quia nec mandatum, nec exemplum Pædobaptismi in Scripturâ reperitur.

II. Infantes fidelium non admittuntur ad Cœnam. Ergo. nec ad Baptismum admittendi sunt. *Resp.* negatur *Consequentia*. Nam conditio probationis & commemorationis Domini, Cœnæ annexa, ipsos à communione illa excludit; à Baptismo autem nihil excludit. Baptismus est instar lactis utpote regenerationis Sacramentum; at Cœna Sacramentum illud nutritionis, est ci- bus solidus solis adultis conveniens.

Quia non admittantur ad S. Cœnam.

De S. Cœna.

Controversiæ de COENA Domini.

Prima: Pontificiorum.

An panis & vinum vi verborum institutionis transsubstantientur?

Pontificiorum:

PRIMA: An: panis & vinum vi verborum consecrationis, Hoc est enim corpus meum, Hic est enim calix sanguis mei Novi Testamenti, in ipsum corpus & sanguinem Christi verè transsubstantientur, externis tantum speciebus panis & vini remanentibus? Pontificii affirmant, Bellarminus Tom. III. Controv. gener. III. Lib. 3. de Eucharistia cap. 18. & seqq. & Lib. 1. cap. 3. & seqq. de præsentia corporis Christi in Eucharistia. Nos negamus.

Rationes
Negantes
Orthodoxæ.

Rationes nostræ.

Ex natura Subjecti:

Quia & ante & post consecrationem manet verus panis & verum vinum.

I. Quod ante Consecrationem est, & post eam manet verus panis, verum item vinum; id vi verborum Consecrationis non desinit esse panis aut vinum; nec in corpus aut sanguinem Christi mutatur. Atqui panis & vinum in Sacra Cœna &c. Ergo. Major plana est. Minoris posterius membrum confirmatur testimoniis Scripturæ: 1. Cor. 10. v. 16. 17. *Panis quem frangimus nonne communio corporis Christi est? Omnes sumus unus panis & unum corpus, qui de uno pane participamus.* Matth. 26. v. 29. *Non bibam ab hoc tempore ex hoc genimine vitis &c.* 1. Corinth. 11. v. 26. 27. *Quotiescunque ederitis panem hunc, & poculum hoc biberitis, mortem Domini annunciate; item: Quisquis ederit panem hunc vel poculum Domini biberit indignè, reus erit corporis & sanguinis Domini.*

Quia aqua Baptismi non transubstantiatur.

II. Aqua Baptismi non transubstantiatur sive convertitur in sanguinem Christi. Ergo nec panis Cœnæ in corpus Christi, nec vinum in sanguinem ejus. Antecedens extra controversiam est. Consequentiam evidenter probat analogia Baptismi & Cœnæ, de quâ ita Apostolus: *Per unum Spiritum nos omnes in unum corpus baptizati sumus & Iudei & Græci, & servi & liberi, & omnes potati sumus in unum Spiritum.*

Ex

Ex naturâ *Prædicati*:

Contra vim verborum *Consecrationis*.

I. Purum accidens non habet vim convertendi unam substantiam in aliam. At Consecratio, sive recitatio verborum est purum accidens. Ergo. *Minor* suâ luce claret. *Major* nititur veritate axiomatum Logicorum: Effectus esse nequit toto genere melior sua causâ. item: Effectus non excedit causæ suæ virtutem.

Quia consecratio est purum accidens.

II. Momentanea ac supernaturalis unius substantiæ in aliam conversio est virtutis omnipotentis. Verba Consecrationis, à Missifico prolata, non sunt virtutis omnipotentis, non magis quàm verba prædicationis. Ergo.

Quia transsubstantiatio est virtutis omnipotentis.

Contra *Transsubstantiationem*.

I. Quæ doctrina cum institutione Cœnæ, articulis fidei, & secum ipsa pugnat, erronea est. Doctrina Transsubstantiationis Pontificia &c. Ergo. *Minor* probatur per partes. Pugnat cum institutione Cœnæ; quia nec cum circumstantiis ejus, nec cum factis quæ Christus exercuit, nec cum dictis quæ usurpavit, nec cum fine quem spectavit, ullo modo convenit aut conciliari potest. Cum articulis Fidei; quia articulum de Conceptione ac Nativitate Christi, de Resurrectione, Ascensione, Sessione ad dextram Patris in cœlis, Reditu ad Judicium, nec non de Sanctorum communione destruit. Secum ipsa de nique; quia contradictoria statuit, substantiam signorum prorsus aboleri, & tamen eam non annihilari; conversionem fieri signorum & ne materiam quidem illorum remanere; Conversionem fieri vi quinque verborum & tamen non fieri successivè: & quæ sunt hujus generis alia.

Quia transsubstantiatio institutioni Cœnæ, articulis fidei, & sibi repugnat.

II. Quod Cœnæ Dominicæ essentiam destruit, consistere cum eâ nequit. Transsubstantiatio destruit. Ergo. *Minor* ostenditur inductione. Destruit signum, signatum, & analogiam Sacramentalem: *Signum*; quia panis & vini substantiam abolet relictis speciebus, quæ absque proprio subjecto spectra potius videntur fallacia, quàm rerum divinarum infallibilia testimonia. Si-

Quia destruit essentiam Cœnæ.

gnatum; quia corpus Christi suâ quantitate, suis dimensionibus spoliatur, & pro uno multiplex inducit. *Analogiam etiam Sacramentalem*; quia relationis Sacramentalis fundamentum tollit: & ubi signum in signatum convertitur, omnis inter illa similitudo definit.

Quia nec
Phyfica est,
nec Hyper-
phyfica.

III. Omnis vera transubstantiatio aut Phyfica est, aut Hyperphyfica. Transubstantiatio Pontificia neutra est. Non *Phyfica*; quia illa naturæ est opus, corruptione & generatione constans. Nec *Hyperphyfica*; quia hæc est opus solius Dei, & annihilatione ac creatione perficitur, quas tamen actus agnoscere renuunt. Ergo.

Contra remanentiam specierum seu accidentium.

Quia accidentia non
possunt esse
sine sub-
iectis.

I. Accidentia non possunt esse sine Subjectis, ad quæ determinantur. Color, Odor, Sapor sunt accidentia panis & vini. Ergo sine iis esse non possunt. Aut igitur panis & vinum non destruuntur in Cœnâ; aut accidentia illa simul destruuntur. *Minor* controversiâ caret. *Major* est certæ veritatis. Nam accidentium esse est inesse, usque adeo ut quod absque subiecto in hærentiæ subsistit, accidens esse definat.

Quia mera
accidentia
panis & vini
nequeunt
corrumpi.

II. Corrumpi, devorari ab animalculis, vim item nutriendi ac inebriandi habere, non est accidentium. Atqui est Panis & Vini in S. Cœna, si vel asserventur, vel copiosius sumantur, experientia teste. Ergo.

Affirmantes
Heterodoxæ.

Rationes Pontificiorum.

Ex naturâ Prædicati:

Quia verba
institutionis
transmuta-
tionem in-
ferant.

I. Verba Cœnæ, *Hoc enim est corpus meum*, mutationem aliquam necessariò inferunt. Illa aut vera est & substantialis. panis in corpus; aut *metaphorica*, quoad significationem quam ante non habebat: Tertia non datur. Atqui non est *metaphorica*. Ergo. *Minor* probatur: Panis non est figura corporis Christi. Ergo nec mutatio ejus figurata sive *Metaphorica* esse potest. *Antecedens* inde confirmant, quod verba Institutionis propriè, non figuratè explicanda sint. I. Quia sunt verba Sacramenti, Testamenti, pacti sive fœderis, legis seu præcepti, item dogmatis; quæ

quæ omnia propriam non figuratam locutionem requirunt. **II.** Quia dicta sunt Apostolis rudibus adhuc & simplicibus, quibus Christus vel clarissimè omnia proposuit, vel quæ obscura erant continuè exposuit. At hæc nec ipse exposuit, nec Evangelistarum quispiam. **III.** Quia proprius verborum sensus deferendus non est, nisi cogente vel aliâ aliquâ Scripturâ, vel fidei articulo. Neutrum verò hîc cogit. Ergo. *Resp. Assumptum* prosyllogismi falsum est. Nam mutatio signorum, quæ in Sacramento Cœnæ fit, fit secundum eorum significationem, usum atque effectum, 1. Cor. 11. v. 24. 25. Cap. 10. v. 16. 17. non secundum substantiam, eoque Sacramentalis est, non substantialis. Falsum etiam *Antecedens* Enthymematis unâ cum probatione, quod verba Institutionis propriè non figuratè accipienda sint; Contrarium infra demonstrabitur. Et ipsi à sensu proprio longissimè discedunt, dum non panem, sed id quod sub speciebus ejus transsubstantiatum continetur, corpus Christi esse asserunt. *Ratio. Prima* pro τῷ ἰν τῷ infrigitur innumeris exemplis, Sacramentorum, Genes. 17. v. 10. Exod. 12. v. 11. Tu. 3. v. 5. Testamentorum, Genes. 49. Deuter. 33. 2. Sam. 23. 1. Reg. 2. Pactorum sive fœderum, Genes. 17. Cap. 21. v. 23. & seqq. Legum sive præceptorum, Esa. 1. v. 16. Jerem. 4. v. 3. Joel. 2. v. 13. Ephes. 4. v. 2. Dogmatum, Deut. 30. v. 6. Ioh. 3. v. 3. 5. Cap. 6. per totum ferè. Cap. 15. v. 1. In quibus locutiones figuratæ reperiuntur; exque non obscuritatis, sed lucis majoris causa adhiberi solent. *Secunda* inconsequens est. Etsi enim rudes adhuc essent Apostoli, tamen Phrases Sacramentales, figuratas rectè intellexerunt, ut quas Sermone familiari ipsi usurparunt dicentes Christo; *Vbi vis paremus tibi Pâscha?* Nec quia clarissimè hanc doctrinam Christus proposuit, verbis propriis proposuit. *Tertia* rationis Minor neganda est. Imo cogunt nos tum alia Scripturæ loca, tum plurimi fidei articuli, à proprio verborum sensu discedere ad figuratum.

II. Si corpus Christi in cœnâ sub speciebus panis verè & realiter præsens est; omnino panem in corpus, remanentibus speciebus, transsubstantiari oportet. Verum *Antecedens*. Ergo & *Consequens*. *Antecedens* probant. **I. A figuris Veteris Test.** ceu sunt panis & vinum Melchizedechi, panis propositionis, agnus Pâschalis, Manna, hoc modo: Figuratum figuris suis

Quia corpus Christi sub speciebus elementorum verè & realiter præsens sit.

præstantius est *Col. 2. Heb. 10.* Sacra Cœna est figuratum, cætera figuræ. Ergo istis præstantior est. At non est præstantior significatione; quia sic vel inferior, vel saltem æqualis. Ergo transsubstantiatione & corporali Christi sub speciebus ejus præsentia.

II. A *Promissionibus Christi*: Quod Christus *Ioh. 6.* daturum se promissit; id in cœnâ dedit. At promissit se daturum panem vitæ, qui sit corpus sive caro sua. Ergo. *Majorem* inde confirmant quod quæ *Iohann. 6.* in futuro, *Lnc. 22.* in præsentia enunciat, *Hoc est corpus meum, quod pro vobis datur.* Et nisi promissio illa ad Cœnam referatur, solus Johannes de augustissimo ejus mysterio nihil scripsit, quod absurdum.

III. A *sine seu fructu hujus Sacramenti* ex *1. Corinth. 10. v. 16. Cap. 11. v. 29.* hæc forma: Panis est communicatio corporis Christi. Ergo sub speciebus panis corpus Christi nobis communicatur. *Item*: Qui manducando panem rei fiunt corporis Christi; illud sub speciebus panis præsens habent. Indignè communicantes manducando panem rei fiunt corporis Christi. Ergo. *Resp.* Misa Prosyllogismi propositione, de qua Consubstantiatores litigant, negatur *Antecedens*, quod veram ac realem corporis Christi sub speciebus panis præsentiam asserit. *Epilogismi* tres ei firmando adjuncti non uno modo deficiunt. *Primus* principium petit in *Minore*; Nec enim figuræ veteres S. Cœnam propriè, sed ipsum Christum ejusque mortem ac beneficia adumbrarunt, ut qui typorum veritas, *Ioh. 1. vers. 17.* ac umbrarum corpus, *Coloss. 2. v. 17.* vocatur. *Deinde* institutâ comparatione Sacramentorum veterum cum novis, horum quidem, atque ita S. Cœnæ, major præstantia est, sed quæ ex dignitate atque efficacia Novi Fœderis, non ex corporali Christi sub speciebus panis & vini præsentia dependet. Illorum significatio crassior, horum clarior est. *Secundus* *Majore* fallit; quia carnem suam non dedit Christus pro mundi vitâ in Cœnâ, verum in cruce. *Lnc. 22.* enallage est præsentis pro futuro usitatissima Scripturæ, (vide *Iohann. 10. 16. 17. capp. & alibi*:) quæ ad designandam rei futuræ certitudinem sæpe adhibetur. Licet etiam Johannes de signo S. Cœnæ nihil, de signato tamen; tanquam parte ejus portiore, luculenter scripsit. *Bellarmini* verò commentum, quod à *v. 32. ad 51.* de sola spiritali manducatione, inde autem in sequentibus etiam de Sacramentali agat, ut nullâ ratione solida nititur, ita ab aliis Pontificiis rejicitur. In *Tertio* utrobi-

que

que evidens inconsequentia est ex petitione principii. *Communio panis* est communio corporis Symbolica, Sacramentalis; non substantialis; quemadmodum qui idolis immolant communionem habent cum dæmoniis, quippe quam communionem Sacrorum testatam faciunt. Quod etiam *indignè manducantes panem Cœnæ rei sunt corporis Christi*, non ex reali ejus præsentia, sed ex Symboli Sacri profanatione fit. Unde non corpus sed panem indignè manducari ait Paulus. De corpore aliud testatur Christus, *Iohann. 6.* nimirum quod omnis illud manducans habeat vitam æternam: Ex quo sequitur à nullo ad Judicium, ad mortem manducari posse.

III. Convenientia rationis postulat, ut in Sacra Cœnâ substantia panis recedat, & accidentia remaneant. Ergo id ita accidit. *Prims* patet; quia alioquin periculum, ne & panis adoraretur à simplicioribus. Conjungerentur etiam cibus ventris & mentis, panis terrenus & cœlestis. *Posterius*; nam aliàs signum nullum sensibile foret, item horror esset carnem humanam in propria specie manducare. *Resp.* Et *consequentia* Enthymematis nulla est, & *Antecedens* cum probationibus ubique ponit tanquam certum, quod est controversum. Omnia illa deliria ex monstroso corporalis præsentia dogmate nascuntur, quo destructo & illa corruunt.

Quia id postulet Convenientia rationis.

SECVNDA: *An communio sub utrâque specie, sive Symbolo, Laicis, quos vocant, non modo, non necessaria, sed etiam illicita sit?* Pontificii affirmant, Praxi saltem ac constanti observatione, etsi verbo sæpe communionem illam adiaphoram facere videri velint. *Belarminus Tom. III. Contr. gener. III. de Eucharistia, lib. 4. cap. 20. & seqq.* Nos negamus.

Secunda? Pontificiorum. An communio sub utraque specie Laicis illicita sit?

Rationes nostræ.

Rationes Negantes Orthodoxæ.

Ex natura Subjecti:

I. Quod ad integritatem Sacra Cœnæ requiritur, in ea necessarium est. Communio sub utroque Symbolo ad integritatem

Quia ad integritatem S. Cœnæ requiritur.

tatem Sacrae Cœnæ requiritur. Ergo. *Minor* probatur. I. Quod ad communionem corporis & sanguinis Christi requiritur, ad integritatem S. Cœnæ requiritur. *Ratio*; quia Cœna utriusque communio est 1. Cor. 10. v. 16. Atqui communio sub utroque Symbolo, hoc est panis & vini, ad communionem corporis & sanguinis Christi requiritur, teste Apostolo *eodem loco*. Ergo. II. Quod ad materiam, formam ac finem Sacrae Cœnæ pertinet; ad integritatem ejus requiritur. Utrumque Symbolum & utriusque communio ad materiam, formam, & finem Sacrae Cœnæ pertinet. Ad *Materiam*; quia vinum est pars integrans. Ad *Formam*; quia poculum est communio sanguinis Christi. Ad *Finem*; quia est commemoratio sanguinis pro nobis effusi in remissionem peccatorum, atque etiam perfectæ nutritionis confirmatio. Ergo.

Quia plus
fructus per-
cipitur ex
utroque
Symbolo.

II. Ex utroque Symbolo aut plus fructus redit ad fideles quam ex uno, aut non. Si *redit*, quo jure altero privantur Laici? quomodo illud necessarium ipsis non est? Si *non redit*, inutiliter certè alterum Christus adhibuit.

Ex natura *Prædicati*:

Quia Chri-
stus præce-
pit. & Apo-
stoli adhi-
buerunt
communio-
nem sub u-
traque spe-
cie.

Quicquid in Sacra Cœnâ & Christus præcepit, & Apostoli reliquique Christiani observarunt; id non illicitum, sed licitum; necessarium item, non arbitrarium est. Communionem sub utroque Symbolo, sive panis & vini, in Sacra Cœnâ Christus præcepit. Dixit enim *Accipite, Edite, Bibite, hoc facite, Marc. 14. Luc. 22. 1. Cor. 11.* quin Omnes bibere jussit, ut est, *Math. 26. v. 27. Bibite ex eo omnes.* Deinde Apostoli reliquique Christiani eam observarunt. Illi siquidem non solum ederunt sed etiam biberunt omnes de poculo, teste Marco *cap. 14. v. 23.* Isti verò idem in more habuerunt, quemadmodum ex 1. Cor. 10. & 11: *capp.* manifestum est. Ergo. *Exceptio Pontificiorum*, quod in primâ Cœnâ Apostoli Christi Sacerdos non discipuli fuerint, dupliciter falsa est. I. Quia Novum Testamentum præter Christum Sacerdotem propriè dictum nullum habet. II. Quia illo in actu, & aliàs Christi respectu non Pastorum aut Doctorum, sed omnium & discipulorum personam gesserunt.

Rationes Pontificiorum.

Affirmantes Heterodoxæ.

Ex natura Subjecti:

Quia totus sub unâ specie percipitur, ejus communio sub utrâque necessaria non est. Christus totus sub unâ specie percipitur; propter naturalem partium ejus concomitantiam, quæ solvi per mortem amplius nequeunt *Rom. 6.* Ergo. *Resp.* Argumentum hoc æque militat contra Clericos, quam contra Laicos. Deinde principium bis petit, quatenus asserit. I. Christum corporaliter sub specie panis latentem percipi. II. Corpus & Sanguinem percipi conjunctim, cum tamen in cœnâ ut res in cruce separata nobis offerantur, atque hoc sine Symbolis separatis adumbrentur.

Quia Christus totus sub unâ specie percipitur.

Ex natura Predicati:

I. Christus ipse solius Panis meminit, *Ioh. 6.* & Emmaunti Cœnam in unâ specie duobus discipulis *Luc. 24.* præbuit Ecclesia quoque Apostolica eam simili modo Laicis administravit *Act. 2.* & alibi. Ergo. *Resp.* *Iohann. 6.* Christus de *communione* Sacramentali non loquitur, verum de *Spirituali*; Et manducationem spiritualem sic urget, ut bibitionem minimè excludat, sed alteri vel tacite includat per synecdochen, vel expresse addat v. 35. 53. 54. 55. 56. *Cœna Emmauntica Luc. 24.* communis fuit, non Sacramentalis; nisi fortè Christum Sacrilegii reum peragere velint, qui panem absque vino (quod ex Canonibus ipsorum grande nefas) consecravit, utpote in panis fractione agnitus ac statim sublati. In locis verò illis, quibus Cœna *fractio panis* appellatur, synecdoche membri appertissima est, ex Hebrææ linguæ idiotismo nata, quæ fractione panis quodvis convivium notare solet.

Quia unam speciem adhibuerit Christus, & Apostoli.

II. Quod omnibus tam Laicis quam Clericis præberi nequit; omnibus etiam necessarium non est. Communio sub utrâque specie omnibus præberi nequit. I. Quia reverentia Sacramenti sic extenuaretur. II. Facile vini aliquid effunderetur. III. Quidam abstemii sunt. IV. Alicubi etiam vini copia non est &c. Ergo. *Resp.* Priora duo incommoda ex superstitione sunt.

Quia omnibus præberi nequeat utrâque Species.

& Transsubstantiationis opinione. *Posteriora* particularia, quæ Christi institutionem non tollunt: Nam utrumque prævidit, & tamen poculum omnibus promiscuè exhiberi iussit. Detur ergo abstemiis & iis qui vino carent alius potus ipsis consuetus, cæteris vinum, utrisque jus suum in duo illa Symbola, divinitus concessum, integrum relinquitur.

*Tertia: Pontificiorum,
An in S. Cœnâ peragatur
verum Sacrifici-
um pro peccatis
viventium
et mortuorum?*

TERTIA: *An in Cœna peragatur verum, externum & reale Sacrificium, Missæ vulgo, quo Christus sub speciebus panis & vini modo incruento offertur Deo Patri in victimam pro peccatis viventium & mortuorum?* Pontificii Affirmant, Bellarminus Tom. III, *Controv. gener. III. de Euchristia, Lib. 5. qui est primus de Missa cap. 5. & seqq.* Nos negamus.

*Rationes
Negantes
Orthodoxæ.*

Rationes nostræ.

Ex natura Subjecti & predicati:

*Quia S. Cœna
& Missa sunt
pugnantia.*

I. Pugnantia de se invicem non affirmantur, sed negantur, Cœna Dominica & Sacrificium Missæ sunt pugnantia. Ergo. *Minor* multarum partium collatione ostenditur. I. In Cœnâ Deus dat, fideles accipiunt; in Missâ sacerdos dat, Deus accipit. II. Christus non in Cœnâ, sed in cruce se obtulit; in Cœnâ autem oblationis sui monumentum fixit; in Missâ Christum Deo offert Sacerdos, & quidem in victimam pro peccatis. III. Christus dixit *Hoc facite*, id est, edite, bibite; Pontificii Hoc facite, id est, Sacrificate. IV. Christus dedit discipulis, ut ederent, biberent; Sacerdos nihil dat populo, sed solus omnia deglutit. V. Christus verba hæc, *Hoc est corpus meum*, non demurmuravit super panem, sed clarè distincte pronunciavit; Pontificii demurmurant. VI. Cœna obsignat credentibus perfectam remissionem peccatorum propter Satisfactionem Christi; Missa applicat eam ex opere operato, non solum vivis sed etiam mortuis. VII. Cœna Christi absentis & in cœlo ad dextram Patris sedentis commemoratio; Missa ejusdem sub speciebus panis & vini latentis immolatio est. VIII. Cœna in solius Christi memoriam & pro iis instituta est, qui mortem ejus annunciare possunt; Missa

Missa verò etiam in Sanctorum memoriam & pro mortuis celebratur, qui certè facere id nequeunt, quod Christus requirit.

II. Verum & reale Sacrificium, veram & realem mortem aut destructionem rei immolatæ desiderat. In Sacra Cœnâ non est vera & realis mors aut destructio rei alicujus immolatæ. Ergo. *Major est Bellarmini* totidem verbis enunciata, *lib. 1. de Missa cap. 27.* & ante explicata, *cap. 2. ejusdem libri.* Minor probatur. Res immolata in Sacra Cœnâ aut signum est, aut signatum. Non *signum*; quia victima peccati expiatoria non est. Quis enim dicat pane & vino expiari peccata? Nec *signatum*; quia corpus Christi per mortem non destruitur. Nam ipse semel mortuus non amplius moritur *Rom. 6. v. 9.* Ergo.

Quia in Cœna non est vera destructio rei immolatæ.

III. Omne Sacrificium externum, hostiam externam & visibilem habet. Sacra Cœna non habet hostiam externam & visibilem. Ergo. *Major* utrinque in confesso est. *Minorem* volentes nolentes concedere coguntur, ut qui corpus Christi invisibiliter adesse docent.

Quia non habet hostiam visibilem.

IV. Quæ oblatio una numero, & perfectissima est; ea neque multiplicanda neque iteranda est. *Ratio*: quia multiplicatio unitati, iteratio perfectioni repugnat: Est siquidem imperfectionis argumentum. Unde oblationum Leviticarum imperfectionem ex earundem iteratione Apostolus concludit *Hebr. 9. & 10. capp.* Atqui oblatio Christi est *Vna* numero, *Hebr. 7. v. 26. 27. Cap. 9. v. 25. 26. 27. 28. Cap. 10. v. 10. 12. 14.* quemadmodum ejus mors una *Rom. 6. v. 9.* Deinde etiam *perfectissima* est merito & efficacia: Merito; quia *per Spiritum aeternum se ipsum obtulit inculpatum Deo, aeternum redemptionem nactus* *Heb. 9. v. 12. 14.* Efficaciâ; quia *unicâ oblatione consummavit in perpetuum eos qui Sanctificantur* *Hebr. 10. v. 14.* Ergo.

Quia oblatio Christi perfectissima est, non iteranda

V. Qui non amplius in terris, sed in cœlis est; nec meretur amplius, sed apparet, intercedit pro nobis apud Patrem; *is* in Cœna non offertur in victimam expiatoriam peccati: *Ratio*; quia ad oblationem victimæ requiritur præsentia: & quæ verè expiatoria est peccati, meritoria est remissionis. Atqui Christus non in terris amplius, sed in cœlis est *Hebr. 8. v. 4.* *Si in terra esset, ne Sacerdos quidem esset*; nec meretur amplius, sed apparet intercedit pro nobis apud Patrem, *Hebr. 1. v. 3.* *Expiatione peccato-*

Quia Christus jam in cœlis est, & pro nobis intercedit

rum nostrorum per se ipsum facta, sedit ad dextram majestatis illius in locis excelssimis. *Cap. 10. v. 12. Hic una pro peccatis oblata in perpetuum victima confedit ad dextram Dei Cap. 9. v. 24. Comparet apud faciem Dei pro nobis &c. Ergo.*

Quia Sacrificium Missæ non est idem cum Sacrificio Christi,

VI. Sacrificium Missæ aut idem est cum Sacrificio Christi, aut diversum ab eo. *Si idem*; eundem Sacerdotem, eandem victimam, easdem etiam illius actiones, hujus passionem esse oportet. At nihil horum ostendi potest. Ergo. *Deinde*: si idem, est aut continuatione Sacrificii in cruce capti, aut iteratione. Utroque modo imperfectionis insinuat. *Illo*: quia quod inchoatum continuatur, imperfectum est. *Isto*: quia iterationem ut imperfectionis argumentum Apostolus allegat *Hebr. 7. v. 27. Cap. 9. v. 26. Cap. 10. v. 11. 12. Sin diversum*; Christus certe in victimam expiatoriam peccati offerri nequit, prout Missæ definitio sonat. Ergo.

Nullæ sunt distinctiones.

Sacrificii cruenti & incruenti,

Oblationis primariæ & secundariæ.

*Excipiunt Pontificii. Sacrificium Christi rei immolatæ substantia idem esse, diversum modo; illic cruentum, hic incruentum. Oblationem ejus, aliam primariam esse, aliam secundariam. In cruce immolatam victimam in Missa representari & applicari. Sacrificium denique illud peragi in Christi Persona, cujus Sacerdos instrumentum est, Resp. Omnes illæ distinctiones petunt principium, & tum Scripturis, tum sibi ipsis non uno modo contradicunt. Demonstratur id de singulis. Prima Sacrificii cruenti & incruenti: I. Nullum Sacrificium in quo vinum transsubstantiatur in sanguinem, qui in remissionem peccatorum effunditur, dici potest incruentum. Sacrificium Missæ est tale Sacrificium &c. Ergo. II. Sacrificium Christi unicum est & unius generis, cruentum scil. *Heb. 2. v. 25. 26. Cap. 10. v. 10. 12. 14. Ergo non duplex, cruentum unum, alterum incruentum. III. Absque sanguinis effusione nulla est remissio Hebr. 9. v. 22. Aut igitur Missa Sacrificium propitiatorium non est, aut cruentum est sacrificium. IV. Quoties offertur Christus, toties ipsum pati mori necessum est, ex hypothesi Apostoli Hebr. 9. vers. 26. Proinde in Missa vel non offertur vel Sacrificio cruento offertur. Secunda oblationis primariæ & secundariæ. I. Unica tantum est Christi ut victimæ oblatio Hebr. 10. v. 10. 12. 14. Ergo non alia primaria, alia secundaria. II. Secundaria fit per secundum Christi oblatio non fit per secundum; quia se ipsum per se ipsum obtulit: est Sacerdos simul.**

simul & victima, & quidem Sacerdos æternus *Hebr.* 7. v. 23. 24. Ergo. III. Ubi *primaria* sufficit ex ordinatione Dei, *secundaria* non requiritur. Ad expiationem peccatorum ea, quam *primariam* vocant, sufficit; quia *unica oblatione consummavit in perpetuum eos qui Sanctificantur. Hebr.* 10. v. 14. idque ex ordinatione Dei, cui placuit ut pace per sanguinem crucis Christi facta, per eum sibi reconciliaret omnia *Coloss.* 1. v. 20. Ergo. IV. Ubi est peccatorum remissio, non est amplius pro peccatis oblatio, inquit Apostolus *Hebr.* 10. v. 18. Post oblationem Christi, quam *primariam* vocant, est peccatorum remissio *Hebr.* 10. v. 14. *Ephes.* 1. v. 7. 1. *Iohann.* 1. v. 7. Ergo non est amplius pro peccatis oblatio, eoque nec *secundaria* oblatio. *Tertia* immolationis in cruce, & repræsentationis atque applicationis in Missa: I. *Repræsentatio* rei non est ipsa res; differunt enim ut adjunctum & subiectum, illa præsens est aut futura, hæc præterita. Atqui ex sententia Pontificiorum Sacrificium Missæ est ipsum Christi Sacrificium quoad substantiam. Ergo. II. Ubi Christus offertur Deo in victimam pro peccatis, non applicatur: *Ratio*; quia applicatio non Deo sed nobis fit. In Missa offertur Deo. Ergo. III. Applicationis instrumentum externum est Verbum cum Sacramentis, internum fides. Missa neque est Verbum Dei, neque Sacramentum Novi Testamenti, neque Fides. Ergo. *Quarta* offerri in Christi Personâ per Sacerdotem, ut instrumentum. I. Quia Canon Missæ docet non in Christi, sed in Sacerdotis ac populi persona fieri Sacrificium. Unde incipit: *Offerimus tibi* &c. Ergo ipse Canon distinctionem refellit. II. Christus semel seipsum per se ipsum obtulit, nec magis offerri iterum, quam mori potest *Heb.* 9. v. 25. 26. Ergo non offertur quotidie per Sacerdotem tanquam instrumentum. III. Actio causæ instrumentalis revocatur ad principalem. Si igitur Sacerdos Christum offert, & ipse Christus se offert. Si ille non pro populo tantum, sed etiam pro se offert; Christus quoque non modo pro populo, verum etiam pro se offert: Utrumque consequens est contra Scripturam: Illud, *Hebr.* 9. vers. 25. 26. Istud *cap.* 7. v. 27. Ergo & antecedens.

Immolationis, & repræsentationis.

Sacrificium peragi in Christi Personâ per Sacerdotem ceu instrumentum.

Rationes Pontificiorum.

Ex naturâ Subjecti:

Quia Melchisedech in-
crumentam Christi
oblationem
adumbravit.

I. Quod Melchisedech de Christo præfiguravit, in ipso completum fuit. Atqui præfiguravit incruentam ejus oblationem sub speciebus panis & vini, eamque perpetuam. Ergo. Probatur *Minor* I. quia obtulit Melchizedech panem & vinum incruentâ oblatione, tanquam sacerdos altissimi. 1. quia alia quàm hæc oblationis similitudo inter utrumque dari nequit. Nam benedictio etiam aliorum est, qui non fuere sacerdotes. Eandem quoque sacerdotes Aaronici pronunciarunt, & decimas acceperunt. Sic successorem ne Abel quidem habuit. Et τὸ ἀγινεαλόγητον etiam in Jobo & Elia reperitur. *Resp.* *Minor* falsa est. Præfiguravit Christum Melchisedech in iis, in quibus similitudinem utriusque Apostolus collocat. Sunt verò illa: Persona nec initium dierum nec finem habens, Munus duplex Sacerdotale & Regium, & Honos propter personam & munus debitus, habitus. Incruenta oblatio si aut sola aut præcipua convenientiæ ipsorum pars est, Apostolus vel comparisonem utriusque non exposuit, *Heb. 7.* vel saltem partem principalem omisit, quod affirmare blasphemum. *Rationes* duæ commentum Papale non verificant. *Prima* peccat fallacia phraseos, quæ Abrahamo reficiendo aut honorando prolata fuerunt à Melchizedech, Deo incruentâ oblatione immolata asserens: Tum etiam fallacia compositionis; nam appellatio sacerdotis non ad sacrificium aliquod tum oblatum, sed vel ad benedictionem, vel ad descriptionem personæ referenda est, ut sensus sit eum qui Rex, erat & Sacerdos, convivium Abrahamo fecisse. *Secunda* apertissimè contradicit Apostolo, *Heb. 7.* in tribus illis, non in oblatione aliquâ incruenta similitudinem monstranti. *Deinde* divisione fallit; Etsi enim illa divisim reperiuntur in aliis, in nullo tamen præter Melchizedechum conjuncti proponitur. *Tertiò* benedictio communis quam alii aliis debemus ex charitate, etiam non Sacerdotum est. Benedictio sacerdotalis & acceptio decimarum, Levitis quoque conveniunt. At benedicere Abrahamo, patri omnium credentium & Levi, ab eoque decimas accipere, unius est Melchizedechi *Heb. 7.* *Quartò* falsum, Abelem non habuisse successorem: successit ipsi Sethus, quem Deus loco ipsius substituit, *Gen. 4. v. 25.* & alii usque ad Noachum

chum & Patriarchas sequentes. *Postremo* si comparatio Pontificia valet, sacerdotium Melchisedecianum nihil habuit supra Leviticum, in quo similiter fuit incruenta illa oblatio *Exod. 29. Lev. 2. & 8. capp.* non tantum ut pars quædam sacrificii alterius, verum etiam ut oblatio per se, *Lev. 2.v.1. & seqq.* imo infra Leviticum abjicitur, si quod illic partem tantum sacrificii, hic totum sacrificium constituit.

I I. Celebratio agni paschalis, figura erat expressa celebrationis Eucharistiæ. At illa immolatio quædam erat victimæ Deo oblata. Ergo celebratio Eucharistiæ immolatio victimæ Deo oblata esse debet, ut figura figurato respondeat. Utramque Propositionem probant: *Majorem.* I. ex illo *1. Cor. 5.v.7.* quod in Cæna impletum est; quia epulum sequitur immolationem. II. quia Eucharistia in locum agni paschalis successit. III. quia summa inter utramque analogia & convenientia est. *Minorum.* I. quia victima, sacrificium, oblatio vocatur. *Exod. 12. Num. 9.* II. quia immolabatur pascha, ut est. *Marc. 14.v. 12.* III. quia Christus est pascha nostrum pro nobis immolatum *1. Cor. 5.v.7.* Qui certè verum fuit sacrificium. *Resp.* *Major* falsa est. Nam agnus paschalis figura expressa fuit illius, qui vocatur agnus Dei tollens peccatum mundi, *Ioh. 1. v. 29.* pascha nostrum pro nobis immolatum, *1. Cor. 5.v.7.* cui os nullum fractum fuit *Ioh. 19. vers. 36.* Niturque falsâ hâc hypothese, quod Sacramenta Veteris Test. Sacramenta Novi Test. tanquam figurata sua adumbrarint. Locus. *1. Cor. 5.v.7.* non agit de immolatione Christi incruentâ in Cænâ, sed de cruentâ in cruce: Ait siquidem Apostolus pascha nostrum immolatum esse scilicet in cruce, non quotidie immolari. Epulum sanè sequitur immolationem, siquidem victimæ sit jam immolata: At olim epula sacra etiam sine immolatione erant. Et epulum in prima Cæna victimæ fuit non immolata ante, sed paulo post immolandæ. Præterea successit Eucharistia in locum agni paschalis, non ut figuratum figure, aut sacrificium sacrificio, verum ut Sacramentum Sacramento, ut ritus novus ritui veteri: Quo sensu etiam antitypum agni paschalis dici potest, argumento loci *1. Pet. 3.v. 21.* Est ergo huiusmodi quoque inter illa convenientia, non alia. *Minorum* alii admittunt, alii negant. Certum est sacrificium *ἱλαστικόν* sive propitiatorium non fuisse: *Ratio* è multis hæc est; quod pascha pro peccato oblatum non fuit, neque vel in totum, vel ex parte immola-

Quia Pascha fuerit immolatio victimæ Deo oblata.

tum.

tum: Et Israelitæ quamvis pascha in Ægypto comederint, sacrificasse tamen inibi negantur *Exod. 8. v. 25. 26.* Nomina קרבן *Korban*, זבח *Zebach*, generalioris significatus sunt, quam sacrificii

maximè propitiatorii. *Immolare Marc. 14.* est mactare, prout verbum מִשָּׁח redditur à melioribus interpretibus. Eodem sensu pascha dicitur מִשָּׁח, id est, *mactatum* *1. Cor. 5. v. 7.* Nec quicquid occurrit in sacrificio Christi per agnum paschalem adumbratum fuit. Sed retorqueamus argumentum in suos auctores: Figuratum figuræ suæ respondere debet. Figura agnus paschali: fuit sacrificium cruentum. Ergo & Eucharistiâ talis esse debet. *Item:* De figura nihil licuit asservare in crastinum. Ergo nec de figurato. A quibus aliis que sequelis argumentum vindicare irritò conatu laborant.

Quia Christus
in Cœna sese
obtulerit sub
speciebus pa-
nis & vini.

I I I. Christus id in Cœnâ facere iussit, quod ipse prior fecerat. Atqui ipse se obtulit in victimam sub speciebus panis & vini. Ergo. *Minorem* probant. I. quia typum Melchizedechi implevit II. quia in præsentia ait, corpus suum pro nobis frangi, & sanguinem re vera jam tum effundi. III. docet Apostolus *1. Cor. 10. & 11. capp.* corpus Christi pro nobis fractum distribui, At illud non in cruce, *Ioh. 19. v. 36.* sed tantum in specie panis fractum fuit. IV. Ipse etiam calix pro nobis effusus esse dicitur *Luc. 22. v. 20.* quod non nisi de sanguine Christi, calice illo contento, intelligi potest. *Resp.* negatur *Minor: Ratio prima* principium petit, & supra abundè refutata est. *Secunda* phrasi peccat. Nam præsens per Enallagen pro futuro ponitur, sicut & *Ioh. 10. v. 15.* Unde versio vulgata per futurum verba illa exponit. *Tertia* mutat genus prædicationis & quod corpori, saltem metaphoricè, convenit, simpliciter ei derogat. Qualis verò illatio. Corpus Christi non est fractum fractione crurum, comminutione ossium. Ergo nec crucifixione & morte? Petitionem principii de fractione in specie panis indicasse satis sit. *Quarta* si participium ἐκχυσόμενος ad sanguinem Christi præcisè refert, casus anomaliam manifestam habet, quæ librariorum incuria dubio procul in textum irrepsit, cum ex Basilio constet aliter locum illum à veteribus lectum fuisse; Sin verò ad poculum, pro sanguine Christi metonymicè usurpatum, (quomodo & Bellarminus accipit *lib. 4. de Eucharistia cap. 19.*) genus prædicationis mutatur & consequentia infirmatur.

Ex natura Prædicati :

I. Quod sacrificium in Veteri Test. promissum, in Novo autem institutum fuit; id verum Novi Test. sacrificium est. Sacrificium Missæ in Veteri Test. promissum, *Mal. 1. v. 11.* in Novo autem institutum fuit *Iob. 4. v. 23.* Ergo. *Resp.* Minor falsa est. Nec promissionem sacrificii Missæ *Malachias*, nec complementum *Iohannes* habet: Verum ille quidem de spirituali cultu Dei, inter gentes, præconio Euangelii constituendo, vaticinatur sermone cultui legali accommodato. Vide *Rom. 15. v. 16.* Iste autem cultus Novi Test. spirituales carnalibus Iudæorum sacrificiis, & veritatem umbris legalibus, eousque servatis, opponit.

Quia sacrific. Missæ in V. T. promissum fuerit.

II. Nulla unquam religio fuit sine externo & visibili sacrificio. Ergo nec Christiana religio sine huiusmodi sacrificio esse potest: Hoc verò non est aliud quam sacrificium Missæ; quia sacrificium Christi jam pridem defuit, & spiritualia Christianorum sacrificia interna sunt ac invisibilia. *Resp.* Enthymema quidem datur; at quod per *πότε* quæ inde deducitur, negatur Sacrificium aliquod est. Ergo Missa est. A genere ad speciem, maximè fictitiam; non valet consequentia affirmativè. Imo sacrificium illud esse dicimus sacrificium Christi, quod actu quidem oblationis cessavit, at efficacia virtutis durat perpetuò *Heb. 10. v. 12. 14.* nec propter impetratam jam remissionem peccatorum ullam amplius oblationem admittit, v. 18.

Quia nulla unquam fuerit religio sine visibili sacrificio.

Lutheranorum.

Quarta: Lutheranorum.

AN in, cum, sub pane & vino corporaliter adsint & exhibeantur corpus & sanguis Christi, atque ab omnibus communicantibus, fidelibus & infidelibus, oraliter percipiuntur? Lutherani affirmant, *Eckardus fasciculi controversiarum cap. 20. de Eucharistia per totum, maxime autem quæst. 19. 23. 24.* Nos negamus.

An in, cum, & sub pane & vino corporaliter adsint corpus & sanguis Christi & a singulis communicantibus oraliter percipiuntur.

Controversia Lutheranorum in doctrina de Sacrà Cœnâ, quæ ut uan numero proponitur, quæstiones controversas tres continet, tripartita.

K k k k

& in

& in illas commodè resolvi potest. I. *An corpus & sanguis Christi in, cum, sub pane & vino S. Cœna præsentia sint?* II. *An eadem oraliter percipiantur?* III. *An ab omnibus communicantibus, fidelibus & infidelibus, percipiantur?* De quibus sententiam negantem distinctè confirmabimus, affirmantem autem confutabimus.

Rationes
Negantes
Orthodoxæ.

Rationes nostræ.

Contra corporalem præsentiam;

Quia Christus in primâ Cœnâ eo modo præsens non fuit.

I. Quo modo Christus in primâ Cœnâ præsens non fuit; eo ne nunc quidem præsens est. Atqui in primâ Cœnâ præsens, non fuit corpore in, cum, sub, pane; sanguine in, cum, sub vino. Ergo. *Major* controversia caret. *Minor* demonstratur ex Circumstantiis & Verbis Institutionis. Ex *Circumstantiis* I. quia corpore suo mensæ affedit. II. quia ipse de pane edit & de vino bibit. *Mat.* 26.v.29. III. quia nondum traditus, crucifixus, mortuus erat. Ex *Verbis Institutionis*: I. Quia accepit panem è mensa, fregit eum ac distribuit; sic & poculum, ut verba sonant: at non corpus & sanguinem. II. Dixit *Hoc est corpus meum, sanguis meus*, non in, cum, sub pane aut vino sunt corpus & sanguis. Quæ propositiones verbis, dispositione, & sensu differunt; *Verbis*, ut patet. *Dispositione*; quia prædicatum unius est subiectum alterius. *Sensu*; quia prior indicat quid sint panis & vinum in hoc usu; posterior quid sit in pane & vino, seu ubi sint corpus & sanguis Christi. III. Dixit *Poculum esse Novum Test. in sanguine*. At illud non est in, cum, sub vino. IV. Dixit *panem esse corpus fractum, poculum esse sanguinem effusum*. At neque illud sub pane, nec hic sub vino fuit. V. Jussit celebrari Cœnam in sui recordationem, & quidem donec veniat *Luc.* 22.v. 19. I. *Cor.* 11.verf. 24.25.26. Recordatio autem talis absentium est, non præsentium.

Quia nullum Sacramentum eo modo res signatas habet.

II. Nullum Sacramentum res signatas in, cum, sub signis præfentes habet. Sacra Cœna est Sacramentum. Ergo. *Major* inductione Sacramentorum Veteris & Novi Test. ostenditur: Fœdus Dei sive circumcisio cordis non fuit in, cum, sub amputatione præputii. Beneficium liberationis ex Ægypto & agnus Dei non fuerit in, cum, sub paschate, sive agno Paschali. Cibus & potus spiri-
ritua-

ritualis non fuerunt in, cum, sub Manna & Aqua petrae; quæ sacramenta extraordinaria. Sic Remissio peccatorum, Regeneratio & Communio cum Christo non sunt in, cum, sub aqua Baptismi.

Contra oralem perceptionem;

I. Qualis est cibus ac potus, talis est edendi ac bibendi modus. Corpus Christi cibus est non corporalis, sed spiritualis; sanguis item potus non corporalis, sed spiritualis. Ergo. *Major* plana est tum per se, tum ex verbis Christi, qui *Ioh. 6.* pro generibus ciborum perceptionis modos distinguit. *Minor* probatur. I. *A Definitione*; quia animæ nutrimentum sunt non corporis, *Ioh. 6.* & alibi. II. *Ab Instrumento Manducationis*; quod non corporis, *Matt. 15. v. 16. 1. Cor. 6. v. 13.* sed fidei os est, *Ioh. 6. v. 47. & 54.* item *v. 40. & 54. inter se collatis.* III. *A Subjecto recipiente*; quod non est venter, *1. Cor. 6. v. 13.* sed anima fidelis *Eph. 3. v. 17.* IV. *Ab Effectis*; quæ sunt Remissio peccatorum, unio cum Christo, gloriosa Resurrectio, & Vita Æterna; *Ioh. 6. v. 47. 48. & seq.*

Quia corpus & sanguis Christi sunt cibus & potus spiritualis.

II. Cujus perceptio impossibilis & inutilis est; ejus perceptio nulla est. Oralis perceptio corporis & sanguinis Christi impossibilis & inutilis est. *Impossibilis*; quia corpus suum Christus in cælum evexit: *Ioh. 6. v. 62. Quid si igitur spectaveritis Filium hominis ascendentem eo, ubi erat prius? Inutilis Ioh. 6. v. 63. Caro non prodest quicquam*, scilicet oraliter comesta, *spiritus est id quod vivificat: verba quæ loquor spiritus sunt, &c.* Ergo. Quæ contra excipiunt Lutherani distinguendo inter perceptionem Christi spiritualementem & Sacramentalem; item inter manducationem oralem physicam & hyperphysicam; illa omnia aut argumenta nostra non attingunt, aut meras principii petitiones atque etiam contradictiones habent.

Quia oralis perceptio corporis & sanguinis Christi impossibilis & inutilis est.

Contra perceptionem corporis & sanguinis Christi quæ ab infidelibus fit.

I. Quibus nihil promittit Evangelium, iis nihil obsignant Sacramenta. Infidelibus nihil promittit Evangelium. Ergo. *Major* certa est; quia Sacramenta sigilla sunt Evangelii sive N. Testam. tanquam diplomatis gratiæ *Matt. 26. Minor* probatur. I. quia

Quia infidelibus nihil promittit Evangelium.

promissiones Euangelii fiunt cum conditione fidei *Ioh. 3. vers. 16. Marc. 16. v. 16. II. quia infidelibus minæ iræ Dei & damnationis proponuntur ibid.*

Quia Corpus
& sanguis
Christi solâ
fide percipi-
untur.

*Affirmantes
Heterodoxæ.*

I I. Corpus & sanguis Christi solâ fide percipiuntur, ut modo ostensum. Infideles carent fide. Ergo.

Rationes Lutheranorum :

Pro corporali præsentia ;

Quia in S.
Cœnacorporis
suum acci-
pere Chri-
stus iussit.

I. Quod Christus in S. Cœnâ accipere iussit, in illa vere præsens est. Corpus suum accipere iussit ; quia illud, quod accipere iussit, corpus suum vocavit. Ergo. *Resp. ad Minorem.* Accipere iussit panem Sacramentum corporis, non corpus in, cum, sub pane ; alioquin duplex corpus habuisset.

Quia panis
fit *κοινωνία*
corporis
Christi.

II. Si panis benedictus est *κοινωνία* corporis Christi, & calix benedictus est *κοινωνία* sanguinis ejus ; non potest corpus & sanguis Christi à symbolis illis intervallo cæli & terræ abesse, sed præsentissimè adsint oportet. At verum prius. Ergo & posterius. *Resp. negando consequentiam :* Ratio est ; quia non sunt *κοινωνία* corporis & sanguinis sub pane & vino latentium ; sed symbola, telleræ, pignora beatæ illius *κοινωνίας*, quam omnes fideles habent in corpore & sanguine Christi.

Quia per san-
guinem sa-
cramenta-
lem Christus
ad nos ve-
nerit.

III. Id per quod Christus ad nos venit, & quod in terrâ testatur ; nobis in terra præsens sit necesse est. Per sanguinem sacramentalem Christus ad nos venit, & ille nobis in terra testatur. Ergo. *Minor* est *I. Ioh. 5. v. 6. 8.* ubi sanguis sacramentalis testibus terrestribus annumeratur, cum tamen cœlestibus annumerandus esset, si non præsens sed absens testaretur in cœlo. *Resp. negatur Minor* ob fallaciam phariseos. Sanguis ille per quem Christus venit, & qui testatur in terrâ, non est sanguis latens in, cum, sub vino, non magis quam aqua illa, per quam venit & testatur, latet sub aliquo elemento ; sed est vel sanguis qui ex latere Christi in cruce pendentis fluxit *Ioh. 19. v. 34. 35.* vel sacramentum Cœnæ per metonymicam & synecdochicam appellationem. Vtroque sensu sanguis ille in terra testatur.

Quia Chri-
stus in Cœ-
nâ noluerit
instituire re-
præsentatio-
nem corpo-
ris sui.

IV. Aut Christus in S. Cœnâ instituere voluit repræsentationem & figuram corporis sui, aut ejusdem realiter præsentis exhibitionem & participationem. Non prius. *I.* quia alioquin corpori exhibito superinduxisset novas figuras & umbras. *II.* Sa-
cra-

cramenta Veteris Testamenti clariora & significantiora essent Sacramentis Novi Testamenti, ut in Agno Paschali videre est. Ergo. *Resp.* Imo prius verum, posterius falsum est. Quod autem corpori exhibito repræsentando, & beneficiis ejusdem nobis confirmandis novas figuras, nova Symbola superinduxit, quid quæso absurdi habet? Non sunt illæ figuræ Veteris Testamenti, sed antitypa earum 1. *Petr.* 3. vers. 21. Nec tamen hoc modo Sacramenta vetera novis clariora constituuntur; quia claritas eorum pendet ex verbo promissionis, quod clarius utique in Novo Testamento, quàm in Veteri. Et non quicquid crassius significavit in infantia Ecclesiæ Veteris etiam clarius significavit.

Pro Orali perceptione;

I. Qualis est manducatio, tale etiam est manducationis instrumentum. Manducatio in S. Cœna non est Spiritualis; quia fit distinctis actibus etiam ab indignis, & non tantum ad salutem, verum interdum ad damnationem. Ergo nec manducationis instrumentum Spirituale est, & per consequens orale. *Resp.* In *Minore* est fallacia à dicto secundum quid. In S. Cœnâ non est Spiritualis manducatio signorum, scil. panis & vini; at est rei signatæ corporis & sanguinis Christi. *Signa* distinctis actibus non à fidelibus modò, verum etiam ab infidelibus, nec ad salutem tantum, sed etiam ad exitium percipiuntur. *Res signata* verò percipitur uno actu fidei (qui jam manducatio, modo bibitio vocatur) à solis fidelibus, & quidem ad salutem tantum.

Quia manducatio non sit Spiritua-
lis.

I I. Quo instrumento percipiuntur panis & vinum, eodem etiam percipiuntur corpus & sanguis Christi. Instrumento corporis percipiuntur panis & vinum. Ergo. Probant *Major.* I. quia eodem in Sacramento, eademque in actione unita sunt Sacramentaliter. II. quia Christus accepto pane simpliciter dixit, Hoc esse corpus suum & edi jussit. III. quia nullam manducationis distinctionem adhibuit. *Resp.* *Major* falsissima est, quam *Iohann.* 6. Christus ex professo refellit. *Ratio.* *Prima* principium petit. Hoc quæritur an ita unita sint in Cœnâ panis & corpus Christi, ut hoc sub illo contineatur? & an unio Sacra-
Kkkk 3
mentalis

Quia eodem
instrumento
percipiuntur
signum &
res signata.

mentalis (quæ *καταχρηστικῶς* sic appellatur) in huiusmodi signi & signati conjunctione consistat? *Secunda* inconsequens est: Simpliciter dixit, *edite, Hoc est corpus meum*. Ergo corpus eodem quo panem instrumento edi iussit. Imo edi iussit panem non in alimentum corporis nostri, sed in Sacramentum corporis sui. A quo fine corpus ejus dicitur metonymicè. *Tertia* datur. Christus manducare jubens, non adhibuit distinctionem manducationis, nimirum, quia de solo pane loquutus fuit. Nihil ergo illud contra nos, contra adversarios multum valet. Si enim de unâ eâdemque manducatione citra omnem distinctionem locutus est, equidem non præcepit ut panis Physicè, corpus sub pane Hyperphysicè comederetur.

Pro perceptione corporis & sanguinis Christi, quæ ab infidelibus fit;

Quia indigni manducantes rei sint corporis Christi.

I. Qui indignè manducando panem, rei sunt corporis Christi; ii manducando panem, corpus Christi percipiunt. Infideles indignè manducando panem rei sunt corporis Christi. Ergo. *Resp.* Major falsa est. Nam *causâ reatus Infidelium* non est perceptio corporis Christi, quæ omnibus percipientibus salutaris est; sed partim *ejus contemptus*, quod Christum sibi oblatum infidelitate respuunt, partim *signi ipsius profanatio* ac abusus, quod tanquam Sacramentum corporis Christi non accipiunt.

Quia indigni corpus Christi non dijudicant.

II. Quod indigni non dijudicant, id indignè manducant. Corpus Christi indigni non dijudicant. Ergo. *Resp.* I. Major de pane vera, de corpore Christi falsa est: *Ratio*; quia manducari illud indignè nequit. II. In *Minore* est fallacia Phrasæ. *Corpus Christi non dijudicare*, non est carnem ejus pani inclusam non discernere à carne, sive cibo communi; sed non distinguere panem, corporis Christi Sacramentum, à pane communi, neque majore reverentiâ aut religione illum quàm hunc tractare. *Instant contra*: Si discernere corpus Christi, hoc loco est discernere panem, ejus Sacramentum; ergo etiam reum fieri corporis est reum fieri panis, & edere corpus Christi erit edere panem. Consequens absurdum. Ergo & antecedens. *Resp.* Consequens nihil planè incommodi, nedum absurdi habet. I. quia reum fieri corporis Christi indignè manducando, est etiam reum fieri panis

Sacri

Sacri profanati, sicut reatus immediatè ex Sacramenti ipsius profanatione, mediatè ex Christi auctoris contemptu ac contumeliâ contrahitur. II. quia edere corpus Christi, ut verba Institutionis, *Edite, Hoc est corpus meum*, sonant, nihil est aliud quàm edere panem corporis Sacramentum.

III. Quod discernendum est, Apostolus corpus Christi vocat. Quod manducatur in Sacra Cœna est discernendum. Ergo quod manducatur in Sacra Cœna est corpus Christi. *Resp.* Conceditur totum. Est corpus Christi sed Sacramentaliter, metonymicè; Et sic corpus Christi manducatur Sacramentaliter, metonymicè.

Quia corpus Christi discernendum manducatur.

SUCLO

LOCUS DECIMUS TERTIUS.

DE

VOCATIONE INTERNA

ET

FIDE JUSTIFICANTE.

Controversiæ hujus loci, aliæ de Vocatione sunt, aliæ de Fide.

De VOCATIONE,

Samosatenianorum.

An omnibus, quibus annuntiatur Evangelium, facultas credendi in Christum conferatur; & quod alii credunt, alii non credunt, id non ex singulari vocantis gartiâ, sed ex animi volentis probitate, nolentis malitiâ proficiscatur?

Pontificiorum.

An in Vocatione Interna, quum primum homo convertitur, voluntas ejus gratiæ Dei cooperetur?

De FIDE,

Samosatenianorum.

I. An Fides Justificans sit obedientia mandatorum Dei?

II. An forma ejus rectè statuatur fiducialis Christi ac Satisfactionis ejus apprehensio?

Pontificiorum.

I. An Fides assensus sit non notitia, rectiusque per ignorantiam quàm per notitiam definiatur?

II. An Fides sit fiducia?

III. An

III. An Fidei Justificantis objectum præcipuum sit promissio specialis misericordiæ?

IV. An eadem semel accepta amitti possit?

EXEESIS.

Controversia de VOCATIONE.

De Vocatione

Samofatenianorum.



N omnibus quibus annuntiatur Evangelium facultas credendi in Christum conferatur, & quod alii credunt, alii non credunt, id non, ex singulari vocantis gratia, sed ex animi volentis probitate, nolentis malitiâ proficiscatur? Samofateniani affirmant, Ostorodius Instit. Religion. Christiana cap. 34. & plenius Socinus in Praelectionibus & Lib. de Servatore. Nos negamus.

Prima: Samofatenianorum

An omnibus, quibus prædicatur Evangelium conferatur facultas credendi; & quod alii credant alii non, à volentium probitate, nolentium malitiâ proficiscatur?

Membra quæstionis tria sunt distinctè tractanda, I. An omnibus per Evangelium vocatis conferatur facultas credendi? II. An qui credunt ex animi volentis probitate credant? III. An qui non credunt, tantum ex animi nolentis malitiâ non credant?

Rationes Nostræ.

Rationes
Negantes
Orthodoxæ.

Contra membrum Primum.

I. Qui non possunt credere; iis facultas credendi data non est. Multi vocati per Evangelium non possunt credere, ut Christus de Judæis Iohan. 12. v. 39. Paulus de omni homine animali testatur I. Cor. 2. v. 14. Ergo.

Quia multi vocati non possunt credere.

II. Quibus datum non est nosse salutariter mysteria regni cælorum, quibus ea occultata sunt; iis non est data credendi facultas: Hæc enim æquipollent. Multis per Evangelium vocatis id datum non est, prout Matth. 13. v. 11. Cap. 11. v. 25. docetur. Ergo.

Quia multis vocatis non id datum est.

Quia creden-
di facultas
non est om-
nium.

III. Quod non est omnium vocatorum; id nec omni-
bus datum est. Facultas credendi non est omnium vocatorum.
Ergo. *Minor confirmatur.* I. Quia *Fides* non est omnium 2. *Theff.*
3. v. 2. II. Quia *Fides* est Electorum *Tit.* 1. v. 1. *Actor.* 13. v. 48.
At pauci Electi, etiamsi multi vocati sint. *Matth.* 20. vers. 16.
Ergo.

Quia non i-
dem in om-
nibus verbi
effectus.

IV. Si per Euangelium omnibus datur credendi facultas;
idem in omnibus verbi prædicati effectum est; Euangelium est
omnibus potentia Dei ad salutem. Consequens est contra Testi-
monia: *Matth.* 13. v. 19. & *seqq.* *Roman.* 1. v. 16. 2. *Cor.* 2. v. 16.
Hebr. 4. v. 2. & Exempla Scripturarum *Ioh.* 6. v. 8. 12. *Actor.* 2. 17. &
28. capp. Ergo & Antecedens.

Contra membrum *Secundum*:

Quia fides
non est vol-
entis.

I. Quod non est volentis, nec currentis, sed Dei sin-
gulariter miserentis; id non ex animi volentis probitate, sed ex
singulari vocantis gratiâ proficiscitur. Fides, quoad potentiam
& actum, *Matth.* 13. v. 11. *Phil.* 1. v. 29. non est volentis nec
currentis. *Roman.* 9. v. 16. & *supra.* v. 11. *Nondum natis pueris* &c.
Ergo.

Quia fides
speciale Dei
donum est.

II. Quod non ex nobis, sed speciale Dei donum est; id
non est ex animi volentis probitate. Fides non est ex nobis, sed est
speciale Dei donum *Ephes.* 2. v. 8. 1. *Cor.* 4. v. 7. Ergo.

Quia probitas
animi est ef-
fectum fidei

III. Nullum Effectum Efficientis sui causa est. Probitas
animi est effectum fidei, *Galat.* 5. v. 6. 1. *Tim.* 1. v. 5. ut quæ in
animo per fidem purificato residet *Actor.* 15. v. 9. Ergo.

Contra membrum *Tertium*:

Quia infide-
licitatis causa
reprobatio &
excoecatio.

I. Cujus causam proponit Scriptura partim in Reproba-
tione, partim in excoecatione Dei, tanquam liberrimi Domini
& Justissimi Judicis; ejus causa sive solitaria sive suprema non
est animi nolentis malitia. Quod multi ex vocatis per Euange-
lium non credunt, hujus causam proponit Scriptura partim in
Reprobatione, partim in excoecatione Dei *Roman.* 11. v. 7. 8.
Matth. 11. v. 25. *Ioh.* 12. v. 39. 40. Ergo.

Quia animi
malitiâ omni-
bus naturalis.

II Quod omnibus æqualiter commune est, non est caus-
sa solitaria aut suprema incredulitatis quorundam. Animi no-
lentis

lentis malitia omnibus naturâ, & ante conversionem æqualiter est communis *Rom. 3. Ephes. 2.* Ergo.

Adversarii ex testimoniis allegatis cum alia, tum tria hæc corrumpere conantur: 2. *Theff. 3. v. 2. Actor. 14. v. 48. Ephes. 2. v. 8. 9. 10.*

2. *Theff. 3. v. 2.* ajunt, *Fides non est omnium*; quia non omnes credunt, non autem quod facultas credendi omnibus data non sit. Patet I. ex Scopo. Nam hortatur Apostolus Theſſalonicenſes 2. ut orent, ut currat verbum Dei, & ipse liberetur à malis hominibus; Ratione additâ quod fides non sit omnium, id est, quod non omnes ex animo assentiantur Euangelio. II. ex Antithesi v. 3. *Fidelis est Dominus*, scil. etsi non omnes fideles. *Reſp.* Non est hæc expositio loci hujus sacri, sed violenta detorsio & manifestissima corruptela. Imo verò hic locus fidem multis non tantum quoad actum, sed etiam quoad potentiam activam sive facultatem adimit; & sensus est: Non omnibus datum est ut credant, prout Christus loquitur, *Matth. 23. v. 11.* & Moſes, *Deut. 29. v. 4.* *Scopus & nexus* sermonis omnino hoc postulant, non alterum. Hortatur Apostolus ut orent pro propagatione Euangelii, & pro sui liberatione. A quibus verò? à protervis & sceleratis hominibus, qui omnibus modis impediabant propagationem. Ergo non fuerunt hypocritæ, falsi fratres, sed aperti hostes. Rationem subjicit ad amoliendum hoc scandalum, *Non enim omnium est Fides*, hoc est, Mirum non est, tam multis exosum esse Euangelium & tam sceleratè oppugnari, cum fides non detur, non obtingat omnibus. *Antithesis*, qualem adversarii fingunt, v. 3. nulla est. Sed consolatio subjicitur pro Theſſalonicenſibus, futurum ut ipsi tamen stabiliantur & defendantur, quod Deus constans & verax sit.

Actor. 13. v. 48. inquit. I. Non est ἀπειθαρχία sed ἀπειθαρχία. Ergo nihil hic de Electione æterna. II. Non nominatur à quo ordinati sint ad vitam æternam. Ergo absolute accipiendum est; quod qui crediderunt, apti & accommodati fuerint ad vitam æternam. Tales autem sunt qui probitate præditi. III. Si tamen subintelligenda persona, à se ipsis ordinati fuisse dicendi sunt, quatenus se ipsos ad vitam æternam capeſſendam pararunt, dum probi esse voluerunt, quod verbum μετανοία fert. IV. Quod si omnino à Deo ordinati; sensus est quod

Deus voluerit ipsos per Euangelium probos efficere, & si fidem Euangelio adjungerit, ad Vitam Æternam adducere. *Resp.* Est quidem hoc in loco vox simplex, sed quæ significationem habet compositæ ex collatione locorum 2. *Tim.* 1. v. 9. *ὅτι χάρις καὶ εὐαγγέλιον*, & *Eph.* 1. v. 4. *ὅτι καὶ παβολῆς καὶ Σμυρ.* Deinde: *Ad* For ordinationis hujus non nominantur quidem, sed subintelligitur tum ex v. 47. 48. tum ex aliis locis quibus illa Deo ascribitur, *Rom.* 8. v. 28. 29. *Ephes.* 1. v. 4. & *seqq.* 1. *Thess.* 5. v. 9. tum ex rei ipsius naturâ; quia ordinatio ad vitam æternam non ab alio quam à Deo esse potest. Ruit ergo glossa hæretica, crediderunt quotquot ordinati, id est, apti erant ad vitam æternam. Unde verò *aptitudo*? Certè non ex nobis, qui ne idonei quidem sumus ad cogitandum quicquam boni, 2. *Cor.* 3. v. 5. sed à Deo ordinante. Unde item *aptitudo major* in illis qui crediderunt, quàm qui non crediderunt? Si ex probitate animi dicant, manet quæstio; Sin ex ipsismet, contradicunt Apostolo, 1. *Cor.* 4. v. 7. *Quis te discrevit? Quid habes quod non acceperis?* Sic igitur nec à ipsis ordinati esse dici possunt, ut ratio *Tertia* vult. Licet enim etiam se ipsum quis ad finem aliquem ordinare possit, tamen ad finem illum supernaturalem nullus prorsus: Nec est volentis, aut currentis, sed miserentis *Rom.* 9. v. 14. *Quarta* à Scopo Euangelistæ discedit, & vera falsis permiscet. *Scopus* est causam explicare cur alii ex iis, quibus prædicabat Paulus, crediderint, alii non crediderint. Hic causa reddi non potest, quod Deus voluerit ipsos probos efficere; quia ex hypothesi adversariorum idem in omnibus efficere voluit, omnibus facultatem credendi largitus; Vera ergo causa est quam subjicit, quod alii ordinati essent ad vitam æternam alii non. Ex quo fit ut Electi assequantur *Rom.* 11. v. 7. Præterea verum est quod Deus velit nos per Euangelium probos efficere, & credentes ad vitam æternam adducere; est siquidem Euangelium concio fidei & pœnitentiæ *Marc.* 1. v. 15. At falsum. 1. quod ante efficere voluerit probos quàm credentes, quod ex probitate sit fides & non ex fide probitas. 11. quod fidem Euangelio adjungere solius arbitrii humani opus sit.

Eph. 2. v. 8.
p. 10.

Ephes. 2. v. 8. 9. 10. *Fides est Dei donum*; quia facultatem credendi omnibus vocatis Deus liberaliter citra omne meritum donavit, relictâ nihilominus ipsis potestate ut credant, si velint; vel

vel non credant, si nolint. Patet *Prims*; quia non ex nobis, sive ex operibus nostris, sed ex gratiâ est; *Posterius* ex *Phil.* 1. v. 29. quia sic datum credere, ut pati pro Christo. Sed hoc datum non quod jam paterentur; (hortatur enim eos ad patiendum,) sed ut pati possint. Ergo & datum credere, quia, ut credere possint, datum. *Resp.* Libenter damus Fidem Dei donum esse, quia credendi *facultas* nobis citra meritum ex mera Dei liberalitate confertur; sed non tantum eo modo, verum insuper quoad ipsum credendi *actum*. Nam gratis datum est nobis non tantum posse credere, sed etiam credere, *Phil.* 1. v. 29. Deus est qui efficit, καὶ τὸ θελεῖν, καὶ τὸ ἐνεργεῖν *cap.* 2. v. 13. Utroque etiam modo donum Dei ab Apostolo vocatur. De *Primo* ipsi fatentur. De *Secundo* inde constat quod Fides servare dicitur v. 8. At sola credendi facultas non servat, ut quæ secundum ipsos omnium vocatorum est, etiam damnandorum. Ergo nec sola intelligitur, sed cum ea actus. *Ratio* in contrarium, ex *Philipp.* 1. non procedit. I. quia non habet exclusivam. II. quia verba textus de actu, non de facultate loquuntur, etsi eam præsupponant, ut ex antecedentibus, atque etiam, ex vers. 27. 28. evidentissimè colligere est. III. quia *actu credere*, & *actu pati* dissimilia sunt. *Illud* omnis, temporis & status; *Istud* non omnis, cum pacem sæpe aut inducias ab hostibus, Ecclesiæ suæ Deus largiatur. Interim quod tempore pacis pati pro Christo parati sunt fideles, & tempore persecutionis actu patiuntur, id non minus à Deo est, quàm quod utroque tempore actu credunt. Nec etiam sequitur: Hortatur Thessalonicenses ad patiendum. Ergo actu tum nihil patiebantur. Quasi verò supervacanea sit hortatio ad constantiam in passionibus præsentibus, & fortitudinem Spiritualem in futuris. Videantur. v. 27. 28. *proximè præcedentes*.

Rationes Samosatzenianorum.

Pro membro *Primo*:

Affirmantes Heterodoxa.

I. Qui puniuntur à Deo in altera vita quod non crediderunt, & quidem gravius quàm ipsi Sodomitæ; illi facultatem credendi à Deo acceperunt. Infideles ita puniuntur. Ergo facultatem credendi à Deo acceperunt; Quod si illi, multo magis fideles

Quia infideles gravius Sodomitis puniendi sunt

deles, atque ita omnes vocati. *Minor* traditur *Matth.* 10. v. 15. *Marc.* 6. v. 11. *Cap.* 16. v. 16. *Major* certa est; quia nemo justè punitur quod non præstiterit, cujus præstandi facultatem non habuit. *Resp.* *Major* unà cum probatione falsa est, non modò in foro Divino, sed etiam in humano, ubi ad carcerem, metalla, triremes justè damnatur debitor, etiam si facultatem solvendi non tantum non habeat, sed nec unquam habuerit. De foro Divino autem docet Christus, quod in eo damnandi sint etiam illi, qui non potuerunt credere *Iohan.* 12. v. 39. Satis verò est ad asserendam justitiam divinam, quod impotentiam illam propriâ culpâ sibi attraxerunt; & quod ut non potuerunt, ita nec voluerunt credere, dicente Christo: *Quoties volui vos congregare & nolistis Matth.* 23. v. 37.

Quia donum
Dei non ex-
cludat libe-
ram vocato-
rum accep-
tionem.

II. Donum Dei liberam vocatorum acceptionem non excludit. Credendi facultas est donum Dei, *Ephes.* 2. v. 8. & quidem vocatis omnibus commune: ut quæ per externa & communia media ingeneratur. Ergo. Et per consequens vocati acceptâ illâ facultate credunt si velint, non credunt si nolint. *Resp.* I. negatur *Major* universaliter & sensu Samosateniano accepta, quod omne donum Dei, etiam veræ fidei, liberæ vocatorum acceptioni eo usque relinquatur, ut acceptio illa tantum pendeat à voluntate, non à gratia efficaciter movente voluntatem. Repugnat illud tum Scripturæ, *Iohann.* 6. v. 44. *Ephes.* 1. v. 18. 19. tum ipsi gratiæ efficaci, cujus absque certo effectu nulla dici potest efficacia, II. *Minor* falsa est tripliciter. *Primò*, quod sola credendi facultas (quam *Ephes.* 2. nomine *Fidei* notari ajunt,) Dei donum sit, non autem ipse actus, contra illud *Philipp.* 1. v. 29. *Secundo*, quod facultas illa externâ tantum prædicatione, non internâ Spiritus Sancti operatione, in credentibus producatur, contra exemplum *Lydiæ Actor* 26. v. 14. *Tertiò*, quod facultas credendi vocatis omnibus communis sit contra illud *Ioh.* 12. v. 39. *Non poterant credere.* Media quidem externa Verbum & Sacramenta iis communia sunt, sed ea absque gratiâ internâ non sufficiunt, propter totalem hominis corruptionem & mortem Spiritualem in peccatis. *Instant:* Nisi illa sufficiant Christum frustra mortuum; ut qui ideo mortuus, ut nos ipsi consideremus & crederemus. *Resp.* Mortuus est ut daret animam suam *ἀντὶ ἡμῶν Matth.* 20. v. 28. *1. Tim.* 2. v. 6. pro peccatis nostris, ut

ut redimeret sibi Ecclesiam, *Act. 20. v. 28.* quam ad fidem nominis sui partim externâ prædicatione, *Matth. 28. v. 18. 19.* partim internâ conversione, *Ezech. 36. v. 26. 27. Act. 16. v. 14.* adducit.

Pro membro Secundo & Tertio:

Scriptura causâ fidei in animi volentis probitate, causâ incredulitatis in animi nolentis malitiâ proponit. Ergo ex his causis fides & incredulitas proficiscuntur. *Consequentia* firma est. *Antecedens* probatur apertis testimoniis *Ioh. 8. v. 47. Cap. 7. v. 16. Cap. 3. v. 19. 21. Resp. Antecedens* de Fide simpliciter negatur, de Incredulitate distinguitur. Ponit quidem causâ incredulitatis in animi nolentis malitia, ut *Matth. 23. v. 47. Rom. 10. v. 21.* sed non tantum, quemadmodum Samosateniani faciunt, verum ita ut alias insuper causas in liberâ Dei Reprobatione & Justa Exccœcatione, tanquam superiores commemoret *Matth. 11. v. 25. 26. Rom. 11. v. 7. 8. Ioh. 12. v. 39. 40.* Nunc loca Scripturæ inspiciamus. *Iohann. 8. v. 47. Ex Deo esse*, non est probitate animi præditum esse, eâque impullum Christum audire, in ipsum credere, sed natum esse ex Deo, *Ioh. 1. v. 13. 1. Ioh. 3. v. 9.* ac Spiritu ejus agi *Roman. 8. vers. 14.* Non ex Deo esse, contrarium. *Causa* ergo cur alii credant, alii non credant redditur, non quod alii probitate, alii malitiâ animi præditi, sed quod illi ex Deo, isti non ex Deo nati sint. Sic *Ioh. 7. v. 16. 17.* non docet Christus Fidem nasci ex probitate animi; (quomodo enim ex effectu causa, ex fructibus arbor nasceretur? *Matth. 7. v. 17.*) sed si quis facere velit Dei voluntatem, cogniturum de doctrinâ, utrum ex Deo sit. Quæ tamen voluntas non ex viribus nostris, sed ex gratia Dei procedit *Philipp. 2. v. 13.* Denique *Ioh. 3. v. 19. 21.* si maximè amor tenebrarum causa statuatur incredulitatis, non tamen statuitur solitaria vel etiam suprema causa. At probitas animi nullo verbo statuitur causa fidei, sed tantum dicitur, eum qui veritatem facit, ad lucem pervenire.

Pon-

Secunda:
Pontificio-
rum.

Pontificiorum:

An in pri-
mâ Conver-
sione volun-
tas hominis
gratia Dei
coopere-
tur.

AN in Vocatione Internâ, cum primum homo converti-
tur, voluntas ejus gratia Dei cooperetur? Pontificii
affirmant, Bellarminus. Tom. IV. Controv. gener.
III. de Gratiâ & Libero arbitrio Lib. 6. cap. 9 & seqq.

Nos negamus.

Rationes

Negantes

Orthodoxæ.

Ex natura Subjecti:

Rationes nostræ.

Quia homo
peccator
mente cæcus
est, &c.

I. Qui mente cæcus, voluntate pravus, affectibus re-
bellis, adeoque ad cognoscendum verum & faciendum bonum
impotens, & in peccatis mortuus est; ejus voluntas in prima
conversione gratiæ Dei non cooperatur: Ratio; quia coopera-
tio cooperandi principia præsupponit, ut actus secundus actum
primum: qualia in hujusmodi subjecto nulla esse possunt. At-
qui homo peccator, quum primum convertitur, talis est naturâ
suâ, hoc est, mente cæcus, *Ephes. 5. v. 8.* voluntate pravus, *Genes. 6. v. 5. Cap. 8. v. 21.* affectibus rebellis, *Tir. 3. v. 3.* impotens ad
cognoscendum verum, *1. Cor. 2. v. 14. 2. Cor. 3. v. 5.* ad faciendum
bonum, *Jerem. 13. v. 23. Matth. 7. v. 18.* in peccatis mortuus *Ephes. 2. v. 1. Coloss. 2. v. 13.* Ergo.

Quia in pri-
mâ conversi-
one vivifica-
tur.

II. Qui in primâ conversione vivificatur, resuscitatur, re-
generatur, de novo creatur, trahitur; ejus voluntas non co-
operatur: Ratio; quia illis Dei actionibus induntur demum vi-
res ad bonum, à quibus postmodum operationes fluunt, sicut
dicitur *Ezech. 36. v. 26. 27.* Homo peccator in primâ conversi-
one vivificatur & resuscitatur, *Ephes. 2. v. 15. Col. 2. v. 13. Iohan. 5. v. 25.* regeneratur, *Iohann. 3. vers. 3. 5. 7.* de novo creatur,
Psalms. 51. v. 12. Ephes. 2. v. 10. 2. Cor. 5. v. 17. trahitur, *Ioh. 6. v. 44.* Ergo.

Ex

Ex naturâ Prædicati :

I. Qui cooperatur in primâ conversione ; coinchoat eam & vult. Voluntas hominis peccatoris non coinchoat eam , nec vult: *Ratio* ; quia Deus est qui inchoat bonum opus , *Phil.* 1. v. 6. & ipsum primum velle in peccatore operatur *cap.* 2. v. 13. Ergo.

Quia voluntas hominis conversio-nem primam non coinchoat.

II. Qui cooperatur in primâ conversione ; ab ejus cooperatione ipsâ , aliquatenus saltem , dependet. Atqui conversio nullatenus dependet ab hominis peccatoris cooperatione : *Ratio* ; quia Deus *fecit nos (non autem nos ipsi) populum suum & gregem pastus sui Psal.* 100. vers. 3. Idonei sumus non ex nobis , sed ex Deo *2. Cor.* 3. v. 5. Fides etiam non ex nobis , sed Dei est donum *Ephes.* 2. v. 8. 9. Ergo.

Quia conversio nullatenus pendet à peccatoris cooperatione.

III. Qui in primâ conversione cooperatur , gratiæ prævenienti cooperatur : *Ratio* ; quia ab eâ prima conversio dependet. Homo peccator non cooperatur gratiæ prævenienti , ut quæ omnes ejus actus antecedit secundum illud *Esa.* 65. v. 1. *Rom.* 10. 20. *Inventus sum ab iis , qui me non querebant ; manifestus factus sum iis , qui de me non interrogabant.* Ergo.

Quia homo non cooperatur gratiæ prævenienti.

Rationes Pontificiorum.

*Affirmantes
Heterodoxæ.*

Ex naturâ Subjecti :

I. Quod præcipitur & suadetur homini ; id in ejus potestate est , in eo ipse Deo cooperatur ; secus stultè præciperetur , suaderetur. Opera pietatis & ipsa conversio præcipiuntur , suadentur homini *Zach.* 1. v. 3. *Joel.* 2. v. 13. *Ezech.* 18. v. 31. *Coloss.* 3. 9. *Phil.* 2. 13. Ergo. *Resp.* 1. *Conclusio* non tam Semipelagiana , quàm Pelagiana est. II. *Major* insequens , ex præcepto facultatem , ex officio vires colligens : Fallaciam quoque non causæ habet , quasi ideo præcipiatur quod possit homo Deo cooperari , cum id fiat partim ut officium suum , partim ut impotentiam agnoscat , atque etiam ut per præcepta Deus id quod præcipit in suis operetur *Rom.* 1. v. 16. *1. Cor.* 4. v. 15. *Ratio Majoris* procederet siquidem homini liberum arbitrium absolute , hoc est , ipsa intelligendi ac volendi facultas negaretur , quod nostrorum nullus facit. III. *Testimonia* quæ in Mi-

Quia conversio suadeatur homini.

M m m m

nore

Secunda:
Pontificio-
rum.

Pontificiorum:

*An in pri-
mâ Conver-
sione volun-
tas hominis
gratia Dei
cooperetur.*

*AN in Vocatione Internâ, cum primum homo conver-
tur, voluntas ejus gratia Dei cooperetur?* Pontificii
affirmant, Bellarminus. Tom. IV. Controv. gener.
III. de Gratiâ & Libero arbitrio Lib. 6. cap. 9 & seqq.

Nos negamus.

Rationes
Negantes
Orthodoxæ.

Rationes nostræ.

Ex natura Subjecti:

Quia homo
peccator
mente cæcus
est, &c.

I. Qui mente cæcus, voluntate pravus, affectibus re-
bellis, adeoque ad cognoscendum verum & faciendum bonum
impotens, & in peccatis mortuus est; ejus voluntas in prima
conversione gratiæ Dei non cooperatur: *Ratio*; quia coopera-
tio cooperandi principia præsupponit, ut actus secundus actum
primum: qualia in hujusmodi subjecto nulla esse possunt. At-
qui homo peccator, quum primum convertitur, talis est naturâ
suâ, hoc est, mente cæcus, *Ephes.* 5. v. 8. voluntate pravus, *Genes.*
6. v. 5. *Cap.* 8. v. 21. affectibus rebellis, *Tit.* 3. v. 3. impotens ad
cognoscendum verum, *1. Cor.* 2. v. 14. 2. *Cor.* 3. v. 5. ad faciendum
bonum, *Ierem.* 13. v. 23. *Matth.* 7. v. 18. in peccatis mortuus *Ephes.*
2. v. 1. *Coloss.* 2. v. 13. Ergo.

Quia in pri-
mâ conver-
sione vivifica-
tur.

II. Qui in primâ conversione vivificatur, resuscitatur, re-
generatur, de novo creatur, trahitur; ejus voluntas non co-
operatur: *Ratio*; quia illis Dei actionibus induntur demum vi-
res ad bonum, à quibus postmodum operationes fluunt, sicut
dicitur *Ezech.* 36. v. 26. 27. Homo peccator in primâ conver-
sione vivificatur & resuscitatur, *Ephes.* 2. v. 15. *Col.* 2. v. 13. *Iohan.*
5. v. 25. regeneratur, *Iohann.* 3. vers. 3. 5. 7. de novo creatur,
Psal. 51. v. 12. *Ephes.* 2. v. 10. 2. *Cor.* 5. v. 17. trahitur, *Ioh.* 6. v.
44. Ergo.

Ex

Ex naturâ Prædicati :

I. Qui cooperatur in primâ conversione ; coinchoat eam & vult. Voluntas hominis peccatoris non coinchoat eam , nec vult: *Ratio* ; quia Deus est qui inchoat bonum opus , *Phil.* 1. v. 6. & ipsum primum velle in peccatore operatur *cap.* 2. v. 13. Ergo.

Quia voluntas hominis conversionem primam non coinchoat.

II. Qui cooperatur in primâ conversione ; ab ejus cooperatione ipsâ , aliquatenus saltem , dependet. Atqui conversio nullatenus dependet ab hominis peccatoris cooperatione : *Ratio* ; quia Deus fecit nos (non autem nos ipsi) *populum suum & gregem pastus sui Psal.* 100. vers. 3. Idonei sumus non ex nobis , sed ex Deo *2. Cor.* 3. v. 5. Fides etiam non ex nobis , sed Dei est donum *Ephes.* 2. v. 8. 9. Ergo.

Quia conversio nullatenus pendet à peccatoris cooperatione.

III. Qui in primâ conversione cooperatur , gratiæ prævenienti cooperatur : *Ratio* ; quia ab eâ prima conversio dependet. Homo peccator non cooperatur gratiæ prævenienti , ut quæ omnes ejus actus antecedit secundum illud *Esai.* 65. v. 1. *Rom.* 10. 20. *Inventus sum ab iis , qui me non querebant ; manifestus factus sum iis , qui de me non interrogabant.* Ergo.

Quia homo non cooperatur gratiæ prævenienti.

Rationes Pontificiorum.

Affirmantes
Heterodoxæ.

Ex naturâ Subjecti :

I. Quod præcipitur & suadetur homini ; id in ejus potestate est , in eo ipse Deo cooperatur ; secus stultè præciperetur , suaderetur. Opera pietatis & ipsa conversio præcipiuntur , suadentur homini *Zach.* 1. v. 3. *Joel.* 2. v. 13. *Ezech.* 18. v. 31. *Coloss.* 3. 9. *Phil.* 2. 13. Ergo. *Resp.* 1. *Conclusio* non tam Semipelagiana , quàm Pelagiana est. II. *Major* in consequens , ex præcepto facultatem , ex officio vires colligens : Fallaciam quoque non causæ habet , quasi ideo præcipiatur quod possit homo Deo cooperari , cum id fiat partim ut officium suum , partim ut impotentiam agnoscat , atque etiam ut per præcepta Deus id quod præcipit in suis operetur *Rom.* 1. v. 16. *1. Cor.* 4. v. 15. *Ratio Majoris* procederet siquidem homini liberum arbitrium absolute , hoc est , ipsa intelligendi ac volendi facultas negaretur , quod nostrorum nullus facit. III. *Testimonia* quæ in Mi-

Quia conversio suadeatur homini.

nore allegantur. impertinentia sunt, ut quæ non tam de primâ conversione non renatorum, quàm de conversione secundâ renatorum in peccata prolapsorum, nec non de progressu in conversione faciendò loquuntur.

Quia vocatus possit resistere.

II. Qui vocatus à Deo potest non venire, resistere; is habet Liberum arbitrium. Homo vocatus à Deo potest non venire, resistere *Matt. 23. v. 37. Ioh. 6. v. 67. Act. 7. v. 51. Apoc. 3. v. 20.* Ergo. *Resp. I.* Non concluditur quæstio. Nec enim quæritur de Libero Arbitrio absolutè à necessitate physicâ & coactionis, neque de Libero Arbitrio ad malum, sed de Libero Arbitrio ad bonum spirituale, & quidem in primâ conversione. **II.** *Major* ambigua est. Falsa, si vocatus per Evangelium Liberum Arbitrium non minus ad veniendum, ad non resistendum; quàm ad non veniendum, ad resistendum ex suis viribus habere intelligatur. De Arbitrio ad malum libero nimis vera est.

Quia tolleretur studium augendæ fidei & pietatis.

III. Si homo Liberi Arbitrii non esset in operibus pietatis in primâ conversione; tolleretur diligentia omnis atque industria in fide & pietate augendâ & excolendâ; nullum locum haberent præcepta, hortamenta, promissiones; non laudandi essent qui volunt resipiscere, credere; nec peccarent qui nolunt. Consequens absurdum, impium. Ergo & Antecedens. *Resp.* Valeret *Consequentia Propositionis*, si arbitrium hominis nullo modo liberum esset nec à coactione, nec à necessitate physicâ, neque ad malum: At cum triplici hoc modo liberum agnoscamus, nullius roboris est, id que non unâ de causâ. **I.** quia diligentia in augendâ fide, in colendâ pietate, non ex arbitrio hominis non renati, sed ex gratiâ regenerationis proficiscitur. Et qui non habet fidem, quomodo augeat eam & excolat? qui habet, quo titulo inter non renatos censeatur? **II.** quia præcepta, hortamenta etiam impotentes nos debiti officii admonent; & in Electis quidem ad conversionem, in Reprobis autem ad ἀναλογία efficacia sunt. **III.** quia laudandi sunt qui volunt resipiscere, credere diligere, etiamsi voluntatem illam non ex arbitrio suo, sed ex Deo habeant, à quo velle & efficere *Phil. 2. v. 13.* Ita nos decet Apostolus *Rom. 2. v. 10.* & alibi Scriptura. **IV.** quia hominis non renati arbitrium ad malum quidem, at non etiam ad bonum, liberum est.

Pontifici consequentiam propositionis probant à contrario: Homines non peccant, quia non prophetant, linguis loquuntur, aut mira-

miracula faciunt; nec præmia merentur, quia prophetant, linguis loquuntur, aut miracula faciunt; nec præceptis, hortationibus ad id excitantur, nec industriam suam in eo quis ponit, ut in his excellat; quoniam non sunt hæc in potestate Liberi Arbitrii, quamvis ab hominibus, ut instrumentis Dei, per rationem & voluntatem, per linguam & manus exercentur. Ergo opera pietatis, quia non faciendo ea peccamus, faciendopræmia meremur; quia ad ea præceptis, hortationibus excitamur, & in iis industriam ponimus; sunt in Arbitrii nostri potestate. *Resp. 1.* Enthymema hoc aut quæstionem non attingit, aut non tam pro cooperatione liberi arbitrii, quàm pro omnimodâ ejus operatione facit. Nam contrariorum contraria ratio est. Si ergo verè contraria; ut *χαρίσματα* illa miraculosa simpliciter non sunt in potestate nostra, ita opera pietatis simpliciter sunt. Quod Pelagianum. *11.* *Consequentia* negatur, partim ob Elenchum contrariorum, non enim contraria sed diversa sunt opera miraculosa & opera pietatis; partim ob diversorum dissimilitudinem. Charismatum illorum facultatem nunquam habuimus, nec impotentiam ad illa nobis contraximus; ideoque nec Deus ea nobis imperat, nec nos illorum carentia aut omissione peccamus. At facultatem præstandi opera pietatis habuimus, & quâ nunc laboramus impotentiâ, culpa nostrâ laboramus. *111.* *Antecedens* geminam fallaciam habet à dicto secundum quid, & non causâ. *Illam* quia falsum non peccare qui non prophetant, aut linguis loquuntur, siquidem his donis præditi sint, prout fuere multi in Ecclesiâ Apostolicâ; falsum item non existare ea de re præcepta & exhortationes. Vide *Rom. 12. 1. Cor. 12.* Quod verò præmia non mereantur sensu Pontificio libenter admittimus, sed in ipsosmet vertimus. Si enim excellentia illa & utilia opera nihil merentur, equidem nec alia quicquam merentur. *Istam:* quia quod præcepta, exhortationes ad nos de his non reperiuntur, & quod non faciendo ea nihil peccamus, causâ non est quod non sunt in potestate arbitrii nostri, (etsi id verum,) sed quia Deus nullâ lege ea à nobis requirit. Vbi autem non est Lex, ibi nec Legis transgressio.

Ex natura *Prædicati:*

I. Qui sunt operarii, cooperarii, coadjutores Dei, ædificatores, &c. ii aliquid agunt, nec sunt mera instrumenta naturalia. Quia homines sint cooperarii Dei.

Homines sunt operarii, cooperarii &c. *Matt.* 20. 1. & *seq.* 1. *Cor.* 3. 5. 9. 10. *Marc.* 16. v. 20. *Rom.* 8. 28. Ergo. *Resp.* 1. Argumentum peccat ignorance Elenchi. Non negamus homines aliquid agere in operibus pietatis, nam conversi agunt; sed negamus in primâ conversione aliquid agere. Nec affirmamus esse ipsos mera Dei instrumenta naturalis, ligones, rastra, secures; nunquam enim sunt talia: in primâ etiam conversione ne instrumenta quidem sunt, quæ ad Efficientem pertinent; verum affirmamus esse subjecta in quibus vivificandis, resuscitandis regenerandis renovandis Deus operatur. I. I. *Minor* falsa est, si de operatione, cooperatione hominis in primâ conversione accipiatur. Allegata quidem Scripturæ de eâ non loquuntur. *Matt.* 20. parabola operariorum in vinea vocationem ipsorum præsupponit. Vocatio autem illa vel *efficax* est Electorum. 16. quæ ipsa conversio: vel *inefficax* multorum, qui veræ pietatis opera nulla edunt, eoque nec operantur, nec cooperantur. 1. *Cor.* 3. sermo est non de operibus pietatis per se, sed de laboribus ministerii, quibus cooperantur Deo præcones Evangelii. *Marc.* 16. 20. dicitur Dominus *cooperatus* fuisse ministerio Apostolorum addendo ei efficaciam ad conversionem gentium. *Rom.* 8. agitur non de cooperatione hominum cum Deo, sed de statu fidelium, qui talis, ut omnia ipsis cooperentur, cedant in salutis æternæ bonum.

Quia homines in operibus pietatis juventur.

II. Qui juvatur, laborat agendo & aliquid agit. Atqui nos in Scriptura in operibus pietatis juvari dicimur *Psal.* 27. v. 9. *Psa.* 60. v. 3. *Rom.* 8. v. 26. 1. *Cor.* 15. v. 10. Ergo. *Resp.* Datur argumentum de *conversis*. Hi in operibus pietatis aliquid agunt, & ceu bonæ arbores bonos fructus ferunt. De *convertendis* *Minor* falsa est. Loca *Psalmodum* explicanda sunt non de gratiâ præveniente primæ conversionis, sed de auxilio contra hostes & liberatione ex angustiis. *Rom.* 8. *συναυτλαμβάνεσθαι* non est adjuvare convertendos, sed sublevare infirmitates fidelium, orare sicut oportet neſcientium 1. *Cor.* 15. autem Apostolus loquitur de ministerio suo, non de conversione, & effecta illius non ad vires suas, sed ad gratiam Dei refert. Quemadmodum vero gratia illa ipsum hostem & persecutorem Evangelii primo fecit idoneum 2. *Cor.* 3. v. 5. post corroboravit, 1. *Tim.* 1. v. 12. & per ipsum operata fuit, 1. *Cor.* 15. vers. 10. ipso cooperante; ita nos conversi, confirmati, acti à gratiâ agimus & cooperamur.

Controversiæ de FIDE IVSTIFICANTE.

De FIDE

Samofatenianorum.

PRIMA: *An fides justificans sit obedientia mandatorum Dei: sic ut bona opera non fructus sint fidei, sed forma ejus?* Samofateniani affirmant, *Ostorodius Instit. relig. Christianæ cap. 2.* Nos negamus.

Prims: Samofatenianorum. An Fides justificans sit Obedientia mandatorum Dei.

Rationes nostræ.

Ex natura Subjecti & Prædicati:

Rationes Negantes Orthodoxæ.

I. Quæ definitionibus differunt, idem non sunt. Fides & obedientia mandatorum definitionibus differunt. Ergo. *Minor probatur.* 1. *Fides est πίστις eorum qua sperantur, & demonstratio rerum, qua non videntur Heb. 11. v. 1.* Obedientia mandatorum, prout ab adversariis accipitur, est impletio Legis *Rom. 13. v. 10.* Atqui hæ sunt differentes definitiones. Ergo. 11. Quæ genere & forma differunt, definitionibus differunt. Fides & obedientia mandatorum sic differunt. *Genere;* quia Fides est habitus divinitus infusus: obedientia mandatorum, sive opera, Actiones. *Formâ;* quia illius forma est ἀνυποφασία, πεπιθῆσις: hujus ἐννομία sive convenientia cum Lege. Ergo.

Quia fides & Obedientia definitionibus differunt.

II. Causa non est ipsum effectum, nec effectum ipsa causa. Fides est causa obedientiæ, bonorum operum, & illa hujus effecta 1. *Tim. 1. v. 5. Finis mandati est charitas ex mundo corde,* (quod ex fide *Act. 15. v. 9.*) *ex conscientia bonâ* (quæ itidem ex fide *Rom. 5. v. 1.*) & fide minimè simulatâ. Charitas autem est impletio Legis *Rom. 13. v. 10.* Ergo.

Quia fides causa obedientiæ.

III. Quorum non sunt eadem effecta, illorum unum non est forma alterius. Fidei & obedientiæ mandatorum non sunt eadem effecta. Ergo. *Minor probatur.* Justificatio, *Rom. 3. 4. capp. Gal. 2. 3. capp. ὑποφασία, Ioh. 1. v. 12.* Unio cum Christo, *Eph. 3. v. 17. Gal. 2. v. 20.* effecta fidei sunt, non obedientiæ aut operum. Ergo.

Quia fidei & obedientiæ non eadem sunt effecta.

IV. Quæ objectis distinguuntur, unum non sunt. Fides & obedientia mandatorum objectis distinguuntur: Nam Fidei objectum est Evangelium *Marc. 1. 15. Credite Evangelio. Sic Ioh. 3. 16.*

Quia eadem objectis distinguuntur.

Cap. 6. v. 68. Cap. 17. vers. 3. Obedientiæ & operum objectum Lex: *Matt. 22. v. 37. 38. Diliges Dominum Deum tuum ex toto corde tuo, &c. & proximum tuum sicut te ipsum. Ab his duobus mandatis tota Lex & Propheta pendent. Rom. 13. v. 8. 9. 10. Qui diligit alterum, Legem implevit, &c. Charitas est impletio Legis. Ergo.*

Quia fides
huius tan-
tum vitæ est,
obedientia
etiam futu-
ræ.

Quia sunt
diversæ vir-
tutes.

V. Quorum unum cum hâc vitâ transit, alterum in futurâ permanet; eorum unum non est forma alterius. Fides transit cum hâc vitâ; Obedientia, Charitas in futura permanet, quemadmodum testatur Apostolus *1. Cor. 13. v. 12. 13. Ergo.*

VI. Diversarum virtutum diversæ formæ sunt, non una forma alterius. Fides & Charitas, quæ est obedientia mandatorum impletio Legis, sunt diversæ virtutes. *1. Cor. 13. v. 13. Nunc vero manet Fides, Spes, Charitas, tria hæc: maxima autem harum charitas. 1. Thess. 1. v. 3. Indefinenter memoriâ repetentes efficacem vestram fidem, laboriosam charitatem, & tolerantem spem. Ergo.*

Quia sunt
opposita.

VII. Opposita non sunt unum. Fides justificans quâ justificans, & obedientia mandatorum, sive opera, sunt opposita *Rom. 3. v. 28. Colligimus fide justificari hominem absque operibus Legis. Gal. 2. v. 16. Scientes non justificari hominem ex operibus Legis, sed per fidem Iesu Christi. Ergo.*

Contra postremum hoc excipiunt *Samosateniani*: In justificatione opponi fidem & opera, non quævis, sed perfectâ, Legi per omnia consentaneas; unde & opera Legis, à Mose imperata vocentur. Fidem autem non esse opus perfectum, sed à Deo haberi pro tali; nec Legis, sed Evangelii, à Christo imperatum. *Resp.* Vtrobique petunt principium. *Primo* enim fides operibus absolutè & simpliciter opponitur, *Rom. 3. v. 20. & seq. item. v. 27. 28. Cap. 4. v. 4. 5. 6. sicut & gratia cap. 11. 6. Tit. 3. 5. 2. Tim. 1. 9. Nec æquum fuit an opera perfectâ justificarent, id enim expeditum ex Lev. 18. v. 5. sed an opera, quæ secundum Legem præstabant Judæi, justificarent. Quæ opera rectè Legis dicuntur, à Mose imperata; quia facta secundum Legem, licet ei ad amissum non respondeant. Deinde fides justificat, nec quâ opus perfectum, nec quâ imperfectum, ut quæ operibus in justificatione perpetuo opponitur: Neque etiam habetur à Deo pro perfecto opere; quia iudicium ejus est secundum veritatem *Rom. 2. 2. Et quatenus accipitur ut confidentia in Deo absolutè, prout accipiunt adversarii, non minus opus Legis est, primo Decalogi præcepto imperatum, quàm alia opera.*
Ratio.*

Rationes Samofatenianorum.

*Affirmantes
Heterodoxa.*

Ex natura *Subjecti* & *Prædicati* :

I. Quale est credere in Christum, talis est fides justificans. Atqui credere in Christum est ei obedire. Ergo. *Minorem* probant. Quia credere in Christum fit ei obedire
1. Credere est facere quæ quis præcipit, suadet; non credere contra. Hoc autem est obedire. Ergo. 11. Publicani & meretrices crediderunt Iohanni, Pharisei autem non crediderunt; quia illi resipuerunt, isti non resipuerunt *Matt.* 21. v. 32. Hoc autem est obedire vel non obedire. Ergo. *Resp.* Nec *Major*, nec *Minor* prosyllogismi simpliciter vera est. Non *illa*; quia credere in Christum etiam de iis dicitur, qui non credunt fide justificante *Ioh.* 2. v. 23. *Cap.* 12. v. 42. Non *Ista*; quia omne credere quidem est obedire, scilicet mandato credentis; at non vicissim omne obedire est credere. Nam *obedire* præstatur, vel fidem verbo, promissioni habendo, vel opera præcepta faciendo, interdicta omittendo. Differunt ergo ut genus & species: Epilogismus *primus* *Major* universaliter intellecta, falsus est. Simon Magus credidit, *Act.* 8. 13. & demones credunt, *Iac.* 2. 19. neque tamen aut iste, aut hi, quod præcepit Deus fecerunt. Qui verè credunt, faciunt quod Deus præcepit; sed actu fidet mandatum credendi, actu sanctæ vitæ mandatum operandi, quemadmodum voluntas Dei de utroque est *Ioh.* 6. 40. 1. *Thess.* 4. v. 3. Inde autem tantum sequitur, credere esse operari effectivè, non formaliter. *Secundus* in probatione *Majoris* deficit. Resipiscendo ostenderunt credidisse se Iohanni, id est, doctrinæ ejus, non autem formaliter crediderunt. Deinde doctrina ejus fuit de resipiscencia & fide *Marc.* 1. Vt igitur distinctum mandatum, sic distincta utriusque obedientia, & contra.

II. Quæ fides nos justos reddit, ea justificans est. Fides quæ est obedientia mandatorum nos justos reddit: *Ratio*; quia placuit Deo pro perfectè justis habere, qui ipsi confidunt, id est, ex animo obediunt & spem in ipso suam collocant. Ergo. *Resp.* datur *Major* sensu Scripturæ, non Samofateniano. At *Minor* falsa est. Sic enim ex Lege & operibus Legis esset justitia: sic etiam iudicium Dei, quo justos nos pronunciat, non esset secundum veritatem. Imo placuit Deo justos nos constituere Vnius obedientiæ,

entiâ, quem proposuit placamentum per fidem in sanguine ipsius; placuit justificare eum qui est ex fide Jesu absque operibus, ut *Rom. 3. & 5.* docetur.

Quia fides & obedientia mandatorum inter se permutentur

III. Quæ Scriptura inter se commutat, & pro æquipollentibus usurpat; unum sunt. Fidem & obedientiam mandatorum inter se commutat &c. Ergo. *Resp. ad Minorem.* Commutatio illa terminorum non propriè, sed tropicè fit; vel per Synecdochē generis pro speciè, & vicissim; vel per metonymiam effecti pro causâ, & vicissim.

Quia per fidem, quæ obedientia, placeamus Deo.

IV. Per quam fidem placemus Deo; ea est fides justificans. Atqui per illam fidem, quæ est confidentia in ipso, & obedientia mandatis ejus præstita, placemus Deo. Ergo. *Minorem* probant. Quâ fide credimus non tantum esse Deum, sed & remuneratorum exsistere iis, qui ipsum quærunt: per eam placemus Deo *Heb. 11.v.6.* Atqui eâ fide, quæ est confidentia in ipso, & obedientia mandatis ejus præstita, credimus non tantum esse Deum, sed & remuneratorem exsistere iis, qui ipsum quærunt: *Ratio*; quia *quærere Deum* nihil aliud est, quam ipsum timere & ei obedire. Ergo. *Resp. Minor Epilogismi* pura puta principii petitio est. Confidentia illa & obedientia, quam intelligunt aduersarii, non est ipsa fides, sed consequens, effectum ejus. Sic in *probatione Minoris* quærere Deum non tantum est timere obedire, sed inprimis & ante omnia in ipsum credere, & per fidem accessum ad ipsum quærere.

Quia fides Abrahami fuerit obedientia.

V. Fides quâ Justificatus est Abrahamus fuit fides justificans. At fides illa fuit obedientia mandatorum Dei, non fides promissionis. Ergo. *Minorem* probant. I. quia promissio facta ipsi sub tacitâ conditione obedientiæ *Genes. 17. v. 1.* expressa. II. quia revera facta propterea, quod filium suum unigenitum offerre voluit *Genes. 22. vers. 16.* III. quia Jacobo teste *cap. 2.* tum demum verè justificatus est, quum Isaacum filium suum in arâ obtulit, & fides ipsius ex operibus consummata fuit. *Resp. Minor* falsa est. Nam promissionis fidem fuisse apertè docetur *Genes. 15.v. 5.6. Roman. 4.v. 11. 13. 16. 18. 20. Ambulatio coram Deo,* de qua *Genes. 17. v. 1.* non est conditio justificationis fidei, sed effectum ejus. Neque etiam *oblatio filii* Isaaci, *Genes. 22.* causa ejus dici potest. Nam qui ad minimum jam triginta annis ante fide justificatus fuit, *Genes. 15. v. 5. 6.* quomodo tum ope-

is illius obedientia justificatus? Particula igitur *Quoniam*, sive *Quandoquidem*, consequentiæ non consequentis est nota. *Iac. 2. Justificari* est ex operibus justum declarari & agnosci: per quæ opera consummatur fides, non ut formarum per suam formam, sed ut forma per suas operationes, actus primus per actum secundum. Quâ de re infra pluribus.

SECUNDA: *An forma fidei justificantis rectè statuatur fiducialis Christi ac Satisfactionis ejus apprehensio?* Samosatreniani negant, *Ostrodinus Instit. Relig. Christiana cap. 2.* Nos affirmamus.

Secunda: Samosatrenianorum
An forma fidei justificantis sit fiducialis Christi apprehensio?
Rationes Affirmantes Orthodoxæ.

Rationes Nostræ.

Ex natura Subjecti & Prædicati:

I. Per quod constituitur fides justificans, & ab aliis fidei speciebus distinguitur; id ejus forma est. Per fiducialem Christi ac Satisfactionis ejus apprehensionem constituitur: *Iohann. 1. v. 12. Quotquot eum receperunt, dedit eis hoc jus, ut Filii Dei sint facti, nempe iis qui credunt in nomen ejus. Act. 26. v. 18. ut remissionem peccatorum accipiant per fidem quæ est in me, scil. Christum. Rom. 3. v. 25. Quem proposuit Deus placamentum per fidem in sanguine ipsius. Cap. 4. v. 24. 25. Credunt in eum qui suscitavit Iesum Dominum nostrum à mortuis, traditum in mortem propter lapsus nostros, & resuscitatum ad nostri justificationem. Cap. 5. v. 11. Per ipsum, Christum, reconciliationem accepimus. v. 17. Donum justitiæ accipiunt &c. Deinde etiam ab aliis fidei speciebus distinguitur. Ab Historicâ; quam solam qui habent contremiscunt *Iac. 2. v. 19.* A Temporaria; quæ radicem non habet in promissione gratiæ, *Matth. 13. v. 21.* Nec soliditatem *Coloss. 2. v. 5.* A Miraculorum, quæ aliud genus promissionis intuetur *Marc. 16. v. 17. 18.* Ergo.*

Quia per hanc fiduciam constituitur fides.

II. Forma Fidei est ejus ad objectum suum relatio, & circa illud actus. At objectum fidei est Christus, *Esa. 53. v. 11.* à Patre in mundum missus, *Ioh. 17. v. 3.* in mortem datus. *cap. 3. v. 16.* traditus propter lapsus nostros *Rom. 4. v. 25.* Actus circa illud est ejus salutaris cognitio, *Esa. 53. v. 11. Ioh. 17. v. 3.* & fiducialis apprehensio *Ioh. 1. v. 12. Rom. 5. v. 11. 17.* Ergo.

Quia fidei relatio ad Christum, & actus circa Christum occupatur.

Nnnn

III. Idem

Quia idem
objectum est
Euangelii &
fidei Justifi-
cantis.

III. Idem est Euangelii fidei Justificantis objectum ; *Ratio* ; quia credere jubemur Euangelio, *Marc. I. v. 15.* & Euangelium est potentia Dei ad salutem omni credenti *Rom. I. v. 16.* Atqui objectum Euangelii est Christus, ejusque pro peccatis Satisfactio &c. *I. Cor. I. v. 23.* *Pradicamus Christum crucifixum. Ioh. 3. v. 16.* *Sic Deus dilexit mundum, ut filium suum Unigenitum daret, Rom. 10. v. 8. 9.* *Hoc est verbum illud fidei quod pradicamus.* Videantur loca similia. Ergo.

Negantes
Heterodoxa.

Rationes Samosatensianorum.

Ex naturâ Subjecti & Prædicati:

Quia definitio
fidei per
fiduciam as-
serat pugnan-
tia.

I. Quæ definitio pugnantia asserit, vera non est. Hæc definitio: *Quod fides sit fiducialis Christi ac Satisfactionis ejus apprehensio*, pugnantia asserit. Ergo. *Minorem* probant ; I. quia asserit Deum nobis remissurum & deleturum esse peccata, si videlicet credamus illa per mortem Christi deleta esse. II. quia asserit fidem esse rei præteritæ, & tamen promissione, quæ futuri est, niti. *Resp.* negando *Minorem*. Nulla enim in utraque assertionem pugnantia est, Non in *Primâ* ; quia *deleta* dicuntur peccata nostra, quoad decretum Dei & mortem Christi ex decreto illo jam obitam ; *deleti* vero quoad efficacem applicationem, tum ex parte Christi donantis remissionem peccatorum, *Act. 5. v. 31.* tum ex parte credentium fide eam accipientium *cap. 26. vers. 18.* Ita absque omni pugnantia gentes nondum conversæ vocantur oves Christi, *Ioh. 10. v. 16.* & Filii Dei, *cap. 11. v. 51.* etsi postea demum factæ sint tales. Nimirum, erant jam quoad Prædestinationem, factæ sunt quoad vocationem. Non etiam in *Secundâ* ; quia fides præsentia, præterita, & futura simul respicit. Quod in ordine articulorum Symboli Apostolici clarè nobis proponitur, & ipsa fidei definitione, quæ est, *Heb. 11. v. 1.* confirmatur. Nam *τὰ ἐλπιζόμενα* futurorum sunt, *οὐ βλεπούμενα* præteritorum & præsentium. Fides vero, quia illorum *ὑποστάσις*, horum *ἔλεγχος* est, omnia credenti præsentia statuit per notitiam atque assensum in mente, & per fiduciam in corde. Promissio quidem futuri est, quum primum fit, sed ipsâ impletionem præsens redditur.

II De qua fide nec Christus prædicavit populo, nec fideles Veteris & Novi Testamenti quicquam sciverunt; illa non est vera fides. De fide Justificante, quæ sit apprehensio Satisfactionis Christi, nec Christus prædicavit populo; quia semel tantum seorsim dixit discipulis, se sanguinem suum effundere in remissionem peccatorum, *Matth. 26. vers. 28.* se animam dare *λύτρον* pro multis, *cap. 20. v. 28.* populo vero nihil dixit præterquam se bonum pastorem esse, qui animam poneret pro ovibus *Iohann. 10. v. 11. 15.* Quæ verba modum per Satisfactionem non magis definiunt, quam illa Petri, *Ioh. 13. v. 37.* aut Christi, *cap. 15. v. 13.* Præterea de hac ipsâ fide nihil sciverunt fideles, vel Veteris Testamenti, ut ex *Hebr. 11. cap.* & exemplo Rachabæ *v. 31.* constat; vel Novi Testamenti, ut de Apostolis Christi Lucas testatur *cap. 18. v. 32. 33. 34.* Resp. Minor falsa est. Primo enim prædicavit Christus se esse Messiam Servatorem mundi, *Ioh. 4. v. 26.* merito mortis, *Matth. 20. v. 28.* *Cap. 26. v. 28.* & efficaciam Spiritus, *Iohann. 4. v. 14.* *Cap. 7. v. 37.* & quidem Servatorem iis, qui credunt in nomen suum, prout *Iohan. 3. 4. 5. 6. capp.* videre est. Quæ omnia non minus populo, quam discipulis suis, non semel, sed sæpius prædicavit, *Matth. 12. v. 40.* *Cap. 16. v. 21.* *Cap. 20. v. 28.* &c. ut hostibus quoque nota essent *Matth. 27. v. 63.* Etsi nec populo declaravit multa quæ discipulis seorsim declaravit, *Matth. 13. v. 11.* & *seqq.* neque ita vel illi, vel istis illustravit, ut postea eventu ipso & subsequatâ Spiritus Sancti missione illustrata fuerunt. Locus *Ioh. 10.* modum Satisfactionis saltem implicite connotat, duobus aliis locis dissimillimus; quia hic anima ponitur tanquam *λύτρον*, *Matth. 20. v. 28.* non istic. Jam quod fideles Veteris Testamenti attinet, habuisse ipsos fidem Christi futuri Servatoris à peccatis, de Patriarchis, Regibus & Prophetis Christus & Apostoli testantur *Ioh. 8. v. 56.* *Luc. 10. v. 24.* *Act. 10. v. 43.* *Cap. 15. v. 11. 1.* *Petr. 1. v. 10. 11.* De cæteris ex Fidei ipsius unitate, quam nobiscum agnoscunt adversarii, pronunciamus. Interim ex ipsis alii maiorem, alii minorem: alii explicitam in Objecto & circumstantiis, id est, Servatore & modo servationis; alii implicitam in promissione fœderis, *Ero Deus tuus, Gen. 17. v. 7.* fidem habuerunt: Obscuram tamen omnes pro conditione Veteris Testamenti, *Rachabæ fides* quousque processerit, nostrum non est temerè definire. Satis est quod inter

Quia istiusmodi fidem nec prædicavit Christus, nec sciverint fideles V. & N. Test.

Quomodo Christus satisfactionem suam proposuerit.

Fideles V. T. crediderunt in Christum futurum, & quomodo.

Apostolorum
fides qualis.

verè credentes numeratur ab Apostolo, quorum omnium una fides *Ephes. 4. v. 4.* Et quia credidit in Deum Israël, populo illi fœdere gratiæ peculiariter junctum, annon etiam in Christum mediate & implicite credidisse dicenda est; in quo fundatum illud fœdus, *Matth. 26. Heb. 8.* in quo omnes Dei promissiones sunt Etiam & Amen. *2. Cor. 1. v. 20.* Modum, quo ad fidem illam adducta sit, ipse Dominus. *Esa. 65. v. 1.* edisserit: *Inventus sum ab iis, qui me non querebant, manifestus factus sum iis, qui de me non interrogabant.* postremo; quod de Apostolis refert Lucas, nihil eorum intellexisse, quæ de Passione Christi ac morte dicebantur, aut de subitâ ipsorum consternatione, cujus & alibi exempla, *Matth. 26. v. 22. 31.* aut de tarditate in capiendis iis, quæ proponebantur à Christo, præconceptæ ipsorum opinioni contraria, accipiendum est. Quod posterius si sumant adversarii, nihil tamen contra nos obtinent: 1. Quia postea id luculenter cognoverunt & firmiter crediderunt; ut ex *Actis* ipsorum, & *Epistolis* liquet. 11. Quia alii id, etiam ante ipsorum vocationem, crediderunt, Zacharias, Simeon, Johannes Baptista; qui de Remissione Peccatorum per Christum, agnum illum Dei tollentem peccata mundi, locuti sunt *Luc. 1. & 2. capp. Ioh. 1. 111.* Quia Fides non ex Apostolorum infirmorum, doctrinam Christi quoad Servationis modum necdum intelligentium, exemplo, sed ex Verbo Dei informanda & dijudicanda est; quod hic longe clarissimum.

Quia fides,
quæ fiducia,
faciat segnes
in bonis operibus.

III. Quæ Fides cum bonis operibus adeo nihil commune habet, ut segnes etiam & supinos in eis reddat; ea non est vera fides. Atqui fides de deletis per Christum peccatis talis est: *Ratio*; quia cum deleta jam sint peccata, nihil opus de vitandis peccatis sollicitum esse. Ergo. *Resp.* Minora aperta calumnia est: quomodo enim fides illa quæ efficax est per charitatem, *Gal. 5. v. 6.* quæ absque operibus mortua est, *Iac. 2. v. 26.* cum operibus nihil commune habeat; Quomodo etiam segnes & supinos reddat ad bona opera, ad quæ incitat & impellit fideles *Rom. 8. v. 14. 2. Cor. 5. v. 14. 15.* *Probatio* consequentiam nescit Diabolicam, quam per suum Absit Apostolus dissolvit *Rom. 6. v. 1. 2.* Rationem ibi quidem à fidelium regeneratione; at *Tit. 2. v. 14.* à redemptionis fine reddit, dicens: *Dedit semetipsum, ut redimeret nos ab omni iniquitate, & purificaret sibi ipsi populum peculiarem, accensum studio bonorum operum.*

Ponti-

Pontificiorum.

Tertia: Pontificiorum,

PRIMA: An fides assensus sit non notitia, rectiusque per ignorantiam quam per notitiam definiatur? Pontificii affirmant, Bellarminus Tom. IV. Controv. gener. III. parte secundâ de Iustificatione Lib. I. cap. 7. Nos negamus.

An fides assensus sit non notitia?

Rationes nostræ

Rationes Negantes Orthodoxæ.

Ex natura Subjecti & Prædicati:

I. Quod per notitiam definitur, & cujus actus est intelligere; id notitiam esse oportet, non assensum citra notitiam aut ignorantiam. Fides ita definitur, *Esa. 53. v. 11. Ioh. 17. v. 3.* ejusque actus est intelligere *Hebr. 11. v. 3.* Ergo.

Quia per notitiam definitur.

II. Quod in fide requirit Scriptura, id in ea necessarium est. Notitiam in fide requirit *Deut. 4. v. 6. Psal. 32. v. 9. Dan. 9. v. 22. Coloss. 1. v. 6. Cap. 2. v. 2. Tim. 3. v. 7.* Ergo.

Quia notitia in fide requiritur.

III. Cujus confessio edenda, & ratio reddenda est, ejus notitia necessaria est. Atqui eorum quæ credimus confessio edenda, *Rom. 10. v. 10. & ratio reddenda est 1. Petr. 3. vers. 15.* Ergo.

Quia confessio edenda est.

IV. Si fides melius definitur per ignorantiam, quam per notitiam; fides rectè dicitur ignorantia. Consequens absurdum; quia sic ignorantia Justificaremur, cum Justificamur fide. Ergo.

Quia non potest definiti per ignorantiam.

Rationes Pontificiorum.

Affirmantes Heterodoxæ.

Ex natura Subjecti & Prædicati:

I. Via & gradus ad notitiam, non est ipsa notitia. Fides est via & gradus ad notitiam *Esa. 7. v. 9. Nisi credideritis, non intelligetis.* Ergo. *Resp. Minor* falsa est sensu Pontificio, nec *Esa. 7.* habetur, ubi verba Prophetæ, à Vetere interprete male reddita, hæc sunt; *Annon creditis, scil. promissioni Dei de liberatione vestri ab hostibus, quod non co. firmamini?*

Quia fides est via ad notitiam.

Apostolorum
fides qualis.

verè credentes numeratur ab Apostolo, quorum omnium una fides *Ephes. 4. v. 4.* Et quia credidit in Deum Israël, populo illi fœdere gratiæ peculiariter junctum, annon etiam in Christum mediate & implicite credidisse dicenda est; in quo fundatum illud fœdus, *Matth. 26. Heb. 8.* in quo omnes Dei promissiones sunt Etiam & Amen. *2. Cor. 1. v. 20.* Modum, quo ad fidem illam adducta sit, ipse Dominus. *Esa. 65. v. 1.* edisserit: *Inventus sum ab iis, qui me non quærebant, manifestus factus sum iis, qui de me non interrogabant.* postremo; quod de Apostolis refert Lucas, nihil eorum intellexisse, quæ de Passione Christi ac morte dicebantur, aut de subitâ ipsorum consternatione, cujus & alibi exempla, *Matth. 26. v. 22. 31.* aut de tarditate in capiendis iis, quæ proponebantur à Christo, præconceptæ ipsorum opinioni contraria, accipiendum est. Quod posterius si sumant adversarii, nihil tamen contra nos obtinent: 1. Quia postea id luculenter cognoverunt & firmiter crediderunt; ut ex *Actis* ipsorum, & *Epistolis* liquet. 11. Quia alii id, etiam ante ipsorum vocationem, crediderunt, Zacharias, Simeon, Johannes Baptista; qui de Remissione Peccatorum per Christum, agnum illum Dei tollentem peccata mundi, locuti sunt *Luc. 1. & 2. capp. Ioh. 1. 111.* Quia Fides non ex Apostolorum infirmorum, doctrinam Christi quoad Servationis modum necdum intelligentium, exemplo, sed ex Verbo Dei informanda & dijudicanda est; quod hic longe clarissimum.

Quia fides,
quæ fiducia,
faciat segnes
in bonis operibus.

III. Quæ Fides cum bonis operibus adeo nihil commune habet, ut segnes etiam & supinos in eis reddat; ea non est vera fides. Atqui fides de deletis per Christum peccatis talis est: *Ratio*; quia cum deleta jam sint peccata, nihil opus de vitandis peccatis sollicitum esse. Ergo. *Resp. Minora* aperta calumnia est: quomodo enim fides illa quæ efficax est per charitatem, *Gal. 5. v. 6.* quæ absque operibus mortua est, *Iac. 2. v. 26.* cum operibus nihil commune habeat; Quomodo etiam segnes & supinos reddat ad bona opera, ad quæ incitat & impellit fideles *Rom. 8. v. 14. 2. Cor. 5. v. 14. 15.* Probatio consequentiam nescit Diabolicam, quam per suum Absit Apostolus dissolvit *Rom. 6. v. 1. 2.* Rationem ibi quidem à fidelium regeneratione; at *Tis. 2. v. 14.* à redemptionis fine reddit, dicens: *Dedit semetipsum, ut redimeret nos ab omni iniquitate, & purificaret sibi ipsi populum peculiarem, accensum studio bonorum operum.*

Ponti-

Pontificiorum.

Tertia: Pontificiorum.

PRIMA: An fides assensus sit non notitia, rectiusque per ignorantiam quam per notitiam definiatur? Pontificii affirmant, Bellarminus Tom. IV. Controv. gener. III. parte secundâ de Iustificacione Lib. I. cap. 7. Nos negamus.

An fides assensus sit, non notitia?

Rationes nostræ

Rationes Negantes Orthodoxæ.

Ex natura Subjecti & Prædicati:

I. Quod per notitiam definitur, & cujus actus est intelligere; id notitiam esse oportet, non assensum citra notitiam aut ignorantiam. Fides ita definitur, *Esa.* 53. v. 11. *Ioh.* 17. v. 3. ejusque actus est intelligere *Hebr.* 11. v. 3. Ergo.

Quia per notitiam definitur.

II. Quod in fide requirit Scriptura, id in ea necessarium est. Notitiam in fide requirit *Deut.* 4. v. 6. *Psal.* 32. v. 9. *Dan.* 9. v. 22. *Coloss.* 1. v. 6. *Cap.* 2. v. 2. *2. Tim.* 3. v. 7. Ergo.

Quia notitia in fide requiritur.

III. Cujus confessio edenda, & ratio reddenda est, ejus notitia necessaria est. Atqui eorum quæ credimus confessio edenda, *Rom.* 10. v. 10. & ratio reddenda est *1. Petr.* 3. vers. 15. Ergo.

Quia confessio edenda est.

IV. Si fides melius definitur per ignorantiam, quam per notitiam; fides rectè dicitur ignorantia. Consequens absurdum; quia sic ignorantia Justificaremur, cum Justificamur fide. Ergo.

Quia non potest defini per ignorantiam.

Rationes Pontificiorum.

Affirmantes Heterodoxæ.

Ex natura Subjecti & Prædicati:

I. Via & gradus ad notitiam, non est ipsa notitia. Fides est via & gradus ad notitiam *Esa.* 7. v. 9. *Nisi credideritis, non intelligetis.* Ergo. *Resp.* Minor falsa est sensu Pontificio, nec *Esa.* 7. habetur, ubi verba Prophetæ, à Vetere interprete male reddita, hæc sunt; *Annon creditis*, scil. promissioni Dei de liberatione vestri ab hostibus, quod non confirmamini?

Quia fides est via ad notitiam.

Quia distin-
guatur à no-
titia.

II. Quod à notitia distinguitur, non est ipsa notitia. Fides à notitia distinguitur 1. Cor. 13. v. 2. Ergo. *Resp.* Fides miraculorum & notitia, sive donum edendi miracula & donum interpretandi Scripturas distinguuntur ut diversa *χρησιμα*; non autem fides justificans & notitia. Est igitur ambiguitatis fallacia.

Quia in eâ sit
captivatio in-
tellectus.

III. Ubi est captivatio intellectus; ibi non est notitia veritatis. In fide est captivatio intellectus in obedientiam Christi 2. Cor. 10. v. 5. Ergo. *Resp.* Major falsa est ob fallaciam phraseos, & dicti secundum quid. *Captivare intellectum* non est nihil intelligere de doctrina Christi, sed doctrinæ agnitæ fidem habere, eique se humiliter subicere, licet absurda rationi videatur; exemplo Abraham Rom. 4. v. 20.

Quia nec Ap-
prehensio nec
Judicium si-
dei sit noti-
tia.

IV. In eo qui credit duo sunt, Apprehensio, & Judicium sive assensus. At neutrum est notitia. Non *apprehensio*. 1. Quia fidem præcedit. 1 1. Quia etiam impii possunt apprehendere mysteria fidei. 1 1 1. Quia apprehensio vel confusa est absque notitia, vel distinctæ quæ ad fidem non requiritur. Neque etiam *Judicium* sive *assensus*; quia ille aut rationem & evidentiam rei, aut auctoritatem sequitur: Prior notitia est, huc non pertinens; Posterior fides. Ergo. *Resp.* 1. In *Majore* est insufficiens enumeratio; nam præter duo illa ad fidem justificantem *fiducia* gratiæ Dei, ut forma specifica, requiritur. 1 1. De *Apprehensione* falsum, quod notitia esse non possit; quia præcedat fidem, formaliter sic dictam, ordine & gradu; quia etiam ab impiis, (in quos tamen fides historica cadit) fiat. Falsum item, quod apprehensio confusa, qualis est in sublimitibus illis fidei mysteriis, non sit notitia. Est confusa notitia, prout ipsa apprehensio confusa. 1 1 1. Datur quod *Assensus* propter auctoritatem loquentis Dei, non sit scientia ex *demonstrationibus*. At quod fides sit citra notitiam negatur. Assentimur & credimus Deo loquenti, ut, quæ dicit, notitionibus mentis apprehendamus, atque ita assentimur.

SECUNDA: *An fides fiducia?* Pontificii negant, Quarta: Pontificiorum.
Bellarminus Tom. IV. Controversia generalis III. An fides sit fiducia?
secunda parte, de Iustificazione Lib. 1. cap. 5. 6. Nos
affirmamus.

Rationes nostræ.

Rationes
affirmantes
Orthodoxæ.

Ex natura Subjecti & Prædicati:

I. Per quod definitur fides justificans; id rectè de ea prædicatur in quæstione quid sit. Per fiduciam definitur, & fides pro fiducia ponitur *Heb. 2. v. 4. Roman. 1. v. 17. Matth. 8. v. 10. Cap. 15. v. 28. Act. 3. v. 16. Hebr. 10. v. 22. 35. Ergo.* Quia per fiduciam definitur.

II. Remissio peccatorum, *quiescentia*, accessus ad Deum, purificatio cordis, tranquillitas conscientie, esse nequeunt effecta nudi assensus. Atqui sunt effecta fidei Iustificantis *Rom. 3. v. 28. Iohann. 1. v. 12. Ephes. 3. v. 12. Act. 15. v. 9. Roman. 5. vers. 1. Ergo.* Quia R. P. quiescentia &c. sunt effecta fidei.

III. Plena persuasio, libertas, fiducia, forma, gloriatio, non sunt propria *nudi* assensus. Atqui sunt propriis *nudi* fidei Iustificantis *Rom. 4. v. 21. Cap. 8. v. 38. Ephes. 3. v. 12. 1. Ioh. 2. v. 28. Rom. 5. v. 2. Ergo.* Quia plena persuasio &c. sunt propria fidei.

IV. Opponuntur fiducie diffidentia, hæsitatio, pusillanimitas, timor, metus. Atqui opponitur fidei Iustificanti *Matt. 14. v. 31. Cap. 21. v. 21. Luc. 8. v. 25. Cap. 12. v. 28. 29. Rom. 4. v. 20. Ergo.* Quia fidei diffidentia, timor &c. opponuntur.

Rationes Pontificiorum.

Negantes
Heterodoxæ.

Ex natura Subjecti & Prædicati:

I. Fides est substantia eorum quæ sperantur, & convictio rerum quæ non cernuntur *Hebr. 12. v. 1.* Atqui neque illa, neque ista fiducia est; quia utraque intellectus tantum assensus est, per quem & futura subsistunt, & non apparentia cernuntur. Ergo. *Resp. Minor* negatur: nam *verba* per fiduciam Apostolus declarat *cap. 3. v. 6. 14. inter se collatis.* Ratio quoque ejus falsa est

est. *Subsistunt, cernuntur*, non tam per assensum in intellectu, quam per fiduciam in corde, ut exempla subjecta docent, quotquot fidem justificantem specificè declarant.

Quia fides
Abrahæ non
fuerit fiducia.

II. Fides Abrahæ fuit fides justificans. At non fuit fiducia; quia actus ejus fuerunt considerare, plenissimè scire *Rom.* 4. v. 19. 21. Ergo. *Resp.* Minor falsa est. *Ratio* opponit subordinata, & conjuncta divellit. *Consideravit, plenissimè scivit*, sed non tantum verum insuper firmissimè confisus fuit, credidit contra spem sub spe, non hæsitavit incredulitate sive diffidentia, ut est v. 18. 20. Quæ omnia fiduciam fidei Abrahæ evidenter expriment.

Quia fiducia
sit effectum
fidei.

III. Effectum fidei non est ipsa fides. Fiducia est effectum fidei *Ephes.* 3. v. 12. Ergo. *Resp.* fiducia vel forma fidei est, vel effectum, pro diverso vocis significato. *Forma*, quatenus certâ persuatione Christum amplectitur. *Effectum*, quatenus est conscientia tranquillitas, sive confidentia in eo, in quo fiducia collocata est.

Quia fidei
objectum totum
verbum
Dei.

IV. Quod pro objecto habet totum verbum Dei; id non est fiducia: *Ratio.* 1. quia fiducia solum respicit bona, ut futura. II. quia alioquin quicquid creditur, in eo fiducia poneretur; atque ita etiam in inferno, qui & ipse creditur. Atqui fides justificans pro objecto habet totum verbum Dei. Ergo. *Resp.* Per distinctionem *Majoris*: Quod pro objecto habet totum verbum Dei tam specificè, quam genericè; id non est fiducia. At fides genericè spectat totum verbum Dei, ut objectum commune; specificè autem promissiones gratia, ut objectum proprium. Quæ sub illud cadunt per assensum, quæ sub hoc per assensum & fiduciam simul creduntur. *Ratio Majoris Prima* exclusivè sumpta falsa est: respicit namque fiducia etiam bona præsentia, imo præterita quoque, ex quibus roboratur. *Alter*a priorè distinctione dissolvitur.

TERTIA: *An fidei justificantis objectum praeipuum, sive specificum, sit promissio specialis misericordiae in Christo?*
Pontificii negant, Bellarminus Tom. IV. Controv. gener. III. parte secunda, de justificatione Lib. I. cap. 8. & seqq. Nos affirmamus.

Quinta: Pontificiorum.
An specificum fidei obiectum sit promissio specialis misericordiae in Christo?

Rationes nostrae.

Rationes Affirmantes Orthodoxae.

Ex natura Subjecti & Pradicati:

I. In quod speciatim fertur fides justificans; id specificum ejus obiectum est. At speciatim fertur in Christum, *Ioh. 17. v. 3. 1. Cor. 2. v. 2.* in eum qui justificat impium, *Rom. 4. v. 5.* qui traditus est in mortem propter lapsus nostros, & resuscitatus ad nostri justificationem *v. 25.* Ergo.

Quia fides speciatim fertur in Christum.

II. Quod fides omnium Sanctorum praecipue semper spectavit & respexit; id proprium fidei justificantis obiectum est: Ratio; quia unumquodque proprium obiectum praecipue semper complectitur. At spectavit, respexit praecipue promissionem specialis misericordiae in Christo *Psal. 32. vers. 5. Psal. 130. v. 4. Dan. 9. v. 17. Hos. 14. v. 3. Luc. 1. v. 71. Cap. 18. v. 13. Actor. 15. v. 11. Cap. 26. v. 18.* Ergo.

Quia id fide omnium Sanctorum semper respexit.

III. Idem est Evangelii & fidei obiectum *Marc. 1. v. 15. Rom. 1. v. 16.* Atqui Evangelii obiectum est promissio specialis misericordiae in Christo *Ioh. 3. v. 16. Cap. 5. v. 24. &c.* Ergo.

Quia idem obiectum fidei & Evangelii.

Rationes Pontificiorum.

Negantes Heterodoxae.

Ex natura Subjecti & Pradicati:

I. Fides quam Christus exegit ab auditoribus suis, & miraculis confirmavit, non fuit specialis misericordiae, sed tantum potentiae divinae, *Matt. 9. v. 28. Cap. 8. v. 10. Luc. 7. v. 9.* item *Matt. 16. v. 16. Ioh. 6. v. 68. 69.* Atqui fuit fides justificans. Ergo. Resp. Assumptione missa negatur propositio. Sic enim exegit fidem potentiae suae, ut simul exegerit fidem misericordiae, prout ex singulorum locorum circumstantiis colligi & ostendi potest.

Quia fides quam Christus exegit fuerit tantum potentiae.

O o o o

II. Fides

Quia idem sit
objectum fi-
dei iustifi-
cantis & mi-
raculorum.

I I. Fides justificans idem habet objectum ac fides miraculorum *Marc. 16. v. 16. 17.* At hæc non respicit promissionem specialis misericordiæ, sed omnipotentiam & Deitatem Christi. Ergo. *Resp. Major* de objecto communi quidem conceditur; at non de proprio, quod utrobique diversum. Nec Locus *Marc. 16.* id probat: nam non sequitur: Quidam credituri fide iustificante edent miracula, sicut factum in Ecclesia Apostolica. Ergo idem fidei iustificantis & fidei miraculorum objectum est.

Quia Abraha-
mus non am-
plexus fuerit
promissio-
nem gratiæ.

III. Quod fuit objectum fidei qua justificatus est Abrahamus; id nostræ fidei objectum est. At illud non fuit promissio gratiæ specialis, sed prolis numerosæ, cujus ipse Pater futurus erat *Rom. 4. v. 18.* Ergo. *Resp. Minor* parte affirmativa vera, negati-
vâ falsa est. Quid ergo illud *Ero Deus tuus Genes. 17. v. 7?* Quid istud quod fides ei ad iustitiam dicitur imputata *Rom. 4. vers. 3?* Imo negativa in affirmativa continetur; quia promissio seminis numerosi fuit etiam promissio Christi, in quo benedicendæ omnes gentes terræ, *Galat. 3. v. 16.* cujus, tanquam seminis sibi promissi, diem Abrahamus videre desideravit *Ioh. 8. v. 56.*

Quia promif-
sio specialis
misericordiæ
sit ignota
Scripturis.

IV. Quod Verbo Dei non continetur; id nec fidei nostræ objectum est. Promissio specialis misericordiæ Verbo Dei non continetur, si paucos quosdam excipias; Paralyticum, *Matt. 9. v. 2.* peccatricem, *Lut. 7. v. 47. &c.* Ergo. *Resp. Minor* falsa est. Etenim tum *expresse* in eo continentur, tum *implicite* & per consequentiam. *Expresse Psal. 103. v. 3. Esa. 43. v. 25. Rom. 10. v. 9. Implicite;* quia promissio facta est omnibus credentibus in thesi *Ioh. 3. v. 16. 36. Marc. 16. v. 16.* ergo & singulis in hypothesi. Præterea quemadmodum Christus paralytico, peccatrici, latroni, aliis, speciatim applicavit promissiones generales, ita etiamnum eas credentibus speciatim applicant Spiritus Sanctus, *Rom. 8. v. 16. & Ministri Euangelii, Ioh. 20. v. 23.* qui legatione pro Christo funguntur *2. Cor. 5. v. 20.*

QUARTA: *An fides iustificans semel accepta amitti possit?* Pontificii affirmant, Bellarminus Tom. IV. Controv. gener. III. parte secunda de Iustificatione Lib. 3. cap. 14. Nos autem, non quidem quoad mutabilitatem aut infirmitatem nostram, verum quoad immutabile Dei propositum, eam amitti posse negamus.

Sexta: Pontificiorum. An fides iustificans possit amitti?

Rationes nostræ.

Rationes
Negantes
Orthodoxæ.

Ex natura Subjecti & Prædicati:

I. In quo fideles ad finem usque per Dei gratiam perseverant; id non amittunt. In fide iustificante perseverant, juxta dicta 1. Ioh. 2. v. 19. Matth. 24. v. 24. Jerem. 32. v. 40. 1. Ioh. 3. v. 9. Psal. 37. v. 24. Luc. 8. v. 15. &c. Ergo.

Quia in ea fideles perseverant.

II. Dona Dei ἀμνημονεύει perseverant Rom. 11. vers. 29. Fides est donum Dei ἀμνημονεύει Ephes. 2. v. 8. Tit. 1. v. 1. Act. 13. v. 48. Rom. 9. v. 11. Ergo.

Quia est donum Dei ἀμνημονεύει.

III. Quicquid & Christus pro Sanctis, & ipsi pro se orant ex fide; accipiunt Ioh. 11. v. 42. Cap. 16. v. 23. Perseverantiam in fide & Christus pro Sanctis, Luc. 22. v. 32. Ioh. 17. v. 15. & ipsi pro se petunt ex fide Matth. 6. v. 13. Ergo.

Quia hanc Perseverantiam petunt Christus pro Sanctis, & ipsi pro se.

IV. Qui virtutis Dei præsidio ad salutem custodiuntur, tandemque glorificantur; perseverant Matth. 10. v. 22. Sancti fideles custodiuntur, 1. Petr. 1. v. 3. 4. 5. glorificantur Rom. 8. v. 29. 30. Ergo.

Quia custodiuntur virtute Dei.

Rationes Pontificiorum.

Affirmantes
Hæreticæ.

Ex natura Subjecti & Prædicati:

I. Scriptura docet multis in locis fidem iificantem amitti posse Ezech. 18. v. 24. Luc. 8. vers. 13. Ioh. 15. v. 2. 1. Tim. 1. vers. 19. Hebr. 6. vers. 4. 5. 6. &c. Ergo potest amitti. Resp. negatur Antecedens. De fide historicâ & temporaria, de iustitia item appa- rente id docet, non de fide iustificante, aut iustitia vera. Ezech.

Quia id Scri- ptura asserat.

18. *Iustus* est apparenter iustus ut *Matth.* 9.v.13. quia in verè iustum adversio huiusmodi non cadit *Psal.* 92.v.13. *Psal.* 37.v.24. *Luc.* 8. *Fides* est fides temporaria, quæ radicem non habet, eoque nec soliditatem *Col.* 2. v. 5. De hac etiam *Hebr.* 6. sermo est. *Ioh.* 15. *Palmities* alii infructuosi, alii fructuosi constituuntur. Illi sunt verè fideles hi hypocritæ, *Matth.* 7.v.22. 1. *Tim.* 1. *Fides* à qua desciverunt Hymenæus & Philetus, est doctrina fidei, *cap.* 3.v.9. *Cap.* 4.v.1. *Galat.* 1.v.23. non fides iustificans eam amplectens, argumento loci 2. *Tim.* 2. v. 18. 19.

Quia id exempla ostendunt,

II. Quod Scriptura amissum esse exemplis ostendit; id omnino amitti potest. Fidem iustificantem amissam esse exemplis ostendit, Angelorum, primorum Parentum, Saulis, Davidis, Salomonis, Judæ, Petri, Simonis Magi. Ergo. *Resp.* *Minor* falsa est: Exempla quæ ad eam confirmandam adducuntur, adducuntur vel *impertinenter*; ut Angelorum & primorum Parentum, qui fidem legalem; Saulis item, Judæ, Simonis Magi, qui fidem historicam aut temporariam amiserunt. Vel *falso*; ut Davidis, Salomonis, Petri, qui fidem iustificantem non amiserunt *Pf.* 51. v.13. 2. *Sam.* 7.14. 15. *Luc.* 22.v.32.

Quia faciens actum infidelitatis perdat habitum,

III. Qui facit actum infidelitatis; perdit habitum fidei. Fidelis potest facere actum infidelitatis: *Ratio*; quia habitus non impedit ex necessitate actum contrarium. Ergo. *Resp.* *Major* falsa est. Cum enim omne peccatum sit actus infidelitatis, quoties peccatum aliquod patraretur, toties habitus fidei perderetur: Quod non fieri & Scriptura testatur, & singulorum fidelium experientia. Sin autem per actum infidelitatis intelligitur actus destinatus & pervicacis malitiæ, ut *Hebr.* 10.v.29. falsitas ex Majore recidit in *Minorem*; nam talem actum verè fidelis facere nequit 1. *Ioh.* 3.v.9. Ad hæc ratio *Minoris* non de omni, verum de imperfecto mutabilique habitu valet.

LOCUS DECIMUS QUARTUS.

De

JUSTIFICATIONE.

Controversia de JUSTIFICATIONE sunt Pontificiorum numero quinque.

- I. An fides sola justificet?
- II. An justitia nobis inhærens sit causa formalis justificationis?
- III. An justificatio constet sola remissione peccatorum?
- IV. An justificatio consistat in imputatione justitiæ Christi?
- V. An bona opera justificet coram Deo?

EXEGESIS.

IN hoc capite doctrinæ consensus nobis est cum Anabaptistis & Lutheranis ; cum Samosatenianis & Pontificiis dissensus gravis & fundamentalis. Docent quippe Samosateniani fieri Justificationem per absolutam peccatorum remissionem, non modo citra nostram, sed etiam citra ipsius Christi Satisfactionem: Interim & per Christum fieri, quatenus eam salutis consequendæ rationem hominibus tum annunciavit, tum confirmavit, atque etiam ipsam salutem tandem confert; sic tamen ut credant, hoc est, confidant, obediant præceptis ejus. Quod qui facit illum propter fidem, tanquam opus Evangelicum, gratum esse Deo, omniumque peccatorum suorum veniam consequi. Pontificii verò docent, Justificationem præcedere præparationem quandam, qua ad eam recipiendam partim gratia Spiritus Sancti, Samosateniani quid de Justificatione statuunt. Quid item Pontificii.

Et, partim naturalis Arbitrii potentiâ peccator disponitur; cuius initium & fundamentum sit fides; actus ab eâ procedentes, timor, spes, dilectio, pœnitentia, propositum suscipiendi Sacramentum, & propositum novæ vitæ. Inde facta præparatione docent ipsam *Iustificationem* sequi, & quidem duplicem. *Primam* esse ajunt, quum ex malo sit bonus, ex injusto justus, eamque remissione peccatorum (quæ ipsis abolitio eorum,) ut privatione; & infusione justitiæ tanquam forma complectuntur. *Secundam*, qua ex bono melior, ex justo justior redditur, idque per merita operum, primæ beneficio editorum. Sed *Samosatenianorum* errores, qui ipsis proprii; loco de Christo, nec non de fide justificante confutati sunt: Qui cum Pontificiis communes, hic confutabuntur: ut eorum in Elencho controversiarum sigillatim meminisse non fuerit necesse.

*Prima: Pontificiorum.
An fides sola
justificet:*

PRIMA: *An fides sola justificet?* Pontificii negant quocunque sensu, *Bellarmin. tom. IV. contr. gen. III. parte secunda de justificatione lib. I. cap. 12. & seqq.* Nos sensu *Paulino* quod justificet ut instrumentum, & quidem sola, simpliciter affirmamus; *Pontificio*, quod justificet per modum dispositionis, inchoando justificationem negamus.

*Rationes
affirmantes
Orthodoxæ.*

Rationes nostræ.

Ex naturâ Subjecti:

*Quia peccator
justificatur non
operibus sed
fide,*

I. Qui justificatur non operibus sed fide, & non nisi fide; Ille justificatur sola fide. Homo peccator justificatur non operibus sed fide, & non nisi fide. Ergo. *Majoris* consequentia evidens est, *partim* ex immediata oppositione fidei & operum; cuius vi, uno negato solum alterum affirmatur: *partim* ex æquipollentia phrasium *non* sive *eiµn*, *nisi fide & sola fide*; de qua vide *Apoc. 21. v. 27.* item *Marc. 13. v. 22. & Matt. 24. v. 36. inter se collatis.* *Minoris* veritas his dictis nititur: *Rom. 3. v. 27. 28. Cap. 4. v. 2. & seq. Gal. 2. v. 16. Eph. 2. v. 8. Tit. 3. v. 5. Phil. 3. v. 9.*

II. Quod

II. Quod Scriptura fidei & nullis operibus tribuit; id soli fidei convenit. Justificationem Scriptura fidei, & nullis operibus tribuit, ut est *Rom. 3. v. 27. Cap. 5. v. 1. Ioh. 3. v. 16, Cap. 1. v. 12.* & alibi *Ergo.*

Quia iustificatio fidei & nullis operibus tribuitur.

III. Qui iustificatur gratis Dei gratia; iustificatur sola fide. Homo peccator iustificatur gratis, Dei gratia. Ergo. *Minor* traditur his locis: *Act. 15. v. 11. Rom. 3. v. 24. Cap. 4. v. 16. Cap. 5. v. 15. 17. 21. Gal. 2. v. 21. Eph. 1. v. 5. 6. 7. Cap. 2. v. 8. Tit. 3. v. 7. Major* probatur. Qui iustificatur sine ullis operibus, iustificatur sola fide: vi immediatæ oppositionis, de qua *Rom. 4. v. 4. Qui* iustificatur gratis, iustificatur sine ullis operibus: vi ejusdem oppositionis, de qua *Rom. 11. v. 6. Eph. 2. v. 8. Ergo.*

Quia peccator iustificatur gratis, Dei gratia.

Exceptiones Pontificiorum.

Prima: Excludi à Justificatione opera legalia, ceremonialia, & moralia illa, quæ fidem præcedunt liberi Arbitrii viribus edita; non autem quæ ex fide fiunt; 1. quia ea excluduntur, quibus quod redditur merces est *Rom. 4. v. 4.* At illis quod redditur merces est; non quod his. 11. Quia Apostolus in epistolis *ad Romanos & Galatas* contra illa, non contra hæc operantes disputat. *Resp.* Glossa illa Pontificiis plus quam familiaris, non uno argumento refellitur. 1. Illa opera excluduntur quæ fidei opponitur. Atqui omnia opera opponuntur fidei citra distinctionem: sicut operans credenti absolute opponitur. Ergo omnia excluduntur. Etsi moralia sine fide facta singillatim excludere non sit necessum: ut quæ tantum peccata sint, sicut dicitur, *Rom. 14. v. 23.* Per peccata vero, quis unquam iustificatus? 11. Opera fidelium nominatim excluduntur à justificatione. Opera fidelium sunt ex fide. Ergo. *Major* confirmatur partim testimoniis *Tit. 3. v. 5. Eph. 2. v. 8. 9. 10.* partim exemplis Abrahami & Davidis jam fidelium: prout ex collatione *Rom. 4.* cum Historiâ ipsorum evidenter constat. 111. Quicquid homini relinquit gloriationis materiâ, à justificatione excluditur *Rom. 3. v. 23. 27. Eph. 2. v. 9.* Opera quæ ex fide fiunt, relinquunt. Nam si gratia Dei ipsum iustum tantum reddit, propria vero opera iustorum, certè de quo gloriatur habet. Ergo. Vide exemplum Pharisei *Luc. 18.* Iam quod *Rationes Pontificiorum* attinet, *Prima Minor* falsa est, & ipsorummet de meritis operum sententiæ contraria. *Altero* de scopo Apostoli in edi-

Omnia opera fidei opponuntur.

epistola *ad Galatas* simpliciter negatur. Nam ex professo disputat contra pseudapostolos, qui fidem & opera, gratiam Christi & merita sua in justificatione conjungebant. De Scopo in epistola *ad Romanos* dari id quidem potest; quia disputat contra Judæos & gentes, quorum utrique justitiam extra Christum, illi in operibus Legis, isti in operibus Naturæ, quærebant. Interim & alia opera omnia inibi apostolus excludit, I. quia Opera omnia absolute excludit *cap. 3.* II. quia excludit opera Abrahami & Davidis fidelium *cap. 4.* III. quia opera ex fide facta ex justificatione, tanquam effectus ex causa sua deducit *capp. 6. 7. 8.* Effectus vero justificationis quomodo causa ejus esse possunt?

Secundo: Solam fidem nominari quidem, non tamen solam justificare; quia interdum etiam aliis virtutibus solis tribuitur justificatio: Dilectioni, *Luc. 7. v. 47.* Spei, *Rom. 8. v. 24.* Sacramento, *Tit. 3. v. 5.* Fidei tamen frequentius; quod gratuita justificationis initium sit. *Resp.* Fides sic nominatur sola, ut per eam omnia opera sive aperta, sive tacita antithesi à justificatione removeantur. De locis quibus aliis virtutibus eam tribui putant, dicetur paulo post; ut quoque falsa hypothesis, quod fides ut initium dispositionis justificet.

Tertia: Gratiam opponi operibus sine Fide, non ex eâ, factis, ut quæ ipsa quoque ex gratia sint. *Resp.* Commentum hoc modo confutatum est. Iis opponitur, quibus fides opponitur; cum eadem sit utrobique oppositionis ratio. Fides omnibus universim operibus opponitur. Ergo. Opera quidem fidelium ex gratia sunt, sed propterea non justificant; alioquin quicquid ex gratia esset justificaret.

Ex natura *Prædicati*:

Quia fides
justificat ut
instrumentum.

I. Quod justificat ut instrumentum; non justificat per modum dispositionis. Fides justificat ut instrumentum. Ergo. *Major* extra controversiam est. *Minor* probatur: Quod justificat accipiendo remissionem peccatorum, do num justitiæ, promissionem gratiæ; illud ut instrumentum justificat. Fides ita justificat *Act. 26. v. 18.* *Rom. 5. v. 17.* *Gal. 3. 22.*

Quia fidei
tota justifica-
tio tribuitur.

II. Cui tota justificatio tribuitur, & quod ad totam justitiam imputatur; id non inchoat tantum justificationem, nec justitiæ initium

tium est. Fidei tribuitur tota justificatio, *Rom. 3.v.28. Cap. 5.v.1. Gal. 2.v.16.* fides ad totam iustitiam imputatur, *Rom. 4. v. 5. 9. 22.* Ergo.

III. Quod in subjectum non introducitur, ad illud introducendum præcedenæ dispositiones non requiruntur: *Ratio* evidens est; quia dispositiones subjectum, sive materiam præparant ad recipiendam formam. Justificatio in subjectum non introducitur: *Ratio*; quia non in qualitate inhærente, sed in remissione peccatorum sive iustitiæ imputatione posita est *Rom. 4.* ut infra ostendetur. Ergo. Et ex consequenti nec fides per modum dispositionis justificat.

Quia iustificatio non introducitur in subjectum.

Rationes Pontificiorum.

Negantes
Heterodoxæ.

Ex natura Subjecti:

I. Quod cum aliis ad justificationem concurrentibus dispositionibus iustificat; id solum non iustificat. Atqui Fides iustificat cū aliis ad justificationē concurrentibus virtutibus: ceu sunt Timor, isq; servilis, *Eccles. 1.v.28. Ps. 111.v.10. Spes, Prov. 28.v.25. Ps. 37.v.40. Matt. 9.v.2. Dilectio, Luc. 7.v.47. Gal. 5.v.6. 1. Ioh. 3.v.14. Pœnitentia, Act. 11.v.18. 2. Cor. 7.v.10. Ezech. 18.v.27.* Propositum suscipiendi Sacramentum, *Ioh. 3.v.5. Cap. 20.v.23.* Propositum novæ vitæ, *Ezech. 18.v.31.* Ergo. *Resp. Minor* falsa est dupliciter. I. quod fides cum aliis, quæ intra ipsum hominem sunt, concurrente iustificet. II. quod iustificet per modum dispositionis, præparando peccatorem ad recipiendum justificationis habitum. De *Posteriore* infra agetur. *Prioris* falsitatem ostendemus in examine dictorum. Pro *Timore* loca afferuntur *Eccles. 1.v.28. Ps. 111.v.10.* sed ille non est canonicæ autoritatis; nec in Græco est: *Qui sine timore est non poterit iustificari*, ut habet versio vetus, sed *non poterit vir iracundus* ἀνὴρ θυμωδὴς, *iustificari*; neque etiam de justificatione coram Deo, verum corā Magistratu loquitur. *Alter* locus agit de timore filiali, non servili, qui initium Sapientiæ non justificationis vocatur. Quod si esset, jam fides esse non posset illud initium; quia inter dispositiones Pontificias timor fide posterior est. Loca tria, quæ pro *Spe* adducuntur, aut de justificatione nihil habent, aut fidei non spei meminerunt. Quod *Dilectionem* attinet, ea *Luc. 7.* non causa remissionis peccatorum, sed effectum constituitur; ut parabola duorum debitorum

Quia fides cum aliis virtutibus concurrat,

Non concurrunt ad justificationem
Timor.

Spes,

Dilectio.

torum Christus docet, & tum emphasis verbi *μετάνοιαν* v. 42. tum sententia v. 50. *Fides tua Te servavit*, evincunt. Ideoque particula in causam consequentiæ sive conclusionis, non consequentis notat. *Gal. 5. fides dicitur per charitatem operans*, ut vera à falsa, *ἀνυσμένη* ab hypocritica, viva à mortua distinguatur. Et *1. Ioh. 3. dilectio fratrum*, ut ejusdem fidei indubitatum *ἐπιτήδειον* commendatur. Jam de *Pœnitentia* agunt quidem allegata; verum *primo* de ea, quæ est *μετάνοια*, conversio hominis ad Deum, non quæ tantum dolor est & detestatio peccati; deinde necessariam esse ajunt ad salutem, at neque justificare, neque ad justificationem disponere affirmant. *Desiderium suscipiendi Sacramenti*, de quo tamen *Iohan. 3. & 20.* non agitur, debet sane esse in omnibus qui servari cupiunt; interim nullatenus justificat, ni & Simonem Magum, & alios hypocritas pro justificatis habere velint. Sacramenta etiam, quia ad obsignandam justitiam fidei conferuntur, ipsam justificationem ordine salutem naturæ præsupponunt. *Propositum nova vite* *Ezech. 18.* & aliis locis innumeris præcipitur, non ut causa justificationis aut dispositio ad eam, sed ut pars nostræ ad Deum conversionis.

Pœnitentiâ.

Desiderium
Sacramenti.Propositum
novæ vitæ.Quia fides ab
aliis virtuti-
bus separata
non justificet

II. Quod à Spe, Dilectione, aliisque virtutibus separatum non justificat; id solum non justificat. Fides à Spe, Dilectione, aliisque virtutibus separata non justificat. Ergo *Resp.* negatur Consequentia *Propositionis*. Nam & oculus solus videt, & manus sola scribit, etsi neutrum possint separata à corpore; nimirum quia destructo subjecto sive organo simul destruitur ejus actus. Quamvis igitur fides ab aliis virtutibus separata non justificet, (non enim esset viva fides,) sola tamen justificat; ut quæ remissionem peccatorum, *Act. 26. v. 18.* donum justitiæ, *Rom. 5. v. 17.* sola accipit. *Idem Sophisma alia etiam forma proponitur.* Si tota vis justificandi inesset soli fidei ita ut aliæ virtutes etiam præsentibus nihil ad eam conferrent; profecto tam istis absentibus quam præsentibus justificaret. At istis absentibus non justificat. Ergo nec præsentibus; & sic vis justificandi nõ est in sola fide. *Resp.* Illatio ambigua est. Nam vis justificandi aut intelligitur de fidei ipsius dignitate ac merito, aut de apprehensionis actu. *Præiore* sensu conceditur totum quia; sic nec sola nec cum aliis virtutibus conjuncta justificat, cū ex operibus Legis nullo caro justificetur in conspectu ejus, *Rom. 3. v. 20.* *posteriore* falsa est propositio absentibus enim virtutibus fides mortua foret. At fidei mortuæ quomodo actus vivificus, qualis est justificatio, potest convenire?

III. Fides

Quia fidem
solam justifi-
care verè di-
ci nequeat.

I I I. Fides Sola justificat, aut quia expressè Scriptura id dicit, aut *quia* Deo placet donare justificationem cum solâ conditione fidei, aut *quoniam* ipsa sola id habet, ut apprehendat justificationem & nobis applicet ac nostram faciat. At nulla ex istis causis de fide verè dici potest. Ergo. *Minorem* probant per partes. Non *Prima*; quia in Scripturâ non modo non habetur exclusiva *Sola*, verum etiam negatio ejus *Iac. 2. v. 24.* Ex *oppositione* etiam fidei & operum elici nequit. Nam particula *Sola*, aut omnia opera excludit, aut aliqua. Si *istud*; perperam sanè adhibetur. Sin *illud*; ipsam quoque fidem excludit quæ opus vocatur *Ioh. 6. v. 29.* Non *secunda*; quia Scripturæ ad justificationem multo apertius exigunt conditionem pœnitentiæ & Sacramentorum, quàm fidei *Ezech. 18. Luc. 13. Ioh. 3.* Non *tertia* I. quia apprehensio propriè non est fidei iudicium & assensus. II. quia fides apprehendit justificationem, non ut re ipsa habeatur aut inhæreat, sed solum ut sit in mente per modum objecti. Hoc autem modo etiam amor & gaudium justificationem apprehendit. III. Quia Applicatio secundum vos fit per Sacramenta. Ergo non per fidem, vel saltem non per solam fidem. *Resp. propositio* vitio duplici laborat, insufficientis enumerationis, & oppositionis. Etenim membro primo omittit evidentis consequentias, per quas multa dicit, docet Scriptura; & in omnibus membris, quæ subordinata sunt, inter se opponit. Conjungimus omnia illa ad asserendam solius fidei justificationem, & ex disjuncto copulatum facimus: *Fides sola justificat, & quia* Scriptura id clarè docet, & *quia* placet Deo donare nobis justificationem cum conditione solius fidei eam accipientis, & *quia* ipsa Sola in homine id habet ut justificationem apprehendat. Ex quo apparet, *Assumptionem*, omnibus suis membris ita enumeratis, falsissimam esse; *Primo*; quia supra ostendimus evidenti ac necessaria consequentia, phrasin illam in Scriptura contineri: Negationem *Iac. 2. v. 24.* non contineri suo loco planum faciemus. Dilemma contra oppositionem fidei & operum, altero membro inconsequens, & sic irritum est; nam fides *Ioh. 6.* non nostrum, sed Dei opus vocatur; nec Legis est, sed Evangelii. *Secundo*; quia Deus solam fidem ad accipiendam justificationem à nobis requirit *Act. 10. v. 43. Rom. 4. v. 5. Gal. 2. v. 16.* non tanquam causam disponentem, aut meritoriam, sed ut instrumentum. Ad conversionem autem & salutem requirit conditionem pœnitentiæ, Sacramentorum &c. etsi gradu dispari,

Tertium firmatur quidem rationibus, sed quæ non nisi Sophisticæ deceptiones sunt. *Prima* ambiguitate fallit. Fides non est apprehensio Physica, speculativa, at est apprehensio supernaturalis gratiæ, sive acceptio, applicatio remissionis peccatorum, *Actor.* 26. vers. 18. *Roman.* 5. v. 17. *Iohan.* 1. v. 12. 13. *Secunda* falsa veris miscet. *Verum* est quod fides non apprehendat justificationem, ut nobis inhæreat; *Falsum* quod non apprehendat, ut revera habeatur, contra illud *justificati fide pacem habemus Roman.* 5. v. 1. *Falsum* quod tantum in mente sit per apprehensionem; quia maximè in corde est per fiduciam *Rom.* 8. v. 33. *Gal.* 2. v. 20. *Falsum* denique quod justificationem apprehendant amor & gaudium: quæ eam ceu proprii effectus demum consequuntur *Rom.* 5. *Tertia* iterum ambiguitatem habet. Aliter *Sacramenta*, aliter *Fides* applicat: *illa* dando, *hac* accipiendo; *illa* foris, *hac* intus; *illa* aliis, *hac* sibi. Atque hoc modo fidem solam applicare docemus.

Ex natura *Prædicati*:

Quia justificet ut prima motio in Deum, adeoque dispositive.

I. Quod justificat ut prima motio in Deum, ut initium justitiæ; id disponendo, inchoando justificat. Atqui fides ita justificat. Ergo. *Minor* probatur. I. Testimoniis; *Hebr.* 11. v. 6. *Rom.* 10. v. 13. 14. *Ioh.* 1. v. 12. II. Ratione; in morbis corporalibus initium sanitatis est credere se esse ægrum, & medico fidem adhibere. Ergo in morbis spiritualibus fides justificans est initium justificationis, non tota sanitas. *Resp.* *Minor* falsa est. Nam fides justificat non ut prima, sed ut tota motio in Deum; nec ut initium justitiæ, sed ut in integra justitia. Quod ipsum, *Hebr.* 11. v. 6. aperte docetur, non contrarium; sicut nec ullius præterea motionis mentio fit, nec motio fidei cum motionibus aliarum virtutum ullatenus comparatur. *Rom.* 10. ordo non justificationis, seu causarum fidei describitur: & adversarii principium bis petunt, dum fidem hic pro prima dispositione, salutem pro justificatione formaliter sumta poni asserunt. *Ioh.* 1. dicitur Deus credentibus dedisse *ignem*, potestatem ut *Filii Dei sint facti*, non autem ut possint fieri Filii Dei, si pergant ultra, ut etiam sperare & diligere incipiant; quod hæreticum additamentum est. *Ratio à comparatis* non procedit; *partim* quia fides justificans est proprie

proprie fides, & pro objecto habet infallibiles Dei promissiones ; fides autem ægri non est propriè fides, sed sensus ægritudinis, & convalescentiæ à Medico procurandæ opinio, aut incerta spes ; *partim* quia justificatio non se habet ut sanatio ægri, (ea quippe Sanctificationis ratio :) verum ut solutio captivi, & ut absolutio rei Rom. 3. v. 19. 20.

II. Causa formalis inchoata justificationis, non justificat sola, sed justificationem inchoat. Fides est causa formalis inchoata justificationis. Ergo. *Minor* probatur. 1. dicto Apostoli Rom. 4. v. 5. 11. quia fides est fundamentum 1. Corinth. 3. vers. 11. Fundamentum autem est inchoatio ædificii. 111. Puritas cordis est justitia. Fides purificat corda, Act. 15. v. 9. liberando scilicet hominem à sordibus errorum formaliter. Ergo. *Resp. Minor* duplici falsitate laborat. *Vna* est quod Fides causa formalis justificationis sit, cum tamen ad causas efficientes tanquam instrumentum pertineat ; *Alter*a est quod sit causa inchoata respectu aliarum causarum, quæ præter unam fidem in homine nullæ sunt. Dictum Rom. 4. v. 5. metonymicum est, & fidem imputari ad justitiam Apostolo est justitiam imputari per fidem, ut exegeticè subjicit v. 6. item vers. 23. 24. In dicto secundo. 1. Corinth. 3. non Fides, sed Christus Jesus fundamentum hic rei inchoationem notat, Christus Jesus inchoatio tantum est nostræ salutis. in Tertio ex Act. 15. purificare corda est ea confirmare per fidem de purificatione per sanguinem Christi facta 1. Joh. 1. v. 7. In argumento quod inde extruitur. 1. Sunt quatuor termini. 11. Major ambigua est, quæ de justitiâ vel imputata, vel inhærente intelligi potest. 111. Minor falsa ; nam purificatio cordis hic de justificatione, non de Sanctificatione intelligenda est, etsi hæc ex illa immediate & necessario consequatur.

Quia sit causa formalis inchoativa justificationis.

Secunda: Pontificiorum,
An iustitia
nobis inhærens
sit causa formalis iustificationis?

SECUNDA: *An Iustitia nobis inhærens sit causa formalis Iustificationis?* Pontificii affirmant, Bellarminus Tom. IV. Controv. gener. III. parte secunda de Iustificatione Lib. 2. cap. 3. Nos negamus.

Rationes
Negantes Orthodoxa.

Rationes nostræ.

Ex natura Subjecti & Prædicati:

Quia inhærens non est
iustitia Dei,
fidei, imputata.

I. Iustitia, quæ causa formalis est iustificationis, sive per quam formaliter iusti constituimur; est iustitia Dei, iustitia Fidei, iustitia imputata. Iustitia inhærens non est iustitia Dei, iustitia Fidei, iustitia imputata. Ergo. Major patet ex epithetis illis, quibus iustitiam, per quam iusti sumus coram Deo, Scriptura nobis describit Rom. 3. v. 20. 22. Cap. 4. v. 5. 6. Minor demonstratur per partes: Iustitia inhærens non est *Iustitia Dei*; quia ab ea distinguitur, Philip. 3. v. 9. nec consistere valet in ejus judicio Psal. 143. v. 2. Non *Iustitia Fidei*; quia non operanti, sed credenti Fides imputatur ad iustitiam Rom. 4. v. 5. Non *Iustitia imputata*; quia quod est in homine, ei propriè loquendo non imputatur. Fides inhærens est in homine. Ergo.

Quia inhærens non est
remissio peccatorum.

II. Iustitia, per quam Justificamur, est remissio peccatorum. Iustitia inhærens non est remissio peccatorum. Ergo. Minor extra controversiam est. Majorem tradit Apostolus, Rom. 4. v. 6. 7. 8. quem locum infra explicabimus & vindicabimus.

Quia inhærens non valet in conspectu Dei.

III. Iustitia per quam justificamur valet in conspectu Dei Rom. 3. v. 20. 21. Iustitia inhærens non valet in conspectu Dei Psal. 143. v. 2. *Ne ingrediaris in iudicium cum servo tuo; nam non est justus coram te ullus vivens.* Ergo.

Quia non in credendo consistit.

IV. Iustitia per quam justificamur, in credendo, non in operando consistit Rom. 4. v. 3. 4. 5. Iustitia inhærens consistit non in credendo, sed in operando, vel partim in credendo, partim in operando. Ergo.

Quia est imperfecta.

V. Iustitiam, per quam justificamur, perfectam esse necessariam est: Ratio; quia Judicium Dei est secundum veritatem Rom. 2. v. 2. Iustitia nobis hic inhærens non est perfecta: Ratio; quia nec actualis, nec habitualis perfecta dici potest. Non actualis;

lis; quia in multis impingimus omnes, *Iac. 3. vers. 2.* & quis est qui non peccat? *1. Reg. 8. v. 46.* Unde Justitiam inhærentem quoad actum perfectam non esse *Bellarminus* fatetur *Lib. 2. de Justificationem cap. 16.* Non *habitualis*. I. Quia imperfecta regeneratio *Rom. 7. 1. Cor. 13. Gal. 5.* II. Quia perfectio vel imperfectio actus, pendet à perfectione vel imperfectione habitus. Cum igitur actus Justitiæ inhærentis imperfecti sint habitum quoque talem esse oportet. Ergo.

VI. Quod sit gratis, ex gratia, absque operibus; id non fit propter justitiam inhærentem, *Ratio*; quia justitia inhærens sub operibus eorumque lege necessario continetur: Gratia autem & opera sibi immediate opponuntur *Rom. 11. v. 6. Ephes. 2. vers. 8. 9.* Justificatio fit gratis, ex gratiâ, absque operibus *Rom. 3. 4. capp. Gal. 2. 3. capp.* Ergo.

Quia justificatio fit gratis.

VII. Nullum effectum causæ suæ forma est. Justitia inhærens est effectum Justificationis. Ergo. *Minor* probatur: Sanctificatio est effectum Justificationis *Rom. 3. 4. 5. capp. collatis cum. capp. 6. 7. 8. Gal. 3. v. 13. 14. 1. Tim. 1. v. 5.* Justitiæ inhærentis infusio est Sanctificatio. Ergo; & per consequens ipsa quoque inhærens justitia.

Quia inhærens est effectum justificationis.

VIII. In omnibus Justificatis eadem Justificationis forma est. At in quibusdam Justificatis Justitia inhærens non fuit forma Justificationis; ut in Abrahamo, *Rom. 4. v. 2.* Davidem, *v. 6. 7.* Publicano, *Luc. 18. v. 14.* Latrone, *Luc. 23. vers. 42. 43.* Paulo, *Phil. 3. v. 9.* Ergo.

Quia in omnibus fidelibus eadem est forma justificationis.

Rationes Pontificiorum.

Affirmantes Heterodoxæ.

Ex natura Subjecti:

I. Per gratiam Dei, ut causam formalem, Justificamur *Rom. 3. v. 24.* Justitia inhærens est illa gratia à Deo nobis donata atque infusa: nam quo minus gratuitus ejus favor intelligatur, obstat, *1. vox* antecedens *ἀπρὸν*, *gratis*. II. Præpositio *per*, quæ favori Dei non recte accommodatur. III. Quia benevolentia Dei id bonum efficit, quod alicui vult: vult autem nobis bonum inhærentis justitiæ. IV. Quia alibi donum nobis inhærens gratia designat *Rom. 5. v. 17. Iohan. 1. 17. Ephes. 4. v. 7.* Ergo.

Quia inhærens sit gratia Dei formalis justificationis.

Resp.

Resp. Utraque propositio falsa est. *Major*; quia *Rom.* 3.v.24. gratia proponitur non ut causa formalis justificationis, sed ut ejus efficiens; monstrat enim Apostolus fontem hujus beneficii in gratia Dei. *Minor*; quia gratia hæc est misericordia & φιλανθρωπία Dei, *Tit.* 3.v.4.5. data est nobis in Christo Jesu ante tempora secularia 2.*Tim.* 1.v.9. Justitia inhærens non est misericordia & φιλανθρωπία Dei, nec data est nobis ante tempora secularia. Ergo. *Rationes* in contrarium non magni momenti sunt. *Prima* inconsequens est: nam vox ἀρίστων, per alteram χάριτος declaratur, expressio tanti beneficii largitore. *Alter*a falsum præsupponit; nam particula *per* in editione authentica Græca non reperitur; & si reperitur, non male tamen conveniret gratiæ Dei, argumento Loci, *Ephes.* 1.v.6. Nec enim semper causam formalem, sed frequenter etiam efficientem notat *Rom.* 11.v.36. *Prov.* 8.v.15. & alibi. *Tertia* peccat fallacia à dicto secundum quid. Efficit benevolentia Dei in hominibus & ἀγαπᾷ, id bonum, quod ipsis vult, verum distinctis actibus; bonum justitiæ imputatæ actu justificationis, inhærentis actu Sanctificationis; quemadmodum Christum Filium suum Deus nobis fecit & Justitiam & Sanctificationem 1.*Cor.* 1.v.30. *Quarta* concludit ex puris particularibus; quod ἐνίσταται locorum, *Ephes.* 1.v.6. 2.*Tim.* 1.verf. 9. *Tit.* 3.v.4.5. clarissime demonstratur.

Ex natura *Prædicati*:

Quia per inhærentem justificemur.

I. Per quod Justificamur: id est causa formalis Justificationis. Per justitiam inhærentem justificamur. Ergo. *Minorem* probant dicto Apostoli *Rom.* 5.verf. 19. hoc modo: I. Justificari est justum constitui. At justi constituimur per justitiam inhærentem. II. Sicut per Adamum constitui sumus peccatores; ita per Christum constituimur justi. Atqui per Adamum constituti sumus peccatores, injustitia in nobis re ipsa inhærente. Ergo. *Resp.* *Minorem* negatam male confirmant dicto Apostolico. *Justificari* est sane justum constitui, at non per justitiam inhærentem, sed per imputatam, ut *cap.* 4.v.6. docetur, & ex oppositione condemnationis, v. 18. antecedente colligitur. Hic tamen justificatio non à forma, sed ab efficiente meritoria describitur; alioquin obedientia Christi esset causa formalis justificationis. Atque

que hinc jam manifestum evadit, *comparationem Adami & Christi*, torqueri contra mentem comparantis ad formam sive modum justificationis, quæ de causis efficientibus oppositis justitiæ & injustitiæ tantum agit. Sicut enim *Adamus* est causa efficiens injustitiæ per inobedientiam, ita *Christus* efficiens est justitiæ per obedientiam: Et ut ille causa est injustitiæ; imputatio; ita hic imputatæ justitiæ. Interim non negamus & *Adamum* carnali generatione in suos propagasse injustitiam inhærentem, & *Christum* supernaturali regeneratione in suos transfundere justitiam inhærentem, sed hoc per Sanctificationem, non per Justificationem effectum dat.

II. Justificatio est ablutio & sanctificatio à peccatis: deficiente Apostolo 1. Cor. 6. v. 11. At istæ justitiæ inhærentis infusionem notant. Ergo & illa. *Resp.* Major negatur: Apostolus loco citato definitionem justificationis non proponit, sed ablu-tionem à peccatis tanquam genus per Justificationem & Sancti-ficationem, ut species live partes, declarat. *Abluit* siquidem nos Christus à peccatis quoad *reatum* Justificando, quoad *pravitatem* Sanctificando, ut is qui venit per aquam & sanguinem, non per aquam solum 1. Joh. 5. v. 6.

Quia ju st fi-
catio sit ablu-
tio à peccatis

III. Justificatio est regeneratio & renovatio per lavacrum Baptismi, & effusionem Spiritus Sancti. At istæ donum nobis inhærens notant. Ergo. Utramque propositionem probant ex loco Apostoli Tit. 3. v. 5. 6. 7. *Majorem*; quia dicit nos regeneratos, ut per regenerationem justificati, hæredes vitæ æternæ efficeremur. *Minorem*. 1. Quia regeneratio est mutatio naturæ. II. Quia formalis ejus causa est effusio Spiritus Sancti; principale donum charitas. *Resp.* Minor vera, Major falsa est. Tit. 3. Apostolus de Justificatione, Sanctificatione & adoptione distinctè differit; easque causis suis externis & internis, principalibus & minus principali-bus declarat. Cumque Justificationem gratiæ Dei tribuat, operi-bus justis adimat, equidem nullâ rationis specie justitiæ ex rege-neratione inhærenti vindicatur. Proinde glossa est adversarii nos per regenerationem justificari, non sententia Apostoli, qui v. 7. id tantum vult, Spiritum Sanctum per regenerationem fidem nobis indere, quâ justificemur coram Deo, apprehensâ ejus in Chri-sto gratia.

Quia sit rege-
neratio.

IV. Quo modo Christus est justus, Abel & Noachus fu-
erunt

Quia inhæ-
rente Chri-
stus & Sancti
sint just.

erunt iusti; eo modo & nos justificamur: *Ratio posterioris* plana est; *prioris* eo probatur quod imagini Christi conformamur *Rom.* 8. v. 29. *1. Cor.* 15. v. 49. At Christus fuit iustus per inhærentem iustitiam, sic & Abel ac Noachus, ut qui opera iusta fecerunt, quorum causa est iustitia inhærens, non imputata *Hebr.* 11. Ergo, *Resp.* Major quoad Christum inconsequens est. Minor quoad Abелеm & Noachum falsa est. Etenim, impossibile est ut ii, qui sunt filii iræ naturæ, mortui in peccatis,ificentur eo modo, quo justificatus est qui non novit peccatum, in cuius ore non inventus est dolus. *Confirmatio fidelium cum Christo* hic est afflictionum, in altera vita erit gloriæ, *Phil.* 3. v. 21. in cuius tamen partem veniet perfecta Sanctitas. *Abelus & Noachus* teste Apostolo *Hebr.* 11. iusti fuerunt Iustitia fidei; nam ille per fidem maioris pretii sacrificium obtulit, per fidem testimonium obtinuit quod iustus esset, v. 4. hic iustitiæ quæ per fidem est, factus est hæres v. 7. At iustitia fidei est iustitia quam Deus imputat per fidem *Roman.* 4. v. 5. 6. Ergo imputata, non inhærente iustitia iusti fuerunt. Quæ iustitia imputata mediata causa est operis iusti, immediata autem ipsius inhærentis iustitiæ, quemadmodum fidem per charitatem operari Apostolus docet *Gal.* 5. v. 6.

Tertia: Pontificiorum. An iustificatio constet sola remissione peccatorum?

TERTIA: An Iustificatio constet solâ remissione peccatorum? Pontificii negant, *Bellarminus Tom. IV. Controv. gener. III. parte secunda, de iustificatione Lib. 2. cap. 6.* Nos affirmamus.

Rationes Affirmantes Orthodoxæ.

Rationes nostræ.

Ex natura Subjecti & Predicati:

Quia per R. P. definitur.

I. Iustificatio eo solo constat, per quod ut per formam suam definitur. Atqui per solam remissionem peccatorum definitur. Ergo. Major plana est. Minorem habemus in definitione Apostoli, quam tradit *Rom.* 4. vers. 6. 7. 8. item *Actor.* 13. v. 38. 39.

Exceptio.

Exceptiones Pontificiorum.

Vindiciæ di-
ctorum.

Rom 4. v. 6.
7. 8.

Rom. 4. v. 6. 7. 8. inquit, aut non est *integra justificationis definitio*, cum dictum Psalmum non alleget Apostolus ut eam definiat, sed ut Dei donum esse probet; aut *definitio implicita*, ex cuius una parte inferatur altera, *partim* quod remissio peccatorum fieri non possit nisi infundatur justitia, quomodo non fugantur tenebræ, nisi lumen succedat; *partim* quod Apostolus ex non imputatione peccatorum colligat imputationem justitiæ, v. 6. 7. quæ non imputatio peccatorum est eorum deletio atque abolitio. *Resp.* Justificationem integrè definiri ex Scopis Apostoli, & ipso sententiarum nexu liquet. *Scopus* est plene declarare modum quo homo justificamur coram Deo; eum hic definit imputatione justitiæ, sive remissione peccatorum, nec in tota loci hujus tractatione alium modum indicat. *Nexus* quoque id ostendit: Dixerat v. 6. Apostolus, *Beatum esse cui Deus imputat justitiam absque operibus*. Hoc v. 7. confirmat testimonio *Psalmi* 32. ubi David *beatum pradicat cui Deus remittit peccata*. Equipollentia igitur sunt *imputatio justitiæ & remissio peccatorum*. Sed imputatio justitiæ est perfecta justificatio; quia est hominis *μικρολογία*. Ergo & remissio peccatorum est perfecta justificatio; eoque integra hujus per illam definitio. Est vero insuper *definitio explicita*, sub quâ Justitiæ inhærentis infusio tanquam pars implicite contineri nequit. Cum enim Justificatio duobus maximè terminis declaretur, remissionis peccatorum & imputationis justitiæ; omnino alterutrum esse oportet, siquidem ad justificationem referri debet. At neque est *remissio peccatorum*; quia remittere peccata, phrasi Scripturæ, est illa condonare, ignoscere, eis veniam dare, *Matt.* 18. v. 27. & *seqq.* *Cap.* 9. v. 2. *Cap.* 6. vers. 12. *Luc.* 7. v. 47. neque etiam *imputatio justitiæ*; quia quod infunditur non imputetur; justitia infusa in operando consistit, imputata in credendo *Rom.* 4. v. 5. 6. Ergo. Verum quidem est Deum nemini donare remissionem peccatorum, cui non infundat justitiam, sed id distinctis actibus sive beneficiis facit; illud Justificando, hoc Sanctificando *1. Cor.* 1. vers. 30. Nec habet se remissio peccatorum ad infusionem justitiæ ut privatio ad formam, quomodo se habet successio luminis ad fugationem tenebrarum, sed ut causa

ad suum effectum, ut antecedens ad suum consequens. Si nec diversa sunt *non imputatio peccatorum*, & *imputatio iustitia*, quarum unam cum altera colligat Apostolus; sed æquipollentia quorum unum per alterum declarat. Non imputare verò peccata est ea tegere, ne in conspectum Dei veniant, gratiosè condonare &c. *1. Petr. 4. v. 8.*

Act. 13. v. 38.
39.

Act. 13. v. 38. 39. Per remissionem peccatorum non excluditur infusio iustitiæ, ut quæ est non sola condonatio pœnæ, sed etiam emundatio culpæ per infusam iustitiam. Alibi etiam pars hæc sub Sanctificationis, regenerationis, renovationis nomine Justificationi adjungitur. *Resp.* Locus hic ex jam dictis sufficienter asseritur; ostendimus siquidem iustitiam inhærentem per remissionem peccatorum excludi à justificatione, tanquam partem ejus formalem, ut quæ nec remissio peccatorum, neque imputatio iustitiæ ei æquipollens dici potest. Quod de emundatione culpæ, & Sanctificatione alibi sub justificatione comprehensa asserunt, pura puta principii petitio est.

Quia reconciliatio nostri cum Deo constat solâ R. P.

II. Reconciliatio nostri cum Deo per mortem Filii, Redemptio per sanguinem ipsius, & justificatio æquipollent *Rom. 5. v. 9. 10. Cap. 3. v. 24.* Atqui reconciliatio nostri cum Deo per mortem Filii constat sola remissione peccatorum *2. Cor. 5. v. 18. 19.* Redemptio quoque per sanguinem ipsius ea sola constat, *Eph. 1. v. 7. Colloss. 1. v. 14.* Ergo.

Quia per R. P. formaliter Iusti sumus.

III. Per quod formaliter iusti sumus coram Deo & à peccatis absolvimur; eo solo justificatio nostri continetur *Rom. 4. v. 5. Cap. 5. v. 19. Cap. 8. v. 33.* Per solam remissionem peccatorum formaliter iusti sumus coram Deo, *Rom. 4. vers. 6. 7. 8. Act. 13. v. 38. 39.* & à peccatis absolvimur *Rom. 8. v. 33. Act. 13. v. 38. 39.* Ergo.

Quia Justificatio Publicani in ea constitit.

IV. Una eademque omnium Electorum Justificatio est, ut in confesso. Atqui Justificatio Publicani constitit sola remissione peccatorum *Luc. 18. v. 13. 14.* Nam Justificatus descendisse dicitur, impetrato eo quod petierat, petierat autem solam peccatorum remissionem. Ergo.

Excipiunt Pontificii.

Luc. 18. v. 14.
15.

Luc. 18. Publicanus non petiit solam debiti condonationem,

nem, sed integram reconciliationem: tum quod deinceps iniquus esse nollet, tum quia exaltatus fuisse dicitur; quæ exaltatio fuit ejus ad novos honores evictio, quod ex injusto justus, ex servo peccati servus justitiæ, ex filio Diaboli Filius Dei repente fieret. *Resp.* Sola debiti condonatio est tota reconciliatio, *partim*; quia id docet Apostolus 2. *Cor.* 5. v. 19. *partim*; quia ei soli beatitatem cum Davide tribuit *Roman.* 4. v. 7. Hanc petiit Publicanus, non quod deinceps iniquus esse vellet, sed quod impetrata remissione peccatorum cætera ad salutem necessaria accepturum se confideret. *Exaltatio* ejus *alia* fuit per Justificationem ad *ἐξουσίαν* Filiorum Dei, *Ioh.* 1. v. 12. *Ephes.* 1. v. 5. 6. 8. *alia* per Sanctificationem in ordinem servorum Justitiæ *Rom.* 6. v. 12. & *seqq.*

Vindicatur.

V. *Μακαρισμός* sive beatitas est ex perfectâ Justificatione *Quia ex R. P. est beatitas.*
Rom. 4. v. 6. Atqui est ex solâ peccatorum remissione *vers.* 7. 8.
 Ergo.

Rationes Pontificiorum.

Neg. *neges*
Heterodoxa.

Ex natura *Subjecti* & *Prædicati*:

I. Scriptura Justificationem hominis coram Deo etiam per naturæ renovationem definit. Ergo ea sola peccatorum remissione non continetur. Antecedens probant dictis: *Rom.* 4. v. 25. *Cap.* 5. v. 21. *Cap.* 6. v. 13. *Cap.* 8. *vers.* 10. *Gal.* 3. *vers.* 21. *Eph.* 4. v. 23. *Resp.* Antecedens locis allegatis non reperitur. *Rom.* 4. v. 25. *Justificatio* est ipsa remissio peccatorum, *ex* v. 6. 7. ad quam: testandam, applicandam, Christus resuscitatus fuit 1. *Cor.* 15. v. 17. De Renovatione demum, *cap.* 6. sermo instituitur. *Rom.* 5. v. 21. *Iustitia* non est inhærens illa ex renovatione, sed imputata, *cap.* 4. v. 6. per quam gratia regnat ad vitam æternam, impertiendo eam credentibus, sicut peccatum Adæ regnavit in posteris ad mortem, quatenus imputatum ipsis mortem attulit. *Rom.* 6. v. 13. *Cap.* 8. v. 10. *Ephes.* 4. 23. de Sanctificatione non de Justificatione agunt. Quæ etsi cohæret inseparabiliter, genere tamen, forma, ordine, effectu & gradibus differunt, ut una forma alterius esse non possit. Denique, *Gal.* 3. v. 21. per metonymiam effectus *vivificare* pro justificare usurpatur, non quod justifi-

justificatio sit motus, vitam subiecto infundentis, sed quia credentis ad vitam absolutio est, juxta illud *justus ex fide vivet Rom. I. v. 17.*

Quia R. P.
non sit motus
à peccato ad
justitiam.

II. Justificatio est motus à peccato ad Justitiam: qui à termino ad quem nomen accepit. Sola Remissio peccatorum non est motus à peccato ad justitiam; sed præter eam infusio justitiæ, quemadmodum sola fugatio tenebrarum non est illuminatio. Ergo. *Resp. Major* falsa est. Scriptura non per motum, sed per remissionem peccatorum & imputationem justitiæ definit justificationem. Quæ Dei actiones si maxime motus dicendæ essent per *uxm xpm* quandam, non tamen motus forent expellentis peccatum, & infundentis justitiam, (ut sunt illuminatio, calefactio, & alii similes,) sed remittentis sive non imputantis peccatum, imputantis autem justitiam. Prior vero motus in Sanctificatione, quæ naturæ mutatio est, deprehenditur.

Quia R. P.
non tribuat
gloriam.

III. Justificatio, non tantum liberat à pœna, sed etiam tribuit gloriam. Sola remissio peccatorum liberat à pœna, sed non tribuit gloriam: ut in forensi judicio, qui absolvitur à judice, novo præmio non ornatur. Ergo. *Resp. Minor* negatur. Si non tribuit gloriam, quomodo beati prædicantur quibus peccata remissa sunt *Psal. 32. v. 2. 3.* Idèò vero tribuit; quia condonatio est peccatorum omnium, tam Omissionis quam Commissionis; per quam censemur non modo nihil commisisse adversus legem, verum etiam nihil ea imperatum omisisse: Qualibus gloria omnino proposita est *Lev. 18. v. 5.* Absolutio judicis civilis huic dissimilis est, utpote particularis tantum; Interim & ipse absolutio conservationem in vita ac defensionem, tanquam communia, innocentia præmia præstat: Singularia singularibus in Remp. meritis reservas.

Quia R. P.
non faciat a-
micos Dei.

IV. Justificatio ex inimicis facit amicos, Filios, dilectos, cives Sanctorum, domesticos Dei, hæredes regni. Sola remissio peccatorum non facit tales. *Ratio*; quia nullus amore dignus, quod ei debita condonata sunt, cum dissolvere ea non posset, nec continuo efficitur Filius aut civis, qui pœnam, cui iuste adjudicatus erat, judicis clementia non subit. *Resp. Minor* contradicit Apostolo *Eph. 1. v. 5. 6. 7.* qui omnia illa remissioni peccatorum per Sanguinem Christi ascribit, *Ratio* ejus inconsequens est. I. quia aliæ sunt viæ Dei, aliæ viæ hominum; alia ratio poli, alia soli *Esa. 55. v. 8. 9.* II. quia condonatio debitorum tam ad omissionis

nis quam ad commissionis peccata sese extendit, juxta illud 1. Ioh. 1. v. 7. Sanguis Iesu Christi mundat nos ab omni peccato.

QUARTA: *An justificatio consistat in Imputatione justitiae Christi, hoc est in Imputatione justitiae per Christum nobis acquisita?* Pontificii negant, Bellarm. Tom. IV. Controv. gener. III. parte secund. de Iustificatione Lib. 2. cap. 7. Nos affirmamus.

Quarta: Pontificiorum. An justificatio consistat in imputatione justitiae Christi.

Rationes nostrae.

Rationes Affirmantes Orthodoxae.

Ex natura Subjecti:

I. Per quod justificationem definit Scriptura; in eo ratio ejus posita est. Per imputationem justitiae eam definit Rom. 4. v. 5. 6. Ergo.

Quia per imputationem justitiae definitur.

II. Justificari est justum constitui Rom. 5. 19. At justi constitui justitia Christi imputata, Ergo. Minor probatur: Ut per inobedientiam Adæ constitui sumus peccatores; ita per obedientiam Christi constituimur justi Rom. 5. v. 19. Atqui per inobedientiam Adæ constitui sumus peccatores imputatione, non sola propagatione, ut in cujus persona imputatione, non actione, peccavimus Rom. 5. v. 12.

Quia justi constituimur imputata justitia Christi.

III. Justificari est reconciliari Deo Rom. 5. v. 9. 10. At Deo reconciliamur per non imputationem peccatorum, 2. Cor. 5. v. 19. sive per imputationem justitiae Rom. 4. v. 5. Ergo.

Quia per imputationem illam reconciliamur Deo.

IV. Quomodo Christus factus est pro nobis peccatum; eo modo nos sumus justitia Dei in ipso, id est justificamur. Atqui Christus factus est peccatum non infusione; nam non novit peccatum 1. Pet. 2. v. 22. sed imputatione, ut qui inter transgressores numeratus fuit, Esai. 53 vers. 12. factus maledictio Galat. 3. v. 13. Ergo.

Quia per imputationem Christus pro nobis factus est peccator.

Ex natura Predicati:

I. Quæ nostra coram Deo justitia est; ea justificamur Rom. 3. v. 20. 22. justitia Christi per fidem imputata nostra est coram Deo justitia 1. Cor. 1. v. 30. Quo loco Christum justitiam nostram dici

Quia justitia Christi est nostra coram Deo justitia.

agnos-

agnoscit *Bellarminus*, tum quia est causa efficiens nostræ justitiæ; tum quia satisfactionem suam nobis donat in justificatione, ut justitia nostra dici possit; additis his verbis: *Non absurde dici nobis imputari Christi justitiam & merita, cum nobis applicentur ac donentur, ac si nos ipsi satisfecissemus lib. 2. cap. 10. Ergo.*

Quia illa est
justitia Dei
revelata abs-
que lege.

II. Justitia Dei revelata absque lege per fidem Jesu Christi in omnes & super omnes qui credunt, est justitia imputata: *Ratio*; quia est justitia fidei. Justitia autem fidei & justitia imputata æquipollent *Rom. 4. v. 5. 6.* Atqui justitia qua justificamur est justitia Dei revelata absque lege per fidem &c. *Rom. 3. v. 21. 22. Ergo.*

Quia credens
justitiā impu-
tata beatus,
&c.

III. Qui justitia gratis imputata beatus est; per justitiæ imputationem justificatur. Omnis credens justitia gratis imputata beatus est *Rom. 4. v. 6. Ergo.*

Negantes
Heterodoxa,

Rationes Pontificiorum.

Ex natura *Pradicati*:

Quin nus-
quam legatur
justitiam
Christi nobis
imputari.

I. Nusquam legitur in Scriptura justitiam Christi nobis imputari, vel nos justos esse per justitiam Christi nobis imputatam. Ergo in imputatione justitiæ Christi justificatio non consistit. *Resp: ad Antecedens.* Non legitur sane his ipsis verbis; interim aliis æquipollentibus. Nam docet Apostolus *Rom. 4. v. 6.* homini imputari justitiam, *cap. 5. vers. 19.* eum unius Christi obedientia constitui justum *1. Cor. 1. vers. 30.* Christum esse nostram Justitiam, *2. Cor. 5. v. 19.* nos fieri justitiam Dei in Christo. Hoc vero quid aliud est, quam justitiam Christi nobis imputari, sive nos per imputatam Christi justitiam justos esse?

Quia imputa-
tionis nulla
sit necessitas.

II. Cujus nulla est in Justificatione necessitas; in eo ratio justificationis non consistit. Imputationis ejusmodi nulla est in justificatione necessitas. Ergo. *Minorem* probant. I. Si necessaria esset illa imputatio; ideo potissimum necessaria esset, quod homo post remissionem peccatorum adhuc sit vere peccator, peccato videlicet recto, non deleto. At non hoc; quia prorsus tollitur per remissionem. Ergo. II. Si fides, spes, & charitas in hac vitâ possunt esse perfectæ, non est necessaria imputatio justitiæ Christi. Atqui possunt esse perfectæ; *Fides*; quia nisi hic perfecta esse possit, nunquam erit, cum post hanc vitam evacuanda sit; fidei etiam

etiam perfectæ exempla sunt in Eunuchō, *Act.* 8. v. 37. & Abrahamo, *Rom.* 4. v. 18. *Spes*, argumento loci *Hebr.* 6. 19. *Charitas*, testimonio Christi, *Ioh.* 15. v. 13. Ergo, *Resp.* Minor Syllogismi principalis falsissima est. Summa imputationis necessitas est ex defectu iustitiæ propriæ, quam proponit & exponit Apostolus *Rom.* 3. v. 20. & *seq. cap.* 4. v. 5. 6. 7. *Epilogismi primi* tum *sequela* negatur, tum *Assumptio*. Illa; quia Remissio Peccatorum & Imputatio iustitiæ non sunt duo actus diversi, quorum unus post alterum fiat, sed actus unus idemque, qui *Remissio peccatorum* vocatur respectu termini à quo, *Imputatio iustitiæ* verò respectu termini ad quē; quemadmodum ex nexu sententiarum *Rom.* 4. v. 6. 7. 8. evidenter apparet. *Ista*; quia tollitur peccatum per remissionem, non ut non sit, sed ut non imputetur, verum tegatur, ut est *Rom.* 4. v. 7. 8. Per regenerationem verò tollitur ut non sit, sed successivè & per gradus. In *Epilogismo secundo* similiter tam *Propositio*: quàm *Assumptio* falsa est. Nam si maximè in hac vita perfectæ esse possent virtutes illæ, tamen *necessario imputatio* foret: *partim* propter antegressa peccata, quæ succedaneis virtutibus non abolentur in iudicio Dei; *partim* quod iustitia universali per quam obtinetur Justificatio, alias insuper virtutes requirit. Sed ne illas quidem perfectas esse in hac vita, aut esse posse, alibi demonstrabitur. Contrarium verò adductis rationibus non confirmatur. Etenim *Fides* in altera vita perficitur glorioso Dei aspectu *2. Cor.* 5. v. 7. Hic etiam in Eunuchō & Abrahamo imperfecta fuit, *Gen.* 17. v. 17. *Cap.* 20. v. 11. 12. *1. Cor.* 13. v. 9. et ille credidisse dicitur corde toto, id est, sincero, non dimidiato, *Act.* 8. v. 37. hic cum plena, certa, firma persuasione. *Spes* *Hebr.* 6. v. 19. non à perfectione, sed à firmitate ita describitur, ut quæ sperantem non confundit. *Charitas* qua quis animam ponit pro amicis, *Ioh.* 15. vers. 13. maxima dicitur, quod eternam demonstrationem attinet; interim ardore Zeli & sinceritate affectus crescere semper potest. Neque universalis, sed particularis iustitia est.

III. Imputatio Iustitiæ Christi impossibilis est. Ergo falsum quod imputetur. *Antecedens* probant: Cum in aliquo sunt duæ formæ contrariæ, una inhærens, altera extrinseca; absoluta denominatio ab inhærente potius, quam extrinseca sumitur: Patet exemplo Æthiopis alba veste induti, qui niger potius, quàm albus vocatur. Atqui in homine, per doctrinam de Imputatione ju-

Quia imputatio illa sit impossibilis.

agnoscit *Bellarminus*, tum quia est causa efficiens nostræ justitiæ; tum quia satisfactionem suam nobis donat in justificatione, ut justitia nostra dici possit; additis his verbis: *Non absurde dici nobis imputari Christi justitiam & merita, cum nobis applicentur ac donentur, ac si nos ipsi satisfecissemus lib. 2. cap. 10. Ergo.*

Quia illa est
justitia Dei
revelata abs-
que lege.

II. Justitia Dei revelata absque lege per fidem Jesu Christi in omnes & super omnes qui credunt, est justitia imputata: *Ratio*; quia est justitia fidei. Justitia autem fidei & justitia imputata æquipollent *Rom. 4. v. 5. 6.* Atqui justitia qua justificamur est justitia Dei revelata absque lege per fidem &c. *Rom. 3. v. 21. 22. Ergo.*

Quia credens
justitiā impu-
tatā beatus,
&c.

III. Qui justitia gratis imputata beatus est; per justitiæ imputationem justificatur. Omnis credens justitia gratis imputata beatus est *Rom. 4. v. 6. Ergo.*

Negantes
Heterodoxa.

Rationes Pontificiorum.

Ex natura Prædicati:

Quin nus-
quam legatur
justitiam
Christi nobis
imputari.

I. Nusquam legitur in Scriptura justitiam Christi nobis imputari, vel nos justos esse per justitiam Christi nobis imputatam. Ergo in imputatione justitiæ Christi justificatio non consistit. *Resp: ad Antecedens.* Non legitur sane his ipsis verbis; interim aliis æquipollentibus. Nam docet Apostolus *Rom. 4. v. 6.* homini imputari justitiam, *cap. 5. vers. 19.* eum unius Christi obedientia constitui justum *1. Cor. 1. vers. 30.* Christum esse nostram Justitiam, *2. Cor. 5. v. 19.* nos fieri justitiam Dei in Christo. Hoc vero quid aliud est, quam justitiam Christi nobis imputari, sive nos per imputatam Christi justitiam justos esse?

Quia imputa-
tionis nulla
sit necessitas.

II. Cujus nulla est in Justificatione necessitas; in eo ratio justificationis non consistit. Imputationis ejusmodi nulla est in justificatione necessitas. Ergo. *Minorem* probant. I. Si necessaria esset illa imputatio; ideo potissimum necessaria esset, quod homo post remissionem peccatorum adhuc sit vere peccator, peccato videlicet recto, non deleto. At non hoc; quia prorsus tollitur per remissionem. Ergo. II. Si fides, spes, & charitas in hac vitâ possunt esse perfectæ, non est necessaria imputatio justitiæ Christi. Atqui possunt esse perfectæ; *Fides*; quia nisi hic perfecta esse possit, nunquam erit, cum post hanc vitam evacuanda sit; fidei etiam

etiam perfectæ exempla sunt in Eunucho, *Act. 8. v. 37.* & Abrahamo, *Rom. 4. v. 18.* *Spes*, argumento loci *Hebr. 6. 19.* *Charitas*, testimonio Christi, *Ioh. 15. v. 13.* Ergo, *Resp.* Minor Syllogismi principalis falsissima est. Summa imputationis necessitas est ex defectu iustitiæ propriæ, quam proponit & exponit Apostolus *Rom. 3. v. 20.* & *seq. cap. 4. v. 5. 6. 7.* Epilogismi primi tum sequela negatur, tum *Assumptio. Illa*; quia Remissio Peccatorum & Imputatio iustitiæ non sunt duo actus diversi, quorum unus post alterum fiat, sed actus unus idemque, qui *Remissio peccatorum* vocatur respectu termini à quo, *Imputatio Iustitiæ* verò respectu termini ad quē; quemadmodum ex nexu sententiarum *Rom. 4. v. 6. 7. 8.* evidenter apparet. *Ista*; quia tollitur peccatum per remissionem, non ut non sit, sed ut non imputetur, verum tegatur, ut est *Rom. 4. v. 7. 8.* Per regenerationem verò tollitur ut non sit, sed successivè & per gradus. In Epilogismo secundo similiter tam *Propositio*: quàm *Assumptio* falsa est. Nam si maximè in hac vita perfectæ esse possent virtutes illæ, tamen necessario imputatio foret: *partim* propter antegressa peccata, quæ succedaneis virtutibus non abolentur in iudicio Dei; *partim* quod iustitia universali per quam obtinetur Justificatio, alias insuper virtutes requirit. Sed ne illas quidem perfectas esse in hac vita, aut esse posse, alibi demonstrabitur. Contrarium verò adductis rationibus non confirmatur. Etenim *Fides* in altera vita perficietur glorioso Dei aspectu *2. Cor. 5. v. 7.* Hic etiam in Eunucho & Abrahamo imperfecta fuit, *Gen. 17. v. 17. Cap. 20. v. 11. 12. 1. Cor. 13. v. 9.* et ille credidisse dicitur corde toto, id est, sincero, non dimidiato, *Act. 8. v. 37.* hic cum plena, certa, firma persuasione. *Spes* *Hebr. 6. v. 19.* non à perfectione, sed à firmitate ita describitur, ut quæ sperantem non confundit. *Charitas* qua quis animam ponit pro amicis, *Ioh. 15. vers. 13.* maxima dicitur, quod eternam demonstrationem attinet; interim ardore Zeli & sinceritate affectus crescere semper potest. Neque universalis, sed particularis iustitia est.

III. Imputatio Iustitiæ Christi impossibilis est. Ergo falsum quod imputetur. *Antecedens* probant: Cum in aliquo sunt duæ formæ contrariæ, una inhærens, altera extrinseca; absoluta denominatio ab inhærente potius, quam extrinseca sumitur: Patet exemplo Æthiopis alba veste induti, qui niger potius, quàm albus vocatur. Atqui in homine, per doctrinam de Imputatione ju-

Quia imputatio illa sit impossibilis.

stitiæ, statuuntur duæ formæ contrariæ: una inhærens, injustitia; altera intrinseca, nempe justitia imputata, qua homo tanquam veste per apprehensionem induitur. Ergo. *Resp. Antecedens* contradicit Apostolo *Roman. 4. v. 5. 6. Probatio* impertinens; quia forma utraque, tam externa quam interna, statuitur inhærere vel adhærere subjecto. Nos vero justitiam imputatam nobis inhærere vel adhærere negamus.

Quia sic æque
justi essemus
ac Christus.

I V. Si verè nobis imputaretur Justitia Christi; non minus justi essemus quàm ipse Christus, & ita haberi deberemus Servatores mundi; Christus contra propter imputatam sibi injustitiam nostram dici posset verè peccator. Consequens absurdum. Ergo. *Resp. Consequentia* partim falsa, partim ambigua est. *Falsa* 1. quia Christus justus est justitia inhærente essentiali Deitatis, habituali & actuali humanitatis; Nos justi sumus coram Deo Justitia passionum, mortis ejus, nobis imputata, II. quia imputatur singulis Christi Justitia in quantum λόγος est pro singulis *Gal. 2. v. 20.* Et ut quis dici possit servator mundi, ad id Persona *ἡ διδωμενος*, & Divina ordinatio imprimis requiruntur, *Ambigua*; quia adverbium *verè*, de veritate vel imputationis vel inhæSIONis intelligitur; *dici* item *peccatorem*, de tempore aut præterito aut præsentis. De veritate imputationis & tempore præterito, absque omni absurditate affirmatur Christum vere fuisse peccatorem, quia secundum Scripturam affirmatur *Esa. 53. vers. 12. Gal. 3. v. 13.* De veritate inhæSIONis vero temporeque præsentis simpliciter negatur.

Quia justitia
imputata non
fuerit amissa
in Adamo.

V. Quod non fuit amissum in Adamo, non redditur in Christo, Justitia imputata non fuit amissa in Adamo. Ergo. *Resp. Major* negatur; nam ita nec remissio peccatorum daretur in Christo, quæ amissa non fuit in Adamo: *Ratio* autem negatæ Majoris hæc est; quia Christus non tantum restituit nobis bona in Adamo amissa, & quidem cum luculenta accessione; verum etiam depellit à nobis mala in ipso contracta, è quibus reatum peccati, imputatione justitiæ; pravitatem, renovatione naturæ tollit.

QVINTA: *An bona opera justificent coram Deo?* Pontificii affirmant, Bellarminus Tom. IV. *Controv. gener.* III. parte secunda de Iustificatione Lib. 4. cap. 18. & seqq. Nos negamus.

Quinta: Pontificiorum, an bona opera justificent coram Deo?

Rationes nostræ.

Rationes Negantes Orthodoxæ.

Ex natura Subjecti & Prædicati:

I. Quibus Justificatio simpliciter derogatur; ea non justificant. Bonis operibus justificatio simpliciter derogatur, Rom. 3. & 4. Gal. 2. & 3. capp. & universale est effatum Apostolicum: *Ex operibus Legis nulla caro justificabitur in conspectu ejus* Rom. 3. v. 20. Ergo.

Quia bonis operibus justificatio derogatur.

II. Justificatio per opera, est justificatio per totalem Legis impletionem Gal. 5. v. 3. Cap. 3. v. 10. At justificatio per totalem Legis impletionem est impossibilis Rom. 8. v. 3. Ergo.

Quia justificatio per opera est impossibilis.

III. Qui gratis, ex gratia, per fidem justificantur; non justificantur bonis operibus, Ratio; quia opera Gratiæ & Fidei immediate opponuntur. At quotquot justificantur, gratis, ex gratia, per fidem justificantur; ut supra probatum. Ergo.

Quia gratis, per fidem justificamur.

IV. Qui sub maledictione sunt non justificantur. Qui ex operibus Legis sunt & per ea justificari volunt, sub maledictione sunt Gal. 3. v. 10. Ergo.

Quia qui ex operibus legis sunt, sunt sub maledictione.

V. Si bona opera justificant; irrita est promissio & fides, Rom. 4. v. 14. Christus frustra mortuus est, Gal. 2. v. 21. habet homo de quo, apud Deum gloriatur Rom. 4. v. 2. Consequens affirmatur impium Rom. 4. v. 16. 25. Cap. 3. v. 27. Ergo.

Quia sic irrita foret promissio & fides

VI. Bona opera Abrahami, Rom. 3. v. 2. Jobi, cap. 10. v. 15. Davidis, Psal. 143. v. 2. Pauli, Phil. 3. vers. 9. non justificarunt ipsos coram Deo. Ergo nulla bona opera justificant coram Deo.

Quia bonis operibus sancti non fuerunt iusti i-cati.

Rrrr 2

Rationis

*Affirmantes
heterodoxa.*

Rationes Pontificiorum.

Ex natura Subjecti & Pradicati:

Quia Jacobus
cap. 2. justifi-
cationem o-
peribus tri-
buat,

I. Apostolus Jacobus Justificationem bonis operibus tribuit. Ergo ea justificant. *Antecedens* planum est ex cap. 2. ubi non declarationem, sed incrementum justificationis notari liquet. 1. ex v. 22. quo fides dicitur cooperata operibus, utique ad justificationem. 11. ex v. 24. *Videtur ex operibus, justificari hominem & non per fidem tantum.* At fides non justificat declarando. 111. ex v. 21. 22. *Ex operibus fides Abrahæ fuit consummata.* 1v. Exemplo Rachabæ, quæ justificata dicitur operibus v. 25. At non per declarationem, fuit enim meretrix. Ergo per effectiorem. *Ref.* Apostolus Jacobus tribuit quidem *Justificationem operibus*, at non coram Deo, (quod in quæstione,) sed coram hominibus; & justificare ipsi est justitiam fidei operibus ejus demonstrare. Secus nulla ratione conciliari poterit cum Apostolo Paulo, quicquid etiam de justificatione prima & secunda Sophistæ garriant. Etenim prima ipsis est infusio charitatis, secunda charitatis incrementum. Si ergo de prima Paulus, de secunda Jacobus loquitur; ille charitati, hic incremento justificationem tribuit. At non hoc; quia Paulus ubique justificationem fidei tribuit, Jacobus operibus. Ergo. *Rationes* adversariorum contra justitiæ declarationem sic breviter refellimus. *Prima* textum glossæ Papali corrumpit, fidem cooperatam operibus ad justificationem. Imo cooperata ipsis est tum ad bonitatem ipsorum; quia *quod non ex fide peccatum est*, Rom. 14. v. 23. tum ad sui per opera paterfactionem, Matt. 5. v. 16. ut quæ per charitatem *conspiciuntur*, operans est Galat. 5. v. 6. *Secunda* ambiguitate fallit. Fides hic non est vera fides, de qua Rom. 3. sed inanis ejus jactantia v. 14. 16. &c. Huic justificatio etiam quoad declarationem adimitur; nec enim ex eo quis agnoscitur habere fidem, quod verbis eam jactitat, sed quod operibus comprobatur. *Tertia*: Fides Abrahæ consummata fuit per opera perfectione non formæ, (alioquin eo usque informis fuisset, quæ secundum ipsos non justificat,) sed actus sive operationis. *Quarta*: Quia Rachab ante meretrix, tum fidelis, hospitalitate, occultatione, conservationeque

explo-

exploratorum Israeliticorum, fidem suam testatam fecit, (undecunque etiam eam conceperit,) sicut longo tempore post, latro in cruce fidem suam declaravit objurgatione focii, tum primum acceptam: *Ratio*; quia opera illa fuerunt charitatis, charitas autem non aliunde quam ex fide *1. Tim. 1. v. 5.*

II. Qui potest legem implere, potest etiam per opera justificari. Justus potest legem implere. Ergo. *Resp. Minor* negatur. Ejus autem probationis loco sequenti de Sanctificatione examinabuntur.

Quia justus
queat legem
implere.

III. Si potest justus opera vere bona facere, quæ nullo vitio polluta sunt, tum potest justitiam facere, & multiplicando opera sua augere justitiam. Verum prius. Ergo & posterius. *Resp. 1.* Non concluditur quæstio, quæ non est de incremento justitiæ inhærentis per opera, sed de justificatione coram Deo per opera. *11.* Si etiam de justificatione coram Deo accipiatur, *Propositio* tamen inconsequens est, nisi omnia opera bona facere, mala omittere posse intelligatur. *III.* *Assumptio* falsa est. Licet enim fideles opera vere bona facere possint, tamen absque omni vitio facere ea nequeunt. De quo infra pluribus.

Quia justus
queat vero
bona opera
facere.

Rrrr 3

LOCUS

LOCUS DECIMUS QUINTUS.

De

SANCTIFICATIONE.

Controversia de SANCTIFICATIONE, Pontificiorum sunt numero tres; in quibus Samosateniani etiam ex parte consentiunt;

- I. An bona opera ad salutem efficiendam necessaria sint?
- II. An sint meritoria vitæ æternæ?
- III. An Lex Dei Justificatis sit absolute possibilis?

E X E G E S I S.

*Prima: Pontificiorum.
An bona opera
ad salutem efficiendam sint
necessaria?*



PRIMA: *An bona opera ad salutem efficiendam necessaria sunt?* Pontificii affirmant, Bellarmin. Tom. I V. *Controv. gener. III. parte secunda de Iustificatione Lib. 4. cap. 1. & seqq.* Nos eo sensu necessario esse negamus, etli multis aliis modis necessaria esse agnoscimus & constanter urgeamus.

*Rationes
Negantes
Orthodoxæ.*

Rationes nostræ.

Ex natura Subjecti:

*Quia operibus ea efficientia adimitur.
Quia bona opera coram Deo sunt imunda,*

I. Quibus omnem salutis efficientiam Scriptura adimit; ea ad efficiendam salutem necessaria non sunt. Bonis operibus omnem salutis efficientiam Scriptura adimit *Rom. 3. v. 20. & seqq. Ephes. 2. v. 8. 9. 2. Tim. 1. v. 9. Tit. 3. v. 5.* Ergo.

I I. Quod in efficientia salutis coram Deo est ut panniculus

lus menstruatus, & cujus fiducia caput erigere non audemus; id ad efficiendam salutem necessarium non est. Atqui omnia nostra bona opera sic se habent *Esa.* 94. vers. 10. *Iob.* 10. vers. 15. Ergo.

III. Via salutis non est causa efficiens salutis. Bona opera sunt via salutis. Ergo. *Propositio* utraque confirmatur dicto Apostoli *Ephes.* 2.v.8.9.10. Quia sunt via salutis.

Ex natura Prædicati:

I. Quod merè gratuitum Dei donum est, ad ejus efficientiam bona opera necessaria non sunt *Rom.* 11. v. 6. Salus æterna merè gratuitum Dei donum est *Roman.* 6.v. 23. *Ephes.* 2. v. 9. *Tit.* 3.v.5. Ergo. Quia solus gratuitum Dei donum est.

II. Quod à solius Christi efficientia dependet, ad id efficiendum bona opera necessaria non sunt. Salus nostra à solius Christi efficientia dependet *Actor.* 4. v. 12. Ergo. Quia salus à solius Christi efficientia dependet.

Rationes Pontificiorum.

*Affirmant s
Heterodoxa.*

Ex natura Subjecti:

I. Scriptura passim commendat nobis bona opera tantquam ad salutem necessaria. Ergo sunt necessaria. *Resp.* 1. Non concluditur quæstio, quæ non de quavis, sed de efficientiæ necessitate agit. 11. commendat nobis Scriptura bona opera non ut causas efficientes salutis, sed ut viam salutis, quam præparavit Deus ut in ea salvandi omnes ambulent, *Ephes.* 2. v. 10. ut obedientiam erga Deum, *Luc.* 1.v.75. & gratitudinis Testimonia, *Matth.* 5.v.16. ut documenta fidei, vocationis, & Electionis nostræ, *Gal.* 5. v. 6. *Iac.* 2. v. 16. 18. 2. *Petr.* 1. v. 10. denique ut media proximum Christo lucrificandi 1. *Petr.* 3.v.1. Quia bona opera commendantur ceu necessaria ad salutem.

II. Quod operatur salutem, ad eam efficiendam necessarium est. Bona opera operantur salutem *Philipp.* 2.v. 12. Ergo. *Resp.* Minor negatur; nec ea *Phil.* 2. habetur; quia non dicit Apostolus bona opera operari salutem, sed jubet fideles cum timore ac tremore, sine arrogantia & securitate carnali, operari salutem, id est, ea quæ ad salutem obtinendam requiruntur curare, sicque in cursu pietatis modestos ac indefessos progredi. Quia operentur salutem.

III. Fa-

Quia factor
operis sit
beatus.

III. Factor operis beatus est *Jac. 1. vers. 25.* Ergo bona opera efficientiam salutis habent. *Resp. Consequentia* negatur. Beatus est, quia incedit in via beatorum, *Psal. 1. v. 1. Ephes. 2. v. 10.* non autem quod beatitudinem suam per opera efficiat. Talis ergo pronuntiatur ab adjuncto signo, non à causa efficiente.

Ex natura Pradicati:

Quis salus,
promittatur
sub conditio-
ne bonorum
operum,

Quod sub conditione bonorum operum nobis promittitur in Euangelio; ad id efficiendum bona opera necessaria sunt. Salus æterna sub conditione bonorum operum nobis promittitur in Euangelio. Ergo. *Resp. Majorem* limitando: Quod promittitur sub conditione bonorum operum, tanquam causarum efficientium; ad id efficiendum necessaria sunt. Universaliter accepta falsa est. At illo sensu *Minor* negatur. *Euangelium* non promittit salutem sub conditione bonorum operum ut causarum eam efficientium sed sub conditione *fidei & resipiscentiæ*; illius, ut instrumenti accipiendæ remissionis peccatorum; *hujus*, ut causæ sine qua non: neque sub conditione resipiscentiæ, sive novæ obedientiæ perfectæ; sed per gratiam inchoatæ. Ergo.

Secunda: Pontificiorum.
An bona opera
sint meritoria
vita æternæ?

SECUNDA: An bona opera sint meritoria salutis æternæ? Pontificii affirmant, *Bellarminus Tom. IV. Controv. gener. III. parte secunda de Iustificatione Lib. 5. cap. 1. & seqq.* Nos negamus.

Rationes
Negantes Or-
thodoxæ.

Rationes nostræ.

Ex natura Subjecti:

Quid id negat
Scriptura.

I. Scripturam operibus nostris omne salutis meritum negat *Ephes. 2. v. 8. 9. 2. Tim. 1. v. 9. Tit. 3. v. 5.* Ergo meritoria non sunt salutis æternæ.

Quia bona opera sunt imperfecta.

II. Opus imperfectum non est meritorium salutis æternæ. Omnia nostra bona opera sunt imperfecta *Esa. 64. v. 10. Rom. 7. v. 14. Luc. 17. v. 10. Gal. 5. v. 17.* Ergo.

Quia iis præstitis sumus inutiles.

III. Quo præstito servi tamen inutiles sumus; eo salutem æternam non meremur. Atqui præstitis bonis operibus omnibus quæ

quæ Lex præcipit, servi tamen inutiles, sumus teste Christo *Luc. 17. v. 10.* Ergo.

Ex natura *Prædicati*:

I. Quod est donum gratuitum, & hæreditas non ex operibus, *Quia salus est donum gratuitum.* ejus meritoria non sunt bona opera *Rom. 11. v. 6.* Salus æterna est donum gratuitum, *Rom. 6. v. 23. Eph. 2. v. 8. 9.* est hæreditas non ex operibus *Rom. 4. v. 16.* Ergo.

II. Quod meritorium est salutis æternæ; id nostrum, indebitum, & ipsi Saluti analogum esse oportet: *Ratio*; quia hæc meriti propriè dicti requisita sunt. Atqui bona opera non sunt nostra, sed Dei in nobis operantis effecta: *Phil. 2. v. 13. Deus est qui efficit in vobis & velle & efficere 1. Cor. 4. v. 7. Quid habes quod non acceperis?* Sunt debita: *Luc. 17. v. 10. Cum omnia feceritis, dicite: servi inutiles sumus, quod debuimus facere fecimus.* Nom etiam sunt salutis æternæ analogæ: *Rom. 8. v. 18. Statuo minimè pares esse præsentis temporis perpeffiones gloriæ in nobis revelanda.* Ergo.

Rationes Pontificiorum.

*Affermant
Heterodoxæ.*

Ex natura *Subjecti & Prædicati*:

I. Pro quo salus æterna tanquam merces redditur; id salutis æternæ meritorium est. Pro bonis operibus salus æterna tanquam merces redditur *Matth. 5. vers. 10. 11. 12. Cap. 20. v. 8.* Ergo. *Resp.* Est fallacia quatuor terminorum. Nam in *Major* merces propriè dicta, in *Minore* impropriè dicta: intelligitur, quæ est gratuita compensatio operum & afflictionum nostrarum *Rom. 6. v. 23. Gen. 15. v. 1. Locus Matth. 20. de mercede salutis non agit, ut quæ etiam murmuratoribus invidis data fuit.* *Quia salus sit merces bonorum operum.*

II. Quod datur secundum mensuram & proportionem operum; ejus ipsa meritoria sunt. Salus æterna datur secundum mensuram & proportionem operum *Psal. 62. v. 13. Matt. 16. v. 27. Luc. 6. v. 38. Rom. 2. v. 6. 1. Cor. 3. v. 8.* Ergo. *Resp.* *Major* vera non est universaliter: Quod datur secundum mensuram & proportionem operum ex debito, ejus ipsa meritoria sunt; non autem quod datur ex gratia. Sed *Minor* falsa est, nec locis allegatis reperitur; quia aliud est dare cuius secundum opera id est secundum eorum qualita-

Quia salus detur secundum proportionem operum.

Quia factor
operis sit
beatus.

III. Factor operis beatus est *Iac. I. vers. 25*. Ergo bona opera efficientiam salutis habent. *Resp. Consequentia negatur*. Beatus est, quia incedit in via beatorum, *Psal. I. v. 1. Ephes. 2. v. 10*, non autem quod beatitudinem suam per opera efficiat. Talis ergo pronuntiatur ab adjuncto signo, non à causa efficiente.

Ex natura Pradicati:

Quis salus,
promittitur
sub conditio-
ne bonorum
operum,

Quod sub conditione bonorum operum nobis promittitur in Euangelio; ad id efficiendum bona opera necessaria sunt. Salus æterna sub conditione bonorum operum nobis promittitur in Euangelio. Ergo. *Resp. Majorem limitando*: Quod promittitur sub conditione bonorum operum, tanquam causarum efficientium; ad id efficiendum necessaria sunt. Universaliter accepta falsa est. At illo sensu *Minor negatur*. *Euangelium* non promittit salutem sub conditione bonorum operum ut causarum eam efficientium sed sub conditione *fidei & resipiscentiæ*; illius, ut instrumenti accipiendæ remissionis peccatorum; *hujus*, ut causæ sine qua non: neque sub conditione resipiscentiæ, siue novæ obedientiæ perfectæ; sed per gratiam inchoatæ. Ergo.

Secunda: Pontificiorum.
An bona opera
sint meritoria
vita æternæ?

SECUNDA: *An bona opera sint meritoria salutis æternæ*? Pontificii affirmant, *Bellarminus Tom. IV. Controv. gener. III. parte secunda de Iustifications Lib. 5. cap. 1. & seqq.* Nos negamus.

Rationes
Negantes Or-
thodoxæ.

Rationes nostræ.

Ex natura Subjecti:

Quid id negat
Scriptura.

I. Scriptura operibus nostris omne salutis meritum negat *Ephes. 2. v. 8. 9. 2. Tim. 1. v. 9. Tit. 3. v. 5*. Ergo meritoria non sunt salutis æternæ.

Quia bona o-
pera sunt im-
perfecta.

II. Opus imperfectum non est meritorium salutis æternæ. Omnia nostra bona opera sunt imperfecta *Esa. 64. v. 10. Rom. 7. v. 14. Luc. 17. v. 10. Gal. 5. v. 17*. Ergo.

Quia iis præ-
stitis sumus
inutiles.

III. Quo præstito servi tamen inutiles sumus; eo salutem æternam non meremur. Atqui præstitis bonis operibus omnibus
quæ

quæ Lex præcipit, servi tamen inutiles, sumus teste Christo *Luc. 17. v. 10.* Ergo.

Ex natura Prædicati:

I. Quod est donum gratuitum, & hæreditas non ex operibus, *Quia salus est donum gratuitum.* ejus meritoria non sunt bona opera *Rom. 11. v. 6.* Salus æterna est donum gratuitum, *Rom. 6. v. 23. Eph. 2. v. 8. 9.* est hæreditas non ex operibus *Rom. 4. v. 16.* Ergo.

II. Quod meritorium est salutis æternæ; id nostrum, indebitum, & ipsi Saluti analogum esse oportet: *Ratio*; quia hæc meriti propriè dicti requisita sunt. Atqui bona opera non sunt nostra, sed Dei in nobis operantis effecta: *Phil. 2. v. 13. Deus est qui efficit in vobis & velle & efficere 1. Cor. 4. v. 7.* Quid habes quod non acceperis? Sunt debita: *Luc. 17. v. 10. Cum omnia feceritis, dicite: servi inutiles sumus, quod debuimus facere fecimus.* Nom etiam sunt salutis æternæ analogæ: *Rom. 8. v. 18. Statuo minimè pares esse præsentis temporis perpeffiones gloriæ in nobis revelandæ.* Ergo.

Rationes Pontificiorum.

*Affirmantes
Heterodoxæ.*

Ex natura Subjecti & Prædicati:

I. Pro quo salus æterna tanquam merces redditur; id salutis æternæ meritorium est. Pro bonis operibus salus æterna tanquam merces redditur *Matth. 5. vers. 10. 11. 12. Cap. 20. v. 8.* Ergo. *Resp.* Est fallacia quatuor terminorum. Nam in *Major* merces propriè dicta, in *Minore* impropriè dicta: intelligitur, quæ est gratuita compensatio operum & afflictionum nostrarum *Rom. 6. v. 23. Gen. 15. v. 1.* Locus *Matth. 20.* de mercede salutis non agit, ut quæ etiam murmuratoribus invidis data fuit.

II. Quod datur secundum mensuram & proportionem operum; ejus ipsa meritoria sunt. Salus æterna datur secundum mensuram & proportionem operum *Psal. 62. v. 13. Matt. 16. v. 27. Luc. 6. v. 38. Rom. 2. v. 6. 1. Cor. 3. v. 8.* Ergo. *Resp.* *Major* vera non est universaliter: Quod datur secundum mensuram & proportionem operum ex debito, ejus ipsa meritoria sunt; non autem quod datur ex gratia. Sed *Minor* falsa est, nec locis allegatis reperitur; quia aliud est dare cuius; secundum opera id est secundum eorum qualita-

*Quia salus
detur secun-
dum pro-
portionem
operum.*

tem: bonis præmia, malis pœnas; 2. *Cor.* 5. v. 10. *Iob.* 5. v. 29. aliud vitam æternam dare secundum operum bonorum proportionem.

Quia Scri-
ptura faciat
opera cau-
sam salutis.

III. Si Scriptura docet, rationem sive causam cur detur vita æterna, esse opera; sequitur ea vitæ æternæ meritoria esse. At verum Antecedens *Matth.* 25. v. 34. item *vers.* 21. 23. Ergo. *Resp.* Majoris illatio negatur ob fallaciam non causæ. Bona opera non statuuntur causæ meritoriae vitæ æternæ, tanquam debitæ mercedis; sed antecedentia sive causa sine qua non vitæ æternæ, tanquam mercedis gratuitæ. Vide. v. 3. 4. Ideoque causalis enim, consequentiæ non consequentis est nota.

Quia reddatur salus bonis operibus ex iustitiâ.

IV. Quod bonis operibus ex iustitiâ redditur; ejus ipsa meritoria sunt. Vita æterna bonis operibus ex iustitia redditur 2. *Thess.* 1. v. 6. 2. *Tim.* 4. v. 7. 8. *Heb.* 6. v. 10. &c. Ergo. *Resp.* Major conceditur de eo, quod redditur ipsis ex iustitiâ propter ipsorummet dignitatem ac meritum; negatur autem de eo, quod redditur ipsis propter gratuitæ promissionis divinæ veracitatem & constantiam. Atque de hujusmodi redditione Minor secundum allegata Scripturæ intelligenda est.

Tertia; Pontificiorum.
An Lex Dei
iustificatis sit
absolutè possi-
bilis?

TERTIA: *An lex Dei iustificatis sit absolutè possibilis?*
Pontificii affirmant, Bellarm. tom. IV. contr. gener.
III. parte secunda de justificatione lib. 4. cap. 10. & seq. Nos negamus.

Rationes
Negantes
Orthodoxæ.

Rationes nostræ.

Ex natura Subjecti:

Quia Lex
perfectam
obedientiam
requirit.

I. Quæ lex perfectam obedientiam requirit, internam & externam, omnium facultatem, inclinationum & actionum; ea iustificatis in hac vitâ est impossibilis: Ratio; quia ipse Bellarminus lib. 4. de justificatione c. 10. fatetur obedientiam iustificatorum non ita perfectam esse, quin crescere semper possit, & interdum operibus bonis aliqua mala admisceantur, etsi venialia. Atqui Lex Dei perfectam obedientiam requirit *Matth.* 22. v. 37. 38. *Gal.* 3. 10. Ergo.

Quia per
Legem nul-
lus potest
servari.

II. Per quam legem nullus potest servari, propter virium suarum impotentiam; eam nullus potest absolutè præstare. Per Legem Dei nullus potest servari *Rom.* 3. 20. & seq. Cap. 4. 1. 2. & seq. idque

idque propter virium suarum impotentiam, *Rom.* 8. v. 3. quæ in hâc vita totaliter non aufertur. Ergo.

Ex naturâ *Prædicati*:

I. Quod jugum omnibus justificatis est importabile; id nulli eorum est absolutè possibile. Atqui jugum Divinæ Legis omnibus justificatis est importabile. Ergo. *Minor* probatur dicto Apostolico *Act.* 15. v. 10. quod tam de Lege Morali, quàm Cerimoniali loquitur. Et si Lex Cerimonialis, in externis ritibus posita, jugum importabile vocatur, quanto magis illa Moralis? Deinde probatur Inductione exemplorum; *Jobus*, cap. 9. v. 2. 3. *David*, *Psal.* 130. v. 3. & 143. v. 2. *Esaïas*, cap. 64. v. 10. *Paulus*, *Rom.* 7. v. 19. 20. justificati, jugum Legis portare nequiverunt. Ergo. nullus justificatorum id potest.

Quia jugum
Legis im-
portabile est;

II. Quorum regeneratio imperfecta est in hâc vitâ, ut sæpe peccent, & quotidie remissionem peccatorum petere necesse habeant; illis Lex in hac vita absolute possibilis non est. Atqui omnium justificatorum regeneratio in hâc vitâ imperfecta est, *Rom.* 7. v. 14. *1. Cor.* 13. v. 9. *Gal.* 5. v. 17. omnes sæpe peccant, *Iac.* 3. v. 2. *1. Joh.* 1. v. 8. 10. & quotidie peccatorum remissionem petere necesse habent *Matth.* 6. v. 12. Ergo.

Quia regene-
ratio justifi-
catorum est
imperfecta.

Rationes Pontificiorum.

Affirmantes
Heterodoxæ.

Ex naturâ *Prædicati*:

I. Quod leve, suave, & non grave est; id possibile est. Lex Dei est levis; suavis, *Matth.* 11. v. 29. non gravis *1. Joh.* 5. v. 3. Ergo. *Resp.* *Minor* partim falsa est; quia *Matth.* 11. jugum Christi non est Lex Mosis, sed doctrina Euangelii de fide & nova obedientia, quam in nobis operatur Spiritus Sanctus, atque ita levem suavemque efficit: partim fallaciam habet à dicto secundum quid; quia *1. Joh.* 5. non gravia dicuntur, quod non sint molesta filiis Dei, ut illis de quibus *Psal.* 2. 3. non autem quod sint absolutè possibilia.

Quia Lex
Dei sit levis,
suavis.

II. Qui servant mandata, iis Lex Dei possibilis est. Qui diligunt, servant mandata *Ioh.* 14. v. 23. *Rom.* 13. 8. *Gal.* 5. v. 14. Ergo. *Resp.* limitando *Majorem* & *Minorem*: Qui servant mandata scil: absolutè & perfectè: iis Lex absolutè & perfectè possibilis est. Et qui diligunt,

Quia dili-
gentes ser-
vent manda-
ta.

diligunt, scil. absolutè & perfectè, ii servant mandata absolutè & perfectè. Ubi verò est qui sic diligit? qui mandata ita servet? *In multis impingimus omnes*, inquit Jacobus *cap. 3. v. 2.* Et quia ex parte tantum cognoscimus, *1. Cor. 13. v. 9.* ex parte etiam diligimus.

Quia non-
nulli Deum
toto corde
dilexerunt.

III. Qui dilexerunt Deum ex toto corde, & iusti perfectique fuerunt; iis Lex fuit absolutè possibilis. Quidam ita dilexerunt, *Psal. 119. v. 10* *1 Reg. 14. v. 8.* *2 Reg. 23. v. 25.* quidam perfecti iustique fuerunt *Gen. 6. v. 9.* *Act. 13. v. 22.* *1 Reg. 15. v. 11.* *Luc. 1. v. 6.* Ergo. *Resp.* Est fallacia à dicto secundum quid. *Dilexerunt toto corde*, id est sincero non dimidiato, quale est cor hypocritarum: *perfecti* etiam fuerunt perfectione partium, & comparatè respectu aliorum minus perfectorum. *Absolute* citra omnem defectum non dilexisse, nec simpliciter perfectos fuisse, navi ipsorum & defectus in Scriptura notati argumento sunt.

LOCUS

LOCUS DECIMUS SEXTUS.

De

GLORIFICATIONE.

Controversia de GLORIFICATIONE unica nobis est cum

Samofatenianis, quæ sic habet :

AN corpora fidelium in resurrectione futura sint spiritalia, carnis sanguinisque prorsus expertia?

Ipsi affirmant, Ostorrodus Instit. Relig. Christ. cap. 41. Nos negamus.

Samofatenianorum.

An corpora fidelium in Resurrectione futura sint spiritualia?

EXEGESIS.

Rationes nostræ.

Rationes

Negantes

Orthodoxæ.

Ex Naturâ Subjecti:

Corpora quæ in hâc vitâ gestamus resurrectura sunt, non alia. At illa carnis sanguinisque expertia non sunt. Ergo. *Minor* extra controversiam est. *Major* probatur dictis Scripturæ *Iob. 19. v. 25. 26. 1. Cor. 15. v. 42. 43. 2. Cor. 5. v. 10. Ephes. 6. v. 8.*

Quia corpora quæ hîc gestamus resurrectura sunt.

II. Corpora quæ ceciderunt resurrectura sunt *1. Cor. 15.* At illa sunt caro & sanguis. Ergo.

Quia quæ ceciderunt resurgent.

III. Quale fuit corpus Christi in & post resurrectionem; talia etiam nostra futura sunt, æqualiter quoad substantiam, in æqualiter quoad gloriam *Phil. 3. v. 21.* At corpus Christi in & post resurrectionem non fuit expert carnis & sanguinis. Ergo.

Quia Christi corpus post resurrectionem non fuit spirituale.

Minor confirmatur. I. Quia Christus professus est se carnem & ossa habere, quorum expertus est Spiritus *Luc. 24. v. 39. 40.* II. Quia visu, tactu, sensibusque externis percipi potuit *Luc. 24. v. 38. 39. Iob. 20. v. 25. 27.*

Ex naturâ *Prædicati* :

Quia corpora
fidelium
secundum
qualitates
tantum spiri-
tualia
erunt.

Quæ corpora tantum spiritualia futura sunt, secundum qualitates; non futura sunt spiritualia, secundum substantiam carnis & sanguinis. Atqui corpora fidelium in resurrectione tantum spiritualia futura sunt secundum qualitates, ceu sunt incorruptibilitas, claritas, agilitas, robur; nam in his 1. *Cor.* 15. Spiritualitatem Apostolus collocat. Ergo.

*Affirmantes
Heterodoxæ.*

Rationes Samosatensianorum.

Ex natura *Subjecti* :

Quia caro &
sanguis ex-
cludantur
regno Dei.

I. Caro & Sanguis hæreditatem regni Dei non consequentur 1. *Cor.* 15. v. 50. Corpora fidelium quæ resurgent, consequentur hæreditatem regni Dei. Ergo. *Resp.* Est fallacia à dicto secundum quid, in *Majore*; nam caro & sanguis ibi considerantur ratione adhærentis corruptionis, sicut immediatè subjicitur, neque corruptio consequetur incorruptæ naturæ hæreditatem; non autem substantiæ suæ respectu, de quâ quæstio est.

Quia Christi
corpus fuerit
spirituale.

II. Quale fuit corpus Christi à resurrectione; talia quoque nostra futura sunt *Phil.* 3. v. 21. Atqui illud fuit Spirituale, cœleste, carnis & sanguinis expers. Ergo. Probatur *Minor*. Quod carnem & sanguinem habet, id morti, & corruptioni obnoxium est *Esa.* 40. v. 7. 1. *Petr.* 1. v. 24. Corpus Christi in statu glorificationis non est morti & corruptioni obnoxium. Ergo. *Resp.* *Minor* Profyllogismi partim vera, partim falsa est. *Vera*, quod corpus Christi à resurrectione spirituale ac cœleste fuerit quoad qualitates, pro conditione corporis gloriosi *Phil.* 3. v. 21. *Falsa*, quod simul fuerit carnis sanguinisque expers; id enim est contra ipsius Christi resuscitati de corpore suo testimonium *Luc.* 24. v. 39. 40. Epilogismi verò *Major* fallaciam habet à dicto secundum quid; nec vera est de carne & sanguine per se, quoad substantiam; sed per accidens, quoad corruptionem ex peccato contractam, quæ in morte deponitur nec in resurrectione assumitur.

Ex naturâ *Prædicati* :

Corpora, quæ ex Christo habituri sumus, spiritualia futura sunt. Corpora in quibus resurgemus ex Christo habituri sumus. Ergo. *Resp.* Datur totum rectè intellectum. Futura sunt spiritualia, sed ratione qualitatum, non substantiæ. Alioquin non forent corpora spiritualia : nec corruptibile istud indueret incorruptibilitatem. Habituri etiam sumus qualitates illas ex Christo, non tanquam ex materia, verùm ut ab Efficiente ; cui opponitur Adamus, ut auctor illius corruptibilitatis ac fragilitatis, cui in hac vitâ obnoxii sumus.

Quia corpora illa ex Christo sumus habituri.

Benedictus verò sit Deus & Pater Domini nostri Jesu Christi, qui ex multâ suâ misericordiâ regnuit nos in spem vivam per resurrectionem Jesu Christi ex mortuis, id est ad hæreditatem, quæ nec corrumpi potest, nec contaminari, nec marcescere, nobis in cælis servatam. Ad quam sicut hætenus nos in veritate Sanctificatos virtutis suæ præsidio custodivit, ita deinceps custodiet ; donec tandem in plenam ejus possessionem voce filii sui nos immittat, dicentis : Venite bene dicti Patris, possidete regnum paratum vobis à jactō mundi fundamento.

Huic aeterno Patri, unâ cum Filio coæterno, & Spiritu Sancto, Deo Vni ac Trino, Creatori, Redemptori, ac Sanctificatori nostro, sit laus, honor, & gloria in secula seculorum.

Amen.

INDEX

I N D E X.

Locorum & Controversiarum

THEOLOGIÆ ELENCHTICÆ

Locus I. de Theologiâ Elencticâ in genere. Pag. 257.

Ubi agitur

In Genere de *Controversiarum* naturâ, nomenclaturâ, ac
caussis. 258.

In Specie de origine *επεροδιδασκαλίας*

Samofatenianorum. 263.

Anabaptistarum. ibid.

Pontificiorum. 264.

Lutheranorum. 265.

Locus. II. de Theologiæ Principio, Verbo
Dei. 266.

Habet Controversias quatuordecim:

I. Pontificiorum: *Sitne Scriptura Prophetica & Apostolica fortuitis occasionibus absque jussu divino exarata?* 267.

II. Pontificiorum: *An Autoritas Scriptura quoad nos dependeat à testimonia Ecclesiæ?* 271.

III. Anabaptistarum: *An Scriptura Vet. Test. Christianis sit & esse debeat Canonica?* 279.

IV. Pontificiorum: *An Libri Tobias, Iudith, Sapientia, Ecclesiasticus, duo priores Maccabeorum, Baruch, Additiones ad Estheram & Danielelem, sint verè Canonici?* 282.

V. Pon-

I N D E X.

- V. Pontificiorum: *An Traditiones non scriptæ sint Verbum Dei? sive: An extra Scripturam dentur Traditiones quædam Christi & Apostolorum, quæ & ipsæ sint Verbum Dei, paremque cum Verbo Dei auctoritatem obtineant?* 287.
- VI. Pontificiorum: *An quadruplex sit genuinus Scripturæ sensus, Literalis, Allegoricus, Anagogicus, & Tropologicus?* 292.
- VII. Pontificiorum: *An supremus & infallibilis Scripturæ Interpres sive Controversiarum Iudex sit Ecclesia, Concilium, aut Pontifex Romanus in cathedra docens?* 305.
- VIII. Pontificiorum: *An Interpretatio Scripturæ Sacræ in Versionibus vernaculis necessaria sit & utilis?* 310.
- IX. Pontificiorum: *An vulgata versio Latina sit authentica?* 312.
- X. Pontificiorum: *An Scriptura tantum sit aliquod fidei vitæque Commonitorium? an insuper perfectus utriusque canon sive regula?* 315.
- XI. Pontificiorum: *An ex ordinatione Dei Scriptura Sacra sine Traditionibus nobis ad fidem ac vitam sit summè necessaria?* 317.
- XII. Pontificiorum: *An Lectio Scripturæ omnibus promiscuè, id est, tam Laicis quàm Clericis, sit permittenda?* 320.
- XIII. Pontificiorum: *Sitne Scriptura ita perfecta, ut omnia dogmata ad fidem ac vitam necessaria contineat?* 323.
- XIV. Pontificiorum: *An Scriptura Sacra ita sit perspicua, ut absque Commentariis etiam à populo cum fructu legi, & dogmata necessaria ex ea cognosci possint?*

I N D E X.

Locus III. de Deo. 328.

Habet Controversias tres Samosatēnianorum; quibus præmittitur *Quæstio*.

An Filius Dei sit *αὐτοθεός*. 329.

I. *An in unâ Essentiâ Divinâ tres sint distinctæ Personæ, Pater, Filius & Spiritus Sanctus?* ibid.

II. *An Filius sit verus ac æternus Deus, Patri coessentialis & coequalis?* 331.

III. *An Spiritus Sanctus sit verus ac æternus Deus, coessentialis & coequalis Patri & Filio.* 370.

Locus IV. de Prædestinatione. 376.

Habet Controversias sex, quibus præmittitur *Quæstio*.

An vox Prædestinationis complectatur Reprobationem? 377.

I. Samosatēnianorum: *An Deus ab æterno apud se statuerit, quid de singulorum salute aut exitio fieri velit?* 378.

II. Samosatēnianorum: *An omnium universarum rerum, antequam fiant, certa sit apud Deum ac infallibilis Præscientia? sive: an Deus omnia, antequam fiant, jam inde ab æterno præsciat?* 386.

III. Lutheranorum: *An Prædestinatio complectatur aliquod æternum Dei consilium de omnium universarum Hominum salute?* 388.

Hanc præcedit *Quæstio*:

An voluntas Dei rectè distinguatur in Antecedentem & Consequentem? 389.

IV. Lutheranorum: *An Decretum Electionis sit absolutum, ex solâ Dei eligentis iudiciâ & misericordiâ ut causâ pendens?* 403.

V. Lu-

I N D I E X.

V. Lutheranorum: *An Decretum Reprobationis sit absolute, ex Dei Reprobantis iudicio ut causâ pendens?* 407.

VI. Lutheranorum: *An certus sit apud Deum ac immutabilis Electorum ac Reprobatorum numerus?* 409.

Locus V. de Creatione. 412.

Habet Controversias tres.

I. Samosatensianorum: *An Adamus integer habuerit Iustitiam aliquam Originalem?* ibid.

II. Samosatensianorum: *An Adamus integer fuerit naturâ mortalis, certò moriturus propter naturæ suæ conditionem, etiam si nunquam peccasset?* 415.

III. Pontificiorum: *An Iustitia Originalis & Immortalitas primi hominis fuerint dona non naturalia sed supernaturalia?* 418.

Locus IV. de Providentiâ. 421.

Habet Controversiam unam Samosatensianis, Pontificiis, & Lutheranis communem.

An ex nostrâ de Providentiâ doctrinâ bona ac necessariâ consequentia deduci possit, Deum esse autorem peccati? ibid.

Locus VII. de Lege. 424.

Habet Controversias quinque.

I. Samosatensianorum & Anabaptistarum: *An Legem Moralem à Mose latam Christus non modo ut imperfectam compleverit; sed etiam ut doctrinæ suæ contrariam correxerit?* 425.

I N D E X.

II. Samofatenianorum: *An Sacrificia propitiatoria V. T. adumbrarint unicum illud Christi sacrificium pro peccatis nostris oblatum?* 432.

III. Pontificiorum: *An Creaturarum, atque etiam Dei, & S. S. Trinitatis imagines religionis ergò facere, locis sacris collocare, cultuque religioso afficere ejus fas sit?* 434.

IV. Pontificiorum: *An Angeli Sanctique defuncti sint Invocandi?* 440.

V. Pontificiorum: *An vota, quæ vocant Monastica, perpetuæ Continentiæ, voluntariæ Paupertatis, & Obedientiæ Regularis licita sint?* 445.

Locus VIII. de Peccato & Libero Arbitrio. 449.

Habet Controversiâs Sex. Quibus præmittuntur *Quæstiones* aliquot:

1. Cœperitne Peccatum primum ab Infidelitate, an verò à superbiâ? 451.

2. An animas singulorum immediate creari à Deo, non generando propagari, sit dogma certum, Catholicum, nobis necessariò credendum. *ibid.*

3. An virgo Maria absque peccato Originali concepta sit, nec peccatum ullum actuale unquam admiserit? *ibid.*

4. An Liberum Arbitrium in statu corruptionis rectè dicatur servum? *ibid.*

5. An omnia peccata Prædestinatorum venialia, Reproborum mortalia sint? *ibid.*

6. An Filii Sanctorum nascantur absque peccato Originis? 452.

7. An Arbitrium Humanum à solâ coactionis necessitate sit liberum? *ibid.*

I N D E X.

- I. Samofatenianorum: *An sit peccatum Originale? sive: An Natura Humana lapsu Adæ corrupta ac vitiosa sit?* ibid.
- II. Pontificiorum: *An Concupiscentia prava, imprimis quæ in Iustificatis remanet, pars sit peccati Originalis, aut etiam peccatum proprie dictum?* 456.
- III. Pontificiorum: *An quædam peccata per se ac suâ naturâ venialia sint?* 460.
- IV. Samofatenianorum: *An in Homine non regenito reliquæ sint vires ad bonum, quæ ope Dei excitandæ tantum, & confirmandæ, non restaurandæ aut renovandæ?* 464.
- V. Pontificiorum: *An homo non renatus in civilibus particularibus arbitrium habeat à speciali Dei motione, & à servitute peccati liberum?* 468.
- VI. Pontificiorum: *An homo non renatus solis naturæ viribus, sine speciali Dei auxilio, bonum morale absque peccato præstare possit?* 470.

Locus IX. de Pœnâ Peccati. 474.

Habet Controversiam unam Pontificiorum.
An Infantes fidelium sine Baptismo decedentes, mortem æternam necessariò subeant: & tamen in peculiari limbo damni non sensus, vel saltem exigui sensus pœnam experiantur? ibid.

Locus X. de Personâ & Officio Christi. 477.

Habet Controversias decem: *Quæstiones autem aliquot earum tractationem antecedunt.*

1. *An Christus sibi aliquid meruerit?* 478.
2. *An in Christo sit duplex unio hypostatica?* 479.
3. *An*

I N D E X.

3. An *Λόγος* sit extra carnem assumtam? ibid.
4. An Communicatio Idiomatum sit verbalis, sit tropus? ibid.
5. An sint distincta genera Communicationis Idiomatum. 480.
6. An sit prædicatio Synonymica aut tropica in propositionibus, *Deus est Homo, Homo est Deus*? ibid.

De Persona Christi quatuor.

- I. Samosatensianorum: An Filius Dei Naturam Humanam assumeret, in personæ suæ unitatem: ut sic Christus Deus & Homo sit in unâ personâ? 481.
- II. Anabaptistarum: An Christus carnem & sanguinem ex substantiâ Virginis Mariæ assumeret? 492.
- III. Pontificiorum: An anima Christi ab ipsâ sui creatione ita repleta fuerit scientiâ & gratiâ, ut nihil unquam didicerit; neque ullam tristitiam aut perturbationem senserit? 504.
- IV. Lutheranorum: An Humanæ Naturæ Christi per Unionem personalem communicata sint essentielles Dei proprietates, Omnipræsentia, Omniscientia, Omnipotentia, & Vis vivificandi? 509.

De Officio Christi sex, quibus præmittitur *Quæstio*: An munus Christi Sacerdotale sit ipsa muneris Regii administratio? 545.

- I. Samosatensianorum: An Christus propter officium Propheticum & Regium dicatur Deus, Filius Dei, & Servator noster? ibid.
- II. Samosatensianorum: An Christus Passionibus, sanguine, ac morte suâ Deo Patri pro peccatis nostris satisfecerit, remissionem illorum nobis acquisiverit, sicque *λύτης* sui interventu nos verè ac propriè redemerit? 553.

III. Pon-

I N D E X.

III. Pontificiorum : *An Christus secundum utramque Naturam sit noster Mediator ?* 565.

IV. Pontificiorum : *An Christus in cruce mortuus, secundum animam suam ad loca infernalium, limbum Patrum, limbum infantum, purgatorium & gehennam, verè, propriè & reipsa descenderit ?* 569.

V. Pontificiorum : *An Christus descensu illo Patres omnes V. T. ex limbo, alios nonnullos etiam ex purgatorio, Infantes verò ac damnatos nullos ex limbo & gehennâ liberarit ?* 571.

VI. Lutheranorum : *An Christus pro hominibus universis ac singulis, quotquot unquam fuerunt, sunt, & erunt, nemine excepto mortuus sit : eos omnes sanguine suo redemerit, reconciliarit Deo ; adeoque ipsis remissionem peccatorum, justitiam, & vitam æternam acquisiverit ?* 573.

Locus XI. de Ecclesiâ. 580.

Habet Controversias quatuor, Pontificiorum omnes.

I. *An præter Electos vocatos etiam Reprobi infideles, sive occulti sive manifesti peccatores, veræ Christi Ecclesiæ membra sint ?* 581.

II. *An vera Christi Ecclesia sit & rectè dicatur Invisibilis ?* 584.

III. *An eadem Ecclesia errare possit in fide ?* 586.

IV. *An Notæ externæ hujus Ecclesiæ sint Verbum Dei & Sacramenta : An verò Nomen Catholicum, Antiquitas, Duratio continua, Amplitudo sive varia multitudo credentium, Successio Episcoporum, Conspiratio in doctrinâ cum Ecclesiâ antiquâ, Unio membrorum inter se & cum capite, Sanctitas doctrinæ, ejusdem Efficacia, vitæ Sanctimonia in primis autoribus, Gloria miraculorum, Lumen Propheticum, Confessio*

I N D E X.

*fessio Adversariorum, Infelix exitus per seclorum
Ecclesie, & contra eorum, qui ipsam defenderunt,
temporaria Felicitas?* 589.

Locus XII. de Sacramentis.

593.

Habet Controversias novem.

De Sacramentis in genere tres.

I. Pontificiorum & Lutheranorum: *An Sacramenta
N. Test. tantum signa sint ac sigilla gratie; an verò
eam re ipsâ in se contineant, & hominibus Sacra-
menta usurpantibus verè conferant?* 595.

II. Pontificiorum & Lutheranorum: *An differentia
Vet. & Novi Testamenti in eo consistat, quod illa
adumbrarint gratiam, hæc contineant; illa figuram,
hæc ipsum corpus habeant?* 598.

III. Pontificiorum: *An duo tantum sint Novi Testamenti
Sacramenta, Baptismus & Cæna: an verò præter
illa quinque alia; Confirmatio, Pœnitentia, Extre-
ma unctio, Ordinatio, & Matrimonium?* 600.

De Baptismo duas.

I. Pontificiorum & Lutheranorum: *Sitne aque Ba-
ptismus ad salutem simpliciter necessarius?* 602.

II. Anabaptistarum: *An Infantes fidelium sint Bapti-
zandi?* 606.

De Cœnâ Dominicâ quatuor.

I. Pontificiorum: *An Panis & Vinum vi verborum con-
secrationis, (Hoc est enim corpus meum, Hic
est enim calix sanguinis mei Novi Testamenti,) in ipsum corpus & sanguinem Christi verè transsub-
stantientur, externis tantum speciebus panis & vini
remanentibus?* 610.

II. Pontificiorum: *An Communio sub utraque specie Laicis
non modo non necessaria, sed etiam illicita sit?* 615.

III. Pon-

III. Pontificiorum: *An in Cœnâ peragatur verum, eternum, & reale Sacrificium; (Missæ vulgò,) quo Christus sub speciebus panis & vini modo incruento offertur Deo Patri in victimam pro peccatis viventium & mortuorum?* 618.

IV. Lutheranorum: *An In, Cum, Sub pane & vino corporaliter adsint & exhibeantur corpus & sanguis Christi, atque ab omnibus communicantibus, fidelibus & infidelibus, oraliter percipiantur?*

Locus XVIII. de Vocatione Internâ, & Fide Justificante 632.

habet Controversias octo.
De Vocatione duas

I. Samosatēnianorum: *An omnibus quibus annuntiatur Evangelium, facultas credendi in Christum conferatur: & quod alii credunt, alii non credunt, id non ex singulari vocantis gratiâ, sed ex animi volentis probitate, nolentis malitiâ proficiatur?* 633.

II. Pontificiorum: *An in Vocatione internâ, cum primum homo convertitur, voluntas ejus gratiæ Dei cooperetur?* 640.

De Fide sex.

I. Samosatēnianorum: *An Fides Iustificans sit obedientia mandatorum Dei: sic ut bona opera non fructus sint fidei, sed forma ejus?*

II. Samosatēnianorum: *An forma fidei iustificantis rectè statuatur fiducialis Christi ac Satisfactionis ejus apprehensio?*

III. Pontificiorum: *An fides assensus sit, non notitia; re-ctiusque per ignorantiam, quàm per notitiam definiatur?* 653.

Vvvv

IV. Pon-

I N D E X.

*fessio Adversariorum, Infelix exitus per secutorum
Ecclesiæ, & contra eorum, qui ipsam defenderunt,
temporaria Felicitas?* 589.

Locus XII. de Sacramentis.

593.

Habet Controversias novem.

De Sacramentis in genere tres.

I. Pontificiorum & Lutheranorum: *An Sacramenta
N. Test. tantum signa sint ac sigilla gratiæ; an verò
eam re ipsâ in se contineant, & hominibus Sacra-
menta usurpantibus verè conferant?* 595.

II. Pontificiorum & Lutheranorum: *An differentia
Vet. & Novi Testamenti in eo consistat, quod illa
adumbrarint gratiam, hæc contineant: illa figuram,
hæc ipsum corpus habeant?* 598.

III. Pontificiorum: *An duo tantum sint Novi Testamenti
Sacramenta, Baptismus & Cæna: an verò præter
illa quinque alia; Confirmatio, Pœnitentia, Extre-
ma unctio, Ordinatio, & Matrimonium?* 600.

De Baptismo duas.

I. Pontificiorum & Lutheranorum: *Sitne aque Ba-
ptismus ad salutem simpliciter necessarius?* 602.

II. Anabaptistarum: *An Infantes fidelium sint Bapti-
zandi?* 606.

De Cœnâ Dominicâ quatuor.

I. Pontificiorum: *An Panis & Vinum vi verborum con-
secrationis, (Hoc est enim corpus meum, Hic
est enim calix sanguinis mei Novi Testamenti,)
in ipsum corpus & sanguinem Christi vere transub-
stantientur, externis tantum speciebus panis & vini
remanentibus?* 610.

II. Pontificiorum: *An Communio sub utraque specie Laicis
non modo non necessaria, sed etiam illicita sit?* 615.

III. Pon-

III. Pontificiorum: *An in Cænâ peragatur verum, exter-
num, & reale Sacrificium; (Missæ vulgò,) quo
Christus sub speciebus panis & vini modo incruento
offertur Deo Patri in victimam pro peccatis viven-
tium & mortuorum?* 618.

IV. Lutheranorum: *An In, Cum, Sub pane & vino corpo-
paliter adsint & exhibeantur corpus & sanguis Chri-
sti, atque ab omnibus communicantibus, fidelibus
& infidelibus, oraliter percipiantur?*

Locus XVIII. de Vocatione Internâ, & Fide
Justificante 632.

habet Controversias octo.

De Vocatione duas

I. Samofatenianorum: *An omnibus quibus annuntiatur
Euangelium, facultas credendi in Christum confera-
tur: & quod alii credunt, alii non credunt, id non ex
singulari vocantis gratiâ, sed ex animi volentis pro-
bitate, nolentis malitiâ proficiscatur?* 633.

II. Pontificiorum: *An in Vocatione internâ, cum primum
homo convertitur, voluntas ejus gratia Dei coopere-
tur?* 640.

De Fide sex.

I. Samofatenianorum: *An Fides Iustificans sit obedien-
tia mandatorum Dei: sic ut bona opera non fructus
sint fidei, sed forma ejus?*

II. Samofatenianorum: *An forma fidei iustificantis rectè
statuatur fiducialis Christi ac Satisfactionis ejus ap-
prehensio?*

III. Pontificiorum: *An fides assensus sit, non notitia; re-
ctiusque per ignorantiam, quàm per notitiam defi-
niatur?* 653.

I N D E X

- IV. Pontificiorum: *An fides sit fiducia?* 655.
 V. Pontificiorum: *An fidei justificantis objectum prae-
 pium siue specificum sit, promissio specialis miseri-
 cordiae in Christo?* 657.
 VI. Pontificiorum: *An fides justificans semel accepta
 amitti possit?* 659.

Locus XIV. de Justificatione. 661.

Habet Controversias quinque: *Pontificiorum* omnes.

- I. *An fides sola justificet?* 662.
 II. *An justitia nobis inhaerens sit causa formalis justificatio-
 nis?* 670.
 III. *An justificatio constet solâ remissione peccatorum?* 674.
 IV. *An justificatio consistat in imputatione justitiae Christi,
 hoc est in imputatione justitiae per Christum nobis ac-
 quisitae?* 679.
 V. *An bona operaificent coram Deo?* 683.

Locus XV. de Sanctificatione. 686.

Habet Controversias tres: *Pontificiorum*.

- I. *An bona opera ad salutem efficiendam necessaria sint?* 686.
 II. *An bona opera sint meritoria salutis aeternae?* 688.
 III. *An Lex Dei justificatis sit absolute possibilis?* 690.

Locus XVI. de Glorificatione. 693.

Habet Controversiam unam *Samosatenianorum*.

- An Corpora fidelium in Resurrectione sint futura spiritualia,
 carnis sanguinisque expertia?* 693.

I N D E X

Dictorum Scripturæ

Quæ vel vindicantur ab adversariis, vel stri-
ctiori explicatione lucem aliquam
accipiunt.

<i>Genesis.</i>					
Cap.	vers.	pag.			
I.	1,2.	82.	XXV.	23.	396.
	2.	335-337.	XXVIII.	12.	438.
	26.	28.79-337-414.	XXIX.	27.	336.
	31.	86.	XXXII.	24.	10.
II.	17.	416.	XXXVII.	35.	572.
III.	8, seq.	438.	XLVIII.	16.	10.445.
	15.	491.495.	XLIX.	10.	493.
	19.	419.	<i>Exodus.</i>		
	22.	337.	I.	21.	472.
VI.	6,7.	387.	III.	2,4.	357.
	9.	692.		13,14.	28.
VIII.	21.	455.	IV.	16.	27.357.
IX.	6.	415.	XII.	21.	197.
XI.	7.	337.	XIII.	3,7.	317.
XII.	3.	496.	XIV.	31.	358.
XIV.	18.	622.	XVII.	15.	27.
XVII.	1.	648.	XVIII.	26.	299.
	10.	195.	XX.	1, seqq.	103. seqq.
	14.	604.		4,5.	436.
XVIII.	1,17,25.	10.		5.	327.
XIX.	15.	115.		7.	430.
	24.	335-338.	XXV.	22.	440.
XXII.	12.	387.	XXIX.	14,36.	115.
	16.	648.	XXXII.	30.	443.
	18.	491.497.	XXXIII.	23.	438.
			VVVV	2	<i>Levi-</i>

I N D E X.

Leviticus.

XIX.	12.	430.
	18.	428. 431.

Numeri.

IX.	18.	9.
XI.	17.	374.
XII.	6, 7, 8.	12.
XIV.	12.	387.
XXI.	8, 9.	440.

Deuteronomium.

IV.	37.	64.
V.	7, seqq.	436.
	11.	430.
VI.	4.	338.
VII.	6, 7, 8.	64.
VIII.	3.	8.
XVII.	11, seqq.	299.
XVIII.	18.	491.
XXVII.	26.	462.
XXX.	11.	324.
XXXII.	46.	317.

Iosua.

VI.	1, 2.	10.
-----	-------	-----

Iudicum.

VI.	11, seqq.	10.
	13.	317.
	31.	373.
XIV.	7.	373.

I. Samuelis.

I.	24.	64.
----	-----	-----

VII.	7.
XXVIII.	6.

444.
12, 13.

II. Samuelis.

VII.	12, seq.	499.
	14.	332.
XXIII.	2.	335.

I. Regum.

I.	33.	336.
II.	27.	9.
IV.	32.	323.
XIV.	8.	692.
XV.	4.	443.
	11.	692.
XXII.	19.	438.
	19, 20.	357.

II. Regum.

II.	9.	374.
IX.	36.	9.
XXIII.	25.	692.

I. Chronicorum.

XXIX.	29.	322.
-------	-----	------

II. Chronicorum.

IX.	29.	323.
XIX.	11.	299.
XX.	20.	358.

Nehemias.

VII.	65.	13.
VIII.	19.	308.

Iob.

DICTORUM SCRIPTURÆ.

Iob.			Proverbia.		
6.	39.33	1.337.	I.	26.	72.
II.	1.	337.	VIII.	22.	332.
V.	1.	445.	XXV.	21,22.	428.
VII.	13,14.	445.	XXVIII.	25.	665.
XIX.	21.	12.			
XXXIII.	15.	444.	Ecclesiastes.		
XLII.	8.		XII.	13.	299.
Psalmi.			Esaias.		
II.	1,2.	178.	I.	24.	72.
	7.	38.39.332.	II.	3.	100.
VIII.	6.	27.	V.	4,7.	387.
XIX.	8.	100.	VI.	3.	335.338.
	8,9.	324.	VII.	9.	653.
XXVI.	5.	178.		14.	491.500.
XXVII.	9.	644.	IX.	6.	496.
XXXIII.	4.	214.		7.	499.
XXXVI.	10.	528.	XL.	1.	499.
XXXVII.	40.	665.		2.	507.539.
XLV.	8.	539.		5.	214.
LI.	7.	455.	XL.	25.	435.
	12.	78.	XLII.	26.32.	178.
LX.	3.	644.	XLV.	7.	78.
LXII.	13.	689.		23.	369.
LXXVII.	6.	317.	XLVI.	11.	78.
LXXXII.	6.	27.33	LI.	1,2.	497.
XCIX.	5.	440.	LIII.	4. seqq.	166.556.
	6.	298.		12.	576.
CIV.	30.	78.	LIX.	21.	9.
CVI.	31.	239.	LXIII.	9. seqq.	335.
CXI.	10.	665.			
CXIX.	10.	692.	Jeremias.		
	25.	9.	XXIII.	5.	491.
	43,105.	9.		6.	358.
	105.	324.	XXXI.	22.	78.

I N D E X

[illegible]

DICTORUM SCRIPTURÆ.

XL.	26.	62.	28.	558.
	28.	402.	39.	368.
	29.	691.	XXVIII. 6.	517.
XII.	40.	570.	18.	541.
	49.	496.	19.	339.366.
XIII.	21.	214.215.	20.	536.
	25.	260.		
XV.	9.	287.		<i>Marcus.</i>
XVI.	16.	657.	I. 4.	608.
	18.	179.	II. 8.	540.
	19.	300.	VI. 5.	369.
	24.	448.	VII. 4.	198.
	27.	689.	XIII. 32.	368.506.
XVII.	9.	12.	XIV. 12.	624.
	20.	214.	XVI. 16.	605.608.
XVIII.	17.	179.302.589.	16,17.	658.
	20.	536.	20.	644.
	27.	564.		
XIX.	9.	280.		<i>Lucas.</i>
	12.	447.	I. 6.	692.
	17.	368.	15.	373.
	21.	447.	34.	447.
XX.	1,10.	644.	35.	331.373.
	8.	689.	42.	500.
	22,23.	198.	II. 42.	562.
	23.	369.	21.	501.
XXI.	25.	198.	40.	506.
	32.	647.	52.	506.
XXII.	37, seqq.	102.	III. 31,34.	501.
	42.	504.	38.	39.
XXIII.	2.	302.	IV. 36.	542.
	10.	347.	V. 6.	294.
	37.	402.	VI. 13.	64.
XXV.	21, seqq.	690.	38.	689.
	34, 41.	60.	VII. 9.	657.
	34.	690.	29.	231.
	41.	394.	42.	564.
XXVI.	11.	517.	47.	665.
				VIII.

I N D E X

VIII.	10.	289.	III.	34.	507.539.
	13.	660.	IV.	23.	625.
IX.	1.	542.		24.	26.41.
	24.	555.		34.	335.
XI.	28.	9.	V.	18.	354.
XVI.	15.	231.		21.	528.
	26.	572.		23.	366.
XVIII.	13,14.	676.		26.	38.329.363.528.
	14.	231.		27.	540.
XX.	35.	417.		32.	334.
	36.	332.		36.	365.
XXII.	19.	614.	VI.	28,29.	53.
	19,20.	206.		29.	667.
	32.	301.		33.	503.
XXIII.	34.	576.		35.	204.617.
XXIV.	27.	325.		40,47,54.	204.
	30.	617.		51.	557.614.
	31.	524.		63.	528.
	43.	100.518.		68.	657.
	44.	373.		70.	64.
<i>Iohannes.</i>			VII.	16.	639.
				39.	41.374.
I.	1.	9.359.362.	VIII.	23.	503.
	3.	364.		25.	327.
	12.	331.668.		47.	639.
	14.	487.		52.	167.
	14,16,17.	142.	X.	58.	363.537.
	16.	539.		11.	651.
	17.	100.		17,18.	164.
II.	24,25.	540.		30.	45.
III.	5.	475.605.666.		36.	331.
	6.	41.	XI.	15.	368.516.
	8.	41.	XII.	32.	574.
	11.	336.		44.	366.
	13.	363.	XIII.	14.	294.
	13,31.	503.	XIV.	1.	365.
	16.	26.399.		23.	691.
	19,21.	639.		28.	369.
					XV.

DICTORUM SCRIPTURÆ.

XV.	2.	660.	VIII.	37.	681.
	8.	332.	X.	3.	12.
	13.	428.681.	XI.	18.	666.
	19.	63.64.520.	XIII.	22.	692.
	25.	100.		33.	332.
XVI.	12.	290.		38.39.	676.
	13.	588.		48.	66.635.
	28.	517.	XV.	7.	301.
		346.		9.	669.
XVII.	3.	533.		10,11.	219.
	5.	576.	XVII.	28.	30.285.
	9.	516.518.		30.	402.
	11.	520.	XVIII.	25.	198.
	14.	15.	XIX.	32.40.	178.
	17.	45.	XX.	7.	292.
	22.	368.		28.	26.179.545.
XX.	17.	666.		35.	363.
	23.	359.	XXII.	16.	200.
	28.	300.	XXIII.	11.	537.
XXI.	16.	291.	XXIV.	3.	58.
	25.		XXVI.	18.	649.
				27.	214.
	<i>Acta.</i>	291.	XXVIII.	25,26.	371.
I.	3.	198.			
	5.	73.		<i>Ad Romanos.</i>	
	25.	58.62.	I.	4.	361.528.
II.	23.	570.		16.	189.
	27.	500.	II.	6.	689.
	30.	368.492.		14.	471.
	36.	200.340.		15.	100.
	38.	202.	III.	3.4.	214.
	42.	617.		19.	100.
	46.	518.		21.	100.
III.	21.	377.		22.	240.
IV.	28.	371.374.		24.	672.
V.	3.4.	448.		25.	550.
	4.	214.		26.	167.332.
VI.	7.	10.		28.	100.215.
	14.			XXX	III.

I N D E X.

I. Ad Corinthios.

DICTORUM SCRIPTURÆ.

IX.	6.	347.	VII.	10.	190.666.
	9.	294.	X.	5.	654.
	27.	407.	XII.	3.	533.
X.	2.	339.	<i>Ad Galatas.</i>		
	6, II.	395.			
	11.	294.			
	16.	206.614.			
	21.	202.			
XI.	27.	630.	I.	4.	555.
	29.	630.	II.	23.	214.
	2.	291.	III.	9.	301.
	20.	202.		13.	564.
	23.	291.		13, 14.	167.
XII.	24, 25.	206.		21.	677.
	29.	614.		25.	214.
	4, seqq.	340.	IV.	28.	366.
	2.	215.654.		1, seqq.	9.10.
	3.	555.		8.	26.
XIII.	10.	644.		9.	600.
	19.	225.		22.	497.
	22.	578.		24.	294.
	33.	285.	V.	6.	666.
	43, seqq.	252.		14.	691.
XV.	45.	417.	VI.	17.	457.
	47.	503.		15.	600.
	49.	674.		16.	313.
	50.	694.	<i>Ad Ephesios.</i>		
	58.	53.	I.	4.	64.66.
<i>II. Ad Corinthios.</i>				5.	62.
III.	14.	281.		6, 7.	564.
	3, 4.	324.		10.	61.
IV.	4.	27.	II.	3.	455.
	15.	239.		8.	638.
V.	19.	579.		8, seqq.	636.
	21.	115.239.	IV.	9.	503.571.
VI.	15, 16.	371.		10.	5, 8.
				10, seqq.	158.
				13.	10.
				XXXX 2.	IV.

I N D E X

IV.	23.	677.
V.	4, 5.	464.
	26.	198.
	32.	602.

Ad Philipenses.

I.	7, 29.	142.
	29.	637.
II.	6.	486.
	6, 7, 8.	484, 485.
	7, 8.	234.
	9, 10.	492.
	12.	687.
	13.	641.
III.	9.	240.
	21.	694.

Ad Colossenses.

I.	15.	41.
	16.	364.
	20.	61.
	24.	555.
II.	3.	507, 540.
	8.	260.
	9.	513, 515, 532, 535.
	17.	600.
III.	9.	641.
IV.	16.	323.

I. Ad Thessalonicenses,

V.	9.	394.
	19.	41.

II. Ad Thessalonicenses,

I.	6.	698.
II.	13.	64, 66, 406.
	15.	10, 291.
III.	2.	635.

I. Ad Timotheum.

I.	5.	645.
	19.	660.
II.	1.	248.
	4.	402, 410.
	5.	348, 567.
	5, 6.	550.
III.	15.	588.
	16.	26, 359.
IV.	1.	214.
VI.	20.	291.

II. Ad Timotheum,

I.	9.	66.
	9, 10.	233.
	13.	291.
II.	2.	292.
III.	15.	320.
IV.	3, 4.	260.
	7, 8.	690.

Ad Titum.

I.	12.	285.
II.	13.	360.
	14.	564.
III.	5.	198, 200.
	5, 6, 7.	673.

Ad

DICTIONUM SCRIPTURÆ.

Ad Hebræos.

I.	2.	367.
	3.	354.365.
	6.	366.
	9.	360.
	10.	363.
II.	9.	167.578.
	11.	149.
	11, 14.	353.
	14.	496.
	14, seqq.	505.
	16.	482.483.498.
IV.	15.	505.
V.	7, 8.	167.
VI.	1, 2.	214.
	4, seqq.	660.
	5.	215.
	10.	690.
	19.	681.
VII.	1, seqq.	622.
	3.	41.
	25.	169.575.
VIII.	4.	519.
	6.	550.
IX.	7.	433.
	8.	573.
	14.	353.361.545.
	24.	169.
X.	1.	600.
	23.	225.
XI.	1.	217.650.655.
	4.	674.
	6.	405.648.668.
	7.	674.
	31.	651.
XII.	9.	41.
XIII.	17.	448.

Iacobi.

I.	14.	459.464.
	25.	688.
II.	19.	214.
	21.	231.649.
	21, seqq.	684.
	24.	667.
III.	9.	415.

I. Petri.

I.	1, 2.	64405.
	13.	225.
II.	21.	553.
III.	15.	225.
	18.	528.
	19.	572.
	21.	193.200.600.

II. Petri.

I.	4.	30.
	13.	314.
	19.	324.
	21.	268.
II.	1, seqq.	579.
III.	1.	314.
	9.	402.
	16.	325.

I. Iohannis.

I.	7.	545.
II.	1, 2.	162.
	2.	401.550.579.
	19.	581.
Xxxx	3.	II.

I N D E X

Rerum & Verborum.

A.

- A** Aron non fuit supremus Iudex
Controversiarum. 298.
- Petrus Abailhardus primus negavit
Satisfactionem Christi. 263.
- Accidens singulare quatenus possit esse
in duobus subjectis. 222.
- Acquisitio & Applicatio beneficiorum
Christi iisdem fit. 577.
- Adam in peccato primo spectandus ceu
stirps generis humani. 120. est
principium Christi materiale tan-
tum, non etiam activum. 149.
- Adoratio religiosa soli Deo competit.
358. 443.
- Aequalitas Personarum divinarum 45.
Peccati originalis. 127. Iustifi-
cationis. 241.
- Aeternitas Scripturae qualis. 20. Dei.
31. Electionis 68. Reprobatio-
nis. 73.
- Affectus hominis subjectum peccati. 117.
- Afflictiones piorum non sunt poena pro-
pria. 138.
- Αἰνέσις. 18, 294.
- Ambiguitates in Scripturae quales. 327.
- Ambitio causa impulsiva controversia-
rum religionis. 259.
- Amentes quatenus membra Ecclesiae.
181.
- Anabaptistarum origo & dogmata. 263.
- agnoscunt Trinitatem. 328. dis-
sentiant inter se de peccato Orig-
nali. 450. & de origine Hum.
Nat. Christi. 492.
- Αἰώνιον. 18. 94.
- Analogia Sacramentalis 192. in Cir-
cumcisione 195. in Paschate.
197. in Baptismo 200. in S.
Cena. 205.
- Angelorum salutem Theologia non spe-
stat. 5. Predestinatio. 60. 61.
an in Christo electi. 60. Creatio
& natura. 81. peccatum. 118.
119. poena. 136. Christus non
est eorum Mediator. 156. non
sunt membra Ecclesiae in terris.
180. quatenus dicantur Filii
Dei. 331. non compellantur in
creatione. 337. nullus dicitur Ie-
hova. 357. non sunt adorandi.
440.
- Anima humana qualis. 84. est subje-
ctum peccati. 126. ejus origo in
nobis. 451.
- Antilogia vera in Scriptura nulla. 327.
- Antiquitas Ecclesiae an Scripturae potius
tribuenda. 278.
- Apocryphi libri qui & quare 282. seqq.
quatenus a Veteribus dicantur
Canonici. 286.
- Apostolorum fides qualis. 652.
- Applicatio beneficiorum Christi iisdem
fit,

I N D E X

fit, quibus *Acquisitio*. 577.
Apprehensio fidei quæ. 222. est forma
 fidei. 649.
Aqua superiores & inferiores. 83.
Arbor vitæ unde dicta. 85.
Aspectus futura vitæ quid. 227.
Aspersio aquæ in Baptismo legitima.
 199.
Assensus fidei justificantis qualis. 218.
Avaritia Causa impulsiva Contraver-
sarum de Religione. 259.
Avium Creatio. 84.
Autoritas S. Scripturæ. 15. unde ea de-
 pendeat. 271.
Ὁ ὁ Θεός quid. 328.
Azymus panis non necessarius in Sacra
Cenâ. 203.

B.

DE Baptismo vide. 198. seqq. probat
 Trinitatem 339. ejus neces-
 sitas. 602.
Baptizari in nomen alicujus 339. in no-
men Iesu. 340.
Bellum quomodo gerendum Israëlitis.
 110.
Bona Ecclesiastica in V. T. 109.
Bonitas Dei. 33. *Creaturarum*. 86.

C.

Calvinus Filium Dei rectè dicit
 ὁ ὁ Θεός. 329.
Canon Scripturæ à quo constitutus. 277.
Canonica cur dicatur Scriptura. 15. 20.
 312.
Canonicorum librorum conditiones. 283.

seqq. nulli ex iis perierunt. 322.
Caput Ecclesiæ quod & quale. 179.
Catholica quatenus dicatur Ecclesiæ.
 184.
Catechismus Apostolorum duplex. 169.
Catechumeni possunt esse membra Ec-
clesiæ. 181.
Certitudo Electorum de sui Electione
 unde habeatur. 67. 68.
Chaos ex terrâ & aquâ. 82. est ma-
 ria prima. 81.
Charitas effectum fidei inseparabile.
 225.
Christus cur nihil scripserit. 15. quo-
 modo ingreditur decretum Ele-
 ctionis. 66. 403. 406. ejus Per-
 sona. 143. seqq. 482. seqq. Di-
 gnitas Persona ejus. 164. Est
 λόγος & ἐνδιὰ θεοῦ & παρὰ
 πατρός. 295. quatenus dicatur
Filius Dei. 331. quatenus unum
 cum Patre. 366. cur oportuerit
 esse Deum, Filium Dei, & Ho-
 minem. 144. Cur natus ex vir-
 gine. 146. & quomodo. 493.
 cur circumcissus. 196. est efficiens
 Mediationis proxima & solitaria.
 155. Mediator secundum utram-
 que naturam. 155. 565. Pars of-
 fensa & Mediator. 156. Caput
 Ecclesiæ unicum. 179. 180. Cur
 dicatur Servator. 547. ejus Mors
 æterna & quatenus. 166. 563.
 non mortuus pro omnibus & sin-
 gulis. 573. Animus ejus. 154. tri-
 plex. 159. Ejus meritum, causa
 meritoria & materialis justifica-
 tionis. 233. an & quatenus sibi
 aliquid

RERVM & VERBORVM.

- aliquid meritis sit. 478. sapientia humana naturæ qualis. 504. quomodo mundum reliquerit. 518. quomodo nos Deo reconciliârit. 550. quomodo pro inimicis oraverit. 576. quomodo satisfactionem suam proposuerit. 651.
- Circumcisionis Sacramentum. 195. 196.
- Cæli supremi creatio & natura. 81. æthereum & æreum. 83.
- De Cæna Domini. 202. seqq. in eâ non peragitur verum & reale sacrificium. 618.
- Cognitio Dei naturalis. 7. insufficiens ad salutem. 8. supernaturalis necessaria. 8.
- Commentarii in Scripturam. 19. quomodo adornandi. 19.
- Communicare hypostasim quid & quomodo recte dicatur. 530. 531. communicare realiter quid. 532.
- Communicatio Idiomatum. 154. quatenus verbalis vel realis; tropica vel non. 479. genus ejus unum strictè, late plura. 480.
- Communicatio Proprietatum utriusque naturæ cum personâ Christi. 152. nulla est proprietatum divinarum cum humanâ naturâ. 509. Lutherana evertit articulos fidei. 520.
- Communio officii & honoris inter naturas. 153.
- Conceptio Christi ordine facta. 147.
- Concubinitus non approbatus in Veter. Test. 431.
- Concupiscentia peccatum & quale. 456.
- Concurfus causæ primæ cum secundis cur & quomodo fiat. 92. 93. 94.
- Confidentia effectum fidei & fiducia. 224.
- Conjugii institutio. 85. Israëlitarum. 109.
- Conservatio rerum omnium. 91.
- Contingentia subsunt Providentiæ Dei. 91.
- Controversia Religionis quid. 257. unde oriatur. 259. 260. Index supremus est Scriptura. 20. 295. seqq. & quomodo. 303.
- In Conversione primâ homo Deo non cooperatur. 640.
- Corporaliter habitare quid. 532.
- Corpus & Sanguis Christi quomodo offerantur in S. Cænâ. 204.
- Corpus hominis subiectum peccati immeditatum & mediatum. 118. 126. fidelium in Resurrectione quale futurum. 693.
- Corruptio natura in quibus consistat. 127.
- Creatio est opus solius Dei propriû. 127. modus creationis. 79. an & quatenus omnia ex nihilo condita. 80.
- Patri peculiariter tribuitur. 79. 364.
- Credere in aliquem, alicui, vel aliquem quomodo differant. 216. 217. 219. 358.
- Criteria S. Scripturæ. 16. probant ejus auctoritatem. 275.
- Ktîots quid. 80.
- Curiositate multi seducuntur. 260.

D.

- D**ecalogus compendium Legis moralis. 102. ejus distinctio. 102.
103. de eâ disputant Lutherani.
424. regula in ejus explicatione observanda. 102. 103. Ejus explicatio. 103. seqq. 430.
431.
Decreta Dei in genere & specie. 52. seqq. An, quomodo, & quid sint in Deo. 54. 56. 57. quam necessitatem inducant rebus futuris. 56. Conditionatum quatenus dicatur. 57. non potest distinguî in Voluntatem Antecedentem & Consequentem. 390.
Defensio Christi Regis qualis. 171.
Descensus Christi ad inferos quid significet. 166. 569.
Desertio peccatoris quid. 72. hominis primi qualis. 120.
Desperatio in Christo nulla. 168. 563.
Determinatio Dei circa creaturas intelligentes. 93. non tollit earum libertatem. 94.
Deus autor verbi ἀρχή. 10. quomodo autor Scripturæ. 14. ejus Nomina, Essentia, Persona. 25. seqq. 328. seqq. quomodo immensus. 32. quomodo operetur. 53. reprobantis altus. 69. 70.
Nomen Dei quid significet. 104. non est autor peccati primi. 121. immediate instituit Sacramenta. 191. causa permittens controversiarum Religionis. 258. 259.

- supremus earundem Index. 303.
species corporeæ, quibus visus, quales. 438. noluit remittere peccata citra satisfactionem. 561.
Diabolus miracula edere nequit. 97. contraxit habitum peccandi immutabilem. 119. quomodo efficiens peccati hominum. ibid. causa efficiens Controversiarum Religionis. 259.
Differentia Dei vera non datur. 28.
Dii alii vel alieni qui. 104.
Dilectio proximi qualis & quousque se extendat. 428.
Divina Natura Christi per assumptionem Humanæ naturæ non fuit completa. 150.
Res Divina quanam. 3. earum gradus ibid. sunt objectum Theologia proprium. 4.
Divortium quatenus in V. T. permisum. 431.
Δοκιμασία quid. 138.
Doctrina cur statuatur genus Theologia. 2. de Deo prima Theologia pars. 26.
Dona Humana Natura Christi creata fuerunt. 152. distincta à donis aliorum hominum. ibid.
Donaria sacra. 106.
Δουλεία & λατρεία idem sunt. 443.
Δωάμις & ἐξουσία quid differant. 542.

E.

- E**cclésiæ ætates diversæ. 9. indignitas Scripturæ. 14. ejus testimonium de Scripturâ. 16. 271. ejus causa,

RERUM & VERBORUM.

causa, effectus, subjectum, adju-
cta. 178. *seqq. caput ejus quod-*
nam. 179. *Membra ejus.* 180.
 181. *quomodo fiant.* 583. *Visi-*
bilis nota. 182. 589. *Invisibilis.*
 182. 584. *Judaica & Christiana*
discrimen. 184. *Vera & haeretica*
sive schismatica discrimen. 185.
Quid sit Pontificius. 271. *non*
est iudex Controversiarum Reli-
gionis. 295. *seqq. potest errare in*
fide. 586.
 τὸ Ἐκείνου non est de formali ratione
 peccati. 463.
Electi certi possunt esse de sui electione.
 67. *eorum definitus numerus.* 66.
 409. *omnes & soli objectum sa-*
cerdotii Christi. 162. *ante vo-*
cationem non sunt membra Ec-
clesiae. 181. *externa vocatio non*
ad ipsos solos pervenit. 189. *Inter-*
na ipsorum tantum est. 212.
soli fidei justificantis subjectum.
 221. *pro iis solis mortuus Chri-*
stus. 573.
Electio Angelorum. 60. *Hominum.* 64.
seqq. Christi. 69. 67. *Certitu-*
do ejus. 67. *non est universalis.*
 393. *seqq. quatenus decretum de*
ea absolutum sit vel non. 403.
Eligere quid significet. 65.
 Ἐμμεχώνους *Personarum divina-*
rum. 46.
Enthusiastarum Spiritus non est Index
Controversiarum Religionis. 304.
Error quid. 261. *in fundamento, circa*
fundamentum, & prater funda-
mentum. 261. 262.

Essentia divina, ejusque attributa. 29.
seqq. communis est personis divi-
nis. 43. & *quomodo.* 45. *distin-*
ctio ejus a Personis. 36. 46. 343.
 349. 350.
Etymologia vocum. Ecclesia. 178. *Iehō-*
va. 27. *Theologia.* 1. Θεῶ. 28.
Euangelium quatenus organum voca-
tionis. 190. *est objectum fidei ju-*
stificantis specificum. 219. *eius gra-*
tia definite singulis credentibus
offertur. 220.
Excœcatio est peccatum & pœna pecca-
ti. 72. 73. 117.
Excommunicati possunt esse membra
Ecclesiae. 181.
Expansum quid. 83.
Exsecutio decretorum Dei. 77.
 Ἐξορία & Ἀνάγκη *quid differant.*
 542.

F.

Fatum quid. 58.
Festa V. Test. 106. 107.
Fideles soli percipiunt rem Sacramenti.
 193. 204. *quatenus dicantur.*
Fili Dei. 331. *Fratres Christi.*
 353. *unus in Christo.* 366. *in*
V. Test. crediderunt in Christum
venturum, & quomodo. 651.
Fides diversimodè sumitur. 214. *eius*
species. 214. 215. *Historica, Tem-*
poraria, Miraculorum. 215. 216.
Iustificans. 216. *seqq. ejus de-*
finitio Apostolica. 217. 650. *Ob-*
jectum in V. & N. Test. substan-
tiâ idem, circumstantiis diversum.
 219. 220. *perfectior vel imper-*
fectior.
 Y y y 2

I N D E X

fectior in Vet. aut N. Test. 226.
 227. 651. 652. *eius necessitas in*
Sacramenti usu. 193. 204. *eā*
percipitur corpus & sanguis Chri-
sti in S. Cænā. 204. *est instru-*
mentum justificationis. 235. *quo-*
modo iustificet 236. *& quidem*
sola. 241. 662. *quævis vera ha-*
bet *ὡς ποιεῖται* *& περιέχεται.*
 224. *non est ex libero arbitrio.*
 392. *quatenus ingrediatur decre-*
tum Electionis. 403. 406. *sa-*
cultas ejus non cuius externe vo-
cato confertur. 633. *non est obe-*
dientia mandatorum Dei. 645.
quomodo in justificatione opposita
bonis operibus. 646. 663. *est no-*
titia. 218. 653. *est fiducia.* 222.
 655. *amitti nequit.* 227. 659.
Fiducialis apprehensio. 222. 223. *est for-*
ma fidei. 649.
Filiationis divinae modi juxta Samosa-
tenianos. 331.
Filius Dei quotupliciter dicatur. 39.
 331. 353. *eius Persona.* 39. *seqq.*
 352. *seqq. peculiariter est effici-*
ens Unionis duarum naturarum.
 150. *recte dicitur αὐτοθεός.* 329.
eius Deitas probatur. 43. 354.
seqq. non est Deus factus. 348.
 368. *est Patri similis.* 344. *recte*
dicitur Creator. 369. *extra car-*
nem est citra separationem ab eā.
 479. 534.
Finitudo Creaturarum. 86.
Femina in V. Test. quomodo sœderi ac-
cesserant. 196. *non licuit eis*
administrare circumcisionem 195.

fuerunt instrumenta in revelatio-
ne verbi αὐτοθεο. 11.
Fortuiti eventus subsunt Providentia
Dei. 91.
Fractio panis necessaria in Sac. Cænā.
 203. *non confundenda cum dis-*
tributione. *ibid.*
Fratres Christi qui. 353. 495.

G.

Generatio Filii qualis. 38. 40. 344.
 345. *Scriptura de eā ut pra-*
teritā loquitur, & cur. 39. *Ho-*
minum peccatorum qualis. 124.
Genitum & Ingenitum quomodo diffe-
rant in divinis & humanis. 342.
Genus Dei verum nullum est. 28.
Theologia Genus Doctrina. 2.
Gignere quomodo Spiritui conveniat.
 343.
Gloria Mediatoris consequens muneris.
 157.
Glorificatio quibus partibus consistit. 251.
seqq.
Glorificatorum qualitates. 252.
Græcæ cur scripserint Apostoli. 307. 309.
Gratia opera quæ. 142. *eorum acqui-*
sitio. 143. *applicatio.* 189. *Gratia*
Dei in Christo materia interna
Sacramentorum. 192. *objectum*
fidei iustificantis. 219. *Gratia*
Eminentia in Christo semper per-
fecta fuit. 152. *Gratia habitua-*
les in eodem gradibus paulatim
auctæ. 152.
Gubernatio Dei κατ' ὁμολογίαν. 92.
κατὰ συγχώρησιν. *mediata.* 92.

92. immediata. 94. Christi regis.

171:

Gustare mortem quid significet. 167.

H.

H Abere Deos alios quid. 104.

Habitare corporaliter quid. 532.

Habitus Theoricus vel Practicus non est
genus Theologiae. 2.

Haereticus quid. 261.

Hereditates Iudaorum. 109.

Hominis salus finis Theologiae. 5. Præ-
destinatio. 61. seqq. Electio. 64.

seqq. Reprobatio. 68. seqq. Cre-
atio. 84. 85. peccatum. 119.

seqq. pœna. 137. in vocatione
interna habet se mere passivè. 212.

213. Vetus & novus homo quid.

246. hominum Resuscitatorum
qualitates. 252.

Homonymia vocum ; Theologia. 1.

Verbi Dei. 8. 9 Dei. 26. Filii

Dei. 39. Spiritus. 41. Providen-

tia. 58. 88. Electionis. 64. Cre-

ationis. 78. Legis. 100. Peccati.

115. Gratia. 142. Ecclesia. 178.

Sacramenti. 191. Baptismi. 198.

Fidei. 214. Iustificare. 231. Im-

putare. 238. Traditionis. 290.

Mundi. 400. Concupiscentia.

456. Communicationis. 530.

Humana natura in Christo veritas. 145.

convenientia cum nostrâ. 146.

à nostra discrepantia. ibid. suc-

cessiva formatione producta fuit.

148. sancta est. ibid. ἀνθρώπου

& citra imperfectionem. 149.

quomodo ei communicata sit divi-

na subsistentia.

150

Hysteroses in Scriptura.

327.

I.

I Ehova quid. 27. soli Deo proprium.

27. non tribuitur Angelis 357.

Imago & similitudo Dei quid differant.

84. Imago Dei in homine quid.

85. 414. ejus restitutio fit san-

ctificatione. 246.

Imaginum factura & collocatio locis sa-

cris illicita. 434. eam admit-

tunt Lutherani. 425. Creatura-

rum quatenus licita. 434. Imago

& simulacrum nil differunt. 435.

an & quales Doctores sint. ibid.

qualis cultus imaginibus deferatur

à Pontificiis, 437.

Imitatio Christi in quibus consistat.

553.

Immensitas Dei. 31. quomodo Deo con-

veniat. 32.

Immortalitas status primi vitæ futuræ

quid differant. 417.

Immutabilitas Dei. 31. Electionis. 68.

Reprobationis. 73. operum Gra-

tia. 143.

Imputatio peccati quid. 124. cessavit

circa Christum. 149.

Imputatio Iustitiæ Christi. 238. 679.

imputare quid. 238.

Incredulitatis causa & culpa. 392.

causa cur alii credant, alii non

credant. 639.

Induratio est peccatum & pœna peccati.

72. 73. 117.

Infantes quatenus sint membra Ecclesiæ.

Yyyy 3 181.

I N D E X

181. Baptizandi sunt. 201. 606.
 non admittendi ad S. Cœnam.
 207. non sunt fidei iustificantis
 subiectum *ἡ ἐκτίκων*. 221. de-
 cedentes sine baptismo non damnan-
 tur in peculiari limbo. 474.
Infideles non participant de Sacramen-
 tis. 193.
Ingenitum & genitum quomodo diffe-
 rant. 342.
Intellectus Dei. 32. quomodo Deus o-
 mnia intelligat. 33.
Intellectus subiectum peccati. 117. sub-
 jectum fidei iustificantis unâ cum
 voluntate. 221.
Intercessio Christi qualis. 169.
Interpretatio S. Scripturæ. 19. 304.
Invocatio qualis *Angelis & Sanctis* de-
 functis tribuatur à Pontificiis.
 440.
Ira quatenus Deo competat. 34.
Irregeneratorum opera omnia sunt pecca-
 ta. 248. nulla in eis reliqua vires
 ad bonum. 464.
Index supremus controversiarum Reli-
gionis. 20. 295. seqq. unus tan-
 tum est. 298.
Iudicia Iudæorum in V. T. 108.
Iuramenta quæ licita, vel illicita.
 430.
Quod Iuris Communis est unde agno-
 scatur. 112.
Iustitia Dei. 34. Distributiva, non
 Commutativa Deo tribui potest.
 ibid. qualis sit circa permissionem
 peccati. 96. *Iustitia Dei, Christi,*
Fidei, quomodo dicatur nobis im-
 putari. 240.

Iustitia hominis Originalis. 85. 412.
 inherens non est causa formalis
 Iustificationis. 670.
 de Iustificatione. 231. seqq. fides & bo-
 na opera quomodo in ea opponan-
 tur. 446. 663. *Pauli & Iacobi*
 circa eam conciliatio. 684.

L.

L *Aicis S. Cœna* sub utraque specie li-
 cita & necessaria. 615.
Λατρεία & ὁμολογία non differunt. 443.
Lectio S. Scripturæ omnibus permitten-
 da. 317. seqq.
 de *Lege Dei*. 100. & seqq. 423. seqq.
 quomodo *Christus* eam explicavit
 & vindicavit. 160. 427. Orga-
 non est divina vocationis. 190.
 191. non est absolute possibilis
 iustificatis. 690.
Lex Moralis. 101. seqq. ejus usus. 110.
 quatenus abrogata vel non. 111.
Lex Cæremonialis. 106. seqq. ejus usus.
 110. abrogatio. 111.
Lex Iudicialis. 108. seqq. ejus usus. 110.
 abrogatio. 112.
Lex Naturæ qualis post lapsum. 102.
Levita qui & quæ munia ipsorum. 107.
 mactârunt Pascha. 197.
Liberi Sanctorum quatenus Sancti.
 452.
Liber Vita notat Decretum Electionis.
 65.
Lib. V. T. quot & qui. 17. N. Test.
 qui. 18.
Libertas Dei. 33. Electionis. 68. Re-
 probationis. 74.
 Libertas

RERVM & VERBORVM.

Libertas triplex requiritur ad Lib. Arbitrium. 128.
Liberum Arbitrium hominis ex creatione. 85. *in statu peccati quale.* 129. 452. 464. *subest speciali motioni Dei.* 468. & *servituti peccati.* 451. 468. *in operibus pietatis & ad Conversionem nullum.* 641.
Limbus infantum nullus est. 475.
Luminaria unde producta. 83. *eorum natura, vires & effectiones.* ibid.
Lutheranorum origo & dogmata. 265. *Semipelagianismus.* 289. *dissensus circa communicationem idiomatum.* 509. *admittunt imaginum facturam & collocationem in locis sacris.* 425. *disputant de distributione Decalogi.* 424.
Lux primæ dici qualis. 82. *inde producta luminaria.* 83.

M.

M*agistratus Iudæorum.* 108. *quatenus dicantur Filii Dei.* 331. & *Dii.* 357.
Mala culpa subsunt Providentiæ Dei. 90. 95.
Μαρτυρες quid. 139.
Mater Christi qualis. 147. *fuit peccatrix originaliter & actualiter.* 451.
Materia prima Moysi. 82.
Mediationis Christi actus. 157. *eorum diversum exercitium.* 159. *Christus Mediator secundum utramque Naturam.* 155. 565. *etiam*

apud se. 349. 568. *distinctio inter Mediatores redemptionis & intercessionis rejicitur.* 442.
Melchisedeciani sacerdotii supra Leviticum excellentia. 162. *Melchisedech & Christus in quibus conveniant.* 622.
Merita operum opponuntur gratiæ iustificanti. 233. *Meriti proprie dicti requisita.* 689.
Metonymia Sacramentalis subjecti & adjuncti. 192. 193. *ubi hæreat in verbis Cænæ.* 206.
Militans Ecclesia quæ vocetur. 185.
Ministri Ecclesiæ quinam. 180. *is solis licet baptizare.* 198.
Miracula quæ. 95. 97. *quomodo instrumenta se habeant in eorum patratione.* 95. *Diabolo impossibilia.* 97. *quomodo ea Prophætæ & Apostoli ediderint.* 358.
Monastica vota illicita sunt. 446.
Mors non fuit homini integro naturalis. 415. *æterna quæ.* 137. 168. 563. *piorum qualis.* 138. 416. 555. *Mors Christi æterna & quatenus.* 166. & *seqq.* 563. *in morte Christi Scriptura meritum & materiam justitiæ nostræ ponit.* 235. *mortem gustare quid sit.* 167. *quid mori pro aliquo.* 555.
Moses quomodo Deum viderit. 12. *non fuit summus iudex controversiarum.* 298. *in Moysen baptizari quid.* 339. *quomodo dicatur Deus Aaronis.* 357.
Multi quid significet in Scriptura. 575.
Mun-

I N D E X

Mundus aliquando Electos notat. 400.

579.

Munus Christi, 154. & seqq. commune
omni statui ejus. 151. admini-
stratione finitum. 159. pertinet
ad omnes & solos Electos. 162.

Mutabilitas creaturarum. 86.

N.

Natura opera qua. 77. Deus nihil
agit contra naturam univer-
salem. 94. *Dua Natura in Chri-*
sto quomodo se habeant ad unam
personam. 144.

Nazaræi qui. 108.

Necessitas immutabilitatis ex decreto.
56. 97. *infallibilitatis ex præ-*
scientia, 56. 97. *coactionis ex-*
cluditur à Libero Arbitrio. 128.
hypothetica non tollit studium pie-
tatis. 385.

Nihil negativè & privativè. 80. pro-
ductio ex nihilo quid. 79.

Nomine Dei propria non sunt Synony-
ma. 27. *à Creaturis etiam sumun-*
tur & cur, ibid. *Nomen Dei*
quid, 104.

Nomina pueris indita in circumcisione.
196.

Nota Ecclesia Visibilis. 182. 589. seqq.
invisibilis. 182. 183. *S. Scriptu-*
ra. 16.

Notitia fidei justificantis. 218.

O.

Obedientia Christi causa meritoria
& materialis justificationis.
233. *Vnica est, gradu tamen*
distincta. 234. *potissima ejus pars*
in morte. ibid. *consideratur ab-*
stractivè & concretivè. 233.

Objectum fidei justificantis in V. & N.
Test. substantia idem, circumstan-
tiis diversum. 219. 220. *offer-*
tur de finitè singulis credentibus.
ibid.

Obscuritas S. Scriptura unde. 21. 325.
seqq.

Odium quomodo Deo tribuatur. 34.

Oeconomica constitutiones in V. T. 109.

Ὁμοσεία Personarum divinarum. 45
341.

Ὁμοβελή Personarum divinarum.
341.

Opera Dei qua. 26. 53. *Eorum distin-*
ctio. 73. *externa quatenus Per-*
sonis communio vel singulariter
eis tribuantur. 338.

Opera bona qua. 147. *quomodo oppo-*
nantur fidei in justificatione. 646.
663. *non justificant.* 683. *non*
sunt necessaria ad efficiendam sa-
lutem. 686. *non sunt meritoria*
salutis aeternæ. 688. *Irregeneratorum*
omnia sunt peccata. 240. 470.

Pietatis necessaria & libera. 385.

Opus Morale quod. 247. *perse-*
ctum irreginitus sine speciali Dei
auxilio prestare non potest. 470.

Ὁπασία quid.

12.
O egua

RERUM & VERBORUM.

Ὁμοία quid. ibid.
 Oraculum quid. 13.
 Oratio Dominica explicatur. 248. 249.

P

DE Paschatis Sacramento. 197.
 198.
 Passio Christi prima & secunda. 165.
 Pater quotupliciter dicatur Deus. 37.
 ejus Persona. 37. seqq. Deitas.
 43. quomodo gignat Filium. 39.
 344. Cur ei singulariter tribua-
 tur creatio. 79. 364.
 Patres familias in Vet. Testam. admini-
 strarunt circumcisionem. 195.
 macularunt aliquando agnum Pa-
 schalem. 197.
 Peccatum quomodo consideretur in The-
 ologia. 3. quomodo subsit decreto.
 58. item Providentiæ Dei. 90.
 95. sumitur concretivè & abstra-
 ctivè. 95. 115. abstractivè re-
 ctius definitur. 115. Peccatum
 quomodo peccati alterius causa.
 116. Efficiens ejus datur & quo-
 modo. 115. est etiam prava qua-
 litas, non tantum privatio. 116.
 Peccatum primum quod & qua-
 le. 119. seqq. primus ejus actus
 quis. 122. 451. quomodo potue-
 rit cadere in naturam integram.
 122. quando admissum. 123.
 Peccatum Originale. 123. seqq.
 452. modus propagationis ejus.
 125. quomodo derivetur in ani-
 mam. 126. Actuale. 129. ejus
 varia divisiones. 130. qualis ea

in Veniale & Mortale. 132. San-
 ctorum omnia venialia ex eventu.
 451. Veniale quale Pontificus.
 460. nullum tale per se. 461.
 Peccatum in Spiritum Sanctum
 quale. 132. irremissibile. ibid.
 est certum signum reprobationis.
 73.

Πείθομαι & πεπειθῆσθαι quid. 223. 224.
 in omni verâ fide reperitur. 224.
 Perfectio S. Scripturæ. 320. seqq.
 Permissio peccati abstractivè sumti
 qualis. 95. 96. peccati primi.
 121.
 Persona Divina. 34. seqq. earum ab
 Essentiâ & à se invicem distinctio.
 36. 46. 47. 350. Ordo natu-
 ralis & arbitrius. 37. Increa-
 tarum à creatis distinctio. 46.
 Perspicuitas Scripturæ. 21. 323. seqq.
 Petrus non fuit summus & infallibilis
 controversiarum Index. 300.
 Philosophia quatenus rejicienda. 260.
 Phrasæologia Scripturæ de Christo pro-
 pria & tropica. 153. Sacramen-
 talis qualis. 192. 193. 200.
 205. 206.

Piscium creatio. 84.
 Πλάσις quid. 80.
 Πληροφορεῖσθαι & πληροφορεῖσθαι quid.
 223. 224. in omni vera fide repe-
 ritur. 224.
 Pœna peccati. 135. requisita ejus. 138.
 temporalis. 137. æterna. ibid.
 gravitas pœna Christi. 165.
 Pœnarum genera apud Iudæos. 108.
 Πόσις quid. 80.

Polygamia quatenus concessa in Veteri.
 Zzzz Testa-

I N D E X

- Testamento. 431. Πρώτης in Scriptura quomodo acci-
piatur. 79.
- Pontifex Roman. non est Iudex Contro-
versiarum. 295. 296. non suc-
cessor Moysi & Aaronis. 298. nec
Petri. 300. non princeps Eccle-
sia. 302.
- Pontificiorum origo & dogmata. 264.
qualem cultum imaginibus dese-
rant. 437. quid de justificatione
statuant. 661 quid ipsis sit Ec-
clesia. 271.
- Potentia Dei. 43.
- Prædestinationis decretum. 50. seqq.
376. 411. Complectitur etiam
reprobationem. 59. 377. Ange-
lorum. 60. Hominum. 61. ejus
objectum homo lapsus. 63. Deus
prædestinans non est iniquus, non
simulat, aut decipit, non labo-
rat infirmitatē, nec pravus. 381.
seqq.
- Qualis Prædicatio in propositionibus
Deus est Homo, Homo est Deus.
480.
- Præscientia Dei simplicis intelligentia &
intuitiva. 55. quam necessitatem
inducat creaturis. 56. ad omnia
se extendit. 386.
- Præsentia Divina qualis circa creatu-
ras. 32.
- Precatio fidelis. 248. 249.
- Prima persona pluralis apud Hebræos
non usurpatur de uno. 336.
- Principium Moysi & Iohanni idem.
362.
- Profectio Spiritus Sancti quid. 42.
- Productio ex nihilo quid. 333.
79. Προνοίας in Scriptura quomodo acci-
piatur. 79.
- Propheticum Christi munus. 159. seqq.
- Proprietates Dei quales. 30. quatenus
communicabiles dicantur. ibid.
negativa. 31. affirmativa. 32.
per eas cognoscitur essentia. 29.
proprietates incommunicabiles quid.
35.
- Providentia decretum 58. quomodo se
habeat circa peccatum. ibidem.
- Providentia. 88. seqq. ejus ob-
jecta in diversis classibus. 89. seqq.
quomodo versetur circa peccatum
90. 95. seqq. inde non sequitur
Deum esse autorem peccati. 421.
- Pugna in regnitis. 246.
- Purificationes Vet. Test. an sacramen-
ta. 195.
- Q.
- Q. Vaternitas non datur in Deo.
350.
- R.
- R. Atio humana non est principium
Theologia. 22. ejus in Theo-
logia usus. ibid.
- Reatus peccati adjunctum. 118. ejus re-
tentio. 72.
- Regium Christi munus. 170. seqq. et-
iam ad hostes se extendit. 171.
- Regnum Christi quale. 172. 173.
- Relatio Personarum divinarum quid &
qualis. 35.
- Remissio peccatorum quid 237. est per-
fecta

RERUM & VERBORUM.

fecta omnium peccatorum. 241.
est justificatio. 674.
Reprobatio Angelorum. 61. Hominum.
68. seqq. absoluta. 407. nihil
certi de ea statui potest ante mor-
tem. 73.
Reprobatorum peccata quatenus causata
impulsiva reprobationis. 69. cer-
tus eorum numerus. 70. 409.
non sunt membra Ecclesiae. 180.
581. quomodo interitus eorum fi-
nis 377. quae ratio Vocationis ex-
terna circa eos. 383. seqq.
Resurrectio sanctorum. 251. impiorum
qualis. ibid.
Revelationis divinae ordo. 4. media &
gradus. 7. 8. modi varii. 9. 12.

S.

SAbbati institutio. 85. ejus sanctifica-
tio imperata. 105.
Sacerdotale munus Christi. 161. per-
tinet ad omnes & solos electos.
162. ejus actus. 163. non est
officii regii administratio. 545.
Sacerdotes summi & inferiores. 107.
sumus eodem tempore non nisi u-
nus. 299.
Sacramenta. 191. eorum in V. & N.
Testamen. convenientia & discre-
pantia. 194. 598. sunt signa &
sigilla gratiae, & cur. 192. gra-
tiam in se reapse non continent.
595. duo tantum Nov. Testam.
600.
Sacramentalis Phraseologia propria &
tropica. 192. 193. 205. 206.

Sacrificia Vet. Testam. quae & quotu-
plicia. 106. non fuere Sacramen-
ta propriae. 195. propitiatoria
typi sacrificii Christi. 432. Sa-
crificium verum & reale non per-
agitur in Cæna. 618.
Samosatenianorum origo & dogmata.
263. modi Filiationis divinae. 331
negant sacerdotale munus Christi.
545. cur Christum Servatorem
dici censeant. 547. quid de Insti-
ficatione statuunt. 661.
Sancti defuncti non sunt invocandi.
440.
Sanctificare diem quid. 105.
Sanctificatio. 245. seqq. constat mor-
tificatione & vivificatione novi
hominis. 246.
Sanctitas Humanae Naturae Christi. 148.
Ecclesiae qualis. 183.
Satisfactio Christi pro peccatis necessa-
ria. 162. vera & propria. ibid.
553. perfecta & adequata justi-
tia Dei. 163. seqq. approbatio e-
jus. 168. nota fidelibus V. & N.
T. 651. eam primus negavit Pe-
trus Abailhardus. 261.
Schisma quid. 262.
Scriptio Verbi Dei fuit necessaria. 19.
315. seqq.
Scriptura Sacra. 14. seqq. 266. seqq.
ejus testimonium de seipsa. 16.
272. 274. non est iudex Contro-
versiarum sed lex judicis. 303.
ejus sufficientia. 20. 320. ejus
sensus unicus. 18. 292. seqq.
Sensus Iustificationis est actus divisus &
imperfectus. 242.
Zzzz 2 Sermo

I N D E X

Sermo apud Iohannem quid. 359.
Servator quare appelletur Christus. 157.
Similitudines adumbrantes generationem Filii. 40. *processionem Spiritus Sancti.* 42. *Sacramentales.* 192. 195. 107. 200. 205.
Singulorum est Prædestinatio. 63. 64. *singulis offertur definitè gratia Dei in Christo.* 220. & *per fidem applicatur.* 223.
Somnia divina quæ. 12. *quotuplicia.* 13.
Speculum cœlestē fabulosum est. 441.
Spes quid sit. 225. *ejus à fide differentia.* ibid.
Spiritus Sanctus persona Deitatis. 41: *seqq. ejus Deitas probatur.* 44. 371. *seqq. non potest dici Pater Christi secundum Hum. Nat.* 146 *non est motus seu qualitas.* 333. 373. *virtus & donum Dei quatenus dicatur.* 373. *quomodo ab homine denominetur.* 374. *quomodo mittatur à Patre & Filio.* 375. *quatenus Patri sit similis & dissimilis.* 345. *Spiritus Sanctus testificatur de Scriptura.* 15. *est iudex Controversiarum.* 296. *est efficiens vocationis internæ singulariter.* 211. *Fidei Iustificantis.* 217. *Sanctificationis.* 245. 247.
Spiritus quotupliciter dicatur. 42. *privatus Filiorum Dei est iudex controversiarum.* 304.
Status Christi varii. 158. *hominis quadruplex, & in singulis Lib. arb. usus.* 128. 129.
Sumere nomen Dei quid sit. 104.

Surdi quatenus possint esse membra Ecclesie. 181.
Synedrium magnum. 109.
Synonyma, Theologia. 1. *Verbi cælestis.* 14. *Dei nulla sunt.* 27. *Personæ.* 34. *Decreti.* 54. *Prædestinationis.* 62. *Electionis.* 64. *Reprobationis.* 68. *Peccati.* 115. *Originalis peccati.* 124. *Pena peccati.* 135. *Unionis duarum naturarum in Christo.* 149. *Ecclesiæ.* 178. *S. Cænæ.* 202. *Vocationis internæ.* 211. *Fidei iustificantis.* 216. *Remissionis peccatorum.* 238. *Sanctificationis.* 245. *Controversiarum Religionis.* 258.

T.

T*erra nomine quid significetur Gen. I. v. I. 82. ejus siccatio & germinatio.* 83.
Testamentum pro libris Sacris. 14. *Vetus est Christianis Canonicum.* 279. *Novo non est contrarium.* 280. *Veteris Test. tempus cui ita dicatur.* 561.
Testimonia auctoritatem Scripturæ confirmantia quæ. 15.
Theologia principium Scripturæ. 21. *differt à verbo Dei.* 22. *ejus Divisiones.* 25. *Theolog. Elenctica necessitas.* 138.
Τίσις quid. 138.
Traditiones non scriptæ non necessaria. 21. 289.
Transmu.

RERUM & VERBORUM.

<i>Transmutatio vivorum in Resurrectione.</i>	252.	<i>Vita Dei.</i>	32.
<i>Transsubstantiatio Symbolorum in Cæna nulla est.</i>	610.	<i>de Vita Aeterna.</i>	253. & seqq.
<i>Trinitatis mysterium probatur.</i>	36. 330	<i>Vivorum in Resurrectione transmutatio.</i>	252.
<i>seqq. cur obscurius in Vet. Test. patefactum.</i>	334.	<i>Vnio duarum naturarum in Christo.</i>	149. seqq. quando facta. 151.
<i>Trinitas est efficiens Providentia.</i>	88.	<i>eius manifestatio.</i>	154. unia hypostatica in Christo unica. 479.
<i>Trinitatis. 78. Unionis duarum Nat. in Christo.</i>	150.	<i>Vnitas Ecclesia in quibus consistat.</i>	183
<i>muneris Christi singulariter.</i>	155.	<i>Baptismi.</i>	201. 202.
<i>est iudex controversiarum summus.</i>	303.	<i>Fidei iustificantis.</i>	225.
<i>Trinum & unum quomodo tribuantur Deo.</i>	349.	<i>Iustificationis.</i>	241.
<i>Triumphans Ecclesia quæ.</i>	185.	<i>Vniversalitas peccati primi.</i>	123.
<i>Τεοπολογία</i>	19. 294.	<i>peccati originalis.</i>	126.
<i>Tropus quis & ubi hæreat in verbis Cæna.</i>	206.	<i>credentium.</i>	575.
		<i>Vnum & trinum quomodo Deo tribuantur.</i>	349.
		<i>Vocatio externa mixtim pervenit ad Electos, & vocatos tantum.</i>	189.
		<i>quibus instrumentis fiat.</i>	ibid. quæ partes in ea legis & Euangelii.
		<i>190. & seqq. quæ ejus ratio circa Reprobos.</i>	383.
		<i>non est universalis.</i>	392.
		<i>Vocatio interna.</i>	211. tantum electorum est. 212. ejus eventus infallibilis.
			213.
		<i>Voluntas Dei.</i>	33. modus volendi, ib. signi & beneplaciti non contrariantur.
		<i>57. Antecedens & Consequens.</i>	388. 389. invicem pugnant. 391.
		<i>quatenus hæc divisio orthodoxe sumatur.</i>	390.
		<i>Voluntas Absoluta & Ordinata.</i>	391.
		<i>Voluntas humana non subest influxui luminarium.</i>	83.
		<i>est subjectum peccati.</i>	117.
		<i>fidei iustificantis.</i>	221.
		<i>Vrim & Thummim quid.</i>	13.

V.

<i>Veracitas Dei.</i>	32.
<i>Verbum Dei quid significet.</i>	8. 9.
<i>modus relationis ejus.</i>	9. ἀγχα- φον, 10. quamdiu duraverit. 11.
<i>ἐγχαφον. 14. differt à Theologia.</i>	22. est nota Ecclesiæ visibilis.
<i>182. organon divinæ vocationis,</i>	189.
<i>objectum fidei Iustificantis & quomodo,</i>	218. 219.
<i>Versiones Scripturæ.</i>	19. 305. earum auctoritas. 12. necessitas. 306. seqq.
<i>vulgata Latina non est authentica.</i>	310.
<i>Visiones quid fuerint,</i>	12. earum species. ibid.

HENRICI ALTING
S. Theol. Doct. & Profess.
SCRIPTORUM
THEOLOGICORUM
HEIDELBERGENSIUM
Tomus Secundus :

continens
PROBLEMATATA THEOLOGICA,
*tam Theorica, quàm
Practica.*



AMSTELODAMI,
Apud JOANNEM JANSONIUM
c1o DC XLVI.

HENRICI ALTING
S. Theol. Doct. & Prof.
SCRIPTORIUM
THEOLOGICORUM
HEIDELBERGENSIVM

Tomus Secundus :

continens

PROBLEMATICA THEOLOGICA,

cum Theoria, quoniam
P. Alting.



Amstelredami
Apud Joannem Jacobum
class. libr.

HENRICI ALTING
I N
P R O B L E M A T A
T H E O L O G I C A
P R O O E M I V M.



Problema vox Græca est ἀπὸ τῆς προσβάλλειν dicta, ^{Problema quid.} quod est opponere, objicere, in medium afferre. Significatus vocis varii sunt, & inter se diversi. Hoc loco accipitur γενικῶς, pro quaestione, quæ ad explicandum proponitur: ut idem sit quod ζήτημα sive ἐρώτημα, propositio quaestionem seu interrogationem habens. In Philosophia propriè Problemata appellant, rerum abditarum ^{In Philosophiâ.} perquisitiones, & conjecturas, quibus magis acumine quodam mentis, quam certâ indagine remotiora naturæ arcana explorantur: cujusmodi sunt Problemata Aristotelis & Plutarchi. Sed in Theologiâ hoc nomine intelliguntur quaestiones ^{In Theologiâ.} controversæ, obscuræ, difficiles, quæ circa explicationem Scripturæ, aut dogmatum Theologorum moveri solent. Talia olim in Commentariis & Epistolis tractavit B. Augustinus: superiore seculo tribus libris explicavit Benedictus Aretius Bernensis, Clarissima memoria Theologus; quæ sub Problematum Theologorum titulo hodieque prostant & leguntur.

Sunt autem qui Problemata & quaestiones Theologicas uni- ^{Non damnantur à Paulo uni- versa.} versè rejici & damnari à Paulo contendunt. 1 Tim. 1. v. 4. 6. cap. 6. v. 20. 2 Tim. 2. v. 14, 16, 23. Tit. 3. v. 9. Quod si ita est, jam suo ipsius exemplo redarguitur Apostolus, qui in Epistolâ primâ ad Corinthios, in Epistolis ad Thessalonicenses, & alibi ea explicavit. Frustra etiam jubet Episcopum esse ἐλεγχπκὸν, qui possit ἀντιλέγοντας ἐλέγχειν, contradicentes refellere, Tit. 1. v. 9. cum id sine disquisitionibus, aut disputationibus fieri nequeat. Nec laudandus erat Apollo, quod in refutandis per Scripturâ Judæis acutus ac solers fuerit Act. 18.

P R Æ F A T I O.

sed solum
inutilia.

Problem:
Theologica
debent esse.
Necessaria.

Utilia.

Perspicua.

Suntque.

Theorica,

Practica.

Act. 18. v. 27. 28. Non igitur damnat omnes συζητήσεις & disquisitiones de rebus fidei & salutis: sed eas solum, ex quibus nihil pietatis aut solida doctrina colligitur: quæque magis vanâ curiositate, aut contendendi libidine, quàm discendi studio suscipiuntur. Hujusmodi Pauli ætate erant quæstiones Judæicæ, & falsorum Doctorem, quibus jam tum corrumpebatur doctrina Christiana puritas, sinceritas. Superioribus ætatibus fuerunt disputationes Theologorum Scholasticorum, de quibus infra suo loco. Hæc problemata nec probamus, nec proponemus: quin potius τῆς ψευδωδοῦς γνώσεως nomine cum Apostolo damnamus 1 Tim. 6. v. 20. Intelligimus autem problemata tum Necessaria, tum Utilia, tum etiam Plana ac perspicua. Necessaria, vel propter controversias cum adversariis sana doctrina, vel propter difficultatem rerum divinarum: quæ sæpè discrepantes sententias etiam inter Orthodoxos parit. Utilia, si-
ve ad doctrinam fidei plenius intelligendam, si-ve ad vitam ac vocationem secundum voluntatem Dei rectius instituendam. Plana denique ac perspicua, tam quoad terminos ac phraseologiam Theologicam, quam quoad formam, modum, ac methodum explicationis. His requisitis Problemata Theologica eorum que tractationem circumscribimus. Ex quibus liquet esse ea duorum generum; Theorica & Practica.

Theorica voco, quæ circa doctrinam fidei versantur: & veram dogmatum Christianorum cognitionem pro scopo habent.

Practica sunt, quæ vitam, mores, ac vocationem spectant, & ad rectam horum informationem, seu proprium finem, referuntur.

In utroque genere non omnia, sed selectiora, ac presentibus Ecclesiæ rebus accommodatiora proponemus & exsequemur.

PROBLEMATUM THEOLOGICORUM

P A R S P R I O R

Complectens

P R O B L E M A T A

T H E O R I C A.

P R O B L E M A P R I M A M.

An sit, & quousque pateat Noticia Dei Naturalis?

*N*aturale hîc intelligitur. I. Non quod ^{Naturale hîc dicitur quod tale est.} *Concreatum* est primo homini in statu integritatis: sed quod ipsi post lapsum in statu peccati fuit relictum. II. Nec quod tale est *Actu*, quasi actualis Dei notitia inest homini, simul ac nascitur: tunc enim nec bonum, nec malum novit *Iesâ. 7. v. 16.* aut *Habitu*, quasi habitus aliquis intellectualis ipsi ingeneretur, qui crebris actibus seu continuatis opéra-

tionibus sensim acquiri solet: sed tum *principio*, tum *Objecto* naturali. *Principio* quidem, quatenus omnibus hominibus insita est vis ac facultas, quâ non solum possunt Deum cognoscere, sed etiam reapse cognoscunt, persuasionem ac instinctu ipsius nature, se ultrò & sponte, etiam citra institutionem, exferentis in adultis, sanâ mente præditus. *Objecto* verò, quia toti mundo omnibusque ejus partibus impressa sunt tam evidentia ac luculenta Deitatis vestigia, ut ex consideratione eorum quilibet ratiocinando concludere possit, esse Deum, seu Numen aliquod.

A

Gemino

2. HENRICI ALTING.

Dari natura-
lem Dei co-
gnitionem
probant.

Gemino hoc modo aliquam dari Naturalem Dei Cognitionem,
demonstratur Testimoniis Scripturæ, ac Rationibus.

Testimonia sunt :

Dicta.

Rom. 1. v. 19.
20.

Rom. 1. v. 19. 20. *Quod de Deo cognosci potest, manifestum est in ipsis, id est, in mentibus eorum. Deus enim manifestum fecit eis, scilicet per notitias naturales, Ipsius enim invisibilia, jam inde à conditu mundo ex iis quæ fecit, mente perpensa pervidentur; æterna videlicet ejus tum potentia, tum divinitas; ad hoc, ut sint inexcusabiles.*

Rom. 2. v. 14.
15.

cap. 2. v. 14. 15. *Gentes, quæ legem non habent, naturâ, id est, ejus instinctu, quæ legis sunt faciunt, adeoque legem non habentes, sibi ipsis sunt Lex; Ut qui ostendant opus Legis scriptum in cordibus suis, una testimonium reddente ipsorum conscientia, & cogitationibus sese mutuo accusantibus, aut etiam defendentibus.*

Act. 14. v. 15.
seq.

Actor. 14. v. 15. 16. 17. *Annunciantes, ut à vanis istis rebus convertatis vos ad Deum illum vivum, qui fecit cælum & terram, & mare, & omnia quæ in eis sunt: Quique præteritis ætatibus fuit omnes gentes suis ipsarum viis ingredi. Quanquam non passus est se esse experiri testimonii, bona tribuendo, dans nobis cœlitus pluvias: ac præstituta tempora fructibus perferendis, implens cibo & delectatione corda nostra.*

Act. 17. v. 23.
seq.

cap. 17. v. 23. & seqq. *Inveniarum, cui inscriptum erat, Ignoto Deo. Quem ergo ignorantes colitis, hunc ego vobis annuncio: Deus ille qui fecit mundum, & omnia quæ in eo sunt & c. Ut quærerent Dominum, si forte palando eum invenirent; quanquam profectò non longè abest ab unoquoque nostrum, id est, in nobis ipsis vult vestigia divinitatis confiderari. In ipso enim vivimus, & movemur, & sumus: Sicut & quidam vestratum Poëtarum dixit; Nam hujus progenies etiam sumus.*

Psal. 19. v. 2.
seq.

Psal. 19. v. 2. & seqq. *Cœli enarrant gloriam Dei, & opus manuum ejus indicat expansum eorum: Dies ad diem eructat sermonem, & nox ad noctem ostendit scientiam, & c.*

Iob. 12. v. 7.
seq.

Job. 12. v. 7. 8. 9. *Enimverò interroga, quæso, jumenta, & docebit te illorum quodque; aut volucrem cœli & indicabit tibi: aut confabulare cum terrâ, & docebit te: etiam enarrabunt tibi pisces maris. Qui non cognovit ex omnibus istis, manum Iehovæ facere illud.*

Rationes:
1. q. Lex nat-
uræ omni-
bus naturâ
nota.

Rationes sunt.

I. *A lege Naturæ:* Quibus notitia Legis naturæ est naturalis, iisdem etiam naturalis est cognitio Legis latoris Dei. Omnibus, & sin-

& singulis hominibus notitia Legis naturæ est naturalis. Ergo. *Minor* est Apostoli *Rom. 2. v. 14. 15.* quæ ipsa legis naturæ definitione comprobatur : quod sit lumen dictamenque illud rationis, quo inter bonum & malum omnes naturaliter discernunt. Consequentia *Majoris* exindè patet, quod notitia legis naturæ includat cognitionem Legis latoris Dei: cujus autoritate homines obligat ad obedientiam; iisdemque præmia vel pœnas denunciat.

II. à *Testimonio conscientia*: Quod Conscientia omnibus hominibus dictat naturaliter, id ipsis est naturale. Atqui dictat eis naturaliter, esse aliquod Numen, probans rectè, improbens & puniens malè facta. *Ratio*; quia universaliter hominum facta consequitur approbatio vel improbatio mentis, & lætitia vel metus cordis. Ergo.

2. q. Conscientia cui-que dictat esse aliquod Numen.

III. *ab imagine Dei*: Imago Dei, qualis post lapsum remansit in homine, est ei naturalis; argumento locorum *Genes. 9. v. 6. Iac. 3. v. 9.* Notitia aliqua & sensus Deitatis est Imago Dei: vel saltem quædam ejus pars. Ergo. *Minor* probatur, ex definitione Imaginis Dei post lapsum, quod sit notitia in mente de Deo, de naturâ, de discrimine honestorum & turpium *Rom. 1. v. 19, 20. cap. 2. v. 14, 15.*

3. q. Imago Dei quæ superest, naturalis est.

IV. *ab experientia Universali*: Quod omnibus & singulis hominibus communiter & immutabiliter inest, id eis inest naturaliter. *Ratio*: quia Naturalia omnibus speciei individuis conveniunt, nec mutari possunt. Atqui notitia ac sensus divinitatus, omnibus ac singulis hominibus communiter & immutabiliter inest. *Communiter*: quia nulla est tam barbara natio, nulla gens tam efferata, cui non infideat hæc persuasio, Deum esse; prout ex omnium temporum & populorum observatione verissimè pronunciat Cicero *lib. 1. de naturâ Deorum*. Omnes enim Gentes cerimonias quasdam religiosas exercent. Imo Indi *Brasiliani* ipsum Cacodæmonem potius pro numine colunt, quàm ut nullum putentur habere Deum. Ex Philosophis quidem inventi sunt *Diagoras, Protagoras*, alii, qui Deum esse negarunt: sed negarunt cum conatu, non effectu: sermone ac vitâ, non conscientia: negarunt item quoad providentiam, non quoad essentiam sive existentiam. *Immutabiliter*: quia sensus ille divinitatis ex mentibus humanis deleri nunquam potest. Conati id sunt homines impiissimi & sceleratissimi, omnibus seculis: Actum verò egerunt. Imo gravissimo Dei metu

4. q. Notitia hæc omnibus communiter & immutabiliter inest.

perculsi sunt, quoties ille majestatis aut iræ suæ signa quædam ostendit. Ergò.

Notitiæ naturalis.

1. Objectum.
τὸ γνωστὸν
τῷ Θεῷ.

Atque hic homines naturaliter.

1. De Deo.
Norunt quod sit.

Qualis sit.

*Testimonia
Ethnicorum.

Ignorarunt.
Quis sit singulariter.

Jam secundo loco, quousque pateat Notitia Dei naturalis cognoscamus. Id verò partim ex *Objectis*, partim ex *Adjunctis* sive *Affectibus*, partim denique ex *Finibus* & *effectis* liquebit.

OBJECTVM generatim vocat Apostolus τὸ γνωστὸν & Θεῷ, cognoscibile Dei Rom. 1. 19. Articulus limitat hanc cognitionem; quia plurima ἀγνωστα, quæ naturali ratione comprehendi nequeunt. Speciatim tria sunt: nim. *Deus*, *voluntas Dei*, & *Opera ipsius*.

DE DEO, prout absolutè, & in se spectatur, duo Homines naturaliter cognoscunt: Unum, *quod sit Deus*, sive quod sit Numen aliquod Divinum. Id enim dictis Scripturæ & Rationibus, ipsæque Experientiâ Universali modo confirmavimus. Alterum *Qualis sit Deus*, *Attributis*, sive proprietatibus. De quo ita Apostolus Rom. 1. 20. *Ipsibus enim Invisibilia*, jam inde à condito mundo, ex iis quæ fecit mente perpensa pervidentur, æterna videlicet ejus tum potentia, tum divinitas. Ubi aliquot attributa commemorat: Invisibilem sive Spiritualem essentiam, æternitatem, omnipotentiam, & divinitatem: quam utcunque ostendunt attributa, Sapientia, Bonitas, & Justitia, &c. quæ in fabricâ mundi elucet. Idem evincunt illustres sententiæ Philosophorum, quas nobis in scriptis suis reliquerunt. Plato religiosè passim de Deo loquitur in *Timæo*, & alibi: *Deus*, inquit, *est vivens, immortale, sibi sufficiens ad felicitatem, substantia æterna, & causa boni in naturâ*. Item: *Deus est summè bonus supra omnem substantiam & naturam, qui cuncta explet, cum ipse sit plena perfectionis, & nullius societatis indigus*. Et in lib. de legibus ait: *Deum esse bonum, & causam bonorum omnium*. Quod Xenocrates quoque & alii de Deo sensere. *Aristoteles lib. 12, Metaphysicorum cap. 7, dicit: Deum esse vivens, æternum, optimum: & paulò post: esse substantiam æternam, immobilem, magnitudinis expertem, indivisibilem, infinitam, impossibilem, & immutabilem; à sensibus separatam. cap. 8. palam Deum ponit esse unum numero & ratione: immobilem*. Ex Latinis *Cato Deum* fatetur *esse Spiritum, & purâ mente colendum*. *Cicero mentem secretam* vocat *ab omni labe*: & quæ sunt alia hujus generis. Ignorarunt etiam duo naturaliter de Deo. Unum, *Quis sit ille Deus in individuo & singulariter*. Idèò dicuntur ignorasse Deum, Gal. 4. v. 8. coluisse ignotum Deum, *Actor. 17. 23.* item ignorasse quid colerent, *ibid. Ioh. 4. vers. 22.* imò etiam sine Deo fuisse in

mundo *Ephes.* 2. v. 12. Sola enim Ecclesia ex Dei patefactione novit, Quis sit: & dicitur in V. T. *Deus Abrahami, Isaaci, & Iacobi*, Exodi: 3. v. 6. in N. T. *Deus ac Pater Domini nostri Iesu Christi* Eph. 1. 3. Alterum, *Quod in unâ Essentiâ Divinâ sint tres Personæ, Pater, Filius, & Spiritus Sanctus*. Hoc enim mysterium mysteriorum nec ex Principio, nec ex Objecto naturali cognosci potest; sed ex solo verbo per supernaturalem revelationem cognoscendum, sicut dicitur *Ioh.* 1. v. 18. *Math.* 11. 27. & *cap.* 16. 17. Unde Philosophi & Ethnici omnes id luce naturæ prorsus ignorarunt.

Quod in unâ
essentiâ sint
tres perso-
næ.

VOLUNTAS Dei, Lege & Evangelio nobis est patefacta. De quâ naturaliter cognoverunt *Legem* & doctrinam ejus. Nam opus Legis scriptum fuit in cordibus eorum, teste Apostolo *Rom.* 2. v. 14. 15. Et quidem eam cognoverunt secundum utramque tabulam. Quoad *Primam*, quia præscripserunt cultum Dei internum, eumque cultibus externis prætulerunt. Nota est *Platonis* sententia: *Non rectè coli Deum sacrificiis; cum omnia bona ab illo nos accipiamus, ipse verò à nobis nihil, tanquam indigus: Ideoque ei soli nos debere honorem & gratiam*. Notum est illud *Catonis*:

2. de volunta-
te Dei.
Cognove-
runt Legem
quoad tabu-
lam.
Primam.

*Si Deus est animus, nobis ut carmina dicunt,
Hic tibi præcipuè sit purâ mente colendus.*

Præclare etiam *Cicero lib. 2. de Nat. Deor.* *Cultus Deorum is est optimus, idemque Sanctissimus & castissimus pietatis, ut Deos semper purâ, integrâ, incorruptâ, & mente & voce veneremur*. Nec prætereundum illud *Seneca epist.* 34. *Sic vivendum est, tanquam in conspectu Dei vivamus: Sicque cogitandum, tanquam aliquis in pectus possit inspicere*. Quoad *Secundam*: quia quæ ad justitiam externam & vitæ civilis officia pertinent, diligenter tradiderunt & explicarunt, prout ex libris Ethicis, sive de moribus, videre est. Ignorarunt verò naturaliter *Evangelium*, & totam doctrinam de gratuita Remissione peccatorum per & propter Christum. Hanc enim Filius Dei, è sinu æterni Patris prolatam, soli Ecclesiæ revelavit *Ioh.* 1. 18. *Matt.* 11. 27. *Fuit etiam Græcis*, id est, Ethnicis *stultitia* 1. *Cor.* 1. 23. *cap.* 2. 9. 10. *Oculus non vidit, nec auris audivit, nec in mentem hominis venerunt, quæ paravit Deus iis, à quibus ipse diligitur. Nobis autem Deus ea retexit per Spiritum suum*. Quodcumq; autem lumine naturæ cognoscitur, id mente, vel sensu percipitur; Sed Evangelium nec menti perceptibile est, in quam nunquam venit; naturali vid. luce; nec sensui,

Secundam.

Ignorant
Evangelium.

sui, cum nec oculus illud viderit, nec auris audiverit. Ergo.

§. De Operi-
bus Dei.
Cogno ve-
rant Creati-
onem.

OPERA Dei alia sunt Creationis & Gubernationis, alia Redemtionis. Illa naturaliter cognoverunt Gentiles. Primum de Creatione, & origine omnium rerum existat sanum iudicium Platonis in *Sophista*. & lib. 10. *Polit.* In *Timæo* quoque totius mundi Conditionem & Patrem facit Deum. Aristoteles etiam Deum passim vocat *Ens primum, motorem primum, principium primum, à quo omnia sint, & per quem omnia consistant.* Secundò de Conservatione & Providentiâ tota Philosophia testatur. Plato in *Phædro*, & lib. 10. de legibus suavissimè de eâ philosophatur: & præter ipsum innumeri alii. Præ cæteris autem strenui assertores ejus Stoici fuere. Ista naturaliter ignorarunt. Est enim doctrina Redemtionis propria Evangelii, quod illi ignorarunt, vel saltem, ut stultum riserunt *1. Corinth. 1. & 2. capp.*

Conserva-
tionem &
Providen-
tiam.

Ignorarunt
Redemtio-
nem.

Ex his jam planum est, quid de Deo naturaliter sciverint Ethnici, quid item ignorarint.

An myste-
rium Trini-
tatis &
Euangelium
Gentilibus
fuerit cogni-
tum?
Argumento
scriptorum
Hydaspi.
Mercurii
Trismegisti,
Sibyllarum
&c.

Priusquam verò ad alterum caput de Adjunctis sive Affectionibus Notitiæ naturalis progrediamur, illud expediendum est, Annon latius pateat objectum Notitiæ Naturalis, nim: ut mysterium Trinitatis & Evangelii quoque complectatur? Sunt qui sic opinantur non pauci, moti carminibus Sibyllarum, & scriptis Hydaspi, Mercurii Trismegisti, Platonis & aliorum. Hydaspi præter illa, quæ ex ipso afferunt Justinus, Clemens, Lactantius, nihil hodiè existat. In *Mercurio* & *Sibyllinis oraculis* existant mysteria non pauca: de S.S. Trinitate; de verbo Filio Dei, per quem mundus sit conditus; de nascituro Christo è virgine, de passione ipsius, & Cruce & resurrectione &c. ita clarè & perspicuis verbis exposita, ut vix, ac ne vix quidem, simile quid è Mose & Prophetis queat adferri.

Resp. Negatur
i. q. in scri-
ptis illis
multa sup-
posititia
sunt.

Resp. Id verò pernegamus. Ratio duplex est. Vna, quia in Hydaspe, quem Justinus *Hystaspem* nominat, in *Mercurio Trismegisto*, *Oraculis Sibyllinis*, & aliis multa sunt adulterina & supposititia: quæ Patres confinxerunt, ut Gentilibus fidem facerent Religionis Christianæ. Quod probatur. I. quia mysteria illa in his scriptoribus clarius proposita sunt Gentilibus, quàm ipsi populo Dei in Mose & Prophetis, quod est contra Scripturam *Psal. 76. v. 2. 3. & 147. v. 19. 20.* & alibi. II. quia Apostolus tempora ante Christum vocat *tempora ignorantie Act. 17. v. 30.* & doctrinam de salute Gen-
neris

neris humani ante Christi incarnationem, dicit fuisse *Mysterium absconditum à seculis, nunc autem manifestum factum Coloss. 1. v. 26. Rom. 16. v. 25. 26. Eph. 3. vers. 9.* III. quia in *Trismegisto*, qui Mo- se est antiquior, multa narrantur, quæ post Christum acciderunt: occurrit etiam *ἡ ἐποποιήσις*. In *oraculis Sibyllinis* expressum reperitur Iesu Christi nomen, itemque Iohannis Baptistæ IV. quia apud Scriptores vetustissimos, & omnium disciplinarum scrutatores cu- riosissimos, Platonem, Aristotelem, Theophrastum, nullum eor- um exstat vestigium, quæ nunc in Mercurio & Sibyllis legun- tur. V. Constat ex Patribus, & Historiâ Ecclesiasticâ, primis Ecclesiæ temporibus exstitisse quamplurimos, qui veritatem do- ctrinæ Christianæ his commentis commendarint, confirmarint. Quo ex fonte etiam orti sunt libri sexcenti sub nomine Christi, A- postolorum, aliorumque Sanctorum publicati: qui non amplius exstant. *Alter*, quia quæ Plato & alii supra communem modum & sortem naturalem cognoverunt, ea aliunde, quàm ex luce na- turæ profecta sunt. I. Ex Majorum traditionibus: quæ licet à posteris sint depravatæ, tamen umbras quasdam retinuerunt: & in vetustis major omnino fuit integritas. Exemplo sunt Job & ami- ci ejus; Melchizedec, alii. II. ex Conversatione cum Judæis in peregrinationibus & captivitate, tibi veram religionem exercu- erunt more patrio. Sic Ægyptios docuerunt Joseph, *Ps. 105. v. 22.* Filii Israël, & post Jeremias. Assyrios Israëlitzæ Captivi *2. Reg. 17. cap.* Babylonios Daniel, & Socii. III. ex Lctione libro- rum sacrorum: tum postquam versi sunt à LXX Interpretibus, trecentis annis ante Christum, auspiciis Ptolomæi Philadelphi: tum etiam (sicut sunt qui statuunt) ex eorundem laciniis quibus- dam, etiam ante versis: Justinus Martyr in *secundâ Apologia pro Christianis*, Tertullianus in *Apolog. cap. 44.* Eusebius *lib. 9. præpa- rat. Evangel. cap. 3.*

2. q. quæ
Plato alii que
habuerunt e-
jus generis,
non naturâ,
sed aliunde
habuerunt.

ADJUNCTA five *Affectiones* Notitiæ hujus naturalis Dei, qualis est post lapsum, sunt quinque. I. est *Vera*; quia dicitur veritas Dei, *Rom. 1. v. 18. detinent veritatem*, id est, veras notitias de Deo colendo, & proximo diligendo, in *injustitiâ*. II. *Im-*

I. Adjuncta,
quod.
Vera:

Imperfectat

perfecta; quia major pars notitiarum de Deo, ex mente deleta est per peccatum. Quod liquet in triplici illo genere Objecti. In *Pri-*

Filii

Corrupta.

Languida.

Inæqualis.

Finis & Efecta.

Non salus æterna.

Filii, *Ioh.* 3. vers. 16. *Rom.* 8. v. 32. non iustitiam, quia non iram adversus peccatum, *Esa.* 53. cap. *Rom.* 3. v. 24. 25. non sapientiam, quia in Christo, thesauri sapientiæ absconditi sunt *Colos.* 2. v. 3. & *πλοῦσία & σοφία* 3. Θεῶν, non nisi per Ecclesiam innotescit. *Eph.* 3. v. 10. In secundo; Quia de interioribus cultibus primæ tabulæ nihil distinctè noverunt, aut statuerunt, qui cultus Deo placeant, neque in officiis secundæ tabulæ agnoverunt & damnaverunt pravam concupiscentiam *Rom.* 7. In Tertio; quia opera Creationis & Conservationis dubiè & confusè solum tradiderunt. III. Corrupta, non integra: quia notitiæ reliquæ falsis ingenii humani rationciniis obscuratæ sunt & depravatæ *Rom.* 1. v. 21. & seqq. idque partim communi vanitate ingenii humani: partim singulari quorundam malitiâ, qui Dei veritatem detinent in iniustitiâ v. 18. IV. Languida: quia etsi manent immota Principia; Theoricum, esse Deum; Practicum, esse colendum: reliqua tamen, tanquam conclusiones exindè deductæ, valdè fluctuant; & non tantum languida est earum assensio, sed etiam horrendis dubitationibus sæpè excutitur. Sicut extat pulcherrima descriptio lib. 1. *Tusculan. Quæst.* ubi Cicero disputans de Immortalitate animæ, dicit ad Antonium: *Evolve diligenter librum Platonis, qui est de animo: amplius quod desideres, nihil erit. Feci mehercule, inquit Antonius, & quidem sæpius; sed nescio quomodo, dum logo, assentior: cum posui librum, & mecum ipse de immortalitate animorum cæpi cogitare, assensio illa omnis clabitur.* V. Valde Inæqualis: in aliis perfectior, copiosior; in aliis minus copiosè. Æquale illud principium, Quod sit Deus, & quod sit colendus; sed conclusiones valdè dispares: quia alii plures, puriores; alii pauciores, praviore indè colligunt. Sic alii mundo Spiritu, absque idolis. Deum colendum statuerunt; quod esset Spiritus: alii in idolis; quod corporeum putarent. Ratio ab inæquali inscriptione legis in cordibus *Rom.* 2. v. 14. 15.

Propter tot tantosque defectus. Naturalis Dei notitia dicitur Ignorantia *Gal.* 4. v. 8. & tempora ejus Ignorantia tempora vocantur *Act.* 17. v. 30.

Superest jam ut de FINIBVS quoque & EFFECTIS Notitiæ Dei Naturalis dicamus. Finis & effectum ejus non est Salus & Beatitudo æterna. Etsi enim Lex naturæ, atque ita notitia illa ante lapsum data est ad vitam *Rom.* 7. vers. 10. non tamen post lapsum. Et errarunt sine dubio ex Patribus, Tertullianus, Epiphanius, Clemens, Alexan-

Alexandrinus, alii: ex recentioribus, *Ludovicus Vives*, *Andradus Larinus*, *Thammerus*, qui per hanc notitiam salutem Gentibus quibusdam obtigisse statuerunt. I. quia extra Christum nulla est salutaris Dei cognitio, *Ioh. 17. v. 3. I. Ioh. 2. v. 23.* nulla via salutis *Ioh. 14. v. 6.* nulla salus *Act. 4. v. 12.* II. quia Gentes dicuntur in V. T. fuisse absque Christo, extraneæ à pactis promissionum, & spem non habentes *Eph. 2. v. 12.* III. quia finis hujus cognitionis dicitur fuisse ἀναπόλογος, *Rom. 1. v. 20.* oppositè etiam ad salutem; ut ostendit disputatio cap. 3. Non igitur salus & Beatitudo.

Sunt igitur Fines & Effecta alia, traditæ ipsis & conservatæ hujus Notitiæ Dei, numero quatuor: *Primus* Finis est, ut esset *testimonium misericordiae Dei*, erga nos etiam indignos talibus reliquiis lucis ipsius: de quo est *Act. 14. v. 16. 17. Deus non reliquit se ἀμαρτωρον*, tum etiam cum permisit omnes gentes ingredi viis suis; quia intus notitiis naturalibus; foris multis beneficiis, non solum ad necessitatem vitæ, sed etiam ad voluptatem, hominibus bonitatem suam testatam fecit. *Iohan. 1. v. 5. Lux in tenebris lucet.* *Secundus* est, ut esset *vinculum externa disciplina*, quam Deus vult ab omnibus hominibus, etiam non renatis præstari *Rom. 2. v. 14. 15. 1. Corinth. 11. v. 14.* *Tertius* est, ut esset *medium quoddam conversionis* ipsorum, & instaurationis ad imaginem Dei. De quo exstat locus insignis *Act. 17. v. 27. ζητεῖν τὸν κύριον*, quod in constructione causali positum est per ἕνεκα, scil. ἕνεκα, ideo nimirum manifestata est hæc notitia, ut Deum quærent. Sensus est: cum omnes naturaliter cognoscant esse Deum, & esse colendum, ut Deum: & simul cogantur fateri se ignorare, quis sit ille Deus, & quomodo sit colendus: Deum inesse ipsis hanc notitiam, ut quærant annunciationem revelationis divinæ in Ecclesiâ, quam ideo Deus semper constituit in illustri aliquo regno, ut omnes intueri possent doctrinæ cœlestis lumen: ad quod tamen magis fuerunt occæcati gentiles, vel saltem id neglexerunt. *Quartus* est ἀναπόλογος, ut fierent *inexcusabiles* *Rom. 1. v. 20.* Ratio additur. v. 21. *quia cum Deum cognoverint, tamen ut Deum non glorificaverunt.* Nam servus sciens voluntatem Domini, & non faciens cædetur multis plagis *Luc. 12. v. 47.* Ipsi verò lucem, in natura reliquam, non modo secuti non sunt ducem ad quærendum Deum, sed & totam suffocarunt; veritatem detinendo

Sed ut esset:

1. Testimonium misericordiae Dei erga indignos.

2. Externæ disciplinæ vinculum.

3. Medium quoddam conversionis.

4. ἀναπόλογος.

nendo in injustitiâ. Est verò illa *inexcusabilitas*, tum hic, in iudicio conscientie accusantis, *Rom. 2. v. 15.* damnantis, *1. Ioh. 3. v. 20.* tum in altero seculo in iudicio Dei, qui iudicabit de latris hominum *Rom. 2. v. 16.* Ita de Platone & Platonicis pronunciat *Augustinus*: de Cicerone *Lactantius lib. 2. cap. 3.* Huc pertinet exemplum *Aristippi*, qui cum in aliis damnaret scortationem, ipse tamen Laidem accessit: quasi satis esset gratis scortari, alii verò sua cum scorto profunderent.

Scriptores
de Notitiâ
Dei natura-
lis.

Plura de notitiâ Dei Naturali, pereruditè scripta, requirantur in *Thomâ Aquinate*, qui scripsit de veritate contra Gentiles Anno Christi 1260. Idem fecit *Raymundus de Sabunde*, de Theologiâ Naturali, Noribergæ typis edita Ann. Chr. 1502. *Augustinus* item *Stechus Eugubinus*, de perenni Philosophiâ, Ann. Chr. 1550. *Georgius Pacardus* de Theologia Naturali Ann. C. 1574. & *Philippus Mornæus* Ann. C. 1581. Hi tamen plus largiuntur lumini naturali, quàm par sit. Quod indè fit: I. quia ostendunt, quid ex lumine naturæ, præviâ luce verbi & supernaturali revelatione, à nobis Christianis concludi possit. II. quia scriptis supposititiis, adulterinis Mercurii, Sibyllarum, nimium fidei tribuunt.

PROBLEMA SECVNDVM.

Quis sit Philosophiæ in Theologiâ usus? Quis item abusus?

In huius Problematis explicatione, variè olim hodieque erratum est, in Excessu, & Defectu.

Philosophiam nimium extulerunt.
Iudæi;

Pseudapostoli;
Patres quidam.

In Excessu errarunt, qui Philosophiam cum Theologiâ confuderunt: nonnunquam etiam huic illam prætulerunt. Tales in Veteri Testamento fuerunt *Iudæi*; partim ex Captivitate Babylicâ reduces; partim dispersi in Gentes, maxime inter *Ægyptios* & *Græcos*: quorum dogmata male sana suæ doctrinæ intulerunt: verbi gratia de *μετεψυχώσεις* Platonica & Pythagorica, de apparitionibus animarum, de cultu angelorum &c. quæ ex libris Apocryphis peti possunt. In Novo Testamento sunt trium ordinum. I. *Pseudapostoli*, quos hoc nomine perstringit Paulus, *Col. 2. v. 8.* Angelolatæ, *ibid. v. 18.* II. *Patres nonnulli*, *Iu-*

stinus.

stinus, Clemens Alexandrinus, Origenes, & plures alii: qui dogmatum Theologicorum & Philosophicorum mixturâ, Gentiles ad fidem Christianam convertere studuerunt. Quo consilio Origenes in Scholam Alexandrinam introduxit Philosophiam Platoniam. III. *Theologi Scholastici*, quorum doctrina Philosophica magis fuit, quam Theologica: quique magis ratiunculis humanis, quam testimoniis divinis nituntur & disputant.

Scholastici.

In Defectu errarunt superioribus seculis *Fanatici* quidam homines, qui omnem Philosophiæ usum damnarunt. Nostro seculo autem *Anabaptistæ*, qui planè idem sentiunt. Argumenta ipsorum duo sunt præcipua. *Unum*, quod Apostolus *cavere* jubet *Philosophiam, tanquam deprædatricem pietatis Colof. 2. 8. Resp.* Sed peccant fallaciâ à dicto secundum quid: Non enim omnem Philosophiam damnat Apostolus; sed falsam & vanam, quæ obest veritati & pietati. *Probat.* I. ex *ἡγεμονία*, quâ dicitur *Κενὴ ἀπάτη, vana deceptio*. At non omnis est talis: Sed aliqua veritas Dei, *Rom. 1. v. 18. & πρὸς ῥωσὸν* ipsius. *v. 19.* Ergo. II. ab exemplo Angelolatriæ, *Col. 2. v. 18.* quod placitum Philosophorum: & veræ Philosophiæ non dogma, sed carcinoma. III. à pari, *v. 4.* damnatur *πθανολογία*, non omnis; quia Scriptura etiam eâ utitur: sed *πθελολογίζουσα*. Ergo nec omnis Philosophia, sed deceptrix illa. Ratio consequentiæ: quia *πθανολογία* pars est Philosophiæ. IV. à facto Apostoli, qui ipse Philosophiâ utitur, dum ratiocinando aliud ex alio colligit; vera confirmat; falsa confutat; methodo accuratissimâ omnia disponit. V. à consensu Interpretum, tum veterum, *Hieronymi* in hunc locum, *Augustini lib. de moribus Eccles. cap. 21. Theophylacti*: tum Neotericorum fermè omnium. *Alterum, Rom. 1. v. 22.* dicitur *Sapientes stultos esse factos.* & *1. Cor. 1. v. 20. Sapientia hujus seculi insatnata.* *Resp.* Neuter locus quicquam detrahit veræ Philosophiæ. *Non prior*: quia damnat solum abusum veræ Philosophiæ in agnitione Dei & veritates: quod contra eam, & ejus principia theórica & practica 1. Deum non glorifica verunt, nec gratias ei egerunt. II. quod invisibilem, Dei majestatem & gloriam transmutarunt in visibiles, easque turpes quorumvis animalium formas. *Non posterior*: quia damnat alium abusum, quo Philosophia non subjicitur Theologiæ, sed præfici-tur, tanquam Cynosura & norma doctrina Evangelicæ Patet ex circumstantiis textus; & quod sermo de cruce ipsis dicitur

Philosophiam plane damnarunt Fanatici quidam, & Anabaptistæ.

Col. 2. v. 8.
Non damnatur Philosophia vera.

Rom. 1. v. 22.
& *1. Cor. 1. v. 20.*
Non accusatur stultitia.

Stultitia, v. 18. Idè rectè *Tertullianus* scribit de hâc Sapientia lib. de Prescrip. adversus Hæreticos. Quod Deus elegerit stultia mundi ad confusionem Philosophiæ. Et *Lutherus*: Qui vult sapiens fieri in Aristotele, stultificetur ante in Christo: ut *Catechismus* regat Philosophiam, non regatur ab eâ.

Philosophia
vera subor-
dinatur
Theologiæ.

Inter duas has sententias extremas media incedit *Orthodoxa veritas*, non confundens sanam Theologiam & veram Philosophiam, tanquam partes totius: nec etiam opponens, ut adversas, & inter se contrarias: sed subordinans eas, & usum verum ac rectum, ab abusu discernens; quò sublato abusu, maneat verus ejus usus.

Philosophia
quid.
Impropriè.

Præcognita hujus nostræ sententiæ duo sunt. *Vnum*: Distinctio vocabuli, quod vel propriè sumitur, vel impropriè. *Impropriè* & *καταχρηστικῶς* Philosophia est sylloge, sive farrago quadam pugnantium opinionum, quas diversarum sectarum Philosophi tenuerunt & propugnarunt. Fundamentum hujus non notitiæ naturales, sed vani *Διαλογισμὸς*. Propriè ex etymo nominis, à Pythagora impositi, est amor ac studium Sapientia: ex definitione rei autem est rerum divinarum & humanarum aliqualis cognitio, quatenus ea luce natura cognosci possunt: ut Plato, Cicero, & Eustathius in lib. 5. *Iliados*, de eâ loquantur. *Primo* significatu usum ejus in Theologiam nullum agnoscimus: & ita eam damnat Apostolus *Colos.* 2. v. 8. *Secundo* esse asserimus, & nobiscum asserit Paulus *Rom.* 1. v. 18. 19. cap. 2. v. 14. 15. De quo exstat insignis locus apud *Clementem Alexandrinum* lib. 1. *Stromaton*: Philosophia, ait, non est dicenda Stoica, nec Platonica, aut Epicurea, aut Aristotelica; sed quæcumque ab his sectis rectè dicta sunt, hoc totum selectum dicendum est Philosophia.

Propriè.

Monet igitur non concretivè, & prout in hoc vel illo subjecto reperitur, considerandam esse Philosophiam: sed abstractivè & qualiter ex se, & suâ naturâ comparata est. *Alterum*: Theologiam & Philosophiam, proprio significatu acceptam, non esse disciplinas contrarias, sed subordinatas: quæ non repugnent sibi sed subserviant. Modum subordinationis Philo Judæus, & vetusti quidam Patres venustè declararunt allegoriâ Dominæ & Servæ; Saræ & Agaræ: ut Theologia dominetur Philosophiæ; & hæc ei ancil-
letur & subserviat. Vide *Philonem* in libro de Cherubim, & de congressu quarenda eruditionis gratiâ. Rationes sunt. I. Ex *Rom.* 1. v. 19. 20. & seqq. Veritas Dei non est sibi contraria, sed sub-
ordinata;

Theologia &
Philosophia
disciplinæ
non contra-
riæ, sed sub-
ordinatæ.

Philosophia
est.
1. Veritas
Dei.

ordinata; alia superior, alia inferior: sicut patefactiones ipsius
 aliæ supernaturales, aliæ naturales. *Ratio*: quia Deus non est sibi
 contrarius, ut etiam & non, 2. *Cor.* 1. v. 19. 20. nec potest men-
 tiri *Tit.* 1. v. 2. Vera Philosophia est veritas Dei, *Rom.* 1. v. 18. 19.
 ubi sic appellatur: item *πῶς ἐν* ipsius. Ideo *Iustinus Martyr*
 Philosophiam appellat, *ἐξήσιν ὁ ἀληθὴς*: item, Philosophi pro-
 prium esse ait, *τὸ ἀληθὲς μόνον πρᾶν*, in *Apologetico ad Antonium*
Philosophum Imp. Ergo. II. Ex *Rom.* 2. v. 14. 15. Opus legis, scri-
 ptum à Deo in cordibus; non est contrarium Theologiæ. *Ratio*:
 quia est ejus objectum & pars quædam: quæ non repugnat toti.
 Philosophia est opus legis scriptum à Deo in cordibus *Rom.* 2. v.
 14. 15. Hinc donum Dei vocatur. Ergo. III. Organon cog-
 noscendæ & docendæ Theologiæ non est ei contrarium: *Ratio*:
 quia habet se ut subjectum & adjunctum; quæ consentanea. Phi-
 losophia est tale Organon. Ergo. IV. Quod non tollit, sed
 relinquit & perficit notitias naturales: nec intellectum theori-
 cum & practicum destruit, sed excolit & confirmat; id non est
 contrarium Philosophiæ. Patet consequentia ex natura contra-
 riorum, quæ se mutuo perimunt. Theologia non tollit, sed re-
 linquit & perficit notitias naturales; & intellectum theoricum &
 practicum excolit. Probatur ex praxi Apostoli *Actor.* 14. & 17.
capp. Etsi enim veræ sunt illæ notitiæ; sunt tamen obscuræ &
 imperfectæ. Ideo Theologia clarius, perfectius, & firmitus ea
 revelat, quæ natura inhærent. Quin etiam lumen supernaturale
 infert & infundit. Ergo.

2. Opus Le-
gis inscri-
ptum cordi-
bus.

3. Organon
cognoscen-
dæ Theolo-
giæ.

4. Perfectrix
notitiarum
naturalium.

His ita præmissis Philosophiæ in Theologiâ *Vsum* & *Ab-*
usum tum *Generalem*, tum *Specialem* indicabimus & declara-
 bimus.

Philosophiæ
in Theolo-
giâ.

U s v s Generalis quadruplex est.

Vsus generalis.

Primò: Vera Philosophia est Medium quoddam tum convin-
 cendorum, tum ad fidem Christianam præparandorum Genti-
 lium. Organon tamen fidei dici nequit. Patet *prius*: I. ex dispu-
 tationibus, *Rom.* 1. v. 18. & *seqq.* & *cap.* 2. v. 14. 15. & concioni-
 bus Paulinis, *Actor.* 14. v. 16. 17. & *Cap.* 17. v. 23. 24. & *seqq.* II.
 ex Scriptis Patrum contra Gentiles. *Posterius*: quia fidei orga-
 non est solum Euangelium. *Rom.* 1. vers. 16. *Cap.* 10. v. 8. 9. 16. 17.
Clemens Alexand. lib. 1. Stromat. affirmat Philosophiam Græcis

1. Est me-
dium con-
vincendo-
rum & con-
vertendo-
rum genti-
lium.

fuisse pædagogiam ad Christum, quemadmodum lex Jutizis Gal.
3. 4. *Cap.* Sed falso.

2. est *παιδεία*
δ'εία juven-
tutis Chri-
stianæ.

Secundò. Est *παιδεία* Juventutis Christianæ, in Catechismo jam
institutæ, ad studium Theologicum. Institutæ dico: quia ad
duum hoc Studium nemo admittitur sine rudimentis Catecheticis.
Probatur I. exemplo Moſis *Act.* 7. v. 22. II. ex subjecto
Philosophiæ, quoad res, modum earum, & sermonem sive verba,
signa rerum.

3. est testimo-
nium con-
sensus in re-
bus naturæ
notis.

Tertiò. Est testimonium consensus in rebus Luce naturæ notis.
Multa traduntur in Theologia ex Scripturâ V. & N.T. quæ eti-
am luce naturali hominibus certa & explorata sunt: Quæ ita sunt
Theologica, ut etiam sint Philosophica. Hortum harmonia tan-
tò evidentior certitudinem gignit. *Ratio.* I. à Praxi Pauli *Act.*
14. 17. *capp.* II. quia concurrunt gemina Dei patefactio, natura-
lis & supernaturalis: gemina autoritas: gemina lux; lucernæ, &
luciferi, ut in alio argumento hæc ad certitudinem conjungi ait
Petrus 2 *Epist.* 1. v. 19.

4. est orga-
non judican-
di.

Quartò. Est organon judicandi de vero ac falso; certo & in-
certo; consequente & inconsequente; ordinato & confuso: se-
cundum normas bonæ ac necessariæ consequentiæ, à Deo ratio-
nali creaturæ impressas: sed præeunte luce verbi divini, & illu-
minatione Spiritus S. *Probatur* I. dictis Scripturæ *Pſ.* 32. v. 9. *Eph.*
4. v. 14. I. *Theſſ.* 5. vers. 21. I. *Ioh.* 4. v. 1. II. Exemplis Scribæ
Marc. 12. v. 34. *ὁ ἀνέχων καρδία ἐσpondεντος*; Beroënſium *Act.*
17. v. 11. *ἀνακρινόντων* *examinantium* Scripturas. III. à fine Crea-
tiones; quia Deus propterea condidit naturas intelligentis ac nor-
mas judicandi ac discernendi verum à falso ipsis inſevit, ut proba-
re possint, quid sit acceptum Domino.

*Abusus gene-
ralis.*

1. Cum pla-
cita Philoſo-
phorum fal-
ſa aſſumun-
tur.

ABUSVS Generalis etiam est quadruplex.

Primò; Cum prætextu Philosophiæ principia sive placita Philo-
ſophorum, per se falſa, aſſumuntur, & ex illis falſa dogmata ex-
ſtruuntur aut defenduntur: uti est doctrina quædam de *mun-*
di æternitate, de *mortalitate animarum* ex Ariſtotele: de *igne pur-*
gatorio poſt hanc vitam ex Platone; de *abſoluta omnium rerum neceſſi-*
tate ex Stoicis. *Ratio.* I. quia id damnat Apoſtolus *Col.* 2. v. 8. II.
quia pugnat etiam cum verâ Philoſophiâ.

2. Cum ſin-
gitur ſuffi-
ciens ad ſa-
lutem.

Secundò: Cum Philoſophia etiam vera fingitur ſufficere de
Deo, ejus voluntate ac cultu: & de ſalute hominum. Est
enim

enim *insufficiens* I. quia ignorat doctrinam Euangelii, quam solus Christus nobis revelavit *Iob. 1. vers. 18.* II. quia legis divinæ notitia naturalis, per peccatum obscurata & mutilata est: ac proinde divinis repetitionibus & declarationibus complenda fuit.

Tertio: Cum dogmata Theologica, ignota rationi, deducuntur non ex divinis oraculis, sed ex rationibus Philosophicis, & ex iis confirmantur: qualia sunt *de S. Trinitate, de Christo, de Resurrectione mortuorum.* Ratio: I. quia Scriptura hîc removel rationem *Math. 16. v. 17. 1. Cor. 2. vers. 9.* II. quia conclusiones, sunt homogeneæ suis principiis. At non principium naturale, & dogma supernaturale. Interim illustratio potest fieri ex Philosophiâ.

3. Cum dogmata mere Theologica ex Philosophia deducuntur.

Quarto. Cum quæ Philosophia de rebus sibi subjectis rectè & verè pronunciat, ad res Theologicas transferuntur; & illis doctrina Euangelii corrumpitur, cui minimè congruunt: ut *ex nihilo nihil fit: à privatione ad habitum non datur regressus; virgo non est mater: nec Homo Deus.* Ratio: quia fit μεταφοράς εἰς ἄλλο γένος.

4. Cum exinde Theologia corrumpitur.

Hæc de Ufu & abusu Philosophiæ in genere. Succedunt *Vfus & Abusus Speciales*, singularum artium & disciplinarum.

GRAMMATICÆ *Vfus* est in intelligendis & explicandis verbis, terminis & Phrasibus Scripturæ: Ut notum. *Abusus* est I. cum magis apices verborum, aut cortices syllabarum, quàm nucleus rerum attenditur: quod Criticorum est. II. cum inanes λόγολαχίαι, sive rixæ de verbis moventur: quas interdicat Paulus *1. Tim. 6. v. 4. & 2. Tim. 2. v. 14.*

Grammaticæ Vfus. Abusus.

RHETORICÆ *Vfus* est I. in evolvendis Tropis & Figuris; quibus Scriptura abundat. II. in acquirendâ sive comparandâ Oratoriâ Ecclesiasticâ: cujus consummatissima exempla reperiri in Scripturâ testis est *Augustinus lib. 4. de doctrinâ Christianâ.* Ideo Patres non solum in eâ se assidue exercuerunt; sed etiam eam professi sunt aliquammulti, Origenes, Cyprianus, Malchio, Pierius, Arnobius, Lactantius, Augustinus. *Abusus* est. I. Cum sensus literalis Scripturæ in meras allegorias convertitur: quâ re graviter peccavit *Origenes*: cum item figurata pro propriis, aut propria pro figuratis accipiuntur. II. Est πιθανολογία ἀπολογίζεσθαι, quæ ad quidvis persuadendum artificio sermonum deceptoriorum comparata

Rhetoricæ Vfus.

Abusus.

parata est : quam damnat Apostolus in Philosophis & Pseudapostolis I. *Cor.* 1. 2. *capp. Coloss.* 2. v. 4.

Dialectica
Vsus.

DIALECTICÆ *Vsus* est propemodum infinitus, in terminis simplicibus, sive Topicis Theologicis: in discernendo vero à falso, in enunciationibus: certo ab incerto, sive consequente ab inconsequente, in syllogismo: in componendo systemate Theologico: in resolvendis textibus sacris: in confutandis adversariis fanae doctrinae: quos posteriores usus commendat Apostolus, dum jubet Episcopum *ὁρθοτομεῖν, rectè secare sermonem veritatis* 2. *Tim.* 2. v. 15. & *ἀντιλέγοντας ἐλέγχειν, contradicentes refellere* Tu. 1. vers. 9.

Abusus.

Abusus est I. neglectus Dialecticæ in dijudicandis dogmatibus: dum cæcâ obedientiâ & assensu omnia admittuntur: ut fit apud Pontificios & Lutheranos. II. *ῥητορικὸς σοφισμὸς*, sophisticus elenchus, cum quis ratiocinando fallit, argumentorum probabilitate: ex veris principiis, aut veris conclusionibus, eliciens & deducens falsa dogmata: de quo Apostolus *Col.* 2. v. 4. *Rom.* 1. v. 21. 22. & *seqq.*

Ethica *Vsus.*

ETHICÆ *Vsus* est I. in cognoscendis principiis actionum humanarum. II. virtutem & felicitatem civilem sive externam mediocriter declarat: ad quos usus etiam Aristoteles eam propriè direxit. *Abusus* est I. Cum Lex naturæ norma statuitur virtutis & justitiæ unica, perfecta; non solum coram hominibus, sed etiam coram Deo: *Rom.* 2. v. 14. 15. *Phil.* 3. vers. 6. & *seqq.* II. Cum veram beatitudinis rationem docere fingitur, id est, quod de summo bono verè & plenè doceat: de quo Salomo in Ecclesiaste. III. Cum homini tribuitur sive arrogatur possibilitas præstandi veras & perfectas virtutes: & assequendi suis viribus veram beatitudinem. Sic enim negatur peccatum originale; & meritum Christi annihilatur & aboletur.

Physica *Vsus.*

PHYSICÆ *Vsus* est I. in illustrandis iis, quæ de rebus naturalibus in Jobo, Psalmis, & passim per totam Scripturam differuntur. II. In cognoscendis Dei invisibilibus, quæ in visibilibus quasi depicta sunt: & per quæ ad illa gradatim ascenditur, via *causationis*, quâ ex effecto causa colligitur; à secundis ad primam pervenitur; quia non datur, progressus causarum in infinitum: *negationis*; quâ imperfecta negantur de Deo: & *affirmationis*, quâ perfecta eminenter de Deo affirmantur. *Abusus* est I. cum incertæ, subtiles, & inutiles quæstiones in Theologiam inferuntur: de Principiis, infinito, vacuo &c. II. cum in creaturis defixi,

Abusus.

defixi, de Creatore non cogitamus, vel ad eum non assurgimus
Rom. I. v. 21. 22. & seqq. Act. 17. v. 24. & seqq.

MATHEMATICÆ (quæ *Arithmeticam*, *Geometriam*, & *Astronomiam* complectitur,) *Vsus* est. I. in supputationibus annorum & temporum; juxta quæ historiæ sacræ digeruntur. II. in situ & distantis locorum cognoscendis, quorum mentio fit in facris. *Abusus* est I. Cum in numeris ternario, septenario, aliis, myſteria ponuntur; aut ex diagrammatis Geometricis allegoriæ, frigidæque probationes ducuntur, quod olim fecere *Valentiniani*, *Marceſii*, *Artemonita*; nunc faciunt *Fanatici* quidam homines, & *novi Propheta*: item *Fratres Roſea Crucis*. II. Cum ex aſtris prædictiones fiunt de moribus, actionibus, fortunis hominum, de rerumpub. conversionibus, & Religionis mutatione: quæ diſertè damnantur verbo Dei *Eſa. 47. v. 11. 12. & seqq.*

Matheſiſ
Vſus.

Abuſus.

METAPHYSICÆ nullus *Vſus* est in Theologiâ, ſiquidem eatantum ſpectentur, quæ ejus propria ſunt; non autem tranſſumpta ex aliis artibus aut diſciplinis. *Abuſus* verò est multiplex: I. quæ Theologiæ propria ſunt de Deo, angelis, creatione, ſibi vendicat, obtentu peculiaris modi conſiderandi. II. ſubtilitates vanas, quæſtiones otioſas, opiniones ambiguas ad res Theologicas tranſfert. III. in utramque partem diſputat omnia, & vix quicquam certi habet. Hinc *Sceptica Theologia* nata: quæ tandem exit in *Atheiſinum*: Qui enim de omnibus dubitat, nihil tandem credere incipit. Huc pertinet illud: *Semper diſcentes, ſed nunquam ad cognitionem veritatis pervenientes* 2. *Tim. 3. v. 7.* IV. diſtinctiunculis frivolis & ineptis omnia eludit & elidit: mater omnis ſophiſticæ & deceptionis. V. terminos novos, monſtroſos, infulſos; phraſes improprias, obſcuras invehit: quibus ſanos ſermones Theologicos in fide & charitate corrumpit.

Metaphyſica
Vſus.

Abuſus.

PROBLEMA TERTIVM.

An Theologia Scholaſtica ſit vera Theologia?

Theologia
Vera.

SCRIPTURA SACRA duplicis Theologiæ meminit, non quidem ſi voſcem, at ſi rem ipſam ſpectes, Veræ & Falfæ. *Vera* Theologia eſt *hypotypoſis ſanorum ſermonum de fide & charitate* 2. *Tim. 1. 13.* quam
 C ceu

Falsa.

ceu *præclarum depositum* Timotheo commendat Apostolus 1. *Tim.* 6. v. 20. Falsa est $\psi\delta\delta\omega\mu\epsilon\ \&\ \gamma\acute{\nu}\omega\sigma\iota\varsigma$, falsa nominata noxia, 1. *Tim.* 6. v. 20. quæ speciem quidem habet sapientia, *Colos.* 2. v. 23. revera autem stultitia est, mendacium & Sophistica. Ad utram referenda sit *Theologia* illa, quæ dici solet *Scholastica*, in disquisitionem venit. Nos, quò expeditior sit responsio, præmittimus declarationem Nominis & Rei, hoc est, & Unde dicatur *Theologia Scholastica*, & Quid ea sit.

De Nominibus.

Theologi. N.
T. sunt.
Sacri.

Ecclesiastici.

Scholastici.

Scholæ quid.

Christiano-
rum quales.

Scholastici
quinam.

Scriptores *Theologi* superiorum seculorum in N. T. sunt triplices. *Sacri* sive *Divini*; quales sunt *Euangelistæ* & *Apostoli*, qui testimonium habuerunt, quod non errarunt in doctrinâ: & *Scripturam N. T.* consignarunt. *Ecclesiastici* sunt *primitivæ Ecclesiæ* *Episcopi* ac *Doctores*, *Patres* vulgo nuncupati, qui industriâ humanâ, nec citra errores, sacra tractarunt, & scriptis suis illustrarunt. Et *Scholastici*; qui *Theologiam Scholasticam* concinnarunt, & à quibus illa denominata est.

Hi *Scholastici* dicti sunt $\delta\omicron\tau\epsilon\ \tau\acute{\iota}\varsigma\ \sigma\chi\omicron\lambda\acute{\iota}\sigma\tau\epsilon\varsigma$. *Schola* autem dicitur, inquit *Festus*, non ab otio ac vacatione animi, sed quod ceteris rebus omiſſis, liberalibus studiis homines in illis locis (veht *Academiâ* *Platonis*, *Stoa Zenonis*, *Peripato Aristotelis*) strenuè incumberent. Hujus modi scholas etiam *Christiani* habuerunt, & doctrinam *Christianam* in iis tradiderunt multi *Patres*, qui simul erant *Episcopi* ac *Doctores*. Cum verò *Episcopi* fastu elati, primum munus docendi separarent à suo, ut inferius, vilius; post etiam alii, quibus mandatum erat, id negligerent: factum est ut *Monachi* invaderent *Scholas*, & corruptum jam antè genus doctrinæ *Theologica* in iis proponerent. Et ita *Scholastici* dicti sunt, quod eam doctrinam tenerent, quæ in *Scholis publicis* publicè tradebatur: ut quidam privatim illi doctrinæ contradicerent. Et cum difficiles & intricatæ quæstiones inter ipsos orirentur, secutæ sunt graves & acerbæ concertationes, subtileſque disputationes. Undè & *Schola Theologica*, & *Scholasticorum Theologorum* nomen inclaruit. I. quod quæ in *Scholis publicis* docebantur de *Religione*, quasi ab omnibus probata traderent. II. quod difficilem in suis illis *Scholis* disputandi rationem retinerent: adeo ut aliam apud populum docendi rationem sequerentur. Idem verò *Theologi Scholastici*

lastici etiam aliis nominibus appellati sunt : Sententiarii , Summistæ. Quodlibetarii. *Sententiarum*, quod Theologiam confarcinarent Sententiariorum.
ex truncatis , & ferè in alium sensum detortis Patrum, Augustini præcipue , sententiis. Ita *Guilelmus Abbas S. Theodoricus* librum unum sententiarum fidei comportavit : & post , ejus exemplo , libros quatuor *Petrus Lombardus , Magister Sententiarum* κατ' ἐξοχὴν appellatus. *Summistæ* , quod summas sive Epitomas sententiarum , & totius Theologiæ conficerent. *Summam* Sententiarum primus scripsit *Hugo de S. Victore* : *Summam* Theologiæ primus *Robertus Lincolnensis Episcopus*. *Quodlibetarii* , quod quaestiones quodlibetarias, miscellaneas, de quibusvis materiis Theologicis tractarent & explicarent : cujus initium fecit *Gualterus Episcopus Pictaviensis* , qui primus librum *Quodlibetorum* edidit. Summistæ.
Quodlibetarii.

De Reipsâ, hoc est de Naturâ & indole Theologiæ Scholasticæ.

DE eâ haud aliunde rectius constare potest, quàm ex ejusdem origine & progressionem : de quâ scripsere inter cæteros clarissimi viri *Cass. Peucerus lib. 4. Chronic. & Lamb. Danaus in Prolegomenis ad Petrum Lombardum.*

Origo ita habet. Res Ecclesiæ in pejus ruere cœperunt , & doctrina ejus corrumpi in Ecclesiis *Occidentalibus*, post mortem Augustini : in Ecclesiis *Orientalibus* sive Græcis , post obitum Cyrilli. Quomodo in *Oriente* mutata sit doctrina , liquet ex quatuor libris *Ioh. Damasceni*, quos scripsit circa A. C. 730. titulo *de Orthodoxâ fide*; trecentis annis post Augustinum. Quomodo in *Occidente* corrupta, ex variis monumentis liquet, tum aliorum, tum Scholasticorum Theologorum : quorum ortus incidit in A. C. 1020. & ætatem Lanfranci Papiensis, qui Berengarii Antagonista fuit. Ante illud seculum unius ferè Augustini doctrina , secundum verbum Dei scriptum, in Ecclesiâ & Scholis obtinuit: adeo quidem, ut in Scriptis publicis, scriptum Augustini *de Ecclesiasticis dogmatibus*, vel simile in fronte poneretur: Et cum circa A. C. 650. in Hispania deessent opera Augustini, Tajo Episcopus missis legatis ea ex Bibliotheca Romana petierit. Nam approbata erant non solum à præcipuis doctoribus , sed etiam à totis Conciliis. Ab iis paulatim post

ætatem Caroli M. discessum est, cum aliis in rebus, tum præsertim in doctrinâ de Cœnâ, parturiente jam Papâ Transsubstantiationem. Hinc disputationes inter *Lanfrancum*, & *Berengarium*, qui sua defendit ex Augustino. Quâ occasione Itali, Lanfrancum secuti, primo prætermiserunt, post etiam neglexerunt sententiam & doctrinam Augustini. Ex quo evenit ut Doctores Theologi alia doctrinæ suæ fundamenta quærerent, quam veteres, & quidem talia, quæ receptis opinionibus, quanquam erroneis, rationibus item Philosophicis, & Pontificum decretis consona essent. Pro his, ut pro aris ac focis, dimicatum est. Accessit quod Lanfrancorum factio & studium à Rom. Pontificibus contra Berengarianos laudaretur, foveretur: Berengarius autem ad Palinodiam adigeretur. Quod ita hominum animos perculit, ut ex eo tempore spreto Dei verbo, & neglectâ Augustini doctrinâ, in eam doctrinam incumberent quæ Lanfrancianæ simillima esset, & decretis Pontificum consentanea. Secutæ hinc variæ quæstiones, & innumere difficultates in doctrinâ. Denique Theologicæ sententiæ ac definitiones omnes, ad recepta dogmata & ritus accommodatæ. De quibus omnibus regulæ, velut *νομῶν δόξαι*, & Dei oracula traditæ: & Patrum Scripta ad hæc detorta. Ex quibus *Theologia Scholastica* primum nata est.

Horundem
progressio
per ætates.
Primam.

Progressionem Danæus tribus ætatibus distinguit, per quas semper ruit in pejus. *Prima*, sive *vetus ætas* est ab A. C. 1020. ad annum 1220. à Lanfranco Papiensi ad Albertum Magnum, per annos ducentos. Ea habuit plurimos Scholasticos præter Lanfrancum, præcipuè autem *Petrum Lombardum*, qui imitatione Damasceni scripsit *quatuor libros sententiarum* A. C. 1150. qui libri fuerunt postea totius Theologiæ Scholasticæ velut basis, & *νομῶν δόξαι*; & tantæ autoritatis, ut contra eos hiscere nefas esset. Hæc ætas paulò fuit prudentior: & quanquam Patrum dicta æquabat verbo Dei; tamen & verbum Dei, licet corruptè, tractabat. Philosophia Aristotelica, jam tum quidem introducta in limen S. Theologiæ, non tamen in ipsum templum sive adytum. Imo in toto Lombardo, ne nomen quidem Aristotelis legitur. *Secunda*, sive *Media ætas*, cœpit ab Alberto Magno & A. C. 1220. quo Lutetiæ Sorbona, lustrum illud Scholasticorum, fuit condita: & duravit usque ad Durandum de S. Porciano: qui vixit A. C. 1330. per annos centum & decem. Et ipse quidem Albertus Magnus Philosophiam

Secundam.

phiam Aristotelicam in intima Theologiæ introduxit, & primas in eâ partes illi attribuit. Ac sicut prima ætas Scripta Patrum æquavit verbo Dei; ita hæc Aristotelis: cujus nomen ubique primo loco ponitur: & Rationes ipsis sunt Demonstrationes; dicta Scripturæ autem rationes probabiles, & opinioniones tantum. Inprimis Metaphysicam ipsius perpetuo habuerunt in ore. Hinc tot commentaria in eam scripta fuerunt. Thomas & Scotus huc pertinent. *Tertia*, sive *Nova*, est Ultima ac Pessima hujus Theologiæ, quæ ab Hereno de Boio Britone & Carmelitâ A.C. 1330. duravit ad A.C. 1516. & ad tempora Lutheri: atque impudentiâ vicit cæteras. Nam I. quæ modestia antea manserat, ne de quibusvis quæstionibus aut ritibus dubiis aliquid statueretur, tum sublata est. II. de rebus arcanis, soli Deo notis, magistraliter cœptum pronunciari. III. impurior quævis doctrina, tanquam verissimus fidei articulus, publicè introducta. IV. quicquid contra corruptelas doctrinæ, superstitiones, & abusus ex verbo Dei propositum, id omne variis distinctionibus & oppositionibus elusum fuit & obrutum.

Ex quibus omnibus hanc Theologiæ Scholasticæ sive definitionem, sive descriptionem eruimus: *Theologia Scholastica est genus Doctrinæ, à Theologis Scholasticis ex Scriptis Patrum placitis Philosophorum, & decretis Pontificum conflatum, & obscuris inextricabilibusque disputationibus explicatum: quo corruerunt veram ac salutarem doctrinam verbi Dei, & Theologiam in mataologiam converterunt.*

His ita præmissis expedita est *Responsio* ad Problema, eaque *Negativa*: Nim: *Theologiam Scholasticam non esse veram Theologiam*, sed falsam, vanam ex Scholis Theologicis eliminandam.

Demonstratio Problematis

Testimoniis Scripturæ:

Col. 2. v. 8. *Videte ne quis sit, qui vos depradetur per Philosophiam, & inanem seductionem, secundum traditionem hominum, secundum elementa mundi, & non secundum Christum.*

Ibid. v. 18. *Nemo adversum vos rectoris partes sibi ultrò sumat, in submissione animi, & religioso cultu Angelorum: pedem inferens in ea qua non vidit, & temere inflatus carnis sue intelligentiâ.*

1. Tim. 1. v. 3.
4. 6. 7.

1. Tim. 1. v. 3. 4. *Ne diversam doctrinam doceant, nec attendant animum fabulis & genealogiis nunquam finiendis, qua potius quaestiones praebeant, quam adificationem Dei, qua est per fidem, & mox v. 6. 7. Nonnulli à scopo aberrantes, diverterunt ad vaniloquentiam: Volentes esse Legis Doctores, quum non intelligant quae loquuntur, nec ea de quibus asseverant.*

1. Tim. 4. v. 1.
2. 3. 7.

Cap. 4. v. 1. 2. 3. *Spiritus disertè dicit fore, ut posterioribus praestitutis temporibus desciscant quidam à fide, attentis spiritibus deceptoribus, ac doctrinis demoniorum, per hypocrisin falso loquorum; quorum conscientia canterio resecta est: prohibentium contrahere matrimonium, &c. v. 7. Profanas & aniles fabulas aversare.*

1. Tim. 6. v. 3.
seqq.

Cap. 6. v. 3. 4. 5. *Si quis diversam docet doctrinam, neque accedit sanis sermonibus Domini nostri Iesu Christi, & ei quae secundum pietatem est doctrina: is inflatus est, nihil sciens, sed insaniens circa quaestiones & pugnas de verbis, ex quibus nascitur invidia, lis, maledicentia, suspensiones mala; Perversa exercitationes hominum mente corruptorum, & qui privati sunt veritate, & quaestui habent pietatem.*

1. Tim. 6. v. 20.
21.

Ibid. v. 20. 21. *Aversare profanos illos de rebus inanibus clamores, & oppositiones falso nominata notitia. Quam nonnulli praeseferentes, circa fidem aberrarunt à Scopo.*

2. Tim. 2. v. 14.
16. 17. 23.

2. Tim. 2. v. 14. *Ne de verbis pugnent, quod nullam adfert utilitatem, imò auditores subvertit. & v. 16. 17. Profanos illos de rebus inanibus clamores cohibe: ad maiorem enim procedunt impietatem: & sermo eorum depascet ut gangrana. & v. 23. Stultas & ineruditias illas quaestiones aversare, sciens eas gignere pugnas.*

Tit. 3. v. 9.

Tit. 3. v. 9. *Stultas quaestiones, & genealogias, & contentiones, ac pugnas legales cohibe: sunt enim inutiles & vana.*

Rationibus:

Quia non
habet Scrip-
turam uni-
cum princi-
pium.

I. *A Causâ procreante vera Theologia:* Vera Theologia ex solo Dei verbo exstructa est; eoque tanquam unico principio suo nititur. Theologia Scholastica nec exstructa est ex solo Dei verbo, neque eo tanquam unico suo principio nititur. Ergo. Major certa est ex Scripturâ, 2. Tim. 3. v. 16. 17. 2. Petr. 2. v. 19. & demonstrabitur Problemate sequente. Minor constat ex antedictis: siquidem exstructa est. I. ex dictis truncatis & detortis Patrum. II. ex principiis Philosophiae Aristotelicae. III. ex placitis

placitis & decretis Pontificum : quæ omnia verbo Dei , alii æquant , alii etiam anteponunt : & verbi ipsius rarissima apud ipsos mentio est.

II. *A Causâ materiali* : Vera Theologia Res & Verba Scripturæ Sacræ , quod ejus fieri potest , retinet & exprimit. Theologia Scholastica neutrum præstat. Ergò. Major est Apostoli Pauli 2. *Tim.* 1. v. 13. *Expressam formam teneto sanorum sermonum.*

Quia nec res, nec verba Scripturæ retinet.

& Petri 1. *Epist.* 4. v. 11. *Qui loquitur, loquatur, ut eloquia Dei.* Minor distinctè probatur : I. De Rebus : i. inducit multa nova ac falsa dogmata contra Scripturam. ii. gravissimos & maximè necessarios articulos , de Gratiâ , Justificatione , Fide , Conversione , Certitudine salutis , præterit vel corrumpit. iii. spinosas , curiosas , & inutiles quæstiones , Verbo Dei damnatas , movet ac præcipuè urget. iv. privatorum opiniones , aut discrepantes Scripturarum interpretationes , inter articulos fidei numerat.

II. De Verbis : quia à Verbis & Phrasibus Scripturæ omninò discessit : imò ne veterum quidem simplicitatem in elocutione imitatur : sed novum dicendi genus confinxit & conflavit ex terminis monstrosis , impropriis , obscuris , inexplicabilibus.

III. *A Causâ formali* : Vera Theologia tum veritate doctrinæ , tum *θεῶν πνεύματι* est Scripturis analoga. Theologia Scholastica nec doctrinæ veritate , nec *θεῶν πνεύματι* Scripturis est analoga. Ergò. Major est Apostoli Rom. 12. v. 6. 2. *Tim.* 1. v. 13. *Minor certa est de veritate doctrinæ*, quia Dei veritatem transmutarunt in falsitatem vanis dialogismis , Rom. 1. v. 22. 23. nec doctrinam suam S. Scripturis , sed scriptis Patrum , Philosophorum , decretis Pontificum , tanquam conclusiones principiis , conformarunt. De *θεῶν πνεύματι*. I. Quia de rebus Theologicis in utramque partem probabiliter solum disputarunt , contra naturam tum Theologiæ , quæ disciplina est apodictica ; tum Scripturæ , quæ indubitata veritatis principium est. Plane ut olim Academici. II. Quod doctrinas argutiis suis obscurarunt potius , quàm illustrarunt. Nam quæ sunt difficilia , reddunt ipsi spinosis suis & inutilibus quæstionibus difficiliora : quæ facilia , intricatis disputationibus suis involvunt.

Quia nec veritate doctrinæ, nec *θεῶν πνεύματι* Scripturæ analoga est.

IV. *A Causâ finali* : Finis Veræ Theologiæ , uti & ipsius Scripturæ , est Charitas ex puro corde , & conscientiâ bonâ , & fidē minime simulatâ. Ita Apostolus pronunciat 1. *Tim.* 1. v. 5.

Quia non habet eundem cum verâ Theologiâ finem.

At

At non Theologiæ Scholasticæ ille finis est. Ergò. *Minor* probatur: Quia pro Conscientiarum pace, perturbationem affert; pro Charitate, pugnas & rixas ipsorummet Doctorum, quorum ne duo quidem consentiunt: pro fidei luce, intricatas & inexplicabiles quæstiones: denique pro vero cognitionis Dei usu vanas & curiosas notiones, adeoque meram matæologiam.

PROBLEMA QVARTVM.

An Sacra Scriptura sit Vnicum Principium Dogmatum Theologorum?

Dogmata
Theologica
sunt.

Principalia.

Minus prin-
cipalia.

Principium
quid.

Verbum Dei
& Theolo-
gia differunt
trifariam.

Dogmata Theologica voco definitiones, divisiones, explicationes, & regulas de rebus divinis; quæ in disciplinâ Theologicâ tradi solent. Suntque non unius, sed duplicis generis. I. *Principalia* sive fundamentalia, quæ præcisè necessaria sunt ad salutem, & Summa Legis & Euangelii continentur. II. *Minus Principalia* & Secundaria, quorum quidem non est par necessitas ad salutem, Usus tamen insignis ad rerum divinarum pleniorum tum cognitionem, tum exercitationem. De quibus Apostolus 1. Cor. 3. v. 12. & seqq.

Principium voco, ex quo exstruuntur, & deducuntur illa dogmata, veluti conclusiones & determinationes quædam. Sicut enim omnibus artibus & disciplinis sua sunt principia, è quibus exstructæ sunt & demonstrantur, & supra quæ non licet assurgere, ne detur progressus in infinitum: ita omnium disciplinarum domina Theologia suum quoque principium habet. Hoc principium est *Sacra Scriptura*, sive *Verbum Dei*, scriptis Prophetis & Apostolicis comprehensum. Neque enim putandum est, idem esse Verbum Dei, & Sacram Theologiam, etiam propriè & univocè acceptam. Trifariam enim differunt. I. ordine causæ & effecti: Verbum Dei est causa Theologiæ, hæc illius effectum. II. Objectis: quia in Verbo Dei omnia sunt divina, Verba, Res, & Methodus: in Theologia autem Res quidem è Verbo Dei petuntur, & peti debent; Verba verò & Methodus adduntur humanâ industriâ. III. Adjunctâ certitudine: quia Verbum Dei est expers omnis erroris, ut pote *Jeonvdugn*: Theologia

logia sana, quæ ab Orthodoxis Doctoribus traditur, non semper: quia sæpè errat in conclusionibus, & semper examinanda est ex Scripturâ.

De hoc, quod *S. Scriptura* sit *Principium dogmatum Theologicorum*, nulla est controversia inter Christianos: sed an sit *Vnicum, principium*, præter quod non sit aliud, disputant Orthodoxi & Pontificii.

Orthodoxi affirmant esse unicum principium, probationibus deductis ex Naturâ Principiorum; quarum duas adferimus.

Scriptura est
Vnicum
Principium
dogmatum
Theologicorum.

Prima: A quo primum incipiunt, & in quod postremum terminantur dogmata Theologica; id eorum est Principium. Atqui à solâ Sacra Scriptura primum incipiunt dogmata Theologica, & in eam postremum terminantur. Ergo. Probatur *Minor*: *Primum incipiunt*; tum quoad res, quia tota Scriptura divinitus inspirata utilis est ad doctrinam, ad redargutionem, ad correctionem, ad disciplinam in justitiâ, ut perfectus sit homo Dei, ad omne opus bonum perfectè instructus, 2. *Timoth.* 3. vers. 16. 17. nihil dicendum extra Mosen & Prophetas, *Actor.* 26. vers. 22. superstruenda doctrina super fundamentum Prophetarum & Apostolorum, cui ipsimet fideles superstructi sunt, *Ephes.* 2. v. 20. tum quoad verba, 1. *Petr.* 4. v. 11. qui loquitur, loquatur ut eloquia Dei. 1. *Corinth.* 2. v. 13. Loquimur non sermonibus, quos docet humana sapientia; sed quos docet Spiritus Sanctus: Spiritualia cum iis quæ Spiritualia sunt conferentes. *Postremum terminantur*: quia omnia probanda; quod bonum est, retinendum 1. *Thessal.* 5. v. 21. Explorandi Spiritus ex Deo, id est, ex Dei Verbo 1. *Iohann.* 4. v. 1. Ad legem & testimonium recurrendum *Esa.* 8. vers. 20. Audiendi Moses & Prophetæ, *Luc.* 16. vers. 29. Et si vel Angelus è cælo aliter Evangelizaverit, anathema est *Gal.* 1. v. 8. 9. Ita Beroenses fecere *Actor.* 17. v. 11.

Quia inde
incipiunt. &
illic terminantur.

Secunda: Principia dogmatum Theologicorum debent esse immutabiliter vera, immediata, necessaria, & causa omnium conclusionum sive dogmatum Theologicorum. Atqui sola Scriptura Sacra est immutabiliter vera, immediata, necessaria, & causa omnium conclusionum sive dogmatum Theologicorum. Ergo. *Major* constat inductione requisitorum in principiis, quæ Aristoteles enumerat, *lib.* 1. *Poster. Analyt.* cap. 2. eminenter

Quia sola
Scriptura
habet requisita
principii.

autem Principio Theologiæ conveniunt. Debent esse I. *Immutabiliter vera* : quia per illa demonstratur salutaris & immutabilis veritas. Causa autem nihil potest largiri effectui, quod non habeat ipsa formaliter aut eminenter. II. *Immediata* : quia quod immediatum est, non est in suo ordine primum : atque ita ne principium quidem. III. *Necessaria* : quia tales sunt, aut esse debent ipsæ conclusiones de rebus Fidei ac morum. IV. *Causa omnium dogmatum Theologicorum* : quia ipsa dogmata & sunt, & cognoscuntur per illa principia. Sunt igitur ipsis causæ essendi & cognoscendi. *Minor* per partes demonstratur. Sola Sacra Scriptura I. est *Immutabiliter vera* in rebus Divinis : quia est Verbum Dei mentiri nescii, *Tit.* 1. v. 2. quod manet in æternum, 1. *Petr.* 1. v. 25. est ipsa veritas, *Ioh.* 17. v. 17. nec solvi aut mutari potest, *Ioh.* 10. v. 35. *Matth.* 5. v. 18. *Cap.* 24. v. 35. II. Est *Immediata* : quia dogmata Theologica non per aliud, sed per ipsam immediate demonstrantur, *Actor.* 18. v. 28. *Cap.* 26. v. 22. nec est aliud Verbum Dei *Gal.* 1. v. 7. 8. 9. III. est *Necessaria* : quia certæ, immotæ, non contingentis veritatis 1. *Petr.* 1. v. 23. Nec potest esse *Etiā & Non.* 2. *Corinth.* 1. v. 19. 20. IV. Est *Causa omnium Conclusionum* : quia tota Scriptura divinitus inspirata utilis est ad doctrinam &c. 2. *Tim.* 3. v. 16. 17. & ne Apostolus quidem aliquid dicere sustinuit, extra Moysen & Prophetas *Actor.* 26. v. 22.

Pontificii alia præter Scripturam agnoscunt principia.

Ecclesiæ testimonio quid iidem complectantur.

Ecclesiæ testimonium non est principium.

Pontificii negant Sacram Scripturam esse unicum principium : contendunt verò præter Scripturam etiam principium esse *Ecclesiæ*. Quâ voce intelligunt non cœtum fidelium, *Sanctificationum* Verbo & Spiritu Christi : sed Ecclesiam quandam repræsentativam in Conciliis, Pontificibus, Patribus. Siquidem Ecclesiæ testimonio, quod passim urgent, complectuntur. I. Decreta Conciliorum. II. Placita Pontificum. III. Autoritates Patrum. Nos etsi veræ Ecclesiæ, piis Conciliis, & S. Patribus multum tribuimus, quoties nimirum cum S. Scripturâ consentiunt : tamen horum testimonia non posse dici Principia Theologiæ, demonstramus in genere & specie.

In genere sic : Principia dogmatum Theologicorum debent esse immutabiliter vera, immediata, necessaria, & causæ eorum : prout modo ostensum fuit. Testimonium Ecclesiæ non est immutabiliter verum, immediatum, necessarium ; nec caus-

fa dogmatum Theologicorum. Ergo. *Non immutabiliter verum*, atque ita *nec necessarium*: quia est contingentis veritatis, utpote humanum *Rom. 3. v. 4. Non immediatum*: quia est aliud prius, potius, ad quod examinandum est, *1. Theff. 5. v. 21. 1. Ioh. 4. v. 1. & cui Ecclesia est alligata Esa. 8. v. 20. Galat. 1. v. 8. 9. Non causa omnium dogmatum*: quia dogmata Theologica de Deo, Christo, Redemtionem, Vitâ Æternâ, non sunt vera, quia Ecclesia dicit; sed quia Deus in verbo suo ita testatur, & nobis revelavit.

In *Specie*. Non *Decreta Conciliorum*: I. quia libri Conciliorum negligenter conservati sunt, & multis vitiis scatent: teste *Bellarmino lib. I. de Concil. cap. 2. II. quia omnia Concilia possunt errare; & nonnulla errasse certum est. Ariminense Concilium* sexcentorum Episcoporum Arianam hæresin stabilivit. *Ephesinum. II. Eutychianam hæresin confirmavit. Nicenum II. Iconolatriciam, lege Dei prohibitam, sancivit. Constantiense S. Eucharistiam, institutione Christi, & Veteris Ecclesiæ consuetudine non obstante, Laicis mutilavit. III. quia eatenus tantum valent, quatenus Sacræ Scripturæ sunt consentanea; & ab omnibus provocatio ad Scripturam. Unde Athanasius olim de Arianis Concilia urgentibus; Frustra, inquit, circumcursit antes prætexunt, ob fidem Concilia se postulare. Divina enim Scriptura perfectior est & sufficientior omnibus Conciliis. Non Placita Pontificum* I. quia pluri-
mi Pontifices fuerunt impii, hæretici: posteriores omnes, maxime à Gregorio VIII. Antichristi. Anastasius II. Liberius, Felix. II. Arianus fuerunt: Sergius & Honorius Monotheletæ: Ioannes XXIII. negavit immortalitatem animæ, resurrectionem mortuorum, & vitam æternam: Leo X. totum Evangelium de Christo fabulam appellavit: Alexander VI. Paulus III. Benedictus IX. Deo renunciarunt, & jurarunt Diabolo. II. Quia Pontifices Romani in omnibus Controversiis, quas pro illis contra nos agitant Jesuitæ, sunt pars nobiscum litigans. Non possunt igitur testes, & iudices esse in propria causâ. Non *Autoritates Patrum*, sive divisim, sive conjunctim fumantur. Non *illo modo*: I. quia singuli Patres suos habent errores: & valde corrupta sunt multorum scripta: adulterina etiam pro genuinis substituta: ut Censuræ Erasmi & aliorum eruditorum docent. II. quia ipsi Pontificii Patres Patribus frequenter opponunt, & eos qui non

Nec Decreta Conciliorum.

Nec Placita Pontificum.

Nec Autoritates Patrum.

placent, de ponte præcipitant. Nec isto modo: uti quidem pronunciat *Bellarmin. lib. 3. de Christo cap. 2. I.* Quia etiam omnes sunt erroris periculo obnoxii, utpote homines: nullus fuit immediatè vocatus & illuminatus, ut Prophetæ & Apostoli. II. Quia ipsi Patres non æquant se Scripturæ, nec fidem sibi haberi volunt, nisi quatenus Scripturis consentanea docent. *Hieronymus advers. error. Iohannis. Scio me aliter habere Apostolos, aliter reliquos tractatores: Illos semper vera docere; Istos in quibusdam ut homines aberrare.* Et *Augustinus Epist. 19. ad Hieronym. pugnans priorum autoritatibus: Noli, inquit, Frater, contra divina tam multa, tam clara, tam indubitata testimonia colligere velle calumnias ex Episcoporum Scriptis: quia hoc genus literarum ab auctoritate Canonis distinguendum est.*

PROBLEMA QUINTUM.

Quæ sit ratio ex Scripturâ demonstrandi dogmata Theologica?

Probationes
dogmatum
Theologi-
corum ex
solo, non
autem tan-
tum ex ex-
presso Dei
verbo pe-
tendæ.

Occasio hujus problematis est *Colloquium Durlacense*, tentatum potius inter *Gunterium* Jesuitam sociosque, & *Badenses* Theologos, quàm habitum Ann. Chr. 1612. In eo volebat Jesuita sibi probari ex expresse Dei verbo novem propositiones controversas, quas ipse ferè negativè conceperat: *Missam non esse sacrificium: Matrimonium non esse Sacramentum: Non esse Purgatorium*, &c. Idque hoc prætextu, quod Evangelici neque Patres, neque traditiones, neque Concilia admittant, sed solum expressum Dei verbum urgeant. Hanc calumniam etiam *Bellarminus* ipsis impingit *lib. 4. de Verbo Dei non scripto cap. 3.* sed est putida calumnia. Etsi enim Evangelici in rebus fidei solum Dei Verbum audiri volunt, non tamen ubique requirunt expressum Dei verbum: quod totidem literis, syllabis, sive formalibus verbis tradat dogmata fidei. Et longè diversa sunt *solum Dei Verbum*, & *expressum Dei verbum*. Ex *solo Dei verbo* petitur, quod expressè seu verbotim in eo legitur, vel ex eo evidenter deducitur: sive quod vel ad literam, vel ad sensum in eo continetur. Ex *expresso Dei verbo* sumitur, quod verbotim & expressè literâ in eo docetur: & longè angustius est priore. Hoc verò est, quod docent Euangelici,

angelici, Nihil esse recipiendum pro dogmate fidei, nisi quod in Scripturâ Sacrâ vel expresse legitur, vel inde bonâ consequentiâ deducitur.

Hinc jam expedita est *responsio* ad Problema: vid. Geminam esse rationem ex Scripturâ demonstrandi dogmata Theologica; unam *Expressam*, alteram *per Consequentiam*. Probantur dogmata ex Scripturâ.

Prior est, cum dogma Theologicum, quod probandum venit, verbis expressis, five propriis, five figuratis traditur in Scripturâ. Verbi gratia, *Deum esse Vnum*, est dogma Theologicum. Id verò expresse in Scripturâ docetur. *Deut. 6. v. 4. 1. Cor. 8. v. 6.* Similiter, *Deum creasse mundum; Christum esse Filium Dei, & propitiationem pro peccatis nostris: fore resurrectionem mortuorum ad vitam & mortem*; sunt dogmata Theologica. Sed & hæc disertè & totidem verbis in Scripturâ traduntur. *Gen. 1. v. 1. Ioh. 2. v. 31. 1. Ioh. 2. v. 2. Dan. 12. v. 2.* Et hujusmodi innumera alia in Theologiâ reperiuntur. Expressè.

Alterâ est, cum dogma Theologicum, quod in quæstionem venit, non quidem expresse traditur in Scripturâ, ex iis tamen, quæ istuc expresse traduntur necessariò sequitur: five per bonam consequentiâ deducitur. Duo igitur requiruntur in hoc genere demonstrationis: I. Ut altera, vel utraque præmissarum immediatè, vel mediatè, verbis propriis vel figuratis, in Scripturâ Sacrâ contineatur. Secus non erit verbum Dei, aut Demonstratio ex Verbo Dei. II. Ut consequentiâ ipsa five illatio sit tum necessaria, tum evidens. *Necessaria* quidem, non solum necessitate formæ, five dispositionis; per quam etiam ex vero falsum, & vice versâ sequitur: sed inprimis necessitate consequentis five Materiæ; ut ex antecedente consequens; ex genere species; ex causâ effectum &c. deducatur. *Evidens* etiam propter assensum, nimirum ut propter evidentiam illationis, non minus non scriptis, quàm scriptis; conclusionibus, quàm præmissis ipsis assentiamur. Atque hinc fit ut alia dogmata Theologica approbentur, alia improbentur: quia in aliis est major illationis evidentia & necessitas, in aliis minor, in aliis nulla. Hæc ratio demonstrandi dogmata Theologica etsi perfectior & illustrior est in eruditis Theologis, quàm in Laicis & plebeis: ut qui propter habitum sensus habent exercitiores ad discretionem boni & mali, *Hebr. 5. v. 14.* tamen ne isti quidem dero-

Per Consequentiam.

Cujus requisita.

1. Ut præmissarum una vel utraque sit Scripturæ.
2. ut Consequentia ipsa sit.

Necessaria,

Evidens.

Laici quoque possunt deducere consequentias, & de iis judicare.

ganda est. Quia Deus omnibus hominibus indidit lumen rationis, & intelligentiam sermonis contradictiones, & bonæ consequentiæ; quam non minus in divinis, quàm in cæteris rebus intelligendo, componendo, dividendo, & ratiocinando exerunt, præviâ Scripturæ & Spiritus S. luce. Et falsum est, ad unam consequentiam necessariam inferendam requiri totam modalium, universalium, categoriarum, analyticorum Aristotelis, & subtilissimam Metaphysicæ doctrinam. In S. literis quot inferuntur consequentiæ necessariæ, quot item in vitâ quotidianâ & civili, absque illorum omnium cognitione? Idiotis sufficit lumen rationis, siue logica naturalis ad discernendas consequentias necessarias. Eruditi arte utuntur, quæ perficit naturam, habentque paucas, sed certas, regulas dijudicandæ veritatis ac falsitatis in propositione; consequentiæ & inconsequentia, in syllogismo. Nihil hic facit Metaphysica, quæ res tradit in genere, siue summas earum definitiones & divisiones, (ut vulgo quidem tractatur) non rerum tractandarum aut dijudicandarum organon & instrumentum. Modalium etiam non est magnus, aut frequens usus: quia nos rarissimè utimur illis terminis. Certe non est talis usus, qualis inter Græcos fuit: quibus ex naturali linguâ talium modorum usurpatio inter loquendum & disputandum fuit necessaria.

Consequentiarum legitimus usus probatur.
I. Exemplis

Jam altera hac ratio ex Scripturâ demonstrandi dogmata Theologica, paucis probanda est.

Prima Ratio ducitur ab exemplo Christi & Apostolorum: Quo pacto Christus ejusque Apostoli demonstrarunt ex Scripturâ dogmata fidei, eo pacto etiam nunc rectè, firmiter, & evidenter demonstrantur. Atque per bonam Consequentiam dogmata fidei ex Scripturâ demonstrarunt Christus ejusque Apostoli. Ergo. *Minor* probatur inductione illustriorum aliquot exemplorum: Christus *Matth. 22. v. 29. & seqq.* confirmat resurrectionem mortuorum non expressis verbis Scripturæ V. T. quæ tamen exstant *Esa. 26. v. 19. Dan. 12. v. 2.* sed per evidentem consequentiam ex *Exod. 3. v. 6.* De resurrectione mortuorum, nonne legistis quod vobis dictum est à Deo, dicente: Ego sum Deus Abrahami, & Deus Isaaci, & Deus Jacobi? Deus non est Deus mortuorum, sed viventium. *v. 31. 32.* Quod genus probationis non modo Scribæ quidam probarunt, intelligentes quod benè respondisset *Marc. 12. 28. Luc. 20. 39.* Sed etiam eo

Christi *Matth.*
21. v. 9.

os obturavit Sadducæis, ut convicti discederent, & turba de hâc doctrinâ miraretur. Sed *ajunt* Sophistæ hanc probationem ad formam bonæ consequentiæ revocari non posse. Redarguunt igitur Christum imperitiæ, & ipsis Sadducæis impudentiores sunt. Est autem forma manifesta in primâ figurâ: Quorum Deus est Deus, eos necesse est vivere. Abrahami, Isaaci, Jacobi Deus est Deus. Ergo illos necesse est vivere: & sic erit Resurrectio. Vel in tertiâ figurâ, ut sit syllogismus *ἐν γενεῇ*: Deus est Deus Abrahami, Isaaci, Jacobi. Deus est Deus non mortuorum, sed viventium. Ergo Abrahamus, Isaacus, & Jacobus vivunt: & per consequens, mortui vivunt. Similiter *eodem cap. Matth.* vers. 42. *seq.* Christus ex *Psal.* 110. demonstrat non expresse textu, sed evidenti ratiocinatione, Messiam non solum esse filium Davidis secundum carnem, sed etiam Dominum Davidis secundum Deitatem: Et ita constrinxit Phariseos, ut non possent respondere. Petrus & Jacobus *Act.* 15. per consequentias demonstrant, circumcisionem non esse necessariam ad salutem. *Petrus.* v. 8. 9. Deus dedit Gentibus Spiritum S. & nihil discevit inter ipsos & nos. Ergo non necessaria eis circumcisio. *Jacobus* v. 16. 17. ex *Amos.* 9. v. 11. 12. Gentes quoque in restauratione tabernaculi Davidis collapsi populo suo se additurum prædixit Deus. Ergo Gentibus non imponendum onus legis. Paulus *Rom.* 3. probat justificationem fidei absque operibus ex Scripturâ V. T. non totidem literis & syllabis, sed consequentiis, iisque variis. Eodem modo operose adstruit Resurrectionem mortuorum *1. Cor.* 15. *cap.*

Occupatio.

Petri & Jacob. *Act.* 15. *cap.*

Pauli. *Rom.* 3.

& *1. Cor.* 15.

Secunda Ratio ducitur à *sine & usu S. Scripturæ*: de quo Apostolus *2. Tim.* 3. v. 16. 17. *Rom.* 15. v. 4. Sine quo Scriptura non est utilis aut sufficiens ad doctrinam veri, redargutionem falsi, institutionem boni, correctionem mali, & consolationem; sine eo intelligenda quoque non est. *Ratio* quia inspirata ad hæc. Atqui sine consequentiis legitimis ac necessariis ad illa, utilis aut sufficiens non est: Ergo. *Minor* constat ex praxi Conciliorum, Disputationum, & Concionum, adeoque totius ministerii Ecclesiastici. Ita Patres in Synodo Nicenâ ex Scripturis collegerunt *τὸ ἐκ μόνου λόγου*, quod expresse in illis non legitur, contra Arianos, teste *Athanasio in Epist. de Synodis, & ad Aphricanos*. Similiter in reliquis Conciliis canones, qui contra hæreses conditi fuerunt, non nisi per consequentiam necessariam fuerunt ex Scripturâ deducti.

2. à sine & usu Scripturæ *2. Tim.* 3. v. 16. 17.

Tertia

3. Testimo-
nii.
Patrum.

Tertia Ratio ducitur à testimoniis tum Patrum tum ipsorum Pontificiorum. Gregorius Nazianzenus lib. 5. de Theologiâ; contra Hæreticos negantes Spiritum S. Unde, inquit, peregrinum hunc Deum, & Scripturæ verbis nusquam expressum nobis introducis? Itarim respondet; sicut Patrem esse ingentum, non ponitur tot Syllabis in Scripturâ, tamen ex illis quæ scripta sunt colligitur; ut cum dico bis quinque, non dico decem; & tamen si inde colligam & dicam decem, rectè dico: ita si aliquid in Scripturâ exprimitur, si illud nomine donatum enunciem, rectè facio. Basilius in Ethicis; Non tradenda est aliena doctrina, sed quæcunque præcepta sunt à Domino in Evangelio, & per Apostolos, & quæcunque illis consentanea sunt, sunt docenda. Epiphanius in hæresibus redarguit Apostolicos, quod illa tantum admittant, quæ eisdem literis & syllabis in Scripturâ posita sunt. Augustinus Maximo, urgenti testimonium adorationis Spiritus S. Quasi verò, inquit, non ex iis quæ legimus, aliqua etiam, quæ non legimus, intelligamus. Et de ὁμοουσίῳ contra Pascentium Arianum. Nemo igitur jam calumniatur de verbo. Et si enim verbum ipsum in Lege Scriptum non reperitur, res tamen reperitur; Ego & Pater unum sumus. Chrysostomus in 1. Cor. 2. Dicitur aliquid Scriptum esse, cum non verbis, sed re ipsa posita sit. Pontificii idem sentiunt; Cardinalis de Turrecrematâ l. 4. Sum. Eccles. p. 2. c. 9. de septem gradibus disputandi in controversiis fidei. Primus gradus, inquit, est earum propositionum, quæ in S. literis habentur expressè. Secundus earum, quæ ex hisce per certam & necessariam consecutionem fiunt. Stapletonus de de principiis Fidei: Alio modo considerantur præcepta Ecclesiæ, quatenus est in S. literis apertè non ponuntur, tamen ex Scripturis bonâ consequentiâ deducuntur. Bellarminus lib. 4. de Verbo Dei cap. 9. Nihil est, inquit, de Fide, nisi quod Deus per Apostolos & Prophetas revelavit, aut quod inde evidenter deducitur.

Pontificio-
rum.

Appendix de Allegoriis.

Num ex Allegoriis etiam extrui possint Probationes dogmatum Theologicorum.

Allegoria
quid.

Allegoria est permutatio sive Inversio, cum aliud dicitur, aliud intelligitur: sive est oratio quâ, aliud verbis, aliud sensu, quod tamen non sit dissimile, significatur. Græcis dicitur, ubi ἄλλο ἢ τὸ λόγῳ, καὶ ἄλλο τὸ νοούμενον.

Est

Est autem duplex: alia *Divina*, alia *Humana*. Illa est, quam ipse Spiritus S. ostendit in Scripturâ S. ut *Ioh. 3. v. 14.* in æneo serpente: *1. Cor. 10. vers. 1.* & *seqq.* in transitu Israëlitarum per mare rubrum, nube, mannâ, & petrâ deserti, quæ figuram aliquam habuerunt nostrorum Sacramentorum *Gal. 4. v. 24.* In duabus uxoribus, & duobus filiis Abrahami, qui duplex fœdus & duplicem Ecclesiam præfiguravit: *Eph. 5. v. 32.* in conjugio, quod typus est Ecclesiæ: *1. Pet. 3. vers. 21.* in aquis diluvii, quæ typus Baptismi. Sed Scriptura parce admodum ἀνυπολόγηται, nec multa allegoriarum exempla occurrunt. *Ista* est, quæ ab Interpretibus in explicandis Scripturis sacris adhibetur: Cujusmodi frequenter usus est Origenes, Ambrosius, Hilarius, & Augustinus: alicubi etiam Hieronymus, maxime de virginitate & viduitate: nam alioquin hoc genus interpretationis improbat: & alii plures. Pontificii etiam, Patres secuti, hoc genus explicationis crebrò usurpant.

Divinæ

Humana.

Primi generis allegoriæ habent vim probationis. **I.** quia habent autorem Spiritum S. & inde de mente Dei certi sumus. **II.** quia exemplis Christi & Apostolorum nituntur, qui usi iis sunt probationum loco. *Cautio*: Ne extendantur ultra scopum Spiritus S. alioquin non sunt de mente ipsius.

Divinæ probant.

Secundi generis allegoriæ vim probationis non habent. **I.** quia sunt interpretamenta humana, quæ non cogunt, sed probabiliter suadent. Nam Scriptura non est propriæ interpretationis *2. Pet. 1. v. 20.* **II.** ab autoritate & consensu *Augustini*, qui Epistolâ ad Vincentium id prolixè ostendit: item *Thoma*, cujus dictum: *Theologia symbolica non est argumentativa.* *Cautio*: Interim allegoriæ humanæ usum habent insignem ad mores & delectationem.

Humanæ non item.

PROBLEMA SEXTUM.

An Scriptura V. T. aliquâ sui parte interciderit; tota autem per Esdram sit instaurata?

Problema est bimembre: *Prims* est de interitu quorundam librorum V. T. *Alterum* verò de instauratione univerforum. De utroque seorsim.

E

De

De Primo.

Num quidam libri
V.T. Canonici perierint?

Quosdam libros V.T. Canonicos periisse, & *Pomficio* docent, & nonnulli ex doctoribus Orthodoxis fatentur: sed diversimodè. Illi sequidem hinc imperfectionem Scripturæ inferunt, ut Verbo non Scripto, sive Traditionibus sit locus: Isti nihilominus perfectionem ac sufficientiam Scripturæ agnoscunt, & tuentur. Et meritò quidem; quia quicquid necessarium est ad salutem, id in libris superstitibus reperitur.

Argumenta
Affirmantia.

Argumenta cur ita senserint, duo sunt præcipua. I. quia Scriptura V.T. meminit quorundam librorum, qui non exstant amplius. Tales sunt *liber Præliorum Iehovæ*, Num. 21. v. 14. *liber Iustorum* Jos. 10. v. 13. 2. Sam. 1. v. 18. *libri Nathanis, Gadis, Abiæ, Semaia, Hiddonis*, & aliorum; 1. Chron. 29. v. 29. & 2. Chron. 9. v. 29. & cap. 12. v. 15. *liber rerum Salomonis* 1. Reg. 11. v. 41. *Cantica Salomonis*, & *libri de plantis, jumentis, volucribus, reptilibus, piscibus* 1. Reg. 4. v. 32. 33. II. quia in N.T. sententiæ quædam allegantur, quæ in V.T. nusquam reperiuntur; *Matth.* 2. v. 23. *Nazareus vocabitur.* 2. *Tim.* 3. v. 8. de Janne & Jambre. *Heb.* 12. v. 21. de Mose: *Expavescit sum & tremebundus.* Sic *Juda* v. 9. de corpore Moïsis. & v. 14. 15. de Prophetia Enoch: *Ecce venit Dominus cum Sanctis millibus suis, ut ferat iudicium &c.*

Confutantur.

De Libris
quorum in
V.T. tantum
sumentio.

Sed hæc argumenta infirmiora sunt, quàm ut propositum conficiant. *Prim. m.*: quia libri illi vel non fuerunt Canonici, vel etiam non exstant, sed sub aliis nominibus. Canonici non fuerunt *liber bellorum Iehovæ, liber Iusti, liber rerum Salomonis*: quia non scripti sunt inspiratione divinâ ad auctoritatem religionis, sed industria humanâ ad memoriam rerum: & ut essent tabulæ Actorum forensium & publicorum. Vox etiam Hebræa *ספר* non semper significat librum, sed aliquando nil nisi catalogum sive recensio- nem denotat: ut *Gen.* 5. vers. 1. *Matth.* 1. v. 1. quæ significatio in- primis quadrat Num. 21. v. 14. Denique *libri Salomonis* non fue- runt nisi *ספר מלכות* rerum Politicarum, Physicarum & Medica- rum: ut res ipsa docet. Nec enim quicquid scripsit ut Salomon, id eo ipso Canonicum fuit: Sed quod scripsit ut Propheta, impulsu divino. Alioquin etiam Epistola Davidis, Uriæ data ad Joabum, Canonica fuisset 2. Sam. 11. cap. Semper enim distinguendum est inter actus communes humanos, & actus singulares Propheticos

Exstant.

Exstant adhuc in Canone vetere libri *Nathanis, Gadis, &c.* sed sub aliis nominibus; quia horum sunt *liber secundus Samuelis, & duo Regum*. Siquidem historiam Samuelis ex temporum serie continuatam & pertextam Ecclesiæ tradiderunt, omillis nominibus suis: quia *Esdra* deinde in *Chronicorum* libris expressit. *Secundum*: quia Oraculum *Math. 2. v. 23.* exstat *Esa. 11. v. 1.* non quidem nomine, sed re: De quo *Chrysostomus*: *Dicitur aliquid scriptum esse, cum non verbis, sed re ipsa positum sit.* Quæ de Janne & Jambre, itemque de consternatione Moïsis, Paulus: de corpore Moïsis, & Prophetiâ Enochi, Judas refert; ea vel ex traditionibus Majorum, vel ex scriptis Judaicis hausere: quæ tamen propterea non magis sunt Canonica, quam poemata Arati, Menandri, Epimenidis. quæ etiam Paulus allegat *Act. 17. v. 28. 1. Cor. 15. v. 33. Tit. 1. vers. 12.*

Qualia sint quæ in N.T. citantur, cum in V. non repe-riatur.

Jam ergo ostendendum nobis est contrarium. *Nullos omnino libros Canonicos V.T. periisse.* Argumenta præcipua sunt hæc. I. *Mat. 5. v. 18. Luc. 16. v. 17. Facilius est cælum & terram perire, quam legis unum apicem excidere.* Ergò multò minus excidere possunt plures libri. II. *Rom. 15. v. 4. Quacunque ante scripta sunt, ad nostram doctrinam ante scripta sunt.* Ergò nihil eorum, quæ ante scripta erant eum in finem, interciderat. Argumentatur enim Apostolus ex hac hypothese: omnia adhuc exstare. III. à curâ & providentiâ Dei pro conservatione Scripturæ in variis Ecclesiæ captivitatibus & persecutionibus: & quod conservavit ea, quæ non adeò necessaria videntur nostrâ ætate. IV. à Fine Scriptionis. Scripti sunt libri Canonici, ut essent Canon ac Regula fidei, non unius temporis Ecclesiæ, sed omnium temporum. Ergò etiam conservari oportuit. V. ab officio Ecclesiæ: cui concredita sunt Dei eloquia, *Rom. 3. v. 2.* & quæ nusquam à Christo vel Apostolis reprehenditur, quod hic focors & negligens fuerit.

Argumenta negantia.

Si cui tamen secus videatur, non propterea dica scribenda, aut lis ei intentanda est, modo etiam citra illos, quos desiderari statuit libros, perfectionem & sufficientiam Scripturæ Canonice agnoscat.

De Secundo.

Judei Hellenistæ, & qui eos sequuntur Basilius, Rabanus Maurus, Leontius, & plures alii, tradunt in captivitate Babylonicâ interci-

An Esdras li-bros V. T. restituerit,

disse omnes libros Moſis & Prophetarum; Eſdram verò inſpiratione Dei animatum, ceu alterum Moſen intra quadraginta dies eos reſtituiſſe, denuo ſcripſiſſe, & populo Dei tradiſſe. Fundamentum hujus ſententiæ exiſtat 4. *Eſdr.* 4. v. 23. & *cap.* 14. v. 21. & ſeqq. Sed indè parum ſolidè confirmatur: cum liber ille non ſolùm apocryphus ſit ipſis Pontificiis, verum etiam ſcateat fabulis Judaicis & Talmudicis: quas damnat Apoſtolus 1. *Tim.* 1. v. 4. & ſeq. *Tit.* 1. v. 14. Eſt autem ſententia illa manifeſtè falſa: I. quia Daniel in captivitate legem Moſis, & inprimis prophetam Jeremiam legit *cap.* 9. v. 2. II. Quia Ezechiel, pii ſacerdotes & Iſraëlitæ abſque dubio ſecum tulerunt volumen Moſis & Prophetarum, niſi extremè impios & omnis religionis neglectores facere velimus. III. quia *Eſdra* 7. v. 14. de ipſo reduce affirmatur, quod legem Dei ſui ad manum habuerit. IV. quia *Nehem.* 8. v. 2. in conventu populi juſſus eſt Eſdras adferre librum legis, quem ſciebant exſtare; non autem de novo componere: & *verſ.* 3. dicitur attuliſſe. Hunc igitur inſtaurationis modum planè improbamus & explodimus.

Negatur perditos reſtituiſſe.

Eſt verò alius eorum qui ſtatuunt, Eſdram I. Libros diſperſos Moſis & Prophetarum redegſiſſe in unum volumen, eoque ordine digeſſiſſe, quo hodieque exſtant. II. Novo opere deſcribi curaiſſe Biblia, in multa exemplaria: & quidem novo caractere Aſſyrio; quod antiquum Samaritanis reliquiſſet III. Characteribus ſive literis primum puncta, ſive notas vocales expreſſè addidiſſe, in uſum lectionis expeditioris & certioris.

Probabile diſpoſuiſſe libros ſacros, & interpolaiſſe.

In hâc opinione alia probabilia ſunt, alia incerta, alia falſa. Probabile eſt, I. Eſdram diſpoſuiſſe volumen Biblicum illo ordine, quo nunc exſtat. Quia ante libri diſperſi erant; inprimis XII. Prophetarum, qui minores appellantur, Scripta. Hilarius etiam de Pſalmis id affirmat. Quin etiam videtur interpolaiſſe libros ſacros, & multis locis hiftoriarum ab ipſo addita eſſe hæc verba: *uſque in hodiernum diem.* Quæcunque enim ad ſacra pertinent, ab ipſo legimus conſtituta fuiſſe. II. Eundem multiplicaiſſe numerum exemplarium; ut familiaris eſſet lectio Scripturæ S. in populo. Hæc enim præcipua ejus cura fuit. Incertum eſt, quod de punctis ſive notis vocalibus aſſeritur, quia de iis triplex habetur ſententia: Una communis Judæorum, qui ad Moſen & Deum ipſum punctorum Inventionem referunt. Hæc traditur in *lib. Zohar*, & à *Jarno*, *Buxtor-*

Multiplicaiſſe exemplaria. Incertum addidiſſe primum puncta vocalia.

Buxtorfio approbatur. Altera est, quæ *Esdra* ea tribuit: & à *Bened. Ariâ Montano* defenditur. Tertia est (post *Hieronimum*) *Elia Levita Germani*, qui in præfatione *Masoreth hammasoreth* testatur, puncta vocalia addita esse à Masorethis, id est, Doctoribus Judaicis, qui Tiberiade Palestinæ novam versionem Bibliorum adornarunt A.C. 476. anno, ab everfo templo secundo, 436. Imp. Theodosio. Omnes hæ sententiæ suis nituntur rationibus, nec facile est certi quid statuere. *Falsum* est, quod rejectis antiquis characteribus Mosis & Prophetarum, novos confinxerit, aut ab Assyriis mutuatus fuerit. I. quia sic ipsius Dei characteres repudiasset: Nam Lex fuit Dei Scriptura. II. quia periisset non solum unum Jod legis, sed omnes ejus literæ; adeoque totum ejus materiale: Contra Scripturam *Matt. 5. v. 18. Luc. 16. v. 17.* III. quia Samaritani, ab Ecclesia alieni, custodes fuissent matricis illius Scripturæ, quæ laus Judæorum propria est. IV. quia Hieronymus hæc hausit à quibusdam superstitiosis Judæis, suis præceptoribus, & audacissimis talium commentorum magistris.

Falsum, novos characteres introduxisse.

PROBLEMA SEPTIMUM.

Sintne plures in Deo essentia: una absoluta, & tres relative?

Essentia dicitur ab *esse* & *essendo*, sicut *ἔσθ' αὐτὸ ἡ οὐσία*, *Logicè* *ἔσθ' αὐτὸ* sive essentia est id, quod per se subsistit, non autem subsistit in alio ut accidens: & idem est quod substantia. *Physicè* est ipsa rei cujusque natura, quæ definitionē vel etiam descriptione explicatur, & non minus accidentibus, quàm substantiis convenit. Hic primo modo sumitur, & Deo rectè tribuitur. I. quia est *ὁ ὢν* *Apoc. 1. v. 4.* ille Ens; Ergo habet essentiam, quia ens est tale per essentiam. II. In Scripturâ Deo tribuitur *θεότης*, *Rom. 1. vers. 20. θεότης*, *Coloss. 2. v. 9. φύσις*, *Gal. 4. v. 8. μορφὴ*, *Phil. 2. v. 6. θελα φύσις* *2. Pet. 1. v. 4.* Ergo etiam essentia divina.

Essentia quomodo sumatur.

Rectè Deo tribuitur.

Est igitur Essentia divina ipsa deitas substans: quæ in Scripturâ variis proprietatibus & operibus declaratur.

Hanc essentiam esse numero ac individuo unam & singularissi-

Estque singularissimè una.

Contra
Gentiles.

Contra Hæ-
reticos.

man, est principium Fidei, innumeris, iisque expressis Veteris ac Nov. Test. testimoniis comprobatum. Multiplicem vero esse *Gentilis & Iudo-Christiani* quidam contendunt. Illi plures fecerunt Deos, & *idololatras* introduxerunt, partim ex superstitione & idololatriâ inveteratâ, partim ex pravo figmentorum Poëtarum intellectu: sed ita ut 1. unum aliquem cæteris majorem, præstantioremque agnoscerent & colerent: 11. semper etiam aliqui famiores reperirentur, qui unum solum Deum admitterent; ut Socrates, Plato, Pythagoras, alii. Unde constat, unitatem Essentiæ divinæ etiam luce naturæ notam esse. Ista sunt Hæretici, nomen & Religionem Christianam professi, qui Unitatem Essentiæ non valentes conciliare cum Trinitate Personarum, pro uno Deo plures, & quidem tres invexerunt. Tales olim fuerunt *Ariani*, *Apollinarista*, ac *Donatista*, qui tres statuerunt inæquales essentias; ac Filium & Spiritum Sanctum in creaturarum ordinem sacrilegè redegerunt. Hodie sunt *Ami-Trinitarii* ac *Tritheista*, in Polonia & Transylvania, qui obsolescit illas & verbo Dei jam pridem damnatas blasphemias in Ecclesiam reducunt: itemque *Novatores* nonnulli in Belgio, qui eandem cum ipsis causam, tectè licet, agere cœperunt. Hi, ut novis figmentis fucent & incrustent suam hæresin, ajunt, cum secundum scripturam Deus unus & trinus agnoscendus sit, *Vnum esse essentiâ absolutâ, trinum tribus essentiis relativis: Vnum essentiâ genericâ, trinum tribus essentiis specificis*. Utramque assertionem ut falsam & hæreticam rejicimus.

Deus non est
Vnus essen-
tiâ absolutâ,
& trinus tri-
bus essentiis
relativis.

1. Quia unus
& simplex
absolutè.

Primam, quod *Vnus sit Essentiâ absolutâ, trinus tribus essentiis relativis, realiter distinctis*.

I. Qui est unus simplex absolutè, in eo non sunt plures essentiæ. Atqui Deus est unus & simplex absolutè. Ergo. *Major* probatur: quia multitudo tollit unitatem essentiæ. Unum enim est indivisum, multitudo divisum quid. Deinde diversitas realis tollit simplicitatem: Nam quod simplex est, re idem est; quod diversum, non est idem re. *Minor* probatur dictis Scripturæ; ubi Deus dicitur *unus*, Deuter. 6. v. 4. 1. Corinth. 8. v. 4. 6. *Solus*, præter quem non est alius *Esa.* 42. v. 8. 2. Tim. 2. v. 13.

2. Quia per-
sonæ sunt
unum essen-
tiâ.

II. Qui sunt unum essentiâ non differunt essentiis realiter diversis. Pater, Filius, & Spiritus Sanctus sunt unum essentiâ. Ergo. *Major* constat vi oppositionis. *Minor* probatur. I. dictis

Joh. 10.

Joh. 10. v. 30. *Ego & Pater unum sumus.* I. Joh. 5. v. 7. *Tres sunt qui testificantur in cælo, Pater, Sermo, & Spiritus Sanctus; & hi tres unum sunt.* II. *Ratione à τὸ ἑαυτοῦ, mutuâ immeatione, & complexu personarum.* Una persona est in alterâ, & operatur cum alterâ. Ergo idem sunt essentiâ numericâ. *Ratio:* quia ταυτότης & singularissima unitas essentiæ est causa illius Joh. 14. v. 10. II.

III. In quo sunt una Essentia absoluta, & tres essentiæ relativæ, realiter diversæ; in eo sunt quatuor essentiæ realiter diversæ. Atqui in Deo non sunt quatuor essentiæ realiter diversæ. Ergo. *Minoris* veritas adstruitur argumento unitatis Dei; de quâ supra. *Major* probatur; quia essentiæ relativæ differunt realiter: Essentia etiam absoluta differt realiter à relativis, quoniam toto genere differunt. Nam essentia absoluta Adversariis est in prædicamento substantiæ, relativæ in prædicamento relationis. *Obijciunt.* Atqui essentia est absoluta, Personæ Relativæ. Ergo. *Resp.* Negatur sequela: Personæ Relativæ dicuntur, non propter essentias relativæ: omnium enim Personarum una est ac eadem essentia: sed propter modos sive proprietates relativæ: quæ personas constituunt.

3. Quia tum quatuor fount in Deo essentiæ.

Aliam, quod Unus sit Essentiâ genericâ, & unus essentiâ specificâ.

Nec unus est essentiâ genericâ, tri-nus tribus essentiis specificis.

I. Unitas generis & speciei non rei, sed duntaxat rationis est. Unitas essentiæ divinæ est rei, non rationis. Ergo. *Major* probatur: quia Genera & Species sunt γήματα λόγων, sive δόξα; ex rebus mente conceptis formata, ad planiorum earum intelligentiam: & extra mentem non tam unitates quam pluralitates sunt, à pluribus subjectis abstractæ, si non actu, saltem potentiâ. *Minor:* quia est in Deo etiam si nemo cogitet: & fuit ab æterno, teste Scripturâ.

1. Quia unitas Essentiæ divinæ rei est non rationis.

II. Unitas generum & specierum non est singularissima. *Ratio:* quia naturæ communis, Universalis: genus speciebus commune est, species individuis. Unitas essentiæ Divinæ est singularissima: quia ita Deus est unus, ut etiam sit solus: & ita solus, ut non possit esse alius. Ergo.

2. Quia ejus unitas singularissima.

III. Genera & Species non subsistunt, nec agunt per se. *Ratio:* quia individuis conjunctim spectantur: & extra ea nulli bi sunt. Essentia & Personæ Divinæ subsistunt & agunt per se: quia sunt individua intelligentia, actuosa. Ergo.

3. Quia subsisti & agit per se.

IV. Omne

4. Quia est
purus actus,
perfecta,
simplex.

IV. Omne genus est in potentiâ respectu speciei, & eo imperfectius est. Omnis item species composita per differentiam. Atqui essentia divina non est in potentiâ; quia purus actus: nec imperfecta; quia omnes perfectiones complectitur: personæ etiam divinæ non sunt compositæ, sed simplices, imo, simplicissimæ: quibus nulla, ne minima quidem compositio convenit. Ergo. Sic igitur constat non esse genera aut species.

Obijciunt: Atqui Deitas five essentia divina communis est tribus Personis: Persona sua cuique propria. Ergo tamen genus aut species. *Resp.* Negatur: quia id quod commune, est singulare, numero & individuo unum: Cujusmodi nullum genus aut species. Non minus enim Individuum est essentia, quam persona.

Analogia Es-
sentia Divi-
næ cum
specie.

Interim non negamus, Essentiam Divinam propter illam communiter *analogiam* quandam speciei suscipere, id est, quædam cum iis communia habere. Sunt autem ferè tria. I. Sicut genus de speciebus, species de individuis prædicatur univocè: ita essentia de tribus personis. Ergo non est in eâ aliud Pater, aliud Filius, aliud Spiritus Sanctus, sed unum sunt, *Iob. 10. v. 30. 1. Iob. 5. v. 7.* II. Sicut in naturalibus Universale, five natura Universalis, quæ *scia* dicitur, extra individua non subsistit; ita nec Essentia Divina extra tres personas. Ergo non quartum aliquid est. III. Sicut *scia* five natura communis omnia individua, quæ sunt ejusdem nominis & generis comprehendit, verbi gratia, humanitas omnes homines: ita Deitas singulas personas, & est tota in singulis. Ergo qui Essentiam dicit, dicit Patrem, Filium, & Spiritum Sanctum.

Differentia
ab eadem.

Manet nihilominus tamen etiam *differentia* in tribus. I. Personæ etiam dicuntur esse & subsistere in essentiâ divinâ, *Phil. 2. v. 6.* individua verò non dicuntur esse in specie, sed species in individuis. II. Tota Deitas est in illis duntaxat tribus Personis: Species autem, quæ plura individua habet, non in uno duntaxat aut tribus tota, sed in pluribus. III. Deitas una & eadem numero est in singulis personis, quæ singulæ totam eam possident; in individuis tot sunt humanitates, quot homines.

PROBLEMA OCTAVUM.

An Personæ Divinæ rectè dicantur ὁμοῖς ὑπόστασις, sive substantiæ in essentiâ Dei?

Persona Latinis dicitur à *personando*, quemadmodum annotat Persona quid.
A. Gellius lib. 5. Noct. Attic. cap. 7. Nam in Theatris qui ob-
 volutâ facie sonum edebant, aut loquebantur, *Persona* dictæ sunt.
 Ab iis translata est significatio ad *homines, qui seorsim agunt, movent*
se, loquuntur; non etiam ad pecudes. Ex quo factum est, ut quo-
 niam singuli homines se movent, & agitant, ac seorsim subsi-
 stunt, *singuli* quoque appellentur personæ. Et quoniam hi ra-
 tione utuntur, hæc vox ab hominibus ad *Angelos & Divina* illa
ὑπόστασις fuit accommodata.

Sed *quam rectè id factum fuerit*, quæritur? Nam olim quidem Rectè Deo tribuitur.
 vocem illam rejecerunt & damnarunt *Noëtiani, Sabelliani, Ariani*,
 hodiè eam rejiciunt *Servetiani*, & novi *Samofateniani*. Nos rectè
 Deo nomen Personæ tributum asserimus. I. Quia Scriptura do-
 cet in Deo esse tria ὑπόστασις, Patrem, Filium, & Spiritum San-
 ctum. Ergò totidem personas ostendit: quia Persona est ὑπό-
στασις νοερόν, subsistens intelligens. II. *Hebr. 1. v. 3.* tribuitur Deo
ὡς ἑαυτοῦ, Ergò Persona. III. Homines in Scriptura dicuntur
 Personæ *ὡς ἑαυτοῦ* 2. Cor. 1. v. 11. Ergo etiam Divinas subsisten-
 tias sic licet appellare. *Ratio*: quia Scriptura de Deo ferè huma-
 no more loquitur: Hinc illud, *Ioh. 3. v. 12. terrena dixi vobis*,
 id est, humano more de cœlestibus disserui. Ubi tamen *observan-*
dum, Nomen Personæ usurpari de subsistentiis Divinis & Huma-
 nis non univocè, sed analogicè. *Non univocè*; quia non eodem
 modo convenit. In *Humanis*, quot sunt Personæ, tot essentiæ hu-
 manæ separatae. In *Divinis*, essentia divina non multiplicatur,
 nec separatur. *Analogicè* autem; quia in utrisque est in commu-
 nicabilis subsistentia. His præmissis, rem ipsam videamus.

Personas Divinas diversifmode nobis describunt Veteres & Re-
centiores Theologi. Justinus Martyr, & post ipsum Johann. Da-
 mascenus Personas Divinas esse docent *ὁμοῖς ὑπόστασις* modos
subsistentiæ sive essentiæ divinæ. Johann. Calvinus in *Institut. Christian*
Relig.

Relig. lib. 1. cap. 13. sect. 6. Personam definit substantiam in essentia Dei, quâ ad alios relata, proprietate incommunicabili distinguuntur. Philippus Melanchthon & Zach. Ursinus Personam vocant substantiam individuum, vivens, intelligens, incommunicabile, non systematum ab alio, & quod non est pars alterius.

Persona est
vox concretiva.

Sumitur
quandoque
abstractivè.

Vnde defini-
tiones diver-
sæ.

Definitio Iu-
stini Marty-
ris & Da-
masцени.

De singulis priusquam dicam, fundamenti loco duo præsuppono: *Vnum*: Vocem Personæ concretivam esse, non abstractivam. *Ratio*: quia præter formam etiam Subjectum notat. Forma est Personalitas. Subjectum cum formâ, & ab eâ denominatum, Persona. *Alterum*: Vocem illam quandoque etiam abstractivè usurpari, licet improprie, & non absque κατὰ χεῖρος: Sicut etiam vox peccati. Unde emergit gemina definitio, sive ratio definitionis abstractiva & concretiva; ut Personæ Divinæ concretivè & abstractivè considerentur. *Concretivè*, ut cum Filius dicitur ὁ υἱὸς τοῦ πατρὸς ἐν μαρτυρίᾳ θεῶν Phil. 2. v. 6. *Abstractivè*, cum Imago, effulgentia gloriæ, & Character Personæ Patris appellatur Coloss. 1. v. 15. Hebr. 1. v. 3. Ratio duplicis illius considerationis est, quod Persona duobus modis consideratur in Divinis: *Vno* modo, cum contradistinguitur essentiæ, ut modus rei. *Alio* modo, cum essentia cum modo sive modificata concipitur. *Illud* abstractivè, hoc concretivè fit.

Primo: Definitio Iustini Martyris & Damasceni abstractiva est, non concretiva. *Ratio*: quia proprie exprimit, quid sit personalitas, non quid persona concretivè. *Personalitas* est modus essentiæ divinæ, per quem una eademque essentia aliter est in Patre, aliter in Filio, aliter in Spiritu Sancto. In Patre ἀφ' ὧντος, in Filio ὡντῶς, in Spiritu Sancto ἐκπρόβως. Ἀφ' ὧντος igitur γέννησις, & ἐκπρόβωσις, sive ut Damascenus lib. 1. Orthodox. Fid. cap. 10. πατρός, υἱότης, ἐκπρόβωσις sunt modi essentiæ divinæ: quos Græci vocant κατὰ φύσιν τοῦ θεοῦ τῆς ὑποστάσεως, Latini proprietates personales: quia suus cuique Personæ est proprius modus. Hi modi additi essentiæ constituunt Personas: quia Persona nihil aliud est, quàm Essentia cum modo sive proprietate Personali. Eadem etiam Personas distinguunt, tum ab essentiâ, tum inter se. Postremò de singulis Personis enunciantur, non essentialiter, sed relationalivè: quia non sunt aliæ essentiæ, quasi eæ multiplicarentur, sed rationes diversæ unius ejusdemque essentiæ. Non accidentaliter, sed naturaliter; quia Deo naturâ conveniunt: Sicut natura

turâ est Deus, Galat. 4. v. 8. denique non à tempore aliquo, sed ab æterno; quia æternus Pater, æternus Filius, æternus Spiritus Sanctus.

Hæc de primâ definitione; de quâ duo summatim notanda. I. Quæ in eâ notanda. Definitionem esse generaliore & obscuriore: quæ ipsum formale Personæ non exprimit. II. Modum esse ἀναρχον, ut Damascenus loquitur cap. ult. Dialectica. Nam modus alioquin semper naturâ est posterior subjecto, cujus est modus. In Deo autem nihil est prius vel posterius.

Secundò: Definitio Calvini est etiam abstractiva: sed perfectissima, & solis personis divinis conveniens. Perfectissima est, quia Genere & Differentiâ continetur. Genus est Subsistentia, quæ latius patet quam Persona. Nam omnis Persona est quidem subsistentia; sed non vice versâ: quia Persona est suppositum sive individuum, rationale intelligens: subsistentia autem quodcunque individuum, etiam brutum, etiam inanime. Differentia complectitur quidem etiam Subjectum, illudque notat, cum dicitur subsistentia in Essentiâ Dei: (Subjectum enim est Essentia, in quâ est Subsistentia, non ut in aliâ re; idem enim sunt τὸ εἶναι: sed ut modus in re, sive ut rei incommunicabilis proprietas, ut τὸ λόγῳ distingui intelligatur:) præcipuè tamen propriam formam exprimit per Proprietatem incommunicabilem. Hæc enim propriè facit Personam: hæc unam Personam ab alterâ distinguit. Convenit etiam solis Personis Divinis; quia nulla persona angelica vel humana subsistit in essentiâ angelicâ vel humanâ, sed contra essentia in personis. Ratio: quia essentia est natura communis, ut genus & species, quæ sunt νοήματα logica sive entia rationis. Sed Personæ Divinæ subsistunt in essentiâ divinâ, quia illa est res singularissima, & Ens entium: unde κατ' ἐξοχὴν dicitur ὁ ὢν Apoc. 1. v. 4.

In hac definitione duo à nonnullis reprehenduntur: Prius: quod Persona dicitur subsistentia. At dicitur ὁ ὢν, Heb. 1. v. 3. quod subsistentiam vertunt Tertullianus, Hilarius, & Augustinus. Christus sibi tribuit τὸ εἶναι, id est, ὑφ' ἑαυτοῦ Ioh. 8. v. 58. cap. 1. v. 1. Apostolus τὸ ἀρχαῖον Phil. 2. v. 6. Ergò vi conjugatorum ὁ ὢν, ὑπαρχὴν, subsistentiam. Denique ὁ ὢν est subsistens, individuum singulare Apoc. 1. v. 4. Ergò habet subsistentiam, quia substantivum est, ut docet articulus. Alterum est, quod

persona dicitur subsistentia in essentiâ Dei, cum Patres usitatè dicant, Essentiam esse in Personis. Sed alterum non minus rectè dicitur. I. Qui a filius dicitur *παράχων ἐν μορφῇ Θεοῦ*, *Philipp. 2. v. 6.* μορφῇ autem notat essentiam, utpote quâ Filius est Patris qualis. II. Pater dicitur esse in Filio, & hic in illo propter unam essentiam *Ioh. 14. v. 10. cap. 10. v. 30.* Ergo uterque cum Spiritu Sancto subsistit in unâ illâ essentiâ. III. Prisci Patres Personas dixerunt *ἐννόματα*: statuunt igitur esse per subsistentias in essentiâ. IV. Graves causæ fuerunt Calvino ita loquendi: nimirum, non solum ut unitatem essentiæ divinæ rectius exprimeret: verum imprimis ut Servetianos vel solâ Personæ definitione refelleret: qui docebant personas Deitatis esse externas tantum ideas: negabant autem eas revera, sive reapse exstare.

Definitio
Melanchthonis &
Ursini.

Tertiò: Definitio *Melanchthonis* & *Ursini* est concretiva, in quâ Persona idem est quod natura sive essentia intelligens, prout incommunicabiliter subsistit. Et hæc non quidem accurata est, si *ἀκριβειαν* Scholasticam urgeamus; interim popularis, ad captum discipulorum imprimis accommodata. *Accurata non est.* I. Quia potius determinatio & descriptio quædam est subjecti in quo est Persona nempe in substantiâ vivâ, intelligente; quam ipsius Personæ: sive materiale magis quam formale ejus explicat. II. Tautologa etiam est: Subsistens enim & individuum idem sunt: sic intelligens vivum præsupponit. Ideò *Boëthius lib. de Duab. Natur.* brevius definit: quod sit *Natura rationalis individua substantia*. *Popularis* autem est & facilis intellectu, quia abstracta omnia facilius intelliguntur mentione Subjectorum, quam absque iis: idque hic imprimis valet. Quia modi nullam habent aliam entitatem, quàm naturæ sive essentiæ divinæ: quæ pro numero personarum non multiplicatur.

Merito igitur, & cum fructu etiam, conjungemus utramque definitionem, *abstractivam* Calvini, *concretivam* Melanchthonis & Ursini. Illam propter perfectionem Personarum Divinarum, quæ abstractivè plenius percepitur: Hanc propter veritatem subsistentiæ earum: quod verè subsistant, non autem sint meræ ideæ & imagines.

Discrimen
Personarum
Divinarum
ab Angelicis
& Humanis.

Postremò addamus etiam *discrimen inter Personas Divinas, & Humanas, atque etiam Angelicas*. Est autem duplex. *Primum*; Personæ *Divinæ* sunt ejusdem essentiæ numero & individuo, atque
ita

ita *ὁμοούσιος* sive coessentialis; ut Concilium Nicenum loquitur. Personæ *Angelica & Humana* sunt ejusdem essentiae genere vel specie, non individuo, atque ita *ὁμοούσιος*, non *ἐκὸς οὐσιος*. *Secundum*: Personæ *Divina* distincta sunt, alius Pater, alius Filius, alius Spiritus Sanctus, non autem separatae; quia Pater est in Filio, & Filius in Patre *Ioh. 14. v. 10.* At Personæ *Angelica & Humana* non tantum distinctae, sed etiam divisae & separatae, Gabriel à Michaële; Petrus à Paulo. *Causa* utriusque discriminis est, quia Essentia Personarum Angelicarum & Humanarum est finita, circumscripta, partibilis; quæ per partes inest singulis individuis Angelicis & Humanis; sicut Pater generans partem essentiae Filio communicat. At essentia Divina infinita & simplex est. Quia infinita, etiam numero & individuo est communis. Quia simplex, communis est citra omnem divisionem aut separationem; tota in singulis Personis.

PROBLEMA NONUM.

Quomodo Essentia Divina sit communicabilis, Persona Incommunicabilis?

IN definitione Essentiae & Personarum Divinarum usitatè addi solent hæc vocabula *Communicabilis & Incommunicabilis*, discriminis causâ: ut doceatur Illam esse communicabilem, Has incommunicabiles. Sensus igitur horum attributorum rectè est cognoscendus.

Communicabilitas Essentia Divina duo denotat:

Primo *Communitatem* ejus, quod communis sit tribus Personis Deitatis, idque æqualiter. *Ratio. I.* Quia Personæ illæ sunt unum essentiâ numericâ & individuali *Ioh. 10. v. 30. 1. Iohan. 5. v. 7.* Ergo unam habent communem essentiam. *II.* Quia Nomina Essentiae & omnium attributorum essentialium singulis ex æquo tribuuntur. Pater Deus, Filius Deus, Spiritus Sanctus Deus. Pater æternus, omnipotens: Filius item & Spiritus Sanctus. Ergo Essentia ipsis est æqualiter communis. *Vide Symbolum Athanasij.*

Communi-
cabilitas Es-
sentia notat
ejus.
I. Commu-
nitatem.

Sed quæritur: *Annon etiam dici possit communis creaturis?* & videtur

Non est
communis
creaturis.

2. Pet. 1. v. 4.
explicatur.

detur quidem : tum quia nonnullæ dicuntur divinæ consortes naturæ, 2. Pet. 1. v. 4. tum quia attributa divina distinguuntur in communicabilia & incommunicabilia. Resp. Minimè : quia Deus ita est Deus, ut solus sit, nec possit esse alius, Deut. 4. v. 35. 39. solus sapiens, 1. Tim. 1. v. 17. solus bonus, Math. 19. v. 17. Et ipse declarat, Esa. 42. v. 8. quod gloriam suam non det alteri. Locus Petri amphiboliâ corrumpitur ; quia non essentiam, sed conformitatem cum Deo significat, quæ per regenerationem efficitur : Et pii dicuntur fieri divinæ consortes naturæ, scilicet quoad effecta analogæ, quod liquet partim ex enumeratione specierum, vers. 5. 6. 7. partim ex contrario, quod est corruptio, quæ in mundo est per cupiditatem. Distributio attributorum sumitur ex effectis ; quod aliis Dei attributis quædam analogæ reperiuntur in creaturis, ut sapientiæ, bonitati : aliis non ut simplicitati, æternitati. Ergo improprie communicabilia. Ratio : quia attributa non egrediuntur suum subiectum.

Quatenus
communis
sit Human.
Nat. Christi.

Rursum quæritur : Annon communis dici possit Humana Christi natura ? Resp. In concreto, id est, Personæ est verè communis, quæ Θεάνθρωπος. In abstracto autem minimè : quia unio facta salvis naturis, earum proprietatibus ac operationibus.

2. Commu-
nicationem.

Secundo etiam Communicationem, quâ Essentia uni Personæ ab alterâ communicata intelligitur. Pater est fons & principium totius Deitatis : & in ipso Deitas est αὐθεντίας. Is communicavit essentiam Filio : Pater & Filius Spiritui Sancto. Probatum I. dictis Scripturæ. Pater genuit Filium, Psal. 2. v. 7. Prov. 8. v. 22. dedit ei vitam subsistentem Ioh. 5. v. 26. Ergo communicavit ei essentiam. Generatio enim fit per communicationem ejusdem essentiae : Et vita Dei est essentia vivens. Spiritus Sanctus procedit à Patre, Ioh. 15. v. 26. est ex Deo, 1. Cor. 2. v. 12. est Filii Spiritus, Rom. 8. v. 9. Gal. 4. v. 6. Ergo. II. Quia absque hac communicatione non potest defendi trinitas, sed erit quaternitas : cum una Persona origine non sit ab alterâ. Hoc verò docet Scriptura : quia Filius à Patre, Ioh. 1. v. 14. Spiritus Sanctus à Patre & Filio Ioh. 15. v. 26. 1. Cor. 2. v. 12.

Modus
Communi-
cationis
qualis.

Modus Communicationis ex Objecto & actu communicantis cognoscitur. Objectum est essentia Divina, quæ communicatur, non alia atque alia, sed eadem : quia unum, Ioh. 10. v. 30. non secundum partem, sed tota, Ioh. 5. v. 26. ut filius sit pater & æqualis

æqualis Patri v. 18. *Actus* est ipsa communicatio, quæ fit non in tempore, sed ab æterno *Prov.* 8.v.22. *Mich.* 5.v.2. naturâ, non ex gratiâ, argumento *locorum Gal.* 4. vers. 8. *Iacob.* 1.v.17. non alienatione, sed communione & coexistentia: argumento *loci Ioh.* 5. vers. 26.

Hic autem quæritur: *An rectè dicatur Essentia communicat essentiam*, cum communicatio sit essentiæ? *Resp.* Certum est *Augustinum*, & alios *Patres*, ex his autem *Lombardum* ita locutum esse *lib.* 1. *dist.* 5. sed vocem Essentiæ acceperunt relativè de personâ; five cum modo & proprietate personali eam considerarunt. *Propriè* autem & accuratè loquendo non rectè id dicitur. I. quia Scriptura actus notionales Personis tribuit, non Essentiæ *Ioh.* 5.v.26. *Psal.* 2.v.7. II. quia actiones sunt suppositorum five personarum. Communicatio est actio; Ergo. III. quia sic plures essentiæ finguntur. Essentia Communicans & essentia communicata non est una essentia propriè; saltem distinctio fit ratione essentiæ. Dei essentia est una: Ergo. Communicatio est sanè essentiæ, sed objectivè: quia est id quod communicatur. Principaliter autem five causaliter, (fas sit ita loqui) est personæ, quæ generando, spirando essentiam communicat.

Non rectè dicitur, essentia communicat essentiam.

Incommunicabilitas est Personarum divinarum. *Personam* *Boethius lib. de duab. Natur.* definit *rationalis natura individuum substantiam*. Huic definitioni *Richardus*, inter Theologos Scholasticos Doctor celebris, addidit vocem *incommunicabilis*, ut substantiæ individue incommunicabilitas significetur. Nam individuum dicit rationem singulariter subsistendi: persona verò incommunicabilitatem, cum aliis personis ejusdem naturæ. Et potest aliquando aliquid esse individuum, quod interim suppositum dici nequit. *Sal* permixtus aquæ est hic *sal* at in supposito aquæ: *Ignis* in ferro caudente est hic *ignis*: sed in supposito ferri. Sic Elementa sunt in mixtis, non per propria sua *quæ sunt*, sed sunt unum *quod est* in mixto

Incommunicabilitas Personæ.

Incommunicabilitas igitur est personalis proprietas, quâ una persona ab alterâ distinguitur; five, ut *Calvinus* loquitur, est proprietas incommunicabilis, quâ una persona ad alias relata distinguitur. Hanc Deo meritò tribuimus. I. quia in Deo sunt Nomina propria & incommunicabilia: Pater, Filius, & Spiritus S. II. quia sunt actus personales & incommunicabiles, gignere, gigni, procedere. III. quia secundum nomina & actus alius Pater, alius Filius, alius

Deo rectè tribuitur.

alius Spiritus S. appellatur in Scripturâ. IV. quia omnis res necessario habet ultimum sue existentiae terminum & modum. Ergo multo magis Deus. Terminus autem ille est incommunicabilis substantia.

Quid efficiat
in Deo.

Duo porro efficit hæc Incommunicabilitas. I. ut Persona sit hæc persona, Pater sit Pater; Filius, Filius; Spiritus S. Spiritus S. Ratio: quia est proprietas characteristica & individualis, quæ communis essentia determinatur quasi in hæc, illâ personâ, vulgo vocant *principium individuanis*, sive *individuationis*. II. ut una Persona ab alterâ differat, non essentialiter sed personaliter: alius Pater, alius Filius, alius Spiritus Sanctus. Ratio: quia est alteri incommunicabilis.

An & quomodo
Persona Filii se
communicaverit
Humanæ Naturæ.

Hic verò quæritur. Si Persona divina est Incommunicabilis, quomodo persona & λόγος, sive Filii Dei se communicavit Humanæ naturæ?

Resp. duo. I. Incommunicabilitas Personæ non negat omnem omnino communicabilitatem, sed duntaxat alterius personæ, non alterius naturæ. Ratio: I. quia sic docet Fides Christiana in mysterio unionis personalis. II. quia hæc non pugnat cum personâ & formalitate ipsius: Cum non terminetur ulterius personæ, sed potius ipsa terminet existentiam naturæ, cui communicatur. Illa vero pugnat: quia communicatio, quæ fit alteri personæ, esset ad terminum ulteriorem: Repugnat autem & contradictionem implicat id quod ultimo terminatum est denuò terminari, quatenus tale est. II. Communicatio illa non dicitur propriè; quomodo intelligitur, cum Pater generando Filium communicavit ipsi essentiam & substantiam: sed impropriè, ut sit assumptio in suam personam, & unio cum humanâ Naturâ; quâ illa non per se subsistit, sed in λόγῳ tanquam ei ἐνυπασίτω. Ergo Humana Natura subsistit in personâ & λόγῳ. Personalitas autem non est Humanæ Naturæ, sed solius λόγῳ, etiam in Unionem.

PROBLEMA DECIMUM.

Quo pacto distinguantur Personæ divine tum ab Essentiâ, tum inter se?

Problema geminæ solum distinctiones meminit; quia illa est præcipua, & maximè necessaria cognitu. Alioquin triplex in Deo distinctio ostendi potest, & tradi solet.

Prima

Prima est *Attributorum divinorum tum ab essentiâ, tum inter se* : v. g. misericordiæ à justitiâ, Sapientiæ à bonitate. Siquidem Scriptura ipsa Deum ita nobis describit, ut attributa Dei ab ipso Deo, & hæc vicissim inter se distinguat *Exod. 34. v. 6. 7. Psal. 103. v. 8. 9. 10. 1. Tim. 1. v. 17. cap. 6. v. 15. 16.* Est igitur aliqua distinctio. Præterea attributorum divinorum contrarii sunt effectus : quia Justitia punit, misericordia parcat. Ipsa igitur etiam contraria, vel saltem, diversa esse videntur. De hac distinctione tenendum, quod non sit rei aut *realis*. Attributa non sunt in essentiâ, ut accidentia, qualitates in subjecto ; sed sunt ipsa essentia. *Ratio* : quia essentia divina est absolute simplex, expers omnis compositionis. *Nec inter se differunt realiter* : quia quicquid in Deo est essenziale, unum est : à primâ autem unitate omnis differentia, omnisque numerus abesse debet. Est autem distinctio notionis seu rationis, ut docet Basiliius lib. 1. *contra Eunomium*. Nim : quia ex conceptu nostro, sive ex nostro intelligendi modo distinguuntur, qui simplicia, infinita, uno simplicique actu capere nequimus. Conceptus autem ille & distinctio non est pura, sed eminens ; quia formatur & fundatur I. in verbo Dei, quod distinctè de iis loquitur, ad captum nostrum. II. ex effectis eorum : in quibus sæpè est contrarietas, multoties diversitas : sicut etiam in effectis solis. In Deo autem nulla est contrarietas I. quia virtutes non sunt sibi contrariæ. II. quia in contrariis unum aliud perimit ; virtutes autem se mutuo conservant. III. contraria in uno eodemque subjecto simul esse non possunt : Justitia & misericordia simul sunt in Deo : qui Salvator & ultor dicitur *Deut. 32. v. 6. 35. 39. 1. Sam. 2. v. 7.*

Attributa divina distinguuntur ab essentiâ modo concipiendi nostro.

Inter se ratione.

Secunda est *distinctio Personarum Divinarum ab Essentiâ*, quæ non potest esse obscura aut dubia. Quia Essentia una est, Personæ tres ; Essentia est communicabilis, Personæ incommunicabiles ; Essentia absoluta, Personæ relativæ, non propter essentias relativæ, sed propter modos sive proprietates relativæ. Est autem nec ista distinctio *realis*. *Ratio* : quia personæ respectu essentiæ unum dicuntur, non aliud atque aliud *Ioh. 10. v. 30. 1. Ioh. 5. v. 7.* Item, unaquæque Persona est ipsa essentia, sicut Pater dicitur Deus, Filius item & Spiritus S. Sed est *rationis* ; quia λόγος tantum differt : sicut homo & Petrus. Nam essentia dicit aliquid communius : Persona idem commune, sed cum proprietate incommunicabili. Est autem distinctio rationis non pura, quæ non

Distinctio Personarum divinarum ab Essentiâ.

Est rationis. Eminens.

habet fundamentum in re, in solidum verò ab intellectus nostri operatione dependet: Sed *eminens*, quæ etiam citra illam est in Deo, & fuit ab æterno; non tantum in effectis aut phrasæologia Scripturæ. Nam ab æterno Essentia communicabilis est, Persona incommunicabilis; Essentia absoluta, Persona relata; Essentia expers originis, Persona Filii & Spiritus S. cum origine. Alii distinctionem *Modalem* malunt appellare: quia proprietas personalis, per quam persona distinguitur ab essentiâ, & essentia in suâ communitate restringitur, est modus quidam Essentiæ divinæ.

Distinctio
Personarum
divinarum
inter se est
realis.

Realiter dif-
ferre quid.

Tertia distinctio est *ipsarum Personarum divinarum inter se*; quæ non est rationis, sed rei sive *realis*. Probat. I. quia alius Pater, alius Filius, alius Spiritus S. *Ioh. 5. v. 32. cap. 14. v. 16. Pa- ter & Filius duo sunt Ioh. 8. v. 17. 18. Pater, Filius, & Spiritus S. tres 1. Ioh. 5. v. 7. Ergò. II. quia Filius incarnatus, non Pater: Spiritus S. in formâ columbæ apparuit non Filius: Pater cœlitus clamavit. Hic est Filius meus &c. non Spiritus S. Ergò. III. Ubi- cunque est oppositio realis, ibi est distinctio realis: *Ratio*: quia hæc in illâ fundatur, & per eam causatur. Atqui inter Personas est oppositio realis Paternitatis & Filiationis, Spirationis & Pro- cessionis. Ergò. Sed *distinctio hæc realis* rectè & orthodoxè intelli- genda est. I. Realiter differre non est differre separabiliter, ut Pe- trus, Iohannes, Paulus. Est enim Pater in Filio, Filius in Patre *Ioh. 14. v. 10. II. Realiter differre non est differre essentialiter*, quia tres Personæ sunt unum essentiâ *Ioh. 10. vers. 30. 1. Ioh. 5. v. 7. Et in Trinitatis mysterio, persona non idem planè designat quod es- sentia: sed denotat ὁμώνυμος*, ut veteres loquuntur; proin- deque realiter non est idem quod essentialiter. Est verò differre relatione, proprietate reali; quæ tamen non infert novam entita- tem: quia alius est Pater à Filio per paternitatem, quæ est illius proprietas. Alii etiam vocant distinctionem *Modalem*: quia pro- prietates sunt modi essentiæ divinæ, ut antè dictum.*

PROBLEMA UNDECIMUM.

An Generatio Patris sit activa : Generatio Filii passiva?

Explicatio Problematis necessaria est, tum propter *Socinianos*, qui hâc distinctione enervare laborant æternam Filii generationem à Patre : tum etiam propter *Novatores* quosdam, qui inde colligunt realem diversitatem esse in Deo, atque ita compositionem.

Responsio est negativa ; Nullam esse in Deo generationem passivam, propriè & realiter acceptam.

Nulla est in Deo generatio passiva.

Rationes sunt :

I. Ubi est generatio activa & passiva, ibi genitum est in potentia gignentis. In Deo genitum, id est, Filius, non est in potentia gignentis, scil. Patris. Ergò. *Major* est extra controversiam. *Minor* sic probatur. 1. Quod est in potentia gignentis id non semper actu existit. Filius semper existit actu ; quia ab æterno. Ergò. 11. Quod est in potentia gignentis, id potest esse vel non esse. Filius non potest non esse, non minus quàm ipse Pater : quia necessario est, non contingenter, aut liberè. Ergò.

q. genitum non est in potentia gignentis.

II. Generatio activa & passiva est in materialibus : *Ratio* : quia potentia est propria materiæ, ex quâ producitur genitum. In Deo nulla est generatio materialis : utpote qui Spiritus est, expers materiæ *Iob. 4. v. 24.* Ergò.

q. generatio non est materialis.

III. In generatione activâ & passivâ generatio est medium ali-quod reale inter gignens & genitum. Eo si quidem genitum à non esse ad esse producitur. In divinis generatio non est medium ali-quod reale inter Patrem & Filium. Nam generatio respectu geniti Filii considerata, reipsa nihil aliud est quàm Filiatio : quæ est proprietas Filii : respectu verò generantis considerata, est ipsa Paternitas, quæ est in Patre : significat tamen generatio proprietatem per modum actus. Ergò.

q. generatio non est medium reale inter gignens & genitum.

Obijcitur contra : In divinis Pater est gignens, Filius genitus, teste Scripturâ *Psal. 2. v. 7. Iob. 1. v. 14.* Ergò generatio quoque activa, vel passiva. *Resp.* Negatur sequela : I. quia hæc dicuntur secundum intellectus nostri modum : non autem quod sit generatio passiva, propriè & realiter accepta in Deo. Alioquin etiam fuerit

Occupatio.

temporaria generatio, cum verbum gignendi includat configurationem temporis; quod tamen est contra Scripturam *Prov. 8. vers. 22. Mich. 5. vers. 2.* Tenenda igitur regula *Athanasii Dial. 1. ἀνθρώπου πατρὸς λέγεται, θεογενετὸς νοεῖται.* II. quia verbo activo & passivo duo termini generationis notantur, non duæ generationes significantur.

Generatio
Filii est.

Plenioris cognitionis ergo addam pauca axiomata de *Generatione Filii*, contra eosdem hæreticos, sed confirmata ex Scripturâ.

Propria.

Primum: Generatio Filii à patre propria est, non Metaphorica. I. quia filius est proprius *Rom. 8. v. 32.* Ergo etiam propria generatio. II. Generatio est communicatio vitæ subsistentis; per quam Filius est unum cum Patre, & ei æquatur *Ioh. 5. v. 26. 18. cap. 10. v. 30.* Ergò. Patet ex definitione generationis. Cui autem definitio, eidem & definitum convenit.

Hyperphy-
sica.

Secundum: Generatio in divinis Hyperphysica est: non Physica qualis est substantiæ corporeæ & materialis; nec Metaphysica sive transcendens, quâ mens nostra gignit λόγος: unde etiam mentalis appellatur; *Ratio*. I. quia Deus Pater est super omnes *Ephes. 4. v. 6.* & Deus Filius *Rom. 9. vers. 5.* Ergò etiam generatio. II. quia est summum omnium mysteriorum. Ergo hyperphysica. III. quia etiam quæ analogæ sunt creaturis, Deo cum *ἐπεροχῇ* tribuuntur. Differt ab utrâque tum conjunctim, quia finita, temporaria, ut pote creaturarum: tum seorsim; A Physica: 1. quia gignens gignit ex se per seminalem rationem. 2. gignit extra se, quatenus extra se producit genitum, & statuit ut terminum generationis. A Metaphysicâ: 1. quia est generatio improprie dicta, & accidentis: gignitur enim accidens. 11. quia genitum inest gignenti, tanquam accidens subjecto.

Facta in es-
sentia.

Tertium: Generat Pater Filium in essentiâ potius, sive in unitate essentiæ, quàm ex essentiâ. *Ratio*: I. quia Filius subsistit in formâ sive essentiâ Dei *Phil. 2. v. 6.* II. quia Filius non est genitus ex essentiâ Patris, tanquam materiâ: nec generatio extra Deum facta est. Si tamen particula *Ex* non significat materiam, sed duntaxat terminum à quo, (sicut *Ioh. 1. v. 14.* dicitur esse à Patre,) concedimus in sano sensu, Patrem ex suâ substantiâ genuisse Filium; quod vel ipsa ὁμοσμία Patris & Filii indicat, & locus *Ioh. 5. v. 26.* apertè confirmat.

Quartum : Pater genuit Filium necessitate & voluntate, diverso sensu & significato. *Necessitate* ; quia naturâ genuit, sicut naturâ est Deus *Galat. 4. v. 8.* Et omnia quæ in Deo sunt, sunt actus & necessitas. *Voluntate* etiam ; quia non coactione, non vi, non denique cogente necessitate genuit, id est, cum noller Pater gignere ; ut explicat *Hilarius*. Orthodoxi Patres negarunt Filium voluntate genitum esse, eo sensu quo dixerat Eunomius : nempe quod temporis discrimen poneret inter existentiam Personæ Patris & Filii : & quo sensu velle aliquid dicimur, quod ante volebamus. *August. lib. 15. de Trinitate cap. 20.*

Necessitate
& voluntate.

Quintum : Pater Gignendo Filium totam essentiam Filio dedit, non alienatione, sed communicatione ; & quidem tali, quâ & dedit, & retinuit. *Probat*ur insigni loco *Joh. 5. vers. 26.* *Sicut Pater habet vitam in se ipso, ita dedit & Filio habere vitam in seipso.*

Totius essentia
com-
municatio-
ne.

Sextum : Utrumque rectè dicitur, & Patrem gignere Filium, & genuisse. *Prims* ; si generationem spectes, prout est in se ; quia opera Deitatis ad intra, quale est gignere, gigni, sunt æterna, perpetua, semper manentia, uti ipsa Deitas sui semper similis est. Nec tamen hinc colligi potest generationem esse imperfectam : quia actus generationes, qui ab æterno perfectus est, continuatur absque ullâ mutatione vel successione temporis *Iacob. 1. v. 17.* *Posterius* : si nostrum intelligendi modum consideres : quibus imperfectum est, quod est in fieri, sive præsentis : perfectum, quod est in factum esse. Idè Scriptura magis utitur verbis temporis præteriti, quàm præsentis *Psal. 2. vers. 7.* *Prov. 8. v. 22. 23.* *Iob. 1. v. 14.*

Fit & facta-
est.

PROBLEMA DVODECIMUM.

Quomodo Decreta sint in Deo ?

ET hoc Problema curiosum magis, quàm necessarium videri poterat, nisi necessarium fecisset Hæreticorum protervia & impudentia, qui inde Deo compositionem impingunt, simplicitatem ejus negant.

Decretum Deo non tribuitur propriè. Est enim effectum

Decretum
propriè Deo
non tribui-
tur.

Consultationis, seu deliberationis antegressæ: quod in Deum non cadit. I. Quia Objectum est res una vel plures, obscuritas vel difficultatem habentes. Deo autem omnia intus patent, *Hebr. 4. v. 12.* omniaabilia sunt *Math. 19. vers. 26.* II. Quia actus ejus est discursus, sive ratiocinatio ab uno ad alterum: qui in Deo non est, cum intellectus ipsius sit simplex & infinitus. Ergo tribuitur ipsi *improprie*, & *analogice*; quatenus confertur cum homine sapiente, deliberante prius de re, quam aliquid statuat aut aggrediatur. *Vide Luc. 14. v. 31 & seqq.*

Decreta sunt in Deo.

Esse autem Decreta in Deo, constat autoritate Scripturæ *Eph. 1. v. 5. 9.* *Predestinavit in sese, secundum gratiam suam benevolentiam quam præstituerat in sese.* Sic tribuit ipsi *Consilium voluntatis v. 11. beneplacitum voluntatis, vers. 5. Præcognitionem & prædestinationem*, *Rom. 8. v. 29. Act. 2. 23. Cap. 4. v. 28.* Voluntas autem Dei est in Deo. Ergo. Accedit; quod decreta Dei sunt æterna *Eph. 1. vers. 4. Cap. 3. v. 10. 11. 1. Petr. 1. v. 19. 20. Act. 15. v. 18.* Nihil autem æternum est extra Deum, sed in ipso.

Non ut accidentia in subjecto.

Modum, quo sunt in Deo *καὶ ἀνέθεν* constituo & enuncio. Primo: *Non sunt in Deo, ut accidentia in subjecto*, ut essentia divinæ velut subjecto inhaereant. *Ratio*; quia nullum est accidens in Deo. Est enim absolute unus *Deuter. 4. v. 6.* Ergo non constat subjecto & accidente. Est suum esse, nec per essentiam sive entitatem constituitur *Exod. 3. v. 14. Apoc. 1. v. 4.* Ergo non compositus ex subjecto & accidente. Et si est accidens in Deo ab essentia ejus distinctum, id vel est à causâ externâ, vel à propriâ Dei essentia. Non illud: quia suprema est causa, nec se aliquam priorem habet, nec ab aliquâ causâ dependet. Nec hoc: quia sic esset aliquid in Deo prius & posterius: nam quod à principiis subjecti manat, est effectum, & posterius subjecto. Ergo nullum est accidens in Deo.

Sed ut actus voluntatis cum exterioribus.

Secundo: *Decreta sunt in Deo ut actus voluntatis ipsius*: ut ipsa Dei voluntas, considerata cum *quod* sive relatione ad objecta externa, futura ex immutabili consilio ipsius, & producenda per potentiam ipsius. Probatur I. quia dicitur voluntas Dei *Esa. 46. v. 10. Consilium meum stabit, & omnis voluntas mea fiet. Roman. 9. v. 18. 19. Miseretur cuius vult, quem vult inducit: voluntati ejus quis resistit?* II. Quia beneplacitum voluntatis, consilium voluntatis appellatur

latur *Ephes. I. v. 5. 11.* Jam voluntas Dei est ipse Deus volens : si-
ve est essentia Dei concepta per modum actus volendi , ut no-
tum est. Ergò decreta Dei sunt ipse Deus volens : siue ipsa essen-
tia Dei concepta per modum actus ; sed relativi , & quidem ad
extra. Quod ut plenius intelligatur , *Actus divini* trifariam veni-
unt distinguendi. *Primo* sunt actus *intrinseci & immanentes* , qui
non transeunt in objectum externum , & nullum prorsus respec-
tum aut *ᾧ ἐξω* habent ad τὸ ἐξω. Tales sunt actus personales ,
quos Scholastici *notionales* vocant, gignere, spirare , &c. Horum
absoluta est necessitas, absque potentiâ ad oppositum ; & sunt
æterni. *Secundo* sunt actus *extrinseci, qui non sunt in Deo, sed à Deo* ;
siue qui à Deo sunt effectivè , in creaturis autem subjectivè : ve-
lut creare , gubernare , redimere &c. Huiusmodi actus non so-
lum sunt temporales ; sed etiam oppositi actus Deo attribui pos-
sunt. Deus etiam extrinsecus solum ab iis denominatur. *Tertio*
sunt actus *intrinseci* quidem in Deo , sed *connotantes respectum ac*
ᾧ ἐξω ad extra , ut scire, velle. Scit enim Deus non solum se, sed
etiam omnino quicquid est scibile , siue ut possibile , siue ut fu-
turum. Vult etiam non solum se , sed etiam alia extra se , quæ-
cunque nimirum statuit extra se producere aut permittere. Se
necessariò , alia extra se liberè. Huiusmodi actus sunt *Decreta* ,
relativi nimirum ad extra , & præter voluntatem *ᾧ ἐξω* statuunt
rerum externarum. Compositio autem hinc male infertur. **I.**
Quia externa relatio nullo modo componit. **II.** Quia neces-
sitas & libertas non sunt distinctæ in Deo potentiæ.

Actus divini
sunt.
Intrinseci.

Extrinseci
non in Deo.
sed à Deo.

Intrinseci in
Deo, cum
respectu ad
extra.

Nulla hinc
in Deo com-
positio.

Postremi ge-
neris actus
quomodo
consideren-
tur.

Cæterum actus *tertii generis* dupliciter possunt considerari :
vel secundum id , quod sunt : vel secundum respectum , quem
habent ad objectum. *Priori* modo nil differunt ab essentiâ divinâ ,
neque ulla est ibi mutatio aut mutabilitas , nec ejusmodi liber-
tas , de quâ Vorstius loquitur , sed necessitas. Sicut enim Deus
non potest non esse ; sic neque potest non velle , non intelligere.
Posteriori distingui oportet inter ipsum objectum voluntatis divi-
næ : vel enim est *primum ac principale* , quod est ipsa essentia ac bo-
nitas Dei : & sic est summa necessitas ; quia necessario scit suam
essentiam ac bonitatem. Vel est *secundarium ac minus principale* ,
scilicet res creatæ ; & sic est libertas.

PROBLEMA DECIMUM TERTIUM.

Num duplex sit Dei voluntas, una antecedens, altera consequens?

Diffinitionis
hujus Ori-
go.

Distinctio voluntatis Dei in *προγενεσμένη καὶ ἀπογενεσμένη* in *Antecedentem & consequentem*, excogitata est à Damasceno, tradita lib. 2. *Orthod. Fidei cap. 29. de Providentiâ*. Post à Scholasticis Theologis usurpata, & tandem à novis Semi-Pelagianis in erroris sui defensionem arrepta fuit.

Admittitur

Nos eam non simpliciter improbamus, sed sano sensu secundum Scripturas *admittimus*: & quidem tum de *Decreto* Dei, tum etiam de ejus *Mandato* explicatam; quo duplici significato *voluntas Dei* usurpatur in Scripturâ. *De Decretis Dei*: Est enim eorum certus ordo & series; alia priora, alia posteriora; non quidem ex parte voluntatis divinæ, quasi ea prior vel posterior: Sed ex parte objectorum sive volutorum. Antecedit decretum de homine creando: consequitur decretum de eodem redimendo. Ita

De decretis
Dei.

Possunt dari
duo decre-
ta inter quæ
voluntas hu-
mana inter-
cedat.
De Mandatis
Dei.

προγενεσμένη præcedit *ἀπογενεσμένη* Rom. 8. v. 29. Sed nec negamus posse dari duo decreta Dei, inter quæ voluntas humana intercedat: quemadmodum inter decretum de creando homine, & decretum de certis hominibus damnandis, peccatum hominis intervenit. *De Mandatis Dei*: Est enim Voluntas antecedens in præceptis: *Fac hoc; Resipisce & crede Evangelio*: Consequens in promissis & minis, quæ sanctionis ergò præceptis adduntur: *vives, servaberis; non vives, damnaberis*. Nec enim implentur promissa vel minæ, nisi observatio aut violatio mandatorum præcesserit. Et sic etiam medio loco intervenit voluntas humana: De quâ Esaias cap. 1. v. 19. 20. *Si volueritis audire, bona terra comeditis: sin remueritis, gladius devorabit vos*.

Damnatur
sensu Semi-
pelagiano.

Contra rejicimus & damnamus hanc distinctionem, quo sensu Damascenus & Semi-pelagiani eâ utuntur. His siquidem *Voluntas Antecedens* est Consilium Dei de omnibus in universum hominibus servandis: *Voluntas consequens* est Consilium Dei de servandis credentibus, damnandis incredulis. *Illa* sic dicitur, quod antecedit actum humanæ voluntatis, sive actiones humanas bonas vel malas. *Ista* verò, quia posterior est humanâ voluntate, &

ab actionibus ejus bonis vel malis dependet. *Inter utramque voluntatem ergo media intervenit voluntas humana*, quæ ut plurimum efficit, ut Deus rescindat voluntatem Antecedentem longè optimam, ac à proposito fine depulsus aliò se convertat, quam ad id quod primitus intenderat.

Syllogismus principalis, quo distinctio illa evertitur, hic esto: Quæ distinctio in Deum multis modis injuria est, æternam ejus electionem subruit & convellit, & toti Evangelio repugnat, ea multis modis est falsa & perniciofa. Distinctio voluntatis Dei in antecedentem & consequentem, ex mente Damasceni & Neopelagianorum, est talis. Ergò. *Minor est trimembris*, per quæ distinctè probatur: *In Deum injuria est multis modis*: I. Quia ei insipientiam & impotentiam tribuit. Fingitur enim Deus intendere aliquid & desiderare affectu naturali, quod non assequitur, nec potest assequi per hominem; quia ipse non vult. II. Impingit ei mutabilitatem: quia voluntati consequenti non potest esse locus, nisi antè rescissâ antecedente. Impossibile enim est, ut Deus simul velit omnes homines servare, & aliquos damnare. III. Affingit ei contrarias voluntates: quod voluntate antecedente vult omnes servare, consequente non omnes vult servare: item; quod multos, quos antecedente vult servare, consequente vellet damnare: verbi gratia, Saulem & Judam. IV. Deum homini subjicit, hominem supra Deum extollit: utpote quem à voluntate & actibus humanis, in horas, imò momenta, mutabilibus, suspendit. *Æternam Dei electionem subruit & convellit*. I. Quia eam facit temporalem. Secundùm hanc enim distinctionem tum demum homo eligitur ad vitam æternam, cum actu credit: reprobat, cum gratiam oblatam repudiat. II. Quia talem fingit, cui nulla executio, effectus nullus respondet, id est, irritam, inefficacem: contra dictum *Rom. 8. v. 29. 30.* ut in omnibus reprobis & damnatis videre est. III. Quia eam fundat non in *dispositiõne*, vel in actu aliquo Dei, sed in actu voluntatis humanæ. Eligit enim voluntate consequente, cujus fidem præscit; reprobat, cujus incredulitatem prævidet: Adeoque causa particularitatis ab homine est, non à Deo. IV. Quia incertam relinquit; Nam humanâ voluntate, ex quâ pendet, nihil est incertius, mutabilius. Denique *toti Evangelio repugnat*, quod magno consensu testatur, Deum non omnes simpliciter, etiam

Idque quia

1. Injuria est in Deum.

2. Æternam Electionem subruit.

3. Toti Evangelio repugnat.

infideles, sed omnes & solos in Christum credentes per eum servare velle *Ioh. 3. v. 16. 36. cap. 6. v. 40. Rom. 3. v. 32. Gal. 3. v. 22.* Docet etiam non omnibus offerri aut conferri media salutis *Matth. 11. v. 21. 25. 26. cap. 13. v. 11. & alibi.*

Non adstrui-
tur simili-
bus.

Pro tuendâ hâc distinctione *duo obijciuntur.* Primum à simili. Pater optat & vult serîdè, ut Filius suus ipsi obediat; at non violenter eum trahit ad obediendum. Mercator vult merces suas salvas, sed necessitate compulsus projicit eas in mare: ita Deus compulsus malitiâ hominum eos damnat, quos servare voluerat obediētes. Nec enim vult hîc exferere suam omnipotentiam, ne vim faciat libero arbitrio. *Resp.* Nihil hæc similia concludunt, quia sunt valdè dissimilia. Sumuntur enim ab hominibus, qui non possunt fieri compotes voti nisi per media convenientia, & qui frequenter suâ intentione frustrantur. At Deo nunquam desunt media iusta & convenientia, per quæ assequatur id quod intendit. Potest etiam sine coactione sic flectere voluntatem, ut illud sequatur. Ita subitò mutavit animum Esau, *Genes. 33.* Saulis, *1. Sam. 19. v. 23.* Ægyptiorum, *Psal. 105. v. 25.* Regum, *Proverb. 21. v. 1.* Si hanc mutationem sine coactione Deus facit in improbis, quantò magis in piis. Exemplo sunt latro in cruce, *Luc. 23.* Paulus *Actor. 9.* Lydia & commentariensis *cap. 16.* Alterum ab usu hujus distinctionis in conciliandis locis Scriptura, quæ videntur *ἐναντιοφάνη*: verbi gratia, cum dicitur velle omnes homines salvos fieri, *1. Tim. 2. v. 4.* nec ullum perire, *2. Petr. 3. v. 9.* sed omnes converti *Ezech. 33. v. 11.* Alibi verò dicitur ridere in interitu impiorum, *Proverb. 1. v. 26.* velle quosdam indurare, & nonnullorum tantum misereri *Rom. 9. v. 18.* Nam illa de antecedente bonitatis, hæc de consequente iudicii voluntate intelligenda sunt. *Resp.* Antè ostensum est, Scripturam nullo modo agnoscere illam distinctionem. Est verò longè alia ratio conciliationis: Vult salvos fieri omnium ordinum, non omnes & singulos homines: Nullum perire, scil. resipiscētem: Non vult mortem peccatoris, scil. resipiscētis: Ridet in interitu impiorum, quatenus *ἀναίσχυντα* Dei: vult indurare, absoluta etiam voluntate & potestate, ut singulus, Dominus omnium.

Neque usui
est ad conci-
lianda loca
in speciem
pugnantia.

PROBLEMA DECIMUM QVARTUM.

An voluntas, quæ Signi & beneplaciti vocatur, ponat contrarias in Deo voluntates?

HÆc distinctio Voluntatis traditur à Lombardo *lib. 1. Sentent. dist. 45.* & ab aliis Scholasticis, præcipuè à Thomâ *Summa part. 1. quest. 19. art. 11. & 12.* repetitur & explicatur. *Signi* dicitur quæ signo aliquo, puta præcepto vel promisso nobis innotescit. Solent autem à Scholasticis quinque signa exprimi, quibus Dei voluntas innotescat: præceptum, prohibitio, consilium, permissio, operatio. Sed plura esse non est dubium. Exstant enim etiam promissiones, comminationes, vaticinia, narrationes &c. *Beneplaciti* autem, quæ tantisper in Deo latet, ejusque liberrimæ potestati relinquitur, dum ex aliquo oraculo, vel eventu ipso tandem patefiat. Et sic nominatur per Synecdochen generis; quia certum & speciale nomen, quod signo sive indicio externo opponatur, nondum videtur exstare. Nec malè sic nominatur; quia decretum Dei est beneplacitum voluntatis ipsius *Ephes. 1. v. 5.* Atque hoc sensu usurpatur illa distinctio, non alio: quasi voluntas beneplaciti tantum placeat Deo, signi non placeat.

Voluntas
qui quid.

Voluntas
Beneplaciti
quid.

Eodem sensu ferè usurpatur distinctio in voluntatem Arcanam & Revelatam. *Arcana* est consilium Dei de rebus futuris, in ipso absconditum, ut de die ultimi judicii. *Marc. 13. vers. 32.* quomodo olim absconditum fuit mysterium Evangelii *Ephes. 3. v. 5.* *Revelata* est quam in præceptis & promissis Vet. & N. Test. expressit & manifestavit *Act. 20. v. 27. Rom. 12. v. 2.* Differunt. I. Objectis: *Illa* est de facto Dei, quid Deus velit facere de omnibus & singulis suis creaturis. Hæc de officio nostro, quid nos debeamus Deo & proximo. II. Subjectis. *Illa* est in Deo, ut omne decretum: *Hæc* extra eum, in Scriptis Prophetarum & Apostolorum.

Arcana
&
Revelata

quid differant.

Geminam hanc voluntatem rectè Deo attribui, probatur. *Distis* illustribus: *Deut. 29. v. 29. Quæ occulta sunt, penes Iehovam Deum nostrum sunt; at quæ revelata, nobis & Filiis nostris usque in se-*

Rectè Deo
tribuuntur
juxta
dicta.

seqq. capp. Ergò. *Resp.* ad *Maiores* : Si idem velit ac nolit eodem modo ac fine, ex lege oppositorum. Quod non hîc accidit. Deus voluit immolationem Isaaci, quatenus & quousque fuit probatio obedientiæ Abrahami, *Gen. 22. v. 1.* noluit quoad eandem, quia prohibuit, *v. 12.* Voluit dimissionem populi fieri à Pharaone, quatenus mandavit, ut ejus contumacia & infidelitas in lucem protraheretur. Noluit quoad eventum, nim: ut obdurato ejus corde justissimam causam haberet severius in ipsum animadvertendi. *Alterum* quod Lutherani inprimis urgent, hoc est: Qui verbo externo testatur se velle omnes & singulos homines salvos facere; æterno autem decreto statuit non omnes, sed paucos solum salvos facere; in eo sunt contrariæ voluntates. Atqui Deus hoc agit, ut habet doctrina Calvinistarum. Ergò. *Resp.* I. Negatur *prius membrum minoris*, quod Deus verbo testetur se velle omnes & singulos homines salvos facere. Docet enim paucos servatum iri *Luc. 13. 23, 24.* Multos esse vocatos, paucos electos *Matt. 20. v. 16. cap. 22. v. 14.* Loca quæ habent notam universalem omnes; restrictivè, & distributivè, non absolutè sumenda sunt. II. Negatur *consequentia Majoris*, quia promissio salutis non est absoluta, sed conditionalis, requirens Fidem, & Resipiscentiam. Nec eò facit ut declaret, quod Deus omnibus velit salutem conferre, sed quæ sit ratio consequendi salutem post lapsum generis humani in Adamo: & qui eam non consequuntur, suâ culpâ non consequi; quum debuerint obedire mandatis Dei; Deus autem nullo pacto ipsis obligetur. Exemplo sunt primi invitati ad nuptias, *Matt. 22. cap.* seu ad cœnam illam magnam *Luc. 14. v. 16. & seqq.*

Vtrum verbum externum & decretum æternum de salute hominum sibi contrariantur.

PROBLEMA DECIMUM QUINTUM.

An Deus eligens & reprobans considerarit hominem ut lapsum, an ut non lapsum, sed integrum?

QUæritur de *Objecto Prædestinationis*, non simpliciter, quod illud sit: extra controversiam quippe est, esse hominem: (De Angelis enim, qui & ipsi sunt electi, *1. Tim. 5. v. 22.* & quidem in statu integritatis, *Ioh. 8. v. 44. 2. Pet. 2. v. 4.* hîc non agitur:.) sed quale sit, hoc est, qualiter homo consideratus sit in

De Objecto Prædestinationis sententiæ quatuor.

mente Dei prædestinantis, & quibus qualitatibus eidem prædestinanti objectus fuerit? De quo non tam duplex illa cuius Problema neminit, quam quadruplex universim sententia est Theologorum: quas ordine proponemus & examinabimus.

I. Homo
creabilis ac
labilis.
Rat. 1.

Rat. 2.

Rat. 3.

Rejicitur.
I.

24

3.

PRIMA Sententia est eorum, qui objectum Prædestinationis statuunt *Hominem nondum creatum aut lapsum; sed creabilem & labilem: Ratio*. I. quia prædestinatus est homo, cum nihil dum fecisset boni vel mali *Rom. 9. v. 11*. Talis vero est homo creabilis & labilis, quia creatus est bonus, lapsus malus. II. Finis ut causa, prior est suis causatis seu mediis. At decretum Electionis est finis ut causa; Creatio & lapsus sunt causata seu media. Ergo. *Major* claret ex Philosophia. *Assumptio* bimembris est: *Primum* de fine sic probatur: Decretum de fine est finis decretorum de mediis ad finem ducentibus. At Electio ad salutem est decretum de fine. Ergo. *Alterum* de mediis sic: Quod inservit proposito Electionis exsequendo, id est medium seu destinatum Electionis. Creatio & lapsus inserviunt proposito Electionis exsequendo. Ergo. Si vero creatio & lapsus sunt media exsequendæ Electioni inservientia; Ergo & decretum creationis & lapsus. III. Decretum electionis est æternum *Eph. 1. v. 4. 2. Tim. 1. v. 9. 10*. Non igitur posterius est decreto creationis & lapsus.

Hanc sententiam *improbamus* & rejicimus, moti gravissimis rationibus. I. Objectum prædestinationis non potest esse non ens. Homo non creatus, sed creabilis, labilis, est non ens. Ergo. *Minor* patet, quia per creationem à non esse ad esse fuit productus, teste Mose *Gen. 1. v. 26. 27*. *Major* probatur: 1. Destinatio ad salutem vel exitium non est non entium: quia sunt fines qui introducuntur in subjectum. Non ens autem nihil recipit. Prædestinatio est destinatio ad salutem vel exitium. Ergo. II. Actus misericordiæ vel justitiæ divinæ non versatur circa non ens. Prædestinatio est actus misericordiæ vel justitiæ divinæ. Ergo. II. Objecta singularia, certo ordine alia ex aliis propagata aut propaganda, non considerantur ut non entia; eoque nec ut non creata. *Ratio*: quia sunt substantiæ primæ sive individua, quæ maxime entia. Objecta Prædestinationis hominum sunt talia objecta: quod cum gradatione illa *Rom. 8. v. 29. 30*. tum aliquot exemplorum inductione *Rom. 9. cap.* liquido confirmatur. Ergo. III. Non Entis nulla sunt accidentia. Homo creabilis, labilis est

est non ens. Ergo nullum ejus accidens : atque ita nec potentia passiva ad creationem & lapsum in eo fuit, antequam crearetur aut laberetur. Proindè contradictionem implicant, dum creabilem, labilem nominant : vel saltem abusivè loquuntur ratione Dei, in quo potentia activa creandi hominem. IV. Si Deus prædestinavit hominem creabilem, etiam prædestinavit eos, quos nunquam creaturus est; *Ratio* : quia hi quoque sunt creabiles. At non hoc, quia certus est ac definitus Electorum numerus, qui nec augeri potest, nec minui *Ioh. 10. v. 26. 27. cap. 13. v. 18. 2. Tim. 2. v. 19.* & omnes electi assequuntur *Rom. 11. v. 7.* Ergo.

Ad argumenta illius sententiæ sic respondetur : Ad Primum : Est illud planè insequens & contra mentem Apostoli. Nam *vers. 11.* loquitur de individuis conceptis jam, & utero materno conclusis. Ji verò non creabiles, sed creati ; non labiles, sed lapsi & peccato originali corrupti fuerunt. Estque fallacia causæ : Non removet respectum boni vel mali, quasi expertes fuerint illarum qualitatum, tanquam creabiles, labiles : sed quod Deus iis non sit motus ad eligendum vel reprobandum. Ideo his opponit *περίθεσις* Dei, *versu eodem.* Ad Secundum : Ejus Assumptio falsa est, nec ratione bimembri confirmatur. Ad priorem dico : Electionem esse decretum de fine & mediis propriè : prout proponitur *Eph. 1. v. 4. 2. Thess. 2. v. 13. 14.* Si verò concipiantur distinctè, ut distincta decreta ; respondeo limitatione prædicati in Majore, scil : quæ verè sunt illius media, ei subordinata. An vero talia sint creatio & lapsus, id in quæstione est. In posteriore Minor falsa est ; quia creatio & lapsus non inserviunt decreto Electionis exsequendo, ut media subordinata : sed sunt requisita præcedanea, sive adjuncta antecedentia, quæ executio illa præexigit. Nisi enim homo conditus esset & lapsus, non posset venire in executionem. Hinc etiam nec in decreto, nec in executione ed assurgit Apostolus *Rom. 8. 9. Eph. 1. capp.* Ad Tertium negatur sequela. Id tantum sequitur : Non esse tempore posterius, non autem quod etiam ne ordine quidem. Æternitas siquidem tempus excludit, non ordinem : alioquin ne ordinis quidem distinctio erit inter Patrem & Filium & Spiritum ; qui pariter æterni sunt.

SECUNDA Sententia est eorum qui volunt, Objectum Prædestinationis esse hominem conditum, sed integrum, adhuc exornatum Dei imagine. Quæ etiam suis rationibus nititur. I. Deus ex eadem mas-

Resutantur
ejus ratio-
nes.

Prima.

Secunda.

Tertia.

II. Homo
conditus sed
integer.
Argum. 1.

sâ

Arg. 2.

Arg. 3.

Arg. 4.

Improbatur.

I.

sâ facit aliud vas ad decus, aliud ad dedecus *Rom. 9. v. 21.* At illa est massa integra ex creatione. Ergo. II. Adamus integer aut prædestinatus fuit, aut prædestinandus. Si illud, stat prædestinatio integri: si hoc, Deus de fine Adami, atque adeo generis humani, ante lapsum nihil omnino præstituit, sed incerto fine Adamum condidit. III. Quod ultimum est in executione, id primum est in consilio & intentione. At decretum electionis ad salutem ultimum est in executione; Ergo primum est in consilio & intentione Dei. *Minor* probatur. Salus & glorificatio hominis est ultimus ejus finis ac terminus. Decretum electionis in executione est hominis salus & glorificatio. Ergo illud decretum in executione est ultimum. IV. Electio Angelorum facta est ex genere ipsorum integro i. *Tim. 5. vers. 22. Ioh. 8. v. 44.* Ergo & hominum. *solidi non habent soliditatem non creantur*
 Hæc sententia minus quidem habet incommodi quam prior, & à magnis etiam viris defenditur, tamen cum bonâ ipsorum pace ab eâ discedimus. *Argumenta* præcipua hæc sunt. I. Si genus humanum lapsum est objectum prædestinationis, non igitur integrum. Atqui genus humanum lapsum est objectum prædestinationis. Ergo. *Assumptionis* veritas demonstrabitur in explicatione sententiæ tertiæ. *Propositio* constat immediatâ anithesi integritatis & lapsus sive peccati: quæ partim privativè, partim etiam contrariè inter se opponuntur. Est quidem magni nominis *Theologus*, qui negat illa esse contraria, sed ait esse diversa: & objectum prædestinationis esse hominem integrum & lapsum: imo etiam nondum conditum: Nim: quia generalius illud considerat: ut cum Prædestinatio est consilium Dei de creandis hominibus, de permittendo ipsorum lapsu &c. & quod omnes omnino actus Dei circa hominem complectitur, Quomodo etiam *Vrsinus* definit in *Catecheticis*: quod mutatum est à *D. D. Pareo* in editione novâ, quæ 1624 prodijt. Et sanè si tam generali significato accipiat, sunt diversa media illius finis, non contraria; & triplex hic considerandi modus potest dari. Sed nos specialius accipimus vocem prædestinationis: ut *Rom. 8. 9. Eph. 1.* ubi nulla mentio est creationis aut lapsus. Et distincta sunt opera naturæ & gratiæ, creationis & redemptionis, non minus quam Creator & Redemptor in Symbolo distinguuntur. Distinguimus etiam Prædestinationem à Providentiâ, ut partem à toto; quæ inter est oppositio. Ergo præter rem
 insti-

instituitur hæc conciliatio. II. Prædestinatio quoad Reprobationem est ordinatio ad damnationem tanquam pœnam. Homini integri nulla est ordinatio ad damnationem ut pœnam. Ergò. Major est Apostoli Rom. 9. & alibi. Minor per se claret: Quia integri nulla est culpa, secus non esset integer. Ergò. III. Quod est valdè bonum, quod amat Deus, & in quo acquiescit, id non odit, atque ita nec reprobavit. Ratio: quia actus illi sunt contrarii. Homo integer fuit valde bonus, eum amavit, & in ipso acquievit Deus Gen. 1. v. 31. Eccles. 7, v. 29. Ergò. Plura sequuntur in expositione sententiæ tertiæ.

Ad argumenta ordine respondemus. In Primo Assumptio falsa est siquidem massam corruptam intelligit Apostolus, sed allusione quadam ad primi hominis creationem. Nam etiam corruptos ex corruptis Deus creare, & figuli instar fingere dicitur Job. 10. v. 9. seqq. Prov. 16. v. 4. Jer. 1. v. 5. Probatur 1. à processu qui est ab hypothese exemplorum ad thesin. De quibus illic agitur, de iisdem agitur & hic. At de corruptis agitur illic, de Esau & Jacobo Mose & Pharaone. Ergo. 11. ab exegesi quæ in vasis iræ & misericordiæ proponitur vers. seqq. Quale materiatur, talis est ipsa materia. At materiatur est corruptum peccato. Ergo. In Secundo negatur consequentia membri posterioris. Finis enim in statu integritatis, id est, quem Deus intendit, est ipsius tanquam creatoris gloria Psal. 8. v. 5. 6. seq. quæ etiam mutabili hominis conditione fuit illustrata. Finis ipsius hominis salus: qui tamen non absolutè, sed conditionaliter ei fuit propositus Gen. 2. v. 17. Tertiò ambiguum est subjectum Minoris. Si decretum electionis intelligitur de salvando homine integro, falsa est Minor. Tale enim in Executione non deprehenditur. Si autem intelligitur de salvando homine lapsò, vera est; & stabilitur nostra sententia. Sic in probatione minoris salus & glorificatio non hominis integri, sed lapsi & corrupti intelligenda est: secus Major neganda fuerit. Idem argumentum solet etiam in hunc modum formari. Quod ultimum est in Executione, id primum est in intentione Dei. Illustratio gloriæ Dei per misericordiam in glorificatione Electorum, & per justitiam in damnatione reproborum est ultima in executione ut est Matt. 25. 34. & 41. Ergò. Resp. per limitationem subjecti in minore: electorum, reproborum, scil. prius integrè creatorum, & postea lapsorum. Ordine enim ante creationem

Refutantur
cujus argu-
menta:
primum.

Secundum.

Tertium.

nulli eligi aut repudiari potuerunt; cum nulli esse potuerint: neque etiam ordine ante lapsum illustrari miserationes aut iustitias quia misericordia non est sine praviâ miseria & lapsu, nec iustitia sine pravi lapsu & peccato. *Obj.* Quomodo igitur dicitur primum intentione? *Resp.* non absolute, quasi primum sit omnium decretorum ordine, etiam ante creationem & lapsum; sed 1. in genere decretorum, quæ sunt de salute hominis peccatoris. 2. respectu mediorum ei subordinatorum: vide *Rom.* 1. v. 28. 29. 30. In *Quarto* negatur sequela ob elenchum parium. Alia est electio Angelorum, quoad finem & media, alia hominum. De illâ testatur Scriptura, quod facta sit ex genere integro. De ista, quod facta sit ex lapso.

Quantum.

III. Homo
conditus &
lapsus.
Peccatum
hic specta-
tur.
Non ut cau-
sa.

Sed ut qua-
litas.

& ut condi-
tio requisita.

Confirma-
tur.

TERTIA sententia est eorum, qui statuunt objectum Prædestinationis esse hominem non modo conditum, sed etiam lapsum in peccatum, & peccato originali corruptum. Hæc sententia considerat peccatum non ut causam impulsivam Prædestinationis, sed tantum ut qualitatem seu conditionem in objecto requisitam. *Causa non est:* quia cum nihil fecissent boni vel mali, ut propositum Dei, quod est secundum ipsius electionem, non ex operibus, sed ex vocante firmum maneret *Rom.* 9. v. 11. *Qualitas est,* quia eo vestitum quasi fuit objectum tanquam formâ accidentali: Et peccatum originale homini inest formâ qualitatis. *Conditio etiam* dicitur requisita ad prædestinationem, quia & finis & media tale objectum præexigebant. Sed *objiciunt*, ita implicari contradictionem. Nam si conditio requisita fuit in homine, ad hoc ut prædestinetur, etiam fuit causa, à quâ pendet hominis prædestinatio. *Resp.* negatur sequela. Multum enim differunt, qualis sit prædestinatus homo; & quare sive propter quid sit prædestinatus. Illud notat qualitatem & conditionem objecti, hoc causam impulsivam & finalem. Deinde requisita fuit conditio illa non ad hoc ut prædestinetur, sed ut talis prædestinetur: v. g. ut redimatur peccator, requiritur peccatum ut qualitas in redimendo, nec tamen illud causa est redemptionis: ita hic; ut prædestinetur peccator, requiritur peccatum ut qualitas in homine prædestinando: nullatenus autem causa notatur, quia peccati hic nulla causalitas, *Rom.* 9. v. 11. sed terminus a quo in electione *Iob.* 15. v. 19.

Confirmatur hæc sententia cum dictis Scripturæ, tam Rationibus.

Dicta

Dicta sunt.

Dictis.

Joh. 15. v. 19. *Si ex mundo essetis, mundus quod suum est diligeret; quia verò ex mundo non estis, sed ego elegi vos ex mundo, propterea odit vos mundus. Electi sunt ex mundo impiorum, qui oderunt Christum. Ergo ex genere humano lapso. Quin imò si maxime (quod aliquibus placet) de executione, sive de electione quæ fit per vocationem, capiatur dictum Christi, stat tamen argumentum: Quia ex quâ massâ eligit in tempore, ex eâ eligere decrevit ab æterno.* Joh. 15. v. 19.

Joh. 17. vers. 6. *Quos dedisti mihi selectos ex mundo.* Item vers. 14. *Illi non sunt ex mundo:* vid. separati ex eo per gratiam electionis. Joh. 17. vers. 6. 14.

Rom. 9. v. 22. *Volens ostendere iram suam & notam facere potentiam suam, pertulit multa cum ira cobibitione vasa ira compacta ad interitum.* ubi 1. vasa ira dicuntur, quod digni irâ propter peccatum. 11. tolerata multâ lenitate; scil. in peccando, absque omni resipiscentiâ Rom. 2. v. 3. 4. 111. & in his vult Deus ostendere iram suam, id est, justitiam vindicatricem. Rom. 9. v. 22.

Ibid. vers. 23. *Ut notas faceret divitias gloriae suae erga vasa misericordiae, quæ preparavit ad gloriam:* hic dicuntur 1. vasa misericordiae, quæ Deus ex misericordiâ elegit: illa autem præsupponit miseriam. 11. preparata ad gloriam, ut divitias gloriolæ misericordiae notas faciat. Rom. 9. v. 22.

Ephes. 1. vers. 4. *Elegit nos in Christo ante jactum mundi fundamentum, ut simus sancti & inculpati in conspectu ejus. Si in Christo.* Ergo peccatores. Si ut sancti essemus sive fieremus. Ergo impuri eramus ante electionem. Eph. 1. v. 4.

Ephes. 2. vers. 3. *Eramus naturâ Filii iræ, sicut & ceteri.* Communis igitur massa fuit corrupta peccato: quam Deus discrevit prædestinando. Eph. 2. v. 2.

Rationibus

Rationes sunt.

I. à fine Prædestinationis, tum quoad hominem prædestinatum, tum quoad Deum prædestinantem. Illo: Hominum peccatorum aliorum salus, aliorum damnatio est finis prædestinationis. Pater Rom. 9. v. 22. 23. & ex executione Matth. 25. v. 34. & 41. At ille respicit genus Humanum lapsum. Ergo prædestinatio respicit

Genus Humanum lapsum. *Isto* : Illustratio gloriæ Dei per demonstrationem misericordiæ in electis, & iustitiæ in reprobis, est finis prædestinationis quoad Deum *Rom. v. 9. 22. 23.* At ille requirit conditionem peccati & lapsus : quia nec misericordia exerceri potest sine præviâ miseriâ; nec iustitia sine prævio peccato. Ergo prædestinatio requirit conditionem peccati & lapsus.

2. à Prædestinationis
mediis.

II. à Mediis Prædestinationis, quoad Electionem & Reprobationem: *Illæ*: Media Electionis sunt Christus, *Eph. i. v. 4.* Vocatio, Justificatio, Sanctificatio *Rom. 8. v. 29. 30. i. Cor. i. v. 30.* Atqui hæc omnia præexigunt conditionem lapsus & peccati. Christus enim servator est à peccatis, *Matt. i. vers. 21.* vocatio est peccatorum, *Matt. 9. vers. 13.* Justificatio remissio peccatorum. *Rom. 4. vers. 6. 7.* Sanctificatio est expurgatio peccati *i. Cor. 6. v. 11.* Ergo. *Istæ* : Media Reprobationis sunt; Separatio à Christo Salvatore, nulla vocatio aut vocatio inefficax, Retentio peccati, Excusatio & induratio. Atqui hæc omnia similiter præexigunt conditionem peccati & lapsus : ut notum est. Ergo.

Hæc sententia est verissima & certissima, habens aperta & indubitata fundamenta in Scripturâ : est etiam tutissima & accommodatissima ad evertendas calumnias adversariorum, & omnes cavillationes adversus iustitiam Dei dissipandas.

Non inde sequitur, Prædestinationem demum in tempore esse factam.

Contra eam *objiciuntur* ea, quæ pro primæ & secundæ sententiæ defensione allata sunt, & à nobis confutata. Unum superest, quod ita habet. Si objectum Prædestinationis est genus humanum lapsum, sequitur decretum Prædestinationis factum esse demum in tempore; post peccatum scilicet admissum. Falsum est consequens, quia pugnat cum naturâ decretorum Dei, quæ sunt æterna *Eph. i. vers. 4.* Ergo. *Resp.* Negatur consequentia. Quia præscientia lapsus non minus æterna fuit, quàm ipsa prædestinatio : & decretum de permittendo lapsu non minus æternum, quàm decretum prædestinationis. Id sequitur, decretum Prædestinationis ordine posterius esse decreto de permittendo lapsu; sicut tempore posterius est in executione.

IV. Homo redemptus per Christum, credens vel incredulus. Damnatur.

QUARTA Sententia est eorum, qui asserunt objectum Prædestinationis esse *hominem non tantum lapsum, & peccato corruptum, sed etiam per Christum redemptum à peccato, & vel credentem in ipsum vel incredulum.* Hæc sententia est *Semipelagianorum*, tum veterum, qui *Massilienses* dicti sunt : tum novorum, quales sunt hodierni *Lutherani*.

rani, & Arminiani: adeoque omnes illi, qui fidem prævisam faciunt causam electionis. Sed incrustant sententiam suam, quatenus *ajunt*, se non facere fidem causam electionis, sed tantum conditionem præcedaneam, & aliquid prærequisitum ante electionem. *Sed* verba sunt: I. quia *ajunt* electionem inniti præscientiæ Dei de fide. Est igitur fundamentum ejus & causa. II. doceant prævisionem fidei perinde antecedere Electionem, ut prævisio incredulitatis ordine antegreditur reprobationem. At hanc fatentur antegredi ut causam. Ergo. III. Argumenta quibus utuntur, idem demonstrant. Hoc autem quia alibi luculenter à nobis est confutatum, hîc non persequemur. Alterum, quod etiam conditio præcedanea, quæ ante electionem requiratur, esse non possit, sic demonstro. I. Effectum Electionis non est ejus prærequisitum. Fides est effectum Electionis. Ergo. Major patet; quia Effectum posterius est Electione, tanquam causa: Prærequisitum autem eo prius est, tanquam jam præexistens. Minor probatur dictis Scripturæ Act. 13. v. 48. *Crediderunt quotquot ordinati erant ad vitam æternam*. Rom. 8. v. 30. *Quos prædestinavit, eos etiam vocavit*, id est, fide donavit. Tit. 1. vers. 1. *Fides electorum Dei*. II. Si fides præexistit in subjecto ante electionem, præexistit ab aliquâ causâ. Illa aut est gratia Dei, aut hominis arbitrium. At non illa: quia gratia Electionis secundum beneplacitum Dei est principium omnis gratiæ, quo non est prior alia Ephes. 1. vers. 4. & seqq. Nec istud: quia arbitrio humano derogatur Eph. 2. vers. 8. 9. Ergo non præexistit.

Faciunt fidem causam Electionis:

Fides non est conditio præcedanea electionis.

PROBLEMA DECIMUM SEXTUM.

An jus Dei aliud sit Absolutum, aliud ordinatum in Legge & Evangelio: Utrumque autem in Electione salvandorum, & Reprobatione damnandarum ipse usurpaverit?

Jus Dei absolutum & ordinatum ut diversa se habent, non tanquam opposita. Nam absolutum conditionato, ordinatum inordinato propriè opponitur. In Deo autem nihil est Conditionatum, id est, tale à quo ipse tanquam ab incertâ & externâ aliqua condi-

Jus Dei Absolutum & ordinarum sibi mutuo non opponuntur.

tione dependeat. Nihil etiam inordinatum; ut qui ipse ordo, ipsa ratio est rerum omnium.

Ius Dei absolute
quid.

Dicitur *Ius Dei absolutum*, Dominium illud sive potestas, quam obtinet Deus in omnes suas creaturas, statuendi de illis pro arbitrio sine iniuriâ. Cujus geminum est *fundamentum*. Unum est *ἡ ἐξουσία* sive excellentia naturæ divinæ supra omnes creaturas: propter quam omnia gloriæ ipsius merito serviunt *Eph. 4. vers. 6. Prov. 16. vers. 4. Alterum* est dependentia omnium creaturarum ab ipso, tum in essendo, tum in operando *Act. 17. v. 24. seqq. Rom. 11. v. 36.*

Ius Dei Ordina-
tum
quid.

Ius autem ordinatum vocatur ordo ac ratio Justitiæ, quam Deus verbo legis & Evangelii nobis revelavit & declaravit: *Legis* quidem tum in promissione ejus; *Levit. 18. v. 5. Homo qui fecerit ea, scilicet statuta, vivet in eis*, tum etiam in comminatione; *Deut. 27. vers. 26. Maledictus, qui non præstiterit verba legis hujus, faciendo ea. Evangelii* similiter, ut est *Marc. 16. v. 16. Qui crediderit & baptizatus fuerit, servabitur: qui vero non crediderit, condemnabitur* Quamobrem etiam hoc Jus in Legale & Evangelicum subdistingui potest, sicut duplex Justitia proponitur *Rom. 10. & alibi. Fundamentum* hujus Juris unicum est, nimirum: actualis Dei voluntas, nobis externo verbo patefacta: unde etiam Lex & Evangelium voluntas Dei vocantur *Iob. 6. v. 40. Rom. 12. vers. 2. Hæc de terminis Problematis.*

Confirma-
tur.

Duplex hoc Jus merito asseri à nobis, unico argumento ostendam. Cujus divisionis utrumque membrum traditur in Scripturâ, ea in Scripturâ fundata, eique consentanea est. Atqui hujus divisionis, quo jus Dei distinguitur in absolutum & ordinatum, utrumque membrum traditur in Scripturâ. Ergo. Membrum posterius. Assumptionis extra controversiam ponimus; siquidem docet Scriptura Justitiam Legis & Evangelii *Rom. 1. vers. 32. cap. 3. v. 21. 22. cap. 10. v. 5. 6. Prius apertis locis confirmatur Rom. 11. v. 33. & seqq. ubi absoluta Dei potestas adstruitur; & eadem Jucium ipsius vocatur. Matt. 20. v. 14. 15. ubi voluntas & potestas absoluta inculcatur; quæ dicitur justitia v. 7. non autem injuria vers. 13. Psal. 36. v. 7. Justitia Dei instar montium maximorum: judicia ejus instar abyssi magne: tale autem non est jus ordinatum: Ergo absolutum. Accedit ratio secundum Scripturam. Absolutus arbitrius suorum actuum, & absolutus omnium creaturarum Domi-
nus.*

Ius Ordina-
tum.

Ius Absolu-
tum. dictis.

Ratione.

nis, jus habet absolutum. Deus est absolutus arbiter suorum actuum, qui nulli tenetur reddere rationem *Matt. 20. vers. 13. 14.* absolutus item Dominus, majore potestate instructus, quàm figulus in lutum *Esa. 45. v. 9. 10. Rom. 8. v. 20. 21.* Ergò.

Unum contra *objicitur*: Justum est, quod est Legi conforme. *Objectio refellitur.*

Jus Dei absolutum non est Legi conforme; Secus ordinatum foret, non absolutum. Ergò. *Resp.* Major est particularis, tantum vera de Justitiâ Legali: Falsa est tum de Justitiâ Evangelicâ, quæ absque lege dicitur facta esse manifesta *Rom. 3. v. 21. 22.* tum de Jure Dei absoluto, quod ex potestatis divinæ plenitudine exercet. *Ratio hæc est*; quod regula Justitiæ divinæ adæquata non est sola Lex Dei: sed partim natura Dei, in rebus Deo naturalibus; partim ejusdem voluntas in externis: quæ tum ex lege, tum ex Euangelio, tum etiam ex eventis colligitur atque cognoscitur. Justitia Euangelii, & jus absolutum non quidem sunt contra legem; nec enim Deus est sibi contrarius: sunt verò præter aut supra Legem; ut est *Rom. 3. v. 21. 22.* *Regula justitiæ quæ.*

Hactenus de *primo* membro problematis, quod detur geminum Dei jus, Absolutum & Ordinaturn. Jam *Alterum* videndum, *An utrumque Jus non solum possit exercere, sed actu usurpet & exerceat in Prædestinationis negotio?* Id nos gravissimis inducti argumentis asseveramus & confirmamus. Sunt autem argumenta illa duplicis generis, dicta Scripturæ & Rationes. *Vtrumque Jus Dei absolute & ordinatè concurrunt in negotio Prædestinationis. Confirmatur*

Dicta sunt.

Dictis:

Rom. 9. 11. Nondum natis pueris, cum nihil fecissent boni vel mali, ut propositum Dei, quod est secundum ipsius electionem, non ex operibus sed ex vocante firmum maneret. Hic propositum exclusâ prævisione boni vel mali. vers. 15. 16. 18. Miserebor cujus misertus fuero. & commiserabor quem commiseratus fuero. Nempe igitur non est ejus qui velit, neque ejus qui currat, sed ejus qui misereatur, Dei. Itaque cujus vult misereatur, quem vult indurat. Hic sola voluntas. vers. 21. Annon habet potestatem figulus in lutum, ut ex eadem massâ faciat aliud quidem vas ad decus aliud ad dedecus. Hic potestas tanta, quanta figuli in lutum. Hæc omnia Jus absolutum docent apertissimè. Contra Jus ordinatum asseritur vers. 22. volens ostendere iram; & notam facere
poten-

potentiam suam, pertulit multâ lenitate vasa ira, compacta ad interitum.

Matt. 11.
v. 25. coll.
cum Rom. 1.
v. 24. 25. 28.
& 2. Theff. 2.
v. 11. 12.

Matt. 11. v. 25. 26. *Gloriam tibi tribuo Pater, Domine celi & terra, quod hac occultaveris à sapientibus & intelligentibus, & ea reitexeris infantibus. Etiam Pater, quia ita placuit tibi.* Hic induratio & illuminatio Juri absoluto tribuuntur: quæ ordinato adscribuntur Rom. 1. v. 24. 25. *Ea propter tradidit eos Deus cupiditatibus cordium ipsorum ad impuritatem, ut fœdarent corpora sua inter se: ut qui veritatem Dei transmutarint in falsitatē, & coluerint res conditas, & seruerint eis præterito conditore, qui est benedictus in secula. & v. 28. Sicut non visum est eis Deum in notitia retinere: ita tradidit eos Deus in mentem omnis judicii expertem, ut facerent quæ minimè conveniunt.* 2. Theff. 2. v. 11. 12. *Mittet eis Deus efficaciam erroris, ut credant mendacio, ut damnetur omnes, qui non crediderint veritati, sed acquieverint in injustitiâ.*

Prov. 16. v. 4.
coll. cum
Rom. 1. v. 32.

Prov. 16. v. 4. *Omnia fecit Deus propter se ipsum, etiamque improbum ad diem mali.* Jus Dei absolutum asseritur in damnatione impiorum: & rursus ordinatum Rom. 1. v. 32. *Hoc est jus Dei, eos qui ita faciant, dignos esse morte.*

Rationibus.

Rationes sunt.

I. ab actibus
formalibus
Prædestinationis.

In Electione
quid Absoluti.

Quid Ordinati
juris sit.

In Reprobatione
quid Absoluti.

Quid Ordinati
juris sit.

II. à pari
Providentiæ.

I. *ab actibus formalibus Prædestinationis.* Ubi utriusque Juris actusprehenduntur, ibi utrumque Jus actu concurret & exercetur. In Prædestinatione, quoad Electionem & Reprobationem, utriusque Juris actusprehenduntur. Ergò. Minor probatur: In Electione Juris Absoluti est, quod pro beneplacito suo. I. peccatores eligit, destinatur, ad gratiam & gloriam. II. hunc præ illo. Ordinatus est. I. quod non absque satisfactione Christi peccatores salvos facit, Rom. 3. v. 25. II. quod fidem & opera gratiosè secundum promissionem suam compensat 2. Theff. 1. v. 5. 6. 7. In Reprobatione etiam Juris Absoluti est, quod hos præ illis præterit gratiâ suâ, hos præ illis destinatur damnationi: licet utrique sint peccatores: atque ita destinatur mero beneplacito absque prævisione peccati. Juris Ordinati est, quod neminem damnatur nisi propter peccatum Rom. 1. v. 32.

II. *à pari vel à toto.* In actibus Providentiæ concurret & conjungitur utrumque Dei jus. Ergo non minus in actibus Prædestinationis: est enim par utrobique ratio; & prædestinatio pars est providentiæ. Antecedens demonstratur inductione exemplorum: In mutatione Imperiorum, quæ placito Dei adscribitur, Jer. 27. v. 5. 6. 7.

6. 7. *Dan.* 4. v. 17. 25. & *Justitiæ*, quia propter injustitiam trans-
fert regna *Amos.* 9. v. 8. In morbis corporis, qui eidem placito tri-
buuntur, *Exod.* 4. v. 11. *Ioh.* 9. v. 3. & *Justitiæ*, *Ioh.* 5. v. 14. &
alibi. In morte, aliisque malis, quæ ad utrumque revocantur,
Ezech. 18. v. 4.

III. à fine. Qui in eodem opere Prædestinationis agnoscitur III. à fine.
vult non solum justus iudex, sed etiam ἀντιπαρὶς & absolutæ po-
testatis Dominus, is utrumque jus exercet. Atqui Deus in præde-
stinatione talis agnoscitur. Ergò. Major patet; Minor probatur:
ut iudex justus, 2. *Tim.* 4. v. 8. 2. *Thess.* 1. v. 6. 7. 8. ut ἀντιπαρὶς
Rom. 9. v. 17. & 21. *Prov.* 16. v. 4.

IV. Ab effectis; agnitione utriusque juris in piis. Pii in operibus IV ab effectis.
Providentiæ & Prædestinationis præter jus Dei ordinatum agno-
verunt & celebrarunt absolutum, & in eo humili obsequio acquie-
verunt. Ergò utrumque concurrit & actu simul exercet Deus. An-
tecedens probatur inductione exemplorum, qualia sunt: Iobi, cap.
1. v. 21. *Iehova dedit, Iehova recepit, sit nomen Iehovæ benedictum.*
cap. 2. 10. *Bonum accepimus à Deo, & malum non acciperemus?* Eli,
1. *Sam.* 3. 18. *Iehova est quod bonum videtur in oculis suis faciat.* Da-
vidis, 2. *Sam.* 15. 25. 26. *Si invenero gratiam in oculis Iehovæ, utique*
reduces me & faciet ut revisam secus habitaculum suum: Quod si ita di-
xerit, non delector te: ecce me, faciat mihi prout bonum videtur in oculis
suis. Hiskia 2. *Reg.* 20. 19. *Bonum est verbum Iehovæ, quod locutus es.*

V. Si in eodem opere non concurrit, nec potest concurrere V. q. non
utrumque Dei jus, oportet ut sint inter se contraria; Nec enim alia sunt contra-
causa dari potest. At non hoc; quia nulla Dei attributa sunt sibi
contraria. Ergò. Hæc de altero quoque.

Ufus huius problematis est. I. ut intelligatur nullam esse pu- Conciliatio
gnam inter nostros Doctores, cum alij Prædestinationem ad me- Doctorum.
rum Dei arbitrium referunt; ut *Luitherus, Bucerus, Calvinus, Mar-*
tyr, Zanchius: alij respectum peccati intervenisse docent, ut *Ad-*
monitio Neostadiana, & alii. Quia illi de jure absoluto, isti de ordi-
nato loquuntur. *Calvinus* tamen conjungit utrumque jus, maxime
in comment. ad *Rom.* 8. 9. capp. II. Et si uterque modus est verissi-
mus, tamen alter est magis popularis, & præcidendis ac retunden-
dis cavillis accommodator. Si enim reprobi propter sua peccata
addicti sunt morti, utique nec Deus injustus est aut crudelis; nec
habent, quod conquerantur.

Quæ senten-
tia tutior.

PROBLEMA DECIMUM SEPTIMUM.

Num Præscientia Dei sit rerum causa?

Præscientia] quid.

P Præscientia est notitia rei futuræ : sive cognitio rei antequam fit vel fiat. Græcè *προγινωσκis*, sicut David dicitur *προγινωσκis* præsciens, locutus de Christo *Act. 2. v. 31*. Est etiam *προγνωσκis*, voce propriè acceptâ, non pro more Hebræorum; quomodo usurpat eam Scriptura *Act. 2. v. 23. Rom. 8. v. 29. 1. Per. 1. v. 2.*

Rectè Deo tribuitur.

Eam Deo meritò vendicamus. *Nota enim sunt ei ab omni ævo omnia opera ipsius Act. 15. v. 18. Nec est ulla res creata non manifesta in conspectu ipsius imo omnia sunt nuda & intimè patentia oculis ipsius Heb. 4. v. 13. Ipse in extremitates terræ intuetur, sub omnibus oculis videt Job. 28. v. 24.* Cumque scientia Dei sit perfectissima & infinita, quâ novit omnia scibilia, quæ fuerunt, sunt, aut esse possunt; etiam futura præcognovit. Secus ea prædicere nunquam potuisset: & scientia ipsius pateretur accessionem, ipseque aliquid in tempore scire inciperet quod antea ignorasset. *Notandum* verò præscientiam vocari, non tam ratione ipsius Dei; cui scientia potius convenit quam præscientia, cum omnia semper ipsi sint præsentia: sed ratione ipsarum rerum sive objectorum, quæ suo tempore futura sunt, adeoque differentiis temporum secundum præsens, præteritum, & futurum subjacent.

Et quatenus.

Distinguitur in Indefinitam

Distingui potest hæc Dei præscientia bifariam.

&

Definitam.

Primo: in Indefinitam & Definitam. *Illæ* est rerum universalium & singularium quæ fieri possunt perfectissima in Deo scientia. Quia cum Deus seipsum perfectè cognoscat, etiam perfectè cognoscit virtutem suam, & ad quæ virtus illa se extendat: id est, cognoscit quid possit efficere suâ potentiâ, quid non. Igitur objectum ejus sunt *τὰ δυνατόν* quæ fieri possunt, etiamsi nunquam fiant, aut futura sint. Exemplum *Matth. 3. v. 9.* de liberis Abraham ex lapidibus excitandis. *cap. 26. v. 53.* de duodecim legionibus Angelorum. Ideò etiam *indefinita* vocatur, quod nihil de iis in alteram partem sit definitum: itemque *simplicis intelligentiæ*, quia est nuda notitia possibilem. *Istæ* est rerum futurarum certa & infallibilis scientia: ut est *Act. 15. v. 18.* Et *definita* vocatur, quia res futuræ prædefinitæ sunt consilio & decreto Dei. Dicitur etiam *scientia visibilis*.

sonis, & intuitiva Dei notitia; quia Deus res omnes tanquam præ-
sentes intuetur, ac cognoscit penitissimè *Heb. 4. v. 13. Differt à*
priore bifariam: Objecto; quod illic res omnes possibiles, hîc futu-
ræ tantum: & *Ordine*, quia illa præcedit decretum, hæc sequitur,
& ejus quasi effectum est.

Secundo: in Theoricam & Practicam. Illa est nuda notitia re-
rum futurarum, quæ in solâ earundem contemplatione posita est. Theoricam
&
Practicam.
De hâc propriè accipienda dicta *Heb. 4. v. 13. Act. 15. v. 18. Ista*
est notitia rerum futurarum cum voluntate conjuncta, quâ Deus
eas producere statuit: & sic dicitur per metonymiam efficientis.
Quo significatu ex idiotismo Hebræorum *עשיית* usurpatur
Act. 2. v. 23. & Rom. 8. v. 28. 29. inter se collatis. Hæc de Præ-
scientiæ vocabulo, tanquam subjecto quæstionis.

Prædicatum est *causa*: quæ vox non eodem semper modo su-
mitur. Nam aut *generatim* pro argumento quovis & ratione conse-
quentiæ accipitur, undè *causa consequentia* dicitur: aut *speciatim* pro
argumento essentiali, cujus vi res est, & *causa essendi ac consequen-*
tis nominatur: aut denique *impropriè & metaphoricè* pro antece-
dente & adjuncto necessario, quod sit instar causæ, usurpatur, di-
citurque etiam *causa sine quâ non*. Quæ distinctio Ciceronis est in
Topicis ad Trebatium, & lib. de Fato. Vox *Causa*
quomodo
sumatur.
1.
2.
3.

Hâc *causâ* terminorum præmissâ distinctè respondemus.

Primo: Præscientia Dei indefinita, vel etiam definita sed
theorica, non est causa rerum secundo significatu. *Ratio prioris est*:
quia indefinitè præscit Deus innumera, quæ nunquam futura sunt:
quorum exempla supra fuerunt allegata. *Ratio posterioris*: I. quia
Præscientia est principium dirigens, non imperans, aut exsequens;
ut sunt voluntas & potentia. II. quia Deus definitè præscit om-
nia scelera quæ fiunt, quorum tamen causa dici absque summo
scelere non potest. Causa essen-
di non est
præscientia
indefinita.
Theorica.

Secundo: Præscientia Dei definita sed theorica, dici potest cau-
sa rerum primo significatu: Indefinita verò tertio. *Ratio illius est*:
quia ex eâ rerum consequentia rectè concluditur: nimirum quia
præscientia ipsa est infallibilis; Et prædictiones divinas sequitur
eventus. *Ratio istius est*: quia est antecedens necessarium, cum præ-
scientia possibilium indefinitè includat præscientiam futurorum. Causa con-
sequentia est
præscientia
theorica.
Causa sine
quâ non In-
definita. 1
Causa essen-
di seu conse-
quentis est
præscientia
practica.

Tertio: Præscientia Dei definita sed practica est causa rerum
etiam secundo & proprio significatu: *Ratio*: quia includit Dei vo-
luntatem

luntatem, quæ est causa rerum; sicut dicitur Psal. 115. v. 3. *Deus noster in cælis est, quicquid voluit fecit.* Eph. 1. v. 11. *agit omnia ex consilio voluntatis suæ.* Loquitur autem hic de bonis; quorum Efficientia Deo propria est. Malorum alia ratio; quæ Deus non facit, sed fieri sinit.

Hinc jam duo alia quæ sita facillè dissolvuntur.

Primum; *An præscientia Dei necessitatem rebus imponat?* Resp. *Præscientia indefinita nullam imponit necessitatem rebus.*

Necessitas
quam rebus
imponit
Præscientia
qualis?

Est enim possibile, quæ possunt esse vel non esse; fieri vel non fieri. Præscientia *definita* imponit rebus *necessitatem*, sed quam *consequentia* vocant. Est enim illa planè infallibilis; adeoque eventus necessarius *Matth. 18. v. 7. cap. 26. v. 24.* Præscientia *definita sed practica*, imponit rebus *necessitatem consequentis & consequentie.* Illam quoad voluntatem conjunctam cum scientiâ; est enim immutabile Dei decretum, unde necessitas immutabilitatis; sed in bonis, quæ efficit. *Istam* quoad præscientiam in se; ut ante dictum.

Secundum. *An necessitas rerum ex præscientiâ non tollat earundem contingentiam?*

Necessitas
rerum ex
Præscientia
non tollit
Contingen-
tiam earun-
dem.

Contingen-
tia quomodo
præsciat
Deus.

Resp. Negatur. Ratio; quia præscit ea ut necessaria & contingentia diverso respectu: ut *Necessaria*, respectu sui; cujus nec decretum mutari, nec præscientia falli potest; ut *Contingentia*; respectu causarum secundarum, à quibus proximè vel immediatè dependent. Novit enim ea producenda esse à talibus causis, quæ ad plura, eaque contraria, sunt indefinitæ. Exemplum à fracturâ ossium Christi impedita *Ioh. 19. v. 33. 36.* Vel, *Præscit Deus facta contingentia* trifariam. I. *in se ipso*, ut primâ causâ; & sic necessaria sunt propter immutabilitatem decreti, & infallibilitatem præscientiæ. II. *in causis secundis*, quæ sunt per se indefinitæ; & ita sunt contingentia. III. *in ipsismet factis contingentibus*, & sic iterum necessaria sunt necessitate facti, & prædicationis. Nam unum quodque quod est, eo ipso quod est, necessarium est.

PROBLEMA DECIMUM OCTAVUM

Vtrum Deus mundum creaverit ex nihilo?

Membra Problematis duo sunt: Unum: *An Deus mundum creavit ex nihilo?* Alterum: *An Mundum totum, & secundum omnes partes ita creavit?* De utroque distinctè dicemus.

De priore.

Phrasis *Mundum ex nihilo esse creatum*, non est Scripturæ, sed scholarum Theologicarum: iis opposita, qui vel *aternitatem mundi* propugnant; ut Aristoteles & Peripatetici: vel *eum ex materiâ* quendam productum asseruerunt; ut Anaximander, Anaximenes, Democritus, Anaxagoras, atque alii Philosophi, inter se tamen opinionibus diversi: ut Laërtius memorat. Rectè autem intelligenda est, idque ex distinctione particulæ *Ex*, quæ trifariam sumitur. I. ut nota efficientis Rom. 11. v. 36. *Ex eo sunt omnia*: ita est a vel ab. Atque hoc modo hîc non accipitur: quia sic à nullo creatus esset, sed casu, aut à seipso existisset. II. nota *Materia*, ut cum Adam dicitur formatus ex limo *terra* Gen. 2. v. 7. Nec hoc sensu usurpatur: quia sic productus esset *ex nihilo*, id est, ex re nihili & levi, cum tamen nihil extra Deum fuerit, ante creationem. III. est nota sive signum *termini & ordinis*, & ordinem quendam notat inter nihil & rem: non quidem secundum rem, sed secundum nostrum intelligendi & loquendi modum, quo ipsum Nihil, ut terminum aliquem concipimus. Ita dicitur, *quicquid sit è contrariis sit*, non ut è materiâ; hoc enim fieri nequit, quia sic contraria contrariis inessent; sed velut è termino; eoque potius post contrarium, quam è contrario. Atque hoc modo dicitur *Mundus esse ex nihilo*, id est, post nihilum; cum nihil ante fuisset; nullo præsupposito, aut præexistente. Et vox *Nihil* accipitur non privativè, ut neget aliquid de certo subiecto; sed negativè & infinite, ut omne subiectum neget.

Hoc sensu probamus *Mundum ex nihilo esse creatum*. I. Ex locis Scripturæ. Heb. 11. 3. *Per fidem intelligimus compactum fuisse mundum verbo Dei, ut quæ cernimus non sint ex apparentibus facta*: id est, ex quævis apparentibus, hoc est, ex non apparentibus, sive ex nihilo; quia non entis nulla sunt accidentia. Rom. 4. v. 17. *Deus vocat quæ non sunt tanquam sint*.

An Mundus ex nihilo fuerit conditus? Aff.

Ex quomodo accipiat.

Nihil quomodo sumatur.

Mundum ex nihilo creatum probatur.

Illam autem, quæ non sunt, rectè dicuntur nihil. Sic 2. Maccab. 7. vers. 28. II. Ex *Historia creationis*: ubi rerum factarum origo describitur, non ex materiâ aliquâ præexistente, sed ex nihilo. Ergo mundus ex nihilo est conditus. III. à *Pari*: ut è tenebris lux, ita mundus ex nihilo productus est. At è tenebris lux producta est, non tanquam ex materiâ, sed ut à termino 2. Cor. 4. v. 6. Ergo.

Ex nihilo nihil fieri, verum est de naturâ conditâ, non de condendâ.

Creatio non est mutatio proprie.

An mundus totus secundum omnes partes ex nihilo conditus fuerit? Neg. Creaturæ conditæ Ex nihilo quænam.

Ex materiâ quænam.

Contra *objicitur*. Primo: Ex nihilo nihil fit: inquit Plato & Aristoteles. Mundus est factus, Ergo non ex nihilo. *Resp.* Major est particularis; tantum vera de naturâ jam conditâ & sic ordinatâ à Deo, ut ex aliquo aliquid, ex nihilo nihil fiat à creaturis: Falsa autem est de ipsius naturæ productione à causâ primâ. Vulgo dicitur: Ex nihilo nihil fit physicâ generatione. Quod verum quidem, sed nimis angustum est: quia in artificialibus quoque idem valet. Secundo: omnis mutatio est ex aliquo subiecto. Motus enim, ut docet Aristoteles, est actus entis in potentiâ, quatenus hujusmodi. Atqui creatio est mutatio: Fieri namque est mutari creati autem est aliquid fieri. Ergo creatio fit ex aliquo subiecto, & non ex nihilo. *Resp.* Minor propositio una cum probatione falsa est. Creatio enim propriè loquendo non est mutatio, nisi secundum modum intelligendi nostrum: sed fit sine motu & mutatione, quia fit sine alteratione, quâ potentia materiæ in actum deducitur: fit etiam in instanti.

De Posteriore.

Negamus quod Mundum totum omnesque ejus partes ex nihilo creavit; sed quasdam tantum, quasdam non.

Ex nihilo creavit I. Cælum supremum in quo Deus & beati habitant. Probatur quia nec ex terrâ, nec ex aqua productum, Gen. 1. v. 1. II. Massam rudem & informem, terream & aqueam. Hæc enim ex nihilo existit, solo verbo Dei producta Gen. 1. vers. 2. III. Primævam Lucem, quam ex tenebris jussit splendescere 2. Cor. 4. vers. 6. IV. Angelos, & Animas hominum; quæ Spiritus dicuntur, & immateriales sunt. Probatur de anima Adami, Gen. 2. v. 7.

Ex materiâ creavit I. Expansum, id est, Cælum æreum & æthereum cum nubibus ex aquis; quia illud per aquæ expansionem & rarefactionem factum dicitur: istæ autem aquæ appellantur

Psal.

Psalm. 104. 4. 3. II. Solem, Lunam, & Stellæ, ex luce primâ. Nam Lux illa aut redacta est in nihilum, aut adhuc superest. Non prius; quia id pugnat cum Dei sapientiâ, qui certo fine omnia condidit, & nihil eorum quæ condidit abolevisse legitur. Ergo posterius: & sic aut talis superest, qualis primo die condita: aut in Solem & reliqua luminaria est distributa. Non illud; nam ubi nunc est, aut apparet? aut quis ejus usus? Ergo istud. III. Herbas, frutices, & plantas è terrâ. Probatur. I. ex *Genes. 1. v. 11. Herbascat*, id est producat terra herbulas, herbas sementantes, semen, arbores fructiferas. II. Quia naturæ terreæ. Materiæ autem refert naturam suæ materiæ. III. Quia vi illius mandati etiamnum producit plantas. Ergo & tum eas produxit. IV. Animantia, Pisces & Aves, ac corpus Hominis. Pisces sunt ex aquis *Genes. 1. v. 20.* Quod natura ipsorum docet. Aves ex terrâ, ut expressè docetur *Genes. 2. v. 19.* Sed sunt, qui hoc de loco originali, quàm materiâ accipere malint: Quod. I. verba non patiuntur. II. idem etiam de corpore hominis dici posset, quod repugnat *Genes. 2. vers. 7. V. Denique Vir ex limo terræ; & Mulier ex Costâ viri condita est Genes. 2. vers. 7. & 21. 22.*

Ex hac partium mundi distinctione manat distinctio Creationis in *Immediatam* & *Mediatam*: quarum illa est productio rei ex nihilo: ista ex materiâ præexistente & indispositâ. Quam probamus, quia Moses *Genes. 1. & 2. capp.* utroque significatu verbum *creandi* usurpat. Potest etiam *posterior* dici esse *ex nihilo*, sed secundum quid: I. quia materia est rudis & indisposita; adeoque materialiter inhabilis ad recipiendam talem formam, ut limus terræ, costa viri. Illa autem pro nihilo ferè haberi potest. II. quia forma ex nihilo à Deo producitur; quæ dat esse rei.

Creatio est
Immediata
vel Mediatæ.

Mediatæ ex
nihilò &
quatenus.

PROBLEMA DECIMUM NONUM.

An Materia Prima sit creata à Deo?

Sicut de *Materia Primâ* non idem omnes sentiunt, ita nec de *Creatione* ejus. Et triplex ferè sententia obtinet inter Theologos.

De Materiæ
Primæ crea-
tione sen-
tentia tri-
plex.

Prima

Prima eorum, qui Materiam primam nihil aliud esse statuunt, quam illud Nihil, ex quo omnia sunt creata. Et his creata non est.

Secunda eorum, qui ajunt Materiam primam esse substantiam distinctam ab omni formâ, cui nihil inest formæ propriæ, & ex quâ omnia corpora physica naturalia generantur: & sic nec creatam, nec increatam, sed concreatam dicendam.

Tertia eorum, qui Materiam primam nihil aliud esse volunt, quam rudem illam & indigestam molem, primo die conditam. De singulis seorsim & distinctè.

De Primâ.

Hujus *Rationes* sunt. I. Omnia dicuntur creata ex nihilo. Ergo nihil est Materia prima omnium, & est materia increata. II. Ens rationis est nihil. Materia prima est ens rationis: quia materia primâ vulgo dicitur informis, quantitatis & qualitatis expers, ens *divinæ* solum, non actu. Ergo.

Hanc sententiam merito *improbamus*. I. Quia Materiam primam revera negat, quæ tamen necessario admittenda est. I. Quia Deus plerasque creaturas ex materiâ illâ produxit. *Gen. 1. & 2. capp. 11.* Quia in nullo genere causarum datur progressus in infinitum, sed necessario tandem deveniendum est ad primam aliquam causam, quam alia nulla in eodem genere antecedit. II. Si non datur materia prima, nec dabitur secunda, quæ non potest esse absque primâ: & omnia non solum in primâ creatione, sed etiam nunc producuntur ex nihilo. Ubi enim nulla datur materiâ, nec prima, nec secunda, ibi omnia ex nihilo fieri necesse est. Sed hoc pugnat cum Scripturâ, ratione, & experientiâ universali. Ergo & illud. II. Substantia corporea non est nihilum: Materia prima est substantia corporea: Ergo *Substantia* est: quia ei competit definitio substantiæ. Est enim ens per se subsistens, non indigens subiecto in hærentiæ ad sui existentiam. *Corporea* item: quia trinâ dimensionem constat, & est principium materiale corporum naturalium.

Rationes contraria facile dissolvuntur: *Prima* inconsequens est: quia dicuntur omnia creata ex nihilo, non tanquam ex materia sed ordinis ac termini respectu: ut supra docuimus. *Secunda* minore est falsa. Est ens maximè reale: *Informis* verò dicitur

I. Materia
Prima est
Nihil.

Rejicitur.
I. Quia negat Mate-
riam pri-
mam, quæ
necessaria.

2. Quia Mat-
prima est
substantia
corporea.

Rejiciuntur
ejus ratio-
nes.

tur, non quod omni formâ careat, sed quod formâ eleganti destituatur, sit rudis; *Expers quantitatis & qualitatis* non in se, sed abstractivè & mentis nostræ operatione; *Ens in potentiâ* non simpliciter, sed secundum quid, quatenus non est actu id, quod inde producitur, sed potentiâ, tanquam subjectum *πρωτενης*, omnium formarum capax, ad nullas speciatim determinatum.

De Secundâ.

Ea est sententia *Aristotelis*, & eorum qui Aristotelem sequuntur, etiam ex Theologis. Ideo *Materia prima Aristotelica* vocatur.

I I. Materia
Prima est
substantia
omnis formæ
expers
& concreta.

Ratio prioris est: quia est principium simplex contradistinctum formæ. *Posterioris*: quia non per se subsistit, sed in composito, tanquam essentialis ejus pars. Partes autem essentielles. Deus creavit in totis, non extra ea: sicque materiam primam concreavit potius, quàm creavit.

Responsio. Hæc theoria Materię primæ potius est ab operatione mentis, quàm à veritate existentię. Abstractivè sic consideratur, non autem est vel existit talis. Sed de principiis rerum pronuntiandum prout sunt, non prout considerari possunt; idque non ex Aristotele, qui creationem ignoravit, & mundum æternum statuit; Sed ex Mose, qui rerum omnium geneses & origines plenè & verè descripsit. Secundum hujus narrationem utraque *Ratio* falsa est; *Prima*: quia non fuit massa simplex, sed composita ex aquâ & terrâ; nec expers omnis formæ, sed elegantioris quæ post accessit. *Secunda*: quia per se subsistit, ut substantia prima, conservata virtute Spiritus Sancti. Nec perpetuum partes essentielles in totis creari, non seorsim. Corpus enim hominis formatum, priusquam anima ipsi infunderetur.

Rejicitur.

III. Materia
prima est rudis
moles
primo die
condita.
Probat.
i. q. cā non
datur prior.

De Tertiâ.

Tertia sententia est plurimorum Theologorum calculis approbata, & tum simplicior, tum verbo Dei maximè consentanea. Eam igitur *probamus*.

I. Materia prima est, quâ non datur alia prior. Mole illâ rudi & indigestâ non datur alia prior; quia ex nihilo creata est *Gen. 1. v. 2.* Ergo.

L

II. Materia

2. q. ex ea
corpora pri-
mum produ-
cta sunt, &
in eam ulti-
mò resol-
vuntur.
3. q. est in-
formis.

Vindicatur
ab objectio-
nibus.

Philosophi-
cis.

1. q. Moles
illa fuerit
substantia
composita.

2. q. habue-
rit actu de-
terminatam
quantitatem
& qualita-
tem.

3. q. non in-
de primò ge-
nerentur, &
in eam ulti-
mò resolvun-
tur omnia.

Theologicis.
1. q. rudis illa
moles, non
fuiſſet quid
diſtinctum,
qualia.

II. Materia prima est, ex quâ corpora reliqua primò pro-
ducta sunt, & in quam ultimò resolvuntur. Atqui ex mole illâ pri-
mò producta sunt, ut constat ex *Genes. 1.* ultimò etiam in eam re-
solvuntur; ut vel corporis humani exemplo constat. Ergò.

III. Materia prima est informis, ad formas speciales in-
determinata, & omnium successivè capax. Talis est illa mo-
les, ut constat ex *Genes. 1. cap.* Ergò. Alias rationes omitto, quæ
idem evincunt.

Sunt autem *Objectiones* quædam, quæ afferuntur in contra-
rium, tum Philosophicæ, tum Theologicæ, quas paucis confide-
rabimus.

Philosophicæ.

I. Materia prima non est composita ex principiis essentiali-
bus, sed simplex, à substantiâ compositâ distincta: Imo prin-
cipium est substantiæ compositæ. Moles illa fuit composita sub-
stantia, ex principiis essentialibus, formâ nimirum & materiâ
composita. Ergò. *Resp. Major* vera est de materiâ primâ Aristo-
telicâ. Nos autem materiam primam non ex Aristotele, sed
ex verbo æstimamus. Deinde moles illa fuit composita, & sic
dicitur respectu principiorum componentium: Simplex tamen
respectu aliorum, quæ ex eâ formata sunt: Quia molis informi no-
va forma inducta: quod confirmant exempla omnium eorum, quæ
illa mole producta fuerunt *Gen. 1. & 2. capp.*

II. Materia prima non habet actu determinatam quanti-
tatem & qualitatem. Moles illa prima habuit actu determinatam
quantitatem & qualitatem. Ergò. *Resp.* eadem est cum priore.
Major de Aristotelicâ & imaginariâ, *Minor* de Mosaicâ & verâ
materiâ loquitur.

III. Materia prima est ejusmodi subiectum, ex quo primo
omnia generantur, & in quod tanquam ultimum omnia corrumpuntur.
Atqui rudis illa & indigesta moles non fuit ejusmodi
Subiectum. Ergò. *Resp. Minor* falsa est. Contrarium supra osten-
dimus ad rationem secundam, & claret ex Mose *Gen. 1. cap.*

Theologicæ.

I. Deus cælum & terram initio distinctè creavit, quod do-
cet Moses *Gen. 1. v. 1.* ubi utitur articulis demonstrativis & empha-
ticis,

ticis, *hoc cœlum* inquit, & *hanc terram*: deducens nos in rem præsentem & distinctam, non autem confusam. Ergò non rudem & indigestam molem creavit, tanquam primam materiam. *Resp.* Falsum est *Antecedens*, & contra textum *vers. 2. & seqq.* qui docent cœlum & terram distincta esse die secundo & tertio; ante igitur erant confusa. *Probatio* nulla est. I. non est verum universaliter particulas demonstrativas certi aliquid & distinctè notare: ut patet vel *ex v. 2.* *וְהָאָרֶץ*: ubi articulus minimè notat rem distin-

Deus initio creavit.

ctam & exultam, sed rudem & confusam: ut res loquitur. II. articulus demonstrativus etiam cum nostrâ sententiâ convenit: quia hæc ipsa terra, & hoc ipsum cœlum, quod nunc videmus & calcamus, est materialiter illud ipsum, quod primo die fuit conditum: sed jam sub exquisitiore forma apparet.

II. Deus creator est Deus ordinis, non confusionis, qui initio res inter se congerat & commisceat in unam massam; post verò demum ex illâ massâ creandas res digerat, & ordine disponat. Ergò nec massam rudem & indigestam condidit. *Resp.* Negatur consequentia. Imò Deus eo ipso se ordinis Deum esse demonstravit. Ordo enim hic est, ut fiat progressus à non esse ad esse, ab imperfecto ad perfectum. Quem observavit Deus in creatione, dum à creaturis corporeis imperfectis ad perfectas progressus, tandem substituit in perfectissimâ, homine videlicet: quemadmodum figulus successivè efformat opus suum, & paulatim illud perficit, quo cum comparatur Deus *Esa. 45. v. 9. Rom. 9. v. 21.* Ita in actione Dei nulla fuit confusio, sed imperfectio tantum in opere; quod Deus unâ die conficere noluit. Falsum etiam ponitur in antecedente, quod Deus res, quasi ante & suâ naturâ distinctas, confuderit. Antè non fuerunt; & massam illam creavit Deus in materiam rerum futurarum.

2. q. Deus ordinis non confusionis sit autor.

III. Creatio est prima & ordinatissima Dei actio: ut liquet ex voce *בְּרֵא*. Prima autem actio est ordinis non confusionis: quod enim primum est, id maximè ordinatum est. *Resp.* Dari potest totum. Nec enim creationem confusam dicimus: sed opus aliquod creationis rude, indigestum, imperfectum: quod Moses dicit *Genes. 1. v. 2.* Nim. quia opera creationis intra sex demum dies perfecta sunt. Interim duo hîc notanda: 1. verbum *בְּרֵא* nihil

3. q. Creatio sit prima & ordinatissima Dei actio.

notare, nisi *creavit*, sive sit excultum prorsus, sive rude adhuc & excolendum. Nam & terra dicitur creata antequam haberet ornamenta germinum & herbarum. II. Omne primum est maximè ordinatum: scil. intellectum de Efficiente & Fine: De Materia primâ falsum est, etiam secundum Aristotelem: quæ debet esse rudis, indeterminata, respectu formæ & compositorum. Secus natura materiæ periret.

4. q. confusio istius molis naturæ rerum adversatur.

IV. Rerum naturæ adversatur ista confusio: quia planè impossibile est rerum principia, sive materias & formas in unam massam commiscere; cum quælibet materia sit determinata ad suam formam, & forma ad materiam. Determinatio autem est distinctio tollens confusionem. *Resp.* Nihil hoc contra nos: qui non dicimus materias & formas esse confusas; aut materiam determinatam ad omnes formas: sed materiam informem, rudem, indigestam productam; ex quâ reliqua inductione aliarum atque aliarum formarum condita. Est igitur ignoratio Elenchi.

5. q. terminus Creationis sit certum & determinatum ens.

V. Terminus creationis est certum, distinctum, ac determinatum ens: ut patet ex definitione Creationis: & *Sapient. I. I. v. 21.* dicitur Deum omnia creasse *in numero, pondere, & mensurâ.* Ergo non ens rude, informe: & indigestum. *Resp.* Bifariam responderi potest, vel inficiatione antecedentis, quia contradicit *Mosi Gen. I. v. 2* vel consequentiæ negatione; quia etiam rudis & indigesta moles fuit ens certum; quia habuit definitam Essentiam, fuit substantia prima: Ens etiam distinctum ab aliis, videl. luce, cælo supremo, angelis; Determinatum denique formâ illâ communi, non autem speciali compositorum. Locus *Sapientia* nihil contra nos facit: hoc ipsum namque ordinatissimum est, primò subternere rebus rudem materiam; inde ordine eam aptare & polire, suis locis collocare, suis commissuris & quasi libramentis ad regulam ac normam aptare.

PROBLEMA VIGESIMUM.

An inclinatio ad peccandum ante lapsum fuerit in homine?

Affirmativa est Pelagianorum, Pontificiorum, Samosatensianorum, atque etiam Novatorum, qui homini integro tribuunt

buunt inclinationem illam, licet non ita vehementem & inordinatam, ut nunc est.

Negativa nostra atque Orthodoxorum omnium; quam his argumentis astruimus. I. Ante lapsum omnia fuerunt valdè bona: quod de homine inprimis intelligendum est, cujus creationi immediate subjicitur *Gen. 1. v. 31*. Inclinatione ad peccandum non est bona, nedum valdè bona: quia vitiosa est, legi repugnans.

Nulla inest inclinatio ad peccandum fuit in homine integro.

Ergò. II. Inclinationes hominis ante lapsum fuerunt à Deo: uti constat. Inclinatione ad peccandum non fuit à Deo: quia Deus non est autor peccati, nec hominem ad peccandum inclinavit: ut qui neminem tentat ad malum *Jacob. 1. v. 14*. Ergò. III. Inclinatione ad diligendum Deum ex toto corde, & ex totâ animâ, & ex totâ cogitatione, & ex totis viribus, non est inclinatio ad peccandum: nec cum eâ consistit. Sunt enim contraria immediata, quæ se mutuo pellunt & perimunt. In homine ante lapsum fuit inclinatio ad diligendum eo modo Deum: *Ratio*, quia fuit iustitia originalis, id est, perfecta conformitas cum lege & legislatore Deo. Ergò. IV. Scriptura inclinationem ad peccandum homini tribuit demum post lapsum ex peccato *Genes. 6. v. 5. cap. 8. v. 21*. Ergò non ante lapsum in integritate.

Adversarii duo opponunt:

Primum: Qui mutabilis à Deo conditus est, is conditus est cum inclinatione ad peccandum. *Ratio*: quia illa inclinatio species quædam est mutabilitatis. Homo integer mutabilis conditus est à Deo; secus labi non potuisset. Ergò. *Resp.* negatur *Major*. Tantum enim sequitur posse peccare: non autem importat aliquam inclinationem ad peccandum: Siquidem etiam Angeli boni potuerunt peccare, in quibus tamen inclinationem ad peccandum fuisse, nemo pius dixerit. Et falsum est inclinationem illam fuisse speciem mutabilitatis, quæ homini etiam ante lapsum conveniebat. *Ratio* duplex est: *Vna*: quia mutabilitas illa erat potentia peccandi, quâ homo integer poterat peccare, & integritate suâ excidere: inclinatio autem illa non est potentia, sed actus primus peccati. *Alterâ*: quia mutabilitas illa nihil derogabat iustitiæ ac sanctitati ipsius: at inclinatio ad peccandum apertè eis derogat, neque cum iis consistere potest.

Mutabilitas hominis inclinationem ejusmodi non arguit.

Secundum: In quo fuit pugna contrariorum propensionum, in eo, fuit inclinatio ad peccandum. In homine ante lapsum fuit pugna

Nulla fuit in homine integro contrariorum propensionum pugna.

gna contrariarum propensionum: *Vna* corporis ad bonum corporeale ac sensibile per sensum & appetitum; *altera* Spiritus ad bonum Spirituale & intelligibile, per mentem & voluntatem. Ergo. *Resp.* Falsa est *Assumptio*, unâ cum *probatione* ejus. In homine integro nulla fuit pugna propensionum sive inclinationum. Ordinâre enim homo ferebatur ad utrumque bonum absque rebellionem carnis & Spiritus. Neque etiam contrariæ sunt propensiones illæ. Disparatæ sunt per se: factæ sunt contrariæ ex accidenti, per peccatum. Ut enim corpus & anima non sunt contraria per se: alioquin pellerent se mutuo, nec coirent in unam hominis naturam & hypostasim; ita propensiones animæ & corporis non sunt contrariæ per se: quia non pellebant se mutuo in natura integra.

PROBLEMA VIGESIMUM PRIMUM.

An primus homo nec Iustus, nec injustus à Deo sit conditus?

Origo Problematis.

Natum est hoc problema partim ex speculationibus Philosophicis de statu hominis in puris naturalibus, partim ex disputationibus Theologicis de Justificatione.

Pura naturalia quæ.

Pelagiani, *Pontificii*, atque etiam *Samosaremani* secuti Aristotelem & Aristotelicos, qui creationem & lapsum hominis ignorarunt; atque ita naturam hominis integram & corruptam nesciverunt, mediam quandam naturam finxerunt, solis principis, partibus & facultatibus naturalibus constantem, quæ *pura naturalia* dixerunt. *Naturalia* quidem, quia sunt vel partes, vel proprietates naturæ. *Pura* autem oppositè ad accidentia & accessorias qualitates: cujusmodi in statu primo fuit justitia originalis, in secundo est culpa originalis; secundum Pontificios.

Theologi verò nonnulli idem moverunt occasione controversiæ justitiariæ. Ut enim ostenderent esse partes distinctas Remissionem peccatorum & imputationem justitiæ: nec justum esse coram Deo, cui remissa sunt peccata, attulerunt exemplum primi hominis, qui ante lapsum expers quidem peccati fuerit, nec tamen justus sit habitus.

Nos rem paucis & secundum veritatem Scripturæ expedimus.

Primo

Primò autem pro confesso sumimus, Hominem non esse in-
justum conditum. Non enim conditus est peccator. Et rectè Ec-
clesiastes: *Deus hominem condidit rectum: sed ipsi quæsiuerunt ratioci-*
nia plurima. cap. 7. v. 29.

Homo con-
ditus fuit
non injus-
tus,

Secundò etiam asserimus conditum esse justum, siue de iustitia
habituali, siue de actuali vocem intelligas: Quanquam habitus
iustitiæ propriè ei fuit concreatus. Actus verò exercuit ex ha-
bitu.

sed justus,
præditus
iustitiâ.

De Iustitia habituali sic probo: I. Qui conditus fuit ad imagi-
nem Dei in iustitia & sanctitate, is conditus est justus. Homo
primus conditus est in iustitia & sanctitate ad imaginem Dei, tẽ-
ste Mose, *Gen. 1. v. 26. 27.* Paulo interprete *Eph. 4. v. 24.* Ergò.
II. Qui conditus est bonus & rectus, is conditus est justus. Nam
bonitas & rectitudo mentis est iustitia. Atqui homo primus talis
conditus est. *Gen. 1. v. 31. Eccles. 7. v. 29.* Ergò. III. In creatione
Deus substantias rerum idoneis ac necessariis qualitatibus instru-
xit ad exercendas operationes, At tales qualitates in statu primo
fuerunt iustitia & sanctitas. Ergò. IV. In statu secundo nascitur
homo cum iniustitiâ originali: Ergò in statu primo conditus est
cum iustitia originali. Valet illatio non solum ex natura contra-
riorum, verum etiam testimonio Dei, *Gen. 5. v. 1. 2. 3.*

Tam habi-
tuali.

De iustitia actuali similiter probo. I. Actus sunt conformes
suis habitibus: à quibus procedunt. Id docet canon Logicus:
Qualis causa talis effectus. Et comprobatur Christus, *Matth. 7.*
v. 17. 18. de arbore. Atqui habitus iusti, sancti fuerunt, ut demon-
stratum. Ergò. II. Vita æterna obsignata fuit Adamo sacramen-
to arboris vitæ. *Gen. 2.* Atqui fuit obsignata sub conditione iusti-
tiæ actualis: juxta tenorem promissionis legalis: *Fac hoc & viues.*
Ergò. III. In statu secundo iniustus est homo iniustitiâ actuali,
Rom. 3. Igitur justus fuit iniustitiâ actuali in statu primo.

Quam a-
ctuali.

Ex his facilis & expedita est *responsio ad objectiones.*

Prima: Qui conditus est in puris naturalibus, is conditus est
absque qualitate iustitiæ & iniustitiæ. Primus homo conditus est
in puris naturalibus. Ergò. *Resp. negatur Minor:* Conditus est ad
imaginem Dei in iustitiâ & sanctitate *Gen. 1. v. 26, 27. Eph. 4. v.*
24. bonus & rectus *Gen. 1. v. 31. Eccles. 7. v. 29.* Concipi quidem
potest distinctè secundum substantiam & accidentia. Secundum
ea quæ omni hominis statui communia, & quæ certi status pro-
pria

Homo pri-
mus non
conditus
fuit in puris
naturalibus.

pria sunt. At à distinctis & separatis conceptibus ad distinctam & separatam existentiam non valet consequentia.

Secunda : Qui non habuit jus vitæ æternæ in statu primo, idem justus non fuit : quia justitiam sequitur vita. Primus homo in statu integritatis non habuit jus vitæ æternæ : utpote quod consecutus fuisset, si in statu suo perseverasset. Nam promissa fuit vita æterna sub conditione perfectæ & immutabilis justitiæ. Ergo. *Resp.* ad *Minorem* : vita æterna dicitur ambigüe : *vel* le immutabili conformitate cum Deo & lætitiâ ac felicitate perfectâ in æternum continuandâ : *vel* de conformitate cum Deo, lætitiâ ac felicitate nondum consummatâ, sed inchoatâ tantum ; olim autem perficienda in altero seculo. *Primo* significatu non habuit jus vitæ æternæ : quia viator erat, non apprehensor ; nec immutabili justitiâ præditus fuit. *Altero* autem habuit : & confirmatum ipsi fuit sacramento arboris vitæ. Secus illud peccato nunquam perdidisset.

Homo integer, quatenus habuerit jus vitæ æternæ.

PROBLEMA VIGESIMUM SECUNDUM.

Num totum genus humanum in Adamo ad salutem sit conditum.

Affirmativa heterodoxa.

Semipelagiani, & cum his *Lutherani*, *affirmativam* tenent ac stuentur, in subsidium gratiæ universalis : ut inde æqualem Dei gratiam erga omnes & singulos conficiant, decretum verò Prædestinationis, quo Deus salvandos à dampnandis discrevit aboleant.

Confirmatur.

Argumenta ipsorum sunt ista. I. Qui ad imaginem Dei in Adamo conditi sunt, iidem etiam conditi sunt ad salutem. Totum genus humanum in Adamo ad imaginem Dei conditum est. Ergo. II. Si totum genus humanum non est conditum ad salutem, nullo vel incerto fine est conditum. Falsum, absurdum est consequens. Ergo & antecedens.

Negativa, secundum obiectum Prædestinationis hominem. I. Creabilem aut integrum.

Contra Theologi *Orthodoxi* sententiam *negativam* approbant & defendunt : sed non eodem modo.

Qui obiectum Prædestinationis faciunt genus humanum creabile aut integrum, ajunt genus humanum non eodem fine conditum in Adamo, sed diversis : alios ad vitam, ad gloriam

mise-

miseriçordiæ Dei; alios ad mortem & gloriam iustitiæ: *argumento loci Rom. 9. v. 21. De quâ sententiâ supra dictum est.*

Nos qui objectum Prædestinationis dicimus hominem lapsum, distinguimus phrasin ambiguan, *conditum esse ad salutem.* Hæc siquidem aut de Fine ẽ, aut de fine ẽ, hoc est, aut de scopo & intentione Dei creatoris, aut de scopo hominis creati, quem ipse spectare & sectari debuit, intelligitur.

II. lapsus.
Hæc declaratur.

Conditum est ad salutem.
Genus Hum:
I. nec totum.
nec dimidium ex intentione Dei.

Primo modo nec totum, nec dimidium genus humanum condidit ad salutem. I. quia nec totum nec dimidium genus humanum salutem affecutum est in Adamo: quod fieri oportuisset, siquidem id Deus intendisset: cujus nec consilium mutari, nec præscientia falli, nec intentio excidere potest: Scripturâ teste. II. quia in Adamo secundo, Christo, condidit ad salutem omnes electos ipsumque Adamum primum *Eph. 1. 2. Psal. 100. & alibi.* Ergo non in primo.

Secundo modo totum genus humanum conditum est ad salutem in Adamo: Ratio est, quia Adamo, & in ipso toti generi humano edidit promissionem salutis ac vitæ; sub conditione perfectæ ac constantis obedientiæ. Finis igitur ac scopus Adæ propositus fuit salus ac vita. Promissio per se claret: & colligitur etiam ex contrariâ comminatione mortis *Gen. 2. v. 17.* Hic autem finis est medium quoad Deum: sicut finis ẽ ordinem mediorum ingreditur respectu finis ẽ.

II. totum ex fine quem homo spectare debuit.

Ex his plana est *responsio* ad objecta: In primo: Major datur de fine ẽ. Hic enim finis & usus imaginis Dei fuit, ut per eam perveniret ad salutem. De fine ẽ negatur. Deinde ambigua est Minor ex fallacia homonymiæ. Nam præpositio *ad* ibi non finem, sed formam notat, & usurpatur pro secundum *natu.* Nam *Gen. 1. 26.* dicitur *in imagine nostrâ, secundum similitudinem nostram,* id est, similem nobis sapientiâ, iustitiâ, Sanctitate *Coloss. 3. v. 10. Eph. 4. v. 24.* In Secundo negatur consequentia *propositionis.* Si quidem intentio & consilium Dei non terminatur primâ hominis creatione, sed ad omnia eventa creationem secuta se extendit. Alioquin dicendum esset & lapsus, & reparationem hominis evenisse homini præter intentionem & consilium Dei: quod absurdum. Præclare Augustinus *lib. de correp. & Gratiâ cap. 10. Sic Deus ordinavit Angelorum & hominum naturam, ut primum in eâ ostenderet, quid posset liberum arbitrium: deinde quid posset sua gratiæ beneficium iustitiæque judi-*

Refelluntur argumenta sententiæ affirmantis.

judicium. In statu primo Beatitudo, Salus, erat finis, sed hypotheticus propositus homini, si non laberetur. At in statu Secundo Categoricalis fuit in Christo consequendus. Quod tum quidem obcurum erat. At Deo tamen notum; Nobis etiam à posteriore innuit.

PROBLEMA VIGESIMUM TERTIUM.

Vtrum animæ hominum creentur à Deo; an per traducem propagentur?

Quomodo
hæc quæstio
in Theologia
fuerit
introducenda.

Quæstio de origine animæ Physica magis est, quàm Theologica, sed in Theologia eam peperit *partim* Historia creationis Adæ, cujus anima non ex pulvere, ut corpus, sed ex nihilo est producta; *partim* etiam disputatio de peccato originis, quod ex Adamo & parentibus non propagatione sed imitatione trahi contendebant Pelagiani, eò quod sedes peccati anima ex parentibus non propagetur. Ad cujus argumenti dissolutionem cœptum est disputari de origine animæ.

Sunt autem variæ omninò & mutuo inter se discrepantes de eâ sententiæ, tum Philosophorum, tum Hæreticorum, tum etiam Patrum atque Theologorum; quas sigillatim persequi, majoris quidem operæ, at non ita magni usus foret.

Sententiæ
pugnantes
de eâ.

Nos missis reliquis duas potissimum discutiemus: unam de *creatione animarum*, alteram de *Traduce*; maxime quod hodieque de iis sit controversia inter Orthodoxos & Lutheranos, illis priorem, istis posteriorem sententiam ferè propugnantibus. Persequemur autem ea tantum utriusque sententiæ momenta, quæ ex Scripturâ adferri solent directè, vel per consequentiam; Philosophica Scholæ Physicis relinquentes.

DE PRIMA.

I. Animæ ex
nihilo à Deo
creantur, &
quidem.

nec ante
corpus.

Hæc statuit, *Animas Hominum non produci ex aliquâ materiâ sive corporeâ sive Spirituali, sed à Deo omnipotente ac immediatâ virtute creari ex nihilo*; sed nec ante corporis generationem, nec extra illud. *Non ante*: ut sensit Origenes, qui omnes animas statim initio cum Angelis creatas contendit; quæ etiam *Rabbinorum* est sententia, nisi quod ille eas in cœlo peccasse rerum humanarum desiderio, & sic

& sic ad corpora damnatas esse; Hi isthic integras veluti in thesauro Dei asservari contendunt. *Ratio*; quia id nec Scriptura docet, nec suadet ulla ratio probabilis, sed potius contrarium. Scriptura enim asserit, animas quotidie creari cum corporibus, ut ostenditur: Ratio autem non patitur formam actu præexistere tot secula ante suum compositum. *Nec extra illud*, ut extrinsecus accedere & infundi corpori docet Aristoteles lib. 2. de Generatione animal: cap. 3. sed in corpore, sive in fœtu jam formato & ad recipiendam formam disposito. Quod non ineptè probatur loco Zach. 12. v. 1. & Ratio-
nibus Physicis probabiliter saltem demonstrari solet.

Neque extra corpus.

Confirmatur.

Confirmatio primæ sententiæ.

Dictis Scriptura: quæ duplicis sunt generis.

I. Dictis probantibus.

1. creati animas.

Alia docent, Deum singulis hominibus, dum generantur, creare & infundere animas: ut sunt.

Job. 33. v. 5. 4. *Spiraculum omnipotentis vitæ indidit mihi*, videlicet, sicut olim primo homini Gen. 2. v. 7.

Psal. 33. vers. 15. *Qui fingit seu format pariter cor eorum*, id est, animam Zach. 12. vers. 1. Et refertur vox ad cogitationes & consilia.

Ecc. 12. v. 9. *Et redibit pulvis*, id est, corpus è pulvere ortum, per Metonym: materiz, in terram, quemadmodum fuerat: *Spiritus autem redibit ad Deum*, scilicet tanquam ad iudicem, qui eum vel beet vel puniat: *qui dederat illum*. Alii reditum illum peculiariter exponunt de animabus piorum Luc. 16. v. 22, ut redire ad Deum, sit recipi in cœlum, ubi cœu in Palatio suo Deus habitat.

Esa. 42. v. 5. *Sic ait Deus ille fortis Iehova, creator cœlorum, & qui extendit eos, qui expandit terram & res progenerat ex eâ: qui indit animam populo agenti in eâ, & Spiritum ambulanti in eâ.*

Esa. 57. v. 16. *Nam non in seculum contendam, neque in æternum effervescam: nam Spiritus à conspectu meo obrueretur, & anima, quas ego feci.*

Ezech. 37. v. 5. *Sic ait Dominus Iehova ossibus istis: ecce ego inducturus sum in vos Spiritum, ut vivatis.*

Zach. 12. v. 1. *Dictum Iehova, qui extendit cœlos, & fundat terram: formatque Spiritum hominis in medio ejus.* Hâc de causâ conditor animarum vocatur 1. Pet. 4. v. 19.

2. non tamen eo modo quo corpora.

Alia docent Deum non dare aut creare animas eo modo quo

corpora, ex corpore vel semine parentum : sed alio modo, hoc est immediatâ creatione.

Heb. 12. v. 9. *Si carnis nostra* (id est corporis) *patres castigantes habuimus, & eos reveriti sumus : annon multo magis subijciemur patri Spirituum, id est, creatori animarum, & vivemus.*

Num. 16. v. 22. *Deus Deus Spirituum universa carnis : an unus peccabit, & contra universam congregationem irascaris.*

Cap. 27. v. 16. *Praeficiat Iehova Deus Spirituum omnis carnis, vestrum super congregationem.*

Exceptiones ad nonnulla loca.

Vindiciæ ditorum.

Eccles. 12.

v. 2.

Eccles. 12. v. 9. I. Non quia anima à Deo donari perhibetur, ideo immediatâ creatione producit. Nam donatio hæc referenda est ad primam hominis creationem, quâ anima Adæ infundebatur, ut ab eo toti generi humano communicaretur : quod liquet vel ex voce *pulveris*. Nec enim nostra corpora desumpta sunt ex pulvere, sed Adæ. Deinde anima ad corpus comparata potius Dei donum habetur, cum sit immaterialis & immortalis, Deum referens ; quàm corpus : quod est terræ potius donum ex quâ factum est. II. Nihil aliud vult, quàm cum corpus & anima sint ortu valde dispari, illud ex pulvere, ista ex animâ Adæ primitus inspiratâ, utriusque etiam diversos esse exitus : ne anima putaretur esse mortalis, perinde ut corpus. *Resp. distinctè. Primum negatur.* Omnino ex donatione illâ sequitur immediata animæ creatio. Nam Deus utrumque donavit & animam & corpus *Psal. 127. v. 3. Matr. 6. v. 25. seq.* Si ergo non aliter dat Spiritum, quàm corpus : utrumque scilicet per parentes : Parum appositè *per ar-nationem* dicitur dedisse Spiritum. Deinde eò dicitur redire anima, unde habet originem : sicut etiam corpus eò redit. Atqui redit ad Deum. Ergo ab eo habet originem. *Probaio* utraque deficit. *Prior* ; quia non loquitur de primâ hominis creatione, sed de secundâ, quâ singulis individuis humanis suæ animæ donantur : ut scopus, verba & circumstantiæ textus docent, Corpora posterorum Adæ redeunt in pulverem : Ergo animæ ad Deum, qui eas dedit. Nec contrarium evincit vox *pulveris* : ut quæ non propriè, sed metonymicè sumitur. Alioquin nè Abrahamus rectè quidem dixisset se esse pulverem *Gen. 18. 27.* nec Apostolus, nos esse pulvereos *1. Cor. 15. v. 48.* Altera habet fallaciam causæ. Non ideo

ideo dicitur dari quod magis sit Dei donum quàm corpus, ratione dignitatis: Sed quod Deus longè aliter eam donat: quod verba postrema volunt, quibus datio & reductio inter se conferuntur, tanquam termini à quo & ad quem. *Secundum* falsa veris miscet. Verum est conferri inter se disparem ortum ac exitum animæ & corporis; quorum alter alteri responderet. Sed falsum quod sicut ortus corporis est ex pulvere, ita ortus animæ sit ex animâ Adæ, quàm Deus ipsi dedit. Imò à Deo, inquit Ecclesiastes. Et Deus non minus singulis dat suam animam immediatâ inspiratione, quàm olim eam dedit Adæ; ut evincit collatio duorum locorum *Gen. 2. v. 7. & Job. 33. v. 4.*

Zach. 12. v. 1. I. loquitur Propheta verbis temporis præsens pro præterito, ut ostendat, non quod Deus illa adhuc operetur, (cum intra sex dies opus suum absolverit,) sed qualis sit. Ergo de primâ creatione agit. II. non dicitur anima cœlitus immitti, sed formari in medio ipsius; quod ad immortale illud semen, ex quo efformatur anima, est referendum. Quod etiam evincit verbum Hebræum *נִסְּךְ* quod non est ex nihilo creare, sed ex aliquo fingere & formare. III. vocabulum *נִסְּךְ* potest etiam explicari de voluntate hominis, ut aliis locis; & sensus erit, quod Deus hominis voluntatem pro arbitrio formet & flectat, nec tantum expanso cœlo, & fundatâ terrâ vim suam ostendat. *Resp.* ad singulas exceptiones. *Ad primam*, Glossa de enallage temporis locum habet quidem in duobus prioribus operibus, quia semel tantum expandit cœlum & fundavit terram; at non item in posteriore, quia adhuc quotidie istud agit; sicut est *Job. 5. v. 17. Pater operatur usque adhuc.* Probat 1. quia vox hominis non sumitur à *tempore*, de primo homine Adamo, sed à *divinis* de quocunque post Adamum, & ex eo genito. II. quia Scriptura de creatione animarum, loquitur numero plurali *Psal. 33. v. 15. Esa. 57. v. 16.* Unde Deus dicitur *Deus Spirituum universa carnis Num. 16. v. 22.* Ergo non unam animam, scilicet Adæ, sed omnes creavit & creat. Et sic falsum est antecedens universaliter sumtum. Talia sunt prædicata, qualia permittuntur esse à suis subjectis. *Ad secundam*: Nec nos dicimus animam cœlitus immitti, creatam scilicet extra corpus, sed in corpore ad animationem disposito divinitus formari. Falsum verò, quod id ad semen aliquod immortale

Zach. 12. v. 1.

animæ referendum sit I. quia dicitur formare animam in medio, non ex medio. II. quia anima rationalis & immortalis non habet semen, ex quo multiplicetur & propageetur; cum sit simplex & immaterialis. III. ita non minus de corpore quàm de anima dici hîc potuisset, quod Deus illud fingat, formet; quia utrumque ex semine, per parentes. At formatio animarum non minus quàm duo reliqua opera allegatur, tanquam documentum omnipotentis ac immediatæ vittutis Dei. Verbum *ἡ* *formavit*, *fin-*

xit, propriè quidem usurpatur de figulis: sed latius etiam de aliis rebus sumitur; quæ non producuntur ex materiâ; ut lexica docent. *Ad tertiam*; Glossa illa aliena est & inepta. I. dicitur formare spiritum in medio ejus, id est flectere: ridiculum. II. à pari: conjungit opera creationis. Ergò non de opere providentiæ, qualis est gubernatio voluntatis humanæ, hoc postremum intelligendum. III. à scopo: qui est demonstrare potentiam Dei ex effectis immediatis & simpliciter immutabilibus. Est autem hoc in genere multo illustrior creatio animarum ex nihilo, quàm inflexio voluntatum.

Hebr. 12. v. 9.

Hebr. 12. v. 9. Nec *τῆς σαρκὸς* vox corpus, nec *τὸν πνεύματος* animam significat. Non illa: I. quia vox caro in Scriptura vel verterem hominem, vel totam naturam humanam significat. Ergò corpus malè substituitur pro carne: cum Scripturæ sensu corpus altera pars carnis sit: caro autem integrum naturæ statum denotet. II. potest etiam Hebraïsmus subesse, ut 2. *Thess.* 1. v. 8. *ἐν πνεύματι φλογὸς*, & ita *patres carnis*, erunt patres carnales. Neque ista: I. quia non additur *πνευματικῶν ἡρώων*: ut prius *τῆς σαρκὸς ἡμῶν*: ut nihil necesse sit vocem referre ad animas; sed etiam referri possit ad Angelos, quorum pater est; sicut ipsi Filii, ejus dicuntur *Iob.* 1. & 2. II. potest etiam dici *pater spirituum* ex Hebraïsmo, pro patre spirituali; quod sit vitæ ac regenerationis spiritualis auctor; III. nec potest dici hîc pater animarum respectu creationis; cum hîc non doceatur, qualis sit in omnes, sed erga eos, quos in filios adoptavit in Christo. Est igitur gratiæ paternitas non naturæ. Gratiæ Filios castigat ad sanctimoniam; non filios naturæ; qui iræ Filii *Eph.* 2. v. 3. *Resp.* Sed contrarium verum est. Caro hic corpus notat per Synecdochen membri, quæ exprimitur *Luc.* 24. v. 39: I. quia dicuntur *Patres carnis*, id est, qui carnem

nem

nem nostram genuerunt. Nam genitivus est nota effecti. An qui corruptionem genuerunt? II. ex effectu: qui est reverentia, etiam sub ferulâ, ac castigatione propter *scylla* nobis inditam. Quia patres carnis, qui corpora nostra genuerunt reveriti sumus: an quia corruptionem naturæ in nos propagarunt. Absurdum & nihil ad rem. III. ex. v. 10. castigatio *ad paucos dies*: dum nimirum sub potestate ipsorum & impuberes. Hic iterum inculcat jus parentum in corrigendis liberis suis. Jus verò illud ex generatione est, non ex corruptione. *Spiritus* etiam animas significat. I. ex antithesi carnis: caro corpus denotat. Ergo spiritus animam. II. ex. v. 23. ibi dicitur *spiritus iustorum consummatorum*: & vocabulum spiritus pro animabus accipitur. III. alibi Scriptura id declarat, cum dicit *Deum spirituum universa carnis*, id est, omnium hominum *Num.* 16. & 26. capp. *Objectiones* facile solvuntur. *Priores* pro corpore: *Prima* laborat insufficiente enumeratione significationum. Vox *carnis* in Scriptura non tantum fumitur pro vetere homine, vel etiam pro totâ naturâ humanâ; sed multis aliis modis, inprimis verò etiam pro corpore *Luc.* 24. v. 39. *Act.* 2. v. 26. 31. *Secundæ* Si Hebraismus admitteretur, tamen esset ambiguus. At hic propriè non habet locum. Quia non notatur adjunctum inhærens vel adhærens: à quo per adjectivum denominetur; sed effectum. & genitivus est effecti nota, ut ante ostendimus. *Posteriores* pro anima: *Prima*: quia pronomen *ἐμὸν* *δοτὶ* *καὶ* *καὶ* repetendum est; sicut *Num.* 16. dicitur *Deus spirituum universa carnis*. *Ratio*; quia loquitur de iisdem secundum diversarum partium principia & origines. Ad Angelos non potest referri. I. ex scopo & nexu argumentorum; qui plane solvitur. II. qui animas *hoc cap.* dicit *spiritus*; Angelos *Angelos* vocat v. 22. *Secundæ* Hebraismus non magis habet locum, quàm prius. Pater spirituum & Deus spirituum sunt æquipollentia. At Deus spirituum est creator eorum *Num.* 16. & 27. Deinde obstat numerus pluralis. Scriptura de regeneratione loquitur numero singulari, *spiritus*; *Ioh.* 3. & alibi. Hic autem utitur numero plurali. *Tertia*; Negatur; id enim non obstat quò minus argumentum mutuetur etiam à creatione: quod etiam innumeris aliis locis facit, sed observandum quod illud faciat non absolutè sed comparatè, argumentando à minori ad majus: si patienter toleratis castigationes parentum, qui solum corpora vestra genuerunt: quidni patientius toleretis castigationes

nes patris spirituum, qui animas vestras, partem longe nobiliorē formavit? Considerat hic opus creationis, non communiter respectu omnium & singulorum: sed peculiariter quoad eos, quos hic alloquitur, hortatur.

II. Rationibus.

1. q. eadem origo animæ Adami & nostrarum.

Rationibus:

Prima: Quæ est origo animæ Adæ, eadem est origo animarum nostrarum. Atqui illius anima est ex immediatâ creatione: sive immediatâ Dei virtute creata est. Ergo & nostræ animæ sic creantur. *Minor* est extra controversiam: & liquet ex *Gen. 2. v. 7.* *Major* probatur: 1. *authoritate* Apostoli 1. *Cor 15. v. 47. 48.* Qualis ille materiâ corporis, & conditione, id est, pulvereus & animalis, tales nos etiam corpore & conditione. Ergo qualis origine animæ immaterialis, tales & nos. II. *ratione:* Cujus creatio est exemplar formationis omnium hominum, ejus qualis est origo, talis est omnium hominum origo. Atqui creatio Adæ, qua corpus ipsius productum est ex materiâ, anima autem ex nihilo immediata Dei virtute indita; est exemplar formationis omnium hominum. Ergo. *Major* certa & evidens est: *Minor* demonstratur à genere & à pari. *A genere sic:* Prima individua omnium specierum, quæ generatione propagantur, fuerunt exemplaria totius speciei, ratione ortus principiorum intrinsecorum, essentialium. Ergo & prima individua humana exemplaria fuerunt totius speciei humanæ. *Antecedens* certum est ex lege creationis, quâ sancitum ut generans generet sibi simile quoad substantiam & accidentia speciei propria *Gen. 1. v. 22, 28.* *Consequentia* firmatur illo canone logico; quod de toto genere affirmatur, de omnibus speciebus verum est. Ut igitur in reliquis speciebus animantium est simplex & materialis ortus; ita duplex est in homine: unus materialis quoad corpus ex parentibus; alter immaterialis quoad animam ex Deo; cujus duplicis ortus expressa mentio fit *Eccl. 12. v. 9.* *A pari hoc modo:* Primum conjugium inter Adamum & Evam est exemplar & regula conjugiorum reliquorum: Christo teste *Matth. 19. v. 4, 5, 6.* Ergo & creatio ipsorum est exemplar creationis & propagationis reliquorum hominum.

quatenus Corpora nostra eandem originem habeant cum corpore Adami.

Excipitur; Si valet argumentum de origine animæ, etiam de origine corporis valebit. At non valet de corporis origine. I. quia corpus Adæ creatum est; nostra gignuntur. II. illud fuit

ex pulvere : hæc ex femine fiunt. *Ergò. Resp.* distinguendo inter causas efficientem & materialem, & originem utriusque respectu. De materiali datur propositio. Sicut anima Adæ ex nihilo, sic animæ posterorum. Ut corpus ipsius ex pulvere, sic posterorum *Genes.* 18. v. 27. *I. Cor.* 15. v. 48. Nec obstat, quod ex femine, quia illud pulveræ sive terrestris naturæ. Sic altera ratio assumpti falsa est. De efficiente negatur propter elenchum parium : quia corpus est materiale, elementare, compositum. Anima immaterialis & simplex. Multum etiam differunt productio rei in esse per creationem, & propagatio per generationem.

2. q. Eva im-
mediate à
Deo condi-
ta.

Secunda : si corpus Evæ ex corpore Adæ formatum est, & nihilominus anima ipsi immediatâ Dei creatione est indita : sequitur etiam corpora nostra esse ex Adamo, & tamen animas creari à Deo. Verum prius. *Ergò. Consequentia* hinc patet : quod Eva non minùs est ex Adamo, quam nos : juxta illud Apostoli : *Ex uno sanguine* scil. Adæ, *condidit totum genus humanum*, id est, omnia speciei humanæ individua *Act.* 17. v. 26. *Antecedens* probatur de animâ : I. quia si diversa fuisset origo animæ Evæ ab animâ Adæ, Moses illud indicasset, cui propositum fuit primas rerum omnium origines describere. II. Adam quoque originem illam animæ à suâ agnovisset & prædicasset : sicut agnovit originem corporis Evæ *Genes.* 2. v. 23.

Excipitur.

Primo : Sumsit Deus costam, at eam spiritu vitali refertam, & animâ quoque rationali præditam, ut esset materia non solum corporis, sed etiam animæ Evæ. Unde ab ipso Adamo dicitur *Virago*, quia de viro sumta : vel melius Hebraicè **אשה** *Ishah*.

Cur Eva di-
cta *Ishah* ?

v. 23. *Resp.* est petitio principii. Ratio nomenclaturæ in ipso textu explicatur, quod sit caro de carne & os de ossibus ipsius, non autem anima de anima ipsius v. 23.

Secundo : Manet nihilominus evidens dissimilitudo, quia corpus Evæ creatum est ex costâ Adæ : nos non creamur, sed gignimur, nascimur ex ipso. *Resp.* est quidem dissimilitudo aliqua, sed ratione Efficientis, quia illa creatione, nos generatione producimur : at non ratione materiæ, quæ utrobique, quoad corpus pulvis & cinis. Deinde nihil officit sententiæ nostræ illa dissimilitudo. Id enim tantum sequitur esse diversitatem, quoad ortum

Dissimilitu-
do quæ inter
originem
Evæ & no-
stram.

corporis. At illa non arguit diversitatem ortus animæ: non magis quàm diversitas in ortu Adæ & Evæ.

3. q. anima
immaterialis
& im-
mortalis.

Tertia. Quicquid generatur est materiale & mortale: Anima non est materialis & mortalis. Ergo anima non generatur, sed creatur. Quia duplex est tantum productio substantiæ creatæ, una creatio, altera generatio *Gen. cap. 1. v. 26. 27. 28.* Major probatur: quia omnis generatio fit ex aliquâ materiâ: sicut creatio ex nihilo. Omne item generabile est corruptibile, cum resolvatur in id, ex quo genitum est. *Minor* etiam est certa. Anima non est *materialis*: quia est spiritus, spiritualis naturæ: sicut in Scripturâ usitatè *Spiritus* appellatur: Spiritus autem carnem & ossa non habet *Luc. 24. v. 39.* Neque etiam *mortalis*: quia occidi non potest, *Math. 10. v. 28.* sed redit ad Deum qui dedit eam, *Eccl. 12. v. 9.*

Animæ non
habent semen.

Excipitur: Anima gignitur ex materiâ, semine, non corporeo, mortali, sed spirituali, & immortalis. Ergo generatione non læditur, sed confirmatur ejus spiritualitas, immortalitas. *Resp. antecedens* est pura putatio principii Animæ nullum habent semen propriè dictum, substantiale, alioqui essent corporeæ, corruptibiles. Non igitur gignunt seminali ratione: de quo infra pluribus.

4. q. anima
nec ab alter-
utro, neque
ab utroque
parente pro-
pagatur.

Quarta: Si anima generando propagatur, aut ab utroque parente, aut ab altero tantum: item vel tota, vel pars propagatur. *Si ab utroque*, duæ animæ in unam coalescunt, & quasi ferruminantur. *Si ab altero*, patre tantum; nulla causa dari potest, cur matris anima non traducatur in sobolem; cum & ipsa sit principium generationis non solum materiale, sed etiam activum. Christus etiam non fuerit verus homo, qui animam à matre non acceperit. Præterea: *si tota* anima traducitur, necesse est parentes generando examinari, ut qui totam animam in sobolem transfundunt: *si pars* solum: anima est partibilis, corruptibilis, non simplex & immortalis.

neque tota,
neque pars.

Exceptiones
de semine a-
nimæ ejus-
que commu-
nicatione
refelluntur.

Excipiunt.

Primo: Amborum parentum animæ non coalescunt: sed ex paterno maternoque semine inter se mistis, integrum humanum semen, tam animæ quàm corporis oritur. *Resp.* Hinc verò mixtura illa evidentissimè obtinetur. Est semen amborum parentum spirituale tanquam materia animæ: est etiam corporale in materiam corporis. Sicut ergo materia corporis coalescit ex utroque

troque semine inter se mixtis ; ita materia animæ, Et quemadmodum spiritus vitales & animales mixti sunt materia corporis : ita etiam semen illud spirituale , tantisper donec anima efformetur.

Secundo : Nec tota anima , nec pars ejus traducitur , sed substantia quædam ab anima nata , tanquam animæ immortale semen , & principium animæ prolis : sicut semen corporeum de parentum corporibus decisum , nec corqus aliquod , nec corporis membrum existit. *Resp.* I. petitur iterum principium de semine animæ : quod eam habere negamus. II. Substantia , quæ dicitur nata de animâ priusquam decidatur ab eâ , quædam ejus pars est , saltem materialis. III. Et sic semen decisum de corpore , quando vasis suis continetur , est pars corporis materialis , cui accrescit. Nam quantitas augetur accretione , minuitur decrectione.

Tertio : Dicitur quoque potest totam animam transmitti communicatione , non alienatione : veluti cum lumen de lumine accenditur. *Resp.* I. Communicatio rei unius ejusdemque , quæ absque alienatione fiat , in substantiâ sive essentiâ infinitâ locum habet , non in finitâ. In generatione æternâ Pater filio communicat eandem numero essentiam. At in generatione humanâ non eadem est essentia Patris & Filii numero , sed specie : adeoque non est communicatio ejusdem , sed productio similis essentiæ. Unde Pater & Filius in humanis tantum sunt *ὁμοούσιος* , at in divinis etiam *ὁμοούσιος*. II. Propagatio luminis fit transmutatione admotæ materiæ , & sic materia admota animæ generantis in animam verteretur : non autem decideretur materia illa ab ipsâ animâ : ut volunt Educeretur etiam è potentia materiæ ; sicut materia luminis combustibilis est. Accensum igitur lumen potentia , fit lumen actu.

DE ALTERA.

Ea sic habet ; *Animas non minus à parentibus trahi , quam corpora* ; ita ut ex animâ Patris sit anima Filii , non minus quàm ex corpore patris est corpus filii ; vocatur vulgo de *Traduce* , quod statuit animam ex parentibus traduci in sobolem. Et *Tertulliano* tribuitur : qui in hanc sententiâ dilapsus videtur , quod animam statuerit esse corpus aliquod ; licet subtilius ; *libello de animâ cap. 5.* Sed diversimodè explicatur hæc sententia , *Sunt* qui docent animas seminari cum corporibus : *alii* volunt animas præditas esse spiri-

I I. Animæ à Parentibus propagantur.

Diversimodè asseritur.

ruali quodam & immortali semine, quo mediante gignantur alia animæ: alii denique asserunt animam immediatè traduci & propagari ex animâ parentis, non secus ac lumen de lumine accenditur, sine ullâ vel alterius divisione, vel diminutione.

Sed malè.

Cæterum singuli modi suis incommodis & absurditatibus laborant, nec cum naturâ animæ rationalis consistunt, aut conciliari possunt.

1. Animæ non seminantur cum corporibus.

Non primus: I. quia causa non potest esse toto genere deterior suo effectû Semen autem corporeum, elementare, brutum est toto genere deterius animâ spirituali & rationali. II. Quod seminatur cum corporibus, educitur ex potentiâ materiæ. Anima rationalis non educitur ex potentiâ materiæ: *Ratio*: quia per se subsistit: & quia per se subsistit, per se etiam producit. Nihil huc facit simile de filice. Ignis enim non elicitur ex potentiâ filicis: sed potius ex collisione filicis & ferri, aërem intermedium aut particulam filicis accendente. III. Quod generatur seminali ratione est corruptibile & mortale juxta axioma: Omne generabile est corruptibile. At non anima rationalis. Ergò. V. Si seminatur cum corporibus anima, idem ortus est animæ humanæ & brutorum, nihilo iis humana melior aut nobilior est. At non hoc. Ergò.

2. Animæ non sunt præditæ spirituali & immortali semine.

Non secundus: I. quia nova planè & inaudita est opinio: quæ nec autoritate Scripturæ, neque etiam probatorum Philosophorum ostendi potest. II. Substantia immaterialis & spiritualis non habet semen propriè dictum. *Ratio*: quia omne semen ex quo aliquid propriè producit, est propriè materiale. Anima rationalis est substantia immaterialis & spiritualis. Ergò. III. Semen illud aut est de substantiâ animæ, aut est accidens ejus. Si de substantiâ, ipsa partibilis est & mortalis. Si accidens, ex accidente gignitur substantia. Utrumque absurdum. IV. Semen ex quo aliquid gignitur, augmentationi & diminutioni est obnoxium. Nam generando semper aliquid decedit, quod instauratur novo alimento. Hoc autem de animâ absolum affirmare: Nisi etiam nutrimentum aliquod propriè dictum ei attribueri lubeat. Ergò. V. à pari; Angeli non habent semen, nec generant ex semine. Ergò nec animæ. *Ratio*: quia Angeli & animæ sunt substantiæ incorporeæ, immateriales, per se subsistentes. Nec obstat, quod illi sunt spiritus separati; hi sociati corporibus. Quia unio illa non mutat naturam animæ; ut constat ex separatione animæ à corpore.

corpore. Ergò non magis in corpore semen habet, quam extra corpus. *Luc. 20. v. 36.* quidem dicimur in alterâ demum vitâ futuri *ἰσχυροί*; sed illud non de animâ, sed de animali vitæ conditione, subjectis exemplis explicatur.

Non tertius : I. Quia immediata illa traductio fieri nequit absque divisione ipsius animæ. At anima non est partibilis : quia spiritalis, immortalis. Ergò. II. Si immediatè traducitur ex animâ, sicut lumen de lumine accenditur, omnino non traducitur : sed illud quod admovetur animæ est animabile solùm, & in animam convertitur : de quo jam supra dictum. Præterea : candela est substantia corporea, sicut etiam flamma. Idcirco mirum non est, si una ab altera accendatur, sine alterius divisione aut imminutione evidente. Secus autem res se habet in animâ, quæ est substantia incorporea.

3. Animæ non immediatè traducuntur sine divisione vel diminutione.

Examen argumentorum pro Traduce.

Dicta Scripturæ hæc adferuntur.

Vindiciæ dictorum.
Gen. 1. v. 28.

I. *Gen. 1. v. 28.* Crescite, multiplicamini, augeſcite & replete terram. At multiplicatio est propagatio totius speciei, corpore & animâ rationali constantis. Ergò corpus & anima propagantur. *Resp.* aliud est in conclusione, quàm in præmissis. Sic inferendum : Ergò tota species, & singula ejus individua corpore & animâ constantia propagantur. Quod datur quia generatio terminatur ad suppositum, corpore & animâ constans; non ad corpus tantum. Si verò Minori explicationis causâ addatur hæc particula; est totius speciei secundum utramque partem ex semine propagatio; tum falsa est assumptio; Quod materiale est propagatur ex semine, ut corpus; quod immateriale, divinitus infunditur; secundum primam creationis legem. Sed *instan*; Nulla igitur erit vis benedictionis divinæ, quoad animam. *Resp.* negatur. Hæc est ejus vis, quod Deus generantibus & generationi cooperatur, & corpori ad animationem præparato jam atque disposito animam infundit. *Replicant* : At Major tamen vis & perfectio in cæteris generantibus, quàm in homine. *Resp.* Negatur. Hoc potius facit ad illius excellentiam & perfectionem; sic enim est supra materiam & dispositiones illius. Sicut enim nemo dixerit Angelum esse cane imperfectio-

rem, quia sibi similem in specie non gignit : quia Angelus est ejus conditionis, ut non nisi per creationem possit existeret : ita hic. Nulla res agit ultra suum genus. At anima rationalis excedit totum genus corporeæ naturæ, quia Spiritualis. Ergo semen nihil hic.

Gen. 2. v. 2.

II. Gen. 2. v. 2. dicitur Deus quievissse ab omni opere suo. Ergo non creat Deus amplius animas, sed generatione propagat. *Resp.* negatur sequela : quia quievit à creatione novarum specierum sive à creatione individuorum, quæ essent principia novarum specierum. At animæ, quas quotidie creat, sunt nova individua specierum ante creatarum.

Gen. 3. v. 15.

III. Gen. 3. v. 15. Semen contritutum caput serpentis est tota Christi humana natura, non corpus tantum. At illud propagatum est à muliere. Ergo. *Minor* patet : quia ideo dicitur semen mulieris, quod sit à muliere : anima autem nisi esset à muliere, non esset pars hujus seminis. *Major* probatur. **I.** quia semen continet in se unumquodque propagandum. **II.** quia corpus rationis expers nihil conducit ad contundendum serpentem. Ergo contundendus à totâ naturâ. **III.** Christus non in corpore tantum, sed etiam in animâ sensit Serpentis aculeum. Ergo utraque natura, seu potius utraque pars naturæ humanæ, est illud semen, quod contritutum erat caput Serpentis. *Resp.* *Minor* ambigua est : quæ datur de supposito, quod genitum est ex muliere : sicut semen mulieris hic est nomen suppositi, denominati licet ab altera naturâ : nim : quia generatio terminatur ad suppositum. Nam idem est quod Filius mulieris, per Metonym : materiæ. De utraque parte essentiali humanæ naturæ ex ipsâ propagatâ, est falsa. *Probatio* etiam deficit ob fallaciam causæ. Non ideo dicitur semen mulieris, quod utraque partem genuerit : sed quod eum, qui constat parte utraque. Nec sequitur, nisi anima etiam ex ipsâ propagata sit, non fore partem hujus seminis. Satis enim est quod unita cum corpore ex muliere propagato. Et est semen personæ nomen. *Major* exclusivè accepta est falsa. Semen illud non tantum est natura humana, animâ & corpore constans, sed etiam natura divina. Imò tota persona Christi Θεωσώμενος. Quia contritio Serpentis est ἀντίλεσµα officii, Christo secundum utramque naturam conveniens. Unde etiam Deo pacis tribuitur *Rom.* 16. v. 20. *Probationes* ejus partim alienæ, partim falsæ sunt. *Primò* : semen continet in se

in se unumquodque propagandum, scilicet seminali ratione. Anima verò rationalis & immaterialis non propagatur ex femine. *Secundo*: Imò contundendus serpens à totâ personâ, sed id non est in quæstione. Ad *Antecedens*: Corpus separatum non solum ab animâ, sed etiam à Deitate in hypostasi τὸ λόγος non confert quidem ad contritionem illam: at conjunctum non conferre est contra Scripturam *Heb. 9. 10.* & alibi. *Tertium* datur totum: Idem nos docemus; sed quæstionem non attingit, ut ex ante dictis patet.

Gen. 5. v. 3.

IV. *Genes. 5. v. 3.* Adam dicitur genuisse Filium ad imaginem & similitudinem suam. Ergò totius naturæ, hoc est, animæ & corporis parens erat, non corporis tantum. *Consequentia* firma est, five Imago illa de substantia, five de accidentibus & qualitatibus intelligatur. *Priore modo*; quia similitudo illa essentialis non minus animæ est, quàm corporis; nam ut brutum animal bruta, ita rationale homines rationales gignit. *Isto modo*; quia qualitatum illarum subjectum est anima. Ergò unâ cum subjecto suo propagantur. *Resp. I.* dari potest totum, rectè intellectum. Est parens totius naturæ; quia gignit suppositum, constans non solo corpore, sed etiam anima. *II.* Sensu adversariorum consequentia neganda est; Gignit sibi simile specie, id est substantiâ & accidentibus speciei propriis. Ergò gignit, procreat secundum utramque partem essentialem: *Probationes* deficiunt. Similitudo est etiam animæ, sed non procreat: Sicut nec anima Adæ: verum divinitus inditæ. Brutorum alia ratio; quorum animæ materiales sunt, quæ ex potentiâ materiæ producuntur: Secus se habet anima rationalis. Præterea potest anima esse subjectum corruptionis, quæ generando propagatur; licet ipsa non propagetur, ut infra liquebit.

Gen. 46. v. 26.

V. *Genes. 46. v. 26.* Animæ ingressæ cum Jacobo in Ægyptum, dicuntur omnes egressæ esse ex femore ipsius. Ergo animæ non minus generando propagantur, quàm corpora. *Resp.* Si hæc consequentia valet, tum animæ eodem modo generantur, quo bruta: quod nimis pecuinum. Sed negatur propter homonymiam in antecedente: quia per Synecdochen membri Hebraicam anima hic personas significant: sexaginta sex animæ, id est, totidem personæ ab ipso genitæ.

Heb. 7. v. 9.

VI. *Heb. 7. v. 9.* Levi decimatus dicitur in lumbis Abrahæ. Ergò etiam in ipso fuit secundum animam. *Ratio. I.* quia totus est deci-

decimatus. II. quia Christus non fuit decimatus in ipso, quod tantum esset in lumbis Abraham ratione corporis. Ergo Levi etiam ratione animæ. *Resp.* sequela negatur. *Probatio prima* illatione ambigua est. Totus in ipso fuit origine subsistentiæ, non substantiæ totius secundum animam & corpus. *Alter*a implicat fallaciam non causæ. Non illa causa fuit: secus Christus non foret homo ex Abrahamo & Adamo: vera causa hæc est, quod Levi fuit in Abrahamo secundum rationem seminalem, respectu patris & matris. Christus autem fuit tantum ratione matris, idque citra seminalem rationem.

Rationes obijciuntur istæ:

i. q. homo
generet si-
bi simile
specie.

Prima: Qui generat sibi simile specie & partibus essentialibus speciei, is ipsas quoque partes procreat. Homo generat sibi simile specie; gignit enim hominem; & partibus essentialibus specie, animâ & corpore, quibus non minus genitum, quam gignens constat. Ergo. *Major* probatur: I. Qui genito communicat essentiam ejusque partes essentielles, is ipsas quoque partes procreat. Hoc enim est communicare. At qui generat sibi simile, is genito communicat essentiam, ejusque partes essentielles. Hæc enim est definitio generationis. Ergo. II. Qui generat totum, omnes ejus partes procreat. Harum enim respectu totum dicitur. At qui generat sibi simile specie & partibus ejus, is generat totum. Alioquin non esset simile totâ specie, sed parte solum ejus. Ergo. III. Quod valet de generantibus imperfectioribus, id de perfectioribus multò magis verum est. At hoc valet, ut dum generant sibi simile specie, omnes partes procreent. Ergo. *Resp.* *Major* Syllogismi principalis datur de eâ generatione, in quâ omnes partes sunt generabiles. Absolutè & de quâvis generatione, etiam humanâ, negatur consequentiâ. Ad hanc enim sufficit. I. quod generans materiam fœtus suppeditat. II. suggerit aptitudines & dispositiones ad recipiendam formam, per quam homo existit. III. etiam subsistentiam genito largitur. Quia anima etsi creetur à Deo, tamen non incipit esse & subsistere, nisi in corpore benè preparato ac disposito. *Argumentum* tale est; Qui non solum corpus organicum procreat ex femine, sed etiam animam cum corpore conjungit in unam hypostasim humanam, is gignit totum hominem. *Ratio*, quia unio illa est causa proxima cujusque generationis. Atqui homo gene-

generans id præstat. Ergò. Si etiam ne bestiarum quidem animæ sunt ideo ex propagine, quasi pars aliqua animæ parentum trahatur in prolem; sed quia parentes generando disponant materiam usque ad animationem: quanto magis de hominibus id statuendum est. *Breviter*: Non valet consequentia: quia generatio non terminatur ad productionem formæ vel materiæ, sed totius compositi. *Probationes* Majorem non valdè roborant. *Non prima*: Est enim falsa propositione *minore*: quod homo generans substantiam animæ non minus quàm corporis communicat. Id enim Deo Scriptura tribuit verbis disertis *Eccles. 12. v. 9. Zach. 12. v. 1.* Communicat animæ subsistentiam, & eam cum corpore conjungit in unam hypostasim: substantiam non communicat. Definitio generationis, siquidem universaliter usurpatur de omni generatione non univocè sed analogicè intelligenda est: Est communicatio essentiæ vel simpliciter, vel secundum quid. Largitur subsistentiam animæ, non substantiam. *Non secunda*: *Major* enim falsa est ob fallaciam causæ. Non ea causa generationis totius: sed quod animam cum carne conjungit, & generatio ad productionem non partis, sed totius terminatur. *Non tertia*: quia iterum falsa est *Major* ob elenchum parium. Non enim sicut generabilis est anima vegetativa & sensitiva: ita etiam rationalis. *Ratio* disparitatis est: quia illæ sunt materiales, quæ producuntur ex potentia materiæ: hæc immaterialis, supra materiam ac dispositiones ejus.

Secunda: Si anima non propagatur per traducem, nec datur peccatum originis. Falsum consequens. Ergò & antecedens. *Consequentia* sic probatur: Cujus subjectum non propagatur per traducem, illud non propagatur. Atqui anima subjectum peccati originalis non propagatur per traducem. Ergò ipsum peccatum non propagatur. *Major* loquitur de accidente inhærentiæ, cujus esse est inesse, *Minor* claret, Quia corpus cum sit res bruta, non est capax peccati. In animâ igitur residere necesse est. *Resp.* Negatur consequentia *Propositionis*. *Ratio*, quia nec creatio animarum impedit propagationem peccati, nec tradux eam juvat; sive causam proximam, sive etiam remotam spectes. *Causa proxima* est impura generatio hominis ex homine. Si igitur homo hominem rectè dicitur gignere, etiam si non gignat animam: prout paulò antè demonstratum est. quidni etiam possit propagare peccatum. *Causa remota* non est substantia carnis aut animæ, sed judicium & iusta ordinatio Dei, quâ à Deo ita

2. q. alias non
datur pecca-
tum origi-
nis.

fuit ordinatum, ut quæ primo homini data contulerat, illa tam sibi quam posteris suis haberet simul, & perderet. Ergo undecunque sit anima, rea est & manet peccati Adæ. *Vide Calvinum lib. 2. Instit. cap. 1. Sect. 7. Ad probationem* consequentiæ trifariam respondetur. **I.** Negatur consequentia propositionis. Potest enim in animam à Deo creatam propagari peccatum: idque per conjunctionem cum carne in unam hypostasin: per quam homo fit homo, ut infra dicitur. **II.** Assumptionis primum membrum non est simpliciter verum. Non enim sola anima, sed & caro: nec sola caro vel anima, sed totus homo est subiectum peccati. Ideo peccatum dicitur habitare in carne & homine *Rom. 7. 18.* & totus homo dicitur peccator, corruptus, filius iræ; secundum totum sui. Nec obstat, quod corpus sit res bruta per se. Hic enim spectatur ex conjunctione cum animâ: quatenus est corpus hominis. Et sensualitas, quæ λογος per se, annon sentina omnium peccatorum, & sic eorum subiectum est? **III.** Alterum membrum, quod anima non propagetur per traducem quoad substantiam, datur: sed quod non trahatur ex parentibus quoad subsistentiam sive formaliter, negatur. Nam divinitus creata & iuncta corpori fit forma hominis animati: qui verè ex parentibus generatur.

2. q. sic Deus foret iniustus, & autor peccati.

Tertia: Si animæ creantur à Deo, nec per traducem propagantur, Deus iniustus est, & autor peccati. At falsum consequens: Ergo & antecedens. *Propositio* probatur. **I.** Qui animas expertes peccati Adæ punit propter peccatum ipsius, is est iniustus. Deus animas expertes peccati Adæ punit propter peccatum ipsius. *Ratio:* quia in ipso non fuerunt, cum creentur à Deo: atque ita nec peccarunt. Ergo. **II.** Deus aut sanctas, puras animas creat, aut non. Si prius, est autor peccati; ut qui eas indit corpori impuro, à quo polluantur. Si alterum, rursus est autor peccati. Quia indit eis impuritatem: quæ certè peccatum est. *Resp. Consequentiam* inficiamur, abominamur. *Probatio prima* falsa est assumptio. *Ratio* ejus laborat fallaciâ divisionis. Dividit enim animam à corpore, & compositum separat. Non anima seorsim, nec corpus seorsim, sed homo constans animâ & corpore peccavit in Adamo: ut dicitur *Rom. 5. v. 12. 1. Cor. 15. v. 22.* Ergo etiam, nec anima seorsim, nec corpus seorsim fuit in Adamo, sed compositum. Nec obstat quod creentur animæ à Deo: creantur enim in corporibus, & hypostaticè uniuntur cum eis, ut ex animâ

animâ & corpore fiat homo : & sic homo hominem gignat *Aliqua* utroque membro inconsequens est. *Priore*, cujus antecedens tamen non approbamus, duplici de causâ I. quia conjungit animam impuro corpori, ut perfecta sit humana natura : id quod majoris momenti est, propter ordinem universi, & propter Christum; quam quod labe peccati ex conjunctione cum corpore inficitur. II. quia conjungit in pœnam peccati Adæ : cujus omnes in ipso rei facti sunt. *Posteriore* : quia multum differunt non puras creari & impuras creari : sicut differunt opposita privativè & contrariè. Non puras creat, qui creat absque puritate originali, & ea orbatas. Impuras creat, qui creat cum impuritate, quæ creando inditur. Quomodo impuritas autem in eam propagetur, infra dicitur.

Quarta : Qui nascuntur similes parentibus, non solum qualitatibus corporis, sed etiam affectionibus animæ bonis vel malis, eorum animæ sunt ex traduce. *Ratio* : quia sicut per traducem corporis trahunt qualitates, sic per traducem animæ affectiones bonas vel malas. Atqui liberi ita similes nascuntur parentibus. Ergò. *Resp. I.* Hoc argumentum particulariter solum concludunt : Quidam liberi : Secus esset Minor falsa. At sic non juvatur tradux : cum omnium animarum idem sit ortus, eadem origo. Si animæ per traducem propagarentur, Filii semper similes omnino essent parentibus : Atqui non sunt. Ergò. II. negatur consequentia propter fallaciam causæ. Causa non est, quia animas à parentum animabus tractas accipiant : sed quia corpora ejusdem temperamenti cum parentibus accipiunt. Ex diversâ enim corporum humorumque temperie, diversæ quoque in animis nostris propensiones & affectiones nascuntur : prout experientia & historia testantur.

4. q. liberi nascuntur similes parentibus affectionibus animæ.

PROBLEMA VIGESIMUM QUARTUM.

Quomodo labi potuerit homo integer ?

Videri posset quæstio hæc superflua magis, quàm necessaria. Cum enim constet lapsum hominem de integritate in peccatum, quid attinet quærere, an vel quomodo potuerit labi? Sed hic non eventus attenditur, verum causa illius inquitur, cum homo

Causa lapsus hominis integer.

fuerit integer. Integritas est causa corrumpens, impediens lapsum. Quomodo ergo integer lapsus est? Et sunt quidem, qui propterea inclinationem ad peccandum homini integro tribuunt, quos supra *Probl. XX.* confutavimus.

Non est iustitia originalis.

Responsio autem hæc est: *Integritas, iustitia originalis* quæ cum conditus fuit Adam, *non est causa lapsus & peccati ipsius.* Contrariorum enim unum non causatur alterum. Et quamdiu fuit integer, lapsus non est: simul ac lapsus est, desuit esse integer. Causa verò lapsus fuit mutabilitas hominis integri: sed non per se, sed per accidens.

Mutabilitas hominis integri quæ.

Mutabilitas fuit mutabilis hominis integri conditio ex creatione, quæ sic erat iustus, bonus, ut fieri posset iniustus & malus. Nec enim iustitia originalis fuit impotentia peccandi, ut non posset homo peccare: sed potentia non peccandi, ut posset non peccare, si nollet peccare: planè sicut immortalitas ipsis erat non impotentia moriendi, sed potentia non moriendi, si nollet peccare. Mutabilitas hæc etiam dici solet *mutabilis voluntas* hominis: quæ ita volebat bonum, ut etiam posset appetere malum, specie boni oblatum: item *liberum arbitrium*, quo ita adhærebat Deo, ut tamen liberè se avertere à Deo, & Diabolo obtemperare posset.

Probatur.

Hæc mutabilitas hominis colligitur I. ex eventu: Homo mutatus fuit per defectionem & lapsum à Deo *Gen. 3.* Ergo erat mutabilis antè. II. à modo agendi: Deus egit cum homine præceptis, interdictis, promissionibus, comminationibus *Gen. 1. 2. cap.* Ergo: nec enim cum iis, qui immutabiliter boni, ita procedit. Sic in alterâ vitâ. III. à pari, vel etiam à majori; Angeli, qui tamen majores hominibus *Psal. 8. v. 6.* mutabiles fuerunt: unde Christus Diabolum in veritate non perstitisse *Ioh. 8. v. 44.* & Petrus Angelos quosdam peccasse 2. *Epist. 2. v. 4.* testatur. Ergo.

Est causa peccati non per se.

Ea dici non potest causa per se lapsus & peccati Ada. I. quia fuit conditio concreata homini integro à Deo. Ergo fuit bona: quia omnia valde bona *Gen. 1. v. 31.* Intelligimus autem hic bonum naturæ. Et à Deo nil nisi bonum. II. quia etiam fuit in angelis electis ante confirmationem ipsorum in statu integritatis. Ergo non causa per se. Secus non minus ipsi, quàm cæteri Angeli lapsi fuissent.

Sed per accidens.

Est verò causa per accidens; sive mutabilitatem ipsam, tanquam conditionem naturæ primævæ, sive protoplastum Adamum attendas.

tendas. *Priore modo* : quia Bonum est causa mali sive peccati per accidens, non per se : sicut unum oppositum non gignit alterum. Mutabilitas est bonum naturæ sive conditionis. Ergò. *Posteriore* : Qui præter intentionem ac animi propositum lapsus est in peccatum & mortem, est causa per accidens, non per se. Patet ex definitione causæ per accidens. Adamus integer, sed mutabiliter, præter intentionem ac animi propositum lapsus est in peccatum & mortem. *Ratio* : quia non spectavit transgressionem præcepti divini, & defectionem à Deo ; sed bonum illud quod huic malo iudicabat esse adjunctum ex persuasionem Satanæ ; cognitionem scilicet boni & mali, & æqualitatem cum Deo. Ergò.

Mutabilitas igitur est causa peccati, quatenus homo mutabiliter bonus, objectâ imagine falsi boni à vero bono descivit, & se suoque præcipitavit in malum. Ita distinguendum est inter *actum mutabilitatis*, qui fuit inclinatio ad malum, lege Dei damnata, & omnis peccati fons : & *mutabilitatem*, quæ est conditio creaturæ conveniens, & potentia indifferens ad bonum & malum, quâ poterat perseverare in bono, vel etiam ab eo deficere ; sive potentia disponibilis quidem ad malum, at non disposita.

PROBLEMA VIGESIMUM QUINTUM.

Quomodo & quo fine lapsum hominis integri Deus permiserit ?

Sed qui Providentiam Dei planè excludunt à lapsu hominis ; sed contra Scripturam & naturam Dei. Si enim nec passer. nec pilus capitis in terram cadit sine voluntate Patris nostri ; *Matth.* 10. v. 29. 30. multo minus incio ipso, aut invito, in peccatum & mortem lapsus est Adam, & cum eo totum genus humanum ; Et certè cum omniscius sit Deus, prævidit utique ipsius lapsum, cum omnipotens, impedire eum potuisset, siquidem voluisset ; Quia verò noluit impedire ; utique voluit permittere & evenire ; idque propter certam causam, & quidem secundum æternum consilium voluntatis suæ ; qui omnia agit ex illo consilio *Eph.* 1. v. 11. Est igitur Providentia Dei etiam de hominis lapsu.

Econtra sunt alii, qui curiosè magis quàm religiosè abdita

Providentia
Dei à lapsu
hominis non
est exclu-
denda.

neque ri-
manda.

omnia hujus providentiæ hîc rimari & pervelligare satagunt: quod non probandum aut imitandum. Sunt enim judicia Dei abyssus, imperscrutabilia & impervestigabilia. *Psal.* 36. v. 7. & *Rom.* 11. v. 33. 34. Et quæ occulta, Deo nostro occulta sunt. *Deut.* 29. v. 29. Nos ergo ne κατ' ἐπεβολὴν vel κατὰ ἡμᾶς peccemus, modum tenebimus: nec quod verbo Dei non revelatum, aut non necessarium promemus.

Membra problematis duo sunt: Unum de Modo; alterum de Finē.

Modus permissionis.
Deus non impulit ad peccandum.

Modum κατ' ἀντίθεσιν declaramus.

Negative:

I. Deus non impulit Adamum integrum ad peccandum.
1. Quia Deus severè interdixit hoc peccatum *Genes.* 2. v. 17.
11. quia Moses describens accuratè omnes ejus causas, nullam Dei mentionem facit, nisi in pœna *Genes.* 3. cap. 111. *Eccles.* 7. v. 29. *Deus condidit hominem rectum: ipsi autem* proprio scilicet motu, suadente & instigante satanâ, *quæserunt rationes plurimas.* Atque huc faciunt omnia argumenta, quibus ostendi solet, Deum non esse autorem peccati.

Non subtraxit gratiam peccato adversantem.

II. Nec subtraxit ipsi gratiam peccato adversantem. 1. quia illa secuta est in pœnam peccati: ut quæ est privatio Imaginis Dei propter peccatum *Gen* 3. & 5. Ergo peccatum non præcessit.
11. quia secus impulisset hominem ad peccandum: veluti cum subductis columnis domus necessario corruit. Atqui nonnulli *ajunt* hominem etiam ante lapsum desertum à Deo, & subtractam ei gratiam. *Resp.* Hi defectionis & subtractionis vocabula accipiunt κατὰ χεῖρας: non ut denotent privationem Imaginis Dei, sed dilationem novæ, sive succedaneæ specialis gratiæ: qua homo vellet perseverare & vincere tentationes satanæ. Ideo vocant defectionem non pœnæ, quæ demum locum habet patrato peccato, sed explorationis.

Non cooperatus est peccato.

III. Nec ullo modo peccato ipsius cooperatus est. Cooperatus quidem fuit actioni, quâ talis *Act.* 17. v. 28. Erat enim bonum naturæ; sed non vitiositati ipsius, sive quatenus veniebat contra legem, tum quia peccatum repugnat naturæ Dei, *Psal.* 5. v. 5. *Jacob.* 1. v. 14. tum quia Adamus culpam peccati non in Deum, sed in Evam, & hæc in serpentem transtulit, nunquam id omisurus, siquidem Deum adiutorem & cooperarium peccati sui habuisset.

Affir.

Affirmativè.

sed

I. Deus non contulit Adamo adiutorium novæ ac specialis gratiæ, nec juvit ipsum extraordinario auxilio ut vellet perseverare, constanter resistere tentationibus satanæ: sicuti poterat. *Paret ex eventu.* Nam si contulisset, utique perseverasset: non minus quàm sancti Angeli. Nec tamen sic confors peccati ipsius efficitur. r. quia non fuit debitor homini. nec obligatus ad præstandum novum auxilium. II. quia viribus necessariis ipsum instruxerat, & de voluntate sua erudierat per legem.

non contulit
adiutorium
specialis gra-
tia.

Non impedi-
vit satanæ
tentatio-
nem.

II. Nec impedivit vel satanam, quo minus tentaret Adamum; vel hunc, quo minus satanæ tentanti obtemperaret; sed tentationem & lapsum hominis permisit. Et hæc plana sunt ex eventu. Si non permisisset, impedivisset: ut *Genes. 20. v. 6.* Atqui non impedivit: nam evenit. Ergò. Utor *permissionis* vocabulo sensu Scripturæ *Act. 14. v. 16.* prout de aliis quoque peccatis intelligitur. Sed quomodo permisit. I. Non invitus; quis enim cogeret eum? sed volens; quia permissio est actus voluntatis; sed volens non peccatum, id est, approbans illud; sed permissionem illius. Ita dicitur aliquando, Adamum Deo volente peccasse; sicut I. *Pet. 4. v. 19. 11.* Secundum formulam æterni decreti, quo decrevit permittere peccatum *Act. 15. v. 18.* Ita dicitur Deum decrevisse lapsum Adæ, scilicet permittere; item esse necessarium, necessitate consequentiæ. propter præscientiam infallibilem, & decretum permissionis immutabile.

III. Ordinavit & direxit lapsum ad fines illos, quos æterno suo consilio præfinierat. Non loquor de fine peccati permitti, qui nullus est propriè & per se; sed de fine permissionis divinæ. Deus est sapientissimus & optimus; qui nihil vult sine certo, eoque optimo fine. Ergò & permissionem peccati Adæ voluit certi & boni finis gratia; & ad finem illum, lapsum ejus, ordinavit, direxit & convertit; planè sicut scriptum est *Genes. 50. v. 20.* *Vos quidem cogitaveratis contra me malum; sed Deus cogitavit illud in bonum convertere; ut faceret, sicut est die hoc, conservando in vitâ populum multum.* Quo sensu ajunt nonnulli, Hominem Dei ordinatione lapsum esse.

Ordinavit
ad fines à se
præfinitos.

Fines per-
missionis.
Non ut inte-
gra esset li-
bertas arbi-
trii humani.

Fines ergò ordine subjiçiemus, quatenus quidem idem patefcunt.

Non est autem ille finis, quem *Novatores* commenti sunt, ut integra ac plena esset libertas arbitrii humani, cui Deus nullam

vim

vim inferre voluerit. 1. Poterat enim Deus sine imminutione libertatis humanæ cohibere satanam, ne tentaret hominem; & hominem vel præmonere, ne crederet satanæ: vel instruere novo auxilio, ut tentantem superaret. 11. Injuriæ sunt in Deum, quali nihil sublimius spectarit in hoc negotio: & à Scriptura redarguuntur *Rom. 1. v. 32. Gal. 3. v. 22.* ut jam dicitur.

Alii autem sunt *fines*, tam proximi quam remoti, quos quoad Hominem ipsum, & Deum distinguimus

Respectu
hominis.

Respectu hominis. Finis *proximus* fuit manifestatio infirmitatis creaturæ, quam nihil possit, si in rectitudine originali à creatore non servaretur, juxta illud *Ioh. 15. v. 5.* Finis *remotus* fuit major felicitas & perfectior salus hominis in Adamo secundo Christo Jesu: ut est *Rom. 5. v. 14. 17. 18. & 1. Cor. 15. v. 22.*

Respectu
Dei.

Respectu Dei. Finis *proximus* est pulchritudo universi, quæ ex hac permissione exsurgit: atque in eo consistit, ut in mundo tanquam in magnâ domo essent omnis generis vasa, alia ad honorem, alia ad dedecus ordinata: ut loquitur Apostolus. *2. Tim. 2. v. 20. & ex ipso August. lib. 3. de Lib. Arb. cap. 9.* Finis *remotus* est patefactio gloriæ Dei, inprimis verò illustratio misericordiæ ipsius in salute Electorum propter Christum, & justitiæ in damnatione Reprobatorum propter peccatum. De utroque conjunctim est *Rom. 9. v. 20. & seq. 2. Tim. 2. v. 20.* De priore autem sejunctim est *Rom. 11. v. 32. Gal. 3. v. 22.*

Contra hunc finem, qui facile est præcipuus, obijcitur.

Primo: Deus non opus habet homine peccatore. *Eccles. 17. v. 12.* non eget hominum sceleribus. Ergò. nec permittit illa ad illustrationem gloriæ suæ. *Resp.* Si ita est, jam aut non permittit illa, aut non permittit certo fine: quorum utrumque absurdum. Sed. 1. negatur sequela: Etiam non eget homine: Ergò non condidit hominem ad gloriam suam. *Est nullius rei indigus,* inquit Apostolus *Act. 17. v. 25.* Ergò nec ullam rem fecit. 11. Antecedens ambigüe dicitur. Non opus habet homine peccatore ad sui perfectionem: est enim in se perfectissimus; nec absolutâ aliquâ necessitate, quasi ex absolutâ suâ potentiâ & sapientiâ aliter agere non potuisset. Habuit tamen opus ex hypothese consilii sui. Quia enim liberâ voluntate statuit misericordiam declarare in salvatione miserorum, & justitiam in damnatione peccatorum, utique oportuit permittere lapsum per quem perveniret, quo vellet.

Permissio
peccati qua-
tenus faciat
ad illustra-
tionem glo-
riæ Dei.

Alias

Aliàs non potuisset, non propter defectum potentiz, sed ob conditionem rerum, & conditionis illius defectum. Implicaretur enim contradictio.

Secundo; Æquè claruisset bonitas & iustitia Dei in Ecclesiâ, si nunquam lapsus fuisset homo, quàm nunc postquam lapsus est. *Bonitas*; quia à sanctis & bonis æternùm cultus fuisset; idque tum modo puriore, tum constantiâ maiore, quàm nunc colitur. *Iustitia*, quia ea abunde illustrata fuisset in damnatione ipsorum Angelorum, qui jam tunc conciderant, atque à Deo feveriter multabantur. Ergò lapsum non permisit ad illustrationem misericordiæ & iustitiæ suæ. *Resp. I. negatur consequentia.* Si maximè æquè claruisset, tamen non ita multifariam & tam diversis modis claruisset. Jam verò Deus etiam diversitatem spectavit ad laudem sapientiæ suæ, teste Apostolo *Eph. 3. v. 10. II. Antecedens falsum* est & contra Scripturam, quæ profundas divitias in iis ponit: nobis, imò ipsis Angelis, imperscrutabiles & impervestigabiles. *Rom. 9. & 11, capp, Eph. 3. v. 10. I. Pet. 1. v. 12.* Gloria misericordiæ & iustitiæ non perceptibilis luce naturæ multo illustrior est, quàm quæ est perceptibilis. *Probationis prius membrum* partim alienum, partim falsum est. *Alienum*; quod ex cultu claruerit; imo potillimum ex bonitate Dei, quam ipse præstat hominibus. *Falsum* 1. quia quo plura & maiora beneficia præstat generi humano, hoc illustrior fit ipsius gratia & misericordia *Iob. 1. v. 16. Rom. 8. v. 29. 30. 11.* quod purius & constantius cultus fuisset. Liberi non minus mutabiles fuissent, quàm parentes. Ergò. Sic illustrior cognitio, & major dilectio pro beneficiis pluribus. Vide *Luc. 7.* in parabola mulieris peccatricis, quæ diligebat multum, quia multa peccata ei fuerant remissa. *Alterum membrum* 1. negatur; quia tantum illustrata fuisset in genere Angelorum; non item in genere hominum. In primis autem non ostendisset eam in Christo; quod maximè illustre iustitiæ divinæ exemplum *Rom. 3. v. 25. 26. 11.* etiam pro nobis facit. Angelorum lapsum permisit ad illustrationem iustitiæ suæ. Quidni ergò & hominum permiserit? Sed *Instant* pro membro priore; Si quid aucta fuit Dei gloria per lapsum, considerare oporteret, quanta Deo propterea perficienda fuerint; nam mittere oportuit filium suum; exinanire eum, ut fieret vermis; ut gloria ex redemptione hominis magno illi emta sit *Resp.* Ita sanè est. Sed eo modo misericordiam suam nobis

Bonitas &
Iustitia Dei
illustriores
sunt ex lapsu
hominum.

magis commendavit, ut fieret illustrior, quod pro nobis est. *Vide Job. 3. v. 16. Rom. 5. v. 8.*

Tertio : *Rom. 3. v. 8.* Non sunt facienda mala, ut eveniant bona. Ergo Deus lapsum hominis non permisit ad illustrationem gloriæ suæ. *Resp.* Negatur sequela. Id tantum sequitur: Non effecisse Deum lapsum hominis ad suam gloriam: quod verum est. *Instant* : etiam non sunt permittenda mala ut eveniant bona. *Resp.* Datur de creaturis, siquidem possunt ea impedire. Debent enim illud Deo & proximo. De Deo negatur, & est contra Scripturam *Gen. 50. v. 20.* *Ratio* est I. quia non tenetur impedire, cum nulli obligetur: II. quia potest mala in bona convertere, ut probet bonitatem, misericordiam, & iustitiam suam. Sic ergo bonum est, non malum, mala permittere. De quo præclare Augustinus *lib. de corrept. & gratia cap. 10.* *Scivit Deus magis ad suam omnipotentissimam bonitatem pertinere, etiam de malis bona facere, quam mala esse non sinere.*

Quarto : Non est Deus more hominum gloriæ cupidus, nec finit alios venire in discrimen, ut laudem ex eorum liberatione consequatur: sicut Nero, teste Tacito *lib. 15. Annalium*, Urbis Romæ incendium procuravit, ut gloriam ex novâ urbe conditâ aucuparetur. Ergo nec permisit lapsum hominis ad illustrationem gloriæ suæ. *Resp.* Antecedens habet fallaciam plurium interrogationum. Verum est Deum non esse hominum more laudis avidum, qui illicitis mediis eam quærunt; etiam sibi non convenientem: quia I. nec sibi indebitam aut non convenientem, II. nec injusto modo, aut illicitis mediis appetit. Verum item non cogitare aut facere mala. Sed non omnia facere ad suam gloriam; impios propter eam excitare, vocare in discrimen iusto iudicio, est contra Scripturam *Proverb. 16. v. 4. Rom. 9. v. 17. 20. 21. 22. Exod. 9. v. 16. cap. 14. v. 4.* *Ratio* est: Qui est primus efficiens, est etiam ultimus finis, & A quo & per quem sunt omnia, etiam propter eundem sunt omnia *Rom. 11. v. 36.* Ideo adoranda hæc Dei iudicia, non perscrutanda: ut est *vers. 33.*

Mala non permittenda, ut eveniant bona, quatenus intelligendum.

Deus omnia facit ad suam gloriam, & quatenus.

PROBLEMA VIGESIMUM SEXTUM.

Utrum peccatum originale sit mera privatio, an etiam positiva qualitas?

Dogma est *Pelagii*, ex peccato *Adæ* nullam corruptam qualitatē, id est, vitium vel malitiam nullam derivatam in posterios. In quo consentiunt plerique Doctores *Scholastici* & *Pontificii*, quatenus corruptionem naturæ solā amissione doni supernaturalis sine ullius malæ qualitatis accessu definiunt. *Vide Bellarm;* lib. de *Grat*: *primi hominis* cap. 5.

Heterodoxis
Orig: peccatum
est mera
privatio.

Hinc nata quæstio de naturâ peccati originalis, quam priusquam expediamus, distinguemus & explicabimus terminos subjecti & prædicati.

Primò. *Peccatum originale* spectatur atque definitur bifariam; *Concretivè* & *abstractivè*: illo modo dicitur inclinatio naturæ corruptæ pugnans cum lege. *Isto* est pravitas sive corruptio naturæ nobiscum nata.

Peccatum
orig. quotu-
pliciter su-
matur.

Deinde; *positiva qualitas* trifariam distinguitur, in *Ethicam*, *Physicam* & *Logicam*. *Ethicè* positiva qualitas est qualitas moraliter bona. *Physicè* est qualitas naturalis, à creatione vel naturâ existens per se. *Logicè* est qualitas affirmata, inhærens subjecto, bona vel mala; ut cum ita aliquid negatur inesse subjecto, ut affirmetur inesse ejus contrarium.

Quotuplici-
ter etiam Po-
sitiva quali-
tas.

His præmissis respondeo duabus propositionibus.

Peccatum
Orig. con-
cretivè est
qualitas po-
sitiva Phy-
sica, non
prava.

Prima: *Peccatum originale concretivè sumitur est qualitas positiva Physica, subjecti respectu; at non prava qualitas*. Vocabula concretiva duo significant; subjectum & formam. In peccato originali, *subjectum* sunt vires & facultates animæ & corporis; *Forma* est pravitas, vitiositas inhærens subjecto. Hoc subjectum certè est qualitas Physica creata à Deo. Ergo est qualitas positiva. Sed non est prava qualitas; cum ad bonâ naturæ & naturalem hominis perfectionem pertineat. Ergo bona.

Secunda: *Peccatum originale abstractivè sumitur est qualitas positiva Logica, sed prava, mala: non autem nuda ac mera privatio*. Privationem esse non negamus. Est enim defectus, sive carentia justitiæ originalis debitæ inesse, prout vulgo definitur ex *Anshel-*

Peccatum O-
rig. abstracti-
vè est quali-
tas positiva
Logica, sed
prava.

Non mera
privatio.

Probatur.

mo. Et ita Scriptura nonnunquam privativè de eo loquitur: Rom. 3. v. 23. *Omnes peccaverunt ac deficiuntur gloria Dei* cap 7. v. 18. *ut quod bonum est efficiam, non assequor.* 1. Cor. 2. v. 14. *Animalis homo non est capax eorum quæ sunt Spiritus Dei: nec potest ea cognoscere.* 2. Cor. 3. v. 5. *Non sumus idonei ex nobis ad cogitandum quicquam, scilicet boni: Sed negatur esse mera & simplex privatio.*

*Rationes sunt: I. à dictis Scripturæ: Genes. 6. v. 5. & cap. 8. v. 21. Omne figmentum ac cogitationes cordis humani tantummodo malum est omni tempore, à pueritia ipsius. Jerem. 17. v. 9. Fraudulentum cor ipsum supra omnia, & mortiferum est. Rom. 7. v. 5. Quam essemus in carne affectus peccatorum per legem existentes vigeant in membris nostris, ad fructum ferendum morti. & v. 23. cerno aliam legem in membris meis, belligerantem adversus legem mentis meæ, & captivum me reddentem legi peccati, quæ est in membris meis. Eph. 2. v. 3. Conversi sumus olim in cupiditatibus carnis nostræ, facientes quæ carni ac cogitationibus libebant, eramusque natura filii iræ. II. Tenebræ, stulticia & sapientia carnis in mente; malitia ac pravitas in voluntate; in affectibus impuritas multiplex sunt positivæ qualitates pravæ. Atqui hæc sunt peccatum originale & partes ejus. Ergo. Major patet ex definitione. Minor constat dictis Scripturæ Eph. 5. v. 8. *Eratis olim tenebræ.* 1. Cor. 2. v. 14. *Quæ sunt Spiritus Dei, sunt ei, homini animali, stultitia.* Rom. 8. v. 7. *Quod sapit caro inimicitia est adversus Deum; Legi enim Deo non subjicitur, nam ne potest quidem.* Gen. 6. v. 5. Eph. 2. v. 3. *Tu. 3. v. 3. Eramus quondam & nos amemes, rebelles, errantes, servientes cupiditatibus ac voluptatibus variis &c.* III. Vitia virtutibus non privativè solum opponuntur, sed etiam contrariè. Peccatum originale est vitium naturæ Eph. 2. v. 3. Ergo. Hujus oppositionis illustre exemplum habetur Gen. 5. v. 3. *Adam genuit filium ad similitudinem suam, ad imaginem suam.* Ubi imago Adæ non solum notat privationem imaginis Dei, sed etiam quandam contrariam qualitatem imagini huic oppositam, & homini impressam. IV. Qualis effectus, talis est causa, à quâ dependet. Effectus peccati originalis sunt non solum privativi, sed etiam positivi: non tantum peccata omissionis, verum etiam commissionis. Vide Mat. 15. v. 19. Rom. 3. v. 10. 11. & seq. Gal. 5. v. 19. 20. 21. Coloss. 3. v. 5. 6. Ergo tale est ipsum Originale peccatum. V. A similibus: Languor & morbus corporis non tantum est absentia sanitatis, sed etiam mala corporis dispositio, quæ dolorem parit; Elephantiasis,*

alis, lepra non tantum privatio puri sanguinis, sed etiam ejus corruptio; curvitas non solum privatio recti, sed etiam positio curvi. Ergo peccatum originale etiam non tantum est privatio rectitudinis, verum etiam positiva corruptio. *Ratio*: quia cum his in Scripturâ comparari solet.

Objicitur:

Primò: Positiva qualitas habet causam positivam. Peccatum originale non habet causam positivam. Ergo. *Resp.* Minor falsa est: quia Logicè loquendo causa positiva est Homini arbitrium, liberè se avertens à Deo: ut docet Scriptura *Rom. 5. v. 12. 1. Tim. 2. v. 14.*

Secundò: Multi Theologi Orthodoxi asserunt, peccatum originale esse privationem, item non nisi privationem. Negant igitur esse positivam qualitatem. *Resp.* Privatio dupliciter accipitur, est *pura negationis*, quæ tantum privat, non autem malè disponit: ut quies est nuda & simplex privatio motus: Est etiam *prava dispositionis*, quæ subjectum malè disponit & vitiat; ut morbus. Talem intelligunt privationem, sed illa positivam qualitatem complectitur.

Objectiones.

1. q. Peccatum Orig: non habeat causam positivam.

2. q. quidam Theologi peccatum Orig: vocant privationem.

PROBLEMA VIGESIMUM SEPTIMUM.

Quomodo peccatum originale transeat à parentibus in liberos?

PROBLEMA arduum cognitum, difficile explicatur: in quo summa se ingenia exercuerunt. *Augustinus* quidem in explicatione ejus nunquam sibi potuit satisfacere. Unde *epist. 29. ad Hieronymum*: suadet, potius dispiciendum quomodo ab eo malo per Christum liberemur, quàm quomodo id ab Adamo traxerimus, disputandum. Et adducit simile ab eo, qui in puteum prolapsus non sollicitus est quomodo istuc inciderit, sed quomodo istinc evadere queat. Nec ergo à nostrâ tenuitate expectabitis, quod omnibus satisfaciatur, omnes scrupulos tollat. Interim quæ ex verbo Dei & Orthodoxorum Theologorum dissertationibus de eo habentur, *ὡς ἐν τῷ πρῶ* proponam.

Problematis hujus difficultas.

Principio illud tenendum est, peccatum originale non eodem modo

Peccatum Orig: sumitur.

Strictius.

modo considerari, sed vel strictius vel latius. *Strictius* accipiunt, qui illud de hæreditariâ naturæ nostræ corruptione interpretantur, quæ quidem cum in privatione iustitiæ originalis, tum in contrario iniustitiæ habint consistit: ut *Bucerus*, *Calvinus*, *Bullingerus*.

Latius.

Latius.

Latius, qui cum hæreditariâ naturæ corruptione conjungunt obedientiam sive transgressionem Adæ, nobis tanquam naturalibus ipsius hæredibus iustissimè imputatam: ut *Philippus*, *Vrsinus*, *Zanchinus*.

Posteriore modo hic accipitur.

Hoc modo hic spectatur, & à nobis consideratur: propterea quod multo & planior & facilior redditur quæstionis explicatio. Etenim non pars solum, sed totum peccatum secundum omnes partes sumitur: Nec effectum seorsim, sed una cum sua causa coniungitur. Et sic *peccatum Originale* vocatur tum quia omnes homines in Adamo, tanquam in suâ origine, peccarunt: quo respectu nonnulli vocant peccatum *Originans*: tum quia quisque ex vitiosâ origine concipitur & nascitur in peccatis, Filius iræ naturæ Eph. 2. v. 3.

Peccatum Originale unde dicitur.

Modus derivationis est Imputatio peccati Adæ & Impura Generatio.

His ita præmissis, *Madum*, quo peccatum originale à parentibus transit in liberos, geminum esse asserimus, *Imputationem* transgressionis Adæ & impuram naturæ nostræ *Generationem*. Quod *sejunctim* in utriusque modi explicatione patefcet. *Conjunctim* autem demonstratur argumento ex contrariis: Quomodo communicatur Christi iustitia & vita, eo modo propagatur peccatum & mors, At iustitia & vita ipsius communicantur imputatione & regeneratione. Ergo. Sunt quidem duo hi modi inter se connexi & planè inseparabiles: distincti tamen ut antecedens & consequens, ut causa & effectum. Ideo enim corruptio naturæ ab Adamo in nos derivatur, quia in ipso peccavimus, & rei facti sumus. De utroque igitur seorsim agemus.

DE PRIORE.

Imputatio peccati Adæ quid.

Imputatio transgressionis Adæ est, quod Deus omnibus naturalibus hæredibus ipsius imputat ipsius peccatum, propter illud ipsos peccatores censet ac reputat; haud secus, quam si in suâ quisque personâ illud patrasset. Alii vocant *Reatum* ab effectu consequenti, quia propter illam transgressionem omnes rei sunt coram Deo. Apostolus *Rom. 5. v. 16.* nominat *reum*, *iudicium*, reatum intelligens per metonym; adjuncti: nam iudicium Deo occurrat in reatu ei qui peccavit imputando.

Ergo

Ergo illud quod imputatur est peccatum Adæ: non quodvis peccatum aut multiplex: Sed *unum* illud & primum peccatum, quod admisit comedendo de fructu arboris vetitæ *Gen. 2. vers. 17.* est peccati primi.
 Ideo Apostolus non solum loquitur de eo numero singulari, sed etiam emphaticè & κατὰ διάκρισιν ἐν πάσι τοῖς ἀνθρώποις *unum* lapsus nominat *Rom. 5. v. 16. 18.* Deinde transit hoc peccatum ab Adamo in posteros *per imputationem*: non actu. Nam actu non fuimus in Adamo, sed *divinè*, originaliter in lumbis ipsius: nec peccavimus ad similitudinem transgressionis Adæ, id est actualiter: denique filii à parentibus non trahunt actus parentum. Quomodo igitur? Culpâ & reatu. Culpâ, quatenus ea nobis est cum ipso communis *Rom. 5. v. 12. reatu*, quatenus propter culpam unâ cum ipso rei facti sumus *1. Cor. 15. v. 22.* Imputatio.

Hic modus demonstratur:

I. ex disputatione Apostolica *Rom. 5. v. 12. & seqq. imprimis v. 17. 18. 19.* 1. ex disputatione Apostoli *Rom. 5. v. 12. seq. & v. 17. 18. 19.*
 Quî cum actu in Adamo non essent, in Adamo tamen peccarunt, illis peccatum Adami imputatur. Atqui omnes homines cum actu in Adamo non essent, in Adamo tamen peccarunt *vers. 12. & 14.* Ergo. *Rursum*: Per cujus unam offensam mors regnavit, & reatus ad condemnationem venit in omnes homines, ejus una illa offensa omnibus hominibus imputatur. At per unam unius Adami offensam mors regnavit & reatus ad condemnationem venit in omnes homines *vers. 17. 18.* Ergo. *Ad hac*: Qui per contumaciam Adami sunt constituti peccatores, iis peccatum Adami imputatur: Atqui omnes homines per contumaciam Adami sunt constituti peccatores *vers. 19.* Ergo. *Denique*: Quomodo justitia & obedientia Christi redundat ad justificationem in omnes eos qui Christi sunt, eodem modo reatus, offensa, & contumacia Adami redundat ad condemnationem in omnes eos qui Adami sunt: Atqui per imputationem redundat justitia & obedientia Christi ad justificationem in omnes eos qui Christi sunt *vers. 17. 18. 19.* Ergo.

II. à proprio effectu: Qui in Adamo mortui, sive mortis rei facti sunt, iis peccatum ipsius imputatur. *Ratio*: quia stipendium peccati est mors *Rom. 6. v. 23.* Atqui omnes naturales ipsius hæredes *1. Cor. 15. v. 22.* Ergo.

Hic verò tria veniunt expedienda, quæ moveri solent circa imputationem. I. Quæ sit causa hujus imputationis? II. Cur hoc

hoc peccatum Adæ magis imputetur, quam reliqua? III. An non pugnet hæc imputatio & cum dicto Dei, *Ezech. 18. v. 4. anima qua peccavit ipsa morietur.* & cum Facto ipsius, quo propria peccata nobis remittit: Ergò aliena non imputat?

Imputatio-
nis causa
propinqua.

*Ad primum: Causa duplex est. Vna propinqua, altera remota. Illa est, quod Adam peccavit non ut persona privata & singularis, sed ut caput, fons, origo, & principium universale totius generis humani. Sicut igitur cum homo manu homicidium, aut aliud scelus patrat, ipse totus & omnia ejus membra rea sunt. Ita hic, quod Adamus peccavit ceu caput & principium Genus humani, ejus totum genus humanum, & omnia ejus individua, naturaliter ab istoc principio progenita, rea sunt. Et peccatum ipsius non censendum personale, ipsius proprium: sed universale, nobis cum ipso commune. Hanc causam exponit Apostolus Rom. 5. v. 12. 3. Cor. 15. v. 22. In quo omnes peccavimus, scilicet ut membra in capite, surculi in radice. Et quia Christus patiens, moriens pro nobis, non passus aut mortuus est ut privata persona, sed ut sponsor universalis, qui omnium peccata in se receperat. 2. Cor. 5. v. 15. Ergò etiam Adamus peccans peccavit ut persona universalis, repræsentans omnes posteros suos. Ideo enim confertur cum Christo Rom. 5. 1. Cor. 15. Ex hac causâ intelligitur, cur proximorum parentum peccata, non æque imputentur: nim. quia sunt peccata personalia, & ipsi peccantes personæ privatæ, quæ sibi tantum peccant. Ista est Ordinatio Dei, quâ iusto Judicio, nobis imperscrutabili, constituerat, ut dona in creatione accepta Adam sibi & posteris simul vel servaret, vel perderet. Planè sicut de fundo fit, quo ob rebellionem liberi cum parentibus multantur. Probatur Lex comminatione Gen. 2. v. 17. Nam ad quos interdictum, ad illos etiam comminatio pertinet. At interdictum etiam ad posteros extenditur: neque enim ipsis magis licuisset edere de fructu arboris vitæ, quàm primis parentibus: & eorum non minus erat exploranda obedientia, quam primorum parentum. Ergò. II. ex Rom. 5. v. 16. ubi vocatur *ἡ ἁμαρτία*; at illud Dei est, ordinantis, ut una offensa imputaretur omnibus hominibus ad condemnationem: & quidem iustissimè, nam ipsius iudicium est secundum veritatem Rom. 2. v. 2. III. ex Rom. 11. v. 32. Conclufit Deus omnes illos*

Cur proximo-
rum pa-
rentum pec-
cata non im-
putentur li-
beris.

Remota.

illos in inobedientiam: dum omnes voluit constitui peccatores per unius contumaciam. *Rom. 5. v. 19.*

Ad secundum: Causa cur hoc peccatum Adæ magis imputetur quam reliqua, hæc est, quia hoc peccato solo violatum fuit fœdus, quod Deus cum ipso tanquam autore generis humani contraxerat. Fuit rebellio universalis adversus Deum, & totalis apostasia sive defectio ab ipso, tum ipsius Adæ, tum universæ posteritatis in ipso *Rom. 5. v. 12.* Reliqua peccata fuerunt tum particularia, tum hujus effecta, Sicut igitur in perduellionis crimine non tam spectari solent reliqua delicta, quam illud quo primum factus est rebellis; licet cætera gravent: ita hic quoque evenit. Sed præter hanc causam est alia sublimior in Judicio Dei, quam indicat Apostolus *Rom. 5. v. 16. ἡ ἑμὴ* id est, reatus ex judicio Dei. Illud hic adorandum, non curiosè scrutandum est.

Cur hoc peccatum magis imputetur, quam cætera.

Ad tertiam: Negatur utrumque: nec enim ulla est repugnantia. Dictum *Ezechielis* impertinenter allegatur. I. loquitur de peccatis Patrum, quorum peccata sunt personalia, & qui peccando non sustinent personas Filiorum; quod evidens est ex verbis Prophetæ v. 20. At Adæ dispar ratio est. II. Quia Filii intelliguntur infantes, qui ipsi non participant peccata Patrum, nec eodem cum ipsis reatu tenentur. At nullus insons quoad Adamum, in quo omnes peccarunt & moriuntur *Roma. 5. v. 12. 1. Cor. 15. v. 22.* *Deinde:* cum imputat Deus peccatum Adæ, non tam imputat alienum; quam quod cujusque proprium est. Omnes eramus in Adamo. Omnes ergo etiam peccavimus in ipso. Igitur peccatum Adæ ut nostrum, nobis imputat; & ut nostrum nobis remittit; licet à nobis non in nostrâ persona: sed in Adamo, tanquam primâ origine, admissum fuerit.

Vindicatur dictum *Ezech. 18. v. 4.*

Peccatum Adæ, quod nobis imputatur, non est alienum.

DE POSTERIORE.

Alter modus est *Impura Generatio*, quâ ex corruptis & peccatoribus corrupti, peccatores nascuntur. Hic modus spectat inherentem nobis pravitatem, quod absque justitiâ in injustitiâ concipimur, nascimur. Sicut enim ex parente leproso. Elephantico, talis Filius nascitur; ita hic quoque corruptus corruptum gignit.

Impura Generatio.

Probatur.

Veritas ejus evidens est multis, iisque illustribus, Scripturæ testimoniis :

Job. 14. v. 5. *Quis edat mundum ex immundo* : scilicet semine : ne unus quidem.

Psal. 51. v. 7. *En in iniquitate formatus sum, & in peccato formata mater mea.*

Esa. 48. v. 8. *Defectorem ab utero vocavi te.*

Joh. 3. v. 6. *Quod genitum est ex carne, caro est.*

Accedit quoque Ratio secundum Scripturam.

1. Quia cum naturâ propagatur.

I. Quod cum naturâ propagatur, per generationem propagatur. Ratio quia natura humana non aliter communicatur. Peccatum Originale cum naturâ propagatur. *Ephes. 2. vers. 3.* Ergò.

2. Quia seminali ratione propagatur.

II. Quod seminali ratione propagatur, per generationem propagatur : Est enim ex semine. Peccatum Originale seminali ratione propagatur *Job. 14. v. 5. Quis edat mundum ex immundo* : scilicet semine. Gignuntur homines ex sanguine, *Job. 1. v. 13.* ex semine corruptibili *1. Petr. 1. v. 23.* Ergò.

Causa impura generationis. Proxima.

Causa hujus propagationis per generationem similiter est duplex : Proxima est Natura & conditio omnium generantium, qui gignunt sibi simile specie, quoad substantiam & accidentia speciei. Jam verò peccatum est accidens toti speciei humanæ commune post lapsum Adæ. Ergò. Ita Adamus actuali transgressionem amisit Imaginem Dei, & naturam suam vitiavit : naturam vitiatam transfudit in sobolem : sicut dicitur *Genes. 5. v. 3. Adam genuit filium ad similitudinem suam, ad imaginem suam.* Remota est Lex generationis à Deo posita homini non minus post lapsum, *Genes. 9. v. 1.* quam ante eum *cap. 1. v. 28. 29.* Sicut ergò ante lapsum voluit propagari naturam integram ; ita post lapsum naturam corruptam, in pœnam peccati.

Remota.

Propagatio peccati per generationem.

Hic modus evidens est, & generatim sufficit ad traductionem peccati originalis. Homines peccarunt in Adamo, & ex ipso propagantur. Ergò propagantur peccatores. Hactenus etiam consensus est inter eos, qui agnoscunt & profitentur contra Pelagianos, peccatum illud non imitatione contrahi, sed generatione propagari. Sed in specialiore explicatione magna est difficultas & discrepantia ex eo maxime, quomodo peccatum generetur in corpore, quod est res bruta ; quomodo i-

tem anima polluat, cum & creetur à Deo, nec infici possit contactu corporeo.

Ex quibus triceis ut commodius nos expediamus, fundamen-
tiloto subterno hoc *principium*. Eundem esse ordinem propaga-
tionis peccati humani, qui est naturæ humanæ. Ratio est, quia
est vitium naturæ, idque totius, animæ & corpore constantis:
est accidens prævum, inhærens subiecto & partibus ejus: sicut
malum adjacens nominatur *Rom. 7. v. 21.* Hinc subsumo: At-
qui propagatio naturæ humanæ in singulis individuis, quæ gene-
rantur, est successiva, quæ non uno momento, sed certo tem-
pore certisque gradibus perficitur. Talis igitur etiam est propa-
gatio peccati.

Est successi-
va.

Hinc jam tres *gradus* constituo propagationis peccati: qui
naturæ propagationi respondent: *Primus* est in conceptione &
generatione corporis: *Secundus* est in creatione animæ rationalis:
Tertius est in animatione & constitutione totius compositi,
per unionem personalem animæ & corporis: *Quartum* gradum
in nativitate non addo: quia Genitum jam ante nativitatem
completum est, nec quicquam per nativitatem ei accedit, nisi
quod in lucem editur & mutat locum. Ergo nec peccatum ori-
ginale completur, quod est hominis perfecti animæ & corpo-
re.

Gradus ejus
sunt. 3.

Primus gradus est in conceptu & generatione corporis ex femi-
ne. Corpus non concipitur, gignitur ex semine puro, integro, sed
impuro, corrupto, vitioso. Ergo tale est. Nam qualis materia, tale
est etiam ipsum materiaturum *Probat. I. dictis. Job. 14. v. 5. Quis*
edat mundum ex immundo, scilicet semine. *1. Pet. 1. v. 23. Regenti*
non ex semine corruptibili, ex quo scilicet primum nati estis, *sed*
in corruptibili. Joh. 1. v. 13. Qui non ex sanguine, neque ex libidine
carnis, neque ex libidine viri (quæ naturalis est generatio) *sed ex*
Deo geniti sunt. Psal. 51. v. 7. In iniquitate formatus sum, & in pec-
cato forvit me mater mea. Atque hinc manavit appellatio *carnis*, ut
homo corruptus dicatur *caro. Joh. 3. v. 6. Quod genitum est ex car-*
ne, caro est. II. Ratione, à temperamento corporis quod ho-
mines sequuntur. Nam experimento compertum est sanguineos
esse hilares & libidinosos; cholericos temerarios & iracundos;
melancholicos suspicaces, tenaces odii: phlegmaticos bardos,
voluptuarios. Si nulla labe in corpore ex semine, tum non alii

I. In conce-
ptione cor-
poris.

Probat. I.

aliis vitiis dediti essent, pro temperie corporis. Atqui sunt. Ergò.

In conce-
ptione est in
corpore in-
choativè &
materialiter.

Sed *Modus*, quomodo sit & propagetur in corpore, explicandus est. Statuimus ergò *esse & inharere in corpore* inde à primordio conceptionis, prout secundum ordinem naturæ inharere potest; nim. *inchoativè, dispositivè, & materialiter*, tanquam in materiali animæ domicilio, sed mox in eandem, cum animâ hypostasim coalituro. Siquidem fomes hujus peccati hauritur in ipsâ conceptione, & fœtui mediantibus spiritibus vitalibus & animalibus inprimitur; non secus ac liberi ex parentibus haurire solent non ipsos quidem actu morbos, ut podagram, calculum, sed impressiones quasdam & dispositiones, quæ sunt certa principia illorum morborum. Nam qui est ordo propagationis naturæ, idem quoque est peccati; quod est vitium naturæ *Eph. 2. v. 3.* At illius hic est ordo, ut primo propagetur corpus, quod ex semine concipitur: & quod non est homo, sed principium & materia hominis; diciturque homo sive natura humana materialiter & inchoativè; est enim determinata materia ad determinatam formam. Ergò.

Obijciunt.

Contra hunc modum *objiciuntur* nonnulla.

1. Corpus
non esse ca-
pax peccati,
quia brutum.

I. Corpus, cum sit res bruta, non est capax peccati originalis; non magis, quàm justitiæ originalis; quia privatio & habitus sunt in eodem subjecto. Ergò non potest in eo esse aut habere peccatum à primordio conceptionis. *Resp. ad Antecedem:* corpus hominis bifariam consideratur, vel ante, vel post animationem. *Ante* non est in eo peccatum consummatè & perfectè; sic enim hominis tantum est; sed est inchoativè & imperfectè, tanquam in radice; ut ante dictum. *Post* non esse falsum est, & contra Apostolum Roman. 6. v. 12. *Ne regnes peccatum in mortali vestro corpore.* Et sensualitas annon est corporis? quis verò asserat in eâ non esse peccatum, in quâ furiosè & licenter nimis dominatur. *Ratio* à privantibus eodem modo est explicanda. Inchoativè Justitia Originalis fuit in corpore Adæ ante animationem; quia determinatum fuit ad animam originaliter justam, ut materia ad formam; consummatè in toto, atque etiam in corpore; quod fuit sanctum domicilium, & purum organum animæ.

2. Peccatum
orig: esse in
animâ juxta
Scripturam.

II Scriptura collocat peccatum originale in animâ *Gen. 6.*

v. 5. Cap. 8. v. 21. Ier. 17. v. 9. Matth. 15. v. 19. & alibi. Ergò in illâ, non in corpore hæret. *Resp.* negatur sequela: collocat in eâ I. quia est principale subjectum peccati. II. quia perficitur & consummatur in animâ: non secus quam generatio hominis perficitur per animationem. Sed quod tantum ponat in animâ, falsum est. Collocat principaliter, non exclusivè. *Vide Rom. 6. & 7. capp.*

III. Si in corpore, sive in fœtu etiam ante animationem, peccatum est, sequitur fœtus; siquidem arte vel casu excutiat, excitandum & judicandum esse ultimo illo die. *Ratio:* quia Dei Justitia punit omne peccatum, nisi fiat remissio. Consequens absurdum. Ergò. *Resp.* negatur *consequentia*. Quia peccati propriè & formaliter sic dicti subjectum est homo. At immaturus & informis ille fœtus non fuit homò. Ergò nec peccator propriè: & sic non excitandus, nedum judicandus. Inchoativè & dispositivè quidem peccatum fuit in mafsâ illâ, sive materiâ, ut dictum est: tamen cum forma quæ dat esse rei, non advenerit, à materiâ solâ, sive potentia nunquam in actum deductâ, nec peccator, nec homo appellari potest; non magis quàm semen genitale viri, nondum infusum utero mulieris, licet prolem contineat virtute, non tamen rectè dicitur proles. Et observandum hoc loco, quæstionem de peccato propriè non tractari à Theologo, nisi respectu hominis perfecti & completum esse adepti: ex quo est subjectum *δικτυο*, culpæ & pœnæ propriè dictæ. Talis autem est, cum materia & forma uniuntur in unum suppositum. Quod si forma casu aliquo impediatur, quominus informet materiam, hoc nihil ad Theologum, non magis quàm ad vitam futuram.

3. Fœtum ante animationem excussum fore judicandum die ultimo.

Secundus gradus est in creatione animæ spiritualis, rationalis & immortalis ex nihilo. De quâ duæ sunt sententiæ. Theologorum. *Vna* eorum, qui animam volunt creari cum Justitiâ Originali: sed mox eâ privari, in pœnam peccati Adæ; quæ Scholasticorum est, itemque Zanchii. *Altera* eorum, qui dicunt creari privatam illâ justitiâ in pœnam ejusdem peccati; estque Calvini, Ursini, & aliorum. Quæ quidem probabilior, imò verior nobis videtur. *Rationes* sunt: I. quia omnes peccarunt in Adamo & mortui sunt. *Rom. 5. v. 12. 1. Cor. 15. v. 22.* Ergò meruerunt illam privationem. II. quia Imago Dei & justitia origi-

II. In creatione animæ

Quæ creatur privata justitiâ originali.

nalis non restituitur post lapsum, nisi per regenerationem Spiritus Sancti *Iob. 1. v. 13. Cap. 3. v. 6.* Ergo non per creationem; nec omnibus; cum Spiritus Sanctus non sit omnium *Iob. 14. vers. 17.*
III. quia si creentur puræ integræ, erunt naturâ justæ: deinde fiunt injustæ. At non est justus vel unus *Rom. 3. v. 10.* Omnes filii iræ naturâ *Eph. 2. v. 3.* Ergo.

Obijciunt.

Obijcitur contra.

1. Sic Deum fore autorem peccati.

I. Si Deus creat animas absque justitiâ originali erit autor peccati. *Resp.* negatur. 1. quia non dicimus creari injustas, non puras positivè & contrariè, quasi infundat eis impuritatem & injustitiam: sed non justas, non puras privativè, hoc est, absque justitiâ & puritate originali; quæ erat hominis integri. 11. quia privat eas primævâ justitiâ in pœnam peccati. *Instam.* etiam privatio justitiæ & carentia ejus est peccatum. *Resp.* est, respectu subiecti patientis, quod caret justitiâ inesse debitâ: non causæ agentis, id est, Dei privantis: quia privat in pœnam peccati. Unde *reus* appellatur *Rom. 5. v. 16.*

2. privationem arguere eos ante habuisse.

II. Privatio præsupponit habitum: Illi privati sunt justitiâ. Ergo habuerunt. *Resp.* 1. habuerunt in Adamo, tanquam principio & capite totius naturæ. 11. ad *Majorem*: subintellige habitum, qui vel infuerit, vel inesse debuerit, secundum legem creatoris. Et sic datur totum. Debuit inesse: sed absfuit culpâ ipsorum.

3. creari ergo animas in puris naturalibus.

III. Si animæ creantur absque justitiâ, sive eâ privatæ, & tamen non injustæ creantur: creantur in puris naturalibus, id est, nec justæ, nec injustæ. Falsum consequens secundum Theologos Orthodoxos. Ergo. *Resp.* negatur sequela. I. quia creantur non simpliciter expertes justitiæ; sed expertes, privatæ, in pœnam peccati Adæ. Ergo privantur ut peccatores, per imputationem. II. quia eo momento, quo creantur & uniuntur cum corpore, corrumpuntur & depravantur: ut post dicetur.

4. non fuisse animas in Adamo, neque propter ejus peccatum justitiâ originari privari posse.

IV. Qui non fuerunt in Adamo, etiam non privantur justitiâ propter ipsius peccatum. Animæ non fuerunt in ipso, quia creantur. Ergo. *Resp.* in *Majore* admittitur fallacia à dicto secundum quid. Non fuerunt in ipso quoad essentiæ originem, ut corpus: fuerunt autem quoad originem subsistentiæ: quatenus scilicet conjungendæ erant cum corporibus, quæ procul dubio ex Adamo propagantur, & constituturæ homines, qui animâ & corpore constant.

stant. Evita non trahuntur ex Adamo animæ materialiter, quia non generantur: trahuntur autem formaliter, quatenus anima divinitus creata in corpore & iuncta corpori fit forma hominis animati; qui ex Adamo generatur, & ab ipso descendit ratione totius.

Atque hic est secundus gradus propagationis peccati, quod anima dum creatur à Deo, non ornatur iustitiâ originali, sed eâ iustissimè privatur. Ubi se habet Deus ut creator absolutè, & ut iudex relatè. *Creator*; quia per omnipotentiam suam ex nihilo creat animas. *Iudex*; quia secundum iustitiam eas punit privatione iustitiæ originalis.

Deus in hoc gradu quomodo se habeat.

Tertius gradus est in animatione corporis per animam, sive in unione corporis cum animâ in unam personam humanam: quo gradu peccatum Originale perficitur & consummatur. Qui enim ordo est propagationis naturæ, idem quoque est peccati: ut supra dictum. Atqui is est, ut natura humana perficiatur & consummetur per animationem sive unionem. Ergò & peccatum. Hinc peccatum ubique ferè dicitur esse hominis: & homo proprium & adæquatum peccati subjectum statuitur. Sic igitur Homo post animationem peccator est I. non amplius inchoativè, sed consummatè: quia est homo perfectus. II. non privativè solum, sed etiam positivè: quia etiam impurus, injustus. III. nec tantum materialiter, respectu corporis, sed formaliter, quoad animam. Hic verò gemina, & quidem difficilis *questio* emergit; *Vna*; Quomodo peccatum è potentiâ seminis corrupti transeat in actum; ut sit actu peccatum originale? *Alterà*: Quomodo in animam orbatam originali rectitudine propagetur peccatum positivè, id est, positiva qualitas prava?

III. in animatione corporis.

Atque tum

Homo est peccator perfectè.

De primâ; Bifariam dicitur aliquid transire in actum è potentiâ seminis; I. cum ipsa forma transit, quæ latebat in potentiâ materiæ, qualis est forma plantarum; brutorum, materialis. II. cum materia determinata ad formam, & ad eam accipiendam præparata, eum recipit, & cum eâ unitur ad constitutionem totius, *Priore* modo non transit: *Ratio*; quia peccatum propriè & consummatè non est corporis, quâ corpus; sed quâ corpus hominis. *Posteriore* modo transit; quia recipiendo formam (animam) homo fit homo; & corpus, corpus hominis. Quomodo homo inchoatione, fit homo actu & perfectè, eodem modo

Quomodo & quando peccatum transeat è potentiâ in actum?

modo peccatum inchoatione, fit peccatum actu & perfectè. Atqui tum cum anima unitur corpori disposito organico, homo inchoatione fit homo actu & perfectè. Ergò.

Quomodo
peccatum
propagetur
positive in
animam?

De alterâ: Peccatum originale positivè consideratum à corpore hominis propagatur in animam. Quia anima infusa corpori & ei personaliter unita corrumpitur & peccato inquinatur: veluti cum liquor purus infusus in vas impurum inquinatur, & depravatur. *Sincerum est nisi vas, quodcumque infundis aceſcit*: ut inquit Horatius. Quæ omnia ut plenius cognoscantur & constent certius, quatuor agemus. I. Ostendemus, nihil esse absurdum statuerè infici animam hominis à corpore ejus. II. Modum explicabimus. III. Causas ejus investigabimus. IV. etiam objectiones refutabimus.

Animæ inficiuntur à corpore hominis.

De Primo: Animam infici non à corpore simpliciter, sed à corpore hominis, probatur, I. Luc. 21. v. 34. *Cavete vobis ne quando graventur corda vestra crapulâ & ebrietate, & sollicitudinibus hujus vite*. Corda nostra gravari possunt crapulâ, ebrietate & curis hujus vitæ. Ergò & animus à corpore vitiato gravari, obliquus & distortus reddi potest. II. Sap. 9. v. 15. *Corpus corruptum aggravat animam, & terrenum domicilium plenam curarum mentem depimit*. Ergò. III. Scriptura & experientia testantur *omniumque* esse inter animam & corpus; ut sicut corpus ab animâ afficitur, sic vicissim anima à corpore. Ergò nihil mirum si etiam fiat infectio. IV. Animæ affectiones sequuntur temperamentum corporis, ejusque naturam; nempe naturaliter. Ergò conjuncta corpori corrupto ab eo corruptionem trahit.

Infectio fit

De Secundo: Ad modum planius declarandum duo præsuppono ex antedictis. *Vnum* est, quod anima sit orbata justitiâ & rectitudine originali, ut corpus regere, sibi que subjectum retinere non possit. *Alterum*: quod tale corpus, ceu naturale domicilium nanciscatur, quod est corruptum & depravatum: Hinc fit ut ipsa quoque inficiatur & depravetur. Accidit autem illa corruptio: *non per contactum Physicum*, qualis est liquoris in vase: est enim anima naturæ spiritualis: *nec per actionem aliquam corporis in animam*, quâ corpus agendo, anima patiendo paulatim depravetur: est enim peccatum originale naturæ non actionis: *sed per conjunctionem utriusque in unam Hypostasin*, in unum suppositum, quâ anima & corpus se intimè & arctissimè complectuntur & afficiunt:

Non per contactum physicum. Nec per actionem corporis. Sed per conjunctionem animæ & corporis in unam personam.

per

per quam corpus fit proprium & personale domicilium animæ, & organum actionum ipsius omnium.

De Tercio: Causa hujus corruptionis non tam in naturâ hominis, sive in substantiâ animæ & corporis, quàm in justâ Dei ordinatione quærenda est: (*August*: lib. 5. *adversus Iulianum* cap. 3. Iusticiam divinæ Legis, *Bernhardus* Judicium vocat) quâ homini constanti animâ & corpore 1. imputat transgressionem Adæ: 11. in pœnam illius etiam corruptionem & contagionem naturæ derivari finit. De qua re *Calvinus* lib. 2. *Instit.* cap. 1. *sect.* 7. & in *Comment*: in *Genesin* 3. v. 6. Et rursum lib. 3. *Instit.* cap. 23. *sect.* 7. ubi decretum horribile, sed justum vocat.

Causa est

Iusta Dei ordinatio.

Obijciunt.

De Quarto: Contra obijciuntur nonnulla.

I. Res bruta non agit in Spiritum. Corpus est res bruta, anima Spiritus. Ergò. *Resp.* I. dari posset totum, si de Physicâ & naturali actione intelligatur: Corpus enim non agit in Spiritum immediate & Physicè. II. Quia hîc ordinationem Dei spectamus, *Major* etiam falsa est. Nam corpora cœlestia, licet mediâtè per corpus, tamen in animas etiam agunt.

1. Rem brutam, corpus, non posse agere in spiritum, animam.

II. In Adamo vitium prius fuit in animâ, quàm in carne, & ab illâ in hanc dimanavit. Ergò eodem ordine in nobis existit. *Resp.* negatur sequela: quia est ordo contrarius. Nam in ipso actio infecit naturam: hîc natura actionem. Et alius ordo fuit in vitii operatione, quæ à libero arbitrio cœpit: alius in vitii generatione, quæ à carne incipit.

2. in Adamo peccatum prius fuisse in animâ quàm in corpore.

III. Si animæ corrumpuntur per conjunctionem cum corpore corrupto, Deus conjungens erit autor peccati. Consequens blasphemum. Ergò. *Resp.* negatur sequela. Est autor conjunctionis, tanquam operis sui; non autem peccati, tanquam vitii corporis alieni. *Ratio* est quia animam corpori conjungit ad conservationem & propagationem speciei: animam privatam iustitiâ & corpus corruptum conjungit in pœnam peccati.

3. Deum conjungentem fore autorem peccati.

PROBLEMA VIGESIMUM OCTAVUM.

An doctrina de Providentiâ Dei inducat Fatum Stoicum?

Occasio & necessitas tractandi hujus problematis est ex calumniis tum Pontificiorum, tum Lutheranorum; qui perpetuò

R

nostris

nostris objectant Parcarum tabulas, & Stoicam omnium rerum atque eventuum necessitatem.

Fatum unde. *Fati* vocabulum est Latinum origine à *fando* sive loquendo deductum: ut *fatum* idem sit quod *dictum* seu *decretum* à Deo: Teste Augustino lib. 5. de Civit. Dei cap. 9. & Varrone de Lingua Lat. lib. 5. Ad quem significatum alludit Lucanus lib. 9. non vocibus illis, Numen eget, dixitque semel nascentibus autor Quicquid scire licet. Græci *fatum* vocant ἐμαρμένον καὶ τὸ πεπερωμένον: quasi dicas ordinatum & determinatum à Deo: à verbo μείρω divido, distribuo, sortior: & περατώω termino, finio, unde participium præteriti passivi πεπερατωμένον, & κατὰ συγκοπὴν πεπωμένον determinatum, definitur.

Quadruplex est.

Stoicum Fatum appellatur κατὰ Ἀρχαίων, ut ab aliis fatis, quæ præter Stoicos alii docuerunt, distinguatur. Cujusmodi ex variis autoribus, quatuor præcipuè collegit & observavit Joh. Picus Mirandulæ comes lib. 4. contra Astrologos cap. 4.

Fatum Physicum.

Primum est Fatum Physicum ordo ac series causarum naturalium ad effectus suos definitarum, quarum necessitas est naturalis. *Principium* hujus fati est Natura seu vis ac modus agendi, quem Deus in creatione corporibus cœlestibus, elementis, & rebus mixtis attribuit: ut Solis & Lunæ motus fato efficiunt statas vices temporum: ignis fato calefacit, aqua fato humectat. *Effectus* ejus sunt omnes illi eventus, qui à causis naturalibus per se pendent. *Opponuntur* autem ei, quæ à voluntate humanâ procedunt bona vel mala: aut etiam casu fiunt.

Fatum Mathematicum.

Secundum est Fatum Mathematicum, quod etiam *Chaldaeorum* & *Genethliacorum* fatum vocatur: & est necessitas rerum ac eventuum, quæ ex cœli ac syderum positi sive constellationibus oritur: qui positus non modo elementis & mixtis corporibus, verum etiam voluntatibus humanis & rebus fortuitis necessitatem agendi & eveniendi hoc uno modo, quo agunt & eveniunt, imponat. Ita *Fati* vocabulum passim usurpat Manilius: ut certum est & inevitabile fatum; Materiaque datum est cogi, sed cogere stellis: item Fata tibi leges vitæque necisque dederunt. Hoc fatum *fatuum* appellat Augustinus Et verè pugnat cum Scripturâ, Naturâ rerum, & experientiâ universali.

Fatum Stoicum.

Tertium est Fatum Stoicum, quod Cicero lib. de Divinat. definit esse ordinem seriemque causarum, cum causa causæ nexa rem ex se

le gignit;eamque esse ex omni æternitate fluentem veritatem sempiternam. Vel juxta Chrysippum ut est apud Gellium lib. 6. cap. 2. est naturalis quidam ordo & connexio omnium rerum ab æterno; aliis ad alias consequentibus, & immutabili manente hujuscemodi complicatione. Huic fato etiam Deum ipsum subjiciunt. Nam juxta hanc Stoicorum opinionem, ut ait Poëta,

*Ipse parens rerum
Finxit in æternum causas, quâ cuncta coërcet
Se quoque lege tenens, & secula jussâ ferentem
Fatorum immoto divisit limite mundum*

Hanc seriem causarum æternam & immutabilem Poëtæ μοῖρα, id est. *Tarcarum* imagine expresserunt, De hoc Fato propriè hoc loco.

Quartum est *Fatum Christianum*, estque pendens à divino consilio series ordoque causarum: ut Picus definit, vel ut alii; Est pendens à divinâ providentiâ causarum series, per quas illa effectus suos producit. Ita dicitur Romanos fato adeptos esse Monarchiam: item fatales esse pœnas scelerum. Hoc modo alii Providentiam idem esse dicunt quod Fatum: quidam ab eo distinguunt: Idque quadrifariam I. *Subjeto*: quia Providentia est in Deo, Fatum in causis secundis. II. *Ordine*: quia Fatum à providentiâ pendet, & in illam reducitur; non contra. III. *Objeto*: Providentiæ omnia subsunt: Fato non item; ut ea, quæ immediatè à Deo fiunt. IV. *Adjunctis*: quia Providentia est æterna: Fatum temporarium, & ad ejus executionem pertinens.

Fatum Christianum.

Quid differat à Providentiâ.

Hoc loco non de quarti, primi aut secundi, sed tertii generis Fato agitur.

Responsio ad propositum Problema est *Negativa*; Nim: Doctrinam Ecclesiarum Reformatarum de Providentiâ Dei nullo modo inducere Fatum Stoicum: utpote quocum nec Nomine, neque Re convenit.

Doctrina orthodoxa de Providentia non inducit Fatum Stoicum. Differunt enim, Nomine.

Nomine non convenire planum est. Aliud Providentia, aliud Fatum origine & significatione. Sunt quidem qui promiscuè vocabula illa usurpant, etiam inter Theologos. Sed causæ sunt graves cur à *Fati* voce abstinendum censeam. I. quia Ethnicâ superstitione & impietate contaminata, & à Stoicis nonnisi

Fati voce abstinendum.

profano sensu usurpata est. Si igitur Deus dici noluit Baal, quod hæc appellatio communicatione cum idolis profanata fuisset *Hes.* 2. v. 16. 17. Certè Providentia ipsius non debet dici Fatum. II. Quia non est vox idonea ad significandam providentiam, sive decretum, sive executionem spectes: Fatum est dictum proprie. At neutrum est dictum seu effatum, Non decretum, neque enim est λόγος θεοφεινός, non executio decreti, quia verbum Dei tantum species est Gubernationis externæ, adeoque pro complexu Gubernationis improprie accipitur. III. quia longe melius, significantius, & usitatus est vocabulum Providentiæ: quod sufficit. IV. quia Fati nomen opportunius est adversariorum calumniis: qui cum nomine etiam ipsam doctrinam nos recepisse criminantur. Jam ab omni specie mali abstinendum 1. *Theff.* 5. v. 22.

Re: juxta
Antithesin
Fati Stoici
& Provi-
dentia Dei.

1.

2.

3.

4.

5.

Re autem etiam multo minus convenit: quod *Antithesis* sive collatio *Providentiæ Christianæ* & *Fati Stoici* docebit. Membra præcipua antitheseos sex statuimus; licet constitui possent plura. *Primum*: *Fatum Stoicum* est extra Deum in caussis ipsis, earumque serie. *Providentia Dei* est in ipso Deo, tanquam æternam ejus consilium de rerum omnium conservatione & gubernatione. *Secundum*; *Fatum* Deum ipsum ad ordinem causarum seu rerum à se conditarum ita alligat, ut aliter agere non possit, quam ut causæ secundæ naturales & voluntariæ feruntur. *Providentia* non alligat, sed esse agens liberrimum ostendit, qui liberrimo consilio ordinem in caussis secundis institutum tueatur, eumque vel mutare, vel moderari, vel impedire, vel tollere possit *Psal.* 115. v. 3. Huc pertinent miracula; quæ vel præter, vel supra, vel contra naturæ ordinem fiunt. *Tertium*; *Fatum* seriem causarum earumque connexionem naturalem facit, quasi naturâ ita fuerint conjunctæ, & nunc cohæreant. *Providentia* docet eas liberrimo ac sapientissimo Dei consilio conjunctas esse, & ab illo semper pendere hanc conjunctionem atque seriem *Iac.* 4. v. 13. 14. 15. 1. *Cor.* 4. v. 19. *Quartum*: *Fatum* seriem illam connexionemque causarum æternam facit. *Providentia* temporalem esse docet, prout sunt ipsæ causæ. *Æterno* quidem consilio Dei præcognita & prædefinita fuit hæc series: tamen reipsa in tempore facta fuit & fit: cum reapse causæ ad aliquem effectum conjunguntur & concurrunt. *Quintum*: *Fatum* fingit omnes causas esse naturales & definitas, non autem concedit esse quoddam indefi-

definitas, liberās, & contingentes: imò voluntatem humanam cum causis naturalibus & objectis ita connectit, ut necessario uno eodemque modo semper agat, etiam in externis actionibus moralibus & motu locali. Contra *Providentia* docet, causas secundas alias esse definitas, alias indefinitas: alias naturales & necessarias, alias liberās & contingentes. Ubi obiter illud notandum est *Chrysippum* & alios quosdam Stoicos immotam illam necessitatem actionum & voluntatum humanarum minimè probasse. Siquidem eas in potestate & arbitrio hominis esse docuerunt, nec voluntarios animorum motus connexionem illā causarum tolli senserunt. Etsi enim objectis & causis externis animi hominum moventur: tamen hæ non sunt principales aut perfectæ & totales causæ actionum humanarum: sed hos libera voluntas hominis potissimum regit, ut iis obsequi vel resistere possit. *Sextum*: *Fatum* de fatali & absolutâ necessitate omnium actionum & motuum fingit Deum esse causam efficacem & autorem omnium scelerum & flagitiorum, quæ à Diabolis & hominibus patrantur. *Providentia* peccatum non à Deo, sed à Diaboli & Hominis voluntate ortum esse docet. Ex quibus omnibus liquidò apparet, Diabolicam esse calumniam; quod nostra doctrina Providentiam Dei in *Fatum* Stoicum convertat.

Sed *objiciuntur* pro palliandâ calumniâ duo potissimum.

Prius: Qui inevitabilem ordinem ac seriem causarum ad eundem effectum concurrentium fingunt, inducunt *Fatum* Stoicum. At vos id facitis. Ergò. *Resp.* Quidni & ipsa Scriptura, quæ hujusmodi seriem nobis proponit *Hof.* 2. v. 21: 22. & alibi. Sed in *Majore* est fallacia à dicto secundum quid: Qui faciunt seriem illam eo modo quo Stoici: at sic minor est putida calumnia: *Illis* series est naturalis, à naturâ ipsâ: *nobis* ab autore naturæ, Deo: *Illis* æterna; *nobis* temporaria, prout sunt ipsæ causæ: *Illis* inevitabilis, etiam quoad Deum, qui non potuerit mutare illam seriem: *nobis* contra quoad Deum variabilis, cujus beneplacito & regimini subiacet.

Alterum: Qui omnia inevitabili necessitate evenire docent, inducunt *Fatum* Stoicum. At vos id docetis. Ergò. *Resp.* Hic iterum Scriptura petitur; quæ necessitatem illam innumeris locis asserit. Sed dicimus, ut prius; Qui ita docent, ut Stoici. Sed *ita Minor* falsa est. *Illis* ex absolutâ necessitate, *nos* ex hypotheti-

Chrysippus
Voluntatem
humanam
nexu illo
causarum
tollit negavit.

Inevitabilis
series causarum
ad eundem effectum
concurrentium
non inducit
Fatum Stoicum.

Inevitabilis
necessitas eventuum
non inducit
Fatum Stoicum.

câ decreti divini *Illi* necessitatem ex ipsis causis secundis tantum. Nos à Deo qui etiam causis secundis definitis Leges posuit. Denique in hac re duo spectanda. I. causæ ipsæ secundæ, II. *qum* ac ordo earum ad Providentiam. Causæ sunt vel definitæ vel indefinitæ. Ex ordine autem illo est necessitas: de quâ hic.

PROBLEMA VIGESIMUM NONUM.

Quis sit concursus Providentiæ Divinæ & voluntatis humanæ?

Philosophorum discrepantes de hoc concursu sententiæ.

HOc Problema è Scholis Philosophorum manavit in Theologiam. *Philosophi* diversum omnino & multum discrepans de eo habuere iudicium. *Epicurei* sicut providentiam divinam omnino negarunt, ita voluntatem humanam gubernationi divinæ subesse nullo modo concesserunt. *Platonici* & *Aristotelici* saniores in reliquis quidem omnibus agnoverunt Providentiam, ejusque concursum: at actiones singulares humanæ voluntatis ab eâ exemerunt; quas *ἐφ' ἡμῶν*, id est, in nostrâ tantum potestate esse contendebant. *Stoici* contra universa & singula rectè quidem divinæ gubernationi subiciebant, sed rursus in alterum extremum peccabant; quod tollerent discrimen causarum necessariò & contingenter agentium, & omnia inevitabili fato, & causarum indissolubili nexu evenire asseriebant.

Theologorum de eodem iudicia.

Ab his Philosophis ad *Theologos* propagata est controversia. Primò *Pelagiani* & *Semipelagiani* sententiam Aristotelicorum sive Peripateticorum amplexi, Deo circa actiones voluntatis nullum concursum aut gubernationem sed nudam præscientiam tribuerunt: eo diversi à Philosophis. Secundò *Scholastici* sententiam eandem in crustarunt, sed diversimodè explicarunt. *Durandus* sentit, non requiri concursum Providentiæ divinæ ad actiones, sed satis esse, si Deus naturas rerum, earumque virtutes conservet. Quod absurdum est. Quomodo enim Deus ad actiones non concurrat, si ad virtutes concurrat: cum influxus ad actiones nullus sit nisi ex influxu virtutis. *Scotus* docet, concursum Dei non determinare voluntates, nec aliquid in eas imprimere: sed

imme-

immediatè influere in effectum eumque producere, eo ipso momento cum à voluntate nostrâ producitur: ut cum duo equi trahunt currum, quorum neuter per se sufficeret. Sed & hoc est contra scripturam: quæ dicit non influere in facta, sed in corda. Et Sancti non actiones solum & eventus, sed ipsa corda divinitus regipetunt. Thomas docet, cooperationem divinam concurrere non solum cum actionibus sed etiam voluntatibus, utpote quas variè moveat & flectat, salvâ earum libertate. Hæc sententia omninò vera est, sed rectè & plenius explicanda.

Quod ut distinctius fiat, quatuor ordine expediemus & exsequemur; I. Dari concursum aliquem Providentiæ divinæ & voluntatis humanæ. II. Quid sit ille concursus; III. Qui modus ipsius? seu qualis sit? IV. Quomodo respondendum ad objectiones, quæ contra eum moveri solent?

De Primo:

Dari concursum Providentiæ divinæ & voluntatis humanæ trifariam demonstrabimus.

I. *Dictis Scripturæ apertissimis;*

Proverb. 16. v. 9. *Cor hominis cogitat viam suam, & Dominus dirigit gressus ejus.* Prov. 16. v. 9.

Cap. 20. v. 24. *A Domino diriguntur gressus viri: quis autem hominum potest intelligere viam suam.* Prov. 20. v. 24.

Cap. 21. v. 1. *Cor Regis in manu Domini ut rivus aquarum, quocunque voluerit inclinat illud.* Prov. 21. v. 1.

Psal. 105. v. 25. *Mutavit animum istorum, scilicet Ægyptiorum, ut odio haberent populum suum.* Psal. 105. v. 25.

Psal. 106. v. 46. *Conciliavit illis misericordiam coram omnibus qui captivos detinebant eos.* Psal. 106. v. 46.

Jerem. 10. v. 23. *Scio Domine quod non est hominis via ejus; nec viri ut dirigat gressus suos.* Jer. 10. v. 23.

II. *Exemplis illustrissimis. Labanis. Genes. 31. v. 29. Esavi, cap. 33. v. 4. Ægyptiorum, Exod. 12. v. 36. Bileami, Num. 22. 23. 24. capp. Saulis, 1. Sam. 24. v. 17. cap. 26. v. 17.* Exemplis.

III. *Rationibus invictissimis.*

Prima: A quo pendet homo quoad essentiam, vitam & motum, ab eo reguntur ejus actiones: is concurrat cum actionibus

Concursus
Providentiæ
divinæ & vo-
luntatis hu-
manæ pro-
batur
Dictis.

Rationibus.

Quia homo
quoad essen-
tiam, vitam,
& motum à
Deo pender.

nibus voluntatis ipsius. *Ratio* : quia & illæ sunt motus animæ. A Deo ejusque providentiâ pendet homo quoad essentiam, vitam & motum *Actor. 17. v. 28.* Ergò.

Quia ejus capilli numerati.

Secunda : Cujus capilli in numero sunt apud Deum, & qui ita ipsum curat, ut ne unus quidem in terram cadat sine voluntate Patris, ejus actiones etiam reguntur à Deo. Valet consequentia à minori ad majus. Atqui hominis eam curam gerit Deus. *Matth. 10. v. 29. 30.* Ergò.

Quia Deus omnia sustentat & gubernat propter hominem.

Tertia : Qui omnia sustentat & gubernat propter hominem ille hominem ipsum magis sustentat & gubernat. Quia propter quod unumquodque tale est, illud magis tale est. Deus omnia sustentat & gubernat propter hominem, ut docet Christus, *Matth. 6. v. 26. 28.* & Paulus *1. Cor. 9. v. 9. 10.* Ergò.

Quia alias actiones voluntatis fierent Deo vel ignorante, vel negligente, vel invito.

Quarta ab absurdo : Si Deus non concurrat cum actionibus voluntatis humanæ, nec eas regit : sequitur eas evenire Deo vel ignorante, vel negligente, vel invito. At hæc absurda, & in Deum summè injuria. Fiunt ergò ipso sciente, volente, & regente : voluntate scilicet & rectione quâ bona facit, & promovet ; mala verò justè permittit, & in fines à se præstitutos ordinat.

De Secundo :

Concurfus illius descriptio.

Concurfus Providentiæ divinæ & voluntatis humanæ est conjunctio & cooperatio Dei cum hominibus in receptione agentibus ; quâ non solum vires agendi eis suppeditat & conservat : sed etiam eas excitat, movet, & applicat ad actiones & opus : sic tamen ut ipsi etiam deliberatè & liberè velint operari, operentur, & ipsum opus producant.

Genus est Dei cum voluntate humanâ Con-junctio,

Generis loco in hac descriptione ponuntur *conjunctio & cooperatio*. *Illa* : quia Deus non absens, aut longè remotus concurrat cum hominibus agentibus : ut Sol, Luna, Sidera : Sed præsentissimus & conjunctissimus ipsis : Sicut dicitur *Actor. 17. v. 27. 28.* *Ista* : quia nec solus Deus operatur ; sic enim elideretur vis agendi in hominibus : nec solus homo operatur ; alias eximeretur à dependentia & gubernatione Dei : Sed Deus & homo, ille subordinans, hic subordinatus. Quo sensu homines in Scripturâ dicuntur *συνεργεῖν* & *συνεργοὶ* esse Dei. Et in operibus gratiæ, gratia quædam *cooperans* appellatur.

Cooperatio.

Differentia gemina constituitur, pro conditione eorum, qui concurrunt. Differentia ex parte.

Ex parte Dei fit concursus. I. Quatenus vires agendi largitur & conservat: In ipso enim vivimus & sumus Actor. 17.v.28. II. Quatenus eas excitat, movet, & in actum deducit. Nam in ipso etiam movemur. Actor. 17.v.28. motu scil. non solum locali, externo, sed etiam interno mentis & voluntatis. III. Quatenus easdem & actiones earum applicat ad opus, ut illud sequatur. Proverb. 16.v. 1. & 9. Dei.

Ex parte hominis fit concursus: I. Quatenus homo excitat, exferit vires, operatur, & opus producit: Non enim est otiosus: nec vires ei frustra sunt inditæ. II. Idque præcedente cognitione mentis & subsequente determinatione voluntatis ipsius. Quia non operatur ut inanimata aut bruta: sed deliberat & cognoscit agenda: tum etiam ad ea se determinat, ea vult, & exsequitur actu elicitò, vel imperato. Hominis.

De Tertio:

Modus ille in specie & sigillatim ineffabilis & inexplicabilis est in hac vitâ. Habet enim mille modos nobis incomprehensibiles providentia divina concurrendi cum voluntate nostra, nobis se insinuandi, corda nostra movendi, flectendi, ut agendo liberè quod volumus, nihil tamen agamus præter determinationem divinam. Id Apostolus docet Roman. 11. v. 33. Quam imperscrutabilia sunt ejus judicia! & ejus via impervestigabiles? Et ratio in promptu est: nam sapientia Dei in agendo est non solum multiformis, sed planè immensa. Quis igitur complectatur & enuntiet modos ejus agendi in cordibus humanis? In exemplis etiam supra allegatis quam stupenda & inexplicabilis occurrit varietas? Rectè igitur Augustinus de Modo, quo tradidit Deus gentes passionibus ignominie disputans, dicit id eum facere, sive deferendo, sive alio quocunque vel explicabili vel inexplicabili modo: occulto quidem, sed iusto judicio lib. 5. contra Pelag. cap. 3. Modus concursus in specie ineffabilis.

In Genere autem modum illum sex propositionibus comprehendimus & enunciamus.

Prima: Concursus Providentiæ divinæ & voluntatis humanæ

In Genere:
1. Est causarum inæqualium & subordinatarum

manæ non est causarum collateralium & æqualium, sed inæqualium & subordinatarum. *Patet*; quia non sunt causæ sociæ, æquali virtute agentes: ut cum duo equi trahunt currum: sed ita subordinatæ, ut ista pendeat ab illâ, atque omnem agendi vim & efficaciam accipiat. Uno verbo; Est concursus creatoris & creaturæ; qui distant toto genere.

2. Est causarum primæ, universalis, hyperphysicæ: & secundæ, particularis, Physicæ.

Secunda; Est concursus causæ primæ, Universalis, Hyperphysicæ; & causæ secundæ, particularis Physicæ. *Patet*; quia *Deus* est causa *prima*, à quo primò orta sunt omnia, & in quem ultimò redeunt *Rom.* 11. v. 36. Est causa *universalis*, qui omnia & singula creavit, sustentat, & gubernat *Actor.* 17. v. 25. & *segg.* Col. 1. vers. 15. 16. 17. Est causa *hyperphysica*, quia est super omnia, *Ephes.* 4. v. 6. nec ordine causarum secundarum continetur. Deinde *voluntas humana* est causa *secunda*, quæ pendet & regitur à Deo: est *particularis*, quæ ad effectus aliorum agentium generali & indifferente influxu non concurrir; est *Physica*, tanquam naturalis facultas animæ rationalis.

3. Fit secundum naturam voluntatis humanæ.

Tertia; Concurrir Deus cum Voluntate humana secundum Naturam ejus, quam in creatione ei indidit. Duo sunt causarum genera ex creatione: *Definita*, quæ eodem modo semper agunt, nec per naturam possunt variare aut suspendere actionem suam; ut ignis urit, Sol lucet; *Indefinita* seu libera, quæ possunt agere vel non agere, & hoc vel illo modo agere, pro judicio rationis, ut Angeli, homines: ut est *Genes.* 1. 2. capp. hac causarum varietate Deus, tum sapientiam, potentiam, ac bonitatem suam luculentius patefacere: tum etiam rerum universitate commendare ac ornatorem reddere voluit. Prout autem condidit, ita etiam conservat naturam causarum, & cum illis in agendo concurrir Deus. Cum *definitis*, ut ipse eas determinet, sine determinatione propriâ. Cum *indefinitis* & nominatim cum homine, ut ipse se quoque determinet proprio rationis judicio, & spontaneâ voluntatis actione: quam non aufert homini; sic enim opus suum destrueret: sed relinquit, confirmat. Et hoc sensu dicitur concurrere cum voluntate secundum naturam ejus; videlicet, quod non destruat ejus naturam; non autem tali sensu, quasi viribus naturæ se obligant aut subjecerit, ut nihil amplius vel minus possit, quam natura fert.

& quo sensu.

Quarta : Concurrit Deus cum voluntate non solum ratione actionum, quæ ab ipsâ eliciuntur : verum etiam quatenus spectatur ut fons & principium omnium actionum & motuum. Pater dictis ante allegatis *Proverb. 21. v. 1. Psal. 105. v. 25. & 106. v. 46. Deut. 28. v. 49. & seqq. Et exemplis Egyptiorum, Exod. 12. v. 36. Canaanorum, Jos. 2. vers. 9. Israëlitarum 1. Sam. 10. v. 26. & aliorum.*

4. Non solum ratione actionum ejus, sed etiam quatenus est fons omnium actionum.

Quinta : Concurrit Deus cum voluntate humanâ actu generali & speciali ; mediato & immediato ; Physico & Hyperphysico. *Primo* : actu generali ; quia in ipso vivimus, movemur, & sumus, *Actor. 17. v. 28. & speciali* ; quia speciali quodam modo operatur in homine, & cum singulis ejus actibus quæ tales speciatim concurrunt ; juxta, *Psal. 115. v. 3. & 139. v. 1. 2. & seqq. & exempla Fratrum Josephi, Genes. 50. v. 20. Pharaonis, Saulis, & aliorum Secundo* : actu mediato ; quia mediis utitur in flectendâ & inclinandâ hominis voluntate : ut sunt præcepta, interdicta ; promissa, minæ ; beneficia, judicia ; & immediato ; cum per se & immediatâ virtute operatur in cordibus ; cujus illustre exemplum in Pharaone, cujus cor tenuit Deus, ut nollet auscultare mandatis Dei, *Exod. 7. v. 6. 7. item in Ægyptiis quos Israëlitis propitios reddidit Exod. 12. v. 36. Terrio* ; actu Physico in rebus naturalibus & civilibus ; ut cum tetigit corda Israëlitarum, 1. *Sam. 10. v. 26. & Hyperphysico* in rebus spiritualibus & divinis ; ut cum aperuit cor Lydiæ *Actor. 16. v. 14. Ille est actus auxilii, hic gratiæ divinæ.*

5. Concurrit Deus actu generali & speciali, mediato & immediato. Physico & hyperphysico.

Sexta : Concurrit Deus cum voluntate humanâ eam determinans aliter in bonis, aliter in malis, *In bonis* ; ut eam excitet ; adjuvet in bonis ac salutaribus actionibus, easque per ipsam efficiat ; denique etiam metis & finibus certis circumscribat ; ut est *Ephes. 1. v. 17. 18. Determinat* igitur in iis voluntatem tum quoad rem, id est bonum in genere vel specie : tum quoad modum rei. *In malis* : ut neque efficiat ea, neque adjuvet, verbi gratiâ. adulterium Davidis, prodicionem Judæ : *Psal. 5. v. 5. sed permittat*, homines viis suis relinquat, & terminos ac metas sceleratis constituat, ultra quas grassari non possunt. Determinatio igitur est quoad modum rei propriè ; quoad rem ipsam permissio verius, quam determinatio. Hæc de modo distinctis propositionibus.

6. Deus determinat voluntatem diversimode In bonis quoad rem & modum rei.

In malis, quoad modum rei.

Obiectio.

Concursus
ille non tollit
libertatem
voluntatis.

Quæ liberè
secundum
voluntatem,
eadem ne-
cessario fiunt
secundum
providen-
tiam.

Inquit ergo aliquis; Sic nondum plenè solutum esse nodum; quomodo concursu Providentiæ immutabilis non violetur libertas voluntatis, quæ indifferenter se habet: & quomodo voluntas liberè intendat, agat, quod secundum Providentiam fit necessario. *Resp.* In *specie* quidem, & secundum omnes modos non plenè solutus est nodus. Quis enim omnibus satisfaciat de eo, quod captum & eloquium humanum excedit? Sed in *genere* dictum, quantum satis est. Nimirum; Quod Providentia concurrat cum voluntate humanâ, non per coactionem, cogendo voluntatem invitam; nec determinando eam, ut rem brutam. Sed ita ut seipsam quoque determinet, tanquam causa proxima suarum actionum, proprio rationis iudicio, spontaneaue voluntatis electione. *Clarius.* Deus regit determinat voluntatem, dum monstrat intellectui objectum, & efficaciter movet voluntatem ad illud, agendum, quod deliberatò & sponte facit. *Deinde*, Si Deus certum eventum in causis indefinitis infallibiliter prævidit ab æterno, salvâ earum contingentia & libertate, idque ex confessione Pelagianorum omnium, quidni etiam immutabiliter voluntatem determinare potuerit ad certum eventum, salvâ ejusdem libertate. Sed sicut infallibilis præscientiæ modus circa causam indefinitam ineffabilis est, ita modus immutabilis providentiæ circa voluntatem liberam est inexplicabilis.

De Quarto :

Argumenta
contra hunc
concursum.

Primum.

Libertas vo-
luntatis hu-
manæ qualis.

Superfunt *Objectiones*, quæ contra concursum Providentiæ diviniæ & voluntatis humanæ moveri solent. Sunt autem quinque præcipuæ.

Prima : Quod pendet, regitur ac determinatur à Deo, non est liberum. *Ratio*, quia libertatis est determinari à se, non ab alio. Voluntas Humana pendet, regitur, ac determinatur à Deo. Ergò non est libera. *Resp.* In *Majore* est fallacia à dicto secundum quid. Non est libertatis absolutæ, ut Deus, qui ut solus est independens, ita solus quoque absolutè liber est, & *avniing*. Quod nullo modo fit liber, falsum est. *Ratio*; quia nihilominus agit ex deliberatione & motu spontaneo propriæ voluntatis. Notandum igitur discrimen. *Libere agere* in Deo est agere ex nullius gubernatione, in *creaturis*, agere ex deliberato iudicio & spon-

spontaneâ electione, etiam si hi motus aliunde excitentur & regantur.

Secunda, Quod determinatur ad unum, & determinatè agit, non agit liberè. *Ratio*: quia libertas indifferens & indeterminata est ad plura. Voluntas humana ex concursu providentiæ divinæ determinatur ad unum & determinatè agit. Ergo.

Secundum.

Resp. ad Majorem, quæ vera est, si determinatio ponatur absque judicio & electione propriâ. Secus falsa est. Nam Deus ipse ex perfectione naturæ, bonum vult, malum averſatur determinatè, liberè tamen utrumque. Homo ex corruptione naturæ malum determinat, & tamen liberè. Quod etiam Aristotel. *lib. 3. Eth. cap. 5.* de Intemperante. Denique ipsi Sophistæ concedunt hominem determinare seipsum in electione per ultimum Iudicium practicæ rationis salvâ libertate voluntatis. Quod ad *Rationem* attinet; voluntas indifferens est & indeterminata ante determinationem divinam, non post.

Determinatio & libertas quatenus consistant vel pugnent.

Tertia. Quod positis omnibus ad agendum requisitis potest agere vel non agere, hoc vel alio modo agere, sive actionem suspendere & variare, id concursu providentiæ divinæ non præcisè determinatur ad agendum, & quidem hoc vel illo modo agendum. Voluntas humana positis omnibus ad agendum requisitis illa potest. *Ratio*; quia hoc pacto distinguitur homo à causis definitis naturâ agentibus. Nam I. Causæ naturales admoto objecto non possunt non agere; & non possunt suspendere actionem, voluntaria contra possunt eligere vel repudiare objectum, vel etiam non agere, sed suspendere actionem. II. Illæ eodem modo semper agunt, nec possunt aliter agere. *Istæ* contra. III. Illæ agunt sine deliberatione, & oriuntur earum effectus vel à materiâ, vel à formâ, vel à temperamento, vel à *dispositione* & inclinatione comitante temperamentum, *istæ* agunt præcedente cogitatione seu deliberatione, & sequente spontaneâ electione vel rejectione. Ergo. *Resp.* Sunt quatuor termini in argumento propter ambiguitatem mediæ. Qui in *Majore* extenditur etiam ad immutabilem Providentiam & infallibilem præscientiam Dei: & sic falsa est. Nam posito concursu Providentiæ & determinatione necessario sequitur actio. Alioquin Providentia Dei mutari & præscientia falli posset. Est enim efficax concursus, efficax determinatio, quem effectus sequitur.

Tertium.

Voluntas humana indifferens est in se, sed non relata ad Providentiam Dei.

In *Minore* consideratur & enunciatur de voluntate, non relata ad Providentiam, sed in se & absolute spectata; quæ naturâ indifferens & indeterminata est ad multa, & liberè seipsam determinat.

Quartum.

Actiones humanæ necessariæ sunt ex hypothesi, liberæ in se.

Quarta; Si cum voluntate humanâ in agendo concurrat immutabilis Dei providentia, omnes actiones humanæ necessariæ fuerint. Falsum consequens & contra experientiam. Ergo. *Resp.* Ad *Propositionem*; Omnes actiones humanæ necessariæ sunt, scilicet respectu Providentiæ, & quidem necessitate illâ, quæ dicitur ex hypothesi; non autem absolutâ. Simul autem liberæ sunt & contingentes, respectu voluntatis liberæ; ex illâ certissima regula; Cum plures causæ concurrunt ad eundem effectum, quarum alie necessariæ, alie liberæ, effectus etiam sic denominandus erit. *Instant*; Si ita est, cur non actiones & motus potius dicuntur necessarii quàm liberi, quum causa prima fortius influat quàm secunda? *Resp.* quia denominatio fit à causis proximis & internis, non autem remotis & externis.

Quintum.

Concursus non facit Deum *συμπεργον* peccatorum.

Quarta; Si Providentia Dei concurrat cum humanâ voluntate in agendo, Deus erit *συμπεργον* peccatorum. Consequens falsum. Ergo. *Resp.* negatur sequela propter fallaciam accidentis. Est *συμπεργον* omnis *εργον*, operis: est primarius author omnis actionis, non autem vitii sive peccati, conjuncti cum opere sive actione. Simile ab equite agitante equum claudum: à statuario ex carioso ligno formante statuem; quorum ille non claudicationis, sed motus; hic non cariei sed statuæ autor est. *Ratio* duplex est. I. quia defectus, vitium, non est à causâ, primâ, vel in eâ; sed in secundis & ab his. II. quia Deus concurrat cum causis secundis, pro ipsarum conditione & naturâ. Cum igitur ipsæ corruptæ, vitiosæ sunt, tales etiam actiones sequuntur.

PROBLEMA TRIGESIMUM.

Quæ sit Providentia Dei in malo?

Malum hic intelligimus non *Pœna*, propriè quidem & stricte acceptum, sed *culpa*: quod *peccatum* usitatè appellatur.

Peccant

In explicatione Problematis duo extrema improbamur, damnamus.

Primum in Excessu Manichæorum, qui Deum fecerunt causam & autorem peccati: contra Naturam Dei, quæ iusta, sancta, bona, & Scripturam, quæ testatur peccatum esse à Diabolo *Ioh. 8. v. 44.* & corrupta hominis naturâ. *Iacob. 1. v. 14. 15.* Sed huius blasphemæ infimulant adversarii Pontificii & Lutherani *P. Martyrem*, qui *commentario ad Rom. cap. 1.* scribat, Deum esse aliquo modo causam peccati: & *cap. 9.* Deum quodammodo voluisse peccatum Adæ, ac ejus quadantenus autorem esse. *Resp. 1.* agnoscimus perasim esse duriorē, quàm haud facile usurpari volumus. **II.** Verba Martyris bifariam corrumpunt: tum dividendo; nam addit, causam dici non propriâ locutione. Ergo impropriâ & catachresticâ, ut cum causa latè dicitur adjunctum antecedens, vel sine qua non? tum sententiam ejus depravando, quia causam dicit non quatenus peccatum est defectus, sed prout est actio. Nam inter hæc distinguendum esse docet.

In Excessu
Manichæi
Deum facientes
autorem pec-
cati.

P. Martyr
defenditur.

Alterum in Defectu Pelagianorum, qui nudam & otiosam permissionem finxerunt: quæ Deus nihil planè agat, sed impios pro libitu ruere sinat in scelera; ut quid, quantum, & quamdiu velint, peccent. Sicut quidam stans in turri, videat debacchantes, in foro; aut stans in littore videat & dolens sinat submergi navim. Quo dogmate convellunt dicta Scripturæ, innumera, quibus docetur Deum excœcasse, indurasse, in mentem reprobam tradere, &c: quæ de nudâ permissione explicari nequeunt. Injurii etiam sunt in ipsum Deum, quem throno suo dejiciunt, nec amplius esse sinunt mundi judicem.

In Defectu
Pelagiani,
Deo nudam
& otiosam
permissionem tri-
buentes.

Mediam viam ingreditur ac tenet Orthodoxa veritas, Deum mala hominum opera nec efficere, nec otiosè permittere; sed cum discrimine circa ea se habere: *effectivè* quidem, quatenus sunt vel motus, actiones, opera, vel occulta Dei judicia; *permisivè* autem in quantum sunt peccata. Quod ut evidentius & clarius fiat, in peccato tanquam nomine concretivo tria omnino distinguenda sunt: *Materiale*, *Formale*, & *Adjunctum* sive Accidens.

Deus circa
mala opera
se habet.

Materiale peccati est ejus *subjectum*, cui inest & inhæret. Cum enim sit accidens, cujus esse est inesse; omninò subjectum inhærentiæ ad sui existentiam requirit. Tale subjectum in peccato *originale* est natura animæ & corporis, ejusque facultates & inclinationes. In *actuali* autem sunt motus & actiones tum internæ, tum externæ. Hujus materialis respectu Deus se habet *effectivè*; & quidem

Quoad Ma-
teriale eo-
rum.

- Efficacive & Physice,** dem *Physicè*: qui & naturam conservat, & motus, actiones ciet add. Physico & naturalis; ut quæ sunt bona naturalia. Ideo dicitur Act. 17. v. 28. *In Deo, vivimus, movemur & sumus*: id est, virtute ipsius. *Dicat aliquis*, id quidem locum habere in peccato originali, & peccatis actualibus quæ commissionis dicuntur. Sed secus rem habere in peccatis omissionis, ubi nulla actio intervenit. *Resp.* Quod nulla plane actio interveniat, falsum est: Imo intervenit actio aliqua vel *voluntatis*, ut cum non exercemus opera charitatis: quia nolumus; (Nolle certe voluntatis actio est;) vel *mentis*, eaque si non immediata, saltem mediata: ut cum quis negligit sacra publica: quia non cogitat de iis: non cogitat autem, vel quia in alia intendit cogitationes; ut in lulum: vel quia vino aut somno sepultus, non potest suâ culpâ de iis cogitare.
- Quod Formale.** *Formale* peccati est *avoula*, ut 1. *Ioh.* 3. v. 4. seu *avoula* per quam peccatum est & dicitur peccatum; sive est iniquitas, pravitatis, malitia, & turpitudine naturæ & actionis. Hanc Deus ne approbat, nec efficit, nec adjuvat: sed tantum *permittit*: juxta Scripturam Psal. 81. v. 13. *Permisit eos ambulare ex sententia animi sui.* Act. 14. v. 16. *Sivit omnes gentes suis ipsarum viis ingredi.* 1. *Cor.* 10. v. 13. *Non finet vos tentari supra id, quod potestis.*
- Permissivè.** Sed *permissio* hæc rectè est intelligenda & declaranda: ne cum Pelagianâ confundatur; idque ex modo & causâ.
- Modus: Deus permittit.** *Modus* hic est: *Permittit peccatum.* I. Non invitus, sed volens: ut docet August. in *Enchiridio* cap. 100. *Non invitus*: quis enim cogat omnipotentem: cui mille sunt impediendi modi & media? *Volens autem* quia permissio est actus voluntatis Dei, quo vult non agere, impediendo actionem peccantis, sed peccantem sibi permittere. Et ita Deo volente fiunt peccata, non approbative aut effectivè, sed permissivè tantum. De quâ voce multi lites non necessarias movent. II. *Non concedendo*, tanquam non prohibitum vel ut adiaphorum. indifferens: ut in N. T. omne genus ciborum: in V. T. polygamia & divortium. Nam peccatum, tanquam suo genere malum, disertè interdixit: *Veram non impediendo*, cum posset impedire, per suam omnipotentiam Gen. 20. v. 6. Psal. 105. v. 14. III. *Nec pro libitu Satana & hominum impiorum* absque gubernatione sua: sed *certis definitisque à se limitibus*; ne vel longius latiusque serpat, vel diutius duret: ac proinde magis noceat aut peccatori, si resipiscat; aut aliis; quam ipsi visum. Cujus
- Certis definitisque limitibus circumscribendo.**

ius illustre exemplum in historiâ Jobi proponitur *cap. 1. & 2. IV. Non in incertum* sive in fortuitum casualem eventum : *Sed in certum ac definitum finem*, ad quem ordinat ac dirigit peccatum, quod permittit. *Vide Genes. 50. v. 20. Act. 3. v. 17. 18.* Qui est finis per accidens ratione peccati, quod permittitur: per se, ratione Dei permittentis mala ad bonum.

Causam hanc esse ajunt quidam, *Arminius, Menzerus*, quod Angeli & homines sint creaturæ præditæ voluntate : cujus voluntatis actum Deus voluit esse liberum. Sed hæc causa non sufficit. Nam Angeli boni tales nunc sunt : nec tamen iis permittit Deus peccatum, cum eos confirmârit in bono. Sic in alterâ vitâ homines beati tales erunt, nec tamen illis Deus permittet peccatum : ut qui non possunt amplius peccare. Sunt igitur addendæ aliæ causæ, quas Problem : **XXIV.** supra attigimus. Ut I. Manifestatio infirmitatis, & post lapsum admissum corruptionis naturæ *Iob. 15. v. 5.* II. Pulchritudo universi : ut omnis generis sint vasa *2. Tim. 2. v. 20.* III. Illustratio misericordiæ & justitiæ Dei: ut supra dictum, & demonstratum ex locis Scripturæ *Rom. 9. v. 20. & seqq. cap. 11. v. 32. Gal. 3. v. 22.* Quod ipsum confirmat *Augustinus*, in *Enchirid. cap. 96.* *Quamvis ea quæ mala sunt, in quantum mala sunt non sunt bona; tamen ut non solum bona, sed etiam sint & mala, bonum est. Nam nisi esset hoc bonum, ut essent & mala, nullo modo esse sine-rentur ab omnipotente bono. & cap. 100. Non lineret bonus fieri male, nisi omnipotens etiam de malo facere posset bene.* Idem de corrept; & grat, *cap. 10.* *Deus in naturâ Angelorum & hominum primum ostendere voluit, quid posset liberum arbitrium, deinde quid posset gratiæ beneficium, justitiæque judicium. & ibid. Scivit Deus magis ad suam omnipotentissimam bonitatem pertinere, etiam de malis bona facere, quàm mala esse non sinere.* Atque hujus generis dicta complura apud eundem reperiuntur.

Accidens sive adjunctum est *Judicium Dei*, quod cum peccato concurrit, & cum illo conjungitur, non per se, ratione peccantis, qui tale nihil cogitat aut intendit *Gen. 50. v. 20. Esa. 10. v. 5. 6. 7.* sed per accidens, ratione Dei peccata permittentis, & præter naturam ipsorum ad bonum ordinantis & dirigentis *Gen. 50. vers. 20. Act. 3. v. 17, 18.* Dari tale judicium probatur illustribus dictis *Iob. 1. v. 39. Rom. 1. v. 24. & seqq. 2. Thess. 2. v. 11.* & aliis. Et licet in probationibus, castigationibus aliisque conspiciatur: inprimis

T

tamen

Cause:

Falsa.

Vera.

Quoad Adjunctum eorum.

tamen conspicuum fit, quoties Deus peccata peccatis punit, & posteriora sunt pœnæ priorum. Hic ergo habet se Deus non permissivè, sed *effectivè*: operans actu iustitiæ. I. quia dicta de excœcatione, induratione, traditione in mentem reprobam, non possunt permissivè intelligi citra depravationem Scripturarum. II. quia iustus iudex non permittit, sed decernit, infligit & irrogat pœnam. Talis vero est Deus in hoc negotio. Ergò.

Sed hic duo expedienda sunt.

Primum: Quomodo idem sit, aut esse possit peccatum & pœna peccati? cum longè diversa ratio sit peccati & pœnæ: illud à voluntate, hoc contra eam: illud *ἀρρηκία*, hoc *ἐννομία*. *Resp.* potest esse & est diversis respectibus. Peccatum, ut à voluntate proficiscitur contra legem, voluntarium est & *ἀρρηκία*: quatenus verò in animâ est, eamque deformat, foedat, cruciat iusto Dei iudicio, pœna est involuntaria & *ἐννομία*. Exemplum est *Iob. 9. vers. 39.*

Secundum: Quibus modis Deus exerceat hoc iudicium per peccata: & in iis? *Resp.* Modi varii sunt explicabiles & inexplicabiles, ut supra citavimus ex Augustino; quorum tamen nullus ponit infusionem peccati; tum quia sic Deus autor peccati constitueretur, tum quia peccatum est in subjecto corrupto. Manifestiores & notabiliores hi sunt. I. Desertio & subtractio gratiæ peccato adversantis, quâ illi qui excœcantur, indurantur, indigni erant; ita Spiritus S. Sauli ablati est *1. Sam. 26. v. 15.* quo subducto, præceps ruit in omne scelus; non secus quàm domus corruit, subtractis columnis. II. Traditio in potestatem Satanæ, quâ ipsi permittuntur, ut reus carnifici *2. Tim. 2. v. 26.* sic malus Spiritus à Jehova exagitabat Saulum. *1. Sam. 16. v. 15.* III. Oblatio bonarum occasionum, quibus impij ad peccata perperam abutuntur: ut sunt dicta, facta, cogitationes. &c. His debebant quidem illuminari, emolliri, à peccatis abduci: sed suâ culpâ & vitio excœcantur, obdurantur *Esa. 6. v. 8. 9. 10.* Huc facit exemplum Pharaonis. IV. Interna ac immediata Dei operatio in cordibus impiorum: occulta quidem, iusta tamen. Probatum dicto *Proverb. 21. v. 1. Deut. 28. 63. seq.* & exemplo Pharaonis *Exod. 7. v. 5. 6.* Ubi Moysi dat vim edendi miracula. Aaroni imponit officium prædicandi; sibi reservat actionem occultam indurandi, distinctam à prioribus. At illæ mediatur. Ergò hæc immediata.

PROBLEMA TRIGESIMUM PRIMUM.

Num præcepta Decalogi, sive legis Moralis sint immota ac immutabilia?

Explicatio Problematis pendet ex distinctione terminorum, **S**ubjecti & Prædicati: quæ ambigua sunt *Subjecti*: quia præcepta Decalogi non sunt unius generis. I. alia sunt *simplicia*, id est, merè moralia, ut I. II. III. V. VI. VII. & reliqua: alia *mixta* ex morali & cæremoniali, ut IV. de Sabbatho: ubi cæremonialis est circumstantia temporis definiti: morale genus cultus publici. item V. ubi appendix promissionis de certâ terrâ cæremonialis est; moralis autem promissio longævitas: ut Paulus explicat *Eph. 6. v. 3*. II. alia *absolutè pendent à natura Dei*, id est, talia præcipiunt, quæ liberrimè quidem, sed tamen necessariò Deus vult; eorum autem contraria velle aut præcipere nequit; ut I. II. III. VII. IX. Alia verò *fluunt à liberrimâ ipsius voluntate*, quæ quidem præcedit & ab hominibus observari vult: sed ita ut certis de causis etiam præcipere possit contrarium, & tamen nihil faciat repugnans aut contrarium naturæ suæ; ut IV. V. VI. VIII. X. *Prædicati*; Immotum immutabile aliquid dicitur trifariam; *vel* suâ naturâ, & usu, quod usum habet perpetuum; *vel* secundum quid & quoad nos, *vel* simpliciter & quoad Deum. Hinc jam distinctè respondemus tribus propositionibus.

Præcepta Decalogi sunt simplicia vel mixta.

Anaturâ Dei, vel ab ejus voluntate pendent.

Immotum & immutabile quid.

Prima; Præcepta Decalogi sive Legis moralis mixta, non sunt immota & immutabilia. quoad genus cæremoniale, sed in se & suâ naturâ mutabilia sunt. *Ratio* 1. in genere; Tota lex cæremonialis secundum omnes species, partes & circumstantias, fuit temporaria & mutabilis *Luc. 16. v. 16. Gal. 3. v. 24. 25. Heb. 8. v. 7. seq* Ergò etiam præcepta illa, quæ cæremonialia; mutabilia sunt. II. In specie; quia horum mutabilitatem Scriptura docet: de Sabbatho, *Coloss. 2. v. 16.* de quinti præcepti additamento *Eph. 6. v. 3.*

Præcepta Decalogi mixta non sunt immutabilia quoad genus cæremoniale.

Secunda: Præcepta Decalogi moralia, quæ pendent ex libera ipsius Dei voluntate, sunt immota & immutabilia quoad nos: non item, quoad Deum. *Quoad nos*: 1. quia non sumus Domini aut judices, sed subditi legis & Legislatoris Dei, *Jacob. 4. v. 11. 12.* II. quia solvere legem, ei addere vel detrachere, sub pœnâ condemnationis æternæ est interdictum, *Matt. 5. v. 19. Deut. 4. v. 2. &*

Præcepta pendentia à Dei voluntate sunt immutabilia quoad nos, non item quoad Deum.

alibi. Mutare autem est solvere. Ergò. *Quoad Deum non item*. I. Ratione. Quod non implicat contradictionem aut repugnantiam cum naturâ Dei, id Deo non est immutabile simpliciter. Contrarium illis præceptis sancire non implicat contradictionem v. 4. 5. 6. 8. 10. Ergò. II. Exemplis circa hæc præcepta: *Quarto* præcepit sanctificari diem septimum. Id neglectum *Matt.* 12. v. 8. & mutatum *Col.* 2. v. 16. & dies primus nunc sanctificatur *Act.* 20. v. 7. & *Cor.* 16. v. 2. *Quinto* jubet honorari parentes & Superiores. Sed diversum præcipit cum parentes impia mandant, *Act.* 5. v. 29. aut parentum gratiâ Deus est offendendus *Matth.* 10. v. 37. *Sexto* prohibet occidere. Sed jubet speciali mandato magistratum occidere *Gen.* 9. v. 6. *Rom.* 13. v. 3. 4. & hostes in bello iusto Sic iussit singulari mandato occidi Isaacum *Genes.* 22. v. 2. *Octavo* prohibet furtum & jubet tamen Ægyptiis, quod ipsorum erat, eripi *Exodi* 12. v. 35. 36, *Decimo* vetat concupiscere res proximi, iussit tamen Israëlitas concupiscere res Ægyptiorum *Exod.* 3. v. 21. 22.

Præcepta
quæ fluunt
ex naturâ
Dei. etiam
quoad
ipsum sunt
immutabilia

Tertia: Præcepta Decalogi moralia, quæ fluunt ex ipsa natura Dei, mediante tamen libera ipsius voluntate, etiam quoad Deum ipsum immota, immutabilia sunt: de quibus ipse nunquam dispensat, & quorum contraria nec præcepit, nec potest præcipere. *Ratio* in promptu est: Deus nihil facit contra naturam suam: nec unquam ab ea discedit. Nim: quia negare seipsum non potest, 2. *Tim.* 2. v. 13. nec simul esse & non esse 2. *Cor.* 1. v. 19. At si aliquid illis præceptis contrarium præciperet, aut de iis dispensaret, faceret aliquid contrarium suæ naturæ. Est enim Deus mens pura, casta, verax, zelotes gloriæ suæ, quam alteri non dat 1. *Joh.* 3. v. 3. *Rom.* 3. v. 4. *Tit.* 1. v. 2. *Exod.* 20. v. 5. *Esai.* 42. v. 8. Non igitur præcipit aut concedit habere Deos alienos, colere idola, nomen suum pejerando profanari, nefariis libidinibus homines sese impune polluere, falsum testimonium dicere, sive mentiri contra proximum. Ergò.

PROBLEMA TRIGESIMUM SECUNDUM.

An promissiones Legis moralis sint aut dici possint gratuita?

DE promissionibus nihil hic dicam, nisi in genere, quod illæ sunt non solum temporales, quarum catalogus recitatur *Deut.* 28.

v. 3. seq. sed etiam *spirituales* & *æternæ*, *Levit.* 18. v. 5. ex interpretatione Christi *Matth.* 19. v. 16. 17.

Occasio problematis est ex declaratione definitionis Legis apud Urfinum in *Catecheticis*, qui dicit Legem gratis promittere bona præstantibus obedientiam. *Vsus* insignis est contra Pontificios, qui promissiones Legis & Euangelii confundunt.

Responsio petenda est ex distinctione prædicati ambigui. *Gratuitum* aliquid dicitur bifariam; *absolutè* & *secundum quid*. Gratuitum dicitur.

Primo modo gratuitum est, quod Deus donat nec ex debito, neque ex pacto perfectæ obedientiæ, sed ex merâ misericordiâ & benevolentia. Ita *promissiones legales* non sunt gratuita. Quia requirunt perfectam obedientiam; *Levit.* 18. v. 5. *Qui fecerit hac homo, vivet in eis.* *Luc.* 10. v. 28. *Fac hoc & vires.* Gratuitæ autem sunt solæ *promissiones Evangelicæ*: quæ excludunt opera & obedientiam nostram *Rom.* 11. v. 6. *Eph.* 2. v. 8. 9. Absolutè.

Object. Atqui non minus requirunt conditionem fidei, quam legales conditionem obedientiæ. Ergò non sunt gratuita. *Resp.* negatur sequela. Ambæ promissiones sunt conditionales, ut est *Rom.* 10. v. 5. 6. & seqq. Sed in legalibus conditio impleta est causa vitæ promissæ, & meritum aliquod, saltem ex congruo & impropriè: In Evangelicis non item: sed tantum organum, & quidem à Deo gratis donatum; non autem meritum *Eph.* 2. v. 8. 9. Ita gratuita non legales.

Secundo modo gratuitum est, quod Deus donat quidem ex pacto perfectæ obedientiæ: non tamen ex debito. Quodenim quis non debet & tamen dat, id rectè dicitur gratis donare; ut cum princeps ministrum quendam peregrè mittens cum promissione amplâ, eidem reduci promissa præstat. donare ista dicitur. Atque hoc sensu gratuitas esse etiam promissiones *Legales* jam probabitur. Quod ex pacto donet per se planum est: ex *Levit.* 18. v. 5. item ex totâ Legislatione: quæ pactum dicitur *Ierem.* 31. v. 32. & *Heb.* 8. v. 9. Unde sic concluditur: Quod præstat juxta tenorem Legis, & promissionum ipsius, id ex pacto præstat. *Ratio*: quia Lex est pactum vetus. Atqui observantibus Legem donat vitam. Ergò. Quod autem non ex debito, constat. 1. quia nulli est debitor *Rom.* 11. v. 35. Nullius enim indigus, *Act.* 17. v. 25. 11. quia creatura est debitor in omnibus & per omnia suo creatori *Luc.* 17. v. 10. Quia omnia habet à Deo *Act.* 17. v. 28. *1. Cor.* 4. v. 7. 111. quia inter officium creaturæ & beneficium creatoris nulla est proportio Secundum quid.

Rom. 8. v. 18. Idem evincunt omnia argumenta, quibus ostendi solet justitiam commutativam non habere locum in Deo. Huc & illud facit, quod omnes promissiones legales & tota Legislatio commendatur ut beneficium gratiæ ipsius *Dent. 6. v. 6. seq. Psal. 147. v. 19. 20. Rom. 3. v. 2. & cap. 9. v. 4.* Sic ergo & non alio modo sunt & dicuntur gratuitæ.

Sed *instant* quidam *dari etiam ex debito.*

Rom. 4. v. 4.
explicatur.

I. argumento loci *Rom. 4. v. 4.* Unde sic colligitur: Operanti merces à Deo datur ex debito. At qui in lege quærit justitiam & vitam, operatur. Ergo merces justitiæ, vitæ ei datur ex debito. *Resp. Major* non potest propriè & simpliciter intelligi: nisi velimus Apostolum sibi contradicere in eadem Epistolâ *cap. 11. v. 35.* ubi debitum negat, & à Deo removet. Ergo secundum quid & impropriè intelligenda est: *vel* ex operarij ipsius opinione. Nam opinio operum perpetuo secum trahit opinionem meriti & debiti: & operarius mercedem sibi solvi petit ex debito; *vel* ex analogiâ rerum humanarum, ubi qui laborat pro mercede, ei merces redditur ex debito: idque ex ordine justitiæ distributiæ; *vel* comparatè. Si enim comparetur merces ea quæ est ex fide: cum mercede eâ quæ est ex operibus, videtur operanti deberi merces, cum credenti ac non operanti ea detur ex gratiâ: quemadmodum illustratur in parabolâ *Matth. 20.* quibusdam denarius ex debito datus fuit, aliis ex gratiâ. *Respondere* etiam licet Apostolum non absolutè, sed ex hypothesi loqui, quod probatur: i. ex scopo Apostoli, contra Justitiosos, meriti opinione turgentis. ii. ex antithesi Legis & gratiæ: ex quâ duplex illa imputatio nascitur, quæ est secundum opinionem ipsorum. iii. quia Deus nulli potest fieri debitor, *Rom. 11. v. 35.* nec Apostolus sibi contradicit. iv. Quod datur ex debito est proportionatum operi indebito. At non merces vitæ æternæ *Rom. 8. v. 18.*

Promissio
quatenus
cadat in de-
bitum.

II. Promissio cadit in debitum. Lex habet promissionem. Ergo. *Resp.* Si hæc ratio valet; jam promissio Evangelica daretur quoque ex debito, non ex gratiâ: quod contra totam Scripturam. *Major* est particularis: Universaliter accepta falsa est. *Promissio cadit in debitum.* i. Inter creaturas, quæ possunt fieri debitores, non autem apud Deum: qui non potest fieri debitor: ac promittit daturum se non ex debito, sed ex gratiâ. ii. Si fiat cum conditione operis indebiti, & ad rem promissam proportionati. Sed no-

stra

fra opera sunt debita, *Luc. 17. v. 10.* non sunt proportionata *Rom. 8. v. 18.* Ergo Deus nobis non fit debitor, neque ex opere nostro, neque ex promissione sua.

Ex gratia autem non dari probant ex antithesi *Ioh. 1. v. 17.* Lex per Moſen, gratia & veritas per Ieſum Chriſtum data eſt. Præmia igitur gratis non promittuntur aut dantur ex Lege. *Reſp.* Negatur ſequela; quia proceditur à negatione ſpeciei ad remotionem generis. Non eſt illa gratia; igitur nulla gratia eſt. Illa gratia operibus noſtris opponitur, *Rom. 11. v. 6.* & conſiſtit in gratuitâ remiſſione peccatorum *cap. 4. v. 8.* Iſta opponitur tantum debito, quod nullam eſt in Deo *Rom. 11. v. 35.*

Ioh. 1. v. 17
explicatur,

PROBLEMA TRIGESIMUM TERTIUM.

Vtrum Lex obliget ad obedientiam & pœnam copulativè, an diſjunctivè?

Legem obligare ad obedientiam; obligare item ad pœnam certum eſt tum ex dictis Scripturæ, *Deut. 11. v. 26. 27. 28. cap. 30. v. 19. Eſa. 1. v. 19. 20.* tum ex Natura Legis; quæ præcipit obedientiam cum promiſſione præmii; interdicit inobedientiam ſub comminatione pœnæ.

De modo autem obligationis utrum ſimul an ſucceſſivè, & quo ordine obliget, quæſtio eſt. *Reſpondetur* primò in genere; deinde in ſpecie ſecundum diſtinctos hominis ſtatus.

In genere: I. Lex ſecundum idem, ad idem, & eodem tempore non obligat ad obedientiam & pœnam ſimul, ſive copulativè. *Probat.* I. Dictis ante allegatis *Deut. 11. & 30. Eſa. 1.* ubi diſjunctivè proponitur. II. Ratione: Injuſtum enim foret obligare ad pœnam, qui nihil peccavit. Peccati ſtipendium mors eſt, non innocentie *Rom. 6. v. 23.* II. Lex in ſe & abſolutè conſiderata primò & per ſe obligat ad obedientiam: ſecundò & ex eventu ad pœnam; *Pater* argumento loci *Rom. 7. v. 10. 12. 13.* & ex naturâ rei: quia pœna locum non habet, quamdiu obedientia præſtatur Legi.

in Genere:
1. non ſimul
ad obedientiam & ad
pœnam.

1. per ſe ad
obedientiam, ex
eventu ad
pœnam.

In ſpecie ſecundum diſtinctos hominis ſtatus, cujuſmodi quæ morè cenſeri ſolent: *integritatis, lapſus, gratia, & gloria.*

In Specie:
in ſtatu.

In primo obligabat hominem integrum tantum ad obedientiam, non item ad pœnam. *Ratio;* quia nondum peccarat: alioquin integer

Integritatis, ad
obedientiam
tantum.

integer non fuisset. Simul ac peccavit, desuit esse integer, id vult Apostolus; *per unam offensam reatus venit in omnes homines ad condemnationem* Rom. 5. v. 18. *Objectio.* At Deus denunciationem mortis ipsi proposuit Gen. 2. v. 17. *Resp.* non obligando ipsum ad pœnam mortis: sed comminando mortem, nisi caveret peccatum, quod poterat admittere.

Lapsus, ad obedientiam & pœnam simul.

In secundo obligat hominem ad obedientiam & pœnam copulativè, *Ratio*: quia homo debet Deo tum obedientiam, tanquam creatura ipsius, tum pœnam, propter peccatum. Sed 1. non secundum idem & ad idem; verum secundum aliud & aliud, respectuque diverso, ad obedientiam, propter debitum præsens & futurum, ad pœnam propter præteritam inobedientiam. 11. primò ad Pœnam, quia inobedientes fuimus in Adamo, & concipimur ac nascimur in peccato Eph. 2. v. 3. quam pœnam peccatis actualibus indies augemus. Secundo ad Obedientiam, quam non desinit Deus à nobis flagitare lege suâ.

Gratia, ad obedientiam tantum.

In Tertio: Obligat hominem reatum non ad pœnam, sed tantum ad obedientiam. *Patet prius*; quia nihil condemnabile in iis, qui sunt in Christo Jesu Rom. 8. v. 1. sed beatitudo, quia beati quorum remissa sunt peccata cap. 4. v. 6. 7. Excipe tamen castigations, quas Deus immittit nostro bono. Hebr. 12. v. 5. seq. Psal. 89. v. 33. sed ex non sunt pœnæ propriè dictæ. *Posterius* etiam: quia gratia Evangelii non tollit, sed stabilis Legem obedientiæ, Rom. 3. v. 31. nec Christus venit solverè legem, sed implere Matt. 5. v. 17. scil: in se & in suis, à quibus proinde perfectiorem justitiam exigit v. 20.

Gloria, ad obedientiam tantum.

In quarto: Lex obligat hominem glorificatum similiter ad obedientiam tantum. *Ratio*; quia exigit officia, obedientiam perpetuam: sicut est æterna, immutabilis regula justitiæ divinæ. Et erit obedientia illa tanto perfectior, quanto nos perfectiores futuri sumus, 1. Cor. 13. v. 10. consummati in justitia 2. Cor. 7. v. 1. sine ruga ac macula Eph. 5. v. 25. 26. Sed Lex illa non erit Lex aliqua externa, quæ cum toto ministerio abolebitur, ut Deus sit omnia in omnibus, 1. Cor. 15. v. 28. sed interna, plenè inscripta cordibus Jerem. 31. v. 33. quæ *Lex Spiritus vite* dicitur Rom. 8. v. 2.

Obedientia quæ à Dam-natis exigitur.

Hic queritur: an Deus etiam à damnatis obedientiam exigit? *Resp.* non exigit, prout in hac vitâ per legem externam, per promissiones & comminationes: nec etiam secundum omnes partes, ut

ne occidant, furentur : sed statui illi convenienter : ut pœnam justam patienter perferant; non criminentur justitiam divinam : non murmurent, blasphement, &c.

PROBLEMA TRIGESIMUM QUARTUM.

An & quatenus Leges Mosaicæ forenses abolitæ sint?

De abrogatione Legis, maximè ceremonialis fuit acris & publica contentio in Ecclesia Apostolica: ut *Act. 7. 15. 21.* videre est. De abrogatione Legis forensis non item: nisi forte huc referas illam quæstionem de servis, qui prætextu religionis, & libertatis Christianæ se servituti eximebant : contra quos passim Apostoli in Epistolis. Post ætatem Apostolorum usque ad Constantinum M. per annos 310. non fuit mota hæc controversia, quod Magistratus Ethnicus esset, & persecutor Ecclesiæ. Deinceps etiam prudenter ab eâ abstinuerunt pii Episcopi & Doctores, ne imminuere velle viderentur jus Magistratus. Nostro tempore eam excitarunt partim Anabaptistæ & Antinomi, qui totum vetus Testamentum & universam legem abolitam esse contenderunt; partim Caroloistadii, Castalio, & alii, qui eas simpliciter observari voluerunt; iisque non minus Christianos, quam Judæos in conscientiis suis obstringi censuerunt. Caroloistadio Ph. Melanchthom se primus opposuit; aliis alii. Utraque autem sententia absurda est, & à vero aberrat. Prior, quia sic multa moralia abolita essent, quæ legibus forensibus continentur; nec valerent amplius pœnæ scelerum à Deo definitæ. Altera, quia sic multa typica observanda essent, & quæ à temporum horum conditione alienissima sunt. Vera est sententia media, quæ extremas ad medietatem revocans, ostendit partim abrogatas esse, partim non abrogatas esse, sed etiamnum valere.

Origo controversiæ.

Sententiæ de eâ discrepantes.

Leges forenses Mosaicæ, sunt duorum generum : aliæ juris particularis, aliæ communis. Quemadmodum enim in omnibus regnis & provinciis aliæ leges sunt juris naturæ & gentium, aliæ unius gentis propriæ, quæ positivæ dici solent; ita hic etiam fit.

Leges forenses Mosaicæ sunt.

Primi generis sunt, quæ justitiam particularem præscribunt, pro conditione loci, temporis, & gentis Judaicæ; sive Rempublicam Judaicam in Cananæâ constitutam particulariter spectantem; Tales sunt Lex de Polygamia, *Deut. 21. vers. 15.* de libello

1. Juris particularis.

repudii, *cap. 24. v. 1. de excitando fratri semine, cap. 25. v. 5. de non*
dividendâ hæreditate, de peribolo, spicilegio, de decimis &c.
 Quæ abolitæ Hæ & omnes leges consimiles *abolitæ sunt. Probat. I. Dictis, Gen.*
49. v. 10. ubi conjungit & Sceptrum & legislatores, qui in Scriptis
N. T. vocantur γραμματεῖς, & de jure forenſi ex Moſis lege re-
spondebant, qui unâ cum Sceptro abolendi erant. Ergo Leges illæ
cum Politia adventu Meſſiæ abolitæ fuerunt. Gal. 3. v. 28. Non eſt
Judaus neq; Græcus. Omnes enim vos unus eſtis in Chriſto Jeſu. Diſtin-
ctio populi abolita. Ergo & leges diſtinguentes Col. 3. v. 11. Non eſt
Græcus & Judaus, Barbarus & Scytha, ſervus & liber, ſed omnia & in
omnibus Chriſtus. ubi loquitur de conſuetudinibus & ordinationi-
bus diverſarum Politiarum: quod alibi ſunt liberi, id eſt leges mitio-
res, alibi ſervi, id eſt, duriores leges: & dicit eſſe rem indifferentem
in Chriſto. 1. Pet. 2. v. 13. Subjeçti eſtote omni humane ordinationi. Ergo
etiam quibuſvis legibus honeſtis magiſtratum, non Judaicis tan-
tum. II. à Genere, ſive à toto: Deus deſtruxit totam Politiam Ju-
daicam. quod & Chriſtus prædixit Matt. 24. & Stephanus Act. 6.
v. 13. 14. Ergo etiam Leges Judaicas, quâ tales, abolevit. III. A cau-
ſis abrogationis. Cauſis mutatis mutantur & leges ex illis penden-
tes. Cauſa legum forenſium duæ erant. Vna: ut populus Judaicus,
ex quo naſciturus erat Meſſias, hæc formâ Politia diſcerneretur ab
aliis gentibus. Altera: ut illa Politia eſſet ſedes Eccleſiæ, & certus
locus patefactionum Dei, in quo doctrinâ & miraculis ſe peculia-
riter patefaceret. Hæ cauſæ exhibito Chriſto ceſſarunt. Prior: quia
diſtinctio populorum ſublata eſt Eph. 2. v. 14. Gal. 5. v. 15. Poſterior;
quia doctrina Euangelii cum Eccleſia Zione in totum orbem, in
omnes gentes propagata Matt. 28. v. 18. 19. Ergo etiam leges ceſ-
ſant. IV. Ex axiomate Theologico: Euangelium non abolet Poli-
tias; Matt. 22. v. 21. Rom. 13. v. 1. & ſeq. 1. Pet. 2. v. 13. & ſeq. ſicut A-
poſtoli ubique prædicantes vixerunt quarumvis gentium legibus.
Ergo nec imponit leges forenſes Moſaicas, ſed eæ abolitæ ſunt.

Cautiones:

1. Licet
abrogata-
rum lectio.

2. Licet inde
mutuari.
quæ noſtris
Politiiſ con-
veniunt.

De iis tamen triplex cautio notanda eſt. *Prima;* Etiamſi Leges
forenſes particulares abrogatæ ſunt; lectio tamem earum legum
non eſt interdicta, ut inutilis & pernicioſa, ut *Marcionita, Mani-*
chei olim; nuper fanatici Anabaptiſta ſenſerunt. Probat. dicto A-
poſtoli Rom. 15. v. 4. & exemplis, quia probationes etiam inde mu-
tuatur 1. Cor. 9. v. 9. & alibi. Secunda; Ex legibus forenſibus particu-
 laribus abrogatis poſſunt liberè ſumi, quæ noſtris politiis conve-
 niunt

niunt : quia abrogatæ sunt, non ut malæ aut perniciosæ : sed ut non necessariæ. *Probatnr* : Paulus de Politiis loquens , inquit : *Non est Judæus nec Græcus Gal. 3. v. 28. Col. 3. v. 11.* Ergo indifferentia illarum statuta , & consuetudines honestæ. *Tertia* ; Ex legibus forensibus particularibus eruendum & retinendum est genus : quod plerumque est morale. Exempli gratia: Ex illâ lege *Dent. 25. v. 4. Bovis trituranti non obligabis os*, Paulus sumit genus, quod est naturale & morale: *Dignus est operarius mercede sua 1. Cor. 9. v. 9. & seq.* Sic in lege de *spicilegio*, genus est, beneficentia erga pauperes. In lege de *peribolo faciendo* morale est, ut periculo obvietur, vitæ securitati caveatur. Hæc de legibus Forensibus primi generis.

3. q. Ex particularibus retinendum est genus.

Secundi generis sunt, quæ juris sive æquitatis communis rationem præscribunt, & ex Lege naturæ fluunt. Hæ obligant Judæos, non quâ Judæi, sive gens particularis à cæteris distincta: sed quâ homines erant, communibus naturæ gentiumque legibus, obnoxii. Tales sunt leges de judiciis, de præmiis virtutum, & pœnis vitiorum: de viduis, orphanis, peregrinis sublevandis: de meretricibus in populo Dei non tolerandis &c. quæ certè morales sunt, & juris communis rationem modumque definiunt.

II. Juris communis.

Dux autem *regula* tenendæ sunt, quibus id genus leges agnosci, & ab aliis discerni queunt. *Prima* est: si viri prudentes, inprimis autem legislatores in aliis Rebuspub. easdem leges ex solis naturæ principiis deduxerint & extruxerint convenienter legi Dei. Sic *Ægyptii, Græci, Romani, alii*, suas leges habuerunt, in quibus multæ reperiuntur divinis plane consentaneæ: quod vel sola collatio juris Romani & Mosaici à diversis instituta ostendit. *Secunda* est: si leges forenses Mosaicæ directè faciant ad sanctionem obedientiæ & observationem legum Mosaicarum moralium: atque ita defensionem vel conservationem Ecclesiæ, Reipub. & œconomix inserviant. Quod non potest esse obscurum, si vel materia sive objectum Legum, vel causæ eas sancienti attendantur. Lex de *pœnâ homicidii* est juris communis: partim quia ab aliis etiam Legislatoribus constituta est; Dracone, Solone, Lycurgo, Numa; sic Lex *Cornelia* apud Romanos; partim etiam quia sancit obedientiam sexti præcepti: & causæ quæ ei adduntur sunt communes & valent in omnibus *Num. 35. v. 33. Gen. 9. v. 6.* Similiter lex de *pœnâ adulterii* est communis: tum quia ex lumine naturæ deducta ab aliis quoque etiam ante Legem Mosis, puta à *Juda Gen. 38. v. 24. vide etiam Jer. 29.*

Quæ agnoscuntur
1. cum easdem alii legislatores ex lege naturæ deduxerunt.
2. cum faciunt ad sanctionem legum moralium.

v. 23. tum etiam quia eâ confirmatur directè obedientia septimi præcepti. Et causæ ejus sunt perpetuæ, usufque in Politia planè necessarius: *Levit. 20. v. 22.* earum duæ enumerantur; alibi plures. *Confer Levit. 18. cap.*

Hæ leges
non sunt ab-
rogatæ.
1. q. sunt Lex
naturæ &
moralis.

Jam sententiæ hujus veritas distinctè confirmanda est, *Rationes* è multis hæ sunt: I. Lex naturæ & moralis non est abrogata. *Patet* 1. testimonio Christi *Matt. 5. v. 17. Ne existimate me venisse ut solvam legem, non veni ut eam dissolvam, sed ut impleam.* 11. ex definitione ejus: Est enim æterna ac immota regula justitiæ divi-
næ. omnes omnino homines ad obsequium obligans. Leges Mo-
saicæ forenses secundi generis sunt naturæ & morales. *Ratio:* quia
directè sanciunt obedientiam præceptorum moralium, Ergò.

2. q. eas
Christus
non sustulit.

II. Quas Leges Christus non sustulit sed vindicavit, eas quoque non abrogavit; alioquin non opus fuisset vindicatione, quæ facta, ut rectius intelligerentur, religiosius observarentur: argumento à Fine. Atqui etiam leges forenses vindicavit. *Matt. 5. v. 38. Exod. 21. v. 24.* de lege talionis, quam trahi vetat ad vindictam privatam,

3. q. Chri-
stianum Ma-
gistratum
etiamnum
obligant.

Ergò. III. Leges Christianum Magistratum etiamnum obligantes, abrogatæ non sunt. *Ratio;* quia abrogatæ non amplius obligant. Atqui Leges Mosaicæ forenses, quæ sunt juris communis, etiam-
num obligant Christianum Magistratum. Secus non obstante
Dei sententiâ posset statuere de delictis: pro libitu. Quod minimè
ei licet. 1. quia est Dei Minister & vicarius, *Rom. 13. v. 4.* cujus man-
data observare tenetur in muneris sui administratione. 11. quia ju-
diciu non hominum est, sed ipsius Dei *Deut. 17. v. 8. 2. Chronic.*

4. q. nihil eis
surrogatum.

19. v. 16. 111. quia ipse custos est utriusque tabulæ. Ergò etiam
vindex legum, quibus utriusque obedientia sancitur. IV. Nihil un-
quam Deus abrogavit, cui non substituerit aliquid melius, clarius.
Sic legem moralem abrogavit, quoad maledictionem & coactionem,
substitutâ ei gratiâ remissionis peccatorum & Spiritualis liber-
tatis *Ioh. 1. v. 17.* Legem ceremonialem antiquavit surrogatâ ei
veritate, *Ioh. 1. v. 17.* & corpore umbrarum *Coloss. 2. v. 17. Heb. 10.*
v. 1. Legibus forensibus juris communis quid unquam substituit?
Nam quæ sunt juris particularis typicam rationem complectuntur,
& in genus legum cæremonialium incurrunt: de quibus diximus.

5. q. sic po-
pulo V. T. re-
ctius fuisset
prospectum,
quam N. T.

V. Si leges forenses juris communis æquè abrogatæ sunt, quæ
juris particularis: utique populo V. T. longè rectius prospectum
fuerit, quam N. T. *Ratio;* quia ille populus non minus regiminis
Politici

politici quam Ecclesiastici certam normam ac formam à Deo acceperit : quod non hic factum. Consequens absurdum, & contra prerogativas N. T. Ergò.

Cautiones:

Ne tamen in hoc legum genere ullatenus peccetur, etiam *cautiones* quædam norandæ sunt circa earum praxin : ex quibus usum earum & applicationem rectè & prudenter secundum voluntatem Dei moderemus. *Prima*: Leges forenses, quæ juris communis dicuntur non sunt ejusdem generis : aliæ simplices, de judiciis, præmiis & pœnis: aliæ *mixtæ*, & hæc iterum *vel ex tribus speciebus, moralis, cæremoniali, & judiciali*; ut iv. præceptum Decalogi: *vel ex duabus, morali & forensi*; ut in lege de spicilegio, morale est benefacere pauperibus; forense, hoc modo benefacere: *vel rursus ex duabus, forensi & cæremoniali*, ut in lege de portione duplâ primogeniti: ubi morale; juris communis est, divisio hæreditatis: forense, portio dupla primogeniti, propter typicam ejus excellentiam. Segreganda cæremonialia, & forensia particularia; cætera retinenda. *Secunda*: In legibus forensibus juris communis diligenter ponderandæ sunt tum *causa*, ob quas latæ sunt, tum *circumstantiæ* quibus circumscribuntur & determinantur. In iis si discrepantia est, etiam ipsæ leges aliquatenus variant; saltem non exactè quadrant. *Tertia*: Ex legibus forensibus juris communis, eoque perpetuis, analogicâ proportionem sæpe procedendum est: argumentando à pari, majori, minori, simili &c. quoties nim: non omnes casus definiti, aut omnes pœnarum sive species, sive gradus determinati; verbi gratia, in abigentes fœtum nulla pœna expressè statuta; at ex lege homicidii, qua anima exigitur pro animâ *Exod. 21. v. 12. 22. 23.* facile colligitur. Sic de philtro pronuntiatur à pari vel simili ex lege, *Exod. 22. v. 16. Deut. 22. v. 28.* de pacifcentibus cum Diabolo in damnum proximi, aut apostasiam ad Diabolum facientibus, ex Lege *Exod. 22. v. 18. Levit. 19. v. 31. cap. 20. v. 6.*

1. Sunt ex simplices vel mixtæ.

2. Ponderandæ causæ & circumstantiæ.

3. Procedendum sæpe analogicâ proportionem.

PROBLEMA TRIGESIMUM QUINTUM.

An Evangelium sit Prædicatio Pœnitentiæ & Remissionis peccatorum?

Sensus est : *Utrum Evangelium non minus sit prædicatio pœnitentiæ, quàm remissionis peccatorum.* Nam de remissione peccatorum nulla controversia. Pœnitentiæ autem vocabulum

hic idem est quod resipiscentiæ: ut patet ex allegatione locorum siquidem vetus interpretes μετανοίαν & μεταμέλειαν eodem modo reddidit.

Explicatio problematis erit trimembris: de origine problematis & totius controversiæ: de conciliatione ejus frustrâ tentâ: & denique de verâ sententiâ.

De Primo.

Origo controversiæ ex definitione Melancht.

Quæ probatur.

Adversarii illius Pontificii.

Antinomi.

Flatciani.

Quorum argumentum refellitur.

Occasionem controversiæ dedit definitio Evangelii, quam superiore seculo primus proposuit *Phil. Melancthon*, concinnator definitionum dexterrimus, qui tum in *Augustanâ confessione*, ejusque *Apologiâ*, tum in locis communibus ac aliis libellis eam tradidit. Conformavit autem eam tum veritatis, tum prudentiæ legibus. *Veritatis*: quia eam ex Scripturâ ipsâ evidenter deduxit & extruxit. *Probatur*. I. ex illis locis, quæ conjungunt resipiscentiâ & fidem, five remissionem peccatorum *Marc. 1. v. 15 Luc. 24. v. 47. Act. 20. v. 21. & alibi. II. ex praxi Joh. Baptistæ, Christi, & Apostolorum Matt. 3. 4. capp. Luc. 3. 4. capp. Act. 2. v. 39. 40. 41. cap. 19. v. 3. 4. Prudentiæ* quoque, quia occurrere voluit pervulgatæ calumniæ Pontificiorum, quod prædicatione gratiæ Evangelicæ peccandi fenestra aperiatur, & carnalis securitas foveatur. Cui locus amplius non est, siquidem etiam sit concio Resipiscentiæ Evangelium. Sed Pontificii hâc viâ exclusi, aliâ & quidem prorsus contrariâ rem aggressi sunt. Si, inquebant, Evangelium etiam est concio resipiscentiæ: ergo Evangelium continet etiam præcepta legalia: est etiam genus doctrinæ legale: nec amplius discrimen est inter Legem & Evangelium; ut contendit Lutherus. Præter Pontificios autem etiam *Antinomi*, & horum princeps *Isebius*, eâ definitione abusi sunt: quod Lege non amplius sit opus, cum etiam Evangelium sit doctrina resipiscentiæ. Propter has contentiones & oppositiones *Lutherus* non rejecit veram ac usitatam definitionem Evangelii, sed rectè declaravit. Verum post obitum illius *M. Flaccius Illyricus*, hujusque sectatores, odio Philippi litem de eâ moverunt, ac minimè ferendam esse clamitarunt, quod non sine periculo gravissimo sanæ doctrinæ inducat confusionem Legis & Evangelii: quod superiorum temporum experientia abundè testatur. *Argumentum* ipsorum inter cætera hoc erat: Quæ non sunt unum & idem, unâ definitione comprehendi nequeunt.

Resi-

Resipiscentia & Remissio peccatorum non sunt unum & idem. Ergo. Quasi vero quæ specie differunt, non possint convenire genere, & genericâ sive communi definitione contineri. Contra genuini discipuli Phil. Melanchthonis, quos ipsi *Synergistas* & *Adiaphoristas* odiosè appellabant, defenderunt illam definitionem, & omnibus modis retinendam esse contenderunt.

De Secundo.

Conciliationem hujus controversiæ tentarunt & duplici via aggressi sunt *fabri lib: Concordia*.

Fabri lib:
Concordiæ
conciliarunt
distinctione
vocis.
I. Evangelii.
quod accipi-
tur Latè,

Prior consistit in distinctione vocis *Evangelii*, quæ latè sumitur pro tota doctrinâ Christi & Apostolorum ipsius, non solum de remissione peccatorum, sed etiam de resipiscentiâ, novâque obedientiâ, *Marc. I. v. 15. & cap. 16. v. 15. Prædicate Evangelium omni creature.* quod *Matt. 28. v. 20.* sic declaratur, *Docentes illos servare omnia, quæ præcepi vobis.* Sic *Rom. I. v. 1. cap. 2. v. 16. Strictè* autem pro doctrinâ gratiæ de remissione peccatorum per fidem propter meritum Christi. Quomodo usurpatur multis aliis locis. *Primo* significatu, qui improprius, Evangelium esse volunt concionem Resipiscentiæ & Remissionis peccatorum. *Secundo* autem, eoque proprio, esse concionem Remissionis peccatorum. Item Prædicationem resipiscentiæ pertinere ad legem: prædicationem Remissionis peccatorum verò pertinere ad Evangelium. Sed hæc conciliatio non est firma aut solida. Nequæ enim Resipiscentia legalis dici potest. Cujus enim nec mandatum, nec promissio habetur in lege, id legale non est, nec ad legale genus doctrinæ pertinet. Atqui resipiscentiæ *nullum mandatum* habetur in Lege; quæ nuspiam dicit, *Resipiscite*. In genere quidem urget obedientiam omnium mandatorum Dei: at in specie nihil de resipiscentiâ. nulla etiam *promissio*; Quia Lex ei qui peccavit nihil promittit, sed tantum minatur ac intentat maledictionem. Ergo.

Strictè.

Priori modo
Resipiscen-
tiam com-
plecti.
Posteriori
item.
Improbatur
hæc Conci-
liatio.

Altera consistit in distinctione. *Pœnitentiæ* sive *resipiscentiæ*: quæ vel *latius* accipitur, pro tota hominis ad Deum conversione *Matt. 3. v. 2. Luc. 15. v. 7.* vel *strictius* pro alterâ ejus parte, nempe contritione: cui tamen fides, cetera altera pars, fere adjungitur *Marc. I. v. 15. Act. 20. v. 21.* *Primo* modo, Evangelium ajunt esse concionem resipiscentiæ, quia est concio fidei, quæ communi resipiscentiæ vocabulo comprehenditur: *Secundo* non item, sed potius Legem, cum contritio, quæ est prior pars resipiscentiæ, sit ex

II. Pœniten-
tiæ, quæ ac-
cipitur.
Latè.
Strictè.

Illo modo
Evangelium
eam com-
prehendere,
Non isto.

Lege.

Improbatur
& hæc con-
ciliatio.

Lege. Nos fatemur quidem aliquam contritionem esse ex *Lege*, nimirum quæ est agnitio peccati & dolor de eo: negamus interim illam contritionem, quæ pars est *resipiscentiæ* propriè dictæ, esse ex *Lege*. Nam *contritio*, quæ est ex *Lege*, non est dolor secundum Deum, sed dolor mundi; non salutaris, sed exitialis 2. *Cor.* 7.v.10. At *resipiscentia* est *contritio salutaris*, est dolor secundum Deum. Ergò. Rursum *contritio*, quæ est ex *lege*, efficit aversionem à Deo, fugam ab ipso. Sed *contritio*, quæ pars est *resipiscentiæ* propriè dictæ, non efficit aversionem à Deo, sed conversionem ad ipsum *Luc.* 15. Illa igitur non est ex *Lege*. Ergò nec in hac distinctione quicquam momenti est ad solidam conciliationem.

De Tertio.

Euangelium
propriissimè
est concio
etiam *Resi-
piscentiæ*.
Et quatenus.

Supereft ut ultimo loco subijciamus *veram* ac *Orthodoxam* *sententiam*, quæ sic habet. *Euangelium* propriissimè etiam acceptum, minus est concio *resipiscentiæ*, quàm *fidei* & *Remissionis peccatorum*; idque trifariam. I. quatenus est doctrina revelans nobis gratiosam Dei voluntatem, de recipiendis in gratiam *resipiscentibus* & credentibus: adeoque ad Deum nos revocans, propositâ spe veniæ. Nec enim *Legis* vox est; *Nolo mortem peccatoris*, *Ezech.* 18.v.23. *cap.* 33.v.11. *Venite ad me omnes qui laboratis & onerati estis*, *Matt.* 11.v.28. sed *Euangelii*. II. docet etiam modum *resipiscendi*, sive agendi *pœnitentiam*: quia ostendit, quæ sit vera & Deo placens *resipiscentia*: quibus item partibus contineatur; ut sunt dolor ex agnitione peccati propter offensum Deum; fiducia remissionis peccatorum per & propter Christum; nec non firmum & constans propositum fugiendi peccata, & sectandi justitiam: ex quo fluit nova obedientia, tanquam fructus *resipiscentiæ*. III. est instrumentum ac organum salutare, per quod Deus in nobis operatur *resipiscentiam*: quæ est ad salutem 2. *Cor.* 7.v.10. Probatur ex *Act.* 5.v.31. & 2. *Tim.* 2.v.25. quo loco docetur, Deum largiri *resipiscentiam* per ministerium *Euangelii*: quod est potentia Dei ad salutem *Rom.* 1.v.16. Ubi tamen *cautionis* loco illud notandum venit, quod *Spiritus S.* *resipiscentiam* in nobis efficiens per *Euangelium*, non negligat, sed adhibeat etiam in partem operis *Legem*, ejusque ministerio utatur: Non quasi *resipiscentia* propriè sit ex *Lege*, sed quia per concionem *Legis* operatur agnitionem peccati, & dolorem sive contritionem de eo; absque quâ

Spiritus S. efficiens in nobis. *Resipiscentiam* per *Euangelium* adhibet *Legem*.

quā nemini contingit donum resipiscentiæ. Et hæc contritio non est pars integrans resipiscentiæ: sed præcedanea dispositio ad eam. Ita lex non quidem est causa resipiscentiæ: est tamen ministra Spiritus in efficiendâ resipiscentiâ per Euangelium.

Hujus sententiæ veritas multifariam, idque evidenter de-
monstrari potest ex Sacris literis. *Primò*: à fine adventus Christi
in carnem; Christus missus à Patre venit in carnem, ut peccatores
resipiscentes salvos faceret à peccatis ipsorum 1. *Timoth.* 1. v. 15.
Mat. 9. v. 13. Ergo concio resipiscentiæ propria est Euangelii, Hu-
jus enim præcipuum munus est explicare officium Christi & fi-
nem adventus ipsius. *Secundò*: Cujus proprium præceptum est
mandatum de resipiscentia; propria item promissio mandato an-
nexa, ejus etiam propria est prædicatio resipiscentiæ. Atqui Eu-
angelii proprium est utrumque: argumento locorum *Marc.* 1. v.
15. *Luc.* 24. v. 47. *Actor.* 2. v. 39. 40. & aliorum. Ergò. *Tertiò*: Ejus
est prædicare resipiscentiam, cujus est ad eam invitare spe gratiæ
& remissionis peccatorum. Neque enim resipiscentia constat
absque illâ spe, nec absque eâ succedit unquam. Atqui poste-
rius illud est Euangelii. Ergò & prius. *Quarìo*: Christus ejus-
que beneficia universa sunt objectum Euangelii, & ad ejus præ-
dicationem pertinent. Atqui non minus resipiscentia, quam fides
vel remissio peccatorum est beneficium Christi *Actor.* 5. v. 13.
cap. 11. v. 18. 2. *Timoth.* 2. v. 25. Ergò. *Quinìo*: Baptismus est
Sacramentum non Legis, sed Euangelii: ut est *Marc.* 16. v. 15.
16. *Actor.* 2. v. 39. 40. Atqui est Sacramentum resipiscentiæ ad re-
missionem peccatorum *Act.* 2. v. 39. 40. *cap.* 19. v. 3. 4. Ergò. *Sextò*:
Quod non efficit salutem, nec resipiscentiam efficit: Quia resipi-
scentia est ad salutem, 2. *Cor.* 7. v. 10. Quod autem non est causa
causæ, nec causa causati. Atqui Lex non efficit salutem. *Gal.* 3. v. 10.
& seq. Ergò.

Objicitur contra:

I. Cujus est monstrare peccatum, ejusque sensu nos con-
terere, ejus est prædicare resipiscentiam, & ad eam invitare. At-
qui hoc munus est Legis proprium. Ergò. *Resp.* negamus con-
sequentiam *propositionis*, moti *partim* auctoritate Apostoli 2. *Corinth.*
7. v. 10. ubi inquit, non quamvis contritionem, sed eam demum,
quæ secundum Deum est, efficere resipiscentiam: *partim* etiam

Legis non
est prædicare
Resipiscen-
tiam.

consideratione naturæ tum Legis, tum resipiscentiæ. Lex non invitatur ad resipiscentiā : sed monstrat peccata, ea detegit : ad quorum peccatorum resipiscentiā, deinde invitatur Evangelium. Lex simpliciter maledictum pronunciat peccatorem, de resipiscentiā verbum nullum facit. Evangelium invitatur ad resipiscentiā illorum peccatorum, quæ agnovimus ex Lege. *Instans* ; Lex prædicat resipiscentiā per se, Evangelium per accidens. *Respond.* imo Evangelium eam prædicat per se, dicens, *Resipiscite, credite.* Lex nihil horum habet ; sed in agnitionem peccati deducit, *Rom. 3. v. 30.*

Vindicatur
dictum *Marc.*
1. v. 15.

II. *Marc. 1. v. 15. Resipiscite & credite Evangelio.* Hic ajunt. Christus fidem refert ad Evangelium ; resipiscentiā non item. *Respond.* admittitur fallacia divisionis. Nec enim Christus ita Evangelium copulat cum fide, ut à resipiscentiā illud separet : verum utrumque conjungit cum eo, id docet promissio ; *appropinquaverit regnum cælorum* ; licet diversimodè, pro distincta utriusque natura.

Resipiscen-
tia non est
ex Lege nisi
inchoativè.

An ergò resipiscentiā nullo modo est ex Lege? Respond. Pœnitentiā latè dicta, piis & impiis communis est ex Lege. Sive inchoatio quædam resipiscentiæ, quæ est dispositio ad eam, est ex Lege ; ipsa resipiscentiā propriè dicta non item. Lex & Evangelium non sunt causæ sociæ ad resipiscentiā ; sed propria causa est Evangelium ; cui Lex subservit in faciendâ præparatione.

PROBLEMA TRIGESIMUM SEXTUM.

An quia Christus Deus & Homo est, sit duplex persona?

Christus est
unica tan-
tum persona

Negatur, Probatur autem *negativa* ; I. autoritate Scripturæ, quæ non duos Christos, sed unum sive unicum nobis proponit. *In V. T. Eccl. 12. v. 13. Verba sapientum tradidit a pastore uno,* eo scilicet, qui *Ioh. 10. v. 11. se pastorem illum bonum vocat.* *In N. T. 1. Tim. 2. v. 5. Unus Mediator Dei & Hominum. Homo Christus Iesus. 1. Cor. 8. v. 6. Unus Dominus Iesus Christus. Ephes. 4. v. 5. Unus Dominus, Rom. 5. v. 15. Gratia Dei & donum per gratiam unius illius hominis Iesu Christi, Mat. 23. v. 8. 10. Unus est Doctor vester Christus.*

II. Ubi duæ naturæ unum tantum ὁμοῦ καὶ ἑνὸς constituant, ibi non est

est persona duplex, sed unica. *Pater* exemplo anime & corporis in homine, quæ unum hominem, unam personam constituunt. In Christo, duæ naturæ Humana & Divina unum tantum *ὁ υἱος πατρὸς* constitunt. *Ratio*, quia natura divina sive λόγος assumfit humanam in unitatem suppositi sive subsistentiæ *Heb.* 2.v.14. *Phil.* 2.v.6.

7. Ideo unitate personæ in Scripturâ unum dicuntur, Ergò.

Contra obijcitur: Humanam Naturam non minus personam esse quam naturam divinam, atque ita duas personas fore, si sint duæ naturæ, quæ est hæresis Samosatēnianorum.

I. Quod habet suam propriam substantiam & personalitatem, id est persona. *Pater* argumento definitionis personæ. Humana natura Christi habet suam propriam subsistentiam & personalitatem. I. quia est individuum substantiale per se subsistens. II. quia per eam est verus homo similis nobis per omnia excepto peccato *Heb.* 2.v.17. *cap.* 4.v.15. Ergò. *Respond.* Minor falsa est; non est hypostasis, sed *ὑποστάσις*; non persona, sed subsistens quid in personâ, & sustentatum ab eâ. *Probatio prima* ambigua est. *Per se subsistere* aliquando opponitur ei, quod subsistit in alio per modum accidentis, cuius esse est inesse; existere, inexistere: Ita Humana Natura subsistit per se: quæ non est accidens. Alias significat separatim exsistere, extra unionem & sustentationem alterius. Ita falsum est, quod per se subsistat. Subsistit enim in λόγῳ à quo assumpta est, tanquam instrumentum intimè ei conjunctum, & quasi pars quædam ipsius: sicut brachium in corpore humano. Altera habet fallaciam tum æquivocationis, tum à dicto secundum quid. *Æquivocationis*, quia si abstractivè intelligatur, quod humanitas Christi sit verus homo, seorsim & separatim subsistens, tum falsum est. Sin concretivè, quod persona denominata à Natura Humana sit verus homo, datur. *Secundum quid*: quia similitudo illa per omnia, ad veritatem naturæ in partibus essentialibus & integralibus, proprietatibus earundum, atque etiam infirmitatibus referenda est: ut patet, cum ex *Heb.* 2.v.14. 17. 18. *inter se collatis*: tum etiam ex *Phil.* 2.v.7.8. Ad similitudinem subsistentiæ, ut non minus per se subsistat, quàm alia individua humana referri non potest, duplici de causa. I. quia ita dicitur similis factus, ut existens in formâ Dei, assumeret formam servi, ac semen Abraham *Philip.* 2.v.7. *Hebr.* 2.v.16. utique in suppositi unitatem, quia propter illam assumptionem dicitur unum cum eo. II. quia similis

Humana
natura non
habet pro-
priam per-
sonalitatem.

dicatur factus non huic illi homini, cui sua est separata subsistentia, Petro, Paulo: sed hominibus, quibus communis est una ac eadem natura humana.

Neque tamen eam ob causam imperfecta est.

II. Si Natura Humana in Christo non est persona, sed propria personalitate destituitur, erit imperfecta, & quidem imperfectior naturâ nostrâ. Absurdum consequens. Tale igitur est ipsum Antecedens. *Resp.* negatur *consequentia* secundum utrumque membrum. *Quoad prius*: quia Humana Natura omnibus suis partibus essentialibus & integralibus constans est perfecta. *Personalitas* non est pars vel essentialis, vel integralis Naturæ Humanæ. Alia enim est definitio naturæ, alia personalitatis. Est vero terminus naturæ perfectæ, & constitutæ jam suis partibus: quæ si separata relinquatur & subsistat, consequitur suam subsistentiam & personalitatem. Sin trahatur ad subsistentiam alterius, non consequitur. Illustratur exemplo nudi hominis Petri, Pauli, collati cum Christo: quorum illi separatam ac propriâ personalitate subsistentem, hic non separatam, sed in unitatem personæ τῷ λόγῳ adscitam, utrique autem perfectam habent naturam humanam. *Quoad posterius*: quia subsistens in λόγῳ ipsius subsistentiâ subsistit. Id autem longè perfectius, nobilius est, quàm si propria personalitate subsisteret. Est enim subsistentia λόγῳ increata divina. Illustratur exemplis i. oleæ & oleastri ex *Rom.* 11. vitis & palmitis sylvestris ex *Iohan.* 15. ubi furculi sylvestres in generosiorē arborem insiti perfectiorē ac nobiliorem subsistentiam consequuntur, quam habebant separati ab eâ. ii. subsistentiarum inanimati, animati vitâ vegetativâ, sensitivâ & rationali: quoties inferius imperfectius trahitur ad subsistentiam superioris & perfectioris.

PROBLEMA TRIGESIMUM SEXTUM.

Vtrum duæ sint filiationes in Christo?

Terminus quidem *Filiationis* est barbarus, insolens Latinis auribus, sed hic περὶ τοῦ: nec verba sed rem hic spectamus.

Sunt qui *unicam in Christo filiationem* solum, putant fratuendam esse: atque ita negant problema. *Rationes.* I. Quia unicus solum Filius est. Ergo etiam unica filiatio. II. quia quæ sunt personæ, non

non multiplicantur. Filiatio autem propriè ad personam pertinet. Ergò.

Nos verò statuimus, rectè dici *duas* esse in Christo *filiationes*, & sententiam affirmantem esse veram: I. Quot sunt generationes in Christo, tot etiam sunt filiationes. Est enim generatio causa filiationis: Atqui sunt duæ generationes in Christo: una divina, æterna à Patre; altera humana, temporalis à matre: quæ conjunguntur *Mich. 5. v. 2.* & in symbolo cum dicitur unigenitus Filius Dei à Patre, & natus ex Maria virgine. Ergò. II. Qui rectè dicitur Filius Dei, & Filius hominis in uno eodemque supposito, eidem rectè tribuuntur duæ filiationes in uno eodemque supposito. *Ratio.* quia denominatio fit à duplici formâ, sive duplici filiatione. Atqui Christus rectè dicitur Filius Dei & Filius Hominis: quia ipsa Scriptura sic eum vocat *Iohan. 3. v. 13. & 16.* Ergò. III. à Pari: Cui rectè tribuuntur duæ naturæ in unâ Personâ, secundum quas est Filius Dei & Hominis, eidem etiam rectè tribuitur duplex filiatio in unâ personâ. *Ratio:* quia Naturæ Divinæ est divina filiatio, Naturæ Humanæ, humana filiatio. Atqui Christo rectè tribuuntur duæ naturæ in unâ personâ. Ergò.

Dux sunt filiationes in Christo.

Rationes contrarie facile dissolvuntur. *Primâ* inconsequens est: Nam confundit subjectum sive terminum filiationis, & ejus modum. *Subjectum* filiationis unicum est, videlicet unica persona, quæ est Filius Dei & Filius hominis: *terminus* similiter, quia utraque filiatio terminatur ad eandem hypostasim: *Modus* geminus est: quia καὶ ἄλλο dicitur Filius Dei, & καὶ ἄλλο Filius hominis. *Alterâ* ambigua est propositione *majori*. Quæ sunt personæ non multiplicantur, scilicet; quoad subsistentiam sive personalitatem & indivisam existentiam: alioquin non esset una persona, sed multiplex & diversa. Ita datur. Sin sic intelligatur; quæ sunt personæ, id est, quæ subsistunt in unâ personâ, non multiplicantur, id est, non sunt aliquid multiplex, distinctum, diversum, falsa est. Sic enim ne essent quidem duæ naturæ in Christo, & diversæ earundem proprietates, quæ utique ad personam Christi pertinent; cum ea in iis subsistat.

Refutantur
Objectiones

PROBLEMA TRIGESIMUM OCTAVUM.

Num persona Christi Θεω Θεωπ & dici possit composita?

Quidam Patres, & post ipsos Damascenus, & alii personam Christi συνθετον compositam dixerunt: quia constat duabus naturis. Divinâ & Humanâ, & quia λόγος ante incarnationem ἀνθρώπου δυνάμετος fuerit.

Hæc vox bifariam intelligi potest.

Persona Christi non est σύνθετος composita ex duabus naturis seu partibus.

Primo, quod ex duabus naturis, tanquam partibus propriè dictis composita sit. Ita συνθετον esse negamus. *Rationes* sunt. I. quia partes sunt incomplete respectu totius, id est, non absolute, perfecte. At naturæ in Christo, imprimis divina, perfectissima fuit ante unionem. Ergò. II. Partes sunt in potentiâ, quoad totum: nec sunt totum actu. Sed Natura Divina non est potentiâ. Ergò. III. Partes realiter differunt à toto; & constituunt tertium quid. Non naturæ in Christo, quæ non uniuntur in tertiam aliquam sive naturam, sive personam. Ergò. IV. Partes sunt vel universales, vel essentielles, vel integrales. Naturæ in Christo non sunt partes ejusmodi. *Non universales*; quia non genera & species, sed individua. *Non essentielles*, quæ materiâ & formâ comprehenduntur; quia utraque natura est forma & principium operationis Phil. 2. v. 6. 7. *Non integrales*; quia natura divina non potest esse pars materialis. Ergò.

Dici potest σύνθετος, quia duæ naturæ subsistunt in unâ personâ.

Secundo; quod duæ naturæ in unitate personæ sive in unâ Christi personâ subsistant. Hoc respectu dici potest συνθετος composita. *Ratio*; quia λόγος non subsistit amplius in unâ naturâ, ut ante incarnationem, sed in duabus; est λόγος ἐν σαρκει, non ἀπὸ κενου. Sic autem compositus dicitur absque omni imperfectione. Hæc compositio dicitur ratione numeri, non partium: quia res numeratæ sive subsistentes in personâ Christi sunt plures numero. non autem sunt partes propriè, constituentes compositum. Dici etiam possunt *partes extraordinariæ*; quia subjectum planè est extraordinarium; Immanuel, Deus Homo; item extraordinarius & maxime singularis modus quo subsistunt in unâ personâ, unio hypostatica.

Queritur verò: An analogiâ quædam propius accedant ad partes essentielles; an integrales? *Keckermannus System. Theolog. lib. 3. cap.*

cap. 2. putat ad *partes integrales* accedere propius: secutus *Damascentum*. Ego malim ad *partes essentielles* referre. I. quia partes integrantes sunt materiales & quantæ propriè: essentielles non semper; ut in homine anima, quæ immaterialis est, quantitatis expers. II. quia Scriptura Humanam Naturam Christi comparat templo *Ioh. 2. v. 19. 21.* cui Divina Natura personaliter inhabitat *Col. 2. v. 9.* item Tabernaculo *Heb. 9. v. 11.* III. quia Patres duas Naturas in Christo conferunt cum animâ & corpore in homine. Sed illæ sunt partes essentielles, propriè. Ergo hæ esse videntur analogicè.

Dux naturæ in Christo propius accedunt ad partes essentielles, quam integrales.

analogicè tamē, non propriè.

Obijciunt: Atqui illa sententia patrocinari videtur vel saltem accedere ad errorem Apollinaris, qui statuit divinitatem esse formam humanitatis. *Resp.* negatur: nec enim dicitur esse partes essentielles propriè: sed ad eas referri posse similitudine quâdam, sive analogiâ attributionis: quæ nihil propriè ponit in re. Simile enim non idem.

PROBLEMA TRIGESMUM NONUM.

Utrum unio personalis sit communicatio subsistentiæ τῆς λόγῃς, omniumque proprietatum essentialium?

IN explicatione hujus problematis distinctè dicendum est de Tribus; de *Terminis*, *ordine*, ac *Re* nobis cum Lutheranis controversa.

De Primo.

Termini non sunt Scripturæ: nusquam enim inveniuntur in eâ sic usurpati: sed Patrum quorundam Græcorum & Latinorum in disputationibus cum Nestorianis & Eutychianis, à quibus Damascenus, & post ipsum Scholastici Theologi eos mutuati sunt. Uti sunt autem *Patres* vocabulo *communione* sive *communicationis* in doctrina de personâ Christi bifariam. I. pro unione personali duarum in Christo naturarum. Et sic synonyma sunt *ἑνωσις καὶ κοινωνία*. II. pro modo prædicationis, quo utriusque naturæ proprietates enunciantur de personâ, etiam denominatâ ab eâ naturâ, cujus non sunt proprietates. Quo sensu etiam *ἐπίξενξις ὀνομάτων*, *κοινωνίας ὀνομάτων*, itemque *ἀντίδοσις* nominatur. Utroque significato agnoscitur à nobis communicatio idiomatum, nec ulla est de eâ

Communicatio & Communio quid Patribus significent.

con-

quid Lutheranis.

controversia. Sed *Lutherani* in sensum planè novum, & Scripturæ & Orthodoxæ antiquitati incognitum, detorserunt vocem: quatenus ad stabiliendam Ubiquitatem pro reali effusione divinarum proprietatum in Naturam Humanam eam acceperunt: & novum prorsus genus communicationis idiomatum, quod *natura ad naturam*, sive *Majestatis* vocant, commenti sunt.

De Secundo.

Ordo inter communicationem subsistentiæ τῆς λόγῃ & proprietatum essentialium, ex sensu Lutherano.

In ordine communicationis illius geminæ, cujus in Problemate mentio fit, variant ipsi Lutherani. Initio motę controversię ubiquitatis à *Brentio* & *Iacobo Andrea* præcessit communicatio proprietatum. Et in colloquio *Maulbrunnensi* defenderunt, unionem personalem formaliter consistere in communicatione proprietatū. Post in libro concordie ambigüè loquuntur. Et alibi quidem p. 244. ajunt propter unionem hypostaticam & consequentem ex eâ communicationem, &c. volunt ergo esse posteriorem unionem: Sed aliis. & quidem pluribus locis docent in communicatione subsistere unionem hypostaticam. Postremò simpliciter docuerunt, Formam unionis esse communicationem subsistentiæ: consequens sive effectum, communicationem proprietatum. Ita *Hunnius*, *Philippus Nicolai*, *Menzius*, alii: quod nunc ubique inter eos obtinet. Ratio autem hæc est, quia secus destrueretur mysterium incarnationis, dicendumque tres personas Deitatis incarnatas esse. Quæ absurda cavere volunt.

De Tertio.

In *Reipsâ* asserendâ admittunt fallaciam plurium interrogationum. Copulant enim geminam illam communicationem tanquam ejusdem generis: & pariter veram: contrâ quàm res habet. Nos distinctè eas considerabimus.

Communicatio hypostaseos quid.

Communicatio hypostaseos sive subsistentiæ τῆς λόγῃ bifariam potest intelligi: vel, quod carni ita eam communicarit, ut ipsa quoque facta sit hypostasis à λόγῳ distincta: quomodo Pater Filio communicavit hypostasim. Sic negatur. I. quia caro non est hypostasis. sed ἐν ὑπόστατι. II. quia communicatio hypostaseos Filii est æterna ejus generatio à Patre. Sic ergo etiam caro esset ab æterno genita: esset Deus. Vel: quod carnem suscepit, assumeret in unitatem hypostaseos suæ, eam sustentet tanquam partem aliquam sui;

fui ; nec unquam ab eâ discedat. Sicut arbor fuscipit, gerit furculum, qui ei inoculatur. Hoc sensu Lutherani usurpant, nec nos improbamus simpliciter. *Terminus* tamen, licet inter Scholasticos, atque etiam nonnullos Orthodoxos receptum, non magnopere probamus. I. quia ambiguus est, & adversariis ad sophisticandum & fallendum peropportunos. Ideo eum semper crepant. II. nusquam extat in Scripturâ : ex quâ tamen, quoad ejus fieri potest, de hoc mysterio loquendum est 1. Petr. 4. v. 11. III. quia Scriptura utitur vocabulis clarioribus & rei magis accomodatis: cum Unionem vocat *ἁβλῶ* Phil. 2. v. 7. *ἁπλῆ* Hebr. 2. v. 16. Nec est quod excipiant, istas esse voces transitive: cum unio sit permanens. Quia etiam intransitive accipiuntur hoc loco. Sic enim assumptam naturam humanam, ut eam æternum gesserit, sibi intimè conjunctam ; non autem iterum eam deponat.

Terminus ist
improbat. e

Communicatio proprietatum essentialium est juxta Lutheranos, quâ Natura Divina proprietates suas dedit sive communicavit Humanæ Naturæ, ut ipsa quoque sit omnipræsens, omnipotens. Hanc ex priore deducunt, tanquam consequens aliquod, sive effectum. Sed, *Primò* : non rectè deducitur : I. quia etiam ex hypothese Lutheranorum sunt toto genere diversæ communicationes. *Prior* communicatio est assumptio & sustentatio Naturæ Humanæ tanquam partis extraneæ, naturaliter non pertinentis ad hypostasim τῷ λόγῳ. *Alterâ* est realis effusio proprietatum divinarum ex uno subjecto & infusio in aliud. Et licet videri velint alieni à termino *infusionis* : sunt tamen qui eum usurpant : etiam ipse *Hunnius lib. de Persona Christi*, & sententia ipsorum omnino eum requirit. II. Est etiam discrimen aliquod saltem rationis inter essentiam Dei ejusque proprietates, & hypostasim τῷ λόγῳ : quippe sine quo nulla ratio dari posset, cur non æquè Pater vel Spiritus Sanctus, quam Filius sit incarnatus : cum scilicet una sit eorum essentia : sed quæ aliter in unâ, quàm alterâ personâ subsistat. *Secundò* etiam falsa est : Nam talem communicationem Scriptura ignorat : nec natura Dei patitur ullo modo : nec denique natura humana ullatenus capit : ut alibi operosè ostendimus.

Communi-
catio idio-
matum es-
sentialium.

non sequi-
tur ex prio-
re.

falsa est.

Nec πολυθρύλητον illud *argumentum* Lutheranorum à communicatione subsistentiæ ductum revocemus ad formam, & dissolvamus. Cui communicata est propriissima hypostasis τῷ λόγῳ,

Refellitur
argumen-
tum Luthe-
ranorum

T

eidem

eidem communicatæ sunt essentielles ejus proprietates. *Ratio* est: quia hypostasis illa realiter non differt ab essentiâ Dei, eoque nec à proprietatibus essentialibus: siquidem in Deo tantum sunt tres personæ realiter distinctæ. Humanæ Naturæ Christi communicata est propriissima hypostasis τῆ λόγῳ. *Ratio*: quia assumpta à λόγῳ in eâ personaliter subsistit: & proinde habet illam cum λόγῳ communem. Ergò. *Respond.* Aut sunt quatuor termini in argumento: sic ut vox *communicationis* aliter sumatur in Majore, aliter in Minore: vel negatur consequentia propositionis. Nimirum, quia communicatio hypostaseos non est ejus transfusio; ut Humana quoque natura sit hypostasis, sed assumptio Humanæ naturæ in hypostasin. Ad *rationem* dicimus: non differre quidem realiter hypostasin Filii ab essentiâ Dei: differre tamen ratione, sic ut incarnato Filio, non fit incarnatus Pater.

PROBLEMA QUADRAGESIMUM.

Quis sensus sit regule Patrum; Quæ data sunt Christo in tempore, secundum Humanitatem sunt data?

Hanc regulam contra hæreticos usurparunt Athanasius, passim; Theodoretus *Dial.* 1. Leo *epist.* 95. & alii. Lutherani eandem accipiunt in patrocinium Ubiquitatis: ut quia in Scripturâ multa divina Christo data dicuntur; ostendant omnipræsentiam, & reliquas proprietates Christo secundum Naturam Humanam datas esse. De sensu igitur quæritur.

Sensus hujus
regulæ.

Dicimus ergò, quod nemo negabit, vulgatam illam regulam eo *sensu* accipiendam esse, quo eam usurparunt ipsimet. Quisque enim verborum suorum optimus est interpret. Sed usurparunt eam pro defendendâ vera Christi Deitate, contra Arianos & alios hæreticos. Cum enim illi negarent Christum esse æternum Deum, quod in tempore demum omnia ipsi à Patre data essent: respondebant Orthodoxi Patres, data illa intelligenda esse de Christo secundum Humanam Naturam, sive de Christo incarnato. Non igitur lædi iis, aut everti Deitatem ipsius.

de Donis
creatis.

Ex quibus apparet ipsos accepisse hanc regulam. *I. de Donis creatis* in Humanam Naturam Christi effusis, eique subjectivè in-
hæren-

hærentibus : de quibus est *Ioh. 3. v. 34. Luc. 2. v. 40. 52. & cap. 4. v. 18.* Hæc siquidem omnia ad perfectionem, beatitudinem, & excellentiam Humanæ Naturæ pertinent. II. *de Officio*, quod etiam secundum Humanam Naturam gerit & exsequitur : licet non secundum eam solam; ut *Matth. 28. v. 11.*

De proprietatibus divinis Lutherani interpretantur regulam contramentem & scopum Patrum. Hi siquidem ex proprietatibus illis apodicticè demonstrarunt contra hæreticos, Christum esse verum Deum. Si igitur Humanæ Naturæ easdem competere sensissent, utique argumentum suum ipsimet jugulassent. Nam illa non est Deus, instructa licet proprietatibus divinis, si Lutheranis credimus.

non de proprietatibus divinis.

Cæterum cum multa, ac multum inter se diversa data Christo dicantur in Scripturâ : ea in tria genera distinguemus. I. Quædam data sunt Christo ab æterno, per æternam generationem à Patre, de quibus ipse *Ioh. 5. v. 26. Sicut Pater habet vitam in seipso, ita dedit & Filio habere vitam in seipso.* Nam generatio quid est, nisi vitæ subsistentis communicatio? II. Quædam data in incarnatione: vel secundum alteram Naturam, scil. Humanam tantum; ut spiritus sine mensura *Iohan. 3. v. 34.* vel secundum utramque Naturam, etiam Divinam; non absolutè, sed relate & cum respectu ad unitam carnem; ut officium mediatorium & jus dominii in omnes creaturas; de quo ipse Christus *Mat. 11. v. 27. Omnia mihi tradita sunt à Patre meo. Iohan. 5. v. 27. Autoritatem ei dedit etiam iudicium exercendi, quatenus Filius hominis est.* III. Quædam denique data sunt in exaltatione; & hæc iterum vel secundum Naturam Humanam tantum, ut immortalitas *Rom. 6. v. 9. gloria Phil. 3. v. 21.* vel secundum Naturam utramque; ut gloriosa administratio regni; sive dominii ac potestatis suæ manifesta usurpatio, & latentis in Christo Deitatis per visibilem Humanæ Naturæ gloriam plena patefactio *Mat. 28. v. 18. Data est mihi omnis potestas in cælo & in terrâ. Philipp. 2. v. 9. 10. Deus ipsum in summam extulit sublimitatem, ac donavit ei nomen, quod est supra omne nomen; ut ad nomen Iesu omne genua flectat cælestium ac terrestrium & subterraneorum.* De his vide etiam *Damascenum. lib. 4. c. 19.*

Christo quædam data sunt. I. ab æterno.

II. in incarnatione.

III. in exaltatione.

PROBLEMA QUADRAGESIMUM PRIMUM.

An verè & piè dicatur, unicam sanguinis Christi guttam sufficere potuisse redimendis hominibus?

Patres quidam, etiam ex vetustioribus, ita leguntur locuti esse καὶ περιβολῶν, exaggerantes dignitatem personæ, & insufficientiam meriti Christi. Cujus phraseos occasione Clemens VI. Extravagantem condidit, quæ exstat lib. 5. de Pœnitentiariis & remissionibus cap. unigenitus: ubi dicit modicam sanguinis Christi guttam propter unionem ad verbum, pro redemptione totius Humani generis suffecisse. Et docet reliquam copiam sanguinis in thesaurum Ecclesiæ esse repositam: & per Petrum, ejusque successores, dispensari posse pro partiali, vel totali remissione peccatorum. Scholastici igitur disquirere & disputare cœperunt, de unicâ sanguinis guttâ: & Evangelici quidam, re non altius pensitatâ, eandem phrasin retinuerunt. Respondemus autem nec veram nec piam esse: & dogma hoc esse falsum, superstitiosum, perniciosum. Falsum: utpote quod cum Scriptura directè & in multis modis pugnat. Hebr. 9. v. 22. Absque sanguinis effusione nulla fit remissio. Synecdochicè mortem intelligit: qualis erat in effusione sanguinis pecudum. Ergò non contingit, aut contingere potuit propter unicam sanguinis Christi guttam, Matth. 26. v. 39. Luc. 22. v. 44. ubi sudabat grumos sanguinis: & tamen dicit impossibile esse, ut non moriatur. Ergò ad redemptionem non sufficiebat unica sanguinis Christi gutta, Rom. 5. v. 18. Scriptura satisfactionem Christi vocat ἀπαγωγή. Illud autem est iusta injuriarum correctio, etiam secundum Aristotelem lib. 5. Ethic. cap. 5. Sed nulla est iusta criminis correctio, nisi quâ iusta analogia servatur inter delictum & pœnam; qualis non est inter peccata mortem merentia, & unicam sanguinis guttam. Denique, si unica sanguinis Christi gutta satis fuit, non fuit necessaria mors ipsius ad nostri redemptionem. Atqui mors fuit necessaria: partim propter justitiam Dei Rom. 1. v. 32. & cap. 6. v. 23. partim propter veritatem Genes. 2. v. 17. Unde rectè Catechelis quest. XL. Quod iustitia ac veritati Dei nullo alio pacto potuerit satisfieri, quam ipsâ morte filii Dei. Ergò. Superstitiosum est: quia ex hoc fonte manant

Affertio illa
est
Falsa,

Supersti-
tiosa,

runt

runt indulgentiæ & indulgentiarum nundinationes in Papatu. Nam hoc argumento vel præcipuè eas probant hodieque. Si, inquit, unica gutta sufficit: reliquæ igitur cesserunt Ecclesiæ in thesaurum, cuius dispensatio Petro, ejusq; vicariis, commenda-
ta sit. Quantum autem in Indulgentiis superstitionis & impietatis sit, notum est vulgò. *Perniciosum* quoq; est, quia Sociniani inde col-
ligunt mortem Christi non fuisse satisfactionem. Si, inquit, unica sanguinis Christi gutta sufficebat, mors ejus non erat ne-
cessaria. Si mors non necessaria, utique non fuit pretium redem-
tionis pro peccatis: quod necessarium. Quo ipso utique fundamen-
tum fidei ac salutis nostræ subruitur.

Perniciosa

Obijciunt: Atqui dignitas personæ Christi potest efficere, ut una sanguinis Christi gutta sit plena satisfactio pro totius mun-
di peccatis. *Respondeo*. Hoc verò est petere *πῶς ἐν ἀρχῇ*. Imo est æquè falsum ut prius. Quomodo ex Scripturâ probabunt di-
gnitatem personæ Christi efficere posse, ut Deus contra justitiam & veritatem suam faciat. Nos pro confesso sumimus, dignita-
tem personæ Christi nequaquam efficere posse, ut Deus mentia-
tur: mentiretur autem, absit blasphemia dicto, si peccatum sine morte pateretur expiari: Nec etiam facere posse, ut Deus agat injustè. Ac faceret injustè, si quod adversus summam ma-
jestatem suam commissum est, non etiam vindicaret extremis & summis suppliciis. *Inquit aliquis*: Quorsum ergò profuit tan-
ta personæ dignitas? *Respond.* Horsum profuit. I. Ne Huma-
na Natura succumberet passioni ac morti maledictæ: sed onus in-
finitæ iræ Dei adversus peccata sustinere valeret *Esa. 53. v. 4.* qui propterea Deus fortis appellatur *cap. 9. v. 6.* II. ut esset di-
gnum ac sufficiens *ἀξιόπαιον* pro nostri redemptione: quæ tamen di-
gnitas non minus in gravitate pœnæ, quàm dignitate personæ spectatur. *Act. 20. v. 28. Heb. 9. v. 12, 14, 26.* Gutta autem sanguinis non fuisset satis gravis pœna,

Dignitas Personæ Christi non potuit unam sanguinis guttam red-
dere suffi-
ciens lytrum.

Dignitas per-
sonæ Christi
quorsum
profuerit.

PROBLEMA QUADRAGESIMUM SECUNDUM.

An nulla sit repugnantia inter illos, qui simpliciter dicunt Christum pro solis Electis mortuum esse: & istos, qui adhibitâ distinctione ajunt, sufficienter mortuum esse pro omnibus & singulis; efficaciter autem pro solis Electis?

Distinctio-
nem hanc
probarunt
alii.

Distinctio hæc non est nova: sed vetus. Usus est eâ Augustinus in responsione ad articulos falso sibi impositos: & sic declarat sufficienter, id est, quod ad magnitudinem & potentiam pretii attinet: & efficaciter sive efficaciter, id est ratione effectus, qui in solis Christi membris reperitur. Illustrat etiam simili, inquit, poculum quippe immortalitatis, quod confectum est de infirmitate nostrâ & virtute divinâ, habet quidem in se, ut omnibus proficiat sed si non bibimus, non proficit. Chrysostomus, & ejus abbreviator Theophylactus in commentariis. Cyrillus in Iohannem lib. 11. cap. 19. Prosper ad capitula Gallorum. Leo Papa epist. 83. & 97. Innocentius III. lib. 2. de officio Missæ cap. 41. Lombardus lib. 3. dist. 20. art. 3. Thomas parte. 3. summæ Theol. quest. 1. art. 4. & quest. 49. articulis. 1. 2. 3. ex Lutheranis omnes illi, qui Pelagianizant; Jacobus Andrea, Henricus, alii. Ex nostris etiam Calvinus in 1. Iohan. 2. v. 2. Komedonius de Redemptione libr. 1. cap. 11 Pareus in Catecheticis, & alii.

alii impro-
barunt.

Sunt verò alii, qui distinctionem illam improbam ac repudiant, & Christum pro solis electis mortuum esse defendunt. Tales sunt Beza in colloquio Mompelgartensi. Piscator in variis opusculis: & qui eos sequuntur. Hi putant distinctionem illam præjudicio aliquo antiquitatis receptam esse: quasi ideo vera sit, quia antiquitus obtinuit, & à Patribus usurpata est. Rejiciunt verò eam; I. quia Christus nullo modo mortuus est pro omnibus & singulis, id est, tam pro reprobis, quàm pro electis: juxta Scripturam. Ergo nec sufficienter. Frustra enim de modo contenditur, cum res negatur. II. Quia quorum Christus servator est merito, eorum etiam servator est efficaciâ. Ergo non pro aliis sufficienter, pro aliis efficienter est mortuus. III. quia vana sit distinctio, contradictionem implicans. Si enim est mortuus pro

pro omnibus, ideo mortuus est, ut omnium salutem efficeret. Id enim sibi vult præpositio PRO. Si autem ideo mortuus est, utique etiam salutem illam efficit: utpote qui & voluit & potuit: & sic efficienter quoque pro omnibus mortuus est.

Sed repugnantia illa sententiarum nec in omnibus est, nec eodem modo se habet. Quod ut pateat clarius distinctionis huius *usus* inter Lutheranos & nostros Orthodoxos examinandus.

Quomodo
hac distin-
ctione utan-
tur.

Lutherani utuntur hac distinctione ad convellendam doctrinam Prædestinationis, & gratiam universalem stabiliendam. *Ratio*: quia volunt mortuum esse Christum generatim & indiscriminatim pro omnibus & singulis; non pro his, illis distinctè: item mortem Christi esse antecedens Prædestinationis: Prædestinationem verò esse ejus consequens. *Sensus* igitur est; Christum mortuum esse, non pro hoc, illo definitè, sed pro omnibus & singulis indefinitè & ex æquo; sed *sufficienter*, ut pro omnibus satisfecerit, omnes reconciliarit; non *efficienter*, id est, sic ut omnes actu fiant participes reconciliationis, contra Huberum, Pucksum. Ita vera est repugnantia; nec possunt sententiæ illæ inter se conciliari.

Lutherani,

Nostri Orthodoxi utuntur hac distinctione ad conciliandas Scripturas, & depellendam calumniam adversariorum, quasi culpa interitus reproborum in Deo vel Christo resideat. Et quidem utuntur illâ bifariam; *absolutè* & *relatè*. Unde quidam sufficientiam mortis Christi in *potentialem* & *actualement* distinguunt.

Orthodoxi,
qui sumunt,

Absolutè.

Absolutè & in se; quod λόγος Christi in se consideratum, & ex dignitate suâ estimatum, sit longè sufficientissimum pro omnibus & singulis hominibus. *Ratio*. I. quia est λόγος non tantum iusti hominis, sed veri ac æterni Dei. II. quia mors Christi conjuncta fuit cum maledictione ac sensu infinitæ iræ Dei. Sic nulla est repugnantia; quia omnes, etiam Beza & Piscator, hanc sufficientiam uno ore agnoscunt. Sed in phrasi est κατάχρησις, cum dicitur *pro omnibus & singulis* mortuus esse Christus. Sic enim ejus scopus, intentio, & voluntas indicatur. Nam PRO finem notat; eoque sufficientia absolutè spectatur. Dicendum ergo; non, *Pro omnibus & singulis est mortuus*; sed *mors Christi est sufficientissima omnibus & singulis*.

Relatè.

Relatè, quoad consilium Dei, & scopum atque intentionem Christi morientis, quod Deus voluerit Christum sufficienter mori

ripor

ri pro omnibus & singulis : & Christus hoc fine mortem obierit ut esset omnibus & singulis pretium sufficientissimum. I. quia dicta quædam Scripturæ videntur docere hanc sufficientiam. II. quia sic nulla culpa interitus impiorum Deo Christove impingi potest. Et hic est vera repugnantia : quia alii ajunt hanc fuisse in morte Christi, ipsius & Dei intentionem : Alii negant. Sed non est magna, saltem non talis, quæ distrahere debeat unitatem Ecclesiæ. I. quia illi fatentur dicta universalia Scripturæ posse etiam strictius accipi. II. quia particulam PRO non accipiunt *stricte*, ut sit vice vel loco alicujus moris ; sed *laxe*, ut sit bono illorum generatim mori habitenus, ut habeant pretium sufficiens.

PROBLEMA QUADRAGESIMUM TERTIUM.

An Christus sibi aliquid meruerit?

Origo quæstionis.

Hanc quæstionem movit Lombardus *lib. 3. distinct. 18.* post ipsum variè agitarunt Scholastici & Pontificii Doctores : Etiam persequitur eam Bellarm. *lib. 5. de Christo Mediatore cap. 9. 10.* Ex nostris eam *negant* Calvinus, Danæus, Pareus, alii : *affirmant* Zanchius in *confessione*, Piscator in *Explicatione Symboli* : in medio relinquit Franc. Junius in *animadvers. ad Bellarminum*.

Terminorum expositio.

Judicium de hac quæstione pendet ex declaratione & distinctione terminorum Subjecti & Prædicati. *Subjectum* est Christus : quod nomen non intelligitur absolutè, sed limitativè ex alterâ Naturâ, scilicet Humanâ, ut sit Christus secundum Humanam Naturam. *Prædicatum* est, quod sibi aliquid meruerit : ubi Pontificii per *aliquid* intelligunt glorificationem corporis, impassibilitatem animæ, & gloriam mediatoris exaltati in suo regno. Nostris Zanchius, Piscator solam gloriam mediatoris exaltati. Et rectius. I. quia glorificatio corporis, & impassibilitas animæ sunt pars quædam vitæ æternæ, quam Christus partim ex gratiâ unionis, partim etiam ex perfecta legis observatione obtinuit : sicut dicitur Fac hoc & vives *Levit. 18. v. 5.* II. quia illa non competunt soli mediatori, sed omnibus fidelibus glorificatis communia sunt *Phil. 3. v. 21. 1. Cor. 15. v. 43.* Sic verbum *merendi* ambiguum est. Pontificii propriè accipiunt, ut sit aliquid ex indebito facere debitum : Nostris Zanchius, Piscator, impropriè, ut sit obtinere, consequi, acquirere, tanquam fructum & præmium antegressarum passionum.

His

His præmissis respondemus distinctè.

Gloria Christi
si exaltati
non est me-
ritum pro-
priè dictum.

Primò : Gloria mediatoris Exaltati, sive nomen supra omne nomen non est meritum passionum ac mortis Christi, propriè dictum. Et hoc recte negant Calvinus, Danæus, Pareus, *Rationes* sunt. I. Quod datur ex gratiâ, non datur ex debito, sive propter opus meritorium *Rom. 11. v. 6.* Gloria illa data est Christo secundum Humanam Naturam ex gratiâ *Phil. 2. v. 9.* Hæc enim est vis verbi *ἐξ ἁγίου* *Luc. 7. v. 42. 43.* Ergò. II. Quod quis meretur propriè, de eo potest gloriari *Rom. 4. v. 2. Ephes. 2. v. 9.* At Christus secundum Humanam naturam non gloriatur; nec potest gloriari. Ergò. III. Tota Scriptura testatur, Christum nobis non sibi missum, natum, passum, mortuum, fuscitatum esse *Esa. 9. v. 6. 7. Mat. 20. v. 28. Luc. 2. v. 11. 1. Cor. 1. v. 30. & 2. Cor. 8. v. 9. Heb. 7. v. 27.* Ergò non sibi, sed nobis propriè est meritum. IV. à pari: Si id mereri non potuit Christus secundum Humanam Naturam, ut humanitate assumeretur in hypostasim τῆς λόγῃ: nec hoc ut cum λόγῳ & in eo in tantum exaltaretur. Verum prius: etiam ex confessione Pontificiorum. Ergò & posterius.

Secundò Gloria mediatoris, sive nomen supra omne nomen, est fructus sive præmium antegressatum passionum Christi: & sic merces sive meritum impropriè dictum. Hoc est, quod affirmant Zanchius, Piscator: nec negant alii. *Rationes* sunt: I. dicta Scripturæ; *Phil. 2. v. 9.* Διὸ, propterea extulit ipsum Deus; quæ particula ordinem & consequentiam passionis & gloriæ, exinanitionis gratuitum præmium indicat; quemadmodum etiam *Gen. 22. 16. c. 26. v. 5.* Sic *Ioh. 17. v. 45. Hebr. 1. v. 3. cap. 10. v. 12. Apoc. 5. v. 9.* Imo ex V. T. *Pf. 110. v. 9. Esa. 53. v. 12.* & ante *vers. 10.* II. ab ordinatione Dei. Is ita decreverat, ut Christus per passiones perveniret ad gloriam, & gloriam, tanquam præmium passionum, acciperet. De quâ ipse Christus *Luc. 24. v. 26.* Nonne hæc oportuit pati Christum, & introire in gloriam suam. Et Petrus 1. Epist. 1. v. 11. Spiritus Christi prænunciavit in Prophetis Christi perpassiones; & post illas consecuturam gloriam. Et ideo contigit ei glorificatio in monte *Matth. 17.* III. à dictis Patrum Augustini, Ambrosii, Hieronymi, & aliorum; quæ citat Zanchius initio confessionis; qui κατὰ τὴν ἁγίαν, omnibus Patribus Latinis consuetâ, bonum opus quodvis, præmium à Deo impetrans. vocant meritum.

est autem
meritum im-
propriè, seu
præmium
passionum.

Quæritur ergo; An etiam Christus in exinanitione & passione

Z

hanc

ri pro omnibus & singulis : & Christus hoc fine mortem obierit ut esset omnibus & singulis pretium sufficientissimum. I. quia dicta quædam Scripturæ videntur docere hanc sufficientiam. II. quia sic nulla culpa interitus impiorum Deo Christove impingi potest. Et hic est vera repugnantia : quia alii ajunt hanc fuisse in morte Christi, ipsius & Dei intentionem : Alii negant. Sed non est magna, saltem non talis, quæ distrahere debeat unitatem Ecclesiæ. I. quia illi fatentur dicta universalia Scripturæ posse etiam strictius accipi. II. quia particulam PRO non accipiunt *strictè*, ut sit *vice* vel loco alicujus mori; sed *laxè*, ut sit bono illorum generatim mori hætenus, ut habeant pretium sufficiens.

PROBLEMA QUADRAGESIMUM TERTIUM.

An Christus sibi aliquid meruerit?

Origo quæstionis.

Hanc quæstionem movit Lombardus *lib. 3. distinct. 18.* post ipsum variè agitarunt Scholastici & Pontificii Doctores: Etiam persequitur eam Bellarm. *lib. 5. de Christo Mediatore cap. 9. 10.* Ex nostris eam *negant* Calvinus, Danæus, Pareus, alii: *affirmant* Zanchius in *confessione*, Piscator in *Explicatione Symboli*: in medio relinquit Franc. Junius in *animadvers. ad Bellarminum*.

Terminorum expositio.

Judicium de hac quæstione pendet ex declaratione & distinctione terminorum Subjecti & Prædicati. *Subjectum* est Christus: quod nomen non intelligitur absolute, sed limitativè ex alterâ Naturâ, scilicet Humanâ, ut sit Christus secundum Humanam Naturam. *Prædicatum* est, quod sibi aliquid meruerit: ubi Pontificii per *aliquid* intelligunt glorificationem corporis, impassibilitatem animæ, & gloriam mediatoris exaltati in suo regno. Nostris Zanchius, Piscator, solam gloriam mediatoris exaltati. Et rectius. I. quia glorificatio corporis, & impassibilitas animæ sunt pars quædam vitæ æternæ, quam Christus partim ex gratiâ unionis, partim etiam ex perfecta legis observatione obtinuit: sicut dicitur Fac hoc & vives *Levit. 18. v. 5.* II. quia illa non competunt soli mediatore, sed omnibus fidelibus glorificatis communia sunt *Phil. 3. v. 21. 1. Cor. 15. v. 43.* Sic verbum *merendi* ambiguum est. Pontificii propriè accipiunt, ut sit aliquid ex indebito facere debitum: Nostris Zanchius, Piscator, impropriè, ut sit obtinere, consequi, acquirere, tanquam fructum & præmium antecessarum passionum.

His

His præmissis respondemus distinctè.

Gloria Christi exaltati non est meritum propriè dictum.

Primo : Gloria mediatoris Exaltati, sive nomen supra omne nomen non est meritum passionum ac mortis Christi, propriè dictum. Et hoc recte negant Calvinus, Danæus, Pareus, *Rationes* sunt. I. Quod datur ex gratiâ, non datur ex debito, sive propter opus meritorium *Rom.* 11. v. 6. Gloria illa data est Christo secundum Humanam Naturam ex gratiâ *Phil.* 2. v. 9. Hæc enim est vis verbi *ἐξαιτίας* *Luc.* 7. v. 42. 43. Ergò. II. Quod quis meretur propriè, de eo potest gloriari *Rom.* 4. v. 2. *Ephes.* 2. v. 9. At Christus secundum Humanam naturam non gloriatur; nec potest gloriari. Ergò. III. Tota Scriptura testatur, Christum nobis non sibi missum, natum, passum, mortuum, suscitatum esse *Esa.* 9. v. 6. 7. *Mat.* 20. v. 28. *Luc.* 2. v. 11. 1. *Cor.* 1. v. 30. & 2. *Cor.* 8. v. 9. *Heb.* 7. v. 27. Ergò non sibi, sed nobis propriè est meritum. IV. à pari: Si id mereri non potuit Christus secundum Humanam Naturam, ut humanitate assumeretur in hypostasim *τῆς λόγῃ*: nec hoc ut cum *λόγῳ* & in eo in tantum exaltaretur. Verum prius: etiam ex confessione Pontificiorum. Ergò & posterius.

Secundo Gloria mediatoris, sive nomen supra omne nomen, est fructus sive præmium antegressatum passionum Christi: & sic merces sive meritum impropriè dictum. Hoc est, quod affirmant Zanchius, Piscator: nec negant alii. *Rationes* sunt: I. dicta Scripturæ; *Phil.* 2. v. 9. *Διὸ, propterea extulit ipsum Deus*; quæ particula ordinem & consequentiam passionis & gloriæ, exinanitionis gratuiti præmium indicat; quemadmodum etiam *Gen.* 22. 16. c. 26. v. 5. Sic *Ioh.* 17. v. 45. *Hebr.* 1. v. 3. cap. 10. v. 12. *Apoc.* 5. v. 9. Imò ex V. T. *Pf.* 110. v. 9. *Esa.* 53. v. 12. & ante *vers.* 10. II. ab ordinatione Dei. Is ita decreverat, ut Christus per passiones perveniret ad gloriam, & gloriam, tanquam præmium passionum, acciperet. De quâ ipse Christus *Luc.* 24. v. 26. *Nonne hæc oportuit pati Christum, & introire in gloriam suam.* Et Petrus 1. Epist. 1. v. 11. *Spiritus Christi prænuntiavit in Prophetis Christi perpassiones; & post illas consecuturam gloriam.* Et ideo contigit ei glorificatio in monte *Matth.* 17. III. à dictis Patrum Augustini, Ambrosii, Hieronymi, & aliorum; quæ citat Zanchius initio confessionis; qui *κατὰ χάριν*, omnibus Patribus Latinis consuetâ, bonum opus quodvis, præmium à Deo impetrans. vocant *meritum*.

est autem meritum impropriè, seu præmium passionum.

Queritur ergo; An etiam Christus in exinanitione & passione
Z hanc

Christus in
humiliati-
one specta-
vit gloriam
illam tan-
quam præ-
mium.

Sed tantum
secundariò.

hanc gloriam tanquam præmium spectavit, & assequi laboravit. *Resp.* Omnino: Probatur I. ex petitione ipsius. Joh. 17. v. 4. 5. *Opus consummavi, quod dedisti mihi ut facerem; nunc igitur glorificame in Pater apud te ipsum eâ gloriâ, quam habui apud te priusquam mundus esset.* II. Ex testimonio Apostoli Heb. 12. v. 2. *Fidei dux ac consummator Iesus pro sibi propositio gaudio sustinuit crucem ignominia contemta & ad dextram throni Dei confedit.* Pro, ist est, propter propositum sibi gaudium pertulit ignominiam. III. Ex fine glorificationis factæ in monte Mat. 17. v. 3. Luc. 9. v. 31. Sed limitatio sive cautio addenda: Spectavit gloriam illam non primariò: quia nobis natus, factus Esa. 9. v. 6. 1. Cor. 1. v. 30. Nec venit ut sibi, sed nobis ministraret Mat. 20. v. 28. Ergò primariò spectavit nostram salutem. Secundariò autem eam spectavit: siquidem se totum nobis impendendo, & redemptionis nostræ negotium perficiendo, amplissimum à Deo præmium obtinuit. Et omnis causa propter fines diversos agens propter principalem agit principaliter, propter minus principalem minus principaliter.

PROBLEMA QADRAGESIMUM QUARTUM.

Vtrum per descensum ad inferos cruciatus Christi infernales, an potius status abjectissimus sub dominio mortis intelligantur?

Articulum de descensu Christi ad inferos non eodem modo interpretantur D. D. Ecclesiarum: nec eodem modo Ecclesiæ intelligunt. Cujus discrepantiæ vera causa & origo est ambiguitas tum vocabuli שְׁאוֹל Scheol, quod infernum significat: tum phrasos: descendere ad inferos, apud Hebræos: ex quorum idiotismo explicanda est.

שְׁאוֹל

quid.

Descendere
ad inferos
quid.

Vox שְׁאוֹל Scheol in Scripturâ accipitur quadrifariam. I. pro sepulchro Ps. 16. v. 10. II. pro loco damnatorum Luc. 16. v. 23. III. pro doloribus infernalibus 1. Sam. 2. v. 6. IV pro extrema humiliatione Esa. 14. v. 15. Similiter phrasos Descendere ad Inferos quadrifariam usurpatur: I. ut sit sepeliri Gen. 42. v. 38. II. devenire in locum damnatorum Num. 16. v. 33. III. sentire dolores infernales 1. Sam. 2. v. 6. IV. extremè humiliari. Mat. 11. v. 23.

Sunt ergò etiam quatuor expositiones diversæ huius articuli.

Ex

Ex quibus *Secunda* de locali descensu Christi in locum damnatorum, quàm & Pontificii, & ex Lutheranis nonnulli tenent, *falsa* est. Nam nec corpore descendit: quo quievit in sepulchro, in tertium usque diem: nec animâ, quâ receptus est in Paradisum cælestem *Luc. 23. v. 43. 46.* *Prima* etiam de sepultura est *minus probabilis*. I. quia proximè præcedit, *sepultus est*. Nec dici potest subjici exegeticè: quia posterius obscurius est priore; II. non est verisimile in tam succincto & brevi symbolo eundem articulum bis poni, seu idem bis dici verbis commutatis. Interim dissimulandum non est. I. Esse, qui dicant prius de sepulturâ positum esse propter Gentes; alterum de descensu propter Judæos; & sic utrique esse locum. II. Vetusissima Orientalium & Romanorum Symbola vel omittere cum Paulo *1. Cor. 15. v. 4.* articulum de descensu ad inferos, utpote comprehensum in verbo sepultus; teste Cypriano *in exposit. Symboli*; vel exprimere articulum de descensu ad inferos omisâ sepulturæ mentione: utpote quæ descensu ipsius contineatur; teste Athanasio *in Symbolo*. Sed utrique obstat, quod Symbolum Apostolicum, utpote & tempore & autoritate primum, utrumque *sepultus est, & descendit* distinctè expressit: quod non opus fuit facere propter Judæos & Gentes seorsim, quandoquidem Judæi proprium nomen sepulturæ non minus rectè intellexerunt, quam improprium & metaphoricum descensus ad inferos.

Articulus
iste intelli-
gitur.
I. male de
locali de-
scensu.

II. minus
probabiliter
de sepultu-
râ.

Dua posteriores expositiones sunt maximè probabiles.

Tertia quidem, si species omnes passionum Christi Symbolo exprimi, & distinctè recenseri statuamus. Siquidem initio commemorantur *passiones corporis*, sive eæ sint dolores & ignominia, sive ignominia tantum: ut sepultura. Tum *passiones animæ*, quæ præcipuæ & gravissimæ subjiciuntur: ut sit processus à passionibus corporis, quæ visibiles, leviores; ad passiones animæ, quæ invisibiles, graviores. Et sic *sensus* est, non tantum passus est corpore, non tantum mortuus corporaliter, non tantum sepultus est: sed etiam summos cruciatus & dolores infernales, quales impii omnes in æternum patientur, animâ est perpassus. *Hæc expositio* I. est *vera*; quia convenit cum Scripturâ *1. Sam. 2. v. 6.* & ejus prædictionibus de Christo *Psal. 116. v. 3.* II. est *pia*; quia ponit præcipuos angores & cruciatus Christi ad nostri tum redemptionem, tum consolationem, de quo vide *Catechesin quæst. 44.* III. est *Symbolo conveniens*, quod non reticet utique gravissimam partem passionis Christi. Reticeret

III. Probabiliter de doloribus infernalibus.

autem, si articulus de descensu Christi ad inferos non intelligeretur de internis passionibus animæ. Nam præcedentes articuli de externis passionibus corporis loquuntur. Sicut igitur X. præceptum additum est cæteris, ut intelligatur obedientia interna & spiritalis: ita hic articulus de descensu Christi ad inferos reliquis subiectus fuit, ut internas passiones significet. IV. est *approbata* à magnis Theologis, Calvino, Beza, Danæo, Ursino, Pareo & aliis: imò in publicis Ecclesiarum confessionibus. Quæ contra obijciuntur in explicationibus Catecheticis, probabiliter saltem, diluuntur.

IV. Maxime probabiliter de statu Christi abjectissimo post sepulturam.

Quarta autem *maximè probabilis* est, si ordinem historiæ in Symbolo observatum sequamur. Sic enim est *status Christi post mortem ac sepulturam* humilis ac summè abjectus, quo in tertium usque diem sub mortis imperio detentus fuit, ac si planè cum ipso actum esset. *Probationes* hæ sunt. I. Ex generali Scripturæ collatione, ex quâ constat phrasin *descendere ad inferos* usitate significare abjectum statum mortuorum, qui in sepulchris computrescunt *Gen. 37. v. 35. Job. 17. v. 13. 14. 15. 16. Ps. 30. v. 4. & 49. v. 16. Esa. 14. v. 11. 19. 20. Ion. 2. v. 2. Mat. 11. v. 23.* II. Ex locis de Christo *Psa. 46. v. 9. 10. quem Petrus Act. 2. v. 24. & seq.* interpretatur de statu corporis Christi in sepulchro. Sic *Eph. 4. v. 9. 10.* summam Christi exinanitionem & exaltationem inter se opponit, & illam descensu ad infimas partes terræ exprimit. III. Ex historiæ serie Symbolo expressâ: ut ex collatione antecedentium & consequentium constat. Nam per mansionem in sepulchro mors ipsi continuabatur & dominabatur *Rom. 6. v. 9.* hostes ipsi insultabant, tanquam planè desperato & devicto *Mat. 27. v. 62. & seq. Luc. 23. v. 48.* discipuli & amici prorsus de ipso actum esse opinabantur *Luc. 24. v. 21.* Hic status Christi nisi illis verbis expressus, utique planè est omissus in Symbolo. IV. Etiam suffragia habet magnorum virorum Zanchii, Piscatoris, Pierii, & aliorum.

De duabus postremis interpretationibus *iniquis*

Sed cum duæ hæ sententiæ inter se discrepent, utra amplectenda, & publicè tradenda? *Resp.* I. cum utraque probabilis, potest una probabilior videri alterâ; & sic etiam præferri: sed privatim. II. publicè ea tradenda est, quæ confessionibus publicis Ecclesiarum est consentanea: nec enim ab eâ discedere debet privatus. III. Potest tamen quis modestè etiam alteram sententiam subungere: sed absque infectione, aut confutatione alterius.

PROBLEMA QUADRAGESIMUM QUINTUM.

Utrum Sessio ad dextram Patris Christo secundum utramque Naturam, & quo discrimine conveniat?

Explicatio Problematis necessaria est propter *Lutheranos*, qui Christum tantum secundum Humanam Naturam ad dextram Dei sedere contendunt. Inde verò omnipræsentiam & omnipotentiam carnis ipsius se probare posse opinantur. Sed præmittenda omnino est *declaratio* tum *phraseos*, tum *Rei ipsius*, priusquam responderi possit.

Phrasis non est propria. I. quia Deus spiritus incorporeus *Ioh. 4. v. 24.* nec dextram habet, nec sinistram. II. quia non notat situm sive positum corporis Christi, quasi semper sedeat: cum æquipolleant, sedere ad dextram Dei, & ad eam stare *Act. 7. v. 56.* Est autem phrasis metaphorica καὶ ἀνθρώπων ὡς ἐστὶν Christo tributa, ut tum summum ipsius honorem, tum summum imperium designet. Metaphora desumpta est à consuetudine Regum & Principum, quæ eos ad dextram suam collocare solent, quibus proximum à se tum honoris, tum potentiae gradum in gubernatione concedunt. De proximo honoris loco & gradu sumitur *1. Reg. 2. 19.* ubi quum Salomon matrem singulari honore afficere vellet, eam ad dextram suam collocavit. Sic *Psal. 45. v. 10.* Regina, id est Ecclesia, stat à dextrâ tuâ, scilicet Messiae: proximo à te dignitatis gradu constituta. Sic *3. Esdr. 4. v. 29.* Zorobabel narrat, se vidisse concubinam Regis sedere juxta Regem ad dextram ejus. De Imperio verò, sive Regia administratione sessio ad dextram usurpatur *Matth. 20. v. 21.* Ubi mater filiorum Zebedæi petit alterum filiorum sedere ad dextram Christi, alterum ad sinistram in regno ipsius, id est, ut essent proximi à Christo gubernatores, per quos ipse regnum suum administraret.

Hinc jam *Res ipsa*, id est, *quid sit sessio Christi ad dextram Patris* facile intelligitur. Duo omnino significat. I. summam Majestatem & gloriam, quâ ipse declaratus est Dominus omnium & caput Ecclesiæ. II. Summum imperium, quod potenter exercet in omnes creaturas, inprimis vero ostendit in gubernatione & defensione Ecclesiæ suæ. Uno verbo: Est gloriosa admi-

Sedere ad dextram Dei est phrasis non propria.

sed metaphorica.

notatque proximum honoris gradum.

Regiam administrationem.

Sessio Christi ad dextram Patris quid.

nistratio regni Christi. Et ita Catechesis rem declarat *quæst. L.LI.* Utraque pars sessionis evidens est ex Scripturâ. *Prior* de gloriâ: *Ephes. 1. v. 20. & seqq. Philipp. 2. v. 9. 10. 11. Hebr. 1. v. 3. cap. 8. v. 1. Luc. 24. v. 26.* & sic oportuit Christum introire in gloriam suam. *Alterâ* de imperio & regni administratione *Psal. 110. v. 1.* est federe, *vers. 2.* dominari. *1. Corinth. 15. v. 25.* oportet eum regnare. *Act. 5. v. 31. Ephes. 1. v. 20. 21. 22.* ubi dicitur, *omnia subieci pedibus ejus eumque constituit caput super omnia ipsi Ecclesiæ.*

Contiliatio
Interpretationum de
hoc articulo.

Melanchthonis?

Vrsini.

Inquit vero aliquis: non omnes sessionem Christi ita interpretantur. *Melanchthon* eam accipit de officio Christi Regio & Sacerdotali. *Vrsinus* ponit in quatuor rebus: in æqualitate τὴ λόγος seu personæ mediatoris cum Patre; in perfectione naturæ Humanæ Christi; in perfectione officii mediatorii; denique in perfectione honoris & cultus. *Alii* in manifestatione gloriæ & potentie ipsius. *Respond.* Sed hic nullus est dissensus in reipsâ; varietas autem, sive diversitas, in explicationis modo. *Melanchthon* eam accipit de officio regio, id est, gloriosâ ejus administratione & executione. Consensus igitur est. Quod verò etiam Sacerdotii meminit, id facit ratione adjuncti; quia Sessioni Christi conjunctus est actus quidam Sacerdotalis, videlicet intercessio. sive interpellatio Christi pro Ecclesiâ in cælo, tanquam in Sancto Sanctorum *Rom. 8. v. 34. Hebr. 7. v. 25. cap. 9. v. 24. 1. Joh. 2. v. 1.* Describit igitur sessionem tum ab actu formali, tum ab adjuncto. *Vrsinus* latius etiam considerat sessionem Christi, & eam non solum à propriâ formâ, sed etiam à principio sive fundamento, antecedentibus & consequentibus describit, idque secundum veritatem Scripturæ. *Forma* sessionis propriè consistit in perfectione officii mediatorii, quod gloriâ & honore coronatus dominatur in medio inimicorum suorum. *Principium* sive *fundamentum* sessionis est æqualitas τὴ λόγος cum Patre, sed absolute spectata. Nisi enim fuisset verus Deus, non fuisset capax tanti honoris & Imperii. Hinc etiam Deitas ipsius ex hac sessione rectè concluditur, *Heb. 1. v. 13. Matt. 26. v. 64.* Si verò consideretur secundum quid, quatenus est manifestatio hujus æqualitatis, quam gloriôsè cæpit exferere exaltatus, est pars sessionis, & ad formam ejus pertinet. *Antecedens* est perfectio naturæ Humanæ, quoad depositionem infirmitatum, quæ facta est jam in resurrectione: item quoad excellentiam qualitatum, quæ auctè ipsi quoad gradus. Nam etiam

iam ante eas habuit specie *Ioh. 3.v.34. Luc. 2.v.40. & 25. c.4.v.18.*
Consequens sive *effectum* est cultus & invocatio, itemque subjectio
 omnium creaturarum, quâ ipsum Dominum agnoscunt *Act. 7.v.*
56. Phil. 2. v.9.10. Denique *qui* de manifestatione gloriæ & po-

Atiorum.

Obiter autem hic diluenda est *calumnia* quædam Ubiquitario-
 rum, quod dextra Dei sit nobis locus. Sessio item ad Dextram Dei
 localis. *Dicimus* dextram Dei esse infinitam ipsius potentiam &
 gloriam. Quomodo igitur sit locus? Sessionem negamus esse situm
 localem: cum sit status personæ Christi: quomodo igitur localem
 faciamus? Hoc vero docemus: Christum non ubique, sed in cœ-
 lis sedere ad dextram Dei *Eph. 1.v.20. Col. 3.v.1. Hebr. 2.v.3. cap.*
8 v.1. Ideo sessio illa tanquam consequens cum ascensione Christi
 in cœlum conjungitur *Marc. 16.v.19. Act. 2.v.32.33.34.35.* Cœ-
 lum igitur est locus, in quo tanquam in palatio regio, sive sanctua-
 rio non manufacto sedet ad dextram Dei: ipsa Dextra Dei non est
 locus: nec sessio localis propriè.

Dextra Dei
non est locus
nec sessio ad
eam localis:

sed Christus
in cœlo se-
det ad dex-
tram Dei.

His præmissis *respondemus* ad ipsum Problema: quod bimem-
 bre: An Christus sedeat secundum utramque Naturam, & quo
 discrimine.

Præ affirmatur: & demonstratur. *De Humanâ Naturâ* non est
 opus probatione; quia nulla controversia. *Phil. 2.v.8.9.* ubi *ἐκεί-
 νου*, item *Ioh. 5. v.27.* *De Divinâ* ostenditur *dictis* Scripturæ ceu
 sunt *I. Ps. 110.v.1.2. Matth. 22.v.43.44. Heb. 1.v.13.* Hic personæ
 divinæ tribuitur. At quomodo exercet? an manu, brachio? imò ver-
 bo omnipotente inprimis *Heb. 1.v.3.* operante tamen carne, quod
 suum est. Ergò. II. *Matth. 26.v.64.65. Luc. 22.69.70.* ubi Filium
 Dei esse colligit Cajaphas ex sessione. Aut igitur vera illatio, aut
 falsa; si falsa, Christus non approbasset eam *eodem v.70.* si vera, ergo
 secundum Naturam Divinam etiam sedet ad dextram Dei. Id
 quod cum jurati Christi hostes faciliè animadverterint: mi-
 rum juxta & miserum est, professos Christianos non agnoscere.
Rationibus etiam. I. Status personæ Christi, & officii Mediatorii ad-
 ministratio, est Christo communis secundum utramque Naturam.
Ratio: quia Christus, etiam Lutheranorum confessione, mediator
 est secundum utramque Naturam. Atqui sessio ad dextram Patris
 est status personæ ipsius, & officii mediatorii administratio: ut ex
 declaratione patet. Ergò. II. Cujus *Ἀποτέλεσμα* sunt Christo cō-

Christus se-
det ad dex-
tram Dei se-
cundum Hu-
manam

Divinam na-
turam.

munia

munia secundum utramque Naturam, id secundum utramque Naturam ei convenit. *Ratio*: quia effectus communis arguit communem causam. *ἡπιτελέσματος* sessionis Christi ad dextram Patris sunt Christo communia secundum utramque Naturam, ut conservatio ac salus Ecclesiæ, regni Diaboli confusio, &c. Ergò. III. ab absurdo: Si Christus non sedet ad dextram Patris etiam secundum Naturam Divinā, jam defuit esse mediator & caput Ecclesiæ suæ quoad Deitatem. Absurdum, blasphemum consequens. Ergò & antecedens.

Discrimen
autem Sessionis est.
1. in disparitate temporis.

Alterum quod attinet, discrimen triplex potissimum est. *Primum* in disparitate temporis: Christus secundum Naturam Divinam sedit ad dextram Dei etiam ante incarnationem, inde ab initio mundi & Ecclesiæ: Quia semper fuit Rex & caput Ecclesiæ: quod eam gubernavit, defendit *Ps.* 2. v. 6 Ideo dicitur *Heb.* 1. 3. v. 8. *Hæc & hodie idem & in secula*. At secundum Humanam Naturam tantum, postquam in cælum ascendit, & in gloriam suam ingressus est *Luc.* 24. v. 26. *Eph.* 1. 20. *Obijciunt*: Atqui Scriptura Christum *ἡπείσθη* sedisse docet ad dextram Dei, post passionem & resurrectionem *Phil.* 2. v. 8. 9. 10. *Eph.* 1. v. 20. Ergò etiam tum capit sedere quoad Deitatem, non antè. *Resp.* cœpit etiam tum sedere, sed relatè ad carnem assumptam, in quâ gloriam, majestatem & potentiam occultaverat: non autem absolutè. Sessio igitur sic est declaratio potentiz & gloriæ visibilis ac consummata, & omnimodæ potestatis regiz usurpatio in & cum carne. Ante sedit, ut *λόγος αὐτοῦ ἐνοικῆσεν*. *Secundum* in disparitate potentiz & operationum, quibus Christus regnum suum gloriosè administrat. Potentia, & operationes Deitatis sunt divine, æquales Deo: quia ipse quâ Deus, æqualis est Patri *Phil.* 2. v. 6. *Ioh.* 5. v. 17. Humanitatis autem majores quidem omnibus creaturis, non tamen Deo æquales: sed creatæ & finite.

Sessio ad
dextram Dei
non demum
cœpit post
resurrectionem.

2. in disparitate potentiz & operationum.

3. in disparitate gloriæ & majestatis.

Non hinc
geminus cultus Christi
introducitur

Ratio: quia sedet ad dextram Dei secundum utramque quidem Naturam, sed salvâ utriusque naturæ veritate. *Tertium* in disparitate gloriæ, Majestatis, & honoris. Secundum Naturam Divinam ut est æqualis Deo naturâ, proprietatibus, & operibus: ita honore quoque *Ioh.* 5. 23. Secundum Naturam Humanam ut naturâ, ita gloriâ & honore quoque est ei inæqualis: interim proximus est honoreâ Deo: major omnibus creaturis, etiam gloriosissimis ut sunt Angeli. *Eph.* 1. 20. 21. *Obijciunt*: sic vero geminus cultus & geminus honos Christi introducitur, contra Anathematismos Cyrilli. *Respondendo*: Negatur: unus numero cultus, honos; non alius

alius

alius carnis: sed is respectu ac gradu differt. *Respectu*: quia duæ naturæ Christi sunt essentialiter diversæ. *Gradu*: quia naturæ inæquales sunt essentiis, proprietatibus, operationibus, & gloria. Quæ sicut fides non confundit, ita nec cultus secundum fidem præstitus.

PROBLEMA QUADRAGESIMUM SEXTUM.

Num detur omnibus gratia quadam sufficiens.

Nota est distinctio Gratia in *sufficientem* & *efficacem*, usitata Pontificiis: quibus gratia *sufficiens* est, quâ potest homo credere, modò velit. Hujusmodi gratia non datur. I. quia non est volentis, nec currentis, sed miserentis *Rom.* 9. v. 16. II. quia fides sic est donum Dei gratuitum, ut non sit ex nobis *Eph.* 2. v. 8. 9. Ergo de ea etiam frustra quæritur. Neque etiam gratia *sufficientis* vocabulo intelligimus, vel donum creationis, vel doctrinam aut suasionem Legis: ut olim lusit Pelagius in vocabulo *gratia*. Illud enim nusquam appellatur *gratia*: sed termino generaliore *auxiliu*, *doni*, notari solet. Hæc verò etiam gratia opponitur *Ioh.* 1. v. 17. *Gratia* igitur tantum est Evangelii, propriè loquendo, & ad Evangelium pertinet: quod *sermo gratia* vocatur *Act.* 20. v. 32.

Gratia sufficiens quæ datur.

Est autem *gratia* triplex: quantum quidem præsens institutum attinet: quæ omnes & singulæ dici possent *sufficientes*, suo modo; nulla autem est omnibus communis.

Gratia Evangelica est.

Prima est *externa vocationis*: quâ Deus per media externa Verbi & Sacramentorum vocat ad fidem & conversionem. Hæc I. rectè dicitur *gratia*; quia Evangelium, ejusque prædicatio est singularis gratiæ opus: unde *Evangelium gratia*, *Act.* 20. v. 24. & *sermo gratia*. v. 32. dicitur. II. est gratia *suo modo sufficiens*, videlicet tum in ordine causarum secundarum seu mediorum: quatenus præter illa nulla alia conversionis media requiruntur *Esa.* 5. v. 4. *Luc.* 16. vers. 31. tum etiam ad ἀναλογία ut reddantur homines inexcusabiles *Ioh.* 15. v. 22. Sed non est gratia omnibus & singulis communis. Quia multi, non omnes, vocati *Matth.* 20. v. 16. Sicut Deus præteritis ætatibus omnes gentes suis ipsarum viis ingredi *Act.* 14. v. 16. 17. Quod adhuc facit in Turcis, Persis, Indis.

I. externæ vocationis

Suo modo sufficiens.

Sed non omnibus & singulis communis.

2. internæ illuminationis.

Secundum quid sufficiens.
Sed non omnibus & singulis communis.

3. internæ renovationis.

Absolute sufficiens.

Sed non omnibus & singulis communis.

Secunda est interna illuminationis, qua per Spiritum S. illustrantur mentes in agnitionem veritatis, & de eâ certò perfluentur *Heb. 6. v. 4. 5. 6.* Hæc etiam dicitur *gratia 1. Corin. 12. v. 30. 31. Heb. 6. v. 4. 5. 6.* Est etiam *gratia sufficiens* non simpliciter, sed *secundum quid*, tum ad cognitionem veritatis, *Heb. 10. v. 26. & fidem temporariam Luc. 8. v. 13.* tum ad ἀναπνοήν *Petro teste 2. Epist. 2. v. 20. 21.* sed non est *gratia omnibus & singulis communis: Luc. 8. vers. 13. in parabolâ feminis: 1. Cor. 12. vers. 8. 9. 30.*

Tertia est interna renovationis & regenerationis, quâ renovantur mente, voluntate, affectibus, & ad vitam Æternam regenerantur per Spiritum S. *Ioh. 3. v. 5. 1. Pet. 1. v. 3.* Hæc est *singularis gratia Dei Tit. 3. v. 5. 1. Pet. 1. v. 3.* Est etiam *gratia sufficiens* ad fidem & conversionem, non *secundum quid*, sed *absolute & simpliciter*: ut quæ eam efficit in omnibus & singulis, quibus obtingit. Nam: quia fit per efficacem tractum Dei *Ioh. 6. v. 44. aperientis corda, Act. 16. vers. 14. & ex lapideis carnea efficientis Ezech. 36. v. 26. 27.* Sed non est *omnibus & singulis communis*: quia pauci electi *Matt. 20. v. 16. & fides non est omnium, 2. Thess. 3. v. 2. sed electorum Tit. 1. v. 1.*

PROBLEMA QUADRAGESIMUM SEPTIMUM.

An vocatio Dei externa inefficax dicatur in incredulis, ex parte Dei, an ex parte ipsorum?

Vocatio Dei inefficax est.

1. ex parte Dei.

2. Ex parte incredulorum.

Responsio est expedita, *inefficacem* dici utroque modo, tam ex parte Dei, quàm ex parte ipsorum. *Ex parte Dei*: quia vel mentes ipsorum non illuminat, ut agnoscant & assentiantur veritati: vel corda ipsorum non movet, flectit, renovat ad ei credendum & obtemperandum *Deut. 20. v. 3. 4. Esa. 53. v. 1. Matt. 11. v. 25. 26. cap. 13. v. 11.* Nam efficax est per verbum libere, quando & quantum vult *Ioh. 3. v. 8. 1. Cor. 12. v. 11.* Absque hac illuminatione & renovatione autem nemo potest converti *Ioh. 6. v. 44. Ex parte ipsorum* quoque: quia I. nolunt credere & obedire Evangelio. *Matt. 23. v. 37. Luc. 19. v. 14. Rom. 10. v. 21. cujus illustria extant exempla in historiâ Evangelicâ & in Actis. II. quia*

non

non possunt credere & obedire Euangelio, propter naturæ suæ ^{Cu'pa tamen,} corruptionem 1 Cor. 2. v. 14. 2 Cor. 3. v. 5. Rom. 8. v. 7. Sed Deus non addens efficaciam vocationi externæ est *extra culpam*: non est Dei. quia nemini quicquam debet, Rom. 11. v. 35. sed sua dona pro beneplacito dispensat Matt. 20. v. 15. cap. 11. v. 26. Homines autem ^{Sed homi-} *vocati rei sunt*: tum quia tenentur obedire, & malitiosè, contumaciter nolunt: tum quia non possunt suo pte vitio & propriâ culpâ: ut qui *αὐτοῦ κατὰ* sibi met attraxerunt.

PROBLEMA QUADRAGESIMUM OCTAVUM.

Annon Deus illudat hominibus, dum promiscuè Euangelii gratiam quibusvis tum in verbo simplici, tum in Sacramentis offert quam tamen omnibus conferre non constituit?

EST hæc trita admodum *calumnia* adversariorum nostrorum, tum Pontificiorum, tum Lutheranorum: quam non agnoscimus sed totâ mente execramur. Rationes sunt manifestæ. I. quia non offert gratiam suam absolutè, sed sub conditione fidei & resipiscentiæ Marc. 1. v. 15. cap. 16. v. 16. Joh. 3. v. 16. Rom. 10. v. 9. 10. Est igitur oblatio hypothetica, non categorica: quæ nihil ponit, nisi conditio ponatur. Ea autem deficit ex parte hominum. II. quia eodem verbo, quo offert gratiam, simul declarat, quod non omnibus velit dare fidem, Matth. 13. v. 11. quod fides non sit omnium, 2. Thess. 3. v. 2. sed electorum Tit. 1. v. 1. III. denique docet easdem promissiones, licet annunciatione sive prædicatione Universales, effectu tamen non in omnibus, sed in solis promissionis Filiis ratas esse, Rom. 9. v. 6. 7. 8. idque ex consilio & intentione Dei Matth. 10. v. 13. Luc. 10. v. 6. Esa. 55. v. 11.

PROBLEMA QUADRAGESIMUM NONUM.

Quid differant Vocatio efficax, Regeneratio, Resipiscencia, Sanctificatio, & Conversio?

HÆC nomina beneficiorum Dei variè usurpantur à variis: nonnunquam etiam confunduntur. Id ideo fit, quia non

eodem significatu in Scripturâ usurpantur. Quia verò distincti sunt gradus beneficiorum Dei: prout etiam distinctè recensentur *Rom. 8. vers. 29. 30. 1 Cor. 1. vers. 30. & alibi*, ideo quid differant, paucis ex Scripturâ docebimus.

Discrimen
inter ea est
Generale: no-
tat actus
1. Dei tantum
Vocatio &
Regeneratio:

2. nostros
tantum; Re-
sipiscencia.

3. jam Dei,
jam nostros;
Sanctificatio
& conversio.

Speciale: quid
Vocatio effi-
cax,

Regeneratio,

Resipiscencia,

Sanctificatio,

Discrimen inter illa aliud generale est, aliud speciale.

Generale hoc est: *Vocatio efficax & Regeneratio* tantum notant actus Dei, non nostros. Deus enim est, qui vocat nos, *Rom. 9. v. 24. 25.* secundum propositum suum *cap. 8. v. 28. 2 Tim. 1. v. 9.* Deus etiam est, qui nos regignit, non nos ipsi: non magis, quam nos ipsos gignimus ad hanc vitam *1 Pet. 1. v. 3. & 23. Resipiscencia* tantum notat actus nostros, licet à Deo effectos in nobis. Nam *regipiscencia* est actus *resipiscantis*. Jam non Deus, sed nos *resipiscimus*. Deus autem est, qui dat nobis *resipiscenciam Act. 17. v. 30. cap. 11. vers. 18. Sanctificatio & Conversio* jam notant actus Dei, jam nostros, gratia Dei excitatos, effectos in nobis. *Primi* significatus exempla sunt: de Sanctificatione *Eph. 5. v. 26. Sic Christus Sanctificatio, 1 Cor. 1. vers. 30. & Sanctificatio Spiritus 1 Pet. 1. v. 2. De conversione Jerem. 31. v. 18. Secundi* significatus exempla, de Sanctificatione: *1 Thess. 4. v. 4. 2 Cor. 7. v. 1. de conversione Ezech. 33. v. 11. Zech. 1. v. 3.*

Speciale eruitur ex diversitate significatum: *Vocatio efficax* est donatio fidei & *resipiscenciæ* per fidem *Rom. 8. v. 29. 30.* Nam vocando aperit Deus cor, ut credamus, *Act. 16. v. 14.* trahit nos, ut veniamus *Ioh. 6. v. 44.* Ideo etiam est *ἀμεταμέλητος Rom. 11. v. 29.* Hæc præcedit fidem, *Resipiscenciam*, *Justificationem*, & cætera beneficia, *argumento loci Rom. 8. v. 29. 30. Regeneratio* bifariam accipitur, quantum ad præsens institutum, *Latè*; & tum complectitur vocationem efficacem, & renovationem naturæ corruptæ *Ioh. 1. v. 12. 13. 1 Pet. 1. v. 3. 23. Stricte*; & solam naturæ corruptæ renovationem continet *Tit. 3. v. 5.* Sic sæpè dicitur *renovatio. Resipiscencia* posterior est vocatione efficaci simpliciter, quia effectus ejus: sic etiam posterior est regeneratione late sumtâ, sed prior est regeneratione strictè sumtâ: quia *resipiscences & credentes* accipimus Spiritum Sanctificationis, quo renovamur ad Imaginem Dei *Act. 2. v. 39. 40. Sanctificatio* alia est *passiva*, qua sanctificamur à Deo, *1 Cor. 6. v. 11. Eph. 5. v. 26.* alia *activa*, qua sanctificamus nos ipsos *2 Cor. 7. v. 1. 1 Thess. 4. v. 4.* Utraque posterior est Vocatione efficaci, *resipiscenciâ*, & *regeneratione*

neratione latè dictâ. Sed cum stricte sumitur, idem est cum regeneratione. *Conversio* denique est tum *passiva*, qua convertimur à Deo, *Conversio*. *Jerem.* 31. v. 18. & æquipollet regenerationi, latè sumtæ: tum *activa*, qua convertimus nos ipsos, 1 *Thess.* 1. v. 9. & idem est cum resipiscencia. Unde tanquam æquipollentia sumuntur resipiscere & convertere se ad Deum. *Act.* 26. v. 20.

Obiter & coronidis quasi loco, notetur *discrimen Resipiscencie* Discrimen Resipiscencie & Regenerationis. & *Regenerationis*. Differunt I. *Genere*: Illa est actus noster ex gratiâ Dei: hæc actus Dei in nobis. II. *Subjecto & terminis*: Illic actio: hic natura, ut post dicitur. III. *Ordine*: *Resipiscencia* præcedit: *Regeneratio* sequitur.

PROBLEMA QUINQUAGESIMUM.

Quinam sint gradus conversionis nostræ ad Deum?

Conversionis vocabulum tam latè sumitur ut, vocationem efficacem, & regenerationem simul complectatur: ut *Jerem.* 31. v. 18. 2 *Cor.* 3. v. 16. 1 *Petr.* 2. v. 25.

Tria autem hic prænotanda veniunt, ut natura *Conversionis* ritè cognoscatur ex suis gradibus. *Primum*: *Conversio* hominis non fit per raptus violentos, aut motus enthusiasticos: ut sunt speculatio somniorum, simulatio orationis, phantasiæ humanæ: prout olim & nunc quoque sentiunt Enthusiastæ, & ὁ ἄνθρωπος dicti: de quibus *Hist. Tripartita libr. 7. cap. 11.* Sed per ministerium verbi & Sacramentorum, sive per vocem Euangelii auditam & meditatam, per quam efficax est Spiritus S. *Rom.* 1. v. 16. *cap. 10. v. 16. 17.* *Secundum*: *Conversio* non est talis mutatio, quæ uno momento statim omnibus suis partibus absolvatur, sine certamine, & absque omnibus pietatis exercitiis: sed habet sua initia, suos progressus, incrementa; quibus in magna infirmitate conando, luctando, quærendo, petendo, pulsando perficitur 2 *Cor.* 7. v. 1. *Phil.* 3. v. 12. *seq. Gal.* 5. v. 17. 18. inprimis autem *Rom.* 7. v. 14. & *seqq.* *Tertium*: Initium conversionis fit non à renovatione naturæ corruptæ & pravarum qualitatatum, qualis est in sanctificatione: sed ab actionibus resipiscencie & fidei, & aliis præcedaneis, quibus ad eas præparamur *Marc.* 1. v. 15.

Jam respondeo per distinctionem. Alii sunt gradus ad conversionem.

tionem: *alii* sunt gradus ipsius conversionis. Neque enim hi sunt confundendi temerè.

Gradus ad
conversionem.

1. Agnitio
peccatorum
& pœnarum.

2. Sensus ira
Dei.

3. Pœnitentia.

4. Cognitio
Christi Me-
diatoris.

Gradus Con-
versionis.

1. Fides.

2. Dolor se-
cundum
Deum

Priores sunt quibus homo ad conversionem præparatur ac disponitur. Quæ proinde *dispositiones* dici possunt; & eam necessariò præcedunt: juxta dicta *Matt.* 11. v. 28. *Esa.* 61. v. 1. Non autem sunt partes & gradus ipsius conversionis. *Ratio*: quia illi gradus communes sunt reprobis vocatis: Conversio autem ejusque gradus electorum proprii sunt. Tales gradus sunt numero quatuor. I. *Agnitio* tum *peccatorum* originalis & actualium, tum etiam *pœnarum* temporalium & æternarum ex Lege Dei. *Rom.* 3. v. 20. *cap.* 4. v. 15. *cap.* 7. v. 7. Et hæc est in mente: cujus proprium est cognoscere, intelligere. II. *Sensus ira Dei & merita condemnationis* in corde: qui accenditur & crescit per cogitationem tum peccatorum, tum pœnarum: accedente inernâ operatione Spiritus S. qui est Spiritus servitutis ad metum *Rom.* 8. v. 15. *Act.* 2. v. 37. dicitur *compunctio cordis*. III. *Pœnitentia*, quæ Græcis propriè *μετάνοια* dicitur, est dolor de admissis peccatis, & eorum improbatio, sic ut vellemus nos nunquam ea admisisse, & Deum offendisse per ea *Matth.* 27. v. 3. *Act.* 2. v. 37. IV. *Cognitio Christi Mediatoris* non solum per externam prædicationem Euangelii, sed etiam per internam illuminationem Spiritus S. in quibusdam, puta temporariis *Hebr.* 6. v. 4. 5. 6. Hi autem gradus sunt partim ex *Lege*, ut priores tres: partim ex *Euangelio*, ut quartus.

*Posterior*es sunt, quibus ipsa conversio efficitur & fit, & in quibus propriè consistit. Ideo gradus conversionis dicuntur: quæ non mutant speciem. Sunt autem & ipsi quatuor. I. est *Fides*, si-ve fiducialis apprehensio & receptio Christi, quæ quisque Christum ejusque beneficia, verbo Euangelii oblata, sibi speciatim applicat per internam persuasionem Spiritus S. adeoque in ipso toto corde acquiescit *Ioh.* 1. v. 12. 13. *1 Cor.* 2. v. 12. De hujus natura & gradibus alibi dictum. II. *Dolor secundum Deum*, ex fide existens. Ante etiam fuit dolor, sed *mundi*, qui est propter pœnam peccati: & mortem, desperationem efficit *2 Cor.* 7. v. 10. Hic est dolor secundum Deum, qui concipitur non tam propter pœnam, quàm propter peccatum ipsum, & Deum, clementissimum in Christo Patrem, peccato offensum. Nascitur autem ex fide in Christum. Nam cum Deum talem agnoscimus, sentimus per fidem, non possumus non affici dolore peccatorum in ipsum admissorum

missorum. Quod comprobatur illustri exemplo *Luc. 7. v. 38. & seqq.* item in Petro *Luc. 22. v. 62.* III. *Resipiscencia* quam efficit dolor ille secundum Deum. 2. *Cor. 7. v. 9. 10.* Quia enim dolet

3. Resipiscencia.

de offenso Deo, jam mutat propositum animi, cavet & fugit peccatum, amat autem & sectatur justitiam Et hæc est mutatio actionum è malis in bonas. Nam resipiscencia propriè in proposito de actionibus consistit; cujus terminus à quo, est malum sive peccatum jam commissum: terminus ad quem, bonum faciendum.

IV. est *Regeneratio* strictè sumta, sive sanctificatio fidem & resipiscenciam sequens: quâ natura hominis justificati corrupta renovatur & instauratur ad imaginem Dei. Consistit igitur in mutatione naturæ & pravarum qualitatum: cujus terminus à quo est inhærens corruptio sive vetus homo: terminus ad quem sanctitas, sive novus homo *Eph. 4. v. 22. 23. 24.*

4. Regeneratio.

Ex quibus omnibus planum est. *Fieri conversionem*, dum homo agnoscit miseriam suam ex lege: afficitur sensu iræ Dei: dolet de admissis peccatis, vellet ea non esse admissa, ac de viribus suis desperat. Simul verò cognoscit gratiam Dei in Christo ex Evangelio: serio ejus desiderio corripitur: sentit eam in corde suo per fiducialem applicationem: lætatur in Deo: dolet tam benignum & indulgentem Patrem peccatis suis offensum esse: firmo animi proposito statuit fugere peccatum & sectari justitiam: & gratiâ Spiritus S. renovatur mente, voluntate affectibus, omnibusque viribus: ut ita bona opera tanquam fructus resipiscenciæ ac regenerationis producat. Quæ omnia in *Filio prodigo*, tanquam vivo exemplari, distinctè proposita inveniuntur. *Luc. 15. cap. I.* est agnitio peccati; *peccavi* vers. 18. 21. II. Sensus ejusdem in esurie v. 14. 15. 16. III. Pœnitentia: *Rediit ad se* v. 17 IV. Cognitio gratiæ paternæ; *quod mercenarii?* v. 17. V. Fides & spes veniæ sive gratiæ v. 18. *surgens proficiſcar.* VI. Dolor secundum Deum. v. 18. 21. *Pater peccavi:* VII. Resipiscencia v. 17. *& seqq. rediit ad se*, desiit peccare. VIII. Regeneratio v. 22. quia datur ei stola nova.

Quomodo fiat Conversio.

Exemplum.

Cautionis loco duo hîc notanda sunt. *Vnum:* Gradus hosce omnes & singulos, & eo quidem ordine, quo enumerati sunt, tantum valere & locum habere in adultis, non item in infantibus: quibus justificatio & regeneratio per Spiritum Sanctum satis est ad salutem: etiamsi non præcedat fides vel resipiscencia,

Notandum
1. Gradus
hoc valere
tantum in
adultis.

2. Esse ordinariæ, non extraordinariæ conversionis.

aut actus alii. *Alterum*. Esse gradus ordinariæ conversionis: in extraordinaria multa variant. Aliter Petrum, aliter Paulum: Sic aliter item Zacchæum, aliter latronem Deum convertit. Singulare etiam est exemplum Rahabæ: de qua est *Iosua* 2. *Hebr.* 11. cap.

PROBLEMA QUINQUAGESIMUM PRIMUM.

Quousque possint Reprobi progredi in gradibus Conversionis?

Reprobi non vocati.

Vocati.

Reproborum duo sunt genera: *Vnum*: non Vocatorum, quos Deus præteritis ætatibus sivit suis ipsorum viis ingredi *Act.* 14. v. 16. *Alterum*: Vocatorum, quos gratiâ externæ vocationis dignatur: ut est *Matth.* 20. v. 16. De istis sermo est, non de illis. Et si enim lex naturæ reliqua in mentibus hominum, honestas civilis, & institutio moralis media sint, quibus etiam gentiles sæpè ad agnitionem, detestationem, & emendationem vitæ turpis adducti sunt: Cujus illustre exemplum *Diogenes Laërtius* proponit in *vita Xenocratis* de juvene impuro & ebrioso, qui cum sodalibus ebriis in ejus docentis scholam irrui, & mutatus fuit in melius dissertatione ipsius de temperantia: tamen illa nec media, nec gradus fuerunt conversionis propriè loquendo. Sic enim Apostolus *Act.* 17. v. 30. *nunc mandat omnibus ubique hominibus, ut resipiscant*, Mandat scilicet prædicatione Euangelii. Unde pœnitentia illa sive *conversio Ethnica & Civilis* dici consuevit.

Præterea repetenda hîc est distinctio graduum Conversionis ex superiore problemate: ex quâ explicatio problematis dependet. Sunt *gradus ad Conversionem*, qui eam antecedunt, veluti dispositiones quædam & actus præparatorii, cujusmodi sunt, Agnitio peccati: Sensus iræ Dei propter peccatum, Pœnitentia laxè sumpta pro dolore de peccato admissio, ejusque improbatione: & tandem Agnitio gratiæ Dei in Christo per Euangelium. sunt etiam *gradus ipsius conversionis*, qui eam propriè constituunt veluti partes quædam integrantes: & sunt Fides, Dolor secundum Deum, Resipiscentia, & Regeneratio strictè accepta.

Vocatis communes sunt gradus ad conversionem.

Priores omnes Reprobis vocatis communes facimus: suo tamen ordine ac modo. *Agnitionem peccati* ex Lege: exemplo Saulis *1. Sam.* 24. v. 18. & seqq. *Judæ* *Matt.* 27. v. 4. 5. etiam Pharaonis *Exod.*

Exod. 9. 27. Sensum ira Dei incumbentis propter peccatum, exemplo Caini Genes. 4. v. 13. Achabi 1 Reg. 21. v. 27. etiam Felicis Act. 24. v. 25. Pœnitentiam sive dolorem de peccato adinisso & improbationem ejus, exemplo Judæ Matt. 27. vers. 4. 5. Esavi item Hebr. 12. v. 16, 17. Agnitionem & sensum aliquem gratia Dei in Christo ex Euangelio per illuminationem Spirit. S. juxta dicta Heb. 6. v. 4, 5, 6. cap. 10. v. 26. Atque hîc ii excellunt, qui fide temporaria præditi sunt Luc. 8. v. 13, 14. Sed cautionis loco addimus, Gradus illos communes esse reprobis vocatis suo ordine ac modo. Quia non omnes & singuli hosce gradus attingunt, sed alii alios: nonnulli omnes: & hi etiam non æqualiter, sed inæqualiter eos percipiunt: prout nimirum magis vel minus efficax est tum Spiritus servitutis ad metum Rom. 8. v. 15. tum Spiritus illuminationis Heb. 6. v. 4. & seq. Huc pertinet parabola de semine Matth. 13. Luc. 8. capp.

Posteriores gradus nulli reprobi attingunt, aut possunt attingere. Fidem non accipiunt: quia illa non est omnium 2 Thess. 3. v. 2. sed electorum Tit. 1. v. 1. Hinc Christus Matth. 13. v. 11. & seq. Vobis datum est nosse mysteria regni cælorum: illis autem non est datum &c. & Apostolus Act. 13. v. 48. Crediderunt quotquot ordinati erant ad vitam æternam. Non afficiuntur dolore secundum Deum: quia is est ex fide: dolor autem reproborum, dolor mundi & dolor ad mortem vocatur 2 Cor. 7. v. 8, 9, 10. Non donantur Resipiscentiâ, quæ est Israël's Dei Act. 5. v. 31. Gal. 6. v. 16. Denique non Regenerantur ad novitatem vitæ: Quia regeneratio opus est singulare Spirit. S. Ioh. 3. v. 3. & 5. quem mundus non potest accipere Ioh. 14. 17.

*Sunt verò tum Pontificii, tum etiam ex Evangelicis, nonnulli, qui etiam posteriores hosce gradus Reprobis Vocatis communes faciunt. Primò: Fidem ipsis tribuunt: quia dicuntur credere, Luc. 8. v. 13, 14. gustare bonum Dei verbum Hebr. 6. v. 4, 5, 6. & c. Resp. Sed Christus fidem illam *ὑποκριτικήν* temporariam dicit, quæ radicem non habet: Paulus hypocriticam vocat 1 Tim. 1. v. 5. Non igitur est vera & salvifica fides: de quâ hic sermo. Sic gustus ille non est ex speciali & fiduciali applicatione gratiæ, sed ex cognitione suavitatis doctrinæ, quâ cor afficitur Luc. 14. v. 15. Num. 23. v. 10. Nec transit in naturam, ut saturentur, non esuriant nec sistant unquam: sed in extremis labiis hæret. Simile Christi gustantis & nolentis bibere Matt. 27. v. 34. Secundo: Colorem secundum*

Non autem gradus Conversionis.

Non Fides.

Non dolor secundum Deum.

Deum, quia concipitur ex Euangelio, & ex gustu gratiæ Dei *Heb.* 6. v. 4. 5. *Resp.* Imò est dolor mundi: I. quia peccatum non deplorant, in quo Dei offensa, sed pœnam, vel saltem peccatum propter pœnam; Exemplo Caini *Genes.* 4. v. 13. & *seq.* & Achabii *1 Reg.* 21. v. 27. & *seqq.* Sic Pharaonis quoque *Exod.* 9. v. 27. II. quia non accedunt ad Deum, & veniam petunt filiali fiduciâ, sed averſi ab ipſo ruunt in desperationem, exemplo Saulis *1. Sam.* 31. v. 4. & Judæ *Matth.* 27. v. 3. 4. 5. III. Non oderunt aut fugiunt peccatum, sed ſublatâ aut mitigatâ pœnâ mox ad ingenium redeunt; exemplo Eſavi *Genes.* 27. v. 38. & *seq.* Pharaonis *Exod.* 9. v. 27. & 34 & alibi. *Tertio:* Reſiſcentiam, quæ conſiſtit in dilectione boni, odio ac fuga mali. Hanc cognosci ajunt partim ex lucta adverſus peccatum, partim ex externa vitæ emendatione: cujus illuſtre exemplum proponitur in Herode *Marc.* 6. v. 20. *Resp.* Hæc quoque mutatio non eſt conſtans & ſincera: Bonitas eorum abit quaſi nubes matutina, & ros mane ſtillans: ut ait Propheta *Hof.* 6. v. 4. juxta exemplum ipſius Herodis. Etiam ex formidine pœnæ ſuſcipitur, ut exemplis ſupra docuimus. Lucta eſt inter rationem etiam illuminatam & appetitum: non inter carnem & Spiritum. *Quarto:* Regenerationem quoque, quia participes fiunt Sp. S. & ſanctificantur per eum *Heb.* 6. & 10. *cap.* *Resp.* Imò quoad illuminationem, cognitionem veritatis, guſtum aliquem gratiæ: ut Apoſtolus ipſe declarat: non autem quoad renovationem naturæ ex ſemine illo incorruptibili: quod manet in æternum *1. Pet.* 1. v. 3. 4. & 23. & *seq.* Sed de *ἁγιωσύνη* Reproborum Vocatorum alibi pluribus dictum & actum.

Non Reſiſcentia.

Non Regenerationis.

PROBLEMA QUINQUAGESIMUM SECUNDUM.

Num infantes habeant fidem?

Sententiæ de hæc quaſtione.

Patrum.

Inſantes intelligimus non quorumvis parentum, etiam infidelium, Judæorum, Mahumetanorum, Paganorum, ſed fidelium ſive *Chriſtianorum* Deo fœderatorum.

De horum fide non idem ſenſere *Patres* veteris Eccleſiæ. Plerique fidem eis derogavêre, cujus capaces eſſe non poſſent per aſtutem. Et *Ambroſius* quidem eos fide Eccleſiæ, *Auguſtinus* fide parentum ſuorum ſervari contendit. Fuerunt etiam qui hanc quaſtionem tanquam curioſam, ſeu minus neceſſariam rejicerent: jubentes adul-

adultos de suá potius, quàm de Infantum fide esse sollicitos. In quâ simplicitate etiam nobis putaremus acquiescendum, nisi eam explicatu necessariam quodammodo fecissent horum temporum controversiæ. *Primo* moverunt eam *Anabaptistæ*, qui prætextu negatæ fidei Infantes à Baptismo submoverunt. Qui non credit, non est baptizandus *Marc. 16. v. 16.* Infantes non credunt. Ergo. Contra hos *Lutherus* ferè primus definivit Infantes habere fidem, & quidem actualem. *Secundò* nata est ex infelicibus *Lutheranorum* disputationibus de efficacia Baptismi, cui plus tribuunt, quàm veritas Scripturæ patitur, docentes omnes Infantes in Baptismo regenerari & fide actuali donari: prout *Colloquio Mompelgartensi loco de Baptismo* & alibi ex scriptis ipsorum videre est. Sed controversia de virtute & efficaciâ Baptismi non est hujus loci.

Recentiorum.

Anabaptistarum,

Lutheranorum,

Hic de fide solum Infantum disquiremus, examinaturi contrarias opiniones Lutheranorum & Anabaptistarum, quorum illi fidem actualem Infantibus tribuunt, hi omnem fidem iis adimunt. Propositiones duæ erunt.

Prima propositio, opposita opinioni *Lutheranorū καὶ ὑπερβολῶν*.

Infantes fidelium carent fide actuali.

Infantes fidelium fide actuali carent.

Propositio clara est explicatione subjecti & prædicati: ut declaratione non sit opus. *Demonstratio* ejus variis constat argumentis:

q. nullius rei actualis notitia in eos cadit.

I. Sumitur à genere: In quos nullius rei actualis notitia cadit, ii fidei actualis capaces non sunt. In Infantes nullius rei sive bonæ sive malæ actualis notitia cadit. Ergo. Valet consequentia *Majoris*: nam negato genere, negantur omnes species. Veritas minoris nititur dictis aliquot Scripturæ, *Deut. 1. v. 39. Esa. 7. v. 16. Ionæ 4. v. 11.* quibus docetur Infantes non cognoscere bonum vel malum, id est nihil scire: item discernere non posse, inter dextram & sinistram, hoc est, judicii & discretionis expertes esse. Nec est quod excipiant, nasci tamen nobiscū multarum rerum notitias; quæ naturales dici solent. Non enim sunt actuales notitiæ, sed earum principia quædam ac semina, quæ annis discretionis sponte & per se, sine omni demonstratione sese exserunt.

Notitiæ naturales non sunt actuales.

II. *A partibus fidei actualis.* Cui partes omnes fidei actualis adimuntur, ei totum tribui nequit. Infantibus fidelium, partes omnes fidei actualis adimuntur. Ergo. Minor patet inductione partium ceu sunt Notitia, Assensus & Fiducia. Nulla harum eis convenit. Non notitia, ut jam demonstratum est. Nec assensus, qui fertur in

q. omnes partes fidei actualis eis adimuntur.

objectum cognitum. Nec denique *fiducia*, quæ est specialis adjudicatio & applicatio promissionis gratiæ in verbo Evangelii.

q. in ipsis nec
ἰσχυρὸς nec
ἰσχυρὸς fidei
est.

III. *A descriptione fidei actualis* Heb. 11. v. 1. *Fides est ἰσχυρὸς rerum sperandarum & ἰσχυρὸς invisibilium*. In infantibus non est talis ἰσχυρὸς, quæ res verbo promissæ ob certitudinem promissionis subsistentiam suam fortiuntur in mente & corde: quia nec notitia est, nec assensus, nec adjudicatio: Non etiam ἰσχυρὸς, sive spiritualis demonstratio, quæ evidentiam & firmitate promissionum cognitarum mentem ad assentiendum, cor ad confidendum inducat. Hoc enim sine usu mentis & rationis fieri nequit. Utrumque etiam inde haud obscure confirmatur, quod Apostolus longum fidelium catalogum contexens, adultorum solum, non etiam Infantum exempla adducit. Ergo.

q. nec audiunt, nec intelligunt verbum.

IV. *A causâ organicâ fidei*: Fides est ex auditu, hoc est, ex verbo Dei audito, intellecto, meditato Rom. 10. v. 17. & hæc duo ordinatione Dei ita connexa sunt, ut quærat Apostolus, *quomodo credent, de quo non audierint?* v. 14. denique hæc de causâ Evangelium *verbum fidei* v. 8. fides autem *fides auditus* sive verbi auditi denominatur Gal. 3. v. 2. Atqui Infantes non audiunt, intelligunt, meditantur verbum Dei: ut notum est. Ergo.

q. fides eorum non est operosa.

V. *A proprio effecto fidei actualis*. Fides actualis est *ἰεργαμὲν* operans, actuosa per charitatem Gal. 5. v. 6. est fides operum 1 Thess. 1. v. 3. & absque operibus mortua est Iacob. 2. v. 26. Fides infantum non est operans, operosa per charitatem: ut constat. Ergo.

q. in eis nullus usus mentis & voluntatis.

VI. *A subjecto recipiente*: Fides actualis non consistit absque usu sive actibus mentis & cordis, sive voluntatis. Siquidem in his subjectis propriè refidet: & intelligere, assentiri sunt, actus mentis: confidere cordis. In infantibus nullus usus est mentis & voluntatis: uti notum est. Sequitur enim demum annis discretionis: Ergo.

q. notitia infantum in Scripturâ reprehenditur.

VII. *A Similibus*. Scriptura jubet nos esse malitiâ infantes, pueros: notitiâ autem non pueros, sed adultos, perfectos, viros 1 Cor. 14. vers. 20. Eph. 4. vers. 14. Ergo fidem actualem, & quidem magis constantem ac sinceram, quam sit adultorum ipsis non tribuit. Hoc enim contendunt Lutherani: ut infra videbitur.

q. experientia id docet.

VIII. *Ab experientiâ universali*. Ea testatur infantes nec notitiam, nec fiduciam actualem adferre ab utero, aut referre à Baptismo;

ptismo; sed eam, ubi ad annos discretionis pervenerint, concipere & haurire ex fidei institutione parentum, præceptorum, ministrorum Ecclesiæ accedente intus efficaci operatione Sp. Sancti. Ergo hoc verum, illud autem falsum est.

IX. *Ab absurdo* : Si omnes infantes fidelium fide actuali donantur in baptismo, sequitur plerisque eam amittere : quia plerique adulti fide carent : itemque frustra inditam eis fuisse, cum non assequantur finem fidei, salutem animarum *1 Petr. 1. v. 9.* Utrumque absurdum est, & contra Scripturam. *Præius* : quia Christus oravit, ne fides amittatur *Luc. 22. v. 32.* estque ipsa donum Dei *ἀμεταμέλητον Rom. 11. v. 29.* *Posterius* : quia omnes electi assequuntur salutem per fidem *Rom. 11. v. 7.* Ergo.

Hæc sunt argumenta præcipua propositionis negativæ. Jam objectiones Lutheranorum videamus & examinemus.

I. *Ab expresso Christi testimonio*, quod infantes credant : *Matt. 18. v. 6. Quisquis offendiculo fuerit uni ex parvis istis, qui in me credunt.* *Ref.* Dictum impertinens est. *παιδίων* nomen generale quidem est, non minus adultioris ætatis pueros, quàm infantes significans : *18. v. 6. vin-* Hic tamen non isti, sed illi intelliguntur. Siquidem de iis sermo habetur, qui offendi possunt, & dictis vel factis impiis à fide averti. Quod in infantes non cadit, nulla dum boni vel mali intelligentia præditos *Deut. 1. v. 39.* *dictum Matt. 18. v. 6. vin-*

Instant primò : Pueros illos fuisse infantes, quia Lucas *cap. 18. v. 15.* eos appellet *παιδάκια*, qui pendebant adhuc ab uberibus matrum suarum. *Ref.* alii fuerunt infantes illi, ab istis pueris : quia diversæ planè historiæ. Confer *Matt. 18. v. 1, 2. & seq. & cap. 19. v. 13.* *Marc. 9. v. 33. & seqq. & cap. 10. v. 13.* *Luc. 9. v. 46. & seq. & cap. 18. v. 15.* Sed & nomen *παιδάκια* generalius accipi posse videtur de ætate puerili, capace institutionis. Quo sensu Timotheus dicitur *2 Tim. 3. v. 15.* Nisi matrem *παιδάκιον* à puero didicisse sacras literas. Fatemur tamen id est, simul ac infantiae annos excedere cœpit. Fatemur tamen generalem illum significatum non convenire *Luc. 18.* propter verbum *παιδάκιον*, & collationem *Marc. 10. v. 16.* ubi Dominus dicitur eos *ἐν αγκάλαις* in ulnas seu brachia recepisse.

Instant Secundò : Infantes & pueros Spirituali intelligentiâ pares esse, cum ætas nihil conferat ad fidem. *Ref.* Sic ergo etiam pares erunt adulti, quorum ætas nihil magis confert : ut vel exemplo Nico-

*Ætas quid
conferat ad
fidem.*

demum liquet. Cur ergo vult Apostolus nos intelligentiâ non pueros, sed adultos esse. *1. Cor. 14. v. 20. Eph. 4. v. 14.* Sed distinguimus. Ætas nihil confert ad fidem, tanquam causa efficiens procreans. *Ioh. 1. v. 13. Matth. 16. v. 17.* Requiritur verò ad eam tanquam subiectum recipiens: Quia unumquodque recipitur secundum modum subiecti recipientis. *Vide Psal. 32. v. 9.* Non confert ad eam per se: Confert verò ad eam quatenus in maiorem ætatem cadit major sensuum exercitatio ad discretionem boni & mali *Hebr. 5. v. 14.*

*Jeremie &
Ioh Baptista:
exempla quid
commune vel
singulare ha-
buerint.*

II. *Ab exemplis:* Jeremie *cap. 1. v. 5.* & Johan. Baptista: *Luc. 1. v. 44.* Hi crediderunt in infantia. Ergo omnes infantes baptizati credunt. *Resp. I.* negatur sequela: quia ex singularibus & extraordinariis exemplis colligit regulam universalem. A particulari ad universale non valet consequentia: ut habet axiomata Logicorum. In his duobus infantibus deprehensi motus Spiritus Sancti. Ergo omnibus fidelium infantibus aliqui Spiritus Sancti afflatus induntur, ad Baptismum oblatis. II. Antecedens non est in textu. Jeremias dicitur sanctificatus ab utero in Prophetam populi Dei: Joannes autem exsiliisse in utero matris ad Christi præsentiam: neuter actu credidisse dicitur. III. Hoc ipso argumento evertitur opinio Lutheranorum de efficaciâ Baptismi. Si enim jam fide donati fuerunt in utero matrum: Ergo non primum in circumcisione: nec nostri infantes demum in Baptismo fidem accipiunt.

Instant: Singulare & extraordinarium fuit, quod Jeremias ordinatus est in Prophetam: quod Baptista exsiliit: quod autem uterque fide donatus est, quod Joannes Christum agnovit, id non fuit singulare, sed est commune. *Resp.* Hæc est manifesta principii petitio, quod fide actuali donati fuerint. Imo Joannes non novit Christum de facie jam triginta annos natus, & munus suum auspicatus, nisi per novam revelationem *Ioh. 1. v. 31.* Illud verò ex exemplis hisce rectè colligitur, quod & nostri colligere solent. Infantes capaces esse Spiritus Sancti, & cum huic etiam ætati donari.

*Infantes quo-
modo Deo
placeant.*

III. *A dicto Apostoli:* Impossibile est absque fide Deo placere *Hebr. 11. v. 6.* Infantes placent Deo: ut verbis & factis Christus ostendit *Marc. 10. v. 13. & seq.* Ergo credunt. *Resp.* Major propositio intelligenda est de adultis, quorum multa exem-
pla

pla Apostolus commemorat, quibusque solis convenit Apostolica fidei descriptio. Infantum alia ratio; qui placent Deo propter satisfactionem Christi ipsis donatam, etiam si eam non apprehendant ipsi, aut apprehendere possint per ætatis defectum.

IV. Iustus fide suâ servatur, vivit, non alienâ *Hab. 2. v. 4.* Infantes fidelium sunt iusti. Ergo. *Resp. Major* iterum intelligenda est de adultis. Nam Apostolo interprete, fides quâ vivunt, concipitur ex auditu Evangelii, quod est potentia Dei ad salutem omni credenti *Rom. 1. v. 16.* Infantes autem non audiunt nec capiunt Evangelium. Iusti verò sunt iustitiâ ipsis imputatâ & donatâ à Deo propter satisfactionem Christi, licet donum hoc recipere nequeant actuali fide. Simile ab aliis donis corporalibus: quæ infantibus donantur, ligatis etiam fasciis.

Habak. 2. v. 4.
explicatur.

V. Si infantes fidelium non credunt, etiam non sunt baptizandi. *Ratio:* quia Baptismus ex institutione Christi est credentium *Marc. 16. v. 15. 16.* Atqui sunt Baptizandi: quemadmodum utrique sustinemus contra Anabaptistas. Ergo. *Resp. I.* Negatur consequentia ob fallaciam causâ. Causa pædobaptismi non est fides actualis infantum, cuius non magis capaces sunt, quàm illius institutionis, quâ docentur & discipuli Christi fiunt *Matth. 28. v. 19.* sed est tum mandatum universale, de omnibus Ecclesiæ membris baptizandis, *Matth. 28. v. 19.* tum promissio fœderis, parentibus juxta ac liberis eorum facta. *Act. 2. v. 38. 39. Genes. 17. v. 7. 11.* Fides, quæ ordinariè requiritur in Baptismo, eam præcedere debet *Marc. 16. v. 15. 16.* Exemplo Eunuchi *Act. 8. v. 37. 38.* Ergo non demum efficitur in infantibus per baptismum: ut habet hypothesis Lutheranorum.

Causa pædobaptismi quæ.

VI. Sacramenta sine fide utentis sunt inanes cæremoniæ: ut habet axioma Theologicum. Atqui Baptismus infantibus non est inanis cæremonia, alioquin frustra baptizarentur. Ergo. *Resp.* est fallacia à dicto secundum quid in *Majore.* Valet axioma illud de adultis: de quibus dictum, *Docete omnes gentes; qui crediderit, & baptizatus fuerit, servabitur. Matt. 28. v. 19. Marc. 16. v. 15. 16.* Infantibus ad salutarem usum baptismi sufficit promissio & gratia fœderis: uti supra docuimus ex *Act. 2. v. 39. Genes. 17. v. 7.*

Fides infantum ad baptismum non necessaria.

VII. Deo facillimum est fidem operari in infantibus, etiam absque beneficio sive usu rationis. Ergo etiam absque illo beneficio Infantes habere possunt, & habent fidem actualem.

Resp.

Resp. A posse ad inesse non valet consequentia. Facillimum etiam Deo ex lapidibus excitare Filios Abraham *Matth.* 3. v. 9. An verò etiam facit? *Deus noster in cælis est, quicquid voluit fecit: Psal.* 115. v. 3. Sanè non est impossibile Deò, ut vel infundat virtutes, quacunque ætate voluerit: vel etiam producat actus mentis & rationis in animis infantum præveniendò tempus naturæ: sed cum Scriptura nusquam doceat illa in ipsis fieri miracula, magnæ est audaciæ id affirmare, aut definire extra & præter Scripturam.

Ufus rationis
quid prosit in
consequen-
dâ fide.

VIII. Ufus rationis non juvat, sed impedit nos in consequenda fide: unde adulti eum captivum ducere jubemur *2 Cor.* 10. v. 5. Ergo etiam absque eo credunt, & credere censendi sunt infantes. *Resp.* Datur antecedens de usu rationis carnalis & corruptæ, quæ se opponit Euangelio. De usu rationis illuminatæ, subicientis se Euangelio, & secundum ejus normam judicantis de fidei dogmatis, falsum est.

Infantes fide-
lium habent
semen, quod
cum ætate
exit in actum.

Hactenus de primâ propositione. *Secunda* propositio sequitur quam opponimus errori *Anabaptistarum* κατ' ἐξέχασιν.

Infantes fidelium habent semen aliquod fidei, quod maturiore ætate exit in actum: accedente foris institutione humanâ, intus majore efficaciâ Spiritus Sancti.

Hæc propositio initio declaranda: tum etiam demonstranda est.

Semen fidei
quid.

Infantes fidelium hic intelliguntur, non definitè, collectivè, & universaliter, quasi omnes & singuli habeant tale semen. Nam prædestinatio Dei etiam inter infantes discrimen facit: *Rom.* 9. v. 11. & promissio foederis non in carnis, sed in promissionis filiis rata est: *ibidem* v. 8. Intelliguntur autem indefinitè & distributivè, de cujusvis ordinis ac conditionis infantibus; quos discernere non est humani judicii: Charitatis verò Christianæ est, bene sperare de singulis. *Semen fidei* est Spiritus Sanctus fidei effector: qui semen Dei appellatur metaphoricè, quod ejus virtute regeneremur *1 Joh.* 3. v. 9. Semen igitur fidei sunt primordia sive primitiæ regenerationis, & sanctæ inclinationes, quas Sp. S. jam tum operatur in infantibus pro modulo ipsorum. Alii vocant *principium fidei*: itemque *habitus*. Sed nomen *habitus* videtur minus conveniens: quod fides habitualis velut perfectior & confirmator in Scriptura proponitur. Semen fidei exit in actum *maturiore ætate*: quia sequitur organa & actus rationis & volun-

voluntatis, absque quibus se exserere nequit. Nam fide intelligimus, *Hebr.* 11. v. 3. persuasi sumus, *Rom.* 8. v. 38. confidimus, *Ioh.* 16. v. 33. qui actus exseri nequeunt absque usu mentis & voluntatis. Idque *accedente institutione humanâ & efficaciâ Sp. S.* quia ad excitandum illud semen, & in actum deducendum, hisce mediis opus est. Nam fides ex auditu est *Rom.* 10. v. 14. 17. Sic Sp. efficacior fit cum ætate: ut testantur exempla *Joh. Baptistæ Luc.* 1. v. 18. & *Christi cap.* 2. v. 40. 52.

Demonstratio propositionis his argumentis concluditur.

Probatur.

I. Promissio fœderis non minus ad infantes, quàm ad adultos pertinet *Genes.* 17. v. 7. *Actor.* 2. v. 39. At illa sonat de Remissione peccatorum, inscriptione Legis in cordibus, & fide, quæ pro conditione subjectorum spectatur in actu, vel semine: ut est *Jerem.* 31. v. 31. & *seq.* Ergo.

II. Quorum est regnum cœlorum, iis regenerantur, sive eos necessum est regenerari *Ioh.* 3. v. 3. 5. Infantum est regnum cœlorum *Matth.* 19. v. 14. Ergo Infantes regenerantur, & in regeneratione semen fidei accipiunt.

III. Spiritus Sanctus qui datur infantibus ut constat, aut otiosus est in ipsis, aut operosus: Si *otiosus*, frustra daretur: quod est contra intentionem donantis. Si *operosus*, operatur motus & inclinationes ætati ipsorum convenientes: quas nos appellamus *semen fidei*.

IV. Ab exemplis infantum, qui sanctificati fuerunt ab utero. Infantis Davidis 2. *Sam.* 12. v. 23. Abiæ filii Jeroboami, 1. *Reg.* 14. v. 13. Jeremiæ, *cap.* 1. v. 5. *Joh. Baptistæ, Luc.* 1. v. 15. & 80. In duobus posterioribus sunt sanè singularia & extraordinaria: ut supra docuimus: hoc tamen inde certò colligitur, quod capaces sint infantes Sp. S. atque ita feminis fidei: & quidam etiam illud habuerint.

V. A minori: si principia notitiarum naturalium trahunt infantes ex naturali generatione: quidni accipiant principia & semina quædam fidei ex supernaturali regeneratione. *Ratio*, quia horum non minus capaces sunt per gratiam, quàm illorum per naturam. Verum antecedens. Ergo & consequens.

Ita demonstravimus veritatem hujus propositionis. Superest ut solvamus *dubia*, quæ ex hac assertione nascuntur & emergunt.

Utrum semen
illud fidei
Spiritus S.
operetur im-
mediatè vel
mediatè.

Unum: Quomodo operetur Sp. S. semen illud infantibus: mediatè per verbum & sacramenta, an immediatè? *Lutherani* non quidem de semine fidei, sed de ipsa fide actuali, asserunt, eam produci in infantibus per Baptismum, atque ita mediatè. *Quidam ex nostris*, Sohnius, Bucanus, Polanus, & alii statuunt id fieri immediatè, absque ministerio verbi. *Dicta* expressa & evidèntia, quibus dirimatur hæc controversia non succurrunt in præsens. *Exemplis* si standum, dixerò salvo meliore iudicio id in aliis immediatè, in aliis mediatè fieri. *Immediatè* in iis, qui sanctificati fuerunt per Sp. S. jam in utero matrum suarum: ut *Jeremias*, *Joh. Baptista*, atque etiam *Jacobus*: *argumento loci Genes.* 25. v. 22. 23. ubi non intervenit externum ministerium. *Mediatè* verò, qui donantur Spiritu Sancto aut in Baptismo, ubi efficac. Deus secundum promissionem suam, quando vult: ubi pteces pro infante Ecclesia concipit: aut post Baptismum: ut colligitur ex exemplo illorum infantum, quibus Christus impositis manibus benedixit & pro quibus oravit, *Marc.* 10. v. 16. *Matth.* 19. v. 13. utique cum effectu & efficacia.

Num infan-
tes inde dici
queant fide-
les.

Alterum: An infantes ab illo semine fidei denominari possint fideles? *Resp.* Omnino. *Ratio* est. I. quia semen illud est principium & radix fidei: est fides inchoativè. Ergo per Synecdochen rectè ab ea denominantur. II. quia post acceptum Spiritum Sanctum rectè dicuntur regenerari. Ergo etiam verè fideles dicuntur. III. quia etiam ante usum rationis infantes dicuntur rationales. Quidni ergo etiam ante fidem actualem fideles dici possint?

PROBLEMA QUINQUAGESIMUM TERTIUM.

Utrum Fides propriè imputetur ad justitiam?

sive:

An justificatio sit universalis affectio Fidei?

Fidem impu-
tari ad justitiam quid sit.

*T*Rita est Phrasis Scholarum Theologicarum ex Mose, *Genes.* 15. v. 6. & Paulo, *Rom.* 4. v. 5. quod *fides imputetur ad justitiam*, sed non omnes eam accipiunt & interpretantur eodem modo.

modo. *Pontificii* ita exponunt: Fides est iustitia, per quam iusti ^{Pontificii.} sumus inchoativè & dispositivè. Fides enim ipsis est initium & radix justificationis, quæ disponit ad justificationem, sive per modum dispositionis justificat. *Bell. lib. 1. de justif. cap. 4.* Et sic est locutio Synecdochica, quâ pars pro toto, sive res inchoata pro perfectâ sumitur. *Servetiani & Sociniani* sic declarant; Fides ha- ^{Socinianis.} betur à Deo pro totâ iustitia; & iustitia, qua coram Deo iustificamur, est ipsa fides. Servetus *Lib. 2. de Lege & Evangelio*: Socinus *de Servatore*, & alii. His locutio propria est, non figurata. *Orthodoxi* denique ita accipiunt, quod fides imputetur ad iusti- ^{Orthodoxis.} tiam partim relativè, partim Organicè. *Relativè* quod credens ex gratia iustus reputetur, licet in se sit peccator. *Organicè*, quod fide accipiat iustitiam sive remissionem peccatorum gratis donatam. Et sic phrasis est metonymica, qua per metonymiam subiecti continens pro contento ponitur. Sententiam Sociniano- rum interpolârunt *Novatores*, qui similiter docent, Fidem esse ^{Novatoribus.} ipsissimam illam iustitiam, qua iusti sumus coram Deo: eam- que haberi à Deo loco perfectissimæ illius obedientiæ, quæ olim exigebatur in Lege: sed per gratuitam acceptilationem, qua placuit ipsi actum fidei accipere pro totali & perfectâ iustitia. Hoc enim discrimen ipsis est inter Fœdus legale & Euangelicum: quod illic requirebatur ad iustitiam perfectâ legis obedientia: hic Fides. *Quidam* eorum, emphaticè hanc sententiam expref- surus, scripsit, Justificationem esse universalem affectionem Fidei. Quid sit *affectio universalis* ex Logicis notum. Est acci- dens proprium, inseparabile, totis speciei commune: primò & per se subiecto convenit, non per aliud: & ita tota est in subje- cto, ut extra illud nuspiam reperiatur. Breviter convenit subje- cto Universaliter, Per se, Reciprochè. Risibilitas est universalis affectio hominis: & totum risibile inest homini, quatenus ho- mo est. Sic ergo justificatio fidei tribuitur, ut ei soli insit, extra eam verò reperiri non possit.

Hoc dogma tam est periculosum, ut totam justificationis ^{Postremi re-} doctrinam evertat: Christi obedientiam & satisfactionem de- ^{futantur.} struat, & iustitiam ac vitam ipsi homini cum Pelagianis adscri- bat. Ideo merito autoritate sacrarum literarum à nobis *refelli-* *tur*. Argumenta sumemus *partim* ex vocibus sejunctis, Fides, Imputatur, Iustitia; *partim* ex conjunctis: sive *partim* ex par-

Cc 2

tibus

2. Ex vocabulo Fidei.

tibus enunciationis seorsim sumtis, *partim* ex totâ enunciatione. *Primò: ex vocabulo Fidei:* I. Organum accipiendæ justitiæ, non est ipsa justitia, nec reputatur propriè pro justitiâ. Fides est organum accipiendæ justitiæ. Ergo. *Major* suâ luce claret. Differunt enim ut subjectum & adjunctum, ut causa instrumentalis & effectus ab eâ denominatus. *Minor* probatur. I. dictis Scripturæ expressis *Roman. 5. v. 17. Actor. 26. v. 18.* Remissio peccatorum verò est justitia *Roman. 4. v. 6. 7.* Sic *Iohann. 1. v. 12.* Christus autem est Jehova justitia nostra *Ierem. 23. v. 6.* II. aliis item locis, quibus justitia *ex fide*, *per fidem*, & *fidei* esse dicitur *Rom. 10. v. 6. Hebr. 11. v. 7. Philipp. 3. v. 9. Rom. 4. v. 11.* Quæ præpositiones causæ instrumentalis notæ sunt. II. Fides est *ἡ πίστις* sperandorum, & invisibilium *ἐλεγχ.* *Hebr. 11. v. 1.* Justitia non est *ἡ πίστις*, vel *ἐλεγχ.*; sed ipsum bonum speratum, non apparens, hoc est, remissio peccatorum; siue gratuita acceptatio coram Deo. Fides credit remissionem peccatorum, illa autem id est, quod creditur. Ergo. III. Nullum opus imputatur ad justitiam: *Ratio:* quia Deus imputat justitiam absque operibus *Rom. 4. v. 6.* Fides propriè sumta est opus, quia est virtus primo Decalogi præcepto imperata: non secus quam spes & charitas. Et ipsimet fatentur Novatores, nos fide tanquam opere & inhærente qualitate justificari. Ergo. IV. Fides mea est mea, fides tua est tua *Matth. 15. v. 28. Iacob. 2. v. 18.* Sed justitia quâ justificamur, neque mea neque tua est *Phil. 3. v. 9. ut inveniam in eo non habens meam justitiam, quæ est ex Legge, sed eam quæ est per fidem Christi, id est, justitiam, quæ est ex Deo per fidem:* Non enim justitia mea, id est, meis operibus acquisita, aut mihi inhærens, sed à Christo acquisita mihi applicatur. Ergo. V. Universalis affectio fidei tantum est in fide, & absque actu fidei non consistit: ut supra demonstratum est. At justificatio quorundam, puta infantum, est absque actu fidei, cujus capaces non sunt. Ergo.

2. Ex verbo Imputari.

Secundò: ex verbo Imputandi. Quod imputatur, non inhæret. Fides inhæret cuique credenti: cujus esse dicitur. Ergo non imputatur: scil. propriè. *Minor* est extra controversiam. *Major* demonstratur ex significatione verbi apud Paulum: cui *imputari* dicitur, quod quis non habet aut fecit: contra *non imputari*, quod quis habet, aut fecit. *Ad Phil. v. 18.* petit culpam Onesimi sibi imputari, quam ipse non fecerat: culpam defectoribus suis

suis non imputari, quam ipsi fecerant 2. *Tim.* 4. v. 16. Sic Deus peccata nostra imputavit Christo filio, quæ non fecerat 2. *Cor.* 5. v. 21. contra justitiam nobis imputat, quam non fecimus, nec habemus 2. *Cor.* 5. v. 21. Quibus multa similia occurrunt in Scriptura.

Tertio: ex nomine Iustitia: I. Justitia: quæ imputatur, sive quæ ^{1. ex nomine Iustitia.} reputatur justus, est remissio peccatorum. Fides non est remissio peccatorum. Ergo fides non est illa justitia. Major est Apostoli *Rom.* 4. v. 5. 6. ubi pro æquipollentibus sumit *imputare justitiam & remittere peccata*. Patet etiam ex rei ipsius naturâ. Nam quid est justificatio impii, nisi ejus absolutio ab omnibus peccatis, originali, actualibus, omissionis & commissionis. Talis certè est justus. Minor constat dicto Apostoli *Act.* 26. v. 18. *Rom.* 5. v. 17. II. Justitia nostra est Christus Jesus, ejus solius obedientia & satisfactio: extra quem nulla justitia, nulla salus speranda & expectanda. Fides nostra non est Christus Jesus: sed est in Christum Jesum, tanquam proprium suum objectum. Ergo. Veritas Majoris his & similibus Scripturæ testimoniis nititur: *Ier.* 23. v. 6. *Esa.* 53. v. 11. *Act.* 4. v. 12. *Rom.* 5. v. 19. 2. *Cor.* 5. v. 21. III. Justitia imputata est justitia universalis: quia est gratuita remissio omnium universim peccatorum, & acceptatio peccatoris credentis in judicio Dei propter meritum Christi. Fides propriè sumpta non est justitia universalis, sed particularis, tanquam virtus primo præcepto imperata: quod abundè liquet vel ex 1. *Cor.* 13. v. 13. Ergo.

Postremo: ex tota enunciatione: Fides imputatur ad justitiam. Phrases sunt æquipollentes apud Paulum, *Deum imputare justitiam absque operibus & Fidem imputari à Deo pro justitia* *Rom.* 4. v. 5. 6. Sed ^{4. ex totâ enunciatione.} si fides propriè imputari dicitur, jam non erit æquipollentia. I. quia non imputatur justitia absque operibus, cum fides ipsa, propriè accepta, sit opus. II. quia imputare justitiam est gratis adscribere justitiam, quæ non inest. Fides verò inest cuique credenti.

Objectiones, quas pro hæretico dogmate adferunt Novatores, ferè consistunt in detorsionibus ac depravationibus locorum Scripturæ, ut sunt:

Genes. 15. v. 6. *Rom.* 4. v. 5. dicitur *non credere*, sive *Fides imputari ad justitiam*. Ergo fides est ipsa justitia. *Resp.* negatur sequela: I. ob ^{*Genes.* 15. v. 6. & *Rom.* 4. v. 5. expli-} petitionem principii. Dicitur sane illud: Sed de sensu quæritur, ^{cantur.} quem nos ostendimus. II. non dicitur absolute, indefinite,

sed definitè & personaliter, credenti imputari *Romanor. 4. vers. 3. 5, 9, 23, 24.* hoc est, credens fit justus reputatus an propter fidem? imò propter obedientiam Christi *Romanor. 5. vers. 19.*

Fides quomodo dicatur servare.

Fides dicitur passim servare in Euangelio. *Respond.* an suo merito & virtute? imò propter Christum, in quem, fertur *Roman. 4. vers. 25. capp. 10. vers. 9, 10.* & in quo solo est salus *Act. 4. vers. 12.*

Heb. 11. v. 2, 6. explic.

Heb. 11. v. 2, 6. Per fidem placemus Deo, & absque eâ placere ei non possumus. *Resp.* nimirum quia fides Christum amplectitur, in quo est beneplacitum patris de nostri reconciliatione: *Matth. 3. v. 17. Coloss. 1. v. 13, 14.*

Dignitas fidelium qualis.

2 Thessalon. 1. vers. 5. Apocalyps. 3. vers. 4. & alibi fideles digni dicuntur. *Respond.* non dignitate fidei suæ, sed gratuitâ dignatione Dei in Christo. *Probat*ur : I. quia Christus solus dignus *Apocalyps. 5. vers. 12.* Ergo fideles digni participatione rei & nominis : qui membra istius capitis. II. digni, quia dealbati : dealbârunt autem stolas suas in sanguine agni *cap. 7. vers. 14.* Propter quod autem unumquodque tale est, illud magis est tale ; & quod est causa causæ, etiâ est causa causati.

PROBLEMA QUINQUAGÈSIMUM QUARTUM.

An Bona opera sint aut rectè dicantur necessaria ad salutem?

Pharisaismus
Pseudapostolorum.

Epicureismus
Simoniorum.

IN doctrinâ de Bonis operibus, eorumque necessitate duo cavenda sunt extrema sive præcipitia, quorum alterum ad Pharisaismum, alterum ad Epicureismum declinat. *Tempore Apostolorum* in prius incurrerunt *Pseudapostoli*, docentes Bona opera necessaria esse ad promerendam justitiam & vitam *Act. 15. v. 1.* In alterum impigerunt *Simoniani*, Simonis Magi discipuli, qui prorsus negarunt necessitatem bonorum operum ; docueruntque, credentes non debere attendere ad legem divinam ; nec curare, quæ ibi præcepta vel interdicta, sed liberè agere, quæ vellent. Salutem enim definiivit Magus esse liberationem ab illâ servitute, quâ homines

ex præscripto Legis ad certa opera obligantur, nec sibi permittuntur, ut agant quod velint. *In reformatione Ecclesiarum*, superiore seculo facta, utrumque extremum repetitum fuit. *Primum* Phariseorum à Pontificiis, qui ut opera meritoria faciunt, ita necessitatem eorum ad iustitiam ac vitam tum promerendam, tum etiam ex merito conservandam urgent atque exigunt. In quo quum assentientes sibi non haberent Orthodoxos, eos calumniati sunt, quasi omnem operum necessitatem negarent, quinimò ea prohiberent. *Alterum* Epicureorum à sectâ quadam Anabaptistarum, quæ se *Libertinorum* nominat: hi de necessitate bonorum operum & liberatione à Legge idem ferè docuerunt, quod Simoniani; sed alio prætextu. Quia enim Scriptura dicit renatos agi Spiritu Dei, finxerunt, esse bonum opus & ex inspiratione Sp. S. profectum, quodcunque cuique animi sui impetus suggereret, siue esset illud extra, siue etiam contra verbum Dei. Alii etiam peculiare revelationes divinas commenti sunt. Sunt igitur duæ sententiæ inter se contrariæ de necessitate Bonorum operum: quod sint necessaria, & quidem necessitate meriti: & quod non sint necessaria, sed adiaphora & arbitraria.

Pharisaismus
Pontificiorum.

Epicureismus
Libertino-
rum.

Præter has controversias duæ aliæ natæ & motæ sunt inter ipsos Evangelicos: Una realis ab *Antinomis*, quod bona opera Legis non sint necessaria in renatis, quibus Lex abrogata est. Unde vocem Necessitatis ferre nequiverunt. Hanc inter cæteros defendit *Andreas Musculus* Professor Francofurti ad Viadrum. *Alterâ* verbalis, de phrasi, Num bona opera dici possint necessaria ad salutem. Occasio ex formâ interreligionis (quæ postea *Interim* dicta) enata. Pontifici astutiores cum viderent doctrinam de Justificatione per solam fidem non posse uno impetu everti, insidiosè urserunt hanc propositionem, Bona opera ad salutem esse necessaria: idque hoc prætextu, ne Epicureismus introduceretur in ecclesiam: revera autem ut justificationis doctrinam paulatim convellerent. Non animadversâ fraude multi eam admisierunt, & in his etiam *Phil. Melanchthon*: qui tamen postea phrasin illam rejecit, tanquam minus commodam, atque etiam periculosa: ut ex *Actis Colloq. VVormatiensis* Anno 57. habiti, & *Responsione ejus ad articulos Bavaricos* videre est. A morte Melanchthonis in certamen vocata est à *Flaccio Illyrico* & Theologis *VVitebergensibus* & *Ienensibus*: & *Colloquio Altebergensi* Anno 68. diu multumq; de eâ altercatum: ut scripta do-

Antinomorum
sententia.

An Bona opera
possint dici
necessaria
ad salutem.
Origo quar-
tionis.

pta docent : donec tandem in libro *Concordia* etiam hæc lis decisa est.

Termini ejus.

Bona opera
quæ.

Necessitas
meriti,

coactionis,

Mandati &
debiti,
Consequen-
tiæ.

Salus gratiæ
& gloriæ.

Præpos. Ad

Bona opera
sunt.

1. necessaria
etiam renatis.

Hæc de origine & necessitate hujus problematis. Nunc terminos ejus evolvamus & explicemus : sunt autem quatuor, quæ subjecto & prædicato continentur : Bona opera, Necessaria, Salus, & præpositio Ad. Bona opera dicuntur actus, sive actiones externæ & internæ, quæ à fidelibus renatis secundum Legem Dei ad ipsius gloriam fiunt. Hanc vocem Scriptura bifariam usurpat : *speciatim*, pro certa aliquâ specie 1 Tim. 2. v. 10. 2 Thess. 2. v. 17. & *generatim* pro toto eorum genere Tit. 2. v. 14. Eph. 2. v. 10. quo sensu hic intelligitur. Necessitas quadruplex est, quantum ad rem præsentem attinet. Meriti, quod ad promerendam justitiam & vitam tanquam necessarium exigitur. Ita urgebatur observatio Legis & circumcisionis à Pseudapostolis Act. 15. v. 5. Gal. 2. v. 4. cap. 6. v. 12. Coactionis, quod extorquetur ab invitis 2 Cor. 9. v. 7. Philem. v. 14. 1 Pet. 5. v. 2. Mandati & Debiti propter mandatum divinum, quod arbitrio & voluntati nostræ non relinquuntur Rom. 13. v. 5. 1 Cor. 9. v. 16. Consequentia & Immutabilitatis, quâ unum consequitur ex altero sive post illud Hebr. 7. vers. 12. cap. 9. v. 16. Salus etiam bifariam accipitur : est enim salus gratiæ in hac vitâ : & salus gloriæ in alterâ. De illâ est Luc. 19. v. 9. De istâ est Rom. 1. v. 16. Denique præpositio Ad aliquando efficientiæ propriè dictæ nota est, causam designans, propter quam quis justitiam ac salutem accipiat : ut Rom. 4. vers. 25. cap. 10. vers. 4. aliquando autem nota ordinis sive ordinationis Dei, certis gradibus ad salutem nos perducentis : ut 2 Corinth. 7. vers. 10. Phil. 1. vers. 19.

His præmissis distinctè respondeo quinque propositionibus.

Prima: Rectè & Scripturis convenienter, assertur Bona opera esse necessaria, etiam in renatis.

Opposita est errori Antinomorum, qui negant opera renatorum dicenda esse necessaria : cum ipsi liberati sunt à Lege. Probat autem I. expressis dictis, in quibus vocabulum ἀνάγκη habetur Act. 13. v. 46. cap. 15. v. 28. ubi abstinencia à scortatione : Rom. 13. vers. 5. 1 Cor. 9. vers. 16. II. Sententiis æquipollentibus, quod oporteat, quod debeant Act. 5. v. 29. Rom. 8. v. 12. Luc. 17. v. 10. Obijciunt : I. Scriptura opera renatorum docet fieri non ex necessitate, sed ex voluntate 2 Cor. 9. v. 7. Philem. v. 14. 1 Pet.

1 *Petr.* 5. v. 2. Ergo non sunt dicenda necessaria. *Resp.* Sanè eo sensu dicenda non sunt, hoc est *coactionis* necessitate: quæ locis allegatis intelligitur; ut docet antithesis necessarii & voluntarii sive spontanei. Non enim ipsis invitis extorquentur, vel fiunt sine interioribus motibus Spiritus. Alio verò sensu necessaria dicuntur in Scripturâ, de quo postea. Idem enim vocabulum diversis significatibus usurpatur. II. Legalia sunt vocabula, *Necessarium*, oportet, debet. Ergo ab iis abstinendum est. *Resp.* I. datâ *causâ*: Atqui fidem ipsimet fatentur esse maximè necessariam, quam tamen negant esse legalem. II. Legalia sive Literæ sunt, quum coactionem significat: quæ hic non statuitur.

Secunda: *Bona opera non sunt necessaria necessitate coactionis: sive: necessaria quidem sunt, non tamen coacta.* 2. non necessitate coactionis.

Opponitur Antinomis, qui ex necessitate inferunt coactionem: & quia coacta esse non debent, necessaria esse posse negant: ut supra dictum. *Primum* membrum, quod sint necessaria, demonstravimus primâ propositione: *Alterum*, quod non coacta, patet. I. quia coactio κατ' ἀντίθεσιν excluditur 2. *Cor.* 9. v. 7. *Philem.* v. 14. 1. *Petr.* 5. v. 2. II. quia spontanea, voluntaria dicuntur *Psal.* 110. v. 3. 1. *Cor.* 9. v. 17. 2. *Cor.* 8. vers. 12. *Tit.* 2. v. 14.

Tertia: *Bona opera necessaria sunt necessitate mandati & debiti.* 3. sed necessitate mandati & debiti.

Opponitur Libertinis, qui bona opera adiaphora & arbitraria faciunt, quæ præstare vel omittere liceat pro arbitratu nostro. Contra Scriptura proponit Necessitatem tum *Mandati*, promissionibus & comminationibus muniti & sanciti 1 *Thess.* 4. v. 3. 1 *Ioh.* 4. v. 21. *Ioh.* 13. v. 34. tum *Debiti*: *Luc.* 17. v. 10. *Rom.* 8. v. 12. *Cap.* 13. v. 7. 1 *Ioh.* 4. v. 11. Licentiam autem illam vivendi suo arbitratu Scriptura apertè damnat, detestatur *Rom.* 6. v. 1. 2. 15. *Gal.* 5. v. 13. 1 *Thess.* 4. v. 7. *Tit.* 2. vers. 11, 12. Obiter autem ad explicationem hujus controversiæ notandum, esse *debitum* triplex: *Perfecta obedientia* in Lege requiritur *Gal.* 5. v. 3. *Æterna pœna* *Matt.* 18. v. 34. donec redderet universum debitum, usque ad extremum quadrantem *Matt.* 5. vers. 26. Unde debitores dicuntur *Luc.* 13. vers. 4. & *Novitatis vitæ* ex gratia regenerationis: *Romanor.* 8. vers. 12. quod solum in

tenatis locum habet. Ab utroque priore per Christum liberati sunt, cui soli irrogeniti subjacent.

4. non ad salutem promerendam vel conservandam.

Quarta: *Bona opera non sunt necessaria ad salutem sive acquirendam & promerendam, sive etiam conservandam.*

Opponitur Pontificiis, qui bona opera docent esse necessaria necessitate efficientiæ & meriti, tum in acquisitione, tum in conservatione salutis. Contra Scriptura adimit eis *Primo*: acquisitionem salutis: ut patet I. ex decreto Synodi Apostolicæ *Act. 15. v. 9. 10. 11. & seqq.* II. ex disputationibus Paulinis contra iustitiam operum *Rom. 3. 4. Gal. 2. 3. capp.* quibus operosè ostendit: Nullam carnem justificari, aut servari ex operibus Legis. *Secundo*: etiam adimit operibus salutis conservationem: utpote quam non minus adscribit fidei *Rom. 5. v. 1. & seqq. Heb. 10. v. 39. 1. Pet. 1. v. 5. item v. 9.* Et gratia ac fides sunt principium, medium ac finis nostræ salutis.

5. sed ad eam assequendam ex ordinatione Dei.

Quinta: *Bona opera verè sunt & rectè dicuntur necessaria ad salutem obtinendam & assequendam ex ordinatione Dei.*

Opponitur iudicio Flaccianorum & Lutheranorum, qui negant phrasin illam, *Bona opera sunt necessaria ad salutem*, vel cum veritate Scripturæ, vel cum hypotyposi sanorum sermonum stare aut conciliari posse: utrumque igitur distinctè est demonstrandum. *Prius de veritate.* I. Dictis apertis *Matth. 5. v. 20. cap. 7. v. 21. cap. 25. v. 34. 35. 36. Rom. 8. v. 12. 13. 1. Tim. 2. v. 15. Iacob. 1. vers. 25.* II. Similibus illustribus ab operariis in vineâ *Matt. 20. v. 1. & seqq. à vitibus cap. 21. v. 33. à veste nuptiali cap. 22. v. 11. 12. 13. à lampade cap. 25. v. 3. 4. à palmitibus Ioh. 15. vers. 2. 3.* III. Rationibus invictis: 1. Resipiscentia necessaria est ad salutem 2. *Cor. 7. v. 10.* Ergo etiam fructus resipiscentiæ, Bona opera. II. Quæ paravit Deus ut in eis ambulemus ad salutem, ea necessaria sunt ad salutem. Bona opera paravit &c. *Eph. 2. v. 10.* Ergo. III. Renovatio naturæ per Spiritum Sanctum est necessaria ad salutem *Ioh. 3. v. 3. 5.* Nova obedientia est pars hujus renovationis, vel saltem ejus effectus. Ergo, & sic bona opera. Pluribus non est opus. *Posterius de hypotyposi sanorum sermonum* sic ostenditur. Membra hujus enunciationis, Bona opera sunt necessaria ad salutem, duo sunt: *Vnum*: quod sint necessaria: Id jam demonstratum est propositione primâ: nec negatur ab adversariis. *Alterum*: quod sint necessaria ad salutem proba-

probamus. I. directè 2. Cor. 7. v. 10. *quæ secundum Deum est tristitia, resipiscentiam efficit ad salutem, cujus nunquam pœniteat.* Rom. 6. v. 22. *Liberati à peccato, servi autem facti Deo, habetis fructum vestrum in sanctimoniam, finem autem vitam æternam.* II. à pari, de aliis mediis salutis Euangelio Rom. 1. v. 16. Ministerio Euangelii Act. 13. v. 17. *positus ad salutem gentium.* afflictionibus Phil. 1. v. 19. confessione Euangelii Rom. 10. v. 10. His salus tribuitur, non tanquam efficientibus meritoriis aut instrumentalibus, sed tanquam mediis quibusdam secundum ordinationem Dei. Ergo bonis operibus similiter.

Multa contra obijciunt Adversarii: quæ non difficile est refellere, si modo observetur status quæstionis ejusque explicatio; videlicet non requiri ad salutem tanquam causas ejus efficientes, meritorias, principales vel instrumentales: ut Pontificii contendunt: sic enim perniciofa & noxia sunt ad salutem: ut est Phil. 3. vers. 8. sed necessaria statui, tanquam media quædam, sive viam, quâ placuit Deo ad salutem nos perducere: ut est Eph. 2. vers. 10. Et ita loquitur Apostolus de afflictionibus Actor. 14. vers. 22. *Præcipue autem queruntur confundi doctrinam Legis & Euangelii, & ladi justificationem gratuitam per solam fidem.* Id verò nos negamus fieri, duplici de causâ. I. quia opera bona sunt hominis fidelis per fidem jam justificati: ut quæ sequuntur justificatum, non autem præcedunt justificandum, ut habet regula Augustini. II. quia plura requiruntur ad salutem, quàm ad justificationem: justificatio est impii: Salus est sanctificati: ut docet Apostolus 1. Cor. 1. v. 30. Rom. 8. v. 29. 30.

Bona opera necessaria sunt ad salutem. non ut causæ.

Sed ut media

Non confunditur doctrina Legis & Euangelii.

Excipiunt: Distinctionem illam inter justificationem & salutem non consistere. I. quia particulæ exclusivæ non minus adduntur saluti, quàm justificationi Ephes. 2. vers. 8. 9. 2. Tim. 1. vers. 9. Tit. 3. vers. 5. II. quia si justificamur quidem sine operibus, non autem servamur, alterutrum sequitur, aut Christum justitiam quidem promeruisse nobis, salutem non item: aut promissionem justitiæ accipi quidem fide, sed promissionem salutis accipi simul operibus & fide. Resp. Distinctio illa firma est ex locis Rom. 8. 1. Cor. 1. & aliis pluribus: justificamur peccatores, servamur sancti induti veste habitualis & actualis justitiæ. Probatio utraque deficit ex ignoratione Elenchi.

Salus & Justificatio quid differant.

Non dicimus necessaria esse bona opera, vel ut merita salutis, ut est obedientia Christi: vel ut causas instrumentales, ut est fides sola: sed ut media, per quæ placuit Deo nos ad salutem gratis perducere. Simile à thesauro donato in monte, ad quem via, & ambulatio per viam ducit: Ea causa non est, sed donatio amici. Dici tamen potest causa sine qua non.

PROBLEMA QUADRAGESIMUM QUINTUM.

Vtrum Iustificatio, salus, & æterna beatitas bonis operibus in Scripturâ propriè, an per effecti metonymiam tribuantur?

Problema quærit de sensu phrasium quarundam Scripturæ, de quibus controversia est inter Evangelicos & Pontificios.

Jacob. 2. vers. 24. dicitur Hominem operibus justificari, non fide tantum: Sic vers. 21. de Abrahamo, & vers. 25. de Rahabâ quod ex operibus justificati sint. Matth. 25. vers. 34. & seq. Venite benedicti Patris, possidete regnum, paratum vobis à jacto mundi fundamento. Esurivi enim &c. Matth. 7. vers. 21. Psal. 1. v. 1. 2. & alibi similia occurrunt innumera. Pontifici contendunt efficientiam justificationis & salutis operibus tribui propriè: adeoque opera esse utriusque meritoria. Nos contrâ sustinemus tribui ea operibus metonymicè, & quidem per metonymiam effecti: quia opera bona tanquam effecta, pro fide, causa videlicet suâ efficiente, nominantur ac ponuntur. Rationes assertionis nostræ præcipuæ sunt:

Opera iustific-
tant & sal-
vant metony-
mice.

q. excludun-
tur è numero
causarum ef-
ficientium.

Prima est, quod Scriptura opera propriè sic dicta è numero causarum efficientium justificationis & salutis simpliciter excludit: Roman. 3. vers. 20. Ex operibus Legis nulla caro justificabitur in conspectu ejus. Galat. 2. vers. 16. Scientes non justificari hominem ex operibus Legis, sed per fidem Iesu Christi, etiam nos in Christum Iesum credidimus, ut justificaremur ex fide Christi,

*Christi, & non ex operibus Legis, propterea quod non justificabitur ex operibus Legis ulla caro. Ephel. 2. v. 8. 9. Gratiâ servati estis per fidem, non ex operibus. 2. Tim. 1. v. 9. Servavit nos & vocavit vocatione sanctâ, non ex operibus nostris, sed ex suo proposito & gratiâ. Tit. 3. v. 5. Non ex operibus iustis quæ fecerimus nos, sed ex suâ misericordiâ servavit nos. Ex hisce dictis & aliis, quæ supra allegavimus, talis existit, quæ in speciem videtur, contradictio: Bonis operibus justificamur ac salvi sumus, Bonis operibus non justificamur, nec salvi sumus. Prædicatum utriusque hujus propositionis contradictoriæ *ἐναντίας*, eodem modo accipitur. Quod si subjectum quoque eodem modo sumatur, jam vera erit ac irreconciliabilis contradictio in Scripturâ. Quod cum affirmare de Scriptura sit summè blasphemum, 2. Cor. 1. v. 19. 20. sequitur, alterius quidem enunciationis subjectum propriè, alterius. verò tropicè accipiendum esse. Jam verò subjectum in negante hâc, *Bonis operibus non justificamur, non servamur* propriè accipi debere, inter nos & Pontificios convenit. Relinquitur ergo in affirmante hâc, *Bonis operibus justificamur, servamur*, Subjectum tropicè accipiendum esse. Tropus autem alius esse non potest, quàm metonymia effecti, quâ videlicet vox effectum propriè significans, pro causâ efficiente, unde manat, accipitur. Bonorum verò operum causa in homine propior nulla est, quàm fides *Roman. 14. v. 23. Galat. 5. v. 6. 1. Thessal. 1. v. 3.* Et Apostolus longum bonorum operum catalogum texit, quorum propriam causam fidem constituit *Hebr. 11. cap.* Imò fides absque operibus dicitur mortua *Iacob. 2. v. 26.* Colligimus igitur Bona opera pro fide eâ operante accipi, tanquam effecta pro suâ causâ.*

Secunda est, quod in Scripturâ non solum efficientia bonorum operum, ut ex dictis patet; sed etiam salus ac vita æterna fidei, tanquam uni & soli causæ organicæ tribuitur vindicatur, propria dicatur. *Marc. 16. v. 16. Qui crediderit servabitur. Roman. 1. v. 17. Iustus ex fide vivet. cap. 3. v. 28. Colligimus fide justificari hominem absque operibus Legis. Cap. 10. v. 10. Corde creditur ad justitiam, ore fit professio ad salutem. Galat. 2. v. 16. Nos in Iesum Christum credidimus, ut justificaremur ex fide Christi, & non ex operibus Legis. Cap. 3. v. 11. Nullum per Legem justificari apud Deum manifestum est, quoniam iustus ex fide vivit. In his dictis omnibus justificatio ac salus æterna fidei ita tribuitur, ut bona o-*

9. Iustificatio
& salus fidei
ceu soli causæ
organicæ tri-
buitur.

pera excludantur. Ergo cum aliis locis tribuitur bonis operibus: in voce operum statui metonymiam necesse est, quia nomen effecti pro causâ; *opera* fidei effecta pro *fide* causâ sua efficiente ponantur.

Ex dicta
1a. cap. 2. v. 24.

Tertia ratio sumitur ex loco speciali, *Jacob. 2. v. 24.* ubi ex operibus justificari esse fide operante, sive fide bonorum operum matre, justificari: invictis rationibus ex ipso textu depromitis ostendunt Clariss. Theologi D. Pareus & D. Piscator in commentariis suis, in illam epistolam.

Vfus Proble-
matis.

Vfus hujus assertionis geminus est: *Vnus* quidem contra Pontificios, qui ex quibusdam locis Scripturæ malè detortis, adstruunt Justificationem operum: Scriptura, inquiunt bonis operibus tribuit justificationem & salutem: Ergo bona opera sunt causâ justificationis. Sed inconsequentia est manifesta, cum vocabulum bonorum operum in antecedente metonymicè, in consequente propriè accipiatur. *Alter* verò contra Pseudo-Christianos, qui fidem scientiam quandam historicam bonis operibus nudam fingunt. At Scriptura ejusmodi fidei justificationem nostri tribuit, quæ procreatrix sit bonorum operum, ac proinde ipsorum operum nomine merito insigniatur, cum ea continenter promat. Hinc Apostolus *Gal. 5. v. 6.* non simpliciter dicit, fidem in Christo Jesu *ἡ πίστις ἐν Χριστῷ* valere, sed eam fidem quæ sit *ἐνεργουμένη* actuosa, operosa per charitatem. Eodem modo contra vanam fidei jactantiam Jacobus disputat *cap. 2.*

PROBLEMA QUINQUAGESIMUM SEXTUM.

Vtrum Sacramenta sint relationes, an verò actiones?

Problema hoc controversum est, non solum inter Lutheranos & Orthodoxos, sed etiam inter Orthodoxos ipsos: quorum alii Sacramenta in Prædicamento Relationis, alii in Actionis locant: Et quidem inter hos de *ῥεῶντες* docendi & loquendi tantum est discrepantia quædam. Inter illos autem de re ipsâ: quia Lutherani Sacramenta referunt inter entia absoluta, quo ita Consubstantiationem, & reliquos errores de Sacramentorum efficaciâ specio-

speciosius tueri possint. Nos sententiæ utriusque argumenta paucis ponderabimus.

Rationes quod sint *Actiones*. I. Ritus & Ceremoniæ externæ in sensus incurrentes, sunt actiones. Sacramenta sunt ritus & ceremoniæ tales. Ergo. II. Quod describitur verbis & circumstantiis actiones externas significantibus, id actionem esse oportet. Sacramenta describuntur verbis & circumstantiis actiones significantibus. Ergo. III. Cujus utraque pars est res absoluta, in actione consistens, id merito dicitur actio: Est enim inter absoluta actio. Sacramenti utraque pars est res absoluta, videlicet res terrena & cœlestis, juxta regulam Irenæi: & in actione consistit: ut jam probatum. Ergo. IV. Ubi res cœlestis de terrenâ prædicatur propriè, non impropriè, absolutè non *γεννῶς* ibi est res absoluta, qualis actio, non relativa. In Sacramentis N. Test. Baptismo & S. Cœnâ id fit: ut alibi demonstratur. Ergo.

Rationes quod sint *relationes*. I. Cujus proprium nomen ex institutione divinâ est relativum, id est & rectè dicitur relatio. Nam nomina sunt notæ & signa rerum. Atqui Sacramentorum nomina propria ex institutione divinâ sunt relativa. Dicuntur enim signa, sigilla, memorialia, antitypa, &c. uti notum est. Ergo. II. Quorum tota natura refertur ad aliud, ea sunt relativa. Hæc est definitio relatorum: quæ inde *τὰ πρὸς τι* vocantur. Sacramentorum tota natura refertur ad aliud, videlicet ad verbum promissionis, & ipsa bona promissa declaranda, testificanda, obsignanda. Unde Augustinus, *Accedit verbum ad elementum, & fit Sacramentum*. Ergo. III. Ubi omnia requisita essentialia relatorum adsunt, ibi sunt relata. In Sacramentis adsunt omnia relatorum requisita essentialia: Est enim *relatum*, sacrum signum & sigillum, quod absolutè *elementum* vocatur: Est *correlatum*, verbum promissionis, sive beneficia promissa in verbo testificanda & obsignanda: est *Relatio*, hoc est ordinatio signi ad hanc testificationem & obsignationem in mente divinâ, & utentium Sacramento: quæ propria, specifica, & essentialis ejus forma est. Ergo.

Nonnulli sententias hæc pugnantes conciliare conantur distinctione vocabuli ambigui, *Sacramenti*, quod vel latè accipitur vel strictè. Latè pro signo & signato simul, seu pro totâ actione, ta.

Sacramenta
esse actiones.

Sacramenta
esse relatio-
nes.

Conciliatio
ex distinctio-
ne vocis Sa-
cramenti sum-
ta.

Latè.

Strictè.

Improbatur.

Conciliatio
vera quod
Sacram. sint
actiones rela-
tiva.Non actiones
absolutæ.Sacramenta
ratione for-
mæ suæ sunt
relationes.

ctione, quæ tum ex legitimâ Symbolorum externâ sumione, tum ex rerum ipsarum signatarum spiritali perceptione componitur: juxta sententiam Irenæi. *Strictè & propriè* pro Sacro signo & sigillo promissionis gratiæ sive bonorum promissorum. *Prior* significatu ajunt absolutè considerari, & esse actionem sacram: *posteriore* autem relatè, & esse relationem.

Sed hæc conciliatio nescio quàm sit solida. I. dubito, num prior significatio demonstrari possit ex Scriptura. In Scholis quidem recepta est, sed usu magis, quàm autoritate sacra. II. quia etiam actio sacra, quæ est in Sacramentis, est relativa. Alperio aquæ in Baptismo est actio, sed relativa & mystica I Petr. 3. v. 21. Fractio panis in Cœnâ actio sed relativa, relata ad fractionem corporis Christi in cruce factam I Cor. 11. v. 24.

Hæc vero est vera ac solida ratio conciliationis, si dicatur, Sacramenta esse actiones, sed *σχετικές* relativas, quibus adhæret *σχέσις*, quâ ab actione externâ & in oculos incurrente deducimur ad actionem internam & spiritualem. Et ita innumerantur actiones, quæ cum *σχέσις* sive relatione sunt conjunctæ. Si porro quærat, utra denominatio Sacramentorum sit potior à relatione, an ab actione? respondemus eam, quæ est à relatione. Nam unaquæque res rectius & significantius denominatur à suo formali, quàm à materiali. At relatio est formalis, actio materialis tantum Sacramenti.

Ex hac explicatione, facile respondetur ad tres priores rationes, quod Sacramenta sint actiones. Sunt sane, sed relativæ, quibus adhæret relatio. *Quarta* autem quæ propria est Lutheranorum, propositione minore falsa est. Nec enim res cœlestis propriè dicitur de terrenâ: sunt enim disparata, sed impropriè, per metonymiam Sacramentalem, ut alibi docuimus.

Superest refutanda una *objectio* adversariorum, quàm perpetuo in ore habent. Sacramenta dicuntur signa à fine, qui est signare, obsignare, testificari. Ergo hinc non conficitur, quod respectu formalitatis suæ dicenda sint relationes. *Resp.* negatur consequentia: quia propria forma Sacramentorum consistit in ordinatione ad finem. Sacramenta declarant & obli-gnant promissionem gratiæ. Quomodo verò? nempe, quia à Deo ordinata & instituta sunt, tanquam signacula promissiæ gratiæ de Remissione peccatorum. Quod enim in verbo promittitur,

mittitur, id in Sacramentis obli-
gnatur. Quis hinc non videt Sa-
cramentorum formam ex fine, usu & officio, quod est ordi-
natum esse ad representandam & obli-
gnandam rem promissam,
estimari: ac proinde formam consistere in relatione ad illum fi-
nem? Illustratur exemplo à limite in agro posito distinctionis er-
go, cujus forma in usu, officio, fine consistit, qui est ad agros
à se invicem distinguendos, eorumque terminos seu extremitates
monstrandas, ordinatum esse.

PROBLEMA QUINQUAGESIMUM SEPTIMUM.

*Num detur analogia sacramentalis, quæ communis sit
Sacramentis V. & N. Test.?*

Lutherani valde sunt infesti *analogiis Sacramentalibus*. Nimi-
rum, quia intelligunt cum iis stare non posse opiniones suas
de corporali præsentia, orali manducatione, & efficacia Sacra-
mentorum. Cum verò ita sint evidentes in Scripturâ, ut negari
non possint; distinctione elabuntur, dicentes Vet. Testa-
menti Sacramenta analogias quidem habere: at Sacramentis
N. Test. eas nullo modo competere. Contra ipsos igitur, analo-
gias illas utriusque Testamenti Sacramentis communes esse, de-
monstrabimus.

Analogia Sa-
cramentalis
competit Sa-
cramentis V.
& N. T.

Rationes. I. Forma generica omnibus speciebus compre-
hensis sub eodem genere est communis. Analogia Sacramenta-
lis est forma generica omnium Sacramentorum: quia in omni-
bus externum elementum una cum suis ritibus ordinatum est di-
vinitus, ut sit rei cœlestis symbolum & sigillum. Ergo. II. Quæ
est ratio Vet. & Nov. Test. eadem ratio Sacramentorum utrius-
que Testamenti. Sunt enim sigilla & appendices, idem promif-
sionis verbum spectantes. Atqui Vet. & Nov. Test. conveniunt
substantiâ: quia est una ac eadem ratio salutis in verbo, nimi-
rum per fidem Jesu Christi, & gratiam ipsius *Actor. 15. vers. 11.*
Ergo & Sacramenta conveniunt substantiâ: unum enim au-
thorem habent, unam rem significatam, unum scopum: Dif-
ferunt non nisi in accidentibus: videlicet ritibus, numero, mo-
do

q. analogia est
forma Sacra-
mentorum
generica.

q. V. & N. T.
substantiâ
conveniunt.

q. Baptismus
ἀντίτυπος.
Cœna ἀνά-
μνησις dici-
tur.

q. Scriptura
analogiam
exprimit.

Dicto Augu-
stini.

Analogia Sa-
cramentorum
N. T. qualis.

do significandi, duratione, claritate. III. A Nominibus Sacramentorum Novi Testamenti. Baptismus dicitur ἀντίτυπος, id est, typus ex adverso respondens alii typo Veteris Testamenti 1 Petr. 3. vers. 21. Cœna Domini appellatur μνησιν, sive ἀνάμνησις, id est, typus figurans atque in memoriam nobis revocans Sacrificium Christi in cruce peractum 1 Corin. 21. vers. 24. 25. 26. At illa nomina necessario important analogiam Sacramentalem. Ergo analogia Sacramentalis etiam Sacramentis Novi Testamenti convenit. IV. Ab analogia expressa in Scripturâ: de Baptismo, Romanor. 6. vers. 2. 3. 4. ubi ritus usurpatus olim in Baptismo applicantur ad mortificationem veteris, & vivificationem novi hominis: item de Cœna Domini, 1 Corin. 11. vers. 24. ubi testatur Apostolus Dominum de pane fracto dixisse, non simpliciter, Hoc est corpus meum, sed cum additione, Hoc est corpus meum, quod pro vobis frangitur. Idem in dicto illustri, 1 Corin. 10. vers. 16, non tantum ostendit analogiam Sacramentalem in ritu fractionis, sed etiam in communione cum symbolorum, panis & poculi; tum rerum signatarum, corporis & sanguinis Christi; & unione in unum corpus mysticum, quemadmodum unus est panis, ex quo omnes participamus. Ergo etiam Novi Testamenti Sacramentis analogia Sacramentalis convenit. V. A Dicto Augustini, de omnibus Sacramentis communiter, Epist. 23. ad Bonifacium: Si Sacramenta similitudinem quandam earum rerum non haberent, quarum Sacramenta sunt, omnino Sacramenta non essent.

Contra Lutherani: Primò obijciunt, Analogias esse Sacramentorum Veteris Testamenti, quæ tantum figura & umbra fuerint futurorum bonorum, non expressa rerum forma. Hebr. 10. vers. 1. Resp. Fuerunt Veterum Sacramentorum, quatenus Christum futurum exhibendum in carne præfigurant. Ita autem Sacramentis Novi Testamenti non conveniunt, sed quatenus repræsentant Christum exhibitum, & Sacrificium ejus jam peractum in cruce. Deinde etiam negant analogiam fractionis in Cœnâ: hoc inter cætera argumento: Quod de uno affirmatur, de altero negatur, in eo nulla potest esse analogia. At quod de pane affirmatur, scilicet quod fractus sit & comminutus, de corpore Christi negatur Joh. 19. vers. 33. 36. Ergo.

Ergo. Resp. I. ad *Majorem*: Quod de altero negatur simpliciter, omnimodè, & omni sensu ac significato, tam figurato, quàm proprio. Nam sæpè usuvenit, ut in similibus de uno dicatur propriè, quod de altero impropriè intelligendum est: ut cum ablutio tribuitur aquæ & Spiritui Sancto; circumcisio præputio & cordi. II. *Minor* falsa est, ex 1 *Corinth.* 11. *vers.* 24. ubi corpus Christi dicitur fractum: non propriè, quod fractum sit sicut panis, sed impropriè & μεταφορικῶς, quatenus pro passione, crucifixione, & morte ponitur: nisi quis forsitan excipere velit transfixionem, clavis & lanceâ factam, quæ certè videtur propriè dici posse fractio.

Analogia fractionis panis ostenditur.

PROBLEMA QUINQUAGESIMUM OCTAVUM.

An Fides sit de essentiâ Sacramenti, vel ad eam pertineat?

Quæstionem hanc peperit controversia de efficaciâ Sacramentorum ex opere operato. Quam cum pernegent Ecclesiæ Reformatae, & efficaciam omnem Spiritui Sancto & fidei adscribant, hinc cœptum disputari, *Num fides sit de essentiâ Sacramenti*: & quem locum obtineat in usu Sacramentorum. Est autem facilis explicatu quæstio, si præmittatur distinctio & explicatio terminorum.

Origo quæstionis.

Subjectum *Fides* bifariam consideratur, objectivè & subjective. *Objectivè* in verbo, tanquam conditio necessaria fœderis Evangelici, sub quâ promissio gratiæ de Remissione Peccatorum & Regeneratione Spiritus Sancti, tum facta est in verbo, tum obsignatur in Sacramentis. *Subjectivè*, ut est habitus vel actus fidei in credente, qui credit Evangelio, & illâ ipsâ fide Sacramenta percipit. Illustrari potest hæc distinctio ex naturâ omnium pactorum, ubi conditio præstanda ita continetur in pacti formâ, ut in contrahentibus subjectivè quoque existat.

Fides spectatur objective.

Subjective.

Prædicatum *esse de essentiâ*, vel ad eam pertinere, etiam

Esse de essentiâ quid significet.

Ee 2

dupli-

dupliciter sumitur: *Primò* pro eo, quod essentiam constituit tanquam pars; quomodo partes Sacramentorum sunt elementum & verbum, juxta dictum pervulgatum Augustini: *Accedit verbum ad elementum, & fit Sacramentum.* *Secundò* pro eo quod est essentiale tanquam proprium, siue tanquam conditio essentialis; absque quâ res esse vel consistere non potest.

Sic explicatis terminis respondetur duabus propositionibus.

Fides Objectivè est conditio essentialis Sacramenti.

Prima: Fides objectivè spectata, hoc est, quatenus in verbo præscribitur & præcipitur, pertinet ad essentiam Sacramenti, tanquam conditio essentialis.

Rationes. I. Conditio essentialis novi fœderis siue Testamenti, est conditio essentialis Sacramenti, quod additur fœderi, confirmationis causâ; & metonymicè Fœdus, Testamentum appellatur. Fides est conditio essentialis novi Fœderis siue Testamenti *Marc. 1. vers. 15. cap. 16. vers. 16.* Ergo. II. Quod in propriâ Sacramenti definitione continetur, id essentialiale est Sacramento. Tales siquidem definitiones ex essentialibus tantum constant. Fides continetur in propriâ Sacramenti definitione, ut ex dictis patet: *Rom. 4. v. 11.* Sacramentum est sigillum justitiæ fidei. item *Marc. 16. vers. 16. Qui crediderit & baptizatus fuerit, servabitur.* Ergo. III. Quo sublato Sacramentum tollitur & esse definit, id ei essentialiale est. Sublata conditione fidei tollitur Sacramentum, & esse definit: *Marc. 16. vers. 16. Roman. 2. vers. 25. & seqq.* Ut enim Promissio nulla est absque fide, ita nec obsignatio promissionis: quæ fit per Sacramenta. Ergo.

Fides subjectivè non est Sacramento essentialis; sed necessarium requisitum in utente.

Secunda: Fides subjectivè spectata, hoc est quatenus est habitus vel actus credentis, non est Sacramento essentialis: est vero necessarium requisitum in utente Sacramento, siue ad legitimum ac salutarem usum Sacramenti.

Patet prius: Quia quod est essentialiale Sacramento, hoc est intrinsicum Sacramento, & in eo: Fides autem utentis non est in Sacramento, sed in corde ipsius. *Posteriorius etiam* I. *Dictis*; *Marc. 16. vers. 16. Qui crediderit & baptizatus fuerit, servabitur; qui verò non crediderit, condemnabitur.* Actor. 8.

Act. 8. v. 36, 37. *Ait ei Eunuchus, en aquam, quid prohibet me baptizari: Dixit vero Philippus: Si credis ex toto corde, licet.* Rom. 4. v. 11. *Abrahamus signum accepit circumcisionis, sigillum iustitia fidei recepta in preputio.* II. axiomate Theologico, quod habet apologia *Augustana confessionis*, Sacramenta sine fide utentis sunt inanes cæremonia: Ergo ad legitimum usum Sacramentorum necessariò requiritur fides. *Confer loca Esa. 66. v. 3. Rom. 2. v. 26. Marc. 16. v. 16. 1 Cor. 11. v. 20.* III. Quod est necessarium requisitum accipiendæ promissionis in verbo, idem quoque est requisitum oblationis in Sacramentis. Atqui illius necessarium requisitum est fides: ut tota Scriptura testatur. Non enim absoluta est promissio gratiæ, ad nullam conditionem adstricta, qualis erat illa in creatione de multiplicanda sobole *Genes. 1. vers. 28.* Sed hypothetica & conditionalis fidem requirens. Ergo.

Contra hæc quæ moveri solent, facili labore dissolvuntur.

I. Essentialia materiâ & formâ comprehenduntur. Fides non est materia vel forma Sacramentorum. Ergo. *Resp.* I. datur totum de fide subjectivè accepta, quæ est in utente Sacramentis. II. de fide objectivè spectata, *minor* falsa est. Et si enim non sit ipsa materia vel forma, tamen ad utramque pertinet, & referri debet. Ad materiam, quia est conditio cum verbo promissionis inseparabiliter connexa. Ad formam, quia testificatio & oblatio non fit, nisi sub conditione fidei. III. *Major* falsa est exclusivè sumta: Essentialia dicuntur etiam propria, non partes tantum.

Objectiones
refutantur.
Prima.

II. Quod pertinet ad finem sive usum rei, non est ei essentialia. Fides pertinet ad finem, sive usum Sacramentorum. Ergo. *Resp.* *Major* datur de substantiis, quæ cum definiuntur, ex genere & formâ definiuntur. Ideoque tota illorum essentia in genere & formâ consistit, non in fine. Sed alia est ratio accidentium, imprimis relatorum, quorum esse nihil est aliud, quam ad aliud referri. Ita esse Sacramentorum consistit in relatione ad proprium finem: ut alibi docuimus.

III. Quod est essentialia rei, id non potest abesse à re. Fides potest abesse à Sacramento. Ergo. *Resp.* *assumptio* falsa est. Non potest abesse fides, salvo manente Sacra-

mento: *argumento locorum* Marc. 16. *vers.* 16. Rom. 2. *vers.* 24. Eam *probant* ab absurdo: Si sine fide Sacramentum non est Sacramentum, hypocrita baptizatus in infidelitate, rebaptizandus erit cum credit. *Respond.* negatur. Sufficit si baptismum ante administratum vel tum accipiat fide. Quia usus ejus non restringitur ad certum tempus, verum in omnem vitam extenditur.

Quarta.

IV. Si fides pertinet ad essentiam Sacramenti, sequitur fidem non esse in utente Sacramento, sed in Symbolo sacramentali. Consequens absurdum. Ergo. *Resp.* Ludit fallacia æquivocationis. Assertio nostra loquitur de fide objectivè, non subjectivè: uti ante dictum.

Quinta.

V. Fides non facit Sacramentum. Ergo non est Sacramentum essentialis. *Resp.* negatur sequela. Nam Deus propriè facit Sacramenta: qui tamen iis essentialis non est. Fides non constituit Sacramentum vel extrinsecè, vel intrinsecè, propriè loquendo: Sed objectivè, est conditio essentialis Sacramenti: subjectivè autem, est necessarium organum ac medium participandi rem Sacramenti.

PROBLEMA QUINQUAGESIMUM NONUM.

An Baptismus rectè dicatur signum ablutionis peccatorum?

Nascitur hoc *problema* ex controversia, quæ nobis est, cum Lutheranis, de efficacia Baptismi. *Illi* negantem, *Nos* affirmantem sententiam propugnamus.

Rationes affirmantes orthodoxya.

Argumenta nostra sunt:

q. Baptismus est ἀντίτυπον depositionis sordium animæ.

I. Quod est ἀντίτυπον depositionis sordium animæ, id rectè dicitur signum ablutionis peccatorum. Baptismus est ἀντίτυπον depositionis sordium animæ. Ergo. *Minor* est Petri 1. *Epist.* 3. *vers.* 21. ubi depositio sordium animæ colligitur *partim* ex antithesi, videlicet depositione sordium carnis: *partim* ex effectu consequente, qui est bona conscientia *Roman.* 3. *vers.* 1, 2. *Majoris* consequentia demonstratur ex æquipollentiâ terminorum

norum antitypi & signi. *Antitypon* bifariam usurpatur in Scriptura Novi Testamenti vel pro simplici typo, ut *Hebraeor.* 9. vers. 24. vel pro typo relato ad alium typum, cui correspondet, ut hic. Nam Baptismus confertur cum liberatione Ecclesiæ in diluvio. At utroque modo est & verè dicitur signum. Nam omnis typus est signum.

II. à pari. Quæ est ratio circumcisionis, eadem est ratio Baptismi. Est enim utrumque Sacramentum: & quidem Sacramentum regenerationis ac infusionis in Ecclesiam. Unde Baptismus in N. T. successit circumcisioni *Coloss.* 2. vers. 11. 12. Atqui circumcisio rectè dicitur signum foederis de ablutione peccatorum & circumcissione cordium *Genes.* 17. vers. 7. 10, 11. sigillum justitiæ fidei, quæ consistit in remissione peccatorum *Romanor.* 4. v. 11. Ergo etiam Baptismus rectè sic nominatur.

III. A Collatione causarum subordinatarum in ablutione peccatorum. Ablutio peccatorum in Scripturâ attribuitur sanguini Christi, *Iohann.* 1. vers. 7. *Apocalyps.* 1. vers. 5. Spiritui Sancto, *1 Cor.* 6. v. 11. fidei, *Act.* 15. v. 9. Verbo Euangelii, *Eph.* 5. v. 26. *Ioh.* 17. v. 17. & Baptismo *Act.* 22. v. 16. At non attribuitur eodem modo, verum diversimodè, pro diversitate subordinationis & causalitatis, quam ipsa Scriptura docet. *Sanguini Christi*, tanquam causæ meditorix justitiæ & Sanctitatis: *Spiritui S.* ut causæ efficienti procreanti: *Fidei*, ut causæ Organicæ internæ, per quam donatur nobis justitia & Sp. S. *Verbo*, tanquam organo externo, per quod efficax est Sp. S. in efficiendâ fide & regeneratione: *Sacramentis*, tanquam organis externis confirmantibus & obsignantibus nobis illam gratiam. Quæ causalitas eorum evincitur partim ex eorum nominibus propriis, partim ex ordine perceptionis, quia post verbum accipiuntur. Nec potest alia causalitas ostendi à prioribus distincta. Concludimus ergo Sacramenta, & nominatim Baptismum, rectè dici signum ablutionis.

IV. A præcedaneis requisitis Baptismi. Qui jam ante Baptismum per fidem habent ablutionem peccatorum, illi aut non baptizantur in ablutionem peccatorum, aut baptizantur ut testimonium & signaculum hujus ablutionis accipiant. At quotquot adulti baptizantur secundum institutionem Christi, ii ante Baptismum jam habent per fidem ablutionem peccatorum: ut Abraham justitiam ante circumcissionem

Antitypum
quid.

q. Circumci-
sio fuit signū
ablutionis
peccatorum.

q. ablutio
peccatorum
tribuitur Sa-
cramentis ceu
organis con-
firmantibus
& obsignan-
tibus.

q. baptizandi
adulti jam lo-
ti sunt à pec-
catis.

fionem *Romanor. 4. vers. 10. 11.* Est enim Baptismus credentium *Marc. 16. vers. 16. Actor. 2. vers. 38, 39. & capp. 8. vers. 36, 37.* Per fidem autem habemus ablutionem illam *Actor. 15. vers. 9.* Ergo. Atqui prius falsum est & contra Scripturam *Actor. 2. vers. 38, 39. capp. 22. vers. 16.* Ergo verum est posterius : sicque Baptismus est & rectè dicitur signum ablutionis peccatorum.

Negantes Heterodoxa.

q. Scriptura neget Sacram. N. T. esse typos, figuras, &c.

Objectiones Lutheranorum hæ sunt præcipuæ,

I. Quod ipsa Scriptura negat de sacramentis Nov. Testam. id non est affirmandum de Baptismo. Atqui negat esse typos, figuras, umbras, Symbola, ut quæ habeant ipsam imaginem, ipsum corpus *Hebr. 10. vers. 1. Coloss. 2. vers. 17.* Ergo. *Resp. Si* negat, jam sibi contradicit, quæ Baptismum vocat antitypum *1 Petr. 3. vers. 21.* Negat esse tales typos, quales erant Vet. Testam. abumbrantes Christum venturum, ac bona futura : ut textus ipse loquitur. Quamvis locis allegatis propriè sermo sit de Sacrificiis V. T. collatis cum Christi sacrificio : & sic impertinenter allegantur.

q. Baptismus sit medium & organum ablutionis peccatorum.

II. Quod est medium ac organum alicujus rei, id non est ejusdem signum. Baptismus est medium ac organum ablutionis à peccatis *Actor. 22. vers. 16. Ephes. 5. vers. 26. Tit. 3. vers. 5.* Ergo. *Resp. 1. Major* non est vera universaliter. Nubes aquosa pluviae & signum est eam prænuncians, & medium per quod Deus eam efficit. II. *Minor* falsa est ex mente Lutheranorum, qui volunt esse tale medium, cujus virtute secundum ordinationem Dei omnes baptizati abluuntur à peccatis suis. Alioquin esse medium ac organum confirmationis, sive divinum testimonium, per quod Sp. S. liberè est efficax, minimè negamus. Loca Scripturæ metonymice explicanda sunt, vi III. argumenti à nobis prolata.

q. sit signum μεταδοτικόν.

III. Signum *μεταδοτικόν* non est *σημαντικόν, σφραγιστικόν.* Ratio est; quia *μεταδιδόναι καὶ σχηματίζειν* dare & dandum adumbrare opponuntur. Baptismus est signum *μεταδοτικόν* regenerationis *Iohann. 3. v. 5.* Ergo. *Resp. Si μεταδοτικόν:* ergò signum : quod negatur initio. Sed *μεταδοτικόν* signum dicitur Baptismus bifarium : vel quod res signata signis subjectivè inhæreat, & quibuscvis exhibeatur, sive legitime sive illegitimè utentibus Sacramento : vel quod unà, hoc est eodem

dem tempore, cum ipsis signis exhibeatur, per efficaciam Spiritus Sancti in legitimo usu. Si illo sensu dicitur, falsa est minor. Sin isto, datur minor: sed consequentia Majoris negatur. Omnia illa complectimur. Peculiaris tamen est μετάδοσις ratione singularis applicationis, quæ illustrior est in Sacramento, quàm in verbo.

PROBLEMA SEXAGESIMUM.

Quenam sit præsentia Christi in S. Cœnâ?

Non ingrediemur hic fusam illam & late patentem controversiam de reali, substantiali ac corporali Christi præsentia in S. cœnâ, quæ nobis est cum Pontificiis & Lutheranis. Est enim alius loci. Tantum exponemus sententiam Orthodoxam de præsentia Christi in Cœnâ: idque ad retundendas populares calumnias Adversariorum, quasi Christum è cœnâ suâ excludamus.

Præsentia vocabulum derivat Augustinus lib. 11. de Civ. Dei capp. 3. à præ & sensus: quod præsentia dicantur ea, quæ sunt præ sensibus animi vel corporis, interius vel exterius iis exposita. Dupliciter autem consideratur *præsentia* in Scripturâ & in omni loquendi usu, ratione subjecti, vel objecti. Primo modo res dicitur præsens, tanquam in loco sive ubi: quæ præsentia dicitur *circumscriptiva*, *definitiva* & *repletiva*, quoad corpora, Angelos & Deum. Secundo modo res dicitur præsens alicui, quatenus percipitur & participatur ab aliquo sive quatenus est præ hujus vel illius sensu, animo, fide 2. Reg. 5. v. 25. 1. Cor. 5. v. 3.

Hinc jam triplicem Christi in cœnâ præsentiam statuimus.

Prima est *subjectiva*, nimirum *gratiosâ præsentia Deitatis ipsius omnipræsentis*: quam peculiariter promisit cætibz in nomine suo congregatis, ad audiendum verbum Dei, usurpandum Sacramenta, & orandum; quæ promissio subjicitur institutioni ministerii & Baptismi *Matth. 28. vers. 20. cap. 18. v. 19. 20. Apocalyps. 1. v. 13. & seqq. cap. 2. v. 1.*

Præsentia
etymologia.

Homonymia.

Christi in S.
Cœnâ præ-
sentia est.
1. Subjectiva:
Deitatis.

Ff Secunda

2. Objectiva:
Spiritualis.

Secunda est Objectiva, videlicet Spiritualis præsentia corporis & sanguinis Christi per fidem. Corpus Christi non est præsens in Cœna tanquam in loco: est enim in cœlo, in quod adscendit Christus, & ubi mansurus est usque ad iudicium. Unde etiam Cœna vocatur à Paulo ἀνάμνησις Christi, corpore absentis & redituri. Est autem præsens fidei, in verbo promissionis, & per fidem salutariter percipitur. Nam fidei præsentia sunt, etiam quæ longissimè absunt.

Demonstratur.

Hæc præsentia demonstratur his argumentis. I. Hypostasis rerum creditarum importat Spiritualem earum præsentiam. Quæ enim hypostasis absque præsentia? Fides est hypostasis rerum creditarum, atque etiam corporis Christi *Hebr. 11. vers. 1.* Ergo. II. Distantia temporum in Vet. Testamento non impedivit Spiritualem præsentiam Christi, necdum incarnati; sive corporis ipsius, quæ est per fidem. Ergo nec in Novo Testamento eam impedire potest distantia locorum cœli & terræ: *Consequentia* nititur evidenti paritate utriusque, *Antecedens* probatur *Iohan. 8. vers. 56.* & *1 Corinth. 10. v. 34.* ubi manducatio corporis & bibitio sanguinis Christi etiam veteribus tribuitur. III. Spiritualis manducatio corporis, & bibitio sanguinis Christi per fidem, præsentiam eorum Spiritualem præsupponit. In cœnâ fit talis manducatio & bibitio. Est igitur etiam ejusmodi præsentia. *Minor* extat apud *Ioann. cap. 6.* Ratio *Majoris* est, quia manducatio communicatio est rei præsentis ei, à quo & per quod manducatur. IV. A minori: Paulus Ephesi abiens corpore, Corinthiis se præsentem dicit spiritu, id est, Spirituali modo, mente, voluntate, autoritate Apostolicâ *1 Cor. 5. v. 3.* Ergo multo magis Christus, corpore in cœlis absens, nobis est præsens Spiritualiter in S. Cœnæ usu & promissione, & fideli corde à nobis suscipitur. V. Nos peregrinantes à Domino per fidem præsentem sumus in cœlo collocati cum Christo in supercœlestibus, *Eph. 2. vers. 6.* accessimus ad myriadas Angelorum, ad panegyrim primogenitorum &c. *Hebr. 12. v. 22. 23.* Quidni ergo etiam per fidem nobis præsens sit corpus Christi, quod est in cœlo?

3. Objectiva:
Symbolica.

Tertia est etiam Objectiva, videlicet Symbolica præsentia corporis & sanguinis Christi, non quasi sit in, cum, sub symbolis panis & vini; sed quia per illa nobis repræsentatur, &
ob ocu-

ob oculos quasi depingitur, ut est *Gal. 3. vers. 1.* item quia nobis confirmatur salutaris ejus communio & fructus. Ita præsens est etiam sensui; quia Sacramenta sunt signa visibilia, in sensus externos incurrentia, quæ videmus, tangimus, gustamus. *Probatio* hæc est: Panis & vinum nobis præsentia sunt in S. Cœna. At illa sunt corpus & sanguis Christi: Communio eorum est communio corporis & sanguinis Christi *1 Cor. 10. vers. 16. 17.* Ergo corpus & sanguis Christi nobis sunt præsentia. Porro: Panis & vinum sunt corpus & sanguis Christi Symbolicè, Sacramentaliter. Ergo etiam corpus & sanguis Christi nobis sunt præsentia in Sacramento Cœnæ symbolicè & Sacramentaliter. Atque hæc de problemate hoc in præsens sufficiant. Probatur.

PROBLEMA SEXAGESIMUM PRIMUM.

Qualis futurus sit mundi interitus? utrum redactio in nihilum? an verò ejus instauratio & renovatio?

DE mundi interitu tres circumferuntur nobiliores sententiæ.

Prima Philosophorum, qui mundum æternum fore dicunt, interitus omnis expertem. Ea Epicureis & irrisoribus tribuitur *2 Pet. 3. vers. 3. 4.* qui eâ eludebant doctrinam de adventu Christi & ultimo judicio. *Rationes* sunt. I. à natura cœli & elementorum: Cœlum ut à qualitatibus contrariis, ita etiam ab interitu immune est per naturam: Elementa verò licet per partes generentur & corrumpantur, tamen perennem habent naturam in toto. Ergo non interibunt. II. à duratione Mundi: Mundus jam per multa secula duravit, & immobili serie fertur. Ergo deinceps quoque durabit.

Hanc sententiam tanquam profanam & blasphemam de-
testatur Petrus *2 Epist. 3. vers. 10. & seqq.* utramque etiam rationem confutat. *Priorum.* I. negatione antecedentis: cujus contrarium verum esse docet *vers. 10. 11.* II. Inficiatione
Ff 2 Damnatur.

consequentia: Quia interitus mundi non fiet per naturam, sed verbo omnipotenti Christi judicis: id quod argumento à pari comprobatur v. 5. *Posteriorem* similiter. I. negatione antecedentis, quod mundus duret immobilis, ut qui inundatus perierit aquis diluvii. II. inficiatione consequentia, quia eum igni iudicii reservari docet, ut exuratur v. 6. 7.

II. Mundus an
plane annihilan-
dus.

Secunda Theologorum quorundam, veterum pariter ac recentiorum, qui statuunt mundum totaliter interiturum, ac in nihilum esse redigendum. *Demonstratur* autem. I. Dictis Scripturæ: qualia è multis sunt *Psal.* 102. v. 26. 27. *Esa.* 51. v. 6. *Iob.* 14. v. 13. *Matth.* 24. v. 35. *I Cor.* 6. v. 13. 2 *Pet.* 3. v. 10. 11. *Apocal.* 21. *vers.* 1. II. à fine mundi & totius naturæ. Cessante fine etiam cessat res ipsa, propter quam est condita: At in ultimo iudicio finis mundi & seculi huius cessabit, qui erat ut hominis viatoris esset domicilium, adeoque via ad Deum, tanquam in speculo contemplandum; qui utique desinet, ubi viator esse desierit. Ergo. III. à subjecto; quod non est subjectum *ἀειπνον* perennitatis & felicitatis, id non instaurabitur, sed abolebitur in altero seculo. Atqui reliquæ creaturæ præter intelligentes non sunt capaces perennitatis & felicitatis: quia elementares, corruptibiles. Ergo. IV. Ab adjuncto mundi & rerum Physicarum: tempore videlicet. Quando tempus non erit amplius, nec erit mundus aut res Physicæ: *Ratio*: quia harum propriè est tempus, principio & fine constans: sicut Spirituum creatorum est unum, principium habens & fine carens: Solius Dei autem æternitas & principio & fine carens. Atqui in consummatione mysterii Dei, si-ve seculi tempus non erit amplius: ut jurat Angelus *Apoc.* 10. *vers.* 6. 7. Ergo. V. ab oppositis: ortu & interitu mundi. Contrariorum eadem est ratio. Atqui mundus ortus est ex nihilo *Genes. cap.* 1. Ergo per interitum etiam redibit in nihilum.

Rejicitur.

Hæc sententia de totali interitu mundi etsi sit tolerabilis & magnos authores habeat; minus tamen probabilis videtur, idque ob pondus argumentorum, quibus tentia sententia suffulcitur. Igitur paucis rationes ejus diluamus. Primo dictum *Psalmi* 102. item Petri 2. *Epistola* 3. *vers.* 10. 11. & Joannis *Apocal.* 21. *vers.* 1. infra vindicabimus: quæ

quæ de instauratione propriè loquuntur, non de redactione in nihilum. Locus *Esa.* 51. v. 6. idem plane est cum Psalmo 102. *Vindiciæ dñorum Esa. 51. v. 6.* Et quod cœlum dicitur evaniturum ut fumus, nondum conficit propositum: quia fumus evanescit in auras non in nihilum. Petrus autem interpretatur de dissolutione totius compagis five machinæ cœlorum 2 Petr. 3. vers. 12. *Iob. 14. vers. 13. usque Iob. 14. v. 13.* dum non erunt cœli, scil. veteres & exteriores: nam expectamus cœlum novum. *Matth. 24. vers. 35. vel intelligendum comparatè per collationem rei impossibilis, aut nunquam futuræ, tanquam facilioris: quasi dicat, Cœlum & terra citius interierint, quam verba mea: vel verbum prætereundi exponendum, non simpliciter de abolitione substantiæ, sed de abolitione conditionis caducæ. Nam verba Christi desumpta sunt ex Psalm. 102. vers. 27. ubi verbum pereundi exponitur per verbum mutandi. 1 Corinth. 6. vers. 13. abolebit, scilicet quoad usum. 1 Cor. 6. v. 13.* Nam certe venter, quum sit pars corporis, non abolebitur. In secundo: Major non est vera universaliter: Valet solum de omni fine, eoque adæquato. Terræ autem non omnem finem cessaturum docet Petrus 1 Epistol. 3. vers. 13. *expectamus terram novam, in quâ iustitia habitat, id est, homines iusti. Finis autem duplex est: Summus, quoad Deum, cujus sapientiam, omnipotentiam, bonitatem, æternitatem commendabunt creaturæ instaurationis: Subalternus, quoad homines beatos, quia futuræ sunt nostræ spiritualis contemplationis & oblectationis secundaria quædam exercitamenta. In tertio Minor falsa est: Sanè per naturam non sunt capaces: sicut nec corpus humanum: at per gloriam. Sic nec eadem ratio perennitatis five æternitatis & felicitatis. Illam simpliciter, hanc secundum quid eis tribuit Apostolus Romanor. 8. vers. 22. In Quarto negatur Major: Quia tempus hujus propriè seculi est, quod mensuratur tempore: non futuri. Quod si res Physicæ cum tempore definent, quid fiet de homine, & corpore ejus elementari? Est etiam fallacia à dicto secundum quid: Tempus est rerum Physicarum oppositè ad Deum & Spiritus: Simpliciter esse, hoc est semper fore, etiam in altero seculo negatur. In Quinto admittitur Elenchus oppositorum. Haftenus enim non opponitur: cum redactio in nihilum per interitum mundi non possit apodicticè doceri ex Scripturâ.*

*Terræ finis
quis in altero
seculo.*

*Creaturæ
non intelligentes
quare
non capaces
perennitatis.*

*Tempus hujus
tantum
seculi est.*

III. Mundus
instaurabitur
& renovabi-
tur.

Tertia est plurimorum Theologorum, Veterum juxta ac Neotericorum, qui statuunt mundum non redigendum esse in nihilum, sed in fine seculorum instaurandum & renovandum. Hæc sententia initio declaranda est ex Scriptura: inde etiam demonstranda.

Modus in-
stauracionis.

Declaratio est ista: Mundus sic instaurabitur, ut igne crematus, & à sordibus veluti repurgatus, novam quasi formam, novas qualitates suscipiat, & ad meliores sanctioresque usus applicetur. Membra declarationis quatuor sunt. Primum de medio repurgationis, igne; & modo per combustionem. Istud membrum ponit Petrus 2 Epist. 3. v. 7. Qui nunc sunt cæli & terra eodem sermone reconditi, asservantur igni: item vers. 10. Veniet sicut fur in nocte dies ille Domini, quo cæli cum stridore præteribunt, elementa verò aestuantia solventur, terraque & quæ in ea sunt opera exurentur: & vers. 12. in die Dei cæli confluentes solventur, & elementa aestuantia liquefcent. Quibus verbis etiam videtur docere, ita cremandum esse mundum, ut in cineres quasi redigatur, & ex cineribus novus mundus producat: sicut aurum & argentum in catino repurgantur. Alterum de termino à quo, qui est vanitas, corruptio, servitus; Roman. 8. vers. 20. Vanitati mundus hic conditus subiectus est: & vers. 21. est sub servitute corruptionis. Tertium de termino ad quem ratione formæ & qualitatis inherens, quæ est incorruptio, perennitas: Roman. 8. vers. 21. Ipse conditus mundus liberabitur ex servitute corruptionis. De hac novâ formâ, & novis qualitatibus similiter docet Petrus, cum ait, expectari cælum novum & terram novam vers. 13. idque secundum promissiones Prophetæ Esaïæ cap. 65. vers. 17. & cap. 66. vers. 22. Quartum de termino ad quem, ratione finis & usus, libertas: Roman. 8. vers. 31. Ipse conditus mundus liberabitur ex servitute corruptionis in libertatem gloriæ Filiorum Dei. Hoc in membrum de fine & usu etiam addit Petrus, cum inquit vers. 13. Expectamus cælum novum & terram novam, in quibus iustitia habitat. Quod ipsum etiam Paulus indicat 1 Corinth. 7. vers. 31. Qui utuntur hoc mundo ut non abutentes; præterit enim habitus huius mundi. & Johannes 1 Epist. 2. vers. 17. Mundus præterit & cupiditas ipsius. Demonstratio duabus argumentorum classibus concluditur, quarum una habet testimonia Scripturæ, altera Rationes.

Probatur.

Prima Classis.

Dicitur.

Roman. 8. vers. 19. & seqq. Ubi renovatio illa quadrifariam *Rom. 8. v. 19. & seqq.*
 asseritur. I. A communi consensu fidelium de eâ vers. 22. *Sci-*
mus : ubi eam ponit pro confessa & omnibus notissimâ : Sicut
 verbum illud etiam aliis Scripturæ locis certam & demonstrabilem
 scientiam denotat, 2 *Corinth. 5. vers. 1. I. Iohann. 3. vers. 5. cap. 5.*
vers. 18. 19. II. Ab effecto destinato, videlicet *ἀποκατάστασις*
intentâ expectatione, vers. 19. *spe*, vers. 21. *suspirio* & parturitione qua-
 si creaturæ, vers. 22. quâ anhelans expectat liberationem per pro-
 pitiopœiam. Deus ipse indidit creaturæ ardens & constans de-
 siderium vindicationis, & instaurationis. Ergo tandem vindi-
 cabitur. Quia Deus nihil facit frustra : & docet Apostolus hoc
 desiderium expletum iri. III. A formâ vindicationis, sive in-
 staurationis, vers. 21. *vindicabitur ex servitute corruptionis in liberta-*
tem gloriae, id est, *ἀφ' ἁγίας* ubi uterque terminus evidenter ex-
 primitur : & sic refellitur eorum glossa, qui statuunt sufficere
 vindicationi huic, si creatura abolita desinat servire impiis ho-
 minibus. IV. A pari, videlicet desiderio credentium, quod
 confert cum desiderio creaturarum, vers. 23. Sicut illi deside-
 rant, & tandem accipiunt redemptionem corporis : sic creaturæ
 incorruptibilitatem.

2 *Petr. 3. vers. 7. 10, 11, 12.* Ubi eadem renovatio propo- *2 Petr. 3. v. 7. 10, 11, 12.*
 nitur. I. Per collationem cum priore mundo, diluvio obru-
 to, vers. 6. 7. *Qui tunc erat mundus periit : Qui veronunc sunt cæli*
& terra : Alius mundus dicitur qui periit, sive, alius mundus
 statuitur ante & post diluvium. At non redactione in nihilum,
 sed repurgatione. Ergo : licet multo gravior ; sicut ignis a-
 crior, penetrantior est aquâ. II. A forma interitus & instaurationis : *præteribunt cæli*, vers. 10. id est, solvetur eorum com-
 pages : ut est, vers. 12. *elementa liquefcent*, ut metalla in igne,
terra exuretur, & in cineres quasi redigetur : & sic fiet *cælum novum & terra nova*, ut immediatè subjicitur vers. 13. Omnia
 hæc mutationem inferunt, non annihilationem. III. A practi-
 câ applicatione vers. 11, 14. Deus corruptionem, vanitatem,
 non potest ferre in creaturis, sed ab iis ipsis instaurabit. Ergo &
 nos sanctis conversationibus & pietatis officiis nos ipsos innovare
 debemus.

Psal. 102.

III. Mundus
instaurabitur
& renovabi-
tur.

Tertia est plurimorum Theologorum, Veterum juxta ac Neotericorum, qui statuunt mundum non redigendum esse in nihilum, sed in fine seculorum instaurandum & renovandum. Hæc sententia initio declaranda est ex Scriptura : inde etiam demonstranda.

Modus in-
staurationis.

Declaratio est ista : Mundus sic instaurabitur, ut igne crematus, & à sordibus veluti repurgatus, novam quasi formam, novas qualitates suscipiat, & ad meliores sanctionesque usus applicetur. Membra declarationis quatuor sunt. Primum de medio repurgationis, igne; & modo per combustionem. Istud membrum ponit Petrus 2 Epist. 3. v. 7. Qui nunc sunt cæli & terra eodem sermone reconditi, asservantur igni : item vers. 10. Veniet sicut fur in nocte dies ille Domini, quo cæli cum stridore prateribunt, elementa verò aestuantia solvantur, terraque & quæ in ea sunt opera exurentur : & vers. 12. in die Dei cæli confluentes solvantur, & elementa aestuantia liquefcent. Quibus verbis etiam videtur docere, ita cremandum esse mundum, ut in cineres quasi redigatur, & ex cineribus novus mundus producat : sicut aurum & argentum in catino repurgantur. Alterum de termino à quo, qui est vanitas, corruptio, servitus; Roman. 8. vers. 20. Vanitati mundus hic conditus subjectus est : & vers. 21. est sub servitute corruptionis. Tertium de termino ad quem ratione formæ & qualitatis inherens, quæ est incorruptio, perennitas : Roman. 8. vers. 21. Ipse conditus mundus liberabitur ex servitute corruptionis. De hac novâ formâ, & novis qualitatibus similiter docet Petrus, cum ait, expectari cælum novum & terram novam vers. 13. idque secundum promissiones Prophetæ Esaiæ cap. 65. vers. 17. & cap. 66. vers. 22. Quartum de termino ad quem, ratione finis & usus, libertas : Roman. 8. vers. 31. Ipse conditus mundus liberabitur ex servitute corruptionis in libertatem gloriæ Filiorum Dei. Hoc in membrum de fine & ulu etiam addit Petrus, cum inquit vers. 13. Expectamus cælum novum & terram novam, in quibus justitia habitat. Quod ipsum etiam Paulus indicat 1 Corinth. 7. vers. 31. Qui utuntur hoc mundo ut non abutentes; praterit enim habitus hujus mundi. & Johannes 1 Epist. 2. vers. 17. Mundus praterit & cupiditas ipsius.

Probat.

Demonstratio duabus argumentorum classibus concluditur, quarum una habet testimonia Scripturæ, altera Rationes.

Prima Classis.

Dicitur.

Roman. 8. vers. 19. & seqq. Ubi renovatio illa quadrifariam *Rom. 8. v. 19. & seqq.*
 asseritur. I. A communi consensu fidelium de eâ vers. 22. *Sci-*
mus : ubi eam ponit pro confessa & omnibus notissimâ : Sicut
 verbum illud etiam aliis Scripturæ locis certam & demonstrabilem
 scientiam denotat, 2 Corinth. 5. vers. 1. 1 Iohann. 3. vers. 5. cap. 5.
 vers. 18. 19. II. Ab effectu destinato, videlicet ἀπὸ ἀεὶ ἐκδοξίας
intendâ expectatione, vers. 19. *spe*, vers. 21. *suspirio* & parturitione qua-
 si creaturæ, vers. 22. quâ anhelans expectat liberationem per pro-
 pitiopœiam. Deus ipse indidit creaturæ ardens & constans de-
 siderium vindicationis, & instaurationis. Ergo tandem vindi-
 cabitur. Quia Deus nihil facit frustra : & docet Apostolus hoc
 desiderium expletum iri. III. A formâ vindicationis, sive in-
 staurationis, vers. 21. *vindicabitur ex servitute corruptionis in liberta-*
tem gloria, id est, ἀφ' ἡμαρτίας ubi uterque terminus evidenter ex-
 primitur : & sic refellitur eorum glossa, qui statuunt sufficere
 vindicationi huic, si creatura abolita desinat servire impiis ho-
 minibus. IV. A pari, videlicet desiderio credentium, quod
 confert cum desiderio creaturarum, vers. 23. Sicut illi deside-
 rant, & tandem accipiunt redemptionem corporis : sic creaturæ
 incorruptibilitatem.

2 Petr. 3. vers. 7. 10, 11, 12. Ubi eadem renovatio propo- *2 Petr. 3. v. 7-10, 11, 12.*
 nitur. I. Per collationem cum priore mundo, diluvio obru-
 to, vers. 6. 7. *Qui tunc erat mundus periit : Qui vero nunc sunt cæli*
& terræ : Alius mundus dicitur qui periit, sive, alius mundus
 statuitur ante & post diluvium. At non redactione in nihilum,
 sed repurgatione. Ergo : licet multo gravior ; sicut ignis a-
 crior, penetrantior est aquâ. II. A forma interitus & instau-
 rationis : *præteribunt cæli*, vers. 10. id est, solvetur eorum com-
 pages : ut est, vers. 12. *elementa liquefcent*, ut metalla in igne,
terra exuretur, & in cineres quasi redigetur : & sic fiet *cæ-*
lum novum & terra nova, ut immediatè subjicitur vers. 13. Omnia
 hæc mutationem inferunt, non annihilationem. III. A practi-
 câ applicatione vers. 11, 14. Deus corruptionem, vanitatem,
 non potest ferre in creaturis, sed ab iis ipsis instaurabit. Ergo &
 nos sanctis conversationibus & pietatis officiis nos ipsos innovare
 debemus.

Psal. 102.

Psal. 102. v. 26
27. & *Heb.* 1.
v. 11. 12.

Psal. 102. vers. 26. 27. *Heb.* 1. v. 11. 12. Ubi interitum mundi & creaturarum declarat verbo *alterandi*, *mutandi*, *innovandi*, ut cum vestis aliqua interpolatur. At illa verba non notant redactionem in nihilum, sed repurgationem ac renovationem. Ergo.

Esa. 65. v. 17.
& *Cap.* 66. v.
22.

Esa. 65. v. 17. *Cap.* 66. v. 22. Verba illa, de cœlis novis & terrâ novâ creandâ; intelligenda sunt de instauratione. I. ex interpretatione Petri, qui verba illa allegat 2. *Epistol.* 3. v. 13. II. ex significatione verbi *creandi*, quod de Instauratione accipitur usitatissimè *Ephes.* 2. v. 10. 2 *Cor.* 5. v. 17. *Psal.* 51. v. 12.

Apoc. 21. v. 1.

Apocal. 21. v. 10. explicatur ex Petro, 2 *Epist.* 3. v. 6. 7. ubi eodem modo loquitur de mundo ante diluvium. Alia loca tanquam minus evidentia omitto.

Secunda classis.

Rationibus.

Hæc rationes continet non apodicticas, sed probabiles, quales sufficiunt. Nec enim agitur hic de articulo fidei, sed de quæstione Theologicâ, de quâ salvâ veritate & charitate, licet dissentire.

q. partes
quædam
mundi exstabi-
bunt.

I. *Apartibus mundi novi*: Cujus partes quædam extabunt etiam post ultimum judicium, id totum non abolebitur. Atqui partes quædam mundi exstabit: nubes, aër, 1. *Thess.* 4. v. 17. cœlum novum, terra nova 2 *Petr.* 3. v. 13. Ergo.

q. homini re-
stituatur in
seculo futu-
ro dominium
in creaturas.

II. *Ad Dominio hominis in reliquas creaturas*. Dominium hominis in creaturas in Adamo amissum in Christo plenè nobis restituitur: teste Davide *Psal.* 8. v. 5, 6. & *seqq.* Atque id non fit in hac vitâ: uti constat. Fiet igitur in altera: & sic reliquæ creaturæ instaurabuntur. Quod & Johannes in *Apocalypsi* docet *cap.* 2. v. 26. 27. *cap.* 3. v. 21. *cap.* 5. v. 10. & *cap.* 22. v. 5. Catechesis etiam nostra approbat *quæst.* XXXII. æternum cum Christo regnum in omnes creaturas.

q. vanitas tol-
letur cum
peccato.

III. *A remotione causæ proximæ ad remotionem effecti*: Sublata causâ proxima tollitur effectus. Atqui in fine seculi tolletur causa proxima vanitatis, corruptionis & servitutis creaturarum, videlicet peccatum. Ergo etiam effectus, ipsa vanitas, sicque creatura erit libera à servitute corruptionis: ut loquitur Apostolus *Rom.* 8. v. 21.

q. homo est
renovandus
propter
quem omnia
condita.

IV. *Ab analogiâ mediorum ad finem*. Homo finis est omnium

minium creaturarum, propter quem ipsæ sunt conditæ. Atqui homo est renovandus. Ergo etiam creaturæ cum eo. Quæ causa est, quod Apostolus vindicationem creaturæ cum hominis redemptione finali conjungit *Rom. 8. vers. 22, 23.*

PROBLEMA SEXAGESIMUM SECUNDUM.

Quarum creaturarum vindicatio & instauratio promittatur in Verbo Dei, & nobis sit exspectanda?

Censura Auctoris postremis vitæ annis propriâ manu huic Problemati adscripta.

Nimis hic nobis, nimis etiam alii indulgimus, probabilis quidam specie: qua nimis sæpe fallit.

Rom. 8. v. 22. explicatur.

Hoc problema pendet ex priore. Cum enim certa, vel saltem valde probabilis sit creaturarum instauratio, non immeritò quæritur, quibus ea sit obventura. Apostolus *Rom. 8. vers. 22.* dicit *πάντων κτίσιν*, omnem creaturam suspirare, & desiderare vindicationem. Sed num particula *πάντων* collectivè, an distributivè intelligenda sit, non satis convenit inter interpretes. *Origenes* tam laxè sumsit, ut ipsos malos Angelos complecteretur. *Augustinus* contra ita contraxit, ut de solis hominibus vocabula illa intelligeret. Nos ut medium teneamus, de propositâ quæstione differemus κατ' ἀρσιν καὶ θέσιν, Negative & Affirmativè; ostensuri paucis, quantum quidem probabiliter colligere licet ex Verbo Dei, quæ creaturæ non sint instaurandæ; & quibus contra proposita videatur vindicatio & instauratio.

Prioris generis creaturæ, quæ ab instauracione illa eximuntur, sunt. I. Omnes creaturæ intelligentes, ut Electi Angeli & Homines, & Reprobi Angeli & Homines. Electi Angeli non indigent instauracionis, utpote beati, qui semper vident gloriosam faciem Patris *Matth. 18. vers. 10.* Electorum Hominum glorificatio apertè distinguitur ab hac creaturæ liberatione *Roman. 8. vers. 22, 23.* Denique Reprobis Angelis & Hominibus nulla instauracionis spes est proposita: sed manet æterna damnatio *Matth. 25. vers. 41.* II. Cælum beatorum, & tartarus sive infernus damnatorum: quia utraque sedes à jacto mundi fundamento glorificandis & damnandis parata est, *Matth. 25. v. 34. & 41.* & immutabiliter servatur *vers. 46.* Et cælum illud expers corruptionis: Infernus non capax instauracionis; non magis quam Diaboli. III. Spina, tribuli, sentes, cardui, & quævis herba ve-

Non instaurabuntur
1. Creaturæ intelligentes.

2. Cælum beatorum & infernus.

3. Spina, tribuli, & herbae noxiæ.

4. Creatura
ex putrefac-
tione nata, vel
confusa ge-
neratione
producta.

5. Omne ge-
nus planta-
rum & ani-
malium, quæ
jam interie-
runt.

6. Opera ar-
tificialia.

nenata, aut inimici homini : quæ ex iustâ terræ maledictione pro-
pter peccatum hominis provenerunt *Genes. 3. vers. 18. IV. Om-
nes illæ creaturæ, quæ ex corruptione aut putrefactione enatæ sunt* : bu-
fones; rana, mures, muscæ, vespertilioes : item quæcunque ex con-
fusa generatione sunt producta. Ratio : quia non extiterunt à primâ
creatione, neque ante lapsum hominis in rerum naturâ locum ha-
buerunt. V. Omne genus plantarum; animantium, avium, quæ
jam interierunt & dissolutæ sunt ante consummationem seculi. Ratio:
quia his non promittitur resuscitatio, quæ solorum hominum
est. Ergo nec instauratio earum futura est. VI. Omnia opera ar-
tificialia, arte & manu humanâ fabricata, urbes, arces, domus,
fabricæ, &c. tum quia exurentur universa, 2 *Petri. 3. vers. 10.*
tum quia terrenæ solum vitæ usum spectant : quæ desinet cum
hoc seculo.

Instaurabun-
tur.

si fuerint ex
creatione.

si actu fuerint
superstites,

*Posterioris generis creaturas, quibus parata est instaura-
tionis gloria secundum Apostolum, geminâ conditione circum-
scribo* : Una, ut sint ex creatione, si non quoad individua, ut
Sol, Luna; saltem quoad speciem : tum quia illæ creaturæ va-
nitati subjectæ propter peccatum, *Roman. 8. vers. 20.* tum quia
restituentur in statum feliciorum, quàm in primâ creatione habu-
erunt. Altera, ut actu superstites sint in hac adspectabili rerum
natura, in consummatione seculi. Ratio : quia resuscitatio à
morte est solius hominis propria. Bruta totaliter intereunt : ut
passim docet *Ecclesiastes*, & David quoque *Psalms. 49. vers. 13. &
21.* Sunt autem creaturæ tales.

1. Cælum &
Terra.

I. Cælum & terra *Esa. 65. vers. 17. Cap. 66. vers. 22. 2 Petr. 3.
vers. 13. Apocalyps. 21. vers. 1.* Nomine cæli novi intelligimus æe-
rem & ætherem. I. quia cælum instaurandum obnoxium est servi-
tuti corruptionis *Roman. 8. vers. 21.* Hæc enim causa instau-
rationis. Atqui non cælum beatorum, sed alii cæli inferiores huic
servituti obnoxii sunt. Ergo. II. quia ær & nubes etiam post ul-
timum iudicium reliqua futura sunt 1 *Thess. 4. v. 17.* Sic terra vo-
cabulum terram renovatam designat : quia iusti dicuntur in eâ ha-
bitaturi, 2 *Petr. 3. vers. 13.* regnaturi *Apoc. 5. vers. 10.*

2. Luminaria
cælestia.

II. Sol, Luna, & reliqua corpora cælestia : I. quia hæc in-
de à lapsu Adæ, nunquam suos gemitus, suspiria, parturitiones
intermiserunt, *Roman. 8. vers. 22.* ad hoc usque tempus, scilicet
inde à lapsu. v. 19. II. quia Sol & Luna in extremo illo die multi-
plicem

plicem splendoris accessionem recipient, *Esa.* 30. v. 29. qui locus mysticè quidem accipitur de gratiâ gloriosâ Ecclesiæ Nov. Test. literaliter verò etiam de istis luminaribus: idque secundum probatos interpretes. III. perpetuitas spiritualis regni Christi ex continuatione Solis & Lunæ adumbratur & illustratur *Psal.* 89. v. 30. 37, 38. & alibi. *Vsus* porro illorum luminarum, non is erit, qui in hac vitâ, ad illuminationem & vegetationem mundi inferioris, ad distinctionem temporum: sic enim negatur de novâ Jerusalem *Apocal.* 10. v. 6. *Cap.* 21. v. 23. Sed remanebunt tanquam æternæ Dei potentiæ, sapientiæ, & bonitatis monumenta, ut ornamenta rerum universitatis, nec non ut secundaria quædam exercitamenta humanæ delectationis & gratitudinis.

eorum usus.

III. *Animantia, Volucres, & omnis generis planta. Probat.* 3. Animantia & plantæ omnis generis.
I. quia continentur nomine omnis creaturæ vanitati obnoxia, & suspirantis pro vindicatione *Roman.* 8. v. 20. 22. II. quia homini restituetur plenum dominium in creaturas peccato amissum: ut supra ex Scripturâ & Catechesi demonstratum. III. Accedit autoritas Theologorum partim veterum *Irenæi, Ambrosii, Hilarii, Occumenii, Theodoret*: partim recentiorum *Calvini, Beza, Martyris, Oleviani, Rolloci, Tossani, Bucani, Piscatoris: Faji*; qui hanc vindicationem & liberationem creaturæ, non solum ad creaturas inanimas, verum etiam ad ipsas bestias & volucres pertinere docent.

Sed *objicitur*. I. Plantæ, volatilia, bestia non amplius humanæ necessitati, aut infirmitati subservient, nec usum sui exhibebunt. Ergo non videntur instaurandæ. *Resp.* negatur sequela. *Vsus animantium instauratorum.* Etsi enim illum usum non habeant, habent tamen alios, summum & subalternum: qui supra expositi. Illustratur ex loco Apostoli *1 Cor.* 6. v. 13. *Escæ ventri, & venter escis, Deus autem & hunc, & eas abolebit*: ventrem abolebit quoad usum illum: & tamen manebit, quia pars totius. Quemadmodum igitur multa membra, inprimis quoad nutritionem & generationem, non habebunt homines: & tamen habebunt propter perfectionem totius: sic etiam illa supererunt propter perfectionem & decus mundi instaurati. II. Aut omnia animantia, volatilia instauranda, aut aliqua. Si illud: mundus non capiet. Sin hoc, quid causæ cur Deus illa dignetur honore instauracionis præ istis: quum

Aliqua tan-
tum instau-
rabuntur.

non minus suspirârint. *Resp.* posterius erit. Mortua enim non resurgent, ut homines: quod & Scriptura docet. Causa Deo nota est. Sufficit ad instaurationem speciei aliquorum vindictio: in quibus tum erit tota species, sicut initio creationis in primis individuis fuit.

Hæc de proposito problemate sufficiunt, quæ probabiliter secundum Scripturam, non apodicticè differere volumus. Plura ac certiora discemus in Scholâ cælesti, cum in instaurationis hujus ἀνοψίαν deducti fuerimus.

PROBLEMA SEXAGESIMUM TERTIUM.

Num eadem numero corpora resurrectura sint? & quâ quantitate ac qualitate?

Membra propositi problematis tria sunt. I. de identitate corporum quoad substantiam, num illa ipsa corpora, quæ hic ceciderunt per mortem, sint resurrectura. II. de quantitate corporum resuscitatorum. III. de eorundem qualitibus. Desingulis seorsim.

De Primo.

Anabaptista & alii fanatici docent non resurrectura illa corpora, quæ hic gestavimus, sed alia à Christo noviter creata. *Servetiani* & *Sociniani* verò etiam corpora spiritalia resuscitatis affingunt. In quo utrique veterem *Manichæorum* errorem sequuntur. Contra hos secundum evidentem Scripturæ veritatem asserimus, eadem numero corpora, quæ hic gestârunt singuli, & in morte deposuerunt, resuscitanda esse.

Eadem numero corpora resuscitanda sunt.
Probatur.

Testimonia Scripturæ extant innumera pro hâc assertione, omnia nimirum illa, quæ veritatem ac certitudinem resurrectionis demonstrant. Duo tamen sunt in primis evidentiæ.

Disijs.

Job. 19. v. 25,
26, 27.

Job. 19. v. 25, 26, 27. Scio redemptorem meum vivere, & posteriorem super pulverem resurrecturum: postquam vermes confoderint istud, & vigilante me: tum carne meâ me visurum esse Deum. Idem qui sum, & non alienus visurus sum mihi, & oculi mei adspecturi.

2 Cor. 15. v. 53.
54.

I Cor. 15. v. 53. 54. Oportet corruptibile istud induere incorruptibilitatem, & mortale istud induere immortalitatem. Postquam autem hoc corruptibile induerit incorruptibilitatem, & mortale istud induerit im-

morta-

mortalitatem, tunc fiet illud quod scriptum est, Absorpta est mors ad vitam.

Ideo in Symbolo Ecclesiarum Africanarum dicebatur, Credo resurrectionem hujus carnis: teste Cypriano in expositione Symboli.

Rationes præterea idem evincunt

Rationibus.

I. A proprio significato verbi resurgendi: Quod resurgit à morte, prius cecidit per mortem. Sunt enim relata, quorum alterum constat mutuam alterius affectione. Sed prius per mortem ceciderunt nostra corpora substantialiter, sive ipsa substantia.

q. idem corpus resurget, quod cecidit.

Ergo.

II. ab exemplo Christi: Christi corpus idem numero substantia & materia resurrexit, argumento locorum Luc. 24. vers. 39. Ioh. 20. vers. 27. Ergo & nostra corpora eadem numero resurgent. Ratio. consequentiæ: quia Christus non tantum est causa efficiens nostræ resurrectionis, sed etiam exemplaris.

q. Christi corpus idem numero resurrexit.

III. A Dei justitiâ. Hæc postulat, ut Sancti non alio, sed in illo corpore, quod justitiam exercuit, remunerationem inveniant: ut item impii puniantur non in alio, aut novo corpore, quod nullum peccatum admisit, sed in suo proprio corpore, in quo peccarunt Rom. 2. v. 6. 2 Cor. 5. v. 10. Eph. 6. v. 8. 2 Thess. 1. v. 6. 7. Ergo eadem numero & substantia corpora ad vitam vel mortem sunt resurrectura.

q. eadem corpora debent præmiis vel poenis affici quæ in vitam bene vel male egerunt.

IV. à Comparatis, analogia regenerationis animæ & corporis, quæ est resurrectio Matt. 19. v. 28. Hinc resurrectio prima & secunda. Regeneratio corporis in resurrectione certâ analogia respondet regenerationi animæ, ut patet. Atqui regeneratio animæ non abolet, vel mutat ejus substantiam, verum qualitates tantum. Ergo.

q. regeneratio non abolet animæ substantiam.

Quæ contra objici solent ab hæreticis, alibi à nobis confutata sunt. Scrupulus tantum eximendus est, quomodo possit homo resurgere eadem corporis substantia, cum sæpe accadat ut tota, vel major ejus pars à bestiis, piscibus, imo ipsis hominibus Anthropophagis absumatur, ac in eorum substantiam convertatur? Resp. Hoc Deo facilius est facere, quàm nobis dicere. Nos niti debemus ejus tum veritate, tum potentia: modum vero ipsius sapientiæ permittere. Illustrat hoc simili

Quomodo idem corpus possit resurgere, quod absumtum est ab aliis viventibus.

Augustinus, & ex eo Lud: Vives, ac alii: Si diligens ac solers paterfamilias probe novit, ubi quidque reconditum in adibus suis etiam amplissimis: quanto magis Deus, cujus infinita est potentia, novit, ubi reposita sit materia singulorum corporum. Et si peritus aurifex novit secernere metalla, & separare: quanto magis Deus materias corporum, etiam confusas, Quæ alii hîc specialius definiunt, omitto.

De Secundo.

Quantitas
corporum re-
suscitatorum
qualis futura
sit.

Quâ quantitate, staturâ, & dimensionum perfectione resurrectione sint corpora, Scriptura expressè non definit. *Apo- calyp. 20. vers. 12.* dicuntur quidem stare coram iudice cœlesti parvi & magni: sed ratione ordinis ac status, non autem staturæ sic distinguuntur. Si tamen, quod magis probabile videtur, dicendum; non improbanda est sententia *Mart: Bucer* & aliorum, qui statuunt omnes ex æquo resurrecturos illâ staturâ, ad quam natura, ubi non aberrat, corpora hîc solet perducere *ἐν ἀνθρώποις*, hoc est, adultâ ac virili staturâ.

Rationes hæc dari possunt. I. à *πρωτοκρίσια*: Adamus & Eva perfectæ & adultæ staturâ creati sunt ex pulvere *Genes. 2. cap.* Ergo nostra corpora resuscitabuntur ex pulvere staturâ eadem. Ratio: quia resurrectio est instar novæ creationis.

II. Corpora nostra resuscitabuntur gloriosa, *Phil. 3. v. 21. & cum gloria. I Cor. 15. v. 43.* Ergo etiam perfectæ staturâ: quæ pars quædam externæ gloriæ & maiestatis hominis.

III. In resurrectione restituetur homini plenum dominium in creaturas: uti aliàs demonstratum. Ergo etiam iusta staturâ dominio illi conveniens.

IV. Si infantes excitati à mortuis retinebunt infantum staturam, etiam senes senilem, & sic deinceps secundum gradus distinctos ætatum. Posterius alienum est à Spirituali & cœlesti conditione. Ergo & prius.

De Tertio:

Qualitates
corporum
resuscitato-
rum.

Qualitates corporum resuscitatorum ad vitam ac gloriam alii alias numerant. Et *Scholastici* quidem numerum eorum atque ordinem investigant in causâ formali: & quia corpus glorificatum erit

erit lūci-
tes ei a-
agilitate
cum i-
I Corin-
Potenti-
resuscit-
obnoxio-
partes o-
igitur
ut de C-
quia &
hostis
resuscit-
& cor-
Mart-
prælu-
34. v-
cum
tem a-
ciem
suo e-
rete-
gimen-
tio.
fulg-
erun-
crea-
tia
vere
Ch-
ab i-
ve p-
ver-
Ea-
om-
ser-

erit lucidum, teste Christo *Matth. 13. vers. 43.* quatuor lucis doctes ei attribuunt; *claritatem, impassibilitatem, subtilitatem, & agilitatem.* Sed simplicius fuerit dotes illas eruere ex Paulo, & cum ipso dinumerare, qui hasce quatuor nobis proponit *1 Corinth. 15. vers. 42, 43, 44.* Incorruptibilitatem, Gloriam, Potentiam, & Spiritualitatem. *Incorruptibilitas* est corporum resuscitatorum tum impassibilitas, quod nulli omnino passioni obnoxia erunt; tum immortalitas, quod neque secundum partes corrumpi, neque secundum totum dissolvi possunt. Erit igitur impotentia moriendi, quod non poterunt amplius mori: ut de Christo loquitur Apostolus *Romanor. 6. vers. 9.* Ratio hæc est: quia & peccatum plene expiatum & expurgatum, & ultimus hostis mors abolitus *1 Corinth. 15. vers. 26.* *Gloria* est corporum resuscitatorum claritas & pulchritudo, quod pulchra, fulgida, & coruscantia erunt, instar stellarum & solis, *Dan. 12. vers. 3.* *Matth. 13. vers. 43.* oculis mortalibus vix adspectabilia. Hujus præludium & specimem quoddam in Vet. Testam. in Mose', *Exod. 34. vers. 29.* in Novo Testamento in Christo fuit propositum, cum transformaretur in monte *Matth. 17. vers. 2.* Resultabit autem à beata visione Dei, quem videbimus sicut est, à facie ad faciem *1 Iohan. 3. vers. 2.* & à glorioso adpectu Jesu Christi in regno suo exaltati. *Modus* illustratur dicto *2 Cor. 3. vers. 18.* *Nos omnes relectâ facie gloriam Domini quasi in speculo intuentes, in eandem imaginem transformamur ex gloriâ in gloriam.* Erit gloriæ Dei irradiatio. Quemadmodum qui in sole ambulat, coloratur & quasi refulget. *Potentia* est tum robur corporum glorificatorum, quod erunt valida, robusta ad quidvis efficiendum, quod quidem à creaturâ perfici potest: nam potentia illa non est omnipotentia: tum etiam agilitas ac velocitas, quâ se vel momento movere possunt de loco in locum, ascendere vel descendere, ut vel Christi glorificati exemplo planum est. Hujus causa est, quod ab inutili pondere ac fecibus liberata, plena erunt Spirituum: siue puritas & Spiritualitas. *Spiritualitas*, quæ tamen non aboleat veritatem corporis: quandoquidem corpus Spirituale appellatur. Ea autem potissimum consistit in tribus. I. quod corpora ab omnibus terrenis fecibus ac sordibus perpurgabuntur, omnes sensus puriores, omnes motus & actus perfectiores reddentur. II.

tur. II. Quod nec cibi nec potus; nec quietis, nec somni, nec ullius alius rei indiga, verum *ἰσχυρὰ* futura sint *Matth. 22. vers. 30.* III. quod nunquam se opponent sed semper subijcient Sp. S. & animæ per eum regeneratæ: sicque Spiritualibus tantum actionibus vacabunt. Hujus autem Spiritualitatis *causa* erit perfecta regeneratio non minus corporis, *Matth. 19. vers. 28.* quàm animæ.

Impii refuscitati erunt immortales.

Eorum & piorum immortalitas quid differat.

Cum vero etiam *impii* sive reprobi excitandi sint, licet ad mortem: de eorum *qualitatibus* quæritur? *Respondemus* autem, ex qualitatibus supra enumeratis, nullam ipsis convenire, præter primam. Erunt enim corporibus incorruptibiles, immortales. Quod patet partim dicto Christi; *Vermis eorum nunquam moritur, Marc. 9. vers. 44.* partim etiam ex conditione futuri seculi, quod *ἀφθαρτον* est. Sed *immortalitas* illa, sive incorruptibilitas, bifariam distinguitur à beatorum immortalitate. I. Adjuncto; *Horum* est etiam impassibilitas: *illorum* non, qui non minus corporibus quàm animabus torquebuntur. II. Fine: *Horum* comparata est ad æternam felicitatem recipiendam: *illorum* ad pœnas æternas perferendas, secundum ordinem justitiæ divinæ.

PROBLEMA SEXAGESIMUM QUARTUM.

Vtrum par futura sit omnium beatorum in cælis gloria: an verò impar & inæqualis?

Diversæ sententiæ veterum, & Recentiorum.

HÆc *quæstio* olim acriter disceptata est inter *Hieronymum* & *Iovinianum*: quorum *ille* inæqualitatem præriorum secundum diversitatem meritorum hujus vitæ, *iste* æqualitatem statuit absque meritis. Eodem sensu hodieque agitur inter *Pontificios* & *Euangelicos*. Nam *illi* fundamenti loco ei substernunt inæqualitatem meritorum, quæ negant *Euangelici*. *Hi* verò ipsi eatenus etiam inter se de eâ dissentiunt, quatenus alii *affirmantem* sententiam, fore gradus gloriæ cælestis; alii *negantem*, non fore tuentur: nonnulli rem in medio relinquunt, quod utraque sententia sit probabilis, & habeat argumenta ex Scripturis, neutra tamen ex iis certò confirmari possit.

Nomina

Nomina Theologorum nota sunt: nec hîc authoritas personarum, sed firmitas argumentorum spectatur. Profitetur autem me non hoc animo aggredi explicationem hujus problematis, quod rem totam necessariis & apodicticis probationibus decidi posse existimem: eas siquidem ex Scripturis vix quispiam protulerit: sed tantum, ut collatis inter se argumentis, utrius partis probabiliora, & magis verisimilia videantur, salvo meliore judicio, ostendam. Sic ergo sentio: *Probabiliorem esse illorum sententiam, qui statuunt imparem & inaequalem fore beatorum in cœlis gloriam, quam qui eam parem, aequalem futuram asserunt.*

Probabilior est Inaequalitas fore beatorum gloriam.

Declarationis ergo addo duas hypothèses, necessarias cognitui. Una est, inaequalitatem gloriæ cœlestis non ex disparibus hominum meritis, sed ex mera Dei libertate & liberalitate provenire. Ratio: quia gratia servamur per fidem absque operibus Eph. 2. vers. 8, 9. Et si tota vita æterna est Dei donum, Roman. 6. vers. 23. quidni etiam omnes ejus gradus? Altera: Sic fore inaequalem gloriam, ut tamen nemini quicquam desit ad perfectam felicitatem: cum Deus sit Deus ad salutem omnimodam, Psal. 68. vers. 21. & futurus sit omnia in omnibus, hoc est, omnia in omnibus electis immediate sit operaturus, quæ ad plenam ipsorum felicitatem pertinent 1 Cor. 15. v. 28. Illustratur exemplo luminarium: quæ singula in suo ordine perfecta, & tamen alia aliis præstant decore v. 41.

Inaequalitas non erit ex disparibus meritis.

Nemini quicquam ad felicitatem deerit.

Jam sequitur confirmatio sententiæ affirmativæ suis argumentis distincta. Probatur.

Primum à dictis Scripturæ: ceusunt.

I. Dictis.

Dan. 12. vers. 3. *Erudientes splendebunt quasi splendore expansi, & justificantes multos, ut stellæ in sempiterna secula;* ubi Doctoribus promittitur peculiaris gloria supra reliquos salvandos.

1 Cor. 15. v. 41, 42. *Alius decor solis, & alius decor Lunæ, & alius decor Stellarum: Stella enim Stella præstat decore. Ita erit resurrectio mortuorum.* Sicut gradus lucis statuuntur in Stellis, ita gradus gloriæ in beatis.

1 Cor. 15. 41, 42.

2 Cor. 9. v. 6. *Qui serit parvè, parvè etiam metet; & qui serit be-*

2 Cor. 9. v. 6.

Hh

nigné,

nignè etiam metat : ubi quo largior beneficentia fuerit, hoc libera-
lior remuneratio promittitur.

Vindiciæ di-
ctorum.

Dan. 12. v. 2.

Sed excipitur ad singula :

Dan. 12. v. 3. I. Idem dici, quod prius *vers. 2.* sed magis
perspicuè, per exegetin usitatam Scripturæ. II. Quod huc
peculiariter promittitur Doctoribus, hoc Christus ex æquo
pronunciat de omnibus iustis, quod effulgebunt ut sol in regno
Patris sui *Matt. 13. v. 43.* III. Doctorum tamen peculiariter me-
minit ad muniendos ipsos contra pericula vocationis suæ. *Resp.*
I. petitur principium. Imò amplius quid dicitur, nimirum inter
eos, qui resuscitandi sunt ad vitam, peculiarem fore gloriam Do-
ctorum : additâ ratione, quod multos erudierint, ad iustitiam ad-
duxerint. Ubi non est idem subjectum, nec idem prædicatum, ibi
non sunt propositiones æquipollentes & exegeticæ. Atqui hîc non
est idem subjectum, nec idem prædicatum : nam *v. 2.* generatim
de omnibus piis, *v. 3.* speciatim de Doctoribus tantum loquitur;
illis v. 2. communiter tribuit vitam æternam : *istis v. 3.* singulariter
majorem in vitâ æternâ gloriam & splendorem : *Multi ex dormien-
tibus in pulverulentâ terrâ expergiscuntur ad vitam æternam; & eruden-
tes splendebunt &c.* II. est elenchus parium. Nam *Matt. 13.* Christus
de gloriâ cælesti loquitur indefinitè & absolute : *Dan. 12.* definitè
& comparatè, conferentur Doctores cum aliis resuscitatis, quos
ipsi erudierunt. III. Datur : Sed hoc pro nobis est. Meminit pe-
culiariter Doctorum, ut eos peculiariter præmuniret, at quo ar-
gumento ; peculiaris & singularis gloriæ ; à quo major stimulus
in hâc infirmitate, quam à communi.

I Cor. 15. v.
41, 42.

I Cor. 15. v. 41. 42. Paulus inde non concludit disparitatem
gloriæ : sed solum diversitatem corporis, quod ponitur in morte,
& recipitur in resurrectione : Quod tum hypothesis argumenti,
tum ipsa conclusio disputationis ostendit *v. 44. 53.* *Resp.* ita est:
nim : quia *πρότιον* non applicat secundum omnes partes, verum
secundum principalem, quæ erat de diversitate corporum. Inte-
rim cum corpora cælestia decore distinguat non solum à terrestri-
bus, quod ad propositum principale faciebat, sed etiam ipsa in-
ter se : utique satis clarè docet non solum diversitatem fore cor-
porum, sed etiam gloriæ disparitatem. Sic igitur colligo : Illa dis-
paritas

paritas corporum cælestium aut ad rem facit, aut non. Si illud, habemus quod volumus. Si hoc, cur ergo tam apertè adhibita?

2 *Corinth.* 9. vers. 6. quod dicitur, etiam ad Spirituales fructus in 2 *Cor.* 9. v. 6. hanc vitâ percipiendos pertinere potest: imò etiam de majoribus opibus terrenis, quo largius habeant, unde sint misericordes. *Respond.* Apostolus optimus sui interpretes aliter rem declarat *Galat.* 6. vers. 8. Sed qui dat eleemosynas sive largiores, sive parciore, modo sincero corde, seminat Spiritui *Cap.* 5. vers. 22. Ergo.

Secundum à parabolâ talentorum, *Matth.* 25. vers. 14. & seqq. II. Parabolis. minarum, *Luc.* 19. vers. 12. & seqq. ut illic disparitas præmii, sic in cælis gloriæ.

Excipitur: Hinc aliud nihil effici, quam qui donis Dei recte utuntur dignos effici, ut ea ipsis augeantur, multiplicentur. *Resp.* Imò parabola ad remunerationem vitæ futuræ transfertur. I. quia est de Homine nobili peregrè abeunte, & post longum tempus redeunte; id est, de Christo adscendente cælum, & redeunte ad iudicium *Matth.* 25. vers. 14, 19. II. quia servi frugi mittuntur in gaudium Domini: nequam ejicitur in tenebras exteriores vers. 21, 30. III. idem patet ex antecedente parabolâ virginum, & sequenti descriptione ultimi iudicii.

Tertium ab Exemplis Patriarcharum, *Matth.* 8. vers. 11. qui III. Exemplis. tanquam duces statuuntur fidelium in gloriâ; quorum omnium Pater dicitur Abraham: *Roman.* 4. vers. 11, 12. Lazarus cum recipitur in cælum, deportari dicitur in sinum Abraham: *Luc.* 16. v. 22. Prophetarum, Moysi & Eliæ in transfiguratione, *Matth.* 17. vers. 3. seq. Apostolorum, *Matth.* 19. v. 28. *Luc.* 22. v. 30. quibus omnibus prærogativa defertur cælestis gloriæ. Et quid est, quod *Apoc.* 4. v. 4. seq. mentio fit omnium fidelium sub nominibus XXIV. Seniorum, id est Patriarcharum & Apostolorum? quod item *cap.* 21. vers. 14. in inscriptione fundamentorum cælestis Jerusalem peculiaris mentio fit XII. Apostolorum? Hæc certè arguunt prærogativam gloriæ & honoris. Ergo est disparitas: sunt gradus.

Excipitur: quod Apostolis illic singulariter promittitur, id alibi ad omnes Sanctos communiter refertur 1 *Corinth.* 6. vers. 2, 3. *Apocalypf.* 2. vers. 26, 27. *cap.* 3. vers. 21. *Respond.* sed suo ordi-

ordine ac gradu. Eodem modo iusti omnes fulsuri dicuntur in regno cœlorum, ut Sol, *Matth. 13. vers. 43.* qui tamen, factâ comparatione, ordine ac gradu lucis distinguuntur *1 Cor. 15. v. 41.*

IV. à gradibus
donorum.

Quartum : sunt gradus donorum in hac vita. Erunt igitur etiam gradus præmiorum & gloriæ in altera. *Antecedens* est *1 Cor. 12. v. 4. & seqq. Rom. 12. v. 6. & seqq.* *Consequentia* patet : quia Deus sua in nobis dona coronat. Confirmatur etiam à minori ex *Matth. 26. v. 13.*

V. à gradibus
pœnæ æternæ.

Quintum : à contrariis : Erit pœnarum disparitas in gehenna *Matth. 13. vers. 15. cap. 11. vers. 22, 24.* Ergo etiam præmiorum & gloriæ disparitas in cœlo. *Ratio* consequentiæ latet in omnibus illis dictis, quibus Deus retributurus dicitur unicuique secundum opera sua, bona vel mala.

Excipiunt : non valere consequentiam propter elenchum parium. Nam pœnas impii operibus suis, quorum alia aliis pejora, propriè merentur : præmia pii non item. *Resp.* hactenus disparitatem esse fatemur ex hypothesi primæ assertionis. Valebit tamen hoc modo : Sicut in inferno est disparitas pœnarum propter peccatorum merita : ita in cœlo est disparitas præmiorum secundum gratuitam Dei benignitatem : ut est *Rom. 6. v. 23.*

VI. à dispari-
tate beato-
rum Angelo-
rum.

Sextum à pari : Inter Angelos beatos est disparitas quædam ordinis ac gloriæ. Quidni ergo inter ipsos quoque homines beatos? *Antecedens* probatur dictis Scripturæ *Coloss. 1. v. 16. 17. Eph. 1. vers. 21.* *Ratio* consequentiæ non consistit in eo, quod nos reddemur ἰσάγγελοι, sed quod Deus est Deus ordinis, qui etiam hac ratione suam multifariam sapientiam, & liberrimam bonitatem declarat.

VII. ab ordi-
ne resurre-
ctionis.

Septimum argumentum peti posse videtur ab ordine resurrectionis, quo mortui resuscitandi vivos immutandos prævertent *1 Cor. 15. v. 51. & 1 Thess. 4. v. 16. 17.* Cum autem temporis differentia in glorificatione admittenda sit, quidni etiam graduum disparitas admittatur?

Jam secundo loco etiam *partis negativæ argumenta*, quod non sint futuri gradus, sed potius paritas, æqualitas, paucis ponderabimus.

Matth. 20. v. 8.
9. seqq. expli-
catur & vin-
dicatur.

Primum ducitur à Parabola laborantium in vinea vario ac dispari labore; quibus tamen omnibus datur equaliter denarius : & paterfamilias id iustum esse asserit *Matth. 20. vers. 8, 9.* Est igitur æqualitas

æqualitas præmiorum & gloriæ cœlestis. *Resp.* I. Hæc est applicatio Parabolæ extra scopum Christi, qui liquet partim ex occasione, *cap.* 19. *vers.* *ultim.* partim ex *Συνόλογος*, *vers.* 16. sic enim etiam murmuratoribus, hypocritis daretur vita æterna. II. Si tamen libeat extra scopum principalem huc accommodare, id tantum sequitur, datum iri singulis unum idemque præmium, videlicet, vitam æternam. Sed id non obstat, quo minus in ipsâ vitâ æternâ futuri sint gradus gloriæ ac beatitudinis.

Secundum à dicto Apostoli, *1 Corinth.* 15. *vers.* 28. *Deus erit omnia in omnibus.* Ergo in omnibus beatis æqualem gloriam ac beatitatem operabitur. *Resp.* negatur sequela: Hoc sequitur ergo in omnibus operabitur veram, solidam, ac perfectam salutem; sed suo ordine & gradu in singulis: ut docet *v.* 41. Apostolus.

Tertium à dicto Christi *Matth.* 13. *vers.* 43. *Fulgebunt iusti sicut Sol.* At nulla major lux eâ, quâ Sol præditus: & nulli nisi iusti ingrediuntur regnum cœlorum. Habebunt igitur omnes splendorem solis, id est, summam & æqualem gloriam. *Resp.* Jam ante dictum absolutè & indefinitè omnes habere splendorem solis; sed comparatè & relatè alios habere splendorem Solis, alios Lunæ, alios Stellarum, secundum Paulum *1 Corinth.* 15. *vers.* 41.

Quartum: Sublatâ causâ ejus discriminis, quod hîc est inter sanctos, etiam ipsum discrimen cessabit, & erit æqualitas. Jam verò in alterâ vitâ tolletur causâ discriminis, videlicet Caro, cui alii plus alii minus addicti, plus minusve profecerunt in regeneratione. Ergo. *Resp.* ad *Majorem*: Sublatâ causâ, scilicet omni. Sed sic *Minor* falsa est, quæ refellitur parabolâ, *Luc.* 19. *vers.* 12. ubi alius quinque, alius decem urbibus præficitur. In hac etiam vita, quæ causa discriminis. Non certè ab homine: *Quis te discrevit?* *1 Corinth.* 4. *vers.* 7. Sed à dispari gratia Dei. Ut ergo hic dispar gratiæ dispensatio: ita illic gloriæ. Alia argumenta oppugnant inæqualitatem gloriæ ex inæqualitate operum: quam nos non agnoscimus.

Sic ergo, re in utramque partem disceptata, concludimus fore inæqualitatem, fore gradus gloriæ cœlestis. Quorum autem ex genere humano præcipua gloria futura, solus Deus novit.

vit, qui eam servis suis paravit. Nos discemus, atque etiam videbimus, cum ab omnibus orbis plagis collecti discumbemus in regno Cœlorum, cum Abrahamo, Isaaco & Jacobo *Matth.* 8. v. 11. Ex Scripturis tamen tantum novimus, quod præcellentia illa futura sit. I. Patriarcharum, Prophetarum, & Apostolorum : *argumento locorum Matth.* 8. v. 11. *cap.* 19. v. 28. *Apoc.* 4. v. 4. *cap.* 21. vers. 14. II. Doctorum Ecclesiæ : *argumento loci, Dan.* 12. v. 2, 3. III. Sanctorum Martyrum, qui sanguinem fuderunt pro testimonio Jesu *Apoc.* 7. v. 9. & seqq.

DEO GLORIA.



PROBLEMATUM THEOLOGICORUM

P A R S A L T E R A:

Continens

P R O B L E M A T A

P R A C T I C A.

P R O O E M I U M.

Sub finem anni superioris absolvimus Problemata Theorica: non omnia (sunt enim innumera) sed precipua, & quæ tum ad pleniorẽ veri διδασκαλίαν & illustrationem; tum etiam ad solidiorem falsi ἑλεγχον ac redargutionem facere visa sunt. Sequuntur nunc PRACTICA, quæ in περὶ ἐκείνων consistunt, vel ad eam ducunt: ac tam latè patent, quam latè fines vitæ Christianæ atque actionum extenduntur. Classes eorum tres constitui possunt, pro numero usuum Practicorum, quos Apostolus commemorat, 2 Tim. 3. v. 16. ἀντιστοιχείαν, ἐπὶ πανόρθωσιν, καὶ πειθαρχήσιν. Sed nos illam distributionem non servabimus, verum secuti prudentiæ legem, primo loco ea trademus, quæ temporì huic calamitosissimo maximè videbuntur accommodata: inde secundo loco subjiciemus nonnulla ζητήματα, quæ partim in Ministerio Ecclesiastico, partim in vitâ communi difficiles, sed necessarios explicitus habent.

P R O-

PROBLEMA PRIMUM.

Quid propriè sit Persecutio?

Persecutionis
homonymia.



Persecutionis vocabulum non solum generale est, sed etiam medium significatu: quod apud Latinos in bonam & malam partem accipitur. Sed per Synecdochen generis hoc loco sumitur de infestatione & afflictione Ecclesiæ Dei. Specialior est vox Græca *διωγμός*, qua utitur Scriptura N. Test. utuntur item Scriptores Ecclesiastici, qui *διωγμός* *Χριστιανῶν* descripserunt. Hæc siquidem

exagitationem, vexationem & infestationem propriè & usitatè significat.

Synonymia.

Synonyma ejus varia sunt, propria & figurata, quæ Paulus conjungit, *Rom. 8. v. 35.* Christus *Crucem* vocat, *Matth. 16. v. 24.*

Crux.

item *Poculum* ac *Baptisma* *cap. 20. v. 22, 23.* *Crucem* per synecdochen speciei metonymicam. Nam metonymicè supplicium crucis, quod in cruce sive patibulo toleratur, *Crux* dicitur. Synecdochicè verò per unam speciem supplicii, eamque longè gravissimam, reliquæ species omnes, adeoque totum genus denotatur.

Poculum.

Poculum per metaphoram metonymicam: comparatur enim potioni amaræ, quæ in poculo propinari solet à medicis & aliis. Confer *Psal. 75. v. 9.* *Baptisma* item per metaphoram, à contumeliosâ perfusione, qualis est cum quis perfunditur lotio, ut Legati Romanorum Corinthi. Simul tamen vocabulo illo innuitur Sacramentum Baptismi in Nov. Test. habere significationem crucis Christi causâ ferendæ ac sustinendæ. Confer *Rom. 6. v. 3. 4. 5. 6.* Hæc de declaratione Nominis brevibus. Jam quid propriè sit Persecutio definitione patefcet; quæ talis est:

Definitio.

Persecutio est violenta ac fraudulenta oppugnatio & afflictio Ecclesiæ & membrorum ejus, propter confessionem veritatis Evangelicæ ac veri Dei cultum ab hostibus Ecclesiæ instituta.

Constat igitur *Genere & Differentiâ*: uti notum est.

Generis

Generis loco ponuntur *Oppugnatio* & *Afflictio*, quæ latius o-
mnino patent, quàm Persecutio speciatim dicta. Nam etiam
ipsi hostes Ecclesiæ se invicem oppugnant, affligunt, & confi-
ciunt; ut cum gladii Midianitarum in ipsos Midianitas versi sunt
Jud. 7. v. 22. Et Ecclesia oppugnatur & affligitur nonnunquam
etiam alias ob causas, quam propter Religionem, ejusque con-
fessionem: ut *Liber Judicum* testatur. Conjunguntur autem duo
illa; quia oppugnatio Ecclesiæ nunquam penè est irrita, sed ferè
cum gravi ejus afflictione & læsione conjuncta: licet nunquam
in tantum oppugnetur, ut devicta succumbat hostibus. Nimir:
quia portæ inferorum nunquam prævalebunt adversus Eccle-
siam: ut est *Matth. 16. v. 18.* Oppugnatio Ecclesiæ pingitur illu-
stri metaphorâ domus supra petram ædificatæ *Matth. 7. v. 24, 25.*
Afflictio autem exemplis innumeris per totam Scripturam com-
probatur: de quibus postea.

Genus Oppu-
gnatio &
Afflictio.

Differentia triplex est: quæ partim à *Modo* oppugnationis &
afflictionis, partim à proprio ejus *Subjecto*, partim denique à *Causis*
sumitur.

Differentia
sumitur.

Modus vim sive violentiam, & *Dolum* complectitur: juxta il-
lud Poëtæ: *Dolus an virtus quis in hoste requirat?* Et alterum Ly-
sandri: *Vbi non proficit leonina, assumenda est vulpina.* Probatur I.
ab ingenio Satanæ, qui mendax & homicida à principio *Ioh. 8. v.*
44. II. argumento *Psal. 2. v. 1, 2.* Ubi Reges & Principes consilia
ineunt, plebs tumultuatur, furit. III. Exemplis Pharaonis circa
pueros *Exod. 1, 2. capp.* Samaritanorum & aliorum hostium
contra Judæos in reædificando templo *Esd. 4. 5. capp.* Herodis
contra Christum *Matth. 2. cap.* Judæorum contra Christum *Mat.*
22. & seqq. capp. & contra Stephanum *Act. 6. 7. capp.* Alii tamen
Persecutores magis vi, alii dolo magis utuntur. *Vi*, ut Impp. Ro-
mani Gentiles. *Dolo*, ut Julianus Imp. Et sic nunc multis in locis
Pontificii, qui blanditiis, illecebris honorum, & aliis modis
uti malunt, quam gladiis, furcis, ignibus: tum quia viderunt,
se sic minus profecisse; tum quia discrimen faciunt inter Apostat-
as, quales fuisse ajunt Patres nostros; & Apostatarum liberos.
Secundùm hunc modum *gradus* constitui possunt Persecutionum,
sive oppugnationis & afflictionis, qui ferè omnes enumerantur
Heb. 11. v. 35, 36. & seqq. I. Ignominia, ludibria, & injuriæ ver-
borum: Exemplo Jeremiæ, *passim*; Amosi *cap. 7.* Christi *Mat. 12.*

Cur Pontifi-
cii nunc ma-
gis dolo u-
tantur quam
vi.

Gradus Per-
secutionum

Johan. 7.8. capp. II. Inhibitio Ministerii & cultus publici: Exemplo Apostolorum Act. 5. v. 40. III. Spoliatio bonorum: ut innumerabiles Judæi sub Maccabæis, & Hebr. 10. v. 34. IV. Exilia: exemplo Davidis, 1 Sam. 26. Eliæ, 1 Reg. 19. Christi Matth. 2. V. Carceres; quos Jeremias ter expertus est, cap. 37. 38. Micha, 1 Reg. 22. Apostoli Act. 4. VI. Omnis generis supplicia, quæ κατ' ἐξουσίαν Martyria dicuntur, denominatione à fine, h. e. à martyrio sive testimonio veritatis & nominis Jesu; in Apocalypsi passim. Quibus etiam affecti Zacharias, 2 Chron. 24. Esaias ferrâ, lignè à Manasse dissectus Hebr. 11. v. 37.

II. à Subiecto.
Ecclesiâ ejus-
que membris

Proprium Subjectum persecutionum est Ecclesia ac membra ejus. Sic enim Christus Johan. 15. v. 19. Si ex mundo essetis, mundus quod suum est diligeret; quia verò ex mundo non estis, sed ego elegi vos ex mundo propterea odit vos mundus. Et Paulus 2 Tim. 3. v. 12. Omnes qui volunt piè vivere in Christo Iesu, persecutionem patientur. Idem constat ex causâ impulsivâ Persecutionum, Confessione Evangelii, & veri Dei cultu. Utraque autem causa in solâ Ecclesia deprehenditur & locum habet. Ergò cum de Superstitionibus suis hostiliter digladiantur impii: dum Turcæ & Persæ propter diversas & inter se pugnantes Alcorani interpretationes decertant, (quorum alii Homer, alii Ali sequuntur magistrum) non est persecutio dicenda; quia nulla est Ecclesia.

III. à Causis
Efficientibus,
Hostibus Ec-
clesiæ apertis.

Causa Persecutionum exprimuntur duplices, Efficientes & Impulsivæ. Efficientes uno nomine communi dicuntur Hostes Ecclesiæ. Intelliguntur autem Hostes, tum aperti: ut Satanas, qui ut leo rugiens obambulat, quærens quem absorbeat 1 Petr. 5. v. 8. & Apoc. 12. & seqq. capp. Pagani & Gentiles omnes, Psal. 79. v. 1. & 83. v. 7, 8, 9. & Antichristiani, qui gentium nomine notantur in Apocalypsi: cap. 11. v. 2. tum occulti: ut Hæretici, qui ceu lupi graves non parcut gregi, Act. 20. v. 29, 30. & Hypocritæ clam nocentes & obsistentes commodis Ecclesiæ. Impulsivæ sunt Confessio veritatis Evangelicæ & veri Dei cultus. Nam hæc ferre non possunt hostes Ecclesiæ, & movent eos ad persequendum. Probatum Dicitis Scripturæ apertissimis: Matth. 5. v. 10, 11. Beati quos persequuntur homines iustitiæ causâ, quoniam ipsorum est regnum cælorum. Beati eritis, cum vos convitiis affecerint, & persequuti fuerint, & mentientes dixerint quidvis mali adversus vos, propter me. 2 Timoth. 3. v. 12. Omnes qui volunt piè vivere in Christo Iesu, persecutionem patientur.

Impulsivis,
Confessione
veritatis
Evangelicæ &
vero Dei cul-
tu.

1 Petr. 3. v. 14. Si quid perpetiamini propter iustitiam, beati estis. Cap. 4. v. 14, 15, 16. Sic convitiis afficimini in nomine Christi, beati estis; quoniam & ille gloria, & ille Dei spiritus super vos requiescit: qui quod ad illos quidem attinet, blasphematur; quod ad vos autem glorificatur. Ne enim quisquam vestrum malo afficiatur ut homicida, aut fur, aut maleficus aut alienarum rerum inspector, sed si ut Christianus, ne pudeat: imo glorificet Deum hoc respectu. Ubi notanda antithesis contrarii, inter causas afflictionum; quas pias, religiosas esse vult; damnat autem impias, & politicas. Sic ergo qui persecutionum patiuntur sunt innocentes, quoad persecutores suos, sive coram mundo. Non item coram Deo, coram quo meriti sunt virgas & castigationes. Atque hoc respectu una eademque Persecutio sæpe est tum δοκιμασία sive μαρτύριον, tum etiam πωροία. Illa quatenus infertur & sustinetur propter Euangelii confessionem. Ista quatenus Deus etiam hac ratione visitat & castigat suorum peccata.

Ex his jam tres *Nota verorum Martyrum* colligi possunt. Sunt tales I. *Christiani*, membra Ecclesiæ. 1 Petr. 4. v. 16. Si ut Christianus, (scilicet malo afficiatur) ne pudeat: ubi tamen simul causa notatur. Non sunt infideles, superstitiosi, fanatici; qui Martyres Diaboli. II. *Innocentes*, nihil tale commeriti: Nam etiam Christiani possunt mereri supplicia. De quo Petrus *ibid.* vers. 15. III. Propter nomen Christi, sive propter religionem Christianam. Nam etiam innocentes aliis de causis affligi possunt, ut religio propriè non attentatur. De quo iterum Petrus *eod. cap.* v. 14. & Christus ipse *Matth.* 5. v. 11. beatos prædicat qui persecutionem patiuntur propter se. Hinc vetus illud: *Non supplicium, sed causa facit Martyrem.*

Notæ verorum Martyrum.

PROBLEMA SECUNDUM.

Quæ fuerint præcipuæ Persecutiones Ecclesiæ Dei?

Ecclesia Dei semper ferè obnoxia fuit Persecutionibus, & vix nulla ætas ab iis immunis existit: Ut non immerito canat Poëta Christianus:

Ecclesiæ constans comes Persecutio.

*Sanguine fundata est Ecclesia; sanguine cœpit;
Sanguine succrevit; sanguine finis erit.*

Ratio.

Testatur id Historia tam Sacra, quàm Ecclesiastica: quibus agones & pericula Ecclesiæ descripta continentur. Nec obscura ratio est. Cum enim bellum ἀπορροή, & inimicitia implacabiles atque æternæ in ipsis Ecclesiæ nascentis primordiis fixæ sint inter semen mulieris & semen serpentis, inter civitatem Dei & civitatem Diaboli; mirum non est, si semen impium semen pium indefinenter oppugnet, & illius civitas contra hanc perpetuo aliquid machinetur. Ubi tamen duo prænotanda sunt:

Ecclesiæ
quandoque
conceduntur
halcyonia.

Vnum est; Deum nonnunquam halcyonia concessisse & concedere Ecclesiæ suæ, quibus respiret à persecutionibus, & in cœtus se recolligat. Neque enim Diabolum & hostes Ecclesiæ ipsorum libidine grassari finit, sed definitis à se modi, temporis, ac durationis limitibus. Cujus illustria præ aliis exempla occurrunt in V. T. sub regno Salomonis, in N. T. sub Imperio Constantini Magni. Et huc pertinet quod de ligando Dracone ad annos 1000. prædictum est *Apoc.* 20. v. 1, 2. & seqq.

Persecutiones
N. T. graves
vires quam
V. T.

Alterum est; Et si Persecutiones communes sunt utriusque Testamenti Ecclesiæ; tamen & plures, & diuturniores, & illustriores quoque obvenisse in Nov. Test. quam in Vetri. Cujus discriminis non una ratio dari potest. I. Ecclesia Vet. Test. fuit infans, sub pædagogo constituta *Galat.* 4. v. 1, 2. quæ nec luce cognitionis, nec ardore zeli conferenda est cum Ecclesiâ Nov. Test. ipso Christo attestante *Matth.* 11. v. 11, 12. Sicut igitur Christus discipulis pepercisse legitur, nondum satis præparatis ad duriora exercitia ac certamina *Matth.* 9. v. 15. ita Deus pepercit populo Israëlítico. Nec obstant perpetuæ quasi afflictiones ejus. Eas enim majorem partem non tam propter religionem, quàm propter defectionem à Deo, aliaque peccata sustinuit. II. Ecclesia V. T. non ita latè diffusa fuit, sed angustis unius provinciæ finibus inclusa. Proinde nec ubique permixta gentibus profanis & idololatricis: neque etiam earum omnium odiis, contradictionibus, & persecutionibus exposita, ut Ecclesia N. T. *Act.* 28. v. 22. III. quia Satan in V. T. & longius tempus habuit ad concitandas & exercendas persecutiones, & quietam regni possessionem in omnibus gentibus obtinuit. At in N. T. novit tempus suum breve esse; ut dicitur *Apoc.* 12. v. 12. & à fortiore possessione regni in gentibus est dejectus *Mat.* 12. v. 29. sicut fulgur de cœlo cadit *Luc.* 10. v. 18.

Rationes.
I.

II.

III.

v. 18. Unde nunc magis furit, acrius instat, & majori violentiâ grassatur.

His præmissis accedo ad commemorationem *præcipuarum Persecutionum*, quas passa est Dei Ecclesia. Memoria verò causâ eas distinguo pro conditione Ecclesiæ in Persecutiones *Veteris & Novi Testamenti*.

Persecutiones Vet. Test. dicuntur, quas Ecclesia Dei ab initio mundi usque ad Christum in carne exhibitum perpeffa est; & *κατ' ἄνθρωπον* recensentur Hebr. 11. cap. Harum autem aliæ *Particulares* fuerunt, aliæ *Vniversales*.

Particulares sive *Personales* sunt, quæ adversus certas personas in populo Dei, inprimis vero adversus sanctos Dei Prophetas susceptæ sunt atque exercitæ. De his *Christus* loquitur *Matth. 5. v. 12. Ita persecuti sunt Prophetas, qui fuerunt ante vos & expressius cap. 23. v. 29 & seqq.* inprimis v. 35. & 37. ubi Hierosolyma trucidatrix Prophetarum, & lapidatrix eorum qui ad eam missi sunt, dicitur. *Stephanus* item *Act. 7. v. 52. Quem Prophetarum non sunt persecuti Patres vestri? trucidarunt, inquam, eos qui prænuñciarunt adventum Iusti illius, cuius nunc vos proditores & interfectores facti estis.* *Exempla* ad hanc classem pertinentia sunt ista. *Abel* protomartyr V. T. odio religionis à Caino fratre interfectus *Genes. 4. v. 8.* Patriarchæ *Abraham, Isaac & Jacob* à Cananæis aliisque, inter quos vixerunt, variè exagitati & infestati; ut historia *Geneseos* testatur: cum tamen fuerint Prophetæ Dei *Pf. 105. v. 9, 10. seqq.* *Isaac* ab Ismaële derisus & injuriis affectus *Genes. 21. v. 9.* quod exemplum peculiariter allegat Apostolus *Galat. 4. v. 29. Jacob* propter benedictionem & primogenituram ab Esavo ad mortem quæsitus & domo pulsus *Genes. 27. & 28. capp.* *Ioseph* propter somnia & revelationes divinas à fratribus odio habitus, neci destinatus, & tandem in Ægyptum venditus *Genes. 37. Moses* propter officium divinum minis fratrum Ægypto pulsus *Exod. 2.* de quo plenius *Stephanus Act. 7. v. 25. & seqq.* *Iob* propter justitiam & sincerum Dei cultum calumniis & injuriis Satanae ad extrema redactus *cap. 1. & 2. David* propter vocationem divinam ad munus Regis & Prophetæ variis persecutionibus jactatus, & tandem in exilium pulsus à Saule 1 *Sam. 21. & seqq. capp.* *Elias* à Iezebelâ ad mortem quæsitus, & ejectus 1 *Reg. 19. Michas* in carcerem conjectus & duriter tractatus 1 *Reg. 22. Elisam* à Syris postulatus, & à Joramo Rege Israël mortis desti-

natus 2 Reg. 6. v. 13. 31. *Zacharias* filius *Joadæ* Sacerdotis lapidibus obrutus 2 Chron. 24. v. 20, 21, 22. *Amos* injuriis affectus & pulsus cap. 7. v. 12. & seqq. *Esaïas* ferrâ ligneâ sub *Menasse* dissectus; quo spectat Apostolus *Hebr.* 11. v. 37. *Ezechiel* variis injuriis affectus à popularibus suis, teste prophetiâ ipsius. *Vrias* ex *Ægypto* reductus supplicio afficitur *Ierem.* 26. v. 21. seqq. *Ieremias* ter incarceratus; in *Ægyptum* captivus abductus; & tandem sub *Aprie* rege lapidibus obrutus, ut liber ipsius docet. *Sadrach, Mesach & Abednego* in fornacem ignis coniecti à *Nebucadnezare*, quod cultum idoli recusassent *Dan.* 3. cap. *Daniel* in foveam leonum coniectus, obnegatum *Dario* Regi honorem religiosæ adorationis *Daniel* 6. cap. Hæc de Persecutionibus Particularibus sive Personalibus.

Univerſales.

Univerſales succedunt, quæ adversus totam Ecclesiam, sive adversus totum populum Dei ab hostibus ejus institutæ fuerunt. Et sunt sex potissimæ: *Ægyptia, Israelitica, Assyria, Samaritana,*

I. *Ægyptia.*

Persica, & Syria. *ÆGYPTIA* est, quam impius tyrannus *Pharao* exercuit adversus *Israëlitas*, tum in *Ægypto* commorantes adhuc, *Exod.* 1. 2. & seqq. capp. tum ex eâ jam dimissos cap. 14. Hanc ut inter persecutiones religionis causâ censeam, duo faciunt: I. quia suscepta adversus *Israëlitas* tanquam populum Dei, miraculose multiplicatum & conservatum. II. quia Apostolus *Hebr.* 11. v. 26. æumnas populi vocat probrum Christi, quod Christi causa tolerabant, & in Christum ipsum, caput hujus populi, redun-

Persecutiones
Cananaeorū,
Midianitarum,
&c. non
fuerunt insti-
tutæ religio-
nis causâ.

dabat Huic persecutioni nonnulli subjiiciunt alias, quas populus toleravit à *Cananaeis, Midianitis, Moabitis, Philistais, &c.* & in *Judicum* libro describuntur. Sed huc propriè non pertinent. Ratio duplex est: *Vna* quia inflictæ à Deo sunt populo propter apostasiam & multiplicem idololatriam: ut historia docet. *Alterâ*: quia hostes non tam religionem quam regionem petiverunt: Ideo sibi vectigalem fecerunt populum. *ISRAELITICA*, quam *Achab* Rex *Israëlis* & conjunx ejus *Jezebel* moverunt adversus Prophetas Dei, & populum perseverantem in sincero Dei cultu. Et *Prophetas* quidem alios occiderunt, qui nim. non fuerunt subducti ipsis & occultati, alios in exilium pepulerunt 1 Reg. 18. v. 13. 2 Reg. 9. v. 7. Populum verò pium ad illam paucitatem redegerunt, ut conquereretur *Elias* se solum relictum esse 1 Reg. 19. v. 14. Quod tamen refutat divinum responsum. *vers.* 18. & *Paulus* ad Ecclesiam sui temporis applicat *Rom.* 11. v. 3, 4, 5. *ASSYRIA*, quam

III. *Assyria.*

Rex

Rex Assyriæ Sanacherib movit adversus Jerusalem & Judæos: quos à fide veri Dei blasphemis sermonibus & pollicitationibus avertere conatus est. Describitur 2 Reg. 18, 19. & Esa. 36, 37. capp.

SAMARITANA, quam Samaritani duce Sanaballat, & alii populi circumjacentes concitarunt adversus Judæos in patriam reduces, & templi cultusque publici instaurationem molientes. Describitur in libris *Esdra* & *Nehemia*. Et ad tempus quidem impedierunt opus. Post verò cum perfectum jam esset, litem moverunt Judæis de veritate religionis, & loco adorationis in monte & templo Garizim: cujus etiam meminit mulier Samaritana *Ioh. 4.*

PERSICA: Hæc in Perside mota est contra reliquam captivorum Judæorum multitudinem sub Asluero Rege, quem Xerxem fuisse ostendit Scaliger, idque instigatu impii Hamanis. Describitur autem in libro *Estrha*. SYRIA à Syriæ Regibus Antiocho Epiphane, Antiocho Eupatore, & eorum successoribus excitata. Hæc gravior fuit cæteris omnibus, & à quibusdam sola numeratur inter persecutiones, quod tantum propter religionem & ejus odio suscepta est ab impiis tyrannis. Nobilitatur imprimis martyrio Eleazari, septem fratrum & matris eorum 2 *Maccab. 6. & 7. capp.* Allegat etiam nonnulla Apostolus *Hebr. 11. cap.* Plena descriptio habetur in duobus libris *Macabæorum*. Non displicet sententia eorum, qui putant hanc persecutionem prænunciam fuisse aliarum, quæ sub Nov. Test. secutura erant, multò etiam hæc ipsa graviores: Ut vel hinc moniti intelligerent, sub Nov. Test. expectandum non esse regnum terrenum. Satis de persecutionibus Veteris Testamenti.

Persecutiones Nov. Test. vocantur, quas Ecclesia Dei inde à Christo incarnato ad hoc usque tempus sustinuit, & deinceps usque ad finem mundi passura est. Etsi enim Christus princeps pacis appellatur, *Esa. 9. v. 6, 7.* tamen pax illa non est pax mundi, *Ioh. 14. v. 27.* sed pax Dei, *Rom. 5. v. 1.* captum omnem humanum excedens *Phil. 4. v. 7.* De Mundi vero pace loquitur Matth. 10. v. 34, 35. *Ne putate me venisse immisurum pacem in terram; non veni immisurum pacem, sed gladium. Nam veni facturus ut dissideat filius à Patre suo, & filia à matre sua, & nurus à socro sua.* Quod tamen accidit non per se, sed per accidens, hominum culpâ, pertinaciter adversantium Evangelio, quod est odor vitæ juxta & mortis 2 *Corinth. 2. v. 16.* Cæterum etsi variæ ac penè innumerabiles sunt persecutiones N. T.

tamen

tamen non incommodè ad quinque hasce classes, tanquam summa genera, revocantur: ut sunt Persecutio *Judaica*, *Pagana* sive *Gentilis*, *Ariana*, *Mahometana*, & *Antichristiana*.

I. *Judaica*.

in statu Exi-
nationis
Christi.

Prima ordine & tempore est *JUDAICA*, quam Judæi, horumque Proceres Ecclesiastici & Politici adversus Christum ejusque Ecclesiam moverunt. Ea multifariam prædicta fuit in Vet. Test. atque etiam adumbrata persecutione Ismaëlis contra Isaacum *Galat. 4. v. 29*. Certis autem gradibus processit & exercita est, sensimque invaluit. *Initium* factum est à pueris *Bethlehemiticis*, quos nulla ipsorum culpa, sed Christi causa, mactari jussit Herodes Magnus Rex Judæorum *Matth. 2. v. 16*. *Secundus* fuit *Iohannes Baptista*, quem Herodes Antipas capite truncari curavit *Matth. 14. v. 10*. *Tertius* fuit ipse Servator noster *Christus*: in cujus historiâ, ab Euangelistis descriptâ, tres gradus persecutionis notari possunt. I. est *Exilium infantis*, in Ægyptum metu Herodis deportati *Matth. 2. v. 14, 15*. II. *Pericula Ministerii*; quæ creata ipsi partim à Diabolo tentatore *Matth. 4.* partim à Judæis, qui modo Christum capere *Iohan. 7. v. 30. 44.* modo interimere, lapidare *Iohan. 5. v. 16. 18.* & *cap. 8. v. 59.* modo de præcipitio montis deturbare voluerunt *Luc. 4. v. 29.* partim denique ab Herode Antipâ, qui vitæ Christi insidiatus est *Luc. 13. v. 31. 32*. III. *Supplicium crucis*, quo prodente Judâ, & flagitantibus Judæis affectus est à Pontio Pilato præside *Matth. 26. 27. capp.* Successerunt deinde post resurrectionem & adscensionem Christi, Apostoli & discipuli ipsius: prout historia *Actuum Apostolorum* docet. *Petrus & Iohannes* capiuntur, & cum gravi interminatione dimittuntur *Act. 4. v. 1.* & *seqq.* *Apostoli* capiuntur in templo, & virgis cæduntur *Act. 5. v. 11*. *Stephanus* lapidibus obruitur *Act. 7. v. 60.* qui *protomartyr N. T.* dici consuevit, nim: eorum respectu, qui pro confessione Jesu Christi, resuscitati à mortuis, vitam posuerunt. Nonnulli *Protomartyrem* vocant ipsum *Christum*, tum quia dicitur *ὁ πρωτότυπος ὁ πρῶτος Apocal. 1. v. 5.* tum quia supplicium ipsius finis minus principalis respectu, fuit martyrium veritatis *Iohan. 18. v. 34.* Sed usitatius est prius. *Ecclesia Hierosolymitana* dissipatur violentiâ persecutionis *Act. 8. v. 1, 2.* *Iacobus* gladio percutitur ab Herode Agrippâ; *Petrus* autem incarceratur & divinitus liberatur *Act. 12. v. 1.* & *seqq.* *Paulus* Damasci corbe demittitur è muro, ut capitis periculum evadat *Act. 9. v. 25.* pellitur Antiochiâ unâ cum Bar-
naba

Protomartyr
N. T. cui di-
catur Step-
hanus,
cui item
Christus.

naba, *cap. 13. v. 50.* ejicitur Iconio, *cap. 14. v. 5, 6.* lapidatur Lystris
vers. 19. Philippis virgis cæsus in custodiâ ponitur, *cap. 16. vers.*
22, 23. Corinthi in jus vocatur, *cap. 18. v. 12.* Ephesi graviter pe-
 riclitatur *cap. 19. v. 29, 30.* Hierosolymis ceditur in templo, capitur,
 victus Cæsaream primum, inde Romam periculosissimo itinere
 & factio naufragio raptatur, *cap. 21. & seqq. usque ad finem:* Has alias-
 que *ἀγῶνας* suas ipse refert *1 Corinth. 4. vers. 11, 12, 13. 2 Corinth.*
11. cap.

Secunda Persecutio est PAGANA sive GENTILIS, quam I. I. Pagana:
 Imperatores Romani, & alii religione vel potius superstitione
 Pagani sive Gentiles, odio Christianæ Religionis, incredibili im-
 manitate exercuerunt. Sub hâc classe vulgo comprehenduntur de-
 cem illæ insignes Persecutiones Christianorum sub Impp. Roma-
 nis: quem numerum nonnulli veterum opinati sunt respondere de-
 cem plagis Ægypti: Idemque in hâc sententiâ fuere, post de-
 cem illas unam solum restare, vid. quæ sub Antichristo secuta est.
 Sed eam meritò confutavit Augustinus *lib. 18. de Civit. Dei cap. 52.*
 ubi ostendit & alias Persecutiones, quæ in Euangelis & Actis de-
 scribuntur, præcessisse; & plures secutas esse & secuturas usque
 ad mundi finem: ut numerus persecutionum omnium non vi-
 deatur ita exactè esse definiendus. In quo judicio etiam nos ac-
 quiescimus. Nihilominus tamen distinctionem illam tritam & fa-
 miliarem non simpliciter improbamus, sed cum restrictione ad-
 mittimus: vid. ut intelligatur de persecutionibus generalibus,
 ante Constantinum Magnum ab Impp. Ethnicis excitatis. Perse-
 cutiones igitur omnes secundæ hujus classis *partim* antecesserunt
 Imperium Constantini Magni, *partim* secutæ sunt. *Præcesserunt*
 decem illæ nobiliores, modo commemoratæ. *Prima* sub Nerone,
 quâ Paulus capite truncatus est, Petrus palo affixus: teste Eusebio
lib. 2. hist. Eccles. c. 25. *Secunda* sub Domitiano, qui Johannem A-
 postolum Epheso relegavit in Pathmum, ut annotat Eusebius *lib.*
3. cap. 17. & seqq. Nicephorus, Cedrenus, & alii eâdem hâc persecu-
 tione Timotheum quoque, Onesimum, & Dionysium Areopagi-
 tam martyrio coronatos esse prodiderunt. *Tertia* sub Trajano, qua
 Simon Cleophæ cruci adfixus, Ignatius bestiis laniandus objectus
 fuit. Eusebius *lib. 3. cap. 32.* *Quarta* sub Antonino Vero, cogno-
 mento *Philosopho*, quæ nobilitata est martyrio Polycarpi discipuli
 Johannis, itemque Justinii Philosophi & martyris. Eusebius *lib. 4.*

De numero
 persecutio-
 num N. T.
 Veterum sen-
 tentia.

Rejicitur.

Persecutio-
 nes Pagana:

ante Con-
 stantinum
 Magnum,
 decem.

Quinta sub Severo, in quâ Leonides, pater Origenis gloriosâ martyrii morte defunctus est. Eusebius *lib. 5. Sexta* sub Maximino, quâ solo odio in Alexandrum Severum Imp. qui non obscure faverat Christianis adversus ipsos, & maximè contra Ecclesiarum Antistites exarsit. Eusebius *lib. 6. cap. 28. Septima* sub Decio, quâ multos sanctos homines, & inter hos Fabianum Episcopum Romanum, itemque Laurentium abstulit. *Octava* sub Valeriano, in quâ perit Cyprianus, capite truncatus. *Nona* sub Aureliano, quâ tamen non diu duravit, sed morte ipsius fuit interrupta. Ideò à quibusdam inter decem persecutiones non numeratur. *Decima* sub Diocletiano, quâ fuit superioribus omnibus & diuturnior, utpote decennalis; & crudelior atque immanior. Perierunt eâ multa millia, ut apud Eusebium, Sulpitium Severum, & alios videre est. *Secunda sunt* nonnullæ aliæ, non minus memorabiles. *Prima* sub Iuliano Apostata Imperat. quâ quia persuasione mixta erat, ut Nazianzenus ait, ideo superioribus omnibus & nocentior fuit & perniciosior. Artes ejus & technæ notæ sunt ex historiis. Inter cæteros Episcopos inprimis persecutus est Athanasium. *Secunda Persica* sub aliquot Persarum Regibus continuata, Istigerde, Gororane sive Bararane, Coade sive Cobade, & Cosroë, qui immani sævitâ grassati sunt in Christianos, teste Theodoretto *lib. 5. cap. 39. Nicephoro lib. 16. cap. 36. Procopio lib. 2. belli Persici*, & aliis. *Tertia Gothica, & Alemannica*, quâ Gothi Totilâ Rege, horumque auxiliares Alemanni, crudelissimè persecuti sunt Christianos. Continuata persecutio etiam sub Totilæ successoribus quibusdam. *Quarta Longobardica*: Nam Longobardi Pannonias egressi duce Albino Italiam invaserunt, voveruntque omnes Christianos gladio deleturos. Quod etiam strenuè fecerunt. Et hanc crudelitatem etiam sequentes Longobardorum Reges plerique imitati sunt.

III. Ariana.

Persecutiones hujus ordinis.

Tertia Persecutio est ARIANA, quam Impp. Reges, Principes Arianâ hæresi infecti, & impulsu Arianorum commoverunt. Licet enim Arius Synodo Nicenâ gravi judicio damnatus esset; hæresis tamen ipsius exstingui nequivit, sed latè propagata est. Qua occasione Ecclesia Christi non jam ab hostibus externis, sed à membris suis infestari cœpit. Hujus Ordinis Persecutiones sunt. I. *Constantii*, filii Constantini Magni qui ab Ario & Arianis deceptus Anno Christi 339. Episcopos Ortho-

xos in exilium pellere, & Arianos fovere, promovere cœpit. Quam crudelitatem post Annum 350. vehementius exercuit, cum extinctis duobus fratribus solus imperavit. Quo tempore fugere coactus est Athanasius; quem præcipuè oderat. II. *Valentius Imperat.* qui cum esset Orthodoxus initio, non minus quàm Valentinianus frater, persuasione conjugis Dominicæ factus est Arianus, & in baptismo Episcopo Ariano defensionem Ariani dogmatis, & diversum sentientium persecutionem, jurejurando spondit. Hac persecutione quæ longè atrocissima fuit, innumeri Episcopi Orthodoxi Ecclesiis suis dejecti: Basilius Magnus variè exagitatus: virgines nudæ ad ignem admotæ, ut se Arianas esse dicerent; viri acerbissimè excarnificati. Quin etiam Valens odio Orthodoxorum eò processit amentia, ut Gentibus etiam ac Judæis, nec non Hæreticis omnibus licentiam daret, sacra sua celebrandi. III. *Iustina Augusta*, Conjugis Valentiniani I. & Matris Valentiniani Junioris, quæ minore & immaturâ Filii ætate in gratiam Arianorum, quibus jampridem favebat, Orthodoxos plerosque Episcopos, & in his Ambrosium quoque Mediolanensem persecuta est: ut præter Scriptores Ecclesiasticos ipse Ambrosius narrat *Epist.* 33. IV. *Vandalorum*, qui sedibus suis duce Genferico egressi, & Arianâ perfidia maculat, occupata Hispania in Africam trajecerunt, & in Orthodoxos crudelissimè sævierunt. Immanitas ipsorum vix verbis satis exaggerari potest. Excogitarunt nova suppliciorum genera: nulli ætati perpercerunt: infantes à matrum uberibus raptatos vel saxis illiserunt, vel medios dissecuerunt. Eandem crudelitatem post patrem Genfericum exercuit Filius Hunericus Anno Christi 475 & seqq. ut Victor, Utieensis Episcopus, memorat. Et qui ei successerunt Reges, etsi aliqui mitiores fuerunt ergà Orthodoxos, plerique tamen ipsi quoque in Christianos sævierunt, & inter hos præcipuè Gilimer: Cujus meminit Gregorius Magnus *lib.* 3. *Dilogorum cap.* 33. Denique V. ad hanc classẽ referri potest *Donatistarum* in Africa crudelitas, quæ tamen prior fuit Vandalorum persecutionibus. Nam ipsi initio Schismatici, post Hæretici, & Ariani facti, immani sævitia grassati sunt in Africa: cœtus Orthodoxorum disturbarunt, ac obvios sibi quosvis in plateis & agris homines, à suis erroribus alienos, cæciderunt, & furiosè

jugulârunt. Vide Augustinum multis locis, & nominatim *Epistola 52. ad Bonifacium Comitem.*

iv. Mahometana.

Causæ crudelitatis Mahometicæ.

Quarta Persecutio est MAHOMETANA, quam Mahometani, hoc est, Saraceni & Turcæ, sibi invicem succedentes concitarunt adversus Christianos & Ecclesias eorum. Hi ducuntur à Propheta suo Mahometo, qui novam religionis formam condidit, Alcorano comprehensam, & Arabum rebellium viribus & auxiliis adjutus, novum regnum constituit Heraclio Imperante, Anno Christi 622. à quo tempore nunc millesimus currit annus. Statim autem crudeliter sævire cœperunt in Christianos, primò in Syriâ, Phœniciâ & Arabiâ, ubi regni sui primordia locarunt, & radices quasi fixerunt: Inde in Babylonîâ & Persiâ; post in Africa & insulis quibusdam maris mediterranei: porrò in Asia Minore, Thracia, Græcia, Sardinia, Hispania, & aliis Provinciis: & infinitum recensere omnes persecutiones, quæ hodieque continuantur. Cæterum duæ causæ notandæ sunt immanitatis Mahometanæ: *Vna* est, peculiaris quædam Lex Mahometi, quâ dira supplicia, onera, & tributa minatur iis, qui non amplexi fuerint religionem suam; ut qui profiteretur, venisse se ad novam legem dandam, non per miracula sicut Moyses & Christus, sed per gladium. *Altera* est Usus & Cultus Imaginum in Ecclesiis Christianorum, illis & succedentibus temporibus. Hanc idololatriam Homar princeps Sarracenorum maximè oderat & carpebat in Christianis, & ea propter persecutiones movebat & exasperabat: sicut constat hodieque, Turcas à nulla re magis quam ab imaginibus aversos esse.

v. Antichristiana.

Ejus initium.

Gradus.

Quinta & Ultima Persecutio est ANTICHRISTIANA, tum diuturnior cæteris omnibus, tum etiam sævior. Hæc in *Apocalypsi* multis locis prædicta est: Describitur autem in *Centuriis Magdaburgicis*, *Catalogo Testium veritatis*, *Martyrologiis*, *Mysterio Iniquitatis Plessai*, & aliis in libris. *Initium* ejus computamus à stabilita Hierarchiæ Romanæ tyrannide sub Phoca Imperatore, qui Bonifacium III. Episcopum Universalem sive Oecumenicum totius Ecclesiæ Catholicæ declaravit, Anno Christi 607. *Gradus* Persecutionis tres constitui possunt. Siquidem Papa Anti-Christus I. Ecclesiasticos omnes, & qui sacri ordinis, sibi subjugavit, & in verba sua adegit: quod alibi citius, alibi serius factum; imprimis in Gallia. II. Imp. Reges & Principes sibi inaugurationis Sacris, & obedi-

obedientiæ Ecclesiasticæ titulo subjecit, & ab horum Imperio Ecclesiasticos suos exemit: quod solenni transactione factum in Germaniâ Henrico V. Imper. Anno Christi 1122. III. Eos qui se Sedi Romanæ opponere, imprimis autem placitis ejus de Religione contradicere ausi fuerunt, ferro & igne persecutus est. Exempla edita superioribus seculis in Valdenſes, in Wicleſum mortuum, Johannem Huſs, & Hieronymum Pragenſem vivos: nostro ſeculo in martyres innumeros: de quibus Martyrologia conſulenda ſunt. Et quid nunc moliatur in Rhetiâ, Bohemiâ, Aſtriâ, Germania, Galliâ, Belgio notum eſt. Deus miſereatur Eccleſiæ ſuæ!

PROBLEMA TERTIUM

Quenam ſint cauſæ Perſecutionum Eccleſiæ?

UT aliis in rebus neceſſaria eſt cognitio cauſarum, ad plenam earundem intelligentiam: Scire enim eſt rem per cauſas cognoscere: ita hic vel inprimis. Siquidem ignorantia cauſarum facit, ut profani homines negent, cœtum profitentem doctrinam Chriſti, & propter eam tot ærumnas perferentem, eſſe Eccleſiam: Imo negent eſſe aliquam in terris Eccleſiam; ut infirmi multi reſiliant à Confeſſione Euangelii, & ab Eccleſia deficient, ut eſt *Luc. 8. v. 13.* Earundem cauſarum minus attenta conſideratio efficit, ut etiam ſanctiſſimi calamitatibus Eccleſiæ graviter offendantur: ut exemplis Aſaphi, *Pſal. 73.* & Jeremiæ, *cap. 12.* conſtat. Nec verò remedia & malagmata ſalutarium conſolationum adverſus perſecutiones conquiri & adhiberi poſſunt, niſi fontibus earum ante inveſtigatis & exploratis. Ea propter hanc diſquiſitionem ſuperiori ſubjicere viſum eſt. Non agitur autem hic de cauſis omnium univerſim ærumnarum, quibus obnoxia eſt Eccleſia in hac vita: ſed de cauſis perſecutionum propriè, quæ propter confeſſionem Euangelii ſuſtinentur ab impiis.

Cur neceſſaria ſit cauſarum conſideratio.

Eæ generatim ſunt vel *Efficientes*, vel *Impulſiva* & *Finalis*, Efficientes ſunt Deus, Diabolus, & Homines: quibus Impulſiva & Finales ſuo ordine reſpondent. Mirum autem videri non debet, quod Deus, Diabolus, & Impii hic conjunguntur: quaſi Deus vel ſocius eſſet Diaboli & Impiorum, in immani illa Perſecutionum ſævitia, vel ſaltem approbator tyrannidis ipſorum. *Conjun-*

Cauſæ Perſecutionum.

Deus, Diabolus & Impii cur & quomodo conjungantur.

guntur enim non ut causæ homogeneæ, sed ut heterogeneæ; imò tanquam natura & actionibus sibi contrariæ: quæ tamen decreto Dei insciæ, volentes, nolentes, subserviunt. *Conjunguntur* non velut iisdem causis impulsivis & finalibus motæ ad agendum; sed diversis, & inter se contrariis: quæ faciunt actionum discrimina. Denique una eademque persecutio Deo convenit ut iudicium explorationis sive probationis: Diabolo & impiis attribuitur, ut extremum maleficium, & summum scelus.

Deus causa
Efficiens est
persecutio-
num.

Deum esse causam *Efficientem* persecutionum probatur I. Di-
ctis generalibus de tota Ecclesia, ac membris ejus indefinitè: *Psal.*
74. 79. 80. *Esa.* 54. v. 16. *Ego creavi interfectorem ad perdendum. Da-*
niel. 8. v. 13. ubi à Deo definitur tempus, quandiu persecutio esset
duratura. *1 Petr.* 3. v. 17. *Melius est ut bene agentes, si ita velit Dei*
voluntas, malo afficiamini, quam male agentes. & cap. 4. v. 19. *Qui ma-*
lis afficiuntur ex voluntate Dei, tanquam fidei conditori commendent ani-
mas suas bene agendo. *Apoc.* 13. v. 7. *Datum est bestia bellum gerere cum*
Sanctis. II. Dictis specialibus de Christo tanquam capite Ecclesiæ,
quo nemo graviores persecutiones sustinuit. *Zachar.* 13. v. 7. *Gla-*
die, evigila contra Pastorem meum, & contra virum proximum meum,
dictum Ichovæ exercituum; percutite Pastorem & dispergentur oves, quod
ipsum repetitur Matth. 26. v. 31. *Joh.* 19. v. 11. *Non haberes potestatem*
adversum me ullam, nisi tibi datum esset supernè. *Actor.* 2. v. 23.
Hunc, Christum, definito illo consilio & præcognitione Dei deditum cum
accepissetis, manibus sceleratis eruci affixum interemistis. & cap. 4. v. 28.
Congregati sunt Herodes, Pilatus, &c. ut facerent, quacunque manus tua,
& consilium tuum prius prædestinavit ut fierent. III. Ab argumento
Providentiæ ipsius, quo Christus consolatur suos speciatim ad-
versus Persecutiones *Matth.* 10. v. 29. & seqq. *Luc.* 21. v. 12. & seqq.
IV. Ab ordine mediorum salutis divinitus constituto: inter quæ
etiam est Persecutio: *Actor.* 14. v. 22. *Oportet per multas afflictiones nos*
ingredi in regnum Dei. *2 Timoth.* 3. v. 12. *Omnes qui volunt pie vivere*
in Christo Iesu, persecutionem patientur. *Impulsivæ & Finales Cause,* quæ
movent Deum, ad immittendas Ecclesiæ hujuscemodi persecu-
tiones, aliæ *Ipsummet*, aliæ *Ecclesiam*, ejusque membra spectant.
Primi ordinis est *Gloria Dei Iohan.* 21. v. 19. & quidem *Gloria Veri-*
tatis; qua testatum fit, Deum veracem in verbo suo esse, ut qui
Confessores invicto animi robore induit, ut non dimoveantur
à fide Evangelii. *Præsentia* in Ecclesia; cui in mediis persecutio-
num

Impulsivæ re-
spectu

Dei, gloria
veritatis.

præsentia,

num flam
ejus *Psalm.*
dem port
18. suas
10. v. 28
Iustitia;
vita: Im
v. 45, 6
reliquia
est inno
quoad I
mur, ne
iudiciu
autem
lium c
pro in
nus in
Christi
cem s
patien
sincer
tur,
Conf
v. 17
simu
perfe
inque
eorum
bonu
net
20
cle
ca
tr
qu
ta
E

num flammis præsens est, *Daniel. 3. cap.* tanquam Dominus & Rex
 ejus *Psal. 110. v. 2. Potentia*; quia ita tuetur Ecclesiam, ut ne qui-
 dem portæ inferorum possint adversus eam prævalere, *Matth. 16. v.*
18. suas oves conservat ut non possint rapi e manibus suis, *Iohan.*
10. v. 28. 29. hostes autem potentissimos pessundat *Psal. 2. v. 9.*
Iustitia; quæ constantes Confessores præmiis ornat in hac & futura
 vita: Impios contra Persecutores æternum damnabit, *2 Thessal. 1.*
v. 4, 5, 6, 7. *Secundi ordinis sunt*: I. *Castigatio & expurgatio peccati ac*
 reliquiarum ejus inherendum etiam sanctissimis. Hujus respectu,
 etsi innocentes sint Confessores quoad Homines, non tamen item
 quoad Deum *1 Corinth. 11. v. 32.* *Dum judicamur à Domino, erudi-*
mur, ne cum mundo condemnemur. *1 Petr. 4. v. 17.* *Tempus est, ut incipiat*
judicium à Domo Dei. *Jerem. 30. v. 11.* *Castigaturus sum te modice, non*
autem prorsus impunem relicturus te. Atque huc pertinet illa dissimi-
 lium comparatio apud Petrum, quod passus sit Christus justus
 pro injustis, *1 Epist. 3. v. 19.* II. *Obedientia erga Deum*, cui non mi-
 nus in adversis, quam in secundis obtemperandum, dicente
 Christo: *Si quis vult ponere me venire, abdicet semetipsum, & attollat cru-*
cem suam, ac sequatur me *Matth. 16. v. 24.* III. *Exploratio fidei nostræ,*
patientia, aliarumque virtutum; quarum tum constantia, tum
 sinceritas persecutionibus haud secus, quam aurum igne proba-
 tur, *1 Petr. 1. v. 6, 7. cap. 4. v. 12.* *Apoc. 2. v. 10, 11.* *& cap. 3. v. 10.* IV.
Conformitas cum Christo, tanquam membrorum cum capite, *Rom. 8.*
v. 17. 29. 2. Timoth. 2. v. 11, 12. *Phil. 3. v. 10.* *1 Petr. 4. v. 13.* V. *Te-*
stimonium doctrine, quod à nobis perhiberi vult veritati, de quâ
 persuasi sumus per Spiritum Sanctum: *Matth. 10. v. 32, 33.* *Quisquis*
inquit Christus, agnoscet me coram hominibus, agnoscam & ego ipsum
coram Patre meo, qui est in cælis. *Quisquis autem abnegaverit me coram*
hominibus, abnegabo eum & ego coram Patre meo.

Ecclesiæ:
 I. castigatio.

II. obedientia.

III. exploratio
 fidei.

IV. conformi-
 tas cum Chri-
 sto.

V. testimo-
 nium doctri-
 næ.

Diabolum esse causam Persecutionum Efficientem, nihil atti-
 net demonstrare, cum sit per se clarum *Apocal. 12. v. 3. & seqq. Cap.*
20. v. 3, 7, 8. id ostenditur de totâ Ecclesiâ. Alibi de membris Ec-
 clesiæ; *Jobo, cap. 1.* *Davide, 1 Sam. 19. cap.* *Michâ, 1 Reg. 22.* Christo
 capite Ecclesiæ, *Matth. 26.* contra quos Satanas per sua organa ex-
 trema movit. *Causa impulsiva*, quæ movent Satanam ad perfe-
 quendum sunt. I. *Odium adversus Deum, Ecclesiam, & ipsam veri-*
tatem. Est enim professus, juratus, & implacabilis hostis Dei &
 Ecclesiæ; unde *Satan* dicitur, *Iob. 1. v. 6 & inimicus Matth. 13. v. 39.*
 Est

Diabolus ef-
 ficiens Perse-
 cutionum.

Impulsiva
 I. odium Dei
 & Ecclesiæ.

guntur enim non ut causæ homogeneæ, sed ut heterogeneæ; imò tanquam natura & actionibus sibi contrariæ: quæ tamen decreto Dei insciæ, volentes, nolentes, subserviunt. *Coniunguntur* non velut iisdem causis impulsivis & finalibus motæ ad agendum; sed diversis, & inter se contrariis: quæ faciunt actionum discrimina. Denique una eademque persecutio Deo convenit ut iudicium explorationis sive probationis: Diabolo & impiis attribuitur, ut extremum maleficium, & summum scelus.

Deus causa
Efficiens est
persecutio-
num.

Deum esse causam *Efficientem* persecutionum probatur I. Dictis generalibus de tota Ecclesia, ac membris ejus indefinitè: *Psal.* 74. 79. 80. *Esa.* 54. v. 16. *Ego creavi interfectorem ad perdendum.* *Daniel.* 8. v. 15. ubi à Deo definitur tempus, quandiu persecutio esset duratura. *I. Petr.* 3. v. 17. *Melius est ut bene agentes, si ita velit Dei voluntas, malo afficiamini, quam male agentes.* & cap. 4. v. 19. *Qui malis afficiuntur ex voluntate Dei, tanquam fideli conditori commendent animas suas bene agendo.* *Apoc.* 13. v. 7. *Datum est bestia bellum gerere cum Sanctis.* II. Dictis specialibus de Christo tanquam capite Ecclesiæ, quo nemo graviores persecutiones sustinuit. *Zachar.* 13. v. 7. *Gladie, evigila contra Pastorem meum, & contra virum proximum meum, dictum Iehovæ exercituum; percutite Pastorem & dispergentur oves, quod ipsum repetitur* *Matth.* 26. v. 31. *Joh.* 19. v. 11. *Non haberes potestatem adversum me ullam, nisi tibi datum esset supernè.* *Actor.* 2. v. 23. *Hunc, Christum, definito illo consilio & præcognitione Dei deditum cum accepissetis, manibus sceleratis eruci affixum interemistis.* & cap. 4. v. 28. *Congregati sunt Herodes, Pilatus, &c. ut facerent, quacunque manus tua, & consilium tuum prius prædestinavit ut fierent.* III. Ab argumento Providentiæ ipsius, quo Christus consolatur suos speciatim adversus Persecutiones *Matth.* 10. v. 29. & *seqq.* *Luc.* 21. v. 12. & *seqq.* IV. Ab ordine mediorum salutis divinitus constituto: inter quæ etiam est Persecutio: *Actor.* 14. v. 22. *Oportet per multas afflictiones nos ingredi in regnum Dei.* 2 *Timoth.* 3. v. 12. *Omnes qui volunt pie vivere in Christo Iesu, persecutionem patientur.* *Impulsivæ & Finales Causæ*, quæ movent Deum, ad immittendas Ecclesiæ hujuscemodi persecutiones, aliæ *Ipsummet*, aliæ *Ecclesiam*, ejusque membra spectant. *Primi ordinis* est *Gloria Dei* *Iohan.* 21. v. 19. & quidem *Gloria Veritatis*; qua testatum fit, Deum veracem in verbo suo esse, ut qui Confessores invicto animi robore induit, ut non dimoveantur à fide Evangelii. *Præsentia* in Ecclesia; cui in mediis persecutio-

Impulsivæ re-
spectu

Dei, gloria
veritatis.

præsentia,

num

num flammis præsens est, *Daniel. 3. cap.* tanquam Dominus & Rex
 ejus *Psal. 110. v. 2. Potentia*; quia ita tuetur Ecclesiam, ut ne qui-
 dem portæ inferorum possint adversus eam prævalere, *Matth. 16. v.*
18. suas oves conservat ut non possint rapi è manibus suis, *Iohan.*
10. v. 28. 29. hostes autem potentissimos pessundat *Psal. 2. v. 9.*
Iustitia; quâ constantes Confessores præmiis ornat in hac & futura
 vita: Impios contra Persecutores æternum damnabit, *2 Thessal. 1.*
v. 4, 5, 6, 7. Secundi ordinis sunt: I. Castigatio & expurgatio peccati ac
reliquiarum ejus inhererentium etiam sanctissimis. Hujus respectu,
 est innocentes sint Confessores quoad Homines, non tamen item
 quoad Deum *1 Corinth. 11. v. 32. Dum judicamur à Domino, crudi-*
mur, ne cum mundo condemnemur. *1 Petr. 4. v. 17. Tempus est, ut incipiat*
judicium à Domo Dei. *Jerem. 30. v. 11. Castigaturus sum te modice, non*
autem prorsus impunem relicturus te. Atque huc pertinet illa dissimi-
 lium comparatio apud Petrum, quod passus sit Christus justus
 pro injustis, *1 Epist. 3. v. 19. II. Obedientia erga Deum*, cui non mi-
 nus in adversis, quàm in secundis obtemperandum, dicente
 Christo: *Si quis vult pone me venire, abdicet semetipsum, & attollat cru-*
cem suam, ac sequatur me *Matth. 16. v. 24. III. Exploratio fidei nostræ,*
patientia, aliarumque virtutum; quarum tum constantia, tum
 sinceritas persecutionibus haud secus, quam aurum igne proba-
 tur, *1 Petr. 1. v. 6, 7. cap. 4. v. 12. Apoc. 2. v. 10, 11. & cap. 3. v. 10. IV.*
Conformitas cum Christo, tanquam membrorum cum capite, *Rom. 8.*
v. 17. 29. 2. Timoth. 2. v. 11, 12. Phil. 3. v. 10. 1 Petr. 4. v. 13. V. Te-
simonium doctrinæ, quod à nobis perhiberi vult veritati, de quâ
 persuasi sumus per Spiritum Sanctum: *Matth. 10. v. 32, 33. Quisquis*
inquit Christus, agnoscat me coram hominibus, agnoscam & ego ipsum
coram Patre meo, qui est in cælis. Quisquis autem abnegaverit me coram
hominibus, abnegabo eum & ego coram Patre meo.

Diabolum esse causam Persecutionum Efficientem, nihil atti-
 net demonstrare, cum sit per se clarum *Apocal. 12. v. 3. & seqq. Cap.*
20. v. 3, 7, 8. id ostenditur de totâ Ecclesiâ. Alibi de membris Ec-
 clesiæ; *Jobo, cap. 1. Davide, 1 Sam. 19. cap. Michâ, 1 Reg. 22.* Christo
 capite Ecclesiæ, *Matth. 26.* contra quos Satan per sua organa ex-
 trema movit. *Causa impulsiva*, quæ movent Satanam ad perse-
 quendum sunt. I. *Odium adversus Deum, Ecclesiam, & ipsam veri-*
tatem. Est enim professus, juratus, & implacabilis hostis Dei &
 Ecclesiæ; unde *Satan* dicitur, *Iob. 1. v. 6 & inimicus Matth. 13. v. 39.*

Est

Potentia.

Iustitia.

Ecclesiæ:
I. castigatio.

II. obedientia.

III. exploratio
fidei.IV. conformi-
tas cum Chri-
sto.V. testimo-
nium doctri-
næ.Diabolus ef-
ficiens Perse-
cutionum.Impulsiva
I. odium Dei
& Ecclesiæ.

guntur enim non ut causæ homogeneæ, sed ut heterogeneæ; imò tanquam natura & actionibus sibi contrariæ: quæ tamen decreto Dei insciæ, volentes, nolentes, subserviunt. *Coniunguntur* non velut iisdem causis impulsivis & finalibus motæ ad agendum; sed diversis, & inter se contrariis: quæ faciunt actionum discrimina. Denique una eademque persecutio Deo convenit ut iudicium explorationis sive probationis: Diabolo & impiis attribuitur, ut extremum maleficium, & summum scelus.

Deus causa
Efficiens est
persecutio-
num.

Deum esse causam Efficientem persecutionum probatur I. Dictis generalibus de tota Ecclesia, ac membris ejus indefinitè: Psal. 74. 79. 80. Esa. 54. v. 16. *Ego creavi interfectorem ad perdendum*. Daniel. 8. v. 15. ubi à Deo definitur tempus, quandiu persecutio esset duratura. I Petr. 3. v. 17. *Melius est ut bene agentes, si ita velit Dei voluntas, malo afficiamini, quam male agentes.* & cap. 4. v. 19. *Qui malis afficiuntur ex voluntate Dei, tanquam fideli conditori commendent animas suas bene agendo.* Apoc. 13. v. 7. *Datum est bestia bellum gerere cum Sanctis.* II. Dictis specialibus de Christo tanquam capite Ecclesiæ, quo nemo graviore persecutiones sustinuit. Zachar. 13. v. 7. *Gladie, evigila contra Pastorem meum, & contra virum proximum meum, dictum Iehovæ exercituum; percutite Pastorem & dispergentur oves, quod ipsum repetitur* Matth. 26. v. 31. Joh. 19. v. 11. *Non haberes potestatem adversum me ullam, nisi tibi datum esset supernè.* Actor. 2. v. 23. *Hunc, Christum, definito illo consilio & præcognitione Dei deditum cum accepissetis, manibus sceleratis eruci affixum interemistis.* & cap. 4. v. 28. *Congregati sunt Herodes, Pilatus, & c. ut facerent, quacunque manus tua, & consilium tuum prius prædestinavit ut fierent.* III. Ab argumento Providentiæ ipsius, quo Christus consolatur suos speciatim adversus Persecutiones Matth. 10. v. 29. & seqq. Luc. 21. v. 12. & seqq. IV. Ab ordine mediorum salutis divinitus constituto: inter quæ etiam est Persecutio: Actor. 14. v. 22. *Oportet per multas afflictiones nos ingredi in regnum Dei.* 2 Timoth. 3. v. 12. *Omnes qui volunt pie vivere in Christo Iesu, persecutionem patientur.* *Impulsiva & Finales Causæ,* quæ movent Deum, ad immittendas Ecclesiæ hujuscemodi persecutiones, aliæ *Ipsammet*, aliæ *Ecclesiam*, ejusque membra spectant. *Primi ordinis est Gloria Dei* Iohan. 21. v. 19. & quidem *Gloria Veritatis*; quæ testatum fit, Deum veracem in verbo suo esse, ut qui Confessores invicto animi robore induit, ut non dimoveantur à fide Evangelii, *Præsentia in Ecclesia*; cui in mediis persecutio-

Impulsivæ re-
spectu

Dei, gloria
veritatis.

præsentia,

num

num flammis præsens est, *Daniel. 3. cap.* tanquam Dominus & Rex ejus *Psal. 110. v. 2. Potentia*; quâ ita tuetur Ecclesiam, ut ne quidem portæ inferorum possint adversus eam prævalere, *Matth. 16. v. 18.* suas oves conservat ut non possint rapi è manibus suis, *Iohan. 10. v. 28. 29.* hostes autem potentissimos pessundat *Psal. 2. v. 9. Iustitia*; quâ constantes Confessores præmiis ornat in hac & futura vita: Impios contra Persecutores æternum damnabit, *2 Thessal. 1. v. 4, 5, 6, 7.* *Secundi ordinis sunt*: I. *Castigatio & expurgatio peccati ac reliquiarum ejus inherendum etiam sanctissimis.* Hujus respectu, etsi innocentes sint Confessores quoad Homines, non tamen item quoad Deum *1 Corinth. 11. v. 32.* *Dum judicamur à Domino, crudimur, ne cum mundo condemnemur.* *1 Petr. 4. v. 17.* *Tempus est, ut incipiat judicium à Domo Dei.* *Jerem. 30. v. 11.* *Castigaturus sum te modice, non autem prorsus impunem relinquitur te.* Atque huc pertinet illa dissimilium comparatio apud Petrum, quod passus sit Christus justus pro injustis, *1 Epist. 3. v. 19.* II. *Obedientia erga Deum*, cui non minus in adversis, quàm in secundis obtemperandum, dicente Christo: *Si quis vult ponere me venire, abdicet semetipsum, & attollat crucem suam, ac sequatur me* *Matth. 16. v. 24.* III. *Exploratio fidei nostræ, patientia, aliarumque virtutum*; quarum tum constantia, tum sinceritas persecutionibus haud secus, quam aurum igne probatur, *1 Petr. 1. v. 6, 7. cap. 4. v. 12. Apoc. 2. v. 10, 11. & cap. 3. v. 10.* IV. *Conformitas cum Christo*, tanquam membrorum cum capite, *Rom. 8. v. 17. 29. 2. Timoth. 2. v. 11, 12. Phil. 3. v. 10. 1 Petr. 4. v. 13.* V. *Testimonium doctrinæ*, quod à nobis perhiberi vult veritati, de quâ persuasi sumus per Spiritum Sanctum: *Matth. 10. v. 32, 33.* *Quisquis inquit Christus, agnoscat me coram hominibus, agnoscam & ego ipsum coram Patre meo, qui est in cælis. Quisquis autem abnegaverit me coram hominibus, abnegabo eum & ego coram Patre meo.*

Diabolus esse causam Persecutionum Efficientem, nihil attinet demonstrare, cum sit per se clarum *Apocal. 12. v. 3. & seqq. Cap. 20. v. 3, 7, 8.* id ostenditur de totâ Ecclesiâ. Alibi de membris Ecclesiæ; *Jobo, cap. 1. Davide, 1 Sam. 19. cap. Michâ, 1 Reg. 22.* Christo capite Ecclesiæ, *Matth. 26.* contra quos Satanæ per sua organa extrema movit. *Causa impulsiva*, quæ movent Satanam ad persequendum sunt. I. *Odium adversus Deum, Ecclesiam, & ipsam veritatem.* Est enim professus, juratus, & implacabilis hostis Dei & Ecclesiæ; unde Satan dicitur, *Iob. 1. v. 6 & inimicus Matth. 13. v. 39.*

Est

Ecclesiæ:
I. castigatio.

II. obedientia.

III. exploratio
fidei.IV. conformi-
tas cum Chri-
sto.V. testimo-
nium doctri-
næ.Diabolus ef-
ficiens per-
secutionum.Impulsiva
I. odium Dei
& Ecclesiæ.

2. *ἡ πικρὰ*
κακία.

3. vindicta ad-
versus Eccle-
siam.

Homines, Ef-
ficiens. Perse-
cutionum
proxima.

Impulsivæ
Communes.
1. ignorantia
Dei
simplex

affectata.

2. Odium Eu-
angelii.
causæ.

3. Superstitio

Propriæ.
Ecclesiasticis.

Est mendax & pater omnis mendacii *Iohan. 8. v. 44.* II. *ἡ πικρὰ κακία*, studium nocendi hominum saluti, & singularis ex eo vo-
luptas. Est enim homicida à principio, *Iohan. 8. v. 44.* leo ru-
giens, quærens quem devoret, *1 Petri 5. v. 8.* item *ὁ πικρὸς*, ne-
quam malignus, qui fidelibus malitiosè negotium facessere a-
mat, *Matth. 6. v. 13.* III. *Vindicta* adversus Ecclesiam, quod ho-
mines per Evangelium ex ipsius servitute & regno transferuntur
in regnum Dei *2 Timoth. 2. v. 26.* Vide *Apocal. 12. v. 4. & seqq. in-*
primis vers. 17.

Homines denique esse causam *Efficientem* omnium Persecutio-
num proximam & immediatam historiæ docent. Sunt autem illi
non unius, sed diversorum ordinum : ut illustri exemplo osten-
ditur *Actor. 4. v. 27.* Alii siquidem sunt *aperti* hostes Ecclesiæ, ut
Pagani, Antichristiani; alii *occulti*, ut hæretici, schismatici, *Actor.*
20. v. 28, 29, 30. falsi fratres, *2 Corinth. 11. v. 26.* Alii *Politici*, ut Im-
peratores, Reges, Principes, *Pf. 2.* alii *Ecclesiastici*, & in his inpr-
mis primores sive Præfules Ecclesiæ, *Matth. 20. v. 18, 19. Iohan. 18.*
v. 12, 13. Actor. 4. v. 1. & seqq. & cap. 23. v. 2. Alii *Peregrini* sive *alie-*
ni, ut plerique Persecutores : alii *populares* consanguinei, alique
conjunctissimi *Matt. 10. v. 21. 34, 35, 36. 1 Thess. 2. v. 14, 15.* *Impul-*
sivæ sunt Communes vel propriæ. *Communes* sunt tres I. *Ignoran-*
tia veri Dei in Christo, *Iohan. 15. v. 21. & cap. 16. v. 3.* Quæ in aliis
simplex est, ut in Paulo, *1 Timoth. 1. v. 13.* quibus spes veniæ propo-
sita est : unde etiam Christus pro iis oravit, *Luc. 23. v. 34.* In aliis
affectata & malitiosa, qui volentes scire nolunt, *2 Petr. 3. v. 5.* ut
Pharisæi, & alii ; de quibus Christus loquitur, *Iohan. 15. v. 22, 24.*
Matth. 12. cap. quibus proinde nulla spes veniæ reliqua est. II. *O-*
dium Evangelii, & Confessorum ejus, *Iohan. 15. v. 19.* Cujus causa
duplex notari potest : *Vna* : quia separant se ab impiis moribus
mundi, *Iohan. 15. v. 19.* nam ut similis simili gaudet, sic dissimilis
dissimilem averfatur. *Altera* : quia opera ipsorum mala reteguntur
luce veritatis *Ioh. 3. v. 19, 20, 21.* & redarguuntur *cap. 16. v. 8. &*
aliquot seqq. Unde disertè Christus *cap. 7. v. 7.* *Me*, inquit, *odit mundus*
quoniam ego testor de eo, opera ejus mala esse. III. *Superstitio* ex igno-
rantia profecta, quâ putant se persecutionibus adversus Ecclesiam
cultum Deo præstare, *Iohan. 16. v. 2.* quæ cum zelo ignorantia ferè
est conjuncta. Exemplum est Paulus *Actor. 22. v. 34.* *Propriæ* sunt
certorum ordinum : ut est in *Ecclesiasticis* ambitio, qui nec meliora
docen-

docentem, nec vitia taxantem ferre possunt: exemplo Scribarum & Phariseorum. In *Politicis* ἀπονομία, & absolutæ potestatis *Politicis*. persuasio, qua de Sacris juxta & profanis se statuere posse arbitrantur: exemplo Nebucadnezar, *Daniel. 3. cap.* Antiochi Epiphanis in *Maccab. libris*. In *Plebeis* avaritia & privati quæstus studium, exemplo herorum ancillæ Pythonissæ, *Act. 16. v. 19.* & Demetrii *cap. 19. v. 24, 25.* Hoc tamen vitium sæpè commune est tum *Ecclesiasticis*, exemplo Judæ proditoris, *Matth. 26. v. 15.* tum *Politicis*, exemplo Felicis *Act. 24. v. 26.*

PROBLEMA QUARTUM.

Quenam sint præcipuæ Consolationes adversus Persecutiones Ecclesiæ?

INvestigatis atque explicatis *Causis* Persecutionum, quibus Ecclesia sine fine & modo iniquissime infestatur: proximum est ut conquirantur & declarentur remedia *Consolationum*, quibus adversus eas se erigat & sustentet. Absque iis enim si sit, aut offensa resiliet à fide Evangelii, *Luc. 8. v. 13.* sicut temporarii omnes; aut malorum magnitudine fracta ac oppressa succumbet. Et notum est, quam caro nostra, mollis, delicatula, averfa sit non solum à cruce, sed etiam à concione crucis *Matt. 16. v. 12. 13.* Sicut igitur Moses aquas amaras deserti injecto ligno edulcavit, *Exod. 15. v. 25.* sicut prudentes Medici potiones amaras, saccharo aliisve condimentis dulces, odoratu ac gustatu suaves reddere consueverunt: ita etiam doctrina de horribilibus Persecutionibus, quæ nostris cervicibus jam jam imminet, malagmatis suavium ac salutarium Consolationum temperanda est: quarum jugi meditatione ac certa fide non solum adversus eas subsistamus, sed etiam plusquam victores evadamus: ut loquitur Apostolus *Rom. 8. v. 37.*

Sunt autem innumeræ, sparset, per omnes libros Vet. & N. Earum sedes. T. & illustribus exemplis confirmatæ. Earum aliquot conjungit & conjunctim proponit Servator noster, *Matth. 10. v. 17. 18.* & multis seqq. item *Luc. 21. v. 12.* & seqq. Similiter Paulus, *Rom. 8. v. 17* & seqq. usque ad finem, & Petrus 1 *Epist. 2. v. 19.* & seqq. *cap. 3. v. 14* & seqq. *cap. 4. v. 12.* & seqq. Quæ loca omnia, tanquam propriæ sedes consolationum, adversus persecutiones habenda & ponderanda sunt

da sunt. *Cyprianus*, qui & ipse Martyrii coronam obtinuit, eruditissimè complexus est præcipuas consolationes libello singulari *ad Fortunatum, de Exhortatione Martyrii*. *Augustinus*, cum Gothi immani sævitiâ grassarentur in Ecclesiis Italiæ & Africæ, eisdem inseruit libris *de Civitat. Dei*, & nominatim *lib. 1. cap. 10, 11. 20. Philippus Melancthon in Locis Communibus & Examine Theologico* certas consolationum classes confecit, & in generales quosdam locos eas distribuit. Eorum ordinem *Vrsinus* approbavit, & repetiit in *Catecheticis*: & nos pauculis immutatis in explicatione Problematis sequi constituimus. Sunt autem decem numero: *Remissio peccatorum: Voluntas Dei & Providentia: Obedientia erga Deum: Bona Conscientia: Causæ finales: Spes compensationis seu præmiorum: Exempla Christi & aliorum sanctorum: Præsentia & auxilium Dei in persecutionibus: Liberatio in hac & futura vitâ: Pænæ hostium in hoc & futuro seculo.*

Loci.

I. Remissio peccatorum.

Primus Locus Consolationis est *Remissio peccatorum* gratuita per & propter Christum. Nim: quia est prima consolatio, & fundamentum reliquarum omnium. Nam sine hac aliæ nos non consolantur, incertos de amore Dei in Christo, & nostri per ipsum reconciliatione: Et sic persecutiones non sunt martyria aut probationes, sed pænæ peccatorum. Ubi autem hæc benè posita est, reliquæ sponte sequuntur, & animos inprimis confirmant. Ea ad persecutiones speciatim transfertur, & applicatur cum aliis, tum hisce locis; *Rom. 5. v. 1, 2, 3. Cap. 8. v. 31. & seqq. usque ad finem, 1 Pet. 3. v. 18.*

II. Voluntas Dei & Providentia.

respectu

I. Singulorum fidelium.

Secundus est Voluntas Dei & Providentia: Persecutiones non temerè five casu fortuito, vel etiam pro lubitu Diabolorum ac hominum concitantur, sed certo ac definito Dei consilio nobis immittuntur: ut docet Scriptura innumeris locis, *Deut. 32. v. 39. 1 Sam. 2. v. 6, 7. Job. 1. v. 21. cap. 2. v. 10. Psal. 39. v. 10, 11. & 75. v. 9. Esai. 45. v. 6, 7. Cap. 54. v. 16. Act. 14. v. 22. 1 Thessal. 3. v. 3. 1 Pet. 3. v. 17. cap. 4. v. 19. Apoc. 13. v. 7.* Hinc jam multiplex emergit consolatio, five singulos fideles, five totam Ecclesiam spectes. Illos quidem quia I. Deus immittit eas tanquam pater filiis, *Hebr. 12. v. 6, 7, 8, 9.* ut Pater familias domesticis *1 Pet. 4. v. 17.* Ergo paterno affectu, ac optimo sapientissimoque consilio. II. Immittit eas in bonum, ac ad salutem nostram *Rom. 8. v. 28. 1 Corinth. 11. v. 32.* III. Persecutores ne pilum quidem nobis detrudere, multo minus corpus

pus occidere possunt, sine voluntate Dei; animam autem occidere non possunt. Ergò salus animæ in tuto est *Matth.* 10. v. 28. & *seqq.* *Luc.* 21. v. 12. & *seqq.* IV. Deus mittens persecutiones eas attemperat viribus nostris: tum quoad molem & magnitudinem injuriarum, *1 Corinth.* 10. v. 13. 2 *Corinth.* 1. v. 5. tum quoad eandem durationem, *Psal.* 30. v. 6. *Iohan.* 16. v. 20, 22. 2 *Corinth.* 4. v. 17. Huc facit similitudo de poculo *Matth.* 20. v. 22. *Psal.* 75. v. 9. *Istam* verò: quia irriti conatus hostium sive persecutorum adversus Ecclesiam. Nec enim vel consilium Dei de conservatione Ecclesiæ mutare, vel manum omnipotentem impedire possunt. *Confer* *Psal.* 2. *Act.* 4. v. 24, 25. 2 *Timoth.* 2. v. 9, 10. Ad hanc classẽ etiam referendæ sunt *Prædictiones crucis* & persecutionum, sive indefinitè & communiter, *Iohan.* 16. v. 4. sive certis personis factæ *Matth.* 20. v. 23. *Iohan.* 21. v. 19. *Act.* 9. v. 16. *cap.* 20. v. 23.

2. totius Ecclesiæ.

Tertius est *Obedientia erga Deum*. Tolerantia persecutionum est pars officii, ad quam vocati, *1 Petr.* 2. v. 21. constituti sumus 2 *Thessal.* 3. v. 3. Sic enim Christus *Matth.* 11. v. 29. *Attollite jugum meum in vos, & discite à me.* & *Cap.* 16. v. 24. *Si quis vult pone me venire, abdicet semetipsum, & attollat crucem suam, & sequatur me.* Ergo non adversa, sed grata esse debet. Petimus quotidie ut fiat voluntas Dei per nos & in nobis, non minus in adversis, quàm in prosperis *Matth.* 6. v. 10. Quidni ergò etiam tum ipsius voluntati nos subjiciamus, cum nos castigat? Et si bona innumera corporalia, spiritualia accepimus à Deo, *Ephes.* 1. v. 3, 4. & *seqq.* *1 Petr.* 1. v. 3, 4, 5. cur non mala quoque ad testandam obedientiam recipiamus, perferamus? *Iob.* 2. v. 10. *Thren.* 3. v. 22, 23.

III. Obedientia erga Deum.

Quartus est *Bona Conscientia*: quod toleramus persecutiones propter conscientiam Dei, h. e. quia studemus Deo bonâ Conscientiâ servire, nim: rectè credendo & piè vivendo *1 Petr.* 2. v. 19. Clarius: Diabolus & Impii insurgunt in nos non propter impietatem & scelera, quæ nos commiserimus, iis enim ipsi unicè delectantur, *1 Petr.* 2. v. 20. *cap.* 4. v. 14, 15. sed propter Christum, Christi causâ, propter nomen ipsius, *Matth.* 5. v. 11. *Rom.* 8. v. 36. *1 Petr.* 4. v. 14. quia veri Christiani, *ibid.* v. 16. (unde etiam in Christum omnes nostræ injuriæ recidunt, *Psal.* 89. v. 5 1. 5 2. *Act.* 9. v. 4. *Hebr.* 11. v. 26. *Matth.* 25. v. 45.) propter justitiam, *Matth.* 5. vers. 10. *1 Petr.* 3. v. 14. propter sanctam in Christo conversatio-

IV. Bona Conscientia.

nein, 1 *Petr.* 4. vers. 16. ut qui piè vivere volumus in Christo Jesu
2 *Timoth.* 3. v. 12. Hoc autem plenum est consolationis. Si enim te-
ste Poëta *Nil conscire sibi, nullâ palle scere culpâ, murus abeneus est*; quan-
to magis hæc Dei conscientia securos nos reddit; cum sciamus,
non tam nos quàm Christum peti; quando ita fidem & vitam in-
stituiamus, ut nos ipsi probatos sistamus, nullius mali nobis con-
scios.

V. Causæ Fi-
nales quoad
I. Deum: ejus
Gloria.

2. Ecclesiam:
ejus propa-
gatio,

ædificatio,

3. Nosmet i-
psos.
dignitas.

gratia.

gaudium.

tolerantia,
probatio fi-
dei,

signaculum
spiritus.

Quintus sunt *Causæ finales*, tum quoad Deum, tum quoad Ec-
clesiam Dei ac membra ejus, tum quoad Nos ipsos. *Illa* est *Gloria*
ipſius, cui non minus mors, quàm vita nostra debet esse consecra-
ta, *Rom.* 14. v. 7. 8. quæque ex morte piorum cæterisque persecu-
tionibus elucet clarissimè, *Iohan.* 21. v. 19. unde 1. *Petr.* 4. v. 14. cum
conviciis afficiuntur, ille gloriæ & ille Dei Spiritus glorificari dici-
tur. Nim. quia sustinemus persecutiones, ut obediamus ipsius
mandato, quo confessionem nominis sui nobis imperavit. Obe-
dientiâ autem glorificatur inprimis à nobis. *Ista*: quia Persecu-
tiones inserviunt; tum Ecclesiæ *propaganda*, *Act.* 8. v. 14. *cap.* 11. v. 19.
20. *Phil.* 1. v. 12. 2. *Timoth.* 2. v. 9. Hinc illud: *Sanguis martyrum se-*
men Ecclesiæ. Tum eidem *adificanda*, quæ illius ædificatio consistit,
partim in membrorum ejus jam converſorum confirmatione, quo
sensu Paulus ait se vinctum pro Ephesiis, *Ephes.* 3. v. 1. pati pro Co-
lossensibus, & reliquias explere afflictionum Christi, *Colos.* 1. v. 24.
omnia tolerare propter electos, 2. *Timoth.* 2. v. 10. *partim* in aliis ab
eâ alienis ad Ecclesiæ communionem adducendis, & ad Christum
convertendis *Actor.* 16. v. 30. 31. *Hæc* denique multifaria est, sicut
multifaria est utilitas nostri respectu. I. Summa dignitas & gloria
Actor. 5. v. 41. *Ephes.* 3. v. 13. 1 *Petr.* 2. v. 20. *cap.* 4. v. 13. Cujus *causa*
est duplex. *Una*, quia singularis gratia est in negotio Christi non
solum in eum credere, sed & pro eo pati. *Phil.* 1. v. 29. *altera*, quia
conformes reddimur imagini Christi, cum eo patiando, *Rom.* 8. v.
17. 29. 2 *Timoth.* 2. 11. 12. tanquam membra capiti. II. Gratia
apud Deum, quam conciliat tolerantia 1 *Petr.* 2. v. 19. 20. III.
Gaudium *Matth.* 5. v. 11. 22. *Actor.* 5. v. 41. 1 *Petr.* 4. v. 13. IV. To-
lerantia, experientia, spes *Rom.* 5. v. 2, 3, 4. V. Probatio fidei,
quod fides nostra sit sincera, 1 *Petr.* 1. v. 6. *cap.* 4. v. 12. quodque
nos simus veri discipuli Christi *Matt.* 10. v. 38. *cap.* 16. v. 24. VI. Si-
gnaculum Spiritus residentis in nobis, qui docet patienter ferre il-
latas injurias, non ulcisci 1 *Petr.* 4. v. 14.

Sextus

Sextus est Spes Compensationis secundum promissiones Dei, ^{VI. Spes compensationis.} quæ exstant longè amplissimæ, *Matth.* 5. v. 10, 11, 12. *Cap.* 19. v. 28. 29. *Iohan.* 12. v. 25, 26. *Rom.* 8. v. 18. ubi præsentis temporis perfectiones gloriæ in nobis revelandæ non pares dicuntur, tum magnitudine, quia ineffabiliter major futura est gloria, *1 Corinth.* 2. v. 9. tum duratione, quia pondus gloriæ æternum *2 Corinth.* 4. v. 17. Sic *2 Timoth.* 2. v. 11, 12. *1 Petr.* 1. v. 4, 5, 6. *Apoc.* 2. v. 26, 27, 28. *cap.* 3. v. 5. 12. 20. 21. Hæc autem *Spes* firma est: non modo ^{ejus firmitas.} quia nititur infallibili promissione Dei, mentiri nescii, *Tit.* 1. v. 2. *Hebr.* 6. v. 17, 18. verum etiam quod persecutiones sunt media salutis, *Actor.* 14. v. 22. *2 Timoth.* 3. v. 12. (nam per eas digni reddimur regno Dei in Christo, *2 Thessal.* 1. v. 5.) ejusque indicium *Philip.* 1. vers. 28.

Septimus sunt Exempla tum *Christi*, tanquam capitis; tum ^{VII. Exempla Christi.} *Sanctorum*, ut membrorum ejus. *Christi* exemplum præ cæteris illustre est *Matt.* 20. v. 18, 19. *Ioh.* 15. v. 18. *Hebr.* 13. v. 13, 14. Is enim I. passus est persecutiones & mortem ipsam, ut caput, Dominus, Præceptor: Ergo nos lubentes quoque illas sustinere, hanc adire debemus. Quia servus non est major domino suo, *Iohan.* 15. v. 20. nec discipulus supra doctorem *Matth.* 10. v. 24, 25. Nec decet membrum deliciari, sub capite spinis coronato, inquiebat Bernhardus. Quia oportet nos ipsi conformari, *Rom.* 8. v. 17. 29. *Phil.* 3. v. 10, 11. *2 Timoth.* 2. v. 11, 12. consortes fieri afflictionum ipsius *1 Petr.* 4. v. 13. II. passus est ut relinqueret nobis exemplar, *1 Petr.* 2. v. 21. & præcursor noster factus est *Hebr.* 12. v. 1, 2. Ergo nos eum imitari, & vestigia ejus sequi oportet. III. passus est iustus pro injustis, innocens pro nocentibus *1 Petr.* 3. v. 18. Ergo nos nocentes coram Deo, gratitudinis ergo propter nomen Christi & testimonium ipsius, perpeti non debemus defugere. *Sanctorum* quales fuerunt in Vet. Test. Patriarchæ, *Hebr.* 11. v. 36, 37, 38. & Prophetæ *Matth.* 5. v. 12. *Cap.* 23. v. 34, 35. In Nov. Test. *Johan-* ^{Sanctorum.} *Baptista*, *Matt.* 14. v. 3. 4. 5. 10. 11. Apostoli, *Actor.* 4. v. 5. & per totum librum. Stephanus, *Actor.* 7. Ecclesia Hierosolymitana, *cap.* 8. adeoque tota fraternitas omnium fidelium *1 Petr.* 5. v. 9. Non debemus igitur aut propriam fortunam postulare, qui deteriores etiam ipsis: aut communem recusare. Sicut ipsi & liberati à Deo, & in mediis afflictionibus sustentati fuerunt, ita & nos li-

berabimur pariter, & sustentabimur ne succumbamus *Psal.* 66. v. 10, 11, 12. & 85. v. 2. & *seqq.*

VIII. Præsentia Dei.

Modi ejus,

Octavus est *Præsentia & Auxilium Dei* in Persecutionibus. Quam Præsentiam testatus est multis promissionibus; *Psal.* 91. v. 15. *Esaï.* 41. v. 10. 11. 14. *Cap.* 42. v. 26. 27. *Cap.* 46. v. 3. 4. *Cap.* 49. v. 15, 16. *Iohan.* 14. 15, 16. *capp.* Confirmavit etiam illustri typo rubi ardentis *Exod.* 3. insigni apparitione, *Dan.* 3. & innumerabilibus exemplis, tum eorum qui perierunt in persecutionibus ut 2 *Maccab.* 6. 7. *Act.* 7. tum aliorum, qui liberati sunt, de quibus postea. *Modi Præsentia* ostendendæ multiplices sunt: I. *Protectio fidelium* in persecutionibus, ut ne pilus quidem de capitibus ipsorum cadat, nisi quatenus & quando ipsius gloriæ & saluti ipsorum expedit *Matth.* 10. v. 28. *seq.* II. *Donatio sapientiæ & sermonis*, ut absque sollicita præmeditatione fidei suæ defensionem edere queant, *Luc.* 21. v. 12. & *seqq.* Spiritu S. eos docente eo ipso momento, quæ oporteat dicere *cap.* 12. v. 11, 12. Hoc evidentissimum in iis, qui etiam relictis linguis locuti sunt sub persecutione Vandalorū, de quibus Gregorius Magnus *lib.* 3. *Dialogor.* *cap.* 33. & Justinianus Imper. *lib.* 1. *Codicis tit.* 27. *de officio præfecti Prætorio.* III. *Donatio constantia & invicti roboris*, ut in Apostolis *Act.* 4. & 5. *cap.* IV. *Preces & exauditio earum*: quas excitat cum suspiriis inenarrabilibus Spiritus Sanctus, *Rom.* 8. v. 26, 27. exemplo Pauli & Silæ *Act.* 16. v. 25, 26. V. *Liberatio* quorundam, quoties visum Deo: de quâ post. VI. *Victoria mundi & persecutorum* in omnibus martyribus, etiam sexu, ætate infirmis, ut in mulieribus & pueris, (verbi gratia: in Paulillo puero, cujus incredibilis constantia enituit persecutione Genserici Vandalorum regis.) I *Ioh.* 5. v. 4. qui plus quam victores *Rom.* 8. 37. Nim: quia potentior qui est in ipsis, quâ qui in mundo est I *Ioh.* 4. v. 4. Et hic prior vicit mundū *Ioh.* 16. 33.

IX. Liberatio in hac vitâ;

Cautio.

Nonus est *Liberatio in hac & futurâ vitâ*: de quâ Christus *Matth.* 19. v. 28. 29. Paulus 2 *Timoth.* 4. v. 17, 18. Liberationis in hac vitâ exempla illustria proponit Scriptura in populo Israëlítico educto ex Ægypto, *Exod.* 3. & *seq. capp.* usque ad 15. in Davide, 1 *Sam.* 24. & 26. in Elia, 2 *Reg.* 1. in Elisæo, 2 *Reg.* 6. in tribus sociis Danielis, qui coniecti in fornacem ignis, *Dan.* 3. in Daniele ipso, *cap.* 6. in Christo *Matth.* 2. & *seqq.* in Apostolis, *Act.* 5. v. 19. in Petro, *Actor.* 12. in Paulo & Sila *Act.* 16. & 2 *Timoth.* 3. v. 11. *cap.* 4. v. 17. Ubi tamen cautio addenda, non omnibus accidere hanc liberationem

rationem, cum quia ferè miraculosa est: tum quia sic nulli occiderentur: sed pro sapiente ac paternâ voluntate Dei, cui se humiliter subjiunt Martyres, cum sociis Danielis *cap. 3. v. 17, 18.*

Ad hanc liberationem referenda est *benedictio in bonis terrenis* quæ amissa, eorumque multiplicatio, juxta promissionem Dei, *Matt. 19. v. 28. 29.* cujus exemplum in Jobo *cap. 42.* & multis Confessoribus. Sed iterum intelligenda est exceptio castigationis & crucis, ex *Marc. 10. v. 30.* ubi Christus quidem centuplicia nos recepturos dicit, verum *cum persecutionibus.* Liberationis in vitâ futurâ sunt in vitâ futurâ ejus gradus.

certi gradus, ad gloriam & felicitatem Sanctorum Martyrum pertinentes: Cujusmodi sunt. I. Receptio animarum, quæ occidi non possunt, in cælum *Apoc. 7. v. 13, 14.* & *Cap. 14. v. 13.*

II. Gloriosa resuscitatio corporum, quâ se solantur, cum in corpore patiuntur *Iob. 19. v. 25, 26.* 2 *Maccab. 7. v. 9.* III. Confessio Christi de ipsis in ultimo judicio *Matt. 10. v. 32, 33.* & *cap. 25. v. 34.* & *seqq.* IV. Æterna felicitas ipsorum in gaudio & gloriâ *Apocal. 20, 21. capp.* Quæ secundum gradum excellentior in ipsis futura est, quàm in aliis; ut *Matth. 19. v. 28.* & in *Apocalypsi* docetur.

Quidam putant etiam cicatrices vulnerum retenturos, ut Christus à resurrectione, *Iohan. 20.* tanquam trophæa & monumenta victoriæ suæ. Hæc omnia dabit Deus non solum secundum misericordiam; sed etiam secundum justitiam, ut justus judex 2. *Timoth. 4. v. 7, 8.* Nam *justum est apud Deum, vicissim reddere vobis qui affligimini, relaxationem nobiscum, in revelatione Domini Iesu de cælo* 2 *Thess. 1. v. 6, 7.*

Decimus sunt Pœna Hostium & Persecutorum omnium in hac & X. Pœna hostium. futura vitâ: qui non solum inexcusabiles redduntur in persecutionibus per confessiones Martyrum, *Luc. 21. v. 12.* & *seqq.* verum etiam quibus ipsæ persecutiones sunt indicium exitii *Phil. 1. v. 28.*

Exempla Pœnarum in hac vitâ illustriora proponuntur in Pharaone & Ægyptiis, *Exod. 14. v. 28.* in Saule, 1 *Sam. 31.* in Achabo, 1 *Reg. 22.* Jezebelâ & totâ ejus posteritate, 2 *Reg. 9.* in militibus quinquagenis Achasîæ, 2 *Reg. 1.* in Hamane, *Esth. 7.* in Antiocho, 1 *Maccab. 6.* & 2 *Maccab. 9.* in Herode Agrippâ, *Act. 12. v. 22, 23.* Prætereo alia innumera exempla quæ *Iosephus* proponit in Herode Magno Aſcalonitâ, *lib. 17. Antiq. cap. 7.* & de bell. *Iud. lib. 1. cap. 21.* in Herode Antipâ, qui Joh. Baptistam occidit, *lib. 18. Antiq. cap. 9.* in Pontio Pilato, *ibid. cap. 5.* in Herode Agrippâ *lib. 19. Antiq. cap. 7.*

& in

æternæ:

gradus.

& in Judæis suis, *passim*: quæque Historiæ Ecclesiasticæ horum & superiorum temporum inde ab Imp. Ethnicis usque commemorant maximè horrenda & atrociâ. De Pœnâ autem æternâ est 2 *Thess.* I. v. 6, 7, 8, 9. *Apoc.* 19. v. 20. *cap.* 20. v. 10. Et si *Matth.* 25. v. 41. & *seqq.* in ignem æternum abjiciuntur, qui neglexerunt, aut omiserunt opera misericordiæ erga sanctos, quanto magis ii, qui atrociter eos persecuti sunt, omnibusque injuriis affecerunt. Hujus autem pœnæ pro naturâ contrariorum tot constitui possunt *gradus*, quot fuerunt liberationis finalis: idque argumento locorum *Luc.* 16. *Ioh.* 5. *Matth.* 10. & 25. *cap.*

PROBLEMA QUINTUM.

An, Quibus, & Quatenus licita sit fuga in Persecutionibus?

TRACTATIO Problematis, quod grave est & necessarium explicatu, quadrimembris erit. I. exhibebit historicam narrationem de hâc quæstione. II. Rationes exponet in utramque partem. III. Decisionem quæstionis subjiciet secundum verbum Dei. IV. addet confutationem argumentorum contra fugam.

I. Historia.

Origo quæstionis.

Quæstio non est nova, nuper demum nata; sed vetus, excitata & agitata sub persecutionibus Imp. Gentilium, maxime Severi Imp. circa Annum Christi 200. vel paulo post: inde autem variè repetita.

Martyria damnabant Gnostici & Valentini.

Fugam damnabant Marcionitæ

& Montanistæ.

Prima occasio exstitit partim ex Martyriis Christianorum, partim ex eorundem Fugâ & redemptionibus à Persecutione. *Martyria improbabant* & damnabant *Gnostici* ac *Valentiniani*, docentes non esse adeundum vitæ periculum confessionis causâ; & mortem sibi consciscere, quotquot per mortem Christum confiterentur: teste Clemente Alexandrino *lib. 4. Stromatum*. *Fugam improbabant* & damnabant *Marcionitæ*, qui in odium Creatoris, ut loquitur Clementis libro jam citato, morti se temerè ingerebant, & licet possent se subducere persecutionibus, nolebant tamen. Post Marcionitas verò etiam *Montanistæ*. Hi cum initio nullam aut levem paterentur persecutionem, eamque omni ratione declinarent; hocque

hocque ipsis exprobrarent Catholici : versi in contrarium , cœco affectu quævis Martyria affectarunt , nec fugam quamcunque amplius tolerarunt. His se adfociavit *Tertullianus* , celebris prisce Ecclesie Doctor , tum quod vir asperioris ingenii ac vitæ Montanum amaret propter severitatem , id est , similitudinem disciplinæ ; tum quod invidiâ Romani Cleri premeretur. Ideo in Catholicos (quos *Psychicos* , spirituales usitatè nominat per ironiam) invecsus , librum contra eos scripsit *de fugâ in persecutione* : ubi eam in totum improbat. *Redemptiones* denique *damnabant* iidem Montanistæ , & ex ipsis primus *Tertullianus* , eodem *lib. de Fugâ cap. 12. 13.* Erat autem *Redemptio* solutio certæ pecuniæ , quam vel totæ Ecclesie , vel singula earum membra numerabant fisco Imperat. pro impetranda pace & immunitate à persecutionibus , juxta dicta *Proverb. 13. v. 8. Luc. 16. v. 9.* Eaque primum urgente sævissimâ persecutione Severi excogitata est. Inter extrema hæc opinionum *mediam viam* & sententiam tenuerunt Catholici Orthodoxi , qui parati sanguinem fundere pro fide Christi , ex mandato ipsius , *Matth. 10. v. 23.* fugâ sibi consulebant , quoties occasionem ejus divinitus sibi præberi animadvertabant : Capti verò impulsu Spiritus ad manendum excitati , intrepidè quævis supplicia adiebant & perferebant. *Clem. Alexand. Stromat. lib. 4.* Origenes super *Iohannem cap. 32.* & alii.

cumque his
Tertullianus.

Redemptiones damnabant Montanistæ.
Redemptio quid.

Fugam probabant Orthodoxi.

Hæc est prima origo Controversiæ. Quæ renovata est deinceps sub Arianorum Persecutionibus. Tum enim lis mota de fugâ Athanasio , qui persecutioni Constantii Imperatoris se subduxerat , dicentibus Arianis , debuisse eum divinam voluntatem operiendo exspectare , non fugere. *Socrates Hist. Eccles. lib. 3. cap. 6.* Ideò *Apologiam* de fugâ suâ scripsit & edidit Athanasius. Post quem quæstionem de fugâ tractavit & eruditè explicavit Augustinus *Epist. 180. ad Honoratum.*

renovatio controversiæ.

Denique repetita est hæc ipsa controversia in persecutionibus superioris sæculi , ubi diversi eam moverunt , sed affectu & scopo diverso. Alii improbarunt fugam , tanquam ex timiditate nimia & erga Deum diffidentiâ profectam : Alii improbarunt , quod manentes sub Antichristi imperio , & veritatem agnitam omisâ confessione dissimulantes , se commodis suis consulere , & possessiones suas retinere posse cernerent. Qui absque dubio gravissimè peccarunt. Atque hæc occasione quæstionem hanc re-

repetitio Eiusdem.

sumserunt, & de novo explicarunt cum alii Theologi, tum in primis Petrus Martyr in *Locis communibus & Epistolis Theologicis*.

II. Rationes in utramque partem.

Tres propositæ sunt sententiæ de fugâ in persecutione. Earum prima quia apertè repugnat Verbo Dei, & ne specie quidem aliquâ veritatis nititur, probationes ejus prorsus omitemus. Examinabimus verò utriusque sententiæ posterioris Rationes: quarum illa statuit suo modo licitam esse fugam: ista verò asserit nullo modo licitam esse.

1. Licitam esse
fugam probatur.
Dictis.

Prioris firmamenta sunt ista.

Dicta Scripturæ: Matth. 10. v. 23. *Cum persecuti fuerint vos in urbe hac, fugite in aliam.* Christus hîc Apostolis non tantum permittit fugam, sed etiam præcipit, fugam nimirum periculi, non officii. Cap. 24. v. 16, 17, 18, 19. *Tunc qui in Iudæâ fuerint, fugiant in montes. Qui in solario, &c. Va autem pregnantibus & lactantibus per illos dies. Orate verò ne fiat fuga vestra hyeme, neque Sabbato.* Hic Christus suadet piis fugam, condolet iis quibus facultas fugiendi ademta erat & jubet non deprecari fugam, sed orare commodam tempestatem fugæ opportunam.

Exemplis.

Exempla: tum Veteris Testamenti, ut sunt Iacobi, Gen. 27. 28. capp. Moysi Exod. 2. & Actor. 7. Davidis, 1 Sam. 2. 1. & seqq. Prophetarum ab Obadiâ occultatorum, 1 Reg. 18. Elie, cap. 19. Vria, Jerem. 26. v. 21. Sanctorum illorum, qui sub Maccabæis vixerunt, quorum elogia recitantur; Hebr. 11. v. 37, 38. tum Nov. Test. ceu sunt Iosephi, cui mandavit Deus, ut cum Christo infante fugeret in Ægyptum, propter persecutionem Herodis, Matth. 2. vers. 13. ipsius Christi, qui non semel fugit tum vim apertam, tum insidias inimicorum; nimirum, quando hōra ipsius nondum venerat: Vide Matth. 12. v. 15. Johan. 7. v. 8. cap. 10. v. 39, 40. Fidelium in Ecclesiâ Hierosolymitanâ, qui, demtis Apostolis, fugâ se subduxerunt, Actor. 8. v. 1. Apostoli Pauli fugientis Damasco, Actor. 9. v. 25. 2 Corinth. 11. v. 32, 33. Ecclesiæ Primitivæ sub persecutionibus Imp. Gentilium, quæ sæpissimè migravit propter pericula, Eusebio teste; Sanctorum Patrum, ut Polycarpi, post Martyris, de quo Eusebius; Cypriani, qui impellente Dei spiritu se ad tem-

pus.

pus subduxit, vide *Epist. ejus 9. ad Presbyteros Ecclesie Carthagenensis*, item *15. ad Clem. Rom. Gregorii Thaumaturgi*, qui non solum fugit ipse, sed suos quoque fugere jussit; *Athanasii*, qui persecutione Constantii Alexandria profugit, & factum suum editâ *Apologia* defendit. Repetiit quoque fugam sub persecutione Juliani Apostatae. *Chrysostomi*, qui ad declinandam tempestatem secessit Constantinopoli; *Augustini* denique jam senis, qui patriâ Hippônâ obsessâ à Visigothis Ecclesie suae consensu secessum quaesivit. Quin etiam ex nostrorum temporum persecutionibus, & earum historiis, exempla innumera dari possunt. *Consulantur inprimis Martyrologia.*

Rationes.

Rationibus.

Prima: Deum tentare grave est peccatum. Non fugere in persecutionibus, dum patet via ac modus fugiendi, est Deum tentare. Ergo. *Major exstat Deut. 6. v. 16. Matth. 4. v. 7. Minor probatur: Qui se citra necessitatem conjicit in periculum corporis & animæ, is Deum tentat. Qui non fugit in persecutione, dum patet via ac modus fugiendi, citra necessitatem se conjicit in periculum corporis & animæ. Corporis quidem; quia vitam suam, quam veluti pretiosum depositum acceperat à Deo, prostituit injuriis persecutorum, & sibiipso decurrit, contra sextum præceptum. Anima vero; quia de viribus suis nimium confidens, se ipsum conjicit in discrimen abnegationis Christi, & defectionis ab Evangelio ipsius. Ideò dictum illis: Qui videtur sibi stare, videat ne cadat 1 Corinth. 10. v. 12. Ne effertor animo sed time Rom. 11. v. 20. Exemplo sit Petrus Matth. 26. v. 33. In Ecclesia primitivâ multi grassantibus Imp. Ethnicorum persecutionibus, cum robustiores sibi viderentur, & periculum operiendo experiri vellent ultima, sub onere defecerunt, & idolis thura adoleverunt, aliosque cultus præstiterunt, Euseb. lib. 6. cap. 35. Superiore seculo etiam non pauci, cum exire nollent Babylone, uti jussi erant divinitus, Apoc. 18. v. 4. sed in eâ manere, ut aliquid paterentur Christi causâ, fecerunt Apostasiâ prolapsi sunt in exitialem ejus idololatriam. Ergo.*

Secunda: Quod nec cum pietate in Deum, neque cum charitate in proximum, hoc est, cum neutrâ tabula Legis pugnat, id illicitum merito censetur. Fuga in persecutionibus, dum libertas

q. fuga nec cum pietate neque cum charitate pugnat.

Mm 2

fugien-

fugiendi conceditur, nec cum pietate in Deum, neque cum charitate in proximum pugnat. Ergo. *Minor* est bimembris, & distinctè probatur. De *Pietate in Deum*. I. quia fugientes ignorant Dei de se consilium, & definitum sibi tempus. Id enim soli Deo notum est, *Deut.* 29, v. 29. & si innotesceret ipsis, parati essent ad manendum & patiendum: ut Christus & Paulus. II. quia fugiendo id agunt, ut gloriæ Dei commodius inserviant, seque ipsosmet deputatæ sibi divinitus horæ reservent. De *Charitate in proximum*: I. quia sæpè fugere contingit, ubi nec præsentia nostra manentibus prodesse, neque absentia nocere potest. II. quia fuga servit propagationi Evangelii, & conversioni multorum: ut docet dispersio & fuga Ecclesiæ Hierosolymitanæ *Actor.* 8. v. 1. & *seqq.* III. quia etiam hostibus consulitur, quatenus per fugam ipsis materia subtrahitur, ne se cæde nefariâ & innocenti sanguine contaminent. Ergo.

q. fuga est
species confessionis
Christi.

Tertia: Species Confessionis Christi, verbo ipsius approbata, non potest esse illicita. Atqui fuga, quæ fit tempore & loco, propter veritatem Evangelii, est species Confessionis Christi, verbo ipsius approbata. Ergo. Probatur *Minor*. I. quia qui sic fugiunt, relinquunt Christi causâ cognitionem, possessiones, patriam, &c. *Matth.* 19. v. 27, 29, 30. eoque non verbis, sed re testantur, quam charum sibi sit Christi Evangelium. In Veteri Ecclesiâ hi Confessores dicebantur *Extorres*, qui ne Christum negare cogerentur, dimissis omnibus se subtrahebant. Hi voce quidem non confitebantur Christum coram Iudice; confitebantur tamen facto; quia ut Christi fidem salvam custodirent, bona sua fisco relinquebant, & in exilium concedebant, Cyprianus *Epist.* 20. & alii. II. quia abnegantes se ipsos, cum Christo crucem suam tollunt *Matt.* 16. v. 24. Notum enim, quæ mala & incommoda sequantur exilium: quæ ipsâ morte sæpè graviora sunt. Huc faciunt exempla Eliæ. *1 Reg.* 17. & 19. *capp.* Sanctorum sub Maccabæis, *Heb.* 11. v. 37, 38. & Athanasii exulis, qui passus est vix humana.

q. ex fide fit.

Quarta: Quod fit ex fide, non est peccatum: quemadmodum quod non fit ex fide peccatum *Rom.* 14. v. 23. Atqui quædam fuga in persecutionibus fit, sive suscipitur ex fide. Nam fugam & exilia sanctorum sub Maccabæis Apostolus inter fidei energemata refert & commendat *Hebr.* 11. v. 37, 38. Ergo.

Quinta:

Quinta: Deus omnibus hominibus indidit naturæ vitæ retinendæ tuendæque desiderium: idem non minus pedes eis suppeditavit, quibus discedere valeant, cum res tempusque postulat, quam reliqua membra attribuit. Ergo fuga in persecutione non potest esse plane illicita. *Ratio* consequentiæ est; quia tum vita maximè petitur & periclitatur: quæ fugæ & pedum beneficio servari potest, secundum voluntatem Dei.

q. studium vitæ omnibus naturâ infinitum est.

Posterioris sententiæ fundamenta sunt hæc ferè.

II. Illicitam esse fugam probatur. Dictis.

Dicta Scripturæ: *Ioh.* 10. v. 12, 13. Ubi qui fugiunt veniente lupo, vocantur *Mercenarii*, quibus fideles Pastores opponuntur. *Cap.* 15. v. 13, 14. & *I Iohan.* 3. v. 16. hoc summæ charitatis esse dicitur, quam fratribus præstare teneamur, ut animas pro ipsis deponamus: quod non fit, ubi quis fugam capeffit vitæ conservandæ ergò.

Exempla eorum, qui cum possent fugâ elabi, intrepidè martyria adierunt: *Christus* Servator noster, *Matth.* 26. *Johan.* 18. *cap. Iohannes* & *Petrus*, *Actor.* 4. *Apostoli*, *cap.* 5. *Petrus* & *Iacobus*, c. 12. nec ullus ferè Apostolorum fuit, qui non morte violentâ obierit: teste *Eusebio lib.* 2. *cap.* 1. & 8. Idem fecit *Ignatius*, *lib.* 3. *cap.* 10. *Polycarpus*, *Iustinus*, & alii innumeri martyres Christi. Nec desunt exempla similia in historiis persecutionum nostri temporis.

Exemplis.

Rationes:

Prima: Præceptum temporarium & personale in imitationem trahendum non est. Præceptum de fugâ *Matth.* 10. v. 23. est temporarium & personale. *Temporarium:* quia abrogatum est, non minus quam alterum, *in viam gentium ne iveritis.* Vide *Matt.* 28. v. 19, 20. Hinc Apostoli nullum præceptum Ecclesiis dederunt de fugâ. *Personale* quoque; quia solis Apostolis datum est. Ergò.

Rationibus.

Secunda: Qui metuendi non sunt, ab iis quoque non est fugiendum. Atqui persecutores, qui possunt corpus occidere, non sunt metuendi, ut est *Matth.* 10. v. 28. Ergo.

q. hostes non sunt metuendi.

Tertia: Quod conjunctum est cum abnegatione nominis Christi, id non potest esse licitum. Fuga in persecutionibus conjuncta est cum abnegatione nominis Christi. *Ratio:* quia ideo fu-

q. fuga conjuncta sit cum abnegatione Christi.

giunt, quod ipsum confiteri nolint, etiam cum periculo capitis
Matth. 10. v. 33. Ergò.

q. persecutio
 sit bona.

Quarta: Bonum non est fugiendum. Persecutio Ecclesiæ est
 bona: tum ratione *Efficientis*, quia à Deo immittitur: tum ratione
Finis, quia ad nos explorandos, humiliandos comparata est.
 Ergò.

q. fuga sit
 stulta & im-
 pia.

Quinta: Quod est stultum & impium non est admittendum.
 Fuga in persecutionibus est stulta & impia. *Stulta*: quia Dei ma-
 nus non possumus effugere, si nos apprehendi velit *Psal.* 139. v. 1.
 2. 7. *seqq.* *Impia* quoque; quia qui fugit, Deo videtur quasi in-
 sultare, ac si etiam ipso nolente, suo arbitratu, subducere se possit.
 Ergò.

q. fuga susci-
 piatur aut dif-
 fidentiâ de
 Deo, aut odio
 crucis.

Sexta: Fuga suscipitur aut diffidentiâ de Deo, aut odio cru-
 cis. Utroque modo illicita est. Illo: quia Deo maxime fidere debe-
 mus in periculis, & ex fide invocare *Pf.* 91. v. 1, 2. *seqq.* Isto etiam;
 quia crucem nobis imperavit, & patienter à nobis ferri vult *Matth.*
 16. v. 24. Ergò.

III. Decisio Quæstionis.

Quæstio hæc ex earum est genere, quæ simpliciter nec affirmari,
 nec negari possunt. Et varia est responsio tam quoad objecta,
 quam quoad circumstantias objectorum. Nos necubi impinga-
 mus, distinctè respondebimus primò in Genere, inde in Specie.

Licita est Fu-
 ga.
 1. Si fugiens
 dubitet de
 constantiâ
 suâ.

In Genere asseveramus *Licitam esse fugam* in Persecutionibus,
 positis tribus hisce conditionibus. *Prima*: Si fugiens exploratis
 ante viribus suis, & imploratâ sollicitè & ardentè Dei ope, tamen
 dubitet de constantiâ sua in professione Evangelii; metuat verò e-
 jus abnegationem & ejurationem. *Ratio*: quia si nihilominus mane-
 ret, & Deum tentaret, & se manifesto abnegationis periculo ex-
 poneret. Ideò Christus dimitti voluit discipulos suos, cum ipse
 caperetur, *Iohan.* 18. v. 8. & cum Petrus nihilominus se ingereret,
 Dominum abnegavit *cap. eod. vers.* 25. Hæc etiam causa est, cur
 tam multi & sub veteribus & sub recentioribus persecutionibus
 fugâ se subdlexerint. Atq; hoc consilium etiam *Melanchthoni* & *Bu-
 chholcero* fuisse, ipsorum de seipsis confessio testatur. *Secunda*: Si in
 capessendâ fugâ non spectet quietem suam aut commoda tempo-
 ralia; nec ideo fugiat, quod Christum confiteri erubescat: sic e-
 nim omnibus modis illicita est: sed spectet gloriam Dei, cui et-
 jam

2. Si spectet
 non commo-
 da sua, sed glo-
 riam Dei &
 aliorum sui-
 que ædifica-
 tionem.

iam alibi servire possit; ædificationem aliorum; & sui ipsius tum à lapsu præservationem, tum ampliorem confirmationem. *Probat*ur I. ex scopo generali vitæ juxta ac mortis nostræ *Rom.* 14. v. 7. 8. II. Exemplis Apostolorum & Ecclesiæ primitivæ, *Matth.* 10. v. 23. *Actor.* 8. v. 1. & *seqq.* *Iohan.* 18. v. 8. ubi voluit Christus suos abire propter infirmitatem ipsorum; de quâ est *Matth.* 26. v. 41. *Tertia:* Si adsint legitimæ occasiones fugæ: absint verò necessaria ejus impedimenta. *Occasiones legitimæ* voco, quæ nec cum pietate in Deum, neque cum charitate in proximum pugnant; & divinitus nobis quasi monstrantur, & patent ad abeundum & evadendum periculum. Quod *intus* fit per impulsum Spiritus S. qui notatur in historiâ Christi, & Cypriani; *foris* variis modis. *Impedimenta* tria sunt: I. *Specialis vocationis & officii*: quod non est; etiam metu periculi, deferendum. Ad id enim obstricti & obligati sumus: Ideo addidit ei Deus specialem permissionem *Psal.* 91. v. 12. II. *Interni impulsus*: cum quis intus movetur ac impellitur per Spiritum S. ad manendum & intrepidè adeundum periculum, Confessionis causâ. *Ratio*: quia illo monitore certior fit de voluntate Dei: cui non reluctari, sed obtemperare debet, tam in morte, quàm in vitâ. *Exempla* hujus nobis proponuntur in Christo, *Iohan.* 13. v. 1. in Paulo, *Actor.* 20. v. 22. & *seq.* in Justino Martyre & aliis. Martyrologium etiam recitat exemplum *Aimundi la Voye*, ministri Burdigalensis; qui monitus de imminente periculo, & ut fugâ sibi consuleret rogatus, sibi id persuaderi non est passus; boni Pastoris esse dicens manere, ne dissiparentur oves, & Euangelium, quod annunciaret, fabulas aut somnia, aliave Deo contraria fuisse crederetur. III. *Politica potestatis*: cum quis jam incidit in manus & potestatem Magistratus persequentis, ejusque custodia asservatur. Tum enim fugiendum non esse, vel hinc patet: quod inde nobis constare potest de voluntate Dei, quod velit nos supplicium pati pro nomine suo, & advenerit terminus vitæ nostræ. Cui voluntati non est reluctandum. Hinc Apostoli nunquam effregerunt carceres & aufugerunt: sed vel castigati & dimissi sunt à magistratu, *Act.* 5. *cap.* vel supplicium subierunt, ut Jacobus, *cap.* 12. vel divinitus fuerunt liberati, ut Petrus, *cap. eod.*

In *Specie* distinguimus varios status ac ordines hominum secundum Oeconomiam, Politiam, Ecclesiam: de quibus variat responsio.

In Oecono-
miâ quibus
fuga concef-
fa, quibus non

Personæ obli-
gata quæ.

In Politia
quibus fuge-
re liceat.

In Ecclesiâ
Pastoribus
fugere non
licet.

Casus in qui-
bus fuga ipsis
concessa.

In *Oeconomîâ* permiffa est fuga, & licita est vel integris fa-
miliis, vel quibufdam personis in iis; sed cum consensu, si sint
obligatæ. *Ratio*: quia sunt Personæ privatæ, non impeditur spe-
cialis officii functione. *Persona obligata* autem sunt tum Coniuges,
qui sibi invicem devincti, tum parentes & liberi. Uxor igitur non
potest fugere, nisi consentiente marito; & viciffim: *argumen-
to loci* 1. *Corinth.* 7. v. 4. 5. nec liberi fugere, nisi de consensu
Parentum; inprimis cum his necessaria est eorum opera. Nam
hoc pertinet ad honorem debitum parentibus. Servorum alia
nunc ratio est, quam olim: tum enim perpetua ferè erat servi-
tus & personalis *Exod.* 21. v. 6. *Philem.* v. 15. Nunc omnes servi
sunt liberi & servitus ipsorum est brevis temporis pro voluntate ip-
sorum. Tamen, quoad obstricti, non discedent invitis Dominis.

In *Politîâ* facilis est & expedita responsio. *Magistratus*
aut sunt *Superiores*, habentes jus summi Imperii; aut *Inferiores*,
iis subordinati, qui quod habent potestatis ab illis acceperunt
& illorum nomine exercent. *Illi* aut ipsi *movent* persecutiones,
cum sunt hostes Ecclesiæ; & sic nulla est quæstio: aut *patiuntur*
persecutiones, cum sunt membra Ecclesiæ; & sic non fuge-
re, sed armis religionem, Ecclesiam, ex officio tueri debent, ceu
nutricii Ecclesiæ, *Esaï.* 49. v. 23. exemplis piorum Regum aut
Impp. *Isti* subjecti *hostibus* dejiciuntur suis muneribus, & in
formam privatam rediguntur; & sic eadem responsio est de
iis, quæ de aliis privatis. Subditi verò *pîus* non fugere, sed ju-
vare debent Magistratum superiorem in depellendis persecuti-
bus & injuriis religionis causâ.

In *Ecclesiâ* Pastoribus sive Ministris Ecclesiæ non est licita aut
permiffa fuga. I. quia obstat illud Christi de mercenariis, *Iohan.*
10. v. 12. 13. II. quia obstricti & obligati sunt certis Ecclesiis,
Act. 20. v. 28. 1. *Pet.* 5. v. 2. III. quia eorum tum maxima necessitas,
quoad doctrinam, consilium, & exemplum. IV. quia red-
dere rationes tenentur de animabus ovium suarum *Ezechiel.* 3. v.
2. & *seqq. cap.* 33. v. 7. & *seqq. Hebr.* 13. v. 17 *Excipiuntur* tamen cer-
ti *casus*, quibus fugere possunt, I. Si persecutio sit persona-
lis, contra hujus vel illius ministri personam suscepta. Ita
Uria secessit in Ægyptum, ut evitaret furorem Regis Jojakim
Ierem. 26. v. 21. Paulus fugit Damasco, dimissus in corbe è mu-
ro urbis *Act.* 9. v. 25. Athanasius Alexandriâ abiit *Soerat. lib.* 3.
cap. 6.

cap. 6. Chrysostomus Constantinopoli, *Sozom. lib. 8. cap. 27.* falvis Ecclesiis earumque ministerio. II. Si in eâdem Ecclesiâ numero vel saltem plures sint ministri, ne omnes simus & semel periclitentur, & iis orbetur Ecclesia, possunt aliqui secedere, & se reservare futuræ necessitati, de consensu Ecclesiæ. Quinam autem ex pluribus dimittendi sint, iudicio Ecclesiæ, aut presbyterii permittatur: Vel, ne quis aut invitus manere cogatur, aut alius nimium de viribus suis præsumens permanere eligat, sorte, cum invocatione nominis divini, res dirimatur: uti factum *Actor. 1. cap.* Ratio hæc est: quia sic ministerio Ecclesiæ nihil decedit; imo etiam prospicitur in futurum. Ita occultati fuerunt prophetæ ab Obadiâ *1 Reg. 18.* Ita dimissus est Paulus Damasco; manente Ananiâ & aliis *Actor. 9.* Separantur Paulus & Barnabas ministerii causâ, *Actor. 13. v. 2.* quidni ergo ad tempus dimitti queant, conservationis ergo? Testatur etiam Historia Valdensium ad Annum 1561. quod ad tempus dimiserint omnes suos Ministros, contenti Senioribus & Diaconis, ne eorum jacturam facerent: simul tamen etiam ferociam suorum persecutorum mitigarent. III. Si tota Ecclesia migret aut dissipetur. Tum enim aut unâ migrare, discedere licebit: ut Prophetæ qui cum populo migrarunt in Babel; Simeon Cleophæ Hierosolymâ migrans Pelam cum piis, monitu divino, ut refert Eusebius; & ut Johannes a Lasco discessit cum Ecclesiis peregrinorum ex Angliâ, Marianis temporibus: aut dissipato cœtu, Ecclesiæ desinit esse minister, & fit privatus; & tum licet ei quod aliis privatis. Exempla plura occurrunt in historiis antiquis, cum gentes barbaræ infuderunt se in Italiam & Africam, everfis Ecclesiis. Et nunc, proh dolor, ob oculos sunt in Palatinatu: ubi passim pagi, vici ab habitatoribus suis planè deserti conspiciuntur. Extra hos casus licitam esse ministro fugam non censemus: idemque sentiunt Augustinus *Epist. 180. ad Honoratum*, Martyr, & alii.

Cæterum sententiæ huic ob stare videntur exempla in sacris: Exempla Eliæ, *1 Reg. 19.* Uriæ prophetæ, *Ierem. 26. v. 21.* Pauli Apostoli, *Actor. 9. v. 25.* imò ipsius Christi, *Iohan. 7. 8. 10. capp.* qui cum essent Pastores Ecclesiæ; Christus etiam ἀρχιεπίμην princeps pastorum, *1 Petr. 5. v. 4.* tamen fugerunt in persecutionibus. *Responsio*

sio gemina est. Prior dissimilitudinis in exemplis. Propheta, Christus & Apostoli, mandato vel saltem impulsu speciali & extraordinario incitati fuerunt ad fugam : quod scirent tum horam suam nondum venisse, tum alia quoque alibi in ministerio suo sibi peragenda esse : sicut de Eliâ dicitur, 1 Reg. 19. quod Angeli mandato iter quadraginta dierum susceperit : Pastores & Doctores Ecclesiæ ordinarii huiusmodi mandatum nullum habent. Illi non fuerunt certo loco alligati, sed modo hîc, jam illic munus suum exsequebantur, ut historia docet : & Paulus Gentium Apostolus testatur sibi incumbere curam omnium Ecclesiarum, 2 Corinth. 11. v. 28. at Pastores, Doctores Ecclesiæ, oppidatim vicatim constituti, Actor. 14. v. 23. Tit. 1. v. 5. singulis Ecclesiis sigillatim obstricti sunt, & cum iis manere debent. Altera verò analogiæ sive alicujus similitudinis. Sicut Urias, Paulus fugerunt in personali persecutione ; ita etiam ministro illo casulicere ostendimus : inprimis cum alii adsunt ministri, ut erant Hierosolymis & Damasci, qui ipsorum vicem gerere possint, ne quid Ecclesia detrimenti capiat.

Scholasticis
num fuga sit
licita?

Unum superest de *Scholasticis*, hoc est, de docentibus & discentibus in Academiis & Scholis : quid de ipsorum fugâ sit sentiendum? Respond. Non repetam, quæ hic ordo communia habet cum aliis. Tantùm quæ ei peculiaria sunt, subjiciam. In omnibus bellis, etiam non susceptis contra Religionem, quæ Augustinus alicubi vocat *steriles persecutiones*, dissipantur ac dilabuntur huiusmodi cœtus. Inter arma ut leges sic Musæ silent. Quanto magis in persecutionibus, ubi cœtus huiusmodi primum omnium petuntur : quod factum in Persecutione Juliani Apostatæ ; & hodieque exempla ob oculos habemus tum hîc, tum in totâ Provinciâ. Discentes non sunt obstricti certo loco, non obligati uni alicui Ecclesiæ : sed educantur in spem ministerii. Possunt igitur liberè discedere, quo volunt. Ipsis autem abeuntibus, quis usus docentium : aut quod impedimentum fugæ ipsorum? Imo ut in contagionibus publicâ autoritate dissolvuntur huiusmodi cœtus, & aliò ablegantur ; ita ferè in bellis. In Scripturis nihil disertè habemus de Scholis : sed non incommode huc refertur fuga & occultatio prophetarum, 1 Reg. 18. qui ex parte saltem fuerunt filii prophetarum, ex collatione 2 Reg. 2. cap. & sic

& sic Candidati solum ministerii, sive studiosi liberi, non autem ministri.

IV. Confutatio argumentorum contra Fugam.

Dictorum : quæ impertinenter allegantur ob fallaciam à dicto secundum quid. *Iohan.* 10. v. 12, 13. non quævis fuga culpatur, interdicitur ; sed fuga Pseudopastorum sive mercenariorum ; qui quando volunt, se à gregibus suis subducunt, non cum à tyrannis vi ejiciuntur. Idque ideo, quia quæstum tantum suum, non gregum suorum salutem quærunt. *Iohan.* 15. v. 13, 14. & 1 *Iohan.* 3. v. 16. quod dicitur de animâ ponendâ pro fratribus, id tum locum habet, cum præsentia nostra & utilis ipsis est in persecutionibus, & necessaria. At sæpe fuga utilior est, nim : quoties magis expedit Ecclesiæ Dei nos manere in carne, ut est *Phil.* 1. v. 24. Quandoque etiam est magis necessaria : cum fratribus captivis non possumus ; nobis autem liberis adhuc debemus consulere.

Vindiciæ dictorum

Ioh. 10. v. 12.

13.

Ioh. 15. v. 13.

14. & 1 *Ioh.* 3.

v. 16.

Exemplorum : quæ id tantum concludunt, fugam nec cuivis, nec quovis loco & tempore esse licitam. Idem verò nos decisione quæstionis aperte asseruimus. Quod verò simpliciter non sit illicita, hæc ipsa exempla evincunt. Nam & Christus quandoque fugit, & fugerunt Apostoli ipsius : fugit etiam Polycarpus & alii : de quibus supra.

Rationum : quas ordine illo, quo propositæ sunt, dissolvemus.

Prima : Minore falsa est, secundum utrumque membrum. *Quoad primum* : quia perpetuum est præceptum, nullibi revocatum aut abrogatum ; sicut duo illa, de viis gentium & urbibus Samaritanorum, *Matth.* 28. *Marc.* 16. vel si abrogatum, quia istis conjunctum ; cætera quæ præcedunt & sequuntur similiter fuerint abrogata ; quod nunquam adebunt profiteri. Observatio hujus præcepti etiam post Christi adscensionem, idque in gentibus, ostendit perpetuum ejus vigorem. Nec obstat quod Apostoli nihil præceperunt de fugâ in persecutione, I. quia hoc non erat necessarium, tum quia id jam ante factum à Christo ; tum quia naturale desiderium vitæ retinendæ dictat fugam, & ad fugiendum impellit. II. erat etiam valde difficile, quia speciales casus, quando licita sit fuga, quando non, non ita possunt determinari. Præcepto igitur generali contenti esse voluerunt. *Quoad alterum*

Confutatio argumenti primi.

alterum: quia aliis commune est cum Apostolis, ut docet ipse Servator, *Matth.* 24. v. 16, 17. & praxis Ecclesiæ Apostolicæ, *Act.* 8. v. 1. & *seqq.* evincit: in quâ manentibus Apostolis dissipati sunt & fugerunt discipuli.

secundi.

Secunda: habet fallaciam à dicto secundum quid. Non metuendi sunt, vid. in tantum, ut metu mortis, & vitæ retinendæ spe induci nos patiamur ad Christum abnegandum: ut circumstantiæ textus clarè docent. Simpliciter non esse metuendos, falsum est. Cur igitur hoc ipso capite fugam in persecutionibus imperat Dominus?

terti.

Tertia: aut particulariter tantum concludit, quod quædam fuga sit illicita: & datur totum. Siquidem in confesso est, fugam quæ conjuncta est cum abnegatione nominis Christi esse illicitam. Aut concludit universaliter, & falsa est Minor; nim: quod omnis fuga conjuncta sit cum abnegatione Christi. Multi fugiunt in persecutionibus, ne Dominum abnegent per infirmitatem carnis suæ. Et dum fugiunt ipsum confitentur, ut qui ipsius causâ domos, cognationem, patriam, & omnia relinquunt *Matth.* 19. v. 28, 29. Hi in veteri Ecclesia peculiari appellatione *Extorres*, id est, Christi exules vocabantur.

quarti.

Quarta: laborat fallacia accidentis. *Major* vera est de bonis per se: *Minor* de iis, quæ per accidens sunt talia. Ea verò si non licet suo ordine & modo fugere, etiam bellum, fames, pestis, morbi, & alia fugienda non sunt; quæ & ipsa à Deo immittuntur, & ad commodum fidelium comparata sunt, quibus omnia simul adjumento sunt in bonum *Rom.* 8. v. 28.

quinti.

Quinta: recurrit fallacia à dicto secundum quid. Stulta, impia est fuga, quando certò constat de voluntate Dei, sive *externo* verbo; ut Paulo constabat ex prædictione Agabi, *Act.* 21. v. 11. sive *interno* instinctu, ut Christo *Iohan.* 13. v. 1. quod vid. velit Deus nos manere, & pati supplicium pro veritate. Talis quodammodo fuit fuga Jonæ, in casu licet dissimili *cap.* 1. v. 3-4. Sed qui legitimè fugiunt prout nos fugam hîc defendimus, ignari sunt consilii & voluntatis divinæ de se; utunturque occasionibus divinitus oblatis. Proindè nec stultitiæ, neque impietatis infimulari jure possunt.

sexti.

Sexta: habet insufficientem partium sive causarum enumerationem. Fugiunt pii in persecutionibus nec dissidentia erga Deum,

Deum, neque odio crucis: sed diffidentia de viribus suis, quod spiritum quidem promptum at carnem infirmam sentiant, *Mat. 26. v. 41.* item reverentia erga Deum, quem manendo tentare nolunt, neglecta opportunitate evadendi periculum: denique etiam studio tum gloriæ Dei, tum salutis proximi, imò totius Ecclesiæ, cui suppetites diutius servire desiderant, secundum voluntatem Dei.

Coronidis loco addo duas *Regulas*, circa quæstionem de Fuga observandas.

Prima: *Fuga, etiam licita, sæpe conjuncta est cum infirmitate carnis & defectu.* Probatur I. quia spiritus quidem promptus, at caro infirma *Mat. 26. v. 41.* II. quia variæ ac difficiles circumstantiæ in fuga licita: quæ aut non semper succurrunt, aut non semper observantur. Illustratur *exemplis* Eliæ, *1 Reg. 19. v. 1. 2. seq.* Uriæ, *Jerem. 26. v. 21.* & Apostolorum *Matth. 26. v. 56.* Ideò rogandus Dominus, ut Spiritu suo bono regat hujusmodi consilia, & in fuga nos sua manu ducat *Psal. 143. v. 10.*

Fuga etiam
licita non
sine defectu.

Alter: *Nec fugientes à manentibus contemni, tanquam leves aut timidi; neque manentes à fugientibus ut confidentes, presumptuosi culpari debent.* Probatur I. quia utrique nituntur testimonio rectæ conscientiæ secundum verbum Dei, cujus ipse solus est iudex. II. Utrique examen & modulum virium suarum sequuntur. III. Utrique Dei gloriam & ædificationem Ecclesiæ ex animo quærunt: licet modis diversis, imò contrariis. Illustratur argumento à pari ex *Epist. ad Roman. cap. 14.* de infirmorum mutua tolerantia. Ubi tamen dissimilitudo est. Quia qui infirmi dicuntur, non intelligebant libertatem suam in Christo. Hic autem non omnes fugientes sunt infirmi: nisi & Christum, & Paulum iis quoque accensere lubeat.

Fugientes &
manentes se
invicem cul-
pare non de-
bent.

PROBLEMA SEXTUM

Cur Deus permittat lapsus Sanctorum in persecutionibus? & num lapsi in communionem Ecclesiæ recipiendi sint?

Servator noster de Cruce & Persecutionibus dislerens, non solum quorundam constantem confessionem, sed etiam cæterorum fœdam abnegationem prædixit. *Matth. 10. & 24. capp.*

Constantes
in persecutio-
ne Martyres,
Confessores.

Extorres.

Inconstantes.

Apostata;

Infirmi; iique

Sacrificati,
Thurificati,
Idololatæ,
Libellatici.

Status Con-
troverfiæ.

Illorum: tres quasi ordines fecit Antiquitas. Erant enim alii *Martyres* καὶ ἑξοχλῶ sic dicti, qui vitam inter diros cruciatus ponebant pro veritate Euangelii. Alii *Confessores*, quod Christum confessi, & propterea tormenta passi, dimitterentur à Persecutoribus. Hi tamen etiam Martyres vocantur à Cypriano in *Epistolis*: ab aliis Martyres designati. Alii *Extorres*, qui ne Christum negare cogerentur, relictis omnibus fiebant exules: qui tamen etiam inter Confessores numerabantur. Nam etsi coram Iudice liberâ voce non confiterentur, tamen factò id præstabant, quatenus Christi causâ omnia suo fisco relinquebant, & in spontaneum exilium concedebant.

Istorum etiam non leve est discrimen. Nam alii abnegârunt Christum ejusque Euangelium corde & ore simul; ut omnes temporarii, qui radicem non habent, *Luc. 8. v. 13.* in quibus excellunt peccantes in Spiritum Sanctum, *Heb. 6. & 10. capp.* & uno communi nomine *Apostata* vocantur. Qualis fuit Judas, Hymenæus, Philetus, Julianus Imp. & alii. Nonnulli verò ore tantum negant, non corde: ut Petrus, de quo notum est dictum Augustini: *Non defecit Petrum fides in corde, cum deficeret confessio in ore.* Item Origenes Epiphonio teste, *heres. 64.* Marcellinus Episcopus Rom. & innumeri alii, inprimis sub persecutione Decii Imp. Hi uno communi nomine *Infirmi* dici queunt. Distinguuntur verò & ipsi inter se specialibus nominibus apud Cyprianum in *Epist.* & alios: qui duplex genus Lapsorum faciunt. Nam alios vocant *Sacrificatos*, *thurificatos*, vel communi nomine *Idololatræ*: alios autem *Libellaticos*. *Sacrificati* erant, qui quomodocunque immolassent Diis, idolis Gentium, vel immolata, gustassent. *Thurificati*, qui thus obtulissent, vel adolevissent. *Idololatæ*, qui quemvis religionis cultum idolis publice exhibuissent. *Libellatici* denique, qui exhibitò Magistratui libello Christum se abnegare profitebantur: cæterum necessitatem sacrificandi idolis pecuniâ redimebant, & libellum securitatis à Magistratu vicissim accipiebant. Erat igitur *Redemptio* illa alia longè, quam de qua dictum Problem: antecedenti. Nam illi redimebant pacem salvâ confessione & veritate: hi negatâ veritate. Quæ nomina pro qualitate lapsuum etiam nostris temporibus accommodari possunt.

Nos hoc Problemate non de quibusvis Lapsis, etiam Apostatis, Hæreticis, peccantibus in Spiritum Sanctum; sed de infirmis,
five

sive lapsis ex infirmitate agimus. Unde de *Lapsibus Sanctorum* quaeritur. Neque etiam indefinite de omnibus ipsorum lapsibus, qui varii sunt in vitâ communi: sed definite de Lapsibus in Persecutione, circa Professionem Christi & Euangelii ipsius, ac cultum religionis. Exempla illustriora hujusmodi lapsuum historia Sacra proponit in *Aarone*, Exod. 32. & *Petro* Matth. 26. Ecclesiastica in *Origene*, *Marcellino*, *Orio*, & aliis.

Definito & explicato Statu quaestionis, sequitur tractatio ipsa Problematis, quod est bimembre. Nam quaeritur I. *Cur Deus permisit & permittat lapsus illos Sanctorum?* II. *Num Sancti Lapsi recipiendi sint in communionem Ecclesiae?*

De Primo.

Quod Deus permittat lapsus illos Sanctorum, certum est. Nam Deus permittit lapsum sanctorum. permittit omne peccatum *Psal.* 81. v. 13. & *Act.* 14. v. 16. Et ipso non permittente, sed impediante, nullum omnino patrari & evenire posset. Et si ne pilus quidem de capite piorum cadit aut cadere potest in persecutionibus: ut ipse Christus testatur, *Matth.* 10. v. 29, 30. sine voluntate Dei: quomodo ipsi in persecutionibus caderent, inciderent in tam grave peccatum abnegationis Christi, sine voluntariâ Dei permissione.

Sed causa hujus Permissionis non est ita obvia: Et pugnare videtur cum illâ Dei promissione, quæ exstat 1 Corinth. 10. v. 13. *Fidelis est Deus, qui non sinet vos tentari supra id quod potestis; sed una cum temptatione præstabit etiam exitum, ut possitis eam sufferre.* In causas igitur Permissionis hujus inquiremus; non prout latent in arcano Dei consilio; sic enim ipsi soli notæ sunt: sed quatenus nobis patefactæ sunt in verbo; & eventu ipso innotescunt. Rectè Augustinus: *Nullum malum in operibus suis sineret Omnipotens, nisi adeo esset omnipotens & bonus, ut etiam benefaceret de malo.* Permittit igitur lapsus Sanctorum in Persecutionibus, ut eos vertat in bonum: quod Veteres dixerunt, *Deum abuti peccatis*, id est, à suo naturali quasi fine ad alienum ea traducere: sicut dicitur *Genes.* 50. v. 20. *Vos cogitaveratis adversus me malum, sed Deus cogitavit illud in bonum convertere.*

Causæ igitur hujusce Permissionis in Finibus, propter quos Deus permisit illos lapsus spectandæ sunt. *Fines* porro illi sunt triplices,

triplices, alii Deum, alii Sanctos lapsos, alii Proximum attinentes.

I. Deum.
Gloria
gratiæ,

fidei,

potentiæ.

Quoad Deum Finis est *Gloria gratiæ*, fidei, & potentiæ ipsius. *Gratiæ*, quia ejus amplitudo illustrior fit, ex iteratâ remissione etiam tam gravium lapsuum. *Confer Psalm.* 103. v. 10, 11. & *Psalm.* 51. *Fidei*, quia veritas geminæ promissionis commendatur: tum quod nolit lapsos abjicere, *Psalm.* 89. v. 31. & seq. tum quod eosdem velit erigere, *Ierem.* 3. v. 9, 17. adeoque labentibus supponat manum, *Psalm.* 57. v. 24. *Potentiæ*, quod nemo possit rapere oves Christi ex manibus ipsius & Patris; *Iohan.* 19. v. 28. 21. quin imò quod ne portæ quidem inferorum prævalere possint adversus singula membra Ecclesiæ, *Matth.* 16. v. 18. ut quæ virtutis Dei præsidio custodiuntur ad salutem per fidem 1 *Petr.* 1. vers. 3, 4.

2. Sanctos lapsos
Humilitas.

Vigilantia.

Manfuetudo
ergà lapsos.

Desiderium
vitæ futuræ.

3. Proximum.
Solatium infirmorum.
Informatio
ad poenitentiam.

Quoad ipsosmet Sanctos Lapsos fines sunt I. *Humilitas*: ut humiliantur per lapsus suos, ne vel elatè nimis de se sentiant, vel abjectè & contemptim de proximo suo *Phil.* 2. v. 3, 4. Exemplum Petri, *Matth.* 26. v. 33. & vers. 74. 75. inter se collatis id ostendit: unde *Iohan.* 21. v. 15. & seq. comparatè rogatus, absolute respondet. II. *Vigilantia* & cautio: ne securitati carnis suæ amplius indulgeant; sed lapsibus suis moniti, deinceps eos diligentius caveant, & ut cavere possint Dei gratiam interdiu ac noctu implorent: adeoque cum timore & tremore salutem suam operentur. *Confer Rom.* 11. v. 18. & seqq. 1 *Corinth.* 10. v. 12. III. *Manfuetudo* ergà fratres lapsos, ut iis condoleant; non contemnant eos, sed suscipiant: ut qui ipsi etiam lapsi. Huc pertinet illud Christi *Matth.* 18. v. 21. 22. non dico tibi usque septies, sed usque septuagies septies, scilicet, remittes fratri tuo peccanti in te, & Pauli *Galat.* 6. v. 1, 2. *Fratres etiamsi præoccupatus fuerit homo in aliquâ offensâ, vos spirituales reconcinnate hujusmodi hominem cum spiritu lenitatis: considerans unusquisque temetipsum, & ne tu tenteris. Alii aliorum onera portate, & ita complete Legem Christi.* IV. *Desiderium vitæ futuræ*, in quo demum liberandi sunt à peccato inhabitante, à quo tam fœdi Sanctorum Lapsus permanant. *Vide Rom.* 7. v. 24, 25. cap. 8. v. 23. *Apoc.* 22. v. 20.

Quoad Proximum Fines sunt. I. *Solatium infirmorum* & remedium desperationis, ne desperent in his aut similibus peccatis. *Vide 1 Timoth.* 1. v. 15, 16. II. *Informatio ad veram poenitentiam*: quæ in Sanctis resurgentibus à lapsu suo graphicè depingitur, ut in Davi-

de,

de; *Pfal.* 51. in Petro, *Matth.* 26. *Iohann.* 21. in muliere peccatrice, *Luc.* 7. in filio prodigo *Luc.* 15. III. *Dehortatio à superbiâ & se-*
curitate: quam Paulus proponit *Rom.* 11. cap. & alibi.

Dehortatio à superbiâ.

Ex quibus omnibus planum est, *quomodo Lapsus Sanctorum* in Scriptura nobis *considerandi* sint. *Non ad contemptum ipsorum*; hoc enim esset reterege pudenda ipsorum: *Nec ad imitationem*; quia in ipsis culpantur, & castigati sunt divinitus: *Neque etiam ad excusationem aut extenuationem lapsum nostrorum*; hoc enim esset sibi blandiri in peccatis, iisque folia ficulnea obducere: *sed ad doctrinam, correctionem, institutionem, consolationem*: uti dictum.

Lapsus Sanctorum quomodo considerandi.

Superest nunc ut satisfaciamus objectioni ex Paulo 1 *Corinth.* 10. v. 13. Deus non finet tentari suos supra vires. Ergo non finet quisque tentari Sanctos, ut labantur in persecutionibus. *Respond.* Deus dupliciter dici potest tentare supra vires: *Semel*, cum ita tentat ut peccent, succumbant tentationi. *Iterum*, ut etiam ruant in exitium, nec inveniant exitum. *Secundo* modo nunquam tentat Sanctos: & de hoc propriè loquitur promissio, ut docet exegesis. Semper enim etiam in peccantibus manet semen Dei. *Primo* autem modo aliquando tentat iusto iudicio; nim: cum elati, securi sunt. *Simplicius* sic: *Supra vires*; id est, ut non detur exitus, sive ad exitium. Est enim Tentatio *juxta vires*, iis attemperata, quam possumus superare per Dei gratiam vigilando, orando *Matth.* 26. Est etiam *supra vires*, cui succumbunt, qui eâ tentantur, unde non datur exitus, sive quæ ad exitium est. Illâ, non istâ tentantur Sancti.

Explicatur dictum 1. Cor. 10. v. 13.

De Secundo.

De Receptione Sanctorum Lapsorum gravis & diuturna fuit controversia in Ecclesiâ Primitivâ: orta sub Persecutione gravissimâ Decii Imp. & ad Constantinum usque Magnum, & ultra continuata: quæ ne quidem in Concilio Niceno quievit. *Occasionem* controversiæ præbuerunt crebræ defectiones & abnegationes fidelium infirmorum, maxime sub Decio Imp. Ii de sævientibus persecutionibus, & pace redditâ Ecclesiis, recipi cupiebant in ejus societatem & communionem. Cœptum igitur disputari de Receptione eorum. Fuerunt autem de eâ tres sententiæ inter se contrariæ, duæ extremæ & una media.

Origo controversiæ.

I. Novatus lapsis omnem veniam negabat.

Prima fuit *Novati*, qui omnem semel lapsis veniam præcisam esse asseverabat : argumentis cum aliis, tum inprimis duorum locorum, *Hebr. 6. v. 4, 5, 6. & cap. 10. v. 26. & seqq.* quæ tamen non de quovis lapsu, sed de Apostasiâ universali, & peccato in Spiritum Sanctum loquuntur. Fuit *Novatus* Afer natione; & cum esset Presbyter & Episcopatum affectaret, repulsæ dolore ad res novas movendas animum adjecit. Primum virus suum sparsit in Africâ; inde etiam in Italiâ. Sectatores ejus dicti fuerunt *Novatiani*, itemque *Cathari*, quod se reliquis vitâ moribusque puriores esse jactitarent.

II. Novatianus omnes promiscuè admittebat.

Secunda *Novatiani*, & socii ipsius *Felicissimi*, perditissimorum hominum; qui ut Orthodoxis Episcopis ægrè facerent, contendeabant lapsos omnes promiscuè, absque pœnitentiâ mox suscipiendos. Fuit autem *Novatianus* Presbyter Ecclesiæ Romanæ qui excusso per calumnias Cornelio Episcopo, in sedem illam se intrusit : unde tamen paulò post est ejectus. Sectatores ejus *Novatianenses* dicti sunt : qui cum Novatianis sæpe confunduntur.

III. Orthodoxi recipiebant sed non absque præviâ pœnitentiâ.

Tertia est *Ecclesiæ Orthodoxæ* : quæ mediâ viâ incedens, lapsos recipiendos esse statuit, sed non absque præviâ pœnitentiâ. Hæc est doctrina Cypriani *lib. de lapsis*, approbata in Concilio Carthaginensi, in Conciliis Romanis duobus, & aliis sequentibus. Eandem etiam tenent ac tuentur *Ecclesiæ Reformata* contra Anabaptistas, qui soboles quædam sunt Novatianorum. Ideò utrumque paucis demonstrabimus ex Scripturâ.

Lapsi sunt recipiendi.

Prius : Quod recipiendi sint lapsi, revertentes ad Ecclesiam, ostenditur *Dictis* Scripturæ : *Ezechiel. 18. v. 21. & seqq.* *Quum improbus conversus ab omnibus peccatis suis quæ fecit, observabit omnia statuta mea, & exercebit jus & justitiam, omnino vivet, non morietur. Omnes defectiones ejus quas commisit non commemorabuntur ei; in suâ justitiâ, quam exercet vivet. An ullo pacto delector morte improbi? dictum Domini Iehovi: annon cum revertitur à viis suis, ut vivat? Esa. 1. v. 16, 17, 18. Lavate vos, purificate vos, amovete malignitatem actionum vestrarum ex adverso oculorum meorum : desinite malefacere. Discite benefacere, quærete jus, beate oppressum, jus dicite pupillo, suscipite causam viduæ; Venite jam & disceptemus, inquit Iehova, si fuerint peccata vestra velut dibapha, tanquam nix exalbescent : si rubra fuerint velut coccineum, similia lana erunt. Jerem. 3. v. 7, 8, 9. Revertite*
re aversa

re averſa Iſrael, dictum Iehova, non faciam ut irruat facies mea irata in vos; nam benignus ſum, dictum Iehova, non aſſervo iram in ſeculum. Tantummodo agnoſce iniquitatem tuam, te à Iehova Deo tuo defeciſſe. Revertimini filii averſantes, dictum Iehova; nam ego conſugio junctus ſum vobis, & recipiam vos. & verſ. 17. Revertimini filii averſantes, curabo averſiones veſtras. Matth. 18. v. 21, 22. Petrus dixit: Domine quoties peccabit in me frater meus, & remittam ei? an uſque ſepties. Dicit ei Ieſus: non dico tibi uſque ſepties: ſed uſque ſeptuagies ſepties. 1 Joh. 2. v. 1, 2. Filii mei, hæc ſcribo vobis, ut ne peccetis. Quod ſi quis peccarit, advocatum apud Patrem habemus, Ieſum Chriſtum juſtum. Et iſſe eſt propitiatio pro peccatis noſtris: nec pro noſtris ſolum, ſed etiam totius mundi peccatis. Exemplis: Aaronis, Exod. cap. 32, 33. Menaffis, 2. Chron. 33. Thomæ, Iohan. 20. totius populi Iſraël in deſerto, ſub Iudicibus & Regibus, Pſalm. 106. ut alia exempla lapſuum in vitâ & moribus longè graviffimorum præteream. Similibus Ovis perditæ, drachmæ amiſſæ, filii prodigi, Luc. 15. Regis ineuntis rationes cum ſervis ſuis, & omnia remittentis, Matth. 18. Filii nolentes ire in vineam ſed reſiſcentis Matth. 21.

Alterum: Quod recipiendi ſint præviâ pœnitentia ſive reſiſcentiâ, ſimiliter demonſtratur, tum Dictis Scripturæ: Luc. 17. v. 3. 4. Si peccaverit in te frater tuus, obſurga eum; & ſi reſipuerit, remitte ei. Et ſi ſepties in die peccaverit in te, & ſepties in die revertatur ad te, dicens, Reſipui: remittes ei. Actor. 8. verſ. 22. Reſpiſce ab iſtâ tuâ malitiâ, & deprecare Deum, ſi fortè remittetur tibi machinatio cordis tui. tum Exemplis: Petri, Matth. 26. Iohan. 21. Thomæ, Iohan. 20. inceſtuoſi, 2. Corinth. 2. Davidis 2. Samuel. 12. tum Similibus: Filii prodigi, Luc. 15. Servi debitoris Matth. 18. Filii immorigeri Matth. 21. Hæc cauſa eſt, quod Hieronymus in cap. 16. Ezechiel. Pœnitentiam alteram ſalutis tabulam appellavit. Nam primam, Baptiſmum, eſſe ait evadendo naufragio peccatorum ante converſionem patratorum: alteram contra peccata poſt eam commiſſa valere docet. Quæ ſano ſenſu admitti poſſunt.

Præviâ tamē pœnitentia.

Modus agendæ pœnitentiæ Internus coram Deo, unus idemque eſt & eſſe debet in omnibus lapſis: qui verbo ipſius nobis deſcribitur, & illuſtribus exemplis Veteris ac Novi Teſtamenti graphicè depingitur. Externus coram Eccleſiâ alius atque alius eſt in Eccleſiis particularibus, conſtitutionibus ipſarum

Modus agendæ pœnitentiæ.

in Veteri Ec-
clesia qualis.

Causa rigo-
ris.

atque ipsa praxi sancitus. Isque alibi rigidior, severior, alibi le-
nior. In *veteri Ecclesiâ* quæ ratio obtinuerit, & circa lapsos ob-
servata sit, ex historia Ecclesiastica, inprimis autem ex Scriptis
Cypriani cognosci potest. I. Agebant pœnitentiâ squalido &
lamentabili habitu, manentes seorsim, & in gradu pœniten-
tium consistentes. II. Confitebantur crimen apud Sacerdo-
tes Dei. III. Confessionem rursus sequebatur pœniten-
tia. IV. Hanc excipiebat Exomologesis, id est, publicus pœni-
tentia actus in Ecclesia. V. Manus imponebantur lapso ab E-
piscopo aut Clero, sicque in jus communicationis recipieba-
tur. Quod phrasi illius ævi dicebant, *Dare pacem*. VI. Da-
ta pace publicis Ecclesiæ precibus lapsum commendabant, tan-
demque Eucharistiam ipsi impertiebant. Vide Cyprianum *libr.*
3. Epist. 14. & alios. Ideò autem hæc tam rigide urgebant. I. ut
exploraretur sinceritas ipsius pœnitentis. II. ne Ecclesia ob-
noxia fieret criminationibus hostium, quasi approbaret aut
foveret lapsus. III. ut severitate disciplinæ alii, quoad ejus fieri
poterat, à lapsu præservarentur. Quomodo hæc paulatim in
Papatu abierint in abusum, imò in tyrannidem versa sint, ex
doctrina Pontificiorum de Pœnitentiâ, nec non ex ipsâ praxi no-
tum est.

PROBLEMA SEPTIMUM.

*Num metus mortis in Persecutionibus sit vitio-
sus?*

Metus mor-
tis

damnatus à
Montanistis.

Quæstio connexa est cum superioribus. *Metus mortis* sub perse-
cutionibus *alios* in fugam expulit; *alios* ad apostasiam im-
pulsit. Hinc non minus de metu mortis, quàm de fugâ ceptum
disputari. *Montanistæ*, & ex his *Tertullianus*, damnarunt illum
metum simpliciter: non metuendam, sed expectandam & ala-
criter subeundam mortem dictitantes. In quo secuti sunt do-
gma Stoicorum, qui ἀνίστην exigentes, metum mortis abes-
se voluerunt à viro forti: Imo mortem non malum, sed bo-
num dixerunt. *Alii* contra Metum illum non damnarunt, sed
probarunt & laudarunt, tanquam naturalem, & nobis ad vitæ
præ-

præsidium necessarium. *Vtriusque* partis argumenta ordine proponemus primo loco: inde decisionem quæstionis subjiciemus.

Sententia Negantis argumenta sunt. I. Christus interdixit metum illum, *Matth.* 10. v. 28. deditque discipulis suis spiritum, non metus & formidinis, sed constantiæ & roboris 2 *Timoth.* 1. vers. 7. II. Metu illo Petrus, & innumeri alii fideles sub persecutionibus, ad *δοξασίαν* fuere impulsii. Jam si vitiosus est effectus, certè causam quoque talem esse necesse est. III. Mors non est mala, sed bona, beata, piis desiderabilis & optabilis *Apo.* 14. v. 13. *Luc.* 2. v. 29. *Phil.* 1. v. 23. Ergo non metuenda. IV. Exempla eorum, qui mortem intrepidè adierunt, & pertulerunt; nullo autem modo metuerunt: ut *Christus*, *Matth.* 26. *Luc.* 22. capp. *Apostoli* in Actis, & historiâ Ecclesiasticâ. *Ignatius*, *Polycarpus*, *Laurentius*, & alii innumeri; Fuitque sub persecutionibus tantus zelus multorum, ut ultrò se offerrent capiendos, & in carceres ipsi se intruderent, quo focii fierent sanctorum Martyrum in suppliciis. Testis est Historia Ecclesiastica.

I. Non metuendam esse mortem.

Sententia Affirmantis argumenta sunt. I. Metus ille est affectus animi naturalis, cum ipsâ naturâ nobis à Deo insitus. Non igitur est per se vitiosus. II. Omnia animantia rationis expertia horrescunt mortem, tanquam sui destructionem, absque vitio aut defectu naturæ. Ergò non est per se vitiosus in homine. III. Objecta sensus & affectus afficiunt, prout in se sunt. Atqui mors est horribilis, & omnium horribilium maxime horribile, Aristotele teste. Ergo meritò timetur & metuitur ab homine. IV. Deus comminatus est & inflixit quoque homini mortem in pœnam peccati, *Genes.* 2. & 3. capp. item *Deuter.* 30. v. 15. Est igitur mala: eoque etiam metuenda. V. 1 *Corinth.* 15. vers. 26. Mors dicitur ultimus noster hostis. Hostes autem, inprimis tam potentes & pertinaces, jure metuuntur. VI. Exempla Sanctorum in promptu sunt, qui mortem metuerunt. *David* in persecutionibus & morbis fugit & deprecatus est mortem multoties. Similiter *Propheta* latitantes in speluncis, 1 *Reg.* 18. cap. *Elias*, cap. 19. *Hiskias*, 2 *Reg.* 20. cap. *Sancti* illi sub Maccabæis, de quibus *Hebr.* 11. v. 37. 38. Denique ipse *Servator* noster quâ homo, metus hujus expers non fuit, *Ioh.* 12. v. 27. *Matth.* 26. v. 37. *Hebr.* 5. v. 7. & tamen expers fuit omnis peccati.

II. Mortem esse metuendam.

iniquis

I. Metus mortis non est per se vitiosus.

2. Immoderatus est vitiosus.

3. Mortis.

Piis metuenda

Decisio Quaestionis constat tribus Propositionibus.

Prima: *Metus mortis non est per se, siue suâ naturâ vitiosus.* Patet: tum quia mors est res mala, non bona, per se; eoque etiam jure metuenda: tum quia metus est affectus naturalis, à Deo naturæ autore homini inditus. Pro quâ assertionem militantes omnes rationes sententiæ affirmantis.

Secunda: *Metus mortis immoderatus est vitiosus.* Dicitur autem *immoderatus metus* trifariam; ex objecto, modo, & fine. Ex *objecto*, quando metuitur, quod non est metuendum: *Ierem.* 10. vers. 2. item *Matth.* 10. v. 28. & alibi. Ex *modo*: quum nimis timetur, quàm par est; nec modus servatur ipsi objecto proportionatus *Matth.* 8. v. 26. Ex *fine*: cum non metuitur in eum finem, propter quem debeat metui. Mercenarius metuit lupum, propter suum, non ovium periculum *Iohann.* 10. v. 12. 13. Multi famam, conscientiam pauci metuunt. Sic ergo *Metum mortis* tripliciter dicimus posse esse vitiosum. I. cum Mors spectatur tantum ut mala, maledicta per se; non etiam ut bona, benedicta per accidens in Christo, & propter eum. II. cum quis terrore & horrore ejus in tantum percellitur, ut Christum etiam ejusque Euangelium abneget, *Matth.* 10. v. 33. exemplo Petro *Matth.* 26. III. cum quis mortem metuit propter rerum suarum dispendia & jacturam: non autem per eam spectat & quærit gloriam Dei, & ædificationem proximi: ut mercenarius. *Iohann.* 10. v. 12. 13. *Vitia* autem illa, quæ insunt Metui, ex corruptione naturæ sunt & proveniunt: per quam non solum amissa sunt dona supernaturalia, prout nunc vocantur; sed etiam naturalia corrupta. In Christo etiam fuit metu, sicut alii quoque affectus; sed minime vitiosus. cur? quia ipse expers fuit peccati. In nobis igitur vitium contrahit ex peccato: sicut generosum & purum vinum corrumpitur ab impuro vase: juxta illud Horatii: *Sincerum est nisi vas, quodcumque infundis acescit.* Pro hac assertionem inprimis valent argumenta sententiæ negantis.

Tertia: *Mors piis & fidelibus partim metuenda, partim expectanda: Impiis contra & infidelibus tantum metuenda est.* Fundamentum hujus assertionis est distinctio eorum, quæ insunt morti per se & per accidens. *Piis metuenda est mors*: I. quia est destructio naturæ humanæ, in ipsis & aliis. Hæc etiam Christus exhortabatur,

rescebat, sine peccato. Cum enim sit pœna, vel potius castigatio propter peccatum à Deo irrogata, 1 *Corinth.* 11. v. 30. 32. utique non contemni, aut voluptati duci, sed cum fugâ & aversione metui ac sentiri debet. II. quia est grave damnum Ecclesiæ, Reipublicæ, quæ præcipuis columnis suis privantur: imò totius societatis humanæ; tum quia propter pios Deus clementer sæpè parcit, *Genes.* 18. cap. tum quia mors piorum sub persecutionibus trahit secum gravem Dei vindictam *Apocal.* 6. v. 10. *Isdem etiam mors est expetenda*: I. quia est insignis obedientia, quam Deo ita iubenti præstant usque ad sanguinem, *Hebr.* 12. v. 4. imo usque ad mortem, *Apoc.* 2. v. 10. exemplo Christi *Math.* 26. v. 32. & *Philip.* 2. v. 8, 9. Ideoque comparatur cum sacrificio suavis fragrantia, 2 *Timoth.* 4. v. 6. II. quia est abolitio peccati: Nam exuviis corporis depositis tandem desinunt peccare, & peccatis Deum offendere. Sic Paulus exclamat, *Rom.* 7. v. 24, 25. III. quia est finis malorum omnium hujus vitæ, à quibus liberantur morientes *Apoc.* 14. v. 13. & cap. 21. v. 4. IV. quia est transitus in vitam, quietem, & gloriam cœlestem, quam nec oculus vidit, nec auris audivit, nec in mentem hominis venit 1 *Corinth.* 2. v. 9. Hinc Paulus dicit: *Cupio dissolvi, & esse cum Christo*, *Phil.* 1. v. 13. Ecclesia clamat: *Etiam veni Domine Iesu* *Apocal.* 22. v. 17. 20. V. quia est Martyrium veritatis, quâ Deus glorificatur, & tota Ecclesiæ ædificatur. Nam sanguis Martyrum est semen Ecclesiæ. *Impiis contra & infidelibus tantum metuenda est mors*: quia mors est non minus ipsis quam piis destructio naturæ, & amissio omnium bonorum corporalium, & quicquid omninò est hujus vitæ, *Psal.* 49. v. 18. II. quia nullam in morte consolationem Spiritus Sancti, nullam mitigationem mali habent: ac nihil prorsus boni cum ipso morte est conjunctum, quod malis opponi, aut ea compensare saltem aliquatenus possit. III. quia mors corporalis est illis æternæ mortis, desperationis, & cruciatus infernalis initium: idque sine ullâ spe liberationis: ut exemplo Epulonis docetur *Luc.* 16. cap.

& expenden-
da.

Impiis tantum metuen-
da.

PROBLEMA OCTAVUM.

Sintne licitæ Imprecationes adversus Persecutores & hostes Ecclesiæ?

Imprecationes quid.

Imprecationes sunt vota, ut Deus certa mala, temporalia vel æterna, peccatoribus infligat. De his *quaritur* non generatim, ut etiam comprehendantur Imprecationes Divinæ & Propheticæ quæ à Spiritu Sancto suggestæ sunt Prophetis & aliis Sanctis; nam eas licitas esse nulli est dubium: sed speciatim, prout à privatis concipiuntur, & humanæ dici solent. Deinde spectantur hic, non prout in quosvis peccatores feruntur indiscriminatim; sed quatenus adversus hostes & persecutores Ecclesiæ diriguntur.

Sunt autem contrariæ de iis sententiæ. Nonnulli esse eas planè illicitas censent: inter quos eminet Augustinus *lib. 1. de Sermone Domini in monte*. Et quod ad Imprecationes Prophetarum, ait, esse eas non preces, sed vaticinia sive oracula Spiritus Sancti, de futuro Impiorum interitu ultimam quasi sententiam ferentis. Alii contra censent esse licitas: & loco ac tempore secundum verbum Dei sanctè usurpari posse.

Rationes quod sint I. Illicitæ.

Rationes adferuntur in utramque partem: *Negantes* I. à Mandato tum Christi; Matth. 5. vers. 44. *Ego verò dico vobis: diligite inimicos vestros, benedicite eis qui deovent vos, benefacite eis qui oderunt vos, & precamini pro eis qui vobis infesti sunt, & persequuntur vos*; tum Pauli, Rom. 12. vers. 14. *Benedicite eis, qui vos insectantur; benedicite, inquam, & ne imprecamini*. II. ab Exemplis tum Christi, Esai. 53. vers. 12. Luc. 23. vers. 34. tum Stephani, Actor. 7. v. 60. qui pro persecutoribus suis orant. III. quia pugnant cum dilectione proximi in genere; quia diligere cum jubemur sicut nos ipsos: at nemo sanus sibi imprecetur exitium, nemo odit carnem suam *Ephes. 5. v. 29. in specie*; quia est contra sextum præceptum. IV. Spiritus Novi Testam. est spiritus mansuetudinis, lenitatis, tolerantia *Luc. 9. v. 55*. Non igitur imprecationis. V. Imprecationes tales ferè proficiscuntur ex vindictâ privatâ & *Παροικία*. Vitiosæ igitur sunt, eoque illicitæ.

Affir-

Affirmantes: I. ab Exemplis Imprecationum, quæ passim in Scriptura commemorantur, *Deut.* 27. *cap. Ind.* 4. v. 23. in *Psalmis* passim, inprimis *Psal.* 69. v. 23. & *seqq.* & *Psal.* 109. v. 6. & *seqq.* *Ierem.* 18. v. 20. & *seqq.* *Matth.* 11. v. 21. & *seqq.* *I Cor.* 16. v. 22. *Galat.* 5. v. 12. II. A Comminationibus Pœnarum. Deus hostibus Ecclesiæ in verbo minatur temporales ac æternas pœnas *Psal.* 2. *Matth.* 21. *Apoc.* 17. & *seqq. capp.* Ergò licet etiam eas imprecari secundum verbum Dei. III. Non est orandum pro peccantibus ad mortem *I Iohan.* 5. v. 16. Ergo licet iis imprecari. IV. Zelus pro gloriâ Dei & salute ac conservatione Ecclesiæ pius, laudabilis est. Imprecatio est talis Zelus, vel quædam ejus species. Ergò.

De his Assertionibus & utriusque Rationibus quid sentientium ex *Decisione Controversiæ* liquebit. Constat ea quatuor omnino distinctionibus, hîc accuratè observandis: Personarum, Causarum, Modi, & Graduum.

Prima distinctio est *Personarum*, quibus imprecamur. Hæc sunt sanabiles vel insanabiles. *Sanabiles* censentur, qui ex ignorantia vel cœcâ superstitione peccant & persequuntur Ecclesiam. Et pro his est orandum. Exemplo *Christo*, *Luc.* 23. & *Stephani Act.* 7. Qui etiam hujusmodi precibus sæpè conversi sunt, ut *Judæi*, *Act.* 3. v. 17. & *seqq.* & *Paulus I Tim.* 1. v. 13. *Insanabiles* contra, qui scienter & petulanter peccant, & Ecclesiam ejusque doctrinam oppugnant. Et his tanquam hostibus Dei & organis Satanæ licet imprecari. Exemplo *Christi*, *Matth.* 12. v. 31. & *seqq.* item *vers.* 43. & *seqq.* & *Pauli*, *Gal.* 5. v. 12. qui etiam regulam generalem proponit *I Cor.* 16. v. 22. II. Considerantur *indefinite*, sive in specie, vel *definite* & in individuo. *Priore* modo citius & tutius adhiberi possunt imprecationes, quam *posteriore*: tum quia facilius est error circa singularia: tum quia sinisterior & iniquior sæpè est affectus in eâ.

Secunda est *Causa*, propter quam imprecamur: quæ à Personis diligenter & prudenter discernenda est. Causa illa vel nostra est, vel Dei. *Nostra* sunt injuriæ, damna, ab hostibus persecutoribus accepta, in bonis, honoribus, ipso etiam corpore: ob quæ non imprecari, maledicere, sed benedicere hostibus nostris debemus: juxta mandatum Christi & Apostoli. *Dei*, cum ipsius veritatem insectantur hostes, & gloriam obscurare ac opprimere

nefariè volunt. Hic Causa primo & præcipue execranda & damnanda est, tum etiam hostes propter causam. *Ratio* duplex est. I. quia secus focii, & approbatores tantæ impietatis & tan nefariorum hominum videri possemus. II. quia reapse ostenderemus, non affici nos etiam extremâ Dei ignominia ac contumeliâ.

III. Modus est
Sub conditione,

absque pravo
affectu,

diviso quasi
affectu.

IV. Gradus,
orando ut
emendentur
sive poenâ.

ut emenden-
tur castiga-
tione.

ut perdantur

Pii cur raro
imprecantur.

Tertia est Modi, quo imprecamur. Modus ille in eo consistit. I. ut imprecemur non absolute sive Categoricè, sed *hypotheticè*, sive sub conditione; si sint insanabiles, & destructionem hostium vindictio gloriæ Dei, & salus Ecclesiæ Dei postulet. *Ratio*: quia non constat nobis, ut olim Prophetis, *Ierem. 14. 15. capp.* ex revelatione Dei, sintne poenitentiam acturi & convertendi, nec ne. II. Imprecemur *absque pravo affectu* impatientiæ, vindictæ, *Ἐπικαυχῆς*: item absque inconsiderato omni Zelo. *Ratio*: quia huiusmodi affectus damnat Christus in discipulis suis, *Luc. 9. v. 55.* & vindictam Deo relinqui vult Apostolus, dicenti *Rom. 12. v. 19. Mea est ultio; ego rependam.* III. Imò imprecemur *diviso quasi affectu*: ita nim: ut precemur contra ipsos; quoad gloriam Dei, salutem Ecclesiæ, & destructionem peccati: rursus pro ipsis, propter communionem naturæ & infirmitatis; si fieri possit Exempla in Christo circa Judæos, *Matth. 21. & in passione cap. 26.*

Quarta est Graduum, qui tres sunt in precibus circa hostes. I. optandum & orandum ut emendentur à Deo sine ullâ poenâ: quò gratia Dei conspectior fiat. Ita deprecatione Stephani conversus est Paulus *Act. 9.* Nec enim poenâ præcessit, ut in Menasse *2 Chron. 33.* & aliis. II. si sic non sunt sanabiles, ut poenis temporalibus emendati serventur. *Psal. 83. v. 17. Imple facies eorum ignominia, ut quarant nomen tuum.* Huc referri potest exemplum Latronis in cruce *Luc. 23. vers. 40. 41.* III. Si nullo modo sunt sanabiles, ut deiciantur in exitium: *Psal. 69. vers. 28, 29. Pone iniquitatem super iniquitatem ipsorum: nec ingrediantur ad iustitiam tuam. Deleantur e libro viventium, & cum istis non scribantur.*

Quæcunque Imprecationes cum his conditionibus conjunctim non divisim sumtis conveniunt, licitæ sunt; quæ non conveniunt illicitæ & vitiosæ censendæ sunt, vel simpliciter, vel secundum quid; per se, aut per accidens. *Pii* verò, qui filii sunt Spiritus Christi lenis & mansueti, rarò admodum eas usurpant, imò

imò plerique ab iis abstinere. 1. quia benedicere malunt, quàm imprecari; salutem hostium optare potius, quàm desiderare exitium. 2. quia difficile est rectum modum tenere in huiusmodi imprecationibus, nec iis admiscere privatos affectus.

Rationes Negantes, si simpliciter accipiantur, sic dissolvenda sunt: *Prima* loquitur de inimicis nostris, qui nos affecerunt injuriâ, non de hostibus Dei: ut textus docet. Sic igitur nihil ad rem. *Secunda* pro peccantibus ex ignorantia militat: juxta limitationem quæ additur *Luc. 23. v. 34. Nesciunt quid faciant*: quo etiam Petrus respicit *Act. 3. v. 17*. Pro omnibus peccatoribus rogasse negatur *Iohann. 17. v. 9*. *Tertia*, dilectio Dei & gloria ipsius potior esse debet dilectione proximi, & hæc illi cedere *Act. 5. v. 29*. *Quarta*: Spiritus Novi Testam. est Spiritus lenitatis, mansuetudinis in condonandis, non ulciscendis injuriis privatis, ut patet *Luc. 9. v. 54, 55*. Est etiam Spiritus Zeli in asserenda gloria ac veritate Dei *Psal. 69. vers. 10. Ioh. 2. v. 17*. *Quinta*: Imprecationes ex vindictâ nascuntur per accidens, & sic per carnis affectus polluuntur, & vitiosæ fiunt; prout antè dictum.

Responsio ad rationes negantes.

PROBLEMA NONUM.

An & quomodo inter Papistas vivendum, & cum iis conversandum sit?

Quæstio hæc ex earum est genere, quæ occasione Reformationis, superiore seculo factæ, mota est. Cum enim omnibus corde exeuntibus è Papatu quibus detestationi erat impia superstitio, nonnulli insuper corpore, mutatione domicilii, eum desererent, inque alia loca concederent: alii verò in eo manerent, hique circa sacra Papistarum, & Conversationem cum ipsis plus minusve sibi, indulgerent; quidam etiam Confessionem fidei suæ planè dissimularent, qui quod se Nicodemi exemplo tuerentur, *Nicodemita* dicti sunt: disquiri cœptum est, An & quatenus id licitum esset, & salvâ pietate ac charitate fieri posset. Et existant quidem de eo Judicia summorum Theologorum *Lutheri, Melan-*

Origo Quæstionis.

Qui eam tractarint.

chthonis, Bucer, Calvini, Martyris, & aliorum; quæ utut in circumstantiis quibusdam sive casibus particularibus non conveniunt per omnia: tamen in summâ rei & fundamentis ejus præcipuis probè pulchreque consentiunt. Nos quid de re totâ secundum verbum Dei sentiendum videatur, salvo meliore judicio paucis exponemus.

Licita est
conversatio
cum Pontifi-
ciis salvâ
fietate.

Charitate.

Secus illicita
est.

Papistæ Ma-
gistratus
i. concedunt
publicum
exercitium
Relig.

Responsio duplex est, Una Generalis, Specialis altera.

*Generalis hæc est: Licitam esse habitationem inter Papistas, & cum iis conversationem, siquidem salvâ tum pietate erga Deum, tum charitate erga proximum concedatur. Salva est Pietas, cum Deo cultus suus integer, illibatus præstatur, non solum internus in fide, spe, & dilectione consistens; sed etiam externus, qui Confessione nominis ipsius, Invocatione, Gratiarum actione & Obedientiâ externâ secundum mandata ipsius declaratur. Hoc enim est, quod in primâ Legis tabulâ, nec-non in Euangelio à nobis requirit. Salva quoque est Charitas, cum proximum sive firmum, sive infirmum non offendimus, nec scandalum ei damus, quo vel lædatur, vel contristetur etiam iustâ de causâ. His duabus conditionibus licita est Cohabitatio & Conversatio cum Pontificiis. Sic enim integra & illæsa manet conscientia nostra, tum quoad Deum, tum quoad Homines, ut Apostolus loquitur *Actor. 24. v. 16.* Contra illicita est, si vel utraque vel alterutra, inprimis verò prima condicio deficiat. Probatur partim expressis mandatis: cujusmodi sunt *Apoc. 18. v. 4.* ubi duæ rationes dissuasoriæ cohabitationis & conversationis adferuntur, I. ne participes fiant peccatorum Babylonis: II. ne ex plagis ejus accipiant: *2 Cor. 6. v. 14. & 17. Cap. 7. v. 1.* partim exemplis Abrahami, *Genes. 11. vel ut alii 12. cap.* Populi Israël ex Ægypto educti, *Exod. 12. & seqq. capp.* inprimis *Cap. 20.* ubi Lex promulgata. Naomi cum Ruthâ discedentes ex agris Moabitarum *Ruth. 1. & 2.* Israëlitarum ex Babylonia reducum, juxta vaticinia *Esa. 48. vers. 20. Jerem. 51. vers. 6. & Cap. 53. vers. 8. &c.**

Specialis, posita est in distinctione tum Papistarum, tum ipsius Communions cum eis.

Papistæ, nominatim vero Magistratus, quorum proprium est Jus Hospitii sive habitationis concedere, non sunt ejusdem census ac conditionis. Sunt qui veram Religionem, ejusque publicum exer-

exercitium liberum faciant, nec ullo gravamine conscientias constringant: idque secundum leges ac statuta regni, provinciarum, aut civitatis alicujus. Exempla sunt in Galliâ, Poloniâ, Hungariâ, & nuper adhuc in Bohemiâ, provinciisque vicinis. Sub talibus liberum esse habitare, vix quisquam sanæ mentis inficiabitur. Etenim Ecclesia non debet tolli ex mundo. *Ioh. 17.* & licet manere, v. 15. aut exire ex eo *1 Cor. 5. v. 10.* sed manere in eo usque ad finem. Et pii in Vet. Testament. sub idololatriis Ægyptiis, Babiloniis; in Novo Testamento sub Paganis vixerunt, usque ad Constantinum Magnum. Sunt iterum alii, qui veram religionem nullo modo ferunt; sed omnes promiscuè ad Sacra Papistica adigunt; recusantes autem supremis suppliciis afficiunt. Talis ratio obtinet in Hispaniâ, & plerisque Provinciis Hispanicis; item in districtibus nonnullis Italiæ, & alibi. Inter hos non est manendum, sed ab iis discedendum: vigore mandati, *Exite ex terra populi mei; Apocalyps. 18. v. 6.* nisi forte quis ita sit affectus, ut Christum constanter confiteri, & pro nomine ipsius fortiter pati velit: ut multi Martyres fecerunt. Sunt denique, qui liberum non faciunt veræ religionis exercitium publicum; neque tamen Confessores ejus atrociter persequuntur: Sed eos juxta Leges communes viventes ferunt, & sensu suo frui sinunt. Tales sunt nonnulli Principes & Magistratus civitatum in Germania, sub quibus innumera millia Evangelicorum degunt. Nec defunt in aliis Regnis & Provinciis. De his categoricè responderi non potest: sed ferendum est judicium juxta certas cautiones & conditiones, quæ ex objectis, in quibus consistit *communio*, emergunt.

Distinguuntur *Objecta* illa in *Sacra* sive Ecclesiastica, & *Politica* sive Civilia. Communio-
nis.

In SACRIS alia fugienda sunt, alia contra facienda. in Sacris.

Fugienda sunt illa: Non interfit
Missæ.

Primo: Ne qui inter Papistas morantur Missas accedant, iisque intersint. Ratio. I. quia Missa est depravatio, vel potius abolitio Ccenæ Dominicæ à Christo institutæ: ut docet antithesis sive collatio. II. quia est abnegatio unici illius Sacrificii Jesu Christi: Siquidem Missarii negant Christum perfectè meruisse remissionem peccatorum, & fingunt aliud sacrificium pro peccatis viventium & mortuorum. III. quia est horrenda Ido-

Excipe 1. co-
actos.

2. officiales
Politicos.

Cautiones
hic observan-
da.

Ne ullum
honorem ex-
hibeat idolis

Ne commu-
nicet eorum
concionibus
vel precibus.

lolatRIA; ut quæ statuit adorationem idololatricam in pane. *Excusantur* tamen qui Missis intersunt I. *Coacti*, qui violentiâ & armis, fustibus, instrumentis violentiæ ad eas adeundas compelluntur: quemadmodum superiori seculo in Galliâ factum multis locis. Talis Coactio fuit sub Maccabæis; cum nonnullorum ora per vim diducerentur, quo infarciretur suilla. II. *Officii Politici & civilis obedientiæ ergo*; ut cum quis Officialis Regem aut Principem necessario comitatur ad sacra, propter officium speciale. Cujus exemplum historia sacra proponit in *Naamane Syro*, 2 Reg. 5. v. 18. Ecclesiastica in *Valentino I.* qui Julianum Apostatam deduxit ad Fortunæ fanum, *Theodor. lib. 3. cap. 15.* Sic Saxo ensẽ præferens Carolo V. Missam adiit: approbantibus Theologis, quod ad suum officium evocatus esset, non ad Missam velut ad cultum divinum, *Sleidan. lib. 7.* Sed & hîc *Cautio* adhibenda est: Ne hoc quis faciat reclamante, aut etiam dubitante conscientia: alioquin satius foret cedere munere *Roman. 14. v. 23.* Ne item ullum reverentiæ signum mysteriis impiis exhibeat, quod vel in speciem consensus trahi possit. De quo memorabile est exemplum ejusdem *Valentini*, ædituum gentilem, à quo aqua lustrali aspersus fuerat, pugno ferientis. Sufficit autem manifesta improbatio sive detestatio. *Calvinus* tamen *Epistolâ 340 ad Cursolium*, etiam præsentiam in Missâ propter officium Politicum non admittit, vel saltem dissuadet. Tum quia hujusmodi exemplis tristitiâ piis, infirmis scandalum adfertur: Tum etiam, quia datur occasio impiis, Dei & veritatis hostibus, sese efferendi, adeoque os impurum aperiendi, quo veram religionem traducant.

Secundo: Ne incurvent se idolis adorabundi, nec ullum genus honoris genuflexione, capitis detectione, nutu, aut ullo alio modo iis habeant. *Ratio*: quia externa hæc & crassa idololatRIA expresso Dei interdicto damnatur: non solum in veteri *Exod. 20. v. 3. 4.* & alibi; sed etiam in Novo Testam. *Act. 15. v. 29.* 1 *Cor. 6. 8. 10. capp.* 1 *Ioh. 5. v. 20.* Exemplo trium Virorum *Dan. 3.*

Tertio: Ne vel concionibus, vel Precibus, & horis Canonice Papistarum communicent. *Non illis*: quia cavere jubemur à fermento hominum; quo permixtæ sunt ipsorum conciones *Matth. 16. v. 6. 12.* II. quia illis damnatur vera & salutaris doctrina

doctrina Ecclesiarum Reformatarum; quam damnationem non fert zelus pro domo Dei *Psal.* 69. v. 10. Silentium verò ad eam etiam speciem consensus præfert. *Nec istis*: quia superstitionæ & idololatricæ sunt, pro mortuis juxta ac vivis conceptæ: ad Sanctos etiam directæ, & eorum meritis ac intercessione suffultæ. Et vetat Deus vel nomina falsorum Deorum à nobis in os sumi, aut sermone usurpari *Psal.* 16. v. 4. *Hof.* 2. v. 16. 17. Nonnulli tamen, & quidem *Bucerus* & *Martyr* nominatim, concedunt, licere communicare concionibus & precibus Papistarum, saltem ex parte; ita nim: ut pii amplectantur in iis Dei & Christi instituta: improbent autem & detestentur non modò secum in animo, sed pro opportunitate oblatâ etiam apud alios, vitia & corruptelas doctrinæ & precum ex superstitione humanâ: idque secundum regulam Christi *Matt.* 23. v. 1, 2.

Quarto: Ne Pædobaptismum petant aut suscipiant à Sacerdotibus Papisticis. *Ratio*: I. A genere doctrinæ de absoluta necessitate Baptismi, ejusque efficacia ex opere operato: quos errores probare videntur, qui liberos suos à Pontificiis Sacerdotibus baptizari petunt vel sinunt. II. A Superstitiosis caeremoniis humanitus Baptismo additis: quia Baptismus fœdis & detestandis superstitionibus est conspurcatus & vitiatus: ut sunt Exorcismus, oleum, sal, sputum, flatus, &c. III. A fine Baptismi; quia inferuntur Ecclesiæ Papisticæ; ac eo ipso profitentur, se & suos liberos Antichristianæ factionis membra esse. Nam Sacramenta sunt notæ professionis & societatis cum Ecclesia. IV. Quia hoc facto approbatur ministerium Antichristianum, si ab ipso potius, quàm à Christi Ministro Baptismus petatur. *Melanchton* tamen & *Bucerus* permittunt hunc Baptismum, si modo quis detestetur corruptelas & abusus cum institutione Christi pugnantes. Verum id in Papatu absque vitæ discrimine nemo fecerit. *Obijciatur* autem hoc loco: Baptizatos in Papatu non rebaptizari in nostris Ecclesiis. Videri igitur ipsorum baptismum legitimum ac licitum esse. *Resp.* Sanè Baptismus Papalis non est simpliciter illegitimus aut illicitus. Retinet enim institutionem Christi, ex qua adoptionis nostræ signum est: Sed propterea non excusantur, qui eum liberis suis petunt. Norunt enim multiplices ejus corruptelas ac abusus. Et liberati à superstitionibus

Ne Pædobaptismum ab eis petat.

Baptismus Papistarum cur non iterandus.

Papa-

Papalibus per fidem Euangelii, hoc facto testantur, se ad eas vel-
le reverti, & iisdem denuò implicari.

Ne compa-
trū officium
à Papistis pe-
tat,

Papistis pra-
stet.

Ne benedi-
ctionem con-
jugii à Pa-
pistis fieri si-
nat.

Ne Syncreti-
smum reli-
gionis cum
eis moliat.

Ne simula-
tione aut dis-
simulatione
consensus
cum ipsis
speciem pra-
beat.

Quinto : Ne vel ipsi Compates seu Patrimos & testes Ba-
ptismi ex Papistis sibi deligant : vel etiam tales se aliis sistant, in
Baptismo Papistarum. *Ratio prioris* est : quia Papistæ non sunt i-
donei fidei iussiores & sponsores pro infante, quem ad superstitionem
suam raperent, non ducerent ad veram religionem : Da-
mnant enim Ecclesiam nostram, & totam ejus doctrinam. *Ratio posterioris* est : I. quia tacite approbarent corruptelas & abu-
sus Baptismi Papalis. II. quia non sine scelere sese obstringe-
rent sponsionibus impiis, quas Patrimi in Papatu facere tenen-
tur : & majore etiam scelere sponsiones illas impleant. Quod
utinam à multis Euangelicis attentius cogitaretur !

Sexto : Ne consecrationem sive Inaugurationem sacri Con-
jugii sive novorum Conjugum à Sacerdotibus Papisticis fieri si-
nant. *Rationes* : I. quia approbatur tum vocatio & ministerium
Sacerdotum, etiam lusus magicorum rituum & auspiorum,
quibus conjugia consecrant. II. quia fit tacita promissio defe-
ctionis ad illam religionem, à quâ suscipitur benedictio. III.
quia quæritur benedictio, ubi nulla est, 2 Cor. 6. vers. 14. 16. &
ab iis qui sunt maledicti à Deo Deut. 27. vers. 15.

Septimo : Ne Syncretismo copulent, aut sociare studeant
veram & falsam religionem : cultum veri Dei, & cultum ido-
lorum. Talis Syncretismus quæsitus fuit libro *Interim, Consulta-
tione Cassandri*, & aliis Scriptis. *Ratio* : I. quia nulla inter ea
communio : non magis quàm luci cum tenebris aut Christo cum
Belial 2 Cor. 6. v. 14, 15. item 1 Cor. 10. vers. 21. Et Esa. 5. vers. 20.
Væ pronuntiatur in eos, qui tenebras dicunt lucem, & ama-
rum dulce. Hinc Dagon corruiat ad præsentiam arcæ 1 Sam. 5.
v. 3. II. quia non claudicandum in utrumque latus, 1 Reg. 18.
vers. 21. non dimidiandum sive dividendum cor inter Deum & i-
dola, Hos. 10. vers. 2. & duobus ita inter se contrariis Dominis si-
mul servire est impossibile Matth. 6. v. 24.

Octavo : Ne denique simulatione aut dissimulatione se im-
piis Papatus superstitionibus subscribere, aut affines esse osten-
dant. Verbi gratiâ : ut qui, dum Sacra Pontificia peraguntur, in
templis obambulant : qui caput aperiunt, dum Sacerdos sacrum
circumfert, ut ipsum honorent, &c. *Ratio* : I. quia illa sive si-
mula-

mulatio, five dissimulatio pugnat cum sincerâ ac constanti fidei nostræ professione. II. quia abstinendum etiam ab omni specie mali 1 *Thess.* 5. v. 22. Hæc sunt, quæ circa Papistarum sacra præcipue fugienda sunt.

Sed contra *Obijciuntur* nonnulla, quæ paucis diluamus.

Primum : Fideles inter Papistas viventes, etiam si corpore interfint Sacris eorum, & externis gestibus ea probare videantur, tamen animo ea improbant & detestantur. Non videntur igitur magnopere culpandi aut damnandi. *Resp.* Negatur sequela. Deus enim non minus cultum externum corporis, quam internum animi verbo suo requirit. Etiam corpus condidit ad imaginem suam; redemit per Christum; sanctificat sibi in templum per Spiritum Sanctum; & beatæ immortalitati destinavit 1 *Cor.* 6. & 2 *Cor.* 6. *capp.* Ergo non vult idolis pollui illud, aut spiritali scortatione contaminari. Paulus præcipit, ut purgemur ab omnibus inquinamentis tam carnis quam Spiritus 2 *Cor.* 7. v. 1. Ergo non magis corpus quam animus superstitiosis cultibus polluendum est, 1 *Reg.* 19. v. 18. laudat Dominus servos suos, quod non flexissent genua imagini Baalis, nec manum ejus deosculati essent: contra mandat, ut sibi flectatur omne genu. *Esa.* 45. *vers.* 23. Proinde graviter peccant, qui geniculatione, aut aliis gestibus corporis idola honorant. Postremo: Mentiri non licet homini Christiano: cum omne mendacium ex Satana sit, *Iohann.* 8. *vers.* 44. & expressâ Dei lege damnetur. At simulare corpore, quod animo improbas, est mentiri. Ergo.

Non sufficit animo detestari impietatem Pontificiam.

Secundum : Si qui inter Papistas vivunt, averfentur & negligant Sacra ipsorum & conventus, erunt ipsis scandalo, & in criminationem a seorsum apud ipsos incurrent. *Resp.* Scandalum illud erit acceptum, non datum. Non præbent scandalum, qui a Deo prohibita fugiunt, sed qui ea faciunt: Omittendi igitur *Matth.* 18. v. 14. Præterea est fallacia accidentis in calumniâ atheismi: Nam illi non debent opinionem suam sequi, sed causam neglectorum sacrorum sciscitari, quo & ipsi erudiantur. Quod Judicium Melitenfium fuit de Paulo, *Actor.* 28. v. 6. quandiu ex sua solum opinione pronunciarent? Valet ergo hic etiam axioma Apostolicum: Non sunt facienda mala, ut eveniant bona *Rom.* 3. v. 8.

Non licet externis gestibus imitari Papistas ne atheus ab ipsis habeatis.

Exemplum
Naamanis
non patrocina-
tur.

Tertium : Naaman Syrus incurvavit se in æde Rimmonis, 2 Reg. 5. v. 18. cum tamen esset veræ Religionis. Ergo etiam licet se incurvare in templis Papistarum. *Resp.* I. negatur sequela : quia legibus, non exemplis vivendum est. II. Incurvatio illa fuit Civilis & ministerialis, quam ex officio præstabat Regi suo, oranti in in templo illo : sic, ut esset ei scipionis loco. Talem autem præsentiam licitam esse, supra docuimus. Quia tamen Naamani scrupulum conscientiæ injecit, apparet simpliciter licitam non fuisse.

Nec exem-
plum Pauli
Act. 21. cap.

Quartum : Paulus *Actor.* 21. cæremonias adventu Christi jam abrogatas usurpavit, nuncupato voto, & susceptâ purificatione Judæorum. Ergo licet ritibus tamdiu receptis interesse. *Resp.* Est ingens dissimilitudo in exemplis. Cæremoniarum illarum Legales erant à Deo institutæ : Ritus Papistici in Sacris ipsorum humanitus conficti, & in Ecclesiam introducti sunt. Cæremoniarum illarum tempore Apostoli indifferentes erant, usque dum plenè abrogarentur : nec damnabantur in Evangelio, nisi quatenus cum opinione necessitatis, cultus, & meriti observabantur : at ritus illi Papistici sunt illiciti, & verbo Dei damnantur.

Facienda porro sunt hæc :

Improbet er-
rores & abu-
sus Pontifi-
cios.

Primo : Qui inter Papistas degunt, improbent, & arguant errores, superstitiones, & abusus Papatus. *Ratio* : I. quia hoc est pars confessionis Deo debitæ : nim. ut non solum quæ illius sunt agnoscamus & prædicemus ; sed etiam quæ Antichristi sunt detegamus, improbemus, & homines ab iis revocare studeamus. II. quia idem fecisse legimus Apostolos, partim in Synagogis Judæorum, partim in templis Ethnicorum. Hic tamen Prudentiæ leges observandæ sunt : ne id vel importunè, vel præter occasionem ; vel etiam absque spe ullâ profectus fiat : nè etiam omnia, & quicquid displicet, statim & sine exceptione reprehendatur.

Sed pruden-
ter.

Fidem suam
profiteatur
etiam publicè

Secundo : Fidem suam profiteantur, non solum privatim, sed etiam publicè ; quoties nim. & quodcumque opus est ad gloriam Dei & ædificationem proximi. Idem Deus verbo suo postulat ab omnibus fidelibus adultis *Matth.* 10. v. 32. *Rom.* 10. vers. 9, 10. 1 *Petr.* 3. vers. 15. Sic præcepto tertio interdicitur, Ne assumatur nomen Dei in vanum : Præcipitur igitur ut rectè assumatur, & sincerâ Confessione celebretur. Edenda autem est

hæc

hæc confessio. I. *adhibitâ lenitate*, ne adversus eos, qui fidei cum lenitate. rationem à nobis exigunt, stomachemur, aut difficiles nos præbeamus. II. *adhibitâ insuper reverentiâ*; eaque tum *ergâ Deum*, cum reverentiâ erga Deum & superiores. ne leviter aut negligenter in fide nostrâ exponendâ versemur: tum *ergâ Superiores*, maximè Principes ac Magistratus, qui fidei confessionem à nobis postulant; ne illos contemnere videamur, sed debitum illis honorem deferamus. Exemplo Stephani, *Act. 7. v. 2.* & Pauli *capp. 22. v. 1. & cap. 26. v. 2, 3.*

Tertio: Conventus privatos & clandestinos cogant & celebrent: in quibus prædicetur verbum Dei, & Sacramenta administrentur. Quod fecisse legimus Apostolos, *Act. 2, 3, 4. & seq. capp.* itemque Ecclesiam primitivam sub persecutionibus. *Ratio* hujus petenda est, tum à promissione Dei, *Matth. 18. v. 19, 20.* tum à multiplici utilitate, quæ inde redundat in totam Ecclesiam. Unde etiam præcipit Apostolus, ne conventus hujusmodi deferantur *Hebr. 10. vers. 25.* Nec obstat interdictum Magistratus, quo conventus illi prohibentur. Hic enim valet illud: Oportet Deo magis obedire quàm hominibus *Act. 5. v. 29.*

Quarto: Sanctitate vitæ & morum innocentia ita se gerant, ut Papistæ ipsi non solum desinant blasphemare veram religionem, sed etiam Deum glorificare incipiant, ac Christo luculentius: juxta dicta *1 Petr. 3. vers. 16. Matth. 5. v. 16. 1 Petr. 3. v. 1, 2, 3.*

Hactenus de Sacris. Jam in POLITICIS ista partim fugienda, partim sequenda & facienda sunt. *In Politicis.*

Primo: Honestis & æquis legibus Magistratus Papistici obtemperant, *argumento locorum Matth. 22. v. 21. Roman. 13. v. 1. & seqq. 1 Petr. 2. v. 13. & seqq.* *Ratio*: quia *Evangelium non abolet Politas*: ut habet axioma Theologicum. *Honestis & æquis legibus pareat.*

Secundo: Connubia cum Papistis idololatriis ne contrahant; contracta verò ne dissolvant. *Rationes Prioris* sunt. I. Interdictum Dei, *Deut. 7. v. 3, 4.* ubi rationes ponderandæ, quas duas inculcat: I. periculum seductionis in idololatriam, & II. vindictæ divinæ, & pœnarum certissimarum. Sic *1 Cor. 7. v. 39. 2 Cor. 6. v. 14, 15, 16.* II. Quia conjugium est typus, imago conjugii Spiritualis inter Christum & Ecclesiam *Eph. 5. v. 32.* Ergo. III. Exempla eorum, quibus infelicitè cesserunt hujusmodi *modi*

Contradictum
non dissolvat.

modi conjugia : *Esau*, Genes. 26. vers. 35. *Salomonis*, 1 Reg. 11. v. 1. & seqq. *Ioram*, filii Josaphati, 2 Chron. 21. v. 6. & seqq. *Indaeorum* tempore Nehemiae cap. 13. vers. 23. & seqq. *Posterioris* sunt. I. quia indissolubile est vinculum Conjugii, ex repetita etiam sanctione Christi in Nov. Testam. *Matth.* 19. vers. 9. II. quia Apostolus disertè interdicat separationem etiam illo casu, hoc est, propter diffidium in Religione, 1 *Cor.* 7. v. 12. & seqq. etiam si fidei ab infidei plurima eaque gravissima toleranda sint. III. quia fidelis debet infidelem lucrifacere, 1 *Pet.* 3. v. 1, 2. Ergo non deferere.

Fugiat

nimiam cum
eis familiari-
tatem.

Convivia
ipsorum.

Tertio : Fugienda nimia familiaritas Papistarum, nec facile frequentanda ipsorum convivia : nisi forte spes aliqua nobis affulgeat eos ædificandi. *Illius ratio est* : quod bonos pios mores corrumpunt prava commercia, 1 *Cor.* 15. vers. 33. quorum Corinthiorum exemplum Apostolus perstringit cap. 6. 8. 10. 2 *Cor.* 6. 7. capp. *Istius verò* : I. quia preces ipsorum & benedictiones non carent superstitione. II. Quia Apostolus propterea reprehendit Corinthios, 1 *Epist.* 6. 8. 10. capp. quod interessent conviviis Sacris Idololatrarum, etiam cum infirmorum offendiculo. Memorabile hinc est exemplum Danielis adolescentis adhuc, & Sociorum ipsius, qui fugerunt lautitias regias pio & prudenti proposito, *Dan.* 1. cap. quod iis captari viderent, ut paulatim abstraherentur à sincero Dei cultu.

PROBLEMA DECIMUM.

Num Ecclesia hodierna Romana verè dici possit Ecclesia Christi?

Ecclesia Ro-
mana hodi-
erna Papalis
collectiva.

dici potest Ec-
clesia Christi
non proprie.

QUæstio est non de omni Ecclesiâ Romanâ, etiam illâ quæ Apostolorum ætate floruit, & Epistolâ Pauli ad Romanos scripta celebratur : sed de hodiernâ Papali, quæ Papæ dominatui & potestati spirituali subest. Eaque non *representativa*, quæ in ipso Papâ, ejusque Cardinalibus & Præsulibus conspicitur; sed *collectiva*, quæ clericos & laicos sive Pastores & Oves simul complectitur.

Eam propriè & simpliciter dici non posse Ecclesiam Christi, utut hoc

hoc titulo inprimis superbiat, seseque jactitet, apud omnes Evangelicos extra Controversiam est. Est enim Synagoga Antichristi; est Apostatica à Christo & doctrinâ ipsius; & membra veteris Ecclesiæ capitaliter odit ac persequitur. Caterum *improprie*, *καταχρηστικῶς*, & secundum quid sic dici posse non negamus: idque duplici respectu. Primo: Ratione populi Dei sive *Electorum*, qui adhuc reliqui sunt in Papatu. *Apocal. II. v. 4.* jubentur exire etiam sub tempus excidii Babylonis; Ergo istic sunt. *2 Thess. 2. v. 4.* sedet Antichristus in templo Dei, id est, in Ecclesiâ. Ergo superest aliqua Ecclesia. Idem ostendi potest argumento à pari. Sub regno idololatræ Achab, cum tota Ecclesia Israëlita videretur defecisse; Deus sibi servavit multas reliquias *1 Reg. 19. capp.* Et cum abductus esset populus Israëliticus in Assyriam, reliquias tamen ejus ad renovandum fœdus & Pascha celebrandum Hierosolymam vocârunt pii Reges Ezechias & Josias *2 Chron. 30. & 34. capp.* Sic igitur etiam in Papatu sibi servavit reliquias; licet ex multo pauciores nunc sint, quàm fuerunt initio Reformationis. Deinde etiam ratione rudium quorundam Ecclesiæ dissipatæ: in quibus vestigia ejus hodièque conspiciuntur. Retinet enim Ecclesia Papalis verbum Dei Vet. & Novi Testamenti, humanis licet tum scriptis amplificatum, tum glossæ adulteratum. Retinet præterea Sacramentum Baptismi, etsi vitiatum variis superstitionibus & abusibus. Sic etiam partes nonnullas doctrinæ orthodoxæ de Deo uno ac trino, de Christo Deo ac homine in unâ personâ, de Creatione, Providentiâ, Resurrectione mortuorum &c. profitetur: ut eorum tectorio occultet, & commodius instillet errores & corruptelas suas.

Sed improprie & secundum quid. Ratione Electorum, qui adhuc sunt in Papatu.

Ratione rudium quorundam Ecclesiæ dissipatæ.

Duo porro sunt, quæ in contrarium moveri solent. Unum hoc est: Qui retinent scripta Prophetica & Apostolica, & usum Sacramentorum, quæ divinitus sunt instituta, ii recte nominantur Ecclesia Christi. Atqui Ecclesia hodierna Romana ea retinet. Ergo. Respond. Major vita est de retinentibus doctrinam Legis & Evangelii, & usum Sacramentorum sine exitalibus corruptelis & Idolis. Manifestum autem est Ecclesiam hodiernam Romanam defendere multos tetros & exitiales errores, pugnantes cum doctrinâ Legis & Evangelii: stabilire item manifestos abusos, alienos ab institutione Sacramentorum: idque

Verbum Dei & Sacramenta in Papatu servantur sed cum exitalibus erroribus,

Ministerium
in Papatu
corruptum
est.

non ex ignorantia aut simplici errore; sed ex malitia & pertinacia, conjuncta cum odio & persecutione verè fidelium. *Alterum* est istud: Ubi est ministerium Ecclesiæ Christianæ, ibidem est Ecclesia Christi. Atqui in hodiernâ Ecclesia Romana est ministerium Ecclesiæ Christianæ. Ergo. *Resp.* Datur *Major* de ministerio à Christo instituto, eoque incorrupto. Tale autem esse ministerium Ecclesiæ Romanæ hodiernæ, est aperte falsum.

PROBLEMA UNDECIMUM.

Vbi & qualis fuerit vera Christi Ecclesia, ante Reformationem à Luthero Zuinglioque institutam?

Ecclesia semper fuit & erit in terris.

De Superiorum seculorum Ecclesia sub defectione universalis quaeritur.

Semper fuisse in terris veram Christi Ecclesiam, & ad finem usque mundi perpetuò in iis permanfuram esse, indubitatum est omnibus fidelibus. Siquidem promisit Christus se futurum cum Ecclesiâ suâ ad consummationem usque seculi, *Matt.* 28. v. 20. ac ne ipsas quidem inferorum portas adversus ipsam prævalituras esse *Cap.* 16. v. 17, 18. Cum verò tum ipse Servator noster. *Matt.* 24. tum etiam Apostoli ipsius, Johannes in *Apocalypsi*, & Paulus 2 *Thess.* 2. v. 3. 4. & *seqq.* 1 *Tim.* 4. v. 1, 2. & *seqq.* prædixerint secuturam universalem quandam defectionem à fide Christi: quam evenisse etiam & superiorum seculorum historia, & nostri temporis experientia plus satis testantur; quaeritur ubinam tum fuerit, & quâ conditione vixerit, & conservata sit in terris vera Christi Ecclesia. *Pontificii* quidem sicut crimen apostasiæ longissimè à se amoliri, frustra licet, conantur; ita negant olim aliam fuisse Ecclesiam præter suam; Evangelicas autem Ecclesias nuper admodum per schisma natas esse: cum nec locus, ubi ante sedem habuerint, monstrari; nec successio Pastorum per quos collectæ sint, probari; nec conditio, quâ flouruerint, designari possit. Ut igitur à novitatis & falsitatis criminationibus Ecclesias nostras vindicemus, Explicatione Problematis

matius accuratiores opus est. Erit autem bimembris, primo de *Loco*; secundo de *Conditione*.

De Primo.

Ubinam fuerit vera Ecclesia ante Lutherum & Zuinglium ^{Ubi fuerit?} ambiguitate quaeritur, & bifariam accipi potest. *Primo*: *Definitè*, de certa & constanti sede Ecclesiae, & in ea continuata Episcoporum sive Pastorum serie; qualis est urbs Roma, & in ea successio Pontificum. Hoc sensu Pontificii intelligunt Problema; & calumniantur Doctores nostros, quod propterea invisibilem fingant Ecclesiam, quia in sua Ecclesia nec certam sedem, nec certam seriem Pastorum ostendere possint. Quod falsissimum est. Siquidem ideo Ecclesiam docent esse invisibilem, ut in particularibus Ecclesiis hypocritas à verè fidelibus distinguant. Problema autem ita accipiendum esse negant. *Ratio* duplex est. I. quia Ecclesia Nov. Testam. non est alligata certo loco, ut olim in Vet. Testamento; sed est ambulatoria, migrans de loco in in locum: ut tum *Apocalyps.* 1, 2, 3. *Capp.* tum veritate historiae, & experientia de interitu & ruina multarum florentissimarum Ecclesiarum constat omnibus. II. quia etiam non habet illam successionem; cum ea aut plane deficiat & desinat cum ipsis Ecclesiis; aut mutetur in successionem luporum, qui diripiunt gregem, *Act.* 20. v. 30. tyrannorum, qui ei superbe, impiè dominantur *2 Thess.* 2. v. 3, 4. & *seqq.* Deinde accipitur etiam *indefinitè*, de sede & domicilio in genere, quod variè, modo hic, modo illic, juxta dispensationem Dei fuit sortita. Hoc sensu ^{Resp. in Papatu.} admittitur à nobis, respondeturque *Vtrum Christi Ecclesiam ante Lutherum & Zuinglium fuisse in ipso Papatu.* Quod partim declarandum, partim demonstrandum est.

Declaratio est hæc: Ecclesiae Evangelicae, amplexae Evangelium æternum, de quo Angelus *Apoc.* 14. v. 6. fuerunt in Papatu. I. non quoad communionem cum eo; nam communionem & professione ab eo fuerunt disjunctae, utpote cujus errores ^{quoad communionem.} ac superstitiones improbaverunt ac damnaverunt: Verum quoad commorationem ac hospitia, quia in medio Ecclesiarum Papisticarum vixerunt. II. non conjunctim, sed sparsim per regiones, ^{& sparsim.} provincias, civitates, vicos, collegia, sodalitates sive socie-

societates, familias: in quibus Deus suum populum, electos suos habuit.

Probatur
Dictis.

fide historiar.

Exemplis.
V. T.

Exemplis
N. T.

Demonstratio triplex est: *Prima* constat Dictis Scripturæ 2 *Thess.* 2. v. 3, 4. & *seqq.* Antichristus sedet in templo Dei, id est, in Ecclesiâ tanquam Deus; quia se Ecclesiæ caput esse jactat. Ergo fuit aliqua vera Ecclesia, licet jam tyrannide potito Papâ Romano. *Apoc.* 7. *cap.* signantur Electi. Ergo sunt. *Cap.* 11. v. 1. 2. exclusâ urbe & atrio servatur sanctuarium sive Ecclesia, & *vers.* 3. duo testes. *Cap.* 12. mulier in deserto alitur, id est, servatur Ecclesia. *Cap.* 14. Angeli, id est præcones Euangelii, prophetant in Ecclesia; item *Cap.* 18. *vers.* 4. sub tempus excidii Babylonis, populus Dei, id est vera Ecclesia, è medio ejus exire jubetur: Ergo fuit adhuc tum in eâ. *Secunda* nititur fide historiar, & catalogo testium veritatis, qui omnibus seculis contraxerunt erroribus & abusibus Papatus, ac veritati testimonium perhibuerunt. In quorum ordine Waldenses inprimis excellunt. Vide *Catalogum Testium veritatis* ab Illyrico & aliis confectum: itemque *Mysterium iniquitatis Plessai*. *Tertia* habet exempla paria sive similia Ecclesiæ tum Veteris, tum etiam Novi Testamenti sub initium. *Exempla Vet. Testam.* sunt ista. I. Ecclesiæ tempore Nahoris, Tharæ, & Abrahami in Chaldæa, quæ vix apparuit, & idololatria corrupta fuit: Josua teste *cap.* 24. *vers.* 2. II. Ecclesiæ in Ægypto post mortem Jacobi, Josephi, & fratrum ipsius *Ezech.* 16. *Cap.* III. Ecclesiæ Israëliticæ sub Elia, qui se solum relictum fuisse opinabatur, cum tamen Deus reservasset sibi *septem*, id est multa millia 1 *Reg.* 18. & 19. *capp.* IV. Ecclesiæ Israëliticæ in Samaria, post adductas in Assyriam decem tribus. 2 *Chron.* 30. & 30. *capp.* V. Ecclesiæ Judaicæ in Captivitate Babylonica, qua cum non obscure confertur status Ecclesiæ sub tyrandide Antichristi *Apoc.* 17. & 18. *capp.* *Exempla Novi Testamenti.* sub initium sunt duo hæc. I. Ecclesiæ, quæ fuit cum nasceretur Christus in terris. Ea non erant Scribæ, Pharisei, & cæteri Sectarii, hostes Dei & veritatis ipsius, utut gloriarentur Ecclesiæ, & Mosaicæ cathedræ titulis: Sed Zacharias, Simeon, Joseph, Elisabeth, Maria, Anna, Pastores; & alii, expectantes redemptionem Israël, qui de vera doctrina consentiebant, *Luc.* 1. 2. *capp.* & alibi. II. Ecclesiæ Judaicæ tempore Pauli, cum

cum in populo rebelli & apostatico, electis ex Judæis defecisse videntur, ad solum usque Paulum *Rom. II. v. 1, 5.*

De Secundo.

Conditio vera Ecclesia, quâ vixit sub Papatu per aliquot secula, misera & afflicta fuit; sicut nullas habet promissiones speciales, de statu & fortunâ externâ in hac vitâ. *Primo*: fuit obscura, gloriâ & splendore suo destituta; & variè latuit. Quod abumbratum fuit imagine mulieris fugientis in desertum *Apoc. 12. cap.* Cœpit tamen magis magisque innotescere, & publicè conspici in Waldensibus, circa A.C. 1160. *Secundo*: fuit exigua numero, ad magnam raritatem & paucitatem reducta. Quod significatur *Apocal. 11. v. 1, 2.* dimensione templi & exclusionem atrii: item *vers. 3.* per duos testes. *Tertio*: fuit etiam ex parte corrupta, aliquid participans de erroribus Papatus, etsi fundamentum salutis saluum & integrum retinuerit. Patet ex scriptis illorum temporum, inprimis Wiclefi & Hussi, itemque Confessionibus Waldensium. *Quarto*: fuit etiam separata à Papatu; non loco, sed fide, religionè, & improbatione impietatis & superstitionis. Hinc tot oppositiones & contradictiones auditæ. Waldenses verò separatos suos conventus, & eos quidem publicos variis in locis instituerunt ac celebrârunt.

Ex his jam facilis est & expedita *responsio*, quid de salute eorum, qui sub Papatu vixerunt & mortui sunt ante Reformationem, sentiendum sit? *In genere salvatos dicimus omnes Electos*, qui sub Papatu fuerunt. *Ratio*: quia Electio tota assequitur, id est omnes Electi *Rom. 11. v. 7.* Unde etiam obsignati fuerunt, ne quo modo læderentur quoad animæ salutem *Apoc. 7. cap.* *Inspecie salvatos censemus I. rectè sentientes*, hoc est, eos qui illuminatione divinâ errores & superstitiones Papatus agnoverunt & detestati sunt: contra autem veritatem Evangelii fide amplexi, & sincerè constanterque usque ad sanguinem confessi fuerunt: quales sunt duo illi testes *Apoc. 11. v. 3, 4, 5.* II. *infirmos*, qui inter multiplices errores fundamentum de Christo utcumque retinuerunt, & vel in agone mortis Christo se verâ fide commendârunt: dociles etiam in reliquis se præbituri fuissent, si occasionem discendi ipsis contigissent. Probâri potest dicto Apostoli

R_r

I Cor. 3.

1 Cor. 3. vers. 12. & seqq. Ignis ipsis fuerunt tentationes Spirituales, in quibus experti sunt, nihil juvari animam nugis traditionum humanarum, aut ullis bonorum operum meritis.

PROBLEMA DUODECIMUM.

Quibus mediis Ecclesia sub Papatu tum conservata, tum propagata fuerit?

Media fuerunt

Media eadem prorsus fuerunt, quibus Deus inde ab initio mundi usus est in colligendâ sibi Ecclesiâ: videl: *Spiritus, Verbum, & Ministerium Verbi*, prout scitè conjunguntur *Esaia 59. vers. 21.*

Spiritus S.

Primum est Spiritus Sanctus, efficax per verbum ad Conversionem ab erroribus ad veritatem, ab idololatria ad verum Dei cultum; qui Ecclesiæ illi non defuit. *Probatur I. ex promissionibus Esa. 59. v. 21. Spiritus meus qui est in te, non recedet à te, aut Iehova, ex hoc tempore usque in seculum. Matth. 28. v. 20. Ego vobiscum sum usque ad consummationem seculi. Johan. 14. v. 16. Ego rogabo Patrem, & alium advocatum dabit vobis, ut maneat vobiscum in aeternum. II. ex effectis ipsius, in illorum temporum fidelibus, & confessoribus: quæ Apocalypf. 12. vers. 14. & alibi describuntur.*

Verbum Dei.

Secundum est Verbum Dei, Scriptis Prophetis & Apostolicis comprehensum: quod etsi lingua Latina conclusum, & velut obseratum fuit, tamen etiam illa lingua pluribus fuit lectum & intellectum. Exstiterunt præterea etiam sub Papatu nonnullæ versiones in linguis vernaculis cardinalibus, Germanicâ, Gallicâ, Anglicâ: quæ à plurimis Laicis, licet non promiscuè ab omnibus, legebantur. Denique omnibus nota fuerunt capita Religionis Christianæ in Symbolo, Decalogo, oratione Dominica, Baptismo & Cœna: quibus quicquid creditu factuque necessarium est ad salutem continetur.

Ministerium Verbi ordinarium.

Tertium est Ministerium verbi Ordinarium, extraordinarium; Publicum, Privatum. Ordinarium fuit Episcoporum & Sacerdotum Papalium, qui cum verbum Dei prædicarent, licet variè corruptum & depravatum, Deus, qui per vitiosa etiam organa

suum opus perficere novit, efficax fuit in suis, quando & quantum voluit. Qua ratione moti Melanchthon & Bucerus, suaserunt iis qui sub Papatu degunt, ne saltem conciones prorsus negligenter. Et sic factum, ut sanctiora sæpe fuerint corda auditorum, quàm ora sacerdotum & doctorum. Extraordinarium fuit fidelium illorum testium, quos Deus subinde excitavit & animavit, ut se Papatui opponerent, & superstitiones ejus redarguerent *Apoc. 11. & 14. capp.* Quales fuerunt Waldus, Wiclefus, Hussus, Hieronymus Pragensis, & alii. Sic *Publicum* ministerium fuit, quod publicè, publicis solennibusque conventibus exercebatur, ordinariè & extraordinariè. *Privatum*, quod privatim intra privatos parietes instituebatur, tum *in Collegiis ac Monasteriis*, cujus illustria exempla & evidentes fructus exstant in Luthero, Zuinglio, Oecolampadio, Bucero, Brentio, Martyre, & aliis, qui Monachi didicerunt Religionem suis in claustris: tum *in Familiis*, quæ precibus, lectione & meditatione caput religionis, & Evangeliorum quoque Dominicalium; item Scriptorum vernaculorum, semen veritatis conservarunt, liberis suis instillarunt, & ad posteros propagarunt.

extraordinarium.

publicum,

privatum.

Extraordinarius modus.

Postremò; quod de futura Gentium vocatione prædixit *Esaias cap. 65. v. 1.* & de eâ usurpat *Paulus Rom. 10. v. 20.* *Inventus sum ab iis, qui me non querebant; manifestus factus sum iis, qui de me non interrogabant:* id hîc etiam locum habet. Nam ut olim Raab ad famam & nuncium Dei Israëlîs concepit semen ali-quod fidei, *Ios. 2. Hebr. 11. vers. 31.* sic multos sub Papatu etiam ex sono & famâ Evangelii fidem hausisse probabile est: Deo, qua est benignitate, extraordinariè & efficaciter in iis agente.

PROBLEMA DECIMUM TERTIUM

An Ecclesiæ Evangelicæ dicendæ sint Hæreticæ aut Schismaticæ; quia secessionem fecerunt ab Ecclesiâ Romanâ?

Est hæc pervulgata criminatio Evangelicorum, quod innovatione doctrinæ & rituum Schisma fecerint in Ecclesiâ Dei, &

Rr 2

hæresin

hæresin excitarint. Est etiam valdè speciosa: cum verum vulgo censetur, quod longâ consuetudine receptum est; quodque autoritate & dignitate conspici profitentur & defendunt. Nihilominus tamen criminatio falsa & calumniosa est; cum non Ecclesiæ Euangelicæ, sed potius Ecclesia Romana Papalis sit hæretica & schismatica. Utrumque distinctè ostendo.

Ecclesiæ Euangelicæ non sunt Schismatica vel hæretica.
q. Dei iussu deseruerunt Papatum.

Primo quatuor argumentis.

I. à *Causâ Efficiente secessionis*. Qui Dei iussu & mandato secessionem fecerunt à Papatu, & Ecclesia Papali Romanâ, non sunt dicendi hæretici aut schismatici; ut patet. Nam Deus hæresin & schisma pariter prohibet. Est autor pacis, non exagitationis 1 Cor. 14. v. 33. Atqui Ecclesiæ Euangelicæ Dei iussu & mandato secessionem fecerunt à Papatu, & Ecclesiâ Papali Romanâ *Apocalyps.* 18. v. 4. 2 Cor. 6. v. 17. 1 *Ioh.* 5. v. 21. *Gal.* 1. v. 8. 9. Ergò.

q. discesserunt à falsâ Ecclesiâ.

II. ab *objecto sive termino à quo secessionis*. Nullus discedens à falsâ Ecclesiâ est hæreticus, aut schismaticus. Atqui Romana; Ecclesia hodierna, à quâ discesserunt Euangelicæ, non est vera sed falsa Ecclesia. Ergò nec Ecclesiæ Euangelicæ dicendæ sunt hæreticæ aut schismaticæ. Probatur *Minor*: Qui cœtus non solum errat in fundamento fidei & salutis, sed etiam sciens veritati adversatur, Deum contumeliâ afficit stabiliendis idolis, & adiuvat ac confirmat parricidia animarum & corporum, is non est vera, sed falsa Ecclesia. Atqui hodierna Ecclesia Romana est talis cœtus: ut multifariam totis centum annis demonstratum est. Ergò.

q. nullum errorem fundamentalem pertinaciter defendunt.

III. à *definitione hæreseos*. Hæresis est error pugnans cum fundamento religionis Christianæ, isque pertinax, cum pertinaciâ defensus, contra omnes eum monstrantes & oppugnantes ex verbo Dei: definiente Paulo in *Epistolis ad Timotheum & Titum*. Ecclesiæ Euangelicæ neque tenent, neque pertinaciter tuerentur ullum errorem pugnans cum fundamento religionis Christianæ: utcunque vel imperiti propter ignorantiam, vel improbi propter odium veritatis eas damnent nomine hæreseos: quod & Paulo accidit *Act.* 28. v. 22. Ergò.

q. non discesserunt ab unitate veræ Ecclesiæ.

IV. à *definitione schismatis*. Schisma est ubi disceditur ab unitate veræ Ecclesiæ; quale fuit schisma Jeroboami 1 *Reg.* 12. cap. Nec locum habet schisma, ubi non prius fuit vera unitas.

At

At Ecclesiæ Euangelicæ non discesserunt ab unitate veræ & Catholicæ Ecclesiæ; sed eam studiosè retinent: ut quæ normam Doctrinæ Apostolicæ sequuntur; & fide, invocatione, ac studio servandæ concordia conjunctæ sunt cum omnibus piis, eundem Christum sincerè, secundum Evangelii doctrinam amplectentibus: Discesserunt autem ab unitate Ecclesiæ Romanæ Papalis, quia non fuit eis cum ipsâ vera unitas, hoc est, ea quæ in veritate fundata erant *Ephes. 4. vers. 4. 5, 6.* Ergò.

Posterius duobus argumentis.

Ecclesiæ Rom.
Papalis est
hæretica.

I. Quæ Ecclesia defecit à fide Christi, & amplexa est ac pertinaciter defendit doctrinas dæmoniorum; denique in Synagoga Antichristi degeneravit, ea est hæretica & apostatica dicenda. Atqui hodierna Ecclesia Romana hæc egit: ut est *1 Tim. 4. 1, 2, 3. 2 Thess. 2. v. 3, 4. & seqq.* Ergò.

II. Quæ Ecclesia discessit ab unitate Ecclesiæ Catholicæ, & nominatim Veteris Romanæ, ad quam Paulus scripsit, ea est schismatica. Atqui hodierna Ecclesia Romana discessit ab unitate tum Ecclesiæ Catholicæ, ut longâ inductione per omnes ejus ætates doceri potest: tum nominatim veteris Romanæ; quod probat collatio fidei hujus, discriptæ à Paulo, cum fide illius. Ergo.

PROBLEMA DECIMUM QUARTUM.

An Ecclesiæ Euangelicæ sint veræ Christi Ecclesiæ, quæ tam gravibus dissidiis laborant, & à se invicem distrabuntur?

Quam grave vulnus dissidii, in ipsius Ecclesiæ renascentis primordiis, inflictum sit Ecclesiis Euangelicis, dum *Lutherus* & *Carlostadius* moverunt controversiam Sacramentariam, & eos secuti Theologi *Saxonici* & *Helveticæ* continuarunt, nec dici satis, nec dignè deplorari potest. Eam Pontificii, Anabaptistæ, & alii sectarii in rem suam verterunt contra Euangelicos, & vehementer exagitarunt: tam ut doctrinam puriorem in contemptum

Dissidii Ecclesiarum
Euangelicarum origo.

adducerent, & infirmiores absterrent ab ejus, sicut & ipsarum Ecclesiarum communione: tum ut naevos illos exaggerando commodius occultarent tetros errores & crassas superstitiones, quas in cœtibus suis ipsimet fœvent. Est verò minimè nova criminatio, sed vetus, qua olim Donatistæ Catholicos incesse-
runt & oppugnarunt; multoties confutata ab Augustino, & aliis. Nos priusquam ostendamus *propter illa dissidia Ecclesias Evangelicas non desinere esse veras Christi Ecclesias*, tria præmitteremus cognitu necessaria. I. Privatas dissensiones Doctorum, sive de quibusdam Scripturæ locis eorumque interpretationibus, sive de quæstionibus nonnullis Theologicis minus principalibus, non habendas esse pro dissidiis Ecclesiarum. *Ratio*: quia Doctores sunt personæ singulares; Ecclesiæ autem publici cœtus ac congregationes: nec Placita Doctorum sunt Dogmata Ecclesiastica. II. Dissidia Ecclesiarum non ex privatis scriptis Doctorum, sed ex Confessionibus publicis Ecclesiarum & cognoscenda & constituenda esse. *Ratio*: quia Confessiones communem Ecclesiarum doctrinam sonant & explicant; cum in scriptis privatis ferè admisceantur opiniones privatae: publica etiam & communis sententia non raro inibi aut truncetur, aut commodè minus enuncietur. III. Dissidia Ecclesiarum Evangelicarum longè & pauciora & minora futura, siquidem ea moderaretur Lex tum fraternæ charitatis, tum mutuae tolerantiae: quam hîc servandam sancit Apostolus *Eph. 4. vers. 2, 3. Phil. 3. vers. 16.* Quod experientia docente plus satis notum est.

Dissensiones
Theologorum non sunt
dissidia Ecclesiarum.

Dissidia Ecclesiarum ex
Confessionibus earum
æstimanda sunt.

Dissidia im-
minuere
queat.

Propter dissidia sua Ecclesiarum Evangelicarum non desinunt esse veræ Ecclesiarum

q. retinent
unicum fidei
ac salutis
fundamentum.

Nunc assertionis nostræ veritatem duobus præcipuè argumentis adstruemus.

Primum ita habet: Quæ Ecclesiæ retinent unicum fidei & salutis fundamentum Christum Jesum, sed fundamento illi superædificant aliæ quidem aurum, argentum, gemmas: aliæ vero lignum, fœnum, stipulas: eæ verè sunt, & rectè dicuntur Christi Ecclesiæ. Atqui Ecclesiæ Evangelicæ in Germania & alibi, quantumvis schismaticis nominibus Lutheri, Zuinglii, Calvinii vocatæ, retinent unicum fidei & salutis fundamentum Christum Jesum; sed fundamento illi superædificant, aliæ quidem aurum, argentum, gemmas: aliæ verò lignum, fœnum, stipulas. Ergo. *Major* est Apostoli 1 *Corinth. 3. vers. 12. & seqq. Minor* confirmatur collatione doctrinæ, Confessionibus, aliisque scriptis

scriptis publicis testatæ. Insuper etiam hoc argumento : In quibus Ecclesiis sonat unum idemque Evangelium de gratuita remissione peccatorum propter Christum per fidem, non aliud ac aliud, eæ retinent unicum fidei & salutis fundamentum, Christum Jesum *Gal. 1. v. 8, 9.* Atqui in Ecclesiis Evangelicis id fit: uti constat. Ergò.

Alterum hoc est : Si in Ecclesiâ tam Apostolicâ, quam Primitivâ diffidiâ fuerunt de Religione, & nihilominus cœtus illi manserunt vera Christi Ecclesia, etiam nunc Ecclesiæ Evangelicæ propter diffidia sua veræ Christi Ecclesiæ esse non debent. Verum prius. Ergò & posterius. *Consequentia* firma est ex similitudine & paritate exemplorum : De similibus enim idem est iudicium. *Assumptionis* utrunque membrum distinctè probatur inductione. *Prius de Ecclesiâ Apostolicâ.* I. Fuit in Ecclesiâ Apostolicâ. diffidium inter Apostolos ex una parte, & alios multos doctos fratres ex altera, de ritibus Mosaicis, quod compositum est *Act. 15.* salva utrimque Ecclesia. II. Fuit diffidium inter Paulum & Barnabam, *Act. 15.* inter Paulum & Petrum *Galat. 2.* de discrimine ciborum, & tamen non solum membra Ecclesiæ, sed etiam Apostoli manserunt. III. Magnæ dissensiones imò & schismata excitata sunt in Ecclesia Corinthiaca, *1. Epist. 1. 3. 4.* itemque in Ecclesia Philippensi, *Capp. 1. Epistola ad ipsos* : nec tamen propterea veræ Ecclesiæ elogium Apostolus ipsis detrahit aut derogat. Et dignum est notatu, quod dicit Apostolus *1 Cor. 11. vers. 18, 19.* Oportere esse inter nos non solum hæreses, sed etiam schismata ; ut qui probati sunt manifesti fiant. Quo cum concordat Christi illud : Zizania omnia demum in fine sæculi ex agro Ecclesiæ integrè evelenda & concremanda esse *Matth. 13. vers. 30.* Est igitur hæc perpetua conditio Ecclesiæ hisce in terris, ut diffidiis, schismatis obnoxia sit, & tamen maneat. *Posterius de Ecclesiâ primitivâ :* in Ecclesiâ primitivâ. I. Diffidium fuit gravissimum inter Ecclesias Occidentales & Orientales, sive Latinas & Græcas de Paschatis Festo, quod duravit annos prope ducentos : & tamen utræque veræ Christi Ecclesiæ erant. II. Multæ & graves dissensiones fuerunt inter Patres Concilii Niceni, quibus tamen inde nihil præiudicatum aut detractum. III. Plurima diffidia Ecclesiarum commemorat Socrates *lib. 5. cap. 22.* de Jejunio, de Cere-

Cæremoniis circa Synaxin, de Connubio Clericorum, Baptismo, precibus, Ecclesiasticis, & aliis rebus permultis: & tamen Ecclesiæ illæ erant veræ Christi Ecclesiæ. IV. Non levia certamina & conflictus fuerunt inter Ecclesias Africanas & Italicas, de rebaptizandis hæreticis, & tamen illæ omnes habitæ fuerunt pro veris Ecclesiis. V. Ecclesiæ Latinæ & Græcæ acriter inter se contenderunt de Processione Spiritus Sancti: Nihilominus Ecclesiæ jus & elogium ipsis permansit. Plura exempla ex historiis Ecclesiasticis peti possunt: sed in præsentiarum ista sufficiunt.

PROBLEMA DECIMUM QUINTUM.

*Liceatne Reformatis Orthodoxis petere & suscipere
Baptismum à Lutheranis?*

Origo Problematis.

MOta est hæc quæstio ab Ecclesiis peregrinis Anglorum & Belgarum in Germaniâ, cum propter persecutiones Francofurtum, Wesaliam & alia in loca concessissent A.C. 1555. & seqq. Ibi enim cum vel non haberent proprium ministerium, vel haberent quidem, sed absque Baptismo; de ejus administratione cceptum est disputari. Qui aut firmi, aut remissiores erant in Controversiis, licitum esse dicebant illum Baptismum, & inter adiaphora consuebant receptam administrationis formam. Infirmi contra aut Zelotæ, licitum esse negabant. Inde ne Schismata vel offendicula nascerentur, exquirenda sibi putârunt celeberrimorum de eâ Theologorum judicia. Et existat quidem sententia *Calvini* in archivo Ecclesiæ Gallicæ Francofurtensis; quæ cum Epistolis reliquis non est evulgata. *Martyri* responsum habetur in ipsius Epistolis. *Zanchii* judicium, nomine facultatis Theologicæ Heidelbergensis perscriptum, etiam legitur lib. 1. Epistolarum ipsius.

Sunt verò *Martyris* & *Zanchii* sententiæ in speciem contrariæ super hâc quæstione, *Illo* negante Licitum esse Baptismum Lutheranorum: *Isto* affirmante esse licitum: quæ tamen quomodo reduci possint ad concordiam, in decisione Problematis videbitur.

Rationes

Non esse licitum Baptismum Lutheranorum.

1.

2.

3.

4.

5.

6.

7.

8.

Rationes Negantes apud *Martyrem* præcipuæ sunt istæ: *Prima*: Baptismus est obsignatio fidei ejus qui tingitur; aut si is infans, eorum qui ipsum offerunt Baptismo. Atqui Reformationum non est eadem fides cum Lutheranis, sed diversa. Ergo. *Secunda*: Qui Baptismum accipiunt à Lutheranis, eorum fidei consentire videntur, & suum sensum ac fidem ad ipsorum Ecclesiam transfuisse. Nimirum, quia non baptizant in aliam fidem, quam in eam, quæ illic viget ac traditur. *Tertia* ducitur ab exemplis tum *Ministrorum Lutheranorum*, qui suos liberos nostris minimè tingendos committerent: tum *Judeorum veterum*, qui liberos suos Jeroboamitis idololatris circumcidendos non dedissent: tum denique *veterum Christianorum*, Theodosii Magni, Valentiniani Junioris, & Satyri fratris Ambrosii, nec non aliorum, qui à rectè sentientibus, non ab errantibus Episcopis baptizari voluerunt. *Quarta*: Qui baptizantur, Ecclesiæ Dei visibiliter inseri dicuntur. Atqui Orthodoxi nolunt sentire cum Ecclesiis Lutheranorum. Igitur nec inseri ipsis debent. *Quinta*: Lutherani etiam graviter errant de Sacramento Baptismi. Nam ei plus nimium tribuunt; Dei gratiam Baptismo alligant; Baptismum ad salutem faciunt simpliciter necessarium: nam alioquin nostris non magis eum impertirent, quam Eucharistiam: denique parvos fide præditos esse credunt. *Sexta*: Susceptio Baptismi à Lutheranis conjuncta est cum scandalo & offendiculo infirmorum: quod cum proficiscatur ex purioris doctrinæ summo studio ac Zelo, omnibus modis est cavendum. *Septima*: Nihil emolamenti vel spiritualis ædificationis habetur ex Baptismo à Lutheranis suscepto. Nam Infantes non periclitantur de salute, etiamsi absque Baptismo intereant: cum ei non sit alligata gratia salutis. Nec parentibus fraudi erit Baptismi Lutherani prætermisio, cum ex contemptu Sacramenti non accidat, sed tantum ut conscientiæ & fidei consulatur. *Octava*: Sumptio Sacramentorum à Lutheranis res est vel interdicta, vel ad salutem necessaria, vel neutra. Ad salutem necessaria non est, cum Sacramentis gratia Dei non sit adstricta. Sin prohibita est, eò magis abstinere debemus. Si adiaphora, saltem cum scandalo infirmorum usurpari non debet.

Licetum esse Baptismum Lutheranorum.

1.

Rationes Affirmantes apud *Zanchium* præcipuæ sunt hæ. *Prima*: Lutherani retinent idem nobiscum fundamentum salutis, licet

- de Cœnâ, & aliis quibusdam Capitis doctrinâ à nobis dissentiant. Igitur Baptismus ipsorum non est negligendus. *Secunda:* Privati inter Lutheranos degentes non debent facere schisma, nec discedere ab illorum communione, aut eos damnare ut hæreticos, causâ nondum legitimo judicio cognitâ atque decisâ. Non igitur subducere se debent à Baptismo ipsorum. *Tertia:* Lis illa, quæ nobis intercedit cum Lutheranis, propriè non attinet Baptismum; nec damnari potest administratio Baptismi, prout recepta ac usitata est in ipsorum Ecclesiis. Proinde neque Baptismus est prætermittendus. *Quarta:* In veteri Ecclesiâ dissidia fuerunt de capitibus Fidei nihil levioribus, atque etiam de Baptismo ipso: nec tamen fideles ab Ecclesiis & Ministeriis illis, eorumque Baptismo abstinuerunt. Ergò nec nobis abstinendum à Baptismo Lutheranorum.

Conciliatio
sententiæ utriusque.

Hæ sunt præcipuæ Rationes utriusque assertionis in speciem quidem inter se contrariæ, sed quæ facile conciliantur distinctione ipsorum Lutheranorum: Qui vel *Moderati* sunt, æqui & pacifici; ut omnes Philippici: & de his loquitur *Zanchius*: aut *Immoderati*, furiosi, ac blasphemii; quales tum erant *Joachimus Westphalus*, *Flaccius Illyricus*, & *Flacciani*: & de his propriè sermo est *Petro Martyri*. Ut verò plenior sit explicatio & decisio Problematis, tribus propositionibus eam complectemur, & exsequemur.

Opera danda
ut vivamus
in Ecclesiâ
Reformatâ.

Prima: Danda est opera; quoad ejus fieri potest, ut vivamus in communione Ecclesiæ, ubi est pura prædicatio verbi Dei, & recta administratio utriusque Sacramenti tam Baptismi, quàm S. Cœnæ. *Ratio* evidens est: quia sectari debemus veritatem & sinceritatem cultus divini, secundum normam divinitus traditam: etiam cum incommodo & dispendio rei familiaris. In Ecclesiis Lutheranis autem Orthodoxi nec purum Dei verbum habent, quod suis opinionibus quandoque corrumpunt; vel potius ad eas illud detorquent: nec Baptismum planè sincerum: S. Cœnâ verò ut plurimum carent. Nihil nunc dicam de improbatione & infectatione sanæ doctrinæ, quam volentes nolentes audire coguntur.

Quibus cautio-
nibus ad-
mittendus
Lutherano-
rum Bapti-
smus.

Secunda: Si qui inter Lutheranos degunt, nec facile ab ipsis discedere possunt, his licitus est ipsorum Baptismus sub cautionibus sive conditionibus quatuor sequentibus. *Prima:* Si Ministeri, à qui-

à quibus petitur & suscipitur Baptismus, fuerint moderati, non furiosi, blasphemi & hostes Reformationum Orthodoxorum. Cum his enim nulla nobis esse debet Sacrorum Communio, cum sint hostes Dei & veritatis ipsius. *Secunda*: Si petentes Baptismum rotundè & sincerè ediderint Confessionem suam cum de aliis capitibus doctrinæ, tum de Baptismo inprimis: sicque admittantur. Silentium enim sive dissimulatio Confessionis haberet speciem consensus in totam doctrinam Lutheranorum; etiam quæ erronea est. *Tertia*: Si in formula administrationis Baptismi, quam *Agendam* vocant, non contineatur expressa vel improbatio sanæ doctrinæ Orthodoxorum, vel approbatio falsæ doctrinæ Lutheranorum. Cujusmodi, verbi gratiâ, ante annos non ita multos, odio nostrorum, inserta est *Agenda VVormatiensi*, additis duabus quæstionibus, quæ susceptoribus proponi assolent: Una, *An doctrinam de utroque Sacramento, quæ illâ in Ecclesiâ sonat, veram esse agnoscant, profiteantur?* Altera: *Num Infantem baptizandum in illâ ipsâ instituendum curare velint?* Cujusmodi asseveratio directè incurrat in fidem & pietatem, & obnoxia est Comminationi Esaiæ Prophetæ cap. 5. v. 20. *Quarta*: Si in Conscientiis suis persuasi sint, se ita agendo nihil peccare sive in Deum, sive in Ecclesiam. Nam quicquid fit dubitante conscientia peccatum est Rom. 14 v. 23.

Tertia: Baptismus à Lutheranis quomodocunque, hoc est, Baptismus non observatis illis conditionibus perceptus, etiam si vitiosus sit Lutherano-
propter illarum conditionum neglectum: tamen repetendus si-
ve iterandus non est. *Ratio*: quia manet nihilominus institutio
Christi ejusdemque efficacia in Baptismo secundum promissio-
nem suam. Quam ob causam ne Pontificiorum quidem Bapti-
smus iterari solet. Satis igitur fuerit, si qui hic peccarunt delicti
veniam petant à Deo & fratribus suis; sicque scandalum datum
aboleant.

Hoc pacto facile conciliantur dissidentes sententiæ de Ba-
ptismo Lutheranorum. Quod si verò quis sententiam negantem
eiusque extenderit, ut Baptismum Lutheranorum simpliciter
illicitum esse Orthodoxis asserat: non erit difficile respondere
ad argumenta negantis sententiæ. In *Primo* negatur *Minor*, quod
fides Lutheranorum non sit eadem cum nostra, saltem in funda-
mento salutis. Neque enim habent, aut prædicant aliud Euan-
gelium.

2. gelium. *Secundum* dissolvitur ex conditione secundâ propositionis Secundæ; quia Confessionem fidei præexigimus, dissimulationem non ferimus. Ad *Tertium* dicimus in genere, Non exemplis, hominum præsertim odio & affectibus excæcatorum, sed legibus vivendum esse. In specie autem Lutheranos, si non Doctores, saltem auditores, inter nostros degentes, suos infantes nobis baptizandos offerre. Quod attinet Jeroboamitas, apostatas à religione Israëliticâ, & Arianos hæreticos, quorum baptismum recusârunt Theodosius & Valentinianus Impp. eorum valde dispar est ratio. In *Quarto* admittitur fallacia à dicto secundum quid. Inferuntur Ecclesiæ baptizati, etiam particulari, quatenus ipsamet corpus Christi est. Id autem est, quatenus sana est in fide, *Ephes. 4. v. 4. 5. 6.* non aliter. Ad *Quintum* respondemus. Errores illos non solum non haberi in Augustanâ Confessione, sed ne quidem in plerisque Agendis Lutheranorum, quæ administrationi Baptismi præmitti solent. Nihil igitur ad illam liturgiam. Ad *Sextum* respondemus: Si Zelus eorum qui offenduntur hujusmodi Baptismo sit ex notitiâ verâ & certâ, secundum Informationem ex verbo Dei supra traditam, jam desinet omnis offensio; vel certè degenerabit in morositatem & pertinaciam. *Septimum* quoad primum membrum æquè facile vertitur contra Baptismum, ejusque usum universum; quam contra Baptismum Lutheranorum sigillatim. Secundum membrum deficit ob elenchum petitionis principii, & accidentis fallaciam. Ad *Octavum* dicimus, Baptismum Lutheranorum iis, qui inter ipsos degunt, necessarium esse ad salutem, tanquam cæremoniam divinitus mandatam, ut Augustana Confessio loquitur: Quatenus quidem juxta institutionem Christi haberi potest. Atque hæc salvo meliore judicio de Problemate proposito.

PROBLEMA DECIMUM SEXTUM.

Sitne Baptismus legitimus, qui privatim & à privatis, sive viris, sive mulieribus, administratur?

Necessitatem tractandi hujus Problematis mihi imponit non tam controversia, quæ nobis est cum Pontificiis & Lutheranis de Baptismo privato, etiam mulierum; quam temporum præsentium, quibus pro dolor! nunc vivimus, conditio. Notum est quantam vastitatem, solitudinem, in Palatinatum florentissimum, populosissimum induxerit Martis iniquitas. Ecclesiæ complures dissipatæ sunt; Ministri metu tyrannidis, recentibus sævitæ exemplis huc illuc dispersi. Reliquiæ cætuum Ecclesiasticorum miserè vivunt absque ministerio verbi, Sacramento, rum. Cum nascitur infans in Pagis, ne cogantur eum impio Missificatori tingendum offerre, aut ipsi privatim eum baptizant, aut Ludimoderatori, si qui est, baptizandi partes demandant. De tali baptismo quid sentiendum sit, disquiritur. Et opus est explanatione, non solum ut juniores informentur, sed etiam ut infirmorum conscientis consularur.

Occasio Problematis.

Responsio constat duabus distinctis Propositionibus.

Prima: Baptismus privatim & à privatis, sive viris, sive mulieribus administratus, haberi nequit pro legitimo Baptismo. *Baptismus privatim à privatis utriusque sexus administratus non est legitimus.*
Ratio generalis una est: quia hujusmodi Baptismus proficiscitur ex erroneâ opinione de absolutâ necessitate Baptismi ad salutem; quasi absque eo servari infans non posset: Cum tamen salus infantis non à Baptismo, sed à gratiâ tum Electionis, tum Fœderis dependeat: cujus respectu etiam sancti nominantur infantes ab Apostolo 1. Cor. 7. v. 14. *Rationes speciales* tres sunt. I. quia Baptismus non privatim, sed publicè in conspectu totius Ecclesiæ administrandus est: tum quia pars est ministerii publici, tum quia administratio ejus separata à verbi prædicatione faciliè transfertur ad magicas Cæremonias & superstitiones Pontificiorum. II. quia administrare Baptismum non est privatorum, sed eo-

Exemplum
Zypporæ
quale.

rum, qui ad ministerium verbi vocati sunt. Nam duo hæc Christus conjungit in institutione *Matth.* 28. v. 19. & *Marc.* 16. v. 15. 16. Nullus autem debet sibi sumere honorem, nisi qui vocatus est *Hebr.* 5. v. 4. *Ioh.* 3. v. 27. III. quia Mulieres diserte & nominatim excluduntur ab omni ministerio Verbi & Sacramentorum, *1. Cor.* 14. v. 34. 35, *1. Tim.* 2. v. 12. ubi etiam rationes adduntur ab Apostolo gravissimæ, nec ullatenus neglegendæ. Nec obstat exemplum Zypporæ, quo Mulierum Baptismum ferè tueri solent, *Exod.* 4. *cap.* Est enim dissimile. I. quia ad ministratio Baptismi expressè mandata est ministris Ecclesiæ; circumcisionis non item: quæ mandata fuit singulis Patribus familiæ, non autem Sacerdotibus & Levitis. II. quia Zyppora circumcidit filium, non quod salutem ejus æternam à circumcisione pendere arbitraretur, sed ut maritum liberaret à morte corporis, quem propter neglectam Filii circumcisionem Deus volebat occidere. Quod autem Deus peractâ circumcisione destitit à Mose, hinc nihil aliud potest colligi, quàm quod probârî factum, id est, ipsam circumcisionem infantis, lege imperatam; non quod similiter probarit modum agendi, hoc est, quod mulier circumcidisset: idque invita, indignabunda.

Baptismus in
dissipatione
Ecclesiæ ad-
ministratus à
privatis viris
non est repe-
tendus.

Secunda : Baptismus in dissipatione Ecclesiæ privatim à viro administratus, idque secundum institutionem Christi, non est repetendus : à muliere verò administratus pro nihilo ducendus est. Assertionis hujus duo sunt membra : *Primum est de Baptismo virorum.* Eum non dicimus licitum aut legitimum esse; est enim trifariam vitiosus; ut ostendimus : sed non esse iterandum, cum hac duplici conditione sive limitatione. I. Si administratus sit juxta institutionem Christi, Infante aquâ asperso in nomine Patris, Filii, & Spiritus Sancti. II. Si id factum in dissipatione Ecclesiæ : qualis nunc passim cernitur in Palatinatu. Siquidem illo Ecclesiæ statu multa Deus condonat, quæ nullo modo admittere fas esset in Ecclesiâ benè ordinatâ. Olim cum vitiata esset religio in populo Israël, haud dubiè multis vitiis & corruptelis implicita fuit circumcisio; quam tamen iteratam fuisse non legimus, cum revocaretur populus ad purum cultum. Ita superiore seculo Baptismus Papistarum fœdatus & vitiatus fuit multis superstitionibus; nec tamen repetitus in Ecclesiis Reformatis, cum secessio fieret à communione Papatus.

Alterum

Alterum de Baptismo Mulierum, quem pro nihilo ducimus, eoque iterandum censemus. Quia non modo Lex Dei expressissima, sed etiam ordo ipse naturæ violatur, cum mulieres se ingerunt in partem aliquam ministerii Ecclesiastici. Ideo Gynæcobaptismus Veteri decreto Concilii Carthaginensis simpliciter interdicitur. Tertullianus *lib. de Baptismo* confert hoc peccatum cum peccato Evæ. Epiphanius autem *hæresi 69. contra Collyridianos*, Infaniam vocat, & Evæ rursus deceptæ morbum: imò potius serpentis. Erant autem *Collyridiani* hæretici, qui Mulieribus Baptismum & Sacra publica permittebant, quin etiam Mariæ Virgini sacrificabant.

A Mulieribus
est repetendus.

Rectissime igitur fecerint in hâc rerum confusione Pagani nostri, & alii, si ut olim Judæi in quadraginta annorum peregrinatione Circumcisionem, sic ipsi Baptismum differant tantisper, donec eum legitimo modo, & à Ministro ordinario habere possint: idque citra omne præjudicium & damnum salutis infantum: de quo adulti ex Verbo Dei plenius sunt informandi.

PROBLEMA DECIMUM SEPTIMUM.

Num bonâ conscientiâ possint fideles ad Mensam Domini accedere, in quâ panis non frangitur?

Occasionem hujus Problematis nobis præbent non tam Lutherani, de quibus agitur Problemate sequenti; quam Ecclesiæ nonnullæ Reformatae; quæ etsi rectè sentiunt de Cœnâ Domini, tamen ritum fractionis negligunt. Tales ante annos non ita multos fuerunt in Hassiâ *Cassellani*, & vicini omnes; nunc sunt *Bernenses*, & alii alibi. De quibus priusquam dicam duo præcognita præmittenda esse censeo.

Etiam Reformata quædam Ecclesiæ fractionem negligunt.

Unum est hoc: Fractio panis ritus est necessarius in administratione Cœnæ Dominicæ; non quidem ut pars essentialis, quæ materiâ & formâ comprehenduntur: nec ut pars
intelligenda.

Fractio panis est ritus necessarius.

integralis præcipua, à quâ tota essentia quodammodo dependeat: sed ut pars integrans minus principalis, ut sunt digiti, manus, oculi in corpore humano. Porro *necessitas* hujus ritus est tum *Efficientis*, ex mandato Christi; Hoc facite ad mei memoriam 1. Cor. 11. v. 24. tum *Finis*, non solum ad distributionem & communionem fidelium; sed etiam ad representationem corporis Christi fracti pro nobis in cruce 1. Cor. 10. v. 16. 17. & cap. 11. 24.

Sine eâ Cœna non est integra.

Alterum: Deficiente ritu fractionis Cœna non est integra. Non dicimus Cœnam amplius non esse: manent enim substantialia sive essentialia: nec dicimus Cœnam non habere, qui fractionem omittunt: sic enim damnaremus totas Ecclesias, rectè sentientes de doctrinâ fidei & Sacramentorum. Hoc verò asserimus, intermissione hujus ritus Cœnam Dominicam tum mutilari, tum deformari. *Mutilatur*, quia destituitur ritu necessario, ad integritatem ejus juxta Christi institutionem pertinente. *Deformatur* quoque, quia nævum contrahit, & retinet ex reliquiis sordium Papatus, sicut venusta facies deformatur contractâ maculâ. Atque hic defectus Cœnæ *levior* est, si proficiscatur ab impedimento externo; id est, si omittatur fractio panis, vel ob interdictum Magistratus, nolentis quicquam immutari in usitatis ritibus: vel propter metum schismatis & dissipationis in Ecclesiâ. *Gravior* verò est, si ab impedimento interno existat, hoc est, vel ab errore, quasi ritus fractionis sit adiaphorus; vel etiam à negligentia tum Magistratus, non curantis hanc conformitatem ritus cum institutione Christi; tum Ministerii detinentis populum in ignorantia, nec ritè instituentis.

qui defectus est levior.

gravior.

Fideles bonâ conscientia sic communicare possunt.

His præmissis *respondetur*: Non obstante illo defectu posse fideles bonâ conscientia accedere mensam Domini, ubi panis non frangitur: hæc lege si communicaturi testentur, se quidem non probare omissionem & neglectum ritus necessarij in administratione Cœnæ, qui ex superstitione Papali remanserint in Ecclesiis quibusdam Evangelicis: interim propterea abstinere nolle à sacrâ communione cum iis, quibuscum de fide idem sentiant.

Confirmatur.

I.

Argumenta assertionis hujus præcipua sunt ista: *Primum*: Quod non attingit aut lædit doctrinam fidei ac salutis, id communionem fidelium in participatione S. Cœnæ dissolvere aut distra-

distrahere non debet. Atqui fractio panis omissa non attingit aut laedit doctrinam fidei ac salutis. Ergo. *Major* per se patet: quia communio illa est symbolica, alteram fidei præsupponens. *Minor* est extra controversiam. *Secundum*: Quæ est ratio doctrinæ, eadem est ratio Sacramentorum, quæ sunt appendices doctrinæ ejusque Symbola. Atqui doctrinæ ea ratio est, ut non quævis dissensio aut quivis error dissolvat unitatem fidei. Quid alioquin factum fuisset Ecclesiis Apostolicis, Antiochiæ, Corinthi, in Galatiâ. Ergo. *Tertium*: Quibuscum Cœnam sumere detrectamus, eorum fraternitati tacite quasi renunciamus. Atqui propter omissionem illius ritus non est renuncian- dum fraternitati: Quia potior nobis esse debet dilectio fraterna externis ritibus & cærimoniis. *Matth. 12. vers. 7.* Ergo. *Quar- tum*: Apostolus accommodavit se infirmis, ut schismata evita- ret, & unitatem sive communionem Ecclesiæ conservaret. Nam apud Gentes non observabat cærimonias Judaicas; quod ta- men fecit in gratiam infirmorum Hierosolymis. *Act. 21. cap.* Ergo idem nobis faciendum. *Quintum*: Olim non erant eæ- dem cærimonie Orientalium & Occidentalium in celebrandâ Cœnâ Dominicâ; & tamen testandi causâ consensus in doctri- nâ, inter se communicarunt. Ergo & nos communicare debe- mus, non obstante illo defectu. *Sextum*: Dogma est Donati- starum & Anabaptistarum, debere esse exactam conformitatem in cærimoniis Ecclesiasticis. At illi damnati sunt ab Ecclesiâ. Ergo.

PROBLEMA DECIMUM OCTAVUM.

Vtrum apud Lutheranos Orthodoxi, bonâ con- scientiâ ad Sacram Cœnam accedere pos- sint?

Quæstio est frequens & pervulgata apud eos, qui inter Luthe- ranos degunt. Ad cujus solidam dijudicationem & decisionem initio repeto distinctionem Lutheranorum, supra Problem. XV. traditam in Moderatos & Immoderatos.

T t

Immo-

Lutherani
sunt Immo-
derati.

& cum istis
non commu-
nicandum.

Moderati.

Cum his
communicare
licitum est
observatis
conditioni-
bus.

Immoderati sunt, qui non modo improbant & damnant sanam doctrinam de Personâ & Cœnâ Christi, sed etiam eam furiosè insectantur, omnesque ejus Confessores anathematizant & excommunicant. De his nulla quæstio est. Nec enim quantumvis enixè flagitantem admittent ad sacrorum suorum communionem. Hoc igitur casu meritò ab eâ abstinent Orthodoxi, & patienter ferre debent injuriam. Culpa enim quare careant communione, non est ipsorum, sed ministrorum injustè eos excludentium. Et licet grave ipsis sit, quod usu Sacramentorum carere coguntur; tamen nòrunt, non privationem eorum, sed contemptum solum obesse saluti. In hac etiam exclusionem hoc est commodi, quod liberantur à molestiâ cæremoniarum & opinionum, quibus usus legitimus Cœnæ Dominicæ ab adversariis obscuratur.

Moderati sunt, qui etsi diversum sentiant ab Orthodoxis, & sanam doctrinam improbant; nihilominus tamen Orthodoxos à se dissentientes ferunt: quin etiam cupientes se adungere Communioni S. Cœnæ admittunt. Apud hos possunt Orthodoxi ad S. Cœnam accedere, pièque cum ipsis communicare, positis his conditionibus. *Prima*: Si Ecclesiam & Ministerium purius in loco in quo vivunt, aut circa illum non habeant: aut si habeant, ab accessu ejus arceantur à Magistratu. *Secunda*: Si communio cum Lutheranis non habeatur & exigatur tanquam Symbolum approbationis falsæ, & improbationis veræ doctrinæ. *Tertia*: Si præcedat clara & ingenua confessio sanæ doctrinæ: tum apud Ministros à quibus sumenda est Cœna; tum etiam apud alios, postulantes, ab ipsis fidei suæ confessionem, sive privatim, sive publicè: secundum Petri præceptum 1 *Epist.* 3. vers. 15. Dissimulatâ autem Confessione nec potest, nec debet quisquam Orthodoxorum ad eam accedere. Facit enim se suspectum approbationis falsæ doctrinæ: Deo honorem debitum non tribuit; quin & infirmis scandalum, quod *datum* vocant, præbet. *Quarta*: Si Conscientiæ suæ hoc pacto satisfaciant, quam si liberare non possint ab omni scrupulo, melius fecerint si abstineant, quam si dubitante conscientiâ accedant. Quicquid enim non fit ex fide, peccatum est. Eo tamen casu debent Orthodoxi causam abstinentiæ suæ provocatione & occa-

sione

sione non celare, ut vitent scandalum, & opinionem centemtus Sacramentorum.

Confirmatio hujus sententiæ :

Confirmatur

I. à consensu in doctrinâ fundamentali fidei ac salutis : quem aliquoties jam asseruimus.

II. à studio retinendæ unitatis in Ecclesiâ, & odio schismatis : de quo etiam antè dictum.

III. ab exemplis veteribus Prophetarum, Christi & Apostolorum : qui usi sunt ministerio Sacerdotum ac scribarum corruptentium multis modis doctrinam & cultum Dei : nec propter erroneas ipsorum opiniones nova sacrificia instituerunt, aut separatim in Dei cultu se exercuerunt : donec tandem Apostoli prædicare inciperent Euangelium omnibus gentibus per totum orbem.

Exemplis.

IV. à testimoniis Clarissimorum superioris & nostri seculi Theologorum : *Capitonis, Bucerii, Calvinii, Martyris, Zanchii, Ursini, Tossani, Parei, Sculteti*, & aliorum, qui ita de propositâ quæstione senserunt & responderunt. Tum etiam à nonnullorum Theologorum, factis & exemplis. *Melanchthon Witebergæ*, etsi improbabat errores & superstitiones in Cœnâ, à communione tamen non abstinebat. *Iohannes à Lasco*, qui rigidus & acris defensor erat sanæ doctrinæ de Personâ & Cœnâ Christi, non dubitavit tamen Witebergæ cum Philippo Cœnam sumere. *Martyr*, cum primum venisset in Angliam, & dogma corporalis præsentia adhuc ibi vigeret, idem planè fecit, & salvâ Confessione suâ admissus fuit : licet Cæremoniæ ipsi permolestæ essent. *Ursinus* idem se fecisse Uratislaviæ testatur in *Epistola ad Dudithium* : ut alios taceam.

testimoniis :

Quæ in contrariam sententiam *objiciuntur*, paucis diluenda sunt.

Contrariæ rationes.

Primum : Ubi non est panis, vel fractio panis, ibi non est Cœnâ : atque ita nec accessus ad eam datur. Apud Lutheranos non est panis, vel fractio panis. Ergo. *Resp.* I. Est fallacia plurium interrogationum in *Majore*. De fractione panis, quod ejus omissio non destruat Cœnam, sed mutilet ; ante dictum est. Et nihilominus superest adumbratio & memoria mortis Christi in separatione panis & vini. II. *Minore*.

q. apud Lutheranos neque panis fit, neque fractio panis.

falsa est, quoad prius membrum, quod simpliciter non sit panis. Equidem non est panis cibarius, qui aptior ad declarandam virtutem Spiritualem nutriendi in Christo: interim est tamen panis. Et si propterea abstinendum à Cœnâ Lutheranorum; pariter abstinendum erit à Cœnâ Genevensium & Bernensium, qui alio pane non utuntur.

q. eorundem
Cœnæ erro-
ribus & vi-
tiosis cere-
moniis cor-
rupta sit.

Secundum: Cœna Lutheranorum erroneis opinionibus depravata, & vitiosis cæremoniis corrupta est. Non debent igitur eam accedere & usurpare Orthodoxi. *Resp.* Negatur *consequentia*. I. quia salvum est & manet fundamentum doctrinæ. II. Quia errores & cæremoniæ illæ non approbantur, sed improbantur & taxantur. Ita Prophetæ, Christus & Apostoli communicarunt sacris Sacerdotum. Est igitur fallacia accidentis.

q. sic pollui
videantur or-
thodoxi.

Tertium: Orthodoxi pollui videntur, cum utuntur ministerio errantium, & vitiosas cæremonias observant. Ergo abstinere debent. *Resp.* negatur *antecedens*. Non polluantur, si modò errores diserte & constanter improbent, & neque verbis, neque factis aliquid palam & per se impium, & verbo Dei repugnans committant: humanas verò traditiones pro verbo Dei se non habere profiteantur.

q. scandalum
præbeatur
infirmis.

Quartum: Scandalum præbetur infirmis, qui videntes Orthodoxos communicare cum Lutheranis, suspicantur eos probare ipsorum opiniones, sicque ipsos in erroribus suis confirmari. *Resp.* Est hoc scandalum acceptum, non datum: modo Communicantes non omittant confessionem suam etiam apud hos infirmos: ostendantque quâ de causâ, qua occasione, quo denique fine sacris Lutheranorum communicent.

PROBLEMA DECIMUM NONUM.

Num quis ad veram fidem & Religionem jure cogi possit?

Negant Do-
natistæ.

Donatistæ & alii in Primitiva Ecclesia contendebant neminem ullo pacto adigendum esse ad Religionem Christianam, sed sibi suæque conscientiae quemque permittendum, Quo ipso confirmabant

firmabant multorum contumaciam, & eos detinebant in impietate & superstitione. Augustinus etiam fuit aliquando in illâ sententiâ, prout ipsemet fatetur *Epistolâ 48. ad Vincentium*: sed experienciâ magistrâ rectius edoctus, eam mutavit & abjecit; contrariâ verò sententiâ eruditè & operosè asseruit. *vide dictam Epistolam; item Epist. 50. ad Bonifacium; item Sermon. 33. de verbis Domini secundum Lucam. Anabaptistæ*, qui propago quædam sunt & Anabapti-
Donatistarum, nec non *Libertini*, alique profani homines, ita. idem nostro & superiore seculo asseruerunt; & variis argumentis demonstrare conati sunt. Quo autem rectum & solidum sit de re totâ iudicium, I. declarabo orthodoxam sententiâ, II. eam demonstrabo, III. heterodoxam confutabo.

Declaratio hæc est: Ad media veræ fidei, puta auditum verbi, obedientiam ministerii, & alia, homines non solum verbis invitandos, sed etiam, si indociles, contumaces, refractarii fuerint, vi adigendos esse. *Primò igitur Fides* sive Religio intelligitur non falsa, sed vera, Scripturis Prophetis & Apostolicis nobis tradita & commendata: nec fides cordis, quam solus Deus largitur, sed medium & adminiculum externum ad eam perveniendi, divinitus ordinatum. *Deinde: Coactio* non est tyrannica, quæ nullas justas causas habet: ut cum quis minis aut injustâ vi cogitur ad falsa & mala: sed est pia Christianæ, cum Ministerii, severitate disciplinæ instantis apud contumaces; tum Magistratus Christiani, eisdem præceptis, minis & pœnis, ad obedientiam ministerii urgentis. *Denique* ii qui cogendi sunt, non sunt vel extranei, vel alienæ jurisdictioni subditi; ut enim de illis non iudicat Ecclesiâ; sic in istos Magistratus non habet imperium: sed tum baptizati, tum Magistratui subiecti ut cives.

Affirmant
Orthodoxi.

Intelligitur
autem.

Fides vera,
non cordis.

Coactio Chri-
stiana.

Cogendi ba-
ptizati &
Magistratui
subiecti.

Probatur.
I ab Officio
Ministerii.

Demonstratio Sententiæ Orthodoxæ: I. *ab officio Ministerii Ecclesiastici* quod non solum invitare homines debet ad communionem Ecclesiæ, sed etiam compellere, cogere: ut est *Luc. 14. v. 23.* non solum charitate & spiritu lenitatis, sed etiam virga tractare auditores *1 Cor. 4. v. 21.* Unde etiam Claves regni cœlorum ei datæ sunt *Matt. 16. v. 18, 19.* II. *ab officio Magistratus Christiani*, qui debet esse

3. ab Exemplis cogentium.

4. ab Exemplis ita adductorum.

Objectiones refutantur.

1.

2.

3.

4.

nutricius Ecclesiæ, *Esa.* 49. v. 23. & datus est subditis ad bonum ipsorum procurandum, non solum temporale, sed etiam spirituale & æternum *Rom.* 13. v. 4. Ergo si contumaces, eos huc adigere ex officio tenetur. III. *ab exemplis* tum piorum *Regum* in V. Test. tum *Impp. Christianorum* in Novo: qui idem fecere. IV. *ab exemplis eorum, qui vi quodammodo ad fidem adducti sunt*; uti ferrea est multorum contumacia. Tales fuerunt Menasses, *2 Chron.* 33. capp. Latro in cruce, *Luc.* 23. v. 40. & *seqq.* Paulus, *Act.* 9. & alii.

Confutatio sententiæ heterodoxæ. I. Nemo potest dominari fidei nostræ præter unum & solum Deum *2 Corinth.* 1. v. 14. Ergo nec ad eam cogere quisquam potest. *Resp.* negatur sequela, Nam dominari fidei, est præscribere quid sit credendum: Cogere autem non est adigere mentem ad fidem ejusque assensum: sed cogere loco motivam, ut audiat veram doctrinam, caveat blasphemias, & scandala. II. Fides est gratuitum Dei donum, quod ipse solus largitur in cordibus Electorum suorum. Ergo frustra nea est coactio. *Resp.* negatur sequela. Quia Deus largitur fidem per prædicationem Evangelii. Hoc igitur medium non est negligendum: & qui respuunt, ad illud adigendi sunt. Etiam doctrina, sapientia, est donum Dei; & tamen non negliguntur Scholæ. III. Coactione redduntur auditores verbi hypocritæ; quia pœnarum metu simulant se verbum Dei amare; profitentur religionem lingua, animo autem averfantur & damnant. Ergo non est adhibenda: *Resp.* 1. Satiùs est malos continere se juxta Leges, saltem quoad obedientiam externæ disciplinæ, non turbare bonos, non oppugnare veritatem: quàm palam contrà niti, blasphemare: Annon melius est metu contineri aliquem à latrociniiis, quàm latrocinari absque metu, suo & proximi exitio? II. Homines metu etiam in rectam viam nonnunquam reducuntur: quodque initio metu, post sua sponte faciunt. Vehementes affectus non domantur, nec curantur, nisi acriore medicina. IV. Apostoli neminem coegerunt, nisi vi veritatis. Ergo non debet esse alia coactio, etiam politica. *Resp.* 1. Sed ut cogi possint vi veritatis, ante cogendi sunt ad auditum verbi. II. Docuerunt Apostoli in Evangelio, unumquemque debere doctrinam Evangelii promovere in sua vocatione. Quod præ cæteris incumbit Magistratui, qui datus est subditis in bonum, *Rom.* 13.

Roman. 13. vers. 4. & portas suas Christo aperire debet Psam. 24. vers. 7. & seqq.

PROBLÉMA VIGESIMUM.

Utrum Hæretici corporalibus atque etiam capitalibus suppliciis sint afficiendi?

Origo atque etiam historia hujus Problematis eadem planè ^{Origo quæstionis olim.} est cum superiore. In *Ecclesiâ Primitivâ* litem hanc primi moverunt Donatistæ, qui contendebant, Hæreticos nullo modo, Magistratus quanquam pii & fidelis autoritate, coercendos vel comprimendos esse, cum tamen ipsi interea obvios sibi quosvis in plateis & agris homines à suis erroribus alienos, cæderent & furiosè jugularent. Contra hos exstant copiosæ disputationes Augustini in Epistolis & alibi; imprimis *Epist. 48. & 50. In Ecclesiis Evangelicis* post factam Reformationem eadem controversia geminâ occasione renovata est. *Primam* dederunt Anabaptistæ fanatici in Belgio, Germaniâ, & Helvetiâ, qui idem sensere cum Donatistis, quorum etiam soboles sunt. *Alteram* dedit Servetus, Valentinus Gentilis & alii, qui interpolârunt horrendas blasphemias Samosateni & aliorum contra Filium Dei, supplicio propterea affecti, ille Genevæ, Ann. Christ. 1553. iste Bernæ Ann. Christ. 1555.

Judicia Theologorum diversa fuerunt: In eo quidem consensum, furiosos, seditiosos, pacis publicæ perturbatores esse percipiendos: at de Hæreticis, blasphemis disparia vota audita. ^{Theologorum discrepantia judiciorum.} Lutherus *Tom. II. Epist. pag. 381.* non probat horum supplicia, maxime ob perniciosam sequelam apud Pontificios contra Evangelicos. Exemplum adducit è Vet. Testam. Ibi cum sancitum ut Pseudoprophetæ, seductores interficerentur, ferè hâc occasione tantum in Prophetas & fideles Dei servos sævitum fuit. Satiùs igitur esse pronunciat, si relegentur, & in exilium mittantur: Quâ pœnâ si abuti velint Pontificii, mitius omnino peccaturos esse. Idem ferè hodierni Lutherani sentiunt de illâ quæstione; & cum ipsis plerique Politici. Contra Zuinglium, Oecolampadii, Melancthonem, Calvinum, Bullingerum, & innumeri alii ^{Affirmantia.}

alii pronunciarunt, Hæreticos blasphemos etiam capite mulcandos esse. Et D. Beza edidit peculiarem tractatum *de hæreticis capitali supplicio aſciendis*; qui vel propter solam Inſcriptionem in multorum reprehensionem incurrit. Verum intellexit non quosvis hæreticos, sed blasphemos in Deum, Christum, & totam religionem, ac seductores.

Quia vero Quæſtio eſt ardua, & maximi momenti; primo loco recensebimus argumenta in utramque partem: inde *ἀντιλογία* ſubjiciemus.

Argumenta
negantium.

1. *Argumenta pro ſententia negante* Anabaptiſtæ & alii iſta adferunt. I. Nihil præceptum legitur in Novo Teſtam. de pœnâ corporali Hæreticorum, aut blaſphemorum: quæ autem habentur in Vet. Teſtam. ad politiã Mosaicã, non ad noſtras
2. Politias pertinent. Ergo. II. *Matth.* 13. v. 29. 30. dicit Chriſtus: Sinite Zizania crefcere, uſque ad tempus meſſis. Non igitur hîc puniendi, aut ſeparandi ſunt hæretici & blaſphemi. III.
3. Apoſtoli nunquam gladium civilem implorârunt, ſed tantum prædicatione Euangelii pugnârunt contra hæreticos. Ergò ne nunc quidem aliter agendum eſt. IV. *Tit.* 3. v. 10. docet Paulus quomodo tractandi ſint hæretici, dum eos vitari jubet. Non
4. igitur occidendi & tollendi ſunt. V. Conſilium Gamalielis in cauſâ Apoſtolorum datum, *Act.* 5. v. 28. etiam hîc attendendum & ſequendum eſt. Nam ſi ex hominibus ſunt, quæ cenſentur hærefes, ſua ſponte diſſolventur. Sin ex Deo, fruſtrâ & impiè contra
5. eas machinantur homines. VI. Vera Eccleſia non movet ſed patitur perſecutionem. Aut igitur Eccleſiæ Euangelicæ non ſunt veræ Eccleſiæ; aut à vi, perſecutionibus eorum, quos hæreticos pronunciant, abſtinere debent. VII. Fides & Infidelitas ſunt res, quæ in cordibus hominum latent abſconditæ. Ergò
6. Magiſtratus propterea neminem plectere debet. VIII. Non eſt armanda & acuenda ſævitia Tyrannorum & Papiſtarum; qui ſunt hoſtes veræ doctrinæ. Armatur autem ſævitia multorum, ſi audiant vi corporali tuendam & vindicandam eſſe doctrinam.
7. IX. Qui non eſt iudex, non debet punire, quia cognitio debet antecedere pœnam. Magiſtratus Politicus non eſt Iudex dogmatum. Ergò ne puniat. X. Chriſtiani nihil poſſunt aut debent contra charitatem. Fidei autem cauſâ quenquam occidere eſt
8. contra charitatem. Ergò.
- 9.
- 10.

Argumenta pro sententiâ affirmante Orthodoxorum sunt ista.

I. Expressissima Lex Dei apud Moſen: de Blaſphemiſ, *Levit. 24. v. 14. & ſeqq.* exemplo ſancita: de pœnâ Apoſtatarum, ſuadentium apoſtatiâ, *Deuter. 13. v. 5. 6.* cujus rationes adducuntur, *verſ. 11. & 17.* de Pſeudoprophetiſ *Deut. 18. v. 20. & ſeqq. II.* Ab Exemplis Regum & Prophetarum in Ver. Teſt. Aſa & Joſias interfecerunt idololatrias, etiam in alieno regno; Jojadas Attaliâ ſuſtulit: Elias maſtavit Baalitas: Eliſæus laudavit vindictam Jehu in idololatricâ Achabi familiâ, *1. Reg. 25. & 2. Chron. 15. 2. Reg. 23. & 2. Chron. 34. 2. Reg. 11. 1. Reg. 18. 2. Reg. 9. 10. capp. III.* Ab Exemplis Apoſtolorum in Nov. Teſt. qui homines contumaces & fidei rebelles corpore & vitâ multarunt. Petrus Ananiam & Saphiram interfecit, *Actor. 5.* Paulus Elymam magum excœcavit *Actor. 13.* Quæ ſi ab Apoſtoliſ peculiari Dei inſtinctu facta ſunt, à quorum vocatione alioquin alienum vindicare pœniſ corporalib; quantò magis id convenit Magiſtratui, cujus proprium eſt gerere & ſtringere gladium? Nec obſtat, quod Apoſtoli *verbo* uſi, non *gladio*. Quia ad rem ſufficit, quod pœnaſ corporales irrogârunt contumacib;.

IV. Ab officio Magiſtratus, qui cuſtos eſt utriuſque tabulæ, & ordinatus eſt nobiſ in bonum, non tantum corporale, ſed etiam ſpirituale *Rom. 13. v. 4.* Ergò debet etiam vindicare contumaciâ adverſus primâ tabulam, & punire, qui bonum ſpirituale neſariè impediunt, & Eccleſiâ turbant.

V. Adulteria, homicidia, latrocinia, furta, & alia ſcelera puniuntur pœniſ corporalib; & capitalib;. Ergò multo magis blaſphemiæ, apoſtaſiæ, perjuria. *Ratio*: quia illa in proximum, iſta in Deum feruntur immediate: Illiſ corporiſ & fortunæ, iſtiſ animæ bona certò amittuntur.

VI. A lumine Naturæ; cujus inſtinctu Magiſtratus Gentileſ graviffimâ religione ediſta condiderunt; eaque pœniſ corporalib; & capitalib; ſanciverunt: Nebucadnezar, *Dan. 3.* Artaxerxes, *Eſdr. 7. cap. & alii.* Ergò multo magis id fieri convenit à Magiſtratu Chriſtiano.

VII. Impi. Chriſtiani Conſtantineſ, Gratiânuſ, Valentinianuſ, Theodoſiuſ, Arcadiuſ, Honoriuſ, Valentinuſ, Marcianuſ, & alii plureſ gravibuſ ediſtiſ prohibuerunt impia dogmata, & in autoreſ eorum, quotquot erant paciſ Eccleſiaſtica & Politica contumaces perturbatoreſ, gladio, exilio, carcere, & aliis modiſ a-

nimadverti voluerunt; ut testatur Historia Ecclesiastica: item Jus Civile *Cod. lib. 1. tit. 5. de hæreticis, Manichæis, & aliis. VIII.* A judicio Ecclesiæ primitivæ contra Manichæos & Donatistas; de quo Augustinus in *Epistolis*; item *Tractatu XI. in Ioannem*, ubi docet suæ ætatis pios Impp. Donatistas vitâ multasse, & eorum furores coërcuisse.

E' mixtis.

Hæc de argumentis præcipuis utriusque partis: Nunc *deciso & dijudicatio* controversiæ addenda est. Ea pendet ex distinctione sive discrimine triplici; Personarum, Peccatorum, Personarum sunt. & Pœnarum. *Personas* distinguit Augustinus *lib. de utilitate credendi cap. 1.* in hæreticos & credentes hæreticis: nos planius in *Seductores & Seductos.* Illi sunt autores blasphemiarum & hæresium, quas obtentu vocationis cœlestis, & Enthusiasmi, & sub specie singularis sanctimonix spargunt, disseminant, pertinaciter contra quosvis tuentur; & unâ cum sectatoribus suis turbant pacem, & Magistratui etiam se opponere non verecundantur. *Isti* sunt blasphemiarum & hæresium approbatores, de quibus ita persuasi sunt à suis Seductoribus: eoque magis errore iudicii & stulto zelo, quàm malitiâ peccant. *Peccata* sunt falsa dogmata & erroneæ doctrinæ: quarum aliæ aliis graviores. *Sunt* hæreses pugnantes cum fundamento salutis: sed simplices absque blasphemiâ. *Sunt* deinde blasphemix in Deum, & Sacrosanctum Nomen ipsius, in Christum, in Evangelium. *Sunt* etiam dogmata, quæ ad diffidium & interitum Ecclesiæ, ad dissipationem Reip. & status civilis dissolutionem spectant. *Pœna* sunt vel graviores, ut supplicia capitalia quacunque: vel minus graves, ut carceres, exilia, infamia, multæ pecuniariæ, & aliæ.

Hæretici seductores blasphemiam capitali supplicio affiendi sunt.

non seducti.

Secundum has distinctiones statuimus hæreticos *seductores* qui vel blasphemias in Deum & Christum pertinaciter evomunt; vel pacem Ecclesiæ & Reipubl. maliciosè turbant, interim hæc non agnoscunt & revera pro malis non habent, capitali supplicio affiendos esse; vel saltem perpetuis carceribus mancipandos, ne spargant virus suum, & latius noceant. *Seductos* autem commiseratione potius, quàm suppliciis dignoscemus; qui verbis, minis castigandi, & fidei institutione ab erroribus revocandi sunt in viam veritatis. Facile autem fuerit pio ac prudenti Magistratui ex circumstantiis judicare,

care, cuius quisque culpæ reus, quæque pœnâ dignus sit. Nec negliget gravium & prudentum Theologorum pia judicia ac consilia.

Superest nunc ut *Objectiones* Anabaptistarum & aliorum paucis diluamus. *Ad Primum* : Falsum est *Antecedens* utroque membro. *Priore* : quia etsi in specie nihil præcipitur, quod Magistratus esset tum infidelis : in genere tamen id fit *Rom. 13.* & alibi. *Posteriore* : quia illæ Leges Mosaicæ etiam nos spectant : tum quia sunt morales ; eoque perpetuæ ; ut quæ declarant primum, secundum, & tertium præceptum primæ tabulæ ; tum quia rationibus sive argumentis nobis communibus sanciantur. *Ad Secundum* : *Matth. 13.* in parabola docet Dominus, quantum sit fors & conditio Ecclesiæ in hac virâ : nimirum : quod mali semper permixti sint bonis ; neque possint hic penitus extirpari, aut ab iis separari. Haud quaquam verò improbat, aut abrogat officium Ministerij in redarguendis blasphemis, hæresibus, schismaticis : aut Magistratus in iisdem puniendis. Præterea non simpliciter jubet zizania non eradicare ; sed cum exceptione nempe cum metuendum, ne simul bonum semen eradicetur. At id non est metuendum, cum puniuntur manifestè blasphemi, seductores, turbones. *Ad Tertium* : Idem olim à Donatistis Augustino objectum fuit, & solvitur *Epist. 50. ad Bonifacium*. Summa est : Aliam fuisse rationem illis temporibus, cum Magistratus nondum esset Christianus : aliam esse nunc, cum Deo servant non solum ut Christiani homines, sed etiam ut Christiani Magistratus. *Ad Quartam* : *Tit. 3.* Ministros Ecclesiæ instruit de officio suo erga hæreticos, non item Magistratum. *Ad Quintam* : Verba Gamalielis non habenda sunt pro regulâ aut solidâ doctrinâ, quæ ubique obtineat : sed pro consilio particulari, quod protulit causæ præsentis gratiâ, huc spectans, ut Apostolos periculo liberaret. *Ad Sextum* : Persecutio adversus blasphemos seductores non tam est Ecclesiæ, quàm Magistratus ; qui cum Christianus est, non movet nisi justam persecutionem, contra eos qui sunt tales. Vera tamen Ecclesia eiecit ancillam Agar cum filio *Genes. 21. Gal. 4.* *Ad Septimum* : Non punitur sive vindicatur vel ab Ecclesiâ ; vel à Magistratu infidelitas in corde latens : de occultis enim non iudicat Ecclesiâ : sed punitur à Magistratu manifesta blasphemia, hæresis cum pertinaciâ, schismate,

Refelluntur
arg. negantia

1.

2.

3.

4.

5.

6.

7.

8. smate, & quietis publicæ perturbatione conjuncta. Huc facit simile gangrænæ 2. Tim. 2. v. 17. *Ad Octavum*: admittitur fallacia accidentis. Fit illud per accidens, non per se. Quia blasphemi seductores puniuntur à Magistratu non pro ipsius libitu, sed secundum legem Dei, Deut. 17. neque absque præviâ cognitione, sed cognitione plenâ & solidâ præcedente, tum ipsius Magistratus, tum piorum & doctorum Theologorum. *Ad Nonum*: Minor propositio vel falsa est, vel laborat fallaciâ à dicto secundum quid. Magistratus Politicus solus non est Judex: sed quum pars est Ecclesiæ cum eâ judicat: controversiâ rectè inquisitâ, & auditis judiciis rectè docentium in Ecclesiâ. Confer Deuter. 17.
9. *Ad Decimum*: Si hoc valeret, jam nulli facinorosi essent affiendi supplicio: quibus parcere non charitas, misericordia, sed sævitia est. Igitur I. limitanda est Major: Nihil possunt aut debent contra charitatem agere: Dei quidem simpliciter; proximi verò secundum quid, quem diligere debent secundum Deum, non contra Deum. II. Minor falsa est de fide blasphemorum hæreticorum: quæ non est fides. Imò ut occidantur propter blasphemias & seductiones, requirit charitas tum Dei, qui eadem illam imperavit: tum proximi, ne is seducatur: tum ipsorummet, ne plus peccent, & pœnas sibi aggravent. Valet autem Minor contra Pontificios, qui veræ fidei causâ homines occidunt: eoque peccant, tum in ipsam fidem, quam damnant & persequuntur; tum in charitatem erga Deum & proximum, quem innocentem occidunt.
- 10.

PROBLEMA VIGESIMUM PRIMUM.

Utrum Iudæi in societate Christianorum tolerandi sint?

Conditio Iudæorum misera.

HOrrenda Dei judicia in Judæos propter ingratitude[m] & incredulitatem ipsorum exercita, non solum olim in excidio urbis Hierosolymæ, clade totius gentis, & Politicæ Mosaicæ destructione proposita fuerunt; sed & nobis in hodiernum usq[ue] diem ob oculos versantur. Quippe videmus eos dispersos degere inter omnes gentes per totum ferè orbem; subjectos imperiis aliorum duris

duris ferè & iniquis, omnibus despectui, contemptui esse; nec aliter quàm servitia aut manicipia tractari tam à Christianis, quàm à Mahometanis, aliisque infidelibus: denique ab aliis non recipi, ab aliis receptos jam, diuque toleratos expelli: alicubi etiam vix transitum aut saluum conductum per provincias, itineris faciendi causâ, grandi ære redimere. Certè superioribus seculis non minus quam Templarii simul & semel totâ Galliâ exclusi sunt. Similiter exulant totâ Britannîâ. Rupertus senior Palatinus Judæos, nescio quâ de causâ, non solum Heidelbergâ, sed etiam toto Palatinatu ejecit: & Synagogam ipsorum, quæ nunc in Auditorium Medicum conversa est, & plerâque ædes Academiae, quam non multò post fundavit, proprias donavit. Et notum est, quid proximis hisce annis partim Francofurti, partim Wormatiæ in eas designatum. Nec desunt speciosæ rationes quibus non tolerandos esse suaderi solet. Sunt, inquirunt, hostes Dei & Christi, blasphemi. Sunt hostes Christianorum, Usurarii, fœneratores; qui affligunt, exsugunt pauperes. Sunt etiam proditores, qui arcana Christianorum Turcis produnt, & quæ sunt hujus generis. E contrario inveniuntur etiam qui Judæorum patrocinium suscipiant, & eos vel tolerant, vel de novo recipiant, vel etiam recipiendos, tolerandos esse suadeant: sed alii ducti lucri, quæstusve spe, quem ex Judæis percipiunt: alii impulsî studio charitatis & conversionis ipsorum. Ut igitur quid hîc statuendum sequendumve sit, constare possit, explicationem Problematis ex verbo Dei exstructam, subjiciam. Præmitto autem duo theorematà, observatu necessaria.

eos quidam
tolerandos
negant.

affirmant.

Vnum: Judæos quadrifariam à nobis considerari oportere. *Iudæi spectandi ut*
Spectandi sunt I. ut Homines, ejusdem carnis ac sanguinis nobiscum participes, & ex eodem parente Adamo orti *1. homines.*
Actor. 17. vers. 28. Luc. 3. vers. ult. II. ut posterî Abraham, ut *2. posterî Abraham,*
primogenitii familiæ Dei *Rom. 9. v. 3. 4. 5.* Quo respectu Apostolus Judæos sui temporis, amentes licet, rebelles, ac incredulos; *Sanctos* tamen appellare non dubitat: Patrum vid: hoc est, primitiarum & radicis ratione, ex quibus massa ac rami sanctificari censentur *Rom. 11. vers. 16.* III. ut Hostes Christi & veræ Ecclesiæ, blasphemi, infideles, fœneratores, usurarii: quibus de causis sunt *καθάρματα* mundi, & odia publica totius orbis *3. Hostes Christi &c.*
Christi

4. convertendi.

Christiani. IV. ut Convertendi ad fidem Christi, secundum gratiam Prædestinationis, & promissionem Fœderis æterni, cum Abrahamo initi: & quidem magno numero & multitudine. Quam Conversionem, velut mysterium divinitus sibi revelatum, proponit Apostolus *Roman. II. vers. 25. & seqq.* & partim rationibus, partim testimoniis Prophetarum luculenter confirmat.

Quatuor hi modi conjunctim considerandi sunt.

Alterum: Quatuor illos considerandi modos, non divisim, aut sigillatim singulos, sed conjunctim universos à nobis spectari debere. Cum igitur quæritur, Num tolerandi sint Judæi inter Christianos, non separatim judicandum est ex modo tertio, quo dicuntur esse hostes Christi, infideles, sceleratores; sed simul etiam ex cæteris, inprimis autem ex secundo & quarto pronuntiandum: quibus dicuntur semen Abrahamæ, convertendi ad Christum, & ad societatem fœderis reducendi. Ratio hæc est: quod Apostolus eo & non alio modo de ipsis loquitur & judicat. *Rom. II. vers. 16. Quod si primitia sancta, sancta etiam massa; & si radix sancta est, etiam rami.* item vers. 28. *sunt inimici propter vos, dilecti autem propter Patres.*

Judæi tolerandi sunt in societate Christianorū.

Secundum hæc nunc respondemus affirmativè: nim: *Iudeos in societate Christianorum tolerandos esse: Rationes sunt istæ:*

1. quia miraculose à Deo conservantur.

Prima: Et si Deus pœnam dispersionis ipsis imposuit, ut sine Rege, sceptro, & lege civili sparsim degant inter alias gentes, per universum prope orbem terrarum: tamen eos mirabiliter, quin etiam miraculose conservat, ut neque deleantur, aut deleri possint, licet à multis id fuerit tentatum: neque etiam confundantur cum aliis gentibus, ritibus, cæremoniis, conjugiiis, & totius vitæ consuetudine. Et ut Cain signo notatus fuit divinitus, ne occideretur ab obviis propter fratricidium: ita Judæi videntur in vultu & frontibus suis notati à Deo, propter cædem Christi primogeniti, ut dignosci primo ferè intuitu possint, ne occidantur. Dei igitur consilio repugnare videntur, qui Judæos tolerare nolunt.

2. quia eorum dispersio Christianis est utilis.

Secunda: Nobis Christianis utilis est dispersio Judæorum per orbem Christianum: idque bifariam. I. propter spectaculum severitatis & iræ Dei, quod nobis perpetuò ob oculos versari debet. Nam ostenduntur nobis ut rami defracti propter incredulitatem; quò per fidem manere discamus in vera olea

Rom. II.

Rom. II. v. 22. & seqq. II. propter testimonium sanæ doctrinæ, quod in Scripturis V. T. circumferunt : ut ita Ecclesia ubique locorum religionis Christianæ testes reperiatur ; ut docet Augustinus *lib. 18. de Civitate Dei Cap. 46.* Et hoc testimonium tanto firmitus est, quod ab ipsis hostibus, & quidem juratis, doctrinæ perhibetur. Idcirco Patres Iudæos dixerunt *Bibliothecarios Christianorum, in cordibus hostes, in codicibus testes.* Proinde ne nobismet ipsis obvisus, Iudæos in societate nostrâ ferre debemus.

Tertia: Ab Exemplis Apostolorum : Petrus & Paulus illis ipsis Iudæis, qui Dominum Iesum in crucem egerant, licet & doctrinam ipsius auribus suis accepissent, & miracula oculis suis spectassent ; quique testes gloriolæ resurrectionis ipsius pecuniis corruperant, adeoque Iudæis hodiernis multo detestabiliore erant, summam charitatem demonstrarunt, ac conversionem ipsorum omnibus modis, etiam cum dispendio propriæ salutis, querere, procurare non dubitarunt : tantum abest ut eos tolerare noluerint *Act. 2. & 3. capp. Rom. 9. cap.* Ergo nos idem multo magis facere convenit circa Iudæos hodiernos.

Quarta: Iudæi, juxta doctrinam Apostoli *Rom. II. cap.* iterum sunt convertendi ad Christum, & fidem in ipsum. Id verò cum ab infidelibus fieri non possit ; qui ipsimet ignorant Christum, & non recipiunt : sed faciendum sit ministerio Christianorum & fidelium, utique inter eos commorari & conversari debent.

Quinta: Apostolus docet non solum convertendos esse Iudæos maximo numero ; sed etiam modum conversionis : quem in eo constituit, ut ad æmulationem provocentur *Rom. II. v. 14.* id est, ut exemplo fidelium ex Gentibus, gratiam Christi ipsi quoque desiderent & amplectantur. Si à nobis, nostro exemplo, ad æmulationem provocandi sunt Iudæi, utique tolerantiâ nobis, & inter nos versari debent. Hinc autem duo porro colligimus : I. Versari Iudæos debere inter Evangelicos & Orthodoxos potius, quam inter Papistas. *Ratio:* quia hi minus idonei sunt ad excitandam in ipsis æmulationem : cum sint idololatæ, quos ipsi toto pectore aversantur & execrantur. II. Conversionem illam totius Israël, sive Iudæorum maximo numero, de quâ Apostolus vaticinatur *Rom. II.* proculdubio proximè secururam esse excidium Papatus, & destructionem urbis Romæ : quum

3. quia Petrus & Paulus tolerarunt multo hodiernis peiores.

4. quia sunt convertendi.

5. quia ad æmulationem provocandi sunt.

quum Papismus sit præcipuus obex, & maximum impedimentum conversionis Iudæorum ad Christianismum, quem illi idololatri- co Papismo ferè metiuntur.

6. quia ab omnibus ejus non possent habere doctores fidei.

Sexta. Si omnes Magistratus Christiani excluderent Judæos è societate Christianorum, nec tolerare amplius vellent; utique ad Garamantas & Indos, ad Caribes & Canibates relegandi essent, ut vitam inter eos transigerent. Sed ita malè profectò eis prospiceretur de Doctoribus, qui ad Messiam, quem quærunt; inveniendum viam ipsis commonstrarent. Concludimus igitur Judæos inter Christianos tolerandos esse.

In tolerandis Iudæis

Cæterum cum in confesso sit Judæos juxta considerationem tertiam esse non solum infideles, sed etiam blasphemos in Christum, hostes Christianorum, sceleratores iniquissimos; tolerantia ipsorum certis conditionibus tanquam legibus quibusdam circumscribenda est. Hic igitur Magistratibus Christianis alia quidem cavenda & fugienda, alia contra-facienda sunt.

quæ cavenda.

Cavenda sunt ista : I. Ne in Synagogis suis, concionibus, & præcibus Christum Servatorem mundi blasphement, aut convitiis proscindant; contra præceptum, & expressam Legem Lev. 24. v. 14. & seq. II. Ne doceant impia & falsissima dogmata Rabbiorum suorum, quibus depravatur tota lex Dei: quæque in vulgus Judæorum ferè ignota sunt. III. Ne Christianos corrumpant, & ad Iudaismum seducant. Ex cujus rei neglectu Maranorum hæresis magnos, præsertim in Hispaniâ, progressus habuit. IV. Ne sacrosanctas Conjugii leges & sanctiones violent: sive excitando semen fratri defuncto; quod in Cananæ solum ad vitandam confusionem hæreditatum valebat: sive neptem in matrimonium adsciscendo; quod ab avunculis inter Judæos fieri solet, contra Legem Dei. V. Ne impium scæus, iniquas usuras exercean, nec pauperes Christianos exedant atque exsugant. In quo tamen levius peccant Judæi, quàm Christiani: I. quia ipsi non accipiunt usuram à fratribus suis, ut Christiani. II. quia Christianos, quos illi pro alienigenis, pro hostibus habent, exhaustes scænore, nihil agunt contra conscientiam; cum lege Moysis permissum sit, in usuram dare extraneo: at Christiani scæus exigentes à pauperibus, agunt contra conscientiam. Omnium verò gravissime peccant illi Magistratus, qui propter

Usuræ Christianorum peiores, quàm Iudæorum.

propter scœnus & ejus participationem Judæos vel adsciscunt, vel tolerant: quod hodie, proh dolor, nimis in usu in Germaniâ & alibi.

Facienda porro & curanda sunt hæc Christianis Magistratibus. I. Ut Judæi in Synagogis suis & sacris conventibus tantum legant libros Sacros Vet. Test. & Deum Patrum suorum, Deum Abrahami, Isaaci & Jacobi juxta Scripturam Vet. Testam. innocent. II. Ut eos institui in religione Christianâ, & de eâ doceri curent: quin etiam ad sacras Christianorum conciones subinde frequentandas adigant. Alioquin enim nec ad æmulationem provocari, nec ad fidem Christi converti possunt. Et hujus moniti neglectus est vel causa præcipua, cur tam pauci hodie Judæi convertantur. III. Ut etiam ad honestos labores, honestaque opificia eos affuefaciant & traducant: quo ita honestè, etiam absque usuris vitam tolerare queant. IV. Præstent eis securitatem ac defensionem, civibus omnibus juxta Leges viventibus debitam: nec patiantur eos privatorum injuriis, live publicè, live privatim, impune vexari. Quod etiam nimis, proh dolor! in usu est. Est verò contra Apostolum, graviter interdicentem nobis Christianis injurias, contumelias, ac contemptum Judæorum *Rom. 11. cap. V.* efficiantur Judæi habitu, vel certo quodam signo à Christianis discernantur; ne quis cum eis, perinde atque cum Christianis, imprudens versetur.

In summa Principes & Magistratus Christiani, qui Judæos in clientelam suam receperunt aut recipiunt, & in his, & in aliis omnibus ostendent, se non nisi sanctâ charitate, ac salutis ipsorum procurandæ desiderio ad illud ferri: ac proinde nihil ipsis permittent, quod sit per se illicitum: instituendos verò in Christianâ fide ac veritate curabunt: quo ita esse queant organa salutaria in opere illo, quod Deus facturum se per prophetam Esaiam, & Paulum Apostolum promisit.

Hæc de ipso Problemate. Cui Coronidis loco subjicio quæstiunculas tres, ad eandem materiam pertinentes.

Prima: *Vtrum Judæi, qui sunt posteri Abraham, sanctæ radicis sancti rami, haberi ac dici possint membra Ecclesiæ?* Responso est *negativa*, 1. quia sunt aperti hostes Christi & Ecclesiæ, quos Deus publica testificatione reprobavit, quod non sint amplius populus suus.

II. quia potissimam Scripturæ partem, in qua docetur comple-

Judæi non
possunt dici
membra Ec-
clesiæ.

mentum V. T. vid. N. T. non recipiunt. III. quia etiam V. T. non retinent; quatenus à fundamento veræ ac salvificæ fidei in eo traditæ quàm longissimè recedunt, & contradicentes ei blasphemant. Interim *Sancti* dicuntur, non in se, sed Patrum respectu; à quibus ducunt originem.

Iudæi non includuntur Abraham.

Secunda: *Vtrum Iudæi, posterii Abraham, includantur fœderi ipsius, & jus ejus hætenus retineant?* Responsio est *negativa*. In fœdere namque duo sunt; *Substantia*, semen illud promissum, Christus Jesus, cum omnibus suis beneficiis; & *accidentia*, quæ sunt ritus sive cerimoniarum additæ fœderi; & fœdus etiam dicuntur *Gen. 17.* & alibi. Utroque modo alieni sunt à fœdere. *Illo*; quia alieni sunt à Christo. *Isto*; quia Cerimoniarum Legales per Christum impletæ & abrogatæ sunt: & earum observantia Christo etiam apertius adversantur. Interim non diffitemur: I. custodes esse & testes tabularum fœderis: quia credita ipsis sunt eloquia Dei *Rom. 3. vers. 2.* II. In gratiam fœderis denuo cooptandos esse, & radici oleæ, unde propter incredulitatem excisi sunt, iterum per fidem inserendos *Rom. 11. cap.*

Iudæi meliores sunt Turcis, aliisque infidelibus.

Tertia: *Num Iudæi meliores censendi sint Turcis, Mahometanis, aliisque infidelibus?* Responsio est *affirmativa*. I. quia Iudæi habent, studiosè legunt, religiosèque custodiunt totum V. T. Turcæ, Mahometani impium Alcoranum legunt. II. quia Iudæi habent certam & specialem promissionem de sui conversione ad Christum, & in fœdus gratiæ receptione: Nihil hujus ostendere aut proferre queunt Turcæ & Mahometani.

DEO GLORIA.

INDEX

I N D E X

Problematum Theologorum

T H E O R I C O R U M.

- I. *An sit, & quousque pateat Notitia Dei naturalis?* 1.
- II. *Quis sit Philosophia in Theologia vsus; quis item Abusus?* 10.
- III. *An Theologia Scholastica sit vera Theologia?* 17.
- IV. *An Sacra Scriptura sit unicum principium dogmatum Theologorum?* 24.
- V. *Quæ sit ratio ex Scripturâ demonstrandi dogmata Theologica?* 28.
- VI. *An Scriptura Veteris Testamenti aliquâ sui parte interciderit: tota autem per Esdrâ sit instaurata?* 33.
- VII. *Sintne plures in Deo Essentiæ, una Absoluta, & tres Relativæ?* 37.
- VIII. *An Personæ Divinæ rectè dicantur ὁμοῖοι τῷ θεῷ, sive subsistentia in Essentiâ Dei?* 41.
- IX. *Quomodo Essentia divina sit communicabilis, Persona incommunicabilis?* 45.
- X. *Quo pacto distinguantur Personæ divinæ tum ab Essentiâ, tum inter se?* 48.
- XI. *An Generatio Patris sit activa, Filii passiva?* 51.
- XII. *Quomodo Decreta sint in Deo?* 53.
- XIII. *Num duplex sit Dei voluntas, una Antecedens, altera Consequens?* 56.
- XIV. *An voluntas, quæ Signi & Beneplaciti vocatur, ponat contrarias in Deo voluntates?* 59.
- XV. *An Deus eligens & reprobans considerarit hominem*

I N D E X.

- ut lapsum, an ut non lapsum, sed integrum?* 61.
- XVI. *An Ius Dei aliud sit Absolutum, aliud Ordinatum in Lege & Evangelio: Vtrumque autem in electione servandorum, & reprobatione damnandorum ipse usurpaverit?* 69.
- XVII. *Num Praescientia Dei sit rerum causa?* 74.
- XVIII. *Vtrum Deus Mundum creaverit ex nihilo?* 77.
- XIX. *An Materia prima sit creata à Deo?* 79.
- XX. *An inclinatio ad peccandum, ante lapsum fuerit in homine?* 84.
- XXI. *An primus homo nec justus, nec injustus à Deo sit conditus?* 86.
- XXII. *Num totum genus humanum in Adamo ad salutem sit conditum?* 88.
- XXIII. *Vtrum Anima hominum creentur à Deo, an per traducem propagentur?* 90.
- XXIV. *Quomodo labi potuerit homo integer?* 107.
- XXV. *Quomodo & quo fine lapsum hominis integri Deus permiserit?* 109.
- XXVI. *Vtrum Peccatum Originale sit mera privatio, an etiam positiva qualitas?* 115.
- XXVII. *Quomodo Peccatum Originale transeat à parentibus in liberos?* 117.
- XXVIII. *An doctrina de Providentiâ Dei inducat Fatum Stoicum?* 129.
- XXIX. *Quis sit concursus Providentia divina & voluntatis humana?* 134.
- XXX. *Quae sit Providentia Dei in Malo?* 142.
- XXXI. *Num praecepta Decalogi, sive Legis Moralis, sint immota ac immutabilia?* 147.
- XXXII. *An Promissiones Legis Moralis sint, aut dici possint gratuita?* 148.
- XXXIII. *Vtrum Lex obliget ad obedientiam & penam copulativè, an disjunctivè?* 151.
- An*

I N D E X.

- XXXIV. *An & quatenus Leges Mosaicae forenses abolita sint?* 153.
- XXXV. *An Euangelium sit praedicatio Pœnitentiae & Remissionis peccatorum?* 157.
- XXXVI. *An quia Christus Deus & Homo est, sit duplex Persona?* 162.
- XXXVII. *Vtrum duae sint filiationes in Christo?* 164.
- XXXVIII. *Num Persona Christi Θεω & ἄνθρωπος dici possit composita?* 166.
- XXXIX. *Vtrum Unio personalis sit communicatio substantiae τὸ ὅλον & omnium proprietatum essentialium?* 167.
- XL. *Quis sensus sit regula Patrum: Quae data sunt Christo in tempore, secundum Humanitatem sunt data.* 170.
- XLI. *An verè & piè dicatur, Vnicam sanguinis Christi guttā sufficere potuisse redimendis hominibus?* 172.
- XLII. *An nulla sit repugnancia inter illos, qui simpliciter docent, Christum pro solis Electis mortuum esse; & istos, qui adhibitā distinctione ajunt, sufficienter mortuum esse pro omnibus & singulis, efficaciter autem pro solis electis?* 174.
- XLIII. *An Christus sibi aliquid meruerit?* 176.
- XLIV. *Vtrum per Descensum Christi ad inferos cruciatus infernales: an potius status abjectissimus sub dominio mortis intelligatur?* 178.
- XLV. *Vtrum Sessio ad dextram Patris Christo secundum utramque naturam, & quo discrimine conveniat?* 181.
- XLVI. *Num detur omnibus gratia quaedam sufficiens?* 185.
- XLVII. *An Vocatio Dei externa inefficax dicatur in incredulis ex parte Dei; an ex parte ipsorum?* 186.
- XLVIII. *Annon Deus illudat hominibus, dum promiscuè Euangelii gratiam quibusvis tum in Verbo simplici,*

I N D E X

- tum in Sacramentis offert, quam tamen omnibus conferre non constituit?* 187.
- XLIX.** *Quid differant Vocatio Efficax, Regeneratio, Res-
piscencia, Sanctificatio, & Conversio?* 187.
- L.** *Quinā sint Gradus Conversionis nostræ ad Deum?* 189
- LI.** *Quousque possint Reprobi progredi in gradibus Con-
versionis?* 192.
- LII.** *Num Infantes habeant fidem?* 194.
- LIII.** *Vtrum Fides propriè imputetur ad iustitiam? sive,
An Iustificatio sit Vniuersalis affectio Fidei?* 202.
- LIV.** *An Bona opera sint aut rectè dicantur necessaria ad
salutem?* 206.
- LV.** *Vtrum Iustificatio, Salus, & aterna Beatitas bonis
operibus in Scripturâ propriè, an per effecti meto-
nymiam tribuantur?* 212.
- LVI.** *Vtrum Sacramenta sint relationes, an vero actio-
nes?* 214.
- LVII.** *Num detur Analogia Sacramentalis, qua communis
sit Sacramentis Veteris & Novi Testamenti?* 217.
- LVIII.** *An fides sit de essentiâ Sacramenti, vel ad eam per-
tineat?* 219.
- LIX.** *An Baptismus rectè dicatur signum ablutionis pec-
catorum?* 222.
- LX.** *Quenam sit præsentia Christi in Sacrà Cænâ?* 225.
- LXI.** *Qualis futurus sit Mundi interitus? utrum redactio
in nihilum, an vero ejus instauratio & renovatio?* 227.
- LXII.** *Quarum Creaturarum Vindicatio & Instauratio
promittatur in Verbo Dei, & nobis sit expectan-
da?* 233.
- LXIII.** *Num eadem numero corpora resurrectura sint, &
qua quantitate ac qualitate.* 236.
- LXIV.** *Vtrum par futura sit omnium beatorum in calis glo-
ria; an verò impar & inæqualis.* 240.

PRACTI-

I N D E X

P R A C T I C O R U M.

- I. *Quid propriè sit Persecutio?* 248.
- II. *Qua fuerint præcipuæ Persecutiones Ecclesiæ?* 251.
- III. *Quanam sint Causæ Persecutionum Ecclesiæ?* 261.
- IV. *Quanam sint præcipuæ Consolationes adversus Persecutiones Ecclesiæ?* 265.
- V. *An, Quibus, & Quatenus licita sit Fuga in Persecutionibus?* 272.
- VI. *Cur Deus permittat Lapsus Sanctorum in persecutionibus: & num Lapsi in communionem Ecclesiæ recipiendi sint?* 285.
- VII. *Num Metus mortis in persecutionibus sit vitiosus?* 292.
- VIII. *Sintne licitæ Imprecationes adversus Persecutores & hostes Ecclesiæ?* 296.
- IX. *An, & quomodo inter Papistas vivendum, & cum iis conversandum sit?* 299.
- X. *Num Ecclesiæ hodierna Romana verè dici possit Ecclesiæ Christi?* 308.
- XI. *Vbi & qualis fuerit vera Christi Ecclesiæ, ante Reformationem à Lutherò Zuinglioque, institutam?* 310.
- XII. *Quibus mediis Ecclesiæ sub Papatu tum conservata, tum propagata fuerit?* 314.
- XIII. *An Ecclesiæ Evangelicæ dicenda sint hæreticæ aut schismaticæ, quia secessionem fecerunt ab Ecclesiâ Romanâ?* 315.
- XIV. *An Ecclesiæ Evangelicæ sint veræ Christi Ecclesiæ, quæ tam gravibus diffidiis laborant, & à se invicem distrahuntur.* 317.
- XV. *Liceatne Reformatis Orthodoxis petere & suscipere Baptismum à Lutheranis?* 320.
- XVI. *Sitne Baptismus legitimus, qui privatim, & à privatis,*

I N D E X.

- vatis, sive viris sive mulieribus administratur? 325.
- XVII. Num bonâ conscientia possint fideles ad mensam Domini accedere, in quâ panis non frangitur? 327.
- XVIII. Vtrum apud Lutheranos Orthodoxi bonâ Conscientiâ ad Sacram Cœnam accedere possint? 329.
- XIX. Num quis ad veram fidem & religionem jure cogi possit? 332.
- XX. Vtrum Heretici corporalibus, atque etiam capitalibus suppliciis sint afficiendi? 335.
- XXI. Vtrum Iudei in Societate Christianorum tolerandi sint? 340.

I N D E X Dictorum Scripturæ,

<i>Genesis.</i>			<i>Exodus.</i>		
Cap.	vers.	pag.			
I.	2.	83.	IV.	25.	326.
	28.	101.			
II.	2.	102.			
	23.	97.			
III.	15.	102.	V.	18.	306.
V.	3.	103.			
XV.	6.	205.			
XXII.	1.12.	61.			
XLVI.	26.	103.			
XLIX.	10.	154.			
			XIV.	13.	229.
			XXVIII.	23, 24, 28.	60.

Psalms.

DICTIONVM SCRIPTVRÆ

	<i>Psalms.</i>		XIII.	34, 35.	255.
				29, 30.	339.
				43.	245.
XLV.	10.	181.	XVI.	24.	248.
CII.	26, 27.	232.	XVIII.	6.	197.
	<i>Ecclesiastes.</i>		XX.	8, 9, seqq.	244.
				21.	181.
				22, 23.	248.
XII.	9.	91, 92.	XXII.	29, seqq.	30, 31.
	<i>Isaiah.</i>			42, seqq.	31.
			XXIV.	16, seqq.	274.
LI.	6.	229.		35.	229.
LXV.	17.	232.	XXV.	14, 19.	243.
LXVI.	22.	ibid.		<i>Marcus.</i>	
	<i>Jeremiah.</i>		I.	15.	162.
I.	5.	198.		<i>Lucas.</i>	
	<i>Ezekiel.</i>		I.	44.	198.
XVIII.	4.	121.	VIII.	13, 14.	193.
			XX.	36.	101.
	<i>Daniel.</i>			<i>Iohannes.</i>	
XII.	3.	242.	I.	17.	151.
	<i>Habakuk.</i>		III.	12.	41.
			X.	12, 13.	283.
II.	4.	199.	XV.	13, 14.	ibid.
	<i>Zacharias.</i>			19.	67.
			XVII.	6, 14.	ibid.
XII.	1.	93.		<i>Acta.</i>	
	<i>Matthews.</i>		V.	33.	339.
			XIV.	16, 17.	9.
II.	23.	35.	XV.	8, seqq.	31.
X.	23.	274, 283.	XVII.	23, seqq.	2.
				<i>γ γ</i>	XVII.

I N D E X

[illegible]

DICTIONVM SCRIPTVRÆ.

Petri I.

III.	21.	222.
IV.	14, 15, 16.	251.

Petri II.

I.	4.	46.
III.	7. 10. seqq.	231.

Iohannis I.

III.	16.	283.
------	-----	------

Inde.

9, 14, 15.	35.
------------	-----

Apocalypsis.

III.	4.	206.
XXI.	I.	232.

I N D E X

Rerum & Verborum.

A.

Ablutio peccatorum quibus rebus, & quâ causalitate tribuatur in Scripturâ. 223.
 Academicis fugere licet in persecutionibus Ecclesiæ. 282.
 Actiones humana quatenus necessaria, & libera sint. 142.
 Actus divini quomodo distinguantur & considerentur. 55.
 Ada peccatum primum cur imputetur

posteris. 121. non est nobis alienum. ibid.
 Ætas quid conferat ad fidem. 198.
 Affectiones animæ sequuntur temperamentum corporis. 107.
 Agnitio peccatorum & pœnarum est gradus ad conversionem. 190. reprobis vocatis quoque communis est. 192.
 Allegoria quid & quoduplex. 32. quid valeant ad probationem dogmatum Theologorum. 33.
 Ana-

I N D E X

Analogia Sacramentalis utriusque Test.

Sacramentis competit. 217. *Sacramentorum N. T. qualis.* 218.

fractionis panis. 219.

Ἀναπόλῳγσις Ethnicorum qualis. 10.

Animarum origo quomodo in Theologia

considerari cœpta. 90. *Anima*

humana creantur à Deo ex nibi-

lo, nec ante, nec extra corpus.

90. *seqq.* *Adam & nostra ean-*

dem originem habent. 96. *nul-*

lum habent semen. 98. 100. *non*

propagantur per traducem. 99.

seqq. *earum creatio non impe-*

dit peccatum originis. 105. *nec*

facit Deum autorem peccati

106. *creantur privata iustitiâ*

originali. 125. *inficiuntur à cor-*

pore hominis. 128. *infectionis*

modus. ibidem. ejusdem causa.

129.

Animo detestari impietatem Pontifici-

am non sufficit. 305.

Antitypon quid. 223.

Apostata qui. 286.

Articulus demonstrativus non semper

certi aliquid & distinctè notat a-

pud Hebræos. 83.

Attributa divina quomodo ab essentiâ,

& inter se distinguantur. 49.

B.

B *Ara apud Hebræos quid significet.*

83.

Baptismus rectè dicitur signum ablutio-

nis peccatorum. 222. *seqq.* *eo*

nomine denotatur persecutio.

248. *Lutheranorum an licitus.*

321. *quibus cautionibus admit-*

tendus. 322. *non est iterandus.*

323. *neque etiam Pontificiorum.*

303. *Privatim administratus à*

privatis est illicitus. 325. *à viris*

privatis in dissipatione Ecclesia

non iterandus. 326. *mulierum*

repetendus. 327.

Benedictio in bonis terrenis post Persecu-

tionem quomodo intelligenda. 271

Bona opera quæ. 208. *eorum necessitas*

ad salutem. 208. *seqq.*

Bonitas Dei illustrior ex lapsu hominis.

113.

Βεῖϙ & quid significet.

197.

C.

C *Anonici libri Vet. Test. nulli perie-*

runt. 34. *quid circa eos Ef-*

dras præstiterit. 36.

Causarum ad eundem effectum concur-

rentium inevitabilis series non in-

ducit fatum Stoicum. 133. *Causa-*

rum Persecutionis cur necessaria

consideratio. 261.

Characteres Hebræi hodierni Mosis sunt.

37.

Christus est unica tantum persona. 162.

in eo dua sunt filiationes. 165. *e-*

jus persona non est composita ex

duabus naturis seu partibus. 166.

quatenus composita dici possit.

ibid. *an omnia quæ Christo in*

tempore data sunt, secundum hu-

manitatem sint data. 170. *quæ*

& quando ipsi data sint. 171. *san-*

guinis

guinis ejus gutta unica non potuit
sufficere redimendis hominibus.
172. an, & quatenus sufficienter
& efficaciter mortuus sit. 174.
seqq. an quid, & quatenus sibi
meruerit. 176. 177. unicus e-
jus est cultus. 184. ejus cognitio,
ceu Mediatoris, gradus ad Con-
versionem. 190. communis est
ea cognitio reprobis vocatis. 193.
ejus praesentia in S. Cæna qualis.
225. seqq. Princeps pacis qua-
tenus. 255. cur dicatur Proto-
martyr N.T. 256.
Chrysippus voluntatem humanam fa-
tali causarum nexu tolli negavit.
133.
In S. Cænâ qua praesentia Christi. 225.
seqq. sine fractione panis non est
integra. 328. fideles tamen bonâ
consentiâ communicare possunt,
ubi fractio negligitur. ibid. an
& quibus conditionibus illi apud
Lutheranos interesse liceat. 330.
seqq.
Communicabilitas essentiae divinae quid
significet. 45.
Communicatio Essentiae divinae qualis.
46. quid Patribus & Lutheranis
Communicatio. 167. Commu-
nicatio hypostasios quid. 168.
inde non sequitur communicatio
idiomatum essentialium. 169.
Compatrium officium à Papistis non pe-
tendum, nec iisdem praestandum.
304.
Contiliorum decreta non sunt principi-
um Theologiae. 27.

Conciones Papistarum an adeunda.
302. 315.
Concursus Providentiae divinae & vo-
luntatis humanae. 134. seqq.
quid sit. 136. Modus ejus. 137.
seqq. non facit Deum σωτηρι-
ου peccati. 142.
Conditio promissionum Legalium &
Euangelicarum qualis. 149.
Confessio fidei inter Pontificios viventi
quomodo instituenda. 306. 307.
Confessores qui. 286.
Conjugii benedictio à Papistis non ad-
mittenda Orthodoxis. 304. cum
Papistis eisdem non contrahendū
307. contractum tamen non dis-
solvendum. 308.
Consequentiarum legitimarum requisi-
ta. 29. earum usus legitimus in
Theologâ. 30. seqq.
Consolationum in Persecutionibus ne-
cessitas. 265. quam ea sint.
269. seqq.
Contingentia rerum non tollitur per
praescientiam. 76.
Contritio, quae pars Resipiscendae, non
est ex Lege. 166.
Conventus clandestini sub Papatu vi-
ventibus frequentandi. 307.
Conversatio & Cohabitatio cum Papi-
stis quatenus licita. 300. seqq.
Conversio ad Deum quid. 188. quid
differat à vocatione efficaci, rege-
neratione, resipiscendâ, sanctifi-
catione. ibid. est successiva. 189.
gradus ad conversionem qui. 190.
qui item gradus conversionis.
ibid. exemplum ejus in filio pro-
digo
Ty 3

I N D E X.

- digo. 191. quousque reprobi vocati in iis progredi queant. 192. seqq.
Convivia Pontificiorum fugienda sunt. 308.
Corpora nostra quatenus eandem habeant originem cum corpore Ada. 96. *Corpus hominis subiectum peccati originalis ante & post animationem, & quo discrimine.* 124. *eadem numero resuscitanda sunt.* 236. 237. *quantitas corporum resuscitatorum qualis futura sit.* 238. *qualitates eorundem.* 239. *corpore non minus quam animo Pontificia sacra de testanda sunt.* 305.
Creatio proprie non est mutatio. 78. *mediata vel immediata.* 79.
Creaturae non intelligentes quatenus capaces perennitatis. 229. *quanam instauranda vel non.* 233. seqq. *instauratarum usus.* 235.
Cruce cur vocetur Persecutio. 248.

D.

- D** *Amnatorum qualis obedientia exigatur.* 152.
Decalogi praecepta quae & quatenus mutabilia sint vel immutabilia. 147. 148.
Decreta Deo tribuuntur improprie. 53. *quomodo sint in Deo.* 54. *Decretum aeternum & verbum aeternum de salute hominum sibi non contrariantur.* 61
Descendere ad inferos quid. 178. Ar-

- ticulus de descensu Christi ad inferos non descensum localem, nec sepulturam denotat.* 179. *sed vel dolores infernales. ibid. vel statum Christi abjectissimum.* 180.
Determinatio & libertas quatenus consistant, vel pugnent. 141.
Deum esse, naturam notum est hominibus. 2. & quatenus. 4. seqq. *quatenus quidam Deum esse negarint.* 3. *eius essentia singularissime una.* 37. *non una absoluta, trina relativa.* 38. *nec una generica, trina specifica.* 39. *in Deo non est generatio passiva.* 51. *an & quomodo idem velit & nolit.* 60. *quomodo praeferat contingentia.* 76. *quatenus omnia faciat ad gloriam suam.* 114. *quomodo se habeat circa malorum operum materiale.* 143. *formale.* 144. *adjunctum.* 145. *Est causa efficiens Persecutionum Ecclesia.* 262. *impulsiva eius.* 262. 263. *cur permittat Sanctorum lapsus in Persecutionibus.* 287. seqq.
Dextra Dei non est locus, nec sessio ad eam localis. 183.
Diabolus est causa efficiens Persecutionum Ecclesia. 263. & quibus de causis. ibid.
Dialectica in Theologia usus & abusus 16.
Dignitas Personae Christi quorsum profuerit in opere redemptionis. 173. *fidelium qualis.* 206.
Disidii inter Ecclesias Evangelicas origo. 317.

go. 317. unde estimandum. 318.
non abolet veritatem Ecclesiarum
Euangelicarum. 318. Dissidia in
Ecclesiâ militante perpetua sunt.

319.

Dogmata Theologica qua. 24. quomo-
do probentur ex Scripturâ. 28.
seqq.

Dolor secundum Deum est gradus con-
versionis. 190. non cadit in re-
probos vocatos. 193.

Dominium in creaturas restituetur ho-
mini in altero seculo. 232.

E.

Ecclesia nomine & testimonio quid
intelligent Pontificii. 26. e-
jus testimonium non est principium
Theologia. ibid. est proprium
subjectum Persecutionum. 250.
idque ferme perpetuo. 251. Ro-
mana hodierna non est vera
Christi Ecclesia 308. seqq. 316.
sed haeretica & schismatica. 317.
quatenus tamen Christi Ecclesia
dici queat. 306. Vera semper
fuit & erit in terrâ. 310. in N.
Test. non est alligata certo loco.
311. sub defectione universali fuit
in Papatu & quatenus. 311. 312
conditio, quâ sub Papatu vixit
qualis. 313. media, quibus ibi-
dem conservata & propagata fuit
314. 315. Evangelica rectè à Pa-
pali secessionem fecerunt. 316. ea-
rum dissidium. 317. ea propter
tamen non desinunt esse vera Ec-

clesia 318. 319. Membra ejus
non possunt dici Iudai. 345.
in Electione quid absoluti, quid ordina-
ti juris sit. 72.

Errores Pontificiorum quomodo impro-
bandi viventi inter ipsos. 306.

Esdrae quid egerit circa libros Canoni-
cos V. Test. 35.

Essentia rectè Deo tribuitur. 37. Essen-
tia divina analogia cum specie, &
ab eâdem discrepantia. 40. com-
municabilitas ejus 45. non est
communis creaturis. 46. quate-
nus communis Humanae naturae
Christi. ibid. Essentia propriè
communicat essentiam. 47. Ejus
distinctio ab attributis divinis. 49.
à personis divinis ibid.

Ethica in Theologîâ usus & abusus. 16.

Ethnici quid de Deo, ejus voluntate,
& operibus naturaliter noverint
vel ignorarint. 4. seqq.

Eva cur dicatur Ischah. 97. inter ori-
ginem ejus & nostram quâ dissi-
militudo. ibid.

Euangelium hominibus naturaliter i-
gnotum. 5. 6. Definitio Melan-
chthonis probatur. 158. est propri-
issime etiam concio Resipiscentiae
& quatenus. 160. ejus tantum
est gratia. 185.

Extorres qui. 276. 286

F.

Fatum unde dictum. 130. quadruplex est, Physicum, Mathe-
maticum, Stoicum, Christia-
num

I N D E X

num. 130. 131. ab ejus voce abstinentum. 131. Antithesis fati Stoici & Providentia divina.

132.

Familiaritas cum Pontificiis vitanda.

308.

Fides est gradus conversionis. 190. non cadit in reprobos vocatos. 193.

actualis infantum nulla est. 195.

semen ejus quod. 200. quomodo id operatur Spiritus Sanct. 202.

Fidem imputari ad justitiam quid sit. 202. 203. Fides non est justitia illa quae imputatur. 204.

205. quomodo dicatur servare

206. an & quatenus sit de essentia Sacramenti. 219. seqq.

Fideles vocari possunt infantes à fidei semine. 202. Fidelium dignitas qualis. 206.

Filiationes in Christo duae sunt. 165.

Filii persona quomodo se communicaverit Humana natura. 48. Ejus generatio qualis. 52. 53.

Fractio panis ritus est in S. Cœnâ necessarius. 327. eâ tamen neglectâ fidelibus communicare licet. 328.

Fuga in Persecutionibus Ecclesiae quando, & à quibus in dubium vocata. 272. probandane an improbanda. 274. seqq. quibus conditionibus licita sit. 278. 285. Impedimenta ejus. 279. Persona Oeconomica, quibus fugere licet. 280. Politica item. ibid. & Ecclesiastica. 280. 281. denique Scholastica. 282.

G.

Generatio passiva in Deo nulla 51. Filii qualis. 52. 53.

Generatio impura hominum. 121. ejus causa. 122. propagatio peccati per eam successiva. 123. in conceptione corporis. ibid. in creatione animae. 125. in animatione corporis. 127.

Gloira Christi exaltati est meritum improprie dictum. 177. eam Christus spectavit in humiliatione ut premium secundario. 178. Beatorum in cœlis erit inaequalis. 241. quorum præcipua futura sit. 245.

Grammatica in Theologia usus & abusus. 15.

Gratia sufficiens quae dicatur. 185. Evangelica quatenus sufficiens sit. 185. 186. nullatenus est omnibus ac singulis communis. ibid.

Gratuitum aliquid est absolute vel secundum quid. 149.

H.

Hæretici qui. 338. de eorum panâ discrepantes sententia. 335. seqq. seductores blasphemi capitulibus suppliciis afficiendi, non seducti. 338.

Homo quatenus generet sibi simile specie. 104. in animatione corporis est peccator perfecte. 127.

Homo integer nullam habuit inclinationem ad peccandum. 85. nec contraria.

RERVM & VERBORVM.

trariarum propensionum pugnam.
 86. praeclatus fuit iustitia habitu-
 ali & actuali. 87. non conditus
 in puris naturalibus. ibid. ius
 vitae aeternae quatenus habuerit. 88
 causa lapsus ejus quae. 108.
 Homonymia vocum Philosophia. 12.
 Essentia. 37. Persona. 41. 42.
 causa. 75. praepos. Ex. 77. Pec-
 cati originalis. 115. 218. positiva
 qualitatibus. 115. gratuiti. 149.
 necessitatis 208. salutis. ibid.
 praepos. Ad ibid. Debiti. 209.
 praesentia. 225. Persecutionis.
 248.
 Hostes Ecclesiae qui. 250. 264.
 Humana Natura Christi quatenus com-
 munitis essentia divina. 46. quo-
 modo se illi communicaverit Per-
 sona Filii. 48. non habet pro-
 priam personalitatem. 163. nec
 tamen imperfecta est. 164.
 Humanum genus an & quatenus ad sa-
 lutem fuerit conditum. 89.
 Hydaspis seu Hystaspis scripta suppositi-
 tia sunt. 6.

I.

I Dolis nullus honor exhibendus. 302.
 Idololatra qui olim dicti in Per-
 secutionibus. 286.
 Immortalitas piorum & impiorum quid
 differat. 240.
 Immutabile & immutabile quid. 147.
 Impii resuscitati erunt immortales.
 240. sunt efficiens Persecutio-
 num Ecclesiae. 264. & quibus de

causis. ibid. mors ipsis tantum
 metuenda. 295.
 Imprecationes quid. 296. adversus ho-
 stes Ecclesiae, an & quatenus li-
 cita. 296. seqq.
 Imputari & non imputari quid. 204.
 Imputatio peccati Adae. 118. causa ejus.
 120.
 Inaequalitas gloriae beatorum qualis.
 241.
 Inclinatione ad peccandum in homine in-
 tegro nulla fuit. 85.
 Incommunicabilitas Persona quid. 47.
 Deo recte tribuitur. ibid. quid
 in Deo efficiat. 48.
 Inexcusabilitas Ethnicorum qualis. 10.
 Infantibus non conveniunt gradus con-
 versionis. 191. Infantes fidelium
 carent fide actuali. 195. quomo-
 do placeant Deo. 199. habent
 semen fidei. 200. 201. fideles ab
 eo recte dicuntur. 202.
 Instauratio in futuro seculo quarum cre-
 aturarum nulla futura sit. 233.
 quarum promissa. 234. 235. cre-
 aturarum instauratarum usus.
 235. numerus. 236.
 Iudaorum conditio misera. 340. quo-
 modo nobis spectandi. 341. tole-
 randi sunt in societate Christia-
 norum. 342. seqq. in tolerandis
 ipsis quid cavendum. 344. quid
 item faciendum sit. 345. non pos-
 sunt dici membra Ecclesiae. ibid.
 non retinent ius foederis Abrahae.
 346. sunt meliores Turcis. ibid.
 Iudicium Dei circa peccatum quale.
 145. imprimis quando peccata
 Z z peccatis

I N D E X.

peccatis punit. 146.
Bus Dei Absolutum & Ordinatum
 quid. 70. utrumque concurrat in
 negotio Prædestinationis. 71. seq.
Iustificatio & Salus, quid differant. 211.
Iustitia Dei illustrior ex lapsu hominis.
 113. Originalis non est causa la-
 psus hominis integri. 108. Regula
Iustitia quæ. 71.

L.

Lici possunt consequentias deduce-
 re, & deus judicare. 29.
Lapsum in Persecutionibus varia spe-
 cies. 286. de eorum receptione
 varia veterum sententia. 290. re-
 cipiendi. sunt præviâ pœnitentiâ.
 290. 291.
Lapsus hominis integri quæ causa. 107.
 108. Providentia Dei inde non
 est excludenda. 109. Modus quo
 eum permisit Deus. 110. Fines
 permissionis ejus. 111. Bonitas &
Iustitia Dei illustriores sunt ex
 lapsu hominis. 113. Sanctorum
 in Persecutionibus, cur permittat
 Deus. 287. seqq. quomodo nobis
 considerandi sint. 289.
Lex naturaliter nota hominibus. 5. Mo-
 ralis promissiones, an & quate-
 nus gratuita. 149. quatenus obli-
 get ad obediëntiam & pœnam. 151.
 idque juxta diversos status homi-
 nis. 151. 152. ejus non est prædi-
 care respicientiam. 161. Mosaica
 forenses sunt juris vel particularis,
 153. quæ abrogata. 154. vel
 communis, 155. quæ non abro-

gata. 156. Cautiones de utrif-
 que. 154. 157.
Libellatici qui. 286.
Liberatio ex Persecutionibus. 270.
Libertas voluntatis humana qualis.
 140. non tollitur concursu Provi-
 dentia divina. ibid. quatenus
 cum determinatione consistat vel
 pugnet. 141.
Libri Canonici V. T. nulli perierunt. 34.
 quales illi qui memorantur nec
 jam exstant. 34. 35. quid Esdras
 circa eos egerit. 36.
Lutherani Moderati vel Immoderati.
 322. 330. Baptismus eorum qua-
 tenus admittendus. 322. non est
 iterandus. 323. quatenus liceat
 Reformatis ad S. Cœnam apud
 ipsos accedere. 330. seqq.

M.

Magistratibus quatenus licita fuga
 in Persecutionibus. 280. ejus of-
 ficiū in hominibus ad fidem
 adducendis. 333. seqq. in hæreticis
 plectendis. 337. seqq. in Judæis
 tolerandis. 334. 335.
Mahometica crudelitatis causa. 260.
Mala non permittenda ut eveniant bo-
 na, quomodo intelligendum. 114.
Pet. Martyr. Deum non facit autorem
 peccati. 143.
Martyres qui. 286. verorum nota. 251.
 protomartyr N. T. quis. 256.
Martyria olim damnata à Gno-
 sticis & Valentinianis. 272.
Materia prima non est Nihil. 80. nec
 sub-

RERVM & VERBORVM.

Substantia omnis formæ expers & concreata. 81. *sed est rudis moles primo die creata.* 81. seqq.
Mathematica in Theologiâ usus & abusus. 17.
Mercurii Trismegisti scripta adulterina sunt. 6.
Metaphysica in Theologiâ usus & abusus. 17.
Ministeriû in Papatu corruptû est. 310.
Ministris Ecclesiæ an & quatenus fugere liceat in persecutionibus. 280. seqq.
Missa an fidelibus interesse liceat. 301. 302.
Mortis Christi sufficientia pro omnibus hominibus, & efficacia pro solis electis an rectè distinguatur. 174. seqq.
Mortis metus in persecutionibus sitne licitus, nec ne. 293. & quatenus. 294. 295.
Mulierum baptisimus planè illicitus. 326. *est repetendus.* 327.
Mundus ex nihilo conditus. 77. *sed non secundum omnes partes.* 78. *non est æternus, interitus expers.* 227. *nec planè annihilandus.* 228. 229. *instaurabitur, & quomodo.* 230. seqq.
Mutabilitas hominis integri quæ. 108. *non arguit inclinationem ad peccandum.* 85. *est causa lapsus hominis per accidens.* 108.

N.

Natura dua in Christo propius accedunt ad partes essentielles quam

integrales; analogicè tamen, non propriè. 167.
Naturalia pura quæ. 86. *in iis homo primus non fuit conditus.* 87. *neque in iis creantur anima.* 126.
Naturalis notitia quæ. 1. *de Deo quousque se extendat.* 4. seqq. *eius affectiones.* 7. *finis & effecta.* 2. *scriptores de eâ.* 10. *notitia naturales non sunt actuales.* 195.
Necessitas rerum ex præscientiâ Dei qualis. 76. *necessitas eventuum inevitabilis non inducit Fatum Stoicum.* 133. *necessitas ex Providentiâ, & libertas voluntatis non pugnant.* 140.
Nihil in creatione quid significet. 77. *ex nihilo nihil fieri quatenus verum.* 78.
Novatiani & Novatianenses quid differant. 290.

O.

Obedientia quæ à damnatis exigitur qualis. 152. *piorum in persecutionibus.* 267.
In Omissionis peccatis actio intervenit. 144.
Opera bona quæ. 208. *necessaria sunt renatis, & quatenus.* 208. seqq. *eorum necessitas non inducit confusionem doctrinæ Legis & Evangelii.* 211. *justificant & salvant metonymicè.* 212. seqq.

P.

Pædobaptismi quæ causa. 199. *à Papistis non petendus.* 303.
 Z z 2 Papa-

I N D E X.

Papatus quatenus sedes fuerit vera Ecclesia ante reformationem. 311.
 312. quâ conditione hac in isto vixerit. 313. quinam in eo salvati fuerint, ibid. quibus mediis vera Ecclesia ibidem fuerit conservata & propagata. 314.
Parentum proximorum peccata cur liberis non imputentur. 120.
Patrum auctoritates non sunt principium Theologiae. 27.
Peccatum quomodo spectetur in decreto Prædestinationis. 66. quæ in eo considerata & distinguenda. 143. quomodo circa ea se habeat Deus. 143. seqq. quatenus etiam sit pœna peccati. 146. Originis quomodo accipiatur. 115. 118. unde dicatur. 118. non impeditur per immediatam creationem animarum. 105. est etiam positiva qualitas. 115. non mera privatio. 116. quatenus dicatur privatio. 117. modus derivationis ejus. 118. seqq. quomodo & quando transeat e potentiâ in actum. 127. quomodo positivè propagetur in animam. 128. 129. Primum quomodo imputetur. 119. cur imputetur. 121. in Omisionis actio intervenit. 144.
Permissionis Dei modus. 144. causa. 145. Ejus circa lapsum hominis integri modus. 110. finis. 111. quatenus hæc faciat ad gloriam Dei. 112.
Persecutio quid. 248. ejus synonyma. ibid. gradus 249. causa efficien-

tes. 250. 262. seq. impulsiva. 250. 262. seqq. finales. 268. causarum consideratio cur necessaria. 261. simul subinde est doctrinaria seu μαρτυρια, & τιμωρια. 251. N. T. graviores quam V. T. 252. V. T. particulares seu personales. 253. V. T. universales sex. 254. 255. N. T. quot. 255. 257. Iudæa. 256. Pagana. 257. Ariana. 258. Mahometana. 260. Antichristiana. ibid. Deus, Diabolus, & Impii, quomodo conjungantur in causis persecutionum. 261. Consolationes adversus eas. 265. seqq. Fuga in eâ an & quatenus licita. 272. seqq. Constantes & Inconstantes in eis. 286. metus mortis in eâ an & quatenus licitus. 292. seqq.
Persona Deo rectè tribuitur, & quomodo. 41. Divina varia definitiones examinantur. 42. seq. Divinarum ab angelicis & humanis discrimen. 44. earundem distinctio ab Essentiâ. 49. & inter se. 50.
Philosophia quid propriè & impropriè. 12. qui nimium ei tribuerint. 10. qui minus æquo. 11. non contraria est, sed subordinata Theologia. 12. ejus in Theologia usus. 13. & abusus. 14. non fuit Gentilibus pedagogia ad Christum. 13.
Physica in Theologia usus & abusus. 16.
Pii cur raro imprecentur hostibus. 298. mors eis quatenus metuenda & expetenda. 294 295.
Plato unde varia de Deo habuerit. 7. Pena

R E R V M & V E R B O R V M.

- Pena peccati & peccatum quatenus idem sit.* 146. *quomodo Deus peccata peccatis puniat.* ibid. *eius agnitio gradus ad Conversionem.* 190. *persecutorum Ecclesia.* 271.
- Penitentia gradus ad conversionem.* 190. *communis est reprobis vocatis.* 193. *ea precedere debet lapsorum in communionem Ecclesia receptionem* 291. *modus agenda penitentia.* ibid. *in Veteri Ecclesia qualis.* 292.
- Pontificis cur nunc dolo magis utantur quam vi.* 249. *Conversatio cum eis quatenus licita.* 300. *Magistratus eorum diversimodè se habent circa Orthodoxos.* 301. *circa Sacra ipsorum qua fugienda.* 301. *seqq. qua facienda* 306. 307. *in Politicis quid observandum* 307. 308. *Baptismus eorum non iterandus.* 303.
- Pontificum placita non sunt Principium Theologiae.* 27.
- Prædestinationis objectum non est homo creabilis & labilis* 62. *nec homo conditus ac integer.* 63. *neque redemptus per Christum credens vel incredulus.* 68. *sed consideratus ut conditus & lapsus.* 66. *non sequitur inde Prædestinationem in tempore factam.* 68. *in eâ Deus ius absolutum & Ordinatum exercet.* 71. *seqq.*
- Præscientia quid.* 74. *rectè Deo tribuitur, & quomodo.* ibid. *eius distinctio.* 74. 75. *quatenus & qualis sit causa rerum.* 75. *quam necessitatem rebus imponat.* 76. *non tollit rerum contingentiam.* ibid.
- Præsentia unde.* 225. *Christi in S. Cæna qua.* 225. *seq. Dei in persecutionibus piorum.* 270.
- Precibus Papistarum an liceat communicare.* 303.
- Principii requisita.* 26.
- Privatis personis quatenus concessa fuga in persecutionibus.* 280. *non licet eis administrare baptismum.* 225. *seqq.*
- Probationes dogmatum Theologicorum ex Scripturâ quales.* 28. *seqq.*
- Promissiones Legales quatenus gratuita vel non gratuita.* 149. *Euangelica gratuita.* ibid. *promissio quatenus cadat in debitum.* 150.
- Providentia Dei à lapsu hominis non est excludenda.* 109. *quid differat à fato Christiano.* 131. *doctrina Orthodoxorum de eâ non inducit fatum Stoicum.* 131. *seq. Antithesis Providentia Dei & Fati Stoici.* 132. *Providentia divina & voluntatis humanae concursus.* 134. *seqq. in malo qualis.* 143. *seqq. in persecutionibus piorum qualis.* 266.
- Puncta Vocalia Hebraea quis inveniet.* 36.

Q.

Quodlibetarii qui.

19.

Z z 3

Ratio-

I N D E X

R.

- R**ationis usus quid profit in consequendâ fide. 200.
Realiter differre quid. 50.
Redemptio veterum in persecutionibus. 273. 286.
Regeneratio quid sit. 188. non est omnibus & singulis communis. 186. quid differat à vocatione efficaci, resipiscentiâ, sanctificatione, conversione. 188. 189. est gradus conversionis. 191. in reprobos vocatos non cadit. 194.
Religio vera causa est persecutionum. 251. ad eam homines cogi possunt, & quatenus. 333. seqq.
Renatis quatenus necessaria sint bona opera. 208. seqq.
In Reprobatione quid absoluti, & quid ordinati juris. 72.
Reprobi vocati & non vocati. 192. vocatis communes sunt gradus ad conversionem. 192. 193. non cadit in eos fides. 193. nec dolor secundum Deum. ibid. nec resipiscencia. 194. nec regeneratio. ibid.
Resipiscencia quid sit. 188. ad Legem non pertinet. 159. 161. est propriissime concio Evangelii 160. Spiritus S. eam efficiens per Evangelium adhibet Legem. ibid. est ex Lege tantum inchoative. 162. ejus distinctio à vocatione efficaci, regeneratione, sanctificatione, conversione. 188. est gradus con-

versionis. 191. reprobis vocatis non est communis. 194.

Rhetorica in Theologiâ usus & abusus. 5.

Rigor in Veteri Ecclesiâ in exigendâ pœnitentiâ causa. 292.

Romana Ecclesia hodierna non est vera Christi Ecclesia. 308. seqq. quatenus istud nomen ei queat tribui. 309. est hæretica & schismatica. 317. recte ab eâ secessionem fecerunt Ecclesia Evangelica. 316.

S.

- S**acramenta sunt actiones relativa. 216. magis relationes quàm actiones. ibid. à formâ relationes. ibid. analogia Sacramentalis utriusque Test. Sacramentis competit. 217. an & quatenus fides sit de Sacramenti essentia. 219. seqq. in Papatu servantur sed cum exitiâlibus erroribus. 310.
Sacrificati qui. 286.
Salus aterna non est effectum notitiæ naturalis. 8. qui differat à justificatione. 211. quibus obtigerit sub Papatu, mortuis ante Reformationem. 313.
Sanctificatio quid. 188. ejus discrimen à vocatione efficaci, regeneratione, resipiscentiâ, & conversione. ibid.
Sanctorum lapsus in persecutionibus. 286. cur eos permittat Deus. 287. seqq.
Scheol Hebr. quid significet. 178. Schola

R E R V M & V E R B O R V M.

Schola Christianorum quales. 18.
Scholastica Theologia quid. 21. non est
vera Theologia. 21. seqq.
Scholastici unde dicti. 18. eorum clas-
ses. 19. origo. *ibid.* atates. 20.
Scholasticorum fuga in persecu-
tionibus licita. 282.
Scriptura S. est unicum principium do-
gmatum Theologicorum. 25.
Sedere ad dextram Dei quid. 181. *Ses-*
sio Christi ad dextram Patris
quid. 181. 182. competit ei se-
cundum utramque naturam. 183.
Et quo discrimine. 184. non de-
num cepit post resurrectionem.
ibid.
Semen anime nullum est. 98. 100. *fidei*
quid 200. id habent infantes fi-
delium. 201. quomodo illud ope-
retur Spiritus S. 202.
Sensus ira Dei gradus ad conversionem.
190. communis etiam est reprobis
vocatis. 193.
Sententiarum qui. 19.
Sibyllina Oracula multa habent suppo-
sita. 6.
Stephanus cur dicatur protomartyr
N. T. 256.
Successio Pastorum in N. T. non est cer-
ta. 311.
Summissa qui. 19.
Syncretismus cum Papistis non quaren-
dus. 304.

T.

Tempus huius tantum seculi est
 229.

Terra finis in altero seculo quis. 229.
 235.
Theologi N. T. quotuplices. 18.
Theologia et Philosophia sunt discipli-
na subordinata. 12. est vera vel
falsa. 17. *Scholastica falsa est.*
21. seq. quid differat à Verbo
Dei. 24.
Thurificati qui. 286.
Trinitatis mysterium hominibus naturâ
ignotum. 5. 6.

V.

Verbum Dei et Theologia quid
 differant. 24. est unicum princi-
 pium dogmatum Theologicorum.
 25. ex eo solo, non autem ex eo
 expresso tantum, petenda sunt
 probationes dogmatum Theologi-
 corum. 28. Verbum externum et
 decretum aeternum de salute ho-
 minum sibi non contrariantur.
 61. in Papatu servatur quidem
 sed cum exitiis erroribus. 309.
Vita aeterna juxta quatenus habuerit homo
integer. 88. ejus gloria erunt gra-
dius. 241. seqq. causa discrimi-
nis omnis in eâ non tolletur. 245.
Vocatio efficax quid. 188. ejus discrimen
 à regeneratione, resipiscen-
 tiâ, sanctificatione et conversio-
 ne. *ibid.*
Vocatio externa non est omnibus et sin-
gulis communis. 185. quatenus
inefficax in incredulis. 186. et
cujus culpâ. 187. non est illusoria.
ibid.
 Volun-

I N D E X

Voluntas Dei antecedens & consequens
quatenus admittenda vel dam-
nanda. 56. seqq. signi & bene-
placiti quid. 59. rectè Deo tri-
buuntur. ibid. & sine contrarie-
tate. 60. Arcana & revelata
quid differant. 59.

Voluntatis humana concursus cum Pro-
videntia Dei datur. 135. quid
sit. 136. modus ejus 137. seqq.

non tollitur isto concursu ejus li-
bertas. 140. indifferens est in se,
non autem relata ad providen-
tiam Dei. 141.

Vsura Christianorum peiores quàm lu-
daorum 344.

Z.

Zippora exemplum non probat Ba-
 ptismum mulierum. 326.

F I N I S.



HENRICI ALTING
S. Theol. Doct. & Profess.
SCRIPTORUM
THEOLOGICORUM
HEIDELBERGENSIUM
Tomus Tertius :

continens

EXPLICATIONEM
CATECHESEOS PALATINÆ
*cum vindiciis à Considerationibus Novatorum,
& Antithesibus Socinianorum.*



AMSTELODAMI,
Apud JOANNEM JANSSONIUM
CLC DC XLVI.


THEOLOGICORUM
SCRIPTORUM

HEIDELBERGENSIVM

Tomus Tertius

continens

CATHOLICOS & LUTHERANOS



AMSTÆDAMI
Apud Joannem Janssonium
c. 1684.

Præfatio ad Lectorem.

Qui brevem hanc enarrationem, vindiciasque Catecheticas, cum prolixis aliorum & absolutis in hoc genere commentariis contulerit, facile animadvertet, diversum huius scripti scopum & occasionem fuisse. De quo ut Lectori constet, paulo altius rem arcescere non pigebit. Gliscentibus indies infelicibus illis, de quibusdam capitibus Religionis Controversiis, quæ totum postea Belgium concusserunt, cum pii ac prudentes Ecclesiarum Moderatores, (quoad illa capita à Synodo aliqua generali definirentur,) formulam expeterent publici in doctrinâ consensus: Synodus Suidhollandica anno huius seculi quinto sancivit, ut Confessio Belgica & Catechesis Palatina solenni deinceps subscriptione à singulis Pastoribus confirmaretur. Opposuerunt sese illico novorum dogmatum Patroni, acriter negantes præstari à se subscriptionem posse, nisi prius institutâ formularum ipsarum in Synodo Nationali revisione: utpote quas necessariâ censurâ & castigatione indigere observassent. Interim non obscure id egerunt, ut doctrinam Catecheseos Palatina, quæ circiter annos quadraginta in templis ac scholis eorum sonuerat, tanquam suspectam, toto Belgio proscriberent & exterminarent: quin etiam illius loco novam Catechesin ex suo ingenio procudere, & in Ecclesiam Gaudanam introducere non dubitarunt. In Palatinam verò cum integras Considerationum sylvas comportassent, easque rebus florentibus liberius & ex mente sua scriptas Ordd: Hollandiæ obtulissent; declinante postea fortunâ variè amputarunt, & sic contractas Synodo Nationali Anno M. DC. XVIII. Dordrecht habitatandem exhibuerunt. His porrò Considerationibus Novatorum etsi à Theologis Palatinis, speciali ad id mandato à Sereniss: Electore instructis, abunde eodem in loco est satisfactum, qui tamen Ecclesias suas, eorumque Confessionem propius tangerent, visum est Parenti nostro Heidelbergam reduci non abs re fore, si Orthodoxiam Catecheseos etiam publice assereret. Quapropter probante ac urgente institutum hoc Facultate Theologicâ & sepositâ ad tempus analyticâ expositione Institutionum Calvini, Exegetin Catecheseos prælectionibus ordinariis est aggressus: idque duplici

P R Æ F A T I O.

ferè scopo. Primò, ut *juventutem Theologicam*, qua inde à teneris *Catechetica institutioni* assueverat, iisdem vestigiis ad altiora paulatim manuduceret; adeoque textus verbis, ceu formula recepta, pressim inhaerendo, de præcipuis tamen Theologia capitibus illorum iudicium quodammodo formaret. Deinde, ut non modo *Considerationes Novatorum* in Synodo oblatas planè solideque refelleret, verùm etiam palmaria eorundem dogmata, qua dum *Elencticam* traderet in Palatinatu fermè erant incognita, per digressiones opportunas auditoribus suis proponeret, eorumque animos adversus nova hac sophismata pramuniret. Præterea, cum ex iisdem *Considerationibus* non obscure liqueret qualem reformationem Novatores intenderent, siquidem ex *Catechismo Polonico Smalcii* (*Racovianus* vulgo dicitur) quàm plurima depromserant; non præter institutum iudicavit Parens, si ex eodem libello *Antitheses Socinianas*, *Catechesi* oppositas, propè ipsorum verbis concinnaret, suisque singulas locis confutaret. Atque hæc sunt, qua præsens præstat *Commentarius*. quem à multis efflagitatum, & his quoque locis & temporibus apprime convenientem, duobus superioribus tomis meritò adiungimus. Quod si cui inchoata tractatio non aquabiliter decurrere videatur, eo quod extrema primis mole non usquequaque respondeant, is, præterque quod de brevisatis studio alibi est dictum, hoc quoque consideret, *materiae* condicionem non ubique tam diffusam explicationem postulasse; ut qua in tertiâ *Catecheseos* parte paucioribus cavillis obnoxia, nec tam gravibus controversiis est implicata. Caterùm ne huius quidem partis brevem & accuratam analysin omninò neglectam Lector agnoscat: qua verò ad pleniorẽ exegesiẽ requiruntur, ex aliorum, *Vrsini* præsertim ac *Parei*, commentariis uberioribus facillè supplebit.

PROLEGOMENA

IN

CATECHESIN.

TITULUS

CATECHESIS Religionis Christianæ, quæ tradi-
tur in Ecclesiis & Scholis Electoralis Pala-
tinatus ?

EXEGESIS.



Ox *Catechesis* in multas pervulgata lin-
guas, Græcæ originis est à verbo *κατηχέω*
circumsono, quod ex *κτ* & *ήχέω* compo-
situm, derivatur ab *ήχ* & *ήχώ* : *ήχώ* au-
tem sonum, sive simplicem, sive ex reflexu
& repercussione geminatum significat. *Usus*
verbi *κατηχέω* & *κατηχῶ* in scripturâ
Novi Testamenti triplex occurrit. I. *Ge-*
neratim usurpatur pro audire, sive accipe-

Catechesis
Etymologia

Homonymia

re aliquid ex aliorum relatu *Luc. 1. v. 4. Actor. 22. v. 21. 24.*
II. *Speciatim* sumitur pro vivâ voce instituere : quod Græci vo-
cant *διδασκαλεῖν* *Rom. 2. v. 18. Gal. 6. v. 6.* Quem
significatum Latinâ voce eleganter expressit Cicero in *proæmio*
lib. 3. Offic. ad Marcum filium, cum ait : *Conducere arbitror talibus*
aures tuas vocibus undique circumsonare, nec eas si fieri possit quic-
quam aliud audire. III. *Specialissimè* idem sonat, quod prima
Religionis rudimenta vivâ institutione tradere, & quasi insusur-
rare *Actor. 18. v. 25. 1. Corin. 14. v. 19.* Hic tamen significatus
multo illustrior est in prisçæ Ecclesiæ scriptoribus, qui usum vo-
cis ad Elementarem hanc docendi rationem contraxerunt, eique
a propriam

propriam quasi fecerunt. Unde Catechesis propriè est Elementaris institutio Christianæ Religionis vivâ docentis voce tradita, & à discipulis repetita. Per metonymiam adjuncti verò est ipsa doctrina Religionis, tali institutionis formâ proponi solita: quo sensu in titulo hujus Libelli accipitur.

Synonymia.

Synonyma voces sunt, quas recenset Apostolus *Heb. 5.6. cap.* ubi doctrinam Catechetica vocat τὰ στοιχεῖα τῆς ἀρχῆς τῆς λογικῆς τῆς Θεῆς; Item τὸ γὰρ lac. Rursum τῆς ἀρχῆς τῆς Χριστοῦ λόγον Sermonem inchoantem rudes in Christo; denique τὸ θεμελίον, Fundamentum doctrinæ Christianæ. Nec alio sensu Tertullianus Catechesin *Rudimentum*, *Tyrocinium*, & *Initium eruditionis* appellavit *lib. de Idololat. cap. 10. & de Pœnit. cap. 6.*

Conjugata.

Prætereundæ etiam non sunt voces *Conjugata* Catechetarum ac Catechumenorum; quarum explicatio veterem Catechizandi consuetudinem nobis repræsentat.

Catecheta
qui.

Catecheta sive *Catechista* erant Doctores Ecclesiæ, profitentes doctrinam Catechetica, eamque auditoribus suis, tum junioribus, tum adultis ad fidem Christi recens conversis, instillantes. Quales initio quidem ex reliquis ministerii Ecclesiastici ordinibus promiscuè legebantur; ubi verò incrementum cœpit Ecclesia, propter varietatem ac molem negotiorum paulatim distingui à cæteris, ac in peculiarem classem redigi cœperunt, Ambrosio teste, *comment. in Epist. Ephes. cap. 4.* De officio fusè præ cæteris scripsit Augustinus *lib. de Catechizandis rudibus, cap. 3. 5. seqq. & contra Faustum Manicheum lib. 13. cap. 7. deinceps ad finem usque.* Vivâ autem voce non solum imitatione Patriarcharum, Prophetarum, ac Apostolorum usi sunt: verum etiam ut summam sanæ doctrinæ latè diffusam contrahere in pauca possent; & quod vocalis traditio habet nescio quid (ut Hieronymus loquitur) latentis energiz: Unde, sicut efficacior est, altiusque præcepta infigit auditorum animis: ita attentiores omnes reddit. Excelluerunt olim hoc in genere in Ecclesiâ Alexandrinâ, *Pantenus, Clemens, Origenes, Heraclas, Dionysius*: In Ecclesiâ Hierosolymitanâ, *Cyrillus*: In Carthaginensi, *Deogratias*: Alii alibi, ab Eusebio, Hieronymo, Augustino meritis laudibus celebrati.

Catechumeni
qui.

Jam *Catechumeni*, qui & κατηχούμενοι & κατηχηται dicti sunt, ii erant, qui doctrinam Catechetica absque librorum adminiculo solâ docentis voce discebant. Hos Apostolus nominat

nat ἀπειρος λόγῳ δικαιοσύνης, rudes sermonis justitiæ : Item
 νηπιός Infans Hebr. 5. v. 13. Patres verò *Audientes*, sive Audi-
 tores, *Incipientes*, Novitiolos, Competentes, Illuminandos ap-
 pellare consueverunt : quorum nominum ratio ex praxi Veteris
 Ecclesiæ eruenda est. *Audientes* sive *Auditores* dicebantur, quod
 principia Religionis $\alpha\upsilon\delta\iota\omega$ ἤκουον h. e. vivâ voce auribus insonan-
 te perciperent. *Incipientes*, quod primum inciperent discere ru-
 dimenta Christianismi. *Novitioli*, quod noviter nomen Christo
 dedissent, ejusque se mysteriis imbuendos tradidissent. *Compe-*
tes, quod postquam doctrinam Religionis didicissent, pete-
 rent unâ cum aliis sacro initiari Baptismo, atque Ecclesiasticæ com-
 munioni inseri. *Illuminandi* denique, quod in Baptismo uberiores
 spiritualis gratiæ ac illuminationis mensuram sperarent & exspe-
 ctarent. Qui verò, accepto Baptismo, & manuum impositione, ex
 classe Catechumenorum dimittebantur, quod statò anni tempore,
 maximè à feriis Paschatis & Pentecostes fiebat, *fideles* & *illumina-*
ti vocabantur.

Ordo eorum
triplex.

Triplicem porro ordinem fuisse legimus Catechumenorum, in quibus nominum illorum ratio variat. *Unus* erat eorum qui discabant Catechesin, & fieri Christiani volebant, sed nondum petierant Baptismum; qui propriè erant Audientes, sive auditores: *Vide Tertullianum lib. de Pœnit. cap. 6. & Prascrip. advers. hæretic. cap. 41. Cyprianum etiam lib. 3. Epist. 17. Alter* eorum, qui jam pridem accesserant, & in fide instituti Baptismum petebant, & dicebantur Competentes, ut est apud Augustinum *lib. de curâ pro mortuis cap. 12. & Hieronymum epist. ad Pammachium. Tertius* eorum qui in infantia Baptizati, postquam nonnihil adolevisent, in Catechesi instituebantur; & impositione manuum confirmati ad sacram communionem recipiebantur; qui à Clemente & aliis *In-*
cipientes dicti sunt.

Susceptores
Catechume-
norum.

Ab utrifque tam Catechetis quàm Catechumenis diftincti fue-
re, quos olim *Sufceptores* appellabant, quorum id munus, ut
Catechumenos primum ad Catechetas adducerent, ac pro fide
ipforum & obfequio religiofè fponderent.

Hæc de voce *Catechismus*: Cujus descriptio ex Subjecto tum Occupante, tum Loci sumitur.

Subjectum occupans, five *Objectum* est Religio Christiana, circa quam pro captu rudiorum explicandam versatur. *Religio*, si

Religio un-
de dicta.

Ciceroni credimus, dicitur à relegendo: qui enim omnia quæ ad DEORVM cultum pertinerent, (inquit lib. 2. de nat. Deor.) diligenter pertractarent, & tanquam relegerent, Religiosi dicti sunt. Lactantius tamen divinarum Institutionum lib. 4. cap. 28. à religando eam deducit; quod cultores numini religet, i. e. obliget atque obstringat. Hæc, ait, conditione gignimur, ut generati nos Deo iusta & debita obsequia præbeamus, hunc solum noverimus, hunc sequamur. Hoc vinculo pietatis obstricti Deo & religati sumus: Vnde ipsa Religio nomen accepit; non, ut Cicero interpretatus est, à relegendo. Et sub finem capitis: Melius ergo Lucretius id nomen interpretatus est, qui ait, religionum se nodos exsolvere. Ad idem ἐτυμολογία alludere videtur Augustinus lib. de verâ relig. cum inquit: Quod cultu Dei animas nostras religemus Deo, à quo defeceramus. Et de doctrinâ Christianâ lib. 3. cap. 6. de cæremoniis Veteris Testamenti loquens, ait, illas opinionem observantium ad cultum unius Dei religasse. Quid autem sit Religio, docet Cicero lib. 2. de Invent. Religio, inquit, est, quæ superioris cuiusdam naturæ, quam divinam vocant, curam cæremoniæque adfert. Item Religionem eam, inquit, quæ in metu & cæremoniâ DEORVM sit, appellant. Quibus verbis cultum internum & externum conjungit, quem superstitione gentilis, fictitiis numinibus; Religio Christiana vero Deo exhibet. Nos eam cum Paulo definimus Agnitionem veritatis, quæ est secundum pietatem; Tu. 1. 1. ut tum recto de Deo sensu, tum pio ejus cultu constet. Ex quâ definitione pendet metonymica vocis significatio, quâ hoc loco, pro doctrinâ veritatis & pietatis, sive veri ac salutatis Dei cultus accipitur.

quid sit.

cur Christiana
na vocetur.

Christiana Religio vocatur κατὰ διάνοιαν, ut distinguatur à Religionem non Christianâ, Paganâ, Mahumetanâ, Judaicâ; vel ab Antichristianâ, Pontificiâ: quæ aut verum Deum non agnoscunt, aut cultum ejus horribiliter adulterant. Hoc epitheton jure merito veræ Religionem tribuitur; tum quia à Christo ex sinu æterni patris prolata, & nobis revelata est, Iohan. 1. v. 18. tum quia Christum Servatorem præcipuè docet, Iohan. 20. v. 31. 1. Cor. 2. v. 2. per quem reconciliati Deo, & veluti religati sumus, Ephes. 1. v. 10. seqq. Col. 1. v. 20. 21. 22. tum etiam quia omnes veri Christiani hanc doctrinæ, sive Religionis formam tenent, ac profitentur Act. 11. v. 26. Matth. 28. v. 19. 20.

Hinc jam intelligimus, verbum Dei Scripturis Prophetiis & Apostolicis comprehensum, esse unicam basin ac normam doctri-

Catecheticae. Si enim doctrinam Religionis tradit Catechesis; tradit veram Dei agnitionem & salutarem ejus cultum, præscriptum in verbo, extra quod Deus nec rectè agnoscitur, nec piè colitur. Si Religionis Christianæ doctrinam tradit; tradit doctrinam Evangelii de Christo, solo Dei verbo nobis patefactam. Sed quæ verbum istud sparsim ac fusè exsequitur Religionis capita, ea καὶ ἐπιτομὴν & Synecdochicè Catechesis declarat; prout nonnulla eorum commemorat Apostolus *Heb. 6. v. 1.* Quæ causa est quod *ἡ συντομία τῶν λόγων τῶν ἁγίων* sanorum sermonum, & *typus* quidam doctrinæ appellatur *1. Tim. 1. v. 13. Rom. 6. v. 17.*

Locus scriptionis.

Subjctum Loci sunt Ecclesiæ & Scholæ Electoralis Palatinatus titulus docet. His namque initio peculiariter scripta fuit Catechesis: *Palatina*, sive *Heidelbergensis* ab iis denominata. *Causus, scriptio* Serenissimi Electoris *Friderici Pij* præfatio, nec non temporum illorum historia aperit. Sunt autem duæ potissimum. *Vna*, ut tam docentes quàm discentes certam formam doctrinæ in conspectu haberent, quam in templis & Scholis observarent. *Alter*, ut dissensionibus & Schismatis Ecclesiasticis obviam iretur; quæ facilè enasci & radicari solent, ubi Ecclesiarum & Scholarum moderatores pro suo singuli judicio genus doctrinæ formant aut immutant. *Scriptores* præcipui fuere Theologi Heidelbergenses; imprimis *D. Ursinus*, & *Olevianus*; qui, cum collatis inter se consiliis & operis confecissent Catechesin, censendam eam dederunt Inspectoribus Ecclesiarum Palatarum, viris doctissimis, & rerum Theologicarum peritissimis, publicâ autoritate ad id evocatis, quorum consentientibus suffragiis approbata, sub nomine Electoris *Friderici* beatissimæ memoriæ felicibus auspiciis in lucem prodiiit *Heidelbergæ Anno 1563. Januar. mense.*

Causa scriptionis.

Scriptores.

Non defuerunt quidem qui recens editam famosis libellis insectarentur, & totâ Germaniâ proscribendam publicis Imperii comitiis vociferarentur; sed vanis clamoribus & irritò conatu. Siquidem ab illo tempore veritas doctrinæ Catechetice magis magisque illustrari, & ipsa Catechesis exteris etiam Ecclesiis commendabilior fieri cœpit: id quod cum aliis documentis tum tribus hiscè evidentissimè ostenditur. **I.** Quod in varias easque florentissimas orbis Christiani provincias magno piorum gaudio & fructu introducta est, atque etiamnum obtinet: cujus primum exemplum

Approbatio ejus.

exemplum dedere Ecclesię Belgicę, Anno 1571. Catehesi decreto Synodico publicè receptâ atque stabilitâ. II. Quod in plurimas linguas translata fuit, Latinam, Belgicam, Saxoniam, Britannicam, Gallicam, Italicam, Bohemicam, Polonicam, Hungaricam, Græcam etiam & Hebræam, & non ita nuper in Indicam quoque. Sed authentica est sola editio Germanica, in qua omnia non rotundiora modò, sed etiam *ἐμφανέστερα* sunt: Ei proxima est versio Latina à Josuâ Lago, & Lamberto Pithopæo adornata, publicèque approbata. III. Quod innumeris commentariis, Germanicis, Latinis, & aliarum linguarum illustrata est: quos inter Urfiniani, explicationum Catechetiarum titulo evulgati, primas facile tenent.

Quæ omnia de titulo Catecheseos procerum loco dicta sufficiant.

Considerationes Catecheticae Novatorum ad Titulum.

An institutio
Catechetica
conveniat ju-
nioribus &
adultiori-
bus.

I. Consideratione dignum videtur sine instituendi ratio in Catehesi hęc usurpata, apta satis erudienda juventuti pro captu ejus in Religione Christianâ: cum rerum ipsarum respectu, quæ in ea tractantur & plurima, & gravissima ac difficillima: tum ratione modi, qui iisdem explicandis & pertractandis adhibetur, cum is talis videri possit, qui ad captum juniorum & rudiorum non sit satis accommodatus, neque ab iis facile percipi aut retineri queat. Si verò etiam ad adultos eam referre & adhibere velimus, à primâ illius institutione & usu recedere, & homines à verbo Dei ad scripta humana nimium avocare videmur.

Respond. Catechesis, quæ Heidelbergensis vulgo dicitur, conscripta est in usum Ecclesiarum & Scholarum Palatarum, in quibus cum non modò juniores, sed etiam adulti informandi sint in agnitione veritatis quæ est secundum pietatem, ita omnino fuit adornanda, ut & illi lac Elementorum Christianismi, & isti solidum cibum in eâ reperirent. Modus Explicationis naturæ rei, & rectæ παιδείας *τεόνω* convenientissimus est, ab Apostolo Paulo præmonstratus in aurêâ illâ ad Romanos epistolâ: In cujus tamen subsidium non solum quæstiones difficiliore à faciliore asteriscis discretæ sunt in multis editionibus, verum etiam tota Catechesis in Epitomen redacta. Qui verò Catechizationem adultorum præposteram censent, nec priscae Ecclesiæ circa Catechu-
menos

menos jam grandes consuetudinem multis hodieque locis receptam attendunt, oblitique videntur communis infirmitatis, quâ sæpenumero accidit, ut quos oportuit pro temporis ratione Doctores esse, rursus opus sit doceri, quæ sint Elementa initii eloquiorum Dei, prout de Hebræis suis conqueritur Apostolus Heb. 5. v. 12. Neque hoc est à verbo Dei abducere homines, sed ad illud quasi manu ducere, adeoque facilioris intelligentiæ facem ipsis accendere & præferre.

II. *Considerandum quoque videtur, an Catechesis quantum fieri potest, verbis ac phrasibus Sacra Scriptura constare non debeat.*

An verbis
Scripturæ
constare de-
beat?

Respond. Alicubi constat verbis & phrasibus Scripturæ: ut ubique constaret, continuo quasi dictionis filo ex iis contexta, id verò necesse non fuit: partim quia præcipua capita Religionis ex Scripturâ & secundum ἀναλογίαν ejus breviter & populariter debuit declarare: partim etiam glossis & corruptelis hæreticorum viam obstruere, qui sub generaliore scripturæ phraseologiâ latere, & simplicioribus imponere solent.

III. *An Catechesin publicè pro concione populo sine textu sacra scriptura aperto capite prælegi ac proponi debeat: & an honor ille soli verbo Dei deferendus non sit; cum neque ex libris Apocryphis textum aliquem prælegere aut explicare ministris verbi Dei liceat.*

An pro con-
cione expli-
care eam li-
ceat.

Respond. Catechesis est brevis explicatio capitum Religionis ex ipsâ Scripturâ petita, & Ecclesiæ judicio approbata; Quidni ergo prælegere eam liceat, & in conventibus publicis populo fideli proponere? Sive autem id fiat præmissio textu sacro, sive omisso; sive aperto sive operto capite; nos quidem parum interesse arbitramur. In Palatinatu tamen textus sacer rei conveniens præmitti solet, populus etiam tecto capite quæstionum explicandarum recitationem audire. Iniqua verò & plena calumniæ comparatio est, quæ inter Catechesin & libros Apocryphos instituitur: Nam libris illis fabuloso multa & falsa inesse certò constat; cujusmodi Catechesin quoque continere ipsi ne profiteri quidem audent, tantum abest ut demonstrare se posse confidant.

IV. *Cum etiam metuendum sit, ne progressu temporis multi Catechesin pro Verbo Dei, & libro aliquo Canonico habeant & reputent, considerandum est, an isti errori occurrere jam aliquâ ratione non debeat: ut omnes Catechesin non Canonicum librum, sed scriptum humanum esse intel-
ligant;*

An non me-
tuendum sit,
ne pro libro
Canonico
habeatur.

ligant; præcipue cum in hac Synodo, ut tali errori, quoad libros Apocryphos, occurreretur, multis modis prospectum sit.

Resp. Inanis ille metus est, obtensus potius in odium Catecheses, quam ex periculo aliquo, sive præsentis sive futuro conceptus. Ubi & quando vel fando auditum Catechesin haberi pro verbo Dei, aut libro aliquo Canonico? Abunde cautum ei rei in ipsâ Catechesi. De iniquâ comparatione inter ipsam & libros Apocryphos modò diximus.

An possit dici parva Biblia?

V. *An circumspectè satis sit dictum Catechesin esse parva Biblia, ad cuius capita omnis doctrina atque conciones possunt examinari. Constat enim Bibliorum scriptoribus tribui quod errare non potuerunt: at non idem dici de Catechismi autoribus.*

Resp. Cujus id dictum sit, nos quidem latet. Nobis parva Biblia sunt quinque capita Religionis Christianæ, ad quæ omnis doctrina atque conciones possunt & debent examinari. Catechesis verò illorum Bibliorum sive capitum brevis & popularis explicatio est, ex Bibliis majoribus Veteris & Novi Testamenti collecta, humanâ opera. Unde etiam capita illa distinctis locis in Catechesi verbotim proponuntur.

An omnes responsiones ejus ad salutem necessariae sint?

VI. *An omnes Articuli, sive Responsiones in Catechesi, ad salutem necessariae sint.*

Resp. Ipsa capita Religionis, quæstionibus Catecheticis explicata ad salutem necessaria sunt, dispari licet necessitatis gradu. De modo explicationis id nemo affirmat.

An ministri ad singula verba ejus obligati sint?

VII. *An ministri verbi Dei tantum ad dogmata Catholica, & substantiam doctrinæ Catecheses, an verò, etiam ad singula verba, phrasas, & circumstantias obligati & obstricti sint.*

Resp. Utinam verò definirent aliquando illa toties decantata Catholica dogmata. Si ea esse volunt, quæ omnes Christi nomen & Euangelium professi concorditer agnoscunt, nos ad illa solum docenda obligari ministros Ecclesiæ negamus. Sin ista, quæ secundum capita Religionis ordine in Catechesi pertractantur, distinguimus. Nam ad ipsa capita quidem obligantur tanquam ad normam sensus: ad explicationem verò eorum non aliter, quam ad formam consensus Ecclesiastici, in Ecclesiâ, ad servandam doctrinæ puritatem, summè necessarii.

An quoad loca de Scripturâ & Deo sit inutilia?

VII. *Annon duobus hisce modis potissimum mutila & imperfecta sit hujus scripti tractio: quod scilicet hac duo præcipua dogmata, pri-*

num, de Sacra Scriptura autoritate, perfectione, & perspicuitate; alterum, de naturâ Dei ejusque proprietatibus, ex professio & debite inspiciam in eâ proponantur.

Resp. Ne illa quidem desunt, quatenus requiruntur ad Catechetica institutionis modum. Nam de autoritate, perfectione, & perspicuitate Scripturæ non obscure agitur quæst. XXII. XXV, LXV. CIII. & aliis nonnullis. De naturâ & proprietatibus Dei, quæst. XI. XXV. XXVI. XXVII. XXXV, LIII. Meminisse etiam debebant Catechesin esse explicationem parvorum Bibliorum, sive quinque capitum Religionis: quæ cum ex professo aut fusè de dogmatis illis non differant, nihil mirum si in Catechesi brevius aut incidenter solum attingantur.

IX. An ita tractentur omnia in Catechesi, prout ad pacem & concordiam inter Ecclesias reformatas servandam tractari ea oportet.

An ad pacem servandam faciat?

Resp. Pax & concordia Ecclesiarum reformatarum, quâ inter se devinctæ sunt, primò ac præcipuè consistit in unitate fidei, ac doctrinæ Orthodoxæ consensu *Ephes. 4. v. 9. 3. seqq.* In quo cum conspiret Catechesis cum aliarum Ecclesiarum confessionibus, prout earundem harmonia testatur, paci quoque inter illas servandæ ac propagandæ satis accommodata est. Si verò existimant Consideratores pacis causâ dogmatum quorundam expositionem rejiciendam, & in Catechesi inducendam; nos quidem ii non sumus, qui tanto dispendio malè factam concordiam redemptam cupimus.

X. An loca Scripturæ ad marginem Catechismi annotata pro parte ejus haberi debeant, adeò ut si quis in eorum citatione fortè commissus fuerit error, in ipso scripto commissus censeri debeat: & an qui istis scriptis subscribunt, subscriptione ista sese obstringant, non alium in finem se locis istis usus, quam quo in scriptis istis allegata sunt. Si affirmatur, an non sit necessarium cavere, ne quis autoritate privata ea immutet.

An dicta Scripturæ marginalia sint pars-ejus?

Resp. Loca Scripturæ ad marginem Catechismi annotata veritatem quidem textus Catechetici partim declarant, partim demonstrant; non tamen ejusdem planè cum ipso textu conditionis sunt. Fieri namque potest, ut qui de textu Catechetico pulchrè consentiunt, dissentiant inter se de sensu locorum; quod ea sæpenumero aliam atquæ aliam interpretationem admittant. Ideoque salvâ Catechesi, salva etiam subscriptione, qua in illam formam doctrinæ consensum est, allegata Scripturæ non modò aliter

accipi: verum etiam pro concione alia his substitui aut plura coacervari possunt. Interim & hic levitas & alienæ operæ fastidium abesse debet, caverique sedulo, ne quod publico deliberatoque consilio approbatum est, autoritate privatâ improbetur, & abrogetur.

*Antitheses Catecheticae Socinianorum
ad Titulum.*

Antithesis I.

Religio Christiana est via patefacta divinitus vitam æternam consequendi. Causa patefaciendæ viæ salutis fuit, quod eam homo nullâ ratione, per se cognoscere potuit, utpote mortalis initio creatus; deinde verò propter transgressionem mandati divini morti æterna subiectus. Viæ autem salutis consistit in agnitione tum unius illius Dei, qui est pater Domini nostri Iesu Christi; tum ipsius Christi, qui verus ac divinus homo est, & voluntatem Dei nobis perfectè manifestavit, & confirmavit innocentiam vitæ, miraculis, & ipsâ morte.

Responsio.

Religio
Christianæ

homini per
se incognita.

sed à Deo re-
velata.

Definitio five descriptio Religionis Christianæ Socinianorum, quæ primo adspectu sana & Orthodoxa videtur, penitiorè intuitu & declaratione heterodoxa atque hæretica evadit, five causam patefactionis divinæ, ex quâ pendet Religio; five objectum ejus, in quo consistit, spectemus. Certum est hominem ex se, & per se viam salutis nullâ ratione cognoscere potuisse. Solus Deus est qui gratuitâ bonitate eam patefecit inde ab initio mundi, ante & post lapsum; quod & dicta Scripturæ, *Iohan. 1. v. 18. Math. 16. v. 17. 2. Corinth. 2. v. 9. 10.* & alia innumera comprobant. Sicut verò post lapsum causâ repetitæ & ampliatae patefactionis, fuit caligo & cæcitas mentis humanæ, quâ notitia Dei ac rerum divinarum, quæ fulgebat in homine integro, obscurata fuit & abolita; *Iohan. 1. v. 5. 9. 1. Corinth. 1. v. 21.* Ita ante lapsum causâ patefactionis fuit agnitio, celebratio, & cultus Dei; qui propterea hominem ad imaginem suam, hoc est, sapientem, justum, & sanctum condidit, quod ab ipso agnosci, celebrari ac colivellet *Genes. 1. v. 26. Colos. 3. v. 10. Ephes. 4. v. 24. Proverb. 16. v. 4.* Falsa igitur causa est, quæ in mortalitate primo homini creatâ ponitur. Neque enim mortalis fuit ex creatione; sed factus est

est ex peccato secundum comminationem Dei, *Genes. 2. v. 17.* ut infra suo loco dicetur. Et hætenus heterodoxa est Socinianorum assertio. Hæretica verò & blasphema etiam est, quod objectum hujus patefactionis & ipsius Religionis attinet. Vita æterna omnino consistit in cognitione veri Dei, & quem ipse misit Jesu Christi; *Iohan. 17. v. 3.* Sed solus Deus non est solus Pater, excluso à veræ Deitatis communione Filio & Spiritu Sancto; verum unâ cum Patre etiam Filius & Spiritus Sanctus, exclusis tantum creaturis & fictitiis numinibus. Nam & Filius verus ille Deus vocatur, *1. Ioh. 5. v. 20.* par five æqualis Patri: *Ioh. 5. v. 18. Phil. 2. v. 6.* Et Spiritus Sanctus verus Deus est, *Act. 5. v. 3. 4. 1. Corinth. 3. v. 16.* consubstantialis & coæqualis Patri & Filio. *1. Ioh. 5. v. 7. Mat. 28. v. 19.* Præterea, quemadmodum Jesus Christus personâ non divinus homo, sed homo Deus, five *θεὸς ἁνθρώπου* est; sic in munus sui administratione non tantum nobis manifestavit & confirmavit viam salutis, verum etiam ipsam salutem passionem ac morte suâ, in quâ est plenissima pro peccatis nostris satisfactio, nobis acquisivit, & Deitatis suæ virtute eam efficaciter nobis applicat, potenterque conservat *Matt. 20. v. 28. Act. 20. v. 28. Eph. 5. v. 23. Ioh. 10. v. 28.* Quâ de re alio loco ex professo agetur.

Via salutis
quæ.

Antithesis II.

Veritas Religionis Christiana ab autore ejus dependet, qui est homo divinus Christus Iesus. Is enim doctrinam à se traditam miraculis verè divinis confirmavit; & cum ejus causâ mortem acerbissimam adisset, è mortuis à Deo excitatus fuit.

Responsio.

Autor Religionis Christianæ & quomodo.

In adstruendâ veritate Religionis Christianæ, efficientis respectu, tergemino errore discedunt à vero. Unus est quem modo notavimus & damnavimus, quod Christus fuerit homo divinus, non homo Deus, five Deus & homo in unâ personâ. Alter, quod miracula verè divina ediderit, absq; verâ sibiq; propriâ Deitate; contra Scripturam *Luc. 4. v. 36. Ioh. 5. v. 17. 18. cap. 20. v. 31.* Tertius, quod resuscitatus sit à mortuis ad confirmationem doctrinæ; non etiam ad nostri justificationem & sanctificationem morte suâ nobis acquisitam, ut est *Rom. 4. & 6. cap.* quod item resuscitatus fuerit virtute Deitatis Patris, non suæ: contra Apostolum, *Rom. 1. v. 4. & ipsum Christum Ioh. 2. v. 19. 21. & cap. 10. v. 18.*

Antithesis III.

Insuper eadem veritas ex iis rebus : quibus constat hac Religio, ostendi potest, è præceptis nimirum & promissis. Nam & præcepta perfectam vitam sanctimoniam, & promissæ summum atque perfectissimum bonum comprehendunt.

Responsio.

Veritas Religionis in quibus consistat.

& unde ostendatur.

Ex præceptis & promissis divinis utique demonstrari potest veritas Religionis, sed in præceptis confundenda non sunt Lex & Evangelium, prout Sociniani faciunt, qui totum Evangelium, in legale genus doctrinæ transformant; & ipsam fidem Evangelii per obedientiam mandatorum Dei definiunt. In promissis quoque non tantum numeranda est promissio vitæ æternæ, ejusque spes; sed inprimis promissio remissionis peccatorum per sanguinem Christi, sanctificationis per spiritum ejus, & finalis perseverantiæ, & si quæ aliæ factæ sunt fidelibus in novo fœdere *Jerem. 31. v. 31. seqq. & cap. 32. v. 39. 40.* Quas ipsi universas excludunt ab ordine promissorum divinorum. Insuper promissum vitæ æternæ ejusque spem ad solos fideles Novi Testamenti contrahunt. Rectius igitur Christianæ Religionis veritas ex Lege & Evangelio distinctè ostenditur. *Ex Lege*; quia doctrinam legis integram & incorruptam tradit, veram Dei agnitionem & sincerum ejus cultum, tam internum quam externum, tam immediatum quam mediatum præcipiens & exigens. *Ex Evangelio*; quia tradit integram & incorruptam doctrinam Evangelii de Christo; quod is sit verus Deus & verus Homo, adeoque mediator Dei & hominum; in quo solo justitia & salus universa quærenda, & per fidem accipienda sit.

QUÆST. I. Quæ est unica tua consolatio in vita & in morte?

RESP. *Quod animo pariter & corpore, sive vitam sive moriar, non meus, sed fidissimi Domini & Servatoris mei Iesu Christi sum proprius, qui precioso suo sanguine pro omnibus peccatis meis plenissimè satisfaciens, me ab omni potestate Diaboli liberavit; meque ita conservat, ut sine voluntate patris mei cælestis ne pilus quidem de meo capite possit cadere; imo verò etiam omnia saluti meæ*

mea servire oporteat. Quocirca me quoque suo Spiritu de vitâ aternâ certum facit, utque ipsi deinceps vivam, promptum ac paratum reddit.

EXEGESIS.

Ex lege Methodi analyticæ primo loco ponendus est finis, ^{Methodus} qui quæritur: inde subordinanda media, per quæ finis obtine- ^{Catecheseos} tur, & in subjectum introducitur. Rectè igitur Catechesis, quæ Methodo analyticâ conscripta est, finem doctrinæ Religionis primâ quæstione & responsione præstituit & explicat; simul verò illo ipso proœmio & attentionem Catechetica institutioni conciliat, monstrato fructu, qui ex eâ ad discentes redit: & universam ejus summam artificiosè complectitur; ut quid in sequentibus expectandum sit, primâ statim fronte appareat. *Finis* ille non remotus aut ultimus, sed proximus est, hominem in hujus vitæ miseriis positum spectans, constitutus ex Paulo, *Rom. 15. v. 4.* & in quæstione ac responsione forma propositionis Categoricæ enunciatur & declaratur.

Subjectum ipsâ quæstione expressum est *consolatio*, hoc est, argumentum consolationis, sive bonum aliquod, ^{Consolatio} ^{quæritur.} cuius sensu animus mediis in malis erigitur & sustentatur. Quæ vocis significatio metonymica est: nam propriè boni illius notitiam, intuitum & sensum designat. Qualis porrò sit consolatio de quâ quæritur, tribus epithetis, seu notis quibusdam exprimitur. I. *Unica*, id ^{unica.} est, solida, firma ad consolandum sufficiens & efficax, *Heb. 6. v. 18.* in quâ animus non modò securè, sed etiam plenè acquiescit, & præter quam aliam non desiderat *Iohan. 4. v. 14. & cap. 6. v. 35.* II. *Tua*, hoc est, cujusque fidelis propria. Quemadmodum enim ^{tua.} iustus non nisi ex suâ fide vivere, *Hab. 2. v. 4.* ita suo tantum bono, ad se pertinente, se solari & in adversis sustentare potest. III. *In vitâ* ^{invitâ & morte.} & *in morte*, hoc est, permanens & perseverans, non destituens hominem, vel in ærumnis vitæ, vel in angoribus mortis; sed in omni afflictione eum consolans, *2. Corinth. 1. v. 4.* ut non immeritò *æterna consolatio* dicatur *2. Thess. 2. v. 16.*

Predicatum sequitur in Responsione, ubi initio summa talis consolationis proponitur; inde verò distinctè explicatur. *Sum-* ^{Summa Consolationis.} *ma* hæc est: Quod Christus sit fidelissimus Dominus & servator fidelium suorum, & hi ipsius proprii. Fundamentum igitur con-

Dominium
Christi in re-
demtos ejus
fundamen-
tum.

Fideles
Christi pro-
prij quate-
nus.

Dominii hu-
jus Efficiens.

Procreans
redemptio
nostri per
Christum.

solationis Christianæ ponitur in Dominio illo quo Christus re-
demtos nos à peccato & morte sibi proprios dicavit. Nec imme-
rito. Si enim nostri essemus, nobis relictì, sive quoad vivendi li-
centiam, sive quoad nos ipsos servandi facultatem; actum utique
& conclamatum esset de nostrâ salute, nec quicquam bonæ spei
aut firmæ consolationis reliquum nobis esse posset. Christi verò
proprii dum sumus, in populum ipsius & peculium adsciti, de
salute nostrâ non modò bene sperare, sed etiam certò confidere
debemus. Est enim fidissimus Dominus & Servator: qui & vult
nos servare, tenerrimò & vehementissimo in nos amore propen-
dens, *Rom. 5. v. 8.* & potest servare, *Heb. 7. v. 25.* ut qui omni pote-
state in cœlo & terrâ salutis nostræ causâ donatus est *Math. 28. v.*
18. Atque hoc est, quod ait Apostolus *1. Corinth. 6. v. 20.* *Non estis*
vestri juris; nam emti estis pretio. Item *cap. 3. v. 23.* *Vos estis Christi.*
Porro quomodo ipsius proprii sint singuli fideles, ex partibus eo-
rum essentialibus, nec non ex adjuncto temporis ostenditur. *Pro-*
prij sunt. I. *Animâ & corpore,* hoc est, quanti quanti sunt; ut nihil
prorsus eximatur à salvifico hoc Christi Dominio, sicut scriptum est
1. Cor. 6. v. 20. *Glorificate Deum in corpore vestro, & in spiritu vestro,*
quæ sunt Dei. II. *Sive vivant sive moriantur,* hoc est, in omni statu,
tum præsentè, tum futuro, tum vitæ tum mortis. *Nam sive vivi-*
mus, Domino vivimus; sive morimur, Domino morimur; sive igitur vi-
vamus, sive moriamur, Domini sumus, inquit Apostolus *Ro. 14. v. 7.*

Hæc summa est Christianæ consolationis, quæ deinceps,
partim à causis efficientibus hujus Dominii; partim etiam ab ef-
fectis declaratur. *Causarum efficientium* duæ species ordine com-
memorantur. Una procreans, altera conservans: quæ aptè re-
spondent duplici illi servandi modo, quo Christus Servator no-
ster esse dicitur, merito & efficaciâ. *Procreans* est redemptio nostri
per Christum; cujus quasi partes statuuntur satisfactio pro pec-
catis, & liberatio à potestate Diaboli. Ut enim Christus nos si-
bi proprios assereret, primò satisfecit justitiæ Dei vindicatrici pro
peccatis nostris, non aliquibus, sed omnibus; non semiplenâ aut
imperfectâ, sed plenissimâ satisfactione; atqui ita nos perfectè
Deo reconciliavit: Deinde etiam ab omni potestate Diaboli, sub
quâ captivi tenebamur, propter peccatum, nos liberavit; ut jam
& à reatu peccati, & ab ejus servitute, & à morte æternâ liberi &
immunes simus. Quæ omnia Christi beneficio consecutos nos esse
his

his & similibus dictis evincitur. 1. *Ioh.* 1.v.7.9. *cap.* 2.v.2. 1. *Tim.* 2.v.6. *Act.* 20.v.28. 1. *Iohan.* 3.v.8. *Hebr.* 2.v.14.15. 1. *Cor.* 15.v.55.56.57. Modus redemptionis consistit in λύτρωσιν sanguinis Christi, quo precio mediante à peccato & morte nos sibi redemit. Sic enim Petrus 1. *epist.* 1.v.18.19. *Scitis vos non corruptibilibus rebus, argento vel auro redemptos fuisse, sed precioso sanguine Christi; ubi tamen per sanguinem tota humiliationis obedientia synecdochicè intelligenda est.* Et pretiosus sanguis vocatur, tum quia est filii Dei, 1. *Iohan.* 1.v.7. tum etiam, quia est agni illius inculpati & incontaminati, qui tollit peccatum mundi 1. *Petr.* 1.v.19. *Iohan.* 1.v.29. *Conservans* est perpetua illa Christi custodia, quâ nos in gratiâ reconciliationis & liberationis ad finem usque conservat 1. *Corinth.* 1.v.9. 2. *Thess.* 3.v.3. Nam quæ nostra est infirmitas & ad lapsum proclivitas: millies singulis momentis excideremus hâc gratiâ, nisi divinâ Christi virtute in eâ tum retineremur, tum stabiliremur. Quod ipse Servator prolixè ostendit, *Iohan.* 17. & alibi. Bisariam autem amplificatur hæc nostri conservatio. I. *A minori.* Ne pilus quidem de capite nostro potest cadere, sine voluntate patris nostri cœlestis; tam ei curæ sumus, ut est *Matth.* 10.v.29.30. Ergo multò minus graviora citra ejusdem voluntatem nobis obveniant, nec salute æterna unquam excidemus. Ratio; quia *hec est voluntas Patris, ut quicquid dedit Christo, non perdat ex eo, sed susciet illud ultimo illo die, Iohan.* 6.v.39. II. *A speciali modo conservationis:* Deus, quæ nobis immittit mala, aut inferri finit, nobis convertit in bonum, ut non obstat, sed profint saluti nostræ, sicut scriptum est; *Diligentibus Deum omnia simul cooperantur in bonum Rom.* 8.v.28. Igitur etiam per contraria, per ipsas ærumnas & afflictiones salutem nostram conservat & promovet. Superest, ut *Effecta* hujus Domini videamus, quæ pro indubitatis ejus *κεκτηναι* meritò habentur. Sicut enim ex fructibus arbor, ita ex effectis illis vivificum & salvificum Christi Dominium agnoscitur: & quoscunq; Christus redemit, & conservat ad salutem; illos, modò per ætatem capaces sint, spiritus sui virtute eorundem effectuum participes facit. Sunt autem duo hæc: *πληροφορία* sive certitudo, de nostri tum redemptione, tum conservatione: & novæ obedientiæ serium promptumque studium. *Præ* nititur testimonio interno Spiritus Sancti, contestantis Spiritui nostro, nos esse filios ac hæredes Dei; insuperque obsignantis nos in diem redemption-

Conservans
custodia
Christi per-
petua.

Domini
Christi Effe-
cta.

Certitudo de
nostræ redem-
tione & con-
servatione.

Novæ obe-
dientiæ stu-
dium.

demonstrationis Rom. 8.v.16. Ephes. 4.v.30. Posterius nititur spirituali nostri vivificatione à morte peccati: & in externis poenitentiae, novæque obedientiae operibus conspicitur: quæ spiritus inhabitantis indicia, & veræ fidei testimonia sunt, Rom. 8.v.11.13.14. Gala. 5.v.6. quomodo etiam certitudinem consolationis à posterio- re confirmant.

*Considerationes Catecheticae Novatorum
ad quæstionem primam.*

An finis Ca-
techeseos la-
tius exten-
dendus sit,
& an omnia
in eâ pertra-
ctata ad
consolatio-
nem faciant.

I. *An non finis doctrinae Catecheticae latius extendi debeat, quam in hac quæstione factum videmus; nempe non modo ad consolationem in vitâ pariter & in morte; sed etiam ad institutionem veri, & præstatio- nem boni, juxta id, quod 2. Tim. 4. dicitur: Et an omnia, quæ in Catechesi hac pertractantur, ad solam consolationem commodè satis referri possint.*

Resp. Finis adæquatus institutionis Catecheticae, quoad nos, est consolatio in vitâ & morte, qui attentionis conciliandæ gratiâ primo loco meritò ponitur. Media ei subordinata sunt Institu- tio veri, & Præstatio boni; absque quibus firma & solida con- solatio obtineri nequit: quod pulchrè docet Apostolus Rom. 15. v.4. his verbis: *Quæ ante scripta, ad nostram doctrinam ante scripta sunt, ut per tolerantiam & consolationem Scripturarum spem habeamus.* Atque huc etiam suo ordine & gradu commodè referri possunt, quæ tribus partibus Catecheseos distinctè pertractantur.

An consola-
tio hæc re-
stringenda
sit ad fide-
les?

II. *Num præstet quæstionem hoc modo proponere, Quæ est unica consolatio hominis fidelis &c. Consolatio enim non debetur homini, quæ homini, sed quæ fidei.*

Resp. Naturam ac indolem veræ fidei non intelligunt vel sal- tem non attendunt, qui talia movent. Annon Tua, Mea, &c. vo- ces sunt animæ fidelis sibi speciatim applicantis promissiones Eu- angelii, ex quibus pendet Christiana consolatio? Et in Ecclesiis reformatis, annon fidelibus, eorumque liberis Catechesis pro- ponitur? Infidelium sive gentilium, qui in India, Brasiliâ, & aliis locis permixti Christianis degunt, alia ratio est. Qui tamen hoc tam suavi procœmio invitantur ad fidem Christi, & quales esse debeant, si tantæ consolationis participes fieri velint, præmonentur.

Ad responsionem.

I. *An verba Catecheseos quibus certitudo consolationis exprimitur: nempe*

nempe Quocirca me quoque suo spiritu, &c. *satis aptè priori consolationi subjungantur*; ac *si ex illa sequeretur hoc tanquam consequens, cum videntur consolationis omnis causa efficiens esse Spiritus Sanctus.*

Ancertitudo consolationis suo loco collocata sit.

Resp. Consolatio est certitudo, sive firma persuasio animi, de redemptione nostri per Christum, & gratiosâ ejus conservatione: priore igitur loco rectè ponitur objectum, sive fundamentum ac basis consolationis, in nostri redemptione ac conservatione; inde certitudo hujus consolationis, ejusque causa efficiens commodè subijcitur.

II. *An verba illa, Imò verò omnia salutem meam servare oporteat, occasionem cuiquam præbere possint cogitandi & statuendi, ne peccata quidem salutem ipsius officere posse: præsertim cum non desint commentatores, qui in hunc ipsum locum ista scribere non vereantur, eoque præstet, verba illa aliquo modo restringi, ne securitati fenestrâ aperiant.*

An non restringendum quoddammodo, omnia salutem meam servare oportere?

Resp. Verba illa expressa sunt ex Paulo, Rom. 8. v. 28. nec alio sensu intelliguntur, quàm quo ibi dicta sunt: nimirum de calamitatibus & afflictionibus piorum in hac vita. De peccatis autem cum idem quandoque affirmant commentatores, amplificationis causâ, sic intelligendum est; quòd ea per accidens, ex gratuitâ Dei condonatione per & propter Christum, eatenus serviant salutem credentium, quatenus eos tum in implorandâ, & prædicandâ Dei misericordiâ ardentiores, tum in custodiendis viis Domini cautiores & constantiores reddunt: licet per se, suâque naturâ non possint non officere salutem ipsorum; plane quemadmodum ex serpentibus venenatis antidota fiunt & medicamenta contra venena serpentum. Hoc verò qui ad peccandi licentiam & lasciviam transferunt, ii profectò vividæ hujus consolationis gustum nunquam percipere. Nec istud magis vitio Catechesæ, quàm ipsius Scripturæ accidit; cujus dulcissimis promissionibus homines profani similiter abutuntur. Judâ teste v. 4.

III. *Sitne servatus ordo verus, dum certitudo vitæ æternæ promissioni ad vivendum Christo præmittitur; cum passim sacra scriptura alium ordinem videatur inculcare Rom. 8. 13. 14. 15. 1. Joh. 2. v. 24.*

An certitudo vitæ æternæ rectè præmittatur studio vivendi Christo?

Resp. Nulla hic ordinis perturbatio est. Certitudo de vitâ æternâ est *πληροφωγία* fidei: Rom. 8. 38. 39. *Mihi persuasum est neque mortem neque vitam &c. neque ullam aliam rem creatam posse nos separare à Charitate Dei, quæ est in Christo Iesu Domino nostro 2. Tim. 1. v. 12. Mihi persuasum est cum posse depositum meum in diem illum servare.*

servare. Sicut igitur fides naturâ prior est sanctitate, utpote quæ purificare dicitur corda nostra, *Actor.* 15. v. 9. & per charitatem efficax esse, *Galat.* 5.6. ita certitudo de vitâ æternâ promittitur ad vivendum Christo antecedit, sed ordine causalitatis, non tempore; quem pulchrè exprimit Apostolus, 2. *Corinth.* 5. v. 14. 15. nec quicquam his contrarium locis allegatis reperitur.

An promittit
tudini ad-
vivendum
Christo ali-
quid adden-
dum sit de
actuali obe-
dientiâ?

IV. *Sufficiatne dixisse; Ut ipsi deinceps vivam, promptum ac paratum reddit; an verò præstet nonnulla addere, quæ insuper ipsam actualem obedientiam exprimant, sine quâ conscientia non potest non accusare Christianum.*

Resp. Promittitudo ad vivendum Christo actualem obedientiam non excludit, sed includit & efficit, ut est *Ierem.* 32. v. 39. 40. *Ezech.* 36. v. 26. *Ti.* 2. v. 14. Videri tamen posset, verba illa prudenter accommodata esse ad conditionem eorum, qui spiritum regenerationis minore etiam mensura acceperunt; vel saltem ad eos, qui in luctâ constituti velle quidem sentiunt cum Apostolo, sed ut efficiant non assequuntur; in quibus manet & victrix emergit vivida hæc consolatio, sicut scriptum est, *Gracias ago Deo meo per Iesum Christum: Item, Nulla est condemnatio in iis, qui sunt in Christo Iesu.*

QUÆST. II. Quot tibi scitu necessaria, ut istâ consolatione fruens beatè vivas & moriaris.

RESP. Tria Primum, quanta sit peccati mei & miseriæ magnitudo. Secundum, quo pacto ab omni peccato & miseriâ liberer: Tertium, quam gratiam Deo pro eâ liberatione debeam.

EXEGESIS.

Media ad
Consolatio-
nem facien-
tia.

Exposito fine institutionis Catechetice in consolatione Christianâ, proximè succedunt Media, quibus finis ille acquiritur & possidetur. Eorum tria hîc enumerantur: agnitio Miseriæ; agnitio Liberationis; & agnitio Gratiæ: quæ singula ducunt ad finem illum, universa autem ei adæquata sunt. Etenim absque agnitione miseriæ non expetitur aut queritur consolatio; absque agnitione liberationis non obtinetur: absque agnitione gratiæ nec sentitur, nec confirmatur in cordibus nostris. Qui verò hæc

hæc omnia simul agnoscunt, eis ad solidam in vitâ & morte consolationem deest nihil, aut deesse potest. Sed agnitio illa non nuda aut merè speculativa, sed practica esse debet; cum vero sensu peccati, ac gratiæ Dei, nec non cum sincero novæ obedientiæ studio conjuncta. Nam quæ tantum speculativa est, consolationem quoque merè speculativam, hoc est, Platoniam potius, quàm Christianam efficit. Media illa implicitè continentur in quæstione prima: in Scriptura autem distinctè proponuntur, & evidenter confirmantur. Christus quidem, dum in nomine suo prædicari jubet Resipiscentiam & Remissionem peccatorum, *Luc. 24. v. 47.* dum mundum arguendum docet de peccato, de justitiâ, de iudicio, *Iohan. 16. v. 8. seqq.* dum etiam laborantes & oneratos promissione requiei, & jugi lenis ad se invitat, *Matth. 11. v. 28. seqq.* mediorum illorum tum necessitatem ostendit, tum ordinem demonstrat. Non minus Apostolus Paulus, *Rom. 7. v. 24. Tit. 3. v. 5, 6, 7, 8.* & alibi eorundem numerum atque seriem illustribus dictis comprobat. Nec desunt vel exempla: Davidis, *Psalms. 51.* Mulieris peccatricis, *Luc. 7.* Judæorum, *Act. 2.* vel Parabolæ, ovis, drachmæ, Filii prodigi, *Luc. 15.* quibus praxis eorum declaretur, & ad vivum quasi exprimatur. Sed omnibus istis probationibus illustrior est, quæ ex dispositione Epistolæ Paulinæ ad Romanos sumitur; cui ita respondet hæc partitio, ut ad eam singulari studio conformata videatur. Quemadmodum enim Apostolus trium capitum pertractatione totam illam epistolam concludit & absolvit: dum *primò* omnes homines tam Judæos quam gentes peccati convincit, & æternæ maledictionis reos peragit, *à v. 18. cap. 1. ad vers. 21. cap. 3. deinde* credentes per Christum à condemnatione, servitute peccati, & cruce seu afflictionibus secundum æternum Dei propositum liberari docet; *à vers. 21. cap. 3. ad cap. 12. denique* eosdem ad pietatis & bonorum operum studium, gratitudinis testandæ causâ hortatur, *à cap. 12. usque ad finem Epistolæ*: Eundem in modum Catechesis trium istorum mediorum explicatione summam doctrinæ Christianæ complectitur.

Cæterum differunt inter se Media hæc non solum objectis, sed etiam relatione ad finem, in consolatione Christianâ propositum. *Primum* habet se ut causa, sine quâ non expetitur aut quæritur consolatio. Quemadmodum enim æger medicam &

Agnitio autem debet esse practica.

Media illa probantur,

inprimis methodo Epistolæ ad Romanos.

Faciunt autem media illa ad consolationem. Primum ut causa sine quâ non.

secundum
ut causa effi-
ciens proprii
dicta.

tertium ut
proprius ef-
fectus.

medicinam non desiderat, nisi sciat se ægrum esse; ita nos, quam-
diu peccati nostri, & miseræ magnitudinem non intelligimus, li-
beratorem & liberationem ab iis haud requirimus *Math. 9. v. 12.*
Alterum habet se ut causa efficiens propriè dicta consolationis.
Nam agnitio & fiducia nostri tum redemptionis, tum conservatio-
nis, veram consolationem in nobis gignunt *Rom. 8. v. 31. 32. seqq.*
item vers. 38. 39. *Tertium* habet se ut propius effectus, & à poste-
riore consolatur. Si enim qui Christi sunt, crucifigunt carnem
cum desideriis & cupiditatibus, *Gal. 5. v. 24.* ex eo certe confir-
mantur in fide & consolatione, quod ipsius proprii sint.

*Considerationes Catecheticae Novatorum
ad secundam quæst: & responsionem.*

An quæstio
rectè cum
precedente
cohæreat?

I. *Cum quantum fieri potest ordo in omnibus optimus servari de-
beat, & juxta rerum tractandarum inter se connexio; forte non erit in
utile hoc loco expendere, num quæstio hæc satis aptè cum precedente co-
hæreat: cumque supra consolatio statuatur tanquam finis ultimus, an
non præstet hoc modo quæstionem hanc proponi, Quæ sunt tibi neces-
saria ad fruitionem solatii istius?*

Resp. Quæstio hæc aptissimè cohæret cum priore. Ut enim illa
finem proposuit in consolatione hominis, ita hæc media ad finem
illum assequendum subjungit, prout in tractatione Analyticâ fieri
consuevit. Verba quoque quæstionis convenientissima sunt, sensu
eadem cum iis quæ substitui vellent Consideratores; at significatu
tum clariora, tum penetrantiora.

Annon in-
tegræ crea-
tionis men-
tio facienda
sit ante-
quam mise-
ria ex lapsu:

II. *Annon pro verbis hisce, Quanta sit peccati mei & miseræ
meæ magnitudo, substitui possint hæc, Quo statu & conditione à
Deo creatus sim, & quomodo ab illo statu & conditione per pec-
catum deciderim: vel, In quem statum me ipse meâ culpâ conje-
cerim; ut plenior ac perfectior sit sententia.*

Resp. Hæc ita distincta commodius dicuntur in ipsâ explica-
tione partis primæ, quàm in ejusdem propositione: nec quicquam
causæ est cur id magis fieri bebeat in parte prima Catechesæ,
quàm in partibus reliquis.

P A R S P R I M A

D E

H O M I N E S M I S E R I A.

E X E G E S I S.



Miseria nomen tam latè patet in Scriptura Sacra, ut non minus culpam, quàm pœnam declaret. Pro culpâ sumitur *Rom. 7. 24. Miser ego homo! Quis me eripiet ex hoc corpore mortis*, .i. peccati inhabitantis, de quo gemens queritur. De pœnâ intelligitur *Ro. 3. 16. Con- vitio & miseria in viis eorum. Et Iac. 5. 1. Flete ejulantes super miseriis vestris superventuris*. Uterq; significatus in titulo conjungitur, ut & culpam significet, quæ pœnæ causa est, & pœnam quæ culpæ est effectum, *Ro. 6. v. 23*. eoq; designet miserrimam illam hominis conditionem, post lapsum, quâ peccato corruptus, iræ ac maledictioni Dei obnoxius est. Hæc miseria mentionē subjecti recipientis ad certam speciem restringitur, quatenus hominis sive humana esse dicitur. Est enim Angelica quoq; miseria, illorum Angelorum, qui non servârunt suam originem, sed reliquerunt suum domicilium *Ind. v. 6. 1. Pet. 2. v. 4*. Est & alia quædam creaturarum irrationalium, & inanimatarum, quæ vanitati & corruptioni iusto Dei iudicio obnoxie sunt *Rom. 8. v. 20*. Neutra verò hoc loco propriè intelligitur, sed sola prima, quæ hominis est; quippe cui soli quæritur consolatio, & proposita est liberatio.

Miseria & culpam & pœnam notat

estque Homi- nis, non Angelica,

vel creatu- ratum alia- rum.

Merito autem doctrina de miseriâ hominis inter media consolatio- nis & partes Catechesæ primum sortitur locum: Verè enim pri- ma est ordine, tum nature, tum causalitatis. *Nature*; quia potuimus, esse miseri, etiamsi non liberaremur aut grati essemus. At liberari & grati esse non potuimus, nisi miseri fuisset. *Causalitatis*; quia excitat in nobis desiderium liberationis, & studium gratitudinis; insuper animos nostros ad recipiendam liberationis gratiam, & præstanda gratitudinis officia rectè preparat: sicut dicitur, *Esa. 57. v. 15. Habito cum contrito & humili corde, ut vivificem spi- rituum humilium, & ut vivificem cor contritorum. Et Psalm. 34.*

Ejus Agnitio prima est or- dine, naturæ,

causalitatis.

vers. 19. *Propinquus est Iehova contritis corde, & attritos spiritum servat.*

*Considerationes Catecheticae Novatorum
ad primam partem Agnitione Miseriae
In genere.*

An significandum fuerit respondentem hic considerari non ut Christianum, sed ut miserum?

I. *An non paucis verbis significandum fuerit, alium hic indui respectum illi, cui respondentis partes assignantur, quam gessit prima quaestione. Istic enim consideratus est, ut Christianus, liberatus à miseria; hic consideratur ut miser.*

Resp. Huic abunde cautum est ipso titulo partis primae. Si enim de miseria sua interrogatur Catechumenus, de se ut naturā misero respondet.

An rectè ante definitionem miseriae quaeratur, unde ea cognoscatur?

II. *Sine res hac eo ordine pertractata quo decet, cum ante miseriae definitionem quaeritur, unde illa cognoscatur.*

Resp. Ordo tractationis optimus est, & rei maximè conveniens. Cum enim rectè agnoscere miseria non possit, nisi ex lege, ante omnia mentio legis facienda fuit, & ex doctrinā ejus miseriae definitio per partes postmodum constituenda.

An perfecta sit descriptio Miseriae, cum servitutis peccati ex actuali peccato non satis aperta fiat mentio?

III. *Sine Miseriae descriptio perfecta, vel saltem partes miseriae sic proposita, ut satis planè intelligi queant, cum non reatus modo, sed & servitus peccati ex actuali peccato perpetrato existat: cuius tamen servitutis sub peccato an satis aperta mentio hac prima parte fiat, considerandum venit.*

Resp. Descriptio miseriae perfecta traditur, non unā aliquā sed pluribus quaestionibus & responsionibus Categeticis, partis primae. Insuper omnes partes miseriae iisdem plenè ac planè explicantur ad captum populi, quae peccato & poena, non reatu & servitute peccati adaequatè continetur. Reatus quoque & servitus peccati, non ex actuali peccato à nobismet ipsis perpetrato primum existunt, quod Consideratores volunt; sed inde ab Adamo cum naturā corruptā in nos propagantur, & actuali culpā nostrā aggravantur. Postremò servitus illa non solum mentis est ex caecatae tenebris, aut affectuum aegritudine depravorum; sed imprimis ipsius voluntatis, averse à bono proclivis ad malum, omni tempore inde à pueritia Genes. 6. v. 5. & cap. 8. v. 21. Quod dum Consideratores negant, Pelagianismum suum apertè produnt. Sed an primā hac parte satis aperta mentio fiat servitutis peccati, id verò ex quaest. VIII. ejusque exegesi liquebit.

QUÆST. III. Unde tuam miseriam cognoscis?

RESP. *Ex legi Dei.*

E X E G E S I S.

Sicut miserie humanę duę sunt partes integrantes, culpa & ^{Miseria culpa.} poena, quę tamen ut causa & effectus necessariò cahærent, ex ordine iustitię divinę: ita in illis primâ sui parte distinctè explicandis Catechesis occupatur. Incipit autem ab eâ, quę est de culpa sive peccato hominis; & in quæstione *miseria* nomine significatur per synecdochen integri. Undè igitur peccatum agnosci possit, & quę exemplaris ejus causa sit, quæritur. Hanc Catechesis in lege Dei spectandam proponit. Sicut enim regula recti pariter & obliqui est index: ita lex Dei non solum quid cum norma iustitię divinę conveniat, verum etiam quid ab eâ discrepet, exactè declarat: quo sensu peccatum *avopla* dicitur 1. *Ioh.* 3. v. 4. Convenit vero cum doctrina Apostoli. *Ad Romanos* enim cap. 3. v. 20. ait, per legem esse agnitionem peccati; & cap. 7. v. 7. se peccatum non cognovisse, nisi per legem; nec concupiscentiam agniturum fuisse, nisi lex dixisset: *Non concupisces*; Denique *ad Gal.* 3. v. 19. legem transgressionum gratiâ additam esse.

Cæterum cum Lex Dei varia sit & multiplex, alia non scripta, alia scripta; & hæc iterum vel moralis, vel carimonialis, vel judicialis; quænam hoc loco intelligi debeat disquirendum venit. Nos non aliam quam *Moralem* legem per synecdochen generis intelligendam esse asserimus; cujus summa subjicitur quæstione sequente, & expressa mentio locis suprâ allegatis habetur. Lex non scripta, sive *naturalis*, ostendit quidem peccata, deq; iis hominum conscientias redarguit, intus cogitationibus sese mutuò accusantibus & excusantibus, ut est *Rom.* 2. 14. 15. Sed nec plenè satis, nec clarè satis, nec satis efficaciter. Etenim multę partes legis divinę, quoad utramque tabulam, per lapsum oblitteratę sunt in mente humanâ; alię obscuratę & corruptę; & quę reliquę sunt notitię & suggestiones, pravitate & securitate carnis vel planè suffocantur, vel saltem inefficaces redduntur. Lex *carimonialis* verò præterquod ^{nec carimonialis.} Veteris Testamenti propria fuit, per accidens & ex consequente solum deduxit in agnitionem peccati; quatenus nimirum
umbris

& quidem
Moralis,

non autem
Naturalis.

neque Judi-
ciali.

umbris suis Patres manuduxit ad Christum, & in victimis repetitam peccatorum mentionem fieri voluit *Hebr. 10. v. 1. 3.* Ut nihil nunc dicamus de lege *Judiciali*, quæ certas tantum æquitatis & justitiæ civilis regulas præscripsit. Illa igitur lex index peccati merito statuitur, quæ æterna est justitiæ regula; quæ omnium gentium ac temporum hominibus communis est; quæ denique perfectam miseriæ agnitionem parit. Talis verò est sola lex moralis: Hæc ergo sola propriè est index peccati.

QUÆST. IV. Quid à nobis postulat lex Dei?

RESP. *Id docet nos Christus summam* Matt. 22. *Diliges Dominum Deum tuum, ex toto corde tuo, ex totâ animâ tuâ, ex totâ cogitatione tuâ, & ex omnibus viribus tuis. Istud est primum & maximum mandatum: secundum autem simile est huic: Diliges proximum tuum sicut te ipsum. Ab istis duobus mandatis tota Lex & Prophetæ pendent.*

EXEGESIS.

Modus agnoscendæ miseriæ peccati.

Hæc quæstio unâ cum sequente declarationem continet partis prioris, à formâ sive modo; quo pacto ex lege Dei miseria culpæ sive peccati agnoscatur. *Modus* ille consistit in antithesi, & collatione præceptorum legis & actionum viriumque nostrarum: ita quidem ut ex unâ parte spectetur, quid Lex à nobis requirat; ex alterâ, an nos illud præstiterimus, aut præstare possimus: Cujusmodi collatio practica est, cujus thesin lex suppeditat sententiâ generali; antithesin sive hypothesin addit conscientia applicatione speciali.

Summa legis comprehenditur dilectione.

Explicatur dictum
Matt. 22.
v. 37. seqq.

Primum ejus membrum hîc traditur in summâ Legis, quam ex *Deut. 6. v. 5.* & *Lev. 19. v. 18.* comportavit & contraxit ipse Servator *Matth. 22. v. 37. seqq.* Nec enim opus legis universæ enarratione, cum sola Epitome instituto abunde sufficiat. Ea totam legem ad unam dilectionem revocat, quæ, secundum Paulum, ejus *πλήρωμα* est *Rom. 13. v. 10.* Dilectionem porro pro numero duarum tabularum, duobus præceptis distinguit, quæ seorsim quidem declarantur; conjunctim verò generali quodam Epiphonemate approbantur.

Prim

Primum præceptum declaratur. I. Ab objecto; *Diliges Dominum Deum tuum*, q.d. illum Deum diliges, qui à se & per se existit, & omnibus creaturis existendi causa est; quique gratuitâ misericordiâ fœdus gratiæ cum populo suo iniit, quo se ei addixit in Deum; ut simul causas impulsivas hujus dilectionis contineat. II. A modo, qui ex subjectis recipientibus, & causis efficientibus illustratur per distributionem facultatum animæ, & virium hominis; factâ gradatione ab inferioribus ad superiores. *Ex toto corde tuo*, id est, omni affectu, appetitu & inclinatione. *Ex totâ animâ tuâ*, id est, totâ voluntate, omnique proposito. *Ex totâ cogitatione tuâ*, id est, totâ mente, & intelligentiâ. *Ex omnibus viribus tuis*, id est, omnibus animi corporisque facultatibus, nulla ut expers sit dilectionis Dei. Ita verò Deum *diligere*, est ex agnitione & sensu infinitæ bonitatis Dei reverenter de eo sentire, & pro summo eum habere: ita ut non solum in eo lætemur & acquiescamus, sed etiam id tantum cogitemus, velimus, & appetamus, quod ipsi gratum esse noverimus. III. Ab adjunctis, ordinis, & dignitatis: *Primum* est, quia dilectionem proximi ex se gignit 1. *Iohan.* 4. v. 7. *seqq.* *Maximum* etiam; quia Deum, qui supra omnia est, immediate respicit.

Posterius declaratur. I. Ab iisdem adjunctis, sed gradu dispari. *Secundum* est, quia primum sequitur, eoque inferius est *Act.* 5. 29. *Simile* tamen ei, quia etiam in dilectione versatur. II. Ab objecto, *Diliges proximum tuum*. *Proximi* nomine is intelligitur, qui ope nostrâ indiget, sive notus, sive ignotus; sive amicus, sive inimicus, *Luc.* 10. v. 37. *Matth.* 5. v. 44. salvis tamen dilectionis gradibus, quos Apostolus tradit *Galat.* 6. v. 10. III. A modo, *Sicut te ipsum*: quo non sancitur regula dilectionis, sed exemplum ejus statuitur; ut nimirum tam prompti simus ad juvandum proximum, quàm propensi sumus in nos ipsos *Eph.* 5. v. 29. Sic ergo *diligere proximum*, est ex dilectione Dei id ei optare & facere boni, quod nobis secundum legem fieri velimus: prout Christus interpretatur *Matt.* 7. 12.

Epiphonema quo utrumque præceptum approbatur, hoc est, *Ab istis duobus mandatis tota Lex & Propheta pendent*. Sensus est, Quæcunque vel in Mose, vel in Prophetis exstant legis moralis præcepta, ea omnia ad duo hæc tanquam ad generalissima referri posse: cum totus cultus moralis dilectione Dei & proximi perfectè contineatur. Quâ de causâ dilectio finis & impletio legis vocatur 1. *Tim.* 1. v. 5. *Rom.* 13. v. 10. *Gal.* 5. v. 14.

QUÆST. V. Num hæc omnia perfectè servare potes?
 RESP. *Minimè: Naturâ enim propensus sum ad odium Dei
 & proximi.*

EXEGESIS.

Homo pec-
 cator nequit
 dilectionem
 Dei proxi-
 mique perfe-
 ctam præsta-
 re.

qui propen-
 sus est.

ad odium
 Dei.

ad odium
 proximi.

SEquitur alterum membrum collationis practicæ, quo vires no-
 stræ cum duobus legis præceptis conferuntur, & ad illa exi-
 guntur: haud aliter, quam res mensurabilis ad mensuram suam
 revocatur; aut facies humana in nitidissimo aliquo speculo con-
 sideratur. Simpliciter autem negat Catechesis, quod homo cor-
 ruptus perfectam Dei proximique dilectionem præstare, atque ita
 legem Dei perfectè servare possit. Quæ negatio non solum uni-
 versali omnium hominum experientiæ, sed inprimis asseveratione
 Dei in verbo nititur. Singuli homines propriæ conscientiæ tes-
 timonio convincuntur peccati & *ad voluptas* suæ, Rom. 2. 14-15.
 nec est qui de observatione legis gloriari, aut conformitatem cum
 eâ sibi arrogare verè possit. 1. Joh. 1. v. 8. De universis verò Deus
 pronunciat, quod simul inutiles facti sint, Rom. 2. v. 11. sint arbo-
 res malæ quæ bonos fructus ferre nequeunt, Math. 7. v. 18. quod
 legi Dei non modò non subjiciantur, sed nec possint subjici. Ro. 8.
 v. 7. denique quod non magis benefacere possint cum sint mali,
 quam Æthiops potest mutare pellem suam, aut pardus liven-
 tes maculas suas. Jer. 13. v. 23. Sed Catechesis negationis suæ rationem
 reddit à causâ efficiente contrarii, nempe hanc: quod propensi
 sumus ad odium Dei & proximi, idque naturâ, h. e. ex naturali &
 originaria corruptione. Undè sic concludit propositum. Qui na-
 turâ propensus ad odium Dei & proximi, is non potest diligere
 Deum ex toto corde, proximum sicut se ipsum. Atqui nos natura
 propensi sumus ad odium Dei & proximi. Ergo. Et sanè *propensus nos
 esse ad odium Dei.* Christus testatur his verbis 1. Joh. 15. v. 18. *Si mundus
 vos odit, scitis me prius, quam vos, illis odio habitum.* Et Paulus, cum in-
 telligentiam carnis inimicitiam esse dicit *adversus Deum* Ro. 8. 7. Item
 gentes olim *Dei osiores, inimicos hostes fuisse* Rom. 1. v. 30. cap. 5. v. 10.
 Col. 1. v. 21. Si etiam observatio præceptorum Dei ejus dilectio est;
 certè transgressio eorundem ipsius odium est; & qui in eam pro-
 ni ad Dei odium proni sunt Exod. 20. v. 5. *Ad odium proximi* verò
 nos *inclinatos esse*, idem Apostolus asserit, cum de irrogenitis lo-
 quens,

quens, ait, eos plenos esse invidia, contentione, dolo, malignitate Rom. 1. v. 29. Et alio loco; quondam fuisse nos amentes, rebelles, errantes, servientes cupiditatibus ac voluptatibus variis, in malitiâ & invidia degentes, odiosos, odio alios prosequentes Tit. 3. v. 3. Sicut odium proximi ejusque effecta inter opera carnis numerat Galat. 5. v. 19. 20. Postremo natura nos propensos esse ad odium Dei & proximi, Ephef. 2. v. 3. docetur his verbis: Eramus natura filii iræ. Et Esa. 48. 8. istis: transgressorem ab utero vocavite. Sic ergo factâ legis viriumque nostrarum collatione, quisque in conscientia suâ convincitur peccati, & reus coram Deo peragitur, cujus illustre exemplum in se proponit Apostolus Rom. 7. v. 5. seqq. in primis autem vers. 14.

idque naturâ

*Considerationes Catecheticae Novatorum
ad responsionem tertiam, quartam,
quintam.*

I. Num plenè satis ad quæstionem tertiam respondeatur his verbis: Ex lege Dei: an verò ei præstet addere, propria nostra conscientia & potentia ad legem præstandam examinatione. Cumque ex illa legis Dei recitatione qua solum Dei postulatum continet circa annexionem pœnæ, miseriam nostram plenè cognoscere vix posse videamur an non ad responsum quarta quæstionis addenda fuerit comminatio hæc, & maledictus qui non manserit in omnibus, & fecerit ea.

Sitne agnitio miserix præter legem etiam ex conscientia examinatione deducenda; & summæ legis comminatio pœnæ subnectenda.

Resp. Plenissimè respondetur, idque verbis Apostoli aliquoties repetitis Rom. 3. v. 20. cap. 5. v. 20. cap. 7. v. 7. Gal. 3. v. 19. Quod addendum putant de examine conscientia & virium nostrarum, ad præstandam legem, id commode sequitur quæstione quintâ, atque ex generali sententiâ legis subsumitur. Similiter sequitur altera pars miserix de pœnæ peccati quæstione decimâ, quâ etiam formula comminationis exprimitur. Non omnia dici debuerunt uno loco; nec in populari institutione perpetuo definitionum & divisionum nexu singula conjungi.

II. An non commodius quæstio quinta sic posset proponi: Num servasti hæc omnia, & etiamnum ita comparatus es, ut ea præstare possis? cui tunc responsio itidem aptari queat. Saltem annon præstet voculam perfectè in quæstione hac omittere, utpote qua ad rem facere non videatur Est enim post legis transgressionem perfectè quis ea præstaret, miser tamen esse non desinet.

An quæstioni quintæ eximenda sit vox perfectè, veke aliter concipienda?

Resp. Quæstio hæc nascitur ex responsione ad priorem Ut

istâ perfectam obedientiam in lege requiri docetur : ita hîc, num talis à nobis præstari possit, quæritur : Ad rem igitur maximè facit. Nam quo rigor & ἀκρίβεια legis plenius intelligitur, hoc ipsum peccatum rectius cognoscitur. Equidem verum est, si post legis transgressionem perfectè quis præstaret legem, nihilominus fore miserum : sed liberatio à miseria, à quâ homo miser denominatur, non tantum est immunitas à culpâ præsentē, verum etiam à pœna culpæ præteritæ.

An verba
Naturâ propensius, tollenda vel emollienda sint?

III. Num verba hæc; Naturâ propensus, *omitti, vel saltem, in gratiam infirmorum, aliquâ ratione emolliri præstet aut scripturæ phrasēs substitui, licet hæc ipsa commodè explicata nihil in se falsitatis contineant, ut duriuscula nonnullis videri possint.*

Resp. Qui horum verborum inductionem aut emollitionem urgent, nã illi latens Pelagianismi ulcus detegunt. Petita sunt ex ipsâ Scripturâ, quæ de corruptione hominis eundem in modum loquitur. Infirmorum autem vel ideò hîc habenda ratio non est, quod inprimis expediat eos convinci pravitate suæ, ex sensu ejus humiliari coram Deo, atque ita ad participandam liberationis gratiam dignè præparari : sicut scriptum est, *Matth. 11. v. 28. Venite ad me omnes, qui laboratis & onerati estis, &c. & Esa. 57. v. 15. In spiritu contrito habitabo.*

QUÆST. VI. Num ergo Deus hominem ita pravam & perversum condidit?

RESP. Nequaquam ; Imo vero bonum, & ad imaginem sui condidit eum, hoc est, verâ justitiâ, & sanctitate præditum, ut Deum creatorem suum rectè cognosceret, ex animo diligeret, cum eo beatus in æternum viveret, idque ad eum laudandum & celebrandum.

EXEGESIS.

Corruptio-
nis humanæ
origo.

POSTquam corruptio hominis, & propensio ad malum deprehensa, & detecta est ex lege. in originem ejus causamque inquiritur, quæ κατ' ἀρχὴν καὶ θένον non sine gravi ratione explicatur. Si quidem ad agnitionem miseriæ nostræ plurimum facit, tenere nostrâne an alienâ culpâ pravi sumus. Et fuerunt omnibus seculis de origine mali disputationes, nec paucæ, nec leves, in & extra Ecclesiam, quæ aliud atque aliud ejus principium statuerunt. Cateche-

sis igitur primo loco falsam corruptionis nostræ causam removet hâc quæstione, inde veram causam substituit, quæstione sequente.

Falsa causa est, quâ fingitur Deus hominem ita pravum ac per- non est Deus
versum condidisse, quasi natura ejus ex primâ creatione vitiosa fuerit. Stoici, Valentiniani, Marcionitæ, Manichæi, & id genus alii, sic olim opinando delirârunt; quorum deliria nostro seculo interpolârunt Libertini. Hanc causam Catechesis simplici inficiatione rejicit. Negat enim hominem ita pravum perversumque à Deo esse conditum. Id quod variis rationibus ex naturâ Dei de- Porbatur.

monstrari posset; qui cum sit summum bonum, & omnis justitiæ regula; malum verò non solum oderit, sed etiam prohibeat & puniat, tam fœdæ corruptionis autor esse non potest. Sed ad institutum propius faciunt argumenta illa, quæ à formâ & fine hominis integri deducit Catechesis per ratiocinationem ex contrariis.

Præ à formâ, sive qualitatibus, tale est: Deus condidit hominem bonum; Non igitur pravum & perversum. Bonum condidisse docet Moses clausulâ generali, *Genes. 1. v. 31. Et vidit Deus quod fecerat, & ecce erat bonum valde.* Comprobat Ecclesiastes *cap. 7. v. 29. Hoc inveni*, inquit, *Deum ipsum fecisse hominem rectum.* Catechesis autem peculiariter ostendit, ex imagine Dei, quâ homo insigni prærogativâ supra reliquas creaturas in creatione fuit exornatus. Deus hominem condidit ad imaginem suam, hoc est, sibi similem: Bonum igitur, non perversum condidit. Antecedens demonstratur ex Mose *Genes. 1. v. 26.* ubi sic Deum introducit loquentem; *Faciamus hominem ad imaginem nostram, secundum similitudinem nostram.* Et mox subjicit *v. 27. Creavit Deus hominem ad imaginem suam.* In Catechesi autem mentione partium integrantium declaratur. Sunt illæ, prout à Paulo enumerantur *Eph. 4. v. 24.* Justitia & sanctitas. Sicut enim Deus justus & sanctus est, ita hominem justum & sanctum condidit; qui legi per omnia conformis, sanctitate quidem Deum coleret; justitia verò suum cuique proximo tribueret: ut sanctitas de officiis primæ tabulæ; justitia de officiis secundæ intelligatur. Utraque etiam vera & sincera fuit, non affectata, aut simulata; etsi mutabilis pro conditione naturæ creatæ. Talis autem qui conditus est, is certè ex creatione pravitatis omnis expertus fuit.

Cæterum de *Imaginem Dei*, prout hîc describitur, notanda sunt Descriptio hæc imaginis Dei qualis.
tria. I. Strictius accipi de solâ rectitudine hominis integri; sive de

bonis illis qualitatibus, quibus Deum sapientem, justum, & bonum referebat *Ephes. 4. v. 24. Col. 3. v. 10. II.* Justitiam & sanctitatem esse quidem partes integrantes hujus imaginis; sed præcipuas, non omnes, cum Apostolus, *Col. 3. v. 10.* etiam sapientiam, h. e. notitiam Dei & rerum divinarum istis accenseat. *III.* Ab imagine Dei sic consideratâ nihil differre *justitiam* illam, quam Scholæ Theologicæ *originalem* vocant; ut quæ erat perfecta conformitas omnium virium hominis cum lege; quam ipse originaliter, unâ cum essentiâ humanâ, in creatione acceperat *Gen. 1. 26. 27. cap. 5. 1. 3.*

ab hominis
fine.

Alterum argumentum à fine hominis integri, hoc est; Homo conditus est, ut Deum creatorem suum rectè cognosceret, eum ex animo diligeret, cum eo beatus in æternum viveret; idque ad eum laudandum & celebrandum: Non igitur ita pravus & perversus est conditus, ut naturâ propensus fuerit ad odium Dei & proximi. Neque enim fines hi optimi stare possunt, aut ullo pacto conciliari cum illâ pravitate & perversitate hominis. Et Deus sapientissimus ille opifex, qui hominem fines illos spectare & sectari voluit, viribus quoque convenientibus, & necessariis ad eos assequendos ipsum instruxit. Finium illorum alii subordinati sunt, alius summus. *Subordinati* sunt agnitio Dei, ut sciret homo, non tantum quis, sed & qualis esset Deus, inprimis erga genus humanum *Col. 3. 10.* Dilectio Dei, ut eum tam beneficum & munificum conditorem amaret, & coleret sincero & constanti obsequio *Gen. 2. v. 16. 17.* Deniq; ipsius hominis beatitudo, ut cum Deo æternâ felicitate frueretur, quæ possessione paradisi ei adumbrata, & sacramento arboris vitæ obsignata fuit, *Gen. 2. v. 8. 9.* *Summus* finis celebratio & gloria Dei, ad quem tendunt priores omnes, & propter quem naturæ rationales, Angeli & Homines creatæ sunt: de quo est *Prov. 16. v. 4. Psal. 103. v. 20. 21. Matt. 5. v. 16. 1. Cor. 10. v. 31.*

*Considerationes Catecheticæ Novatorum
ad quæst. & resp. sextam.*

An locus
Eph. 4. v. 24.
recte referatur
ad primam
creationem.

I. An non verba hæc, in verâ justitiâ & sanctitate, respiciant ad locum Pauli, Eph. 4. & an locus ille satis commodè ad primam creationem referri possit.

Resp. Omnino respiciunt locum illum, qui propterea ad primam creationem rectè refertur, quod ad imaginem Dei, in eâ acceptam, in Christo instauramur: quo sensu etiam alibi factum
Dei,

Dei, & nova creatura dicimur Eph. 2. vers. 10. Gal. 6. v. 15.

II. *An non Catechesis, cum docet hominem, ut cum Deo beatus in æternum viveret, à Deo conditum esse, contradicat quamplurimis reformatæ Ecclesiæ doctoribus.*

An homo conditus sit ut cum Deo beatus viveret?

Resp. Non contradicit, quia usum tantum & finem imaginis Dei, homini in creatione collatæ, indicat. Is certè fuit vita beata, sacramento arboris vitæ ipsi obsignata; Neque hoc quisquam doctorum Reformatæ Ecclesiæ negat.

III. *Cum Catechesis inquit, hominem à Deo conditum ut cum eo beatus in æternum viveret, considerandum venit: num hæc de duobus individuis tantum, Adamo & Evâ, dicantur, an verò referantur ad universum genus humanum, in ipsis consideratum: & si postremum hoc conceditur, quomodo cum illo consistere possit sententia illorum, qui docent Deum multo maximam hominum partem ad exitium creâsse, & Adamum hoc fine condidisse ut laboretur.*

An id spectet solos primos parentes, an totum G. H.

Resp. Referuntur verba illa ad totum genus humanum expressis illis duobus individuis tunc propagandum, nunc propagatum; ut vel series responsionis docet: Nec tamen evertitur, imò ne attingitur quidem istorum Doctorum sententia. Quia non agitur de mysterio Prædestinationis, sed de usu & fine imaginis Dei; quem Deus in vitæ æternæ beatitudine proposuerat, homo autem adepturus fuisset, si quidem imaginem Dei constanter retinuisset, & in obsequio & cultu creatoris sui perseverasset.

IV. *Quin & hoc consideratione dignum videtur; Num Deus hominem ad hunc finem absolute creaverit, an verò sub conditione. Si absolute, quaritur, quomodo id fieri potuerit, ut Deus sine hoc suo frustraretur, & maxima partis respectu eo excideret, irritumque Dei decretum fieret. Sin verò dicatur, sub conditione hominem ad eum finem condidisse, quaritur; Num ergo Deus hominem incerto fine condiderit.*

An Deus hominem eo fine condiderit absolute an sub conditione?

Resp. Extra oleas procurrit hoc dilemma, ex falsâ hypothesi quoddam mysterium prædestinationis hic explicetur, vel saltem attingatur. Id alibi loco convenientiore, & quidem paucissimis, fit. Respondemus tamen ad membrum posterius dilemmatis, per inficiationem consequentiæ: Licet Deus sub conditione perseverantiæ in primigeniâ integritate hominem ad salutem condiderit, & homo conditionem illam non præstiterit, non tamen propterea incerto fine ipsum condidit. Ratio est, quia consilium Dei de homine non terminatur primâ ejus creatione, sed ad omnia eventa creationem secuta

secuta se extendit: alioqui dicendum esset, & lapsum & reparatio-
nem hominis, evenisse homini præter consilium Dei, quod absur-
dum. De his pulchrè Augustinus *lib. de corrept. & grat. cap. 10. sc.* in-
quit, *Deus ordinavit Angelorum & hominum naturam, ut primum in*
eâ ostenderet, quid posset liberum arbitrium: deinde, quid posset sua
gratis beneficium, justitiæque judicium.

An rectè di-
catur homi-
nem condi-
tum esse ve-
râ justitiâ &
sanctitate
præditum;
ut Deum re-
rectè cogno-
scret?

V. Rectè dicatur, Deum hominem condidisse verâ justitiâ & sancti-
tate præditum ut Deum rectè cognosceret; cum cognitio Dei, ant præce-
dat justitiâ & sanctitatem, aut justitiâ & sanctitatem sub se complectatur.

Resp. Rectè id dicitur: Nam justitia & sanctitas synecdo-
chicè considerantur, ut bonæ qualitates animæ; siue virtutes ho-
mini in creatione inditæ, ex quibus promanare debuit, atque etiam
in statu integritatis promanavit, verus Dei cultus, in agnitione ejus
ac dilectione positus. Quam rectè igitur Actio dicitur finis & effe-
ctus Qualitatis, quæ est propter actionem, eamque causatur; tam
rectè affirmatur hominem propter agnitionem Dei, justitiâ & san-
ctitate, quæ sapientiam præsupponunt, præditum fuisse.

Assertiones
Novatorum
de creatione
hominis.

Vidimus *considerationes Novatorum* super doctrinâ catecheticâ
de creatione hominis, quibus non tam explicârunt suam senten-
tiam, quàm oppugnarunt alienam: idque occasione Phrasæ, præ-
ter & contra mentem Catechismi in peregrinum sensum detortæ.
Ut tamen quid ipsi eâ de re sentiant, ex editis scriptis constare
possit, appendicis loco quasdam ipsorum assertiones subjiciemus
atque examinabimus.

I. Agnitio-
nem, Dei
justitiâ, san-
ctitatem, &c.
fuisse dona su-
pernaturalia.

I. Agnitio Dei & rerum divinarum, justitia, sanctitas, &c. fuerunt
dona supernaturalia, ipsam primi hominis naturam excedentia. Ratio-
nes sunt. I. In primo homine duplex fuit vite status, Animalis & spi-
ritualis: ille prior, iste posterior 1. Cor. 16. v. 46. Sicut igitur status ani-
malis ei fuit naturalis, ita spiritualis supernaturalis. II. Rebello partis
inferioris adversus superiorem, carnis adversus spiritum, ex condi-
tione materie resultans homini fuit naturalis: Ergo justitia, sanctitas, &
reliqua dotes, quibus coercita fuit illa rebellio, erant supernaturales.
III. Regeneratio, quâ justitiâ & sanctitatem recuperamus, est actio
supernaturalis: quare necesse est eandem homini initio collatam fuisse
actione supernaturali. IV. Per lapsum amissa sunt supernaturalia,
corrupta naturalia, ut loquitur Augustinus: Homo igitur superna-
turalia, h. e. dotes supernaturales, justitiâ, sanctitatis initia habuit.

Resp. Hanc assertionem mutuati sunt à Pontificiis, & Schola-
stici

ficis Theologis, qui ut liberum arbitrium naturâ suâ omni in statu ad bonum & malum indifferens tuerentur; concupiscentiam verò, tanquam ex essentiâ hominis per se emergentem elearent; justitiam, sanctitatem, & cæteras dotes hominis integri ei fecerunt supernaturales. Nos libenter fatemur supernaturales esse hominis corrupti respectu; quia sunt supra naturam corruptam, & conditionem ejus longissimè excedunt: quod verò hominem integrum attinet, in primævæ integritatis statu consideratum, ei non supernaturales, sed naturales fuisse contendimus. Etenim quicquid Adamus in creatione cum ipsâ naturâ accepit, id ei naturale fuit: Sapientiam, justitiam, sanctitatem, in creatione cum ipsâ naturâ accepit. Hæc igitur dona omnia ipsi fuerunt naturalia. *Major* certa est: Nam creatio erat Adamo integro nativitas, quâ à non esse ad esse producebatur; quod autem ex nativitate est, naturale est. *Minor* probatur, partim *testimoniis Scripturæ*, quibus creatus dicitur valdè bonus, *Gen. 1. v. 31. rectus, Eccles. 7. v. 29.* & secundum imaginem ac similitudinem Dei, *Genes. 1. vers. 26. 27.* in vera Justitiâ & sanctitate; *Ephes. 4. v. 24.* partim *rationibus*: Si enim conditus fuit ut Deum agnosceret & coleret, certè naturales quoque vires, quibus id præstaret, in creatione accepit. Si etiam nulla substantia sine qualitatibus & accidentibus naturæ suæ consentaneis creata est; multo minus substantia rationalis sine iis fuit producta; qui maximè convenientes dotes sunt, Sapientia, justitia, sanctitas. Præterea hinc quoque colligimus dona illa homini integro fuisse naturalia, quod toti speciei fuerunt communia, in singula ejus individua cum ipsâ naturâ generatione propaganda. Supernaturalia personalia sunt, nec generatione transeunt à parentibus in liberos: Dona illa non fuerunt personalia, propria duobus speciei humanæ individuis, sed toti speciei communia; tum quia duo illa prima individua, principia & radices erant totius speciei: tum quia reliquis speciebus rerum animatarum commune fuit, quicquid primis singulorum individuis datum est in creatione; tum denique quia qualitates contrariæ, quæ per lapsum successerunt, toti speciei communes factæ sunt *Gen. 5. 3. Rom. 5. 12. 1. Cor. 15. v. 22.* Insuper generatione transitura fuissent dona illa à parentibus ad liberos, nisi primi parentes peccassent; quia ex benedictione Dei genituri fuissent sibi integris similes, naturâ & qualitatibus, *Genes. 1. v. 28.* non minus quàm nunc corrupti gignunt sibi similes *Gen. 5. v. 3.* aut animata omnia sibi similia producunt. Denique si sapientia,

Justitia &
Sanctitas
homini integro fuerunt
naturales.

Justitia, Sanctitas, erant dona supernaturalia, non naturalia fuerunt super naturam integram: Sed supra naturam integram nihil esse potuit, nisi Angelicum quid, aut divinum; per quod homo non homo fuisset, sed vel Angelus, vel Deus. Sapientiam verò, Justitiam, & Sanctitatem supra naturam integram fuisse, tam absurdum est dictu, quàm si quis formam supra rem formatam, aut animam supra animatum esse, contra omnem rationem asserat.

Refutantur
rationes No-
vatorum.
prima.

Restat ut *rationes Novatorum*, quas in opinionis suæ stabilimentum attulere expendamus & expediamus. *Prima* inconsequens est. Si maximè in homine integro fuisset duplex vitæ status; uterque tamen naturalis fuisset, quia uterque ex creatione. Nam Deus hominem animale condidit ad imaginem suam, sapientiâ, justitiâ, sanctitate, tanquam qualitatibus naturalibus instructum, Gen. 1. v. 26. 27. nisi cum Philosophis contra Scripturam fingamus, eum in puris naturalibus fuisse conditum. Sed etiam antecedens falsum est. In homine integro non fuit duplex vitæ status, ordine distinctus, ut prior & posterior; sed fuit status unus, quem creationis sive integritatis appellamus: licet in statu illo fuerit duplex respectus & gradus vitæ, secundum substantiam & qualitates; qui tamen nec statum multiplicat, nec vitam tali modo distinguit

1. Cor. 15. v.
46. explicatur.

1. Cor. 15. v. 46. Apostolus non confert inter se animale & spirituale, tanquam prius & posterius in uno Adamo; sed prius in Adamo, posterius in Christo. Prius est corpus animale, quod ex Adamo habemus per generationem in hac vitâ; Posterius corpus spirituale, quod in Christo consequemur per resurrectionem nostri in vitâ futurâ: ut progressus sit ab imperfectiori ad perfectius. Et animale vocatur prius, quod animalibus subiectum sit operationibus & passionibus, generationi, nutritioni, augmentationi: sed absque infirmitatibus & peccato ante lapsum; cum his post lapsum: posterius autem spirituale dicitur, quod spiritualibus qualitatibus exornatum totum movebitur à spiritu, ejusque operationibus in solidum vacabit. *Secunda* etiam nullam consequentiæ necessitatem habet. Poterat rebellio carnis adversus Spiritum, si quidem fuisset naturalis ex conditione materiæ, coerceri per ejus formam; quæ erat anima originaliter & naturaliter iusta ac bona. Nam formæ proprium est, non solum informare materiam, sed etiam regere: nec præter hanc causam dari potest alia, cur rebellione vacârit primus homo. Falsum verò est, quod in antecedente præsuppo-

secunda.

suppo-

supponunt, rebellionem istam ipsi fuisse naturalem. Ea siquidem, omnium propè Philosophorum consensu, movetur præter & contra naturam ad ejus destructionem. An, quod destruit naturam, naturale est? quomodo etiam, si rebellio naturalis, Deus autor naturæ, non fuit rebellionis & peccati causa? Sed obijcitur conditio materiæ corporeæ, secundum quam appetitus sensuum repugnet appetitui rationis; & ille ad bonum sensibile, iste ad bonum spirituale feratur. Tenendum autem, appetitus illos in homine integro, atque etiam per se, disparatos esse non contrarios: bonum item sensibile & spirituale diversè non repugnantis esse conditionis: deniq; ipsam appetentiam ordinatè absque pugna propensionum perfectam fuisse: Secus si fuisset, nec anima & corpus in unam coire naturam, atque hypostasin; nec primi parentes ante lapsum res sensibiles, cibum & potum, appetere, vel saltem non sine culpâ appetere potuissent. Proinde quæ nunc in illis deprehenditur repugnantia, ea per accidens ex peccato fuit secuta: ad statum hominis integri verò perperam accommodatur. *Tertia* aberiat à quaestione: Non quaeritur an dona illa actione supernaturali collata sint primo homini, sed an ipsamet fuerint supernaturalia. Prius affirmatur. Nam creatio citra controversiam supernaturalis Dei actio est, totius naturæ creatæ vires superans. Negatur posterius; quia actione supernaturali data fuerunt ad constituendam naturam integram. Nec enim, quicquid pendet ex actione supernaturali, eo ipso supernaturale est. Multiplicatio panum, de quâ *Iohan. 6.* miraculosa fuit, eoque supernaturalis: sicut etiam resuscitatio *Lazari, cap. 11.* nec tamen vel panes illi comedentibus fuerunt supernaturalis cibus, propriè loquendo; vel vita, quâ Lazarus vixit resuscitatus, supernaturalis vita. Est præterea inconsequens argumentatio quæ hoc modo à regeneratione ad creationem instituitur. Quippe per regenerationem instauratur natura collapsa & corrupta: per creationem verò formata & constituta fuit natura integra. Si igitur quod constituit naturam naturale est; quod à corruptione eam restituit, supra ejus conditionem, non item: consequens est dona creationis esse naturalia, regenerationis supernaturalia. *Quarta* ab autoritate Augustini petita hunc sensum habet, quod amissa sint supernaturalia, quæ nobis corruptis sunt talia, Sapientia, Justitia, Sanctitas: corrupta naturalia, quæ ipsam naturam constituunt, tanquam essentielles ejus

tertia,

quarta,

partes, proprietatis, aut facultatis, de quibus suo loco.

II. In voluntate hominis integri nulli fuerunt boni habitus sive virtutes, neque etiam locum in eâ habere potuerunt. Rationes sunt. I. voluntas naturâ suâ libera est ad bonum & malum: Non igitur bonâ aliquâ qualitate prædita fuit. II. Voluntas bona vel mala denominatur ab actione: Ergo non à qualitate sive habitu. III. Si voluntas bona fuit ex creatione, non potuit peccare: nec observari potest unde peccandi principium in homine exstiterit. Falsum & absurdum consequens: Ergo & antecedens.

Resp. Assertio hæc crassior multò est priore, diversimodè impingens non tantum in principia sacre Theologiæ, verum etiam sanæ Philosophiæ: quâ stante, tollitur peccatum Originis, & libertas voluntatis ad bonum, omni in statu salva atque illæsa homini vindicatur. Qui error gravis & perniciosus cum sit, novum opinionis portentum inferens assertionis hujus falsitas paulò operosius nobis demonstranda est. Rationes quibus ea demonstrari potest, hæ sunt præcipuæ. I. Qui bonus & rectus creatus est, bonitate non solum naturali, sed etiam morali; ejus voluntas ex creatione bona fuit. Primus homo talis creatus est. Ergo. Minor exstat *Genes.* I. v. 31. & *Eccles.* 7. v. 29. quæ loca de bonitate morali intelligenda esse, partim ex descriptione imaginis Dei, partim etiam ex antithesi lapsus & defectionis colligitur. Majoris hæc ratio est: quod bonitatis moralis præcipuum subiectum sit humana voluntas, quæ actiones bonas ex se causatur, ut bona arbor bonos fructus ex se profert *Matth.* 7. v. 17. II. Qui similis Deo conditus est, Justitiâ & sanctitate, is justâ & sanctâ voluntate in creatione fuit donatus. Primus homo Deo similis conditus est justitiâ & sanctitate. Ergo. Minor est *Genes.* I. v. 26. 27. *Ephes.* 4. v. 24. Major sic demonstratur; Creatoris Dei voluntas justa & sancta est. Ergo & hominis integri ei conformati similis fuit voluntas. *Ex τὸ πῶν* enim ad *ἡ ἐξ ἑαυτοῦ* suum exprimitur, illudque refert *ἀναλόγως*. III. Qui diligit Deum ex toto corde, ex totâ animâ, ex totâ cogitatione, ex omnibus viribus; in eo omnes animæ facultates, tam superiores, quàm inferiores, plenæ sunt dilectionis Dei, & sic ipsa voluntas. Ratio: quia non modo causæ procreantes dilectionis Dei, sed etiam ejus subiecta statuuntur. Atqui homo integer sic Deum dilexit: tum quia in ipso acquievit Deus; tum quia vitam ex promissio legalis, sacra-

Contrarium demonstratur rationibus.

R.

2.

3.

sacra-

sacramento arboris vitæ ei obsignavit *Genes.* 2.v.9.16. Ergo. IV. Si voluntas in regeneratione renovatur verâ justitiâ & sanctitate, certè in primâ creatione iis præditam fuisse oportet. *Ratio*, quia renovatur ad imaginem Dei in creatione acceptam *Ephes.* 4. v.24. *Colos.* 3. v.10. Atqui voluntas hominis corrupti in regeneratione renovatur verâ justitiâ & sanctitate. Ergo. *Assumptum* probatur. 1. quia spiritus regenerans indit homini cor novum & spiritum novum, *Ierem.* 31. v. 33.34. *Ezech.* 36. v. 25.26. 27. 11. operatur in eo bonam voluntatem *Phil.* 2. v.13. 111. ipsum totum, hoc est, integrum ejus spiritum, animam & corpus sanctificat 1. *Thess.* 5. v.23. V. Si bonæ qualitates five virtutes in voluntate humanâ locum habere non possunt; sequitur, quod ipsa, in se considerata, habeat se eodem modo secundum omnes status hominis, nec ulli alterationi sit obnoxia. Consequens multis modis falsum, absurdum, blasphemum est: tale igitur est ipsum antecedens. VI. Voluntatis hominis potentiarum & actionum ejus domina est, dominio vel politico, vel despotico. Ex quo sic ratiocinamur. Dominium illud vel citra justitiam & sanctitatem exseruit hominis integri voluntas, vel cum eâ. Si prius, nullum ejus dominium in statu integritatis justum, sanctum fuit: Si posterius, oportet utique justitiâ & sanctitate præditam fuisse. VII. Si nulla virtus aut bona qualitas locum habere potest in voluntate, id fit vel propter ἀδυναμίαν φύσεως ipsius subjecti, vel propter ἰναντιώτητα qualitatibus, inhærentis subjecto, qualis est indifferens voluntatis ad opposita libertas. Sed nec prima causa valet; quia voluntas per se appetit bonum, sive verum, sive apparens; integra verò aut renovata voluntas appetitu ac fruitione veri boni non solum delectatur, sed etiam perficitur. Nec secunda; quia quo justior, sanctior efficitur voluntas, eò quoque liberior redditur *Iohan.* 8. v. 36. 2. *Corinth.* 3. v. 17. Quemadmodum Deus voluntate justissimus simul ac liberrimus est. Ergo. VIII. Philosophi habitus animæ ex subjectis dividunt in habitus, intellectus & voluntatis. Virtutem etiam per habitum voluntatis definiunt; quo ipsa inclinatur ad agendum secundum rectam rationem: virtus igitur judicio ac testimonio Philosophorum in voluntate locum habet.

His rationibus certis, firmis, evidentibus, ex Scripturâ patet & naturâ deductis, quas Novatores opponunt, ex infirmæ

Diluuntur
argumenta
Novatorum.

primum.

ac vanæ sunt, facillique labore dissolvuntur. *Prima* deficit infirmitate illationis. Etiam bona voluntas libera esse potest ad bonum, five libertas illa opponatur coactioni, five immutabilitati. Nam homo semper agit liberè, sed secundum naturam suam; ac proinde non minus benè agit, cum bona est ejus natura, quàm malè, cum mala est. Præterea negatur antecedens, quod voluntas hominis naturâ suâ omni in statu libera sit ad bonum & malum. Variat enim libertas pro quadruplici statu, Integritatis, Peccati five corruptionis, Regenerationis, & Glorificationis, de quibus suo loco. *Secunda* similiter falso antecedente nititur; nimirum quod voluntas à solâ actione bona denominetur: Imò non minus à qualitate, quàm ab actione, denominatur bona. Nam voluntas causa est actionum non tantum quoad entitatem, sed etiam quoad bonitatem, *Psal.* 51. v. 12. *seq.* *Ezech.* 36. v. 26. 27. *Mat.* 7. v. 27. 28. & *cap.* 22. v. 37. 38. Ideoq; ab actionibus tantum bona dicitur effectivè, à qualitate verò subjectivè, hoc est, formaliter & habitualiter. *Tertia* rationis inconsequentia nimis manifesta est. Nec enim voluntas ex creatione immutabiliter bona fuit, prout futura est in gloriâ, sed mutabiliter, hoc est, ita bona fuit beneficio creatoris, ut tamen fieri posset mala seductione alienâ, & defectione suâ; quæ duo principia peccati in historiâ lapsus clarissima, omnibusque obvia sunt.

III. Adamum integrum nec fidem in Christum habuisse, nec potentiam credendi.

III. *Adamus integer fidem in Christum redemptorem non habuit, nec potentiam credendi in ipsum à Deo in creatione accepit.* Rationes sunt. I. Deus nullam dedit Adamo ante lapsum potentiam frastaneam, quia frustrâ nihil facit. At si ei dedisset potentiam in Christum credendi ea talis fuisset; utpote quâ tum neque opus habuit, neque uti potuit. Ergo. II. Quod Deus non potuit exigere ab Adamo in primo statu, ad illud præstandum non dedit illi vires. At Deus non poterat ab illo exigere ut crederet in Christum: simul enim postulasset ut crederet se peccatorem esse. Ergo. III. Quod pertinet præcisè ad secundam creationem; qua per Christum Mediatorem peragitur, ad illud non est data potentia in creatione primâ: Sed fides in Christum pertinet ad secundam creationem. Ergo. IV. Quod non præcipitur lege, sed Evangelio, ad illud præstandum non sunt homini date vires in primo statu, qui erat sub lege. Fides in Christum non præscribitur lege, sed Evangelio. Ergo.

Resp. Assertio hæc, & quæ de eâ controversia est, curiosa magis

magis, quàm necessaria, aut utilis explicatu esse videtur. Nec proponeretur hoc loco, nisi importunè eam urgerent Novatores, atque ex eâ Dei in exigendo fidei obsequio æquitatem oppugnarent; quasi fidem in Christum jure postulare ab homine non possit, nisi ipsum gratiæ sufficientis auxilio ante instruat, utpote qui facultatem credendi in Adamo neq; habuerit, neq; amiserit. Nostra hæc est sententia, Adamum integrum habuisse potentiam credendi omni verbo Dei, sive tum revelato, sive post revelando; omni item promissioni Dei, seu datæ, seu dandæ. Quemadmodum verò Deus in statu integritatis, mandatum aut promissionem de Christo redemptore nullam edidit, ita nec homo potentiam credendi circa eam exseruit vel exserere potuit; non ex defectu aliquo potentiæ, verum ex repugnante conditione status sui, qui integer cum esset, expers peccati, redemptorem à peccato nec exigebat, nec ferebat. Conditiō status per se manifesta est. Credendi verò potentia ex perfectione naturæ integræ demonstrari potest. In quâ cum mens lucida, voluntas recta, omnesque affectus ad obsequium rationis compositi fuerint, non potuisset non assentiri homo integer Evangelio de Christo, ut vero; & amplecti illud ut bonum, siquidem revelari aut per voluntatem Dei, aut per ipsius naturam potuisset, vel debuisset. Positis enim causis sufficientibus in actu, effectus sequitur.

Orthodoxa
de hac qua-
stione sen-
tentia.

Potentiam
credendi
Adamus
habuit.

Ad argumenta Novatorum paucis sic respondemus. In primo committitur fallacia à dicto secundum quid. Frustranea est potentia, non quæ singulari aut certo quopiam objecto, sed quæ omni destituitur. Christus quâ redemptor, non fuit objectum fidei Adæ; neque enim indiga redemptionis integritas: fuit tamen quâ creator, quâ conservator ipsius; & ad ambitum illius objecti alia præterea multa pertinuerunt. In secundo negatur Major. Quod Deus non potuit in specie exigere propter conditionem hominis integri, ad id potuit nihilominus in genere dare vires, propter ejusdem perfectionem. Siquidem ad perfectionem hominis integri requirebatur, ut credere posset omni Dei verbo & promissioni: alioquin non fuisset perfectè compositus ad cultum & obsequium creatoris sui. In tertio iterum negatur Major. Nam Sapientia, Justitia, & sanctitas, ad secundam creationem præcisè pertinent; & tamen in primâ creatione homini fuere collatæ

Diluuntur
argumenta
Novatorum,
primum.

secundum,

tertium,

quartum.

collata, licet ex aliis causis, atque modo alio 2. Cor. 5. v. 14. seqq. Eph. 4. v. 24. Col. 3. v. 10. In quarto Majorem distinguimus: Minorem ex eâ explicamus. Quod in lege non præcipitur, vel in genere, vel in specie; ad illud præstandum non sunt homini datæ vires in primo statu. Fides verò in Christum etsi in specie non præcipitur in lege, in genere tamen eatenus præcipitur, quatenus lex jubet nos omni Dei verbo, omni item promissioni credere: quo respectu fides in Christum ad primum Decalogi præceptum revocatur, & propriè accepta inter opera legis vulgo numeratur.

Antitheses Catecheticae Socinianorum ad questionem & responsionem sextam.

Antithesis I.

1. Primus homo ante peccatum nullam habuit originalem justitiam, præter eam, quod nulla labe infectus esset. Etenim per creationem naturalia tantum bona accepit non moralia, ut quæ est productio hominis quatenus homo est.
2. Accedit quod homini per creationem datum est liberum arbitrium, per quod indifferens fuit ad utrumque oppositum; ita ut potuerit, si voluisset, obedire, vel non obedire, & sic fieri justus vel injustus.
3. Insuper, si habuisset justitiam aliquam originalem, non tam faciliè ipsius Dei creatoris sui, apertissimum simul ac severissimum, ac præterea servatum facillimum præceptum violasset, ac contempsisset.
4. Postremò justitia illa, quæ originalis appellatur, aut fuit potentia peccandi, qualis nunc est bonorum Angelorum, aut fuit Adamum non peccare, antequam peccasset. Non illud, quia peccavit. Nec istud quia, ridiculum & ineptum, aliquem non peccare antequam peccasset. Dicta Scriptura, quæ proasserenda originali justitiâ citari solent, planè impertinentia sunt. Genes. 1. v. 26. 27. Imago & similitudo hominis cum Deo, non consistit in justitiâ & sanctitate: alioquin homo impeccabilis foret, ut Deus; nec eas post lapsum amisisset, ut qui etiamnum dicitur Dei imago Genes. 9. v. 6. Gen. 1. 26. 17. 6. Jacob. 3. v. 9. Consistit verò in dominatu rerum omnium, præsertim inferiorum, sex illis diebus à Deo creatarum, Genes. 1. v. 26. 28. sicut imago Dei in alterâ vitâ in eo consitura est: quod omnibus inimicis nostris plenissimè dominabimur. Sic Genes. 1. v. 31, sermo est

non de Iustitiâ aliqua, sed aptitudine & convenientia ad id, quod Deus sibi proposuerat: deinde non ad singulas res creatas à Deo, sed ad universa opera, primis sex diebus facta, verba illa accommodantur. Eccles. 7. v. 29. autem homo dicitur factus rectus & integer, quatenus naturaliter bonus à Deo fuit creatus. Neque enim vel iustus vel iniustus creatus fuit, sed non iustus, quod medium est inter duo extrema.

Responsio.

Quæ contra assertionem primam & secundam Novatorum supra attulimus argumenta non minus contra primam Socinianorum Antithesin militant, ut opus non sit vel illis repetendis, vel cumulandis aliis hîc occupari, aut vacare. Proximum est ut tum rationes adversariorum examinemus, tum dicta Scripturæ à corruptelis ipsorum vindicemus. Prima ratio unâ cum probatione falsa est. Utriusque generis bona homo in creatione accepit, tum naturalia, ad constituendam essentiam, quatenus homo est: tum moralia, ad constituendam ejus integritatem, quâ integer. Secus factus non esset bonus, rectus, & secundum imaginem Dei, in iustitiâ & sanctitate Genes. I. v. 26. 27. 31. Ephes. 4. v. 24. Pura naturalia, in quibus fingitur conditus, pura puta commenta sunt humani cerebri; extra quod ipsi homini nullo tempore aut statu possunt applicari; utpote qui semper fuit, est, & erit suis vestitus qualitatibus moralibus, sive bonis, sive malis. Secunda habet fallaciam plurimum interrogationum, & vera falsis miscet. Verum est, quod primus homo indifferentis fuerit arbitrii ad utrumque oppositum, bonum & malum. Falsum I. quod tam indifferentis arbitrii causa fuerit carentia justitiæ originalis: Erat enim mutabilis conditio hominis integri, qui sic erat iustus originaliter, ut tamen fieri posset iniustus. II. Quod non minus iustus, quàm iniustus fieri potuerit. Sanè fieri potuit iniustus non obediendo, ut docuit eventus, expers licet omnis iniustitiæ: At obediendo & perseverando in obedientiâ non primum factus fuisset iustus, iustitiâ originali, siquidem bonus, rectus jam erat ex creatione: sed factus fuisset iustior, hoc est, confirmator in iustitiâ originali, iustus insuper actuali iustitiâ. Tertia rectè sic colligeret siquidem primus homo originalem justitiam habuisset immutabiliter, nec gravitatione seductus creatoris sui præceptum violâisset. Quar-

Refutantur rationes Socinianorum contra justitiam originalem hominis integri. Prima.

Secunda.

tertia.

Vindicantur
dicta.
Gen. I. v. 26.

ta deficit ob insufficientem membrorum enumerationem: Datur tertium, nempe potentia non peccandi, ex concreto habitu iustitiæ mutabilis, quam originalem vocant. Falsum quoque est assumptum posterius: Neque enim nisi hæreticis est ridiculum, Adamum ante delictum primum non peccasse. Sequuntur jam vindiciæ locorum Scripturæ. *Gen. I. v. 26.* Imago Dei etiam dominium hominis in creaturas inferiores complectitur, sed non solum: Neque enim particula exclusiva ad illud restringitur. Sunt præterea aliæ ejus partes, & quidem principales; quas Paulus optimus Moſis interpres, commemorat *Col. 3. v. 10. Ephes. 4. v. 24.* Sapientia, Justitia, Sanctitas; absque quibus ipsi fatentur hæretici dominatum illum exerceri non potuisse. Nec tamen inde sequitur, hominem aut impeccabilem fuisse, ut Deum; aut etiam nunc originaliter justum fore; utpote qui adhuc sit Dei imago: quia imago Dei, cum homini tribuitur, non est æqualitas cum Deo, ex communicatione essentiæ divinæ, quomodo unigenitus ille filius est imago patris: sed quædam cum ipso similitudo, ex communicatione effectuum emergens; quâ conditorem suum conspicuis quibusdam lineamentis referebat. Ideoq; quæ in Deo est justitia, sanctitas, essentialis & immutabilis est; quæ in homine fuit, accidentalis & mutabilis erat: quæ in Deo, impotentia peccandi; quæ in homine, potentia fuit, quâ posset homo non peccare, modo nollet peccare. Quod verò homo etiam post lapsum Dei imago vocatur, latiore significatu & secundum quid intelligendum est; quatenus etiam lapsus retinuit reliquias quasdam illius imaginis, præcipuè autem animam rationalem, volentem, & immortalem. Simpliciter firmasset Dei imago, utique instauratione ad eam non haberet opus *Iohan. 3. vers. 3. 5. Ephes. 4. vers. 24. Colos. 3. vers. 10.* Alii sic eludunt locum, *Genes. I. v. 26.* hominem ad imaginem Dei dici creatum vel formaliter seu habitualiter, quatenus facultate naturali intelligendi & liberè volendi fuit præditus; vel finaliter, quatenus imaginem Dei vitæ sanctimoniæ, & justitiæ debebat exprimere. Sed prius illud non sufficit: Nam ad formalem rationem hominis integri, non minus qualitates morales, seu sunt, Justitia & Sanctitas, *Ephes. 4. v. 24.* quam naturales animæ facultates requirebantur. Posterius etiam qualitates illas præsupponit. Si enim Deus hunc in finem creavit hominem; sequitur viribus quoque

quoque sufficientibus instruxisse, ad edendas operationes iustas, & sanctas; cuiusmodi sunt potentiae morales, non naturales. *Genes. I. v. 31.* perperam aptitudinem opponunt iustitiae. Iustitia erat ipsa formalis aptitudo hominis, per quam aptus & conveniens erat ad id, quod Deus sibi de eo proposuerat, hoc est, ad agnitionem, celebrationem & cultum creatoris sui. Et si inanimata & irrationalia omnia bona fuerunt bonitate naturali; quomodo homo, qui ad legem & legis latorem Deum perpetuam relationem habet, non fuit bonus morali bonitate? Sed moralis bonitas, legi per omnia conformis, universalis iustitia est. Verum sanè est, verba illa de cunctis Dei operibus sex diebus productis enunciarì generali quodam Epiphonemate: interim ad opera singula seorsim pertinent; tum quia genus singulis speciebus suis commune est; tum quia sigillatim de singulis penè usurpantur. Ad hominem vero præcipuè applicanda sunt, quia immediate subjiçuntur creationi ipsius. *Eccles. 7. v. 29.* rectitudinem hominis moralem, non naturalem intelligi, evidens est; partim ex antithesi, quia pravitatem moralem rectitudini opponit; partim ex causâ dicendi. Nam ne quis Deum calumniaretur, ac si ipsius culpâ tam pauci sapientes & recti invenirentur, docet Ecclesiastes, Deum quidem fecisse hominem rectum, ipsummet verò suâ culpa pravum evasisse. Medium inter rectum & pravum, iustum & iniustum, nullum agnoscimus: sunt enim contraria ἀμείωτα immediata, quorum uno posito in subiecto habili, alterum tollitur. Si igitur iniustus non fuit primus homo, iustum fuisse necesse est.

Antithesis II.

Primus homo etiam ante lapsum naturâ fuit mortalis, id quod hæc & alia similia aperte docent. Primum quòd ex terrâ formatus fuit. Secundo, quòd simulatque fuit creatus, cibis vescendis, & liberis gignendis ab ipso Deo destinatus fuit; quarum rerum utramque cum immortalì naturâ pugnare, nemo non intelligit. Adde quòd Paulus Apostolus citra ullam peccati considerationem, sed tantummodò ejus naturam & creationem expendens, ipsum primum hominem Adamum mortalem facit, eique ex alterâ parte secundum hominem, Christum Iesum à mortuis excitatum, & coelestem factum opponit, utpote immortalem. *1. Cor. 15. 45.* Et sane si Adamus immortalis creatus fuisset, nihil attinebat illi arborem vitæ unâ cum aliis arboribus vescendam dare. Et si

naturalem mortalitatem homini peccatum attulisset, essetque ea propria peccati pœna, certè Christus qui peccati pœnam sustulit, ipsam naturalem mortalitatem sustulisset. Postremò, cum omnes cause efficièntes mortalitatis nostræ naturalis sive in nobis, sive extra nos sint, jam antequam primus homo peccaret, existerint non minus, quam postea; necesse est, ut ipse etiam effectus mortalitatis naturalis, non minus antea, quam postea, existerit.

Responsio.

Mortale
quotuplici-
ter dicatur.

Homo inte-
ger quate-
nus mortalis
vel immor-
talis dici
possit.

Non fuisse
simpliciter
mortalem
contra Soci-
nianos.
& Novato-
res

probatur.

Cum Sophisticè ludant adversarii in vocibus *Mortalis & Mortalitis*, *πλοσυρίαν* earum distinguemus primo loco: indè, quo sensu mortalis dici possit homo integer, quo non, exponemus. *Mortale* dicitur aliquid quatuor modis: Potentiâ, vel Actû; Simpliciter, vel Secundum quid. *Potentiâ*, quod potest quidem mori, simul tamen potest etiam non mori; ex potentiâ contrariâ. *Actû*, quod non tantum potest mori, sed etiam actu, & necessariò, moritur. *Simpliciter*, quod materiæ pariter & formæ respectu mortis obnoxium est. *Secundum quid*, quod alterius solum respectu ei est obnoxium. His præsuppositis hominem integrum diversimodè mortalem & immortalem dici posse ac verè fuisse asserimus. *Mortalis fuit*, primò, Potentiâ: potuit enim mori; alioquin nec Deus mortem ei fuisset comminatus, nec ipse unquam mori potuisset: Deindè, *Secundum quid*, hoc est, materiæ corporeæ respectu. Cum enim corpus ipsius Elementare fuerit, ex contrariis qualitatibus compositum; corruptibile quoque fuisse necesse est. *Immortalis* etiam fuit, primò, *Actû*; quia mortalitas nunquam venisset in actum, si nunquam peccâisset, idque vigore pacti, & promissionis Dei, Non morieris, si non peccaveris, *Genes. 2.v.17.* Deinde, *Secundum quid* & respectu formæ; quæ erat anima originaliter iusta & sancta, & hypostaticè unita corpori vitam ei immortalem impertiebat. Sed *Sociniani* neutrum modum immortalitatis admittunt: contendunt verò hominem omnimodè & simpliciter fuisse mortalem, certò moriturum propter naturæ suæ conditionem, etiamsi nunquam peccâisset. Quem errorem communem cum ipsis habent & tuentur *Novatores*: Utrique autem à Pelagianis eum hausere, qui Physicos & Epicureos secuti magistros, creaturas rationales non minus quàm bruta, indè à primo ortu, morti atque corruptioni addixerunt. Quibus omni-
bus

bus rationes sequentes paucis opponimus. *Prima*: Qui ad imaginem Dei conditus fuit in iustitiâ & sanctitate, is naturâ fuit immortalis: Homo integer talis fuit conditus. Ergo. *Minor* ex antecedentibus claret. Consequentia & veritas *Majoris* bifariam demonstratur. I. Imago Dei fuit similitudo cum Deo, in beatâ immortalitate tanquam proprietate communicabili, ad quam etiam per Christum instauramur. Imago Dei fuit homini naturalis, quæ ad formam hominis integri olim pertinebat. Ergo. beata immortalitas ei fuit naturalis. II. Ubi est iustitia perfecta & naturalis, ibidem vita est perfecta & naturalis *Lev. 18. v. 5. Luc. 10. v. 28.* In homine integro fuit iustitia perfecta & naturalis, cum ipsâ naturâ ei communicata. Ergo & vita fuit. Vita autem perfecta & naturalis, est naturalis immortalitas. *Secunda*: Effectum peccati non potest dici naturale homini integro: Mors est effectum peccati. Ergo. *Major* certa est, quia homo integer omnis peccati expers fuit: de quo autem causa negatur, ei effectum negaturo jam peccato eandem ipsi denunciavit, *Genes. 3. v. 19.* & suo tempore irrogavit *cap. 5. v. 5.* III. Quia mors passim in Scripturâ proponitur, ut effectum sive stipendium peccati, *Ro. 5. v. 12. seqq. cap. 6. v. 23. & cap. 8. 10.* Contra hanc rationem duo excipiunt adversarii: *Vnum*, non mortem, sed moriendi necessitatem introduci esse per peccatum: *Alterum*, in dictis allegatis non corporalem, aut temporalem mortem, sed æternam intelligi. Sed *primo* ante peccatum, actu fuerunt in homine; ut ipsi volunt, quomodo non, ante peccatum, necessitati moriendi fuit obnoxius? Nam positis causis sufficientibus in actu, effectus ex necessitate sequitur. Si etiam causa præcipua mortis & mortalitatis, secundum ipsos, est materia corruptibilis; quomodo necessitas materiæ corruptibilis non effecit necessariam corruptionem ac mortem? Scriptura verò mortem & necessitatem moriendi ex eodem peccati fonte pariter deducit *Rom. 6. 23. Hebr. 9. 27.* *Posterius* audax nimis textus Sacri corruptela est. Deus absolutè omnes mortis species homini comminatus est; absolutè etiam mors peccati stipendium appellatur: non minus igitur mors corporalis, quàm æterna, aut spiritualis intelligenda est. Accedit quod mors illa dici-

1. q. homo integer conditus fuit ad imaginem Dei.

2. q. mors est effectum peccati.

Refelluntur exceptiones

prima.

tur reditus in pulverem, *Genes. 3. v. 19.* cujus ipsi infantes in infantiâ morientes exempla sunt *Rom. 5. v. 14.* Sed reditus in pulverem est mors corporalis, nec aliâ morte obeunt infantes, cum ex hac vitâ decedunt. *Tertia*; Quod est præter & contra naturam, id primo homini non fuit naturale: Mors est præter & contra naturam.

3. q. mors est
& contra natu-
ram homi-
nis integri.

Responde-
tur ad ratio-
nes Socinia-
norum
primam.
secundam.

tertiam.

quartam.

quintam.

I. quia est destructio hominis, tum ratione compositi, quod in partes componentes dissolvitur; tum corporis respectu, quod in pulverem & cineres redigitur, II. quia omnes homines naturâ horrent & refugiunt mortem. Ergo. *Ad rationes adversariorum sic ordine respondemus. Prima* tantum probat corpus hominis absolutè & in se consideratum fuisse mortale: hoc quis negat? *Secunda* probat defuisse homini immortalitatem vitæ futuræ, quam nec nos ei arrogamus. Illa enim est impotentia moriendi, potestatem pariter & actum excludens: hæc erat potentia non moriendi, actum tollens, non potestatem. Illa sejuncta est à conditione vitæ animalis, *Matth. 22. v. 30.* I *Corinth. 15. v. 43.* hæc cum eâ conjuncta erat; ex consilio Dei, ad speciei humanæ conservationem & propagationem *Genes. 1. v. 28. 29.* *Tertia* aberrat à mente Apostoli eamque multifariam depravat. I. Quod mortale faciat corpus primi hominis, citra respectum peccati: Imò animale facit non mortale, quale esse potuit, & fuit non minus sine peccato & morte, quàm cum iis. II. Quod conferat utriusque hominis corpus, respectu mortalitatis & immortalitatis: Conferat ea inter se partim conditione & statu, quod alterum animale, alterum spirituale fuerit, *vers. 45.* partim etiam origine & dignitate personæ, quod ille è terra terrenus, hic Dominus è cælo *vers. 47.* III. Quod Christus spiritus vivificus, & Dominus è cælo appelletur, eo quod excitatus è mortuis spiritualis ac immortalis factus sit; cum tamen Apostolus divinum ejus spiritum ac veram Deitatem his ephithetis designet & exprimat. *Quarta* inconsequens est, ob fallaciam causæ. Dedit Deus homini vescendam arborem vitæ, unâ cum aliis arboribus, non quod actu esset mortalis, sed quod immortalitas ipsius conjuncta esset cum conditione vitæ animalis, nutritioni, augmentationi, aliisque affectionibus animalibus obnoxia. Arbor vitæ verò non tam in animalis vitæ alimoniam, quàm in spiritualis sacramentum ipsi fuit concessa. *Quinta* falsa est, quod Christus non sustulerit mortem à fidelibus suis, quate-

quatenus illa pœnæ rationem habet. Sustulit omnem maledictionem & condemnationem *Galat. 3. v. 13. Rom. 8. v. 1.* Ergo & pœnam. Præstitit plenissimam satisfactionem pro peccatis ipsorum *1. Iohan. 1. v. 7. 1. Timoth. 2. vers. 6.* Nullam igitur partem morte corporali ipsis exsolvendam reliquit. Unde mors ipsorum non amplius maledicta, sed benedicta est, beata ac preciosa in oculis Jehovæ *Apocal. 14. v. 13. Psalm. 116. v. 15.* Cujus dies melior est homini quàm dies ortus *Eccles. 7. v. 1.* Sexta similiter falsa est. Ante lapsum nec causæ efficientes internæ mortis, & mortalitatis omnes fuerunt, quia non fuit peccatum nec purga affectuum, nec *diœnegia* humorum. Non etiam fuerunt causæ externæ, quia nec corruptio elementorum, nec hominum inter se, aut creaturarum cum hominibus inimicitia; nec ullæ præterea aliæ naturam humanam infestant.

QUÆST. VII. Undè igitur existit hæc naturæ humanæ pravitas?

RESP. *Ex lapsu & inobedientiâ primorum parentum Adami & Evæ in paradiso. Hinc natura nostra ita est depravata, ut omnes in peccatis concipiamur & nascamur.*

EXEGESIS.

Remotâ falsâ causâ nostrâ corruptionis Catechesis veram substituit, eâ antithesi quæ in ipsa Scriptura reperitur *Psalm. 5. vers. 5. Eccles. 7. vers. 29. Iacob. 1. vers. 13. 14.* Est illa lapsus & inobedientia primorum parentum Adami & Evæ in paradiso: ut culpa pravitatis humanæ non alibi quàm in ipsis hominibus querenda, nec aliundè quàm ab ipsis derivanda sit. Diabolus quidem sollicitavit & impulit homines ad peccandum, sed frustra id fuisset, nisi ipsimet liberè se à Deo avertissent, & Diabolo obtemperassent. Igitur causæ efficientes procreantes nostræ corruptionis sunt primi homines sexu distincti, Adamus & Eva, qui ut historia Geneseos, testatur initâ defectionis societate, peccarunt. Primò autem mulier à serpente Diabolo se-

Peccati primi.

causæ efficientes.

Modus efficiendi.

Objectum ejus.

Actus ejus.

lo seducta descivit; quæ deinde maritum suum voce & exemplo in eandem defectionem pellexit & pertraxit: quamobrem etiam peculiariter causa fuisse dicitur transgressionis, 1. *Tim.* 2. v. 14. 2. *Corinth.* 11. 3. Quod verò *Rom.* 5. v. 12. & 1. *Corinth.* 15. v. 22. ad unum Adamum refertur prima origo mali, ideo fit, quod ipse non solum caput mulieris, sed etiam universæ speciei humanæ principium fuit *Actor.* 17. v. 26. *Modus efficiendi* vocabulis synonymis *lapsus* & *inobedientia* declaratur; quibus similia sunt alia, *peccati* & *transgressionis*, de eâdem defectione usurpata à Paulo, qui *Rom.* 5. eam promiscuè ἀμαρτίαν καὶ ὁβελίαν, παραπτώμα, ὁβελίαν, sed præpositis articulis nuncupat. Ἀμαρτία, *peccatum* dicitur *vers.* 12. quia est aberratio actionis à lege Dei: ὁβελία, *transgressio*, *vers.* 14. quod legem à creatore sibi propositam transgressi sunt primi homines: παραπτώμα, *lapsus*, *vers.* 16. quod prolapsi sunt à primigeniâ suâ dignitate, adeoque ab ipso conditore Deo: ὁβελίαν, *inobedientia*, *vers.* 19. eo quod non auscultârunt voci Dei sui, nec mandato ejus obtemperârunt, ut est *Genes.* 3. *vers.* 11. Sed modus ille ex objecto primi peccati, ejusque actibus plenius cognoscitur. *Objectum* fuit lex specialis de non comedendo fructu certæ arboris, comminatione mortis sancita *Genes.* 2. *vers.* 16. 17. & *cap.* 3. *vers.* 3. 11. Cujus violatio totius legis transgressionem invexit; non solum quòd determinatio esset legis generalis mentibus inscriptæ circa objectum speciale: verùm imprimis quòd esset lex probationis, explorandæ obedientiæ causâ circa totam legem homini proposita; ut non immeritò, in unam impingens, reus factus sit omnium *Jacob.* 2. v. 10. *Actus* ejus in historiâ lapsus quatuor notantur præcipui *Genes.* 3. *Infidelitas* quâ homo plus credidit verbis, & promissionibus Diaboli, quàm comminationibus Dei *vers.* 4. 5. 6. *Superbia*, quâ sorte suâ non contentus affectavit æqualitatem cum Deo *vers.* 6. *Gula intemperies*, concupiscentiâ tum appetitus, tum sensus oculorum concitata, quâ fructum severissimè vetitum desideravit in cibum *v.* 6. *Contemptus* & *violatio mandati divini*, cum manifestâ apostasia conjuncta, quâ à Deo ad Diabolum deliberatò defecit. Est igitur primum hominum peccatum *inobedientia* primorū parentum Adami & Evæ, quâ legē Dei de non comedendo fructu certę arboris, spe obtinendæ equa-

litis

litis cum Deo ex promissione ac persuasione Diaboli transgressi sunt. Cæterum amplificatur hoc peccatum à subjecto loci, quod in Paradiso fuit patratum. Erat enim Paradisus hortus Eden, ^{Locus ubi commissum.} sive voluptatis *Gen. 2. v. 15. 16.* ubi homini omne genus deliciarum non tantum ad copiam, sed etiam ad varietatem affluebat; ut facile à fructu vetito abstinere potuerit. Erat præterea symbolum paradisi cœlestis *Gen. 3. v. 22. Luc. 23. v. 43. 2. Cor. 12. v. 4.* Cujus meditatio à tam securâ violatione mandati divini ipsum debuit avocare.

Hucusque de primo primorum parentum peccato; cuius generum *effectum* subjungit Catechesis, quorum alterum est depravatio humanæ naturæ; alterum naturæ depravatæ ad posteros propagatio. Neque enim primi parentes soli labem sustinuerunt credidissimi lapsus, sed totam naturam suam & universam progeniem eâ coinquinaverunt & perdiderunt: sicut scriptum est; *per unum hominem peccatum in mundum introiit Rom. 5. v. 12.* Item *in Adamo omnes moriuntur 1. Cor. 15. v. 22.* Ratio hujus duplex dari potest. Vna est, quod Adamus principium, stirps, ac radix fuit totius generis humani *Gen. 1. v. 28. Actor. 17. vers. 26. Rom. 5. v. 12. seqq.* eoque non suam modò, sed etiam totius posteritatis, tanquam naturalium hæredum suorum, personam gessit & repræsentavit. Altera est, quod Deus occulto, sed justo iudicio peccatum Adami omnibus ejus posteris imputavit; non aliter quàm si à singulis ipsorum patratum esset. De quo sic Apostolus *Rom. 5. v. 16. Ex una offensa reatus introiit ad condemnationem, & v. 19. Per unius inobedientiam peccatores constituti sunt multi:* Unde filii Adæ non tam ipsius, quàm suam iniquitatem ferunt, ut qui in ipso omnes peccarunt. *Rom. 5. v. 12.*

Depravatio natura humana est, quod primi parentes unâ illâ actuali transgressione naturam suam, omnesque facultates tam animæ quàm corporis, tam superiores quam inferiores horribiliter corruperunt ac vitiarunt. Etenim non tantum excusserunt imaginem Dei, ac justitiam originalem amiserunt; sed injustitiam quoque, impuritatem, perversitatem, & id genus vitiorum sibi contraxerunt. *Gen. 5. v. 1. 3.* Quo ipso utique tota natura humana in ipsis, tanquam in primis speciei humanæ principiis depravata est. De tali depravatione loquitur Apostolus *Rom. 5. v. 12. Per unum hominem peccatum in mundum introiit; & 1. Cor. 15. v. 22.*

Effecta peccati primi.

Depravatio naturæ humanæ.

In Adamo omnes moriuntur. Ejusdem depravationis Adamus statim à lapsu exemplum factus est. Præterquam enim quod nudum se esse cœpit sentire, *Gen. 3. v. 7.* etiam stultitiam, malitiam, & rebellionem, non uno modo prodidit. Stultitiæ fuit quod foliis nuditatem suam tegere, ac latitando Dei judicis conspectum & tribunal declinare se posse existimavit: Malitiæ; quod Deo in os mentiri non erubuit, culpamque suam partim in uxorem, partim in ipsum transfudit: Rebellionis; quod inordinato atque effræni appetitu concupivit contra legem & legislatorem Deum, & immoderatâ illicitâque libidine se sensit titillari, quæ omnia *Gen. 3.* distinctè satis commemorantur.

Propagatio
naturæ depravata.

Modus,

Gradus.

Propagatio naturæ depravata est, quod, qualem primi parentes post lapsum susceperunt, ac retinuerunt naturam, talem etiam liberis suis atque hæredibus communicârunt *Rom. 5. v. 12. seqq.* *Modus* propagationis est generatio seminalis, quâ gignens generat sibi simile substantiâ & accidentibus speciei propriis, hoc est, non tantum homo generat hominem, sed etiam peccator peccatorem, corruptus corruptum: quemadmodum in naturalibus ex patre Elephantiaco gignitur filius Elephantiacus; aut ex venenato serpente serpens venenatus nascitur. Hunc modum Scriptura speciatim & definitè in Adamo & Davide proponit *Gen. 5. vers. 3. Psal. 5. vers. 7.* Generatim verò notat eum in omnibus & singulis hominibus: *Job. 14. vers. 5. quis edat mundum ex immundo scilicet: semine? ne unus quidem.* *Ioh. 3. vers. 6. quod genitum est ex carne caro est.* *Eph. 2. vers. 3. Eramus naturâ filii iræ, sicut & ceteri.* *Gradus* propagationis conceptione & nativitate, hoc est, foetus concepti efformatione definit Catechesis. Primò enim concipitur foetus ex immundo semine *Iob. 14. v. 5. Psal. 51. v. 7.* Indè anima à Deo infunditur *Eccles. 12. v. 9.* sed orbata originali justitia *Rom. 5. v. 16.* Tertiò anima & corpus junguntur in unam hypostasim humanam, quæ se mutuo coinquinant, & in uno supposito culpæ humanæ reatum ferunt *Rom. 5. v. 12.* Nam idem ordo est propagationis peccati, & naturæ: Et sicut generatio non fit in instanti, sed successivè; terminatur autem, quod perfectionem speciei attinet, hypostaticâ partium essentialium unionem; ita propagatio peccati, quod hominis est, successivè peragitur, &

tum

tum demum completa est, postquam fœtus ipsum esse personale, ut vocant, est adeptus. *Subjectum* recipiens pravitatis naturalis, quæ generando communicatur, sunt omnes naturales filii & hæredes Adæ, in quos ipsius peccatum introiit; *Rom. 5. v. 12.* usque adeò, ut ne unus quidem sit justus, *Rom. 3. v. 12.* vel etiam ex immundo semine edi possit *Iob. 14. v. 5. Iob. 3. v. 6.* Ideoque nec liberi sanctorum excipi possunt ab universali hæc corruptionis labe; qui licet sancti sint ex gratiâ fœderis, *1. Cor. 7. vers. 14.* naturâ tamen dicuntur filii iræ sicut & cæteri: *Eph. 2. vers. 3.* id quod suo exemplo David comprobatur *Psal. 51. vers. 7.*

Subjectum recipiens pravitatis quæ propagatur.

Considerationes Catecheticae Novatorum ad quæst: & respons: septimam.

I. *Annon iis, quæ hic dicuntur, Ex lapsu & inobedientiâ &c. addi possit justitia Dei puniens homines primævos, & posteros in ipsis, privatione illius justitiæ & sanctimoniam; ex quarum carentiâ existit illa depravatio natura, cujus hic fit mentio.*

Annon etiam justitiæ Dei punientis hic facienda sit mentio?

Resp. Fons & scaturigo pravitatis humanæ est lapsus & inobedientia primorum parentum, Adami & Evæ in paradiso *Gen. 3. Rom. 5. vers. 12. seqq.* Quem lapsum punivit quidem Deus privatione justitiæ, & sanctimoniam; sed quas homo prior abjecerat, cum sorte suâ non contentus affectaret æqualitatem cum Deo *Gen. 3. vers. 5. 6.* Præterea hic non de pœnâ peccati, sed de ipso peccato, ejusque causâ propriâ quæritur.

II. *An non præstet verba illa, In peccatis concipiamur, numero singulari efferri, prout locus Psalmi habet, in peccato.*

Annon rectius dicatur in peccato concipiamur?

Resp. Scriptura de peccato originali usitatè loquitur numero singulari: non desunt tamen loca ubi pluralem quoque usurpat: *Iob. 9. v. 34. Tu in peccatis natus es totus. Eph. 2. vers. 1. 3. Mortui sumus in lapsibus & offensis, natura: quod repetitur Coloss. 2. v. 15. Sic Rom. 5. v. 6. ante reconciliationem nullis ad bonum viribus fuisse dicimur: omnes igitur vires nostræ propendebant & conspirabant in malum, corruptæ peccatis. Si etiam peccati originalis, quod in se unum est, diversorum subjectorum respectu diversæ sunt partes, quarum singulæ seorsim & per se peccata sunt; prout distinctè recensentur *Rom. 3. v. 10. Eph. 2. v. 1. seqq.**

cap. 4. v. 17. seqq. Tit. 3. v. 3. quid obstat, quominus ad exaggerandam corruptionis nostræ magnitudinem, Catechesis de peccato originali hîc & alibi loquatur numero plurali? Præsertim cum Patres quoque ab hoc loquendi modo minimè abhoruerint, aut abstinuerint, ut qui idem peccatum pluraliter Iniquitates, Contagia, Inquinamenta naturæ, Delicta appellârunt.

Peccatum
Originale
non est pec-
catum me-
tonymicè,
quod Nova-
torib. placet.

Sed specie tenus de numero contendunt Novatores: reverà de ipsa peccati originalis naturâ disceptant; sit ne propriè dictum peccatum? an verò metonymicè sic appelletur? quod effectum & pœna sit propriè dicti peccati. Id ergo brevibus discutiendum venit. Posterius ipsi tenent, & hoc præcipuè argumento tuentur; Quod peccatum originis sit carentia justitiæ originalis & sanctimonix primævæ, cum inclinatione ad peccatum, quæ etiam ante lapsum fuerit in homine. Jam carentiam illam pœnam tantum esse volunt peccati, non ipsum peccatum. Ratio hæc est quod nihil possit esse simul peccatum, & pœna; cum peccatum sit voluntarium, pœna involuntaria; illud actio, hæc passio. Proinde concludunt, peccatum Originale pœnam tantum esse peccati, non propriè dictum peccatum. Sed conclusio hæc ex falsis tum præmissis, tum præmissarum rationibus deducitur; adeò veri nihil toti argumentationi inest. In *Majore* falsum est. I. quod peccatum originis tantum sit carentiâ justitiæ originalis: Imo consistit partim in contrario injustitiæ habitu, ut quæstione sequenti ostendetur. II. quod etiam ante lapsum in homine fuerit inclinatio ad peccandum. Anigitur Deus hominem creavit vitiosum, & ad peccandum proclivem? Non potest ergo eum condidisse valde bonum, quod Moses asserit *Gen. 1. vers. 31*. Quin imo ex hâc hypothese solus Deus est causa efficiens peccati originalis, ut qui ante lapsum homini indidit inclinationem ad peccandum: post lapsum autem eundem justitiâ originali privavit, quod certè dictu impium, blasphemum est. In *Minore*. I. falsa est ipsa propositio, quod carentia justitiæ originalis tantum sit pœna peccati: Etiam peccatum est, tum quia homo justitiam illam contempsit, & ultro abiecit; tum quia naturâ, omnibusque ejus potentiis ac viribus legi Dei esse debet conformis. II. falsa quoque est ratio propositionis, quod nihil simul esse possit culpa & pœna. Contra: Quod simul est *avmu* peccati, & peccatum, id simul

simul culpa & pœna est. Atqui innumera peccata simul sunt ἀντιθετικὰ peccati, & peccatum *Rom.* 1. v. 27. 28. 2. *Theff.* 2. v. 11. *Iohan.* 12. v. 39. 40. & *cap.* 9. v. 39. Ergo. Secus concidit tota illa iustitiæ divinæ œconomia, secundum quam peccata peccatis vindicare consuevit. Quod obijcitur, peccatum esse voluntarium, & actionem; pœnam contra involuntariam, & passionem, id universale non est. Etiam quæ voluntaria non sunt, peccata tamen esse, paulò post docebitur. Et in propagatione peccati Originalis ipsum peccatum geniti & recipientis respectu passio quædam est, non actio; ut nihil nunc dicamus de peccatis actualibus, quorum multa in passione magis, quam in actione consistunt. Manet ergò illud, quod orthodoxi omnes concorditer, constanterque tenent, peccatum originis esse propriè dictum peccatum. Quod etiam majoris evidentiae causâ, unico hoc argumento κατ' ἀντίθεσιν, demonstramus. Cui conveniunt nomina, attributa, forma & effecta peccati inhærentis propriè dicti, id citra controversiam est peccatum inhærens propriè dictum. Atqui peccato originali illa omnia conveniunt. Ergo. Nomina, quia absolute, & κατ' ἐξοχὴν peccatum, lapsus, transgressio, inobedientia, iniquitas, caro, & concupiscentia appellatur *Rom.* 5. v. 12. 14. 16. 19. *Psal.* 51. v. 7. *Ioh.* 3. v. 6. *Rom.* 8. v. 13. & *cap.* 7. v. 7. 8. Attributa; quia dicitur peccatum peccans, *Rom.* 7. v. 13. attributa, peccatum inhærens vers. 17. malum adjacens, vers. 21. lex membrorum, vers. 23. corpus mortis, vers. 24. corpus peccati, & vetus homo, *Rom.* 6. v. 6. sensus carnis, *cap.* 8. v. 7. antiquum fermentum malitiæ, totam massam corrumpens, 1. *Cor.* 5. v. 6. 8. peccatum nos circumstans, *Hebr.* 12. vers. 1. Radix amaritudinis sursum germinans vers. 15. Forma; quia legi contrarium est, *Rom.* forma, 7. v. 7. 8. belligerans adversus legem mentis, v. 22. inimicum Deo, subijci nescium legi ipsius. *cap.* 8. v. 7. Effecta denique; effecta, quia tum opera carnis, *Galat.* 5. v. 17. *Matth.* 15. v. 19. *Roman.* 7. v. 5. tum etiam stipendium peccati, mortem & condemnationem, *Roman.* 5. vers. 15. 18. producit.

Sed est peccatum propriè dictum.

Cui conveniunt peccati propriè dicti Nomina.

*Antithesis Catechetica Socinianorum
ad questionem septimam.*

- Peccatum Originis nullum prorsus est; nec homines propter lapsum Ada, aut quod ab ipso ducunt originem, ulli culpa aut pœna obnoxii sunt. Rationes hæc sunt. I. Omnis culpa voluntaria est, propria voluntatis abusu contracta: In homine dum nascitur, nullus est abusus propria voluntatis. Ergo. II. Quod non est in omnibus hominibus naturaliter, id dici nequit peccatum originale: Pronitas ad peccandum non est in omnibus naturaliter; de quo quidem certo constat. Ergo. III. Quod frequentibus peccatorum actibus contrahitur, & sic transit in naturam, id non manat ex peccato illo primi parentis. Corruptio natura, sive habitus peccandi frequentibus peccandi actibus contrahitur. Ideo Salomon, Eccles. 7. v. 29. non ait primum hominem peccatum commississe, cui omnes obnoxii sint, sed homines quasiuisse cogitationes plurimas. Ergo. IV. Si corruptio natura ex primo illo Ada peccato profecta est, factum id vel vi illius peccati, vel Dei illud punientis decreto. Non prius. I. quia minus actus non facit habitum. II. quia ne ipsius quidem Ada naturam ita depravavit. Nec posterius. I. quia hoc adversatur rectitudini & voluntati Dei, qui odio habet peccatum, & ne homines peccent apertissime edicit. II. quia Genes. 3. nulla ejusmodi pœna mentio fit, ubi tamen diligens earum omnium enumeratio instituitur. Ergo. Sunt quidem testimonia Scripturæ, quæ peccatum originis docere videntur, sed solide evinci ex iis aut extrui nullo modo potest. Genes. 6. v. 5. & cap. 8. v. 21. Agitur de peccato voluntario, & priore quidem loco de tali peccato, cujus causâ pœnituit Deum, quod hominem creasset, & eum diluvio punire decrevit. Posteriore autem de eo, quod tantam vim habiturum non sit, ut Deus mundum diluvio propter illud iterum punire velit. Psal. 51. v. 7. David loquitur non de quibusvis hominibus, sed de se tantum; nec simpliciter, sed habitu ratione lapsus sui, & eo loquendi modo, qui manifestam habet hyperbolen, cujus exemplum etiam alibi, Psal. 58. v. 4. occurrit. Rom. 5. v. 12. non habetur in Adamo omnes peccasse: verum in Græco verba sunt ἐφ' ὧν, quæ passim interpretes reddunt in quo, cum tamen reddi possint per particulas, quoniam vel quatenus, ut è locis similibus, Rom. 8. v. 3. Phil. 3. v. 12. Hebr. 2. v. 18. 2. Cor. 5. v. 4. videre est. Denique Ephes. 2. v. 3. Filii iræ dicimur, quia Adamus, hos posteros suos genuit, cum jam esset filius iræ.*

Respon-

Responsio.

Peccatum originale ambigüe dicitur, latè vel strictè. *Latè*, Peccatum
 tum primam transgressionem Adæ omnibus naturalibus ejus hæ- Peccatum
 redibus imputatam, tum depravationem naturæ ex eâ in sin- Originale.
 gulis secutam completitur. *Strictè*, solam naturæ depravatio-
 nem significat, à quâ transgressio illa Adæ tanquam causa à suo
 effectu, sive ut culpa originans à labe originali distinguitur. Po-
 steriore modo peccatum Originale proponit & propugnat Ca-
 techesis: oppugnant verò Sociniani, siquidem primò negant hic strictè
 esse aliquam pravitatem naturæ, quæ generando in nos propa- sumitur.
 getur, adeoque ab ipso conceptu nobis inhæreat: secundo ne-
 gant causam hujus pravitatis esse lapsum & transgressionem A-
 dæ. Etsi verò testimonia & rationes, quibus nititur veritas do-
 ctinæ Catecheticae, in ipsâ Exegeſi attigimus, hoc tamen loco
 paulo plenius explicanda sunt. *Prius membrum* argumentis tum
 inartificialibus, tum artificialibus confirmatur. Inartificialia 1. Pecc. Orig.
 sunt: Genes. 5. v. 3. *Adamus genuit filium in imagine suâ, secundum esse pravita-*
similitudinem suam, quæ opponitur imagini & similitudini Dei tem naturæ
 vers. 1. Job. 14. v. 5. *Quis edat mundum ex immundo semine? ne u- generatione*
nus quidem. Psalm. 51. v. 7. *In iniquitate conceptus sum, & in pec- propagatam*
cato fovit me mater mea. Esa. 48. v. 8. *Transgressorem ab utero vocavi probatur*
te. Joh. 3. v. 6. *Quod genitum est ex carne, caro est*. Ephes. 2. v. 3. Dictis.
Eramus naturâ filii iræ, sicut & ceteri. Artificialia sunt. I. Quod
 cum ipsâ natura propagatur, id propagatur per generationem: rationibus
 nec enim alius datur naturæ propagandæ modus. Peccatum, si- 1.
 ve pravitas Originalis, cum ipsâ naturâ propagatur; ut quæ in-
 de naturæ & naturalis appellatur Eph. 2. v. 3. Ergò II. Quod 2.
 in statu peccati omnibus, solisque hominibus, & semper con-
 venit, id generando in eos propagari necesse est. Peccatum O-
 riginale in statu peccati convenit omnibus hominibus, quia non
 est justus, ne unus quidem: omnes autem deflexerunt, & simul inutiles
 facti sunt Rom. 3. v. 10. 12. Convenit etiam solis, ut qui soli ex
 immundo semine generantur Job. 14. v. 5. Denique semper, quia
 omni tempore, indè à pueritiâ, imò ab utero proni sunt ad
 malum Esa. 48. v. 8. Genes. 6. v. 5. & cap. 8. v. 21. Ergò III. 3.
 Dato effectu proximo, datur quoque necessariò ejus causa. In
 infantibus datur effectus proximus, Mors Rom. 5. v. 14. Ergo
 datur

datur etiam ejus causa, peccatum *Rom. 6. v. 23*. Atqui non datur peccatum actuale: neque enim peccarunt ad similitudinem transgressionis Adæ. Ergo datur Originale cum ipsâ naturâ in eos propagatum. IV. Omne generans generat sibi simile substantiâ, & accidentibus speciei propriis: quod patet partim ex definitione generationis, partim omnium generantium inductione. Atqui homo post lapsum est generans corruptum *Iob. 14. v. 5. Rom. 3. v. 10. seqq.* Ergo & corruptione sibi similes generat. V. Contrariorum eadem ratio est. Quemadmodum igitur justitia inhærens nobis communicatur per supernaturalem regenerationem, ita inhærens injustitia communicatur per naturalem generationem *Iob. 1. v. 12. 13. cap. 3. v. 6. 1. Perr. 1. v. 23*. Sed injustitia ex generatione nobis inhærens est ipsum peccatum originale. *Posterius membrum* sic demonstratur. I. Per quem peccatum introiit in mundum, is pravitatis humanæ causa, & autor est. Per Adamum ejusque lapsum introiit: *Rom. 5. v. 12. Per unum hominem peccatum introiit in mundum. vers. 16. Per unius lapsum reatus venit in omnes homines. vers. 19. per unius inobedientiam peccatores constitui sunt multi.* Hinc est quod lapsus ille peccatum mundi appellatur. *Iohan. 1. v. 29*. Ergo. II. Qui omnibus & singulis hominibus mortis, idem peccati quoque & corruptionis causa est *Rom. 6. v. 23*. Adamus omnibus, & singulis hominibus est causa mortis *Rom. 5. v. 12. 14. 15. 16. 17. 18. 1. Cor. 15. v. 22*. Ergo. III. Quæ ratio est Christi ad suos, eadem Adami ad suos. Atqui Christi ad suos hæc ratio est, ut ipsis causa sit justitiæ, & sanctitatis, communicans ipsis hæc dona sua. Ergo Adami ad suos similis ratio est, ut ipsis quoque communicet injustitiam & peccatum. Utraque propositio est Apostoli: Major, *Rom. 5. v. 14. seqq. 1. Cor. 15. v. 22*. Minor, *Rom. 5. v. 18. 19. 1. Cor. 1. v. 30*. IV. Qui est principium naturæ humanæ, & propagationis ejus, idem peccati & pravitatis quoque principium & causa est. *Ratio.* quia natura humana in primo speciei principio fuit depravata *Rom. 5. v. 12. Gen. 5. v. 3*. Atqui Adamus est primum principium naturæ humanæ, & propagationis ejus *Genes. 1. v. 28. Luc. 3. v. 38. Act. 17. v. 26*. Ergo. V. Non datur progressus causarum in infinitum. Aut ergo Adamus universalis pravitatis principium est, aut aliquis posterorum ipsius. Sed falsum est posterius. I. quia Scriptura à nullo posterorum ipsius pravitatem illam derivat.

2. Pecc. Orig.
causam esse
lapsum Ada-
mi demon-
stratur.

1.

2.

3.

4.

5.

derivat. II. quia omnes ipsius posterius particularia solum principia, non universalia fuerunt: neque etiam prima, sed secunda principia. Verum igitur est prius.

His rationibus abundè confirmata est orthodoxæ doctrinæ veritas. *Rationes opposita*, quibus sententiâ adversariorum subfulcitur, non magni momenti sunt. In prima propositio Major ne quidem de omni peccato actuali vera est. Multa peccata omissionis, quædam etiam commissionis, quæ ex ignorantia, infirmitate aut perturbatione patrantur, licet à voluntate non procedant, tamen verè sunt peccata: multo minus igitur vera est de illo peccato, quod ipsius naturæ labes est & macula *Ephes. 2. v. 3.* Neque enim τὸ ἐκούσιον, sive voluntarium, peccati formale est, sed τὸ ἀκούσιον; dicente Apostolo, non, quod volo, hoc ago, sed quod odi, hoc facio. *Rom. 7. v. 15.* In secunda falsa est Minor; tam certum est pravitatem ad peccandum, inesse omnibus hominibus naturaliter, quàm certa sunt hæc & similia Scripturæ effata, quæ de naturali omnium & singulorum pravitatem testificantur: *Iob. 14. v. 5.* Quis dabit mundum ex immundo semine? ne unus quidem. *Johann. 3. v. 6.* Quod genitum est ex carne, caro est. *Rom. 3. v. 10. 12.* Non est justus, ne unus quidem: Omnes deflexerunt, simul inutiles facti sunt, non est qui faciat quod bonum est, non est usque ad unum. *Ephes. 2. v. 3.* Erasmus naturâ filii iræ, sicut & ceteri. In tertiâ iterum negatur minor: Non contrahitur actionibus peccandi illud, quod singuli ab utero secum ferunt: *Esa. 48. v. 8. Eph. 2. v. 3.* φύσις, naturâ, esse filium iræ, opponitur τῷ ἔθῳ, consuetudini, & assuefactioni, quâ acquiritur habitus. Quomodo etiam, si talis habitus transire potest in naturam ad ejus corruptionem, peccatum Adæ, qui stirps, & radix fuit totius generis humani, naturam nostram corrumpere nequivit? Num igitur minoris efficacis fuit ipsius peccatum, contra totum decalogum pugnans, in attrahendâ pœnâ; quam hominis alicujus vitiosi peccatum in corrumpendâ posteritate? *Locus. Eccles. 7. v. 29.* de primo primi hominis peccato præcipuè agit. Certè primus homo is fuit, qui in principio rectus à Deo creatus est, *Gen. 1. v. 26. 27.* qui deindè à rectitudine suâ descivit, quærens cogitationes multas, scilicet alienas à recto, hoc est obliquas & pravas; cujusmodi cogitationes fuere, quas à serpente tentatus versavit animo; Quid tibi fructus hic obesset? Aperientur oculi

Confutantur rationes Socinianorum. prima.

secunda.

tertia.

quarta.

culi tui; obtinebis æqualitatem cum Deo; & similes *Genes. 3. v. 5. 6.* Ita locum interpretatur Augustinus *lib. 14. de Civit. Dei cap. 11.* Nec obstat pronomen plurale *Ipsi*; Marem enim & feminam respicit, quorum ante nomine colectivo singulari meminerat; vide *Genes. 1. v. 26. 27.* In quarta manifestus est Elenchus oppositorum. Ex utroque corruptionem naturæ derivamus, tum ex peccato Adæ, qui principium fuit speciei humanæ, ejusque personam gessit: tum etiam ex decreto Dei, primi hominis defectionem iustè punientis in totâ posteritate ipsius. *Rom. 6. v. 12. 16. 19.* Probationes utriusque membri falsæ & frivolæ sunt: *Prioris*; quia unius peccati actus habitum effecit, vel potius ἀδυναμίαν boni & δύναμιν mali invexit, culpâ & merito, secundum peculiarem œconomiam judicii divini *Rom. 5. v. 16. 19.* Quod verò ipsius Adami naturam depravarit id partim ex factis ipsius, & Dei, *Genes. 5. v. 1. 3.* supra pemonstratum est. *Posterioris*, quia facere aut præcipere peccatum adversatur rectitudini & voluntati Dei; non autem illud punire etiam ad posteritatem, privatione imaginis suæ *Rom. 5. v. 16.* & culpæ communis imputatione, v. 19. *Genes. 3.* pœna corruptæ naturæ in actibus, sive factis quibusdam hominis lapsi, nec non in denunciatione mortis proponitur; quæ mors omnis peccati, quod per lapsum Adæ introiit; in mundum, iustissimum est stipendium *Rom. 6. v. 23.*

Vindicantur dicta.

*Gen. 6. v. 5.**Gen. 8. v. 21.*

Confutatis rationibus etiam loca Scripturæ ab hæreticis glossæmatis vindicanda sunt. *Genes. 6. v. 5.* de utroque peccato agitur: Actuali, quod videbat Jehova indies augetere: & Originali, ex quo habitus & conditio mentis, voluntatis, affectuum mala fuisse dicuntur omni tempore. Utrumque etiam movit Deum ad immitendum diluvium: neque enim ferre diutius potuit, peccatum originale regnare per actualia, non modò in hominum, sed etiam in Dei Filiis, ut est v. 2. 3. *Genes. 8. v. 21.* etiam illustrior peccati originalis probatio est. Non loquitur textus de impiis qui ante diluvium erant, sed de indole & conditione totius generis humani. Nec erant tunc in terrâ alii homines quàm Noah iustus cum suis, & tamen etiam de illis disertè affirmat, figmentum cogitationum cordis humani prævum esse. Denique ne pravis exemplis aut imitatione contracta vide-

retur

retur pravitas, addit, talem esse hominem à pueritiâ, indè à primâ ætate. Quæ omnes circumstantiæ liquido ostendunt de peccato originali sermonem esse. Promittit igitur Deus peculiari quâdam indulgentiâ, se non obstante generali hâc generis humani corruptione, rerum ordinem instauraturum & conservaturum; nec illuvionem universalem, quâ ordo ille turbetur aut abrumptur, deinceps usque ad finem seculi inducturum esse. *Psal.* 15. v. 7. loquitur sanè David de se, sed ita ut exinde cæterorum hominum naturalem conditionem liceat æstimare, argumento gemino. A pari; quia omnium eadem ratio est *Iohan.* 3. v. 6. *Ephes.* 2. v. 3. Et à majori; quia si David, vir secundum cor Dei, in peccato conceptus, natus fuit, quanto magis alii? Habet etiam hoc genere sermonis lapsus sui rationem, sed ita, ut ad fontem ejus assurgat, nempe conceptionem peccato infectam, ut ex verâ humilitate utrumque peccatum deploret, & ignosci sibi petât. Proinde affingenda non est hyperbole verbis ipsius, sed sincera ac rotunda confessio omnium peccatorum in iis agnoscenda. Similem pravitatem in impiis notat *Psal.* 58. v. 4. sed cui ipsi indè à teneris indulserant non refranantes eam recto judicio, vel saltem externa disciplina. *Rom.* 5. v. 12. particulæ ambiguae sunt, quas alii ad remotius referentes reddunt *in quo*, ut est. *1. Corinth.* 15. v. 22. Alii antecedens proximum respicientes vertunt *eò quòd*, vel *quia*, ut causæ redditionem significant: sed sensu plane eodem. Si enim idè per Adamum in omnes homines mors pervasit, quod omnes peccarunt, peccato scil. illo, quod per ipsum introiit in mundum, ut habet membrum prius; consequens est, omnes in ipso peccasse *διωόμεν* & originaliter, cum nullus præter ipsum & uxorem Evam tum existerit. *Ephes.* 2. v. 3. docet Apostolus, non qualis fuerit Adam cum gigneret filios, sed quales nos simus ex ipso progeniti. Vocat autem nos filios iræ naturâ, hoc est à conceptione, & nativitate: sic enim locutio illa etiam alibi usurpatur. *Galat.* 2. v. 15. *Roman.* 2. v. 14. Et opponuntur inter se *ἐξεν τῇ φύσιν, καὶ τῷ ἔθει*. At quæ *ἔθει*, hoc est consuetudine, & assuefactione obtinentur, acquisita sunt. Ergo quæ *φύσιν*, naturâ possidentur, naturalia.

Psal. 51. v. 7.

Rom. 5. v. 12.

Eph. 2. v. 3.

QUÆST. VIII. An verò adeò corrupti sumus, ut ad benè agendum prorsus non simus idonei, & ad omne vitium proclives?

RESP. Certè: nisi per Spiritum Sanctum regeneremur.

EXEGESIS.

Naturæ pravitatis quanta.

Quatenus privatio iustitiæ & iniustitiæ habitus dicatur.

Quæ ex eâ est impotentia ad bonum, & proclivitas ad malum probatur.
I. Generationem.

Quæ ab Adamo in omnes ipsius posteros per generationem propagatur naturæ pravitatis, ab adjunctâ magnitudine, sive quantitate amplificatur. Causa duplex est: Una, ut constat homini post lapsum nihil virium reliquum esse ad bonum: Altera, quò etiam doceatur corruptionem naturæ humanæ non tantum esse privationem iustitiæ originalis, sed etiam originalis iniustitiæ habitum. Ubi tamen termini Scholarum rectè intelligendi sunt: Neque enim privatio illa propriè loquendo dici potest carentia habitus; cum iustitia originalis non fuerit in primo homine per modum habitus proprii; sicuti nec contraria iniustitia habitus propriè dicti, cuiusmodi crebris actionibus acquiritur, rationem habet. Sed privatio notat carentiam rectitudinis & integritatis omnium virium hominis, atque illius etiam inclinationis, quâ sponte movebatur ad servandum legem; habitus verò notat corruptam & inordinatam dispositionem virium humanarum, nec non averfionem ab iis, quæ lex præcipit; & inclinationem ad ea, quæ prohibet. Ita tam privatio, quàm habitus ad secundam speciem Qualitatis referenda sunt: Et illa iustitiæ originali opponitur privativè, tanquam *ἀδυναμία* moralis, hic verò eidem opponitur positivè, sive contrariè, ut moralis quædam *δύναμις*. Affirmat igitur Catechesis tantam esse naturæ nostræ corruptionem, ut ad benè agendum prorsus non simus idonei, sed ad omne vitium proclives. Cujus assertionis veritatem bifariam ex Scripturâ Sacrà demonstramus. *Generatim*. I. ex illis locis, quæ totum hominem, quantus quantus est, & quoad animam, & quoad corpus subjiciunt corruptioni peccati: cuius generis sunt, ubi vetus homo, *Rom. 6. v. 6. Ephes. 4. v. 22.* & caro, *Ioh. 3. v. 6.* appellatur, qui corpus peccati & mortis, *Rom. 6. v. 6. & cap. 7. v. 24.* perpetuò circumfert. II. Ex locis aliis,

aliis, quæ de peccato originali partim negativè, sive privativè, partim etiam affirmativè & positivè loquuntur. Negativè : Rom. 3. v. 10. seqq. *Non est justus ne unus quidem; non est qui intelligat, non est qui exquirat Deum: Omnes deflexerunt, simul inutiles facti sunt.* cap. 5. v. 6. *Christus, cum nullis adhuc viribus essemus, pro impiis mortuus est.* cap. 7. 18. *Scio non habitare in me, id est, in carne meâ bonum.* Affirmativè : Genes. 6. v. 5. & cap. 8. v. 21. *Omne figmentum cogitationum cordis humani tantum ad malum est, omni tempore, indè à pueritiâ.* Johann. 3. v. 6. *Quod genitum est ex carne, caro est.* Rom. 7. v. 23. *Video aliam legem in membris meis, belligerantem adversus legem mentis meæ, & captivum me reddentem legi peccati.* Speciatim ^{2. Speciatim.} ex illis locis, quæ seorsim & distinctè omnibus animæ potentiis, menti, voluntati, affectibus, & appetitui, corpori item, ejusque membris ineptitudinem ad bonum & proclivitatem ad malum attribuunt. Menti ista : 2. Cor. 3. v. 5. *Non sumus idonei ex* ^{de mente.} *nobis ipsis ad cogitandum quicquid, velut ex nobis ipsis.* 1. Cor. 2. v. 14. *Animalis homo non est capax eorum, quæ sunt Spiritus Dei: sunt enim ei stultiitia, nec potest ea cognoscere.* Rom. 8. v. 7. *φρόνημα, hoc est, sensus, sive intelligentia carnis, inimicitia est adversus Deum. Legem Dei non subjicitur: nam ne potest quidem.* Eph. 4. 17. 18. *Am- de voluntate* ^{de voluntate} *bulant in vanitate mentis, tenebris obscuratam mentem habentes.* Vo- ^{de affectibus} ^{& appetitu.} *luntati ista : Ephes. 2. v. 1. 2. Coloss. 3. v. 12. Eramus mortui in lapsi- bus & offensis nostris. Genes. 8. v. 21. Figmentum cordis humani tan- tum ad malum est, à pueritiâ ipsius. Jerem. 17. v. 9. Fraudulentum est cor ipsum, & mortiferum supra omnia; quis cognoscat ipsum.* E- phe. 2. v. 3. *Facientes quæ carni & cogitationibus libebant.* Affectibus ^{de affectibus} ^{& appetitu.} *& appetitui ista : Tit. 3. v. 3. Eramus & nos quondam rebelles, ser- vientes cupiditatibus, ac voluptatibus variis, in malitiâ & invidiâ de- gentes, alii alios odio prosequentes.* Ephes. 4. v. 19. *Dediderunt se la- servie, ad certatim patrândam omnem impuritatem.* Galat. 5. v. 19. *Manifesta sunt opera carnis: quæ sunt, adulterium, scortatio, impuri- tas, lascivia.* Corpori ejusque membris hæc : Roman. 6. v. 12. *Ne de corpore* ^{de corpore} ^{ejusque} ^{membris.} *regnet peccatum in mortali vestro corpore; & v. 13. Ne sistite membra vestra serva injustitiæ peccato.* cap. 3. v. 13. seqq. in singulis penè membris, peccati inhabitantis vis & ἐνέργεια ostenditur : *Guttur est sepulcrum apertum, sub Labiis venenum aspidum, in Lingua do- lus, Os plenum diris & amarulentiâ, Pedes ad effundendum sanguinem veloces.* Quibus omnibus abundè demonstratum, nos in hac

Manentibus
tamen facultatibus;

& observato
discrimine
inter actiones
spirituales
& civiles

Pravitatem
naturæ tollit
regeneratio
per Sp. S.

Servitus
peccati à
Catechesi
asserta.

naturæ nostræ corruptione ab benè agendum ineptos, ad malum verò proclives esse. Neque propterea Catechesis hominem facit truncum vel stipitem, quasi nec intelligentia, nec voluntas ulla sit ipsi relicta; sed tantum eum benè intelligendi, benè volendi, & agendi facultate per peccatum spoliatum asserit. Quod pulcerrimâ explicat sententiâ autor libri *de vocatione gentium*; *Homo*, inquit, à *Diabolo non voluntate spoliatus est, sed voluntatis sanitate*. Quæ ergò naturâ erat bona, qualitate facta est mala. Ingens præterea discrimen est inter actiones spirituales, & civiles, quæ externæ disciplinæ dici solent. In illis nihil potest hominis corrupti arbitrium, de quibus & hoc loco sermo est: In istis aliquid potest; si quidem gubernare actiones externas, & coercere externa membra juxta præcepta decalogi potest suo modo, etiamsi motus interiores vel non adsint vel non consentiant. Assertioni huic de totali hominis corruptione subicit Catechesis mentionem causæ corrumpentis, quæ est regeneratio per Spiritum Sanctum, cum probationis, tum præcipuè explicationis gratiâ; ut ostendat, non semper, nec in omnibus manere illam corruptionem: & quæ in nonnullis post lapsum deprehenditur aversio à malo, & propensio ad bonum, eam non à corruptione naturæ, sed ab ejusdem regeneratione ac renovatione procedere. Quod Scriptura his & similibus dictis clarissimè testatur: Joh. 3. v. 5. 6. *Nisi quis regenitus sit ex aquâ & spiritu, non potest introire in regnum Dei. Quod genitum est ex carne, caro est, & quod genitum est ex spiritu, spiritus est.* cap. 1. v. 12. 13. *Filii Dei sunt facti, qui non ex sanguine, neque ex libidine carnis, neque ex libidine viri, sed ex Deo geniti sunt.* Ezech. 36. v. 26. 27. *Dabo vobis cor novum, & spiritum novum; & spiritum meum ponam in medio vestri; quo faciam, ut in statutis meis ambuletis, &c.* De quibus, uti quoque de naturâ, ordine, ac modo regenerationis, infra suo loco copiosè agetur.

Exiis verò quæ de naturæ humanæ corruptione hætenus dicta sunt, apparet; doctrinam de servitute peccati non omissam in Catechesi, sed quantum puerili & populari institutioni satis est, in eâ explicatam esse. Si enim homo ineptus est ad bonum, & proclivis ad malum, quid aliud est, quàm fœditissimum mancipium peccati; cujus cupiditatibus ac desideriis perpetuò indulget & obsecundat. Si etiam libertas ab hâc servitute redemptionis ac rege-

regenerationis beneficio nobis obtingit, secundum doctrinam Scripturæ, *Ioh. 8. 32. 2. Cor. 3. 17.* & Catecheseos: certè quoque expertes sunt utriusque beneficii, servituti peccati obnoxii esse declarantur. De hac servitute summam notanda sunt quatuor. I. Metaphoricè sic dici, metaphorâ sumtâ à servitute corporali, & relatè ad dominium illud, sive imperium, quod in homine animali obtinet, & exercet innata corruptio *Rom. 6. v. 12. seqq.* II. Gradum ejus duplicem esse, quorum alter in interno sensu, & delectatione, alter in externo opere consistit *Iac. 1. v. 14. 15. Gal. 5. v. 17. 18. Rom. 6. v. 12. 13. & cap. 1. v. 32.* III. Principalem ejus causam esse quidem innatam homini pravitatem, minus principalem tamen rectè statui peccandi consuetudinem; quâ fit, ut pravitas illa impotentius multò grassetur, & peccator tanto minus in eâ coercendâ libertatis retineat. Quod probat Apostolus *Eph. 4. v. 19.* & aliis; approbat sana Philosophia, quatenus docet inclinationem ad vitia prævalere rectæ rationi, postquam continuatis, aut frequentioribus actibus confirmata est. IV. Servitutem illam peccati aliam esse secundum statum, cum homo in carne & secundum eam ambulat toto corde, absque luctâ & pœnitentiâ ruens in malum, *Rom. 6. v. 12. seqq. cap. 8. v. 4. 5. 8. 9.* aliam secundum actum, cum incautus, & securus uno aliquo actu in illud abripitur: quod etiam regenitis evenire exempla Sanctorum in historiâ sacrâ, & communi experienciâ nimis testantur.

Quæ de eâ
notanda.

Consideratio Catechetica Novatorum ad quæstionem & resp. octavam.

I. An verbis hisce: ad omne vitium proclives, idem significetur, quod quæstione LX. istis, ad omne malum propensus: Id si ita habet, queritur annon frustra addantur hoc loco ista, nisi per Spiritum S. regeneremur; cum regeneratio propensionem ad malum non auferat, ex mente quæstionis LX. eoque considerandum venit, num quis simul & eodem tempore esse possit ad omne vitium proclivis, & ad omne malum propensus, & tamen ad bene agendum idoneus: & num in eodem homine possit esse propensio ad odium Dei & proximi, & aptitudo ad bene agendum, cum odium Dei & proximi species sit propensionis ad omne malum. Quin & illud expendi meretur; num & quinta quæstio unâ responsione tam ad credentem & regenitum referri possit, quàm ad irregenitum; ideoque videri possit miseriam hominis non suis exprimi istis Phrasibus, quæ simul etiam ad regenitos applicari queant, eorumque statum non minus, quàm irregenitorum exprimant.

An quæstiones hæc & 60. de eadem propensione ad malum loquantur, & hic rectè addatur, eam per regenerationem tolli?

Resp.

Resp. Verbis illis diversis locis repetitis idem significatur, at non eodem modo & gradu. In homine misero, nondum regenito, de quo hîc, est totalis propensio ad omne malum, & peccati inhabitantis plenum dominium: In homine liberato, hoc est justificato, & regenerato, de quo quæstione LX. sermo est, sunt propensionis illius reliquiæ, in aliis majores, in aliis minores; ex peccato non quidem planè regnante, nondum tamen edomito, aut planè abolito *Rom. 6. 7. capp.* Adduntur ergò verba illa de regeneratione Spiritus, partim faciendi discriminis causâ, partim ut *ἀδυναμία* hominis ad sui conversionem plenius ostendatur. Quibus observatis per se claret, quid ad porismata Consideratorum respondendum sit. Primum affirmatur de homine regenito; in quo caro, & spiritus, *Gal. 5. v. 17.* lex membrorum, & lex mentis *Rom. 7. v. 23. 25.* De irrogenito negatur. Alterum eadem distinctione dissolvitur; & quia in renatis non est perfecta Dei dilectio ex toto corde, ex totâ animâ &c. superesse oportet reliquias affectus contrarii, qui in Scripturâ odii nomine venire solet. Tertium negatur, quia variat subjectum quæstionis V. & LX. quod illic homo miser. irrogenitus: hîc autem liberatus & regenitus. Talia verò sunt prædicata, qualia permittuntur esse à suis subjectis: & tamen eadem prædicata de diversis subjectis usitatè enunciantur respectu, & modo diverso. Ita Apostolus irrogenitos, & regenitos, *carnales* vocat, *Rom. 7. v. 14. 1. Cor. 3. v. 3.* & Johannes utrosque peccare affirmat *1. Iob. 2. v. 1. & cap. 3. v. 8. 9.*

Assertiones
Novatorum
de corrup-
tione ho-
minis.

Hæc de consideratione Novatorum circa quæstionem octavam. Præter eam verò, *assertiones* doctrinæ Catechetiæ repugnantes, quæ hujus quidem loci sunt, sequentes duas tuentur.

I. Irregenitum
non esse omni-
bus ad bonum
spirituale viri-
bus destitutum

I. Homo irrogenitus non est totaliter mortuus in peccatis, nec omnibus ab bonum spirituale viribus destituitur. Rationes sunt I. Quia reliquias quasdam obtinet imaginis Dei, tanquam fundamenta generalia religionis, & cultus divini. II. Quia actûs vitæ spiritualis exercere potest, ut sunt; clara, & aperta intelligentia omnium eorum quæ ad æternam salutem consequendam scitu, creditu, speratu, & factu necessaria sunt; nem desiderium gratiæ, fames ac sitis justitiæ, preces, propositum ac tentamen vitæ in melius commutanda &c.

Corruptio
naturæ est
totalis.

Resp. Totalem non partialem esse corruptionem illam, quam

quam ex Adamo nascendo trahimus, in ipsâ exegefi quæstionis demonstratum est, & vel unico hoc argumento liquere potest: Ubi est totalis privatio virium omnium ad bonum spirituale, ibidem est mors totalis. Valet consequentia à definitione ad definitum. In homine irrogenito est totalis privatio omnium virium ad bonum spirituale, teste Apostolo Rom. 5. v. 6. *Christus pro nobis mortuus est, cum nullis adhuc viribus essemus.* Quod alibi per partes distinctè declarat: Rom. 3. v. 10. *Ephes. 2. v. 11. & cap. 4. v. 17. Tit. 3. v. 3.* Est igitur in eodem mors totalis, sicut non semimortuus, sed mortuus esse dicitur in peccatis suis *Eph. 2. v. 1. Col. 2. v. 13. Ioh. 5. v. 25.* *Objectio prima* de reliquiis imaginis Dei impertinens est. Non enim assurgunt, aut pertingunt ad spirituale illud bonum, quod Pater cælestis, ejusque spiritus, non caro, & sanguis nobis revelant *Matt. 16. v. 17. I. Cor. 1. v. 10.* Falsum etiam quod asserit, reliquias illas esse fundamenta generalia religionis, & cultûs Dei; tum quia doctrinam veritatis quæ est secundum pietatem, *Tit. 1. v. 1:* ne in genere quidem tradunt: tum quia timorem, ac fiduciam veri Dei animis hominum nullatenus ingenerant. De quo autem definitio, & propria effecta negantur, ei definitum ejusque natura, nec in genere, nec in specie potest attribui. *Objectio secunda* tota falsa est, naturæ corruptæ actus illos transcribens, quos illuminantis aut regenerantis gratiæ esse infra suo loco figillatim ostendetur.

Confutatur
objectio prima.

secunda.

II. *Voluntas hominis nunquam in se corrupta fuit, sed tantum per tenebras mentis & affectuum inordinationem impedita est circa electionem boni spiritualis, in quo servitus peccati propriè consistit.*

2. voluntatem
humanam non
corruptam esse;
& in eâ solâ
servitutem
peccati resile-
re.

Resp. Assertio hæc utraque parte erronea est; tum *negativâ*, quæ negat corruptionem ac pravitatem voluntatis humanæ; tum *affirmativâ*, quæ servitutem peccati ex mente & affectibus in voluntatem derivat, inque eâ solâ collocat. Utriusque falsitas paucis ex Scriptura demonstranda est: Nec enim opus multis argumentis in re liquidâ. *Prioris. I.* Ab attributis. Quod est prævum, fraudulentum, vanum, durum, tardum, lapideum, incircumcisum, præputiatum naturâ; id in se & naturâ corruptum est. Cor, sive voluntas hominis, talis est: *Ier. 17. v. 9. Psal. 5. v. 10. Eph. 4. v. 17. Rom. 2. v. 5. Luc. 24. v. 25. Ezech. 36. v. 26. Act. 7. v. 51. Ier. 4. v. 4 & cap. 9. v. 26.* Ergo. II. Ab effectis

Voluntashu-
mana.
1. corrupta
est.

2. non sola
serva peccati

effectis ; Quod perpetuò intentum est malis , ipsas animæ facultates intus magis corrumpit , foris autem non nisi prava opera edit , id in se & naturâ corruptum esse oportet. Cor , sive voluntas hominis perpetuò intenta est malis , *Gen. 8. v. 21.* ipsas animæ facultates intus magis corrumpit , *Eph. 4. v. 18.* foris autem non nisi prava opera edit *Matt. 15. v. 19.* Ergò. III. A contrariis ; Quod ex supernaturali gratiâ vivificatur , regeneratur , renovatur , sanctificatur , id naturâ est corruptum. Cor , sive voluntas hominis ex supernaturali gratiâ vivificatur , regeneratur , renovatur , sanctificatur *Eph. 2. v. 1. Col. 2. v. 13. Ioh. 3. v. 5. 6. Eph. 4. v. 23. 1 Thess. 5. v. 23.* Ergò. Atque hæc corruptio cordis sive voluntatis humanæ , propria & proxima causa est servitutis peccati , cui ipsa est obnoxia. *Posterioris. 1.* In quibus facultatibus obtinet regnum peccati , in eisdem servitus ejus consistit , ex lege Relatorum. Atqui non in solâ voluntate , sed in omnibus animæ , corporisque facultatibus obtinet regnum peccati , juxta Apostolum , *Rom. 6. 7. capp.* Ergò. II. Secundum quas facultates homo dat operam peccato , secundum easdem peccati servus est , ipsius Christi testimonio *Ioh. 8. v. 34.* Secundum omnes animæ corporisque facultates homo dat operam peccato *Rom. 3. v. 10. Eph. 4. v. 17.* Ergò. III. Secundum quas facultates homo liberatur ab illa servitute , secundum eas dominio peccati fuit obnoxius. Secundum omnes facultates liberatur , non secundum solam voluntatem *Ioh. 8. v. 36. Rom. 6. v. 12. 1. Thess. 5. v. 23.* Ergò.

*Antithesis Catechetica Socinianorum
ad quest. & respons. octavam.*

In homine etiam post lapsum est liberum arbitrium , si modo id verum est , quod omnes concedunt , & ratio ipsa manifeste docet , primum hominem ita à Deo conditum fuisse , ut libero arbitrio præditus esset : Nulla enim causa est cur propter lapsum eo privari debuerit , quandoquidem nec rei ipsius natura id postulat , nec Dei justitia patitur , neque etiam inter pœnas , quibus Adæ peccatum punivit Deus , ejusmodi pœne ulla mentio exstat. Communiter quidem in homine naturâ exigua admodum sunt vires ad ea perficiendum , quæ Deus ab ipso requirit. At voluntas ad ea perficiendum omnibus adest naturâ. Nihilominus vires illæ non ita exiguæ sunt , quin possit

possit homo voluntati divinæ obsecundare, modo sibi ipsi vim facere velit, & auxilio divino juretur: quod Deus nemini denegat eorum, quibus legem suam tulit.

Responsio.

Duo *ἀντιθέτως* membra sunt, quorum alterum liberum arbitrium homini etiam post lapsum vendicat: alterum, quousque vis ejus pateat, exponit. Prioris ambigua est propositio. Non adimitur homini lapsi liberum arbitrium absolute dictum, aut Physicè consideratum; quatenus naturalem intelligendi, ac volendi facultatem significat: Sed Theologicè spectatum, & ad legem ac Evangelium relatum, quatenus bonum spirituale, quod in utroque proponitur, ex se, suisque viribus intelligere, velle, & perficere posse negatur. Ratio propositionis falsa est ob Elenchum parium: Neque enim ante & post lapsum eadem arbitrii humani conditio est. Ante lapsum fuit homo libero arbitrio ad bonum; ut qui bonus, rectus, justus, & sanctus erat conditus *Gen. 1. v. 31. Eccles. 7. v. 29. Eph. 4. v. 24.* Post lapsum verò malus, pravus, injustus, impurus factus suâ culpâ, arbitrium ad malum, liberum sibi contraxit. Quod ipsum tum primi peccati natura postulabat, quod erat totius generis humani universalis à Deo ἀποστροφή atque defectio; tum Dei justitia requirebat, ut qui justo judicio peccatores constituit omnes posteros Adæ, propter transgressionem ipsius; *Rom. 5. v. 16. 18. 19.* tum etiam *Gen. 3.* in enumeratione pœnarum haud obscure à Mose indicatur; prout supra ostensum est. In altero membro falsa sunt quinque hæc enunciata, quibus corrupti arbitrii vis definitur atque exprimitur. *Primum*, quod exiguæ admodum vires ad perficiendum bonum homini reliquæ sint. Apostolus enim omnes vires ipsi adimit, dicens: Christum, cum nullis adhuc viribus essemus, pro impiis mortuum esse *Rom. 5. v. 6. Secundum*, quod voluntas ad perficiendum bonum homini adsit naturâ. Scriptum enim est, Deum operari in nobis & ipsum velle, & ipsum perficere pro beneplacito voluntatis suæ *Phil. 2. vers. 13.* *Tertium*, quod possit homo etiam exiguis illis viribus obsecundare voluntati divinæ, bonumque perficere, modo non desit conatus. Non est enim volentis nec currentis sed miserentis Dei *Rom. 9. v. 16.* *Quartum* quod auxilium gratiæ divinæ hominem sublevet, conatusque ejus adjuvet. Atqui vivifica-

Homo post lapsum habet Lib. Arbit. physice.

non theologice.

Arbitrii corrupti vires quæ.

re dicitur mortuum in peccatis, *Ephes. 2. v. 1.* regenerare corruptum, *Ioh. 3. v. 5. 6.* indere veteri homini cor novum, *Ezech. 36. vers. 26. 27.* absque omni ipsius sive operatione, sive cooperatione. *Quintum*, quod auxilium illud sit generale, omnibus commune, contra Apostolum, testificantem: Deum præteritis ætatibus sivilisse omnes gentes suis ipsarum viis ingredi; *Act. 14. vers. 16.* & ipsum Christum, dicentem; vobis datum est nosse mysteria regni cælorum, illis non est datum *Matth. 13. v. 11.*

QUÆST. IX. Annon igitur Deus homini injuriam facit, qui ab eo in lege flagitet quæ præstare non queat?

RESP. *Minimè: Nam Deus hominem talem condiderat, ut ea præstare posset: verum homo, impulsore Diabolo, suâ ipsius contumaciâ, se, & omnem posteritatem divinis illis donis orbavit.*

EXEGESIS.

Doctrina de corruptione, & *ἀδυναμία* hominis ad servandam Dei legem, illustratur prolepsî, quæ ipsâ quæstione continetur formâ enthymematis. Deus in lege suâ flagitat ab homine quæ præstare non potest; Facit igitur illi injuriam. Hanc objectionem movet humana ratio, sui purgandi causâ; eaque nititur axiomatico politico, sive forensi, Ad impossibile nemo obligatur: quo Pelagiani veteres, & novi in causâ hujus disceptatione frequenter usi sunt. Catechesis eam dissolvit, per infirmationem consequentiæ: Negat siquidem Deum flagitando impossibilia, injuriam existere in hominem: duas potissimum ob causas. *Prior* est, quod Deus talem condiderit hominem, ut ea præstare potuerit, quæ nunc ipsi impossibilia sunt; Eadem igitur jure creationis meritò ab ipso requirit. Hæc ratio suprà quæstione Sextâ abundè confirmata est. *Alterâ* est, quod homo suâ culpâ divinis illis donis fuerit orbatus; prout quæstione septimâ demonstratum est: Non ergo ullius injuriæ insimulare aut postulare Deum potest; qui ea non fecus, quàm sacrum aliquod depositum ab ipso repetit, ac re-

Deus flagitando impossibilia non est injustus.

1. q. condidit hominem talem qui posset ea præstare.
2. q. homo suâ culpâ donis illis orbatus est.

Quum

aut eorum usum etiamnum exigit. Utramque rationem vehementer illustrat parabola Euangelica de iniquo dispensatore, qui dissiparat bona domini sui, *Luc. 16. v. 1. seqq.* & alia parabola de servo debitore, qui etsi nullâ parte posset satisfacere, ad solutionem tamen, quâcunque ratione, adigebatur *Matt. 18. v. 23. seqq.* Id ipsum quoque ratio iustitiæ civilis comprobatur. Quemadmodum enim in foro debitor is censetur, qui à creditore accepit mutuum, siue reddere possit, siue non; Ita postquam homo obediendi vires in creatione accepit à Deo, obedientiæ debitor est, siue possit eam præstare, siue non. Rursum, sicut injurius non est creditor, cum debitum postulat ab eo, qui intemperantiâ, & prodigalitate ad paupertatem reductus solvendo non est; ita nec iniustus Deus, qui obedientiam legis exigit ab homine, cujus præstandæ facultatem ipse suapte culpâ perdidit. Denique, ut iudex summâ injuriâ creditorem afficeret, si debitorem prodigum excusaret: sic etiam iniustus esset Deus, si hominem in injustitiâ suâ permanentem à debito legis absolveret. Cæterum ratio posterior à causis efficientibus, & subjectis in Catechesi declaratur. *Causæ efficientes* duæ indicantur, quarum altera externa fuit, & remota: altera interna, & proxima. *Illa est impulsus Diaboli*, sollicitantis & inducentis hominem ad peccatum *Gen. 3. 1. seq. Ioh. 8. v. 44. 2. Cor. 11. v. 3. 1. Tim. 2. v. 14.* *Modus* huius impulsus fuit, quod ipse latens in serpente, eaq; instrumenta, q; ad vitæ usum serpenti divinitus concessa sunt, adhibens, instituto colloquio, fructus vetiti esum suavit, ac persuasit *Gen. 3.* *Gradus* ejus in historiâ lapsus quatuor distinctè recensentur, suntq; *Calumnia interdicti divini*, quod iniquum esset, & malignum *Gen. 3. v. 1.* *Negatio comminationis divinæ*, quod comedentes non essent morituri *v. 4.* *Insimulatio Dei tanquam invidi*, quasi invideret homini majus bonum *v. 5.* Et *pollicitatio æqualitatis cum Deo*, quam ex esu fructus vetiti posset consequi *v. 5.* *Ista est propria hominis contumacia*, quæ propterea cum causâ priore conjungitur, nè homo putetur culpæ expers esse, eò quod à Diabolo seductus peccavit. Neque enim Diabolus coëgit hominem ad peccandum, sed ipse arbitrii, quâ pollebat, libertate deliberatò abusus, ultro consensit & ruit in malum. De hac contumaciâ dictum, quod satis est, quæstione septimâ. *Subjecta* per amplificationem enunciantur; quod homo non solum se, sed & omnem posteritatem suam divinis illis donis orbaverit.

impulsi Sathanæ.

propriæque contumaciâ,

se suosque posteres perdens:

Cujus ratio Exegeſi quæſtionis VII. luculenter explicata, & confirmata eſt. Illuſtrari verò uſitatè ſolet feudi ſimilitudine. Quemadmodum Vaſallus, feloniam in principem beneficiarium admiſſa, feudum non ſibi uni, ſed toti poſteritati ſuæ deperdit; eundem in modum Adamus, qui Imaginem Dei, tanquam feudum à Deo acceperat, facta defectione, tum ſibi, tum omnibus ſuis heredibus eam amiſit.

*Conſiderationes Catechetica Novatorum
ad quæſtionem 8 reſp. nonam.*

An Deus ab homine lapſo obedientiam poſtularit. ante novum fœdus initum?

I. Num Deus ab Adamo lapſo, & defectionis reo, porro obedientiam poſtulaverit, antequam novum cum illo fœdus iniret; cum lex non videatur ſimul & ad obedientiam, & ad pœnam obligare; neque Deus legem præſcribere credatur iis, qui fœderis omnis proſus expertes ſunt.

Reſp. Ante promiſſionem de ſemine mulieris, Deus non quidem poſtulavit obedientiam novo aliquo mandato, i. Scripturis expreſſo: Adamus tamen obedientiam illam debuit non minus lapſus, quàm integer, cum utroque in ſtatu fuerit creatura Dei, ad ejus obſequium obligata. Quod dicitur legem non ſimul obligare ad obedientiam & pœnam, de homine integro verum fuit; de corrupto falſum eſt. Hunc enim ad utramque obligat: ad pœnam, propter inobedientiam præteritam: ad obedientiam verò præſentem & futuram, propter officium, & obſequium Deo creatori, & conſervatori perpetuo debitum. Præterea, etſi populi fœderati hæc prærogativa fuit, quòd Deus legem ſuam in normam cultus ei dignatus fuit promulgare, & præſcribere: Rom. 3. v. 2. & cap. 9. v. 4. Nihilominus ii, qui à fœdere alieni ſunt, Ephes. 2. v. 12. opus legis ſcriptum gerunt in cordibus ſuis; cujus magiſterio intelligunt ſe non modo debere Deo obedientiam, verum etiam, ſi eam non præſtent, inexcufabiles eſſe Rom. 1. & 2. capp.

An Deus ſatis excuſetur ab injuria, cum privatio donorum culpa accenſetur, quæ pœna eſt, à Deo inflicta?

II. Num cauſa illa injuriam excuſet, Quod Deus hominem talem condiderit &c. Cum privatio donorum ſit pœna propter peccatum admiſſum, ab ipſo Deo hominibus inflicta; propter quam num homo poſſit alterius criminis reus peragi à Deo, niſi ipſius alia culpa interveniat, perpendendam videtur.

Reſp. Cauſa in reſponſione Catechetica expreſſa ſufficientiſſime,

tiſſimè, & evidentiffimè excuſat injuriam: quin imò omnem ejus ſpeciem diluit, ut modò fuit oſtenſum. Eſt ſanè privatio donorum Dei pœna antegreſſæ inobedientiæ Adæ, ſimul verò ejusdem Adæ culpa eſt; partim quatenus dona illa contempſit, & abjecit: partim quatenus iis ornatus eſſe debuit; ſicut unum idemque in Scripturâ ſæpè culpæ, & pœnæ rationem ſuſtinet, quoties nimirum Deum peccata peccatis juſtè punire docetur. Ideoq; ex peccato originali laxius ſumto geminus reatus in nos dimanavit: Unus ex actuali transgreſſione Adæ nobis imputatâ Rom. 5. v. 12. ſeqq. 1. Cor. 15. v. 22. Alter ex eam ſecutâ depravatione, & vicioſitate naturæ quæ ſingulis inhæret, de quo eſt Ephes. 2. v. 3. & alibi. Tertius, qui ex peccato actuali accedit, cum ipſo multiplicatur; ut quoties peccatur, toties novus reatus contrahatur; ſicut ſcriptum eſt Genes. 15. v. 16. *Nondum completa ſunt iniquitates Amorrhæorum.* Et Matth. 23. v. 35. *ut veniat ſuper vos omnis ſanguis juſtus, &c.*

III. Num verba hæc, Homo ſemet ipſum divinis illis donis orbavit, ſignificent, id eum feciſſe meritorie; ſic nempe ut ſtatnatur Deum hominem illis donis orbâſſe, hominem autem id meritum eſſe; ut iſtis à Deo privaretur. Id ſi ita habet, videndum quo loco habenda ſit illorum ſententia, qui ſtatuunt Deum ante perperratum peccatum, homini vel ſubtraxiſſe, vel denegâſſe dona nonnulla neceſſaria, ut ſtare poſſet.

Reſp. Expoſitionem illam verborum admittimus: cui minimè repugnat, quod de ſubtractione καταχρηστικῶς ſic dictâ, ſive donorum novorum denegatione objicitur. Nec enim illa pœnæ fuit, ſed explorationis; non etiam donorum ante collatorum privatio, ſed dilatio novorum, & omiſſio ſuccedaneæ gratiæ: quâ homo factus confirmatior conſtanter vellet permanere in ſuo ſtatu, quemadmodum prioris gratiæ beneficio permanere poterat.

IV. An non præſtet pro voce moettwilligheyt / id eſt, contumaciæ ſubſtituere vocem defectionis voluntariæ vrywilligen aſval. Cum Scriptura peccatum Adami nuſquam contumaciæ, ſed plerumque inobedientiæ nomine inſigniat.

Reſp. Editio Germanica Catecheſeos, quæ ſola authentica eſt, habet Mutwilligen Ungehorsam / quâ voce utitur Apoſtolus Roman. 5. verſ. 19. Ad eam levi mutatione, hic, & alibi,

An privatio donorum homini irrogata ſit ex merito?

An non voci contumaciæ ſubſtituendum defectionis voluntariæ.

bi, versio Belgica potest revocari, si operæ precium videbitur.

An D.D. Orthodoxi doceant Deum impellere hominem ad peccandum?

V. Cum Catechesis dicat Adamum peccasse, impulsore Diabolo, queritur; an non huic contradicant, qui dicunt Deum hominem ad peccandum occultâ ratione impellere.

Resp. Calumnia atrox est, & palpabilis, doctores Orthodoxos affirmare, Deum impellere hominem ad peccandum, sicut impellit Diabolus. Nam Diabolus impellit ad peccatum, quâ peccatum, suggerendo illud, suadendo, instillando: Deus verò neutiquam impellit ad peccatum, quâ peccatum, sed movet creaturam corruptam ad exsequendum iudicium suum, quod per accidens, vitio ac culpâ creaturæ peccatum est. Ita impulit Davidem ad numerandum populum, ex iustâ irâ: quæ numeratio Davidis respectu peccatum erat, ex insolentiâ animi & propriarum virium fiducia profecta 2. Samuel. 24. vers. 1. seqq.

Affertiones Novatorum.

1.

2.

3.

Tria præterea alia notant Consideratores ad ipsam responsionem, quibus ea manifestè infringitur, penitusque evertitur. *Primum*, frustra ad potentiam collatam in Adamo recurri, quando in novo fœdere Deus fœderatis promittit, se vires iis collaturum, quibus idonei reddi possunt ad ea, quæ postulantur, præstanda, pro novi fœderis ratione. *Secundum*, frustra etiam obtendi amissionem donorum divinatorum in Adamo: 1. quia non sint amissa ab homine nisi meritoriè; hoc est, ipse homo ea non abiecit, sed Deus, ob inobedientiæ meritum, iis ipsum privavit? 2. quia Deus novam obedientiam exigendo testatus sit, se hominem pro antecedentibus meritis nolle tractare. *Tertium*, non removeri injuriam à Deo, si dicatur gravius hominem punire ob defectum ejus, quod in pœnam ab eo ipse abstulit, hoc est, si pœnam antecedentis peccati, sine ullo novo, eoque vitabili peccato interveniente, novâ Deus pœnâ puniat. Nam pœna non nisi iniquè in culpam imputari potest.

Confutatur Prima.

Resp. Tria hæc enunciata opposita sunt totidem partibus sive membris responsionis Catechetiçæ, sed ordine inverso. Contradicunt autem non tam Catechesi, quàm ipsi Scripturæ, ex quâ desumpta & formata est tota responsio. *Primum* contradicit; quia Scriptura ad potentiam Adamo in creatione collatam nos revocat, Gen. 5. v. 1. & 3. inter se collatis, Eccl. 7. v. 29. & alibi.

Novum

Novum fœdus ad liberationis, non miseriæ doctrinam pertinet. Insuper ne externâ quidem œconomiâ commune est omnibus, ut omnes, & singuli dici possint fœderati Dei: tantum abest, ut quoad interiorē efficaciam, quâ Deus solis filiis promissionis vires confert ad præstandam obedientiam, inscribendo legem suam cordibus ipsorum, ad omnes, & singulos referri possit. *Secundum* contradicit, quia testatur Scriptura, *Secunda.* Adamum dona divina in creatione accepta, sibi suisque amisisse *Rom. 5. v. 12. seqq. 1. Cor. 15. v. 22.* Nec valet illatio, Meritorie dona illa amisit. Ergò non abjecit: quia abjiciendo meritis est eorum amissionem. Dum contempsit dona illa, tanquam conditione suâ inferiora, ea abjecit. Dum affectavit æqualitatem cum Deo, ea contempsit. Ergò etiam abjecit. Quod verò Deus exigendo ab homine novam obedientiam, testatus sit, nolisse pro antecedentibus meritis ipsum tractare, nec legaliter, nec Evangelicè verum est. Legaliter verum non est; quia exactio obedientiæ præsentis aut futuræ, non tollit reatum præteritæ inobedientiæ. Evangelicè quoque verum non est; quia non exactio novæ obedientiæ, sed fides in Christum adfert remissionem peccatorum ex promissione Dei: secus non rectè dixisset Johannes, iram Dei manere super incredulos *Iohann. 3. v. 36.* Quibus utique non minus nova obedientia, quam ipsa fides imputata est. *Tertium* contradicit, quia Scriptura justum Dei iudicium in pœna peccati Adæ spectandum proponit *Roman. 5. v. 16. seqq.* Falsum verò est, quòd Deus antè abstulit homini suam imaginem, quàm ipsemet homo eam contempsit & abjecit: Falsum item, quòd nullum novum peccatum intervenerit. Certè corruptio naturæ secuta transgressionem Adæ fuit novum peccatum; quo ipse ante lapsus non laboravit. Illa autem intervenit ad novum reatum, *Ephes. 2. v. 3.* quia etiam natura ipsius conformis esse debuit legi Dei. Nec obstat; quod vitari non potuit: Nam etiam, quæ vitari non possunt, peccata sunt: & vitari non potuit culpa ipsius. Denique ambiguè dicitur, pœnam inique imputari in culpam. Valet illud de pœnâ simplice, quæ tantum pœna est: non valet illo genere pœnæ, quod subiecti patientis respectu simul culpæ rationem habet; de quo suprà.

*Antithesis Catechetica Socinianorum
ad quæstionem, & resp. nonam.*

Deus in lege suâ non flagitat ab homine quæ ipse præstare non queat.
I. quia alioquin illos, qui suis mandatis non obediunt, jussu punire non
posset. II. quia lex homini ad vitam data est Rom. 7. v. 10. Nemo
autem per legem vivit, nisi qui illam præstiterit cap. 10. v. 5.

Responsio.

Lex homini
corrupto
præstita im-
possibilis.

Refelluntur
objectiones.
Prima.
Secunda.

Hæc antithesis luculenter confutata est Exegesi. Catecheti-
câ in quæstionem & responsionem quintam; quâ demonstra-
tum fuit, & legem homini præstitam esse impossibilem, & idem
esse impossibilem, quod naturâ propensus sit ad odium Dei, &
proximi. *Rationes*, quæ contra moventur, frivola sunt. *Prima*
pura puta principii petitio est, quæ ne in humanis quidem, &
civilibus obtinet; prout antè ostendimus. *Secunda* depravat
mentem Apostoli. Loquitur is de lege per se, deque usu ejus cir-
ca hominem integrum, qui potest eam præstare. Hominis cor-
rupti alia ratio est; cui si data fuisset lex ad vitam, data fuisset
ad impossibile, *Roman.* 8. vers. 3. & introducta fuisset ad abo-
lendam promissionem de Christo: quod negat Apostolus *Gal.*
3. vers. 17. 21. 22. *Rom.* 4. vers. 13. 14. Data igitur, vel po-
tius repetita fuit lex homini post lapsum, ad agnitionem peccati &
maledictionis, & ut ipsi esset pædagogus ad Christum: sicut iis-
dem locis fusè docetur.

QUÆST. X. Num Deus contumaciam, & defe-
ctionem hominis dimittit impunitam.

RESP. Imò verò horrendis modis irascitur, tum ob in-
nata nobis peccata, tum ob ea quæ ipsimet commit-
timus, eaque justissimo judicio, præsentibus & æternis
suppliciis punit, quemadmodum ipse pronunciat; Ma-
ledictus omnis, qui non permanet in omnibus,
quæ scripta sunt in libro legis, ut ea faciat.

E X E G E S I S.

Hucusque pertractata, & explicata est pars integrans prior miseriæ humanæ, quæ in culpâ, sivè peccato hominis consistit. Succedit posterior, de pœnâ peccati: quam Catechesis hæc quaestione initio declarat commemoratione pœnarum, indè sanctione divinâ legi additâ confirmat. Pœnas autem duas ordine proponit & exponit. *Prima est Ira Dei* adversus peccata, qui horrendis modis irasci dicitur peccatis. Est verò ira illa non πάθος, aut affectus, aut animi commotio, & perturbatio in Deo; sed justissima ipsius voluntas, quâ aversus à peccatoribus, iisque infensus vindictam in eos parat, propter peccata ipsorum; prout his, & similibus locis, vox sumitur: *Psal. 6. v. 1. Esa. 5. v. 25. Ioh. 3. v. 36.* Hæc ira Dei amplificatur ab adjunctâ gravitate, quod horrenda, tremenda sit, *Hebr. 10. v. 31.* cujus furor ardet usque ad inferni novissima *Deuter. 32. v. 22.* & ignis instar peccatores consumit *cap. 4. v. 24.* Declaratur verò à causis impulsivis quibus illa accenditur & concitatur. Ea sunt peccatum innata, sive originalia, ut veteres locuti sunt, tum actualia, quæ ipsi committimus: quomodo peccatum ex causis efficientibus, procreantibus, usitatè distinguitur. Sed cum utraque hac specie peccati conjungenda est defectio, & contumacia primi hominis, cujus in ipsâ quaestione mentio fit. Siquidem primò concitata est ira Dei transgressionem Adæ adversus ipsum, & totum genus humanum: *Genes. 3. v. 17. seqq. Maledicta es terra propter te &c. Rom. 5. vers. 16. & seqq. Reatus est ex nostra offensâ ad condemnationem &c.* Inde concitata incumbit toti generi humano, propter corruptionem; sicut omnes dicimur filii iræ naturâ, *Ephes. 2. v. 3.* & transgressores abominabiles indè ab utero *Esa. 48. v. 8.* Tertiò peccatis actualibus, quæ singuli committimus, quotidie augetur: sicut scriptum est *Rom. 1. v. 18. Revelatur ira Dei è cælo adversus omnem impietatem & injustitiam hominum.* Et *cap. 2. v. 5. Thesaurizas tibi iram in diem ire.* Altera est ira hujus executio & demonstratio, quæ tamen etiam per metonymiam efficientis Ira appellatur *Rom. 1. v. 18. Matth. 3. v. 7. Ephes. 5. v. 6.* Hæc demonstratio justissima est, quæ fit justissimo Dei judicio, judicantis in justitia, & rectitudine, *Psal. 11. v. 9. Enf. 11.*

Pœnæ peccati sunt

ira Dei,

ejusque executio.

per pœnas
temporales
&
æterna s.

Esa. 11. v. 4. secundum veritatem legis suæ, Rom. 2. v. 2. 12. & gemino pœnarum genere perficitur, quarum aliæ temporales sunt, aliæ æternæ: factâ earum distributione ex adjuncto durationis. Pœna temporales sunt omnes hujus vitæ calamitates, quas Deus propter peccata hominibus immittit, & irrogat: earum longum Catalogum texit Moses Deut. 27. & 28. capp. Pœna æternæ sunt sempiterni cruciatus damnandorum in gehennâ ignis; de quibus loquitur Christus, Matth. 25. v. 41. & vaticinatus est Esaias cap. 66. v. 24. Sed Catechesis utrumque hoc genus confirmat Sanctione generali legis divinæ, quæ exstat Deut. 27. v. 26. Maledictus omnis qui non permanet in omnibus, quæ scripta sunt in libro legis, ut ea faciat: Ubi 1. Maledictio & ira Dei omnibus, & singulis peccatis denunciatur. 11. Ad pœnas temporales & æternas extenditur; ex interpretatione Moïsis, Deut. 27. & 28. & ipsius Christi Matth. 25. v. 41.

*Considerationes Catecheticae Novatorum
ad quest. 3 respons. decimam.*

I. Quomodo sint accipiendæ voces istæ, Contumacia & defectio:

An contumacia hic intelligatur de peccato Adami vel uniuscujusque hominis. vel utroque simul?

num defectionem & inobedientiam primorum nostrorum parentum in paradiso adversus legem tum temporis ipsis datam, an vero proprium uniuscujusque peccatum actuale, an utrumque simul designent. Si primum asseratur, expendendum est; num rectè tum quaratur, an Deus illam inobedientiam dimittat impunitam, cum jam ante dictum sit, Adamum, cum omni suâ posteritate, propter illam punitum privatione donorum divinarum; posteros verò insuper conceptione & natiuitate in peccato. Secundum si dicitur, videndum num satis opportunè, & convenienter ista hoc loco dicantur, cum hucusque nulla actualium cujusquam peccatorum & propria defectionis facta sit mentio. Vtrumque si asseritur, cogitandum num præstet alio modo questionem hunc proponi; hoc nempe, Num Deus hominis inobedientiam alio etiam modo puniat, quàm suprâ dictum est.

Resp. Vocum illarum significatio manifesta est, ex præcedente responsione: ubi de primorum nostrorum parentum peccato in paradiso admissio explicantur, non exclusis tamen primi illius peccati effectis, quæ in vitiositate naturæ, & pravitate actionum cernuntur. Nihilominus rectè quæritur de contumaciâ illius,

illius, & defectionis pœnâ. Nam quæ de privatione donorum divinorum, & corruptione naturæ indè ab utero antè dicta sunt, ad culpam hominis referuntur, non ad justam ejus pœnam: sicut Catechesis tractationem de culpâ & pœna accuratè dispescuit. Peccati actualis verò quod commoda hîc fiat mentio, facilè intelliget, quisquis quæstionem quintam & octavam cum hac ipsâ diligenter contulerit; ut nullâ prorsus mutatione sit opus.

II. *An in responsione pravitas, & corruptio, quæ nobis ex inobedientiâ primorum parentum est innata, rectè plurali numero dicantur peccata nobis innata.*

An corruptio nostra rectè plurali numero enunciatur?

Resp. De hac consideratione dictum, quod satis est, ad considerationem secundam quæstionis septimæ.

III. *Cum nullibi antea mentio facta sit peccatorum ullorum quæ in propriis personis, præter peccatum hoc primum Adami, perpetraverimus, quaritur num aptè satis hoc loco eorundem fiat mentio in illis vocibus, tum quæ ipsi committimus.*

An rectè hîc fiat mentio peccatorum actualium?

Resp. Consideratio hæc asserere videtur, etiam primum peccatum à nobis in propriis personis patratum fuisse: Contrà docet Apostolus omnes nos in Adamo peccasse, in quo eramus *Adamus*, sive originaliter, *Rom. 5. v. 12. 1. Cor. 15. v. 22.* Cæterum quod peccatorum actualium hoc loco opportunè meminerit Catechesis, ex antedictis clarum est. Et proclivitas ad omne malum, de quâ quæstione VI II. est inclinatio ad quodvis actuale peccatum: propensio item ad odium Dei, & proximi, de quâ quæst. v. talis est, quæ subindè exit in actum, imò, quæ in perpetuo quasi actu occupatur.

IV. *Cum hæc omnia eò tendant, ut miseria nostræ magnitudo quam maximè nobis innotescat, considerandum venit, num ad id sufficiat agnitio transgressionis nostræ in Adamo, quæ solummodo adversus legem & fœdus legale perpetrata est; an verò ad hoc potissimum etiam requiratur agnitio peccatorum, quæ nos singuli perpetravimus partim adversus Euangelium gratiæ, ut sunt infidelitas & impœnitentia; partim adversus legem, sed sub novo, & Euangelico fœdere nobis propositam; Cum inferior certè sit quicunque adversus gratiam Evangelicam, quam qui adversus legem peccaverit Hebr. 6. & 10. capp.*

An non etiam disertamentio facienda sit peccatorum sub fœdere Euangelico commissorum?

Resp. Parte primâ Catechesæ traditur agnitio miseriæ & peccatorum, quæ vocationem hominis ad Christum per Euangelium, & statum regenerationis antecedunt: qualis nobis describitur,

Rom. 1. 2. 3. capp. Eph. 2. 4. capp. Tit. 3. cap. De cæteris peccatis, quæ vocationem ejus & regenerationem consequuntur, agetur parte secundâ & tertiâ. Interim falsum est, ad cognoscendam magnitudinem nostræ miseriæ, ex mente Catecheseos, sufficere agnitionem transgressionis nostræ in Adamo; cum ea distinctè proponatur, initio quidem in peccato tum primo, tum originali, tum actuali: post verò in temporalibus & æternis pœnis omnium & singulorum peccatorum.

An partes
miseriæ re-
cto ordine
dispositæ
sint?

V. Num partes miseriæ nostræ ordine recto satis sint dispositæ: cum peccatum Adami, & Evæ primò promeruerit iram Dei, & inde ablationem spiritus sanctimonie, qui est signaculum favoris divini, & sine bonâ conscientia consistere nequit: quâ per peccatum amissa, etiam ipse spiritus inhabitans, regens, testificans, & consolans amittitur, & excutitur.

Resp. Optimo ordine dispositæ sunt partes miseriæ nostræ, ad captum populi singulari prudentiâ accommodatæ; ut ante ostendimus. Ab hoc ordine simul, & ab ipsâ veritate desciscitis, quem Consideratores fingunt, ac præscribunt; quatenus privationem spiritus Sanctimonie, & donorum Dei pro nudâ pœnâ reputant: corruptionem naturæ peccatum propriè dictum esse tacite negant: denique homini integro, nec dum ulli miseriæ obnoxio, Spiritum consolationis attribuant.

An sanctio
Deut. 27. v.
26. peccato
orig. quoque
accommodari
queat?

VI. An locus scripturæ, Maledictus qui non &c. peccato innato accommodari possit, an vero peccatis tantum actualibus, quæ ipsi committimus, aptari debeat.

Resp. Utriusque generis peccatis ritè potest accommodari. Ratio est, quia non permanemus in lege, non solum à quibus actionum, sed etiam à ratione naturæ, & potentiarum ac inclinationum ejus: ut pater ex sententiâ præcepti decimi. Et transgressores inde ab utero vocamur *Esa. 48. v. 8.* Atqui non illo modo. Ergo isto, & sic in lege, inde ab utero non permanemus. Sed demus locum intelligendum esse de peccatis actualibus, propter sequentia, ut faciat ea; tamen innatum illud peccatum non excluditur, sed includitur per metonymiam effecti: utpote ex quo, tanquam impuro fonte, omnia peccata actualia scaturiunt & profluunt *Matt. 15. v. 19.*

Hæc de considerationibus Novatorum. *Controversia*, quam circa

circa eandem quæstionem ex professio movent, est ista; *Num Deus propter innatum nobis peccatum originale irascatur; sive, An peccatum originale sit causa sufficiens damnationis, ut propter illud homines adulti, imprimis autem infantes condemnari possint.* Sententiam negativam his demonstrare, ac propugnare conatur argumentis.

I. Quia peccatum originale in pœnam peccati actualis ab Adamo, & à nobis in illo perpetrati, à Deo nobis inflictum est. Foret enim progressus in infinitum, si Deus propter peccatum actuale Adami puniret nos in illo peccato originali; & rursus propter illud nobis irasceretur, & aliam pœnam infligeret, & simili de causa propter ipsam secundò inflictam pœnam tertio irasceretur, succedentibus sibi mutuo & sæpè reatu, & pœnâ, sine interventu ullius actualis peccati. II. Quia Deus universum genus humanum in gratiam reconciliationis assumpsit, & cum Adamo omnibusque ejus posteris in eo gratiæ fœdus inivit, redintegratum post modum cum Noacho, & per Christum consummatum; in quo remissionem peccatorum omnium pollicetur, quotquot in illo fœdere perstabant, & adversus illud non prævaricabuntur. III. Cum Deus ipsi Adamo, qui in propria personâ peccavit liberâ voluntate, peccatum illud condonaverit; nulla est ratio, cur Deus hoc peccatum posteris ipsius, imprimis infantibus, imputare voluerit, qui in Adamo peccasse dicuntur, cum nondum exsisterent. IV. Quia Deus sic cum infantibus rigidius ageret, quàm cum ipsis Diabolis. Rigor Dei adversus angelos apostatas fuit summus, eo quod ipsis peccatum ab iis perpetratum condonare noluit. Rigor idem adversus infantes, qui propter Aadmi peccatum condemnantur: at eò major, quod omnes angeli, in suis propriis personis peccarunt, infantes in personâ primævi parentis Adami.

Resp. Nos contrà sententiam affirmantem, ut veram, amplectimur, atque ex Scripturis divinis tuemur; quòd nimirum Deus irascatur, & puniat homines sive adultos, sive infantes, propter innatum peccatum originale, inque eo sufficientem justitiæ damnationis causam reperiat; nisi fiat remissio propter Filium Dei mediatorem *Rationes* è multis hæ sunt. I. *Eph. 2. v. 3.* Dicimur filii iræ naturâ. Ergò propter corruptionem naturæ indè à nativitate iræ Dei sumus obnoxii. II. Quibus Deus mortem infligit in pœnam peccati originalis, illis irascitur propter innatum

An peccatum Orig. sit causa sufficiens damnationis? Negant Novatores.
1. q. sit pœna peccati Adæ

2. q. Deus universum Genus Hum. in gratiam assumpsit.

3. q. Deus peccatum primum Adamo condonaverit.

4. q. sic pejor infantium conditio esset quam Diabolorum

Affirmant Orthodoxi.

1. q. sumus filii iræ naturâ.

2. q. Deus mortem infligit in pœnam peccati orig.

3. q. peccatum orig. repugnat Legi.
 natum peccatum ; quia Dei irasci est punire *Rom.* 1. v. 18. *Eph.* 5. v. 6. Atqui infantibus mortem infligit, in pœnam peccati originalis *Rom.* 5. v. 14. Ergò. III. Quod legi repugnat, propter illud Deus irascitur, inque eo sufficientem condemnationis causam reperit. Ratio, quia maledictus omnis, qui non manserit in omnibus, quæ scripta sunt in libro legis *Dent.* 27. v. 26. Atqui innatum peccatum originale legi repugnat, tum quia damnatur præcepto decimo, *Rom.* 7. v. 8. tum quia ἀνομιαν esse propriè dictam alibi ostendimus. Ergò.

ΕΛΥΧΘ
 argumentorum contrariorum.
 Primi.

secundi,

tertii.

Ad argumenta Novatorum sic ordinè respondemus. *Primum* nititur falsa hypothefi, quòd peccatum originale tantum sit pœna transgressionis Adæ, non nova hominis culpa. Contrarium antè demonstratum est. Nec sic itur in infinitum, verum duplicato peccato, reatus quoque & pœna duplicatur, quarum una est ex actuali transgressionis Adæ, *Rom.* 5. v. 12. *seqq.* altera ex inhærente singulis naturæ pravitate *Eph.* 2. v. 3. Peccata actualia, quæ ex ea proveniunt, in quantum multiplicantur, tantum etiam multiplicatur reatus, & pœna : quia singulorum peccatorum stipendium est mors *Rom.* 6. v. 23. & *cap.* 1. v. 32. *Secundum* similiter substernit falsam hypothefin de omnium & singulorum reconciliatione, & in fœdus gratiæ assumptione. Hujus fœderis formulam neque in Veteri, neque in Novo Testamento licet reperire ; utrumque autem gratiam reconciliationis ad certum genus hominum restringit. Præterea gratia illa oblata est Adamo formâ simplicis promissionis, nec aliter repetita fuit Noacho : Abrahamo autem solenni fœderis pactione confirmata est *Gal.* 3. v. 17. Denique in eodem fœdere non antecedentium modo, sed etiam consequentium peccatorum venia, non tamen absque castigatione, fœderatis proponitur 2. *Sam.* 7. v. 14. *Psal.* 89. v. 31. *seqq.* iisdemque finalis perseverantia promittitur *Ierem.* 32. v. 39. 40. *Tertium* in formâ sic habet : Deus ipsi Adamo condonavit peccatum originale. Ergo nihil causæ est, cur illud in posteris ipsius punire velit. Ratio ; quia ille in suâ personâ, hi in ipso peccarunt. Hic initio negatur sequela, quia condonavit ipsi ut personalem culpam, imputat posteris ipsius ut offensam universalem ; *Rom.* 5. v. 12. condonavit ipsi liberrimâ gratiâ, his imputat iustissimo iudicio v. 16. Deindè non punit illud in omnibus posteris ipsius ; sed multis eorum unâ cum ipso gratiâ facit ; sicuti multi dicuntur iusti con-

constitui per Christum. v. 29. Postremò, quos punit Deus propter peccatum Adæ, non propter illud solum punit. sed etiam propter aliud ex eo natum, singulisque innatum, à quo singuli in suâ personâ filii iræ, & transgressores ab utero denominantur *Eph. 2. v. 3.* *Esa. 48. v. 8.* *Quartum* est manifesta calumnia iustitiæ divinæ, cuius ipsi abyssum adorare debebant, non sugillare, aut culpare incomprehensibilem ejus administrationem *Rom. 11. v. 33. 34.* Rigor Dei in infantes, quantus quantus est, iustissimus est, tum quia & ipsi rei facti in Adamo. ut disertè testatur Apostolus *Rom. 5. v. 14.* tum quia in se corrupti, & iræ filii sunt, ut pote ex carne geniti *Iob. 3. v. 6.* Hinc morti, *Rom. 5. v. 14.* & aliis vitæ humanæ etiam gravissimis calamitatibus, *Gen. 7. v. 11. seqq. cap. 19. vers. 24. seqq.* non minus, quàm adulti subjiciuntur. Et si catulum lupinum, nec dum ulla oves deprædatum, aut juvenem serpentem jure merito occidimus, propter rapacis & venenatæ naturæ vitium; quidni Deus possit etiam infantes condemnare propter naturam peccato contaminatam & depravatam. Sunt ergò non tantùm in Adamo, sed etiam in se ipsis peccatores, & iræ filii. Quo enervatur, & rejicitur iniquissima comparatio ipsorum cum Diabolis, quorum certè pœna multò gravior, quàm quorumvis, vel saltem plerorumque adultorum futura est. Hæc in genere de jure Dei etiam in infantes; In specie autem infantes fidelium à merita condemnatione liberati confidimus per gratiam; infidelium verò, consilio, & judicio Dei humiliter permitimus.

QUÆST. XI. An non igitur est misericors?

RESP. *Est ille quidem misericors, verùm ita ut etiam sit justus. Qua propter postulat ejus justitia, quod adversus summam Dei Majestatem commissum est, id quoque ut summis, hoc est sempiternis, cum animi tum corporis suppliciis luat.*

EXEGESIS.

O Bjectio est contra doctrinam de pœnâ peccati quæstione antecedente expositam: quæ propterea movetur, nè ratio humana

Deus est
summe mi-
sericors,

& summæ
justus.

Sine contra-
rietate.

Proportio
pœna est ex
objecto pec-
cati.

summa sup-
plicia quæ.

humana obtentu misericordiæ Dei, magnitudinem iræ ejus ac
miseriæ nostræ extenuet; atque etiam ut viam sternat Cate-
chesis ad alteram partem de liberatione hominis. Est autem
talis: Deus est misericors. Non igitur peccata hominis tam
graviter punit. Respondet Catechesis concessione antece-
denti, sed inficiatione consequentiæ, propter conjunctam
misericordiæ justitiam. Est sane Deus misericors, imò summè
misericors; quia misericordiam inter præcipuas suas virtutes nu-
merat Exod. 34. v. 6. *Iehova misericors, & miserator, tardus ad
iram, & multus misericordiâ, & veritate, servans misericordiam mil-
libus.* Psal. 103. v. 8. *Misericors & graciosus Iehova, longanimis,
& multus benignitate.* Simul vero etiam justus, imò summè ju-
stus est, qui justitiam suam non minus prædicat ac commendat,
Exod. 34. v. 7. *Iehova nullo pacto absolvit fontem, visitans iniquitatem
Patrum in filios, & in filios filiorum, in nepotes & in abnepotes.*
Psal. 5. v. 5. 6. *Deus fortis non delectatur iniquitate, non commoratu-
rum est apud eum malum; odit omnes, qui operam dant iniquitati, per-
dit loquentes mendacium.* Et hæc justitia aded non pugnat cum mi-
sericordiâ ipsius, ut ut propter contraria effecta ei opposita vi-
deatur, ut utraque proprietas passim jungatur, & iisdem
locis Deo attribuat Exod. 20. vers. 5. 6. cap. 34. vers. 6. 7.
Psal. 145. vers. 7. *Nahum. 1. vers. 3.* Hinc subsumit Catechesis
justitiam Dei postulare, ut peccatum summis suppliciis punia-
tur: ratione additâ ab objecto, quod est summa Dei majestas,
per illud violata; sicut scriptum est, *Tibi, tibi soli peccavi* Psal.
51. vers. 6. Est enim proprium justitiæ servare proportionem
inter culpam & pœnam *Rom. 2. vers. 6. 2. Thess. 1. vers. 5. 6. 7.*
Proinde concludit, misericordiam Dei summa supplicia adver-
sus peccatores neque tollere, neque impedire. Talia verò sup-
plicia duobus describit argumentis; adjuncto durationis, & sub-
jectis recipientibus. Adjunctum durationis est illorum æterni-
tas, quia sempiterna sunt, nunquam finienda; ut ante dictum.
Subjecta recipientia sunt, anima & corpus, quæ pariter con-
jiciuntur in gehennam ignis; quandoquidem pariter peccarunt:
Anima principaliter, *Matth. 10. v. 28.* corpus instrumentaliter
Rom. 6. v. 12. 13.

Confide-

*Considerationes Catecheticae Novatorum
ad quaestionem, & resp. undecimam.*

I. *An iustitia, & misericordia rectè satis hic opponantur; cum iustitia propriè significet rectitudinem & aequitatem, secundum quam Deus omnia administrat, quo sensu ejus misericordia etiam iusta est; hic verò iustitia nomine severitas intelligatur.*

An iustitia & misericordia rectè opponantur?

Resp. Nodum, quem nectunt, solvunt ipsi. Si iustitia est hic severitas, sive iustitia particularis distributiva, puniens & vindicans peccata, certè non est iustitia universalis, quæ tum particularem hanc, tum misericordiam, tum reliquas Dei virtutes complectitur. Opponuntur autem iustitia puniens; & misericordia parcens, eo modo, quo in sanctione præcepti secundi, *Exod.* 20. v. 4. 5. nimirum contrariorum effectuum respectu, non autem quasi sint contrariæ qualitates in Deo.

II. *Num peccatum simpliciter & absolutè summum supplicium mereatur, eo quòd adversus summam Dei majestatem commissum sit; & an Scriptura hanc causam ullibi alleget; quove modo ex eo non sequatur, peccata omnia esse paria, juxta Stoicorum axioma; quod vel eo nomine Christianis maximè rejiciendum videtur, quod Sacra Scriptura apertè satis pœnarum gradus constituat, graviores quibusdam pœnas denunciet, & mensuram peccatorum impleri interdum testetur.*

An peccatum, quia commissum contra Deum, summum supplicium mereatur; eoque omnia peccata sint paria?

Resp. Imò simpliciter meretur tale supplicium, quia Dei summi illius boni dedecoratio est; quam causam allegat Apostolus *Rom.* 2. v. 23. 24. & alibi. Indè verò nec sequitur, nec stabilitur *ἰσότης* Stoicorum de æqualitate pœnarum; quia etiam summi illius, & sempiterni supplicii gradus sunt; ut docet Servator noster *Matth.* 11. v. 22. 24. & alibi. Sophisticantur igitur in terminis simpliciter summi supplicii.

III. *Num Scriptura doceat iustitiam Dei absolutè & simpliciter postulare, ut peccatum puniatur eâ pœnâ, quam secundum sui gravitatem est commertum; sic, ut Deus non possit illud condonare, nisi illatâ vel peccatori ipsi, vel alteri alicui pœna condigna.*

An iustitia Dei simpliciter postulet, ut peccatum puniatur?

Resp. Docet Scriptura Deum non modò odisse, & averfari omne peccatum, *Psal.* 5. v. 5. 6. & *Psal.* 45. v. 8. sed etiam hoc esse *δίκαιον*, jus ipsius, ut qui faciunt peccatum digni sint morte *Rom.* 1. v. 32. Item iustum esse apud ipsum afflictionem

reddere iis, qui pios affligunt 2. *Theff.* 1. v. 6. Est igitur hæc iustitia ipsi naturalis; quam tamen non nisi liberrimâ voluntate exserit & ostendit: sicut homo, cui maximè naturalis ratio est, actus rationis non nisi volens exercet. Sed de naturali iustitiâ Dei quam hîc obiter attingunt Novatores, Sociniani autem apertè oppugnant, infrâ articulo de morte, ac satisfactione Christi agetur.

Epilogus.

Discrimen
Theologiæ
& Philosophiæ
in tradendâ
agnitione
miseriæ.
1. quod effici-
entem.

2. quoad ob-
jectum.

3. quoad for-
mam.

4. quoad finem
& effectum.

Sic igitur prima Catecheseos pars, de *Miseriâ humanâ*, distinctè explicata est in Culpâ & Pœnâ. Ex quâ explicatione difficile non est eruere, & constituere discrimen, quo Theologia, & Philosophia, sive ratio humana, miseræ humanæ agnitionem tradit. Est autem quadruplex. *Primum* in causa efficiente. *Philosophia* ignorat primam originem peccati, ignorat etiam proximam causam illius corruptionis, per quam fit ut etiam illi, qui conantur mores suos aliquâ diligentia gubernare, sæpè tamen turpissimè impingant. *Theologia* monstrat, & explicat primam originem peccati in lapsu Adæ, *Rom.* 5. v. 12. *seqq.* 1. *Cor.* 15. v. 22. Causam item proximam pravitatis nostræ, in vitiositate naturæ, generando in nos propagatâ *Ioh.* 3. v. 6. *Eph.* 2. v. 3. *Alterum* in causa materiali, sive in objecto. *Philosophia* dicit, vitium esse, quod pugnat cum iudicio rationis. *Theologia* tradit aliam regulam agnoscendi, & dijudicandi peccata, normam scilicet legis divine in verbo patefactam *Rom.* 3. v. 20. *cap.* 7. v. 7. 8. *Tertium* est in causâ formali. *Philosophia* illa tantum agnoscit peccata, quæ consistunt, vel in externis actionibus, vel in excessu crassiorum affectuum, & immoderationis appetitus, hoc est fructus peccati aliquo modo intelligit. *Theologia* verò monstrat ipsam radicem, & peccati arguit totum veterem hominem, *Rom.* 6. v. 6. præterea peccati etiam arguit præstantissima quæque opera, quæ fiunt sine fide, & internâ cordis obedientiâ *Rom.* 14. v. 24. 1. *Tim.* 1. v. 5. *Quartum* est in causâ finali, & effectis. *Leges Politicæ* loquuntur de pœnis civilibus: *Philosophi* quædam addunt de cruciatibus conscientiæ: *Poëta* aliquid somniant de pœnis post hanc vitam. Sola verò *Theologia* monstrat id quod hîc præcipuum est, nempe reatum iræ Dei; tum etiam pœnas non solum corporales, sed etiam æternas, hujus & futuræ vitæ *Ioh.* 3. v. 36. *Rom.* 2. v. 9. *Marc.* 9. v. 44.

SECUNDA PARS

De

LIBERATIONE HOMINIS.

E X E G E S I S.

LIBERATIO est nomen relativum, non minus, quàm ^{Liberatio est.} vox primitiva *Liber*, relationem habens ad servitutem, cui homo post lapsum est obnoxius, sicut relatio illa exprimitur *Iob. 8. v. 34. 35. 36. Rom. 7. v. 24. Servitus* à servitute. autem duplex est, pro duplici parte miseriæ humanæ ante exposita: una *peccati*, quo homo corruptus est totus; altera *pœna*, cui iusto Dei iudicio subiectus est. *Liberatio* igitur ab utraque servitute intelligitur, tum *peccati*, quod est ejus condonatio, ut ^{peccati.} non imputetur, & abolitio per renovationem naturæ, ut non ^{& pœnæ.} dominetur; tum etiam *pœna*, quæ est ejus translatio ut non irrogetur ipsi peccatori. In se una est liberatio, sed partium respectu gemina fit. Est etiam liberatio perfecta, sed perfectione ^{Estque perfecta.} partium in hac vitâ, quia *sanguis Iesu Christi purgat nos ab omni peccato* 1. *Joh. 1. v. 7. Nec ulla est condemnatio iis qui sunt in Christo Iesu*, *Rom. 8. v. 1.* perfectione graduum in vitâ alterâ, ubi omnes lachrymæ abstergentur ab oculis nostris, imago Dei perfecta instaurabitur in nobis, & Deus erit omnia in omnibus *Esa. 25. v. 8. 1. Cor. 13. v. 10. cap. 15. v. 28.* Describitur autem liberatio mentione *subiecti* & recipientis, quod est homo, non universaliter, sed indefinitè consideratus, juxta explicationem quæstionis xx. Et si enim præter hominem Angeli quoque sunt miseri, 2. *Petr. 2. v. 4. Iuda v. 6.* tamen non illis sed huic destinata est, & obtingit liberatio, pro illâ *φιλανθρωπία*, quam placuit Deo ostendere in genere humano lapso *Tu. 3. v. 4.* Ideo liberator Christus, non Angelos sed semen Abrahæ assumpsit, *Hebr. 2. v. 16.* nec Angelus Angelorum, sed Homo Hominum factus ^{Liberatio. creaturarum inanimatarum qualis.} est mediator 1. *Tim. 2. v. 5.* Liberatio verò quæ etiam creaturæ inanimatæ vindicandæ dicuntur, à servitute corruptionis, in liber-

Libertatem gloriæ filiorum Dei, *Rom.* 8. v. 20. 21. alijs est generis, nec tam propter ipsas, quàm propter Filios Dei futura est, ut ad perfectam hominis liberationem referri jure possit, ac meritò debeat.

Hæc pars Catecheseos ordine secunda est, & primam sequitur, quemadmodum in medicîna partem *παθολογικὴν*, quæ est de morbis, & causis morborum, excipit *θεραπευτικὴ*, quæ agit de remedijs. Nam cognito peccato ejusque pœnâ, cognoscendum est utriusque remedium, ne desperatione absorbeat peccator, vel saltem, ne modum liberationis sibi fingat ipse, cum ignominia nominis divini, & salutis suæ jactura irreparabili. Initio autem hujus partis proponitur acquisitio liberationis, facta per mediatorem; indè participatio ejus, quæ per fidem fit, subjicitur.

QUÆST. XII. Quoniam igitur justo Dei judicio temporalibus & æternis pœnis obnoxii sumus, estne reliqua ulla ratio aut via, quâ his pœnis liberemur, & Deo reconciliemur?

RESP. *Vult Deus justitiæ suæ satisfieri, quocirca necesse est vel per nos, vel per alium satisfaciamus.*

EXEGESIS.

AD explicandam doctrinam de liberatione hominis Catechsis accedit perfecta transiitione, antè dicta paucis repetens, & dicenda verbo attingens. Sicut autem in tractatione didascalica prima quæstio esse solet, An sit: ita hîc, an sit aliqua liberatio, vel, num ea possibilis sit, primo loco queritur. Respondetur autem esse possibilem, argumento ab effecto conditionato, si satisfiat justitiæ Dei, cui ipse omnino velit satisfieri. Est enim hoc *ἀντίστροφον*, jus ipsius, ut qui faciunt peccata, digni sint morte, *Rom.* 1. v. 32. cui juri non magis renunciare, quàm se ipsum potest abnegare 2. *Tim.* 2. v. 13. Et verbo suo rotundè declaravit, quod nolit justificare impium *Exod.* 34. v. 7. Vult igitur, & exigit satisfactionem pro peccatis ipsius. *Modus satisfactionis* hic non indicatur, exponitur verò in sequentibus. Generatum

Liberatio est

per Satisfactionem.

Modus Satisfactionis.

ratim duplex est; *Vnus* per obedientiam *Lev.* 18. v. 5. *Alter* per poenam *Deut.* 27. v. 26. *Gal.* 3. v. 13. *Prior* modus post lapsum hominis non habet locum, quia præcedens obedientia jam est violata: sequens verò obedientia pro priore offensa satisfacere non potest, cum homo ad eam tanquam præsens debitum quovis momento obligetur. Valet ergò modus *posterior* satisfactionis per poenam sufficientem, æquivalentem peccato, qui & à Deo requiritur, & in Catechesi intelligitur. Ab hac satisfactione, tanquam ex propriâ causâ pendet expurgatio peccati, & naturæ corruptæ regeneratio, *Rom.* 6. v. 4. 5. 6. *Gal.* 3. v. 13. 14. 1. *Petr.* 2. 24. quâ fit, ut homo tandem desistat à peccatis, nec novis offensis gratiam liberationis irritam reddat *Rom.* 6. v. 1. *seqq.* Hanc Deus etiam requirit ad liberationem; At non in precium satisfactionis, verùm in testimonium gratitudinis. Cæterum declaratur ista satisfactio ex *causis efficientibus* procreantibus, per distributionem; necesse est, vel per Nos, vel per alium satisfaciamus, qui nimirum sponsor, & mediator sit inter Deum offensum, & nos offendentes *Heb.* 7. v. 22. 1. *Tim.* 2. v. 5. Per nos debebat fieri satisfactio secundum ἀναβολήν legis, sicut scriptum est, *Genes.* 2. v. 17. quocunque die comederis, morte morieris. *Ezech.* 18. v. 4. Anima, quæ peccavit, ipsa morietur. Per alium fieri potuit, & facta est secundum ἡμετέραν Evangelii, de quâ ita Apostolus, *Rom.* 8. v. 3. Quod legi erat impossibile, hoc fecit Deus missò filio. Et ipse Christus, *Joh.* 3. v. 16. Sic Deus dilexit mundum, ut filium suum unigenitum daret. Hic modus in lege quidem non docetur; nam absque lege justitia Dei manifesta facta est, *Rom.* 3. v. 21. sed nusquam etiam in eâ improbatur, & excluditur, ut quæ nusquam ponit exclusivam; neque cum justitiâ Dei pugnat, quæ etiam hominis pro homine satisfactionem acceptat *Roman.* 3. v. 25. 26. 2. *Cor.* 5. v. 21. Ex quibus necessitas mediatoris hunc in modum deducitur, ac demonstratur. Si satisfaciendum justitiæ Dei, aut per nos satisfaciendum est, aut per alium, qui sit mediator inter Deum & nos. Atqui non possumus per nos satisfacere. Ergò per alium, nempe per mediatorem satisfaciendum est: quo proinde nobis opus est. Propositio præmittitur hâc quæstione; assumptio, & conclusio sequuntur quæstionibus XI I I. & XI V.

Ejus causæ
Efficientes.

Consi-

*Considerationes Catecheticae Novatorum
ad quæst. & resp. duodecimam.*

Annon hic
utriusque
misericordia, rea-
tus & servi-
tutis facien-
da sit men-
tio?

I. *Cum duplex sit nostra miseria, tum reatus condemnationis, tum servitutis sub tyrannide peccati, videndum an non utriusque facienda fuerit mentio, cum hic unius tantum fiat mentio, & nullibi postea alterius, eo quo id fieri modo fas est & æquum.*

Resp. Utriusque sit mentio, licet non hac ipsa quæstione & responsione, nimirum, quia non habent se eodem modo; sed liberatio à reatu, & condemnatione habet se ut causa, liberatio à servitute peccati, ut effectum, quo ordine quæstione XVI. XVII. XL. XLIII. & alibi inter se disponuntur. Falsum itaque quod nullibi post ea, nec iusto ordine, alterius fiat mentio.

Annon in
quæstione sit
ordo verbo-
rum inver-
sus?

II. *Num in quæstione hac ordo verborum sit inversus, cum primò videamur Deo reconciliari debere, quam à pœnis, quas meriti sumus, & qua nobis iusto iudicio debentur, liberari.*

Resp. Ordo verborum invertitur, ex nexu cum antecedentibus, quod non magis vitiosum est, quam si quis ex posteriore prius, ex effecto causam deducat. Talibus castigationum minutiis quid aliud, quàm nodum in scirpo se querere ostendunt.

Annon ne-
cessitas Sa-
tisfactionis
pugnet cum
liberrimâ
Dei potesta-
te?

III. *Cum necessitas satisfactionis huius fundetur in voluntate ipsâ divinâ citra ullam mentionem, an Deus secundum naturâ necessitatem id velle debeat, nec ne; queritur, num necessario statuenda sit & agnoscenda ejusmodi naturalis necessitas, & an non illa immutat non nihil de summâ, ac liberrimâ Dei potestate, sapientiâ, atq; Φιλαθρηπία.*

Resp. Sanè fundatur necessitas satisfactionis in voluntate divinâ, sed in voluntate naturaliter, sive essentialiter, iustâ & sanctâ, averfante & abominante omnem iniquitatem. Perperam igitur hic voluntas Dei naturæ ipsius, & iustitia voluntaria iustitiæ naturali opponitur: de quâ infra ex professo. Frustra etiam verentur hoc pacto imminutum iri attributa libertatis, sapientiæ, ac Φιλαθρηπίας divinæ. Nam quæstione undecima demonstratum est iustitiam Dei & gratuitam ejus misericordiam inter se non pugnare. Præterea iustitiam sic dicimus esse Deo naturalem, ut tamen mediante libero arbitrio exerceatur circa creaturas: quomodo v. g. homini naturalis est ratiocinatio, risus, loquela &c.

QUÆST.

QUÆST. XIII. Possumus ne ipsi per nos satis facere?

RESP. Nullâ ex parte: quin etiam debitum in singulos dies augemus.

EXEGESIS.

Propositâ duplici satisfactionis via, & modo, quorum alter ad legem, alter ad Euangelium pertinet, de priore, legali, hæc quaeritur: Possumusne ipsi satisfacere pro peccatis nostris? Responsio simplicem negationem habet, quod nulla ex parte talem satisfactionem præstare valeamus: estque assumptio negativa syllogismi hypothetici de necessitate mediatoris. Si enim, Deo peccata imputante, nemo consistere potest in iudicio ipsius, *Psal. 130. v. 3. Job. 9. v. 3.* nec in compensationem animæ quicquam iudici Deo offerre; *Matth. 16. v. 26.* consequens est satisfactionem per nos ipsos prorsus esse impossibilem. Catechesis idem demonstrat argumento adversorum, per amplificationem: Tantum abest ut satisfacere ipsi possimus, ut etiam debita nostra indies augeamus. Debita sunt peccata, *Matt. 6. v. 12. collato cum Luc. 11. v. 4. Matt. 18. v. 24. 35.* quæ nos debitores Deo efficiunt ad pœnam. Illa qui quotidie accumulatur, adeo satisfaciendo non liberat sese à pœnâ, ut etiam delinquendo eam aggravet: Hoc verò est quod faciunt omnes homines ex congenita sibi naturæ corruptione, quibus tam familiare est peccare, quàm bibere, *Jobo teste cap. 15. v. 16.* qui duritie suâ, atque impœnitentiâ thesaurizant sibi iram, in diem iræ *Rem. 2. v. 5.* Et licet in regenitis multum imminuta sit hæc corruptio, tamen ne ipsi quidem à quotidianis lapsibus immunes sunt, *1. Reg. 8. v. 46. Eccles. 7. v. 20. 1. Iob. 1. v. 9.* ut qui quotidie orant: *Remitte nobis debita nostra.* Quemadmodum igitur, ut cum Augustino loquamur, qui extra semitam currit, quo celerius currit, hoc longius à viâ aberrat; ita nos, qui quotidie peccamus, quo magis accumulamus peccata, eo magis satisfactionem nobis impossibilem reddimus.

Satisfactio
Legalis ho-
minibus im-
possibilis.

quia quoti-
die culpas
peccato au-
gent.

Etiam rege-
niti.

An homines
potuerint
augere quo-
tidie pecca-
tum ante
promissum
Christum,
cum non
violarint no-
vum fœdus?

Considerationes Catecheticae Novatorum
ad quæst. & resp. decimam tertiam.

I. Si hæc intelligantur de hominibus Deo propter peccatum inimi-

m

cis, &

cis, & pœna obnoxiiis, consideratis eo momento, & puncto, quo adhuc jacent in peccato liberatore tum actu ipso nondum dato, tum nec promissio, imò ne destinato quidem ipsis; perpendendum est, an de istis rectè dicatur, quòd debitum in singulos dies augeant, cum inter peccatum, & liberatoris destinationem, promissionem que nullum exstitisse videatur Dei justis & irati cum hominibus peccatoribus fœdus, adversus quod peccando debitum augere potuerint.

Resp. Ratio Catecheseos intelligenda est, de homine misero, liberando à miseriâ culpæ & pœnæ, per mediatorem. De hoc rectè affirmatur, quod quotidie augeat sua debita, quia legem Dei, cujus reliquias menti suæ insculptas habet, indefinenter violat, eoque novum in dies reatum, etiam propriæ conscientiæ testimonio, contrahit Rom. 2. v. 14. 15. Vel dicendum erit, gentes quas exsortes fœderis vocat Apostolus, Eph. 2. v. 12. ante vocationem, novique fœderis pactionem, reverâ non peccasse; contra eundem Apostolum, ipsas tum maxime gravissimorum scelerum reas coram Deo, & mundo peragentem Ro. 1. Eph. 2. & 4. cap. Quæ igitur ratio est damnationis gentium, eadem & peccati erit, ex quo sequitur damnatio. Atqui damnationis hæc ratio est, ut sine lege scriptâ pereant, quemadmodum alii per legem illam damnabuntur Rom. 2. v. 12. Consimilis igitur peccati ratio est. Et ipsæ quidem gentes peccarunt in legem naturæ, alii in legem scriptam, alii insuper in Euangelium; omnes tamen verè peccarunt.

An ratio de
debitis au-
ctis confir-
met impossi-
bilitatem sa-
tisfactionis
propriæ.

II. Num verba hæc, Debitum in singulos dies augemus, ritè confirmant responsionem datam, cum certum sit, etiamsi homo debitum in singulos dies non auget, sed Deum perfectâ obedientiâ coleret, debitum jam ante contractum persolvere tamen ista ratione non posset.

Resp. Verba illa confirmant responsionem, sed per amplificationem ex contrariis. Si homo debitum pœnæ ex peccato contractum etiam auget quotidie, certè nullâ ex parte pro peccatis suis satisfacere potest. Nam satisfacere est minuere debitum, tandemque totum dissolvere. Quotidie peccare est illud indies augere, & cumulare. In quantum enim augetur peccatum, in tantum aggravatur ejus pœna, prout parte primâ demonstratum est. Quæ ut similia opponunt Consideratores, dissimilia sunt. Obedientia succedanea non cedit in satisfactionem pro priore inobedientiâ, quia præsentis obligatione Deo debetur: Interim non auget debitum. At succedanea inobedientia etiam auget de-
bitum

bitum prioris inobedientiæ, ut quæ novum reatum superinducit.

QUÆST. XIV. Potest ne ulla creaturarum in cœlo vel in terrâ, quæ tantum creatura sit, pro nobis satisfacere?

RESP. Nulla; Nam principio non vult Deus, quod homo peccavit, id in ullâ aliâ creaturâ plectere: deinde nec potest quidem, quod nihil nisi creatura sit, iram Dei adversus peccatum sustinere, & alios ab eâ liberare.

EXEGESIS.

POSTquam demonstratum est priorem satisfactionis modum per nos ipsos, esse impossibilem, tacitè infertur modus posterior; doceturque per alium, qui mediator sit inter Deum & nos, nobis satisfaciendum esse. Hinc jam porrò disquiritur qualem esse oporteat illum mediatorem. Κατ' ἀρσιν hâc quæstione & responsione asseritur, quod *esse nequeat tantum creatura*, hoc est nuda creatura; Cujus assertionis subiectum amplificatur ex signo universalis negante, & distributione ex subiectis, ut sensus sit, nulla nuda creatura, sive cœlestis, ut angelus: sive terrestris, ut quævis alia præter hominem, potest esse mediator inter Deum offensum, & hominem offendentem. *Causæ impossibilitatis* duæ redduntur, quarum utraque petitur ex loco adjunctorum, & altera Deum, altera hominem spectat. Illa est, quod Deus non vult in ullâ aliâ creaturâ plectere quod homo peccavit, idque ex ordine justitiæ divinæ, quæ suum cuique tribuit, peccatoribus autem pro peccatis meritis pœnas retribuit. Ita ipse Deus de se testatur; *Illum*, inquit, *ex-pungam è meo libro, qui in me peccavit*, Exod. 32. 33. & *Anima quæ peccavit, ipsa morietur* Ezech. 18. v. 4. Ideoque alibi hominis pro homine satisfactionem disertè exigit *Hebr. 2. v. 14. 1. Cor. 15. 21. Rom. 5. v. 19.* In Veteri Testamento quidem cæsi sunt, & oblati boves, oves, arietes, &c: in victimas, & expiationes pro peccatis hominum; sed victimæ illæ typi solum fuerunt victimæ unius illius hominis Jesu Christi; nec veram, sed typicam & sacramentalem expiationem habuerunt *Col. 2. Heb. 9. 10. capp.*

Mediator
inter Deum
& nos

non potest
esse Nuda
Creatura.

i. q. Deus
non vult a-
liam creatu-
ram pro ho-
mine ple-
ctere.

2. q. creatura
nequit iram
Dei adversus
peccata sus-
tinere. & al-
ios liberare.

*Ista est ἀδυναμία nuda creaturæ, ad geminum ὑποπέλωμα me-
diatorium producendum. Primò enim non potest nuda creatura
sustinere iram Dei adversus peccatum; Nam omnis creatura fi-
nita est, Ira autem Dei est infinita, cujus tanta vis, ut instar i-
gnis consumentis, *Deut.* 4. v. 24. ardeat usque ad inferni novissi-
ma; *cap.* 32. v. 22. concutiens fundamenta montium, & funda-
menta cœlorum commovens *Psal.* 18. v. 8. 2. *Sam.* 22. v. 8. De
hâc irâ suâ ita ipse Dominus apud Prophetam: *Ne forte egredia-
tur, ut ignis, ira mea: & succendatur, & non sit qui extinguat propter
malitiam operum vestrorum* *Jer.* 4. v. 4. Et, si angeli, præstantissimi
creaturarum, summam Dei majestatem revelatâ facie intueri non
potuerunt, *Esa.* 6. v. 2. quomodo ulla creaturarum infinitam
Dei iram adversus peccata perferre valeat? Deinde non potest
etiam nuda creatura alios ab irâ illâ liberare, remittendo scilicet
peccata, & naturam corruptam instaurando. Utrumque enim
solum Dei opus est *Luc.* 5. v. 21. *seqq.* *Ephes.* 2. v. 10.*

QUÆST. XV. Qualis ergò quærendus est mediator?

RESP. *Qui verus quidem homo sit, ac perfectè justus, &
tamen omnibus creaturis potentiôr, hoc est, qui simul
etiam sit verus Deus.*

EXEGESIS.

Mediator
seu Libera-
tor noster
debet esse

verus homo,

DEinceps καὶ ἡ ἑστὶν docetur, quibus ergo qualitatibus prædi-
tum esse oporteat mediatorem, & liberatorem nostrum, ut
possit perfectè pro nobis satisfacere: Et *Mediator* appellatur, quod
velut medius intercedat inter partes, offensam, & offendentem,
eas reconcilians; *Liberator* verò, quia partem offendentem libe-
rat ab irâ partis offensæ, adeoque ab omni miseriâ. Utrumque no-
men ἑγγεφυον est, in Scriptura usurpatum: prius *1. Tim.* 2. 5. *Heb.*
9. v. 15. alterum, *Esa.* 59. v. 20. *Rom.* 11. v. 26. In responsione tres
qualitates, vel potius tria requisita ordine enumerantur, quæ ne-
cessaria sunt in mediatore, desumpta ex partibus integrantibus, at-
que etiam ex alterius partis adjuncto. *Primum* est ut sit *verus homo*,
non spectrum, aut φάντασμα hominis; similis hominibus per
omnia; naturâ animæ rationalis, & corporis elementaris, proprie-
tatibus essentialibus, & naturalibus utriusq; & deniq; actionibus.

Secundum

Secundum est ut sit, *justus homo*, peccati omnis expers, tum Originalis, quo corrupta est natura humana indè ab Adamo; tum Actualium, quibus in suâ singuli personâ multifariam delinquant adversus legem Dei. *Tertium* est, ut sit insuper *verus Deus*, hoc est, naturâ Deus, ut loquitur Apostolus *Gal. 4. v. 8.* non titulo, potestate, officio, aut gloriâ, quod indicat Catechesis descriptione adjunctæ potentæ ipsius, per comparationem disparatorum imparium, quatenus mediatorem requirit omnibus creaturis potentior. Nam qui omnibus creaturis potentior est, creatura non est, sed ipse creator; non ens creatum sed increatum. Et meritò requirit tam potentem mediatorem, tum quia antè docuit nullam nudam creaturam sive cœlestem sive terrestrem posse pro nobis satisfacere; tum quia vindicare nos debet mediator ex potestate Diaboli, potētissimi creaturarum *Iob. 12. v. 31. 2. Cor. 4. v. 4. Eph. 6. v. 12. Col. 1. v. 13.* Quod nisi ipso & consequenter omnibus creaturis potior sit, facere nequit *Luc. 11. v. 21. 22.* tum etiam quia partes sunt inæquales; offensa Deus, cujus incomparabilis majestas, & offendens homo. Mediatorem igitur naturis quoque inæqualem esse oportet, ut una quidem respondeat homini, altera ipso superior sit, par Deo. Denique illud prætereundum non est, quod dicitur mediatorem *simul* esse debere verum Deum. Sanè verus, & justus homo esse debuit, sed simul verus Deus, hoc est, Deus & homo in unâ personâ. Neque enim de mediatoribus, sed de mediatore, nec de liberatoribus, sed de liberatore loquitur quæstio. Scriptura etiam addit numerum unitatis multis locis *1. Tim. 2. v. 5. 2. Cor. 5. v. 15. cap. 11. v. 2. 1. Cor. 8. v. 6. Rom. 5. v. 17. 19. Matt. 23. v. 8.* Sic ergo particula *simul* mysterium unionis personalis indigitat: de quo alibi erit dicendi locus.

idque simul.

QUÆST. XVI. Cur necesse est eum verum hominem, & quidem perfectè justum esse?

RESP. *Quia justitia Dei postulat, ut eadem natura humana quæ peccavit, ipso pro peccato dependat: qui verò ipse peccator esset, pro aliis dependere non posset.*

E X E G E S I S.

Cur Media-
tor debuerit
esse.
I. verus ho-
mo.

Sequentibus duabus questionibus necessitas singulorum requi-
sitorum seorsim, & distinctè demonstratur; & utriusque quidem
prioris hac ipsa questione. *Primum requisitum* demonstratur à Cau-
sa Impulsiva. Justitia Dei, quæ postulat ut eadem natura humana
quæ peccavit ipsa pro peccato dependat. Hujus veritas paulò antè
in responsione ad XIV. questionem asserta est: Eandem luculen-
tius etiam confirmant hæc & similia Scripturæ effata: Rom. 5. v.
19. *Sicut per inobedientiam unius hominis peccatores constituti sunt
multi: ita per obedientiam unius hominis, justi constituentur multi.*
Cap. 8. v. 2. 3. *Quod legi erat impossibile, quod viribus esset destituta
per carnem, id fecit Deus misso filio in forma consimili carnis.* 1. Cor.
15. v. 21. *Per hominem mors, per hominem resurrectio mortuorum.*
Heb. 2. v. 14. *Quoniam pueri participes sunt carnis, & sanguinis, ipse
similiter particeps factus est eorundem, ut per mortem aboleret eum,
qui mortis habet imperium.* Non minus solida & illustris est illa
probatio, quæ à modo justitiæ & satisfactionis deducitur. Me-
diatorem mori oportuit pro hominibus, & sanguinem effundere
in remissionem peccatorum. Gen. 2. v. 17. *Quocunque die come-
deris, morte morieris.* Heb. 9. v. 22. *Absque sanguinis effusione
non est remissio.* Ergo debuit esse homo, qui posset mori, & fun-
dere sanguinem. In utrâque probatione, cum abyssus sapientiæ
divinæ, Eph. 3. v. 10. 1. Tim. 3. v. 16. tum omnis Christianæ con-
solationis fundamentum residet 1. Tim. 2. v. 5. Heb. 2. v. 17. & cap.
4. v. 15. *Alterum requisitum* demonstratur à causâ corruppen-
te satisfactionis: qui ipse peccator esset, pro aliis dependere non
posset; nimirum, quia maledictus omnis, qui non manserit in
omnibus quæ scripta sunt in libro legis, ut ea faciat Dent. 27. v.
26. Et mediatorem non tantum ad Deum accedere oportet, sed
etiam alios, offendentes, ad ipsum adducere; peccata verò adi-
tum ad Deum intercludunt, ut quæ disterminant nos, & Deum
nostrum Esa. 59. v. 2. Hanc probationem tradit Apostolus
Heb. 7. v. 26. 27. *Talis nos decebat Pontifex, sanctus, impollu-
tus segregatus à peccatoribus, cui non sit opus pro peccatis propriis
victimas offerre.* Et Petrus 1. Epist. 3. vers. 18. *Christus semel
passus fuit pro peccatis, justus pro injustis, ut nos ad Deum ad-
duceret.*

II. Iustus
homo.

QUÆST. XVII. Quare oportet eum simul etiam verè Deum esse?

RESP: *Vt potentiâ suæ divinitatis onus iræ divinæ, carne suâ, sustinere, nobisque amissam justitiam, ac vitam reparare, ac restituere possit.*

EXEGESIS.

Superest tertium requisitum quod mediatorum simul etiam verè Deum esse oporteat. Id ex effectis, numero tribus, demonstratur; quæ non aliundè, quam à potentiâ Deitatis proficisci, & procedere potuerunt. *Primum* est tolerantia iræ Dei, quæ velut onus Ætna gravius, nobis propter peccata incumbibat. Hanc mediator solâ carne sustinere nequivisset, sine desperatione, ac sui in nihilum reductione; quia caro finita, debilis, infirma est; ira Dei infinita, cujus ne minimum quidem ardorem perferre valent etiam hominum potentissimi *Psal.* 2. v. 12. Requirebatur igitur infinita quoque potentia, quâ infinita Dei ira placaretur ac vinceretur, salvo, & superstite ipso mediatore. Atque hanc ob causam Deus apud Prophetam sibi soli istum honorem tribuit: *Esa.* 42. v. 36. *Ego sum Iehova, neque ullus est servator, præter me* & cap. 43. v. 12. *Ego, ego ipse deleo defectionis tuas propter me, & peccatorum tuorum non recordor.* Eadem causa est, cur mediator *Deus fortis* appelletur, *Esa.* 9. v. 6. qui etsi crucifixus fuit ex infirmitate, vivit tamen ex potentiâ Dei *2. Cor.* 13. v. 4. *Alterum* est amissæ justitiæ ac vitæ reparatio, quæ ad officium ejusdem mediatoris pertinet. Non potuit autem nisi à divinâ potentiâ effici atque præstari. Etenim ad reparationem illam duo requirebantur: præcedanea satisfactio pro antegressis peccatis, quâ iusti fieremus coram Deo, & subsequens naturæ instauratio ad Dei imaginem, cujus virtute mortui peccatis justitiæ vivere-mus *1. Pet.* 2. v. 24. Sed peccata non nisi ipsius Dei sanguine dignè possunt expiari *1. Job.* 1. v. 7. *Act.* 20. v. 28. Naturam etiam corruptam alius instaurare non potest, quam qui eam primitus condidit, *Coloss.* 3. v. 10. *Eph.* 4. v. 24. Proinde reparatio justitiæ, & vitæ, solius divine potentiæ opus est. *Tertium* est utriusque, tum justitiæ, tum vitæ restitutio: Neque enim reparâsse tanta

III. Verus Deus.

1. ut tolerare posset iram Dei.

2. ut amissam justitiam & vitam repararet.

3. ut justitiam & vitam restitueret.

bona

bona satis erat, nisi etiam communicarentur, & applicarentur *Rom. 4. v. 25.* Quod rursum divinæ est virtutis, quandoquidem omnium creaturarum viribus ne unus quidem impius justificari, aut mortuus vivificari potest. Huc facit quod Paulus ait *Rom. 8. v. 33.* *Deus is est qui justificat.* Et Johannes 1. *Epist. 4. v. 9.* *Deus filium illum suum unigenitum misit in mundum, ut vivamus per eum.*

An pars offensa possit esse Mediator?

Contra requisiti hujus veritatem adferri solet vulgatum illud: Pars offensa non potest esse mediator. Quod axioma si tam certum esset, quàm familiare est hæreticis, utique autoritate aliquâ divinâ communiretur: sed ne in humanis quidem rebus semper verum est, ubi sæpe numero contingit, ut qui læsus est prior redeat in gratiam cum lædente. In divinis autem apertè falsum est, quia Scriptura æquè parti offensæ, quàm offendenti imperat mediationem & reconciliationem, *Matth. 18. v. 15. cap. 5. v. 24.* & tam ab illâ, quàm ab hac præstitam fuisse, exemplis, & similibus declarat *Jud. 21. v. 2. seqq. 2. Sam. 19. v. 12. seqq. 2. Cor. 5. v. 18. 19. 20. Matth. 21. v. 37.* Mediator, & mediatio sunt nomina officii, cujus susceptio & administratio si pugnat cum conditione partis offensæ, aut ideò pugnat quod pars, aut quod offensa pars. Si prius, jam nec offendens potest esse mediator, qui & ipse pars; Ac ne homo quidem esse debet mediator hominum: Si posterius, nullus offensus debet esse placabilis, reconciliabilis, nec animum ad ignoscendum pronum gerere, aut demonstrare; quod vel dictu impium est.

*Considerationes Catecheticæ Novatorum
ad quæst. & respons. decimam septimam.*

An onus iræ divinæ dicatur respectu patris imponentis an peccatorum quibus debeantur?

I. Cum dicitur, ut Christus onus iræ divinæ carne suâ sustineret, queritur, num hoc dicatur onus iræ divinæ, quatenus id Christo à Patre est impositum, cum Pater semper dicatur amasse filium: an verò quatenus id ipsum ex justitia est debitum peccatoribus, & ex ira adversus peccatum, illis ipsis, qui peccatum perpetrarunt, erat inferendum.

Resp. Imò utroque modo, & respectu dicitur onus iræ Dei, tum quatenus Christo à Patre impositum est, ut sponsori *Heb. 7. v. 22.* tum quatenus nobis peccatoribus erat debitum. Nam ira Dei peccatis nostris concitata, nobis primo incubuit

qui

qui omnes naturâ sumus filii iræ *Eph. 2. v. 3.* Indè è nobis in Christum mediatorem & sponforem nostrum translata, & derivata est *Esa. 53. v. 4. 5. seqq. Psal. 22. v. 1. seqq.* Ita Deus verè iratus fuit Christo ut sponsori nostro, nostram peccatorum personam sustinenti, ut qui dicitur factus pro nobis peccatum. *2. Cor. 5. v. 21.* & maledictio *Gal. 3. v. 13.* Eundem nihilominus amavit ut filium dilectum, in quo acquiescit *Matt. 3. v. 17.*

II. Cum dicatur quod tolerantia istius oneris amissa iustitia, & vitaretuperanda & restituenda serviat, videndum num hinc sequatur ex mente Catecheseos per iustitiâ Christi activam, seu vitam, quæ à iustitiâ mortis, & crucis distingui solet, remissionem peccatorum, & vitam impetratam non esse, sed redemptionis opus passioni Domini nostri Iesu Christi tantum adscribi.

An cum tolerantia istius oneris tribui-
tur redem-
tionis acqui-
sitio excluda-
tur obedi-
entia vitæ
Christi.

Resp. Consideratio hæc planè impertinens est. Neque enim hic de obedientia activâ, & passivâ, sed de *ενεργεια*, ac virtute Deitatis ad *αποτιλιωματα* mediatoria requisita agitur. Controversia de obedientia activâ, & passivâ, quam avidè nimis arripiunt, & odiosè passim urgent, loco de justificatione, quantum satis erit, explicabitur.

QUÆST. XVIII. Quis autem est ille mediator, qui simul est verus Deus, & verus ac perfectè iustus homo?

RESP. Dominus noster Iesus Christus, qui factus est nobis sapientia à Deo, iustitia, sanctificatio, & redemptio.

EXEGESIS.

HUc usque in thesi actum fuit de mediatore; ab eâ descendit Catechesis ad hypothésin, in individuo ostendens, quis sit mediator ille, qui simul est verus Deus, & verus perfectèque iustus homo. Docet autem eum esse Dominum nostrum Jesum Christum, in quo solo tria illa requisita concurrent, & in Scripturâ notantur. Est enim *verus ille Deus*, *1. Ioh. 5. v. 20.* qui proprio sanguine acquisivit Ecclesiam, *Act. 20. v. 28.* Benedictus supra omnia in secula *Rom. 9. v. 5.* Est *verus etiam homo*, qui usitatè homo, *1. Tim. 2. v. 5.* filius hominis, *Matt. 9. v. 6. & cap. 16. v. 13.* filius Davidis & Abrahami *cap. 1. v. 1.* appellatur; & similis factus

Christus Je-
sus est ille
Mediator.

factus est hominibus per omnia, excepto peccato *Hebr.* 2. v. 14. 16. 17. & *cap.* 4. v. 15. *Phil.* 2. v. 7. 8. Denique est *perfectè justus homo* 1. *Ioh.* 2. v. 1. *Esa.* 53. v. 11. qui peccatum non fecit, & in cuius ore non est inventus dolus 1. *Pet.* 2. v. 22. 1. *Ioh.* 3. v. 5. Quæ omnia in unâ indivisâ personâ Christo attribuuntur, iis præcipuè locis quæ per communicationem idiomatum de ipso enunciant, quæ divinæ & humanæ naturæ propria sunt *Ier.* 23. v. 5. 6. *Ioh.* 1. v. 14. *cap.* 3. v. 13. & *cap.* 8. v. 58. *Rom.* 9. v. 6. 1. *Tim.* 3. v. 16. Ut meritò affirmet Apostolus, Hominem Jesum Christum esse unum illum mediatorem Dei & hominum qui se ipsum dedit *ἀντὶ τοῦ* pro quibusvis 1. *Tim.* 2. v. 5. 6. Sed Catechesis assertionis hujus veritatem bifariam demonstrat, testimonio speciali Apostoli Pauli, hâc quæstione, & testimonio generali totius Evangelii, quæstione sequente. Illud desumptum est ex 1. *Cor.* 1. v. 30. ubi Apostolus mediatorium Christi officium tribus ordine argumentis describit. *Primum* est à causa efficiente procreante: *Factus est à Deo*, patre scilicet, non creatione naturæ divinæ, ut cavillantur hæretici, sed partim ordinatione ab æterno, 1. *Pet.* 1. v. 18. 19. partim missione in tempore *Gal.* 4. v. 4. Neque enim ipse sibi sumsit hunc honorem, ut fieret Pontifex, sed is decrevit, detulit, qui dixit ei Filius meus es tu. Ego hodiè genui te, *Heb.* 5. v. 5. *Secundum* ab objecto & subiecto recipiente, *factus est nobis*, qui nimirum stulti, injusti, impuri, damnati eramus naturâ, eoque mediatoris maxime indigi, prout explicatur *Esa.* 9. v. 6. *Luc.* 2. v. 11. *Matt.* 1. v. 21. *Tertium* ab effectis, sive beneficiis, quæ nobis acquisivit, & in nos confert. Ea abstractivè, & metonymicè enunciantur majoris emphaseus gratiâ, suntque quatuor numero; quippe factus nobis dicitur *Sapientia*, hoc est, sapientiæ autor, & doctor, revelans nobis cœlestem sapientiam non solum foris per prædicationem verbi, sed intus quoque per illuminationem spiritus *Ioh.* 1. v. 18. *cap.* 6. v. 45. *Eph.* 1. v. 17. 18. *Iustitia*, hoc est, justificator, donans nos verâ justitiâ coram Deo per fidem *Rom.* 3. v. 24. 25. 2. *Cor.* 5. v. 21. *Sanctificatio*, h. e. sanctificator, qui spiritu suo nos sanctificat ad vitam novam, ut peccato mortui, vivere incipiamus justitiæ *Eph.* 5. v. 26. 27. 1. *Pet.* 2. v. 24. Et *Redemptio*, hoc est, redemptor, qui nos plenè tandem redempturus est, & ab omnibus vitæ hujus miseriis vindicaturus *Luc.* 1. v. 28. *Rom.* 8. v. 23. nimirum cum mortem, hostem ultimum absorpturus est in victoriam 1. *Cor.* 15. v. 26. 55. 56.

Explicatur
dictum 1. *Cor.*
2. v. 30.

QUÆST. XIX. Undè id scis?

RESP. *Ex Evangelio, quod Deus primum in paradiso perfecit, ac deinceps per patriarchas, & prophetas propagavit, sacrificiis, reliquisque caeremoniis legis adumbravit, ad extremum verò per filium suum unigenitum complevit.*

E X E G E S I S.

Alterum testimonium, quo evincit Catechesis Christum Jesum esse mediatorem *μεσίτην*, est perpetuus consensus Evangelii, ex quo tota liberationis nostræ ratio cognoscenda est, quemadmodum peccatum & miseriam nostram ex lege didicimus. Ipsa vox *Evangelii* origine Græca est, ex *εὐ* & *ἀγγελ* composita, *la-* Euangelivox
unde dicta.
tum nuncium, aut *nuncii pramium*, vel etiam *sacrificium* apud scriptores profanos significans. Sed Evangelistæ, & Apostoli vocem illam non à profanis scriptoribus, sed à LXX Interpretibus mutuati sunt, qui verbum *בשר* *bis̄er*, & nomen *בשרה* *bes̄ora*, reddiderunt per *εὐαγγελίζομαι*, & *εὐαγγέλιον* idque propter similitudinem significationis. Sicut enim voces Hebrææ non de cuiusvis, sed bonæ ac lætæ rei annunciatione ferè accipiuntur; qualis inprimis est de liberatione ab hostibus, captivitate, aut aliis malis: 2. *Sam.* 18. v. 20. 26. 2. *Reg.* 7. v. 9. *Ier.* 20. v. 15. *Nahum.* 1. v. 15. Ita voces Græcæ læti faultique nuncii significationem habent; utrique autem per Synecdochen Metaphoricam traducuntur, ad significandum lætum illud nuncium de gratiâ Dei, remissione peccatorum, & liberatione ab omnibus hostibus per Christum; quo nihil gratius, aut suavius perturbatis conscientiis contingere potest *Luc.* 2. v. 11. Conferantur loco *Esa.* 52. v. 7. & *Rom.* 10. v. 15. *Esa.* 61. v. 1. & *Luc.* 4. v. 18. *Pf.* 40. v. 10. & *Heb.* 10. v. 5. *seqq.* Christus autem ejusq; Apostoli, ministerio N. T. hanc vocem imponere maluerunt, quàm legis, aut quamvis aliam, licet Evangelium alicubi *תורה* *thora*, lex, *Esa.* 2. v. 3. itē Lex fidei appelletur; *Rom.* 3. v. 27. tum ut illustrius esset discriminē inter doctrinā Moſis, & doctrinā Christi, *Ioh.* 1. v. 17. tū ut Judæi, inprimis *Ελληνισται*, intelligerent, Evangelistas, & Apostolos non comminisci novū genus doctrinæ, sed illam lætam gratiæ prædicationem adferre, quæ sub vocabulo, & appellatione Evangelii in Prophetis multoties promissa erat; *Rom.* 1. v. 2. tum deniq; ut Græcis aliisq; gentibus doctrinā Evangelii vel solo nomine notior fieret, & commendabilior: sicut scriptum est; *Quàm speciosi pedes Evangelii-*

quid signifi-
cet.

quare servati
ad gratiam N.
Fœderis de-
signandam.

Definitio Eu- *zantium pacē, Evangelizantium bona Rom. 10. v. 15. Hæc de voce. Rem*
angelii. *ipſam ſive doctrinam Evangelii quod attinet, eſt illa Concio gratia de*
remiſſione peccatorum, juſtitia & vitâ æterna, per fidem, propter Chriſtum
mediatorem Ef. 61. v. 1. Luc. 4. v. 18. Rom. 1. v. 16. & cap. 10. v. 15. Et di-
Cujus confi- *ſtinctè conſideratur tum quoad promiſſionem mediatoris in V. T.*
deranda. *tum quoad promiſſionis hujus complementum in Novo Rom. 1. v. 1.*
Promiſſio. *2. Gal. 3. v. 16. Heb. 1. v. 1. 2. Promiſſio mediatoris ſecundum diverſa*
tempora, diverſosque gradus in Catecheſi trifariam nobis deſcri-
bitur. I. A cauſa principali immediatâ cum connotatione loci, cum
dicitur, quod Deus primum in Paradifo Evangelium patefecit: Ibi
enim ſtatim à lapſu hominis, etiam priuſquam indè expelleretur,
ipſemet edidit promiſſionem de ſemine mulieris contrituro caput
ſerpentis, Gen. 3. v. 15. quo ſciret homo, & Deum ruruſum propitium
eſſe, & fore ut mors aliquando aboleretur Rom. 5. v. 10. Heb. 2. v. 14.
II. A cauſis instrumentalibus, quales fuerunt partim Patriarchæ
ante & poſt diluvium, partim Prophetæ à Moſe ad Malachiam uſ-
que. His ſiquidem repetivit Deus primam illam promiſſionem, &
per ipſos continua ſerie quaſi de manu in manum tradi, & in Eccle-
ſia propagari curavit. Ita ab Adamo in familiam Sethi. Gen. 4. v. 26.
Enochi, cap. 5. v. 24. Noachi, Semi: cap. 9. v. 26. Ab his ad Abrahamum,
cap. 11. v. 35. & cap. 22. v. 18. Iſaacum, cap. 26. v. 4. Jacobum, cap. 28.
v. 14. & cap. 49. v. 10. (quibus cum percuffit fœdus cujus fundamen-
tum erat Chriſtus: Gal. 3. v. 16.) A Jacobo ad poſteros ipſius in Æ-
gypto, ac denique ad Moſem dimanavit; à quo eadem Evangelii do-
ctrina propoſita, Deut. 18. v. 18. Ioh. 5. v. 46. & per prophetas ſuc-
cedaneos, Davidem, 2. Sam. 7. v. 13. 14. Pſal. 132. v. 11. Eſaiam, cap.
7. v. 14. & cap. 9. v. 7. & cap. 53. v. 2. ſeqq. Jeremiam, cap. 23. v. 5. Da-
nielem, cap. 9. v. 24. 26. Micham, cap. 5. v. 2. alioſque, latius & copi-
oſius explicata, & confirmata fuit. III. Ab adjuncta adumbratio-
ne, & obſignatione ejuſdem promiſſionis, per ſacrificia, Heb. 7. 8.
9. 10. capp. Sacramenta, Coloſſ. 2. v. 11. 1. Cor. 5. v. 7. ac varios typos
legales, ordinarios Ioh. 2. v. 21. Rom. 3. v. 25. & extraordinarios Ioh. 3.
v. 14. Matt. 12. v. 40. Quorum omnium ſcopus erat præcipuus, ut
præfigurarent bona futura, pioſque in exſpectatione Chriſti venturi
Complemen- *continrent Heb. 10. v. 1. Col. 2. v. 17. Complementum in Novo Teſt.*
tum. *exhibitum bifariam declaratur: Ab adjuncto temporis, quod ſunt*
dies noviffimi, Heb. 1. v. 1. ſive plenitudo temporis, redimendæ
Eccleſiæ divinitus præſinita, Gal. 4. v. 4. & à cauſa adminiſtra,
quæ

quæ fuit unigenitus Dei Filius in carne manifestatus. Nam in ipso omnes Dei promissiones sunt etiam & Amen 2. *Cor.* 1. v. 20. Ipse est veritas typorum, & umbrarum corpus *Ioh.* 1. v. 17. *Coloss.* 2. v. 17. *Heb.* 10. v. 1. In quo consummata sunt omnia, quæ in Veteri Testamento de Messia fuerant prædicta *Ioh.* 19. v. 28. 30. *Act.* 3. v. 22. *seqq. cap.* 10. v. 43.

Ex hac exegeſi quæſtionis Catecheticae porismata tria deducimus & notanda ſubjicimus. *Primum*: Euangelium non eſt natura notum, ſed immediatè à Deo patefactum eſt, ſoli Eccleſiæ, *Matth.* 11. v. 26. *cap.* 16. v. 17. *Ioh.* 1. v. 18. & tam longè tranſcendit caput rationis humanæ, ut ne revelatum quidem approbetur abſque interiore illuminatione, & perſuaſione Spiritus Sancti 1. *Cor.* 2. v. 8. 9. 10. 14. 15. *Ephes.* 1. v. 17. 18. *Secundum*: Unum & idem eſt Euangelium, quo omnes Sancti ab initio ſalvati ſunt omnibus temporibus, Patriarchæ, Prophetæ, Apoſtoli, & cæteri utriuſque Teſtamenti fideles; nec alia fuit Doctrina, & via ſalutis ante legem; alia ſub lege; alia poſt legem ſub Chriſto *Ioh.* 14. v. 6. *Actor.* 10. v. 43. *cap.* 15. verſ. 11. *Actor.* 13. v. 38. *Tertium*: Doctrina Euangelii, & ſalutis olim obſcurior fuit in Veteri Teſtamento, partim propter prædictiones, & promiſſiones rerum futurarum; partim etiam propter earundem typos, & figuras: nunc clarior eſt in Novo teſtamento, quo Chriſtus veritas promiſſionum, & corpus umbrarum in carne fuit exhibitus *Malach.* 4. v. 2. 2. *Petr.* 1. v. 19. *Hebr.* 1. v. 1. & *cap.* 10. v. 1. *Ioh.* 1. v. 17. Atqui hoc reſpectu & ſenſu affirmat Apoſtolus, patribus promiſſum fuiſſe Euangelium, nobis præſtitum *Rom.* 1. v. 1. 2. Illis tacitum eſſe, nobis autem revelatum *Rom.* 16. v. 25. 26. *Ephes.* 3. v. 5. *Coloſſ.* 1. v. 26. 27.

Porismata

1.

2.

3.

Conſideratio Catechetica Novatorum

ad quæſtionem & reſp. decimam

nonam.

Annon paulo clariuſ annotandum, atque exprimendum videri poſſit diſcrimen inter *εὐαγγέλιον*, & *δὲ ἀγγέλιον*.

Reſp. Diſcrimen illud non eſt perpetuum. Doctrina Veteris Teſtamenti tam dicitur Euangelium, *Gal.* 3. v. 8. 1. *Petr.* 4. v. 6. *Apo.* 14. v. 6. quàm doctrina Novi Teſtamenti: & hæc

An diſcretè diſtinguendum inter

εὐαγγέλιον & *δὲ ἀγγέλιον*?

n 3

non

non minus *ἡπαγγελία* sive promissio vocatur, 2. *Tim.* 1. v. 1. *Gal.* 3. v. 14. & alibi, quam illa. Præterea etiam hic clarè satis exprimitur: quatenus idem Euangelium promissum, præfiguratum fuisse dicitur in Veteri Testamento, completum in Novo. Undè porro liquet discrimen illud non ad substantiam doctrinæ, quæ utrobique una & eadem est, sed ad accidentarium patefactionis modum pertinere.

*Antitheses Catechetica Socinianorum
ad quæst. & Resp. decimam nonam.*

Antithesis. I.

Vita aterna nuspiam in Veteri Fœdere promissa fuit illius temporis fidelibus, neque ex Dei promisso ab ipsis expectata. Rationes sunt. I. Quia in Veteri Fœdere nulla vita aterna, à Deo populo suo promissa, fit mentio. II. Quia constat ex Novo Testamento vitam aternam primum fuisse per Iesum Christum à Deo promissam, & per ejus Euangelium patefactam, cum ea prius apud Deum lateret, Johann. 1. v. 18. 2. Tim. 1. v. 10. 1. Johann. 1. vers. 2. & cap. 2. vers. 25. III. Quia per Euangelium introducta est spes melior, quàm erat sub lege Hebr. 7. v. 19. Nulla igitur sub lege vita aterna consequenda spes facta fuit. IV. Christus præstantioris fœderis mediator appellatur quod præstantioribus promissis sancitum est. Hebr. 8. vers. 6. Atqui præstantiora illa promissa sunt promissa vita aterna. Nihilominus aliqua spes vita aterna in populo Dei etiam ante Christum fuit. Nihil enim obstat sperare quippiam, etiamsi promisso Dei careas, modo res ea sit summoperè expetenda, & ejusmodi quam credibile erat Deum cultoribus suis daturum: qualis est vita aterna. Atque hoc pacto fideles Veteris Testamenti vitam aternam adeptos esse certum est. Nihil enim impedit, quo minus Deus plus det, quàm promisit: & Christus id aperte docet, cum è verbis ipsius Dei verè & subtiliter argumentatur, Abrahamum, Isaacum, & Iacobum resurrekturos à mortuis Luc. 20. v. 37. 38. Quem imitatus autor ad Hebræos, cap. 11. v. 16. ait, Deum non erubescere eorum vocari Deum, eò quòd paraverit eis urbem, & eos æternum victuros statuerit. Ideo autem Deus promissum vita aterna distulit in tempus Novi fœderis, quo evidentiùs appareret omnibus, tam excellens bonum esse proprium ipsius munus, è merà benignitate ipsius profluens.

Respon-

Responsio.

Ad doctrinam de Euangelio, prout ea quæstione XIX. explicata est, tanquam ad propriam sedem meritò revocamus controversias Socinianorum *de Veteri & Novo Fædere*, quibus id agunt, ut persuadeant; non accidentale tantum, sed substantiale discrimen inter utrumque illud fœdus statuendum esse: & consequenter, aliam prorsus doctrinam, & viam salutis olim fuisse in Veteri Testamento, quam nunc sit in Novo. Idem superiori seculo Servetus, Libertini, Anabaptistæ, & multò antè Scholastici, & ex priscis hæreticis nonnulli docuerunt: hæc ferè occasione quòd sicut legem libris Prophetis in Veteri Testamento; ita Euangelium scriptis Apostolicis in Novo Testamento, insigni errore definerunt. Ut autem distinctior sit tractatio, controversias omnes in quinque capita deducemus.

Eorum primum est *de Promissionibus Veteri Testamento*, num vita æterna patribus in Veteri Testamento nuspiam revelata aut promissa fuerit. Ipsi negant, qui promissiones Veteres Testamenti tantum corporales, & temporales faciunt: Nos contra affirmamus. *Probationis affirmantis sententiæ sunt.* I. In Veteri Testamento innumeræ exstant promissiones de vitâ, salute, ac beatitudine æternâ. Ergò vita, salus, ac beatitudo æterna patribus in Veteri Testamento revelata ac promissa fuit. Antecedens vel sola promissionum quarundam inductione patescit. De Vitâ, *Hab. 2. v. 4. collato cum, Rom. 1. v. 17. & Gal. 3. v. 11. Danielis 12. v. 1. coll. cum, Ioh. 5. v. 29. Deutr 30. v. 6. Psal. 19. v. 11. De salute, Deut. 33. v. 29. Psal. 130. v. 8. coll. cum Matth. 1. v. 21. Esa. 25. v. 8. 9. & cap. 45. v. 17. & cap. 51. v. 6. 7. Jerem. 23. v. 6. De Beatitudine, Psal. 2. v. 11. & 32. v. 1. 2. & 33. v. 12. & 144. v. 15: 11. Patres Veteris Testamenti crediderunt, ex fide sperarunt, tandemque secundum fidem & spem suam adepti sunt vitam æternam. Ergò vitæ æternæ, tum patefactionem, tum promissionem habuerunt. *Consequentia* suâ luce radiat: Fides enim intuetur verbum promissionis, *Rom. 10. v. 14. 17. & spes quæ non confundit ex fide oritur Rom. 5. v. 5. Hebr. 11. v. 1. Antecedens* confirmatur exemplis: Jobus credidit vitam æternam, *cap. 19. v. 25. 26. 27. quemadmodum & David, Psalm. 17. vers. 15. Abra-**

Controversia
de Veteri &
Novo Fæde-
re.

Vita æterna
Patribus in.
V. T. fuit pro-
missa.

1. q. tales ex-
stant promif-
siones.

2. q. Patres
eam credide-
runt & spera-
runt.

Abraham, Isaac, & Jacob eam expectarunt, *Hebr.* 11. vers. 10 *seqq.* *Genes.* 49. vers. 18. Enoch, Elias, Patriarchæ, alii per fidem secundum spem adepti sunt *Hebr.* 11. vers. 5. 2. *Reg.* 2. vers. 11. *Luc.* 13. v. 28. & *cap.* 16. vers. 22. III. Fœdus Abrahamicum fuit Vetus Fœdus. Fœdus Abrahamicum habuit promissiones vitæ æternæ. Ergò Vetus Fœdus habet promissiones vitæ æternæ. *Major* certa est; etiam confessione adversariorum. *Minor* probatur primò ex formulâ fœderis, qua pollicetur Deus se fore ipsi Deum, quoad animam & corpus; se semper ipsi fore Deum fœdere perpetuo, non minus mortuo, quàm vivo; denique se, qui sit Deus sufficientiæ, fore ipsi clypeum, & amplam mercedem *Gen.* 17. v. 1. 7. & *cap.* 15. v. 1. Secundò, ex formulâ hujus interpretatione apud Moysen, *Exod.* 3. v. 6. *Lev.* 26. v. 12. *coll. cum* 2. *Cor.* 6. v. 16. *seqq.* *Deut.* 33. v. 29. Davidem, *Psal.* 144. v. 15. & 33. v. 12. *coll. cum* *Psal.* 32. vers. 1. 2. Esaiam, *cap.* 33. v. 22. 24. Habacucum, *cap.* 1. v. 12. Lucam, *cap.* 20. vers. 37. & Paulum, *Rom.* 4. v. 3. *Gal.* 3. vers. 14. Qui omnes promissionem & benedictionem Abrahæ de vitâ æternâ exponunt. IV. Lex Mosaica habet promissiones vitæ æternæ. Ergò etiam Vetus Fœdus. *Consequentia* patet. De veritate *Antecedentis* constat ex promissionibus legalibus, *Levit.* 18. v. 5. *Deut.* 30. v. 19. *Ezech.* 20. v. 21. quæ ipso Christo interprete de vita æterna intelligendæ sunt *Luc.* 10. v. 25. 28. V. Scriptura Veteris Testamenti docet vitam æternam, & ad eam ducit credentes. Ergò etiam credentibus vitam illam patefacit & promittit. *Antecedens* demonstratur, partim manifestis testimoniis, Christi, *Ioh.* 5. vers. 39. & Pauli, 2. *Tim.* 3. vers. 15. *Rom.* 15. v. 4. partim etiam ex epithetis illis, quæ Scripturæ Veteris Testamenti per Metonymiam efficienti tribuuntur *Esa.* 40. v. 8. 2. *Corinth.* 3. v. 6. 2. *Tim.* 1. vers. 10. 1. *Pet.* 1. v. 23. 25. VI. Quibus ipsa bona corporalia symbola fuerunt bonorum Spiritualium, & vitæ æternæ; iis certè promissiones vitæ æternæ factæ sunt. Patribus Veteris Testamenti fuerunt: argumento locorum, *Rom.* 4. vers. 12. *seqq.* 1. *Cor.* 10. vers. 1. 2. *seqq.* *Hebr.* 11. v. 8. 9. 10. *seqq.* Ergò. VII. Si patres non habuerunt promissionem ac spem vitæ melioris, adeoque æternæ, omnium hominum miserrimi fuerunt. Atqui non fuerunt miserrimi, sed beatissimi. Ergò. *Propositio* est Apostoli, 1. *Cor.* 15.

3. q. fœdere
Abrahamico
fuit compre-
henſa,

4. q. Lex Mo-
ſis promiſſio-
nes de eâ ha-
bet.

5. q. Scriptu-
ra V. T. eam
docet.

6. q. bona cor-
poralia fuere
in V. T. typi
vitæ æternæ.

7. q. alias Pa-
tres fuiſſent
omnium mi-
ſerrimi,

1. *Corinth.* 15. v. 9. cujus rationem tum ibi, tum alibi *Hebr.* 11. exponit. *Assumptio* Davidis *Psal.* 144. v. 15. & 32. v. 1. 2.

His satis superque confirmata est Theseos Orthodoxæ veritas. *Antithesis Sociniana* trimembris est. *Primo* membro sententiæ suæ rationes exponunt. *Altero* : quomodo Patres Veteris Testamenti vitam æternam adepti sint edisserent. *Tertio* : cur promissum vitæ æternæ in tempus usque Novi Testamenti dilatum fuerit declarant. Singula scorsim & distinctè considerabimus.

Rationes Socinianorum vel principium manifestè petunt, vel fallaciâ à dicto secundùm quid, aut aliis modis à scopo aberrant. *Primum* longa locorum inductione suprâ confutavimus. Observat quidem Augustinus *lib.* 19. *contra Faustum cap. ultimo*, Regnum cælorum nuspiam in lege expressè nominari; idem tamen satis esse docet, quod nominantur æquipollentia, *benedictio*, *beatitudo*, *vita*, *æternum Sabbathum*, *novum cælum*. Nos vero salutis, vitæque æternæ expressam etiam mentionem in eâ exstare ex *Esa.* 45. vers. 17. *Dan.* 12. vers. 2. *Psal.* 16. vers. 11. evicimus. Ad *Secundam* dicimus, falsum esse quod vita æterna demum & *Prima* *Primum* in Novo Testamento per Christum promissâ fuerit, antè verò simpliciter latuerit apud Deum. Nam docet Apostolus, *Ephes.* 3. v. 5. aliis ætatibus non innotuisse, prout nunc revelatur sanctis. Nota igitur jam olim fuit promissio vitæ, licet non tam nota, aut tam multis nota, quàm nunc, in hâc temporis plenitudine. Alium sensum in locis allegatis frustrâ quærunt. *Johann.* 1. vers. 18. sermo est de clarâ, apertâque Dei cognitione in Christo, quam neque gentes ex lumine naturæ, neque Judæi ex promissionibus & typis Veteris Testamenti percipere potuerunt. Christus autem in carne manifestatus sermonibus & operibus nobis exhibuit. Conferatur versus 17. antecedens. 2. *Tim.* 2. *Tim.* 1. v. 10. loquitur Apostolus de complemento promissionum, quæ in Veteri Testamento adumbratæ fuerunt obscuris typis ac figuris; nec simpliciter ait Christum vitam & incorruptibilitatem in lucem produxisse, sed produxisse per Euangelium; ut ostendatur, promissionibus Veteris Testamenti obscurioribus novum, & coruscum lumen illatum esse ex prædicatione Euangelii de Christo exhibito. 1. *Joh.* 1. vers. 2. Christus vita æterna appellatur tum subjectivè, quia est ille æternum vivens, qui est, & qui erat, & qui

Diluuntur rationes heretice.

Prima.

Secunda.

Vindiciæ locorum
Joh. 1. v. 18.

2. *Tim.* 1. v. 10

1. *Joh.* 1. v. 2.

& qui venturus est, *Apoc.* 1. v. 4. 8. tum effectivè, quia vitæ æternæ autor est, & largitor *Ioh.* 11. v. 25. & *cap.* 14. vers. 6. Sicut verò ipse obscurius in Veteri, clarius in Novo Testamento agnitus fuit: ita vitæ æternæ, cujus olim obscurior erat cognitio, cum ipso in carne exhibito clarissimè innotuit. 1. *Iohan.* 2. vers. 25. promissio vitæ æternæ Christo tribuitur, non quasi tum primum cœperit, sed quod omnibus credentibus, ac in fide perseverantibus se vitam illam certò daturum verbo Evangelii declararit. Et planè inconsequens est ratiocinatio; Christus in Novo Testamento promissit vitam æternam. Ergò Deus in Veteri Testamento eam non promissit. Ex *tertiâ* ratione inferendum non est nullam sub lege consequendæ vitæ æternæ spem affulsisse, sed spem illam fuisse angustiorē, & obscuriorē: siquidem melior dicitur spes Novi Testamenti, *Hebr.* 7. v. 19. tum quia amplior, augustior, atque illustrior est priore: tum etiam quia Christus sacerdos Novi Testamenti ex se, & per se, in spem gratiæ divini nos erigit, quod Sacerdotium Leviticum nullo modo præstare potuit. *Quarta* rationis assumptio neganda est. Præstantiora promissa non sunt promissa vitæ æternæ, propriè & absolute: sed remissionis peccatorum, & inscriptionis legis in cordibus nostris. Vetus fœdus etiam promissit patribus æternam salutem, sed sub conditione perfectæ obedientiæ, vires verò obediendi nec promissit, nec dedit: At Novum Fœdus & vires obediendi confert fidelibus, & omnium omnino peccatorum veniam pollicetur. Hunc in modum ex *Ierem.* 31. ipse Apostolus infrâ, vers. 9. 10. *seqq.* rem declarat. Nec est quod regerant, ita Patres Veteris Testamenti expertes fuisse illarum promissionum, adeoque substantiale discrimen esse inter utrumque fœdus; quia Vetus Fœdus hîc strictius accipit Apostolus, quatenus legale genus doctrinæ designat: cum latiore significato legem pariter, & *ἐπαγγελίαν* complectatur. Quod ergò Patres obtinere nequiverunt ex lege, id per *ἐπαγγελίαν* fide apprehensam adepti sunt.

Patres V. T.
vitam æternam
præviâ revelatione
crediderunt
& adepti
sunt

Modus quo absque præviâ patefactione ac promissione Patres vitam æternam sperasse & consecuti fuisse dicuntur, merum commentum est hæretici cerebri. Spes, quæ quidem certa est, ac immota, non minus Dei verbo nititur quàm fides, *Roman.* 15. vers. 4. & *cap.* 5. v. 5. quæ rerum sperandarum est *ἐπαγγελία* *Heb.* 11.

v. 1 Et cum ignoti nulla sit cupido, quomodo ipsi desiderare ac sperare vitam æternam potuerunt, nullo Dei verbo sibi patefactam aut promissam? Neque enim cognitionem ejus vel sensibus percipere, vel cogitando assequi valuerunt, si Apostolo credimus 1. Cor. 2. v. 9. 10. Sic ergo vixerunt Sancti Patres in ignorantia summi boni, ultimique finis sui: media ad obtinendum illum finem nec habuerunt, nec quæsierunt: Denique vitam æternam planè fortuito, præter suam intentionem adepti sunt: quæ omnia ut in ipsos summè injuria, ita à doctrinâ Scripturæ prorsus aliena sunt. *Heb. 11. v. 9. 10. seqq. Matth. 20. v. 23.* Potest sanè Deus plus facere, quàm promisit, imò quàm nos petimus aut cogitamus, *Ephes. 3. v. 20.* sed à posse ad velle & facere fallax est ratiocinatio. *Deus noster in cælis est, quicquid voluit fecit Psal. 115. vers. 3.* Præterea in negotio salutis, sive sub lege, sive sub Euangelio à verbo promissionis semper homines suspendit *Lev. 18. vers. 5 Marc. 16. v. 16. Rom. 10. v. 5. 9.* Jam Christus *Luc. 20. v. 37. 38.* præsentem beatitudinem & futuram resurrectionem Patrum non demonstrat subtili quadam & profundâ argumentatione extra promissionem, verum ex ipsâ promissione fœderali, in Scripturâ multoties declaratâ, atque etiam in vulgus notâ, eam deducit: Deus est Deus Abrahami, Isaaci, & Jacobi, quoad animam & corpus, fœdere æterno *Genes. 17. v. 7.* Ergo ipsi nunc vivunt Deo, & suo tempore resurrecturi sunt: siquidem beati in hâc & futurâ vitâ prædicantur, quorum Jehova Deus est *Psal. 33. vers. 12. & 144. v. 15.* Eodem modo eorundem Patrum beatitudinem concludit Apostolus, *Hebr. 11. v. 16.* sicut tamen ut eam antè ipsis promissam, & typo terræ Chanaan adumbratam fuisse ostendat *v. 9. 10. seqq.*

Luc. 20. v. 37. 38. explicatur.

Postremò *causa dilata promissionis* de vitâ æternâ in tempus Novi Testamenti, quam allegant, vera non est. Etiam Patres intellexerunt vitam æternam esse proprium ipsius Dei munus: esse insuper munus gratuitum, quod nullis operum meritis possint consequi *Gen. 5. v. 24. & cap. 12. v. 3. vel ut alii c. 11. v. 35. & cap. 15. v. 6. Deut. 7. v. 7. 8. Psal. 16. v. 11. & 32. v. 1. 2. & c.* Sic verò jugulat errorem hereticorum. Nam si Deus etiam Patribus revelavit vitam æternam esse proprium ac gratuitum suum donum, utique jam tum promissiones vitæ æternæ ipsis proposuit.

Patribus notum fuit V. Æ. esse gratuitum munus Dei.

Antithesis II.

In Novo Fædere non minus promissa sunt bona corporalia, quàm in Veteri, argumento locorum, 1. Tim. 4. v. 8. Marc. 10. v. 29. 30. sed hoc discrimine, quòd homini Christiano data sunt promissa illa, ne desit ei quicquam, quòd ad vitam hanc tuendam necessario requiritur. Patribus verò data olim fuere, ut etiam superflua multa, voluptates, & alia, sine quibus esse in hac vitâ possumus, sibi pararent, modo id sine aliorum injuriâ fieret.

Responsio.

Promissiones
de bonis cor-
poralibus
communes in
utroque Test.

Promissiones bonorum corporalium communes esse utri-
que Testamento merito agnoscimus: rejicimus verò discrimen
illud quod inter eas ipsi confingunt, utique non alio fine, quàm
ut stabiliant sententiam suam de brutâ ac voluptariâ Patrum vitâ,
absque promissione, & fide vitæ melioris pecudum in morem
traductâ. Equidem habuerunt Patres promissiones, non tan-
tùm de sufficientiâ bonorum corporalium, sed etiam de abun-
dantia: Et nos habemus non valdè dissimiles, licet cum mani-
festa exceptione castigationis crucis *Matth. 19. vers. 29. Marc. 10.*
v. 30. Ipsi usi sunt bonis corporalibus non solum ad conservatio-
nem vitæ, sed etiam ad piam hilaritatem: idem nobis licet, tum
inprimis, cum Deus halcyonia Ecclesiæ ac Reipublicæ concedit.

Discrimine
tamen tripli-
ci.

1.

Aliundè igitur accersendum est hoc discrimen. Id nos triplex fa-
cimus. I. Vetus Testamentum habebat promissiones speciales
de certis quibusdam beneficiis corporalibus, de terra Chanaan
Ecclesiæ danda; de Politiâ Mosaicâ in eâ conservandâ usque ad
tempus Messiæ; de Messia nascituro ex illo populo; de vita longæ-
va, &c. Novum verò ejusmodi promissiones corporales specia-
les non habet, sed tantum in genere, quod Deus aliqua Eccle-
siæ hospitia sit servaturus, usque ad finem, suisque necessaria
vitæ subsidia largiturus *2. Tim. 4. vers. 2. Ephes. 6. vers. 8.* II.
In Veteri Testamento bona corporalia promissa symbolica fue-
runt, quæ spiritualia Christi beneficia præfigurabant, atque obli-
gnabant fidelibus, prout ante ostendimus. In Novo Testamento
autem Symbolica non sunt, neque adjunctam rerum Spiritua-
lium significationem habent, argumento locorum *Coloss. 2. vers.*

17. *Hebr. 10. vers. 1. III.* Promissiones bonorum corporalium non modo frequentissimæ erant in Veteri Testamento, sed etiam per se proponebantur: At in Novo Testamento, præterquam quod rariores sunt, etiam velut additamenta quædam sive auctaria promissionibus bonorum spiritualium annectentur, sicut dicitur; *Quærite primò regnum Dei, & iustitiam ejus, & cætera adjicientur vobis Matth. 6. v. 33.*

Antithesis III.

Expiatio peccatorum non est una, ac eadem in utroque Fœdere, sed diversa; multoque excellentior est in Novo Fœdere, quàm olim erat sub Vetere: id verò duabus potissimum de causis. Prior est, quòd sub Veteri Fœdere tantum peccatis infirmitatis aut imprudentia constituta erat expiatio per sacrificia legalia, non item peccatis gravioribus, utpote quibus pena mortis fuit proposita. Quod si Deus talia alicui condonabat, id non vi fœderis fiebat, sed citra fœdus, ex singulari, & liberrimâ Dei misericordiâ: sub Novo Fœdere autem non solum infirmitatis, aut imprudentia, sed etiam alia graviora peccata expiantur, dummodo ab iis se peccator convertat. Posterior vero causa est, quod sub prisco Fœdere tantum expiabantur peccata, quoad reatum pænæ temporaria: & sub novo etiam expiantur quoad reatum pænæ aterna, & ut loco pænæ vita in fœdere promissa offerantur, ut est Heb. 9. v. 12.

Responsio.

Unâ hâc antithesi assertiones falsas, blasphemias, quatuor Quadruplex error Socinianorum. conjungunt hæretici Sociniani: *Prima* est: peccata Patrum sub Veteri Testamento non esse expiata per Christum & futuro ejus sacrificio. *Secunda*: peccatis gravioribus non fuisse propositam expiationem in Veteri Fœdere, neque etiam vi Fœderis iis obtigisse. *Tertia*: peccata leviora, infirmitatis, imprudentiæ, alia, victimis legalibus verè fuisse expiata. *Quarta*: Expiationem peccatorum olim factam esse tantum, quoad pænæ temporariæ reatum. Nos singulas assertiones singulis rationibus oppositis refellemus & convellemus.

Prima sic refutatur: Ubi idem est Servator à peccatis merito & efficaciâ, ibi una eademque est peccatorum expiatio. In utroque Testamento, Vetere, & Novo, idem est Servator à peccatis, merito, & efficaciâ, nimirum Christus Jesus. Ergò & una I. Patrum V. T. peccata fuerunt expiata per Christum.
eadem

eademque peccatorum expiatio. *Major* certa est; siquidem duplici illo servandi modo peccata perfectè expiantur *Rom.* 4. v. 25. *Minor* testimoniis Scripturæ demonstratur, tum in genere, *Luc.* 1. v. 70. 71. *Actor.* 3. v. 24. 25. & *cap.* 10. vers. 43. & *cap.* 15. v. 11. *Heb.* 13. vers. 8. *Apoc.* 13. vers. 8. tum in specie, *Genes.* 3. v. 15. & *cap.* 12. v. 2. 3. *Psal.* 22. v. 1. *seqq.* & 110. v. 1. *seqq.* *Esa.* 53. v. 4. *seqq.* *Dan.* 9. v. 17. 24. *seqq.* *Matth.* 1. v. 21. & *cap.* 26. v. 28. *Ioh.* 10. v. 15. 28. *Actor.* 20. vers. 28. & *cap.* 5. v. 31. *Rom.* 8. v. 33. 34. Discrimen igitur expiationis peccatorum, quod ex *Rom.* 3. vers. 25. 26. *Hebr.* 9. v. 15. aut aliunde elicitur, ad circumstantias, non ad rem ipsam pertinet. In Veteri Testamento fiebat expiatio peccatorum propter futurum Christi sacrificium: In Novo Testamento fit propter idem sacrificium jam præstitum: Illic proponebatur sub typis & figuris, hic absque involucris, clarè, apertèque exhibetur.

II. Eorum etiam graviora peccata expiata,

Secunda sic: Ubi est remissio omnium peccatorum, etiam adulterii, homicidii, idololatriæ, & quidem ex promissione fœderis, ibidem gravioribus quoque peccatis proposita est, & vi fœderis obtingit expiatio. In Veteri Testamento fuit remissio omnium peccatorum. Ergò. *Major* suâ luce claret. *Minor* probatur partim dictis, *Psal.* 103. vers. 3. & 130. vers. 3. 8. & 32. vers. 1. 2. 5. *Hos.* 14. v. 3. partim exemplis; Davidis, 2. *Sam.* 12. v. 13. & *Psal.* 51. vers. 3. *seqq.* Salomonis, 2. *Sam.* 7. v. 14. 15. *Psal.* 89. v. 33. 34. Manassis, 2. *Chro.* 33. v. 12. 13. *seqq.* & aliorum partim etiam rationes; quia Israëlitiæ victimis legalibus ab omnibus iniquitatibus suis, gravibus: levibus, typicè & sacramentaliter expiabantur *Lev.* 16. v. 16. 21. & *cap.* 6. v. 2. 6. & *cap.* 5. v. 3. Quod verò ex promissione fœderis obtigerit patribus peccatorum venia, ex antedictis vel cœco queat liquere. Et præcipua promissio fœderis gratuiti est de remissione peccatorum, *Gen.* 17. v. 7. coll. cum, *cap.* 15. v. 6. *Ier.* 31. v. 33. sicut unica ejus basis ac fundamentum est singularis, liberrima ac gratuita Dei misericordia, *Deut.* 7. v. 8. quàm proinde præposterè excludunt à fœdere, & ei opponunt. His non repugnat, quod ad *Heb.* 9. v. 7. Pontifex dicitur obtulisse pro ignorantibus populi. Neque enim tantum dicitur obtulisse pro ignorantibus: & est affectata quædam ignorantia in peccatis contra conscientiam, quam ne ipsi quidem peccatis levioribus accenserint.

Heb. 9. v. 7. explicatur,

III. Victimæ legales nulla peccata expiarentur.

Tertia sic: Quæ victimæ non potuerunt auferre peccata, nec

acce-

accedentes ad Deum sanctificare in conscientiiis suis, sed ea reliquerunt inexpiata, donec morte Christi expiarentur, iis nulla peccata verè & realiter expiabilia fuere. Atqui victimæ legales non potuerunt auferre peccata, *Hebr. 10. v. 4.* nec accedentes ad Deum sanctificare in conscientiiis suis *cap. 9. v. 9. & cap. 10. v. 1.* Reliquerunt autem inexpiata peccata, donec morte Christi expiarentur, ut est *cap. 9. v. 15. Rom. 3. v. 25.* Ergò.

Quarta sic: Qui acceptâ per fidem remissione peccatorum beati fuerunt, eorum expiata sunt peccata; non solum quoad temporariâ, verum etiam æternæ pœnæ reatum. Patres Veteris Testamenti per fidem acceptâ peccatorum remissione beati fuerunt. Ergò. De *Majore* constat ex definitione beatitudinis *cap. 1. v. 3.* institutâ, ex *Galat. 3. v. 13. Rom. 8. v. 1.* *Minor* probatur I. Testimoniis; Davidis, *Psal. 32. v. 1. 2.* & Pauli, *Rom. 4. v. 6. 7.* II. Ratione; Qui immunes censentur ab omni peccato tum commissionis, tum omissionis, ii sunt verè beati. Patres V. Test. quibus Deus remisit peccata per fidem, immunes censebantur ab omni peccato tum commissionis, tum omissionis *Genes. 15. v. 6.* Ergò.

IV. Expiatio eis obrigit etiam quoad æternæ pœnæ reatum.

Antithesis. III.

Modus justificationis non est idem in utroque Testamento: nec justificati sunt Patres fide Christi exhibendi, quemadmodum nos fide exhibitum justificamur coram Deo, verum tota ipsorum justificatio pendit ex merâ Dei gratiâ extra Christum spectatâ. Id probatur. I. Quia universa Scriptura nullam fidei mentionem facit, nisi pro tempore, quo Christus jam fuit exhibitus. II. Quia testatur Apostolus fidem in Christum demum venisse per Evangelium. Gal. 3. v. 22. seqq. III. Quia Hebr. 11. fides Patrum non ab objecto speciali Christo, verum à generali, quod est Deus Pater, ille cæli terræque opifex, describitur.

Responsio.

Antitheseos hujus falsitas, etsi ex antedictis etiam manifesta esse potest. his tamen duobus argumentis præcipuè redarguitur. *Primum*: Qui ex Dei misericordiâ per fidem Christi venturi justificati sunt, illi non sunt justificati merâ Dei gratiâ extra Christum. Patres Veteris Testamenti ita sunt justificati. Ergò. *Assumptio* probatur inductione illustrium aliquot exemplorum. Abraham

Patres V. T. justificati sunt per Christum, non ex merâ gratiâ.

ham fide Christi justificatus est: *Genes. 15. v. 6. Credidit Abraham Deo, scil. promittenti semen illud benedictum, & imputatum est ei in iustitiam.* Item David, *Psal. 32. v. 1. 2. & 51. v. 9. & 130. v. 3. 4. 8. inter se collatis.* Sic Esaias *cap. 53. v. 11.* se aliosque fideles cognitione Christi justificatos docet. Denique Dāniel sibi & toti Ecclesiæ Deum vult esse propitium propter Dominum Christum *cap. 9. v. 27.* Ergò. *Secundum:* Quæ conferuntur inter se ut paria, & quorum unum per alterum confirmatur dictis, & exemplis, illa se habent eodem modo. Justificatio Patrum in Veteri, & fidelium in Novo Testamento, conferuntur inter se ut paria *Act. 15. v. 11. Credimus nos per gratiam Iesu Christi servari, quemadmodum & illos, scil. Patres nostros cap. 10. v. 43. Huic (Christo) omnes Propheta testimonium dant, remissionem peccatorum accepturum per nomen ejus, quemvis qui crediderunt in eum cap. 4. v. 12. Non est in alio quoquam salus: Nec enim aliud nomen est sub cælo, quod datum sit inter homines, per quod oporteat nos servari. Rom. 3. v. 29. 30. An Iudaorum Deus solum, an non & gentium; certe & gentium, siquidem Deus unus est, qui justificat circumcisionem ex fide, & praputium per fidem.* Insuper justificatio fidelium in Novo Testamento, dictis & exemplis justificatorum in Veteri Test. confirmatur *Rom. 3. 4. Gal. 2. 3. capp. & alibi* Ergò.

Sed excipiunt adversarii, dictum *Act. 15. v. 11.* esse imperitines; quia vox *καταλείπει*, & illi, non referatur ad propiora verba, in quibus Patrum fit mentio, sed ad remotiora, in quibus sermo habetur de gentibus, quæ Judæis credentibus aliquoties opponantur, ut liquet ex *vers. 8. 9. 10. 11.* Nec officere ajunt huic interpretationi, quod vox *Patres* propior sit quam Gentes vel quod vox *gentes* in Græco Neutrius sit generis, non conveniens pronomini masculino. nam pronomina relativa ad paulo longinquiora haud raro referri in Scriptura: alicubi etiam vocem gentes, conjungi genere masculino, vel saltem ad illud respicere. Præterea cavillantur, *Act. 4. v. 12.* nullam exstare mentionem temporis præteriti, sed tantum præsentis: & voci salutis in Græco addi articulum, nempe ut intelligatur, de novâ, ac prius inauditâ salute hic agi; quam proponere cœpit Johannes Baptista, in remissione omnium, etiam gravissimorum peccatorum, & perpetuâ ac plenissimâ liberatione ab ira Dei. Sed tam vanis, ac inanibus cavillis non eluduntur firmissima atque evidentissima Scripturarum testimonia, *Act. 15. v. 11.* pronomine relativo non alios, quàm Pa-

Vindiciz dic-
torum

Act. 15. v. 11.

tres

tres notari, docet immediata antithesis enuntiationum; negativæ vers. 10. neque nos, neque Patres nostri servari potuerunt per legem, quæ jugum est importabile; & affirmativæ vers. 11. & nos, & illi, scil. Patres servantur per gratiam Christi. Idem nexus sententiarum evincit. Quæstio erat, num salus esset ex observatione legis? Petrus negat, argumento gemino: Uno ad adiunctionem legis, quod sit jugum importabile, tum ipsis, tum Patribus v. 10. Altero à contrario, quia servantur per gratiam Christi, tum ipsi, tum Patres v. 11. Ubi membrum posterius distributionis non repetit propter solum antithetum, verum etiam, ut quo modo Patres servati essent, intelligeretur. Non negamus quidem aliqui etiam ad remotiora referri pronomina, sed id rarum est, & hic locum habere non potest Per synthefin quoque diversi generis nomina, & pronomina aliquando conjunguntur, ut *Matth.* 28. v. 19. *Rom.* 2. v. 14. quoties nimirum sensus magis, quàm vox attenditur; idem verò etiam hîc fieri pernegamus: Nec illud evidens analogia constructionis ullo modo patitur. Quod alterum locum *Act.* 4. v. 12. attinet, ejus enunciatum non restrictivæ, sed absolutæ est universalitatis, non minus Veteri, quàm Novæ Ecclesiæ conveniens: sicut Christus Catholicus est Servator, heri, & hodie idem, in secula *Heb.* 13. v. 8. Verba verò enunciati in præsentem efferuntur, pro more Scripturæ, quæ de rebus perpetuis, & quidem in actu continuo positæ, ita loqui consuevit *1. Tim.* 2. v. 5. *Ioh.* 1. v. 29. *Rom.* 2. v. 11. Articulus vocis *συνεχίας* additur pro ratione nominum substantivorum, sicut alibi quoque fit, *Act.* 27. v. 34. *Rom.* 11. v. 11. & *cap.* 13 v. 11. non autem peculiaris cuiusdam *ἐμφύσεως* causa. Nec nova esse potest salus, de quo jam olim vaticinati sunt omnes Prophetæ, *1. Petr.* 1. v. 11. 12. aut inaudita remissio peccatorum, quâ etiam Patres Veteris Testamenti beati fuere *Psal.* 32. v. 1. 2.

Act. 4 v. 12.

Restat nunc ut argumenta adversariorum paucis perstringamus. Primum; quod Scriptura Veteris Testamenti nullam fidei in Christum mentionem faciat, apertè falsum est; dicit enim, *Credidit Abraham Deo, & imputatum est ei ad justitiam*, *Gen.* 15. vers. 6. Item, *Credidi, & ideo locutus sum*, *Psal.* 116. v. 10. Item: *Servus meus justus cognitione sui justificabit multos*, *Esa.* 53. v. 11. Item, *Iustus ex fide sua vivet*, *Hab.* 2. v. 4. quæ omnia de fide Christi & Evangelii interpretatur Scriptura Novi Testamenti

Refelluntur
argumenta
contraria.
Primum.

Secundum.
Gal. 3. v. 23.
25. vindica-
turi

Tertium.

menti Rom. 4. vers. 3. *seqq.* 2. Cor. 4. v. 13. Iohann. 17. v. 3. Rom. 1. v. 16. 17. *Secundum* ludit homonymiâ in vocabulo Fidei. Galat. 3. v. 23. 25. fides non est habitus vel actus, quo justificamur coram Deo, sed metonymicè accipitur pro objecto suo principaliore Christo, quo veniente in carnem, ipsa fides, hoc est res credita veniunt dicitur. *Tertium* bifariam discedit à vero: semel dum negat, Hebr. 11. describi fidem ab objecto suo speciali Christo: Atqui objecti illius etiam expressa mentio habetur vers. 26. & in conclusione totius exhortationis, cap. 12. vers. 1. repetitur. Implicita autem occurrit partim in typico sacrificio Abelis, vers. 4. partim in promissionibus Abraham, & cæteris Patriarchis factis, v. 8. *seqq.* quarum caput, & objectum principale fuit Christus ex illorum semine oriundus Gal. 3. v. 16. Iterum quatenus objectum fidei generale opponit speciali, & per illud subvertit. At longè aliter ipse Christus ratiocinatur Ioh. 14. v. 1. Si etiam filii respectu Pater est, & per eum creator; certè nomen Patris, & creatoris, non excludit filium, sed includit.

Antithesis V.

Victimæ legales non adumbrarunt expiatoriam Christi victimam, nec typi ejus aut figura fuerunt; sed sacrificia illa, qua populus Israëliticus pro peccatis offerebat, re ipsâ expiabant peccata omnia, pro quibus offerebantur; non quidem virtute propriâ, aut merito, sed ex ordinatione Dei, propter illam voluntatis remittere peccata.

Responsio.

Hujus antitheseos duo membra sunt: *Negativum*, quod victimæ legales non adumbrarint sacrificium Christi; & *Affirmativum*, quod veram & realem expiationem ipsæ præstiterunt. Utrumque manifestè est falsum, & doctrinæ Orthodoxæ repugnans. Falsitas posterioris supra antithesi tertiâ demonstrata est. Prioris hoc argumento evincitur. Umbræ, typi, figuræ, & exemplaria sacrificii Christi, ipsum ejus sacrificium præfigurant; & adumbrarunt. Victimæ legales in Veteri Testamento fuerunt umbræ, typi, figuræ, & exemplario sacrificii Christi. Ergò sacrificium ejus præfigurarunt & adumbrarunt. *Propositio*

Victimæ legales adumbrarunt sacrificium Christi.

serio argumenti patet ex naturâ relatorum, atque etiam ex notatione. *Assumptio* probatur testimoniis Scripturæ. In Epistolâ ad Hebræos Apostolus legalia illa vocat σκία, cap. 8. v. 5. & cap. 10. v. 1. & ἐκ βολῆν, cap. 9. v. 9. & ἀποδείγματα, cap. 8. v. 5. & cap. 9. v. 23. ἀντίτυπα ἐν αληθείᾳ, cap. 9. v. 24. Colloſſ. 2. v. 17. asserit umbram fuisse in cærimoniis, corpus in Christo, quod nihil aliud est, quàm cærimonias Christum præfigurasse, Iohan. 1. vers. 17. dicitur legem per Moſen datam esse, gratiam & veritatem per Jesum Christum. Veritas autem ut ἀντίτυπον, typo legali respondet. Hinc Apostoli semper urserunt abrogationem legalium victimarum, & rituum, quia veritate revelata, & antitypo exhibito, meritò cessare debent umbræ, typi, & exemplaria, juxta prædictionem Danielis 14. 9. v. 24.

Quæst. XX. Num igitur omnibus hominibus qui in Adamo perierant per Christum salus redditur.

Resp. Non omnibus, verum iis tantum qui verâ fide ipsi inseruntur, ejusque beneficia amplectuntur.

E X E G E S I S.

Post explicatam doctrinam de possibilitate ac modo liberationis per Christum mediatorem, rectè etiam quæritur de ejus Objecto, sive Subjecto recipiente: Quo suam liberet mediator: sive qui liberationis participes fiant; Omnesne, an aliqui tantum. Si enim ulli fierent participes, frustrâ facta esset. Innuitur autem in ipsâ quæstione *prolepsis*, sive *occupatio*, ex doctrina de mediatore in speciem deducta. Si Christus est mediator Dei & hominum, omnibus hominibus qui in Adamo perierant per Christum salus redditur. Atqui Christus est mediator Dei & hominum; juxta assertionem quæstionis XVI II. & confirmationem quæstionis XIX. Igitur omnibus hominibus qui in Adamo perierant per Christum salus redditur.

Responsio Catechetica constat simplici inficiatione consequentiæ, sed quæ antithesi universalitatis, & particularitatis illustratur. Negat enim, omnibus & singulis hominibus à Christo

Liberatio per
Christum
Mediatorem
obtingit.

non omni
bus,

sed solis cre-
dentibus;

Quia Deus so-
los electos
Christo dedit
liberandos.

Quia soli cre-
dentes Chri-
sto inserun-
tur.

sto salutem reddi: contrà affirmat beneficium liberationis ad so-
los credentes pertinere. Utrumque membrum ^{ad nostrum} tradi-
tur in Scripturâ, claris & expressis testimoniis. Prius Matth. 7.
v. 14. *Angusta est porta, & stricta via qua ducit ad vitam, & pau-
ci sunt qui invenient eam.* Item, v. 21. *Non quisquis dicit mihi, Domine,
Domine, introibit in regnum cælorum.* Iterum Luc. 12. v. 32. *Ne me-
tue parve grex; nam libuit Patri vestro, dare vobis regnum.* Huc per-
tinet descriptio ultimi iudicii, Matth. 25. v. 34. *Seqq.* & quod a-
libi inquit Servator, *Multi sunt vocati, pauci electi*, cap. 20. v. 16.
& cap. 22. v. 14. Posterius Joh. 3. v. 16. *Sic Deus dilexit mun-
dum, ut filium suum unigenitum daret, ut omnis qui credit in eum non
pereat, sed habeat vitam æternam.* & v. 18. *Qui credit in eum non
condemnatur, qui verò non credit jam condemnatus est.* Sic Marc. 16.
v. 16. *Qui crediderit & baptizatus fuerit, servabitur, qui verò non
crediderit, damnabitur.* Ratio negatæ consequentiæ à priori hic
reticetur, alibi verò docetur, & hæc est; quod Deus non om-
nes & singulos homines liberandos dedit Christo mediatori, sed
eos duntaxat, quos ipse pro beneplacito voluntatis suæ ad vitam
æternam elegit. De quâ ita ipse Servator Joh. 17. v. 9. 19. *Non
pro mundo rogo, sed pro iis rogo quos dedisti mihi; Et eorum causa ego san-
ctifico me ipsum*, hoc est, offero me tibi in sanctam victimam.
Item. v. 6. *Manifestum feci nomen tuum hominibus, quos dedisti mi-
hi, selectos è mundo.* Et v. 2. *Dedisti filio auctoritatem in omnem car-
nem, ut quotquot dedisti ei, det eis vitam æternam.* A posteriore verò
Catechesis hanc affert rationem; quod soli credentes verâ fide
Christo inseruntur, ejusque beneficia amplectuntur. Christus
enim neminem liberat & servat, nisi qui est suus; sicut dicitur
Matth. 1. v. 21. *Ipse servabit populum suum à peccatis ipsius.* Nemo
autem Christi est nisi per fidem, per quam induitur, & habitat in
cordibus nostris Gal. 3. v. 26. 27. *Ephes. 3. v. 17.* Fidem igitur hic
à gemino effectû describit: ab insitione, quâ ipsi ut plamites
viti, Joh. 15. v. 4. 5. 6. surculi arbori, Rom. 6. v. 5. rami radici,
cap. 11. v. 16. oleastri oleæ, v. 17. 20. 23. 24. inseruntur at-
que implantantur credentes, & cum ipso ceu membra cum capite
uniuntur *Ephes. 4. v. 15. 16. & cap. 5. v. 23. seqq.* Et deindè à par-
ticipatione beneficiorum ipsius, quæ sunt, remissio peccato-
rum, sive donum justitiæ, *Actor. 26. v. 22. Roman. 4. vers. 17.*
justitia, Joh. 1. v. 12. purificatio cordium, *Actor. 15. v. 19. & vi-*
ta-

ta æterna 1. *Tim.* 6. v. 12. 19. Quæ singula non nisi per fidem accipiuntur, & obtinentur.

Huic responsioni duo præcipuè opponuntur. *Vnum* est quod *Rom.* 5. v. 18. 19. 1. *Cor.* 15. v. 22. Apostolus maleficium Adæ & beneficium Christi objectis inter se exæquat; disertè docens, sicut per Adamum in omnes homines propagata sunt peccatum & mors: ita per Christum propagari in omnes homines iustitiam & vitam. Undè sequitur, omnes universim, quotquot perierunt in Adamo, per Christum restitui. *Alterum* est, quod passim Scriptura testatur, Deum velle omnes homines salvos fieri, Christum esse servatorem omnium, atque adeo propitiationem pro totius mundi peccatis 1. *Tim.* 2. v. 4. *cap.* 4. v. 10. 1. *Ioh.* 2. v. 2. Non igitur solum credentium servator est. Hunc in modum doctrinam Catecheseos oppugnare solent gratiæ universalis patroni; sed præter, & contra mentem Scripturæ. *Rom.* 5. v. 18. 19. & 1. *Cor.* 15. v. 22. si particula *omnis* absolutæ est universalitatis: jam omnes homines non minus actu iusti fiunt in Christo, & vivunt per eum, quam actu ipso iniusti, & filii iræ constituuntur ex Adamo & propter eum: id quod Scripturæ pariter, & experientiæ è diametro repugnat. Præterea Apostolus eodem capite sibi manifestè contradiceret: qui *vers.* 18. 19. æqualitatem statuisset beneficii & malificii: antè verò v. 16. 17. & post v. 20. sui oblitus, utriusque inæqualitatem ostendisset, & illius supra hoc exuberantiam commendasset. Quid ergo? Dicimus restrictam quandam universalitatem intelligendam esse in ἀποδώσει comparisonis, quæ *vers.* 18. 19. instituitur, ut omnes illi sint omnes pertinentes ad Christum, & in ipsum credentes. Et probatur I. Ex scopo comparisonis Apostolicæ, omnibusque ejus partibus, inde à v. 14. Confert inter se Adamum & Christum, ut duas stirpes seu arbores; quarum utraque, quæ habet, in suos ramos propagat. Adamus in omnes suos transfundit peccatum & mortem: Christus in omnes suos iustitiam, & vitam. Omnes ergo justificantur, qui sunt Christi, & in Christo, h. e. credentes. II. Ex limitatione v. 17. Ubi omnes illi dicuntur quotquot donum iustitiæ fide accipiunt, quales certè non sunt omnes homines 2. *Theß.* 5. v. 2. sed omnes credentes *Rom.* 3. v. 22. III. Ex exegefi v. 19. ubi vocabulo πάντες substituit Apostolus vocabulum πολλοί, idque cum articulo, qui vim habet ἀναφορικῶς q. d. multi illi, certi generis & ordinis, quorum ante facta

Vindiciæ locorum *Rom.* 5. v. 18. 19. & 1. *Cor.* 15. v. 22.

mentio est. Sic ergo dicta illa sententiam Catecheses non ever-
tunt, sed stabiliunt & comprobant. Idem faciunt & reliqua loca,
in quibus vel universitas, & mundus credentium, ex Judæis &
gentibus coadunatus intelligitur; vel communis quædam & gene-
ralis salus omnium hominum, *Psal.* 36. vers. 7. à qua salus fidelium
disparatim distinguitur *1. Tim.* 4. v. 10.

*Considerationes Catechetica Novatorum
ad quæstionem, & resp. vigesimam.*

Annon ex-
primendum
discrimen in-
ter impetra-
tionem & ap-
plicationem
salutis?

*An non videatur hoc loco exprimendum discrimen inter im-
petrationem salutis, qua ad universum genus hominum pertinet; &
applicationem salutis impetrata, qua ad solos verè credentes pertinet,
quo ita facilius intelligatur oppositio inter Adamum & Christum.*

Resp. Tale verò impetrationis & applicationis discrimen non
agnoscit Scriptura sacra, quæ duos illos actus mediatoris con-
jungit nexu inseparabili circa eosdem, hoc est, circa omnes & solos
electos & credentes. Dicta nota sunt *Esa.* 53. v. 11. *Ioh.* 10. v. 15. 28.
Rom. 4. v. 25. *cap.* 8. vers. 34. *1. Ioh.* 2. vers. 1. 2. Quibus vero urgea-
tur incommodis, & absurditatibus teneatur, infra meliore occa-
sione ostendetur. Oppositio inter Adamum & Christum, adeò
exindè non illustratur, ut etiam obscoretur & aboleatur, siue im-
petrationem, siue applicationem spectes. Quoad impetratio-
nem; quia quibus amisit Adamus justitiam & vitam, iisdem Chri-
stus eam recuperavit: Quoad applicationem; quia Adamus suis
quidem communicat peccatum & mortem; at non Christus suis
justitiam & vitam, sed iis offert tantum gratiam resistibilem, per
quam possint utramque obtinere, modò velint. Quæ certè com-
parationem Apostolicam utrobique enervant; & illic pro excel-
lencia effectus, æqualitatem objecti; hinc pro exuberantia gratiæ,
exuberantiam peccati supponunt. Denique si maximè alicujus
valoris esset illa impetrationis, & applicationis distinctio, hinc ta-
mien otiosa esset & impertinens: cum quæstione XX. non quæra-
tur, quibus salutem Christus impetrârit, sed qui per Christum
actu, & re ipsa ferventur.

Quæst.

QUÆST. XXI. Quid est vera fides?

RESP. Est non tantum notitia quâ firmiter assentior omnibus quæ Deus nobis in verbo suo patefecit, sed etiam certa fiducia à Spiritu Sancto per Euangelium in corde meo accensa, quâ in Deo acquiesco, certo statuens, non solum aliis, sed mihi quoque remissionem peccatorum, æternam justitiam, & vitam donatam esse, idque gratis, ex Dei misericordiâ, propter unius Christi meritum.

E X E G E S I S.

AB acquisitione liberationis, factæ per mediatorem, Catechesis progreditur ad doctrinam de ejusdem applicatione, quæ fit per fidem; idque occasione objecti liberationis, quæstione antecedente definiti, & in solis fidelibus propositi.

Quærit autem non simpliciter, *quid sit Fides?* sed, *quid sit vera Fides?* Fides est tacita antithesi ad alias fidei species, per quas communio Christi & beneficiorum ejus obtineri nequit.

Est enim Fides quædam generalis, quæ usitate *Historica* appellatur; non quod tantum circa historias sacras versetur, sed qui in genere statuit vera esse quæ in verbo Dei revelata sunt simplici notiti qualis solet esse historiarum. Hæc non est vera Fides, quia etiam demones, infideles, & hypocritæ eam habent *Iac. 2. vers. 14. 19. Act. 26. v. 27.* Et in quantum per Charitatem non operatur, mortua dicitur *Iac. 2. v. 20.* Historica.

Est & Fides *Temporaria*, *ἐπίσχυσις*, cum notitia & assensu conjungens lætitiâ aliquam, verum evanidam ex causis evanidis conceptam, & sine fiducia adoptionis *Matth. 13. v. 21. Luc. 8. v. 13.* Nec illa igitur esse potest vera Fides. Temporaria

Insuper est fides quædam *Miraculorum*; certa nimirum persuasio de futuro aliquo eventu miraculoso, ex revelatione aut promissione singulari Dei; *Matth. 17. vers. 20. 1. Cor. 13. vers. 2.* quæ cum ad salutem per se nihil conferat *Luc. 10. vers. 17. & 20. inter se collatis. 1. Cor. 13. vers. 2.* infidelibus autem & damnandis communis sit *Matth. 7. v. 22.* nomen veræ fidei miminè meretur. Miraculorum.
Alia

vera,

Alia igitur species fidei inquirenda est, quam Scriptura diversis epithetis insignit, & commendat; vocans eam fidem ἀληθινὴν, non simulatam, 1. *Tim.* 1. v. 5. Operantem per charitatem, *Gal.* 5. vers. 6. efficacem 1. *Thess.* 1. vers. 3. fidem electorum *Tit.* 1. v. 1. ipsis inter se communem *Iud.* v. 3. Catechesis verò perfectâ definitione repræsentat, quæ Genere & Differentia continetur.

Ejus Genus
Notitia.

Genus veræ fidei statuit *notitiam*. Et enim cognitio propositionum divinarum, de Deo, ejus naturâ, voluntate & operibus: quo nomine disertè notatur in scripturâ *Esa.* 53. vers. 11. *Ioh.* 17. v. 3. *Coloss.* 3. vers. 9. & *cap.* 2. v. 2. Et merito notatur tanquam habitus intellectualis, quorum commune genus est *Notitia*. Intelligitur autem *notitia* non incerta, dubia, aut fallax; sed certa ac firma; idque propter ἀληθειαν, & veracitatem Dei mentiri nescii *Tit.* 1. vers. 2. 1. *Sam.* 15. v. 29. Quo ipso distinguitur, tum ab Opinione quæ incerta, vel saltem probabilis rei cognitio est; tum à Demonstratione, quæ certam quidem scientiam gignit, sed propter naturam & proprietates ipsius rei, non propter autoritatem asseverantis Dei. Evidentia illius *notitiæ* non est æqualis in omnibus propositionibus, sed inæqualis, ac valdè dispar. Aliæ siquidem distinctæ, aliæ confusè cognoscuntur: In quibusdam τὸ ὅλ & τὸ διόν simul intelligitur: In aliis τὸ ὅλ tantum & tamen in omnibus fides rectè dicitur *notitia*, & crassæ rerum credendarum ignorationi meritò opponitur. Hoc genus bifariam describit Catechesis, ab effectu & objecto. *Effectum* est firmus assensus. Nam certa *notitia* propositionum divinarum, ex patefactione Dei, urget & inducit intellectum ad assensum, nec magis de iis dubitare sinit, quàm de aliis rebus, quæ vel sensu deprehenduntur, vel demonstratione evincuntur *Heb.* 11. vers. 1. *Rom.* 4. v. 18. 19. 20. 21. Est igitur assensus approbatio ipsarum propositionum, sive iudicium mentis de veritate propositionum, & bonitate promissionum divinarum. Veritatem dijudicat intellectus theoreticus assensum eis præbens, tanquam veris *Ioh.* 3. v. 33. 1. *Tim.* 1. vers. 15. Bonitatem practicus, ut bonas approbans, sive eas sequatur & apprehendat voluntas, *Luc.* 10. vers. 42. 1. *Cor.* 1. v. 18. 24. sive negligat aut aversetur *Luc.* 24. vers. 15. seqq. *Objectum* sunt omnia ea quæ Deus nobis in verbo suo patefecit; sive est totum

descripta ab
Effecto.

Objecto.

totum Dei verbum, nobis in scripturis sacris revelatum; ultra quod vera fides nec sapit nec assurgit *Deut. 4. vers. 2. Iohann. 20. vers. 31. Rom. 10. vers. 17. 1. Corinth. 4. vers. 6.* Quæcunque enim continentur, Lex, Euangelium, Historiæ, Dogmata, Prophetiæ, Promissiones, Comminationes, firmo assensu credenda sunt, licet multa non per solum assensum. Secus Deus qui *αψυδῆς Tit. 1. v. 2.* vel in omnibus, vel in multis, vel in aliquibus mendacii arguitur *Ioh. 3. v. 32. 33.*

Differentia veræ fidei, quâ à fide generali ejusque speciebus distinguitur, est *certa fiducia*, hoc est, fiducialis apprehensio Christi & omnium beneficiorum ipsius in promissione Euangelii: Siquidem in omnibus verè credentibus notitiam & assensum sequitur motus cordis, desiderio & fiduciâ sibi apprehendens objectum, quod bonum esse monstratum est, ut in eo acquiescat. Talem fiduciam inesse veræ fidei demonstratur, *Primò* ex illis locis, ubi *Credere* pro *Confidere*, *Fides* pro fiducia ponitur *Ioh. 14. v. 1. Creditis in Deum & in me credite cap. 9. v. 36. Quis est Domine, ut credam in eum. Act. 27. v. 25. Bono animo estote; credo enim Deo, quod ita erit, sicut dixit mihi. Rom. 10. v. 9. 10. Si credideris in corde tuo. Item; corde creditur ad justitiam. Quæ loca alibi per *Confidere* enunciantur *Psal. 28. v. 7. & 112. v. 7. Proverb. 3. v. 5.* Sic *Matth. 9. v. 22. Fides tua te servavit*: quæ fides hemorrhoidiæ sic describitur *v. 21. Dicebat apud se, si solum tetigero vestimentum ejus, sanabor. cap. 15. v. 28. O mulier magna est fides tua. Act. 14. v. 9. Paulus cum vidisset quod fidem haberet claudus, se sanatum iri. Rom. 1. v. 17. Iustus ex fide suâ vivet. Secundo* ex epithetis, quæ veræ Fidei tribuuntur ad naturam ejus declarandam; qualia sunt, *πληροφορία, Rom. 4. v. 21. Col. 2. v. 2. Heb. 6. v. 11. & cap. 10. v. 12. πεποιθήσις, Eph. 3. v. 12. Rom. 8. 38. παρρησία, Eph. 3. v. 12. Heb. 3. v. 6. & cap. 4. v. 16. 1. Ioh. 1. v. 28. θάρρος, Matt. 9. v. 2. Marc. 6. v. 10. Ioh. 16. v. 33. κἀνχημα Rom. 5. v. 2. Heb. 3. v. 6. Tertiò* ex insignioribus ejus descriptionibus; *Heb. 11. v. 1. Fides est ὑπόστασις eorum quæ sperantur, & ἔλεγχος eorum quæ non cernuntur.* Eas voces idem Apostolus de fiducia interpretatur *cap. 3. vers. 6. 14. 2. Cor. 9. vers. 4. & cap. 11. vers. 17. secutus LXX. interpretes Psal. 39. vers. 8. Ezech. 19. vers. 8.* Sic *Rom. 4. vers. 20. 21. Fides est, de promissione Dei non dubitare per incredulitatem, sed tribuere Deo gloriam,**

firmâ persuasione , quòd is , qui promisit , possit etiam præstare. *Coloss.* 2. vers. 2. 5. dicitur *πληροφορία* cognitionis, & firmamentum fidei in Christum. 1. *Ioh.* 3. vers. 21. 19. fiducia apud Deum , qua secura reddimus corda nostra in conspectu Dei propter nomen filii ejus. *Quarto* ex contrariis , quæ veræ Fidei in Scriptura opponuntur, ceu sunt Diffidentia, Hæsitatio , Pusillanimitas , Timor , Metus *Matth.* 14. vers. 31. *Cap.* 21. vers. 21. *Luc.* 8. vers. 9. *Rom.* 4. vers. 20. Hinc jam , propriam formam veræ Fidei esse fiduciam , nullo negotio concluditur. Quod constituit veram fidem , & ab aliis fidei speciebus distinguit, id propria ejus forma est. Certa fiducia constituit veram fidem , ut ex dictis patet : distinguit quoque eam ab aliis speciebus Fidei: Ab Historica, ex quâ metus & desperatio *Iacob.* 2. vers. 19. A Temporariâ, quæ radicem non habet, nec verbum Euangelii, accipit & retinet bono corde *Luc.* 8. vers. 13. 15. A fide Miraculorum , quæ non facit nos Christi participes *Matth.* 7. vers. 22. 23. Ergò certa fiducia est propria forma veræ Fidei. Hanc fiduciam multifariam declarat Catechesis ; à Causâ procreante ; à Subiecto recipiente ; ab Actu formali ; ab effectu proprio ; & tandem à proprio Obiecto.

1. Causa pro-
creans,
Principalis
Spiritus S.

Causa procreans Veræ Fidei alia est Principalis, alia Instrumentalis. *Principalis* est Spiritus Sanctus , qui non solum illuminat credentes agnitione Dei , sed etiam fiduciâ misericordiæ ejus eos imbuit , & quasi accendit ; Metaphorâ à flammis petitâ , quibus affectus cordis similes sunt. Iis enim calor cordis intenditur, & ita cor quodammodo accenditur, inflammatur , & exardescit *Luc.* 24. vers. 32. Indefinitè quidem illud tribus personis Deitatis convenit *Matth.* 16. vers. 17. *Actor.* 16. vers. 14. *Philipp.* 1. vers. 29. *Heb.* 12. vers. 2. Et ipsa fides absolute opus , ac donum Dei vocatur *Iohannis.* 6. vers. 29. *Ephes.* 2. vers. 8. singulariter tamen tribuitur Spiritui Sancto , qui immediate gignit, fovet , & confirmat hanc fiduciam in cordibus credentium, missus ad id à Patre , & Filio, 1. *Corinth.* 12. vers. 9. 1. *Iohann.* 3. vers. 24. & *cap.* 4. vers. 14. Unde ipse *Spiritus Fidei*, 2. *Corinth.* 4. vers. 13. & vicissim *Fides Fructus Spiritus* appellatur *Gal.* 5. vers. 22. *Instrumentalis* est Euangelium prædicatum,

Instrumenta-
lis Euangelia.

catum, auditum, & intellectum *Roman.* 10. vers. 14. 15. 17. Est siquidem potentia Dei ad salutem omni credenti, *Roman.* 1. vers. 16. & ministerium Spiritus, 2. *Corinth.* 3. vers. 8. per quod ipse liberè est efficax. Hinc Apostolus Euangelium dicit *verbum fidei*, *Rom.* 10. vers. 8. & sermonem auditus *Hebr.* 4. vers. 2. fiduciam contra, *fidem auditus Gal.* 3. v. 2. 5.

Subjectum recipiens est Cor; Nam fides ex mente in corde ^{2. Subjectum recipiens} fluit, & in eo radicatur; utriusque etiam potentiae actus cognoscendo, assentiendo, confidendo, occupat, exercet. Sicut igitur notitia & assensus sunt motus mentis: ita Fiducia est affectus cordis, tendens in suum objectum, illudque arduissimè complectens. De quo ita Apostolus *Rom.* 10. vers. 9. 10. *corde creditur ad iustitiam*: Et Philippus ad Eunuchum, *Si credis toto corde*. Constat præterea, motus potentiarum animæ, Mentis scilicet & voluntatis, sibi mutuò respondere; ut qualis est notitia, assensus, & *πνευματική* in mente, tales etiam motus voluntatis sequantur. Jam verò in mente non solum est notitia & assensus promissionis tanquam veræ, sed etiam ejusdem approbatio, & adjudicatio tanquam bonæ: Quare in corde ejus desiderium, apprehensionem, & fiduciam sequi necesse est. Neque evertit hanc Doctrinam vulgatum illud axioma philosophorum, quod videlicet nullum ^{Accidens} singulare possit esse in duobus Subjectis. Nam hoc non esse simpliciter verum docent exempla tam potentiarum, qualis est Liberum arbitrium, quàm effectuum, ut sunt, Ira, Odium, Spes, Amicitia, quos ad utramque animæ facultatem vulgò referunt. Scriptura etiam potentias illas non subtiliter distinguit subjectis, sed simpliciter cordi tribuit fiduciam, & affectus, & simul etiam notitiam *Act.* 8. vers. 37. *Psal.* 20. vers. 3. & 33. vers. 11. & alibi. Denique fides est habitus Theologicus & supernaturalis; de quo non est judicandum ex regulis Philosophorum: Est item habitus mixtus, non simplex: qualis subjectum sibi *ἀνάλογον*, hoc est, compositum omninò requirit.

Actus formalis est specialis applicatio promissionis gratiæ, quæ ^{3. Actus formalis specialis applicatio promissionis} quisque fidelis certò statuit, eam non ad alios solum, sed etiam ad se pertinere. Nec enim fides contenta est generali notitiâ & gratiæ.

titia & assensione; in genere solum persuasa, veram esse promissionem Euangelii: sed vero ac serio motu voluntatis, & cordis eam appetit, quærit, apprehendit, ac ita applicat singulis credentibus; ut in generalem promissionem quisque eorum se quoque includat, & ita se erigat, ut sine hæsitacione statuens promissionem Euangelii sibi quoque firmam esse, inde consolationem in tentationibus, vitam in ipsa morte concipiat. Sic ergò tribus quasi gradibus procedit, & perficitur actus formalis veræ fidei. *Primus* est *παραπομπή*, sive firma persuasio, qua quisque statuit universalem illam promissionem privatim ad se quoque propriè, & peculiariter pertinere; se quoque includi, & comprehendi in illa universali promissione, juxta dicta Gal. 2. vers. 16. 20. *Scientes non justificari hominem ex operibus legis, sed per fidem Iesu Christi; etiam nos in Iesum Christum credidimus, ut justificaremur ex fide Christi.* Et: *vivo ego per fidem illam Filii Dei, qui dilexit me, & tradidit semetipsum pro me.* 1. Tim. 1. vers. 15. 16. *Certus est hic sermo, & dignus modis omnibus qui recipiatur; Christum Iesum venisse in mundum, ut peccatores servaret, quorum primus sum ego. Verum ideò misertus est mei, ut in me primò ostenderet omnem iræ suæ cohibitionem.* Quibus similia sunt alia loca Rom. 4. vers. 18. 23. 24. & cap. 8. vers. 35. 38. Phil. 3. vers. 9. 10. 11. 15. 2. Tim. 1. vers. 12. Psal. 103. vers. 3. 4. seqq. *Secundus* est desiderium cordis, quo ex serio sensu miseriæ suæ, & iræ Dei, vult, expetit, quærit sibi donari illa beneficia, quæ in promissione Euangelii offeruntur; sicut dicitur Psal. 42. vers. 2. 3. *Sitiens est anima mea Dei, Dei viventis; glocitat adspirans ad te, ô Deus.* Joh. 7. vers. 37. *Si quis sitit, veniat ad me, & bibat.* Matth. 11. vers. 28. *Venite ad me omnes qui laboratis, & onerati estis, &c.* Illud verò desiderium æstuat intus suspiriis inenarrabilibus, Rom. 8. vers. 26. foris autem exferit se per invocationem; *Domine propitius esto mihi peccatori* Luc. 18. vers. 13. *Remitte nobis peccata nostra* cap. 11. vers. 14. *Tertius* est fiducialis apprehensio, qua fidelis hoc pacto confugiens ad thronum gratiæ, firma persuasione ex verbo Dei confidit Deum sibi donare, communicare, & applicare beneficia promissionis gratiæ, & se hoc modo verè apprehendere, & accipere ad justitiam & vitam ea, quæ gratuita Euangelii promissio offert; sicut scriptum est 1. Tim. 1. vers. 15. *Certus est hic*

sermo, & dignus modis omnibus qui recipiatur, &c. Act. 26. v. 28. *Ut remissionem peccatorum accipiant per fidem.* Rom. 5. v. 17. *Donum iustitiæ recipiunt.* Johann. 1. v. 12. *Quotquot eum receperunt dedit eis hoc ius, ut Filii Dei sint facti, nempe iis qui credunt in nomen ejus.* Proinde apprehensio illa non est Stoica quædam κατήληψις, quam Cicero comprehensionem vocat, aut Physica, & jejuna speculatio; sed fiducialis applicatio gratiæ divinæ, & vivificus ejus sensus, ad tranquillitatem conscientiæ, & vitam æternam *Ioh. 4. v. 14.*

Effectum proprium veræ fidei est acquiescentia in Deo, qua fidelis in ipso, tanquam reconciliato ac propitio Patre, suaviter acquiescit, præter ipsum nihil desiderans & expetens. Nam qui toto corde credit promissioni gratiæ, non potest non confidere promittenti, eisque se totum securè committere. Duo igitur complectitur acquiescentia fidei: *Vnum* est quies, tranquillitas, & securitas animi in benignitate Dei, per Christum nobis reconciliati; quam ipse Servator pollicetur omnibus credentibus *Matth. 11. v. 28. Venite ad me, ego faciam ut requiescatis: apud me invenitis requiem animabus vestris.* Paulus verò ex justificatione fidei immediatè deducit *Roman. 5. v. 1. iustificati fidem pacem habemus.* Alterum est sufficientia cordis acquiescentis in Deo sufficientiæ, *Genes. 17. v. 1. & sensu gratiæ ipsius plenè satiati;* quam itidem promittit Servator noster *Johan. 4. vers. 14. Quisquis biberit ex aquâ illâ, quam ego ei dabo, non sitiet in æternum; sed aqua illa fiet in eo fons aqua salientis in vitam æternam.* Et David fidenter profitetur *Psal. 73. v. 25. Præter te nihil desidero in cælis vel in terrâ.* Hanc acquiescentiam sequitur gaudium Spiritus, *Rom. 14. v. 17. gloriatio in Deo, 1. Cor. 1. v. 31. tripudium in adversitatibus, Rom. 5. vers. 3. 4. 5. & cap. 8. v. 35. seqq. spes in futurum, Psal. 31. v. 1. & certa expectatio vitæ æternæ Rom. 8. vers. 23. 24. 25. Hebr. 3. v. 4.*

Denique proprium Objectum veræ fidei est promissio Evangelii, de remissione peccatorum, iustitiâ, & vitâ æterna: quæ beneficia Catechesis mentione Causæ efficientis, quæ est Deus, itemque commemoratione causarum Impulsivarum, ut sunt, Misericordia Dei, & meritum Christi, amplificat & declarat. Equidem intuetur fides totum Dei verbum ut suum Objectum; sed in verbo & objecto illo generali quærit objectum speciale, in quo inveniat & accipiat reconciliationem cum Deo, & remissio-

missionem peccatorum. Id certè esse nequit verbum Legis; quia ex Lege est agnitio peccati, *Roman.* 3. vers. 20. & maledictio, *Galat.* 3. vers. 10. Et disertè docet Apostolus, Legem non esse ex fide, *Galat.* 3. vers. 12. Justitiam verò, quam Deus donat credentibus, absque lege manifestam factam esse *Roman.* 3. vers. 21. 24. Est igitur verbum Evangelii illud Objectum : quod continet promissiones de remissione peccatorum, sanctificatione spiritus, & vitâ æternâ. De quo firma existant & perspicua Testimonia in utroque Testamento. In Veteri Testamento, *Psal.* 32. vers. 1. 2. 5. & 51. v. 3. *seqq.* & 103. v. 3. 8. & 130. v. 3. 4. 8. *Esai.* 53. vers. 11. *Dan.* 9. v. 17. 24. *Hof.* 2. v. 19. In Novo Testamento, *Iohann.* 3. vers. 15. 16. 18. *Actor.* 10. v. 43. & *cap.* 15. v. 11. *cap.* 26. v. 18. *Roman.* 3. v. 24. 25. *cap.* 4. v. 24. 25. *cap.* 10. v. 8. 9. 10. *Galat.* 2. vers. 16. 20. *cap.* 3. v. 8. 9. 13. 14. *Philip.* 3. vers. 9. *seqq.* Nec alia causa est, cur Evangelium *verbum fidei* appelletur, *Rom.* 10. vers. 8. Cæterum proprium hoc & principale objectum fidei bifariam distingui potest: vel ratione personarum Sacrosanctæ Trinitatis: vel ratione beneficiorum, quæ à personis illis conferuntur, & præstantur verè credentibus, ut ita objectum sit vel personale, vel reale; quæ utraque distinctio traditur in Scripturâ, & ex eâ in Catechesi exprimitur, tum hîc, tum in sequentibus. Prior habetur, 2. *Corinth.* 13. vers. 13. *Tit.* 3. vers. 4. 5. 6. *Apocalyp.* 1. vers. 4. 5. 6. *Roman.* 3. vers. 24. 25. Et passim in inscriptionibus Epistolarum Paulinarum, quibus celebratur Dei Patris gratia, misericordia, & *φιλανθρωπία*; Dei filii satisfactio, propitiatio, & reconciliatio; Dei Spiritus Sancti virtus, efficacia, & communicatio. Posterior exstat, 1. *Corinth.* 1. vers. 30. *Actor.* 26. vers. 18. 19. *Galat.* 3. vers. 13. 14. *Rom.* 8. vers. 29. 30. quibus locis recensentur beneficia illa, quæ verbo Evangelii offeruntur, Remissio peccatorum, Justitia, & vita æterna. Atque hoc est Objectum illud, cujus respectu fides justificans, salvifica vocatur; non excludens objectum generale, sed præsupponens: non secus quàm species præsupponit suum genus, homo animal: Et quæcunque objecti hujus ambitu continentur, per assensum & fiduciam simul creduntur. Postremo fides objecti hujus specialis, etiam promissiones de reliquis objectis ratas ac firmas facit: cum omnes Dei promissiones in Christo sint Etiam & Amen, hoc est, quando fi-

Objecti hujus
distinctio.

1. Ratione
personarum
S. S. Triados.

2. Ratione
beneficio-
rum.

de in Christum cum Deo reconciliati sumus 2. *Corinth.* 1. vers. 20.

Ex definitione fidei hætenus traditâ *dubia* tria emergunt digna consideratione, & explicatione. *Primum*: Si fides est firmus assensus, & certa fiducia cum acquiescentia in Deo; an non ii destituantur verâ fide, qui illam sive assensus firmitatem, sive fiduciæ certitudinem, sive acquiescentiæ suavitatem non sentiunt & experiuntur. *Secundum*: Cum *Ephes.* 3. v. 12. Apostolus distinguat fiduciam à fide, tanquam effectum à suâ causâ, quomodo hic fiducia statuatur forma fidei. *Tertium*: Cum vera fides viva, efficax sit per opera Charitatis, *Gal.* 5. v. 6. & absque iis ne quidem sit fides, *Iac.* 2. cur operum illorum mentio in pleniore & accuratiore hac fidei descriptione omissa fuerit.

Ad singula horum seorsim, & distinctè respondendum est.

De primo. Definitiones reales ideas rerum, quoad ejus fieri potest perfectissimas exprimere debent; ut quales sint in se suâque naturâ intelligi possit. Talem ideam veræ fidei exhibet definitio Catechetica; nativam ejus indolem, & propriam exactè declarans: quod quidem nec absque exemplo, nec sine gravi ratione factum est. Etenim ipsa scriptura hoc modo fidem nobis describit cum aliis locis tum imprimis *Heb.* 11. v. 1. & *cap.* 10. v. 22. 23. *Coloss.* 2. v. 2. 5. 7. Exempla etiam fidei non parvæ aut modicæ, sed magnæ atque excellentis nobis imitanda proponit, *Rom.* 4. v. 23. 24. *Heb.* 6. v. 12. & *cap.* 12. v. 1. & *cap.* 13. v. 7. Ratio hæc est, ut ita discamus intelligere, qualem fidem Deus verbo suo requirat; & porro agnitâ fidei nostræ infirmitate & defectu, proficere in eâ magis magisque studeamus. Quemadmodum verò omnes qualitates animi recipiunt magis & minus, & gradibus variant; non solum in diversis, sed etiam in iisdem subjectis: ita fides suos quoque gradus, sua incrementa & decrementa habet. Nam Deus singulis credentibus certam fidei mensuram admetitur, *Roman.* 12. v. 3. & Spiritus distribuit dona privatim singulis prout vult 1. *Corinth.* 12. v. 11. Hinc aliorum magna fides celebratur: *Matt.* 8. v. 10. *Ne in Israël quidem tantam fidem reperi.* *cap.* 15. v. 18. *O mulier, magna est fides tua.* Aliorum contra parva fides culpatur *Matt.* 8. v. 28. *Quid formidulosi estis, o exiguâ fide præditi.* *cap.* 14. v. 31. *Exiguâ fide prædite, quid dubitastis?* Et fructus fidei valde sunt dispares, inæquales, in aliis centeni, in aliis sexageni, in aliis triceni

Matth.

Dubia tria.

Fides definitur qualis est in suâ perfectione.

In subjectis diversis & iisdem variatur gradibus.

quoad omnes
partes:

& quoad ef-
fecta,

idque in sin-
gulis.

Fides, licet
debilis, vera
est & justifi-
cat,

Lucta ejus
nota est veræ
fidei.

Fiducia est
vox homony-
ma.

Matth. 13. v. 23. Deprehenduntur autem gradus illi in omnibus partibus, sive affectibus veræ fidei: in Notitiâ, Assensu, & Fiduciâ. In notitiâ: Quia vel clarior, vel obscurior est; perfectior item, vel imperfectior, *Matth. 11. v. 11. & cap. 13. v. 17. Luc. 18. v. 34. Rom. 14. v. 1.* In assensu, qui alibi & alias firmior, alibi, & aliàs languidior est *Rom. 14. v. 14. Ioh. 3. v. 9.* In fiducia, quæ jam certa, modo dubia est, cum hæsitacione & diffidentiâ conjuncta *Rom. 4. v. 20. Matth. 6. v. 30. Marc. 9. v. 24.* Eadem ratio est effectuum fidei, quæ tamen non solum imminui, sed etiam amitti possunt in gravioribus tentationibus, *Psal. 42. v. 3. 4. & 77. v. 8. 9. 10.* nec non in peccatis contra conscientiam *Psal. 51. v. 13. 14.* Denique nullius fides tam fortis & robusta est, cui non aliquid infirmitatis adhæreat, ex defectu notitiæ, & debilitate fiduciæ, & assensus *1. Cor. 13. v. 11. 12. Rom. 11. v. 20.* Interim etiam debilis, infirma, imperfecta fides, vera fides est, ad justificationem sufficiens; non minus, quam homo infirmus, æger, verus homo est. Fides enim vera, & justificans appellatur; non propterea quod sit virtus tam firma, robusta, & perfecta: sed propter objectum quod apprehendit, Christum scilicet mediatorem, in promissione gratiæ. In hoc Objecto cum fides non errat, sed illud verâ, quamvis languidâ fiduciâ amplectitur, vel saltem amplecti conatur, & desiderat; tunc vera est fides, & justificat. Lucta autem quæ vel in assensu, vel in desiderio, vel in fiduciâ se prodit, non est signum incredulitatis, sed est vera nota vivæ & efficacis fidei, quæ captivat & intellectum & voluntatem in obsequium Deo. Quorum omnium veritas dulcissimis Dei promissionibus, *Esa. 42. v. 3. Matth. 5. v. 6. Ioh. 6. v. 35. 37.* & suavissimis Scripturæ sententiis, *Phil. 3. v. 12. Gal. 4. v. 9. 1. Cor. 13. v. 12.* quin imò ratione quoque comprobatur. Gradus enim non mutant, aut variant speciem. Robur, infirmitas; Incrementa, decremента; Magnitudo, & parvitas, sunt gradus veræ fidei: prout ante ostensum. Ergo ipsam speciem veræ fidei non mutant. Sic igitur tam parva; quam magna fides, vera fides est: sed illa cum defectu; hæc cum aliqua perfectione.

De secunda. Fiducia, πιστις, non accipitur in Scriptura eodem significato; sed aliquando pro Objecto fiducia, id est, re cui fidimus, Ioh. 18. v. 14. Esa. 32. v. 18. alias pro fiduciali Assensu, & persuasionem, 2. Cor. 1. v. 15. quo sensu ei synonyma est persuasio, Gal. 5. v. 8. nonnunquam etiam pro Acquiescentiâ & securitate animi, 2. Cor. 3. v. 4. Phil. 3. v. 4. quam confidentiam non-

nonnulli appellant: licet ea vox apud Latinos temerariam fiduciam ut plurimum designet; Et ita respondet verbo *πίσθω*, & *πειθῆμαι*, à quo dicuntur *πειθῶν λόγοι*, persuasorii sermones; 1. Cor. 2. v. 4. & quod jam persuadere, persuaderi, persuasum esse, Rom. 8. v. 38. & cap. 14. v. 5. 14. modo confidere *Matth.* 27. vers. 43. Rom. 2. v. 9. significat. *Secundo* significatu fiducia est forma fidei, quatenus nimirum est certa persuasio de Charitate Dei in Christo Rom. 8. v. 38. *Tertio* autem est fidei effectus, & ex persuasione nascitur. Nam de cujus erga nos gratiâ persuasi sumus verbo promissionis, ei non possumus non confidere, & in eum toti recumbere. Hoc modo vocem *πιστοῦν*, fiducia, intelligendam esse, *Eph.* 3. v. 12. series causarum & effectuum liquidò ostendit. Conjungit, & subordinat Apostolus eodem versu quatuor hæc, *πίσθιν*, *πειθίσθιν*, *παρρησίαν*, & *προσπαγωγήν*. Πίσθιν est persuasio de gratia Dei in Christo. Dicitur enim fides ipsius, quæ in ipsum fertur Rom. 3. v. 25. & cap. 4. v. 24. 25. Ex fide oritur *πειθίσθιν*, fiducia, cum jam illi confidimus, in eo securo, tranquillo, & constanti animo acquiescimus, de cujus erga nos favore persuasi sumus. Ex fiducia rursus existit *παρρησία*, libertas loquendi, & agendi cum Deo, & ex hac iterum *προσπαγωγή* ipse accessus ad Deum cum in quibusvis necessitatibus ad ipsum recurrimus, ipsum precibus nostris compellamus, & exoramus. Similis locus exstat 1. Ioh. 3. v. 19. *coram ipso πείσομεν*, confidentia, sive securâ reddimus corda nostra: ubi verbum *πείθιν* de fiduciâ, & securitate interpretandum esse constat, partim ex antithesi condemnationis, & quæ ex eâ est inquietationis, vers. 20. 21. partim etiam, ex æquipollentia, quia explicatur per *ἔχθιν παρρησίαν*, fiduciam habere vers. 21.

Eph. 3. v. 12.
explicatur.

De tertio. Loca illa, quæ testantur fidem efficacem esse per charitatem, & hanc ex illâ provenire, ceu sunt *Gal.* 5. v. 6. 1. *Theff.* 1. vers. 3. 1. *Tim.* 1. v. 5. & alia, simul docent charitatem nec genus, nec formam fidei esse, sed effectum. Effecta autem non ingrediuntur definitiones essentielles, quæ partibus essentialibus, genere & differentia continentur, & absolvuntur. Et licet addi quandoque possint declarationis causâ: hic tamen opera charitatis, quæ sunt effecta fidei, meritò prætermittuntur. I. Quia Apostolus Paulus cum fidem justificantem plenissimè, & exactissimè describit, *Rom.* 3. 4. *Gal.* 2. 3. capp. operum cha-

Bona opera
sunt effecta
veræ fidei.

adeoque in
definitione
eorum men-
tio non est
necessaria.

charitatis nullam mentionem facit II. Quia fides justificans appellatur, non quòd operetur per charitatem, aut eam ex se gignat, sed quia Christum, qui factus est nobis à Deo justitia, apprehendit, & credenti applicat. III. Quia Pontificii assuere solent hanc particulam definitioni fidei, ut doceant fidem virtutem & efficaciam justificandi mutuari à Charitate, absque eâ ad actum justificationis prorsus esse inutilem. Et hanc fidem vocant fidem veram, & formatam, & à fide informi, quæ solo assensu, sive persuasione constat, distinguunt. Quod si tamen aliquando in definitione fidei ponatur, aut posita reperiatur hæc particula, semper addenda est declaratio; quod charitas sit tantum effectus, & nota fidei justificantis, non quod ingrediatur justificationem ut pars, vel causa: hoc est, quod fides vim justificandi à Charitate non accipiat.

*Considerationes Catecheticae Novatorum
ad quest. & respons. vigesimam.
primam.*

An recte beneficia illa
statuantur
Objectum fidei

I. *Rectene explicatum sit hoc loco objectum fidei, his verbis Non solum aliis, sed mihi quoque remissionem peccatorum, æternam justitiam, & vitam donatam esse: cum remissio peccatorum, justitia, & vita promittantur fidei in Evangelio, eoque fidem vi promissionis sequantur.*

Resp. Objectum proprium fidei justificantis rectè statuit Catechesis in remissione peccatorum, justitiâ, & vitâ æternâ propter Christum; quia promissiones Evangelii, in quas fertur fides, Christum cum omnibus suis beneficiis proponunt & offerunt credentibus 1. Cor. 1. vers. 30. Sicut vero in Objecto, verbo Evangelii, ordine distinguuntur Causa & effectus; Christus & ejus beneficia: Ita fides distincte ea intuetur, & acceptat; primo Christum propitiatorem, & advocatum nostrum, 1. Joh. 2. vers. 1. 2. inde beneficia ipsius, ut est Joh. 1. vers. 12. Act. 26. v. 18. Rom. 5. vers. 17. Sic ergò illa fidem in Christum vi promissionis sequantur, quantum ad ordinem naturæ: & tamen simul sunt cum fide, tempore.

An specialis applicatio sit forma fidei?

I I. *An fidei forma rectè in eo constituatur, quod certo statuo non solum aliis, sed mihi quoque remissionem peccatorum dona-*

donatam esse: cum videri possit merito distinguendum esse inter fidem justificantem, quam Deus in Evangelio postulat ab omnibus, & singulis, quibus verbum annuntiatur, & specialem applicationem, qua tum demum existit in nobis, cum ex generali mandato credimus, & credere nos sentimus.

Resp. Distinctio inter fidem justificantem, & specialem applicationem, insulsa & inepta est; divellens formam à suo formato, & naturam veræ fidei prorsus evertens. Rectè distinguimus inter fidem generalem, quæ constat notitia & assensu eorum, quæ Deus nobis in verbo suo patefecit, & fidem specialis applicationis, applicantem singulis credentibus promissionem gratiæ. Sunt enim Specie diversæ, & à se invicem separabiles. Sed fides generalis justificans non est, nisi dicere velimus, Diabolos & Hypocritas qui contremiscunt, *Iacob. 2. v. 19.* justificados esse coram Deo, quia tali fide præditi sunt, Neque Deus fidem præcipiens in Evangelio hoc solum requirit, ut credamus in genere, omnibus fidelibus dari remissionem peccatorum; sed ut singuli in individuo credant, eam sibi dari, eoque etiam ad salutem acceptent *Rom. 4. v. 24, 25. & cap. 8. vers. 35, 38. & cap. 15. vers. 4. Galat. 2. vers. 16, 20. 1. Tim. 1. v. 15.*

III. *An non verba hæc; Non solum aliis, tanquam superflua omitti præstet.*

An verba non solum aliis superflua sint?

Resp. Superflua ideo non sunt, quia actum fidei formalem *κατ' ἀνάγκην, & ἐμφανῶς* summâ perspicuitate declarant.

IV. *An non ex his verbis, Remissionem peccatorum, æternam justitiam, & vitam mihi donatam esse propter unius Christi meritum; sequatur Christum non tantum esse instrumentum pertinens ad executionem decreti electionis, seu prædestinationis ad salutem: sed & inter causas recensendum esse ipsius prædestinationis, seu electionis ad salutem.*

Annon ex descriptione objecti sequatur, Christum etiam esse causam electionis?

Resp. Consideratio hæc plane impertinens est. Non enim de prædestinatione, aut electione agitur illis verbis, sed de Objecto fidei in remissione peccatorum, & æterna justitia; cujus causa meritoria, sive impulsiva externa statuitur meritum Christi; interna Dei gratia & misericordia. Ad quæstionem tamen paucis respondebimus. Est Christus instrumentum exsequendæ prædestinationis, quia est electus Dei servus, *Esa. 42. v. 1. Matth. 12. v. 28.* & minister circumcisionis, *Rom. 15. v. 8.* non solum manifestatus in tempore, sed etiam ante jacta mundi fundamenta præcognitus

Christus quæ
Mediator
non est fun-
damentum e-
lectionis.

Eph 1 v. 4.
explicatur.

propter nos, hoc est, propter nostram salutem 1. Pet. 1. v. 18. 19. Est etiam causa faciendæ, sive decernendæ prædestinationis non meritoria, quæ mediator; siquidem prædestinatio non pendet ab ulla causâ extra Deum; sed tum efficiens, quæ Deus cum Patre & Spiritu Sancto. (nam & ipse nos dicitur elegisse *Ioh. 15. v. 16.*) tum impulsiva, secundum gratiam, & misericordiam suam, quam cum Patre, & Spiritu Sancto communem habet. Hinc jam porro intelligimus, quid de phræseologiâ Novatorum sentiendum sit, cum Christum, quatenus est mediator Dei, & hominum, fundamentum electionis nostræ appellant, & quidem argumento loci *Eph. 1. v. 4.* Primò Phrasis illa non est Scripturæ 1. Cor. 3. v. 11. *Eph. 2. v. 20.* Christus dicitur fundamentum Ecclesiæ, & salutis. Sed aliud est fundamentum salutis, aliud fundamentum electionis, & prædestinationis ad salutem. Salutis fundamentum non solum est gratia Dei, sed etiam meritum Christi ei subordinatum; & quæ aliæ causæ inferiores ad eam concurrunt, suo ordine, & efficientiâ. At fundamentum prædestinationis, sive electionis ad salutem unicum est, sola Dei gratia, & misericordia; à nulla re extra ipsum dependens, nec ullam in causalitatis suæ societatem admittens. Præterea cum Prædestinatio ipsis sit decretum prædestinationis; fundamentum autem causa meritoria illius decreti, sensum falsum continet, sacra Scripturæ apertè repugnantem, pro ut antè ostensum. Locus *Eph. 1. vers. 4.* *Elegit nos in Christo*, nihil habet pro hac phrasi aut sententia. In Christo eligere non est propter Christum eligere, quasi ipse sit causa electionis; sed per eum. Nam et sumitur pro *Al*, cum genitivo, ut est *vers. 5.* *Al* *h* *nos* *regis*. Eligere etiam est ad salutem eligere; ex collatione locorum 2. *Theff. 2. vers. 13.* & 1. *Theff. 5. vers. 9.* ubi ellipsis finis expletur. Sicut ergo eligere ad salutem est constituere, destinare ad salutem: ita eligere ad salutem in Christo est constituere, destinare, ad salutem obtinendam in Christo, sive per Christum, qui mortuus est pro peccatis nostris; quomodo per æquipollentiam rem declarat Apostolus 1. *Theff. 5. v. 9. 10.*

Anti-

*Antithesis Catechetica Socinianorum
ad quaest. & res. vigesimam primam.*

Fides vera, quam sequitur salus aeterna, est fiducia per Christum in Deum, & duo complectitur, Vnum, ut non solum Deo, sed & Christo confidamus. Alterum, ut Deo obtemperemus, non iis solum, quae in lege, per Moysen lata, praecepit, & per Christum non abrogavit: verum etiam in iis omnibus quae Christus legi addidit, quam obedientiam merito sub fide comprehendimus. Etenim res ipsa indicio est, neminem inveniri posse qui spem certam vitae aeternae animo concipiat, quam Christus tantum sibi obtemperantibus promissit, qui non Christi dicto audiens sit. Præterea Iacobus apertissime testatur, ut corpus absque anima mortuum est, ita fidem sine operibus mortuam esse cap. 2. v. 2. 6. Et paulò superius v. 22. idem ait, ex operibus fidem Abraham fuisse consummatam. Qua propter etiam in Scriptura homines pii & Deo obedientes duntaxat fideles vocantur; quae de re autor ad Hebraeos cap. 11. Quod autem Apostolus fidem opponit operibus Rom. 3. 4. Gal. 2. 3. Eph. 2. capp. de eiusmodi operibus intelligendum est, quae & perfectam, & perpetuam obedientiam continent; qualem sub lege Deus ab hominibus requirebat; non autem de iis operibus, quae Deus a credentibus in Christum requirit; ut sunt opera Resipiscientiae, Novae obedientiae &c.

Responsio:

In hac antithesi nihil est sani: omnia falsa, heterodoxa, etiam quæ speciem ὁρθοδοξίας præ se ferunt. Nam etsi non malè sentire videntur, dum fidem esse ajunt fiduciam per Christum in Deum, revera tamen gravissimè impingunt, quatenus per fiduciam non intelligunt fiducialem apprehensionem Christi per quem venit ad Patrem, Ioh. 14. v. 6. sed spem vitae aeternae, ex doctrinâ Christi conceptam; sive obedientiam operum, sub spe vitae aeternae Christi mandatis præstitam. Christum quoque non agnoscunt mediatorem Θεῶν & ἁνθρώπων, qui satisfecerit pro peccatis nostris, sed pro nudo homine reputant. Apertè autem falsa sunt tria hæc: I. Quod idem sint, fides, & obedientia operum. Atqui, ut species disparatas eas recenset Apostolus, 1. Cor. 13. v. 13. 1. Thess. 1. v. 3. quæ à se invicem, genere, differentia, causa efficiente, effectis, subjectis, adjunctis, & oppositis distinguuntur, Genere; quia fides est habitus divinitus infusus Eph. 2. v. 8. Obedientia operum sunt actiones Rom. 12. per totum. Differentiâ; quia fides est πληροφορία, ἐπιπίστις

Fides & obedientia operum differunt.

Heb. 10.

Heb. 10. v. 22. 2. *Cor.* 3. v. 4. Obedientia operum *εὐαγγελίου*, siue confor-
 mitas actionum cum lege *Ezech.* 20. v. 18. 19. *Causa efficiens*; Nam
 obedientia operum est ex fide: non contrā; 1. *Tim.* 1. v. 5. *Gal.* 5. v. 6.
 ubi fides efficax esse dicitur per Charitatem, non tanquam per
 suam formam; alioquin charitas efficax foret per charitatem: sed
 ut per suum effectum. *Effectus*; siquidem effecta fidei, ut sunt, Ju-
 stificatio, *Rom.* 3. v. 25. Adoptio, *Ioh.* 1. v. 12. Unio cum Christo,
Eph. 3. vers. 17. tranquillitas conscientiae, 1. *Ioh.* 3. v. 19. 20. obe-
 dientiae operum non conveniunt, *Subjectis*, siue *Objectis*, nam Ob-
 jectum fidei est Euangelium, *Marc.* 1. v. 15. *Rom.* 10. v. 8. 9. 10. Ob-
 jectum obedientiae operum est lex *Matt.* 22. v. 37. 38. *Rom.* 13. v. 8.
 9. 10. *Adjunctis*; quia fides cum sit cordis, *Rom.* 10. v. 18. invisibilis
 est: obedientia operum visibilis *Iac.* 2. v. 18. Illa transiens cum hac
 vita: Ista permanens etiam in altera 1. *Cor.* 13. v. 12. 13. *Oppositis*; quia
 fides opponitur dubitationi, & incredulitati; *Matt.* 14. v. 31. *Marc.*
 9. v. 24. Obedientia operum vero nec dubitationi, nec incredulita-
 ti, sed impietati & malis operibus opponitur *Rom.* 2. vers. 6. 7. 8
 II. Quod ex Scriptura demonstrari possit, obedientiam operum
 comprehendere sub fide: Contrarium enim jam evicimus. Et quae
 adferunt nullius sunt momenti. Promissiones vitae aeternae passim
 proponuntur, sub conditione fidei, non obedientiae operum. *Marc.*
 16. v. 15. 16. *Ioh.* 3. vers. 16. *Rom.* 10. v. 9. 10. licet opera requirantur
 secundario, ut fructus & testimonia fidei ad Dei gloriam *Matt.* 5.
 v. 16. Fideles etiam spem certam vitae aeternae, non ex obedientia
 operum, sed ex fide concipiunt, *Rom.* 5. v. 1. 2. 3. quae τὸν ἰλθὺς ἐμὴν
 non est ὑπὸς τοῦτο, *Heb.* 11. v. 1. Fidem autem in bonis operibus exer-
 cent, & per ea à posteriore firmam efficiunt, 2. *Pet.* 1. v. 10. *Iacob.* 2.
 v. 26. τὸ πνεῦμα non est ipsa anima proprie, sed πνοή, halitus, respi-
 ratio, ex qua praesentia, & operatio animae cognoscitur *Gen.* 2. v. 7.
 Sensus igitur est: Sicut corpus mortuum est, cum est absque spi-
 ritu siue cum exspiravit: ita mortua est fides, cum est absque ope-
 ribus; quomodo non minus opera effecta fidei, quam respiratio
 effectum animae statuuntur. Similiter fides Abraham consummata
 dicitur ex operibus, non ut formatum per suam formam, sed ut
 forma per suas operationes; actus primus per secundos. Siqui-
 dem duplex est rei consummatio atque perfectio: Una essentiae,
 qua in esse completo constituitur: Altera operationis, qua in
 esse completo constituta esse declaratur. Ita Abraham, qui ad
 minimum jam triginta annis ante fidem justificatus erat *Gen.* 15.
 v. 5. 6.

Obedientia
 operum sub
 fide non
 comprehen-
 ditur.

Iacob. 2 v. 26.
 & 22. expli-
 catur.

v.5.6. *Rom.* 4.v.4. immolato filio insuper operibus justificabatur hoc est declarabatur justificatus. Denique fideles obedientes Deo vocantur, vel obedientiâ fidei, ad quam adducuntur per Evangelium *Rom.* 1.v.5. & *cap.* 16.v.26. formaliter; *Heb.* 4.vers.9. vel obedientiâ operum, quam ex fide præstant, effectivè, quia fides per opera Charitatis actiosa & efficax est *Gal.* 5.v.9. *1.Tim.* 1.v.5.

III. Quod Paulus à justificatione excludat tantum opera legis perfecte, & perpetua: non vero opera Evangelii imperfecta: & interrupta, quæ nihilominus Deus ex gratia pro perfectis, & perpetuis reputet. Contra est, quod Apostolus simpliciter & absolute à justificatione excludit omnia opera, removel ab eâ totum genus operum *Rom.* 3.4. *Gal.* 2.3. *Eph.* 2. *Phil.* 3.capp. Ergo etiam omnes species, specierum gradus. Justificatio est actus justitiæ, & judicii divini secundum veritatem *Rom.* 2.vers.2. Non reputat ergo Deus opera imperfecta pro perfectis: interrupta pro continuis & perpetuis. Accedit, quod causa meritoria justificationis ponitur non intra nos, sed extra nos in Christo, in ejus sanguine, morte, obedientiâ *Rom.* 3.5.capp. *Phil.* 3. & alibi. Quomodo igitur in operum nostrorum obedientia consistit. Postremò, hæretico hoc glossemate mera ἀδολογία, & pudenda contradictio Apostolo impingitur. Sensus enim verborum, *justificamur fide absque operibus*, *Rom.* 3.vers.24. Item, *non Iustificatur homo ex operibus legis, sed per fidem Iesu Christi* *Gal.* 3.v.16. hicerit: Non justificamur ex operibus legis; justificamur autem fide, sive per fidem, hoc est, per obedientiam operum. Quæ tum nugatoria tum contradictoria, esse ipso meridiano sole clarius est.

Paulus à justificatione excludit omnia opera, tum Legis, tum etiam Evangelii.

QUÆST. XXII. Quænam sunt illa, quæ necesse est hominem Christianum credere?

RESP. *omnia quæ nobis in Evangelio promittuntur: quorum summa in symbolo Apostolico, seu in capitibus Catholica & indubitata omnium Christianorum fidei breviter comprehenditur.*

EXEGESIS.

DEFinitioni fidei justificantis subjicitur plenior ejus explicatio, in tribus posita. In declaratione Objecti, Effecti, & cau-

& causarum Efficientium. De *Objecto* agitur inde à quæst. XXII. ad LIX. De *Effecto* à quæst. LIX. ad LXV. De *Causis* à quæst. LXV. ad LXXXVI.

Objectum fidei generale, & adæquatum esse diximus totum Dei verbum: speciale & proprium, quod respicit quatenus justificans est, sunt omnia ea, quæ nobis promittuntur in Evangelio, prout hic docetur, supra autem à nobis demonstratum est.

Objectum fidei
justificantis
summum est
symbolum
Apostolicum

Cæterum cum promissiones Evangelii variæ sint, & sparsim occurrant in utriusque Testamenti Scripturis, Catechesis *non inimpulsa* eas commonstrat & exhibet in *Symbolo Apostolico*:

Quod quidem fidei justificantis Objectum est, tum ratione *assensus*; nam fides omnibus in symbolo comprehensis assentitur: tum ratione *specialis applicationis*, qua quisque fidelis promissiones Evangelii symbolo contentas sibi speciatim applicat: tum denique ratione *acquiescentiæ*, sive *filialis fiduciæ*, quâ fidelis fiduciam suam collocat in Deo Patre, Filio, & Spiritu Sancto; quorum singulorum erga singulos fideles beneficia in symbolo summam enumerantur. Explicatur autem symbolum brevi descriptione ex Objectis, & Adjunctis, quod Capita Catholica, & indubitata omnium Christianorum fidei contineat. Capita hic sunt præcipua dogmata Evangelii, quæ in Veteri & Novo Testamento nobis credenda proponuntur, & ex utroque ceu con-

Fides hic est
doctrina fidei

clusiones ex suis principiis in Symbolo deducuntur. Usitate appellantur *articuli fidei*, quod summam credendorum in certa quasi membra, sive particulas dividant: qua voce sophisticè abutuntur qui eam ad totum Dei verbum referunt. Fides, cujus capita summam recensentur in Symbolo, est doctrina fidei, sive earum rerum quæ credendæ sunt homini Christiano, per Adjuncti metonymiam, & significatu vocis ipsis Scripturis usitato *Act. 6. vers. 7. Gal. 1. v. 23. 1. Tim. 3. vers. 9. & cap. 4. v. 1.* Unde fides ab Augustino dicitur alia *quæ creditur*, alia *quæ creditur* lib. 13. de Trinit. Cap. 2. Notatur autem duobus Epithetis, I. Quod sit *Catholica*, quia una tantum est omnium Christianorum fides in mundo *Eph. 4. v. 5.* De quo scitè Vincentius contra hæres. cap. 3. *Quod ubique, quod semper, quod ab omnibus creditum est, hoc est verè Catholicum.* II. Quod etiam sit *Indubitata*; idque tum

Estque.

1. Catholica.

2. indubitata.

ratione efficientis, quia *non dubios* est, Deum mentiri nescium autorem

autorem habens, 2.Tim.3.v.16. Tit.1.v.1. coque certus sermo, dignus modis omnibus qui recipiatur; 1.Tim.1.v.15. tum ratione Subjecti recipientis, quia fidelibus plena ejus fides sit, per verbum & Spiritum Luc.1.v.1. Heb.10.v.21.

*Considerationes Catechetica Novatorum
ad quest. & respons. vigesimam
secundam.*

I. Annon plura homini Christiano credenda sint, quàm ea quæ in Euan- Annon plura
gelio promittuntur: Annon etiam quæ præcipiuntur in Evangelio credenda credenda,
sint, & credenda quoque sint, quæ Deus in verbo revelavit de natura sua, quam quæ in
proprietatibus, operibus, minis, quatenus ista ad religionem promovendam Evangelio
necessaria, & utilia sunt. promittun-
tur?

Resp. Per assensum & fiduciam simul plura credenda non sunt ad justificationem, quam quæ in Evangelio promittuntur. Præcepta resipiscentiæ, & novæ obedientiæ non credenda proponuntur in Evangelio, propriè loquendo, sed faciend: Reliqua ad naturam Dei, & opera pertinentia, vel cum promissionibus Evangelii coherere, vel saltem ad objectum generale fidei referenda sunt; quod fides justificans non excludit, sed includit & præsupponit, prout quæstione antecedente demonstratum est.

II. An Symbolo Apostolico omnes articuli necessarii comprehendantur, cum in eo neque præceptorum Iesu Christi, neque Sacramentorum, ne- An Symboli
que bonorum operum, neque precatonis aperta fiat mentio. Apost. omnes
articulos ne-
cessarios cõ-
plectatur;

Resp. Symbolo Apostolico comprehenduntur omnes articuli necessarii creditu, non factu. Symbolum credendorum summa est: Decalogus faciendorum. Et sicut illius appendix quædam est doctrina Sacramentorum, quæ sunt sigilla fidei; Rom. 4. v. 11. ita hujus particula quædam est precatio. Doctrina bonorum operum est legalis, & præcepta Christi de iis legalia; qui non tulit novam legem, sed veterem repetiit, vindicavit, & stabilivit.

QUEST. XXIII. Quod est illud symbolum?

RESP. Credo in Deum Patrem omnipotentem, creatorem
cæli & terre: Et in Iesum Christum filium ejus unigeni-
tum, dominum nostrum: Qui conceptus est de Spiritu
Sancto

& causarum Efficientium. De *Objecto* agitur inde à quæst. XXII. ad LIX. De *Effecto* à quæst. LIX. ad LXV. De *Causis* à quæst. LXV. ad LXXXVI.

Objectum fidei generale, & adæquatum esse diximus totum Dei verbum : speciale & proprium, quod respicit quatenus justificans est, sunt omnia ea, quæ nobis promittuntur in Euangelio, prout hic docetur, supra autem à nobis demonstratum est.

Objectum fidei
dei iustifi-
cantis sum-
matim est
symbolum
Apostolicum

Cæterum cum promissiones Euangelii variæ sint, & sparsim occurrant in utriusque Testamenti Scripturis, Catechesis *xpi impulsu* eas commonstrat & exhibet in *Symbolo Apostolico*:

Quod quidem fidei iustificantis Objectum est, tum ratione *assensus*; nam fides omnibus in symbolo comprehensis assentitur: tum ratione *specialis applicationis*, qua quisque fidelis promissiones Euangelii symbolo contentas sibi speciatim applicat: tum denique ratione *acquiescentiæ*, sive *filialis fiduciæ*, quâ fidelis fiduciam suam collocat in Deo Patre, Filio, & Spiritu Sancto; quorum singulorum erga singulos fideles beneficia in symbolo summam enumerantur. Explicatur autem symbolum brevi descriptione ex Objectis, & Adjunctis, quod Capita Catholica, & indubitata omnium Christianorum fidei contineat. Capita hic sunt præcipua dogmata Euangelii, quæ in Veteri & Novo Testamento nobis credenda proponuntur, & ex utroque ceu conclusiones ex suis principiis in Symbolo deducuntur. Usitatè

Fides hic est
doctrina fidei

appellatur *articuli fidei*, quod summam credendorum in certa quasi membra, sive particulas dividant: qua voce sophistice abutuntur qui eam ad totum Dei verbum referunt. Fides, cujus capita summam recensentur in Symbolo, est doctrina fidei, sive earum rerum quæ credendæ sunt homini Christiano, per Adjuncti metonymiam, & significatu vocis ipsis Scripturis usitato *Act. 6. vers. 7. Gal. 1. v. 23. 1. Tim. 3. vers. 9. & cap. 4. v. 1.* Undè fides ab Augustino dicitur alia *qua creditur*, alia *quæ creditur lib. 13. de Trinit. Cap. 2.* Notatur autem duobus Epithetis,

Estque.
1. Catholica.

I. Quod sit *Catholica*, quia una tantum est omnium Christianorum fides in mundo *Eph. 4. v. 5.* De quo scitè Vincentius *contra hæres. cap. 3. Quod ubique, quod semper, quod ab omnibus creditum est, hoc est verè Catholicum.* II. Quod etiam sit *Indubitata*; idque tum

2. indubitata.

ratione efficientis, quia *homines* est, Deum mentiri nescium autorem

autorem habens, 2.Tim.3.v.16. Tit.1.v.1. coque certus sermo, dignus modis omnibus qui recipiatur; 1.Tim.1.v.15. tum ratione Subjecti recipientis, quia fidelibus plena ejus fides sit, per verbum & Spiritum Luc.1.v.1. Heb.10.v.21.

*Considerationes Catecheticae Novatorum
ad quæst. & respons. vigesimam
secundam.*

I. Annon plura homini Christiano credenda sint, quàm ea quæ in Euangelio promittuntur: Annon etiam quæ præcipiuntur in Euangelio credenda sint, & credenda quoque sint, quæ Deus in verbo revelavit de natura sua, proprietatibus, operibus, minis, quatenus ista ad religionem promovendam necessaria, & utilia sunt.

Annon plura credenda, quàm quæ in Euangelio promittuntur?

Resp. Per assensum & fiduciam simul plura credenda non sunt ad justificationem, quàm quæ in Euangelio promittuntur. Præcepta resipiscentiæ, & novæ obedientiæ non credenda proponuntur in Euangelio, propriè loquendo, sed facienda: Reliqua ad naturam Dei, & opera pertinentia, vel cum promissionibus Euangelii cohærent, vel saltem ad objectum generale fidei referenda sunt; quod fides justificans non excludit, sed includit & præsupponit, prout quæstione antecedente demonstratum est.

II. An symbolo Apostolico omnes articuli necessarii comprehendantur, cum in eo neque præceptorum Iesu Christi, neque Sacramentorum, neque bonorum operum, neque precatationis aperta fiat mentio.

An Symbolū Apost. omnes articulos necessarios comprehendatur;

Resp. Symbolo Apostolico comprehenduntur omnes articuli necessarii creditu, non factu. Symbolum credendorum summa est: Decalogus faciendorum. Et sicut illius appendix quædam est doctrina Sacramentorum, quæ sunt sigilla fidei; Rom. 4. v. 11. ita hujus particula quædam est precatio. Doctrina bonorum operum est legalis, & præcepta Christi de iis legalia; qui non tulit novam legem, sed veterem repetiit, vindicavit, & stabilivit.

QUÆST. XXIII. Quod est illud symbolum?

RESP. Credo in Deum Patrem omnipotentem, creatorem cæli & terræ: Et in Iesum Christum filium ejus unigenitum, dominum nostrum: Qui conceptus est de Spiritu Sancto

Sancto, natus ex Mariâ virgine: Passus sub Pontio Pilato, crucifixus, mortuus & sepultus, descendit ad inferna: Tertiâ die resurrexit à mortuis: Ascendit ad cælos, sedet ad dextram Dei Patris omnipotentis: Inde venturus est judicatum vivos, & mortuos. Credo in Spiritum Sanctum: Credo Sanctam Ecclesiam Catholicam, sanctorum communionem: Remissionem peccatorum: Carnis resurrectionem: Et vitam aeternam, Amen.

Symbolum,

cur Confessio
fidei vocata.

Apostolicum
unde dictum.

Symbolum generali significatione dicitur, quidquid confertur à pluribus ad convivium, ἀπὶ τῶν συμβαλλουσῶν. Deindè idem dicitur nota seu tessera, quâ alius ab alio discernitur. Rationem nominis, confessioni fidei impositi, alii hanc reddunt, quod singuli Apostoli ministerii causâ in diversas regiones proecturi, articulis fidei viritim collatis, totum hoc symbolum conflârint, & condiderint: alii istam, quòd olim Euangelicæ veritatis professores hac confessione, ceu notâ quadam & tessera, se invicem agnoverint, & ab infidelibus hereticis, sectariis discreverint: non secus, quam milites è tessera militari, seu castrensi, etiamnum hodiè sese mutuo agnoscunt. Licet verò prior sententia magnos autores habeat, Clementem, Irenæum, Cyprianum, Ruffinum, Ambrosium, Augustinum: posterior tamen probabilior, imò verior est, ut jam liquebit. *Apostolicum* nominatur hoc symbolum, quia continet summam doctrinæ Apostolicæ, quam cogeantur tenere, ac profiteri Catechumeni; non autem quod ab Apostolis eo ordine, ac formâ verborum concinnatum fuerit. *Rationes* hæ sunt. I. Quia phrasis, *Descendit ad inferos*, & nomen *Ecclesie Catholica* in scriptis Apostolorum nuspiam reperitur, sed post ipsorum excessum demùm inolevit. II. Quia alias fidei synopses, & periochas Catechumenis suis proposuerunt; quarum mentio fit 2. Tim. I. vers. 13. Heb. 6. v. 1. 2. III. Quia Heb. 6. vers. 1. 2. Apostolus à fide in Deum aperte distinguit duos articulos; Unum, *de resurrectione mortuorum*; Alterum, *de iudicio aeterno*: nunquam id facturus, si communi consensu in symbolo, sub fide in Deum, comprehensi fuissent. IV. Quia autoritas Symboli non divina est, sed Ecclesiastica; qualis esse solet scriptorum

ptorum catholicorum, publico totius Ecclesiæ nomine à doctolibus ejus scriptorum vel approbatorum; nec inter principia fidei censentur, sed inter conclusiones, quæ omnem certitudinem à principiis mutuuntur. De forma hujus symboli memorabile est dictum Augustini. *serm. 181. de temp. Symbolum*, ait, *comprehensio est fidei nostræ, atque perfectio, simplex, breve, plenum; ut simplicitas consulat audientium rusticitati, brevis memoria, plenitudo doctrinæ.* Et præcipuè accomodatum fuisse institutioni Catechumenorum docet numerus singularis primæ personæ. Nam ipsi petentes baptismum, sigillatim interrogabantur. *Quid credis?* ad quod tum sigillatim respondebant *Credo in Deum.* Hujus Catechisationis illustre exstat exemplum in historia Philippi, & Eunuchi; *Actor. 8. v. 37.* Et ad eam alludit Petrus, *1. Epist. 3. v. 21.* cum baptismum *ἡ βαπτισμὸς αἰγιατὸς ἐκ ποταμοῦ εἰς ἦδον* appellat.

Quæst. XXIV. In quot partes distribuitur hoc symbolum?

RESP. *Intres partes: Prima est de Deo Patre, & nostri creatione. Altera est de Deo Filio, & nostri redemptione: Tertia est de Deo Spiritu Sancto, & nostri sanctificatione.*

TRifariam distribui potest symbolum Apostolicum: *In duodecim articulos fidei*, qui distinctè enumerantur in symbolo, & in Catechesi ordine pertractantur: *In partes tres*; ut sunt; de Patre creatore, Filio redemptore, & Spiritu Sancto Sanctificatore: Et denique *in partes duas*, quarum una est de Deo, ejusque operibus ac beneficiis; altera de Ecclesiâ. Catechesis partitionem secundam sequitur, & aliis præfert, partim quia evidentius expressa est in ipso symbolo, partim quia in Scriptura simili penè forma traditur *2. Cor. 13. v. 13. Tit. 3. v. 4. 5. 6. Apoc. 1. v. 4. 5. 6.* Desumpta est ex Objectis, videlicet tribus personis sacre Trinitatis, in quas nos credere profiteamur; & ex Objectorum illorum effectis, Creatione, Redemptione, & Sanctificatione, quibus illæ sese nobis patefecerunt, & quotidie patafaciunt. Etsi verò effecta illa tribus personis communia sunt, secundum doctrinam Scripturæ *Psal. 33. vers. 6. 1. Tim. 4. vers. 10. 1. Thess. 5. v. 23. 1. Cor. 1. vers. 30. &*

Distributio
symboli.

ex Objectis
tribus Perso-
nis Deitatis.

eorumque
Effectis.

quæ commu-
nia,

regulam Theologorum; *Opera Dei ad extra*, quæ extra se, erga creaturas exercet, *sunt indivisa*, hoc est, communia tribus personis Deitatis: tamen *αὐτῶν*, & singulari quodam, modo singula opera singulis personis tribuuntur, & conveniunt. *Patri* tribuitur *creatio*: quia fons est ut Deitatis, ita omnium operationum divinarum, unde omnia ab ipso esse dicuntur, *1. Cor. 8. v. 6. Ioh. 5. v. 19. Filio* tribuitur *redemptio*, quia solus assumpsit humanam naturam, *1. Jo. 1. v. 14. Gal. 4. v. 4.* & in ea redemptionis negotium immediatè per egit *Act. 20. v. 28. Tit. 2. v. 14. Spiritui Sancto* tribuitur *sanctificatio*: quia ipse immediatè, sive immediatâ actione, sanctificat corda electorum ad vitam æternam *1. Cor. 6. v. 11. Ioan. 3. v. 5.*

Q U Æ S T. XXV. Cum una tantum sit essentia divina, cur tres istos nominas, Patrem, Filium, & Spiritum Sanctum?

R E S P. *Quia Deus ita se in suo verbo patefecit, quod tres hæ distinctæ personæ, sint unus ille, verus & æternus Deus.*

EXEGESIS.

Quia in partitione Symboli trium istorum fit mentio, Patris, Filii, & Spiritus Sancti, quorum singuli sunt Deus, Scriptura verò meminit unius duntaxat essentiæ divinæ: oritur hinc quæstio quomodo trinitas personarum consentiat cum unitate essentiæ. Hanc quæstionem Catechesis formâ prolepsæus enthymematica concludit: Deus est unus essentia: Non ergò trinus personis. Ratio hæc est: quia unum esse, & tria esse, sunt contradictoria. Affirmatâ igitur essentiæ unitate, negari videtur trinitas Personarum. Respondet autem per negationem consequentiæ, & oppositionem enunciationis affirmatæ, quod tres hæ distinctæ personæ; Pater, Filius, & Spiritus Sanctus, sint unus ille, verus, ac æternus Deus. Neque enim Deus unus, & trinus, dicitur eodem respectu; Unus essentiâ, trinus essentiâ; Unus personis, & trinus personis: sed respectu diverso; Unus essentia, & trinus personis: atque ita absque omni contradictione. Et confirmat responsionem argumento non artificiali, sed inartificiali, videl: patefactionis divinæ in verbo. Quia Deus ita se in verbo suo patefecit, quod tres hæ distinctæ personæ sint unus ille, verus, ac æternus Deus.

Unitas Essentia, & trinitas Personarum in divinis non pugnant.

Deus. Cum enim Deum nemo viderit unquam, *Ioh. 1. v. 18.* ac ne videre quidem possit, ut qui lucem habitat inaccessam, *1. Tim. 6. v. 16.* solus ipse de se idoneus testis est, nec aliter de ipso sentiendum, aut loquendum est, quam ipsemet verbo suo se patefecit *Ioh. 1. vers. 18. Matt. 11. v. 26. 27. & cap. 16. v. 17.* Hæc summa est Responsionis Catechetica, quæ, ut pluribus illustretur, ac plenius intelligatur, tria distinctè explicanda veniunt: Quid sit essentia, & persona, in divinis: Quomodo Deus sit unus essentiâ, & trinus personis: Quibus item testimoniis tum essentiæ unitas, tum personarum trinitas, demonstrari possit.

Vox *Essentia*, quæ Græcis *οὐσία* dicitur, etsi in Scripturis totidem literis non enunciatur de Deo, piè tamen & religiosè ab Orthodoxis patribus in hæc quæstione usurpata est; partim quod ejus conjugata, undè illa pendet & necessariò deducitur, nempe *יהוה*, *Iehova*, & *ὁ ὢν*, q. d. Ens ille, reperiuntur *Exod. 3. v. 14. 15. Apoc. 1. v. 4.* partim quod ejus synonyma, *φύσις* natura, *Gal. 4. v. 8.* & *μορφή* forma, *Phil. 2. v. 6.* Deo tributa inveniuntur. Similiter nec vox *Persona* dicitur in Scripturâ; dicitur autem græca vox *πρόσωπον*, hoc est subsistentia, seu subsistendi modus, *Heb. 1. vers. 3.* pro quâ Latini dicunt *Persona*, licet hæc propriè sit à voce *πρόσωπον*.

Voces *Essentia* & *Persona* rectè de Deo usurpantur.

Est autem *Essentia divina*, ipsa natura divina, ipsa Deitas, *Col. 2. v. 9.* sive divinitas, *Rom. 1. v. 20.* per quam Deus est substantia spiritualis, æterna, simplex, immortalis, omniscia, omnipotens, verax, iusta, bona, misericors, alia à mundi corporibus, & creaturis omnibus. *Persona* verò *divina* est subsistentia in essentiâ divinâ, *Phil. 2. v. 6.* certis proprietatibus distincta: sive, est ipsa essentia divina, non simpliciter & absolutè, sed cum suis quibusdam idiomatis, & proprietatibus considerata, quibus ab aliis ejusdem essentiæ personis secernitur. *Discrimen* igitur inter *Essentiam* & *Personam* hoc est, quod *Essentia* notat naturam divinam absolutè, quatenus communis est tribus Personis, Patri, Filio, & Spiritui Sancto; & tota in singulis: *Persona* notat naturam divinam cum suis quibusdam proprietatibus, quibus Pater, Filius & Spiritus ita inter se distinguuntur, ut Pater non sit Filius, nec Filius Pater, & Spiritus Sanctus nec sit Pater nec Filius. Nomen *Essentia* est nomen absolutum, quod non refertur ad aliam essentiam relatione Originationis, aut Originis: Nomen *Persona* est nomen relativum, Originationis aut Originis respectum inclu-

Essentia divina quid.

persona divina quid.

Discrimen inter *Essentiam* & *Personam*.

dens, quo Persona divina à se vel ab aliâ essentiam divinam habere dicitur, ut est *Ioh. 5.v.26.*

Deus quatenus
dicatur.
I. Vnus.

His præsuppositis explicatu difficile non est, quomodo Deus simul unus, & trinus in Scriptura prædicetur. *Vnus* dicitur. I. Non nudo nomine, sed re; quia etsi sint qui dicantur Dii in cælo: ut Angeli, *Psal. 8.v.6.* Diaboli, *2. Cor. 4.vers. 4.* & in terra: Idola, *Ier. 10.v. 11.* Magistratus: *Psal. 82.v. 1.* nobis tamen unus est Deus: *1. Cor. 8.v. 4.5.* II. Non voluntate, consensu, & concordia; sed naturâ, ac essentiâ, quia Deus est unus *IEHOVAH Deut. 6.v. 4.* III. Unitate non generica, aut specifica, sed numerica ac individuali. Sic enim unus est, ut sit etiam solus, nec præter ipsum possit esse alius *Deut. 32.v. 39.* *Esa. 43. v. 1. 6.* *Trinus* etiam dicitur.

2. Trinus.

I. Non nomine solum, sed etiam re: quia Pater est qui genuit Filium, *Psal. 2.v. 7.* Filius est qui genitus est à Patre, *Iohann. 1. v. 18.* Spiritus Sanctus est qui à patre & Filio procedit *Iohann. 15.vers. 26.* *1. Cor. 2.v. 12.* II. Non specie, formâ, aut gestu visibili; sed incommunicabili subsistentiâ, quia alius Pater, alius Filius, alius Spiritus Sanctus, *Ioh. 5.v. 32. & cap. 14. v. 16.* Et Pater & Filius duo Sunt, *Ioh. 8.v. 17. 18.* Pater, Filius, & Spiritus Sanctus, tres. *1. Ioh. 5.v. 7.* III. Non divisione essentiae inter tres Personas, aut trium Personarum vel ab essentiâ, vel à se invicem separatione; sed communione unius numero essentiae, & in eâ indivisâ subsistentiâ, sive coexistentiâ. Etenim singulæ personæ sunt unus ille, verus, ac æternus Deus *Ioh. 1.v. 1.* *Actor. 5.v. 3. 4.* Singulæ subsistunt in formâ, sive essentiâ Dei, *Phil. 2.v. 6.* & ita inter se coexistunt, ut una sit in altera, *Ioh. 14.vers. 10.* propter *ὁμοῖαν*, & unitatem communis essentiae *Ioh. 10.vers. 30.* *1. Ioh. 5.v. 7.* Conveniunt igitur Personæ divinæ, tum cum essentiâ, tum inter se: & iterum differunt tum ab essentiâ, tum inter se. Conveniunt cum Essentiâ, quia singulæ personæ totam essentiam divinam obtinent: & inter se, quia non propriam singulæ, sed unam communem omnes habent. Differunt etiam ab essentiâ, modo subsistendi sive relatione, qua ipsa in communitate sua veluti restringitur: & inter se partim proprietatibus personalibus, & incommunicabilibus, ut sunt, *ἡμεῖς* & *ὁ θεός* sive gignere, gigni & procedere; partim operationibus externis, quæ licet indivisæ sint, & communes respectu principii & apotelesmatis communis, semper tamen ordine operandi, qui ordinem ex-

Personarum
divinarum
cum Essentiâ
& inter se

Convenien-
tia.

Differentia.

stendi

stendi sequitur, nonnunquam etiam terminis distinguuntur, quoties nimirum operatio divina in vel ad personam aliquam Deitatis terminatur *Matth. 3.v.17. Ioh. 1.v.14. Actor. 20.v. 28.* Ex quibus omnibus Personarum, in essentiâ creatâ & increatâ seu divinâ subsistentium differentiâ patescit. *Persona creata* non solum sunt distinctæ, ita ut una non sit altera, sed etiam separatæ, & à se invicem divisæ, ut una sit extra aliam. At *Persona divina* tantum distinctæ sunt, non separatæ, quia una est in alia *Iohan. 14.verf. 10.* Rursum *persona creata*, sunt tantum ὁμοῖοι, similis specie essentiæ, non ὁμοῖοι, unius ejuldemque numero essentiæ: sed *persona divina* ὁμοῖοι sunt; Cujus rei ratio est, quod essentia creata finita est, & partibilis, ita ut per partes insit singulis individuis: At essentia increata divina, est infinita, impartibilis, & simplicissima, ac proindè tota in singulis personis.

Personarum
creatarum &
increatarum
discrimen.

Superest ut testimonia videamus, quibus tam unitas essentiæ divinæ, quàm trinitas personarum demonstratur. In iis non numerum spectamus, (sunt enim sine numero) sed evidentiam ac proprietatem. Pro unitate essentiæ præcipuæ sententiæ sunt: ex *Veteri Testamento Deut. 6. v. 4. Jehovah Deus noster Deus unus est. cap. 32.v.39. Videte quod ego sum solus, & non est alius præter me. Esa. 44. v. 1. vel. 6. Ego sum primus & ultimus, & præter me nullus est Deus. Et ex Novo Testamento 1. Cor. 8. v. 4. Scimus idolum nihil esse in mundo, & nullum alium esse Deum nisi unum. Eph. 4. v. 6. Unus Deus, & Pater omnium. 1. Tim. 2. v. 5. Unus Deus, unus mediator Dei & hominum, homo Christus Iesus.* Pro Trinitate personarum divinarum dicta sunt præcipua. E *Veteri Test. Gen. 3. v. 32. Dixit Jehovah Deus, ecce homo factus est, sicut unus ex nobis. Esa. 63. v. 8. 9. ubi tres personæ ordine enumerantur; Jehovah misericors qui infinita beneficia præstitit populo Israël: Angelus faciei ejus, qui populum illum per misericordiam suam servavit: & Spiritus sanctitatis ipsius, quem ipse contristavit. Hagg. 2. v. 4. 5. Sum vobiscum, dictum Jehovah exercituum, cum verbo quo pepigeram vobiscum, exeuntibus vobis ex Aegypto, & Spiritu meo fidente in vobis; Ne timeatis. Ex Novo Test. Matt. 3. v. 16. 17. In baptismo Christi, ubi distincta revelatio trium personarum facta est, Patris cœlitus clamantis, Filii baptismum recipientis; & Spiritus S. descendantis in formâ columbæ. Matt. 28. v. 19. Marc. 16. v. 15. Baptizate omnes gentes in nomine Patris, Filii, & Spiritus Sancti. Iohan. 14. v. 16. 17. Ego rogabo Patrem, & alium consolatorem dabit vobis, ut maneat vobiscum in æternum.*

Demonstratur.

Unitas Essentia.

Trinitas Personarum.

Apen-

Appendix

Filius est
αὐτοῦ θεός &
quatenus.

Ad doctrinam de Deo uno ac trino, nihil animadversionum consignarunt *Novatores*: quàm monstrosa verò & hæretica de hoc dogmate non pauci ipsorum tueantur, ex scriptis editis intelligi potest, & alias à nobis demonstratum est. Movere autem hic plerumque solent quæstionem de αὐτοῦσία & αὐτοθεότητι Filii, & Spiritus Sancti: de quâ tribus, quod ajunt, verbis dicemus. Αὐτοθεός est Filius; sic etiam Spiritus Sanctus: non quod essentiam habeat à se ipso, aut quod non habeat eam sibi communicatam à Patre: Nam dedit Pater, Filio habere vitam in se ipso, *Ioh. 5. vers. 26.* & generando communicavit ei essentiam: Sed quia Deus est per Essentiam, quæ est à se ipsâ, non genita, non communicata, aut decisa ab aliâ aliquâ essentiâ. Ut Ens per Essentiam, Existens per Existentiam: sic Deus per Deitatem. Qualis ergo est Deitas, talis Filius Deus est. Atqui Deitas est αὐτοθεότης, quæ non est ab alia Deitate. Ergo & Filius est αὐτοθεός hoc est. Deus eâ Deitate quæ non est ab aliâ. Secus periret unitas essentiæ & Deitatis, cum essentia gignens, & genita; communicans, & communicata; quæ est à se ipsâ, & quæ non est à se ipsâ, non sit una eademque essentia.

*Antithesis Catechetica Socinianorum
ad quæst. & res. vigesimam primam.*

In Essentiâ divinâ una tantum persona est, nempe Deus, ac Pater Domini nostri Iesu Christi. I. Quia essentia Dei est una numero. Ergò plures numero personæ in eâ esse non possunt: cum persona nihil sit aliud, quàm individuum intelligens. II. Quia Pater dicitur ille solus ac unus Deus Iohann. 17. vers. 3. 1. Cor. 8. v. 6. Ephel. 4. v. 6. III. Quia opinio de Trinitate personarum divinarum multis modis perniciosa est; ut quæ unius Dei fidem labefaciat, dum unum Deum modo fatetur, modo tres personas, quarum unaquæque Deus sit, prædicat. Item gloriam unius Dei, qui tantum Pater Christi est, obscurat, dum eam ad alium, qui Pater non sit, transfert. Item viam salutis pervertit, dum tollit discrimen inter primam, & secundam salutis causam, & quomodo eam per Christum, & Spiritum Sanctum operetur Pater, agnoscere non sinis. Postremo etiam alienis à religione Christianâ magno est impedimento, dum ea quæ veritati divinæ, & sanæ rationi adversa sunt, tradit. Nititur au-
tem

Item doctrina Trinitatis duobus precipue argumentis; Unum est, quod non solum Pater verum etiam Filius, & Spiritus Sanctus Deus vocatur cum tamen unus tantum sit Deus. Alterum quod quibusdam locis conjuncta mentio sit Patris, Filii & Spiritus Sancti; ut sunt Matth. 28. v. 19. 1. Cor. 12. v. 4. 5. 6. Iohan. 5. vers. 7. Sed respondetur ad Primum, Filium dici Deum quia potestatem aliquam sublimem ab uno illo Deo habet, & Deitatis unius illius Dei aliqua ratione participes est; ac propterea Deus ille unus Deus Deorum vocatur Psalm. 50. v. 1. Spiritum Sanctum vero nunquam in Scriptura expresse dici Deum. Ad Secundum locis illis doceri tantum esse Patrem, Filium, & Spiritum Sanctum, non autem esse personas unius Deitatis: Non Matth. 28. v. 19. quia nihil novum in rebus divinis, conjungi Deo tum personas, ut 1. Sam. 12. v. 18. Exod. 14. v. 31. tum res, Actor. 20. v. 32. Ephes. 6. v. 10. quæ ad essentiam Dei nullo modo pertinent: Insuper Israelitas in Moysen, 1. Cor. 10. v. 2. & discipulos quosdam in baptisma Iohannis, Actor. 19. v. 3. baptizatos esse. Nec 1. Cor. 12. v. 4. 5. 6. quia à Deo, qui est Pater Domini Iesu, distinguantur Christus & Spiritus: & ideo illorum mentionem fieri, quod is de rebus agatur, quas Deus per ipsos operatur. Neque etiam 1. Iohan. 5. v. 7. Nam locum illum non haberi in antiquissimis exemplaribus: loqui etiam tantum de hoc testimonio, quod Iesus sit Dei filius; quale perhiberi possit ab is qui persona non sunt, ut ariani docet: denique tres unum dici testimonio, non essentia.

Responsio.

Orthodoxam & Catholicam doctrinam de Sacro sancta Trinitate bifariam impugnant hæretici Sociniani. Nam & ratiocinia quædam sua ei opponunt; & solidarum probationum nervos quantum possunt, succidunt. Nos igitur eadem viâ ejusdem doctrinæ vindicias instituemus.

Socinianorum
objectiones
refutantur.

Ad Objectiones adversariorum sic breviter respondemus. Prima valet de creaturis intelligentibus, angelis & hominibus, in quibus pro numero personarum multiplicatur essentia. Ratio, quia singulis non tota, sed secundum partes inest. In divinis ideo falsa est; quod unica illa Dei essentia simplex est, & infinita; eoque singulis tota, & indivisa inest. Falsa quoque est personæ, quam tradunt, definitio, vel saltem mutila & imperfecta est. Sic

Prima.

Secunda.

enim etiam anima rationalis, siue unita corpori, siue ab eo separata, erit persona. Quid autem præterea requiratur ad esse *divinam*, in exegesi quaestionis dictum fuit. *Secunda* implicat fallaciam à dicto secundum quid. Pater, unus ille & solus Deus vocatur, non absolute & simpliciter, etiam oppositè ad Filium, & Spiritum Sanctum: sed tantum idolorum ac creaturarum respectu. Probatur prius: Nam quando divinitas intra se describitur, Christus disertè rejicit exclusivam: Joh. 8. v. 14. 16. *Si testimonium perhibeo de me ipso, testimonium meum firmum est; quia solus non sum, sed ego, & qui misit me Pater.* Item vers. 28. 29. *A me ipso facio nihil, sed qui misit me mecum est, & non relinquit me solum.* cap. 16. v. 32. *Non sum solus, quia Pater mecum est.* Posterius etiam; quia exclusiva disertè opponitur idolis & creaturis. 1. Cor. 8. v. 4. 5. *Scimus idolum nihil esse in mundo, & nullum esse Deum nisi unum: Nam est sint qui dicantur Di &c.* 1. Thess. 1. v. 9. *Annunciant quod converteritis vos ad Deum, relictis idolis, ut serviretis Deo vivo, & vero.* Similia loca sunt Jer. 10. v. 10. 11. Exod. 20. v. 23. Gal. 4. v. 8. *Tertia* est mera blasphemia, fidem Trinitatis appellans opinionem, & salutarem agnitionem veri Dei in tribus Personis, ut dogma perniciosum eriminans. Absurda quatuor totidem calumniae sunt sanæ doctrinae. *Primo*, non labefactat fidem unius Dei, quia Trinitatem in unitate credendam, colendam, adorandam proponit Joh. 5. & alibi. Contra labefactat eam Sociniana impietas. Quisquis enim negat filium, nec Patrem habet 1. Joh. 2. v. 22. *Secundo* non obscurat gloriam Dei Patris, sed multis modis illustrat; tum quia Filius est effulgentia gloriae, & character personæ Patris, Heb. 1. v. 7. tum quia in assumptâ carne manifestavit gloriam suam, tanquam unigeniti à Patre, Joh. 1. v. 14. tum etiam quia ad gloriam Patris omnia retulit, exinanitus in forma servi Phil. 2. v. 6. Joh. 7. v. 18. & cap. 17. v. 4. *Tertio* non pervertit viam salutis, nec discrimen personarum in agendo confundit. Distinctio enim Personarum, quæ in existendo est, etiam valet in agendo. Et in negotio salutis agit Pater per Filium & Spiritum Sanctum, non tanquam per causas inferiores essentiâ distinctas, sed tanquam per personas, solo subsistendi modo distinctas, essentiâ verò easdem & inter se coæquales Joh. 5. v. 17. seqq. Tit. 3. v. 4. 5. 6. *Postremo* doctrina hæc multorum conversioni impedimento est non per se, sed per accidens; quatenus rationem in consilium adhibent circa divina mysteria, nec

totos

totos se volunt addicere in obsequium Christi, & verbi ipsius 2. Cor. 10. v. 5. 6. Quod autem eo offendantur, quia doctrinam hanc veritati divinæ adversari vident, nova calumniæ est; & turpis principii petitio.

Iam secundo loco *probationes sententia Orthodoxa vindicanda* sunt. Circa *Primam* bifariam peccant. Semel fallacia Causæ; quatenus Filium dici putant Deum propter potestatem aliquam sublimem divinitus acceptam. Atqui ipse, *1. Joh. 5.* se unum cum Patre Deum esse ostendit. ex communicatione unius numero essentia cum Patre; nec non ex æqualitate attributorum, operum, & honoris cum ipso. Et Paulus *Phil. 2. v. 6.* ei tribuit in essentia divinam, per quam ipse par sit & æqualis Deo. Iterum, impudenti negatione multorum evidentissimorum locorum, quæ Spiritum S. Deum vocant, *Act. 5. v. 3. 4. 1. Cor. 3. v. 16. 2. Cor. 6. v. 15. 16. Act. 28. 1. 2. 5. 26. Esa. 6. v. 3. 9. inter se collatis. Num. 12. v. 6. 1. Pet. 1. v. 11.* Proinde cum *Psal. 50. v. 1.* Pater Deus Deorum appellatur, non respectu Filii & Spiritus Sancti, sed respectu creaturarum, angelorum videlicet, & regum terræ, sic dicitur. Nec ita appellatur nomine personali, sed essentiali, utrique cum ipso communi; In *secunda* manifestè detorquent, & depravant testimonia Trinitatis. Coniungunt ea Patrem, Filium, & Spiritum Sanctum, non tantum ut res verè existentes, sed etiam ut coessentialiter subsistentes. Nam exquant eas potestate, cultu, & operationibus; & tanquam homogeneas, vel potius *omogonias*, locant in eodem ordine, absque omni graduum sive respectu, sive distinctione. Nuspiam ministri Dei, Prophetæ, vel Apostoli eodem modo iuncti Deo reperiuntur. Nam quod *1. Sam. 12. v. 18.* Israëlita dicuntur timuisse Iehovam, & Samuelem: item *Exod. 14. v. 31.* credidisse Iehovæ, & Mosi servo ejus: loquitur res ipsa, id de ministerio ipsorum, & eloquiis Dei nomine prolatis, intelligendum esse. *Act. 20. v. 32.* Deo jungitur verbum gratiæ, id est, Euangelium tanquam organum communicandæ gratiæ. *Ephes. 6. v. 10.* autem Virtus, roboris Dei est tota armatura Dei, v. 11. *seqq.* descripta.

Sed nunc singula loca seorsim asseramus, *Matt. 28:* baptizari in nomine Patris, Filii & Spiritus sancti, est baptizari in fidem eorum & cultum. At *1. Cor. 10.* baptizari in Moysen, est Moysæ duce atque administro sub nube per mare traduci; vers. 1. 2. Et baptizari in baptisma Iohannis, *Act. 19.* est baptizari in doctrinam à Io-

Vindicæ argumentorum orthodoxorum. primi.

Psal. 50. v. 1. explicatur.

secundi.

Vindicantur dicta *Matth. 28. 19.*

hanne prædicatam, & baptismo obsignatam: non in ipsum Iohannem *cap. 18. v. 25. 1. Cor. 12.* Filius & Spiritus Sanctus distinguuntur à Patre, ut personæ divinæ à persona divina: non tanquam creaturæ à creatore, vel effecta à sua causa. *Ἀποτέλειµα* de quibus isthinc agitur, divina sunt, arguentia suppositum divinum; eaque tribus illis personis non inæqualiter, sed æqualiter, distinctè licet, convenire ostendit ordo æqualium Effectorum, *vers. 4. 5. 6.* propositus; atque etiam sententia *versus 11.* antecedenti *versui 6.* respondens. *1. Ioh. 5. v. 7.* Postremò, locus *1. Ioh. 5. v. 7.* exstat in melioribus & antiquissimis exemplaribus, & in quibus desideratur ex iis perfidia Arianorum erasus est. Sanè ea quoque quæ *ὑποσώσεις* non sunt, testari de Christo suo modo possunt. Sed hic Pater, Filius, & Spiritus Sanctus ponuntur tanquam ejusdem ordinis testes sub eodem genere. Ut igitur Pater est testis Personalis; ita Filius quoque & Spiritus Sanctus: Ut Pater testis est qua persona divina: eodem modo etiam Filius & Spiritus Sanctus. Quomodo autem hi tres unum sint, ex ipsa phraseologia *καὶ ὁ υἱὸς αὐτοῦ* intelligitur, quia non dicuntur *αὐτὸς αὐτὸς*, sed *τὸ ἐκ αὐτοῦ*, tum etiam ex loco simili *Ioh. 10. v. 30.* Ubi Pater & Filius dicuntur esse unum, essentia scilicet, & potentia *v. 28. 29. 33. seqq.*

DE

DEO PATRE

QVAEST. XXVI. Quid credis cum dicis: Credo in Deum Patrem omnipotentem, creatorem cœli & terræ.

RESP. Credo aeternum Patrem Domini nostri Iesu Christi, qui cœlum & terram, cum omnibus quæ in iis sunt, ex nihilo creavit, quique eadem aeterno suo consilio & providentiâ sustentat ac gubernat, propter Christum Deum meum, & Patrem meum esse. Itaque sic ei confido, sic in eo acquiesco, ut non dubitem quin provisurus sit omnibus, cum animo tum corpori meo necessariis; tum etiam qua mihi mala in hac ærumnosâ vita immittit, ea in meam salutem sit convertens; cum & facere id possit ut omnipotens Deus, & facere id velit ut benignus Pater.

EXE.

E X E G E S I S.

Partitionem Symboli Apostolici supra propositam deinceps ordine exsequitur Catechesis, initio facto à Deo Patre prima in Deitate persona. De quo priusquam speciatim agamus, generatim prænotanda & præcognoscenda sunt tria. *Primum* est: In symbolo usurpari numerum singularem *Credo*, non credimus, pro consuetudine Veteris Ecclesiæ: ubi Catechumeni interrogati de fide pro se quisque sigillatim respondebant. Tum etiam ad declarandam naturam veræ fidei, quæ promissionem universalem, omnibus in genere vel specie factam, individuo cui inest, ceu propriam vendicat. *Alterum* est: Differre ex usu symboli, credere in aliquid, & credere aliquid: credere in Deum, & credere Ecclesiam. *Credere in Deum*, est in ipsum ferri motu cordis, ei credendo adhærere, & in eo fiduciam collocare. *Credere Ecclesiam*, est certo persuasum esse, quod sit Ecclesia, & ad nos pertineat ejus communio. Vulgo etiam distinguunt Phrases: *Credere Deum*, *credere Deo*, & *credere in Deum*; ut *illud* sit assentiri, quod sit Deus, *istud*, credere vera esse, quæ dicit Deus; *hoc*, etiam ipsi fidere. Sed discrimen illud non est perpetuum. Nam *Credere in Deum* idem quandoque est in Scriptura, quod ei assentiri, non fidere, *Ioh. 2. v. 23. & cap. 12. v. 42.* & vice versa, *Credere Deum*, & *Deo* idem quod fidere, non assentiri tantum *Genes. 15. v. 6. Rom. 4. v. 3. Heb. 11. v. 6.* *Tertium* est: Nomen Dei rectius hic synecdochicè & Personaliter de Deo Patre, quàm essentialiter de tribus Deitatis personis intelligi: siquidem determinatione objecti, *credo in Deum Patrem* de ipsius persona explicatur; Ex articulo sexto, ubi eadem verba recurrunt, illo sensu citra controversiam sumitur. Nec insolens est in Scriptura, voce Dei etiam absolute posita persona Patris significari, propter originis principatum. Dicitur autem *Omnipotens* Deus Pater. I. Quia potest omnia, non solum quæ vult, & facere decrevit, *Psal. 115. vers. 3.* sed etiam quæ non vult, etsi ea velle possit; *Matth. 3. vers. 9. & cap. 26. v. 53.* sive, quia potest omnia, quæ sunt potentia, non quæ sunt impotentia; ut peccare, mentiri, mori, contradictoria simul vera facere *2. Tim. 2. 13. Tit. 1. vers. 1. 1. Tim. 1. vers. 17. 2. Cor. 1. v. 19. 20.* II. Quia omnia solo nutu & verbo, sine difficultate, impedi-

Cur in Symbolo dicatur singulariter *Credo*.

Quid differant *credere in aliquid* & *credere a.iquid*.

In primo articulo Deus hypostatice accipiendum de patre.

Cur Pater dicatur *Omnipotens*.

Creator cæli &
terra.

Deus Pater
est fidei obje-
ctum.

Generale, qua

I. Pater Iesu
Christi.

2. Creator.

3. conservator
ac gubernator.

mento, aut resistentiâ peragit *Psal.* 33. vers. 9. *Esa.* 43. vers. 13. *Rom.* 9. vers. 19. Insuper *cæli ac terra creator* appellatur, quia, ut principium omnis actionis, creat à se, non ab alio: quemadmodum à se non ab alio existit *Ioh.* 5. v. 17. 19. *Act.* 17. v. 24. Sed de his ipsam responsionem videamus, in qua fides in Deum Patrem, prout enunciatur articulo primo, ex Objecto atque Effecto distinctè declaratur.

Objectum aliud generale est, aliud speciale: prout nimirum vel per notitiam & assensum, vel per fiduciam simul nobis credendum offertur.

Ad *Objectum generale* pertinent, quæ ex locis relatorum, & effectorum de Patre prædicantur: cujusmodi sunt. I. Quod sit æternus Pater Domini nostri Iesu Christi: quem ipse æternâ ac ineffabili generatione per communicationem vitæ subsistentis in se ipso genuit *Psal.* 2. vers. 7. *Proverb.* 8. vers. 22. & seqq. *Ioh.* 5. vers. 26. Quo sensu *cæl' & terræ* Pater Iesu Christi *Heb.* 2. vers. 4. 5. *Ephes.* 1. vers. 3. & *aliquæ* proprius, ejus pater vocatur *Iohan.* 5. vers. 18. De hac paternitate & generatione infra ex professo. II. Quod cælum & terram cum omnibus, quæ in iis sunt, ex nihilo creaverit. Quanquam enim opus creationis commune est tribus in Deitate personis: Patri tamen peculiariter vendicatur in Scriptura, quod ipse sit prima persona, tam operationis, quam existentiae respectu, quæ à se creavit non ab alio. Et ita loquitur ipsa Scriptura. *1. Corinth.* 8. vers. 6. *Vnus est Deus, Pater ille à quo omnia.* *Genes.* 1. vers. 1. 3. *In principio creavit Deus Cælum & terram: & dixit Deus, fiat lux.* Item *Psal.* 33. vers. 6. *Verbo Iehovæ facti sunt cæli, & spiritu oris ejus omnis exercitus eorum.* Nec aliam ob causam Pater peculiari quasi elogio, *Dominus cæli ac terræ* appellatur *Matth.* 11. vers. 25. III. Quod eadem quoque æterno suo consilio ac providentia sustentet ac gubernet; succedanea quasi, & continuata creatione. De quâ ita Nehemias, cap. 9. vers. 6. *Tu ille Iehova solus es: tu fecisti cælos, cælos cælorum, & omnem exercitum eorum; terram, & quicquid est in ea, maria, & quicquid est in eis: & tu conservas hac omnia.* Et Christus *Iohann.* 5. vers. 17. *Pater meus operatur usque ad huc: ab initio mundi ad hoc usque tempus, & deinceps, continuo actu versans in rerum creaturarum conservatione, ac gubernatione.*

Obje-

Objectum speciale etiam deducitur ex loco relatorum: nimirum, quod sit Deus, & Pater Meus, tuus, & cujusque credentis propter Christum. Nam in ipso adoptavit nos in filios, & dilectos effecit in dilecto illo *Eph. 1. v. 5. 6. Matth. 3. v. 17.* Hinc toties repetita occurrit Patris & Filiorum appellatio, quum nobis ut filiis suis Deus loquitur *Ier. 31. v. 1. & 2. Cor. 6. v. 18. Luc. 11. v. 13. Heb. 12. v. 5. 7.* Hinc etiam Christus ipse nos fratres suos nuncupat, *Heb. 2. v. 11. 12. Ioh. 20. v. 17.* & communem sibi Deum & Patrem nobiscum esse profitetur: *Ascendo*, inquit, *ad Deum meum, & Deum vestrum, ad Patrem meum & Patrem vestrum Ioh. 20. v. 17.* Quod quantæ sit gratiæ, Johannes vix ac ne vix quidem assequitur *1. Epist. 3. v. 1.* Nè verò titularis videatur hæc paternitas & filiatio, in solo nomenclaturæ honore posita; Scriptura insuper declarat, Nos ita esse filios, ut etiam simus hæredes: hæredes quidem Dei, cohæredes autem Christi *Rom. 8. v. 17.* Hæreditas est ex verâ, ac reali paternitate & filiatione. Quum igitur hæredes simus, Deus verò pater sit in Christo, nos verò sumus ipsius filii. Sed adoptio illa ac dignitas filiorum Dei hic occulta est quæ intus in cordibus fidelium ob-signatur per Spiritum Sanctum *Rom. 8. vers. 16. Eph. 1. v. 14.* Olim verò in resurrectione justorum, *Luc. 20. v. 36. & ἀπαλυσει* filiorum Dei, *Rom. 8. v. 19.* planè patefiet, quando videbimus Patrem illum nostrum sicuti est *1. Ioh. 3. v. 2.*

Speciale. quâ
Deus, Pater
meus, tuus.

Ita se habet *Objectum fidei* primo symboli articulo. *Effectum* quod inde dependet est confidentia, sive acquiescentia in Deo Patre: quum de paterno Dei favore ac gratia persuasi, nos ac singuli nostrorum toti in ipsum recumbimus, benignitati ipsius nos, nostraque omnia, quocunque rerum statu, secundo, adverso, læto, tristi, securè committimus *Psal. 23. vers. 1. seqq. Psal. 37. v. 4. seqq. Rom. 8. vers. 38. 39.* Hujus benignitatis duo præcipui actus commemorantur, de quibus certi sumus, ac esse debemus per fidem. *Vnus* est bonorum necessariorum collatio, quod Deus nobis de omnibus, quæ animo & corpori necessaria sunt, sufficienter sit provisorus. De quo exstant promissiones innumera in Veteri & Novo Testamento: *Psal. 37. vers. 3. 4. & 40. v. 18. Esa. 46. vers. 3. 4. Matth. 7. vers. 11. Luc. 11. vers. 13.* Eodem pertinent, quæ de paternâ Dei cura pro nobis Christus prolixè & patheticè disserit *Matth. 6. & Luc. 12. capp. Alter* est conversio malo-

Effectum fi-
dei hujus
Confidentia
in Deo Patre.

de collatione
bonorum ne-
cessariorum.

de conversio-
ne malorum
in bonum.

malorum in bonum. Deus varias calamitates suis immittere solet in hac vita : sed immittit non malo , sed bono ipsorum ; non in exitium , sed in salutem. *Castigat nos* , inquit Apostolus , *ad commodum nostrum* , Hebr. 12. vers. 10. *ne cum mundo condemnemur* 1. Corinth. 11. vers. 32. *Et diligentibus Deum omnia simul adjumento sunt ad bonum* Rom. 8. vers. 28. Quod David expertus prædicat *Psal. 119. vers. 71.* Et Ioseph de omnibus tribulationibus confitetur , & gratus celebrat *Genes. 50. vers. 19. 20.* Utrumque hunc actum ætiologiâ causatum sufficientium , ex articulo primo deducta , demonstrat Catechesis hunc in modum. Qui potest & vult nobis omnibus & singulis providere de omnibus necessariis : quin etiam mala omnia in salutem nostram convertere ; de eo possumus utrumque considerare , in eo possumus & debemus securè acquiescere. At Deus ille , de quo singuli profiteamur in symbolo , *Credo in Deum Patrem omnipotentem* , utrumque illud potest & vult. Ergo. Major certa est ex sufficiente enumeratione causarum ; Neque enim in agente *ποδουενη* plura requiruntur ad agendum , quam facultas & voluntas. Minor confirmatur argumento Subjecti : *Potest* , quia est Deus omnipotens , *Genes. 17. vers. 1. Psal. 115. v. 3. Vult* , quia est benignus pater *Psal. 103. v. 13. Esa. 49. vers. 15. Matth. 7. v. 11.*

Creatio est

actio Dei

externa

edita in tem-
pore.

Ad hanc quæstionem & responsionem , referendus est locus de *Creatione* , cuius summam brevi hâc definitione complectimur : *Gratia est actio Dei externa , quâ omnes creaturas in tempore , spacio sex dierum , solo nutu & verbo , ex nihilo valde bonas produxit.* Præcipua membra definitionis sunt ista. I. Dicitur *actio Dei* ; Quia Deus creavit cælum & terram *Genes. 1. v. 1.* Sed actio tum unius Dei , nec enim plura principia concurrerunt ad hoc opus , *Mal. 2. v. 10. 1. Cor. 8. v. 6.* tum solius Dei ; quia præter ipsum non potest esse alius creator , *Esa. 45. vers. 6. 7. Jer. 10. v. 10. 11.* tum etiam Dei subsistentis in tribus personis ; Nam est opus in divisum ipsis personis inter se commune *Gen. 1. v. 1. 2. 26. 27.* ordine solum operandi distinctum. II. Dicitur *actio Dei externa* , quam ipse extra se erga creaturas exseruit , vocans ea quæ non erant , ut essent , existerent *Psal. 33. v. 10.* III. Est *actio Dei edita in tempore* ; si quidem in principio creavit Deus cælum & terram *Gen. 1. v. 1.* Quod principium , initium fuit temporis

poris compositi ex vespera & mane diei primi *vers. 5.* Et hoc non aliud tempus, sed ipsa æternitas antecessit *Prov. 8. v. 22. seqq.* quæ omnes creaturas, IV. Produxit hac actione omnes creaturas, sive omnia, quæcunque sunt, & existunt extra essentiam divinam, *Gen. 1. 2. capp.* non tantum visibilia corpora, & inferiores naturas, sed invisibilia; thronos, dominatus, potestates, *Ioh. 1. v. 3. 4. Coloss. 1. v. 16. 17.* quæ angelorum sunt epitheta. V. Produxit creaturas *spatio sex dierum Gen. 1.* Non quod momento temporis id effectum dare nequisset, sed ut per partes, veluti in tabella, contemplandum nobis proponeret suum opificium *Rom. 1. vers. 20.* Et hanc temporis distinctione ipsa opera creationis commodissimè distinguuntur. Opus primi diei fuit massa informis, ex aquâ & terrâ, quam *chaos* vocant; nec non primæva lux: Secundi, expansum, & divisio aquarum: Tertii, collectio aquarum inferiorum in alveos terræ; exsiccatio terræ, & germinum productio: Quarti, Sol, Luna, & cæteræ Stellæ: Quinti, pisces, & aves: Sexti, animalia terrestria, & homo. VI. Produxit creaturas *solo nutu & verbo, solo nutu & verbo.* *Gen. 1. v. 3. Psal. 33. v. 6. 10.* absque omni defatigatione, *Esa. 40. v. 28.* vel alteratione *Psal. 102. v. 26. 27. 28.* VII. Produxit eas *ex nihilo* ex nihilo, non tanquam ex re levi aut nihili, vel tanquam ex materia, sed nulla præexistente materia, sive cum ante nihil esset: quo sensu phrasis græca, *ἐκ οὐκ ὄντων*, usurpatur & explicatur 2. *Machab. 7. v. 28. Rom. 4. v. 17.* Ei similes sunt aliæ locutiones, ut cum *Heb. 11. v. 3.* Mundus dicitur compactus *μὴ ἐκ φαινομένων*, ex non apparentibus, id est, ex nihilo: non entis nulla sunt accidentia. Et 2. *Cor. 4. vers. 6.* è tenebris splenduisse lux, id est, post tenebras, quæ, nondum creatâ luce, omnia occupabant, *Gen. 1. vers. 2.* valde bonas VIII. Et ultimo, produxit Deus creaturas valde bonas, *Gen. 1. v. 31.* bonitate naturali & morali, pro singulorum conditione, *Eccles. 7. v. 29.* non solum absolutè in essentiâ & qualitatibus, sed etiam relatè & ad se invicem, inprimis autem ad ipsius creatoris gloriam *Prov. 16. v. 4. Psal. 8. v. 2. seqq. & 19. v. 2. seqq.*

QUEST. XXVII. Quid est providentia Dei?

RESP. Omnipotens, & ubique præsens Dei vis, quâ cælum ac terram cum omnibus creaturis, tanquam manu sustinet ac gubernat: ut quæ terrâ nascuntur, pluvia item & sic-

*cititas; fertilitas, & sterilitas; bona, & adversa va-
letudo; diuitia, & paupertas; omnia denique non te-
merè aut fortuitò, sed paterno ejus consilio, & volunta-
te contingant.*

E X E G E S I S.

DEus pater, quem cœli, terræque creatorem profiteamur in Symbolo, non momentaneus creator est, qui semel duntaxat opus suum absoluerit, sed ejusdem etiam perpetuus est moderator, qui idem opus actu continuo sustentat & gubernat. Hæc causa, est quod Scriptura sub creatione providentiam complectitur multis locis: *Psal. 45. v. 5. 6. 7. & 123. v. 8. Iob. 12. v. 9. 10.* Catechesis quoque creationi doctrinam de providentia subjicit. Cujus primò nomen videbimus: indè definitionem.

Providentiæ
significatio.

notat.

Decretum.

Executio-
nem.

Providentiæ.
catur.

Genus, vis.

Vox *Providentiæ*, quæ *πρόνοια* dicitur, non reperitur in Scriptura illo significato, sed ex Philosophorum, maximè Stoicorum de mundi gubernatione disputationibus, in Theologiam introdu-cta est. *Proprie* actum mentis, sive præscientiam significat: voce tamen Latinâ à sensu ad intellectum translata: *Synecdochicè* verò notat etiam actum voluntatis, hoc est, rerum præcitarum curam ac gubernationem; idque ex idiotismo Hebræorum, quo verba notitiæ affectum indicant *Gen. 22. vers. 8. Exod. 18. vers. 21. 1. Sam. 16. vers. 17. 1. Tim. 5. v. 8. Heb. 11. v. 40.* Hic significatus declarandæ naturæ Providentiæ est peridoneus, sive ad decretum Dei, cujus hac & antecedente etiam quæstione mentio fit, sive ad ejus executionem referatur. Si quidem *priore* modo, providentia est *πρόνοια*, & βλάη, præcognitio, & consilium, Dei *Act. 2. vers. 13. & cap. 4. v. 28.* de omnibus & singulis, quæ in tempore fiunt, conservandis, & gubernandis: ut qui omnia agit ex consilio voluntatis suæ, *Eph. 1. v. 11.* & cui ab omni ævo nota sunt omnia opera sua *Act. 15. vers. 18.* *Posteriore* modo est notitia, & cura, quam habet Deus de omnibus, & singulis; nec tam oculorum est quibus prospiciantur res, quàm manum, quibus diriguntur. Atque hoc demum sensu in responsione accipitur, & expli-

Definitio genere, & differentia constat, pro more.

Generis loco ponitur *vis*, non quæ violentia, aut coactio est,

est, sed quam virtutem, efficacem, efficacem actionem, & operationem dicimus, secundum illud Christi Ioh. 5. v. 17. *Pater meus operatur usque adhuc, & ego operor.* Et duobus Epithetis declaratur, quod sit *vis omnipotens, & omnipræsens*; nimirum, ut intelligatur non esse inanem aut otiosam providentiam, sed operosam, in actu continuo positam, & efficientem quicquid intendit & vult: non etiam principium generale confusi motus, longo interstitio distans à causis secundis, sed iis præsentissimum, & ad singulos ac particulares motus sese extendens, & pertingens. Omnipotentiam ejus prædicat Psalter Psal 89. vers. 14. *Tibi brachium est cum potentia, robusta est manus tua, elata dextra tua.* Et Iobus cap. 42. vers. 2. *Novi te omnia posse, neque adverte te posse à cognitione perficiendâ.* De sua omnipræsencia ipsemet apud Prophetam: *An Deus è vicino sum ego, & non Deus è longinquo, annon cælum & terram impleo ego?* Ier. 23. vers. 23. 24. Et Apostolus Actor. 17. vers. 27. 28. *Deus non longè abest ab unoquoque nostrum: In ipso enim vivimus, movemur, & sumus.* Sed præsentia Dei illa generalis est omnibus creaturis communis, non excludens aut confundens modos & gradus præsentia specialis, quibus Deus beatis angelis & hominibus in cælo secundum gloriam, *Matth. 18. vers. 10. 1. Ioh. 3. v. 2. Heb. 12. v. 22. 23.* Sanctis in Ecclesiâ secundum gratiam, *Matth. 18. v. 20. & cap. 28. vers. 20.* in Christo verò etiam *ὁ ὅμα, sive ὁ ὅματις, Coloss. 2. v. 9.* præsens esse dicitur.

omnipotens.

omnipræsens.

Differentia Providentiæ ab actibus ejus formalibus, Objectis & causa efficiente describitur. Differentia habet

Actus formales statuuntur, *sustentatio, & gubernatio omnium rerum*: quibuscum notitia earum, & omnium quæ in mundo fiunt, cohæret ordine naturæ: *Psal. 33. v. 15. De cælo respexit Dominus; vidit omnes filios hominum; qui finxit pariter corda eorum, intelligit omnia opera eorum.* Et 94. v. 9. 10. 12. *Qui plantavit aurem, annon audiat? qui formavit oculum, annon videat? qui docet scientiam, annon cognoscat? Iehova cognoscit cogitationes hominum.* Heb. 4. v. 13. *omnia sunt nuda, intime patentia oculis ipsius* Hic tamen omittitur vox notitiæ, sive cognitionis, quia in definitione ab actu potiori providentia describitur. *Conservatio* est, quâ creaturæ omnes à Deo sustentantur; tum ratione substantiæ in speciebus continuæ, in indivisibilis quam diu ipsi visum fuerit; tum ratione virtutum, & operationum

Actus formales qui sunt.

Conservatio.

rationum: atque ita in ordine divinitus instituto perseverant. De hac dicta sunt: *Nehem. 9. v. 6. Tu Deus conservas omnia* Heb. 1. v. 3. *Sustinet omnia verbo illo suo potente. Colloss. 1. v. 17. Omnia per ipsum* *conservata, consistunt*, id est, in suo systemate, vigore, & ordine manent. *Psal. 36. v. 7. Homines & jumenta conservas, Iehova. Act. 17. v. 28. In ipso vivimus, movemur, & sumus: hoc est, ipsius presentis verbo & virtute. Et ostendit Scriptura hanc conservationem multis, iisque illustribus exemplis, in natura superiore & inferiore. Etenim luminarium cœlestium cursum, & efficaciam, seu ut Deus loquitur, statuta cœli, & dominatum ejus in terra, Iob. 38. v. 33. Psal. 104. v. 19. seqq. Jerem. 31. v. 35. 36. temporum vices, Gen. 8. v. 22. soli proventus, Hos. 2. v. 21. 22. Psal. 104. v. 14. 15. maris fines, v. 8. 9. animalium, Gen. 8. v. 17. fructumque Psal. 104. 13. 14. 1. Cor. 15. v. 37. 38. inprimis autem hominis Gen. 9. v. 1. Iob. 10. v. 9. seqq. propagationem perpetuam. Gubernatio est, qua Deus universa & singula beneplacito suo gubernat, & ad fines à se præstitutos, medios, ultimumque flectit, dirigit ac deducit. De hac dicta sunt Eph. 1. v. 11. *Omnia agit ex consilio voluntatis suæ. Rom. 11. v. 36. Ex eo, per eum, & in ipsum sunt omnia. Dan. 4. v. 35. Pro voluntate suâ facit in exercitu cœli, & in habitatoribus terræ: neque est qui prohibeat manum ejus, aut dicat ei quid facis? Et cap. 2. v. 21. Ipse mutat tempora, & tempestates, transfert reges, & constituit reges, dat sapientiam sapientibus. Esa. 43. v. 6. 7. Ego Iehova, & nemo præter me, formans lucem, & creans tenebras, faciens pacem, & creans malum. Modus hujus gubernationis varius est, Ordinarius, qui communem naturæ ordinem observat Gen. 8. v. 22. Hos. 2. v. 21. 22. Et extraordinarius, qui præter ordinem illum exsistit, & cum alibi tum in miraculis conspicitur. Item Medius, cum Deus utitur ministerio causarum secundarum, Matth. 4. vers. 6. 7. Act. 27. v. 24. 31. quæ sunt necessariæ, Iob. 38. v. 27. contingentes, Exod. 21. v. 12. 13. animatæ, Psal. 104. v. 13. inanimatæ, v. 5. 6. immediatus. seqq. bonæ, Psal. 91. v. 11. malæ Iob. 1. v. 12. Et immediatus, cum Deus per se solum, immediatè operatur; Gal. 1. v. 1. idque vel absque mediis, Gen. 2. v. 5. 6. Exod. 34. v. 28. vel contra media, & naturam ipsorum Exod. 14. v. 16. 2. Reg. 6. v. 6. Dan. 6. v. 20. Uterque hic actus illustratur similitudine, cum Deus omnia tanquam manu sustentare ac gubernare dicitur: Si quidem quæ in manu nostra consistunt, geruntur, sustentantur à nobis, ne corruant, & planè nostri arbitrii sunt, ac potestatis; & ita loquitur ipsa scriptura Iob. 12. vers. 9. 10.**

Manus Iehova facit illud, in cuius manu est anima omnis viventis, & Spiritus totius carnis humana. Idem recurrit Psal. 89. v. 14. Esa. 10. v. 5. & cap. 10. v. 12.

*Objectum providentiæ statuitur duplex; generale & speciale. Generale proponitur his verbis, quæ cælum & terram cum omnibus creaturis tanquam manu sustinet &c. De quo requirantur testimonia ante allegata. Speciale aliquot exemplis declaratur, sub quibus comprehendi cætera omnia docet complexus universalis sub finem additus. Sunt autem sex numero. I. Terra nascentiæ; nempe plantæ, arbores, & reliqua, de quibus Psaltes divinus Psal. 104. v. 14. *Faciens ut germinet scænum ad jumentum, & herba ad hominis usum.* Et Christus Matth. 6. v. 28. *Discite quomodo lilia agrorum crescant &c.* II. Pluvia & siccitas, quarum illa à Dei benedictione, hæc à maledictione deducitur Deut. 28. v. 11. *Alt. 14. vers. 17. Amos. 4. v. 7.* III. Fertilitas & sterilitas. Sic enim de fertilitate Moses Deut. 28. v. 11. *Faciet Iehova ut excellas bonis in fructu ventris tui, & in sætu jumentorum tuorum, & in fructu terræ tuæ.* Et Deus ipse apud Hoseam cap. 2. v. 21. 22. *Erit autem in die illa; Exaudiam cælos, & ipsi exaudient terram, terra verò exaudiet triticum.* Sterilitatis autem se autorem esse Deus testatus est, cum per Elisæum famem ad septennium proclamavit 2. Reg. 8. vers. 1. Per Esaiam vero amoturum se esse omnem scipionem panis, & aquæ, minatus est Esa. 3. vers. 1. I V. Cibus & potus; Nam Deus est qui dat omnibus escam tempore opportuno, Psalm. 104. v. 26. 27. *qui dat jumentis suum cibum, pullis corvorum qui crocitant, Psalm. 47. v. 9. & vino latificat cor mortalis; nitidam efficiet faciem oleo; & cibo corejus suffulcit.* Psalm. 104. v. 15. *Actor. 14. v. 17.* V. Bona, & adversa valetudo. De bona valetudine testatur David, cum inquit. Deum vindicare foveâ vitam suam, & renovare tanquam aquilam Psal. 103. v. 5. Item mittere ad ægros verbum suum, & curare eos Psal. 107. vers. 20. De adversa autem valetudine ita Deus ipse Levit. 26. v. 16. Deuter. 28. v. 21. *Constituam super vos terrorem, tabemque, & febrem, consumentia oculos, & dolore afficient animam.* V I. Divitiæ & paupertas. Nam ipse est qui pauperat, & ditat; humiliat & exaltat; suscitât e pulvere pauperem, & e sterquilinio tollit egenum 1. Samuel. 2. v. 7. Luc. 1. v. 53. Unde Salomo; *Pauper & dives occurrunt sibi mutuo, sed utrumque Dominus fecit.* Prov. 22. v. 2. Ex hac Objecti distinctione*

Providentia
quatenus di-
stingui queat
in Universa-
lem & parti-
cularem.

vulgò distinguitur Providentia, in Universalem, & Particularem, quam sic admittimus. Si primò non solum ex conditione Objecti, sed etiam ex diversis Dei actionibus extruatur, & emergat: Secundò, Providentia quoque specialis certis iterum gradibus dividatur. Præcipuè enim commendatur in gubernando genere humano 1. Cor. 9. v. 9. *Num boves cura sunt Deo? propter nos hoc scriptum est, quorum scilicet causâ ipsos boves creavit Matth. 10. v. 31. Vos multis passerulis præstatis.* In genere humano verò peculiariter quadam ratione pios & fideles complectitur. 1. Tim. 4. v. 10. *Est Servator omnium hominum, maxime autem fidelium.* Et Psal. 33. v. 13. *Videt omnes filios hominum.* Et v. 16. *Oculi Iehova super iustos, & aures ejus ad vociferationem eorum.*

Causam effici-
entem,
Consilium
Dei

æternum,

liberum,

immutabile,

paternum,

Causa Efficiens Providentiæ, sive sustentationis, & gubernationis omnium rerum, est *Dei consilium* ac voluntas, *qui omnia agit ex consilio voluntatis sue* Eph. 1. v. 11. *Est magnus consilio ac multis ope. cujus oculi aperti sunt super omnes vias filiorum hominum. ut de unicuique secundum vias suas* Jerem. 32. v. 19. Est autem æternum consilium, utpote actio Dei interna, & immanens, quam statuit in se ipso Ephes. 1. v. 5. *Liberum*, utpote consilium voluntatis, non necessitatis v. 11. *Immutabile*, utpote sapientissimum, & optimum quod semper fit, Hebr. 6. v. 17. Rom. 11. v. 33. Esa. 46. v. 10. *Paternum* denique respectu fidelium, quibus Deus ut Pater Filiis procurat utilia, ac salutaria; contra arcet ab eis noxia, & exitialia. In Catechesi illustratur antithesi adverforum. Nam consilio Dei opponitur tum *temeritas*, cum absque consilio, & ratione aliquid geritur aut evenit: tum *fortuna*, quam gentiles finxerunt esse Deam sine ratione gubernantem res humanas, & cæco affectu distribuentem hominibus, bona & mala. Utramque à mundi administratione removet, & excludit Dei Providentia. Si enim ipsius consilio omnia eveniunt, nihil fit temerè: Si etiam omnia sapienter antè definita sunt, quàm fiunt nihil omnino fortuito contingit.

Hæc est brevis explicatio doctrinæ orthodoxæ de Providentiâ Dei, definitione comprehensæ, cui enodationem duorum dubiorum addimus majoris lucis gratiâ. *Primum*; num Providentia Dei circa peccatum etiam sit omnipotens, & ubique præsens Dei vis. *Secundum*; an non ex rebus creatis, inprimis humanis, tollatur omnis contingentia: siquidem æterno ac immutabili Dei consilio cuncta regantur.

De Primo: In peccato tria concurrunt accuratè distinguenda: Motus, sive actio creaturæ; *Ανομία*, seu vitium actionis; & Judicium Dei. *Motus* est subjectum actualis peccati, in quo illud hæret ut accidens in Subjecto, & cujus mentione concretivè definitur. *Ανομία* est vitium motus sive actionis, & forma peccati, utpotè per quam deflectit à normâ legis divinæ, & à justitiâ ejus aberrat *1. Ioh. 3. v. 4.* *Judicium* est accidens peccati, quod Deus per peccatum & peccatores, tanquam organa justitiæ suæ, justissimè exsequitur. Quo sensu *ἀννομία* peccati ponitur in ipso peccato, *Rom. 1. v. 27.* & judicium Dei in excacatione infidelium *Ioh. 9. v. 39.* *2. Theff. 2. v. 11.* Est autem judicium illud non solum pœnæ, *Exod. 7. v. 6. Rom. 1. v. 24. 26. 28.* sed etiam castigationis, *2. Sam. 12. v. 11. 12.* & *cap. 24. v. 1.* nec castigationis tantum, verum etiam probationis, *Iob. 1. v. 21.* & *cap. 2. v. 10.* nec illud modò, sed etiam beneficii corporalis, *Gen. 50. v. 20.* & spiritualis *Act. 2. v. 23. 24.* & *cap. 3. v. 17. 18.* Ratio quoque illius judicii aliquando occulta est, *Gen. 3. v. 1. seqq. Iob. 1. v. 21.* aliquando manifesta, *2. Sam. 12. v. 11. 12.* & hæc iterum magis vel minus manifesta, prout visum Deo eam revelare. Quibus præmissis distinctè respondemus. I. Motum sive actionem quoad
dependere ab omnipotente & ubique præsentem Dei virtute: tum
quia in Deo vivimus, movemur, & sumus, *Act. 17. v. 28.* & absque
ipso, ceu causâ primâ, nulla creatura se movere potest, *Prov. 21. v. 1.*
Ier. 10. v. 23. tum quia motus ille est bonum naturale, non nisi
ab autore naturæ proveniens. II. *Ανομίαν* seu vitium actionis, non
esse ab omnipotente & ubique præsentem Dei virtute, movente
creaturam, aut vitium in efficiente: tum quia procedit à vitio
creaturæ peccatricis, & prava ejus voluntate, *Matth. 15. v. 19.*
Rom. 7. v. 8. sicut claudicatio equi est à vitio equi, non à sessore
movente equum, scetor itidem cadaveris ex vitio ejus, non à sole il-
lud calefaciente: tum quia *ἀνομία* respectu Scriptura permissio-
nem peccati Deo tribuit, quia illud non impedit, cum posset;
sed evenire, & cum judiciis suis concurrere finit *Psal. 81. vers. 13.*
Act. 14. v. 16. III. *Judicium* non minus, quam motum, ad
omnipotentem, & ubique præsentem Dei virtutem referendum
esse. Deus enim non minus judex est mundi, quam primus & u-
niversalis motor rerum omnium *Gen. 18. v. 25.* Nec minore virtu-
te aut efficacia judicia sua exsequitur in creaturas, quàm motus,
& actiones in ipsis ciet. *Exod. 9. v. 15. 16. Esa. 10. v. 5. seqq.* Hoc
respe-

Concurfus
providentiæ
in Peccato.

quoad
1. motum.

2. ἀνομίαν.

3. *Judicium.*

respectu Scriptura venditionem Iosephi, *Gen. 50. v. 19. 20.* inductionem Pharaonis, *Exod. 7. v. 6.* spoliationem Iobi, *cap. 1. v. 21.* stupra Absolomi, *2. Sam. 16. v. 22.* maledicta Simeï vers. 11. crucifixionem Christi, *Actor. 2. v. 23.* & *cap. 4. v. 28.* & alia scelerata hominum opera Deo autori vendicat, non tanquam operatio iniquitatis in ipsis: Deus enim non vult iniquitatem *Psal. 5. v. 5.* Sed tanquam iudici iustissimo, ac moderatori rerum omnium sapientissimo, qui etiam per vitiosa organa sanctum opus suum perficere novit, ut est *Esa. 10. 12.*

Providenti-
am non tolle-
re contin-
gentiam pro-
batur.

De Secundo: Contingentiam ex rebus creatis, inprimis vero ex hominum actionibus non tolli per Dei providentiam, secundum quam omnia æterno, ac immutabili ejus consilio eveniunt, bifariam demonstrari potest: à posteriore, & à priorè; quantum ad *τὸ ὄν*, & *τὸ διότι*. *Illo modo.* quibus actionibus & eventibus concurrunt, necessitas ex parte causæ primæ, & decreti ipsius; & contingentia ex parte causarum secundarum: in illis contingentia non tollitur aut aboletur per necessitatem decreti & providentiæ, in omnibus actionibus & eventibus concurrunt necessitas, ex parte causæ primæ & decreti ipsius, & contingentia ex parte causarum secundarum. Ergò. *Minor* confirmatur. I. Inductione quarundam actionum, & eventuum qui diverso respectu necessarii, & contingentes, statuuntur *Matt. 18. v. 7.* *Necesse est, ut veniant scandala.* *cap. 26. v. 54.* *Sic oportet fieri.* *Marc. 18. v. 31.* *Oportet filium hominis multa pati.* *Luc. 17. v. 25.* *Oportet filium hominis multa pati, & reprobari à natione ista.* *cap. 22. v. 21.* *Filius hominis abit prout definitum est.* *cap. 24. v. 7.* *Oportet filium hominis tradi in manus peccatorum.* *v. 26.* *Nonne oportuit Christum ita pati.* *v. 46.* *Ita scriptum est, & ita oportuit pati.* *Ioh. 3. v. 14.* *Ita exaltari oportet filium hominis.* *cap. 19. v. 36.* *Facta sunt hæc ut Scriptura impleretur, non frangetis ei ullum os.* *Actor. 17. v. 3.* *Proponens oportuisse Christum pati.* *1. Cor. 11. v. 19.* *Oportet esse hæreses inter vos.* His dictis eventuum illorum necessitas asseritur: At non quoad homines, *Act. 2. v. 23.* & *cap. 4. v. 28.* Ergo quoad Deum. Contra aliis locis eorundem eventuum contingentia docetur: *Matt. 18. v. 7.* *Va illi homini per quem veniunt scandala.* *Marc. 14. v. 2.* *Dicebant, non in festo ne fiat tumultus populi.* *Matth. 26. v. 15.* *Quid vultis mihi dare, & ego vobis eum tradam.* *Cap. 27. v. 4.* *Peccavi prodito sanguine innoxio.* *Iohann. 19. v. 32. 33.* *Milites confregerunt crura utriusque latronis:*
Ad

Ad Iesum autem cum venissent, ut viderunt eum jam mortuum, non con-
fregerunt ejus crura. Actor. 20. v. 29. Scio lupos graves non parcentes
gregi, ingressuros esse in vos, post discessum meum. Atqui hæc contin-
gentia non est quoad Deum, cui nota sunt ab omni ævo omnia
opera sua Actor. 15. v. 18. Ergo quoad homines, & causas se-
cundas. II. Ratione, quod etiam ea quæ in se maximè contingen-
tia, & fortuita sunt, divino subesse regimini sacræ literæ de-
monstrant. Hujus generis sunt; cædes casualis, Exod. 21. v. 13.
inconstans ventorum flatus, Psal. 107. v. 23. 24. fluctuum motus
v. 29. 30. dubius avicularum, capillorum & sortium casus Matth.
10. v. 32. 33. Prov. 16. v. 33. Quicquid autem regitur à Deo id antè
tum immutabiliter decrevit, Ephes. 1. v. 11. tum infallibiliter co-
gnovit Actor. 15. v. 18. Isto modo. In quibus actionibus, & eventibus
immutabili Dei providentiæ ita subordinatæ sunt, ac subservi-
unt causæ secundæ, ut agat in eis, & per eas, pro ipsarum naturâ; a-
liter per causas necessarias; aliter per contingentes; aliter per li-
beras; sive per divinitas, & indefinitas ad suum effectum, alio
atque alio modo: in iis contingentiæ & libertas non tollitur aut
læditur ex immutabilitate providentiæ, & quæ ex eâ est, eventus
necessitate. Atqui in omnibus actionibus & eventibus causæ se-
cundæ ita subordinatæ sunt, ac subserviunt immutabili Dei pro-
videntiæ. Sicut enim faber lignarius aliter agit per instrumenta
activa; servos, pueros; aliter per passiva, securim, ferram, mal-
leum; ita providentiæ cum causis secundis definitis, & indefi-
nitis diversimodè concurrit. Cum definitis concurrit, ut vires ea-
rum naturales cieat, operationes dirigat, & quo instinctu natu-
ræ tendunt ipsæmet, eas perducatur. Cujus exemplum exstat Hos.
2. v. 21. 22. Cum indefinitis imprimis rationalibus concurrit,
ut potentias animæ rationalis, intellectum & voluntatem variè af-
ficiat, moveat, flectat, determinet non solum objectivè, & e-
thicè, sed aliis quoque occultioribus, nobis ineffabilibus modis:
nec tamen vel judicium mentis exstinguat, vel libertatem volun-
tatis, ejusque propriam determinationem lædat, aut elidat. Cu-
jus illustre exemplum Rom. 10. v. 13. 14. seqq. collato cum Actor.
16. v. 14. & cap. 2. v. 42. reperitur. Sic ergo contingentiæ & liber-
tas causarum secundarum non tollitur ex immutabilitate, & neces-
sitate divinæ providentiæ: Imò ne scriptura quidem nomina, casus
& eventus in causis secundis averfatur Luc. 10. v. 21. Eccl. 9. v. 4. 5.

Ecod. 2. v. 4. Sicut verò in omni concursu causarum subordinatarum, ad producendum unum eundemque effectum, effectus ille à causis diversis diversas fortitur appellationes, & à necessariis necessarius, à contingentibus contingens denominatur: Ita actiones, & eventus in rebus creatis, & humanis, contingentes dicuntur à causis secundis contingenter agentibus; necessarii verò respectu causæ primæ, cujus nec consilium mutari, nec potentia impediri, nec præscientia falli potest. Quia etiam actiones, & eventus usitatè denominantur à causis proximis, & immediatis; non à remotâ aut primâ causâ: hinc fit, ut pleraque in vitâ communi vulgato sermone contingentia, multa etiam casualia appellentur; licet pii omnia illa ad causam primam revocantes, necessaria esse & intelligant, & profiteantur.

*Considerationes Catholicae Novatorum ad quæst.
& resp. viges. septimam.*

An descriptio providentiae ad vitam spiritua-
lem sit extendenda?

I. *An hæc descriptio providentiæ non sit inconcinna, quandoquidem videatur extendi tantum ad ea, quæ ad temporalem hanc vitam pertinent: Annon potius, & imprimis quidem extendi debeat ad ea, quæ spectant ad vitam spiritualem ac supernaturalem.*

Resp. Descriptio Catechetica non restringitur ad hujus vitæ bona, sed etiam spiritualia ac supernaturalia Dei beneficia complectitur: quod constat, partim ex verbis quæstionis antecedentis, undè hæc deducitur; nimirum, quòd Deus provisorius sit omnibus, tum animo, tum corpori meo necessariis; partim ex complexu universali hujus quæstionis, quo omnia paterno Dei consilio evenire docetur. Idèò autem spiritualia illa beneficia speciatim non recensentur, sicut corporalia, quia ad prædestinationem Dei, (quæ pars est Providentiæ, & in redemptione, ac sanctificatione spectatur,) propriè pertinent, & series articulorum symboli ea non sub creatione, sed sub redemptione ac sanctificatione proponit.

Annon in ea mentio faci-
enda punitio-
nis impio-
rum?

II. *Annon hæc descriptio manca sit, & mutila, cum in eâ nulla mentio fiat punitio-
nis impiorum, & miseriarum, ac calamitatum, tam corporalium, quàm spiritualium, quas Deus in hac vitâ peccatoribus sæpenumero immittit: Quam providentiæ, & gubernationis divinæ partem*

non

non minus tenemur credere, quàm eam quæ versatur circa bona, quibus Deus nos afficit.

Resp. Descriptio hæc præcipuè accommodata est consolationi fidelium, exstructa ex sensu fidei, quæ credimus Deum nobis Deum ac patrem per Christum factum esse. Ea igitur præcipuè commemorat, quæ ad filialem de Deo fiduciam gignendam & alendam faciunt. Præterea ista, & quæ alia sunt hujus generis, sub exemplis illis specialibus per synecdochen speciei, sub clausulâ generali verò, tanquam species sub suo genere, comprehenduntur.

III. *An omnipotentia Dei rectè describatur ac declaretur, cum ea ad solos pios, & fideles extenditur: annon cum nos in Deum omnipotentem credere profiteamur, simul & illius omnipotentia consideratio ob oculos versari in nobis debeat, quæ Deus impios, & incredulos punire potest.*

Annon ea omnipotentiam Dei ad impios extendere debeat?

Resp. Consideratio hæc coincidit cum priore. Eadem igitur responsione dissolvitur.

IV. *An sufficiat in descriptione gubernationis divina, meminisse ejusdem omnipotentia, præteritâ ejusdem justitia, sapientia, &c. mentione.*

An justitiam & sapientiam exprimere debeat?

Resp. Omnipotentia Dei peculiaris mentio fit propter attributum Dei patris omnipotentis, & quia ea præcipuè declaratur rerum omnium conservatione, & gubernatione. Interim synecdochicè connotantur reliqua attributa omnia. Sapientia verò vocabulo consilii; & Justitia nomine voluntatis, quæ omnis justitiæ norma est, apertè satis exprimitur.

V. *An providentia sit solummodò omnipotens Dei vis, & si id concedatur, quomodo providentia huic etiam peccata subjiciantur? Si negetur, quomodo providentia rectè describatur, & an peccata providentia Dei non subsint.*

An Providentia sit omnipotens vis etiam circa peccata?

Resp. Quomodo providentia Dei sit omnipotens Dei vis, etiam circa peccatum, modò declaratum est; nimirum, tum ratione motus & actionis, quam Deus omnipotente virtute etiam in peccantibus ciet, *Actor.* 17. v. 28. tum respectu judicii, quod per vitiosa organa potenter exercet, *Esaï.* 10. v. 5. *seqq.* non autem quantum *ἀνομιαν*, seu vitium ipsius actionis attinet, quod Deus non efficit omnipotente suâ virtute, (nec enim id potentia, sed impotentia foret,) verum majoris boni gratiâ permittit.

QuÆST. XXVIII. Quid nobis prodest hæc cognitio creationis, & providentiæ divinæ?

RESP. *Vt in adversis patientes, in secundis grati simus, in futurum vero optimam in Deo fidiſſimo patre ſpem repositam habeamus, certò ſcientes nihil eſſe quod nos ab ejus amore abſtrahat, quandoquidem omnes creatura ita ſunt in ejus poteſtate, ut ſine ejus arbitrio non modò nihil agere, ſed ne moveri quidem poſſint?*

EXEGESIS.

Uſus Creati-
onis & Provi-
dentiæ.
1. Patientia
in adverſis.

Doctrinæ de Creatione, & providentiâ duabus quæſtionibus & reſponſionibus pertractatæ uſus, ſeu fructus, triplex ſubjicitur. *Primus, eſt patientia in adverſis*, quam gignit in nobis conſideratio, & fides creationis & providentiæ, quia ſcimus ipſum eſſe Dominum noſtrum qui habeat ſummam in nos poteſtatem 1. *Sam.* 3. v. 18. eſſe etiam patrem noſtrum, paternè erga nos affectum; qui res adverſas nobis immittat, non ut perdat, ſed ut ſervet, adeoque in ſalutis noſtræ bonum *Rom.* 8. v. 28. 1. *Corinth.* 11. v. 32. *Heb.* 12. v. 10. Sic Joſeph patienter tulit injurias illatas à fratribus, *Gen.* 45. v. 4. ſeqq. & *cap.* 50. v. 19. 20. Jobus patienter tulit calamitates à Chaldæis acceptas, *cap.* 1. v. 21. David patienter tulit maledictionem Simeï, & amiſſionem regni, 2. *Sam.* 16. v. 11. & *cap.* 15. v. 25. 26. Chriſtus verò etiam mortem crucis, *Matth.* 26. v. 39. 54. *Luc.* 22. v. 33. & *cap.* 23. v. 34. *Secundus, eſt gratitudo in ſecundis*, quod novimus bona omnia non aliundè quàm à Deo, unico illorum autore, & largitore nobis provenire, *Luc.* 1. v. 17. ut qui tum rebus inanimatis vim inſpirat, ut nobis utiles eſſe poſſint, *Luc.* 12. v. 15. *Lev.* 26. v. 26. *Eſa.* 3. v. 1. *Hagg.* 1. v. 6. 1. *Reg.* 19. v. 8. tum res animatas, nominatim verò animos, & actiones hominum inclinât, ut nobis benè velint, ac benefaciant, *Gen.* 32. v. 6. *collato cum cap.* 33. v. 4. 12. 15. *cap.* 39. v. 4. 21. aut certè licet malè velint, non tamen malefaciant, quin potius benefaciant *Exod.* 3. v. 21. Et *cap.* 12. v. 35. 36. *Num.* 22. 23. *capp.* Hujus gratitudinis illuſtria exempla in ſervo Abrahami, *Genes.* 24. v. 27. In Jacobo, *cap.* 32. v. 10. In Davide, 2. *Sam.* 7. v. 18. 19. & paſſim in aliis occurrunt. *Tertius, eſt ſpes bona de futuris.* Eſſicit liquidem fides creationis, & Providentiæ, ut certò ſtatuamus, quia

2. Gratitudo
in ſecundis.

3. Spes bona
de futuris.

quia Deus non ex malis hæcenus eripuit, bonis verò necessariis instruxit, in posterum quoque fidei patris erga nos officium semper esse facturum, nec unquam non ita deserturum, ut pareamus *Ios. 1. v. 9. Heb. 13. v. 5. 6.* Hoc modo sperabat David maledicta Simei sibi cessura in bonum 2. *Sam. 16. v. 12.* Idem sperabat victorem se Goliathi futurum, quia recordabatur providentiæ Dei, * quâ ereptus fuerat ab urso, & leone 1. *Sam. 17. v. 37.* Sic Paulus confidebat liberandum se ab omni malo, atque in regnum cœleste servandum, quòd antè ex ore leonis, i. e. Neronis ereptus fuisset 2. *Tim. 4. v. 17. 18.* Sed Catechesis confirmat hanc de futuris spem argumento omnipotentiae Dei Patris, quod ratiocinatione à minori hunc in modum amplificatur: Omnes creaturæ etiam potentissimæ ita sunt in manu ac potestate Dei, ut absque ipsius nutu, & voluntate sese ne movere quidem possint *Psal. 9. v. 14. Prov. 21. v. 1. Esa. 10. v. 5. Matth. 8. v. 31. Act. 17. v. 28.* Igitur multò minus nostræ saluti incommodare, aut ullo pacto nobis nocere poterunt.

Considerationes Catechetica Novatorum ad quæst.

& resp. viges. octav.

I. *An sufficiat dicere fidem illam, quâ firmiter credimus Deum omnia creasse, & adhuc providentiâ suâ gubernare, eos nobis usus præbere qui hic recitantur: annon necesse sit addere horum nobis illam fidem servare debere ut omnipotentem illum Deum colamus, timeamus, & mandatis ejus cum timore & tremore obtemperemus, ne in omnipotentis Dei ultres manus incidamus.*

Annon addendus usus de cultu Dei?

Resp. Quid verò est patientem esse in adversis, gratum in secundis, benè sperantem de futuris, nisi Deum illum omnipotentem ac in Christo Patrem colere, timere, & mandatis ejus cum timore obtemperare. Tria illa vel præcipua pars sunt cultus, & timoris ipsius; nec postrema aut facillima pars ejus obedientiæ, quam ipse à nobis requirit. Causa autem illorum omnium rectius statuitur paterna Dei pro nobis cura, & erga nos benevolentia, quàm justa ipsius vindicta: quia non est timor, & obedientia servilis, minis aut plagis extorta; sed filialis, ex amore & reverentiâ filiali ultrò præstita.

II. *Cum dicitur nullam creaturam sine voluntate Dei movere se*

Annon etiam
lo untas per-
missiva pec-
cati hic intel-
ligatur.

posse, annon per voluntatem Dei intelligenda sit tum ea voluntas, quâ Deus ipse aliquid vult facere, tum ea, quâ quid vult permittere, in damnum & detrimentum piorum: quandoquidem absolum videatur istis verbis præterea hoc complecti, nullam creaturam sese movere posse ad liberè peccandum adversus voluntatem Dei.

Resp. Ita est, uterque actus voluntatis intelligitur pro diversâ consideratione objectorum. Motus, & judicia ipsa facit, & vult facere; Peccata, quâ peccata permittit, & vult permittere. Creaturæ igitur, etsi liberè se movent ad peccandum, tamen non antè se movere possunt, quam Deus efficere vult ipsarum motus; *Actor.* 17. v. 28. nec ante movere ad peccandum, quam Deus vult permittere peccata ipsarum, *Gen.* 20. v. 3. *seqq. Matt.* 8. v. 32. non etiam ultra peccare quàm ipse vult permittere *Iob.* 1. 2. *capp. Esa.* 10. Quo sensu non absolum, sed veritati maximè consonum dictu est, quòd nulla creatura absque Dei voluntatè ad peccandum se movere possit. Vel falsa erunt hæc Petri Apostoli effata 1. *Epist.* 3. v. 17. *Melius est ut benè agentes, si ita velis Dei voluntas, malis afficiamini, quàm malè agentes.* Et cap. 4. v. 19. *Qui malis afficiuntur ex voluntate Dei, tanquam fideli conditori commendent animas suas benè agendo.*

De

DEO FILIO.

QUÆST. XXIX. Quare Filius Dei appellatur Jesus, hoc est, Salvator.

RESP. Quia nos salvat ab omnibus peccatis nostris; ne ulla salus vel peti aliundè debet, vel alibi reperiri potest.

EXEGESIS.

Talis est prima pars explicationis symboli Apostolici, de Deo Patre: sequitur altera de Deo Filio cujus nomina, persona, & officium, secundum diversos status & gradus ad quæstionem usque LIII. enarrantur.

Filius Dei dicitur.

Iesus.

Hæc quæstione agitur de nomine Jesu, ac notatione ejus. Nomen Ἰησους, Latine *Iesus*, à LXX. Interpp. inclinatum è voce Hebræa, יהושע *Iehosuah*; estque nomen proprium, ut *Jehosuz filii*

filii Nunis, *Ios. 1. v. 11.* & Jehosuz summi sacerdotis Judæorum *Zach. 3. v. 1.* Ex notatione vero est radice *ישע jasha*, servavit, eripuit: quod in Hiphil habet *הושיע hosiah*, salvum fecit. Hoc nomen impositum quidem fuit redemptori nostro ut esset nomen ejus proprium, quo nominaretur, agnosceretur, & ab aliis distingueretur, sicut in circumcissione, *Luc. 2. v. 21.* pro communi Judæorum consuetudine, *Luc. 1. v. 59. 60.* illud accepit. Sed hæc non est propria aut præcipua ejus ratio quæ hic attenditur. Propria autem ratio est ista, quod datum ei fuit, ut esset nota ac symbolum officii mediatorii, ex voluntate Dei suscipiendi & exsequendi. Ideoque nomen illud non temere, aut humano consilio, sed mandato divino ipsi fuit impositum *Matth. 1. v. 21.* Nec in circumcissione demum excogitatum, sed jam in Veteri Testamento typicè præfiguratum, & ante conceptionem virgini Mariæ ab angelo significatum *Luc. 1. v. 31.* Porro notatio nominis ex effecto & adjuncto declaratur, atque ita duabus de causis Jesum appellatum fuisse nostrum mediatorem, docetur. Prior ex effecto est, quia nos salvat ab omnibus peccatis nostris: eaque nititur testimonio divino Angeli *Matth. 1. v. 21.* *Ipse servabit populum suum ex peccatis ipsius:* nec non divino oraculo Prophetæ regii Davidis *Psal. 130. v. 8.* *Ipse redimet Israel ab omnibus iniquitatibus ejus.* Quo loco exprimitur nota universalis, quemadmodum & alibi *1. Joh. 1. v. 7.* *Sanguis Christi Filii Dei purgat nos ab omni peccato.* *Rom. 8. v. 1.* *Nulla est condemnatio iis qui sunt in Christo Iesu.* Servavit autem nos à peccatis duobus modis merito, & efficacia. Merito quia suâ obedientia, passionem, morte ac intercessionem acquisivit nobis reconciliationem cum Deo remissionem peccatorum, justitiam, & vitam æternam *Matth. 20. v. 28.* Et *cap. 26. v. 28.* *Rom. 3. v. 25.* *Gal. 3. v. 13. 14.* *1. Joh. 2. v. 2.* Efficacia quia omnia redemptionis beneficia spiritus sui virtute per fidem nobis confert, applicat, & conservat, *Colos. 1. v. 14.* *Rom. 3. v. 25.* & *cap. 4. v. 25.* *Act. 5. v. 31.* *Eph. 4. v. 11.* *seqq.* & *cap. 5. v. 27.* *1. Joh. 10. v. 28.* illud imprimis efficiens, ut peccatis mortui justitiæ vivamus *1. Petr. 2. v. 24.* Altera ab adjuncto est, quia nec ulla salus aliunde peti debet, nec alibi reperiri potest. Non debet peti, quia placuit Patri, ut omnis plenitudo in ipso habitaret, & ut pace per sanguinem crucis facta per ipsum sibi reconciliaret omnia *Colos. 1. v. 19. 20.* Ipsum proposuit placamentum per fidem in sanguine ipsius *Rom. 3. v. 25.* Et fecit Dominum ac Christum, ad resipiscen-
tiam

ab officio

quia salvat
nos à peccatis.quia nulla salus
extra
eum,

tiam, & remissionem peccatorum, *Actor. 5. v. 31. Nec potest reperiri*: quia non est in alio quoquam salus, nec aliud nomen est sub cælo, quod datum sit inter homines, per quod oporteat nos servari *Act. 4. v. 12.* Summa igitur hæc est: Quod solus sit servator, qui torcular iræ Dei solus calcavit, *Esa. 63. v. 3.* qui tantum est servator, ut præter ipsum non sit alius, *Esa. 45. v. 11.* sicut dicitur *1. Tim. 2. v. 5. 6. Unus est mediator Dei, & hominum, qui dedit semetipsum arbitropro omnibus*: Sic etiam perfectus servator, in quo omnia consummata, & nos completi sumus, perfectâ felicitate *Iohann. 19. v. 30. Col. 2. v. 10. Heb. 10. v. 14.* Et qui servare potest *παρρησιᾶς*, perfectissimè, qui per ipsum accedunt ad Deum; semper vivens, ut interpellet pro nobis *Heb. 7. v. 25.*

*Considerationes Catechetica Novatorum
ad quæst. & resp. viges. nonam.*

An vocetur
Iesus tantum,
quia actu nos
servat?

An Christus tantum vocetur Servator, vel Iesus, quia nos actu servat, & liberat à peccatis, annon & servator vocandus sit, quia salutem peccatoribus impetravit, quanquam salutis illius propter incruelitatem non fiant participes, & actu non servantur, nec à peccatis liberentur.

Resp. Christus tantum vocatur Servator quia nos actu servat à peccatis, *Matth. 1. v. 21.* hoc est, quia nos servat merito, & efficacia, sive tali merito quod non est inefficax, vel tantum efficax pro voluntate hominum, sed quod efficax est in omnibus, & singulis, quorum est meritum, idque secundum æternum, ac immutabile consilium Dei, donantis illud, & applicantis solis credentibus per Spiritum Sanctum *Esa. 53. v. 10.* Impetratio salutis absque applicatione, vel actuali salute eam consequente illusoria est, ignominiosa Deo, ut ante dictum, & post pluribus dicitur.

QUÆST. XXX Creduntne igitur illi in unicum servatorem Iesum, qui à sanctis, aut à se, aut aliundè felicitatem ac salutem quærunt?

RESP. Non: *Et si enim verbo quidem eo servatore gloriantur: reipsâ tamen abnegant unicum servatorem Iesum. Neceesse est enim, aut Iesum non esse perfectum servatorem, aut qui cum servatorem verâ fide amplectuntur,*

eos omnia in ipso possidere, quæ ad salutem requiruntur.

EXEGESIS.

EX præcedenti doctrina de nomine Jesu deducitur porisma Elenchiticum contra Pontificios, qui de nomine servatoris Jesu gloriantur, interim salutem vel totam, vel ex parte quærunt alibi, extra hunc Jesum; aut à sanctis, eorumque intercessione; aut à se, ac operum suorum meritis; aut aliunde, ex indulgentiis, sacramentis, missis, & id genus superstitionibus. De his respondet Catechesis negative; quod non credant in unicum illum servatorem, sed re ipsa eum abnegent, utut verbo de eo glorientur. Fides enim non oris, sed cordis est *Rom. 10. v. 9. 10.* Et sincera ejus professio non ex nudo nomine, sed ex veritate doctrinæ, & ipso facto æstimatur *Tit. 1. v. 16.* Hæc responsio conformis est sententiis Apostolicis *1. Corinth. 1. v. 13.* *Quid? num dispersit est Christus? num Paulus pro vobis crucifixus est? aut in nomine Pauli baptizati estis? Galat. 5. v. 4. Facti estis inanes Christi, & gratia excidistis quicumque per legem justificamini,* id est, justitiam, aut aliquam ejus partem quæritis ex operibus legis. Sed Catechesis rationem negationis concludit syllogismo disjunctivo primi modi: Aut Jesus non est perfectus servator: aut omnia ad salutem pertinentia in ipso reperiuntur. At non omnia ad salutem pertinentia reperiri in Christo credunt Pontificii, ut qui à sanctis, aut à se, aut aliunde, felicitatem & salutem quærunt. Ergo iidem credunt Jesum non esse perfectum servatorem.

QUÆST. XXXI. Quare appellatur Christus, hoc est unctus?

RESP. Quod à Patre ordinatus, & Spiritu Sancto unctus sit summus Propheta & doctor, qui nobis arcanum consilium, & omnem voluntatem Patris, de redemptione nostræ, patefecit: & summus Pontifex, qui nos unico sacrificio sui corporis redemit, assidueque pro nobis apud Patrem intercedit: & Rex, qui nos suo verbo, & Spiritu gubernat, & partem nobis salutem tuetur ac conservat.

E X E G E S I S.

Dicitur
Christus.

Quemadmodum nomen proprium redemptoris est Jesus: ita cognomen appellativum est *Christus*, eoque non nomen, sed appellatio, ut notat Tertullianus *adversus Praxeam*. Est autem Christus, *χριστός*, vox Græca, à *χρίω* ungor, respondens Hebræo משיח *Maschiach*, quod Græce effertur *Messias*, à radice משה *maschach*, unxit. Quæ voces ut synonymæ conjunguntur explicationis gratiâ *Iohan. 1.v.41. & cap. 4.v.25.* Et licet utraque appellatio aliis quoque communis sit propter officium, Jesu tamen καὶ ἱερεὺς, & cum articulo in utroque Testamento tribuitur, *Psal. 2.v.6. Daniel. 9.v.25.26. Iohan. 1.v.41. & cap. 20.v.31.* qui est Messias Messiarum, & Christus Christorum *Psal. 105.v.15.* Totum etiam Evangelium occupatur in demonstranda hac propositione, quod Jesus sit Christus, hoc est, ille in Veteri Testamento promissus Messias *Ioh. 20.v.31.* Quo nomine notissimum olim fuisse mundi servatorem, vel unius Samaritanæ confessione constare potest *Ioh. 4.v.25.* Ratio igitur nominis consistit in adjuncto personæ Mediatoris, quod ipse sit unctus, hoc est, persona destinata officio Mediatorio, & ad illud exsequendum donis necessariis divinitus instructa. Hujus unctionis Causa efficiens, Partes integrantes, & Finis, in responsione ordine declarantur.

ad adjuncto,
Unctione.

cujus,

Efficiens
Deus Pater.

Efficiens est Deus Pater, qui Jesum unxit in mediatorem, ac servatorem mundi. Id ipse de se testatur Psal. 2.v.6. Ego inunxi regem meum super Sionem. Filius etiam de Patre prædicat: Esa. 61.v.1. Luc. 4.v.18. Iehova, hoc est Deus Pater unxit me ad Evangelizandum mansuetis, &c. Nec enim ipse sibi tribuit honorem, ut fieret Pontifex, sed is qui dixit ei, Filius meus es tu, &c. Heb. 5.v.6. quæ causa est quod Christus vocationem suam ubique ad Patrem refert, Iohan. 5.v.36. & cap. 7.v.28. & cap. 10.v.25. eundemque primum redemptionis principium statuit, Ioh. 3.v.18. & alibi.

Partes.

Partes unctionis duæ sunt: Ordinatio ad officium mediatorium; & Unctio specialiter sic dicta, sive donorum ad id necessariorum collatio: quarum utraque communi unctionis vocabulo in Scriptura significatur, ut id multi negent. Prior, Prov. 8.v.23. Ante seculum inuncta sum, scil. in Regem & gubernatorem mundi, hoc est ordinata Psal. 2.v.6. Ego inunxi regem meum super Sionem, id est, ordinavi Christum in regem Ecclesiæ. Esa. 61.v.1. Iehova unxit me ad Evan-
geli-

gelizandum, id est, misit me, prout ipse explicat. *Posterior*, Psalm. 45. v. 8. *Unxit te, o Deus, Deus tuus oleo lætitiæ supra consortes*, Actor. 10. v. 38. *Iesum Nazarenum unxit Deus Spiritu Sancto, & potentia, &c.* Distinguuntur autem hæ partes Ordine, & Subjectis recipientibus. *Ordinatio* est prima ac præcipua unctionis pars, propter quam facta est promissio, & collatio donorum; sicut dicitur Johan. 3. v. 34. *Ei quem misit Deus, non admetitur Spiritum.* Propter quod autem unum quodque tale est, illud magis tale est. Illa ad utramque naturam mediatoris; hæc ad alteram tantum, hoc est, ad solam ejus humanitatem pertinet. *Ordinatio* est designatio, & destinatio Christi ab obeundum munus mediatorium; quæ terminis synonymis ejus Missio, Vocatio, Sanctificatio appellatur Johan. 10. v. 36. Hujus gradus tres in Scriptura notantur: Præcognitio facta à Deo jam inde ab æterno 1. Pet. 1. v. 20. 2. *Timoth.* 1. v. 10. Missio facta in plenitudine temporis, Galat. 4. v. 4. cum Deus manifestaretur in carne 1. *Timoth.* 3. v. 16. Et solennis Inauguratio in Baptismo, cum cœlitus clamaret Pater; *Hic est filius ille meus dilectus in quo acquiesco Matth.* 3. v. 17. *Unctio* specialiter sic dicta, est donorum ad muneris mediatorii administrationem necessariorum collatio; sive effusio donorum Spiritus Sancti super Christum, qui propterea Spiritu Sancto, id est, singularibus gratiæ donis, Actor. 10. v. 38. Johan. 3. v. 34. tanquam oleo lætitiæ, Psalm. 45. v. 8. unctus fuisse dicitur. Et si verò absolutè, & in se dona illa finita fuerunt, sicut & ipsa Christi humana natura finita est, manet in æternum: nostri tamen respectu sunt absque mensura, Psalm. 45. v. 8. Johan. 3. v. 34. ut qui ex eorum plenitudine accipimus gratiam pro gratia Ioh. 1. v. 16. Hujus unctionis etiam tres sunt gradus. Sanctificatio humanæ Christi naturæ in utero virginis; Luc. 1. v. 35. Incrementum donorum cum crescente ætate acceptum; cap. 2. v. 40. 52. Et eorum plenitudo in Baptismo ipsi collata, & requie columbæ super ipso adumbrata Matth. 3. v. 16. 17. Ex quo tempore Spiritus Jehovæ plenissime & efficacissime super ipso requievit; Esa. 61. v. 1. factus ipsi Spiritus sapientiæ, & intelligentiæ; Spiritus consilii, & potentiæ; Spiritus scientiæ & reverentiæ Jehovæ, ut est Esa. 11. v. 2.

Finis unctionis triplex indicatur: siquidem ordinatus à Patre & Spiritu Sancto unctus fuisse dicitur, ut esset *Propheta, Sacerdos, ac Rex noster.* Quemadmodum olim in Veteri Testamento hi tres hominum ordines, tanquam typi ipsius ad munus suum unctione

ctione sacri olei consecrabantur: ordinarie quidem summi sacerdotes, *Exod. 29. v. 29. & Reges, 1. Sam. 9. v. 16. & cap. 16. v. 12.* extra ordinem vero Propheta Elisæus, *1. Reg. 19. v. 16.* nimirum ut Prophetici quoque muneris Christi figura aliqua exstaret. Hinc triplex Christi officium constituitur; *Propheticum, Sacerdotale, Regium;* Quæ membratim totum munus mediatorium complectuntur: ipsi vero in una indivisa persona diversis relationibus conveniunt. Horum singula à suis quibusdam *ἀποδείξεις*, sive propriis effectis describuntur: quæ tamen alibi copiosius explican-

Propheticum tur. *Propheticum* describitur à patefactione arcani, consilii, ac voluntatis Patris, de nostri redemptione: de qua ita Baptista Johan. 1. v. 18. *Deum nemo videt unquam, filius ille unigenitus, qui est in sinu patris ipse nobis revelavit.* Et servator noster cap. 15. v. 15. *Omnia quæ audiivi à Patre, patefeci vobis.* Hæc patefactio voluntatis divinæ non solum cum singulari autoritate, *Matt. 6. v. 28. 29. Luc. 4. v. 22. Joh. 7. v. 46.* sed etiam cum interna illuminatione mentium ad fidem conjuncta fuit, *Matth. 16. v. 16. Luc. 24. v. 45. Johan. 6. v. 45. 68.* ejusque respectu Christus *καὶ ἐξουσία* *Propheta* vocatur *Deut. 18. v. 15. 18.*

Sacerdotale. *Alt. 3. v. 22. 23.* *Sacerdotale* describitur à gemino actu, sive effectū: quorum alter est oblatio corporis & sanguinis sui, in precium redemptionis, pro peccatis nostris semel facta *Hebr. 9. 10. capp. Matt. 20. v. 28. 1. Petr. 1. v. 18. 19.* Alter, intercessio pro nobis apud patrem in cælis, *Heb. 7. v. 25. cap. 9. v. 24.* quæ tamen, modo licet diverso, jam ante in terris inchoata fuerat *Joh. 17. Heb. 5. v. 7.* Utrumque actum pulcre non jungit Johannes 1. epist. 2. v. 1. 2. *Advocatum apud patrem habemus Iesum Christum, qui est propitiatio pro peccatis nostris.* Et Paulus *Rom. 8. v. 39.* *Christus est, qui mortuus est, imo vero qui etiam suscitatus est, qui etiam est ad dextram Dei, qui etiam interpellat pro nobis.* Hujus officii respectu Christus, vel absolute Pontifex, Sacerdos, *Heb. 3. v. 1. cap. 8. v. 1. 4.* vel cum adjectione, sacerdos secundum ordinem Melchisedec *Psal. 110. v. 4.* appellatur. *Regium* similiter à duobus effectis describitur; quæ sunt Gubernatio Ecclesiæ per verbum & spiritum, sic nimirum ut foris verbo significet voluntatem suam, intus per Spiritum Sanctum vires eam præstandi largiatur *Pf. 110. v. 2. & 119. v. 105. Jerem. 31. v. 33. Psal. 143. v. 10.* Et ejusdem protectio ac defensio contra omnis generis hostes, spirituales & corporales *Johan. 10. v. 27. Matt. 16. v. 18. Rom. 8. v. 31. 35. 38.* Ab hoc munere ipse Rex, *Psal. 2. v. 6. Zach. 9. v. 9. Princeps, Ezech. 37. v. 35.*

Regium.

Princeps Regum terra, Apoc. 1.v.4. Rex Regum, & Dominus Dominantium cap. 19.v. 16. denominatur. Regnum vero ipsius non mundanum, Iohan. 18.v. 36. sed cœleste, 2. Timoth. 4.v. 18. & Spirituales Luc. 17.v. 21. esse docetur.

*Antitheses Catechetica Socinianorum
ad quæst. & resp. trigef. primam.*

Munus Christi in eo consistit, quod est Propheta, Rex & Sacerdos noster. Propheta est, quatenus nobis voluntatem Dei de nostra salute tum perfecte manifestavit, tum plenè confirmavit absoluta vitæ innocentia, miraculis admodum magnis & innumeris, & ipsa morte. Rex est, quatenus Deus eum suscitatum à mortuis, & in cælos assumptum à dextris suis collocavit, data ei omni potestate in cælo, & in terrâ, ut fideles suos gubernare, tueri, & æternum servare possit. Sacerdos est, quatenus nobis subvenire vult, ac porro subvenit, sicut, ut Rex, potest nobis subvenire. Et hæc subveniendi, & opis afferenda ratio sacrificium ejus appellatur.

Responsio.

In explicatione muneris Christi, nudis nominibus nobiscum conveniunt hæretici Sociniani: re autem, & genere doctrinæ toto cælo à nobis dissident, sive munus illud in genere, sive etiam in specie consideremus. *In genere*; persona mediatoris, in qua gerit hoc munus, nobis est Θεὸς ὁ υἱος, Colof. 2.v. 2. Phil. 2.v. 6. seqq. sive Immanuel, Deus nobiscum, id est, in carne nostra Matth. 1. v. 23. 1. Timoth. 3.v. 16. Ipsi est υἱὸς ἀνθρώπου, nudus homo, vel homo divinus absque Deitate. Nobis Christus ante sacerdos est, quàm Rex, ante exinanitus ad mortem in actu sacerdotii, quàm exaltatus ad actus gloriosos regni sui Luc. 24.v. 26. Phil. 2.v. 8. 9. 10. Ipsi ante Rex, quàm Sacerdos. *In specie* omnes partes muneris mediatori evertunt, & in singulis multos, ac graves errores admittunt. I. Errant in *Prophético* Christi munere, quatenus docent ipsum in tempore demum didicisse Dei voluntatem, non ab æterno scivisse: item, aliis revelare hanc voluntatem externo ministerio, non interna virtute Deitatis suæ: item innocentiam vitæ ipsius, ac mortem crucis, vel solum, vel præcipue ad confirmandam veritatem doctrinæ directam fuisse. II. Errant in munere *Sacerdotali*, dum illud cum regno Christi multis modis confundunt. Negant Christum sacerdotio in terris functum esse, abolent propitiatorium

Sociniani errant circa Munus Christi.

1. in genere,

2. in specie quoad propheticum,

sacerdotale,

Regium.

rium ejus sacrificium pro peccatis, ac in hujus locum solam opituli voluntatem, contra totius Scripturæ consensum, substituunt. III. Errant in munere *Regio*, ut qui duos ejus actus, gubernationem, & defensionem Ecclesiæ non rectè definiunt, & post abdicationem regni œconomici & mediatorii, ultimo die futuram, I. *Corinth.* 25. v. 28. Christum regno, & regiâ potestate destituunt. Horum errorum Elenchum & indicem hic loci proposuisse satis est: Refutatio sequetur suo ordine, ubi ad statum exinanitionis, & exaltationis Christi, in quibus diversimodè functus est munere mediatorio, deventum fuerit.

QUÆST. XXXII. Cur verò tu Christianus appellaris?

RESP. *Quod per fidem membrum sum Iesu Christi, & unionis ipsius particeps, ut & nomen ejus confitear, meque sistam ipsi vivam gratitudinis hostiam, & in hac vita contra peccatum & Satanam, libera, & bona conscientia pugnem, & postea æternum cum Christo regnum in omnes creaturas teneam.*

EXEGESIS.

Fideles dicuntur Christiani.

ab adjunctis

unionem cum Christo.

EXpositioni nominis Christi commode subjicitur nomen conjugatum *Christianus*, ac si à Messia, Missianum dicas. Sic primum appellati sunt fideles Antiochiæ, *Actor.* 11. v. 26. cum ante discipuli vocarentur, à quo tempore hoc potissimum nomine innotescere cœperunt cœtus profitentium Christum, in & extra Judæam per totum orbem; quemadmodum ex scriptoribus sacris; Luca, *Actor.* 26. v. 22. Petro, I. *epist.* 4. v. 16. & prophanis; Suetonio, Tacito, Plinio, & aliis constat. Ratio nominis sumitur ex adjunctis; Unionem cum Christo per fidem; & quæ ex ea pendet communionem cum ipso in donis Spiritus Sancti. I. Uniti, conjuncti Christo sumus per fidem, ceu membra capiti: *Ephes.* 3. v. 17. *Per fidem habitat Christus in cordibus nostris* cap. 5. v. 30. *Membra sumus corporis ejus, ex carne ejus & ex ossibus ejus.* I. *Corinth.* 6. v. 15. *An ignoratis corpora vestra esse membra Christi.* *Rom.* 12. v. 5. *Multi sumus unum corpus in Christo* cujus ipse caput est: *Ephes.* 4. v. 14. Merito igitur quod capitis est, membris certa analogia tribuitur. II. Sumus unionis

nis ipsius participes. Sic enim Johannes 1. epist. 2. v. 27. *Vos unctio-*
nem habetis à sancto illo perfectam, & nôstis omnia. Item *unctio quam* ^{participatio-}
vos accepistis ab eo, manet in vobis. Et Paulus 2. Corinth. 1. v. 20. *Deus* ^{ne unctio-}
est qui confirmat nos in Christum, & unxit nos. Nec id mirum. Chri-
 stus enim non accepit Spiritum Sanctum ad mensuram, sed eâ
 plenitudine, ut ex ipso omnes accipiamus gratiam pro gratiâ, *Ioh.*
1. v. 16. ut ex ipso tanquam capite, in nos ejus membra gratiæ Spi-
 ritualis magnâ copiâ defluant *Tit. 3. v. 6.* planè sicut sacrum oleum,
 in caput Aaronis effusum, in barbam ipsius, oramque vestium
 destillabat *Psal. 133. v. 2.* Non mirum ergo & hoc, si in aliquam ^{que decla-}
 nominis Christi communionem veniamus. Utraque porro tum ^{rantur simi-}
 unio, tum communio cum Christo, declaratur ex fine triplici, simi- ^{litudine nu-}
 litudine quâdam respondente triplici ejus officio. Quemadmo-
 dum enim ipse unctus est in Prophetam, Sacerdotem, & Regem:
 ita nos unctio-ⁿis suæ participes effecit, ut essemus Prophetæ, Sa-
 cerdotes, & Reges Deo nostro *Apoc. 1. v. 10.* Essemus genus ele-
 ctum, regale, sacerdotium, gens sancta, populus quem sibi Deus
 ut proprium vendicat *1. Petr. 2. v. 9.* Quorum officiorum singula
 propriis actibus, sive effectis explicantur. *Propheticum* est, con- ^{propheticæ.}
 gressio Christi nominis ad conversionem & confirmationem proxi-
 mi *Mat. 10. v. 32. 33. Marc. 8. v. 38. 1. Pet. 3. v. 15. Luc. 22. v. 32. Sa-* ^{sacerdotalis,}
cerdotale est, victimarum spiritualium oblatio, in testimonium grati-
 tudinis: sive illæ consistant in mortificatione carnis, *Rom. 12. v. 1.*
seqq. Psalm. 51. v. 19. sive in Dei laudibus, & erga proximum benefi-
 centia, *Heb. 13. v. 15. 16.* sive etiam in martyrio pro Christi nomine
2. Timot. 5. v. 7. Iohann. 21. v. 19. Regium est, partim pugna spiritualis ^{regii,}
 in hac vitâ: quæ ex objectis suis diversi generis hostibus, *Ephes. 6. v.*
14. seqq. 1. Pet. 5. v. 9. atqui etiam ex formâ, sive modo, *1. Timoth.*
1. v. 18. explicatur; partim æterna dominatio in omnes creaturas,
 quam in alterâ vitâ cum Christo obtinebimus *Luc. 22. vers. 22.*
1. Corinth. 3. vers. 21. & cap. 6. v. 2. 3. 2. Timot. 2. v. 12. Apoc. 2. v. 26.
27. & cap. 3. v. 21. & cap. 5. v. 20.

Considerationes Catechetica Novatorum,
ad quæst. & resp. trigés. secund.

I. *An vera & propria causa, ob quam Christiani vocamur sit hæc,*
qua hic assignatur, quod per fidem membra sumus Iesu Christi; & unctio-ⁿis
ipsius <sup>Annon Chri-
 stiani voce-
 mur, quia nos
 Christi disci-
 pulos profi-
 temur?</sup>

ipsius participes: & non potius, quia publicè profiteamur nos esse Iesu Christi discipulos, & sectatores, juxta illud Act. 11. v. 26.

Resp. Si vera & propria causa, cur Iesus appellatur Christus, est ejus unctio, non potest esse alia causa ob quam nos ab ipso denominamur Christiani; nisi communio, sive participatio unctio- nis ipsius. Nam positâ causâ sequitur effectus: & admisâ conve- nientiâ rei, negari non potest convenientia nominis. *Act. 11.* solum narratur discipulos Antiochiæ dictos fuisse Christianos. Ratio nominis nulla redditur, quàm hîc Catechesis rectè declarat.

In quas crea-
turas regna-
turi sumus?

*II, Quid significetur per illas creaturas, in quas cum Christo æ-
ternum regnaturi dicimur?*

Resp. Id verò ex allegatis Scripturæ testimoniis obscurum non est. Creaturæ illæ sunt, tum hostes Ecclesiæ, Diaboli, & omnes infideles, consentientibus Christi & fidelium judiciis æter- num damnandi; *Luc. 22. v. 29. 30. i. Corinth. 6. v. 2. 3.* tum cælum novum, & terra nova, quæ instaurata à corruptione, & ab omni vanitate vindicata, *Rom. 8. v. 20. 21.* subicientur, & servient fide- libus *i. Cor. 3. v. 21. 22. Apoc. 5. v. 10.*

Quæst. XXXIII. Quam ob causam Christus vocatur filius Dei unigenitus, cum nos quoque simus filii Dei?

Resp. *Quia solus est coæternus, & naturalis æterni patris filius: nos autem propter eum, ex gratiâ, à patre ado-
ptati sumus.*

EXEGESIS.

Sequuntur duo alia cognomina sive appellationes Christi Iesu Servatoris nostri, cum *Filius unigenitus Dei Patris*, ac noster *Do- minus* vocatur. De priore hic quæritur. Certum est hoc epitheton ipsi soli attribui in Scriptura. Sic enim Johannes cap. 1. v. 14. *Vi- dimus gloriam ejus, gloriam ut unigeniti à Patre*, id est, qualis unigeni- tum Dei decebat ad demonstrandam suam Deitatem. Nam par- ticula *ut*, non similitudinis, sed causæ nota est, rei ipsius veritatem exprimens. Et paulo post vers. 18. *Deum nemo vidit unquam; filius ille unigenitus, qui est in sinu patris, ipse nobis revelavit.* Et ipse Christus

cap. 3.

cap. 3. v. 16. Sic Deus dilexit mundum, ut filium suum unigenitum daret, &c. Quibus similia sunt cætera dicta v. 18. & 1. Iohan. 4. v. 9. Cum verò etiam nos sumus, & vocemur Filii Dei, prout quæstione XXVI. demonstratum est, quæritur hoc loco, quomodo Christus dicatur unigenitus Dei Filius. In quæstione talis est Obje-ctio: Nos etiam sumus filii Dei, Ergò Christus non est filius Dei unigenitus. Vel plenius sic: Qui habet fratres non est unigenitus. Christus habet fratres: Nam & nos sumus filii Dei. Ergò Christus non est unigenitus. Respondetur distinctione filiationis Christi, & nostræ. Aliter Christus, aliter nos filii Dei sumus. Solus Christus est coæternus, ac naturalis æterni patris filius: Nos sumus filii Dei propter Christum, ex gratiâ à patre adoptati; Duplex igitur inter Christum & nos filiationis discrimen consti-tuitur.

Discrimen fi-
liationis di-
vinæ inter
Christum &
nos.

Unum est in causâ procreante (si modò fas, ita hîc loqui) Christus est naturalis Dei filius, ex naturâ, sive essentiâ patris ge-nitus, per ejus communicationem *Psal. 9. v. 7. Filius meus es tu, ego hodie genui te.* Quæ verba de Christo interpretantur discipuli in *Actis cap. 4. v. 25. 26.* Et Apostolus *Hebr. 1. v. 5.* Item *Iohan. 5. v. 26.* Sicut Pater habet vitam in se ipso, ita dedit filio habere vitam in se ipso. Hinc pater dicitur *id. 3.*, proprius pater Christi, *Iohan. 5. v. 18.* Christus vicissim *id. 3.*, & proprius ejus filius; *Rom. 8. v. 32.* cujus-
modi alieno quod est extra rem, vel saltem ad essentiam rei non
pertinet, opponitur *Act. 3. v. 12.* Nec aliam ob causam filius Dei
viventis vocatur *Matt. 16. v. 16.* Quia proprium est viventium,
gignere sibi simile in essentiâ. Ex quibus porrò sequitur Chri-
stum esse Filium coessentialem, & coæqualem patri. Coessentialis
est, quia pater communicavit ipsi essentiam, ut una & eadem
sit essentia in patre, & filio, & illa sit utrique communis *Iohan. 5. v.*
26. cap. 16. v. 15. Item, quia pater & filius essentiæ respectu unum
sunt *Iohan. 10. v. 30.* Et *Iohan. 5. v. 7.* Coequalis est: Nam ipse docet
Deum ita esse proprium suum patrem, ut se faciat ei æqualem
Ioh. 5. v. 18. Apostolus quoque in formâ Dei æqualem fuisse Deo
claris verbis asserit *Phil. 2. v. 6.* Nos contra non sumus naturâ filii
Dei, quia potius naturâ sumus filii iræ *Ephes. 2. v. 3.* Sumus autem
filii Dei adoptione, ex hostibus ac inimicis ejus, *Rom. 5. v. 6. 10.*
in filios adoptati. Sicut scriptum est *Galat. 4. v. 4. Deus emisit filium*
suum, factum ex muliere, factum legi obnoxium, ut adoptionem filiorum
Dei

1. quoad cau-
sam.
Christus fili-
us Dei per
generatio-
nem.

adeoque Pa-
tri
coessentialis

coequalis.

Nos filii Dei
per adoptio-
nem.

*Dei reciperemus. Eph. 1. v. 5. Prædestinavit nos, quas adoptaret in filios. Rom. 8. v. 15. Accepistis Spiritum adoptionis, per quem clamamus Abba Pater. Hęc tamen adoptio generationi filii Dei analogiâ quâdam, ac similitudine respondet: Unde etiam filii adoptivi dicuntur esse ex Deo geniti, Ioh. 1. v. 13. 1. Ioh. 3. v. 9. Sicut enim filius naturalis ex essentiâ patris genitus, Iohan. 1. v. 14. 18. cap. 5. v. 26. Ita filii adoptivi gignuntur ex semine Dei, hoc est, ex verbo ipsius, 1. Pet. 1. v. 23. & sermone veritatis, Iacob. 1. v. 18. Et sicut ille naturam patris refert, tanquam essentialis ejus imago, Colof. 1. v. 15. ut qui ipsum videt, videat & patrem, Iohan. 14. v. 9. Ita hi sunt imago Dei accidentalis, qui instaurati ad ipsius imaginem, Ephes. 4. v. 24. tum participatione naturæ, hoc est, qualitatum divinarum, 2. Pet. 1. v. 4. tum imitatione operum divinorum, Luc. 6. v. 36. Matth. 5. v. 45. Deum, patrem suum, repræsentant. Cæterum nec causæ hujus adoptionis prætereundæ sunt, quæ in Catechesi indicantur. Sunt autem duæ. *Impulsiva interna* est Gratia Dei, sive *inclinatio* illa, qua nos complexus est in Christo, Ephes. 1. v. 5. de quâ ita Johannes 1. epist. 3. v. 1. *Videte qualem charitatem dedit nobis pater ut filii Dei vocemur.* Et Evangelii sui cap. 1. v. 12. *Dedit credentibus iherosolymis, id est, gratiam, dignitatem, ac prærogativam filiorum Dei.* Jacobus autem cap. 1. v. 18. *θελωνς* i. e. *volens*, sive voluntariè progeniit nos *sermone veritatis*, quæ voluntas ipsius *φύσει*, sive naturæ, qua ipse Deus est, & genuit filium, opponitur Galat. 4. v. 8. *Externa* est Christus, ejus satisfactio, & meritum, quia adoptavit nos in filios per Christum. Eph. 1. v. 5. Et Christus tum adoptionem, Galat. 4. v. 4. tum Spiritum adoptionis, Galat. 3. v. 14. Rom. 8. v. 15. nobis acquisivit. Ut non immerito tota familia filiorum Dei, in cælis & in terrâ, ex ipso, tanquam primogenito inter multos fratres, nominetur. Eph. 3. v. 5.*

Adoptionis
causæ,

Gratia Dei,

Christus e-
jusque meri-
tum.

2. quoad ad-
iunctum du-
rationis.
Christus est
Filius Dei æ-
ternus.

Alterum est in adjuncto durationis. Christus non cœpit aliquando esse filius Dei, sive in Veteri, sive in Novo Testamento: sed semper fuit filius Dei. Est filius coæternus, æterni patris, ut, quemadmodum Pater est æternus pater, sic ipse sit æternus filius. De quo dicta sunt, Proverb. 8. v. 22. 23. *Iehova possidebat me principio via sua, ante opera sua, ante ullum tempus.* Mich. 5. v. 2. *Exortus ejus est inde à principio, à diebus seculi.* Joh. 1. v. 1. 3. *In principio erat sermo; & omnia per eum facta sunt.* Cap. 17. v. 5. *Glorifica me, pater, apud temet ipsum, eâ gloriâ, quam habui apud te priusquam mundus esset.* Nos vero non

non sumus æterni filii, ut qui in tempore demum exsistere cœpi-
mus, non minùs quàm aliæ creaturæ: nec semper fuimus filii Dei, Nos in tem-
pore cœpi-
mus. quia eramus filii iræ naturâ, *Ephes. 2.v.3.* Facti autem sumus filii
per fidem in Christum, *Ioh. 1.v.12.13.* ex quo videlicet in ipsum cred-
didimus. Verum quidem est, nòs jam ante jacta mundi funda-
menta ad hanc filiationem prædestinatos fuisse, *Ephes. 1.v.5.* sed
illa decreti est in Deo, non executionis aut exsistentiæ in ipsis
creaturis.

Utrumquæ hoc discrimen; inter Christi & nostram filiationem, vehementer illustrat phraseologia Scripturæ, cum de ipso, Filiationis
discrimen ex
Scripturâ
probatur. ut unigenito Dei filio; de nobis, tanquam de filiis adoptivis lo-
quitur. I. Deus est, & vocatur credentium pater, *Esa. 63.v.16.*
Tu pater noster es; quamvis Abraham nescit nos, & Israel ignorat nos,
Iehova pater noster, &c. Ut autem constaret, quod aliâ ratione sit
pater Domini nostri Jesu Christi, aliâ ratione noster pater, dicitur
Ioh. 5.v.18. *Πατήρ ὁ θεὸς ἔλεγε τὸν θεόν:* Cujus vocis vim & *ἐν φωνῇ*
exprimunt Judei, cum addunt, *aqualem se faciens Deo.* II. Deus
etiam credentes appellat filios suos, *2. Corinth. 6.v.18.* *Vos eritis mi-*
hi pro filiis, ac filiabus: Sed ideo de *υιοθεσίᾳ*, sive gratuitâ adoptione in-
terpretatur Scriptura *Ephes. 1.v.5. Iohan. 1.v.12.* Cum naturâ sumus
filii iræ, sicut & cæteri *Ephes. 2.v.3.* De Christo autem dicit Pau-
lus, *Proprio filio non pepercit Deus Rom. 8.v.32.* III. Credentes
quoque dicuntur nati ex Deo, *Iohan. 1.v.13.* Verum Scriptura ra-
tionem illius generationis disertè explicat. *Iacob. 1.v.18.* *Volens,*
sivè voluntariè progeniuit nos sermone veritatis. Et *1. Petr. 1. vers.*
3. *Ex multa misericordiâ regeniuit nos.* Item *vers. 23.* *Regeniti ex*
semine incorruptibili, per sermonem Dei. De filio vero dicit, *Iohan. 1.*
v.14. quod sit unigenitus à Patre, quia ex essentia Patris genitus est.
Item, quod dederit ipsi pater habere vitam in se ipso, *Iohan. 5.v.26.*
IV. Cum credentes dicuntur filii Dei, nullum attributum verè
divinum, solius Dei proprium de ipsis enunciatur. De Christo
vero unigenito illo Patris multa hujusmodi prædicat Scriptura;
ut, cum dicit esse æqualem patri, *Iohan. 5.v.18. Phil. 2.v.6.* Filium
scrutari corda & renes, *Apoc. 2.v.23.* omnia per ipsum condita es-
se, *Colos. 1.v.16.17.* portari verbo ejus potente, *Heb. 1.v.3.* & quæ
sunt hujus generis alia.

*Antitheses Catechetica Socinianorum
ad quæst. & resp. trigef. tertiam.*

Antithesis. I.

Appellatio unigeniti non evincit, filium Dei ex essentiâ Patris genitum esse. I. Quia aliud significat in Scripturâ: Nam & Isaac appellatur unigenitus Abrahæ, Genel. 22. v. 2. 12. Hebr. 11. v. 17. cum tamen & Ismaël esset ejus filius, & quidem tum vivens. II. Quia testatur Scriptura unigenitum illum ac proprium Dei filium mortuum esse Joh. 3. v. 15. 16. Rom. 5. v. 10. & cap. 8. v. 23. Sed mori non potuit substantia illa divina quæ in Christo fuit. Ergo non divina, sed humana substantia est filius Dei unigenitus. III. Quia generatio in Deum nullo modo cadit, tum quia indignum Deo, more animantium sibi similem generare in essentiâ: tum quia id pugnat cum aternitate, & immutabilitate Dei; cum sui similis generatio propterea suscipiatur in naturâ, ut genitum in locum generatis quodammodo succedat, ad conservationem speciei. Etsi Christus filius ille Dei ex essentiâ patris genitus fuisset, aut partem essentiæ sumisset, aut totam. Essentia partem sumere non potuit, eo quod impartibilis sit divina essentiâ: neque totam cum sit una numero, ac proinde incommunicabilis. Sequitur ergo Christum ex essentiâ Patris non fuisse genitum.

Responsio.

Confutatio
objectionum

primæ.

secundæ.

Firmam esse probationem æternæ generationis Filii à Patre quæ ex epitheto unigeniti deducitur, in exegesi quæstionis ostendimus. Proximum igitur illud est, ut, quæ contra obijciunt adversarii, paucis consideremus, & confutemus. *Prima* objectio inconsequens est, ut quæ ex puris particularibus concludit. Imperitineus quoque propter dissimilitudinem exemplorum. Isaac dicitur unigenitus Abrahæ non simpliciter, quia jam antè ex Agara susceperat Ismaëlem; & post ex Keturâ alios quæsitit liberos: Sed secundum quid, & Saræ respectu, ex quâ solum Isaacum vi promissionis adeptus erat. Christus autem simpliciter, & absolute unigenitus Dei vocatur, qui solus est Dei filius, & præter quem non potest esse alius *Heb. 1. v. 4. 5.* *Secunda* habet fallaciam quatuor terminorum, ex confusione abstracti & concreti. Sane mortuus est proprius Dei filius, sed non secundum utramque naturam,

turam, in quibus consistit; nec secundum illam naturam, à quâ proprius Dei filius denominatur: verùm assumptæ humanitatis respectu; quomodo hanc, & similes alias propositiones ipsa Scriptura limitat, & explicat 1.Petr. 3.v.18. & 2.Corint. 13.v.4. *Tertia* nimis manifestâ μεταβάσει ἐς ἄλλο γίνεσθαι impingit ac deficit. *tertix*, Frustra divinam illam, & plus quàm supernaturalem generationem cum physicâ generatione conferunt, & ad eam examinant. Aliæ sunt viæ Dei, quàm viæ nostræ, cogitationes Dei, quàm cogitationes nostræ Esa. 55.v.8.9. Gignit Deus sibi similem in essentiâ, quia filium genuit sibi coëssentialem, Psal. 2.v.7. Iohan. 5.v. 28. & .cap. 10.v.30. sed non gignit more animantium, ut qui spiritalis est essentiæ, Iohan. 4.v.24. hoc est, non gignit ex se materialiter, quia expers est omnis materiæ, purus, & simplex actus; nec extra se terminativè, quia genitum non est extra gignentem, sed in eo, Iohan. 14.v.10. & cum eo subsistit in unâ indivisâ essentiâ: cap. 10. v. 30. non etiam ad propagationem, & conservationem speciei, quæ non magis datur in divinis, quam dari possunt plures Dei Deut. 6.v.4. & c. 32.39. Dilemma hæreticum altero cornu non ferit, sed labascit. Totam essentiam Pater communicavit filio in generatione Joh. 16.v.15. *Omnia quacunque pater habet, mea sunt.* Et cap. 4.v.26. *Sicut pater habet vitam in se ipso, Sic dedit filio habere vitam in se ipso:* totam utique non aliquam ejus partem, nisi velint hæretici, etiam Patrem duntaxat partem ejus habere. Nihilominus est, & manet una numero essentia, quia Pater, & Filius sunt unus numero Deus, ut est Iohan. 10. v. 30. 1. Iohan. 5.v.7. hoc vero est mysterium mysteriorum, quod ridet humana ratio, fides autem in verbo revelatum adorat.

Dilemma Socinianum refellitur.

Antithesis. II.

Communiter & in genere Christus filius Dei appelletur, non quòd sit alius natura, aut filiationis, quàm ceteri Dei filii, angeli & homines, sed quod inter omnes excellentissimus sit, & præstantissimus, quales erant primogeniti in Veteri Testamento: Isaac in familia Abraham: Tribus Iudæ ob delatum sibi principatum inter reliquas tribus. In specie autem quinque causa notari possunt ex Scripturâ, ob quas filius Dei vocatur, & in quibus excellentia filiationis ipsius consistit. Prima est conceptio Christi ex Spiritu Sancto, quæ est generatio ipsius ex Deo plane singularis Luc. 1.v.

Spiritus Sanctus superveniet in te, & virtus altissimi inumbrabit te, propterea etiam, quod nascetur ex te sanctum, vocabitur filius Dei. *Secunda est sanctificatio Christi, qua ipse fuit à Patre sanctificatus, hoc est, copiose nactus Spiritum Sanctum, & cum divino imperio ac potestate in mundum missus, ad servandum genus humanum. Iohan. 10. v. 35. 36. Si illos dixit Deos ad quos sermo Dei factus est, & non potest solvi Scriptura, mène quem Pater sanctificavit, & misit in mundum, vos dicitis blasphemare, quia dixi, Filius Dei sum? Tertia est peculiaris illa dilectio, quâ hunc filium præ ceteris omnibus Pater complectitur. Matth. 3. v. 17. Hic est filius meus dilectus, in quo acquiesco. Quarta est resuscitatio Christi ex mortuis, quâ ipsum à morte ad vitam revocavit, atque ita de novo quasi genuit. Act. 13. v. 32. 33. Deus implevit promissionem, suscitato filio; ut etiam Psalmo secundo scriptum est, Filius meus es tu, ego hodiè genui te. Quinta est exaltatio Christi ad gloriam, qua Pater ipsum collocavit ad dextram suam in cælis, & donavit nomen quod est supra omne nomen. De hac filiatione loquitur idem Apostolus Heb. 5. v. 5. Christus non ipse sibi hunc honorem tribuit, ut fieret Pontifex, sed is, qui dixit ei, Filius meus es tu, Ego hodiè genui te.*

Responsio.

Ex brevi hac periocha doctrinæ Socinianæ de filiatione Christi Filii Dei apparet extrema impietas ac impudentia horum hæreticorum, nec non improbum in corrumpeendis Sacra Scripturæ dictis studium: Quas ipsorum artes toto pectore horrent & detestantur omnes pii. Nos pro vindicandâ gloriâ Filii Dei, & confirmandis in Orthodoxia juniorum animis, fundamenta firma ac evidentia tam monstrosis opinionibus opponemus. In genere autem pro æterna generatione filii ex essentia Patris contra fictitiam illam *ὑποσχῆν*, quam supra reliquos filios Dei ejusdem ordinis fingitur obtinere, hæc proponimus. I. Quod non solum filius Dei vocatur cum articulo præpositivo, *ὁ υἱὸς τοῦ Θεοῦ*, *Matt. 3. v. 17. & cap. 16. v. 16.* sed etiam cum epithetis; Unigeniti, *Ioh. 1. v. 18. Proprii, Rom. 8. v. 32. Veri, 1. Iohan. 5. v. 20.* Item cum ejusmodi attributis quæ in nullam creaturam cadunt, aut cadere possunt; ut, quod genitus sit à Patre, *Iohan. 1. v. 14. 18.* sine matre, *Hebr. 7. v. 3.* gignenti per omnia æqualis, *Iohan. 5. v. 18. cap. 16. v. 15.* genitus ab æterno, ante omnia tempora, & opera Dei; *Prov. 8.*

v. 22.

Æterna generationis filii ex essentia Patris probatur
1.

v.22.23. *Mich. 5. v.2. Iohan. 17. v.5.* Undè sic concludimus: Qui sic est Filius Dei, ut sit unigenitus, proprius, ac verus filius, ut ab æterno genitus sit ex patre, absque matre, patri per omnia æqualis, eum ex ipsâ Patris essentiâ, sive substantiâ, genitum esse oportet; aliâs non erit æqualis patri ex illâ geniturâ; nec capax illorum Epithetorum, & attributorum, quæ ante commemoravimus. Atqui Christus sic est, & dicitur Filius Dei. Ergo. II. Si tantum excellentiæ causa vocatur Filius Dei, absque participatione essentiæ divinæ, non *πρωτότης*, sed *πρωτότης* *πάσης* *κρίσεως* dicendus esset, prout olim contendebant Ariani; ratio quia non minus pertineret ad creaturas Dei, quàm ii quibus ipse excellentior & dignior censetur. At falsum est consequens; siquidem primogenitus vocatur, quòd genitus sit ante omnes creaturas, *Coloss. 1. v. 15. 16. 17. Proverb. 8. v. 22. seqq.* Tale igitur est ipsum antecedens. III. Ex quo, & propter quem omnes fideles, Veteris & Novi Testamenti, sunt Filii Dei, is non est ejusdem naturæ ac ordinis filius cum ipsis. Neque enim frater filius est ex fratre, aut propter eum, sed ex parente, ad quem originis suæ relationem habet: Non Esau propter Jacobum filius Isaaci; neque Juda propter Rubenem filius Jacobi. Atqui ex Christo, & propter eum, tanquam unigenitum, & proprium Dei Filium, omnes fideles Veteris & Novi Testamenti sunt filii Dei, *Ephes. 1. v. 5. 6. Prædestinavit nos, quos adoptaret in filios per Iesum Christum, & nos sibi dilectos effecit in dilecto illo. cap. 3. v. 15. Ex quo, scilicet Christo, filio, tota familia, scilicet filiorum Dei, in cælis & in terrâ nominatur. Iohan. 1. v. 12. Quotquot eum receperunt, dedit eis potestatem ut filii Dei sint facti.* Ergo. IV. Si Christus Filius Dei vocatur respectu excellentiæ, quam supra reliquos, filios sibi homogeneos & coessentialis, obtinet, non genere aut specie, sed solo gradu filiationis ab ipsis differt, & distinguitur: Erit enim differentia filiationis secundum plus, & minus, quæ graduum est propria. Atqui non gradu, sed plus quàm genere, aut specie, à reliquis filiis distinguitur secundum Scripturam. *Hebr. 1. v. 4. 5. Tanto præstantior factus est angelis, quanto excellentius præ illis sortitus est nomen. Nam cui dixit unquam angelorum? Filius meus es tu, Ego hodie genui te. Ac rursum; Ero ei pater, & ipse erit mihi filius.* Undè sic colligimus: Quibus nec nomen, nec res filiationis cum Christo communis est, illi non gradu, sed genere & specie filiationis, ab ipso distinguuntur.

Sancti

Sancti Angeli, qui tamen præcipui sunt inter Filios Dei & in Scripturâ hoc nomine aliâs insigniuntur, nec nomen filiationis cum Christo commune habent, utpote quod ipsis adimitur; nec rem, quia disertè negatur ipsos esse ex Deo genitos. Ergò.

Refutantur
Seciniano-
rum causæ fi-
liationis
Christi.

His præmissis in causas filiationis Christi, quas novo audaciæ exemplo commentisunt, speciatim est inquirendum. In quibus omnibus fallaciam, quam non causæ vocant Scholæ, admittunt. Neque enim conceptio, sanctificatio, aut reliqua, causæ sunt filiationis Christi à priori, ut propterea sit, & dicatur filius Dei, quia conceptus ex Spiritu Sancto, & à Patre sanctificatus est: sed declarationes & demonstrationes filiationis ipsius à posteriore, ex quibus ipse talis declaratur, & agnoscitur; sicut aliud est filiatio κατὰ φύσιν, aliud κατὰ φανέρωσιν. Et si quinque illæ causæ sunt veræ causæ filiationis Christi aut totales singulæ, aut partiales. Si totales, quintuplex erit totalis & completa filiatio. Nam positâ causâ sufficiente in actu, ponitur effectus. Id autem est contra Scripturam, quæ filiationem, ex quâ Christus dicitur Filius Dei, non nisi unam agnoscit. Sin partiales, autè exaltationem inchoatione solum fuit Dei Filius, post etiam consummatione: Item filiatio ipsius suscipit gradus, quorum utrumque est contra Scripturam; posterius etiam manifestam absurditatem implicat, perindè ac si quis dicat, Davidem magis factum filium Isai cum Rex designaretur, quàm antè. Sed jam causas illas sigillatim inspiciamus & examinemus.

Causa filiati-
onis Christi.

1. Non est
conceptio ex
Spiritu S.

I. Conceptio Christi ex Spiritu Sancto filiationis ipsius causa non est. Etenim jam ante conceptionem erat filius Dei. Esa. 9. v. 6. *Filius datus est nobis* Galat. 4. v. 4. *In plenitudine temporis emisit Deus filium suum, factum ex muliere.* Effectus autem causam suam non antegreditur. Præterea nec Spiritus Sanctus dicitur Pater Christi, nec ipse uspiam ejus filius appellatur. Quinimo Spiritus Sanctus dicitur esse Christi, Rom. 8. v. 9. Gal. 4. v. 6. & mitti, accipere ab eo Ioh. 15. 16. capp. Igitur conceptio illa non est causa filiationis. Insuper Apostoli incarnationem Christi ad filiationis ipsius manifestationem referunt. Paulus, 1. Timoth. 3. v. 16. *Deus id est, Dei Filius manifestatus est in carne.* Et Johannes, Euangelii sui cap. 1. v. 14. *Sermo factus est caro, & habitavit inter nos, & vidimus gloriam ejus,* &c. At manifestatio rei non est ejus productio. Productio enim est de non esse, ad esse: at manifestatio est esse produci revelatio

velatio. Locus *Luc. 1. v. 35.* violenter huc torquetur. Tum quia agit de manifestatione Filii Dei in carne; nec enim dicit, fiet, aut erit filius altissimi, quod posterius tamen idem sæpè est, quod esse agnoscetur; sed *vocabitur*, καλησέται, id est, manifestabitur, palam patefiet. Tum quia particula *διὸ καὶ*, quæ illationis vim habent, non ad conceptionem Christi, tanquam causam filiationis ipsius, sed ad vaticinium Esaia, de quo *versu 31.* referendæ sunt. Id ex analysi nunciî angelici planum fiet. Propositio exstat *versu 31.* enunciata verbis Esaia *cap. 7. v. 14.* prout particula demonstrativa, & res ipsa docet; & explicata de Christi personâ & officio, *versu 32. 33.* Esaias autem duo vaticinatus erat, & virginem parituram, & parituram eum, qui sit filius Dei. Horum prius cum non assequeretur Maria, quippe quæ virum non cognosceret, *versu 34.* Angelus id ipsi petenti declarat, ostendens conceptionem hanc futuram non secundum consuetum naturæ ordinem, sed per planè singularem Spiritus Sancti superventum & operationem, *versu 35.* Ex priore autem infert posterius, *versu 35.* ipsam, quia paritura sit virgo, parituram eum qui sit Filius Dei, sive filius Altissimi, *versu 32.* Ratio, quia utrumque eodem oraculo ab Esaia prædictum fuerat. Ideoque Matthæus etiam testatur, conceptu illo totum vaticinium Esaia completum fuisse *cap. 1. v. 20. 21.*

II. Sanctificatio Christi, & missio in mundum, ad servandum genus humanum, non est causa filiationis. I. Quia qui erat Filius Dei, sanctificatus & missus fuit *Iohan. 3. v. 34. 35. Galat. 4. v. 4.* II. Quia sanctificatio Christi, & dona ipsius sunt à Spiritu S. *Pf. 45. v. 8. Esa. 11. v. 1. 2. Ioh. 3. v. 34.* At nec Spiritus S. Pater Christi est, nec ipse ejus filius, prout ante ostendimus. I I I. Dona Christi numero & gradu distinguuntur à donis fidelium, ut est *Pf. 45. v. 8. Ioh. 3. 34.* Si ergò propter illa est Filius Dei, filiatio ipsius eodem modo distinguitur. At hoc falsum esse argumento loci, *Heb. 1. v. 4. 5.* supra evicimus. Prius igitur similiter falsum est. Locus *Iohan. 10. v. 36.* impertinens est, quia causa filiationis non ponitur in sanctificatione, & missione Christi, sed Christus ostendit se blasphemum non esse, quòd se unum dixisset cum patre, hoc est, ut Judæi rectè interpretabantur, quòd se dixisset Deum, & Filium Dei; duobus argumentis. I. A minori: Magistratus civiles absque blasphemiâ Dii vocantur. Ergo multò magis ego. Antecedens probat ex *pf. 82.*

2. Nec Sanctificatio & missio in mundum.

Ioh. 10. v. 36. vindicatur.

ubi ipse Spiritus Sanctus hoc titulo eos insignit. Consequen-
tiam verò collatione imparium : Magistratus tantum Dii sunt
propter sermonem, sive mandatum Dei, quo divinum ipsis of-
ficiū impositum est *Deut. 1. v. 17. 2. Chron. 19. v. 6.* Ego verò, Fi-
lius Dei unigenitus, sanctificatus sum, & missus in mundum, ut
mediator essem inter Deum & homines. Nam ita explendum esse
δοκῶντος subjectum docent loca omnia, quibus Filius Dei missus
esse, & de cœlo descendisse, dicitur. II. Ab Effectis: Ego facio
opera patris mei, quæ solus ipse facit, & facere potest *v. 37. 38.*
Sum igitur unum cum ipso, verus Deus, & Filius Dei unigenitus.
Utrunque argumentum à posteriore declarat filiationem Christi:
à priore causam ejus non attingit.

3. Nec dile-
ctio Dei Pa-
tris.

III. Dilectio Dei patris non est causa filiationis Christi.
Nec enim factus est filius quia Pater ipsum dilexit, sed quia est
unigenitus à patre, effulgentia gloriæ, imago, & character per-
sonæ patris, ei consubstantialis, & cœqualis; ideo ipsum dili-
git Pater: ideo filius ille dilectus, *Ephes. 1. v. 6.* & dilectionis, *Coloss. 1. v. 13.* appellatur. In filiis adoptivis, quos Deus ex filiis iræ
facit filios gratiæ, *Ephes. 1. v. 6.* non naturâ, sed voluntate, *Iacob. 1. v. 18.* charitas ipsius est causa filiationis *1. Johan. 3. v. 1.* Sed unigeni-
tum & proprium illum filium non facit; sed gignit Pater, nec vo-
luntate sed naturâ gignit, tanto à cæteris filiis discrimine, ut nè
nomen quidem commune cum ipsis fortiatur, *Heb. 1. v. 4. 5.* Locus

Matth. 3. v. 17.
vindictatur.

Matth. 3. v. 17. hanc glossam non habet aut fert, quod nimirum
Christus propter dilectionem patris dicatur Filius Dei: Nam pri-
mò filius, post dilectus vocatur, ut etiam de Isaaco legitur *Gen. 22. v. 1. 2.* Ergò quia filius, ideo dilectus est; non quia dilectus, i-
deò filius. Præterea, ita dilectus est, ut etiam nos dilecti simus
propter ipsum, ut ejus causâ pater omnem iram adversus nos de-
ponat. Nec enim tantum dicit *ὁ ἀγαπητός*, sed etiam *ὁ ὡς ἀδελ-
φου*. At nos dilecti, reconciliati, per & propter filium *Rom. 6.*

& explicatur.

v. 9. Ephes. 1. v. 6. Coloss. 1. v. 13. Ergò. Contra, hic locus æternam ge-
nerationem filii ex essentiâ patris multis modis adstruit. I. Quia
dicitur, *ὅτις ἐστιν ὁ υἱός μου, ὁ ἀγαπητός*. Quid illud? nisi quòd u-
nicus ille, proprius, ac unigenitus Dei Filius, ex essentiâ patris
genitus. Nam cui unquam angelorum dicit? Filius meus es tu.
Heb. 1. v. 4. 5. II. Quia dicitur *ὁ υἱός μου*, *Meus*, scilicet propriâ &
perfectissimâ filiatione. Nam eo ipso eximit eum è numero a-
liorum

liorum filiorum. Propria autem & perfectissima filiatio est, quæ ex ipsius gignentis substantia procedit. III. Dicitur *dilectus ille*, propter quem scilicet diliguntur, & in gratiam recipiuntur omnes fideles. Est igitur proprius ac naturalis Dei filius; quia redemptio, regeneratio, adoptio, opera nudæ creaturæ esse non possunt. IV. A fine hujus revelationis. Cur cœlitiùs clamavit *Pater Hic est filius ille meus*? Nimirum ut palam testatum faceret, hunc esse proprium ac naturalem suum filium, quantumvis formâ servili tectum, & contemptum; atque ita auctoritatem muneri ipsius conciliaret. Proinde talem epithetis illis significari necesse est.

4. Nec resurrectionis.

IV. Etiam resurrectio Christi causa non est filiationis ipsius. I. Quia jam ante fuit unigenitus ac proprius filius Dei viventis *Iohan. 3. v. 16. 18. Rom. 8. v. 32. 33. 34. Matth. 16. v. 16. seqq.* II. Quia testatur Apostolus, per resurrectionem declaratum esse Dei Filium *Rom. 1. v. 3.* Atqui hoc modo exponendus est locus ejusdem Apostoli, *Act. 13. v. 32. 33.* quem nobis objiciunt. Docet enim, in resurrectione manifestatum & declaratum fuisse, quòd antè sub infirmitate & formâ servili latebat; scilicet, quòd illa persona ab æterno genita esset à patre, sicut inquit Iohannes cap. 1. v. 14. *Vidimus gloriam ejus, gloriam ut unigeniti à Patre.* Nam ex consequente progreditur ad antecedens, & ex complemento promissionis rei ipsius veritatem concludit. Similis concludendi modus est *Iac. 1. v. 23.* Ubi ex complemento, hoc est, oblatione Isaaci, v. 22. arguit Apostolus veram Abrahami fidem. Quare resurrexit Christus, non ut filius Dei fieret, sed quia erat Filius Dei.

Act. 13. v. 32. 33. vindicatur.

V. Exaltatio & potestas officii Christi causa filiationis ipsius esse nequit; tum, quia jam ante exaltationem erat filius Dei, & quidem modo perfectissimo, *Coloss. 1. v. 15. Hebr. 1. v. 3.* utpote qui existens in formâ Dei, erat æqualis Deo *Phil. 2. v. 6.* Tum, quia nisi Deus, & filius Dei fuisset; officium illud, ejusque potestatem suscipere & gerere non potuisset prout alibi à nobis demonstratum est. Locum *Hebr. 5. v. 5.* ex *Psal. 2. v. 7.* meritò ad φανερωσις æternæ filiationis Christi referimus. Quem enim pater genuit filium, eum ordinavit Pontificem ac Sacerdotem Ecclesiæ, ut ita ex divino munere divina ejus filiatio innotesceret.

5. Neque Exaltatio & potestas officii.

Heb. 5. v. 5. vendicatur.

sceret. Id nexus sententiarum, *Psal.* 2. v. 7. 8. clarissimè ostendit.

QUÆST. XXXIV. Quâ de causâ appellas eum Dominum nostrum?

RESP. *Quia corpus & animam nostram à peccatis, non auro nec argento, sed precioso suo sanguine redemit, & ab omni potestate Diaboli liberavit, atque ita nos sibi proprios vindicavit.*

EXEGESIS.

Christus dicitur Dominus

ratione

Deitatis,

creationis,

redemptionis.

Redemptionis
autem spectatur

Objectum.

Postremum nomen, sive cognomen Christi servatoris est, quòd Dominus noster appellatur. Hoc nomen in Scripturâ non communi, sed singulari quâdam notione, & καὶ ἐξουσίᾳ ei tribuitur, *1 Corinth.* 8. v. 5. 6. *Et si multi sunt Domini, nobis tamen unus est Dominus Iesus Christus, &c.* Non etiam uno, sed triplici modo & significato, ipsi convenit. I. Ratione Deitatis absolutæ, cum vox κύριος respondet vocibus Hebræis יהוה Ichova & אדוני Adonai: *Ioh.* 20. v. 28. *Dominus meus, & Deus meus.* *1 Cor.* 15. v. 47. *Secundus homo ipse Dominus est cælo.* II. Ratione creationis: *1 Corinth.* 8. v. 6. *Nobis unus est Dominus Iesus Christus, per quem omnia, & nos per ipsum.* III. Ratione redemptionis: quo sensu Christus usitatissimè in Novo Testamento Dominus vocatur. Hoc significato nomen illud ei adscribitur in Symbolo, & ratio ejus redditur ab effectu, sive apotelesmate mediatorio, quod est nostri redemptio & liberatio, sive, ut habet textus germanicus originalis, *nostri redemptio & emtio.* Quæ duo differunt ut Genus & Species. Nam redemptio est species quædam emtionis: Et redimuntur propriè, qui ab hostibus capti, vel pœnæ alicui obnoxii sunt, soluto pro ipsis precio. Dominus igitur noster est, & dicitur, quia emit nos, & redemit *1 Corinth.* 6. v. 20. & cap. 7. v. 23. *emti estis precio, scilicet à Christo.* *Gal.* 3. v. 13. *Christus nos redemit ab exsecratione legis.* *Tit.* 2. v. 14. *Dedit semet ipsum, ut redimeret nos, &c.* Redemptio autem Objecto, causâ instrumentali & meritoriâ, nec non terminis suis explicatur.

Objectum est populus Dei, *Matth.* 1. v. 21. sive Israël Dei, *Psal.* 130. v. 8, *Gal.* 6. v. 16. hoc est, omnes electi & credentes *Rom.* 8. v.

33.34. *Iohan. 3. v. 16.* Sed in Catechesi enunciatur & illustratur distributione partium integrantium, ut sunt Anima & Corpus cujusque electi & fidelis. Utrumque enim redemisse Christum testatur Apostolus 1 *Corinth. 6. v. 20.* *Precio emti estis; glorificate igitur Deum in corpore vestro, & in spiritu vestro, quæ sunt Dei.* Et quidni redemisset, qui totos nos, integrum nostrum Spiritum, & animam, & corpus, ad vitam æternam sanctificat, 1 *Thess. 5. v. 23.* Utroque captivi eramus peccati & Satanæ 2 *Cor. 7. v. 1.* Utroque igitur nos redimi oportuit.

Causa instrumentalis & meritoria est preciosus sanguis Christi Filii Dei; quæ causa antithesi ac collatione imparium, amplificatur, ex testimonio Petri 1. *epist. 1. v. 18. 19.* *Redempti estis non auro, nec argento, sed precioso sanguine agni inculpati & incontaminati, nempe Christi.* Nudè autem proponitur multis aliis locis: 1. *Ioh. 1. v. 7.* *Sanguine Iesu Christi, Filii Dei, mundat nos ab omni peccato.* *Heb. 9. v. 14.* *Sanguis Christi, qui per Spiritum æternum se ipsum obtulit inculpatum Deo, emundat conscientias à mortuis operibus.* *Act. 20. v. 28.* *Deus acquisivit Ecclesiam proprio sanguine.* Atque hic sanguis cum totâ obedientiâ exinanitionis Christi, *Rom. 5. v. 19.* *Phil. 2. v. 8.* est illud *λύτρον*, sive *ἀντίλυτρον*, quod ipse dependit pro peccatis nostris. *Matth. 20. v. 28.* 1 *Tim. 2. v. 5. 6.*

Termini redemptionis duo exprimuntur, à quo, & ad quem. *Termini.* Est enim vindictio è captivitate & servitute, in libertatem; assertio à tyrannide iniquè detinentis, in proprietatem & dominium legitimi domini. *Termini à quo* sunt peccata, & potestas à quo. Satanæ. Eramus servi peccati, *Rom. 6. v. 16. 20.* *Iohan. 8. v. 34.* & corruptionis, 2 *Pet. 2. v. 19.* servientes cupiditatibus ac voluptatibus variis. *Tit. 3. v. 3.* Et facientes, quæ carni & cogitationibus libebant, *Ephes. 2. v. 3.* Insuper eramus captivi Satanæ, 2 *Tim. 2. v. 26.* qui potestatem in nos obtinebat, partim jure belli, ex subjugatis & occisis primis parentibus, & omnibus ipsorum posteris in ipsis, *Gen. 5. v. 5. seqq.* 1 *Cor. 15. v. 22.* partim etiâ jure judicialis traditionis, quâ homines lapsi, iusto Dei judicio traditi sunt Diabolo, tanquam tortori & carnifici, in pœnam peccati, *Heb. 2. v. 13. 14.* *Rom. 6. v. 23.* Proindè Christus, ut suos plenè assereret, tum à servitute peccati, tum à captivitate ac potestate Satanæ eos redemit. De priorè parte redemptionis est *Tit. 2. v. 14.* *Dedit semet ipsum pro nobis, ut redimeret nos ab omni iniquitate,* 1. *Pet. 1. v. 18.* *Re-*

emti estis ex vanâ conversatione vestrâ Eph. 1. v. 17. Colof. 1. v. 14. In Christo habemus Redemtionem per sanguinem ejus, remissionem scilicet peccatorum. De alterâ parte est, Col. 1. v. 13. liberavit nos à potestate tenebrarum, Act. 26. v. 18. Ut convertant se à tenebris ad lucem, & à potestate Satanae ad Deum: videlicet efficaciam redemtionis Christi. His similia sunt plura alia 2 Tim. 2. v. 26. Heb. 2. v. 14. 15. 1 Joh. 3. v. 8. 9. Terminus ad quem, est Dominium ac proprietas Christi, & Dei patris, in nos tam carè emtos, tam preciofo sanguine redemptos: Eoque sensu etiam Deo nos redemisse dicitur Apoc. 5. v. 9. De hâc proprietate notanda sunt dicta: 1. Pet. 2. v. 9. Vos estis genus electum, regale sacerdotium, gens sancta, populus quem sibi Deus ut proprium vindicat. Tit. 2. 14. Dedit semet ipsum pro nobis, ut redimeret nos ab omni iniquitate, & purificaret sibi populum peculiarem, &c. 1 Cor. 6. 19. 20. Non estis vestri juris. Nam emti estis precio, &c.

Ad quem

Redemptio
hâc est proprie dicta redemptio?

Sic ergò hâc quæstione expressa sunt omnia & singula requisita, veræ & proprie dictæ redemtionis. Est redimens, Christus, Galat. 3. v. 13. Christus nos redemit. Sunt redimendi, homines peccatores, inimici, Rom. 5. v. 6. 8. 10. qui redempti, & emti dicuntur. 1 Pet. 1. v. 18. 1 Corinth. 6. v. 20. Est pretium redemtionis λύτρον, sive ἀντίλυτρον Christi Matth. 20. v. 28. 1 Timoth. 2. v. 6. Est denique qui precium illud accipit, Deus. Apoc. 5. v. 10. Redemisti nos Deo. Rom. 5. v. 10. Reconciliati fuimus Deo.

Considerationes Catechetica Novatorum ad quæst. & resp. trigès. quartam.

Annon Christus dicatur Dominus ob jus condendi leges?

I. *An nullam aliam ob causam, quàm ob eas quæ hic commemorantur, Christus vocetur noster Dominus; cum ut Dominus, jus potestatemque habeat, leges nobis præscribendi; & incredulos vel à fide deficientes temporali & aternâ morte puniendi, gratiofa sua beneficia in subtrahendi, & benevolentia gratiaque suâ eosdem, vel in totum, vel ex parte, orbandi.*

Resp. Causæ plures sunt, ob quas Christus est & vocatur noster Dominus; sed hîc ea attenditur propter quam noster Dominus dicitur in symbolo, quæque ad doctrinam redemtionis proprie pertinet. Præterea fides ita respicit speciale hoc Dominium, ut tamen non negligat, sed salutariter consideret partes & actus Domini generalis, sive illi in legislatione sive in punitione

tionē, five aliis in rebus consistant, prout in explicatione Objecti fidei generatim, & semel monuimus.

II. *An Christus Iesus Dominus noster vocetur eam solummodo ob causam, quia nos actu, quoad corpus & animam, ab omnibus peccatis nostris liberat; an potius, quia jus & potestatem in nos habet, five actu à peccatis liberemur, five in iis obstinatè perseveremus atq; ab ipso liberari nolumus.*

An ita vocetur, quia nos actu à peccatis liberet?

Resp. Priorem ob causam hoc loco noster Dominus appellatur, quòd nimirum actu ipso nos redimat & liberet. Patet argumento contrariorum, quia Dominium hoc opponitur dominio ac potestati Satanae, quam priùs actu in nos habuit, & exercuit. Pater itidem ex conditione Objecti, quod est homo fidelis, verè, & reipsa liberatus per Christum à peccatis suis. Altera causa vel pertinet ad generale Dei dominium, quod est ex creatione, & jam explicata est primo articulo: vel certè est falsa causa, quatenus ex universali, & pro hominis ipsius voluntate efficaci aut inefficaci impetratione salutis, deducitur.

Antithesis Catechetica Socinianorum ad quaest. & resp. trigef. quart.

Redemptio per Christum nobis praestita, non est vera ac propriè dicta redemptio, sed metaphorica tantum, liberationem à peccatis, eorumque poenā, quam ipse attulit credentibus, significans. I. Quia de Deo in Veteri & Novo Testamento scribitur, eum redemisse populum suum ex Aegypto, Exod. 15. v. 13. per Moysen redemptorem, Actor. 7. v. 36. nullā factā veri precii mentione. II. Quia scriptum est, quòd Deus redemerit Abrahamum, Esa. 29. v. 22. Et Davidem, Psalm. 31. v. 6. sin' interventu veri precii. III. Quia nos dicimur redempti à nostris iniquitatibus, Tit. 2. v. 14. E' vanā conversatione, 1. Pet. 1. v. 18. à maledictione legis, Galat. 3. v. 13. quibus tamen nihil solutum est liberationis causā.

Responsio.

Certum est, verbum *redimendi*, & vocabula substantiva *redemptionis*, & *redemptoris*, saepe accipi in Scripturā pro simplici liberatione, quae fit non expenso λύτρω, five redemptionis precio. Ita Deus populum suum redemit, id est, liberavit ex Aegypto, Exod. 15. per Moysen redemptorem, id est, liberatorem, Actor. 7. Davidem redemit, id est, liberavit saepenumero ex variis periculis

Redimere & Redemptio variè usurpantur.

de Christo
propriissimè.

Psal. 31. Certum & hoc, quòd significatio illa non sit propria; *Redimere* enim propriè est, solvere aliquem è vinculis, & captivitate, soluto precio: Sed impropria, & Tropica, & quidem partim Synecdochica; nam per Synecdochen speciei pro genere, Liberatio *Redemptio* appellatur: partim etiam Metaphorica, propter similitudinem eventus, sive effectus, qui analogus est in liberatione, & redemptione. Illud verò falsum, imò falsissimum est, cum de Christo ejusque redemptione sermo est, Scripturam simplicem tantum liberationem intelligere. Contrà paulò antè ostendimus, redemptionem Christi non modò propriissimè sic dici in Scripturâ, sed etiam ab omnibus propriæ redemptionis requisitis, & *καταμέλεις*, exactissimè describi, quibus nihil nunc addimus.

Refellitur
arg. 3. Soci-
nianorum.

Ad argumenta priora duo jam responsum est, quòd impertinentia sint, & nihil concludant, propter puras particulares. His, illis locis redemptio est simplex liberatio. Ergò & aliis, quibus de Christo prædicatur. Ad tertium dicimus, λύτρον solvi non omni à quo detinetur captivus. Quis vinculis, carceribus, lictoribus, custodibus, precium pendat pro liberatione captivi? Solvitur principaliter detinenti, cui ubi satisfactum est, vinculis exsolvitur, carceribus & custodibus liberatur captivus. In captivitate spirituali hominis, principaliter detinens est Deus judex ille universæ terræ, *Genes.* 18. v. 15. *Rom.* 11. v. 32. Vincula, quibus ipsum mancipavit, sunt peccata & maledictio *Rom.* 1. v. 24. 26. 28. *Galat.* 3. v. 10. Tortores, custodes, quibus tradidit ipsum, sunt Diaboli, 2 *Timoth.* 2. v. 26. *Matth.* 5. v. 25. Deo igitur λύτρον Christus persolvit, cui se obtulit inculpatum. *Hebr.* 9. v. 14. & nos reconciliavit, *Apoc.* 5. v. 10. *Rom.* 5. v. 10. eoque ab irâ ipsius, à potestate Satanae, à peccatis, nos liberavit. Nec valet *instantia*, eripi captivum, & vindicari *Apoc.* 5. v. 10. non per alienationem sed per reconciliationem, *Rom.* 5. v. 10. Quemadmodum subditi rebelles, & ob rebellionem ad carceres, metalla, triremes damnati, redimuntur, non ut subducantur principis imperio, sed ut in gratiam ipsius restituantur.

QUÆST. XXXV. Quid credis, cum dicis, conceptus est per Spiritum Sanctum, natus ex Maria virgine?

RESP. Quod ipse Filius Dei, qui est & permanet verus ac
aeternus

*aternalis Deus, naturam verè humanam ex carne & sanguine virginis Maria, operatione Spiritus Sancti assum-
sit, ut simul sit verum semen Davidis, fratribus suis per
omnia similis, excepto peccato.*

EXEGESIS.

E Gimus huc usque, ex articulo secundo Symboli Apostolici, de
nominibus Jesu Christi, Filii Dei unigeniti, & Domini no-
stri; quibus tum Deitas ipsius, tum etiam officium mediatorium
indicatur & explicatur. Sequitur nunc *Incarnatio*, ἐνσάρκωσις, sive *Incarnatio*
Christi, ἐνανθρώπησις Filii Dei; quæ articulo tertio, in conceptione ipsius
ac nativitate, distinctè proponitur Et conceptio quidem facta di-
citur ex Spiritu Sancto Matth. 1. v. 20. *Quod in eâ genitum est, ex
Spiritu Sancto est*; Non materialiter, quasi ex essentiâ Spiritus Sancti
conceptus fuerit; sed efficienter, quia efficaci, & omnipotente e-
jus virtute est productus, ut *Ex*, idem sit quod *A*, vel *Per*. In quâ
significatione eadem propositio accipitur Iohan. 1. v. 13. cap. 3. v. 5.
6. Rom. 11. v. 36. 1. Cor. 8. v. 6. 1. Iohan. 3. v. 9. Nativitas verò ex
Mariâ virgine non eò intelligenda est, quasi ipsa præter gestatio-
nem & partum nihil præstiterit filio Dei; siquidem non modò *in eâ*,
Matt. 1. v. 20. sed etiam *ex eâ* genitus, v. 16. factus, Gal. 4. v. 4. dicitur:
Verùm quod filius Dei naturam humanam ex substantiâ virginis
Mariæ assumeret, ab eâ iusto tempore gestatus, tandemque partu
ejus in lucem editus fuerit, juxta vaticinium Esaïæ in ipsâ comple-
tum; *Virgo concipiet, & pariet filium* Matth. 1. v. 23. Quæ omnia in
ipsâ responsione dilucidè explicantur, in quâ doctrina de incarna-
tione filii Dei, membris sex distinguitur & pertractatur, videlicet
Subjecto recipiente, Objecto, Materiâ, Causâ efficiente, Formali,
& Finali.

Subjectum recipiens est ipse filius Dei, unigenitus ille à patre, I. Subjectum
Iohan. 1. v. 14. quem pater ab æterno genuit per communicationem recipiens
essentiæ Psalm. 2. v. 7. Iohan. 5. v. 26. Nam in plenitudine temporis Filius Dei,
emisit Deus filium suum, factum ex muliere Galat. 4. v. 4. Et filius
missus venit in carnē, 1. Ioh. 4. v. 20. ortus ex semine Davidis, Rom.
1. v. 3. & factus caro Iohan. 1. v. 14. Quo veritas dicto fieret, *filius da-
tus est nobis* Esa 9. v. 6. Et si enim Patris, Filii, & Spiritus Sancti, una
est, & indivisa essentia, non tamen vel Pater, vel Spiritus San-
ctus, sed solus Filius dicitur incarnatus. Etenim sicut ipse pro-
pter

non pater vel
Sp. S.

pter incommunicabilem subsistentiam alius est à Patre, & Spir. S. *Ioh. 5. v. 32. & cap. 14. v. 16.* ita quoque incarnari potuit illis non incarnatis: tū non simpliciter natura divina, sed natura divina determinata in Filio, id est, *ὑπόστασις*, seu persona Filii, incarnata est, Describitur autem Filius Dei à tribus attributis. I. Quòd sit verus Deus, sive naturā Deus, *Galat. 4. v. 8.* cui non titulo tenus, *1. Cor. 8. v. 5. 6.* vel propter potestatem officii; sed propter naturā divinæ veritatem id nomen competit, secundum illud Johannis 1. Epist. 5. v. 20. *Sumus in verace illo, in filio ejus Iesu Christo: Hic est verus ille Deus.* II. Quòd etiam sit æternus Deus, qui non est factus, vel ante tempora, vel in tempore, quācunq; ratione; sed qui ab æterno genitus est, *Proverb. 8. v. 20. seqq. Mich. 5. v. 2.* quā de causā spiritus æternus appellatur *Heb. 9. v. 14.* III. Quòd denique talis sit & permaneat immutabiliter, cujus vera ac æterna Deitas nec mutatur in naturam humanam, nec ullo pacto cum eā confunditur, aut miscetur, ut est *Heb. 1. v. 10.* *Tu permanes, tu idem es, & anni tui non deficient.* Et *Jacob. 1. v. 17.* *Apud patrem luminum non est obtenebratio, aut conversionis obumbratio.* Ideoque etiam post incarnationem, natura divina filii Dei ab humanitate ejus καὶ ἀντίθετον distinguitur *Rom. 1. v. 2. 3. 4. 2. Cor. 13. v. 4. 1. Pet. 3. v. 18. & cap. 4. v. 1.*

II. Objectum,
natura huma-
na:

Objectum est natura verè humana. I. Dicitur natura humana, non homo, aut persona humana. Cur? Quia non persona personam, sed persona naturam assumpsit. Ἀόγος, sive Filius Dei factus est caro, *Iohan. 1. v. 14.* assumpsit semen Abrahæ *Hebr. 2. v. 14.* At illa sunt nomina naturæ, quam synecdochicè & materialiter significant. Factus quoque similis hominibus, *Phil. 2. v. 7.* fratribus suis *Hebr. 2. v. 17.* Non homini, fratri, eandem ob causam; quia assumpsit quod omnibus commune, non quod cuique proprium est. Natura est omnibus communis, ut quæ in omnibus eadem est: *ὑπόστασις* verò sua cuique propria, quā unus ab altero distinguitur. II. Dicitur natura verè humana, non quæ videtur, aut habetur talis, κατὰ δόξιν, καὶ φαντασιν, sed quæ revera talis est, ut loquitur *Esaïas c. 53. v. 4.* *Verè tulit nostros languores.* Veritas illa naturæ humanæ in Christo ex partibus essentialibus, & integralibus, nec non ex earundem proprietatibus, & operationibus deprehenditur: quippe constat, animā, *Mat. 26. v. 38. Luc. 23. v. 46. Iohan. 10. v. 17.* & corpore, *Heb. 10. v. 5. Iohan. 2. v. 22. & cap. 19. v. 38.* habet carnem & ossa, *Luc. 24. v. 39.* caput, *Matt. 8. v. 20.* Manus

Manus, pedes, digitos, latus, & reliqua membra: *Ioh.* 20. v. 27. Est intelligens, *Luc.* 2. v. 42. § 2. volens, *Matth.* 23. v. 38. & *cap.* 26. v. 39. visibilis, palpabilis, situ & interstitio partium distincta *Luc.* 24. v. 39. *Iohan.* 20. v. 27. 1. *Iohan.* 1. v. 1. Operationes etiam & effecta, quæ in historiâ Christi magno numero describuntur, veritatem naturæ humanæ luculentissimè comprobant. Postremò vel maximè huc facit, quòd opinionem phantasmatici ac spiritualis corporis ipse à se removet, & factò ipso confutavit, tum ante resurrectionem, cùm inambulare aquis *Matth.* 14. v. 25. 26. 27. *Marc.* 7. v. 49. 50. tum post eam, cum se, redivivum à mortuis, discipulis ostenderet *Luc.* 24. v. 37. 38. 39. *Ioh.* 20. v. 19. 20.

Materia est caro & sanguis virginis Mariæ, ex quâ humana Christi natura formata est, & per quam ipse particeps factus est carnis & sanguinis *Hebr.* 2. v. 13. 14. In communi generatione, procreandis hominibus materiam conferunt Vir & Mulier, ex institutione Dei, *Genes.* 1. 2. *cap.* sed in incarnatione filii DEI sola mulier eam subministravit: juxta dicta *Galat.* 4. v. 4. *Emisit Deus filium suum factum ex muliere.* Et *Rom.* 1. v. 3. *Ortus ex semine Davidis secundum carnem*, scilicet mediante solâ muliere: sicut ipse semen mulieris, *Genes.* 3. v. 15. fructus ventris ejus, *Luc.* 1. v. 42. & quoad carnem ἀπαύτως nominatur *Heb.* 7. v. 3. Qui matrem tantum habuit carnis suæ, non etiam patrem *Heb.* 12. v. 9. Nam animam, quæ immortalis est, non ex carne & sanguine materno progenitam, sed divinitus à patre illo spirituum, *Heb.* 12. v. 9. ei insulam esse, piè & convenienter Scripturis creditur. Porro mulier illa gemino adjuncto notatur: uno nominis, quòd fuerit *Maria*, cujus originem ad Davidē Euangelistæ referunt, *Matthæus cap.* 1. *Lucas cap.* 3. Altero status; quòd fuerit *virgo*, quæ virum non cognoverat *Luc.* 1. v. 34. Nam prædixerat *Esaias, cap.* 7. v. 14. virginem concepturam, & pariturâ filium Immanuel, quod in ipsâ completum fuisse docet *Matthæus cap.* 1. v. 23.

Causa efficiens est Spiritus Sanctus, qui efficaci virtute suâ, & immediatâ operatione, humanam Christi naturam ex carne & sanguine virginis Mariæ produxit & efformavit; de quâ ita Angelus ad Mariam *Luc.* 1. v. 35. *Spiritus Sanctus superveniet in te, & virtus Altissimi inumbrabit te, propterea etiam quod ex te nascetur Sanctum, vocabitur filius Dei.* Hâc operatione qui Spiritum Sanctum vices viri implevisse, & opus ejus peregisse vovâ audaciâ contendunt, ut impiè sentiunt, ita blasphemè loquuntur: *Inumbratio Mariæ*

III. Materia,
caro & sanguis Virginis
Mariæ.

IV. Efficiens,
Spiritus S.

non fuit actio physica, sed hyperphysica, & planè divina, quæ cum actione viri ne genere quidem convenit. Actio viri generantis impura est, inquinata peccato, & medium propagandi peccatum *Iohan. 3. v. 6.* Quam igitur analogiam, & communionem habet cum eâ actione, quâ semen ab omni peccato expurgatur, & ex eo genitus peccati omnis expers procreatur? In generatione hominis vir non tantum se habet ut principium activum; sed etiam ut materiale. An ergo Spiritus Sanctus materiam quoque ex se contulit formandæ naturæ humanæ? Quod si etiam generatio naturalis, & regeneratio supernaturalis per Spiritum Sanctum, in Scripturâ opponuntur. *Iohan. 1. v. 13.* & alibi, quo jure aut specie rationis conceptionem Christi ex Spiritu Sancto, & conceptionem nudi hominis ex mare & fœminâ, ipsi inter se componunt, & invicem declarant? Cæterum in hac conceptione actus tres Spiritus Sancti miraculosè operantis notare & distinguere licet, ex ipsâ Scripturâ. Unus est *formatio natura humana* ex substantia virginis, & in ejus utero, sine semine virili; atque ita præter ordinem rerum à Deo in naturâ institutum. *Luc. 1. v. 35.* *Virtus altissimi inumbrabit te, &c.* Alter est *sanctificatio natura humana*, quâ effecit Spiritus Sanctus, ut illa in ipso conceptionis momento, ab omni labe originali, (quæ, ut in cæteris sanctis omnibus, sic & in Mariâ reliqua mansit,) segregata & purgata fuerit, *Luc. 1. v. 35.* *Spiritus Sanctus superveniet in te, propterea nascetur ex te sanctum.* Tertius est *unitio*, quâ Spiritus Sanctus humanam naturam univit filio Dei in unâ personâ *Hebr. 10. v. 5.* *corpus adaptasti mihi.* sc. per Spiritum Sanctum, ut est *Luc. 1. v. 35.*

Cujus actus
tres

V. Forma, Assumptio
Humana natura.

Forma est assumptio humanæ naturæ, quæ vocabulis synonymis *ὑποστάσις*, *Heb. 2. v. 16.* *μετοχὴ σαρκὸς καὶ αἱμάτων*, *1. v. 14.* *λαβὴ τῆς μορφῆς θεῶν*, *Phil. 2. v. 7.* vocatur. Siquidem filius Dei in tempore assumpsit semen Abrahæ; accepit formam servi, & assumendo, accipiendo, particeps factus est carnis & sanguinis *Heb. 2. v. 14. 16.* *Phil. 2. v. 7.* Assumpsit verò eam non in naturam divinam absolute; sic enim humana natura unum esset cum Deo essentialiter, & tres Deitatis personæ quibus illa communis est, simul essent incarnatæ; sed assumpsit eam in suam *ὑπόστασιν*, *Phil. 2. v. 6. 7.* hoc est, ita ut humanam naturam propriâ hypostasi destitutam, in suâ hypostasi sibi univerit, & factus ei sit hypostasis, extra quam nec subsistit unquam, nec subsistere vel momento posset. Hinc est quod tota

in hypostasi
se habet.

ple-

plenitudo Deitatis habitat in ipsâ *σωματικῶς*, id est, personaliter *Coloss. 2. v. 9.* Et ipsa vicissim est propria caro, proprius sanguis Filii Dei, *Iohan. 6. v. 54. 55. Actor. 20. v. 28. 1. Iohan. 1. v. 7.* Patres concilii Chalcedonenfis, & qui eos secuti sunt, modum assumptionis, & unionis quinque epithetis expresserunt, & definiverunt contra hæreticos, quòd *ἀτρεπτως, ἀχωρίως, ἀσυγχύτως, ἀδιαιρέτως, καὶ ὁσιωδῶς* facta sit. *Ἀτρεπτως*, sine omni conversione, vel *λόγῳ* in carnem, vel carnis in *λόγον*. *Ἀχωρίως*, sine omni separatione naturarum, quâ distrahatur unitas personæ, & duæ personæ constituantur. *Ἀσυγχύτως*, sine omni confusione vel duarum naturarum, vel proprietatum earundem. *Ἀδιαιρέτως* sine omni divisione. *Ὁσιωδῶς* denique, quia duæ Christi naturæ sunt veræ substantiæ, verè & substantialiter inter se unitæ, non autem accidentaliter.

Finis duplex est: *Prior*, complementum promissionis Davidi factæ, quod Christus ex ipsius semine homo nasciturus esset, *2. Sam. 7. v. 14. seqq. Psalm. 132. v. 11. Actor. 2. v. 30.* quam præstitit Deus, filio suo ex Mariâ, quæ semen Davidis erat, *Rom. 1. v. 3. Luc. 3. in carne exhibito Galat. 4. v. 4. Alter*, similitudo cum fratribus per omnia, non solum in naturâ, ejusque proprietatibus: sed etiam in infirmitatibus, tentationibus, variisque passionibus, absq; tamen peccato. De quâ est *Rom 8. v. 3. Phil. 2. v. 7. 8. Hebr. 2. v. 17. & cap. 4. v. 15.* Et opus erat tali similitudine, partim propter veritatem naturæ humanæ, partim etiam ad nostram consolationem, ut misericors esset, & fidelis Pontifex, qui possit affici sensu calamitatum nostrarum *Heb. 2. v. 17. & cap. 4. v. 15.*

Vl. Finis complementum promissionis.

similitudo cum fratribus.

Antithesis Catechetica Socinianorum ad quæst. & resp. triges. quintam.

Christus Iesus est verus homo; est etiam divinus homo propter conceptionem ex Spiritu Sancto, & alias ob causas: sed naturam divinam nequaquam habet. Nam id non solum rationi sanæ, verum etiam Scripturæ repugnat. Rationi; quia duæ substantiæ proprietatibus adversæ, coire in unâ personam nequeunt, ut sunt, mortale & immortale esse; principium habere, & principio carere; mutabilem, & immutabilem existere. Deinde duæ naturæ, personam singulæ constituentes, in unam personam convenire itidem nequeunt. Nam loco unius duas personas esse oporteret, atque ita duos Christos, quem

tamen unum tantum esse, omnes citra controversiam agnoscunt. Scripturæ quoque : I. Quia ea nobis unum tantum naturâ Deum proponit, qui est Pater Domini nostri Iesu Christi. II. Quia testatur Iesum Christum naturâ esse hominem, quo ipso illi naturam divinam adimit. III. Quia quicquid divinum Christus habet, eum patris dono habere, ipsa aperte docet. Matt. 28. v. 19. Phil. 2. v. 9. 1. Corin. 15. v. 17. IV. Denique, cum Scriptura apertissimè ostendat, Iesum Christum omnia sua facta divina, non sibi, nec alicui naturæ suæ divinæ, sed Patri suo vendicare solitum fuisse, Joh. 5. v. 19. & cap. 10. v. 25. planum facit, divinam in Christo naturam propriam otiosam, ac sine omni causâ futuram fuisse.

Responsio.

De Divina
natura Christi.

Ratio non
potest judi-
care;

Scriptura
eam adstruit.

Refutantur
rat. prima.

Scriptura vocat Christum Immanuelem, Hominem-Deum, Matth. 1. v. 23. Deum manifestatum in carne, 1. Tim. 3. v. 16. Hominem divinum nusquam dicit, neque propter conceptionem, neque aliam ob causam. Naturam divinam, quam nos supra multis locis Christo vindicavimus, frustra ei adimere conantur rationis aut Scripturæ obtentu. Ratio nihil videt, aut valet, in hoc capite doctrinæ, quod Apostolus magnum pietatis mysterium nuncupat 1. Tim. 3. v. 16. Et falsum est principium Socinianorum, nihil credendum quod rationi repugnat. Fides est ελεγχος eorum quæ non videntur, Heb. 11. v. 1. Sapientia carnis inimicitia est adversus Deum, Rom. 8. v. 7. Stultitia ei sunt omnia Dei mysteria, 1. Cor. 2. v. 14. & captivandus est omnis intellectus in obsequium Christi 2. Corinth. 10. v. 5. Scriptura verò adeò non derogat Christo naturam divinam, ut vix aliquid evidentius adstruat, quemadmodum jam diversimodè ostensum est. Nihilominus utriusque generis & ordinis argumenta perstringemus.

Ex ratione primò objicitur, quòd substantiæ, proprietatibus adversæ, coire nequeant in unam personam. Id si ita est, nè quidem anima & corpus uniri possunt in unam personam, quia corpus mortale est, anima immortalis. Sed manifestè petunt principium, & Scripturæ contradicunt. Quod ipsi negant fieri posse, docet Scriptura factum esse. Deus immortalis, 1. Tim. 6. v. 16. assumpsit carnem mortalem, Joh. 1. v. 14. Hebr. 2. v. 14 in qua patetur 1. Pet. 3. v. 18. Cujus exortus est à diebus seculi, qui jam erat in principio omnium rerum, is in tempore natus est Bethlehemi, & caro factus Mich. 5. v. 2. Iohan. 1. v. 1. 3. 14. Qui idem est & permanet,

manet, *Hebr. I. v. 10.* carnis variis mutationibus obnoxia, particeps rat. secunda.
factus est *cap. 2. v. 14. & cap. 5. v. 7.* Deinde objicitur duas naturas,
quarum singulae constituunt personam, in unam personam conve-
nire non posse. At sciendum est, quod humana Christi natura, ut ut
singularissima sit, personam tamen non constituat. Neque enim per
se, subsistit seorsim aut separatim à λόγῳ, sed ei facta est ἐν πύσιν, &
& in ipso subsistit: Natura intelligens, & singularis, quæ non tra-
hitur ad subsistentiam alterius, personam facit: contrarium verò,
de humanâ Christi naturâ, antè probatum est.

Ex scripturâ quatuor opponunt. I. unum tantum esse naturâ Objectiones
ex Scriptura:
prima.
Deum, scilicet Patrem Jesu Christi. Sed Christus dicitur unum
cum Patre, hoc est, quoad essentiam unus cum ipso Deus *Ioh. 10.*
v. 30. 1. Iohan. 5. v. 7. Non igitur Patris mentione à Deitate exclu-
ditur. II. Jesum esse naturâ hominem: Ergo non Deum. Quod secunda.
valet extra unionem, ubi Deus & homo sunt disparatæ hypostases;
in unione falsum est, quia idem suppositum Deus & homo appel-
latur, sed καὶ ἄλλο, καὶ ἄλλο *Rom. I. v. 2. 3. & cap. 9. v. 5.* III. Quicquid tertia.
divinum habet, habet Patris dono: sed dono voluntario, quod of-
ficii est, *Matt. 28. Phil. 2.* Dono naturali, quod est personæ, *Iohan. 5.*
v. 26. Sicut Pater habet vitam in se ipso: ita dedit filio habere vitam in se
ipso. Quanquam satiùs videtur abstinere ab usu illius vocabuli,
quia donum ferè voluntarium ac gratuitum χάρισμα significat.
IV. Quod omnia ad Patrem referat. Ita est; sed non eadè de cau- quarta.
sâ ad ipsum omnia refert. Vel enim ideò, quia pater fons est &
principium Deitatis Filii & Spiritus Sancti: vel quia ipse exinani-
tus in assumptâ carne, patre minor factus est. Posterius est volun-
tariæ œconomix, & dispensationis. Prius autem Deitatem ipsius
confirmat. Nam quia essentiam divinam accepit à Patre, meritò
quoque opera divina ad ipsum, ceu primum eorum principium,
revocat. Insuper sua omnia ita tribuit Patri, ut tamen sese ei æqua-
lem faciat, & reverâ esse luculenter ostendat. *Ioh. 5. v. 19. seqq.*

Q U Æ S T. XXXVI. Quem fructum percipis ex sanctâ
conceptione, & nativitate Christi?

R E S P. Quod is noster sit mediator, & suâ innocentia, ac
perfectâ sanctitate, mea peccata, in quibus conceptus
sum, tegat, ne in conspectum Dei veniant.

E X E-

EXEGESIS.

Fructus Sanctæ conceptionis Christi confirmatio fidei.

Sanctificatio immundæ conceptionis nostræ.

Superest fructus sanctæ conceptionis & nativitatis Christi, iſque duplex. *Vnus* est confirmatio fidei nostræ, quod Christus sit promissus ille Messias, ac Mediator. Is enim noster Mediator est, qui est verus ille Immanuel, conceptus & natus ex virgine secundum vaticinium Esaiæ *cap. 7. v. 14.* Sed Christus est verus ille Immanuel, &c. testimonio Matthæi *cap. 1. v. 23.* Patet igitur Christum esse nostrum mediatorem. Atque hoc est, quod Apostolus disertè confirmat *1. Tim. 2. v. 5. Vnus Mediator Dei & hominum, homo Iesus Christus.* Alter est sanctificatio nostræ immundæ conceptionis, & impuræ nativitatis. Nos concepti sumus in peccatis *Pſalm. 51. v. 7.* sumus transgressores ab utero, *Esa. 48. v. 8.* & filii iræ naturæ. *Eph. 2. v. 3.* Christus igitur absque peccato concipi ac nasci voluit, & debuit, quo ita non minus hoc, quam cætera peccata nostra sanctâ victimâ corporis, *Iohan. 17. v. 19.* & precio innocui sanguinis sui expiare posset *1. Petr. 1. v. 19.* Talis enim nos decebat pontifex, sanctus, impollutus segregatus à peccatoribus; *Hebr. 7. vers. 26.*

*Considerationes Catecheticae Novatorum,
ad quaest. & resp. trig. sextam.*

An Scriptura alicubi sanctâ conceptione Christi nostram conceptionem sanctificari asserat?

I. *Quis Scriptura locus, vel quæ ratio inde desumpta probet Iesum Christum innocentia suâ, & perfectâ sanctitate, (in quâ nimirum conceptus, & natus sit, uti habet hac interrogatio) peccata nostra, in quibus concipimur & nascimur, in conspectu Dei tegere: an nullus eorum locorum quæ in margine notantur, id adstruat, & quis?*

Resp. Tum loca in margine notata, *Hebr. 7. v. 26. Apoc. 1. v. 5.* tum plura alia, *1. Pet. 3. v. 18. Ioh. 17. v. 19. Esa. 53. v. 11.* id manifestè probant. Nam quorsum oportuit Christum sancto & immaculato conceptu nasci, ac edi, nisi ut esset sanctus Sacerdos, & sancta victima ad expiationem peccati originalis, & cæterorum peccatorum *Luc. 1. v. 35. Hebr. 7. v. 36. 1. Pet. 1. v. 19.* Horum ergo si prodest sanctitas conceptionis Christi, frustra Consideratores carpunt phrasin Catecheseos, aut etiam ulteriorem sententiæ ejus probationem requirunt.

II. *An rectè dicatur pluraliter, nos esse conceptos in peccatis.*

An concepti
simus in pec-
catis.

Resp. Considerationi huic responsum & satisfactum est ad
considerationem secundam septimæ quæstionis; quæ inspicia-
tur.

QUÆST. XXXVII. Quid credis cum dicis *passus est*?

RESP. Eum toto quidem vita sua tempore quo in terris egit,
præcipuè verò in ejus extremo, iram Dei adversus pec-
catum universi generis humani corpore & animâ susti-
nuisse, ut suâ passione, tanquam unico sacrificio propitia-
torio, corpus & animam nostram ab eternâ damnatione
liberaret, & nobis gratiam Dei, justitiam, & vitam æ-
ternam, acquireret.

EXEGESIS.

PERSONÆ Christi subsistentis in duabus naturis, divinâ & huma-
nâ, prout quæstione XXXV. declaratum fuit, duplex est sta-
tus: Exinanitionis & Exaltationis, *Phil. 2. v. 7. 8. 9. 10. Luc. 24. v. 26.*
exsequendo officio ejus mediatorio singulariter accommodatus.
Uterque suis quibusdam gradibus in symbolo distinguitur. Et
prioris quidem gradus quinque ordine enumerantur; Passio, Cru-
cifixio, Mors, Sepultura, & Descensus ad inferos.

De *Passione* hîc quæritur: de quâ id notandum, voce *Passus est* per Passio Christi
synedochen intelligi postremum illum actum passionis Christi,
qui post institutam & celebratam cœnam, in horto Gethsemane,
inchoatus, usque ad crucifixionem ejus extenditur. Passio liqui-
dem hæc in symbolo non tantum à crucifixione & morte distin-
guitur: sed etiam ad ea restringitur, quæ sub Pontio Pilato, tan-
quam judice politico, passus fuit. Rectè tamen Catechesis etiam
antecedentes passionis hoc verbo complectitur: tum quia in histo-
riâ Christi diligenter annotatæ sunt; tum etiam quia ad idem præ- describitur
tium redemptionis pertinent.

Primò igitur declarat passiones Christi ab adjuncto temporis, à tempore.
per distributionem, quæ collatione imparium amplificatur. Pas-
sus est *toto quidem vita sua tempore, præcipuè verò in ejus extremo.* Nam

totius vitæ
sux.

in extremo
ejus.

ab objecto
iræ Dei.

à subjecto

alias passiones toleravit ante extremum vitæ suæ actum, alias in ipso actu extremo pertulit. *Prioris* generis sunt, Paupertas longè maxima, *Matt.* 8. v. 20. 2. *Corinth.* 8. v. 9. Pericula innumera, quibus perpetuo fuit obnoxius; & propter quæ tum infans abductus est in exilium, *Matth.* 2. v. 14. 15. tum furori hostium sæpè ad tempus cessit, *Marc.* 3. v. 6. 7. *Iohan.* 7. v. 1. & *cap.* 11. v. 53. 54. vel etiam mirabiliter se subtraxit; *Ioh.* 8. v. 59. *Luc.* 4. v. 29. 30. Præterea, infirmitates corporis *Matt.* 4. v. 2. & *cap.* 21. v. 18. *Iohan.* 4. v. 6. 7. & *cap.* 11. v. 35. tentationes Satanæ, *Matth.* 4. v. 1. *Luc.* 4. v. 13. perturbatio animæ, *Iohan.* 12. v. 27. multiplex ignominia à popularibus atque etiam fratribus ipsi illata, *Matth.* 11. v. 18. & *cap.* 12. v. 24. *Marc.* 6. v. 3. 4. *Iohan.* 4. v. 48. & quæ aliæ sunt formæ malorum, quibus ipse penè continuè afflictus & divexatus fuit. *Posterioris* generis sunt passiones illæ, quas partim in horto, partim in aulâ Pontificis, palatio Herodis, & prætorio Pilati sustinuit, quæ à quatuor Evangelistis prolixè narrantur *Matt.* 26. 27. *Marc.* 14. 15. *Luc.* 22. 23. *Ioh.* 13. 18. 19. *capp.* Suntque multò graviores, & atrociores prioribus; quarum solâ etiam recordatione Christus cohorrui; ut est *Iohan.* 12. v. 27. & deinceps ostendetur.

Secundo indicat Objectum, quid passus sit Christus; nimirum iram Dei, id est, pœnas à Deo irato inflictas; metonymiâ causæ pro effecto usitatâ Scripturæ, *Rom.* 1. v. 18. *Eph.* 5. v. 6: siquidem torcular iræ Dei ipse solus calcavit, *Esa.* 63. v. 3. factus peccatum, 2. *Corint.* 5. v. 21. & maledictio *Galat.* 3. v. 13. Quod illustratur & amplificatur ex causâ impulsivâ externâ, quæ sunt peccata universi generis humani, quibus ira illa provocata, & concitata fuit *Rom.* 1. v. 18. Non incubuit Christo ira Dei propter sua quædam peccata, nam expers fuit omnis peccati, 1. *Pet.* 2. v. 22. *Ioh.* 8. v. 46. nullius sibi conscius 2. *Cor.* 5. v. 21. Incubuit autem propter peccata aliena, *Psal.* 65. v. 5. videlicet generis humani, quæ Pater ipsi imposuit, *Esa.* 53. v. 6. & ipse voluntariâ sponsione suscepit, *Hebr.* 10. v. 5. tanquam agnus ille Dei, qui tollit peccatum mundi *Iohan.* 1. v. 29. Non aliter ergò sustinuit iram Dei quàm sponsor noster: *Hebr.* 7. v. 22. nec iratus ei fuit Deus, nisi quatenus sponsor noster fuit *Esa.* 53. v. 6. Quâ Filius erat, Pater tenerrimè & constantissimè ipsum dilexit *Matt.* 3. v. 17. *Eph.* 1. v. 5.

Tertio loco commemorat Subjectum recipiens, distributione è partibus integrantibus humanæ naturæ. Equidem passus est

est totus Christus, passus est Filius Dei, ipse Deus, & Dominus gloriae : argumento locorum *Iohan. 3. vers. 16. Act. 20. v. 28. 1. Cor. 2. v. 8. 1. Ioh. 1. v. 7.* Sed non passus est totaliter; nec passus quâ filius Dei, Deus aut Dominus gloriae; quia πᾶσι & passionis supposito, sive personæ Christi, non absolute, sed restrictivè & secundum quid, tribuitur : & cum absolute videtur attribui, synecdochicè tamen intelligendum est, juxta explicationem Scripturæ *1. Petr. 4 v. 1. Christus passus est pro nobis carne ; & cap. 6. v. 16.* Humana verò natura in unitatem *ὑποστάτως* assumpta à λόγῳ, & unâ indivisâ *ὑποστάσει* in & cum ea subsistens, est subjectum passionum secundum animam & corpus; quemadmodum hoc loco, filius Dei iram Dei animâ & corpore sustinuisse dicitur. Nam quoad animam perpassus est gravissimos, & horrendos planè cruciatus, ortus ex sensu iræ divinæ, & metu abjectionis æternæ *Matth. 26. v. 38. Psalm 22. v. 2. 15. Hebr. 5. v. 7.* De quibus articulo de descensu Christi ad inferos ex professo. Corpore autem quæ quantaque perpassus fuerit; locuples testis est historia Evangelica, externas Christi passiones longâ narrationis serie referens. De quibus etiâ Petrus loquitur *1. Epist. 2. v. 24. Christus peccata nostra tulit in corpore suo super lignum;* Et David vaticinatus est *Psa. 22. v. 17. 18. Foderunt manus meas & pedes meos; enumerare possem omnia ossa mea.* Dum igitur carni, sanguini, & mortî Christi, hoc est, corporali- bus ejus passionibus tota salus nostra adscribitur, non fit illud exclusivè, quasi passiones spirituales animæ eò non pertineant sed inclusivè per synecdochen membri, pro integro. Et ideò fit, tum quia passiones corporis externæ sunt, in oculos incurrentes, quas rudiores & infirmi facilius percipiunt; tum quia in sanguinis effusione, & morte corporis, certius deprehendi potuit veritas corporis Christi, & veritas passionis ipsius, ne κατὰ δόκησιν vel corpus assumis- se, vel in eo passus, mortuus fuisse, censeretur posset; tum denique, quia evidentius cernitur veritas & complementum, sanguinis, & mortis pecudum in Veteri Testamento ma- ctatarum velut figurarum sacrificii Christi. Obiter etiam hoc loco explicanda est phrasis Augustini *epist. 58. ad Dardanum,* quod ad so- lam carnem passio Christi pertineat, sive quod sola ejus humani- tas passa sit; quam Ubiquetarii in Neotericis quibusdam scri- ptoribus tanquam Nestorianismo affinem exagitant. Latet autè æ- quivocatio in vocabulo *sola*, quæ aliàs *σπληνῶς*, aliàs *ὑποφανεῶς*

Humana na-
tura.

secundum

animam

& corpus.

Cur corpori
potissimum
adscribatur
passio.

Vindicatur
dictum Au-
gustini.

usurpatur. Στερηκῶς, sola humanitas; separata videlicet ab hypostosi τῷ λόγῳ, passa non est, ut quæ separatim à λόγῳ non existit: sed ὑποφακῶς rectè dicitur passa sola, ὁ λόγος, sive Christus, non in utrâque naturâ, in quibus subsistit, sed in alterâ humana, & quidem solâ, passus est.

à fine:
Liberatione
corporis &
animæ no-
stræ.

Acquisitione
gratiæ,

justitiæ,

vitæ æternæ.

Quarto & ultimo, recenset duplicem finem passionum Christi, quorum prior est liberatio corporis & animæ nostræ ab æternâ damnatione; quam sui corporis suæque animæ passione, tanquam unico sacrificio propitiatorio, nobis peperit; secundum Scripturam *Heb. 9. v. 12. & cap. c. 2. v. 13. 14. Coloss. 1. v. 13. 1. Corinth. 6. v. 20. Luc. 1. v. 71. 74.* Posterior, isque tripartitus, est acquisitio gratiæ, justitiæ, & vitæ æternæ: siquidem eadem passione Christus, & gratiam Dei nobis reconciliavit, qui hostes, inimici ipsius eramus, *Rom. 5. v. 2. Iohan. 1. v. 17.* & justitiam impetravit, quam Deus gratis propter Christum nobis donat, & imputat, *Rom. 5. v. 19. 2. Cor. 5. v. 21.* & vitam æternam promeruit *Iohan. 3. v. 15. 16. cap. 6. v. 51. Iohan. 4. v. 9.* Atque hi sunt fines principales passionum Christi; præter quos etiam alii, minus principales, in Scripturâ inveniuntur, tam Christi, quam fidelium respectu. Illius respectu, ut ipse per passiones introiret in gloriam, & in principem salutis consecraretur *Luc. 24. v. 24. Hebr. 2. v. 10.* Horum respectu, ut compati sciret ipsorum infirmitatibus, tentatus in omnibus similiter, excepto peccato, *Hebr. 2. v. 18. & cap. 4. 15.* tum etiam ut ipsis relinqueret exemplum obedientiæ, quod imitarentur in patiendo pro veritate & justitiâ Dei *1. Pet. 2. v. 21.*

Considerationes Catechetica Novatorum, ad quæst. & resp. trig. septimam.

An Passio extendatur ad totum vitam Christi tempus?

I. An verisimile sit, ullo modo vocem passus est complecti omnem passionem, quam toto vita sua tempore Dominus Iesus Christus sustinuit. & unde hoc probari possit: an nonnulla ad marginem notata loca id inferant, & quænam ea sint, & quomodo Passio tum rectè in symbolo restringatur ad eo quæ Christus sub Pontio Pilato passus est.

Resp. Non verisimile modò, sed certum est, vocabulo passionis omnem Christi passionem aliquando significari in Scripturâ. Fidem faciunt hæc & similia loca: *Hebr. 2. 18. Ex iis quæ passus fuit, cum tentatus est, potest & iis, qui tentantur, succurrere:* Confer *cap. 4. v. 15.*

v. 15. Sic 1. Petr. 2. v. 21. *Christus passus est pro nobis, relinquens nobis exemplar, ut subsequeremini vestigia ipsius.* Quòd si in decalogo sub uno verbo aut nomine comprehenduntur quæ ad integrum aliquod præceptum pertinent, quid mirum si in symbolo idem fiat? quod non minus est *ἄριστον* credendorum, quam Decalogus faciendorum. Nec obstat restrictio sive limitatio passionum Christi ad personam Pilati: Neque enim adhibita est excludendis antecedentibus Christi passionibus; sed designandis iis, quæ inter omnes fuerunt præcipuæ, & quasi colophon reliquarum. De quibus etiam Evangelistæ loquuntur; Matthæus cap. 17. v. 21. Marcus cap. 8. v. 31. Lucas, cap. 22. v. 15. & cap. 24. v. 26. 46.

II. Quandoquidem hic iterum expresse dicitur, Christum eo fine passum esse, ut suâ passione, tanquam unico sacrificio propitiatorio, corpus & animam nostram ab aternâ damnatione liberaret, nobisque gratiam Dei, justitiam, & vitam aternam acquireret; considerandum venit, an non & activâ suâ justitiâ, vel obedientiâ vitæ, Christus nos Deo reconciliaverit, & nobis Dei gratiam, &c. acquisiverit, vel hoc tantum perfecit justitiâ passionis & mortis.

An Christus quoque activâ justitiâ nos redemerit?

Resp. Iterum verò opponunt Novatores, quæ Scriptura componit, & inter se subordinat; Obedientiam sanctæ vitæ, obedientiam passionis & mortis Christi. Talis nos decebat Pontifex, sanctus, impollutus, segregatus à peccatoribus; cui non sit quotidie necesse, quemadmodum illis pontificibus, prius pro peccatis propriis, inde pro peccatis populi victimas offerre Heb. 7. v. 26. Ergò nec passio sine sanctitate, nec sanctitas sine passione, esse potuit sacrificium propitiatorium pro peccatis nostris; sed utrâque opus fuit, ne esset sanctus sacerdos, & sancta victima. Quâ de re infrâ pluribus.

III. Cum supra, responsionibus XIV. & XVII. dictum sit, Christum iram Dei sustinuisse; ut pro peccatis satisfaceret, & hic repetatur ipsum iram Dei sustinuisse adversus peccata universi generis humani; quæritur an non hinc firmissimè concludi possit, quòd pro peccatis universi generis humani, ac per consequens non pro electorum tantum peccatis, satisfecerit.

An Christus universi generis humani peccata expiavit.

Resp. Illa illatio est valdè infirma: imo prorsus deficit ob fallaciam æquivocationis. Universum genus humanum non sunt omnes & singuli homines absolutè, sed est totus mundus, ut Johannes loquitur, 1. epist. 2. v. 2. id est, omnes & singuli electi & credentes, ex toto mundo, sive ex Judæis & gentibus coadunati. Quam expositionem confirmat locus ex Esa. 53. v. 3. 4. 5. hic allegatus.

Quodd si maximè per universum genus humanum, omnes & singuli homines intelligantur, ne sic tamen procedit consequentia, Sustinuit Christus iram Dei adversus peccata universi generis humani, hoc est, quæ non unius aut paucorum, sed omnium hominum peccatis concitata erat. An ut omnes & singulos ab irâ illâ liberaret, iisdemque iustitiam ac vitam acquireret? imò, verò ut nobis credentibus eam acquireret, ut habent verba Catechesios, Ratio hæc est, quia sustinuit iram illam non pro omnibus, id est, omnium ac singulorum vice & loco; alioquin omnes ab eâ forent immunes, nec ullus amplius ei subjaceret; contrâ quàm Scriptura, *Rom. I. v. 18. Iohan. 3. v. 36.* & experientia testantur: verum pro electis, & credentibus, quorum ipse peccata à Patre sibi imposita suscepit, *Esai. 53. v. 3. 4. 5. Rom. 8. v. 3. 2. Cor. 5. v. 21.* quorum sponsor factus erat *Hebr. 7. v. 22.*

An Christus
non pro solis
electis, sed
pro omnibus
& singulis
satisfecerit?
Argumenta
Novatorum.

CÆTERUM quia in his verbis Catechesios Novatores erroris sui dogmatis, de universalitate redemptionis ac satisfactionis Christi pro omnibus & singulis, fundamentum quærunt; nos in dogmatis illius examen ac discussionem paucis digrediemur.

Summa doctrinæ ipsorum hæc est: Christum non pro solis electis, & credentibus; sed pro omnibus, & singulis hominibus passum ac mortuum esse; & passionem ac mortem suam impetrasse omnibus, & singulis reconciliationem cum Deo, ac remissionem peccatorum: ita tamen, ut fructus impetrationis huius ad alios non perveniat, quàm ad solos credentes, & in fide perseverantes. Utrumque membrum huius assertionis, aliquot argumentis munire, & confirmare allaborant.

Pro Membro
priori.

Pro priorè hæc adferunt præcipua. I. Quod nullo modo necessarium erat, imò per quod impossibile erat obtinere finem illum, qui intendebatur; illud Christo tribuendum non est. At ut moreretur pro iis qui jam ante electi erant, nullo modo necessarium erat, & per mortem impossibile erat finem illum obtinere, qui intendebatur. Ergò. *Majoris* veritas extra dubium est. *Minoris* pars prior sic demonstratur. Quod jam plenariè habetur, id acquiri & impetrari adhuc non est necessarium: haberetur enim alioquin una & eadem res simul, & non haberetur; quod contradictionem implicat. Atqui electi illi qui dicuntur, habebant jam antè id quod per mortem Christi acquisitum, & impetratum deindè dicitur. Ratio; quia jam erant in gratiâ apud Deum

Deum patrem, utpote ex amore summo, nominatim, absolutè, & peremptoriè ab ipso destinati vitæ æternæ. Quocirca ut in gratiam cum Deo restituerentur, per mortem Jesu Christi necessarium non erat. Ergo. Ex quo fundamento *altera* pars minoris æquè solidè adstruitur; quia, cum finis mortis sit reconciliatio peccatorum, sive reductio eorum in gratiam cum Deo, impossibile erat finem illum per mortem obtineri; cum jam ira Patris sublata esset, ac proinde reconciliationi locus amplius non esset. II. Cujus passio, & mors: ipsam fidem & electionem ordine antecedit, is pro electis & credentibus, quâ talibus passus, & mortuus non est. Atqui passio & mors Christi, fidem & electionem ordine antecedit. Ergo Christus pro electis & credentibus, quâ talibus, passus & mortuus non est. *Major* certa est. *Minor* confirmatur ex ordine decretorum salutis, loco de Prædestinatione tradito, & in Scripturis fundato.

Pro *posteriore* membro argumeta ipsorum sunt. I. Qui ex dilectione illâ Dei, quâ Pater mundum dilexit, datus est; quique se ipsum dedit pro mundi vitâ, & pro totius mundi peccatis propitiatio factus est: ille pro omnibus & singulis peccatoribus mortuus est, & remissionem peccatorum morte suâ impetravit. Atqui Christus sic datus est, &c. Ergo. *Majoris* veritas ex terminis liquet; quia totus mundus, contradistinctè ab his, & illis; omnes in universum reliquos homines peccatores complectitur. *Minor* ostenditur dictis *Iohan. 3. v. 16. & cap. 6. v. 51. 1. Iohan. 2. v. 2.* Nam quominus *primo* loco vocabulum *mundi* de solis electis accipiat, obstat illud, quod alioquin absurda esset oratio, Deum dedisse filium suum propitiatorem iis, quos ipse jam ab æterno dilexit: Item, quia inter electos nulli sunt qui perire possunt, & quos Deus perire velit, nisi credant: Denique, quia sic adductio electorum ad fidem, esset solus finis missionis filii Dei, quod falsum esse docet mandatum de fide, præscriptum omnibus & singulis hominibus. *Secundi* loci eadem ratio est. In *tertio*, etiam inde res est manifestior, quod *totus mundus* appellatur; & quod generalitas propitiationis cum emphaticâ aduersativâ proponitur. II. Si Deus omnes homines salvare, & ad agnitionem veritatis pervenire, neque ullum perire vult; sequitur Christum pro omnibus & singulis hominibus mortuum esse. Verum prius

pro membro
posteriore.

1.

prius 1. *Timoth.* 2. v. 4. 5. 6. 2. *Petr.* 3. v. 9. Ergò & posterius. Nam particula *πάντες* apud Paulum collectivè, non distributivè, accipienda est: quia Deus omnibus & singulis præcipit fidem & agnitionem veritatis: vult etiam nos orare pro omnibus & singulis omnino hominibus; Et erit alioquin ratio hæc Apostoli frivola, & inefficax, ad exhortandum Christianos, ut orent pro singulis magistratibus sub quibus degunt. III. Quicumque in Christum Jesum credere tenentur, pro illis Christus est mortuus. Atqui omnes & singuli, tam electi, quos vocant, quàm reprobi, tenentur credere in Christum. Ergò. *Minor* per se manifesta est. Reprobi damnantur, quòd non crediderunt, *Iohan.* 3. vers. 19. 36. 2. *Thess.* 2. vers. 10. 11. Ergo tenentur credere. *Major* hæc ratione confirmatur: quia alioqui tenerentur ii, pro quibus Christus mortuus non est, mendacio credere, quod per se absurdum est. Fides concipi non potest, nisi suppositâ prius Objecti veritate in se. Nemo igitur tenetur credere Christum pro se mortuum esse, nisi verum sit Christum pro ipso esse mortuum.

Resp. Dogmatis Novatorii de universalitate redemptionis ac satisfactionis Christi, duo membra sunt, si antithesis, quatuor verò, si res ipsa spectetur; in quæ illud majoris perspicuitatis gratiâ distinguemus, ac deducemus. *Primum* est, quòd Christus non sit mortuus pro solis electis & credentibus. *Secundum*, quòd mortuus sit pro omnibus & singulis hominibus. *Tertium*, quòd omnibus & singulis impetrârit reconciliationem cum Deo, ac remissionem peccatorum. *Quartum*, quòd fructus impetrationis hujus, non ad alios quàm ad solos credentes, & in fide perseverantes perveniat. De singulis seorsim.

1. Christus
mortuus pro
solis electis,
credentibus.

Primum manifestè repugnat Scripturæ Sacræ, quæ Christum pro solis electis & credentibus passim, mortuum esse docet. Pro electis *Rom.* 8. v. 33. 34. *Quis intentabit crimina adversus electos Dei? Christus est, qui mortuus est*, scilicet pro electis Dei. *Apoc.* 5. v. 9. *Mactatus es, & redemisti nos Deo, ex omni tribu, lingua, natione, & populo.* His similia sunt illa loca, quibus Christus pro populo suo, *Matth.* 1. v. 22. *Tit.* 2. v. 14. *Heb.* 2. v. 17. pro Ecclesiâ, *Actor.* 20. v. 28. *Ephes.* 5. vers. 25. pro ovibus, *Iohan.* 10. vers. 12. 15. *Hebr.* 13. v. 20. mortuus esse dicitur. Pro credentibus, *Joh.* 3. v. 15. 16. *Filium hominis exaltari oportet. Deus filium suum unigenitum dedit, ut omnis, qui credit in ipsum, non pereat, sed habeat vitam æternam.*

aternam. Idem repitur *Actor. 10. v. 43. Rom. 3. v. 22. 25.* & alibi passim. Frustra verò excipiunt in dictis illis non addi particulam exclusivam. Etsi enim disertè non exprimitur; subintelligitur tamen tacitâ antithesi, cum dicta illa emphaticam electorum, Populi, Ecclesiæ, omnium credentium mentionem faciant. Secus sermo Scripturæ ineptus futurus esset, & propter superfluitatem inutilis; electis, ovibus, fidelibus, illud singulariter attribuens, quod reprobis, hædis, infidelibus, ex æquo commune est.

Nec magni momenti sunt duo illa argumenta, vel potius Sophismata, quæ nobis opponunt. Nam in *Priore* minor propositio falsa est: falsa etiam assumptio prosyllogismi, unâ cum utriusque partis propositionibus. Abique satisfactione Christi, & citra ejus respectum, electi nullo modo, nedum plenariè habuerunt aut habent reconciliationem cum Deo *Rom. 8. v. 33. 34. & cap. 5. vers. 10.* Fuerunt in gratiâ apud Deum jam indè ab æterno, *Ephes. 1. v. 4. 5. 2. Timoth. 1. v. 9.* sed ita ut Christus pro peccatis ipsorum justitiæ Dei satisfaceret, *ibidem, & Rom. 3. v. 24. 25.* Insuper ex summo amore Dei, nominatim, absolutè, & peremptoriè destinati sunt vitæ æternæ; quia Deus pro benevolentissimo affectu voluntatis suæ, in seipso, non motus ab externâ aliquâ causâ, idque immutabiliter, singulos eorum ad vitam æternam elegit *Ephes. 1. v. 4. 5. 2. Timoth. 2. v. 19.* Sed summus amor Dei erga creaturam, non tollit summum amorem erga justitiam irascentem peccatis, & satisfactionem pro iis exigentem; nec constitutio finis ordinem mediæ, sub quibus ille intenditur, & per quæ obtinetur, evertit. Duabus igitur falsissimis hypothefibus tota sophismatis hujus structura nititur. *Vna* est, quòd gratia dilectionis, & electionis divinæ, non consistat cum reconciliatione cum Deo per Christum; cum tamen Apostolus hanc illi subternat ac subordinet ad demonstrationem justitiæ ipsius *2 Timoth. 1. v. 9. 10. Rom. 3. v. 24. 25. 26.* Nec aliam ob causam Electio nostri in Christo facta sit *Ephes. 1. v. 4.* *Altera*, quòd Deus non possit diligere electos suos, & iis irasci diverso respectu. Atqui licet filium illum suum unigenitum perfectissimè semper dilexerit, eatenus tamen quoque ipsi succensuit, quatenus sponsor noster, & peccatum ac maledictio pro nobis factus est. Quantò magis igitur. potuit nos diligere, ut electos, ut filios in Christo, &

Respondetur
ad argumen-
ta contraria
primum.

d d

tamen

secundum.

tamen irasci nobis, ut peccatoribus, donec præstaretur satisfactio. Hæc de priore Sophismate. In *posteriore* est fallacia plurimum interrogationum, exinde nata, quod Electio & Fides non habent se eodem modo ad mortem Christi. Passio & mors Christi sequitur electionem ad vitam, ut medium sequitur suum finem; eoque posterius est in intentione agentis 1. *Petr.* 1.v.20. 1. *Thessal.* 5.v.9.10. Antecedit autem fidem, tum Objectivè; quia est res illa quæ creditur, *Rom.* 10.v.9. 1. *Corinth.* 2.v.2. tum Effectivè; quia Christus spiritum fidei, & ipsam fidem, passione ac morte suâ nobis acquisivit *Galat.* 3.v.13.14. 1. *Corinth.* 1.v.30. Igitur passus, mortuus dicitur Christus, pro electis antecederet, hoc est, qui jam ante ipsius passionem, ac mortem, Electi erant ad vitam æternam: pro credentibus autem consequenter, hoc est, qui virtute mortis ipsius credituri erant, eamque sibi applicaturi. Ex quibus ambiguitas majoris, & falsitas minoris abundè intelligitur.

II. Non est mortuus pro omnibus & singulis.

Secundum membrum in Scripturis non reperitur. Ajunt quidem illæ Christum pro omnibus mortuum esse, 2. *Corinth.* 5.v.15. 1. *Timoth.* 2.v.6. *Hebr.* 6.v.9. at pro omnibus & singulis mortuum esse nusquam dicunt aut docent. Et quominus notam universalem de absolutâ universalitate interpretari liceat Novatoribus, duo obstant. *Vnum*, quod Scriptura in hoc argumento omnium mentionem faciens, vel restrictivè intelligat omnes credentes, *Iohan.* 3.v.15.16. *Rom.* 3.v.22. vel distributivè quosvis, hoc est, cujuscunque ordinis, conditionis, ac status homines, ex omni tribu, linguâ, natione, & populo *Apocal.* 5.v.9. *Act.* 10.v.34.43. 1. *Timoth.* 2.v.6. *Tit.* 2.v.11. *Alterum*, quod mori pro aliquo, hîc est vice ac loco alicujus mori, ut is non moriatur, sed vivat liberatus à morte; argumento locorum *Rom.* 5.vers.6.8. 2. *Corinth.* 5.v.15. 1. *Iohan.* 3.v.16. & *cap.* 4.v.9. Quo modo si Christum pro omnibus ac singulis mortuum esse volunt, jam omnes ac singulos in gratiâ, justitiâ, ac vitæ statum per Christum restitutos concedunt. Sufficientiam mortis Christi pro omnibus & singulis hominibus, si omnes & singuli crederent, nemo negat. Sed hanc Novatores non modò rejiciunt, sed etiam rident, tanquam Diabolis quoque communem; quibus, ob dignitatem personæ, mors Christi non minus ad redemptionem

Sufficientia mortis Christi qualis.

tionem sufficiat, vel saltem sufficere possit, quam ipsis hominibus. Quasi verò sufficientia mortis Christi non præsupponat convenientiam naturæ cum hominibus, pro quibus eam obivit *Hebr. 2. v. 11. 14. 1 Timoth. 2. v. 5.* Et iustitia Dei postulat, ut homo, qui peccavit, ipse in naturâ suâ pro peccato dependat. Secus etiam pro equis, mulis, & omnibus creaturis vanitati & corruptioni obnoxiiis, sufficiens dici possit. Tria porro sunt quæ secundo hoc membro complectuntur. *Primum*, quòd Christus pro omnibus & singulis hominibus indiscriminatim, tam pereuntibus, quàm salvandis, mortuus sit. *Secundum*, quòd ex decreto, consilio, ac intentione Dei Patris pro iis sit mortuus. *Tertium*, quòd ita sit mortuus, ut omnibus, & singulis aliquid impetraret. Sed de tertio hoc infra dicitur. Priora autem duo falsissima sunt. *Prius* quidem, tum quia Christus non indiscriminatim, sed discriminatim, pro populo suo, pro Ecclesiâ, pro ovibus; nec tantum in genere, aut specie pro hominibus, sed etiam in individuo, sigillatim, & nominatim, pro Hoc, Illo homine, Petro, Paulo, mortuus esse dicitur, *Johan. 10. v. 15. collato cum versu 3. cap. 17. v. 19. Galat. 2. v. 20.* tum quia venit, ut servaret, non qui perirent, sed quod perierat *Luc. 19. v. 10.* scilicet datum sibi à Patre *Johan. 6. v. 39.* Ex quibus nec periit quisquam, *cap. 17. v. 12.* nec perire potest *cap. 10. v. 29.* *Alterum* verò, quia ipse Christus clarissimis verbis ei contradicit *Johan. 6. v. 39.* *Hæc*, inquit, *est voluntas ejus qui misit me, Patris, ut quicquid mihi dederit, scilicet redimendum, non perdam ex eo, sed suscitem illud in ultimo die.* Et quos pater non elegit, aut prædestinavit in Christo, eos etiam servare per ipsum non intendit & decrevit. Omnes & singulos, tam pereuntes, quàm salvandos, non elegit, aut prædestinavit in Christo *Ephes. 1. v. 4. Rom. 8. v. 29.* inprimis autem *cap. 9.* Non igitur omnes & singulos tam pereuntes, quàm salvandos per ipsum servare intendit & decrevit. Hæc aliaque cum alibi prolixè à nobis confutata sint, non persequemur nunc fusius. Solum argumenta, quæ in defensionem erronei dogmatis attulere, discutiemus.

Respondent
ad argumen-
ta contraria.

Primi argumenti propositio Major meritò negatur: cujus veritas ex æquipollentiâ terminorum, Mundi, totius mundi; & Omnium ac Singulorum, ideò nequit demonstrari, quia hoc

ad primum.

Vindiciæ lo-
corum.

Ioh. 3. v. 16.

1. Ioh. 2. v. 2.

est ipsum *καθόλου*, an Mundus illis locis universos ac singulos significet. Contrarium alibi luculenter evicimus, stabilità etiam orthodoxâ locorum allegatorum expositione, quam novis commentis in vanum oppugnant. *Iohan. 3. v. 16.* Dilectio electorum non absolutè, sed sub hâc conditione proponitur, ut pro peccatis eorum præstetur satisfactio per filium Dei, ex eadem dilectione ipsis à patre donatum; quomodo absurdi nihil ponit, sive in re, sive in oratione. Nec dicitur, esse inter electos qui perire possint, aut quos Deus perire velit, nisi credant: utrumque enim *ἀδύνατον*; cum electio immutabilis: *Matth. 24. v. 24. Rom. 11. v. 29.* Fides autem electorum propria sit *Tit. 1. v. 1. Act. 13. v. 48.* Sed salus æterna, quam Deus ipsis ex dilectione destinavit, filius morte suâ acquisivit, ipsi per fidem consequuntur, illustratur antithesi contrarii, ad amplificandum hoc gratuitæ dilectionis & redemptionis beneficium. Denique, adductionem ad fidem esse finem missionis Filii Dei, non falsò, sed verè dicitur; etsi non sit solus finis *1 Corinth. 1. v. 30. Galat. 3. v. 13. 14. Tit. 2. v. 14.* Venit enim filius hominis, ut esset lux mundi, *Ioh. 8. v. 12.* & vocaret peccatores ad fidem & resipiscentiam; cui non magis repugnat mandatum fidei, quàm medium fini suo repugnat. Interim mandatum illud non solum est odor vitæ ad vitam, sed etiam odor mortis ad mortem, pro conditione ac diversitate Subjectorum *2 Corinth. 2. v. 15. 16.* Alter locus *1 Iohan. 2. v. 2.* intelligendus est de generalitate propitiationis, non pro omnibus & singulis, sed pro omnibus electis, ac filiis Dei, per totum mundum dispersis; quomodo Johannes optimus sui interpretes rem declarat in Euangelio *cap. 11. vers. 51. 52.* Vox mundi ipsi usu familiaris est, ad ostendendam amplitudinem gratiæ sub Novo Testamento; & docendam vocationem gentium, in Veteri Testamento terminis universalibus multoties promissam *Genes. 12. v. 3. & cap. 32. v. 18. Deuter. 32. v. 43. Psalm. 117. v. 1. Esai. 49. v. 6.* & alibi. Particula *totius*, universalitatem electorum, accipientium ex toto mundo, sive ex omni tribu, & linguâ, & natione, & populo, notat *Apocal. 5. v. 9.* Adversativa autem, *nec pro nostris solum, sed etiam, &c.* significat propitiationem illam factam esse non solis Judæis, qualis erat Johannes, cum iis, quos sibi accenset: sed omnibus gentibus per totum mundum, sublato jam per Christum populorum discrimine,

scrimine, ut est *Iohan.* 11. v. 51. 52. In *argumento secundo* nulla est consequentia propositionis, quia 1 *Timoth.* 2. v. 4. per omnes, intelligi quosvis conditionis homines loci contextus evincit, & aliàs à nobis demonstratum est. Nunc diluendæ sunt exceptiones Novatorum. Si voluntas Dei hîc est voluntas præcepti de Fide; ne sic quidem dici potest absolute universalis, quia nec in Veteri Testamento talis fuit, *Actor.* 14. v. 16. nec est in Novo Testamento, experientiâ teste. Sed voluntatem decreti intelligendam esse sequentia ostendunt. At illa semper, & in omnibus fit, *Psal.* 215. v. 3. *Esai.* 46. v. 10. Fierent igitur omnes, & singuli salvi, si eos salvos esse vellet. Præterea nec illud verum est, pro omnibus omninò hominibus orandum esse. Nam Johannes disertè excipit peccantes in Spiritum Sanctum 1 *Epist.* 5. vers. 16. Postremò falsum est expositione nostrâ enervari vim exhortationis Apostolicæ. Exhortatio est ut oremus pro regibus, & omnibus, id est, aliis quibuscumque in eminentiâ constitutis. Ratio est, quia Deus vult omnes, id est, omnes ordinis homines salvos fieri. Sic ergò colligit: Deus vult omnis ordinis homines, ac proinde etiam reges, ac alios quosvis in eminentiâ constitutos salvos fieri. Ergò pro illis quoque orandum est. Hæc optimè coherent inter se, & urgendæ exhortationi idonea sunt. Quod addunt, etiam pro singulis magistratibus, sub quibus degimus, orandum esse; id quidem non negamus: sed ad rem non facit; quia ne sic quidem conficitur absoluta universalitas, ex usu vocis; tum etiam non adstruitur universalis Dei voluntas de salute omnium. Officii namque nostri est, quibus ignota sunt arcana electionis, etiam de illorum salute benè sperare, & pro eâ orare ex charitate, quos Deus salvos facere non vult. In *tertio argumento.* I. *Minor* falsa est. Nam quibus Christus non prædicatur, & qui de morte ipsius nihil audiverunt, non tenentur credere Christum pro se mortuum esse; quorum tamen est longè maximus in orbe numerus: nec damnabuntur in extremo iudicio quòd in Christum non crediderint, sed quòd legem naturæ non servârint, ut est *Rom.* 2. vers. 12. II. In *Majore* est fallacia à dicto secundum quid. Quibus prædicatur Christus ii non tenentur absolute, & sine conditione credere, ipsum pro se mortuum esse, sed ita demum si resipiscant, credant.

ad secundum
1 Tim. 2. v. 4.
vindicatur.

ad tertium.

convertantur ad ipsum. Non aliter enim de Christo credendum est, quàm ipse credendus nobis proponitur in Euangelio. Ibi autem proponitur non ut redemptor, servator omnium hominum absolutè, tam infidelium, quàm fidelium; sed ut Redemptor, servator fidelium. Sicut scriptum est Rom. 3. v. 25. *Christum proposuit Deus placamentum per fidem in sanguine ipsius.* Hæc igitur est veritas Objecti, quam fides præsupponit ac in-tuetur in verbo Euangelii. Alterum, quod Christus absolutè, & sine conditione fidei, sit omnium ac singulorum hominum redemptor ac servator, est falsitas ac mendacium contra Euangelium; sicut scriptum est: *Qui non credit Filio, non videbit vitam, sed ira Dei manet supra eum.* Johan. 3. v. 36. Sed instant: damnantur igitur saltem reprobi vocati, & qui Christum agnoverunt, quod per incredulitatem ipsum rejecerint. Ergo ad ipsos mors ejus pertinet. *Resp.* Sanè pertinet ad ipsos prædicatione, oblatione externâ per verbum & Sacramenta; sed sub conditione fidei; non autem destinatione Dei, & applicatione. Planè sicut pax Apostolorum annunciatione pertinebat ad omnes domesticos; intentione Dei autem, & re ipsâ, ad solos filios pacis inter ipsos Luc. 10. v. 5. Deindè, reprobi per incredulitatem Christum rejiciunt, non quòd sciant ipsum ad se non pertinere; id soli Deo notum est: sed quòd ipsum oderint, ac corruptæ naturæ vitio ultrò ruant in ipsius contemptum, ac contumeliam. An verò propterea Dei irâ ac condemnatione digni non sint?

III. Non omnibus & singulis impetravit reconciliationem & R. P.

Tertium membrum phrasi pariter, & sensu, à Scripturâ alienum est. *Phrasi*, quia nusquam sic Scriptura loquitur, Christum impetrâsse omnibus, & singulis, reconciliationem: sed dicit Deum in Christo sibi reconciliâsse omnia in cælo, & in terrâ; reconciliâsse sibi mundum; Christum reconciliâsse omnia per sanguinem suum Coloss. 1. v. 11. 12. 2 Corinth. 5. v. 19. *Sensu*, quia reconciliationem cum Deo, ac remissionem peccatorum non omnibus ac singulis attribuit; sed omnibus electis ac credentibus, (quorum una pars in cælis triumphat, altera per totum mundum militat,) eam ut propriam vendicat. Et si Christus utramque verè acquisivit & obtinuit omnibus & singulis; cur non omnibus & singulis per mortem Christi remissa sunt

sunt peccata, omnesque & singuli Deo reconciliati sunt? Sed quia Novatores impetrationem hanc ab applicatione & participatione sejungunt, & illam omnibus ac singulis, hanc solis credentibus attribuunt, ut membro sequente dicitur; apparet ipsos per reconciliationem & remissionem, re verâ nil nisi remissibilitatem & reconciliabilitatem intelligere. Eam autem scriptis privatis & publicis hunc in modum declarant. I. Deum filium suum unigenitum tradidisse in mortem, ut genus humanum hæctenus sibi reconciliaret, ut & ipse jam liberè & plenè posset & vellet de novo cum hominibus agere de ratione salutis præscribendâ; & Filius potestatem ac jus acquireret peccata remittendi, & salutem conferendi iis conditionibus, quas pater præscriberet, atque ita januam cæli & salutis hominibus aperiret. II. Destinâsse autem filium suum in mortem, cùm nihil adhuc apud se statuisset de quoquam hominum nominatim servando. Si enim alicui certò salutem ex dilectione destinâset, jam Christi mortem irritam futuram fuisse, nullasque condiciones salutis præscribi potuisse, in quo tamen tota religionis ratio consistit. III. Potuisse etiam Patrem, peractâ jam Christi morte, opera legis, sive perfectam legis obedientiam non minus in conditionem salutis præscribere, quàm ante lapsum: sed pro beneplacito suo præscripsisse fidem; ejusque mediocrem; ac præstabilem obedientiam, quam non imputatis defectibus pro exactâ, & rigidâ legis obedientiâ, habere velit. IV. Fieri præterea potuisse, ut nemine ex adultis condiciones præscriptas præstante, omnes perirent, vel omnibus eas præstantibus, omnes servaretur. Morti verò, & oblationi Christi suam utilitatem, dignitatem, & necessitatem, omnibus numeris factam tectam constare potuisse, etiamsi nemo credidisset, aut salvatus fuisset; cùm Christus in hunc finem propriè sit mortuus, ut Pater de novo posset, & vellet condiciones salutis præscribere, sive januam salutis aperire. V. Christum, cum suâ morte & merito, non esse promissum, aut donum Novi Fœderis; sed hoc effecisse, ut pater fœdus illud novum de possibili quâdam obedientiâ cum hominibus inire voluerit. Ex quorum omnium simplici, sed verâ narratione planum est, quàm monstrosa errorum portenta Novatores sub specioso impetrationis titulo occultant; quid

quid ipsis sit Christi satisfactio, & λύτρον, quid patri secundum ipsos per illud accesserit, quid ipsi Christo, quid omnibus & singulis hominibus.

Impetratio
Christi non
tantum possi-
bilitatem re-
conciliationis
sed ipsam re-
conciliatio-
nem acquisi-
visse ostendi-
tur.

1. Nos hanc peregrinam, & portentosam Novatorum Theologiam, ex Socini, & Pelagii fœcibus haultam, Christianis fidelium auribus intolerandam, toto pectore detestamur; quia I. Filius possibilitatem aut modum reconciliationis non acquisivit Patri, sed ipse Pater, cujus infinitæ sapientiæ deesse non poterant modi alii, hanc viam invenit, nobisque verbo suo patefecit: sicut scriptum; *Placuit Patri, ut pace per sanguinem crucis Christi factâ, per eum sibi reconciliaret omnia* Coloss. 1. vers. 19. 20. II. Nec Patrem Filius reconciliabilem solùm aut placabilem, sub dubiâ quadam, & contingente conditione; sed reconciliatum, placatum reddidit: sicut scriptum est; *Cum inimici essemus, reconciliati fuimus Deo per mortem filii ejus* Rom. 5. vers. 10. *Deus erat in Christo, reconcilians sibi mundum, non imputans eis offensas* 2 Corinth. 5. v. 19. III. Similiter ipse filius morte suâ non acquisivit sibi nudum jus remittendi peccata, & conferendi vitam iis, qui conditiones præscriptas præstare vellent: sed acquisivit ipsam remissionem peccatorum, ipsam justitiam, & ipsam vitâ; & quibus acquisivit, iisdem etiam hæc beneficia certò confert: sicut scriptum est; *Esai. 53. v. 11. Servus meus justus cognitione sui justificabit multos, quorum iniquitates ipse bajulavit.* Matth. 26. vers. 28. *Hoc est sanguis meus Novi Testamenti, qui pro multis effunditur in remissionem peccatorum.* Galat. 3. vers. 13. 14. *Christus nos redemit ab exsecratione legis, ut in gentibus exstaret benedictio Abraham; & promissum illum spiritum acciperemus per fidem.* Iohan. 6. vers. 51. *Panis, quem ego dabo, caro mea est, quam ego dabo pro mundi vitâ.* IV. Pater destinavit Filium in mortem pro Electis, quos ipse elegerat ad vitam æternam: & Filius mortem illam subivit pro ovibus, quas ipse etiam nominatim agnoscebat: sicut scriptum est Rom. 8. vers. 33. 34 *Quis intentabit crimina adversus electos Dei, Christus est, qui mortuus est, scilicet pro electis Dei.* Iohan. 17. vers. 6. *Manifestum feci nomen tuum hominibus quos dedisti mihi, selectos è mundo.* cap. 10. vers. 15. 14. 3. *Animam meam depono pro ovibus; agnosco eas; & voco eas nominatim.* V. Quibus Deus ex dilectione certò destinavit salutem, pro iis nihilominus Christum mori, & placamentum fieri oportuit, ad demonstrationem justitiæ divinæ, Rom. 3,
- 2.
- 3.
- 4.
- 5.

Rom. 3. v. 24. 25. 26. sicut scriptum est Galat. 2. v. 20. *Christus dilexit me, & tradidit semetipsum pro me.* Et Johan. 3. vers. 16. *Sic Deus dilexit mundum, ut filium suum unigenitum daret.* VI. Si perfecta

jam Christi morte, perfecta legis obedientia præscribi potuit in conditionem salutis, Christus frustra mortuus est; ut ratiocinatur Apostolus Galat. 2. vers. 21. VII. Si iustitia nostra coram

Deo consistit in mediocri, ac præstabili obedientia fidei, quam pro obedientia perfecta Deus reputat; jam nec iustitia est ex fide, & per fidem, nec iudicium Dei secundum veritatem: quorum utrumque est contra Scripturam Rom. 1. v. 17. & cap. 2. v. 2. & cap. 3. v. 22. & cap. 10. v. 6. Philip. 3. v. 9.

VIII. Si mortis Christi dignitas sua atque utilitas constare potuit, etiamsi nemo crederet & salvaretur; potuit etiam Christus esse servator sine salute, redemptor sine redemptione, sacerdos sine populo, rex sine regno, caput sine corpore; quæ omnia in Dei sapientiam, ac Christi meritum summè contumeliosa sunt. IX. Si, non obstante Christi morte, omnes aut salvari, aut damnari potuerunt; prout conditiones præscriptas ipsimet observare vellent aut negligere; necessario sequitur, nulli peccatori reverà peccatum propterea remitti, aut quenquam justificari eo, quod Christus ipsius loco pœnas peccatorum luerit: sed quod peccator ipse conditiones Novi fœderis, interventu mortis Christi gratiosè præscriptas præstiterit. Quin & illud sequitur, inter mortem Christi, & iustitiam & vitam credentium nullam dependentiam nullumque nexum esse, nisi eventualem, ac omnimodè contingentem.

X. Christus est præcipuum promissum, ac donum Novi fœderis, in quo reliquæ omnes fœderis promissiones ut factæ, ita ratæ sunt. Gen. 12. v. 3. Matt. 26. v. 28. Gal. 3. v. 16. 17. Heb. 7. v. 22. & cap. 9. v. 15. 17. 21. Cor. 1. v. 20.

Quantum membrum, secundum stylum & explicationem Scripturæ acceptum, certum est, & extra controversiam; ex mente Novatorum verò intellectum, & cum membro antecedente tertio collatum, producit famosam illam, ac insidiosam distinctionem Impetrationis & applicationis; cujus priorē parte cum Socino destruunt satisfactionem ac meritum Christi; posteriore cum Pelagio iustitiam ac vitam ab arbitrio voluntatis humanæ suspendunt. Quod cum evidenter, & solidè jam demonstratum sit; illud tantum superest, ut duos hosce actus officii

7.

8.

9.

10.

IV. Christus solis electis impetravit & applicat reconciliationem.

Christi Ac-
quisitio &
 Applicatio
necessario
connex
sunt.

Christi, Impetrationem videlicet, & applicationem, nexu necessa-
rio, ac inseparabili coherere, ex Scriptura doceamus. Dicta prae-
cipua nota sunt: Esai 53. v. 11. *Servus meus iustus cognitione sui ju-
stificabit multos, quorum iniquitates ipse bajulavit.* Johan. 10. v. 25. 28.
*Animam meam depono pro ovibus, & vitam aeternam do eis, nec peri-
bunt in aeternum.* Rom. 4. v. 25. *Traditus in mortem propter lapsus no-
stros, & resuscitatus ad nostri justificationem.* Et cap. 8. v. 34. *Christus
est qui mortuus est, qui suscitatus est, qui sedet ad dextram Dei, qui
etiam interpellat pro nobis.* 1 Johan. 2. v. 1. 2. *Advocatum habemus
apud patrem, Iesum Christum, iustum, & ipse est propitiatio pro peccatis
nostris.* Quin & Apostolus Paulus ex impetratione immediatè de-
ducit applicationem, argumentatione à maiore ad minus: Rom.
8. v. 32. *Proprio filio non pepercit, sed pro nobis omnibus tradidit eum,
quomodo non etiam omnia cum eo nobis gratificabitur?* Iterum cap. 5.
v. 10. *Si cum inimici essemus, reconciliati fuimus Deo per mortem filii
ejus; multò magis reconciliati servabimur per vitam ipsius.* Et si im-
petitionis proprius finis est applicatio, & ideo impetravit Chri-
stus, ut applicaret; profectò ridiculi sunt, qui hanc ab illà divel-
lunt, & separant.

QUÆST. XXXVIII. Quid causæ fuit, cur sub iudice
Pilato pateretur?

RESP. *Vt innocens coram iudice politico damnatus, nos à
severo Dei iudicio, quod omnes manebat, eximeret.*

EXEGESIS.

Cur in Sym-
bolo iudicis
Pilati fiat
mentio.

ARticulo quarto ita describitur passio Christi, ut simul iudicis
Pilati fiat mentio: cujus causa duplex, quarum utraque de-
sumpta est a fine, in responsione exponitur. Prior est, ut publi-
cum innocentiae testimonium ab hoc iudice consequeretur; ex
quo constaret omnibus, nihil passione aut morte dignum ad-
misisse, nec pro se tam atrocia passum esse. Equidem alii com-
plures perhibuere Christo innocentiae testimonium: ipse pro-
ditor Judas, *Matth. 27. v. 4.* Herodes, *Luc. 23. v. 15.* uxor Pilati,
Matth. 27. v. 19. mulieres in viâ ad locum supplicii, *Luc. 23. v.
27.* item alter latronum, qui fuit conversus *Luc. 23. v. 41.* Sed
omnibus

omnibus hisce illustrius est iudicis Pilati testimonium; tum quia publicum fuit; tum quia non nisi causâ probè cognitâ prolatum; tum denique quia multoties repetitum *Matth. 27. v. 23. 24. Marc. 15. v. 4. Luc. 23. v. 14. 15. Iohan. 18. v. 37. & cap. 19. v. 4. 6. 24. Altera est*, ut nihilominus à iudice politico damnatus nos à severo Dei iudicio eximeret. Iudicium, quo damnatus est Christus, Dei fuit: Nam ipse est summus præses iudiciorum *Deuter. 1. vers. 17. 2. Chron. 19. v. 6.* Et Pilatus potestatem judiciariam etiam adversus Christum supernè acceperat; ut ipse Christus testatur *Ioh. 19. v. 11.* Deus autem adduci voluit filium suum in iudicium, ne nos in iudicium suum veniremus; venire in condemnationem, ut nos ab illa liberaremur. Quem fructum condemnationis Christi proponit Esaias, *cap. 53. v. 7. 8. 11. & Paulus 2. Corinth. 5. v. 21. Galat. 3. v. 13.* De eodem etiam Christus loquitur, *Iohan. 5. v. 24.* ubi promittit credentes nunquam venturos in iudicium, cum ipse pro eis illud subiverit, & ex eo sublatus sit *Esai. 53. v. 11.* Venient quidem in iudicium cum Christus rediturus est iudicatum vivos & mortuos; sed in iudicium discretionis & absolutionis: non verò reiectionis & condemnationis *Matth. 25. v. 32. 34.* Quia nulla est condemnatio iis qui sunt in Christo Iesu *Rom. 8. vers. 1.*

QUÆST. XXXIX. Estne verò quiddam amplius, quod affixus est cruci, quam si alio genere mortis affectus esset?

RESP. Sanè amplius. Ex hac enim re sum certus, eum maledictionem, qua mihi incumbibat, in se recepisse: Nam mors crucis à Deo erat maledicta.

EXEGESIS.

Secundus gradus exinanitionis Christi est ejus *Crucifixio*: quæ collatione diversorum imparium in quæstione illustratur. Varia erant apud Judæos suppliciorum capitalium genera; Lapidatio, ignis, suspendium sive crucifixio, gladius. Crucifixio autem gentibus quoque in usu erat, sed modo à Judæis diverso. Nam Judæi vivos in crucem non agebant, sed lapidatione prius

Crucifixio
Iu. Iæorum &
Gentium.

Christus cur
crucifixus.

interfectos, quorum postea cadavera cruci alligabant, & usque ad vesperam in ea relinquebant. Gentes vero vivos agebant in crucem, & clavis per manus & pedes adactis eidem affigebant: ideoque cruces gentilium, maxime Romanorum, lignis tribus constituisse legimus; uno in altitudinem erecto, & terræ infixio, in quo requiescebat corpus; altero priori transversum, parte superiore immisso cui affigebantur manus; tertio itidem priori se parte inferiore immisso, in quo extendebantur & distinctis clavis affigebantur pedes. Quemadmodum Irenæus, & Cyprianus formam earum accurate describunt. Crucifixio Christi more gentilium peracta est à Romanis; qui jam ante id tempus judicia capitalia Judæis ademerant, ut ipsi fatentur *Ioh. 18. v. 31.* Et hoc genere supplicii quo ipse affectus fuit, id verò longe majoris momenti esse quam si alio quovis genere mortis periisset, vel sola Apostoli gloriatio comprobatur *Galat. 6. v. 16.* *Abstine, a me gloriari nisi in cruce Domini nostri Iesu Christi.* Et *1 Corinth. 2. vers. 2.* *Nihil statui scire, nisi Iesum Christum, eumque crucifixum.* Rursum *cap. 1. vers. 23.* *Nos prædicamus Christum crucifixum.* Catechesis autem momentum illud observat, & eruit ex fine atque effectu crucifixionis Christi; qui est fidei nostræ *ἀντὶ τοῦ φθοῦρα* de sublata à nobis Dei maledictione. Propter peccatum obnoxii eramus iræ Dei, ac maledictioni ipsius, sicut scriptum est: *Maledictus omnis qui non permanet in omnibus, quæ scripta sunt in libro legis Deuter. 27. v. 28.* Nec liberari ab eâ potuimus, nisi aliis eam a nobis in se derivaret; quod Christum fecisse Apostolus his verbis testatur *Galat. 13. v. 13.* *Christus nos redemit à maledictione legis, dum pro nobis factus est maledictio.* Probat etiam ab adjuncto signo, quod certitudinis ergo in textu etiam allegatur: quia mors crucis ipsius Dei voce maledicta erat *Deut. 21. v. 22. 23.* *Maledictus qui pendet in ligno.* Jam Christus pependit in ligno. Causa maledictionis non fuit suspendium in ligno, sed peccatum; Et Christus prius fuit maledictus, quam suspensus, aut crucifixus, quia fecerat eum Deus peccatum pro nobis *2 Corinth. 5. vers. 21.* Suspendium vero ipsius, erat externum & publicum testimonium maledictionis nostræ vice & loco susceptæ; cum hoc genere supplicii non nisi in sceleratissimos, & diris omnibus devotos, blasphemos, idololâtras, seditiosos, secundum legem animadversum sit. Cæterum atrocitatem crucifixionis Christi non pa-

rum

rum exaggerant ejus circumstantiæ, quæ in historiâ Evangelica notantur; quòd medius inter duos latrones, velut omnium nequissimus, suspensus fuit; quòd coactus fuit videre divisionem vestimentorum suorum inter milites; audire maledicta & sanas, tum plebejorum prætereuntium, tum summorum sacerdotum, itemque scribarum & seniorum, tum militum, tum denique alterius latronum unà suspensorum: sentire etiam sitim intolerabilem ex gustu iræ Dei, & quæ sunt aliæ hujus generis.

QUÆST. XL. Cur necesse fuit ut Christus ad mortem usque se dimitteret?

RESP. Propterea, quod justitiæ & veritati Dei nullo alio pacto pro nostris peccatis potuit satisfieri, quàm ipsâ morte filii Dei.

E X E G E S I S.

Tertius gradus exinanitionis Christi est ipse *Mors*, cujus cre- Christi Mors
berrima mentio fit in sacris literis. In historiâ passionis tribus hisce phrasibus declaratur. *Exspiravit*, Marc. 15. v. 37. Luc. 23. v. 46. *Emissit spiritum*, Matth. 27. v. 50. *Tradidit spiritum*, Johan. 19. v. 30. nimirum ut intelligatur Christum non *доход*, & specie, sed *смерть* & verè mortuum esse; mortuum verò solâ separatione animæ à corpore, non Deitatis à carne: quæ cum utraque parte naturæ humanæ in ipsâ morte personaliter unita perman-
sit. Necessaria. Necessitas quoque mortis multis locis inculcatur; iis inprimis, quibus dicitur ita scriptum fuisse, & ita oportuisse fieri; Luc. 24. v. 26. 44. 46. impossibile fuisse ut transfret ab ipso calix iste; Matth. 26. v. 39. absque sanguinis effusione nullam fieri remissionem Hebr. 9. v. 22. Quæ necessitas est decreti; ac voluntatis divinæ Act. 2. v. 23. & cap. 4. v. 28. Et necessitas ex hypothesi, sive consequentiæ, vocari solet. Catechesis rationem necessitatis iterum deducit ex causâ finali, quæ est satisfactio pro peccatis, justitiæ ac veritati divinæ debita. *Justitia* quidem, quia hoc est *δικαιοσύνη*, sive jus Dei, ut qui faciunt peccata digni sint morte Rom. 1. v. 32. Est enim peccatum dedecoratio Dei, læsio

summi illius boni *Rom. 2. v. 23. 24.* Non potest igitur dignè expiari, nisi summo supplicio, & ultimâ destructione naturæ peccantis, quæ est mors *cap. 6. v. 23.* Quia ergò Christus se sponforem stiterat pro nobis, ac nostram peccatorum personam induerat, qui mortem eramus commeriti; ipsum quoque ad mortem se demittere necesse fuit. *Veritati* etiam, quia dixerat Deus se puniturum peccata destructione & morte peccantis *Genes. 2. v. 17. Quocunque die comederis, morte morieris.* Hanc comminationem Dei oportuit impleri admissio peccato: insuper impleri quoque oportuit promissiones patribus factas, tum verbis, ut *Gen. 3. v. 15. Psal. 22. v. 16. 17. Esa. 53. v. 5. seqq. Dan. 9. v. 26. 27.* tum typis, & figuris; inprimis autem sacrificiis, quibus significavit Deus Christum victimam fore pro peccatis.

*Antithesis Catechetica Socinianorum
ad quest. & resp. quadragesimam.*

Antithesis I.

Sententia Evangelicorum, quod Christus morte sua nobis salutem meruit, & pro peccatis nostris plenariè satisfecit, fallax est, erronea, & multis modis perniciofa. Fallax est, quia perspicuis Scripturis demonstrari nequit, sed vanis consequentis nititur. Erronea est, ut quæ tum Scriptura repugnat, passim testificantem Deum peccata hominibus gratuito remittere; cum quâ remissione consistere nequit satisfactio: tum etiam rationi. I. quia Christus non subivit mortem æternam, quæ tamen peccatis nostris debebatur. II. quia sequeretur nos Christo, quam Deo patri devinctiores esse: quippe qui satisfactione multum gratia nobis ostendisset, Deus verò exactâ satisfactione nullâ prorsus gratiâ nos prosequutus fuisset. Perniciofa denique, quia hominibus fenestram ad peccandi licentiam aperit, aut certè ad socordiam, in pietate colendâ, invitat.

Responsio.

Error hic Socinianorum circa meritum, & satisfactionem Christi planè fundamentalis est, & exitialis, ipsum Christianismum radicitus convellens; & verum discrimen, quo Christiani à Mahumetanis, Paganis, aliisque infidelibus distinguuntur,

Doctrina de
satisfactione
Christi est

I. Vera.

2. Consentanea
Scripturæ
& rationi san-
ctæ.

tur, prorsus abolens. Eum verò non aliundè hausere, quàm ex speculationibus philosophicis, & cæcæ rationis stultis conclusionibus: cujus luculentam nobis fidem faciunt ineptissimi ipsorum paralogismi, in tanti momenti re probationum loco adducti. I. Doctrinam de merito ac satisfactione Christi certam ac firmam esse, non fallacem aut dubiam, evincunt omnia illa loca, quibus docetur Christum nostrâ vice, & loco mortuum esse *Rom. 5. v. 6. 9. 2 Corinth. 5. v. 15. 21. Galat. 3. v. 13.* Dedisse se λύτρον, ἀντίλυτρον pro nobis *Matth. 20. v. 28. 1 Timoth. 2. v. 6.* Acquisivisse Ecclesiam proprio sanguine *Act. 20. v. 28.* Redemisse nos precioso sanguine suo *1 Petr. 1. v. 19. 20.* Nec refert, quòd ipsum satisfactionis vocabulum, quod forense est, non reperitur in Scripturâ. Reperiuntur in eâ alia, planè æquipollentia; λύτρον, ἀντίλυτρον, λύτρωσις, ἀπολύτρωσις, ἀετιώσις, & similia: traduntur etiam omnia & singula requisita propriè dictæ satisfactionis. Est enim hic satisfaciens, Christus, qui factus est exsecratio & propitiatio *Galat. 3. v. 13. Rom. 3. v. 25. 1 Iohan. 2. v. 2.* Est cui satisfecit, seseque obtulit, Deus *Hebr. 9. v. 14. & cap. 10. v. 5. seqq.* Sunt pro quibus satisfecit, homines impii, peccatores, inimici, *Rom. 5. v. 6. 8. 10.* qui pro se ipsis satisfacere non poterant; *Rom. 8. v. 2. 3. 4.* in Christo autem satisfecisse censentur *Galat. 3. v. 13. 2 Corinth. 5. v. 15. 21.* Est denique λύτρον, sive pretium satisfactionis, sanguis & mors Christi, filii Dei *Matth. 20. v. 28. Rom. 3. v. 25. & cap. 5. v. 10. Phil. 2. v. 8. 1 Ioh. 1. v. 7.* Ex quibus sic colligimus: ubi definitio rei, & omnia ejus requisita non obscurè, sed aperte; nec indirectè sed directè traduntur; ibi res ipsa perspicuè, expressè, & directè docetur, non autem incertis, aut falsis consequentiis adstruitur. In Scriptura definitio satisfactionis Christi pro peccatis, & omnia ejus requisita, dicto modo traduntur. Ergò. II. Eadem doctrina Scripturæ, aut rationibus ex eâ legitimè deductis, nullo modo repugnat: nisi ipsi Deo repugnantiam impingere velimus, in quem non cadit Etiam & Non de re eâdem *2 Corinth. 1. v. 19* Gratuita remissio peccatorum adeò non pugnat cum Christi satisfactione, ut neget Apostolus absque eâ fieri remissionem, *Hebr. 9. v. 22.* ut affirmet commendari nobis charitatem Dei, quòd, cum adhuc essemus peccatores, Christus pro nobis mortuus est *Rom. 5. v. 8.* Et gratiam Dei ad remissionem peccatorum nobis obtingere per redemptionem, quæ est in

Mors Christi
quatenus æ-
terna.

3. non perni-
ciosa est.

in Christo, quem posuit Deus placamentum per fidem in san-
guine ipsius *Rom. 3. vers. 25*. Mors Christi non fuit quidem æterna
duratione: Nam tertiâ die resurrexit à morte, quod impossibile
esset ut ab eâ retineretur *Act. 2. vers. 24*. Fuit tamen æterna im-
mensitate angorum & cruciatuum, quorum respectu Christum
mortem æternam sustinuisse Scriptura haud obscure indicat, *Psal.*
22. v. 1. seqq. Esai. 53. v. 11. collato cum Iohan. 5. v. 24. Galat. 3. v. 13.
Hebr. 2. v. 9. collato cum Ioh. 8. v. 52. Neque hinc sequitur, Inos Chri-
sto quàm Deo Patri devinctiores fore; tum quia Patris & Filii
una est ac eadem essentia, gratia & gloria, *Iohan. 10. v. 30*. tum quia
Pater dedit Filium ipse mortem pro nobis, *Iohan. 3. v. 16. Rom. 8. v.*
3. fecit eum pro nobis peccatum, & in ipso nos sibi reconcilia-
vit 2. Corinth. 5. v. 19. 2. 1. Coloss. 1. v. 14. Rom. 3. v. 25. 26. Postremò
doctrina illa non gignit vel peccandi licentiam, vel bonorum o-
perum neglectum, sed contra odium ac fugam peccati, & serium
pietatis studium in hominibus accendit *Rom. 6. v. 1. seqq. 2. Corinth.*
5. v. 15. 16. Tit. 2. v. 14. Ratio hæc est, quod Christus non solum re-
missionem peccatorum, sed etiam sanctificationem spiritus nobis
acquisivit, *Gal. 3. v. 13*. cujus virtute mortui peccatis iustitiæ vivimus
1. Pet. 2. v. 24.

Antithesis II.

Iustitia satisfactionem requirens pro peccato Deo non inest naturali-
ter, neque inter proprietates ipsius numerari debet. I. quia si talis ius-
titia naturâ Deo inesset, nullum peccatum remitteret, sed semper illud
puniret: cum adversus ea quæ sunt natura sua nihil faciat, aut facere pos-
sit. Constat verò Deum non semper puniri peccata. II. Iustitiam quâ Deus
punit peccata nusquam sacrae litera hoc nomine insigniunt: verum iram
& furorem appellant, quæ Deo improprie solum conveniunt. III. Iustitia
Dei in Scripturis hoc attribuitur quod Deus peccata condonat 1. Joh. 1.
v. 9. Rom. 3. v. 25. 26. Igitur penam peccati non requirit.

Responsio.

Iustitia vindi-
catrix est.

Iustitiam distributivam, quæ vindicatrix & correctiva dici
solet, Sociniani volunt esse Effectum liberrimæ voluntatis ipsius
quod velle, aut non velle possit; planè sicut liberum Deo fuit
creare mundum, vel non; & liberum est hodiè pluerè vel non.

Nos

Nos contra justitiam illam ipsi facimus naturalem, termino rectè ^{Deo natura-}
 explicato; ut naturale dicatur, non quod merè pendet & fluit ^{lis.}
 ex principiis naturæ, ut igni naturali est urere, soli lucere, Deo
 esse unum essentiâ, & trinum personis: sed ad quod natura ita
 inclinatur, ut tamen non nisi mediante liberâ voluntate instituitur,
 & exerceatur; quomodo, verbi gratiâ homo intelligit, ratiocinatur,
 loquitur naturaliter; Deus item bonus, misericors, & verax est erga
 creaturas suas naturaliter. Pro cuius sententiæ confirmatione pau- ^{Probatur}
 cula hæc in medium proponimus. I. Qui justus, sanctus, bonus, o- ^{1.}
 mnisque peccati osor est naturâ, modo perfectissimo; is naturâ
 pronus est ad pœnam peccati, eamque naturæ suæ convenienter
 exercet. Atqui Deus talis est: *Exod.* 34. v. 6. 7. *Deuter.* 32. v. 4. *Iob.* 34.
 v. 10. 11. 12. *Psal.* 5. v. 6. *Esa.* 6. v. 3. *Rom.* 1. v. 32. 2. *Thessalon.* 1. v. 6.
 Ergò. II. Immutabilis Dei voluntas ei naturalis est. Justitia ^{2.}
 vindicatrix est immutabilis Dei voluntas Ergo. Minor probatur
 partim ex Scripturâ, quæ de Deo id constanter testatur, *Genes.* 18.
 v. 25. *Exod.* 23. v. 7. *Iob.* 24. per totum. *Soph.* 3. v. 5. *Rom.* 1. v. 18. 32.
 2. *Thessal.* 1. v. 6. partim ex natura rationali, cui firmiter impressum
 hoc principium, Justitiam Dei postulare pœnas scelerum, in hoc
 & futuro seculo. III. Si Deus non naturâ, sed contingenter, ^{3.}
 non per se, sed per accidens justus est, potest etiam esse non ju-
 stus: ratio, quia accidens citra subjecti corruptionem ab eo ab-
 esse potest. At Deus non potest esse non justus *Genes.* 18. v. 25.
Iob. 40. v. 3. *Rom.* 3. v. 6. Ergò. IV. Peccatum est Dei contem- ^{4.}
 tus & contumelia 1. *Samuel.* 2. v. 30. & *cap.* 15. v. 23. *Rom.* 2. v. 23.
 24. Atqui Deus non potest ferre sui contemptum, & contume-
 liam; ut qui non patitur se irrideri, *Galat.* 6. vers. 7. neque se i-
 psum negare potest 2. *Timoth.* 2. v. 13. Ergò nec ferre potest pec-
 catum.

Ad objectiones adversariorum sic respondemus. In primâ falsum ^{Refutantur ad}
 est assumptum. Constat enim testimoniis Scripturæ, atque ex- ^{versariorum}
 perientiæ, Deum punire omne peccatum, sive in ipsis peccan- ^{objectiones:}
 tibus, sive in sponse eorundem; idque partim in hoc seculo, ^{prima.}
 partim in futuro. Ad secundam dicimus: Justitiam hanc etiam ^{secunda.}
 iram & furorem vocari in sacris literis, ἀνθρῶπον πηδῶς & impro-
 priè; sed propriè justitiæ nomine insigniri: quod hæc & similia
 loca ostendunt *Rom.* 1. v. 32. 2. *Thessal.* 1. v. 6. *Psal.* 9. v. 5. & 119. v.

137. Tertia manifestâ inconsequentia laborat; tum quia remis- ^{tertia.}
 sionem

1. Ioh. 1. v. 9.
& Rom. 3. v.
25. 26. vindi-
cantur.

sionem peccatorum, & satisfactionem pro eis, crassissimo Elencho opponit, tum quia concludit ex puris particularibus. Iustitia Dei aliquandò pro misericordiâ ponitur: Ergò ubique sic sumitur, nunquam autem pro iustitiâ vindicatrice. Allegata etiam nihil faciunt pro stabiliendo illo significato; Quia 1. Iohan. 1. v. 9. Iustitia est veritas, & constantia Dei in servandis promissis. Rom. 3. v. 25. 26 autem, est ipsa vindicatrix iustitia, ut quæ ex placamento sanguinis & mortis Christi deducitur.

Antithesis III.

Dua causa fuere passionis ac mortis Christi. Una, ut moveret credentes exemplo suo, ut in viâ salutis, quam semel ingressi sunt perseverarent, juxta illud Petri 1. Epist. 2. v. 21. Altera, ut esset misericors Pontifex, ad opitulandum, & suos liberandum promptus, utpote tentatus in omnibus similiter, excepto peccato Heb. 2. v. 18. & cap. 4. v. 15.

Responsio.

Exemplum &
supra dicta
non sunt soli
fines passio-
nis & mortis
Christi.

Duas hæc causas inter fines passionis & mortis Christi jam supra recensuimus: sed nec solitarii fines sunt, cum alii plures notentur in Scripturâ; neque etiam præcipui, cum finis principalior statuatur in propitiatione Dei per sanguinem Christi, ad demonstrationem iustitiæ ipsius Rom. 3. v. 25. 26. Verè exinaniant mortem Christi, qui sublimius in eâ nihil spectatum, aut per eam effectum fuisse blasphemant.

QUÆST. XLI. Quarè etiam sepultus est?

RESP. *Vt eo testatum faceret se verè mortuum esse.*

EXEGESIS.

Cur Christus
sepultus.

Quartus gradus exinanitionis Christi est ejus *Sepultura*, quæ ab omnibus Euangelistis suis circumstantiis describitur. Hic autem declaratur à fine, qui est veritas mortis Christi, ac veræ mortis testimonium. Non enim vivi sepeliuntur, sed mortui tantum. Undè Pilatus non antè consensit in sepulturam Christi, quàm certo indicio deprehendisset verè mortuum esse Marc. 15. v. 42. 43. 44. 45. Est & alius finis sepulturæ ipsius. Voluit sepeliri, nè

nos

nos exhorresceremus sepulcrum, sed sciremus eum nostra sepul-
 tra sanctificasse suâ sepulturâ ; ut jam nobis non sint sepulcra,
 sed cubilia, in quibus placidè quiescimus, donec in vitam resusci-
 temur. Denique hoc facto suo typum Jonæ, *Matth.* 12. v. 40. &
 vaticinia Prophetarum de sepulturâ Messîæ, implevit *Psal* 16. v. 10.
Esai. 53. v. 9.

QUÆST. XLII. At cum Christus pro nobis mortem op-
 petierit, cur nobis quoque est moriendum ?

RESP. *Mors nostra non est pro peccatis nostris satisfactio, sed
 peccati abolitio, & transitus in vitam æternam.*

EXEGESIS.

EST *objectio* contra primum finem & fructum mortis Christi,
 supra quæstione XL. propositum, in satisfactione pro pecca-
 tis nostris, & ita habet : Si nobis quoque moriendum est, Chri-
 stus non est mortuus pro nobis. At nobis quoque moriendum
 est. Non mortuus est igitur Christus pro nobis. *Responsio* con-
 stat inficiatione consequentiæ, quæ antithesi & distinctione fi-
 nium declaratur. Non ideò morimur, ut ipsi satisfaciamus pro
 peccatis nostris ; nam id nec possibile nobis, cum satisfactio pro
 peccatis non sit opus nudæ creaturæ ; nec necessarium, cum
 Christus perfectâ satisfactione nos liberaverit ab omni reatu &
 condemnatione peccati *Rom.* 8. v. 1. 3. 4. *Galat.* 3. v. 13. Sunt verò
 fines alii mortis nostræ, quorum duo hîc commemorantur. *Vnus*
 est abolitio peccati, ut illud plenè in nobis aboleatur. In hac vitâ
 inchoatur quidem abolitio, sed non perficitur & consummatur.
 Semper enim, etiâ in sanctissimis, manent peccati inhabitantis re-
 liquiæ, quæ negotium ipsis facessunt *Heb.* 12. v. 1. *Rom.* 7. v. 16. *seqq.*
Galat. 5. v. 17. In morte verò penitus aboletur peccatum, perductâ
 jam ad finem sanctificatione, 2. *Cor.* 7. v. 1. & spiritibus justorum
 in eâ consummatis *Heb.* 12. v. 23. Quia cœlū nihil ingreditur im-
 purum : *Apoc.* 21. v. 27. Et in Domino mortui in conspectum ejus
 adducuntur sine rugâ, & maculâ *Ephes* 5. v. 27. *Alter* est transitus
 in vitam æternam ; qui hîc fit per fidem & spem, *Iohan.* 5. v. 24.
Rom. 8. v. 24. tunc verò fit re ipsâ ; sicut Lazarus reipsâ transpor-
 ff 2 tatus

tatus est in sinum Abrahæ *Luc. 16.* Hic transitus respectu termini à quo, dicitur ἀνάλυσιν animæ à corpore; *Phil. 1. v. 23.* respectu termini ad quem, accessus ad Deum, Christum, myriadas angelorum, conventum Electorum, vocatur *Hebr. 12. vers. 22. 23.*

*Considerationes Catechetica Novatorum
ad quæst. & resp. quadrag. secundam.*

An mors
piorum abo-
litio peccati
dici queat?

I. *An mors corporalis, quâ anima à corpore separatur, verè & secundum stylum Scripturæ, appellari possit peccati abolitio, quippe cum ista tantum in hac vitâ, & quam diu illa durat, peragatur, & ab homine ipso, per virtutem Spiritus S. possit ac debeat effici. Mors verò e contra omnem potentiam, & voluntatem operandi homini penitus adimat.*

Resp. Mortem corporalem verè & convenienter Scripturis dici abolitionem peccati, jam demonstratum est: diversum si videtur Novatoribus, alterutrum horum ostendant oportet, aut sanctificationem fidelium in hac vitâ ita perfici, ut etiâ ante mortem immunes sint à peccato; aut obnoxios etiam peccato manere, postquam ex hac vitâ discesserunt. Utrumque verò est contra Scripturam. Efficitur quidem abolitio virtute Spiritus Sancti in homine, & per eum, in hac vita, sed non perficitur: ex parte fit, non in totum. Consummatio in morte proposita est, ut idem sit vitæ & abolitionis istius terminus *2. Cor. 7. v. 1. Heb. 12. v. 23.* Verba ultima, quòd mors omnem potentiam & voluntatem operandi homini penitus adimit, *ψυχονταννοχίαν* Libertinorum apertè sapiunt & produnt, quam suis autoribus relinquimus.

An Rom. 7. v.
24 25. corpus
peccati notet
mortale cor-
pus?

II. *An Rom. 7. v. 24. 25. per corpus peccati intelligatur hoc animale nostrum, & mortale corpus, quod in hac vitâ nobiscum circumferimus; an non potius peccatum ipsum, quod occasione sumtâ per legem, nos seducit, & occidit; prout Apostolus ante testatus fuerat.*

Resp. Nihil absurdi erit, si dicamus corpus peccati esse corpus animale, peccato & morti obnoxium; quia per corpus ejusque membra peccatum regnat ad mortem *Rom. 6. 7. capp.* Impertinens tamen est ipsa consideratio, cum neque in textu, neque in allegatis, loci hujus fiat mentio.

QUÆST. XLIII. Quid præterea capimus commodi ex sacrificio & morte Christi in cruce?

RESP. *Quòd virtute ejus mortis vetus noster homo unà cum eo crucifigitur, interimitur, ac sepelitur; nè pravæ cupiditates, & desideria carnis, posthac in nobis regnent, sed nos ipsos ei hostiam gratitudinis offeramus.*

EXEGESIS.

TRaditur hîc secundus finis & fructus mortis Christi, nemini-
rum sanctificatio nostri, sive naturæ corruptæ instauratio, <sup>Fructus ad
pios rediens.</sup> cum fine priore immediatè cohærens 1 *Corinth.* 1. v. 30. *Galat.* 3. v. 13. 14. *Hebr.* 9. v. 14. 1 *Pet.* 2. v. 24. Ideoque primo loco ponitur mors Christi, ejusque virtus, tanquam causa procreans hujus sanctificationis; de quâ præclare Apostolus *Rom.* 6. v. 4, 5, 6. Indè effectus allegoricus triplex subjicitur, crucifixioni, morti, ac sepulturæ Christi, analogiâ quâdam respondens. Quamadmodum ^{analogus} enim Christus crucifixus est; ita pr ipsū in fidelibus ecrucifigitur ^{crucifixioni,} vetus homo, cum omnibus suis desideriis ac cupiditatibus: ^{morti,} *Rom.* 6. v. 6. *Gal.* 5. 24. Ut ipse mortuus est; ita fideles mortui sunt, & moriuntur peccato: *Rom.* 6. v. 8. 11. Sicut ipse sepultus fuit; ita hi sepeliuntur unà cum eo per baptismum *Rom.* 6. v. 4. *Coloss.* 2. v. 12. Postremò etiam additur finis horum effectuum, privativè & <sup>& sepulturæ
Christi.</sup> positivè καὶ ἀντίθετον enunciatus. Ille est, nè pravæ cupiditates, & desideria carnis posthac in nobis regnent; non autem nè amplius sint, aut nè se exserant & moveant amplius in nobis *Rom.* 6. v. 6. 14. Manet enim lucta inter carnem & spiritum, quoad hîc vivimus *Galat.* 5. v. 17. Iste est, ut nos ipsos ei hostiam, non propitiationis, qualis est solius Christi hostia, sed gratitudinis offeramus, *Psal.* 51. v. 19. *Rom.* 6. v. 13. quam pulcrè describit Apostolus *Rom.* 12. v. 1. 2.

Consideratio Catechetica Novatorum

ad quæst. & resp. quadrag. tertiam.

Cum fideles ex sacrificio & morte Christi hunc fructum obtineant, quod scilicet virtute mortis Iesu Christi vetus homo in illis crucifigitur, interi-

An ex crucifixe
fixione veteris
hominis in piis,
sequatur eos in
peccata gravia
incidere non
posse?

tur, ac sepelitur: ita ut nulla prava concupiscentia, & cupiditates carnis, in illis dominantur, sed ipsi sese Deo in gratitudinis sacrificium offerant; quaritur, annon hinc firmiter concludatur, verè fideles in gravia & horrenda peccata contra conscientiam non posse incidere, & quidem longum tempus. Quòd si tamen hoc fieri posse dicatur; videndum, an ii tales in huiusmodi peccata prolapsi, & in eis permanentes, nihilominus verè fideles, qui veterem hominem adhuc crucifigunt, occidunt & sepeliunt, haberi debeant; an verò peccata, quæ ipsi faciunt, tam horrenda non sint, quia ab ipsis, ut electis & dilectis Dei filiis, committuntur, quibus omnia in bonum cedere oporteat: sin minus, an ergò illi de quibus legitur, quod in peccata talia inciderint, iudicandi sint verè fideles non fuisse.

Resp. Multa hic cumulant & connectunt Novatores, quæ se habent ut diversæ interrogationes, distinctæ & seorsim expendendæ. I. In fidelibus crucifigitur, interimitur, & sepelitur vetus homo, nè regnet, aut dominatum obtineat: non autem nè sit, aut ut non rapiat aliquando regnum, uno aut pluribus actibus. Finis notatur, non effectus, qui non semper sequitur propter infirmitatem nostram. II. Fideles prolapsi in peccata, & ad tempus viventes in iis, ut David, non permanent aut perseverant in iis, sed per fidem & resipiscentiam ab iis resurgunt, & dum vivunt in iis, fideles dicuntur, quoad semen fidei in ipsis manens, 1. Iohan. 3. v. 9. non autem, quoad actus ejus vitales, in crucifixione & mortificatione veteris hominis, qui à peccato prævalente intercepti & impediuntur. III. Peccata fidelium contra conscientiam sunt horrenda peccata, quibus Deum gravissimè offendunt; nec eo extenuantur, quòd ipsi electi sunt & fideles: cæterum non imputantur eis in damnationem, quia electi sunt à Deo immutabili servandi proposito, & quia per fidem Christi certò consequuntur veniam. IV. Lapsi igitur fideles quidem sunt sed fideles infirmi, paroxysmum, & deliquium fidei passi; à quo cum Davide, & Petro resurgunt.

QUÆST. XLIV. Cur additur, descendit ad inferos?

RESP. Vt in summis doloribus, & gravissimis tentationibus, me consolatione hac sustentem, quòd Dominus meus Iesus Christus inerrabilibus animi sui angustiis, cruciatibus,

tibus, & terroribus, in quos cum antea, tum maxime in cruce pendens fuerat demersus, me ab angustiis & cruciatibus inferni liberavit.

E X E G E S I S.

Quintus & ultimus gradus exinanitionis Christi, est *Descensus* *ejus ad inferos*, cujus sensus initio redditur, post finis etiam & fructus explicatur. *Sensus* non est literalis, quasi Christus loca- Descensus Christi ad inferos qualis.
liter in infernum, locum illum damnatorum, descenderit: neque enim vel animâ descendisse potuit, cum moriens eam deposuerit in manus patris, & secundum eam cum altero latronum in paradisum sit receptus, *Luc. 23. v. 46. 43.* vel etiam corpore, quod in tertium usque diem requievit in sepulcro. Et verò sensus allegoricus, sive metaphoricus, usitatus Scripturæ, quæ vocabulo *inferni*, & phrasi *descendere ad inferos*, summas angustias, dolores, & cruciatus significare solet *1. Sam. 2. v. 6. Psalm 40. v. 3. & 69. v. 3. & 116. v. 3. 139. v. 8.* & alibi. Sic ergò notantur inenarrabiles illi cruciatus, & infernales angores animæ Christi, quos, cum ante crucifixionem, tum in eâ pendens in cruce, sensit & sustinuit. Antè. I. Hierosolymis, cum imminente agone cohorrescens exclamaret; *Nunc anima mea turbata est. Et quid dicam? Pater serva me ex hac hora!* *Johan. 12. v. 37.* II. In horto, cum in agoniâ jam constitutus diceret; *Tristis est anima mea usque ad mortem*, *Matth. 26. v. 38.* cumque inter precandum luctans sudaret grumos sanguinis, & angelus eum consolaretur. In cruce autem, cum distensus in eâ vociferaretur, *Deus mi, Deus mi, cur deseruisti me!* *Matt. 27. v. 46.* In quibus omnibus tria hæc observare & distinguere licet, *horrorem* & *pavorem* ingentem, conjunctum cum extremâ dejectione & perturbatione, ortum ex intuitu peccati, & adpectu Dei summè irati: *Dolorem* incredibilem & ineffabilem, quo sanctissima Christi anima, sc. horrore isto jâ correpta, insuper pressa & circumsepta fuit, usque ad mortem, & *luctam* gravissimam conscientia Christi, cum tentatione desertionis, & abjectionis à facie Dei, cum terroribus mortis æternæ, peccatis nostris tanquam stipendium debitæ. Hæc de sensu Finis & fructus hujus descensus Christi, est consolatio ejus fructus.
nostra, nè metu cruciatuum infernalium animum despondeamus, certò confisi, cum Christus nostrâ vice & loco illos cruciatus sustinuerit, nos æternū ab iis immunes fore *Esa. 53. 3. 5. 1. Cor. 15. 52. 57.*

Con-

HENRICI ALTING
*Consideratio Catechetica Novatorum
 ad quest. & resp. quadrag. quartam.*

An hæc articuli hujus expositio consona sit Scripturæ & antiquis symbolis?

An cum stylo Sacra Scripturæ, & antiquis symbolis inter se collatis, satis conveniat explicatio, quam hic Catechesis adfert, super articulo de descensu Christi ad inferos.

Resp. Satis nobis est, & esse debet, quòd cum stylo Scripturæ convenit explicatio; prout modò ostendimus. Antiqua symbola alia habent, alia non habent hunc articulum: Et Patres eum diversimodè interpretantur, etiam contra Scripturam. Proindè consensus eorum non magnoperè hîc quærendus, aut curandus est.

QUAEST. XLV. Quid nobis prodest resurrectio Christi?

RESP. Primùm resurrectione suâ mortem dirigit, ut nos posset ejus justitiæ, quam nobis suâ morte pepererat, participes facere. Deindè, nos jam quoque ejus potentiâ ad novam vitam excitamur. Postremo, resurrectio capitis nostri Christi nobis gloriose resurrectionis nostræ pignus est.

E X E G E S I S.

HActenus explicatus fuit status Exinanitionis Christi, sequitur status Exaltationis, plenus gloriæ & majestatis *Phil. 2. v. 9. 10.* In quo Christus Deitatem suam, sub formâ servi eò usque occultatam clarissimè manifestavit: humanitatem verò non solum ab omnibus animæ corporisque infirmitatibus liberavit, sed etiam qualitatibus gloriosis, suprâ omnes creaturas, salvâ tamen manente ipsâ essentiâ, ejusque proprietatibus, coronavit. Gradus exaltationis quatuor recensentur in symbolo; Resurrectio, Adscensio in cælum, Sessio ad dextram patris, & Reditus ad judicium.

Igitur primus gradus est *Resurrectio* Christi à mortuis, cujus veritas tam certa & fundata est in novo Testamento, ut demonstratione nullâ egeat inter Christianos. In symbolo à circumstantiâ temporis describitur, quòd tertiâ die resurrexerit à mortuis. Nam die parasceves jam declinante positus est in sepulcro *Iohan. 19. v. 42.* die Sabbathi in eo requievit, *Matth. 27. v. 62. seqq.* tum die

die proximo, qui fuit primus dies hebdomadis, & in tantæ rei memoriam à Christianis *Dominicus* nominatus est, *Apoc.* 1. v. 10. summo manè resurrexit *Matth.* 28. v. 1. *seqq.* quò ita typum Jonæ, post tres dies & noctes è ceti ventre in terram ejecti impleret. *Jon.* 2. v. 1. 2. *Matth.* 12. v. 40. In Catechesi missa explicatione, propter evidentiam ipsius articuli, solùm commemorantur fructus resurrectionis Christi, numero tres. *Primus* est victoria mortis, & donatio justitiæ, per eam nobis acquisitæ. Quia resurrexit Christus à mortuis, vicit mortem; quia vicit, pro peccatis nostris plenè satisfecit *1. Cor.* 15. v. 7. Nam vel unicum peccatum eum in morte detinuisset; quæ in stipendium omnium & singulorum peccatorum nostrorum ipsi erat inflicta. Quia etiam resurrexit ad nostri justificationem, hoc est, ad justitiam nobis conferendam & applicandam, Apostolo teste *Rom.* 4. v. 25. eam nobis certò donat, nè frustra resurrexisse videatur. *Secundus* est resuscitatio nostri à morte peccati, ad vitam novam, per Spiritum Sanctum. De quâ ita Apostolus *Rom.* 6. vers. 4. 5. *Sicut excitatus est Christus ex mortuis, in gloriam patris; ita & nos in novitate vitæ ambulemus. Nam si cum eo plantati coaluimus, conformatione mortis ejus, nimirum etiam resurrectionis conformatione coalescemus. Tertius* est pignus gloriôsæ nostræ resurrectionis, sive confirmatio fidei nostræ de resuscitatione corporum nostrorum *1. Cor.* 15. v. 20. 21. *1. Thess.* 4. v. 14. 15. I. Quia Christus est caput nostrum, nos ejus membra: non convenit autem gloriæ capitis, membra relinqui in morte & ignominiâ. *Ephes.* 2. vers. 23. 27. II. Idem Spiritus habitat in nobis, qui in Christo: proindè non minus nos, quàm Christum ipsum, à mortuis excitabit *Rom.* 8. vers. 11. III. Christus vitam & gloriam pro se & pro nobis accepit. Ergo eam nobis quoque impertiet *1. Cor.* 15. v. 21. *Eph.* 5. v. 23.

*Consideratio Catechetica Novatorum,
ad quæst. & resp. quadragesimam
quintam.*

Cum Iesus Christus dicatur nobis morte suâ eternam justitiam acquisivisse; quaritur, utrum obedientia vitæ Christi acquisitio hujus justitiæ nullatenus tribuenda sit?

Resp. Quoties verò cramben hanc nobis reponunt? de quâ jam

eius fructus
tres.

1.

2.

3.

An eternæ
justitiæ acqui-
sitio obedi-
entiæ vitæ
Christi tribu-
enda sit?

jam dictum est multoties, & infra, loco de justificatione, pluribus agatur. Potius urgere hic debebant, vel saltem proponere, dogma paradoxum & heterodoxum; quo statuunt, Christum non resurrexisse pro omnibus, pro quibus mortuus est; mortuum esse pro omnibus, & singulis, resurrexisse autem pro solis fidelibus. Atqui scriptura mortem & resurrectionem ipsius arctissimo nexu copulat *Rom. 4. v. 25. Traditus in mortem propter lapsus nostros, & resuscitatus ad nostri justificationem.* cap. 8. v. 34. *Christus est, qui mortuus est, imò verò qui etiam suscitatus est, qui sedet ad dextram Dei.* Similia dicta sunt *Rom. 14. v. 9. 2. Cor. 5. v. 15.* & alibi passim. Et si mortuus est pro omnibus, resurrexit autem pro solis fidelibus; pro his vicit mortem, pro illis morti succubuit; pro istis plenè satisfecit, pro illis non item: cum resurrectio ipsius, tum plenariæ satisfactionis, tum gloriosæ victoriæ, certissimum sit testimonium.

*Antithesis Catechetica Socinianorum
ad quæst. & resp. quadrag. quintam.*

Antithesis I.

Christus resurgens non excitavit se ipsum à mortuis, sed excitavit eum Deus Abrahami, Isaaci & Jacobi, qui est Pater Christi Eph. 1. vers. 19. 20. 21. Act. 5. v. 30. 31. Quod adeo verum est, ut Scriptura Novifederis, sapius, Dei nomine non expresso, ita eum describat, is qui Christum excitavit à mortuis Rom. 4. v. 24. & cap. 8. v. 11.

Responsio.

Excitatio.
Christi toti
Trinitati
communis
est.

cur Patri pe-
culiariter tri-
buatur.

Sane tribuitur Patri excitatio Christi à mortuis, istis, & aliis locis, sed non exclusive, hoc est, ut filio adimatur. Nam & ipsi, tanquam opus indivisum, toti Trinitati commune, convenit, secundum Scripturam *Ioh. 18. v. 10. & cap. 2. v. 19. 21. Rom. 1. v. 4.* Pater igitur excitavit filium à mortuis, per ipsum filium, tanquam personam sibi coessentiali, & coæqualem *Ioh. 5. v. 18. 19.* Et subest peculiaris quædam ratio, cur exercitatio illa toties Patri tribuatur. Is filium suum tradiderat pro nobis in mortem, & gravissimam iram suam, peccatis nostris debitam, in ipsum converterat & conjecerat. Dum ergo eundem ipsemet gloriosè reduxit à mortuis, palam ostendit, se morte ipsius plenè nobis reconciliatum esse: quod ad fidei nostræ *πληροφορίαν* plurimum facit.

Antith. II.

Antithesis II.

Corpus Christi inde à resurrectione, ad adscensionem ipsius, non minus corruptibile fuit, & mortale, quam antè; quippe cum legamus, eum comedisse atque bibisse cum discipulis suis, & vulnorum vestigia in manibus, pedibus, & latere, iisdem ostendisse.

Responsio.

Hoc verò est in os contradicere Apostolo, qui *Rom. 6. v. 9. 10.* disertis verbis docet; Christum peccato mortuum esse semel; resuscitatum ex mortuis jam non amplius mori; mortem illi ultra non dominari: nimirum, quia per mortem destruxit eum, qui mortis habet imperium *Heb. 2. v. 14.* Quòd Christus edit, & bibit à resurrectione, illud non fecit ex indulgentiâ, aut necessitate naturæ, sed voluntariâ dispensatione, condescendens ad infirmitatem discipulorum suorum: & hâc etiam ratione veritatem resurrectionis suæ ipsis certiore reddens. Eodem fine cicatrices etiam ostendit in corpore resuscitato *Ioh. 20. v. 25. 27.* Quæ non notæ mortalitatis, sed victoriæ à morte reportatæ, testimonia fuerunt.

Christi corpus post resurrectionem non fuit corruptibile.

Cur ederet, biberit à resurrectione.

Antithesis III.

In negotio salutis nostræ, longè plus situm est in resurrectione Christi, quam in morte ipsius, quod ipsa Scriptura testatur Rom. 5. v. 10. & cap. 1. v. 34. Et tamen creberrimè morti Christi totam salutem nostram adscribit; quia via erat ad resurrectionem & exaltationem ipsius; & charitatem Dei potissimum nobis ostendit, & ob oculos ponit.

Responsio.

Scriptura passim conjungit mortem & resurrectionem Christi in salutis nostræ negotio; ita tamen, ut satisfactionem pro peccatis, ac meritum salutis morti, applicationem resurrectioni, adscensioni, sessioni ad dextram patris, attribuat. De quo insignes loci sunt *Rom. 4. v. 25.* Et *cap. 8. v. 24.* Nisi mortuus fuisset, non satisfecisset pro nobis; nec quicquam nobis meruisset. Nisi surrexisset, sed à morte absorptus fuisset; nihil nobis profuissent mors, satisfactio, & meritum ipsius; quod tamen fieri non poterat, quandoquidem per mortem justitiæ Dei plenè jam satisfecerat. Licet igitur in opere redemptionis connexa sint hæc duo, tamen præ-

Meritum salutis morti applicatio resurrectioni, adscribitur.

Vindicæ lo-
corum.

Rom. 5. v. 10.

Rom. 8. v. 34.

cupua & difficilior pars, in quâ etiam Deus Pater dilectionem, misericordiam, & iustitiam suam potissimum ostendit, citra controversiam est mors Christi: quod *Rom. 5. v. 10.* tam non inficiatur Apostolus, ut etiâ manifestè comprobet, argumentatione à minus probabili ad magis probabile. *Cap. 8. v. 34.* autem distinguit varios gradus redemptionis Christi, qui ordine naturæ & causalitatis se invicem consequuntur: eorum tamen primus & princeps est mors Christi. Ex quibus intelligitur, quomodo salus nostra morti Christi adscribatur in scriptura; quo item sensu mors illa via ad gloriam resurrectionis, & exaltationis, dici possit. *Vide Luc. 24. v. 26. Phil. 2. v. 8. 9. 10. & alia loca.*

QUÆST. XLVI. Quomodo intelligis illud: Ascendit ad cœlos?

RESP. *Quod adspicientibus discipulis Christus de terrâ in cœlum sublatus est, atque etiamnum nostra causa ibidem est, & erit donec redeat ad iudicandum vivos & mortuos.*

EXEGESIS.

Adscensio
Christi fuit

Visibilis.

Translatio de
terrâ in cœ-
lum.

SECUNDUS gradus exaltationis Christi est *Adscensio ipsius in cœlum*, quadragesimo post resurrectionem die facta *Act. 1.* De cuius sensu inprimis quæritur propter Ubiquetarios; qui adscensionem hanc in disparentiam, evanescentiam, & invisibilem Ubique-præsentiam corporis Christi, convertunt. Docetur autem, sensum esse literalem, & articulum ipsum *τὸ ῥῆτόν*, secundum literam, esse intelligendum; ideoque ordine, & distinctè, ex quatuor generibus argumentorum declaratur. I. Ab adjuncto modi, quòd visibiliter, adspicientibus, & visu quo usque poterantsequentibus eum discipulis, adscenderit. Quos etiam duo angeli à diuturniore spectatione dehortati sunt *Act. 1. v. 10. 11.* Et ita futurum ipse Christus prædixerat *Ioh. 6. vers. 62.* II. A propriâ formâ, quæ est translatio Christi localis de terrâ in cœlum. Sic enim adscensionem Christi Evangelistæ describunt, consentientibus suffragiis; quòd disjunctus à discipulis elevatus sit, suscipiente ipsum nube, & sursum evehctus in cœlum

Marc. 16.

Marc. 16. v. 19. *Luc.* 24. v. 21. *Actor.* 1. v. 9. 10. 11. Paulus addit penetrasse cœlos, scil. inferiores, donec in summum illud perveniret *Hebr.* 4. v. 14. In hoc motu locali distinguendi sunt termini, à quo, & ad quem. Terminus à quo, generatim loquendo, est hæc, quam calcamus, terra: cujus respectu Christus dicitur reliquisse mundum, non esse in terrâ. *Ioh.* 16. v. 28. *Hebr.* 8. v. 4. Speciatim, mons oliveti prope Bethaniam *Actor.* 1. v. 8. & *Luc.* 24. v. 20. Terminus ad quem, est cœlum supremum, illud nimirum, quod Salomon cœlum cœlorum vocat *1. Reg.* 8. v. 27. Paulus cœlum tertium, & Paradisum, *2. Cor.* 12. v. 3. 4. Christus ipse quoque paradisum, *Luc.* 23. vers. 43. & domum Patris sui *Ioh.* 14. v. 2. Est autem cœlum hoc locus certus, & finitus, *Ioh.* 14. v. 2. 3. A cœlis inferioribus, *Eph.* 4. v. 10. terrâ, *Psal.* 115. v. 16. & inferno, *Luc.* 16. v. 26. verè distinctus. Et quia supra reliquos cœlos situm est, verè affirmat Paulus, Christum adscendisse supra omnes cœlos *Ephes.* 4. v. 10. III. A fine, quod nostrâ causâ ibidem sit, ut compareat in conspectu Patris, & interpellet pro nobis, ut infia liquebit. IV. Ab adjuncto durationis, quod isthic futurus sit, donec redeat ad judicandum vivos & mortuos. De quo ita Petrus *Actor.* 3. v. 21. *Quem oportet ut cœlum recipiat, usque ad tempora restitutionis omnium.*

Nostrâ causâ.
Vt isthic adju-
dicium usque
maneat.

*Antithesis Catechetica Socinianorum
ad quæst. & resp. quadrag. sextam.*

Christus non primum post resurrectionem, sed etiam ante eam, corporaliter adscendit in cœlum, ibique perfectissimâ ratione à Deo edoctus, ad voluntatem ejus hominibus publicandam missus fuit; quod ipsemet claris verbis testatur Joh. 6. v. 38. 62. & cap. 3. v. 13. 31. & cap. 16. vers. 28.

Responsio.

Hæc verò somnia sunt & deliria Sociniani cerebri. Scriptura non agnoscit, nisi unicam Christi adscensionem, unicum ingressum in sanctuarium cœleste, *Heb.* 9. v. 12. qui ipsius passionem ac mortem, decreto & voluntate Dei, fuit consecutus. *Luc.* 24. v. 26. 44. 46. Dicta illa Johannis non de locali adscensu, aut descensu, sed de missione filii in carnem, ejusque in mediatorem

Adscensio
Christi ante
resurrectio-
nem nulla
fuit.

ordinatione loquuntur; quo sensu Deo etiam adscensus & descensus metaphorice tribuitur.

QUÆST. XLVII. An ergò Christus non est nobiscum usque ad finem mundi, quemadmodum promissit?

RESP. *Christus est verus Deus, & verus homo. Itaque secundum naturam humanam non est in terrâ: at secundum divinitatem suam, majestatem, gratiam, & spiritum, nullo unquam tempore à nobis abest.*

EXEGESIS.

Est *Obiectio* Ubiquetariorum contra explicationem orthodoxam articuli de adscensione Christi. Si Christus in cœlum adscendit localiter, & ibidem est; jam non est nobiscum. Atqui est nobiscum: juxta promissiones suas *Matth. 18. v. 20. & cap. 28. v. 20.* Ergò. *Respondetur* per inficiationem propositionis. Et si Christus localiter adscendit in cœlum, & ibidem est, ut in loco; tamen etiam nobis in terrâ, in Ecclesiâ, præsentissimus adest. Veritas hujus enunciationis discretæ explicatur distinctione duarum in Christo naturarum, divinæ & humanæ: Adscendit in cœlum, & ibidem est, secundum naturam humanam; uti ipse prædixit *Matth. 26. v. 11. Pauperes semper habebitis, me verò non semper. Joh. 16. v. 28. Ego relinquo mundum, & vado ad Patrem. Et si in terra adhuc esset, Pontifex noster non esset. Heb. 8. v. 4. Vicissim nobis præsentissimus adest secundum Deitatem suam; quâ cœlum & terram implet Ier. 23. v. 24. secundum Spiritum & gratiam, quam Ecclesiæ, ejusque membris largiter communicat 2. Cor. 13. v. 13. nec ullo unquam tempore aufert Ioh. 14. v. 16. Nihil autem obstat, quominus opposita uni eidemque rei tribuantur, respectu diversarum partium.*

Qualis Christi præsentia in Ecclesiâ post adscensionem,

QUÆST. XLVIII. An verò isto pacto duæ naturæ in Christo non divelluntur, si non sit humana, ubicunque est divina.

RESP.

R E S P. *Minimè: Nam cum divinitas comprehendi non queat, & omni loco præsens sit: necessario consequitur, esse eam quidem extra naturam humanam, quam assumpsit, sed nihilominus tamen esse in eadem, eique personaliter unitam permanere.*

E X E G E S I S.

INstant Ubiquetarii contra datam responsionem: Si natura humana non est nobiscum in terrâ, nec ubique est, sicut divina; divelluntur duæ in Christo naturæ, & Nestorianismus introducit. At prius est ex vestrâ sententiâ. Igitur & posterius. Sed iterum *Respondetur* negatione propositionis. Eaque negatio demonstratur ex proprio adjuncto naturæ divinæ, videlicet ubiquetate. Si enim natura divina Christi ubique est, sequitur esse eam & intra naturam suam humanam quam assumpsit, & etiam extra eam. At natura divina est ubique, omnipræsens; nec ullo loco comprehendi potest; prout antè demonstratum est. Ergo & intra naturam suam humanam est, & extra. Si autem est intra eam, utique ab eâ divulsa esse nequit. Ex quibus planum est: I. Naturam Christi divinam dici intra humanitatem esse, quia est ei personaliter unita: & extra eam esse, quia non est ei inclusa; non autem quasi etiam sit separata ab eâ. II. Hoc pacto non constitui duos Christos, λόγον duplicem, ἐνσάρχον, & ἀσάρχον; sed esse unum eundemque Christum, præsentem & absentem: cui illud convenit ex naturâ infinitæ Deitatis suæ, hoc ex naturâ carnis finitæ & localis. Fundamentum autem totius responsionis in eo consistit; quod unio personalis non est coëxtensio aut exæquatio duarum in Christo naturarum, sed earundem arctissima & inseparabilis conjunctio in hypostasi λόγος Filii Dei; Servatâ utriusque naturæ essentiâ & proprietate. Est autem proprietas naturæ humanæ, circumscriptum, dimensum, atque finitum esse: divinæ contra esse incircumscriptum, immensum, & infinitum.

Divina natura
Christi qua-
tenus in &
extra huma-
nam.

Q U Æ S T.

QUÆST. XLIX. Quem fructum nobis adfert ad-
scensio Christi in cœlum?

RESP. Primum, quod in cœlo apud Patrem pro nobis in-
tercedit. Deinde quod carnem nostram in cœlo habe-
mus, ut eo tanquam certo pignore confirmemur, fore ut
ipse, qui caput nostrum est, nos sua membra ad se extol-
lat. Tertiò quod nobis suum Spiritum mutui pignoris
loco mittit, cujus efficaciam non terrena, sed superna qua-
rimus, ubi ipse est, ad dextram Dei sedens.

EXEGESIS.

Adscensionis
fructus

Intercessio
Christi.

Fiducia ad-
scensionis
nostræ.

Missio Sp. S.

Explicato & vindicato sensu articuli de adscensione Christi in
cœlum, fines ac fructus ejus præcipui subjiciuntur tres, nume-
ro. *Primus* est intercessio Christi pro nobis apud patrem. Hæc
duplici ferè nomine notatur in Scriptura. I. Vocatur ἐμφανισμὸς
apparitio, *Heb.* 9. v. 24. Qua Christus ostendit & exhibuit se Patri,
cum proprio sanguine, id est, vigore illius, v. 12. 25. 26. ut effica-
cia sacrificii semel oblatis perpetua sit. II. Dicitur ἀπαγγέλλειν, advo-
catio, *1. Ioh.* 2. v. 1. vel, quod idem, ἐν τῷ ὄνοματι, intercessio, *Rom.* 8. v. 34.
Heb. 7. v. 25. Quia tanquam advocatus interpellat pro nobis reis,
& clientibus, volens ut in gratiam recipiamur, & recepti in eam
conservemur, propter satisfactionem suam, quemadmodum ipse
loquitur, *Ioh.* 17. v. 24. *Pater volo &c.* *Secundus* est ἀληθοφροσύνη fidei,
de nostrâ in cœlum adscensione, quæ argumento unionis nostræ
cum Christo confirmatur. Ubi caput est, eò membra etiam extolli
oportet. Caput est in cœlo; Ibi enim Christum carnem nostram
habemus: Eodem igitur & nos, membra ipsius, extollemur. De hoc
fructu vide *Ioh.* 14. v. 2. 3. & *cap.* 17. v. 24. & *cap.* 21. v. 17. *Eph.* 2. v. 6.
Tertius est missio Spiritus Sancti, quem Christus cœlitus in nos
demittit: *Ioh.* 14. v. 16. & *cap.* 16. v. 7. 2. *Cor.* 1. v. 22. & *cap.* 5. v. 5. Par-
tim, ut sit nobis mutuum pignus, pignori alteri carnis Christi,
quod ipse in cœlo quasi deposuit, respondens; Unde & arrhabo
hæreditatis nostræ appellatur *Eph.* 1. v. 15. Partim etiam ut corda
nostra ad meditationem, ac studium rerum cœlestium excitet, &
elevant *Col.* 3. v. 1. *Phil.* 3. v. 20. A quo duplici effecto hic describi-

Antis-

Antithesis Catechetica Socinianorum

ad quæst. & resp. quadrag. nonam.

Antithesis I.

Christus ideo ascendit in cælum, ut ibi fieret sacerdos, qualis antè non fuerat in terrâ, dicente Apostolo Heb. 8. v. 4. Si in terrâ esset, ne sacerdos quidem esset: Item fratribus per omnia similem factum esse, ut fieret misericors, & fidelis Pontifex cap. 2. v. 17.

Responsio.

Christum in terrâ verè fuisse Sacerdotem, alibi prolixè demonstratum est, à nomine, definitione, & propriis actibus sacerdotii ipsius. Neque id negat Apostolus loco allegato. Loquitur enim non de omnibus, sed de iis solùm partibus officii Sacerdotalis, quas ipse extra sacrarium illud cœleste peragere nequibat. In terrâ fuit sacerdos quoad ἱλασµὸν, orans pro populo, *Ioh. 17.* & se in victimam pro eo offerens *cap. 18. 19.* In cœlo factus est sacerdos quoad ἐµφανισµὸν, *Heb. 9. v. 24.* ingrediens cœleste sanctuarium cum victimali sanguine, *vers. 12. 25. 26.* ibique pro populo apud Deum intercedens, *cap. 7. v. 25.* Factus, inquam, est sacerdos, non novo aliquo genere sacerdotii, sed exercitio novi actus Sacerdotalis, qui extra illud tabernaculum exerceri non poterat. Et hujus actus respectu negat Apostolus Christum futurum sacerdotem, si mansisset in terrâ. Alterum ex *Hebr. 2.* nimis jejunum est ac dilutum. Debuit fratribus similis fieri; non ut fieret Pontifex: Erat enim jam divinitus consecratus in Pontificem, ut est *cap. 5. v. 5. 6.* sed ut fieret misericors Pontifex, qui posset affici sensu calamitatum nostrarum; sicut explicatur *cap. 4. v. 15.* Quæ præterea hic nugantur, vel potius blasphemant impudentissimi hæretici, de sacrificio Christi, quòd sit voluntas nobis subveniendi; quòd in cœlo demum peragatur: Item, de expiatione peccatorum, quam esse volunt liberationem à peccatis, & pœnis eorum per potestatem Christo à Patre donatam: Hæc, & alia, quia perpetuo consensu Scripturæ refelluntur, & in Catechesi ipsorum nullo sive testimonio, sive argumento communiuntur, cum detestatione explosa mittimus. Hieronymus de talibus loquens, ait, *Prodidisse refutasse est.*

Christus etiam in terrâ fuit fuit Sacerdos

Vindicatur *Heb. 8. v. 4.*

Heb. 2. v. 17. vindicatur.

Antithesis II.

Intercessio Christi non sic accipienda est, quasi ille preces pro nobis fundat apud Deum; Id enim cum perfecta ipsius potestate non consistit: sed quod potestatem illam ex dono Patris acceperit, & ita exerceat, ac si intervenientibus quasi precibus eam ab ipso obtinuisset. Quomodo prerogativa ac eminentia Patris supra Filium stabilitur.

Responsio.

Intercessio
Christi qua-
lis.

Nec nobis intercessio Christi est humilis aliqua aut supplex deprecatio; quali in diebus carnis suæ usus est, *Hebr. 5. vers. 7.* multò minus est larva illa ementitæ potestatis, quam precariò quasi filius exercent. I. Quia enim Scriptura planè ignorat. II. Quia non nititur sanguine ac morte Christi. III. Quia etiam nudi hominis esse fingitur. Est verò apparitio, & advocatio pro nobis apud Deum, sacrificii semel oblatis vigore instituta, prout supra declaravimus. Prærogativa Patris supra Filium, ordinis est, aut voluntariæ dispensationis; non naturæ & Dei-
tatis.

QUÆST. L. Cur additur: sedet ad dextram Dei?

RESP. *Quia Christus ideò in cælum adscendit, ut se ibi caput suæ Ecclesiæ declararet, per quod Pater omnia gubernat.*

EXEGESIS.

Sessio Christi
ad dextram
Patris quid.

TERTIUS gradus exaltationis Christi est *Sessio ad dextram Dei Patris*; qui gradus cum priore cohæret, ut finis cum effecto destinato. Propterea enim adscendit Christus in cælum, ut federet ad dextram Patris. *Dextra* tribuitur Deo, non propriè; Est enim Spiritus, *Iohann. 4. v. 24.* qui nec dextram, nec sinistram habet: Sed impropriè, ac *ἀνὲρ πρὸς πρὸς τῷ*, ad infinitam ejus majestatem ac potentiam, captui nostro accommodatè significandam. Similiter *sedere ad dextram*, non sumitur propriè; quasi nimirum Christus ita sit in cœlo, ut semper se-
deat,

deat. nam flantem vidit stephanus *Actor. 7. v. 56.* Sed metaphorice significat, ipsum proximum à Deo dignitatis, honoris, & potentia gradum obtinere; argumento locorum *1. Reg. 2. vers. 19. Psalm. 45. v. 10. Matth. 20. v. 21. Ephes. 1. vers. 20. seqq. Phil. 2. v. 9. 10. Coloss. 1. v. 18.* Ideoque gloria sessionis ad dextram Patris, duo hæc Christo vendicat. I. Summam maiestatem supra omnia, sive nomen supra omne nomen, *Phil. 2. v. 9. 10.* ut ipse, qui secundum naturam divinam æqualis est Patri, secundum naturam humanam honore à Deo sit proximus. II. Summam potestatem in omnia, *Ephes. 1. v. 20. 21. 22.* & vicariam gubernationem Ecclesie, nomine Dei; ut est *1. Cor. 15. v. 25. collato cum Psalm. 110. v. 3.* Nam qui hic dicitur sedere ad dextram Dei illic dicitur regnare. Atque ex his ipsis partibus, Catechesis sessionem Christi ad dextram Patris perspicue definit. Uno verbo: sedet Christus ad dextram Patris, quatenus mediator est, in regno suo exaltatus, & officium mediatorium gloriosissime & potentissime cœlitus exsequitur.

QUÆST. L I. Quid nobis prodest hæc gloria nostri capitis Christi?

RESP. Primum quòd per per Spiritum Sanctum, in nos, sua membra, cœlestia dona effundit. Deinde, quòd nos suâ potentia contra omnes hostes protegit ac defendit.

EXEGESIS.

INDICANTUR duo fructus sessionis Christi ad dextram Patris. ^{Fructus Sessionis.} Prior est gubernatio nostri per Spiritum Sanctum, quem in nos, tanquam caput in membra, copiose effundit, *Act. 2. v. 33. Tit. 3. v. 6.* & per quem nos donis cœlestibus ad vitam æternam instruit *Eph. 4. v. 8. seqq. Alter* est defensio nostri contra Satanam, mundum, & ipsam mortem *Rom. 8. v. 32. seqq. Psalm. 11. v. 5. 6. 1. Cor. 15. v. 25. 26.* Quæ defensio potens, *Ioh. 10. v. 28. Matth. 16. v. 28.* ac gloriosa est: Ex qua summa Christi gloria etiam ipsis hostibus patefit *Ephes. 1. v. 20. seqq. Phil. 2. v. 9. 10. 11.*

*Consideratio Catechetica Novatorum
ad quest. & resp. quinquagesimam
& quinquages. primam.*

An Sessionis
Christi finis
sit intercessio

An finis, & scopus sessionis Christi ad dextram Patris, hic tantummodo sit, quod Iesus Christus ibidem se declaret ut caput Ecclesiae suae; & non simul, ut ibidem coram facie Patris comparere, & pro nobis orare possit, uti Scriptura docet.

Resp. Finis ille tanquam generalis, alterum specialiorem sub se complectitur. Declarare se caput Ecclesiae in caelis, est etiam pro Ecclesia in caelis apud Patrem intercedere. An caput obliviscatur membrorum suorum, ac curam eorum deponat? Et, si caelitus gubernat membra sua per Spiritum Sanctum, eademque potentia suâ tuetur adversus omnes hostes; utique re ipsâ intercessionis suae efficaciam eis comprobatur.

QUAEST. LII. Quid te consolatur reditus Christi ad judicandum vivos & mortuos?

RESP. *Quod in omnibus miseriis & persecutionibus, erecto capite, eundem illum, qui se prius pro me iudicio Dei statuit, & maledictionem omnem à me abstulit, iudicem à caelo expecto, qui omnes suos & meos hostes in aeternas poenas abjiciat: me verò cum omnibus electis ad se in caelestia gaudia, & sempiternam gloriam traducat.*

EXEGESIS.

Reditus Christi
ad iudicium.

Quartus & ultimus gradus exaltationis Christi, est *Reditus ipsius ad iudicium*, in symbolo trifariam nobis descriptus: à loco unde rediturus est, qui est caelum illud supremum in quod ascendit *Act. 1. v. 11. & cap. 3. v. 21. Phil. 3. v. 20.* A fine, cujus gratia rediturus est, qui est extremum illud & universale iudicium, in fine seculorum exercendum *Matth. 25. v. 31. seqq. Act. 17. v. 31.* Et deniq; à iudicii illius objecto, quod sunt omnes in universum homines *Rom. 14. v. 10. 2. Cor. 5. v. 10.* qui distributione ex adjunctis significantur; quod alii vivi futuri sint, ii nimirum quos reditus Domini

Domini superstites deprehendet in terrâ, & in momento mutabit *1. Cor. 15. v. 51. 1. Theff. 4. v. 17.* Alii mortui, qui ante Christi reditum, jam inde ab Abele, usque ad ultimum hominem, obdormierunt, resuscitandi ad iudicium *1. Theff. 4. v. 16. Apoc. 20. v. 12. 13. 14.* In Catechesi explicatio hujus articuli accommodatur ad praxin, & consolationem fidelium; quæ certè non levis aut vulgaris, sed longè maxima est; id quod geminâ amplificatione ex adjunctis ostenditur. Nam consideratio & fides reditus Christi, vividum ac firmum præbet solatium in omnibus persecutionibus, Christi & Euangelii causâ toleratis, aut tolerandis: & tam desiderabilis, amabilis est fidelibus, ut exfertâ quasi cervice, & erecto capite eundem expectent *Rom. 8. v. 19. 22. 23. Phil. 1. v. 10.* De quo Christi monitum exstat *Luc. 21. v. 28.* Fundamenta consolationis tria sunt, quæ partim à persona iudicis; partim ex ejus effectis sumuntur. *Primum* est, quod is expectatur iudex, qui se ante iudicio Dei pro nobis statuit *Esa. 53. v. 11. Heb. 10. v. 6. 7.* ut mediator, advocatus, & sponsor noster *1. Tim. 2. v. 5. 1. Joh. 2. v. 1. Heb. 7. v. 22.* Qui etiam maledictionem omnem à nobis abstulit, ut servator & liberator noster, factus pro nobis maledictio *Gal. 3. v. 13.* Est igitur iudex non iratus, sed placatus, summe propitius, & favorabilis, qui nullam sive accusationem, sive condemnationem adversus nos admittit *Rom. 8. v. 33. 34.* Cujusmodi certè omnes desiderant. *Alterum* est abjectio hostium in pœnas æternas; qui non modò nostri, sed ipsius quoque hostes fuerunt *2. Theff. 1. v. 8. seqq. Apoc. 20. v. 10.* Hanc objectionem præcedet cognitio causæ, & sententiæ dictio, ut est *Matt. 25. v. 41. seqq.* *Tertium* est receptio fidelium & electorum omnium in beatitudinem, *1. Theff. 4. v. 17.* quæ declaratur: à subjecto loci, cum Christus dicitur eos ad se, videlicet in cœlum, recepturus; ut ubi ipse est, & illi sint: *Ioh. 14. v. 3. & cap. 17. v. 24.* à partibus integrantibus, quæ sunt, gaudium, & gloria *Psal. 16. v. 11. Matt. 13. v. 43. 2. Cor. 4. v. 17.* ab æterno ipsis parata, *Matt. 25. v. 34.* & denique à partium illarum adjunctis, quod gaudia sint non terrena, sed cœlestia; non corporalia, sed spiritualia *Rom. 14. v. 10.* Gloria item non temporaria, aut momentanea, sed æterna. *2. Cor. 4. v. 17. 18.*

Consolatio
quam piis
suppediat.

De

DEO SPIRITU SANCTO.

QUÆST. LIII. Quid credis de Spiritu Sancto?

RESP. Primum, quod sit verus, & coæternus Deus, cum æterno Patre, & Filio. Deinde quod mihi quoque datus sit, ut me per veram fidem, Christi, & omnium ejus beneficiorum participem faciat, me consoletur, & mecum in æternum maneat.

E X E G E S I S.

Spiritus S.

HUc usque fuit altera, eaque præcipua pars explicationis symboli Apostolici, de Deo Filio; sequitur tertia de Spiritu Sancto qui duplici hoc nomine usitate appellatur in symbolo: Illo quidem non tam spiritualis essentia, quæ Patri & Filio communis, *Ioh. 4. v. 24.* quam *ὁ ἅγιος πνεῦμα*, sive subsistentia respectu: quia à Patre & Filio, unà quasi spirantibus, procedit. *1 Cor. 2. v. 12. Ioh. 15. v. 26.* Isto verò, quod non solum in se sanctus sit essentialiter & subjectivè; sed præcipuè quod in nobis talis sit effectivè, immediatâ virtute, ac singulari operatione nos sanctificans ad vitam æternam. *1. Cor. 6. v. 11. 1. Pet. 1. v. 2.*

Persona.

Cæterum de Spiritu Sancto duo traduntur in Catechesi, Quis sit personâ, & Qualis sit officio & peroratione. *Persona*, descriptione quâdam declaratur, quod sit verus & coæternus Deus, cum æterno patre & filio. Vera ac æterna ejus Deitas asseritur; quod tribuuntur ei. I. Nomina Jehovah, *Esa. 6. v. 9. Actor. 28. v. 25.* Deus, *1 Cor. 3. v. 16.* etiam oppositè ad creaturas *Act. 5. v. 3. 4.* II. Proprietates Dei; æternitas, *Heb. 9. v. 14.* omnipræsentia, *Psal. 139. v. 1. seqq.* omniscientia, *Ioh. 14. v. 26.* omnipotentia *Heb. 3. v. 7.* III. Opera Dei; creationis, *Psal. 33. v. 6.* conservationis, *Genes. 1. v. 2.* missionis prophetarum, *Esa. 48. v. 16. 2 Pet. 1. v. 21.* Sanctificationis *1. Petr. 1. v. 2.* IV. Cultus religiosus; Baptismi, *Matt. 28. v. 19.* Invocationis *2. Cor. 13. v. 13. &c.* Quod autem ordine existendi sit tertia persona Deitatis, illis locis demonstratur, quibus omnes tres personæ secundum

rela-

relationem originis enumerantur *Matth.* 28. v. 19. 1. *Ioh.* 5. v. 7. *Officium* Spiritus Sancti explicatur. I. Causâ efficiente, quod *Officium.* detur, scil. à Patre, & Filio, *Act.* 2. v. 17. 23. *Iohan.* 14. v. 16. 17. & *cap.* 15. v. 26. & *cap.* 16. v. 7. quorum uterque per eum est efficax. II. Subjecto recipiente, quod sunt electi & credentes; & quidem singuli eorum, *Gal.* 3. v. 14. *Tit.* 3. v. 6. Nam mundus eum non potest recipere *Ioh.* 4. v. 17. Ideoque dona quæ in reprobis nunquam operatur, ipsis nunquam sunt salutaria, *Matth.* 7. v. 22. 23. neque sunt charismata gratos facientia, sed gratis data, ad ædificationem Ecclesiæ 1. *Cor.* 12. v. 21. & *cap.* 13. v. 1. *seqq.* III. Effectis, quæ quatuor ordine commemorantur; *Vera fides*; 2. *Cor.* 4. v. 13. 1. *Cor.* 12. v. 3. remissionem peccatorum, *Act.* 26. v. 18. & donum iustitiæ accipiens ad vitam, *Rom.* 5. v. 17. quæ à fide historicâ, temporariâ, ac miraculorum distinguitur. *Vnio cum Christo*; 1. *Cor.* 12. v. 13. 1. *Ioh.* 3. v. 24. ex quâ pendet communio beneficiorum ipsius *Rom.* 8. v. 9. *Eph.* 3. v. 16. *Consolatio*; quâ consolatur nos in omni afflictione nostrâ *Ioh.* 14. v. 16. & *cap.* 15. v. 26. 2. *Cor.* 1. v. 4. Et postremo *perpetua inhabitatio ipsius in nobis*, quod manet nobiscum in æternum, *Ioh.* 14. v. 16. & per ipsum etiam Pater, & Filius, v. 23. ut ita simus templa Spiritus Sancti, 1. *Cor.* 3. v. 16. & habitacula sacrosanctæ ac individuae Trinitatis, 2. *Cor.* 16. v. 16. *Ioh.* 14. v. 16. 23.

*Consideratio Catechetica Novatorum
ad quæst. & resp. quinquages.
tertiam.*

An non hæc responsio Catechesews imperfecta sit, & inter utrumque membrum, ejus loco inseri præstet hæc; Quod Spiritus Iesu Christo datus sit, ut mediatori inter Deum & nos. quo per eundem Spiritum Ecclesiam colligeret, vivificaret, conservaret & gubernaret; quibus mox subjungantur ista, Quod spiritus etiam mihi datus.

An non inferendum quod sp. S. datus Christo ad colligendam Ecclesiam?

Resp. Officium Spiritus Sancti, quoad Christum ipsum, supra explicatum est quæst. XXXI. XXXV. *seq.* Hic ea pars officii ipsius attingitur, quæ nos spectat, & quam Spiritus Sanctus propter Christum, hoc est, propter meritum & intercessionem ipsius, in nobis exercet. Immeritò igitur responsio imperfectionis nomine reprehenditur.

Anti-

*Antitheses Catecheticae Socinianorum
ad quaest. & resp. quinquages. tertiam.*

Antithesis I.

- Spiritus Sanctus non est persona Deitatis, nec in Deitate ut persona subsistit* I. Quia ea, quae Spiritui Sancto in Scripturis attribuntur, nulla prorsus ratione persona conveniunt; ut sunt, quod detur, quod ex eo detur; idque aut secundum mensuram, aut absque omni mensura; quod effundatur ipse, & ex ipso effundatur: quod eo poiionentur homines; quod augeatur; in duplo detur, in partes distribuatur, tollatur ipse, & ex ipso tollatur; quod interdum sit, interdum non sit; quod exstinguatur;
2. & quae similia de ipso in Scripturis pradicantur. II. Idem ex eo patet, quod non sit extra Deum natura, sed in ipso Deo. Nisi enim naturam Deo inesset, non potuisset Paulus Spiritum Dei cum spiritu hominis, qui homini inest naturam, conferre I Cor. 2. v. 11. Quoniam vero Spiritus Sanctus in Deo est, nec tamen in Spiritu Sancto reciproce dici potest esse Deum,
3. hinc apparet Spiritum Sanctum non esse personam. Præterea supra demonstratum est, unam tantum esse in Deitate personam, cuius virtus est Spiritus Sanctus Luc. 1. v. 35. & cap. 24. v. 49. Ergo ipse persona divina non est. Postremo, si Spiritus Sanctus esset persona Deitatis, essentiam quoque divinam haberet. At essentia divina est una numero, nec tribus personis esse potest communis. Ergo nec Spiritus Sanctus est persona Deitatis.
- 4.

Responsio.

Spiritus S. est
persona Dei-
tatis.

ὁ ψις αὐμενον
νοερον.

Spiritum Sanctum esse personam, & personam divinam in Deitate subsistentem, multis iisque firmissimis argumentis, ex Scripturam demonstrari potest: sed instituto nostro in praesentia duo haec abunde sufficient. *Primum*; Qui est ὁ ψις αὐμενον νοερον, est persona. Spiritus Sanctus est ὁ ψις αὐμενον νοερον. Ergo. ὁ ψις αὐμενον; quia assumpsit corpoream ac visibilem speciem, in qua apparuit; columbae, Luc. 3. v. 22. ignis, Act. 2. v. 3. Quia mittitur à Patre & Filio; Ioh. 15. v. 26. docet, ducit, regit, consolatur, Ioh. 14. v. 26. & cap. 16. v. 13. & varia dona hominibus distribuit, à quibus tamen disertè distinguitur, ut autor eorum I. Cor. 12. v. 4. 11. Noepon, quia scrutatur profunditates Dei, & solus novit, quae sunt Dei I Cor. 2. vers. 10. 11. Quia est Spiritus

Spiritus sapientiæ, intelligentiæ, consilii, & scientiæ, *Esa. 11. v. 2.* distribuitque hæc dona sua, prout vult *1. Cor. 12. v. 11. Secundum;* quæ persona est Dei, ex Deo, Deus; ea est persona Deitatis. Sp. Sanctus est persona quæ est Dei; quia Spiritus Elohim, *Gen. 1. v. 2.* Spiritus Jehovæ, *Esa. 11. v. 2.* Spiritus Dei, *1. Cor. 2. v. 11.* vocatur: quæ est ex Deo, *1. Cor. 2. v. 12. Nos accepimus spiritum qui est ex Deo.* quæ est Deitas, *Act. 5. vers. 4. Non es mentitus hominibus, sed Deo.* Mentitus autem erat Spiritui Sancto *v. 3.* Ergo.

q. est Dei. ex Deo, Deus.

His evidentissimis, & solidis probationibus, nihil opponunt adversarii præter diluta quædam & puerilia sophismata; quæ vel ambiguitate fallunt, vel petitionem principii implicant, vel aliis modis deficiunt. *Primò;* Diversa illa prædicata, quæ ex diversis Scripturæ dictis accumulant, tribuuntur Spiritui Sancto non absolute & in se; sed relatè quoad nos, & effectorum respectu. Datur Spiritus Sanctus, augetur, minuitur, aufertur; quatenus vel dona sua confert & auget hominibus, factus ipsis Spiritus gratiæ, fidei, prudentiæ & reverentiæ Jehovæ, *Zach. 12. v. 10. 1. Cor. 4. v. 13. Esa. 11. vers. 2.* & aliorum autor charismatum *1. Cor. 11. v. 18. seqq.* Vel ea rursus minuit, *Psal. 51. v. 12. 13.* quibusdam etiam in totum aufert; cuius illustre exemplum in Saule proponitur *1. Sam. 16. 15.* Quæ omnia si absolute, & in se Spiritui Sancto convenirent; nè in Deo quidem esse posset naturâ, ut virtus ipsius, quod ipsi volunt: quandoquidem Deus in naturâ suâ omnes mutationes, alterationes, incrementa, decrementa, simpliciter respuit *Iac. 1. v. 17. Deindè, 1. Cor. 2. v. 11.* Apostolus confert spiritum Dei, & Spiritum hominis, quatenus ille Deo, hic homini est intimus: uterque etiam scrutatur arcana, ille divina, iste humana. Hactenus procedit comparatio, non ulterius, quasi nimirum Spiritus Dei non magis sit Deus, quàm spiritus hominis sit homo. **I.** quia duo illa extrema conferuntur ut paria, non absolute, sed in tertio illo, ab Apostolo definito. **II.** quia secus sibi ipsi Apostolus contradiceret, qui *vers. 16. capitis sequentis* Spiritum Dei *Deum* vocat. *Præterea;* affirmant quidem hæretici, unam tantum personam esse in Deitate; sed non probant, & affirmant contra expressas Scripturas *1. Ioh. 5. vers. 7. Tres sunt qui testificantur in cælo, Pater, Sermo, & Spiritus Sanctus, & hi tres unum sunt. Matth. 28. vers. 19. Baptizate eos in nomine Patris, Filii, & Spiritus Sancti.* Is virtus altissimi appellatur *Luc. 1. vers. 35.*

Refutantur adversariorum argumenta. primum.

Secundum. *1. Cor. 2. v. 11.* vindicatur.

tertium.

sicut Christus dicitur *filius Altissimi* vers. 32. Sed Christus sic dicitur, ut persona à patre altissimo distincta. Ergo Spiritus Sanctus quoque est persona à patre distincta; Et est virtus personalis patris, à patre procedens, per quam ipse potentiam suam exserit & ostendit. Alio sensu Apostolis promittitur virtus ex alto *Luc. 24. v. 49.* Quia virtus illa est magnitudo animi ad prædicandum Evangelium necessaria; quâ Christus misso cœlitus Spiritu Sancto, ipsos die Pentecostes instruxit, & veluti induit. *Postremo*, quod essentia divina una numero non possit esse communis tribus personis, iterum turpis principii repetitio, & dicto Johannis 1, *Epist. 5. vers. 17.* supra recitato refellitur.

Antithesis II.

Differunt, Spiritus Sanctus, & donum Spiritus Sancti. Spiritus Sanctus nihil aliud est, quàm virtus Dei patris, quæ ipsi naturæ à inest; undè fit, ut ea, quæ Dei sunt, Spiritui Sancto attribuantur, & sub nomine Spiritus Sancti sæpè Deus ipse intelligatur, quatenus suam virtutem per spiritum suum exserit. Donum Spiritus Sancti, quod etiam Spiritus, & Spiritus Sanctus vocatur, bisariam intelligitur. Primo enim in Novo Testamento significat ipsum Iesu Christi Evangelium, ut locus 1. Cor. 2. v. 10. si cum loco 2. Tim. 1. v. 10. conferatur, aperitè indicat. Et vocatur Evangelium Spiritus, partim quod contenta ejus ab ipso Deo sunt patefacta, nec ingenio humano indagari, aut excogitari potuerunt: partim quod hominis spiritum respiciat, & hominem spiritualem reddat, quod lex non potuit. Quo sensu cum accipitur vox Spiritus Sancti, tum omnibus datur, quibus annuntiatur Evangelium. Deinde vox Spiritus Sancti designat Dei donum, quod certis hominibus datur. Quod cum à scriptura vocetur arrha, aut etiam arrha hereditatis nostræ, 2. Corinth. 1. vers. 20. & capp. 5. vers. 5. Ephes. 1. vers. 14. & simul de eo dicatur, quod in corda nostra infundatur, hinc necessario efficitur, nihil aliud esse, quàm firmam, & certam viam aternæ, nobis promissæ, spem, cujus in cordibus nostris gustum, sensumque percipiamus.

Respon-

Responsio.

Certum est nomen *Spiritus Sancti* duplici significato usurpari in Scripturâ : *Proprio* ; ad denotandam tertiam personam sacræ Trinitatis *Matth. 28. vers. 19. Ioh. 15. vers. 26. Et improprio*, five metonymico ; vel ad exprimenda illius personæ dona, *Ioh. 3. vers. 34. & cap. 7. vers. 39. Act. 2. vers. 17. & cap. 8. vers. 15. 17. 1. Thess. 5. vers. 19. 1. Ioh. 4. vers. 13.* vel ad notandam doctrinam spiritus, tam κατὰ δόξαν & opinione hominum, *1. Ioh. 4. vers. 1. 2.* quàm ex veritate rei *2. Cor. 3. vers. 6. 1. Ioh. 5. vers. 6. 8.* Sed *prior* sensu non est virtus patris essentialis, aut ejus proprietas, per quam ipse operatur, sed vera & realiter ab ipso distincta *πρώτης*, prout supra ostensum est. *Posterior* verò sensu, licet Evangelii quoque doctrinam significet ; tamen significatus ille non evincitur ex collatione locorum *1. Cor. 2. vers. 10. & 2. Tim. 1. vers. 10.* qui dissimiles sunt. Nam *illic* causa principalis illuminationis, vocabulo Spiritus propriè sumto ; *isthïc* causa ejus instrumentalis indicatur ; quæ est Evangelium, per quod efficax est Spiritus Sanctus in cordibus electorum. Interim effectus ille ad utramque causam, diverso respectu ac gradu, etiam seorsim merito revocatur. Deinde *Spiritus* vocatur *Evangelium*, quia est ministerium spiritus, adjunctam sibi habens efficaciam Spiritus Sancti, sicut Apostolus ipse declarat *2. Cor. 3. vers. 6. 8.* expressa antithesi ad legem, quæ virtute illâ destituitur. Eodem sensu alibi dicitur potentia Dei ad salutem omni credenti *Rom. 1. vers. 16. & 2. Cor. 10. vers. 4. 5. 6. inter se collatis.* Cum quâ expositione coincidit posterior ratio nominis, quam ipsi adferunt. *Prior* autem, etsi vera, *1. Cor. 2. vers. 9. 10. Matth. 16. vers. 17.* longius tamen petita est. Denique facile patimur spem, & expectationem vitæ æternæ, spiritus nomenclaturâ designari, sed cum duplici hâc limitatione I. ut non excludantur cætera ipsius dona, à quibus ipse denominatur spiritus sapientiæ, consilii, potentiae, *Esa. 11. v. 2. spiritus gratiæ & precum, Zach. 11. v. 12. Heb. 10. v. 29. spiritus Sanctificationis, 1. Pet. 1. v. 2. Adoptionis, Rom. 8. v. 15. Fidei 2. Cor. 4. v. 13. &c.* II. ut una cum effectis ipsa causa ; cum donis spiritualibus ipse spiritus, persona Deitatis per se subsistens, intelligatur.

Spiritus S.
dicitur proprie
improprie.

Evangelium
quatenus dicitur Spiritus.

Spes vitæ æternæ quatenus dicitur Spiritus.

QUÆST. LIV. Quid credis de sanctâ, & Catholica Christi Ecclesiâ?

RESP. *Credo filium Dei ab initio mundi ad finem usque, sibi ex universo genere humano cœtum ad vitam æternam electum, per Spiritum suum, & verbum, in verâ fide consentientem colligere, tueri ac servare, meque vivum ejus cœtus membrum esse, & perpetuo mansurum.*

EXEGESIS.

Ecclesia unde dicta.

Christiana dicitur.

SUBJECTUM recipiens sanctificationis, & Spiritus Sanctificantis, ex articulo nono statuitur *Ecclesia*; de quâ profiteamur, quod credamus eam, non quod in eam credamus. Nec enim fiduciam reponimus in Ecclesiâ, sicut in Deo; sed persuasi sumus per fidem esse Ecclesiam, nos esse ejus membra, omniaque bona ejus ad nos pertinere. Ipsa vox *Ecclesia* Græca est, non solum notatione; dicitur enim ab ἐκκλησίᾳ, evocando: sed etiam usu, quia usitatum Græcis, cœtum civium voce præconis ad concionem evocatum, appellare *Ecclesiam*. Primi LXX. Interp. vocem hanc traduxerunt ad significandos conventus Israelitarum: quos secuti Evangelistæ & Apostoli in Novo Testamento, eandem de populo Dei, ex omnibus gentibus per prædicationem Evangelii evocato, usurparunt. Sed illi promiscuè acceperunt συναγωγῆς, & ἐκκλησίας vocabula: imò priore multò frequentius usi sunt; unde factum, ut congregationes Judæorum Synagogæ dicerentur. Hi autem etsi non prorsus abstinere à Synagogæ vocabulo; sicut *Heb. 10. vers. 25. Iacob. 2. vers. 2.* videre est: tamen frequentissimè, & penè ubique utuntur nomine Ecclesiæ, ut cœtus Christianos distinguant, à cœtibus Judaicis. Quia etiam nomen illud generalius est, politicis & profanis conventibus in ipsâ. Scripturâ attributum; *Act. 19. v. 32. 39. 40.* idè ut ab istis quoque populum Dei discernerent, cum denominatione Ecclesiam Dei, *Act. 20. v. 28. 1. Cor. 11. v. 16. 1. Tim. 3. v. 16.* & Christi, *Rom. 16. v. 16. Coloss. 1. v. 24.* appellârunt. Sed in Symbolo discriminis causâ aliis epithetis insignitur

gnitur Ecclesia. I. *Sancta* vocatur, quia separata à cœtibus profanis, inprimis à Synagogâ Satanæ, *Apoc.* 2. v. 9. sanctificatur per sanguinem & Spiritum Christi ad vitam æternam 1. *Cor.* 6. v. 11. *Hebr.* 10. v. 10. *Ti.* 3. v. 5. II. Vocatur *Catholica*, communiter quidem quod omnibus temporibus, usque ad finem mundi fuerit, & futura sit aliqua in mundo Ecclesia; *Matth.* 28. v. 20. 1. *Cor.* 11. v. 26. Singulariter verò in Novo Testamento, eò quòd colligitur ex omnibus populis in toto orbe terrarum, juxta mandatum Christi *Matth.* 28. v. 19. *Marc.* 16. v. 19. *Luc.* 24. v. 47. *Act.* 1. v. 8.

Catholica.

Ejus.

Hæc de quæstione, & verbis symboli eâ comprehensis. Responsio exhibet definitionem Ecclesiæ, quæ causalis est, ex quatuor generibus causarum secundum Scripturam constituta.

Efficiens.
Christus.

Causa efficiens est ipse Filius Dei, Dominus noster Jesus Christus; quem Pater constituit caput super omnia ipsi Ecclesiæ *Ephes.* 1. v. 22. qui exposuit se pro eâ, *cap.* 5. v. 25. acquisivit eam proprio sanguine, *Actor.* 20. v. 28. & is est qui salutem dat corpori *Ephes.* 5. v. 23. Ut non immerito Ecclesiam nomet suam Ecclesiam, *Matth.* 16. v. 18. & suum populum, *Ti.* 2. v. 14. Est autem efficiens Ecclesiæ tum *procreans* qui colligit sibi Ecclesiam, *Ephes.* 4. v. 11. 12. vocando peccatores ad resipiscentiam, *Matth.* 9. v. 13. reducendo oves ad caulam, à quâ aberrarunt; *Matth.* 15. v. 24. *Luc.* 15. v. 4. tum *conservans*, tuendo eam adversus portas inferorum, *Matth.* 16. v. 18. & ita custodiendo, ne vel unum ejus membrum pereat, aut perire possit, *Iohan.* 17. v. 12. & *cap.* 10. v. 28. Utrumque horum à modo efficientiæ si-ve causalitatis, itemque à temporis adjuncto declaratur. *Modus* indicatur, cum dicitur; quòd colligat ac conservet Ecclesiam per Spiritum suum & verbum, *Rom.* 15. v. 17. 18. 19. quo nimirum efficax sit collectio, & conservatio. Ex his verbum ordinariè præcedit, tanquam organum, & ministerium Spiritus Sancti, *Rom.* 1. v. 16. & *cap.* 19. v. 17. 2. *Cor.* 3. v. 8. Operatio Spiritus sequitur efficaciam dans verbo, 1. *Cor.* 3. v. 6. ut fide contemperetur in cordibus nostris, *Heb.* 4. v. 1. atque etiam custodiatur *Luc.* 8. v. 15. *Tempus* quoque exprimitur, cum additur; quòd colligat & conservet Ecclesiam ab initio mundi ad finem usque. Nunquam enim Filius Dei fuit sine Ecclesiâ, nec caput es-

se

se potest absque membris *Ephes. 1. v. 22. 23.* Erat Ecclesia in Veteri Testamento, cui locutus est Deus per Patriarchas & Prophetas, *Heb. 1. v. 1. Luc. 11. v. 49. 50. 51.* & in quâ claruerunt, qui celebrantur ab Apostolo *Heb. 11.* Est, & fuit Ecclesia in Novo Testamento, per omnia ejus secula, ut constat; & deinceps futura est usque ad finem, cum Christus ei promiserit gratiæ suæ præsentiam, usque ad consummationem seculorum, *Matth. 28. v. 20.* inque eâ mortis suæ ἀνάμνησιν ad reditum suum sanciverit *1. Cor. 11. v. 26.*

Materia, cœtus ex Genere Humano collectus.

Materia est cœtus ex universo genere humano collectus. Totum genus humanum non est Ecclesia, sed cœtus ex eo collectus, & ex omnis generis atque ordinis hominibus constans: sicut dicitur, selectus è mundo, *Ioh. 17. v. 6.* redemptus ex omni gente, tribu, linguâ, & natione *Apoc. 5. v. 9.* Id quod præcipue de Ecclesiâ Novi Testamenti intelligendum est; quæ mandato Christi ex omnibus totius orbis populis congregata fuit, *Matth. 28. v. 19. Marc. 16. v. 15.* atque etiamnum congregatur. Tamen etiam in Veteri Testamento id suo modo factum est. Nam ante legem Deus in familiis Patrum ita constituit Ecclesiam suam, ut reliquas gentes à communione ejus minimè excluderet; quod Moïsi, & Jobi historia non obscurè testatur. Sub lege verò etsi abdicatis gentibus solos Judæos adscivit in populum suum, *Deuter. 7. v. 6. 7. Psalm. 76. v. 2. & 147. v. 19. 20.* subindè tamen nonnulli ex gentibus sese illis aggregarunt, eorumque religionem amplexi sunt; qui profelyti & viri religiosi dicebantur, *Actor. 2. v. 5. 10.* tum imprimis, cum Judæi exules facti in varias regiones dispergerentur, & religionis suæ mysteria græcâ linguâ traderent.

Forma, consensus in verâ fide.

Forma est consensus in verâ fide, id est, in doctrinâ veræ fidei, quæ verbo traditur, & corde fideli recipitur. Neque enim consensus in quamcunque doctrinam & religionem facit Ecclesiam; sed in veram doctrinam: ut Ecclesia sit columna & firmamentum veritatis, *1. Tim. 3. v. 15.* superstructa super fundamentum Apostolorum & Prophetarum, *Ephes. 2. v. 20.* & consensus ille non tantum est oris, sed etiam cordis; ut corde eandem fidem teneat ad justiciam, ore eandem confiteatur ad salutem *Rom. 10. v. 9. 10.* Insuper Sacramentis, tanquam Symbolis & tesseris externis, confirmatur & obsignatur *1. Cor. 12. v. 13. & cap. 10.*

v. 17. De hoc consensu Christus Joh. 10. v. 16. *Alias etiam oves habeo, quæ non sunt ex caulâ hæc, illas quoque oportet me adducere. Nam vocem meam audient, fietque unum ovile, & unus pastor.* Item Apostolus Eph. 4. v. 4. 5. *Vnum est corpus, & una fides.* & v. 13. *Donec perveniamus in unitatem fidei.* Rursum 1. Cor. 12. v. 13. *Per unum spiritum nos omnes in unum corpus Baptizati sumus &c.* Illustre autem consensus hujus exemplum in Ecclesiâ Apostolica proponitur. *Act. 2. v. 42. 44. seqq.*

Finis est vita æterna, ad quam Ecclesia electa est ab æterno, & vocatur atque colligitur in tempore. Electa est, quia est genus electum, 1. Pet. 2. v. 9. panegyris primogenitorum in cœlis conscriptorum, Heb. 12. v. 23. cœtus hominum selectorum è mundo Job. 17. v. 6. quibus paratum est regnum antè jacta mundi fundamenta Matt. 25. v. 34. Vocatur etiam, quia vocat eam Deus in regnum & gloriam suam 1. Theff. 2. v. 12. secundum propositum suum Rom. 8. v. 28. Et quia sic vocat, certò etiam glorificat æternâ gloriâ, & beatitate Ibid. v. 29. 30.

Finis. vita æterna.

Ita se habet fides in genere, quâ credimus sanctam Ecclesiam Catholicam. In specie autem prout sub finem responsionis docetur, includit specialem applicationem, quâ quisque credit, id est, certò novit. & persuasus est: 2. Tim. 1. v. 12. *primo*, se esse vivum ejus cœtus membrum, Eph. 2. vers. 19. 20. *seqq.* ut qui virtute Spiritus & verbi Dei, consentiat cum sanctâ Ecclesiâ Catholicâ in verâ fide, unam eandemque fidem cum ipsâ corde teneat, & ore profiteatur. *Deinde*, se etiam perpetuo mansurum esse membrum istius cœtus Psal. 23. v. 6. Job. 6. v. 37. 1. Cor. 1. v. 8. 9. tum quia Christus non solum colligit, sed etiam conservat Ecclesiam, omniaque ejus membra: tum quia electus sit ad vitam æternam, immutabili, & irrevocabili electione Rom. 9. v. 11. Rom. 11. v. 7. 29. 2. Cor. 2. v. 19. De qua à posteriore, hoc est, ex vocatione & fide, quisque fidelis certus esse potest 2. Pet. 1. v. 10. 2. Cor. 13. v. 5. 6. Rom. 11. v. 1. 2.

Applicatio hujus articuli.

Postremò explicationi quæstionis addimus regulas, quasdam de Ecclesiâ Catholicâ, utiles, imò necessarias scitu.

Porismata.

I. Definitio Ecclesiæ antè tradita, primariò convenit Ecclesiæ Catholicæ militanti, absolute dictæ; secundariò cœtibus particularibus, sub ea comprehensis. Item propriè & univocè competit veris & sinceris ejus membris, quæ sunt verè fideles; Impropiè,

1.

propriè & æquivocè membris simulatis, qualia sunt omnes hypocritæ, qui ut paleæ inter triticum, *Matth. 3. v. 12.* zizania inter bonum semen, *cap. 13. vers. 25. 26.* pisces putridi inter bonos, *v. 47.* versantur in Ecclesiâ, & propter externæ confessionis glori-
 rationem ejusdem membra censentur.

II. Ecclesia Catholica *visibilis* dicitur propter vocationem externam, quæ fit per verbum, ejusque ministerium. Eadem quoque *invisibilis* vocatur; tum quia est cœtus electorum ad vitam æternam, *Heb. 12. v. 23.* qui soli Deo noti sunt, *2. Tim. 2. v. 19.* tum quia nec vocatio interior spiritus, nec fides cordis sub sensu cadit: quæ appellatio ideo retinenda est, nè quis putet, habere se Ecclesiam instar imperii, ac societatis civilis; in quâ ordinariæ successioni præsulum, eorum legibus ac statutis, ita alligata sint singula ejus membra, ut, quodcunque illi statuunt, necessario sit ab omnibus recipiendum; nec ullo prætextu ab iis discedendum: cujusmodi Ecclesiam Pontificii sibi somniant & fingunt.

III. Notæ Ecclesiæ Catholicæ, ex quibus ipsa agnoscitur, & ab aliis cœtibus discernitur, sunt; verbi divini pura prædicatio, auditio, confessio, & sacramentorum legitima administratio, & usurpatio *Ioh. 10. v. 27.* & *cap. 8. v. 47.* *Act. 2. v. 42. 46. 47.* Quæ cum vitii aliquid contrahunt, & patiuntur, Ecclesia quoque minus pura censetur. Interim Ecclesia esse non desinit. Videantur *Epistola ad Corinthios, & Galatas.*

IV. Extra Ecclesiam Catholicam, quam credimus in symbolo, nulla est salus. Nam qui extra eam sunt, sunt sine Christo, *Eph. 2. v. 12. 19.* qui corporis tantum sui servator est *cap. 5. v. 23.* Et ideo homines adjunguntur Ecclesiæ, ut salvi fiant *Act. 2. v. 47.*

Appendix

De PRÆDESTINATIONE, & PERSEVERANTIÂ SANCTORUM.

Cum doctrina de Ecclesiâ connexa sunt duo alia capita doctrinæ, de æternâ Dei Prædestinatione; deque Perseverantiâ Sanctorum. Est enim Ecclesia cœtus electorum ad vitam æternam: & qui

& qui semel fiunt membra Ecclesiæ, perpetuò manent talia, tandemque vitæ æternæ participes redduntur. Ea propter utrumque hoc caput paucis aphorismis complexi distinctè prosequemur.

I. *Prædestinatio*, ex notatione nobis, est destinatio rei ad suos fines, antequam sit vel fiat. Ex definitione rei, in Scripturâ traditæ, est destinatio sive ordinatio hominum; aliorum ad salutem, *Act. 13. v. 48. Rom. 8. 28. 29.* aliorum ad exitium, *Juda. v. 4. 1. Pet. 2. v. 8.* ab æterno facta *Eph. 1. v. 4. 2. Tim. 1. v. 9.* Differt à providentiâ, ut pars à toto; quia pars quædam est divinæ providentiæ. Hæc enim est de rebus omnibus; Illa de hominibus tantum, & de statu eorum æterno. Etsi verò ad mentem, & voluntatem simul pertinet; quin imò actus mentis actum voluntatis antecedit: tamen præcipuè ad voluntatem referenda est; quia destinare, ordinare, est disponere res ad suos fines, & dispositas ad illos perducere. Et Scriptura vocabulis synonymis, *propositi, consilii, beneplaciti*, actum proprium voluntatis divinæ significat.

Prædestinatio quid,

est pars Providentiæ,

ad voluntatem potissimum pertinet.

II. *Objectum* hujus prædestinationis est genus humanum. Nam quæ circa angelos occupatur, *1. Tim. 5. v. 21.* aliò pertinet. Et quidem totum genus humanum; quia de omnibus statuit Deus, quòd de ipsorum salute, vel exitio fieri voluit. Consideratur verò illud; non ut nondum creatum; sic enim eligendo, reprobando, versatus fuisset circa nihil, & non ens: Nec ut integrum; quia ut lapsus in Adamo, & peccato corruptum in Scripturâ proponitur *Ioh. 15. v. 19. & cap. 17. v. 6. Rom. 9. v. 22. 23. & cap. 11. v. 32. Eph. 1. v. 4. & cap. 2. v. 3.* Denique etiam non indefinitè, aut confusè; sed distinctè in singulis individuis, Isaaco, & Ismaële; Jacobo, & Esauo *Rom. 9. v. 7. 8. seqq.* Ut ita universi, & singuli homines creati, in peccatum prolapsi, & in massa perditionis positi, sint Objectum prædestinationis ad vitam, aut mortem.

Objectum genus humanum

creatum, & lapsum.

Causa ejus *impulsiva*, quâ motus Deus discrevit homines æqualiter corruptos, & alios ad vitam, alios ad mortem prædestinavit, est *ἐκδοσία*, sive beneplacitum ipsius, præter quod aliam causam dari non patitur vel Scriptura, quæ hanc solam passim inculcat *Matth. 11. v. 25. 26. Rom. 9. v. 18. Eph. 1. vers. 4. 11.* vel natura rei, quæ est discretio salvandorum à damnandis, in-

Impulsiva & donia Dei.

communi massa corruptionis. Hîc discrimen ab ipsorummet hominum dignitate, vel indignitate, provenire nequivit: Nam dignitas corruptorum nulla, indignitas æqualis erat in omnibus. Et Apostolus non minus intuitum mali, quàm boni à prædestinatione excludit *Rom. 9. vers. 11.* Emergit igitur illud discrimen à mero Dei beneplacito, quo de æqualibus statuit inæqualiter, & alios ad indebitam gratiam, alios ad debitam pœnam ordinavit. Hoc beneplacitum, non est placitum tyrannicum, aut *ἀλλοτριον* quoddam decretum, contra jus, fas, & æquum, de hominum capitibus conditum; sed est voluntas Dei liberrima, benevolentissima, ac justissima, quam Scriptura in hoc mysterio non curiosè scrutandam, sed humiliter adorandam nobis proponit. Est *liberrima* voluntas, tum quia est *ἀντὶξείσις* absolutè, qui à superiore, aut principio externo nullo pendet; & absolutus arbiter est suorum actuum *Rom. 9. vers. 15. seqq.* tum quia est absolutæ potestatis Domini, qui de creaturis suis, tanquam de suo statuit, prout vult *Matth. 20. vers. 15. Rom. 9. vers. 20. 21.* Benevolentissima etiam; quia est gratuita illa misericordia, & dilectio omni intelligentia superior, quâ electos suos, cum adhuc essent hostes, & iræ filii, in Christo complexus est *Eph. 1. vers. 4. 5. Rom. 9. vers. 15. 16. 18.* Justissima denique; non solum, quia voluntas ipsius est regula omnis justitiæ, ut ideo aliquid justum sit, quia ipse voluit, *Rom. 9. v. 14. seqq.* verùm etiam, quia justæ pœnæ, & condemnationis causas in ipsis reprobis invenit, qui sunt vasa iræ ex peccato originali, multa lenitate Dei tolerata in continuo quasi exercitio peccatorum actualium.

Partes ejus
Electio &
Reprobatio.

IV. *Partes* sive *species* prædestinationis duæ sunt: Prædestinatio ad vitam, quæ dicitur *Electio*, & prædestinatio ad mortem, quæ dicitur *Reprobatio*. Etsi enim vocabulum Prædestinationis communiter in Scripturâ de Electione usurpatur, semel tamen etiam de reprobatione sumitur *Act. 4. v. 28.* Et rectè sic dici, ex æquipollentiâ vocum in dictis similibus ostendi potest *Jude. v. 4. 1. Pet. 2. v. 8. Rom. 9. v. 22.* Undè Augustinus, Fulgentius, & alii, duplicis prædestinationis in scriptis suis meminerunt. Habet autem ipsa partitio expressa testimonia in verbo Dei, *Rom. 9. v. 11. seqq. & cap. 11. vers. 7. 1. Thess. 5. v. 9. Matth. 20. v. 28. & cap. 25. vers. 34. 41. Esa. 41. vers. 9.* & ex electione Dei necessa-

necessario colligitur. Nam qui aliquos eligit, de multis; cæteros, quos non eligit, reprobat. Neque enim omnium sumptio dici potest electio. Illud præterea notandum est, partitionem hanc non constitui ex actu Dei prædestinantis, quasi is in se multiplex, divisus, & finitus esset; sed ex Objectis, & terminis ipsius prædestinationis quia alii electi sunt, alii reprobi; alii ad vitam, alii ad mortem destinati; non iidem. Usitatum verò pro diversitate Objectorum, & terminorum, diversos actus Deo attribuire, ad captum nostrum.

V *Electio* est, quâ Deus decrevit ex genere humano laps^{Electio} certos quosdam homines gratis servare per Christum; & per fi^{quid.} dem in ipsum, aliaque media ad salutem perducere. De quâ electione loquuntur hæc, & similia dicta: *Matth. 13. v. 20. propter electos quos Deus elegit. Joh. 15. v. 20. Ego elegi vos ex mundo. Eph. 1. v. 4. Elegit nos Deus in Christo ante jacta mundi fundamenta. 1. Thess. 5. v. 9. Non constituit nos Deus ad iram, sed ad salutem obtinendam. Actor. 13. v. 48. Crediderunt, quotquot erant ordinati ad vitam æternam. Rom. 11. v. 7. Electi affecuti sunt.*

VI. Hæc electio non varia aut multiplex, sed *unica* est; Ea est unica, sicut unica est Dei *περίεξις*, unica *προνοία*, unica *ἐνδοξία* *Rom. 8. v. 28. 29. & cap. 9. v. 11. 2. Tim. 1. vers. 9. Eph. 1. vers. 5.* Est *particularis* electio, non universalis; quia multi vocati, pauci electi *Matth. 20. vers. 16. & capp. 22. vers. 14. Definita* etiam; *definita.* non indefinita, & vaga extra individua. Nam quos præcognovit Deus, hos prædestinavit *Rom. 8. vers. 29.* Novit suos sigillatim, *2. Tim. 2. vers. 19. & vocat eos nominatim Joh. 10. vers. 3.* Insuper *absoluta* est, non pendens à causâ aliquâ extra Deum, *absoluta,* qui præstituit eam in se ipso *Eph. 1. vers. 9.* Nec dici potest conditionata, ex arbitrio voluntatis humanæ; cum non sit volentis, aut currentis, sed miserentis *Rom. 9. v. 16.* Postremo *finem & media complectitur*; si quidem eodem decreto Deus & finem præstituit, & media ei subordinavit, *Rom. 8. v. 28. 29. 30. Eph. 1. v. 4. 5. seqq. 1. Thess. 5. vers. 9. 10.* quæ multo minus à fine suo divelli possunt, aut ei opponi debent, quam vitæ hujus subsidia, ad ejus sustentationem divinitus ordinata, ab eâ removeri, ac separari solent.

VII. *Finis* electionis est vita æterna, parata nobis ante jacta mundi fundamenta, *Matth. 25. 34.* ad quam electi, ordinati,

& gloria
gratiz Dei.

constituti dicimur 2. *Theff.* 2. *vers.* 13. *Actor.* 13. v. 48. 1. *Theff.* 5. v. 9. Et idem finis est electionis, & fidei nostræ *Actor.* 13. v. 48. Finis verò fidei est salus animarum, 1. *Pet.* 1. *vers.* 9. ad quam credimus *Heb.* 10. *vers.* 39. Ex hoc fine proximè pendet, & immediate fluit finis ultimus, quoad Deum, qui est gloria gratiz ac misericordiz ipsius *Eph.* 1. v. 6. 7. 11. 12. *Rom.* 9. v. 23. *Math.* 11. v. 25. 26.

Media fini
subordinata.

VIII. Media subordinata huic fini ab Apostolo recensentur multis locis: *Rom.* 8. v. 29. 30. & *cap.* 9. v. 23. 24. *Eph.* 1. v. 4. *segg.* 1. *Theff.* 5. v. 9. 10. & 2. *Theff.* 2. v. 13. 14. & sunt; Christus, & reconciliatio per eum; Vocatio efficax; Justificatio; & Sanctificatio. Quæ omnia ut causæ, & effecta inter se coherent. Nam antecedens quodque causa est sui consequentis; & quod est causa causæ, est etiam causa causati: prout in subordinatione causarum deri consuevit. Cohærent verò non per accidens, sed per se, non contingenter sed necessariò, necessitate hypotheticâ decreti divini, nec magis separabilis est eorum inter se nexus, quam mutabile est ipsum Dei decretum *Rom.* 8. v. 29. 30.

1. Christus
& reconciliatio per
eum.

XI. Primum medium est Christus, & reconciliatio per eum. *Eph.* 1. *vers.* 4. *Elegit nos in Christo*, id est, ut per Christum nos servaret *Rom.* 8. *vers.* 29. *Quos præcognovit, hos prædestinavit, ut conformes fierent imagini filii sui.* *Joh.* 17. *vers.* 6. *Dedisti mihi homines selectos è mundo. Tui erant*, scil. ex electione, & mihi eos dedisti, nempè redimendos, ex *vers.* 19. Christus ergò hic consideratur non absolutè, quâ Deus. Sic enim ipse quoque elegit unâ cum Patre, & Spiritu Sancto, *Ioh.* 15. v. 16. & *cap.* 13. v. 18. sed quâ homo, & mediator *ἡ ἀνθρώπων*. Quo sensu Christum ponere inter media salutis; & intentione finis, quoad ordinem rerum, posteriorem facere, adeò non est absurdum, ut ipsemet dilectionem patris missioni filii manifestè præponat: *Ioh.* 3. v. 16. Petrus quoque ipsum propter nos, propter salutem nostram præcognitum, sive electum fuisse, disertis verbis asserat 1. *Epist.* 1. v. 19. 20. Necessitas hujus medii evidens est ex conditione objecti electionis. Elegit nos Deus ad salutem, ut peccatores *Eph.* 1. v. 4. *Ioh.* 15. v. 16. Cum ergo saluti nostræ obstitaret peccatum, quod separarat nos, & Deum nostrum, *Esa.* 59. v. 2. subordinavit filium mediatorem; eumque constituit placamentum pro peccatis nostris, ad demonstrationem Justitiæ suæ *Rom.* 3. v. 25.

X. Secundum medium est *Vocatio* efficax ad Christum, & fidei in ipsum donatio: quâ satisfactionem Christi apprehendunt, si-
bique applicant electi vocati: Rom. 8.v.30. *Quos prae-destinavit, hos vocavit*, id est, fide donavit. Cap. 9.v.23.24. *Vasa misericordiae prae-
paravit ad gloriam: quos etiam vocavit*. Ephes. 1.v.5. *Præ-destinavit nos, eis quod deus, ad adoptionem Filiorum Dei*. Adoptio
autem fit per fidem Ioh. 1.v.12. Hæc vocatio, dicitur vocatio
quæ deus facit Rom. 8.v.28. Vocatio ἀμεταμέλητος Rom. 11.v.29.
Et non modò conjungitur cum electione, 1. Cor. 1.v.27. 2. Pet. 1.
v.10. sed etiam, tanquam proprium effectum ex propriâ causâ,
ex eâ deducitur Rom. 8.v.30. Ephes. 1.v.5.

2. Vocatio
efficax, & fi-
dei donatio.

XI. Tertium medium est *Iustificatio*, hoc est gratuita remis-
sio peccatorum propter Christum fide apprehensum Rom. 8.v.
30. *Quos vocavit, eos etiam iustificavit*. 1. Cor. 1.v.30. *Christus
factus est nobis sapientia à Deo, justitia &c.* Et electorum propria
est, non minus, quàm fides Tit. 1.v.1. Sic enim Apostolus Rom.
8.v.33. *Quis intentabit crimina adversus electos Dei? Deus est,
qui iustificat*, scil. electos suos.

3. Iustifica-
tio.

XII. Quartum medium est *Sanctificatio*, sive renovatio na-
turæ corruptæ ad imaginem Dei. Rom. 8.v.30. *Quos iustificavit,
eos etiam glorificavit*, inchoandò nimirum in ipsis sanctam, & glo-
riofam vitam, & transformando ipsos de gloria in gloriam 2. Cor.
3.v.18. Item. 1. Cor. 1.v.30. *Factus est nobis justitia; & sanctifica-
tio*. ex hac sanctificatione dependet studium bonorum operum
2. Cor. 5.v.15. Tit. 2.v.14. & per illud incrementum in omni vir-
tute 2. Pet. 1.v.4.5. Apoc. 22.v.11. Comitatur verò eam Perseve-
rantia, quatenus sanctificatos Deus in sui timore constanter reti-
net, Ier. 32.40. & Christus non antè desinit eos sanctificare, quam
sibi stiterit gloriosos, sine rugâ, & maculâ Ephes. 5.v.25.

4. Sanctifica-
tio.

XIII. Hæc de Electione ad salutem, deque mediis, quibus
Deus, electos suos ad salutem perducit. Sequitur *Reprobatio*, quâ
ex genere humano lapsò Deus decrevit certos quosdam homines
non servare per Christum, sed in peccatis relictos propter illa æ-
ternum damnare. De hac reprobatione intelligenda sunt dicta: Ju-
dæ v.4. *Subreperunt quidam homines, jam prius descripi ad hanc
damnationem*. 1. Pet. 2.8. *Qui impingunt ad sermonem, ad quod etiam
positi fuerunt*. Rom. 9.22. *Vasa iræ coarctata ad interitum*. Act. 1.
v.25. *Iudas aberravit ab Apostolatu, ut abiret in locum suum*.

Reprobatio
quid.

XIV. Reprobatio ad mortem, non varia, aut multiplex, sed *unica* est. Uno eodemque odio averfatur Deus omnes reprobos *Rom.* 9. v. 12. 13. Uno eodemque decreto omnes præscripsit ad damnationem *Jud.* v. 4. Eundem etiam ignem æternum omnibus præparavit *Matth.* 25. v. 41. Est deinde *particularis*, non universalis; quia multi vocati, pauci electi *Matth.* 20. v. 16. Et multi, non omnes, incedunt per viam quæ ducit ad exitium *cap.* 7. v. 13. *Definita* etiam, non indefinita; quia decretum Dei est de personis singularibus, jam prius ad damnationem præscriptis, *Jud.* v. 4. Esau, Pharaone, Judâ, *Rom.* 9. v. 11. 17. *Ioh.* 17. v. 12. *Aëtor.* 1. v. 25. *Infuper absoluta* est, pendens ex mera Dei *disposita*, quâ damnandos discrevit à servandis, *Rom.* 9. v. 11. 17. 18. non conditionata, dependens à conditione peccati. A peccato enim si reprobatio hæc dependeret, omnes fuissent reprobat, cum omnes sint peccatores. Interim mors & damnatio, ad quam Deus reprobovit, non est absoluta, sed ab æterno decreta est, & in tempore irrogatur propter peccatum *Rom.* 6. v. 23. Ratio hæc est; quod reprobatio est actus liberrimæ potestatis & absoluti dominii Dei in creaturas *Roman.* 9. v. 18. 20. 21. Damnatio autem est actus justitiæ, juxta normam legis divinæ institutis, qui externam causam, peccatum, præsupponit *Deut.* 27. v. 26. *Ezech.* 18. v. 4. *Rom.* 1. v. 32. Postremò *finem simul, & media complectitur.* Quos enim præscripsit ad damnationem, *Jud.* v. 4. eos nec dedit Christo, *Ioh.* 17. v. 9. nec fide in ipsum donat, *Matth.* 11. v. 25. 26. verum in peccatis relictos, & ultro in iis permanentes, excæcat, indurat &c. *Rom.* 9. v. 18. & *cap.* 11. v. 7.

(Damnatio
tamen abso-
luta non
est.)

finem &
media com-
plectitur.

Finis. æterna
damnatio.

XV. *Finis* igitur Reprobationis est æterna condemnatio, parata reprobis ante jacta mundi fundamenta, *Matth.* 25. v. 34. 41. ad quam præscripti, coagmentati, constituti, & positi dicuntur *Jud.* v. 4. *Roman.* 9. v. 22. 1. *Thess.* 5. v. 9. 1. *Perr.* 2. v. 8. Et quidem Dei respectu est finis propriè dictus, qui eum verè intendit, & reprobos certis mediis infallibiliter ad eum perducit. Respectu reproborum verò, est finis impropriè dictus; & terminus; siue extremum potiùs, in quod incurrunt, *Philipp.* 3. v. 19. quàm finis, quem ipsi intendunt: ut, qui sibi malè esse nolunt. Ex hoc sine proximè pendet, & fluit finis ultimus, quoad Deum, qui est gloria justitiæ, siue justæ iræ ipsius *Rom.* 9. v. 22. *Prov.* 16. v. 4.

XVI Me-

XVI. *Media* subordinata huic fini, quæ ex Scripturâ, & ^{Media fini subordinata.} experienciâ manifestè colliguntur, sunt ista; Separatio à Christo; Omissio vocationis, aut vocatio inefficax: Retentio peccatorum; & Excæcatio, ac induratio. De quibus notanda sunt tria.

I. Quod mediis electionis, καὶ ἀντίθεσιν singularum partium, respondeant. II. Quod inter se connexa sint, ut causæ & effecta; non contingenter, sed necessariò; non separabiliter, sed inseparabiliter *Ioh. 17. v. 12. Actor. 1. v. 25.* Verùm alia positivè, alia privativè, pro singulorum naturâ. III. Quod inter media illa, quæ ex reprobatione fluunt, non sit peccatum. Id enim reprobatio invenit in reprobandis, non posuit in reprobatis. Neque etiam incredulitas, quasi illa indatur & ingeneretur homini per reprobationem. Nam ipse naturâ suâ est incredulus; & incredulitas est species quædam peccati, præexistens in ipso. Dicitur tamen nonnunquam reprobatio causa incredulitatis, quatenus causa est, cur Deus his, illis, nolit dare fidem *Matt. 13. v. 11.*

XVII. *Primum* medium est *Separatio à Christo*, & gratiâ reconciliationis, quam sibi optavit Apostolus pro reprobis Judæis *Rom. 9. v. 2.* A Christo autem sic enunciatur, quod sibi dati non sint à Patre *Ioh. 17. v. 6. 12. seqq. & cap. 10. v. 26. & cap. 6. v. 39.* Ut ita neque pars, neque fors ipsis esse possit in Christo, aut redemptionis beneficio *Actor. 8. v. 23.* ^{1. Separatio à Christo.}

XVIII. *Secundum* medium est *Omissio vocationis*, cum reprobi prorsus non vocantur ad fidem Christi, & Evangelii: quomodo Deus præteritis ætatibus sivit omnes gentes suis ipsarum viis ingredi *Act. 14. v. 16. Ephes. 2. v. 11. 12. Psal. 147. v. 19. 20.* Aut *vocatio inefficax*, cum vocantur quidem, sed absque fructu & profectu, *Matth. 11. v. 25. & cap. 13. v. 11.* hoc est, ita, ut vel fide non respondeant vocationi, *Luc. 14. v. 18. seqq. Matt. 22. v. 2. seqq.* vel non respondeant sincerâ fide *Iohan. 2. v. 23. & cap. 12. v. 42. Act. 8. v. 13.* ^{2. Omissio vocationis.} ^{aut vocatio inefficax.}

XIX. *Tertium* medium est *Retentio peccatorum*, cum peccata ipsis non remittuntur, sed retinentur, ut Christus loquitur, *Ioh. 10. v. 23.* atque ita tum ipsa peccata manent, *Ioh. 9. v. 41.* tum ira Dei manet propter illa *cap. 3. v. 36.* ^{3. Retentio peccatorum}

XX. *Quartum* medium est *Excæcatio & induratio*, quâ iusto Dei iudicio, qui sordidi sunt, sordescunt amplius in peccatis ^{4. Excæcatio & induratio.}

tis suis *Apoc. 22. v. 11.* Qui veritatem in injustitiâ detinent, Deumque in notitia retinere, aut verbo ejus credere nolunt, traduntur in mentem omnis judici expertem *Rom. 1. v. 24. 26. 28. 2. Theff. 2. v. 11.* De hac vide Johannem, *cap. 12. v. 39. 40.* & Paulum *Rom. 11. v. 7. 8.*

HACTENUS de Divinâ Prædestinatione, sub priore appendice; cum eâ verò cohæret appendix alt era de *Perseverantiâ Sanctorum in fide*, paucioribus expedienda.

Sancti qui.

I. *Sancti*, de quorum perseverantiâ hic agitur, non ii sunt, qui ab externâ fœderis communio denominantur Sancti, *Rom. 11. v. 16. 1. Cor. 7. v. 14.* sed qui sanctificati sunt sanguine, & Spiritu Christi, *Ioh. 17. v. 19. Heb. 10. v. 10. 1. Cor. 6. v. 11.* secundum æternum electionis propositum *Rom. 8. 28. 29. Eph. 1. v. 4. 2. Theff. 2. v. 13. 14.*

Fides vera

II. *Fides* quoque intelligitur non historica, temporaria, aut miraculorum, quam Scriptura alicubi hypocriticam vocat, & mortuam, *1. Tim. 1. v. 5. Iac. 2. v. 17.* sed vera, non simulata, *1. Tim. 1. v. 5. viva, Iac. 2. v. 20.* actiosa, *1. Theff. 1. v. 3.* & efficax per charitatem *Gal. 5. v. 6.*

Perseverantia quid

III. *Perseverantia* fidelium in fide, est continuatio & conservatio fidei, usque ad vitæ extremum; ex verbis Christi, *Matt. 10. v. 22. & cap. 24. v. 13.* *Qui perseveraverit ad finem usque, is servabitur.* Et Apostoli *2. Tim. 4. v. 17.* *Praclarum illud certamen certavi, cursum consummavi, fidem servavi.*

Subjectum
Electi ac
credentes.

IV. Hujus perseverantiæ Subjectum recipiens sunt omnes, & soli electi, ac credentes, sanctificati ad vitam æternam. Nam electi assequuntur salutem, reliqui occallescent, *Rom. 11. v. 7.* quod usque adeò verum est, ut affirmet Christus impossibile esse seduci electos à fide, *Matth. 24. v. 24.* neget Johannes, *1. Epist. 2. v. 19.* esse ex numero electorum & credentium, qui non manent cum ipsis.

V. Sed rectè intelligenda est assertio, quomodo electi, fideles, non possint amittere fidem; quomodo item fidem semper retineant, ut calumniis, quibus sana doctrina iniquè gravatur obviam eatur.

Quatenus
amittere
queant fidem vel
non.

VI. Primò non possunt fidem amittere, quantum ad consilium & virtutem Dei, conservantis eos in fide, *2. Tim. 2. v. 19. 1. Petr. 1. v. 5.* & intercessionem Christi interpellantis pro ipsis,

ne-

ne deficiant à fide *Hebr. 7. v. 25. Rom. 8. v. 34. seqq.* Possunt verò eam amittere, quantum ad infirmitatem hominum, & mutabilitatem voluntatis suæ *1 Cor. 10. v. 12. Rom. 11. v. 20.* Item quoad tentationes Diaboli, *Luc. 22. v. 31. 1 Petr. 5. v. 8.* & scandala, quæ in vitæ communis societate obvenire solent *1 Cor. 15. v. 33. Rom. 14. v. 15.*

VII. Impossibilitas igitur amittendæ fidei non est absoluta, sed limitata; nec simpliciter, sed secundùm quid, & non nisi Dei respectu, (in quo solo salus nostra fundata est,) electis, & fidelibus tribuitur. Impossibilitas amissionis qualis.

VIII. Præterea *fides*, quam semper dicuntur retinere, bifariam; in actu, *Phil. 1. v. 29.* & habitu; *Eph. 2. v. 8.* vel etiam trifariam spectatur; In fructu, in sensu, & in semine. De fructu est *Gal. 5. v. 6. Fides operans per charitatem, Luc. 8. v. 15. fructum adserunt per tolerantiam.* De sensu. *2 Tim. 1. v. 12. Novi cui crediderim, & mihi persuasum est &c. Rom. 5. v. 1. Iustificati fide pacem habemus &c.* De semine *1 Petr. 1. v. 23. Regenerati ex semine Dei incorruptibili, per sermonem Dei vivum, manentem in æternum.* Fides diversimode spectanda.

IX. *Fructus* fidei non semper retinent, & ostendunt fideles; ut qui aliquando in luctu spirituali impediuntur à carne, nè prodeant foras *Rom. 7. v. 15. seqq.* Aliquando intus securitate, aut peccatis contra conscientiam suffocantur *2 Sam. 11. cap. Sensum* etiam fidei nonnunquam in luctu, & adversitatibus, *Psal. 42. v. 2. seqq. & 77. v. 8. 9.* semper in peccatis contra conscientiam amittunt *Psal. 51. v. 10. seqq.* At *semen* fidei semper retinent, & per illud peccare ad mortem non possunt; sicut scriptum est *1 Iohan. 3. v. 9. Quisquis natus est ex Deo, peccato non dat operam; quoniam semen ipsius in eo manet, nec potest peccare, eo quod ex Deo natus est.* Fructus & Sensus fidei perire possunt, nunquam semen ejus.

X. Hoc *semen* excitatum per verbum, & spiritum, efficax est ad instaurationem fidelium à tentationibus, & lapsibus; ut ita & redivivum gratiæ sensum denuò percipiant, & fructus dignos respiciant. *quoniam semen ipsius in eo manet, nec potest peccare, eo quod ex Deo natus est.* Ex semine rursus sensus & fructus oriuntur.

XI. Atque hoc sibi vult usitata Scholis limitatio, qua negatur Sanctos totaliter, & finaliter amittere fidem. Semper enim retinent semen fidei *1 Iohan. 3. v. 9.* Fidem igitur totaliter non amittunt. Insuper virtute hujus seminis ac Spiritus Sancti certò

Hinc fidem non amittunt totaliter vel finaliter.

restituuntur, & resurgunt à lapsibus, renovantur ad resipiscen-
tiam *Psal.* 37.v.24. Ergò nec sensum, nec fructum fidei finaliter
amittunt.

Causæ Perfe-
verantiæ.

XII. Superest ut *causas* perseverantiæ Sanctorum inquiramus, & cognoscamus. Sunt autem duorum generum; quarum
aliæ dici possunt causæ remotæ, aliæ proximæ.

Remotæ.

XIII. *Remota* sunt; Immutabile Dei propositum, quod
in omnibus assequitur suum finem; 2 *Tim.* 2. *vers.* 19. *Rom.* 11.
vers. 17. 29. Intercessio Christi interpellantis pro electis, ne
deficiant à fide; *Luc.* 22. *vers.* 32. *Iohan.* 17. *vers.* 20. *Rom.* 8.
vers. 34. *seqq.* & omnipotens ejus custodia, quâ, veluti præsidio
quodam, conservamur ad salutem per fidem *Ioh.* 10. *vers.* 28, 29.
1 *Petr.* 1.v.5.

Proximæ.

XIV. Ex causis *proximis* duæ sunt præcipuæ. Spiritus San-
ctus manens nobiscum in æternum; *Ioh.* 14.v.16. 17. Et semen
illud incorruptibile, ex quo regeneriti sumus, 1 *Petr.* 1.v.23. quod
non obstantibus nostris infirmitatibus manet in nobis 1 *Ioh.* 3.v.
9. Neque enim Dei promissiones sanctorum, infirmitates & pec-
cata magna vel parva excludunt; sed lapsos à ruinâ erigunt. Nam
etiam ad labentes disertè extenduntur *Psal.* 37.v.24. & 89.v.34.
1 *Ioh.* 2.v.1.2.

Consideratio Catechetica Novatorum ad quest. & resp. quinquagesimam quartam.

An non prius
credatur fi-
deles, quam
se esse mem-
bra veræ Ec-
clesiæ?

*Annon fides, quâ quis credit se membrum esse veræ Ecclesiæ,
& quidem perpetuò mansurum, sequatur illam fidem quâ quis credit
fideles esse membra Christi, & Ecclesiæ ejus, & quidem perpetuò
mansura; & istam insuper fidem, vel notitiam, quâ quis scit, & credit
se credere.*

Resp. Fidei veræ & salvificæ duplex est actus, prout ali-
quoties jam monuimus; Generalis, consistens in notitiâ, & as-
sensu objecti generalis; & specialis consistens in fiduciali persua-
sione de Objecto speciali. Uterque hic actus circa articulum de
Ecclesiâ distinctè exprimitur; & quidem eo ordine, ut ille præ-
cedat, hic sequatur. Ineptum verò, pro numero actuum con-
stituere species fidei essentiâ diversas, in eodem subjecto. Fides
etiam,

etiam, quâ quis scit se credere, est tantum sensus veræ fidei, non alia ejus species.

CONSIDERATIONI huic subjungenda est explicatio sententiæ Novatorum, de æternâ Dei prædestinatione, quam hic quidem dissimulant, alibi verò operosè magis, quàm dilucidè tradunt. Constat ea quatuor decretis; quæ sic inter se connectunt, ut unum ex altero quodammodo dependeat. *Primum* decretum est, quo Deus, ex generali dilectione erga creaturas, decrevit filium suum Jesum Christum ponere in mediatorem, ac servatorem, qui peccatum morte suâ aboleat, amissam salutem obedientiâ suâ impetret, ac virtute communicet. *Secundum* Dei decretum est, quo pro beneplacito suo statuit, resipiscentes & credentes in gratiam recipere, eosque perseverantes ad finem usque salvos facere: impœnitentes verò & infideles, in peccato, & sub irâ relinquere, ac æternum damnare. *Tertium* Dei decretum est, quo decrevit omnibus & singulis universa media ad fidem sufficienter, & efficaciter administrare, prout misericordiam & justitiam suam decere novit. *Quartum* Dei decretum est, quo decrevit personas singulares credentes in Christum, & in fide perseverantes servare: contraque non credentes, aut in fide non perseverantes damnare. Hoc autem decretum inniti ajunt præscientiæ Dei, quâ ab æterno scivit, qui juxta ejuscemodi administrationem mediorum, ad conversionem & fidem idoneorum, credituri essent, & perseveraturi; qui item aut non credituri, aut non perseveraturi.

Novatorum
sententia de
prædestina-
tione.

Resp. Hæc summa est novæ Theologiæ, de æternâ Dei prædestinatione; hæc series decretorum, in quæ totum illud mysterium distinguunt. Errorres, qui conjunctim vel seorsim sub decretis illis occultantur multi ac graves, censurâ generali, ac speciali, ex Scripturis institutâ detegemus, & paucis redarguemus.

Novatorum
sententia re-
fellitur

In genere igitur. I. Non rectè intelligunt & definiunt, quid sit decretum prædestinationis. Decretum enim prædestinationis est, quo Deus statuit, quid ipse factururus sit de nobis. Novatores id esse ajunt, quo statuit, quid nos velit facere, contra Scripturam Rom. 8. v. 29. 30. *Quos præcognovit, hos prædestinavit, vocavit &c.* cap. 9. v. 23. *Vasa misericordiæ, quæ præparavit ad gloriam.* 2 Tim. 1. v. 9. *Gratia data est nobis in Christo Jesu, ante tempora secularia.* II.

2.

Perturbant ordinem decretorum divinorum contra Scripturam,

- quæ decretum de salute dandâ, vel non dandâ personis singularibus, non quartum, sed ordine primum facit; decretum de Christo, fide, & mediis ad eam, antecedens. Joh. 17. v. 6. *Manifestum feci nomen tuum hominibus, quos dedisti mihi, selectos è mundo. Tunc erant, scil. ex electione, & mihi eos dedisti, nempe redimendos.* Rom. 8. v. 29. 30. *Quos præcognovit, hos prædestinavit, vocavit.* Ephes. 1. v. 4. 5. *Elegit nos in Christo ante jacta mundi fundamenta, ut simus sancti, & inculpati in conspectu ejus cum charitate, qui prædestinavit nos, quos adoptaret in filios &c.*
3. III. Respectum personarum singularium, excludunt à tribus prioribus decretis; quasi non decreverit Deus his, illis, in individuo dare Christum, & fidem, cæteris non dare; contra Scripturam: Rom. 8. v. 29. 30. *Quos præcognovit, hos prædestinavit, vocavit.* Cap. 11. v. 1. 2. *Non abiecit Deus populum illum suum, quem præcognovit. Nam & ego Israëlita sum.* 2 Tim. 2. v. 19. *Novit Dominus eos qui sunt sui.* Matt. 13. v. 11. *Vobis datum est, illis non est datum.*
4. IV. Infantes sub divinâ Prædestinatione non comprehendunt, contra Scripturam: Rom. 9. v. 11. 12. *Nondum natis pueris, cum nihil fecissent boni vel mali, ut propositum Dei, quod est secundum electionem, non ex operibus, sed ex vocante firmum maneret, dictum est ei; Major serviet minori &c.* Gal 1. v. 15. *Segregavit me ab utero matris meæ.*
5. V. In tribus prioribus decretis æqualem dilectionem, & affectum erga omnes, & singulos homines Deo attribuunt; quasi omnibus dederit filium suum, omnes per sufficientia & efficacia salutis media velit perducere ad salutem, contra Scripturam: Rom. 9. v. 13. *Iacobum dilexi, Esauum odio habui.* vers. 18. *Miseretur cujus vult, indurat quem vult.* Matth. 13. v. 11. *Vobis datum est, illis non est datum.*
6. VI. Nexum inter Christum, & ejus beneficia; inter fidem, conversionem, & salutem, non necessarium, sed merè contingentem faciunt; dependentem ex arbitrio mutabili voluntatis humanæ; contra Scripturam: Joh. 10. v. 15. 28. *Animam meam depono pro ovibus, & do eis vitam æternam, nec peribunt in æternum.* Rom. 8. v. 29. 30. *Quos præcognovit, hos prædestinavit, vocavit, justificavit, glorificavit.*
7. VII. Duplicem electionem ad vitam, duplicem item reprobationem ad mortem fingunt, quarum una est generalis, altera specialis; illa indefinita, absoluta, immutabilis: Hæc definita, conditionata, mutabilis; contra Scripturam, unam tantum electionem & reprobationem docentem, prout suprà ostendimus.
8. VIII. Imperfecta & mutila est
- hzc

hæc decretorum Dei enumeratio : utpote quæ non complectitur decretum de dandâ fide, quod tamen ad mysterium prædestinationis vel maximè pertinet *Matth. 11. v. 26. & cap. 13. v. 11. Actor. 13. v. 48.* Siquidem tria priora decreta non agunt de personis singularibus, nec alia media salutis, quàm communia continent. Fides autem medium commune non est; quia non est omnium, sed electorum propria *2 Thess. 2. v. 3. Tit. 1. v. 1.* Quartum decretum verò nititur præscientiâ fidei & perseverantiæ; ex quâ etiam secundum ipsos totum pendet. Manet ergo defectus, vel fides erit arbitrii humani : non decreti, & doni divini : de quo post.

Atque hæc in genere sufficiant de quatuor illis Novatorum decretis : deinceps *in specie* singulorum decretorum errores perstringemus. In *primo decreto* quàm monstrosas opiniones de Christo, ejus satisfactione, ac merito proponant, ad quæstionem XXXVII. dictum est. Hic illud solùm notamus; quòd Charitas, ex quâ pater dedit filium suum in mortem, secundum ipsos sit benevolus affectus erga omnes & singulos homines: contra scripturam, quæ eam electorum propriam facit, à quâ ipsi nunquam possunt separari *Rom. 8. v. 32. Proprio filio non perperit, sed pro nobis omnibus tradidit eum; quomodo non etiam cum eo nobis omnia gratificabitur? vers. 39. Nihil nos potest separare à Charitate Dei, quæ est in Christo Iesu Domino nostro.* In *secundo decreto*,
in specie decreta quæ fiunt. primum.

I. Beneplacitum Dei esse ajunt liberrimum, ac gratiosum Dei arbitrium, quo actum fidei ignobilem, ac possibilem, præ aliis multis elegit, in conditionem communicandæ salutis; ac pro perfectâ legis obedientiâ gratis reputat; contra Scripturam, quæ fidem non eligit, sed eligendo tanquam medium salutis præparari, ac tandem dari docet : *2 Tim. 1. vers. 9. Tit. 1. vers. 1. Actor. 13. vers. 48.* Beneplacitum verò Dei definit liberrimum ac benevolentissimum actum voluntatis ipsius, quo horum, præ illis misereri voluit ad salutem; his, præ illis Christum mediatorem, ac fidem in ipsum gratificari decrevit *Matth. 11. vers. 25. 26. cap. 13. vers. 11. Rom. 9. vers. 15. 16. 18. Ephes. 1. vers. 5. 9.*
 II. Decretum electionis cum concione Evangelii confundunt, cujus hæc summa; Qui crediderit salvabitur, qui non crediderit, damnabitur: contra Scripturam quæ hæc apertissimè distinguit *Matth. 20. v. 16. & cap. 22. v. 14. Multi vocati, pauci electi.*

III. Electionem Dei multis modis abolent; tum quatenus omnes homines volunt esse electos ad salutem conditionali electione; tum quatenus negant definitum esse electorum numerum; tum etiam quatenus affirmant salvâ hâc electione omnes homines damnari potuisse: contra Scripturam Joh. 15. v. 19. *Ego elegi vos ex mundo* 2 Tim. 2. v. 9, 10. *Solidum stat Dei fundamentum, habens sigillum hoc: Novit Dominus eos, qui sunt sui* Rom. 11. vers. 7. *Electi assequuntur.* In tertio decrero I. Statuunt Deum universis & singulis, media ad resipiscentiam ac fidem necessaria, sufficienter & efficaciter administrare: contra Scripturam Act. 14. vers. 16. *Præteritis atatibus fuit Deus omnes gentes suis ipsarum viis ingredi.* Matth. 13. v. 11. *Vobis datum est, illis non est datum.* II. Asserunt Deum positâ lege fidei, teneri universis & singulis media ad eam sufficientia & efficacia administrare: contra Scripturam. Rom. 11. v. 35. *Quis prior dedit ei, ut reddatur ei?* Matth. 20 v. 15. *An non licet mihi, quod volo, facere de rebus meis?* Rom. 9. v. 18. *Miseretur cujus vult, indurat quem vult.* In quarto decreto. I. Electionem iterum tollunt, quatenus eligere ipsis est tantum præscire, qui velint venire, credere, perseverare: contra Scripturam Marc. 13. vers. 20. *Propter electos, quos Deus elegit.* Joh. 15. v. 16. *Non vos me elegistis, sed ego elegi vos, & constitui ut abeuntes fructus feratis, & fructus vester maneat.* Sic Eph. 1. v. 4. 5. & alibi. II. Electionem singularum personarum fide posteriorem faciunt, & ab arbitrio humano suspendunt, contra Scripturam Act. 13. v. 48. *Crediderunt quotquot erant ordinati ad vitam æternam.* Rom. 8. v. 29. 30. *Quos prædestinavit, hos vocavit.* Cap. 9. v. 16. *Non est volentis, nec currentis, sed misentis.* III. Statuunt Deum neminem eligere, nisi mortuum, vel in ipso vitæ mortisque confinio positum; qualis demum dici potest perseverans in fide: contra Scripturam Rom. 9. v. 11. *Nondum natis pueris, cum nihil fecissent boni vel mali, ut propositum Dei, quod est secundum ipsius electionem, firmum maneret, &c* Item Rom. 11. v. 1. 2. 7. 29. Eph. 1. v. 4. 5. IV. Negant electionis ad vitam, quæ perseverantiam requirit, ullum esse sensum, ullum fructum, & ullam certitudinem in hâc vita: contra Scripturam Luc. 9. v. 20. *Gaudete quod nomina vestra scripta sunt in cælis.* Rom. 8. v. 29. 30. *Quos præcognovit, prædestinavit; hos vocavit, justificavit.* 1 Thess. 1. v. 4 *Nôstis electionem vestram.* Rom. 8. v. 33. 39. *Quis intentabit crimina adversus electos*

tertium.

quartum.

electos Dei? Mihi persuasum est &c. V. *Εὐδοκίαν* Dei à reprobatione in totum excludunt: contra Scripturam Matth. 11. v. 25. 26. *Occultasti ea sapientibus, & intelligentibus: Etiam, pater, ita placuit tibi.* Et Rom. 9. v. 18. *Indurat quem vult.* VI. Eandem reprobationem à pravisâ infidelitate suspendunt; contra Scripturam Rom. 9. v. 11. 12. *Nondum natis pueris, cum nihil fecissent boni vel mali, ut propositum Dei, quod est secundum electionem, non ex operibus, sed ex vocante fir- mum maneret, dictum est ei; Major serviet minori &c.*

*Antithesis Catechetica Socinianorum
ad quæst. & resp. quinquag. quartam.*

Antithesis I.

Quæstio de Ecclesiâ, an semper fuerit, ubi, & apud quos ea sit, pa- rum est utilis; neque necessaria ad salutem. Nusquam enim mandatum est, Christianam doctrinam esse quærendam in Ecclesiâ.

Responsio.

Quæstio an
& ubi sit vera
Ecclesia ne-
cessaria est.

Sic ergo Sociniani apertè negant articulum symboli Apo- stolici, *Credo Ecclesiam*: nimirum quia non possunt ullam in to- to mundo, ab Apostolorum temporibus, Ecclesiam invenire, quæ eandem cum ipsis doctrinam tenuisset. Est verò quæstio hæc luculenter definita in Scripturâ, quæ doctrinam veritatis, 1 Tim. 3. v. 15. Eph. 2. v. 20. & salutem, Eph. 5. v. 23. in Ecclesiâ quærendam docet, eique nos vult adungere, ut salvi fiamus Act. 2. v. 47.

Antithesis II.

Sententia eorum, qui statuunt Deum ab æterno, certos quosdam homi- nes nominatim ex genere humano, immutabili decreto ad salutem, vel exi- tium prædestinasse, non propter pravisam obedientiam, aut contumaciam, sed quòd ita ipsi placuerit, falsa, impia, & absurda est. I. *Quia pietatem, & religionem omnem evertit, ut quæ tollit conatum, & studium pieta- tis; quòd planè est superfluum, ubi omnia fiunt necessario.* II. *Quia incon- venientia multa Deo attribuit; Injustitiam, ut qui homines propterea puniat, quòd non fecerint, quòd facere nullo modo potuerunt. Hypocrisin, cum deceptione conjunctam, quia iis offerat salutem in Evangelio, quos tamen à salute exclusit. Imprudentiam item, quia ejus rei curam suscipiat,*
quam

quam certò novit non posse perfici. Denique etiam pravitatem, quia faciat ut peccent homines; vel saltem decreverit, qui debeant peccare, quo ita propter peccatum eos damnare possit.

Responsio.

Hæ, & similes calumniæ sanæ doctrinæ, de divina Prædestinatione, novæ non sunt, sed veteres, jam olim Augustino à Pelagianis imò ipsi Apostolo ab impiis sugillatoribus judiciorum divinatorum objectatæ: sed ex naturâ & verbo Dei solidè & luculenter confutatæ. Ideò etiam nos in iis diluendis breviores futuri sumus. Primò necessitas, quæ ex decreto fluit, non est necessitas Physica, vel coactionis; sed consequentis, & consequentiæ; quam terminis specialibus, immutabilitatis & infallibilitatis vocant *Rom. 8. v. 29. 30. & cap. 9. v. 11. & cap. 11. v. 7. 29.* Hæc adeò non convellit religionem in animis hominum, nec studium pietatis enervat, ut potius illud in ipsis excitet, accendat, & foveat. Ratio hæc est, quia pietas non modò est finis immutabilis illius electionis; *Eph. 1. v. 4.* sed etiam ejus effectum ac medium, *2 Tim. 2. v. 19. 2 Pet. 1. v. 10.* via denique, quam præparavit Deus, ut in eâ ambulemus *Eph. 2. v. 10.* Præterea falsum est, quòd doctrina reprobationis tam horrenda Deo attribuat. Non tribuit ei ullam injuriam; quia reprobos puniri docet propter peccatum, ipsorum culpâ contractum; ex quo ipsi emergere nec potuerunt, nec voluerunt; Deus autem, ut indè eos liberaret, nullo jure tenebatur. Nec impingit hypocrisim cum deceptione conjunctam; quia in Evangelio offert Deus salutem omnibus vocatis, non absolute, sed cum conditione fidei, *Marc. 16. v. 16. Rom. 10. v. 9. 10.* quam ipsi præstare renuunt *Matth. 23. v. 38.* Insuper non tantùm salutem promittit credentibus, sed etiam damnationem incredulis comminatur, *Marc. 16. v. 16. Joh. 3. v. 17. 18.* quam ipsi suapte culpâ incurrunt. Nec inscitiam, quia Deus non conatur reprobos externè vocatos ad salutem perducere internâ & efficaci gratiâ *Matth. 11. v. 26. & cap. 13. v. 11. Rom. 11. v. 7. 8.* sed verbo mandati ac promissionis declarat, quid facere debeant, si quidem salute æternâ potiri velint. Postremò pravitatem ei minimè affingit; quia non facit Deus ut homines peccent, ac ne decrevit quidem qui peccare debeant; quasi vel præcipere ipsis peccatum, vel ad illud eos adigere velit: sed decrevit quos ipse velit relinquere in suis pecca-

Necessitas ex decreto est immutabilitatis & infallibilitatis.

& pietatis studium non enervat.

Non tribuit Deo.

injuriam.

hypocrisim.

inscitiam.

pravitatem.

peccatis; & propter illa, ut justus iudex, æternum damnare

Antithesis III.

Prædestinatio Dei in Scripturis aliud nihil notat, quàm Dei ante conditum mundum de hominibus decretum ejusmodi, quod iis, qui in ipsum crederent, eique obedirent, daturus esset vitam æternam; eos vero qui in ipsum credere, eique parere recusarent, æternâ damnatione puniretur esset: quo pacto Christus decretum illud nobis exposuit. Electio autem, cum de salute agitur, duplicem significationem habet. Etenim interdum ii, qui assentiuntur prædicato Evangelio, dicuntur à Deo electi: ut 1. Cor. I. v. 26. 27. ubi electio & vocatio pro eodem sumuntur. Interdum verò etiam ii, qui non solum Evangelio assentiuntur, verum etiam ex ipsis præscriptio vitam insitunt, electi vocantur. Cujus significatus exemplum exstat 2. Pet. I. v. 10.

Responsio.

Ovum ovo similius non est, quàm sententia Socinianorum doctrinæ Novatorum de Prædestinatione, & hi ipsis magistris du- Sociniani
refelluntur.
bio procul eam didicerunt; idè non opus est novâ refutatione. Paucula solum ad eâ, quæ hîc protulêre, annotabimus. I. Præ-
destinatio Dei non tantum est decretum, quo ipse statuit ser-
vare credentes, damnare incredulos; sed etiam, quo decrevit
ex genere humano lapsi aliorum misereri ad salutem, aliorum
non misereri *Rom. 9. v. 16. 18.* Alios redimendos dare Christo
mediatori, alios non dare *Ioh. 17. v. 6. 12.* Illis fidem in Chri-
stum gratificari, his non *Math. 13. v. 11. & cap. 11. v. 25.*
26. Roman. 9. v. 18. II. Prædestinatio non pendet à prævisâ
fide, & obedientiâ; itemque à prævisâ infidelitate, & inobe-
dientiâ. Nam contrarium docet Apostolus *Rom. 9. v. 11. 12.*
Fides quoque cum obedientiâ demum confunditur, contra Scri-
pturam *Gal. 5. v. 6. 1. Tim. I. v. 5.* III. Electio non est vocatio;
quia distinguitur vocatio à proposito, præcognitione, & præde-
stinatione *Rom. 8. v. 28. 29. 30.* Multi etiam vocantur, qui non
sunt electi *Math. 20. v. 16.* Hæc distinctio, quæ est Causæ & Ef-
fecti, etiam 1. Cor. I. v. 27. servatur. IV. Falsum est, Electos dici
eos, qui assentiuntur Evangelio, neque tamen piè vivunt. Non
enim potest impietas consistere cum verâ fide, quæ discernenda
m m est à

est à vanâ persuasione, & fidei jactantiâ. V. Et rectè quidem dicuntur electi credere, & sanctè vivere. Inde tamen inferri non potest, credentes, & sanctè viventes esse electos antecedenter, & fidem ac studium pietatis esse causas electionis. Sunt enim fines, fructus, & effecta electionis *Eph. 1. v. 4. 5. Alt. 13. v. 48.* Et electi consequenter credentes sancti vocantur, ut qui electionis suæ beneficio tales sunt, vel fiunt. Denique etiam *2. Pet. 1. v. 20.* electio à vocatione manifestè discernitur: Utraque autem firma redditur non in Deo, sed in nobis, studio pietatis ac bonorum operum.

QUÆST. LV. Quid sibi vult communio Sanctorum?

R E S P. *Primum; quòd universi, & singuli credentes, Christi & omnium ejus bonorum, tanquam ipsius membra, communionem habeant. Deinde; quòd singuli, quæ acceperunt dona, in commune commodum, & universorum salutem, promptè & alacriter conferre debeant.*

EXEGESIS.

Communio
Sanctorum
est

cum Christo

& eorundem
inter se.

Effectus sanctificationis, & Spiritus sanctificantis in Ecclesiâ Catholicâ, est *Communio sanctorum*, quam eodem cum ipsâ Ecclesiâ articulo nos credere profiteamur. Et distributione bimembri, ex objectis, declaratur: ut *una* sit sanctorum cum Christo, *altera* eorundem inter se. *Illa* est communio Fidei, quod Christo, ejusque beneficiis, omnes sancti communi jure fruuntur, *1. Joh. 1. v. 3. 1. Cor. 1. v. 9. & cap. 10. v. 16. 17. Heb. 3. v. 4.* undè etiam consortes ipsius, *Heb. 1. v. 9. & cohæredes, Rom. 8. v. 17.* appellantur. Hæc communio præsupponit communionem naturæ cum Christo, in carne & sanguine, *Heb. 2. v. 14.* sed sanctificatæ per Spiritum Sanctum *v. 11.* Adjunctam verò habet communionem, & participationem afflictionem ipsius *Rom. 8. v. 17. 29. Heb. 13. v. 12. 13. 1. Pet. 4. v. 13.* Præterea communionem cum Patre, & Spiritu Sancto non excludit, sed includit *1. Joh. 3. v. 1. 3. 2. Cor. 13. 13.* *Ista* est communio charitatis, quâ membra

membra per Charitatem sibi multuo benè volunt, & faciunt; in rebus secundis unâ gaudent; in adversus & tristibus dolore sibi multuo adsunt 1. Cor. 12. v. 21. 25. 26. & cap. 14. v. 3. 26. Rom. 12. v. 15. Heb. 13. v. 16. Cujus illustre exemplum in Ecclesiâ primitivâ proponitur Act. 2. v. 42. 44. 45.

QUÆST. LVI. Quid credis de remissione peccatorum?

RESP. Deum, propter satisfactionem, Christi meorum peccatorum, atque illius etiam pravitatis, cum quâ mihi per omnem vitam pugnandum est, memoriam omnem deposuisse; & me justitia Christi gratis donare; ne unquam in judicium Dei veniam.

EXEGESIS.

TRibus sequentibus articulis symboli Apostolici, Communio Sanctorum tribus præcipuis Christi beneficiis, veluti objectis suis, explicatur. Horum primum est *Remissio peccatorum*; de cuius communionem loquitur Apostolus 1. Cor. 16. v. 16. *Poculum gratiarum actionis, quo gratias agimus, nonne communio sanguinis Christi est? Panis quem frangimus, nonne communio corporis Christi est?* Remittere peccata phrasis est metaphorica, à creditoribus, & debitoribus sumpta. Illi siquidem moti misericordia, debitum ab hisce, (utpote solvere non valentibus,) non exigentes, sed condonantes, remittere dicuntur *Matth. 18. v. 27. 32.* Remissio quid sit. ergo peccatorum est eorundem condonatio, ac si non essent commissæ; & absolutio hominis peccatoris à reatu & pœnâ, ac si nihil ipse deliquisset. Et merè gratuita est; quatenus ab ipso nihil exigitur; interim Christi sponforis satisfactionem includit, quatenus est demonstratio justitiæ divinæ *Rom. 3. vers. 24. 25.* ejus. Ideoque Catechesis Remissionem hanc declarat. I. Ex causâ impulsivâ externâ, quæ est satisfactio Christi pro peccatis, *Roman. 3. vers. 25. 2. Cor. 5. v. 21. 1. Iohan. 2. vers. 2.* absque quâ impulsiva externa. nulla cûpiam contingit remissio *Heb. 9. v. 22.* II. Distributione ex Objectis; quæ sunt peccata non solum actualia, quæ objecta. quotidie committimus, & actu transeunt: 1. *Ioh. 1. v. 6. Iacob.*

forma.

finis

3. v. 2. fed etiam originale, quod manet, habitat in renatis, & quocum per omnem vitam ipsis est pugnandum *Rom.* 7. v. 15. 16. *seqq.* *Gal.* 5. v. 17. *Heb.* 12. v. 1. Nam sanguis Iesu Christi mundat nos ab omni peccato 1. *Johan.* 1. vers. 7. Et nulla est condemnatio iis, qui sunt in Christo Iesu. *Roman.* 8. vers. 1. III. E formâ, quæ privativè, & positivè enunciatur, diversorum terminorum respectu. Est enim oblivio peccatorum nostrorum, *Jer.* 31. v. 34. five obnubilatio, & oblectio eorundem *Esai.* 44. v. 17. *Psal.* 32. v. 1. 2. ne unquam deinceps in Dei iudicis conspectum aut memoriam veniant, ad accendendam in nos iram ipsius. Est etiam donatio Justitiæ Christi, quam Christus passione, ac morte suâ nobis acquisivit, & Deus propter Christum nobis gratis donat: sicut dicimur iusti constitui illius obedientiâ *Rom.* 5. v. 19. Et justitia Dei fieri in ipso 2. *Cor.* 5. v. 21. IV. E fine proximo, qui est liberatio ab æternâ condemnatione, *Ioh.* 5. 24. *Rom.* 8. v. 33. ubi κατ' ἀντίθεσιν simul intelligenda est acquisitio benedictionis, seu vitæ æternæ: quæ duo conjungit Apostolus *Gal.* 3. v. 13. 14.

*Considerationes Catecheticæ Novatorum ad questionem
& responsionem quinquagesimam sextam.*

An hæc responsio consentiat cum 36. responsione.

I. *Quomodo quod hic dicitur, Deum propter satisfactionem Christi, illius pravitatis, cum quâ nobis per omnem vitam pugnandum est, omnem memoriam deposuisse; cum XXXVI. responsione conveniat: ubi dictum fuit, Christum innata nobis peccata, innocentiam suâ, & sanctitatem, in quâ conceptus, & natus est, coram facie Dei obtegere.*

Resp. Optimè convenit; quia satisfactio Christi conjuncta fuit cum ipsius innocentia 1. *Pet.* 1. v. 19. *Heb.* 7. v. 25. & una ab altera divelli non debet. Quando igitur Catechesis satisfactionis meminit, non tollit sed præsupponit ipsius innocentiam & sanctitatem; & quando hujus mentionem facit, illam non excludit, sed potius simul includit.

An fideles rectè dicantur donari justitiâ Christi propter ejus satisfactionem?

II. *An verè & commodè dictum sit; Deum fideles justitiâ Christi donare, propter satisfactionem Christi: An non hoc tantundem sit, ac si diceretur; Deum propter justitiam Christi pro nobis præstitam, nobis dare justitiam, quam Christus pro nobis præstitit?*

Resp.

Resp. Tam rectè, & commodè id dicitur, quam verè affirmat Apostolus, nos obedientiâ Christi iustos constitui, *Rom. 5. v. 19.* & iustos fieri coram Deo in ipso *2. Cor. 5. v. 21.* Neque enim idem sunt, satisfactio Christi, & iustitia ipsius, quam nobis donat; sed differunt, ut Causa & effectum. Falluntur verò ipsi, vel saltem ludunt ambiguitate casus genitivi, qui non Subiecti, sed Causæ efficientis est nota. Et sicut cum iustitia illa Dei vocatur, *Rom. 1. v. 17.* & *cap. 3. v. 22.* à Deo esse, donari intelligitur: Ita cum Christi esse dicitur, ab ipso parta, acquisita intelligitur.

III. *Quomodo hæc duo conciliari possint, Deum nobis dare iustitiam Christi, propter satisfactionem Christi; & nos ipsos Deo satisfacere, responsione XII.*

An non hoc
contradicit
resp. 12.

Resp. Ἀντιλογία hæc non est in Catechesi, sed in cerebro Novatorum, orta ex divisionis fallaciâ. Non asserit Catechesis quæstione XII. nos ipsos satisfacere pro peccatis nostris: id namque impossibile nobis esse docet, quæstione XII. sed ait alium, nempe sponsores nostrum, pro nobis satisfacere; quod imputatione Dei, ac phrasi Scripturæ tantundem est, ac si nos per ipsum satisfecissemus *2. Cor. 5. v. 15. 21. Gal. 3. v. 13.*

QUÆST. LVII. Quid te consolatur resurrectio carnis?

RESP. *Quod non tantum anima mea, postquam è corpore excesserit, è vestigio ad Christum, suum caput assumetur: verum quoddam hæc quoque caro mea potentia Christi excitata, rursus animæ meæ unietur, & glorioso corpori Christi conformabitur.*

EXEGESIS.

Alterum beneficium est *Resurrectio carnis*, de cuius communi-
one loquitur Apostolus, *1. Cor. 15. v. 22.* *Sicut in Adam omnes moriuntur, ita in Christo omnes vivificabuntur.* In Catechesi peculiariter accommodatur ad praxin, & consolationem fidelium, in vitâ & in morte, *1. Cor. 15. v. 18. 19.* & *1. Thess. 4. v. 13. 14. seqq.* & ex variis locis inventionis distinctè pertractatur. *Primò* enim declaratur collatione minoris, videlicet migratione ani-

Resurrectio
fidelium.

mæ ad Christum, simulac ex hâc corporis statione discedit, *Luc. 16. v. 22. Phil. 1. v. 23. Apoc. 14. v. 13.* quod Christus latroni disertis verbis promisit *Luc. 23. v. 43.* *Secundò* declaratur subiecto, sive Objecto; quod est hæc nostra caro, eadem substantiâ & numero, quam singuli in hâc vitâ gestarunt; ut est *Iob. 19. v. 25. 2. Cor. 5. v. 10.* Nam resurrectio, ἀνάστασις, propriè est ejus, quod cecidit, restitutio in integrum; non alterius. *Tertiò* expositione Causæ efficientis proximæ, quæ est Christi ἐνέργεια, sive potentia, *Phil. 3. v. 21. Iob. 5. v. 28. 29.* quâ omnia sibi potest subicere. Proinde non minus possibilis est resuscitatio mortuorum, quàm creatio prima rerum omnium, nulla omnino præexistente materia. *Quartò* expositione formæ, quæ suis quasi gradibus perficitur, ut sunt; Excitatio corporis è pulvere; Remigratio animæ in corpus; & utriusque personalis unio, nunquam deinceps dissolvenda *Iob. 19. v. 25. 26. 27. 1. Cor. 15. v. 23. 24.* Quæ omnia visione Prophetica, de ossibus compactis inter se & vivificatis, pulchrè figurantur *Ezech. 37. capp.* *Quintò* expositione adjuncti tum adhærentis, tum inhærentis, quod est conformitas corporis resuscitari cum glorioso corpore Christi *Phil. 3. v. 21. 1. Cor. 15. v. 21. seqq.* Hæc autem nihil aliud est, quàm mutatio qualitatum, nempe corruptibilitatis in incorruptibilitatem, mortalitatis in immortalitatem, infirmitatis in potentiam, ignominie in gloriam, denique corporis animalis in spirituale *1. Cor. 15. v. 42. 43. seqq.*

Infidelium
qualis.

Atque hæc est resuscitatio fidelium ad vitam, cujus symbolum, inter bona Ecclesiæ propria, expressè meminit. Ex eâ autem facile colligitur ac intelligitur *Resurrectio infidelium* ad mortem, ac condemnationem; quæ altera pars est resurrectionis universalis, *Dan. 12. v. 2. Iob. 5. v. 28.* & à priore efficiente, adjunctis, & sine potissimum distinguitur. *Efficiente*, quæ utrobique quidem est idem Christus: sed illuc ut servator, & caput fidelium; hinc ut iudex, damnator infidelium. *Adjunctis*, quia corpora infidelium suscipient quidem incorruptibilitatem, immortalitatem, ne unquam consumantur: at non gloriam, potentiam, spiritualitatem, quibus effulgebunt iusti in regno Patris sui *1. Cor. 15. v. 40. seqq. Matth. 13. v. 43.* *Fine*, quia illi resurgent ad vitam, isti ad mortem & condemnationem *Dan. 12. v. 2. Iob. 5. v. 28.*

*Antithesis Catechetica Socinianorum ad quæst. 3. ressp.
quinquages. septimam.*

Corpora fidelium resurgent spiritualia, non solum qualitatibus, sed ipsâ quoque substantiâ: & dicitur resurrectio carnis, quia resurget quod fuit caro; simili sensu, quo Christus dixit, meretrices & publicanos praeversuros Phariseos in regno calorum Matth. 21. v. 31. Ratio duplex est. Una ex dicto Apostoli 1. Cor. 15. v. 50. Caro, & sanguis, hæreditatem regni Dei non consequentur. Qui etiam corpus resuscitatum spirituale vocat vers. 44. 46. Altera ab exemplo Christi, qui à resurrectione adscendens in cælum, cum mortalitate ipsum corpus deposuit, Hebr. 5. v. 7. cui nos conformari oportet Phil. 3. v. 21.

Responsio.

Sic ergo etiam hunc fidei articulum convellunt, qui luce suâ in Veteri, & Novo Testamento, clarissimè radiat. Nos negationi hæreticæ opponimus pauca, sed evidentia Scripturæ effata, *Iob.* 19. v. 25. 26. 27. *Ezech.* 37. *Dan.* 12. v. 2. *Iob.* 5. v. 28. 1. Cor. 15. 1. *Thess.* 4. v. 14. *seqq.* quæ diserte testantur, id resurrecturum, quod est, non quod olim fuit caro. 1. Cor. 15. Caro & sanguis non consequentur hæreditatem regni Dei, scil. quæ sunt peccato onerata, & corruptioni obnoxia vers. 50. Interim consequentur eam caro, & sanguis, glorificata. Qualitas enim mutabitur, non abolebitur ipsa substantia: idque fortissimè adstruit Apostolus, cum dicit vers. 42. 43. 44. Illud ipsum, non aliud numero corpus, quod seminatur, excitatum iri. Futura quidem sunt corpora nostra spiritualia, ornata dotibus spiritualibus, sic tamen, ut corpora maneant; quia corpus spirituale, non spiritus resurget 1. Cor. 15. v. 40. 44. De Christo falsum est quod adscendens in cælum corpus suum deposuerit: Imò post adscensionem in eo conspectus est à Stephano, *Act.* 17. v. 56. & Paulo oblatus *cap.* 9. v. 3. *seqq.* In eodem corpore rediturus est ad iudicium *cap.* 1. v. 11. *Dies carnis Christi, Heb.* 5. v. 7. sunt dies exinanitionis ipsius, qui desierunt, integrâ manente carnis substantiâ.

Eadem corpora resurgent, sed glorificata.

1. Cor. 15. vers. 50. & 44. 46. vindicatur.

Heb. 5. v. 7. explicatur.

Q U Æ S T.

QUÆST. LVIII: Quam consolationem capis ex articulo de vitâ æternâ.

RESP. Quid, quoniam in præsentia vitæ æternæ initia in meo corde præsentisco, futurum sit, ut post hanc vitam plenâ perfectâque beatitudine potiar, in qua Deum in æternum celebrem: quam quidem beatitudinem nec oculus vidit, nec auris audivit, nec ullus homo cogitatione comprehendit.

EXEGESIS.

Vita æterna

inchoatur in
hâc vitâ.

Tertium beneficium est *Vita Æterna*: de cujus communione loquitur idem Apostolus 2. Tim. 2. v. 11. 12. *Si cum eo mor-
tuisumus, cum eo etiam vivemus: si toleramus, etiam cum eo regnabi-
mus.* Solet autem variis synonymiis illustrari in Scripturâ; ut cum dicitur Regnum Dei, *Matth. 25. v. 34.* Gaudium domini, *vers. 21.* Sinus Abrahæ, *Luc. 16. v. 23.* Paradisus, *cap. 23. v. 34.* Domus Patris, *Ioh. 14. v. 2.* Hæreditas incorruptibilis 1. *Per. 1. v. 4.* &c. Sed usitatissima est appellatio vitæ æternæ: cujus rationem Catechesis explicat distributione ex adjuncto temporis, vitam illam spiritualem & cœlestem, secundum inchoationem, & consummationem; sive initium, & complementum, distinguens; ad declarandam ejus æternitatem. *Inchoatio* fit in hâc vitâ, & quidem illo momento, quo homo per fidem justificatur, & regeneratur, *Gal. 2. v. 20.* simul etiam sentit in corde suo initia illius vitæ, per Spiritum Sanctum testantem Spiritui nostro, nos esse Filios & hæredes Dei, *Rom. 8. v. 16. 17.* nosque obsignantem in diem redemptionis nostræ 2. *Cor. 1. v. 22.* *Ephes. 4. v. 30.* Quod utrumque Spiritus effectum indicat Catechesis, dum ait; fideles sic persentiscere initia vitæ æternæ in cordibus suis, ut inde certi sint de consummatione: quemadmodum ex primitiis Spiritus plena messis, *Rom. 8. v. 23.* ex arrhâ pignoris loco datâ solutio totius speratur, & expectatur 2. *Cor. 1. v. 22.* Horum initiorum respectu credentes dicuntur habere vitam æternam.

Ioh. 3.

Iohan. 3. v. 36. salvi facti esse, *Ephes.* 2. vers. 8. vivere per fidem Christi, *Galat.* 2. v. 20. cum ipso in cœlis collocati esse, *Ephes.* 2. v. 6. eorumque vita abscondita in Christo, donec gloriosi declarentur cum Christo patefacto *Coloss.* 3. v. 4. Consummatio Consummatur in alterâ. fiet in alterâ vitâ, cum sanctificatione ad finem perductâ, 2 *Corinth.* 7. v. 1. perficietur quoque glorificatio filiorum Dei; & id quod imperfectum est, abolebitur 1 *Corinth.* 13. vers. 10. Quo Ubi notanda sensu vita æterna à genere, adjunctis, & proprio fine hîc describitur. Genus est plena, perfectaue beatitudo fidelium, omnes numeros felicitatis, omnes item gradus complectens, *Matth.* 25. v. 34. 1 *Corinth.* 13. v. 10. ut simul sit partium, ac graduum perfectio. Consistit autem beatitudo illa partim in ineffabili gaudio, quod oritur ex pleno sensu paterni favoris Dei erga nos *Psal.* 16. v. 11. & 17. v. 15. *Matth.* 8. v. 11. *Luc.* 22. v. 30. & cap. 23. v. 43. Partim in summâ gloriâ, quæ existit tum ex perfectâ renovatione, & sanctitate animæ & corporis; *Ephes.* 5. vers. 27. *Apocal.* 21. v. 2. tum ex cœlesti corporis splendore, 1 *Corinth.* 15. v. 40. 41. *Philip.* 3. v. 21. *Matth.* 13. v. 43. tum ex regiâ dignitate, *Luc.* 22. v. 30. 2 *Timoth.* 2. v. 12. *Apoc.* 1. vers. 6. tum denique ex glorioso illo Dei, Christi, & sanctorum Angelorum consortio, in throno gloriæ *Hebr.* 12. vers. 22. 23. *Iohann.* 17. v. 24. 1 *Thessal.* 4. v. 17. Adjuncta sunt, quæ Adjuncta. verbis Apostoli ex *Esaiâ* enunciantur, 1 *Corinth.* 2. vers. 9. quod nimirum beatitudo illa sit inconspicua, quam oculus non vidit; inaudita, quam auris non audivit; & incomprehensibilis, quæ in mentem hominis nunquam venit. Finis est æterna Dei Finis. celebratio, *Apocal.* 19. vers. 5. quâ glorificati Deo perpetuò servient cap. 22. vers. 3. 4. Exemplo Angelorum, & Spirituum justorum consummatorum, *Hebr.* 12. vers. 23. qui jam nunc perpetuas ei laudes canunt *Apocal.* 5. vers. 8. & cap. 14. versic. 3. Ex quibus omnibus mors æterna infidelium mors æterna infidelium. xai òv tîs Civ facili labore definitur. Ea similiter inchoatur in hoc seculo; quia jam condemnatus est, qui non credit in filium Dei; & ira Dei manet super eum *Iohan.* 3. vers. 17. 36. At consummabitur in altero, *Marc.* 16. vers. 16. quando omnes infideles à facie Dei abjicientur in gehennam ignis, in tenebras illas exteriores; ubi est fletus, & stridor dentium; ubi

bi vermis eorum nunquam moritur, nec ignis exstinguitur
Math. 25. v. 41. 46. & cap. 8. v. 12. Marc. 9. v. 44. Luc. 16. vers.
23. 24. seqq.

QUÆST. LIX. At cum hæc omnia credis, quid utilitatis inde ad te redit?

RESP. *Quod in Christo justus sum coram Deo, & hæres vita æterna.*

EXEGESIS.

Effecta fidei

Iustificatio &
 Hæreditas
 Vita æternæ.

EXPeditum est primum illud de Objecto fidei, quod in prolixiore ejus declaratione ad quæstionem XXII. fuit propositum. Succedit alterum, in *Effectis vera fidei*, qualia duo hic proponuntur; *Iustificatio, & Hæreditas vita æterna*, quæ tamen sunt effecta fidei subordinata, & inter se cohærent, ut causa & effectum: quia justificatio propria ac proxima causa est hæreditatis vitæ æternæ. De utroque ita Apostolus Rom. 1. 16. v. 17. *Euangelium est potentia Dei ad salutem omni credenti. Iustitia enim Dei per illud retegitur ex fide in fidem, sicut scriptum est; Iustus ex fide sua vivet.* Et cap. 4. v. 16. *Ex fide est hæreditas, ut sit per gratiam.* Posterius effectum quæstione antecedente abundè est declaratum. Prius exponitur sequentibus aliquot quæstionibus: hic autem bifariam circumscribitur; quòd sit iustitia quæ est in Christo, 2 Corinth. 5. vers. 21. non quæ ex lege ejusque operibus provenit: Rom. 3. vers. 21. & cap. 10. vers. 6. quòd item sit illa iustitia, quâ iusti sumus coram Deo, Rom. 3. v. 2. 2. 2. seqq. non quâ tales habemur ab hominibus Iac. 2. vers. 24.

QUÆST. LX. Quomodo justus es coram Deo?

RESP. *Solâ fide in Iesum Christum; adeò ut, licet mea conscientia accuset, quòd adversus omnia mandata Dei graviter peccaverim, nec ullum eorum servaverim, adhuc etiamnum ad omne malum propensus*

sus sim ; nihilominus tamen (modò hac beneficia verâ animi fiduciâ amplectar) sine ullo meo merito , ex merâ Dei misericordiâ , mihi perfectâ satisfactio , justitia , & sanctitas Christi , imputetur ac donetur ; perinde ac si nullum ipse peccatum admissem , nec ulla mihi labe inhereret ; imò verò , quasi eam obedientiam , quam pro me Christus prestitit , ipse perfectè prestitissem .

E X E G E S I S .

PRiusquam explicationem rei tradamus , de vocabulo *Iustificati-* ^{Iustificare quid.}
onis tenendum est , quòd non sit Latinum , sed ex Hebræo *הַצְדִּיק* *hitzdik* , & Græco *δικαιῶν* , Latinum factum , ad exprimendam illorum verborum *ἐμψαων* . Ista autem Hebræis & Græcis sunt verba forensia ; & significant justum judicare , pronunciare , à crimine pœnâque absolvere : quod etiam opposita ostendunt , ut sunt *הִרְשִׁיחַ* *hirschiah* , & *κατακαλέιν* , item *ἐγκαλέιν* , condemnare , injustum pronunciare , accusare , *Prov.* 17. v. 12. *Esa.* 50. v. 8. 9. *Roman.* 8. v. 33. Latinis itaque iustificare aliud significare non potest , quàm justum reputare , & absolvere . Et justificatio , ex notatione vocis , est absolutio forensis , sive judiciaria liberatio à culpâ & pœnâ , ex sententiâ judicis . ^{Iustificacionis} Catechesis missâ nomenclatura vocis , rem ipsam dilucidè ac perspicuè declarat , instrumentum justificationis , subjectum , causas efficientes , & formalem , ordine commemorans .

Instrumentum est fides in Christum , & quidem sola fides , ^{Instrumentum sola fides.}
cui passim tribuitur justificatio , *Roman.* 3. 4. 5. *capp.* *Galat.* 2. 3. *Philipp.* 3. & alibi , idque quâdam casuum variatione : ut esse dicatur *ex fide* , *per fidem* , *fide* , *Roman.* 3. vers. 28. 30. & *cap.* 5. vers. 1. Sed dum mentione objecti sui definitur , docetur , non iustificare eam absolutè , quatenus est qualitas , opus , aut meritum ; sed correlativè ad Christum , cujus justitiam apprehendit *Roman.* 5. v. 17. 18. Dum etiam sola dicitur iustificare , excluduntur opera legis , ci opposita , *Roman.* 3. v. 28. *Gal.* 2. v. 16.

ex quibus non est justificatio *Roman. 3. v. 20.* Est verò fides instrumentum, sive organum internum justificationis, in corde hominis residens *Rom. 10. v. 9. 10.* Organa externa dici possunt, Euangelium, Sacramenta, & ministri Euangelii; per quæ Deus ordinariè justificationem, & salutem electorum operatur *Roman. 1. v. 16. 17. & cap. 4. v. 11. 1. Petr. 3. v. 21. 2. Tim. 2. vers. 16.*

Subjectum
homo

peccator

credens in
Christum.

Efficiens
principalis
Deus.

Impulsivæ

Interna Dei
misericordia.

Subjectum justificationis est homo peccator, credens in Christum: qualis erat Publicanus ille, *Luc. 18. v. 13.* cum sensu peccati contritus oraret, *Domine propitius esto mihi peccatori.* Nam justificat Deus impium remittendo ei peccata *Roman. 4. v. 5.* Et justificat eum qui est ex fide Jesu *cap. 3. v. 26.* Prior qualitas subjecti in textu Catechetico declaratur distributione geminâ peccatorum, in actualia; & originale; in commissionis, & omissionis, ex Paulo *Roman. 3. v. 10. 11. seqq.* Confirmatur verò testimonio conscientia, quo singuli fideles convincuntur coram Deo, quod adversus omnia ejus præcepta graviter peccaverint, nec ullum eorum servaverint; adhæcetiamnum propter peccatum illud inhabitans, quod & in sanctissimis hærare summorum Apostolorum querelis & exemplis constat, *Roman. 7. v. 14. 15. seqq. 1. Iohann. 1. vers. 8. 9.* ad omne malum, hoc est, ad quævis peccata propensi sint. Altera actu suo formali explicatur, qui est fiducialis apprehensio Christi, *Iohan. 1. v. 12.* & beneficiorum ipsius *Act. 26. v. 18. Roman. 5. v. 17.* Sic ergo justificatur impius, non qui talis manet etiam post justificationem: Nam ei succedanea Sanctificatio renovat ipsum à corruptione, licet eam non planè aboleat: Sed qui impius est naturâ, credit autem sibi remitti peccata propter Christum.

Causa efficiens principalis est Deus. Deus enim est qui justificat *Esa. 43. v. 25. Ego, ego sum qui deleo peccata tua. Roman. 8. v. 33. Quis intentabit crimina adversus electos Dei? Deus is est qui justificat;* mirum, quia in ipsum solum peccatur *Psal. 51. v. 6.* Efficienti subordinantur causæ impulsivæ, Interna, & Externa: quæ etiam reinvocatione impulsivæ fallæ, ut sunt omnia merita humana, sive congrui, sive condigni, illustrantur. De quibus audiendus est Paulus *Eph. 2. v. 9. Rom. 4. v. 5. Tit. 3. v. 4.* Imo ipse Christus *Luc. 17. v. 10. Interna est gratuita Dei misericordia, quâ nos miseros peccatores justificare,*
hoc

hoc est, à reatu peccati & mortis absolvere dignatur *Rom. 3. v. 24.* *Iustificantur gratis, ejus gratiâ.* *Eph. 1. v. 7.* *Habemus remissionem peccatorum ex divite ipsius gratiâ.* *Tit. 3. v. 5.* *Ex misericordiâ suâ servavit nos.* Hæc omnia nostra merita, & opera excludit; quia si ex gratiâ, jam non ex operibus, alioquin gratia non est gratia *Rom. 11. v. 6.* *Externa est perfecta satisfactio, justitia, ac sanctitas Christi;* siue Christus mediator, cum suâ obedientiâ, sacrificio, & merito. Hunc enim Deus proposuit placamentum per fidem in sanguine ipsius, ad remissionem peccatorum *Rom. 3. v. 25.* Ipse passus est, justus pro injustis, ut nos ad Deum adduceret *1 Petr. 3. v. 18.* Ipse sanctificavit se pro nobis, ut & nos essemus sanctificati in veritate *Iohan. 17. vers. 19.* Hæc causa dici solet meritoria, quia Christus *ἀντὶ* suo meruit nobis remissionem peccatorum, *Matth. 20. v. 28.* & *cap. 26. vers. 28.* acquisivit sibi Ecclesiam proprio sanguine *Act. 20. v. 28.* Item causa materialis justificationis; quia obedientia Christi, ejusque sacrificium, est res illa, propter quam justii constituimur *Roman. 5. vers. 16.* *2 Corinth. 5. vers. 21.* Et similiter excludit omnia merita nostra, & opera. Si enim ex lege justitia, Christus frustra mortuus est *Galat. 2. vers. 21.*

Externa satisfactio Christi.

Forma justificationis statuitur imputatio, ac donatio perfectæ satisfactionis, justitiæ, ac sanctitatis Christi. Supra, quæstione LVI. conjungebat Catechesi remissionem peccatorum, & imputationem justitiæ; hîc solam imputationem ponit; nimirum, quia ratio justificationis tota in imputatione justitiæ consistit, *Rom. 4. vers. 5.* tota in remissionem peccatorum, *vers. 6. 7.* tota in utraque *Daniel. 9. vers. 24.* Non enim sunt partes, subjecto, vel forma differentes, quæ justificationem ceu totum quoddam integrent: alioqui justii, & beati non essent, quorum remissæ sunt iniquitates. Sed sunt phrasæ verbis diversæ, sensu eadem, quæ unum eundemque justificationis actum, respectu diversorum terminorum, à quo, & ad quem, declarant; prout fieri solet in iis actionibus, quæ contrariorum immediatorum *ἀπὸ, καὶ πρὸς* constant. De remissione peccatorum ante dictum. *Imputationem* explicat Catechesis termino synonymo, vocans eam donationem; non quæ fit per infusionem justitiæ habitualis; inhærentis subjecto; Hæc enim imputatio

Forma, imputatio justitiæ Christi.

quæ idem cum Remissione peccatorum.

Imputatio
unica est.

certa,

perfecta-

non esset, si quidem quod inhæret non imputatur: sed quæ fit per gratuitam acceptationem & applicationem, hoc est, quâ Deus mortem & satisfactionem Christi, quasi à nobis præstitam, acceptat, nosque propter eam justos reputat per fidem in ipsum 2. Cor. 5. vers. 15. *Si unus pro omnibus mortuus est, illi omnes censenter mortui.* vers. 21. *Fecit Deus eum, qui non novit peccatum, pro nobis peccatum, ut nos fieremus justitia Dei in ipso*, Roman. 5. vers. 19. *Per unius obedientiam justis constituuntur multi.* Quod ipsum Catechesis in sequentibus pluribus declarat. Non facit tripartitam imputationem, quasi imputatio satisfactionis Christi tollat peccata commissionis; imputatio justitiæ, peccata omissionis; imputatio sanctitatis, peccatum inhærens. Nam Scriptura unam solùm imputationem agnoscit *Roman. 4. 5. capp.* Et sanguis Jesu Christi mundat nos ab omni peccato 1. *Iohan. 1. vers. 7.* Reclamant præterea loca Scripturæ, in doctrinæ hujus confirmationem in Catechesi allegata *Esa. 1. v. 18. Mich. 7 v. 19. 2. Cor. 5. v. 21.* Quid ergo? explicat certitudinem, ac perfectionem hujus imputationis distinctione terminorum, à quo, & ad quem: nè aut nomen putetur finire, aut insufficiens ad salutem ac vitam censeatur. Certa est hæc imputatio satisfactionis Christi, non minus, quàm si ipsi eam præstitissemus pro peccatis nostris; quia, si unus pro omnibus mortuus est, illi omnes censentur mortui, 2. *Cor. 5. v. 15.* & quidem judicio Dei, quod est secundum veritatem *Rom. 2. v. 2.* Est quoque perfecta, solvens nos à reatu & pœnâ omnium & singulorum peccatorum. Tam enim justos Deus nos reputat, ac si non modò non laborâssemus aut laboraremus labe originali, nec ulla peccata actualia admisissimus: sed etiam originali justitiâ præditi, perfectam ac constantem obedientiam legi præstitissemus. Ratio hæc est; quia sanguis Christi non mundat nos ab hoc, illo, aut certis solum peccatis; sed ab omni peccato, 1. *Iohan. 1. vers. 7.* Et obedientia ipsius nos justos constituit, non particulari, sed universali justificatione *Roman. 5. vers. 19.*

Conside-

*Considerationes Catechetica Novatorum
ad quæst. & resp. sexagesimam.*

I. *An verba hæc, Etiamnum ad omne malum propensus* An verbo
etiamnum ad
omne malum
propensus sine
tolerari pos-
sint?
sim, tolerari possint; utpote quæ tam inconcinna sunt, & modum usque
adeo excedunt, ut strictè sumpta nè quidem in irregenitos quosvis quadra-
re possint: adeoque quia iis ipsis ita describitur status regenitorum, ut pe-
jor reddatur statu irregenitorum; quem descripsit Catechista quæstione
V. & VIII. Videtur etiam descriptio ista pugnare cum descriptione re-
genitorum, quæstione CXIV, & LXIV; & cum efficaciâ fidei, Confes-
sionis articulo XXIV. Videndum itaque, ac dispiciendum, an non præstet
hæc aut similia in istorum locum substitui; etiamnum caro contra Spiritum
concupiscit. an vero præstet, prorsus illa omitti; quandoquidem propensio
ad malum non justificationi, utpote per quam non tollitur, sed Sanctifica-
tioni contraria sit.

Resp. Qui verba illa tam inconcinna judicant, ut nè omni-
bus quidem irregenitis, nedum regenitis convenire possint; ii pec-
catum originis in totum vel ex parte negant, & regenitis in hâc
vitâ perfectam sanctificationem, rectè saltem, vendicant. Refel-
luntur verò ab Apostolo *Rom. 7.* ubi de irregenitis & regenitis, in
suâ personâ, secundum duplicem statum, ante & post conversio-
nem differens, utrisque propensionem illam tribuit. Quo discrimi-
ne, dictum est ad considerationes quæstionum V. & VIII. Sum-
ma hæc est. In *Irregenitis* est totalis propensio ad omne malum: In
regenitis sunt propensionis illius reliquiæ, (in aliis majores, in aliis
minores;) ex peccato imminuto solum per gratiam regeneratio-
nis, nondum verò abolito. In *illis* non tantum existit, sed etiam
dominatur illa propensio ad malum; ut qui carni habenas laxat.
In *istis* non dominatur, sed ei resistunt per gratiam Spiritus Sancti,
Gal. 5, v. 16. 17. ac licet aliquando succumbant, tamen vires postea
resumunt, ac victoriam à carne reportant. Neque pugnant quæ
hic in Catechesi dicuntur cum iis quæ habentur quæstione LXIV,
& CXIV. siquidem diverso respectu, & secundum diversa prin-
cipia, de eodem subjecto enunciantur. Secundum carnem, &
corpus illud mortis *Rom. 7, v. 24.* quod pondus, & peccatum ad
nos

nos circumcingendum proclive vocatur, *Hebr.* 12. v. 1. propensi adhuc sunt regeneriti ad omne, hoc est, quodvis malum: secundum spiritum verò fructus gratitudinis Deo ferunt, & secundum omnia ejus præcepta vivere incipiunt *Rom.* 7. v. 5 2. & *cap.* 8. v. 1. *seqq.* *Gal.* 5. v. 16. 17. Ex quo loco si maxime substituantur ista verba, *Etiānum curo contra spiritum concupiscat*, sensus tamen idem manet; Quia concupiscentia carnis adversus spiritum est propensio ad omne malum; cujus variæ species sub fructibus carnis recensentur *vers.* 19. 20. Omitti verò, aut induci nullo modo debent. I. Quia justificationis beneficium antithesi contrariorum illustrant, & amplificant. II. Quia necessariam fidelibus consolationem continent, contra reliquias peccati originalis; ex quibus, ut difficilis lucta, ita gravis sæpenumero tentatio nascitur *Rom.* 7. v. 2 4. 25. & *cap.* 8. v. 1. Quo consilio pravitatis inhærentis, etiam supr. quæstione LVI. Catechesis prudenter meminit. Et falsum est, quod propensio ad malum non sit contraria justificationi. Atqui homines irregeneriti propter eam condemnantur, & sunt iræ filii *Ephes.* 2. v. 3. Quod regeneriti propter eam non condemnantur, id fit per accidens, quia veniam consequuntur. Ambiguum etiam est, quod propensionem illam tolli negant per justificationem. Sanè non tollitur quoad abolitionem inhærentis vitiositatis, quæ in sanctificatione fit: tollitur verò quoad reatum, sicut dicitur *Joh.* 1. v. 29. *Hic est agnus ille Dei, qui tollit peccatum mundi.*

An satisfactio
justitia, & san-
ctitas Chri-
sti sigillatim
nobis impu-
tentur?

II. Cum hæc tria distincta beneficia nobis collata proponantur, Christi nempe satisfactio, justitia, & sanctitas, quibus etiam distincta effecta ad justificationem pertinentia adscribuntur; quaritur an primo Christi satisfactio morte præstita; deinde justitia, qua moralem legem implevit; tertio sanctitas, in qua conceptus est, distinctè & separatim singula nobis imputentur, & an ad justificationem hæc quoque distinctè consideranda sint, hoc modo; peccata remittere, naturalem corruptionem tegere, Christi justitiam imputare: Et an hæc tantummodo valeant, atque habere pro eo qui legi obedivit; aut in Christo justum reputare, quia in eo legem implevit.

Resp. Huic considerationi jam satisfactum est in explicatione textus Catechetici. Tria illa, non sunt distincta aut separata beneficia, quorū singulis distincta effecta, ad integrandā justificationē perti-

pertinentia, respondeant; sed conjuncta sunt, & conjunctim concurrunt ad unum idemque *δοτέλεσμα* justificationis; licet modo, ac respectu diverso.

Et quia controversiam de *activâ*, & *passivâ Christi obedientiâ* hoc loco renovant, quam in antecedentibus multoties jam attigerunt, de eâ ex promisso, sed *ὡς ἐν παρόδῳ*, aliquid dicemus.

I. *Obedientia Christi est*, quam ipse inde ab incarnatione, usque ad mortem crucis, præstitit patri, secundum legem Phil. 2. v. 7. 8. *Obedientia Christi quid.*
Ipse se exinanivit, factus patri obediens usque ad mortem, mortem autem crucis.

II. Sicut verò Christi homini lex gemina data fuit; *Una generalis*, quâ omnis creatura rationalis tenetur; *Matth. 22. v. 37. 38.* *Gemina est.*
Altera specialis, de ponendâ anima pro ovibus: *Ioh. 10. v. 18. & cap. 14. v. 31.* Ita gemina quoque censetur ejus obedientia, *Generalis, & Specialis.*

III. *Generalis est*, quam præstitit diligendo Deum supra omnia, proximum sicut se ipsum *Matth. 22. v. 37. 38.* Hæc obedientia *activa*, & *sanctæ vitæ* dici solet; quia in actionibus, & sanctæ vitæ operibus posita fuit *Heb. 7. v. 26. 27. Ioh. 8. v. 46. 2. Cor. 5. v. 21. 1. Pet. 2. v. 22. 23.* Profluxit verò ex habituali illâ sanctitate, in quâ ipse conceptus, & natus est, virtute Spiritus Sancti *Luc. 1. v. 35.* *Generalis.*

IV. *Specialis est*, quam præstitit ponendo animam pro ovibus suis *Ioh. 10. v. 18.* sive dando se ipsum *ἀντὶ πάντων*, pro multis: *Matth. 20. v. 28.* de quâ ipse testatur *Psal. 40. v. 7. 8. 9.* *Ecce adsum, ut faciam voluntatem tuam, Deus. Sacrificia, & holocausta noluisti, sed corpus adaptaſti mihi. Quâ voluntate, i.e. voluntatis obedientiâ, sanctificati sumus per oblationem corporis Christi semel factam* *Heb. 10. v. 10.* Et hæc obedientia *passiva*, & *mortis* vocari consuevit; ut quæ in passionibus Christi consistit, atque in morte crucis præcipuè cernitur. *Specialis.*

V. Hæc distributio Obedientiæ Christi, non est divisio generis in species, quasi duplex sit Christi obedientia, specie diversa: Nam una incurrit in alteram, & una alteram complectitur. *Obedientia passiva*, quæ sic vocari potest eorum respectu à quibus Christus patiebatur, est etiam activa, respectu ipsius, qui voluit talia pati: sicut ipse dicit; *Voluntatem tuam facio lubens* *Psal. 40. v. 9.* Sive passiva est, quoad materiale, in animæ corporisque passionibus: activa, quoad

quoad formale, quod est voluntarium obsequium patri præstitum. Vicissim *obedientia activa* est etiam passiva: quia legem dilectionis vel maximè moriendo pro nobis implevit *Iob. 15. v. 13. 14.* Et universa Christi vita, quid fuit, nisi perpetua quædam passio, quam morte tandem consummavit pro nobis? Est verè unius, & ejusdem specie obedientiæ, secundum diversa objecta; & diversos actus, distinctio pro quorum duplicitate duplex quasi nobis apparet, ut est *Phil. 2. v. 7. 8.*

Utraque necessaria.

VI. Utraque hæc obedientia necessaria fuit ad procurandam redemptionem generis humani, ad reconciliationem cum Deo, & justificationem vitæ ei acquirendam.

Activa

VII. Prior quidem propter dignitatem personæ, ut Christus esset sanctus sacerdos, iis obeundis idoneus, quæ apud Deum peragenda erant. De quo ita Apostolus *Heb. 7. v. 26. 27.* *Talis nos dicebat pontifex, sanctus, impollutus, segregatus à peccatoribus; cui non sit opus, prius pro peccatis propriis victimas offerre, deinde pro peccatis populi.* Deinde etiam propter dignitatem, & precium sacrificii ipsius, ut esset sancta victima, & oblatio bonæ fragrantix Deo *Eph. 5. v. 2.* De quo Petrus loquitur *1. Epist. 1. v. 19.* *Redempti sumus precioso sanguine, utpote agni inculpati, & incontaminati, nempe Christi.*

Passiva.

VIII. Altera verò partim propter justitiam Dei, secundum quam omnes peccatores digni sunt morte, *Rom. 1. 32.* & per quam absq; sanguinis effusione nulla nobis contingere poterat remissio; *Heb. 9. v. 22.* partim etiam propter ejusdem veritatem: quia dixerat quacunque die comederis, morte morieris, *Gen. 2. 17.* sive, ut Catechesis loquitur questione XL. quod justitiæ, & veritati Dei, nullo alio pacto pro nostris peccatis potuit satisfieri, quàm ipsâ morte filii Dei.

Ad eadem
ὑποτάξιμα
τα conjun-
ctim produ-
cenda.

IX. Præterea necessaria fuit utraque illa Christi obedientia, non ad diversa ὑποτάξιμα v. g. Obedientia *activa* ad impetrandam nobis justitiam; obedientia *passiva* ad obtinendam remissionem peccatorum. Illa ad delenda peccata omissionis; ista ad tollenda peccata commissionis. Illa ad promerendam nobis vitam; ista ad depellendam à nobis mortem æternam. Nam scriptura omnia hæc obedientiæ, passioni, morti, ac sanguini Christi, promiscuè adscribit. Sed necessaria fuit ad eadem ὑποτάξιμα producenda, ad eadem redemptionis beneficia nobis impetranda; idque conjunctim, non divisim, aut separatim.

Probatur te-
stimoniis
Scripturæ.

X. Quod ipsum Scriptura his & similibus locis, expressis verbis docet.

docet. *Esa. 53. 11. Servus meus justus cognitione sui justificabit multos, quorum iniquitates ipse bajulavit. Joh. 17. v. 19. Ego pro eis sanctifico me ipsum, id est, offero in sanctam victimam, ut sint & ipsi sanctificati in veritate 2. Cor. 5. v. 21. Fecit eum Deus qui non novit peccatum, pro nobis peccatum, ut nos fieremus justitia Dei in ipso. 1. Pet. 1. v. 18. 19. Redempti sumus non auro, nec argento, sed precioso sanguine. Et cap. 3. v. 18. Ipse passus est justus pro injustis, ut nos ad Deum adduceret.*

Ex hac simplici, sed Scripturæ consentaneâ recitatione, plenum est, Catechesin non tradere pugnantia de satisfactione, justitiâ, ac sanctitate Christi; nec divellere, quæ in negotio redemptionis & salutis inseparabiliter cohærent. In quâ simplicitate merito acquiescunt, quotquot veritatis, & pacis studiosi sunt.

*Antithesis Catechetica Socinianorum
ad quæst. 3. resp. sexagesimam.*

Justificatio est, cum nos Deus pro justis habet: quod eâ ratione facit, dum & peccata nobis remittit, & nos vitâ aternâ donat Rom. 4. v. 6. 7. Psal. 32. v. 1. 2. Eam per fidem in Christum consequimur, absque quâ nemo justificatur, nimirum ex quo Christus patefactus est. Nam ante patefactionem ipsius pendebat tota justificatio ex merâ Dei gratiâ extra Christum, neque patres propter fidem in Dei filium, sed in ipsum Deum, sunt justificati.

Responso.

Doctrinam Socinianorum de justificatione prolixè hîc non examinabimus, aut confutabimus. Factum id suprà quæstione XIX. & XL. Cum de discrimine Veteris, & Novi Testamenti, nec non de Christi satisfactione ageremus. Tantùm notabimus præcipuos eorum errores, quos hic paucis verbis nobis reponunt. *Primus est, quod peccata nobis remittantur, & vita æterna donetur, citra Christum, & satisfactionem ipsius: contra Scripturam Heb. 9. v. 22. Absque sanguinis effusione nulla fit remissio 1. Joh. 1. v. 7. Sanguis Jesu Christi filii Dei mundat nos ab omni peccato. Joh. 6. v. 51. Carnem meam dabo pro mundi vitâ. Secundus est, quod fides justificet suâ virtute, dignitate, ac merito, non apprehensione Christi, ac meriti ipsius: contra Scripturam Eph. 2. v. 8. 9. Gratia servati estis, per fidem, & hoc non ex vobis, Dei donum est, non ex operibus, ne quis glorietur. Tertius est, quod à justificatione patrum sub Veteri Testamento*

Socinianorum errores de Justificatione.

1.

2.

3.

Christum simpliciter excludunt: contra Scripturam Act. 15. v. 11. *Credimus nos per gratiam Iesu Christi servari, quemadmodum & illos, scil. patres.* Quartus est, quod simpliciter à fide patrum Christum excludunt; contra Scripturam Job. 8. v. 56. *Abrahamus vidit diem meum, scil. fide, & gavisus est.* Et Heb. 11. per totum.

QVÆST. LXI. Cur solâ fide te justum esse affirmas?

RESP. *Non quod dignitate meâ fidei Deo placeam, sed quod sola satisfactio, justitia, & sanctitas Christi, mea justitia sit coram Deo: ego vero eam non aliâ ratione, quam fide amplecti, & mihi applicare queam.*

EXEGESIS.

Non iustificamur propter fidem ejusque qualitatē.

HAc quæstione & responsione pluribus declaratur causa instrumentalis justificationis, de quâ dictum quod solâ fide iustificemur. Et declaratio antithesi contrariorum illustratur. I. Rejicit Catechesis falsum sensum phrasæ, quod nimirum dignitate nostræ fidei iustificemur: propter eam, ejusque qualitatem, præstantiam, ac meritum Deo grati simus. Quam explicationem confinxerunt Pontificii, Servetiani, & Sociniani. Nusquam enim dicit Scriptura nos justificari *Ἀπὸ τῆς πίστεως*, propter fidem: sed constanter docet, justificari nos *ἐκ πίστεως, Ἀπὸ πίστεως & ἔργων*. Ex fide, per fidem, fide. Rom. 3. v. 22; 28; 30. cap. 5. v. 1. Fides etiam & opera, in doctrinâ justificationis perpetuò inter se opponuntur Rom. 3. 4. capp. Gal. 3. 4. cap. Eph. 2. v. 8. 9. Quare sub classe, & genere operum comprehendi nequit. Contradistinctum enim contradistincti sui includit negationem. Denique justitia, quâ iusti sumus coram Deo, est ex fide, per fidem, fide: Rom. 1. v. 17. & cap. 3. v. 22 & cap. 10. v. 6. Phil. 3. v. 9. 10. Non igitur fides est ipsa justitia. II. Verum & genuinum *φεισμός* sensum exponit, ut quid sit fide justificari, quid item sola fide justificari, intelligatur. Fide justificari dicimur bisariam, correlativè, & organicè. Correlativè, quia correlatum fidei, hoc est satisfactio, & justitia Christi, est nostra justitia coram Deo, sive, imputatur nobis ad justitiam. Rom. 5. v. 19. *Vnius obedientiâ iusti constituuntur multi.* 2. Cor. 5. v. 19. *Fecit enim Deus qui non novit peccatum, pro nobis peccatum, ut nos fieremus justitia Dei in ipso.* Organicè quia

Iustificamur fide correlativè.

quia fides est organum, seu manus accipiens, sibi que applicans
 iustitiam à Deo donatam, sive remissionem peccatorum. Rom.
 7.v.17. *Qui redundantem illam gratiam, & donum iustitiæ accipiunt,*
nempe fide. Act. 26. v. 18. Ut remissionem peccatorum, & for-
tem inter sanctos accipiant, per fidem, qua est in me. Quo sensu causæ
 instrumentali tribuitur, quod est efficientis, & impulsivæ principa-
 lis. Quomodo etiam Evangelium dicitur potentia Dei ad salutem
 omni credenti; quia potentia Dei salvifica organum, & spiritus
 ministerium est Rom. 1.v.16. 2. Cor. 3. v. 8. Similiter *sola fide iusti-*
ficari dicimur, tum *correlativè*, quia sola satisfactio, & iustitia Chri-
 sti, est nostra iustitia coram Deo, cum non sit in alio quopiam salus
 Act. 4.v.11. Et sanguis ipsius nos mundat ab omni peccato 1. Ioh. 1.
 v. 7. Tum *organicè*, quia sola fides est instrumentum justificatio-
 nis, & fidelis non aliâ ratione iustitiam illam, quâ iustus censetur
 coram Deo, quam fide amplecti, sibi que applicare potest Rom. 5.
 v. 17. Act. 26.v.18. Fides igitur sola dicitur, non ratione existen-
 tiæ; quasi solitaria, separata à Charitate, ac bonis operibus existat,
 Gal. 5. v. 6. 1. Theff. 1. v. 3. sed ratione proprii sui objecti, & proprii
 actus circa illud Objectum, quem ipsa sola exercet, non alia aliqua
 qualitas in homine. Insuper cum sola dicitur justificare; vox *sola* ad
 determinationem prædicati, non subiecti referenda est: sicut oculus
 solus videt, auris sola audit; quia ille unicum videndi, ista unicum
 audiendi est instrumentum: non autem quasi illos actus separata à
 acpiti, reliquoque corpore, exercent. Siquidem destructis subje-
 ctis simul destruuntur eorundem actus.

Organicè.

Sola fide
 correlativè.

Organicè.

Pontificii non admittunt hanc exclusivam. Sed in Scripturâ ma-
 nifestè traditur per æquipollentiam phrasium, & consequentiam
 rei. Nam docet Scriptura hominem justificari *ἐὰν μὴ Ἀγὰς πίστεως* Gal.
 2.v.16. non nisi per fidem. Particulæ autem *ἐὰν μὴ, εἰ μὴ*, non tantum
 exclusivè intelliguntur Apoc. 21. v. 27. & alibi: sed etiam exclu-
 sivè redduntur Marc. 13.v.32. & Math. 24. v. 36. *inter se collatis*.
 Præterea immediatè opponuntur, fides, & opera: & Apostolus ex
 illius affirmatione ad horum negationem procedit, & vice versâ
 Rom. 3. v. 4. Gal. 2. v. 3. capp. Eph. 2. v. 8. 9. Phil. 3. v. 9. 10.
 Tit. 3. v. 4. 5. Sed in immediatè oppositis, uno negato, solum alte-
 rum affirmatur. Cum igitur disertè negetur justificatio operum, vi-
 cissim evidenter affirmatur & adstruitur justificatio solius fidei.

Exclusiva
 sola ex
 Scripturâ
 probatur.

*Considerationes Catecheticae Novatorum
ad quaest. & respons. sexag. primam.*

An non dignitas meritoria tantum de fide negetur?

I. *An per vocem dignitatis, quæ hic rejicitur, non sit intelligenda ea, quam ex se ipsa fides habeat, quæque meritoria sit; cum alioqui Scriptura asserat, homines per fidem placere Deo: & dignos esse accipere coronam, ea nempe dignitate, quæ non est ex aestimatione rigida, sed dignatione gratiosa, iustâ tamen.*

Heb. 11. v. 2.
3. 6. vindicatur.

2. Thess. 1.
v. 5. Apoc. 3.
v. 4. explicantur.

An Christi iustitia sit nostra iustitia.

Resp. Vtraque dignitas explicatione Catechetica rejicitur. Illa, quia fides ex se nullam habet iustitiam coram Deo, sive universalem; nam est habitus aut actus particularis: sive particularem; est enim imperfecta, multis defectibus & infirmitatibus laborans. Ista quoque: Non enim docet Scriptura fidem nostram esse iustitiam coram Deo, sed Christum esse illam iustitiam *Ier. 23. v. 6. 1. Cor. 1 v. 30. 2. Cor. 5. v. 21.* Item iustitiam esse ex fide, per fidem, & fidei *Rom. 1. v. 17. & cap. 3. v. 22. & cap. 10. v. 6. Phil. 3. v. 9.* Cumque iudicium Dei sit secundum veritatem, *Rom. 2. v. 2.* equidem fidem, quæ virtus est particularis, imperfecta, pro universali & perfectâ iustitiâ minimè reputat. *Heb. 11. v. 2. 3. 6.* dicimur per fidem placere Deo, & absque eâ ipsi placere non posse: quia per Christum, quem intuetur & apprehendit fides, ipsi placemus; in quo solo est complacitum patris *Matth. 3. v. 17. Coloss. 3. v. 13. 14.* Et absque quo venire ad patrem est impossibile *Ioh. 14. v. 6.* Aliis locis, quibus digni dicuntur fideles, *2. Thess. 1. v. 5. Apoc. 3. v. 4.* dignatio gratuita in Christo, & propter eum, intelligenda est; quâ gratiâ & gloriâ cœlesti, propter satisfactionem ipsius, digni reputantur: non autem, quasi fidem ipsorum dignam censeat Deus iustitiæ universalis encomio, & vitæ æternæ premio. Hæc igitur Consideratione ostendunt Novatores, se in fundamentali articulo, de justificatione hominis coram Deo, secessionem facere ab Ecclesiis reformatis orthodoxis, & ad partes Serveti & Socini transire.

II. *Sitne benè dictum credere iustitiam Christi esse nostram iustitiam; & deinde nos eam verâ fide amplecti, & nobis applicare, ut nostra sit.*

Resp. Imo optimè, & rei convenientissimè, id dictum est. Iustitia Christi est nostra iustitia, nosque credimus eam esse nostram iustitiam: tum acquisitione ipsius; nam factus est nobis iustitia à patre, *1. Cor. 1. v. 30.* factus est peccatum ut nos fieremus iustitia Dei in ipso: *2. Cor. 5. 21.* tum donatione Dei, eam gratis nobis donantis,

donantis, & imputantis *Rom. 3. v. 22. & cap. 4. v. 5. 6.* Insuper verâ fide eam amplectimur in verbo promissionis, ut fiat nostra, applicatione & sensu. Nam donum iustitiæ, sive remissionem peccatorum fide accipimus, ut iustificati fide pacem habeamus *Rom. 5. v. 1. 17. Act. 26. v. 18.*

III. *Animadversione quoque non indignum videtur, nullas ferè hic usurpari phrasas sacra Scriptura usitatas.*

Phrasas Catecheseos non esse Scripturæ.

Resp. Phrasas illæ partim depromptæ sunt ex Scripturâ, partim cum eâ consentiunt; quod allegata locorum, declarationis, & confirmationis gratiâ adhibitorum, liquidò ostendunt.

QUEST. LXII. Cur nostra bona opera non possunt esse iustitia, vel pars aliqua iustitiæ coram Deo?

RESP. *Propterea, quod oporteat eam iustitiam, quæ in iudicio Dei consistat, perfectè absolutam esse, & omni ex parte divinæ legi congruentem: Nostra verò etiam præstantissima quæque opera, in hac vitâ sint imperfecta, atque aded peccatis inquinata.*

EXEGESIS.

HActenus tradita & confirmata est vera doctrina, de justificatione fidei: sequitur falsa doctrina Pontificiorum refutanda, quòd partim fide, partim operibus iustificemur: Fide, quoad inchoatam dispositionem; operibus, & inprimis charitate, quoad consummatam perfectionem. Catechesis non coacervat multa argumenta, quæ ex epistolis Paulinis magno numero peti possunt: sed justificationem operum oppugnat & destruit ratione unicâ, ab adjuncto iustitiæ, quæ valet coram Deo, & est causa impulsiva justificationis. Ea sic breviter concluditur: Iustitia, quæ in Dei iudicio consistat, eumque moveat ad iustificandum, absolutè perfectâ, & omni ex parte legi divinæ consentanea esse debet. At iustitia nostrorum operum non est absolutè perfectâ. Ergo &c. *Major* his, & similibus dictis nititur: *Math. 22. v. 37. 38. Dent. 27. v. 26. Gal. 3. v. 10.* quæ omnimodam perfectionem iustitiæ, tam graduum, quàm partium præscribunt, & requirunt. *Minor* amplificatur collatione

Iustificatio non est ex operibus.

impa-

imparium, per argumentationē à majori & minori; quatenus etiam præstantissimis operibus laus perfectæ justitiæ derogatur, contrā autem ea peccatis inquinata esse pronuntiatur. Veritas ejus demonstratur dictis, *Phil* 3. v. 12. 13. *Esa* 64. v. 4. nec non quotidianis precibus, & querimoniis sanctorum, de suā imperfectione in hac vitā *Rom* 7. v. 16. *seqq.* *Ioh* 1. v. 8. 9. Cujus veniam petunt, & accipiunt *Psal* 143. v. 2. *Matth* 6. v. 22. per fidem *Act* 26. v. 18.

Considerationes Catecheticae Novatorum ad quæst. & respons. sexag. secundam.

An ratio allata sit sufficiens.

An responsio hac satis commodè declaret causam ejus de quo queritur. Fac nimirum concedi ad aliquo; justa opera, quæ ex fide sunt, legi Dei per omnia esse conformia, tamen non possent ea ipsa esse justitia coram Deo, vel pars justitiæ nostræ. Non justitia, quia ut opera nostra justitia sint coram Deo, necesse est ut nunquam in Deum peccaverimus. Non pars justitiæ; quia necessarium est, ut justitia aut ex lege tota sit, aut ex Evangelio; nec misceri ista duo possunt.

Resp. Non attendunt Novatores, quid, aut de quo hic agatur. Quæstio hæc propriè opponitur errori Pontificiorum, de jam renatis, eorumque operibus; quibus meritum condigni ipsi attribuant, quod ex condigno mereantur vitam & gloriam æternam. Illum errorem evidenter, directè, & solidè refellit adducta ratio; quod vita æterna non nisi pro perfectâ justitiâ retribuat: sicut scriptum est, *Fac hoc & vires Lev* 18. v. 5. *Rom* 10. v. 5. Simul verò redarguit alterum errorem, de operibus non renatorum, quibus ipsi meritum congrui affingunt. Si enim etiam sanctissima opera renatorum non merentur gloriam, quod imperfecta sint; multò minus opera non renatorum merebuntur gratiam, quod tantum sint peccata *Rom* 1. 2. 3. *capp.* Quis unquam peccando Dei gratiam sibi conciliavit? Ex hypothefi, quam ipsi præsupponunt, verum sanè est, peccatorem succedaneâ, eaque perfectâ legis obedientiâ, non fieri justum coram Deo, absolute scilicet & universaliter; quia illa præsentis obligatione semper debetur, nec cedere potest in satisfactionem pro antegressâ violatione legis. Interim, si quis talis esset, aut esse posset, is non auget in justitiam; sed ex observatione præsentis legis justus foret, saltem ex parte, pro tempore præsentis. At nunquam etiam sanctissima renatorum opera, in hac vita sunt perfecte bona. Frustrâ vero hypotheses statuuntur & urgentur, quæ propter immu-

immutabile Dei decretum in hâc vitâ poni nequeunt; & Catechesis quærit de operibus nostris qualia, reverà sunt, non qualia finguntur esse.

II. *An opera regnorum, quamvis ex eâ fidei & charitatis mensurâ, erga Deum & proximum, non sunt, quæ ab ipsis jure exigantur, peccatis inquinata esse merito dici queant; cum in Scripturâ passim opera bona insignibus elogiis ornentur, & nunc vestes munda, nunc immaculata religio, nunc purpura, & byssus vocentur, nunc etiam ii, qui sanctè vivunt, vestimenta sua non inquinasse dicantur.*

An opera regnorum sint peccatis inquinata?

Resp. Non tantum exigere potest, sed etiam exigitur à renatis in hâc vitâ major perfectio fidei & charitatis, erga Deum & proximum. Imperfecta igitur est ipsorum fides ac charitas, atque à regulâ fidei in Evangelio, à normâ charitatis in lege, saltem ex parte, aberrat. Id verò an non ἀνομιον & peccato inquinatum dicemus? Certè cui definitio peccati convenit, eidem etiam definitum convenit, sive absolute, sive secundum quid. Verum est, bona opera sanctorum variis, iisque insignibus elogiis ornari in Scripturâ: Sed illud fit, partim quatenus ex fide in Christum æstimantur, propter quam placent Deo; partim quatenus in sinceritate cordis spectantur. *Apoc. 3.* autem dicuntur non inquinasse vestimenta sua, quotquot abstinerunt à consortio impiorum, nec impiis eorum factis sese coinquinârunt. Si vestimenta sanctorum prorsus munda essent, cur illi dicerentur ea lavare, & dealbare in sanguine agni? *Apoc. 7. v. 14.*

III. *An non responsionis verba respicere videantur ad locum Esa. 64. & an is ad hanc rem faciat?*

An dictum Esa. 64. huc faciat?

Resp. Omnino respiciunt locum illum Prophetæ, & is maxime ad rem facit; quia ipse Propheta vir sanctissimus se quoque in hâc immunditiei agnitione, & confessione includit, eamque totius Ecclesiæ Israëlitiæ nomine, in quâ utique multi pii & sancti viri erant, edit & profert. Addi potest similis locus *Dan. 9. v. 18.*

QUÆST. LXIII: Quomodo bona opera nostra nihil promereantur, cum Deus & in præsentî, & in futura vita mercedem pro his se daturum promittat?

RESP. *Mercès ea non datur ex merito, sed gratiâ.*

EXEGESIS.

Vita æterna
quatenus
sit merces.

Est occupatio Objectionis Pontificiorum contra conclusionem præcedentis responsionis: Pro quo datur merces, id habet rationem meriti. Pro bonis operibus datur merces. Ergò bona opera habent rationem meriti. *Minor* probatur argumento promissionis divinæ, quâ Deus & in præsentî, & in futurâ vitâ, mercedem, pro iis se daturum promittit. *Respondetur* negatione propositionis; & ratio negationis petitur ex distinctione mercedis. *Merces* alia debita est, alia gratuita. *Debita*, quæ pro opere indebito solvitur, ex obligatione; qualis est merces laboris, & meriti. *Gratuita* est præmium, quod pro debito obsequio gratis confertur; cuiusmodi præmia parentes liberis, officium strenuè facientibus, elargiri solent. Vide *Rom.* 4. v. 3. 4. Hic posterioris generis merces intelligitur, quæ sic est merces, *Matth.* 5. v. 12. ut simul sit charisma, five donum Dei Patris, *Rom.* 6. v. 23. & filiorum hæreditas *Col.* 3. v. 24. Et appellatur illo nomine per metaphoram: quia ut operario merces datur post opus peractum; ita præmia vitæ æternæ dantur piis post bona opera, & ærumnas hujus vitæ: Item, ut merces datur operario ex pacto, & promisso; ita præmia illa dantur piis ex pacto, & promissione gratiæ. Sunt igitur quatuor termini: Nam in *maiore* merces dicitur propriè; In *minore* verò Metaphoricè.

QUÆST. LXIV. An autem hæc doctrina non reddat homines securos, & profanos?

RESP. Non: neque enim fieri potest, quin ii, qui Christo per fidem insiti sunt, fructus proferant gratitudinis.

EXEGESIS.

Est occupatio calumniæ Pontificiorum, adversus doctrinam de justificatione fidei. Ista doctrina reddit homines securos & profanos. Igitur falsa, & profana est. *Respondetur* per negationem antecedentis: & probatur negatio à causâ efficiente contrarii, quæ est communio fidei-justificatorum cum Christo. Hi, sicut insiti sunt Christo per fidem, ita in ipso fructus gratitudinis proferunt; *Ioh.* 15. 5. *Rom.* 6. 1. *seqq.* Siquidem lex Spiritus vitæ, qui est in Christo Iesu,

fu, liberat eos à lege peccati & mortis; *Rom. 8. v. 2.* Et charitas illa Christi ita eos constringit, ut posthac non sibi vivant, sed ei vivant, qui pro ipsis mortuus est, & suscitatus est *2. Cor. 5. v. 14. 15.*

*Considerationes Catechetica Novatorum
ad quest. & respons. sexag. quintam.*

Quamvis ita se res habeat, uti responsione expressum, h.e. quamvis doctrina justificationis non reddat homines securos: queri tamen potest, an causa cur id fiat in responsione rectè sit expressa. Nam posito, fieri aliter non posse, quin ii, qui Christo insiti sunt, fructus proferant gratitudinis, potest tamen doctrina justificationis eo modo proponi, ut per eam homines securi reddantur, de vitâ in timore Domini instituendâ.

Annon doctrina justificationis ita proponi queat, ut homines securi reddantur?

*Resp. Quemadmodum responsione Catechetica expressa est vera doctrina, quod justificatio fidei ex se, & suâ naturâ, non reddat homines securos, & profanos: sic etiam expressa est vera ejus ratio, idque ex causâ proximâ. Aliter si proponatur illa doctrina, nimirum ut securitati fenestram aperiatur, id fiet per accidens, non doctrinæ, sed hominum culpâ ac vitio, gratiam Christi ad lasciviam transferentium; de quibus jam olim Judas conquestus fuit, *vers. 4.**

II. Illud quoque examinari atque expendi meretur, an absolute fieri non possit, quin verè fideles, & qui Christo insiti sunt, fructus proferant gratitudinis, cum Servator ipse Joh. 15. dicat, Omnem palmitem in me non ferentem fructum &c. Id si conceditur, videndum, an non hoc, quod in responsione dicitur, pressius declarari debeat, fieri scilicet id non posse, ex genio & naturâ fidei, utpote quæ ad bona opera excitet, & vehementer inclinet, imò re ipsâ producat: posse tamen fieri, si homo per negligentiam, eam conscientia sua non habeat rationem, quam habere debet. Eâ enim amissa, quod fieri potest, fidei naufragium facit.

An qui Christo insiti necessario ferant fructus?

*Resp. Omnino fieri non potest, quin ii, qui Christo verè, & per veram fidem insiti sunt, fructus proferant gratitudinis. Non potest enim arbor bonâ malos fructus ferre, *Matth. 7. v. 18.* & quæ fert bonos fructus, purgatur, ut plus fructus adferat, *Joh. 15. v. 2.* Sed fructus illi nec omni tempore, nec pari semper quantitate proveniunt; quia justii fructus edunt tempore suo, *Psal. 1. v. 3.* Et quidem cum patientiâ, alii centenos, alii sexagenos, alii tricenos, *Luc. 8. 15. Matth. 13. v. 23.* His non repugnat, quod *Joh. 15. v. 2.* dicuntur esse palmités in Christo non ferentes fructum; qualis erat Judas. Ii namque sunt palmités *ῥαυνοί*, & æquivocè sic dicti: & modo*

Joh. 15. v. 2. explicatur.

quodam sunt in Christo, per fidei professionem, per Sacramento-
rum communionem, per communem Ecclesiæ nuncupationem &
societatem: non autem re ipsâ, & veritate eorum, per quæ credi
volunt in Christo esse. Sic cadit distinctio, quæ pressioris decla-
rationis loco adhibetur, & se ipsam elidit. 1. *Tim.* 1. v. 19. Fidei
naufragium facere, est à verâ doctrinâ Euangelii, ad errores &
hæreses desciscere; uti Paulus ipse declarat 2. *Tim.* 2. v. 18. &
1. *Tim.* 4. v. 1. & post ipsum Oecumenius, in hunc locum.

1. *Tim.* 1. v.
19. explica-
tur.

An cum do-
ceatur, justifi-
cationem fi-
de priorem
esse, homi-
nes securi-
reddantur?

III. *An non doctrina Iustificationis, eo, quo à nonnullis solet, modo explicata; scil. ut statuatur, non modo omnia bona opera, sed & ipsam fidem antecedere, nosque obstringere, sine ullâ conditione, cum peccatis adhuc immersi jacemus; ad reddendos homines securos apta nata sit.*

Resp. Bona opera non præcedunt justificandum, sed sequuntur justificatum. Fides verò justificationem præcedit, non minus, quàm vocatio efficax, per quam ipsa donatur; sed ordine, non tempore, *Rom.* 8. v. 30. Et justificatio geminam conditionem requirit: Vnam antecedentem, fidei: Est enim ex fide, & per fidem, *Rom.* 3. v. 28. 30. nec absolutè omnis homo, sed omnis credens justificatur *Act.* 13. v. 38. Alteram consequentē, conversionis & novæ obedientiæ; non à quâ ipsa pendeat, aut perficiatur; verum per quam declare-
tur, & testata fiat, ad Dei gloriam. Neutra est, aut præstatur ex no-
bis, sed ex gratiâ Dei, & virtute Spiritûs Sancti utraq; proficiscitur.
Ita verò homines non securos, aut profanos, sed partim humiles ef-
ficat; qui nihil prorsus conferunt, aut conferre possunt, ad sui justifi-
cationem: partim etiam gratos, in celebrandâ hâc Dei misericor-
diâ, 1. *Pet.* 2. v. 9. & gloriâ ipsius studio bonorum operum illustran-
dâ *Math.* 5. v. 16. 2. *Cor.* 5. v. 15. Satis ostendunt Novatores, quò
tendant, & quam ipsi justificationis formam velint, & approbent.

De

SACRAMENTIS.

QUEST. LXV. Quoniam igitur sola fides nos Chri-
sti, atque omnium ejus beneficiorum participes fa-
cit, undè hæc fides proficiscitur?

RESP. *A Spiritu Sancto, qui eam per prædicationem Euangelii in nostris cordibus accendit, & per usum Sa-
cramentorum confirmat.*

EXEGESIS.

E X E G E S I S.

Superest tertium caput explicationis fidei, quod *Causas* ejus-^{Efficientes fidei,} *Efficientes* complectitur. Earum tres hîc commemorantur & explicantur. *Prima* est procreans principalis, videlicet *Spiritus Sanctus*. Communiter opus fidei toti Trinitati tribuitur, *Eph. 2. v. 8. Phil. 1. v. 29. Ioh. 6. v. 29. Matth. 16. v. 17.* Sed peculiariter Spiritui ^{Spiritus S.} Sancto convenit; qui est Spiritus fidei, *2. Cor. 4. v. 13.* absque quo Jesum Dominum dicere nemo potest; *1. Cor. 12. v. 3.* nimirum, quia proximâ, & immediatâ virtute eam in cordibus electorum producit *Tit. 1. v. 1. Act. 13. v. 48.* Igitur virtus illa Spiritûs, non est actio generalis in omnibus, sed particularis in electis: *Matth. 11. v. 25. 26. & cap. 13. v. 11.* & efficax est non modò ad illuminationem mentium, in agnitionem veritatis, *1. Cor. 1. v. 6. Eph. 1. v. 17. 18.* verùm etiam ad apertionem, *Act. 16. v. 14.* & vivificationem cordium, *Gal. 2. v. 20.* ut Christum ac salvificam ejus gratiam ad vitam apprehendant *Ioh. 1. v. 12. Act. 26. v. 18. Rom. 5. v. 17.* ^{Evangelium} *Alter* est efficiens instrumentalis, procreationi & conservacioni fidei simul subserviens; nimirum *Evangelium*, ejusque prædicatio. Nam Evangelium est verbum fidei, ex cujus auditu fides concipitur; *Rom. 10. v. 8. 17.* est ministerium Spiritûs, per quod ipse fidem in cordibus excitat; *2. Cor. 3. v. 8.* est potentia Dei ad salutem omni credenti *Rom. 1. v. 16.* Sed prædicationem Evangelii antecedit concio legis, quâ deducuntur homines in agnitionem peccati, & maledictionis suæ propter peccatum: *Rom. 3. v. 20. & cap. 7. v. 7. Gal. 3. v. 10.* quò ita fiant idonei auditores Evangelii *Esa. 66. v. 2. Matth. 11. v. 28.* Et dicitur prædicatio illa causa secunda, dignitatis respectu: Virtute enim, & dignitate operationis, prima causa est Spiritus Sanctus: *Matth. 3. v. 11. 1. Cor. 3. v. 7.* At ordine operationis prima est, non secunda; quia Deus opus illud fidei ab exteriori prædicatione in nobis orditur *Marc. 16. v. 20.* *Tertia* causa efficiens, sed instrumentalis, & quidem fidei confirmacioni & conservacioni subserviens, est *usus Sacramentorum*; quæ ad promissionem Evangelii se habent ut sigilla ad diploma: siquidem declarationis & obfignationis causâ appenduntur, & annexa sunt Evangelio *Matth. 28. v. 19. Marc. 16. v. 16. Act. 2. v. 38. 39. Rom. 4. v. 11. 1. Pet. 3. v. 21.* De iis prolixè in sequentibus agetur.

*Considerationes Catecheticae Novatorum
ad quaest. & respons. sexag. quintam*

An fides per
vim irresistibilem in nobis effici
queat?

Cum annunciatio Evangelii medium sit, per quod Spiritus Sanctus fidem in nobis operatur; expendendum est, an fieri possit, ut per vim irresistibilem fides in nobis efficiatur, atque ingeneretur. Nam praedicatio verbi ab homine facta, non potest esse instrumentum potentia Dei irresistibilis; neque respectu ipsius actus praedicandi, quia fit ab homine per Spiritum idoneo facto: neque respectu ipsius verbi, quod praedicatur; quia hoc non agit, nisi proponendo sensus divinos, qui argumenta continent suasionis, quâ homini persuadeatur, ut credere velit.

Resp. Fides efficitur in nobis, non per vim irresistibilem, quâ ad eam adigamur nolentes, & inviti; sed per gratiam irresistibilem, h. e. ita efficacem, ut fides eam certò consequatur. Quo sensu annunciatio Evangelii rectè dicitur medium & instrumentum irresistibilis Dei gratiae, ac potentiae: non quasi actus praedicandi, qui fit ab homine, sit irresistibilis: Nam ei nimis multi semper resistunt, & resistunt. *Esa. 65. v. 2. Matth. 23. v. 38. Act. 7. v. 51.* Neque etiam quasi ipsum Evangelium in se tantam virtutem contineat; Sic enim non esset odor mortis ad mortem: *2. Cor. 2. v. 17. 18.* Sed quia Spiritus Sanctus per Evangelium ejusque ministerium efficax est, internâ & omnipotente operatione, in mentibus & cordibus electorum, ad fidem in iis excitandam *Eph. 1. v. 19. Rom. 1. v. 16. 2. Cor. 10. v. 3. 4.* Et ideo utitur Spiritus Sanctus stultâ praedicatione, *1. Cor. 1. v. 21.* adhibet vascula testacea, ut appareat; supereminentiam hujus potentiae Dei esse, operantis per illa, non ipsorummet, aut ex ipsis *2. Cor. 4. v. 7.* Est igitur insufficiens enumeratio actuum, qui ad productionem fidei concurrunt.

Annon Sacramenta fidem confirmantia irresistibili ejus operationi repugnant?

II. Cum Sacramenta firmanda fidei inservire dicantur, an non id ipsum quoque facit contra irresistibilem operationem fidei in cordibus nostris?

Resp. Minimè verò, quia externa gratia Sacramentorum resistibilis est, non irresistibilis. Gratia verò interna fidei & conversionis est irresistibilis; non simpliciter, aut omni modo, sed hætenus, ut certò credant, convertantur, quos Deus vult credere & converti; adeoque ad fidem & conversionem praedestinavit *Eph. 1. v. 4. 5. Act. 13. v. 48.*

APPENDIX

D E

Resistibilitate Gratiæ, & dono Fidei.

HOc loco explicanda est doctrina Novatorum, de Gratiâ & Fide; ut, quid de utrâque sentiant, apertè & evidenter constare possit. *Gratia* Dei ipsis duplex est: *Prima*, quæ in lumine naturæ & reliquiis imaginis Dei consistit; & *Secunda*, quæ est prædicatio Evangelii, ejusque interior efficacia: quam tribus gradibus distinguunt; *Illuminatione* mentis, *Pulsatione* cordis & affectuum, & *Morali suasionem* circa voluntatem. *Illam* fatentur esse irresistibilem, quòd scientia hominibus virtute irresistibili ingenetur. *Istam* similiter irresistibilem faciunt; quòd homo non possit non sentire pulsum divinum, ejusque sensu affici. *Hanc* verò irresistibilem esse negant: Ajunt verò esse simpliciter resistibilem; quia positis omnibus gratiæ operationibus, quibus ad fidem & conversionem in nobis efficiendam Deus utitur, maneat tamen illa ita in nostrâ potestate liberâ, ut possimus non credere, non converti, h. e. credere, vel non credere, nos metipfos convertere, vel non convertere, *Fidem* verò partim gratiæ, partim voluntati humanæ, quæ efficacem reddat gratiam, adscribunt: & *Dei donum* vocari docent, tum quia homo absque revelatione Dei eam concipere nequit; tum quia vires ad credendum sufficientes Deus homini confert. Negant verò esse donum infusum, irresistibile, partum morte Christi, aut etiam in Novo fœdere promissum.

Resp. Hęc verò est rediviva Pelagianismi soboles, & expressissima imago; quæ tot penè errores, quot verba habet. Nos præcipuos breviter enotabimus, & perstringemus. Nam prolixior discussio, & explicatio totius hujus controversiæ, alibi à nobis est tradita.

I. *Lumen naturæ*, & reliquæ imaginis Dei, non sunt dona gratiæ Christi, sed bona naturæ. Et gratiam vertunt in naturam, qui hanc illius encomiis exornant.

Lumen naturæ non est donum gratiæ Christi. Prædicatio Evangelii est, gratia vocans non operans,

II. *Prædicatio Evangelii* est quidem gratia vocans, seu vocationis externæ; sed perperam confunditur cum gratiâ operante; quæ est motus misericordiæ divini, quo intus in mentibus, voluntatibus,

& cor-

& cordibus nondum regenitorum operatur ea, quæ ad conversionem hominis pertinent.

Gratiæ interiores gradus.

III. *Gradus* etiam gratiæ illius interioris, & efficacis, non rectè constituuntur. Sunt verò tres isti; quòd Deus aliquorum miseretur usque ad bonum illuminationis; aliquorum usque ad bonum fidei temporariæ, & alicujus lætitiæ; aliquorum denique usque ad bonum fidei salvificæ, & regenerationis.

Motio Dei circa voluntatem non est suasio moralis.

IV. *Motio* sive *actio* Dei circa voluntatem, non est suasio moralis, aut actio quædam ei analoga; sed operatio multò diviniore, quæ efficacitate virtutis nec creationi, nec mortuorum resurrectioni cedit *Eph.* 1. v. 19. 20. Est siquidem nova creatio hominis; *Psal.* 51. v. 12. 2 *Cor.* 5. v. 17. prima ejus resurrectio à morte peccati; *Ioh.* 5. v. 25. *Eph.* 2. v. 1. altera generatio, quâ Deo gignitur; *Ioh.* 3. v. 3; 5. & *cap.* 1. v. 13. renovatio cordis, omniumque virium ipsius *Ezech.* 36. v. 26. *Tit.* 3. v. 5. Quòd si in solâ morali suasionem consisteret, impossibilis foret ullius hominis conversio. Esset enim suasio rei, quæ peccatori simpliciter est impossibilis. *Ier.* 13. v. 23. *Matth.* 7. v. 18. *Rom.* 8. v. 7.

Est irresistibilis ex parte.

Gratiæ,

Voluntatis.

V. Motio illa non est resistibilis aut indifferens, ut ab hominis voluntate impediri possit, vel non: sed est prorsus irresistibilis, nec coactiva tamen; idque tam ex parte gratiæ Dei, quam humanæ voluntatis. Ex parte *Gratiæ*; quia est efficax Dei operatio, in actu posita, *Eph.* 1. v. 19. 20. cui nemo resistere potest *Rom.* 9. v. 18. 19. Ex parte *voluntatis*; quia efficaci gratiæ subdita jam non vult resistere; & quia non vult, necessariò non vult, sicque resistere velle non potest, salvâ suâ libertate. Quia unumquodque dum est, necessarium est. Vnde Christus *Ioh.* 6. v. 37. *Quicquid dat mihi Pater, ad me venit.*

Gratia Dei, & voluntas hominis, non sunt causæ sociæ.

VI. Ad conversionem & fidem, gratia Dei & voluntas hominis non concurrunt, ut causæ sociæ: sed gratia efficax per verbum, effecta illa sola producit, in solidum quoque ea sibi vindicat, etiam *κατ' ἀντίθεσιν*. *Eph.* 2. v. 8. 9. 2 *Cor.* 3. v. 5. *Ioh.* 1. v. 13. *Matth.* 16. v. 17.

Fides donum Dei est.

VII. *Fides* Dei donum est, non quòd revelatur, aut offertur solum in Euangelio; sed imprimis quòd à Deo confertur, h. e. simul & ab ipso datur, & ab homine accipitur; prout natura ac ordo reatorum postulat; juxta dicta *Phil.* 1. v. 29. *Vobis datum est credere in Christum*. *Matth.* 13. v. 11. *Vobis datum est, illis non est datum.*

VIII.

VIII. Estque donum non acquisitum, sed infusum quia Deus spiritum fidei copiosè in nos effudit *Tit. 3. v. 6.* Non resistibile, sed irresistibile; nec tamen coactum; quia ii quibus obtingit, certo credunt in Christum, nec ab eo recedunt *Joh. 6. v. 37; 68.* Partum quoque morte Christi, qui factus est nobis sapientia à Deo, *1 Cor. 1. v. 30.* autor, ac consummator fidei, *Hebr. 12. v. 1.* & spiritum fidei nobis acquisivit *Gal. 3. v. 13. 14.* Denique in Novo fœdere promissum; quia *Ierem. 31. v. 33. 34.* pollicetur Deus, se legem suam inditurum mentibus nostris, ut cognoscamus ipsum à minimo, usque ad maximum.

Et quidem
infusum,
irresistibile.

Morte Christi
partum.

In N. Fœdere
promissum.

*Antithesis Catechetica Socinianorum
ad quest. & resp. sexag. quintam.*

Auxilium divinum duplex est, Exterius, & Interius. Illud sunt promissa, & minæ, quæ proponuntur in verbo Evangelii. Istud est, cum Deus in cordibus eorum, qui ipsi obediunt, quod promissit, obsignat. Sed obsignatio illa non contingit omnibus, quibus Evangelium annuntiatur: verum iis solum qui Evangelio crediderunt, & illud ex animo amplexi sunt. Nullo autem modo ad credendum Evangelio opus est interiore Spiritus Sancti dono. Neque enim in Scripturis sacris legimus cuiquam id conferri donum, nisi credenti Evangelio.

Responsio.

Sociniani non modo destruunt naturam gratiæ, sed etiam nomen ejus abolent, pro gratia substituentes auxilium: nimirum, quia hominem infirmum, debilem, juvari solum ajunt à gratiâ, & sublevari; non mortuum vivificari, corruptum renovari, perditum salvari. Præterea Spiritum fidei in totum remonent ab ejus efficientiâ; & fidem, quæ est fructus spiritûs, *Gal. 5. v. 22.* voluntati humanæ attribuunt; excitatæ solum externis promissis, & minis Evangelii. Insuper ante obsignationem credentium, quæ est gratiæ secundæ, nullam in homine internam Spiritûs Sancti operationem, nullum ejus effectum agnoscunt, & quæ his similia sunt errorum portenta. Quorum omnium falsitas ex antè dictis contra Novatores, qui pleraque sua à Socinianis mutuati sunt, evidentissima, & penè palpabilis est.

Sociniano-
rum errores
circa gratiam
indicantur.

QUÆST. LXVI. Quid sunt Sacramenta?

RESP. *Sunt sacra, & in oculos incurrentia signa ac sigilla ob eam causam à Deo instituta, ut per ea nobis promissionem Euangelii magis declaret, & obsignet: quòd scilicet non universis tantum, verum etiam singulis credentibus propter unicum illud Christi sacrificium in cruce peractum, gratis donet remissionem peccatorum & vitam eternam.*

E X E G E S I S.

Occasione eorum quæ de causis fidei supra dicta sunt, transit Catechesis ad doctrinam Sacramentorum, eorumque tractationem generalem, & specialem iusto ordine subnectit.

Sacramen-
tum quid.

Usurpatur
univocè.
&quivocè.

Sacramenti vox origine Latina est, à sacrando dicta, & usu politia Romanæ propria, in qua erat solenne iusjurandum, quo aut miles imperatori, aut cives magistratibus creatis obligabantur. Hinc patres, Tertullianus præcipuè, & Hieronymus, vocem illam in Ecclesiam adsciverunt, ad significandum sacrorum signorum, & rituum usum. Bifariam autem usurpari potest secundum Scripturam: *Univocè & Relative*, pro symbolo ac testimonio divino gratiæ Dei *Rom. 4. v. 11.* *Æquivocè & absolute*, pro externo elemento & ritu, extra usum significationis, & obfignationis; quomodo & Paulus inquit, Circumcisionem & transgressiori legis fieri præputium *Rom. 2. v. 27.* & circumcisionem esse concisionem *Phil. 3. v. 2.* Priore significato hic sumitur & definitur vox Sacramenti; ita tamen, ut definitio Sacramentis Novi Testamenti propriè conveniat; sed levi circumstantiarum mutatione etiam Sacramentis Veteris Testamenti aptari possit, quibuscum specie prorsus conveniunt, & idem sunt.

Sunt signa &
sigilla sacra
& visibilia.

Genus in definitione duplex ponitur: Unum remotum, videlicet signum *Gen. 17. v. 11. Rom. 4. v. 11. Exod. 13. v. 9.* Alterum propinquum, videlicet sigillum, *Rom. 4. v. 11.* quæ etiam memorialia, *Exod. 13. v. 9. 1 Cor. 11. v. 24. 25.* Antitypa, *1 Petr. 3. v. 21.* appellantur. Utrumque illustratur ex adjunctis, Sanctitate, & visibilitate. Sunt *sacra* signa & sigilla, *Exod. 29. v. 9.* non in hærente, sed adhærente sanctitate; & ex fine, & usu; quia ad finem, & usum sacrum adhibentur; eoque à rebus communibus sive profanis separantur, *Visibilia* item *Rom. 2. v. 28. Exod. 12. v. 13.* Hoc est sensibilia,

per

per synecdochen speciei, in alios etiam sensus, præter visum incurrentia. Nec possunt esse nisi externa signa; quo nobis sint signacula rerum divinarum, & internæ ac invisibilis gratiæ, ut loquitur Augustinus.

Differentia ex Efficiente, Fine, & Objecto, constituitur. *Efficiens* est Deus, *Act.* 7. v. 8. *1 Cor.* 11. v. 20. qui instituit Sacramenta, & ea instituendi solus jus habet; tum quia rem Sacramenti solus confert; *Esa.* 43. v. 12. *Rom.* 6. v. 23. tum quia sunt pars cultûs ipsius, quem præter ipsum nemo constituere potest *Ezech.* 20. v. 18. 19. *Matth.* 15. v. 9. Sunt igitur sacramenta signa & sigilla, non humana, sed divina; nec naturalia, quæ insitam sibi habeant aliquam *ἐνέργειαν*, ut medicamenta, aut ex opere operato aliquid conferant, sed quæ ex pacto, & instituto id significant & obsignant, cujus causâ instituta sunt. *Finis* duplex exponitur quorum prior posteriori est subordinatus; videlicet declaratio promissionis gratiæ: & ejusdem obsignatio. Sacramenta declarant promissionem gratiæ; quatenus sacrificium Christi, ejusque beneficia, tanquam illustres imagines repræsentant, & similitudine suâ credentibus quasi ante oculos ponunt *Gal.* 3. v. 1. De quo sic August. *epist.* 23. ad Bonifacium: *Si sacramenta similitudinem quandam earum rerum non haberent, quarum sacramenta sunt, omnino sacramenta non essent.* Obsignant quoque eandem promissionem; quatenus divina testimonia sunt, ad id ipsum testandum adhibita, quod testatur promissio; nempe, sacrificio Christi in cruce peracto acquisitam esse credentibus remissionem peccatorum, justitiam, & vitam æternam *Matth.* 26. v. 28. *Rom.* 4. v. 11. Utrunque fit, non Dei, sed nostrum causâ; ut videl. de promissione gratiæ tum plenius erudiamur, tum amplius confirmemur *Heb.* 6. v. 17. Et efficacia illa Sacramentorum non pendet ex ipsorummet virtute, sed ex operatione Sp. Sancti *Eph.* 1. v. 13. 14. & *c.* 4. v. 30. qui efficaciter, sed liberè per ea operatur, ubi vult, quando vult, & quantum vult, *Ioh.* 3. v. 8. In hac relatione Sacramentorū ad suum finē, sive in declaratione, & obsignatione promissionis gratiæ, omnis eorū essentia & natura consistit. Cujus respectu tum *ἀναλογία*, tum unio sacramentalis iis tribuitur. *Α'ναλογία*; quia signa & beneficia Christi in verbo promissionis, certâ quâdam similitudine constant. *Unio* etiam; quia in legitimo usu, qui non est sine fide, conjuncta est exhibitio & perceptio signorum & rerum, conjuncta inquam,

Eorum
Efficiens.

Finis.

analogia &
unio Sacra-
mentalís.

Objectum.

non loco, sed tempore. Hic tamen terminus valde est ambiguus, cavillationibus adversariorum multifariam obnoxius: Impropius etiam, quia relatio signi ad rem signatam non nisi *κατὰ γενεάν* dici potest unio. *Objectum* Sacramentorum est promissio gratiæ, & quidem de Christo jam exhibito, & beneficiis per ipsum acquisitis in Novo Testamento. Eaque declaratur I. A Subjecto Recipiente tum generali, quod sunt omnes credentes; tum speciali, quod sunt singula eorum individua: quæ specialis applicatio illustrior est in Sacramentis, quàm in verbo *Gen* 17. v. 13. *Act* 2. v. 38. 39. Et eam ob causam Sacramenta nonnunquam signa exhibitiva vocari solent. II. Ab Objectis, quorum præcipua sunt, remissio peccatorum, & vita æterna *Matth* 26. v. 28 *Gal* 3. v. 13. 14. III. Ab Objectorum illorum causis efficientibus, quæ duæ indicantur; Gratiæ Dei, & Meritum Christi *Rom* 3. v. 24. 25. De quibus suprâ.

Partes Sacramenti Signum & Promissio Evangelii.

Ex his jam manifestum est partes integrantes Sacramentorum esse *sacrum signum* divinitus institutum, & *promissionem Evangelii*, de gratiâ & beneficiis Christi, signo additam; quæ etiam res signata vocantur, sed in verbo promissionis, non extra illud spectanda, aut quærenda. Has partes conjungit Apostolus *Eph* 5. v. 26. *Purificat Ecclesiam lavacro aquæ per verbum*. Et Augustinus sententiâ illâ pervulgatâ *tract* 80. in Iohannem: *Accedit verbum ad Elementum, & fit Sacramentum*.

Consideratio Catechetica Novatorum ad quæst. & resp. sexag. sextam.

An non Sacramenta etiam sint commonitoria nostri officii.

Cum in descriptione Sacramentorum hic tantum finis exprimatur, ut Deus nimirum per Sacramentorum usum promissiones Evangelii magis nobis obfignet, & declaret; nulla verò alterius finis mentio fiat, puta, ut & nos officii nostri communes faciat; ad quem finem etiam non obscure in verbo Dei diriguntur: queritur, an hæc descriptio hæc in parte non mutila, & incompleta sit, ac proinde suppleri debeat.

Resp. Certum est & extra controversiam, quòd Sacramenta sunt symbola, & sigilla totius fœderis, quæ non minus nos Deo ad fidem, & novam obedientiam, gratitudinis ergò obstringunt, quàm nobis promissionem ac gratiam Dei in Christo obfignant. Interim hic finis est principalior, qui solus usitatissimè commemoratur in Scripturâ *Matth* 26. v. 28. *Act*.

Actor. 22. v. 16. Rom. 4. v. 11. & alibi; alterum etiam tacite includens, imò ex se producens. Ideò autem hìc omittitur, quia tractatio Sacramentorum subijcitur explicationi symboli Apostolici, quod tantum agit de beneficiis Dei erga nos. De alterâ sequetur parte tertiâ Catecheseos de Gratitude: ad quam etiam doctrina Sacramentorum extendi debet.

QUÆST. Num utraque igitur, & verbum, & sacramenta eò spectant, ut fidem nostram ad sacrificium Christi, in cruce peractum, tanquam ad unicum nostræ salutis fundamentum deducant?

RESP. *Ita est. Nam Spiritus Sanctus docet Evangelio, & confirmat Sacramentis, omnem nostram salutem positam esse in unico sacrificio Christi, pro nobis in cruce oblato.*

E X E G E S I S.

EST porisma ex antecedente quæstione deductum. Cum Sacramenta nobis declarent, & obsignent promissionem, ut ibi dictum est; consequens est, verbi & Sacramentorum eundem esse finem; nimirum, ut fidem nostram ad sacrificium Christi in cruce peractum tanquam ad unicum salutis nostræ fundamentum deducant. Christus enim vocatur fundamentum salutis, *1 Cor. 3. v. 11.* qui acquisivit sibi Ecclesiam *Act. 20. v. 28.* Ergo etiam ipsum sacrificium hoc nomine meritò appellatur. Hic finis communis, verbi & Sacramentorum, non solum demonstratur ex identitate Objecti, de quo *Matth. 26. v. 28. Rom. 4. v. 11.* sed etiam ex operatione efficientis principalis, sc. Spiritus Sancti; qui idem Objectum proponit in verbo, & Sacramentis, modo licet diverso: illic per prædicationem, & auditum verbi, *1 Cor. 1. v. 23.* isthic per ejusdem confirmationem, & obsignationem; *Matth. 26. v. 28.* illic formâ simplicis promissionis: hìc formâ promissionis obsignatæ. Undè duo habemus. I. Quod verbum non promittit, nec Sacramenta obsignant; &, quibus illud nihil promittit, iis hæc nihil obsignant. II. Christus, ejusque beneficia non magis inclusa, & alligata sunt Sacramentis, quam verbo.

Verbi & Sacramentorum idem est finis.

*Consideratio Catechetica Novatorum
ad quæst. & resp. sexag. septimam.*

An iustitia
Christi activa
excludatur à
sacramentis?

Cum utraque & verbum, & Sacramenta eò spectent, ut fidem nostram ad unicum Christi sacrificium in cruce peractum, tanquam unicum salutis nostræ fundamentum deducant, & secundum utraque plena salus nostra in unico isto sacrificio consistat; quæritur quâ ratione iustitia vitæ, & sanctitas naturæ Iesu Christi huc etiam referri possit; sicut quæstione xxxvi. factum est.

Resp. Id verò cum alibi, tum imprimis responsione ad considerationem secundam quæstionis L. x. docuimus; unde explicatio sumenda est.

QUÆST. LXVIII. Quot sacramenta instituit Christus in Novo fœdere?

RESP. Duo: Baptismum, & sacram Cœnam.

E X E G E S I S.

Sacramenta communia sunt utrique Testamento: Et in veteri quidem complura fuerunt, partim extraordinaria, ut diluvium *1. Pet. 3. v. 20. 21.* Transitus per mare, commoratio sub nube, Manna, & aqua petræ *1. Cor. 10. v. 1. seqq.* partim ordinaria, in quibus excellunt, circumcisio *Gen. 17.* & Pascha *Exod. 12.* Sed quia Catechesis supra speciatim definit sacramenta Novi Testamenti, quæ nos spectant, hic quoque eorundem solùm divisionem tradit. Docet autem esse duo Sacramenta Novi Testamenti à Christo instituta; Baptismum; *Matth. 28. v. 19. 20.* qui circumcisioni, *Col. 2. v. 11. 12.* & Cœnam Domini, quæ agno Paschali successit *Luc. 22.* Ille est sacramentum initiationis, & regenerationis; hæc continuationis, & spiritualis alimonix.

Præter duo ista quæ numerant ea Pontificii, sunt *Confirmatio, Pœnitentia, Vnctio, Ordo, Matrimonium*, sunt falsò dicta sacramenta; & nec institutionem divinam, ut sint Sacramenta, neque partes integrantes, & essentielles Sacramentorum habent.

De
BAPTISMO.

LXIX. Quâ ratione in Baptismo admoneris, & confirmaris, te unici illius sacrificii Christi participem esse?

RESP. *Quod Christus externum aqua lavacrum mandavit, additâ hâc promissione, me non minus certò ipsius sanguine, & spiritu à sordibus anima, hoc est, ab omnibus meis peccatis lavari; quam aquâ extrinsecus ablutus sum, quâ sordes cordis expurgari solent.*

E X E G E S I S.

VOX ΒΑΠΤΙΣΜΟΣ, & ΒΑΠΤΙΣΜΑ est à ΒΑΠΤΙΖΕΙΝ, sive ΒΑΠΤΕΙΝ & propriè mersionem, per metonymiam finis lotionem; *Marc.* 7.v.4. per metonym: adjuncti doctrinam illo ritu confirmatam, *Act.* 18.v.25. per metaphoram afflictiones, & martyria piorum, *Matth.* 20.v.22.23. itemque effusionem Spiritûs Sancti, *Act.* 1.v.5. per synecdochen primum Novi Testamenti Sacramentum lavacrum illud aquæ & regenerationis, *Eph.* 5.v.26. *Tit.* 3.v.5. significat.

Vocis Baptismi homonymia.

In Catechesi non definitur ex genere, & differentiâ, prout Sacramenta in genere definita sunt; sed ab Efficiente, partibus ^{Ejus} integrantibus, & finibus describitur.

Efficiens, est Jesus Christus, mediator *Ἰησοῦς Χριστός*, qui Baptismum non quidem primum instituit: jam antè enim à Deo institutus, *Ioh.* 1.v.33. *Matth.* 21.v.25. & à Johanne administratus, fuerat, *Matth.* 3. *Ioh.* 1.3.4. *capp.* Interim primam ejus institutionem repetivit, declaravit, & sanctione divinâ confirmavit, *Matth.* 28.v.19.20. & *Marc.* 16.v.15,16. ut deinceps esset non solius Ecclesiæ Judaicæ, ut prius, sed totius Catholicæ Ecclesiæ, ex Judæis, & gentibus coadunatæ initiatorium Sacramentum. Modus repetitæ institutionis constat verbo mandati, & verbo promissionis: Quæ duo explicantur quæstione LXXI.

Efficiens.

Partes

Partes inte-
grantes.
Externum
signum.

Adpersio
meritioni legi-
timè substi-
tuta.

Internam res
figuata.

Finis.

Declaratio.

Obsignatio.

Partes integrantes sunt, externum aquæ lavacrum tanquam signum, & verbum promissionis de internâ ablutione à peccatis, per sanguinem & Spiritum Christi, tanquam signatum. *Lavacrum aquæ* tum elementum aquæ, sed simplicis, absque omni mixturâ, *Ioh. 1. v. 26. Act. 10. v. 47.* tum ritum ablutionis per aquam, *Eph. 5. v. 26.* sive, ut Petrus vocat, depositionis sordium corporis. *Epist. 3. v. 21.* complectitur. Ablutio illa olim communiter fiebat per immersionem in aquam. Docet id praxis Johannis Baptistæ, *Matth. 3. v. 6. 16. Ioh. 3. v. 23.* Apostolorum Christi, *Ioh. 3. v. 22. & cap. 4. v. 1. 2. & Philippi: Act. 8. v. 38.* deinde etiam ritus illius significatio, quam tradit Apostolus *Rom. 6. v. 4. 5.* Hodie locis maximè Europæis frigidioribus, fit per adpersionem: quæ ritus diversitas nec institutioni Baptismi, neque Apostolicæ; aut primitivæ Ecclesiæ consuetudini repugnat. Etenim verbum βαπτίζεσθαι phrasi scripturæ non solum mergi, sed etiam adspersi, tingi, lavari significat *Marc. 7. v. 4. Luc. 11. v. 38.* & ablutio tam fit per adpersionem, quàm per immersionem. Præterea Apostolos, qui uno, non integro die pentecostes ter mille, *Ac. 2. v. 21.* qui alias totas familias, ex inopinato quasi baptizarunt, *cap. 16. v. 17. seqq.* adspargendo, non immergendo baptizasse verisimile est. Postremò cum in Ecclesiâ primitivâ clinici multi legantur baptizati; nemo tam est rerum imperitus, qui non agnoscat, pro immersione adpersionem circa ipsos usurpatum fuisse. Hæc de lavacro aquæ. *Verbum promissionis* de internâ nostri ablutione à peccatis, explicatur quæst. LXXI. quod additum est lavacro aquæ, infirmitatis, nostræ causâ ut per illud nobis declaretur, & obsignetur.

Fines ergò baptismi sunt, Declaratio, & Obsignatio promissionis gratiæ, de internâ nostri ablutione à peccatis; per sanguinem & spiritum Christi. Baptismus declarat promissionem gratiæ ἀναλογία illa, sive similitudine, quâ aqua repræsentat sanguinem, & Spiritum Christi: ablutio item corporis per aquam significat ablutionem internam à peccatis, quæ fit per sanguinem & spiritum Christi *Act. 22. v. 16. Rom. 6. v. 3. 4. 5.* quo sensu ἀντίτυπον dicitur Petro *1 epist. 3. v. 21.* Deinde eandem promissionem obsignat, quatenus cuique fidelium speciatim adhibetur. Hæc enim ceremoniâ divinitus illi testatum fit, ipsum tam certò intus ablui à peccatis sanguine & spiritu Christi, quam certo foris aquâ abluatur. De quo idem Petrus *Act. 2. v. 38. 39.* Baptizetur unusquisque vestrum in nomen Iesu Christi in remissionem peccatorum. Vobis enim facta est promissio, & liberis vestris.

Sed

Sed neque declaratio, neque obſignatio promiſſionis, quæ eſt in Baptiſmo, fit abſolutè, verùm ſub conditione fidei: ſicut ſcriptum eſt Marc. 16. v. 16. *Qui crediderit, & baptizatus fuerit, ſervabitur.* Item Act. 8. v. 36. 37. *Si credis ex toto corde, licet baptizari.* Et quamvis ſemel tantum conferatur Baptiſmus, tanquam regenerationis ſymbolum, tamèn ad actum aut tempus ſuſceptionis contrahendus non eſt, verum ad totam vitam extendendus; cum ſemper certus, firmus, & efficax ſit, quoties fideli memoriâ recollitur 1 Joh. 1. v. 7. 1 Sam. 17. v. 36.

*Conſideratio Catechetica Novatorum
ad quæſt. & reſp. ſexag. nonam.*

Cum in deſcriptione finium Baptiſmi, mentio tantum fiat obſignationis promiſſionum Dei, quoad ablutionem Baptizatorum per ſanguinem & ſpiritum Chriſti, non autem officii baptizatorum erga Deum, in ſinceritate & novitate vitæ; quæritur an non hîc quoque ſinis ad ſupplendam deſcriptionem exprimendus ſit?

An officii noſtri in Baptiſmo faciendâ mentio?

Reſp. Idem reſpondetur, quod ſupra fuit reſponſum ad conſiderationem quæſtionis LXVI.

QUÆST. Quid eſt ſanguine & ſpiritu Chriſti ablui?

REſp. Eſt accipere à Deo remiſſionem peccatorum, gratis, propter ſanguinem Chriſti, quem is pro nobis, in ſuo ſacrificio in cruce profudit. Deinde etiam per ſpiritum Sanctum renovari & ipſo ſanctificante, membrum Chriſti fieri, quo magis ac magis peccatis moriamur, & ſanctè, inculpateque vivamus.

EXEGESIS.

Quæſtio eſt de phraſeologiâ promiſſionis declaratæ, & obſignatæ per baptiſmum, quâ dicimur ablui ſanguine & ſpiritu Chriſti. Reſponſio eſt phraſeologiæ illius explicatio: cujus ſumma huc redit, puod ablutio per ſanguinem Chriſti ſit juſtificatio à peccatis, ſive peccatorum remiſſio; ablutio per ſpiritum Chriſti ſanctificatio, ſive regeneratio naturæ corruptæ à peccatis, Apoſtolo interprete 1 Cor. 6. v. 11. *Abluti eſtis, ſanctificati eſtis, juſtificati eſtis, in nomine Domini Jeſu, & per ſpiritum Dei noſtri.* Porro ablutio

Ablutio per
sanguinem
Christi.

Ablutio per
Spiritus.

per sanguinem Christi, declaratur à causis efficientibus; principali, quæ est Deus; impulsivâ internâ, quæ est gratia ipsius, & externâ, est remissio peccatorum, & à Deo donatur, ab homine autem accipitur per fidem *Rom. 3. v. 22. 24. 25. & cap. 5. v. 17.* Ablutio per Spiritum similiter declaratur à causâ efficiente proximâ, Spiritu Sancto: à formâ, quæ in sanctificatione, sive in naturæ corruptæ renovatione consistit: ab effecto, quod est unio cum Christo, ceu membrorum cum capite: & denique à fine duplici, ut sunt, mors peccati, & vita iustitiæ, *Rom. 6. v. 1. seqq. Eph. 5. v. 26. 27. & cap. 4. v. 22. 23. 24.* Sic ergò tria sunt præcipua beneficia, quæ verbo promissionis nobis offeruntur, sacramento baptismi obsignatur Remissio peccatorum, *Act. 2. v. 38. & cap. 22. v. 16.* Renovatio naturæ per Spiritum Sanctum, *Rom. 6. v. 4. Tit. 3. v. 5.* & Unio cum Christo, *Gal. 3. v. 26. 27. 1 Cor. 12. vers. 13.* unde hæreditatis illius cœlestis participatio dependet.

*Consideratio Catechetica Novatorum,
ad quæst. & resp. septuagesimam.*

An remissio
peccatorum
præcedat re-
novationem:

*Si hoc loco intelligatur, remissionem peccatorum propter Christi sanguinem, præcedere renovationem quæ fit per Spiritum Sanctum, quo qui-
dem sanctificante membra Christi sumus, ac proinde ante omnem resipiscen-
tiam; videndum, I. quomodo quis remissionem peccatorum per Chri-
stum impetrare queat, qui membrum Christi nec dum sit; sed extra Chri-
stum, & ab eo alienus. II. quomodo id conveniat cum sacris literis, quæ
resipiscen-
tiam, & vitæ emendationem præexigunt; & resipiscen-
tibus ac
conversis tantum remissionem peccatorum promittunt. III. an, si in Bapti-
smo per Spiritum Sanctum renovemur, & ipso sanctificante membra Chri-
sti sumus, rectè dicatur, nos per cœna Dominica communionem membra
Ecclesiæ fieri.*

Resp. Remissio peccatorum omnino præcedit renovationem naturæ per Spiritum Sanctum; sed ordine naturæ, & causalitatis, non tempore: quem ordinem ostendit Apostolus partim in integris epistolis, connexionem capitum doctrinæ, ut *Rom. 3. 4. 5. 6. 7. capp.* partim dictis singularibus *Rom. 8. v. 30. 1 Corinth. 1. v. 30. 2 Cor. 5. v. 15. Galat. 3. v. 13. 14.* Quæstionum, quæ contra mo-
ventur, facilis est solutio. I. Nemo accipit remissionem peccato-
rum, quin simul fiat membrum Christi: quia, ut remissio peccato-
rum

rum est per fidem ; ita unio quoque fit per fidem. Interim nemo ante est membrum Christi , quàm justificetur. Justificatur impius *Rom. 4. v. 5.* At non unitur Christo impius : 2. *Cor. 6. v. 14. 15.* unitur ei jam reconciliatus ; sed per justificationem fit reconciliatio. *Rom. 5. v. 6. 8.* II. Resipiscentia prior est justificatione , sive remissione peccatorum , quoad dolorem , & contritionem ex agnitione peccati : quo sensu dicitur *Marc. 1. v. 3. Prædicabat baptismum penitentiae , ad remissionem peccatorum. Et vers. 15. Resipiscite , & credite Evangelio.* Posterior est , quoad lætitiā in Deo , & vitæ emendationem : quomodo justificationis fidei est soboles. *Rom. 5. 6. capp.* Illo igitur , non isto modo , ad fidem & justificationem præexigitur. III. In doctrinā de cœnā , nominatim quæstione LXXVI. non dicitur , nos per cœnæ communionem membra Christi ac Ecclesiæ fieri ; sed nos Christo magis ac magis uniri. Sunt enim gradus unionis , non minus , quàm doni Spiritus ac fidei. Proinde baptismus propriè confirmat nos de susceptione in mysticum Christi corpus : Sacra cœna de permanſione , ac perseverantiā in eodem corpore.

QUÆST. LXXI. Ubi promisit Christus , se nos tam certò sanguine & Spiritu suo abluturum , quàm aquā baptismi abluti sumus ?

RESP. *In institutione baptismi , cujus hæc sunt verba : Ite , & docete omnes gentes , baptizantes eos in nomine Patris , & Filii , & Spiritus Sancti. Qui crediderit , & baptizatus fuerit , servabitur : qui verò non crediderit , condemnabitur. Hæc promissio repetitur , cum Scriptura baptismum nominat lavacrum regenerationis , & abluſionem peccatorum.*

EXEGESIS.

DOctrina de Baptismo hucusque exposita confirmatur testimonio verborum institutionis , prout illa partim à Matthæo , *cap. 28. v. 19.* partim à Marco , *cap. 16. v. 16.* recitatur. Sunt autem verba illa tum mandati , de administratione baptismi , tum promissionis de usu ejusdem , atque effectu. *Mandatum* de administrando baptismi pertinet ad Apostolos , & successores eorum , id est , omnes præcones Euangelii , quo jubentur primò docere , sive , ut

Mandatum de administratione Baptismi.

habet textus Græcus, μαθηταί, discipulos facere Christo: sicut primi illi Christiani, ante nomen illud repertum, *discipuli καὶ ἑταῶν* nominabantur *Act. 11.v.26* Inde verò discipulos jam factos, (nempe fide, ac obedientiâ Euangelii,) baptizare in testimonium & confirmationem fidei: quem ordinem constanter observatum fuisse ab Apostolis, *Acta* eorum testantur, *cap. 2.v.41. & cap. 8.v.12.36.37.* & alibi. Sonat autem mandatum illud de omnibus, hoc est, quibusvis gentibus baptizandis; ad quas nimirum venturi erant Apostoli: tacitâ antithesi ad unam gentem Iudaicam, quæ ante id tempus sola pro populo Dei, sive Ecclesiâ habebatur. Et primario de adultis intelligendum est, ex quibus tunc colligenda erat Ecclesia per prædicationem Euangelii; de infantibus verò secundariò, qui vigore promissionis fœderalis censentur in parentibus, ac conditionem eorum sequuntur *Act. 2.v.38.39. 1. Cor. 7.v.14.* *Promissio* implicite continetur his verbis, *Baptizate in nomen Patris, Filii, & Spiritûs Sancti*, *Matth. 28.v.19.* quibus sicut baptizati Deo Patri, Filio, & Spiritui Sancto in cultum atque obsequium addicuntur, *1. Cor. 1.v.13.* ita ipsi vicissim accipiunt testimonium, sive sigillum promissionis Evangelicæ, quod Pater sibi Deus, & Pater; Filius sibi servator; Spiritus Sanctus sibi sanctificator futurus sit. Sed clarius proponitur à Marco *cap. 16.v.16. Qui crediderit, & baptizatus fuerit, servabitur.* Vbi Dominus salutem æternam promittit credenti, & baptizato, hoc est, qui non solum baptizatus fuerit, sed etiam crediderit. Nam *fidem* præcipuum esse quod in salvando requiritur, ex antithesi evidenter colligitur, ubi solius fidei mentio fit, baptismi autem nulla. Vtrumque igitur necessarium est ad salutem, baptismus, & fides, sed dispari necessitatis gradu, *Fides* necessaria est necessitate mediæ, absque quâ impossibile est placere Deo *Hebr. 11.v.6. Baptismus* necessarius est necessitate præcepti, sive propter mandatum Dei, cui parendum est iis, quicunque copiam ejus habere possunt. Quod si habere non possunt, nec obest saluti ejus carentia, juxta illud; *Non privatio, sed contemptus Sacramentorum damnat.* Porro hæc domini promissio illustratur duobus similibus testimoniis Pauli, quorum prius exstat *Ti. 3.v.5.* posterius *Act. 22.v.16.* Vtrumque autem quæstione LXIII. explicatur.

Promissio
Euangelii.

Necessitas
fidei & Ba-
ptismi.

Confide-

*Considerationes Catechetica Novatorum
ad quaest. & respons. septuages.
primam.*

I. Considerandum videtur an non apertius ostendendum fuerit, quo pacto institutionis baptismi verba promissionem hic expressam contineant; quandoquidem cuique non perinde facile est eam ex eis elicere.

An non institutionis verba clarius explicanda fuerint?

Resp. Promissio posterior per se clara est, non indiga explanationis. Prior autem quæ latet in illis verbis, *Baptizate in nomen Patris*, partim ex quaestione L XIX, partim etiam ex quaestione LXXIII. perspicuè intelligitur.

II. An non hic quoque mentio facienda fuerit officii baptizatorum; cum u secundum institutionis verba in nomine Patris, Filii, & Spiritus Sancti baptizentur; qua hoc etiam habent, quod Patri, Filio, & Spiritui Sancto in obsequium sanctificentur atque obstringantur.

An non officium nostri faciende mentio?

Resp. Implicita mentio in ipsis verbis continetur: explicita exstat sub finem quaestionis LXX. Cur verò plenior declaratio omissa sit, dictum est ad considerationem quaestionis LXXVI.

III. Verumne sit sacram Scripturam externum baptismum nominare lavacrum regenerationis & ablutionem peccatorum.

An Scriptura baptismum lavacrum regenerationis vocet?

Resp. Veritatem allegationis probant marginalia; inprimis locus Tit. 3. v. 5. cum altero, qui est Eph. 5. v. 26. collatus: de quo infra quaestione LXXIII.

Quæst. LXXII. Estne ergo externus Baptismus aquæ ipsa peccatorum ablutio?

Resp. Non est: Nam solus sanguis Iesu Christi purgat nos ab omni peccato.

EXEGESIS,

Est prolepsis, nata ex citatione testimonii Paulini Act. 22. v. 16. Paulus Baptismum vocat ablutionem peccatorum: Ergo externus baptismus aquæ est ipsa ablutio peccatorum. Respondetur per inficiationem consequentiæ. Vocat ita baptismum non propriè, sed tropicè, per metonymiam Subjecti: quod probatur à disparato. Solus sanguis Iesu Christi purgat nos ab omni peccato, ut est 1 Ioh. 1. v. 7. Non igitur aqua baptismi. Ratio; quia quod

uni disparatorum tribuitur, necessariò adimitur alteri. Respon-
sionem hanc vehementer illustrat dictum Petri, 1. *Epist.* 3. v. 21.
negantis servare baptismum quatenus est depositio sordium cor-
poris.

QUÆST. LXXIII. Cur ergo Spiritus Sanctus ba-
ptismum appellat lavacrum regenerationis, & ab-
lutionem peccatorum?

RESP. *Deus non sine gravicausâ sic loquitur: videlicet non
solum ut nos doceat, quemadmodum sordes corporis aquâ
purgantur, sic peccata nostra sanguine & Spiritu Christi
expiari: verum multò magis, ut nobis hoc divino symbo-
lo ac pignore certum faciat, nos non minus verè à pecca-
tis nostris internâ lotione ablui, quàm externâ & visi-
bilia aquâ abluti sumus.*

EXEGESIS.

Explicantur
dicta:
Act. 22. v. 16.

Occasione objectionis præcedentis declarantur duo illa Scri-
pturæ de baptismo testimonia *Act.* 22. v. 16. & *Ti.* 3. v. 5.
Primò autem indicatur, vel saltem innuitur, enunciativa illa non
esse propria, sed metonymica, ubi nomina subjectorum & ad-
iunctorum inter se permutantur; & quod proprium est rerum si-
gnatarum, sanguinis & Spiritus Christi, signo, videlicet aquæ ba-
ptismi, tribuitur: quæ *metonymia sacramentalis* dici solet, quia
usitata est in omnibus sacramentis. Deinde permutationis istius,
quæ fit in nominibus, duplex ratio redditur. Una ab analogiâ, sive
similitudine aquæ, ac sanguinis Spiritus Christi: itemque ablutio-
nis externæ à sordibus corporis, & internæ à sordibus animæ, sive
peccatis, quæ quæstione LXIX. explicata est. Altera, quæ tan-
quam potior collatione majoris amplificatur, à veritate & certi-
tudine ob signationis: quia baptismus, tanquam divinum symbo-
lum, ac pignus, certum facit, nos non minus verè à peccatis nostris
internâ lotione ablui, quàm externâ & visibili aquâ abluti sumus.
Sic ergò baptismus dicitur ablutio peccatorum *Act.* 22. v. 16. quia
est divinum testimonium, quo Deus testatur credentibus, se pec-
cata eis remisisse propter effusionem sanguinis Christi. Est etiam
lavacrum regenerationis *Ti.* 3. v. 5. quia per baptismum testata
fit

Ti. 3. v. 5.

fit credentibus regeneratio, atque etiam in ipsis augetur. Hanc expositionem confirmat I. Analogia sacramentorum, Circumcisionis, *Gen. 17. v. 11. Rom. 4. v. 11. Agni Paschalis, Exod. 12. v. 13. 14. & cap. 13. v. 9. &c.* quorum similis est sententia, & interpretatio. II. Natura rei. Nam servat baptismus, non quatenus est depositio sordium corporis, sed ut *ἀντίτυπον*. id est, symbolum ac testimonium salutis nostræ *1 Pet. 3. v. 21.* III. Conditio Subjecti baptizandi. Baptizatur non infidelis, sed fidelis, sive verè, sive simulatè, & secundum professionem: *Marc. 16. v. 16. Act. 2. v. 41. & cap. 8. v. 36. 37.* At fidelis jam habet remissionem peccatorum, & Spiritum regenerationis per fidem *Act. 26. v. 18. Gal. 3. v. 13. 14.* Baptizatur igitur in remissionem peccatorum, *Act. 2. v. 38.* hoc est, ut testimonium divinum hujus remissionis accipiat, & habeat in carne suâ; quemadmodum Judæi olim circumcisionem, tanquam fœderis sigillum, in carne suâ habuerunt *Gen. 17. v. 13.*

*Antithesis Catechetica Socinianorum
ad quæst. & resp. septuag. tertiam.*

Baptismus aqua nuspiam dicitur lavacrum regenerationis, sed purgatio animorum figuratè lavacrum appellatur. *Eph. 5. v. 26. & Tit. 3. v. 5.* Lavacrum regenerationis exponitur per renovationem Spiritus Sancti. Similiter *Act. 22. v. 16.* Ablutio peccatorum Baptismo tribuitur, quod eam nobis adumbret. Est enim ipse Baptismus nil nisi signum, & nota professionis, quâ discriminamur ab infidelibus, qui Christum non agnoscunt.

Responsio.

Mirum non est, in constituendâ naturâ Sacramentorum errare Socinianos, qui fundamentum eorum, in sacrificio ac satisfactione Christi pro peccatis, funditus subvertunt. Baptismus etiam est ^{Baptismus non tantum est tessera} tessera professionis ac discretionis nostræ; sed respectu finis minus principalis: Ex fine principali est symbolum, ac testimonium ^{Sed testimonium Remissionis peccatorum.} divinum, de remissione peccatorum, regeneratione Spiritus, & nostrâ cum Christo unione, uti supra docuimus. Id non modò permutatio nominum, sed etiam phraseologia evincit, quâ baptizati dicimur in nomen Patris, Filii, & Spiritus Sancti; *Matth. 28. v. 19.* in mortem Christi, *Rom. 6. v. 3.* ac remissionem peccatorum *Act. 2. v. 38.* In reliquis, quæ sanæ doctrinæ opponunt, puram putam principii petitionem admittunt. Et *Tit. 3. v. 5.* Baptismus non

non minus lavacrum renovationis Spiritus Sancti, quàm regenerationis appellatur.

QUÆST. LXXIV. Suntne etiam infantes baptizandi?

RESP. Omnino: Nam cum aequè ac adulti, ad fœdus, & Ecclesiam Dei pertineant; cumque eis per sanguinem Christi remissio peccatorum, & Spiritus Sanctus fidei effector non minus, quàm adultis promittatur; per baptismum Ecclesia Dei inserendi sunt, & ab infidelium liberis discernendi: itidem ut in veteri fœdere per circumcisionem fiebat, cui in novo fœdere substitutus est baptismus.

EXEGESIS.

Pædobaptismus probatur

1.

Est assertio Christiani pædobaptismi contra Anabaptistas sive Catabaptistas, quæ tribus argumentis breviter concluditur.

Primum: Infantes pertinent ad fœdus, & Ecclesiam Dei. Sunt igitur baptizandi. Ratio; quia per baptismum fœderi, & Ecclesiae Dei inseruntur *Act. 2. v. 38. 39; 41; 47.* Antecedens illustratur collatione parium, quod aequè ac adulti ad fœdus & Ecclesiam Dei pertineant. Confirmatur dictis Scripturæ *Gen. 17. v. 7. Act. 2. v. 38. 39. 1 Cor. 7. v. 14.*

2.

Secundum: Infantibus promissa est remissio peccatorum, & Spiritus Sanctus fidei effector. Ergò baptizandi sunt. Ratio; quia per baptismum discernuntur à liberis infidelium, quibus illa non sunt promissa. Antecedens iterum illustratur collatione parium, quod ipsis non minus, quam adultis promissa sint. Probatur autem dictis Scripturæ *Act. 2. v. 38. 39. Jer. 31. v. 31. seqq.* Ubi notandum est, Spiritum Sanctum dici effectorem fidei, non quòd jam tum fidem accendat in infantibus; verum quod suo tempore, postquam ad annos discretionis pervenerunt, eam in ipsis producat per prædicationem Euangelii *Rom. 10. v. 17.* Nec tamen infideles censendi sunt *συνειληφες*, sive privative, non solum quia nati sunt ex parentibus fidelibus, *1 Cor. 7. v. 14.* verum etiam quia infantia non est tempus fidei infundendæ

Spiritus S. quatenus dicatur, effector fidei in infantibus.

3.

Tertium, In Veteri Testamento circumcisi divinitus præfinitum. *Tertium,* In Veteri Testamento circumcisi fuerunt infantes. Igitur in Novo Testamento baptizandi sunt. Ratio, quia circumcisioni substitutus est baptismus *Coloss. 2. v. 11. 12.* Antecedens exstat *Gen. 17. v. 11. 12.*

Consi-

*Considerationes Catecheticae Novatorum
ad quaest. & resp. septuages. quartam.*

I. Præstiteritne quaestionem hanc isto modo proponere; Suntne etiam fœderatorum infantes baptizandi?

In Infantes fuerint fœderatorum appellandi?

Resp. Additamentum hoc planè est supervacaneum; cum quaestiones & responsiones omnes ad solos fideles sint directæ, ac de eorum tantum infantibus hîc quærat. An Spiritus S. infantibus detur, & fidem in eis operetur?

Quomodo intelligendum sit, infantibus non minus, quàm adultis, Spiritum Sanctum esse promissum. An etiam Spiritus Sanctus fidem in infantibus operetur, & quomodo? Deinde, si id verum sit, quâ ratione fiat, ut infantes nonnulli, postquam adoleverint, Spiritum Sanctum & fidem amittant; aut si id fieri nequeat, an itaque omnes infantes baptizati nihilominus sint salvandi?

Resp. Certum est, Spiritum Sanctum infantibus quoque promissum esse: tum evidentia promissionum, Gen. 17. v. 7. Joel. 2. v. 28. Act. 2. v. 38 39. tum eorum exemplis, quibus ipse olim fuit donatus Ier. 1. v. 5. Luc. 1. v. 15. Quid, aut quomodo speciatim in iis operetur, id nostrum non est definire. Sufficit quòd ipsis est Spiritus regenerationis, immundam ipsorum naturam emundans, ac corrigens. Spiritus fidei, saltem actualis, & quæ in actu, non semine spectatur, ideo in ipsis esse nequit, quòd infantes per ætatem fidei non sunt capaces. Similiter nec illud definire est nostrum, quibus detur, aut in quibus operetur. Novit Dominus eos qui sunt sui, 2 Tim. 2. v. 19. & sermo promissionis non in omnibus infantibus, tam carnis quàm promissionis; sed in iis qui dicuntur promissionis, firmus ac ratus est Rom. 9. v. 6. 7. 8. 11.

*Antithesis Catechetica Socinianorum,
ad quaest. & resp. septuag. quartam.*

Ad infantes nullo pacto pertinet baptismus. Nam nec in Scripturâ ullum mandatum, aut exemplum, eâ de re habemus; neque infantes Christum pro suo Servatore agnoscere per ætatem possunt: imo nec regeneratio in ipsos cadit. Ea enim nihil aliud est; quam rationis & voluntatis nostræ transformatio, & ad Christi Servatoris nostri doctrinam compositio; ut ipsa vox Regenerationis indicat. Verum huiusmodi transformatio in infantibus locum habere nequit, quia ignorant quæ dextra aut sinistra sit; tantum abest, ut res tanti momenti percipere queant.

ff

Resp.

Infantes baptizandos Scriptura probat.

Sunt regenerationis capaces.

Resp. Argumenta evidētia & solida pro pædobaptismo in ipsâ responsione adducta sunt. Mandatum universale, de omnibus Ecclesiæ membris baptizandis, & per baptismum initiandis, exstat *Matth.* 28. *Marc.* 16. Nec desunt exempla integrarum familiarum baptizatarum: ad quas etiam infantes pertinent *Act.* 16. v. 15. 33. *I Cor.* 1. 16. Quod Christum non agnoscunt infantes, non magis nunc eos à baptismo excludit, quàm olim à circumcissione. Si verò nè regenerationis quidem capaces sunt; aut expertes esse oportet peccati originalis, contra Scripturam: *Iob.* 14. v. 5. *Iob.* 3. v. 6. aut saltem omnes illâ ætate morientes, perire & damnari: *Iob.* 3. v. 3. 5. *Apoc.* 21. v. 7. contra Scripturam, quæ ipsis quoque regnum cælorum addicit *Marc.* 10. v. 14. *Act.* 2. v. 39. Sed Sociniani admittunt Elenchum definitionis; gratiam regenerationis, quæ in renovatione naturæ posita est, & per actus externos sese exferit & ostendit, restringentes ad solos actus, & exercitium eorum.

DE COENA DOMINI.

QUÆST. LXXV. Quâ ratione in cœnâ Domini admoneris, & confirmaris, te unici illius sacrificii Christi, in cruce oblâti, atque omnium ejus bonorum, participem esse?

RESP. *Quod Christus me, atque omnes fideles, de hoc fracto pane edere, & de poculo distributo bibere jussit, in sui memoriam, additâ hâc promissione: primum, corpus suum non minus certò pro me in cruce oblatum ac fractum, & sanguinem suum pro me fustum esse, quàm oculis cerno, panem Domini mihi frangi, & poculum mihi communicari. Deinde, animam meam non minus certò ipsius corpore, quod pro nobis crucifixum, & sanguine, qui pro nobis fusus est, ad vitam æternam ab ipso pasci, quàm panem & vinum, symbola corporis & sanguinis Domini, è manu ministri accepta, ore corporis percipio.*

E X E G E S I S.

Cœna Dominicæ synonyma

Alterum Sacramentum Novi Testamenti est *Cœna Dominica* prout usitatè appellatur ex Paulo, *I Cor.* 11. v. 20. partim à tem-

tempore, quo institutum est, nempe eâ nocte quâ Christus ultimum pascha comedit cum discipulis: partim ab efficiente, qui est Dominus Jesus. Aliàs in Scriptura vocatur fractio panis, *Act. 2. v. 42.* & *cap. 20. v. 7.* per synecdochen membri, à potiore ritu: Item mensa Domini, *1. Cor. 10. v. 21.* per metonymiam subiecti, quod olim in mensâ celebraretur: Denique etiam communio corporis & sanguinis Christi, *1. Cor. 10. v. 16.* per metonymiam adjuncti; quod symbolum sit, ac testimonium divinum, nostræ cum Christo communionis.

In Catechesi Sacramentum Cœnæ quadrifariam nobis describitur: à causâ efficiente, Subiecto recipiente, partibus integrantibus, & finibus.

Efficiens est Dominus noster Jesus Christus; qui cœnam primus instituit, & agno Paschali, ut typo veteri, novum antitypum surrogavit, *Luc. 22. v. 15. seqq. 1. Pet. 3. v. 21.* Modus institutionis constat ritu, & verbo tum mandati, tum promissionis; quæ hic obiter indicantur, sed quæstione LXXVII. exprimuntur, & explicantur.

Subiectum recipiens sunt omnes fideles, sive Christiani adulti, & singuli eorum. Hi enim, & ante usum hujus Sacramenti probare se ipsos, *1. Cor. 11. v. 28.* & in ipso usu, ac deinceps, mortem Domini fideli memoriâ celebrare possunt: *vers. 25. 26.* Quæ utraque conditio infantes à communione cœnæ excludit.

Partes integrantes sunt; signum à Christo imperatum, & verbum promissionis, tanquam signatum, signo additum. *Signum* constat partim Elementis, Pane, & Vino; quæ conjunguntur, ut perfectam animarum alimoniam in Christo nobis obsignent; partim ritibus, ceu sunt, Panis fractio, Vini effusio, & utriusque distributio ac perceptio. *Signatum* est verbum promissionis de corpore Christi pro nobis fracto, & sanguine ipsius effuso pro nobis in remissionem peccatorum *Matth. 26. v. 26. 28.* eoque in cibum, ac potum vitæ nobis effecto, *Ioh. 6. v. 50. seqq.*

Fines sunt; Declaratio, & Obsignatio promissionis gratiæ: de his Christi beneficiis. Quorum prior posteriori implicatur, & explicando immiscetur. *Declaratur* illa promissio in cœna Domini ratione analogiæ, sive similitudinis; quæ panis & vino, cum corpore & sanguine Christi, ite fractioni panis ac effusioni vini, cū fractione corporis & effusione sanguinis Christi, antecedit. Quæadmodum panis in cœnâ frangitur; sic corpus Christi in cruce fractum, id est

Obsignatio.

crucifixum fuit: Et quemadmodum vinum in cœna funditur; sic sanguis Christi in cruce effusus est *1 Cor. 11. v. 24. 25. & cap. 10. v. 16. 17.* *Obsignatur* eadem promissio, ratione specialis applicationis, & perceptionis: quatenus nimirum cuique credenti panis ille frangitur, porrigitur; poculum item communicatur, & à singulis accipitur. Bifariam igitur fit: I. Quam certò Christus cuique credenti de pane fracto, & vino effuso, præbet per ministerium suum; tam certò testatur, se pro illo esse mortuum, seu corpus suum pro illo in cruce fractum, & sanguinem suum pro illo fufum esse. II. Quàm certò panis & vinum sumta, pascunt ad vitam animalem; tam certò corpus & sanguis Christi fide accepta, pascunt ad vitam spiritualem, & æternam. Et ita fidelis sacramentaliter simul & spiritualiter in cœnâ manducat. *Sacramentaliter* edit & bibit panem & vinum, ut sacra symbola ac divina testimonia corporis Christi pro se crucifixi, & sanguinis pro se effusi, *1 Cor. 11. v. 24. 25. & c. 10. v. 16. 17.* *Spiritualiter* ipsum corpus & sanguinem Christi fide percipit in verbo promissionis; indeque certam spem vitæ æternæ concipit. De quo quæstione sequente pluribus.

*Considerationes Catechetica Novatorum
ad quæst. & resp. septuag. quintam.*

Annon & hic
officii nostri
consistene-
faciendi fue-
rimus?

I. *Hic rursus de obsignatione promissionum divinarum tantum, non autem de admonitione & obsignatione officii nostri, mentio fit. Quaritur itaque, an hoc imperfectum non sit, eoque alterum ei addi præstet.*

Resp. Ad hanc, & similes considerationes, supra fuit responsum, ad quæstionem LXVI. quò Novatores remittimus.

Annon ad-
dendum nos
Spiritu S.
pasci?

II. *Cum dicitur; Christum animas nostras crucifixo suo corpore, & effuso suo sanguine pascere; dispici potest, num addi possit, per Spiritum suum sanctum pascimur, quo spirituales vitam vivimus; quæ fundamen-
tum & causa est spiritualis nutrimenti.*

Resp. Vivimus per justificationem, vivimus etiam per regenerationem, sive renovationem naturæ. Prioris vitæ fundamentum & causa est Christus, cum suo sacrificio, & merito; de quâ Apostolus, *Gal. 2. v. 20.* *Christus vivit in me, & quod vivo in carne, vivo per fidem illam Filii Dei, qui dilexit me, & tradidit semetipsum pro me.* Posterioris vitæ fundamentum & causa est Sp. Sanctus; cuius virtute regimur ad vitā novam, *Pet. 1. v. 3. 4. 5* Illa hîc intelligitur, nō ista, ex interpretatione Iohannis, *cap. 6. v. 51. seqq.* qui nec isthîc, nec
alibi

alibi, nutrimentum spirituale collocat in renovatione naturæ per Spiritum Sanctum, ut quæ ex isto sequitur, tanquam effectum ex suâ causâ. Interim credimus, & confitemur, Spiritum Sanctum esse personam illam, quæ efficaciter nos movet ad credendum in Christum, atque ita ad edendum carnem, & bibendum sanguinem ipsius. In quem sensum nonnulli accipiunt verba sequentia, *Spiritus est qui vivificat; item, verba, quæ loquor, Spiritus sunt* Ioh. 6. v. 63. 64.

QUÆST. LXXVI. Quid est crucifixum Christi corpus edere, & fufum ejus sanguinem bibere?

RESP. *Est non tantum totam passionem & mortem Christi, certâ animi fiduciâ amplecti, ac per id remissionem peccatorum, & vitam æternam adipisci: sed etiam per Spiritum Sanctum, qui simul in Christo, & in nobis habitat, ita sacrosancto ejus corpori magis ac magis unire, ut, quamvis ipse in cælo, nos verò in terrâ simus, nihilominus tamen caro simus de carne ejus, & os de ossibus ejus; utque omnia corporis membra ab unâ animâ, sic nos uno eodemque Spiritu vivificemur, & gubernemur.*

EXEGESIS.

Questio est de phraseologiâ promissionis, declaratæ & obfignatæ per cœnam Dominicam; quâ dicimur crucifixum Christi corpus edere, ac effusum ejus sanguinem bibere. Exstant autem illæ phrasæ Ioh. 6. in sermone quem Christus habuit ad Capernaïtas; ubi docet, beatitudinem non in cibo & potu corporali, sed spiritali & cœlesti consistere. Responsio est phraseologia illius explicatio, manducationem corporis, & bibitionem sanguinis Christi, à formâ, & effecto consequente, declarans.

Manducationis corporis & bibitionis sanguinis Christi.

Forma.

Sed testimonium Remissionis peccatorum.

Forma est apprehensio passionis & mortis Christi, per fidem; quâ quis credit, corpus Christi esse pro se crucifixum, & sanguinem ejus pro se effusum, ac per id remissionem peccatorum ac vitam æternam adipiscitur; juxta sensum quæst. LIX. *Primo* igitur, non confidatur hic corpus Christi absolute, & per se; sed quâ passum, quâ crucifixum: sanguis item, non ut in venis latens, sed cum sensu iræ Dei in cruce effusus. Totus denique Christus, non quâ nunc exaltatus in gloriâ; sed quatenus olim humiliatus, & que ad mortem crucis,

apprehensio
per fidem.

Fides est
manducatio
& bibitio.

Spiritualis.

Effectum
unio cum
Christo.

Cujus descri-
bitur

Efficiens.

Modus.

& in ea victima factus pro peccatis nostris. Quod ipsemet expref-
sis verbis nos docet, *Ioh. 6. v. 51.* ubi ait; *Panis, quem ego dabo, caro*
mea est, quam ego dabo pro mundi vitâ. Et in institutione cœnæ, *Mat.*
26. v. 26. 28. *Hoc est corpus meum quod pro vobis datur, seu frangitur:*
Hoc est sanguis ille meus Novi Testamenti, qui pro vobis, ac pro multis
effunditur in remissionem peccatorum. Deinde, crucifixū corpus Chri-
sti edere, ac effusum ejus sanguinem bibere, nihil aliud est, quàm
in Christum credere; seu credere corpus Christi esse pro se crucifi-
xum, sanguinemque ejus pro se esse effusum in remissionem pecca-
torum. Id quod liquet ex sententiarum inter se collatione, apud
Johannem sexto capite. Nam quod *v. 35. 40. 47.* Christus dixit,
credere in se, id ipsum *v. 50. 51. 53. 54.* nominat edere carnem su-
am, & bibere sanguinem suum. Fides autem passionis ac mortis
Christi, *manducatio & bibitio* appellatur metaphoricè; propter ana-
logiam tum actûs, qui est acceptio & perceptio Christi, in verbo
Euangelii oblatis; tum finis, & fructus, qui est animæ esurientis ac
sitientis justitiam, alimonia, & suavis saturitas, ad vitam æternam.
Et dicitur manducatio & bibitio spiritualis, organi respectu; quod
non est os corporis, sed fides Spiritûs, hoc est, fides in Spiritu sive
animâ residens, *Rom. 10. v. 9. 10.* Qui verò Spiritu fidei manduca-
re corpus Christi non minùs absonum dictu censent, quàm si quis
dicat, corpus manducare Spiritum; illi vel puerilem inscitiam cir-
ca phrasas Scripturæ, vel insignem cavillandi libidinem produnt.

Effectum hujus manducationis & bibitionis est unio cum Chri-
sto; prout ipse testatur, *Ioh. 6. v. 56.* *Qui edit meam carnem, & bibit*
meum sanguinem, in me manet, & ego in eo. Promissio baptismi etiam
loquitur de hac unione; quia in baptismo Christum induimus:
Gal. 3. v. 27. Sed in cœna confirmatur, ac augefcit illa unio, *1. Cor.*
10. v. 16. & cap. 12. v. 13. Nam gradus recipit non minùs, quàm fi-
des ac charitas; quibus ex parte nostra constat.

Cæterum in Catechesi unio cum Christo distinctè explicatur,
Causâ efficiente, Adjuncto modo, & Effectis.

Efficiens est Sp. Sanctus, in Christo tanquam capite, & in no-
bistanquam membris ipsius, habitans. Is & Christum nobis jun-
git, ab ipso in nos dimanans, *1. Ioh. 3. v. 24. & cap. 4. v. 13. Tit. 3.*
v. 6. & nos vicissim unit ipsi per fidem & charitatem, 1. Cor. 6. v. 17.
Sicut reciproca est unio.

Modus unionis mysticus, & longè arctissimus est. *Mysticus* qui-
dem

dem, quia magnum pietatis mysterium appellatur; *Eph. 5. v. 32.* Et similitudine capitis ac membrorum *cap. 1. v. 22. 23.* dependentiæ carnis nostræ ex carne ipsius *cap. 5. v. 30.* vitis & palmitis, *Ioh. 15. v. 1. 2. seqq.* quadamtenus adumbratur. *Artissimus* etiam, quia caro cum carne, os cum ossibus, membra cum capite, arctissimè cohærent in eodem corpore *Eph. 5. v. 30.* Sanè Christus etiam ex nostrâ carne, ex nostris ossibus est; ut qui eandem nobiscum sortitus est carnis originem, *Luc. 3. Heb. 2. v. 14.* Quoniam verò natura ipsius non est corrupta, & peccato coinquinata, sed sanctificata per Spiritum Sanctum, & nos sanctificationem ex ipso haurimus; ideo Paulus *Eph. 5. v. 30.* non dicit, Christum esse ex carne nostrâ, ex ossibus nostris, sed nos esse membra corporis ejus, ex carne ejus, & ex ossibus ejus. Nec obstat unioni huic intercapedo locorum, sive distantia cœli & terris, *1 Cor. 5. v. 6.* disteminantur; Quia unio est exsistentia corporis Christi intra corpora nostra; nec locali contactu, aut inclusione constat. Unio nostri cum Christo, ut modò dictum, est tanquam membrorum cum capite, & palmitum cum vite: Caput non est intra membra, nec vitis intra palmites, sed situ differunt, nexu autem conveniente in unum corpus copulantur.

Effecta unionis sunt, nostri vivificatio, & gubernatio. Nā Christus nobis unitus, vivificat, & gubernat nos suo Spiritu; nō minùs, quàm caput vivificat, & regit omnia membra, spiritibus vitalibus in ea diffusis, ac propagatis. *Vide Ioh. 6. v. 55. 56. 57. Eph. 4. v. 15. 16.*

QUÆST. LXXVII. Quo loco promisit Christus, se credentibus tam certò corpus & sanguinem suum sic edendum & bibendum daturum, quam fractum hunc panem edunt, & poculum hoc bibunt?

RESP. In institutione cænæ, cujus hæc sunt verba: Dominus noster Iesus Christus, eâ nocte quâ proditus est, accepit panem, & gratis actis, fregit ac dixit: Accipite, hoc est corpus meum, quod pro vobis frangitur, hoc facite in mei recordationem. Itidem & poculum, postquam cænassent, dicens: Hoc poculum est novum fœdus per meum sanguinem, hoc facite quotiescunque biberitis in mei recordationem. Quotiescunque enim ederitis panem hunc, & poculum hoc biberitis,

ritis, mortem Domini annunciate, donec venerit. Hac promissio à Paulo repetitur, cum inquit: Poculum gratiarum actionis, quo gratias agimus, nonne communio est sanguinis Christi? Panis, quem frangimus, nonne communio est corporis Christi? quoniam unus panis, unum corpus multi sumus. Nam omnes unius panis participes sumus.

E X E G E S I S.

DOctrina de cœnâ Domini hucusq; proposita, & certitudo ob-
signationis, quâ obsignatur promissio Euangelii per cœnam,
confirmatur hîc testimonio verborum institutionis, prout illa à
Paulo, quasi ex ore ipsius Domini, omniû plenissimè describitur 1.
Cor. 11. v. 23. *seqq.* In descriptione quatuor hæc distinctè conside-
randa sunt; Autor Cœnæ, Ritus, Verba mandati & promissionis, &
Finis. *Autor* cœnæ est Dominus noster Iesus Christus, ut antè di-
ctum; qui eam instituit illâ ipsâ nocte, quâ à Iudâ Iscariote, uno ex
discipulis, suis proditus fuit. Hujus circumstantiæ commemoratio
ad fidem historiæ plurimum facit: reverentiam quoque ipsi Sacra-
mento conciliat; quòd maximi momenti esse oporteat, cujus cu-
ram Christus morti proximus suscipere dignatus est.

Coena Domi-
nicæ Autor,
Christus.

Ritus,

Ritus, siye cœrēmōnia, partim circa panem, partim circa poculum
usurpatæ, sunt Panis, & vini benedictio, Panis fractio, Vini effusio,
& utriusque distributio. Nam reliquæ, quæ successu temporis irre-
pserunt; ut Panis elevatio, circumgestatio, adoratio, repositio, non
sunt ex divinâ institutione, sed ex humanâ superstitione; nec illu-
strant Sacramenti hujus dignitatem, verum multis modis obscu-
rant. *Panis & vini benedictio* est illorum consecratio in usum sacrum;
nempè significationem, & obsignationem promissionis gratiæ, 1.
Cor. 10. v. 16. 17. *Panis fractio* est ejus in frustula minora divisio; cui
in altero signo, *fusio vini* in poculum, respondet. Quem ritum non
ἀδράφορον, sed necessarium ducimus; ut qui exemplo Christi, ac
mandato nititur: *Matth. 26. v. 22. 23.* Et crucifixionem corporis ejus
nobis clarissimè adumbrat, 1. Cor. 11. v. 24. Vnde in Ecclesiâ Aposto-
licâ adeò diligenter observatus est, ut ab eo sacra cœna *fractio panis*
usitate appelletur *Act. 2. v. 42. 44. 45. & cap. 20. v. 7. 1. Cor. 10. v. 16.*
Distributio est, quâ panis & vinum omnibus & singulis communi-
cantibus distribuitur, *Matth. 26. v. 26. 27.* ut omnibus fide acci-
pientibus, corporis & sanguinis Christi beneficium sigillatim ap-
plicetur; argumento loci, *Act. 2. v. 38. 39.*

Panis & vini
benedictio.

Panis fractio
& vini effu-
sio.

Distributio
utriusque.

Verba

Verba mandati sunt; Accipite, hoc facite in mei recordationem; quibus ab Evangelistis adduntur etiam hæc, *Edite, Bibite.* Sunt autem per se plana. Accipere est manu capere, siveprehendere panem porrectum. Edere est manducare panem, dentibus comminuere, & deglutire. Bibere, ore haurire vinum è poculo. Facere in memoriam ipsius, est sumere panem & vinum in hunc finem, ut in memoriam tibi revoces mortem Christi; de quo postea. Verba promissionis sunt, *hoc est corpus meum, quod pro vobis frangitur; hoc poculum est novum fœdus per meum sanguinem;* de quorum sensu agitur quæstionibus sequentibus.

Verba mandati.

Finis sacræ Cœnæ est recordatio mortis Christi; quem Apostolus verbis suis declarat, dum ex institutione Christi κατὰ νόμον αἰσιν deducit præceptum de annunciandâ morte Domini, donec veniat, scil. ad iudicium. Est igitur *recordatio* illa tum *gratiarum actionis*, sive gratitudinis, quoad Deum, quem palam & solenniter celebramus propter beneficium mortis Christi; tum *consolationis*, quoad nos, qui hoc pacto confirmamur in fide remissionis peccatorum, propter mortem ipsius. Est præterea recordatio Christi non invisibiliter præsentis, aut in sacris symbolis latentis, sed absentis à nobis, secundum humanam naturam; sedentis verò in cœlis ad dextram patris, undè rediturus est ad iudicandum vivos & mortuos.

Finis recordatio mortis Christi.

Gratitudinis.

Consolationis

Ita habet hæc institutio; cui in textu catechetico subicitur repetitio, & declaratio promissionis, ex Paulo, I. Cor. 10. v. 16. 17. verbis diversis, sensu planè eodem, ut paulò post ostendetur.

Consideratio Catechetica Novatorum ad quæst. & resp. septuag. septimam.

Idem hic notandum est de Cœnâ Domini, quod supra quæstione LXXI. consideratione primâ de baptismo annotatum fuit.

Resp. Cum hic eadem consideratio proponatur, quæ suprà quæstione LXXI. de baptismo proposita fuit, eadem etiam responsione diluitur. Certè promissio cœnæ, & in antecedentibus, & in consequentibus perspicuè satis declarata est.

Q U Æ S T. LXXVIII. Num ergò panis & vinum fiunt ipsum corpus & sanguis Christi?

t t

R E S P.

RESP. Nequaquam: verum ut aqua baptismi in sanguinem Christi non convertitur, nec est ipsa peccatorum ablutio, sed symbolum tantum, & pignus earum rerum, quæ nobis in baptismo obsignantur; ita nec panis cæna Dominicæ est ipsum corpus Christi: quanquam pro ratione Sacramentorum, & usitatâ Spiritui Sancto de his loquendi formâ, panis Christi corpus appellatur.

E X E G G S I S.

Signa in cœna non convertuntur in corpus & sanguinem Christi.

Neque rem signatam in se continent.

Signa accipiunt nomen rei signatæ.

Phraſeologiâ Sacramentali.

Est objectio nata ex promissione cœnæ, & ejusdem repetitione apud Paulum, 1. Cor. 10. v. 16. Panis est corpus Christi; vinum est sanguis ejus. Ergo panis & vinum fiunt ipsum corpus, & sanguis Christi; id quod in Papatu *transsubstantiationem* vocant. Respondetur per negationem consequentiæ: & negatio probatur argumento à pari. Etiam aqua baptismi dicitur ablutio peccatorum, Act. 22. v. 16. nec tamen vel aqua convertitur in sanguinem Christi, vel ablutio per aquam est ipsa ablutio peccatorum; sed symbolum tantum, sive *ἀντίτυπον* ut Petrus loquitur, 1. Epist. 3. v. 21. ablutionis istius. Ergo nec panis in corpus Christi, aut vinum in sanguinem ejus convertitur. *Antecedens* demonstratum est quæstione LXXII. *Consequentia* hæc ratio est; quod Sacramentorum eadem est natura, quæ in declaratione & obsignatione rerum per signa, non in conversione signorum in res ipsas consistit. Idem argumentum, leviter immutatum, consubstantiationis quoque commentum refellit. In, Cum, Sub aquâ baptismi non est, aut latet sanguis Christi. Ergo nec In, Cum, Sub pane, & vino est corpus, & sanguis ipsius. Nimirum, quia Sacramenta non magis sunt vascula, receptacula, aut vehicula rerum signatarum, quam signa in eas convertendi vim habent.

Proinde secundo loco declarat Catechesis, quâ ratione panis, & vinum sacra cœnæ appellentur corpus, & sanguis Christi; videlicet pro ratione Sacramentorum, & usitatâ de his Spiritui Sancto loquendi formula. *Modus ille loquendi non est proprius*; quia disparatum de disparato enunciat, verum Christi corpus de vero pane: nec *substantialis*, quia hic non est sermo de substantiâ, sed de relatione; non quid sit panis suâ naturâ, sed quid sit in usu cœnæ:

neque

neque etiam *Synecdochicus*, quia non agitur de continente corporis, & sanguinis Christi, sive ubinam sint corpus & sanguis Christi; sed de usu & officio horum symbolorum. *Est* verò modus loquendi improprius, Metonymicus, & Sacramentalis. *Improprius*, quia est disparati de disparato enunciatio. *Metonymicus*, quia per metonymiam subjecti, nomen rei signatæ de signo prædicatur. *Sacramentalis* etiam; quia de Sacramentis in Scripturâ usitatus, imo usitatissimus. Sic de circumcisione affirmatur, eam esse fœdus Dei, *Gen. 17. v. 10.* Et exponitur, quod sit fœderis illius signum. & sigillum *vers. 11. & Rom. 4. v. 11.* De agno Paschali dicitur, cum esse Pesach, sive transitum Jehovæ, *Exod. 12. v. 11. 17.* & declaratur, quod sit monimentum, seu signum memoriale illius transitus *cap. 13. v. 9. 16.* De sacrificiis dicitur, quod iis expientur peccata, *Lev. 1. v. 4.* & passim: cujus tamen typi solum erant, teste Apostolo, *ad Hebræos.* Baptismo tribuitur ablutio peccatorum, *Act. 22. v. 16.* quia ἀντίτυπον est illius ablu-tionis, *1. Pet. 3. v. 21.* Nec alio sensu verba cœnæ ipse Christus interpretatur, cum addit, *Hoc facite in mei recordationem.* Paulus item, dum panem vocat communionem corporis Christi; vinum communionem sanguinis ipsius, *1. Cor. 10. v. 17.* nempe symbolicam, qualis erat omnium communicantium in uno pane. Quod si de propriâ sede tropi, sive metonymiæ Sacramentalis quærat; dicimus residere tropum non in subjecto, aut prædicato, sed in copulâ enunciationis Dominicæ. Ibi enim est tropus, ubi fit mutatio significationis. At mutatio illa nec fit in Subjecto; quia pronomen *Hoc* notat verum panem, qui frangitur in cœnâ, *1. Cor. 10. v. 16.* neque in prædicato: nam vocabulum *corporis* significat verum, ac naturale Christi corpus, datum, sive fractum pro nobis; ut habet restrictio prædicati apud Euangelistas, & Paulum. Est igitur in copulâ, quæ non ὑπαρχουσ, sed σχετῶς, & σηματικῶς accipitur, pro rei subjectæ natura; ut verbum *Est* idem hic sit, quod *significat*; Panis & vinum verò dicantur corpus & sanguis Christi, quatenus illa significant, sive quatenus signa ac symbola sunt corporis, & sanguinis ipsius.

Sedes tropi
est in copulâ.

Quæst. LXXIX. Cur ergo Christus panem appellat suum corpus, calicem verò suum sanguinem,

nem, seu novum fœdus per suum sanguinem: Paulus item panem & vinum, communionem corporis, & sanguinis Christi?

R E S P. *Christus non sine gravi causa sic loquitur: videlicet, non solum ut nos doceat, quemadmodum panis & vinum corporis vitam sustentant: sic etiam crucifixum suum corpus, & effusum suum sanguinem, verè esse anima nostra cibum ac potum, quo ad vitam aeternam nutriatur: Verum multò magis, ut hoc visibili signo, ac pignore nobis certum faciat, nos non minus verè, corporis & sanguinis sui, per operationem Spiritus Sancti participes esse, quàm sacra ista symbola in ejus memoriam ore corporis percipimus. Tum etiam, quòd ejus passio & obedientia, tam certo nostra sit, quàm si ipsimet pro nostris peccatis pœnas dedissemus, & Deo satisfecissemus.*

E X E G E S I S.

Causa Sacramentalis metonymia?

HAc quæstione requiritur, & responsione redditur ratio metonymiæ Sacramentalis. cur Christus in institutione Cœnæ, Paulus in ejusdem repetitione, & declaratione, eâ usi sint. Est autem gemina: *Vna* sumitur ex analogiâ panis, & corporis Christi; vini, & sanguinis ejus. Sicut illa nobis sunt alimentum vitæ corporalis; sic ista sunt nutrimentum vitæ spiritualis, & cœlestis. *Altera*, amplificata collatione majoris, deducitur ex certitudine obfignationis. Nam panis & vinum, in cœnâ, testatum nobis faciunt, sacrificium Christi peractum esse, & quidem in nostram salutem, tam verè, quàm verè habemus signa: imò nos pasci crucifixo corpore, & effuso sanguine Christi, tam verè, quàm verè sacra ista symbola corporis & sanguinis Christi percipimus.

*Antithesis Catechetica Socinianorum
ad quæst. & resp. septuag. nonam.*

Geminus verborum Christi sensus est; Actio frangendi, & manducandi panis hujus, est commemoratio, & adumbratio quadam ejus, quod
de

de corpore meo futurum est; & Actio fundendi, & bibendi vini, est commemoratio, & representatio quedam ejus, quod de sanguine meo fiet. Ad quem modum scriptum exstat de illo insueto agni paschalis edendi more, eum fuisse transitum Domini, Exod. 12. v. 11. 27. tum etiam de erinibus partim sectis, partim exustis, partim servatis, hoc esse Ierusalem Ezech. 5. v. 1. 2. 3. 4. 5. Falsum verò & erroneum est, quod Spiritualiter participes fiamus in cœna corporis & sanguinis Christi. Nam pugnant inter se, reapse participem esse corporis & sanguinis Christi, & Spiritualiter esse participem. Modus etiam ille participandi inexplicabilis est: Non igitur certus esse potest.

Responsio.

Verba Christi bifariam corrumpunt hæretici Sociniani. Semel dum Subjectum utriusque enunciationis ad totam Christi actionem referunt, cum tamen de pane, & vino in poculo accipiendum esse, series contextus, & Paulina interpretatio evincat 1. Cor. 10. v. 16. Iterum, dum ἀνάμνησιν Christi per illa symbola ad historicam commemorationem, & representationem restringunt exclusâ memoriâ fidei, & consolationis; & confirmatione nostri de Christi beneficiis ad nos pertinentibus Exod. 12. v. 11. 27. non ritus, aut cultus cæremonialis, sed ipse agnus *transitus* vocatur. Locus Ezechielis impertinens est, toto genere diversus à Sacramentis; qui tamen etiam diversas interpretationes habet. Porro, quæ contra spiritualement Christi ἁγιστάριον disputant, ex antè dictis, quantum satis est, redarguuntur. Si pugnant inter se, re ipsâ, & spiritualiter carnis & sanguinis Christi participem esse: jam Christus docuit pugnantia, qui dixit, carnem suam esse verè cibum, & sanguinem suum esse verè potum, quo per fidem potiamur, & pascamur ad salutem Ioh. 6. v. 55. 56. Modus participationis non simpliciter est inexplicabilis, licet explicabilis non si omnimodè. Si verò quod inexplicabile est, incertum est; jam omnia Dei mysteria erunt incerta; incerta quoque fuerit illa abyssus consiliorum Dei, quam ut imperscrutabilem, & impestigabilem Apostolus admiratur & adorat. Rom. 11. v. 33. 34.

Sociniano-
rum errores.

Exod. 12. v. 11
explicatur.

Ezech. 5. v. 1.
seqq. explica-
tur.

Spiritualis
communio
adstruitur.

QUÆST. LXXX. Quid interest inter Cœnam Domini & Missam Papisticam?

RESP. *Cæna Domini nobis testatur, nos perfectam remissionem omnium nostrorum peccatorum habere, propter unicum illud Christi sacrificium, quod ipsemet semel in cruce peregit. Tum etiam, nos per Spiritum Sanctum inseri Christo, qui jam secundum naturam suam humanam tantum in cælis est ad dextram patris, ibique vult à nobis adorari. In Missa autem negatur, vivos & mortuos habere remissionem peccatorum propter unicam Christi passionem, nisi etiamnum quotidie Christus pro ipsis, à sacrificulis offeratur. Tum etiam docetur, Christum corporaliter sub speciebus panis & vini esse, ideoque in illis adorandum esse. Atque ita ipsum Missæ fundamentum nihil aliud est, quam abnegatio unici illius sacrificii, & passionis Iesu Christi, & exsecranda idololatria.*

E X E G E S I S.

Missa.

Non est S.
Cæna.

I.

Missa ex notatione nominis idem sonat, quod dimissio: quæ vox olim ad cœnam Dominicam translata est, quod incipiente ejus communione dimitterentur Catechumeni è cœtu Ecclesiæ: secundum definitionem rei, est opus quo sacerdos per demurmurationem quinque verborum, *Hoc enim est corpus meum*, ex pane creat Christum, illumque patri offert, ut victimam, pro expiandis peccatis viventium & mortuorum. Quoniam verò Pontificii contendunt Missam suam esse ipsissimam cœnam, à Christo institutam, Catechesis facta utriusque antithesi ostendit eversionem potius Cœnæ, quàm ejus sacramentum dicendam esse. Hæc antithesis trimembris est, & trium potissimum partium. I. *Cæna Domini* testatur, nos perfectam remissionem omnium nostrorum peccatorum jam habere, propter unicum Christi sacrificium, semel in cruce peractum. Est enim Sacramentum corporis Christi, pro nobis dati, sive fracti, & sanguinis pro nobis effusi in remissionem peccatorum, *Matth. 26. v. 26. 28.* Idque secundum Scripturam, quæ docet Christum semel mortuum non amplius mori. *Rom. 6. v. 9.* sed unicâ, eâque perfectissima oblatione, consecrasset, & consummâsse in perpetuum, qui sanctificantur, *Heb. 10.*

v. 14. 22. adeoque sanguine ipsius purgari nos ab omnibus peccatis, 1. *Ioh.* 1. v. 7. ut nulla amplius condemnatio sit iis, qui sunt in Christo Jesu *Rom.* 8. v. 1. Contra *Missa* falsò persuadet hominibus, vivos & mortuos non habere remissionem peccatorum propter unicam Christi oblationem, sed consequi eam per hoc ipsum fictitium sacrificium corporis Christi, sub specie panis.

II. *Cæna* testatur, corpus Christi jam non esse his in terris; sed in cœlo. Celebratur enim ad annunciandam ejus mortem, donec venerit, id est, donec è cœlo redierit ad judicium 1. *Cor.* 11. v. 26. Insuper testatur, Christum exhibere nobis in cœnâ corpus suum manducandum, & sanguinem bibendum fide, & nos sibi inferere per Spiritum Sanctum, ut in ipso maneamus, & ipsum manentem in nobis habeamus; juxta dicta, 1. *Cor.* 10. v. 16. *Panis est communio corporis Christi Joh.* 6. v. 26. *Qui edit meam carnem, & bibit meum sanguinem, in me manet & ego in eo.* Contra *Missa* fingit, Christi Corpus sub specie panis, & sanguinem sub specie vini esse, atque ita oraliter à communicantibus percipi. III. *Cæna* docet sursum tollenda esse corda in cœlum, ubi Christus est, & ibi eum in spiritu adorandum. Vult enim prædicatione, gratiarum actione, precibus celebrari memoriam Christi, absentis à nobis secundum humanam naturam, donec redeat 1. *Cor.* 11. v. 26. Nec convellit, sed confirmat articulos fidei, & doctrinam totius Euangelii, Christum esse querendum & adorandum sursum. *Col.* 3. v. 1. *Quærite qua sursum sunt, ubi Christus est, ad dextram Dei sedens.* Contra *Missa* docet adorandum esse in elementis, five sub speciebus panis & vini, tanquam illis inclusum, vel saltem indutum. Tergeminæ huic antithesi annectitur porisma, Missam nihil aliud esse, quàm abnegationem unius illius sacrificii Christi, & execrandam idololatriam. Abnegatio illius est; quia gemina priore antithesi illud prorsus destruit ac evertit. Idololatria etiam est; propter artolatriam, & virtutem, quam ipsi sacrificio huic, per summam superstitionem affingunt.

QUÆST. LXXXI. Quibus accedendum est ad mensam Domini?

RESP. *Iis tantum, qui verè dolent, se suis peccatis Deum offendisse; confidunt autem sibi ea propter Christum remissa*

missa esse, & quas reliquas habent infirmitates, eas passione & morte illius obteatas esse; quique desiderant magis ac magis in fide, & integritate vite proficere. Hypocrita autem, & qui non verè respiscunt, damnationem sibi edunt & bibunt.

EXEGESIS.

Convivæ
Cœnz.

Digni.

Indigni.

Quid indigni
manducent.

& unde rei
fiant.

Discernunt.

Absolutâ doctrinâ de essentiâ, sive naturâ cœnæ Dominicæ, de Subjecto ejus recipiente speciatim quæritur, quod hic definitur καὶ ἀντίθεσιν: ita nimirum, ut doceatur, qualesnam accedere debeant ad mensam Domini, & quales non: Sive qui digni sint convivæ, qui indigni. *Digni convivæ* à tribus adjunctis describuntur. Eorum *primum* est Pœnitentia, seu agnitio & dolor de admisis peccatis, quibus Deum offenderunt, & Christo moriendi necessitatem attulerunt 1. Cor. 11. v. 26. 28. *Alterum* est Fides, sive fiducia remissionis peccatorum, quâ confidunt omnia peccata sua, atque etiam reliquias peccati inhærentis, sive Originalis, sibi propter Christum remissas esse. 1. Cor. 11. v. 26. *Tertium* est, nova Obedientia, quæ profectu in fide, & studio bonorum operum, tanquam effectis suis declaratur 1. Cor. 11. v. 26. 29. *Indigni convivæ* similiter notantur ex adjunctis, ceu sunt; Hypocritis & impœnitentia, quos ab usu cœnæ Catechesis dehortatur argumento ab effecto noxio, quod damnationem sibi edant ac bibant 1. Cor. 11. v. 29. Quæri solet, quid in cœnâ manducent & bibant indigni Convivæ? Respondet Apostolus, indignè manducant panem hunc, & bibunt poculum hoc, & rei fiunt corporis ac sanguinis Domini: Sive edunt & bibunt sibi damnationem. Percipiunt ergò panem & vinum; sed ad reatum, ad condemnationem. Corpus & sanguinem Christi non percipiunt. Quæ igitur causa est reatus & condemnationis ipsorum? Certè non manducatio corporis, bibitio sanguinis Christi, quæ tantum fit per fidem, & semper est salutaris. Ioh. 6. v. 53. 54. Est verò illa ipsa, quam addit Apostolus 1. Cor. 11. v. 29. *quod non discernunt corpus Domini*, hoc est, quod accedentes sine fide & pœnitentiâ, Sacramentum corporis Christi profanant, Christum ipsum, ejusque beneficia per incredulitatem respuunt.

QUÆST.

QUÆST. LXXXII. Suntne illi etiam ad hanc
cœnam admittendi, qui confessione & vitâ se in-
fideles & impios esse declarant?

RESP. *Nequaquam : nam eo pacto fœdus Dei profanatur
& ira Dei in universum cœtum concitatur. Quocirca
Ecclesia, ex præscripto Christi & Apostolorum, hos, cla-
vibus cœlorum utens, à cœnâ arcere debet, quoad resi-
puerint & mores mutaverint.*

EXEGESIS.

DICTUM de iis, qui accedere debent ad mensam Domini, qui
non. Sequitur de aliis, qui accedere volentes ab ejus com-
munionem excludendi sunt, atque adeò excommunicandi. Hi sunt
autem professi infideles, aut manifesti peccatores, qui positâ larvâ
hypocriteos, confessione & vitâ se tales declarant. *Excommuni-
catio* ipso-
rum demonstratur partim expressis testimoniis, ut est *Matt.*
7. v. 6. Gal. 1. v. 8. 9. 2. Johan. v. 10. 11. 1. Cor. v. 11. 2. Thess.
3. v. 6. 10. 14. 15. Partim *rationibus*, ab effectis noxiis, quorum
duo commemorantur : *Vnum* est profanatio fœderis. Profana-
tur fœdus Dei, dum qui non sunt fœderati ipsius, sed hostes,
mentiuntur tamen se esse : dum item, qui certò sciunt non esse
fœderatos, nihilominus tamen eos pro talibus recipiunt & agno-
scunt, utique non sinè insigni Dei contumeliâ. Fingunt enim ta-
les Deum, qui impiis se consociet, vel saltem se iis obliget pro-
missione, & Symbolis ; Contrà quam ipse Deus testatur *Psal.*
50. v. 16. 17. seqq. *Quid tibi, ut enarres statuta mea, & assumes pactum*
meum in os tuum, qui odisti disciplinam & projecisti verba mea post te.
&c. *Alterum* est, quòd ira Dei in universam Ecclesiam conci-
tatur. Nec immeritò : Nam Ecclesia connivens ad profanatio-
nem Sacramenti, & admittens quos Deus exclusos vult, se gra-
vissimæ culpæ ream facit. De quo ita Apostolus *1. Corinth. 11.*
v. 31. *Propterea multi inter vos sunt debiles & infirmi, & multi dor-*
miunt. Etenim si nos ipsos dijudicaremus, non castigaremur. *Modus* Modus ejus.
excommunicationis explicatur. I. Causâ efficiente : quæ est
vv Eccle-

Ecclesia, potestate excommunicandi infideles & impios divinitus instructa. *Matth.* 18. v. 17. II. Causâ impulsiva. Et est præscriptum Christi. *Matth.* 18. v. 17. I. *Corinth.* 5. v. 14. & Apostolorum, nominatum Pauli I. *Corinth.* 5. v. 5. 2. *Thessal.* 3. v. 6. 14. 15. III. Instrumento, quod sunt claves regni cœlorum commissæ Ecclesiæ. *Matth.* 16. v. 19. IV. Formâ: quæ est exclusio à communione corporis Christi & ejus sanguinis. I. *Cor.* 5. v. 11. 13. V. Adjunctâ duratione & fine: quoad resipuerint, & mores mutaverint. Non igitur perpetua exclusio est, omnem spem veniæ exclusis adimens: Sed quæ ad tempus usque resipiscentiæ continuatur. Finis item ejus non est interitus peccantis: sed resipiscentia, & salus. I. *Corinth.* 5. v. 5. 2. *Corinth.* 2. v. 7.

QUÆST. LXXXIII. Quid sunt claves regni cœlorum?

RESP. *Prædicatio Evangelii, & Ecclesiastica disciplina: quibus cœlum credentibus aperitur, infidelibus autem clauditur.*

EXEGESIS.

Claves regni
cœlorum.

Potestas cla-
vium.

QUoniam superiore quæstione facta est mentio clavium regni cœlorum, quæritur nunc, quidnam claves illæ sint? sive, quidnam eo nomine intelligatur? Sciendum autem, appellationem hanc desumptam esse ex sermone Christi ad Petrum *Matth.* 16. v. 19. ubi ipsi, & in personâ ipsius omnibus Ecclesiæ ministris, permittit claves regni cœlorum. Catechesis bifariam eas describit. I. Distributione partium. Sunt enim geminæ: Prædicatio Evangelii, & disciplina Ecclesiastica *Matth.* 16. v. 19. *Ioh.* 20. v. 22. 23. & *Matth.* 18. v. 18. II. Expositione finis, sive usus contrarii, circa objecta contraria: quod cœlum aperiant fidelibus, infidelibus verò claudant. *Matth.* 16. v. 19. & *cap.* 18. v. 18. Potestas igitur clavium est potestas aliquos recipiendi in regnum cœlorum, & aliquos ex eo excludendi. Hæc enim duplex potestas numero plurali *κλεῖς*, significatur. Estque appellatio Metaphorica, non propria: ab œconomis ad ministros Ecclesiæ

siæ similitudine quâdam translata. Sicut enim isti traditione clavium confirmari solent in suo munere : ita Deus in Ecclesiâ, quæ ipsius domus est, 1. *Tim.* 3. v. 15. ministros suos, veluti œconomos, 1. *Cor.* 4. v. 1. potestate solvendi, & ligandi peccatores, tanquam clavibus quibusdam auctoravit. Postremò, appellatio illa non absolutæ, sed limitatæ potestatis nota est, quæ limitatur per pœnitentiam & impœnitentiam eorum, in quos est exercenda 2. *Cor.* 2. v. 6. 7. *Matth.* 18. v. 17.

QUÆST. LXXXIV. Quo pacto aperitur & clauditur regnum cœlorum, prædicatione Evangelii?

RESP. *Cum ex mandato Christi, credentibus universis ex singulis, publicè annunciatur, omnia peccata ipsis divinitus propter meritum Christi condonari, quoties promissionem Evangelii verâ fide amplectuntur. Contrà verò omnibus infidelibus & hypocritis denunciatur, tantisper ipsis iram Dei, & æternam condemnationem incumbere, dum in suis sceleribus perseverant: secundum quod Evangelii testimonium Deus tam in præsentī, quàm in futurâ vitâ judicaturus est.*

E X E G E S I S.

Prima Clavis Oeconomix Ecclesiasticæ, quæ Evangelii prædicatione constat, declaratur ab usu & efficaciâ. *V*sus ob-
jectis distinguitur. Sunt enim ii, circa quos illa exercetur, vel fideles, vel infideles & hypocritæ. *Fidelibus* sive, universis, sive singulis, publicè annunciatur remissio peccatorum, propter meritum Christi fide apprehensum in promissione Evangelii. *Marc.* 2. vers. 3. 5. *Ioh.* 20. v. 22. 23. *Matth.* 16. v. 19. *Infidelibus* contrà, & hypocritis, publicè denunciatur, tantisper ipsis iram Dei & æternam condemnationem incumbere, dum in suis sceleribus perseverant *Matth.* 16. v. 19. *Ioh.* 20. v. 22, 23. *Efficacia* est, quòd Deus ratum esse velit hoc iudicium, tum in præsentī, tum in futuro seculo; juxta dicta, *Matth.* 16. v. 19. *Quicquid ligaveris in*
v. v. 2 *terrâ*

Prædicationis
Evangelii
V. v. 2

Efficacia.

terrâ erit ligatum in cælo, & quicquid solveris in terrâ, erit solutum in cælo. Joh. 20. v. 23. Quorum remisistis peccata, remittuntur eis; quorum retinueritis, retenta sunt. Rom. 2. v. 16. In die, quo judicabit Dominus de latebris hominum, ex Evangelio meo. Quamobrem falli non potest Ecclesia, aut ministerium ejus, ferendo sententiam absolutionis aut condemnationis quia fert eam secundum Evangelium, hoc est non absolutè, sed sub iis conditionibus, sub quibus Evangelium remissionem vel retentionem peccatorum, salutem vel condemnationem hominibus annunciat.

*Consideratio Catechetica Novatorum
ad quæst. & respons. octogesimam
quartam.*

An predicatione, omnibus per Christum cælum patere, demonstrandum sit?

I. *Videndum an perfecte satis hoc loco usus prioris clavis describatur. Prior nimirum clavis non tantum cælum fidelibus aperit, sed primus ejus usus est demonstrare januam regni cælorum per sanguinem Jesu Christi omnibus peccatoribus reclusam esse; neminem tamen ingressurum, nisi fidelis sit, & ad Deum se convertat.*

Resp. Primum usum prioris clavis, five prædicationis Evangelii hunc esse, ut demonstret, januam regni cælorum omnibus peccatoribus esse reclusam, falsum est. Id enim aliud non est, quam Deum hactenus omnibus & singulis conciliatum esse, ut de novo cum hominibus agere, ipsisque salutis reconditiones præscribere velit, quâ ratione possint si velint, servari. Quod suprà, controversiâ de morte Christi, prolixè confutavimus.

An illi claudatur regnum cælorum priusquam repudiarit Evangelium?

II. *An per clavem prædicationis Evangelii regnum cælorum ulli occludatur, priusquam illi annunciatum sit verbum conversionis, & fidei ab eoque id ipsum rejectum, ac repudiatum sit. Sin minus, annon ergo regnum cælorum quibusdam alio modo claudatur, quam per hanc clavem.*

Resp. Quibus non prædicatur Evangelium regni, illis non occluditur regnum per Evangelium; & quibus prædicatur, non antè occluditur regnum, quam Evangelium per incredulitatem rejecerint. Hæc certa sunt, & utrinque concessa. Nihilominus etiam illis, quibus non prædicatur Evangelium, regnum Dei occluditur; sed per legem, & propriæ conscientiae testimonium Roman. 2. v. 1. 15. ut Parte Primâ, de miseriâ hominis dictum est. Eò namque doctrina illa propriè pertinet, non huc.

QUÆST.

QUÆST. LXXXV. Quo pacto clauditur & aperitur regnum cœlorum per disciplinam Ecclesiasticam?

RESP. Cum ex mandato Christi ii, qui nomine quidem sunt Christiani, verùm doctrinâ aut vitâ se ostendunt à Christo alienos, postquam aliquoties fraternè admoniti, ab erroribus aut flagitiis discedere nolunt, Ecclesia indicantur, aut iis, qui ab Ecclesiâ ad eam rem sunt constituti: ac si ne horum quidem admonitioni pareant, ab iisdem interdictione Sacramentorum, ex cœtu Ecclesiæ, & ab ipso Deo ex regno Christi excluduntur; rursum, si emendationem profiteantur, & re ipsa declarent, tanquam Christi, & Ecclesiæ membra recipiuntur.

E X E G E S I S.

Altera clavis œconomix Ecclesiasticæ, quæ Disciplinâ Ecclesiæ continetur, duobus, sed contrariis actibus definitur; Occlusionem regni cœlorum, & ejusdem reclusionem, sive apertione: cujus utriusque illustre exemplum proponitur in Corinthio incestuoso 1. Cor. 5. & 2. Cor. 2. capp. Occlusio explicatur I. à causa impulsivâ, Mandato Christi: *Matth. 18. v. 17. 18. 19.* à Paulo repetito 1. Cor. 5. v. 4. 5. II. à Subjecto, quibus regnum cœlorum occludendum est. Sunt autem nomine, & professione Christiani; sed doctrinâ, 2. *Ioh. v. 10. 11.* vel vitâ 1. Cor. 5. v. 11. alieni à Christo, & qui ab erroribus, aut flagitiis suis discedere nolunt Uno verbo hæretici. *Tit. 3. v. 10.* & impii 1. Cor. 5. v. 11. III. à Formâ, quæ certis gradibus distinguitur, ut sunt; Fraternal admonitio aliquoties etiam repetita, *Matth. 18. v. 15. 16.* Reprehensio Ecclesiæ, sive presbyterii, si fraternis admonitionibus non detur locus *Matth. 18. v. 17.* Et exclusio ex cœtu Ecclesiæ, interdictione Sacramentorum publicanda, si ne Ecclesiæ quidem monitis pareatur *Matth. 18. v. 18. 1. Cor. 5. v. 13.* IV. Ab adjunctâ Efficaciâ, quæ est exclusio ex regno Christi ab ipso Deo facta *Matth. 16. v. 19.* Quæ cohæret disciplinæ, ne brutum excommunicationis fulmen censeatur. Reclusio

Disciplina
Ecclesiastica
habet regni
cœlorum

Occlusionem

Reclusionem.

verò, sive apertio regni cœlorum, declaratur, I. à Causis sine quibus non, ut sunt; Professio & demonstratio emendationis 2. Cor. 2. v. 6. 7. Illa olim dicebatur confessio; ista satisfactio, nempe propter certa pœnitentiæ exercitia, quibus Ecclesiæ pro scandalo satisfaciendum erat. II. à Formâ, quæ est publica receptio in gremium & societatem Ecclesiæ, & ad sacra ejus admissio 2. Cor. 2. v. 6. 7. quam Deus similiter ratam habet *Matth. 16. vers. 19. & cap. 18. v. 18.*

*Considerationes Catecheticae Novatorum
ad questionem, & responsionem octuagesimam quintam*

An Disciplina Ecclesiæ possit dici *Den Christelijken Ban.*

I. **C**onsiderandum hoc loco, rectène in Catechesi Belgicâ disciplina Ecclesiastica dicatur *Den Christelijken Ban* / cum excommunicatio pars tantum sit disciplina Ecclesiastica, quæ sese ad totam jurisdictionem spirituales extendit, eoque solitus excommunicationis nomine aptè nequeat exprimi.

Resp. Non malè videtur Catechesis Belgica disciplinam Ecclesiasticam, de quâ hic agitur, appellare *Den Christelijken Ban* / quia hîc non in genere, de omni disciplinâ Ecclesiasticâ, quam κατὰ χριστιανικὴν jurisdictionem vocant, sed de eâ tantum sermo est, quæ specialiori vocabulo *excommunicatio*, cujus quidem varii ac distincti sunt gradus, appellatur. Et lingua Belgica vix habet aliud vocabulûm, quo hæc pars disciplinæ Ecclesiasticæ commodius denotari possit.

Quomodo quis se à Christo alienum ostendere possit?

II. *Quomodo quis doctrinâ, aut vitâ se ostendere possit à Christo alienum; si quidem Christo verè insitus manens, ad tempus possit falsa, & fundamento vel in totum, vel ex parte repugnanti, doctrinâ adherere, & vitam gravibus sceleribus contaminare. Quomodo etiam possit quis ostendere aliis, se à Christo alienum, nisi iisdem liquidò constare faciat, se peccare pleno & deliberato voluntatis consensu, cum, ut quidam volunt, nemo sese à Christo sine hujusmodi deliberatâ voluntate alienare possit.*

Resp. Etsi fieri potest, ut aliquis, qui se aliquamdiu doctrinâ & vitâ à Christo alienum ostendit, verè tamen ipsi insitus sit, & maneat: non tamen is Christo insitus est, & manet, quatenus talem doctrinam sequitur, aut talem vitam degit; imò is ipse, quantum in eo est, se à Christo segregat, etsi Christus lingu-

singulari gratiâ eum non finat totaliter à se divelli. Et quemadmodum fieri potest, ut aliquis veræ fidei confessione, & vitæ ac conversationis externæ honestate, aliquamdiu se ostendat ut verè fidelem, qui tamen sit hypocrita: ita fieri potest, ut aliquis ad tempus in graves errores & peccata prolabor, qui tamen à Christo non planè est distractus, aut alienus. Ecclesia autem judicat secundum externa, occulta Deo relinquens: Et quando ad errores ac scelera contumacia accedit, & iteratarum admonitionum contemptus, merito statuit peccari deliberato voluntatis consensu, ac jure disciplinam sibi à Christo demandatam stringit, non quod planè de peccatore desperet, aut eum prorsus à Christo alienum judicet, sed potius, ut hanc sanctâ disciplinâ eum tantò magis percellat, & in viam revocet.

III. *Cum fieri possit ut ii qui à Deo absolute electi esse dicuntur in ejusmodi gravia peccata incidant, propter quæ ab Ecclesia excommunicari mereantur, & actu etiam aliquando separentur, quaritur, an ii etiam à Deo regno cælorum excludantur; & si sic, an non tum temporis totaliter excidisse censendi sint.*

An quos Ecclesia, eisdem Deus ex regno cælorum excludat?

Resp. Quando Ecclesia aliquem excommunicat, eum à regno cælorum excludit, non simpliciter & absque spe veniæ, sed sub hâc conditione, nisi tandem resipiscat. Excommunicatio enim, sicut quibusdam est pœna, qui scilicet nunquam resipiscunt, ideoque & ab Ecclesiâ, & à Deo ex regno cælorum excluduntur: ita aliis est salubris medicina, qui scilicet hâc tam gravi Ecclesiæ censurâ perculsi ac domiti, pœnitentiam agunt, atque hoc ipso ostendunt fidem omnem in ipsis non fuisse extinctam; sed illius etiam in gravissimo lapsu semen aliquod remansisse, quod efficaci Spiritus Sancti gratiâ, & acri illo disciplinæ Ecclesiasticæ remedio excitatum, & in lucem productum fuit.

Tertia Pars

De

GRATITUDINE.

EXEGESIS.

Superest tertia & ultima pars Catechesews, de *Gratitudine*, quæ liberationis nostræ per Christum finis est, & effectum: siquidem Deus, liberans hominem à peccato & morte, id intendit, ut acquireret sibi populum peculiarem, accensum studio bonorum operum, *Tit. 2. vers. 14.* efficeretque ut peccato mortuus, justitiæ viveret *1. Pet. 2. vers. 24.* Duo porro ad gratitudinem requiruntur, *Agnitio accepti beneficii*, quam lex veritatis imperat: & *Gratia pro eo*, opere magis, quàm sermone præstanda, quam lex justitiæ exigit. Quæ duo in explicatione hujus partis conjunguntur, cujus tria sunt membra principalia, *Primum* de necessitate gratitudinis, quæstione *LXXXVI. & LXXXVII.* *Alterum* de causa ejus procreante, quæst. *LXXXVIII. LXXXIX. & XC.* *Tertium* de partibus, quæ bonis operibus, & precatione continentur, à quæstione *XC.* usque ad finem.

*Consideratio Catechetica Novatorum
intertiam partem Catechesews,
de Graditudine.*

An sub gratitudinis nomine conversio comprehendatur?

QVandoquidem titulus tertiæ partis est de Gratitudine, sub quâ tamen conversio, totumque officium hominis, cum omnibus suis fructibus comprehenditur; queritur, an titulus iste satis conveniens sit. Gratitudo siquidem pro beneficio jam parto & acquisito præstatur: cum

conver-

conversio hominis prærequiratur ad hoc, aut beneficium ipsum obtineri possit.

Resp. Titulus iste optimè convenit doctrinæ de gratitudine, & falsum est conversionem hominis, prout hîc spectatur, præcedere beneficium redemptionis, seu justificationis. Fides, & quæ ad eam requiruntur, ceu necessariae dispositiones, præcedunt; *Rom. 8. v. 30.* Conversio, sive nova obedientia sequitur, ut gratia, vel officium pro accepto beneficio Deo debitum, & reapse præstandum.

QUÆST. LXXXVI. Cuni ab omnibus peccatis & miseriis, sine ullo nostro merito, solâ Dei misericordiâ propter Christum, liberati simus, quid est cur bona opera faciamus?

RESP. *Quia postquam nos Christus suo sanguine redemit, renovat nos quoque suo Spiritu ad imaginem sui, ut tantis beneficiis affecti, in omni vitâ nos erga Deum gratos declaremus, & ipse per nos celebretur. Deinde, ut nos quoque ex fructibus de suâ quisque fide certi simus. Postremò, ut vitâ nostrâ integritate alios Christo lucrifaciamus.*

EXEGESIS.

AD tertiam partem Catechesæ de Gratitudine, adeoque ad doctrinam de necessitate bonorum operum transitur hîc formâ occupationis, sive prolepsæ. Si non meremur bonis operibus vitam æternam, non est cur bona opera faciamus, nec ulla esse potest eorum necessitas. At non meremur bonis operibus vitam æternam: argumento à contrario, quia solâ Dei misericordiâ propter Christum liberamur, Ergò. In responsione negatur consequentia propositionis; & negationis gemina ratio exponitur. *Vna* à nexu duorum beneficiorum Christi, redemptionis, & renovationis. Christus non tantum redemit nos sanguine suo, sed etiam suo Spiritu nos renovat ad suâ imaginem. Sic enim Paulus *1 Cor. 1. v. 30.* *Factus est nobis sapientia à Deo, justitia, & sanctificatio.* Et alibi *Tit. 2. v. 14.* *Dedit semetipsum pro nobis, ut redimeret nos ab omni iniquitate, & purificaret sibi populum accensum studio bonorum*

Bonorum operum necessitas probatur.
i. q. connexa sunt redemptio, & renovatio.

operum. Et hoc adumbratum fuisse mysterio aquæ & sanguinis, ex
 arto Christi latere fluentis, Johannes nos docet 1. *Epist.* 5. v. 6.
 2. q. tendunt
 1. necessarium igitur est gratitudinis novæque obedientiæ studium;
 quia Christus æterna Patris sapientia, nihil frustra facit. *Altera*
sumitur à distinctione finium. Etsi meritum vitæ æternæ non sit
 finis bonorum operum nostrorum; possunt tamen esse fines alii:
 siquidem unius rei possunt esse plures fines; & ex negatione
 unius, non sequitur negatio cæterorum. Exponuntur igitur tres
 ad gloriam
 Dei:
 fines bonorum operum, qui objectis variant, & tum Deum, tum
 nos ipsos, tum proximum nostrum spectant. *Primus* finis est gloria
 Dei; ut pro redemptionis beneficio Deo gratos nos declaremus, &
 ipse per nos celebretur. 1. *Cor.* 6. v. 20. *Emti estis precio, glorifica-*
te igitur Deum in corpore vestro, & in spiritu vestro, qua sunt Dei.
Matth. 5. v. 16. *Sic luceat lux vestra coram hominibus, ut videant bona*
 ad confirma-
 tionem fidei:
opera vestra, glorificentque patrem vestrum, qui est in cælis. Secundus est
 certitudo fidei: Nam bona opera sunt fructus fidei, ex quibus
 quisque de suâ fide certus esse potest. *Gal.* 5. v. 6. *Fides per charita-*
tem efficax. 2. *Pet.* 1. v. 10. *Studete vocationem & electionem vestram*
 ad ædificatio-
 nem proximi.
firmam efficere, scil. per bona opera. Tertius est ædificatio proximi;
 qui per bona opera nostra ædificatur; & Christo lucrifit: quate-
 nus de doctrina, quam profitemur, ex vita nostra iudicium facit.
 1. *Pet.* 3. v. 1. 2. *Ut per conversationem, absque sermone lucrifiant, spe-*
ctantes cum timore conjunctam castam conversationem vestram.

Q U Æ S T. LXXXVIII. Non possunt igitur illi servari,
 qui ingrati, & in peccatis securè persistentes à suâ
 pravitate ad Deum non convertuntur?

R E S P. Nullo modo: Nam ut *Scriptura testatur, nec impu-*
dici, nec idololatra, nec adulteri, nec fures, nec avari,
nec ebriosi, nec conviciatores, nec raptores, hæreditatem
regni Dei consequentur.

E X E G E S I S.

E St porissima prioris Quæstionis. Cum bona opera non merean-
 tur salutem, sed sint testimonia gratitudinis, ut ibi dictum
 est; porro quæritur, num ergò etiam illi, qui destituuntur bonis
 operibus, & ingrati in peccatis suis perseverant, servari possint.
 Responsio est negativa; quæ confirmatur testimonio Apostoli,

1. *Cor.* 6.

I. Cor. 6. v. 9. 10. in textu expresso. Ratio hæc est; quia etsi bona opera non merentur salutem; necessaria tamen sunt in salvandis propter mandatum Dei, & conditionem salutis; ad quam veluti via ducunt Apoc. 21. v. 27. Mala autem opera merentur aternam condemnationem; sicut scriptum est: *Stipendium peccati mors est.* Rom. 6. v. 23.

*Consideratio Catechetica Novatorum
ad quæst. & resp. octuag. sextam,
& octuag. septimam.*

Cum quæstio LXXXVII. dicat, non posse salvari qui in peccatis secure perseverant, quaritur, an non eo ipso significetur, bona opera esse necessaria ad salutem; ac proinde etiam indicetur, hanc esse causam, cur bona opera facienda sint, ut nempe per viam contendamus in patriam, prout sæpius in Scripturis docetur; & annon quæstione LXXXVI. hæc causa expresse debuerit assignari, quippe quæ sit efficacissima ad excitandum homines ad studium bonorum operum.

An non bona opera facienda, ut per ea ceu viam, ad salutem contendamus.

Resp. Sanè significatur necessitas bonorum operum in salvandis, atque etiam ad salutem, rectè acceptâ phrasi, hoc est, ad salutem, non efficiendam aut promerendam, sed non impediendam, sive, ut ipsi declarant, quia Deus viam bonorum operum nobis præparavit, per quam ad salutem ambulando perveniamus: Ephes. 2. vers. 10. Sed si hæc necessitas significatur, utique causa impulsiva bonorum operum, quæ ducitur à præmio salutis, omiſsa non est; quæ tamen in antecedente quæstione implicite saltem continetur. Nam certitudo fidei ex operibus est etiam certitudo salutis per fidem operum. 1. Theſſ. 1. v. 3.

QUAEST. LXXXVIII. Quibus partibus constat conversio hominis ad Deum?

RESP. Mortificatione veteris, & Vivificatione novi hominis.

EXEGESIS.

QUIA dictum est, Conversionem esse necessariam in justificationis, & salvandis, agitur deinceps de conversione, & alterum illud caput gratitudinis, de causâ procreante bonorum operum

Conversio
quid hic si-
gnificet.

partes ejus.

rum tractandum suscipitur. Observandum verò, *conversionem* hîc considerari tanquam effectum regenerationis, quam inter fructus mortis Christi secundo loco commemoravit & explicavit Catechesis, supra quæstione XLIII. Siquidem in regeneratione habet se homo merè passivè : In hac conversione habet se etiam activè. Illic convertitur à Deo, & resipiscentiâ donatur; *Jer.* 31. v. 18. *Actor.* 11. v. 18. 2. *Tim.* 2. v. 25. Hîc se convertit ad Deum, *Zach.* 1. v. 3. & ex corde resipiscit *Rom.* 6. v. 17. 18. 1. *Pet.* 1. v. 22. Sicut igitur regeneratio respectu diversorum terminorum, à quo, & ad quem, duabus constat partibus, Mortificatione veteris, & Vivificatione novi hominis, *Rom.* 6. v. 11. & *cap.* 7. v. 4. *Eph.* 2. v. 4. 5. à quibus etiam antè fuit descripta : Ita soboles ejus, conversio, sive nova obedientia hominis iisdem partibus meritò hîc definitur. Etenim Scriptura mortificationem, & vivificationem etiam regeneratis tribuit, & ab ipsis in testimonium gratitudinis exigit *Eph.* 4. v. 22. 23. 24. *Coloss.* 3. v. 5. *seqq.* Præterea non modo passiones subjecti respondent actionibus causæ efficientis; sed etiam actus elicitî habitibus infusis, sive gratiis habitualibus ἀνάλογος sunt. Non mirum igitur, si denominationes quoque respondeant, & effectum univocum cum causâ univocâ nomen commune fortiatur.

QUAEST. LXXXIX. Quid est Mortificatio veteris hominis?

RESP. Verè & ex animo dolere, quod peccatis tuis Deum offenderis, eaque magis ac magis odisse, & fugere.

EXEGESIS.

Veteris ho-
minis

Mortificatio.

Vetus homo est natura corrupta, ad peccandum pronâ, & sic dicitur respectu veteris sive primi Adami, à quo nascendo trahitur *Eph.* 4. v. 22. Eodem sensu corpus peccati, *Rom.* 6. v. 6. *Col.* 2. v. 11. item corpus mortis, *Rom.* 7. v. 24. & caro, *Ioh.* 3. vers. 6. vocatur. Hujus mortificatio tribus veluti actibus explicatur. Primo, Dolore, sive contritione, ex agnitione peccati, quo Deum, benignissimum in Christo patrem, offendimus:

Psal. 51.

Pſalm. 51.v. 5.6. *Luc.* 22.v. 61. iqui eſt dolor ſecundùm Deum
2. *Cor.* 7.v. 10. *Secundo*, Odio peccati, cum illud odimus, &
deſteſtamur ex animo, *Amos.* 5.v. 15. *Roman.* 12.v. 9. exemplo
Apoſtoli *Rom.* 7.v. 15. ſeqq. *Tertio*, fugâ peccati, cum ipſum
fugimus, & omnes ejus occaſiones ſtudioſè vitamus *Amos* 5.v.
15. *Rom.* 12.v. 9. Sed hîc defectus ſuos etiam ſanctiſſimi deplo-
rant, & quæ oderunt atque averſantur, nonnunquam patrant
Rom. 7.capp. & alibi.

QUAEST. XC. Quid eſt Vivificatio novi hominis?

RESP. *Vera letitia in Deo per Chriſtum, & ſerium ac
promptum ſtudium inſtituendi vitam ex voluntate
Dei, omniaque bona opera exercendi.*

EXEGESIS.

NOVUS homo eſt natura hominis renovata, & inſtaurata ad ima-
ginem Dei, qui etiam homo interior, *Rom.* 7. verſ. 22. oc-
cultus homo cordis, 1. *Pet.* 3. verſ. 4. itemque Spiritus appellatur
Iohan. 3.v. 6. Cujus vivificatio ſimiliter tribus actibus declaratur,
qui ſuperioribus oppoſiti ſunt; videlicet *letitiâ in Deo* per Chri-
ſtum, quæ ex ſenſu gratuita remiſſionis peccatorum oritur: *Pſ.*
51.v. 10. 14. *Rom.* 5.v. 1. ſeqq. *Amore pietatis*: & ejusdem ſerio,
ac minimè ſimulato ſtudio *Rom.* 7. v. 21. 22. & cap. 6.v. 13. Hîc
tamen actus ſecundus non exprimitur, ſed ſub tertio comprehen-
ditur, tanquam cauſa ſub ſuo effectû.

Novi homi-
nis.

Vivificatio.

*Conſiderationes Catechetica Novatorum,
ad quaſt. & reſp. octuag. octavam, &
octuag. nonam, & nonageſimam.*

I. Cum hîc agatur de converſione, quatenus eſt officium homini
preſcriptum, ideoque verba illa mortificationis, & vivificationis, non tam
de actibus Dei mortificantis, & vivificantis, quàm de actibus noſtris, qui
ipſi carnem noſtram mortificamus, & in novam vitam reſurgimus, ſint
intelligenda, quaritur, an vivificatio novi hominis poſſit dici actus noſter.

An vivificatio
poſſit dici
actus noſter?

Resp. Vivificatio dici potest actus noster, non minùs quàm mortificatio; *Col.* 3. v. 5. Quia est vita illa spiritalis, quàm ad Deum conversi vivimus, ipsi in perpetuum adhærere, & placere, studio habentes, *Coloss.* 3. v. 1. 2. 3. & acti à Spiritu Sancto agimus & nos *1. Petr.* 1 v. 22. Sed quòd actus vivificationis non tam Dei, quàm noster sit, ambigüe dicitur. *Subjectivè* non tam Dei, quàm noster: imò non Dei, sed noster est. *Effectivè* autem Dei magis est, quàm noster; tum quia primà vivificatione à morte peccati, Deus vitæ spiritalis principia nobis indidit, *Eph.* 2. v. 4. 5. tum quia secundà vivificatione actus vitales in nobis ciet, & excitat. De quo sic Apostolus: *Vivo, non amplius ego, sed Christus vivit in me Gal.* 2. v. 20.

An dolor de peccatis sit pars gratitudinis.

II. *An dolere de peccatis pars sit gratitudinis, qua justificationem & remissionem peccatorum sequatur.*

Resp. Dolor duplex est: *Secundùm mundum*, qui est ex lege; & *secundùm Deum*, qui ex Evangelio oritur: *2. Cor.* 7. v. 9, 10. Ille antecedit gratitudinem, atque etiam fidem & justificationem, & fit salutaris per fidem. *Isse* fidem & justificationem sequitur, & est pars gratitudinis, efficiens *μετανοίαν*, sive mutationem in mente, voluntate, affectibus, omnibusque actionibus, à mālō ad bonum. Siquidem cagnitā ex Evangelio immensā Dei misericordiā erga nos peccatores, inimicos suos, dolore & pudore, propter ipsum peccatis nostris offensum, meritò afficimur.

An dolor iste sit pars mortificationis?

III. *An dolor iste ob peccata propriè sit pars mortificationis veteris hominis, ac non potius preparatorium quid, & mortificationem ipsam antecedens.*

Resp. Mortificatio & vivificatio dicuntur partes conversionis tantùm respectu terminorum, à quo, & ad quem, non propriè. Dolor autem nè pars quidem vocatur: sed mortificatio veteris hominis à dolore, odio, & fugā peccati, tanquam actibus quibusdam, describitur, qui tamen se habent ut causæ & effecta subordinata.

An latitia in Deo sit pars vivificationis?

IV. *An vera latitia in Deo per Christum pars sit vivificationis, an verò potius consequens, & effectum vivificantis Spiritus.*

Resp. Utrumque est, sed respectu diverso. Est pars vivificationis, quatenus est actus ad vivificationem pertinens, quo homo latatur, in Deo per Christum sibi reconciliato; *Psal.* 51. v. 10.

Esa. 57.

Esa. 57. v. 15. Est etiam consequens, & effectum Spiritus vivificantis, quia à Spiritu adoptionis in ipso excitatur *Psal. 51. v. 14.*

V. *Annon vera lætitia in Deo, qua hîc primo loco ponitur, sequatur studium faciendi voluntatem Dei, eoqueannon ipsum hoc studium lætitiã ipsam antecedit.*

Annon ea lætitia sequatur studium bonorum operum.

Resp. Sunt hæc simul tempore: Ordine naturæ, & causalitatis, præcedit lætitia, sequitur studium bonorum operum. Et enim lætitia animat homines ad studium bonorum operum: *Luc. 19. v. 6. 8.* 2 *Cor. 5. v. 14.* Et lætitia est ex justificatione; Nam iustificati fide pacem habemus, cum gaudio, & tripudio cordis *Rom. 5. v. 1. seqq.* Studium bonorum operum est ex sanctificatione *Coloss. 3. v. 1. 2. seqq. Tit. 2. v. 14.* Sed qui ordo est causarum, idem meritò censetur esse ipsorum effectuum. *Rom. 8. v. 30.* 1 *Cor. 1. v. 30.* Interim lætitia studio bonorum operum, tanquam certissimo veræ fidei documento, & vivo spei cœlestis hæreditatis testimonio, alitur, augetur, & confirmatur.

VI. *An ad plenam hominis conversionem sufficiat serium studium faciendi Dei voluntatem, & in omnibus bonis operibus vivendi, sine actuali voluntatis divine impletione.*

An studium bonorum operum sine actuali eorum præstatione ad plenam conversionem sufficiat?

Resp. Αὐτάρκτων, & stultum est fingere serium studium faciendi voluntatem Dei, absque actuali ejusdem impletione, sive præstatione. Quomodo serium est studium, quod est absque conatu, quod actu omni destituitur? Est quidem imperfecta illa impletio, & quæ actibus contrariis nonnunquam interruptitur, aliqua tamen impletio est, quam Deus propter Christum gratam habet. Sic ergo Catechesis eam non excludit, sed includit.

QUÆST. XCI. Quæ sunt bona opera?

RESP. Tantum ea, quæ ex verâ fide, secundum legem Dei fiunt, & ad ejus solius gloriam referuntur. Non ea autem, quæ à nobis, opinione recti conficta, aut ab hominibus tradita sunt.

EXEGESIS.

Quoniam quæstione antecedente dictum est, vivificationem Novi hominis consistere in studio bonorum operum, ratio methodi, atque ipsa rerum inter se connexio, ad explicandum tertium

Bona opera
quæ.

Eorum Effi-
ciens :
Fides.

Forma : Cor-
gruentia cum
Lege Dei.

Finis : Gloria
Dei.

Rejiciuntur]

bona intentio.

Humana tra-
ditio.

tium caput gratitudine, quod est *de bonis operibus*, nos deducit. Traditur verò hîc definitio bonorum operum, ut constet, quæ opera sint verè bona, & Deo placeant, eaque ex triplici causarum genere, & Efficiente, Formâ, & Fine exstruitur. *Efficiens* est vera fides, utpote per charitatem operosa *Gal. 5. v. 6. 1 Theſſal. 1. v. 3.* absque quâ Deo nec homo, nec opera ejus placere possunt, *Hebr. 11. v. 6. Rom. 14. v. 23.* Dicuntur autem bona opera esse ex fide, non solum quia fides corda nostra purificat, & in iis accendit dilectionem Dei *Act. 15. v. 9.* verum etiam, quia per eam persuasi sumus, & nos, & opera nostra, quantumvis imperfecta, Deo grata esse propter satisfactionem, & intercessionem Christi mediatoris *Heb. 11. v. 6.* *Forma* est congruentia sive conformitas cum lege Dei *Ezech. 20. v. 19. 20.* quæ partim in externo opere, partim in internâ, ac spiritali cordis obedientiâ, consistit, ac interiores animi motus & inclinationes complectitur *Matth. 15. v. 8. & cap. 22. v. 37. 38. Rom. 7. v. 14.* *Finis* est gloria Dei, ut is honore afficiatur *1 Cor. 10. v. 31. Matth. 5. v. 16.* Hunc finem conversi tum generatim intendunt, quatenus se totos, omnesque actiones suas fideli affectu Deo in solidum consecrant, tum etiam speciatim spectant : in actionibus particularibus, iisque vel immediatis, vel mediatis, Deum aut proximum concernentibus. Ita habet definitio bonorum operum ; quæ geminâ antithesi illustratur, bonæ intentionis, & humanæ traditionis. *Bona intentio* est, cum quis opinione recti, vel bono fine cultum religiosum sibi ipse fingit, qualis in Michâ, ac matre ejus notatur *Judic. 17. Humana traditio* est, cum præcepta hominum admittuntur & observantur, ut præcepta Dei, hoc est. cum persuasionem necessitatis, & cultus. Cujus generis erant traditiones seniorum *Matth. 15. & alibi.*

*Antithesis Catechetica Socinianorum
ad quæst. & resp. nonages.
primam.*

Lex Dei per Moſen tradita est quidem norma bonorum operum, sed imperfecta, quam Christus, legislator Novi Testamenti novis præceptis perfecit, tum addendo nonnulla decalogo, tum etiam nova mandata promulgando, & ſanciendo.

Resp.

Resp.
rum, u
Deut. 4.
implicat
tiale est
regulato
non ven
geret, se
risæorum
vitâ & r
tum eti
ipsimet
Dei, t
verò ex
verforu
stamen
vit: De
tò eam
Ezech.
Socini
causar
viribu
ribus
cant,
fectar
am. In
nem a
etiam
que i

Qu

RE

E

Resp. Lex Mosaica moralis sic est norma bonorum operum, ut sit norma perfecta, cui nihil addere vel demere fas est: *Deut.* 4. v. 2. Et qui normam dicit imperfectam, contradictionem implicat, & normam non normam facit, quandoquidem essentialia est normæ, sive regulæ, esse perfectum, sive adæquatum suo regulato, non longius vel brevius, latius vel angustius. Christus non venit, ut legislator, qui novis præceptis nos denuò obstringeret, sed qui legem impleret, tum vindicando à corruptelis Pharisæorum, & veram ejus mentem explicando; *Mat.* 5. v. 17. tum in vitâ & morte perfectè eam observando; *Phil.* 2. v. 8. *Rom.* 8. v. 3. tum etiam nos renovando ad imaginem Dei, ut ejus impletionem ipsimet inchoaremus. *Rom.* 6. v. 6. & *cap.* 8. v. 11. Quòd legem Dei, tanquam imperfectam, novis præceptis non perfecit, id verò ex singulorum præceptorum explicatione, & appendice universorum, liquebit. Certè si lex Dei imperfecta fuit in veteri Testamento, ex perfectâ ejus observatione sperari vita æterna nequivit: Deus verò sub conditione perfectæ observationis etiam iteratò eam promisit *Deut.* 28. v. 1. *seqq. cap.* 30. v. 19. 20. *Lev.* 18. v. 5. *Ezech.* 20. v. 11. Sed summatim comprehendamus etiam reliquos Socinianorum errores de bonis operibus, secundum ordinem causarum. In *efficiente* peccant, dum bona opera fieri dicunt ex viribus humanis, sive libero arbitrio; dum item fidem cum operibus confundunt, & ex eâ opus legale faciunt. In *materia* peccant, dum, uti jam dictum est, & legem moralem vocant imperfectam, & nova mandata comminiscuntur ad perfectam justitiam. In *forma* peccant, dum eis internam dignitatem, ac perfectionem affingunt, quâ ex sese, & propter sese, Deo placeant. In *sine* etiam peccant, quatenus ea ad acquisitionem justitiæ & vitæ, atque ita ad gloriationem hominis in se ipso, referunt.

Christus nec
novas Leges
dedit.

Nec Legem
Môis correxit.

Sociniano-
rum errores
de bonis ope-
ribus.

QUÆST. XCII. Quæ est Lex Dei?

RESP. *Locutus est Deus omnia verba hæc.*

Primum Præceptum.

EGo sum Dominus Deus tuus, qui eduxi te ex *Agypto*, domo servitutis. Non habebis Deos alienos in conspectu meo.

yy

Secun-

Secundum.

Nè sculpas tibi simulacrum, nec ullam imaginem effingas eorum, quæ aut suprâ sunt in cælo, aut infrâ in terrâ, aut in aquis sub terrâ, neque incurves te illis, neque colas ea. Ego enim sum Dominus Deus tuus, fortis, zelotes, vindicans peccata patrum in filiis, idque in tertiâ & quartâ progenie eorum, qui oderunt me: & misericordiâ utens in millesimam eorum, qui diligunt me, & observant præcepta mea.

Tertium.

Ne usurpes nomen Domini Dei tui temerè. Neque enim Dominus dimittet eum impunitum, qui nomen ejus vanè usurpaverit.

Quartum.

Memento ut diem Sabbati sanctifices. Sex diebus operaberis, & facies omne opus tuum. At septimo die Sabbatum erit Domino Deo tuo. Non facies ullum opus, nec tu, nec filius tuus, nec filia tua, nec servus tuus, nec ancilla tua, nec jumentum tuum, nec advena, qui est intra portas tuas. Nam sex diebus fecit Deus cælum, terram, maria, & quacunque in iis sunt, & requievit die septimo, ideoque benedixit diei Sabbati, & sanctificavit eum.

Quintum.

Honora patrem tuum, & matrem tuam, ut diu vivas in terra, quam tibi Dominus Deus tuus daturus est.

Sextum.

Non occides.

Septimum.

Non committes adulterium.

Octa-

Octavum.

Non furaberis.

Novum.

Non dices contra proximum tuum falsum testimoni-
um.

Decimum.

Non concupisces domum proximi tui , nec concupi-
sces uxorem proximi tui , nec servum ejus , nec ancillam , nec
bovem , nec asinum , nec quicquam eorum quæ sunt proximi
tui.

E X E G E S I S.

Forma bonorum operum est convenientia cum lege , ut antè dictum. Igitur causa eorum exemplaris est Lex Dei , quæ hâc quæstione recitatur , & sequentibus , usque ad CXVI. explica-^{Lex quid ?} tur. *Lex* Latinis dicitur à legendo , sive , quòd publicè legi , h. e. recitari , & promulgari soleat ; sive , quòd legibus deligantur quæ bona & honesta sunt , è malis & turpibus. Græcis dicitur νόμος , ἀπὸ τοῦ νέμειν , à tribuendo , quod suum cuique tribuat , & distribuat. Hebræis תּוֹרָה *thorah* à radice יָרָה *jarah* , quæ in Hiphil significat docuit , erudit , ut vel hinc sumatur descriptio legis Dei , quòd sit doctrina erudiens nòs de voluntate Dei , nostro-
que erga ipsum & proximum officio. Hæc usitatè distingui-^{& quotuplex.} tur in legem Moralem , Cæremonialem , & Judicialem. *Lex Moralis* , ἠθικὴ , agit de moribus , sive de officiis perpetuis erga Deum , & proximum. *Cæremonialis* , ἱερατικὴ , est de cæremoniis , sive ritibus in veteris Testamenti Ecclesiâ , circa sacra observatis. *Judicialis* , seu forensis , πολιτικὴ , est de gubernatione civili populi Judaici. Est igitur divisio è subjectis , h. e. à diversi generis rebus petita , de quibus leges divinæ , latæ per Mosen , distinctè præcipiunt.

Catechesis missis legibus Cæremonialibus , & judicialibus , fo-
las

Decalogi.

lās morales exsequitur, nec eas quidem universè, verum prout *κατὰ ἄνθρωπον* proponuntur in *Decalogo*, qui legis Dei notione synecdochicè in ipsā quæstione intelligitur. Porro in Decalogo tria notanda sunt. Præfatio in legem: Præcepta legis: & præceptorum sanctio.

Præfatio.

Præfatio duplex est; *Vna* Moſis: *Locutus est Deus omnia verba hæc*, scil. per angelos, *Act. 7. v. 53. Gal. 3. v. 19.* è monte Sinai: *Exod. 19. 20. capp.* Quā se non sua, aut hominis alicujus, sed ipsius Dei verba referre testatur. *Altera* est Dei loquentis de se in primā personā: *Ego sum Jehova Deus tuus.* Cujus scopus est, legi Decalogi conciliare auctoritatem, ejusque obedientiam populo suadere. *Argumenta* suasionis tria sunt: I. Ab imperandi jure, ac potestate, quam habeat in omnes, ut Jehova creator, & conservator omnium. II. A promissione Gratia, quòd sit Deus populi sui, scēdere ipsi peculiariter junctus. III. A commemoratione maximi beneficii, recens tum in populum collati, videlicet liberationis ex Ægypto, quod beneficium erat typus liberationis spiritualis ex inferno.

Præcepta.
Sanctio.

Præcepta ordine in Catechesi explicantur.

Sanctio verò præceptorum alicubi additur, alicubi omittitur, brevitatis causā; de quā suo loco.

Q U Æ S T. X C I I I. Quomodo dividuntur hæc præcepta?

R E S P. *In duas tabulas, quarum prior quatuor præceptis tradit, quo pacto nos erga Deum geramus: Posterior sex præceptis, quæ officia proximo debeamus.*

E X E G E S I S.

Decalogi
partitio.

R Ecitato Decalogo, partitione ejus subjicitur, non in decem præcepta, quæ synecdochicè *decem verba* appellantur, *Exod. 34. v. 28. Deut. 4. v. 13. & cap. 10. v. 4.* & ante commemorata sunt: Sed in duas tabulas, tum quia lex Decalogi duabus tabulis fuit inscripta: *Exod. 21. v. 18. & cap. 34. v. 1. 4. 28.* Quemadmodum etiam alii legislatores tabulis inscriptas leges suas proposuerunt: tum quia

quia duobus summis generibus, sive capitibus, de dilectione Dei & proximi, tota lex continetur *Deut* 6.v.5. *Lev* 19.v.18. *Matth* 22.v.37. *seqq.* Prima tabula quatuor præceptis officia erga Deum præscribit. Secunda tabula sex præceptis definit officia erga proximum. In quam partitionem peccant, qui, secundum præceptum confundentes cum primo, & decimum in duo distrahentes, primæ tabulæ tria solum præcepta, secundæ septem assignant, ut alibi ostendimus.

Præter partitionem Decalogi etiam regulæ tenendæ sunt, quibus Catechesis in singulorum penè præceptorum explicatione utitur. Regulæ circa explicationem Decalogi observandæ

I. Præcepta Decalogi non tam externam dictorum factorumque, quàm internam, mentis, voluntatis, affectuum, eamque perfectissimam obedientiam, requirunt *Matth* 22, v. 37. *seqq.* & *cap* 5. v. 17. *seqq.* *1. Tim* 1. v. 5.

II. Ex affirmato præcepto negatum, & vicissim; item è prohibito effectu prohibitio causæ, & vicissim, intelligenda est. *Matth* 5.v. 17. *seqq.*

III. Quæ in præceptis Decalogi generaliter interdicuntur, vel præcipiuntur, ea specialiter sunt declaranda, & in species vel partes deducenda.

QUÆST. XCIV. Quid postulat Deus in primo præcepto?

RESP. *Vt quàm mihi chara est salus animæ meæ, tam studiosè vitæ & fugiam omnem idololatriam, magiam, incantationem, superstitionem, invocationem sanctorum, aut caterarum creaturarum: unicum autem & verum Deum rectè agnoscam, ipsi soli fidam, summâ humilitate, & patientiâ me illi subijciam, ab eo solo omnia bona expectem, denique intimo cordis affectu ipsum amem, reveream, venerem, adeò ut omnibus potius creaturis renunciem, quàm ut vel minimum contra ejus voluntatem committam.*

EXEGESIS.

- Primo prace- *Primum præceptum* declaratur enumeratione peccatorum, quæ
pro eo vetantur; & bonorum operum, quæ contrà mandantur.
Vetantur
Idololatria. *Peccata* enumerantur quinque. *Idololatria*, quæ quæstione se-
quente speciatim definitur: & propriè est, cum colitur pro Deo
Magia. quod Deus non est *Psal.* 81. v. 9. 10. *1. Cor.* 8. v. 4. *Magia*, quæ est
pactum cum Diabolo, ut per illum, quod quis velit efficiat, sive
ad suam commoditatem, sive ad perniciem aliorum *Act.* 8.
Incantatio. v. 9. *Deut.* 18. v. 10. *seqq.* *Incantatio* est species magiæ, quâ certo-
rum verborum pronuntiatio, aut rituum usurpatione, incan-
tator ex promisso Diaboli, quod intendit assequiur *1. Sam.* 28.
Superstitio. *Deut.* 18. v. 10. *seqq.* *Superstitio* est falsa opinio de rerum naturalium
Invocatio efficaciam. *Deut.* 18. v. 10. *seqq.* *Invocatio sanctorum*, puta angelorum,
Sanctorum. vel hominum, & aliarum creaturarum, est religiosa ipsorum ado-
ratio, vel saltem nimia nostri coram ipsis humiliatio *Deut.* 4. v. 15.
19. *Matth.* 14. v. 10. *Apoc.* 19. v. 20. *Act.* 10. v. 25.
Mandantur *Bona opera* octo ordine recensentur; *Agnitio Dei*, quâ ita de
Agnitio Dei. Deo, ejus naturâ, ac voluntate sentimus, prout se verbo & ope-
Fiducia. ribus nobis patefecit *Jer.* 9. v. 24. *Iob.* 17. v. 3. *Fiducia*, quâ assen-
timur omni verbo Dei nobis tradito, inprimis autem promissioni
gratiæ, per & propter Christum, toto corde in eâ acquiescentes
Humilitas. *2. Chron.* 20. v. 20. *Jer.* 17. v. 5. 7. *Hebr.* 11. *per totum.* *Humilitas*, quâ
omnia bona nostra soli Deo accepta ferimus, & ex agnitione sum-
mæ majestatis ipsius, & infirmitatis ac indigentia nostræ, nos to-
tos Deo subjicimus *Gen.* 18. v. 27. & *cap.* 32. v. 10. *2. Sam.* 7. v. 19.
Patientia. *Rom.* 11. v. 33. *Patientia*, quæ est virtus, quâ sine murmure & fre-
mitu Deo obeditur, in perferendis malis, quæ ipse nobis immit-
Spes. tit *2. Sam.* 16. v. 10. *seqq.* *Iob.* 1. v. 21. *Heb.* 10. v. 36. *Spes*, quæ est
expectatio certa vitæ æternæ, propter Christum gratis dandæ, &
mitigationis præsentium malorum, & liberationis ab illis, juxta
Dilectio Dei consilium & voluntatem Dei *Psal.* 37. v. 5. *1. Pet.* 1. v. 13. *Dilectio*
Dei, quâ ex consideratione bonitatis ipsius, & beneficiorum in
nos tum collatorum, tum conferendorum, ipsum amamus, & con-
stanter ei adhæremus *Matt.* 22. v. 37. 38. *Luc.* 14. v. 26. *Reveren-*
Timor Dei. tia, sive timor Dei, cum quis timet, ne Deum offendant, idque non
tam metu poenarum, quàm ipsius amore, ac observantia *Deut.* 6.
v. 13.

v.13. Gen.39.v.9. Exod.1.v.17. *Veneratio Dei*, quæ est sincerus Dei cultus, ac religiosa observatio mandatorum ipsius, adeò, ut omnibus potius creaturis renuncies, quàm ut vel minimum contra ejus voluntatem committas *Matth.10.v.27.28. Act.5.v.29.*

Veneratio
Dei.

Sanctio, quâ harum virtutum studium, & fuga vitiorum, suadet, comminatoria est, ab effectu noxio, hoc est, dispendio salutis animæ, deducta; expressa verò ex verbis postremis præcepti primi, *Coram facie meâ* lis siquidem non solum rei indignitas, cum Deo inspectante novum numen erigitur in cordibus: sed etiam periculum exaggeratur, quòd Deus Zelotes multò graviùs vindicaturus sit hanc læsæ majestatis suæ injuriam, quàm maritus Zelotypus vindicare potest adulterium uxoris, se præsentem, aut intervenientem, admissum.

Sanctio.

*Consideratio Catechetica Novatorum
ad quæst. & resp. nonagesimam
quartam.*

Annon hic etiam agendum fuerit de procæmio legis, utpote quod continet fundamentum omnium præceptorum, ideoque ad omnia præcepta pertinet.

Annon de
præfatione
Legis agen-
dum fuerit?

Resp. Procæmium legis, quæstione antecedente recitatum, in explicatione Decalogi omittitur brevitas causâ, maximè quod argumenta suaforia, quibus constat, supra diversis locis declarata fuerint.

QUÆST. XCV. Quid est idololatria?

RESP. Est loco unius Dei, aut præter unum illum, & verum Deum, qui se in suo verbo patefecit, aliud quippiam fingere, aut habere, in quo spem reponas.

EXEGESIS.

Idololatria duplex est: Vna interna cordis, cultum Dei internum corrumpens; Altera externa corporis, cultum externum depravans. Prior primò legis præcepto damnatur, & hic peculiariter descri-

Idololatria
quid.

describitur, non solum quòd fons & caput sit reliquorum vitiorum omnium; verum etiam propter Pontificios, qui nimis angustè eam concipere & interpretari solent. Descriptio sumitur I. Ex objectis, per distributionem. Aut enim loco veri Dei Deus alienus, sive extraneus, *Psal.* 81. v. 10. qui naturâ non est Deus, *Gal.* 4. v. 8. habetur pro Deo; *Ier.* 2. v. 11. vel honos soli vero Deo debitus, creaturis, æquali vel inæquali participatione, transcribitur *Esa.* 42. v. 8. *Matth.* 4. v. 10. Illo modo gentiles, isto Pontificii idololatræ sunt. II. A Formâ, quæ est fiduciam in talibus rebus reponere, ac proinde eas veluti Deum colere *Rom.* 1. v. 23. 25. Exemplum fiduciæ est avaritia *Eph.* 5. v. 5. exemplum cultus extat. *Phil.* 3. v. 19. Quorum Deus venter est, &c.

*Antithesis Catechetica Socinianorum
ad quæst. & resp. nonagesimam
quintam.*

Primo præcepto Decalogi duo addidit Dominus: Iesus primum est, quòd nobis certam orandi rationem præscripsit, quæ oratione Dominicâ continetur. Alterum est, quòd etiam Dominum Iesum pro Deo agnoscere tenemur, hoc est, pro eo, qui in nos potestatem habet divinam, & cui nos divinum exhibere honorem, inprimis religiosa adorationis, obstricti sumus. Nec tamen hoc pacto, vel præceptum Dei de non habendis Diis alienis immutatur, vel etiam Christus honore adorationis Deo exaquatur. Nam cum ante Christum immediatè solum Deus colebatur, sub eo etiam mediatè colitur. Et Christus non est Deus alienus, vero Deo oppositus, sed in eo ipso cultu, qui ipsi exhibetur, ei subordinatus: Subordinata autem non pugnare notissimum est. Similiter manet honoris discriminè: Nam adoramus & colimus Deum, tanquam causam primam salutis nostræ; Christum tanquam secundam, aut, ut cum Paulo loquamur, Deum tanquam eum ex quo omnia, Christum ut eum, per quem omnia.

Responsio.

Additamentum i. præcepti non est oratio Dominica.

Neque orationem Dominicam, neque adorationem Christi pro additamento primi præcepti habemus. Non illam: Quatenus enim ad cordis adorationem refertur, non est nova cultus interni spe-

species, ignorata fidelibus Veteris Testamenti; sed nova solum formula rerum à Deo petendarum, ad ipsius gloriam, & nostram temporariam ac æternam salutem perscripta: quas ipsas res Veteres aliis atque aliis precum formulis petiverunt, ac impetrarunt; ut vel ex uno Psalmorum libro est evidens. Nec *istam*: nec adoratio Christi.
quia cultus & adoratio Christi etiam in Vetere Testamento hoc præcepto fuit sancitus. Is enim colendus & adorandus præcipitur, qui est Jehova, Deus noster, & Israëlitas ex Ægypto, nos cum eis ex inferno educit. Atqui Christus est Jehova iustitia nostra: *Ier. 23. v. 6.* Jehova Deus noster, quem expectamus: *Esa. 25. vers. 9.* Est is qui Israëlitas eduxit ex Ægypto, *1. Cor. 10. vers. 9.* & nos unà cum ipsis eduxit ex inferno *Heb. 2. v. 14. 15. 1. Cor. 15. v. 55. 57.* Ergò. Fundamentum igitur religiosæ adorationis Christi est Deitas ipsius, quòd est Deus benedictus in secula: *Rom. 9. v. 5.* Non divina potestas, aut majestas, absque verâ Deitate. Scriptum est enim, *Dominum Deum tuum adorabis, & ei soli servies* Matth. 4. v. 10. Discrimen adorationis Dei in Veteri & Novo Testamento, & honoris inter Patrem, & Filium, commentitium est. In Veteri Testamento Pater non minus adoratus est cum Filio, & in nomine ipsius, *Esa. 6. v. 2. seqq. Dan. 9. v. 17.* quàm in Novo Testamento. Subordinatio adorationis gradu differens, vel ideò locum habere nequit, quòd ipsa adoratio est honos soli Deo conveniens, *Matth. 4. v. 10.* omnibus creaturis incommunicabilis *Esa. 42. vers. 8.* Christum igitur vel non adorari, vel Deum esse oportet. Nec est cur Deum subordinatum vocent. Etiam subordinatus Deus est alienus Deus; cum præter unum illum ac verum Deum, nec sit nec esse possit alius *Esa. 45. v. 21.* Præterea, subordinatus subordinanti non est æqualis essentiâ & gloriâ, nec est unum cum eo. Christus verò est Patri æqualis essentiâ, & gloriâ, *Ioh. 5. v. 17. seqq.* & est unum cum Deo *cap. 10. vers. 30.* Non igitur vel Deus est subordinatus vel subordinatâ adoratione colitur. Postremò, non tantum per & propter Christum salvamur, sed ipse nos salvat: *Matth. 1. vers. 21.* Ipse est Jehova rex noster, qui servabit nos *Esa. 33. vers. 28.* Est ergò etiam prima causa salutis, non minus, quàm Pater.

Cur Christus adorandus.

QUÆST. XCVI. Quid postulat secundum præceptum?

RESP. Nè Deum ullâ imagine aut figurâ exprimamus, nè-
ve ullâ aliâ ratione eum colamus, quàm quâ se in verbo
suo coli præcepit.

EXEGESIS.

Præcept.
2. verat.
exprimere
Deum imagi-
ne.

imagines ve-
nerari.

HUJUS præcepti explicatio duabus constat partibus. *Prima*
est, nè Deum ullâ imagine aut figurâ exprimamus, sive cœle-
stium, sive terrestrium, sive subterraneorum, ut est *Exod.* 20. v.
4. 5. 6. *Deuter.* 4. v. 12. *seqq.* & *capp.* 5. v. 7. 8. 9. nimirum, quia non
modò nulla Dei loquentis imago visa fuit, *Deut.* 4. v. 12. *seqq.* ve-
rum etiam, quia infinita & incomprehensibilis est ejus majestas
Esa. 40. v. 18. Quam qui ullâ similitudine repræsentare conantur,
ii Deum summâ contumeliâ afficiunt *Rom.* 1. v. 23. *Altera* est, nè
ullis imaginibus nos incurvemus, religionis & honoris causâ,
sive honos ille ipsis tribuatur, ut Diis, *1 Reg.* 17. 18. *capp.* sive ut
simulacris Dei, *Exod.* 32. *1 Reg.* 12. sive etiam ad eas solum exer-
ceatur *Lev.* 26. v. 1. Deum verò eâ ratione, iisque ritibus cola-
mus, quibus se in verbo suo coli præcepit *Deut.* 12. v. 32. *Ezech.*
20. v. 19. 20.

Sanctio.

Sanctio præcepti, quæ hîc omittitur brevitatî gratiâ, *commina-
tionem*, & *promissionem* continet. *Illâ* idololatriæ denunciât certissi-
mam & gravissimam pœnam, etiam in posteros ipsorum justo
Dei judicio propagandam. *Hac* sinceris Dei cultoribus miseri-
cordiam ipsius, in millesimam usque generationem continuandam,
pollicetur.

Consideratio Catechetica Novatorum ad quæst. & resp. nonagesimam sextam.

Annon etiam
sanctio fuerit
explicanda?

An non malè in explicatione secundi præcepti omiſſa sit explicatio
rationis, quâ præceptum à Deo confirmatur, cum videri possit non immeri-
tò, haud minus, quàm præceptum ipsum, explicatione indigere.

Resp.

Resp. Ex generalibus promissis & minis, speciales hujus præcepti facillè intelliguntur. Quæ autem de pœnis posterorum, propter parentum delicta iis infligendis, dicuntur *ibidem*, institutionis puerilis modum excedunt, & in commentariis Catecheticis prolixè explicari solent.

*Antithesis Catechetica Socinianorum
ad quæst. & resp. nonages.
sextam.*

Secundo præcepto additum est in Novo fœdere, ut non solum imagines non adoremus, verum etiam easdem prorsus fugiamus, ut est 1 Joh. 5. v. 21. & 1 Cor. 10. v. 14.

Responsio.

Illud verò etiam frequentius præceptum, & si negligetur ^{Idola etiam in V. T. fugienda fuerunt.} ~~severius~~ punitum fuisse legimus, in Veteri, quàm in Novo Testamento. Imò quæ eâ de re in Novo Testamento exstant, repetita sunt ex Vetere, ut apparet leges illas nobis Christianis non minus, quàm olim Iudæis, positas esse.

QUÆST. XCVII. An nullæ ergò prorsus fingendæ sunt imagines, aut simulacra?

RESP. *Deus nec nullâ ratione effingi debet, nec potest. Creaturas autem etsi exprimere quidem licet, vetat tamen Deus earum imagines fingi, aut haberi, quò vel ipsas, vel Deum per ipsas colamus, aut honoremus.*

EXEGESIS.

Cohæret hæc quæstio, vel potius nascitur, ex parte prioris præcepti secundi: Cum Deus prohibeat imagines & simulacra: An ergò omnes imagines sint illicitæ. Respondetur negativè, adhibita distinctione inter imagines illicitas & licitas. *Illicitæ* ^{Imagines illicitæ.} sunt omnes Dei imagines. Ratio additur, quia Deus nec debet effingi; ut qui illud severissimè vetuit *Dent. 4. v. 12 seqq.* nec potest effingi, cum spiritualis & infinitæ sit essentiæ *Ioh. 4. v. 24. Esa. 40.*

Licitæ.

v.18. *Licitæ* autem sunt imagines creaturarum, maximè corporarum, quæ & possunt effingi, cum certâ quantitate, figurâ, colore, & habitu præditæ sint : & debent effingi, tum quia ars sculptoria & pictoria inter dona Dei numerantur : *Exod.* 31. v. 3. 6. & *cap.* 35. v. 36. tum quia illustria sunt documenta imaginis Dei in homine reliquæ ; tum etiam, quia in vitâ civili multiplicem, eumque insignem, usum habent. Interim etiam tales imagines, quæ per se licitæ sunt, per accidens fiunt illicitæ ; 2 *Reg.* 18. v. 3. 4. quatenus vel ipsæ coluntur ut Dii, *Psal.* 97. *vers.* 7. vel Deus per ipsas, aut ad ipsas, colitur *Exod.* 32. 1 *Reg.* 12. *Levit.* 26. *vers.* 1.

QUÆST. XCVIII An autem in templis imagines tolerari non possunt, quæ pro libris sunt imperitæ multitudini ?

RESP. *Minimè : neque enim decet nos, sapientiores esse Deo, qui suam Ecclesiam non mutis simulacris, sed vivâ prædicatione verbi sui, vult erudiri.*

E X E G E S I S.

Imagines non
tolerandæ in
templis.

EST *objectio* Pontificiorum, nec illorum tantum, sed etiam aliorum, qui concedunt quidem, imagines Dei, Christi, & Sanctorum, non esse adorandas ; contendunt verò esse retinendas in templis, *tanquam libros* laicorum, prout eas appellavit Gregorius Magnus. In formâ ita habet. Imagines Dei, Christi, & Sanctorum, pro libris sunt imperitæ multitudini. Igitur in templis tolerari possunt. *Responsio* constat inficiatione consequentiæ, & ejus ratione ; quòd nempe in constituendâ Ecclesiâ acquiescendum sit ordini divinitus sancito, non autem ex consilio & opinione hominum aliquid innovandum. *Deut.* 12. v. 32. *Matth.* 15. v. 9. Deus verò Ecclesiam suam non per muta simulacra, sed per vivam prædicationem verbi sui, vult erudiri : *Luc.* 16. v. 29. 2 *Pet.* 3. v. 16. 17. Nec per intuitum simulacrorum, sed per auditum verbi, ad fidem nobis ingenerandam est efficax *Rom.* 10. v. 14. *seqq.* *Gal.* 3. v. 2. 5. Præterea etiam antecedens falsum est. Muta illa simulacra non sunt libri Laicorum, sed sunt doctrina vanitatis, *Ier.* 10. v. 8. doctores falsitatis, sive mendacii *Habac.* 2. v. 18. partim quia falsum de

non sunt libri
Laicorum.

de Deo significant, & alium repræsentant quàm reverà est, Rom. I. v. 23. partim quia falsum Dei cultum docent, & ad idololatriam seducunt.

QUÆST. XCIX. Quid sancit Deus in tertio præcepto?

RESP. *Ut non solum exsecrando, aut pejerando, verum etiam temere jurando, nomen Dei contumeliosè, aut irreverenter nè usurpemus; nè è tacendo, aut connivendo, horrendis istis sceleribus communicemus: sed sacrosancto Dei nomine, non nisi summâ cum religione & veneratione utamur, ut verâ & constanti confessione, invocatione, omnibus denique verbis & actionibus nostris, ipse celebretur.*

EXEGESIS.

Tertii præcepti explicatio constat enumeratione, tum vitiorum ^{Præcept.} quæ interdiciuntur, tum virtutum, sive bonorum operum, quæ præcipiuntur.

Vitia sunt ista: Execratio, sive blasphemia, quâ læditur majestas nominis divini: Lev. 24.v. 11. sub quâ tamen etiam Imprecatio adversum nos, Matth. 26.v. 74. aut alios, 2 Sam. 16.v. 8. Exod. 21.v. 17. comprehenditur. Perjurium, quo quis falsò jurat Lev. 19.v. 12. Jer. 5.v. 2. Zach. 5.v. 4. Iuramentum temerarium, temere absque ullâ necessitate usurpatum: Matth. 5.v. 34. Jac. 5.v. 12. Et silentium, hoc est, tacita approbatio, aut dissimulatio blasphemiarum proximi; de quâ exstat peculiaris lex Lev. 5.v. 1.

Virtutes sunt hæ: Religiosus, & cum veneratione conjunctus nominis divini usus I Pet. 4.v. 11. Confessio veræ religionis, de quâ Christus Matth. 10.v. 32. Invocatio, quæ ore, sive externo sermone fit I Tim. 2.v. 1. 2. 8. 9. Psal. 30.v. 15. Laudatio Dei, sive gratiarum actio, Coloss. 3.v. 16. inprimis pro beneficiis ipsius. Eph. 5.v. 19. 20. Et denique Vita honesta, digna Evangelio, ne nomen Dei propter nos blasphemetur Rom. 2.v. 24. I Tim. 6.v. 1.

Antithesis Catechetica Socinianorum

ad quæst. & resp. nonag. nonam.

Huic præcepto additum est. I. Quòd non solum Deum, verum etiam Dominum Iesum, in testimonium vocare possimus, ut qui corda & renes scrutatur Apoc. 2. v. 23. II. Quòd nobis non solum pejerare non liceat, verum etiam ne in veris quidem jurare, nisi longè gravissimis de causis: & cum magno Dei metu, absque omni temeritate.

Responsio.

Iuramentum
in nomine
Christi con-
ceptum,

& interdictū
vani juramen-
ti non sunt
novæ addi-
tiones Legis.

Cum Christo competat religiosa adoratio, ut vero Deo, coessentialis, & coequali patri, quòd supra evicimus, non potest non eidem, ut Deo, convenire iuramentum, quod est species adorationis, sive invocationis. Et *καρδισγνωσία* est opus solius Dei. Quando igitur Christum vocamus in testem, tanquam *καρδισγνωσία*, ut Deum invocamus: quod non minus fecerunt fideles Veteris Testamenti. Præterea iuramentum vanum, temerarium, lege Moïsi disertè interdicitur Exod. 20. v. 7. *Non sumes nomen Iehova Dei tui ad vanitatem*, vel cum vanitate. Neutrum igitur pro additamento huius præcepti censeri debet.

QUÆST. C. Est ne igitur adeò grave peccatum, iurando, aut dira imprecando nomen Dei temerare, ut Deus etiam is succenseat, qui, quantum in se est, illud non prohibent aut impediunt?

Certe gravissimum. Neque enim ullum est peccatum majus, aut quod Deum gravius offendar, quam sacri ipsius nominis contumelia. Quocirca etiam id scelus morte mulctari voluit.

EXEGESIS.

Gravitas, seu magnitudo peccati blasphemiae illustratur collatione imparium, per comparisonem cum aliis peccatis, tanquam minoribus, utpote quod Deum gravissimè omnium offendit, & gloriæ ipsius directè repugnat. Demonstratur autem testimonio iudicii Dei, qui blasphemiam supplicio capitis dignam pronunciavit Lev. 24. v. 15. *seqq.*

QUÆST.

QUÆST. CI. Potestne quis etiam piè per nomen Dei jurare?

RESP. *Potest, cum vel magistratus id exigat, vel alioqui necessitas, hoc pacto firmari & veritatem stabiliri, postulat: quo & gloria Dei illustretur, & aliorum saluti consulatur. Nam ejus generis jusjurandum verbo Dei sancitur, ideoque etiam à sanctis in Veteri, & Novo fœdere rectè est usurpatum.*

E X E G E S I S.

DEmonstratur contra Anabaptistas non omne juramentum esse vetitum, & duo genera licitorum juramentorum indicantur, ex causis impulsivis diversis: *Vnum*, quod exigit magistratus *Exod. 22. v. 11. Esdræ 10. v. 5.* *Alterum*, quod ipsa necessitas postulat, quæ duplex est, è fine duplici, videlicet illustratione gloriæ Dei, & salute ac tranquillitate proximi *Heb. 6. v. 16.* *Argumenta* & quare. etiam demonstrationis duo sunt, quorum *primum* sumitur à testimonio divino immediato, qui juramentum religiosè usurpandum præcepit *Deut. 6. v. 13. & cap. 10. v. 20.* *Posterius* sumitur ab exemplis laudatis sanctorum in utroque Testamento. In *Veteri*; Abrahami, *Gen. 21. v. 24.* Isaaci, *cap. 26. v. 31.* Jacobi, *cap. 31. v. 53.* Principum populi Israëliti, *Ios. 9. v. 13.* Davidis, *1 Sam. 24. v. 23. & 2 Sam. 3. v. 35. 1. Reg. 1. v. 29.* In *Novo*; Apostoli Pauli, *Rom. 9. v. 1. 2 Cor. 1. v. 23.* imò ipsius Christi *Ioh. 16. v. 23.*

QUÆST. CII. Est ne licitum jurare per Sanctos, aut alias creaturas?

RESP. *Non: Nam legitimum juramentum est invocatio Dei, quâ petitur, ut is tanquam unicus cordium inspettor, testimonium det veritati, & jurantem puniat, si sciens fallat. Porrò hic honos nulli creaturæ convenit.*

E X E G E S I S.

Non esse licitum jurare per Sanctos, aut alias quascunque creaturas, probatur à juramenti definitione. Qui legitime jurat, invocatur Deum, ut ipse, tanquam unicus cordium inspector, testimonium det veritati, & jurantem puniat, si sciens fallat: Sic enim Paulus juramentum definit 2 Cor. 1. v. 23. At honor invocationis, καρδογνωσίας, & omnipotentiae ad vindicandum perjurium, nec sanctis, nec ullis omnino creaturis, sed soli Deo convenit Matth. 4. v. 10. 1. Reg. 8. v. 39. Gen. 17. v. 1. Deut. 32. v. 35. Ergo nec per sanctos, nec per ullas omnino creaturas, sed per solum Deum legitime juratur. *Genus* in hac definitione est invocatio. *Differentia* ab attributis, omniscientiae, & omnipotentiae, nec non ab horum attributorum effectis, deducitur.

QUÆST. CIII. Quid præcipit Deus in quarto præcepto?

RESP. Primum, ut ministerium Evangelii, & Schola conserventur: utque ego, cum aliis, tum præcipue festis diebus, studiosè cætus divinos frequentem, verbum Dei diligenter audiam, utar Sacramentis, precibus publicis meas quoque preces adjungam, pro facultatibus aliquid conferam in pauperes. Deinde, ut in omni vitâ à pravis actionibus vacem, Domino concedens, ut per Spiritum Sanctum in me suum opus faciat, atque ita sempiternum illud Sabbatum in hac vitâ exordiar.

E X E G E S I S.

Tria antecedentia præcepta simplicia, & moralia fuerunt; Quartum hoc est mixti generis, ex morali, & cæremoniali; nec simplicis, sed duplicis, sive gemini sensus, literalis, & mystici, quorum ille ad Sanctificationem Sabbati externi, iste ad sanctificationem Sabbati interni, pertinet. Sanctificatio Sabbati externi sex virtutibus absolvitur; quarum prima est propria magistratus, reliquæ omnibus communes sunt. Hoc autem ordine enumerantur: Conservatio ministerii Ecclesiastici Esa. 49. v. 23. 1. Cor. 9. v. 14.

Sanctificatio
Sabbati
externi.

&

& Scholarum ei subservientium, quæ sunt veluti seminaria ministerii, imò totius Ecclesiæ; 2 Reg. 2. 2 Tim. 2. v. 15. Sacrorum cœtuum studiosa frequentatio, quæ ex adjuncto tempore in profectam, & festam distinguitur; Heb. 10. v. 25. Psal. 68. v. 27. Verbi divini diligens auscultatio; Act. 20. v. 7. 1 Cor. 14. v. 19, 29, 31. Usurpatio Sacramentorum 1 Cor. 11. v. 33. Preces publicæ; Actor. 2. v. 42. 46. 1 Tim. 2. v. 1. 2. 8. & Collatio Eleemosynarum in usus pauperum 1 Cor. 16. v. 2. Rom. 15. v. 25. Luc. 21. v. 2. *Sanctificatio sabbati interni* Sanctificatio Sabbati interni. est quies, sive cessatio ab omnibus operibus carnis, sive peccatis, olim in Veteri Testamento per externam corporis quietem præfigurata; quæ quidem in hac vitâ per Spiritum Sanctum inchoatur in sanctis, in alterâ verò consummabitur, ubi perpetuum ac sempiternum sabbathum futurum est Heb. 4. v. 9. Esa. 66. v. 23.

*Consideratio Catechetica Novatorum
ad questionem, & responsionem centesimam tertiam.*

An non cum dicatur hæc responsione, debere nos concedere Domino ut per Sanctum Spiritum in nobis opus suum faciat, inde sequatur operationem spiritus in nobis non esse irresistibilem. An non resistibilis actio Sp. S. arguitur ex eo quo jubemur illi locum dare.

Resp. Operatio Spiritus Sancti, cujus hîc mentio fit, non prima est, sed secunda, nec gratia operans, sed cooperans, sive subsequens, quam facile patimur dici resistibilem: quia caro concupiscit adversus spiritum, & spiritus adversus carnem Gal. 5. v. 17. Quomodo verò, aut quo sensu gratia prima dicatur irresistibilis, de quâ omnis controversia est, alibi docuimus.

*Antithesis Catechetica Socinianorum
ad quæst. & resp. centesimam tertiam.*

Quantum præceptum de Sabbato sanctificando sublatum est sub Novo fœdere, quemadmodum & alia cæremoniæ: nec constituit Christus, ut diem, quem vocant Dominicum, Sabbathi loco obiremus, sed observatio ejus posita est in Christianâ libertate.

Responsio.

Ante dictum est, hoc præceptum esse generis mixti ex morali,

Origo diei
Dominici.

& cæremoniali. *Morale* est, ut cultus Dei externus certo die in Ecclesiâ exerceatur. *Cæremoniale* fuit, quòd die hebdomadis septimo celebraretur. *Hoc* sublatum est Christo exhibito non minus quàm reliquæ cæremoniæ *Col.* 2. v. 16. *Illud* manet perpetuum. Origo diei Dominici, qui Sabbato Judaico successit, ad Christum saltem probabiliter refertur ex *Ioh.* 20. v. 19. *seqq.* Item v. 26. *seqq.* De Apostolis certum est quod illum diem celebrarint in memoriam resurrectionis Dominicæ *Act.* 20. vers. 7. *1 Corinth.* 16. vers. 2. *Apoc.* 1. vers. 10. Ideoque & nos boni ordinis causâ meritò eum retinemus.

QUÆST. CIV. Quid nobis injungit Deus in quinto præcepto?

RESP. *Vt parentibus, atque adeò omnibus, qui nobis præsunt, debitum honorem, amorem, & fidem præstemus, nosque ipsorum fidelibus præceptis, & castigationibus eâ, quâ par est, obedientiâ submittamus; Tum etiam ut eorum vitia & mores nostrâ patientia toleremus, illud semper cogitantes, Deum nos illorum manu velle ducere, ac regere.*

EXEGESIS.

EXplicatione hujus præcepti docetur, tum qui parentum nomine intelligendi sint, tum quomodo iidem honorandi. *Parentes* qui dicantur. *rentes* intelliguntur non solum naturâ, & generatione, qui nos genuerunt, sed etiam adoptione, dignitate, & officio, qui in omni vitæ statu nobis præsunt: nempe Pastores & Doctores in statu Ecclesiastico: Magistratus in stato Politico. Tutores, heri, aut alii Superiores in Statu Oeconomico. Siquidem his omnibus per synecdochen speciei nomen illud in scripturâ tribuitur *2 Reg.* 8. v. 9. *Prov.* 4. v. 1. *1 Cor.* 4. v. 14, 15. *Gen.* 41. v. 43. *Esa.* 22. v. 21. *Esther.* 2. v. 7. 15. & alibi. Parentum autem *πατὶς ἐξοχῆς* mentio fit in ipso præcepto, tum quia primi sunt, qui nobis educandis ac regendis à Deo præfecti sunt, & quidem lenissimo regimine: tum quia cæteri qui eodem fine nobis præsunt, parentum erga nos affectum induere debent *Iob.* 29. v. 16. *Eccles.* 4. v. 10.

Modus

Modus porrò honorandorum parentum quinque virtutibus exprimitur, quales sunt: *Honor*, qui est agnitio ordinis divini, in officio, & gradu superiorum, eorumque conveniens veneratio, cum gestibus externis, tum verbis, tum denique animo præstanda *Mal.* 1. v. 6. *Eph.* 6. v. 2, 3. *1 Tim.* 5. v. 17. *Lev.* 19. v. 31. & *cap.* 30. v. 17. & *cap.* 20. v. 9. *Amor* sive *ἡγάπη*, quæ est affectus benevolentissimus in parentes, liberis natura insitus *Matth.* 10. v. 37. *Fides*, quæ gratitudine inprimis spectatur, cum aut re, aut opera, aut consilio parentes sublevamus, & egestati ipsorum succurrimus *Matth.* 15. v. 4. *Gen.* 9. v. 23. *Eccles.* 3. v. 14. *Obedientia*, qua partim fidelibus ipsorum præceptis promptè, & alacriter obtemperamus; partim etiam paternis ipsorum castigationibus nos humiliter subjicimus *Eph.* 6. v. 1. *Col.* 3. v. 20. *Patientia*, qua vitia, infirmitates, ac nævos superiorum patienter toleramus, propterea nec traducentes eos, nec in ipsos insurgentes *Gen.* 9. v. 24. *1 Pet.* 2. v. 18. *Prov.* 23. v. 22. & *cap.* 30. v. 17. Cæterùm modus iste honorandorum parentum necessaria limitatione restringitur à Paulo *Eph.* 6. v. 1. ubi ait, *Liberi obedite parentibus vestris in Domino*, hoc est, in timore ipsius, quatenus jus, fas est, secundum voluntatem ipsius. Honorem igitur, & obedientiam parentibus, ac superioribus debemus in omnibus, ac solis voluntati ac verbo Dei consentaneis. In cæteris, quæ voluntati, ac verbo ipsius contraria sunt, ipsis parendum non est *Act.* 5. v. 29. Imò parentes negandi, & odio habendi *Matth.* 10. v. 37. *Luc.* 14. v. 26.

quomodo
honorandi.

cautio.

cur Parentes
honorandi.

Postremò honos, & obedientia parentum in Catechesi suadet argumentò causæ efficientis, videlicet ordinationis divinæ, quod Deus parentum ac superiorum manu nos velit ducere, ac regere *Eph.* 6. v. 5. *1 Pet.* 2. v. 13. *Rom.* 13. v. 1. *seqq.* Quamobrem etiam nomen suum, qui est solus Pater, Magister ac Dominus noster, *Matt.* 23. v. 8, 9, 10. *1 Cor.* 8. v. 6. cum ipsis communicavit. Apud Moysen verò sancitur præcepti hujus obedientia, tum promissione vitæ longævæ & felicitis, *Exod.* 20. v. 12. *Deut.* 5. v. 16. tum etiam poenarum temporalium, & æternarum gravi comminatione *Deut.* 27. v. 16. & *cap.* 30. v. 7. *Exod.* 21. v. 15, 16. *Deut.* 21. v. 18.

QUÆST. CV. Quid flagitat Deus in sexto præcepto?

RESP. *Vt proximum neque cogitatione, neque verbis, neque gestibus, nedum factis vel per me, vel per alium contumeliâ afficiam, aut oderim, aut ledam, aut occidam: Sed omnem vindictâ cupiditatem abjiciam, ad hac ne me ipsum ledam, aut sciens in aliquod periculum conjiciam. Quocirca etiam ne cades fierent magistratum gladio armavit.*

E X E G E S I S.

Vitia præ.
interdicta.

HAc responsione exponitur sensus negativus *sexti præcepti*: idque enumeratione peccatorum quæ eo vetantur. Sunt autem septem per se nota. Contumelia, *Psal.* 15. v. 3. Odium, *Lev.* 19. v. 17. sub quo etiam ira odii genitrix continetur, *Matth.* 5. v. 22. Læsis, sive violentia, *Lev.* 24. v. 19. Cædes, *Lev.* 24. v. 17. Vindictæ cupiditas, *Lev.* 19. v. 18. Læsis sui ipsius, quo in genere ἀντιχρεία excellit, *Eph.* 5. v. 29. & audacia, sive temeritas in adeundis periculis *Matt.* 4. v. 7. Hæc peccata illustrantur distributione gemina, ut, quomodo à Deo interdicta sint, plenè intelligatur. *Vnâ* quadrimembri ab adjunctis instrumentis, quæ sunt: Cogitatio, *Zach.* 8. v. 16. 17. Verba, *Matth.* 5. v. 22. *Eph.* 4. v. 31. Gestus, *Gen.* 4. v. 6. Facta *Num.* 35. v. 16, 17, 18. *Alterâ* bimembri ab adjunctis modis, qui sunt, per se, *Lev.* 24. v. 17. vel per alium 2 *Sam.* 12. v. 9.

Sanctio.

Postremò ipsum præceptum comminatione pœnæ corporalis, per magistratum irrogandæ, sancitur *Gen.* 9. v. 6. *Exod.* 21. v. 12.

*Consideratio Catechetica Novatorum
ad quæst. & resp. centesimam
quintam.*

An non Odiû
causa sit om-
nis peccati
contra proxi-
mum adeo-
que hic omit-
tendum?

I. *Expendi posse videtur, quanquam qui fratrem odit, homicida esse dicatur, annon tamen odium generalis causa sit omnis peccati, quod adversus proximum committitur; ideoque hoc præcepto speciatim nunc prohibetur.*

Resp. Verum est, odium esse causam generalem omnis peccati adversus proximum, quo sensu etiam quæstione quintâ dictum est, nos natura prope natos esse ad odium proximi. Quia verò odium potis-

potissimum declarari solet læsione vitæ proximi, merito hoc præcepto nominatim interdicatur, idque secundum Scripturam *Matt. 5. v. 22. & 1. Ioh. 3. v. 15.*

II. *An vindictæ cupiditas, cujus hic fit mentio, tantum intelligatur de particulari vindictâ, an verò de eâ, quæ à Magistratu postulatur, non illati nobis damni reparandi, sed simpliciter vindicandi causâ.* Qualis vindicta hic intelligatur.

Resp. Vindictam privatam intelligi, vel ex solâ præcepti sanctione patet, quâ publica Magistratus vindicta stabilitur. Eam tamen etiam pravo affectu expeti quandoque non negamus.

*Antithesis Catechetica Socinianorum
ad quæst. & resp. centes. quintam.*

Sexto præcepto additum à Christo. I. Ne fratri irascamur, neque verbis asperis ex ulciscendi libidine prodeuntibus eum offendamus Matth. 5. v. 22. Eph. 4. v. 31. II. Ne ulciscamur injurias non modò non per nos, sed etiam ne quidem per Magistratum Matt. 5. v. 39. 40. 41. Si tamen absit ultio, licet jure agere, & injurias persequi.

Responsio.

Prius etiam lege Mosis disertè fuisse interdictum, constat ex Lev. 19. v. 18. 19. Exod. 23. v. 4. Deut. 22. v. 1. Posterius verò de vindictâ Magistratus, non esse additamentum Christi, sed commentum hæreticorum, ex scopo Christi Matth. 5. v. 39. 40. 41. privatam solum vindictam damnantis; atque etiam ex collatione capituli 13. ad Rom. planum est. Vindicta privata etiam in V. T. damnata. Publica etiam in N. T. permissa.

QUÆST. CVI. Atqui hoc præceptum solam cædem prohibere videtur?

RESP. *At cædem prohibendo, docet Deus, se radicem & originem cædis, iram scilicet, invidiam, odium, & vindictæ cupiditatē odisse, atque ea omnia pro cæde ducere.*

E X E G E S I S.

E St objectio popularis contra explicationem sexti præcepti. Hoc præcepto nominatim sola cædes prohibetur: Non igitur

tur prohiberi videntur reliqua peccata. Respondetur per inficiationem consequentia. Ratio est, quia præcepta Decalogi non solum synecdochicè intelligenda sunt, ut cum unâ specie omnes species cognatæ prohibentur, sed etiam metonymicè, ut cum effectu simul causa intelligatur, & interdicatur. Atqui Ira, Invidia, Odium, Vindictæ cupiditas, sunt causa, sive origo, & radix cædis. Proinde cum ipsa cæde intelliguntur, & interdicuntur. Hæc responsio desumpta est ex *Matth.* 5. v. 22. & *1 Ioh.* 1. v. 15.

QUÆST. CVII. An verò id satis est, nos neminem eo, quo dictum est, modo occidere?

RESP. *Non est satis. Dum enim Deus iram, invidiam, odium damnat, postulat ut proximum aque ac nos ipsos diligamus, & ut humanitate, lenitate, mansuetudine, patientiâ, & misericordiâ erga eum utamur, quodque ei damno esse possit, quantum in nobis est, avertamur. Ad summam ita animo affectissimus, ut ne inimicis quidem benefacere dubitemus.*

EXEGESIS.

Virtutes 6.
præc. impe-
rata.

Sequitur sensus affirmativus sexti præcepti, constans enumeratione bonorum operum, quæ eo imperantur: sunt autem octo, per se nota, nec indiga explicationis. Dilectio proximi, ut diligamus eum sicut nos ipsos *Lev.* 19. v. 18. *Eph.* 5. v. 24. Humanitas, Lenitas, Mansuetudo, Patientia, Misericordia; de quibus est *Col.* 3. v. 12. 13. *Eph.* 4. v. 1, 2, 3. Aversio damni ipsius, *Prov.* 24. v. 11. *Esa.* 58. v. 7. Et studium demerendi non solum amicos, sed etiam inimicos *Matth.* 5. v. 44. *Rom.* 12. v. 20.

Consideratio Catechetica Novatorum ad quæst. & resp. centesimam septimam.

An non dili-
gere proxi-
mum ut nos.

Annon quæ hæc dicuntur, ut proximum nostrum aque ac nos ipsos diligamus, nimis generalia sint, & ad omnia præcepta, quibus nostrum offi-
cium

cium erga proximum describitur, referenda, eoque an hîc peculiariter fuerint tractanda. iplos genera-
lius sit, quam
ut hoc præce-
pto tradi con-
veniat

Resp. Præceptum illud vel ideò hîc peculiariter traditur, quòd dilectio proximi circa conservationem vitæ, quâ nihil cuique charius est, luculentissimè ostenditur.

QUÆST. CVIII. Quæ est sententia septimi præcepti?

RESP. Deum omnem turpitudinem exsecrari, ideoque nos eam penitus odissè, & detestari debere: contraque temperanter, modeste, & caste, sive in sacro conjugio, sive in vitâ cœlibe vivere oportere.

EXEGESIS.

Explicatio septimi præcepti negativa est & affirmativa, interdicto, & præcepto simul constans. *Interdicto* vetatur omnis turpitude, sive libido, in quâ adulterium excellit *Lev. 19. 20. capp. Gal. 5. v. 19. 1 Cor. 6. v. 9.* Et hanc esse fugiendam probatur ab effectu noxio, videlicet pœnâ Dei, ut qui omnem turpitudinem exsecretur *Deut. 27. v. 20. seqq.* *Præcepto* contra mandatur temperantia, cibi potusque appetitum moderans, *Tit. 2. v. 12.* Modestia sive pudicitia, *1 Thess. 4. vers. 4, 5.* Et castitas, quæ ex subjectis in conjugatam ac cœlibem distinguitur *1 Cor. 7. v. 9. Heb. 13. v. 4.* Præc. 7.
interdictum.
Præceptum.

QUÆST. CIX. Nihilne amplius prohibet Deus hoc præcepto, quam adulterium, & id genus turpitudines?

RESP. Cum corpus, & animus noster templa sint Spiritus Sancti, vult Deus, ut utrumque purè sanctèque possideamus, ideoque facta, gestus, sermones, cogitationes, cupiditates fœdas, & quicquid hominem ad ista allicit, id universum prohibet.

EXEGESIS.

Est plenior declaratio præcepti septimi; cujus sententia partim alia distributione castitatis, partim etiam rerum hîc prohibita-

Castitas præcepta qualis.

habitarum enumeratione illustratur. *Castitas* distribuitur è subjectis recipientibus in se; quæ sunt, Anima, & Corpus: ne externis solum actibus æstimetur 1 Cor. 6. vers. 18. seqq. Utriusque puritati studendum esse probatur, ab effectu destinato: quia utrumque illud est templum Spiritus Sancti, in quo ipse habitat 1 Cor. 6. v. 19. & capp. 3. vers. 16.

Vitæ prohibita quæ.

Res hîc prohibitæ sex ordine enumerantur, quarum quinque priores sunt actiones hominis, sexta & postrema, sunt actionum illarum Objecta. I. Facta fœda, ut Adulterium, scortatio, incestus Eph. 4. v. 17. 19. Matth. 5. v. 27, 28. II. Gestus fœdi, ut adpectus libidinosus 2 Pet. 2. v. 14. 1 Ioh. 2. v. 16. III. Sermones fœdi, Col. 3. v. 8. Eph. 4. v. 29. quales sunt Poëtarum de Priapo. IV. Cogitationes fœdæ Matth. 5. v. 28. V. Cupiditates fœdæ, seu flammæ vagæ libidinis 1 Thess. 4. v. 4. 5. VI. Quicquid omninò hominem ad ista allicit, ut vestes ad superbiam & libidinem formata, Esa. 3. v. 16. seqq. picturæ, aut statuaræ repræsentantes corpora humana prorsus nuda, &c.

*Antithesis Catechetica Socinianorum,
ad quæst. & resp. centes. octavam
& centes. nonam.*

Huic præcepto addidit Dominus Iesus. I. Ne mæchemur non solum re ipsa, sed ne cordis quidem concupiscentia Matth. 5. v. 28. II. Ut is, qui extra adulterium uxorem dimittit, mæchari censeatur, & similiter qui dimissam ducit Matth. 19. III. Interdixit etiam omnem impuritatem, & turpes ac obscænos sermones 1 Thess. 4. v. 4. 5. Eph. 5. v. 3, 4, 5.

Responsio.

Omnia hæc jam olim in Veteri Testamento interdicta fuerunt. *Primum* interdicatur præcepto decimo, quo omnis illicita concupiscentia damnatur, Paulo interprete Rom. 7. v. 7, 8. *Secundum* interdictum fuit primâ institutione conjugii, ad quam nos Christus revocat Matth. 19. v. 8. Licet ab eâ, conniventia quadam in politia Judaicâ discessum sit. *Tertium*, quia Deus Judæos iussit sanctos esse, sicut ipse sanctus est Lev. 11. v. 44, 45. Sed cum verâ sanctitate vitæ impuritas, & sermonis obscenitas nullatenus consistit.

QUÆST.

QUÆST.

RESP.

puni

malu

mus

qua

men

qua

et

vin

ENumer

hæc qu

gistratus pu

fraudent

quum pon

fallax mon

22.v.25.P

lorum 1Ti

litas Prov.

rum: Avar

verò impu

I. Q

debeat.

II. A

relligatur,

Resp.

ex rudime

EST. CX: Quid vetat Deus in octavo præcepto?

ESP. Non solum ea furta & rapinas, quas magistratus punit: sed furti nomine comprehendit, quicquid est malarum artium, & aucupiorum, quibus aliena captamus, & ad nos vi, aut specie recti, transferre studemus: qualia sunt; iniquum pondus, injusta ulna, inæqualis mensura, fucosa merx, fallax moneta, usura, aut alia quævis ratio aut modus rem faciendi, à Deo interdictus. His adde omnem avaritiam, & multiplicem divinorum donorum profusionem, & abusum.

EXEGESIS.

Numerantur peccata, quæ octavo præcepto vetantur. Sunt autem hæc quatuor: I. Furtum apertum, sive violentum, quod magistratus punit *Lev. 19. v. 11, 13.* II. Furtum clandestinum, sive adulterium, cujus aliquot modi recensentur, ut sunt: Iniquum pondus, injusta ulna, inæqualis mensura, fucosa merx, fallax moneta, usura *Deut. 25. v. 13, 14, 15. Amos. 8. v. 4. seqq. Exod. 16. v. 25. Psalm. 115. v. 5.* III. Avaritia, quæ radix est omnium malorum *1 Timoth. 6. v. 9, 10. Luc. 12. v. 15.* IV. Luxus, sive prodigalitas *Prov. 23. v. 20, 21.* Posteriora duo sunt causæ efficientes priorum: Avaritia, causa impulsiva interna utriusque furti; Prodigalitas, impulsiva externa.

Peccata S.
præc. vetita.

Considerationes Catecheticae Novatorum,
ad quæst. & resp. centes. decimam.

I. Quousque magistratus, secundum Dei verbum, furtum punire solet.

II. Annon accuratius explicandum videatur, quid per usuram intelligatur, & quousque ea sit prohibita.

Resp. Utriusque plenior explicatio ex locis Theologicis, non indimentis Catecheticis, petenda est.

QUÆST. CXI. Quæ sunt ea quæ Deus hîc jubet?

RESP. *Vt commoda, & utilitates proximi, quantum pos-
sim, adjuvem; & augeam; cum eo sic agam, ut mecum agi-
cuperem, sedulo, & fideliter opus faciam, ut aliorum quo-
que egestati subvenire queam.*

EXEGESIS.

Indicantur bona opera, quæ octavo præcepto imperantur: Fi-
delitas in bonis proximi conservandis extra contractum, *Deut.*
22.v.1,2,3. *Phil.* 2.v.4. Fidelitas in contractibus, *Matth.* 7.v.12.
1 *Theff.* 4. v.6. & fidelitas in laboribus vocationis obeundis: quæ
illustratur à fine, ut aliorum quoque egestati subvenire queamus.

*Consideratio Catechetica Novatorum,
ad quæst. & resp. centes. undecimam.*

*An verba ista, cum eo sic agam, ut mecum agi cuperem, huius
præcepti sint propria; & an non potius generatim ad omnia secunda tabu-
la præcepta pertineant.*

Resp. Speciatim hîc accommodatur ad sensum præcepti o-
ctavi per synecdochen generis; propter contractus, in quibus plu-
rimum doli, & fraudis intervenire solet.

*Antithesis Catechetica Socinianorum
ad quæst. & resp. centes. decimam
& centes. undecimam.*

*Ad hoc præceptum adjecit Dominus ne simus avari. Est autem avari-
tia plus habere velle, quam ad tuendam vitam tuam, tum tuorum
omnium pertineat.*

Responsio.

Avaritia innumeris locis Veteris Testamenti interdicitur, &
damnatur: *Exod.* 20.v.17. & *cap.* 22.v.25. & *cap.* 23.v.8. & c. non igitur
novum, aut peculiare est interdictum Novi Testamenti, Præ-
terea

terea avaritia no-
tienda est, quæ
vers. 5.

QUÆST. C

RESP. Ne a

nullius

tium fa

demne

ut oper

Dei cor

cateris

est libe

rum, &

& aug

Explicatio
quæ eo p
tur.

Vitia siys

1 Reg. 21. A

3. conviciun

condemnatio

fraus, & ad

detestatio ac

creante: qu

tur *Ioh.* 8. v.

in nos conc

Virtutes

tatis, distrib

gia cum can

2 Cor. 1. v.

plicatio 1

varitia non ex divitiarum cumulo, sed ex affectu animi me-
est, quem Paulus idololatriam vocat *Philip. 3. v. 5. Ephes. 5.*

ST. CXII. Quid exigit nonum præceptum?

P. Ne adversus quempiam dicam falsum testimonium,
nullius verba calumnier, nulli obtrectem, aut convi-
tium faciam, neminem temerè, vel indictâ causâ con-
demnem. Verum omnis generis mendacia, fraudes,
ut opera Diaboli propria, nisi in me gravissimam iram
Dei concitare velim, omni cura fugiam. In judiciis,
ceterisque negotiis, veritatem secter, & id quod res
est liberè, & constanter profitear. Ad hæc famam alio-
rum, & existimationem, quantum queam, defendam
& augeam.

E X E G E S I S.

applicatio noni præcepti constat enumeratione, tum vitiorum, Præcep. 9.
& eo prohibentur, tum virtutum, quæ contra præcipiun-

ria siye peccata sunt: Falsum testimonium, *Exod. 23. v. 1.* interdictum.
21. Actor. 6. v. 11. obtrectatio *Iacob. 4. v. 11. 2 Samuel. 16. v.*
viciium, siye maledictio, *Tit. 3. v. 1. 2. præceptis & temeraria*
mnatio, *Luc. 6. 37. Gen. 38. v. 24. mendacium, Levit. 19. v. 11.*
& adulatio *Rom. 3. v. 13. 14.* Quorum vitiorum omnium
ratio ac fuga suadetur gemino argumento. I. A causa pro-
re: quia sunt opera Diaboli propria, quæ ipse in suis opera-
8. v. 44. II. Ab effectu noxio: quia gravissimam Dei iram
concitant *Psal. 5. v. 7.*

virtutes seu bona opera sunt: Veracitas, siye studium veri-
distributione ex subjectis declaratum, *Zachar. 8. v. 19. πᾶ' pp' η-*
m candore, & constantia conjuncta. *Proverb. 12. vers. 17.*
1. v. 17. & famæ ac existimationis alienæ defensio, & am-
tio 1 *Sam. 19. v. 4. & cap. 16. v. 18.*

QUÆST. CXIII. Quid prohibet decimum præceptum?

RESP. Nè vel minimâ cupiditate, aut cogitatione, adversus
ullum Dei præceptum corda nostra unquam sollicitentur,
sed ut perpetuò, & ex animo, omne peccatum deteste-
mur, contraque omni justitiâ delectemur.

EXEGESIS.

Præcept. 10.
vetantur.

jubentur.

Explicatio decimi præcepti similiter constat interdicto, & præ-
cepto. Interdicuntur I. Omnes, etiam minimæ cupiditates
adversus legem Dei, & quæ consensum voluntatis antecedunt,
cujusmodi delectationis vocari solent. *Rom. 7. v. 7, 8. Iac. 1. v. 14.*
II. Omnes pravæ cogitationes *Matth. 15. v. 19.* quæ mentem quâ-
cunque occasione subeunt, & pectus interno gaudio, sive dele-
ctatione titillant *Iob. 31. v. 1. 2 Samuel. 11. v. 2. 3.* Contrâ præcipitur
I. Odium ac fuga peccati, quæ à sinceritatis ac constantiæ adjun-
ctis notatur *Galat. 5. v. 24. Psalm. 119. v. 104.* II. Amor & studium
omnis justitiæ *Rom. 7. v. 22. Matth. 5. v. 48.* Breviter: Prohibetur, &
damnatur concupiscentia originalis, cum suis etiam levissimis mo-
tibus; & justitia renovationis, per Spiritum Sanctum, requiritur, &
præcipitur.

Consideratio Catechetica Novatorum ad quæst. & resp. centes. decimam tertiam.

An non Con-
cupiscentia
sic plenius
explicanda?

Cum sub reliquis præceptis, præceptum quod est de concupiscentiâ, et-
iam comprehendatur, tanquam qua sit fons peccatorum prohibitorum, qua-
ritur, annon declarandum fuerit, quid hic per concupiscentiam intelliga-
tur, & quousque se ea hic extendat.

Resp. Atqui Catechesis verbis istis, *Ne minimâ cupiditate, aut
cogitatione,* manifestè distinguit cupiditatem animum subjugantem
quæ est præceptorum reliquorum, à cupiditate animum titillan-
te, quæ hujus præcepti est propria. Declarat igitur, tum quid
hic sit concupiscentia, tum etiam quousque se ea extendat. Præ-
terea tamen & illud tenendum, quòd hoc præceptum explicatio
sit

fit præceptor
eorum sensu

Additum
liceat, etiam
scientiâ illâ vo

Paulus v
præcepti ve
dum legem
rent quiden
rium David

Christus n
in super nova
nias spectant
ta nostra ve
15. 16. II. T
vis, verum e
si causâ sub
etiam volup
qua in obse
vivo exemp
Deum, cha
micum; &
2. v. 3, 4
Quod cere
Hâc ve

EXPLICAT. CATECHES. PART. III. 381
præceptorum præcedentium secundæ tabulæ; unde integer
um sensus eruendus est. *Vide Matth. 5. v. 21. 22. seqq.*

*Antithesis Catechetica Socinianorum
ad quæst. & resp. centes. decimam
tertiam.*

*Additum est huic præcepto ut rei cupis a animum nullo modo adjicere
it, etiamsi ut eam assequatur nullo modo cogitet, verum concupi-
tiâ illâ voluptatem solum aliquam in corde suo quærat.*

Responsio.

Paulus verò etiam illam concupiscentiam sententiâ decimi
cepti vetari docet *Rom. 7. v. 7.* Nec Jobus præter, sed secun-
legem fecit, dum fœdus pepigit cum oculis suis, ut nè cogita-
quidem de virgine *cap. 31. v. 1. 7.* Confer exemplum contra-
Davidis *2 Sam. 11. v. 2, 3.*

Concupi-
scentia hac
etiam in V.
T. prohibita
fuit.

APPENDIX SOCINIANORUM
ad totam legem Decalogi.

istius non solum singulis serè præceptis Decalogi nonnulla adjecit, sed
er nova præcepta nominatim proposuit, partim mores, partim ceremo-
peclantia. Mores respiciunt, I. Abnegatio nostri, quæ est priva-
stra voluntatis, & cupiditatum malarum renunciatio *1 Iohan 2. v.*
6. II. Tolerantia crucis, quæ est animi non solum ad afflictiones quas-
erum etiam ad mortem vel acerbissimam, & ignominiosissimâ, Chri-
usâ subeundam, præparatio & exceptio voluntaria, & cum quâdam
voluptate perpeffio. *Matth. 16. v. 24.* III. Christi imitatio,
a observatione earum virtutum consistit, quas ipse in se, tanquam in
exemplari, nobis representavit. Præcipue autem sunt: Fiducia in
n, charitas erga Deum ex toto corde, & erga proximum, etiam ini-
n, & ut vitam pro ipso ponere paratus sis; item summa humilitas *Phil.*
3, 4, 5. *Joh. 13. v. 4, 5.* Denique assiduitas perpetua in precibus.
ceremonias respicit, unum duntaxat est, nempe Cena Domini.

Responsio.

ic verò appendice declarant hæretici, quàm jejunè & ab-
bbb 3 jecte

jectè sentiant de lege Mosaica, adeoque de toto cultu morali Veteris Testamenti. Si tria illa, quæ mores spectant, nova deum lege à Christo sancita sunt, nihil de iis præcepit lex Decalogi, nihil etiam eorum præstiterunt sancti Patriarchæ, & Prophetæ in Veteri Testamento: sed absque abnegatione sui, absque tolerantia crucis, absque etiam fiducia in Deum, Dei proximique dilectione, humilitate, & in præcibus assiduitate hoc ævum transegerunt, quorum utrumque cum summâ in Deum blasphemiam, & atrocissimâ in Sanctos Patres injuriâ, conjunctum esse pronunciamus. Sed de singulis pauca. I. *Abnegatio nostri* primo, & decimo Decalogi præcepto imperatur, quæ mortificationem veteris, & vivificationem novi hominis requirunt, uti in eorum explicatione dictum est. Et Sancti Patres aut expertes fuere spiritus regenerantis, aut non. Prius si affirmant, jam regno cælorum universos excludunt, cum absque eo non detur ingressus in regnum cælorum *Iohan. 3. v. 3. 5. 6.* Posterius verò si concedunt, quomodo spiritu regenerante præditi non abnegârunt se ipsos, crucifigentes carnem, cum desideriis ac cupiditatibus suis? II. *Tolerantia crucis* est virtus primi præcepti, quæ sub patientiâ comprehenditur; & illustre virtutis hujus exemplum proponitur in Mose, *Heb. 11. v. 25. 26.* qui potius elegit simul malis vexari cum populo Dei, quàm temporariam retinere peccati fruitionem, & majoris duxit divitias probrum Christi, quàm Ægyptiorum thesauros. III. *Imitatio Christi* in observatione virtutum moralium, ex novo exemplo est, non ex novo præcepto. Fiducia in Deum est virtus primi præcepti, quæ verbo promissionis, & ipsius erga nos benevolentia & potentia nititur. Hujus fiduciæ exempla innumera occurrunt in Veteri Testamento, & multa ex iis *Hebr. 11.* allegata reperiuntur. Est tamen insidiosa locutio, quòd fiducia Christi sit nobis imitanda. Nam fiducia ipsius non nititur ullius merito, ac satisfactione; nostra verò ipsius merito, ac satisfactione nititur *Ephes. 3. v. 12. Ioh. 16. v. 23.* Præterea dilectio Dei ex toto corde, ex tota anima, *Matth. 22. v. 37.* repetitur ex Mose *Deut. 6. v. 5.* Dilectio erga proximum, tam inimicum, quàm amicum, etiam quoad amissionem vitæ, ab eodem Mose præcipitur, *Lev. 19. v. 18.* ejusque exemplo sancitur, quatenus deleri voluit ex libro vitæ pro populo suo *Exod. 32. v. 32.* Denique humilitatis, & in precibus assiduitatis mandata, & exempla innumera proponuntur in Veteris Testamento.

Abnegatio
nostri I. &
i.e. pr. c. man-
dat.

Tolerantia
crucis est I.
præc. virtus.

Virtutes illæ
in V. T. man-
data & obser-
vata.

EXP

Testamenti
fere. Jam
Christus sac-
amenti: at
præcepti,
mandatum.

QUÆST
CONVE

RESP.

vunt,

tamen

qua ta

incipi

Explica
de eor
servationi
conversis i
ritate Scri
I Reg. 8. v.
tur ab exe
Etiam san
ctæ illius,
requirit,
2, 3. Dav
profitentur
sunt, per
verâ habe
ctionem a
alibi, Cat
sinceritat
critæ, Ho
11. quan
sistit in p

amenti codice, quæ nimis longum hîc congerere, aut recensere. Jam quod ritus, sive ceremonias attinet, sanè instituit Christus sacram Cœnam, tanquam Sacramentum Novi Testamenti: at non contra sed secundum legem secundi, & quarti precepti, quibus totum genus rituum sacrorum divinitus est mandatum.

QUEST. CXIV. Possuntne autem illi, qui ad Deum conversi sunt, hæc præcepta perfectè servare?

RESP. *Minimè: verùm sanctissimi quique, quamdiu vivunt, habent tantum exigua initia hujus obedientiæ: sic tamen, ut serio, ac non simulato studio, non secundum aliqua tantum, sed secundum omnia Dei præcepta vivere incipiant.*

EXEGESIS.

Explicato sensu singulorum præceptorum Decalogi, quæritur de eorundem quodam adjuncto adhærente, videlicet de observationis eorum possibilitate: num perfecta legis observatio versis in hâc vitâ sit possibilis. Responsio est negativa, autore Scripturæ, & singulorum converforum experienciâ subnixâ. *eg. 8. v. 48. Eccles. 7. v. 20. Iacob. 3. v. 2. 1 Iohan. 1. v. 8.* Ratio addita ex exemplo sanctissimorum, amplificata collatione majorum. In sanctissimi in hâc vitâ habent exigua tantum initia perfectius, ac omnibus numeris absolutæ obedientiæ, quam lex requirit, & quæ in alterâ vitâ futura est; quod Jobus, *cap. 9. v. 1,* David, *Psal. 19. v. 13.* Paulus *Phil. 3. v. 13.* disertis verbis ostenditur. Ergò multò minus qui sanctitate ipsis inferiores, perfectam obedientiam sibi possunt arrogare, aut eam reperiunt. Quia verò Scriptura nihilominus converfis perfectam aliquam tribuit, *1 Corinth. 2. v. 6. Phil. 3. v. 15. Iac. 1. v. 4.* & Catechesis, qualis ea sit, per partes declarat. I. Consistit in sinceritate cordis, quòd toto, non dimidiato corde, ut hypothesi, *Hos. 10. v. 2.* Deo obediunt *Psal. 37. v. 14. & 73. v. 1. & 97. v. 1.* quantumvis sinceritati misceatur aliqua infirmitas. II. Consistit in perfectione partium, quòd non secundum aliquam partem

Observatio
Legis perfectæ
impossibilis est.

Perfectio
Converforum
qualis.

tem legis, aut secundum aliqua solum Dei præcepta, sed secundum omnia ejus præcepta vivere incipiunt *Psal. 119. passim.* Ubi notandum, *perfectos* quoque dici nonnullos comparatè, non absolute, videlicet ratione aliorum minus perfectorum. Ita perfecti sunt adulti, qui pleniorum rerum divinarum cognitionem hausere, quam infantes, sive simplices & rudes in Christo *1 Cor. 2. v. 6. Phil. 3. v. 15. Heb. 5. v. 12, 13, 14. & cap. 6. v. 1.*

*Considerationes Catecheticae Novatorum,
ad quæst. & resp. centes. decimam
quartam.*

An non tollatur studium Evangelicæ perfectionis?

I. *Considerandum serio, annon negativâ istâ responsione, Minime, studium Evangelicæ perfectionis tollatur, quod tamen omnibus necessarium est.*

Resp. Studium perfectionis Evangelicæ, in hac vitâ nobis possibilis, in Catechesi rectè est definitum, cujus imperfectio tegitur perfectissimâ Christi obedientiâ in quo consummati sumus *Coloss. 1. v. 10.* Perfectionem quam ipsi fingunt, quâ Deus mediocre nobisque possibilem obedientiam pro perfectâ obedientiâ gratis acceptet, Evangelium ignorat; ideo Evangelica dici non potest.

An ratio Catecheseos sit apta?

II. *An quæ hanc responsione adfertur ratio, satis aptè quadret. Quæstio enim agit de potentiâ; Ratio de actu.*

Resp. Quæstio potentiam intelligit in actu positam, aut ponendam: Ratio responsionis actum ponit deductum ex potentiâ. Obedientia est imperfecta, quia imperfecta est regeneratio, in primitiis tantum Spiritus, *Rom. 8. vers. 23.* non in plena messe consistens.

An in sanctissimis exigua tantum sint initia?

III. *An Sacra Scriptura convenienter dicatur, sanctissimos tantum habere exigua initia: & an non Scriptura non initium tantum, sed & progressum in curriculo & studio obedientiæ, illis tribuat, an non etiam à vero alienum videri possit, quod de exiguis initiis dicitur.*

Resp. Convenienter Scripturæ dici, loca marginalia fidem faciunt, quæ inspiciant & expendant Consideratores; & exiguitas non solum ad initia, sed etiam ad progressum, in studio hujus obedientiæ pertinet. Est, & manet exigua, & initialis obedientia, respectu

respectu obedientiæ consummatæ, quam lex à nobis requirit, & nos in alterâ demum vitâ præstituri sumus. Nimirum, quia primitias tantum Spiritus accepimus: *Rom. 8. v. 23*. Quæ certè exigua sunt initia plenæ messis, suo tempore secuturæ. Qualis autem est causa, tale quoque est ipsum causatum.

I V. *An non quod à Catechesi hoc loco asseritur, potius eo, quod in nobis ipsis experimur, quàm Sacræ Scripturæ testimoniis nitatur.*

An tantum experientiâ nitatur ista assertio?

Resp. Nititur tum Sacræ Scripturæ, tum omnium sanctorum testimoniis secundum Scripturam, ut in exegesi dictum est. Et quò quis sanctorum se explorat, & novit penitiùs, hoc exigua obedientiæ suæ initia libentiùs fatetur.

V. *Quomodo verba illa, quàm diu in hâc vitâ sunt, quibus significatur, de initiis obedientiæ, respectu perfectæ obedientiæ, præstanda in vitâ aternâ, hîc locutam Catechesin, videri possint huc quadrare, cum re verâ ex Catechesi perspicuum esse videatur, ista initia respicere obedientiam, quæ in hâc præsentî vitâ præstanda sit.*

An initia illa dicantur huius vel futuræ vitæ respectu?

Resp. Verba illa optimè quadrant. Etiam sanctissimi in hâc vitâ habent exigua tantum initia perfectæ obedientiæ. Ergò nemo converforum potest legem Dei in hâc vitâ perfectè servare. Nam de huius vitæ conditione quæri, ex scopo quæstionis, & eum sequente connexionè, evidentissimum est.

V I. *An verba ista, secundum omnia mandata vivere incipiam, competant omnibus fidelibus, an verò iis tantum, qui initiorum regenerationis modo facti fuere participes. Si omnibus quomodo vera esse possint eorum respectu, qui jam decem viginti, triginta, & amplius annos, secundum præcepta Dei omnia, serio & non simulato studio, vixerunt: & annon Scriptura de progressu reparatorum in obedientiâ longè aliter loquatur.*

An omnibus fidelibus conveniat, eos incipere observationem omnium mandatorum?

Resp. Utrisque competunt; tum recens conversis ad fidem, tum aliquousque jam in eâ progressis. Nam etiamsi hi per annos complures vixerint secundum omnia Dei mandata, etiam insigni cum pietatis profectu, ut Zacharias, Elisabeth, *Luc. 1. v. 6.* & alii: manet tamen initialis & inchoata obedientia, quæ ab æneis legi, & perfectâ conformitate cum eâ, adhuc longè abest. Inchoatio igitur, quoad istos, refertur non ad prima initia conversionis, sed ad complementum ejus in alterâ vitâ, cujus respectu verè inchoant tantum obedientiam, etiam qui aliquamdiu secundum omnia Dei præcepta vixerunt. Postremò, quomodo

Scriptura de progressu regeneratorum in obedientiâ loquens, intelligenda sit, suprà explicuimus.

Quæst. CXV. Cur igitur vult Deus legem suam adeò exactè & severè prædicari, cùm nemo sit in hâc vitâ qui eam servare possit?

RESP. *Primum ut in omni vitâ magis magisque agnoscamus, quanta sit natura nostra ad peccandum propensio, tantòque avidius remissionem peccatorum, & justitiam in Christo expetamus. Deinde ut hoc perpetuò agamus, illud semper meditemur, & gratiam Spiritus Sancti à patre imploremus, quo indies magis ac magis ad imaginem Dei renovemur, donec aliquando tandem, postquam ex hac vita decesserimus, propositam nobis perfectionem læti assequamur.*

EXEGESIS.

Cur Lex prædicanda renatis.

Est objectio ex datâ ante responsione emergens. Legem nemo in hâc vitâ servare potest. Ergò frustra lex tam exactè & severè prædicatur. Respondetur per inficiationem consequentiæ: & tres aliæ causæ exponuntur, cur etiam renatis eam prædicari oporteat. *Prima*, est plenior cognitio peccati, tum actualis, tum originalis, nobis adhuc inhærentis *Rom. 4. v. 15. & cap. 5. v. 13. 20.* *Secunda*, est plenius desiderium remissionis peccatorum, & justitiæ per Christum nobis acquisitæ *Rom. 10. v. 3, 4. Matt. 5. v. 6.* *Tertia*, est continuum studium perfectionis, cujus efficiens procreans est Spiritus Sanctus; causa exemplaris imago Dei; meta vitæ æternæ. *Vide Psal. 119. v. 43. & sequentibus passim. 1 Corinth. 13. v. 9. 10. 1 Ioh. 3. v. 2.*

*Considerationes Catechetica Novatorum
ad quæst. & resp. centes. decimam
quintam.*

I. *An in Scripturâ existet à Deo legem exactè, & severè cū intentione*

zione predicari, ut per omnem vitam pravitate nostram agnoscamus, & non potius, ut fœderati legem impleant, & si id non præstent inexcusabiles reddantur.

An finis prædicationis Legis agnitio peccati perpetua?

Resp. Unius rei possunt esse plures fines. Catechesis fines illos, circa regenitos scitè conjungit, quibus lex simul est speculum peccati ac miseriæ, & regula vitæ Rom. 7. vers. 14. 15. seqq. usque ad finem.

I I. An quod sub finem dicitur, nos ad propositam perfectionem post hanc vitam perventuros; in Scripturâ vel secundum verba, vel secundum sensum reperitur.

An in Scriptura promittatur nos ad perfectionem perventuros?

Resp. Imò dicitur utroque modo. Secundum sensum, quia docet Scriptura sanctificationem non perducere ad finem in hac vita, 2 Corinth. 7. v. 1. Hebr. 12. v. 1. sed in altera demum vita perfici quæ est justorum consummatorum Heb. 12. v. 23. Secundum verba 1 Cor. 13. v. 9, 10, 11. & Phil. 3. v. 3. v. 12, 13, 14.

DE PRECATIONE.

QUÆST. CXVI. Quare Christianis necessaria est præcatio?

RESP. Quia præcipua pars est ejus, quam Deus à nobis postulat, gratitudinis. Tum quia illis tantum suam gratiam, & Spiritum Sanctum Deus largitur, qui veris gemitibus continenter hac ab eo petunt, & pro iis ipsi gratias agunt.

EXEGESIS.

Hucusque de prima parte gratitudinis, quæ doctrina bonorum operum continetur: Sequitur altera de Precatione, cujus necessitas gemino argumento ostenditur. I. A mandato Dei, quo cum alia gratitudinis munia, tum illud inprimis, quod precatione peragitur, à nobis requirit; juxta dictum Psal. 50. v. 14, 15. Sacrificia Deo laudem, & redde excelso vota tua, atque invoca me tempore angustia, & eripiam te, ut honore afficias me. II. A promissione Dei, qua Spiritum Sanctum petentibus, & pro acceptis beneficiis gra-

Precationis necessitas.

tias agentibus pollicetur : juxta dictum Luc. II. v. 13. *Pater vester celestis dabit spiritum Sanctum, petentibus ab ipso.*

*Considerationes Catecheticae Novatorum
ad quest. & resp. centes. decimam
sextam.*

An quævis
precatio sit
pars gratitudi-
nis?

I. *Videndum hoc loco, an prima ratio, quæ demonstratur necessitas precationis, recte sit proposita his verbis, quia potissima pars est gratitudinis. Ea enim respicit quidem agnitionem beneficiorum nobis jam collatorum, sed quomodo hæc precibus aptari potest, & supplicationibus, quibus corporale aliquod, vel spirituale bonum à Deo petimus?*

Resp. Gratitude non solum continet agnitionem acceptorum beneficiorum, sed etiam gratiarum actionem pro iis, nec non professionem fiduciæ, in Deo, tanquam unico bonorum omnium fonte ac largitore locatæ : quæ singula qui precationi præcipue inesse non cernit, aut quomodo ei applicari possint dubitat, is nè quidem, quid sit precatio, didicit, aut tenet.

An gratias
agamus pro
beneficiis
nondum col-
latis?

II. *Idem quoque, alteram rationem quod attinet, expendendum videtur, quod videlicet Deus spiritum suum iis largiri vult, qui pro eo ipsi gratias agunt, quippe cum petentes initia donorum spiritus pro iis tanquam collatis gratias Deo agere, necdum possimus, cum collata nondum sint.*

Resp. Spiritus Sanctus est causa & effectus precationis, diverso respectu. Causa, quia efficit preces in fidelibus, unde Spiritus precum nuncupatur Zach. I 2. v. 10. Effectus, ratione incrementi donorum Luc. I 1. v. 17. & cap. 19. vers. 26. Vult igitur Deus largiri incrementa Spiritus iis, qui pro ejus initiis ipsi gratias agunt.

QUÆST. CXVII. Quæ ad eam precationem requiruntur, quæ Deo placeat, quæque ab ipso exaudiatur?

RESP. *Vt à solo vero Deo, qui se in verbo suo patefecit, omnia, quæ à se peti jussit, vero cordis affectu petamus; ex intimo nostræ indigentia, ac miseria sensu, nos in conspectu divina majestatis supplices abjiciamus; huic*
firmiter

firmitate fundamento innitatur, nos à Deo, quanquam indignos propter Christum tamen certo exaudiri, quemadmodum nobis in suo verbo promisit.

E X E G E S I S.

Demonstratâ necessitate precationis, requisita ejus, sive conditiones exponuntur, numero tres. *Prima* est de Subjecto recipiente ad se, quod est Deus, verbo Prophetico & Apostolico nobis patefactus. Is enim solus est invocandus, juxta dictum, *Dominum Deum tuum adorabis, & ei soli servies* Matth. 4.v. 10. *Secunda* est de subjecto occupante, sive objecto, & sunt omnia ea, quæ Deus à se peti jussit: De quibus in sequentibus. *Tertia* est de adjuncto inhærente, quod est verus cordis affectus, *Iohan. 4.v. 24 Heb. 10.v. 22.* secundum voluntatem Dei compositus; & per duas species declaratur: *Vna* est humilitas, & animi demissio, ex indigentia nostrâ, & majestatis divinæ sensu profecta; *Daniel. 9.v. 4. Luc. 18.v. 13.* *Altera* est fiducia, quæ Christum respicit, *Dan. 9.v. 17. Ephes. 3.v. 12.* & infallibili Dei promissione nititur *Iohan. 14.v. 13. & cap. 16.v. 23.*

Requisita
precationis.

*Consideratio Catechetica Novatorum,
ad quest. & resp. centes. decimam
septimam.*

Examinandum videtur, an non juxta Dei verbum plures paucioresve conditiones ad veram precationem requirantur.

An conditiones hæc sufficiant?

Resp. At nos nihil de bonæ precationis notis intermissum censemus, nihil etiam superfluum agnoscimus.

QUÆST. CXVIII. Quæ sunt ea quæ à se peti jubet?

RESP. *Omnia tum animæ, tum corpori necessaria, quæ Dominus noster Iesus Christus eâ precatione, quam nos ipse docuit, complexus est.*

E X E G E S I S.

Secunda conditio precationis de Subjecto occupante, sive Objecto, quæstione superiore indicata, bifariam hîc declaratur.

I. Distributione bonorum necessariorum è Subjectis recipientibus, quæ vel animæ sunt vel corporis. *Illæ* sunt simpliciter petenda cum fiduciâ, quòd simus ea accepturi sicut petimus *Matth. 7. v. 7. 8. Luc. 11. 13.* *Istæ* petenda sunt cum conditione voluntatis ipsius, quòd ea sit nobis daturus, si ita ipsius gloriæ, & nostræ salutis expediat *Matth. 8. v. 2.* II. Indicatione rerum petendarum, quam ipse Servator noster certâ precationis formula complexus est.

*Considerationes Catechetica Novatorum,
ad quæst. & resp. centes. decimam
octavam.*

I. *Queritur, an non rerum petendarum distinctio hoc pacto melius proponi possit, Omnia quæ ad Dei gloriam, & utilitatem nostram spectant.*

An res petenda rectius distinguendæ sint?

Resp. Distinctio hæc coincidit cum priorè, & sensu eodem alii illam; alii istam usurpant.

II. *An istis verbis, quam nos ipse docuit, significetur, Christum omnibus mandasse, ut cum precari volunt, istâ formulâ utantur, sive solâ, sive pro suarum precum clausulâ; an verò potius materiam us suggerere voluerit earum rerum, quas aut semper, aut pro temporum ratione petere possent.*

An Christus formulam perpetuæ precationis præscripserit?

Resp. Posterius significatur. Nam Christus hanc formam nobis tradidit, ut sciamus, quæ res, & quomodo petendæ sint. Verba, tanquam indifferentia, libertati Ecclesiæ per misit: quæ minimè ignorat, sive Christi, sive aliis verbis Deus invocetur, gratissimum se illi cultum præstare.

QUÆST. CXIX. Quæ est illa precatio?

RESP. *Pater noster, qui es in cælis. Sanctificetur nomen tuum. Adveniat regnum tuum. Fiat voluntas tua, quemadmodum in cælo, sic etiam in terrâ. Panem nostrum quotidianum da nobis hodiè. Et remitte nobis debita nostra, sicut & nos remittimus debitoribus nostris. Et ne nos inducas in tentationem, sed libera nos à malo. Quia tuum est regnum, & potentia, & gloria, in secula seculorum, Amen.*

E X E G E S I S.

Precatio hæc usitatè *Oratio Dominica* vocatur, quia Dominus noster Jesus Christus eam discipulis suis præscripsit, & dicendam mandavit, ut videre est *Matth. 6. v. 9. seqq. Luc. 11. v. 1. seqq.* Partes ejus tres sunt: Exordium, Petitiones numero sex, & Clausula, de quibus ordine in sequentibus.

QUÆST. CXX. Cur præcipit Christus, ut ita Deum compellemus *Pater noster*?

RESP. *Vt statim in ipso precationis exordio, convenientem Dei filiis reverentiam & fiduciam erga Deum in nobis excitet, quæ nostræ precationis fundamentum esse debet: nimirum Deum propter Christum nobis patrem factum esse, & quæ verâ fide ab eo petimus; nobis multò minus negare, quàm parentes nostri nobis bona terrena denegant.*

E X E G E S I S.

Exordium est, *Pater noster, qui es in cælis.* Hujus duæ sunt particulæ; quarum prior compellationem continens veri Dei hîc exponitur. Docetur igitur nos Deum compellare Patrem nostrum, ut de duobus animi affectibus ad precandum necessariis admoneamur: videlicet de reverentiâ filiali, *Lev. 19. v. 3.* & fiduciâ filiali *Esa. 63. v. 15, 16, 17.* Nam si Deum Patrem agnoscimus, æquum est ut ipsum revereamur. Filius enim honorat Patrem suum *Malach. 1. v. 6.* Si etiam ut Patrem invocamus, utique ei fidere debemus; quia vel naturâ duce filius patri fidit, & optimam in eo spem repositam habet. Porro utriusque hujus affectus tum necessitas ostenditur, tum ratio explicatur. *Necessitas* tanta est; ut sint veluti fundamenta precationis nostræ, usque aded, ut nisi his induti affectibus ad precandum accedamus, actum omninò agamus *Iacob. 1. v. 6, 7, 8, 9.* *Ratio* ponitur in modo illo, quo pater noster est, videlicet non naturâ, sed gratiâ adoptionis in Christo, per quem nobis Pater factus est *Ephes. 1. v. 5.* Sanè etiam ex creatione pater est; Sed *Peternitas* illa impiis quoque communis est; & nos

Affectus precantis.

nos imaginem ipsius ut patris, per peccatum amisimus. Hinc κατὰ πίστιν certitudo fiduciæ nostræ deducitur amplificata comparatione minoris, quod ea, quæ verâ fide ab eo petimus, nobis multò minus negaturus sit, quam parentes nostri nobis bona terrena denegant: *Matth.* 7. v. 11. *Psalm.* 103. v. 13. *Esa.* 49. v. 15, 16. Nimirum, quia terreni parentes sunt mali: Deus autem bonus est *Luc.* 11. v. 13.

*Considerationes Catechetica Novatorum,
ad quaest. & resp. centesimam
vigesimalam.*

An Deus appellandus Pater, quia is nobis iam factus est?

I. *Queritur, an Christus jusserit compellare Deum Patrem nostrum statim in initio nostræ precationis, ut eo officii nostri admoneremur, quia Deus jam factus sit Pater noster; an quia Deus paratus sit fieri nobis in patrem, omnemque paternum favorem nobis ostendere: siquidem debita officium nostrum præstemus.*

Resp. Christus jussit Deum compellare Patrem nostrum, quòd jam in Christo pater noster factus sit, non quod talis demum futurus sit, siquidem officiis nostris hoc demereamur. Est Pater noster ex fœdere gratuito, *Ierem.* 31. v. 1. 2 *Corinth.* 6. v. 18. *Esa.* 63. v. 16. etiam aptequam officium nostrum debite præstemus: *Iohan.* 11. v. 52. *Esa.* 65. v. 24. Et quotquot Christum fide recipiunt sunt filii Dei *Iohan.* 1. v. 12. Fides autem precationis inater est. Quomodo verò, qui persuasus non est Deum esse sibi patrem eum fidenter & ardentè invocare potest? Precationem igitur tollunt, qui paternum Dei erga nos affectum ab officio nostro suspendunt.

An pari certitudine etiam temporalia bona exspectemus?

II. *An ex eo, quod Deum patrem nostrum appellamus, certi esse possimus, Deum nobis omnia tum animo tum corpori necessaria. (Ea enim omnia, uti dictum est, petere jubemur) sine omni dubio largiturum, eoque etiam temporalia bona pari certitudine exauditionis peti debeant, quâ spiritualia.*

Resp. Certi sumus Deum etiam corporalia bona sine omni dubio nobis largiturum, prout ea promisit. Atqui promisit ea quatenus gloriæ suæ, & salutis nostræ conducunt. Sic ergo etiam de iis certi sumus, eoque non dubitanter, sed fidenter eâ petimus. Quòd si noxia futura sint, nè ipsi quidem volumus exaudiri. Nam fides se subjicit omni verbo, & voluntati Dei, & con-

confidit Deo non solum ut benigno, sed etiam sapienti Patri, qui optimè novit, quid filiis suis expediat.

QUÆST. CXXI. Cur additur, *qui es in cœlis*?

RESP. Nè de cœlesti majestate Dei humile quippiam, aut terrenum cogitemus; simul etiam, ut ab ejus omnipotentia, quacunque animo & corpori sunt necessaria, expectemus.

E X E G E S I S.

Altera particula Exordii, *Qui es in cœlis*, descriptionem Dei continet à Subjecto loco. Non quod Deus cœlorum spatiis includatur; nam cœli cœlorum non capiunt eum, 1 Reg. 8.v.27. sed quia ibi tum majestatem suam plenissimè patefacit, tum bonitatem suam beatis angelis, & hominibus quàm largissimè fruendam exhibet Psal. 103.v.19. Cœli igitur sunt cœli cœlorum, hoc est, cœlum illud supremum, quod est supra omnes cœlos adspectabiles, & regiones eorum Ephes. 4.v.11. Et cœlum tertium vocatur 2 Corinth. 12.v.2. Fines hujus descriptionis duo indicantur. *Primus* est reverentia, nè de cœlesti majestate Dei humile quiddam; aut caducum cogitemus, neve de Patre illo Spirituum veluti de carnis nostræ patribus sentiamus 1 Reg. 8.v.27. Act. 17.v.24. 25. Hebr. 12.v.9. *Alter* est fiducia, ut ab omnipotentia ejus omnia necessaria, ac salutaria bona expectemus. Quia enim Deus noster in cœlis est, quicquid vult, facit: ait Psalter Psal. 115.v.3.

QUÆST. CXXII. Quæ est prima petitio?

RESP. Sanctificetur nomen tuum: hoc est, da principio, ut te rectè agnoscamus, & lucentem in omnibus operibus tuis omnipotentiam, sapientiam, bonitatem, justitiam, misericordiam, & veritatem tuam veneremur, prædicemus, & celebremus. Deinde, ut universam vitam nostram, cogitationes, sermones, & actiones, eo semper dirigamus, ne sanctissimum nomen tuum propter nos contumeliâ afficiatur, sed honore potius & laudibus illustretur.

EXEGESIS.

SEquuntur ipsæ petitiones numero sex: quarum aliæ Deum, aliæ nos spectant. Illæ sunt tres priores: Istæ tres posteriores.

Prima est de sanctificatione nominis divini, quæ est finis, & scopus omnium reliquarum. *Nomen Dei* hic essentiam, proprietates, & opera significat, à quibus Deus variè denominatur in Scripturâ *Psal.* 115. v. 1. & 116. v. 4. & 8. v. 2. *Sanctificatur* nomen illud non quasi ex profano sanctum reddatur: (In se enim sanctissimum est, *Lev.* 11. v. 44. *Esa.* 6. v. 3.) sed dum à nobis ut sanctum glorificatur. Cujus tres modi in Catechesi exprimuntur. I. Sanctificatur verâ agnitione Dei, cum talem agnoscimus, qualem se patefecit verbo, & operibus *Ephes.* 1. v. 16. 17. II. Sanctificatur celebratione sanctitatis & virtutum ipsius, 1 *Pet.* 2. v. 9. quæ in verbo plurimæ, & maximæ describuntur, *Exod.* 34. v. 6. 7. *Psal.* 145. per totum. 1 *Tim.* 1. v. 17. in operibus verò ipsius clarissimè relucet *Psal.* 8. v. 2. seqq. & 19. v. 1. seqq. *Rom.* 1. v. 20. III. Sanctificatur studio sanctarum actionum, quæ occasionem aliis ad Deum sanctificandum, & glorificandum præbent, juxta illud *Matth.* 5. v. 16. Sic luceat lux vestra coram hominibus, &c. Atque hic modus illustratur à contrario, videlicet exercitio malorum operum, propter quæ nomen Dei blasphematur apud incredulos *Rom.* 2. v. 24.

quomodo
sanctificetur.

*Consideratio Catechetica Novatorum,
ad quæst. & resp. centes. vigesimam
secundam.*

An Sanctificatio Dei per opera sua hic intelligatur?

An non sub verbis Sanctificetur nomen tuum comprehendi debeat sanctificatio per quam Deus se ipsum per sancta opera declarat, ut ea homines intuentes accendantur desiderio Deum glorificandi & laudandi, &c.

Resp. Sanctificatio illa continetur sub communi genere operum Dei, & in Catechesi præsupponitur, tanquam objectum nostræ sanctificationis.

QUÆST. CXXIII. Quæ est secunda petitio?

RESP. Veniat regnum tuum: hoc est, regas nos ita verbo & Spiritu tuo, ut nos tibi magis magisque subijciamus: Conserva, & auge Ecclesiam tuam, destrue opera Diaboli, omnemque potentiam, se adversus majestatem:

*statem tuam efferentem: Irrita fac omnia consilia,
qua contra verbum tuum capiuntur, quoad plenè tan-
dem, ac perfectè regnes, cum eris omnia in omnibus.*

EXEGESIS.

Secunda agit de regno Dei, qua triplicis regni adventus petitur. ^{Regnum Dei}
Primum est *regnum gratia*, quod in Ecclesia exercetur, *Luc. 17.* ^{triplex}
v. 20. 21. à duobus actibus descriptum. *Unus* est gubernatio Eccle-
sia per verbum, & Spiritum; ut foris verbo præcipiantur facien-
da, vel omittenda, intus per spiritum conferatur volendi & per-
ficiendi facultas *Psal. 110. v. 2. & 119. v. 105. & 143. v. 10. Joh. 16.*
v. 13. Alter est Ecclesiae tum conservatio etiam adversus portas
inferorum, *Matth. 16. v. 17.* tum amplificatio, ut in dies magis, ma-
gisque crescat, & augeatur *Psal. 118. v. 25. 26. Rom. 15. v. 18. 19.*
Secundum est *regnum potentia*, *Psal. 103. v. 19.* quod etiam natu- ^{potentia,}
ræ, sive providentiæ dici consuevit. Hujus actus tres indicantur:
Destructio operum Diaboli; *Rom. 16. v. 20.* Everfio omnis poten-
tiæ humanæ efferentis se adversus summam Dei majestatem; qua-
lis est Turcæ, Hispani, Antichristi; *Psal. 129. v. 5. Psal. 5. v. 11.* Et
confusio omnium consiliorum contra verbum Dei initorum
Psal. 2. v. 1. 2. Act. 4. v. 25. seqq. Apoc. 22. v. 17. 20. Tertium est ^{gloria.}
regnum gloria, *Luc. 13. v. 29.* gemino adjuncto explicatum. I. Est
regnum perfectum; filiis regni perfectè regeneratis, *1 Corinth. 13.*
v. 9. 10. 11. & hostibus ejus omnibus positis in scabellum pedum
Christi *1 Cor. 15. v. 25. 26.* II. Est regnum immediatum; quod
absque ministerio verbi, Sacramentorum & aliorum salutis me-
diorum œconomiâ, immediatè à Deo exercebitur, cum ipse erit
omnia in omnibus *1 Cor. 15. v. 28.*

QUÆST. CXXIV. Quæ est tertia petitio?

RESP. Fiat voluntas tua, quemadmodum in cœlo, sic
etiam in terra: *hoc est, Da ut nos, & omnes homines*
voluntati propriæ renunciantes, tuæ voluntati, quæ sola
sancta est, promissæ & sine ullo murmure pareamus; at-
que ita singuli mandatum nobis munus fideliter & a-
lacriter exsequamur, quemadmodum faciunt angeli in
cœlo.

Tertia agit de obsequio voluntati Dei à nobis præstando. *Voluntas Dei* est ipsius mandatum verbo legis, 1 *Thess.* 4. v. 4. & Euangelii, *Ioh.* 6. v. 39. 40. comprehensum: tum etiam consilium, & decretum ipsius *Esa.* 46. v. 10. *Facere voluntatem Dei* dicimur duplici obsequio, generali & speciali. *Prims* declaratur I. Antithesi contrariorum, videlicet abdicatione voluntatis nostræ, quæ ei ut pravæ, & perversæ renunciamus, *Pf.* 141. v. 4. *Mat.* 16. v. 24. *Galat.* 5. v. 24. & partitione voluntatis divinæ, quæ sola sancta, iusta, ac bona est *Pf.* 119. v. 33. *seqq.* II. Ab adjunctis, ut obsequium illud sit promptum, spontaneum, non coactum, aut cum murmure conjunctum *Pf.* 110. v. 3. & 51. v. 12. Hujus exempla vide in *Jobo*, *cap.* 1. v. 21. *Eli*, 1. *Sam.* 3. v. 18. *Davide*, 2. *Sam.* 15. v. 25. 26. & *Christo* *Matth.* 26. v. 39. 42. *Hebr.* 10. v. 7. 9. *Alterum* est obedientia specialis vocationis, ut eâ tum fideliter, tum alacriter desungamur. Cujus exemplum illustre occurrit in *Christo*, *Iohan.* 4. v. 34. & *Paulo*, *Actor.* 20. v. 19. *seqq.* *Rom.* 15. v. 18. 19. Utrumque illustratur exemplo simili sanctorum Angelorum, quorum erga Deum obedientia celebratur in Scripturâ, cum alibi, tum *Pf.* 103, v. 20, 21. *Heb.* 1. v. 14.

quomodo
fiat à nobis.

Considerationes Catechetica Novatorum

ad quæst. & resp. centes. vigesimam

quartum.

An hæc quæ-
stio consen-
tiat cum
quæst. 114?

An illud, quod de exiguis initiis dicitur responsione CXIV. conveniat cum verbis, quæ hic exstant; Ut ita singuli mandatum sibi munus, fideliter & alacriter exsequantur, quemadmodum Angeli in cælis.

Resp. Convenit. Nam responsio CXIV. de facto, hæc de voto agit, quod cum demum perfectè implebitur, cum erimus *ἰσχυροὶ* *Luc.* 20. v. 36.

QUÆST. CXXV. Quæ est quarta petitio?

RESP. Panem nostrum quotidianum da nobis hodie: hoc est, suppedita nobis omnia, quæ sunt ad hanc vitam necessaria, ut per ea agnoscamus, te unicum fontem esse, ex quo omnia bona emanant, ac nisi tu benedicas omnem nostram curam, & industriam, atq; adeo
tua

tua ipsius dona, nobis infelicia, & noxia esse. Quapropter da, ut fiduciam nostram ab omnibus creaturis averfam, in te solo collocemus.

EXEGESIS.

Quartæ agit de subsidiis necessariis ad sustentationem, & conservationem vitæ hujus corporalis; quæ omnia per synecdochē speciei notantur, & petuntur nomine panis *Psal. 145. v. 15. 16. & 85. v. 10. 11. 12. 13. Prov. 30. v. 7. 8.* Eo quod panis præcipuam ad hominis corpus alendum vim habet. Cæterum cum alibi panem nostro labore acquirere jubeamur, causæ hîc exponuntur cur nihilominus à Deo eum petere debeamus. Prima est, ut Deus agnoscat, & celebretur, tanquam unicus fons, ex quo omnia bona emanant *Psal. 67. v. 3. Act. 14. v. 15. 17.* Secunda est, ut agnoscat, & celebretur ut laboris nostri liberalissimus compensator, & saluberrimus prosperator *Deut. 8 v. 3. Psal. 127. v. 1. 2. Hagg. 2. v. 16. seqq.* Tertia est, ut fiduciam nostram, ab omnibus creaturis averfam, in ipso solo collocare discamus *Psal. 146. v. 3. 4. seqq. & 62. v. 9. 11.*

Panis quid

cur petendus

*Considerationes Catechetice Novatorum
ad quæst. & resp. centes. vigesimam
quintam.*

I. *Queritur, an vox ἄνθρωπος rectè vertatur, Quotidianus.*

An ἄνθρωπος
quotidianum
notet?

Resp. Alii interpretes aliter reddunt: & quatuor, vel etiam plures exstant vocis hujus expositiones. Si ἀντὶ τοῦ ἄνθρωπος dicitur, quasi ὁ τῆς ἀνθρώπων, sc. ἡμετέρας, id est, panis diei succedentis, sive præsentis, qui hesterno succedit, non malè sic vertitur.

II. *Quandoquidem per voculam Amen, precationi additam ab aliquibus intelligitur, certo nos accepturos quod petimus, quæritur annon in hujus precationis explanatione mentio fieri debeat, quomodo Deus aliquando suos paupertate soleat visitare, adeoque omnes fideles, in hac vita, crux certa maneat.*

Annon Crucis
mentio sit
facienda?

Resp. Considerationi huic satisfaciunt Catechetæ in brevioris hujusce compendii prolixiore explanatione & practicâ applicatione.

III. *An non in declaratione hæc distinctius mentio fuerit facienda sollicitudinis à Christo prohibita Matth. 6.*

Resp. Illius verò satis distincta mentio fit verbis ultimis respon-
sionis : siquidem sollicitudo ista ex fiduciâ in creaturis potissi-
mum oritur.

QUÆST. CXXVI. Quæ est quinta petitio?

RESP. Remitte nobis debita nostra, sicut & nos remit-
timus debitoribus nostris : *hoc est, nobis miserrimis*
peccatoribus omnia peccata nostra, atque eam etiam
pravitatem, quæ in nobis et æmulum hæret, propter
Christi sanguinem ne imputes : quemadmodum nos
quoque hoc tuæ gratiæ testimonium in cordibus nostris
sentimus, quod firmiter nobis propositum habemus, o-
mnibus, qui nos offenderunt, ex animo ignoscere.

E X E G E S I S.

Peccata de-
bita.

Remissio
eorum.

Quinta est de remissione peccatorum, quæ debita appellantur,
quandoquidem pœnas eorum Deo debemus, quem pecca-
tis nostris offendimus *Matth. 6. v. 12. & Luc. 11. v. 4. inter se collatis.*
Hæc remissio partim declaratur in Catechesi, partim etiam confir-
matur. *Declaratur. I. A Subiecto Recipiente ; Quod sumus nos*
miserrimi peccatores, ita obruti peccatis, ut ne numerum quidem
eorum ipsi teneamus *Psal. 19. v. 33. Matth. 18. v. 24. II. A distribu-*
tione peccatorum in actualia, & originale etiamnum nobis inhæ-
rens *Rom. 7. v. 15. seqq. III. A causâ impulsivâ meritoriâ, sanguine*
Christi *Rom. 3. v. 25. Matt. 26. v. 28. IV. A formâ, quæ est non im-*
putatio peccatorum *Psal. 32. v. 1. 2. Rom. 4. v. 7. 8. Confirmatur verò*
testimonio gratiæ Dei in cordibus nostris, de constanti ac sincero
proposito ignoscendi iis qui nos offenderunt. Jam verò Christus
promisit patrem cœlestem nobis remissurū, siquidem nos offen-
das proximis nostris ex animo condonemus, *Luc. 11. v. 4. Matth. 18.*
v. 35. Certa igitur nobis est, & manet peccatorum nostrorum re-
missio.

QUÆST. CXXVII. Quæ est sexta petitio?

RESP. Ne nos inducas in tentationem, sed libera nos à
malo: *hoc est, quoniam ipsi naturâ adeo debiles, & infir-*
mi sumus, ut ne momento quidem subsistere possimus, in-
fensissimi autem hostes nostri, Satan, mundus, ac nostra
ipsorum

ipforum caro nos continenter oppugnant; tu nos sustentas, & spiritus tui robore firmes, ne in hoc spirituali certamine succumbamus, sed tantisper illis fortiter resistamus, donec integram tandem victoriam obtineamus.

E X E G E S I S.

Sexta, & ultima petitio est, qua deprecamur tentationes Diaboli; & aliorum hostium, quibus nos à Deo abducere, & sibi Petitionis
huius causæ. mancipare conantur. Primò autem causæ hujus petitionis exponuntur, inde ipsa petitio in partes deducitur. *Causa* duæ sunt. *Vna* est nostra infirmitas, & quidem tanta, ut nobis relictis aut permissis, ne momento quidem subsistere possimus *Matth. 26. v. 41.* Altera est potentia, astutia, & vigilantia hostium nostrorum, qui dolo, & vi nos oppugnare nunquam cessant. Hostes verò tres enumerantur, qui mutuas sibi operas præstant, & in unum conspirant. *Satan*, *Luc. 22. v. 32.* *Ephes. 6. v. 12.* qui circumit, ut leo rugiens, quærens quem devoret, *1 Petr. 5. v. 8.* *Mundus*, ad odium nostri & persecutionem per se pronus; à Satanâ verò insuper inflammatus *Ioh. 15. v. 19.* Et nostra ipforum *caro*, quæ intra nos concupiscit adversus spiritum, *Galat. 5. v. 17.* eique pertinaciter rebellat *Rom. 7. v. 22. 23.* partes. *Partes* petitionis tres sunt. Nam petimus à Deo sustentationem nostri, ne vel nostrâmet imbecillitate concidamus *1 Cor. 10. v. 12. 13.* Confirmationem item per Spiritum Sanctum, ne in hoc spirituali certamine succumbamus *Ephes. 6. v. 11. 12. 13.* Et denique plenam victoriam ab omnibus hostibus, etiam in pedum nostrorum scabellum redactis *Rom. 16. v. 20.*

QUÆST. CXXVIII. Quomodo concludis precationem tuam?

RESP. Quia tuum est regnum, & potentia, & gloria in secula; *hoc est, omnia hæc à te petimus, quia cum & rex noster, & omnipotens sis, omnia nobis & vis, & potes largiri. Atque hæc quidem ideo petimus, ut ex iis non ad nos, sed ad sanctum nomen tuum omnis gloria redeat.*

E X E G E S I S.

Super est *clausula* totius precationis Dominicæ, tria continens argumenta, quibus in fide gratiosæ exauditionis nostri

firi confirmamur. *Primum* ducitur à causâ procreante, nempe à voluntate Dei, quâ notatur epitheto, regis, sive regni. Rex enim bene vult suis subditis *Psal.* 5. v. 5. & 20. v. 10. *Alterum* similiter fumitur à causâ procreante; videlicet potentiâ Dei, quia ipse est omnipotens, cui omnia sunt possibilia 2 *Chron.* 20. v. 6. 1. *Chron.* 19. v. 11. 12. *Marc.* 14. v. 36. *Tertium* petitur à fine, qui est gloria Dei, & precum nostrarum exauditione mirificè illustratur, in hoc & futuro seculo sine intermissione *Psal.* 115. v. 1. *Esa.* 37. v. 20. *Daniel.* 9. v. 19. A Deo autem unice, & in omnibus spectatur *Proverb.* 16. v. 4.

QUÆST. CXXIX. Quid sibi vult particula *Amen*?

RESP. Rem certam ac ratam esse. Nam precatio mea multo certius à Deo est exaudita, quam ego in corde meo sentio, me illud ex animo cupere.

EXEGESIS.

PARTICULA *Amen* est signaculum orationis, notans tum votum, sive desiderium exauditionis, tum etiam fiduciam de eo *Ierem.* 28. v. 5. 6. 2 *Corinth.* 1. v. 20. Cujus certitudo collatione imparium amplificatur ex *Esa.* 65. v. 24. Et Paulo *Ephes.* 3. v. 20.

*Consideratio Catechetica Novatorum,
ad quæst. & resp. centes. vigesimam
nonam.*

An *Amen* aliud no-
tetur quam
votum no-
ter?

*Considerandum an vox Amen aliud no-
tetur nos, ut quod petimus, ita uti petimus nobis eveniat, significamus.*

Resp. Dictum est vocem illam non tantum esse optantis, sed etiam asseverantis, ut in dictis Christi *Ioh.* 16. v. 23. & alibi. Quo sensu Lucas reddidit, per αληθώς, cap. 12. v. 44. Græci per πεισθυσίως i. e. certo, confirmatè. Vera igitur est hujus vocis significatio in Catechesi expressa, & cum priorè meritò conjungitur, ut precationem ardentem simul, & fidelem esse ostendatur.

F I N I S.

I N D E X

Dictorum Scripturæ.

<i>Genesis.</i>			<i>Lucas.</i>		
Cap.	vers.	pag.	I.	35.	185.250.
I.	26.	42.	XX.	37.38.	107.
VI.	31.	43.	XXIV.	49.	250.
VII.	5.	58.	<i>Iohannes.</i>		
VIII.	21.	ibid.	I.	12.	178.
IX.	6.	42.		14.	176.
<i>Exodus.</i>				17.	115.
XII.	11.27.	333.		18.	105.
XIV.	31.	147.	III.	16.	212.260.
<i>Deuteronomium.</i>				13.31.	237.
XXVII.	26.	78.		36.	280.281.
<i>I. Samuelis.</i>			V.	17.	150.
II.	6.	231.	VI.	38.62.	237.
XII.	18.	147.	X.	36.	185.
<i>Psalms.</i>			XV.	2.	299.
L.	1.	147.	XVI.	28.	337.
LI.	7.	59.	<i>Acta.</i>		
LVIII.	4.	59.	IV.	12.	113.
<i>Ecclesiastes.</i>			XL.	26.	176.
VII.	29.	43.57.	XIII.	32.33.	187.
<i>Iesaias.</i>			XV.	11.	112.
LXIV.	10.	297.	XVII.	28.	156.
<i>Matthæus.</i>			XVIII.	25.	311.
III.	17.	186.	XIX.	3.	147.
XVI.	19.	338.339.	XX.	32.	147.
XX.	22.23.	311.	XXII.	16.	317.318.
XXII.	37. seq.	24.25.	<i>Ad Romanos.</i>		
XXVIII.	19.	147.315. seq.	I.	12.	59.
<i>Marcus.</i>				16.	293.
XVI.	16.	315.316.		18.19.	117.
			III.	25.26.	226.
				ccc	IV.

INDEX DICTORVM SCRIPTVRÆ.

IV.	5.	284.	II.	17.	115.
	24.	234.	III.	4.	281.
V.	10.	236.	II. <i>Ad Thessalonicenses.</i>		
VII.	10.	74.	I.	5.	294.
	24.25.	228.	I. <i>Ad Timotheum.</i>		
VIII.	30.	261.	I.	19.	300.
	34.	236.	II.	4.	213.
I. <i>Ad Corinthios.</i>			II. <i>Ad Timotheum.</i>		
I.	30.	98.	I.	10.	105.
II.	2.	249.	II.	4.	213.
VI.	11.	313.314.	<i>Ad Titum.</i>		
VII.	14.	264.	III.	5.	318.319.
X.	2.	147.	<i>Ad Hebraeos.</i>		
XII.	4.5.6.	148.	II.	17.	241.
XV.	22.	117.	V.	5.	187.
	42.44.46.	279.		7.	279.
	45.	46.	VII.	19.	106.
	46.	34.279.	VIII.	4.	241.
	50.	279.		6.	106.
II. <i>Ad Corinthios.</i>			IX.	7.	110.
III.	6.8.	251.	XI.	2.3.6.	294.
<i>Ad Galatas.</i>				16.	107.
III.	23.25.	114.	<i>Iacobi.</i>		
V.	4.	169.	I.	18.	178.
	6.	134.	II.	26.	134.
	17.	288.	III.	9.	42.
<i>Ad Ephesios.</i>			I. <i>Iohannis.</i>		
I.	4.5.	132.260.	I.	2.	205.
	14.	240.250.251.		9.	226.
II.	3.	59.	II.	1.	240.
	6.8.	281.		2.	212.
III.	12.	129.	III.	25.	106.
IV.	24.	29.		19.	129.
V.	30.	327.	V.	6.	349.
VI.	10.	147.		7.	148.
<i>Ad Colossenses.</i>			<i>Apocalypsis.</i>		
I.	17.	156.	III.	4.	294.297.
			INDEX		

I N D E X RERUM ET VERBORUM.

A.

Ablui sanguine & Spiritu Christi, quid sit. 313. Ablutio peccatorum quomodo tribuatur Baptismo. 317.

318.

Accidens singulare non posse esse in duobus subjectis, simpliciter verum non est. 123.

Acquiescentia in Deo quid. 125. in Deo Patre quid. 151.

Adamus integer habuit potentiam credendi. 39. ejus lapsus causa peccati originalis. 56. quatenus ipsi condonatus, posteris imputatus sit. 80.

Adoptio facit fideles filios Dei. 151.

177. analogia ejus cum generatione. 178. ejus causa. ibid. in tempore facta est quoad executionem. 179.

Adscensio Christi qualis. 236. 237. ante resurrectionem nulla. 237. non efficit separationem duarum naturarum in Christo. 239.

Adpersio recte servatur in his locis pro ablutione. 312.

Adultis quoque convenit institutio Catechetica. 6.

Agnitio miseria, liberationis, & gratitudinis debet esse practica. 19. miseria agnitio prior ordine natura & causalitatis. 21. quo discrimine hanc tradant Theologia & Philosophia. 84.

Amor & ira Dei circa idem objectum possunt consistere. 209.

Angelorum miseria quae. 21. nulla Liberatio ipsis destinata. 85.

Appetitus sensuum & rationis in homine integro fuerunt disparati, non contrarii. 35.

Applicatio & imperatio salutis ad solos credentes spectat. 118. 168. perpetuo invicem cohaerent. 218.

Applicatio fiducialis quibus gradibus perficiatur. 124. specialis est forma fidei. 131.

Assensus vera fidei qualis. 120. gradibus variat. 128.

Audientes sive Auditores in Veteri Ecclesia qui. 3.

Augustini dictum vindicatur. 203.

B.

Baptismus ex instituto Christi primum gentibus communis factus.

312. Vocis Synonymia. ibid. per adpersionem recte administratur.

313. qui baptizandi. 316. ejus necessitas qualis. ibid. quo sensu dicitur ablutio peccatorum. 317. 318.

item lavacrum regenerationis. 318.

319. non tantum est tessera externa professionis. 319. per baptismum probatur. 320.

Beatitudo aeterna Electorum, qualis. 281.

Beneplacitum Dei sola causa Praedestinationis. 257. 258. quale sit. 258.

dec 2 Bono-

I N D E X

Bonorum corporalium promissiones communes utrique Testamento, sed cum discrimine triplici. 108. quo affectu & certitudine à Deo petantur. 390. 392.

Bona opera quomodo mercedem accipiant. 298. sequuntur justificationem. 300. eorum necessitas. 345. seqq. bona opera quæ. 352. Socinianorum circa ea errores. 353.

C.

Catechesis unde dicta. 1. quid sit. 2. Palatina ubi, cur, & à quibus scripta. 5. approbatio ejus. ibid. convenit junioribus & adultioribus. 6. publicè pro concione eam explicare licet. 7. major ejus auctoritas quam librorum Apocryphorum. 7. 8. quousque Ministri ad eam obligentur. 8. tractat loca de Scriptura & de Deo. 9. ad pacem conservandam facit. ibid. quid de dictis Scriptura marginalibus statuendum. ibid. ejus methodus analytica. 13.

Catecheta qui. 2.
Catechumeni qui. 2. ordines eorum. 3.
horum institutioni accommodatum. Symbolum Apostolicum. 139.

Certitudo de nostri Redemptione & conservatione unde habeatur. 15. vita aeterna prior est ordine causalitatis studio vivendi Christo. 17.

Christiani cur vocentur fideles. 174.
175.

Christus autor Religionis & quomodo.

11. dominium ejus in redemptos fundamentum consolationis. 14. sustulit mortem temporalem à fidelibus suis, & quatenus. 47. Deus ipsi ut sponsori fuit iratus. 97. est solus Mediator. 97. 98. quæ mediator non est fundamentum Electionis. 132. dicitur Iesus ab officio. 167. servat merito & efficaciam. ibid. vocatur Christus ab unctione. 170. ordinatio ejus ad munus mediatorum. 171. donorum necessariorum collatio ipsi facta. ibid. est unigenitus Dei filius. 176. filiatio ejus divina per generationem ab aeterno. 177. 178. quatenus dicatur Dominus noster. 188. Ejus incarnatio. 193. seqq. cur omnia ad Patrem referat. 199. Obedientia ejus activa & passiva. 97. 289. Generalis & Specialis. 289. Christus secundum quam naturam passus sit. 203. quomodo iram Dei adversus peccata universi generis humani sustinuerit. 205. pro solis electis, non pro omnibus & singulis hominibus mortuus est. 206. 207. 208. seq. Ejus mors cur necessaria. 221. 222. vide plura in voce Mors. Quibus gratiam impetravit iisdem & applicat. 217. 218. Verè pro nobis satisfecit. 223. 224. cur sepultus. 226. cur egerit & biberit à resurrectione. 235. quomodo Sacerdos in terrâ & in cælo. 241. Ejus descensus ad infer-

RERVM & VERBORVM.

inferos. 231. *Medium est Electio-*
ni subordinatum. 260.
Claves regni cælorum. 338. 339. *Earum*
usus & efficacia. 339. seqq.
De Cænâ. 322. *quid in ea declaretur*
& obfignetur. 323. seqq. *quomo-*
do in ea corpus Christi & sanguis
edatur & bibatur. 326. *qualis ex*
ea unio fluat. 326. seqq. *spiritua-*
lis & realis Christi communio in
Cænâ non pugnant. 333.
Communio Sanctorum cum Christo &
inter se. 274. 275.
Competentes in Veteri Ecclesiâ qui. 3.
Conceptio Christi. 193. *actus Spiritus S.*
in eâ. 196. *fructus illius.* 200.
Conservatio Dei. 155.
Consolatio finis Religionis proximus. 13.
qualis queratur. ibid. *ejus funda-*
mentum. 14. *media qua.* 18. *quo-*
modo ad eam faciant. 19.
Conversio in 3. à Catech. parte quomodo
consideretur. 248. seqq. *justifi-*
cationem. 345. *Conversorum per-*
fectio qualis. 383. seqq.
Contingentia rerum creaturarum non tol-
litur per Providentiam. 160. seqq.
Cor subiectum recipiens fiducia. 123.
Corpora eadem resurgent. 279. *quo sen-*
su spiritualia futura. ibid.
Corpus Christi edere quid sit. 325. seqq.
Corruptionis humana autor non est
Deus. 29. *ea totalis est omnium*
facultatum animæ membrorum-
que corporis. 61. 65.
Creatio quid. 152. *cur Patri tribuatur*
singulariter. 140. 150.
Creatura nuda non potest esse Media-

tor. 91. *creaturarum irrationali-*
um & inanimatarum miseria
qua. 21. *earundem liberatio.* 85.
in quas creaturas fideles in ater-
num regnaturi sint. 178.
Credo singulari numero cur dicatur in
symbolo. 149. *credere aliquid &*
in aliquid quid differant. ibid.
credere Christum pro se esse mor-
tuum absolute nemo tenetur. 213.
 214.
Crucifixio Iudaorum & Gentium di-
versa. 219. 220. *cur Christus*
crucifixus. ibid.

D.

Damnatio reproborum non fit sine
intuitu peccati. 262.
Decretum seu consilium Dei quale.
 158. *Decretorum Divinorum or-*
do, qualem Novatores fingunt,
refutatur. 267. seqq.
Deus non est autor corruptionis huma-
næ. 29. *flagitans ab homine cor-*
rupto ipsi impossibilia non est in-
justus. 68, 69. *non impellit ho-*
minem ad peccatum quâ pecca-
tum. 72. *ejus misericordia & ju-*
stitia summa, sine contrarietate
 82. 209. *non vult plectere aliam*
creaturam pro homine. 91. *Chri-*
sto ut sponsori fuit iratus. 97. *de*
ipso voces Essentia & Persona re-
cte usurpantur. 141. *quatenus*
dicatur unus & trinus. 142. *in*
primo articulo Symboli sumitur
hypostatice de Deo Patre. 149.
 eee 3 Deo

I N D E X

Deo in negotio Reprobationis nulla tribuitur iniustitia, hypocrisis, deceptio, inscitia, pravitas. 272.
 Iniustitia vindicatrix ei naturalis est. 83. 84. 224.
 Descensus Christi ad inferos qualis. 231.
 Dextra Dei, & sedere ad dextram Dei quid significet. 242. 243.
 Diabolus quomodo hominem primum ad peccatum impulerit. 69.
 Dilectio est summa Legis. 24.
 Diligere Deum quid. 25. proximum quid. ibid. neutrum potest homo peccator natura. 26.
 Divina Christi natura à Scriptura adstruitur. 198. de eà ratio judicare nequit. ibid.
 Disciplina Ecclesiastica usus. 341. quo effectum in vere fideles stringatur. 342. 343.
 Dominium Christi in redemptos. 14. ejus causa efficientes procreans & conservans. 14. 15. effecta. 15.
 Dominus noster cur dicatur Christus. 188.

E.

Ecclēsia quid significet. 252. Caput ejus Christus. 253. quatenus gentes ab eà exclusæ in V. T. 254. Definitio ejus in Catechesi tradita, quibus competat. 255. quo sensu visibilis dicatur, & invisibilis. 256.
 Notæ ejus. ibid. Extra eam non est salus. ibid. ut sciatur, an & ubi sit vera Ecclesia, necessarium est. 271.
 Electi, quomodo in gratia apud Deum

fuerint ab æterno. 209. Pro iis solis Christus mortuus. 206. 208. 209.
 Electionis causa quatenus sit Christus. 132. quid sit. 259. finem & media complectitur. 259. 273. Media Electioni subordinata quatuor. 260. 261. Ejus doctrina studium pietatis non enervat, sed promovet. 272. distinguitur à vocatione. 273.
 Ε' π'γγελία & Ε'αγγέλιον aliquando synonyma sunt. 101.
 Ε' πιστι & an recte vertatur Quotidianus. 397.
 Essentia vox de Deo recte usurpatur. 141. divina quid. ib. ejus à Persona differentia. 141. 142. ejusdem cum Persona convenientia. 142.
 Evangelium unde dictum. 99. cur hæc vox servata ad designandum gratiam N. Fæderis. ibid. ejus definitio. 100. promissio & complementum. ibid. non est natura notum. 101. idem in V. & N. T. hic tamen clarius ejus doctrina. ibid. non perpetuo ab Ε'π'γγελία distinguitur. ibid. est causa instrumentalis fidei. 122. ejus promissio objectum fidei proprium. 125. 126. an & quatenus plura credenda, quam in Evangelio promittantur. 137. cur spiritus vocetur. 251.
 Ε'υδοξία Dei sola est causa Prædestinationis. 257. 258.
 Excitatio Christi cur Patri peculiariter tribuatur. 234.
 Excommunicatio legitima probatur. 337.

RERVM & VERBORVM

337. de fidei excommunicato quid
statuendum. 342. 343. An ex-
communicati continuo è regno cœ-
lorum excludantur. 343.

F.

Facultates anima non abolentur per
corruptionem hominis totalem. 62.
omnes servituti peccati obnoxie
sunt. 66.

Fideles Christi proprii quatenus. 14. ad
eos solos pertinet consolatio Chri-
stiana. 16. & liberatio per Chri-
stum. 116. tam impetratio quam
applicatio salutis. 118. 168. qua-
tenus mortem temporalem ab iis
Christus sustulerit. 47. & cur iis
adhuc subeunda. 227. 228. qua-
tenus dicantur obediētes Deo.
135. & filii Dei. 151. 177. cur
Christiani vocentur. 174. 175. in
quas creaturas in aeternum regna-
turi sint. 176. in peccata prolapsi
resurgunt, & quales ipsorum lapsus
censendi. 230. Christo insiti ne-
cessario ferunt fructus. 299.

Fides in Christum an Adamo integro
conveniat. 39. quatenus in Lege
præcipiatur. 40. in V. T. fuit nota.
113. quomodo uniat fideles
Christo. 116. Historica, tempo-
ralis, & miraculorum non sunt
vera fides. 119. Vera quæ. 120.
seqq. Objectum ejus proprium.
125. 126. definatur qualis est in
suâ perfectione. 127. in subjectis,
etiam isdem, variat gradibus. ibid.
etiam debilis vera est & justificat.

128. Lucta ejus nota est vera fidei.
ibid. in definitione ejus mentio
bonorum operum merito negligi-
tur. 129. fides & obedientia ope-
rum differunt. 133. nec hac sub illâ
comprehenditur. 134. quomodo
exigatur in Euangelio à reprobis.
213. 214. totaliter & finaliter
amitti non potest. 265. Non est
ordinata in conditionem salutis,
sed medium. 269. Fides sola justi-
ficat, organicè & correlative. 283.
284. ab eâ omnis dignitas remo-
vetur. 294.

Fiducia fidei forma. 121. 131. est in corde.
123. variat gradibus. 128.

Filiationis divina inter Christum & nos
discrimen. 177. seqq. Christi est per
generationem. 177. ab aeterno. 178.
causa ejus non est conceptio ex Spi-
ritu S. 184. nec Sanctificatio &
missio in mundum. 158. nec dile-
ctio Dei Patris. 186. nec resurre-
ctio. 187. neque exaltatio & pote-
stas officii. ibid. Nostra est per ad-
optionem. 151. 177. in tempore
cæpit. 179. causa ejus. 178.

Filio Dei cur tribuatur Redemptio singu-
lariter. 140. est autem deus & qua-
tenus. 144. Cur dicatur Deus.
147. Christus talis est per gene-
rationem. 177. & aeternus. 178.
ejus generatio aeterna ex essentia
Patris probatur. 182. seqq. ipse
solus incarnatus est, non Pater, aut
Spiritus S. 193.

Fædus novum quousque se extendat. 73.
80.

Gratia

I N D E X.

G.

Gratia Dei irresistibilis. 303. seqq.
 Socinianorum circa illam errores. 305
 Generatio quatenus Deo conveniat. 181
 Gubernatio Dei. 156. modi ejus varii. ibid.

H.

Hominis integri finis quis. 30. an is
 totum genus humanum spectet, &
 quomodo. 31. justitia & Sancti-
 tas ipsi fuerunt naturales. 33. qua-
 tenus mortalis vel immortalis dici
 possit. 44. non fuit simpliciter mor-
 talis. 44. seq. lapsus est. contuma-
 cia propria. 69.
 Homini Lapsio quatenus tribuatur Imago
 Dei. 42. ejus impotentia ad bonū,
 & proclivitas ad malum probatur.
 26. 60. seq. habet lib. arbitrium
 physice, non theologice. 67. simul
 obligatur ad obedientiam & ad
 pœnam. 70. lex ipsi præsenti impos-
 sibilis. 74. 385. Homo peccator,
 quo sensu dicatur justificari. 284.
 Homo vetus quid. 348. ejus crucifixio.
 229. non tollit lapsus fidelium.
 230. mortificatio in quibus consi-
 stat. 348. seq.
 Homonymia vocum κατὰ ἔξιν & Cate-
 chesis. 1. 2. mortalis & immorta-
 lis. 44. peccati originali. 55. Evan-
 gelii. 99. fiducia. 128. fidei. 136.
 Symboli. 138. Dei. 142. Provi-
 dentia. 154. Redimere & redem-
 tionis. 191. Mundi. 212.

Humana Natura Christi veritas. 194.
efformatio per Spiritum S. 195.
Assumptio in Hypostasin τῆς λόγῃ.
 196. est ἀνωτατοῦ & in se, ἐνυπὶ-
 σατοῦ τῷ λόγῳ. 199.

I.

Idololatria duplex. 359. quomodo Pon-
 tificii idololatria. 360.
 Illuminandi in Veteri Ecclesia qui. 3. di-
 stincti ab illuminatis. ibid.
 Imago Dei in homine qualis. 29. 42.
 ejus descriptio in Catechesi. 29. 30
 quatenus tribuantur homini lapsio.
 42. reliquiae ejus post lapsum non
 assurgunt ad bonū Spirituale. 65.
 Imaginum qualiscunque cultus prohibi-
 tus. 362. usus eorum civilis lici-
 tus. 364.
 Immortalitas hominis integri defendi-
 tur. 45. ejus differentia immor-
 talitate vitae futurae. 46.
 Impetratio & applicatio salutis usdem
 facta. 118. 168. Non sunt se jun-
 genda. 214. 216. 218. impetratio
 ad solos Electos restringitur. 217.
 218. non solum possibilitatem re-
 conciliationis, sed ipsammet acqui-
 sitionem infert. 216.
 Imputatio justitiae Christi est eadem cum
 remissione peccatorum. 185. non
 fit per justitiae infusionem. ibid.
 unica est, non triplex, respectu di-
 versorum effectorum. 286. certa
 est, & perfecta. ibid.
 Incarnationis Christi subjectum, Filius
 Dei. 193. objectum natura hu-
 mana.

RERVM & VERBORVM.

mana. 194. materia, caro & sanguis virginis Maria. 195. Efficiens Spiritus S. ibid. Forma, assumptio Nat. Humana in hypostasi in τὸ λόγος. 196. finis. 197. Incipientes in veteri Ecclesiâ qui. 3. Incredulitas non est inter media Reprobationis. 263. Indigni quid percipiant in Cana. 336. Infantes ob peccatum Originale iuste à Deo damnari possunt. 81. etiam sunt baptizandi. 320. quo sensu in illis Spiritus S. dicatur effector fidei. ibid. non dicendi infideles. ibid. quomodo in iis Spiritus S. operetur. 321. regenerationis capaces. 322. à communione cœna excluduntur. 323. Infideles & impij manifesti à cœnâ arcedendi. 337. Intercessio Christi pro nobis in cœlis. 240 241. qualis sit. 242. Ira Dei quid. 75. eâ nuda creatura sustinere nequit 92. 95. ejus onus quatenus Christo impositum dicatur. 96. Iustificare quid. 283. Iustificatio per Christum communis etiam fidelibus V.T. III. seqq. Paulus ab eâ excipit omnia opera tui Legis, tum etiam Evangelij. 135. fit per fidem solam. 283. 284. impulsiva ejus externa, sive causa meritoria & materialis, est satisfactio, justitia & sanctitas Christi. 285. quomodo precedat renovationem naturæ, sive respicientiam. 300. 314. 315. 345. geminam conditionem requirit. 300.

Iustitia Dei non contrariatur misericordia ipsius. 82. 209. quatenus ei opponatur. 83. vindicans peccata Deo est naturalis. 83. 84. 224. ira & furor in Scripturâ vocatur. 225. Christi nobis imputatur in justificatione. 285. recte dicitur donari propter satisfactionem ipsius. 277. Iustitia Originalis in homine quid sit. 30. fuit homini integro naturalis. 33. seqq. 41. seqq.

L.

Lapsus fidelium quales censendi. 230. Lex Natura non sufficit ad peccati agnitionem. 23. Moralis deducit ad eam agnitionem. ibid. idque per antithesin ad vires & actiones humanas. 24. Summa ejus comprehenditur dilectione. ibid. quatenus precipiat fidem in Christum. 40. obligat hominem corruptum simul ad obedientiam & ad penam. 70. homini corrupto eâ prestitum impossibile. 74. satisfactionem per sponsorem non docet, sed nec improbat. 87. non est proprium objectum fidei. 126. Lex Moysis perfecta. 353. nec à Christo correctâ. ibid. Liberatio Hominis quid. 85. non fit nisi per Satisfactionem. 86. per quem obtingat. 92. seqq. Soli credentes eâ potiuntur. 116. seqq. Liberum Arbitrium in statu peccati quid possit in actionibus spiritualibus & civilibus

civilibus, & quo discrimine. 62.
 post lapsum homo nullum habet
 theologice. 67. corrupti viros qua.
 ibid.
 Lucta fidei est nota vera fidei. 128.

M.

Media subordinata Electioni qua.
 260. 261. Reprobationi qua.
 263.

Mediator inter Deum & hominem non
 potest esse nuda creatura. 91. qua-
 lis esse debeat. 92. cur verus & ju-
 stus homo. 94. cur simul verus
 Deus. 95. potest esse pars offensa.
 96. est solus Iesus Christus. 97.
 98. ejus ordinatio & unctio. 171.
 Merces qualis detur pro bonis operibus.
 298.

Meritum Christi verè fuit satisfactio pro
 peccatis. 223. 224.

Metonymia Sacramentalis quid. 318.

Ejus exempla. 319.

Miseria & culpam & penam notat. 21.

de eà qua hominum est hìc agitur.

ibid. ejus agnitio prima est. ibid.

complectitur servitutem peccati. 22

Misericordia Dei & justitia ejus non
 contrariantur. 82. quatenus justi-
 tia ei opponatur. 83.

Mori pro aliquo quid significet. 210.

Mors Christi solis electis, non omnibus
 & singulis hominibus prodest,
 206. seqq. 210. seqq. Quomodo
 pro omnibus sufficiens. 210. 211.

Quare necessaria. 221. 222. An
 ejus dignitas posset consistere et-

tiam si nemo servaret. 217. Non
 inferre separationem Deitatis à
 Natura Christi humana. 221.
 Quo sensu aeterna fuerit. 224.
 Morti Christi meritum salutis,
 Resurrectioni applicatio ejus in
 Scripturà adscribitur. 235. Ejus
 fines non sunt tantum Exemplum
 & οὐρανθεϊα. 226.

Mors temporalis quatenus per Christum
 sublata. 47. quo fine fidelibus ad-
 huc subeunda. 227. 228.

Mortale quotupliciter dicatur. 44.

Mortalitas non fuit homini integro na-
 turalis. 44. seqq. ea est ex pecca-
 to. 45.

Mortificatio veteris Hominis, qualis.
 229. 230. 348.

Mortuorum resurrectio qualis futura.
 277. 278.

Mundi vox ambiguè accipitur: & solos
 quandoque electos designat. 207.
 212.

Munus Christi triplex. 172. Sociniano-
 rum circa illud errores. 173.

N.

Natura humana depravatio est
 peccati primi effectum. 49. ejusdem
 depravata propagatio qualis. 50.
 51. pravitas ejus quanta. 60. tol-
 litur per regenerationem Spiritus
 S. 62. Divina Christi, quomodo
 in & extra humanam sit. 239.
 Humana, quomodo maneat uni-
 ta. ibid.

Naturalia pura sunt merù figmentū. 41.
 Neces-

RERVM & VERBORVM

Neceſſitas ex Providentiâ, & Contin-
gentia rerum creaturarum non pu-
gnant. 160. ſeqq. Fidei & Ba-
ptiſmi qualis ſit. 316.

Notitia vera fidei qualis. 120. gradibus
variat. 128.

Novatorum doctrina de Prædeſtinatio-
ne. 206. 207. refutatur. ibid.
ſeqq.

Novitioli in Veteri Eccleſia qui. 3.

O.

Obedientia Chriſti eſt vel Generalis
vel Specialis. 289. quæ etiam
Activa & Paſſiva dicitur. 97.
289. non eſt ſpecie diverſa. 289.
utraque ad Redemptionem & Ju-
ſtificationem eſt neceſſaria. 290.
non tamen ad diverſa *ἀποτέ-*
λεσμα producenda. ibid.

Obedientia nova ſtudium unde fluat.
16. actualis obedientia includi-
tur in promittitudine ad vivendum
Chriſto. 18. ab homine etiam
lapſo exacta & debita fuit. 70 o-
bedientia hominis non eſt modus
ſatisfactionis pro peccatis. 87. diſ-
fert à fide. 133. nec ſub eâ com-
prehenditur. 134. ejus initia tan-
tùm habent ſancti. 384.

Odium Dei & proximi peccatori natu-
rale eſt. 26.

Offenſa pars poteſt eſſe mediator. 96.

Vox Omnes vel reſtrictivè vel diſtri-
butivè intelligitur. 210.

Opera bona effecta ſunt vera fidei. 129.
nec in hujus definitione memoran-

da. 129. 130. ejus juſtificatione ad-
mitur. 295. regeneratorum peccatis
inquinata ſunt. 297. qualem mer-
cedem accipiant. 298.

Oratio Dominica non eſt additamen-
tum N. T. 361. quatenus precum
noſtrarum formula ſit. 390.

P.

Parentes qui in Script. dicantur. 30.
quomodo & quouſque honorandi.

371.

Paſſio Chriſti quouſque extendatur.
201. 202. cui Natura tribua-
tur. 203. cur corpori potiſſimum.
adſcribatur. ibid. juſtitiam &
vitam æternam nobis acquiſivit.

204.

Patri cur ſingulariter tribuatur Crea-
tio. 140. 150. & ſuſcitatio Chri-
ſti. 234. quatenus unus & ſolus
Deus vocetur. 146. cur dicatur
Omnipotens. 149. quatenus ſit
objectum fidei generale & ſpecia-
le. 150. 151. confidentia in ipſo
qualis. ibid.

Patribus in V. Teſt. promiſſa fuit vita
æterna. 103. ſeq. iidem eam præ-
viâ revelatione crediderunt &
adepti ſunt. 106. 107. ſciverunt
eſſe gratuitum Dei donum. 107.
quomodo ipſis promiſſa bona cor-
poralia. 108. peccata ipſorum
fuerunt expiata per Chriſtum.

109. etiam graviora. 110. quo-
ad æternæ quoque pœna reatum.
111. juſtificati ſunt per Chriſtum

I N D E X

non ex mera gratia. 111. seqq.
Peccatum an & quatenus piorum saluti
serviat. 17. agnoscitur tantum
ex Lege morali. 23. 24. est causa
mortis, & necessitatis moriendi.
 45. potest etiam esse pœna. 53. 71.
 73. 80. non omne est voluntari-
 um. 57. nec evitabile. 73. unum-
 quodque meretur summum suppli-
 cium. 83. quomodo quotidie ab ho-
 minibus augeatur. 89. 90. pa-
 trum in V. T. per Christum fuere
 expiata. 109. seqq. in eo quæ
 distinguenda. 159. Concurfus
 Providentia cum eo. ibid. 163.
 166. quomodo ingrediatur consi-
 derationem reprobationis. 262.
 263. Remissio eorum quid sit, &
 in quo consistat. 275. 276. Eo-
 rum abolitio quibus gradibus per-
 ficiatur. 227. 228. 230. Quo-
 modo sint in regenitis, quomodo
 item in irregenitis. 287. quare
 peccata debita appellantur. 398.
 Primi efficientes. 47. objectum &
 actus. 48. Locus ubi commis-
 sum. 49. Effecta. ibid. Originale
 singulari & plurali numero appel-
 lari potest. 51. non est peccatum
 metonymicè. 52. sed propriè di-
 ctum. 53. est pravitas natura ge-
 neratione propagata. 55. ejus
 causa lapsus Adami. 56. est pri-
 vatio justitiæ & injustitiæ habi-
 tus. 60. est causa sufficiens damna-
 tionis. 79. seqq.
Perfectio conversorum qualis. 383. per-
 fecti in Scriptura qui dicantur.

384. Evangelica ex sensu Nova-
 torum rejicitur. 384.
Perseverantia Sanctorum in fide quid &
qualis sit. 264. Electis propria est
 & quomodo eis insit. 265. Ejus
 causa. 266. Nititur gratiâ Dei,
 & merito Christi, non propriis
 ipsorum viribus.
Persona vox rectè de Deo usurpatur.
 141. divina quid. ibid. discrimen
 ejus ab essentia. 141. ab essentia
 & inter se. 142. increata & crea-
 ta. 143. trinitas personarum di-
 vinarum probatur. ibid.
Philosophia & Theologia discrimen in
tradendâ agnitione miseria. 84.
Pilati cur fiat mentio in Symbolo. 211.
Pœna peccati potest etiam culpa ratio-
nem habere. 53. 71. 73. 80. ira
 Dei ejusque executio qualis. 75.
 temporales & aeterna. 74 propor-
 tio ejus est ex objecto peccati. 82.
Possibilitas reconciliationis non tantum
est à Christo impetrata. 216.
Potestas clavium. 338. seqq.
Prædestinatio quid. 257. Ejus objectum
 homo creatus & lapsus. ibid.
 causa Impulsiva sola, & doctri-
 na Dei. 257. 258. comprehendit sub
 se Electionem & Reprobationem
 258.
Prædicatio Evangelii quomodo dicatur
medium gratiæ irresistibilis. 302.
 est clavis regni cœlorum. 338.
 339. Ejus usus & efficacia. 339.
 340.
Præsentia Dei cum creaturis gradus di-
versi. 155.
 Preca-

RERV M & VERBORVM

Precationis requisita. 389. *affectus precantis quales esse debeant.* 391.
Privatio donorum homini irrogata est simul pœna & culpa. 71. 73. *eam homo meritus est.* 71.
Proclivitas & propensio ad peccatum in statu peccati. 60. *quo discrimine reperiatur in irrogenito & regenito.* 64.
Promissio Mediatoris quibus gradibus facta in V. T. 100. *vita æterna facta & credita Patribus in V. T.* 103. *seqq. de bonis corporalibus communis in utroque Testam. sed cum discrimine.* 108. *Promissio Evangelii de R. P. iustitia & V. Æ. est proprium objectum vera fidei.* 126. *sequitur & comitatur fidem.* 130.
Propagatio naturæ corruptæ quomodo & quibus gradibus fiat. 50.
Providentia quid significet. 154. *efficacia ejus.* 155. *Actus formales.* 155. 156. *objecta.* 157. *quatenus distinguatur queat in Universalem & Particularem.* 158. *efficiens ejus.* *ibid. concursus cum peccato.* 159. 163. *non tollit rerum creaturarum contingentiam.* 160. *seqq. complectitur etiam spiritualia beneficia* 162. *fructus ejus.* 164.

R.

Ratio nequit judicare de divinâ natura Christi. 198.
Reatus peccati unde in nobis existat. 22. *ex peccato Originali qualis in*

nos derivetur. 71. *reatus pœna æterna expiatus Patribus in V. T.*

III.

Reconciliatio solis electis à Christo impetrata est, & iisdem applicatur.

214. 215. *seqq.*

Recordatio mortis Christi in Cœna qualis.

329.

Redemptio cur singulariter tribuatur Filio Dei. 140. *eius ratione Christus est Dominus noster.* 188. *objectum ejus.* *ibid. causa instrumentalis & meritoria* 189. *termini à quo & ad quem.* *ibid. Redemptio Christi est propriè dicta redemptio.* 190. *seqq. non metaphorica.* 191. 192.

Regeneratio in hac vitâ imperfecta. 287. 288. *Regenerationis lavacrum cur baptismus dicatur.* 318.

319.

Regeniti etiam quotidie peccato culpam augent. 89. *& eorum opera peccatis inquinata sunt.* 297.

Regnum cœlorum quomodo aperiatur & claudatur. 338. 339. *seqq. Regnum Dei & ejus adventus triplex.* 395.

Religio unde dicta. 3. *quid sit.* 4. *cur Christiana vocetur.* *ibid. hac quomodo Sociniani describatur.* 10. *à Deo patefacta est, & cur.* *ibid. auctor Christus & quomodo.* 11. *Veritas ejus in quibus consistat & unde ostendatur.* 12.

Remissio peccatorum quid sit. 275. *quomodo gratuita.* 275. *idem est, quod imputatio iustitiæ Christi.* fff 3. 285.

I N D E X

285. quomodo pracedat renova-
tionem. 314.
Reprobatio rectè continetur nomine
Prædestinationis. 258. quid &
qualis sit. 261. Media ei subor-
dinata. 263.
Reprobi quomodo teneantur credere,
Christum pro se esse mortuum.
213. 214.
Resipiscencia quo sensu prior, quo poste-
rior justificatione. 135.
Resistibilis gratia ex mente Novato-
rum. 303. refutatur. 303. 304.
Resurrectio Christi. 232. 233. Quis
fructus. ibid. Fidelium qualis fu-
tura. 277. 278. qualis infidelium.
278. Eadem corpora resurgent.
279.
S.
Sabbatho quid morale, quid cere-
moniale insit. 370.
Sacerdos fuit Christus in terrâ quoad
ἱλασµὸν, & in cælo quoad ἐµφά-
νισµον. 241.
Sacramenta quid. 306. quare sancta &
visibilia sigilla 306. 307. insitam
vim non habent. 307. Sacramen-
talis phraseologia. 330. Sedes tropi
in copula est. 331.
Sacrificia & victima V. T. non fuerunt
satisfactoria pro peccatis hominum
91. 110. adumbrarunt Christi
sacrificium. 114.
Salutis via qua. 11. eadem in V. &
N. T. 103.
Sancti habent tantum initia obedientia.
384. qui proprie dicantur. 264.

Eorum communio cum Christo &
inter se. 274. 275. in hac vitâ
imperfecta est. 287. 288.
Sanctificatio cur Spiritui S. tribuatur
singulariter. 140.
Sanguine Christi ablui. 313. seqq.
eum bibere quid sit. 325. 326. &
quare sic dicatur. 326.
Satisfactionis modus post lapsum. 87. e-
jus necessitas non pugnat cum li-
berate Dei. 88. Legalis, homini-
bus impossibilis. 89. 90. pro solis e-
lectis, non pro omnibus & singulis
est præstita. 206. seqq. 210. seqq.
vera & rationi consentanea est.
223. est causa meritoria justifica-
tionis. 285.
Servitus peccati unde, & in quâ faculta-
te existat. 22. à Catechesi asser-
ta est 92. qua de eâ notanda. 63.
non est in voluntate solâ, sed in o-
mnibus facultatibus. 66. de libe-
ratione ab eâ agit quoque Cate-
chesis. 88.
Sessio Christi ad dextram Patris quid
significet. 242. 243.
Sociniani fundamentaliter errant circa
doctrinam de satisfactione Christi.
222.
Solâ fide quomodo dicamur justificari.
283. 292. seqq.
Spiritus S. fidei autor singulariter. 122.
301. cur ipsi tribuatur sanctifica-
tio. 140. vocatur Deus in Scri-
pturâ. 147. efformavit Huma-
nam Naturam Christi, & quo-
modo. 195. 196. cur arrhabo hæ-
reditatis nostra dicatur. 240. Cur
Spi-

RERVM & VERBORVM.

Spiritus, & *sanctus* peculiariter dicatur. 246. est persona Deitatis. 248. 249. pro donis sape in Scripturâ sumitur. 249. quo sensu sit virtus Altissimi. 250. sumitur aliquando pro Euangelio. 251. Sufficiens mortis Christi pro omnibus qualis. 210. An diabolis quoque applicari possit. ibid. Supplicia summa quæ. 82. quatenus talia mereantur singula peccata. 83. Susceptores Catechumenorum qui. 3. Symbolum Apostolicum unde dictum 138. est summam objectum fidei iustificantis. 136. complectitur omnes articulos creditu necessarios. 137. cur Confessio fidei vocata. 138. ejus distributio. 139.

T.

Testamento utrique communes promissiones de bonis corporalibus, sed cum discrimine. 108. idem modus justificationis 111. seqq. Testamenti veteris promissio fuit vita Aterna. 103. seqq. etiam fidei in Christum meminit. 113. Theologia & Philosophia discrimen in tradendâ agnitione miseriæ. 84. Trinitas Personarum & Unitas Essentia in divinis non pugnant. 140. 145. Trinitas probatur. 143. defenditur. 146. seqq. Trinus quatenus dicatur Deus. 142.

V.

Verbum Dei Objectum fidei generale est. 125.

Veritas Religionis in quibus consistat, & unde ostendatur. 12. *Victima* legales nulla peccata expiârunt. 91. 110. adumbrarunt sacrificium Christi. 114. *Vindicta* privata, non quæ per Magistratum fit damnatur. 373. *Visibilis* quo sensu dicatur Ecclesia. 256. *Vita aterna* Patribus in V. T. fuit promissa. 103. seqq. eam præviâ revelatione iidem crediderunt & adepti sunt. 106. sciverunt esse gratuitum Dei munus. 107. Inchoatur in hac vita, consummatur in alterâ. 280. 281. quomodo merces dicatur. 298. *Vivificatio* quomodo actus Dei, & noscer. 350. *Vnctio* ordinationem ad munus mediatorum & necessariorum donorum collationem significat. 170. *Unio* cum Christo qualis sit. 327. *Unitas* Essentia & Trinitas Personarum in divinis non pugnant. 140. 145. unitas essentia probatur. 143. *Universalitas* redemptionis, & satisfactionis Christi ex mente Novatorum. 206. 207. 208. refutatur. 208. seqq. *Vnus* quatenus dicatur Deus. 202. *Voluntarium* non est peccati formale. 57. *Voluntas* Dei quid. 396. quomodo eam facere dicamur. ibid. *Voluntas* humana ex creatione bona fuit etiam morali bonitate. 36. seqq. post lapsum corrupta est. 65. non sola subiecta est servituti peccati. 66.